

2-13

2-65



13  
—  
66











IN OMNES DIVI  
PAVLI APOSTOLI, ET  
ALIAS SEPTEM CANONICAS EPI-  
STOLAS R. P. FRATRIS AMBROSII  
CATHARINI Politi Senensis, Epi-  
scopi Minorienfis, com-  
mentaria:

*Cum indice totius operis, ordine alphabetico compendiosè verborum  
ac rerum præcipuarum summam  
complectente.*



*Visto L707c*

P A R I S I I S,

Apud Claudium Fremy, via Iacobæ, ad insigne  
diui Martini.

M. D. LXVI.

*don andres  
marique*



IN OMNES DIVI

PAULI APOSTOLI ET

ALIAS SEPTENTRIONALES ET

STOLAS ET P. FRATRES AMBROSII

EPHRAIMI ET

IOHANNIS

THEOPHILI

ET ALIOS SEPTENTRIONALES ET

STOLAS ET P. FRATRES AMBROSII

EPHRAIMI ET



PARISIIS

APUD CLAUDIUM FRONCEM IN JEHOVIA ET

ALIOS SEPTENTRIONALES ET

M. D. LXXV

de  
fron



AD SANCTISSIMUM D. N. IULIUM TERTIUM  
PONT. MAX. COMMENTARIORVM IN OMNES  
epistolas B. Pauli Apostoli, & septem canonicas, R. P. F. Am-  
brofij Catharini Politi Episcopi

Minorien.

P R A E F A T I O.



Q UOD tam multa cū veterum, tum recentiorum in Epi-  
stolas B. Pauli commentaria, quæ prostant, non me deter-  
ruerint quin ego nostra quoque illis adiūgerem: si quis mi-  
hi ob hoc duntaxat, vitio aut vituperio verterit, videat ne  
mecum simul innumerabiles, & quidem grauissimos au-  
thores vituperet. Nam quot fuerunt qui in omni genere disciplinarum non  
contenti priorum studiis, etiam ab illis tractata retractauerunt? Qui si eam  
ob causam deterriti fuissent, nihil haberemus siue artium, siue scientiarum  
perfectum. Siquidem longitudine temporum, & plurimorum opera ac la-  
bore omnes artes atque scientiæ incrementum, perfectionemq; suam paula-  
tim suscepere. Nulli enim authorum vnquam adeo fœlices extiterunt, vt in  
quauis subiecta materia ita cūcta tractauerint, ita singula idoneè, perspicuè,  
exactè, ac sine vllō penitus errore expēderint atque explicuerint, vt venien-  
tibus meditādi noua, & interdum etiam meliora inueniendi atque cudēdi  
locum omnem præcluserint. Quocirca, cū (vt habent vera Philosopho-  
rum prouerbia) facile sit inuentis addere, & circa difficilia versari sæpius ac  
speculari nō sit inutile, & in aliorum erratis deprehēdendis multo quā in  
nostris omnes simus oculatiores: tantō minus hæc posteriorum diligētia in  
sanctarum scripturarum interpretatione iure potest reprehendi, quantō hæc  
propter magnam sui obscuritatem, & sensuum sublimitatem atque fœcun-  
ditatem, & malè illas tractantium peruersitatem, multo maiore indigent a-  
nimaduersione. Quam ob rem si dixerim multitudinem scribingentium non  
modo me à scribendo non deterruisse, verū etiam plurimum incitasse, mi-  
nimè à veritate discesserim. Nam si nostræ ætatis tractatores spectemus (qui  
numerus hodie multus est) eorum longè maior pars hæretici sunt, qui il-  
lud Principis Apostolorum oraculum suo facto verum fecere, dicentis, Es-  
se in his epistolis quædam difficilia intellectu, quæ indocti atque instabiles  
deprauant, sicut & cæteras scripturas, ad sui ipsorum perditionem. Hoc au-  
tem si vnquam, nunc potissimum apparet. Quis igitur neget operæpre-  
tium fuisse has hæreticorum redargui deprauationes, cū iam & vulgatæ  
sint, & à multis passim legantur? Hoc verò à me magna ex parte effectum  
esse, non somniculosus lector facilè potest animaduertere, & (quod pul-  
chrum est) sanè perspicere, vel ex ipsis iisdem locis eos iugulari atque pro-  
sterni, quibus illi maximè contra nos & impudentissimè innituntur. At i-  
stud qui scripsere priores, indicare non valuerūt, cū nec hæc quæstiones o-  
lim mouerentur, nec omnes istorum fallaciæ atque argutiæ obiectarentur.  
Nō enim negamus si aut illi maiores in hæc nostra tempora incidissent, aut  
suis ipsorum temporibus agitata hæc controuersia fuissent, quin valuissent  
pculdubio & luculētius, & absoluti⁹ id præstare, quod nos elaborauimus.



B. ille Augustinus tametsi in variis suis opusculis cuncta ferè illarum Epistolarum loca tractauerit, non tamen perpetua edidit cōmentaria: neque contra hos qui nūc nati sunt, sed contra Pelagianos hæreticos, quibus isti maxime aduersantur, & in aliud extremum sese præcipitant, potissimū disseruit: quanquam etiam hos sæpenumero, sed variis in locis sparsim, suis sententiis perstringit. Quæ autē in tomis D. Hieronymi adiecta sunt ad ipsas Epistolas commentaria, non esse Hieronymi, Pelagiana hæresis, quæ ibi astruitur, satis declarat. Vnde quidam nō iniuria Pelagium eius operis authorem credidēre. B. autem Ambrosius, utpote cōcisus & brevis nec disputator, locum reliquit aliis. B. Chrysostomus, ut solet, nō tam commentator ad studiosos, quàm concionator ad plebem: nec tam dogmatum, quàm morum doctor apparet. Denique res ipsa palàm attestatur, nūquam quicquam tam enucleatè patefactum fuisse in Ecclesia, sicut ea quæ in cōtrouersiam adducta, doctorum disputationibus hinc inde sapius versata sunt, & ad minutum expesa, præsertim si cum hæreticis actum sit. Nam eò vsque profuit cōtentio, ut pleraque in Catholicorum libris obiter offenderētur, quæ doctos pariter ac pios offenderēt, nisi posteriorū disputationibus veritas illuxisset. Quam ob rem hoc pacto illos interdum D. Augustinus excusare solet, quòd non exactè tunc rem tractauerint, cum de ea nulla esset in Ecclesia exorta cōtentio. Et re vera hæreticorum disceptationes semper acuerunt nostrorum ingenia: & argumenta mouētes dederunt locum inquisitioni atque inuētioni veritatis, incēderuntq; multos ad studia & scrutationē scripturarum. Nam ob hoc ipsum (ut elegāter idem Augustinus admonet) permittit Deus venire hæreticos, ut per illos exerceantur Catholici, euadāntque multò peritiores, & aduersarios gloriosè prosternant. Hoc à nonnullis nostra ætate sceleratè esse præstitum, liuidus sit qui neget. Extant enim præclaræ D. Ioannis Episcopi Rossensis & Martyris disputationes, quibus Lutheranas & Oecolampadianas blasphemias ita doctè atque eleganter excussit, ut nemo prudens non illas dignas anathemate sanè perspiciat. Ioannes item Cochleus Germanus, qui iam perpetuos triginta annos fortis in acie stetit aduersus istos Ecclesiæ hostes, ita illos perstrinxit, eorūque insaniam, & venenosam doctrinam, spurcāque vitam, ac mores sacrilegos ita traduxit, ut æqui & candidi animi lector plenissimè persuasus euadat. Verū non erat hic locus ut omnes qui cum laude aduersus hæreticos scripsere, recenserem: hoc solummodo ad rem attinebat. Quia hæretici in commentariis suis ad scripturas, & præsertim ad Paulum, suos illos disseminarūt errores, iccirco hoc à plerisque desiderabatur, ut & nostri quoque haberent in commentariis, quòd ex ipsa scriptura responderetur illis, & confutarentur, dum verior Apostoli sensus commodius declaratur. Nam (quod silentio præterire non valeo) etiam ex nostris, qui post subortas hæreses sua edidere commentaria, non defuerunt qui in plerisque à catholica veritate recesserunt, hæreticis in quibusdam fauentes: & nonnulli qui dum Lutheranos scopulos deuitant, in Pelagianos & alios peregrinos errores incurrunt. Quam ob rem cum ad confutandum aliena, tum ad confirmandum nostra, denique ad aperiendum



in plerisque locis verum ac germanum sensum Apostoli, qui multos latebat, id oneris mihi sumere non inutile sum arbitratus, nihil eorum quæ ad hanc rem pertinerent, pro viribus prætermittens. Legi enim veterum pariter & nouorum expositiones. Cōsului vt veram lectionem deprehēderem, & Græcos codices, & eruditorum annotationes, qui circa veritatem literæ laborarunt. Et licet ego veterem ac vulgatā editionem omnino magis probem, atque illam interpreter: nō tamen adeò durus esse volui, vt siquid fortè emendatius in antiquis, aut Græcis codicibus viderim, illud despexerim, cū planè nouerim hac in re à plerisque in vtranque partem peccari. Caietanus nusquam, ne latum quidem vnguem, à codicibus Græcis, qui nunc extant, recedit: tametsi nonnunquam & in hoc fallatur, putans ita haberi in Græcis, cū ita non habeatur. Erasmus etiam in multis iure fuit reprehensus, quod nec ille valuit inficiari. Vnde & quintam fabricauit editionem, necdum tamen omnino fidelem. Et iam illud extra controuersiam est, Græcos codices & olim & hodie in multis inter se non conuenire, sicut nec etiam Latini conueniunt: quod diligentia multorum tandem compertum est. Illud ergo præcipuè mihi curæ fuit, verum Apostoli sensum pro viribus explorare, assequi, proferre, ac simul ostendere nullum magis cum nostræ ætatis hæreticis pugnare, quàm Paulum ipsum. Nec fuit in animo semper varias textus lectiones adducere, nisi vbi opus esse perspicere. Nec cunctorum libuit expositiones recitare, aut expēdere: sed ex pluribus illam vbique deligere quæ sincera, & ex mente authoris, dignaque Apostolico spiritu videretur: denique talis, quæ sua luce non socordi lectori facillè posset ita se commendare, vt si fortè aliæ occurrant, sola collatione meritò despiciendas atque explodendas esse pernoscat. De stylo autē ac dictione, selectisque verbis, fateor me non admodum fuisse sollicitum, tenens illud Apostoli: Non in doctis humanæ sapientiæ verbis, sed in doctis Spiritus. Abundè enim omnibus me satisfacturum putaui, si ita sermonem temperarem, vt neque eruditi meritò fastidire, nec alij de cultu nimio conqueri valerent, quo minus res ipsa intelligi ac spectari queat. Cæterum, maleuolos & vitilitigatores, qui quæ non intelligūt, vituperant, & occasiones quærunt garrientes in angulis, ac detrahentes fratri suo gratis, iam nihil moror: iamdiu enim in his obcallui, & causam meam, id est, veritatem commendauī Deo. Non enim propter hoc oportet quenquam absterreri ab opera vtili ac studiosa, cū sit scriptum: Qui ventos obseruat, nunquam seret. Nam quæ Magister quidam nostri nominis detractor in sua quadam apologia, & suis ad Romanos commentariis, parum religiosè ac minus doctè aduersum nos & scripta nostra effutiuit, non sunt mihi visa digna quæ in nostris rememorarentur. Etenim iam in Expurgatione nostra, & in Disceptionibus ad illum, arbitror esse ita discussa & confutata, vt sese ac sua tuendi nullus sit penitus ei locus relictus. Quod cū ille iam sanè (vt opinor) perspexerit, significauit mihi per literas, constitutissimum sibi esse ne verbum vllum quādiu vixerit, eorum quæ in illum rescripserim se lecturum. Quinetiam ne vllum quidem verbum expurgationis nostræ quam misi ad illum,



## PRAEFATIO

aduersus ea quæ in me, & doctrinam nostram ille olim calumniosè inscirè ac sophisticè differuerat, se legisse asserit. Quòd si res ita verè se habet (quàm quis hoc credat?) & stat sententia, ne vllam lineam (vt eius verbis vtat) scriptorum meorū se velle legere, & hoc pacto ipse sibi & aliis coram Deo satisfacere arbitratur: mihi quoque satisfactum esse confiteor. Bene valeat ergo, & nos ad rem nostram, vnde digressi sumus, redeamus. Quòd si quid aliud fortè per humanā incuriam, aut ignorantia, siue imperitiā mihi exciderit, quod sit vlla in parte à veritate alienū, syncerè & coram Deo, protestor nolle me illud quouis modo asserere, vel defendere: sed cū primum mihi idoneè ostensum fuerit, ingenuè respuere ac damnare, sicut in cunctis, quæ iam sunt edita, scriptis meis semper animo candido sum protestatus, vt & ego, & libri etiam nostri semper catholici sint. Nam vt apud beatum Augustinum legitur, Romanus Pontifex librum Cœlestij, vbi Pelagiana hæresis commēdabatur, catholicum ob hoc tantū pronunciauit, quòd vir ille eam hæresim inter illa posuit, de quibus se dubitare & instrui velle, & literis Pontificis consentire profitebatur. Si igitur ea protestatio hæretici libellum vbi error manifestè inerat, & perniciosus, & Pontifici notus, in foro tamen Ecclesiæ catholicum fecit, donec ille seipsum hæreticum prodidit: quid de nostris pronunciare debeat æquus censor, in quibus (Deo gratia est) nihil posse arbitror à quoquam quantumuis maligno reperiri, quod vel scripturis, vel ecclesiasticis diffinitionibus, vel communi Catholicorum doctorum consensui aduersetur? Si quid autem aliud fortè aut ineptum, aut superuacaneum imprudentius exciderit, meritò se inhumanum prodet qui humanæ conditionis immemor, & seipsum ignorans, non ducat dignum venia eum, qui cū plurima non ineptè tractauerit, aliquo fortè in loco humani quidpiam perpeffus sit. Quis enim etiam nobilium tractatorum non errauit aliquando? Quis omnibus, ac per omnia satisfecit? Detritum est iam in ore vulgi, sed verum prouerbium: Quandoque bonus dormitat Homerus. Satis mihi sit, & animum semper habuisse candidum, & de vigiliis nostris aliorum potius profectū, quàm meam gloriam in hoc mundo pro scopo mihi, teste Deo, proposuisse. Reliquum ergo erat vt id operis alicui dicarem. At cui, rogo, nisi cui potissimum debetur? Quis autem cui magis debeat, quoquò versum spectemus, fingi aut excogitari potest, nisi tu vnus, Iuli Pontifex maxime? Si enim ad me respicio, quid est ex me quod tibi non debeam? Nam cū tu omnium Dominus sis & Pater, mihi tamen præ multis etiam peculiarius & Pater, & Dominus es. Non igitur hæc tibi quasi discipulo donari dixerim, etsi aliquando hoc fueris, dum adolescens iuris ciuilis sapientiæ operam dares. Nam postquam penè à teneris ad rerum administrationem euocatus, & præclarissimis dignitatibus decoratus, longè me anteuertisti, & nunc in eum ascendisti gradum, quo nihil excelsius spectatur in terris, par est vt hæc tibi tanquam Domino, ac Patri, & Magistro dicentur: qua dicatione, te illam dignè probante atque acceptate, quodammodo sacra fiant, & metum irreligiosis buccis incutiant, ne ausint tanto in terris numini oblata & sanctificata violare.



Præterea res ipsæ quæ ibi tractantur, religiosæ, difficiles, arduæ: De Angelis: De peccato originali: De lege: De fide: De operibus: De cæremoniis: De Euāgelio: De iustificatione: De prædestinatione: De Ecclesia: De sacrificio: De sacramētis: De ordinibus: De pseudoprophetis, & pseudoapostolis: De aduentu Antichristi, & gloriæ magni Dei, & domini nostri Iesu Christi: De resurrectione mortuorum, & iudicio æterno: Denique de præceptis, & virtutibus, & vitiis: Res, inquam, ipsæ, & quæ de his disputationes occurrunt, neminem alium in terris reuiforem ac probatorem sibi poscebant, quàm te qui Petri fidem & cathedram tenes, & hac in re nec falli quidem potes, nec fallere. Nō est hæc adulatio, sed simplex nostræ fidei professio. Quod enim orauit pro Petro Dominus, ne illius fides deficeret, sed aliquando conuersus confirmaret fratres suos, hoc ad tuam istam excelsam sedem extendi, ne mini vnquam qui à Spiritu Dei sapientiam hauserit, dubium fuit. Hoc diuturnus in orbe Christiano vsus ab ipsius Ecclesiæ exordiis, cū maiores causæ (& potissimū quæ sunt fidei) & cognoscendæ & decidendæ ad tribunal tuum semper delatæ sint, validissimè cōprobauit. Quam ob rem rogo te beatissime Pater, quod & te, me tacēte, facturum spero, quia & me amas, & nostras vigilias non contemnis, si quando ab vrgentioribus vacaueris negotiis, & firmiore fueris valetudine, ne graueris hæc nostra percurrere. Non enim dubito per egregiam ingenij tui perspicaciam, & iudicij præstantiam, & eam quam tibi Dei Spiritus intelligentiam suggeret, sicut ipse Apostolicam sedem tenes, ita etiam Apostolicas, vt decet, sententias plenas sapientia ac vita penetrabis, planèque agnosces ad docendum, ad arguendum, ad corripiendum, ad erudiendum, vt perfectus sit homo Dei in iustitia, & ad omne opus bonum instructus, nihil excogitari possit aptius, nihil viuum magis & efficax, quàm tanti Apostoli cœlestis doctrina: vt meritò vel ipsi eius æmuli faterentur Epistolas quidem esse fortes & graues: & ipse de se illud prædicare non timuit: etsi imperitus sermone, non tamen scientia.

Quod autem de Epistolis diui Pauli dico, etiam de septem quatuor Apostolorum canonicis assero, quarum etiam enarrationes iis beati Pauli commentariis adiunxi, vt iustus tomus compleretur. Vna enim ibi fides agnoscitur, vnus spiritus, vna doctrina, quam dominus ipse Iesus Christus dignetur inferere in cordibus nostris, vt quæ nunc per speculum in ani-

gmate cernimus, reuelata eius gloria in cœlis, & in sempiternis illis sæculis contemplemur. Amen.

Vale semper fœlix, beatissime Pater.

\*

† iiij



**INDEX TOTIVS OPERIS ORDINE ALPHABETICO COM-**  
*pendiose verborum ac rerum præcipuarum summam complectens, quæ passim suis locis decla-*  
*rantur. Primus numerus, paginam. Secundus, columnam indicat. Columnæ autem ob*  
*summam sententiarum & fere perpetuam colligationem in breuiore par-*  
*tes, citra intelligentiæ & integri sensus iacturam, distribui non*  
*potuerunt. Aequus Lector boni*  
*consulat.*

**A**

**Abba.**



**BB A** Pater clamant veri Christiani in Spiritu sancto, pag. 74. col. 1.  
 Abba Pater duo vocabula, quibus vocatur Deus ab Apostolo Paulo, ut omnium Gentium & linguarum esse Deus & Pater declaretur, ibid.  
 Abba nomen Hebræum. ibid.  
 Abraham.  
 Abraham ex fide æternorum iustificatus est, 39. col. 1. 268. c. 1.  
 Abraham fuit typus & exemplum iustificationis, 43. c. 1. 2. 44. c. 2. 268. c. 2.  
 Abraham quomodo ex operibus iustificatus, & quomodo per fidem acceperit repromissionem, 45. c. 1. item p. 45. 46. & p. 47. item p. 268. c. 1.  
 Abraham fuit singularis quidam typus totius vitæ hominis Christiani, 271. c. 1.  
 Abraham fides commendatur, 47. c. 1. & 2.  
 Abraham veri filij, ad quos spectat cælestis promissio, quinam sint, 85. 86. item p. 268. c. 2.  
 Abraham benedictio data fuit ad omnium prorsus Gentium salutem, modo fidem illius imitaretur, 271. c. 1.  
 Abraham promissiones factæ, plures & diuersarum rerum, 271. 272. c. 1. 2.

**Abundare.**

Abundare in suo sensu quid verè significat, p. 119. col. 2.  
 Abundare antiquitus eò plus solebāt Prælati, quò abundantius in pauperes conferebant, 345. 346. col. 1.

**Abusus.**

Abusus Prælatorum multi, 417. c. 2.  
 Abusus in ordinandis ad sacros ordines passim & sine vllò delectu, 366. c. 2. 367. c. 1. 409. c. 2.  
 Abusus in dispensandis & conferendis ecclesiasticis indulgentiis, 354. c. 2.  
 Abusus in cantu indecenti & officiis ecclesiasticis reprehenditur, 319. c. 1. 364. c. 2.  
 Abusus maximè detestandus in templis Dei tempore supplicationis solèniū, vbi iam non conuenit populus ad diuinum cultum, sed ad strepitum, 399. c. 2.  
 Abusus religiosorum & regularium circa splendida & superba ædificia, 389. c. 1.  
 Abusus Aulicorum etiam ecclesiasticorum in turpitudine indumentorum & vanitate paganos & milites seculares superantium, 188. c. 1. 2.  
 Abusus turpissimus mulierum impudicissimo ornatu sese componentium taxatur & vituperatur, vbi adhibetur elegans B. Chrysostomi increpatio in huiusmodi vanitatem Christianis moribus indignam, 403. c. 2.

Abusus circa ornamenta muliebria ex Isaia seuerè à Deo castigatus comprobatur, 406. c. 1. & 2.  
 Abusus pictorū circa imagines, quas nudis membris indecèssimè pingunt in aris & præcipuis Dei templis taxatur, 600. c. 2.

**Acceptio personarum.**

Acceptio personarum quæ vitio vertitur, propriè quanam sit, 23. c. 1.  
 Acceptio personarum nulla erit in cælis, 323. c. 2.  
 Acceptio personarum vituperatur, 528. c. 2.

**Adam.**

Adam qua ratione dicatur forma futuri, 54. c. 1.  
 Adam in quo statu ante peccatum. 69. c. 1.  
 Adam accepit gratiā & dona spiritualia per Christum ante peccatum, 201. c. 2.  
 Adam in statu innocentie habuit reuelationem circa mysterium de Christo, 165. c. 1. & 201. c. 2.  
 Adam pro se & posteris dona differentia accepit, scilicet iustitiam originalem, & gratiam, 33. c. 1. 52. c. 2.  
 Adam promissit accepta dona se conseruaturū pro se & pro filiis suis, 52. c. 2.  
 Adam quomodo fuerit ille insipiens qui dixit in corde suo: non est Deus, 33. c. 1.  
 Adam terrenus & animalis quomodo dicatur, 201. c. 2.  
 Adam quomodo totum mundum in seipso intelligebatur continere, 50. c. 2. 51. c. 1.  
 Adæ peccatum nullo modo dicendum est fuisse à Domino Deo intentum, 56. c. 1.  
 Adæ dominatus in creaturas post peccatum longè diuersus à priore dominatu, si in iustitia & obedientia perseverasset, 181. c. 1.  
 Adæ peccatum quod intrauit in mundum, & per peccatum mors, quòdnam fuerit, 50. c. 2.  
 Adæ peccatum transiit actu, remansit reatu, 51. c. 2.  
 Adæ peccato nullo modo, nec pro vllò temporis momento subiucuit sanctissima Dei Mater, 51. c. 1.  
 Adæ peccato (ne illud incurreret) in gratiam Filij præseruata est B. Virgo ad sensum scripturarū, 128. c. 1.  
 Adam non fuisse seductum à serpente, sed Heuam mulierem tractatur, 407.  
 Adam peccante omnes peccauerunt, 37. c. 1. 50. c. 2. 50. 51. c. 1. 359. c. 2.  
 Adam peccante etiam nos omnes peccauisse recta interpretatione dicimur, 51. c. 1.  
 Adam prostrato & vulnerato etiā nos eius filij vulnerati sumus: quo in loco exponitur pulchra illa parabola in homine qui descendens de Ierusalem in Ierico incidit in latrones, &c. 36. c. 2. 52. c. 1. 2.



Adam moriēte omnes mori, & Christo refurgēt e omnes viuificari, quomodo intelligatur, 198.c.2.  
Ambitio.  
Ambientes prælaturas & sacerdotia ecclesiastica taxantur, 347.c.1. 479.c.1.2.  
Ambientes Episcopatus, excidentes post à gloria coincidunt in laqueum diaboli, 408.c.2  
Amen.  
Amen, quid significet, 2.c.2  
Amen dicitur Christus, 19.c.2. 209.c.2.  
Amicitia.  
Amicitia mundi repugnat amicitie Dei, 580.c.1.  
Amicitia quæ ex mundo est, tria mala habet, ibid.  
Amicitia omnis gaudet mutuo conuictu, p.600.  
c.2.  
Amicitia huius mundi inimica est Dei, 534.c.2.  
Amor.  
Amor rerum omnium fons & origo, 586.c.2.  
Amor Dei Patris summus erga homines in sola Christi cruce & acerbissima morte, nobis perfectè ostensus & expressus est, 138.c.1.  
Amor suiipsius radix est & peruersitas malorum omnium & flagitiorum, 67.68  
Amor Dei, & amor carnis & suiipsius quomodo adhuc insit homini spirituali, 67.c.1  
Amor Christianus quantam simplicitatem habere & seruare debeat, 547.548.c.1.  
Amor & dulcis sermo maiorum & seniorum mirificè incēdit ingenuos adolescentium animos ad subeundos varios labores, 424.c.1.  
Amore filiali, non autem seruili obtemperāt Deo qui verè sunt filij eius, 74.c.1.  
Anathema.  
Anathema propriè quid significet, p.84.c.1. 186.c.1.  
Anathema quādoque in bonam, sed sapius in malam partem sumitur, ibid. 186.c.1.  
Anathema esse quomodo B. Paulus optauit, 84.c.1.  
Anathema cur imprecatur Apostolus non diligenti aduentum Domini, 206.c.2.  
Angelus.  
Angelus quid sit, 5.c.1.  
Angeli vocantur Dij & Domini in scripturis, 170.c.2.  
Angeli Deo propinquiore vocantur altitudo, 83.c.1.  
Angeli habent suum modum loquendi, 190.c.1.  
Angeli septem præ cæteris electi, 418.c.2. 463.c.1.  
Angeli singuli singulis hominibus ad salutem assignati, 89.c.1. 462.c.2.  
Angeli spectatores actionum nostrarum, 117.c.2.  
Angeli orantibus assistunt, 181.c.1.  
Angelorum natura, gratia, & dignitas, 461.c.1.  
Angelorum quidam mittuntur à Deo immediatè, quidam autem per superiores Angelos, 243.c.2.  
Angelorum casus & lapsus historia explicatur, p.554. & seq.  
Angelorum Saluator Christus, quomodo dicatur, 334.c.1.  
Angelorum ministerio gentiles multi illuminati sunt, & salutem adepti, 15.c.2. 99.c.1. 276.c.2.  
Angelorum quadam amulatione per accidens potest impediri quorundam salus, 83.c.1.

Angelis reuelatum Christi vèteri mysteriū, quem adorare iussi sunt, 131.c.1. 334.c.1. 425.c.1. 436.c.2.  
Archangelus Gabriel vnus ex hierarchia suprema, 243.c.2. 462.c.2.  
Archangeli Michael, Gabriel, & Raphael tres ex septem primariis principibus, 462.c.2.  
Archangeli summi quandoque mittuntur, ibid.  
Anima.  
Anima est forma corporis, cui dat vitam. 201.c.2.  
Anima Christiani in luctu quasi vidua stare debet, donec redeat Spōsus cœlestis, 283.c.2. 405.c.1.  
Anima pro ipso homine non rarò sumitur in scripturis sanctis, 112.c.1.  
Animæ inest spiritus superbiæ, ibid.c.1.  
Animæ immortalitate posita necessariò sequitur mortuorum resurrectio, 273.c.2. f  
Animæ & spiritus appellatione, vna & eadem res prorsus significatur, 478.c.1.  
Animæ iustorum in gratia decedentium protinus beatitudine cœlesti fruuntur, 319.c.2. 330.c.2.  
Animarum zelus magnum sacrificium, 174.c.2.  
Antichristus.  
Antichristus qualis futurus, 458.c.2.  
Antichristi origo & miracula. 385.c.2.  
Antichristi mortem non statim consequetur extremi iudicij dies, ibid.  
Antichristi per Christi spiritum miraculosa interfectio, Isaia, Danielis, & Apostoli propheta ostenditur, 385.c.2.  
Antichristi præcursores noui hæretici, quorū blasphemia in Christi Vicarium retunduntur, ibid.  
Antichristi minister insignis Lutherus, exemplo a voto castitatis petito ostenditur, 599.c.1.  
Antichristi multi mox exoriuntur, vbi Christi gratia maximè prædicatur, 581.c.1.  
Antichristi præcursores Simon Magus, Hebion, &c. ibid.  
Apocrypha.  
Apocrypha quædam citare non imminuit scripturarum sanctarum auctoritatem. 601.c.1.2.  
Apostata.  
Apostata cōparatur cani & sui pecudi, 589.c.2.  
Apostatas & deserentes vitam spiritualem intelligit Apostolus eos, qui nequeūt renouari ad penitentiam, ex loco epistolæ ad Hebr. 300. & sequen.  
Apostolus.  
Apostolus propriè quid, 471.c.1.  
Apostolus primarius & omnium eminentissimus à Patre immediatè missus Christus, ibid.  
Apostolus fidelis quid facere teneatur, 471.c.2.  
Apostoli electi quasi rutilantia sydera ad testificandum luci, & fundandam fidem, 263.c.2.  
Apostoli post Christum, sunt aliorum credērium fundamentum, 305.c.2.  
Apostoli fuerunt in benedictionibus præcipui ratione apostolatus, qui habuerunt primitias Spiritus, 77.c.2. 291.c.1. 298.c.2. 396.c.2.  
Apostoli deliberatio sancta ex massa Israelitarum, p.104.c.2.  
Apostoli dicuntur cœli, 101.c.2.  
Apostoli de sua præsentī gratia certi, 145.c.2. & sequent.  
Apostoli editis miraculis fidem euangelicam verā



esse comprobabant. 141. c. 1. 2.  
 Apostoli non poterant errare in doctrina, 263. c.  
 2. 348. c. 1.  
 Apostoli multa ad caeremonias, pertinentia cōsti-  
 tuerunt, quæ per traditiones ad nos deuenerūt,  
 p. 41. c. 1. & 41. c. 2. 185. c. 2.  
 Apostoli vorum castitatis potentissime, B. Augu-  
 stino teste, vouerunt, 161. c. 1.  
 Apostoli postquam electi sunt ad Apostolatū,  
 nunquam re coniugij vti sunt, 128. c. 2. 161. c.  
 1. 172. c. 2. 343. c. 1.  
 Apostoli potestatem habebāt eorum sumptibus  
 viuendi, quibus prædicabant, 172. c. 1. & 2.  
 Apostolorū missio immediatē à Deo, 4. c. 2. 126.  
 c. 2. 243. c. 2.  
 Apostolorum proprium munus non fuit baptiza-  
 re, sed euangelizare, 136. c. 1. & 2. 137.  
 Apostolorum iurisdictio in populos, vnde orie-  
 batur, 231. c. 2.  
 Apostolorum statuta omninò seruanda, tāquam  
 à Spiritu sancto sancita, 164. c. 1.  
 Apostolorum traditiones per hæreticos spernun-  
 tur, & à populis deferuntur, 563.  
 Apostolorū potestas in criminosos, 152. c. 2. 299.  
 c. 2. 597.  
 Apostolorum legatio quid in summa cōtinebat,  
 221. c. 1.  
 Apostolorum sanctitas, qualis, 291. c. 1.  
 Apostolatus.  
 Apostolatus Christi eminentissimus, 471. c. 1.  
 Apostolatus varios esse gradus, 4. c. 1. 12. c. 2. 241.  
 c. 2. 471. c. 1.  
 Apostolatus illorum duodecim Apostolorum  
 quando perfectus fuit, 4. c. 2. 5. c. 1.  
 Arma.  
 Arma lucis quænam sint, 117. c. 2.  
 Armatura Dei, qualis, 324. c. 2.  
 Artes.  
 Artes liberales & scientias minime damnandas,  
 contra quorundam commentum, 139. c. 1.  
 Aulicus.  
 Aulici qui gloriam mundi ambiunt, quàm mise-  
 ri tandem inueniuntur, 148. c. 2.  
 Aulicorum genus miserum taxatur, 324. c. 1.  
 Auxilium Dei assiduū nobis ad vitanda pecca-  
 ta necessarium, 479. c. 1.

B

Baptismus.

**B**aptismus Christi, & baptismus Ioannis di-  
 uersi, 273. c. 1.  
 Baptismus aquæ, spiritus, & ignis, 483. c. 2.  
 Baptismus per aquam quomodo mundet animā  
 à peccatis, 320. 321. c. 1. 555. 556.  
 Baptismus continet fidei & totius religionis no-  
 stræ professionem, 135. c. 2.  
 Baptismus nonnunquam pro cruce & afflictioni-  
 bus accipitur, 200. c. 1.  
 Baptismi forma à Christo tradita omnino seruari  
 debet, 136. c. 1.  
 Baptismi effectus à Deo immediatē procedunt,  
 ibid.  
 Baptismi doctrina explicatur, & eius utilitas, 57.

c. 2. 276. c. 1.  
 Baptismi regeneratio nos facit membra Christi,  
 187. c. 2.  
 Baptismi mysterio, mors, sepultura, & resurrectio  
 Domini significantur, 58. c. 1. 135. c. 2. 288. c. 2.  
 314. c. 2.  
 Baptismi sacramentum suscipienti dat Deus iusti-  
 tiæ donum in veste candida significatum, & is  
 recuperat amissam Dei imaginem, 29. c. 2.  
 Baptismo tollitur omnino peccatum originale vt  
 iam non dominetur, contra hæreticos, 58. c. 2.  
 59. c. 1. 264. c. 2. 321. c. 2.  
 Baptismo communiter non extinguitur concupi-  
 scentia, sed ad meritum relinquitur, 59. 60.  
 284. c. 2.  
 Baptismum suscipienti, vt sancti doctores tradūt,  
 imprimitur character, 210. c. 1. 2.  
 Baptismum liberum esse dogmatizarunt quidam  
 recentiores hæretici, 255. c. 1.  
 Beatus & Beatitudo.  
 Beatus homo cui non imputatur peccatum, intel-  
 ligitur in spe, non in re. 44. c. 1.  
 Beatum esse qui credit, etiam si in peccato sit, dog-  
 matizant Lutherani, 44. c. 2.  
 Beatitudo qua non imputatur peccatum, propriè  
 de orig. peccato intelligenda, 44. c. 1. 2.  
 Beatitudinum tria genera complectitur Propheta  
 ex Psal. Beati quorum, &c. 44. c. 1.  
 Benedicere & Benedictio.  
 Benedicere Dei, est re ipsa benefacere, 291. c. 1.  
 Benedici minorem à maiore, quomodo propriè  
 intelligatur, 489. c. 1.  
 Benedictiones dicuntur dona, 391. c. 1.  
 Benedictiones legis gratiæ, non sunt terrenorum  
 bonorum quales Mosaica, sed cœlestiū, 391. c. 1.  
 Blasphemia.  
 Blasphemia quid sit, 32. c. 1.  
 Bonum.  
 Bonum duobus modis consideratur, 159. c. 1.  
 Bonum pro honesto & commodo quandoque ac-  
 cipitur etiam à scriptura, ibid. c. 1. 2.  
 Bonum sui ipsius est diffusiuum, 295. 296. c. 1.  
 Bonum æmulandum, sed bene, 279. c. 1.  
 Bonum quodcūque in nobis est, habet initium ab  
 ipso Domino Deo, 328. c. 1.  
 Bonum summum eius naturæ est vt dare semper  
 velit, non accipere, 395. c. 2.  
 Bonum facere coram Deo ex nobis quasi ex no-  
 bis nequaquam possumus, 214. c. 1. 440. c. 1.

C

Cæremonia.

**C**æremonia ad obseruantiam moralium in-  
 stituta, 41. c. 2.  
 Cæremonia multis de causis necessaria,  
 41. c. 2. 487. c. 2.  
 Cæremonia non respuuntur à lege fidei in nouo  
 testamento, sed potius admittuntur & præcipiū-  
 tur, 41. c. 2. 181. c. 1. & 2. 387. c. 2.  
 Cæremonia multa quæ in ecclesia seruantur, ab  
 Apostolis per traditionem acceptæ fuerunt,  
 41. c. 2. 487. c. 2.  
 Cæremonia legis Moyfi erant figuræ Christi ven-



turi, 42.C.1.359.C.2.  
 Caremonie legis Moyſi per aduentum Chriſti om-  
 nino ceſſarunt, & nunc mortifera facta ſunt,  
 257.C.1.  
 Caremoniarum tradendarum negocium com-  
 miſit Chriſtus ſummo Praefuli, quem ſui loco  
 reliquit in eccleſia, 41.C.2.487.C.2.  
 Caremoniarum multitudine quaſi ſub iugo pre-  
 mebantur Iudaei, à quo Chriſtus eos liberauit,  
 254.255.C.1.281.C.2.  
 Caremoniarum tradendarum curam commiſit  
 Chriſtus ſuo Vicario 41.C.1.2.487.C.2.  
 Caremoniarum multitudo potius ſuffocat ope-  
 ra ſpiritus & ſpiritum ipſum, quàm adiuuet,  
 281.C.2.  
 Caremoniis quaſi quibuſdam vinculis, in officio  
 olim continebantur Iudaei, 41.C.1.  
 Caro.  
 Caro Chriſti cur dicitur facta nobis ſignum no-  
 ſtrae ſalutis, 142.C.1.  
 Caro Chriſti glorificata qualis ſit, 244.C.2.  
 Caro Chriſti & Matris vna & eadem caro, ac pro-  
 pterea perfectè glorificata, 462.C.1.  
 Caro pro homine, 34.C.2.62.C.1.69.C.2.  
 Caro & ſanguis quid plerunque apud B. Paulum  
 ſignificare ſoleant, 252.C.1.  
 Caro dicitur homo exterior, 59.C.2.62.C.1.  
 Caro ex ſui natura ad ſeruiedum peccato propen-  
 ſiſſima, 68.284.C.2.  
 Caro potens ad captiuandum interiorem homi-  
 nem, niſi vigilet & reſiſtat, ibid.  
 Caro nihil boni ex ſe poteſt, 35.72.73.C.1.284.  
 285.  
 Caro noſtra quomodo & quatenus à nobis cu-  
 randa, 118.C.1.284.321.C.2.  
 Carnis gloria, 548.C.1.& 2.  
 Carnis opera, 285.C.1.  
 Carnis gloriatio quae vituperanda eſt, in quo po-  
 tiſſimum conſiſtat, 140.C.1.  
 Carnis prudentia, quae mors apud B. Paulum dici-  
 tur, quomodo intelligatur, 72.C.2.  
 Carnis primogenituram non ſolet conſiderare Do-  
 minus Deus, 91.C.1.  
 Carnis appetitum non ſequitur qui ſunt in Chri-  
 ſto, 71.C.1.72.C.2.284.  
 Carni hominis etiam ſpiritualis non ineſt perfe-  
 ctus in hac vita Dei appetitus, 65.C.2.66.  
 In carne eſſe quid ſignificet, 63.C.1.72.73.140.  
 Catholicum.  
 Catholica doctrina de iuſtificatione breuiter ex-  
 ponitur, contra Lutheranos, 257.258.  
 Catholica doctrina cum lutherana comparatur, 250.  
 Catholica doctrina de iuſtificatione magnificat  
 gratiam & beneficium Chriſti, contra Luthe-  
 ranos, 45.46.C.1.  
 Catholicè duo tenenda, Alterum quod Deus vult  
 omnem hominem ſaluum fieri: Alterum, quod  
 fides aeternorum & charitas Dei eſt remedium  
 neceſſarium ad ſalutem, 27.C.2.  
 Character.  
 Character inuiſibilis imprimitur in baptiſmo,  
 210.297.C.2.  
 Character Patris propriè dicitur Filius, non autem  
 Spiritus ſanctus, 457.C.1.

## Charitas.

Charitas propriè quid, 38.39.C.1.  
 Charitas eſt donum iuſtitiæ, per quod formaliter  
 iuſtificamur, 96.122.C.1.156.C.2.282.C.1.  
 Charitas non eſt ſine fide & ſpe, donis infulſis, ib.  
 Charitas in Deum & proximum eſt ſumma & im-  
 plementum totius legis, 39.C.2.64.115.118.C.1.  
 283.384.C.1.  
 Charitas in Deum requiritur maior à Chriſtianis,  
 quàm olim à Iudaeis, 49.C.2.41.  
 Charitas Dei quae efficit ut ſpes noſtra non conſun-  
 datur, eſt ea qua Deum diligimus, 49.C.2.  
 Charitas Dei erga nos ab eius beneficiis conſpici-  
 tur, potiſſimum in Chriſto ad mortem pro no-  
 bis tradito, 40.C.2.  
 Charitas Dei erga nos immenſa oſtenſa eſt in Chri-  
 ſto crucifixo, ibid. & 138.C.2.  
 Charitas Dei amittitur in multis propter varias tri-  
 bulationes, 82.C.2.  
 Charitas eſt via excellentior omnibus ad cælum  
 promerendum, 189.C.2.191.  
 Charitas dat vitam omnibus aliis virtutibus, 282.C.1.  
 Charitas ab effectibus eius cognosci potest, 190.C.1.  
 Charitas in omni noſtra actione tanquam dux eſ-  
 ſe debet, 109.C.1.190.191.205.C.1.362.  
 Charitas, qualis eſſe debeat, 108.109.177.C.1.393.  
 C.1.2.  
 Charitas honorat in fratribus Chriſtum, 204.  
 Charitas eſt finis legis Moſeos, 393.C.1.  
 Charitas Dei infulſa in homine, eſt arrha vitae aeter-  
 nae, 89.C.1.210.C.2.297.C.2.  
 Charitas nihil habet proprium, ſed omnia com-  
 munia, 131.C.1.132.188.C.2.  
 Charitas quomodo illuſtrior redditur & ſeru-  
 entior, 12.C.2.116.C.1.  
 Charitas ſine gaudio eſſe non poteſt, 122.C.1.  
 Charitas potiſſimum reſpicitur ad obrinendam æ-  
 ternam ſalutem, 189.C.2.  
 Charitas in cælo perficietur, 191.C.1.192.  
 Charitatis effectus admirabiles, 109.C.1.111.C.1.  
 188.CO.2.190.C.1.& 2.  
 Charitatis os per quod ipſa efficaciter loquitur, ſunt  
 opera bona, 98.C.1.  
 Charitatis mundanae effectus, peccata ſunt, 109.C.2.  
 Charitatis operibus teguntur venialia peccata quae  
 aſſiduè admittuntur, 44.CO.1.  
 Charitatis debitum nunquam extinguitur, ſed po-  
 tius augetur, 115.116.C.1.  
 Charitatis lex omnes prorsus aſtringit, 89.C.1.  
 Charitatis vnio in eccleſia ob priuatos doctores  
 non deſerenda, 134.C.1.  
 Charitatis ordo verus, contra vulgi opinionem,  
 84.C.1.  
 Charitatis opera ſunt ſatisfactoria pro pœnis pec-  
 catorum poſt primam gratiam, 44.  
 Charitatem communicare non poſſunt nobiſcū  
 niſi boni, 189.C.2.  
 Charitatē debemus omni conatu æmulari, expe-  
 tere, efflagitare ſuper omnia alia dona, 189.C.  
 2.190.191.362.C.2.  
 Charitate ſocia omnia noſtra fieri debent, 205.  
 C.2.  
 Charitate deficiente nihil ſufficit ad ſalutem, 189.  
 190.C.2.362.C.2.



Christus.

- Christus qua ratione dicatur fuisse missus à Patre, & rursus rediisse ad Patrem, 71. c. 2. 199. 312. c. 1.
- Christus est principale subiectum omnis prophetiæ actoris scripturæ. 6. 196. c. 2.
- Christus est summa totius legis Moyse, 39. c. 2.
- Christus est veluti liber in quo docemur quid nos agere debeamus, 314. c. 1. & 2.
- Christus dicitur sermo, mandatum, lex, & pactum in cordibus nostris digito Dei scriptum, 98. c. 2.
- Christus stabilivit legem suam euangelicam duobus modis: exemplo scilicet operando, & verbis prædicando, atque iubendo, 40. c. 1. & 2.
- Christus est finis legis, 29. 95. 96. c. 2.
- Christus quomodo dicitur præcognitus à Deo Patre, & quare, 80. c. 2.
- Christus ab initio prouisus à Patre atque decretus pro salute totius mundi, 27. c. 2. 293. 294. c. 1.
- Christus quomodo intelligatur occisus ab origine mundi, contra cuiusdam hominis deliri commentum, nostris temporibus sparsum, 37. c. 2.
- Christus etiam Adam non peccante venisset, 6. c. 2. 7. c. 1. 142. c. 2. 143. c. 1. & 312. & 335. c. 2. 349. c. 2.
- Christus est Dei Filius verus & naturalis, 83. c. 2.
- Christus dicitur primogenitus quatenus homo, & vnigenitus quatenus Deus, 81. c. 1. 349. c. 1.
- Christus quomodo simpliciter Dilectus, 296. c. 1. 348. c. 2.
- Christus de tribu Iuda ex sanctiss. Virgine, contra apocryphas historias, 490. 491. c. 1.
- Christus quomodo factus Patri ex semine Dauid, 6. c. 2. 7. c. 2.
- Christus prædestinatus fuit & quo pacto, 7. c. 1. 142. c. 2. 333. 353. c. 2.
- Christus cur dicitur venisse in mundum in similitudinem carnis peccati, 71. c. 2. 72. c. 1. 244. c. 1. 333. c. 2.
- Christus assumpsit miseras & pœnas peccati in carne sua, sed non ipsum peccatum, 72. c. 1. 244. c. 1.
- Christus deponens quod iure sibi debebatur, inde persoluit quod nos iniuste rapuimus, 72. c. 2. 333. c. 2.
- Christus missus est pro salute omnium hominum, 40. c. 1. 87. c. 1. 90. c. 2. 98. c. 2. 394. c.
- Christus à Patre constitutus mediator omnium hominum, non Iudæorum tantum, 74. c. 2. 87. c. 2. 90. c. 2. 98. c. 2.
- Christus sumpsit personam omnium nostrum, & reatum omnium peccatorum, 270. c. 1. 286. c. 2.
- Christus principalis mediator, redemptor, pastor, & magister omnium nostrum, 135. c. 2.
- Christus solus est summus propheta, 5. c. 2.
- Christus primarius Apostolus, sacerdos, hostia, & rex, 2. c. 2. 316. 454. c. 1.
- Christus appellatur, Amen, 19. c. 2. 209. c. 2.
- Christus verum & primum caput ecclesiæ, 135. c. 1. & 2. 299. c. 2.
- Christus est lapis summus, & vnicum fundamentum, cui omnia aptari debebant, 95. c. 2. 305. c. 1.
- Christus est tabernaculum Dei viuum, 44. c. 2.
- Christus est Sol mundi, 117. c. 1.
- Christus est gloria Patris, 6. c. 2.
- Christus ostenditur verus Deus, 6. c. 1. 73. 47. 85. 176. 245. 244. 312. 437. c. 1. 463. c. 2. 472. c. 1. & 2.
- Christus quomodo minoratus ab Angelis, 495. c. 1. & 2.
- Christus ea deliberatione seipsum morti tradidit vt pro omnibus prorsus satisfaceret, 40. 41. 87. 88. 89. 90. 98.
- Christus per suum sanguinem satisfecit pro nobis Deo, diabolo, peccato, & morti, 37. 348.
- Christus est verus medicus nostrorum morborum & medela, 35. c. 2.
- Christus quomodo factus peccatum pro nobis, 221. c. 2.
- Christus corpus suum in vltima cœna sacrificauit, 184. c. 1.
- Christus per mortis passionem, gloria maiore & corona potitus est. 70. c. 2. 334. c. 1.
- Christus fuit mensa parata in salutem Iudæorum, 103. c. 1.
- Christus solus tollit mundi peccatum originale, 237. c. 1. 2. 245. c. 2.
- Christus offertur omnibus hominibus ad salutem, 226. c. 2.
- Christus per resurrectionem factus gloriosus, vt iam non dicatur homo, 244.
- Christus meruit vt sanctorum merita possent aliis applicari & prodesse, 230. c. 2. 237. c. 2. 244. 352. c. 1.
- Christus redemit nos à dominatu carnis, 73. c. 2.
- Christus qua ratione dicatur homo de cœlo cœlestis, 201. 202. c. 1.
- Christus qua ratione dicatur descendisse de cœlo, 312. c. 1.
- Christus dicitur pater noster & mater, 279. c. 2.
- Christus quomodo salubriter inuocetur, 98. c. 2.
- Christus tribus modis potest in omnibus hominibus considerari, 41. c. 1.
- Christus quomodo nobis appropinquat, 97. c. 1.
- Christus est Samaritanus, qui curauit spoliatum à latronibus & vulneratum, 36. c. 2.
- Christus proximus noster, in quo omnes facti sumus proximi, 40. c. 2.
- Christus ipse mendicauit, 227. c. 1.
- Christus, vt homo, peculiariter Dominus dicitur, 9. c. 2. 120. c. 2. 170.
- Christus cur in terris agens noluit iudicare in cauis sæcularibus, 155. c. 1.
- Christus non venit innouare ciuiles leges, & sæculares constitutiones, ibid.
- Christus vt homo, dicitur traditurus regnum Deo & Patri, 199. c. 2.
- Christus quo sensu dixerit se diem iudicii nescire, 141. c. 1.
- Christus est vera promissionis terra Abraham promissa. 46. c. 1.
- Christus est terra viuentium, 84. c. 2.
- Christus mysticus dicitur ipsemet cum tota ecclesia, 187. c. 2. 342. c. 2.
- Christus mysticus quomodo & quando scinditur, 155. c. 1.
- Christi incarnatio Angelis ante tempora sæcularia fuit reuelata, 131. c. 1. 334. 425. 436. c. 2.
- Christi sanctitas qualis, 289. 290. c. 1.



- Christi sanctificatio & generatio duplex fuit quatenus homo, 7.244.349.c.1.  
 Christi infirmitas in carne non erat adque magnis diuinæ potentia signis, 142.c.1.  
 Christi lex propriè quid, 286.c.1.  
 Christi beneficium non nisi credentibus applicatur, 36.c.2.237.c.2.  
 Christi ad peccatum Adæ antidotum, 460.c.2.  
 Christi gratia & donum quomodo superauit ipsius Adæ peccatum, 54.  
 Christi statuta in euangelio expressa firmissime seruanda sunt, nec potest in his ab homine dispensari, 164.c.1.  
 Christi omnia facta non sunt ab omnibus imitanda, 183.281.c.2.  
 Christi membrum esse nequit qui fide caret, 188.c.1.  
 Christi membrum esse non definit qui charitatem amiserit, modo fidem retineat, quomodo intelligatur, ibid.  
 Christi esse peculiariter dicuntur perfecti, 385.  
 Christi merita ad omnia anteriora tempora se extenderunt, 37.c.2.175.c.2.  
 Christi incarnatio, & resurrectio, duo articuli, quibus continentur reliqui, 97.c.1.  
 Christi oblatio quomodo facta prius pro suis, tum pro populi peccatis, 492.493.  
 Christi morte locupletatus est mundus, 104.c.1.  
 Christi aduersus diabolum victoria, 469.c.1.  
 Christi ossa non comminuta quid, 321.322.  
 Christi sepulchrum quomodo gloriosum, 125.c.2.  
 Christi mors & sepultura quid in nobis significet, & requirat, 270.c.2.  
 Christi mors & resurrectio in baptismo significatur & operatur, 58.314.c.2.  
 Christi mors & resurrectio quomodo profuit ad remissionem peccatorum, & iustificationem nostram, 48.c.1.  
 Christi caro per resurrectionem, qualis, 244.c.2.  
 Christi humanitas quo pacto intelligatur ascendisse super omnes cælos, 312.c.1.  
 Christi eminentia præ Angelis, 458.c.2.462.c.1. & 2.  
 Christi aduentus ad iudicium sciri à nobis non potest, 387.c.382.383.  
 Christi aduentum certa quadam signa præcedere quæ nondam apparent, 387.c.1.  
 Christo tria præcipuè aduersabantur tempore primitiæ ecclesiæ, 356.c.2.  
 Christo conformari debet in via, qui conformis esse cupit in patria, 339.427.c.2.  
 Christo variè subiecta sunt omnia, 299.c.1.  
 Christum spiritualiter fuisse verum Iudam, 28.c.2.30.c.1. & 2.  
 Christum legislatorem fuisse impiè negant noui hæretici, Lutherani, 257.c.2.  
 Christianus.  
 Christianus in gratia existens duplicem vitam vivere dicitur, 146.c.1.  
 Christianus in gratia existens, quomodo dicatur malum facere inuitus, 66.284.  
 Christianus post gratiam acceptam imputatur de negligentia si pugnare negligat, ibi. & 67.c.1.  
 Christianus quomodo dicatur seruire mente legi Dei, carne autem legi peccati, 69.71.c.1.  
 Christianus sentit dissidium inter carnem & spiritum, 66.c.1.284.  
 Christianus qualem statum assequutus sit in nouo testamento, 70.c.1.72.c.2.  
 Christianus non tenetur ad perfectionem illam primi status innocentia, 70.c.1. & 2.  
 Christianus à Iudæo quid differat, ibid.  
 Christianus qua ratione deterioris vel melioris sit conditionis nunc, quam fuisset in primæuo statu, 70.c.1. & 2.  
 Christianus in hoc statu lugere debet, 110.c.1.283.348.  
 Christianus gaudere debet in spe, non in re, 109.c.2.  
 Christianus ad maiorem perfectionem tenetur, quam olim Iudæi & Gentiles, 117.295.c.2.  
 Christianus vnde habet occasionem magnam luctus, & gaudij, 317.c.1.285.263.284.  
 Christianus cur debeat se omnibus existimare in feriozem, 332.c.1. & 2.  
 Christianus generat filios vt homo & Adæ filius, non vt renatus, 52.c.2.  
 Christianus quibus facietis vti potest, 316.c.2.  
 Christianus liber est à seruitute legis, non à modo seruiendi, 63.c.1.  
 Christiani hominis personam induit B. Paulus, vt declaret statum eius sub gratia, 65.66.67.68.266.c.2.  
 Christiani dicuntur sancti, 154.c.2.290.c.1.  
 Christiani si à gratia excidunt, in deteriozem statum se coniiciunt, 59.60.c.1.194.c.2.  
 Christiani peccatores famosi vitari debent, 153.154.c.1.  
 Christiani peccatores famosi debent ab ecclesia excommunicari, 154.c.1.  
 Christiani non debent per iudices infideles suas causas ciuiles dirimere, 154.c.2.155.c.2.  
 Christiani qui sunt veri fratres in Christo, à litigijs forensibus abstinent, 155.c.2.156.c.1.  
 Christiani, qua ratione veri Iudæi dicantur, 28.c.2.  
 Christiani qui in varijs statibus inueniuntur, quo pacto se gerere debeant, 167.c.2.  
 Christiani vestitu lasciuo vrentes notantur, 188.c.1. & 2.  
 Christiani non capaces mysteriorum, debent gere se ad modum ignorantis, 195.c.2.  
 Christiani existimare se debent peregrinos in hoc mundo, 219.542.  
 Christiani quo pacto debeant se metiri, 231.c.2.286.332.c.2.  
 Christiani sunt Sponsa Christi, 232.c.1.2.  
 Christiani multi iam peccatis resistere sua culpa non possunt, 284.285.c.1.  
 Christiani pauci sunt qui agant veram peccatorum suorum pœnitentiam, ibid.  
 Christiani qui docentur, tenentur temporalia ad sumptus suis doctoribus subministrare, 287.c.1.  
 Christianorum duplex generatio in Christo & sanctificatione, 7.c.2.  
 Christianorum conuersatio iam non debet esse cum hoc mundo, 153.c.2.  
 Christianorum status in Christo existentium, vitam nouam ac puram requirit, 59.73.c.1.107.



- 266.C.1.  
Christianorum peccatum grauissimum, qui præ-  
bent occasionem blasphemandi religionem,  
29.C.2.155.C.2.  
Christianorum error qui in exteriori baptismo &  
nominetantum confidunt, 30.  
Christianorum charitas maior requiritur, quàm  
olim Iudæorum, 39.40.41.265.C.2.  
Christianorum facti sunt proximi per Christum  
omnes homines, 39.C.1.  
Cibus.  
Cibus & potus spiritualis animæ est corpus Chri-  
sti in sacramento altaris, 177.C.2.  
Cibus solidus Christianorum quis sit, 549.C.1.  
Cibus sumi non debet à Christianis, nisi prius o-  
ratione illum benedicant:quo sumpto etiã gra-  
tias Deo agere tenentur, 178.C.2.412.C.2.  
Cibi omnes mundi sunt fidelibus, 118.C.2.121.C.2.  
123.124.171.360.411.C.2.  
Ciborum delectum non improbat Apostolus, vt  
heretici calumniantur, 119.123.124.C.1.260.C.1.  
Ciborum delectus ecclesiasticus defenditur, 123.  
124.C.1.171.358.C.2.  
Ciborum libertate non sunt scandalizandi fratres  
infirmi in fide, 121.122.171.C.1.& 2.178.179.C.1.  
Ciborum delectus qua ratione ab ecclesia sancta  
seruetur, 171.C.2.  
ciborũ delectus ecclesiasticus obseruadus sub  
pœna peccati, etiã cessante scandalo infirmio-  
rum, in quosdam hypocritas Lutheranos. ibid.  
Circuncisio.  
Circuncisio quam vim habuit, 29.C.2.282.C.1.  
Circuncisio obligabat olim Iudæum ad totius le-  
gis obseruantiam, 31.C.2.281.C.1.  
Circuncisio vera in spiritu, qualis, 30.C.1.39.C.1.  
44.45.282.C.1.337.C.2.357.C.1.  
Circuncisio quãdoque accipitur à B. Paulo etiam  
pro cœlibatu, 165.C.2.  
Circuncisio poterat tolerari in Iudæo Christia-  
no in ecclesia primitiua, 254.C.255.C.1.  
Circuncisio non erat necessaria homini Christia-  
no ad salutem, 254.C.2.  
Circuncisio nullo modo erat toleranda in homi-  
ne gentili Christiano, 254.281.C.2.  
Circuncisio Indorum Christianorũ an sit eis mor-  
tifera, 281.C.2.  
Circuncisio nunc est iam nedum mortua, sed etiã  
mortifera, 255.C.1.  
Circuncisionem esse etiam nunc liberam homi-  
ni Christiano dogmatizat Lutherus & sectato-  
res, 255.C.1.  
Circuncisione carnali stultè gloriabantur Iudæi,  
65.C.1.282.CO.1.  
Claues.  
Clauis scientiæ est Romani Pontificis, 262.C.2.  
Clauis scientiæ non consistit in sola notitia verita-  
tis, sed continet etiam potestatem decernendi,  
262.C.2.  
Clauium potestate dimittuntur peccata post ba-  
ptismum commissa, 44.C.2.  
Clericus.  
Clerici non subiacent potestati sæculari, 112.C.1.  
Clerici, an possint legitimè vti gladio sæculari,  
112.113.C.1.  
Clericorum peccatum graue, qui turpissimè ac in-  
honestissimè vestibus vtuntur, 188.C.2.  
Cœlum.  
Cœlum tertium quod nam sit, 235.C.1.  
Cœli quomodo dissoluentur, 461.C.2.  
Cœlorum vsus post iudicium, quis nam futurus,  
462.C.1.  
Cœlibatus.  
Cœlibatus commodior ad seruiendum Deo pluri-  
bus rationibus ostenditur, 159.C.1.167.168.  
Cœlibatus est valdè meritorius, 159.C.1.& 2.168.  
C.2.  
Cœlibatus donũ multi ab initio habuerũt, sed nõ  
seruarunt, 160.C.2.  
Cœlibatus donũ habere quomodo quis cognos-  
catur, 160.C.2.  
Cœlibatus donum datur volentibus, & à Deo pe-  
tentibus, 160.C.2.  
Cœlibatus statum semper probarunt & tradide-  
runt omnes ecclesiæ, & sancti patres tam græci,  
quam latini, 161.C.1.  
Cœlibatus fuit in ecclesia seruatus ab initio, nec  
est recens inuentio, in hæreticos, ibid. 370.C.2.  
Cœlibatus fuit à Christo institutus, & ab ipsis  
Apostolis seruatus, 161.  
Cœlibatum multi in ecclesia re ipsa seruant, 160.  
C.2.161.C.1.  
Cœlibatũ matrimonio anteponit B. Paulus, 166.  
C.1.167.168.169.C.1.  
Cognoscere & cognitio.  
Cognoscere Deum quid importet, 16.C.2.  
Cognoscere in Deo, dicitur probare & diligere,  
80.C.2.102.167.C.1.  
Cognoscere aliquando accipitur pro habere gra-  
tiam, 205.206.C.1.  
Cognoscere philosophorum, non fuit verè & ab-  
solutè cognoscere, 362.C.1.  
Cognoscere pro probare, & non cognoscere pro  
respuere, 221.C.1.  
Cognitio sola veritatis in intellectu non satis est  
ad bene operandum, 16.17.C.1.  
Cognitio veritatis potest esse in intellectu, & ta-  
men non diligere à voluntate, 16.17.C.1.  
Cognitio proprię inscitie est initiũ sapietie, 17.C.2.  
Cognitio diuinorum magna in primo parète A-  
dam fuit ante lapsum, 69.C.2.  
Cognitio quam hic in via habemus de Deo, val-  
dè imperfecta, 191.C.1.& 2.  
Cognitio quam habebimus in cœlis, qualis, 191.  
C.1.& 2.  
Concilium.  
Concilium non semper conuocatur ad deciden-  
dum dubia, sed propter hæreticos ad confirmã-  
dum apud infirmos quæ certa sunt in ecclesia,  
255.C.2.  
Concilium legitimum habet omnem authorita-  
tem, quia à Petro, qui in eo est, tanquam à capi-  
te proficiscitur, 262.C.2.  
Concilia à Papa congregantur, probantur, repro-  
bantur, &c. 263.C.1.& 2.  
Concupiscentia.  
Concupiscentia quo pacto per legem agnoscitur,  
35.46.C.2.63.C.1.& 2.  
Concupiscentia dicitur peccatum, & quare, 35.53.



c.1.65.c.2.321.c.2.  
 Concupiscentia in renatis in Christo non est peccatum, sed exercitium ad meritum, 36.c.1.59.70.  
 71.72.c.1.  
 Concupiscentia in non renatis peccatum est, 36.c.1.  
 Concupiscentia in non renatis dominatur, 35.53.c.2.  
 Concupiscentia etiam in homine renato secundum communem gratiam omnino extingui non potest, 58.59.c.1.284.  
 Concupiscentia non poterat cognosci peccatum per legem corruptae naturae, sed opus erat lege scripta, 46.c.2.47.53.63.c.1.&2.  
 Concupiscentia carnis non potest ab homine omnino prohiberi, 53.  
 Concupiscentia tanta est, ut ei non consentire ut oportet, nequeat homo absque gratia Dei & auxilio, ibid.  
 Concupiscentia est de cuius fomite loquitur B. Ioannes Apostolus, ubi ait: Si dixerimus quod peccatum non habemus, &c. 59.c.1.  
 Concupiscentia in renatis ne superet, est in eorum potestate per Christi gratiam, 59.c.1.&2.284.c.1.  
 Concupiscentia quae malum quoddam est, propriè viger in carne renatorum, 59.c.1. & 2.65.66.c.1.  
 Concupiscentia quomodo dicatur sine lege mortua, & quod per legem reuixit, 63.64.c.1.  
 Confiteri & confessio.  
 Confiteri vere & acceptabiliter coram Deo, quid habet momenti, 30.c.1.77.78.c.1.  
 Confiteri peccata sua est iudicare seipsum, 185.c.2.  
 Confessio sacramentalis requiritur ad remissionem peccatorum post baptismum, 44.c.1.  
 Confessio sacramentalis requiritur ante sumptionem sacramenti Eucharistiae, 184.185.  
 Confessio peccatorum est remedium ad effugendam Dei vindictam, 185.c.2.  
 Confessio sacramentalis ex loco B. Iacobi Apostoli defenditur, 542.c.1.&2.  
 Confessionum auditores quomodo poenitentias confitentibus iniungere debeant, 239.c.1.  
 Conscientia.  
 Conscientia bona affert certitudinem gratiae, 208.c.2.  
 Conscientia quo pacto illaqueatur, 188.c.1.  
 Conscientia nostra quando contestetur nobis in Spiritu sancto, 84.c.1.  
 Conscientiae vis quantam efficaciam habeat. 208.c.1.26.c.2.552.c.1.  
 Conscientiae error facit legem erranti, 121.c.2.170.c.2.  
 Conscientiae bonae magna securitas, 208.c.2.  
 Conscientiae suae legitimè exploratae testimonium satis est homini iusto ad quietem coram Deo, 208.1.c.&2.  
 Consilium.  
 Consilium dedit Dominus de vita monastica, 161.  
 Consilium non est leui de causa mutandum, 209.c.2.  
 Consilium mutare ratione suadente sapientis est, ibid.  
 Consilium voluntatis Dei quale, 297.c.2.  
 Consilia Spiritus sancti & non solum praecepta ob-

seruans liberior est à lege, 285.c.1.  
 Consiliorum mutatio in Sanctis viris non est miranda, nec vituperanda, 209.c.1.&2.  
 Corpus.  
 Corpus Christi figuratum fuit in manna, 175.c.1.&2.  
 Corpus Christi verè continetur sub speciebus panis & vini in Eucharistia, 177.  
 Corpus Christi non frangitur, sed species, ibid.  
 Corpus Christi non licet sumere nisi ieiunis, c.1.183.c.2.  
 Corpus suum iam tenebat in manibus quando dixit, Hoc est corpus meum, &c. 184.c.1.  
 Corpus Christi an teneantur omnes qui sacris intersunt, accipere, ibid.  
 Corpus Christi sumere non debet conscius sibi peccati mortalis, nisi prius confiteatur, 184.c.2.  
 Corpus Christi glorificatum quale, 244.245.c.1.  
 Corporis Christi mystici membra potiora subministrant virtutem inferioribus, 313.c.2.  
 Corporis Christi membrum non decet sub capite spinoso fieri delicatum, 339.c.1.  
 Corporis mystici harmonia, 310.c.1.313.c.2.  
 Corporis mystici est ut nobiliora ac fortiora membra pro debilioribus patiantur, 207.c.1.325.  
 Corpora Christianorum ordinata sunt ad seruendum Christo, cuius sunt membra, 157.c.1.  
 Corpora nostra informantur & viuificantur ab ipsa anima, 201.202.c.2.  
 Corporum nostrorum resurrectio describitur, & seq. usque ad, 197.202.  
 Creatura.  
 Creatura mundi dicitur homo, 16.c.2.  
 Creatura noua dicitur homo regeneratus, 67.c.2.221.c.1.288.c.2.  
 Creatura noua in Christo esse omnino debet, qui vult vitam aeternam consequi, 288.c.2.  
 Creaturae expectatio quid, 67.c.1.  
 Creaturae intellectualis eleuatio in altissimum finem est supra naturam eius, ibid.  
 Creaturae omnes cur dicantur congemiscere cum ipso homine, 77.c.2.  
 Creaturarum status qualis fuisset, si primus homo non peccasset, 75.76.c.1.  
 Creaturarum contemplatione cognoscitur Deus, 16.138.139.c.1.  
 Creaturas Deo praeferre est habere plures Deos & Dominos, 75.76.c.1.  
 Crux.  
 Crux Christi est cui fides nostra debet insinui, 137.c.1.  
 Crux via est & virtus ad salutem, 137.c.2.  
 Crux Christi supremam Patris charitatem erga nos declarauit, 137.c.2.  
 Crux esse debet gloria nostra, 288.c.2.  
 Crux res stulta mundo & infirma, 137.138.  
 Crucis notitia efficacior est quam creaturarum, ut conuertantur homines ad Deum, 139.c.1.

## D.

Dæmon & diabolus.

**D**æmon non potest facere rem sibi oblatam vel mundam vel immundam, 170.c.1.



- Dæmones nouerunt Christum incarnadum,** 142.  
**Dæmones flectere genua Christo compelluntur,** 334.c.1.  
**Dæmones fatentur Iesum esse Dominum, sed non salubriter,** 186.c.2.  
**Dæmones habent inter se suos ordines ad ruinam nostram sollicitandam,** 324.c.2.  
**Dæmones vocantur tenebræ & profundum à B. Paulo,** 83.348.c.2.  
**Dæmones hunc aerem caliginosum incolunt, donec omnes in inferna truantur,** 300.324.c.2.  
**Dæmones à sanctis iudicabuntur perfecto iudicio,** 155.c.1.  
**Dæmonum fides an sit Dei donum,** 530.531.c.1.  
**Dæmonum maximum studium, ut nobis suadeant per gratiam nos non esse roboratos,** 70.c.2.  
**Dæmonum insidiis nullus potest suis viribus absque armis Dei resistere,** 324.c.2.  
**Dæmonum milites hæretici,** 70.c.2.  
**Diabolus maiorem nunc habet potestatem in nos, quam in primæuo statu habuisset,** 70.c.2.  
**Diabolus quænam tela habeat,** 377.378.c.1.  
**Diabolus ex parte sua nos iniuste possidebat,** 87.c.1.  
**Diabolus perditam potestatem tum recuperat, cum Christianus eius tentationibus cedit,** 300.c.2.  
**Diabolus sanguinem nostrum sitiens, omni conatu quatit segregare homines à corpore ecclesie,** 212.c.1.  
**Diabolus dicitur eorum Deus qui diligunt hoc præsens sæculum,** 216.c.1.  
**Diabolus impugnat ecclesiam modo per tyrannos, modo per hæreticos,** 233.c.1.  
**Diabolo quomodo detur locus ab homine,** 315.c.2.  

**Defuncti fideles.**

**Defunctorum suffragia commendantur,** 200.c.1.  
**Defunctis prodesse suffragia & orationes viuentiū defenditur contra impuderiā atque infirmitatē Bullingeri hæretici sacramentarij,** 286.287.c.1.  

**Deus.**

**Deus verè est, qui ex se vno est id quod est,** 170.c.2.278.c.1.  
**Deus verus est vnus,** 170.c.2.  
**Deus non est violator naturarum & ordinum rerum à se creatarum,** 182.c.2.  
**Deus an visus fuerit facie ad faciem à Mose & Isaac,** 191.c.1. & 2.  
**Deus cognoscetur à Beatis in cælo per lumen gloriæ immediatè,** 191.c.1. & 2.  
**Deus quicquid potest, etiam facit, si decens sit fieri,** 134.c.2.289.  
**Deus solus verè immortalis,** 397.c.2.  
**Deus est saluator omnium hominum, & maxime fidelium, quo pacto rectè intelligitur,** 413.c.1.  
**Deus cur zelotes dicatur,** 536.  
**Deus cur dicatur specialiter quorundam Deus,** 10.11.c.1.  
**Deus potissimum est Deus ipseus Christi,** 298.c.2.  
**Deus vult omnibus salutem, nec vult quenquā perire, in fine,** 87.c.2.88.90. & seq. 91.293.294.c.1.409.401.  
**Deus non vult peccatum, ut est peccatum & malū,** 55.c.2.  
**Deus solus ex immensa sua bonitate nouit ex malo bonum elicere,** 106.c.2.  
**Deus non vult iustitiam vindicatiuam ob quā laudetur, nisi præcedant demerita,** 88.c.1.  
**Deus quomodo dicatur aliquando facere malum & peccatum,** 18.c.2. & sequēt.  
**Deus vocat omnes homines ad salutem, etiam qui non sunt de prædestinatis,** 88.c.1. & 2.91.c.2.  
**Deus quomodo prouidit mundo ad salutem ante legem,** 54.c.1.  
**Deus neminem ad incredulitatem inducit,** 106.c.1. & 2.  
**Deus nemini deest ad salutem, ut possit eā assequi,** 88.c.2.91.186.189.293.294.401.402.c.1.413.c.1.  
**Dei sanctitas qualis,** 289.c.2.  
**Dei inuisibilia quænam sint, & cur numero plurali dicta,** 16.c.2.  
**Dei cognitio quam Philosophi habuerūt, qualis, ibid.** 138.c.1.  
**Dei eloquia quæ sint propriè,** 31.c.1.  
**Dei sapientia & Dei stultitia declarantur,** 138.  
**Dei prouidentia in ecclesia erga primatum Petri,** 114.c.1. & 2.262.c.2.  
**Dei bonitas & seueritas simul consideranda, non autem seiungenda,** 105.c.1.  
**Deo soli sacrificium debetur,** 170.c.1.  
**Deum solummodo per effectus eius cognoscere possumus in hoc mundo, qui sunt duplicis generis,** 139.c.1.  
**Deum esse, includit illius prouidentiam.** 10.c.1.16.c.2.49.  
**Deum, non Iudæorum tantum esse Deum, sed & gentium, includit illius prouidentiam erga omnes ad æternam salutem,** 39.40.  
**Deum tenemur omnes diligere ut datorem gratiæ ac beatificatorem,** 89.c.1.  
**Deum aliquando poeniter vel punire, vel remunerare homines,** 106.c.1.  

**Dij.**

**Dij dicuntur quandoq; Angeli in scripturis,** 170.c.1.  
**Dij dicuntur viri magni in scripturis sanctis,** 170.c.1. & 2.278.c.1.  
**Deos plures sibi faciunt quicumque creaturas ipsi Deo præferunt,** 170.c.1.  

**Diaconus.**

**Diaconi ordinati fuerunt in ministerium altaris, non mensarum & ciborum,** 327.c.2.490.c.2.  

**Dies.**

**Dies & lux dicitur comparatiuè ad tempus quando Christus venit,** 117.c.2.  
**Dies propriè & absolutè dicitur tempus futuri sæculi.** 117.c.1. & 2.  
**Dies salutis dicitur tempus euangelicæ gratiæ,** 222.c.1.  
**Dies secundi aduentus Domini copiosè tractatur,** 382.c.2.384.387.  
**Dies mala dicitur dies iudicij extremi,** 324.c.2.  
**Diem iudicij sæpius meditari quàm sit vtile,** 344.c.1.387.c.1.506.c.1.  
**Diem aduentus Domini ad iudicandum scire, nisi reuelatione, non possumus,** 377.383.387.  
**Dierum obseruantia secundum legem habebat mysteria recondita,** 277.  

**Digamus & digamia.**

**Diga-**



Digamia est malum, licet non sit peccatū, 163. c. 1.  
 Digamia eorum est, in quibus potest aliquādo dispensare ecclesia, 164. c. 1. 407. c. 2.  
 Digamia cur impedit ne quis eligatur in Episcopum, 407. c. 2.

## Dilectio.

Dilectio nostra erga Christum qualis esse debet, 326. c. 1.  
 Dilectio proximi includit dilectionem Dei, 115. c. 2. 116. c. 1.  
 Dilectio proximi plenitudo legis, 116. c. 1. 588. c. 1.  
 Dilectione vera seipsum amare nō potest qui Deū non diligit, 116. c. 1.

## Diuites &amp; Diuitiæ.

Diuites tenentur subuenire pauperibus, 227. c. 1. 449.  
 Diuites non debent existimare diuitias, quibus abundare suas esse, 449.  
 Diuites reprehenduntur, utpote oppressores pauperum, 528. c. 2.  
 Diuitum status infelix & periculosus, 538. 539. c. 1.  
 Diuitum propria præcepta, 422. 423.  
 Diuitiæ euangelij ad quos pertineant, 353. c. 2.  
 Diuitiæ Christi sunt bona cœlestia, 306. c. 2.  
 Diuitiis incumbere homo extimulatur vehementer à dæmoniis, 324. c. 2.

## Dominus.

Dominus absolute est Iesus in gloriā Dei, 334. c. 1. 2.  
 Dominus peculiariter dicitur Christus ut homo, 9. c. 2. 120. c. 2. 170. c. 2.  
 Domini quomodo erga seruos se gerere debeant, 323. 324. 364. c. 1.  
 Dominis carnalibus quatenus obediendū, 364. c. 1.

## Donum.

Donum Dei quod nā habuerūt philosophi, 16. c. 2.  
 Donum duplex habuit Adam pro seipso, & pro tota sua posteritate, 33. c. 1.  
 Donum iustitiæ orig. in Adam amissum, 52. c. 1.  
 Donum per Christum superat Adæ peccatum, 54. c. 1. 2.  
 Donum iustitiæ per quod formaliter iustificamur, est ipsa charitas, 97. c. 1.  
 Donum cur maius detur vni quā alteri, est questio infinita, & satis est voluntas Dei pro ratione, 93. c. 1. 186. c. 2. 187. c. 1.  
 Dona Dei quæ propriè dicantur, 107. c. 1. 186. 187. c. 1.  
 Dona distribuens Dominus potest citra reprehensionem præponere quem voluerit, 23. c. 1. 187. c. 1.  
 Dona Dei ob quem finem querenda sunt, 193. c. 1.  
 Dona æqualia dare omnibus nō erat bonum, 187. 188. c. 1. 189. c. 1.  
 Dona spiritualia, licet ad salutem minime necessaria, ex peti ac postulari non vetat Deus, ibid.  
 Dona ad salutem necessaria dare Deus cogitur petentibus ex sua bonitate, ibid.  
 Donorum appellatione in scripturis intelliguntur, quæ supra naturam donantur, 50. c. 1.  
 Donorum spiritualium diuersi gradus & ordines in ecclesia, 186. c. 2. 428. c. 2.  
 Donis Dei bene videntes, licet non sint prædestinati, possunt facere certam suam electionē, 93. c. 1.

## E.

## Ecclesia.

Ecclesia vnde dicatur, 131. c. 2.  
 Ecclesia Romana est caput ac magistra omnium ecclesiarum, 1. c. 1.  
 Ecclesia Rom. quantum ad dogmata semper permanfit illibata, 32. c. 2.  
 Ecclesia illuminatur & regitur assidue à Spiritu sancto in iis quæ ad cultum Dei pertinent, 41. c. 2.  
 Ecclesia in persona summi Præfulis habet facultatem instituendi caeremonias pro temporum varietate necessarias, ibid. 181. c. 2.  
 Ecclesia eget caeremoniis, quas ex parte ab Apostolis traditas accepit & seruat, 18. c. 2. 41. 42.  
 Ecclesia habet delectum ciborum & ieiunia ad veritatem euangelij, in hæreticos, 123. c. 2.  
 Ecclesia quanuis vna sit catholica, plures tamen ecclesie sunt sub illa, 131. c. 2.  
 Ecclesia corpori humano comparatur, 107. 108. c. 1. 188. c. 2.  
 Ecclesia fuit figurata in Sara, 85. c. 2.  
 Ecclesia Christi in quo consistat, 152. c. 1.  
 Ecclesia est veluti quoddam stabularium, 36. c. 2.  
 Ecclesia non iudicat de occultis, 153. 154. c. 1.  
 Ecclesia habet potestatem constituendi iudices in causis secularibus, 155. c. 1. 2.  
 Ecclesia per hæreticos exercetur in patientia, sapientia, charitate, &c. 183. c. 1.  
 Ecclesia est corpus Christi, 187. c. 2.  
 Ecclesia primitiua ministros habuit supplentes locum idiotarum in respondendo, 227. c. 1.  
 Ecclesie verum & primum caput Christus, 135. c. 2. 299. c. 2.  
 Ecclesie proprium est sanctificari, 131. c. 2.  
 Ecclesie particulares debent se habere ad modum vnius perfecti corporis, 188. c. 2. 310. c. 1.  
 Ecclesie ministri ea debent intelligere, quæ in ecclesiasticis officiis leguntur, 193. c. 1. & 2.  
 Ecclesie conuentus quo fine fiant, 182. c. 2.  
 Ecclesie cōsuetudo maximā vim habet ad conuincendos hæreticos & contentiosos, 181. 197. c. 2.  
 Ecclesie cōsuetudo piis mētibus satis esse debet ad quietē, etiā si alia testimonia nō extarēt, 181. c. 2.  
 Ecclesie iudicium & excommunicationis sententia in solos fideles extenditur, 154. c. 2.  
 Ecclesie magnis rationibus interest, ut habeat dominia temporalia, 112. c. 1.  
 Ecclesie vniuersalis doctrina falsa esse non potest, 197. c. 2. 262. 263. 407. c. 2.  
 Ecclesie autoritate opus fuit B. Paulo, ut eius prædicatio coram aliis probaretur, 263. c. 1.  
 Ecclesie doctrina declarantur multa & probantur ad reddendos certos populos, ibid.  
 Ecclesie ignota dogmata non debēt temerè à quoquam affirmari, 311. c. 2.  
 Ecclesie primitiue erant quædā opportuna, nunc meritò non seruanda, 313. c. 1.  
 Ecclesie determinationi qlibet stare debet, 341. c. 2.  
 Ecclesie cantus qualis esse debet, 363. c. 1.  
 Ecclesie deformatio ac reformatio quibus in rebus potissimum consistat, 418. c. 2.  
 Ecclesie appellatione quādoque Prælatus eius intelligitur, 252. c. 2. 351. c. 2.  
 Ecclesie sanctitas qualis, 289. c. 1. 321. c. 1.  
 Ecclesia vocat Apostolus vnius domus familiam Christianam, 224. c. 1. 2.



- Ecclesiā ſcui nomine matris appellemus, 279.c.2.  
 Eccleſiam quando vnita eſt, vocat Apoſtolus ædificationem & templum Dei, 393.c.1.  
 Eccleſiam honoramus nomine Tetragrammatō, 393.c.1.  
 Eccleſiam docere poſſe contra verbum Dei, & ita errare dogmatizat impius Lutherus, 248.  
     Electio & Electi.  
 Electio variis modis accipienda eſt in ſcripturis, 292.c.2. 293. 368.c.1. 427.c.1. 435. 444.c.1.  
 Electio prædeſtinatorum ante mundi conſtitutionem mera eſt gratia, 85.c.1.2. 92.c.2. 102. 103. 291. 292. 293. 297.  
 Electio B. Mathiæ quo ſortis genere fuit, 397.c.1.  
 Electionis excellentis gratia nullo modo à nobis cauſam habere poteſt, 92.c.2.  
 Electionis voce non ſemper prædeſtinatio intelligitur apud ſcripturas, 367. 368.c.1.  
 Electi perire finaliter non poſſunt, 79. 82.c.1. 294.  
 Electi ſunt prædeſtinati ad cōformitatem Chriſti primò in paſſionibus, tum in gloria, 80.  
 Electi in Iſrael ſignificati ſunt, 86.c.2.  
 Electorum prærogatiua multiplex, 167. 168. 292. 293. 296. 298.  
 Electorum vocatio ſpecialis, & ſecundum propoſitum Dei efficax, 79. 80.c.1.  
 Electorum fides præcipua, 415. 416.c.1.  
 Electorum typum tenuit B. Ioannes Euangelista, 86.c.1. 293.  
 Electis quomodo omnia cooperantur in bonum, 79.c.2.  
     Eleemoſyna.  
 Eleemoſyna quomodo facienda, 108.c.2. 226. 229.c.1.  
 Eleemoſyna vocatur iuſtitia, & quare, 229.c.1.  
 Eleemoſyna eſt inſtar ſeminis ad fructificandum vitæ æternæ benedictionem, ibid.  
 Eleemoſyna amore Dei ſeruis eius oblata, eſt ſacriſcium illi acceptiſſimum, 229.c.2.  
 Eleemoſynis pauperes recreare ac reficere quàm magnam parer fiduciam in die iudicij, 205.c.1.  
     Episcopus.  
 Episcopus in ſua eccleſia reſidere debet, 391. 392. c.2. 435.c.1.  
 Episcopus ſi aliis proſpicere debet, vt interim ſeipſum non negligat, 414.c.1.2.  
 Episcopum omnis mercatura dedecet, 438.  
 Episcopi in eccleſia primitiua ordinabantur, antequā ſuſciperet certarū curam eccleſiarū, 326.c.2.  
 Episcopi à Papa creantur & confirmantur, & vbi opus eſt exauthorantur, 263.c.1.2.  
 Episcopi hæretici nullo pacto tolerandi, ſed ſunt grauiffimè puniendi, 418.c.1. 420.c.2.  
 Episcoporum dignitas ſuos gradus habet, 329.c.2.  
 Episcoporum dignitas ſacerdotio præſtat tum ordine, tum iurisdictione, 437.  
 Episcoporum reſideria an ſit de iure diuino, 392.c.1.  
 Episcoporum non reſidentia, innumera mala parit in eccleſiis, 392.c.1. & 2.  
 Episcoporum prima cura circa doctrinas falſas verſari debet, 429.c.1.  
 Episcoporum conditiones quæ requirantur, 407. 408. 409.c.1. 438.c.1.2. 444.  
 Episcoporum poteſtas probitate bonorū morum plurimum corroboratur, 442.c.1.  
 Episcoporum legitima reſidentia à ſacris Canonibus determinatur, 447.c.2.  
 Episcopis neceſſarium eſt legere & ſcrutari ſcripturas, 414. 415.  
     Epistola.  
 Epistola ad Rom. cur cæteris antepoſita, 1.c.1.  
 Epistola ad Rom. per modū argumenti quid contineat oſtenditur, 9. 10.c.1.  
 Epistola ad Rom. reſerta eſt ſumma doctrina & ſententiis profundiffimis cum de fide, tum de moribus, 10.c.1.  
 Epistola ad Galatas docta & difficilis, 243. in arg.  
 Epistola ad Gal. ſcripta B. Pauli manu propria, 288.c.1.  
 Epistola ad Timotheum vtrique digna quæ à Prælatiſ ediscatur & obſeruetur, 390. in arg.  
 Epistola ad Hebræos deſcendit, & illius author verus B. Paulus à Caietani cauillis, 459. 497.c.1.2.  
 Epistolæ ad Hebræos author B. Paulus Apoſtolus, 452. in præfat. 454.c.2. 463.c.2. 496.c.2.  
 Epistolam ad Hebræos hebraicè ſcriptam fuiſſe, 496.c.2.  
 Epistola B. Iudæ defenditur, 598. in præfat.  
 Epistola canonica B. Ioannis Apoſtoli ſecunda & tertia contra nouos magiſtros defenditur, 594. in præfat.  
 Epistolam B. Iudæ quidam indocte reiiciunt, quòd in ea citentur apocrypha, 335. 601.c.1.  
     Erasmus.  
 Erasmus Arianorum patronus, 410.c.1.  
 Erasmus notarur de mutatione ordinis epistolarū Apoſtolicarum, 1.c.2.  
 Idē notarur de interpretatione vocis, Latrìa, 11.c.2.  
 Erasmus ineptè excuſat ſuam temeritatem immutata lectionis ad Theſſ. de reſur. mort. 203.c.1.  
 Erasm⁹ vt hoſtis diuinitatis Chriſti notarur, 85.c.1.  
 Erasmus ſubdolè ſuſcitauit pelagianā hæreſim de peccato originali, 51.c.2.  
 Erasmus reuocat in dubium an primæ epistolæ canonice author fuerit B. Iacobus Apoſtolus, 521.  
 Erasmus dolis & fabulis plurimum nititur incautos decipere, 445.c.2.  
 Erasmus immeritò atq; iniuria reprehendit B. Hieronymum circa matrimonium, 159.c.1.2.  
 Erasmus circa diuortium ſcandalòſe ſcripſit, 164.c.1.  
 Erasmus nimium audax circa matrimonia clauſtina reſellit, 168.c.2.  
 Erasmus exoriam habuit virginitem, 167.c.1.  
 Erasmus inter vaniloquia & impia reponit ſententias ab eccleſia deciſas, 394. 444.c.1.  
 Erasmus perpetuus nouitatum amator, 253.c.1.  
 Erasmus iniuria taxauit B. Paulum de imperitia linguæ Græcæ, 193. 194.c.1.  
 Erasmus peſtifera colloquia edidit, quibus multi ad ruinam corrumpuntur, 206.c.1.2.  
 Erasmus in ſuum vſum vbi lubet vſurpat B. Hieronymi authoritatem, 253.c.1.  
     Eſau.  
 Eſau qua reprobatione fuerit reprobatus abſque propriis demeritis, 90. 91.c.1.  
 Eſau nunquam in propria perſona ſeruiuit Iacob, ſed in perſona tantum poſteriorum, ib.c.2.  
 Eſau quā ob cauſam fuerit poſtmodo typus repro-



- batorum à vita æterna, 91.c.2.  
 Euangelium. 5.c.1.2.  
 Euangelium quid, 5.c.1.2.  
 Euangelium verum vnicum est, duas habens partes, 341.342.443.  
 Euangelium salutem æternam non promittit absolute, sed cum operum conditione, in hereticos, 342.c.1.  
 Euangelium tempore tribulationum & persecutionum potissimum creuit, 329.c.2.  
 Euangelium ut cursum suum habeat, indiget orationibus ecclesiarum, 326.c.1.2.  
 Euangelium cur dicatur verbum abbreviatum, 95.c.1.  
 Euangelium promissum ab initio mundi, 5.c.2.  
 Euangelium continet integram totius perfectionis nostræ doctrinam, 95.c.1.  
 Euangelium prædicare erat munus & officium proprium Apostolorum, 184.c.1.  
 Euangelium mutilant heretici, 342.c.1.  
 Euangelij prædicatio est quoddam sacrificium, 126.c.2.  
 Euangelij summa in articulo resurrectionis mortuorum continetur, 196.c.1.  
 Euangelij prædicatio est firma & constans, 115.c.1.  
 Euangelij prædicatio est verbum reconciliationis hominum cum Deo, 221.c.1.2.  
 Euangelij prædicatio confirmata fuit à Deo per signa & prodigia multa, 216.c.1.  
 Euangelij prædicatio non ad solos Iudæos, sed prorsus ad omnes gentes dirigitur, 8.c.2.  
 Euangelij ministratio quæ dicitur spiritus & iustitiæ, ministratiorem legis antiquæ antecellit, 214.c.2.215.c.1.  
 Euangelij tempus est tempus acceptabile, 222.c.1.  
 Euangelij lex non tollit iura naturalia & gentium, nec improbat gladium sæculare, sed confirmat, 111.c.2.281.419.420.c.1.  
 Eucharistia.  
 Eucharistia continet verum corpus & verum sanguinem Christi, in hereticos, 177.c.1.2.  
 Eucharistiæ mysterium tractatur, 177.c.1.185.c.1.  
 Eucharistiæ sacramentum accipientibus promittitur indistincte vita æterna, 89.c.1.  
 Excæcacio.  
 Excæcatione digni sunt, qui tenebras magis quam lucem diligunt, 216.c.1.386.  
 Excæcationem iure merentur, qui diuinæ veritati scienter resistunt, 386.429.c.1.  
 Excommunicati.  
 Excommunicari debent Christiani peccatores famosi, 154.c.1.  
 Excommunicati sunt heretici ipso iure, 249.c.2.  
 Exemplum.  
 Exemplum sincerae conuersionis in B. Paulo ostenditur, 2.c.2.  
 Exempla maximam vim habent ad ædificationem, vel ad subuersionem, 171.c.1.2.  
 Exempla probæ vitæ longè efficacius & viuacius mouent quam nuda verba, 551.c.1.2.  
 F.  
 Fama.  
**F** Amam bonam quo sine debent querere homines Christiani, 345.c.1.  
 Fides.  
 Fides variè accipitur in scripturis, 28.c.1.  
 Fides est radix omnium bonorum operum, 546.c.1.  
 Fides semper necessaria fuit omnibus ad salutem consequendam, 14.27.c.2.413.414.  
 Fides per quam poterant saluari Gentes, erat duorum articulorum reliquos implicitè continentium, 14.27.413.414.  
 Fides explicita de Christo non exigebatur necessario ad salutem antequam prædicaretur, 27.28.99.c.1.  
 Fides Christi quomodo necessaria ad iustificationem, 36.97.c.2.  
 Fides quæ requirit Deus ab homine impio, ut eundem iustificet, qualis, 15.c.1.43.c.2.321.c.1.  
 Fides Iudæorum sub lege non omnino explicita, 14.175.275.c.2.  
 Fides Christianorum in nouo testamento explicita, 14.27.28.99.c.1.2.275.  
 Fides Romanorum quomodo in vniuerso mundo annunciabatur, 11.c.2.  
 Fides impij quæ imputatur ad iustitiam, non est opus meritorium iustificationis, 43.c.2.302.c.2.  
 Fides est necessaria omnino ut quis verè membrum Christi efficiatur, 187.188.c.1.  
 Fides quænam requiratur in homine ad primam iustificationem allequendam, 44.c.1.2.258.c.1.2.  
 Fides non gignit perfectam cognitionem, 191.c.2.  
 Fides & patientia, non fides tantum, requiruntur ad hæreditandum promissiones, 45.c.1.486.c.2.  
 Fides sola non reddit hominem saluum salute perfecta, 73.74.c.1.97.c.2.156.176.205.206.c.1.281.281.527.c.1.  
 Fides, dum simpliciter dicitur, pro fide diuina intelligitur apud Theologos, 75.c.1.  
 Fides Christiana in persecutionibus & angustiis semper illustratur, 79.80.c.1.  
 Fides est per quam aptamur in Christum, & per eam per dilectionem operantem consummatur, 95.97.282.c.1.  
 Fides innitur verbo Christi, 99.c.1.  
 Fides quomodo gignatur in corde hominis, 99.c.1.2.  
 Fides an necessario requirat externam prædicationem, ibid.  
 Fides fundamentum atque basis totius ædificij spiritualis, 107.108.128.c.2.  
 Fides quo pacto purificet corda, 321.c.1.  
 Fides in scripturis absolute, pro viuâ fide, 327.c.2.  
 Fides cur non sit omnium hominum, cum tamen Deus velit omnes fieri saluos, 388.c.1.  
 Fides Christi sanguine defenditur, 591.c.2.  
 Fidei definitio, & eius effectus fuse explicantur, 507. & sequent.  
 Fidei substantia manet etiam amissa charitate, 531.532.c.1.  
 Fidei nostre robur in potentia Dei inniti debet, non in sapientia hominum, 137.c.1.141.c.2.  
 Fidei nostre principia probauit Deus per signa innumera & prodigia, 141.c.1.216.c.1.  
 Fidei donum quod particulariter quibusdam donatur in ecclesia, quale sit, 186.187.c.1.190.191.205.c.1.217.218.c.1.  
 Fidei catholica obiectum est quodcunque reuelatum in ecclesia Dei, 186.187.c.1.  
 Fidei obiectum est promissio æternorum, 468.c.1.  
 Fidei finis sunt opera bona, 431.c.2.  
 Fidei Christianorum & Iudæorum differentia, 483.c.2.  
 †† ij



- Fidem solam habens non est iustus coram Deo,  
190.c.1.282.c.1.
- Fidē infusam qui se habere credit, an possit id cer-  
tō cognoscere, 239.c.2.
- Fidem abnegant & deserunt duo hominum genē-  
ra, 298.c.2.
- Fidem vnius articuli amittens, totam fidem amit-  
tere conuincitur, 282.c.1.2.186.c.2.
- Fide viuā stamus, 196.205.c.1.210.
- Fide facti sumus liberi & filij Dei, 210.276.c.1.
- Ex fide esse Iesu Christi quid, 37.c.2.288.c.2.
- Filius.
- Filius dilectionis Christus, qua ratione dicatur,  
348.c.2.
- Filius adoptiuus non dicitur Christus, sed natura-  
lis. ibid.81.c.2.
- Filius hominis qua ratione Christus dicatur, 465.  
c.1.
- Filij Dei dicuntur diuersimodē, 277.c.1.2.
- Filij Dei sunt omnes homines in potentia, ibid.
- Filij Dei efficiuntur quicumque credunt in Chri-  
stum, 276.c.1.
- Filij quo pacto debent obedire parentibus, & qua-  
lis obedientium merces, 323.c.1.
- Filiorum Dei est condonare sibi factas iniurias,  
316.c.2.
- Fornicatio.
- Fornicatio omnis reprobatu tanquā mortale pec-  
catum, 155.c.1.157.373.c.1.427.c.1.
- Fornicatio est innaturalis & illicita, 157.c.1.2.
- 316.c.1.2.
- G.
- Gaudium.
- G**audium perfectū nulli datur in hac vita, nec  
etiam ipsis iustis, 222.c.2.223.c.1.
- Gaudium semper sequitur charitatem, 122.c.1.
- Gaudium Christianorū est vnus ex principis Spi-  
ritus sancti fructibus, 122.c.1.241.c.2.
- Gaudium Christianorū admistum est timorē quo-  
dam sancto, 343.c.2.
- Gaudium verum debet existimare Christiani cum  
in varias tentationes incidunt, 523.c.2.
- Gaudium & latria viris euangelicis adest, cum eo-  
rum discipuli proficiunt, 598.c.2.
- Gaudium Christianorum est in spe non in re, do-  
nec appareat eis Christus, 113.c.2.114.c.1.
- Gaudio vero dilatur homo quando concipit spē  
bonorum aeternorum. 223.
- Gaudio magno tum demū abundant viri sancti cū  
in variis tribulationibus constituuntur, 226.c.1.2.
- Generatio.
- Generatio Christi duplex quatenus homo, 7.c.1.2.
- Generatio Christianorum duplex, 7.c.2.
- Gentes & Gentiles.
- Gentes quomodo dicerentur esse absq; fide, 303.c.2.
- Gentes quomodo mortuæ & sine Deo dicebātur,  
47.c.2.140.c.1.303.c.2.
- Gentes non fuerunt derelictæ absq; aliqua de Deo  
cognitione, 16.c.1.156.c.2.314.c.1.2.
- Gentes per Angelos à Deo illuminabantur, 15.16.  
c.1.17.c.1.27.c.1.2.156.276.c.2.
- Gentes non fuerunt à Deo derelictæ in puris natu-  
ralibus, sed habuerūt aliquod Dei auxilium spe-  
ciale, 15.16.156.c.2.
- Gentes quo pacto poterant per gratiam consequi  
salutem, 17.27.c.2.70.c.1.413.c.1.2.
- Gentes quomodo inexcusabiles, 17.c.1.32.c.2.
- 314.c.1.2.
- Gentes promptiores ad fidem quā Iudæi, 38.c.1.
- Gentes quo pacto faciebant naturaliter ea quæ le-  
gis sunt, 26.27.28.
- Gentium fides necessaria ad salutem erat duorum  
duntaxat articulorum, 14.c.1.2.28.c.1.32.33.  
413.c.2.
- Gentium error duplex in Idolis colendis, 18.c.1.
- Gentium viæ, quales, 69.c.2.
- Gentium plenitudo nondum ingressa est in Chri-  
stum, 105.c.1.2.
- Gentibus nunquam fuit præclusa via ad salutem,  
14.c.1.2.27.28.431.c.1.2.
- Gentilis personam induit Apostolus, vt varios sta-  
tus explicet, 64.c.1.
- Gentiles in scripturis nomine bestiarum designan-  
tur, 22.c.1.
- Gentilium philosophorum error & peccatum in  
cognitione sui, 17.c.2.
- Gentilium errores circa mores, 28.c.2.
- Gentilium plurimos per Angelorum illuminatione-  
nes saluos factos esse, 28.c.1.276.c.2.
- Gloria & gloriatio.
- Gloria iustorum in cælis maior erit, quā per sta-  
tum innocentiae fuisset, 70.c.2.
- Gloria carnis explicatur, 140.c.1.2.
- Gloria mundi suos sectatores præcipitat, 149.c.1.
- Gloria mundi inanis & caduca, ibid.233.234.c.1.
- Gloria & laus operum nostrorum bonorum, Deo  
& Christo debetur, 49.50.c.1.
- Gloriam propriam prædicare est insipientia, 232.  
c.1.233.c.2.
- Gloriam inanem mirum in modum natura ama-  
mus, 235.c.2.
- Gloriam propriam quantum fugere debeant san-  
cti Dei homines, 235.c.2.
- Gloriam futurā quæ à Deo est quærere debemus,  
336.c.1.
- Gloriam cum Christo participare non poterit, qui  
socius non vult esse passionum eius, 339.c.1.2.
- Gratia.
- Gratia quid sit apud B. Paulum, 8.c.1.132.544.c.2.  
545.c.1.
- Gratia quomodo regnet per iustitiam, 56.c.2.
- Gratia cum peccato stare nō potest, sed per pecca-  
tū amittitur, in Lutheranos, 59.c.2.66.c.2.73.c.2.
- Gratia quomodo cum tēpore sanat totum homi-  
nē, 68.c.1.2.218.c.1.
- Gratia Dei confertur etiā non prædestinatis, alio-  
qui angustaretur Dei misericordia, 88.c.2.89.
- Gratia Dei nemini illam volenti negatur, 107.
- Gratia ad salutem cur non detur omnibus æquali-  
ter, 88.89.c.1.91.97.c.1.2.
- Gratia est arrha & pignus vitæ æternæ, 89.210.  
c.2.297.c.2.
- Gratia Dei potest frustra recipi, 222.c.1.
- Gratia Dei semper est à nobis imploranda, 130.c.2.
- Gratia habitualis non satis est ad perseverandum in  
bono sine speciali Dei auxilio, 235.236.c.1.
- Gratia prima non datur ex meritis, 293.302.



Gratia & donis Dei non vti peccatum est, 414.c.1.  
 Gratia appellatione in scripturis intelligitur quæ  
 supra naturam nobis gratiosè donatur, 50.c.1.  
 Gratia donū in Adam quid operabatur, 33.c.1.2.  
 Gratia præsentis certitudo in homine iusto asseri-  
 tur, 75.76.77.184.545.  
 Gratia in hærentis signū certum ostēditur, 361.c.1.  
 Gratiarum actio quid sit, 10.c.2.  
 Gratiarum actio est actus religionis & pars oratio-  
 nis præcipua, ibid.  
 Gratiarum actio est quædam tacita supplicatio ad  
 obtinēdum beneficiorū augmentum, 189.c.1.2.  
 Gratiarum actiones gratæ sunt Deo, & per Chri-  
 stum acceptæ, 208.319.320.c.1.  
 Gratiarum actiones requirit à nobis Deus pro be-  
 neficiis datis, 208.290.362.363.c.1.

## H

## Hæres.

**H**Æres Patris cælestis verus Christus, cui hæ-  
 reditas ipso iure debebatur, 75.c.1.  
 Hæres Dei Christus quo iure, 455.456.c.1.  
 Hæredes sumus in Christo per adoptionē sub con-  
 ditione, 75.c.1.

## Hæreses.

Hæresis fermè semper in malam partem sumitur,  
 183.c.1.2.  
 Hæresis quid significet, 183.c.1.  
 Hæreses quo pacto afferant vtilitatem ecclesiæ,  
 182.c.2.194.c.2.  
 Hæreses esse, non est necesse simpliciter, 182.c.2.  
 Hæresiarcha & hæreticus, 182.c.2.  
 Hæresiarcharum fructus quomodo cognosci pos-  
 sunt, 233.c.1.318.c.1.  
 Hæresiarcharum tria præcipua scelera, 566.c.2.  
 Hæresiarcharum veritatem impugnantium inten-  
 tio & finis, 147.181.  
 Hæresiarcharum peccatum, & eorum tandem in  
 inferno supplicium quàm magnū, 147.336.c.1.2.  
 Hæreticus qui verè censeatur, 245.247.c.1.444.  
 445.446.c.2.  
 Hæretici quibus epithetis significantur, 446.c.2.  
 Hæretici ad disputandum coram imperita multi-  
 tudine non admittendi, 427.c.2.  
 Hæretici suo gladio se iugulant, cum de legitima  
 vocatione ad functiones ecclesiasticas loquun-  
 tur, 4.c.1.245.c.1.  
 Hæretici astutè & mendaciter asserunt se doctri-  
 nā antiquæ ecclesiæ instaurare, 5.c.1.2.374.c.1.  
 Hæretici recentiores elegantia sermonis & flori-  
 bus rethoricis plurimum student, 137.c.1.354.  
 Hæretici dolosè dissimulant loca scripturarū qui-  
 bus penitus iugulantur, 58.c.2.73.c.1.287.c.2.  
 Hæretici gaudio phantastico in suis passionibus af-  
 ficiuntur, 349.c.1.368.c.1.2.  
 Hæretici aliqui omne iuramentum damnant, 11.  
 12.c.1.253.c.1.  
 Hæretici calumniosè ecclesiam reprehendunt ob  
 vsum imaginum, 18.c.1.2.  
 Hæretici per occasionem afferunt vtilitatem ec-  
 clesiæ, 182.183.c.1.  
 Hæretici sunt milites diaboli, 70.c.1.2.134.c.1.  
 183.233.c.1.  
 Hæretici multipliciter errant non distinguēdo, sed

omnia permiscendo, 43.45.c.1.2.302.c.2.  
 Hæretici callidè damnant vsum gladii in Magistra-  
 tibus, 111.c.1.  
 Hæretici nō possunt loqui in Christo, cum sint ex-  
 tra ecclesiam, 211.c.1.  
 Hæretici suos errores prætextu scripturarum de-  
 fendere nituntur, 246.c.1.247.c.2.  
 Hæretici ipso iure excommunicati, 257.c.1.  
 Hæretici noui impudenter se euangelicos iactant,  
 247.c.1.  
 Hæretici abutuntur dicto Pauli: Si nos, aut Ange-  
 lus, &c. ibid.  
 Hæretici fascinant oculos infirmorum in fide,  
 267.c.1.  
 Hæretici iure à magistratu sæculari in corpus pu-  
 niuntur, 281.371.372.445.446.  
 Hæretici peccato detractionis deditissimi, 284.  
 Hæretici ob malam quorundam Christianorū vi-  
 tam occasionem accipiūt negandi effectus gra-  
 tiæ in aliis rectè viuentibus, 284.285.c.1.  
 Hæretici non possunt authoritati ecclesiæ se oppo-  
 nere, 195.c.1.2.  
 Hæretici meritam persecutionē patiuntur, 371.c.2.  
 Hæreticorū multi non tam hæretici, quā athei, 428.  
 Hæreticorum libros legere periculosum, 447.c.2.  
 Hæreticorum error de pace, 9.c.2.48.c.2.  
 Hæreticorū astus circa delectum ciborum, 171.c.1.  
 Hæreticorum errores circa sacramentum Altaris,  
 177.c.1.2.  
 Hæreticorum commentum est vetare nuptias, &  
 quorūdam ciborum esum contra Apostolum,  
 124.412.c.1.  
 Hæreticorum fugienda consortia, 33.c.2.245.c.1.  
 Hæreticorū fides est potius opinio, 272.273.449.  
 Hæreticorum varia & inconstans doctrina, 313.c.1.  
 Hæreticorū doctrinā cur recipiunt multi, 359.c.1.2.  
 Hæreticorum impudicitia taxatur, 344.c.2.  
 Hæreticorum blasphemia in Christi Vicarium,  
 384.c.2.  
 Hæreticorum vocibus non est vtendum, 423.c.1.2.  
 Hæreticorū semper fuit proprium reicere, quæ qua-  
 si digito in scripturis nō ostenduntur, 210.388.c.2.  
 Hæreticorum calumnia contra ecclesiam circa de-  
 lectum ciborum refellitur, 123.412.c.2.  
 Hæreticorum recentiorum sacrilega matrimonia,  
 160.c.2.  
 Hæreticorum callida inuentio in votum castitatis,  
 161.c.1.  
 Hæreticis mirificè & occulto modo fauet satan, &  
 facundiam subministrat, 410.411.c.1.  
 Hæreticis nullo pacto est cōmunicandū, 317.318.c.1.  
 Heua.  
 heua sola peccante non corruissemus, 52.c.1.  
 heua quomodo in Adam continebatur, ibid.  
 heua qua in re nobis nocuerit, ibid.  
 heua in statu innocentie alio modo Adæ subdeba-  
 tur, quàm nunc mulier sub potestate viri, 181.c.1.  
 histrio.  
 histiones, Mimi, & circunforanei homines mini-  
 me sunt tolerandi, 378.c.1.  
 homo.  
 homo quot modis accipitur in scripturis, 244.c.1.  
 homo animalis, & homo nequā, 144.c.2.153.c.1.  
 homo carnalis, qui carni consentit, 65.145.c.2.  
 †† iij



- Homo carnalis & spiritualis quomodo differant in faciendo malum, 66.c.2.  
Homo totus censetur secundum eam partem quę superat, 65.66.145.146.266.c.2.  
Homo carnalis dum patitur & desperat, iā experitur pœnas tanquam arrham inferni, 76.c.1.  
Homo in statu naturę lapsę plenus ignorantia, ut nihil boni possit absque speciali Dei auxilio, 16.17.27.c.1.33.69.145.269.270.  
Homo natura mendax, 31.c.1.249.c.1.2.  
Homo ex se nihil est, 286.c.2.  
Homo mendax quis sit proprię, 249.c.1.2.  
Homo qui studet hominibus placere, quàm grauius ter peccet, & quàm grauius punietur, 249.c.1.2.  
Homo Spiritu Dei carens dicitur caro, 27.c.1.  
Homo creatura mundi, & finis omnis creaturę, 16.c.1.2.76.c.1.  
Homo interior & exterior, quid, 59.c.2.67.218.c.1.308.c.2.  
Homo nouus non est sub lege, 265.c.1.  
Homo spiritualis quomodo studere debet interiori suę renouationi, 218.c.1.308.c.2.  
Homo spiritualis non potest simul de facto seruire legi Dei, & legi peccati, 69.c.2.  
Homo spiritualis quomodo non operatur peccatum, 65.66.67.c.1.  
Homo spiritualis quomodo potest cadere à gratia, & lethaliter peccare, 67.c.1.2.68.285.  
Homo nouus in Christo quomodo relictus in seruitute corruptionis, & anxius ob expectationē futurorum bonorum, 76.c.1.2.219.c.1.2.  
Hominis appellatione quid plerunque in scripturis intelligitur, 61.62.145.249.286.c.1.  
Hominis varij status in Adā, sub Mose, & in Christo, 62.63.69.45.266.  
Hominis voluntas censetur totus homo, & quare, 69.105.c.2.  
Hominis est se præparare ad gratiam, sed non absque Dei gratia & auxilio, 92.c.2.  
Hominis eleuatio in altissimū finem ex dono est, non ex naturę debito, 77.c.2.78.c.1.  
Hominis prerogatiua præ Angelis per incarnationem Verbi, 469.c.1.  

Hospitalitas.

Hospitalitas in Episcopo commendatur & requiritur, 408.411.432.c.1.  
Hospitalitas citra delectum non omnibus nec passim exhibenda, 110.c.1.  
Hospitalitatis officium semper fuit cõmendatissimum, & magno præmio dignum, ibid.  

Humilitas.

Humilitas radix sapientię, 388.c.2.  
Humilitas vera Christiani & profunda, nobilis est & non confunditur, 217.c.1.  
Humilitatis dogma nouū ac peruersum cuiusdam authoris nouę sectę notatur, 333.c.1.396.  
Humilitas sanctorum vnde oriatur, 308.332.394.  
Humilitas B. Pauli laudatur, 205.c.1.306.c.1.2.  

I.

Iacob.

**I**acob & Esau mysterium explicatur, 86.93.94.c.1.  
Iacob electus fuit ut ex eo Christus nasceretur, 86.90.c.2.  
Iacob fuit typus electorum, 86.c.1.2.91.c.2.  
Iacob fuit electus ex mero Dei beneplacito, 90.c.2.91.c.1.  
Iacob quo pacto vidit Deū facie ad faciē, 191.c.1.  
Iacobus Minor Apostolus.  
Iacobus minor Apostolus author primę epistolę inter canonicas, 521.  
Iacobus iste est cuius meminit B. Paulus in epistola ad Galatas, 253.c.1.  
Iacobus post Petrum secūsus habebatur, 197.c.1.  
Iacobus Ierosolymitanam rexit ecclesiam, ibid.  
Iacobi sanctitas magna & admirabilis autoritas, 197.c.1.  
Iacobi epistola canonica, 521.  
Iacobi epistola cur prima inter canonicas, 260.c.1.521. in præfat.  
Iacobi epistola ad confutationem hæreticorū scripta, 532.533.534.535.536.  
Iacobi Apostoli sententia de iustificatione ex operibus bonis, de qua iustificatione intelligatur, 45.c.1.  

Idola.

Idola quàm stultè à gentilibus adorabātur, 18.c.1.  
Idola gentium adorare, cur à Deo prohibitum, 167.c.1.  
Idola multi sibi faciunt dominos temporales, 101.c.1.180.c.1.  
Idola gentilium qua ratione nihil esse dicantur, 170.c.1.  
Idolorum cultum quę pœna sequatur, 18.c.2.177.c.2.178.c.1.  
Idolorum seruitus est quædam auaritia, 153.c.2.317.c.1.361.c.1.  
Idolis immolata affici non poterant, 170.171.177.178.c.1.  

Idololatria.

Idololatria est quædam inobedientia, 33.c.1.  
Idololatrię crimen commiserunt Iudæi reprobando Christum, 101.  
Idololatrię rei sunt qui p̄cipes terrenos Christo vero principi præferunt, 101.c.1.2.170.c.1.  

Ieiunium.

Ieiunium commendat Apostolus, 222.c.1.358.  
Ieiunium requiritur in statu luctus in quo sumus, 283.358.  
Ieiunium odio habent hæretici, 41.342.358.  
Ieiunium & fructus eius à Christo commendantur, 358.359.c.1.  
Ieiunium habet suam in cœlis mercedē, 359.c.1.2.  
Ieiunium non est illa exercitatio corporalis, quę ad modicum utilis est, 412.c.2.  
Ieiunia ab ecclesia indicta ad carnis castigationē, seruanda sunt, 283.c.1.2.  
Ieiunia indicere nō est nouum in ecclesia, 358.c.1.  

Iesus.

Iesus nomen cœleste ac mysteriosum, 3.c.2.4.c.1.299.c.1.334.c.1.  
Iesus nomen venerandum, etiam ex sacri canonis pontificij præcepto, 4.c.1.  
Iesus nomen diuinum est, & soli Deo in veritate conueniens, 334.c.1.  
Iesus absolutè est Dominus in Dei gloriam. ibid.



- Iesu nomine haeretici abutuntur, 4.C.1.  
 Iesum esse dominum nō potest cognoscere humana intelligentia, aut sapientia, 186.C.1.  
 Iesum esse Dominum quo pacto quis dicat salubriter, 186.C.1.  
 Ignorantia.  
 Ignorantia quæ excusat à peccato qualis sit, & quatenus excuset, 395.C.2.  
 Imago.  
 Imaginem Dei per peccatum amissam recuperat homo per baptismum, 365.C.1.  
 Imagines sanctorum dici non possunt nihil esse, 170.C.1.  
 Imaginibus Christi & sanctorum quomodo utantur in ecclesiis Christiani, 18.C.1.  
 Impius & impietas.  
 Impiorum qualis innouatio, 77.C.2.  
 Impietatis nomine quid intelligatur, 15.C.2.  
 Indulgentia.  
 Indulgentiæ quæ pro pœnis peccatorum dantur, meritis Christi & sanctorum innituntur, 237.238.C.1.317.C.1.  
 Indulgentiarum thesauri dispensatio credita est Romano Pontifici, 317.C.1.  
 Indulgentiarum dispensatio non caruit abusibus, ibid.  
 Infernus.  
 Inferni supplicii an fuerit aliquæ animæ per Christi descensum liberata, 311.C.1.& 2.  
 Inferni supplicii mancipati, quomodo Deū laudent, 19.C.1.  
 Ingratitudo.  
 Ingratitudo in Deum meretur, ut quod datum fuerat auferatur, 208.C.1.& 2.290.C.2.  
 Ingratitudo filiorum in parentes taxatur, 237.C.2.  
 Inuidia.  
 Inuidia res stulta & diabolica, 528.529.C.1.  
 Inuidiæ vitio caret homo verè spiritualis, 20.C.2.  
 Ira.  
 Ira Dei de cœlo, quæ sit, 15.C.2.  
 Ira Dei æterna propriè in euangelio reuelatur, 15.C.2.  
 Ira quo pacto citra peccatum concedatur, 315.C.2.  
 Ira bona, qualis, 315.C.1.  
 Iræ filij natura quo pacto omnes simus, 301.C.1.  
 Iræ filij in die iudicii erunt tantūmodo, qui ex proprio eorum peccato rei inueniuntur, 54.55.  
 Isaac.  
 Isaac fuit typus filiorum Dei ad quos pertinet vera promissio, 85.86.273.C.2.  
 Isaac verus, est Christus, ibid.  
 Israel.  
 Israel verus sunt tantummodo qui electi & predestinati sunt, 85.86.C.2.  
 Israel fuit talis secundum electionem Dei, non secundum carnem, 86.C.1.& 2.  
 Israel verus cur nō comedit de neruo, 86.C.1.& 2.  
 Iudæus.  
 Iudæus carnalis sub lege & peccato, respectu gentilis qualis erat, 65.C.1.69.C.1.  
 Iudæi nomen olim honorabile, 28.C.2.  
 Iudæi personam induit B. Paulus ut explicaret statum eius sub lege, 63.64.65.  
 Iudæi in scripturis nomine hominum designantur, 22.C.1.  
 Iudæi verè, qui sint, 28.29.30.  
 Iudæi quantum præstabant Gentibus per legem, 28.29.31.32.69.84.C.2.  
 Iudæi non minus indigebant gratia Christi ad salutem, quàm gentes, 32.C.2.34.35.38.C.1.  
 Iudæi cur inexcusabiles facti sunt, 32.C.2.  
 Iudæi ex lege Moseos nullum habebant proximū nisi qui ex eorum gente erat, 40.C.2.  
 Iudæi quodāmodo per Moysen sanctificati, 175.C.1.  
 Iudæi à Mose admonebantur per velamen, ut in Christum intenderent, 214.C.2.  
 Iudæi qualem Messiam expectent frustra, 126.C.2.  
 Iudæi ante Christi aduentum erant veluti pueri sub pædagogō, 277.C.1.  
 Iudæi Christi inimici, vocantur canes, 337.C.2.  
 Iudæi grauius facinus admiserunt negantes Christū, quàm olim sub Mose idololatrantes, 84.C.1.  
 Iudæi abusi sunt propria prærogatiua, 84.85.C.1.  
 Iudæi tandem conuertentur ad fidem Christi, 86.204.205.C.1.215.C.1.& 2.  
 Iudæi quomodo scandalum acceperunt à Christo, & eius prædicatione, 95.C.1.& 2.  
 Iudæi non habent amplius verum Pascha, 153.C.1.  
 Iudæorum cognomen quando inceperit, 29.C.1.  
 Iudæorum præminetia ex electione Dei fuit tā in pœnis quàm in gaudiis, 23.C.1.  
 Iudæorum gloriatio quo pacto exclusa est per legem fidei, 38.C.1.& 2.  
 Iudæorum error de iustificatione ex operibus legis absque fide Christi, 38.C.1.& 2.95.104.C.1.  
 Iudæorum error existimantium salutem ad seipso tantum pertinere, 41.C.1.  
 Iudæorum terra promissa quàm angusta, 38.C.1.  
 Iudæorum populus intendit & aspirat ad solā bonā præsentia & terrena, 215.C.1.  
 Iudæorum prærogatiua magna propter Christum ex eorum semine natum, 85.C.1.205.C.2.  
 Iudæorum falsa intelligentia circa veros Abraham filios, & veros Israelitas, 85.C.1.  
 Iudæorum stulta & insipiens gloriatio in circumsione carnali, 64.65.C.1.  
 Iudæorum populus trifariam diuisus, 180.  
 Iudæorum crimen in negando Christum verum Messiam fuit crimen idololatriæ, 101.C.1.  
 Iudæorum crimen maximum fuit occisio Christi, 104.  
 Iudæorum aliqui licet non receperint Christum, non propterea fuerunt omnino reprobari, 103.C.1.104.C.1.  
 Iudæorum duritia & perfidia notatur, 30.C.2.100.C.2.101.C.1.130.131.472.  
 Iudicare & iudicium.  
 Iudicare debet seipsum Christianus, ne à Domino Deo iudicetur, 186.C.1.  
 Iudicare seipsum, pro extollere, 122.C.1.  
 Iudicare venturus viuos & mortuos quomodo Christus intelligatur, 557.C.1.  
 Iudicium duplex, potestatis scilicet, & iudicium cōparationis, 49.C.2.154.C.2.  
 Iudicium authoritatis, & scientiæ, 262.  
 Iudicium potestatis solius est Dei, 29.C.1. 154.C.2.  
 Iudicium comparationis aliquot exemplis illustratur, 30.C.2.



- Iudicium spirituale in regno spirituali, 154.c.2.  
 Iudicium temporale in regno temporali, ibid.  
 Iudicij ultimi forma tangitur, 208.c.2.  
 Iudicij ultimi diem præcedet conflagratio mundi, 203.c.2.  
 Iudicij extremi tempus quando erit, 382  
 Iudicij extremi constitutio non propter infideles & hæreticos, vel pueros, sed propter Christianos, 248.c.1.  
 Iudicij extremi diem ante oculos semper habere deberemus ac metuerē, 220.344.c.1.  
 Iudicia legis Moseos cur populo Hebræo data: & quomodo significabant iudicia futura in Christo, 42.c.1. & 2.  
 Iudicia sæcularia non improbat lex fidei, licet non sint legis fidei & charitatis, sed sæpe falsa, & semper imperfecta, 42.c.1. & 2.154.c.2.  
 Iudicia temeraria notantur, 102.c.2.119.149.150.  
 Iuramentum.  
 Iuramentum quomodo prohibitū, 11.c.2.540.c.1.  
 Iuramentū est res religiosa & utilis, 11.c.2.120.c.2.253.486.c.2.487.c.1.  
 Iuramentum assumere quomodo liceat aliquādo etiam cum merito, 11.c.2.210.c.2.253.c.1.  
 Iuramentum vt sit iustum, quatuor præcipue concurrere debent, 253.c.1.  
 Iuramentum Dei signum puræ, certæ, & immobilis voluntatis eius, 486.487.c.1.  
 Iustificare, & iustificatio.  
 Iustificare pro pronūciare aliquem esse iustum, 26.149.c.2.190.191.c.1.  
 Iustificari factores legis, intelligitur apud Deum, in hæreticos, 25.26.  
 Iustificatio nostra per Christum solum fit, & Spiritui eius, 96.c.2.156.267.  
 Iustificatio tribus modis accipitur, 26.c.2.  
 Iustificatio hominis impij in Simone Petro figuratur, 14.c.2.35.258.c.1. & 2.  
 Iustificatio prima quæ fit in baptismo ad cursum, nullo modo ex operibus, quasi meritoriis, 35.38.43.258.c.1. & 2.286.c.2.288.301.c.2.443.  
 Iustificatio secunda post baptismum quæ fit ad coronam, fit ex operibus in charitate patratis, 35.38.45.c.1.46.97.c.2.258.282.288.c.1.443.  
 Iustificatio prima gratis quo ad nos, sed non quo ad Christum, 37.c.1.156.c.2.  
 Iustificatio prima, vt quis eam assequatur, quidnā præter fidem requirit, 44.c.1. & 2.258.  
 Iustificatio nostra prima, est quædam resurrectio secundum spiritum, 48.c.1.  
 Iustificatio per Christum operatur in homine remissionem peccatorum, & facultatem implēdi legem, 263.  
 Iustificationis doctrina apud B. Paulum & Iacobū vna & eadem traditur, 530.531.  
 Iustificationis gratia & donum potest amitti, 473.c.1.  
 Iustitia.  
 Iustitia Dei qua iustificatur impius, quomodo intelligatur, 14.c.1.36.43.c.2.52.c.1. & 2.97.257.258.c.1.338.339.340.c.2.  
 Iustitia originalis fuit donū naturę integrę, 50.c.2.  
 Iustitia consummata in paucis consistit, 95.c.2.  
 Iustitia omnis in dilectione consistit, 64.c.2.  
 Iustitia originalis non restituitur in baptismo, 66.c.1. & 2.  
 Iustitia Dei dicitur populus iustus, 221.c.2.  
 Iustitia pro charitate sumitur in scripturis, 122.156.340.c.1.  
 Iustitia legis veteris & iustitia ex fide Christi, qua ratione differunt, 96.c.2.339.340.  
 Iustitia quæ ab Apostolo dānatur, qualis, 95.338.339.348.c.1.  
 Iustitia Dei qua vnicuique ius suum tribuitur, quænam sit declaratur, 21.c.1. & 2.36.c.2.  
 Iustitiæ originalis donum in Adam quidnam efficiebat, 33.66.69.c.1.  
 Iustitiæ originalis Deo essemus debitores, si Christus pro nobis non persoluiſſet, 44.c.1.  
 Iustitiæ perfectio exigebatur ab homine in primo statu innocentie, 69.c.1.  
 Iustitiæ evangelicæ præmium, vita æterna, 97.c.1.  
 Iustitiæ legis Mosæicæ præmiū, vita tēporalis, ibid.  
 Iustitiā acceptā ferre alicui sine operibus, de qua iustitia intelligatur, 44.c.1.  
 Iustitiam nobis inhærentem negant Lutherani & noui hæretici, 45.c.1. & 2.250.257.  
 Iustitias nostras esse tanquam pannum mēstruatę quomodo intelligendum, 25.38.43.c.2.  
 Iustus.  
 Iustus simpliciter ille est intelligendus, qui coram Deo est iustus, 14.25.c.1.  
 Iustus rectē operans potest respicere ad præmium vitæ æternæ, 23.341.c.1.  
 Iustus à bono quid differat, 49.c.2.  
 Iustus quantō perfectior, tantō mæstior ob mala quæ contra Deum fieri videt, 84.c.1.  
 Iustus non solum sibi debet esse iustus, sed etiā proximo vt impleat omnem iustitiam, 124.c.2.  
 Iustus in hac vita, quamvis se iustum certissimē sciat, non propterea coram aliis se iustificare potest, 149.c.2.208.c.2.  
 Iusto lex non est posita, quō intelligatur, 111.c.2.  
 Iustum non esse quenquam, quo pacto intelligendum, cum multi re vera iusti fuerint, 34.c.1.  
 Iusti pronuntiabuntur à Deo illi tantū qui legem seruauerint, 26.c.1.  
 Iusti in die iudicij mirificē cōmēdabuntur à Deo & Angelis eius, 545.c.2.  
 Iusti sumus formaliter per donum iustitiæ nobis infusæ & inhærentis, nō per imputationem, in hæreticos, 257.258.282.338.339.340.c.2.  
 Iusti in hac vita habēt pacem apud Deū, sed adhuc imperfectam, vt quæ potest excidere, 48.c.2.  
 Iusti in hac vita habent legem, sed nō eis aduersantem, 111.112.c.1.265.285.c.1. & 2.  
 Iustorum consolatio interna, quam soli qui iusti sunt, nouerunt, 107.207.  
 Iustorum in hoc mundo duplex vita, 145.146.c.1.  
 Iustis nullus nocere potest, 554.  
 Latria.  
 Latrię cultus soli Deo debetur, 11.12.c.1.19.c.1.107.c.1. & 2.  
 Latrię cultus est sacrificium, 180.c.1.  
 Lex.



Lex variè in scripturis accipitur, 34.35.c.1.193.c.2.  
268.c.2.  
Lex Moseos qua ratione dicatur lex peccati, &  
mortis, 71.c.1.214.215.  
Lex Moseos fuit litera occidens, 214.  
Lex Moseos non extinxit peccatum, 10.c.1.  
Lex Moseos qua ratione iram operabatur, 46.47.  
64.c.1.& 2.  
Lex Moseos ad quid præcipuè data fuerit, 55.56.  
64.c.1.& 2.70.c.1.268.274.c.2.  
Lex neque Moseos, neque naturæ satis fuit ad tol-  
lendum peccatum, 32.33.35.275.c.2.  
Lex Moseos adueniente Christo cessauit, functa  
officio, 39.c.1.  
Lex Moseos quo pacto nõ erat ex fide, 46.c.2.269  
c.1.& 2.  
Lex Moseos vt Moseos, per omnia cessauit, 257.  
c.2.  
Lex Moseos cur Moseos dicatur, 273.c.1.  
Lex Moseos quo pacto per euangelium non de-  
struatur, sed per omnia stabiliatur, copiose ostē-  
ditur, 39.40.  
Lex Moseos prophetabat & imperabat, 39.40.c.1.  
Lex iudiciorū per Moysen cur populo Hebræo da-  
ta, 42.c.1.  
Lex Moseos in summa continebat dilectionē Dei  
& proximi, 39.c.1.64.c.2.393.c.1.  
Lex fidei quæ est charitas, reddit mandata non so-  
lum possibilia, verum etiam facilia, 40.41.265.  
c.2.590.  
Lex veterum cæremoniārum potius dicenda est  
cessasse & impleta, quàm soluta & destructa, 41.  
42.c.1.  
Lex amoris perfecta si feruetur, non indiget iudi-  
ciis, 42.c.1.  
Lex fidei nõ habet iudicia in hoc tempore, sed ser-  
uantur in futuro, 42.c.2.  
Lex quomodo verè impletur, 61.62.c.1.265.c.1.  
Lex quibus dominari dicatur, 62.c.1. & 2.265.c.1.  
Lex per se non poterat facere vt homo iustè opera-  
rerur, 71.96.c.2.213.214.265.c.1.  
Lex quo pacto per carnem frustrabatur suo fine,  
41.36.71.213.214.257.  
Lex operum, & lex fidei, quomodo intelligatur, &  
quid inter se differant, 37.38.40.c.1.96.c.2.265.  
c.1.& 2.  
Lex fidei dicitur lex spiritus, & lex charitatis, &  
lex perfectæ libertatis, 38.c.1.265.c.1.  
Lex cur dicatur sancta, iusta, & bona, 64.c.2.71.  
Lex fidei & gratiæ posita est iusto ad ampliorem &  
perfectiorem iustificationē, 111.265.c.1. & 2.194.  
Lex iusto non est aduersa, 285.c.1.  
Lex Christi propriè est lex charitatis, 286.c.1.  
Legis veteris decreta per Moysen tradita quānam  
dicantur, 304.c.2.358.c.2.  
Legis Moyli præcepta per se considerata quē finē  
habuerunt, 257.258.c.1.  
Legis effectus in homine cui dominatur, 62.63.  
71.c.2.  
Legis finis Christus, 95.96.269.c.1.  
Legem quomodo per omnia stabilivit Christus,  
40.c.2.  
Legem non esse iusto positam, quomodo intelli-  
gendum sit, 111.294.c.1.

Legem in vno mandato transgrediens, qua ratio-  
ne omnium reus constituitur, 529.c.1.  
Esse sub lege apud B. Paulum quā vim habeat, 59:  
60.62.c.2.265.284.c.2.

## Liber.

Liber vitæ continet non solum nomina prædesti-  
natorum, verum etiam omnium fidelium, 343.  
c.2.

Liber vitæ talis est, vt de illo possint deleri qui nõ  
sunt prædestinati, 343.c.2.

Libros Machabæorum & historiam trium Pucro-  
rum canonizat B. Paulus, 514.c.1.

Libros hæreticorum legere quā periculosum,  
447.c.1.

## Liberatio &amp; libertas.

Liberatio duplex, à malo iam incurso, & à malo a-  
liquo incurriendo, 128.c.1.

Libertas Christiana, qualis, 217.218.263.281.551.  
c.1.

Libertas B. Pauli, qualis erat, 117.

Libertas carnis est præcipuum fundamentum Lu-  
theranæ doctrinæ, 568.c.1.

Libertas infana hæreticorum nostri temporis no-  
tatur, 111.119.250.

## Liberum arbitrium.

Liberum arbitrium ostenditur, 334.c.2.

Liberum arbitrium nisi illustretur & roboretur à  
gratia & charitate, nihil potest ad salutē, 93.c.1.

Liberum arbitrium per efficacem illam vocationē  
ab Electis non aufertur, sed omninò efficacius  
statuitur & confirmatur, 81.c.2.

Liberum arbitrium absque gratia & auxilio super  
no non potest rectè operari, 213.214.250.c.1.335  
c.2.

Liberum arbitrium damnat Lutherus, 250.

Liberi arbitrij & gratiæ doctrina catholica, contra  
Lutheranos, 50.c.1.197.c.1.334.c.1.235.c.1. & 2.

Liberi arbitrij essentia in quo consistat, 81.c.2.

Liberi arbitrij defensores Pelagiani, & destructo-  
res Manichæi refelluntur, 214.c.1.

## Limbus.

Limbus locus est, vbi detinebantur animæ iusto-  
rum defunctorum ante Christi aduentum, 37.  
c.2.

Limbum expoliavit Christus, quando in cælum as-  
cendit, 311.c.1.

## Lingua.

Lingua, à quibus abstinere debet, 554.c.1.

Lingua & verbo diligere, non idem significant,  
585.c.1.

Linguam domari non posse, vel posse, quonā mo-  
do intelligatur, 534.c.1.

## Lis.

Lites vituperantur, 156.c.1.

Lites etsi aliquando sint licitæ, vt plurimum tamē  
minimè expediunt, 157.c.1.

## Locus.

Locus B. Iob: Si simplex fuero, hoc ipsum ignora-  
bit anima mea, exponitur, 240.c.2.

Locus Psalmi: Delicta quis intelligit, discutitur, ib.

Locus Salomonis: Nemo scit vtrum odio, an amo-  
re dignus sit, discutitur, 140.c.1.

## Lutherus &amp; Lutherani.

Lutherus veluti semen serpentis contumeliosè de



sanctissima Virgine loquitur, 277.c.1.& 2.  
 Lutherus fatetur se non libenter interpretari sententias Pauli asserentes vitam æternam pro premio bonorum operum reddi, 288.c.1.  
 Lutherus fatetur se docere contra doctrinam ecclesie sanctæ, & sanctorum Patrum, 248.249.  
 Lutherus quàm ineptè ostendat se purum euangelium prædicare: locus consideratione dignissimus, ibid.253.c.1.  
 Lutherus si diligenter eius doctrina inspicatur, potissimum fatagit vt sibi tanquam Apostolo abique vlla alia probatione contra ecclesiam credatur, 248.249.c.1.  
 Lutherus damnans alios hæreticos illegitimè prædicantes, semetipsum egregiè damnat, 245.c.1.  
 Lutheri & sectatorum blasphemia in stigmata sanctissimi Patriarchæ Francisci, 289.c.1.& 2.  
 Lutherani dedignantur operari spe cælestis premij, 78.c.1.& 2.  
 Lutherani pretextu Christi, quem solum se venerari simulant, eius ministros spernunt, 135.c.1.  
 Lutherani immeritò accusant & caluniose Catholicos circa iustificationis doctrinam, 78.c.1.  
 Lutherani faciunt etiam nunc licitam circumcisionem, & alias legis caeremonias, 257.c.1.  
 Lutherani soluunt homines ab omni lege, 265.c.1.  
 Lutherani superbissime atque impudentissime æquales se faciunt B. Paulo in potestate prædicandi, 247.252.c.2.  
 Lutheranorum doctrina cum catholica cõfetur, 249.250.  
 Lutheranorum doctrina fallax de iustificatione de regitur contra spiritum ecclesie, & sententias sanctorum Patrum, & præsertim B. Augustini, 45.c.1.& 2.257.c.1.& 2.  
 Lutheranorum hæresis, qui docent peccatum originale in renatis non esse sublatum, 59.c.1.& 2.264.321.c.2.  
 Lutheranorum doctrina de libero arbitrio erroribus referta, 50.250.c.1.334.c.2.  
 Lutheranorum magna impudentia negantium se prædicare vt hominibus placeant, cum re vera nihil aliud agant, 213.c.1.249.250.c.1.  
 Lutheranorum spes & fiducia de salute, quàm vana, 78.79.335.472.473.  
 Lutheranorum hæresis circa sacerdotium, 550.c.1.& 2.  
 Lutheranorum error circa traditiones ecclesie, 252.c.1.  
 Lutheranorum error perniciosissimus prædicatores instituentium illegitimè, & eos ad prædicandum mittentium, 100.c.1.245.c.1.  
 Lutheranorum mulieres sacrilegæ admonentur, 168.c.1.

Lux & lumen.

Lux summa est ipse Deus, 575.c.2.  
 Lux dicitur tempus gratiæ, postquàm iam Christus saluator venit, 117.c.1.  
 Lux frequenter vocatur apud scripturas id quod est verè lucidum, 575.c.2.  
 Lucis arma quænam sint, 117.c.2.  
 Lumen naturale à lumine fidei præsupponitur, 355.356.c.1.

M.

Magistratus.

**M**agistratus secularis non habet ius mittendi prædicatores ad prædicandum verbum Christi, in Lutheranos, 100.c.1.245.c.1.  
 Magistratus secularis per euangelium non impeditur ne possit exercere gladium in delinquentes, 111.112.c.1.

Magnanimus.

Magnanimus quis verè sit, 20.c.1.  
 Magnanimus sine Dei gratia nullus est verè, sed in status potius & tumidus, ibid.  
 Magnanimus in lege Christi hoc habet, vt bene precetur inimicis & persecutoribus, 110.c.1.

Maledictum & malum.

Maledictum legis antiquæ, & maledictum euangelij, qua ratione differunt, 269.  
 Maledictum peccati Adæ & maledictum legis, 270.c.1.  
 Malum non semper accipitur pro peccato, sed pro incommodo & minus honesto, 159.c.2.  
 Malum de proximo cogitare an liceat, & quādo, 190.c.2.  
 Mala ex mundo tria præcipua, 580.  
 Mala non esse facienda vt eueniāt bona, 31.32.c.1.

Mandatum.

Mandatū nouum, & mandatum vetus, quomodo intelligantur, 578.579.c.1.  
 Mandatum dilectionis nedum per Christi legem destruitur, sed perfectius ex omni parte roboratur ac stabilitur, 40.41.  
 Mandatum illud, Non concupisces, in hac vita impleri potest cum Dei gratia, 116.c.2.  
 Mandata Christi in nouo testamento perfectiora omnino legis Moysi mandatis, 40.41.c.1.  
 Mandata Dei esse impossibilia, asserunt hæretici, 25.40.41.46.72.97.c.2.133.c.1.310.c.1.  
 Mandata tradere & exigere impossibilia, iniustitia est, nec bonitati Dei conueniens, 32.41.c.1.  
 Mandata Dei per Christi gratiam sunt possibilia, 32.40.41.72.97.c.2.133.c.1.310.c.1.329.c.1.331.348.c.1.496.c.1.544.c.1.

Maria Dei mater.

Maria est semen David, de quo natus est Christus, 7.c.1.  
 Maria mundi appellatione non comprehenditur, 51.c.1.  
 Maria in originali peccato minime cõcepta ex priuilegio speciali creditur ab ecclesia Rom. & ab omnibus aliis ecclesiis, cuius etiā celebratur cõceptio, 51.c.1.55.c.1.& 2.357.c.1.  
 Maria quomodo ab originali peccato liberata, 128.c.1.  
 Maria cur non fuerit à morte corporis præseruata, ibid.  
 Maria singularis Christianorum aduocata, 76.c.1.  
 Maria fuit figurata in Sara tanquam mater omnium credentium in Christum, 85.c.1.279.  
 Maria miro modo cooperata est Christo Redemptori ad salutem mundi, 237.c.1.500.501.c.1.  
 Maria per excellentiam, Mulier vocatur, 277.  
 Maria singulariter Domina dicitur, 455.c.1.  
 Mariæ sanctitas qualis, 289.  
 Mariam afficere contumelia non perhorruit primogenitus Diaboli Lutherus, 277.c.1.& 2.



## Martyr.

Martyrum verorum & hæreticorum differentia,  
351.C.2.372.C.1.

## Matrimonium.

Matrimonium esse vnum ex septem sacramentis  
ecclesiæ defenditur, 322.C.1.

Matrimonium legitimè contrahitur, si mas & fœ-  
mina mutuo consentiant, 169.C.1.

Matrimonium damnare est hæreticorum propriū  
412.C.1.426.C.2.

Matrimonium quomodo præceptum à Deo, 159.  
160.C.1.

Matrimonium cur vtilius cœlibatu ab initio, 159.C.2.

Matrimonium inter fratres esse omnino turpe, e-  
tiam Philosophus ipse cognouit, ibid.

Matrimonium in statu gratiæ, quomodo bonum,  
ibid.

Matrimonium contrahere non possunt qui castita-  
tem voverunt, in Lutheranos, 160.161.

Matrimonium contrahere tenentur laici qui con-  
tinere vel nolunt, vel non possunt, 161.C.2.

Matrimonium Christianorum nullo modo admit-  
tit pluralitatem vxorum, ibid.

Matrimonium dicitur quædā servitus, 162.163.C.1.

Matrimonium inter fideles contractum non solui-  
tur, si postea alter coniugum labatur in infideli-  
tatem, 166.C.2.

Matrimonium inter fidelem & infidelem contra-  
ctum non valet, & eius diuortium permittit A-  
postolus, 162.163.C.1.166.C.2.169.C.1.

Matrimonium contrahere cum hæretico, licet ra-  
tum sit, est tamen peccatum, 166.C.2.

Matrimonium cōtrahere inter dispares cultu pro-  
hibitum est & iure naturali & diuino, 168.169.  
223.

Matrimonij duo sunt fines post Adæ peccatum,  
160.C.1.& 2.

Matrimonij regula à Christo data, de matrimoniis  
fidelium intelligitur, 163.C.1.

Matrimonij viculis ligati qua ratione liberti Chri-  
sti ab Apostolo dicantur, 162.C.1.

Matrimonij debitum an possit ab altero coniugū  
citra peccatum recusari, 161.C.2.

Matrimonij diuortium facere, an aliqua de causa  
liceat, examinatur, 163.C.1.& 2.

Matrimonij incommoda, 159.167.168.C.1.

Matrimonia quæ nunc essent illicita, cur à princi-  
pio mundi tolerabantur, 160.C.1.

Matrimonia infidelium sunt immunda, nec habēt  
Deum assistentem, 165.C.1.& 2.

Matrimonia infidelium quō valida, 165.166.C.1.

Matrimonia clādestina rectè & magna ratione ab  
Ecclesia irritantur, 169.C.1.

## Melchisedec.

Melchisedec fuit verus homo, licet ob mysterium  
dicatur sine patre & sine matre, &c. 491.C.2.

## Mendacium.

Mendacium officiosum sitne quandoque licitum,  
32.C.1.& 2.

Mendacium per errorem prolatum, non est pro-  
priè mendacium, 249.C.1.& 2.

Mendacium officiosum quandoque à Deo præ-  
miatur, quatenus officiosum, 32.C.1.

Mendacium est homo, vt homo est, 31.C.1. 249.

## Mens.

Mens dicitur homo interior, 59.C.1.67.C.2.69.C.1.

## Merces &amp; mercenarius.

Merces in cœlo constituta est operibus bonis in  
hæreticos, 146.C.2.174.323.C.2.506.C.2.

Merces quo pacto verè dicatur reddi unicuique se-  
cundum suum laborem, 146.C.2.

Mercedem in cœlo non habent, nisi qui sponte &  
voluntarij operantur, non autem qui inuiti &  
solummodo ad euitandam pœnam, 173.C.2.

Mercedem vberiore habebunt, qui ea amplius  
operantur, ad quæ minime obligabātur, 173.C.2.

Mercedem promittens, opus prius exigit, 193.C.1.  
& 2.

Mercenarij boni, spe præmij cœlestis operantur,  
341.C.1.347.C.1.& 2.

Mercenarij mali notantur, 173.C.2.339.C.1.

## Meritum.

Meritum bonorum operum est vita æterna, 22.23.  
C.1.& 2.26.C.1.218.C.2.

Meritum nostrum quodcumque apud Deum, præ-  
supponit gratiam eius ac liberalitatem, 23.C.1.  
329.C.1.331.C.1.335.C.1.

Meritum Christi cum delicto Adæ confertur, 54.  
C.2.

Meritum Christi pro omnibus hominibus compa-  
ratum, 55.C.1.& 2.90.C.2.351.352.

Merita nostra vel demerita in donis Dei gratiosis  
non expenduntur, 91.C.1.

Merita Christi nobis applicata faciunt nos mereri  
etiam de condigno, 125.C.1.& 2.

Merita Christi operantur vt Sanctōrū merita pro  
aliis prosint, 135.136.C.1.237.C.2.352.C.1.& 2.

Merita bonorum operum ad retributionem vitæ  
æternæ ab Apostolo asseruntur, 146.C.1.& 2.

Merita Christi vt homini prosint, necesse est vt il-  
li applicentur, 237.C.2.352.

Merita Christi non nisi credentibus applicantur,  
36.37.352.C.1.& 2.

Merita Sanctōrum, merita Christi iure optimo di-  
ci possunt, 353.C.1.& 2.

Merita iustorum in gloriam & laudem Dei cedūt,  
329.C.1.335.C.2.

Merita æstimare solius Dei est, 481.C.1.

## Minister.

Minister Christi verus per omnia debet quærere  
illius gloriam, 149.C.1.& 2.

Minister baptismi idoneus est quilibet, 136.C.1.

Ministri Christi non sunt spernēdi prætextu Chri-  
sti, contra Lutheranos, 135.C.1.205.C.1.

Ministri Christi quid de se sentire debent, 150.C.1.  
& 2.

Ministri verbi Dei & sacramentorum honorificè  
ab omnibus tractandi sunt, 337.C.1.

Ministorum verbi & sacramentorum ecclesiasti-  
corum auaritia notatur, 346.C.1.& 2.

Ministris Dei oblata, Deo oblata dicūtur, 346.C.1.  
& 2.

## Miracula.

Miraculum summum, cōuersio peccatoris, 251.C.1.

Miraculorum testimoniis probare debent suas re-  
uelationes, qui asserunt se illas à Deo habere,  
250.C.2.

Miracula nulla faciunt noui hæresiarchæ, 387.C.1.



- Miracula Antichristi qualia, 385.386.c.1.  
Misericordia.  
Misericordia Dei magna, qualis, 545.c.1.  
Misericordia Dei semper superat iudicium illius, & iam atque vindictam, 94.95.c.1.  
Misericordiæ Dei super se certi sunt, qui à mundo Christum sequentes se auellunt, 288.c.2.  
Misericordiæ abūdantia vult potius laudari Deus, quàm exercitio iustitiæ, 86.c.2.87.c.1.  
Misericordiam præcedit dilectio. 94.95.c.1.  
Missio.  
Missio legitima ad prædicandū à Deo est, 100.c.1.  
Missio cuiusquam ad prædicandum legitime non potest à sæculari magistratu proficisci, 100.c.1. 245.c.1.  
Missio quæ à Deo est, vel est immediatè, vel mediatè per homines, 5.126.243.  
Monachus.  
Monachorum status & vita instituta fuit ab ipso Christo non ab hominibus, 161.  
Monachorum status, est status perfectionis Christianæ, 161.226.c.2.370.c.2.  
Monachorum regulas impiè damnant Lutherani, 252.c.1.  
Monachorum regulæ à Papa probantur, vel improbantur, 263.c.1.  
Monachorum vita in ecclesia primitiua floruit, 370.c.2.  
Monachorum quænam mendicitas defendi debeat, 389.c.1.420.  
Mors.  
Mors animæ & corporis propter peccatum originale introducta, 50.51.54.55.c.1.  
Mors animæ fuit priuatio datæ gratiæ, & iustitiæ originalis, 50.51.c.1.  
Mors secunda quæ est æterni ignis, nō datur in peccatum peccati originalis, 53.34.55.c.1.87.c.1.& 2.  
Mors secunda est eorum poena peccatorum, quæ propria voluntate committuntur, 60.c.2.64. 69.c.2.  
Mors quomodo intrat per sensus corporis, 68.c.2.  
Mors corporis quo pacto rectè somno comparatur, 116.c.2.375.  
Mors est vox æquiuoca in scripturis, 206.  
Mors qua ratione per Christi mortem destruetur, 199.c.1.& 2.  
Mortis regnum, quale, 54.c.2.  
Mortis regnum vsque ad extremum iudicium duraturum, 54.55.c.1.204.c.1.& 2.  
Mortis timore multa faciunt homines, 83.c.1.  
Mortis amicorum causa lugere licet, 375.  
Mortem corporis nemo omnino euadet, 198.c.2. 203.375.c.2.  
Mortem obeuntes in Christo, etiam in Adam quo ad corpus aliquo modo moriuntur, 198.c.1.  
Mortem non timet, qui Dei legem & præcepta obseruat, 204.469.c.1.& 2.  
Moses.  
Moses cur exauditus est rogans pro populo, & B. Paulus minime, 84.c.1.  
Moses quo pacto viderit Deum facie ad faciem, 191.c.2.  
Moses auctor legis quam promulgauit, 273.c.1.  
Moses fuit mediator veteris testamenti, 275.c.1.  
Mosi non obediunt Iudæi, si Christi fidem non recipiunt: quia de illo testificatur, 96.c.2.  
Mulier.  
Mulier absolutè per antonomasiam dicitur Beatissima Virgo Maria, 277.c.1.  
Mulierem, & non virum, fuisse seductam, quomodo intelligitur, 406.  
Mulieres Deo vacantes in statu virginitatis aut castitatis, possunt quādoque ex dispensatione docere in Ecclesia, 195.c.1.405.c.1.  
Mulieres quatenus debeant subdi suis maritis, 320. c.1.& 2.  
Mulierum ornatus modestus esse debet, 403.c.2.  
Mulierum abusus in vestimentis detestandus, 404. 412.c.1.525.526.c.1.  
Mulierū nimius & superfluous ornatus, an sit mortale peccatum, 405.c.1.  
Mulieribus coniugatis non licet docere in Ecclesia, 195.c.1.& 2.405.c.1.  
Mundus.  
Mundus quomodo saluari poterat ante legem, 54. c.1.  
Mundus per mortē Christi diues factus est, 104.c.1.  
Mundus per Christum reconciliatus est cum Deo Patre ab ira antiqua, 104.c.1.& 2.  
Mundus ante Christi aduentum erat veluti puer sub pædagogo, 276.c.2.  
Mundus habet suas aetates ad similitudinem hominis Christi, 277.c.1.307.  
Mundus vnus tantum, 300.c.2.  
Mundus plerunque in scripturis in malam partem accipitur, & quos significet, 300.c.2.  
Mundi totius Saluator Christus, non vnus partis mundi tantum, 88.c.1.  
Mundi gloriam quærentes, amittunt cœlestē, 148. 149.c.1.  
Mundi gloria quàm vana & caduca, 148.149.c.1.  
Mundi conflagratio vniuersalis erit ante diem iudicij extremi, 203.c.2.  
Mundi elementa dupliciter intelliguntur, 276.277. c.1.  
Mundi ætas matura, dicitur plenitudo temporis, 276.c.1.& 2.  
Mundo exiisse debent Christiani, 153.c.2.  
Mundo frui, & in cœlis regnare, impossibile, 109. c.2.  
Mysterium.  
Mysterium summū dicitur incarnatio Verbi Dei, 131.142.c.1.296.c.2.305.c.2.  
Mysterium incarnationis Filij Dei lumine naturali non potest apprehendi, 141.142.c.1.& 2.  
Mysterium incarnationis notum fuit Angelis ab initio ante casum malorū, 130.131.307.334.c.1. 425.c.2.436.  
Mysterium incarnationis Verbi Dei est, in quo re- lucet integra ac perfecta Dei sapiētia, 142.c.1.  
Mysterium Christi reuelatum Adæ ante peccatū, 165.c.1.  
Mysterium Christi totum patefactum est in eius morte & resurrectione, 196.c.2.  
Mysteriū incarnationis Verbi Dei quibus fuit insinuatū, 305.  
Mysterium incarnationis quo pacto Angelis innotuit, 207.c.1.306.c.2.  
Myste-



Mysterium incarnationis Verbi Dei quo pacto in  
matrimonio primorum parentū præfiguratum  
fuit, 222.C.1.2.  
Mysterium fidei intelligitur calix sanguinis Chri-  
sti, 409.C.1.  
Mysteria cœlestia verbis humanis non possunt i-  
doneè exprimi, 235.C.1.2.

## N.

## Natura.

**N**atura dupliciter distingui solet, in integram,  
& corruptam, 35.C.2.  
Natura rectè & integrè cōstabat per donum  
iustitiæ originalis, 52.C.1.69.C.1.  
Natura fuit corrupta in Adam, 51.C.2.  
Natura quæ nobis insunt, non dicuntur dona in scri-  
pturis, 40.C.1.2.  
Naturæ humanæ non debebatur altissimus finis,  
id est, cœlestis beatitudo, 77.78.C.1.  
Naturæ lapsæ status describitur, 33.34.C.1.69.C.2.  
Naturam humanā statuere, & gratiam Christi de-  
struere, est Pelagianum, 26.C.1.  
Naturas rerum violare non est Dei, 182.C.1.

## Negare.

Negare seipsum Deus cur non potest, 417.C.2.  
Negare Christum, est negare totam fidem, 581.  
C.2.  
Negare Deum censentur non solum qui dictis ne-  
gant, sed qui factis turpiter viuunt, 33.C.1.431.  
C.1.

## Nox.

Nox dicitur tempus ante Christi aduentum, 117.  
C.1.  
Noctis tempore multa fiunt licitè, quæ clara die  
fieri decenter nequeunt, 117.C.2.

## Nuptiæ.

Nuptiæ vnde dictæ, 180.C.1.2.  
Nuptiæ vt sanctæ & legitime defenduntur, contra  
Tacianum veterem hæreticum, 287.C.2.  
Nuptias probat & honorat Ecclesia, 123.C.1.  
Nuptias apostatarum monachorū, & aliorum qui  
castitatem voverunt, improbat & detestatur Ec-  
clesia, ibid.  
Nuptias quo sensu videtur damnassee B. Hierony-  
mus, in quosdā imperitos perperam intelligen-  
tes, 159.C.1.2.

## O.

## Obedire.

**O**bedire suis Prælati tenentur prorsus omnes  
Christiani, 250.C.2.  
Obedire parentibus quo pacto tenentur filij,  
323.C.1.  
Obedire Dominis quomodo debent serui, 323.C.2.

## Oblatio.

Oblationes quæ ministris Dei porriguntur, Deo  
offerri censentur, 346.

## Odium.

Odi appellatione quandoque remissior dilectio  
significatur, 90.C.1.91.C.1.2.  
Odio vitiorum multi se in zelum rapi putant, cum  
reuera hominem ipsum oderint, 534.C.1.

## Omnes.

Omnes homines ob primum peccatum rei co-  
ram Deo, 54.C.2.301.

Omnes in Adam peccauerunt, 37.C.1.52.53.301.  
Omnes natura propter antiquum peccatum læsi  
sumus, & facti peccatores, 49.C.2.  
Omnes homines cur astrinxit Deus ad præceptū  
charitatis obseruandum, 89.C.1.  
Omnes homines esse à Deo ordinatos ad salutem  
& posse saluari, clarè & potenter ostenditur vel  
ex vnico loco illo B. Pauli: Deus vult omnes ho-  
mines saluos fieri, &c. in fine & in sequentib. 293.  
294.C.1.400.401.

Omnes homines omnino morientur morte cor-  
poris, 198.C.2.203.C.2.501.C.1.  
Omnes homines per Christum resurgēt, etiam in-  
fideles, 198.C.2.203.C.1.204.C.1.  
Omnium hominū Mediator missus à Patre Chri-  
stus, 74.C.1.87.C.2.88.C.1.90.C.1.294.C.1.  
Omnibus hominibus prorsus offeritur Mediator  
Christus, & eius merita idoneè ad salutem, 36.  
37.C.1.55.87.88.90.C.1.354.  
Omnibus Christianis proponuntur indifferenter  
pastores ad salutem, 89.C.1.arg.20.  
Omnibus possibilitatem salutis non concedere ex  
parte Dei, inducit multa ac magna absurda, 89.  
90.354.

## Opera.

Opera bona quibus rationibus vitam mereantur  
æternam ostenditur, 23.C.2. & sequent. 218.  
287.C.2.  
Opera bona qua ratione sint vtilia Deo, 23.24.C.1.  
Opera hominis adhuc impij & iniusti nullo mo-  
do merentur primam iustificationem, 33.38.  
266.335.C.2.  
Opera hominis iam iustificati perficiunt iustifica-  
tionem ad coronam & meritum vitæ æternæ,  
35.38.45.46.97.174.302.442.443.  
Opera legis fidei, quo fine fiant à iustis, 38.C.2.96.  
174.C.2.441.C.1.  
Opera bona implent fidem, & quomodo, 47.C.2.  
Opera bona qua ratione nostra dicuntur, 50.C.1.  
235.C.1.2.335.C.1.  
Opera bona spem viuam pariunt, 48.49.C.1.2.  
Opera præuisa dicere causam esse prædestinatio-  
nis, est hæresis pelagiana, 81.C.1.2.  
Opera quæ ab Apostolo dānantur, quænam sunt,  
95.C.2.  
Opera & bona & mala quandoque appellatione  
oris significantur, 98.C.2.  
Opera tenebrarum notantur, 117.C.2.  
Opera supererogationis ampliorem mercedem in  
cælo habebunt, 173.C.2.  
Opera mortua quænam sint, 483.C.2.  
Opera facta solo timore seruili nullā in cælo mer-  
cedem habent, 173.C.2.  
Opera nostra vt sint valida coram Deo, debent ef-  
se formata charitate, 190.C.1.2.  
Opera bona in genere an fiant ex vera charitate  
plerunque nescimus, ibid.  
Opera satisfactoria pro defunctis fidelibus com-  
mendantur, 200.C.1.  
Opera hæreticorum in specie bona quidem appa-  
rere, at esse verè bona non possunt, 318.C.1.  
Opera bona pariunt confidentiam in die iudicij,  
325.C.1.  
Opera verè bona nemo potest facere absque Dei  
auxilio speciali, 335.C.2.



- Operum bonorum mercedem repositam in cœlo ab Apostolo manifestè asseritur, in Lutheranos, 146.173.204.c.1.229.c.1.323.324.c.1.
- Operum bonorum fructus in hac vita est augmentum gratiæ, & in cœlo gloria, 348.c.1.
- Operum meritis salutē nostram cōsequimur, contra hæreticos nouos, 335.c.2.381.c.1.
- Operibus legis non iustificari quenquam, quomodo intelligatur, 38.c.2.
- Operibus bonis possunt sibi facere certam ac firmam electionem suam qui non sunt electi summa prædestinatorum electione, 83.354.355.c.1.
- Orare & Oratio.
- Orare debemus spiritu & mente, 193.c.1.
- Orare animo & corpore decenter composito debemus, in eos qui hac parte sunt negligentiores, 308.
- Orare quàm sit necesse ut diaboli insidiis & tentationibus resistere possimus, 325.c.1.2.
- Orare quàm sit necesse ad impetrandum & obtinendum Christi auxilium, 479.c.1.
- Orare tenentur populi pro suis superioribus, 208.c.1.326.c.1.2.399.c.1.
- Orare sicut oportet, cur nescire dicamur, 173.174.c.1.
- Oratio quanto cum timore & humilitate fieri debet: & quàm pauci sint veri oratores, 326.c.1.
- Oratio perfecta quibus circumstantiis fulciri debet, ibid.
- Oratio requirit puritatem manuum, 403.c.1.2.
- Oratio est pars præcipua gratiarum actionis, 10.c.2.325.326.c.1.
- Orationis necessitas & fructus, 344.c.1.399.c.1.
- Orationis assiduitas & locus conueniens qualis, 12.c.1.325.402.403.c.1.2.
- Orationem debet præcedere præparatio animæ, 325.326.c.1.
- Orationem nostram Deo offerimus velut fidei nostræ protestationem, 75.c.1.
- Oratione nostra id petere debemus, quod sit secundum voluntatem Dei, 79.c.1.2.
- Orationes publicæ & communes pro causis communibus & grauibz requiruntur, 207.208.399.c.1.
- Orationes & petitiones cum magna fide, & sine hæsitacione esse debent, 524.c.1.2.
- Orationes ecclesiæ cur quibusdam non prosunt, 400.c.1.
- Ordo.
- Ordo diuinæ prouidentię pro hominum reparatione, 268.269.c.1.
- Ordo Episcoporum, 326.c.2.
- Ordo diaconatus, ibid.
- Ordo non semper indicat dignitatē, 243.259.c.1.
- Ordine seruato facienda sunt omnia in Ecclesia, 125.126.185.
- Ordinationes clericorum quanta circumspectione fieri debent, 366.c.1.
- Orium.
- Orium quàm fugiendum, 390.c.1.
- Orium quidam malunt quàm honestis exercitiis vacare, ibid.
- Orium aliorum perspecto plerūque remissiores fiunt bene operantes, 390.c.1.
- Orium vacare nō dicitur, qui exercitiis spiritualibus deditus est, licet manibus non laborez, 389.c.1.
- P.
- Pactum.
- Pactum inter Deum & Adam quodnam interuenit statim ab initio, 52.53.c.1.
- Pactum inter Deum & hominem lapsum nullum est, antequam ingreditur homo per fidem in Christo ad militandum, 92.c.2.
- Pactum & signum pacti dicitur circuncisio, 272.c.1.2.
- Pactum dicitur Christus, ibid.
- Panis.
- Panis spiritualis est corpus Christi in Eucharistia, 177.c.1.
- Panis spiritualis quid in nobis operetur, ibid.
- Panis erat iam consecratus quum dixit Christus: Accipite & manducate: Hoc est corpus meum, &c. 183.c.2.
- Panes propositionis cur sanctificabantur, 170.c.1.
- Papa, Vide pontificem Rom.
- Parabola.
- Parabola Samaritani qui curauit seminiuum relictum à latronibus, exponitur, 36.c.2.
- Parabola de eo qui est proximus noster, 40.c.2.
- Parabola talentorum exponitur, 91.c.1.2.
- Parabola zizaniorum summatim exponitur, contra prauum hæreticorum sensum, 111.c.2.
- Parabola vineæ, 146.c.2.
- Paradisus.
- Paradisi cœlestis incolæ vna lingua loquentur, 191.c.1.
- Pascha.
- Pascha Christianorum Christus crucifixus, 153.c.1.
- Pascha Christianorum iugiter immolatur, ibid.
- Pascha non habent recentiores hæretici, ibid.
- Pascha Iudæorum cessauit, ibid.
- Pastor.
- Pastor ecclesiasticus in peccato mortali existēs an sit pastor, & an sit capax donorum spiritualiū, 187.188.c.1.
- Pastor fidē amittēs desinit esse pastor, 187.188.c.1.
- Pastor quodnani proprium & debitum officium exercere teneatur, 108.c.2.
- Pastores proponuntur omnibus indifferēter, 89.c.1.
- Pastores verī esse possunt, qui non sunt de numero prædestinatorum, in hæreticos, 89.c.1.
- Pastores debent docere oues sibi cōmissas, 313.c.1.
- Pastores licitè accipiunt ab ouibus subsidia ad vitę sustentationem, 172.173.287.c.1.
- Pastores non debēt querere quæ sua sunt, 336.c.2.
- Pastores summopere vitare debent omnem auaritiæ suspicionem, præsertim in ministrandis sacramentis, 236.c.2.
- Pastores seuerissimè coget Deus ad reddendam rationem ouium perditarum, 89.c.1.121.c.1.
- Pastores boni maxima donabuntur gloria & præmio in cœlo, 336.c.1.
- Pater.
- Patres de educatione liberorum admonentur, 323.c.2.
- Patres probi merentur à Deo dona pro filiis, 331.c.1.2.
- Patientia.
- Patientia Dei multi abutuntur in suam ipsorū perniciem sempiternam, 520.521.c.1.



- Patientia magnum est signum, quo ostēditur quis sit verē seruus Dei, 236.C.1.  
 Paulus Apostolus, 1.C.2.  
 Paulus erat ciuis Romanus, 1.C.2.  
 Paulus quando, & quare nomen mutauit, 2.C.1.2.  
 Paulus eximiae ac mirificae cōuersionis exemplar, 2.C.2.251.C.1.  
 Paulus fuit typus eorum qui syncerē ad Deū conuertuntur, 2.C.2.  
 Paulus qua ratione seruus Christi dicatur, 3.C.2.  
 Paulus apostolatū excellentem ac dignitate quadam praecipuum habuit, 5.C.1.243.C.1.305.C.2.  
 Paulus segregatus in euāgeliū, quibus modis, 5.C.1.  
 Paulus fuit peculiaris Gentium praedicator, 9, 252.C.1.256.C.1.2.  
 Paulus cur Deum vocat Deum suum, 10.C.2.  
 Paulus quo spiritu praedictus, 11.C.1.2.  
 Paulus accensus desiderio communicādi dona spiritalia fratribus, 12.C.1.2.  
 Paulus iniquē calumniam patiebatur, 11.32. & seq.  
 Paulus talis erat, & eius praedicatio tam efficax, ut ei credere tenerentur quibus praedicabat, 38.39.C.1.  
 Paulus quanta charitate plenus ostenditur, 84.C.1.174.C.1.  
 Paulus non optabat separari à gratia Christi per peccatum, sed à gloria & commodo proprio, ob aliorum salutem, 84.C.1.  
 Paulus cur nō exauditus est à Deo pro Iudeis, cum Moses ipse fuerit exauditus, 84.C.1.  
 Paulus vnus erat ex numero praedestinatorum, 176.177.305.C.2.  
 Paulus quo pacto nolebat scire nisi Iesum Christum, & hunc crucifixum, 14.C.1.  
 Paulus fuit eloquens eloquentia Spiritus sancti, 144.C.2.232.C.2.  
 Paulus dicitur pater eorum Christianorum, quos ad fidem Christi conuertit, 151.152.C.1.  
 Paulus zelo animarum flagrans ostenditur, 174.C.1.179.C.1.231.232.C.1.233.C.1.2.  
 Paulus fuit peritus linguae graecae, contra Erasmi calumniam, 193.C.1.2.  
 Paulus sollicitudinem magnam pro necessitatibus pauperum Christianorum suscipiebat, 204.C.1.  
 Paulus humilitate conspicuus commendatur, 205.C.1.306.C.1.2.  
 Paulus duplici caractere, scilicet baptismi & sacerdotij fuit à Deo signatus, 110.C.1.2.  
 Paulus quo pacto syncerē fungebatur munere suo in euangelio praedicando, 215.216.C.1.  
 Paulus non solum verbo, sed & exemplo praedicabat, 221.222.C.2.  
 Paulus non placebat hominibus, nisi quatenus ad eorum salutem erat vtile, 248.249.C.1.  
 Paulus an verē & non simulatē reprehenderit Petrum & de obseruatione legalium, 258.C.1. & seq.  
 Paulus fuit pater & mater eorum quos ipse genuit in Christo, 279.  
 Paulus quo pacto intelligatur fuisse sine querela in Iudaismo, 338.C.1.  
 Pauli ordo in docendo commendatur, 107.C.1.  
 Paulo quantum debeant gentiles, 127.C.1.  
 Paulo fuerit ne vxor aliquando, 128.C.2.162.163.172.C.1.2.342.343.  
 Pax.  
 Pax Christianorum duplex, 8.C.2.48.C.2.  
 Pax Dei oritur iis qui à mundo Dei amore, Christum sequentes, se liberant, 288.C.2.  
 Pax Dei ex bonis operibus venit, 245.  
 Pax quam necessaria sit Christiano, 242.C.1.2.  
 Pax Christiana in quo consistit, 242.C.1.2.  
 Pax mundi falsa, ibid.288.C.2.  
 Pax sequitur charitatem, 544.C.2.  
 Pax quatenus possit haberi cū malis hominibus, 110.C.1.  
 Pax cum haereticis nullo modo habenda, ibid.  
 Pacis Dei effectus, pacata consciētia, 344.362.C.2.  
 Pacis recta via est Christus, 34.C.1.  
 Pacis amator Spiritus sanctus, 242.C.1.2.  
 Peccare & Peccatum.  
 Peccare, peccatum habere, & reum esse peccati, quid differant, 59.C.1.  
 Peccare non coguntur, qui sunt sub gratia, 56.C.2.67.68.C.1.284.C.1.2.  
 Peccatum originale fuisse vnum, & dignum venia in posteris, nec esse causam reprobationis à regno Dei: & quam poenam meruerit, ostenditur multis & efficacissimis argumentis, quae ponderari omnino debent, 86. & seq. per totum, & iterum 94.292.350.C.2.  
 Peccatum originale quid propriè, 50.52.C.2.  
 Peccatum originale quomodo intrauit in mundum, 51.52.C.1.  
 Peccatum originale simpliciter vocatur peccatum in scripturis, & quare, 43.44.C.1.  
 Peccatum originale Ecclesia sancta fateri propagatione à parentibus in filios transfundi, & negat imitatione contrahi: contra Pelagianos, 52.C.2.53.C.1.  
 Peccatum originale quo pacto per legem cognoscatur, & quo imputabatur, 35.46.47.53.63.64.C.1.  
 Peccatum originale nobis non imputatur, cum ingredimur in Christum, 43.44.C.1.  
 Peccatum originale non erat necessarium, nec villo modo (sicut nec vllm aliud peccatum) fuit à Deo intentum, 56.C.1.2.  
 Peccatum iuste fuit damnatum in carne Christi, 72.C.1.2.  
 Peccatum dicitur factus Christus figuratè, 221.C.1.2.  
 Peccatum in carne, quomodo appelletur, 153.C.1.  
 Peccatum scruendo per homines in Christum, quomodo ius suum perdidit, 72.C.1.2.  
 Peccatum aliquando permittit Deus in poenā peccati, 18.20.93.176.C.2.  
 Peccatum quibus verē & magis impurabile, 15.C.2.23.63.116.117.317.  
 Peccatum ad mortem quid, 593.C.1.  
 Peccatum quomodo praedestinaris cooperetur in bonum, 80.C.1.2.  
 Peccatum detractionis est directò contra charitatem, 284.C.1.  
 Peccatum nulla lege vetitum non debet imputari, 46.47.C.1.53.203.204.C.1.  
 Peccatum sine lege mortuū, quomodo per legem reuixerit, 63.64.C.1.  
 Peccatum non regnare in nostro mortali corpore, quomodo intelligatur, 59.C.1.68.C.1.  
 Peccatum simul cum Dei gratia constare non potest: contra Lutheranos, 58.59.66.70.74.C.1.  
 Peccatum esse omne quod non fit ex fide, ostenditur, 123.C.1.2.269.C.2.



- Peccatum non vult Deus vt peccatū est, 55.c.2.525.  
 Peccatum vitare iam sua culpa non possunt multi  
 mali Christiani, 284.285.c.1.  
 Peccato subesse, quid sit, 32.56.c.2.64.65.  
 Peccatorū prateritorū aliquando meminit Deus,  
 si homo in eadem relabatur, 101.c.1.  
 Peccatorum remissio per Prælatos in Ecclesia du-  
 plex, 212.c.1.  
 Peccatorum vitandorum præsentaneum remediū,  
 578.c.1.  
 Peccatorum varia perpetratio, varium quoq; cor-  
 rectionis genus requirit, 286.c.1.  
 Peccatorum alienorum reatum & pœnas debent  
 in se assumere viri spirituales, ibid.  
 Peccata venialia charitatis operibus assidue tegun-  
 tur, 43.44.c.1.  
 Peccata post primam iustificationem commissa,  
 quomodo dimittantur, 36.43.44.c.1.  
 Peccata iustorum in hac vita purgantur, ad vitan-  
 dum futurum iudicium, 559.c.1.  
 Peccata publica publicè arguenda, 257.c.2.  
 Peccata occulta occultè sunt corripienda, 283.284.  
 Peccata lenia ex quibus Deus indignatur ex parte,  
 67.c.1.  
 Pelagianus.  
 Pelagius suscitauit errorem Iudæorum de iustifica-  
 tione, 96.c.2.  
 Pelagianus negat peccatum originale, 52.c.2.  
 Pelagianus est qui asserit gratiam non esse necessa-  
 riam ad bene agendum, 27.c.1.  
 Pelagiani ab Ecclesia damnati, 52.c.1.  
 Pelagiani gratiam vocabāt id quod naturaliter no-  
 bis inest, 50.c.1.  
 Pelagianorum argumenta contra peccatum origi-  
 nale refelluntur, 51.52.53.c.2.  
 Pelagianorum hæresis asserit operum bonorum  
 præscientiā esse causam prædestinationis, 80.c.1.  
 Perfectio.  
 Perfectio hominis duplex, 339.c.2.  
 Perfectio absoluta cui nihil addi possit, non con-  
 ceditur vlli in hac vita, 341.c.1.2.  
 Perfectio hominis multiplex, 341.c.2.353.482.c.1.  
 Perfectio Christianæ vitæ quibus partibus absol-  
 uitur, 347.c.2.  
 Perfectionem consequutus in Christo quis dica-  
 tur, 354.c.1.  
 Perseuerantia.  
 Perseuerantiæ donum est duplex, 88.c.2.  
 Perseuerantiæ donum nemini negat Deus, ibid.  
 Petrus Apostolus.  
 Petrus caput & fundamentum ecclesiæ, 543.  
 Petrus cur & quando nomen mutauit, 2.c.2.  
 Petrus quō est typus hominis iustificati, 14.c.2.  
 Petrus fuit verè Christi Vicarius, princeps Aposto-  
 lorum, & caput totius ecclesiæ ac pastor, 112.c.  
 2.252.c.2.253.c.2.  
 Petrus quo pacto erat reprehensibilis, 256.c.2.  
 Petrus non potuit amittere fidem, postquam fuit  
 pontifex, 260.c.2.  
 Petrus non potuit errare in fide, ibid.  
 Petrus quo pacto præbuit occasionem erroris in-  
 firmis in fide, 261.c.1.  
 Petrus nedū non peccauit sua illa incircumspectio-  
 ne, verū etiam meruit, 261.c.2.  
 Petrus non simulauit obseruantiam legalium vt  
 Pastor vniuersalis intendens docere & obliga-  
 re fideles ad obseruantiam illam, 262.c.1.2.  
 Petrus multipliciter consideratur, 262. & seq.  
 Petri primatus ostenditur & defenditur contra he-  
 reticos, 252.255. & seq. per totum.  
 Petri primatus fuit semper præsuppositus in Eccle-  
 sia, veluti principium ab omnibus concessum,  
 260.c.2.  
 Petri priuilegia explicatur per conclusiones, ibid.  
 Petri error non fuit fidei, sed cuiusdam incircun-  
 spectionis, 261.c.2.  
 Petri sedis propria quæ sint, 263.c.1.  
 Petro moriente, non interiit Dei prouidentia in  
 Ecclesia, sed potestas eius in successores transi-  
 uit, 114.c.2.  
 Petro quomodo se comparat Paulus, 260.c.1.  
 Pharao.  
 Pharao exemplum reprobatorum ex propria con-  
 tumacia ac duritia, 93.c.2.  
 Pharao sua duritia promeruit etiam obdurari à do-  
 mino, ibid.  
 Pharaonis obduratio à Deo quamam fuerit, ibid.  
 Philosophia & Philosophus.  
 Philosophia vera non aduersatur fidei, 351.  
 Philosophia vera ab Apostolo non damnatur, 351.  
 352.c.1.  
 Philosophi, quo pacto poterant cognoscere Deū,  
 & salutem æternam consequi, 15.16.17.c.1.  
 Philosophi per elementa mundi instruebantur, &  
 alios docebant, 138.c.1.351.352.c.1.  
 Philosophi mali damnantur ab Apostolo, 351.c.2.  
 Philosophorum error in cognitione sui, 17.c.1.2.  
 Philosophorum nullum consecutum esse salutem,  
 durum nimis & acerbum videtur, 17.c.2.  
 Philosophorum sapientia non penetravit viscera  
 misericordiæ Dei erga nos, 138.139.c.1.  
 Philosophorum sapientia neminem adducebat ad  
 perfectum, ibid.  
 Philosophorum fallacia vnde erat, 351.352.c.1.  
 Pœna.  
 Pœna peccati originalis non est in nobis mors se-  
 cunda ignis æterni, 53.54.55.87.c.1. arg. 389.  
 c.2. arg. 23.94.350.c.2.  
 Pœna peccati originalis in filiis Adæ, est tantum-  
 modo amissio & priuatio donorum, quæ per il-  
 lum si stetisset, illis obueniebant, 52.c.2.  
 Pœna peccati non semper cum culpa remittitur,  
 45.c.2.246.c.1.  
 Pœna debet commensurari non secundum dura-  
 tionem actus delicti, sed cum persona offensi,  
 & cum voluntate offendentis, 24.25.c.1.  
 Pœna longè leuiori puniuntur qui minorem ha-  
 buerunt cognitionem, 16.17.c.1.  
 Pœnam æternam rectè meretur quicumque peccat  
 in Deum, 25.42.60.c.2.  
 Pœnæ à Prælati Ecclesiæ inflictæ subditis, in quæ  
 finem infligantur, 152.c.2.  
 Pœnæ conuenientia cum ipso peccato, 19.c.1.2.  
 152.c.2.  
 Pœnitentia.  
 Pœnitentia tangitur aliquando Deus vel punien-  
 di homines vel remunerandi pro varia eorum  
 mutatione, 105.106.c.1.  
 Pœnitentia mutationem morum requirit per satisf-  
 actionem & opera afflictionis, 228.238.c.2.



Pœnitentiæ sacramento absoluuntur indistinctè  
quicumque confitentur peccata sua, & non po-  
nunt obicem absolutioni, 89.c.1.2.  
Pœnitentiæ sacramento dimittuntur peccata post  
primam iustificationem commissa, 44.c.1.2.  
Pœnitentiæ publicæ cum magna utilitate in Eccle-  
sia primitiua instituta fuerunt, 238.c.1.  
Pœnitentiæ publicæ quârum valerent ad deterren-  
dos homines à peccatis, 238.c.1.2.  
Pœnitentiam agere parati benigne suscipiendi sunt  
& cōsolandi ne ruant in desperationem, 212.c.1.  
Pœnitentiam veram ac synceram ad delenda pec-  
cata commissa pauci agunt, 284.285.c.1.  
Pœnitentiam veram ac synceram agentes quidnam  
randem acquirant, 284.285.c.1.  
Pontifex Romanus.  
Pontifex Rom. multipliciter considerari potest,  
262.c.2.  
Pontifex Romanus aliquando intelligitur nomi-  
ne ecclesiæ, 261.c.2.  
Pontifex Romanus habet ab ipso Christo clauem  
scientiæ ad ligandum & soluendum, 262.c.1.2.  
Pontifex Rom. docēs aliquid de cathedra ac man-  
dans id esse credendum ex fide, non potest er-  
rare, 261.262.c.1.2.  
Pontifex Romanus an possit aliquando dispensa-  
re in his quæ sunt diuini iuris, 408.  
Pontifex Rom. an errare posset in fide citra fidei  
iacturam in aliis, 261.c.2.  
Pontifex Romanus cur mox ad pontificatū assum-  
ptus nomen mutet, 2.c.2.  
Pontifex Romanus quo pacto debet esse & infir-  
mus & potens erga gregem suum, 239.c.1.  
Pontifex Romanus qui esset hæreticus, ipso iure  
non est Papa, 247.c.2. 262.c.1.  
Pontifex Romanus qui latèter esset hæreticus, po-  
test se gerere pro Papa donec hæresis manifeste-  
tur & deponatur, 262.c.1.  
Pōtifex Romanus an iure tenere possit terrenam  
potestatem, 112.c.2. 113.c.1. 155.c.1.  
Pontifex Romanus per Dei prouidentiam accepit  
regnum temporale, 113.c.2.  
Pōtifex Romanus est rex loco Christi, & Vicarius  
eius in spiritalibus, 112.c.2. 550.  
Pontifex Romanus habet iurisdictionem ecclesia-  
sticam super omnes Christianos, 112.c.2.  
Pontificis Romani potestas à Spiritu & ore Chri-  
sti est, 114.c.1.  
Pontificis Romani voci & decretis obedire debēt  
principes verè Christiani, 114.c.2.  
Pontificis Romani primatus qua Dei prouidentia  
in ecclesia constitutus, 114.c.2. 262.c.1.  
Pontificis Romani conditiones, & propria priui-  
legia explicantur, 263.c.1.  
Pontifici Romano quam ob causam assistant Car-  
dinales, 260.c.1.  
Pōtifex Romano quando obistere possunt & de-  
bent Cardinales, 260.c.1.2.  
Pontifici Romano credita est dispensatio thesauri  
indulgentiarum, 353.c.1.2.  
Pontifici Romano derrahunt, & eundē impiè blas-  
phemant Lutherani & hæretici nōui, 393.c.1.  
Potestas.

Potestas prælatorum Ecclesiæ, qualis sit, 211.c.1.  
231.c.1.2. 41.c.2.

Potestas sacrificadi corporis Christi data fuit Apo-  
stolis à Christo in vltima cœna, 184.c.1.  
Potestas remittendi peccata post baptismū com-  
missa est in Ecclesiæ prælatis vice Christi, 211.c.1.  
Potestas à Deo ordinata est non ad dominium, sed  
ad ministerium, 114.c.2.  
Potestas in Prælatis ecclesiæ nō negatur à Christo,  
sed abusus damnatur, 114.c.1.2.  
Potestas secularis non debet causas spirituales sibi  
arrogare, 112.c.1. 114.c.2.  
Potestas secularis potest concurrere in eundē ho-  
minem cum ecclesiastica, 112.113. 114.c.1.  
Potestas terrena & potestas cœlestis, secularis &  
ecclesiastica, inuicem comparantur, 113. 114.c.1.  
Potestas secularis gladium in delinquentes exercēs  
iure agit, nec id repugnat Euāgelio, in quosdam  
hæreticos, 111.c.1.  
Potestas secularis & ecclesiastica quem finem quæ  
que habeat, indicatur, 113.c.2. 154.c.2.  
Potestas secularis à iure naturali est, & consequen-  
ter à Deo, 114.c.2.  
Potestas secularis potestati spiritali subseruire de-  
bet, 155.c.1.  
Potestas secularis legitima potest esse in paganis,  
114.c.1.  
Potestati seculari qua parte subditus est homo, 111.  
112.c.1. 114.c.1.  
Potestati seculari nemo potest se subtrahere, sed  
executioni potestatis bene viuendo, 112.c.1.  
Potestati seculari non subduntur Clerici, in hære-  
ticos, 112.c.1.  
Potestati non est resistendum, 113.c.2.  
Potestate sua non debet quisquam cōtra iustitiam  
abuti, 174.c.1.

## Prædestinatio.

Prædestinatio Christi qualis, 7.c.1.2. 293.c.1. 349.  
350.c.1. 547.c.1.  
Prædestinatio electorum in Christi prædestinatio-  
ne fundatur, 81.c.2. 293.c.1.  
Prædestinatio quid efficiat in electis, 80.c.1.2.  
Prædestinatio causam non habet præscientiam bo-  
norum operū: contra Pelagianos, 81.c.1. 292.c.1.  
Prædestinatio est causa salutis electorum, ibid.  
Prædestinatio quo pacto differt à præscientia,  
90.c.1.  
Prædestinationis ratio & ordo, 81.c.1.  
Prædestinati sunt præordinati ad conformitatem  
Christi primū in viatū in patria, 80.c.2.  
Prædestinati sunt immobiliter ordinati ad regnū  
æternum, 80.81.c.1. 293.c.1.2.  
Prædestinati dicuntur fratres Christi modo quo-  
dam excellenti, 80.c.2. 81.c.1.  
Prædestinati non possunt excidere à regno Dei, 81.  
82.c.1.2. 240.c.1. 428.c.1.  
Prædestinati profunt aliis non prædestinatis, 81.c.1.  
Prædestinati nulli periculo succumbunt, 81.82.c.1.  
Prædestinati in Christo tanquam in fundamento,  
sunt & ipsi aliorum fundamenta, 83.c.1. 293.  
Prædestinati in tunica Christi significantur, 83.c.2.  
Prædestinati qui non sunt, etiam vocantur ad salu-  
tem, vt eam consequantur, 88.c.1.  
Prædestinati pauci sunt, 293.c.2.  
Prædestinati vocati sunt certa & efficaci vocatio-  
ne, cui nihil ob stare possit, 81.c.1.  
Prædestinatorum gradum omnibus dare non erat



- decens, 82.C.1.394.395.  
 Prædestinatorum numero non comprehensi, ex  
 Dei præcepto etiam tenentur illum diligere ve-  
 datorem gratiæ & gloriæ, 89.C.1.  
 Prædestinatorum numero nullus scire potest se esse  
 comprehensum, 240.C.1.241.C.1.2.  
 Prædicator.  
 Prædicator dicens, & non faciens, grauiori pœna  
 dignus censetur, 22.126.C.2.174.C.2.  
 Prædicator legitimus sperni à nemine potest, qui  
 Christum ipsum non spernat, 100.C.1.  
 Prædicator sapiens quem ordinem ex eplo B. Pau-  
 li seruare debet, 107.C.1.194.C.2.  
 Prædicator vice Christi nemo potest à seipso con-  
 stitui, contra hæreticos, 100.C.1.  
 Prædicator qui se iactat missum à Deo inuisibili-  
 ter, tenerur ostendere signum certum suæ mis-  
 sionis, contra recentiores hæreticos, 100.C.1.  
 Prædicator non potest mitti à sæcularibus Magi-  
 stratibus, in Lutheranos, 100.C.1.245.C.1.  
 Prædicator Catholicus nõ debet loqui prohiben-  
 te proprio prælato, 278.C.2.  
 Prædicator euangelicus debet esse constans & fir-  
 mus in doctrina, 209.C.2.  
 Prædicator bonus debet dicere puram veritatem,  
 & qua consideratione, 220.C.2.  
 Prædicatoris sapientis officium, 13.C.1.  
 Prædicatoris Catholici themata prædicanda, quæ  
 sunt, 395.396.C.1.  
 Prædicatoris Christiani fructus est, non propria  
 gloria, sed discipulorum profectus, 13.C.1.100.C.2.  
 Prædicatoris crucis Christi gloria est, non erubescere  
 ob euangelium, 13.C.1.216.C.1.  
 Prædicatoris officium nemo debet assumere abs-  
 que legitima missione, 174.C.1.2.  
 Prædicatores Catholici calumniis affecti, quo pa-  
 cto se consolari possunt, 32.C.1.2.  
 Prædicatores boni quina sint, designantur, 100.C.2.  
 Prædicatores Lutherani à diabolo missi, ibid.  
 Prædicatores Catholici admonentur quo pacto se  
 gerere debeant, 126. & seq. 216.C.1.221.370.C.1.  
 Prædicatores euangelij licite possunt accipere ali-  
 quid pro eorum sustentatione, 172.204.C.2.287.C.1.  
 Prædicatores qui auaritiæ student, reprehendun-  
 tur, 204.C.2.236.C.1.  
 Prædicatores tria potissimum dedecent, 369.  
 Prædicatores inuicem æmulatione certantes, no-  
 rantur, 238.C.1.  
 Prædicatorum verorum gloria quàm magna erit  
 in cœlo, 336.C.1.  
 Prædicatorum sanctorum sermo debet esse simplex,  
 non affectatus, 232.C.2.  
 Prædicatio.  
 Prædicatio externa per hominem, an necessario  
 ad gignendam fidem requiratur, 99.C.1.2.  
 Prædicatio varia pro vario mundi captu, à Deo or-  
 dinata, 99.C.1.  
 Prædicatio euangelica implebitur aliquando in  
 quouis terrarum loco, 100.101.C.1.  
 Prædicatio euangelij tunc est perfecta, quàm mori-  
 bus sermo non repugnat, 216.C.1.221.222.C.1.  
 Prædicatio Euangelij innumeris signis & prodigiis  
 confirmabatur ad ostendendam eius veritatem,  
 216.C.1.2.  
 Prædicatio fructuosa est honesta conuersatio,  
 374.375.C.1.  
 Prælatus.  
 Prælatus bonus castigando subditos quid querit,  
 211.C.2.  
 Prælati munus & officium desiderare quàm peri-  
 culosum, 239.C.1.407.C.1.2.  
 Prælati nõ debent abuti potestate sua, 231.C.1.241.C.1.  
 Prælati admonentur de conuiujs sumptuosjs, & de  
 eleemosynjs tenuibus, 205.C.1.  
 Prælati non sint plus æquò præcipites ad ultionem  
 in delinquentes, 211.C.1.324.C.1.  
 Prælati Ecclesiæ habent iurisdictionem à Christo  
 remittendi peccata vice Christi, contra hæreti-  
 cos, 212.C.1.2.  
 Prælati nostrorum temporum admonentur de ze-  
 lo & cura ecclesiarum, 214.346.354.  
 Prælati quomodo infirmi & fortes esse debent er-  
 ga gregem, & peccatores redarguere, 238.239.  
 C.1.241.318.  
 Prælati de malis operibus fugiendis admonentur,  
 & quomodo non debent querere quæ sua sunt,  
 324.C.1.346.C.1.2.379.380.  
 Prælati tenentur reddere rationem suarum ouium,  
 520.521.C.1.  
 Prælati quāto in pretio habendi ob ministeriũ, 378.  
 Prælatorum ambiciosorum quàm infelix status, 121.C.1.  
 Prælatorum peccatum quàm graue, 122.222.479.  
 480.C.1.  
 Prælatorum presentium vita quantum distat à vita  
 B. Pauli, 150.151.C.1.323.324.C.1.  
 Prælatorum potestas bonis moribus corroboratur:  
 & qualis sit in subditos, 211.231.C.1.442.C.1.2.  
 Præmium.  
 Præmium iustitiæ ex operibus legis Moyses, vel iu-  
 stitiæ propriæ, quale, 97.C.1.  
 Præmium iustitiæ ex fide, quale, ibid.  
 Præmium bonorum operum respuunt Lutherani,  
 72.C.2.341.C.1.347.  
 Præmium quomodo sit nobis interim abscondi-  
 tum, 323.324.C.1.  
 Præputium.  
 Præputium quid, 29.C.1.  
 Præputium duplex carnis & spiritus, 303.C.1.  
 Præputium significat rebellionem & contumaciam  
 quam natura ex primo parente contrahimus,  
 303.357.  
 Præputium aliquando accipitur ab ipso B. Paulo  
 pro statu matrimonij, 165.C.2.  
 Præputium vocabantur Gentiles à Iudejs in dede-  
 cus & contumeliam, 303.C.1.  
 Præscire, & præscientia.  
 Præscire, sumitur in bonam partem apud scriptu-  
 ras, 545.C.1.  
 Præscire Dei est prædiligere: unde præsciri dicuntur  
 prædilecti, 80.C.1.2.102.C.1.2.  
 Præscitus improprie dicitur qui est reprobatus,  
 80.C.2.  
 Præscientia bonorum operum nullo modo est causa  
 prædestinationis: in Pelagianos, 81.C.1.292.C.1.  
 Præscientia Dei nihil ponit in rebus, 90.C.1.  
 Præscientia bonorum operum consequitur, non  
 præcedit prædestinationem in mente Dei, 295.C.2.  
 Præscientia Dei de contingentibus quomodo sit  
 nobis cogitanda, 395.C.1.  
 Presbyter.



Presbyteri nomen etiam ad Episcopos extendebatur in ecclesia primitiua, 327.c.2.

#### Primogenitus.

Primogeniti ius quoddam erat, 516.c.2.  
Primogeniti secundum carnem non sunt in consideratione apud Deum, 90.91.c.1.  
Primogeniti Dei sunt, quos Deus sibi facit ex gratia & prædilectione, 90.94.c.1.

#### Princeps.

Princeps secularis non potest iudicare in causis spiritualibus, 112.c.1.114.c.2.155.c.1.  
Princeps secularis non habet potestatem in clericos, 112.c.1.  
Princeps laicus non habet ecclesiasticam spiritua-lem potestatem, 113.114.c.1.155.c.1.  
Princeps q̄ tyrānicè dominatur, describitur, 114.c.2.  
Princeps tyrannus an possit à priuato homine occidi, 115.c.1. & 2.  
Princeps tyrannus audiendus, modo non imperet aliquid cōtra fidē & Dei legē, 114.115.c.1.442.c.2.  
Principes seculares heretici nostri rēporis de duobus notantur, 112.c.1.114.c.2.  
Principes seculares plerunque insolentes in Pontifices, 113.c.2.  
Principes seculares instituti sunt ab hominibus, Deo tamen approbante, 113.114.c.1.  
Principes seculares, si se inter oues Christi cōputāt, audire debēt vocē pastoris sui spiritualis, 115.c.1.  
Principes seculares quando dicantur non regnare à Deo, & non probari, 115.c.1.  
Principes seculares non reprobatur Christus, sed eorum abusus, 114.115.c.1.  
Principes seculares quo pacto se gerere debeāt, vt rectē impleant munus suum, 115.c.1. & 2.  
Principes boni quo pacto exigere vectigalia, & ad quem vsum debeant, 115.c.1. & 2.  
Principes mali potenter tormēta patientur, 115.c.1.  
Principes loco parentū populis esse debēt, 115.c.2.  
Principes seculares de cōuiuuiis & elemosynis admonentur, 205.c.2.  
Principes seculares à Papa possunt deponi, 263.  
Principes quomodo non debent querere quæ sua sunt, 336.337.c.1.

#### Promissio.

Promissio nobis facta per Christū, duplex, 277.c.2.  
Promissiones carnales ludæis factæ, figurabāt etiā dona spiritualia, 84.c.2.  
Promissiones Dei sūt firmæ, & infallibiles, 209.c.2.  
Promissiones Dei erga nos sunt fundatæ in Christo, ibid.  
Promissiones factæ Abraham fuerunt plures ac diuersæ, 271.c.2.

#### Propheta & Prophetia.

Propheta quid sit, 5.c.2.  
Propheta magni aliquando in suis iudiciis decipiuntur, 102.c.1. & 2.  
Propheta falsi nostræ ætatis notantur, 379.c.2.  
Propheta falsi abutuntur Apostoli dicto: Verbum Dei non est alligatum, 426.c.2.  
Prophetarum varij gradus, 5.c.2.  
Prophetia etiā pro interpretatione scripturarum, 6.c.1.189.c.1.192.c.2.312.313.  
Prophetiæ materia & principale subiectum Christus, 6.c.1.  
Prophetiæ vnde probandæ, 379.c.2.

#### Proximus.

Proximi mandatum de dilectione, per Christū accepit perfectionem & quomodo, 43.c.2.  
Proximum nullum habebant Iudæi ex lege Moy-  
nisi qui esset illius gentis, 43.c.2.  
Pueri.

Pueri qui ante rationis vsum decedunt, non veniūt ad iudicium discussionis, 24.c.2.219.220.  
Pueri qui baptizati decedunt, quibus operibus salutem æternam consequuntur, 24.c.1. & 2.  
Pueri qui sine baptismo decesserint, non patiūtur æterni ignis pœnas, 24.c.1. & 2.52.55.219.  
Pueri qui absque sacramento decedunt, qualē statum habebunt, 52.55.c.1.  
Pueri ex Apostolica traditione in remissionē peccatorum baptizantur, 52.c.1.  
Pueri parentum infidelium cur inuitis parentibus non debeant baptizari, 164.c.2.  
Pueri nati ex impari matrimonio, possunt baptizari propter parentem fidelem, 164.c.2.  
Pueri nati ex parentibus fidelibus, cur sancti dicantur etiam ante baptismum, 164.c.2.  
Pueri ex fidelibus nati, speciali prouidentia propter parentes respiciuntur à Deo, ibid.  
Pueri & recentes nati in fide cauere summopere debent à fascinatione hæreticorum, 267.c.1.

#### Purgatorium.

Purgatorium expoliavit Christus quando in cælū ascendit, 310.311.c.1.  
Purgatoriū in inferorū parte esse ponitur, 311.c.2.  
Purgatorium asseritur, 317.c.1.

#### R.

#### Regnum.

**R**egnum temporale, & spirituale quomodo distinguantur, & quid cuique propriū, 154.c.2.  
Regnum Dei quibus negetur, 156.c.2.  
Regni temporalis leges transgrediens, contra legem Dei peccat, 154.c.2.

#### Religio, & Religiosi.

Religio Angelorum dicitur lex Moseos, 76.c.2.  
Religio Christiana potens est ad satisfaciendum omnibus aduersus se obiectis, 527.c.2.  
Religio Christiana immeritò blasphematur à vulgo propter peccata religiosorum, 29.c.2.61.c.1.  
Religionis res ad ludum traducere, vt Erasmus fecit, est peccatū maximū, & inexcusabile, 200.c.2.  
Religionis veræ fructibus paulatim spoliatur, qui eam scurrilibus colloquiis prophanant, ibid.  
Religionis sanctæ institutionem, quam profitetur veri monachi, damnat Lutherus, 156.c.2.  
Religionis professores, qui frigide orant & precantur Deum, notantur, 325.326.c.1.  
Religionis voluntariæ electio, id est, à proprio arbitrio inuenta, nō autē à Deo vel à Spiritu sancto per ecclesiā tradita, superstitio est, 357. & se.  
Religiosi vagi reprehenduntur, 528.c.1.

#### Renouatio.

Renouatio nostra perfecta in Christo non fit vno momento, sed paulatim, 217.218.c.1.315.c.1.  
Renouationi interioris nostri hominis assidue & diligenter studere debemus, ibid.

#### Reprobatio.

Reprobatio mentis, & in reprobum sensum tradere apud B. Paulum quid, 20.c.1.  
Reprobatio quorundam in via à Deo ob ingentia



- peccata, 20. c. 1. 93. 386. c. 1. & 2. 400. c. 1. 434. c. 2.  
 Reprobatio ad æternam mortem non sic est sine  
 causa, priorum peccatorum: sicut electio est  
 sine causa bonorum operū, 86. 87. 90. 91. 93. 371.  
 c. 1. 428. c. 2.  
 Reprobatio à regno Dei ad mortem æternam abs-  
 que cōsideratione demeritorum, tāquā hæresis  
 dira supra modū ac impia refellitur, 86. 87. 292.  
 c. 2.  
 Reprobatio à regno Dei non venit propter origi-  
 nale peccatū, 86. 87. 88. 89. 350. c. 2. 292. c. 2.  
 Reprobatio à regno Dei prædicata propter pecca-  
 tum originale tantū, scandalum parit, & iam o-  
 lim Galliarum ecclesias conturbauit, 89. 90.  
 Reprobatio Esau de qua dicitur: Esau odio habui,  
 non fuit reprobatio à vita æterna: quam au-  
 tem fuerit ostenditur, 90. 91. c. 1.  
 Reprobatio Esau prædicta, neque iuxta sensum li-  
 teralem, neque secundū allegoriam probat cu-  
 iusquam à regno cœlesti reprobationem, ibid.  
 Resurrectio.  
 Resurrectio Christi, 7. c. 1. & 2.  
 Resurrectio omnium mortuorum in Christo con-  
 tinetur, 8. c. 1.  
 Resurrectio in nobis fit aliquo modo per iustitiā  
 nobis inhaerentem, 48. c. 1.  
 Resurrectio Christi quo pacto operatur iustifica-  
 tionem nostrā, 48. c. 1.  
 Resurrectio futura consolatur fideles, 376. c. 2.  
 Resurrectio corporum nostrorum tangitur, 73. c. 1.  
 Resurrectio Christi continet resurrectionem om-  
 nium hominum, 197. c. 2. 375.  
 Resurrectio non fuit perfecta eorum qui Christo  
 moriente surrexerunt, 198. c. 1.  
 Resurrectio vniuersalis futura est per Christum,  
 etiam infidelium, ibid.  
 Resurrectio mortuorum suadet, 201. c. 1.  
 Resurrectio corporum gloriosa non continget im-  
 piis & damnatis hominibus, 202. c. 1. & 2.  
 Resurrectionis Christi dies in scripturis dicitur,  
 Hodie, 459. c. 1. & 2. 479. 480.  
 Resurrectionis Christi articulo omnia euangelij  
 continēt, quem sciri ab omnibus maxime est  
 necesse, 196. c. 1. 218. c. 1. 282. c. 1.  
 Resurrectionis futuræ ordo describitur, 199. 203.  
 205. 376. c. 1.  
 Resurrectionis corporum beatorū qualitas & do-  
 res explicantur, 201. c. 1.  
 Resurrectionis Christi articulū summopere Apo-  
 stoli & efficacissime prædicauerunt, 218. c. 1.  
 Resurrectionis corporum articulum coguntur fa-  
 teri, qui animam esse immortalē credūt, 198. c. 1.  
 S.  
 Sacerdos.  
 Sacerdos obligatur ad celebrādā missā, 108. c. 1.  
 Sacerdos decentissime & conuenientissime per  
 petuam castimoniam vouet, 161. c. 1. 426. c. 2.  
 Sacerdos licitè viuit ex oblati in Ecclesia, 173. c. 1.  
 Sacerdos debet operari sacra tanquam opus pro-  
 prium, ibid.  
 Sacerdos à multis cauere debet vt ei illicita, quæ  
 fortè licita sunt laicis, 316. c. 2.  
 Sacerdos & rex quatenus asserendus omnis Chri-  
 stianus, 550. c. 7. & 2.  
 Sacerdotium.  
 Sacerdotium Christi quomodo æternū, 492. c. 1.  
 & 2.  
 Sacerdotium Christi quantam eminentiam habet  
 ostenditur, 488. 489. & seq.  
 Sacerdotiū ad omnes pertinere dogmatizauit Lu-  
 therus hæresiarcha, 550. c. 1. & 2.  
 Sacramentum.  
 Sacramenta nouæ legis quomodo vim habeāt spi-  
 ritualem, 497. 498. c. 1.  
 Sacramentum Baptismi, Vide Baptismum.  
 Sacramentum Eucharistiæ, Vide Eucharistiam.  
 Sacramentum pœnitentiæ, Vide confessionem &  
 Claves.  
 Sacramentum matrimonij, Vide Matrimonium.  
 Sacramentum ordinis, Vide Ordinem.  
 Sacramētum extremæ vñctionis defenditur & de-  
 claratur, 540. 541. & seq.  
 Sacrificium.  
 Sacrificium corporis Christi quā sit venerandū,  
 161. 162. c. 1.  
 Sacrificium Altaris noui testamenti dicitur iuge sa-  
 crificium, & quanta reuerentia sumendū, ibid.  
 Sacrificiū Altaris longa disputatione defenditur,  
 contra Lutheranos, 501. 502.  
 Sacrificium Melchisedech defenditur, 480. c. 1. 2.  
 Sacrificium offertur soli Deo, 170. c. 2.  
 Sacrificium magnum, zelus animarum, 174. c. 1. 2.  
 Sacrificium complectitur confessionem laudis &  
 gratiarum actionis pro creatione & redemptio-  
 ne nostra, 170. c. 2.  
 Sacrificij conficiendi potestatem dedit Christus  
 Apostolis suis in vltima cœna, 184. c. 1. & 2.  
 Sacrificia idolis à gentibus immolata nec sanctifi-  
 care, nec inquinare poterant, 170. c. 1. & 2.  
 Salus.  
 Salus Christianorum duplex, 13. c. 2.  
 Salus quæ est in hac vita non ea firmitate nititur,  
 vt ab ea nō possit homo excidere, in Luthera-  
 nos, 13. c. 1. & 2. 48. 49. c. 1. 176. c. 1.  
 Salus præsentis vitæ adhibito timore mirū in mo-  
 dum custoditur, 176. c. 2. 335. c. 1.  
 Salus multorum ad maiorem Dei gloriā pertinet,  
 84. c. 1.  
 Salutis via nemini vnquam clausa fuit, 14. 15. c. 1. 91.  
 c. 1. & 2. 98. c. 2.  
 Salutis gratiam poterat consequi mundus ante le-  
 gem, 54. c. 2.  
 Salutis exhibendæ causa vocat omnes Deus, etiam  
 qui non sunt prædestinati, 88. 89. c. 2. 98. c. 2.  
 Salutē certā nobis charitas verè cōparat, 227. c. 1. 2.  
 Salutē nostrā opamur etiā nos: in hereticos, 335. c. 1.  
 Salutē negare posse ab omnibus obtineri, sed eius  
 assequendæ possibilitatē non concedere, quā  
 multa inducat & magna absurda, 89. 90. c. 1.  
 Sanctitas.  
 Sanctitas variè accipitur, 164. c. 2.  
 Sanctitas idē est quod mūditiā, 6. c. 1. 9. c. 1. 154. c. 2.  
 Sanctitas varios habet gradus, 287. c. 2. 470. c. 2.  
 Sanctificatio.  
 Sanctificatio Christi duplex secundum humanita-  
 tem, 7. c. 1. & 2.  
 Sanctificatio Christianorum duplex, 7. c. 2.  
 Sanctificatio variè accipitur, 164. c. 2.  
 Sanctificatio pro candidature & adaptatione ad  
 recipiendum sanctificationem, 165. c. 1. & 2.



## Sanctus.

- Sanctus quid propriè significet, 470.c.2.  
 Sanctus dicitur quilibet Christianus iustus, ibid.  
 Sancti considerandi sunt sub Christo quasi vicarij  
 magistri, & vicaria capita, 135.c.1.& 2.  
 Sancti viri cum in zelum Dei rapiuntur, tacite cõ-  
 tra scelera vindictam flagitant, 102.c.2.  
 Sancti profunt aliis non solum per modum exem-  
 pli, sed etiam per modum meriti, 136.207.c.1.  
 236.237.c.1.251.252.  
 Sancti iudicabunt reliquum mundum assidentes  
 cum Christo, 154.c.2.  
 Sancti viri quo sine aliquando se extollũt, 206.c.2.  
 213.c.1.& 2.  
 Sancti viri interdum mutant cõsilia, idque ex Dei  
 ipsius voluntate, 209.c.2.  
 Sancti qua ratione dicantur pueri fidelium ante ba-  
 ptismum susceptum, 164.c.2.  
 Sancti qua ratione dicat se esse primos peccatores  
 396.397.  
 Sancti in cõlis pro nobis intercedunt, 399.c.2.  
 Sancti rationabiliter coluntur ac venerantur in ter-  
 ris, 449.450.c.1.  
 Sanctorum canonizatio ad solum Romanũ Pon-  
 tificem spectat, 263.c.1.  
 Sanctorum iam beatorum suffragia sunt à nobis  
 imploranda, in Lutheranos, 128.c.1.  
 Sanctorum merita pro aliis à meritis Christi vigo-  
 rem suũ & valorem habent, 135.c.2.237.c.1.352.c.1.  
 Sanctorum merita multis modis aliis profunt, 237  
 c.1.352.  
 Sanctorum cõmunio quid importet, 207.332.c.1.  
 & 2.353.c.1.548.549.c.1.  
 Sanctorum virorum suasiones nõ sine spiritu Dei  
 adiuuante fieri solent, 169.c.1.

## Satisfactio.

- Satisfactio aliqua pro pœnis temporalibus à no-  
 bis requiritur ob peccata post baptismum ad-  
 missa, 44.c.1.& 2.238.c.1.246.c.1.250.251.c.1.  
 352.353.c.1.556.c.2.  
 Satisfactio nobiliorum Christi membrorum prod-  
 est aliis, 352.353.c.1.

## Scandalum.

- Scandalum quo pacto ab offenculo differt, 121.  
 c.2.122.c.2.  
 Scandalum fratribus præbere quàm sit fugiendũ,  
 122.c.2.171.c.1.

## Scientia.

- Scientia quid differat à sapientia, 186.c.2.  
 Scientia quo pacto dicitur inflare, 169.c.2.  
 Scientia quam habemus hic in via cedit scientiæ  
 quæ erit in patria, 191.c.1.& 2.  
 Scientiæ rectus vsus ostenditur, 170.c.2.  
 Scientiæ naturales non sunt damnandæ, vt quidam  
 fecerunt, 139.c.1.& 2.355.c.2.

## Scire.

- Scire ea tantum dicitur magister & doctor, quæ  
 vult alios docere, 141.c.1.& 2.  
 Scire solummodo Iesum Christũ crucifixum, quid  
 B. Paulo erat, 141.c.1.& 2.  
 Scire aliquid se existimantes, quales sunt, 169.170.  
 c.1.  
 Scire, quando quis verè dicatur, 170.c.2.  
 Scire tantũ quisque dicitur, quantũ operatur, 347.

## Scriptura.

- Scriptura sacra tantum pro scriptura absolutè ha-  
 betur, 125.c.1.& 2.  
 Scriptura est veluti speculum, in quo potest homo  
 seipsum contemplari, 527.  
 Scripturæ sanctæ plures simul etiam literales sen-  
 sus recipiunt, 15.16.c.1.246.c.2.  
 Scripturæ manifestè testantur bona opera iustifi-  
 cationem & salutem operari, 45.c.1.& 2.  
 Scripturæ sanctæ admittunt figuram & hyperbo-  
 lem, 11.c.1.  
 Scripturæ sanctæ antiquæ per aduentum Christi il-  
 luminatæ fuere, 142.c.1.  
 Scripturæ sanctæ qua fide sint legendæ, ne in peri-  
 culosos errores labamur, 177.c.1.  
 Scripturæ sacre non sunt legendæ in ecclesia com-  
 muni idiomate, in hæreticos, 193.c.2.  
 Scripturæ sanctæ non sunt ab omnibus, præsertim  
 à vulgo tractandæ, 369.370.c.1.  
 Scripturæ quo pacto continent omnia necessaria  
 ad salutem, 387.388.c.1.  
 Scripturarum quænam sit conueniens interpreta-  
 tio, 562.c.2.  
 Scripturarum lectio cum fide mirificè animam nu-  
 trit, 566.c.1.2.  
 Scripturarum sanctarum interpretatio præponitur  
 dono linguarum, 192.193.c.1.& 2.  
 Scripturarum sanctarum interpretatio propria est  
 fidelium, 193.194.c.1.  
 Scripturarum sanctarum cognitio ædificat intelli-  
 gentem, 192.193.c.1.  
 Scripturarum mysticus sensus plurimi faciendus,  
 206.280.c.1.  
 Scripturarum diuersarum sententias quomodo li-  
 cet congregare & in testimonium adducere,  
 223.c.2.  
 Scripturarum prætextu hæretici suos errores defen-  
 dere nituntur, 246.c.1.  
 Scripturarum maiestati non conueniebat, vt in no-  
 uo testamento cuncta exprimeretur quæ debeant  
 obseruari, 388.c.1.  
 Scripturarum intelligẽtia facillè se aperit fidelibus,  
 431.  
 Scripturarum sanctarum excellentia & autoritas  
 6.c.1.125.c.1.& 2.  
 Scripturarum firmitatem & illibatam autoritatẽ,  
 & quænam sint, ab ecclesiæ autoritate habe-  
 mus, 280.c.1.  
 Scripturarum sanctarum cum charitate mutua col-  
 latio multum consolationis affert, 12.13.c.1.125.  
 c.1.& 2.  
 Scripturarum veteris testamenti vtilitas ostendi-  
 tur, 186.c.1.431.  
 Scripturarum viuæ interpretatio est vita sanctorũ,  
 171.360.c.1.& 2.  
 Scripturarum quidam interpretes duobus modis  
 contrariis aberrant, 192.c.2.  
 Scripturarum literis non sunt commissæ omnia,  
 quæ in ecclesia seruantur, 60.c.1.185.c.1.387.  
 Scripturarum appellatione intelligitur quadoque  
 vox Dei, 93.c.1.& 2.  
 Scripturas abundantiissimè citant plerique vt er-  
 rati apud vulgus videantur, ibid.  
 Scripturas approbare vel improbare, atque illas cũ  
 autoritate interpretari, est Romani Pontificis  
 proprium, 169.



- Scripturas interpretari dedignantur quidā, 189. c.2  
Seculum.
- Seculum quot modis accipitur, 19. c.1. 107. c.1. 245.  
c.2. 300. c.1. & 2. 397. c.2.
- Seculi huius filij dicuntur qui non sunt in Christo,  
245. c.2. 300. c.1. & 2.  
Semen.
- Semen Abrahæ Christus principaliter, 85. c.1. & 2.  
180. c.2. 272. c.2.
- Semine Abrahæ comprehenduntur solummodo  
qui Christi fidem recipiunt, 85. 86. c.1. 276. c.1.  
Seruus & seruitus.
- Seruus hominum fit qui non potest ferre iniuriā,  
quin eam non vindict, 157. c.1.
- Seruus quo pacto teneretur obedire domino suo,  
323. c.2.
- Seruitus mala, & seruitus bona, 183. c.1.
- Seruitus Christiani vera est libertas, 3. c.1. 13. c.1.
- Seruitus quædam est matrimonium, 165. c.1. & 2.
- Seruitutis diuersa genera explicantur, 3. c.1. & 2.
- Seruitute non omnino liberantur Christiani, sed à  
modo seruiedic: cōtra Lutheranos, 65. c.1. 284. c.1.  
Somnus.
- Somnus sæpe pro morte, quādoque etiam pro o-  
cio & negligentia capitur, 116. c.2.
- Spes.
- Spes est arduorum & difficilium, 478. c.2.
- Spes iustorū de salute sua vnde oriatur, 48. 49. c.1.  
109. 110. 124. 125. c.2.
- Spes iustorū innititur operibus bonis, 48. 49. c.1.  
124. 125. c.1. 350. 545.
- Spes vera & viua quæ non confundit, & quæ com-  
mendatur in scripturis, describitur, 49. c.1. 2. 125.  
126. c.1.
- Spes vera & theologica est eorum quæ non viden-  
tur, 77. 265. c.2.
- Spes aliquando accipitur pro obiecto sperato, 77.  
78. c.1.
- Spes viua non potest inesse Lutheranis, 78. c.1. 2.
- Spes sanctorū virorum confirmatur consideratio  
ne præteriti auxilij à Deo iam habiti, 207. c.2.
- Spe, non re salui facti sumus in hac vita, 12. c.2. 48.  
49. c.1.
- Spiritus.
- Spiritus sanctus probatur Deus, 143. c.1. 158. c.1.  
474. c.1.
- Spiritus sanctus procedit à Patre & à Filio, 73. 74. c.1.
- Spiritus amoris & libertatis est proprius Christia-  
norum, 73. 74. c.1.
- Spiritus sanctus duo contestatur spiritui eorū, in  
quibus habitat, 74. c.2.
- Spiritus sanctus quo pacto in orationibus adiuvat  
infirmiorem nostram, 78. 79. c.1.
- Spiritus sanctus habet suam eloquentiam, 145. c.1.
- Spiritus sanctus quomodo dicatur esse in nobis,  
158. c.1.
- Spiritus sanctus est nexus & amor reciprocus Pa-  
tris & Filij, 206. c.1. & 2. in fine.
- Spiritus sanctus ducit hominem ad bonum tum  
præcipiendo, tum consilia dando, 284. 285. c.1.
- Spiritus sanctus quos fructus parit, 285. c.1. & 2.
- Spiritus sanctus quomodo contristetur propter  
peccata, 33. c.2.
- Spiritus timoris & seruitutis proprius erat eorum  
qui sub lege erant, 73. 74. c.1.
- Spiritus ardoris & zeli pro Dei gloria non est om-  
nium, 102. c.1. & 2.
- Spiritus soporis & spiritus cōpunctionis effectus,  
102. 103. c.1.
- Spirituū probandorū doctrina traditur, 379. c.1. 2.
- Spiritum sanctitatis præcipuum, vnde certa salus  
cōtingit, Deus donauit ecclesiæ in persona præ-  
destinatorum, 82. c.1.
- Secundum spiritum ambulare, 69. c.1. 283.
- In spiritu esse quid significet, 73. c.1. & 2.  
Superbia.
- Superbia mater heresum atque schismatum, 8. c.2.
- Superbia quo pacto à charitate vincatur, 111. c.1.  
Synagoga.
- Synagoga vnde dicatur, 142. c.2.
- Synagoga figurata fuit in Agar ancilla, 86. c.1.
- Synagoga quō meruit expelli cum filiis suis, ibid.
- Synagoga Iudæorum erat cum aliquo honore ad  
sepulchrum efferenda, 261. c.1.  
T.
- Templum.
- Templum Dei viuam sunt Christiani, 148. c.1.  
& 2. 158. c.1. 223. c.2.
- Templi Dei corruptores, à Deo grauiter puniētur,  
148. c.1. & 2.
- Tempus.
- Tempus gratiæ sub Christo, & noui testamēti dici-  
tur dies azymorum, 153. c.1. 2.
- Tempus ante Christi aduentum comparatione tē-  
poris præsentis, dicitur nox, 117. c.1.
- Tempus post Christi aduentum in carne, compa-  
ratione futuri sæculi dicitur propriè diluculum,  
117. c.1. & 2.
- Tempus futuri sæculi propriè dies dicitur, ibid.
- Tempus huius vitæ breue, 167. c.2.
- Tempus acceptabile dicitur præsens status gratiæ  
euangelij, 222. c.1.
- Tempus aduentus Christi ad iudicium, 382. 383.  
384. c.1. & 2.
- Tēpus aduētus Christi nō possumus scire, 386. c.2.
- Temporis iactura quantum cauenda, 133. c.1.
- Temporis nostri arates sunt obseruandę pro legū  
& morum conuenientia, 159. 160. c.1.
- Tempori se accōmodare est magnę virtutis, 109.
- Tempora sæcularia, & tempora eterna, 131.  
Tenebræ.
- Tenebræ dicuntur ignorātia & peccatum, 117. c.1.  
Tentatio.
- Tentatio duplex, altera salutaris ad probationem:  
altera ad pœnam peccati damnosa, 176. c.2.
- Tentatio data in pœnā peccati à nullo superari po-  
test, 176. c.1.
- Tentationes oriri sanctis supra vires aliquādo per-  
mittit Deus, sed per gratiam sustentantur, 207.  
208. c.1.
- Tentationes quibus remediis superētur, 420. 421.  
c.1. 527. c.2.
- Terra.
- Terra promissionis promissa Abrahæ secundum spi-  
ritum fuit Christus, 46. c.1.
- Terra viuentium est Christus, 84. c.2.
- Terræ Iudææ toti fuit prædicatum euangelium,  
100. 101. c.1.
- Terrę combustio & innouatio, & illius vsus qualis,  
461. c.2. 571. c.1.



## Testamentum.

Testamentum verus erat carnale & bonorum praesentium, 84.c.2.  
 Testamentum novum spirituale, in terra viventium, ibi.  
 Testamentum semel factum nemo potest (excepto testatore) irritare, 271.c.1.  
 Testamentum novum iureiurando fuit confirmatum, 272.c.2.  
 Testamenti novi ministratio, est spiritus & iustitia, 214.215.c.1.  
 Testamenti novi gloria gloriam veteris testamenti longe superavit, ibid.  
 Testamenti veteris author cur dicitur Moses, 273.c.1.

Testamenti novi author dicitur Christus, ibid.  
 Testamenti novi promissio est caelestis & sempiternae hereditatis, 273.c.1.  
 Testamenti veteris mediator fuit Moses, 274.c.2.  
 Testamenti veteris & novi collatio ex typo Agar ancilla, & Sara libera, 280.c.1. & 2.494.c.2.

## Timor.

Timor Dei multiplex, 34.c.1.  
 Timor quem Christianus semper habere debet, quid efficiat, 547.c.1.  
 Timor Dei verus non potest inesse homini in puris naturalibus existenti, 34.c.1.  
 Timor Dei sanctus qui permanet in seculum seculi, qualis, 34.c.1. & 2.  
 Timor bonus filiorum commendatur, 225.c.1.2.  
 Timor poenae in lege antiqua, 74.c.1.  
 Timor fugiendae mortis quanta facit homines per peti, 83.c.1.  
 Timor sanctus in Christianis esse debet, ne a gratia Christi sua culpa decedant, 104.105.176.221.c.2.334. & seq.  
 Timor ne amittatur gratia Dei, est custos salutis, 176.c.2.335.c.1.

## Traditiones.

Traditiones Apostolorum habet ecclesia circa caeremonias, quae in nouo testamento expressae non habentur, 41.42.181.c.2.185.458.487.c.2.  
 Traditiones Apostolorum admittunt dispensationem, 164.c.1.  
 Traditiones Apostolorum cur seruandae sunt, 163.c.2.  
 Traditiones ecclesiae commendantur in scripturis noui testamenti, 251.c.2.487.c.2.  
 Traditiones non sunt temere respuendae, 251.c.2. & seq.  
 Traditiones S. Patrum spernunt haeretici, 252.c.1.355.374.c.1.  
 Traditiones ecclesiae negans, etiam scripturam ipsam in dubium vertit, 373.374.c.1.  
 Traditionum necessitas, 487.c.2.  
 Traditionum authoritas quam sit veneranda, 374.c.1.  
 Traditionum autoritate sublata, omnia incerta remanent, 374.c.1.  
 Traditionum ecclesiasticarum institutio non est hominum, in blasphemos haereticos, 374.375.c.1.387.c.2.

## Tribulatio.

Tribulationes reddunt hominem iam iustum, magis adhuc aptum ad recipiendum auxilium Dei, 235.c.2.

## Trinitas.

Trinitas personarum in diuinis ostenditur, 242.c.1.2.  
 Trinitatis opera sunt indiuidua, 244.c.2.

## Tristitia.

Tristitia cordis potest cadere in hominem perfectum, contra Stoicos, 84.c.1.  
 Tristitia perfecta & dolor non est in hominibus iustis, 222.c.2.  
 Tristitia quae parit poenitentiam ad salutem commendatur, 223.c.1.

## V.

## Vas &amp; Vasa.

Vasa in contumeliā non facit Deus, sed ipsi peccando faciunt se tales, 94.c.1.2.428.c.2.  
 Vasa misericordiae praeprantur a Deo ad gloriam, 94.c.1.2.

## Velamen.

Velamen quod Moses ponebat super faciem suā, quid Iudaeis indicabat, 215.c.1.  
 Velamen sacrum sacris virginibus dari solitum, quid significet, 180.c.1.2.  
 Velamen super capita sua prophetando & orando quoniam ponere solebant, 180.c.1.  
 Velamen super caput mulieris quid significet, 180.c.1. & 2.

Velamen super capita sua congruē adhuc ponunt Iudaei increduli dum orant, 180.c.1.215.c.1.

## Veritas.

Veritas Dei quo pacto in mendacio commutetur, 19.c.1.  
 Veritas Dei pro fidelitate seruandarum promissio num, quandoque accipitur, 31.32.125.c.1. & 2.  
 Veritas Dei quomodo abundat in mendacio nostro, 32.c.1.  
 Veritas semper omnibus anteponenda, 134.c.2.  
 Veritas Christi displicet mundo, 249.  
 Veritatem dicere in Christo Iesu, quid, 83.c.2.  
 Veritatem dicere & facere, non idem, 576.c.1.

## Via.

Via ad quaerendum Deum, duplex, 138.c.1. & 2.  
 In via Dei non proficere quam sit periculosum, 329.c.1.

## Viduitas.

Viduitas praefertur matrimonio a B. Paulo, 162.c.2.169.c.1. & 2.  
 Viduitas voto perficiebatur, 415.c.2.  
 Viduitatem profitentes mulieres quid praestare debeant, 416.c.1.  
 Viduitatem suadet B. Paulus, potius quam matrimonium, 169.c.1.

## Vigilantia.

Vigilantia, praecipuum vtilissimum, nec ab re sapius reperitum, 205.c.2.  
 Vigilantia in euangelio Christus saepissime commendat, 377.c.2.  
 Vigilantiam requirit prouidentia salutis nostrae ad resistendum diabolicis tentationibus, 556.557. & seq.

## Virgo &amp; Virginitas.

Virgo Christi dicitur sancta corpore & spiritu, 167.168.  
 Virgo per sacrum velamen quid profiteatur, 180.  
 Virginitatis status in iuuenulis, sicut viduitatis in vetulis, 417.c.1.  
 Virginitatis votum indicatur, 168.c.2.  
 Virginitatem suadet B. Paulus potius quam matrimonium, 167.c.1.  
 Virginitatem oderunt haeretici, 167.c.1.



## Virtus.

Virtus Dei per euangelium quibus, quomodo, & quando ad salutem obuenerit, 13.14.c.1.  
 Virtus crucis Christi ad confundendam mundi sapientiam in rebus abiectis posita, 136.c.2.  
 Virtus sapientiæ Dei in mysterio abscondita, 142.c.1.  
 Virtus & laus viuæ fidei, 590.c.1. & 2.  
 Virtus Christi quomodo in infirmitate perficitur, 236.c.1.

## Vita.

Vita nostra in Christo est abscondita, licet interim fidei oculo videatur, 361.c.1. & 2.  
 Vita æterna indignum se constituit, qui in ipsius vitæ autorem & datorem credere renuit, 286.c.2.  
 Vita æterna nobis in manibus Angelorum promissa ante tempora secularia, 425.c.1. & 2.  
 Vita æterna quæritur & redditur bonis operibus, contra Lutheranos, 22.23.24.84.305.c.1.423.  
 Vita æterna tribus bonis potissimum perficitur, 22.c.1. & 2.  
 Vita incipientium in via spirituali, quo discretionis ordine dirigenda, 579.580.  
 Vita æterna perseuerantibus vsque in finem in bonis operibus redditur, 23.24.277.287.288.433. & seq.  
 Vita cælebs ad perfectionem & strictiorem cum Deo adhesionem, quantum conferat, 159.c.1.  
 Vita æterna cur nobis dari non debuit nisi primum laborantibus in fide, spe, & charitate, 77.78.c.1.  
 Vita æterna quomodo dici potest & donum esse, & præmium, 60.61.75.c.1.  
 Vita æterna aliquo nostro certamine per Dei gratiam longè pulchrius & gloriosius comparatur, Quàm si gratis illam acciperemus: & hac via verius illustratur Christi gloria, in hæreticos, 545.c.2.  
 Vita æterna ob infirmitatem nostram, non potest à nobis ut dignum esset, desiderari, 78.c.1. & 2.  
 Vita æterna nobis promissa est, data interim charitate pro arrha & pignore, 89.  
 Vita æterna indistinctè promittitur omnibus sacramentum Eucharistiæ non indignè sumentibus, 89.c.1. arg. 18.  
 Vita æterna in cælis homini parata, est omnino supra fines naturæ eius, 77.78.c.1.  
 Vita æterna datur in præmium iustitiæ quæ est ex fide Iesu Christi, 96.c.2.  
 Vita prædicatorum quàm pura esse debeat ab omni crimine, & sermo ab affectatione, 126.127.c.1.  
 Vita æterna latroni à Christo non sine aliquibus operibus promissa, 24.c.2.  
 Vita recentium hæreticorum ad viuum à B. Iuda Apostolo expressa, 600.601.

## Vocatio.

Vocatio B. Pauli ad Apostolatum fuit à Deo, non à seipso, contra hæreticos, 4.c.2.  
 Vocatio Christianorum in libertatem, quanam sit & quam impudenter hæretici in carnem transferant, 282.283.  
 Vocatio Dei prima ad salutem non potest esse ex meritis, sed tantum ex dono, 105.106.  
 Vocatio omnium hominum ex parte Dei ad dan-

dam salutem ostenditur, etiam non prædestinatorum, iuxta sensum parabolæ decem talentorum, 88.c.2.91.c.2.252.c.1.294.295.

Vocatio electorum specialis & secundum Dei propositum efficax, 79.80.81.c.1.  
 Vocatio prædestinatorum tam potens est, ut nihil ei resistere possit, 81.c.1. & 2.  
 Vocationis suæ statu vnusquisque contentus esse debet, & in eo fructificare Deo, 165.c.2.  
 Vocationia suæ terminos nemo debet transgredi, 108.c.1.  
 Vocationem nullam à Deo habens non presumat fungi officio in ecclesia, 4.c.2.100.c.1.108.c.1.142.c.1.194.c.1. & 2.  
 Vocationes multæ sunt ad diuersa officia in ecclesia, 81.c.1. & 2.  
 Vocationes variæ sunt & variæ ad varios viuendi status in Christo, 146.c.2.  
 Vocationes Dei in ecclesia primitiua, longè magis quàm nunc efficaces, 146.c.2.

## Voluntas.

Voluntas Dei quam fieri petimus in oratione dominica, qualis, 108.c.1.  
 Voluntas hominis censetur totus homo, 59.c.2.107.c.2.  
 Voluntatem Dei quando multiplices dicatur probare Christianus homo, 108.c.1.  
 Voluntatem suam integrè debet homo sacrificare ac deuouere Deo, 107.c.2.

## Votum.

Votum castitatis emittere non est à ratione alienum, nec seruare impossibile, contra hæreticos, 160.161.  
 Votum perpetuæ castitatis conuenientissimè vouere debent sacerdotes, 161.c.2.  
 Votum Virginitatis commendatur, 169.c.1.  
 Vota castitatis & paupertatis & obedientiæ instituit ipsemet Christus, 161.c.1.  
 Vota monastica commendantur, 226.c.2.  
 Vota monastica esse recentem quādam Monachorum inuentionem callidè in vulgus sparserant hæretici, 160.c.1.  
 Vota regularium nudis verbis damnāt Lutherani, 252.c.1.

## Vulgus.

Vulgus iniquè peccata hominum transfert in leges ipsas, 29.c.2.155.c.2.  
 Vulgus temerè & falsò ait primam charitatem incipere à seipso, 84.c.1.

## Z.

## Zelus.

**Z**elotes Deus cur dicatur, 536.c.1.  
 Zelus quo prouocatus Deus contemptores tantum subannabit, 506.507.  
 Zelus animarum magnum sacrificium, 174.c.1.  
 Zelus amantium proprius, 101.c.1. & 2.  
 Zelus B. Pauli pro salute animarum, 174.c.1.179.c.1.231.c.1. & 2.234.  
 Zelus magnus pro religione non est omnium, 102.c.2.  
 Zelum Dei habent aliqui, sed non secundum scientiam, 86.c.2.



# COMMENTARIA EIVSDEM IN EPISTOLAM BEATI PAULI

AD ROMANOS.

\*



**P**AULVS seruus Iesu Christi, vocatus Apostolus, segregatus in Euangelium Dei, quod ante promiserat per prophetas suos in scripturis sanctis de filio suo, qui factus est ei ex semine Dauid secundum carnem, qui prædestinatus est filius Dei in virtute, secundum spiritum sanctificationis, ex resurrectione mortuorum Iesu Christi domini nostri, per quæ accepimus gratiam & apostolatam ad obediendum fidei in omnibus gentibus pro nomine eius, in quibus estis & vos vocati Iesu Christi: omnibus qui sunt Romæ dilectis Dei, vocatis sanctis, gratia vobis & pax à Deo Patre, & domino nostro Iesu Christo.



**A**ltequàm ad horum verborum interpretationem accedamus, nō in fructuosè quæritur ratio, cur hæc epistola cæteris omnibus antepōnatur, cum constet eam nonnullis aliis eiusdem auctoris posteriorem fuisse, nec tamē sine Spiritus sancti suggestionē sic esse ordinatas credibile est. Dicimus ergo quod ordo temporis, quo scriptæ sunt, non erat idonea ratio ad constituendum epistolarum ordinem, ut iuxta illius temporis ordinem aptarentur. Nihil enim inde scientiæ, nihil doctrinæ hauriretur: sed magis dignitatis ordo, ordo doctrinæ, ordo denique congruentiæ, quæ ex alia maiori causâ oriatur, attendi debuit. Diximus igitur primum, dignitatis ordinem hoc postulare. Ecclesia enim sancta Spiritu sancto edocta atque instructa, postquā iam erant Iudæi reprobati, & primogenituram amiserant, & ad Gentes verbum Dei iam erat translatum, inter epistolas, quas ad septem Gentium ecclesias scribit Apostolus, illam meritò censuit præponendam, quæ ad Romanam ecclesiam dirigebatur, propter summam dignitatem illius Urbis & auctoritatem, ut quæ diuina providentia decreta erat caput omnium ecclesiarum, ac totius orbis, ubi sedem suam Dominus, & doctrinæ cathedram iam collocarat, unde haurire omnes atque excipere deberent à Petri ore rectam fidei confessionem. Quemadmodum igitur hæc propter dignitatem omnibus præfertur, ita illa quæ ad Hebræos propter indignitatem vltimum sibi locum vendicat: quoniam interim sprete sunt Iudæi atque neglecti, donec Gentium intret plenitudo. Nam tum demum & ipsi reuertentur, & veritatem agnoscant. Unde iure à septem ecclesiis præceduntur, in quibus septem ecclesiis significatur Gentium plenitudo, quæ Spiritum sanctum primò debuit accipere, & exinde saluum fieri Israel.

*Cur epistola ad Rom. cæteris in ordine antepōnatur.*

*Pro dignitate Rom. ecclesia.*

*Cur epistola ad Hebræos cæteris postpōnatur.*

qui Spiritus hoc septenario numero, propter illius septem distincta dona, significatur. Quapropter & Beatus Ioannes suam Apocalypsim ad septem ecclesias Asiæ mittit, ut Iudæi intelligantur exclusi, quos ita in hoc epistolarum ordine negligit Spiritus sanctus, ut etiam præcedant illorum epistolam, personarum epistolæ, etiam quæ ad Philemonem priuatum hominem scribitur: quoniam ipsi Spiritum sanctum contristauerunt, seseque indignos constituerunt salutis æternæ vique ad vltimum temporis. Itaque dignitatis ordo & auctoritatis primū poposcit, ut hæc epistola alias omnes anteiret.

Fauit & ordo doctrinæ, utpote quæ prima fidei nostræ tradat fundamenta, statum videlicet hominis in natura, lege, & gratia: in qua quidem diuersorum statuum notitia ferè vniuersa theologia consistit, & Dei notitia simul & nostri: quod est vnicum ac certum salutis nostræ principium & radix. Vnde præclara illa & nunquam satis laudata. Beati Augustini sententia. Nouerim me, inquit, nouerim te, oratum est.

*Quod epistola ad Rom. tractet fidei fundamenta, & quæ sint illa.*

Ordo denique congruentiæ idem requirebat. Erat enim primū ipse Beatus Paulus ciuis Romanus, ex Tharso Ciliciæ oriundus, cuius loci ciues, ipsorum Romanorum beneficio, Romani quoque ciues effecti erant. Nihil ergo mirum si hoc Spiritus intendit, ut homo Romanus doctrina sua primum Romanos curet instituendos, quibus & proprium dedit sanguinem, quo in ea Vrbe fuso compleuit suum testimonium. Adde quod ipse idem Apostolus doctor Gentium fuit à Spiritu sancto ordinatus. Gentium ergo caput, quod erat Roma, præhonorari debuit. Quamobrem congruum fuit, ut & Romani primi de verbo salutis, & de præceptoris sui doctrina gauderent.

*Quomodo Paulus erat ciuis Romanus.*

Neque verò existimandum est parū referre in scripturarum collocatione, quem quæque locum obtineat. Id enim D. Hieronymus intelligens, vehementer in eos indignatur, qui B. Petri epistolas, epistolæ B. Iacobi præponere de proprio sensu, & contra ordinem ab ecclesia Dei præstitutum, tentarunt. Quocirca non immeritò quidam Erasmus notarunt, qui & hunc ordinem peruertere molitus est, præferens Beati Petri epistolam illi, quæ est B. Iacobi, licet ipse more suo, tanquam calumniam, hanc accusationem reiiciat. Cum autem omnis epistola de more præferre titulum soleat ante tractatum, hæc autem præcipue titulum habeat plenum, & ex omni parte perfectum, libuit super eo paulò accuratius contemplari. Lector attende.

**P**aulus seruus Iesu Christi vocatus Apostolus, &c. Tria sunt, quibus titulus perficitur. Notificatio personæ scribentis. Notificatio eorum ad quos scribitur: & Salutatio. Quoniam verò personæ notificatio à tribus principaliter fit, videlicet à nomine proprio: deinde à statu: tertio ab officio, hæc tria pulchrè in hoc titulo licet inspicere. ait

\*



ergo : *Paulus*. Ecce nomen. deinde addit : *seruus Iesu Christi*. Ecce status. adiungit : *vocatus Apostolus*. Ecce officium. Sed de ipso quidem nomine duo non frustra, neque infructuosè queruntur, tametsi quidam morosi, parùmque in sacra lectione versati, hæc tanquàm superflua fastidiant.

*Quâdo, & quare mutatum fuerit nomen Apostolo, ut Paulus vocaretur.*

Primum est, quo tempore nomen hoc fuerit illi impositum, ut Paulus vocaretur, cum scripturæ illum, antequàm eius parretur conuersio, Saulum nominent. Non desunt plerique, qui asseuerant illum ab initio fuisse binomium, ut tanquàm Hebræus Hebræo nomine, Saulus; vocaretur: Latino autem & Romano; Paulus; cum esset ipse ciuis Romanus. Posset quidem hæc opinio facile admitti, nisi scriptura illum à certo quodam tempore Paulum vocare inciperet; antea verò semper Saulum. Sicut enim Abraham, qui primò Abrâm dictus est, ex eo quod & nomen mutatum fuit, vocatus est Abraham, & non antea: ita videtur de ipso Paulo conueniens, ut ex eo tempore nomen illud acceperit, ex quo cæpit eo nomine vocari non antea. Non igitur ab initio fuit illi nomen; Paulus. Quamobrem summus pontifex Damasus, qui & versibus eius honorauit sepulchrum, ut Romæ legebatur, putauit à die sui baptismatis sic illum fuisse nominatum. Verùm huic opinioni similiter obstat, quod multo tempore post baptismum semper Saulus, nunquàm Paulus vocatus est. Itaque D. Hieronymus in ea fuit sententia, ut existimaret ab illius Pauli Sergij proconsulis insigni conuersione nomē illud fuisse comparatum: quod & B. Augustinus probauit aliquando, tametsi non in hoc acquieuerit, sed alibi aliter scripserit.

Verùm si in gratiam veritatis differere conceditur, præposterum omninò videtur, cum qui excellat, à minore nomen honoris accipere. Nam vter (quæso) maior, Paulus Apostolus Iesu Christi, an verò Paulus proconsul? Quis præstantior, qui conuertit, an qui conuertitur? Nomina enim & insignia homines obscuri à claris nobilibusque viris sibi querere solent, non è diuerso. Præterea & illud valde refragatur, quod & scriptura ante conuersionem illius Proconsulis, Paulum appellauerit. Quare perspicuum est, priusquàm ad fidem venisset Paulus Sergius, Apostolum nostrum Pauli nomine appellatum fuisse. Ait enim scriptura de illo Sergio, quod iussit accersiri Paulum, & Barnabam. Quamobrem ego existimo tunc illi mutatum fuisse nomen, quando ille in Apostolatam fuit solemnitè per orationes, & ieiunia, & manuum impositiones assumptus cum Barnaba, & segregatus ad Gentes. Non enim fuit à principio in facie ecclesiæ missus à Christo, sed postmodo Spiritu sancti iussu declaratus fuit, & segregatus in Gentes. Et meritò quidem tunc accepit nominis mutationem: nam factus est quodam modo alius, & mutatus de terra in cælum. Ob eam causam non audet Propheta vocare Apostolos terræ nomine, sed cælorum, aïens. Cæli enarrant gloriam Dei. Quare & Petro dedit hoc nomen Dominus, ut Petrus vocaretur, nimirum cum in apostolicum gradum euexit illum, ut est apud Marc. 3. c. etsi aliter B. Chrysostomus, & Augustinus aliquando existimauerint, quorum prior

*Actuum 13.*

*Cur mutatum fuerit nomen Apostolo.*

*Cur & quâdo mutatum fuit nomen Petro.*

dixit hoc illi nomen impositum fuisse à Domino; cum dixit ei: Tu vocaberis Cephass; alter vero tunc, cum fuit illi dictum: Tu es Petrus, & super hanc petram ædificabo ecclesiam meam. Sed B. Marcus euangelista dirimit quæstionem, & id quod dicimus probat. Similiter enim & filios Zebbedæi tunc alio nomine honorauit, quando designauit Apostolos. Hinc mos inualuit, ut culmen Apostolicum conscendentes, videlicet Beatissimi Pape, vrbis Romæ Episcopi, nomen mutant, cum (ut ipsi loquuntur) intronizantur. Verum in B. Paulo mutandi nominis etiam alia fuit ratio. Vocabatur enim antea Saulus, quod est nomen Hebræum, Gentibus ipsis parum admodum plausibile. Nam Gentes vetere odio Hebræos, quasi prorsus supersticiosos ac superbos, prosequabantur, ut qui à ritibus cultuque, quem suis idolis exhibebant, longissimè recederent. Debit igitur nomen Gentibus non odiosum, sed iucundum, sibi asciscere, quum ipse doctor Gentium à Deo eligeretur. Fuit porro in promptu, ut illi Romanum nomen imponeretur, cum (ut diximus) ciuis Romanus esset, & Roma caput Gentium: ex quo nomine facilem sibi aditum ad maiorem gratiam conciliaret. Si quidem Paulus propriè Romanum nomen est ac celebre, propter insignes viros, qui eo nomine sunt vocati.

*De mira conuenientia nominis Pauli.*

Quod verò hoc nomine; *Paulus*; vocaretur, valdè insuper & per omnia congruit primi status sui mutationi, ob singularem, excellentem, & mirificam conuersionem suam. Conuersio enim quæ vera est & solida, animi dissectione summissiōemque requirere consuevit, ut is qui conuertitur, paruulus fiat, & modicus in oculis suis, dicente Domino: Nisi conuersi fueritis, & efficiamini sicut paruulus iste, non intrabitis in regnum cælorum. Debent enim quicunque Christum Dominum profitentur, paruuli simplicitatem induere, sicut ipsemet Paulus ait. Malitia paruuli estote. Et Beatus Petrus: Quasi modo geniti infantes lac rationale & sine dolo concupiscite. Et quid (obsecro) discriminis statueretur, si loco eius quod dixit Dominus; paruulus, substitueretur, Paulus, & diceremus: Nisi efficiamini sicut Paulus iste? Qui certè typus fuit, & verum exemplum omnium, qui syncerè ad Deum conuertuntur. Vera enim conuersio in illo verbo inspicitur, quod prostratus ipse ex toto corde protulit. Quid me vis facere? Et vide quàm congruè (ut perfectam omninò conuersionem agnoscas) de Saulo factus est Paulus, id est, de lupo ouis, de inquieto quietus. Nam Paulus, si græcum ethymon respiciamus, quietum significat, ἀπὸ τοῦ παύλης, quod est quies. Saulus verò inquietum, ἀπὸ τοῦ σαύλης, quod est quater, commouere, coagitare, fluctuare. Factus est item de dissipatore, & destructore, ædicator & operator ecclesiæ, qui ut sapiens archytectus fundamentum posuit, & plus cæteris omnibus laborauit: cui rei conuenit similiter hoc nomen, Paulus, si ethymologia ab hebraico verbo, Paal, quod est operor, recipiatur. Aliqui aiunt Paulum hebraicè significare, os tubæ. Quæ res etiam illi vehementer quadrat. Nam per illius os, quasi per Spiritu sancti tubā, Dominus vbique terrarum euangelii personuit.

*De eximia ac mirifica Apostoli conuersione. Matth. 18.*

*2. Cor. 14. 1. Pet. 2.*



Hæc de nomine Pauli.

*In audaciâ nouorū magistrorum.* *De dignitate Christi stant, & nobili seruitute.* *Gene. 25.* *De diuersis generibus seruientis.* *De nomine Iesu.* *De decetia redemptoris.* *Quod nomen Iesu sit verandum etiā*

*Seruus Iesu Christi.* Hic à statu se notum facit, quoniam seruum se proficitur, sed Iesu Christi. Miror autem hoc in loco Caluini hæretici temeritatem, qui solus audent mutare hanc vocem, *seruus Iesu Christi*; Et eius loco supponit, minister Christi. Quid hic prudens vir sentiat de eiusmodi hominibus, nisi eos esse amantes nouitatum absque ullo fructu? Certè græcè legitur *δοῦλος*, id est, seruus, & Iesu Christi, nō Christi. Sed mittamus rem non dignam vel cogitatione, & sentum Apostolicum inuestigamus. Dixit quidam ex Iurisconsultis. Deterrima est conditio seruitutis, quæ est maxima capitis diminutio apud Iurisperitos. Vnde & in Esau status inferior designat<sup>r</sup> est per hoc, quod dictum est. Maior seruiet minori: Tamen ut plenius hæc intelligat is qui ignorat. Sciendum est, quod ille proprie dicitur seruus, quicumque non sui, sed alterius gratia est, ut ait Philolophus. Naturaliter ergo quicumque alio indiget, eius quodammodo seruus est. Cum autem nulla creatura sit si bi ipsi sufficiens, sed alia indigeat, maxime autem Dei beneficiis foueri (solus enim Deus nullius eget) relinquitur, nihil præter Deum, qui summè liber est, vera & summa libertate potiri posse, ut nulli seruiat. Ait creatura de Deo. Bonorū meorū non indiges, &: Omnia seruiūt tibi. Porro creaturarum quæ Deo seruiunt, aliæ quidem naturali instinctu ei seruiunt: aliæ verò etiam voluntate. De prioribus tractare non est præsentis instituti. Earum ergo quæ voluntate seruiunt, quædam qui libere: quædam verò coactè seruiunt. Quoniā verò coactè seruire, pœnam habet: quia quod nobis charissimum est opprimitur, nempe ipsa libertas, quam mirum in modum diligimus, ideo huiusmodi coacta libertas, quæ in seruitutem redacta est (ut sic) miseriam habet. Paulus verò noster non coactè, sed libere seruus erat.

Amplius, Earum quæ seruiunt voluntate non coactè, quædam quidem seruiunt superiori, cui parere debent, ut natura poscit & ratio: Quædam verò inferiori, & innaturaliter, & propter culpā. Et prima quidem seruitus nihil miseri habet: at secunda prorsus est miserrima. Verbi gratia. Si peccato seruias, si Diabolo, si contra Deum facis, & contra rationem: quoniam subdis te inferiori atque indigniori te, & à debita erga superiorem seruitute te subtrahis, miserrima hæc prorsus seruitus est, eoque futura miserior, quod magis spontanea fuerit. Seruire igitur Iesu Christo sponte quia nō innaturale est, sed secundum Deum & rationem, non solum non est miserrimum, sed valde beatum, & eò beatius, quod magis spontaneum. Ipse enim nos iure possidet, qui nos pretio magno (ut ait Paulus) redemit. Empti estis, inquit, pretio magno, & non estis vestri. Imò per hanc seruitutem in illum, liberati sumus ab illa miserrima atque indignissima seruitute, quæ erat peccati, & Diaboli, sicut ius erat ob culpam nostram. Vnde scriptum est. A quo quis superatus est, eius & seruus est. &: Qui facit peccatum, seruus est peccati, & rursum ibidem. Si Filius vos liberauerit, verè liberi eritis. Ergo in conditione, in qua est creatura, cum nequeat summa esse libertas, tunc non esse seruitus dicitur, sed libertas, quum nulli rei quæ sit infra nos, aut etiā

æqualis nobis, subiicitur. Talis autem est qui Christi seruus est, qui vincit mundum, & nulli subiectus est, nisi Deo, & hoc libenter. Nam si cuiquam alij subditus est, propter Deum subditus est, ideo reuera potius ipsi Deo. Vnde duo, quæ onerosam admodum miseramque faciunt seruitutem, & illā in primis cuius deterrima est conditio, in hoc seruitutis genere locum minime habent, coactio, videlicet, & innaturalitas, ut quum quis seruit inferiori, aut pari: nam hoc innaturale est.

Accedunt ad hanc nobilem seruitutem etiam dignitates. Nam qui sic seruiunt, non solum liberi (ut dictū est) facti sunt ab inferioribus, & æqualibus, sed etiam domini inferiorum: ut propterea illud verū esse experiantur. Seruire Deo, regnare est: & amplius, efficiuntur amici Dei, & filii. Vnde dixit Dominus. Iam non dicam vos seruos, sed amicos. Et cum simus per eius spiritum adoptati in filios Dei viui, rectè filij Dei & nominamur, & sumus. Sic ergo & ipsemet Christus vocatus est seruus de quo scriptum est. Ecce seruus meus quem elegi: qui tamen omnium erat liberrimus, utpote dilectionis Filius. Per hanc ergo non deterrimam sed optimam pulcherrimā, felicissimā, ingenuissimāque seruitutis conditionem, seipsum facit nobis notum Apostolus, & insinuat: qui & alibi de seipso testatur his verbis. Vos scitis à prima die, qualiter fuerim vobiscum per omne tempus, seruies Domino cum omni humilitate, & lachrimis, & tentationibus &c.

Dignitas ergo huius seruitutis elicitur à persona cui seruitur, nimirum Iesu Christi, cuius se seruus proficitur, & ex quo talis seruitus magno honore digna habetur quæ his nominibus accipienda est, Iesus, &, Christus: quæ sunt nomina magni ponderis. Nam Iesus, id est, Saluator, cæleste nomen est, ab Angelo prius vocatum, quàm conciperetur, conuenientissimum quidem operi quod perfecit: quia operatus est nobis salutem in medio terræ. Et quidem hoc congruentissime, ut per quem factus erat mundus in prima conditione per sapientiam atque omnipotentiam, per eundem repararetur per insipientiam & infirmitatem, quæ à summo erga nos amore processit. Illa nanque sua insipientia atque infirmitate, delicta à nobis nostra abstulit, & in se transtulit punienda. Vnde & ipsemet ait: Deus tu scis insipientiam meam, & delicta mea à te non sunt abscondita. Non erubescant in me, qui expectant te Domine, Domine virtutum. Non confundantur super me, qui quærunt te Deus Israel. Quod est dicere. Nemo scandalum patiatur à stulticia Crucis & infirmitate: qui salutem expectant à Domino, requirant illam; quoniam hæc insipientia in illo summam habet sapientiam. Eius enim erat reparare, cuius fuit condere, & non alterius. Cum ergo per ipsum, & in ipso, & propter ipsum, condita essent à Patre vniuersa, decuit ut & per ipsum, & in ipso, & propter ipsum instaurarentur dilapsa. Quo factum est ut hoc nomen Iesus, meritò sit super omne nomen, summæque veneratione dignū, ut in illo omne genu flectatur. Extat & iustissimū Pontificis decretū, quo mandatur, ut ad hoc nomen, Iesus, omnes inclinent caput. Verum quàm multi sunt, qui ir-



canonis  
praecepto.

reuerenter & audiunt hoc sanctissimum nomen, & pronunciant. Nonnulli etiam non sine frequentibus blasphemias. Neque illud minus Deo displicet, quod plerique hoc sanctissimo nomine abutuntur ad suam hypocrisis contegendam, quales sunt heretici, qui cum nudis verbis eum sexcenties ferè in vna & eadem pagina confiteantur, impietate tamen sua, & professione falsorum dogmatum sunt Antichristi.

De hoc nomine; Christi; et eius significatio.

Isa. 61.

Cant. 1.

Ioan. 1.

Psal. 44.

Christus, aut cognomen est, aut agnomen nomini proprio adiunctum, quo declaratur eius excellens gratia, cui non ad mensuram datus est spiritus. Christus enim grece, idem est quod; vnctus latinè; Hebraicè dicebatur Mefsiach. Vnde & scriptum est: Spiritus Domini super me, eo quod vnxit me, euangelizare pauperibus misit me. & alibi: Vnguentum effusum nomen tuum. &: De cuius plenitudine omnes accepimus. &: Dilexisti iustitiam, & odisti iniquitatem, propterea vnxit te Deus, Deus tuus, oleo laticiae prae participibus tuis, hoc est, prae his, qui ipsius gratiae participes fiunt. Hoc enim vnguentum, & oleum, significant gratiam & dilectionem spiritus. Conflueuerunt autem vngi Pontifices, Sacerdotes, Reges, ac Prophetae, quemadmodum ex sacra scriptura traditur, ut de Aaron, & filiis, de David, & Salomone, denique de Elifao: quia specialiter in hoc Christum significauerunt. Nam huiusmodi genus hominum pollere gratia super alios decet, cum per illos in alios deriuetur. Pontificis enim & sacerdotis est, mediatoris officium facere inter Deum offensum, & homines qui offenderunt. Regis est pascere; & prophetae est docere. Ut autem ad haec officia sit quis idoneus, necesse est ut supra modum communem abundet gratia. Quis enim idoneus mediator ad conciliandum inimicos principum, nisi qui plurimum gratia valeat apud principem? Et quis est rex idoneus, nisi cui adfuerit multa sapientia ad regendum? quae sapientia est à gratia, & Dei dono. Similiter quisnam alios probè valeat perdocere, nisi cui ad sit scientia exundanter ac sapientia? Sed & haec sunt dona Dei. Itaque vnctione opus est his, ad quos haec munera pertinent. Quae tria fuerunt eximie ac eminenter ipsius Christi. Alij post illum huiusmodi donorum participes fiunt: vnde & qui prope ipsum fuerunt excellentiores aliis, excellentius & ipsi quoque Christi prae aliis appellati sunt, non tam quia typus fuerunt veri Christi, quam quia participauerunt de eius oleo abundius. Vnde & scriptum est. Nolite tangere Christos meos. Et David pepercit Sauli, eo quod esset Christus Domini. Christus igitur noster fuit eminenter Christus: quia Pontifex, Rex & Propheta summus, cuius se Paulus seruum profiteretur, ut hinc statum suae seruitutis esse optimum declararet: sicut de huiusmodi seruis Regina Sabba Salomoni dixit. Beati serui tui qui stant coram te, & audiunt sapientiam tuam. &c. Hactenus de statu.

Psal. 104.

3. Reg. 10.

Vocatus Apostolus. Postquam & à nomine, & à statu se iam insinuauit, modo (quod minime praetermittendum erat) ab officio declarat, quod erat Apostolus. Ait enim, Vocatus, id est, vocatione Apostolus. Non enim sua sponte ausus est hanc rapinam facere, sicut nunc multi faciunt, rapientes

ea quae à illos minime pertinent. Et quod intolerabilius est, ipsimet hoc detestantur, cum ad haec scripturarum loca descendunt, cum tamen in hac arrogantissime, & impudentissime committant, ut agnoscere valeas in eis frontem meretricis: & hoc sanè iuste, ut damnatio nē ore proprio consequantur. Sciebat B. Paulus, quod nemo accipere quicquam à seipso potest, nisi fuerit illi datum de caelo, ut B. Ioānes Baptista praedixerat. Nam & ipse mer dixit. Nec quisquā assumit sibi honorē, nisi is qui vocatus est ut Aaron. Oportebat ergo ad hoc officium per vocationē ascendere. Vnde ait de Apostolis B. Marcus. Vocauit quos voluit. Ut intelligas illorum fuit, sed ex meravoluntate ac dignatione: Et fecit ut essent duodecim. Quo in loco, ut intelligas officij excellentiam, id sonat haec vox, Apostolus; quod missus. Missio autem dignitatem habet, tum à mittente, tum à re ac negotio, ad quod quisque mittitur. Quare quae à Deo missio est, illa est digna prae ceteris, quae non sunt à Deo.

Verum eorum qui missi sunt à Deo, vnus excellenter missus fuit à Deo Patre immediatissime, & ille quidem non ad quodlibet ministerium, sed ad summa munera & praestantissima, nempe ad redimendum genus hominum, & legem illi dandam. Hic fuit Christus filius eius. Idcirco vocatur eminentissime Apostolus ab ipso B. Paulo. Considerate, inquit, Apostolum & pontificem confessionis nostrae Iesum.

Post hunc B. Ioannes Baptista de hominibus insigniter missus est. De quo dicitur. Fuit homo missus à Deo. Sed tamen non sicut Christus, audiens ipsissimam Patris vocem. Vnde ipse Baptista dixit. Deum nemo vidit vnquam: vnigenitus Dei filius, qui est in sinu Dei Patris, ipse enarrauit. Et ille quidem missus fuit, ut Christum indicaret, eiusque viam praepararet, quod fuit magnum & egregium munus, illi datum soli. Vnde & Angelus vocatus est. Post Christum verò & B. Ioannem, prae ceteris omnibus electi sunt duodecim principales, Apostoli verbo Christi, ad euangelium propagandum. Hoc enim nomine ipse vocauit illos, ut B. Lucas testatur, licet vnus eorum ab hoc munere sua perfidia exciderit Iudas, in cuius locum Matthias subrogatus est: & tunc fuerunt Apostoli verè, ex quo dictum eis fuit. Sicut misit me viuens Pater, & ego mitto vos. & iterum. Euntes in mundum vniuersum, praedicate euangelium omni creaturae. Nam antea non habuerunt potestatem praedicandi, nisi in Iudaea: & nec ibi voluit ab eis predicari se esse Christum. Itaque verus eorum apostolatus post resurrectionem incepit, quando in vniuersum orbem missi sunt. Post hanc verò missionem, fuit illa insignis B. Pauli in apostolatum electio per Christum, qui dixit. Vas electionis est mihi iste, ut portet nomen meum coram gentibus, & regibus, & filiis Israel. Cui postmodo & Barnabas adiunctus est per Spiritum sanctum, ut non fuerint ij gradu inferiore, quam ceteri per Christum vocati: quia & ij simpliciter Apostoli instituti sunt, de quibus manifestè iussit Spiritus sanctus. Segregate mihi Saulum, & Barnabam, in opus ad quod assumpsi eos. Et cum sacratus esset numerus duodecim, qui vo-

De vocatione Be. Pauli ad Apostolatū contra nonos hereticos.

Ioan. 3.

Heb. 5.

Marc. 3.

De dignitate Apostolatus, et varia missionis.

Heb. 3.

Ioan. 1.

Marc. 1.

Luc. 6.

Ioan. 20.

Marc. 13.

Act. 9.

De nobilitate Apostolatus in B. Pauli Act. 13.



vocatus fuit, prius etiam sacratus est numerus quatuordecim postmodo. Nā ille ter quatuor: hic decem & quatuor complectitur, ut significetur in utroque numero perfecta euangelij lex & stabilis, tribus finiri virtutibus, fide, spe, & charitate: & in illa contineri decē pręcepta legis, atque perfici.

Tertius ordo est eorum, qui licet ad idem opus missi fuerint à Deo, non immediatē tamen, neque absolutē in omnem terram, sed per ipsos Apostolos, eorūque successores idē non vendicarunt sibi hoc nomen absolutē, sed cum adiuncto. Vocati sunt enim quidā à B. Paulo, Apostoli ecclesiarū, videlicet certarum ecclesiarum, ad quas mittebātur. Ut B. Dionysius, Apostolus Galliarum dicitur: & ita de aliis dicendum. Vnde ut ab iis B. Paulus segregaret Christi Apostolos, id est, illos qui à voce Christi erant electi, supra modum, id est, eminenter, Apostolos appellavit. Nam horū erat pręceteris, & principaliter signa facere: quia eorum erat statuere fidem. Vnde B. Paulus qui par illis erat, negat se superatum ab eis in omni patientia, in signis, prodigiis, & virtutibus.

Extremus ordo (quod pertinet ad missionem) eorum est, quicunque post promulgatum euangelium mittūtur à prælatis suis ad exponendū ipsum euangelium, & ad prædicandum, non promulgandum, quales sunt Episcopi, & qui in ecclesiis christianis à prępositis, missi concionantur, & agūt Ecclesiasten. Verum hoc nomen nemo, pręter primos, potest iure sibi tribuere absolutē, ut vocetur Apostolus, etsi missi fuerint omnes à Deo. Sicut nec omnes qui nunciant, dicuntur Angeli, sed qui à Deo, & qui de cælo nunciant, dicuntur Angeli: licet vox ipsa non aliud, quā simpliciter nunciū significet. Scriptura tamen hac voce, sacerdotes, & insignes aliquos viros, & prępositos honorat, vocans Angelos, ut apud Malachiam de B. Ioanne Baptista legitur: & de Episcopis septem ecclesiarum, ad quos loquitur Dominus per dilectum discipulum in Apocalipsi. Et idem sentiendum est de hac voce; Euangelista; quæ peculiariter ad eos, qui euangelia scripserunt, accommodatur: cum tamen & Euangelista dici possent plerique alij: & utrunque testatur B. Paulus ad Eph. & ad Timoth. Hic velim cogitare hæreticos (si fieri potest) quifnam sit qui eos mittat: & cogitare, quod indoctū vulgus possunt quidē fallere, sed non ipsum Deū, nec eos quos edocuerunt scripturæ sanctæ.

*Quid euangelista.*

*Arrogantia hæreticorum.*

*De segregatione Beati Pauli.*

*Gal. 1.*

*1. Cor. 1. Euangelii*

*Segregatus in euangelium Dei.* Qui segregatur, ab aliquo segregatur, cui prius hærebat. A tribus ergo segregatus fuit B. Paulus, ut totus euangelio incuberet. Primum à synagoga Iudæorū; cui prius nimium perniciosē iungebatur. Vnde ipse aiebat. Cū autē placuit ei qui me segregavit ab utero matris meæ, & vocavit per gratiā suā, ut reuelaret Filium suum in me, ut euangelizare illū in gentibus &c. Secundō segregatus fuit à cæteris Apostolis, ut cū Barnaba iret ad Gentes. Sic enim dixit Spiritus sanctus: Segregate mihi Saulū, & Barnabam. Tertio segregatus fuit ab omni alio negotio, ut expeditisimē legatione euangelica fungeretur: quod ipsemet affirmat his verbis. Non enim misit me Dominus baptizare, sed euangelizare.

*In euangelium Dei.* Euangelium est bonū nunciū, quod venit à Deo benedicto. Et verē bonum nū-

cium, à quo tria bona nobis summatim afferūt. *quid, & eius summa vilitas.* Primum est, summi mali depulsio: Alterum, summi boni adeptio: Tertium, modus, quo hæc obtinimus, summē amabilis atque acceptabilis. Et hinc quā longa tela extendi posset, o bone Iesu, ad vulnerandam tui amore animam piam.

*Quod ante promiserat.* Ne quid nouum & suspectum videretur afferre, id primum commemorat, fuisse, scilicet, multo tempore antea promissum. Nam hæc series diuinæ erga ecclesiam providentiæ confestim ab ipsa conditione mundi ad hæc vsque tempora, continuis traditionibus, nobis per Patres innotuit. Optimus enim & clemētissimus Pater nullum reliquit fluere temporis spacium in orbe terrarū notitia euangelij vacuum. Vnde mysterium ab initio Adæ commendatum est de Christo, & Ecclesia, sicut docet Apostolus ad Ephesios scribens: quanquam reuera antequā veniret, ac seipsū manifestaret & explicaret, plurimis fuit absconditum, sicut in eadem epistola testatur. Et hoc est quod tenacissimē nos in fide debet retinere constantes, videlicet ista admirabilis catena temporum, vnde & Christus ab origine mundi, & in quavis ætate notus fuit. Quare Moyses. *Deute. 32.* Memento, inquit, dierum antiquorum, cogita generationes singulas. Interroga patrem tuum, & annuntiabit tibi maiores tuos, & dicent tibi. Hæc si considerassent, non fuissent scandalum passi illi, qui in Christum obiiciebant. Quæ est hæc doctrina noua? Non enim quodcunque est nouum cuiuspiam, nouum est absolutē. Hic verō nota astum hæreticorum, qui cum noua quædam obtrudant, non tamen tanquam noua commendant, ne inuidiam inçant, & suspicionem, quod sint nouatores. Aiunt enim sæpenumero: Olim sic erat, mendaciter tamen, & calumniosē, atque cauillose. Hic obiter admoneo: alibi etiam probo, præcipuē in lib. de consideratione temporum.

*Per prophetas suos.* Prophetæ olim dicebantur *1. Reg. 9.* Videntes, & secundum scripturas intelligitur, non de visione quæ est à virtute hominis, & est eorum quæ potest ipse homo, vel sensu, vel intellectu perspicere, sed eorum quæ vim sensus excedunt, & sunt omnino supra captū hominis: quia videntur lumine superiore. Vnde legimus: Plurima supra sensum ostensa sunt tibi. Idē hæc vox, propheta; sic accipitur propter subiectam scripturæ materiam, quæ est de his quæ supra sensum sunt. Porro varij sunt prophetarum gradus, quemadmodū item sunt diuersi videndi modi, alius alio dignior ac nobilior. Christus solus est summus Propheta qui in Deo limpidissime vidit semper, & quæ vidit annunciauit, in quo prophetæ significatio completur. Vnde eminenter in scripturis Prophetæ dicitur, qualem se esse negavit B. Ioannes Baptista, qui tamen plusquam propheta vocatus est. Sciendum tamen est, quod ij propriē ac peculiariter prophetæ dicuntur, qui de Christo pronuntiarunt, & ita hoc in loco intelligit Apostolus. Vnde Dominus. Lex & prophetæ vsque ad Ioannem. Dicitur nihilominus propheta, qui interpretandi scripturas habet facultatem: quia eodem, quō factæ sunt, spiritu exponi debent. Quam obrem Beatus Petrus ait. Hoc primum intelligentes, quod omnis prophetia scripturæ pro-

*Marc. 1. Astus hæreticorum.*

*Eccle. 3.*

*Solus Christus summus Propheta.*

*Qui propriē in scripturis dicitur propheta.*

*Matth. 11.*

*Episto. 2. cap. 4.*



pria interpretatione non fit. Non enim voluntate humana allata est aliquando prophetia, &c. Et de huiusmodi prophetia dicitur. Cum defecerit prophetia, dissipabitur populus. Et iuxta hunc intellectum hortatur nos B. Paulus ad æmulationem, ut expetamus hoc prophetiæ donum, potius quàm loqui linguis, idque propter ædificationem ecclesiæ. Dixit autem hîc, *per prophetas suos*, ne arbitrarentur aliquid illum conficti in iis allaturum, quæ erat eis annuntiaturus, cum in prophetis, qui multò antè scripserant hæc eadè haberentur. Vnde & Dominus Iudæos hortabatur, ut scrutaretur scripturas: quoniam illæ de ipso loquebantur. Quare recte B. Hieronymus: Ignorantia scripturarum est ignorantia Christi. Et bene ait *prophetas suos*: quia & Diabolus etiam suos habet prophetas, sicut quidam dixit. Ero spiritus mendax in ore prophetarum. Et Dominus aduersus istos Diaboli prophetas conqueritur. Ipsi currebant, & ego non mittebam eos.

Ioan. 5.

3. Reg. 22.  
In pseudo-  
prophetas.

Proprietates sanctarum scripturarum, quibus ab aliis distinguuntur.

*In scripturis sanctis.* Ne quis diceret: Et vnde habemus hoc esse Dei prophetas? Ecce, commedata sunt eorū oracula scripturis, & his quidē sanctis, id est, mundis, firmis, & ab aliis segregati, utpote purissimæ, atque irrefragabilis autoritatis, & veritatis, & super quas diuinæ prouidentia oculis semper fuit intērus, ut illibatisimæ persisterent: & iā tunc promulgata erant in Gentes, apud quas etiā autoritas illarū præualebat. Quod si quis quærat. Et vnde habemus, quod scripturæ sint sanctæ? Respondetur, eas esse sanctas, quas summus Pōtifex esse sanctas decernit, & ecclesia in hoc ordine recipit. Necessaria autem fuit scriptura sancta in ecclesia Dei, ut in his quæ supra caput nostrum erāt, fideliter humana regeretur infirmitas, & certò sciretur quid credendum, quid faciendum, quid denique à nobis sperandum. Nunc verò multi sunt, qui nobis suas prophetias obtrudunt, quæ à scriptura nullam prorsus accipiunt commendationem, & tamen volunt nos ij cogere ut credamus. Sed non habent certam verarum prophetiarum notam, quæ est materia eius. Non enim loquuntur de Christo, nec eas probauit ecclesia, ideo sequitur.

*De filio suo.* Hæc est materia, & principale subiectum omnis prophetiæ, & totius scripturæ. Nam de Christo loquitur vniuersa, & ad ipsum cuncta rediguntur, & ipsi prophetae specialiter, & non de regnis hominum atque imperiis vaticinantur, nisi quod his olim utebantur tanquam inuolacris quibusdam & figuris, & illi populo carnali, qui sic primò erat alliciendus. Et nota, quod certus filius per articulum designatur, ut scias eum esse quem Pater sanctificauit, ut in eo cæteri quodam modo infereretur. Nam & singularis hæc appellatio, quod singulariter filius Dei dicatur, non competit in vllum alium, quàm in ipsum Christum, teste Apostolo ad Heb. capitu. 1. Et cum ita sit, Iudei tamen adhuc velamen habent, & nonnulli Christianorum, qui ita nudam sæpe sequuntur literam, ut spiritus oculum amittant. Hinc signum habes ad discernendos prophetas, ut omnis qui non conducatur & promoueat ad Christum, & eius fidem, vanus, & suspectus tibi sit. Ego enim Dominus; (ait Spiritus sanctus) docens te vilia. Sed mundus tales facit, qui ad illos ait. Loquimini

Nota discernitionis, prophetarum.

Isa. 48.

ni nobis placentia. Et Dominus ob hoc permittit: quia sunt homines curiosi, maximeque de rebus fluxis & temporalibus solliciti, & facile sustinent deceptionem. Quare spiritui nequam dicenti: Egrediar, & ero spiritus mendax in ore prophetarum, Respondit: Decipies, & præualebis. Egredere, & fac ita.

*Qui factus est ei ex semine David secundum carnem.* Manifestè per hoc adiectū, *secundum carnem*, resoluit quod obiicipoterat. Quomodo factus est, qui non habet causam? Et de quo habemus in symbolo: Genitū non factū? Respondebitur id in symbolo negari secundum naturam diuinam: quoniam verbum non est factum. Hoc verò quod sit factus secundum carnem, id est, secundum humanam naturam, admittimus: Nam ex tempore prodiit homo. Quare nihil est absurdi de eadè persona prædicari opposita, ob diuersas naturas in eodem supposito consistentes. Carnis autem appellatione hîc totus homo significatur. Vnde dicitur: Verbum caro factum est. & : Videbit omnis caro, salutare Dei. Et hîc est locus vbi satis palam ostenditur Christus non purus homo, sed etiam Deus. Cur verò dixit, *ei*? B. Ambrosius interpretatur de Patre, quod factus est ei filius. Hoc B. Thomas non satis probat, videlicet modum hunc dicendi: Christus factus est Patri filius. Neque hunc admittit. Homo factus est Deus, quem tamen nonnulli recipiunt, & probant. Ego verò non operæpretium duco de verbis hîc esse contendendum. Qui rem capiunt, facile sensum intelligunt, possuntque eū separare, qui admitti valeat, ab iis qui absurdi sunt. Si enim hoc dicto. Homo factus est Deus; intellexerimus hoc factum esse per illam, scilicet carnis assumptionem, & vñionem naturarum in vno supposito, ut homo sit filius Dei, & Deus, verus est sensus. Sin autem intelligimus, quod homo aliquis iam existens homo, sit factus Deus, videlicet postquam est homo, non est veritas in hoc dicto. Quod verò illa oratio non possit sensum priorem recipere, ego quidem asserere non aulam. Et ipse B. Thomas concedit hanc: Filius hominis prædestinatus est filius Dei. Qui tamen sermo eandem pati videtur difficultatem, si paulò subtilius dispiciatur. Sed hæc sunt scholasticorum.

Alia expositio est. *qui factus est ei*, id est, in eius gloriam: quia caput Christi Deus. Nam in eo omnes thesauri sapientiæ, & scientiæ Patris sunt absconditi. Nullum enim aliud opus Dei magis ostendit omnipotentiam, sapientiam, & bonitatem eius. Et nulla creatura suo quouis opere, ita glorificauit Deum, sicut Christus Patrem per obedientiam. Quamobrem nunquam Pater carere voluisset tali filio, etiam si Adam non peccasset, quemadmodū peculiari tractatu exposuimus. In græcis tamen exemplaribus, que circunferuntur, nō legitur, *ei*; Quæ lectio si vera sit, quod quidem ad hanc literam attinet, superiores expositiones superuacaneas reddit.

Quod verò dicitur *factus ex semine David*, habet quæstionem. Nam si ex semine David, quomodo ex Spiritu sancto? & quomodo nō in peccato? Omnis enim qui ex semine viriprodit, peccat or constituitur, sicut habet doctrina sanctorū. Non sum nescius quid ab aliis responderetur, nempe, quod

Cur permittitur à Deo pseudopropheta.

Luc 3. Christi diuinitas.

Christus est gloria Patris.

Col. 2.



Quid sit se-  
me David.

non immediatè venit Christus ex semine David. Vera quidem est hæc expositio. Mihi tamè magis placet, vt ipsam immaculatissimam Virginem intelligamus semē David, ex qua natus est Christus, cum & ipse Christus dicatur semen Abraham, & semen Virginis. Et bene dixit, *Ex semine David secundum carnem*: quia beatissima Virgo solam carnem ministravit. Ipse autem Spiritus sanctus suppleuit virtutem formatiuam, quæ est in semine viri. Sicut enim prima mulier fuit ex primo viro Adâ secundum carnem, quia de carne viri eam Deus eduxit: ita secundus Adam fuit ex Virgine secundum carnem. Meminit autem non ab re Apostolus ipsius David ob factam illi promissionē: De fructu ventris tui ponam super sedem tuam.

De præde-  
stinatione  
Christi.  
Nota.

Duo spiri-  
tus sanctifi-  
cationis.

*Qui prædestinatus est filius Dei.* Primum, quod latine legitur, *prædestinatus*, Græcè absque præpositione legitur, *ἁγιασμένος*, id est, definiti, aut destinati, vel (vt scholia græca habent) declarati. Quo in loco cum multi multa dicant & varia, ego breui quod sentio, exponam. Non est dubium quòd Christus ab initio fuit prædestinatus, aut destinatus, seu definitus à Deo filius suus, non secundum diuinam naturam, quæ prædestinationem non recipit, aut destinationem ullam. Quæ enim æterna sunt, prædestinari, aut destinari non possunt, ergo (vt verè ait B. Thomas) secundum naturam humanam prædestinatus fuit. Quid igitur hætenus prohibet suscipere Christum fuisse destinatum aut determinatū, seu etiam prædestinatum filium Dei, cum verè sic fuerit, inspecta humana natura, quam decreuit Dominus sibi vnire: Sed addit, *in virtute*. Nam in hoc fuit prædestinatio, vt esset filius Dei in virtute. Vbi prudēs lector debet aduertere, de scripturis sanctis non vnā elici Christi sanctificationem, sed duas: sicut & nos qui sanctificati iam, aliam expectamus. Ipse ergo secundum primam sanctificationem, quā venit in mundum, venit in forma serui, in infirmitate, exinanitus, humiliatus, Deus absconditus, vir dolorum, & experiens omne tentationum genus, & mortem tandem, ipsamque acerbissimam; non clamans, non contendens, sed mutus, & non aperiens os suum, & sicut agnus coram tondente se obmutuit. Quare secundum hunc sanctificationis spiritum non potest dici prædestinatus in virtute. Sed venit posterior sanctificatio, quā respexit prima prædestinatio Dei Patris. Nō enim ab initio voluit Deus vt sic adueniret nobis Christus infirmus, sed in suo decore & potentia: & ad hoc fuit principaliter prædestinatus à Deo. Quòd autem aliter factum est, propter peccatum fuit: quod peccatum prædestinationem quidem hanc non sustulit, sed in aliud tempus reiecit, quod Dei consilium ab initio fuit, si tamen interueniret peccatum. Vnde vt & hoc declararet, adiecit.

*Secundum spiritū sanctificationis ex resurrectione mortuorum*, id est, eo spiritu, quo ipse à mortuis resurrexit. Ex tunc enim verificatur hic sermo perfectè, quòd fuerit filius Dei in virtute, videlicet, à die resurrectionis eius, quando accepit gloriam suam. Prius enim fuit filius hominis in infirmitate. Nam duplex fuit Christi generatio passiva, etiam secundum carnem considerati. Vna quidem cum de Virgine natus est, de qua generatione scriptum est. Christi autē generatio sic erat: Cum esset despon-

sata mater eius, &c. Secunda verò cum à mortuis resurrexit, de qua scriptum est, teste B. Paulo ad Hebr. 1. Dominus dixit ad me: Filius meus es tu, ego hodie genui te. Vtraque igitur generatio suam habuit sanctificationem. Prima enim generatione sanctificatus fuit per vnionem naturarū, & secundum animam per gratiam Spiritus sancti, non autem secundum corpus, quod fuit passibile & mortale, infirmum & in gloriam, peccatum factum & maledictum propter nos, teste Apostolo ad Gal. 3. & de hac ipsa prima sanctificatione Dominus agebat. Quem Pater sanctificauit, vos dicitis quia dæmonium habet? Secunda autem, quæ plena fuit sanctificatio, fuit ex resurrectione mortuorū, quando accepit gloriam suam, & factus est forma perfectionis nostræ. Nam illi sumus conformandi in gloria, vt ait inferius Apostolus de prædestinatis. Quos, inquit, prædestinauit cōformes fieri imaginibus filij eius. Et hanc ipse sanctificationem intelligi voluit, cum dixit: Ego pro eis sanctifico meipsum, vt & ipsi sancti sint in veritate. Quia omnis nostra sanctitas in eius sanctitate fundata est, & ab ea venit. Dixit autem se id facere, quod paulò post erat factururus, tradendo videlicet se morti, vt sic istam vltimam sanctificationē mereretur, quam tamen à Patre petebat, tamen si ita esset prædestinatum, dicens. Pater glorifica Filium apud te ipsum gloria, quam apud te habui antequam mundus fieret, id est, quod initio de me erat apud te, videlicet, de mea gloria; quo modo gloria filij est gloria patris. Vnde etiam ipse pro nobis orauit Patrem. Sanctifica, ait, eos in veritate: sermo tuus, id est, verbum tuum, veritas est, sanctificans in tui gloriam ecclesiam tuam, vt reddas eam gloriosam, hoc est, illo posteriore simili sanctificationis spiritu ita glorifices eam, vt non habeat maculam, aut rugam, aut quicquam huiusmodi, sed vt sit sancta & immaculata. Nam & nos ipsi configurati illi, duplicem habemus generationem secundum spiritum. Prior est spiritualis communiter in baptismo propter quod scriptum est. Nisi quis natus fuerit ex aqua & Spiritu sancto, &c. & B. Petrus: Regenerauit nos in spem viuā. Posterior est in resurrectione, sicut scitum est. In regeneratione cum sederit filius hominis in sede maiestatis suæ. Vnde etiam duplex est sanctificatio nostri. Prima, qua sanctificamur in prima generatione nostra, & resurgimus spiritualiter à peccato. Et de hac scriptum est. Sed abluti estis, sed sanctificati estis. Et ad Col. Si confuxistis cum Christo, quæ sursum sunt querite: quæ sursum sunt sapite, non quæ super terram. Secunda erit in communi resurrectione corporum, quando assimilabimur perfectæ resurrectioni ipsius Christi: quando præcipitata erit mors in sempiternum, & implebitur illud quod ait Apostolus, videlicet, quòd Christus tradidit semetipsum pro ecclesia, vt illam sanctificaret, videlicet primò sanctificans eam lauacro aquæ in verbo vitæ, vt demum fieret perfecta sanctificatio. Quapropter addidit: vt exhiberet ipse sibi gloriosam, non habentem, rugam, aut maculam, vel quid tale, sed vt sit sancta, & immaculata. Sic ergo destinatus, aut prædestinatus est Dominus sanctificari, vt esset filius Dei tādē in virtute, sicut scriptum est. Dixit Dominus Domino meo sede à dextris meis. Quod factum est

Matth. 13.

Rom. 8.

Ioan. 17.

Ioan. 17.

Duplex ge-  
neratio spi-  
ritualis  
Christiani,  
& sanctifi-  
catio.

Matth. 25.

1. Cor. 6.

Col. 6.

Eph. 5.

Duplex  
Christi ge-  
neratio.



in resurrectione sua. Tunc enim, quia secundò (vt diximus) genitus est perfectè, accepit fortitudinē, & decorem, & gloriam, & honorem, & sapientiā: addam, non ego, sed Dilectus discipulus, etiam diuinitatem. Hoc verò regius Pfalter in spiritu præuidens, etiam præcinebat in psalmo illo: Dominus regnavit, decorem indutus est, indutus est Dominus fortitudinē, & præcinxit se virtute. Et denuò: Dominus regnavit, exultet terra, latentur insulæ multæ. Et rursum: Dominus regnavit, irascatur populi. Vide igitur vt procedit rectè & sine scrupulo, iuxta hunc sensum, sermo Apostoli, quòd Iesus à Deo Patre destinatus, seu prædestinatus est, videlicet secundum eam partem, quæ subiiciebatur prædestinationi; & prædestinatus quidem vt esset Filius Dei in virtute: quāquā ad tempus sit passus, interim in infirmitate existens, absconditus in forma serui, exinanitus, humiliatus, vir dolorum, vermis denique, & non homo, opprobrium hominū, & abiectio plebis. Id verò dispensatiuè propter necessarium nostræ redemptionis opus. Quod verò adiecit, Iesu Christi: doctè adiectum est: Quamuis non me lateat D. Augustinum annotare hunc sermonem, quasi durum, & excusare eo quòd hic sit mos scripture, singulari plurale adiungere. Sunt & qui admonent ex græca litera posse legi Iesu Christo Domino nostro, vt cum superioribus hoc pacto iungantur, de filio suo Iesu Christo, &c. Mihi tamen videtur Apostolus longè illustriorem sensum porrigere. Quia enim in Iesu Christo, omnium mortuorum resurrectio continetur (Nam eo resurgente, & nos resurrectionem in illo certissimè adepturi sumus sua die) nihil duri habet hic sermo, sed id exprimit, quod verissimum est, nempe Iesu Christi resurrectionem, esse mortuorum resurrectionē: quia eius resurrectio causa est resurrectionis omnium. Hinc enim doctè ipse B. Paulus alibi euincit vniuersalem resurrectionem, videlicet à capite Christo, qui resurrexit. Ergo & membra resurgent, ne caput sine membris existeret: quod haberet nescio quid mōstri simile. Non me etiam later diuersis modis hunc locum ab aliis exponi, quos non liber insectari. Ego eam intelligētiam attuli, quæ & planior videtur, & totā mysterij rationem, videlicet, incarnationis, & crucis manifestat.

Per quem accepimus gratiam, & apostolatū. Christus. n. est velut caput, vnde mēbra vigorem accipiunt. Propterea est scriptum: Ascendens Christus in altum captiuam duxit captiuitatem, accepit dona in hominibus. Hoc est, quæcūque dona nos habemus, illi data sunt pro nobis accipienti, vt ex illo in nos fluant; quomodo & nos in ipso, & ipse in nobis est. Vnde & apostolatū Pauli ipse dominus accepit, sed in Paulo. Ipse enim est in omnib⁹, qui sunt eius. Dicit autem, accepimus, non; accepit; ne se singulariter prædicaret in eo, quod erat pariter aliis commune. Per gratiam intellige cœlitus demissum & infusum nobis inhærens donum, quo gratiosi coram Deo statuimur, statūque Christianitatis ingredimur, & candidamur ad gloriam æternā. De quo dono Dominus Samaritanæ dixit. O si scires donum Dei. Et paulopost: Aqua, quam dabo ei, fiet in eo fons aquæ salientis in vitam æternam. Hoc est donum quod contemnunt hæretici, quia illud amiserunt: & ideo exponentes hunc

locum, alio hanc vocem torquent. Per apostolatū verò officium intellige, quod iam superius declarauimus. Nec oportuit mutari hanc vocem iam receptissimam, & eius loco reddi, legationem, sicut quidam ex nouitiis fecerunt. Licet enim sit eadem significatio ex ipsa prima impositione, tamen non sic est ex vsu. Nam apostolatus maxime hoc apostolicum officium significat. Legatio verò etiam ad prophana extenditur. Sunt autem quædam voces, siue græcæ, siue hebrææ, quæ ad peculiarem significationem restringuntur, & ideo propter receptum diuturnūque vsū seruari debent: vt est hoc nomen, Christus. Quod si latinè reddi oporteret, diceremus, Vinctus: quod nullus doctor vnquam ausus est.

Ad obediendum fidei. Hic finis Apostolatus, vt obediatur fidei. Licet autem quidam, fidei obediētiam ad assensum solum his quæ de fide prædicantur, restringant: mihi tamen magis placet vt dicamus, tunc demum obedite hominem fidei, quū factò complet ea, quæ mandantur in lege fidei. Nā qui Christum ore confitentur, factis autem negāt, assimilantur homini insipienti, iuxta parabolam Domini, qui ædificat domum suam super arenam. Finis igitur prædicationis non est credere tantum, sed etiam operari secundum fidem: id quod sapius Doctor noster inculcat. Hic. n. finis vniuersæ scripture est, vt sit perfectus homo Dei in iustitia, ad omne opus bonum instructus, ne simus in eodem gradu cum dæmonibus, qui credunt, imo deteriore: nam illi cum hoc quod credunt (quod ad pudorem multorum Christianorum dici posset) etiam contremiscunt.

In omnibus gentibus, hoc est, inter omnes gentes, in, pro; inter, plerūque vsurpatum in scripturis inuenitur. Et videtur esse tropus Hebræorum proprius. Nec ab re dixit, inter gentes. Primò quidem vt hæresim agnoscerent Iudæi, qui arbitrabantur se solos esse populum Dei, tāquam cui soli esset data lex Dei, & prophetæ. Deinde vt animaret nostros, id est, gentes & intelligerent, quòd in Christo Iesu non esset Iudæus, neque Græcus, sed noua creatura: ideoque sine lege manifestari illis Christum. Vnde & scriptum erat, tāquam dictum Christo à Patre: Parum est vt sis mihi seruus ad suscitandas tribus Iacob, & feces Israel conuertendas. Ecce dedi te in lucem gentium, vt sis salus mea vsque ad extremū terræ. Hoc ergo quod annunciare deberet omnibus gentibus, peculiare fuit B. Pauli præ aliis. Vnde ipse in fine istius epistolæ, se ibi prædicasse, vbi antea nullus prædicauerat, gloriatur: & quòd ab Ierusalem vsque ad illiricum repleuerit euangelium Christi, & alibi: Qui operatus est, inquit, Petro in apostolatū circumcisionis, operatus est & mihi inter gentes. Denique de semetipso ait: Dominus mihi assistit, & cōfortauit me, vt per me prædicatio euangelij impleatur, & audiant omnes gētes, scilicet Romani, ad quos etiam mei apostolatus amplitudo extenditur.

Pro nomine eius, id est, ad glorificationem nominis eius, nempe, Iesu Christi. Ad hoc enim electus fuit, vt portaret nomen eius inter gentes, dicente Domino: Vas electionis est mihi iste, vt portet nomen meum coram gentibus & regibus, &c. Et cū audis nomen, Iesus; non ad nudum vocis sonū, sed

In eos qui  
vt loquan-  
tur latine,  
non expri-  
munt quod  
erat expri-  
mendū.

Quid sit o-  
bedire  
fidei.  
In hæresi-  
cos.

Contra Iu-  
deorū per-  
suasione ex-  
tensum est  
euangelium  
in gentes.

Isa. 49.

Gal. 2.

2. Tim. 4.

Act. 9.

Apoc. 5.

Quæ sit re-  
surrectio  
mortuorū  
Iesu Chri-  
sti.

1. Cor. 15.

Quid est  
Gratia.



ad eius iucundissimam significationem debes attendere, quod ipse verè est salus nostra. Quidam legunt, de nomine eius, vt significetur de quo esset fides, & in quo nomine salui simus. Non est enim aliud nomē datum sub cœlo, in quo nos oporteat saluos fieri.

In quibus estis & vos, id est, inter quos estis & vos scilicet serui, tanquā ab eo redempti, & ē manu Diaboli liberati: Aut, Iesu Christi discipuli, vnde seipsum exponens subdit. *Vocari Iesu Christi*. Innuīt nomen, quo primum cœperunt Antiochię vocari fideles, nempe, Christiani, iuxta Isaie vaticinium: Et seruos suos vocabit nomine alio. Idem est enim Christianus, quod Christi seruus atque discipulus.

Omnibus qui sunt Romę (longē melius, qui Romę estis) dilectis Dei, vocatis sanctis. Hic explicato officio suo, & eius dignitate, atque prestantia, incipit notificare personas ad quas scribit, videlicet, ad eos qui erant Romę, non omnibus tamen, sed dilectis Dei, ea scilicet dilectione, qua ille prior dilexit nos, vnde venit vocatio: quia quos diligit, etiam ad sanctitatem vocat. Non enim ideò vocat quia sancti simus, sed cōtrā, vt sancti fiamus, id est, mundi corde à labe peccati. Sanctitas enim id est quod munditia. Nam horum est videre Deum, vt ipse dixit. Beati mūdo corde: quoniam ipsi Deum videbunt. Id autem fit primum fide, quemadmodum legitur, Fide purificans corda.

Gratia vobis & pax. Ecce nūc postremo loco genus salutationis. Gratia primum, id est, illud donū, quo grati sumus, & à Deo venit ad nos gratis, ideò ait: à Deo Patre. Illi enim primum ratione principij, aut etiam ratione paternitatis, tribuitur omnium donorum & bonorum largitio. Vnde B. Iacobus. Omne donum perfectum, & omne datum optimum desursum est, descendens à Patre luminum. Nisi per; Patrem, velis totam Trinitatem intelligere. Nam & ipsa Trinitas pater noster est: vtrūque enim conuenit. Gratiam igitur præcatur illam, de qua audierat: Sufficit tibi gratia mea, addit, & pax, quod est vltimum post cōsequutam felicitatem, sicut legimus. Qui posuit fines tuos pacem. Plena est ergo saluatio, quæ & felicitatem, & medium ad illam conducing habet. Latini dicebant; salutem; & quæ esset vera salus, & quo pacto acquireretur, ignorabant. Græci dicebant, *εὐαγγέλιον*, quod est, bene agere. Sed nec viam ad hoc, nec modum habebāt. Pax autem de qua loquimur, duplex est.

Prima in via, & hæc in specie secunda in patria, & illa in re. Vnde legimus dictum fuisse discipulis à Christo iterum. Pax vobis, id est, post dies octo, quæ dies octauam significat, per quam absoluta beatitudinis perfectio designatur. Pax autem non potest esse malis, peccatoribus, & impiis. scriptum est enim: Non est pax impiis. & iterum: Non est pax oīsibus meis à facie peccatorum meorum. Imò nec ab huiusmodi potest agnosci vera pax: quia pax Christi exuperat omnem sensum. At isti (vt exprobat in eos Sapiens) in magno viuentes inscitia bello, tot & tam magna mala pacem appellant. Sed in pace Christi non est turbatio, non est scandalum. Propheta nanque ait: Pax multa diligentibus legem tuam, & non est illis scandalum. Eripse Dominus: Pacem meam do vobis, pacem

relinquo vobis. Non quomodo mundus dat, ego do vobis. Iustum, ait alius, non conturbabit quicquid ei acciderit. Hæc igitur est pax Dei, quæ exuperat omnem sensum. Excludendus est tamen notus Lutheranorum error, qui pacem, quæ est viz, ita perfectam prædicant, vt in sola fide innitentes, securitatem ei de futura beatitudine adiungant, quod certè nimium est, & nimia seductio.

Et domino nostro Iesu Christo. Frequens hæc appellatio, & quæ Christo propriè conueniat, vt dominus vocetur. Nam licet communi dominatione, vt Deus verus, potiat, & gaudeat cum Patre, & Spiritu sancto: attamen & ipse Christus, vt homo, dominus peculiariter dicitur. Vnde idem B. Paulus ait, quod eum Pater constituit hæredem, id est, dominum, vniuersorum: & per illum voluit ad nos esse fluere, tanquā à capite, magna & pretiosa dona. Ipse enim sic dicitur pax nostra & iustitia nostra, quia per illum accepimus & promerentem nobis ac dantem. vnde illi dictū est: Sede à dextris meis, vt dominus fieret. Non est autem dubium, Patri quoque hoc tribui, & Spiritui sancto, vt vterq; vocetur dominus. Sicut .n. scriptum est de Patre & Filio: Dixit dominus domino meo, ita & de Spiritu sancto: Diuisiones ministrationū sunt, vnus autem dominus, id est, Spiritus, de quo dixerat. Et cum ita sit, vt & Pater & Filius & Spiritus sanctus domini sint, non tamē tres domini, sed vnus. Christus autem, vt homo, vnus dominus omnium: quia omnia acquisiuit suo pretiosissimo sanguine, ac meruit.

## ARGVMENTVM EPISTOLÆ.



VM Romę iā plures cū ex ipsis Gentibus, tum ex Iudæis fidē Christi suscepissent, magnum inter eos erat ortum dissidiū, ab eo verò concitātū, qui seminare discordias non cenat, Satana dico. Excitauerat enim Malignus ille vtriusque gētis arrogantiam, atque superbiam. Nam hūc ferē tendit semper: tum quia videt hoc vitiiū letale esse, & capitale, ac summū: tū quia probē meminuit se per hoc olim collapsū, & per illud primos nostros parētes magno malo nostro supplantasse: & denique, quia in hoc natura omnes sumus mirum in modum propēsi labascere, tanquā heredes patris nostri Adę. Extimulauit ergo Iudeos primum, quod ipsis data esset lex, & iam dudum essent populus Dei electus: Vnde & volebant cērimonias legis ab omnibus obseruari, vt gloriarentur in carne. Animo enim agro ferebant, Gentes sibi exaquari, & in statu gratiæ pares esse. Econtrariò autem excitabatur superbia Gentium, quæ despiciebant istorum inūpientiam, vt potē tum edocē, quod in Christo iam cessauerant illę cērimonie, & data erat omnibus libertas atque liberatio ab illa seruitute. Sed in hoc non parum errabant, quod non miserebantur infirmis, & imperitis Iudæis: neque longissimam eorum in illis ritibus assuetudinem considerabant, à qua tam facillē non poterant auelli.

Apostolus igitur sese medium, vt eos inuicē conciliaret, ponēs, pulchram hinc occasionem nactus fidei nostrę fundamenta tradēdi, Primum illud statuere satagit, omnes tam Iudæos quam Græcos, seu Gentes (nam per Gentes & Græcos, intelligit om-

Act. 11.

Quid est esse Christi num.

Isa. 65.

Sanctitas quid. Matth. 5.

Saluatio B. Pauli &amp; Christiana.

Iac. 1.

2. Cor. 12.

Ps. 147.

Pax Christi duplex.

Isa. 57.

Psalm. 73.

Sap. 14.

Pax falsa mundi.

Nota.

Error Lutheranus de pace.

Christus peculiariter Dominus; &amp; quare.

1. Cor. 12.

Superbia &amp; arrogantia mater discordia, &amp; schismatum.

Error Iudeorum.

Error gentium.



*Nota.* nes qui non essent Hebræi) inueniri peccatores. coram Deo, & sub lege, & sub peccato, & indigere gloria & iustificatione Dei, tum propter antiquum peccatum, quo pariter inuoluti sumus omnes tam Iudæi, quam Græci, tum ob delicti ipsius potentiam, quo factum est, ut nec Græci legem naturalem seruauint, nec Iudæi legem Moysos: propter quod de terrioris conditionis ipsi constituti sunt, tanquam qui certius didicissent, & sciuisent, quæ seruanda essent, cum per legem haberent boni ac mali declaratam rationem, & infelices peccati effectus. Admonet igitur Iudæos primum de remedio vero, quod non sit illis alius ad salutem aditus, aut ingressus, quam per fidem Iesu Christi: & quod non erat illis confidendum in operibus legis, aut ulla legis vi absque fide: quia non ex lege poterat esse iustificatio coram Deo, sed ira potius (quod plus satis probat) atque hic simul insinuat, quod dura illa legis onera cessauerant. Adiecit & in illos, quod propterea multi illorum offenderant, & excæcati erant: quia volebant suam statuere iustitiam, id est, iustificari ex operibus legis, non credentes in Christum. Vnde ipse pro illis venerat in tantum charitatis affectum, ut optaret fieri anathema pro eis. Porro ne aliqua forte desperatione frangerentur, mox reuelat, quod cæcitas cõgigit in Israël non in totum, sed ex parte. Ideo multi poterant subleuari, si veritatem agnoscerent atque amplexarentur, ac simul intelligerent quinam essent verè filij Abrahamæ, & veri Israelitæ. Anunciat insuper aliquando electionem fore saluam.

Quantum autem ad Gentes attinet, ostendit atque extollit eorum vocationem, honorans ministerium suum, ut ipsos Hebræos ad salutarem amulationem prouocaret. Hic prædestinationis admisit mysterium, & in eius profunda descendens, rapitur in exclamationem illam. O altitudo diuitiarum, & cæt. Obiter tamen Gentiles admonet, ne sese aduersus Hebræos extollerent, sed fidem cautè & cum timore teneant, misereatur infirmis, & à casu illorum discant, ne quando similiter irascatur Dominus in ipsos, & ipsi quoque, sicut & illi, cadant. Præterea hortatur promiscuè omnes, ut idem (si fieri possit) sentiant. Sin autem, retineant charitatem semper & concordiam, & Iudæus non iudicet fratrem suum: & Gentilis non spernat infirmum in fide, pro quo Christus mortuus est. Denique ad alias communes exhortationes, & charitatis officia inuicem debita, & inuicem impendenda descendit, sicut & in cæteris diuinis suis epistolis facere consuevit. Tum claudit epistolam, indicans se plenum desideriorum in commendationibus, & salutationibus vtrò citroque datis. Igitur vniuersa epistola referta est summa doctrina, sententiis profundissimis, cum ad dogmatum fidei, tum ad bonorum morum salutarem reformationem. At cum hic, ut in aliis diuini huius Doctoris epistolis, pleraque insint intellectu (vel ipso B. Petro teste) difficilia, Lector diligenter attende.

**P**rimum quidè gratias ago Deo meo per Iesum Christum pro omnibus vobis; quia fides vestra annunciat in vniuerso mundo. Testis enim mihi est Deus, cui seruo in spiritu meo in euangelio Fi-

lij eius; quod sine intermissione memoriam vestri facio semper in orationibus meis, obsecrans si quo modo tandem aliquando prosperum iter habeam in voluntate Dei veniendi ad vos. Desydero enim videre vos, ut aliquid impartiar vobis gratiæ spiritualis ad confirmandos vos, id est, simul cõsolari in vobis per eam, quæ inuicem est, fidem vestram atque meam. Nolo enim vos ignorare, fratres, quia sæpè proposui venire ad vos, & prohibitus sum vsque adhuc, ut aliquem fructum habeam in vobis, sicut & in cæteris gentibus. Græcis & barbaris, sapiētibus & insipientibus debitor sum: ita quod in me promptum est & vobis, qui Romæ estis, euangelizare. Non enim erubescō euangelium. Virtus enim Dei est in salutem omni credenti, Iudæo primum & Græco. Iustitia enim Dei in eo reuelatur: ex fide in fidem, sicut scriptum est: Iustus autem ex fide viuuit.

**S**apientissimus Apostolus non antè ingreditur tractatum, nec erupit in verba doctrinæ, quam præmisso quodam præmiolo disponat lectores, beneuolos eos, dociles, atque attentos reddens, præsertim qui nondum eos de facie nouerat, & si de illis quædam iam orta esset à fama celebris notitia. Ait ergo.

*Primum quidem gratias ago.* Gratiarum actio, est Proæmii collati beneficii confessio cum beneficientis laude. Sic enim plerumque confessio capitur in scripturis, ut ibi. Cõfiteor tibi Pater cœli & terræ, &c. Est autem gratiarum actio in Deum actus religionis, & pars orationis, & quidem præcipua. Impudenter enim denuò petit, qui de acceptis iam beneficiis non agit prius gratias. Et tamen quis hac in parte coram Deo non peccat? Historia de decem leprosis mundatis id nos apprimè docet, quorum vnus tantum rediit, ut gratias ageret, & ille quidem erat alienigena. Et hæc causa est, teste B. Bernardo, cur sepe numerò quod petimus, non impetramus. Ingratitudo enim animum beneficientis restringit, ne effluat ulterius sicut scriptum est, Ingrati ipse sicut glacies hibernalis tabescit.

*Deo meo.* Quanquam Deus, omnium est Deus, qui creauit, gubernat, & possidet vniuersa (nam Deum esse, eius prouidentiam includit) quorundam tamen peculialiter dicitur Deus; propterea quod speciali in eos prouidentia feratur, dum eos præ aliis curat, ut versa vice nihil magis illi curent, quam ipsum: quia sicut ipse est verè summum omnium bonum, ita super omnia ab eis accipitur, honoratur, colitur, & glorificatur. Propterea Dominus frequenter ingeminat: Deus meus, Deus meus. Et scriptura Deum Abraham, Deum Isaac, Deum Iacob vocat. Sic Deus Danielis dictus est. Et Elifas dixit: Vbi est Deus Eliæ etiam nunc? Iuxta ergo hanc considerationem vocat Apostolus Deum suum, tum quia Deus magnis, & specialibus donis illum honestauerat, tum verò quia ille ex eo tempore nihil

Abac. 2.

Proæmii  
Epistola.  
Matt. 11.De actione  
gratiarum  
quam sit  
necessaria.

Sap. 16.

Cur sumus  
Deum do-  
cat Paulus.



Philip. 1.

duxit Deo, illiusque obedientia dignius. Imò cætera omnia ut stercore reputauit, ut verè, & ex toto spiritu diceret: Mihi viuere Christus est, & mori lucrum. Item gloriabatur in tribulationibus, & cruce propter illum: & eius stigmata in corpore suo portabat. Ecce igitur quomodo cōuenienter eum vocat Deum suum, propter mutuam charitatem.

Per Iesum Christum. Aut hoc referas ad id quod dictū est, Deo meo; ut intelligas quòd per Iesum Christum hoc factum est, ut esset Deus illius: quia ipse fuit propitiatio, & pax nostra cum Deo: Vel referas ad id quod dicit, Gratias ago. Nam per eum habemus accessum ad Deum, & per eum recipimus dona, & denique per eum dignè pro donis illis acceptis gratias agimus. Vnde sancta mater Ecclesia fere omnem orationem suam sic terminat: Per Dominum nostrum Iesum Christum. Et hinc nota, ut capiat beneuolentiam, exponens de quibus, & de quare gratias agat, nempe, pro omnibus vobis, ut charitatem suam in illos insinuet. Et exponit, pro omnibus vobis, id est, aut loco vestri: aut potius, super omnes vos, sed de omnibus vobis: ut ipsi intelligantur esse quasi materia, pro qua gratias ageret, in eo quòd donum fidei acceperant à Deo. Vnde addit.

Quia fides vestra annūciatur in vniuerso mundo. Hoc igitur eorum donū erat fides, de quo dono est gratiarum actio, & presertim quia id spargebatur in alios in vniuerso mundo, ob famam tantæ Urbis. Sic enim videbat impleri verbū Domini per omnes prophetas: & quod prædixerat Christus ipse in parabola de grano synapis, & de fermento farinae in satis tribus. Magnū enim donum est fides, cum sit omnium virtutum radix & fundamentum: sed maius est charitas. Quod verò ait: In vniuerso mundo. Per hyperbolem hoc dictum quidā aiunt, à qua figura non abhorret sacre litteræ, ut cum legimus: Si scribantur per singula quæ fecit Iesus, arbitror nec ipsum mundum capere posse eos, qui scribendi sunt, libros. Ego verò potius dixerim, quòd hic sermo suam idoneè habet veritatē per hoc, quòd annunciari, connotat tractum temporis, & illius actionis. Non. n. dixit, quòd annunciata esset, sed quòd annunciabatur. Quòd quidem satis verum erat, cum occiperet annunciari in nonnullis orbis partibus, quòd erat decretum annūciari in vniuerso orbe. Nam & Precone inchoante denunciare quicquam in Vrbe, non falsò dicitur: Præco per totam urbem denunciat. Potest & aliquo modo dici satis annunciari in vniuerso mundo, cum in ea Vrbe, quæ mundi caput erat, & ad quam confluebant omnium nationum plurimi, annunciabatur.

Testis enim mihi est Deus. Iusurandum est hoc, licet quidam negent, & dicant. B. Paulum asserere, non autem iurare. Habent enim quidam hæreticorum pro re absurda, quòd B. Paulus iurauerit, cum Dominus dixerit: Ego autem dico vobis, non iurare omnino. At verò alibi manifestè iurat Apostolus, testemque Deum inuocat in animam suam. Quòd autem afferunt, Deum præcipere non iurare omnino, ostendunt se non intelligere Dominicum sensum. Ipse enim eo dicto: Non iurare omnino; Hebræorū inscitiam notare voluit, qui non habebant pro iureiurando, quòd seruari deberet quācunque attestationem, sed eam tantum, qua Deum attestarentur, afferentes ex lege: Reddes Deo iura

menta tua: quare passim iurabāt per creaturas. Dominus autem ibi hoc detestatur, & prohibet: ut intelligas ibi prohibitum potius omne iuramentum genus, cum temerè fieret, quàm quòd omnino non iuraretur, cum opus esset, maxime cum iusurandum sit actus religionis, & possit etiam cum merito fieri, quando vallatur circumstantiis suis, id est, veritate, & charitate, cum tamen res ipsa talis sit ponderis & momenti, quæ postulet, aut suadeat iusurandum, ut persuasio fiat rei, præsertim ad vitam spiritus conducentis. Sic enim iuramentum est res religiosa. Irreligiosum autem est, si vel falsum, vel temerè iuratur, ubi necessitas nulla, nulla utilitas, timor nullus. Propter quod scriptum est: Nominatio Dei non sit assidua in ore tuo, & nominibus Sanctorum ne admiscearis, & paulopost: Vir multum iurans implebitur iniquitate, & non discedet à domo illius plaga. Vide ibi in iuramento quid prohibeatur. Apostolus autem in causis maximis, & ita postulante necessitate, & cum religione magna, Dominum inuocabat testem, & sic iurabat etiam cum merito ac virtute. Superstitiosè igitur quidam hæreticorum omnino iusurandum detestatur, ut prohibitum à Christo quasi malum, cum non dixerit malum esse Dominus, sed à malo. Verum hac de re proprio loco fusius.

Cui serui in spiritu meo, &c. Græcè λατρεύω, unde latina, quæ soli Deo debetur: quanquam Grammaticulus quidam obster, & velit λατρεύω, à, & λατρία nō differre, sed non audimus illū. Placet magis hoc verbum dici à τρέω, quòd est tremere, & λα, particula, quæ vehementiam significat: ut hinc maxime ille cultus, qui Deo debetur, accipiat. Vnde scriptū est: εὐτὸς μόνος λατρεύεται. Quòd verò addit, in spiritu meo, hoc est, in donis meis, quæ à Deo per Spiritum eius accepi. Nam quilibet Spiritum suum, id est, propria dona spiritus habet. Vnde dicitur spiritus lenitatis, spiritus mansuetudinis: de quo spiritu dictum est filiis Zebedæi. Nescitis cuius spiritus filij estis. Et idē dicitur spiritus zeli & iustitiæ, quo Phinees, & Helias, & B. Ioannes Baptista agebantur. Nam de Ioanne dicitur, quòd venturus erat in spiritu, & virtute Helias. Helias autem spiritum zeli habuit, quò occidit pseudopphetas, continuit cælum à pluuiis, & restitit Achab. B. Ioannes eodem zelo testificatus est Christo, exterruit Phariseos, & corripuit Herodem. Est & spiritus timoris, reuerentiæ, humilitatis, quo B. Petrus, & Centurio euāgelicis agebātur, cum ille dixit: Recede à me, quia homo peccator sum. & alter: Non sum arbitratus me dignum, qui venirem ad te. Et B. Ioseph isto spiritu actus cogitat relinquere Mariam sanctissimā coniugem suam. Est etiam econtrariò, spiritus confidetiæ, quo Cananæa, & Zachæus præditi fuerunt. Est rursum spiritus sapientiæ: est & spiritus doctæ impietatis, & sanctæ cuiusdam ebrietatis amore Christi, quem Dominus aliquando ostendit, dum ea ageret, quæ quasi furentis videri poterāt mundi hominibus. Vnde & sui volebant eum comprehendere, ut apud B. Marcum legitur. Eo spiritu efferbuit B. Franciscus, & quidam alij, qui velut ebrij (diuina tamen dilectione) quædam moliebantur, quæ sapientia huius mudi, & prudentia carnis minus probaret. Hunc verò spiritum quidam nostræ ætatis homines voluerunt imitari, idque ineptè admodum,

Iuramentū  
res religio-  
sa, quòd ne-  
cessitas, si-  
ue utilitas,  
& veri-  
tas, & cha-  
ritas etiam  
meritorij  
faciunt.

Erasmij  
notatur.

Deut. 6.  
Spiritus  
Pauli.

De variis  
spiritibus  
sanctorum.

Nota.

Marc. 5.

Admittit  
Scriptura  
figuras &  
tropos di-  
tendi.

B. Paulus  
iurat reli-  
giose.

Matth. 5.

2. Cor. 7.



*Contra quosdam infeliciter agentes se suo spiritu ut appareant, non aguntur.*

nescientes quod non imitatione quaeritur, sed infusione superna accipitur. Spiritus autem B. Pauli multiplex erat, ob multa & excellentia dona, videlicet humilitatis, charitatis, zeli, misericordiae, patientiae, tolerantiae, veritatis, sapientiae, scientiae, con filij, fortitudinis, reliquorumque donorum, quibus fuit abundantissime refertus. Sic nimirum exiebat egregium illius apostolatus officium, in quo maxime seruiebat Domino. Vnde ipse ait: *In euangelio Filij eius*. Hoc enim suo spiritu agebatur, & impellebatur ad euangelizandum. Vnde cum esset Athenis, & videret tantam ciuitatem idololatricae deditam, ait de illo scriptura: Incitabatur spiritus eius in ipso, &c.

*Act. 17.*

*De assidue tate ac prolixitate orationis.*

Quod sine intermissione memoriam vestri facio semper in orationibus meis. Nō pertinere ad istum locum videtur illa quaestio, quam hūc afferunt aliqui: vtrum sine intermissione orandum sit. Non enim ipse hūc dixit, se sine intermissione orare, sed quod cum orabat, sine intermissione memoriam illorum faciebat. Græca tamen vox, qua vsus est Apostolus; προσευχῆς; attentionem & assiduitatem quādam significat. Nam hoc exigit vera oratio, quæ est perfectiorum, vt sit attentata & assidua, quantum fieri potest. Proditū est litteris, crebras olim fuisse sed breues, & quodam modo iaculatas monachorum orationes. Qui verō perfectiores erāt, diuturnius eis orare licebat. Et hoc est quod nunc merito desideratur apud Christianos, cum vix vllum tempus vnquam magis orationes ab Ecclesia sic fluctuante ac periclitante exegerit.

Obsecrans si quo modo tandem aliquando prosperum iter habeam in voluntate Dei veniendi ad vos. Legitur græcè, ἵνα μὴ, quod est deprecans, & non obsecrans, ne fiat vis in ratione illius vocis; obsecrare, quasi per sacra obtestari, vt quidam faciunt. Perpende autem vt plenè explicat desiderij sui vehementiam, dum ait, *si quo modo tandem aliquando*. Qui enim vehemēter aliquid cupit, primum illud veller omni modo assequi, ideo ait, *si quo modo*. Deinde impatiens est moræ, vnde addit: *Tandem*. Tertiō nihilominus longanimis est in expectando, vnde adiecit: *Aliquando*, ac si dixerit. Modo id mihi detur aliquando consequi, contentus ero. Nec tamen precipitanter illud optabat, & inconsideratè, vt plerique faciūt, sed iter prosperum expectabat.

*Contra obseruantes tempora & momenta à stellis.*

Verūm cum nihil sit prosperum, quod non sit in voluntate Dei, illam Dei voluntatem non (vt insipientes quidam) horoscopo venabatur, neque stellis captabat opportunum tempus proficiscendi, vt stulti & à spiritibus erroris decepti faciunt, ignorantes quā sit hoc vanū, & quā displiceat summo Deo. B. autem Paulus orationibus opportunum, circa hoc, Dei beneplacitū vestigabat, & obseruabat, vt iret in voluntate Dei. Vnde & exauditus est tandem. Nam data fuit illi fœlicissima Romani proficiscendi occasio, cum esset vinctus catenis propter Christum. Prouocauit enim ad Cæsarem, vt impleteretur verbum Dei dicentis: Vt portet nomen meum coram gentibus, & regibus, & filiis Israel. & Ostēdam illi, quanta oporteat illum pro nomine meo pati. Et ecce nunc in eius gloriam veniamur catenas illas, vnde & magna signa ac prodigia olim (teste B. Gregorio) fiebant, quæ ob infidelitatem nostram cessarunt.

*Act. 9.*

Desidero enim videre vos. Græca vox, ἑπιθεωρῆσαι, vehemens quoddam & ardens desiderium significat. Hactenus eos beneuolos studuit reddere. Et nota (quæso) desiderij causam, ait: *vt aliquid impartiar vobis gratia spiritualis*. Nam græcè, χάρισμα, legitur, id est, donum. Ecce omne viri desiderium ad spiritualia tendentis, & ad communicandum illa. Tenebat enim Domini sententiā verissimam, quam ipse nobis manifestauit. Beatius est dare, quā accipere. Nam bonum (vt B. Dionysius testatur) sui ipsius est effusiuum. Volebat. n. impartiri eos de spiritu suo: quia sic instituit Dominus, vt essent Apostoli, & doctores, p quos alij inferiores instruerentur. Sic inter nos inuit amicitia, & alitur, & crescit, cum inuicē beneficiis astringimur. Sic & charitas, quæ non nisi quædam amicitia est, dum mutuis fouetur & exercetur officiis atque obsequiis, illustrior redditur atque feruentior. Vehementius autē cupiebat eos præsentī sermone docere, quā per epistolam: cum propter illam viua vocis energiam (Nam viua & vera vox, vultus, gestus docentis spiritum quendam habent, & quoddam viuū valens plurimum ad suadendum, & mouendum) Tum quod multa plerūque existunt, quæ literis rursus committi nec possunt, nec debent. Adde quod occurrunt conferenti sæpe dubia, & difficultates, quæ non ita scribenti occurrunt, vt præoccupet, & declaret. Item multa sunt, quæ non nisi à præsentē magistro commodè explicantur. Denique epistolæ, præsertim inter eos qui longo locorum spacio coniunguntur, antequā reddantur, plerumque voluitur annus, nec est semper accinctus ad iter Tabellarius, & non rarè etiam intercipiuntur. Sequitur.

Ad confirmandos vos, hoc est, simul consolari in vobis, per eam, quæ inuicem est, fidem vestram atque meam. Modestè loquitur. Non. n. spondet fidei doctrinā, sed confirmationem in ea. Siquidem ea præditi superbia sumus omnes natura, vt vix vel quæ ignoramus, doceri patiamur. Vnde rectè quidā: Cur nescire pudens prauè, quā discere malo? Rem igitur odiosam molliore sermone temperauit, aiens, *hoc est, consolari in vobis*. Nam in cōfirmatione eiusdem sententiæ & veritatis, eorum potissimum quæ ad fidem atineant, plurima est consolatio, cum pluri mi in eandem concurrunt sententiā: quoniam charitas congaudet veritati, & ei veritati, quæ tam salutaris est, nimirum æternorum. Hoc perferre illi discipuli cœperunt, qui dicebant. Nonne cor nostrum ardēs erat in nobis, dum aperiret nobis scripturas? Hinc tantus in primitiua ecclesia feruor: quoniam erant perseverantes in doctrina Apostolorū, & scrutabantur scripturas, & probabant rem ita se habere, sicut audiuerant. Tales quærit, & diligit, & promouet Spiritus sanctus. Sic. n. ait scriptura. Ego diligentes me diligo, & qui mane vigilauerint ad me, inuenient me. Qui malunt hoc in loco legere, cohortationem; potius quā; consolationem, non intelligunt in voce ista; consolationis; cohortationem quoque intelligi, quā ad Heb. ipse Apostolus appellat verbum solatiij.

Nolo autem vos ignorare fratres, quia sæpe proposui venire ad vos, &c. Occurrit hūc tacite obiectioni, quæ huiusmodi erat. Si tātopere, Paule, desiderabas ad nos venire, quid ergo obstitit? Respondet, Id quidem se proposuisse in animo, sed prohibitum fuisse

*Nota quid præcipuum ac feruē solum cogitant viri spirituales & desiderant.*

*Act. 20.*

*Horatius.*

*Nota gaudium quod ex fide & collationibus spiritualibus venit.*

*Luc. ult.*

*Prov. 8.*



se vsque ad illum diem. Non tamen affert causam prohibentem, quæ facile subintelligi potest, videlicet, ipse Spiritus, qui aliarum ecclesiarum ædificationem, & confirmationem per illum prius exigebat. Nam aliquando Phrigiæ & Galatiæ regiones pertransiens, admonitus fuit à Spiritu, ne ibi euangelizaret. Et tendens aliquando in Bithiniam, prohibitus est à Spiritu, & diuertere coactus est in Macedoniam. Ad Thessalonicenses tamen scribit, cum desiderio simili teneretur, & semel & iterum impeditum se fuisse à Satana. Sed illud etiam permittit Deus ad aliquod bonum, quod sæpenumero non cogitamus.

*Act. 16.*  
*Nota quomodo particulari providentia Dei dirigebatur prædicatio apostolica.*

*Ut aliquem fructum habeam in vobis.* Fructus doctoris non est propria gloria, sed est profectus discipuli. Nam doctor est velut quidam agricola spargens semen, quod est verbum: discipulus vero est velut terra, quæ recipit semen: & tunc fructus est, cum de semine illo accepto egreditur vberitas bonorum operum, quæ sunt in verbo tanquam in semine, non actu, sed potentia. Prius tam præparat terram, vertens illam vomere, quod est corda scindere, & eorum duritiam, ut capiant verbum salutis: puta, quod homo repletur multis miseriis, & quod moriendum est omnino, & omnium quæcunque gesserimus, reddenda stricta ratio, etiam verbi otiosi. His & similibus incipit terra cordis nostri quodam modo scindi & coteri. Et cum sic euerla est, tunc appposito stercore, i. proprietatis notitia, potest facile iaci semine, quod est verbum Dei, ipse videlicet Christus pro nobis crucifixus, qui & deprecatur pro salute nostra, & interpellat apud Deum Patrem: quod & custodiri debet ac servari sacculo exhortationum & collationum ne crescentibus herbis noxiis, spinis, ac tribulis, id est, volupratibus, & erroribus, & necessitatibus huius seculi, suffocetur. Sic ergo fit fructus per præceptorem, quod illi est summum gratiam, ut dixerit dilectus: Maiorem hac non habeo gratiam. quam ut videam filios meos id veritate ambulare. Et Apostolus de talibus ait: Vos estis corona mea, & gaudium meum in Domino.

*Quis sit verus fructus doctoris.*

*Philip. 2.*

*Sicut & in cæteris Gentibus, Græcis ac Barbaris.* Latenter prouocat ad æmulationem Romanos, proponens. quod & alibi apud alias nationes fructum verbi retulerit. Hoc in loco per Græcos intelligit eos, qui literis & moribus cultiores erant, apud quos vigeant gymnasia philosophorum. Quod sane mirum videri poterat, superbam illam Græcorum sapientiam euangelicæ prædicationi collum submisisse. Opposuit autem Græcis Barbaros, id est, populos ferociosiores & inimicos quod erat longè difficilius eos edomuisse. Verum hoc effecit B. Paulus, imò Deus per B. Paulum, qui apud Arabes fuit prædicans, & apud Græcos, & proficiens in verbo Dei, ut verum fieret illud Isaia: vaticinium: Lupus habitabit cum agno, & pardus accubabit cum hædo.

*Doctrina christiana quomodo omnes alias superauit.*

*Isa. 11.*

*Sapientibus & insipientibus debitor sum.* Vocat sapientes, qui ingenio pollebant, & studiis literarum profecerant: qui tamen indigebant magistro, ut fidem edicerent, & per eam verè saperent, sicut scriptum est. Prou. 1. Audiens sapiens sapientior erit. Nam hæc proprietate dicuntur audiri, quæ non nisi auditu disci, & capi possunt: ut sunt ea quæ sunt fidei, quæ verè sapientem reddunt. Vnde B. Paulus: Fides

*Nota pro sapientia Christiana*

ex auditu, auditus per verbum Dei. Et Isaías: Quis credidit auditui nostro? Et Dominus per Moysen: Audi Israel, Deus Deus tuus ego sum. Ergo e contrario, insipientes vocat, qui nullis honestis literarum studiis & disciplinis imbuti erant. Nam & Christus in suam doctrinam hos recipit, qui fecit omnes dociles Deo, ut præscriptum erat. Nam in Christo non est Iudæus, aut Græcus, Barbarus, aut Scythæ, sed noua creatura.

*Rom. 10.*

*Ita quod in me promptum est & vobis qui Romæ estis euangelizare.* Emphasim habet ista nominatio tantæ ac tam superbæ Urbis: Nam Roma idem est quod excelsa. Ponit ergo tacite illos, ad quos scribebat, inter sapientes, gratiam captans & beneuolentiam, sed non inter veros sapientes, sed mundi tantum: ut ostendat eos etiam indigere doctrina per auditum. Promptum autem sibi esse ait (quod ad se pertinet) illis etiam euangelizare, cum id in mandatis haberet: Væ mihi, inquit, si non euangelizauero. Est autem euangelizare, ea quæ de Christo sunt, annunciare: quare addit:

*Nota de excellentia urbis Romæ, ab ipsa nomine.*

*1. Cor. 9.*

*Non enim erubescō euangelium.* Quod tamen multi tunc erubescabant, propter opprobrium crucis. Et nunc non desunt partim irridentes, partim erubescētes. At B. Paulus id ipsum gloriam reputabat, sicut est reuera: sciebat enim dictum: Qui me erubuerit, & sermones meos, erubescere illum faciam coram Patre meo. Quare nunc multo magis quosdam miramur, qui cognita euangelij dignitate, malunt nihiloscius doctores esse scholasticæ disciplinæ, & logicæ ac philosophiæ, quam verbi Dei prædicatores, & tamen prædicatorum nomine gloriantur. Adiecit ergo rationem, cur nullum ex euangelio pudorem contraheret.

*Prædicatio crucis non erubescenda.*  
*Nota.*

*Virtus enim Dei est in salutem, omni credenti.* In salutem, inquit, non quamlibet, sed veram, & eximiam salutem. Non cuiuslibet tamen, sed credenti, id est, recipienti euangelium per fidem, & dilectionem. Sicut medicina virtutem habet ad sanandum, si tamen recipiatur. Neque verò sic in salutem, ut continuò salus ei sit re ipsa, ut ait hæreticus. Spe enim salui facti sumus. Propter quod scriptum est: Qui crediderit, non festinet ac si dixerit: Adhuc grandis illi restat via. Hæc autem dicimus aduersus perniciosam Lutheranorum sectam, qui vnà cum fidei apprehensione, simul & salutem apprehendi inexterminaliter docent, stulte quidem ac perniciosè. Hic verò incipit Apostolus latenter, miroque artificio, de præmio in tractatum descendere, & explanare prouidentiam Dei erga omnes homines, non tamen sine ordine, vnde ait:

*Contra Lutheranam doctrinam.*

*Iudæos primum & Græcos.* Græci appellatione hic quemlibet alium comprehendit, qui non est Iudæus. Vnde & Romani eo vocabulo comprehendebantur, propterea quod (ut existimo) eo tempore maxime communis erat Græca lingua. Ait autem, primum Iudæos, ne in eorum odium videretur loqui, tacens veritatem quæ erat pro eis, ut sic eos sibi conciliaret, quos præcipue habebat infestos. Nam verè hic erat ordo. Ipsi enim Iudæi prius vocandi erant: quia salus. i. Christus, ex Iudæis erat, sicut dixit Dominus Samaritanæ: & ipsis primum promissus fuit, vnde scriptum erat: Exibit lex ex Sion, & verbum Domini de Ierusalém. Sed quia illi repulerunt, ideò primogenituram amiserunt. Et hic est finis præmij, & initium

*Iudæorum vocatio prior.*

*Mich. 5.*



tractatus epistolæ, vbi incipit virtutem euangelij vniuersalem in Iudæos & Græcos enarrare.

Hic incipit  
tractatus  
epistolæ.

Iustitia enim Dei in eo reuelatur ex fide in fidem, sicut scriptum est: Iustus autem ex fide viuit. Primum tacite innuit differentiam quæ est inter legem, & euangelium: quoniã iustitia Dei, non qua iustus ipse Deus est, & reddet vnicuique iuxta opera sua, sed qua nos (vt rectè ait B. Augustinus) iustos facit, hæc est iustitia quæ in euangelio reuelatur. In lege autem non erat reuelata, sed claudebatur in ea tanquam in velamine. Vt autem probet quod virtus in salutem cõtinetur in euangelio, non autem in lege, hoc primum sumit, quod hæc iustitia Dei reuelatur in euangelio, tanquam sic arguens. Virtus in salutem est iustitia Dei, quæ apprehenditur per fidem: non apprehenditur autem nisi fuerit reuelata. (Fides. n. reuelationi innititur) reuelatur autem maxime in euangelio: Ergo ibi talis est virtus in salutem. Hæc verò iustitia donum Dei est inhærens cordi nostro, infusum desuper per spiritum Christi, cui Dæmones inuident: & idèd instruunt suos, vt illud negent, aut floccifaciant. Est igitur hoc donum iustitiæ quodam modo ipse Christus, qui (vt Apostolus ait) factus est nobis sapientia, & iustitia, & sanctificatio, & redemptio, si tamen fide recipiatur. Sic enim quodam modo Christum nobis concipimus per fidem viuam, vt illum demum nobis per charitatis opera, & passionem, parturiamus, ac pariamus. Quid enim est fides, nisi susceptio eorum quæ sperantur? Æterna autem hæc sunt, quæ interim non videmus, sed ex reuelatione habemus, & spe. Quid autem speratur nisi Christus vita nostra? Nam ipse est qui reuelatus est in euangelio: qui à seculis fuit absconditus, & sub velaminibus contextus, & à prophetis plerumque sub figuris, & enigmatibus prænunciatus. Ipse est qui manet in æternum iustus noster, & iustitia sempiterna. Ipse charitate concipitur, quæ ex fide accipitur, idèd ait:

Prima ex-  
positio.

Nota de fi-  
de implicita & ex-  
plicita.

Duo fidei  
articuli pri-  
mi ac præci-  
pii, & om-  
ni tempore  
necessarii,  
vt explici-  
ter credan-  
tur.

Ex fide in fidem. Quod multipliciter exponi potest. Et primo, ex fide, videlicet, implicita, quæ erat Gentium, & Iudæorum, in fidem explicitam, quæ est Christianorum. Neque. n. fuit Gentibus clausa vnquam ad salutem via, quam cõsequi prorsus absque fide est impossibile. Gentium ergo fides erat duorum duntaxat articulorũ, videlicet, quod Deus sit, & habens prouidentiam: Et quod inquirẽtium illum sit remunerator. In quo articulo ceteri continentur implicitè, vt B. Thomas eleganter docuit. Hebræorum verò fides aliquanto plenior erat, sed nec ipsa omnino explicita. Ipsi. n. ex fide de Christo venturo, prouecti sunt in fidem de illo exhibitio. Non enim erant olim sine fide Iudæi veri, etiam de Christo, quem venturum credebant, & in illo sperabant, iuxta factas Patribus promissiones. Sed quæuis harum fides, præ illa quæ nobis est reuelata, vix dicitur fides in scripturis. Nam ipsimet Iudæi sua improbitate verificantes scripturas, illam fidem nobis explicarunt, cum in cruce mactarunt Agnium nostrum, verum sacrificium. Vnde cessit prior eorum fides tanquam imperfecta, sequenti perfectæ. Sic hæc perfecta nostra fides cedit tandem visioni: quando videbimus illum in gloria facie ad faciem.

Secunda  
expositio.

Secundo potest intelligi, Ex fide in fidem, hoc est, ex fide prædicantis, in fidem recipientis. Hic est e-

nim ordo diuinæ prouidentiae, vt primoribus Ecclesiæ, scilicet, Prophetis, & Apostolis primò reuelaretur quæ fidei sunt, vt sic deinde in alios reuelatio propagetur. Quare Isaias dixit: Quis credidit auri nostro? & brachium Domini cui reuelatum est? & Apostolus noster Paulus ait: Habentes autem eundem spiritum fidei, sicut scriptum est: Credidi, propter quod locutus sum: & nos credimus, propter quod & loquimur. Nam quibus prius reuelatum est, non ob hoc tantum illis reuelatum est, vt ipsi crederent soli, verum etiam vt in alios fidem suam extenderent.

Tertio potest intelligi, Ex fide in fidem, id est, ex fide terrenorum bonorum per Moysen promissorũ in antiquo pacto, & testamento in Agno veteri consecrato, in fidem celestium, quæ in nouo & æterni testamento consecrato in Christi sanguine comprehensa sunt, & promissa in vero Agno. Vnde rectè ait: Ex fide in fidem: quoniam vetus illa fides, de qua scriptum est. Crediderunt Deo & Moyse seruo eius, quæ erat terrenorum bonorum, cessit huic noue de Christo, qua in eũ creditur, qui promittit æterna. De qua fide ipse dixit: Nisi credideritis quia ego sum, moriemini in peccatis vestris.

Possemus etiam quarto modo intelligere, Ex fide in fidem, id est, ex fide eorum quæ contigerunt Christo, in fidem eorum quæ contingent nobis. Ipse enim typus est nostri: quoniam & nos resurgetur, sicut & ille resurrexit: & coronabimur, sicut & ille coronatus est. Nã & ob hoc præcessit fides terrenorum bonorum, vt sicut viderunt Iudæi tum demum eos obtinuisse promissionem terrenorum, qui crediderunt, & non tentauerunt Deum, sed eius præcepta seruauerunt: sic & qui crediderint euangelio, & qui fuerint obediētes in spiritualibus, ij demum requiem sempiternam obtinebunt.

Quinto, potest intelligi, Ex fide Dei, qua ipse quod promissit, effecit, mittendo Filiũ suum, in fidem Iudæorum, & eorũ qui sicut crediderunt promissionibus, ita ipsam exhibitionem fide acceperunt.

Occurrit sexta & nouissima expositio, quæ hunc habet sensum: Homo. n. impius & iniustus, cum se disponit vt fiat iustus, primũ credit adhuc in præputio existens, fide sua, id est, actu credulitatis, qui procedit ab ipso adhuc longè existente, licet exciteretur ea fides in illo à Deo miris modis. Et ex hac fide sua homo accipit hoc donum iustitiæ, & charitatis, & gratiæ, quod non aduenit sine dono fidei infusæ. Hæc enim fides est donum Dei: & sic procedit ex fide in fidem, id est, ex fide sua, id est, actu prioris informis: nec ex habitu procedente, in fidem, quæ Dei donum est formatum charitate. Quod totum ego aliàs figuratũ esse in Simone Petro & agnoui, & latius declarauĩ. Simon enim, quod est paternũ nomen, significat consensum, qui ex nobis venit, fauere Deo, quem præbamus auditui fidei. Petrus verò, quod est nomen à Deo & Christo, significat superius donum fidei, & lumen, vnde homo cõfirmatur: & sic ex fide in fidem proceditur, sicut ex Simone in Petrum. Cum autem omnes hæc expositiones in seueræ sint, & verba ipsa Apostoli illas minime respuant, non video cur vlla sit respuenda, cum scriptura sancta plures simul, etiam literales sensus recipiat, & intentos à Spiritu sancto autore. Nam si veri sunt, & nihil veri potest Spiritum veritatis

Tertia ex-  
positio.

Hic nota  
fidem Iu-  
dæorum.

Exod. 14.

Ioan. 8.

Quarta ex-  
positio.

Quinta ex-  
positio.

Sexta expo-  
sitio.

Nota hæc.

Nota.



præterire, cur (quæso) non eos intendat spiritus? Sequitur ergo:

*Sicut scriptum est: Iustus autem ex fide viuit.* Locus in Abacuch, ubi hebraicè (ut quidam volunt) legitur: Iustus autem ex sua fide viuet. Et si quidam legant: Iustus meus, i. Iustus coram me Deo, non coram hominibus. Nam hic tantum qui coram Deo est iustus, simpliciter iustus est. Et ideo B. Paulus non curauit adiciere, ly, meus, sed simpliciter dixit, iustus; quamquam reuera in codicibus hebraicis, qui nunc leguntur, non est, ly, meus, sed legitur: Iustus ex sua fide viuet: quia impij hominis fides est principium pietatis, disponens ad recipiendam gratiæ vitam, quæ est à Deo, nec datur hæc vita absq; fide nostra; ideo dixit: Ex sua fide viuet. Gratia. n. & veritas est qua viuimus, & interim vitam gratiæ habentes, expectamus beatam spem, i. gloriæ vitam. Quoniam verò gratia ex fide nostra venit, ideo ex fide nostra dicimur viuere: quamquam & in fide, quam cum spe, & charitate infundit nobis Deus, dicimus viuere, sicut dixit Apostolus. Quod autem in carne nunc uiuo, in fide uiuo Filij Dei. Sed non propter ipsam fidem tantum, sed multo fortius propter charitatē, quæ surgit ex fide, viuimus. Et hæc in hæreticos dicimus, qui perspicuè contra ipsum B. Paulum (in quo tamen fidere ac niti se fingunt) primas deferunt fidei, charitate posthabita: cum & fides, & omnis virtus, si quam habeant vitam, à charitate (ipso Apostolo teste) mutuentur. Sed hæc latius & passim suis locis declarabuntur. Annotandum interim, quod Septuaginta hunc locum sic interpretati sunt: Iustus autem meus ex fide mea viuet, decepti (ut B. Hieronymus existimat) elementorum similitudine. Porro mirum videtur, quod idem B. Hieronymus dicat hunc locum à B. Paulo iuxta Septuaginta citatum. Quod tamen nec in græcis, nec in latinis codicibus nunc inuenitur.

Reuelatur enim ira Dei de cælo super omnem impietatem & iniustitiam hominum eorum qui veritatem Dei in iniustitia detinent: quia quod notum est Dei, manifestum est in illis. Deus. n. illis manifestauit. Inuisibilia. n. ipsius, à creatura mundi, per ea quæ facta sunt intellecta, conspiciuntur, sempiterna quoque eius virtus & diuinitas: ita ut sint inexcusabiles. Quia cum cognouissent Deum, non sicut Deum glorificauerunt, aut gratias egerunt: sed euauerunt in cogitationibus suis, & obscuratum est insipiens cor eorum. Dicens enim se esse sapientes, stulti facti sunt. Et mutauerunt gloriam incorruptibilis Dei, in similitudinem imaginis corruptibilis hominis, & volucrum, & quadrupedum, & serpentium.

officia legis duo, præmiare & punire.

Sicut legis est, præmiare facienti bonum, ita eiusdem legis est, etiam pœnas, & supplicium indicere præuaricanti. Ut noscas igitur, saltim à posteriori, iustitiam Dei in euangelio esse reuelatam, qua iusti efficiuntur ad acquirendam vitam æternam, adiecit, quod in eodem euangelio reuelatur,

ira, id est, vindicta Dei, contra eos qui nolunt iustificari, aut qui in accepta iam iustitia non steterunt: Hinc enim elicitur validissimum argumentum, quod in eo manifestè perfectæ ira Dei reuelatur: quoniam in hoc est iudicium, quia lux venit in mundum, & dilexerunt homines magis tenebras, quam lucē, hoc est, æterno ac perfectō supplicio; æquissima Dei sententia, digni sunt: quia tantum donum sibi oblatum vel reularunt, vel in illo non profecerunt. Quare ut hanc Dei iram summam, & non quamlibet iram intelligeres, addit: *de cælo*, quæ apparebit in die nouissimo. Multæ nanque sunt & varietates Dei ire, & furores, quos licet in veteri lege cernere, quibus tamen tunc homines temporaliter fiebantur. Talis fuit cataclismus ab initio, & terribilis illa quinque ciuitatum cōflagratio. Tales fuerunt plage Pharaonis, & Ægyptiorum. Tales & in lege Moyses fulminabantur. Quare clades filiorum Israel, quibus in deserto ira Dei saeuiente sæpenumero sunt affecti, ac deinde captiuitates multæ, non veniebant ab ira Dei perfectæ illa, quæ de cælo veniebat. Nam nulla earum de cælo talis patuit, qualis est illa futura, quando audient: *Ite maledicti in ignem æternum.* Hæc ira non est reuelata in lege, sed in euangelio Dei. Quod si prophetæ hanc iram prænuciarunt (ut certe prænuciarunt) non ita tamen aperte sicut in euangelio, neque quasi esset ira hæc ex lege. Est enim non ex lege ira hæc de cælo, sed ex euangelio. Nam multa, quæ ad euangelium pertinent, prius fuerunt per prophetas prædicta tanquam euangelica, & à Domino ipso profecta, non ex Mose.

Hæc autem ira Dei reuelatur super omnem impietatem, & iniustitiam hominum eorum, qui veritatem Dei in iniustitia detinent. Per impietatem intellige id, quod est contra Deum, ut infidelitas, idolatria, blasphemia, & omne sacrilegium. Per iniustitiam vero etiam omne quod in proximum infertur iniuste. Et in his duabus concluditur omne peccatum, quod tamen est imputabile illis tantum, qui veritatem Dei in iniustitia detinent, id est, qui contra conscientiam agunt, & contra id quod sentiunt, & sciunt, aut scire debent de Deo, operantur: à qua impietate, & iniustitia possunt (Deo fauente) se auertere. Scitur enim, & sciri debet de Deo ab omnibus, illum esse omnium Deum & Dominum, & qui ea requirat à nobis quæ recta sunt, & quæ sibi debentur, & proximo: quæ si negligamus, non sumus excusabiles. Quoniam verò Gentes non sunt derelictæ absque hac de Deo cognitione, præcipue autem eorum maiores, qui ingenio pollebant, & sapientiam profitebantur (non enim omittebat Deus eos per suos Angelos illuminare) ideo hos primum taxat Apostolus, ut inde possit confidentius ad Iudeos se conuertere, & sic ostendere quod omnes fuerant sub peccato, & indignissimi gratia Dei, ita ut nullus haberet causam sese extollendi aduersus alterum, nec Gentilis aduersus Iudeum, nec Iudeus aduersus Gentilem. Ait ergo de Gentibus:

*Quia quod notum est Dei manifestum est in illis.* Hoc notum est Dei, seu notabile de Deo, quod ipse est prima causa, principium omnium, summè potens, summè sapiens, summè bonus, summè iustus, summè perfectus, non mutabilis, sed absque vlla mutabilitate sempiternus: & alia quæ huiusmodi sunt, de

Quæ sit ira Dei de cælo.

Nota.

Accusatio aduersus Gentes.

Quid ab omnibus sciri debeat de Deo.

Quod philo sophi etiam habuere cognitionem de Deo suscipiendum ad illud.



quibus facillè elicitur, quòd ipse solus erat dignus summo cultu ac veneratione. Ne autè hanc manifestam de Deo notitià arbitraretur quisquā venire à lumine tantū naturali, sine aliquo diuino afflatu, & auxilio superaddito, statim adiecit: *Deus enim illis manifestauit*. Licet. n. ex his quæ poterant ex hoc creaturarum libro videre, potuissent (qui ingenio perspicaces erant) ea coniectare de Deo quæ diximus, non tamen firmiter his hæere tanquam rei

*Etiam philosophos non reliquit Deus in puris naturalibus sine auxilio specialis.*

manifestæ, nisi intus per Angelos adiuti fuissent. Nam omnis nostra cognitio, circa eius in nos prouidentia ex his quæ videntur, non est eo vsque firma, quin posset nonnullis apparentibus e contrario rationibus, & Dæmone adiuuante labefactari, si Deus omnino relinqueret nosmetipsos nobis ipsi. Apostolus ergo declarans modum, quo nouerunt: & ut hinc etiam acciperes quid de illo potuerunt nosse, ait, quòd Deus lucis suæ beneficio ac participatione, qua participatur omnis intellectus naturaliter, & per media obiecta, quæ sunt ipsius creaturæ, illis manifestauit ea, quæ de ipso naturaliter noscibilia erant, adiuuando naturæ lumen intrinsecus eo modo, quem ipse nouit. Alioquin si sibi ipsis, & suæ tantum solertia dimissi fuissent seculi sapientes, nec sic Deum cognouissent. Nam de cunctis filiis Adæ si sibi ipsis relictis fuerint, meritò dicitur: Non est intelligens, non est requirēs Deum. Homo enim si in veteri peccato relinquitur, nec speciali auxilio adiuuatur à Deo, etiam ex his creaturis, & cunctis quæ videntur, non poterit constanter colligere, quæ sunt debita erga Deum pietatis officia: cui sententiæ ex doctrina B. Augustini consentit D. Anselmus hoc in loco, cuius verba sunt hæc: Deus, inquit, illis manifestauit, id est, non solum naturalis ratio profuit, sed Deus quotidie adiuuit, ne sola natura sufficere videretur. Iudæis autem multa etiam supra sensus captum ostendit Deus, in quo exultare poterant præ Gentibus, & cantare: Notus in Iudæa Deus, &c.

*Inuisibilia enim Dei per ea quæ facta sunt intellecta, conspiciuntur.* Vocat inuisibilia Dei, quæcūque sunt illi intima. Nam quodcūque Dei est, Deus est. Vnde sicut ipse est inuisibilis, ita & inuisibilia sunt, quæ sunt eius. Inuisibilia autè dico nobis: alioquin suapte natura ipse Deus, qui summa lux est, summè est visibilis. Et idè quæ sunt illi intima, summè sūt visibilia: sed propter imbecillitatem visus nostri, ipse, & quæ sunt eius, ut sapientia, bonitas, potentia, & reliqua omnia, nobis inuisibilia sunt. Habitat. n. ipse lucē inaccessibile. Nam cum ipse sit lux, & summa lux, cōsequentiissimè visibilis est, & summè visibilis. In eo yerò q. nostri intellectus acies est tenuissima ac debilissima, & infirmissima ad sustinendā tantam lucem, inaccessibilis, & inuisibilis nobis est, & in luce sua quodā modo, quasi in tenebris obvolutus, nobis delitescit. Sapiēter autem plurali numero dicit Apostolus: *Inuisibilia Dei*. Quāquam enim omnia quæ Dei sunt, sunt ipse Deus, & consequēter res vna sunt, eaq; simplicissima: quia tamen hæc vna res equipollet multis, & eminentissimè, Deus est omnia: idè rectè Apostolus plurali numero dixit: *Inuisibilia*. Quòd verò addit: *à creatura mundi*, vel expone, ab ipsa creatione (nam hæc expositionem etiā fert græca litera) vel melius, ab ipso homine, qui mūdi creatura dicitur: quoniam

ipse est finis omnis creaturæ, & in eo etiam quodā modo omnis creatura continetur. Hic est enim, ne pe solus homo, qui p ea quæ facta sunt intellecta, intelligere potuit quæ Dei sunt, & non alia creatura. Licet enim inuisibilis sit Deus ipse in se, non tamen ut in creaturis relucet, aut resplendet aliquo modo: sicut Sol qui directò non potest à nobis his oculis cerni, sed ex resplendentia cernitur, tametsi hæc comparatio sit debilissima. Et bene dicit:

*Per ea quæ facta sunt intellecta.* Quoniā si bene intelliguntur quæ facta sunt, quod tunc est, quando causæ cognoscuntur, non dico tantum materiam & formam, sed efficiētem quoque & finem, tunc venit in aliquam Dei cognitionem: & inuisibilia Dei, non quid sint, sed quòd sunt, conspiciuntur in ipsis creaturis quasi in spèculo, & in enigmate: neque quòd sint eo modo quo apprehendimus, sed quòd sunt quodam modo eminentissimè. Siquidè nihil eorū quæ nouimus, & per quæ Deum noscimus, representare potest illum nobis uti est, cum quicquid est extra illum, in immensum excedatur ab illo. Non est verò nouum in scripturis, creaturæ appellatione hominem intelligi, sicut dixit Dominus: Prædicate euāgelium omni creaturæ. Nam & homo quodam modo omnis creatura est, quidè omni creatura aliquid participat, & (ut diximus) propter illum sunt omnia mundi huius.

*Marc. ult.*

*Sempiterna quoque eius virtus*, id est, ipsa omnipotentia sempiterna, quæ de cælis maxime agnoscitur, qui infatigabiliter mouētur: ut hinc infinitum Dei vigorem Philosophus collegerit, & diuinitas, hoc est, superexcellētia. Vnde & cælum dicitur diuum & diuinum, & heroes multi diui. & diuini: quoniā longè alios superexcellunt virtute.

*Ita ut sint inexcusabiles: quia cum cognouissent Deum, non sicut Deum glorificauerunt, aut gratias egerunt.* Hic ostendit Apostolus mundum miserum & infelicem: priuū per hoc, quòd Gentiles non profecerunt in suo naturæ libro, etiā Dei auxilio confirmati in notitia veritatis: quoniam magni philosophi defecerunt, qui minime probarūt ipso opere, quod probabant intelligentia, ac sermone. Si igitur illi magis illustrati à Deo, & electi ut illustrarēt alios, prolapsi sunt, quid putandū est de imperita multitudine, & vulgo reliquorū hominum, qui per illos ducebantur? Nam ut ex illis conicias reliquos: Cū enim ipsi nouissent Deum, id est, eum in se summè pulchrum & excellentem, cuius prouidentia, ac sapientia cuncta sunt condita, & gubernātur (hoc est enim verè nosse Deū, nam scripture, ut alibi sæpius declaro, in hac notitia, quòd est Deus, concludi volūt & notitiā prouidentie eius.) Cum ipsi, inquam, hanc Dei haberent notitiā, ac propterea intelligerent illum esse colendum, & glorificandū cum omni laude, sancto timore, debita quoque gratiarum actione, nec tamen id præstiterunt, redditi sunt inexcusabiles, & meritò. Qui enim cognouerunt ab eo esse omnia bona, & dona, quæ hominibus euenire possunt, & quæ ipsimet acceperant, ac de iis in super longè meliora atque feliciora sperare poterant, non egerunt tamen gratias, ut debuerant, profectò sese inexcusabiles prorsus constituerūt. Neque. n. pari pœna plectuntur minores, qui non ita cognoscūt, sicut maiores. Nemo igitur dicat: Satis

*Quare philosophi inexcusabiles*

*Sola notitia veritas*



*tis non sa-  
tis est ad  
bene agen-  
dum.*

& non fecerunt quod bonū erat. Nihil enim prohibet intellectum capere quidem veritatē, voluntatem verò ob arbitrij libertatem, quā in ea est, & propter imperium, quo ceteris imperat animę potētis, non sequi agnitam veritatem. Potest etenim non probare ut finē, quod ei ut finis ab intellectu proponitur. Potest item non probare ut bonū ad finem, id quod sit tamē verē bonum ad finē: quam ipsum finem iam notum, & adeptū non possit spernere, aut reiicere. Volūtas autem hominis, quā naturaliter erga carnem afficitur, etiam naturaliter ipsius petulantis succumbit dominatē peccato, donec homo Dei gratia non illustratur. Accedente autem gratia peccatum non dominatur, nisi illi nosmetipsos subiiciamus.

*Qua via po-  
terant phi-  
losophi æ-  
ternam sa-  
lutem con-  
sequi.*

Sed hoc in loco dubium oritur. Si enim homo sine gratia Dei nihil boni agere ex vi liberi arbitrij potest, & philosophi gratiam non habuerunt, nec illam vllō suo factō promereri poterant: quomodo sunt ex hoc solo inexcusabiles, quod non ignorauerunt veritatem, cum etsi illam scirent, facere tamen non potuissent? Licebit ne dicere, quod ex vi lib. arbitrij poterant facere, id est, glorificare Deum, & gratias illi agere, ac propterea implere legem naturę? Hoc non videtur catholicum. Dicere autem, potuisse eos vitare singula, licet non collectim; nihil est. Ecce quāro de hoc: Aut poterant sine gratia glorificare Deum, & dignas ei gratias agere (quæ res continet totam iustitiam) aut non. Si annuas, in eum incidis errorem, qui creditur ab ecclesia reprobatus: quoniam hoc per solam naturę vim, absque gratia Dei, fieri nequaquam potest. Si neget: Quomodo ergo redditi sunt inexcusabiles? An fortē verū erit, quod isti noui hæretici blasphemantes asseuerant, videlicet, Deum à nobis exigere impossibilia, ut si non fecerimus, puniat nos æternis suppliciis? At hoc non est diuinę clementię & aequitatis. Credimus ergo nec philosophos fuisse Dei auxilio destituendos, si agnoscentes debilitatem suam, petiissent à Deo fortitudinem operandi per gratiam suam, quam ut supplices postularent, ipsa ratio, & angelicę inspirationes proculdubio (ut par est credere) deposcebant. Sicut enim Deus illuminauit eos, ut intelligerēt quid esset eis faciendum ad salutem, ita non defuisset in præbendo opportunum (quo ea facere poterant) auxiliū, si poposcessent. Quapropter id quod insequentum est explicat, aiens.

*Sed enauenerunt in cogitationibus suis, & obscuratum est insipiens cor eorum.* Vanitas est, quod non est finis, neque conducit ad finem. Eorum igitur cogitationes, tanquam hominum cogitationes quæ vanę sunt, in hominum gloria suam ipsorum felicitatē constituerunt. Ideo vani redditi sunt à fine, id est, ab ea gloria, quæ à solo Deo est, exciderunt: vnde meruit insipiens cor eorum obscurari. Obscuratur autem cor prauo & indebito affectu, quo prohibetur, ne ad verum finem possit aspicere. Et quia obtinuerunt gloriam ab hominibus, etiam sapiētiam sibi falsa persuasione arrogarūt, in quo pariter turpissimē desipuerūt. Nam honor propter virtutem esse debet. Neque enim verus reputatur honor, nisi ipsa virtus, cui iure debetur, præsens adsit. Sed ipsi honorem propter se appetentes, non curarūt de vera virtute ac sapiētia: Imò quod ab aliis honore

afficiebantur, ex eo se sapientes, esse arbitrati sunt, non perspicientes verum sapientię probatorē non esse hominem, qui falli potest, sed Deum, qui neque falli, neque fallere nouit: Vnde addit.

*Dicentes enim se esse sapientes, stulti facti sunt.* Nam hoc summum est stultitiā, putare te, cum vehementer desipias, plurimū sapere: & contrā, initium sapientię est agnitio proprię inscitie, & insipientię. Non est autem remedium ei qui se putat sapere, nisi primū discat se desipere, ut ait Apostolus: Si quis, ait, videtur sibi esse sapiens, stultus fiat, id est, stultum in primis se agnoscat, ut sit sapiens. Hoc peccatum fuit Angeli, præsumere se sapere supra Deum suum, vnde stultissimum se reddidit, & obscuratum est aurum, & color optimus immutatus. Hic ergo philosophorum summus error, de sapiētia, scilicet, ac scientiæ persuasionē gloriari. Licet enim quidam illorum essent ironici & dissimulatores, & contra humanam gloriam disputantes, tamen (ut verē quodam in loco Cicero ait) vel eo ipso eam quærebant, quod illius contemptores videri studebant: cuius rei perspicuum ostendebant in de argumentum, quū de industria suis in libris etiam nomen proprium inscribebant, ut vel sic clari & illustres redderentur.

Et quā facilē, & miserē (bone Deus) in hoc genere insipientiæ peccat homo, & non vno modo. Nam quidā sibi arrogant quod non habēt, & plus quam habeant ostendunt, & semper augent. Quidē verò & si quid habeāt, ipsi tamen quid, & quantum eis desit, nec agnoscunt, nec cogitant: & non metiuntur seipsos ex re ipsa & veritate, sed cōparatione sola imperitorū. Non secus atque illi solent facere, qui in aliqua turri excelsa collocati, si deorsum deiciant oculos, celsi admodum, præ his qui repunt in terra, esse sibi vidētur. Qui si sursum versa vice spectarent, & cum iis se cōferrent qui sunt longe superiores, quique cogitatione atque auditate in supernis habitāt, profectō nanos sese & pigmæos, quin & formicarum simillimos magnitudine ipsa æstimarent. In viroque ergo errarunt philosophi. Primò enim sibi, quod non habebāt, arrogarunt: deinde seipsos in eo quod habebāt, non vera regula metiētes, ut dictum est. Et ideo suo meritō nescierunt, quid sibi ad veram sapientiam deesset, quam à re ipsa debebant metiri in seipsis, non in cōparatione ad vulgus, & inde seriò de vero fine suo cogitare, & de his quæ ad illum ducunt, quem cum per se non potuissent cognoscere, petiissent à Deo, & ipse ostendisset eis. Sunt autē qui verē accipiunt, sed perinde ac si non acceperint, gloriantur, nullas Deo gratias agētes, sicut Diabolus: quo errore etiam philosophi lapsi sunt. Hæc autē licet proculdubio ita se habeant, sicut testatur Apostolus, non eò tamen vsque seuerē mihi intelligenda videntur, quæ penitus omnes philosophos concludant ita succubuisse, ut nullus eorum sit adeptus salutem, sintque facti prorsus omnes rei secundę atque æternę mortis. Durum nimis hoc, atque acerbum videtur. Quare ob istam causam hic locus forrē intelligendus est de maiori illorum parte, quemadmodum ea quæ in sequ. cap. cum aduersus Iudæos inuehitur. Nam de Socrate & Platone meliora fortassis dignum est opinari, quā quæ Apostolus generaliter hīc in philosophos obicit:

*Summum  
stultitiā.*

*1. Cor. 3.*

*Peccatum  
Angeli.*

*Facilis &  
frequens er-  
ror homi-  
nis in æsti-  
matione  
sui ipsius.*



Verum cum venit ad hæc particularia, solius Dei esto iudicium, vel eorum qui à Deo certam reuelationem habuerint.

*Et mutauerunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium.* Voluit Apostolus hic à scelere stultissimo, eorum probare insipientiam, tanquam à fructu ipsius. Omnis enim arbor à fructu cognoscitur. Scelus autem fuit mutare gloriā Dei, i. gloriam quæ Deo debetur, aut, quæ in ipso Deo est, qui solus est incorruptibilis ex se ipso, & eam ponere in similitudine imaginis, i. in simulacro, ubi erat similitudo, vel imago corruptibilis hominis, & nedum hominis, sed & volucrum, & quadrupedum, & serpentium. Nam horum omnium imagines colebant etiam diuinis honoribus: quo facto nihil certè poterat excogitari stultius. Et de huiusmodi imaginibus certum est: quoniam & ad huc Iouis, Saturni, Iunonis, Veneris, & aliorum idola extant. Nec tamen id satis erat eorum stultitiæ, nisi & bestiarum adderēt adorationem, & eorum imaginum, vt de Æsculapij serpente tradunt historia. Babylonij serpentem draconem adorabant: Ægyptij appem bestiam vaccæ similē, & columbam, & turturem. Alij idola coracina, alij ouē, nonnulli hircum, quidam arietem. Romani idola omnium gentium, quas bello superabant, recipiebant in cultum. Et hæc erat illa Græcorum magna sapientia, pariter & Romanorum, quæ nihilominus tantis præconiis celebratur, qua nihil stultius (vt iā dixi) poterat excogitari. Queritur enim Dñs aduersus hanc gentem adedò insipientē per Isaiam dicens: Cui assimilasti me? Et alibi: Incommunicabile nomen, lignis & lapidibus imposuerunt.

Sed nostra ætate è sepulcris redierunt hypocritæ quidam, & falsi magistri, qui hoc sacrilegiū idolatriæ Christianis impingunt, quasi illi adorent & venerentur imagines, & ligna, & opera tandem manuum hominum. Qua in parte egregios se syncophantas produnt. Etenim Christiani viuuntur imaginibus & figuris non vt eas colāt, aut vllō modo venerentur istentes in eis, sed vt quod verè colendum est & adorandum, per illas recolatur, & ad illas adoratio eiusmodi fiat. Hoc autem non est colere simulachra, sicut illi faciebant, quorum error in duobus consistebat, videlicet, & in colendo ipsas imagines, & similiter quòd putarent Deos esse, qui illis imaginibus representabantur. Nam & in eis esse vim diuinam putabant, fallentibus ita Demonis, dum responsa per eas redderent: quamuis non dubitem, idolorum sacerdotes multoties in reddendis oraculis fefellisse miserū vulgus. Quare & ipsas imagines verè colebāt, & in ipsis vim esse diuinam existimabāt, quorum neutrum vllus verè Catholicus facit. Obiciunt, prohibitū esse omnino, ne qua sculperetur, aut pingeretur imago. Sed hæc prohibitio finē habet adiunctum, videlicet, ad colendum illam & adorandū. Non enim ex se peccatum erat fingere quicquam, aut sculpere simulachrū: alioqui cur erant sculti Cherub super propitiatorio? Et cur alias imagines licebat iussu legis ef fingere? Adde, tunc ista fuisse prohibita, quādo merito poterat de idolatria oriri facilis suspitio in illa cæcitate mundi, quum falsorum Deorum ubiq; cultus vigebar. At nunc iam mundi oculos aperuit

Christi lux, nisi excæcauerimus nosmetipsos. Nec est contumeliosum Deo, si illum colamus in imagine, vt falsò nos arguit Caluinus quidā, qui se in hæresiarcam huiusmodi maledicentiis extulit, eò quòd per eam crasè (inquit) maiestatem imaginamur. Nam verè ipse crasè imaginatur, & calūniōsè obiectat. Non enim adedò crassi sumus, vt putat, sed ex imagine qualis qualis est, venimus in cognitionem seu recordationem Dei, & operum suorum, quæ frequenter ostēdunt picturā, vt glorificemus eū, & agamus, & habeamus illi gratias pro modulo nostro. Neque verò putamus talem esse Deū secundum diuinitatem, qualis in imagine apparet. Et tamen si crasè imaginari Deum piaculum est: quāto ego ab hoc sapienti viro, ac cēso, An non & ipse crasè Deum imaginatur, si quando de illo cogitat? Imò in scripturis ipsis, nonne assimilatur multoties Deus creaturis sensibilibus? Recolat infelix homo, quomodo apud Danielē describatur Pater, & apud Ezechielē, & alios prophetas, & dicat nobis homo blasphemus, vtrū illi Angeli crasè Dei maiestatem reuelabāt? O verè miseros, qui Ecclesiam matrem suam docere præsumunt. Prætereā, Christus secundum humanitatē talis pingitur, qualis erat, nimirū verus homo: quamobrem omni ex parte peccat calūniator iste & reprehensor. Sed ad rem nostram, vt videas tanto sacrilegio dignos fructus, quos philosophi illi, & mundi sapientes ex cæcitate mentis reportarunt:

Propter quod tradidit illos Deus in desideria cordis eorum in immūditiam, vt contumeliis afficiant corpora sua in semetipsis. Qui commutauerūt veritatem Dei in mendaciū: & coluerunt, & seruierunt creaturæ potius quàm creatori, qui est benedictus in secula, Amen. Propter eā tradidit illos Deus in passionem ignominie. Nam scēminæ eorum immutauerunt naturalem vsum, in eum vsum qui est contra naturam. Similiter autem & masculi, relicto naturali vfu scēminæ, exarserunt in desideriis suis in inuicem, masculi in masculos turpitudinem operantes, & mercedem (quam oportuit) erroris sui in semetipsis recipientes.

Propter quod, &c. Tradidit autem illos in immūditiam, dimittendo eos in suis immundis cogitationibus, & concupiscētiis, propter flagitium tam infandæ abominationis, id est, idolatriæ. Scriptum est enim: Infandorum idolorum cultura, omnis mali causa est, & initium, & finis. Sic Deus dicitur facere malum & peccatū, cum dimittit hominem suomet se regendum arbitrio, qui non potest ex se solo vllum bonū patrare. Deus enim qui potest prohibere peccatū, ne fiat, & adiuuare hominē vt caueat, & nō prohibet, nec adiuuat ad cauēdum: imò permittit, imò & interdū ponit (vt sancti doctores dicūt) offendicula, occasiones peccatorum, incitationesque per angelos malos ad scelera, vt admittant ea, nonnullo modo videtur posse dici causa peccati, sed nō vt est peccatum, sed vt est pœna peccati. Hoc. n. pacto peccatum à Deo est, &

*Quam pœnam secum ferat contemptus Dei, & idolatria.*

*Miranda cæcitas, atque infania philosophorum, & Gentium.*

*Isa. 40. Sap. 4.*

*Calumniōsa reprehensio hæreticorum circa veneratōnem imaginum.*



bonum est: quia ut pœna consideratur, quæ à iustitia est. Cum ergo peccatum pariat peccatū, facile conficitur reſtis, & funis fortissimus, quo homo strāgularur, & in barathrum inferni præcipitur. Vocat autem immunditiā, forte specialem lapsum carnis, quem mollietiem vocant. Vnde ait.

*Ut contumeliis afficiant corpora sua in semetipsis.*

Verè enim afficitur contumelia corpus nostrum in nobis ipsis, cum illud per hæc feculenta ita fœdamus, ut dedignetur illic habitare Spiritus sanctus. Hoc enim vno peccato corpus coinquinatur quia quod est membrum Christi, obligatur meretrici, ut alio in loco Apostolus nobis manifestè declarat.

*Qui commutauerunt veritatem Dei in mendacium.*

Rectè legitur græcè, in mendacio; non in mendacium. Quomodo enim veritas Dei verti potest in mendacium? Commutatur autem veritas Dei in mendacio, quando quod propriè Deo debetur, transfertur arrogando illud creaturæ, quæ coram Deo mendaciū est, ut legitur: Omnis homo mendax: & iterum. Ut quid diligitis vanitatē, & queritis mendacium? Sic ergo fecerunt illi, quia coluerunt, & seruiuerunt creaturæ, potius quàm creatori, qui est benedictus in sæcula. Amen. Et vide dignā peccato pœnam, ut qui spreuerunt Deum, etiam seipsos spernerent, & insuper afficerent contumelia, beluarum vitam agentes immundam. Exprimit autem contemptum Dei in hoc, quod culum & latrariam, ab ipsa creatura Creatori debitam, qui solus est, & idè benedictus in sæcula, ipsi creaturæ reddiderunt, quæ nihil est ex seipsa. Benedictum Deum vocat in sæcula, id est, gloriosum in æternū quod omne sæculum ambit, cui omnis creatura dat gloriam. Et si enim multi, dum in via sunt, blasphemant illum, certè de hoc sumitur glorificatio Dei: qui longanimis, & bonus in sustinendo illos, per hoc interim agnoscitur. Qui autem iam damnati sunt in inferno, dum illum blasphemant, laudem illi suo modo dicunt: quia iustitiam ipsius cōmendant. Credendum verò, non esse exiguum eis tormentorum partem, dum rabiem suam ne quicquam sic exercent, Deo interim ridente, & irridènte illos ineffabiliter. Sæculum autem significat certam durationis periodū, & maxime illā quæ summa est, siue huius, siue alterius vitæ. Itaque sæculū, vitæ durationē significat. Et quia duratio vitæ huius finita est, etiam sæculum finitum est. Alterius autem vitæ sæculum, infinitum est: quia & vita sine fine. Hoc igitur modo sæculum intelligitur, ubi Dominus dixit: Non dimittetur neque in hoc sæculo, neque in futuro. Dicitur & sæculum sæculi, & sæcula sæculorū, quæ sunt præstantiora, ut æuū respectu temporis, & æternitas etiam respectu ei sicut dicitur cœlum cœli, cœli cœlorū, Deus deorum, canticum canticorum, tropo hebraico. Nonnulli sæculum mille annis finiunt: alij centum annis, quæ præsumitur vita hominis longæua. Vnde dictum est canticum canticorum, quod canebatur in sacrificiis centesimo quoque anno. Astrologi, qui multa suo ingenio fingunt, scilicet hoc illis dante suo Mercurio, aut stella fixa, triginta annis sæculum clauferunt.

Amen, vox hebraica, significans confirmationem: quæ & optantis est, ut hîc apud Apostolum.

Est item promissionis, & veritatis nota, & attestātis illam summam & primam Veritatem: Et sic vsus est frequenter Christus, qui & ea voce significatus est, Dilecto dicente: Hoc dicit Amen, qui est testis fidelis. Et in eius honorem mansit hæc vox in sua lingua.

*Propterea tradidit illos Deus in passionem ignominie &c.*

Specialiter nunc declarat, quod in genere dixerat de immunditia. Et primò ponit ignominiosissimū scelus, & infandum contra naturam, id est, non modo contra rationem hominis naturalem, sed contra vniuersalis instinctum naturæ: Alioquin si ratio attenditur, omne peccatum est contra naturam. Et bene vocat passionem ignominie: quia per has etiam infra bruta animantia sese deiicit miser homo. Et vide iustitiam congruam dignaque peccato. Tu homo infœlix, qui Deo pretulisti creaturam, nonne congruè fit, si etiā infra bruta te ipsum in tantam ignominiam præcipites? Et hinc patere potest, quibus tenebris obuoluantur Turcæ, qui sub lege illa Mahumetis spurcissima viuunt, & hoc insigne flagitium (ut fertur) non habent pro scelere, ut sint inexcusabiles: quos etiam vel animalia bruta damnabunt. Illud potè ad commendationem diuinæ iustitiæ, norandum, quod plerūque homines qui sunt elati & superbi, & impij, & secularibus imbuti disciplinis, hoc spurcissimo & immanissimo scelere tenentur captiui, atque fœdantur. Verum quidem est, fœminas primum (ut aiunt quidam) dedisse huic nephandæ operationi initium: postmodum creuit audacia, & mares similiter fecerunt, ut Apostolus huic videtur innuere. Et ut declararet hoc peccatum esse pœnam sui ipsius congruam, adiecit.

*Et mercedem, quam oportuit &c.* hæc est merces, ut inhonorantes proprium corpus, exturbent Spiritum sanctum inhabitantem in seipsis. Congruentia verò talis pœnæ magis exprimitur, per id quod subsequitur.

Et sicut non probauerunt Deum habere in notitia, tradidit illos Deus in reprobum sensum, ut faciant ea quæ non conueniunt, repletos omni iniquitate, malitia, fornicatione, auaritia, nequitia, plenos inuidia, homicidio, contentione, dolo, malignitate, susurrone, detractores, Deo odibiles, contumeliosos, superbos, elatos, inuentores malorum, parentibus nō obediētes, insipientes, incompósitos, sine affectione, absque fœdere, sine misericordia. Qui cū iustitiā Dei cognouissent, non intellexerunt: quoniam qui talia agunt digni sunt morte, non solum qui ea faciunt, sed etiam qui consentiunt facientibus.

*Et sicut non, &c.* Dictio, &c. frequenter in scriptura tropo hebraico capitur pro, quia, & ita puto hoc in loco accipiendam, ut sit sensus. Quia non probauerunt, scilicet facto ipso, se nosse Deum, quem tamen intellectu conceperant & nouerant, ob eam causam sunt dimissi & traditi in reprobū sensum. Sic enim græcè legitur, ut propterea Deus

Amen  
quid.

Apo. 13.

Peccatum  
contra na-  
turam.

Nota hæc  
omnino:

1. Cor. 6.

Psalm. 115.  
& 4.

Nota con-  
uenientiā  
pœnæ cum  
peccato.

Damnati  
blasphemā  
tes Deum  
laudant il-  
lum, &  
seipsos ma-  
cerant.  
Sæculum  
quid.

Matth. 12.

Et, pro quia  
sæpenum-  
ro in scri-  
pturis.



similiter dicatur non probare se nosse illos, & dignitatem illorum quam fecit ipse, excellentius eis ingenium, & animam meliorem donas, dum post modo propter eorum tanta scelera permittit tale eorum ingenium & intellectum, tenebris adeo densis, per subtractionem lucis, & auxilij sui, obfcurari, ut perpetrarent tanta ac tam vehementer absurda. Et propriè reproba mens est, quæ tantos fecit in malo progressus, ut mala velut bona prober unde omnis conflatur iniquitas: quia si lux, quæ in te est, tenebræ sint, ipsæ tenebræ quante?

*Iniquitas, & iniustitia idem.* Repletos omni iniquitate. Græcè iniustitia, quæ est omne peccatum sicut econtratiò iustitia est omnis virtus.

*Fornicatio.* Fornicatione. Hæc omnem venerci delicti speciem complectitur. Thobias enim Dixit filo suo: Attende tibi ab omni fornicatione. Et hoc vitium primò nominat, vel quia commune pluribus, vel quia indignum sapiente.

*Malitia.* Malitia, πονηρία. Quæ est inueteratum vitium, & connaturale factum, cum quis de industria exquirat etiam laborans, male agere, ita delectatur in malo. Et est proprium Diaboli epitheton, à quo in oratione Dominica petimus liberari, dicentes: Sed libera nos à malo, ἀπὸ τοῦ πονηροῦ.

*Avaritia.* Avaritia, Vitium est, quo quis sibi de bonis terre plus equo concupiscit: magnum sanè vitium & capitale. Nam omnium malorum radix est, teste B. Paulo. Et scriptura ait: Avaro nihil scelestius. Est, n. quoddam idololatriæ genus ipsa avaritia, quæ se homo indignissime subiicit vili metallo. Unde rectè post malitiam sequitur avaritia: quia tota malitia avaritia est. Eleganter enim dixit quidam: Quid non mortalia pectora cogis, auri sacra fames?

*Nequitia.* Nequitia, Græcè, ἀκαρία, idest ignavia, aut desidia, ab ἀκαρῶν, quod est deficere, & lassari, videlicet, à bono: huius oppositum, ἀκαρῶν, idest, virtus, quæ fortiter & cum delectatione operatur honestum. Concluserat autem perfectam iniustitiam in his, videlicet in malitia, & nequitia: sicut contrà, omnis bonitas in faciendo bonum, & declinando à malo consistit. Per nequitiam enim declinamus à bono: per malitiam verò etiam operamur malum. Sed hæc indiuiduæ sorores sunt. Omnis enim nequam & ociosus, malus est.

*Invidia.* Plenos invidia. Rectè sequitur ad nequitiam invidia: unde oculus, nequam. Ei qui frugi, est invidet ignavus, cum se illi comparat, quasi bono illius opprimatur. Est enim invidia vitium angusti animi, unde scriptum est: Parvulum occidit invidia. Magnanimus autem, ut ait Philosophus, non invidet, quia parvi estimat ea, quæ multi magni faciunt, & ipse sibi sufficiens est. Hæc à Philosopho dicuntur quidem, & ex partè verè, si modo magnanimum dare posset humana philosophia: sed illum non dat nisi sola gratia. Qui autem ex philosophia magnanimus est, infatus est, & intumescit. Præterea, homo nūquam sufficiens erit sibi sine gratia Dei: quia ea sunt verè bona, quæ sunt spiritualia, & sola hæc magni sunt æstimanda. At verè spiritualis non inuidebit illa alteri, cum sciat se participare de illis: potius congaudebit sicut membrum eiusdem corporis alteri membro. Si

igitur fueris spiritualis, o pie lector, non habebis ullam invidendi causam. Aut enim non erunt verè bona, & hoc nosces, nec erit cur inideas; Aut verè bona, & erunt similiter tua: quia charitas facit omnia cōmunia. Et idè nec sic poteris invidere.

*Homicidio.* Quod ex invidia sæpè sequitur. Tale fuit homicidium primum Dæmonis. Tale & illud Caim. Tale quo in Ioseph fratres eius flagrabant. Tale quod principes Iudarum in Christo admitterunt. Sciebat enim Pilatus (ait Euāgelista) quod per invidiam tradidissent eū. Magnum itaque peccatum invidia, & diabolicum, unde odia non rarè & homicidia nascuntur.

*Contentio.* Contentio, Hæc fit verbis inuicem altercando, dum quisque pertinaciter vult & mordicus suas partes defendere. Est tamen quædam studiosa contentio, quæ si moderata fuerit, potest esse sine culpa, cum utilitas scilicet, aut necessitas id exigit: & dum quilibet putat se, quod verum est, tueri. Sic contendebat B. Paulus reuincens Iudæos, ut in Act. legitur. At ubi nulla necessitas, utilitas nulla, & præsertim cum non adest veritas, omnis contentio vitiosa est, qualis est illa Sophistarum, qui comparandæ inanisi gloriolæ gratia contendunt: aut etiam perfidorum, quæ veritatem conantur opprimere. Et ab hac nos, qui verè Christiani & haberi & esse volumus, debemus omni studio cauere. Nam in magnam Domini laudem scriptum est: Non clamabit, neque contendet. Quoniam verò hæc contentiones maximè ab eodem invidiæ fonte descendunt, post invidiæ commemorationem sunt positæ. Nam ob hoc de fratribus Ioseph scriptum est, quod non poterant ei quicquam pacificè loqui.

*Dolo.* Dolus est, cum aliud agitur, & aliud agi simulatur: quod est eorū, qui apertè nocere aut non audent, aut non valent.

*Malignitate.* Græcè, κακονομία, quæ est quædam morum peruersitas: quia non possunt, quia ea tenentur, pacificè & mansuetè cum proximis loqui, agere, & conuersari. Et quia horum varia sunt & pelsima officia, declarans ea, subdit.

*Susurriones.* Hi sunt qui maledictis, & tacitis accusationibus separant amicos, dum ea de vno deferunt ad alterum, quæ nata sunt inuicem parere dissidia, addit.

*Detractores.* Hi sunt qui improbè de absente loquuntur, ut eius famam obscurant, aut etiam infamem illum reddant: quales sunt qui in silentio mordent ut serpentes. Ut autè detesteretur eiusmodi peccata, quæ societatem lædunt humanam, & contra amicitiam & charitatem militant, addit.

*Deo odibiles.* Græcè tamen legitur, θάσυντες, Quod significat etiam Dei ocores: & hoc magis placet. Faciebat enim catalogum delictorū, inter quæ hoc insigne flagitium collocat, videlicet, odisse Deum, quod non potest esse, nisi à mente corruptissima. Qui enim malè agit, idest, malitia & electione cōstati probat malum quasi bonum, hic est qui odit lucem: quia ab illa arguuntur mala eius opera, unde Dominus: Me odit mundus: quia testimonium illi perhibeo, quod eius opera mala sunt. Nemo enim qui peccatum diligit, facile patitur lumen, à quo manifestatur atque arguitur.

*Contumeliosos.* Græcè, βλασφημῶν, idest, iniuriosos. Nam

*Homicidium sæpè ab invidia.*

*Contentio.*

*Isa. 42.*

*Dolus.*

*Malignitas.*

*Susurratio.*

*Detractio.*

*Odiū Dei.*

*Ioan. 7.*

*Contumelia.*



cōtumelia propriè, est iniuria quæ fit verbis, à con-  
temnendo dicta, vt volunt Iuriconsulti.

*Superbia.* *superbos.* Hi sunt superbi, qui appetunt ex scele-  
re alijs supereminere quouis modo. Græca vox:  
*insengavv;* iactantiam quandam significat, & osten-  
tationem, quæ propriè superbiorum est, vnde se-  
quitur.

*Elatio.* *Elatos.* Hi sunt qui sese efferunt, efferrique ab  
alijs gaudèr, & in cælum laudibus extolli: quod à  
superbia deriuat.

*Inuentio.* *Inuentores malorum.* Fuerunt qui nouos cruciatus,  
*scelerum.* & horribilia omnium crudelitatum genera adin-  
uenerunt. Alij inauditas blasphemiarum species  
protulerunt. Nonnulli etiam in tantam scèdaram  
cogitationum lapsi sunt turpitudinem, vt nouos  
libidinem exercendi modos, libris etiam editis, ex-  
cogitauerint. Quos qui imitantur, Dei benignita-  
tem, qui ad pœnitentiam expectat, sibi in iracun-  
diam vertunt. At ipsi hanc dissimulationem arbi-  
trantur infirmitatem, perinde ac si nesciat Deus,  
vel nequeat vindicare. Et ignorant infœlicissimi,  
quod si ad inuenienda noua scelera fuerunt ipsi in-  
geniosi, multò minus sit Deo defuturū ingenium  
ad exquirenda noua & spectatu digna supplicia.

*Inobedien-* *Parentibus non obedientes.* Quod est graue crimè,  
*tia erga ma-* contra primū secundæ tabulæ præceptum, quod  
*iores.* habet promissionem vitæ non solum præsentis,  
sed & futuræ, vt scriptura testatur. Huic delicto ca-  
pitalis pœna, idest, præcisio vitæ adiicitur, vt quale  
est præmium seruanti hoc mandatum, par sit econ-  
uersò & æqualis pœna non seruanti. Qui enim eū  
à quo vitam accepit, spernit: vitam iure amittere  
debet.

*Inspicientia* *Inspicientes.* Qui nesciūt quò tendāt, nec prouidēt  
nouissima: contra quos Propheta: Vtinam, inquit,  
saperent, & intelligerēt, ac nouissima prouiderēt.

*Incomposi-* *Incompositos,* mente videlicet, & corpore: qui tem-  
*tio.* merè, & inordinatè, prætermissa omni rationis le-  
ge, beluarū more atque impetu feruntur. Hoc vi-  
tium ei opponitur virtuti, quam Græci, *in tagia* ele-  
ganter vocant, nostri modestiam ac tēperantiam,  
à qua & habitus, & status, & incessus, & denique  
omnes corporis gestus & actus (vt D. Ambrosio  
placet) moderationem accipiunt.

*Crudelitas* *Sine affectione.* Hinc omne malum, omnis impie-  
tas, & crudelitas. Sunt enim tales, qui solum seip-  
sos amant, vnde ait:

*Fœdisfra-* *Sine fœdere.* Aut quia nolunt cuiquam illo fœde-  
*giū.* re iungi: aut quia fœdera vel pacto inita, vel natu-  
ra insita, frangunt.

*Sauitas.* *Sine misericordia.* Quod est innaturale. Nam ho-  
mo ex alterius miseria & calamitate naturaliter  
mouetur ad misericordiam: quanquam Tetrici, &  
Stoici, vitio potius dent hanc affectionem, quasi  
sit mollities quædam animi. Verum hæc non hu-  
mana est hæresis, sed ferarum atrocitas. Nam qui  
se hominem agnoscit, nihil à se humani alienum  
putat, & non potest hunc recipere spiritū. Est ergo  
eorum qui cum nolint esse homines (quorum est  
his affectionibus permoueri) feras hac parte (si nō  
quid peius) se constituunt. Porro duplex est miseri-  
cordia in hoc mundo, vt qui eam, dum viuit, non  
fecerit proximo, non sit illam post obitum conse-  
quutus à Deo. Sicut enim misericordes à Deo

dicuntur beati: quoniam misericordiam cōsequen-  
tur. Ita infœlices, qui nō fecerint misericordiam:  
quoniam nec ipsi eā, qua summopere indigebunt,  
consequentur. Denique ait:

*Qui cum iustitiam Dei cognouissent* &c. Vulgata le-  
ctio habet quæstionem, quia supponit quod nō co-  
gnouerint Dei iustitiam, & tamen non intellexe-  
runt, eos, qui talia agunt, dignos esse morte. At hæc  
pugnare inuicem videntur, nisi exponas: *Non in-*  
*tellexerunt,* idest, voluntate ac facto ipso non proba-  
uerunt se intelligere, quod tamen intellectu con-  
ceperant. Dicitur enim rectè is non nouisse, qui  
quod nouit, non probat. Hoc in loco iustitia Dei  
non intelligitur, vt supra, pro dono quo iustifica-  
mur, sed pro illa Dei voluntate, qua vnicuique ius  
suum tribuit. Ne quid autem dissimulem, longè  
magis mihi placet græca lectio, quæ sic habet: *Qui*  
*cū iustitiam Dei cognouissent,* quod qui talia agunt, *di-*  
*gni sunt morte,* non solum ea faciunt, sed etiam consen-  
*tiunt facientibus.* Facile autem procedit sic litera, &  
sine vllo scrupulo: vt rectè conclusum esse probet,  
quod sint inexcusabiles, qui Dei iustitia cognita,  
& ipsi malum perpetrant, & facientibus etiā con-  
sentiunt, quos tamen ipsi vt maiores, & consilio,  
& exemplo debebant erudire. Vbi notandum.  
Quod cum maiores consentiunt peccatoribus, vi-  
dentur quodam modo probare peccatum, & ita  
dicere malum bonum, quod Væ æternum mere-  
tur.

## CAP. II.

**P**ropter quod, inexcusabilis  
es, o homo omnis qui iudica-  
cas. In quo enim iudicas alte-  
rum, te ipsum condemnas. Ea-  
dem enim agis quæ iudicas. Scimus enim  
quoniam iudicium Dei est secundum ve-  
ritatem in eos qui talia agunt. Existimas  
autem hoc o homo, qui iudicas eos qui  
taliam agunt, & facis ea, quia tu effugies iu-  
dicium Dei? An diuitias bonitatis eius, &  
patientiæ, & longanimitatis contemnis?  
Ignoras quoniam benignitas Dei ad pœ-  
nitentiam te adducit? Secundum autem  
duritiam tuam & impœnitens cor, thesau-  
rizas tibi iram in die iræ, & reuelationis  
iusti iudicij Dei, qui reddet vnicuique se-  
cundum opera eius. Iis quidem qui secū-  
dum paciētiam boni operis, gloriam &  
honorem & incorruptionem quærunt,  
vitam æternam. Iis autem qui sunt ex cō-  
tentione, qui non acquiescunt veritati,  
credunt autem iniquitati, ira & indigna-  
tio. Tribulatio, & angustia in omnē ani-  
mam hominis operantis malum, Iudæi  
primū & Græci. Gloria autem & ho-  
nor & pax omni operanti bonū, Iudæo  
primū & Græco. Non enim est acce-  
ptio personarū apud Deum, quicumque  
enim sine lege peccauerunt, sine lege &



peribunt: & quicunque in lege peccauerunt, per legem iudicabuntur. Non enim auditores legis iusti sunt, apud Deum, sed factores legis iustificabuntur.

*Accusatio  
in Iudeos.*

**P**ropter quod, &c. Hic proculdubio nacta occasione ab increpatione, qua superius vsus est in Gentes, conuertitur nunc ad Iudeos Apostolus, quorum proprium erat hoc nimirum Gentes iudicare ob earum impietatem, & iniustitiam, volens, ostendere illos minime esse idoneos, qui possent iudicare & damnare Gentes ob earum impietatem (vt dixi) & se illis ea ratione praeferre, quod ipsi acceperint à Deo legem. Eò quippe damnabiliores se, quam illas ostendebant, quòd cum legem bonam, & sanctam recepissent, eius tamen legis erant prauaricatores, ait ergo: *O homo*, id est, *o Iudae*, qui te hominem putas, & prae ceteris tete effers, tanquam Gentes sint belluae extra Dei prouidentiam reiectae. Vocabantur. n. Gentes in scripturis, bestiarum nominibus quae erant immundae: & his notis solebant nos Iudaei designare. Vnde & ipsemet Dominus nos canes vocauit, dicens: Nō est bonum sumere panem filiorum, & dare canibus. Ostendit etiam B. Petro linteum bestiis immundis plenum, per quas voluit Gentes significare. Iudaei verò in lege frequenter hoc nomine, homo, designabantur, vt passim in Levitico patet. Ergo in Iudeos sermonem suum conuertens Apostolus, sicut superius Gentes arguendo, maiores eorum, id est, philosophos increpauit: sic nunc aduersus maiores Iudeorum dirigit hanc reprehensionem, vt ex illis coniectaremus quales erant reliqui. In hos igitur tanquam in vnum inuehitur, cum omnes, aut ferè omnes, iisdem vitiis rei tenerentur. Tu (ait) homo, id est, *o tu*, qui saltem homo ob legis doctrinam esse debueras, & ab aliis tanquam à belluis differre: Tu, inquam, alios iudicans, condemnandus ipse es, nec vllam honestam potes pretendere legitimae excusationis rationem: quia multò clarius quam illi, nouisti veritatem Dei, & nihilo minus eam in iniustitia detines. Quare tantò etiam magis inexcusabilis es, quòd cum in eodem crimine verferis, alios tamen non vereris iudicare. At reuera eo ipso quòd alterum iudicas, temetipsum condemnas: cuius subdit rationem, aiens: *Eadem enim agis quae iudicas*, vel potius, *qui iudicas*. Sic enim rectè habet, vt *qui*, non *quae*; legamus: quod perspicue in graeca lectione patet. Non enim peccata tantum, quae (cum nota sunt) iudicare licet, sed etià ipsos homines iudicabāt Iudaei, quod nō licet. Hoc enim solius Dei iudicio est referuandum. Vnde de optimè sequitur:

*Matth. 15.  
Act. 10.*

*Attendant doctores et predicatores, qui dicunt & non faciunt.*

*Scimus enim, quoniam iudicium Dei est secundum veritatem in eos qui talia agunt.* Videlicet nos Iudaei, qui ex lege sapimus, per ipsam nimirum legem instructi, scimus, quòd Deus iudicat secundum veritatem in eos qui talia agunt, personas in iudicio non accipiens, sed vt res ipsa, & factum cuiusque postulat, sicut scriptum est: Reddet vnicuique secundum opera sua. Gentes autem hoc non ita dilucidè norant. Vnde amplius vrgens in Iudeos, adiecit:

*Existimas autem, o homo, qui iudicas, &c.* Rursus hominem appellat. Efficacissima sanè confutatio aduersus impudentiam, & iniquitatem huiusmodi

hominum, qui alios eorundem criminum reos agunt, quibus ipsi implicantur, atque tenentur: ac si dixerit: Quod tu in aliis tam acutum cernens perspicis, & iudicas: cum idem in te sit, id non videbit Deus? Quòd si videbit, non etiam iudicabit? An fortè tu Deo perspicacior, aut tu illo iustior? Ergo qui plantauit aurem non audiet? aut qui finxit oculum non considerat? Dices: Quare ergo patitur Deus? cur non confestim vindicat? Audi:

*An diuitias bonitatis eius, &c.* In illos vim ista habent, qui ab impunitate animantur ad peccandum & aiunt: Peccaui, & quid mihi accidit triste? Et nō considerat diuinæ bonitatis diuitias, nec id quod sequitur, quòd ramen maximo cum tremore esset ponderandum, ait:

*Secundum autem duritiam tuam, &c.* id est, Quem admodum auarus, qui paulatim thesaurum cōgregat, vt tandem multis congestis ad summum diuitiarum perueniat: Ita tu paulatim tibi ab assiduitate peccandi per duritiam, congregas tibi iram in die irae, & reuelationis iusti iudicij Dei: quia tunc omnibus apparebit in maiestate. Interim tamen erit particulare, de singulis iudicium in animam cuiusque, qui ex hac vita excedat. Iustum verò vocat iudicium ex eo quod sequitur:

*Qui reddet vnicuique secundum opera eius.* Declarat autem quomodo secundum opera cuiusque futurum sit iudicium, eò quòd his qui in patientia boni operis, gloriam & honorem, & incorruptionem quaerunt, id reddetur quod quaesierunt, id est, vita aeterna, quae his tribus concluditur, videlicet, gloria primum, quae est animae & corporis claritas ab ipsa Dei visione procedens, in cuius lumine videbimus lumen: Fulgebunt enim iusti sicut Sol. Deinde honor aderit: quia ab impiis segregati, cōputabimur inter filios Dei viui: & sicut angelis Dei, ita erit nobis honor coram discumbentibus angelis. Aderit & incorruptio, id est, impassibilitas, & omnino immortalitas ab omni noxio. Et haec erit bonorum operum retributio. Et contra in prauos, id est, in eos qui sunt ex contentione, nec acquiescunt veritati, vel non recipientes illam, aut illa recepta prauaricantes. Vnde additur: *& credunt*, seu potius obediunt, *iniquitati*: redditur similiter iusta retributio, quae est indignatio, & ira Dei. Haec prima biga diuinæ iustitiae. Primum enim Deus quasi tecum fremens animo, indignatur in hominem qui illum contemnit: tum irascitur, id est, animo meditatur vindictā. Et quia non in vanum cogitat quicquam Deus, ecce exequutio praesto adest, tanquam secunda biga, quae primam sequitur, videlicet tribulatio & angustia. De tribulatione quidem Sophonias propheta ait: Vox Dei domini amara: tribulabitur ibi fortis. De angustia autem loquitur, quae significat nullum fugae relinquendum locum ab ipsa pressura, nec vllam euasione. Apud B. Iacobum legitur: Nūquid clamorem illius audiet Dominus, cum venerit super eum angustia? Adiecit autem:

*In omnem animam operantis malū, Iudaei primum & Graeci.* Ne sibi blandirentur Iudaei, primos illos nominat. Sicut. n. primi vocandi erant ad praeium, si fideles fuissent, propter gratiam Dei olim in illos profusiorum: ita contra, abundantiore supplicio afficiendi quam Gentes, si tantam gratiam re-

*Patientia  
& longanimitas  
Dei, non est  
contemnenda, quia ir-  
ritatur &  
exasperatur nimis.*

*Vita aeterna  
quaeritur & red-  
ditur bonis  
operibus.  
Audiant  
Lutherani.*

*Soph. i.*



cusarent. Et sic nō est personarum acceptio apud Deum. Nam quod illi nobis in prēmio prælari erant, ex iustitia erat, iā posita illorum prærogativa ex Dei gratia. Et similiter quod in pœnis primi sint, ex iustitia est: quia magis ingrati sunt inuenti, cum magis fuissent honorati. Quod autem à principio priores electi fuerunt, nō facit acceptionem personarum: quia acceptio personarum in iudicio reprehenditur; & vbi iustitiæ debitum reddendum est, vituperatur, non autem in donis: quia principi licet præponere quem voluerit, aut cui voluerit honorem exhibere. Ideo scriptum est: In iudicio non accipies personam: vnde sequitur:

Deut. 10.

*Quicumque enim sine lege peccauerunt, sine lege peribunt.* Gentes istæ erant sine lege, quæ sine lege dicuntur peccasse, & sine lege perire: & hoc intelligitur de lege scripta. Perierunt autem sine lege, quoniam nec lex scripta, nec Moses accusauit, aut damnavit eas, sicut Iudæos qui per ipsam legem iudicabuntur, quoniam legem Dei per Moysen audierunt. Vnde Dominus dixit: Nolite putare quod ego vos accusaturus sim apud Patrē: est qui vos accuset: Moses, in quo vos speratis. Moses enī remittebat eos ad Christum, vt audirent eum, quod ipsi nō fecerunt. Sunt verò quidam, qui ex hoc Apostoli dicto putant mitius esse agendum cum Iudæis, quia iudicandi dicuntur, quàm cum Gentibus, quæ perire dicuntur. Sed hoc primum contra Apostolum videtur, qui primos constituit Iudæos in iudicio, siue ad præmia, siue ad supplicia. Deinde pro hoc facit ratio: quia idem peccatum propter maiorem notitiam, magis erit imputabile Iudæo, quàm Græco. Et ridiculum est ex eis verbis, videlicet: perire, & iudicari, capere illam differentiationem, quia idem est hîc iudicari quod condemnari, & sic perire. Quare & B. Augustinus meritò reprobatur illam opinionem, & expositionem.

Ioan. 5.

Hac verò declaratione illius tritæ sententiæ: Quod redditurus est Dominus unicuique iuxta opera sua, inuidiosissimè expugnantur ab Apostolo hæretici, qui negant bonis operibus, aut bonorum operum meritis, reddi vitam æternam. Nam contra hoc manifesta est ipsius Apostoli expositio huius sententiæ, qui per patientiam boni operis quæri vitam æternam declarat. Aiunt, non dicere Apostolum quod eam vitam opera mereantur. Sed nō animaduertunt vim illam verbi, quod est, reddere, in qua includitur vis meriti. Id enim propriè redditur, quod debetur: tamen non desunt alia loca, vbi merces exprimitur operum. Quod si merces, ergo debitum, ac meritum. Quæ cum ita sint & adeò clara, miror hominum impudentiam & arrogantiam, qui hæc volunt suis fucis obtegere. Adde, quod etiam in alio dogmate retūduntur, quo negant hominem posse intendere ad præmium operando, cum hîc dicat Apostolus de iustis, eos per patientiam boni operis quærere vitam æternam. Nemo enim quicquam quærere, ad quod non intendit. Dominus item dixit: Primum quærere regnum Dei. Quod si dicant (vt quidam eorum à veritate coacti tandem dicunt) principaliter quærendam esse Dei gloriam, non bonum nostrum, nihil aduersus nos dicunt. Sed cum bonum nostrum coniunctum sit cum gloria Dei, cuius voluntas est vt sancti & beati simus, nō est inhonestum id quæ-

Cavillus  
hæretico-  
rum.Error hære-  
ticorū con-  
futatur.

rere, id sperare, & ad illud anhelare, quod nobis proposuit pro præmio Deus ad gloriam suam.

Occurrunt tamen plura contra istam veritatem: Quod Dominus reddet unicuique secundum opera sua. Primo enim videtur contra illam Isaia sententiam: Vniuersæ iustitiæ nostræ tãquam patinus menstruatæ. Secundo quod idem Apostolus ait: Non sunt condignæ pæsiones huius temporis ad futuram gloriam, quæ reuelabitur in nobis. Tercio. Pueris non redditur secundum eorum opera. His enim datur vita æterna, qui cum sacro decesserunt: aliis verò qui sine sacramento supplicium æternum, qui tamen nihil mali egerunt. Quarto, Accidit esse nonnullos, qui plurima bona egerunt, & quia in ultimo vitæ spiritu lapsi sunt, condemnantur. Contra verò alij, qui semper mala perpetrarunt in vita, & in ultimo vitæ spiritu conuersi, recipiunt vitam æternam, vt de latrone legitur: quorum si computarentur bona opera, inuenirentur plura esse eius qui damnatur, quàm qui fit saluus. Quinto, Si proponatur aliquis multo tempore in bonis operibus insudasse, & alius pauciore, pares tamen sunt in præmio & mercede, vt probatur ex parabola operariorum apud B. Matthæum. Quinimo qui breuiore tempore laborarunt, nec tantos substulerunt agones, nonnunquam maiore præmio donantur. Sexto, Videtur quibusdam incōgruum, vt qui momento temporis transgressi fuerint, puniantur æterno supplicio. Non enim hoc videtur fieri secundum opera, eò quod momentanea ferè sunt. Quæ autem comparatio æterni cum momentaneo? Tu verò, sincere lector, vt hæc profundius intelligas, audi primò veritatem: quia ea intellecta videbis omnia hæc argumenta per se facillè solui, atque euanescere.

Argumē-  
ta quod  
nō reddas  
Deus uni-  
cuique se-  
cundum o-  
pera sua:

Sciendum est ergo valorem operum æstimari vel ab ea vtilitate, quam ipsa opera afferunt ei cui operamur, vel alioqui à sui (vt ita dicam) pretiositate, vel à pacto, quia sic est constitutum & placitum, vel à gratia personæ, vel à principio vnde fiunt & propter quod fiunt. Si igitur operum pensemus vtilitatem, certè opera nostra coram Deo, nullius sunt valoris. Quid enim dedimus illi, & retribuetur? vt ait scriptura. Et iterum: Cum feceritis hæc omnia, dicite serui inutiles sumus. Si verò pensentur opera vt pretiosa de se, & secundum sui substantiam, certè nec possunt sic equare æternum gloriæ pondus, à quo in immensum exceduntur. Et secundum hanc considerationem ait Apostolus: Non sunt condignæ pæsiones huius temporis ad futuram gloriam, quæ reuelabitur in nobis. Et iuxta hanc inspectionem, dicimus beatitudinem non esse purè mercedem operum, sed etiam donum. Si verò consideretur pactum, quo estimatur ipsa opera à Deo, rectè dicitur merces ipsa beatitudo, & reddita operi, quod opus æquiualeat illi est, nō qui dem ex se, sui que substantia, sed ex pacto (gratioso tamen & liberali) quo tanti est estimatum. Vnde quod tale pactum fecerit nobiscum Deus, gratiæ fuit & munificentiæ. Quod autem post pactum retribuatur secundum illud ipsis operibus, iustitiæ est. Et secundum hanc considerationem habes parabolam de operariis, qui conducuntur in vineam vt operentur. Neque enim aliud ibi consideratur, quod faciat mercedis debitum, nisi pactum ipsum.

Resolutio  
argumento-  
rum, & do-  
ctrina de  
meritis, &  
valore ope-  
rum.

Rom. 8.

Matt. 20.



Vnde dicitur: Nonne ex diurno denario conuenisti mecum?

Hoc tamen insuper aduertendum est circa utilitatem: quia Dominus accepta habet ea, quæ inuicem exhibemus, misericordiæ & charitatis officia, perinde ac si essent sibi facta, iuxta pollicitationem eius: Quod vni ex minimis meis fecistis, mihi fecistis. Possumus etiam audacter dicere, quod nostra opera ex charitate facta proximo propter Deum, etiam æstimatione tanquam vtilia Domino & sic meritoria mercedis, & retributionis magne, & Deo digna, propter quem illa fecimus, & cui primum facimus, cum in alios propter illum aliquid impendimus. Nam magni est & excellentis Domini, pro paruis magna retribuere. Et apud hunc ipsum nostrum Apostolum, qui seruit Deo, & abstinet se ab omni immunditia, vocatur vas vtile ipsi Domino.

Si autem consideretur gratia personæ, & vis spiritus mouentis ac perficientis opera, etiam ipsa opera æquant beatitudinem: quia filij Dei sumus in Christo, & vt filij Dei agimur à Spiritu sancto, æquant autem non æstimatione, quasi tantum valeant, sed virtute: quemadmodum est vis in semine ad producendum arborem. Et secundum hoc dicit Apostolus: Si filij, ergo hæredes. Nam filiis ipso iure debetur hæreditas, si modo compatimur vt & conglorificemur. Consideratur ergo sic opera à sacris doctoribus, ex principio vnde fiunt, & propter quod fiunt: quia principium est charitas & gratia, qua Deo iungimur. Deus enim est charitas & qui manet in charitate, in Deo manet, & Deus in eo. Et ob eam potissimum causam dicimus, bona opera esse æquivalètia præmio, & æternæ mercedi: quoniam habent quodammodo principium Deum ipsum: quia donum gratiæ participatio quædam est Spiritus. Hoc non agnoscunt hæretici: vnde illis dona Dei in nobis inhærentia nihil sunt. In qua re plurimum aberrant. Ex his tamen facile licet soluere omnia, quæ superius contrà producta sunt.

Nam ad primum, Quod omnes iustitiæ nostræ sint tanquam pannus menstruatus. Respondetur paucis (licet variis modis possemus aliter respondere, attamen solutione non legi promptiorem) locum Isaïæ loqui de operibus iniusti hominis, & adhuc in natura lapsa existentis. Si quis minus hoc mihi credat, repetat superiora non ita remota prophætæ verba, quæ clarè hoc innunt. Ecce, inquit, tu iratus es Domine, & peccauimus, in ipsis fuimus semper, & saluabimur. Et facti sumus vt immundus omnes nos, & quasi pannus menstruatus vniuersæ iustitiæ nostræ. Et cecidimus quasi folium vniuersi, & iniquitates nostræ quasi ventus abstulerunt nos. Non est qui inuocet nomen tuum, qui consurgat & teneat te. Hæc profectò non nisi de hominibus extra gratiam (nisi magna vis adferatur literæ) possunt intelligi.

Ad secundum verò: Non sunt condignæ passiones, &c. Dicimus verum esse, etiam de filiis Dei, secundum tamen operum ipsorum utilitatem, & substantiam; non autem secundum pacti tenorem & (quod magis est considerandum) secundum Dei gratiam, qua sunt informata ipsa opera.

Et ad tertium, Quod pueri nihil sint operati, fa-

temur: sed de his non loquitur Apostolus (quia isti non veniunt ad iudicium discussionis) verum de his tantum, qui operari potuerunt. Et tamen Christus pro illis supplet opera, vt nec illi sine operibus vitam æternam obrineant. Præterea, si verum amamus, nec illi sine suis passionibus consummatur. De quo alibi locutus sum fusius. Nec putamus æterno igni tradendos pueros, qui sine sacramento discesserint: quod est impium, & crudele dogma, licet hoc inueniatur à quibusdam doctoribus dictum, coactis tamen sic dicere, magis in obsequium scripturatum, quæ id porrigere videbatur, quam ex propriis, & vlla virgenter ratione. Scripturæ autem si non exactè considerentur, frequenter porrigere quædam videntur, à quibus spiritus veritatis longè abest. Et ideo non ab re dixit Dominus: Scrutamini scripturas. De qua re etiam particularem tractatum edidimus.

Ad quartum dicimus, Ex pacto sic iuste fieri contra illum qui destitit operari: quia dixit Dominus: Qui perseuerauerit vsque in finem, hic saluus erit. Et per Ezech. Si iustus auersus fuerit à iustitia sua, omnium iustitiarum eius non recordabor. Et similiter de impio, & iniquo dicitur. Quod si auersus fuerit ab impietate & iniquitate, omnium impietatum & iniquitatum non recordabitur Dominus. Ecce igitur quomodo iuxta pactum suum facit Dominus in proposito calu. Perseuerantia coronatur & finis agonis consideratur, vt reddatur corona: non, n. sufficit bene incipere. Nam & sic est in cursu ad metam: sic est & in certamine campestri, qui tandem superauerit, in fine ille coronatur. Vnde per Ezech. conqueritur Dominus, quod hæc via non diceretur æqua, cum sit æquissima, cui & iustitia, & misericordia admiscetur. Adde similiter pro illo qui ceperit in fine vitæ: quia est illi animus bene operandi etiam perpetuo, imputatur hoc illi quasi factum. Neque ille latro sine operibus excuset, Non, n. sine opere fuisse dicendus est, qui in cruce confessus est Christum, tam ignominioso mortis genere à principibus condemnatum. Item adde, quod tãtò magis ingratus ille inuenitur, qui diu bene operatus est, si non persistit: quia ex gratia Dei bene antea operatus est, & ex propria malitia recessit à bono, & à Deo.

Ad quintum dicimus: Si qui minus laborant, & tantundem accipiunt, quantum multum laborantes id ex gratia Dei est & bonitate, qui potest alij, quæ magis diligit, supererogare, modò alius non fraudetur de pacto. Vnde ait: An oculus tuus nequam, quia ego bonus sum? Et dicitur ei facere secundum opera: quia eadem prorsus opera, facta ab eo qui gratiosior fuerit, sunt ponderosiora ad præmiu. Sic, n. dabit unicuique secundum suum laborem, vt cæteris paribus ratio de labore habeatur. Quamquam in euangelio illo potius illud est positum, vt intelligantur omnes pares, quantum attinet ad beatitudinem. Omnes, n. beati aliquo modo pares sunt: quia omnes similiter Deum vident, licet alij intensius, alij remissius videant. Vnde cæteris paribus, qui plus laborauit, plus accipiet, vt ait Apostolus.

Ad sextum dicitur, quod pœna non debet commensurari secundum durationem actus delicti, sed cum persona offensi & cum voluntate ipsius qui offen-

*Pro pueris absque baptismo decedentibus.*

*Ioan. 5.*

*Math. 24. Ezech. 18.*

*Ezech. 18.*

*Matt. 20.*

*1. Cor. 3.*

*Math. 25.*

*2. Tim. 2.*

*2. Tim. 4.*

*1. Ioan. 4.*

*Isa. 64.*



offendit. Deus ergo cum sit immensus, & infinita bonitatis, offensus est: & qui offendit (quod ex se fuit) per suam impotentiam in illud se coniecit, ut perpetuam haberet voluntatem auersam à Deo, merito ad eternam duratione poenam iuste se traxit, utpote aeterni reus delicti. Denique qui spreuerunt aeternum bonum, nonne etiam aeterno digni sunt malo? Siquidem praeulerunt momentanea aeternis, & caduca immortalibus.

Non enim auditores legis iusti sunt apud Deum, sed factores legis iustificabuntur. Cum enim Gentes quae legem non habent, naturaliter ea quae legis sunt, faciunt, eiusmodi legem non habentes, ipsi sibi sunt lex, qui ostendunt opus legis scriptum in cordibus suis, testimonium reddente illis conscientia ipsorum, & inter se inuicem cogitationibus accusantibus, aut etiam defendentibus, in die cum iudicabit Deus occulta hominum, secundum euangelium meum, per Iesum Christum.

Magna illa Iudaeorum praesumptio, quam de lege conceperant, primum frangitur hac sententia: *Non enim auditores legis iusti sunt apud Deum.* Gloria bantur enim mirum in modum Iudaei ob datam sibi à Deo legem, qui & in populum peculiarem eos adoptauerat, magnisque praerogatiuis, & donis ornauerat: nihili aut parum cogitantes, an grati legem implendo fuissent, perinde ac si audire legem satis esset. Tales existunt hac nostra aetate Lutherani, qui totam suam gloriam in Christo reponunt (ad subterfugiendos operum labores) cuius se dicunt apprehendisse iustitiam sola fide, & ut filij iam suae salutis & hereditatis certi, habere pacem, nec ulterius esse sub illa lege. Apostolus ergo & Iudaeos tunc, & Lutheranos nunc, simul redarguens, ait:

*Non enim auditores legis iusti sunt apud Deum.* hoc est, Non in eo quod auditur lex, ac fide recipitur, continuo est inde apud Deum iustificatio: sed in eo quod opere completur lex, inde venit vera iustificatio: quod verbis ita clavis exprimit, ut clarioribus explicari non potuerit, subiungens: *sed factores legis iustificabuntur.* Et tamen insurgunt in nos Lutherani, & dicunt: Si factores legis iustificabuntur, quid est ergo quod ipsemet Apostolus e converso, ac tan topere contendit, omnem carnem non iustificari coram illo? Vnde & omnino legem operum despicit. Itaque (aiunt) quod hic ait, *iustificabuntur*: non de vera iustificatione intelligi necesse est, sed de apparenti, i. iusti reputabuntur apud homines. At hoc non est exponere, sed destruere. Dicitur enim hic apertissime, habentibus aures, quod iustificabuntur apud Deum. Hoc autem quo pacto, si non in veritate? Alij ergo dicunt, *iustificabuntur*, id est, iustitiam aliquam exercebunt, non tamen per quam sint grati coram Deo. Et ad eum sensum parabolam de Publicano intelligunt, qui praeter Phariseo legitur reuersus in domum suam iustificatus. Quae expositio mihi nime placet: quia etiam vim affert literae. Et primum quidem, quia in scripturis nusquam legitur, quoniam pronunciari iustum absolute, quin de vera

coram Deo iustitia intelligatur: si secus, aliquid additur. Secundo, quia hoc in loco ex vi ipsa sermonis, vera, & quae apud Deum est, exprimitur iustificatio, dum dicitur:

*Non enim auditores legis iustificabuntur apud Deum, sed factores legis iustificabuntur.* Quod. n. ait, sed factores legis, &c. cum, ly, sed; sit aduersatiua particula, ut officium suum faciat, & aduersetur dicto superiori, necesse est retineat omnem ipsius dicti conditionem. Quia ergo superius habetur: Auditores legis non iustificabuntur apud Deum, oportet sequens dictum aduersatiuum, quod est: Sed factores legis iustificabuntur, similiter intelligere, apud Deum. Etenim hunc sermonem, Non. n. auditores legis iusti sunt apud Deum, sed factores legis iusti sunt apud homines, quis probaret ut congruum? Id enim non aduersatur superiori dicto, contra quod est vis aduersantis particulae. Porro iustificari apud Deum, quid est aliud quam haberi & pronunciari iustum ab eo, qui iudicat secundum veritatem? Non leges in vniuersa scriptura, aliquem dici iustum apud Deum, & non intelligi hoc de vera iustitia, cui redditur aeterna vita. Tertio, ipse Dominus hoc expresse videtur probare, videlicet, quod factores legis iustificabuntur apud Deum, & ad vitam eternam, quia dixit: Si vis ad vitam ingredi, serua mandata. Et cum diceretur ei, Quae respondens, tantum ea quae in lege scripta erant, commemorauit. Et alibi, homini scribae roganti eum: Magister quid faciendo vitam aeternam possidebo? respondit: In lege quid scriptum est? quomodo legis? & cum respondisset, Diliges Dominum Deum tuum, &c. dixit ei Dominus, Hoc fac, & viues. Atqui ridiculum esset dicere, ut aiunt haeretici, quod nemo possit seruare mandata legis cum gratia Dei. Nam si hoc esset, decepisset ergo Christus homines rogantes, quid faciemus, & vitam aeternam possidebimus? eo modo respondens, ut scilicet facerent, quae scripta essent in lege, si ea facere non possent. Quod absit, ut de tanto Magistro suspicemur. Non me latent haereticorum ad haec loca cauationes, & fugae ridiculae, indignae equidem quae in disceptionem venire debeant: praesertim verò hoc in loco, postquam alibi de his copiosissime scripsimus. Ergo factores legis verè iustificabuntur, & apud Deum, & ad vitam aeternam promerendam.

Quomodo autem respondeatur ad ea quae ex opposito adducuntur, quod ex operibus nemo iustificatur, audi: Si rem subtiliter (ut oportet) consideres, longè aliud est dicere: Factores legis iustificabuntur apud Deum, & aliud: Ex ipsius legis operibus, aut, ex ipsa lege, & vi legis iustificari sine fide. Illud enim prius ait Apostolus, & verum est. Posterius verò falsum est, quod & ipsemet Apostolus reprobatur. Non. n. erat illis antiquis praecisa via salutis, quae veniebat primum ex fide Christi venturi, in quo, & per quem iustificabuntur (sicut & nos) coram Deo. Deinde ex operatione eorum, quae in lege scripta erant. Quae quidem opera qui verè erant iusti, non ex vi legis faciebant: quia vis ipsa legis timor erat, non amor: sed ex ipsa fide, quae per dilectionem operabatur, ipsa videlicet dilectione faciente opera, & sic ipsis etiam data erat perfecta iustificatio. Nam si pueri circūcisi saluabantur

Hic dānātur Iudaei manifeste, & Lutherani opera bona spernentes.

Legē solum audire non iustificat, sed facere.

Matt. 19:

Luc. 18:

Resolutio  
quaestionis:



sine operibus vllis propriis, quomodo non etiam multò magis maiores, adiungentes opera legis, id est, opera in lege scripta, quæ ex fide, & per dilectionem facta salutem afferebāt, & iam non legis opera, sed fidei dici poterant? Sed hæc latius sunt explicanda suo loco inferius.

Verùm aliud est quod mouere potest, & vrget acrius. Si enim nō potest facere legem homo, nisi iam iustificatus fuerit apud Deum, cur (quæso) dicit Apostolus: Factores legis iustificabuntur, cum iam fuerint iustificati? Quod si de illa iustificatione, quæ fit per opera, intelligitur, de qua scriptum est: Qui iustus est, iustificetur adhuc, cur saltē non dixit: Factores legis iustificantur, & non; iustificabuntur, reseruando hoc in futurum?

Apo. 2.2.

Iustificatio  
tribus mo-  
dis accipi-  
tur in scri-  
pturis.

Respondeo. Tripliciter accipitur iustificatio in sacris scripturis. Vno modo pro illa, qua quis ex iusto fit iustus. Alio modo pro illa, qua quis ex iusto fit magis iustus. Et neutro istorum modorum hīc, meo iudicio, accipitur. Est ergo tertius modus, cum quis sententia iudicis absoluitur ab obiectis, & pronunciatur iustus. Et quia hoc fiet aliquando à summo Deo, & domino nostro Iesu Christo, de hac proculdubiò iustificatione intelligendum est, quod ait hīc Doctor noster: Factores legis iustificabuntur, hoc est, qui iustificati sunt, & assidue operantur bene, tandem aliquando, postquam perseuerauerint vsque in finem, pronunciantur iusti, & tales apud Deum coram omnibus Gentibus magna cum eorum gloria apparebūt in veritate: quia sententia Dei erit in veritate.

Non præteribo hoc in loco aduersus hæreticos, qui despiciunt legem & opera, qui ex hoc Apostoli loco conuincuntur irrefragabiliter: ait enim exerrè Apostolus: Factores legis iustificabuntur apud Deum. Quid ad hoc respondeant? Audi (rogo te) bone lector, vnum ex illis Caluinum, vt rhetoricè agit nobiscum. Habent. n. huiusmodi regulas, vt cum se premi veritate persenserint, tunc maxime ostentent se bene valere, & nos desipere. Audi, inquam, hominē sua verba resonantem. Qui hoc loco (inquit) abutuntur ad erigendam operū iustificationem, etiam puerorum cachinnis sunt dignissimi. Proinde ineptum est, & extra locū, hūc longas de iustificatione quæstiones ingerere ad soluēdum tam futile cauillum. Tantum enim vrget apud Iudæos Apostolus illud, de quo meminerat, legis iudicium, quod nō possent per legem iustificari, nisi legem impleāt: si transgrediantur, paratā mox esse in illos maledictionē. Nos verò non negamus præscribi in lege absolutam iustitiam, sed quia omnes transgressionis conuincuntur, quarendā esse dicimus aliam iustitiā. Quin ex hoc loco argumentari licet, neminem operibus iustificari. Si. n. soli ij qui legem implent, per legem iustificātur, sequitur nullum iustificari, quia nullus reperitur, qui iactare queat legis cōplementum: hæc ille. Tu autem vide vt conatus est illudere, & vim nostri argumenti, quam verā sentiebat, vafre præterire. B. Paulus, ait: Factores legis iustificabuntur. Hæc autē est assertiua oratio, non habens cōditionem: & cōtinet duo, inueniri nimirū qui fecerint legem, & hos esse iustificandos. Si enim nulli possent facere legem, nunquam dixisset: Factores legis iustificabuntur. Imò verò ne illum sensum à veritate alienissimum quis

Caluini ca-  
uillus.

acciperet, statim probat dari factores legis, aicens:

Cum enim Gentes quæ legem non habent, naturaliter quæ legis sunt, faciunt, &c. Hīc. n. vult manifestè ostendere, quod Gentes poterāt adhuc iustificari coram Deo, & facere quæ legis erant, ne quis diceret, quod solum perire poterant, si naturæ legem transgrediebātur, non autem saluari, si facerent legem. Incongruum omnino id esset, nec secundum eam æquitatem, qua clemētissimus Deus & Pater misere ricordiarum vti & abundare prædicatur. Ait ergo, quod & ipse Gentes non erant penitus sine lege, quam faciēdo merebantur salutem. Probat autem hoc dicens: Quod cum illa Gentes operabātur naturaliter quæ legis erāt. i. quæ scripta erant in lege, ipsi professi sibi ipsis erant lex: quia ostendebant opus legis scriptum in cordibus suis. Id enim opus est legis, præcipere bonum vt fiat, & vetare malum ne fiat, & hoc propter Deū. Loquitur ergo de moralibus legis, i. de decalogo, & iis quæ ad illud explendū pertinent. Hoc verò legis opus impressum erat, & est, in cordibus omniū, quod tunc non obscurè legitur, & tunc ostenditur, quum fit per ipsa opera. Qui. n. ex Gentibus iusta facit & recta, confidens quod Deus beneficientes afficiet præmio, indicat se habere hāc notitiā, & legem cordi impressam naturaliter. Legē dico iusti & iniusti, boni & mali. Non placet autem quod dicamus (vt ait B. Ambrosius) opus legis, id est, ipsam fidem: quoniam fides non est opus legis, sed opus Dei, vt ait Dominus. Hoc est opus Dei, vt credatis. Alioquin rectè diceretur, quod ex operibus legis homo iustificatur, si inter legis opera admisceretur fides. Quod si quæras: Vnde probas, in Gentibus hoc opus legis, quod est præcipere bona, & vetare mala, esse scriptum natura in cordibus earum? Nam qui dam putarūt bonos mores non tam à natura esse, quàm ex hominum placitis, & cōsuetudine, vt Protagoras, & alij ex contentiosis quidam, in quos & alij philosophi disputarūt, & Cicero ipse in lib. offic. B. autem Paulus vt hoc prober, vnum & maximum argumentum profert, aicens:

Testimonium reddente illis cōscientia ipsorum. Verum est. n. tritum illud prouerbiū: Cōscientia mille testes. Est. n. cōscientia cognata quædam scientia, cuique assidens de operibus propriis, ob inditum naturale lumē, à quo vel probatur, vel reprobat quodcūque agimus. Vnde Apostolus noster in ea confidens, aiebat: Gloria nostra hæc est, testimonium cōscientiæ nostræ. Et Iob ait: Non reprehendit me cor meum in omni vita mea, & Dilectus: Si reprehenderit nos cor nostrū, maior est Deus corde nostro, & nōuit omnia. Si non reprehenderit nos, fiduciam habemus ad Deum. Quia tamen in hoc mūdo potest offuscari conscientia nostra passionibus, sed aliquando clara fiet, addidit: & inter se inuicē cogitationibus accusantibus, aut etiam defendentibus. Hīc vim synderesis ostendit & cōscientiæ ex naturali lumine, quo velimus nolimus, accusamus mala, defendimus bona: quæ vis conscientiæ (quæ perturbata est dum peccatum admittitur) post modo illa passione semota, consurgit, accusat, & damnat factū. Hæc primus homo reprehensus, cognouit se nudū. Hæc Iudas correptus dixit: Peccaui tradēs sanguinem iustum. Et Caīm: Maior est iniquitas mea, quàm vt veniam merear, Sequitur:

Quomodo  
Gentes iu-  
stificari po-  
terāt apud  
Deum.

Ioan. 6.

Quomodo  
in cordibus  
Gentiū fue-  
rit scriptio  
legis opus.

2. Cor. 1.

Iob 27.

1. Io. iii. 3.



*In die cum iudicabit Deus occulta hominum.* Videtur hoc totum referri ad diem iudicii. Tunc enim accusabit, vel defender hominem sua conscientia. Quamvis Origenes id ad præsens hoc tempus trahat: & verum est. Nec. n. si diligenter homo sua interiora scrutetur, poterit seipsum latere.

Galat. 3.

*Secundum euangelium meum.* Euangelium suum vocat, tanquam sibi creditum ad dispensandū, idque per Iesum Christum: quia non ab homine, neque per hominem accepit sed per Iesum Christū. Aut si mauis, referas ad id quod scriptum erat. Cum iudicabit Deus occulta hominum, scilicet, per Iesum Christum, cui omne iudicium datum est.

Sed nunc quaestio adhuc viget: Quoniam modo Gentes potuerunt naturaliter non solum bonum nosse & malum, verum etiam ipsam legem facere, & ita saluari, ut hic textus satis clarè videtur innuere, ubi ait: Cū. n. Gentes naturaliter quæ legis sunt, faciunt: &c. At hoc Pelagianum est, qui statuebat naturam, & Christi gratiam destruebat, quam etsi prodesse diceret, negabat tamen esse necessariam. Contra quem arguit B. Augustinus quàm felicitissimè illum expugnans. Nam primò: si lex Moleos non adducebat quenquam ad perfectum, ut ait Apostolus, multò minus lex naturæ. Secundo scriptum est: Non est aliud nomen datum sub cælo, in quo nos oporteat saluos fieri. Et Apostolus: Sine fide impossibile est placere Deo. Respondemus primū, quòd Gentes, etsi naturaliter haberēt notitiam Dei, & boni & mali, concurrente tamen auxilio Dei, qui per Angelos confirmat prædicationem naturæ in nobis, attamen non poterāt legem naturæ implere naturaliter. i. in sua natura corrupta per vim naturæ: quia licet naturæ lex ostenderet quid esset bonum, & quid esset malum, & ipsi apprehēderent fauente Deo, hoc tamen non satis erat, cum vis liberi arbitrii non posset ad bonum etiam ostensum, nisi informatū esset gratia. In quo errarunt Pelagiani, & ex scholasticis nonnulli, qui non animaduērunt, quòd homo interior in natura lapsa & corrupta, carni subditus est, & concupiscētiæ, quæ dominatur (ut Paulus testatur) & à qua opprimitur, eiusque dominationi seruit. & mundi illecebris & blandimentis obsequitur, à quibus distrahitur, & Dæmonis tyrannidi subiicitur, à quo ducitur quòd ille vult: & consequenter non potest velle operari bonum, dum vult potius gratificari carni & mundo, totus auiditate & affectione ipse caro existens, quo fit ut nolit intelligere ut bene agat. Neque. n. vis illa naturæ potest vestigando reperire, & quiescere in discretionē boni & mali. Et de concupiscentia, quæ nobis innata est, non poterat homo, nisi prius edoctus à Deo, certò statuere, an esset peccatū. quemadmodum ca. 7. vberius suo loco dicturi sumus. Falsa est ergo, & admodum de testanda hæresis pelagiana, & perniciofa opinio, confidere scilicet in naturæ viribus, hisque sperare etiam legem naturalem seruari posse sine alia superinfusa gratia, & ita consequi regnum eternū, ut inueniatur Christus gratis crucifixus.

Quare ob istam obiectionem variè exponitur istud quod ait hic Apostolus, quòd Gentes facerent naturaliter quæ legis erant. Nam hoc supponere videtur. Itaque aliqui intelligunt, Gentes aliqua legis præscripta fecisse, sed non omnia, cū lex

nequaquam possit impleri naturaliter, hoc est, ex naturalibus viribus. Sed hoc minime placet: quia qui tales existunt, nulla sunt vera laude digni, nec verè dici possunt facere quæ sunt legis. Qui enim vnus præuaricator est mandati, vniuersæ legis (teste B. Iacobo) præuaricator censetur. Quamobrem B. Augustinus & Ambrosius aiunt, hic Apostolum de Gentibus loqui, quæ ad fidem Christi peruenerunt. Verum, quomodo de his rectè dici potest, eas naturaliter quæ sunt legis, facere, cū ex fide & gratia faciant, euangelio nimirum ipso monstrante quæ sunt legis? Scio ab eis exponi, naturaliter, id est, ex vi liberi arbitrii, sanati tamen gratia Christi. His ego tantis viris non libenter contradico. Potest fortassis, & congruentius intelligi, Apostolum de iis Gentibus habere sermonem, de quibus cœperat ab initio loqui, quibus nondum erat euangelium promulgatum. Nam eas demum cum Iudæis comparabat: & de his verum esse poterat, quòd naturaliter quæ legis erant, faciebant, id est, natura ipsa dictante atque monstrante loco legis scriptæ, non tamē sine lumine diuino internè infuso, & doctrina per Angelos ministrata, & cōfirmata, cui si credatur, fides insuper & gratia licet occulta desuper infunditur. Et propterea de huiusmodi dicitur, quòd faciebant quæ legis erant. Faciebant autem ex fide & charitate superueniente, cum obtemperabant (Deo semper iuuante) iis, quæ vice legis scriptæ natura monstrabat.

Quòd si dicat quis, quomodo erat fides in Gentibus, cum scriptum sit: Fides ex auditu. auditus autem per verbum Dei, videlicet reuelatum & prædicatum? Tu ergo qui id rescire cupis, audi. Dominus Deus, qui cogitat cogitationes pacis, & non afflictionis, prouidit de remedio ab initio, quo mundus saluus fieri posset. Hoc autem remedium fuit in Christo benedicto: vnde verissimum est, non esse vllum aliud sub cælo nomen, in quo nos oporteat saluos fieri. Nec verò putandum est, in eorum tantum gratiam, qui post Christi aduentum extiterunt, paratum fuisse & propositum remedium, cum scriptum sit: Deus vult omnes homines saluos fieri, & ad agnitionē veritatis venire. Et quòd Deus, est omnium Deus, non Iudæorum tantum (ut falsò illi sibi persuaserant) sed & Gentium. Neque etiam dicendum, quòd huius nominis, in quo est salus, notitia explicita exhiberetur omnibus, cum non esset adhuc reuelatum. Duo tamen tenenda sunt catholicè. Primū est, quòd Deus vult omnē hominem saluum fieri, cum nulli vnquam præcluserit viam salutis. Præcluseret autem, si non proposuisset remedium omnibus applicabile. Illud ergo proposuit. Secundum, quòd remedium est fides æternorum, & charitas Dei, ut ex charitate fiant opera bona. Et de fide quidē clara est Apostoli sententia. Sine fide impossibile est placere Deo: qui prius dixerat, Fide aptata esse secula verbo Dei. Dixit secula, ut non vnum, aut alterum tantum intelligeres, sed omnia huius tēporis secula. Vnde cœpit ab initio mundi enumerare sanctos, dicens: Fide, plurimā hostiam præ Cain obtulit Abel Deo, per quam testimonium consequutus est esse iustus. Fide Enoch translatus est. Ante translationem enim testimonium habuit placuisse Deo. Postmodò descendit ad Noe, deinde ad Abraham, & Saram,

Gentes potuisse saluam se adipisci, non tamen sine fide:

2. Timoth.



& alios vsque ad David, & Samuel. Ergo & Gentibus Deus quæ credenda necessariò illis erant, prædicauit. Quomodo autem? Audi. Oportet. n. accipi, quòd non omnia quæ sunt modo fidei, tenebatur olim omnis ætas credere: quia quæ fidei sunt, paulatim sunt reuelata. Sunt quidam certi articuli principales, qui fidei summam continent, & in quibus cæteri omnes continentur implicite. Et ij duo sunt, qui olim Gentibus satis erant, à quibus Deus non aliud exigebat: quia non aliud reuelabat. Hos autem duos fidei articulos vigilanter Apostolus explicat dicens: Credere enim oportet accedentem ad Deum, quòd est, & quòd inquirentibus se remunerator sit, id est, quòd habet & seruat in alia vita remunerationem, & talem, vt remuneret eos qui inquirunt eum, videlicet optimis studiis, & operibus bonis charitatis. Hi autem articuli prædicantur intus à natura, per hæc quæ visibilia sunt. Nam ex hoc creaturarum libro elicitur, nonnullam Dei de nobis esse curam, & prouidentiam. Confirmatur autem sic à natura prædicata, intus ab Angelis. Vnde & B. Dionysius ait: Quòd plurimi Gentilium per Angelorū illuminationes salui facti sunt: quoniam illam naturæ prædicationem secreto & interno lumine comprobando confirmarunt. Vnde de recipientes illi à Deo fidem, quæ certos illis eos articulos reddidit, & consequenter spem, & charitatem (quantum poterant) legis mandata etiam ex charitate seruauerunt. Quæ certè sententia & pietate innitur, & ratione: quam multi capientes, à multa animi anxietate liberantur, in quem profectò se alij coniiciunt, qui mordicus tenent, explicitam de Christo fidem ab omnibus exigere, omnique tempore exactam esse. Verum hac de re proprio tractatu fufius egimus.

*Nota, fidē  
variē apud  
Paulum acci-  
pi.*

*Act. 10.*

Quod verò ab initio obiiciebatur: Fides ex auditu, auditus autem per verbū Dei. Et iterum: Quomodo audient sine prædicante? Intelligendum est de fide explicita de Christo, & pro eo tēpore, quo eam euigere volebat à nobis Deus. Tunc enim oportuit eam prædicari, & prædicatam recipi. Sed antequam prædicaretur, non exigebatur. Vnde & Cornelius ante agnitionem & confessionē Christi, pronūciatur à scriptura iustus ac timens Deum cum omni domo sua, faciens eleemosynas multas plebi, & deprecans Deum semper, cui & Angelus tam præclarum præbet testimonium, vt ei dicat: Orationes tuæ, & eleemosynæ tuæ ascenderūt in memoriam in cōspectu Dei. Quomodo autem hoc, nisi & ipsa persona fuisset Deo grata? Et quomodo potuisset esse grata, nisi fidelis fuisset coram illo? Quoniam sine fide impossibile est placere Deo. Vnde B. Petrus eo in loco ait: In veritate cōperio, quòd non est acceptor personarum Deus: sed in omni gēte qui timet eum, & facit iustitiam, acceptus est illi. Et iis omnibus etiam illud adiicimus, quòd qui fidem habet illorum duorū articulorum explicitam, etiam de ceteris omnibus habet implicitam fidem, vt docet B. Thomas: quia in eo quòd quis credit remunerationem bonorum operum apud Deum, implicite etiam credit mediatorem, per quem Deus remunerat. Vide acute & pie lector, quo pacto quæ videri poterant ob quādam falsam persuasionem difficilia, & obscura, illa persuasione postposita, reddita sunt adeò facilia & cla-

ra, vt sit euidens signum compertæ veritatis, quæ facit hominem quiescere.

SI autem tu Iudæus cognominaris, & requiescis in lege, & gloriaris in Deo, & nosti voluntatem eius, & probas vtiliora instructus per legem, confidis teipsum esse ducem cæcorum, lumen eorum qui in tenebris sunt, eruditorem insipientium, magistrum infantium, habentē formam scientiæ & veritatis in lege: qui ergo aliū doces, teipsum non doces? qui prædicas non furādum, furaris? qui dicis non mœchandum, mœcharis? qui abominaris idola, sacrilegium facis? qui in lege gloriaris, per præuaricationem legis Deum inhonoras? Nomen enim Dei per vos blasphematur inter Gentes, sicut scriptū est: Circuncisio quidem prodest, si legem obserues: si autem præuaricator legis sis, circuncisio tua præputium facta est. Si igitur præputium iustitias legis custodiat: nonne præputiū illius in circuncisionem reputabitur? & iudicabit id quod ex natura est præputium, legem cōsummans, te qui per literam & circuncisionem præuaricator legis es? Non enim qui in manifesto Iudæus est, neque quæ in manifesto in carne est circuncisio, sed qui in abscondito Iudæus est, & circuncisio cordis in spiritu, non litera, cui laus non ex hominibus, sed ex Deo est.

Perstat in Iudæum, qui iudicabat Gentes, & potentius illum reuincit, dicens: Ecce, vox est demonstrantis rem præsentem. Vulgata æditio habet loco; Ecce, illam coniunctionem; si; facilis lapsus in græca scriptione. Ego amplector hanc lectionem, quam græci codices habent, vt commodiorem. *Ecce tu Iudæus cognominaris.* Erat honorabile tunc hoc nomen; Iudæus, quo nomine omnis Israelita vocabatur, à Iuda illo filio Iacob. Non quòd omnes ex eo descendissent, sed quòd electus fuit præ cæteris, de cuius germine nasceretur Christus: quo factum est, vt omnes ab eo cognominarentur Iudæi, sicut erat in prophetia: Iuda te laudabunt fratres tui. Vnde & omnis terra Israel, vocata est Iudæa: quāquam spiritualiter Iudas, ipse Christus fuerit, quem verè fratres Apostoli collaudarunt. Vnde & verè Iudæi sunt, qui cum Christo cœlestem Patrē confitentur, & ipsius & nostri, sicut ille aiebat: Ascendo ad Patrem meum, & Patrem vestrum: Deum meum, & Deum vestrū. Vnde & qui Christiani dicuntur, hoc nomine eum laudant, si tamen cum nomine rem ipsam teneant. Nonnulla tamen (etiam secundum carnem) ea cognominis gloriatio fuisset, si non tantū gloriari essent in carne, nec seclusissent spiritum, & verum Iudam, vt verè concineret: Notus in Iudæa Deus: in Israel magnū nomen eius. Iosephus ait à Iuda Machabæo primum habuisse initium, vt tota illa gens denominaretur

*Iudæi votū  
bulum vn-  
de, & cur  
honorificū.*

*Gen. 49.*

*Ioan. 20.*



Iudæi, sed non placent: Nam multò antea eo cognomine denominati sunt, ut patet 4. Reg. c. 25. & 1. Efd. 5. & Nem. 4. & Hester. 3. 8. 9. 16. Item Ierem. 10. & Dan. 13. Dicendum est ergo, ut mihi videtur, quòd à tempore captiuitatis Babylonicæ cœpit esse ista cognominatio, ut staret gloria Iudæ, & firmaretur prophetia illa: Nō auferetur sceptrum de Iuda, & dux de fœmone eius. Stabat ergo regnum Iuda etiam in captiuitatibus illis prioribus, & honor illius, usque ad Herodem Ascalonitam: cuius rei signum est, quòd ab eo sunt denominati, qui erant ex aliis tribubus. Addit:

Gen. 49.

*Et requiescis in lege.* Quia lex à Deo est, & explicat tibi finem tuum, qui est Christus. Finis enim legis Christus ad iustitiam omni credenti. Non enim quiescit homo, donec inueniat suipsum finem, quem lex natura non certò monstrabat, sicut illa Moscos, ut dixerit Dominus: Scrutamini scripturas, quia vos putatis in ipsis vitam æternam habere. Illa enim verè est finis.

Rom. 10.

Isa. 5.

*Et gloriaris in Deo,* tanquam tibi peculiariter fauente, & tecum loquente, ut posses dicere: Non est alia tam grandis natio, quæ habeat deos appropinquantes sibi, sicut Dominus Deus noster adest cunctis obsecrationibus nostris. Et iterum: Non fecit taliter omni nationi, & iudicia sua non manifestauit eis.

Psal. 147.

*Et nosti voluntatem eius,* scilicet quoad mores, & ad ea quæ facienda sunt, ut potè magis ad finem conferentia.

Iudæi propter legem & prophetas multò præstabant Gentibus.

*Et probas utiliora instructus per legem.* Legis enim in prophetis: Ego Dominus docens te utilia. Hæc igitur non ita scire poterant, qui in solo lumine naturali ambulant. Quare circa mores tanta erat inter eos controuersia, ut penè in principiis ipsis dissentirent. Nam eximij morum magistri Socrates & Plato, etiam in nonnullis turpiter errarunt. Volebat enim hic communes esse vxores: & de incestis non bene docebant. Usuras verò communiter concedebant. Et diuortium improba licentia laxatum, non coerceretur: Quamquam & hoc quoque permetteret lex Moscos, sed ad eorum duritiam. Debes & inter hæc reponere, quæ ad cultum diuinum pertinebant, in qua te Gætes superstitiosissime agebant.

*Confidis te esse ducem cæcorum.* Distinctè loquitur. Quia enim sunt quos oportet magis ducere, quàm docere, ut ipsi per se ambulent: quoniã naturæ præue ad hoc dispositi sunt, & ideo sunt indociles, propterea de iis ait: Confidis te esse ducem cæcorum. Et sunt qui possunt videre ad ambulandum, modo ad moueatur lucerna, ut recedant tenebræ, & videant. Et ex his quidam sunt insipientes, qui & finem ignorant, & viam qua tenditur ad illum, quos oportet erudiri. Quidam verò debiles, & non apti continuò ad solidum cibum. Et hi veluti infantes lacte primùm alendi sunt, ut quasi per elementorū traditionem inducantur in arcana sapientiæ. Erant ergo illi Rabbinæ, qui tales se esse præsumebant, ut cæcos ducere possent, & tenebrosos illuminare, & insipientes erudire, & infantes docere, ut potè habentes formam in lege, i. rationem, siue modum ad formandum alios in scientia ac veritate legis. His igitur Rabbinis dicitur sub numero singulari, ut intelligantur omnes, quasi vnus.

*Qui ergo alium doces, teipsum non doces?* Pronuticianda sunt hæc omnia cū assertionem, ac despectu. *Qui prædicas non furandum, furaris?* Furti appellatio in scripturis omnem fraudem significat, quia quis cum aliena iactura sit iniuste locupletior. Et mœchia similiter ad omne fornicationis genus extenditur: Sacrilegium verò propriè cõpilationem rei sacræ significat: quod græca vox manifestius indicat, *ιεροσυλεις*. Extendunt tamen scholastici hoc vocabulum ad significandū quoties quid iniuriarum in sacrum & dicatum Deo infertur, siue in personā, siue in rem, siue in locum: vnde affinitatē quandam habet cum peccato idololatriæ. Vtròque enim contemnitur Deus, & Dei cultus: quanquā & auaritia, qua hæc sacrilegia admittebant, quædam erat idolorum seruitus. Concludit ergo Apostolus tandem id quod volebat, scilicet, quòd vana erat Iudeorum gloriatio ex lege, cum legis essent præuicatorum, & consequenter magis Dei contemptores, quem talibus præuicationibus inhonorabant. Et addit (ut grauaret illos acerbius) quòd propterea apud Gentes blasphemabatur nomen Domini, ut ait scriptura apud Ezech. Et verè sic accidit, ut vulgus peccata hominum etiam in leges ipsas transferat. Sic enim nunc per monachos, & sacerdotes, & Christianos malos, qui suo exemplo cæteros deprauant, blasphematur religiosorum ordinum patriarcharum, & institutiones ipsorum Patrum: & similiter sacerdotium, & ipsemet Christus. Quod licet iniquè fiat, tamen graue est peccatum eorum, qui præbent occasionem, sicut hîc Apostolus cum tanta detestatione exprimit.

Nota peccatum & errorem vulgi.

Audiant mali Christiani & sacerdotes.

*Circumcisio quidem prodest, si legem obserues.* Quia poterant se iactare de circumcissione, quæ olim fuit data Abraham, per quam segregabantur à cæteris, ut essent populus Dei peculiaris, etiam secundum spiritum, eò quod haberet promissionem vitæ factam Abraham, qui credidit Deo dicenti: Noli timere, ego protector tuus, & merces tua multa nimis: ita ut viderentur omnes incircumcisi, à gratia & salute exclusi, etiam ad hoc responderet Apostolus duabus rationibus. Prima quòd nec propterea poterat gloriari, cum essent præuicatorum legis. Quia circumcisio illa tum demum proderat, cum seruabatur lex, cum lex solum ad circumcisos pertineret, tametsi veniret circumcisio ex Patribus, ut ait Dominus, apud Ioan. Altera, quòd neque hoc valebat ad excludendos omnes alios à salute, seu à potentia adipiscendæ salutis, ob id quòd non essent filij circumcissionis. Quo in loco primùm aduerte, Apostolū loqui secundum priorem statum, quando vigeat lex, & circumcisio: Quicumque enim circumcidebantur, statim vniuersæ legis faciendæ debitores constituebantur, alias subdebantur maledicto legis, ut testatur ad Galatas Apostolus noster. Et credibile est in ipsis conceptis verbis, & in solemnitate circumcissionis hoc ipsum exprimi consueuisse: sicut & nos in baptismo nomen damus, & fidem profiteamur, & renuntiamus satanæ, & omnibus pompis eius, & accipimus donū iustitiæ (quod in veste candida significatur) ad quod conseruandum obligamur. Quicumque igitur soluebat legem, quo modo poterat in circumcissione confidere, in qua inibatur pactum seruandæ legis? Vnde rectè ait, quòd circumcisio illa non seruanti legem, in præputium conuertitur:

De vi circumcissionis: Gen. 15.

Galat. 5.



Præputium verò significat obtusionē auris, & obturationem. Græce ἀποβυστία, à βύς. i. sepio & obturo aures, vnde contumacia & inobedientia significatur, & ignoratio diuine legis ac præcepti: in quo statu erant Gentes naturaliter ob antiquum peccatum. Vnde & ipse præputium vocabantur, vt sic à circumcissione (qua voce Iudæi appellabantur) distinguerentur: Addit:

*Quod si præputium iustitias legis custodiat, &c.* Vide vt in manu nostra est immutare id, quod natura sumus. Ecce ergo, sicut circūcisio in præputium euadit, si circūcisus legem non seruet, ita quod est natura præputium in circumcissionem computatur, si legis iustitias faciat. Appellatur natura præputium, qui non erat Iudæus. Nam qui ex illo populo erant, natura Iudæi dicebantur. Sic dixit Apostolus: Nos natura Iudæi, & non ex Gentibus peccatores. Et hinc adipiscitur etiam quandam iudicij autoritatem, si id quod est natura præputium legis iustitias obseruet, qua potest Iudæum præuicacitatem legis condemnare. Est enim quoddam iudicium non quidem potestatis (nam hoc solius Dei est & Christi) sed, vt vocant, iudicium comparationis. Hoc autem tunc locum habet, cum ij qui minus tenentur aliquid facere, eò quod minus donorum acceperint, nihilominus tamen faciunt. Tales enim quodam modo suo facto, & sua adepta gloria, iudicabunt eos, qui magis tenebantur facere, cum plus donorum acceperint, nec fecerunt tamen. Hoc iudicij genere regina Austri, & Niniuitæ condemnabunt Iudæos, vt ait Dominus. Vocat autem præuicacitatem illos legis per literam & circumcissionem, quia litera legis eos obligabat ad sui obseruantiam, qui sponte ipsimet, Mose pronuncian-  
te, se subdiderunt legi, eaque omnia se facturos astrinxerunt, quæ legis erant, & dixerunt, Amen, super benedictionibus, & maledictionibus. Vnde non facientes quæ legis erant, ex ipsa vi legis præuicacitatem constituiebantur, & proinde sub maledicto. Et similiter per circumcissionem, in qua (vt diximus) legis ipsius obseruantiam promittebant. Vnde idem Apostolus ait: Testificor omni circumcidenti se, quod debitor est vniuersæ legis faciendæ. Nam inde accipiebant à Deo, vnde possent custodire. Verum quoniam multi crassi erant, & manebant in carne, solum quæ carnis erant considerantes, quæ autem spiritus non videbāt, nec adhuc hodie vident, idcirco eos docet Apostolus (si velint capere) quinam essent verè Iudæi, & quæ vera circumcissio, & ait:

*Non enim qui in manifesto Iudæus est, &c.* Quod sic interpretari oportet. Cum enim dupliciter intelligatur Iudæus, & secundum carnem in manifesto, id est, descendens ex illo Iuda, vel fratribus eius, qui fuit filius Iacob: etiam secundum spiritum in occulto, id est, descendens ex vero Iuda, id est, confessore Christo, qui bonam & confessionem fecit coram Pilato, & Anna, & Caipha, vt patiens se innocentem ab iniquis iudicari, mereretur accipere iudicium: propter quod dixit: Ex hoc autem erit filius hominis sedens à dextris virtutis Dei. Cum (inquam) hoc pacto dupliciter Iudæi intelligantur, qui secundum carnem sunt, ij sunt qui ex Abraham venerunt per carnem. Qui autem secundum spiritum, hi sunt qui verè credunt sicut Abraham fidelis, &

ipso opere obedientes, sicut ille, confitentur Domino quoniam bonus, quoniam in seculum misericordia eius. Confiteri enim solum verbo, non autem etiam opere & facto, non est confiteri verè & acceptabiliter coram Deo. Modo si quæramus qui nam verè, id est, coram Deo, Iudæus reputabitur, an qui in manifesto tantum Iudæus fuerit, hoc est, secundum carnem tantum: An qui in occulto secundum spiritum? Audacter Apostolus docet (si velint capere) non eum, qui carne tantum Iudæus est, Iudæum esse, scilicet, verè & coram Deo: neque eam quæ tantum in carne est, vel in litera (quod idem est) circumcissio, circumcissionem esse, vt similiter intelligas coram Deo: Sed qui in occulto, id est, in spiritu, in interiori homine Iudæus est, quicquid ille sit secundum carnem, hic verè Iudæus est coram Deo. Et quæ in spiritu est, scilicet, ipsius cordis, non præputij carnalis, circumcissio: hæc circumcissio vera est, quoniam habet laudem à Domino, illa verò ab hominibus: quia homines vident quæ foris sunt & apparent, Dominus autem intuetur cor. Et ipse quidem Deus spiritus est, & ideo quæ sunt spiritus diligit, & coli vult & adorari in spiritu & veritate. Caro autem non prodest quicquam, nec apud Deum consideratur, nec regnum Dei possidere potest, nec subiici legi Dei. Sed o miseri Iudæi, qui adhuc hæc in tot annorum curriculum non percipiunt, sed gloriantur in carne, circumcissionem suam efferentes, cum secundum spiritum ipsi sit merum præputium, habentes clausas aures ad verbum fidei, quod est spiritus initium. Sed quoties, obsecro, exprobratum est in eos hoc vitium, quod essent incircumcisi corde, & auribus? Vnde Moses, *Deut. 10.* Circumcidite (inquit) præputium cordis vestri. Et Ieremias similiter ait: Circumcidimini Domino, & auferre præputia cordium vestrorum, viri Iuda. *Ier. 4. 6. 9.* Quocirca conqueritur Dominus apud eundem prophetam, omnem domum Israel incircumcisam esse corde. Et alibi idem: Incircumcisæ sunt aures eorum, & audire non possunt. Sed & Ezechiel hanc duplicem circumcissionem notat, videlicet cordis, & carnis. Vnde & B. Stephanus hoc in illos obiecit, aiens: Dura ceruice & incircumcisi corde & auribus, semper Spiritui sancto resistitis. Sed vtinam hic esset Iudæorum error tantum, & non etiam Christianorum, cum plerique baptismum solum secundum literam gerant, & in eo confidunt, contemnentes verum baptismum cordis. Vnde nescio an verendum sit, ne multi paganorum magis tali baptismo baptizati sint, quam multi Christianorum, eò quod illi magis euangelica præcepta custodiant, & euangelij iustitias, ita vt eos sint iudicaturi, cum patebit veritas. De qua re ego alibi proprio tractatu. Neque tamen putandum est, propterea antiquam illam carnis circumcissionem inanem fuisse atque superfluum, sicut nec est superfluum baptismus secundum literam. Homines. n. quia carnales sunt, indiguerunt etiam sacramentis, quæ secundum literam & carnem aptata, declararent nobis ea quæ Dominus spiritualiter operari dignatur id cordibus nostris. Et vt ait B. Augustinus, necessaria sunt ad vnum religionis cultum ab omnibus obseruandum.

*In Iudæorum duritiā.*

*Deut. 10.*

*Ier. 4. 6. 9.*

*Act. 7.*

*Gal. 5.*

*Nota qui vere Iudæi erant, & quæ vera circumcissio. Marc. 14.*



## CAP. III.

**Q**UID ergo amplius Iudæo est? aut quæ utilitas circumcissionis? Multum per omnem modum. Primum quidē: quia credita sunt illis eloquia Dei. Quid enim si quidam illorum non crediderunt? Nunquid incredulitas illorum fidem Dei euacuauit? Absit. Est autem Deus verax, omnis autem homo mendax, sicut scriptum est: Vt iustificeris in sermonibus tuis, & vincas cum iudicaris. Si autem iniquitas nostra iustitiam Dei commendat, quid dicemus? Nunquid iniquus est Deus qui infert iram? (Secundum hominem dico) Absit: Alioquin quomodo iudicabit Deus hunc mundum? Si enim veritas Dei in meo mendacio abundauit in gloriam ipsius: quid adhuc & ego tanquam peccator iudicor, & non (sicut blasphemamur: & sicut aiunt quidam nos dicere) faciamus mala, vt veniāt bona? quorum damnatio iusta est.

**Q**uoniam ex dictis videbatur (male tamē colligentibus) sequi, nullam esse præcellentiam Iudæi respectu Gentilis, si solum observatio mandatorum beatum faciebat, & ita Gentilis sicut Iudæus poterat illa seruare natura dictante, ostendit id perperam colligi: quoniam multa erat utilitas & circumcissionis, & à lege, per omnem modum, id est, omnino multo præcellerat Iudæus. Et id quod erat præcipuum declarat, dicens:

*Primum, quia credita sunt illis eloquia Dei.* Quæ sunt autē eloquia Dei, nisi beneplaciti sui de Christo venturo cœlestis reuelatio? in quo benedicendi essent omnes, & instaurandi in amicitiam Dei. Vbi nota, quod eloquia Dei vocat ea, quæ promissionem habebant vitæ æternæ. Vnde scriptum est: Eloquia Domini eloquia casta, argētum igne examinatum, purgatum terræ, probatum septuplum. Dixerunt Israhelitarum ad Moysen: Non loquatur nobis Dominus, ne fortē moriamur: loquere tu nobis, & audiemus. Et Dominus iterum dixit Moysi: hæc dices filiis Israel, Vos vidistis quod de cœlo locutus sum vobis. Non facietis Deo argenteos, nec Deos aureos facietis, &c. Et sequitur: In omni loco, in quo fuerit memoria nominis mei, veniam ad te, & benedicam tibi. Hæc igitur erant de cœlo eloquia secundum sapientiam spiritus intellecta. Non aliud, n. annuntiabant quàm Christum, & verum Dei cultum, non in Iudæa solum, sed in omni loco, in quo esset sacrificium, & holocaustum, & pacificum acceptabile, Christus etiam aliquando dixit: Si literis Moyses non creditis, quomodo verbis meis credetis? Et alibi ipsemet declarat, quod verba sua erant spiritus & vita, & non promissiones carnales. Et discipulis ait: Vos mundi estis propter sermonem meum. Hoc igitur est summum, quod habuerunt Iudæi ex eis eloquiis præ Gentibus, videlicet, promissionem Christi, & dona consequentia Spiritus sancti: propter quod &

filij vocati sunt, si modo crederent, vt scriptum fuit. Ego dixi dii estis, & filij excelsi omnes: Et ad incredulos: Vos autem sicut homines moriemini, & sicut vnus de principibus cadetis. Vnde Apostolus inferius: Quorum adoptio est filiorum, & gloria, & testamentum, & legislatio, & obsequium, quorum patres, ex quibus est Christus, &c. Gentes ergo cum in suo naturæ libro essent relictæ, vt per visibilia vestigarent inuisibilia, & inde Christum quærent (si fortē valerent attingere) multo inferioris erant conditionis quàm Iudæi, qui ex Dei eloquiis proficere & facilius & validius poterant quod tamen multi eorum non faciebant. Sequitur:

*Quid enim si quidam illorum non crediderunt?* Commendat Apostolus diuinam tanti beneplaciti firmitatem, quæ non retrahit manum gratiæ suæ propter quorundam infidelitatem, in quos conqueritur Dominus per prophetas, vt in incredulos & subuersores, vnde scriptum est: Non crediderunt verbis eius, & pro nihilo habuerunt terram disfidabilem. Propriè enim verba Dei (vt diximus) sunt quæ de Christo loquebantur, & salutem veram ostendebant. His verbis non crediderunt, sed Dominum ad iracundiam prouocauerunt, & occiderunt prophetas, & omnes qui annuntiabant de aduentu Iusti. Nec tamē Deus est ita irritatus, vt desineret esse fidelis in verbis suis sed misit Filium suum sicut promiserat: quia ipse est verax, omnis autem homo mendax, scilicet vt homo est. Si autem verax est, hominis id excedit conditionem, & tunc ex gratia habet. Græcè legitur sic:

*Est autem Deus verax, ac si dixerit: Id sentiantas & statuamus de Deo, & de nobis, nepe quod nos mendaces sumus, & ipse fidelis est, vt iustificetur ipse in sermonibus suis, quos implet ex parte sua: & vt vincat cum iudicatur, aut cum iudicat, sicut aiunt haberi in hebræo. Sed B. Paulus sequutus Septuaginta, dicit: Cum iudicatur, ipse nimirum Deus Erasmus tamen hebraicam vocem ait esse ambiguum ad passiuam, & actiuam significationem: quod verius esse existimo. Iudicatur autem à perfidis, qui à propria iniquitate metiuntur illius immensam bonitatem, dicentes: Non faciet: Non parce: Non curat. Tunc ergo vincit, cum ostendit diuitias bonitatis suæ, pluens dona abunde, & seruans promissa fideliter. Et hæc victoria patebit in iudicio æterno, quod faciet in nouissimo die. Sequitur:*

*Si autem iniquitas nostra iustitiā Dei commendat, &c.* Erant qui ex B. Pauli prædicatione magnificantis bonitatem Dei, qui ex peccatis hominum natus erat occasionem suæ gloriæ, falsam conclusionem eliciebant, videlicet, esse peccandum, vt in de maior Dei gloria sequeretur, qui non contineret vel offensus misericordias suas: & ipsa Dei iustitia, qua videlicet ipse iustus erat, commendabatur, eò quod appareret mundo. Ex quo etiam videbatur sequi, quod esset iniquus iram, id est, vindictam inferens in perfidos & malos, quorum perfidia resultabat in gloriam eius. Protestatur tamen Apostolus hæc se dicere secundum hominem, id est, secundum cogitationem mendacis & corrupti hominis, & rem iudicantis secundum carnem materialiter, non formaliter, & nescientis separare quod est per se, ab eo quod est per accidens.

*Quæ sint eloquia Dei, & quomodo differant a verbis & litera Moyses.*  
Nota

Ioan. 5.

Psalm. 105.

Deus fidelis.

Homo mendax.

Calumnia in Apostolum.



Vnde primò tanquam exhorrescens dictum nephandissimum, ait: *Abst.* Et interimens illam ipforum conclusionem, addit:

*Deus iudex non potest esse iniquus quia summus.*

*Alioqui quomodo indicabit Deus hunc mundum?* Vis argumenti est in hoc, Mundi iudicium extremum, summum esse iudicium. Ergo est summi iudicis. Ergo est eius, in quem cadere iniquitas non potest: Alioqui quis emandaret? Non potest enim error in summa veritate inueniri, sicut nec in Ente summo quicquam passiua potentia, aut accidentis, ita nec in summo iudice iniustitia. Porro quia ex interempta eorum conclusione, nondum data erat ad eorum argumentum responsio, iterum recollegit argumentum, ut planius soluat, & ait:

*Si autem veritas Dei in meo mendacio abundauit in gloriam ipsius, &c.* id est, si fidelitas Dei, qua se veracem ostendit seruando promissa, in meo mendacio, id est, per meum mendacium, id est, infidelitatem. Induit enim hic Apostolus personam peccantis, & infidelis Deo. Si ergo, ait, ipsa Dei fidelitas abundauit, id est, excelluit, ob id quòd poterat sine iniquitate non seruare infideli datam fidem, iuxta cò mune dictum. Frangenti fidem, fides frangatur eidem: & si hæc abundantia bonitatis eius, qui reddidit non promerentibus quod promissit, resultauit in gloriam eius, *Quid adhuc & ego tanquam peccator, iudicor,* supple tu, & non potius verum sit illud, quod quidam aiunt (blasphemantes tamen) nos dicere: Faciamus mala, ut veniãt bona? Et subdit: *Quorum damnatio iusta est,* id est, damnatio eorum qui faciunt mala, ut eueniant bona, non solum si hac mente non facerent, sed etiam si illa mente facerent, id est, ut bona inde peruenirent, iusta tamen esset. Vbi nota quòd licet non videatur Apostolus adhuc resolvere argumentum in ipsa tamen vi verborum implicite continetur resolutio: quoniam ut manifestè falsum dimittit id, in quo sustentabatur còclusio hæc, nepe faciẽda esse mala, ut eueniãt bona. Sustentabatur enĩ in hoc quasi ex malo possit procedere bonũ: quod est impossibile, nisi per accidẽs. Ex malo enim per se, nõ nisi malũ procedit. Quod autẽ per accidẽs est, nõ consideratur à legislatore, sed id quod per se est. Non intelligas ergo hanc sententiam: *Quorum damnatio iusta est,* in eos dictam esse, qui blasphemabant Apostolum, calumniam in eum iacentes. Disputabat enim Apostolus de veritate morum, non de meritis calumniantium, idẽ potius paralogizantes redarguit, quàm minetur calũniantibus. Adde quòd blasphemia inscripturis propriè est, quæ à creatura in Deum est; & ab inferiore in superiorẽ, cum derogatur illius gloriæ, & maiestati. Quoniam verò Apostoli fungebantur legatione pro Deo (ut B. Paulus ait) omnis contẽptus, & iniuria in eos, tãquam in Deum facta computabatur: & idẽ erat penè blasphemia.

*Non sunt faciẽda mala ut eueniant bona.*

2. Cor. 5.

*Demendacio officioso.*

Nec illud omninò prætereundum est, Si non sunt faciẽda mala, ut eueniant bona, nec officiosum mendacium dicendum esse ob quodcunque bonum. Vnde non excusarentur à peccato, nec Iacob, neque obstetrices illæ ægyptiæ, nec Iudith, & alij, qui cum sancti essent, & commẽdationem habebant à scripturis, in hæc tamen mendacia & prouidenter, & consultò venerunt. Sed hæc quæstio alium sibi proprium locum postulat. Fuerunt enim

qui officiosum mendacium non esse peccatum existimarunt ex doctrina Platonis, in quam sententiam B. Hieronymus inclinare videtur & B. Chrysostomus in illo pulcherrimo libr. de sacerdotio. Interim ad solatium piorum illud animaduertendum est, non defuisse calumniatores tanto Apostolo etiam in doctrina: ut discamus & nos pati, si quando etiam cum calumnia obrectatores nostri nos de doctrina reprehenderint, ne hac in parte simus Apostolis faciliores.

Quid ergo præcellimus eos? Nequaquam. Causati enim sumus Iudæos & Græcos, omnes sub peccato esse, sicut scriptũ est: *Quia non est iustus quisquã: non est intelligẽs: nõ est requirens Deũ.* Omnes declinauerunt, simul inutiles facti sunt, nõ est qui faciat bonũ, nõ est vsque ad vnum. Sepulchrum patens est guttur eorum, linguis suis dolosè agebant, venenum aspidum sub labiis eorum. Quorũ os maledictione & amaritudine plenum est, veloces pedes eorum ad effundẽdum sanguinem. Contritio & infelicitas in viis eorum, & viam pacis non cognouerunt: non est timor Dei ante oculos eorum.

Ostenfa prærogatiua Iudæorum per legem, & eloquia Dei olim illis credita, & circumcisionem mandata, ut esset populus Dei peculiaris, nunc vult ostendere, quòd in Christo & in euangelio non præcellunt, scilicet, ut illi putabant, qui iudicabant Gentes, putantes non posse illas salutem assequi, nisi & ipse fierent sub Mose & lege, & transirent in eorum coloniam, non cogitantes quòd in Christo non est Iudæus, neque Græcus, sed noua creatura. Incipit ergo post quæstionem positam, cum ait: *Quid ergo præcellimus eos?* Et postquam respondit, *nequaquam,* probare respõsum ratione: quoniam respectu Christi, omnes inueniuntur sub peccato, tã Iudæi quàm Græci, & aliquo modo etiam magis Iudæi. Esse autem sub peccato, idem est quòd habere peccatum, id est, concupiscentiam dominantem, à qua indigebant liberari per Christum omnes, & sic pares erant. Quòd autem omnes essent sub peccato, inde accipit, videlicet, ab effectu: quia maiores tam in lege naturæ, quàm Moyses, non restiterunt illi peccato, sed in profundũ malorum venerunt, sicut superius primo & secundo cap. præcausatus est Apostolus vtrunque populum, videlicet, Iudæos & Græcos in maioribus eorum, ut inde minores colligere liceat. Nam accusando maiores, & minores simul accusantur. Si enim lex naturæ, aut Moyses, fuisset satis ad tollendum peccatum, profectò non inuenta fuisset (saltem in maioribus eorum) tanta transgressio & contumacia, ut supponit Apostolus. Supponit autem, illos qui seruauerunt legem naturæ & Moyses (quales fuerunt quos commendat scriptura) nec ad naturam attinuisse, nec ad Moysen, sed ad Christum & gratiam: non enim erant sub lege, sed sub gratia. Neque verò in hoc erant inexcusabiles, quòd peccauerint sub eis legibus existentes, sed in hoc,

*In Christo, non præcellunt Iudæi, ut minus egeant saluari per fidem quàm Gentes.*



quod cum illis via esset ad sanitatem per Christū, viam tamen illam non curarunt: ideo inexcusabiles redditi sunt. Non enim iniustus est Deus, qui exigit impossibilia ab homine. Nam quod erat impossibile homini per legem, reddebatur illi possibile per Christum, quem lex ipsa & prophetæ Iudæis ostendebant. A gentibus autem non exigebatur explicita fides de Christo, sed satis erat implicita, ad quam poterant peruenire natura intus prædicante & Angelis bonis confirmantibus Dei prouidentiam, quod inquirentibus se remunerator esset futurus, sicut superius diximus. Post hoc autem subiicit probationem à scriptura sumptam, & subdit:

*Vis peccati orig.*

*Non est iustus quisquam, &c.* In psalmo autem, ad quem respicere videtur Apostolus, non sunt hæc verba in litera, sed in sententia, legitur enim: Dixit insipiens in corde suo, non est Deus, id est, Adam pater noster, in corde suo, id est, in voluntate sua contumaci, & operante malum, dixit: Non est Deus. Est enim idololatria quodam modo non obedire facto siquidem ipso negatur. Deus & bonus, & iustus: dicit enim qui peccat: Non puniet Deus, non vindicabit: quod est quodam modo negare Deum, cui iustitia negatur, & veritas. Ex eo autem Adæ insipientis peccato declarat Psalmista quid inlequitum sit, nimirum quod sequitur:

*Corrupti sunt, & abominabiles facti sunt in studiis suis,* id est, ex eo peccato id consequutum est, vt omnes homines corrupti, & abominabiles facti sint in studiis suis. Et inducitur Deus tãquam prospiciens de cælo, vt videret, esset ne aliquis intelligens, aut requirens Deum: & respondetur:

*Omnes declinauerunt, &c.* Et hoc non est aliud, quàm non esse iustum quenquam, nec intelligentem, aut requirentem Deum. Quanquam & hoc ab Isaia, prædictum fuit: Non est, inquit, qui inuocet nomen tuum, qui confurgat & teneat te. Nam cum duo essent dona, quibus honorauit nos Deus in patre nostro Adam. Primum, iustitia illa originalis qua & inferiores animæ vires reprimebantur à parte superiori, id est, à ratione, ne contumaciter rebellarent & ipsa ratio Deo subdebatur. Alterum verò Gratia, qua ad cælestia promouebatur vt filius, & spem hæreditatis habebat: nato peccato, & subtractis illis donis, factum est vt omnis iniustitia vigeret in nobis: quoniam & mens alienata est à Deo, & à mētis imperio inferior sensitua pars rebellauit, vt ad se illà attraheret, idque meritisimè. Qui enim superiori non parer, dignum se constituit vt inferiori subdatur: quod est sanè innaturale, si naturam rectam consideremus. Hoc enim nunquam fecit Deus, cuius opera sunt perfecta. Ergo hoc tam peruersum atque preposterū, à peccato venit. Vnde benè sequitur:

*De impotentia natura.*

*Non est intelligens, aut requirens Deum,* id est, ex eo quod corrupti inuenti sunt omnes homines propter peccatum, ipso iustitiæ dono amisso, & abominabiles redditi amissa gratia, hinc est quod nō poterat inueniri faciens bonum, nec vnus quidē. Quod autem dicit, non esse qui Deum intelligeret; sic oportet accipi: quia ex puris naturalibus (Deo non auxiliante) non poterat homo assequi talem de prouidentia Dei cognitionem, videlicet ipsum Deum esse finem hominis, & fœlicitatem

eius, sicut reuera est. Et ideo nullus poterat Deum inquirere vt eo potiretur: quia non erat pactum Dei vllum tale manifestum cum hominibus. Quis enim vnquam inquisiisset, quod ignoraret? Sola autem fide hanc de Deo notitiam consequimur, videlicet & Deum esse, & remuneratorem inquirentium se, vt docet Apostolus: Et hinc sequitur:

*Omnes declinauerunt, simul inutiles facti sunt.* Fieri, n. non potest, quin homo amet aliquid. Extincta autem fide & spe cælestium, oportuit terrenum esse quod amaret, & sic declinare oculos, & statuere in terram propter concupiscentiæ pondus, quo trahitur anima ad inferiora, & crescit pondus indies, etiam hoc pacto inutiles omnes constituti sunt: quia nec sibi, nec proximo vtilitatem asferre valebant vllam veram, quæ ad veram salutem faceret. Nec item Deo: quanquam Deus in se nihil vtilitatis ab homine consequi potest, qui nullius boni indiget. Et sic iterum rectè concluditur: *Non est qui faciat bonum, non est usque ad vnum.* Et quoniam non operantes bonum, necesse est corrui in barathrum iniquitatis, idcirco additur:

*Sepulchrum patens est guttur eorum.* Hoc autem ad intemperantiam pertinet. Per guttur enim omnē carnis libidinem intelligimus, quæ appositè comparatur patenti sepulchro, quod seculentam carnem quodam modo concupiscat, & vorer. Vnde & græcè sarcophagon dicitur. Sunt qui per guttur intelligunt internas cogitationes prauas, quæ si proferantur, quasi sepulchrum patens, fetorem emittunt foras intolerabilem: quæ intelligentia nō mihi videtur esse reprobanda. Quod verò ait:

*Linguis suis dolose agebant:* Ad iniustitiam eleganter refertur, per quam nocemus proximo, & tu maxime id lingua agimus, dum promittimus fraudulenter, aut promissa negamus, aut falsò accusamus, testificamur, iudicamus, & aliis multis modis decipimus in cōmerciis, & distributionibus.

*Venum aspidum sub labiis eorum.* Hoc ad malam doctrinam pertinere videtur. Nam aspidum venenum est insanabile, cuius contactu tabescit caro, & obstupescens homo in stuporem lætiferū conii citur. Hoc diligenter attendant, qui cum hæreticis conuersantur: tales enim fiunt. Remedium est ergo præsentaneum, vt protinus fugiant. Vel potest hoc aptari ad odium, quo alter alterum plusquam hostiliter infectatur & diabolicè ad perniciem: vn de sequitur:

*Quorum os maledictione plenum est.* Est enim ira quædam potens, omniumque irarum pessima, qua maledici fiunt & amari, qui ea inuaduntur. Quæ autem hætenus citauit Apostolus, ex 5. & 9. & 13. Psalmo accepta sunt.

*Veloces pedes eorum ad effundendum sanguinem.* Ex Isaia citatum est. Et euidenter homicidij peccatum exprimitur. Et quod ait: pedes ad effundendum, nō solum corporis, sed etiam animæ pedes intelligas, id est, affectus cordis, quibus etiam homicidium completur coram Deo, licet non sequatur factū, si modo perfectus consensus adsit: & pulchrè sequitur:

*Contritio & infelicitas in viis eorum.* Quicunque, n. finem quemlibet sibi præstituunt in rebus humanis, antequam illum assequantur, sapius in medio cursu coneruntur, & deficiunt. Vnde conque

*Cōsortium aut hæreticis fugiendum.*

*Anima suos pedes habet.*



Sap. 5.

ri tandem coguntur, & cum gemitu dicere: Ambulauimus vias difficiles. Quod si etiam assequantur, etiam infelices sunt: quia falso bono delectantur, quo velociter priuantur, & miserè. Opponit autem viis eorum, quas ambulabant, & in quibus erat cōtritio & infelicitas, viam pacis, quam non cognouerunt. Pax enim sequitur fœlicitatem. Non cognouerunt autem (inquit) quia nec ex se ipsis poterant cognoscere. Via enim ad pacem & fœlicitatem, erat Christus & ipse pax nostra, à cuius notitia longè aberant, in eiusmodi & delictis & miseris persistentes, tanquā sedentes in tenebris & vmbra mortis.

De timore Dei.

*Non est timor Dei ante oculos eorum.* Hoc ex nono psalmo acceptum est: quod ad omnem Dei timorem aptari potest, scilicet, quo timetur vt potens inferre malum, aut auferre bonum. Sed hi timores ex proprio procedunt amore, quo homo malum suum exhorret, & bonum suum concupiscit. Nam homo in puris naturalibus non potest inferni pœnas metuere, quas ignorat: aut amissionem paradisi, de quo non cogitat. Nec potest timere aliquam pœnam temporalem à Deo, quem nō curare nostra existimat. Non est autem dubiū, quòd timorem illum sanctum, qui permanet in sæculum sæculi, qui ex amore Dei oritur, quo timore timetur Deus vt pater, vt bonus, vt iustus, vt dignus omni cultu, & obsequio, & reuerentia, nullus poterat tunc habere, cum nullus illum vt patrem nosceret, & adhuc nullus esset bonus & sapiens, vt quæ Dei sunt, non quæ hominum, diligeret: & de hoc timore præcipue verum est hoc. *Non est timor Dei ante oculos eorum:* Hic timor consummatio est sapientiæ, vt inquit scriptura, & in hoc est verus Dei cultus, quo meretur homo exaudiri: vt ait Apostolus de Christo, quòd exauditus est pro sua reuerentia, id est, quia timore Domini repletus est, & reuerentius est Deum.

Eccl. 21.

Heb. 5.

Quæstio  
quo pacto  
sit verum  
neminem esse  
iustum.

Verum circa prædicta incidit quæstio, videlicet, quonam modo verum sit nullum esse iustum, cum multi in scripturis de iustitia commendentur? Ad hoc facile respondetur: quoniam scripturæ illæ manifestè loquuntur de filiis hominum, id est, de natura hominis, qualis esset, si sibi relinqueretur, quæ satis apparet in his, qui adhuc homines manent, id est, in statu naturæ amissa iustitia, & non recuperata gratia per Christum. Quod vt intelligeremus, introducitur Deus respexisse super filios hominum, vt videret num vllus esset eorum qui intelligeret, aut requireret Deum: & nullus prorsus inuentus est. Qui autem tales non fuere ( fuerunt enim multi non tales) vel ex Iudæis vel ex Gētibz, ex gratia Dei assequuti sunt vt tales non essent, non ex seipsis: & ideo computandi sunt cum aliis secundum naturam, vt filij hominum. Itaque secundum gratiam non iam filij hominum, sed filij Dei censendi sunt. Nam omnes homines proculdubio tales fuissent, quales describuntur à scriptura visi ab ipso Deo, qui videt omnia futura vt sunt in causis, quum certæ & determinatæ sunt causæ ipsæ ad futurum certum. Iudicium enim datur secundum naturam rei: sicut medicus rectè dicit ægrotum sanandum, si hoc videt in causis: licet fortè ex alio accidente non sanetur. Sic omnes homines dicuntur fuisse iniusti, ex eo quod tales ex

sui natura fuissent nisi gratia peruenisset. Nec aliter intelligi potest hæc scriptura, & multæ similes, quas (quia non intelligunt hæretici) longè aberrat à veritate: & similiter nonnulli ex nostris, qui hoc in loco etiam hærent: ideo variè exponitur, & nō aptè. Verum tribus verbis cuncta dissoluit. B. Augustinus dicens: Hic verus est intellectus: quia nemo intelligitur bonum fecisse, nisi ille monstraue rit. Ideoque rectè dicitur, nullum fecisse bonum: quia quod fecit quisque bonum, non ipse, sed gratia Dei secum fecit. Ipse autem ex se, non nisi malum fecisset.

Scimus autem quoniam quæcunque lex loquitur, iis qui in lege sunt loquitur, vt omne os obstruatur, & subditus fiat omnis mundus Deo: quia ex operibus legis non iustificabitur omnis caro coram illo. Per legem. n. cognitio peccati. Nūc autem sine lege iustitia Dei manifestata est, testificata à lege & prophetis. Iustitia autem Dei per fidem Iesu Christi, in omnes, & super omnes qui credunt in eum. Non enim est distinctio. Omnes enim peccauerunt, & egent gloria Dei, iustificati gratis per gratiam ipsius, per redemptionem quæ est in Christo Iesu, quem proposuit Deus propitiatorē per fidem in sanguine ipsius, ad ostensionem iustitiæ suæ, propter remissionem præcedentium delictorum, in sustentatione Dei, ad ostensionem iustitiæ eius in hoc tempore: vt sit ipse iustus, & iustificans eum, qui ex fide est Iesu Christi. Vbi est ergo gloriatio tua? Exclusa est. Per quam legem? factorum? Non: sed per legem fidei. Arbitramur enim iustificari hominem per fidem sine operibus legis. An Iudæorum Deus tantum? Nonne & Gentium? Immo & Gentium. Quoniam quidem vnus est Deus, qui iustificat circumcisionem ex fide, & præputium per fidē. Legem ergo destruimus per fidē? Absit: sed legem statuimus.

*Scimus, &c.* Occurrit Iudæo, qui fortè diceret hæc scripturam, quæ omnes sub peccato ponit, non at tinere ad Iudæos, sed ad Gentes tantum. Vt autem contra hoc probet, sumit: Quòd quæcunque scriptura loquitur, nō ad Gētes, sed ad Iudæos loquitur, qui sunt in lege. Cui propositioni si & hoc adiunxeris, quòd scriptura eos, ad quos loquitur, constituit sub peccato (quod Apostolus qui alloquebatur Iudæos instructos in lege, vt per se manifestū tacet) planissimè sequitur, & ipsos sub peccato existere. Nam illis promissus fuit Redemptor, & Saluator à seruitute Diaboli & peccati, vt omnes prophætæ, & præsertim Isaias, testificantur. Hic tamē nota, legis appellationem ad totam veterem scripturam significandam extendi. Nam quandoque pro sola scriptura Moseos accipitur, & quando-



que pro ea sola parte, quæ legem continet, vt prudens lector ex varijs scripturæ locis potest addiscere: quod & diligenter in loco est obseruandum. Sequitur:

*Vt omne os obstruatur*, id est, ex hoc consequitur, neminem posse mutire coram Deo, & de sua iustitia se iactare. *Et subditus fiat*, græcè *ἐπίδοξος*, id est, obnoxius, aut reus, *omnis mundus*, seu potius, totus mundus: (Nō enim sunt plures mundi) *Deo*, id est, non solum Gentes, sed etiam Iudæi: quia omnes caro facti sumus, absque verbo Dei & spiritu: Vnde ait:

*Quia ex operibus legis*, non solum cæremonialibus, verum etiam quibuscunque operibus (tamen si quidam ex nostris aliter exponant, sed non exactè considerantes, sicut fecit postmodo B. Augustinus) *non iustificabitur omnis coram illo*, id est, nulla caro iustificabitur, id est, nullus homo vt est in puris naturalibus, ex operibus legis. Caro enim appellatur homo natura: quoniam natura quæ sunt carnis diligit. Hic igitur existens iniustus, nullo erga Deum tenetur affectu propter carnem, vnde legimus: *Qui in carne sunt*, Deo placere nō possunt. Spiritus enim est qui viuificat. Et ideo per spiritum viuificatur homo, id est, per gratiam & charitatem, quæ dicitur lex spiritus, non per opera quæcunque, quasi meritoria primæ iustificationis quæ fit in baptismo: quia primam gratiam nullus potest mereri. Alioqui si per opera acciperetur spiritus, gloriari posset homo in semetipso, & non inueniretur reus & subditus Deo, & misericordiæ illius non indigeret: contra quod Apostolus vehementer disputat, & inuehitur. Et doctè ea loquitur, quæ caro non potest intelligere, quia caro est. Intelligat ergo spiritualis homo, quod non iustificatur caro per legem, sed per fidem: quia spiritus est qui iustificat. Spiritus autem ex fide, est, non ex lege: quia nec lex est ex fide, vt ait Apostolus. Quid est non esse ex fide, nisi quod non sequitur, sed præcedit fidem? Ab ipso tamen spiritu caro mortificatur, vt qui accipit spiritum, non sit iam vltèrius caro, sed sit spiritus coram Deo, vt docet ipse: *Qui adhæret Deo, vnus spiritus est*. Et Dominus: *Qui natus est ex carne, caro est*. Et qui natus est ex spiritu, spiritus est. *Qui ergo manet in carne*, non est iustitia Dei in illo, vt coram Deo iustificetur, nec facultas vlla ad promerendum spiritum. Vnde Dominus ait: Nō permanebit, seu non iudicabit, aut non rixabitur spiritus meus in homine in æternum, quia caro est. Homo igitur qui non est iustificatus spiritu, caro est. *Quamobrem* vt ista caro iustificetur, & in spiritum euadat, Deo superno adiutore eget. Deus autem non mouetur carnis operibus: quamuis opera illa carnis essent etiam opera legis. Vocat autem legis opera non ex eo tantum quod in lege præciperentur, sed potius quod fierent virtute legis, animo scilicet mercenario, & timore seruili, non ingenuo liberaliter, & ex amore diuino. Nam hæc demum sunt opera quæ Deo grata sunt, vt hic sit in opere iustificationis rectus ordo. Primum audit homo quæ proponit Deus de Christo suo: tum de nostro statu & cōditione. Cui auditui si credit, gratis Dei iustitiam, hoc est, charitatem ex fide adipiscitur, per quam charitatē, siue iustitiam, ipsa fides postmodo amanter ope-

ratur ac liberalitet (sicut oportet) ad perfectam & absolutam iustificationem. Vt intelligas, quod illa solummodo opera, quæ post acceptam fidem facta fuerint, iustificans amplius iam iustificatum ex fide. *Qui enim iustificatus est*, ad cursum iustificatus est: vt sicut iustificatur ex fide ad cursum, sic ex ipso cursu iustificetur ad coronā, hoc est, ex operibus bonis perueniat ad requiē. Nō igitur excluditur hoc in loco bona iustificati hominis opera quæ ex spiritu præcedunt & ex fide, ad augendam iustificationem, & tandem promerendam vitam æternam, quæ opera Deo summoperè placent: sed excluduntur opera hominis adhuc in carne existētis, & in proprijs viribus confidentis. Dānat enim Apostolus apertè vanitatem illam Iudæorum, & perniciosam eorum præsumptionem, qui confidunt in operibus legis abiecta fide: ac simul docet veram hominis conditionem quod suapte natura caro sit. Et hoc est quod primum agnoscere debemus & fateri, videlicet, nos esse reos, & sub peccato & morbo. indigentes misericordia Dei, & sanitate: vt sic deinde nobis cōmodè medicus, & medela monstretur, ac propinetur. Hęc est Iesus Christus, in quem credentes iustificamur primum ex fide, quia ex hac fidei nostræ professione inclinatur ille ad sanandum nos per Spiritum sanctum, in fundens in corda nostra in lauacro vitæ, gratiam & charitatem suam, quæ à macula & contagione peccati mundamur, grati facti Deo, vt sic deinde inuocantes eum per bona opera, perfectè iustificemur ad meritum vitæ æternæ, & sic tandem obtineamus salutem. Hæc sunt quæ nolunt capere hæretici, ad quæ tamen si non perturbato animo attendent, & diligerēt magis veritatem, quàm gloriam sophisticam, proculdubio nobiscum sentirent quia res iam patefacta est, & iungeremus dexterar. Sequitur:

*Per legem enim cognitio peccati*, aut potius (vt Græca vox significat) *agnitio peccati*. Arguit potenter Apostolus, quod lex non induceret iustificationem, quia non tollebat peccatum, sed magis hoc faciebat, vt agnosceretur. Et dixit, agnitio; Quia quod ab initio cognoscebatur, recognoscitur; & quod ex tot & tantis miserijs nostris poterat quodam modo coniectari, aut suaderi, per ipsam legem à Mose traditam clarè agnoscitur. Neque verò erat possibile hominem habentem peccatum, & consequenter odium Dei super se, sic odiosum Deo existentem, posse se iustificare. Et peccatum voco concupiscentiam carnis dominantem, quæ ex peccato naturaliter inest homini, & ad peccatum trahit illum. Dico naturaliter, significans non bonam & integram, quæ fuit à Deo ab initio, sed malam & corruptam naturam, quæ à peccato nostro consecuta est. Lex autem solum hoc efficiebat, vt peccatum agnosceretur, id est, vitium nobis inhærens & dominans. Agnoscebat autem hoc ipso, quod prohibebat lex homines concupiscere. Prohibebat enim hoc tanquam malum & peccatum ex se, & consequenter tāquam innaturale. Et cum homo sentiat vim concupiscendi in semetipso insitam atque innatam, ita vt non valeat non concupiscere, manifestè comprehendit, hoc vitium natura in se inesse, vnde hæc necessitas venit. Quoniam nam Deus & natura, quæ à Deo est, non po-

Nota quædam sint opera quæ iustificanti, & quæ nō:

De utilitate legis Moyses, &c. fine.

B. Aug. de sp. lit.

Rom. 8.

Nota, & cape hæc, acute, lector, & à multis quæstionibus explicaberis. 1. Cor. 6. Ioan. 3.



*Quare vocetur peccatum concupiscentia.*

1. Ioan. I.

test esse autor vitij, cognoscit hoc vitium esse naturale, non quidem secundum naturam à Deo constitutam, sed ad quam per peccatum decidimus. Deus enim neminem coniecit vnquam in necessitatem peccati. Ipse. n. condidit hominem rectum, sed is qui plus voluit sapere, quam oporteret, immiscuit se infinitis questionibus, ut testatur scriptura sancta. Videns igitur hanc malam naturam homo in seipso, ex vi legis cogitur confiteri eam venisse à peccato, non à Deo. Et ideo ipsa vocatur peccatum: quia defectus est, & à peccato est, & ad peccatum cogit. Et adhuc habere illam, non renatis peccatum est: quia tenentur non habere ex primo pacto in Adam, quo tenebantur retinere iustitiam illam primariam. Quicunque igitur fomitem habet (quilibet autem naturaliter habet) in peccato est assidue. Vnde scriptum est: Si dixerimus quod peccatum non habemus, nos ipsos seducimus, & veritas in nobis non est. Verum quia ab hoc debito liberamur per gratiam Dei, iam non imputatur ad peccatum homini in gratia existenti: quia illi non est peccatum, sed conuertitur Christiano in exercitium ad meritum, ut pugnet & superet. Quod autem ipsa caro concupiscat, si eius concupiscentias non sequimur, nihil habet damnationis, propter Agnum Dei Christum, qui assidue mundat sanctificatos aqua sua per iuge sacrificium in sanguine, quo tollit assidue peccatum mundi.

Nunc autem sine lege iustitia Dei manifestata est, id est, nunc autem iustitia Dei, id est, Christus, qui est iustitia nostra: Aut iustitia Dei, id est, ipsum iustitiæ donum, quod nobis obtinuit Christus, & nobis offertur sine lege, hoc est, absque Mosaicæ legis obseruantia. Hæc inquam iustitia, manifestata est, videlicet, à seipsa, & à prædicatione Apostolica, sine lege, id est, ut non conferat quicquam lex, id est, legis obseruatio, ad hanc iustitiam agnoscendam, & accipiendam. Non enim dicebant Apostoli, neque Christus prædicantes. Facite legem, & iustificabimini: sed dicebant. Credite euangelio, & induemini iustitia ex alto, & sic intrabitis sub lege, non Moseos, sed Christi: & tunc facietis legem & ampliorem facietis iustificationem vestram. Quod ergo ait: Iustitia Dei sine lege manifestata est, quantum attinet ad Gentes, haud dubium est, quod sine lege hæc iustitia illis est manifestata, cum legem non haberent. Quoad Iudæos autem etiam verum est: quia lex iam cessauerat, legitimè functa officio suo: quod fuit ostendere morbum, & medicum, & medicinam, quæ erat hæc ipsa Dei iustitia. Manifestata autem fuit miraculis, & prodigiis, & admirabili ac subita conuersione Gentium.

*Error hereticorum.*

Hæretici per Dei iustitiam intelligunt Christi iustitiam, id est, quia ipse Christus iustus fuit, & quam se apprehendere putant fide, & aiunt vocari iustitiam Dei, vel quia sola illa placet Deo: vel quia Deus illam ipsis largitur credentibus. Sed mirum quod hæc iustitia nunquam dicatur iustitia Christi, sicut dici debuisset in eum sensum, sed solummodo dicitur iustitia Dei. Insuper nouum est atque inauditum à sæculo, quod homo alterius iustitia, non sua sibi inhærente, denominetur iustus.

Hæc igitur via iustificationis aperta est omni

carni sine ope legis, ut lege postposita, quæ non me debatur, sed potius extimulabat vulnus & irritabat, fide primum inniteremur, quæ iam apertè nobis & morbum, & medicinam insinuat, vnde sanemur, iudicans nobis totum mysterium in homine, qui descendens de Ierusalem in Ierico, incidit in latrones: & cum exspoliatus, ac penè confectus esset, ab omnibus præteritur, præterquam a Samaritano nostro, cuius vnguento fouetur, & cuius humeris portatur ad hospitium, ut ibi perfectè curetur. In eo homine nos omnes contineri, & significari perspicuum est, qui in primo parente Adam prostrati, spoliati, & vulnerati sumus. Qui nos præterierunt. fuerunt patriarchæ & prophætæ, & Moses & Aaron, qui non poterant nos sanare. Nam & ipsimet nobiscum pariter fuerunt vulnerati, & sanari indigebant. Samaritanus autem Christus est, qui solus misericordia motus, factus est nobis proximus. Hic vinum infundit, & oleum, id est, charitatem & fidem: & alligat vulnera nostra suis sacramentis, & imponit super se in humeros suos, portans & delens in carne sua peccata & onera nostra, & debita, & facit nos quiescere in diuersorio. Hæc est ecclesia, in quam velut viatores diuertimus. Ibi est stabularius, cui cura de nobis committitur, in quo ecclesiæ significantur prælati. Si igitur tales nos esse, nobis ipsa fides mōstret, videlicet agrotos, & sanari indigentes, & per illam non ignoremus proximum nostrum Samaritanum, id confitentes obtinemus proculdubio vinum, & oleum quo sanamur absque ipsa lege, illa nimirum iam cessante, accedente vero medico, qui etiam dixit: Lex & prophætæ vsque ad Ioannem. Nam hic est Christus noster, & vsque ad illum duratura erat lex illa: non dico lex absolute, sed lex illa Moseos. Et bene dixit Apostolus, manifestata: quia licet prius etiam esset talis iustitia, occulta tamen erat, & paucis agnita: Nōdum enim erant dociles Deo testificata à lege, & prophetis, in figuris tamen & enigmatibus: & multis item locis satis apertè, nisi oculos clauderimus.

*Expositio parabola Samaritanorum.*

Matth. 23

Iustitia autem per Dei fidem Iesu Christi. Nam hoc solum nomen est sub cælo datum hominibus, in quo nobis est salus constituta. Et bene dicit: per fidem Iesu Christi, videlicet, quia illi creditur. Non est enim satis ad hanc iustitiam assequendam, credere Deo, & Mōsi seruo eius, nisi credatur Deo, & Christo filio eius. Aut per fidem Iesu Christi, id est de Iesu Christo, ut sit ipse materia quæ proponitur credenda, videlicet ipsum esse Redemptorem, Mediatorem, & Saluatorem nostrum. Nam in illo est summa & vera benedictio, quam speramus: vnde sequitur,

In omnes, & super omnes qui credunt in eum. In omnes, inquit, id est, erga omnes, non Iudæos tantum, sed etiam Gentes. Nam omnibus offertur Christus, Et super omnes, ac si dixerit: Etsi in omnes hæc Dei iustitia sit manifestata, qui vult omnes homines saluos fieri (quia prompta est ex parte sua omnibus exhiberi) his tamen solis cum efficacia obuenit, qui credunt in eum: vnde sequitur,

Non enim est distinctio, videlicet Iudæi & Græci, sicut olim erat quantum ad legem, quæ erat sola Iudæorum. Et reddit causam. Omnes enim peccauerunt, & egent gloria Dei, videlicet, quantum est

ex



ex seipsis, & eorum natura: Alioquin multi iam erant in gloria, nec ea indigebant. Peccauerunt autem omnes in Adam peccante: quod & apparuit ex propriis cuiuslibet peccatis, quæ ex illo primo exoriebantur, ut radice omnium.

*Iustificati gratis.* Si iustificati gratis, quomodo indigent gloria Dei, quam (in spe saltem) sunt assequuti iam iustificati? Respondebit aliquis: In spe sunt assequuti, non in re, ut etiam indigere dicatur, quicumque nondum sit eam re ipsa assequutus. Nos autem potius per eam voce in græcam. *Ingratiam* quæ est participium presentis temporis, interpretamur dispositos ad iustificationem, ut dicamus quod acceperunt eam facultatem posse iustificari gratis absque ullis prorsus operibus. Ne etiam dicas: quomodo verum est, quod omnes qui peccauerunt, & egent gloria Dei, gratis iustificati sint de facto, cum multi non iustificentur? Poterat ergo sic verti: *Qui gratis iustificantur*, hoc est, illi indigent gloria Dei, id quod habent capacitatis ad iustificationem, gratis habent. Et intellige gratis respectu ipsorum: quia cum adhuc impij essent, in hanc gratiam venerunt per fidem absque operibus. Non tamen omnino gratis respectu Christi, qui meruit pro illis, ut eos redimeret, & conciliaret Deo sua gratia, & operibus, & condignis meritis: unde ait,

*Per gratiam ipsius, per redemptionem qua est in Christo Iesu, &c.* Aptentur singula propriè. Primò enim redemit nos à servitute Diaboli, & peccati, & mortis. Secundò propitiavit nos (ut ita dixerim) Deo, & hoc in sanguine suo, seu per sanguinè suum, modò credamus: quia solùm credentibus applicatur hoc beneficium, nobis sanguinis sui pretio comparatum. Ille enim sanguis satisfecit Diabolo sitienti illū iniuste, ut iuste prædam suam amitteret. Satisfecit & peccato: quoniā à peccatoribus, qui erat sine peccato, iniustissimè punit<sup>9</sup> est: ut sicut ipsum peccatum ausum est ius accipere in innocentē, ita meritò ius quod habebat super nocentes, hoc ipsa iustitia polcete amitteret. Satisfecit & morti, cum per eius sanguinis effusionem, innocenter defecit ipsa vita, & mortua est pro nobis, ut hunc tantum mortis ausum iure vindicaret: ut quia ausa est in illum, in quem non habebat ius, irruere, meritò illud amitteret imperium, quod iure in alios habebat. Denique satisfecit & Patri, cuius etiā nos serui eramus, ut est apud Ieremiam: *Quia fecerunt (ait) irritum pactum meum, ego dominatus sum eorū.* Et iam dictū est, quod subditus factus est totus mundus Deo. Satisfecit autem Filius Patri pro nobis, quum obedienter in eius gloriam effudit sanguinè suum, ut sic sua obediētia inobediētia nostrè reatum, quem in patre nostro Adam contraxeramus, dimitteret. Meritò ergo sanguinis efficacia ostensa est, cum simul cum ipso sanguine, aqua munda effluxit à latere. Unde sanctificata est Ecclesia, quam redemit: ut sic dignè exhiberetur Deo immaculata, non habens rugam, aut quid tale.

Hæc autem sic ordinata sunt, ad ostensionem iustitiæ suæ. i. ipsius Dei, qua ipse iustus est. Sic enim exiebat iustitia nato peccato, ut esset qui pro peccato satisfaceret Deo volenti facere misericordiam. Et hoc voluit nobis Deus ostendere, ut appareret iustus, simul & bonus. Tunc enim verum factum est, quod ait Psalmista: *Misericordia & veritas ob-*

uiaverunt sibi: iustitia & pax osculatae sunt.

*Propter remissionem precedentium delictorum.* Nota hoc prudens lector. Vocat præcedētia delicta, quæ præcedunt fidem, & hanc Dei iustitiam, quæ donatur nobis: & præcedunt propitiationē, & primam conciliationem. Nam peccata quæ hanc iustificationem sequuntur, non eodem modo purgantur. Semel enim habemus crucifixum Christum ad delendum penitus cuncta, sicut ipse semel est mortuus. Postmodum verò, hoc est, pro delictis factis iam suscepta iustificatione, habemus eundem aduocatum apud Patrem, ut remittantur illa nobis, non sine supplicio tamen aliquo nostro. Nō enim voluntariè peccantibus relinquitur ulterius talis hostia pro peccato, sicut à principio. Qua de re tamen fusius suo loco dicemus. Et aduerte, quod simili modo potest intelligi de delictis præcedentibus aduentum Christi. Et ne quis conturbaretur quærēns, quomodo Christus fuerit propitiatio pro iis, qui præcesserunt aduentum eius, cum videantur mortui in peccatis, nec potuisse participare de pretio sanguinis nondum effusi. Respondet Apostolus:

*In sustentatione Dei, ut ostendēret iustitiam suam in hoc tempore.* Et sensus est, quod Deus sustentavit delicta priora, & præcedentia propitiationis effectum, in hoc quod in iudiciū illa non adduxit. Sustentavit autem illa, donec venit plenitudo temporis, & fieret propitiatio extendens se ad anteriora quoque tempora: quia Christi merita à Deo prædestinata ac præuila, quadam (ut ita dicam) retrotractione etiā antiquioribus profuerunt. Propterea scriptū est, quod Agnus patitur ab origine mundi: & non sicut habet quædam phantasia illa, qua nescio qui demones docēt, quod Christus realiter existens, non secundum carnem tamen, sed secundum animam, siue mentem passus est: quæ hæresis magis est contemnenda & obuoluenda silentio, quam argumentis refellenda. Ostensa est autem iustitia Dei in eo tempore, quando venit & verè passus est: quia tunc apparuit deletum peccatum, & sic satisfactum fuit Deo, ut & iusti qui præcesserunt, interim donec pro illis, & omnibus cum effectu pretium solueretur, detinerentur extra paradysum, ne possent videre gloriam & regnū Dei, antequam ipsius gloriæ Autor intraret in suam. Seruabantur enim in limbo, nullis tamen doloribus afflicti, sed in maxima spe venturi ad eos Redemptoris. Sequitur,

*Ut sit ipse iustus, & iustificans eum qui ex fide est Iesu Christi.* Tropus est, ac si diceret planius. Hæc sic ordinata sunt, ut sit ipse iustus, id est, ut talis cunctis appareat, qualis reuera est, videlicet, ipse Deus iustus: quoniam ex iustitia puniuit peccatum in carne Christi, quæ data est pro mundi vita. *Et iustificans.* Deus enim est qui iustificat, sed nō absque iustitia: quia enim puniuit delictum in Filio, ideo iuste voluit iustificare credentem, unde ait: *Eum qui est ex fide Iesu Christi.* Et hic est tropus. Dicitur enim ille esse ex fide, qui quodam modo sic renatus, novam essentiā nactus est: & novus homo effectus, iam peccato mortuus est, & vivit Deo, siue Iudæus fuerit, siue Græcus: unde subdit,

*Ubi est ergo gloriatio tua? Exclusa est.* Concludit ergo in Iudæū id quod volebat, & ita dixerat, videlicet,

Quomodo  
gratis iusti-  
ficamur.

Nota con-  
gruentiam  
redeptoris  
ac redeptio-  
nis nostræ.

Ierem. 31.

Nota hæc:  
Quomodo  
purgantur  
peccata post  
primā iusti-  
ficationem?

Apoc. 31.



in Christo Iudaū non præcellere, vt excludat eum, qui tamen in lege & Mose præcellebat: quoniam illi soli populo lata erat. Quia igitur fide aduentante cessauit lex, exclusa est gloriatio Iudæi: quoniā successit lex fidei, quæ ad omnes pertinet: ideo ait,

*Per quam legem?* exclusa est gloriatio tua, o Iudæe? *Factorum?* siue operum, & respondet, *Non, sed per legem fidei.*

*Nota verā  
intelligen-  
tiam legis  
operū, &  
legis fidei.*

Opponit (ne erres o lector) legem operū, legi fidei in hoc, quod lex operum (quæ erat Moyses) solum opera iubebat, sed nō adiuuabat vt fierent; & tamen nisi fierent, constituēbat homines sub maledicto. Lex aut fidei ea est, quæ licet ipsa etiam exigat opera, attamen illa ipsa opera per dilectionē operatur, & facit ea. Nam per legem fidei datū est homini, vt valeat iuste operari. Sensus ergo Apostolicus est, Iudæi gloriationem exclusam esse, non propter legem, quæ edicebat opera nihil mandans de fide, tanquam illam perfecisset gentilis absque gratia, & non Iudæus, cum æquē essent & Iudæi sub peccato, nec possent facere legem: sed gloriatio Iudæi exclusa iam erat per ipsam legem fidei, quæ non ad eos tantum pertinebat, verum etiam ad gentiles, & potens erat ipsa facere vt perficeretur, vt propterea dixerit Apostolus: In Christo Iesu neque circumcisio aliquid valet, neque præputium: sed fides quæ per dilectionem operatur. Et alibi aliis verbis idem Apostolus dixit: Circumcisio nihil est, & præputium nihil est, sed observatio mandatorum Dei. Hæc ergo perfectior de Christo fides, quæ communiter ab Iudæo & à Græco exigitur ad iustificationem, fecit excludi gloriationem Iudæi, qui omnem (quam habebat) gloriam ex lege habebat, ignorans quod neminem vnquam ad perfectionem adduxit lex illa, cum non daret spiritum in corde. Spiritus autem est qui viuificat, qui non datur nisi ex fide. Ergo lex fidei, quæ etiā lex spiritus, & lex charitatis, & perfectæ libertatis dicitur, quæ complectitur eloquia Dei salutaria, & nō lex operum (tamen si etiam essent eius legis præuicacatores Iudæi) excludit gloriationem Iudæorum: quia lex fidei infunditur, & sculpitur in corde: lex operum manet in tabulis lapideis. Ideo lex fidei facit opera per dilectionē, quæ res implet iustitiam, & facit hominem Deo gratum, & dignum vita æterna. Hoc autē impossibile fuit legi operū. Non enim spiritus viuificans, & potentiam donans ad operandum, ex lege Moyses accipiebatur, quæ solum carnali populo præcipiebat opera, sed ex lege fidei, vt meritō dicatur lex spiritus vitæ: quia per eum spiritū oritur virtus ad operandum. Lex enim operum, quæ in tabulis lapideis extrinsecus scripta est, non immutabat hominem natura corruptū, & ideo non operabatur quicquā boni in eo, sed magis exulcerabat vulnus: & eatenus operabatur qui sub lege erant, quatenus habebant virgā incutientem timorem: & quatenus continebat promissiones bonorum temporalium, aut minas pœnarum. Vnde quæcunque opera ex lege proficiscebantur, inueniebantur vestita dilectione propria, & sine dilectione Dei. Quamobrem habebat fortē aliquid gloriæ, sed coram hominibus. At coram Deo, erāt velut pannus menstruatus: quia debita pietate carebant, & debita iustitia, quæ ex charitate sola est, vt sit meritō acceptabilis coram Deo. Hoc igitur in loco impegerunt Iudæi, quia viribus propriis quæ-

siuerunt iustitiam, & non inuenerūt portam iustitiæ, quæ est fides, per quam ingredimur in Christū omnes. Ideo exclusa est maxima eorum gloriatio: imō maxima confusione aspersi sunt. Superati enim sunt à Gentibus hac parte: quia promptiores fuerunt ad fidem, quod tamen minus debuit esse. Vnde Dominus Ceterionem illum admiratus, dixit: Non inueni tātam fidem in Israel. Et ad Cananæam: O mulier, magna est fides tua: fiat tibi sicut vis. Concludit ergo Apostolus, & ait:

*Arbitramur enim hominem iustificari per fidem sine operibus legis.* De primo ingressu in Christum, manifeste loquitur, qui est per primā gratiam, qua conciliamur Deo, & renascimur. Hæc gratia, quæ donum Dei eximium est & supernaturale, nō potest quouis modo operibus vllis tribui, non solum illis quæ lux naturæ indicabat, sed neque illis, quæ iussit Deus per Moysen. Nec distinguendum est, vt dicamus hic solum de cærimonialibus loqui Apostolum, vt quidam volunt. Loquitur enim & de moribus, imō de illis maximē, vt rectē docet B. Augustinus: quoniā opera legis etiam moralia, non sunt via ad iustificationem primam, sed humilitas fidei. Per hæc enim intramus in portam iustitiæ, quæ est Christus, vt insiti in eo per spiritum, operari possimus, & operemur. Non ergo ait, quod iam fide suscepta, & per fidem accepto dono spiritus, hoc est, gratia & iustitia, non sit postmodo operandum, & non sint facienda opera, quæ lex mandabat, vt impleatur fides ad iustificationem perfectam (vt ait Frater Domini) cui debetur salus & vita æterna. Hoc, inquam, nullibi dixit Apostolus, aut vlla scriptura; quod tamen nunc hæretici blatterant. Est enim falsum, erroneū, & improbabilissimum dogma, cui refragatur vniuersa scriptura. Nam lex fidei iubet opera, sed opera fidei, non opera legis, id est, iubet opera iustitiæ Dei, non opera humanæ iustitiæ. Hæc enim opera (vt sæpe dictum est, & necessariō sapius adhuc repetendum) fiunt vel timore illius pœnæ, quam lex minatur, vel amore temporalis præmii, quod illa pollicebatur, seu mūdā gloriæ. At fidei opera à charitate veniunt, quæ est Spiritus sancti quādam participatio, & fiunt amore Dei Patris, & Christi Redemptoris nostri, in spe cœlestium bonorum, non autem temporalium. Hæc sepissimē inculcanda veniunt propter hæreticos. Siquidem & ipsemet Apostolus crebrō repetit, animaduertēs magnam in his (cum rectē intelliguntur) & fructuosam doctrinam consistere. Ob eam ergo rationem distinxit B. Paulus legem fidei à lege operum, per has notas, *fidei*; & *operum*, non quia in vtraque lege non similiter edicantur opera, sed quia per vtranque legem non similiter fiebant opera. Nam lex operum, vt Beatus Augustinus declarat, dictabat tantum, & mandabat ea fieri. Lex autem fidei etiam impetrabat vt fierent. Lex operum præmissa erat, vt indicaretur homini morbus suus, & experto cognosceret quod non poterat ea facere (vt oportebat) dignē Deo, quia infirmus. Lex fidei venit, vt agnita infirmitate, homo conuerteret se ad medicū & medelam, & sic sanaretur per fidem: quia per eam venit charitas desuper (vt diximus) sanans, & robur habens ad operandum, sicut oportet, amore Dei, vt sit verum Domini dictum. Credēti, omnia sunt

*Gētes promptitudine  
fidei Iudæos ante-  
uerterunt.*

*Nota.*

*Quæ differentia inter opera fidei, & opera legis: & legem operum, & legem fidei.*

*Gal. 5.*

*1. Cor. 7.*



possibilia. Quòd verò dixerat, *arbitramur*, notandū est, quòd eo verbo autoritatē apostolicā indicabat, & in ea sententiam suam statuebat. Erat enim Apostolus Christi, cui tenebātur credere propter ingētia signa ac testimonia Apostolatus sui in virtutibus, & prodigiis. Nec enim se solū adducit, sed etiam coapostolos, qui erant eius sententiæ, dicēs: Arbitramur, ac si expressius dixerit: Non ego arbitror, vt priuatus homo, sed vt Apostolus edoctus à Deo. Non sum enim solus, sed alij idem docēt. Noluit tamen propter duriores, hoc dictum carere rationibus, & argumentis: adiunxit ergo,

*Nunquid Iudaeorum Deus tantum? Nonne & Gentium? Imò & Gentium: quoniam quidem vnus est Deus qui iustificat circumcisionem ex fide, & praputium per fidem.*

Magna ratio pro misericordia Dei in omnem hominem.

Probat quòd non est iustificatio ex lege, sed ex fide: quia lex ad solos Iudæos pertinebat, & sic illis solis Dominus Deus salutem procurasset. Et sic Iudæorū tantum esset Deus, & non Gentium: quod est manifestè falsum, cum æquè creati omnes, & misit redēptionem pro omnibus. Nec hīc dicat aliquis, Gentes potuisse iustificari per legem naturæ inditam menti. Nam hoc Iudæi non admittebant, contra quos disputabat B. Paulus: imò volebāt sola illa lege, quæ cōplectebatur etiam carimonias, fieri iustificationem & sine obseruatione carimoniarum non esse iustificationem, & ideo excludi Gentes ab illa. At quænam, rogo, fuisset Dei prouidentia tam coangustata in vnā Gentem solummodo? cuius tota terra in longitudinem vix ad cētum sexaginta miliaria extēdebatur: in latitudinem autem ab Ioppe ad Beth-leem vsque, ad quadraginta sex, cui & cremus eorum barbarorum, qui Barcæ dicebantur, vastissima iūgebatur, vt testatur B. Hieronymus. Cum igitur Deus non Iudæorum tantum esset Deus, sed etiam Gentium: Gentibus quoque ad salutē providere debuit, & sic prouidit: vt sicut est Deus, omnium prorsus ipse cōditor, ita esset similiter omnium absq; exceptione Redemptor. Vnus igitur existens Iudæorū Deus pariter & Gentium, & nō plures dii ac diuersi, vnus nimirū Iudæorum, & alter Gentium, sed vnus omnium, ipse idem volēs salutem omnium (quemadmodum par & æqualis omnium conditio deposcebat) *iustificat circumcisionem*, i. circumcisos, ex fide, nempe explicita de Christo. Quædam enim de Christo fides circumcisionē præcedebat, cum illa esset fidei signaculum. Addit, & *praputium per fidem*, quæ similiter erat de Christo. Itaque cum primum quis credit, circumciditur spiritu, & desinit esse praputium: & sic praputium præcedit fidem, & iustificatur ex fide solum, seu per fidem aduenientem. Circumcisio autem fidem aliquam sequebatur: vnde Dominus de illa dixit, quòd non erat ex Mose, sed ex patribus: quia Abraham data fuit, qui multos ante Moysen annos fuerat, ac si expressè dixerit, quòd ex fide erat, nimirū data Abraham iam fideli, & de fide commendato. Lex autem Moysen non erat ex fide. Nō enim habebat æternorum bonorum promissionem. Fides verò est sperandarum substantia rerum. At quæ sperantur, æterna sunt. Cum igitur lex non esset ex fide, videlicet Christi, quæ habet promissiones æternas, ideo non poterat coram Deo iustificare. Abraham autem ex fide æternorum iustificatus est, cum illi sit dictum. Ego protector tuus, & merces tua ma-

Ioan. 7.

gna nimis. Hoc argumento vitur Apostolus ad Gal. vbi ait, Legem non esse ex fide. Non sum nescius alibi Apostolum (vt rectè notat B. Augustinus) vt huiusmodi particulis, ex fide, & per fidem, in cum sensum, vt dixerit Gentes ex fide, & Iudæos per fidem iustificari. Sequitur:

B. Aug. de spi. & lit. cap. 29.

*Legem ergo destruimus per fidem? Absit: sed legem statuimus.* Poterat videri indoctis, & malè Apostolica verba interpretantibus (vt hæretici faciunt) quòd per eius doctrinam, quæ adeo fidem commendabat, & legem operū deprimebat, destrueretur lex Dei, quæ iubebat ea quæ erant sancta, & secundum spiritum Dei: ita vt si hæc non fieret, sed solummodo crederetur Deo, saluus fieret homo. Sed non ita est. Tantum enim abest (ait) vt destruamus diuinam legem per fidem, vt etiā statuamus eam. Dominus quoque eandem sententiam dixit, cum ait: Non veni soluere legem, sed adimplere: quoniam zelus Iudæorum erat pro lege. Et viri inuidiosi & maligni captabāt hinc ex industria occasionem ad mouendum in Christū rudis plebis animos & furorem. Nam & hoc mouerunt in B. Stephanum: idem in B. Paulum. Verum quoniam hoc longiore indiget declaratione, & in hoc articulo magna cōtinetur doctrina, diligenter animaduertere debet prudens lector. Primum circa ipsam legem de tenore eius, vt videamus vtum destruat, an verò potius statuatur, ac impleatur per Christum, & euangelium, & fidem eius.

Matth. 5.

Tota ergo lex illa duo faciebat, nempe, prophetabat, & imperabat. Vnde Dominus de lege inquit: Prophetæ & lex vsque ad Ioannē prophetauerunt. Sūma autem totius legis hæc erat. Audi Israel: Dominus Deus noster. Deus vnus est. & Diliges Dominum Deum tuum ex toto corde tuo, & ex tota anima tua, & ex tota mente, & fortitudine tua; & proximum tuum sicut teipsum. Nam ad hoc mandatum perficiendum, tendit quodcunque scriptum fuit in lege, & à prophetis. Quapropter Dominus hoc nos docens, ait: In his duobus mādatis vniuersa lex pender, & prophetæ. Et apud B. Marcum legimus, ipsum Dominum post prænissam doctrinam vnus Dei & sanctæ Trinitatis, hæc duo præcepta commēdasse. Primum videlicet, quod est dilectio Dei: & huic proximū, quod est dilectio proximi. Scriba quidem probans doctrinam hanc, respondit: Magister, bene in veritate dixisti: quia vnus est Deus, & non est aliud præter eum, & vt diligatur ex toto corde, ex tota anima, & ex tota fortitudine: & diligere proximū suum, sicut seipsum, magis est omnibus holocaustis, & sacrificiis: hæc Scriba. Et subdit euangelista: Iesus autem videns quòd bene respōdisset, dixit: Non longe es à regno Dei. Et nemo audebat eum amplius interrogare: hæc B. Marcus. Quare autem non audebāt eum amplius interrogare? nisi quia videbāt, quòd manifestè probabat legem, & non destruebat, sed suā etiam doctrinā statuebat eam, vt non possent quicquam aduersus eum causari.

Attende lector hanc doctrinam, quomodo lex non destruitur sed statuitur per fidem. Officia legis tria!

Marc. 12.

Summa autē eius quod prophetabat lex, erat ipse Christus, cui prophetiæ erat adiunctū mandatū, vt ipsum audirēt. Sic enim legimus dictum illi populo à Mose. Prophetam de gente tua, & de fratribus tuis sicut me, suscitabit tibi Dominus Deus tuus, ipsum audies, vt petisti à Domino Deo tuo

Prophetia legis.



in Oreb, quando concio congregata est, & dixisti. Vltra non audiam vocem Domini Dei mei, & ignem hunc maximū non amplius videbo, ne moriar. Et ait Dominus: Bene omnia loquuti sunt. Prophetam suscitabo eis de medio fratrum suorum similem tibi, & ponā verba mea in ore eius, loquenturque ad eos omnia quæ præcepero illi. Qui autem verba eius, quæ loquetur in nomine meo, audire noluerit, ego ultor existā. Hæc est summa prophetici sermonis ipsius legis: quam utinam miseri Iudæi vellent capere, aut possent.

Discutiamus ergo nunc singula: & videamus primum, nunquid Christus destruxerit legem, quoad doctrinam propheticā de unitate & trinitate Dei, quæ illis verbis probabatur, ut alibi latius declaratum est, & nunc sumo pro explorato atque cōperito. Et certē Dominus hanc ipsam doctrinam stabilivit, ostendens se esse Deum cum Patre & Spiritu sancto, & Deum esse vnum, habērem de omnibus curam: & ideo non esse tantum Iudeorū, sed etiam Gentium. Vnde declaravit, se non missum pro salute illius populi tantum, sed pro salute omnium: primò tamen pro salute illius populi. Quare hæc doctrina legis non destruebatur per Christū, sed confirmabatur, declarabatur, & opere complebatur. Quocirca cū putabant Iudæi ad se tantum pertinere salutem, & non extendi ad omnes Gētes, error erat, invidia erat, contra doctrinam legis erat. Quapropter in Isaia Pater introducit sic ad Filium loquens. Parum est ut sis mihi seruus ad suscitandas tribus Iacob, & feces Israel conuerrendas: dedi te in lucem Gērium, ut sis salus mea usque ad fines terræ. Non tunc ergo destruitur lex, sed statuitur, cum salus (iuxta legis doctrinam) extēditur ad omnes fines terræ. Et cū per prophetas prænuñciasset etiam legem ipsam cessaturam, & nouo testamēto per Christum subintrāti locum daturam, non hoc fuit destruere legem, sed veracem illā reddere, & implere. Sic enim per Ieremiam scriptum erat. Ecce dies veniunt, dicit Dominus, & consummabo super domum Israel, &c.

Isa. 49.

Jerem. 31.

Inssiones leg.

Ioan. 8.

Sed nunc de summa eius, quod imperabat lex, videamus. Nunquid Dominus destruxerit, an verò potius eam statuerit, atque impleuerit. Legislator enim duobus modis statuit legē: Primum quidem factō & exēplo: Secundo autem dicto ac iussu. Et circa primum haud dubium, quod Dominus factus sub lege, per omnia legem seruauit: quia nō est inuentus dolus in ore eius. Vnde ipse aiebat: Quis ex vobis arguet me de peccato? Et iterum: Quia quæ Dei placita sunt facio semper. De secundo autem etiam patet: quoniam ipse interrogatus: Quid faciendo, vitam eternam possidebo? in hunc modum respondit: In lege quid scriptum est? quomodo legis? Et cum ille respondisset: Diliges Dominū Deum tuum ex toto corde tuo, & ex tota anima tua, & ex omnibus viribus tuis, & ex tota mente tua, & proximum tuum sicut teipsum, dixit ei Dominus: Hoc fac, & viues. Ecce quomodo non destruit, sed confirmat legem & statuit. Primum quidem exemplo, deinde verbo: propterea, quia quod dictum erat prius per famulum Moysen, nunc dicitur per ipsum Dominum ore suo proprio. Moyses enim famulus erat, tametsi fidelis in domo. Iesus autem filius patrisfamilias, & Dominus domus:

quia & ipse cum Patre suo fabricauit eam. Quare firmius oportet esse verbum per os Filij & Domini annunciatum, quam per os famuli. Et ideo lex non destruitur, sed statuitur Christi verbo.

Quoad summam verò legis, quæ est mandatum dilectionis, tantum abest ut destruat lex, ut etiam omni ex parte maximè roboretur, ac stabiliatur. Et primò quidem circa mādātum dilectionis Dei considerandum est, per Christum nos ad hoc perficiendum latius atque intensius obligari. Cum enim charitatis nostræ ratio sit charitas Dei, ut ait Dilectus: In hoc est charitas, non quasi nos dilexerimus Deum, sed quia ipse prior dilexit nos: charitas autem Dei erga nos à beneficiis eius metienda sit, & in ipso Christo iam nobis explicato atque extenso in cruce, comperta sit illa charitas omnino inmensa, & nulli comparāda dilectioni: quia misit Filium suum propitiatorē pro peccatis nostris. Cum hæc inquā, ita sese habeant, roboratur profecto maxime & perficitur hoc charitatis præceptū, quoad ipsum Christum, in quo exercuit Pater summā charitatis suæ, qui dedit nobis Filium dilectionis suæ, ut suis vulneribus nostra vulnera sanarentur, sua morte restitueremur in vitam: & (ut ait Dilectus) in hoc apparuit charitas Dei in nobis. Ob eam causam tantò nunc amplius charitatis erga se à nobis exigit: & sic perficitur lex quantum ad hoc primum & maximum mandatum pertinet. Perficitur autem ad summum per ipsum Christum, qui mandatum Patris expleuit in cruce, animam reddens pro nobis.

1. Ioan. 4.

Ad hæc lex ista, quoad mandatum de proximi dilectione, perfectionē accepit. Nam & illud etiam magis confirmatum est, & declaratum, & impletum: quoniam Iudæi ex lege Moyses, ut Moyses erat, non cognoscebant vllum sibi proximum, nisi esset illius gentis Iudaicæ. Vnde Dominus hoc præceptum quatenus à Deo datum est, & facit ad regnum cœleste, volēs extēdere, dixit: Audistis quod dictum est: Diliges proximum tuum, & odio habebis inimicum tuum. Ego autem dico vobis: Dilige te inimicos vestros, &c. Hoc enim per Iesu Christi mortem & passionem factum est, ut inimici nostri in illo constituti sint proximi nostri: quoniam pro illis passus est Christus. Passus est enim pro omnibus, cum omnes inimici essemus. Præterea illum scribam, qui volens iustificare se ipsum rogauit: Quis est meus proximus? eleganti & admirabili quadam parabola docuit ipsemet Christus, se esse omnium hominum proximum, & consequēter omnes nos inuicem proximos, in quibus ipse est aliquo modo, siue per dilectionē, siue per fidem. Denique per hoc quod est paratus omnibus in salutem, facti sunt nobis proximi omnes homines: & hoc fuit legem statuerē, & legem implere suo exemplo & facto. Siquidem in ipso lex ipsa perfecta conspicitur: & secundum quod ipse fecit nobis, etiam ut nos inuicem faciamus, mandat, quod est, ut (si sit opus) ponamus animam nostram pro mutua salute. Hoc est, inquit, mandatum meum, ut diligatis inuicem, sicut dilexi vos.

Ioan. 15.

Ad hæc. Quicquid aliud erat mandatum in lege, erat quodammodo accessoriū ad eorum duorum mandatorum principalium obseruantiam. Vnde patet in huiusmodi, à Domini decretis superari



decreta legis: quoniam Dominus ea præcipit, quæ maxime faciunt ad perfectam Dei & proximi dilectionem. Scimus enim, nos à Deo tantò magis disiungi charitate, quantò arctius cum istis inferioribus coniungimur. Sunt autem tria natura, quæ nos à Deo vehementer seiungunt, quia non sunt à Patre, sed à mundo, & à peccato, nimirum concupiscentia carnis, concupiscentia oculorum, & superbia vitæ. Ad tria autem hæc mitiganda & restringenda, multò magis incomparabiliter cōducunt noua Christi siue concilia, siue præcepta, quàm illa vetera Moseos. Ecce quantum attinet ad concupiscentiam carnis, audiuius ab eo vocem nunquam in ea veteri lege expressam. Beati qui lugent: quoniam ipsi consolabuntur. Luctus enim concupiscentiæ carnis aduersus est. Et alibi: Sunt eunuchi, qui se castrauerunt propter regnum Dei. In ea verò lege dictum erat. Non erit infœcunda & sterilis in terra tua: & quòd in gaudio & lætitia, & in rerum tēporalium abundantia seruirent Domino Deo ipsorum. Et circa concupiscentiam oculorum Dominus intonuit: Beati pauperes, siue mendici, spiritu: quoniam ipsorum est regnum cœlorum. &: Si vis perfectus esse, vade & vende omnia quæ habes, & da pauperibus, & veni sequere me. Illis autem dictum fuit. Omnino mēdicus & indigens non erit inter vos. Et circa superbiam vitæ, inimicorum persecutio & vindicta mādabatur. Oculum pro oculo, dentem pro dente. Dominus autem ait nobis: Si quis te percusserit in vnā maxillā, porrige ei & alteram. &: Quicumque te angariauerit mille passus, vade cum eo duo millia. Mittimus autem nonnulla, quæ licenter Iudæi sibi vendicabant in illa lege: vt erat vxorum pluralitas, & diuortia, & cōcubinatus, & alia multa, quæ in lege perfecta debuerunt vetari, nec vllō modo permitti.

Verum illud potissimum considerandum, quomodo lex maximè per Christum impleta fuit. Ecce cum lex illa esset spiritalis, & præciperet carni, id est, homini (in quo erat dominatus peccati & carnis) ea quæ sunt spiritalia, impossibile homini reddebatur implere illa: quia illa lex non imprimebatur in cordibus. At lex fidei, quæ est charitas, infusa est cordibus per Spiritum sanctū, & ideo reddit mandatum non solum possibile homini, sed etiam facile: quicquid dicat hæretici, qui fingunt laborem in præcepto, & crudelitatem atque iniustitiam ponunt in Deo, quasi in lege gratiæ præceptum sit impossibilia, vt misericorditer condonaret peccata. At nos id, quod maximè pertinet ad laudem diuinæ gratiæ, & ad gloriam Dei, asserimus, quòd ille regi, nerauit nos in spe viuā, & sic fortes reddit vt possemus nobis comparare salutem: in quo magna est medici gloria. Finis enim legis erat charitas, quam ipsa lex præstare non poterat.

Cum ergo data sit nobis charitas, necesse est credere non frustra datam esse: esset autem frustra, si legem non posset implere, ac per hoc odium Dei potius parere, & Christus hoc pacto sic peccati minister, sicut erat lex, vt oporteat quæ destruximus, iterum ædificare: quod vt est absurdū dictū, ita & summi opere detestandum. Hoc enim vehementer detestatur Apostolus ad Gal. Igitur cum verè lex fidei præstet, quod lex illa nō poterat, hoc non est aliud, quàm stabilire atque implere legem: quia il-

lud maximum, quod illi legi decrat, supplet, videlicet, vt posset impleri, quemadmodū iam superius dictum est, & sapius dicitur inferius propter hæreticos. Nam lex illa morbum tantum ostendebat, & indicabat medelam. Fidei autē lex etiā sanat à morbo: asserens tecum medicinam.

Verum dicet quis: Et si videam legem (quantum attinet ad moralia præcepta) non solum non destrui, sed statui atque impleri: quantum tamen attinet ad cærimonias & iudicia, solui videtur atque destrui. Nec tamen est verum. Nam quum quid decretum est ad tempus & cautū, post illud tempus magis cessare dicendum est, quàm destrui. Et quum loco eius quod cessat, aliquid melius substituitur, non tam dicitur solui, quàm impleri. Quam rem vt exemplis ostendamus, illud sciendum, cærimonialia præcepta esse propter obseruantiam moralium cōdita, & propter illa primā dilectionis mandata: nam fundamētum in eis habent. Quia enim diligendus est Deus, ideo & colendus debito cultu. Exigit autem ratio, vt in colendo obseruentur modi peculiares, quales sunt personæ, loca, & tēpora, & res siue instrumenta ad cultum apta: quæ omnia debent à prophanis esse remota. Quamobrem, cærimoniarum semper, ratione ipsa docente, multis de causis existimantur sunt ab omnibus sapientibus necessaria. Nunc autem si queramus: Sit ne lex soluta circa cærimonias: possumus respondere: Si consideremus cærimonias in genere, & non in particulari aut has, aut illas, manifestū est, legem Moseos non esse solutam per legem fidei: quoniam lex fidei non respuit cærimonias. imò admittit, imò etiam præcipit per euangelium, partim per id quod cum esset iam adulta ecclesia, Christus hoc negotium tradēdi cærimonias commisit summo Præfati. Vnde multa de his ab Apostolis per traditiones accepimus, & postmodo à successoribus prodita sunt. Patefactis enim misteriis, & instructa melius ecclesia, facilius fuit inuenire aptas cultui diuino cærimonias secundum tempus. Nam & Spiritus sanctus iuxta promissā Christi, illuminat, & assidue suggerit ecclesiæ suæ, quæ conueniant, & necessaria sint. Quare non soluitur lex circa cærimonias, si cærimoniarum in genere considerentur.

Si verò considerentur cærimoniarum, & earum rationes in illis certis & particularibus cærimoniarum, neque sic (si propriè loqui volumus) destructa esse legem dicemus, sed impletam potius. Nam multas & duras admodum fuisse cærimonias illas, quibus ille populus grauabatur, illud erat in causa, vt per eas, cum adhuc puer esset, quasi quibusdā vinculis contineretur, ne se ad lasciuos, & nefandos Gentium ritus cōuerteret, & ad idolorum culturā. Quæ ratio cum cessauerit adueniente illo, qui dirupit imperium Diaboli, & ad eius lucem tenebræ euauerunt, non mirum si cessauit etiam illa tanta cærimoniarum multitudo, tanquam reddita inutilis illi populo eo tempore, qui iam creuerat, & à pueritia exceserat, nec indigebat vinculis illis & pedagogio, vt contineretur in officio, cū apparuit benignitas & humanitas Saluatoris nostri Dei. Nā & vsque ad tēpus illud data sunt, vt B. Paulus ad Gal. eleganter declarat. Itaque cum venit signatum, cessasse potius illas, quàm destructas esse, dicendū est. Quinimo paulò adhuc subtilius cōsiderantes, etiā

*De cærimo-  
niis legis  
quomodo  
non destrui-  
antur.*

*Quomodo  
lex potest  
impleri, cu-  
ius māda-  
ta Christia-  
na nō sunt  
grauia.*

*Galat. 4.*



impletam fuisse legem, quoad hæc, asserimus: quoniam loco seruitutis, libertas accessit: & loco duritiæ, lenitas. Sicut adueniente perfecto doctore, & facto docili discipulo, qui iam adoleuit, cessare debet duritia pedagogi, & virga eius. Legis enim perfectio in libertate est, non in seruitute, scilicet cum nostra sponte aptamur disciplinæ, non autem quum potius metu & formidine. Adde quod spiritus à multitudine carimoniarum obruitur potius, quam iuuatur.

Adhæc, illæ carimoniæ (inquantum tales erant) significationem quandam habebant ad doctrinam spiritualem de Christo. Nam hæc est principalissima carimoniarum utilitas, videlicet significatio. Significatio autem illa erat futurorum, quæ de Christo promissa erant, ita ut omnes illæ carimoniæ figuræ essent Christi venturi. Veritate igitur adueniente, quæ erat Christus, debuerunt omnino cessare. Nam figura debet cedere veritati: ac per hoc non destruitur lex, sed impletur ipsa quidem. Et quod in ea reperitur vacare, non destruitur, sed cessat. Adde, si quæ significabant, venturum Christum carimoniæ, adhuc mansissent in obseruantia, manifestum mendacium (quod præsertim in cultu Dei abominandum est) continerent. Et ideo cessauerunt suapte sponte, & non sunt solutæ, aut destructæ: imò per hoc lex impleta rectè dicitur, cum quod promissum fuit à Deo, exhibitum est. Qui enim fidei legem habet impressam in corde: iam Christum ipsum venisse, & vigere in semetipso sentit, & dicere potest cum Apostolo: Viuo ego, iam non ego; viuit autem in me Christus. Non igitur oportet eum, qui iam rem tenet, respicere ad figuram, quæ enunciat quod promissum est: neque vnam sequi, qui tenet corpus. Et hæc quoad carimonias attinet.

*De iudiciis  
legis quomodo non  
destruantur.*

De iudiciis autem, quoniam illa iudicia magis respiciebant negocia secularia, & vnum illum Iudeo rum populum, ut metu iudiciorum, & promissione terrenorum bonorum abstinere ab iniuria in proximum, & seruarent pacta inuicem, ut & illa eorum respublica saluaretur, cum dominante peccato nulla congregatio possit diutius stare absque iudiciis, Ratio manifesta est, cur debuerint cessare iudicia. Lex enim perfecta amoris non indiget iudiciis, si modo seruetur. Quod autem seruari valeat, iam datum est ipsa vi legis, quæ est ipsamet charitas. Si verò dixeris: Inueniuntur non pauci, qui excedunt à charitate. Verum est hoc quidem: sed hic prouisum est per charitatem, & correctionem fraternam usque ad iudicium excommunicationis. Hoc non satis esse asseuerabis: quia adhuc debacchatur homines, si eis impune liceat peccare. Respondetur, à lege ista charitati dimitti eos, qui huiusmodi sunt, ad iudicia secularia. Nam indignum erat, legem Dei, quæ habebat suum finem vitam æternam, & quæ non vni populo, sed orbi dabatur vniuerso, tractare de secularibus, & vniiformiter sub vnius Gentis legibus astringere omnes Gentes. Hoc certe neque ex dignitate legis erat, neque ex prudentia legislatoris. Deus igitur qui dedit per Moysen iudicia illi genti, succurrit eo tempore eorum imperitiæ & ignorantia, qui nesciissent se regere, neque valuissent sine iudiciis durare. At cum mundus cepit magis sapere, & per Christi lucem facti sunt

homines longe prudentiores, hoc negotium statuendi moderatius iudicia terrena reiecit in illos, & illa etià sua doctrina probauit. Vnde dixit: Quæ sunt Cæsaris Cæsari: Et cuidam dicenti: Magister dic fratri, ut mecum diuidat hæreditatem, respondit: O homo quis me constituit arbitrum inter vos? Et adulteram non liberauit, nisi per æquitatem legis. Non enim dixit, lapidibus illam non esse obruendam, sed confirmauit hoc quidem illam mereri, quod erat legis, iniquum tamen esse, ut peccatrix à peccatoribus lapidaretur, & ab iis qui longè magis erant legis prauaricatores. Absolum enim erat, ut tales in alios legis seueritatem exercerent. Lex ergo Dei viuentis, & fidei, non habet iudicia in hoc tempore, sed seruantur in futuro, quando veniet cõsummatio seculi: licet quilibet cum ex hoc seculo eripitur, sentiat particulare iudicium ex parte, & iam noscat certò futurum. Et in hac lege, eiusque iudiciis verè implentur iudicia huius seculi, quæ sunt sæpenumero falsa, certè semper imperfecta. Falsa, inquam, quia sæpe homines falluntur in iudicando, qui ea tantum respiciunt quæ apparent: non autem respiciunt neque intueri valent secreta cordis. Et sæpe insuper fallunt: quia etià non nunquam se corrumpi sinunt vel muneribus, vel gratia, vel acceptione personarum, vel odio, aut quauis alia de causa. Ideo lex fidei suo iudicio emendabat cuncta falsa iudicia. Dixi item imperfecta illa iudicia, etiam si vera fuerint: quoniam nec est punitio, nec remuneratio pro meritis. Nam peccatum quod est contra Dei maiestatem, & ipsius charitatis præceptum, non satis punitur ab homine in hac vita, cum sit dignum æterno ignis supplicio. Ideo suppletur iudicium per legem fidei, & sic perficitur lex, quod attinet etiam ad iudicia. Mitto, fuisse in illis iudiciis similiter significationem futuri, quæ adueniente veritate cessare debuit. Sed hæc de figuris cõsideratio, ad illud legis officium pertinebat, quod debuit prophetare de Christo. Nam tota lex & in doctrina, & præceptis, & in rerum gestis, erat prophetia futuri status, qui erat creandus per Christum, & sub illo. Nam omnia in figuris contingebant illis, ut ait Apostolus.

Quocirca (ut in vniuersum colligamus) concludimus, quod ex omni parte per Christum lex illa Dei statuebatur, & implebatur, cum quæ lex in obscuro docebat, patefacta sunt in cõspicuo. Et cum illud quod à patrefam. edicebatur per famulum, edictum est postmodo per filium & dominum domus. Et cum quod edictum fuit vni populo, edicitur vniuerso mundo. Et cum ipsa lex, quæ scripta erat in tabulis, non dans efficaciam quæ perfici posset, scribitur in cordibus, ut valeat impleri: ut quod timore fortasse (& vix) fiebat, possit amore fieri. Et quod amore terrenorum, amore cœlestiū. Et cum multa imperfecta quæ tolerabantur, & conuenientia quadam Dei licebant, nec imputabatur emendata sunt. Et cum quæ ad perfectionem dilectionis faciunt, sunt introducta, & cum quæ erant seruilis status sublata sunt, & quæ libertati conueniunt, restituta. Denique cum quæ promissa erant, exhibitæ sunt: & quæ significata figuris, ipsa præsentate veritate conspicua facta sunt. Ut sic famulus cedat filio & Domino, & orbis particula vniuerso, & impotentia poterit, & perfecto imperfectum, timor

*Luc. 12.*

*Ioan. 8.*

*Summa doctrina, quæ lex non destruitur, sed perficitur per fidem.*



*Hereticorū  
propriū ni-  
hil distin-  
guere, sed  
permiscere  
omnia.*

amori, terrena cœlestibus, seruitus liberati, figura denique veritati, & vmbra corpori. Quid amplius obsecro te acute lector, desideras? Error autem hæreticorum vbiq̃ue in hoc deprehenditur, qui nunquam discernunt legem à lege, opera ab operibus, iustificationem à iustificatione: quam tamen discretionem necessariò varij status admittūt: de quibus etiam passim dicitur.

## CAP. IIII.



VID ergo dicemus inuenisse Abraham patrē nostrum secundum carnem? Si enim Abraham ex operibus iustificatus est, habet gloriam, sed non apud Deum. Quid enim dicit scriptura? Credit Abraham Deo, & reputatum est illi ad iustitiam. Ei autem qui operatur, merces non imputatur secundum gratiam, sed secundum debitum. Ei verò qui non operatur, credenti autem in eum qui iustificat impium, reputatur fides eius ad iustitiam secundum propositum gratiæ Dei: sicut & Dauid dicit beatitudinem hominis, cui Deus accepto fert iustitiam sine operibus: Beati, quorū remissæ sunt iniquitates, & quorum testā sunt peccata. Beatus vir, cui non imputauit dominus peccatum. Beatitudo ergo hæc in circuncisione tantūmanet, an etiam in præputio? Dicimus enim quia reputata est Abrahæ fides ad iustitiam. Quomodo ergo reputata est? In circuncisione, an in præputio? Non in circuncisione, sed in præputio. Et signum accepit circuncisionis, signaculum iustitiæ fidei, quæ est in præputio, vt sit pater omnium credentium per præputium, vt reputetur & illis ad iustitiam: & sit pater circuncisionis, non iis tantū qui sunt ex circuncisione, sed & iis qui sectantur vestigia fidei, quæ est in præputio patris nostri Abrahamæ.

QVID ergo dicemus, &c. Exclusa gloriatione Iudæorum, quam à lege & Mose sibi arrogabant, qua sibi solis viam iustificationis vendicabant, nunc eam quoque molitur Apostolus excludere, quæ ab Abraham veniebat, qui eorum pater dicebatur, & meruit accipere circuncisionem ac benedictionem sibi, ac semini suo. Ait igitur: Si exclusa est gloriatio Iudæorum, vt non præcedant Gentes, quid ergo inuenit pater noster Abram secundum carnem, id est, qui fuit pater noster secundum carnem: Aut, Quid inuenit secundum carnem: id est, peculiariter pro suis filiis, sua iustitia & circuncisione & obedientia? Respondet ergo Apostolus, eo supposito, quòd Abraham propositus fuit quasi typus & exemplum iustificationis, vt in de in cæteris ratio iustificationis acciperetur. Ait ergo subtilissimè respondens: Si enim ex operibus,

&c. Manifestè loquitur de initio iustificationis Abrahamæ, & primū excludit viam, quam humana superbia sibi præsumit, vnde putabatur venire prima iustificatio, qua ex iniusto fit quis iustus, nimirum ab operibus, negans Abraham ab operibus iustificatum fuisse coram Deo, licet coram hominibus fortè propter aliqua speciosa opera iustus fuerit habitus.

Est igitur iustitia humana, & iustitia Dei. Illa ex humanis viribus est, & est tanquam pannus menstruata: hæc ex Dei dono desuper, quæ infunditur & donatur gratis, quam nemo potest sibi vllis operibus ac meritis comparare. Quòd igitur nō fuerit Abraham ex operibus iustificatus, probat à scriptura, quæ ait: Credit Abraham Deo, & reputatum est illi ad iustitiam. Sensus scripturæ est, quòd illa fides, qua credidit Abraham Deo dicenti sibi: Egredere de terra tua, &c. & Ego protector tuus, & merces multa nimis. Illa inquam, fides, non autem præcedentia vlla bona opera, fecit vt Abraham acciperet donum iustitiæ à Deo, quo esset verè iustus coram eo, & operari posset iustitiam. Nec illud fecit fides, quasi illud ipsa mereretur: sed reputata est ei illa fides, id est, acceptata à Deo gratiosè ad iustitiam, hoc est, ad hunc effectum, vt iustitiæ donum consequeretur. Vis autem argumenti in hoc est: Homo qui suis operibus meretur, non indiget vt reputetur ei quicquam gratiosè, ad id consequendum quod meruit. Abrahæ autem illa fides ex gratia reputata est in hunc finem. Ergo non ex operibus meritorie iustificatus, sed ex fide gratiosè: & hoc est quod ait: Ei autem qui operatur, &c. ac si dixerit. Hæc est rei natura, vt homini operanti, ex debito reddatur merces, non autem imputetur ex gratia. At illa Abrahæ fides imputata est ei ex gratia: non ergo ex debito, & consequenter non ex operibus. Vnde ait:

Ei autem qui non operatur, id est, qui nō habet opera meritoria: aut cuius opera non considerantur ad meritum, credenti autem in eum qui iustificat impium, hic est Deus, qui iustificat impiū, & hoc absque meritis: quia impius non habet merita, imputatur fides eius ad iustitiam, id est, illi ipsius impij fides acceptatur à Deo quasi opus iusti, & promeretur illam verā iustitiam, qua verè iustificetur: cum reuera fides illa nō sit iusti opus, ac propterea nec promerentis quicquam. Ideo dicit, imputari, quasi sit iusti, secundum propositum gratiæ Dei, seu beneplacitum, hoc est, ex gratia, quæ ex beneplacito Dei venit, non ex merito: quoniam illa fides non est opus meritorium, cum sit adhuc hominis impij. Si autem iam iustificatus quis fuerit, etiā actus fidei, qui ex iustitia & charitate postmodo procedunt, sunt meritorij, vt propter eos augeatur iustitia: quemadmodum Beatus Augustinus, & omnes theologi docent. Quod ergo dicit hîc, credenti in eum, non sic accipitur, tanquam ille actus fidei ex charitate infusa descenderit. Non enim sic semper intelligimus in scripturis, vt patet de principibus qui dicuntur & ipsi credidisse in Christum: & tamen non cōstebantur, diligentes magis gloriam hominum, quàm gloriam Dei. Quod autem dicit de imputatione ex gratia, & non ex debito, probat ex psalmo Dauidis beatificantis hominem, cui Deus accepto fert iustitiam sine operibus, id

*Iustitia duplex humana, & diuina.*

*Gen. 15.*

*Nota vim argumenti, pro imputatione iustitiæ.*

*Ioan. 12.*

*Nota.*



est, à quo posset Dominus exigere iustitiā, quam tenebatur habere, & tamen non exigit, sed accepto fert, dimittens illi peccatum, & ideo perinde ac si non peccasset, non imputat ei quod non habeat illam iustitiam, cuius erat debitor (sicut & omnes debitores eramus) & propterea iustificat eum gratis superna iustitia indignum, quasi dignū. Et hæc est vna hominis beatitudo. id est, vnus modus, quo beatur homo in spē tamen, non in re. Et ponit verba psalmi:

Nota pro intelligentia  
verborum  
psalmi.

*Beati quorum remisse sunt iniquitates, &c.* Beatitudinum duo genera inducit ex Propheta Apostolus vt diuersa. Et primum est, quum remittuntur iniquitates: quo dicto videtur significari gratia, quæ ex pœnitentia & confessione venit ad remissionem peccatorum: quæ peccata sunt præuaricationes, quæ hominem extra Dei gratiam mittunt, vnde iniquitates vocauit Propheta. Propterea Dominus apud Beat. Matth. Vt sciatis, inquit, quia filius hominis habet potestatem remittendi peccata, &c. Et apud Ioann. Quorum remisistis peccata, remittuntur eis. Et accedit etiam huic beatitudini, quum reguntur peccata, quæ sunt errata minora, per opera charitatis assidue. Aut etiā (si magis placet) quia in remissione peccatorum, vbi semper culpa remittitur, non remittitur tamen semper pœna, sed manet, nisi per opera satisfactoria, quæ sunt opera charitatis, operiantur, iuxta illud: Charitas operit multitudinem peccatorum. Ideo adiecit: *Et quorum tecta sunt peccata.* Hactenus ergo de actualibus peccatis loquutus est, & non ad rem nostram.

Matth. 5.

Ioan. 20.

Verum alia est beatitudo, qua homo beatur in hoc, quod non imputatur ei peccatum. Et hoc proculdubio de originali intelligitur, quod simpliciter in scripturis vocatur peccatum: quia vnum est, quo omnes tenemur. Et hanc beatitudinem ex Propheta affert Apostolus, vt doceat, hominem ab imputatione illius peccati tum liberari atque absolui, cum incipit credere per Christum delectum esse, & hoc acceptat, sibi que applicat. Vnde mirifice loquitur ibi Psalmista dicens. Beat⁹ homo, siue Adam, id est, qui adhuc in Adam est peccator, beatus si fide sua hoc sibi compareret, vt nascatur Deo. Quod ipse idem apostolus declarans ait:

*Beatitudo ergo hæc in circumcisione tantum manet, an etiam in præputio?* hoc est, Beatitudo ista, qua fides ad iustitiam imputatur, vtrum ad existentes in præputio spectat, an verò ad circumcisos? Et vt determinaret quæstionem & solueret, conuertit se ad typum & exemplum Abraham & subdit:

*Dicimus enim quia reputata est Abra fides ad iustitiam, Quomodo ergo reputata est?* id est, in quo statu erat Abraham, quum illi imputata est fides ad iustitiam? *in circumcisione?* id est, nunquid tunc demum quando fuit circumcisos, vt sic possis aliquid prætere ob circumcisionem tu, qui ex circumcisione es? *an in præputio?* id est, an tunc, quum existeret adhuc in carne & præputio, nondum factus pater circumcisorum, cum ipse non esset circumcisos, vt relinquatur spes iustificationis etiam incircumcisos? Et respondet, negans in circumcisione fidem illi imputatam fuisse ad iustitiam: affirmat autem in præputio. Qui locus maximè iugulat hæreticos, eorumque dictum, quo nolunt imputari

In hæreticos.

peccata post baptismum propter fidem, non aduertentes quod hæc beatitudo, qua non imputatur peccatum, est propriè de peccato originis, & iis quæ primam iustificationem præcedunt: quæ beatitudo accipitur in præputio, & non post iustificationem, ad quā postmodo pertinet alia beatitudo, qua remittantur iis peccata per clauēs, & per opera charitatis, qui post primam iustificationem, & acceptam gratiam præuaricati sunt.

Præterea notandum, quod non sufficit impio, vt sic iustificetur per primam iustificationem, nuda fides, sed oportet insuper non esse dolum in spiritu eius, si velit non imputari sibi, id est, oportet vt ingrediatur in pactum bona fide, cum pœnitentia antea vitæ, & animo obtemperandi Deo, & ita permanere, quod sit perpetuo beatus. Ille enim verus est Israelita, in quo dolus non est. Et Dauid dixit: Domine quis habitabit in tabernaculo tuo? aut quis requiescet in monte sancto tuo? Hic est Christus, tabernaculum Dei verum & viuum. Et responderet: Qui ingreditur sine macula, id est, qui fide pura in Christum ingreditur, non habens dolum. Et qui (postquam scilicet ingressus est) operatur iustitiam: quia nihil est damnationis iis, qui sunt in Christo Iesu, qui non secundum carnem ambulant, sed secundum spiritum. In iis enim dolus non est, & iis prodest hæc beatitudo. Et hoc in hæreticos, qui docent etiam beatos esse qui sunt in peccato, modo credant, cum habeant in seipsis dolum, & non donum Dei. Probat autem eo tempore quo adhuc erat incircumcisos Abram, iustificationem illum fuisse dicens:

*Et signum accepit circumcisionis, id est, quia accepit, circumcisionem in signum.* Frequenter (vt superius iam monuimus) in scripturis, & capitur pro quia, *signaculum iustitiæ fidei, quæ est in præputio.* Græcè, *σφραγίς*, hoc est, vt ipsa circumcisio esset nota quædam illius iustitiæ, quam ex fide acceperat. Sicut enim in circumcisione illa amputabatur pettino cultro, quod in illo membro videbatur esse superfluum in carne: ita illa iustitia, quæ venit ex fide, est veluti quoddam Christi cultrum, per quam deciditur ille fomitis fluxus, qui est in præputio, id est, in homine carnali. Quod verò ait: *Quæ est in præputio, refertur ad fidem, id est, ad illum fidei actum, siue illam credulitatem, quæ fuerat in præputio.* Sic enim græca vox sonat. Illum enim actum fidei nondum circumcisi, hoc est, nondum iusti, Deus imputat ad iustitiam. Quod ergo ait: *Et signum accepit, &c.* manifestè sic exponendum est: quia accepit, & pro quia: vt palam fiat, eum ante circumcisionem iam fuisse iustificatum per fidem, quam postmodo circumcisio significauit. Sequitur:

*Vt sit pater omnium credentium per præputium, id est, ex hoc quod ipse credidit in præputio, & iustificatus est in illo, insequutum est, vt sit præpositus pater omnium credentium per præputium, id est, credentium in statu præputij, vt norint qui in tali existunt statu, se illuminari atque adiuuari à Deo posse sine lege, vt credant: & hanc suam ipsorum fidem etiam illis imputatam iri ad iustitiam, sicut Abraham. Sic enim ostendere voluit Deus, quod ex lapidibus poterat facere filios Abraham. Credere autem illi dicuntur per præputium, qui non adiuti lege & circumcisione, sola persuasione*



prædicationis euangelij Christi adducuntur ad fidem: quoniam (vt eleganter hic ait B. Anselmus) fides præcedit isto casu iustitiam, non iustitia fides: ita vt ex hac fide donetur iustitia, & non ex iustitia fides.

*Et sit pater circumcisionis, &c.* id est, circumcisorum non tamen omnium, id est, non eorum qui circumcisi tantum fuerint carne, quos vocat Apostolus suo tropo; ex circumcissione; dicens iuxta veritatem græcæ lectionis, quæ longè melius sic se habet: *Hic qui non sunt ex circumcissione tantum, sed qui etiam incedunt per vestigia fidei*, hoc est, non iis qui solum sunt circumcisi carne, sed qui, cum sint circumcisi carne, incedunt etiam per vestigia fidei, id est, sic ambulant vt fides monstrat, & iubet. Et hæc est obedientia fidei, abundare scilicet in operibus bonis. Si quidem hæc iam iustificati hominis opera, perficiunt iustificationem ad æternam salutem. Et de hac secunda iustificatione, qua homo perficitur ad meritum vitæ æternæ, loquutus est B. Iacobus dicens: *Quod Abraham iustificatus est ex operibus offerens Isaac filium suum super altare.* Tunc enim manifestè iam iustificatus erat Abraham ex fide, & signaculum fidei circumcisionem acceperat: & tamen non profuisset illi sua fides, nisi ipso opere obediens Deo, suam fidem perfecisset. Quare non nobis est typus tantum Abrahæ in eo, quod credidit à principio, vt ex iniusto fieret iustus, sed multò magis in eo quod operatus est post adeptam iustitiam, vt ex iam iusto fieret amplius iustus: vt similiter & nos simus perfectè filij eius non solum credentes, verum etiam post fidem ac per fidem operantes, sicut dixit Dominus: Si filij Abrahæ estis, opera Abrahæ facite. Qui enim dicit se in Christo manere, debet sicut ille ambulauit & ipse ambulare. Non enim satis est hoc in se recipere, & dicere: Ego vado, nisi quod promissum fuerit, re ipsa fiat: sicut docet Dominus in parabola. Talis fuit Abraham qui opere impleuit fidem: & non quia credidit solum accepit repromissionem hæreditatis, sed quia cum fide, ea quæ lex & verbum fidei imperauit, est exequutus, ideo repromissione potitus est. Vnde ipsemet Apostolus de Abraham ait: *Quod longanimiter ferens adeptus est repromissionem.* Quapropter hortatur Hebræos vt ad eius, & aliorum imitationem se ipsos cõpararent, qui fide & patientia, non fide tantum, sed fide & patientia, hæditarunt promissiones. Vbi (quæso te bone lector) vide quam perpetuo, vel hoc in loco, iugulentur hæretici, in quo tamen ipsi maximè innituntur. Et idem est de cæteris scripturæ testimoniis iudicium, quæ sibi fauere arbitrantur. Ipsismet enim præcipuè refelluntur, quæ tamen illi ad stabiliendam suæ opinionis rationem afferre solent. Est autem operæpretium insanas eorum & positiones & expositiones ad hunc locum adiungere, vt dispiciat pius lector & iudicet.

Primum, dicunt nullum hominem verè iustificari, & istum esse apud Deum, dici tamen in scripturis nos iustificari in hunc sensum, hoc est, nos reputari iustos, non autem verè esse, reputari autem solum per Christi iustitiam nobis imputatam ac donatam, modo credamus: quia fides illam iustitiam apprehendit, & facit nobis eam imputari. Negant ergo iustitiam inhærentem, qua verè iu-

stificamur coram Deo: qua valeamus etiam promereri ampliorem iustitiam, & tandem salutem. Et hunc sensum hauriunt ex hoc Apostoli, loco vbi ait, quod fides reputata est Abraham ad iustitiam, id est, fides apprehendit iustitiam Christi, qua vna reputamur iusti coram Deo. At huic tam absurde expositioni plurima repugnant. Primum hic Apostoli verba, quæ manifestè torquentur in eum sensum accepta. Non enim idem est, fidem reputari ad iustitiam, quod est, fide apprehendere iustitiam, qua reputeris iustus, licet iustus non existas. Deinde repugnat proprietas vocum. Iustificari enim propriè, est fieri iustum, non reputari. Et similiter esse iustum, non significat reputari, & tamen non esse. Tertiò repugnant scripturæ, quæ nulla tergiuersatione eludi possunt, quæ & bona opera, & merita operum, iustificationem & salutem testantur operari, vt planè pateat doctrina hæreticorum plena (vt antea diximus) confusione, non distinguendum statim impij à statu iusti: nec legem Moyses, quæ erat iniusto tradita, à lege Christi, quæ data est iusto. Et consequenter confundunt opera iustificati cum operibus impij. In his eorum omnis fallacia. Impius, n. nullis suis operibus iustificari potest, sed mera gratia: vt de Abraham ab initio dicitur, *Quod credidit, & imputata est ei fides ad iustitiam.* Iusto autem dicitur, vt iustificetur adhuc sicut dictum est Abraham: *Ambula mecum, & esto perfectus.* Vnde & iustificatus est ex illo insigni opere: quia postquam est iustus factus, obtulit filium suum in altari, Fuit, n. opus illud iam iusti opus. Tunc, n. acceperat iustitiâ Dei in corde, vt posset operari fortia ac mereri. Sic dictum fuit Apostolis, nimirum iam iustis: *Nisi abudauerit iustitia vestra plusquam scribarum, & pharisæorum, non intrabitis in regnum cælorum.*

Mitto quod hæc eorum doctrina repugnat spiritui ecclesiæ, & sanctorum sententiis, & præcipuè B. augustini, quod nec ipsi inficiantur. Illud maximum est, quod eiusmodi doctrina perspicuè extenuat bonitatem, & gratiam Christi, quam tamen ipsi fingunt se amplificare. Si quidem longè maius est, eius beneficio obtinere & esse iustum, & posse operari iusta ac mereri, quam id solummodò, videlicet, reputari iustum, & non esse, sed solum alienis inniti meritis. Verum de his in opusculis nostris latius egimus. Diximus enim hic habendam esse commentariorum rationem, quæ fusiorem interpretationem non ferunt.

Non enim per legem promissio Abraham, aut semini eius, vt hæres esset mundi: sed per iustitiam fidei. Si enim qui ex lege, hæredes sunt, exinanita est fides, abolita est promissio. Lex enim iram operatur. Vbi enim non est lex, nec præuariatio. Ideo ex fide, vt secundum gratiam firma sit promissio omni semini non ei qui ex lege est solum, sed & ei qui ex fide est Abraham, qui pater est omnium nostrum, sicut scriptum est: *Quia patrè multarum gentium posui te ante Deum, cui credidisti: qui viuificat mortuos, & vo-*

Gen. 17:

Iac. 3.

Ioan. 8.

I. Ioan. 2.

Heb. 2.

Lutherano  
rum errores  
circa iustifi-  
cationem  
deteguntur,  
& refellun-  
tur.



cat ea quæ non sunt, tanquæ ea quæ sunt. Qui contra spem in spem credidit, ut fieret pater multarum gentium, secundum quod dictum est ei: Sic erit semen tuum, sicut stellæ cœli, & arena maris. Et non est infirmatus in fide: nec considerauit corpus suum emortuum (cum iam ferè centum esset annorū) & emortuam vuluam Saræ. In repromissione etiam Dei non hæsitauit diffidentia: sed confortatus est fide, dans gloriam Deo, plenissimè sciens, quia quæcunque promisit Deus, potens est & facere. Ideo & reputatū est illi ad iustitiam. Non est autem scriptum tantum propter ipsum, quia reputatum est illi ad iustitiam: sed & propter nos, quibus reputabitur credentibus in eum, qui suscitauit Iesum Christum dominum nostrum à mortuis, qui traditus est propter delicta nostra, & resurrexit propter iustificationem nostram.

*Non enim per legem, &c.* Post iustificationem facta est promissio Abraham terræ peregrinationis suæ, ut haberet eam in sempiternum, dicente illi Domino: Dabo tibi, & semini tuo terram peregrinationis tuæ, & omnem terram Chanaan in possessionem æternam, eroque Deus eorum. Hæc terræ promissio, nisi spiritualiter intelligatur (ut Iudæis declarauit B. Stephanus) vana inuenietur. Vnde & Apostolus ad Hebr. de Abraham, & aliis prophetis ait: Iuxta fidem defuncti sunt omnes isti non acceptis repromissionibus, sed alongè eas aspicientes, & confitentes: quia peregrini sunt & hospites super terram. Qui enim hæc dicunt: significante patriam inquirere. Ergo ne vana sit illi promissio facta Abraham, ac propterea ne mendax sit scriptura, cum ipse nihil bonorum carnalium obtinuerit in vita, cogimur intelligere per illam terram Christum nostrum cum toto suo corpore, quod est ecclesia, quæ & mundi nomine vocatur, cuius hæres designatus fuit Abraham, & semen eius, id est, Christus, & qui sunt in Christo. Et hæc terra est, quæ merito terra peregrinationis nostræ dicitur: quia in eo viatores censetur, tanquam in typo & exemplo, quod reliquit nobis imitandum, & in quo debemus ambulare. In illo. n. ambulauit Abraham secundum vestigia, quæ fide accepit, id est, vestigia bonorū operum, & patientiæ Christi. Vidit enim passionem eius in spiritu, & confortatus est illi. Rectè ergo dicitur promissam illi fuisse hanc hereditatem, non ex lege, id est, si faceret legem (quoniam non fuit data lex Abraham) sed per iustitiam fidei. Audi hæretice, per iustitiā fidei, hoc est, si faceret verè opera bona, quæ sunt solummodo per iustitiam, quæ dicitur fidei: quia obuenit nobis ex fide. Fuit. n. illi dictum: Ambula coram me, & esto perfectus. Hæc nimirum sunt edicta fidei, ambulare coram Deo & Christo per bona opera sicut ille ambulauit, & nobis sequendi se reliquit exemplum. & adiecit: Custodi pactum meum: quod erat acceptæ circumcisionis. Et

significabat debitum conseruandæ atque augendæ iustitiæ quam fide acceperat, & circumcisione significata fuit: quod sit ambulando coram illo bonis operibus obediētiæ, quibus crescit iustitia Dei in nobis, & sit meritoria salutis. Vnde dixit Dominus: Nisi abundauerit iustitia vestra plusquam Scribarum & Phariseorum, non intrabitis in regnum cœlorum, ut paulo ante citauimus. Hæc hæreticus cautè præterit, gaudens de sua semel apprehensa per fidem iustitia, quæ illi non inhaeret tamen. Sequitur:

*Si enim qui ex lege hæredes sunt, exinanita est fides, &c.* Esse aliquem ex lege (ex tropo dicendi) est esse in statu, in quem lex potest aliquem collocare. Qui autem tales sunt, non possunt esse hæredes promissionis factæ Abraham: quoniam lex habuit suas promissiones carnales. Quod si ij qui sunt ex lege, venirent ad hereditatem Abraham promissam, exinanita esset fides. Nam si lex satis erat ad hoc, quid faceret fides? At fide iustificatus est Abraham: & fide postmodo perfecit opera, & placuit & ambulauit corā Deo. Vnde Apostolus de illo: Fide ait, qui vocatur Abraham, obediuit in locum exire, quem accepturus erat in hereditatem, & exiit nesciens quò iret. Fide demoratus est in terra promissionis, tanquam in aliena, in casulis habitando cum Isaac, & Jacob cohæredibus repromissionis eiusdem. Expectabat. n. fundamenta habentem ciuitatem, cuius artifex & conditor Deus. Ecce quomodo fide ipse tanquam pater ecclesiæ, cognouit futura ciuitatis Dei bona, cuius artificem & conditorem Deum ipsum per Iesum Christum oculis fidei videbat. Vnde & per obedientiam fidei meruit eius obtinere possessionem. Probatum est igitur satis, semini Abraham, cui fuit facta repromissio hereditatis vnā cum ipso Abraham sub eadem conditione, vox, ex fide, non potuisse contingere hereditatem ex lege, quæ non erat ex fide, eo quod si ex lege (quæ ex fide non erat) fides exinanita inteligeretur, & consequenter etiam fuisset abolita illa promissio facta Abraham, & semini eius, si ex lege tantum penderet: quoniam nulli posset obuenire, cum nullus facere legem, nec posset facere absque fide: et hoc nolunt capere hæretici. Ipsi. n. intelligunt absolutè, neminem posse facere legem. Et nos dicimus, neminem posse facere legem absque fide iustificante. Sic B. Augustinus & vniuersa ecclesia semper sensit.

*Lex enim iram operatur, eo quod operatur prauaricationem perfectam, quæ præsupponit expressum mandatum, & eius notitiam, quapropter subdit: Vbi enim non est lex, nec prauaricatio.* Si. n. lex non fuisset, peccatum internæ concupiscentiæ non fuisset consideratum tanquam transgressio imputabilis, ac propterea non constitueret hominem coram Deo prauaricatorem: quoniam lex naturalis, quæ cum hominis natura corrupta oritur, non potest docere concupiscentiam esse peccatum, cum illam videat esse naturalem, ut potè ex ipsius carnis natura venientem. Et nemo potuisset diuinare hoc naturæ vitium venisse ex peccato antiquo, ac propterea habere imputationem. Lege autem adueniente, & edicante: Non concupisces, & non obtemperante per vllam vim legis homine, lex quidem ipsa constituebatur operatrix iræ propter mā

Act. 7.  
Heb. 11.

Heb. 11.



datum, & propter doctrinam peccati: quoniam inueniens hominem non obtemperantē, conuincebat eum preuaticatorem, cum ei per legem innotuisset esse malum concupiscere, sicut latius declarabitur. Et propterea concludit:

*Ideo ex fide, ut subaudias, non ex lege, venit hæreditas. Et adiicitur: ut secundum gratiam, id est, ut ex gratia fieret hominis instauratio ad merita comparanda, non ex meritis. Quoniam iustificatio ex mera gratia promissa erat, & non ex operibus, fidem aut ipsam iustificationem præcedentibus, firma sit promissio. Nō. n. firma fuisset promissio, si premium hæreditatis veniret à lege sine fide prius iustificante: quia (ut dictū est) sine fide lex non poterat impleri. Lex autem ut iustificet, sui implementum deposcit. Cape ista, pie lector, & cognosces hæreticos in his locis mirificè allucinari: omni semini, melius, toti semini, ne contra Apostoli doctrinam plura semina intelligamus. Vnum est. n. semē Christus, in quo omnes concluduntur, qui sunt ex fide, siue sint ex gentibus, siue ex Iudæis, in Christo enim neque circumcisio consideratur, neque præputium sed noua creatura. Vnde bene sequitur:*

*Non ei qui ex lege est solum. Quod ait ei; noli referre ad semen: quia non sunt plura semina (ut dixi) sed ad hominem, ut sit sensus: Non tamen homini Iudæo, sed & ei qui ex fide est Abraham, id est etiam illi qui licet non sit Iudæus, sit tamen fidelis, sicut fuit Abraham: ut sic benedictio respiciat totum semen, & non partem seminis tantum, quæ pars erant Iudæi: quoniam Abraham constitutus fuit omnium gentium pater, non solummodo Iudæorum, quare addit:*

*Qui est pater omnium nostrum, &c. Inde enim probatur pater omnium tam Iudæorum, quam Gentium, quia scriptura dicit: Quia patrem multarum Gentium posui te. Si pater multarum Gentium, non ergo tantum Iudæorum, qui erant tantum vna gens. Quod autem sequitur: ante Deum, sine coram Deo cui credidisti, adiunctum est ab Apostolo illi antiquæ scripturæ, ita suggerente illi Spiritu sancto. Est autem sensus, quod hæc paternitas Abraham erat decreta ab ipso Patre æterno coram Filio suo, cui ipse credidit, id est, coram Domino Iesu Christo. Nam verba illa, Noli timere Abraham: ego propter te tuus, & merces tua magna nimis? verba filij Dei sunt. Et secundum hæc literam probatur Christus esse Deus. Græcè legitur; cui credidit, & tunc sunt verba ipsius Apostoli, quæ interpoluit quasi sua. Sed vereor ne corrupti sint codices græci ab hæreticis: quoniam secundum aliam literam Christus probatur Deus. Quia verò dicit constitutum esse Abraham patrem multarum gentium ante Deum, cui ipse credidit, ne quis miraretur, quoniam eo tempore (quo ad vixit Abraham) hoc nō videbatur, & durū videri poterat, quod sobolem generaret extraneam iam defunctus: ad hoc soluendum tendunt ea verba, quod hæc coram Deo facta sunt, id est, in mente Dei ac prædestinatione & eius virtute, qui viuificat mortuos, ut possit illos excitare filios ipsi Abraham, faciendo imitatores eius, ac per hoc imitatione filios. Quod ergo ait: Qui viuificat mortuos, intelligit ipsas Gentes, quæ erant mortuæ Deo, sine illius prouidentia notitia*

erga se ipsas. Eos enim viuificauit Dominus per fidem, & fecit Abraham filios, qui imitati sunt illum in fide, & in operibus fidei. & vocat ea quæ non sunt, tanquam ea quæ sunt. Et hoc item ad ipsas Gentes pertinet, quæ Dei vocatione excitantur, ut sint quæ non erant prius. Dicebatur autem non esse, quia non respiciebantur à Deo sicut Iudæi, qui dicebantur esse, eo quod sub peculiari Dei prouidentia detinebantur. Sed Deus Pater per Christum facit omnes dociles Deo; & ita vocauit ea quæ non erant, id est, Gentes, potens illas statuere, sicut ea quæ erant id est, Iudæos, quorum bonam partem eorum perfidia fecit ut non essent. Vnde Apostolus ad Corinth. Deus, inquit, elegit infirma, stulta, & ignobilia mundi, & ea quæ non sunt, id est, ipsas Gentes, ut quæ erant fortia, & nobilia, & habentia sapientiam mundi, denique illa quæ erant, id est, ipsos Iudæos perfidos, confunderet, atque ferme ad nihilum redigeret. Sequitur:

*Qui contra spem in spem credidit, id est, illud credit, & sperauit posse fieri à Deo, quod erat extra omnem spem ex vi naturæ. Et hic laudatur Abraham fides, per quam dignus factus est apud Deum fieri pater multarum Gentium. Dixerat enim illi iā cētenario Deus: Sic erit semen tuum sicut stellæ cæli, & harena maris, & non est infirmatus in fide, &c. Nota historiam, cum illi dictum esset, ex Sara futurum illi semen, non debilitatus est fide, nec à spe ista deiectus est, tametsi ad centum ferme annorum ætatem peruenisset, & Sara vxor duplici de causa infœcunda esset: quoniam & natura sterilis erat, & infuper ætate confecta. Desidera nt enim in ea fieri muliebria, & nonagenaria erat, & quando concepit, erat propemodum centenaria. Et vide (quæso) miram congruentiam. Nam meritò, & iure optimo factum est, ut sicut ille credidit, sperans quod per naturam sperari non licebat circa filios carnis, quos acquisiuit, non ex vi carnis, sed diuina, propter fidem: ita etiam contra rei naturam haberet eos filios secundum spiritum, qui secundum spiritum mortui, nihil erant coram Deo.*

*In repromissione etiam Dei non hesitauit diffidentia, &c. Hæc promissio illa est, qua dixit explicitè: In Isaac erit tibi semen. Et commendatur, quod non hesitauerit diffidentia, vel (ut græcè legitur) non disquisiuit perfidia & incredulitate, cum fuit illi postmodo mandatum, ut immolaret filium. Non enim ratiocinatus est secum dicens: Quomodo hoc fieri potest, ut de Isaac, quem modo immolare iubeor, veniat populus Dei? Sed dāns gloriam Deo, confitendo in animo omnipotentiam eius, obediuit illi, in tam grandi præcepto, plenissime sciens, hoc est, certa fidei persuasionem, quod Deus esset summè potens, qui faceret quacunque promissit. Vnde & reputatus est illi ad iustitiam, hoc est, isto facto corroborauit, & confirmauit primam iustificationem, quæ fides reputata est ei ad iustitiā. Per opera enim impletur fides: & fide implentur opera, ut & ipsa aliquo modo imputentur ad iustitiam: quoniam propter gratiam valent, & meritoria sunt. Quæ tamen gratia aduenit nobis propter fidem, quæ est imputata ad iustitiam: ita ut propter radicem gratiæ, quæ est ex fide, cuncta dici possint aduenire nobis gratiosè & imputatiuè:*

Galat. 3.

1. Cor. 1.



quia à principio fides imputata est ad iustitiam. Hanc confessionem si facerent heretici, non esset (hac parte duntaxat) vlla cum eis contentionis ratio.

*Non autem scriptum est propter ipsum, &c.* Hic apparet quod diximus, videlicet, propositum nobis fuisse Abraham exemplum, vt modum inde iustificationis nostre intelligeremus: quia scriptura non propter ipsum solum eam narravit de illo, sed etiam propter nos, vt simili modo intelligamus, reputatum nobis iri ad iustitiam, si crediderimus in eum, qui suscitavit Iesum Christum dominum nostrum à mortuis: *Qui traditus est propter delicta nostra, id est, ex eius morte consequuti sumus extinctionem peccatorum nostrorum: nā & ille ob hoc mortuus est: & resurrexit propter iustificationem nostram.* Si cut enim mors eius fuit mors peccati, quo gravabamur, ita resurrectio eius & vita noua, fuit resurrexio nostra, & noua vita nostra: vt quodā modore surgētes à peccato & iustificati per ipsum, viuam? Deo in operibus bonis. Est enim iustificatio in nobis, quādam resurrectio secundum spiritum, & prece dit eā, quę (etiā secundum carnē) erit gloriosa in cœlis: sed hæc interim per gratiā est. Vnde bene canit ecclesia sancta: *Qui mortem nostram moriendo destruxit, & vitam resurgendo reparauit.*

CAP. V.

**I**ustificati ergo ex fide, pacem habeamus ad Deum per dominum nostrum Iesum Christum, per quem habemus accessum per fidem in gratiam istā, in qua stamus, & gloriamur in spe glorię filiorum Dei. Non solum autem, sed & gloriamur in tribulationibus, scientes quod tribulatio patientiam operatur, patientia autem probationem, probatio verò spem. Spes autem non confundit: quia charitas Dei diffusa est in cordibus nostris per Spiritum sanctum, qui datus est nobis. Vt quid enim Christus, cum adhuc infirmi essemus, secundum tempus pro impiis mortuus est? Vix enim pro iusto quis moritur: Nam pro bono forsità quis audeat mori. Commendat autē charitatem suam Deus in nobis: quoniam cum adhuc peccatores essemus, secundum tempus Christus pro nobis mortuus est. Multò igitur magis nunc iustificati in sanguine ipsius, salui erimus ab ira per ipsum. Si enim cum inimici essemus, reconciliati sumus Deo per mortem Filij eius: multò magis reconciliati, salui erimus in vita ipsius. Non solum autem, sed & gloriamur in Deo per dominum nostrum Iesum Christum, per quem nunc reconciliationem accepimus.

**R**epetens iterum de modo iustificationis, incipit manifestare statum iustificati. Modus e-

nim iustificationis fuit gratis, ex fide tamen. Status autem iustificati, est status pacis cum Deo. Ex iustitia enī pax venit, quę est fructus spiritus: propter quod ait:

*Iustificati ergo ex fide pacem habemus ad Deum.* Sic enim grācē legitur, habemus, & non, habeamus, vt habent plerique codices quod mihi magis placuit quanquam audio esse & antiquos codices gręcos vbi legitur, habeamus. Hic non pugnabo: viraque enim lectio potest sustineri. Hęc autem omnino mihi magis probatur. Primum quidem, quia vera vera est sententia, iustificatos pacem habere ad Deum. Nec ab hereticis est nobis metuendum, qui hoc in loco quasi victores gestiunt, ob eam, quam sibi falsò fingunt, salutis à pace sua certitudinem, non considerātes miseri aliam esse atque aliam in scripturis pacē, perfectam, scilicet, & imperfectā. Perfecta est, quam res ipsa largitur. Imperfecta verò, quam res pollicetur, quemadmodum mox declarabitur. Secundò placet gręca lectio, cum hoc in loco Apostolus adhuc suo more doceat, nec dum ad hortationes descendit: quod tamen postea facturus est. Et docet quidem à iustificatione venire pacem: quia homo ingressus in Christum, nouit Deum sibi ob remissionem peccatorum esse placatum, & pacatum: cum etiam dona ab eo perceperit, quibus gratiosus effectus, potest in via mandatorum incedere, ad perfectum tendere, ac tandem perfecta pace potiri sua die. Est enim pax vię, & est quoque pax patrię. Hęc firma, secura, atque perfecta est. At illa eiusmodi est, quę possit excidere, imò verò quę non rarò excidat: nec securitatem habet de futuro, nec in se perfectionem hoc tempore, quo viuimus. Contra quam veritatem pessimè docent heretici. Addit autem Mediatorem pacis huius, dominum nostrum Iesum Christum, per quem habuimus accessum per fidem in gratiam istam, in qua fide, siue gratia, stamus. Fides enim est radix gratię, per quam erecti, stamus coram Deo. Idcirco rectè dicimur & verè, stare in fide, sicut alibi B. Paulus: Tu fide, inquit, stas, vide ne cadas. Neque minus verè dicitur, nos etiam gratia stare. Hoc & B. Petrus contestatur, dicēs hanc esse verè Dei gratiam: in qua & statis, inquit. Itaque volens Apostolus huius celsitudinem status ostendere subiunxit:

*Et gloriamur in spe glorię filiorum Dei.* Ecce quid ex iustificatione actum, quamue inde vtilitatem consequuti sumus & honorem, nempe vt valeamus tā quam filij Dei gloriari, ius habentes in hereditate ipsius Christi. Magna profectò hæc & singularis gloriatio, quod simus filij Dei, & ob id sperare possimus hereditatem filiorum vna cum ipso Filio suo vnigenito. Magna, inquam, hæc gloriatio, modo sit sobria, modo eas condiciones habear, quas ipsa requirit: non autem sit nuda & destituta & talis, qualem porrigunt noui heretici (quos lubet fiduciaros appellare) qui solam extollunt fidē, quam & fiduciam vocant, qua vna & sola putant se Dei gloriam apprehendere: qui quidem aduerte re nolunt, nos per fidem saluos esse interim in spe, & nondum in re. Grandis enim nobis adhuc & laboriosa via superest, multis exposita periculis, in quę facile incidimus, si cum timore magno & tremore salutem nostram negligimus operari, inuo-

Quam pacem afferat prima iustificatio, contra hereticos.



cato semper Dei auxilio. vnde subdit:

*Non solum autem, sed & gloriamur in tribulationibus, &c.* Et hic pergit iis obuiam, qui stultè in sua fide & fiducia gloriantur, non intelligentes quid sit illa spes, per quam inceditur vsque ad interiora velaminis; & quoniam modo oriatur in cordibus nostris, & coalescat: ac si dixerit manifestius, Nemo existimet nostram hanc de spe gloriæ filiorum Dei inanem esse & vanam gloriationem, quia filij eius facti sumus. Siquidem & Angeli, qui corruerunt, aliquando filij Dei fuerunt, & item plerique alij, qui tamen præuiccati sunt; & à spe sua exciderunt: quoniam nos nō in hac vna re gloriā nostram collocamus, quod ad sublimem illum filiorum Dei honorem & gradum conscēderimus, verum in hoc potius gloriamur, quod hanc nostram spem firmam tenemus & solidam, & per opera bona in perseverantia vsque in finem, facimus illam nobis certam. Vnde ait:

*In tribulationibus.* Tribulatio est velut materia, super qua homo patiens exercetur. Porro si nulla extaret tribulatio, quænam relucere posset patientiæ virtus? Patientia verò probationem per modum meriti operatur. Nam is qui patitur, meretur probari à Domino, qui cum sit iustissimus, non potest id, quod verè probandum est, non probare, præsertim quia ipse sic ordinavit, ut probaretur. Est enim tentatio, & quasi quædam militia, vita hominis super terram. Vnde & Frater Domini, Beatus vir qui suffert tentationem, quoniam cum probatus fuerit, accipiet coronam vitæ, quam repromisit Deus diligentibus se. Oportet ergo (ut B. Petrus cōfirmat) contristari in hoc mundo variis tentationibus, ut probatio fidei nostræ multò sit pretiosior auro, quod per ignem probatur. Sic sic, inquam, probatur fides, & illa est quæ verè exit in fiduciam, nimirum quæ ex patientia cōsequuta est probationem: hæc est enim non vulgaris, sed apostolica prædicatione. Oportet per multas tribulationes intrare in regnum Dei.

Verum hinc occurrit scrupulus: quoniam B. Iacobus videtur dicere oppositum, videlicet, quod probatio fidei patientiā operetur, non patientia probationem. Sed ibi manifestè probatio fidei pro ea tribulatione capitur, qua probatur fides. Quanquam & illud dici possit, quod etiam probatio patientiā operatur. Nam homo patiens, qui se videt probari à Deo, magis ad patientiam animatur. Nec est novum, idem esse alterius & causam & effectum, secundum aliud atque aliud genus vel modum causæ, ut dilucidè philosophi declarant. Probatio autem hæc diuina, operatur spēs: quia Dominus in eo quæ probat, ex patientia creat spem viuam. Ut hinc planè videas qualis sit, & vnde oriatur spes nostra, scilicet, non ex sola fide, sed quæ ex patientia in tribulationibus, & persecutionibus, & perseverantia boni operis venit. Et hæc est vera spes & viuā, quam cōmendant scripturæ. Vbi ergo sunt isti fiduciarij, qui in sola fide nituntur? & nihilominus contra veram fidem docent, nihil minus habentes quam fidem, qui à doctrina ecclesiæ recedunt, volentes suam statuere, quæ etiam ratione, & iudicio prorsus falsa est. Quis enim nec arās, nec ferens, nec trituras, poterit ex terra fructum cum ratione & prudentia sperare? Quid enī est quod legimus. Qui seminant

in lachrymis, in exultatione metent? Eūtes ibant, & flebant mittentes semina sua. Venientes autem venient cū exultatione portantes manipulos suos. Hæc est igitur viuā spes, quæ non confundit, i. non suffundit hominem pudore: sicut accidit ei, qui frustratur de concepta spe, cū id quod sperat, non venit. At nostra spes non est talis: & ratio est,

*Quia charitas Dei diffusa est in cordibus nostris per spiritum sanctum, qui datus est nobis.* Charitatem Dei intelligit B. Augustinus, quia nos Deum ipsum diligimus, & rectè: quanquam aliter hæretici (ut Calvinus) qui aiunt B. Augustinum in hac expositione esse allucinatum. Et non videt miser & infelix Calvinus, in hac expositione B. Augustini etiam illorum expositionem, qua intelligunt de dilectione Dei erga nos, eleganter comprehendere. Nam ipsa Dei charitas, nimirum qua illum diligimus, quia fundata est in charitate sua, qua ipse diligit nos, certa fidei luce perspicit immensam illam Dei benignitatem, qua adeo dilexit nos, ut etiam cum inimici essemus, dederit pro illo tempore Filium suum noxæ pro nobis. Arguit ergo homo dilector Dei in hac luce fidei, & dicit: Si hoc fecit mihi Deus cum non essem filius, sed inimicus illi, quid mihi faciat modo, cum sim iam filius dilectionis, & dilector? Quam vim argumenti ipse Apostolus declarans, adiecit:

*Vt quid enim cum adhuc infirmi essemus, &c.* pro eo quod nos legimus, ut quid enim; græcè legitur, Ad huc enim; nec redditur alius sensus. Significat namque Apostolus, quod si Christus mortuus est pro nobis cū essemus infirmi, hoc est, ægroti, & impii, quales sumus natura omnes propter antiquū peccatum, licet ad tempus (propterea quod hoc malū decreto Dei futurum erat temporale, donec veniret medicina) multò meliora de salute nūc sperare possumus, quum sumus sanati, & reconciliati, & facti pii. Quod ut magis declararet, adiungit:

*Vix enim pro iusto quis moritur, &c.* Non me latet quoddam aliter exponere, quos non reprehendo: sed non visi mihi sunt in mentē Apostoli penetrasse. In hoc est vis argumenti ad cognoscendam immensam & incomparabilem Dei bonitatem, quod ipse mortuus est pro inimicis & impiis, cum vix reperiatur qui vel pro iusto velit mori, id est, pro homine innocente, & reddente ius suum unicuique. Hic est enim iustus secundum iustitiam, quæ est virtus quædam particularis, & in commerciis requiritur. Vix ergo quisquam moritur pro huiusmodi iusto, licet inueniatur, qui pro bono forsitan velit mori, i. pro eo, à quo beneficium acceperit. Bonum enim hinc pro liberali accipitur. Vnde dixit Dominus: Maiorem charitatem nemo habet, quam ut animam suam ponat quis pro amicis suis. Consideretur ergo Christi erga nos charitas: quoniam ille nō pro bonis mortuus est, à quibus beneficium receperit, quod aliquis fortè ausit: nec pro iustis, quod vix vult: sed pro iniustis (quod certè superat omnē creaturam bonitatem) non dubitavit mortem oppetere. Si hoc igitur iam fecit, ut mortuis vitam suam morte daret, & eos saluaret ab ira iam concepta, quomodo non multò facilius superaddet nobis vitam suam vitam, ipse in æternum viuēs, ut salui simus ab ira futura? Nam quid est facilius? Non enim oportet eum assidue mori. Vna siquidem morte sanctificat

*Inter iustum  
& bonum  
quid inter-  
sit.  
Ioan. 15.*

*1. Pet. 1.*

*Actu. 14.*

*De vera ac  
viva spe.*



nos in æternum, nisi denuò spontè ac voluntariè prolabamur. Sequitur:

*Nota de vera gloria-  
tione.* Non solum autè, sed gloriamur in Deo, &c. Ne quis autem insipienter, & vanè gloriaretur in spe gloriæ filiorum, & similiter in tribulationibus suis, unde spes illa coalescit, addit: Non solum autem, &c.

*Nota pro-  
pter Pela-  
gianos.*

*In Luth-  
eranos.*

*De gratia  
& libero  
arbitrio bre-  
uis doctri-  
na.*

2. Cor. 12.

Nam origo bonorum, de quibus possimus gloriari, Deus est, qui per Mediatore Filium recepit nos in sinum gratiæ suæ, sibi per eum reconciliatos: ut sic, quicumque gloriatur, in Domino gloriatur, ut sit illi laus & gloria. Vbi est aduertendum, quòd etsi quæcunque sunt bona siue naturalia, siue supernaturalia, ea cuncta acceperimus à Deo, non tamen æquè omnia quæ habemus, dona dicuntur, & æquè nostra. Nam quæ naturaliter nobis insunt, vix dicemus dona. Non enim sic loquuntur scripture, & hæc magis nostra dici possunt, tanquam quodam modo naturæ nostræ debita. Et iccirco si iis benè uteremur, non male gloriari possemus in nobis, quòd bene illo, quod erat nostrum, vti essemus. At quæ superuenerunt, & accesserunt nobis supra naturam gratiosè & ex dono ab ipso Deo, hæc minus nostra dicuntur, & verius dona sunt. Et ideo si iis bene utimur, & per illa quædam meliora mere-mur, non debemus gloriari ex nobis, quasi à nobis hæc venerint. In qua re multum aberrarunt Phari-sæi & Pelagiani, qui gloriabantur, quasi ex viribus naturæ potentes. Unde suum arbitrabantur opus, si quod facerent bonum. Illis igitur dicitur, Quid gloriaris, quasi non gratiosè acceperis? Lutheranis autem, qui nihil omnino nobis tribuunt, nisi malum, dicitur: Cur non permittis, Lutherane, me in Domino gloriari? Ego enim non mihi ascribo, quod non est meum. Scio quòd nō ego ex me, sed gratia, quæ est in me, operatur: quæ tamen mihi dono data, effecta est mea, & per illam operans ego operor, & opus meum est: quāquam ex gratia sentio auxilium Dei assiduum & externum. Quare cum ex gratia mihi inhaerente, & ipso Deo adiuuante, bonum aliquod operor, gaudeo, & cōgratulor mihi: quia verè illud ego operor ex meo libero arbitrio, gratia tamen informato. At quia gratiā, & insuper adiutorium habui à Deo, sine quo nihil potuissem operari boni, cōfiteor ingenuè, & glorior, non in me tantum, sed in Deo, qui hæc omnia operatus est in me: & qui velle bonum, & perficere pro bona volūtate dedit mihi per donum gratiæ & auxilium, quod ipsa gratia suo iure deposcit. Qui enim diligitur, dignus est favore ab eo qui diligit, ad finem ad quem diligit. Quapropter dictum est B. Paulo, Sufficit tibi gratia mea. Hæc est catholica doctrina de libero arbitrio, & operibus bonis: ut gratia liberum arbitrium non auferat, sed statuatur, & perficiatur, & ad omne opus bonum promptum, ac paratum reddat.

Propterea sicut per vnum hominem peccatum in hunc mundum intrauit, & per peccatum mors: & ita in omnes homines mors pertransiit, in quo omnes peccauerunt. Vsq̃ue ad legem enim peccatum erat in mundo. Peccatum autem non imputabatur, cum lex non esset. Sed regnauit mors ab Adā vsque ad Moysen, etiam

in eos qui non peccauerunt, in similitudine prauaricationis Adæ, qui est forma futuri. Sed non sicut delictum ita & donum. Si enim vnius delicto multi mortui sunt: multo magis gratia Dei & donum, in gratia vnius hominis Iesu Christi in plures abundauit. Et non sicut per vnum peccatum, ita & donum. Nam iudiciū quidem ex vno in condemnationem: gratia autem ex multis delictis in iustificationem. Si enim vnius delicto mors regnauit per vnum: multo magis abundantiam gratiæ & donationis & iustitiæ accipientes, in vita regnabunt per vnum Iesum Christum. Igitur sicut per vnius delictum in omnes homines in condemnationem: sic & per vnius iustitiam, in omnes homines in iustificationem vitæ. Sicut enim per inobedientiam vnius hominis peccatores constituti sunt multi: ita & per vnius obedientiam, iusti constituuntur multi. Lex autem subintravit ut abundaret delictum. Vbi autem abundauit delictum, superabundauit & gratia: ut sicut regnauit peccatum in mortē, ita & gratia regnet per iustitiam in vitam æternam, per Iesum Christum dominum nostrum.

Quoniam verò dixerat recōciliationem factam cum Deo, & per Iesum Christum, quod supponebat iram, & indignationem Dei aduersum nos, nec iræ causam satis declarauerat, hæc ostendit peccatum omnium nostrum, & modum liberationis ab eo peccato congruentissimum. Ait ergo:

Propterea sicut per vnum hominem, &c. Dura quidē constructio literæ, & quiddam necessariò supple-dum esse videtur. At sensus ipse non ita obscurus est. Ego enim sic ordinarem. Propterea, ut hinc sistatur, & fiat punctus (ut græci codices habent) & referatur ad superiora, ac si dixerit, Propterea reconciliationem accepimus per Iesum Christum, quia (suppletu) erat cōueniens per vnum hominem instaurari eos, qui per vnum hominem periti sunt: unde ut id exprimeret, subdidit:

Sicut per vnum hominem peccatum in hunc mundum intrauit, & per peccatum mors, & ita in omnes homines mors pertransiit, in quo omnes peccauerunt, &c. Ita cōuerso debuit intrare iustitia per vnum, & per iustitiam vita, & ita intrare vita in omnes homines, in quo omnes iusti & obedientes fuisse intelligimur, qui fide in illum ingredimur. Sed expēdan-tur singula diligenter.

Per vnum hominem, id est, Adam, peccatum intrauit in mundum. Quodnam peccatum fuit hoc, quod intrauit in mundum? Certè illud quod admisit ipse Adam: quoniam in ipso quodam modo continebatur vniuersus mundus, & ab ipso pendebat. Cum enim posteri omnes naturam ab eo essent accepturi, cōgruum erat, ut & quæ naturæ quodam modo debebatur, per illum acciperent. Illo igitur peccante intrauit peccatum, & per peccatum mors, videlicet,



debita illi delicto: quæ mors pertinet ad mortem tum corporis (cuius debitum tunc incuimus) tum etiam animæ, quæ fuit priuatio gratiæ & iustitiæ. Intrauit autem & peccatum & mors in mundum, quasi in vnâ massam, vt sic in singulos homines, qui ex illa educerentur, ipsum peccatum penetraret. Nam (vt rectè Theologi docent) in Adam primum intelligitur corrupta natura: ita vt particulares homines eam naturam participantes, inueniantur peccatores, eò quòd in mūdum, id est, in illam massam intrauit peccatum, & inquinata est vniuersa. Quicunque ergo de illa accipit, etiam inquinatus inuenitur.

Nunquid autem de hoc contaminato mundo esset speciali quadâ gratia subducta beatissima Virgo, vt mundi appellatio (ob singularem præseruationem) minime illam cōtingat, ac propterea non inuoluatur cum cæteris in peccato antiquo, nequaquam erat in primis fidei nostræ cunabulis tractandum. Ideo sermonem suum ita tēperauit Apostolus, vt nihil prorsus afferat præiudicij aduersus veritatē illam, quam de immaculata eius conceptione vna cū ecclesia sancta tenemus: nec verbis quidem eius (si rectè intelligatur) valeamus argui. Dicit enim B. Paulus, intrasse peccatum in mundum. Nos autem dicimus, hac mundi appellatione non comprehēdi illam B. Virginem, iuxta intellectum scripturarum, in quibus frequentissimè vox ista, mundus, significat gratia Dei vacuos. Vnde Dominus de discipulis suis ait: Mundus eos odio habuit, quia non sunt de mundo, sicut ego & non sum de mundo. Quod ergo dedit discipulis Dominus ex tempore, vt eos de mūdo subduceret, hoc non dedit dilectissimæ Matri suæ, ac Sponsæ, vt nunquam cum iis, ab initio creationis illius, qui essent de mundo computaretur? Nec illud obstat, quod addunt, Peccatum & mors pari passu incedunt, vt quem apprehendit mors, etiam peccatum apprehendit: quia per peccatum mors, & ita mors intrauit in omnes, in quo omnes peccauerunt. Respondetur enim non esse huiusmodi ordinem in ipso Apostolo, videlicet: In quē mors intrauit, in eum quoque intrauisse peccatum, sed e conuerso: In quem peccatum, in eum & mors. Alioqui & Christus mortuus est, & tamē non intrauit in eum peccatum. Et qui liberantur ab eo peccato, nihilominus moriuntur. Quid ergo mirum si & illam mori oportuit, quæ præseruata fuit à peccato? Non enim placuit Deo (sicut nec erat decens) illam præseruari à morte, quā præseruauit à peccato: quemadmodum nec vllum eorum quos liberauit à peccato, voluit liberare à morte. Præseruatio autē quædam liberatio est. Si enim mortuum est caput, etiam mori membra decentissimum fuit. Verū quoniam quæstionem hanc copiosè in nostris opusculis & accuratè tractauimus, ad ea remittendum lectorem noscendæ veritatis cupidum, duximus: quam certe veritatem illic (solutis in contrarium argumentis) sententiis, & rationibus, atque auctoritate ecclesiæ ita corroborauimus, vt ij soli minimè persuaideantur, qui persuaderi dedita opera nolunt. Hic habenda fuit instituti nostri ratio, vt ipsa breuitate, quoad fieri posset, lectorem ab omni fastidio liberaremus.

Sed quæstio est, quonam pacto illud peccatum

intrasse dicatur in mundum, cum fuerit actus quidam, qui statim transiit? Respondemus, quòd licet peccatum illud trāsierit actu, manebat tamen semper reatu ante oculos Dei respiciētis Adam vt peccati autorem & reum, in quo continebatur mundus. Ipse enim Adam qui peccauit (quantum in eo fuit) non destitit à peccato: & ita mundus, qui fuit in illo, sub eo peccato inuoluitur. Vnde & peccatum illud Adæ, peccatum mundi dicitur. Sicut B. Ioannes Baptista dixit, Ecce agnus Dei: ecce qui tollit peccata mundi.

Verū aliter hunc locum interpretati sunt Pelagiani, qui negarūt originale peccatum, non valentes penetrare sapientiam Dei, nec acquiescere diuinis sententiis, & communi ecclesiæ sensui à maiorum traditionibus accepro. Aiebāt enim: Quo pacto fieri potest, vt illud peccatum in posteros transeat, aut posteris noceat? Nam anima quæ venit à Deo, & ab illo in corpora nostra infunditur, quomodo non innocēs venit? Cum igitur non peccet qui generatur, nec qui generat, nec Deus qui generationi dat incrementum, vnde, & per quas (aiebāt) rimulas potest intrare istud peccatum inter tot innocentia præsidia? Illud insuper vehementer obieciabant de paruulis, tāquam vehementer absurdū, ipsos innocentes non debere ob patris peccatum æternæ flammæ plecti suppliciis. Addebant, hunc locum de peccato illo originali non posse intelligi: quoniam non per vnum, sed per duos potius, & primò quidem per mulierem exordium habuit peccatum. Quapropter ita hunc textum intellexerunt, vt dicerēt, per vnum hominem peccatum intrasse in mundum, non contagione & natura, sed exemplo & imitatione: quoniam omnes ferè homines imitati sunt illum, actualiter peccādo. Sicut & diabolus dicitur pater præuaricantium eorum, qui imitati sunt illum: & Abrahamā patrem credētium. Vnde Dominus: Vos ex patre diabolo estis. Et quòd sequitur, *Et per peccatum, mors*, de morte gratiæ tantum interpretati sunt, non de morte corporis.

At quoniam hæc hæresis meritò iam damnata est atque explosa, non esset ad disceptationem iterum reuocanda, nisi Erasmus eam (sicut & pleræque alia) subdolè suscitasset. Et nihilominus vtile est semper scire solutionem eorum, quæ illi obieciabant: quoniam & in aliorum mentē cadere possunt quàm facillimè, quæ huiusmodi sunt. Nā quædam ab illis in nos obiecta & magni ponderis & momenti visa sunt B. Augustino, vt penè sit factus nescire se illa resolvere. Nos igitur hic strictim nō nulla attingemus.

Et primum quantum ad illud attinet, quòd ipsi aiunt circa sensum Apostoli, illum sensisse non de peccato quod contagione contrahimus, sed quod imitatione voluntate nostra committimus: vtrunque irrationabiliter asserūt. Quod enim aduersus nos primum pro ratione afferunt, illud est, quòd si de transfusione peccati per contagionem sensisset Apostolus, non dixisset: Per vnum hominem, sed per duos homines. Nā prior fuit mulier in peccando. Sed id commenti ipsos prius iugulat. Etenim si de peccati transfusione per imitationem loquebatur, pari (imo maiori ratiōe) de peccato mulieris loqui debebat, quæ prior, & grauius peccauit, & fuit occasio peccati Adæ, qui illam est imitatus. Vnde

*Peccatum Adæ trās-  
iit actu, re-  
mansit red-  
tu.*

*Error Pelagi-  
anorum.*

*Ioan. 8.*

*Resolutio  
argumento-  
rum Pelagi-  
j.*



*Eccles. 17.* rectè scriptura ait : A muliere initium peccati , & per illum omnes morimur . Cum igitur hoc eorū argumentum retorqueatur in illos, vt non possint hīscere : nostrum nunc est per illud ipsum confirmare nostra.

Dicimus ergo peccatum illud, quod est transfusum & nocuit mūdo, fuisse ipsius Adæ peccatum, & non Heuæ. Si enim peccasset tātum Heua, non corruisset vniuersa posteritas, nec ipsa quidem Heua amisisset illam originālē iustitiam. Eatenus autem nocuit nobis, vt naturæ & gratiæ dona amitteremus, quatenus illa suo peccato adduxit virum ad peccatum: imò ipsamet Heua in Adam peccante inuenta est peccatrix. Quare rectè dicitur, per vnum hominem peccatū intrasse in mundum, sub quo mundo & Heua conclusa est, cum & ipsum viri peccatum illi nocuerit, vt ipsa quoque amitteret iustitiā illam, qua nostra natura rectè constabat & integrè: licet antea proprio peccato personālē gratiam amisisset. Hoc autem erat ratione pacti, quod in solo Adā positum erat, nec absque ratione: sicut ego latius in opusculis declarauī. Quare euanesceat hæc aduersum nos argutio, vt patet in eiusdem B. Augustini epistola ad B. Hieronymum.

Verū argumentum de pueris quod obiecebant, quo etiam multis & magnis angustiis agebatur B. Augustinus, & fatebatur se non habere quicquam certi in promptu, quod responderet, maioris esset ponderis, si nos etiam admitteremus (quod nimis facile aliquando ipse B. Augustinus sibi persuasit) videlicet, à solo Adæ peccato deberi filiis supplicium secundæ atque æternæ mortis. Quod vt est horribilissimum dictu, si ad immensam Dei bonitatem respiciamus & summam æquitatem, ita certè falsissimum. Nos ergo cum omni schola respondemus, summum æternæ & secundæ mortis supplicium, quod est sulphur & ignis, non manere eos, qui solum cum originali peccato decedunt: quorum pœnam tantummodo esse carentiam diuinæ visionis Innocentius tertius doctè, & eleganter declarauit. De qua re & nos particulari tractatu disseruimus. Nunc satis sit hoc inde sumpsisse, quod pueri non plectantur illa crudelissima pœna, imò ab omni pœna sensus immunes sunt. Hoc tantū ferent (sed equo animo) quod non videbunt gloriam Dei: nec tamen carebūt sua felicitate, quæ deceat hanc nostram naturam, qua homines sumus, pollentes ingenio, & ratione. Et hæc satis quantum ad argumētum de pueris. Nam & hoc ipsum de pueris reieciatur in illos. Certum est enim quod pueri baptizantur in remissionem peccatorū: & hoc ex apostolica traditione est communissimum, quod & vsus perpetuus ecclesiæ semper habuit, cui qui resistit, semetipsum cōdemnat. Cum igitur imitatione non habeat peccatum pueri vllum, hoc necessariò superest, vt illud habeant ex contagione.

Quod verò cum tanta derisione proferebant, inquirentes per quas rimulas hoc peccatum ingrederetur cum tot innocentiae præsidiis, facile resolutum patet habenti aures. Scimus enim, & constanter credimus, animarum creatorem esse Deū, qui animas creādo non peccat. Et scimus illum etiam qui generatur, non peccare dū generatur, aut quia generatur. Et concedimus, patrem cum genuit,

concumbēdo fortè non peccasse: quia rem non illicitam, imò etiam à Deo imperatam fecit, & cum omni debita circumstantia. Et mater similiter non peccauit concipiens puerum, & pariens: quanquā etiam si peccaret, non noceret animæ filiorum ad mortem: quia proximorum peccata parentum in sobolem non transeunt, sed illud primi patris nostri peccatum duntaxat. Et cum his omnibus, quæ facile fatemur, nihilominus dicimus, quod qui concipitur & nascitur, peccator concipitur & nascitur coram Deo: non propter nouum aliquod peccatum, sed propter illud antiquum, quod quilibet nostrum peccauit in patre Adam, existens in illo peccante, & comedente. Vnde & creditur cum illo comedisse, & peccasse quilibet nostrum, secundum pactum, & intellectum Dei. Neque verò id mirum est (si hæc sanè capiantur, & considerentur) ita euenire, propter rationabile pactum quod iniit nobiscum Deus, ipso Adam pro nobis pacifcente ac recipiente: vt simul accipiamus, eatenus in illo nos dici peccasse, quatenus filij peccatoris per naturam, quam ab eo accepimus, cōstituimur, vt tantummodo ea per illud peccatū amiserimus, quæ conueniebant naturæ integræ, quam ab eo (si stetisset) eramus accepturi. Illo igitur non stante, sed preuaricāte & cadente, non possumus iure conquiri, si & nos tanquam filij inobedientis patris, ac per hoc inobedientes, in illo & cum illo cecidimus, & eo caremus, quod per illum & propter illum, si fuisset obediēs, erat nobis obuenturum. Eo igitur ipso quod sumus filij preuaricatoris, qui promisit retinere accepta dona pro se, & filiis suis, nec retinuit tamen peccatores & odio digni constitui coram Deo. Sed iis donis dūtaxat fraudamur excisi à pacto, quæ dona nobis per illum obueniebant. Sicut econuersò, si ipse obediens fuisset, constituti fuisset iusti coram Deo per illum, & dilecti ad accipiendum omne donum in ipso nobis decretum. Quid igitur habet incōgrui, si nos qui eius obedientia obediētes & iusti censiti fuisset ad acquisitionem donorum, per hoc solum quod patris iusti & obediētis fuisset inuēti filij, modo nunc conuerso, inobedientes & iniusti censeamur ad ea dona amittenda, cum nascamur & concipiamur patris iniusti & inobedientis filij?

Sed dicit aliquis: Ego generor à patre Christiano, qui liberatus est ab ipso peccato, & inuenitur in Christo filius Dei, & non amplius filius Adæ, ac propterea nec iræ filius: Quomodo ergo ex eo nasci potest filius iræ, & filius Adæ? Respondemus, quod qui est Christianus, vt homo generat, & non vt Christianus: & secundum illam partem generat, quæ venit ab Adam, & adhuc vitium habet, & est quodam modo odiosa Deo: quia in illa est malū, sicut ait Apostolus inferius. Scio enim (inquit) non habitare in me, hoc est, in carne mea bonum. Et ipse Dominus hoc ipsum docens, dixit: Filij huius seculi nubunt, & traduntur ad nuptias: vt intel ligamus homines secundum illam partem generare, secundum quam sunt filij huius seculi, id est, secundum carnem. Et ideo tāquam filij Adæ, & non tanquam filij Dei generant. Et sic tanquam iræ filij, & non filij reconciliationis habentur. Donec enim viuimus, filij Adæ sumus secundum istum hominem, qui foris est, donec corrūpatur, & penitus

*Nota hæc  
acutè lector*

*De pœna  
originalis  
peccati.*

*De statu  
puerorum  
qui absque  
gratia &  
sacramento  
decedunt.*

*Quid sit ve  
re peccatū  
originale.*

*Quomodo  
pater Chris  
tian⁹ tras  
fundit pec  
catum ori  
ginale in  
sobolem.*



moriatur:& sic efferbuerit atq; exarserit ira Dei.

*Nota, Quo-  
modo disca-  
mur omnes  
in Adam  
peccasse.*

Sed aiunt: Quomodo peccasse in Adam intelli-  
gimur, cum non essemus tūc, quum ipse peccauit?  
Et nos dicimus: Quomodo decimatus fuit Leui in  
lumbis Abrahe, qui pro illo dedit decimas Melchi  
sedech, cum Leui tunc nōdum esset? Eramus ergo  
in lumbis Adæ cum illud peccatū peccauit, & pec-  
cante illo etiam nos peccasse censiti sumus, quate-  
nus in ipso, & in pacto donorum, continebamur.  
Et hæc satis nunc ad ea, quæ Pelagiani mouebant  
contra peccatum originale. Non possunt item ip-  
si se defendere in eo, quod aiunt hic loqui Apосто-  
lum de peccato imitationis, etiā alia ratione. Non  
enim dixisset: Per vnum hominem peccatū intra-  
se in mundum, & in omnes homines: quoniam (vt  
ipsimet fatentur) multi vixerunt absque peccato,  
quos de iustitia cōmendat scriptura. Et de pueris,  
citra controuersiam eos imitatione non peccasse,  
conceditur. Quomodo igitur ipsi inueniuntur pec-  
catores? Nam B. Paulus (vt mox videbimus) asse-  
uerat & peccatū & mortem regnasse etiam in eos  
qui non peccauerunt (quales sunt ipsi pueri) in si-  
militudine prauaricationis Adæ. Insuper cum di-  
cat pertrāsisse peccatum & mortem, de certo quo-  
dam peccato, & certa morte loquitur, vt & ipsi ar-  
ticuli græci indicant. Non ergo potest de imitatio-  
nis peccato intelligi. Non enim propriè peccatum  
illud & mors à primo parente pertransiit, si nos i-  
mitatione peccāremus: sed nouum est nostrū pec-  
catum, & mors, quæ singulis peccatoribus ob pro-  
pria delicta aduenit.

Præterea, dicit inferius Apostolus, iudiciū fuisse  
ex vno peccato in condemnationem. & iterum:  
Quod vnus delictō mors regnauit per vnum. At  
si imitatione multi peccarent, non veniret iudiciū  
ex vno peccato, sed ex multis: neq; regnaret mors  
delictō vnus, sed multorum. Addo, multos fuisse  
qui peccando nec de Adæ peccato quicquā intelle-  
xerunt, neq; de ipso quidem Adam cogitauerunt,  
qui minime dici potest suggerere peccatum, sicut  
de diabolo dicitur. Quamobrē non propriè dicun-  
tur imitatione peccasse, aut suggestione. Non deesse  
sent pleraque alia argumēta aduersus hunc dicen-  
di modum efficacissima, sed cum per se sit ineptis-  
simus, satis superque ex superioribus confutatur:  
præsertim cum vigeat in Pelagianos ecclesiæ san-  
ctę definitio, quę confitetur originale peccatū pro-  
pagatione transfundi, & negat imitatione contra-  
hi: & ex hoc potissimum loco damnat aliter opinā-  
tes, quemadmodum in concilio Mileuitano con-  
stat, à sum. Pontificibus hac in parte comprobato.  
Quare nos iā superius dictis contenti sumus. Quos-  
dam tamen esse non ignoramus, qui ista floccifa-  
ciunt, & qui mendacis adiuuentis etiam defende-  
re hæreticorum partes conantur, vt & ipsi aliquid  
esse videātur. Erasmus enim huic temeritati dedit  
initium, contra quę satis in nostro tractatu diximus.

*Pelagiani  
ab ecclesia  
damnati.*

*Locus diffi-  
cilis, & at-  
tentione di-  
gnus.*

Vsq; ad legem enim peccatum erat in mundo: sed pec-  
catum non imputabatur, cum lex non esset. Locum hūc  
variè interpretantur tractatores, & reuera difficul-  
tatibus non videtur carere. Nam si de actuali pec-  
cato est sermo, & Apostolus dicat illud fuisse in  
mundo vsque ad legem datam, primò non est ad-  
modum peruiū, quid ad rem pr opositam hoc atti-  
neat: neq; satis est aperta nō imputationis ratio ex

eo tantum, quòd nondum extaret lex illa Moyses:  
Erat quippe naturæ lex, ex qua poterāt & agnosce-  
re peccatū, & quod improbè agentibus imputaba-  
tur peccatū. An non docuit ipsemet Apostolus su-  
perius, eos qui sine lege peccauerūt, sine lege peri-  
re? Sed aiūt quidam, quòd non imputabatur ab iis  
qui erant insipientes: quanuis Deus ipse, quē nihil  
laterè potest, imputaret. Verū nec hoc quidē sa-  
tisfacere debet: quia etiam post promulgatam Mo-  
seos legem non defuerunt insipientes, qui non im-  
putabāt peccatum. Præterea, non propter paucos,  
eosque insipientes, dixisset Apostolus absolutè,  
quod peccatū non imputabatur. Adde quòd gręcè  
legitur absolutè, tanquam regula, *Sed peccatum non  
imputatur, cum lex non est:* quę lectio (vt ita dixerim)  
magistralior est, vt sic indicet rei naturam & cōue-  
nientiam, quæ est, non debere imputari peccatum  
non existēte lege, quæ illud prohibeat: quod & su-  
perius dixerat: Vbi non est lex, nec prauaricatio.

De originali ergo peccato loquitur hic B. Pau-  
lus, in quo totus mundus ignarus inuoluebatur. Et  
de hoc planius dicitur, quòd erat vsque ad legem.  
Non enim ex illa lege venit, cum ex Adam procef-  
ferit, sed potius ex illa lege manifestatum est. Erat  
autē, & debacchabatur per varias concupiscentias  
ante legem, absq; imputatione tamen. Nam quod  
cūque veniebat ex eo peccato ex necessitate fomi-  
tis impellētis, non erat æquum vt imputaretur tan-  
quam nouum peccatum, quod parit secundam &  
æternam mortē. Erat tamen illa prima mors super  
homines ex veteri peccato. vnde ait:

*Sed regnabat mors ab Adam vsque ad Moysen, etiam  
in eos qui non peccauerunt, &c.* Ne autē putares, pec-  
catum illud penitus nō fuisse imputatum, adiecit,  
quòd regnabat illa mors (de qua iā dixerat) quę ab  
illo peccato venerat. Regnauit autē vsq; ad Moysen,  
ex eo quòd tunc apparuit peccatū, & significata est  
medela peccati: vt inciperet illa mors amittere re-  
gnū. Nam tūc populus ille accepit legem, quā di-  
ctum est: Non concupisces. Non enim poterat ho-  
mo ex lumine quod habebat à natura, satis cōiecta  
re concupiscentiā esse peccatū, vt inferius docet ip-  
se Apostolus, dicens: Nam concupiscētiam nescie-  
bam, nisi lex diceret, Non cōcupisces. Quid est di-  
cere, nesciebam concupiscentiam, nisi, nesciebam  
eius rei malitiam? Cum enim concupiscere carni,  
sit ei naturale, nec possit homo frænare illā ne con-  
cupiscat: imò nec possit absque gratia, & gratiæ au-  
xilium non consentire illi concupiscenti, proculdu-  
biò non poterat diuinare hoc esse malū, quòd sibi  
à natura inesse perspiciebat. Quod enim naturale  
est, neque laude, neque vituperio dignum esse Phi-  
losophus docuit, & ratio videbatur cōfirmare. Ta-  
men alia parte, cum ad superiorem hominis par-  
tem respiciebat, rei indignitatem cogeatur agno-  
scere: sic tamē poterat in his tenebris cernere con-  
cupiscentiæ legem esse improbam, & in decoram  
tantæ creaturæ, quanta est homo. Sed qui poterat  
scire vnde venisset? Et ideo miser homo non vale-  
bat agnoscere peccatum, nisi doceretur per legem,  
& à Deo desuper. Et cum nō posset agnoscere esse  
peccatum, non poterat nec quidem cogitare (ne-  
dum optare) remediū. Et sic regnabat in eum pec-  
catum, & eius mors vsque ad Moysen: quò tempo-  
re & nosci, & simul cœptum est illi obuiari.

*Nota.*



*Nota de  
providen-  
tia Dei.*

Verum hinc magnum exoritur dubium: dicit enim mihi quis. Ergo Deus usque ad Moysen dimisit in eo peccato mundum absque remedio, ut propter ea nullus potuerit habere salutem, & liberationem ab ea morte? Absit. Sed dicimus, quod quæ erant remedia, non veniebant ex lege naturæ, nisi in eis qui per eam legem ita proficerent, ut per Angelos internam huius rei illuminationem mererentur, & veniret usque ad eam, quæ lex Moyses dabat, notitiam. Nam tunc sibiipsis erant lex: quanquam vix etiam poterant venire ad limpidam originem cognoscendæ mortis & vitæ naturæ, nisi vel traditione maiorum, vel certa reuelatio illius peccati venisset à Deo, quæ per paucorum erat. Cum igitur non esset publice datum remedium, neque publice illius peccati resecta notitia, recte dictum est, quod mors regnabat etiam in eos qui non peccauerunt, in similitudine præuaricationis Adæ. i. in eos qui non peccauerunt actualiter per seipsos, sicut fecit Adam, quales sunt habendi ipsi pueri. Itaque mundus usque ad legem passus est grassationem illius peccati: quāvis multi ab illo fuerint liberati, qui pertinuerunt potius ad legem gratiæ, quàm ad legem corruptæ naturæ.

Sunt tamen qui sic exponunt. Regnavit peccatum in eos qui non peccauerunt, nimirum peccatum Adæ. Redditur autem ratio, quare in eos regnauerit, cum ipsi non peccauerint: quoniam in similitudine præuaricationis Adæ. i. in ea præuaricationes similes inuenti sunt ipsi Adæ, tanquam in quo omnes continebamur, & similes illi facti sumus, eius præuaricationis participes. Hæc expositio vera est in se. An verò eam ferat litera, ipse lector iudicet. Siue autem hæc, siue superior expositio eligatur (nam utraq; in idem recidit) notabis hinc differentiam temporum: hanc etenim Apostolus indicare volebat. Ante legem derelictus est mundus sine doctrina illius peccati, ne fieret imputabile, cum non esset tempus adhuc indicandi remedium. Postmodo per legem indicatum est peccatum, simul & remedium. Denique verò per euangelium omnibus ultro propinatum est. Non me latet B. Ambrosium legere hunc locum absque negatione, & hoc magis probare. Dicit enim regnasse mortem etiam in eos qui peccauerunt in similitudine præuaricationis Adæ. Sed quis dubitare poterat, quod in illos qui actualiter peccarunt, sicut Adam, regnauerit mors? Cur autem dixisset Apostolus etiam in eos qui peccauerunt: cur dixisset; etiam; tanquam esset magis dubitabile, & minor ratio, ut debuerit mors regnare in illos? Quare prior lectio melior veriorque videtur, nisi forte illud; etiam; abundet, & non sit in textu.

Quod autem dicitur Adam esse forma futuri, sic intelligitur, vel quod in illo figurati sunt posterii, qui censentur cum illo peccasse: Vel (quod magis placet) quia ille fuit quodam modo typus, ad quem Deus futurum Adam, id est, ipsum Christum redemptorem nostrum aptauit, sed cōuerso modo, nempe: Ut sicut ille perdidit, Ita Christus saluos faceret. Ille inobedientia & peccato: Christus obedientia & iustitia. Ille gustando dulcem fructiferi ligni cibum: Christus gustando ligni sterilis amarum. Et sic facile est inuenire alias huius antidoti admirabiles congruentias. Addit tamen:

*Sed non sicut delictum, ita & donum, &c.* ne putamus per omnia cōuenire typum: ideo hinc declarat

excludi Adam priorem à secundo Adam: quoniam non tantum nocuit ille, quantum profuit iste. Unde ait:

*Si enim vnus delicto multi mortui sunt, multo magis gratia Dei & donum, in gratia vnus hominis Iesu Christi in plures abundauit.* Græcè verius legitur, in multos, non in plures. Est ergo dictum Apostoli, quod licet vnus delicto multi mortui, tamē gratia Dei, id est, donum illud iustitiæ, propter gratiam vnus hominis Iesu Christi, abundauit in illos multos, hoc est, vis gratiæ in bonum excessit vim delicti, quod erat in malum. Hinc verò nota quod non audeat asserere omnes mortuos per Adam, sed dixit, multos: fortè volens seruare se ab immaculatissima Virgine Dei Matre. Nec alienum videri debet, si ita (Spiritus sancto autore) prospectum esse futuris quæstionibus existimarem. Porro declarans in quo excesserit gratia, ait:

*Et non sicut per vnum peccatum, ita & donum.* Credo hoc in loco; & (sicut solet) accipi pro; quia; ut declarentur dicta superius, & sit hic sensus. Quod enim gratia & donum multo magis abundauerit, hinc probatur: Quia non sicut per vnum peccatum (supple tu) merito veniebat iudicium in omnes, ita per Christum ab eo tantum peccato venit meritum iustificationis in omnes. Nos. n. a multis delictis illi peccato superadditis meruit Christus iustificare. De merito enim hinc loqui videtur Apostolus, & non de facto, cum seipsum declarans dicat:

*Nam iudicium quidem ex vno in condemnationem.* Non audeat dicere fuisse pronunciatam damnationem, sed quod secundum meritum iudicium erat sic dispositum ad condemnationem, propter illud vnum tantum delictum. Donum autem ex multis delictis ad iustificationem, hoc est, donum Dei per Christum dispositum fuit ut daretur, non ad iustificationem tantum ab illo delicto, sed à multis delictis. Et sic pater quomodo meritum Christi ad bonum, extendat se ad plura peccata, cum demeritum fuerit tantum ex vno peccato. Non me latuit græcè hunc locum aliter legi, videlicet: Et non sicut per vnum peccatorem. Sed nostra lectio mihi videtur verior, ut sit sensus, Magis etiam de facto profuisse, quod habuit Christus in meritis pro nobis, quàm obfuerit quod ex demeritis Adæ de facto contigit aduersum nos. Quod & probat subdens:

*Si enim vnus delicto mors regnauit per vnum, &c.* Ecce quomodo obfuit peccatum illud: quia mors regnauit per illud peccatum in multos. Sed cōuerso, vide quomodo qui acceperunt abundantiam gratiæ & iustitiæ, habeant vitam, in qua multo magis regnant per vnum. Ecce, expendamus conditionem mortis illi, & regni eius, quæ mors accidit ob peccatum: & conferamus cum illius vitæ conditionibus, & regni eius vitæ, quæ nobis confertur per Christum. Mors enim illa non erat perfecta mors, nimirum secunda illa, quæ aufert omnem vitam. i. vitam gratiæ beatam, & vitam hominis felicem, ut homo est. Illa enim mors quæ ex illo peccato nobis accidit, & si amputat vitam gratiæ, non tamen vitæ humanæ suam aufert felicitatem. Ideo pueri (ut iam diximus) etiam si in eo peccato moriantur, ac propterea non sit illis aditus ad vitam eternam, tamen non carebunt humana felicitate, sicut credibile est. At vitæ beatorum perfectissima erit, omnē

*Nota de  
gratia Christi,  
si conferatur  
cum peccato  
Adæ.*



concludens felicitatem. Ad hæc regnū illius mortis fuit temporale regnum. Regnavit. n. vsque ad Moſen (ſicut declaratum eſt) & cœpit deſtrui: oſtēſo morbo, & indicato remedio, & hoc magis in aduentu Chriſti. Quod ſi etiam regnavit in multis, in eos, in quos regnavit, habuit temporale regnum, ſcilicet, vsque ad iudicium. Nam tunc mors ex illo peccato veniens eliminabitur in ſempiternum: nec erunt tunc vlli filij iræ, niſi qui ex nouo & proprio peccato rei inuenientur æterni delicti. Nam pueri qui deceſſerint absque gratia Dei, & ipſi quoque inſtaurabuntur: & ſi non ad gloriam in cœlis, ad ſuam tamen fœlicitatē in terris vt non nulli Theologorum non temerē crediderunt, & ſic non penitus filij iræ inuenientur. Poſſumus autem hoc in loco (cum de accipientibus abundantiam gratiæ, & donationis iuſtitia ſermo eſt) intelligere de his, qui præcipui ſunt acceptores donorum ſecundum Spiritus abundantiam, qui & prædeſtinati ſunt coram Deo: quibus ita diſpoſitum eſt regnum, vt nullo modo ab eo diuelli poſſint ob eximiam gratiam, quam decreuit eis impartiri Deus per Ieſum Chriſtum. Sequitur:

*Igitur ſicut per vnus delictum in omnes homines in condemnationem.* Poſtquam declarauit in quo typus excedatur, nunc in quo conueniat exponitur. Et primò quoad meritum: Secundò quoad effectū. Et de merito quidem ait: Quod ſicut per vnus delictum in omnes homines in condemnationem. Ecce hîc manifeſtè deeſt verbum (quia de merito loquebatur, non de facto) quia condemnatio illius peccati ſuſpenſa eſt propter decretam reparationē. Erat autem huius delicti meritum, vt ſententia in omnes homines procederet ad condemnationem: nec propterea ſequitur, quod ita de facto fuerit. Vnde quidam ex hoc loco ineptè inferunt, Beatiffimam Virginem ſubiaciuiſſe illi peccato. Ineptè inquam, ſiquidem non aliud hîc probatur, niſi quod meruit ſubiacere, vt Adæ filia: quod nemo negat. Sicut econuerſo, cum dicitur:

*Sic per vnus iuſtitiam in omnes homines in iuſtificationem.* Apparet enim de facto per Chriſti iuſtitia non omnes fuiſſe iuſtificatos. Ergo de merito loquitur Apoſtolus, vt ſit verus ſermo ipſius. Nam ſi quod dicitur, in omnes homines, cum de Adæ peccato eſt ſermo, ſimpliciter (vt vis verborum ſignificat) intelligitur: ſic profeſſo debet pariter intelligi, cum eſt ſermo de Chriſti iuſtitia, illud idē quod dicitur, *In omnes homines.* Nam hoc reſtringere ad regeneratos tantum, ſiue ad prædeſtinatos, apertè violat literam, & deſtruit conuenientiam typi. Apoſtolus enim æqua lance iſta diſponit, videlicet delictum Adæ cum iuſtitia Chriſti, quod ſicut illud delictum in omnes homines, ita hæc iuſtitia in omnes homines. Sed iuſtitia non de facto in omnes homines, ſed de merito: ergo & delictū de merito, vt ſimiliter de vtraque dictum veriſicetur. Quia ſicut meritum Adæ per delictum extendebatur in omnes, ita Chriſti meritum per iuſtitia extendebatur in omnes, modo in omnes applicaretur. Quod ſi non applicetur omnibus, per ipſum non ſtetit: ſicut nec per Adam ſtetit, quo minus applicaretur ſui delicti meritum in omnes. At nos cum omnibus piis credimus, ſanctiſſimam Dei Matrem per eximiam Chriſti filij eius Domini no-

ſtrigratiam fuiſſe exemptam. Per gratiam, inquam, non per naturam: ne quiſ calumnietur, nos illam facere Chriſto filio parem, qui ex ſuiipſius natura hoc habuit, ne vlli proſus peccato poſſet ſubiaccere: Mater verò ex gratiæ dono in gratiam Filij, vt decentiſſimum erat. Sed nos de hac re alibi. Nam cum de efficacia peccati Adæ, & iuſtitia Chriſti loqui voluit Apoſtolus addiecit:

*Sicut enim per inobedientiam vnus hominis, &c.* Ecce hîc, quomodo multos opponit multis. Non enim dixit, omnes conſtitutos peccatores per Adam, ſed multos. Et ſimiliter per Chriſtum, nō omnes conſtitutos iuſtos, ſed multos. Loquitur enim manifeſtè de iis, qui effectū ipſo conſtituti ſunt tales, hoc eſt, vel peccatores per Adam, vel iuſti per Chriſtum. Nam de Chriſto Iſaias palam ait: Iuſtificabit ipſe iuſtus ſeruos meos multos. Sequitur:

*Lex autem ſubintrauit vt abundaret delictum.* Quoniam dixerat, legem non ſolū non iuſtificare coram Deo, ſed iram etiam operari: & hoc videbatur pertinere ad ſugillationem Dei, qui rem nedū inuilem, ſed inſuper noxiam per ſeruū ſuū Moſen introduxerit: hîc aperiens Dei prouidentiam, diuinum cogitatum plenum miſericordiæ & æquitatis detexit. Ait ergo: *lex autem ſubintrauit*, id eſt, quaſi latenter & obiter irrepiſit, tanquam non ad rem faciēſ, hoc eſt, ad ipſam iuſtificationem, quod tamen erat intentum Dei principale, ſed hoc fuit, vt abundaret delictum. Ad talem. n. finē valuit illa, & hoc Dei ordinatione factum eſt, nō vt huiusmodi eſſet finis legis, videlicet, peccatum, ſed abundantia gratiæ, quæ ſuperabundaret, vbi abundaſſet delictum: quod accidit Iudæis, quibus data eſt lex. Ipſi enim ſupra modum ob acceptam legem conſtituti ſunt peccatores: ideo abundauit in eis delictum.

Nec metuendum eſt conſiteri Deum velle peccatum, vt & B. Auguſtinus ait. Non quia ipſe velit peccatum, vt eſt peccatum & malum, ſed vt bonū eſt, putā, vt eſt vel pœna peccati, & vindicta in reprobos (ſic enim intenditur à Deo, & bonum eſt, non malum) aut vt ipſum peccatum eſt occaſio ad bonum in dilectis & electis ſuis, vt cedat in gloriam ſuam. Et ſic Deus vult interdū, atque intendit peccatū hoc pacto, dum id præcipit, quod videt hominem non facturum, qui tamen putat ſua ſuperbia ſe poſſe facere, vt agnoſcat miſeriam ſuam, & certò compertum habeat ſe non poſſe facere, & ſic humilietur, & conſiteatur, & deprecetur, vt conſequatur miſericordiam, & facultatem faciendi. Sic non ſolū permittit negare Petrum, ſed etiam voluit, & hoc intendit, derelinquēs eum propriæ fortitudini & viribus ob præſumptionē eius, idque meritiſſimè. Sed factum fuit miſericorditer, quo illi ſeſe, & infirmitatem ſuam agnoſceret, & humiliaretur, & conſiteretur & conuerteretur, & ſanaretur, & diſceret erga alios eſſe miſericors. Et hac prouidentia vſus eſt Dominus erga mundum ad domandam eius ſuperbiam. Dimiſit enim illum ingredi vias ſuas, vt reipſa videret, ſe nihil boni poſſe facere ſine illo, ſed plurimum mali. Et Iudæorum populo, quem peculiariter dilexit etiam vt magis abundaret delictum, per legē prouidit, vt peccatum concupiſcentiæ agnoſceret, id eſt, morbum ſuum: vt miſer homo nolens tranſ-

Iſa. 53.

Nota ad quid data fuerit lex.

Quomodo Deus velit peccatum.

Nota hæc, quomodo Apoſtolus non de facto loquatur, ſed de merito.



gredi, & nihilominus transgrediens, verè recognosceret suam infelicitatem, & curreret ad medicum & medelam: & tunc abundaret misericordia Dei.

Attamen sunt qui exhorrent confiteri, Deum quouis modo intendere peccatum, & volunt ly; vt; consecutiue, non casualiter accipi. Et non vident quòd si Deus præcipiat alicui quicquã quod ille non potest efficere, ex ipso præcepto consequenter peccatum vult, & intendit. Non dico quòd ipsa lex intendat hoc: quia non est legis intendere malum, sed bonum: quanquam lex ipsa non intendat quicquam, sed legis autor. Non autem poterat lex impleri, sine gratia Christi: gratia autem non veniebat sine confessione peccati. Cõfessio autem non exculpebatur absque cognitione ipsius peccati. Cognition autem propter superbiam hominis, non poterat provenire absque præuaricatione & transgressionem. Præuaricatio autem & transgressio non erat absque lege. Ergo de industria data est lex, vt peccatum inualesceret, & hoc homo agnosceret, & humiliaretur. Ergo non intendit peccatum Deus vt peccatum, & vt deordinatio est, sed in remedium propter conditionem hominis malam & proteruam, vt constitueretur in dispositione ad accipiendam misericordiam: quod sola facit agnitio, & confessio peccati, & humilis prostratio sui ipsius coram Deo. Tunc enim accurrit, & effundit ille misericordiam suam, vt est in parabola de filio prodigo. Neque tamen sic vsus esset peccato nostro Deus ad bonum, nisi in eum statum homo semetipsum coniecisset, vt iam esset necessarium ad salutem apparere peccatum, & consequenter peccare, vt per hoc magis pateret infirmitas: & nos aliquando agnosceremus nos ipsos infirmos, & (sicut diximus) curremus ad medicum & medelam. Nam (vt rectè inquit B. Thomas) etsi morbus corporalis medelam possit suscipere etiam ipso ægroto nesciente, aut etiam inuitò, non sic tamen est de morbo animæ spirituali, qui venit ex culpa propria contra Deum. Nisi enim homo infirmus morbum animæ suæ agnoscat, & pœniteat, & oblatam recipiat: imò etiam petat medelam, honorans medicum, non saluabitur. Sic ergo necessarium fuit vt abundaret delictum, & sic legem dari, qua lata fierent transgressionem, & agnosceretur status morbi: & ita desideraretur medicus & medela, & consequenter sic legitime obueniret ægrotantibus salus. At ab initio, cum esset homo in statu integro, nequaquam necessariū erat peccatum, nec à Deo fuit vlla de causa intentum, vt rectè docet B. Augustinus. Vnde quod canitur in ecclesia: O verè necessarium Adæ peccatum, non est absolute intelligendum, sed ex suppositione, id est necessarium ad ostensionem diuini illius excellentis erga nos amoris, quæ ostensio non fuisset, nisi Adam peccasset. Sed ostensio illa non erat conueniens nisi peccato posito, & peccatum illud nullo modo tunc erat desiderabile, nec dignum vt à Deo quouis modo intenderetur, ad ostensionem illam suæ misericordiæ. Quis enim sapiens pater intendat filij existentis in iustitia, & non proterui, contumaciam, vt ostendat suam erga illum misericordiam? Aut quis intendat periculum vllum eius qui bene habeat, vt liberet eum ab

illo? Proculdubio inconuenienter talia & cogitantur, & dicuntur. At iam factò filio rebeli, & contumace & proteruo, & hoc non ex patris providentia & deliberatione, sed mala illius voluntate, potest quidem pater consulti, & de industria, nec sine prudentia, talem filium dimittere vt incidat in pericula, & miseria: imò & occasiones honestas ea ratione præbere, vt sese tandem cognoscat, & reuertatur, & resipiscat, & imploret veniam & indulgentiam paternam, & obtineat. Hoc igitur fuit consilium diuinum (exorto iam à culpa nostra peccato) vt per legem cresceret, vt sic agnosceretur, & veniam mereretur, & gratiæ abundantiam. Vnde ait:

*Vt sicut regnavit peccatum in mortem, ita & gratia, &c.* Non est dicendum, in mortem, sed, in morte: quia peccatum & infirmitas illa non erat ad mortem iam parato Redemptore: sed dicit, in morte, id est, in illa priore morte, quæ non erat perfecta, sicut declarauimus. Regnum enim illius peccati erat in ipsa morte gratiæ, vsque ad aduentum medici. Moses enim non fuit medicus, sed fecit potius vt per legem inualesceret peccatum, & morbus peccati. Solum in lege prophetauit de illo, per quem mandandum erat peccatum, & ipsa mors, & loco peccati & mortis, restituenda iustitia, & vita gratiæ, quæ regnaret ad vitam æternam per ipsam iustitiam, & per Iesum Christum Dominum nostrum. Quo in loco consydera statum, in quo positi sumus per Christum: quia prius regnabat peccatum in morte, vt non possemus non peccare. Nunc regnat gratia per iustitiam, vt non cogamur peccare nisi dederimus nostra sponte manum peccato. Et quidam etiam propter eximiam gratiam Dei, peccare non possint ad mortem.

## CAP. VI.



**Q**UID ergo dicemus? Manebimus in peccato vt gratia abundet? Absit. Si enim mortui sumus peccato, quomodo adhuc viuemus in illo? An ignoratis fratres quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in mortem: vt quomodo Christus surrexit à mortuis per gloriam Patris, ita & nos in nouitate vitæ ambulemus. Si enim complantati facti sumus similitudini mortis eius, simul & resurrectionis erimus. Hoc scientes, quia vetus homo noster simul crucifixus est, vt destruat corpus peccati, vt vltra non seruiamus peccato. Qui enim mortuus est iustificatus est à peccato. Si autem mortui sumus cum Christo, credimus quia simul etiam viuemus cum illo: scientes quòd Christus resurgens ex mortuis iā non moritur: mors illi vltra non dominabitur. Quòd enim mortuus est peccato, mortuus est semel: quòd autem viuit,

Nota hæc  
diligenter.

Differentia  
inter mor-  
bum corpo-  
ris & ani-  
mæ, & ho-  
minem me-  
dicum, &  
Deum me-  
dicum.

Ad pecca-  
tum quomo-  
do necessa-  
rium.

Nota statim  
in quem per-  
uenimus  
per Chri-  
stum.



viuit Deo. Ita & vos existimate, vos mortuos quidem esse peccato, viuens autē Deo in Christo Iesu.

**Q**uoniam ex Apostoli doctrina malè accepta, quidam prauas consequentias colligebāt, & aiebant: Si commendatur gratia Dei ex abundantia peccati, ergo peccandum est, & non est suscipienda medicina, sed manendum est in peccato, ut abundet gratia. Respondens B. Paulus, primum abominans talem conclusionem, ait: *Abst.* Tum affert rationem, ut inualidum argumentum ostendat, dicens:

*Qui enim mortui sumus peccato, quomodo adhuc uiuimus in illo?* ut sit sensus, Qui in bono statu existit, non debent intendere in malum, sed quiescere à malo; nec debent sperare vitam in eo, unde est per se mors. Prius enim quam reciperet homo gratiā Dei, cum esset in ægitudine, & uiueret peccato (quod super eum iuste dominabatur) Dei benignitas interim procurabat illi vitam licet persisteret in illo peccato, quin & peccatum peccato adderet, nec aliter facere posset. Substentabat autem illud peccatum Deus, ne in suum effectū (qui est mors secunda) erumperet, usque ad exhibitionem medicinæ in mente diuina iam præparate, & usque ad recuperationem sanitatis, tanquam conuiuens interim, & dissimulans delicta. Nam corā Deo quodam modo uiuebat adhuc homo (quantum infirmus) qui apositus erat in eo statu, ut acciperet medelam sua die, paratam sibi ab ipso Deo. Ergo ubi iam venit gratia, & reddita est sanitas per medicum & medicinā, minimè peccandum est, ut gratia abundet: sicut nec ab initio, cum esset natura integra intendit Deus peccatum hominis, ut ostenderet abundantiam gratiæ. An ullus vnquam peritus & fidelis medicus consulat homini prospera corporis valetudine utenti, sese ut crapulæ de dat, ægitudinemque incurrat, quod suæ in eum artis exercendæ postmodo habeat occasionem? Hoc sane vir prudens nunquam committeret. At postquam is qui sanus erat in grauē aliquem morbum propria culpa incidere, quædam ei de industria indulget, imò etiam præbet (quæ aliàs per se ipsa essent noxia) eo quod nouit per medicinam, quam parauit, illa omnino vomitanda, seu eiicienda quocunque alio modo: nec posse aliter euacuari, nisi plura sic fuissent simul congesta. Recepta verò iā sanitate per medelam sapiens medicus non iā per mittit ægroto ut quicquam tenter, quod ad distemperantiam humorum faciat, ac denuò ægitudinē inducat: imò hoc ipsum instantissimè prohibet, ne fortè etiam in peiorem conditionem recidat. Et hanc prudentiam Christus nobis ad huius rei doctrinam manifestauit, quum hominem illum, quē sanauerat ab infirmitate, offendens in templo, dixit: Ecce sanus factus es, iam noli peccare, ne deterius tibi contingat: quoniam recidiui grauius ac periculosius postmodo laborant. Hanc doctrinam noui hæretici omnino ignorant: sed perinde docent, ac si semper homo in priori statu maneret, nihil sanitatis in baptismo recipiens, nec vllum Spiritus donum. Sequitur:

*An ignoratis fratres, quia quicumque baptizati sumus, &c.* Mirabili doctrina hoc ipsum nobis Apo-

stolus ex typo ostendit, in quo ut id cernas, aduerte diligenter, eos qui baptizantur Christi Baptismo, in Christū Iesū baptizari, id est, quodā modo induere illum, ut in eo maneat, sicut de illo nobis mystica significatione declarat scriptura. Cum igitur baptizamur in illum, non nisi in illum crucifixum, & mortuum baptizamur: quoniam in mortem ipsius baptizamur, hoc est, ipsam eius mortē, ac sepulturam illa immersione commemorantes & significantes. Hoc autem non aliud est, nisi profiteri effectū suæ mortis in nobis, qui est mors peccati. Ergo quicumque baptizamur sic in Christum intrantes, ita morimur peccato, sicut ille mortuus est, ad delendum illud. Et sicut à corruptibili vita illa, quæ erat quædam mors, liberatus fuit moriendo: sic & qui in illum ingreditur, debet effici liber à priore conuersatione, qua satisfaciebat peccato. Et sicut sepultus est ille post mortem, & tres dies mansit usque ad resurrectionem: sic & sepulchrum oportet manere corpus peccati, quod est caro hæc nostra putida, condita tamen aromantibus, id est, odore bonorum operum, & spe resurrectionis futuræ, donec appareat illa perfecta resurrectio: & interim reliquum temporis, abiectis prioribus desiderijs, viuamus Deo. Vnde declarans hæc, ipse ipsemet ait:

*Consepulti enim sumus cum illo per baptismum in mortem*, ut sicut idem Christus resurrexit per gloriam Patris, non ad veterem vitam, ut ulterius satisficiat peccato (quod fecit semel) sed in vitam nouā, incorruptibilem, gloriosā, ut uiuat Deo in sempiternum, nunquam moriturus. Sic & nos post extinctionem peccati, debemus in vitam nouam resurgere, sine corruptione peccati ambulantes cum illo inculpabiliter & innocēter, quadraginta dies, id est, perpetuum vitæ nostræ tempus usque ad ascensionem cum illo, sicut post resurrectionem ille fecit cum discipulis suis. Tantundem enim temporis nobiscum manet Dominus, ut nobis illuceat.

*Quoniam si complantati* (melius coinsititij, ut habet græca vox) *facti sumus similitudini mortis eius, simul & resurrectionis erimus.* Nam periade ac si infereremur in corpore Christi ad nouam vitam, in ipso baptismo commorimur præteritæ vitæ, quæ fuit in peccato: ut sicut ille resurrexit in gloria, sic & nos aliquando cum illo. Nam quod insitum est, & manet in eo in quo est insitum, ab eo accipit vigorem vitæ, & eius vitam meritò consequitur. Et amplius declarans, addit:

*Hoc scientes*, id est, hoc scire debentes, quod *vetus homo noster*, ipse Adam, in quo eramus omnes, *crucifixus est* nimirum cum Christo in eo corpore. Et propterea nos extincti sumus, quatenus peccatores eramus cum illo, & in illo: quia Christus illum hominem, & nos omnes posuit in carne sua, ut sic cum illa destrueretur totum corpus peccati, & omnis eius vis, ita ut non sit nobis necesse ulterius seruire peccato: quoniam regnum suum perdidit.

*Qui enim mortuus est, iustificatus est à peccato*, id est, Christus qui se peccatorem constituit pro nobis, & reum, soluto debito per mortem, & vnam sui ipsius hostiam, iustificatus est à peccato, scilicet, ut non teneatur amplius ad soluendum, & sic moriedum pro illo quod semel fecit. Vnde iustus est factus, ut uiuat Deo. Sic & omnis qui in illo est ba-

*Nota pulcherrimum typū in baptismo conuersionis Christianæ*



ptizatus, inuenitur mortuus cum illo, & sic iustificatus est à peccato: quoniam peccatum nullum ius in eo habet, vt iure valeat dominari, cum sit solum illud debitum.

*Quodnam  
ius habuit  
peccatū in  
homines.*

Vbi nota, peccatum habuisse ius in ipsum Christum, & in nos, sed vario modo. In Christum quidem volente illo habuit ius afficiendi eum morte vt pro peccatis nostris satisfaceret. Hoc enim ille in se recepit voluntarie mandante Patre. In nos autem velimus nolimus, habuit ius vt teneret obnoxios sibi ad fructificandum, donec sibi satisfaceret. Et sicut Christus moriens semel, iustificatus est à peccato: quia satisfecit illi, neque rediit rursus in priorem conditionem, vt amplius esset moriturus sed excitatus est vt viuat Deo: sic qui in illo, semel iustificatus est, in eandem conditionem transferatur, tanquam iustificatus à peccato, vt non debeat vterius seruire peccato, sed Deo, & in gloriā eius: cum in eius gloriā excitatus fuerit. Sicut Christus, qui vt resurrexit ex mortuis, iam non fuit amplius morti obnoxius: quia semel soluit (vt diximus) quod peccato quodammodo debebatur. Ergo in hoc typo similiter considerandi sumus, vt tales inueniamur, quales esse debemus, videlicet, in Christo propter peccatum moriente, mortui peccato: & in Christo resurgente & viuentem propter Deum, similiter & nos ex resurrectione à peccati, mortisque dominio liberati, viuamus seruientes Deo, & viuentes illi.

*Si autem mortui sumus cum Christo credimus, id est fide tenemus, quod simul viuemus cum illo.* Hic vita gratiæ: in cœlis vita gloriæ, de qua vita hinc intelligit. *Scientes quod Christus resurgens ex mortuis, iam non moritur, &c.* Ostendit typum commutationis nostri status ipsum Dominum, vt in qua conditione simus, intelligamus. Ille enim semel mortuus est pro peccato. Sic & nos debemus semel mori pro peccato in baptismo: & ita non amplius peccare, sed Deo viuere, sicut ille. Quod ipsemet aperte declarat, subdens:

*Sic & vos existimate, &c.* Clara est litera. Illud solum notandum, quod vbi nos legimus: Quod mortuus est peccato, mortuus est semel. Græcè melius legitur. Quod mortuum est peccato: & intelligitur de corpore Christi. Nam illud verè mortuum est peccato, ad extinguendum illud. Sed sensus idem est. Hanc eandem doctrinam nobis tradit B. Petrus Christo igitur, inquit, passo in carne pro nobis, & vos eadem cogitatione armamini: quia qui passus est in carne, desiit à peccatis, vt iam non desideris hominum, sed voluntati Dei, quod reliquum est viuat temporis. Ecce vt Christum proponit nobis tanquam peccatorem, & peccatorum typum gerentem: qui postquam passus est in carne pro peccatis, desiit à peccatis, id est, desiit esse mortalis & passibilis, seruienti illo modo peccato, quò satisfaceret ei. Factus est autem postquam peccato satisfecit, impassibilis, & immortalis vt Deo seruiat, non vterius peccato, propter quod semel est mortuus. Eadem igitur cogitatione armandi sunt omnes qui baptizantur, videlicet, vt intelligant se fuisse peccato obnoxios: qui & seruiebant concupiscentiis eius, vsque ad mortem illam, quā profitentur in baptismo cum Christo. Postquam verò iam satisfecerunt debito, quo seruire peccato

cogebantur, & ad nouam vitam promoti sunt, permanere debent in ea, & non implicari denuo sub eadem miserrima seruitute: sed diligentissime præstantiam noui status considerare, & in eo permanere. Vnde Magnus ille & sanctissimus Pontifex Leo, Agnosce o homo dignitatem tuam & diuinæ consors factus naturæ, noli in veterem vilitatem degeneri conuersatione redire,

Non ergo regnet peccatum in vestro mortali corpore, vt obediatis concupiscentiis eius. Sed neque exhibeatis membra vestra arma iniquitatis peccato: sed exhibete vos Deo, tanquam ex mortuis viuentes: & membra vestra, arma iustitiæ Deo. Peccatum enim vobis non dominabitur. Non enim sub lege estis, sed sub gratia. Quid ergo? Peccabimus, quoniam non sumus sub lege, sed sub gratia? Absit. An nescitis, quoniam cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis ad iustitiam? Gratias autem Deo quod fuistis serui peccati, obedistis autem ex corde in eam formam doctrinæ, in quam traditi estis. Liberati autem à peccato, serui facti estis iustitiæ. Humiliter dico, propter infirmitatē carnis vestræ. Sicut enim exhibuistis membra vestra seruire immunditiæ, & iniquitati ad iniquitatem: ita nunc exhibete membra vestra seruire iustitiæ in sanctificationem. Cum enim serui essetis peccati, liberi fuistis iustitiæ. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc verò liberati à peccato, serui autem facti Deo, habetis fructum vestrum in sanctificationem, finem verò vitam æternam. Stipendia enim peccati, mors: gratia autem Dei, vita æterna, in Christo Iesu domino nostro.

*Non ergo regnet peccatum, &c.* Hactenus hic locus confundit aduersarios, qui negant sublatum baptismi originale peccatum: & aiunt nobis adhuc dominari, vt non valeamus non peccare damnabiliter, sed solum non imputari nobis peccatum. At ex Apostolica istius loci doctrina nouus colligitur Christiani hominis status, à quo vita pura & immaculata in Christo exigitur: quam si renatus homo præstare minime potest, longè fit status iste deterior priore, in quo peccati abundantia super abundantiam gratiæ inuenit. Hæc autem gratiæ abundantia nedum præuaricanti in hoc nouo statu non promittitur, sed contrā, pœnarum potius abundantia. Non eoque stupidi sunt hæretici, vt hæc absurdissima non videant. Itaque nescio qua fronte, eandem cum nostra interpretationem ad hunc locum afferunt (nec enim tergiversatione vlla po-

*Exhortatio  
ad perseuerantiam in  
noua vita.*

*Hæreticorum  
dolos, cum  
premiuntur,  
claris scripturæ testimoniis  
moniti.*



test hic locus in alium sensum torqueri) sed quasi non inde iugulentur, callidè dissimulant. Sed iis misis, rem nostram prosequamur.

Postquam nos de statu, in quo per gratiam sumus, erudiuit Apostolus, videlicet, insiti in Christo, in morte & sepultura peccati, & in resurrectione nouæ vitæ: vnde sequitur quod iam excitati à mortuis, & secundum vitam gratiæ facti sani, non debemus vltèrius relabantes sperare abundantiam gratiæ, ad hoc ita nos hortatur:

*Non ergo regnet peccatum, &c.* id est, fomes & concupiscentia, quam vocat peccatum: quia ex peccato descendit, & in ea peccatum agnoscitur. Non enim omnino extinguitur per baptismum, & communem gratiam: nec tamen verè est peccatum, nec ullam peccatirationem habet cum adest gratia, quæ non potest esse simul cum peccato, licet peccati nomen hæc concupiscentia retineat: quia ex peccato venit, & ad peccatum virget, & omnino morbus est & vitium, in quo antiquum peccatum conspicitur. Non autem verè est peccatum, quia est in carne, non in mente: nec imputabile est iis qui sunt sub gratia, qui illi non consentiunt voluntate. Sublatum est enim debitum habèdi primam iustitiam: sublatum, inquam, per Christum.

Hæc diligenter animaduertere debet prudens lector, propter nouam & insanam hæresim, quæ docet per baptismum non esse sublatum peccatum. Prudentissimè igitur hortatur Apostolus dicens: *Non ergo regnet peccatum:* & non dixit, Non habeatis illud, id est, talem fomitem & concupiscentiam, vt noui fatui dogmatizant, qui ponunt in baptizato hoc peccatum etiam imputabile, quanquam non imputeretur. At B. Paulus ait: *Non regnet*, id est, & si pugnet, & valeat, non tamen præualeat aduersus spiritum. Nam ne sit, & ne pugnet (secundum communem gratiæ statum) impossibile est. Vnde dixit Dilectus: Si dixerimus quod peccatum non habemus, nosipfos seducimus, & veritas in nobis non est: proculdubio de hoc fomite & concupiscentia intelligens, vt planè procedat illa sententia. Non ergo in voluntate nostra est ne sit, aut ne pugnet, sed ne superet: hoc in nostra est potestate, per gratiæ Christi tamè, quæ Dominus nulli negat, nisi iis qui proprio delicto illa sese indignos constituerunt, & excisi sunt à Christo. Sed qui manet in Deo, non peccat, licet habeat peccatum, vt ait idem Dilectus. Aliud est enim peccare, aliud peccatum habere: & aliud reum peccati teneri. Habere enim potest quis peccatum, & non peccare, nec peccati reum teneri: quoniam habere peccatum, est esse in ea conditione concupiscendi: cui si non consentimus, non peccamus, nec ulli damnationi subiicimur. Vnde Apostolus declarat vbi non debeat regnare peccatum, nimirum,

*In vestro mortali corpore:* quia in corpore, & in carne propriè hoc malum est, quod repugnat menti: vt apertè ipsemet docet seq. c. vbi ait habitare hoc malum in carne. Et declarat quomodo regnet peccatum hoc, scilicet concupiscentiis eius obediendo per consensum mentis. Vnde B. Iacobus, Vnusquisque tentatur à concupiscentia sua abstractus & illectus. Deinde concupiscentia cum conceperit, parit peccatum: peccatum verò cum consummatum fuerit, generat mortem. Vnde B. Paulus ca-

uens ne concipiat concupiscentia hæc, & tandem pariat, ait:

*Neque exhibeatis membra vestra arma*, id est, instrumenta iniquitatis peccato, id est, ipsi concupiscentiæ. Et per membra intelligit omnia organa siue animæ, siue corporis, quibus vitur anima ad aliquid agendum, aut faciendum: *Sed exhibeatis vos*, id est, voluntatem vestram, *Deo tanquam ex mortuis uiuentes*, id est, sicut dignum est eos facere, qui ex mortuis surrexerunt, ne vltèrius moriantur. Hoc enim facere summa diligentia debent, nimirum, cauere postmodo periculum mortis, à quo semel euasere cum, ne in illud iterum incidant, potestatem acceperint, imò & obligationem contraxerint. Quo in loco nota, quod voluntas censetur totus homo: quia est regina & domina. Et qualis illa est, talis homo censetur, siue bonus siue malus. Ideo primò dicit, *exhibete vos*, id est (sicut diximus) voluntatem vestram. Nam ceteræ potentiæ & vires hominis obsequuntur illi: ideo addit: *Et membra vestra arma iustitiæ Deo*. Eleganter arma iustitiæ armis iniquitatis opposuit. Nam per iustitiam, omnem virtutem intelligit, qua Deo, & proximo suum ius tribuitur, videlicet, pietas & æquitas. Et contra, per iniquitatem, intelligit omne vitium. Sic & Deum, cui seruiendum est, opponit peccato, id est, concupiscentiæ, cui seruiunt inimici Dei: quia sapientia carnis est inimicitia in Deum. Ne quis verò pugnandi laborem frustra suscipi ob victoriæ adipiscendæ difficultatem, obiicere posset, hoc remouet Apostolus, & militis Christiani animum certa superandi pollicitatione erigit, dicens:

*Peccatum enim vobis non dominabitur.* Loquitur autem hic de isto malo & peccato, tanquam sit aliquid extra nos, & aduersarium nobis: quoniam est in carne, non in mente. Caro autem (quæ homo exterior dicitur) alter quidam homo censetur à mente, quæ dicitur homo interior apud Beatum Paulum: qui renouatur de die in diem. Exterior autem homo de die in diem corrumpitur: quia secum vitium habet, quo semper pugnat aduersus interiorem hominem. Non enim quandiu istius vitæ mortalis cursum tenemus, etiam in baptizatis, extinguitur. Quamobrem non dixit, non erit, quia in baptismo non tollitur, nec dixit, *non imputabitur* tanquam sit imputabile post adeptam gratiam homini humiliato, & confitenti miseriam suam: sed dixit, *non dominabitur*: quia per gratiam & auxilium Dei poteritis ei resistere ne præualeat, quod satis est militanti sub Christo, vnde adiecit:

*Non enim estis sub lege, sed sub gratia.* Est homo sub lege, cum ita ei peccatum dominatur, vt nequeat resistere concupiscentiis eius: & nisi minis, ac terroribus legis terreretur, omnino etiam in exteriora facta erumperet. Sub gratia verò est, qui spiritu Dei actus, eius amore frangit has improbæ concupiscentiæ vires, ne in actum prodeant: quia charitas Dei foras mittit timorem. Rursum. Apostolus ne quis ignauus audiens se esse sub gratia, hinc ad peccandum caperet occasionem, tanquam indulgentiam facile consecuturus, hoc argumentum adducit quo excitari poterant ignaui ad nequitiam, aiens:

*Quid ergo peccabimus quoniam non sumus sub lege sed sub gratia:* quod abominans responderet: *absit.*

Quod concupiscentia quæ est in carne naturalis, verè non est peccatum.

Lutherana hæresis.

Nota.

Iac. i.



Nota contra nouum hæreticorum dogma.

*An nescitis, quoniam cui exhibetis vos seruos ad obediendum, &c.* Directò hæc Apostoli doctrina confundit nouorum hæreticorum dogma, qui Dei gratiam cum peccato posse constare prædicant: quoniam, secundum Apostolicam doctrinam, qui peccant in gratia Dei existentes, amittunt eam, & rursus fiunt serui peccati. Quisquis enim se exhibet ad obediendum alicui, eius seruus fit, siue peccati, id est, ipsius concupiscentiæ, per quam peccauit, cuius finis est mors siue obeditionis, id est, præcepti diuini, cui obediuit; cuius finis est iustitia: quoniam in ea obedientia iustificatio perficitur. Nam in hoc apparuit gratia Dei (vt idem ait) omnibus

*Ad Tit. 2.* hominibus erudiens nos, vt abnegantes impietatem, & sæcularia desideria sobriè, & iustè, & piè uiuamus in hoc sæculo. Quæ si non facimus, in deteriore nos statum conuicimus, sicut B. Petrus testatur. Melius erat illis, inquit, non cognoscere viam iustitiæ, quam post agnitam retrorsum conuerti ab eo, quod illis traditum est, sancto mandato. Sequitur:

*2. Pet. 2.*

*Gratia autem Deo, supple tu, est, aut debetur, quod fuistis serui peccati: obedistis autem ex corde in eam formam doctrinæ, in quam traditi estis.* Clarus est sensus. Nō enim agit gratias Deo, quod fuerint serui peccati, sed quod cum prius essent serui peccati, illa turpissima seruitute repudiata, obediuerunt ex corde in eam formam, siue in eum typum doctrinæ, qui fuerat illis ostensus, & is accipitur in Christo.

*Ioan. 13.*

Ipse enim exemplum dedit nobis, vt quemadmodum fecit, ita & nos faciamus. In quem typum traditi iā erant Romani per B. Petri prædicationem & Barnabæ, qui ante B. Paulum Romam iam peruenierant: etli impudētissimi quidam hæretici negēt hoc tam constans, totque sæculis iam receptum, totque ac tantis veterum autorum testimoniis cōfirmatum, atque eorum reliquiis, quæ perpetua obferuantia custoditæ sunt, cunctis hominibus persuasum. Sed audi eorum rationem: quia hoc iniquiunt, non habetur in scripturis: quasi scripturis debuerint omnia committi. Quo argumēto quid frigidius? Probatur enim illo argumento, nullibi mortuum esse B. Petrum: quoniam scripturæ non dicunt nobis quo sit in loco mortuus licet dicant illum moriturum. O ceruices malleo dignas. Sed redeundo ad rem: Dicit obediuisse eos in eam formam doctrinæ, in quam erant traditi: quia synce- ra fide illam susceperant & moribus post inceptum profiteri. Gratias autem agit Deo de tãto accepto beneficio: quia à Deo venit salutaris hæc status mutatio: vnde ait,

Nota confidētiam impudentissimam hæreticorum.

*Liberati autem à peccato, serui facti estis iustitiæ.* Ac si dixerit, Non vobis hoc accidit ex vobis. Nō enim liberaistis vosmetipsos à peccato, sed liberati estis per Christum ab hac indigna seruitute peccati (propter quod gratias agimus) & intraistis in statum ingenuæ libertatis, vt seruiatis iustitiæ longe maiori alacritate, quàm hæctenus peccato seruieritis. Sequitur:

*Humanum dico propter infirmitatem, seu, propter ægitudinem carnis vestra.* Potest hoc referri simul & ad superiora, & ad inferiora. Ne enim videretur B. Paulus in eorum proprium vituperium hæc obiectare, rem humanam vocat: non quin sit in se turpis, sed quod communis ex naturæ vicio, &

contigit omni homini. Nam cui non contigit, supra hominem & ex gratia fuit. Quod autem hominis est, non videtur ferè culpabile, nisi in parente nostro, ideo excusationē habet: quia hæc seruitus accidit propter infirmitatem, id est, ægrotationem carnis vestræ, quæ trahit voluntatem in obsequium sui. Vnde ait:

*Sicut enim exhibuistis membra vestra seruire, &c.* Instrumenta voluntatis, quibus illa operatur malum vel bonum, vocat mancipia: sed cum ad malū exercentur, sunt mancipia peccati, siue iniquitatis: & hoc prohibet fieri Apostolus. Contra autem iubet vt exhibeant ea mancipia iustitiæ ad sanctificationem. Et per iustitiam intelligit infusum desuper Dei donum, per cuius exercitium adiicitur cordi sanctificatio, id est, mundificatio, qua dignus homo constituitur visionis diuinæ.

*Cum enim serui eratis peccati, liberi eratis iustitiæ. Quem ergo fructum, &c.* Exponit eorum priorem statum, qui erat seruitus peccati: & consequenter libertas ab imperio iustitiæ. Et scditatem illius status indicat à fructu: quia arbor à fructu cognoscitur. Et fructum quidem tacet propter honorem aurium: signo tamen satis ostendit turpitudinem eius, subiungens:

*In quibus nunc erubescitis.* Erubescimus enim de turpitudine. Et dicit, *nunc*, id est, in statu resipiscentiæ & gratiæ: vt indicaret quanta olim licentia, & sine vilo pudore peccabant, vt qui indignitatem peccati non agnoscerent: & hoc miserrimum erat. Sequitur:

*Nam finis illorum mors est. Nunc verò liberati à peccato &c.* Mortem dicit finem eorum, qui immunditiæ & iniquitati seruiunt, quod de secunda morte intelligitur: & fructus peccati est ipsa iniquitas completa. Et eorum contra qui seruiunt iustitiæ, fructū ait esse sanctificationem: quia assidue per bona opera mundantur, vt fiant digni cōspectu Dei, sicut ille dixit: Beati mundo corde: quoniam ipsi Deū videbunt. Propter quod ait Apostolus: *Finem verò vitam æternam*, hæc est autem vita æterna, videre Deum patrem, & quem misit Iesum Christum.

*Stipendia enim peccati mors.* Gratia autem Dei vita æterna. Differentia est inter præmium peccati, & præmium virtutis. Nam peccato aliud præmium non est, nisi stipendium: virtuti verò etiam donū: quia virtutis donum est. Stipendium autem hic vocat, græcè obsonium, quod est vilissima merces. Nam olim solis obsoniis contenti erant milites, quæ pro victu dabantur, & stipendia dicebantur. Eleganter autem dixit, peccati obsonium esse mortem. Nam cum obsonium paratum sit ad vitam hic sustinendam: contrario illic pro merito peccati mors obsonium erit. Hoc in lenticula Esau significatum est, propter quam ipse irrevocabiliter statum & prærogatiuam dignitatis amisit: sic est mors in olla. Sed econuerso, donū Dei, quod manet seruientes iustitiæ, est vita æterna, quæ est in Christo Iesu, domino nostro, vt sit, &c., principium & finis, via & vita, gratia & gloria.

Porro hic est locus, in quo nituntur hæretici, & dicunt, quod gratia Dei est vita æterna, id est, per gratiam habemus vitam æternam. Aut ipsa vita æterna, gratia est. Quod si est gratia, ergo non ex operibus, alioqui gratia iam non est gratia, iuxta doctrinā

Argumentum hæreticorum, quod



*solut B.  
Augusti-  
nus in libr.  
de lib. arb.  
& gratia.*

Erinam Apostoli. Sed ad hoc responderet B. Augustinus, quod verè bonis operibus redditur vita æterna, sicut euidentissimè dicunt scripturæ. Et tamen quia & ipsa bona opera pertinet ad gratiam, rectè dicitur & ipsa vita æterna esse gratia: quod est verissimum. Sed hoc in loco legitur, donum Dei, & declaratur, donum illud quod iis datur qui iustitiam seruiunt, esse ipsam vitam æternam, ut per antithesin respõdeat stipendio peccati, quod est mors æterna. Nec prohibet vitam æternam, & donum esse simul & stipendium, & mercedem, cum & redatur operibus, & nihilominus in immensum excedat valore operum, si secundum sui substantiam consideretur. Nam tanti opera nostra aestimari, ex gratia est. Quare idem gloriosus doctor Augustinus doctè concedit, quod si Apostolus vitam æternam vocasset stipendium, non errasset: tamen si donum vocans, lectorem admoneat, omnia tandem ad gratiam Dei debere referri.

## CAP. VII.

**N** ignoratis fratres (sciētibus enim legem loquor) quia lex in homine dominatur quanto tempore viuit? Nam quæ sub viro est mulier, viuente viro alligata est legi. Si autem mortuus fuerit vir eius, soluta est à lege viri. Igitur viuente viro vocabitur adultera si fuerit cum alio viro. Si autem mortuus fuerit vir eius, liberata est à lege viri, ut nō sit adultera si fuerit cum alio viro. Itaq; fratres mei, & vos mortificati estis legi per corpus Christi, ut sitis alterius, qui ex mortuis resurrexit, ut fructificetis Deo. Cum enim essemus in carne, passionibus peccatorum, quæ per legem erant, operabantur in membris nostris, ut fructificarent morti. Nunc autem soluti sumus à lege mortis, in qua detinebamur, ita ut seruiamus in nouitate spiritus, & non in vetustate literæ. Quid ergo dicemus? Lex peccatum est? Absit. Sed peccatum non cognoui nisi per legem. Nam concupiscentiam nesciebam, nisi lex diceret: Non concupisces. Occasione autem accepta, peccatum per mandatum operatum est in me omnem concupiscentiam. Sine lege enim peccatum mortuum erat. Ego autem vivebam sine lege aliquādo. Sed cum venisset mandatum, peccatū reuixit. Ego autem mortuus sum, & inuentum est mihi mandatum quod erat ad vitam, hoc esse ad mortem. Nam peccatum occasione accepta per mandatum seduxit me, & per illud occidit. Itaq; lex quidem sancta: & mandatum sanctū, & iustum, & bonum. Quod ergo bonum est, mihi factū est mors? Absit. Sed peccatum, ut appareat peccatum,

per bonum operatum est mihi mortem, ut fiat supra modum peccans peccatum per mandatum. Scimus enim quia lex spiritualis est: ego autem carnalis sum, venundatus sub peccato. Quod enim operor, non intelligo. Non enim quod volo bonum, hoc ago: sed quod odi malum, illud facio. Si autem quod nolo, illud facio, consentio legi, quoniam bona est. Nunc autem iam non ego operor illud, sed quod habitat in me peccatum. Scio enim, quia non habitat in me, hoc est, in carne mea, bonū. Nam velle adiacet mihi: perficere autem bonum, nō inuenio. Nō enim quod volo bonum, hoc facio: sed quod nolo malum, hoc ago. Si autem quod nolo, illud facio: iam non ego operor illud, sed quod habitat in me peccatum. Inuenio igitur legem volenti mihi facere bonum, quoniam mihi malū adiacet. Condelector enim legi Dei secundum interiorem hominem: Video autem aliam legem in membris meis repugnantem legi mentis meæ, & captiuitatem me in lege peccati, quæ est in membris meis. Infelix ego homo? quis me liberabit de corpore mortis huius? Gratia Dei per Iesum Christum dominum nostrum. Igitur, ego ipse mente serui legi Dei: carne autem legi peccati.

**N** ignoratis, &c. Et si locus hic difficilis videatur, sicut reuera est. Neq; enim vilius interpretis expositio ad satisfactionem quadrare videtur. Attamen cum Dei gratia explicare illum tētibimus. Putamus enim (si liceat aliquādo insipienter loqui) nos, per Dei gratiā, sensum Apostoli penetrasse. Primum autem ut explicemus, statuere oportet, quid hic probare intēdat Apostolus. Et certè non aliud, quàm statum eius, qui est sub gratia, esse nouum, & longè diuersum ab illo statu, qui dicitur sub lege, & alia huic statui conuenire: ut non miremur, si qua alteratio conspiciatur facta de lege. Supponit autem primum, esse tunc quempiam sub dominatu legis, quando ille preuaricator eius est. Et hoc erat necesse obseruare, dū homo inueniebatur sub dominatu peccati. Oportebat enim vel erūpere contra legem, vel solis minis & terroribus legis in officio contineri: quod non erat implere legem, quæ ex Dei amore dilectionē præcipiebat. Quapropter qui à malo abstinet solo pœnæ metu, seruiliter operatur, non secundum virtutem: quia reuera malus est adhuc, & ideo sub lege. Nam (ut rectè ait Philolophus, & experientia probat) qui iam prauus est ac turpis, nō bonis ac placidis sermonibus facile amouetur à prosecutione mali & turpitudinis, sed verberibus magis, tanquā iam brutum animal effectum: seruit ergo legi. Sub gratia verò esse, non est aliud, quàm liberatum esse à peccato per legem charitatis internam, & sic ha-

*Quid sit esse sub lege, & sub gratia.*



bere facultatem seruiendi Deo de corde puro, & conscientia bona, & fide non ficta. In primum statum ventum est per legem, qua cognoscitur peccatum, nec sanatur voluntas, quæ ob peccatum Adæ carens fræno iustitiæ, non potest liberaliter seruire Deo. In secundum verò statum redacti sumus per Christum, in quo sanata voluntas libenter se exercet in operibus iustitiæ. Et præterea, iuxta primum statum dicimur esse in Adam, qui dicitur verus homo. Et iuxta secundum statum dicimur esse in Christo, utpote exspoliati veteri homine Adam, & induti hominem nouum, qui secundum Deum creatus est in iustitia, & sanctitate veritatis. Ex his fiebat, ut quandiu peccatū in homine dominabatur, lex etiam (quæ data erat homini talem peccati dominatū patienti) dominaretur illi. Tunc, n. lex dicitur dominari homini, cum illū deprehendit transgressorem: aut saltem cum illum violenter cogit ad officia legis. Et hoc non est verè facere legem. Nemo, n. potest duobus dominis seruire seruitute liberali. Nā oportet aut vnum diligere, & alterum odio habere: aut vni hære, & alterum contemnere, quemadmodū in euangelio testatur summa Veritas. Postmodo verò cum per nouum hominem liberatur seruus peccati à peccati seruitute, consequenter à seruitute talis legis eripitur, ita ut lex illi vltius (nisi propria & noua culpa) nō dominetur. Nam quodcunq; erat legis ad seruitutem pertinēs & ad dominatū, extinctum est & euauit, scilicet, impotētia illa seruandi legē, & ipsius legis odium.

Quodd autem hoc sit conueniens, & adhuc probetur ex doctrina ipsius legis, Apostolus doctè & subtiliter incipit manifestare. Et primum quidem sumit hoc tanquā per se notum ex lege. Quodd lex in homine dominatur, quanto tempore viuut ipse homo, cui datur lex. Nulla siquidem est in mortuū dominatio. Ut autem ad rem nostram aptè accommodetur eiusmodi sententia, aduertendum est, hominis appellatione in scripturis, plerunq; eum hominem intelligi, qui seruus est peccati, & sua spōte succumbit libidini, talem agens vitam, qua libenter viuut peccato: quia citra vllam repugnantiam mouetur ad omnem nutum concupiscentiæ, cum sit carnalis & caro. Huic ergo meritò est data lex iubens illi contraria, id est, quæ sunt sancta, & spiritualia, quæ ille non potest perficere, ut sic meritò dominetur ei lex: quæ tunc dominari (ut diximus) censetur, quum inuenit hominem peccatorem. At postquam talis homo legis præuicator, aut saltē ingratus & seruiliter operans, mortuus fuerit, non amplius viuēs peccato, sed liberatus fuerit ab illo: continuo etiam liberatur à legis iugo & dominatu. Moritur autem homo, & extinguitur vita hominis (vita nimirum peccato libenter seruiens) cum quis renascitur in Christo, vetere homine crucifixo in illo: quia per Spiritum sanctum innouatur, ut iam ei placeat quæ sunt legis bona, & sancta, & spiritualia. Et ob id liberatur, ut ea libenter ac liberaliter facere valeat. Hæc præmisit Apostolus, quæ & cupit non nesciri, maxime ab iis qui cognitionem legis profitebantur. Vnde ait:

*An ignoratis fratres, scientibus enim legē loquor, &c.* Fratres eos appellat, ad parandos sibi in re difficili animos beniuolos. Iudæi enim vix vllis rationibus adduci poterant, ut crederent Mosaicam legem, in

qua maximam suam præ cæteris nationibus gloriam reposuerant, locum aliquando alteri legi, id est, euangelicæ, daturam. Quod Apostolus exemplo ab ipsa lege petito nunc illis persuadere conatur, aiens:

*Nam quæ alligata est viro mulier, &c.* Oportet autē sic aptare hæc ad propositum, ut agnoscamus & virum & mulierē, & viri legem. Attende, lector, quia hæc subtilia sunt. Vir est interior homo, superior pars: mulier est caro, & dicitur apud B. Paulum homo exterior. Lex viri super illa, est quæ cōuenit ei, ut scilicet, honestè se habeat, & operetur quæ bona sunt, & iusta, & multa quidem alia, quæ ad affligendam carnem dura sunt nimis & onerosa. Hæc erat lex Moyses in primo statu peccati; quæ lex imperabat contraria carni, & consequenter contraria homini, qui afficiebatur carni, cum esset adhuc in Adam, imponēs multa onera seruilis, & insupportabilia. Venit ergo vir iste ad Christū, & per baptismum mortuus est ille homo interior, crucifixus in carne Christi & euasit in nouam creaturā: viua tamen remāsit mulier, id est, homo ille exterior. Sic vocemus eam carnem, quæ non inuenitur mortua cum viro in baptismo: quia non aufertur ab illa fomes, qui vita quædam est ad peccatum. Inuenitur ergo mulier libera à primo viro defuncto, & consequenter ab illa lege illius viri: & inuenitur copulata alteri viro, qui est ille homo interior, cuius vita est Christus, & ita inuenitur subiecta legi noui viri, cui nō dominetur lex, sicut dominabatur priori viro. Hoc autem, videlicet, quodd mulier liberetur à lege primi viri, non potest dici factum cum adulterio, cum sit mortuus vir ille prior. Et ideo suscipit legem alterius viri, id est, alteri viro conuenientem: ita ut inueniatur nouus homo mortificatus legi, & eius dominationi, quemadmodum superius erat sumptū. Licet autem non videatur conuenire hæc aptatio superiori dicto: siquidem in eo, à morte eius cui dominetur lex, arguitur & cōcluditur extinctio dominationis. Hoc autem exēplo contrā: Nam à morte viri, qui dominatur mulieri, concluditur liberatio mulieris à lege eius. Si hoc tamen rectè intelligatur, in idem recidit: solum aliud quiddam nunc adiungitur, quod minus erat superiore dicto declaratum. Erat enim ibi consideratus homo cui dominabatur lex, secundum partem tantum superiorem, quæ moritur. Et nunc hic additur mulier, id est, caro, quæ non moritur, ut seruiat Deo per baptismū, sed viuut. Vnde videbatur (saltem quantum ad illam) legem illam antiquam debere adhuc viuere. Sed non ita se veritas habet: quoniam mulier per ipsum virum recipit eius medio illam legem. Itaque si vir mortuus est, & consequenter mortuus legi, ita ut dominatum lex non habeat in virum mortuum, nec habebit etiam in mulierem eius: quia illa mulier mediante viro legem accepit, quo mortuo, libera facta est à lege illa viri. Et quoniam legitime coniuncta est alteri viro sine vlllo prorsus adulterio, illius quoque alterius viri, cui iungitur, legem recipere debet: quæ quidem lex nouo viro minime dominatur, quia volens ipsi legi se subiicit. Est enim lex spiritus vitæ, lex amoris ac libertatis. Vnde ipse potius per illam legem dominatur mulieri, id est, carni suæ, ut æquum est. Hoc enim totum declarans doctor

*Nota totā expositionem pro intelligentia scripturarum.*



noster in ipsis Christianis; tanquam in exemplo & figura, adiecit:

*Cum enim essemus in carne, passionibus peccatorum, &c.* Homo erat in carne, quando mens & ratio superior erat addicta carni, subtracta illa iustitia originali & gratia, tanquam vir qui male suadet, ac bladi dicitur mulieri auscultat. Hoc. n. merito fuit ob illud peccatum, quod cecidit primus homo, voci uxoris obediens magis quam voci Dei. In membris igitur talis hominis per carnem corrupti. i. in omnibus instrumentis eius, quibus ipse operatur: passionibus ipsius peccatorum. i. passionibus concupiscentiarum, quas lex ipsa excitabat, inueniens carnem contumacem, operabantur omnem efficaciam, ita ut homo ea instrumenta haberet promptissima in omnem lapsum concupiscentiae, unde fructificabant morti, & propterea lex mortis nuncupabatur. Quanquam gratiae legitur, morientes, aut mortui, non mortis: ut sit sensus. Quod morientes, siue mortui, videlicet, in Christi morte, soluti sumus a lege. At nunc (inquit) id est, postquam homo vetus in Christi corpore extincto, simul etiam extinctus est: soluti sumus a lege illa dominante, sub qua detinebamur: quia lex dominatur homini donec vivit. Et in hunc finem soluti sumus ab ea lege, ut seruiamus in nouitate spiritus, & non in vetustate literae. Audiatur haereticus, minime nos absolute liberos a legis seruitute, sed a modo seruendi. Sub lege enim euangelica constituti, etiam seruire renemur, sed in nouitate spiritus. Vocat autem vetustatem literae, quae iam inde debuit interire. Nam quod vetera scit, prope interitum est. Et dicimus debuisse interire, quoad ea scilicet quae sunt poenarum, & praemiorum carnalium in lege veteri, & caeremoniarum, & figurarum, quae iam adueniente charitate spiritus, qui aspicit aeterna: & veritate Christi, qui apparuit mundo, cessare debuerunt atque euanescere. Nam perfecta charitas expellit timorem: & veniens veritas iam non admittit figuras: Item libertas spiritus soluit illiberalia vincula. Et hoc est seruire in nouitate spiritus.

Nunc esset videndum, quomodo verum sit, quod mulier sit alligata viro secundum legem, quandiu vivit vir: Quid enim si tempore legis factum esset diuortium? Et praeterea: Nonne liberatur a lege viri mulier, si vir commiserit adulterium, saltem ne teneatur viro circa debitum coniugij? Sed Apostolus hic quid esset ex regula consideravit (ut recte ait Caietanus) non exceptiones: quanquam sunt quidam exactores nimis duri, ita ut ex pumice succum velint exprimere. Certè hic locus nihil stringit contra diuortium, & praesertim quia Apostolus loquebatur secundum legem, quando etiam quoad vinculum permittebatur diuortium. Sequitur:

*Quid ergo dicemus? Lex peccatum est? Absit.* Mouet sibi quaestionem Apostolus: An lex sit peccatum. Appellauerat enim illam legem Moyses, legem mortis: quoniam operabatur transgressiones, quae fructificabant morti. Quare videbatur, legem esse peccatum, & ipsum legislatorem Deum peccasse dando illam. Quoniam verò blasphemum hoc erat, mox cum horrore respondit: Absit. Et ut ostenderet quod Deus, & lex non intendebant vltima intentione transgressiones illas, quae occasionaliter proueniebant a lege Iudaeo carnali data, sed illud potius, ut ex transgres-

sionibus illis homo peccatum suum. i. naturae vitium agnosceret, ut cognito morbo, de medico Christo, & de medicina (quae erat eius gratia) cogitaret, quae per fidem accipiebatur, adiecit:

*Sed peccatum non cognoui nisi per legem. Nam concupiscentiam nesciebam, &c.* Hic primum absque controversia apparet, Apostolum Iudaei carnalis sub lege, & nondum in gratia existentis, personam induere: cui data fuit lex ad agnoscendum naturae morbum, qui apud Apostolum, concupiscentia & peccatum vocatur. At ergo: *Concupiscentiam nesciebam*, id est, non cognoscebam istam vim, quae est in carne rationi contrariam, venisse ex peccato, & ita esse rem vitiosam: neque id unquam potuissem existimare, cum sentirem esse naturalem, & de ventre matris exire, & comitari usque ad mortem. Hanc igitur concupiscentiam vitium esse nunquam coniecisssem, nisi lex diceret: Non concupisces. Hoc enim illa dicente, ego qui videbam me non posse non concupiscere, & interim doctus ex lege, qua noueram Deum fidelem esse, & absque ulla iniquitate, iustum & rectum, coactus sum intra me dicere: cur ergo haec lex mihi illud imperat, quod non possum efficere? Hem, deprehensa causa est. Malum ergo in me est, non in lege, nec in Deo. Lex enim iusta, & sancta, quae prohibet quod est malum, videlicet, concupiscere. Consentire enim necessario per ipsam legem hoc ipsum me docentem compellebar, malum scilicet & turpe esse, & aduersarium Deo, concupiscere. Et expertus in me hanc inesse malitiam, quia caro dominabatur menti cogens illam ad concupiscendum, confestim deprehendi vitium in natura mea, & rem indignam, & innaturalem, & praeter diuinam prouidentiae ordinem, ut quod natura superius est atque longè nobilius, ordine immutato subdatur inferiori. Cernimus. n. (ut quidam eleganter dixit) cuique optimo dominatum ab ipsa natura cum vilitate inferiorum datum.

Haecenus Apostolus, ut doceret quid conferret illa lex Iudaeis, nimirum, cognitionem peccati. Quia in parte melioris erat conditionis Iudaeus, quam paganus, qui cum non esset de primo peccato (unde manat ista inordinatio) a lege instructus, cogebatur vel ignorare turpitudinem concupiscentiae suae, & fateri non esse indecorum homini: Vel si meliore rationis luce illustraretur, inculcare naturam. In quam audaciam nonnulli venire ausi sunt. Quidam verò naturam inculcare veriti, somniant in homine sanitatem, & ipsius nostrae naturae potentiam ita extulerunt, ut ea ab homine in hoc statu corrupto effici posse defenderent, quae ad dignitatem tantae creaturae iudicarunt pertinere. At Iudaeus instructus a lege, veniens in hanc meditationem, ab ipso Deo vetari hanc concupiscentiam, & vetari eam tanquam malum & peccatum, & cum videret (si seipsum decipere noller) quod non poterat, propter innatam carnis malitiam, non concupiscere, subito cognouit peccatum. i. vitium in natura. Dicere enim homini fomitem dominantem haberi, Non concupisces, perinde est ac dicere: Noli habere istum fomitem ad concupiscendum cogentem, videlicet, ipsam radicem peccati, & perfectam concupiscentiam: quoniam malum est. Ecce quomodo ista, quae ab historia, & prophetis habebat Iudaeus de peccato originis, & de isto morbo naturae lapsae,

Christianos non esse a lege liberos, sed a modo seruendi, in haereticos.

Cicero.

Nota diuersos statum hominis existentis sine lege, in lege Moyses, & in lege Christi.

De effectu legis Moysae.



poterat accipere melius in semetipso per experientiam: & agnoscere, si se ad hoc præceptum, Non concupisces, aptasset. Apostolus enim quia rei naturam docebat, indutus Iudæi personam, dixit se per hoc præceptum legis cognovisse peccatum, & per illud prævaricatorem se esse constitutum. Quo in loco (ut penitentes mentem Apostoli) non intelligas illum narrare de se historiam, & hæc didere de semetipso, quasi ita fuerit, sed propter id quod ex natura rei debebat esse ex rerum causis. Ecce igitur quomodo lex non erat peccatum. Non enim ipsa faciebat, sed inveniēbat peccatum in homine. Et ad hoc data erat, ut vel sic homo superbus id agnosceret experiendo, quod nunquam audiendo recepisset. Itaque non erat is legis finis, ut hominem ad faciendam, quæ minime poterat, astringeret: sed ut superbus tandem agnosceret rectum illud & integrum, quod naturæ optimè à Deo ab initio conditæ conveniebat. Et sic certa & (ut ita dicam) palpabili experientia, hanc in sua natura lapsa impotentiam perfentiret, & cōfiteretur tantum vitium nequaquam ex Deo esse, cuius omnia sunt opera perfecta, sed ab aliquo novo peccato nostro. Hoc autem nunquam superbus homo audiēdo tolūm, & non etiam in se experiundo, credidisset. Quare de ipso secundum carnem Iudæo loquens, & eo qui Iudæus manere vellet, ostendit Apostolus legis effectum ex se, cuius erat iram inducere atque mortem: quia lex dedit vitā peccato, ut ex peccato posset mortem immittere. Vita peccati ad inducendam mortem, est peccati per legem Dei cognitio. Quicumque enim voluntatis domini sui ignarus, contra illam quippiam admittit, nō perficit peccatum dignum quo vapulare debeat multis. Cum ergo ea lege promulgata, venisset iam peccati agnitio, qui legis non parebat præceptis, prævaricator proculdubio convincebatur, & ita coram Deo moriebatur: quia peccatum illud (quod dum ignoraretur, mortuum erat) exscitavit & reuiuiscere fecit. Et ob eam causam lex illa homini in ea persistere volenti, iram operabatur & mortem. Et hoc est quod ipsemet Apostolus subiicit, aiens:

*Sine lege enim peccatum mortuum erat. Ego autem vivebam sine lege aliquādo.* Ecce vides quomodo Apostolus induit nunc personam Gentilis, & in natura lapsa existentis, cum tamen illud ipsi Apostolo minime conveniret, qui nunquam fuit sine lege: sed seipsum more suo, modo in Iudæum, modo in Gētilem doctrinæ gratia transferens, dixit, Quod in se sine lege existente, peccatum erat mortuum: quia non habebat homo sine lege existens, huius vitij notitiam. Non enim excitabatur ad concupiscendum per legem prohibentem, quæ illi diceret: Non concupisces. Et ideo hoc peccatum non habebat in eo, qui sine lege erat, suam ad pariendam mortem efficaciam, & iram Dei perfectam. Non enim imputabatur, cum nulla esset lata lex, quæ illud indicaret. Et ideo homo vivere dicebatur, qui nō incurrebat quasi bonus prævaricator secundam mortem, propter ignorantiam. Ideo superius dixit: Lex iram operatur. Vbi autem non est lex, nec prævaricatio, scilicet perfecta. Et post modo: Vtique ad legem peccatum erat in mundo. Peccatum autē non imputabatur, cum lex non esset, videlicet ista: Nō concupisces. Ecce ergo quomodo in persona Gēti-

lis ait Apostolus. Ego vivebā sine lege aliquādo: & (ut sæpe dixi) vita hæc erat respectu secundæ mortis, quæ venit à peccato actuali, quæ mors adveniēte lege & mādato accidit: quia & ipsum peccatum reuixit. Quam doctè dixit, *reuixit*, Respectu enim initij eius in Adam, cum ipsum peccatū natum est, & quandiu eius notitia mansit, peccatum vivebat. Sed cum videret ipsemet Dominus Deus Gentes omnes ingredi vias pessimas, & eas de suo malo desideraret erudire, huius peccati tantis per passus est subintrare ignorantia: & sic mortuum videbatur peccatum, in ipsa ignorantia tanquam tumulo quodam vique ad legem sepultum. Lege autem adveniente & illud patefaciente, reuixit. Vnde ait:

*Ego autem mortuus sum* (scilicet ego Iudæus) *& inventum est mihi mandatum quod erat ad vitam, hoc esse ad mortem.* Mihi, ait, nempe Iudæo carnali & volenti manere in meo iudaismo, & sub ipsa lege, inventum est (tanquā de improviso) inferens mihi mortem, non ex ipsius mandati natura quod erat bonum, & intēdebat vitam. Quamobrem igitur? Audi Apostolū. Nam peccatum occasione accepta per mandatum, *&c.* hæc verba facile ex superioribus dictis possunt intelligi, ut concludatur, vitium non fuisse in lege, sed in homine: & quod lex ipsa præcipiendo extimulans vitium, & mēti dans ipsius vitij intellectum, hæc in Iudæo operabatur, iram videlicet, & mortem secundam. Nec tamen hoc intendebat lex, cuius finis bonus erat: quoniam lex Moyses præcipiens ex intētionē Dei, erat data, ut hac experientia (sicut sapiēssime dictum est) patefaceret vitium Iudæi carnalis, ut cognosceret per carnis vim erumpentem contra mandatum, animæ morbum, quo reddebatur inualida ad perficiendam legem. Hæc autem notitia accepta, iret ad medicum & medicinam, quæ illi ostendebatur, ut ex carnali Iudæo, Iudæus efficeretur spiritualis per verum Iudam. Postquam verò hoc edocuisset lex ipsa, videlicet, morbum & medicum, functa erat abūdē suo officio, ut quod illa (ut potē in tabulis scripta) præstare non poterat, illamē ipsa Christi lex, lex, inquam, spiritus vitæ superueniēs in corde impressa efficeret. Itaque lex ipsa quidem sancta erat, id est, illibata, & munda, ut ab eius mandatis conspiceretur licet. Ipsa enim primū prohibebat concupiscentiam: deinde habebat mandatum dilectionis Dei, quod sanctū est. Purificat enim cor hominis cum ibi imprimatur: & in ea dilectione consistit omnis iustitia. Qui enim diligit, implet legem. Et ideo mandatum iustum: quia iusta præcipit, ut exsolvantur quæ alteri debentur. Et ideo bonum: quia non vult quæri quæ sua cuiusque sunt, sed quæ alterius. Bonum enim est diffusivum sui ipsius. Quare lex præcipiens dilectionem (nam ad hoc referuntur omnia in lege scripta) non est ex prudentia carnis, sed spiritus. Et hoc est quod ait:

*Scimus enim quia lex spiritualis est: ego autem carnalis sum, venundatus sub peccato. Quod enim operor nō intelligo. Non enim quod volo, &c.* Hæc si cum superioribus coniungantur, manifestè indicant hætenus Apostolum Iudæi personam retinuisse, cum nihil appareat, quo videri possit, eam mutasse. Cui veritati etiam fauet quod nunc addit: *Scimus quia lex spiritualis est.* Hoc enim dixit plurali numero, tanquā Iudæus sciens hæc ex lege, modestè deferens aliis,

Nota huius capitis  
universam  
expositionem,  
ex qua  
magna doctrina.



quidem ex legē poterant scire, & inde probare vtiliora, utpote instructi per legem. Instruebatur ergo per legem Iudæus, primò ipsam legem esse spirituales. Erat enim scriptum: Lex Domini immaculata, conuertens animas. Deinde instruebatur, quòd ipse esset carnalis, venundatus sub peccato. Hoc Isaias dicit: Gratis venundati estis, & sine argento redimemini. Et iterum: Omnis caro fœnum, verè fœnum est populus. Quis iste populus, nisi Iudeus ille populus sub lege & Mose carnalis, donec perveniret ad Christum? Hoc & Ieremias confirmat: Omnes Gentes (inquit) habent præputium. Omnis autem domus Israel incircuncisi sunt corde. Et illi miseri gloriabantur in circuncisione carnali. Et ideo scrutatores legis poterant illud rescire, quòd lex ipsa quidem erat spiritualis, spiritualia præcipiens, & contra carnem dicens: Non concupisces. Et quòd ipse Iudæus necessario concupisceret, etiam nolens. Et cum ad summum efficaciam legis pervenisset, inueniebatur adhuc carnalis: quia voluntatem habebat subiectam magis carni, quam Deo, nondum redemptus, sed in promissione redemptionis existens: quia charitas nondum ei diffusa erat in corde. Vnde respectu Gentilis, erat tanquam incontinens respectu intemperati, ut declarat Philosophus in ethicis. Et ideo dixit.

*Quod enim operor non intelligo.* Talis est incontinens, qui nescit in genere, & in vniuersali quod decet, & tanquam bonum vellet ipsum decens. At post modum in particulari à concupiscentia seductus, non applicat vniuersale, ut intelligat id quod agit non esse bonum. Si enim attenderet, nunquam illud operaretur, sicut rectè dicitur: Nemo attendens ad malum, operatur. Ideo non intelligit quod operatur, quia in ipsa praxi decipitur, obnubilatus mente à concupiscentia quasi blâdica pellice, & succumbit. Et hoc pacto non intelligens operatur. Aliqui exponunt: Non agnosco. i. non probò secundum rationem: & ferè in idem recidit. Vnde subdit:

*Non enim quod volo bonum, hoc ago: sed quod odi malum, illud facio.* Absque dubio contentus etiam abstractus (ut dictum est) à concupiscentia & deceptus, cum sit carnalis, & carni subiectus, tanquam non intelligens: quia quod odi in vniuersali per intellectum, perpetuo seductus in particulari per affectum: quia caro non permittit me rectè syllogizare practicalè. Et bene adiecit:

*Si autem quod nolo, illud facio: consentio legi, quoniam bona est.* Ecce quousque tenditur Iudaica perfectio, quæ ex lege, nimirum, quòd homo carnalis secundum intellectum illustratus, & eruditus per legem, noscat quæ bona sunt, & ad verum bonum conferentia (Verum autem bonum est adherere Deo) & tamen illa bona, & conferentia non faciat, ut possit quidè docere, non tamen facere, & ideo inconuenienter imò impudenter docere. Et propter ea superius dixerat Iudæo etiam erudito & docto. Ecce tu Iudæus cognominaris, & requiescis in lege, & gloriaris in Deo, probans vtiliora instructus per legem, &c. Hactenus non puto quenquam posse dubitare circa hanc expositionem, quæ & Gentili, & Iudæi status diligentissimè simul ac doctissimi ab Apostolo (paucis tamen) declaratur.

Sed quia restabat ut declararet statum gratiæ, ad hoc descendit sumens Christiani personam, quam

ipse verè per baptismum induerat: non tamen voluit de se ipso loqui, sed de statu ipso Christiani hominis. Hoc non animaduertent plerique, & tamen ex eius verbis poterat facillimè colligi, Dixit enim:

*Nunc autem non adhuc ego operor illud,* Nunc, id est, in tempore gratiæ, quâdo statum gratiæ sum assequutus. Hoc importat illud aduerbium temporis; Nunc, sicut egregiè quodam in loco animaduertit, & notauit B. Augustinus. Est autem apud B. Paulum, Nunc, nota certa temporis. & status gratiæ: unde ipse idem superius: Nunc sine lege iustitia Dei manifestata est. Et iterum: Multo magis nunc iustificati in sanguine ipsius, &c. Et iterum: Nunc exhibete membra vestra. Et iterum: Nunc soluti sumus à legē mortis in qua detinebamur. Et sequenti cap. Nihil nunc damnationis est iis qui sunt in Christo Iesu. Et iterum: Nunc autem misericordiam consequuti estis. Sunt & alia plurima loca in aliis eiusdem epistolis, quibus hoc quod dixi facile comprobatur. Et vide consequentiam textus. Prius dixerat indutus Iudæi personam. Sed cum venisset mandatum, scilicet, legis, quod olim venerat per Moysen, peccatum, id est, vis illa concupiscentiæ reuixit. Et hinc ait, Nunc ego non iam operor, id est, cum venit tempus gratiæ, etsi concupiscentia carnis suum officium faciat, ego tamē non ulterius operor illud, id est, cum sim spiritualis, mente non consentio. Et sic si quid caro ipsa operatur, ego nō adhuc, seu non amplius, operor illud sicut prius, cum carnalis eram dilector carnis plusquā Dei. Ideo autem non operor: quia non volo, non consentio. Spiritualis. n. homo non solum non consentit, sed nec potest consentire peccato, ut spiritualis. Qui enim huiusmodi est, ex Deo genitus est, & nō peccat, nec potest peccare, ut ait Dilectus. Est enim arbor bona, quæ non potest facere fructus malos. Potest bene fructificando frigescere, & non reddere bonos fructus, si minus curetur, ac nutriatur. Sed malum inde venire, est impossibile: quia ibi nec quicquā est vitij, nec eius est susceptibile. Quod enim supra naturam est, ex Deo est, & quædā eius participatio. Et ideo si fiat malum, non facit ipse, quia nunquam concordat. Qui autem carnalis est, consentit ille quidē in particulari (ut iam dixi) sed spiritualis nequaquam. Et ideo hanc differentiam primū constituit inter Iudæum & Christianum, illum qui est sub lege, & illū qui est sub gratia. Carnalis faciens quæ sunt carnis, ipse facit ea: quia carnalis consentit. Spiritualis verò dum spiritualis est, non cōsentit: & ideo non facit ea. Vnde & totus homo censetur secundum eam partem, quæ superat. Quo fit ut spiritualis non dicatur esse in carne, sed in spiritu. Vnde Apostolus dixit: Qui in carne sunt, Deo placere non possunt.

Quod si roges, Vnde ergo venit peccatum & malum, quod ex me progreditur, si spiritualis sum? Respondeo. Ex peccato quod habitat in te, hoc est, ex fomite in carne tua, & concupiscentia carnis. Hanc voco peccatum: quia vitium est à peccato originē trahens & ad peccatum extimulans. Hoc igitur vitium, est id quod in homine spiritui operatur malum, cum operatur. Spiritus. n. ipse nunquam consentit, sed mens, quæ deprauari se sinat à concupiscentia mala, quæ est in carne, ut ait Apostolus.

*Scio enim quod non habitat in me, hoc est, in carne mea,*



*bonum.* Quid est bonū? Ipse Deus, & quicquid participat de Deo. Et ipse Spiritus est Deus. Ergo quodcunque participat de Spiritu Dei, bonū est. Et Spiritus Dei est amor, & appetitus Dei. Qui ergo huius appetitus particeps est, habet bonū habitans in se: sed in carne hominis etiā spiritualis, in hac vita, nō est talis appetitus. Nō est enim illa adhuc spiritualis, ut velle possit quæ sunt Dei, sed vult quæ sua sunt, & quæ sunt mūdi huius, quæ nec placēt Deo. Vnde ipse dicit seq. c. Istam carnis prudētiā esse inimicitiam quandam inter nos & Deum: quoniā ipsa inimicitia radix est. Et hīc dicit, *scio*; superius autem dixerat, *scimus*; more suo, cū de carnali seipso, tanquā personam Iudæi sustinente, loqueretur: & non dixit, *scio*; quia quod sciebat, ex lege in chartis scripta (quæ & aliis cōmunis erat) sciebat. Nunc verò, quia quod sciebat, ex lege Dei scripta in corde suo sciebat, & in seipso experiebatur, dixit, *scio*; quia homo spiritualis, cuius personā sustinebat, habet in se statim istam cognitionem, quod in carne sua non habitat bonum. i. participatio Spiritus sancti, ut illa etiam bonū appetat: quia statim ut mēs est imbuta Spiritu & iustitia, sentit in semetipsa discordiam inter spiritum & carnem: ideo Apostolus in persona talis ait:

*Velle quidem mihi adiacet, perficere autem bonum non inuenio*, hoc est: Cū sim spiritualis, video quod velle bonum, quod mihi non est innatum natura, sed est à superueniente Spiritu superadiectum in voluntate mea, adiacet quidē mihi: quod tamen dum volo perficere externis bonis operibus (sic enim perficitur charitas quæ vult bonū) non inuenio. Nam cum venit ad particularē operationem, ad quam requiruntur organa & instrumenta corporis, quibus bonum quod volo possit perfici, experientia cōprobo nullo pacto me esse idoneū ad perficiendum. Nam tūc perficitur bonū, cum quod vult voluntas, & ipsa mēbra pari alacritate ut id exequantur, concurrunt. In hac autē exequutione experior quidem spiritum promptum, carnem autem infirmā. Et hoc est quod alias ipse dixit. Spiritus & caro sibi inuicē aduersantur, ut non quæcunque vultis illa faciatis. Multū enim per hoc certamē de bono (quod alioqui fieret) minuitur, si hoc bellum non intercederet. Vult enim plerunq; orare spiritus, & caro vult dormire, aut quiescere, aut comedere & bibere. Vult ille feriari à carne, & excedere Deo: At illa tristatur, quæ veller ludere, & spectaculis ad sensum paratis oblectari. Indicit spiritus silentium carni, ieiunium, luctū, & illa protinus murmurat, quæ in risum, & voluptates varias magis erumpere gestit, & in defensionē & vindictā salit. Quod si verberes & castiges, ex alia parte fit infirma ad bonū, ut nec sic perficere queas illud *κατάθεωμαι*, id est, rectum illud ac decorū, quod homini in illo statu integro, in quo eum Deus collocarat, conueniebat. Et hoc propter hanc inter spiritum & carnem inextinguibilem (nisi morte) pugnam. Neg; verò sic erat à principio: quoniā in carne erat bonum, quæ nullo modo rebellasset spiritui, sed fuisset tūc illa metaphorica iustitia, quā viderunt quidem philosophi, sed ad eā non attigerunt, qua vires animæ ita componebantur, ut inferiores essent expeditæ & aptatæ obtemperare superiori patri. i. menti & rationi. Sed hac iustitiam & tranquillitatē, in qua

primus noster parens Adam fuit cōditus, cuius & nos heredes ordinati eramus, illo suo antiquo peccato irrecuperabiliter amisimus. Nec enim in baptismo nobis restituitur, solum renouamur in parte superiore mentis: quia ibi Spiritus adueniens recipitur. Mēs autem ipsa purificatur, quia Deo coniungitur: & consequenter à carne abstrahitur, ut semper meminerimus peccati antiqui, & humilitemur corā Deo, & in hac infirmitate proficiamus, qui in multitudine fortitudinis non profecimus, sed defecimus ac cecidimus. Nam & per hanc infirmitatem & pugnam coacti sumus ad Deum suspirare, poscentes eius auxilium in tanto dissidio, & intestino malo, & prælio, ne succubamus, ut ipse Apostolus desuper admonitus faciebat.

Hanc verò pugnam inter spiritū & carnem, non possunt nosse, nisi qui spirituales sunt; quia ī eis est Spiritus qui penetrat sensum Apostoli: quoniā in se ipsis experiuntur, quæ ille docet. Carnalis quidē aliquid fortē suspicari potest, sed vix sentire atque probare: quia & facile carni consentit, & dat manus. Vnde & qui magis spirituales sunt (quia vnaquæq; pars magis conatur propter antiperistasin) magis etiam cognoscūt: Et cum perficere summo perē appetāt illud, *εὐδοκία*, id est, bonum egregium, & absolutum, non autem perficiunt: quia diligunt maximē, etiam plurimū dolent. Non autem dico, nullū eos opus bonum facere (ut hæretici aiūt) sed non illud bonum absolutū, sicut veller Spiritus, ut etiam sepe quod nolunt malum, illud faciant, non tamē letale, si sancti fuerint & cōfirmati. Ideo non dicit Apostolus, *πονηρόν*, sed, *κακόν*, volens magis defectum, ac vitiositatē, quā malitiam, aut malignitatem denotare. Nam illud propriē sonat vox, sicut clarissimus oratorū aduertit. Spiritualis ergo etiā malū, quod non vult, facit sicut & carnalis. Sed in hoc à carnali differt, primū circa latitudinē. Carnalis enim complebit homicidium, adulterium, & huiusmodi, saltem corde. At hæc facere non est viri spiritualis. Nam cum primū hæc agit homo spiritualis, desinit esse spiritualis. Fit enim seruus peccati, & diaboli. Porro quæ coniunctio Christo cum Belial? & quæ societas lucis ad tenebras? Itaq; anathematizandū est dōgma illud, quod noui hæretici suscitārūt, esse in homine peccatore & criminoso gratiam Dei: cōtra quos Dilectus clarissimē ait, Si quis diligit mūdum, non est charitas Dei in eo: quia nec diligit Deum, nec diligitur à Deo. In quos enim odio habet Deus. Spiritualis ergo manēs spiritualis, nō facit hæc: quia concupiscētiæ malæ non cōsentit: ideo peccatū non perficit. Facit autem aliquod malū: quia deficit à perfectō, & offendit in multis, nisi extrinsecus adiuuetur à Deo. Quin & ulterius dico, si dimittatur tētationi, non erit potens resistere, quominus & ipse quoq; grandia admittat crimina. Ideo dulcissimus, & nostræ salutis cupidissimus Magister prouidit, ut quamlibet oraret, & diceret: Et ne nos inducas in tētationē. Nā satis inducit in tētationē, quum permittit hostes inuadere, & suas oēs artes intendere, nec adiuuat.

Spiritualis ergo sic deficiēs in bono propter certamen carnis & contumaciam, si ad malū, quod caro facit, non consentiat, ipse illud nō operatur qui resistit, & nō exhibet ad iniquitatem arma iniquitatis. Ideo hæc petulātia carnis, & hoc eius malum

Nota dissidium etiā in homine qui est sub gratia.

In hæreticos qui gratiam cum crimine coniungunt.



*Apoc. 3.* non imputatur ei in culpam: quia illud facit caro mulier, non vir: nisi fortè quid negligentia ei poterit imputari, quòd minus prouiderit. Potest enim in homine sua socordia hoc donum Spiritus esse segne, & frigescere. Vnde cuidam dictum est, Sua deo tibi emere aurum ignitum. At homini carnali bene imputatur: quia non potest excusare se, & dicere: Ego non operor illud. Si. n. carnalis est, succumbit carni. Et iccirco cum illa concordans, & instrumenta permittens ad malum atque exhibens, operatur illud. Spiritualis autem non: quia nō consentit, sed cohibet arma corporis, ne perficiat cato quod vult. Non est tamen sine culpa homo, qui suo libero arbitrio gratia Dei adiuto, facere quæ sunt suæ partis negligit. Est enim in homine spiritali mens informata spiritu, sed nō perfectè contenta ab illo. Inuenitur quippe in voluntate & amor Dei, quo homo spiritalis est: & adhuc nonnullus amor naturalis carnis, quo voluntas æquè prona inuenietur in illam, si parum, per auertatur à spiritu. Nec solùm carnis inuenitur amor, sed amor sui ipsius etiam naturalis, qui si in officio non continetur per charitatem Dei, reddit hominem fermè dæmonem & Satanam. Nam & si spoliatur anima carne, adhuc tamen amabit seipsam: sicut & dæmones sine carnis appetentia peccauerunt: quia seipsos dilexerunt magis quam Deum. Et licet amor Dei in homine qui est sub gratia, sit potentior (quanuis imperfectus) quàm carnis amor, & quā ille amor sui proprius, si charitas suas vires exerceat: attamen si per carnem excitetur voluntas ad malum, & à propria superbia diabolo iustigatè & urgente, & ille amor Dei non excitetur, & currat ad arma sua, quæ sunt humilis ac deuota oratio ac deprecatio assidua, proculdubio succubet homo sub carne cōsentienti illi: & tunc operabitur illud malū, qua parte spiritalis est & mente, & voluntate. Non tamen hoc faciet ipse spiritus, & sic non ille homo spiritalis, vt est spiritalis, qui sic perfestens, aut potius qui sic consideratus, peccare non potest. Mens igitur posita quodam modo inter spiritum & carnem, si carni consentiat in crimen moritur, & Spiritus Dei recedit ab illa: quia Deus indignatur, & subtrahit ab illa gratiam & dotū Spiritus, per quod est vita, & vera vita. Si verò cōsentit non in crimen, sed in aliud leue peccatum, patitur detrimentum aliquod: & licet non moriatur, indignabitur tamen ex parte Deus: quia nō sic adiuuabit negligentem, & socordem voluntatem non sic protegit: & fortè etiam mittet in tentationem, & derelinquet, & erit casus. Tunc ergo non immunis erit homo Christianus à peccato concupiscentiæ carnis, vel quum consenserit, vel quum plus æquo illi indulerit, vel non vigilans fuerit super illam castigando & cohibendo, & aduertendo ne vires accipiat fortiores, & intumescat. Et hic vide quomodo bene de homine carnali, Iudæo tamen, non dicit Apostolus, quòd ipse non operaretur illud malum, quod oderat etiam faciens: sed dicit, quòd non intelligebat quod operabatur. Operabatur enim, sed non intelligens. Non intelligere autem quod operaris non est non operari sed est operari: non tamen ex malitia, sed ex errore & infirmitate. Spiritalis autem dum in hoc statu persistit, talis est vt non

*Amor Dei in homine, & item amor sui.*

*Rom. 13.*

operetur ipse malū. Dilectio enim malum nō operatur. Et sic verum est, quòd qui diligit seruat mandata. Quamobrem concludens tandem Apostolus dixit:

*Inuenio igitur legem mihi volenti facere bonum, quod malum mihi adiacet.* Et si enim spiritalis ego sum, informatus gratia in parte meliore, quæ est superior hominis: habeo tamen inferiorem, in qua malum inest, quod illi quidem innatum est. Mihi verò, licet iā spiritali adiacet, & obturbat me, quò minus valeam intendere iis quæ Dei sunt, vt oportet, ac totis viribus illi inferuire.

*Condelector enim legi Dei secundum interiorem hominem, qui est mens.* Cum autem eram olim in carne non poteram condelectari legi Dei, licet eam accepissem, & cognouissem bonam. Eram inquam in carne: quia non liberatus ab eius dominatu, & illecebris, cui magis seruire libebat: quoniam non dum mihi aderat spiritus vitæ. Nunc autem quando mens mea aspersa est charitate Dei, cōdelector cum ipso Spiritu sancto in hac lege sua, quæ est lex amoris & charitatis. Congaudet enim charitas veritati. Charitas ergo quæ in me infusa est, facit me amantem suæ legis, & desiderantem eius implemētum: quia sic video me lucrari perfectionem meā, quæ est adhærere Deo meo. Vnde surgit delectatio de ipsa lege, quæ est medium ad perfectionem obtinendam. Et quamuis ita sit:

1. Cor. 13.

*Videō tamen aliam legē in membris meis, &c.* Haud dubium talē esse legem in mēbris id est, in instrumentis carnis, quæ data sunt vt obediant menti. Omnis homo spiritalis hæc in seipso sentit, & assidue experientia probat.

*Et captiuantem me in lege peccati.* Hæc verba magnum habent dubium, vnde pauci sese ab eo explicarunt. Dubium autem est, quomodo conueniant huic homini spiritali, cui (Apostolo teste) non dominatur peccatum. Et nunc videtur de seipso dicere, qui erat vas electionis, quòd captiuabatur à lege carnis in legem peccati: quod non est aliud quàm dominari peccatum, & hoc contingere etiam tanto Apostolo.

*In Christianus dici possit captiuus peccati in lege noua.*

Hic locus hæreticis videtur in speciem quidem valdè fauere, vt adhuc in gratia existentes, captiui teneantur à peccato. Tu verò benigne lector audi. Primum reuera nihil loquebatur de se ipso Apostolus, nisi quatenus sub illa spiritalis hominis cōmuni persona comprehendebatur: & quod erat proprium status illius, tanquam doctor ac magister, non quid in se, aut in quouis particulari homine esset, enunciauit. Non enim historiam (vt diximus) tradebat, sed doctrinam. Et ideo non quid de facto efficeret lex membrorum in quolibet, manifestabat, sed quid esset innata efficere, nisi obuiam iretur. Nec superius dicitur, non dominari peccatum, quasi non valeat vincere, & sic dominari: sed dixit exhortans iam Christi Spiritum adeptos. Exhibere vos Deo tanquam ex mortuis viuentes, & membra vestra arma iustitiæ Deo. Peccatum enim vobis non dominabitur. Vide quomodo non dixerit: Non est tale, vt non valeat dominari. Nam per Christum reuera non sic liberati sumus à potentia carnis, quin possimus denuò captiui fieri, sed dixit: Non dominabitur, retinens conditionem prædictam, videlicet, si exhibueritis vos Deo tan-



quam ex mortuis viuentes, & membra vestra arma iustitiæ Deo: quod possunt, qui sub gratia sunt constituti. Alioqui periculum est, ne denuo eis dominetur peccatum. Et similiter non dixit, quod ista caro haberet subiectam mentem, quod esset non solum repugnare illi, sed dominari. Sed dixit, non habere legem membrorum, atque carnis repugnantem legi mētis: ut sint quasi duo hostes inuicem ad certamen instructi, nondum tamen alter sub altero. Adhuc enim istam legem carnis sentimus (quia bellua est) esse tantæ temeritatis ut velit: & tantæ fortitudinis, ut etiam valeat captiuare non spiritum quidem ipsum, sed mentem, & hominem etiam aflatum spiritu, in lege peccati & mortis. Et enim denuo dominaretur, nisi legitime certet homo in illam, & opponat sese illi per arma spiritus. Et ideo admonebat Apostolus: Exhibete vos Deo, tanquam ex mortuis viuentes. Quid est dicere, tanquam ex mortuis viuentes? nisi tanquam illi, qui semel à morte liberati, debent fieri cautiore, & diligentiores, ne iterum incidant in eadem mortem: cum sit nunc in nostra potestate non succumbere, si tamen caueamus. Cauemus autem timore, & præparatione, & medelis conseruatiuis sanitatis, & à morbo præseruatiuis. Et ideo addidit:

*Et membra vestra arma iustitiæ Deo.* Membra nostra sunt, quæcunque sunt instrumenta in corpore ut sensus interni, & externi, oculi aures, &c. Sunt igitur hæc omnia arma iustitiæ legendo, audiendo loquendo, meditando, orando, & reliqua denique faciendo, quæ imperat charitas. Sic enim faciendo, peccatum, id est, concupiscentia, quæ alioqui captiuum redderet, non dominabitur. Et ideo hic dicit, *captiuantem*; quia (quod in se est) hoc facit: & potens est etiam efficere, eo quod semper est in pugnam parata, & semper stimulat, semper excitat, nisi magna cum attentione & violentia opprimatur, retundatur, castigetur. Et ideo dicit veritatis saluberrimæ Magister: Oportet semper orare, & nunquam deficere, & iterum: Orate ne intretis in tentationem. Similiter & aliis remediis estendum. Vnde & ipse Apostolus in exemplum nostrum aiebat: Castigo corpus meum, & in seruitutem redigo: ne forte cum aliis prædicauerim, ipse reprobus efficiar. Et B. Petrus cum ad iustitiæ opera cohortaretur: hæc ait, facientes, non peccabitis aliquando: aut, non labascetis. Verè magna est hæc miseria, esse in hoc statu bellum tam asiduum, tamque intestinum: ut non frustra dixerit sæpe Dominus, Vigilate. Propterea adiecit Apostolus:

*Infelix ego homo, quis me liberabit de corpore mortis huius?* infelix, aut potius, miser ego homo, qui non possum perficere in hac vita bonum illud perfectum & absolutum, quod in alio statu naturæ integræ potuissemus. Nunc verò nos impedit ipsa conditio status nostri: quia habemus hostes admodum fortes, mundum, carnem, Diabolum, qui conualuerunt supra modum in nos. Et ideo dixit, *Ego*; scilicet spiritualis. Et adiecit, *homo*; ut significaret quod ita est homo spiritualis, ut in hac nostra vita etiam adhuc sit homo, id est, in carne existens, & in iugi cum illa dissidio, eiusque ferens pondus. Quamobrem adest periculum, ne denuo in captiuitatem adducatur, ut etiam sanctorum sit in bel-

lo superari metuentium vox ista: *Quis me liberabit de corpore mortis huius?* Omnia membra carnis conficiunt corpus mortis: quoniam si quodlibet confideremus, vndique intrant per ea in animum quæ inferunt mortem. Ecce scriptum est: Ascendit mors per fenestras vestras. Videt homo mulierem, & subrept concupiscentia: cui si cōsentitur, gignitur mors. Audit auris verbum fusturij, & detractōnis: & hinc etiam conflatur mors. Gustat homo, & bibit in vino luxuriam; & hoc est mors. Denique quoduis obiectum mundi huius secum mortis habet fomenta. Et ideo periculum est vndique, & vbiq;: quia semper inimici sunt præsto: semper sunt parati & accincti domi, non tantum foris. Et inimici hominis domestici eius, ait Dominus noster. Apostolus igitur talis hominis personam adhuc retinens, & tot periculorum occasiones vitare cupiens, quibus mortem incurri intelligebat, in illam exclamationem erupit, tanquam qui in hac vita nullum à quouis homine posset expectare allicuius remedij solatium. Infelix (inquit) ego homo, quis me liberare poterit de isto corpore mortis? Et mox declarat quis sit verus & solus tantarum ærumnarum liberator: non naturæ lex, non ipsius Moyses. Quid igitur?

*Gratia Dei per Iesum Christum.* Dices: An non recipisti iam gratiam? Recepti: Cur igitur non es liberatus à principio? Quia nondum (inquam) est tempus perfectæ liberationis. Non. n. est hoc presentaneum remedium, licet sit certum. Hæc enim gratia medicina morbi, quasi fermentum est in massa positum, & indiget tempore ad fermentandum totam massam. Oportet ergo ut fermentetur & ipsa caro: sed non potest hoc fieri, nisi & ipsa prius corrumpatur, ut sic totus homo liberetur. Et ideo verè ipsa gratia liberabit nos perfectè, quæ iam incepit: quoniam gratia est quod sumus in Deo. Gratia quoque est quod maneamus in illo. Et ipsa denique est, in qua Spiritus deprecatur pro nobis gemitibus inenarrabilibus: & orat redemptionem corporis nostri, ut perficiatur inchoatum erga nos suum opus in Christo. Neque verò potest non exaudiri Spiritus Christi bonus in bonis, ac tremantibus eum, & expectantibus aduentum eius, & regnum Patris.

Scio quod & aliter legitur locus iste in græcis, videlicet: Gratias ago Deo meo per Iesum Christum. Nec inde alienus sensus colligitur. Nam verè ita conueniebat Apostolo, ut ageret gratias peculiaris gratiæ suæ memor, quæ certus erat futuræ liberationis, nullo modo dubitans se esse charissimum Deo per Christum, & quod mundus erat sibi crucifixus, & ipse mundo. Gratias igitur agebat in spiritu, tanquam qui iam illud recepisset, quod spe certissima se recepturum sperabat. Et in ea gratiarum actione voluit subintelligi responsum tanquam in actu exercito (ut dicunt logici) iuxta illud sensum quem porrigit latina lectio, id est, quod omnis homo qui est in Christo, debet agere gratias per Christum: quia hoc malum ad tempus est, & interim Spiritum habet suæ spei arrabonè: quoniam liberabitur tandem aliquando ab isto corpore mortis, si modo sentiat gratiæ eius in se, quam verè ille sentit, quem Deus dignum fecit aliquid pati pro Christo iniuste, ut habeat fortiorè illam



spem quæ non confundit, quam sentiebat in semetipso tantus Apostolus: unde & assiduas agebat gratias. Sed ad rem rediens, concludit ille tandem statum spiritualis hominis manentis in gratia, his paucis.

*Igitur ego ipse mente serui legi Dei, carne autem legi peccati.* Homo materialis, qui non intelligit modum doctrinæ, dicit: Qui fieri potest ut idem homo seruiat legi Dei, & legi peccati? cum veritatis Magister dixerit, Nemo potest duobus dominis seruire, &: Omne regnum in se diuisum desolabitur. Sed non attendit illis verbis (ut iam dixi, & sæpius inculcandum est) conditionem hominis significare voluisse Apostolum, ut intelligeret prudens lector, quod homo etiam spiritualis in Christo, secundum inchoatam iustitiam ita se habet, ut secundum mentem sit paratus ac dispositus seruire legi Dei, id est, Spiritui, & imperio charitatis. Secundum carnem verò sit dispositus ad seruendum legi peccati. Non autem quod ita ei de facto contingat. Non est enim possibile eundem de facto posse hæc officia partiri, ut ex parte seruiat legi Dei, & ex parte legi peccati: stultissimum est hæc putare. Homo enim in Christo existens, nulli peccato debet seruire, cum hæc sibi inuicem aduersentur, sicut superiori capite declaratum est. Nam qui mortuus est, peccato mortuus est; & ita iustificatus a peccato, ut non sit ulterius sub illo. Destruui enim debet corpus peccati, ut non ultra seruiatur illi.

Hæc Apostolus, quantum ad hoc caput pertinet, cuius egregiam doctrinam, si (ut mihi vilis sum) apprehendi, benedictus Deus: sin autem cogitent alij meliora, paratus sum libenter audire.

Interim summabo varias condiciones, & proprietates variorum statuum, quas Doctor noster Apostolus gentium doctè, ac paucis perstrinxit, in quibus post peccatum inuentus est homo miser, & infelix. Verum hoc non satis sciri potest, nisi primi quoque status conditio sciatur, in qua erat homo ante peccatum. Nam hinc melius cognoscetur illius status conditio, ad quem reductus est homo post peccatum, sequestrata omnino lege, & speciali auxilio Dei, quem dicimus statum naturæ lapsæ. In statu igitur primæuo ante peccatum inueiebatur homo in magna diuinorum notitia, & indutus veste gratiæ, & veste iustitiæ, qua mens erat sub Deo composita, caro sub mente, corpus sub anima; & consequenter exigebatur ab eo perfectio iustitiæ, quam proculdubio potuisset facile præstare in eo statu existens. Nihil enim erat ei repugnans, quo minus hoc posset, propter eminentem scientiam, & claram diuinorum notitiam, & expectatam membrorum facultatem, quæ erant arma ad perficiendam omnem iustitiam promptissima. Neque enim in mentem hominis rectè de summo & optimo opifice Deo sentientis venire debet tam iniqua cogitatio, ut ab initio creaturam ad imaginem & similitudinem suam conditam relinqueret in tanta ad virtutes comparandas difficultate, quantam nunc vel Christiani experimur. Et utinam omnes verè illius status cognitionem haberemus, & eius qui post est insequutus per peccatum. Illa enim nihil efficacius puto ad efficiendum nos verè erga Deum gratos, & humiles, & ad confitendum illum summè bonum in omnibus viis

suis, & sanctum in omnibus operibus suis. Neque enim pereuntium delectatur multitudo, qui cogitat cogitationes pacis, & non afflictionis. At nos sumus admodum ad submurmurandum propensi, qui natura fugimus laborem, & delirias sectamur, quæ fuissent in hoc primo statu.

Verum cecidit miser homo, & amisit scientiæ dona, & iustitiam illam & gratiam: & redditus est non iam carnalis, sed omnino caro ipsa, sicut vocant eum scripturæ. Comparatus est iumentis insipientibus, & similis factus est illis. Non intelligēs, non requirens Deum: ita ut possit comparari homini intemperato, qui malum omnino ignorans faciat quasi bonum, corrupta mente. Porro hoc iam non imputetur ei: quia bestia est: ita ut viuat non respectu primæ, sed secundæ mortis, quæ solum à proprio actuali peccato procedit. Unde existimo propter hoc dixisse Apostolum de his, qui dimissi sunt à Deo huic statui tanquam sine vlla sua speciali prouidentia. Qui, inquit, in præteritis generationibus dimisit gentes ingredi vias suas, videlicet, ut pateret status ille, in quem post peccatum reducti sumus. Nam illæ merito dictæ sunt Gentium viæ, quæ pessimæ erant, & ducentes in baratrum profundum malorum, propter naturalem omnium pronitatem ad malum, iuxta cuiuslibet desideria. Et ideo dictum est, Non permanebit: aut potius, non iudicabit, vel (ut quidam non irrationabiliter volunt) non irritabitur Spiritus meus in homine in æternum, quia caro est. Quod idem videtur esse, ac si dixisset: Non imputabo eis peccatum, nec in æternum illos propter hoc puniā, quia caro sunt: quod est dicere, sunt plusquam carnales. Ideo maluit punire temporaliter, ut vel sic aliquam exculperet ab iis pœnitentiam, qui non absque aliqua sua culpa dimissi sunt: & hoc ex magna misericordia, ne eos in æternum damnaret. Et sic exponit eum locum eleganter Beatus Hieronymus in heb. quæsti.

Alius autem legis status, qui post statum naturæ corruptæ est insequutus, fuit ille, in quem euectus est populus hæbreus, in quo longè clariorem de prouidentia Dei acceperunt notitiam, ita ut magna cum gloriatione canerent: Notus in Iudæa Deus: in Israel magnum nomen eius, & iterum: Non fecit taliter omni nationi, & iudicia sua non manifestauit eis. Erat enim status notitiæ, respectu tamen Gētiū: quoniam Iodæi erant illuminati de bono & malo, & de prouidentia & voluntate Dei sicut dixit Apostolus de Iudæo. Et nostri voluntatem eius, probans utiliora instructus per legem. Ex qua notitia inuitabatur ad faciendum bonum, & ad fugiendum malum. In eo ergo statu existens homo, factus est melioris conditionis, quàm si fuisset dimissus sibiipso: & hoc propter notitiam à lege acceptam. Ignorantia enim pars erat peccati non minima, ita ut homo lapsus diceretur caro & bellua: quia id faciebat, & id probabat, quod placeret carni. Iudæus autem iam non caro (carnalis homo tamen) quia secundum rationem & legem instructus, id probabat quod erat bonum, licet non faceret, cum esset voluntate carnalis, propter inhabitans in eius carne peccatum, & dominans menti nondum compositæ per iustitiam, & gratiam. Peccare enim cogeatur obnubilato per carnem in-

Psal. 48.

Ath. 14.

Gen. 7.

Rom. 2.

Summa doctrinæ valde de pulchritudine & necessitate ex hoc capite.



tellectu, cum ad obiectum particulare, quod place-  
ret carni, descenderetur: & sic etiam ipse per facile  
intemperatus efficiebatur.

Erat ergo Iudæus in deteriore statu ex parte,  
quàm esset homo in natura lapsa: quia accepto mō  
dato ne concupisceret, magis irritabatur caro ad  
concupiscendum: & concupiscens actu, grauius  
efficiebatur peccator. Quod sanè factū est à Deo  
non in eius malum, sed bonum, videlicet, vt per le-  
gem noscens se carnalem, & natura iniustum, &  
incontinentem, non maneret in lege, ne preuaria-  
ritur fieret, sed curreret ad Christum, quē ipsa lex  
indicabat, vt spiritu viuificaretur, & lex illa impri-  
meretur in corde, quæ erat scripta in tabulis, cum  
sciret ex ipsa lege (sicut scriptum reliquit Sapiens).  
Quod nemo potest esse continens, nisi Deus det,  
& hoc per Christum. Testificatur enim lex iusti-  
tiæ Dei, quæ scribitur in cordibus nostris per Chri-  
stum: sicut idem Apostolus dixit. In hunc autem  
statum poterāt venire etiam Gētes, quibus ipsa na-  
tura prædicabat bonum, & malum: Deum proui-  
forem, & remuneratorem mortalium, si prædi-  
cationem naturæ recepissent, sicut & nonnulli re-  
ceperunt. Verū Gētes non tam facile accessum  
habebant ad Christi notitiam, sicut Iudæi legis be-  
neficio instructi. Non ergo datus est Iudæis ille  
status, vt in illo manerent: sed vt cognito morbo  
ad medicū current, & venirent in statum gratiæ  
qui est nouissimus status ab omnib⁹ aliis differēs.

A statu autem primæuo hic noster status differt  
quia in illo erat clarior diuinorum notitia. Nos au-  
tem ambulamus videntes quasi per speculum in  
enigmatē. Amplius in illo statu fuissēmus in ea  
iustitia, quo continebatur pars inferior sub supe-  
riore, & superior sub Deo. Nunc verò habemus  
eam contumacem, vt sapius declaratum est. Et ob  
eam causam non tenemur ad illud omnino rectū  
ac perfectum, ad quod eramus obligati in primo  
pactō, cum eramus innocētes: modo confiteamur  
obligationem: non enim exigit à nobis Deus im-  
possibilia.

Differt & hic status à statu Iudæi, sicut differt  
status continentis à statu incontinentis. Est quidē  
& in nobis peccatum, sicut in Iudæo, id est, concu-  
piscencia in carne: sed non dominatur menti nisi  
velimus, & demus vltro manus, non repugnantes  
cum armis gratiæ, quæ sunt, vigilantia, oratio, sacra-  
menta, castigatio corporis, & alia huiusmodi. Si  
autem resistamus legitimè, non dominatur. Preua-  
let enim quæ est in mente lex charitatis, ita vt pos-  
simus continere. Non autem in eam venimus tem-  
perantiam & moderationem, vt æquemur statui  
illi, qui fuisset ante peccatum. Nam tunc non so-  
lū erat in mente gratia iungēs Deo superiorem  
partem: verū & adfuisset illa iustitia, qua iunge-  
batur pars inferior superiori, ne esset contumax,  
sed quadam impressione sileret obtemperando  
edicenti.

Et ideo quod ad hoc pertinet, videlicet, quantū  
ad consummationem iustitiæ, in deteriore statu  
modo sumus, quàm fuissēmus ante peccatum. Su-  
mus enim in difficiliore propter peccatum menti  
repugnās in bono & optimo, vt periculum etiam  
sit expugnationis non negligendum. Multi enim  
expugnantur & pereunt, cundo post cōcupiscētiās

suas. Deinde vix est in hoc mundo, propter tam  
grauem carnis sarcinam, mundi & diaboli pugna,  
qui perfectè (vt par esset) insistat in bono, & perficiat  
illud, & auertatur à necessitatibus, & irrumpē-  
tibus cogitationibus, & malis, & morbis, & innu-  
merabilibus vitæ huius incommodis. Maiorē præ-  
terea habet potestatem in nos Diabolus, quàm in  
primæuo statu habuisset. Itaque peccatum reddi-  
dit difficiliorem virtutis viam, & minus certam  
quàm antea fuisset.

Attamen in hoc mellioris sumus conditionis,  
quod hunc magis arduū agonem magisque acrem  
superantes, etiā maiora promeremur in cœlis gau-  
dia, sicut promptum est credere. Nam & ipsemet  
Dominus noster & caput Iesus Christus, propter  
mortis acerbissimæ cruciatum gloria maiore, &  
corona potitus est. Maior ergo victoria, & illu-  
strioris triumphi dignior est futura ratio, si fran-  
gāntur ac superentur vnā cum suo rabido exerci-  
tu numerosiores hostium copiar, quàm si paucio-  
res ac infirmiores leuiori pugna fugarentur & pro-  
sternerentur. Hoc non ignorāt ipsi dæmones, qui-  
bus maximum est studium, vt suadeant nos sem-  
per esse infirmos, & ea fortitudine per nouum sta-  
tum minime esse roboratos, quā possumus tantis  
(quantæ nos circumstant) tentationum fluctibus  
resistere. Et ad huius rei fidem faciendam armarūt  
suos milites novos nostræ ætatis hereticos, qui præ-  
dicant hominem etiam in Christo existentē, pec-  
catorem adhuc inueniri, & non qualicumque pec-  
cato, sed lætali, & ad mortem imputabili. Quod  
iniquissimum, & contra Christi gratiam excogita-  
tum dogma, Apostolus seq. cap. initio clarissima  
sententia damnabit.

## CAP. VIII.

**N**ihil ergo nunc damnatio-  
nis est iis qui sunt in Christo  
Iesu, qui non secundum car-  
nem ambulāt. Lex enim spi-  
ritus vitæ in Christo Iesu, liberauit me à  
lege peccati & mortis. Nam quod impos-  
sibile erat legi, in quo infirmabatur per  
carnem, Deus Filium suum mittēs in si-  
militudinem carnis peccati, & de pecca-  
to dānauit peccatum in carne, vt iustifi-  
catio legis impleretur in nobis, qui non  
secūdum carnem ambulamus, sed secun-  
dum spiritum. Qui enim secundum car-  
nem sunt, quæ carnis sunt, sapiūt: qui ve-  
rō secūdum spiritum sunt, quæ sunt spiri-  
tus sentiunt. Nam prudentia carnis mors  
est: prudentia autem spiritus, vita, & pax.  
Quoniā sapiētia carnis inimica est Deo.  
Legi enim Dei non est subiecta: nec e-  
nim potest. Qui autē in carne sunt, Deo  
placere non possunt.

**N**ihil ergo, &c. Quod primum ait: Nihil, hoc v-  
no verbo iugulauit hereticos: quod vt planè  
perspicias, attende. Stet igitur B. Pauli hæc  
inuiecta sententia, quæ velut sagitta coniecta, oculo-  
rum istorum excæcet. Loquens de iis qui sunt in

Heretici  
noni bati  
loco pressa  
nuntur.



Christo per fidem, ait: *Nihil ergo, Quid est quod ait Ergo?* Vnde (quæso) educitur ista conclusio, nisi ex proxima sententia, quam dixerat describens spirituales virum in Christo, quem figurauit in semet ipso dicens: Igitur mēte seruo legi Dei, carne autē legi peccati: Ac si diceret, vt verē dicit: Quia mēte seruo legi Dei, id est, quia sic sum per gratiā dispositus ad seruandū legi Dei, nihil nunc dānationis habeo, id est, nullā dānationē: quia peccatū nō est in me illū, id est, mēte mea, vbi iā nulla est macula: quia ex fide mihi cor est purificatum, & gratis iustificatus sum dono Dei. Itaque satis est mente purificatum esse ad iustificationē meam coram Deo, qui mentem respicit, & dicit: Beati mundo corde, quoniam ipsi Deum videbunt. Non enim obstat si in hoc statu seruā legi peccati, id est, ita sim dispositus secundum carnem ad peccandum: quia dispositio hæc mala iam purgata est, & non est ipsa peccatum, cum peccatum sit actus. Item non ex carne procedit peccatum, sed ex voluntate. Modo ergo voluntas per spiritum resistat carni, & nō sequatur concupiscentias eius, nihil mihi erit dānationis. Et ideo bene sequitur:

*Iis qui sunt in Christo Iesu, qui non secundum carnem ambulant, sed secundum spiritum*, id est, qui incedendo in hac vita mortali, affectibus & operibus non obtemperāt appetitui carnis, sed ambulant vt boni æmulatores Abraham per vestigia fidei obediendo legi vt filij Dei, qui Spiritu Dei aguntur, & mouentur ad fructus ipsius Spiritus perficiendos, qui sunt charitas, gaudiū, pax, &c. quæ qui agunt, non habent legem aduersam & minitatem, vt ipsemet B. Paulus testatur. Nam qui sunt Christi, carnem suam crucifigunt cum vitiis & concupiscentiis suis. Et ideo nihil dānationis est iis qui eiusmodi sunt. Nam vnde potest prouenire in eos tali dispositio ne præditos damnatio? Non equidem ex antiquo delicto, quod damnatum est, & interemptum in carne in Christi data pro noxa. Nec ex vi legis: quia aduersus huiusmodi qui faciunt legem, & non ambulant in concupiscentiis carnis facientes eius desideria, non est (inquit Apostolus) lex, scilicet, damnans eos, sed potius commendans: quia inuenit illos facientes quæ sunt legis. Et hoc est quod ait:

*Lex enim Spiritus vitæ in Christo Iesu liberauit me à lege peccati & mortis.* Lex Spiritus, est lex charitatis, quæ est infusa per Spiritum sanctum in cordibus nostris, vnde anima nostra viuit coram Deo: quia vitam accepit, vt seruire possit Deo. hæc ergo lex Spiritus, vnde est vitæ, liberauit me (ait Apostolus in persona Christiani) à lege peccati & mortis, id est, ab antiqua lege, quæ cum esset in tabulis, & iuberet mihi existenti carnali spiritualia, non valenti ea perficere propter carnis imperium, erat isto modo mihi ministra peccati, & mortis. Itaque ab ea liberati sumus per hanc legem Spiritus vitæ nobis infusam, modo maneat hæc lex in nobis: quod erit si nos maneamus in Christo Iesu. Manebimus autem in illo, si dilexerimus illum, in quo sumus omnes: & ideo debemus nos ipsos in illo inuicem diligere. Ipse enim est vitis nostra, de qua hic Spiritus vitæ tanquam de radice dimanat in nos: de cuius vitali humore tanquam palmites haurimus, si modo in ea vite permaneamus.

Permanebimus autem, si non consenserimus carni, sed fecerimus mandata Dei. Vt ostendat autē quomodo per hanc legem Spiritus vitæ liberemur à lege peccati & mortis, adiecit:

*Nā quod impossibile erat legi, in quo infirmabatur per carnem.* Sensus est, quod lex quæ posita erat homini animali & carnali, & contumaci, & iniusto, cum ipsa iuberet spiritualia, & ea quæ carni molesta sunt, non poterat efficere per seipsam quod sue intentionis erat, videlicet, vt homo perficeretur in actibus iustitiæ. Homo enim malus, & sentiens legis vim & iustum, & non valens obedire, imò per legem tanto magis excitatus ad resistendum (quoniam semper ob innatam malitiam & superbiam nitimur in vetitum) transgrediens legem, supra modum fiebat peccator & præuaricator: quoniam etsi lex ipsa ex se esset fortis, & fortia iubens, infirmabatur tamen per carnem. Nam caro quæ legem recipiebat non tamen in seipsa scriptam, sed in tabulis lapideis, inueniebatur ipsa mente fortior: ita vt lex suo fine frustraretur, qui erat, vt homo esset perfectus in iustitia, faciens iusta coram Deo. Hoc est ergo quod dicit legi fuisse impossibile, nimirum, vt faceret hominem iustum coram Deo & operantem bona, scilicet, obstat peccato, quod erat in carne, & dominabatur homini ne posset etiā volens, iussa legis perficere, quæ reddebatur infirma hac parte propter carnem, id est, propter illum dominatum carnis. Quomodo ergo quod erat impossibile legi, perfectum sit, explicat, & ait:

*Deus Filium suum mittens in similitudine carnis peccati*, supple tu, hoc effecit. Frequens enim est Apostolo omittere verba, quæ possunt facile subaudiri. Et vide (quæso) Dei consilium, in quo maxima misericordia & iustitia illius elucet. Ipse enim perspiciens non esse legis defectum, si ei non obtemperaretur, sed hominis, idque propter ius quod habebat peccatum in hominem cui dominabatur, secundum illam diuinæ legis regulam: *Qui facit peccatum, seruus est peccati*: voluit homini succurrere, & illum liberare ab hoc peccati dominatu. Noluisset autem hoc facere cum aliqua ipsius legis iniuria, id est, noluit à sua possessione peccatum expellere, nisi rursus aliquid ius nasceretur aduersus ipsum. Ergo ad hoc misit Filium suum, scilicet ad tollenda peccati iura: quoniam misit illum in similitudine carnis peccati. Misisse autem tunc dicitur Pater Filium, quando decreto illius ipse Filius assumpsit humanam carnem, infirmam, corruptibilem, caducam. Nam sic dicitur ipse exiisse à Patre: quoniam sic exinanitus, gloriā, quæ decebat illum (vt pote Filium Dei vnigenitum) abiiecit à se. Vnde & rediisse ad Patrem postmodo dictus est, cum gloriā suam accepit, & indutus est virtute, vt sedere dicatur ad dexteram Patris.

Venit ergo in similitudine carnis peccati: non quia non venerit in verā carnis nostræ substantia, sed quia cum carnē acciperet, noluit accipere infinitum in carne nostra peccatum, & in vniuersa mascula naturā. Accipiens tamen conditiones pœnales in carne sua, quæ nobis à peccato venerunt, vt erat corruptibilitas, & pascibilitas, & mortalitas, verē habuisse dicitur & assumpsisse carnē similem carni peccati. Sic dicitur venisse in similitudine hominum, & habitu inuentus vt homo. Quo genere di-

*Quid est venisse Christi in similitudine carnis peccati.*

*Philip. 2.*

*Matt. 5.*

*Gal. 5.*

*Ioan. 16.*



cendi non negatur vera in eo hominis substantia, quæ ex tali forma & materia resultat, id est, anima & corpore tali: sed declaratur illum non fuisse hominem secundum conditiones illas, quæ humanæ naturæ propter peccatum debebantur, inter quas erat dominatus peccati.

Fuit autem similis aliis hominibus: quia miseria & pœnas peccati (sine peccato tamen) in se assumpsit, & ideo habitu inuentus est ut homo. Et sic in seipso cepit dissolvere iura peccati, cum ipse iniuria, quod ad se attinebat, in sua carne pœnas antiquo peccato debitas cepit luere, & Deo restituere suam gloriam, quam nos rapuimus. Nos enim diuinum illud nescio quid rapuimus, quum parentes nostri ab initio appetuerunt diis esse similes. At Iesus tum hoc debitum Patri restituit, quum diuinas conditiones sibi conuenientes, id est, illam gloriam quasi Unigeniti à Patre, à seipso abiicit, & se exinanivit, atque formam serui immerito sustinuit, ut hoc efficeret, quod lex non poterat, videlicet, iustificationem nostram. Nam & hoc pacto effectum est quod sequitur:

*Et de peccato dānauit peccatum in carne.* Veniens Iesus in hunc mundum absque peccato (ut dictum est) sed assumptis pœnis peccato debitis, cepit habere hostem ipsum peccatum cum quo & confligit, & de quo triumphauit. Mundus enim ab eo peccato impulsus restitit euangelio & veritati, quam Christus prædicabat: & sic ab illo ipso peccato fuit indignissime summaque iniuria crucifixus. Peccatum igitur (à quo iste tantus ausus fuit) quia extendit iura sua in eum, in quem nullum prorsus ius habebat, merito perdidit sua iura, quæ in vniuersum mundum merito habebat. Nam illud Christi opprobrium, quod passus est à peccato, longè præponderauit illi debito, quod ipse mundus peccato debebat. Sic igitur Deus benedictus, & per omnia iustus, hanc iniuriam à peccato venientem cernens in Filio suo, & in illa benedicta suæ carnis hostiâ, quam ipse obtulit pro peccato in ipsa carne Filij sui summa iniuria damnata, summo iure dānauit peccatum, ut hoc pacto, de ipso peccato damnatio ipsius peccati mirifica æquitate processerit.

Quicumque igitur inuenitur in Christum regeneratus, & per baptismum in illo configuratus morti eius, gerit quidem in se, hoc est, in carne sua peccatum, sed damnatum: quoniam non dominatur vltèrius. Non enim inuenit vltèrius hominem peccatorem, in quem ius habeat: quia mortuus est homo vetus in carne Christi, & nouus excitatus est, qui non agnouit peccatum, sed est conditus in iustitia & sanctificatione ad seruiedum Deo, & gloriæ eius. Tales sunt qui renati sunt, effecti noui & in spiritu & in carne: quoniam membra sumus corporis Christi de carne eius, & ossibus eius. Nō quod in carne nostra non sit malum adhuc, cum & in carne Christi fuerit malum, licet non peccatum: sed quod hoc malum non est nobis vltèrius in pœnam & peccatum, sed in exercitium ac meritum. Sicut fuit Christo suum malum carnis, factum propter nos maledictum, quem oportuit pati, & ita intrare in gloriam suam. Tales & nos, qui hanc carnem in hoc penè similem suæ carni habemus, quā oportet à nobis castigari, tanquam inimicam, do-

nec perfectè moriatur, ut fiat quasi semen futuræ incorruptionis & gloriæ.

Hactenus pro huius loci explanatione: Et si me non lateat alios aliter exponere, sed ego illud protuli, quod magis placuit. Videat lector alios si libeat, & semotis (quæ rectum iudicium impediunt) prauis affectionibus diiudicet. Non est enim mihi in animo cuncta quæ ab aliis dicuntur vel improbare, vel saltem recensere. Quod & si facere cuperem, citra magnum animi tedium fieri non posset qui à contentionibus libenter abhorreo.

Ad rem igitur nostram redeundo, Dicimus hoc Dei consilium fuisse, ut isto pacto iustificatio legis impleretur, videlicet, damnato peccato, & omni eius iure ab illo sublato, & consequenter illius tyrannide. Dicit autem legis iustificationem, id est, illam quam imperabat, & intendebat lex, cum diceret homini: Non concupisces. Et hic vides, acute lector, satis redargui nouos hæreticos, qui nolunt posse impleri à nobis iustificationem. Et attende in quibus dicat impleri, & quomodo, ait:

*In nobis, hoc est in Christianis iustificatis spiritu & fide.* Sed quia hoc non satis erat aduersus hæreticos, adiecit: *Qui non secundum carnem ambulamus, sed secundum spiritum.* Hi enim demum sunt, in quibus impleretur desiderata legis iustificatio, videlicet, qui ambulant secundum spiritum, non secundum carnem, id est, qui non quæ carni placent, cuius opera manifesta sunt, ut immunditia, auaritia, libido, superbia, & huiusmodi alia, sed quæ sunt spiritualia agunt, faciētes fructus spiritus, qui sunt opera charitatis, & patientiæ, & reliquarum virtutum, quæ inde, hoc est, à Spiritu sancto proficiuntur, per media tamen ipsius Spiritus dona. Sequitur:

*Qui enim secundum carnem sunt, quæ carnis sunt sapiunt.* Ostendit hoc in loco Apostolus, Christum ambulantes secundum carnem nihil prodesse. Ratio verò est: quia ij, scilicet, sunt secundum carnem. Hoc enim supponit: quia esse secundum carnem est esse carnalem, id est, habere in se principium ducens volentem ad ea quæ sunt carnis. Vnde visitato in scripturis more loquendi, dicuntur esse carnales, vel ex carne, vel secundum carnem. Et qui tales sunt, sapiunt quæ sunt carnis, id est, ea iudicant bona, & his afficiuntur, & hæc eligunt, quæ sunt carnis, id est, quæ carni placent, ut obiecta propria. Hæc autem sunt carnis, quæ temporalia sunt, & morti subiecta, ut sic mortem afferant, merito digna morte in illo, qui illa elegit, & contempsit immortalia & cœlestia. Vnde subdit:

*Nam prudentia, carnis mors est.* id est, mortem affert. Ut hic sit absolutus Apostoli sensus: *Qui secundum carnem ambulant, non iustificantur per Christum.* Probat: *Quia si secundum carnem ambulant, secundum carnem sunt.* Et qui secundum carnem sunt, quæ carnis sunt sapiunt. Et cum cuiusque merito id reddendū sit, quod sapit, id est, quod elegit (quæ autem sunt carnis, sunt mortalia.) Concludendum igitur est, huius prudentiæ merium esse ipsam mortem: ut illi amittant cœlestia, & simul priuentur terrenis, qui ita sapiunt. Et hoc inde est: Quia prudentia ista carnis est inimicitia aduersus Deum, id est, causa, qua nos illam sequentes, inimici constituimur, eo quod ista caro non est subiecta legi

*In hæreticos, quomodo possit impleri lex.*



legi Dei, sed odit illam. Nec enim potest subiecta esse: quia huius naturæ est caro. Caro enim, ut caro est, ex seipsa semper concupiscet quæ sunt carnis, nisi reprimatur à spiritu. Ut ergo non concupiscat, mortificare illam oportet. Ediverso autem cuncta contingunt secundum Spiritum ambulantes: quia isti ex Spiritu sunt, & ex Deo: & ita sapiunt quæ sunt Spiritus, & quæ sunt Dei. Spiritus enim est Deus, & charitas, quæ non potest amare quæ sunt mundi: quorum qui vult amicus fieri, Dei inimicus (ut testatur Dilectus) constituitur.

*Prudentia autem Spiritus, vita & pax, &c.* In his qui non sequuntur voluntatem carnis, prudentia Spiritus est vita, quæ est gratia Dei, à qua gloria est, & perfecta vita & æterna. Inde enim venit pax, quæ superat omnem sensum.

*Qui autem in carne sunt, Deo placere non possunt.* Esse in carne (ut iam dictum est) non est aliud, quam ipse carni ita affici, ut homo in omnibus ei consentiat, & finem suum in ea ponat. Et idem videtur esse secundum carnem. Talis ergo existens in carne, siue secundum carnem, cum illi cõsentit, & iam non molestè tolerat eius petulantiam, imò ea libenter delectatur, Deo placere non potest: quia caro inimicitia est in Deum. Nec potest subiici legi Dei, ea quæ carnis naturæ repugnant, præcipienti.

Vos autem in carne non estis, sed in spiritu: si tamen Spiritus Dei habitat in vobis. Si quis autem Spiritum Christi non habet, hic non est eius. Si autem Christus in vobis est, corpus quidem mortuum est propter peccatum: Spiritus verò vivit propter iustificationem. Quod si Spiritus eius qui suscitavit Iesum à mortuis, habitat in vobis: qui suscitavit Iesum Christum à mortuis, vivificabit & mortalia corpora vestra, propter inhabitantem Spiritum eius in vobis. Ergo fratres, debitores sumus, non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, viueris. Quicumque Spiritu Dei aguntur, ij filij Dei. Non enim accepistis spiritum servitutis iterum in timore: sed accepistis spiritum adoptionis filiorum Dei, in quo clamamus: Abba Pater. Ipse enim Spiritus testimonium reddit spiritui nostro, quod sumus filij Dei. Si autem filij, & hæredes: hæredes quidē Dei, cohæredes autem Christi: Si tamen compatimur, ut & conglorificemur.

*Vos autem, &c.* Ostendit Apostolus, quod qui erant iam candidati in Christo per fidem, non erant amplius in carne. i. subiecti & addicti carni, sed in Spiritu hærentes illi, si modo Spiritus habitaret in eis. i. si non fuisset exturbatus è templo suo, propter obedientiam carni rursus datam. Quod & notandum est adversus eos qui aiunt stare gratiā Dei etiam in criminosis: sed B. Paulus opposita in tales sententia ait:

*Si quis autem Spiritum Christi non habet, hic non est eius, videlicet Christi, seu ipsius Spiritus, qui non possidetur ab eo, nec regitur. Possent fortè se excusare, & dicere se intelligere de gratia prædestinationis, quæ quovis prædestinati peccato non tollitur. Sed quia isti aliam gratiam non agnoscunt, imò etiam floccifaciunt: ideo meritò reprehenduntur, nec se defendere vlla exculatione possunt.*

*Si autem Christus in vobis est, corpus quidem, scilicet ipsius Christi, mortuum est. i. est res mortua: ut per gratiā, id est, cadauer, propter peccatum, id est, ad destructionem peccati. Et ideo per hoc simul caro nostra mortificata est peccato. Spiritus autem vivit propter iustificationem.* Spiritus enim noster iustificatur propter adhaerentiam ipsi Spiritui Dei, & Christi. Quid autem est hic Spiritus Dei, & Christi, nisi Dei charitas, & amor, qui nostro spiritui iungitur nexu indissolubili, nisi per nosmetipsos illum à nobis dissoluerimus?

*Si ergo Spiritus eius, id est, Dei Patris, qui Pater, suscitavit Iesum à mortuis habitat in vobis.* Ipse enim Deus & Pater qui à mortuis suscitavit Iesum dilectum suum & victum oleo, de cuius plenitudine & nos oportet accipere. Suscitavit autem respectu corporis ipsius, secundum quod erat ipse mortuus: Ipse, inquam, idem Deus Pater vivificabit & mortalia corpora vestra propter inhabitantem Spiritum eius in vobis. Spiritus enim Dei ille bonus qui habitat in corpore illo Christi mortuo, & non dereliquit illud in infernis, sed suscitavit, si in nobis habiteret, vivificabit etiam mortalia corpora nostra aliquando. Corpus enim nostrum nunc quasi cadauer ad tempus relinquitur, suo die suscitandum à Spiritu, sicut accidit corpori Christi: eius enim membra sumus. Faciet igitur hoc Deus Pater per Spiritum suum, cum apparuerit Christus vita nostra. Tunc enim & nos integri apparebimus cum illo in gloria. Hoc verò in loco agnosce eundem Spiritum dici Spiritum Dei, & Christi, ut Christum agnoscas Deum. Et similiter Patris & Filij Spiritum, ut ab utroque processionem eius intelligas.

*Ergo fratres debitores sumus non carni, &c.* Concludit Apostolus id quod volebat, post ortam nobis & datam Christi gratiam, per quam mortuum est peccati regnum, debitores nos esse non carni, ubi est regnum peccati & mortis, sed Spiritui, per quem liberati sumus à lege carnis, & redempti à captivitate peccati, & erepti à servitute diaboli. Nam qui redemptus est, eius qui redemit servus est. Christus autem & Spiritus eius nos redemit à dominio carnis. Illius igitur servi sumus, & illi servire debemus in spiritu nostro. Vnde meritò nos si rursus servierimus carni, & dereliquerimus fontem vitæ, moriemur, scilicet secunda, & æterna morte. Sicut e contrario, retinētes Spiritum, per quem facta carnis mortificantur (quia fortis est ut mors dilectio) vivemus, scilicet æterna & perfecta vita. Ipse enim Spiritus, cui hæremus amore, vita est. Ecce rursus ut probatur, quod per peccatum exturbatur & eliminatur à nobis Spiritus & gratia Dei. Si mul quippe peccatum, & gratia stare nequeunt: quemadmodum nec simul stant mors, & vita. Et ideo non sola fides potest saluum reddere, nisi per dilectionem operetur quæ præcepit Dominus Deus in sua nova lege. Nam cum fide stat ut serviamus

*Per peccatum Spiritus Dei expellitur, & gratia auferitur à nobis:*



carni: licet hoc aduersarij vel negent, vel cauillis & tergiuersationibus suis excusent, dum fidem aliam secundū substantiam asserunt esse iusti, aliam cum à iustitia recedit. Sed nec sic sibi constant, sed nec constare possunt, qui sunt veritate vacui. Ideo difficile est valdè illos modo hâc, modo illâc elabentes, neque curantes an secum pugnent, apud vulgus ostendere redargutos. Et tamen continuò hoc idem Apostolus docet, aiens:

*Quicumque enim Spiritu Dei aguntur, ij filij Dei sunt.* Probat iis tantum fore vitam, qui Spiritu Dei facta carnis mortificauerint: quoniam tales Spiritu Dei ad hoc faciendum aguntur. Illi autem qui Spiritu Dei aguntur, filij Dei sunt: qui præceptis patris libentissimè obtemperant, liberati à terrore legis, & minis asiduis. Et hoc declarat, subdens:

*Non enim accepistis iterum spiritum seruitutis in timore.* Spiritus seruitutis erat in lege antiqua, quo pœnæ formidine inducebatur odium peccati. Eleganter enim dixit quidâ, Oderunt peccare mali formidine pœnæ. Sed alio spiritu nos afflati sumus, qui est spiritus adoptionis filiorū Dei, spiritus libertatis filiis cōueniens, qui efficit vt amore, nō timore obsequamur: & ob pietatem, non proprii cōmodi gratia. Hoc verò patet, quoniam hoc spiritu acti,

*Clamamus Abba, Pater.* Tres linguas duobus his vocabulis complexus est. Nam Abba, Hebræum: Pater, Græcum atque Latinum. Vt ostendat hanc adoptionem non ad Hebræos tantum pertinere, sed ad omnes Gentes. Nam & Christus sic orauit ad Patrem: Abba Pater, vt ostēderet illū omnium esse Patrem: & seipsum pro omnibus constitutum à Deo patre clemētissimo omnium Mediatorem. Pro omnibus, inquam, non pro solis tantum Iudæis, sed etiam pro Gentibus. Ob hoc mysterium his tribus linguis conscriptus fuit titulus crucifixi. Iesus Nazarenus, Rex Iudeorum, id est, eorum qui secundum spiritum sunt Iudæi. Et ne quis vanum putaret somnium, quod sumus Filij Dei, adiecit:

*Ipse enim Spiritus testimonium reddit spiritui nostro, quod sumus filij Dei.* i. contestatur spiritui nostro, & confirmat hanc persuasionem spiritui nostro.

Ex hoc loco ortæ sunt etiā inter Catholicos nouæ disputationes. Nam si contestatur Spiritus sanctus spiritui nostro, quod sumus filij Dei (quod proculdubio est per acceptam & inhærentem gratiam & charitatem) consequenter testatur, quia per charitatem filij Dei sumus, vt ait Dilectus: Videte, inquit, qualem charitatem dedit nobis Deus, vt filij Dei nominemur & simus. Testatur hoc ergo nobis Spiritus sanctus. Quod si attestationi eius habemus fidem, certi ergo erimus de accepta gratia, & hoc certitudine fidei. Quod tamen dum nōnulli verbo, inficiantur, multa hoc disputatione discutientes, vi tamē veritatis (vt mihi quidem videtur) coacti, re ipsa consentunt. Fatentur Spiritum sanctum attestari filiis, quod sunt filij: & necesse est fateri illos, quod qui sunt filij, hanc attestationem, ne sit frustrā, recipiant.

Verūtamen hīc est quæstio, vtrum qui eam Spiritus attestationem recipiunt, fidēne an verò opinione recipiant, vel etiam euidētia. Euidētiā autem nullus ponit. Præter fidem verò, & opinione, & euidētiā, non video quicquā aliud fingi posse. Et quidem non arbitror illos qui seriò cogitaue-

rint, dicturos opinionem ex attestatione Spiritus gigni, sed fidem: vt non ineleganter ibi docet Caetanus. Quid prohibet ergo dici hanc certitudinem fidei, quæ a testimonio Spiritus conflatur?

Respondent quidâ, Primum non posse dici certitudinem: quia etsi certum sit per scripturā, quod ipse Spiritus sanctus id testatur filiis suis, attamen non est certum illis quibus testatur, quod ipse sit Spiritus qui testetur. Nō enim se illis insinuat esse testem. Quod certè dictum suam secum fert absurditatem. Cur enim testetur, nisi vt testimonio suo fides habeatur? Et quomodo habetur testimonio fides, nisi declaretur simul persona testificātis fide digna, cum veritas testimonij ab ipsa testis conditione accipiatur? Itaq; Spiritus sanctus contestificans, nisi se testatē insinuet, iam non testatur. Insinuat ergo, & in ipso testimonio semetipsum ostēdit loquentem: quod totum fide capi oportet, non opinione: Alioqui iniuria testimonio fieret ac testis. Inauditum quippe est, quæ diuino testimonio suggeruntur, ea non esse accipiēda fide, sed opinione, vt super his dubitare oporteat, ac formidare.

Dicunt: Insinuat se quidē Spiritus, sed per coniecturas, in quibus potest esse fallacia. At nunquid (rogo) est hoc se insinuare, ac verè testificari? Certe miror posse hoc viros doctos admittere: nisi quod substinere iam coguntur quod excidit semel.

Sed vt hanc nimis ineptam tergiuersationem & fugā prorsus excludamus, oppono illis B. Ambrosium, qui tanquam illam prauideret, docuit Spiritum sanctum non solum testari quod sumus filij Dei, verum etiam quod ipse idem Spiritus sanctus est qui hoc testatur. Eius verba hæc sunt. *Qui spiritus, inquit, facta carnis mortificat, viuet. Nec mirū si viuat, cū filius Dei fiat, qui habet Spiritum Dei.* Adeo filius Dei, vt non accipiat spiritū seruitutis, sed spiritū adoptionis filiorū, eo vique vt testimonium spiritui nostro sanctus Spiritus reddat, quod sumus filij Dei. Testimoniū autē hoc, est Spiritus sancti, quod ipse est qui clamat in cordibus nostris Abba Pater, sicut ad Galatas scriptum est. Sed & illud grande testimonium q; filij sumus Dei: quia sumus heredes Dei, cohæredes autē Christi, hæc ille.

Possem & plerasque alias sanctorum Doctorum sententias ad hoc corroborandum proferre, quas prudens in re clara pratermitto. Ecce idem prorsus docet gloriosus Doctor Augustinus in ser. de verb. Apostoli. Non spiritus noster, inquit, reddit testimonium spiritui nostro, quia sumus filij Dei: sed Spiritus Dei, arra, reddit testimonium pro ea re quæ nobis promissa est, &c.

Quare nullius est momenti quorundam euasio dicentium: Admittimus esse fidem huic testimonio, sed dicimus humanā fidem, non diuinam. Hic quæso, quamobrem? Date nobis distinctionis huius notitiam. Aiunt: Fides humana est eorum, quæ constāt humana autoritate. Et fides diuina est eorum, quæ cōstant autoritate diuina. Si ergo ita est, & volunt ij sibiipsis constare, nec loqui pugnātia, hac sua ipsorum doctrina conuincuntur. Impossibile est enim vlla humana autoritate cuiquam esse persuasum, & constare se esse filium Dei: quoniam hoc obiectum est eorum, quæ humanam excedūt cognitionem: & sine fidei lumine certa esse nequaquam possunt.

Horatius.

B. Ambrosii  
epist. 22.  
lib. 5.

Nota.

Gal. 4.

B. Augustini  
ser. 13. de  
verb. Apo.  
stoli.



Præterea, hoc in loco Apostolus ipse manifestè dicit, nos Spiritus sancti testimonio initi in huiusmodi cognitione. Credo autem in Spiritus sancti testimonio inesse non humanam, sed diuinam auctoritatem. Itaque profectò non video quomodo aut qua via elabi possunt, qui secus docent. Caietanus hanc notitiam, fidei esse notitiam eleganter docet. Puto autem de fide diuina illū intellexisse, non de humana. Sic enim Theologi intelligunt, cum simpliciter & absolute loquuntur de fide. Quin etiam alibi idem Caietanus declarat expressè, se de notitia fidei infusæ intellexisse in re proposita. Bernardus hoc idem multis in locis docet. Verum hanc totam materiam alibi tractauimus vberioribus verbis.

Vnum hinc addam, quod cum iubeatur filij Dei dicere Abba, Pater, & ita quilibet in oratione profiteatur. In oratione autem (vt aiunt sancti Doctores) contineatur fidei nostræ protestatio: & (vt quidam summus Pontifex eleganter dixit) legem credendi lex statuit supplicandi, durissimum esset Christianos omnes iussos orare, & dicere: Pater noster, & hoc, quod sit eorum pater, neminem penitus ex fide nosse, sed opinione. Erit ergo protestatio, & professio in oratione omnium Christianorum, & non ex fide, sed opinione. Quod est absurdissimum, & contra ipsum verum ecclesiæ spiritum. Redeamus ad Apostolum nostrum, qui colligit ex testimonio Spiritus nos esse filios Dei Patris & heredes, & Christi coheredes. Sed illius verba audiamus, ait:

*Si autem filij & heredes, scilicet vitæ æternæ.* Hæc est enim hæreditas, quam Christus moriens nobis reliquit vt Deus: & ipse eam primus accepit post mortem suscitatus vt verus hæres, cui suo iure debebatur. Nos verò adoptione heredes, & ita coheredes Christi: Si tamen simul patimur, vt & simul regnemus. Hoc dicit propter multos, & ferè omnes, qui libenter volunt regnare cum Christo: pati autem cum illo minime Gentium. Et hic etiam locus in hæreticos, qui sola fide apprehendi regnum cælorum prædicant: & nihil tribuunt hac in parte patientiæ propter Christum, & bonis operibus, argumentantes ex B. Paulo: Si filij, ergo heredes. Et quod subiecit, de industria omittentes. Si modo, ait Apostolus, compatimur, vt & cōglorificemur. Nota modum loquendi, quo omnes eorum glossæ franguntur. Ipsi aiunt: Nos non negamus oportere sequi fidem bona opera, & crucem. Verum neque operibus, neq; cruci reddi gloriam vitæ æternæ. At hoc profectò à verbis ipsis Apostoli confutatur. Non enim dixit tantū: Si modo compatimur, sed adiecit, Vt cōglorificemur: manifestè volens compalsioni reddi cōglorificationem. Quare cum ad hæc loca veniunt hæretici, aut dissimulāt, aut suis quibusdam strophis ac præstigiis, quæ illos Diabolus docet, lectorem non vigilem abducunt. Sciunt enim quod hæc adiectio B. Pauli, Si modo compatimur, cōturbat carnem, cui ipsi eius iam mancipia facti, placere, & morem gerere student. Etenim omnes sumus natura tales, vt velit quilibet sedere in regno Dei, & hoc fœmina auaritia flagitat à Christo. Sed quid ait ille, Potestis bibere calicem, quem ego bibiturus sum? Hic est locus suspitij, quem hæretici fugiunt.

Existimo enim quod non sunt condignæ passiones huius tēporis, ad futuram gloriam quæ reuelabitur in nobis. Nam expectatio creaturæ reuelationem filiorum Dei expectat. Vanitati enim creatura subiecta est non volens, sed propter eum qui subiecit eam in spe: quia & ipsa creatura liberabitur à seruitute corruptionis in libertatem gloriæ filiorū Dei. Scimus enim, quod omnis creatura ingemiscit, & patitur vsque adhuc. Non solum autē illa: sed & nos ipsi primitias Spiritus habentes, & ipsi intra nos gemimus adoptionem filiorum Dei, expectantes redemptionem corporis nostri. Spe enim salui facti sumus. Spes autem quæ videtur, non est spes. Nam quod videt quis, quid sperat? Si autem quod nō videmus, speramus, per patientiam expectamus. Similiter autem & Spiritus adiuvat infirmitatem nostrā. Nam quid oremus (sicut oportet) nescimus: sed ipse Spiritus postulat pro nobis gemitibus inenarrabilibus. Qui autem scrutatur corda, scit quid desideret Spiritus: quia secūdm Deum postulat pro sanctis.

*Existimo enim quod non sunt condignæ passiones huius temporis.* Probat quod dixerat, videlicet, quod vt filij accipimus hæreditatē Dei: ne quis putaret per suam passionum tolerantiam, se illam lucrari condignē, ex illa conditione posita: Si tamen compatimur, vt & cōglorificemur: quasi passionibus nostris tāta gloria debeat. ait ergo: *Existimo.* Est sermo fiduciæ, id est, confidenter asserentis ob patentem veritatem, vt ultra hanc existimationem non sit aliud exquirendum probationis testimonium. Dicitur enim quodam tropo, Existimo Deum homine esse maiore: Aut cælum maius terra, & quæ huiusmodi sunt. Cum igitur non sint condignæ passiones nostræ ad futuram gloriam per se quibus hæreditatem obtineamus, iam sequitur quod illam vt filij accipimus, adoptati per gratiam Christi, vt hac tanquam forma tales passiones formatæ (quoniam à filiis proficiuntur & ex amore Christi) iam efficiantur condignæ gloria illa cælesti.

*Ad futuram gloriam quæ reuelabitur in nobis,* aut in nos, vt legitur græcè: Quoniam nunc tecta manet, sicut mansit in Christo quoad carnem, cum esset in hoc mortali corpore. Accipimus enim eam nūc fide: tunc videbimus facie ad faciem. Interim hoc momentaneum & leue tribulationis nostræ operatur nobis immensum æternæ gloriæ pondus, vt testatur alibi Apostolus. Et quod omnino hoc futurum sit, ostendit dicens:

*Nam expectatio creaturæ,* &c. Græca vox anxiam quandam expectationem significat, vt ingens desiderium, & appetitus creaturæ significaretur. Vnde colligitur, talem expectationem, cum sit ex desiderio cœlitus indito, frustra nō futuram. Profundè verò loquitur Apostolus, & proponit de crea-

2. Cor. 5.



tura id, quod absque dubio cerni potest, eam vide licet vehementi celestis gloria desiderio angi. Et nunc se habet tanquam parturiens mulier, quæ cum acerbis partus doloribus avidissime expectat futuram prolem, tantisper se macerans & affligens, donec nato puero masculo possit lætari. Declaremus hæc omnia.

Appellatione creaturæ hinc intelligo hominem, nec hominem nudum gratia, sicut vox quādoque significat, ut quum dixit Dominus; Prædicate evangelium omni creaturæ, sed hoc in loco hominem significat in Christo regeneratum, qui dicitur nova creatura. Quare & græca lectio ipso articulo certam creaturam notare videtur, & certam quandam anxiam expectationem: sic enim legitur. ἡ γὰρ ἀποκροδοῦσα τῆς κτίσεως, ac si dixerit. Illa anxiam expectatio illius creaturæ, quam scilicet genuit Christus Dominus creans illam, & ipse in sua dolorosa parturitione & nimia anxietate Crucis parturiuit, non aliud expectat, quam illam futuram gloriam, quæ est filiorum. Expectat autem eam quasi sibi, qui filius effectus est, debitam.

*Quæ sit expectatio  
no  
ue creatu-  
ræ.*

Sensus ergo est (ut etiā latius manifestetur) quod nova creatura per Christum, quia facta est Dei filius renatus in Christo, cum non sit liberata à passionibus in hoc mūdo, sed subiecta illis, in spe est, & vivit. Non absque expectatione, inquam, sicut reliqui qui patiuntur, sed non expectant, utpote non existētes in Christo: In illis enim non est spes. Et ideo anxietas eorum non includit expectationem futurorū bonorum, sed desperationē magis. Habet enim pœnas quasi arram inferni, ut possint etiam sperare deteriora. Sed creatura Dei in Christo non sic. Quas enim patitur pœnas velut expectans, patitur propter futurum fructum. Hoc ergo creaturæ nomine hinc Apostolus utitur ad significandam novam creaturam, quæ per Christum generata est. Nam & alibi hoc declarās, ait: Si qua ergo nova creatura, ut sit sensus, quod quicumque invenitur in Christo, nova est creatura: quia genitus est per resurrectionem in eo. Et alibi ait: In Christo Iesu neque circumcisio, neque præputiū, sed nova creatura. B. Iacobus etiam amplius audet, dicēs: Voluntariē enim genuit nos verbo veritatis, ut simus initium (aut significantius) primitiæ quædam creaturæ ipsius. Et in Apocal. de Christo dicitur, Quod ipse principium est creaturæ Dei.

*Gal. 6.*

*Iac. 1.*

Et licet omnis creatura, Dei creatura sit (quia à Deo creata & condita) tamen magis propriē Dei creaturam dicimus hominē, qui creatus est ad Deum, ut Deo vacare possit & debeat. Tales sumus nos (Deo gratia sit) qui creati sumus ad imaginem & similitudinem Dei Christi in operibus bonis, ut & nos similiter ambulantes in illis, reddamur conformes illi, qui creavit nos in semetipso. Hæc. n. creatura vocatur homo novus, qui creatus est in iustitia & sanctitate. Et hic demū est in quo reponitur spes, & expectatio revelationis gloriæ filiorum Dei. Quod & magis probare intendens, ait:

*Vanitati enim creatura subiecta est non volens.* Ex hoc enim, quod ista creatura, i. hic novus homo, subiectus est vanitati non volens, probatur quod expectat revelationem filiorum Dei. Et si enim liberatus sit per Christi gratiā à servitute peccati & Diaboli, non tamen à servitute corruptionis, & muta-

bilitatis. Quādiu enim in ista fragili carne sumus, multis indignis, quæ ad rem non pertinent, subdimur: imò, quæ nos à veri contemplatione plurimū auocant, & in seipsis nihil præter vanitatē habent. Vnde magnus Ecclesiastes meritō conqueritur, & aperiens os congeminat: Vanitas vanitatum, & omnia vanitas. Cuius pater dixerat: Veruntamen vniuersa vanitas omnis homo vivens. Veruntamen in imagine pertrāsivit homo, seu, vir, sed & frustra conturbatur. Thesaurizat, & ignorat cui congregabit ea. Et nunc quæ est mea expectatio? nonne Dominus? Ac si dixerit: Hæc mutabilitas & corruptibilitas circa hominem dum in hac vita est, facit ipsum vniuersam esse vanitatem. Sed vir qui in Christo est, ambulans in his vanitatibus, pertrāsit: quia in umbra & imagine, & in multis tumultuatur frustrā, & congregat ignorans cui congreget. Et quia ab ista vanitate liber nullus est, nec ille quidē qui est in Christo (quia non in re consequutus est salutem dum hinc agit, sed in spe) ideo creatura Dei subicitur huic vanitati non volens, in ipsa tamen spe, quæ habet expectationem certam bonorum. Quapropter Psaltes aiebat: Et nunc quæ est expectatio mea? nonne Dominus? Et substantia mea apud te est, id est, quod expectabile est & sperandum, in te est: quia tu vita es incommutabilis & æterna.

*Ecc. 1.*

*Psal. 38.*

Itaque rem ita se habere, id est, esse istam creaturam cum tali expectatione, quæ non frustrabitur eā, probat Apostolus mirē subtiliter ex hoc, quod homo in Christo subditur huic vanitati non volens. Cur enim non volens? nisi quia hæc vanitas non est ei conueniens, utpote iam factō filio Dei? Si non illi conueniens, sed est quodammodo violenta, non poterit ergo durare: quia nullum violentum perpetuum. Quod autem non volens creatura Dei subdatur corruptioni huic & mutabilitati, potest ostendi in B. Petro in transfiguratione Domini. Ipse enim quasi ex hoc mundo & eius vanitatibus liber, ait: Bonum est nos hinc esse. Tales omnes sumus, qui volentes patriam, nollemus viam: Nec hoc pacto peregrinari, id est, tam durē tantisque sudoribus, placet. Vnde & idē Psaltes ibi hoc recognoscens, dixit. Exaudi Domine orationem meam, auribus percipe lachrimas meas: quoniam advena ego sum apud te & peregrinus, sicut omnes patres mei. Itaque peregrini est durare donec viam consummet, & expectare ut perveniat ad metam: & interim sufferre multa, quæ inferuntur advenis. Creatura. n. Dei viator est in terra, & peregrinus. Hoc significavit illud dictū Helia à Domino: Surge, comede: grandis enim adhuc tibi restat via. Vnde & Dominus vigilantiam suadens, dixit: Et vos similes hominibus expectantibus Dominū suum, quando reuertatur à nuptiis. Verū quia videri poterat perperam factum, talem ac tantā Dei creaturā vanitati esse subiectam, cum iam confessi simus & docuerimus, id eius non convenire dignitati, & esse rem quodam modo violentam, quam & ipsa recusat non volens; Respondet huic tacitæ obiectioni Apostolus dicens:

*Nota hæc  
subtilia.*

*Matth. 17.*

*Luc. 12.*

*Sed propter eum qui subiecit eam in spe,* hoc est, Licet hoc simpliciter æquum non sit, videlicet, ut tot vanitatibus subiiciatur creatura Dei non volens, tamen rem totam considerāti, non est iniquum, sed rationabile. Hoc enim sic ordinatum est propter



eum qui subiecit eam, id est, propter Christum, qui subiecit eam in spe: quoniam nos etiam ipsum adegimus ad humanas misérias, ut quod suum erat in re, fieret in spe. Gloriam enim suam per passionem obtinuit, & lucratus est: sic illi statuente Patre propter nos, ut nos eximeret à peccato. Itaque non est mirum, nec inconueniens, si nos propter Christum hæc ad tempus patimur, ut conformemur illi, qui propter nos etiam decidit ipse à sua gloria ad tempus, ut conformaretur nobis. Nec est nouum, ut ex vno inconuenienti dato plura sequantur. Nam ille fuit in causa horum inconuenientium, qui primò inconuenienter agens, primum inconueniens introduxit. Hic autem non fuit Dominus, sed Diabolus instigator, & homo illi obtemperans. Igitur Christus, siue Deus Pater per ipsum, subiecit nos isti vanitati, in spe tamen: ut sicut corruptioni & mutabilitati subiectus ipse Dominus obtinuit gloriam suam, sic & nos obtineremus nostram. Nulla enim ratione decebat, seruum & famulum melioris esse conditionis, quam fuerat Magister & Dominus. Fuit ergo conueniens ista subiectio, sed ad tempus, non autem in perpetuum. Et ob eam causam certa est hæc nostra expectatio. Cur autem certa est? Audi plenam solatij rationem:

*Quia & ipsa liberabitur à seruitute corruptionis.* Nota copulam, & ac si dixerit. Sicut ipse creaturæ Creator Christus liberatus est ab ea seruitute corruptionis, cui subiecerat illum Deus Pater propter ipsam creaturam: Ita & ipsa creatura, quæ ad similitudinem eius ab eo subiecta est vanitati, etiã ad similitudinem ei⁹ liberabitur ab ista seruitute corruptionis, & ascendet in libertatem gloriæ filiorum Dei. Quod ut facilius crederemus, protinus adiunxit:

*Scimus enim quod omnis* (melius, tota, vel vniuersa) *creatura ingemiscit & parturit.* Melius (ut græcè legitur) congemiscit & cõparturit, videlicet simul cum creatura Dei, qui est homo genitus in Christo, effundit gemitus suos in hac vanitate, & necessitate corruptionis. Et reuera nihil vanius esset visibili creatura, si cœli, & qui cœlos mouent, essent solummodo propter ista inferiora, ut nascantur & moriantur, sicque voluñtatur res in æternum. Etenim hoc quasi ludus quidam esset pueriliū exercitiorum simillimus. Quare statuendum est, à Dei sapientia esse alienissimū tale factum. Nam & homo, cuius gratia sunt cuncta quæ videntur, cui omnia seruiunt, miserrima esset creaturatum: & illi ante omnes qui sunt in ipso Christo, & Christum ætiori vitæ coniunctione sequuntur. Vnde ipsemet Apostolus dicebat: Si in hac vita tantum in Christo sperantes essemus, sumus miserabiliores omnibus hominibus.

Hæc ergo vanitas & corruptio (qualis est modo in vniuersa creatura) accidit propter peccatum hominis, Dignus enim fuit ut omnis creatura post illum, multo magis quam prius in vanitatē & corruptionē veniret. Est enim omnino probabile, quod longè compositius se habuisset in alio statu reliqua creatura, si homo in sua innocentia, in qua conditus fuit, permanisset: licet ignoremus quo modo. Porro, scimus quod hanc vanitatem & corruptionem excurret tandem à se cuncta visibilis creatura: ita ut futuri sint cœli noui, & terra noua, & nihil vltius nec orietur, nec occidet: sed omnis creatura seruiet

Deo perpetuo, & quolibet suo modo. Nam impij atque iniusti habebunt suas parturiones, non à gemitibus tamen, sed à risibus quos elegerunt. Vnde & ipsi liberabuntur ab ista corruptione, & quodam modo innouabuntur, sed in deterius: & quod parturierunt suo risu, parient sibi, videlicet extremū fletum perpetuo duraturum, iuxta verbum Veritatis, Vē vobis qui ridetis, quoniam flebitis. Ignorant enim aliud illud verbū: Beati qui lugent, quoniam & ipsi consolabuntur. Et item illud: Qui seminant in lachrimis, in exultatione metent. Et nota acutè lector, quàm pulchrè in gemitu afflictiones minime de se diligibiles, & in parturitione effectū partus desideratum significauit. Quo exemplo etiam Dominus vsus est ad discipulos suos, aiens: Mulier cum parit tristitiam habet: cum autem pepererit, iam non meminit præssuræ propter gaudiū, quia natus est homo in mundo. Sequitur:

*Non solum autem illa: sed nos ipsi primitias Spiritus habentes.* Ne quis putaret Apostolum, & alios eius ordinis viros, qui erant maiores in Christo, minime sub hac vanitate comprehendere, tanquam excedentes conditionem creaturæ Dei, ait: *Non solum autem, sic Græcè legitur: & deest illa, ut sit sensus:* Non solum autem hoc dico de creatura Dei, quæ est in Christo secundum quandam communē gratiam & effusionem Spiritus, quæ est super omnem carnē: sed & de nobis ipsis idem assero, qui habuimus primitias Spiritus, ut scilicet per nos in alios effunderetur. Nos inquam, etiam interius sumus gemētes & flentes in valle hac lachrymarū, & miseriarum. Gemimus enim quasi parturientes adoptionem filiorum Dei, quæ nōdum cōsummata est, nec cōsummari potest in hoc tempore. Vnde illa *Philipp.* vox, Non quod iam acceperim, aut perfectus sim; ego me nondum arbitror comprehendisse. Sequor autem si quo modo cōprehendam. Et interim alia eius vox quasi partus & gemitus: Cupio dissolui, & esse cum Christo. Et alibi: Non cupimus exspoliari, sed superueſtiri. Et hoc est habere redemptionem corporis, quod erit in extrema die. Interim autem ea ratione expectare oportet: quoniam non adhuc re salui facti sumus, sed spe, quæ sollicitam expectationē secum habet. Huius autem tantę anxietatis causa & ratio inde accipitur, quia in re magnopere arduam tendit. Vera nanque & theologi ca spes, de qua loquimur, non est eorū quæ videntur. Porro omnis creatura eleuatur in finē sibi destinatum à Deo iuxta modum suum, id est, secundum quod extendi potest. Intellectualis autē creatura inuenitur eleuabilis in altissimum finem, qui est supra fines naturę suæ. At cum talis finis iā non sit aliquod debitum, tāquam natura exigēte illum, sed sit donū: conueniens fuit ut hoc sapientissimo ordine res componeretur. Primum quidem ut crederet, licet nō videret. Si enim videret, iam esset finem suū consequutus: quia in visione consistit gloria, quæ expectatur. Sed quia non erat conueniens haberi sine aliquo merito: ideo interim debuit credi ut absconditū. Debit etiam desiderari ut desiderabile, ac sperari ut tale arduum, ad quod tamen liceat pettingere expectando in desiderio multo ac gemitu. Non enim danda erant hæc tam sublimia dona non credēti, aut non sperāti. i. vehemēter ac magnopere desideranti, & in multa patiētia expe-



*Heb. 6.* Etanti. Propter quod ipsemet Apostolus in epistola ad Heb. dixit: Cupimus autem vnumquemque vestrum eandem ostentare sollicitudinē ad expletionem spei usque in finem, ut non segnes efficiamini: sed imitatores eorum, qui fide & patientia hereditant promissiones. Talis enim est qui sperat: siquidem spes non est absque desiderio, cum id quod speratur, magnum quiddam est & summe optandum. Nec est sine expectatione ac gemitu cum patientia, ut iam diximus. Quod etiam probat dicens:

*Quæ sit spes vera, & quorū.* Spes autem quæ videtur, non est spes. Nam quod videtur quis, quid sperat? Spem hinc accipit pro obiecto sperato, sicut & alia dixit, Expectantes beatam spem. & sensus est: Cum vera spes sit inuisibilis, & consequenter eorum quæ maxime bona sunt, & ita vere ardua, dignum est ut per gemitum ea & per patientiam expectemus: quia quæ huiusmodi sunt, sub spe includuntur. Nam quæ videntur, quomodo sperari possunt, cum non sint ardua sed temporalia (ut

*2. Cor. 5.* ipsemet Apostolus declarat) quæ autem non videntur sint æterna? Vnde dixit: Non contemplantibus nobis quæ videntur, sed quæ non videntur. Quæ enim videntur, temporalia sunt: Quæ autem non videntur, sunt æterna. Propterea in hac proprie cadit spes propter sui magnitudinem: quia excedunt mensuram naturæ nostræ, ut sic verè sint ardua, & ipsius propria spei: quam Apostolus alibi hortatur retinendam quasi anchoram animæ tutam ac firmam, & incedentem usque ad interiora velaminis. Vnde non dicitur anima, quæ iam est beata, sperare sui corporis coniunctionem (teste B. Thoma.) Iam enim videt hoc non ut arduum, sed ut sibi debitum apprehendit: nec potest ingemiscere & parturire.

*Heb. 6.* Spes igitur exigitur à nobis, ut obtineamus. Nam cum excedant nostram infirmitatem, exigunt à nobis desiderium, suspirium, expectationem, orationem, obsecrationem, patientiam, ut vel sic etiam digni aliquo modo efficiamur poriri. Hæc enim docemur oratio postulare, Sanctificetur nomen tuum: adueniat regnum tuum. Et ad nostram singularem advocatam profitemur hanc expectationem & desiderium plenum gemitu, & clamore, & suspiriis, dicentes: Ad te clamamus exules filij Hæuæ. De hac spe non possunt habere sermonem hæretici, quia scilicet iam certò possident, & sola illis fides satis est. Dedignantur autem operari in spe præmij, quod non agnoscunt, imò etiam vilipendunt.

*Similiter autem, & Spiritus adiuuat infirmitatem nostram.* Vidimus quod ad rationem spei exigebatur, rem quæ speratur, esse arduam nobis, & consequenter inuisibilem & æternam. Hæc enim sunt nobis ardua, non quæ videntur, & temporalia sunt. Et vidimus quod & Deus, ut aliquo hæc merito obtineamus, exigit à nobis horum bonorum desiderium, quæ supra nos sunt. Sed in hoc est defectus ex parte nostra: quoniam non possumus desiderare bona illa (ut dignum esset) secundum sui ipsorum excellentiam, nec etiam rectè & congruè orare. Nam congruè oramus & petimus, quæ nobis sunt nota. Tantum enim appetimus, quantum verè noscimus: Nam appetitus sequitur cognitionem. Cum igitur ignoremus quod oramus & petimus, videlicet celestem patriam, quam tamen scire conueniret, ad hoc ut congruo desiderio in tantum ferreremur bonum. Ideo adiecit Apostolus, quod huic defectui

subuenit supplens pro nobis Spiritus bonus, qui adiuuat infirmitatem nostram, ut postulet pro nobis gemitibus inenarrabilibus, & ait:

*Similiter & Spiritus,* id est, sicut Spiritus sanctus cōtestatur spiritui nostro; quod sumus filij Dei, similiter etiam ut (ita dicam) orat nobiscum, ut obtineamus plenam adoptionem filiorum Dei. Nos enim non sumus fortes cum Deo, ut posimus expugnare illum, & de sua manu tanquam eripere hæc adeo grandia, scilicet, per conueniens rei desiderium, & congruum: ideo succurrit ille Spiritus benignus & misericors, qui fertur super aquas benignitate, & charitate immensa, satagens consummare & perficere opera, ad quæ creatura per semetipsam eleuari non potest. Ideo & adiuuat supplex per gemitus suos inenarrabiles, & inuisibiles pro nobis, id quod nobis deest, ad obtinendum illa bona inenarrabilia & inuisibilia, quæ sunt filiorum Dei. Neque turbetur quisquam (obsecro) cum audit Spiritum sanctum gemere. Nam ad hoc excludendum adiecit Apostolus, quod ij gemitus erant inenarrabiles. Gemit enim suo modo, non nostro. Sic & dicitur contristari, Nolite, inquit, contristare Spiritum sanctum. Sic dicitur quod est tactus dolore cordis intrinsecus Deus: quæ omnia castè & sanctè interpretanda sunt, & non ut hæretici negantes Spiritum sanctum Deum, aut asserentes Deum veteris testamenti malum esse.

Non me latet aliter ab aliis communiter totum hunc locum exponi, sed parum (ut mihi videtur) illustri sensu: imò & cui litera ipsa minime congruit. Volunt enim significare Apostolum, quod homo orans nesciat quid debeat petere: sed ipse Spiritus adiuuat infirmitatem nostram, intus docens quid petere debeamus, & facies etiam ut nos petamus illud gemitibus inenarrabilibus. Primum hic sensus parum videtur aptari ad id quod ait Apostolus: imò cum de spe & expectatione creaturæ, quæ est in Christo sermonem habeat, & ita de filiis Dei, qui eius Spiritu aguntur, manifestè de iis qui id nouerunt quod est petendum, loquitur. Istos enim proponit in vehementi regni celestis desiderio. At hoc est quod petendum est, & quod ipsum desiderium docet eos cum gemitu & seruire petere.

Præterea, nimium esset etiā sic in genere de omnibus, qui huiusmodi sunt, dicere, eos nescire quid orandum sit. Nonne ipsi sancti admoniti à Christo, sciunt quid debeant petere, & quomodo, cum & ipsi alios modum orandi doceant?

At ipse Apostolus (aiunt) errauit, petens amoueri à se stimulum carnis, qui tamen illi datus erat ad virtutum custodiam, ne se extolleret. Sed nūquid & Dominus ipse errauit, qui petiit ut à se transiret calix ille, quem tamē illi propinabat Pater ad eius maiorem gloriam? Absit. Dices: At Christus reposuit illum in Patris voluntate. Rectè id quidem: Sed putamus Doctorem Gentium non omnia similiter reposuisse in voluntatem Dei?

Adde non fuisse dicendum, quod Spiritus coadiuuat infirmitatibus nostris (sic enim græcè legitur) sed dicere potius debuisset, spiritus nostri ab eo corrigi in oratio errorem. Neque diceret simpliciter; Spiritus postulat pro nobis gemitibus inenarrabilibus: sed addidisset, quidnam illud sit aliud quod postulat, unde nostri erroris appareat correctio. Itaque non placuit hæc intelligentia, quam tamen si quis

*Quomodo Spiritus postulat pro nobis gemitibus inenarrabilibus.*

*Eph. 4.*

*Gen. 6.*

*2. Cor. 12.*



velit defendere, non ero contentiosus. Planior autem mihi est sensus, quem iam exposui, & ad id de quo agebatur, longè accommodatior.

Cum enim cerneret Apostolus in spe, & expectatione filiorum Dei, contineri debitum orandi, ut necessarium (quoniam non est conueniens obtineri tam excellens donum, si non fuerit summè desideratum, & orationibus feruentissimis postulatum.) Et quia planè cognoscebat, qui viderat arcana Dei, quantum ad desiderij vehementiam, & consequenter ad intentionem orationis faciat, scire quid sit, & quantum donū illud in cœlis repositum: quoniam nemo alacriter currit propter brauium, quod ignorat, & nemo fortiter certat pro corona quam non vidit. Cum enim vidit, & considerat donum propositum esse pretiosissimū, tunc proculdubio vehementer agitur, & impellit seipsum in cursum & in agonem. Quia ergo sciebat Doctor noster quòd illud pro quo certamus, nemo scit donec accipiat, quia ambulamus in fide, non in specie, & abstracti sumus à cogitatione cœlestium propter multas carnis infirmitates, ideo propter hanc rei ignorantiam, & miserias atque infirmitates corporis (corpus enim corrumpitur, & aggrauat animam, & terrena inhabitatio deprimat sensum multa cogitantem) minus ardentem, quàm oporteret, aduentū regni Dei desideramus & sic minus quoque frequenter oramus, ut adueniat. Ideo ait, quòd ipse Spiritus diuinus supplet, coadiuuans infirmitatibus istis, postulans (ut dictum est) gemitibus inenarrabilibus pro nobis. Græcè legitur, *ἡμεῖς ἡρώμεθα* quod significat quandam superintendentiam & principalitatem in oratione, ut oratio nostra per illum perfecta, exaudiat à Patre, qui scrutatur corda, & nouit quid Spiritus in eis existens pro eis desideret. Ipse enim Spiritus est quasi mater apud illum poscens pro filiis, qui potest omnia superabundanter facere, & amplius etiam (ut alibi docet Apostolus) quàm petimus, aut intelligimus, secundum virtutem quæ operatur in nobis. Hęc est Spiritus sancti virtus, quæ tacite operatur in nobis supra id quod petimus, & quod intelligimus. Qui ergo scrutatur corda Deus, scit quid desideret Spiritus pro nobis, qui nimirum Spiritus latet in corde nostro, & iungitur media charitate Deo. Scit autem desiderium Spiritus: quia vnū est cū illo. Aut (quod magis placet) scit quid desideret Spiritus, hoc est, noscit approbans & exaudiens eius petitionem: quoniam ipsa eius petitio est secundum Deum pro sanctis, ut sit exaudibilis. Nam tunc exaudimur, cum secundum Deum postulamus, ut fiat illa eius bona voluntas, bene placens & perfecta, de nominis eius sanctificatione in nobis, quo nos inuocato quotidie sanctificamur orantes.

Nec turbetur quis, cum audit Spiritum sanctū postulare & intercedere, aut interpellare pro nobis, cum & hoc habeamus de ipso Christo: quamquam dici potest quòd hoc facit Christus secundum quòd homo est. Nec tamen absurdum est dicere, quòd illa bona & optima voluntas Dei quodam ineffabili modo interpellat se ipsam pro sua creatura, velut mater. Sicut & antequam essent res educatæ in suas naturas, dicitur Spiritus sanctus circumlatus super aquas ad modum gallinæ cuba-

tis: quia volebat (ut diximus) participē facere creaturam suæ bonitatis, quod erat quodam ineffabili modo tanquam eniti & parere, aut orare seipsam, & exorare à sua bonitate, ut rerū fines & perfectiones produceret. Sed ista capere non est omnium.

Scimus autem quoniam diligentibus Deum, omnia cooperantur in bonum, iis qui secundum propositum vocati sunt sancti. Nam quos præsciuit, & prædestinauit cōformes fieri imaginis Filij sui, ut sit ipse primogenitus in multis fratribus. Quos autem prædestinauit, hos & vocauit: & quos vocauit, hos & iustificauit. Quos autem iustificauit, illos & magnificauit. Quid ergo dicemus ad hæc? Si Deus pro nobis, quis contra nos? Qui etiam proprio Filio non pepercit: sed pro nobis omnibus tradidit illum. Quomodo non etiam cum illo omnia nobis donauit? Quis accusabit aduersus electos Dei? Deus qui iustificat? Quis est qui cōdemnet? Christus Iesus, qui mortuus est, imò qui & resurrexit, qui est ad dexterā Dei, qui etiā interpellat pro nobis? Quis ergo nos separabit à charitate Christi? Tribulatio, an angustia, an fames, an nuditas, an periculū, an persecutio, an gladius? sicut scriptū est: Quia propter te mortificamur tota die, æstimati sumus sicut oues occisionis. Sed in his omnibus superamus propter eum qui dilexit nos. Certus sum enim, quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Iesu domino nostro.

Scimus enim, &c. Vult Apostolus ostendere hoc in loco Electorum prærogatiuam, quæ est, nihil mali eis nocere posse: sed omnia cooperantur eis in bonum. Quid est quod ait, omnia; nisi etiam istā corruptibilitatem & infirmitates? Ita ut & ipse B. Paulus libenter gloriaretur in eis, & in tribulationibus, & persecutionibus. Ut sit sensus, Quòd filiis Dei relictæ sunt huiusmodi infirmitates: nō tamen relictæ sunt ab re, sed ad consummationem spei, ut sit expectatio eorum probata coram Deo, & sic omnia cooperentur eis ad bonum, id est, ad salutem, sicut triticum à zizaniis adiuuatur.

Veniunt hæretici, & impugnant fideles: & hoc facit ad manifestationem probatorum. Veniunt pseudoprophetæ: & hi eos qui sunt veraces commendant Tyrannorum persecutio quid aliud fuit, quam Martyrum probatio, & exaltatio? Philosophorum argumentationes fuerunt ad gloriam doctrinæ Piscatorum. Magorum ars diuinam probauit virtutem in sanctis Dei, & eorum miraculis, ut

Gen. 1.

Quibus,  
& quomodo,  
omnia  
cooperan-  
tur in bo-  
num.



*Electorum  
prerogati-  
ua.*

fateri cogantur, Digitus Dei est hic. Sic illustratur fides nostra in persequutionibus & angustiis. Et hoc pacto omnia cooperantur in bonum, etiam quæ aduersa videntur: non omnibus tamen, sed iis tantum qui diligunt. Néque tamen adeo omnibus qui diligunt Deum, cum hæc multis officiant, & cedant in malum: quoniam non persistunt in dilectione. Sed iis proculdubio qui per Dei propositum vocati sunt sancti, id est, quos Deus propria deliberatione, & speciali quadam vacatione vocauit ad hoc, ut sint sancti, id est, firmi & perfecti. Quodcumque enim vocat Deus huiusmodi proposito, illud sit quod vacatione vult fieri. Vocat autem non sanctos, sanctos. Ecce ergo sanctos illos esse oportet, quia vocauit. Ipse est enim de quo dicitur: Dixit & facta sunt. Qui ergo ex proposito vocati sunt sancti à Deo, erunt absque vlla dubitatione sancti: quoniam Dei propositum inefficax esse non potest. Et hos certe non conturbabit quicquid eis acciderit: sed omnia cooperantur eis in bonum, id est, ipsæ etiam persecutiones, & tentationes. Quidam dicunt, etiam peccata. Sed non inueni in scripturis sanctis hac notā; omnia; comprehendere peccatum, quod nihil est. Apostolus dixit, Omnia mihi licent, & non existimo sub eo quod ait; omnia; voluisse peccatum includere. Peccatum enim propriè & per se non operatur ad bonum, sed ad malum. Ex malo enim per se, non potest nisi malum procedere.

*1. Cor. 9.*

Non inficior tamen Deum ipsum hoc operari in Electis suis, ut illi etiam ex peccatis proficiant, id est, occasione accepta à peccatis reddantur humiliores, prudentiores, cautiores. Exemplum possemus assignare aptissimum in B. Petro, qui ante lapsum longè erat ad magnifica quædam de suis viribus sibi promittendum ardentior, quàm facto periculo postea fuerit. Ita ut non solum peccatum illud ei profuerit, sed & multis quoque aliis, qui eo admoniti summissius de se senserunt, quàm sensissent nullo tali casu proposito. Et ille insuper didicit (iuxta verbum Christi) confirmatus, etiam fratrum corda tantantia confirmare. Idem accidit B. Thomæ, cuius in credendo duritia de pectoribus nostris duriciam sustulit. Quare rectè B. Gregorius aiebat, sibi plus Thomam qui tardè credidit, profuisse, quam Magdalenam, quæ facile & cito credidit.

Quod verò prædicarunt quidam nostri sæculi pseudoprophetæ, prædestinatorum peccata esse virtutes, & præscitorum virtutes vitia esse, nescio an sit magis perniciosum, quàm stultum: cum perniciosum esse non possit tale dogma, nisi apud stultissimos, quibus hoc placeret. Et est indignum prorsus confutatione.

Hic tamen annotandum, in græcis qui nunc circunferuntur codicibus, desiderari vocabulum istud: sancti; in quibus simpliciter legitur: Qui secundum propositum vocati sunt. sed parum aut nihil interest. Hoc admiscet Apostolus, ut differentes esse vocationes cognoscas, videlicet, prædestinatorum quæ vocatio secundum propositum dicitur, quia firma & sine pœnitentia, ut inferius declaraturus est: sine pœnitentia enim sunt dona Dei & vocatio. Est verò alia communis vocatio, & hæc non talis est. Ut autem latè pateat hæc differentia, pergit.

*De vocatio-  
ne speciali  
electorum  
& prædestina-  
torum.*

Nam quos præsciuit, & prædestinauit conformes fieri imaginis Filij sui. Probat omnia cooperari in bonum huiusmodi vocatis sanctis ex proposito, ex eo quod tales Deus præsciuerit. Quid est præsciuerit, nisi prædilexerit? Hoc enim sæpe est in scripturis, præscire Dei, seu prænoscere. Ita B. Petrus vocat Electos secundum præscientiam, seu præcognitionem Dei Patris: quoniam quos eligit, diligit, & ante alios diligit. Vnde & præscitum, seu præcognitum vocat Dei Filium ante mundi constitutionem: quoniam eximia dilectione Deus illum prætulit omni creaturæ. Quod ergo scire & nosse, significet diligere, & probare: sicut nescire, & non nosse, è contrario significat reprobare, & odio habere, frequens est in scripturis. Legimus. n. in psalmis. Nouit Dominus viam iustorum. Et iterum: Nouit Dominus dies immaculatorum. Et de Electis Apostolus ait: Nouit Dominus qui sunt sui. Et ipse Dominus in die iræ dicturus est quibusdam: Nescio vos. Discedite à me operarii iniquitatis.

*1. Petri.*

*Quid sit  
scire Dei  
scripturis.*

*Luc. 13.*

Probatum est ergo satis superius dictum. Ex proposito vocatis sanctis omnia cooperari in bonum, quandoquidem isti tales præsciui sunt, id est, prædicti videlicet ante alios, & ante qualibet eorum opera: quia in hoc prædilecti, ut faciant opera, & omnia eis cooperentur in bonum. Nam eorum prædilectio non est ad tempus, nec ad certum, quodlibet bonum, sed usque in finem, sicut Dilectus testatur de Christo Iesu, qui cum dilexisset suos, id est, eos quos elegerat cum Patre ante mundi constitutionem in semetipso, usque in finem dilexit eos, id est, perpetua dilectione ad beatitudinem perfectam. Vnde & hic ait Apostolus:

*Ioan. 13.*

Quos prædilexit, eos & prædestinauit, id est, ad hoc prædilexit ut prædestinaret eos, firma scilicet & immobili prædeterminatione, ut essent conformes imaginis Filij sui, hoc est, ipsi Filio similes, qui est perfecta Dei Patris imago. Hæc vero Electorum ad hanc cum illo conformitatem prædestinatio, completitur non solum conformitatem, quæ erit in patria, verum etiam illam quæ præuia debet esse in via (quod nolunt hæretici intelligere) ut qui primo secundum finem destinantur ad gloriam, etiam primo secundum tempus destinantur ad laborum tolerantiam & mundi ignominiam: ut qui magis configuratus illi in angustiis, etiam magis configuretur illi in deliciis & gaudiis, ut alibi idem Apostolus declarat, ubi ait: Si luerimus socij tribulationum, erimus & consolationum. Si sustinebimus & conregnabimus. Et passim in euangelio commendatur ista cum capite nostro conformitas in via, si velimus cum illo afflui deliciis in patria. Hæc sunt crebro ob Hæreticorum versutiam, & temporum presentium nequitiam inculcanda. Clara est n. Redemptoris nostri sententia: Quicumque vult post me venire, abneget semetipsum, & tollat crucem suam, & sequatur me. Addit euangelista Lucas: quorundam & hanc viam sequendi caput, optimè Apostoli intellexerunt, qui apertissimis verbis, & nulla interpretatione egentibus prædicabant, Per multas tribulationes oportet nos intrare in regnum Dei.

Ut sit ipse primogenitus in multis fratribus. Fratres primum vocat hos immobiliter prædestinatos, sicut dicit Dominus, Nunciabo nomen tuum fratribus



*Quomodo Christus sit primogenitus in multis fratribus.*  
 meis. Et Magdalena dixit: Vade ad fratres meos. Et ipse est primogenitus secundum spiritum sanctitatis, qui est ex resurrectione mortuorum Iesu Christi, sicut scriptum est: Filius meus es tu, ego hodie genui te. Sicut etiam hunc locum nobis exposuit Apostolus dicens: Et nos vobis annunciamus eam quæ ad patres nostros repromissio facta est. Ipsam hanc Deus adimplebit filiis vestris, resuscitans Iesum, sicut & in psalmo 2. scriptum est: Filius meus es tu: ego autem genui te. Sic ergo secundum hunc spiritum est primogenitus: propter quem etiam nos similiter generabimur in illo: alioqui vnigenitus est secundum diuinam naturam.

*Pelagianorum error refellitur.*  
 Non me latet apud scholasticos aliter & contraria prorsus significatione accipi, *præsciri*, ita ut præscitum eum vocent, qui sit reprobus propter mala opera. Sed hoc improprie valde, & præter scripturarum sensum. Nec etiam me fugit aliquos sic hunc locum exponere, ut faueant Pelagianis, qui à præscientia bonorum operum diuinam dixerunt oriri prædestinationem, ut illos prædestinaverit Deus, quos præsciuerit bona opera facturos, accepturos scilicet gratiâ, & bene illa vsuros: ita ut & gratiam secundum bona opera dispensari prædicarent. Quod est absurdum, & contra Apostolum passim, & contra ipsam rei euidentiâ: quia multum dari videmus gratiam, qui tamen non bene ea vtuntur. Et contra multis negari, qui fortè bene vsi essent: ut sunt pueri qui absque baptismo decedunt. Quis enim nouit vtrum illi bene essent acturi? Et quis præsumeret dicere, quod nulli eorum accepissent gratiam, nec bene illa vsuri fuissent si vixissent, & oblata illis fuisset gratia, & facultas eam retinendi? Commenta sunt profecto ista phantastica, & cerebroforum hominum.

*Prædestinationis ratio exord.*  
 Addo, quod nec ipsa Apostoli oratio hanc intelligentiam patitur. Non enim per id quod ait, *Quos præsciuit*, possumus hoc accipere, id est, quorum opera fore bona præsciuit: non magis quam si alius, e contrario exponeret: *Quos præsciuit*, id est, quorum opera præsciuit fore mala. Nam præscire aliquem, non significat præsciri eius opera: imò (ut iam dixi) esse à Deo præscitum, scholastici potius in malam partem accipiunt. Itaque nullo pacto est ferenda hæc opinio, quæ iam non est opinio, sed hæresis: quam in proprio tractatu fusius sum prosecutus. Nam B. Paulus abhorret vbique ab hoc dicto, gratiam videlicet ex meritis dari, aut propter opera quamuis præuisa. At collatio gratiæ sub ipsius prædestinationis proposito continetur. Itaque vniuersaliter dicendum est, gratiam siue prædestinati, siue non prædestinati, nulli ex operibus, aut meritis etiam præuisis cōferri: Alioqui gratia iam non erit gratia. Ratio igitur prædestinationis est prædilectio. Et prædilectionis ratio est beneplacitum Dei: quia sibi in eis complacuit. Quia igitur prædilexit hos Deus, ideo prædestinavit. Et quia prædestinavit, ideo & vocauit. Disponit enim sua sapientia suauiter omnia. Liberè quippe trahendi sunt homines ad cælestia, & modo illorum naturæ conuenienti, qui libero potiuntur arbitrio. Et ideo vocandi prius erant proposita eis fide, ut per eam ingrederentur in militiam, & opera charitatis exercentes, contendant ad brauium felicitatis æternæ. Et hæc est vocatio, de qua hic loquitur.

Sunt tamen aliæ vocationes ad officia & ministeria, ut ad apostolatam, ad sacerdotiū, ad episcopatum, & huiusmodi. Vocationē autem istam (de qua est sermo) sequitur iustificatio: quia prædestinatorum vocatio certa est, & efficax: & huic generi vocationis nullus resistit. Apostolus de illa tali vocatione tanquam experientia edoctus, alibi dixit: Qui vocatione sancta vocauit nos: ita ut iustificatio necessariò consequatur vocationem. Iustificationem verò sequitur magnificatio, quæ est eorum maximè, qui ex proposito vocati sunt sancti. iuxta quod dixit Dominus, Qui fecerit & docuerit, hic magnus vocabitur in regno cælorum. Sic & magnus vocatus est B. Ioannes ab angelo priusquam nasceretur. Græca tamen vox habet, *glorificauit*.

Sed sunt qui cum talem vocationē audiunt huiusmodi esse, cui non possit resisti: & talem iustificationem, à qua tandem non valeant excidere qui prædestinati sunt, putant per hoc liberum auferri arbitriū, cum potius statuatur, & validius fiat per certitudinem luminis, & per adiectum robur fortitudinis. Etenim certius, ac longè libentius (qui electi sunt) respondent vocationi, & accipiunt gratiam: & potentius iustificati, liberrima & firmissima atque constantissima volūate absque vlla penitus coactione tēdunt in gloriam. Falsa est enim quorundam persuasio, putantium liberi arbitrij essentiam in hoc cōsistere, videlicet, ut possit quodlibet bonum refutare, quantumuis bonum appareat: & eligere ac prosequi malum. Sed non ita se res habet. Non enim liberum arbitrium est posse tendere in malum. Siquidem istud est creaturæ defectus. Nullus enim malum vnquam eligeret, nisi haberet speciem boni. Deus ergo eorū quos prædiligat, mentem sic illuminat, eorumque voluntatem ita sanat, ut rectè iudicent quod est bonum, bonum: & quod malum, malum. Igitur ante oculos posito illis aliquo obiecto ad salutem, quantum vehementius mouentur, tantò etiam liberius: quoniam promptissima voluntate bonum suum quisque prosequitur. Deus est enim qui hoc in illis magna prouidentia, & cura effecit. Vnde concludens nihil posse obistere his prædilectis, quò minus assequantur, quod pro illis intendit Deus, ait:

*Quid ergo dicemus?* id est, quid profereimus, quod obstare possit huic validæ prædestinationi? Et ut ostendat cunctas vires humanas minimè posse, ad iicit: *Si Deus pro nobis, quis contra nos?* Et ut etiam probet ipsum Deum hoc facere, & esse pro illis, addit signum & argumentum grande: quoniam prædestinatio istorū fundatur in prædestinatione Christi, & meritis eius. Nam (ut alibi dixit) in Christo prædestinati sunt. Et licet obstare videretur prædestinationi peccatū, proponit mortem Filij ad hoc expiandum, & restituendam omnem gratiam, & omne donum perditum. Vnde ait:

*Qui proprio Filio suo non peperit*, Dicit, *proprio Filio suo*, id est, vero & naturali. Nos. n. non sumus veri filij præ illo: quia adoptio est imitatio quædam veritatis. Ideo fictionem eam vocant Legulei. Quapropter & B. Ioannes verum Filium vocat Iesum. Declarat autem quomodo nō pepererit proprio Filio suo Deus, utpote quem tradidit pro nobis omnibus. Hic ait, pro nobis omnibus indifferen-

Ephes. 1.

Matth. 5.

De natura liberi arbitrij.

Persuasio prædestinationis.



ter: sed & multò magis pro talibus electis: Et ideo sequitur:

*Quomodo non etià cum illo nobis omnia donauit?* Sensus est: Si tradidit illum pro nobis, nulla est ratio, ut putemus aliquod doni genus excogirabile (decens tamen) non esse donatum nobis cum illo. Quamobrem hoc quod ait, *omnia*, comprehendit proculdubio hunc Spiritum sanctitatis præcipuū, unde certa salus contingit, qui erat eximie in Christo, ut ex illo plenè multi acciperent, id est, secundum illam immutabilem prædestinationem, iuxta Christum, sicut scriptū erat: Stemus simul, & quis est aduersarius meus? Si enim hoc non fecisset, certe non donasset nobis omnia, id est, omne genus donorum, quæ donare poterat, & erant decetia in veritate, iuxta Dei summam bonitatem. Arguit ergo Apostolus à re difficiliore, quam pro nobis fecit Deus etiam inimicis, ut quod est facilius credamus. Nam cum tradiderit Filium in necem, & cum dimiserit cruce necandū, in quo erant omnia, & hoc fecit pro toto mundo: quomodo non libentius etiam donorum omnium illius participauerit ipsum mundum, in Electis saltē? Si quidem Deo molestius esse debuit (ut ita loquamur) tradere Filium pro nobis, quàm, cum illo donare nobis omnia quæ filij sunt, cum ex dono nihil sibi depereat. Intelligo autem omnia, quorum tamen capaces essemus ex decetia. Ne quis dicat, Cur ergo non fecit quemlibet esse verè Deū, sicut fecit illum? Respondetur, quoniam hoc indecens erat. Vnum enim oportuit esse Solem, nō plures: nos autem ex eo Sole participare, secundum mensuram in illo unicuique nostrum destinatam, ut sit corpus suis membris rectè dispositū & proportionatum, ne sint plura capita, & plura colla, aut nimis multæ manus, & ita de cæteris. Et sic respondetur dicenti, Cur nō prædestinauit omnes? Non enim decebat, & satis est, quòd omnes gaudent prædestinatione: quoniam prædestinati profunt aliis. Maiorum nanque gloria redundat etiam in minores: quia vnum corpus omnes sumus in Christo. sequitur:

*Quis accusabit aduersus electos Dei?* Possunt hæc omnia legi interrogatiuè, ut probet istos electos & immobiliter prædestinatos, non posse à gloria excidere. Sumit enim quodcumque possit in eos torqueri, siue peccata eorum, siue accusatores, aut iudex condemnans. Vnde supponēs peccata, rogat: Sed quis erit accusator? *Deus qui iustificat?* ac si dixerit, minimè credendum est, ut qui iustificet, accusare velit. Rursum interrogat:

*Quis est qui condemnet?* Nunquid Christus, &c. ac si item dixerit. Nequaquam ille condemnaturus est, qui mortuus est ob peccatum nostrum, ut ipsum extingueret ne condemnaremur: & qui resurrexit propter iustificationem nostram, & qui sedet ad dexteram Dei, ut possit aliis dare vitam, & facere illos secum cōsedere in cælestibus. Denique & qui interpellat pro nobis, sicut & alibi Apostolus dicit. Introiuit in ipsum cælū, ut appareat nunc vultui Dei pro nobis, id est, maximè pro prædestinatis. Vnde primò pro illis (ut testatur B. Ioānes) rogauit, sed non pro illis tantum, sed & pro iis qui credituri erant per illos.

Potest & alio modo legi, ut quasi per ironiam

respondeatur. Et primò interrogans: *Quis est accusator aduersus Electos Dei?* Respondeat ironicè, Deus qui iustificat: ac si dixerit. Ille, scilicet, accusabit (si credere dignum est) qui confert iustificationem, ut idem, qui iustificat, accuset? Et ita interroganti: *Quis est qui condemnet?* Respondeat, Christus qui mortuus est: similiter per ironiam, videlicet, condemnabit? Sed hic modus mihi non placet.

Est & tertius modus intelligendi, & hic magis placet, ut non sint interrogationes, neque responsiones interrogationum, id quod sequitur. *Deus qui iustificat.* Et item illud: Christus Iesus, sed sint positiones, unde colligatur impossibilitas damnationis hoc pacto: Deus est qui iustificat Electos suos, quis ergo accusabit, Deo videlicet iustificante? Item: Christus Iesus est qui mortuus est pro nobis &c. quis ergo condemnabit? Ipse enim est iudex. Quòd si quis dixerit: Nonne possunt ij excidere à gratia, & charitate Dei, ut per hoc condemnentur? Respondet: Nequaquam. Et ostendit inefficaciam omnium causarum, quæ possent putari idoneæ, quibus homo à gratia separari posset. Et ait:

*Quis ergo nos separabit à charitate Christi? tribulatio, an angustia &c.* Quia multi ab alienantur à charitate Christi propter tribulationes, id est, pressuras & puncturas quaslibet, siue in animam, siue in corpus, siue etiam in bona externa: & præsertim cum non videtur esse inde exitus, aut effugiū, quin incurratur malum aliquod, ut sic tribulationem sequatur angustia: quemadmodum illa sancta mulier dicebat: Angustia mihi sunt vndique: & elegit potius turpiter mori, quàm incidere in manus Dei viuentis. Sic Elias, & Apostolus noster in tales venerunt angustias, ut eos vitæ suæ tederet. Et unicuique responsum est à Deo verbum consolationis plenum. Ideò non proficiunt angustia, nec tribulationes aduersus Electos Dei, & qui eò adducuntur, ut cupiant anathemata esse à Christo propter fratres.

Adiecit & particulares ex omni parte tribulationes. Et primò famem, deinde nuditatem, quæ sunt miseria in corpus à paupertate. Deinde quæ ab inimicis inferuntur, ut persecutio, gladius, periculum: quanquam & periculum aliunde veniat, ut à mari, à tempestate, & aliis casibus. Profert & de scriptura pro his testimonium.

*Quoniam propter te mortificamur tota die*, id est, assidue acerbos mortis dolores perpetimur, idque propter te, id est, propter iustitiam, & eius amore. Iustitia autem Christus est. *Aestimati sumus sicut oves occisionis.* Bene dixit, *oves occisionis*, ut & ipsorum mansuetudinem declararet. (Nam ovis est animal mansuetum, & mansueta ad victimam ducitur) & aliorum simul opinionem de illis, quàm vili eos facerent, qui putarent aræ destinados veluti nocentes, & quos Deus abominaretur viuos. Verum ait B. Paulus,

*Sed in his omnibus superamus.* Ecce certitudo victoria: quoniam qui tales sunt à Deo prædilecti, nulli succumbunt periculo, sed lucrum & victoriam reportant illustriorem ex pressuris, & persecutionibus, quas libentissimè tolerant. Sed cuius amore hoc faciunt? *Propter eum qui dilexit nos*, id est,

Esā. 50.

Dan. 15.

Heb. 9.

Ioan. 16.



propter Dei charitatē. Potest enim intelligi Deus diligens, ut causa huius victoriæ: sicut aliās Apostolus gratias agit Deo, qui dedit victoriā per Iesum Christum dominum nostrum. Potest etiam Deus ipse & diligens & dilectus, significari ut causa finis agonis & victoriæ. Et post hæc in spiritu exultans procedit.

*Certus sum quod neque mors, neque vita, &c.* Græcè, confido, aut, persuasus sum. Et ponit mortem ut omnium terribilium ultimum: & vitam, ut præcipuum appetibilem, quæ maximè possunt hūc atque illūc mentem mouere. Quid enim non faciūt homines timore mortis, & amore huius vitæ? Adiecit & Angelos, qui sunt chorus ultimus ultimæ hierarchiæ, qui mittuntur: & fortè complectitur Archangelos, chorum proximè superiorem eiusdem hierarchiæ, iuxta B. Dionysij doctrinam. Nō tamen ascendit superius: quia ij sunt maximè qui intendunt super nos, particulariter exequentes superiorum scita atque decreta.

Hic posset rogare aliquis, Quomodo verò possunt ij beati Angeli studere, ut separent electos à Christo? Respondetur, non perinde loqui Apostolum quasi ita verè sit, ut id curèt, sed ad exprimendam rem illis, etiam si conarentur, impossibilem. Quanquam nihil absurdi, si fortè Angelus curans alterius salutem, per accidens aduersus alterum ex nobis militet. Quilibet enim dum suum ex Domini mandato curat, potest per accidēs & per occasionē, esse detrimento salutis alterius. Inueniuntur enim apud Danielelem ob istam gratiam certasse inuicem. Quid (quæso) mirum, si quidam Angelorum quādo B. Paulus persequebatur ecclesiam, ut tuerentur suos, consequenter in ipsum B. Paulum militarent: sed quia ipse erat de electis, tandem emerit, Adiecit:

*Neque instantia, neque futura, videlicet, vel aduersa, vel prospera.* Instans enim quod imminet si sit aduersum, potest abundantiore tristitia hominem superare. Instans verò prosperum, in socordiam & superbiam adducere. Futurum aduersum, metu afficere & detertere. Futurum autem presperum ad se allicere, & ita dimouere à charitate Dei. Aut fortè (ut existimo) per instantia intelligit quæ accidunt in hoc sæculo, siue secunda sint seu aduersa. Per futura autem, ea quæ prædicantur de alio sæculo, quæ aut sperantur, aut metuuntur. adiecit: *Neque fortitudo, sed hoc deest in Græcis co dicibus.*

*Neque altitudo, neque profundum.* Per altitudinem spirituales creaturas intelligit Deo propinquiores. Et per profundum, illas de paradiso Dei eietas, id est, dæmones. Nulla igitur tandem creatura (inquit) poterit nos separare à charitate Dei, qua scilicet ipse dilexit nos, ut nos versa vice eum perseuerando diligeremus. Hæc enim est in Christo Iesu domino nostro: quia, ut alibi de huiusmodi electis ait: Elegit nos in ipso ante mundi constitutionem. Est enim optimè collocatus ordo in hoc ædificio, ut qui propinquiores sunt Deo in Christo Iesu, constituti sint immediatè tanquam in proximo fundamēto, ut & ipsi sint fundamenta aliorum, in quibus alij superædificentur. Vnde ipsemet de nobis aiebat, Superædificati super fundamentum Apostolorum & Prophetarum, ipso

summo angulari lapide Christo Iesu. Et apud B. Petrum, Et ipsi tanquam lapides viui superædificantini, &c. Hi enim in tunica Christi quæ non scinditur, mihi videntur significari. Vnde Dilectus de iis, qui abscindebatur, ait, Ex nobis exierunt, sed non erant ex nobis. Si enim fuissent ex nobis, vtique mansissent nobiscum. Sed ut manifesti sint, quod non sunt omnes ex nobis, ut sit sensus: Quidam qui conuersi erant, & spirituales videbantur & doctores in ecclesia, & defecerunt apostatantes à Christo (nam de iis loquebatur) prodierunt ex nobis: quanquam Græcè legamus, *ἐξ ἡμῶν*, id est, exierunt, quod potest dupliciter intelligi, vel ut significet, prodierūt: quia à doctrina Apostolorum venerant in fidem: vel ut significet quod ab ipsa doctrina, quam semel imbibierant, & consequenter à Christianorum consortio exierunt, cuius rei causam manifestat, dicens: Sed non erant ex nobis, hoc est, non erant immobiliter prædestinati, sicut nos. Si enim tales fuissent, vtique nobiscum mansissent. Quare Deus voluit, perpetrato prius peccato, eorum casum permittere, ut cognosceretur, quod non omnes sunt electi: ut discamus & nos cauere, & non omnibus credere, sed probare, diligenter spiritus, vtrum ex Deo sint. Nam à fructibus sæpe cognoscuntur.

## CAP. IX.

**V**eritatem dico in Christo Iesu, non mētor, testimonium mihi perhibente conscientia mea in Spiritu sancto, quoniam tristitia mihi magna est, & cōtinuus dolor cordi meo. Optabā enim ego ipse anathema esse à Christo, pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, & gloria, & testamentum, & legislatio, & obsequium, & promissa, quorum patres, ex quibus est Christus secundum carnem, qui est super omnia Deus benedictus in secula. Amen.

**I**ntentio Apostoli, ut mihi videtur, est declarare statum Iudæorum & Gentium ex meritis peccatorum, & gratiæ Christi, hoc est, reprobationem & excōcationem Iudæorum ex parte iam factam à Deo ob eorum incredulitatem, & ob istud tantò magis electas esse Gentes per gratiam Dei, ne ipsi ultra vanè gloriarentur aduersus illas. Neque ob hoc Deum fuisse reprehendendum, tanquam non fidelem in promissis, aut quasi acceptorem personarum, & quicquam agentem iniquè. Et incipit (ut rem molliat) à dolore proprio suo ex hac re accepto. Id verò testificatur protestando se veritatem dicere in Christo, & non mentiri: quia contestificatur illi etiā conscientia in Spiritu sancto. Dicere autem veritatem in Christo Iesu, est dicere secundum sapientiam & in charitate, secundum circumstantias debitas. Non enim semper necessarium est & bonum vera loqui. Vnde plerique loquuntur veritatem, sed non in Christo, ut cum proximi scelus reuelant propter odium, ad infamiam, ad seditionem, & huiusmodi,

1. Pet. 1.

1. Ioan. 2.

Eph. 1. 2.



Contestificatur etiam tunc conscientia in Spiritu sancto, quando non obscurata prauis affectionibus, sed in lumine Spiritus, verum ostendit. Quod certe norunt, qui habent animam deputatam, & ab huiusmodi prauis affectionibus liberam.

*Maxima  
charitas B.  
Pauli erga  
Iudeos.*

Protestatur autem non solum tristitiam & dolorem, verum etiam tristitiæ dolorisque magnitudinem & assiduitatem: ita ut optaret esse anathema à Christo. Et dicit, *cordi meo*. Quia tristitia & dolor est à constrictione cordis: sicut e contrario, lætitia & delectatio cor dilatare solent. Sileant ergo Stoici, qui in hominem perfectum non cadere tristitiam somniabant. Non viderunt istud unquam, neque in hoc statu habere potest veritatem quia quanto quis perfectior & scientia & charitate, tanto est ob ea mala & flagitia tristior, quæ videt in mundo contra honorem Dei à perversis admitti. Tali tristitia penè absorbēbatur Apostolus, nisi quieuisset tandem in prouidentia Dei, eius bonitatem considerans, qui de maximis malis summa bona nouit elicere. Talis tristitia erat illa Ieremiæ, qui optat dari capiti suo aqua, ut flectat die ac nocte interfectos populi sui. Non enim est tristitia hæc desiccans ossa: quia venit à charitate.

*Prov. 14.*

Neque verò per hoc quod optat se anathema à Christo pro fratribus, putare debes id fuisse contra charitatem, tanquam optauerit separari à gratia Christi propter aliquod peccatum. Absit hoc omnino: sed solummodo renunciabat bono proprio, quod consistit in visione Dei ac fruitione, ut sic complures animæ fratrum saluæ fierent, & illud ad maiorem Dei honorem pertinere existimabat, iuxta illud: In multitudine populi dignitas regis. Neque est contra charitatem, quæ non (ut vulgus temerè ait) incipit à seipso. Non enim à seipso incipit vera charitas, sed à Deo, qui præferendus est omnibus. In Deo igitur Apostolus putabat hoc esse multò dignius, ut multos lucrificaret Deo, etiam cum sui abiectione, qui non faciebat animam suam sibi præ Deo pretiosam. Et in hoc erat pretiosior, qui tanto feruore studebat gloriæ Dei. Sic & Moses optabat, imò & hoc petebat, se deleri de libro viuientium propter illum populum nisi ei remitteretur peccatum: quia de causa indulgit ei Dominus. Sed non auditus est B. Paulus, & exauditus est Moses: non quia Moses maior B. Paulo, sed quia grauius facinus admiserunt negantes Christum sub B. Paulo, quam qui in idolatriæ crinien incurrerunt sub Mose. O miseri & infelices Iudæi, qui spreuerunt, & adhuc hodie spernunt sanguinem testamenti.

*Anathema  
quid  
proprie  
significet.*

*Vergilius.  
Iuuenalis.*

Hic annotandum apud Hebræos (B. Hieronymo teste) anathema significari extremam detestationem, proprie tamen suspensionem ac separationem quandam. Et in malam partem hæc vox plerumque accipitur, quanquam & in bonâ: ut per anathema significentur suspensa templis & sacellis donaria, aut quæuis dicata & sacrata Deo. Sic & sacer & sacrum in malam partem interdum accipiuntur pro execrando & detestabili, iuxta quam significationem dixit quidam, Auri sacra fames. Et alius, Intestabilis & sacer esto. Idem huius vocis usus apud Hebræos, quæ maledictionem & benedictionem sonat. Ideo Latinus interpret honesti sermonis causa, sic vertit verba vxoris Iob execrabi-

lia. Benedic Deo & morere, pro maledic. Similiter & in 3. Reg. in literis Iezabel inuenitur, Benedixit Deo & Regi, pro maledixit.

Non sum nescius à quibusdam locum hunc minime sic exponi, qui negant se induci posse ut credant, in eam venisse cogitationem Apostolum, cui vnicum erat illud desiderium: Cupio dissolui, & esse cum Christo. Et non considerant, quod Moses etiam in eam cogitationem manifestè venit, qui tamen maximo desiderio petebat ostendi sibi gloriam Dei. Etenim non erat contra charitatem ista cogitatio, sed ex summa charitate, si fieri potuisset. Et licet esset desiderium contra bonum proprium, tamen non contra charitatem, quæ non quærit quæ sua sunt, sed quæ Iesu Christi, à quo videbat infinitam gentem segregari. Sed intellexit quod Deus in locum segregatorum Iudæorum in zelo suo vocabat alias Gentes multas, & quieuit. Nam & ad hoc ministerium ipse vocatus fuit, ut esset Apostolus ad Gentes.

*Pro fratribus meis*, ut Iudæus loquitur secundum carnem, vocans fratres more scripturæ, in qua peculiariter Iudæi inuicem fratres vocabantur: Sicut & post Christum, fratres dicuntur inuicem Christiani. Vocat & cognatos secundum carnem, ut magis declaret: quia ex Abraham omnes. Item Israelitas: quia ex Iacob, qui & Israel appellatus est. Addit:

*Quorum adoptio est filiorum*. Non dicit, est filiorum ex parte ipsorum, quum exciderint ab ea propter perfidiam: quoniam qui crediderunt, ij soli nati sunt potestatem filios Dei fieri. Erat ergo adoptio eorum præcipua ex parte Dei in destinatione quadam eius, si videlicet crederent, & inde vera illius adoptionis sequebatur gloria.

*Prærogatiua Iudæorum.*

*Et testamentum*. Græcè legitur testamenta, ut intelligamus duo testamenta. Primum erat carnale testamentum bonorum præsentium in terra carnali: Alterum spirituale futurum in Christo, qui est terra viuētium. Et de hoc scriptum erat: Feriam Israel pactum nouum. addit,

*Ierem. 31.*

*Et legislatio*. Legem Moseos intelligit, ob quam non parum gloriari solebant Iudæi. Et reuera iure ac merito præ cæteris populis gloriari poterant, si tamē eam perficere voluissent, aut potuissent. Unde exprobrans in eos Dominus, aiebat, Nonne Moses dedit vobis legem, & nemo ex vobis facit legem?

*Ioan. 7.*

*Et obsequium*, aut cultus potius, quod ad diuinum cultum pertinet in omnibus carimoniis, quæ datæ illis fuerūt, non autem Gentibus, ut verum Deum vero cultu & religione cognoscerent.

*Et promissa*. Multa erant promissa particularia, si legem seruarent, si obedirent parentibus, & huiusmodi. Et erant promissa carnalia sub eis tamen etiam spiritualia intelligebantur dona, ut idem Apostolus declarat, promissionem vtriusque vitæ intelligens iis esse factam, qui suos parentes honorarent. Demum ponit honorabilissimum Iudæorum, propter quod fuerūt electi primi ad hæc tanta bona, videlicet, quod ex eorum patribus descendit Christus secundum carnem, qui est Deus benedictus in sæcula: dixit,

*Quorum patres ex quibus est Christus*. Quia principaliter patribus fuit hoc datum, Abraham maxime & Da-



& Dauidi, ob singulares illis factas promissiones. Et in hoc fuit magna eorum prerogatiua, qua tamen ipsi abusi sunt, vt per Malachiam conqueratur Dominus, Dilexi vos dicit Dominus, & dicitis: In quo dilexisti nos? Nonne Esau frater erat Iacob, & cetera. Et in Deuteronomio ait, Dilexi Patres tuos, inquit, & elegi eorum semen, qui est Christus. Et per Oseam, Quasi poma ficulneae eius vidi patres eorum. Quantum autem hoc fuerit, quod Christus ex eis descenderit, continenter declarat, dicens:

*Qui est super omnia Deus benedictus in secula, Amen.*

Quid clarius vt audias Christum Deum? Et tamen venerunt diabolici viri qui interpretati sunt, hic esse doxologiam, & peruertunt hunc locum mutatis punctis, in suam ipsorum perniciem. De qua re, quia latius particulari libello scripsi, & hic locus adeo clarus est, vt nequeat obscurari, non libet disserere. Si de quo loquor nescit lector, palam omnino, Erasmus est, diuinitatis Christi non obscurus, iis qui puros oculos habent, hostis: licet subdole suo more studeat perfidiam contegere.

Non autem quod exciderit verbum Dei. Non enim omnes qui ex Israel sunt, ij sunt Israelitae: neque qui semen sunt Abraham, omnes filij. Sed in Isaac vocabitur tibi semen: id est, non qui filij carnis, ij filij Dei: sed qui filij sunt promissionis, aestimantur in semine. Promissionis enim verbum hoc est: Secundum hoc tempus veniam, & erit Saræ filius. Non solum autem illa, sed & Rebecca ex vno concubitu habens Isaac patris nostri. Cum enim nondum nati fuissent, aut aliquid boni egissent, aut mali, vt secundum electionem propositum Dei maneret: non ex operibus, sed ex vocante dictum est ei: Quia maior seruiet minori, sicut scriptum est: Iacob dilexi, Esau autem odio habui.

Ex dictis poterat ab imperitis colligi, excidisse verbum Dei, hoc est, veritate caruisse eas promissiones salutis, & iustificationes à peccato, quæ ore prophetarum certo erant pronuntiatæ Iudæis. Hoc enim fuit promissum filiis Abraham, & Israelitis quasi electis Dei. Nam de Israel scriptum fuit per Moysen hoc egregium benedictionis genus. Beatus es tu Israel. Quis similis tui popule, qui saluaris in Domino? scutum auxilij tui, & gladius gloriae tuae. Negabunt te inimici tui, & tu eorum colla calcabis. Et per Ieremiam Dominus ait ad Israel: In charitate perpetua dilexi te. Igitur ex pluribus scripturarum locis habebant Iudæi laudes filiorum Abraham & Israelitarum, vt canerent, Semen Abraham serui eius: filij Iacob electi eius. Ita quod Abraham semen (qui fuit seruus, id est, cultor Dei) videbatur esse solum, cui promissum erat. Et filij Iacob, qui fuit electus eius, videbantur soli ad electorum numerum pertinere. Sed errauerunt miseri Iudæi, oculo carnis cogitantes, quotquot nascerentur ex Abraham secundum carnem, eos omnes in semine computandos, & sic fore amicos Dei, non in-

telligentes qua in re vera cum Deo amicitia conciliaretur: quod postmodo Christus declarauit aiens. Ioan. 15. Vos amici mei estis, si feceritis quæ ego precipio vobis. Rursum etiam sibi persuaserant esse omnes Israelitas secundum spiritum scripturarum, qui venirent ab Israel secundum carnem: similiter non intelligentes notam à Christo datam vero Israelitæ, cum dixit de Nathanaele: Ecce verè Israelita, in quo dolus non est. Oporteret enim hoc ex dono Dei venire, non ex carne. Electio enim mera est gratiæ, non ex acceptione personarum. Hunc ergo locum volens Iudæis declarare B. Paulus, in quem etiam vsque in hodiernum diem impingunt, postquam negauit excidisse verbum Dei, cum hoc sit impossibile, quia Deus ipse est verax: omnis autem homo mendax, doctè ac sapienter (quod etiam multum facit ad intelligendas scripturas) adiecit:

*Non enim omnes qui ex Israel sunt, ij sunt Israelitæ, siue Israel, vt Græcè legitur. neque qui semen sunt Abraham, omnes filij: sed in Isaac vocabitur tibi semen, &c.*

Cum enim audimus, sed in Isaac vocabitur tibi semen, debemus intelligere exclusum esse Ismaelem cum filiis suis, vt non intelligatur filius Abraham, nec pertinere ad promissiones, cum tamen filius esset secundum carnem. Hoc autem fuit vt agnosceremus istam filiationem non debere secundum carnem, sed secundum Dei voluntatem intelligi, qui non cõplacet sibi in carne, sed in spiritu. Spiritus enim est Deus, & tales adoratores quærit, qui Spiritus sint: quoniam ij filij eius sunt. In Ismaele igitur & filiis designati fuerunt omnes ex Abraham descendentes etiam per Isaac, qui tamen secundum carnem fuerunt filij, non secundum spiritum. Hi autem non inueniuntur filij Dei: quia filij Dei non sunt ex voluntate carnis, sed ex Deo per fidem. Quotquot enim Christum recipiunt per fidem, ij filij Dei efficiuntur: & ij solum computantur in semine, hoc est, in Isaac, in quo Christum verum Dei semen significatus est: quia in eo continentur omnes qui sunt eius. Et ij sunt qui nascuntur ex libera. Qui autem ex Ismaele sunt, ex ancilla ducunt originem, id est, ex synagoga, quæ generat in seruitutem, quibus non debetur hæreditas. Cum enim sint filij carnis, carnalibus sunt donis contenti. Sed hæreditas debetur Isaac & filiis eius, qui ex libera veniunt, id est, ex Ecclesia, quæ in libertatem filiorum generat nos per legem spiritus, fidei, & gratiæ, siue charitatis & iustitiæ Dei. Quæ lex Spiritus (vt iam dictum est) liberat nos à lege peccati, & mortis. Et quàm pulchrè hoc misterium significatur in litera, vt filij Dei significentur in Isaac: vt & eorum origo originem imitetur ipsius Isaac, qui non venit ex voluntate carnis, sed ex promissione, & voluntate Dei. Sara enim sterilis erat nonagenaria, imò penè centenaria (vt volunt quidam) cum peperit, & desiderant ei fieri muliebria: Vnde & risit occultè, cum audiuit promissionem, dicens: Postquàm concepiui, & dominus meus vetulus est, voluptati operam dabo. Quare non carnis filius Isaac, sed promissionis cõsetur: ac per hoc datus fuit fidei. Credidit enim Abraham Deo promittenti illum. Sed & Sara, in qua in primis significata est beatissima Virgo, & ecclesia, credidit. Vnde & idè Apostolus: Fide Sara sterilis virtutem in cõceptione seminis accepit,

*non intelligentes scripturas.*

*Nota p. Ve ra intelligē tiz scripturam.*

*Gen. 18.*

*Hebr. 11.*

*Malac. 1.*

*Deut. 4.*

*Osea 9.*

*Ierem. 31.*

*Docet & apostolus in quo fallantur Iudæi,*



etiam præter tempus ætatis: quia fidelem credidit eum qui repromiserat. Et hîc ait,

*Promissionis enim verbum est hoc. Secundum hoc tempus veniam, & erit Sara filius.* Agnosce (quæso te, acute lector) totum typum: quoniâ Isaac significat omnes qui in Christo, aut in quibus Christus fuerit per gratiam. Hi autem nascuntur ex Sara, id est, domina, seu principe ac matre multarû Gentium. Hęc est enim Maria verè mater nostra benedicta. Venit. n. Deus, id est, Spiritus sanctus super eam secundum tempus illud. Rectè Græca lectione tempus aptum notatur, κατὰ τοῦ καιροῦ τούτου, id est, vt locus citatus habet, in fauore diei inualescente Sole, nimirû in Spiritus sancti feruore, quo & illa correpta est, & conspulus est Isaac, Christus mysticus, risus Patris: & nō ita dudû parturiuit, & post enixa est eum sub cruce: & ibi facta est verè mater multarum Gentium, quæ sub ligno inueniuntur fideles. Sed specialiter assignatus est ei filius Ioannes dilectus, qui est typus Electorum. Tunc fuit illud tempus, quando Dei benignitas in feruorem venit, quo feruore & incaluit Domina nostra, & princeps nostra Virgo mater, & concepit & peperit verum Isaac Iesum Christum, risum nostrum. Et hæc est etiam Ecclesia Gentium illorum, qui ex fide sunt Iesu Christi. Et hæc eligitur tandem vt libera, eiecta Agar ancilla cum filio suo. Agar enim est illa ancilla synagoga, quæ habet virum Moisen & legem, & seruit in carne, & carni: quæ cum videt partum suum, intumescit, & gloriatur, & superbit aduersus sterilem, eamque cōtemnit. Ob eam causam meruit expelli cum filio suo, vt sit peregrina & aduena, sicut nomen, Agar, hebraicè sonat. Dico autem aduenam, seu peregrinā à domo Domini, ab ecclesia separatam, sicut scriptum est. *Lætare sterilis, quæ non paris: erumpe & clama quæ non parturis: quia multi filij desertæ, magis quam eius quæ habet virum.* Hoc autē meruit: quia gloriosa nimis & superba in plenitudine vteri sui, id est, in patribus, patriarchis, & prophetis, quos conceperat & pepererat, facta est insolēs aduersus Dominam suam, id est, Virginem benedictam Ecclesiam, spernens etiam partum eius benedictum, id est, Christum, & eos qui in illo. Quocirca eius filius Ismael ferus homo, intractabilis, duræ cervicis, eiicitur foras cū ancilla vt peregrinetur, id est, ille populus Iudeorum alienatus est interim à conuersatione Israel, & factus est hospes testamentorum, vt ait Apostolus: pro quo tamen orans Abraham tandem exauditur. Nam & ipsi aliquādo charissimi futuri sunt propter patres. Ecce igitur vt ex primo typo probati sunt verī filij Abraham, non qui secundū carnem, sed qui ex promissione. Promissio autem est duntaxat credentibus: vt sic videas eos demum veros Abraham filios, qui ex fide fuerint, & non solū iuxta carnem. Nunc superest vt declarat verè Israelitas (id est, electos, qui in Israel significati sunt) similiter non esse attendendos secundum opera, aut secundum quauis aliam causam, sed secundum merum Dei beneplacitum per alium typum: ait ergo,

*Non solū autē, sed & Rebecca, &c.* id est, Non solū autem in Sara nascuntur filij Dei, quia ex ea demum nascentes computantur in semine: verum etiam in Rebecca possunt intelligi, qui sunt electi.

Et declarat typum: Quia cum Rebecca in vtero ex vno patre Isaac haberet binos Esau & Iacob, cum nōdum nati essent, aut aliquid boni egissent aut mali, dictum est: Maior seruiet minori. Quod certè iuxta literā significat (vt ipsamet docet) quod in vtero Rebecca inueniebantur duo filij, vnde duo populi erāt oriundi, quorum maior, qui Esau Idumæus, seruiturus erat minori, id est, populo Israeli, ad certum tempus. Quod verificatū est tempore David. Hoc autem in mysterio fuit, vt agnosceretur propositum excellētis gratiæ non ex operibus cuiusquam, sed ex electione Dei & vocatione procedere. Siquidem nullus eorum operatus erat quicquam boni aut mali, vt per hoc posset vel eligi, vel reprobari. Electus est autem Iacob, vt ex eo Christus prodiret Deus noster: vnde populus eius maioribus debuit gaudere prærogatiuis, cum ipse tamen non esset maior, sed Esau. Vnde si carni dandum erat illud, non minus, imò magis ad Esau pertinebat ius illud, quod erat primogenituræ, si caro fuisset consulenda. Ergo Israelita, siue, Electi illi verè sunt, qui intelliguntur in Iacob, qui fuit Israel secundum electionem Dei, non secundum carnem. Iacob. n. ex illa electione nactus est illud, vt sit Electorū typus. Nec tamen antea Israel vocat⁹ est, quàm emarcuerit illi neruus. Et hoc significauit propriam virium mortificationem & ipsius carnis, in qua fidebāt Hebræi, vt ex tunc fieret fortis cum Deo. Vnde veri Israel filij de neruo non comedunt: quoniam qui verè sunt Israelitæ non fidunt in semetipsis, id est, in neruo & robore proprio, sed in virtute Dei: & tunc vincunt Deum, & sunt fortes luctando cum illo.

Acceperūt autem quidam ex hoc loco occasionem ad cogitandum valdè iniqua. Putarunt enim hinc educi, sic se habere prædestinationis causam ac reprobationis, vt dicerent, Deum ab initio in mente sua quosdam elegisse, vt potirētur tandem aliquando secum regno suo, idq; nullis bonis eorū operibus consideratis aut meritis. Non quod non sint futura eorū bona opera, sed quod nō propter illa prædestinauit: imò quia prædestinauit, & opera consequuntur & merita, tanquā prædestinationis effectus. Alios verò, i. reliquos non sic electos, Deum ab eo regno reprobasse, similiter absq; consideratione ac merito operum ipforū. Hanc verò hæresim ex hoc præcipuè loco accipiūt: quoniam sicut hîc dicitur de Iacob, qui est electorū typus, quod ex Dei proposito & mera gratia fuit dilectus ex mero beneplacito, non ex operibus, sed ex vocatē: sic oportet statuere de Esau, fuisse illum odio habitum & reprobatum à Deo, destinatumque ad æternam mortem, antequam quicquam mali ageret: ideòq; similiter non ex operibus, sed ex mero Dei beneplacito. Nam pariter de vtroque dicitur: Antequā quicquā boni egissent, aut mali: vt intelligeremus ita reprobatum Esau, sicut electū Iacob. At Iacob electus fuit absq; vlla operum cōsideratione: ergo similiter & de Esau dicendum: Quod ad iuuatur ex eo, quoniâ ipsemet Apostolus volēs in hoc facto iustificare Deū ab iniquitate, & defendere, producit omnipotētiam, & superexcellētissimā dominationē Dei dicens. O homo, Tu quis es, qui respondeas Deo? An nō habet figulus potestatem facere aliud quidem vas in honore, aliud verò in

*Hic resolu-  
re incipit  
Auctor  
nōnem  
Massæ per  
ditionis.*



contumeliam? Sicut inferius explicabimus.

Verum quoniam hæc opinio, quam excitarunt Lutherani, & prædicant, dira est supra modum, & manifestè impia, quæ Deum constituit puniētem antequam appareat quouis modo vllū coram eo peccatum: vt eam tuerentur illi, retulerunt hoc totum in originale peccatum, per quod omnes constituti sumus peccatores. Nam cum omnes inueniamur in Adam tanquam vna massa perditionis, & iniquitatis, nulla est apud Deum iniquitas, si ex illa massa quosdam eripit & euehit in salutem, reliquos autē dimittit. Non enim punit quenq̃ sine peccato, saltē illo antiquo. Verum hanc opinionē proprio tractatu ita idoneè à me esse cōfutatam existimo, vt nihil ex aduerso, quod appareat alicuius momēti, respōderi possit. Hic solū capita colligā.

Primum est, illud peccatum (nisi velimus nos nobis ipsis crudelitatem vltro accersere) erat dignum miseratione in omnibus, ac præsertim in potestate: quoniam non propria voluntate peccauimus nos, sed voluntate parentum: quod peccatum illi instigatione Diaboli patrauerunt. Si autem (vt Dominus dixit) omne peccatum & blasphemia remitteretur, cur non multo magis peccatū hoc, quod vix habet rationem in nobis peccati?

Secundo, Si Deus voluit & in iustitia laudari & in misericordia, cur non magis in parte misericordiæ? Ac præterea, cur tam paucos eripuit ab ea perditione, & non longè plures iis quos dimisit? Ipsi enim fatentur, quod reprobi sunt multo innumerabiliter plures, quàm electi. Nunquid igitur Deus voluit magis laudari in parte iustitiæ, quàm in parte misericordiæ? Sed ubi erit illa eius tātope- rē decāta in scripturis misericordia? Et miseratio- nes eius (aiunt scripturæ) super omnia opera eius.

Tertio, Quas pœnas (rogo) dabimus pro illo peccato? Si ignē perpetuum, qui paratus est Diabolo & angelis eius, vt isti noui dogmatistæ aiunt, nōne hoc durum valdè & impium, & contra scripturā, quæ ait: Filius non portabit iniquitatem patris? Anima quæ peccauerit ipsa morietur. Sin autem pœna peccati originalis in nobis, est carentia visionis diuinæ, & ab hac pœna non vult Deus plures eripere: cur ergo finit eos venire in hanc vitam? Nunquid solū vt peccent, & habeat vnde puniat eos acerbius, videlicet, illa ignis gehenna? Si enim non sunt eruti ab eo peccato, profectō veniunt in hunc mundum non nisi ad peccādum finaliter, certi de ampliore damnatione sua, & sine vlla spe melioris conditionis. Hoc autem quā sit æquum, qui non fuerit prorsus amens, facildē discernet.

Quarto, Natura illius peccati repugnat isti diuisioni massæ. Est enim vnum illud peccatum, & est naturæ potius quàm personarū. Non ergo debuit eius peccati redemptio diuidi in personas.

Quinto, Etsi nos iure per illud peccatum eramus sub potestate Diaboli, tamen nos ille non iure ex parte sua possidebat. Vnde dignus erat, à quo auferretur omnino quoad omnes dominatio, & non quo ad paucos tantum.

Sexto, Quod vehementer considerandū est, nos à corpore contrahimus hoc peccatū, vt etiam propterea coinquinetur anima: quia secūdam corpus descendimus ab Adam, vnde venit ipsum corpus. At cur respectus animæ, quæ venit à Deo, non ma-

gis valeat ad deprecandum Deum pro liberatione corporis? An magis valebit pars indignior carnis, quæ venit ab Adam, ad coinquinandum totum hominem, quàm pars illa animæ superior, quæ venit à Deo, vt non respiciatur saltem ad redemptionem, ne intereat opus Dei propter opus hominis, sed potius opus hominis propter opus Dei? At non hoc sibi Dabit Deus? Hæc sentis ne lector argumentū? Si sentis, bene est.

Septimo, Si Adam radix peccati, qui fuit causa ruinæ omnium, reparatus est, & ab eo peccato saluus factus, & à cæteris etiam, si quæ postmodo ipse contraxit, vt dicit scriptura: Nonne multo magis debuerunt ab ipso peccato liberari, qui fuerunt in ipso peccato propter ipsum? Si enim radix peccati accepit redemptionem, cur non & rami, qui à radice sunt peccatores?

Octauo, Respiciamus ad summū Patrem Deū, patrem misericordiarum, & Deum totius consolationis, & quæ de illius misericordiā in scripturis sanctis dicuntur. An non de illo dicitur, quod omnium miseretur? Et quod nihil odit eorum quæ fecit? Et non vult aliquē perire? Et patiens est, longa nimis, expectans ad pœnitentiam, & innumeris in gratissimis, sceleratissimis, & immanissimis tribuit misericordiā & vitam, & iussit parci indistinctè omnibus, non solū septies, sed etiam septuagesies septies, hoc est, toties quoties? Et nunc dicemus illū multis & innumerabilibus non remittere vnum peccatum, quod tamen nullus posterorū sua volūtate admisit? Quis hoc ferat dici de Patre, supra quā possit quisquam cogitare, clementissimō? Et cum hoc ita sit, isti tamen sunt qui se iactant prædicare misericordiam Dei, & gratiam. Saltem facerent in hac Dei prouidentia, vt essent numero vasa misericordiæ plura. At ipsi econtrariō, multo plura faciunt vasa iræ, quæ absq̃ proprio ipsorum peccato sed solū alieno, dānationi subiecta sint.

Nono, Respiciamus ad Filium Dominum nostrum Iesum Christum, & cōsideremus quod verbum caro factum est. Si caro factum est, & de carne nostra & ossibus nostris, profecto cōsanguinitas cōtracta est cum carne nostra tota, non cum illo, aut cum illo. Id autē quare? nisi vt tota caro sanctificaretur? Elegāter enim dixit sanctissimus Leo Papa: Cōmunem naturam assumpsit, vt communē omniū causam susciperet & adiunaret. Et hoc est certè quod tam luculenter dixit Apostolus, vnum esse Deum, & vnum mediatorē Dei & hominum hominem Christum Iesum, qui dedit semetipsum redemptionem pro omnibus. Dixit mediatorem Dei & hominum, non illorum aut illorum, sed hominum: vt per hoc quod homo erat, communem hominum causam ab illo susceptā declararet. Vnde & adiunxit de illo Apostolus: Qui, ait, dedit semetipsum redemptionem pro omnibus.

Decimo, Cōsideremus eius merita. Aut enim in meritis habuit satis ad omnium redemptionē, autem non. Si quis dicat: Non satis habuisse, blasphemat. Sin ergo habuit satis, cur igitur noluit ea merita expendi in omnes, & cunctis applicari? Nunquid inuidit sibi ipsi, ne benignitate vteretur erga omnes, vt impēsū pretium sanguinis, quod satis erat ad soluendum pro omnibus, noluerit, nisi pro paucis esse impēsū? Nūquid hoc faceremus nos?

Primū argumētum disputatio- nis contra opinionē de massa pēditionis.

Argu. 2.

Argu. 3.

Argu. 4.

Argu. 5.

Argu. 6.

Argu. 7.

Argu. 8.

Argu. 9.

1. Tim. 2.

Arg. 10.



qui sumus mali? Equidem non puto. Quantò igitur minus ille qui est optimus, & ipsamet bonitas? Sed dicit quis. Voluit laudari Deus in iustitia: Quasi verò non hoc iuste deberetur ipsi Christo, quod merita eius etiam superabundanter, & in immensum promeruerant. Satis ergo hac parte de iustitia laudatur Deus, quòd miseretur nobis, propter Christum. Quanquam friuolum est omnino quòd affertur, nimirum voluisse Deum in ostensione iustitiæ suæ laudem sibi tribui: quasi hac posita sententia, Ab ipso Christo omnes redemptos esse, defuturus esset omnipotenti Deo modus exercendi istam iustitiam, cum non omnes credant euangelio; & eorum qui credunt, multi (non sicut credunt) operantur, sed contra Dei voluntatem, ut dignos se se constituent æterna morte. Itaque non defuisset laus iustitiæ Dei, si tamen illam Deus concupisceret. Sed verè non vult Deus vindictiuam iustitiæ, nisi præcedant digna merita: Neque attinet ad gloriā eius, velle habere quos puniat. Sed hoc ad laudem eius attinet, ut tunc demum puniat, cum homo sese punibilem reddiderit. Nec sic tamē adhuc puni, ut non multa vtatur misericordia in sustinendo, in parcendo, donec inueniat in homine pertinaciam, & fixam mundi dilectionem, & cœlestium bonorum cōtemptum. In hoc est enim iudicium, ait, quia venit lux in mundum, & dilexerunt homines magis tenebras, quàm lucem.

Ioan. 3.

Arg. 11.

Vndecimo, Si ille Adam est forma futuri, id est, Christi: & ille Adam (quantum ex se fuit) perdidit omnes: cur non etiam Christus (quantum ex se fuit) non dederit semetipsum pro omnibus? Apostolus enim est qui dixit, Sicut per vnus delictum in omnes homines in cōdemnationem: sic & per vnus iustitiam in omnes homines in iustificationem. Et hoc diceremus, si non expressum fuisset clarius in scripturis. Sed quid latius, quàm quòd ipse est propitiator (ut ait Dilectus) pro peccatis nostris, non solum pro nostris, verum etiam pro totius mundi? Ipse. n. est Agnus Dei, qui tollit peccatum mundi. Sic enim Deus dilexit mundum, ut Filium suum vnigenitum daret, & per eum restitueret vitam mundo. Alioqui quomodo dicitur abstulisse peccatum mundi, si tam paucis vitam restituit, & tam multos reliquit in ea massa perditionis? Et quomodo dicitur quòd deleuit chirographum decreti, quòd erat contrarium nobis, & affixit cruci (ut ait Apostolus) si tantum de chirographo illo deleuit aliqua nomina relictis aliis innumerabilibus?

1. Ioan. 2.

Arg. 12.

Duodecimo, Si Christus nō pro omnibus mortuus est, ergo non erit omnium resurrectio. Si enim peccatum illud manet adhuc in multis, etiā mors eis dominabitur. Sed hoc repugnat Apostoli doctrinæ, qui dixit: Sicut in Adam omnes moriuntur, sic in Christo omnes viuificabuntur.

Arg. 13.

Decimotertio, Respiciamus ad dona Spiritus. Primo enim non est dubium, quòd Dominus vocat passim omnes. Et certum est, quòd quos vocat, nō sunt oēs prædestinati, cū sint pauci electi, & multi vocati. Ad quid ergo vocat illos nō prædestinatos? Certè ad nuptias vocat, ut veniant, & fruantur nuptiis, sicut est in parabola. Et tamē (ut habet hæc opinio) reliquit eos in massa perditionis: & sic nō vult ut nuptiis potiātur, ad quas tamen vocauit eos. Deceptor igitur esset Deus, quòd horreo vel cogitare.

Quartodecimo, Queritur etiam Deus aduersus illos, qui vocati non responderunt, iuxta quòd scriptum est. Quia vocaui, & renuistis: extēdi manum meam, & non fuit qui aspiceret: despexistis omne consiliū meum, & increpationes meas neglexistis: ego quoque in interitu vestro ridebo. Quomodo autē hoc faciat Deus aduersus eos, quos ipse prius relinquendo in massa perditionis, neglexit?

Quintodecimo, Quomodo potest Deus eis nolle salutem, quorum tamen salutem magno desiderio sicire describitur? Vtinam, inquit, saperent, & intelligerent, & nouissima propiderent. Et Dominus ad Israel, Vtinam attendissetis mandata mea, facta fuisset sicut flumen pax tua, & iustitia tua sicut gurgites maris.

Decimosexto, Veniunt & multi vocati, & suscipiunt baptismum, & confertur in eo gratia, & intrant in Christum. Si hoc est verum, ergo liberati sunt ab originali peccato. Quomodo ergo derelicti in massa perditionis?

Decimoséptimo, Si confert gratiā Deus iis non prædestinatis: aut confert eam ita ut velit eos posse in ea manere si velint, aut non. Si primum, non sunt ergo relictī in massa perditionis. Si alterū, An non est hæc mera derisio, & elusio sine causa, quòd Deus quibusdā conferat gratiam, & nolit eos permanere in illa?

Addam & hīc liberè, gratia veritatis, & ad instruendum lectorem, non ad eleuandam auctoritatē sanctissimi & doctissimi viri B. Augustini, quē multum veneror, & cui tantum tribuo, quantum vlli ex doctoribus, & tractatoribus scripturarum ausum concedere: qui tamen primus & vnus istud de massa perditionis commentum induxit, & suadere conatus est. Ipse enim sentiens se dicere dura nimis, inducens contra se argumentum quòd modo diximus: fatetur se solutionem nescire. Hæc enim eius sunt verba. Hīc autem, si à me quaeritur, cur eius Deus perseverantiā non dederit, qui eam, qua Christiane viuerent, dilectionē dedit, me ignorare respondeo. Sed cur ignorabat tantus vir causam? nisi quia esse effectum supponebat, qui verè non erat: & consequenter habere causam non poterat, quam tamen ille quærebat. Supponebat enim quòd Deus nollet hominem non prædestinatum, cui dederat gratiam, posse perseverare: quòd est incredibilissimum. Et ideo ipsemet sibi ipsi minime constans, in eodem libro, de eo loquens qui accepit gratiam, quòd in ea non perseverauit, illi imputat, & non Deo: quia potuisset (inquit) perseverare si voluisset. Ergo non fuisset relictus in massa perditionis: hæc eius verba sunt. Iustior videretur excusatio dicentium, Non accepimus audientiam, quàm dicentium, non accepimus perseverantiā: quoniam dici potest homini, In eo quòd audieras & tenueras, in eo perseverares, si velles: hæc ille. Agnosce bone lector, quanta sit vis veritatis.

Ceterum, si ea sit quaestio. Quare nō omni homini dedit Deus perseverantiā; videlicet, illam, qua omnino sint perseveraturi, ita ut excidere nō valeant? In promptu est ratio: quia non est debitum, imò etiam nec esset pulchrum, si omnibus equalis daretur gratia. Quisquē tollat quòd suū est, & vadat, Satis est hoc, quòd nemini Deus deest ad salutē, ut eam valeat assequi. An oculus noster nequā,

Arg. 14.

Pro. 1.

Arg. 15.

Dent 22.

Isa. 48.

Arg. 16.

Arg. 17.

In libr. de

cor. 13.



quoniam ille est in alios valde bonus, modo sit etiam nobis bonus est? Quod enim ad maiores gratiae gradus & summos non omnes perueniunt, non est absurdum. Imò absurdum, si omnes essemus pares in tanto corpore, quod est ecclesia. Vnde quidam rectè: Aequalitate nihil inæqualius. Et ipse Apostolus hanc litem dirimit, aiens: In magna domo sunt non solum vasa autem & argentea: sed & lignea, & fictilia. Itaque quisque timeat, & seruet seipsum in sua sorte cum potest, & audiat dictum à Domino: Tene quod habes, ne alius accipiat coronam tuam. Et dum hoc audit, certò sciat quod potest tenere, cui iubetur ut teneat. Nam gratia & charitas infusa, est arra & pignus vitæ æternæ, ut ait Apostolus. Dabit ergo Deus arram & pignus, & non quod sub arra & pignore repromittitur? Absit.

Decimooctavo, Habemus & à Spiritu sancto Eucharistiæ sacramentum, quod mihi accipiunt, & promittitur eis indistinctè per illud vita æterna, Qui māducat me, & ipse viuet propter me, & non morietur in æternū. Hoc autem quomodo verū esset in iis, qui sunt relictī in massa perditionis? Adhæc, & de sacramēto pœnitentiæ nōne habemus, quod absoluuntur indistinctè quicūque confitentur peccata sua, & non ponunt obicē absolutioni? At quomodo possunt absolui, qui in illa massa perditionis permanerēt, non absoluti à peccato originali?

Decimonono, Nonne Angeli singulis hominibus (ut habet catholica veritas, & pietas) assignantur? Et hoc quamobrem, nisi ut sint ministri salutis, sicut scriptum est: Nonne sunt omnes administratori spiritus, in ministerium missi propter eos qui hæreditatem capiunt salutis? At hoc minime cōgruit cum massa perditionis, si Deus scilicet nolit salutem his, quos inde noluit liberare.

Vigesimo, Pugnat hæc opinio cum aliis multis diuinis beneficiis, & prouidentis, quas Dominus pro omnium salute indistinctè prouidit. Cur enim proponuntur pastores indifferenter omnibus? Et cur requirit Deus sanguinem perditorū de manu ipsorum? Si enim Deus vult illos perdi, imò iam illos esse perditos, quid amplius curari etiam vult ne perdantur? Quod si Dei deliberatione perdantur, quomodo exigit eorum sanguinē ab aliis, quia si illorum culpa perditī fuerint, qui tamē salui esse illorum cura non poterant? Inconstantissima sunt hæc, & apud rectè cogitatem absurdissima. Adde, quod pastores, qui proponuntur ouibus, possunt esse de non prædestinatis, & sic non attinere ad regnum Dei. Et quā (obsecro) prouidē factū esset, ut per hos curarentur oues, qui in scientia & prouidentia Dei ipsi sint extra gregem? Et hinc venit quorundam meritò damnata opinio, qui dixerūt, non esse verè pastores & prælatos, qui non fuerūt in numero prædestinatorum.

Vigesimoprimo, Dominus omnes astrinxit ad præceptum dilectionis & charitatis, quod est (ut rectissimè B. Thomas exponit) teneri nos atque obligari diligere Deum ut datorem gratiæ, & beatificatorem. At non prædestinati ad hoc minime obligati essent, ad quos pertinere non posset gloriæ promissio.

Vigesimosecundo, Si tam multi sunt relictī in massa illa perditionis, profecto non possunt dici viatores. Non est enim viator, qui non est destina-

tus ad patriam, & ad terram promissionis: Quod nescio an quisquam concedere auit.

Vigesimotertio, Si consideremus rationem iudicij futuri: in omni loco scripturarum inuenimus quemlibet, qui damnatur, non propter originale peccatum damnari, sed propter actualia peccata: quoniam ab originali omnes (si voluerint) liberati sunt per Christum. Quod si noluerint, ipsorum peccatum fit actuale, propter quod pereunt.

Mitto hinc pueros, qui non concluduntur in futuro iudicio. Nam iam factū est de his iudicium, quemadmodum alibi copiosè probaui.

Adhæc, Nulli qui essent in inferno, essent ibi reuera ob proprium actuale peccatum, sed propter originale, à quo non fuerunt liberati, utpote relictī in massa perditionis. Sed originale nō satis est ad æternæ gehēnæ cruciatus infligēdos: quoniam igne inferni & verme non possunt torqueri, qui videbunt se non ob suam malitiam perdidisse regnū Dei, quod adipisci nunquam valuerunt, cum ad illud nunquam aptati fuerint.

Vigesimoquarto, Magna consequuntur hanc opinionem absurda. Et primum, quia angustat nimium gratiam Dei, & misericordiam efficacē ex parte ipsius: & rem ita constituit, ut vnus gradus eorum qui possunt cogitari, desit in prouidentia Dei. Cum enim ponant primum gradum prædestinatorum, id est, eorum qui per prouidentiam Dei non poterunt non saluari: Et deinde eorum qui reprobati sunt, & saluari non possunt. Ille modo gradus deest, nimirum eorum qui & saluari simul ac damnari possunt, quorum aliqui saluentur, aliqui damnantur. Sed non est bonū ut iste gradus desit, quem in Angelis fuisse B. Augustinus ponit.

Aliud est absurdum, & quidem magnū, quod dum omnes bonæ mentes audiūt, rem iam actam esse vident, & exitum iam determinatum vniuersique, videlicet, Quosdam prædestinatos ad vitā, reliquos autem relictos in massa perditionis. Si. n. res se ita haberet, iam nec salus nec perditio pēdet ex futuro, & ex nobis, sed ex decreta olim apud Deum sententia. Dicer enim quis non imprudens ratiocinator: Aut ego inter prædestinatos sum: Aut inter eos qui nō sunt prædestinati. Si inter primos, iam non possum deficere, saluus ero omnino. Sin autem non in eo numero sum, actum est de me. Et cum sit in promptu prudētī viro, non se temerè in eo numero ponere: quantam hæc cogitatio afferat bonis mentibus anxietatem & amaritudinem, iqueunt nosse, qui veniūt in hanc cogitationē, quæ profecto (cū sic prædicatur prædestinatio) confestim exoritur, & conturbat multorum animos, ac præsertim piorum. Quamobrem B. Prosper & Hilarius non ab re datis epistolis admonuerūt B. Augustinum de hac opinione, quæ iudicabatur scandalosa: & quæ prædicata, perturbauerat omnes Galliarum præsules, cum propter crudelitatem, quæ mox continere videbatur, tum etiam quod noua esset, & nunquam à sanctis Patribus antea cogitata.

Neque obstat quod à quibusdam responderetur, & (ne quid dissimulē) etiam ab ipso B. Augustino, idem videlicet absurdum sequi ex Dei præscientia, quam tamen nemo negat. Si enim præsciuit Deus (aiunt) aliquem damnandum, & alium saluandum: ergo aliter non potest euenire, quàm præ-

Plinius in  
nior.  
2. Tim. 2.

Apo. 3.

Arg. 18.

Ioan. 6.

Arg. 19.

Arg. 20.

Arg. 21.

Arg. 22.

Arg. 23.

Arg. 24.



*Differētia  
inter præ-  
scientiā &  
prædestina-  
tionem.*

sciuit. Sed multū profectō interest inter præscien-  
tiā, & prædestinationē, & similiter reprobationē.  
Nā præscientia nihil ponit in rebus: sed videt Deus  
ut sese res habet, & eo modo quo sese res habet. Id  
eo. n. videt Deus, quia ita res est: nō autem ita est,  
quia Deus videt, ut Origenes inquit: ita quod non  
sequatur ita esse ad videre Dei, sed ita ipsum videre  
sequitur ad ita esse. Vnde illius præscientia nullam  
ponit in rebus necessitatem. Contrā autem est de  
prædestinatione, & reprobatione. Nā quia præde-  
stinatus ponitur quisquā, ideo saluabitur. Et quia  
immobiliter prædestinatus, ideo etiam & immo-  
biliter saluabitur. Similiter de reprobo: quia ē-  
nim reprobatus, ideo non saluabitur, nec poterit  
saluari. Itaque facile retunditur hæc instantia de præ-  
scientia, si quis rectē capiat, & illud bene intelligat  
quod ait B. Thomas, videlicet, Ea quæ præsciuntur  
à Deo contingētia futura, non præsciuntur in cau-  
sis, ac propterea non præsciuntur ut futura. Sed de  
his in nostris opusculis fufius disputauimus.

Tertium ex tali opinione sequitur absurdū hoc.  
Nam malæ mētis homines, & qui sunt ad malum  
dispositi, vehementer ac incredibiliter gaudent de  
hac heresi: & ita facillimē argumētantur. Si ad hūc  
modū se habet prædestinationis ratio, bonum est  
pro nobis, præclare nobiscū agitur. Nam si sumus  
ex illis qui sunt prædestinati, quicquid egerimus,  
salui erimus: quia Deus id iam decreuit. Voluntati  
autem eius quid est quod resistat? Possumus ergo  
interim gaudere & lætari. Lætari similiter & gau-  
dere oportet, etiam si in aliorū numero sumus re-  
lictī in massa: quoniam non est bonum, si reproba-  
ti sumus, ut in hac vita insuper maceremur. Satis su-  
perque macerandi sumus in alia vita sempiterna.  
Vnde concludunt, Comedamus ergo & bibamus  
interim, & fruamur bonis quæ videmus, nec nos  
prætereat flos temporis: coronemus nos rosas, an-  
tequam marcescant, &c. Eiusmodi nos hisce auri-  
bus audiuius ex ore perditorum, cum tales præ-  
dicationes spargerentur in vulgus. Illam ergo opi-  
nionem quæ pios quidem conturbat, impios autē  
exhilarat, poterit quispiam pius probare? Absit.

*Argu. 25.* Vigesimo quinto, Si nihil aliud esset quàm quod  
*Verba A-* B. Paulus tam expresse dixit, & ratione coulq; po-  
*postoli cla-* tenti vallauit, opinor posset satis esse iis, qui non  
*ra, quibus* affectatē iurarint in verba magistri. Ait enim B.  
*tamē vim* Paulus: Obsecro igitur primū omnium fieri ob-  
*aliqui infe-* secrationes, orationes, postulationes, gratiarum ac-  
*runt.* ctiones, pro omnibus hominibus, pro regibus, &  
*1. Timo. 2.* omnibus qui in sublimitate sunt cōstituti, ut quie-  
tam & tranquillam vitam agamus in omni castita-  
te & pietate. Hoc enim bonum est, & acceptum  
coram Saluatore nostro Deo, qui vult omnes ho-  
mines saluos fieri, & ad agnitionē veritatis venire.  
Vnus enim Deus, vnus & Mediator Dei & homi-  
num homo Christus Iesus, qui dedit redemptionē  
semetipsum pro omnibus: hæc Apostolus. Quid  
(quæso te veritatis amator) quid inquam dici pote-  
rat clarius ac manifestius? Non hoc in loco dicit,  
sufficere meritum Christi pro omnibus, sed de fa-  
cto traditum illum pro omnibus. Et vide ut bene  
congruit ratio ipsi præcepto. Præcipit ut fiant ora-  
tiones pro omnibus. Et subditur ratio: Quoniam  
Deus vult omnes homines saluos fieri, & ad agni-  
tionem veritatis venire. Et huius voluntatis subdit

rationem validissimam dicens: Et vnus Mediator  
Dei & hominum, id est, inter Deum & homines,  
homo Christus Iesus, qui dedit redemptionem se-  
metipsum pro omnibus. Verē nescio si quid ple-  
nius dici poterat, ad id quod defendimus compro-  
bandum. Cum enim audis Mediatorem, debes me-  
minisse inimicitiae, quæ erat inter Deum & inter  
homines, non illos aut illos, sed inter omnes ho-  
mines, quasi vnum: quoniam contra vniuersam na-  
turam nostram iratus erat Deus: & ideo non erat  
facienda diuisio personarum. Vnus autem dicitur  
fuisse Mediator, ut ab eo causa omnium suscepta  
declararetur. Et adicitur, hūc Mediatorem homi-  
nem esse, ut intelligeres quod stabat pro tota natu-  
ra, & sic pro omnibus hominibus, & non pro par-  
te hominum. Quod ut amplius etiam declararet,  
adiūxit: Qui dedit semetipsum pro omnibus. Nūc  
tædetque pigerq; commemorare ad hunc locum  
agglutinatas glossas, quibus profectō, nedum ex-  
ponitur, sed laceratur, sed destruitur. Si cui fortē vi-  
dere libeat, requirat in Opusculis nostris.

Hactenus autē arbitror satis dictum ad euerten-  
dam hanc opinionem satis quidem duram & dirā.  
Sed nunc respondendū his Apostolicis sententiis.  
Sunt enim qui rectē quidem sentiunt de re ipsa, &  
facile cōfitentur prædestinationē non esse ex meri-  
tis bonis, sed à gratia. Reprobationem autem non  
posse esse nisi ex meritis malis. Sed ipsi interim ad  
hunc locum non respondent, vbi sicut de Iacob di-  
citur, illum non quia fecerit aliquid boni, electum  
fuisse: Ita de Esau, non quia fecerit ipse aliquid ma-  
li, esse odio habitum, ac per hoc reprobatum.

Nos ergo pro explanatione loci huius, cum iis  
agentes, qui ita hunc textum exponunt, ut repro-  
bationem probent venire non ex propriis demeri-  
tis (& si primo auditu ita est absurdū, ut etiam quo  
libet proferente, & quauis magnæ autoritatis,  
nō reddatur credibile.) Quærimus tamē ab eis pri-  
mū, vtrum scripturā istam proferāt ad hoc pro-  
positum iuxta sensum literæ, an iuxta allegoriam.  
Si enim hunc sensum ex litera accipiūt, ut plurimi  
non aduertentes ad scripturam faciunt, & volunt  
quod Esau ex illis verbis iuxta literam fuerit repro-  
batus à Deo reprobatione æterna, antequam quic-  
quam mali fecisse intelligeretur, ut notitia peccati  
sequatur huiusmodi reprobationē, propterea quia  
scriptum est: Esau odio habui, & Apostolus adiun-  
git: Antequam quicquā boni aut mali egissent. Fal-  
lūtur ij proculdubio & aberrāt quàm longissimē,  
& contra id quod habet expositū apertūque in lo-  
cis propriis. Etenim in hoc fuit odium Dei aduer-  
sus Esau, quod licet ipse esset primogenitus, debe-  
returq; illi secundum carnem ius primogenituræ,  
etiam videri poterat, quod & hoc ei magis debere-  
tur, videlicet, ut ex eo Christus nasceretur, & con-  
sequenter ex eo prodire deberet populus dignior,  
qui potius imperaret, quàm seruiret. Mero tamen  
Dei beneplacito, & iuxta propositum electionis  
sux, electus est Iacob, & alter ab hoc dono repro-  
batus. Et sic verissimū fuit quod ista electio Iacob  
nō ex meritis suis, nec reprobatio Esau ex demeri-  
tis eius processit, sed ex mero Dei beneplacito, qui  
nō alstringebatur carnali iuri in huiusmodi: imō ne  
fideremus in carne, plerumque id egit Dñs, ut mi-  
nor eligeretur. Sic placuit Abel præ Cain, ut loco

*Nota quod  
nā odium  
ac reproba-  
tio fuerit  
Esau.*



Gen. 48.  
Ibid. 48.

Malach. I.

Abel sufficeret Seth, ex quo Christus. Sic Ismael eiectus est, & electus Isaac. Sic Iacob electus repulso Esau. Nam & Iudas filius Iacob nō fuit maior inter fratres. Et nihilominus de illo propheta tum est: Iuda te laudabunt fratres tui. Sic & Ephraim benedicitur à Iacob benedictione dextera. Vide igitur dictum illud: Maior seruiet minori, non esse dictum propriè de persona ipsius Esau qui certè nūquam seruiuit Iacob in mundo iuxta literam. Sed sicut respondit Dominus consulenti Rebeccæ matri, quod duæ Gentes erant in utero eius, & duo populi ex eius ventre diuidendi, & populus alter alterum superaturus erat, ita quod maior seruiturus erat minori. Quod certè fuit, quia populus Idumæus, qui de Esau venit, seruiuit Israëlitis, sicut scriptum fuit: In Idumæā extendam calciamentum meum. Et hoc est quod propheta Malachias dixit: Iacob dilexi, Esau autem odio habui. Quod manifestissimè his verbis exprimit: Onus verbi Domini ad Israel in manu Malachiæ prophete: Dilexi vos, dixit Dominus: & dixistis: In quo dilexisti nos? Nonne frater Esau erat Iacob, & dilexisti Iacob, Esau autem odio habui? Vide igitur quod non loquitur de dilectione, aut odio personarum æterno, sed de illa electione Iacob, qua significati sunt Israhelitæ secundum carnem, & facti sunt Domini alterius Gentis. Vnde sequitur: Et posui Seir montes eius in solitudinem, & hereditatem eius in dracones deserti. Itaque in huiusmodi, quia sunt gratiosa, & nullum præsupponunt debitum, non expenduntur merita vel demerita. Potuit enim Deus absque iniuria Esau, nolle prodire ex eius semine, tamen si maior esset. Hoc enim ius carnale non erat in consideratione apud Deum quoad gratias spirituales, sed apud homines. Erat enim spirituale donum hoc, videlicet quod Christus ex illo descenderet, nequaquam debitum carni, sed super omne debitum. Et si enim primogenitus esset Esau respectu Isaac, qui carnalis erat pater, non tamen respectu Dei, qui quos prædiligit, etiam eligit in filios: & ij sunt illius primogeniti. Vnde legimus: Primogenitus meus Israel dicit Dominus. Sensus igitur literalis minime fauet iis, qui hanc tam sæuam reprobationem inde commenti sunt.

Hic dicent fortè, quod mysticè, & secundum typum hoc accipitur, videlicet, quod sicut in Iacob intelliguntur vocati secundum propositum ipsius gratiæ ad vitam, ita quidem vt non ex meritis eius hoc factum intelligatur: sic & similiter in Esau intelligantur destituti à vocatione ipsius gratiæ ad vitam, ac per hoc odio habiti in finem vsque, non consideratis eorum demeritis. Sed non ad hoc extenditur hic typus iuxta sensum Apostoli & scripturæ, sed duntaxat circa ea, quæ sunt amplioris gratiæ: quia non omnes similiter vocati sunt & electi, sicut ij, qui intelliguntur sub Iacob. v. g. (vt planè hæc accipiatur) Dominus per Christum subuenit omnibus, sed iis quidem magis, iis autè minus: vt quosdam reliquerit in talento vno, aliis dederit duo, aliis quinque, vt vnusquisque potuerit operari per hæc ad vitam æternam. Absit enim vt quenquam sine demeritis in hoc reprobet, vt omnino illi præcludatur aditus ad vitam.

Sed accidit, vt qui vnum duntaxat talentum habuit, id est, qui non est seminatus verbi semine, sed

relictus est tantum in lumine naturali, cōqueri valeat, & dicat se esse habitum odio à Domino, tanquam se uero & austero, qui velit etiam metere vbi non seminauit: atque addat, Cur seminasti illic, videlicet, in his qui acceperunt duo talēta, & quinque; in me autem non iecisti semen, quod est seruum me facere quodam modo aliorum, qui plura acceperunt, à quibus ego mendicare cogor. Nam qui minus sapiunt, naturaliter sapientiorum serui sunt, vt rectè ait Philosophus.

Sed Dominus ei respondebit dicens: Non quia tu quicquam mali merueris: & similiter non quia ille quicquam boni egerit, ideo tu dignus es habitus hoc odio præ illo (si tamen est odium verè) sed quia mihi ita placuit, videlicet, illi dare amplius supra merita sua, & tibi nō dare. Neque te tamen omnino deserui, cui talentum dedi, vt poneres illud ad mensam sub vsuris, vt ego veniens exigerem illud & vsuras, & tu saluus quoque fieres.

Vide vt rectè respondet typus: neque tamen cogimur intelligere æternam reprobationem. Consideramus solum varietatem eorū qui saluari possunt. Nam cum omnes aliquo modo vocentur ad vitam: Alij quidem sunt quibus natura prædicat quædam, vnde valeant ad ea quæ sunt gratiæ (Deo illustrante ac fauente) peruenire: Alij verò prædicante illis lege Moyses: Alii verò euangelio Christi. Sicut à lege Moyses multi prohibiti sunt, ita à lege Christi, vt maneant in pura lege naturæ, & absque iacto semine. Et tamen ab eis exigitur vt producant fructum, hoc est, vt & semen ipsum sibi querant, quod possent (vt diximus) iuuare Deo. Adiuuaret autem & illos Deus, qui nulli deest ad salutem, cum velit omnes homines saluos fieri: licet non æquè prouiderit, omnibus, vt dictum est. Non enim omnes stigmata Iesu in corpore suo portant, mortui & crucifixi penitus mundo, vt clauis charitatis habeant confixos omnes humanos affectus.

Et hæc dicta sunt ab Apostolo, vt doceret, non esse propterea increpandum Spiritum Dei bonum, nonnullos elegerit hac summa dilectione, vt nihil posset eos separare à charitate Dei, quæ est in Christo: vt præ iis cæteri videantur (quadā loquendi consuetudine) derelicti; & tanquam odio habitati. Solemus enim si quem ab amico nobis præferri conspiciamus, tacitè subindignari, & quasi inde nos odio haberi colligere: præsertim vbi illius amoris peculiaris nulla nobis causa apparet. Sic & eiusdem patris filii dicere solent, Pater me odit, cum erga minimum natu ostendit maiora amoris indicia. Sic conquestus est seruus ille nequam in euangelio, quod Dominus fuisset austerus in illum. Nec est nouum etiam in euangelio sic accipi odio haberi. Dominus enim dixit: Si quis venit ad me, & non odit Patrem suum, & matrem suā, non potest meus esse discipulus. Hic certè odium non accipitur pro odio vero, nisi vt postponatur pater & mater Deo. Sic & alibi, vbi ait: Nemo potest duobus dominis seruire: aut enim vnum odio habebit. Non est enim necesse si alterum diligit, vt alterum cōtemnet, & odio habeat: nisi hoc pacto, quod promptitudine & amore in seruiendo præfert eum, quem plus diligit.

Non enim latet alia de causa Esau tenuisse repro-

Odium vārie accipi in scriptis.

Quomodo Deus talentorum similitudine omnibus prouiderit ad salutem.



*Quomodo  
Esau sit re  
probatorii  
typus.*

batorum typum: non quidem ex natiuitate, sed ex improbitate sua, & prauitate eo quod ius primogenituræ commutauit, quam pro lenticula, & rufa ossa repudiavit, ut merito dictus sit Edon, conuersus in terrenum Adam. Nam qualis terrenus, tales & terreni. Itaque reprobatio simpliciter cuiunque contingit ex proprio peccato: sicut & primogenituræ amissio contigit Esau ob impatientiam suam, & contemptum. Dixit enim: En morior, quid mihi proderunt primogenita? Sic procedunt qui peccant contra Deum, spem cœlestis hereditatis recusantes pro terrenorum possessione. Et tamen secundum carnem semper Iacob detulit illi, & adorauit eum, & vocauit Dominum suum. Et ideo oportet spiritualiter ea verba, & prophetiam interpretari. Verum prosequamur rem nostram.

Quid ergo dicemus? Nunquid iniquitas apud Deum? Absit. Moysi enim dicit: Miserebor cuius misereor: & misericordiam præstabo cuius miserebor. Igitur non volentis, neque currentis, sed miserentis est Dei. Dicit enim Scriptura Pharaoni: Quia in hoc ipsum excitaui te, ut ostendam in te virtutem meam: & ut annuntietur nomen meum in vniuersa terra. Ergo cui vult miseretur: & quæ vult indurat. Dicis itaque mihi: Quid adhuc queritur? voluntati enim eius quis resistit? O homo, tu quis es qui respondeas Deo? Nunc quid dicit figmentum ei qui se finxit? Quid me fecisti sic? An non habet potestatem figulus luti, ex eadem massa facere aliud quidem vas in honorem, aliud verò in contumeliam? Quod si Deus volens ostendere iram, & notam facere potentiam suam, sustinuit in multa patientia, vasa iræ aptata in interitum, ut ostenderet diuitias gloriæ suæ in vasa misericordiæ quæ præparauit in gloriam: quos & vocauit, non solum ex Iudæis, sed etiam ex Gentibus, sicut in Osee dicit: Vocabo non plebem meam, plebem meam: & non dilectam, dilectam: & non misericordiam consecutam, misericordiam cōsecutam. Et erit, in loco ubi dictum est eis: Non plebs mea vos: ibi vocabuntur filii Dei viui. Isaias autem clamat pro Israel: Si fuerit numerus filiorum Israel tanquam arena maris, reliquæ saluæ fient. Verbum enim consummans, & abbrevians in æquitate: quia verbum breuiatum faciet Dominus super terram. Et sicut prædixit Isaias, nisi Dominus Sabbathoth reliquisset nobis semen: sicut Sodoma facti essemus, & sicut Gomorrha similes fuisset.

Quia videbat Apostolus humanam sapientiam non quiescere, sed iniquissime iudicare Deum quasi iniquum proponit hoc, & exhorret more suo. Et scripturam profert vindicantem illum ab iniquitate, ostendentemque primò quod Deus hoc facit: quia quorundam miseretur, & quorundam non. Secundo, quod hoc habet in sua potestate, scilicet, gratiam absque vlla iniquitate facere cui voluerit. Ait ergo primo, dixisse Dominum Mosi:

*Miserebor, cuius misereor;* Græcè sic legitur, Miserebor, cui misereor: & commiserabor cui commiseror, ut sit sensus: Cuius animo proposuero misereri ac benefacere, illius de facto miserebor, & illi beneficiam. Hoc est enim misereri, animo affici erga indigentem ad conferendum beneficia & dona. Et cui proposuero commiserari, videlicet dimittendo peccata, illi commiserabor.

Vide hic ergo, quā suam vult esse Deus electionem misericordiæ & miserationis, tam in conferendo dona, quā in dimittendo peccata. Nam & hoc, id est, peccata dimittere, est conferre donum. Quamobrem in veteri scriptura dicitur: Miserebor cui voluero, & clemens ero in quem placuerit: Quanquam & alij aliter trāserant ex hebræo, ut tamen sit idem sensus. Et loquebatur de magna Dei misericordia, quæ est Electorum perfecta usque in finem, quando noscit eos Dominus ex nomine, sicut ibi dicitur Mosi eam precanti. Et hanc postebat David, vez, remissionem peccati, ac perfectam perseverantiæ gratiam. Non quod Deus vllum sine culpa sua derelinquat: sed quod non omnes æquali, & illa potenti manu sua ducat in finem, ut nequeant excidere. Et hic rectè sequitur:

*Non est volentis neque currentis, sed miserentis Dei.* De gratia igitur hac excellentis electionis, loquitur quam nullus mereri potest, neque volendo, neque currendo, id est, neque voluntati, neque operibus nostris debetur: quia Deus nemini obligatur. Obligatio enim supponit iustum, aut distributiuum, aut commutatiuum. Verum quæ iusticia cogit Deum dare nobis seruis & miseris, & nihili in conspectu suo? Nunquid in seruum & hostem, cadit obligatio distributiue iustitiæ? Et quid cōmercij inter nos & illum? Ergo eligere ad hanc sublimem gratiam, neque volentis neque currentis, sed miserentis est Dei. Brauiū tamen quod promittitur currenti & superanti: & donū quod similiter agonizanti proponitur, dici potest etiam volentis & currentis, aut superantis: quia in potestate sua est, si vicerit, postquam sic est in pactis transactum. At inter Deum & hominem pactum nullum est, antequam ingrediatur homo per fidem, & fiat candidatus miles. Hoc autem ex mera gratia est, & Dei proposito: & hoc nulli prorsus negatur, modo exerceat quod dabitur illi talentum, aut talenta. Non enim per hoc negatur, non esse hominis sese disponere & præparare ad gratiam, ut prouocet eam sibi, & misericordiam, non tamē ut debitam cuius preparationi ac dispositioni: quāquam & in hac dispositione adiuuatur à Deo, sine quo nec id posset.

Amplius non est absurdum (nam & hoc esse verum non dubito) quod nonnulli bene vrentes Dei donis, etsi non sint de illis certa & firma electione ac vocatione electis & vocatis, possunt ta-

*Est hominis preparatio ad gratiam, sed non absque auxilio & motione Dei.*



*Nota.* men sibi suam electionem facere certam ac firmā bonis operibus, sicut testatur Princeps Apostolorū, ubi dicit: Quapropter fratres magis stragite, ut per bona opera certam vestram vocationem & electionem faciatis. Hæc enim facientes, non peccabitis aliquando. Sic enim abundanter administrabitur vobis introitus in æternum regnū Domini & Saluatoris nostri Iesu Christi.

Sunt qui exponunt, Non est volētis, scilicet vel le, neque currentis, scilicet, currere: quæ expositio mihi quidem nimis torta videtur, nec satis attinere ad quæstionem hic propositam, ubi non agitur quatenus homo valeat suis viribus, sed quod quicquid valet (si etiam faciat) non promeretur cum Deo, priusquam sit pactū initum & statutum. Certum est autem quod alibi dicitur: Deus operatur in nobis velle ac perficere pro bona voluntate. & iterum: Non sumus sufficientes cogitare aliquid ex nobis, quasi ex nobis: sed sufficientia nostra ex Deo est. Et Christus: Sine me nihil potestis facere. Et alibi: Nec viri est ut ambulet & dirigat gressus suos. Quæ omnia intelligenda sunt secundum efficaciam, & circa particularia, quæ nos mouent ac promouent in ipsum Deum: & sunt opera quæ à nobis fieri vult Deus.

Hæc certè nos sine illo non possumus operari. Et certissimum in huiusmodi esse debet, quod nisi intellectus illustretur desuper, lippus erit in hoc per se, nesciens finem quò sit eundum, nec viam quā. Et similiter, nisi voluntas, quæ trahitur atque premitur ab obiectis præsentibus, quæ sunt temporalia, fortior fiat per gratiam & charitatem, & alia adminicula: nihil poterimus à nobis ipsis vel mouere, vel promouere ad salutem. Et nihilominus cum iis omnibus est in nobis principium volendi bonum, sed in vniuersali & cōfusi: ad quod semper spiritus deprecatur, & tenderet, si particulariter nosceret, atque probaret, & fortior factus esset per fidem & virtutem gratiæ Dei, quæ purificat cōrda. Sed ad rem propositam redeundo.

Cum ostenderit Apostolus Deum impedere misericordiam illam electionis insignem cui voluerit: aut aliud similiter ostendat, videlicet, Quod Deus etiam non vult interdum quibusdam peccatoribus parcere, inducit scripturam dicentem Pharaoni.

*In hoc ipsum excitauit te, ut ostendam in te virtutem meam, &c.* Quo in loco nota, nō absque causa hoc exemplum positū in eum, qui ob duritiam suam promeruerit quoque eam à Domino obdurationem, quæ fuit in negando illi lumen, & fortitudinem gratiæ, qua poterat sine dubio cor illius immutari & frangi, & de lapideo carneum reddi: & amplius in excitando per occasiones oblatas ad sæuā & impia. Sunt verò quidam scioli, qui hunc modum loquendi non capientes, non sine tacito reprehensionis aculeo, ut incongruum annotant, quod scriptura dicat Pharaoni, cum illud non scriptura, sed Deus dixerit antequā scriberetur, ignorantēs elegantiam, ut per scripturam intelligamus Dei vocem scripturis cōmendatam, per quas etiam assidue loquitur Deus. Non enim vnus est tantum Pharaon: sed omnes qui illum imitantur, adeo ut Dominus contemnat eos atque induret, Pharaones sunt; quibus loquitur Deus talia per

scripturam. Sed qui virtutem scripturarum ac mysteria ignorant, quæ non intelligunt, sæpe damnant. Verum audiamus terribilia Dei verba in Pharaonem: ait,

*In hoc ipsum excitauit te, ut intelligamus quod non solum dimisit illum sibi, verum etiam ea proponebat, quæ illum ad peiora prouocabant: idque præuidebat Deus & volebat: imò & hoc intendebat, videlicet, ut magis obduraretur. Quæ de re sequebatur ostensio potentia & virtutis Dei in illum ut sic glorificaretur ipse Deus in vniuersa terra. Neque hoc iniquum, cum tot peccatis, tantæque contumacia præcedente, hoc ipsum abundè promeruisse. Ingrauauerat enim semetipsum prius Pharaon multa inobedientia & contumacia, antequam Dominus id proponeret firmiter aduersus illum. De induratio Pharaonis.* Lege scripturam, & cognosces quod vsque ad plagam vlcera non est dictum: Indurauit Dominus cor Pharaonis. Verum id tunc demum fecit, postquam iam multoties erat spretus ab illo. Poterat enim non facere, sed conuertere illum si voluisset, Noluit autem: quia iam plus nimium meritis erat ille, cui non esset parcendum: & ideo elegit potius in illum ostendere magnificentiā maiestatis suæ, & regio iure vti. Quare bene sequitur:

*Ergo cuius vult miseretur, videlicet, summa miseratione: & quem vult indurat, scilicet extrema reprobatione.* Hoc autem non nisi præcedentibus demeritis. Sic & pro Iudeis reprobatis Isaias: Quare, ait: errare nos fecisti Domine de viis tuis? Indurasti cor nostrum ne timeremus te. Vnde orauit ad Deum tanquam ab ipsis auersum: Conuertere propter seruos tuos, & iterum: Conuertere Domine, & conuertemur. Iis autem à quibus non est ad huc auersus Deus, ipse potius dulce verbum profert, dicens: Conuertimini ad me, & salui eritis. Rursum etiam hos inuitat: Quærite Dominum, & salui eritis. Quærite faciem eius semper. Quærite eum dum propè est. In alios verò: Quæretis me, & non inuenietis. Et alibi ad priores: Dum lucem habetis, credite in lucem, ut filij lucis sitis. Vnde & conquerebatur: Si veritatem dico vobis, quare non creditis mihi? In alios verò: Excæca cor populi huius, & aures eius aggraua, &c. Et de quibusdam legimus, quod non poterāt credere, quia scriptum est per Isaiam, hoc est, ita à Domino destinatum, vero eorum peccata & duritiam. De quibusdam vero aliis scriptum est: Et crediderunt quotquot erant præordinati ad vitam æternam. Hæc verò diximus, ut diuersos diuersorum hominum statum agnosceremus eorum qui adhuc videntur esse in via, sed ex parte non sunt: quia iam sunt in Dei discretionem iudicati, siue misericorditer & benignè ut viuant, siue iuste ac seuerè præcedentibus delictis, ut in æternum moriantur & pereant: Licet possit Deus non obstantibus illis demeritis, eos conuertere. Nam & misericordiam facit aliquando etiam persequentibus se, & in ipso persequutionis articulo, ut contigit B. Paulo. Sed quia carnales homines indignè de Deo cogitantes atque censentes, purant absurda: ideo introducit hominem tanquam aduersus hæc garrientem, & ait:

*Dicis itaque mihi, Quid adhuc queritur? Voluntati enim eius quis resistit?* Et sensus est, Si Deus obdurat, quid adhuc conqueritur in eos qui præuè agunt,

Isaia 63.

Ioan. 8.

Isaia 6.

Act. 13.



quos ipse volens obduravit, & nemo est qui possit eius voluntati resistere? Videretur scriptura frequenter admirari huiusmodi obduratos, nec id sine querela, ut est illud: Tota die expādi manus meas ad populum incredulum, & contradicentem mihi. Verum ad hoc responderet Apostolus, & primo quidem non resoluendo, sed interimendo quaestionem ob altitudinem ac maiestatem Dei, aies:

*Pro Vera intelligentia apostolica disputatio- nis.*

*Isaia 45.*

*O homo, Tu quis es ut respondeas Deo? Nunquid dicit figmentum, &c.* Pulchra similitudine primum obstruit os audientis in Deum, eundem figulo assimilans: nos autem luto, iuxta Isaia conceptum, qui ait. c. 64. Et nūc Domine pater noster es: nos verò lutum, & fictor noster tu, & opera manuum tuarum omnes nos. Iterum alibi idem dicit, quod hic Apostolus: Vā qui contradicit factori suo, testis de famiis terrā. Nunquid dicit lutum figulo suo: Quid facis? & opus tuum sine manibus est? Et appositè subiunxit:

*Ex eadem massa,* ostendens non omnes, qui ex Adam descēdimus, vnam esse peccati & irā massam, atque ideo lutum: ut figulus ex eo possit facere quodcunque velit. Propter quod & apud Ieremiā Dominus. Sicut lutum in manu figuli, sic vos in manu mea domus Israel. Neque tamen hāc assimilatio attingit veritatem. Si quidem Deus magis est dominus figmenti, quā figulus luti incomparabiliter. Non enim figulus facit lutum, sed ex luto tantum figurat, utens materia creata. At quicquid est in nobis, à Deo est, & Dei verè. Sensus ergo Apostoli est, non quod Deus ita faciat, sicut figulus facit nemine reprehendente, qui aliud quidem vās facit in honorem, & aliud in contumeliā

*e* ex mera eius volūtate, ac beneplacito. Absit ut ita de Deo existimemus, sicut plerique hunc locū acceperunt: quoniam nullum contumeliā vās ipse facit, sed nosmetipsi nos facimus.

Hic igitur verior est sensus, ut B. Chrysostomus latè declarat, & nonnulli doctorum græcorum, voluisse Apostolum hoc exemplo hominis temeritatem compescere, supponēdo quod si etiam Deus ita faceret, qui est dominus omnium, non habens supra se dominum, aut legem vllam, nullus posset iure contradicere, cum nullum ius sit inter figulū & lutum. Quia verò non ita facit Deus, sed voluit nobiscum agere, tanquam ille cum quo possit contendere iudicio: postquam Apostolus ostendit quod Dominus non teneretur respondere nobis interrogantibus, sed nos teneremur silere, dignatur respondere pro Deo, ut ipsum vindicet ab omni vel apparenti iniquitate, & subdit:

*Quod si Deus volens ostendere iram, &c.* Ne quis ergo putaret ipsum Dominum facere, sicut facit figulus, vasa contumeliā, seu irā, ut sic velit ostendere iram aduersus illa, hoc in loco vult indicare, quē libet peccando facere se vās irā: & cum adhuc nō est plenum, id est, perfectum, & ita perfectè aptatum in interitum, Dominus sustinet ipsum in multa patientia, id est, longanimitate. Græcè legitur, *μακροθυμία*, ut tandem in eum qui spernit illius benignitatem, iram ostendat: & sic tanquam iustus glorificetur, cum tandem puniatur hominem, qui tā diu expectatus noluit se auertere ab iniustitia & impietate. Illud etiam alia ratione facit, nimirum ut ostendat diuitias gloriā suā ac magnificentia

in vasa misericordiā, quā preparauit in gloriā. Nam ex opposito melius oppositum agnoscitur. Gaudebunt. n. valdè vasa misericordiā, quum videbunt quod poterat illis contingere, imò quod debebat ex peccato suo: & simul considerantes iram Dei in eos, quibus noluit parcere, sed obduravit potius, ex meritis tamen eorum propriis. Collige igitur ex verbis sensum, quo Deus ab omni iniquitate merito vindicatur. Ait enim:

*Quod si Deus volens ostendere iram, & notam facere potentiam suam, sustinuit in multa patientia vasa irā,* supple tu, quā mira benignitate expectabat ad penitentiam, iuxta illud, An ignoras quoniam benignitas Dei ad penitentiam te adducit? Et addit, *aptata in interitum.* B. Augustinus legit perfectā in interitum: non quia ipse Deus aptauerit, seu perfecterit: neque quod in Adam fuerint sic aptata & perfectā, quoniam nec de eo peccato loquitur, nec illud peccatum aptauit nos, nec perfecit ad interitum secundā mortis; de qua est hic sermo. Nec enim de talibus dicitur, quod sustentati sint in multa patientia: sed ipsamet vasa ad hunc interitum se aptauerunt, & perfecterunt. Si ergo (inquit) Deus illa sustinuit in multa patientia, volens (supple tu, si non conuerterentur) ostendere in illa irā suā: & in vasa misericordiā diuitias gloriā suā, quē preparauit ad gloriā. Et est supplendum quippiam, ab ipso Apostolo quadam indignatione sancta ob zelum Dei prætermisum. v.g. Quid potes respondere, o homo, ut arguas Deum?

Et nota quā congruè de vasis misericordiā, & quā sapienter dixit; Quā preparauit in gloriā. De vasis autem irā, non dixit; Quā preparauit in interitum, sed dicit; aptata in interitum & quod Dominus ea sustinuit in multa patientia: non ergo ipse aptauit. Græcè legitur, *κατασκευάζω*, id est, quā adduxit seu attulit, ut legit B. Augustinus, ut sit sensus pro iustificatione Dei super his, Quod Dominus sustinendo patienter, protulit illi tanquam ad ostensionem atque exemplum: quoniam sua malitia obduruerunt. At ipse tandem obduratos ostendit in gloriā suā, & in aliorum doctrinā, ut perditio sua ipsorum sit ex illis ipsis: auxilium vero à Deo, quemadmodum scriptum est. Superat autem misericordia semper iram Dei; ut ob hoc legamus puniri peccata parentum in tertiam & quartam generationem, misericordiam autem extendi in multa milia. Vasa autem misericordiā electa dicit, non solum ex Iudais, sed etiam ex Gentibus, ne putarent Iudæi se solos habere Deum.

Et pro Gentibus affert prophetiam Osee. Desunt tamen in græcis verba illa: *Et non misericordiā consequutam, misericordiam consequutam.* Ego vero puto sic omnia rectè habere, quemadmodum habent latini codices: quia ex propheta cap. 2. & 3. hanc omnia eliciuntur. Nam. c. 2. post multa pulchra ad Gentium vocationem attinentia, ita legitur: Et miserebor eius, quā fuit absque misericordia. Et dicā non populo meo: Populus meus es tu. Et. c. 3. Et dixit Dominus ad me, Adhuc vade, & dilige mulierem dilectam amico, & adulteram, sicut diligit Dominus filios Israel. Ecce ut eleganter & misericordia Dei, & dilectio in Gentes ab eodem propheta exprimitur. Apostolus autem rectè præmit

*Quomodo iustificatur Deus in omni opere suo.*



tit dilectionem ante misericordiam : quia natura præcedit dilectio misericordiam. Eorum enim miseremur, quos dilectione prosequimur. Quod autem addit:

*Et erit in loco ubi dictum est eis: Non plebs mea vos, &c.* accipitur ex eodem Propheta, c. 1. Et post testimonium redditum de vocatione Gëtiū, redditur etiam de Iudæis per Isaia, qui ait:

*Si fuerit numerus filiorum, &c.* Sed hic dubiū. Nam Isaia videtur asserere numerum grandem filiorū Israel, tanquam per hoc faciens difficultatem salutis, in paucis, qui reliquæ dicti sunt: fortè quia fuerunt iuxta oculos humanæ sapientiæ ignobiliores, & infirmiores aliis. Maiores. n. id est, principes sacerdotum, & scribæ, & pharisæi, penè omnes in perfidia permanferunt. Sed hoc, videlicet, numerum esse magnum, magis videbatur inducere misericordiam Dei, saltem erga quosdam, ne tota gës pereat. Sed hic mihi videtur sensus: tamen si numerus esset grãdis, tamen solas reliquias esse salutandas, id est, paucos de innumerabilibus. Quod vix credibile videri poterat, vt tam multi relinquerentur: sed reddit causam paucitatis, dicens:

*Verbum enim consummans & abbrevians in iustitia, &c.* id est, Deus consummans verbum, id est, perficiens illud per Spiritum suum per fidem, ac spem & charitatem perfectam, ac veritatem, etiam abbreviavit ipsum, vt pauciores contineret, cum requireret iustitiam hanc perfectam: quia pauci sunt qui perfectionem iustitiæ velint assequi. Ideo brevavit Deus verbum, quod est Christus: quia in eo pauci remanserunt ex illis Iudæis tantisper reliquæ, vt prædictum erat, ita vt puer paruulus posset numerare.

*Quoniam faciet Dominus verbum abbreviatum super terram,* illam videlicet terram Iudæam. Nec me latet euangelium dici verbum abbreviatum etiam respectu legis: quia in eo amputata sunt multa superflua, quæ data erant illi populo velut puero, & elementis indigenti, quibus ad Christum venire posset. Nam & consummata iustitia consistit in paucis. Et hoc etiam fuit in causa, quod pauci remanserunt in verbo. In omnibus enim passi sunt scandalum. Et primo, in cærimoniis & decretis, quæ erant sine numero, à quibus non poterant desuescere, vt à sabbato, à circumcissione, à baptismatibus abstinentiis & aliis multis. Secundo à fide, & auditu Christi. Abhorruerunt enim à Crucifixo. Tercio à spe æternorum: Ipsi enim magis ad carnalia, & temporalia aspirabant. Quarto à charitate: Non enim potuerunt suscipere dilectionem inimicorum in Christo, & Christianam mansuetudinem, & veram cordis humilitatem, ac patientiam. Quia ergo verbum istud tantæ erat perfectionis vt paucos admitteret, ideo adiectum est:

*Nisi Dominus Sabaoth,* id est, exercituū, vel virtutum, reliquisset nobis semen, videlicet, ex abundanti misericordia sua, sicut Sodoma facti essemus, &c. quæ penitus absumptæ sunt igni. Semen autem de quo ait Isaia, quod relictum est à Deo, fuit Senatus Apostolicus, de quo apud eundem dicitur: Semen sanctum erit, quod steterit in ea. Eam verò vocem Sabaoth noluit transferre Apostolus. Fortasse quia quiddam habebat in propria lingua natiuum quod non facile in aliam transferri poterat. Verba au-

tem Isaia aliquantò habent aliter, cum apud nostram vulgatam æditionem, tum verò apud alios, qui (vt aiunt) iuxta veritatem hebraicam interpretati sunt. Veruntamen sensum accepit Apostolus, quem egregiè in verbis illis planè ij cernunt, qui beatos habent oculos.

Quid ergo dicemus? Quod Gëtes quæ non sectabantur iustitiam, apprehenderunt iustitiam, iustitiam autem quæ ex fide est: Israel verò sectado legem iustitiæ, in legem iustitiæ non peruenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est: Ecce pono in Sion Lapidem offensionis, & Petram scādali: & omnis qui credit in eum, non confundetur.

Concludit ex supradictis Iudæorum errorem, quos ipse lugebat, & pro quibus optabat fieri anathema: ac simul prudentiam Gentium, quæ ubi offensionem sibi veritatis viam viderunt, in viam salutis intrarunt. Ait enim de illis quod non sectabantur iustitiam, videlicet, illam quæ erat ex fide, eo quod non esset eis data lex quasi pedagogus ad sectandum illam: & item lege naturali, in qua erant, abusi erant. Ideo in eos apparuit Dei misericordia vocantis illos, vt & Iudæos: Sed illi apprehenderunt iustitiam: Israel verò non apprehendit eam, tamen illam sectaretur. Et ratio fuit: quia iam sectabantur iustitiam, quam lex non dabat, sed tamen iudicabat. Nam lex, cui studebant, erat vt pedagogus ducens ad Christum, & ita ad legem iustitiæ. Ipsi autem volentes semper manere sub pedagogo, non perueniunt ad ipsam veram libertatem: quia non ex fide, id est, non contēderunt apprehendere hanc iustitiam ex fide, sed contēpserunt Redemptorem ac Mediatorem, per quem eruebantur à peccato, & conciliabantur Deo, vt ita liberati possent ei inferuire. Innitebantur autem in meris operibus, & propria iustitia, id est, quam ex viribus propriis assequerentur. Non hic enim damnantur opera & fiducia in operibus, nisi in iis operibus quæ absque fide sunt. Ideo rectè subsequitur:

*Offenderunt enim in lapidem offensionis,* nō recipiendo illum, sed negando: cum tamen vnicum esset fundamentum, in quo omnia aptari debuerunt vt peruenirent ad iustificationem. Aptamur enim per fidem, & consummamur per eam, quæ per dilectionem operatur. De hoc lapide Isaia clamat: Ecce ego mittam in fundamentis Sion lapidem, *Isaia 28.* lapidem probatum, angularem, pretiosum, in fundamento fundatum. Qui crediderit non festinet. Apostolus dicit: *Omnis qui credit in eo,* siue super eo (vt græcè legitur) fundatus & manens, non confundetur. Sic. n. Septuaginta interpretati sunt. Sed hebraica veritas habet: Non festinet, & est idem sensus: ac si dixerit, Non prætereat hunc lapidem sine honore, nequando incidat in illum, & offēdatur, & confundantur: sed expectet per spem quæ (vt diximus) habet patientiam operum.

At Iudæi festinabant volentes subitam redemptionem suam: & de Cruce non poterant suspica-

Contra Iudæos, q. no-  
luerunt in-  
trare p. an-  
gustam por-  
tam.

Que causa  
perditionis  
Iudæorū.



ri bonum, sed dicebant, Quis ostendit nobis bona? Hoc euenit duobus illis in Emaus euntibus discipulis, festinantibus in hac redemptione. Putabamus, aientes, quod esset redempturus Israel. Nonne hic agnoscis Iudaicam festinationem? Ergo cōsiliū prophetæ est ibi, illos qui credunt, non debere festinare, sed in spe patienter expectare: quoniam spes non cōfundit. Ideo hunc egregium sensum acceperunt. Septuaginta ex eo dicto: Non festinet, id est, credens permaneat perseverando in spe, quæ intrat in interiora velaminis, & ita nō confunderetur: spes enim expectantium non confundit. Quidam verò aliunde sumptam hanc Apostoli sententiam arbitrantur, ex eodem tamen propheta, qui alibi ait, Dominum exercituum ipsum sanctificate: & ipse pavor vester, & erit vobis in sanctificationem: ac si dixerit: Qui crediderit, nō confunderetur. In lapidem autem offensionis, & petra scandalī duabus domibus Israel: in laqueum & in ruinam habitantibus Ierusalem, ut offenderent ex eis plurimi, & contererentur, & irretirentur, & caperentur. Hæc ex illo Propheta, quæ sunt verba terribilia, & æternæ confusionis plena, quam à nobis auertat Dominus Deus per Iesum Christū in fide, & spe, & dilectione, Amen.

## CAP. X.

**R**ATRES, voluntas quidē cordis mei, & obsecratio ad Deum, sit pro illis in salutem, Testimonium enim perhibeo illis, quod æmulationem quidem Dei habet, sed non secundum scientiam. Ignorantes enim iustitiam Dei, & suam querētes statuere, iustitiæ Dei non sunt subiecti. Finis enim legis, Christus, ad iustitiam omni credenti. Moyses enim scripsit: Quoniam iustitiam quæ ex lege est, qui fecerit homo, viuet in ea. Quæ autem ex fide est iustitia, sic dicit: Ne dixeris in corde tuo: Quis ascendet in cælum? id est, Christum deducere. Aut quis descendet in abyssum? hoc est Christum à mortuis reuocare. Sed quid dicit scriptura? Prope est verbum in ore tuo, & in corde tuo: hoc est verbum fidei quod predicamus. Quia si cōfitearis in ore tuo dominum Iesum, & in corde tuo credideris quod Deus illum suscitauit à mortuis, saluus eris. Corde enim creditur ad iustitiam: ore autem confessio fit ad salutē. Dicit enim scriptura: Omnis qui credit in illum, non cōfundetur. Non enim est distinctio Iudæi & Græci: nam idem dominus omnium, diues in omnes qui inuocant illum. Omnis enim quicumque inuocauerit nomen domini, saluus erit.

**R**atres, &c. Apostolus volens hoc in loco monere Hebræos qua in parte peccarent, videlicet in Iesum Saluatorem, præmissa bona sua erga illos

voluntate (quoniam orabat pro eorum salute) incipit lenius radicem peccati manifestare, quæ erat error, verum perniciosus, nisi homo ab eo desisteret. Ait ergo:

*Testimonium enim perhibeo illis, quod æmulationem, (siue zelum) Dei habent, sed non secundum scientiam, sicut & ipse Apostolus olim habuerat. Vnde & id poterat de illis testari, quod hac in re sibi similes essent. Quod verò ostendit se existimare, & benignius de fratribus cogitare (ut solent amici Dei misericordes in fratres) ad eorum conuersionem procurandam valebat plurimum. Tribuit ergo Apostolus hoc peccatum huic illorum radici, videlicet, zelo Dei, sed non recto: quia vera scientia defuit. Non enim ibi timere debuerunt, ubi non erat timor: nec illud damnare, quod erat ad salutē. Hanc illorum ignorantiam expressit Dominus dicens: Putabunt se obsequium præstare Deo. Apostolus igitur hoc illis testatur, ut verus testis, qui fuit in eodem errore. Vnde ab illo ereptus poterat efficacissimè testari, sicut est in prouerbio vulgi: Erutus è sepulchro nouit quid sit esse mortuū.*

Pandit ergo errorem illorum hunc fuisse, nimirum ignorare iustitiam Dei, id est, veram illā iustitiam, qua corā Deo iustificamur. Hæc est Christus iustus noster, receptus per fidem, & dilectionem. Ipsa dilectio & charitas diffusa in cordibus nostris per Spiritum sanctum, est donum illud iustitiæ, per quod formaliter iustificamur liberati à peccato. Ignorantes igitur hanc iustitiam conati sunt statuere propriam, id est, à propriis viribus prodeuntem. Nam suis factis, & operibus à lege mandatis putauerunt se posse placere Deo, & ita quasi ex debito mercedem reposcere absque fide Mediatoris. Hic fuit error, & in hunc impegerunt confidentes in propria iustitia, quam & Pelagius voluit reuocare iam mortuam, & in inferis cōditam, & destruere gratiam Christi: quæ tamen iustitia si fiat, nihil habet præmij apud Deum. Quoniam tales in hac sua iustitia confidentes, id est, in vi operum ex nudo libero arbitrio factorum, non sunt subiecti iustitiæ Dei, id est, illi iustitiæ quæ venit à Deo per Christum, per quem tantum iustificamur coram illo: & non ex operibus legis Mosaicæ, sed ex fide & ex operibus fidei. Sed dicunt, Si parebo Moyfi satis erit mihi, putantes continuo se Moyfi paruisse, si fortè facerent opera quæ ille iussit: non auertentes legem & Moysen fuisse pedagogum ad Christum, & ad iustitiam perfectam, ut Christus finis sit legis, qui à lege indicatus est, & à prophetis testificatus. Vnde est iustitia vera, credenti tamen in illum, per quem vera est illa iustificatio.

Probat autem hanc duplicem iustitiam à mercede valdè diuersam: Nam quid mercedis acciperent à lege, si fortè facerent opera legis, Moyses ipse dixit. Erat enim duplex merces facienti legem, Vna quæ per Moysen & ex vi legis, & ex ipsa vi operum proueniebat. Et hæc erat vita temporalis, & prosperitas in illa, & gloria ex hominibus, quæ competit in eos qui apparent iusti, & sine querela in tribunalibus. Et hanc expressit Moyses dicens:

*iustitiam quæ ex lege est, qui fecerit homo, viuet in ea. Ac si dixerit, eam vitam habebit, quam lex continet in ipsa litera. Hæc autem temporalis est: Aut iuxta græcam veritatem & hebraicam: Faciens eam, ce-  
viuet*

Ioan. 16.

Quid his  
bebi. præ  
mij iustitiæ  
legis Moysi



*viuet in illis, vt sit sensus, quòd viuet ea vita, quã debent ipsa mandata dare, si fuerint obseruata. Hæc autem vita nõ aliud est quàm vita temporalis cum prosperitate, & gloria, quæ in quauis repub. debetur bono ciui, & de illa benemerito. Sed altera erat vita, quæ non ex potentia legis scriptæ, sed ex gratia per ipsum Christum venit: & ideo hæc non sine fide Christi cõtinebat. Erat enim à Deo qui iustificabat, & gloriam, & vitã reddebat æternam operanti in spe futurorum bonorũ, propter Christum. Hoc erat præmium seruantium legem in fide. Et huiusmodi mercedem lex ipsa quodammodo continebat intus per spiritum latentem sub littera, non autem dabat vi sua. Verba autem Moseos de mercede iustitiæ, quam dabat lex, sumuntur ex Leuit. vbi legitur: Custodite leges meas atque iudicia, quæ faciens homo, viuet in eis. Similis sententia est apud Ezech. 20. cap.*

At iustitia quæ est ex fide, aliter loquitur, id est, aliter admonet. Sic enim dicit: *Ne dixeris t̃ corde tuo, quis ascendet in cælum?* id est, ad deducendum Christum inde nobis, qui saluet nos? *Aut quis descendet in abyssum,* id est, ad deducendum illum ab inferis? Quod vt planius intelligamus, duo sunt articuli præcipui. Primus scilicet & vltimus, in quibus cæteri continentur. Primus est incarnationis Christi, quòd Verbum descenderit ad nos, & factum fuerit homo. Et circa hunc increduli homines, qui ignorant immensam Dei bonitatem, & benignitatem, metiẽtes eam ex semetipsis, qui habent viscera ferrea & sine amore, imò plena amore sui ipsorum, in derisionem hanc incidentes, & blasphemantes dicunt: *Quis ascendit in cælum, vt rogaret & exciter Deum, & inde nobis deduceret Christum?* Ac si opus fuisset aliquem nostrum illuc accessisse, qui Deum de nostra miseria certiorẽ faceret, vt sic adduceretur ad mittendum Filium suum. Sic enim irridebant sapiẽtes, qui & corde impio sinistra quædam de Deo, meditabãtur, quasi circa cardines cœli tantum ambularet, nihil nostra considerans.

Est & vltimus articulus resurrectionis Christi, in quo omnes etiã subintelligũtur resurrecturi. Nam sicut in Adam omnes moriuntur, ita & in Christo omnes viuificabuntur. Hunc autem articulũ sic irrident irrisores, qui & irridebãtur, & cum quadam ironia & incredulitate rogabant: *Quis descendit in infernum,* id est, vt ad hoc illũ inde reuocauerit? Tales enim non credunt resurrectionem, qui dicunt. Nõ est agnitus, qui sit reuersus ab inferis. Propterea admonet iustitia Dei, quæ est ex fide, hominem fidelem, & de Deo rectẽ sentientem, aiens:

*Ne dixeris in corde tuo, &c.* hoc est, Esto fidelis, & viues vera vita Verbi æterni: *quoniam prope te est verbum in ore tuo, & in corde tuo. Hoc est verbum fidei, i. ipse Christus prope te est: quia appropinquauit tibi vt agnoscas, & credas in corde tuo, & lucreris illũ.* Appropinquauit autem ostendens quanta fecerit eius & Patris amor, cum oblatus fuerit ab eo, & ipse vltro ac lubens sese obtulerit ad crucem pro tua salute. Appropinquauit, inquam, ipse docẽs veritatem euangelicam, & cõfirmans non solum sermone efficacia, verũ etiã signis maximis, & prodigiis atq; portentis. Appropinquauit autẽ cordi tuo per lumen fidei, per gratiam & charitatem, vt inde posset exprimi ipsius oris confessio, videlicet, per

opera: quia ipse sua gratia, animæ vires non solum ad intelligendum, verũ etiam ad faciendum & operandum secundum iustitiam fidei, reddidit fortiores, vt omnes essent dociles Deo, & mererentur æternum præmium. Dixit autem primo, *in ore tuo,* quanquam secundum ordinem naturæ, primò debuerit dicere, *in corde,* quia ex corde procedunt quæ ex ore emittuntur. Hoc autẽ fecit, vt intelligamus quid ipse præcipuẽ velit ex nobis, nimirum vt inuocemus eum bene operãtes: cui rei ipse adest adiuuans nos Spiritu suo. In his duobus est tota lex, credere, videlicet, & confiteri. Vnde & sequitur:

*Hoc est verbum fidei quod prædicamus* (videlicet nos Apostoli) *quia si confitearis in ore tuo Dominum Iesum,* scilicet inuocans illum, & faciens opera. Nam hoc est plenẽ confiteri in ore quòd Iesus est Dominus, vt mox ostendemus. Alioqui si intelligas in ore, videlicet lingua tantum, habes contrariam Dilecti discipuli præceptionem dicẽtis, Filioli, non diligamus verbo, neque lingua: sed opere, & veritate.

*Et si corde credideris, quòd Deus suscitauit illum à mortuis, saluus eris.* Corde enim creditur ad iustitiam, &c. Hic locus maximẽ pertinet ad expugnationem hæreticorum, vbi clarẽ probatur, iustitiam fidei, quæ coram Deo iustificamur, esse illam quæ implet legẽ charitatis, quæ est inscripta in cordibus nostris.

Et hoc est dicere, *Prope est verbum in ore tuo, &c.* Moses apertẽ hoc explicat, cuius verba hæc sunt. Mandatũ hoc quod ego tibi præcipio hodie, non supra te est, neq; procul positũ, nec in cœlo situm, vt possis dicere. *Quis nostrũ valet in cælum ascendere, vt deferat illud ad nos, vt audiamus, & opere compleamus?* Neque trans mare positum, vt causeris & dicas. Quis ex nobis poterit transfricare mare, & illud ad nos vsq; deferre, vt possimus audire, & facere quod præceptũ est? Sed iuxta te est sermo valde in ore tuo, & in corde tuo, vt facias illum. Hæc Moses aduersus istam hæresim, quæ dicit mandatũ supra nos esse, vt nequeamus illud cõplere. At Moses ait, Non supra te est, neque procul positum: ita vt non possint causari, & dicere, Non audiuius, nõ valemus complere: Sed verbum & sermo Dei, id est, sermo & præceptum dilectionis, est prope in ore tuo, & in corde tuo, vt facias illud. Nota verbũ hæretice, Est prope in ore tuo, & in corde tuo (inquit Apostolus) vt facias illud, id est, vt operibus exequaris, quæ cõplent iustitiam coram Deo. Vnde bene sequitur:

*Corde enim creditur ad iustitiam, &c.* Duo ergo manifestẽ exigit Apostolus, vt quis saluus fiat. Primũ, cordis fidem: Alterum, oris cõfessionem. Cuiusuis autem horum effectum declarat: quia cordis fides ad iustitiam, id est, vt quis primũ iustificetur coram Deo, requiritur. Non enim esset iustus ex operibus, si nõ essent facta ex fide. Oris verò confessio ad salutem conducit: quia iustificatus & operãs, & in iustitia existens, salutem sibi tandem parat. Alioqui si sola cordis fides satis sit homini etiam operari valenti, ad plenam iustificationem cui debeatur salus, vt isti blatterant. Quid igitur oris cõfessio in super exigitur ad consequendã salutem? Et si intelligas oris tantum confessionẽ quæ exigitur ad salutem, vt verba sonant, quod quis debeat ore exprimere, quod corde credit: hoc verẽ parum est, imò nihil. Nam scriptum est: Nõ omnis qui dicit mihi

Premium  
iustitiæ fi-  
dei est lu-  
crari Chri-  
stum.

Leuit. 18.

Quid est in  
scriptura  
confiteri in  
ore.

Deut. 30.

Contra hæ-  
reticos.

Sup. 2.



Matt. 7.

Dominé, Dominé, intrabit in regnum cælorum. Neque adhuc talis confessio semper exigitur, sed (vt ait B. Thomas) pro loco, & tempore. Operari autem quæ iusta sunt, omni tēpore exigitur. Et hoc est quod ait:

*Ore autem confessio fit ad salutem.* Quia ore confite-  
tur homo quod credit, quando exterius per opera  
fidem implet. Ideo B. Iacobus in eum qui gloriaba-  
tur de sola fide sine operibus, volens ostendere ne-  
cessitatem huius confessionis, quæ est per opera  
quæ apparent, aiebat: Tu fidē habes: ego opera ha-  
beo. Ostende mihi fidem tuam sine operibus, & ego  
ostendam tibi ex operibus fidem meam. Ex fru-  
ctu enim arbor cognoscitur. Fidei autem fructus  
sunt opera, quæ dicuntur confessiones oris. Sic eni-  
nim scriptum est, Credidi, propter quod loquutus  
sum. Si enim in lege fidei constituta arque indicta  
sunt charitatis opera, quomodo poterit homo o-  
stendere se credidisse, qui contempsit secūdam fi-  
dem operari? At contra, Qui fecerit opera fidei, id  
est, ea quæ fides iubet, hoc ipso, id est, ex his operi-  
bus ostendet fidem suam.

Nota.

Et quam pulchrè (obsecro) per oris cōfessionem  
significata sunt charitatis opera, quæ manāt extrin-  
secus. Quoniam enim os vultus naturaliter datum  
est ad exprimendos cōceptus, qui intus latent, quo  
ore maximè vtimur ad manifestādū homini quod  
sentimus in corde circa veritatem & falsitatem: e-  
tiam debuit dari suum os voluntati, & amorī inte-  
rius latenti, vt sese per opera ipsa ipsi amorī atte-  
stantia, manifestare posset: & hæc sunt opera cha-  
ritatis. Ideo & hæc voluntas & amor habet os suū,  
vnde exprimitur, videlicet, ipsa opera, quæ fiunt a-  
pertè per arma corporis: quia lingua non satis ex-  
primit, neque satis ostendit affectus, qui sunt intus  
(cum simus sæpe mendaces) nisi comitentur opera  
in necessitatibus, vt optimè B. Iacobus declarauit,  
dicens: Si frater, aut soror, nudi sunt, & indigeāt vi-  
ctu cotidiano, dicat autem aliquis ex vobis illis: Ite  
in pace, calefacimini, & saturemini: non dederitis  
autem eis quæ necessaria sunt corpori, quid pro-  
derit? Ac si dixerit, Non est hæc illa oris confessio,  
quæ requiritur ad salutem. Vnde & dixit: Ostende  
mihi fidem tuam sine operibus, vt necessitatem o-  
perum requirat: quoniam ex illis venit salus. Et in  
hunc sensum dixit Dominus, Quæ ex ore procedunt,  
de corde exeunt, i. cordis affectu, vt sunt cogi-  
tationes malæ, homicidia, adulteria, &c. Vide ergo  
vt ea planè, quæ aliis mēbris exercentur, quàm ore  
& lingua, vt sunt furta, & fornicationes, & adulte-  
ria, dixit tamen ex ore prodire. In hunc sensum (vt  
opinor) intelligenda est illa sentētia, Ex ore tuo iu-  
stificaberis, & ex ore tuo condemnaberis. Et item  
illud: Hic populus labiis me honorat, cor autē eo-  
rum longè est à me. Etenim per labia intelligun-  
tur opera quælibet exteriora: quæ quia non habe-  
bant charitatis influxum (non enim fiebant amo-  
re Dei, sed ex propriæ gloriæ & commoditatis af-  
fectu) ideo non placebant Deo: quoniam cor eo-  
rum longè erat per absentiam charitatis.

Nec quenquam conturbare debet, quod verba  
Moseos videntur discrepare ab Apostoli verbis se-  
cundum litteram: idem prorsus est vtriusq; sensus.  
Commendans enim Iudæis Moses, vt declarat A-  
postolus noster, hanc fidei iustitiam, dicit: Manda-

tum quod ego tibi præcipio hodie, nō supra te est:  
aut (vt quidam volūt) non occultum est à te, neque  
procul positū, &c. Hic annotare debes quod man-  
datum illud de quo ait, & sermo fidei de quo dicit,  
B. Paulo explicante, non est aliud nisi Dominus Ie-  
sus, qui est nostra iustitia. Et ipse dicitur sermo, &  
mandatum, & lex, & pactum in cordibus nostris  
scriptum digito Dei, quod seruare & implere debe-  
mus faciēdo, quod in illo clauditur, charitatis præ-  
ceptum. Hoc est quod dicit conformiter ad ea quæ  
iam exposita sunt, quod ille sermo est valdè in ore,  
& in corde nostro, vt faciamus illum, id est, vt ope-  
re compleamus, & ex fide. Nam sic in nobis nasci-  
tur & formatur Christus. Item annotandum quod  
more hebraico, dicitur illud esse trans mare, quod  
est apud inferos. Cetera exposita sunt. Quod autē  
fides iuncta confessioni oris, salutem pariat, affert  
scripturam dicentem:

*Omnis qui credit in eum, non confundetur.* Propheta  
dixit, Non festinet, quod (vt diximus) idem est, ac si  
dixisset: Perseueret in opere iustitiæ, sperans quod  
Dominus implebit illud, & ita non confundetur:  
quia fidei iuncta confessio inuenietur ad salutem.  
Et cum dicat scriptura: Omnis qui credit in eum,  
&c. patet neminem à salute excludi. Vnde ait:

*Non enim est distinctio:* quod & ratione potentissi-  
ma probat, Nam idem Dominus omnium. Hic est Chri-  
stus, qui pro omnibus venit, & pro omnibus pas-  
sus, factus est omnium Dominus. Et ne diceret, non  
posse, aut nolle eum tandem omnibus dare salu-  
tem, etiam qui inuocant illum, præoccupat, dicens:  
*Diues in omnes qui inuocāt illum,* vt intelligas per me-  
rita sua ita illum abundasse, vt posset omnibus sa-  
lutem præbere: & per voluntatem suam id potius  
velle. Vnde ait, *Diues in omnes,* superius dixerat. Nū-  
quid Iudæorum Deus tantum? Imò & Gentium, vt  
summi Patris providentiā quoad salutem non de-  
fuisse etiam Gentibus intelligeres. Nunc Iesum di-  
cit similiter omnium Dominum: quia sanguinis  
sui pretio redemit omnes, exequutus scilicet Dei  
Patris providentiā, quæ respiciebat omnes. Hoc  
enim erat opus Patris, quod Filius venit perficere,  
videlicet, salus omnium: si modo voluerimus per  
inuocationem ipsius eam obtinere. Vnde & scri-  
pturam adiecit:

*Omnis enim qui cumque inuocauerit nomen Domini, sal-  
uus erit.* Nomen enim Domini, Iesus est: Iesus autē  
salus est. Si ergo Iesum inuocas salutem tuam, sal-  
uus eris. Non enim datum est aliud nomen sub cœ-  
lo hominibus, in quo nos oporteat saluos fieri. Sed  
non inuocatur (vt sæpe propter hæreticos dicendū  
est) dicendo tantum Domine, Domine, vt stulti pu-  
tant, sed operando, sustinendo in patientia multa,  
& vsque in finem perseverando, sicut scriptum est:  
Expecta Dominum viriliter age, & cōfortetur cor  
tuum, & sustine Dominum.

Quomodo ergo inuocabunt eum, in  
quem non crediderunt? Aut quomodo  
credent ei, quæ non audierunt? Quo-  
modo autem audiēt sine prædicante? Quo-  
modo verò prædicabunt, nisi mittantur?  
sicut scriptum est: Quàm speciosi pedes  
euangelizantium pacem, euangelizantium

Pro beni-  
gna Dei  
providētia  
erga vni-  
uersos.

Quomo-  
do reuera in-  
uocetur  
minus.

Psal. 26.

Pro confir-  
matione su-  
periorum.  
Marc. 7.

Matt. 12.

Ibid. c. 15.



bona. Sed non omnes obediunt Euangelio. Isaias enim dicit: Domine, quis credit auditui nostro? Ergo fides ex auditu: auditus autem per verbum Christi. Sed dico: Nunquid non audierunt? Et quidem in omnem terram exiuit sonus eorum, & in fines orbis terræ verba eorum. Sed dico: Nūquid Israel non cognouit? Primus Moyses dicit: Ego ad æmulationem vos adducam in non Gentē, in Gentem insipientem: in iram vos mittā. Isaias autem audet & dicit: Inuentus sum à non quærentibus me: palā apparui iis qui me non interrogabāt. Ad Israel autem dicit: Totā die expandi manus meas ad populum non credentem, & contradicentem.

*Quomodo ergo, &c.* Apostolus hoc in loco persuadere vult, Dominū non defuisse ex parte sua, quominus inuocari posset hoc nomen Domini Iesu explicitē, vt per hoc constituat cōtumaces Iudæos, qui non inuocarunt, ait ergo. *Quomodo inuocabunt, inquem non crediderunt?* Impossibile est enim inuocare vt Iesum, id est, vt Saluatorem, quem non credas afferre salutem. Fides ergo præcedit inuocatio nem, vt inuocatio post possit inuenire salutem. Quia verò fides ex auditu est, subdit:

*Aut quomodo credent ei, quem non audierunt?* In græcis non legitur, ei, sed subintelligitur: quia fides innititur verbo Christi, sicut mox dicet. Fides ex auditu: auditus per verbum Dei. Nam satis dicitur audiiri Christus, cum auditur prædicator Christi nomine euāgelium explicans. Etenim Christus in eo loqui censetur, vt qui prædicatorem illius audierit, & Christum audisse dicatur. Qui vos audit (ait) me audit. Et B. Paulus ait, An experimentum quæritis eius, qui in me loquitur Christus? Quia ergo auditus est à Christo, vel ab eo qui Christi nomine annunciat, ideo adiicitur:

*Quomodo autem audient sine prædicante?* Sed videtur quod sine prædicante posset quis credere. Nā quomodo crediderunt patriarchæ & prophætæ? Item de Petro dictum est, Beatus es Simon Bariona, quia caro & sanguis nō reuelauit tibi. Adhæc multi Gentilium salui facti sunt per reuelationes Angelorū, vt ait B. Dionysius. Et præter hoc, potest quis audire quæ sunt fidei sermone priuato absque prædicante, & ita credere.

Respondéo (attende lector) Dominus Deus omnipotens licet idem multis modis operari valeat per omnipotentiam suam, pro sapientia tamen sua operatur in creaturis suauiter, id est, iuxta ipsarum naturam: neque hunc ordinem vult prætermittere, nisi ex magna necessitate. Vidit igitur naturale homini esse per auditum doceri. Auditum autem dico, qui est à voce hominis: quia hic est sensus disciplinæ, vt rectē ait Philosophus. Ideo ea quæ sunt fidei voluit hoc modo accipi Dominus, videlicet, per auditum, & ab homine. Id verò quod deest ad formandā interius lucem, qua quis assentiat auditis, quia hoc ab homine fieri non potest, ipse Deus tacitis Angelorum inspirationibus, & illuminationibus supplet: aut si sit opus per Spiritum suum, &

ita formatur fides in homine. Sicut enim vult hominem plantare, & rigare terram, si inde fructum capere velit, ipse autem per solis radium & syderū calores cum cæteris influxibus facit coalescere: sic & in fructu fidei, vult quod homo vel planter docendo, vel riget exhortando, & vtrumque pertinet ad docentis officium. Lux autem veri solis, qui est Spiritus sanctus, cum aliorum, id est, Angelorum ministeriis internis influentibus, facit incrementum, vt & inde proueniat dignus fructus. Fuit autem necesse patriarchis olim, & prophetis per Angelos hæc, quæ sunt fidei, manifestari, vt ipsi cæteris pro ratione temporis reuelarent: sicut & postea reuelatum fuit Apostolis per ipsum Deum in carne, vt & ipsi cæteris prædicarent. Sic enim necessarium fuit: quia quæ sunt fidei homo ex se ipso nosse non poterat.

Ergo hic ordo debuit esse egregius & mirabilis, vt ante Christi aduentum Deus loqueretur per Angelos in aures patriarcharum & prophetarum, vt ipsi sibiipsis tenerent, & literis commendarent posteris. Non enim adhuc erat capax mūdus integræ fidei, de qua hic Apostolus: ideo nondum instituta fuit vera & clara fidei prædicatio. Adueniente verò Christo, decuit ipsum per semetipsum explicare legem, & euangelium Apostolis & discipulis, vt & post modo discipuli prædicarent iactis iam ecclesiæ fundamentis. Vnde B. Petrus licet à Patre reuelationem accepisset, hoc tamen fuit media Christi prædicatione: quoniam Pater luminum ea, quæ à Christo audiuit Petrus, lumine superinfuso in eius corde stabilivit: & hoc fuit reuelare. Quod & fecit cæteris omnibus, qui Christum suscepere per fidem: quanquam non æquē lucidē & perspicuē.

Quod verò olim multi salutem consequerentur etiam ex Gentibus absque prædicante, & ideo non sine fide, non mirū est: quia fides illa erat duorum articulorum tātum, quos explicat Apostolus, & natura ipsa quasi intus clamans prædicat omnibus, videlicet, quod Deus est, habens providentiam creaturarum: Et quod inquirētibus se remunerator sit. Illa ergo fides horum articulorū, quæ etiam intus confirmatur per Angelos, pro eo tēpore satis erat: quia non ultra reuelatum erat. Quare neq; necessaria fuit prædicatio. At vbi veniente temporis maturitate placuit Deo multa de Christo iustitia nostrā, & pace manifestare, redditis nobis docilibus diuinorum, reuelata illa sunt ad omnium salutē, vt propterea fides horum plenior meritō requiratur. Et quia naturaliter homo ad horum notitiā peruenire non poterat, oportuit esse huiusmodi prædicationem, vt iuxta suæ modum naturæ disceret, & ad Deum accederet, id est, per fidem, quæ ex auditu est à voce hominum: vt & ob hoc ipse homo primum illam prædicauerit.

Quod si quidam quasi priuatim absq; prædicatione publica audierunt, & crediderunt, non hic tamen communis modus esse debuit: sed decuit remanere veritatis & dignitatis publicæ, & publico modo, id est, solēniter per prædicationem manifestari. Quoniam Christus hæc loqui debet in cathedra sua, & ibi annuntiare, & docere, & exhortari. Loco enim Christi (vt iam diximus) est prædicator. Quapropter statuta est consq; horreda pœna non

*Hæc sunt diligenter notanda.*

1. Cor. 13.  
Luc. 10.

De necessitate prædicationis.



Luc. 10.

2. Cor. 5.

Contra hoc  
ausi sunt,  
& audent  
omnes hæ-  
retici.

Nemo à se  
mittitur.

Notet præ-  
dicatores  
qui volunt  
esse verè e-  
uangelici.

Ioan. 17.

audientis præconem Christi, ut tolerabilius futurum testetur Dominus Sodomæ peccatum in die iudicii: quia Christus ipse spernitur in prædicante, qui Christi verbis annūtiat veritatem, & vice eius legatione fungitur, ut ait Apostolus. Ideo quod annūtiat, debet esse in publico, & certo atque eximio modo (ut est dictum) videlicet per prædicationem. Sed quis adeò temerarius, qui nomine Christi annūtiare ausit, nisi Christus miserit illum? Id eo rectè sequitur:

*Quomodo autem prædicabūt, nisi mittantur?* videlicet à Domino, aut qui eius loco fungitur in terris. Vide igitur ut hæc sese ordine subsequuntur. Primò enim exigitur fides. Et quia hæc ex auditu est, prædicatore op<sup>o</sup> est sedēte in Christi cathedra. Et quia nemo potest se cōstituere prædicatorem, & nomine ac vice Christi prædicatē, nisi ab eo mittatur, ideo necessaria ostenditur esse missio. Quod certè nouos istius seculi blatteratores percurit, & prosternit. Ostendant (quæso) quisnā miserit eos: Nemo enim à se ipso mittitur. Quòd si Deus inuisibiliter illos mittit, ostēdant nobis signum: quāquam etsi darent signū, nulla fides est habenda signo. Et enim certi iam sumus illos à spiritu contentionis prodiisse, qui se ab ecclesia segregarunt, & vias Domini rectas non cessant pervertere, atque euangelium Dei: quanuis impudenter se iactent euāgelicos. Sic enim oportuit, ut qui sese ipsos mittunt, etiam sese efferant in cælum, ut in profundum lapsu grauiore ruant. Sed quia pudebat eos, & videbant se committere in scripturas, quæ perspicuè prohibēt sine missione neminem legitime prædicare posse, docuerunt, ad plebes & magistratus seculares pertinere ius mittendi. Quam potestatem illi libenter usurparunt: quo factum est, ut sic falsi prædicatores securè seminarint scelus, & sacra prophanis commiscuerint. Ostēdit autem Apostolus necessariam missionem à sequenti dicto prophetæ:

*Quām speciosi pedes euangelizantium pacem, euangelizantium bonā.* Isaia sunt hæc verba. Quām pulchri super montes pedes euangelizantis pacem, euangelizantis bonā. Et Naum primo cap. Ecce super montes euangelizantis & annūciantis pacē. Hæc loca ad Christum primò & præcipuè spectare nō est dubium, cui speciosissimi fuere pedes in montibus, videlicet Thabor, & Sion, & Oliueti. Quare speciosi eius pedes: quia scilicet non propriam gloriam prædicabat: neque quod suum erat, sed quod erat Patris quærebat. Non enim sponte sua, sed à Patre missus venit, ut operaretur salutem nostram per purissimam nouam legem, quam tradidit in monte Thabor ipse purissimus, & summa puritas. Item per veritatē doctrinæ, quam videbat in monte Sion, ut speculator summus. Denique per misericordiam, quam meditabatur in monte Oliueti. Tales ergo sunt pedes eius, qui excellenter missus, & solum quæ à Patre audit, hæc profert. Apostolus ergo ea quæ primò & maxime de Christo dicuntur, etiam secundum spiritum ad eos pertinere perspexit, qui missi à Christo, & purgati affectibus, solum quæ audiunt Iesu Christi, ea profert: & tales sunt in quibus ipse Christus loquitur. Nam de Apostolis dixit, Sicut misit me viuens Pater, & ego mitto vos. Hi sunt qui in monte Thabor ascēderunt cum illo, ut purgarentur: & in mon-

tem Sion, ut specularentur super Ierusalem sanctam: & in montem Oliueti, quia fuerunt viri misericordæ. Nam ipse Iesus summa dignatione lauit eorum pedes, & absterxit linteo suo, ut pulchri essent, & speciosi in præparatione euangelij pacis, non quærentes quæ sua sunt, hoc est, mundanum honorem, gloriam, & stipendia pinguiora, & honoratiores cathedras, sed solum Dei & Christi gloriam, & animarum salutem. At horum nouorum magistrorum qui non sunt missi à Deo: imò qui sunt missi ab ipso Diabolo, & quæ ab eo audiunt illa proferunt, quām lutei pedes, quām feculenti, quām putidi sunt, qui sola inanis gloriosæ cupiditate allekti, ut videantur esse aliquid, currūt non missi: & quò tandem currunt non vident, videlicet, in barathrum confusionis æternæ, quò & vnā secum multos pertrahunt.

*Sed non omnes obediunt euangelio.* Isaia enim dicit, &c. Sensus est, quòd iustificatus est Deus ex parte sua: quia prouidit prædicatores Iudæis, signis, prodigiis, & virtutibus magnis. Quòd si eorum plurimi non crediderunt, nec obediunt euangelio, ipsis imputandum est, non Deo: sicut conqueritur Isaia dicens in persona Apostolorum contra Gentem illam plenam perfidiæ:

*Quis credidit auditui nostro?* tanquam diceret, ferè nemo, & (ut quidā dixit) Vel duo vel nemo, id est, paucissimi comparatione tantæ multitudinis. Et dicit, *auditui nostro*, id est, iis scilicet quæ audiuius, nimirum à Deo.

*Ergo fides ex auditu: auditus autem per verbum Christi.* Ex dictis hoc sequitur, quòd fides exigit auditū, & auditus verbum Dei expressum. Hic est Christus Iesus, qui per se & suos Apostolos prædicauit euangelium. Quare ut omnem illis excusationem auferret, subdidit:

*Sed dico. Nunquid non audierunt? Et quidē in omnem terram, &c.* Declarat Apostolus contumaciam Iudæorum qui audierunt, & noluerunt obedire: quia iam apparebat impleri prophetia illa. In omnē terram exiuit sonus eorum. Cuius intellectus proculdubio (ni fallor) hic est. Quia enim Dominus ita ordinauerat, ut prius prædicaretur verbum in Iudæa, & deinde in Gentibus, & ita factū fuit: ostendit iam prædicatum fuisse in Iudæa, cum iam in finibus terræ protenderetur, ut quod prius dicitur: *In omnem terram exiuit sonus eorum*, pertineat ad Iudæā terram tantum. Ideo græcè, ut hæc certa terra significaretur, legitur, *ἡ γῆ Ἰσραὴλ*, quòd si de tota terra loquutus fuisset, quòd sonus eorum exiuit in omnem terram, quid oportebat etiam addere: *Et in fines orbis terræ verba eorum?* Sed hoc satis fuit Apostolo, obstruere Iudæorum os: & ostendere verificatum vtriusque prophete verbum, & Dauid in primis dicens: *In omnē terram exiuit sonus eorum*, videlicet, in Iudæam sonum eorum exiuisse, prædicante B. Petro, & aliis (ut testatur Lucas in Act.) per totam Iudæam & Gallileam, & Samariam. Et deinde Isaia, qui declarauit non fore fidē auditui, ut sic tandem excæcari mererentur.

Superflua igitur est ea quæstio ex illis verbis: Vtrum per vniuersum terrarum orbem extensa tunc fuerit euangelica prædicatio. Hic enim nō de tota terra (ut diximus) sermo est, sed de Iudæa, in prioribus verbis. Post hæc verò non aliud dicitur, nisi quod

Propter  
gentia, in  
omnem  
terram  
exiuit  
sonus eorum



Apostolorum verba protensa erāt vsq; ad fines orbis terræ: quod & verum erat vel tunc. Neq; enim dixit, ad omnes fines, vel in quēvis terrarū locū: quod tamen aliquādo completum iri tandem speramus. Sed sunt quidā qui penē ausi sunt Apostolum hīc reprehendere, quod scripturam de cœlis loquentem, & de eorum cursu & linea, ad apostolicā prædicationem detorserit. Dixi, penē: quoniā subacritē ipso facto id possumus interpretari. Sed ij non habuerunt Spiritum Dei, qui non valuerunt intelligere, non esse prophetarum, aut spiritus prophetici proprium, docere nos cœlorum itinera, ac non potius ipsius salutis vias, quas mōstrat apostolica doctrina. Nam verē ipsi Apostoli fuēre cœli, qui enarrarūt gloriam Dei. Nam quantō ipsi maiorem gloriam Dei annūciando enarrarunt, tantō & conuenientius dicti sunt cœli: ac de illis magis loqui voluit Spiritus per ea verba prophetæ, quā de istis cœlis, quos oculis corporis cernimus assidue suos motus & circulos perficere. Sequitur:

*Sed dico, Nunquid Israel non cognouit? Primus Moyses, &c.* Hīc proponit quæstionem Apostolus pro Israelitis, quod fortasse non cognouerunt veritatem euangelij, & propterea non crediderunt, vt sic redantur excusabiles. Et loquitur de principibus ac maioribus, quos nomine Israel vult intelligi. Sed ad hoc contra obiicit testimonium prophetarum, primō Moyses, deinde Isaia, & ait:

*Primus Moyses*, videlicet respectu Isaia qui fuit posterior, dicit: *Ego ad æmulationem vos adducam in non Gentem.* Hic locus ex Deut. c. 32. accipitur, vbi legitur: *Ipsi me prouocauerūt in eo qui nō erat Deus, & irritauerunt in vanitatibus suis. Et ego prouocabo eos in eo qui non est populus, & in gente stulta irritabo illos.* Quod ergo Apostolus dicit: *Ego vos ad æmulationem adducam*, Moyses dixit eo verbo, *Ego prouocabo illos.* Nam hic est mos amantium proprius, prouocare in zelū, & sic irritare: vt quando is qui se deseri animaduertit, ipse quoque ab amato ad alium transferat amorē suum, & seipsum ab illo primo amore explicet. Et tum demum magna fit & acris irritatio, quando ij qui antea amabantur, in rerum inopia constituti non vulgaribus ab amore beneficiis afficiebantur, quæ cum amittunt, ad vehementem æmulationem prouocantur. Et in hoc magnus exoritur cruciatus, quū vident ad alios transferri bonum, quod ipsorum erat: præfertim si non sit recuperandi locus. Hinc ille eiularus Esau, cum amisit primogenita: neq; post valuit consolari, quia erant absque reuocatione amissa. Et ideo scriptura ait: *Dura sicut infernus æmulationis.* Hic est verus malorum spirituum infernus, qui vident summum ipsorum cœlum vbi erant creati, translatum in possessionem nostram. Item quod Moyses dixit, *In eo qui non est populus.* B. Paulus dicit, *In non Gentem*, Vide vt non dignatur populi & Gentis nomine eos, qui videbantur à Domino derelicti sicut feræ bestiarū.

Et licet ita fuerint irritatores Dei, vt Deus ad aliam Gentem, quæ non erat Gens, sese transtulerit, tamen clemētissimus Pater hoc fecit ad prouocandum eos ad æmulationem, si quo modo saltem ita irritati ad pristinū amorem reuerterētur, & supplices ab eo aliquam saltem benedictionē, vel secundo post alios loco, acciperent: sicut Esau qui tandē

impetrauit illā a Patre. Adiecerunt: *In Gentē insipientem*, quales erant Gētiles, qui nec suum finem, nec viam ad illum cognoscebāt. Hæc autem æmulationis & zeli pœna verē congrua est, & digna peccato dimittentis amantem. Vnde quidam secundum carnis prudentiam consulens misero, aiebat: *Si illa Phedriam, & tu Pamphilam cōtinuo.* Ex hac ergo prima autoritate probatur, quod Israel cognouit Dominum, & stultissimē irritauit spernēdo illum, & prouocando in Diis falsis, vt ob istam causam etiam & sperni mereretur, quemadmodū scriptum est. *Vae qui spernis: nonne & tu spernēris?*

Isa. 33.

Verū quæstio esse potest, quoniam Moyses hæc videtur dixisse de peccato idololatriæ quod admitterant, non autē de peccato quo reprobarunt Christum. Sed & ibi fuit idololatriæ peccatum: quia reprobato Christo dixerunt: *Non habemus regem nisi Cæsarem.* Hūc sibi optarunt pro Deo, & consequenter omnes Romanorum Deos. Tales hodie multi non desunt, etiam in mundo præstantes, qui hæc Idola sibi præstituerūt, vt habeāt pro verō Domino reges terræ, & præponant eos Christo: quod vehemēter Deo displicet. Quid est enim aliud hoc quā idololatriæ vera? Vnde additur: *Et irritauerūt eum in vanitatibus suis, preferentes scilicet temporalia æternis.* Quanquā nihil prohibet etiam illud (tāmet si præteritum) idololatriæ peccatum venisse in recordationem tunc: quoniam Deus admonuerat aduersus relabentem, dicens: *Omnium peccatorum eius recordabor.* Vt sic & peccatū idololatriæ illius populi, & omnia alia peccata rememora ta sint coram Deo. Attulit & secundō Isaia, qui Gentium vocationem prædixerat ob zelum illum, & efficaciam vocationis: quoniam inuentus est ab iis qui non querebant illum, & palam apparuit his qui non interrogabant. Hoc autem non potuit esse, nisi quia reprobatus fuit à suis: quod & ostendit per eundem Isaia, qui ait:

*Tota die expandi manus meas ad populum, &c.* Expandit hæc manuum licet intelligatur ad literam de ea quæ facta est in Cruce, vbi summa perfidia cōtradictum est ei, & amaritudine fellis potauerūt eum blasphemantes crudeliter, & horribiliter in eum dicentes: *Si filius Dei es, descende de cruce*, significat tamen principaliter beneficentiam Dei, quam per signa & miracula, & virtutes, quas operabatur, ostendit sanando omnes non solum corpore, sed anima, si apprehendissent eum fide. Et hoc prædicauit B. Petrus dicens: *Deus Pater vnxit Iesum Spiritu sancto, qui pertransiit benefaciendo, & sanando omnes oppressos à Diabolo.*

Act. 10.

Patet autem ex historia euangelica, quod cognouerūt principes resurrectionem Christi à militum testimonio, quos subornarunt, & multa pecunia corruperunt, ne veritatem manifestarent. Et à signo quod fecit B. Petrus, quando sanauit claudum in porta templi in nomine Iesu Christi, vt ipse in eos constanter obiecit, aiens: *Et in fide nominis Iesu, hunc quem videtis & nostis, confirmauit nomen eius, & fides quæ per eum est.* Vnde dicebāt inuicem: *Quid faciemus hominibus istis?* quoniam notum factum est signum omnibus habitantibus Ierusalem: manifestum est, & non possumus negare. Verū audi, quæso, consilium quod capiunt. Sed (aiūt) ne amplius diuulgetur in populū,

Act. 4.

Contra pro  
seruiam  
daorum.

Caus. 8.

Benigna  
niam irati  
Dei consi-  
lia.



cōminemur eis ne ultra loquantur in nomine hoc vlli hominum: Ecce consilium. O cœcam perfidiã, quæ in tantam demeritiam inducit homines, vt prudenter constituent se *deum*. Sed ad rem. Per has igitur manus suas ita extensas, quibus & potetiam diuinam ostendit, & benignitatem immensam, demonstrauit illos hæc nouisse, & spreuisse.

## CAP. XI.

**D**ICO ergo: Nunquid Deus repulit populum suum? Absit. Nam & ego Israelita sum, ex semine Abraham, de tribu Benjamin. Nō repulit Deus plebē suam quam præsciuit. An nescitis in Elia quid dicit scriptura? quemadmodum interpellat Deum aduersum Israel? Domine, Prophetas tuos occiderunt, & altaria tua suffoderūt, & ego relictus sum solus, & quæ runt animam meam. Sed quid dicit illi diuinum responsum? Reliqui mihi septem milia virorum, qui non curuauerunt genua ante Baal. Sic ergo & in hoc tempore, reliquæ secundum electionem gratiæ saluæ factæ sunt. Si autem gratia, iam non ex operibus. Alioquin gratia iā non est gratia. Quid ergo? Quod quærebat Israel hoc non est consecutus, electio autem consecuta est: ceteri verò ex-cœcati sunt, sicut scriptum est: Dedit illis Deus spiritum compunctionis, oculos vt non videant, & aures vt non audiant, vsque in hodiernum diem. Et Dauid dicit: Fiat mensa eorum coram ipsis in laqueum, & in captionem, & in scādalum & in retributionem illis. Obscurentur oculi eorum ne videāt, & dorsum eorum semper incurua.

**D**ico ergo, &c. Hoc in loco Apostolus, ne quis putaret ob illud insigne nefas, prorsus abiectum à Deo totum illum populum Israeliticum, quod videbatur contra scripturas, quæ certam illi populo salutem promittere videntur, manifestat benignam Dei prouidentiam: & docet primum non fuisse repulso à Deo illos, qui præsciti erant, id est, præcogniti dilectione ac prædestinatione. Hoc enim est quod ait:

*Non repulit Deus plebem suam quam præsciuit*, hoc est, prædilexit, ac propterea prædestinavit. Et hoc etiā in seipso ostendit, dicens. *Nam & ego Israelita sum ex semine Abrahæ, de tribu Benjamin.* Ac si dixerit: Etiam ego inter alios multos nō sum repulsus, qui tamen sum Israelita, & filius Abrahæ, & ex tribu Benjamin, quæ post Iudam erat nobilis. Et verè quod & seipsum dederit in exemplū, valde quadrat: Quoniam illius vocatio manifestum fuit argumentum, ipsum de electis fuisse, qui in ipso per sequutionis feruore prostratus est, & vocatus.

*An nescitis in Elia quid dicit scriptura? quemadmodum interpellat, &c.* Hic primò nota dicendi modum: In

Elia quid dicit scriptura. Nā scriptura non est istud loquutū in Elia, seu per Eliā, sed potius de Elia. Quare quidam exponūt, In Elia. i. de Elia. Alij: In Elia, id est, in libro de Elia scripto, qui est liber regum, præcipuè de rebus Eliæ gestis & prophetarum tractās. Potest dici, & fortè melius (vt mihi quidē videtur) quod scriptura illa, quæ narrat illam Eliæ cogitationem, in ipso Elia tanquam in exēplo loquebatur nobis, ostenditq; quā sæpè fallatur quicunq; tales sunt, qualis tunc erat ille, putātes Dominum reliquisse totum Israel. Sed Eliās à scelerū magnitudine persuadebatur. Nam magnum fuit Domini prophetas occidisse, de quibus tamen ipse dixerat: Nolite tangere Christos meos, & in prophetis meis nolite malignari. Et iterum: Qui vos tangit, tangit pupillā oculi mei. Maius etiam scelus commemorat, videlicet, *Altaria tua suffoderunt*, quorū loco suffecerunt aras idolorū. Sic & Iudæi qui reprobarunt Christum verum altare, & sacrificium, & Sacerdotē, & Prophetam summum. Vnde credi satis facile poterat, Dominum Deum totum illum populum reprobasse. Audentius autem paulò verbum illud loquutus est Eliās:

*Et ego relictus sum solus.* Excusatur tamē inde, quia ceteri non apparebant. Non enim omnium idem erat spiritus, vt sese in zelo manifestarent, veritatemq; palam defenderent. Quare hinc inde in huiusmodi iudiciis erratur: Primū ab iis qui sese præ ceteris suo zelo ostentant. Iudicāt enim alios, qui taciturnitate & patientia quasi probare sceleratorum flagitiola facta videntur: quia non simili zelo rapiuntur, vt opponant sese tyrannis, & viris magnis, contra iustitiam, & Dei hōnorem agentibus, vt vel in faciem resistant eis. Et non considerant, non esse omnium ardorem illum, vt valeant dicere: Zelus domus tuæ comedit me. Tum verò econuersò erratur ab iis, qui in hunc zelum non rapiuntur à Spiritu. Nam & hi eos qui rapiuntur, iudicant fortè temeritatis nomine. Sed priores excusabilius errant. Illud hic nota, quod Apostolus ipse ait, Eliam interpellasse Dominum aduersum Israel. At hæc verba in loco citato non legūtur. Sed id satis dici videtur, quod ex verbis facile elici potest. Sancti enim viri cum in zelum & ardorem rapiuntur propter iustitiam, scelera & flagitia mundi cōmemorantes, vindictam tacitè satis flagitant. Cum igitur in hoc suo iudicio deciperetur Eliās: audiuit à Deo responsum hoc ad mitigandum talem querimoniam.

*Reliqui mihi septem millia virorum, &c.* Reliqui, ait: Vnde & reliquæ dictæ sunt. Nam relinquere sibi, idem est quod non permittere quosdam perire, & à sua protectione & gratia exire in peccatū & scelus, sicut alios: & sic excipere de multis paucos propria sui ipsius cōtemplatione. Quod verò quidam dicunt, per septem millia virorum intelligi numerum indeterminatum: quia septēnarius hic numerus perfectionis est, non improbo. Non tamen puto maiorem populi partem seruata exceptamq; à Deo, sed paucos de innumerabilibus.

*Ante Baal.* Erat autem Baal idolū, quod sibi proponebant colēdum, seducti prædicatione pseudo-prophetarum, à quibus cōmendabatur. Hic notandum tibi scriptura dicit: relinquā futurum tempus significans: Apostolus in præteritum vertit: aiens,

*Psal. 104.  
Zach. 2.*

*Magni propheta in suis cogitationibus decipiuntur aliquando.*



*Reliqui mihi, ut imobilitas propositi Dei gratiosi declaratur: quod eo tempore apparebat iam factum verum. Concludit ergo, Quemadmodum scriptura tempore Eliæ declarauit seruatos fuisse multos præter ipsius existimationem: sic & B. Pauli tempore similiter factum fuisse præter multorum opinionem. Vnde reliquias esse factas à Deo secundum electionem gratiosam, & iccirco non ex operibus, declarat aiens:*

*Si autem gratia iam non ex operibus, alioqui gratia, iam non est gratia. Vide igitur illam electionem gratiosam fuisse, non propter opera præcedentia.*

*Quid ergo? Quod quærebat Israel, &c. Hic. n. videtur satis manifestè (quod & B. Ambrosius vidit) ab Apostolo distributum in tres partes illum populum imò à Deo: ita esse diuisum. Vna igitur illius pars dicatur, quæ non est assequuta quod quærebat, videlicet, iustificationem, eo quod suo eam ingenio quæreret & industria quasi per opera, non sese humilians Christo, nec volēs agnoscere gratiam per illum necessariam. Hanc autem partem non eiecitam omnino fuisse satis innuit Apostolus. Poterat. n. si vellet, respicere ad Deum, & ad Christum eius conuertere, & salutem consequi. Nam propter hoc erat etiam prædicatio, ut venirēt saltem ad æmulationem Gentilium, quos videbant continuè in Christum intrare, ac tanta velocitate. Altera pars pertinuit ad reliquias, id est, ad eos quos prænouit Dominus gratiosè in hoc, ut non permiserit eos excidere. Tertia verò pars eorum fuit qui manserunt in numero excœcatorū, quibus dedit Deus spiritum compunctionis. Apud Isaiam legitur: Mihi scui vobis spiritum soporis. Alius autem videtur spiritus soporis, qui sepelit in quietem: & alius spiritus compunctionis, qui extimulat in dolorem quieti contrarium. Sed à compunctione vehementi fit torpor tandem: sicut quum obstupescunt sensus à superexcellenti sensibili. Tales sunt excœcati & stupidi, qui iam non sentiunt. Ideo declarans hunc spiritum compunctionis, subdit:*

*Oculos ut non videant, & aures ut non audiant, oculos & aures cordis intelligit, usque in hodiernum diem. Hoc amplius addit de suo, innuens esse aliquando ab hoc sopore liberandum illum populum: nō tamen nunc aperit quando, sed mox dicet, videlicet postquam intrauerit plenitudo Gentium. Pro ducit & David testimonium dicentis:*

*Fiat mensa eorum coram ipsis in laqueum. Mensa eorum fuit Christus, Phasē eorum, Agnus igne Spiritus sancti torridus in ligno crucis. Fuit autem coram illis: quia ipsi viderunt in quem compunxerunt. Hæc illis parata mensa in salutem, conuersa est in laqueum: quia illa infirmitas decepit eos, & illaqueauit tanquam nodum faciens pedibus eorum, id est, malis affectibus, quibus astringentur increduli.*

*Et in captionem, seu venationem. Hoc de suo addit Apostolus. Nam apud Psal. nō est vox ista, sed sensus erat, & rei veritas manifesta. Sic. n. Diabolus venatus est, & cœpit eos proponens indigna Crucis, ut non possent ea via agnoscere Saluatorem.*

*Et in scandalum, Christus etiam dixit discipulis, Vos omnes scandalum patiemini in me in ista nocte. Sed non fuit eorum scandalum ad casum per-*

*fectum, sicut Iudæis, quibus verè Petra hæc percussa & perforata, scandalo fuit perfectè.*

*Et in retributionem illis. Et hoc erit summum eorum supplicium, cum viderint omnium delictarū sibi primo paratam mensam ad alios translata esse: atque seipsos, quos magis oportebat recipere & vesci, ab ea turpiter & suo merito reiectos, ut sic eis sit ignem perpetuum & vermem. Hæc est illa quæ vocata est cœna magna, & prandium magnum, quod primores eorum spreuerunt.*

*Obscurentur oculi eorum, &c. Non est hæc maledictio imprecatio & dira deuotio, sed enuntiatio eius quod erat futurum. Propheta. n. David, quod viderat in decretis Dei iam sancitum propter iustitiam: cui quasi præbens assensum in modum optatis illud exprimit. Dorsum eorum semper incuruandum prophetat: quia hoc futurum erat, ut ab oneribus legis ac terrenorum nō essent in libertatem christianam subleuandi atque erigendi.*

*Dico ergo, Nunquid sic offenderunt ut caderent? Absit. Sed illorum delicto, salus est Gentibus, ut illos æmulentur. Quod si delictum illorum diuitiæ sunt mundi, & diminutio eorum diuitiæ Gentium: quanto magis plenitudo eorum? Vobis enim dico Gentibus, quādiu quidem ego sum Gentium Apostolus, ministerium meum honorificabo, si quo modo ad æmulandum prouocē carnem meā, & saluos faciam aliquos ex illis. Si enim amissio eorum, reconciliatio est mundi: quæ assumptio, nisi vita ex mortuis? Quod si delibatio sancta est, & massa: & si radix sancta, & rami. Quod si aliqui ex ramis fracti sunt, tu autem cum opæster esses, insertus es in illis & socius radicis & pinguedinis oliuæ factus es, noli gloriari aduersus ramos. Quod si gloriaris: non tu radicem portas, sed radicem te. Dicis ergo, Fracti sunt rami, ut ego inserar. Bene: propter incredulitatem fracti sunt, tu autem fide stas: noli altum sapere, sed time. Si enim Deus naturalibus ramis nō pepercit: ne fortè nec tibi parcat. Vide ergo bonitatem & seueritatem Dei: in eos quidem qui ceciderunt, seueritatem: in te autem bonitatem Dei, si permanseris in bonitate: alioquin & tu excideris. Sed & illi, si non permanserint in incredulitate, inserentur. Potens est enim Deus iterum inserere illos. Nam & si tu ex naturali excisus es oleastro, & contra naturam insertus es in bonam oliuā: quanto magis ij qui secundum naturam, inserentur suæ oliuæ?*

*Dico ergo: Nunquid sic offenderunt, &c. Agnosce homo benignitatem Dei admirabilem. Multi ex Iudæorum populo offenderunt in hunc lapidem Ie-*

Populus Iu-  
dæi in tres  
partes diui-  
sum.



sum Christum. Sed quidam imprudenter, vel per ignorantiam, sectantes quidem legem iustitiæ. At cum in operibus propriis eam arbitrantur consistere, tamen in eis posuerunt confidentiæ, ut nullam aliam legem expectarent ad salutem paradæ esse necessariam. Et ob eam causam non agnouerunt viam veræ iustitiæ, & sic non intrauerunt in nouam sub Christo legem euangelicam. Et hi qui dem sic offendentes, non meruerunt casum perfectum, id est, ut perfectè exciderent ab hac gratia, videlicet, ut non possent intrare. Meruerunt autem ut eorum delicto, expeditior via fieret Gentibus ad intrandum: & ipsi interim ad æmulationem posito ante oculos tali exemplo prouocarentur. Deus enim Opt. Max. per hanc eorum offensionem, se ad Gentes vertendi occasionem accepit, & ut conuerteretur ratio prouidentia suæ: ita quod qui maior erat, efficeretur minor, & haberet aciores stimulos ad æmulandum. Sequitur:

*Deproui-  
dētia Dei.*

*Quod si delictum eorū delicta sunt mundi, &c.* Hæc quæ dicebat in Iudæos, pertinebant ad gloriam Gentium non modicā. Ideo ipsis Gentibus protestatur se hoc dicere, & quidem conuenienter, cum esset constitutus Gentium Apostolus. Quare pertinebat & ad illum ministerium suum honorare. Honorabat verò exaltationem Gentium prædicando, & ita proficiendo, ut interim hac opportunitate ad æmulationem posset prouocare carnem suā, videlicet, Iudæos, ac per hoc aliquos ex illis (& eos saltem, qui non omnino ceciderant) in salutem reducere. Et ad hoc inducit suasionem, qua duo supponit. Primum, quod delictum illorum factū est diuitiæ mundi. Delictum autem illud est, quo crucifixerunt Christum: unde datus est sanguis pro mundo in redemptionem. Hoc nanque pretio locupletatus est mundus pauper & debitor, qui non habebat unde solueret. Secundo, Supponit ex diminutione eorum factas esse diuitias Gentium, ex eo quod Dominus irritatus ab eis minorauit eos, id est, minores fecit, ut essent sub ipsis Gētibus, qui bus propensior magisque beneuolus factus est. Hoc autem non fuisset, si Iudæi stetitissent, qui primi semper fuissent in donis. His igitur suppositis, quod eorum minoratio facta est amplitudo ac diuitiæ Gentium. Quanto (inquit) magis eorum plenitudo, videlicet, si occasione accepta æmulationis in Gentes, venirent & ipsi ad fidem? Nonne & hoc pertineret magis ad gloriam Gentium? Vnde ait:

*Si enim amissio eorum reconciliatio est mundi, Quæ assumptio nisi vita ex mortuis?* Si amissio eorum, ut dictum est, per occasionem fuit reconciliatio mundi: quia Dominus irritatus conuertit se ad Gentes, quid erit assumptio, videlicet, eorum nisi vita ex mortuis? Multò minus est reconciliari, quàm reuiuiscere. Mundus autem dicitur reconciliatus ab ira antiqua per Christum, qui non offenderat sicut Iudæi in Christum, sed vivebat adhuc aliquo modo: licet in Adam inueniretur sub ira, id est, sub inimicitia Dei. Iudæi autem qui insigni scelere offenderunt, non iam ij reconciliari, sed reuiuiscere dicuntur, si rursus assumantur: quia peccatum illud tam grande meruit perfectam mortem.

Vide ergo ut egregie loquitur. Si (inquit) perditio Israel facta est reconciliatio mundi, quid futu-

rum putamus ex assumptione ipsius Israel? Certe non tam reconciliatio dicenda erit, quam vita ex mortuis. Hoc verum est gaudium illud magnum, & symphonia in domo patrisfam. quando diceret: Oporteret dictū festum agere, & gaudere: quia qui perierat, inuentus est: & qui mortuus erat, resurrexit.

*Quod si delibatio sancta est, &c.* Nunc nacta occasione admonere vult Gentes, ne iniquè glorientur aduersus Iudæos. Et ostendit magnum hac in parte instare periculum. Primo quidem non ita reprobatos esse Iudæos, ut non possent reassumi: quoniam ipsa massa, videlicet, totus ille populus Iudæorum, sanctus adhuc erat. Et sanctum vocat, non prophanum coram Deo, hoc est, non omnino reprobatum, nisi ex parte, ut dicit. Hoc autem sic probat: Nam si quod à Domino delibatum fuit ex eo, id est, electum inde summa dilectione, & tãquam delibatum, id est, suo gustu probatum, fuit sanctū, videlicet, ipsi Apostoli, & ceteri qui crediderunt Spiritui sancto pleni, qui tamē ex ea massa excepti fuerunt ad certissimam gratiam: Ergo & ipsa massa erat sancta, unde delibatio hæc deprompta est. Alioqui non delibasset ipse Deus de massa immun-da. Secundo ad idem probandum, arguit quod radix sancta, id est, Patriarche, unde iste populus tanquam ex radice propagatus est. Sic igitur radix sancta, Ergo & rami sancti: quia continentur in radice, & adhuc a radice non sunt exsecti, ut igni destinentur.

Tum ostendit, quod ob fractionem aliquorum ramorum, qui defecti sunt ex Iudæis ab ipsa radice (& loquitur de omnino perditis, ac reprobatis) non debent vanam Gentes de hoc gloriationem captare, sed doctrinam timoris potius: quia meminisse debent, se esse tanquam oleastrum insertum ramis bonæ oliuæ, & ita socios factos radicis & pinguedinis ipsius oleæ, in qua sunt inserti. Itaque animaduertant diligenter non esse sibi propterea gloriantium aduersus ramos, qui adhuc sustinentur in oliua naturales: quia si pergat quis gloriarī, metuendum est illi ne radix amplius non influat in eum de pinguedine sua. Non enim ramus radicem, sed radix ramum portat.

*Disis ergo: Fracti sunt rami, ut ego inserar, &c.* Occurrit tacitæ obiectioni quorundam insolentium hominum, qui modum tenere nesciunt, cum illis aliquid melioris conditionis arripserit: quod Agar ancillæ Abrahæ contigit, quæ ex nouo fructu cœpit aduersus Dominam suam insulari. Potuisset enim facile in mentem venire huiusmodi cogitatio, fractos ad eum finem Iudæos, ut in eorum locum Gētiles insererentur, & propterea gloriarī posse aduersus Iudæos repudiatos. Hanc verò noxiam persuasionem excludit Apostolus: qui etsi non negat Gentes propter incredulitatem Hebræorum ad fidem fuisse vocatas, æquale tamen minatur imminere periculum, nisi cum magno metu consideret Gentilis se simili à Deo sententia fractum iri, si insolecat in socios, ut vice versa qui insitus est, abruptatur: & qui abscisus, iterum inseratur. Ac si dixerit: Quare fracti sunt illi, nisi ob incredulitatem? Et tu quare insertus es & manes, nisi fide, quæ fuit à Deo, & Dei donum est? Ergo noli altum sapere, hoc est: Noli gloriarī aduersus illos,

*Doctrina  
ad Gent.  
ab exēplo  
Iudæorum.*



tanquam ipse tua virtute stes. (Hoc est enim altum sapere) Sed time, ne & tu similiter excidaris: quia si naturalibus ramis non peperit, multò minus tibi qui sylvestris eras, parceret æquissimus Deus.

*Vide ergo bonitatem & severitatem Dei, &c.* Apostolus ab eo quod Dominus cōsuevit facere, vide licet, & benignitatem, & severitatem inferre in quos voluerit ex peccatoribus, sollicitè curat continere Gentes in timore: quoniam Deus non solum exercet benignitatem erga immerentes, verum etiam severitatem in eos qui demerentur, si fortè in bonitate non permanserint. Consideranda est nanque simul Dei bonitas, & severitas, non altera sine altera: quia periculosa est talis seiunctio, Vtramque autem hoc in loco ostendit. Primum quidem in Iudæis, qui meritisimè experti sunt, severitatem: Et in Gentibus, qui nullis meritis, benignitatem. Et subinde ipsius Dei potentiā insinuat qui non solum poterit facere excisionem Gentium: verum etiam potens est efficere ut denuò inferantur rami fracti, si tamen non permanserint in incredulitate. Idque sic probat. Hoc iam fecit in Gētibz Deus, ut quæ non erat naturaliter de oliua, sed de oleastro, infererentur in bonam oliuam: Quamò igitur magis hoc facere poterit in ramis naturalibus, qui sunt Iudæi? quoniam ut & philosophi, & iurisperiti inquirunt, Res de facili redit ad naturam suam. Comparat Gētes oleastro: quoniam non verus charitatis liquor ex eis procedebat, cum essent natura filij iræ. Qui autem natura Iudæi erant, mundificati erant ab eo contagio. Quamobrem quasi natura videbantur esse oliua bona, propterea quod Christus ex eis prodiit vera oliua secundum naturam. Vnde alibi Apostolus, Nos natura Iudæi, & non ex Gētibz peccatores.

Verum hic occurrere dubium potest: Quomodo rectè dicitur de his ramis, qui iam excisi sunt, illos iterum inferendos, cum impossibile hoc factu videatur? Facillimè hæc quæstio solui potest: imò iam est in euangelio soluta ab ipso Domino, cum mirarentur discipuli, putarentque ex verbis illius, diuitem in regnum cælorum intrare non posse. Quibus hæsitantibus ipsemet satisfecit, aiēs: Quæ sunt hominibus impossibilia, Deo sunt possibilia: quemadmodum orans in horto ut transiret à se calix passionis, testificatus est, Pater, inquit, omnia a pud te sunt possibilia. Et has solutiones facile de scripturis licet colligere.

Nolo enim vos ignorare fratres mysteriū hoc, ut non sitis vobis ipsis sapientes: quia cæcitas ex parte contigit in Israel, donec plenitudo Gētiū intraret, & sic omnis Israel saluus fieret, sicut scriptum est: Veniet ex Sion, qui eripiat, & auertat impietatem à Iacob. Et hoc illis à me testamentum, cum abstulero peccata eorum. Secundum Euangelium quidem inimici propter vos: secundum electionem autem charissimi propter patres. Sine pœnitētia enim sunt dona Dei & vocatio. Sicut enim aliquando & vos non credidistis Deo, nunc autem miseri-

cordiam consecuti estis propter incredulitatem illorum: ita & isti nunc non crediderunt in vestram misericordiam, ut & ipsi misericordiam cōsequantur. Concluserit enim Deus omnia in incredulitate, ut omnium misereatur. O altitudo diuitiarū sapientiæ & sciētiæ Dei, quàm incomprehensibilia sunt iudicia eius, & inuestigabiles viæ eius. Quis enim cognouit sensum Domini? Aut quis consiliarius eius fuit? Aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia: ipsi honor & gloria in sæcula sæculorū, Amen.

*Nolo enim vos, &c.* Reuelat hic Apostolus mysterium, id est, diuini cōsiliij arcana, ne sibi ipsis sint sapientes, id est, ne sibi ipsis temerè Magistri sint, putantes se penetrare Dei consilia & iudicia, quæ nemo potest intelligere, nisi ab eo instructus fuerit. Mysterium autem hoc fuit, quod illa cæcitas, siue stupiditas, & quædam insensibilitas (græcè enim legitur *ἀσέβεια*) ex parte contigit in Israel, hoc est, non omnibus, neque perpetuò: sed donec intraret Gentium plenitudo, videlicet, in Christū. Vnde patet nondum intrasse omnes Gentes. Nam si iam intrassent, etiam Iudæi ad fidem venirent. Sic & ad Corinth. pronuntiat, tandem aliquando conuertendos esse Iudæos, & auferendum velamen. Affert autem ad hoc probandum scripturam Isaia:

*Veniet ex Sion qui eripiat, & auertat impietatem à Iacob.* At nos in nostra ædificatione ita legimus. Et timebunt qui ab occidente nomen Domini: & qui ab orru solis, gloriam eius, cum venerit quasi fluminis, quē Spiritus Domini cogit. Et venerit Sion Redemptor, & his qui redeunt ab iniquitate in Iacob, dicit Dominus. Hoc fœdus meum cum eis. Spiritus meus qui est in te, & verba mea quæ posui in ore tuo, non recedent de ore tuo, & de ore seminis tui, dicit Dominus, a modo vsque in sempiternum. Ex his autem ex verbis colligit eū sensum Apostolus. Porro dubitatio est, quomodo dixerit: Et veniet ex Sion, cum scriptura dicat, illum potius ad Sion esse venturum. Et quomodo dixerit testamentum, cum ibi dicatur fœdus. Sed hoc vltimum nihil est: quoniam hebraica vox; Berith; communis est ad fœdus, & ad testamentum. Illud verò quod ait: Ex Sion, declaratio est (ut existimo) animi venientis: quoniam ex Sion, pro ipsa Sion venturus est, qui veniet. Et Eliam fortè innuit aut potius Dominum Iesum in Elia, & aliis: quia hoc testamentum est cum Iudæis. Spiritus meus qui est in te, videlicet, in ipso Domino Iesu, non recedat de ore tuo, & de ore seminis tui, &c. Hoc autem non verificaretur quoad Iudæos, si omnino fuissent à salute excisi. Reecessisset enim penitus ab eis Spiritus Dei, & Iesu Christi: sed cōtra hoc prænuntiat propheta. Et licet iuxta euangelium, cui non crediderunt, fieri debuerint omnes inimici Dei propter ipsas Gentes, ut locum primum Gentes acciperent: quia ipsæ Gentes fuerunt in credendo promptiores, quæ minus promptæ esse debe-

bonitatem  
Dei nun-  
quam à se-  
ueritate se-  
iungendam.

Iudæi ad  
fidem Chri-  
sti aliquan-  
do conuer-  
tendi.

Gal. 2.



bant. Iuxta electionem tamen, id est, iuxta prænotitiam Dei & gratiã, illa gens debet reuocari: quia sunt charissimi propter patres. Vt hic aliquam electionis rationem consideremus: quoniam patrũ merita filiis in hoc profunt. Et ne quis dicat, quod peccata eorum potuerunt hanc Dei benignitatem extinguere, postquam credere euangelio recusarunt, cuius talis lex est. Qui crediderit & baptizatus fuerit, saluus erit: qui verò non crediderit condemnabitur. Respondet Apostolus dicens:

*Sine pœnitentia enim sunt dona Dei, & vocatio, hoc est, Non pœnitentia Deum circa ea quæ benignè disponit donare: nec in iis irritatur à peccatis nostris, sed irreuocabiliter obseruat. Semper autem pœnitentia rigoris sui & seueritatis, si emendemur. Ideo dicit, dona (id est, quæ merè dona sunt) & vocatio, sunt sine pœnitentia. Vocatio enim non potest esse nisi ex dono, non autem ex merito. Ergo sensus est, ac si dixerit: Non ita econuerso cogitationes vindictæ, vel cogitationes remunerationum sunt sine pœnitentia, donec viatores sumus: quoniam pœnitentia Deum de malo quod cogitauit facere in peccatorem, si conuertatur peccator. Et similiter pœnitentia de bono, quod cogitauit facere iusto remunerationis gratia, si iustus à iustitia (vt Ieremias & Ezechiel testantur) recesserit.*

*Ezech. 33.* Quod autem Deus sic faciat in donis, quæ Iudæis ex proposito deliberauit conferre, & non ex merito (nam illa sunt magis propriè dona) ostendit ex ipso facto, quod erga Gentes fecit. Nam misericordiam illæ sunt consequutæ, non ex aliquo illarum proprio merito, sed ex mero Dei beneplacito: quanquam ad hoc beneplacitum etiam per occasionem inductus sit ab incredulitate Iudæorum, ob quam sunt repudiati. Vnde ait:

*Ex malo bonum elicit clementia Dei.* Sicut enim & vos aliquando non credidistis Deo, &c. Et hic agnosce (quæso) benignam Dei clementiam, qui ex omni malo semper bonum aliquod solet elicere. Ex incredulitate enim Iudæorum electæ sunt Gentes olim incredulæ, vt fide statuerentur in Christo. A Iudæis autem tantisper recessit Dominus, dum æmulatione in Gentes prouocati, recognoscant quem deseruerunt, & supplices veniam postulent, misericordiamque sicut & illæ, tãdem aliquando consequantur. Et tunc fiet vnum ouile & vnus pastor. Quod clarissima sententia probat Apostolus, subiungens,

*Quomodo Deus omnes sub incredulitate conclusit.* Concluserit enim Deus omnia in incredulitate, vt omnium misereatur. Omnes, inquit, conclusit, non singulos: sed omnes, id est, vtramque Gentem. Concluserit autem, non quia ipse ad incredulitatem induxerit, sed quia potens obuiare, nõ obuiauit, sed permisit. Vnde aliquo modo dicitur fecisse Dominus, sed ex merito nostro, & ad bonum, videlicet, vt ostenderet diuitias misericordiæ suæ in eos quos seruare voluit. Et quia super huiusmodi possent morosi facere numerosas quæstiones, sicut illi dicebāt de Lazaro, Non poterat qui aperuit oculos cæci nati, facere vt hic non moreretur? Respondet Apostolus, atque obstruit os hominis impudentis atque arrogantis, exclamans:

*O altitudo diuitiarum, &c.* Non hic agit Apostolus, vt ostendat nullas esse beneplacitorum Dei rationes, cum iam attulerit nonnullas (sed in hominem superflue disquirẽtem, & de omnibus etiam

particularibus sibi causam reddi exigentem, quasi destomachans prouocat ad abyssum diuinorum consiliorum. Si enim humana lex de humanis ita præscribit: Non omnium quæ à maioribus nostris constituta sunt, ratio reddi potest: non quidẽ negans (vt quidam fallò putant) esse rationem, sed rationem non posse reddi: Quantò magis eorũ quæ Dominus ipse excelsus cogitat & statuit? Cum exaltatæ adeo sint viæ eius à viis nostris, & cogitationes eius à cogitationibus nostris: vt non tam distet cælum à terra, quàm viæ & cogitationes illius à nostris. Quapropter nihil mirum si non comprehendat mortalium quisquam vias eius & iudicia, quæ tamen sunt summæ æquitatis plenissima, quæ & iucunda appellat Psalmista. Probat quæ dicit, ex eo quod videmus, aieni:

*Quis enim cognouit sensum Domini? &c.* Duo dicit. Primum, Dei consilia neminem nouisse. Alterum, Deum nulli esse obligatum, vt debeat quicquã retribuere: quia nullus prior dedit ei, vt possit quispian prætere, Deum cogi ad retribuendum, & nõ habere in manu liberrimè cui voluerit plus donare. Et concludit ex ratione:

*Quoniam ex ipso, tanquam ex principio efficiente, veniunt omnia. Et per ipsum, vt substantant per manent, Et in ipsum, vt in finem vertuntur, id est, in eius gloriam.* Ideo pro sua gloria potest ea tandem dispensare vt lubet. Neque vlli tamen facit iniuriam creaturæ, aut naturæ: quia non ex hoc gloriam suam quærit, qui est clementissimus & mitissimus erga nos: cum econtrario nos ingratißimi & sæuissimi simus in illum. Vt obstruatur omne os impium & blasphemum, & sit ei gloria, cuius iudicia sunt pij cordis exultatio & lætitia in sæcula, Amen.

## CAP. XII.



**Q**UAE SECRO itaque vos fratres per misericordiam Dei, vt exhibeatis corpora vestra hostiam viuẽtem, sanctam, Deo placentem, rationabile obsequium vestrum. Et nolite conformari huic sæculo: sed reformamini in nouitate sensus vestri, vt probetis quæ sit voluntas Dei bona, & beneplacens, & perfecta.

Dico enim per gratiã quæ data est mihi, omnibus qui sunt inter vos: Non plus sapere quàm oportet sapere, sed sapere ad sobrietatem: & vnique sicut Deus diuisit mēsuram fidei. Sicut enim in vno corpore multa membra habemus, omnia autem membra non eundem actum habent: ita multi vnum corpus sumus in Christo, singuli autẽ alter alterius membra. Habentes autem donationes secundum gratiã quæ data est nobis differentes: siue prophetiam, secundum rationem fidei: siue ministerium, in ministrando: siue qui docet, in doctrina. Qui exhortatur, in exhortando. Qui tribuit, in sim-



plicitate. Qui præest, in sollicitudine. Qui miseretur, in hilaritate.

**O**bscuro, &c. Postquam abundè satis de doctrina fidei, & mysteriis omnes instruxit Apostolus, nunc exhortationis negocium appositissimo loco sibi sumit: & non ut plerique faciunt, qui ante persuasionem, concitare animos student in affectus. Quod si fortassis faciant, parum id tamen durat. Tale quid à comediis solet accidere, quarum personas dum audiunt spectatores, in varios mouentur affectus. At ubi dictum est, Valere, Plaudite: qualis quisque domo accessit, talis domum reuertitur. Itaque cum Dei iudicia ad misericordiam & gratiam tandem reduci prædicauerit, ut concluderet ideo permitti incredulitatem omnium ab ipso Deo, ut omnium misereatur. Nunc per hanc Dei misericordiã, imò per eius miserationes, quæ sunt misericordiã effectus, incipit exhortari tam Iudæos quam Græcos, qui has miserationes iam acceperant, rogando.

*Ut exhibeatis corpora vestra hostiam viuentem, &c.*

Corporis voce, solet Apostolus nonnunquam intelligere totum quod est hominis, quod est tanquam corpus quoddam habens multa organa quasi membra, quæ sunt animæ potentiæ exeuntes in actus varios: & inter ea est caput, videlicet, ipsa ratio, quæ debet mouere cætera. Cum igitur homo sit suipsius Deo debitor, debet totum corpus suum exhibere huiusmodi hostiã, sibi quidem mortuã, Deo autem viuentem, id est, sacrificare seipsum, suamque voluntatem, in qua ipse maxime est, & qua regitur: & holocaustum Domino reddere. Hoc autem tum demum præstat, quando se totum Deo, & propter Deum, sincera, prompta, atque hilaritate deuouet. Et tunc est hostia viuens quando fides, & ipsa Dei charitas vitam dat illi voluntati. Nam tunc est sancta, id est, munda, & ideo bene placens Deo. Sanctus enim ipse est eminentissimè, & sancta diligit, qui ait: Sancti estote, quoniam ego sanctus sum.

Et ut declaret quid sit hostia hæc, exponatque quod dixit, hostiam viuentem, sanctam, Deo placentem, addit apposituè, *rationabile obsequium vestrum* seu rationale seruitium, siue latriam, vestrã. Est autem latria cultus, quo soli Deo seruimus, recipientes eum ut summum Dominum: cui soli excelsus honor, & filialis timor, & prompta debetur obediẽtia. Nam cæteris inferioribus personis post illum, & propter illum, hæc debentur.

*Et nolite conformari huic sæculo, &c.* Quia sapientia sæculi contraria est Deo. Et accipit sæculum, pro hominibus huius sæculi, qui manent in operibus veteris hominis, diligentes hoc sæculum, sicut alibi dixit: Demas me reliquit, diligens hoc sæculum, id est, vitam carnalem.

*Sed reformamini in nouitate sensus vestri, &c.* seu mētis vestræ. Homo enim omnis renatus in Christum, exiit veterem hominem, & indutus est nouum: ad cuius exemplum se debet reformare omni studio ac diligentia, & non abuti gratia Dei, quæ nunquam deest volenti illam, atque petenti. Oportet enim serio considerare, nouum hominem creatum esse in iustitia, & sanctitate, hoc est, ab hoc ut sit sanctus & iustus: sicut ille (ad cuius typum for-

matus est) sanctus est & iustus, qui & iustitias diligit, & cum puris & mundis est requies eius. Bene autem sequitur:

*Ut probetis quæ sit voluntas Dei, bona, beneplacens, & perfecta.* Nō potest probare homo bonam Dei voluntatem, id est, benignam & beneplacentem ac perfectam, quæ est iustificatio & sanctificatio nostra per fidem de Christo, & subsequens fidem opera (quam voluntatem fieri petimus in oratione Dominica) nisi se totum deuouens Deo, spernat quæ terrena sunt. Probat enim tunc homo hanc Dei voluntatem, quando consensu & iudicio approbat, gustum accipiendo & solatium suauissimum: quod norunt soli qui gustant, & illud ex spiritu possunt proferre. Quam bonus Israel Deus iis qui recto sunt corde. Adest enim talibus mirificatus consolatio solidæ spei, & potissimum in tribulationibus & persecutionibus.

Non desunt aliqui, apud quos aliter legatur hic locus, nempe in hunc modum: *Ut probetis quæ sit voluntas Dei, quod bonum, quod beneplacens, quod perfectum.* Et reperiuntur qui interpretati sunt de bono & perfecto, quod bene placet Deo, referentes ad mandatum legis nouæ comparatum ad veteris legis iudicia, & cærimonias, præcepta non bona, ut pote in quibus non erat vita. Qui sensus minime est reprehendendus: & ipsa græca litera (ut notant eruditi) porrigit hanc lectionem. Porro quacunque lectione utaris, ipsa litera potest eundem sensum recipere.

*Dico enim per gratiam quæ data est mihi, omnibus qui sunt inter vos: Non plus sapere quam oportet sapere: aut præter quam oportet.* Sapit autem homo præter necessitatem, cum officium non suum, sed alterius audet exercere. Ut si quis est subditus, prælati auctoritatem sibi usurpet ac præripiat. Aut si doctoris, aut prophetæ munus, cum non sit iussus docere aut missus, velit obire: & ita de aliis. Sapiat ergo unusquisque ad sobrietatem, id est, temperanter: ut quisque se contineat intra suos fines & terminos, quos sibi præstituit mensura fidei, suo modo. Nam fides est fundamentum & basis totius ædificij spiritualis, super quam fidem & alia dona Spiritus fundatur. Non autem effunditur Spiritus in singulos absque mensura. Solus Christus est, cui non ad mensuram datus est Spiritus. Mensura igitur fidei nihil aliud esse videtur, quam quod cuique datum est charismatum diuinitus ad fidei complementum in vniuerso, ut consummetur totum corpus ecclesiæ. Hanc verò mensuram nemo debet sua auctoritate supergredi. Et hoc est optimum præceptum ad seruandam vnitatem, & pacem in ecclesia Dei.

Neque verò intelligas, dona vnicuique data esse secundum proportionem fidei suæ, id est, ut qui magis credat, etiam magis loquatur linguis, aut exhortetur, vel propheteret, vel tandem præcellat in quouis alio ministerio: sed sicut iam diximus.

Sunt enim qui multa fide pollent, quibus tamen non est data auctoritas aliqua, aut potestas. Ut sic frustra videas inflari novos hæreticos, qui sibi sumunt officia docendi & exhortandi: quia dicunt se præstare fide & spiritu, dantes testimonium sibi metipsis. Id autem ut verbis claris ac magnificis ita factis turpissimis atque nequissimis testantur:

*Psal. 71.*

*Fidei mensura in quo consistit.*

*Quid per corpus, scilicet Apostolum intelligere.*

*Leuit. 20.*

*Sæculum, pro vita carnali.*

*2. Tim. 2.*



Quasi verò hoc de semetipso testificari non sit in potestate cuiuslibet. Et item quasi non ipsi soli & elati atque inflati hoc sibi aulint vsurpare.

Et ne quis diceret ipsum Apostolum in primis hoc præceptum non seruare, qui audeat alios vt superior monere, non existens superior, præoccupauit hoc ab initio & sui facti rationem reddit:

*Dico autem per gratiam quæ data est mihi*, ac si dixerit: Ego fidei mensuram mihi tributam non excedo. Hoc enim talentum accepi verus Apostolus per gratiam Dei, vt docere possem omnes, & exhortari.

*Sicut enim in vno corpore multa membra, &c.* Pulchro & accommodatissimo exemplo tandè ostendit quod præmonuerat, proponens ecclesiam quasi quoddam humanum & organicum corpus, in quo turpe esset, si pes vellet manus officium exercere, aut oculus aurium, aut naris os, & econuerso. Sic ergo existimare debet homo, ecclesiam Christi quasi vnum corpus: singulos autem quasi membrum membro iunctum, ita vt vnus iuuetur ab alio. Quandoquidem cum sint varij actus corporis, non omnes actus sunt vnius membri: sed quod libet habet suum proprium ab aliis distinctum. Sic etiã est in membris ecclesiæ: donationes sunt differentes, vt est prophetia, quæ datur iuxta mensuram fidei, id est, secundum proportionem fidei, scilicet, vt id non excedat, quod attinet ad communem vtilitatem: quia debent omnes contineri in fide propter meritum. v.g.

Sunt quædam quæ Deus continet in pectore suo, ne pandat ea, quia non est vtile: vt futura restitutio Israel, dies iudicij, olim etiam incarnationis mysterium. Horum enim ignorantia conducit ad robur fidei, & fructum: quia in oratione robustior efficitur, vt Abraham fides, qui ignorauit consilium Dei, cum iussus esset immolare filium suum. Sicut ergo prophetiæ est non excedere proportionem fidei, id est, vt per eam innotescant quæ seruauit sibi Deus, nolens reuelare: ita nec in alienis à fide & ædificatione ecclesiæ vagari. Addit:

*Sive ministerium in ministrando.* Ministerium vocat, quod ex officio incumbit: vt cibum quis & vitum siue corporalem, siue spiritualem egredi subministrat, in quod opus B. Stephanus, & alij sex diaconi electi sunt. Hoc autem opus exercere debet actu, vt qui ministerium habet, ministret: alio qui reprehensione dignus erit. Contra illos qui irrationabiliter putant sacerdotem non obligari ad sacrificandum: vt sic frustra ad hoc sacro sanctum ministerium se voluerint consecrari, quod euides ipsa ratio minime patitur. Addit.

*Sive qui docet in doctrina*, id est, qui præfecti sunt ad docendum, in docendo. Et propterea Apostoli noluerunt ministrare mensis, vt ait scriptura. Non enim erat æquum propter cibum corporis deferri cibum mentis.

*Qui exhortatur in exhortando.* Similiter intelligit præpositos ad exhortandum. Docemur enim quæ nescimus, vt ea sciamus. Exhortamur verò sciētes, vt quod iam scimus, opere compleamus.

*Qui tribuit in simplicitate.* Tribuit verò in simplicitate, qui quodcunque officium, dum commembro suo exhibet, gratis exhibet, & hilariter: ita vt oculus gratiam retributionis temporalem non res

piciat, sed æternam.

*Qui præest in solitudine.* Hoc proprium pastoris, vt summa cura de suis ouibus sit sollicitus ne quid illis desit: ne quæ vagentur, aut caulas excant: ne lupo veniat & carpat ouem: aut aliqua inter sit morbidà, cuius contagione perdantur cetera, vt mox remedium adhibeat præsentaneum.

In hoc anxie debet vigilare pastor: & non solum de lana, lacte, corio, & carnibus, & sanguine vt faciunt hodie plurimi. At harum rerum prohibetur sollicitudo, quæ tamen apud plerumque est potissima. Ait enim Apostolus, Nihil solliciti sitis. Et de seipso cum plurimis intenderet, & pressus esset, ait: Præter ea quæ extrinsecus sunt, instantia mea quotidiana, sollicitudo omnium ecclesiarum. Quis infirmatur, & ego non infirmor? &c.

Et hoc in loco debemus considerare nos pastores tales ne simus, an vero ab his conditionibus distemus quàm longissimè, neque expectare vt incidamus in manus Dei viuētis, qui sanguinem animarum de manu nostra, quibus committē sunt seuerè requiret.

*Qui miseretur in hilaritate.* Homo per eleemosinam miseretur: quod nō debet facere in tristitia, & animo ægro: sed cum dulci aliqua commiserationis significatione ipso vultu & verbis: sicut alias monet idem Apostolus. Hilarem enim datorem diligit Deus. Et cui multum fuerit, multum tribuat. Cui minus, hoc ipsum libenter impartiat. Et ita instruebat Tobias filium suum.

Dilectio sine simulatione. Odientes malum, adhærentes bono. Charitatem fraternitatis inuicem diligentes: honore inuicem præuenientes. Solitudine nō pigri, spiritu feruentes, Domino seruientes. Spe gaudentes, in tribulatione patientes, orationi instātes. Necessitatibus sanctorum communicantes, hospitalitatem sectātes. Benedicite persequētibus vos: Benedicite, & nolite maledicere. Gaudere cum gaudentibus, flere cum flentibus. Id ipsum inuicem sentientes. Non alta sapientes: sed humilibus consentientes. Nolite esse prudentes apud vosmetipsos. Nulli malū pro malo reddentes. Pro uidentes bona non tantum coram Deo, sed etiam coram omnibus hominibus. Si fieri potest, quod in vobis est, cum omnibus hominibus pacem habentes. Non vosmetipsos defendentes charissimi, sed date locum iræ. Scriptum est enim: Mihi vindictam, & ego retribuam, dicit Dominus. Sed si esurierit inimicus tuus, ciba illum: si sitit, potum da illi. Hoc enim faciens, carbones ignis cōgeres super caput eius. Noli vinci à malo, sed vince in bono malum.

*Dilectio sine simulatione, &c.* Postquam institueret cœpit hominem Dei Apostolus secundum priuata officia, & peculiare actiones, ne quis proprios

In sacerdotibus non celebrantes.

Act. 6.

Admonitio ad priuatos.



prios fines transiens labefactare posset ordinem donorum particularium, quæ minime passim omnibus conferuntur: Nunc illum pariter vult instruire circa communia officia, quæ propter charitatis communicationem & nexum, quo in Christo colligati sumus, ad omnes pertinent. Dilectio enim seu charitas omnium virtutum regina est, & in omni nostra actione prima & potissima tâquam dux esse debet. Nam dilectione compaginamur, & efficiuntur vnus corporis membra, mēbrum de membro sub vno capite nostro Christo: & conseruamur impensis mutuo officii. Et ob eam gratiam à dilectione primùm incipit B. Paulus, quàm nullo pacto vult esse simulatam aut fictam: sed sinceram, integram, apertam de corde puro, & fide non ficta. Hæc enim dilectio in nobis efficit, vt malum odio prosequamur, id est, peccatum. Efficit autem vt hæreamus bono, id est, virtuti, quæ vnà nos bonos potest reddere, vt secundum eam verè dicamur boni. Hæc efficit vt diligamus nos inuicē dilectione fraternitatis, id est, tanquam fratres non carne, sed in Christo. Omnes enim fratres sumus in illo, & sub illo capite nostro.

Neque definit quis esse frater, si ad aliquem præ cæteris gradum sublimiorem conscenderit. Hoc nos docuit magnus ille patriarcha Ioseph, qui in amplissimo honorum fastigio collocatur, non est veritus fratres suos (alioqui de se pessimè meritos) hoc dulcissimo nomine ad amorem prouocare. Ego sum, inquit, Ioseph frater vester. An non & Dominus Iesus Deus verus dignatus est seruos suos, quos pretio sanguinis redemit, vocare fratres? Et non eo quidem tempore, quando variorum laborum & tentationum habebat socios, ipse in rerum omnium egestate constitutus. (Tunc enim leui pudore possum⁹ omnes appellare fratres & amicos) sed eo tempore, cum iam per crucis passionē gloria & honore erat à Patre coronatus, & omni in cælo & in terra potestate donatus, tunc fratris nomen dedit. Vade (ait Magdalene) ad fratres meos, & dice eis, & cæt. Hoc in eos dictum sit, quibus si quid nouæ dignitatis siue ecclesiasticæ seu sæcularis accesserit, mox inflati cæteros spernunt, vel eos quibus cum tamen fuit illis aliquando non vulgaris necessitudo. Hoc facere nō nouit charitas, quæ suum possessorem ita instituit, vt sit sollicitus præuenire fratrem honorando, in quo recognoscit & reueretur Dominum nostrum & Redemptorem Iesum Christum, & Patrem omnium. Hæc sollicitudinem parit, & pigrum omnem expellit, vt omnibus prodesse valeat. Res est (ait quidam) solliciti plena timoris amor, vt sic pro dilecto impigrè operetur. Hæc facit hominem seruare spiritu, id est, charitate Dei. Hæc denique efficit vt amara sint dulcia, labor sit requies, tribulatio solatium, luctus gaudium: grauiam omnia facit dilectio leuia & suauia. Quare Micheas propheta: Indicabo tibi (inquit) o homo, quid sit bonum, & quid Deus quærat à te: Sollicitè ambulare cum Deo tuo. Dilectio mundi habet quidem & suum feruorem, sed inuidiæ, iræ, ambitionis, auaritiæ, libidinis. At nostra ignem veri zeli secum portat propter honorē Dei accensum, & ad salutem proximi, vt possit fidenti animo dicere: Quis scādalizatur, & ego non vror? Hæc præterea facit nos verè seruire Domino, id

est, non ad oculum & coactè, sed seruitio latriæ, vt intelligit B. Thomas, quod debemus ipsi Deo. Et tamen græcè legitur hîc, *σεβασμῶς*, vt potius, *σεβῆναι*, quàm *λατρεῖν* significet.

Hîc notandum; etsi communiter latini codices habeant, *Domino seruientes*, quam lectionem sequitur B. Hieronymus: in græcis tamen legitur, *Τεμπόρι seruientes*. Et hanc lectionem amplectitur B. Ambrosius. Neque verò parua est virtutis, posse tempori se accommodare, & inde occasiones capere ad ea faciendā, vel intermittendā quæ expediunt. Sic enim didicimus factō & verbo fuisse à Domino obseruatum, & Discipulis in exemplum relictum: nam secessit aliquādo, seque abdidit. Interdum verò cōtrā, apparuit coram, & vltro se obtulit. Quod cum miraretur discipuli, rogarentque: Modo, inquit, quærebant te Iudæi lapidare, & tu iterum vadis illuc? Quibus ipse respondit: Nonne duodecim sunt horæ diei? Sic & aliàs dixit eis, Nunc qui habet sacculum tollat, & peram, & c. Vāria enim tūc erant tempora, & ab anterioribus differētia, & aliud exigētia: iuxta illud, Hæc ætas aliam vitam, alios mores postulat. Vnde tempus nubendi, & tempus abstinendi ab amplexibus. Nec solū differebant ab anterioribus, verū etiam à futuris. Vnde in primitiua ecclesia quædam tolerabantur, vel obseruabantur, quæ minime nunc conuenirent. Quia verò tempus Dominici aduentus maiorem exigebat luctum, & tolerantiam tribulationum, ideo subdit:

*Spe gaudentes*. Non est enim bonū interim regaudere: quia hæc præsentia bona non sunt verè bona, sed ad futura oportet se præparare: quod fit luctu & imitatione capitis nostri per viā crucis. Hoc nō lunt intelligere hæretici, & homines mundi huius, qui volunt ducere in bono dies suos. Et ignorat miser, quod in puncto ad inferna descendent, vt testatur B. Iob. Impossibile est (ait B. Hieronym.) hîc gaudere cum mundo, & postea in cælis regnare cū Christo. Beati dicuntur qui lugent. Væ autē denunciat iis qui habent suas in hac vita cōsolationes, & qui rident. At veri Christiani habent gaudium suum non in re, sed in spe propter certitudinem futurorum bonorum. Quod fit vt equo animo tolerēt præsentia incōmoda: nec perturbantur admodum ob persequutiones huius sæculi, quibus sciunt faciliorem sterni viam ad beatam requiem: propterea ad hoc eos exhortans, addit:

*In tribulatione patientes*. Quod facit & spes. Hæc autem sese (vt dictum est) consequuntur. Spes, probatio, patientia, tribulatio. Si enim non sit tribulatio, vbi patientia? Et si non sit patientia, vbi probatio? Etsi non probatio, vbi spes? Et in his omnibus oratio semper instare debet: quoniam debet esse sine intermissione, quantum patitur humana fragilitas, & ideo adiecit:

*Orationi instātes*. Verū quia tūc erant inter Christianos, qui omnibus renuntiauerant quæ possidebant, & ideo indigebant humanis adminiculis ad hanc vitam mortalem sustinendam, & hoc erat non exiguum pietatis opus, ideo & ad hoc hortatur.

*Neceſſitatibus sanctorum communicantes*. Non superfluitatibus, & ad voluptatem. Nescio verò vnde B. Ambrosius legat: *Memoriis sanctorū*, pro eo quod nos legimus, *neceſſitatibus sanctorum*.

B. Hier. ad Marcellin.

Ioh. 11.

Iob. 21.

Matth. 5. Luc. 6.

De prece-  
pto dilectio-  
nis, & eius  
laudibus.

Gen. 25.

Ioh. 20.

Mich. 6.



*Hospitalitatem sectantes.* Hospitalitatis officium & in veteri & in nouo testamento fuit maximo in usu, & commendatissimum. Nam Christus in se recipit collatum, quod hospitibus impenditur. Abraham meruit Angelos hospitio excipere.

Non tamen careret periculo si nullus adhibere tur delectus. Itaque erga fratres exerceri debet, & domesticos fidei potissimū. Nam B. Hieronymus fidei defensor acerrimus, cauebat ne vltos exciperet hospitio, qui haeticorum partes fouerent. Talibus. n. nec Aue, nec Vale dicendum est.

*Benedicite persequentibus vos, benedicite, &c.* Opportunè hortatur Apostolus quoniam iam atrocissimi erant, & futuros nouerat, aduersus ecclesiā persequutores, ne quis maledicat, id est, mala imprecetur, sed bona etiam optet persequentibus, ac maledicentibus. Et vehementer hoc admonet iterando: quia videbat rem homini valde difficilem, & propriè Christiana magnanimitate dignam, ut etiam quis benedicat persequentibus, & maledicentibus. Et quod ad societatem retinendam valde pertinet, commendat studium conformandi se se alteri perquam necessarium. Vnde ait:

*Gaudere cum gaudentibus, & flere cum flentibus.* Sūt enim qui in Christo gaudēt: quia ipse adhuc sponsus cum eis est. Et sup̄ qui flēt, utpote à quibus est ablati sponus. Nos ergo docet ut iis conformemur in conuersatione, ut omnibus fiamus omnia, sicut Christus descendit ad infirmitates nostras. Hoc ergo quod dictum est, *Gaudere cum gaudentibus*, intelligitur per obsequiū, & cessionem in mores aliorum, quantum fas est, ut non simus aliis austeri & retrici, sicut nobis ipsis. Nam & Christus in hoc nostris se infirmitatibus accomodans, manducauit & bibit cum peccatoribus, & publicanis. Hoc tamen fecit ut eos lucrificeret, non ex voluptate, sed potius grauitate & molestie, quod ad se pertinebat. Sic & nos debemus facere, nostrū scilicet rigorem aliquando in gratiam aliorum relaxantes. Quod autem sequitur:

*Flere cum flentibus*, non sociabiliter solum, sed etiam promptè, & ex corde faciendum est. Sed qui nō potest ex corde, faciat saltem societatis iure ob charitatem subleuatur enim afflictus, si compatiens sibi amicum inuenerit. Hoc enim indicio, amicum quasi molestiae partem in se suscipientem iudicat, & consolationem inde accipit. Quilibet enim gaudet amari, praesertim ab amico: quod tunc ostenditur maximè, cum afflictio vnus sit alteri communis. Idcirco B. Iob ait: Flebam quondam super eo, qui afflictus erat. Et quia super huiusmodi quæ ad vitam bene beatèque ducendā conducunt, idem sentire ad concordiae stabilitatem valet plurimum, addit:

*Hoc ipsum inuicem sentientes.* Nimirum cum gustu & approbatione, quæ opere fit, cum inuicem impendimus, & inuicem adiuuamus, & subleuamur. Sed sunt plerique qui nolunt cum aliis conuenire in sententiis, ut aliquid esse videantur, & spernunt alios humiliores. Id verat Apostolus dicens,

*Non alta sapientes.* Ille enim altum sapit, qui vult aliis supereminere & superexcellere, vel propter opes, aut potentiam, vel nobilitatem, aut sapiētiam, vel scientiæ præsumptionem, ideo adiecit,

*Sed humilibus consentientes*, id est, infirmioris atque

infimioris sortis hominibus sese accommodantes. Græcè enim, *συνταγόμενοι*. Et hoc intellige, quātum fas est, & circa ea quæ non concernunt pietatem. Non intelligo autem (ut nonnulli exponunt) de rebus vilibus, ut scilicet tunc intelligatur quis cōsentire humilibus, quando ad humilia opera se inclinat. Nam Græca vox, *ὁμολογέω*, hominem abiectum & humilem significat, vel ob paupertatem, vel genus, vel conditionem quoquo modo. Sunt & qui altum sapiunt: quia sibi ipsis videntur prudentes: & hoc prohibet, aiens:

*Nolite esse prudentes apud vosmetipsos*, & addit: *Nulli malum pro malo reddentes.* Quod est iniustum in lege Christi. *Providentes bona non tantum coram Deo, sed etiam coram hominibus.* In græcis desiderantur ea verba, Non tantum coram Deo, attamen non malè suppleantur. Sunt enim interdum similitudines inter homines, qui vix ostendunt serenam faciem, sed quodam tumore animi seipsos decipientes, dicent in fratrem suum: Valeat. Ego quidem coram Deo illi parco: non autem libet eum alioqui, aut signa amicitie vlla ostendere. Verum oportuit apud homines etiam provideri bona, ut in exterioribus quoque; tua nostra charitas appareat, ne qua detur occasio iudicii mali, & similitudinibus. Vnde sequitur:

*Si fieri potest, quod ex vobis est, cum omnibus hominibus pacem habentes.* Ait ergo, si fieri potest: quoniam plerumque homines ex malignitate id fieri non permittunt, eò quod aduersus Dei gloriam, & ecclesie ædificationem pugnant: & peruersè conantur obscurare fidei veritatem, & probos mores corrumpere. Cum iis ergo non est habenda pax, quandiu tales esse perseverant: sed illis resistendum est cōstantissimè, & vehementissimè. Cum cæteris verò quantumvis iniuriis & malis, quantum est ex nobis, querenda est omni modo pax, non tamen amicitia & familiaritas: sed pax. i. concordia. Et quia vnus est modus magnus incundi, aut seruandi hanc pacem, scilicet, quando ab iniuriis & probris minime nos ipsos defendimus, ideo subiungit:

*Non vos defendentes charissimi, sed date locum iræ.* Dat autem locum iræ homo, quando non resistit. Suo enim impetu ipsa ira nihil resistantiæ inueniens, euanesceat. Sicut videmus fulgura & tormenta bellica, quum nihil forte offendunt, in quod valeant exercere vires, nullam faciunt impressionem. Et hinc nota prohiberi etiam defensionem (cuius est propellere quod ex aduerso intenditur malum) ab Apostolo: quāquam vltionem (cuius est malum pro illato malo inferre, & quod aiunt, retaliare) magis vox græca, quā defensionem videtur sonare, cui consonat id quod sequitur.

*Mihi vindictam & ego retribuam.* Sed quia in defensione animus est plerumque; ad vindictam, eadē vox & ad defensionem extenditur, & ideo dixit: Sed date locum iræ, ut etiam ipsa defensio non consideretur. Est verò duplex defensionis genus.

Alterum mera cautio, & custodia sui absque vltio proximi damno. Et hæc nunquā existimata est simpliciter illicita. Alterum verò cum ipso te defendis, ut noceas: quod interdum ipso facto euitari non potest. Et tamē Christianus reuera omnem etiam propriam sui defensionem abiicere debet, si velit Christianè agere. Neque verò propterea improbat defensio, quæ vallatur debitis circumstantiis.



1. Cor. 10. Sed, ut ait Apostolus, Cum liceant omnia, non tamen omnia expediunt. Quare illud coniectandum, quid magis conducatur ad finem, qui est charitas, quæ ecclesiæ ædificationem deposcit, & illud eligatur & fiat. Quæ de re vberius apud B. Matthæum proprio loco disserui.

*Sed si esurierit inimicus tuus, ciba illum.* Perpède hinc quantam in homine verè Christiano vult Apostolus abundare charitatem, ut non solum ultionem & defensionem quæ ultionis habeat speciem, prohibeat: sed insuper erga inimicos beneficentiam impendendam præcipiat, quæ mirabilem effectum ad ædificationem productum iri asseuerat, subiungens:

*Hoc enim faciens, carbonēs ignis congeres super caput eius.* Caput enim hominis iniuria afficientis, est superba mēs, & iniuriosa: quæ si contra beneficiis afficiatur, quasi carbonibus vastatoriis consumitur. Hæc sententia est ad literam Salomonis Prouer. 25. Est enim ignis quidam charitas, omnē malum tumorem cōburens & vastans: & ita vincit, ut qui hostis erat & inimicus, in amicum euadat & fratrem, per charitatem cōparatum. Quē si resistendo voluisset alter prouocare, fratris animā amisisset. Inter superbos enim semper sunt iurgia. Vnde rectè sequitur,

*Noli vinci à malo.* Vincitur homo à malo, qui propter illud irritatus amittit patientiam charitatis, & benignitatem. Charitas enim patiens est, quæ nec agit perperam. Ergo concludit,

*Sed vince in bono malum.* id est, per bonum vince malum. Bonum enim est suipius diffusiuum. Sic vincitur malum frequenter. Nam & humilitas superbiam deprimat: & patientia iram frangit: & benignitas odium extinguit: & misericordia crudelitatem emollit. Et ira de reliquis, quæ sese ad alterum habent, virtutibus sentiendum.

## CAP. XIII.

**M**NIS anima potestatibus sublimioribus subdita sit. Nō est enim potestas nisi à Deo. Quæ autem sunt, à Deo ordinatæ sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. Nam principes non sunt timori boni operis, sed mali. Vis autem non timere potestatem? Bonum fac: & habebis laudem ex illa. Dei enim minister est tibi in bonum. Si autem malum feceris, time. Non enim sine causa gladium portat. Dei enim minister est, vindex iram ei qui malum agit. Ideoque necessitati subditi estote: non solum propter iram, sed etiam propter conscientiam. Ideo enim & tributa præstatis. Ministri enim Dei sunt, in hoc ipsum seruientes. Reddite ergo omnibus debita: Cui tributum, tributum: cui vestigal, vestigal: cui timorem, timorem: cui honorem, honorem. Nemini quicquam debeatis, nisi ut inuicem diligatis. Qui enim diligit proximum, legem impleuit,

Nam, Non adulterabis, Nō occides, Non furaberis, Non falsum testimonium dices, Non contupisces, & si quod est aliud mandatum, in hoc verbo instauratur: Diliges proximum tuum sicut teipsum. Dilectio proximi, malum non operatur. Plenitudo ergo legis est dilectio.

Et hoc, scientes tempus: quia hora est iam nos de somno surgere. Nunc enim propior est nostra salus, quam cum credimus. Nox præcessit, dies autem appropinquauit. Abiciamus ergo opera tenebrarum, & induamur arma lucis. Sicut in die honestè ambulemus: non in comestationibus, & ebrietatibus: non in cubilibus, & impudiciis: non in contentione & æmulatione. Sed induimini Dominum Iesum Christum, & carnis curam ne feceritis in desideriis.

**O**mnis anima, &c. Insani quidam hæreticorum putant, & docent repugnare euangelio, si vlla sit potestas quæ delinquentes puniat: propterea quod Dominus Iesus vetuit eradicare zizania. Verum callidè hoc quidem: cum tali dogmate sibi primum consulere studeant. Quid enim malam eorum causam efficacius iuuare potest, quam scelum prædicare impunitatem? Et quid aliud possunt flagitiosi, ac suppliciis omnibus digni, cōminisci, quam ab se depellere quicquid aduersus insanum dogma, cui mordicus hærent facere videatur? Dicunt se esse in lege libertatis: & libertatem vocant peccandi licentiam, & liberam lasciuiendi potestatem, & quodcunque liber agendi, & viuendi impunè ut lubet. Dicunt, Non est iusto lex posita, non intelligentes quid dicant. An non Adæ posita fuit lex, quo tempore maximè erat in iustitia? Nunquid & Angeli Dei fuerunt sine lege, cum omnes ab initio essent iusti? Et nūquid B. Paulus erat sine lege, qui se profitebatur esse in lege Christi, & nihilominus erat iustissimus? Ignorant miseri, vel verius ignorare volunt, quid est illud, quod ab Apostolo dicitur, Lex non est posita iusto. Non enim Apostolus ibi simpliciter legis naturam declarabat, tanquam ei repugnet poni iusto: cum reuera lex euangelica de iustificato, ac per hoc iusto. Ad eum tamen finem datur, ut caueat ne fiat iniustus, sed poti⁹ ut fiat amplius iustus. Apostolus ergo illo in loco non absolute de lege, sed de certa lege loquebatur, nimirum de lege illa Moyses: & narrabat factum, videlicet, quod illa lex non fuit posita iusto, sicut lex fidei & gratiæ, quæ posita est iusto. Et ideo potest hæc impleri, non autem illa. Sed quid ad rem, quod lex nō sit iusto posita? Nunquid propterea qui legis fuerint transgressores, puniri non debent?

Aliunt: Præcepit Dominus ne auellerentur zizania, sed ut fineret ea crescere vsque ad messem. Sed nec locū illum intelligunt. Dominus enim ibi non alloquitur mundi principes, præcipiens eis ut non puniāt, & ita seruēt zizania: imò supponit illos qui punire poterāt & debebant, dormiuisse, eisque dormientibus, hoc est, mala & scelera permittentibus,

In hæreticorum libertatem.

1. Cor. 9.

Quid est, legem non esse positam iusto.



priatos quosdam in zelo non secundum scientiam excitatos, qui optabant fieri sibi potestatem huiusmodi zizania euellendi: quibus Dominus respondet, zelum illum non esse secundum sapientiam Dei: quoniam si illa zizania tollerentur, simul triticum auferri posset. Quo in loco non aliud notandum, quam aliud esse forum iudicii hominum, qui statim patrato scelere vindicant suis poenis: Aliud verò forum Dei qui expectat sua die ad iudicandum. Itaque non verantur huius sæculi principes per euangelium non uti gladio suo in tempore suo, sed admonentur Dei zelatores, ne immodico & non secundum scientiam zelo, nimis præ properè diuinam expectant vindictam ante suum tempus: quoniam aliud est Dei iudicium, aliud hominum. Quæ de re & alibi fusiùs. Interim satis est, quòd hinc Apostoli gladio iugulantur hæretici, cum ait:

† *Omnis anima potestatibus sublimioribus subdita sit.*

Cum enim dicit, *omnis anima*, nullam excipit: ita ut velit etiam Christianos subdi externis dominationibus, quando Dominus Deus tales potestates dederit. Nam per omnem animam, intelligimus omnem hominem. Scimus autem quòd quæcunque euangelium loquitur, iis qui sub euangelio sunt, loquitur. Dicit, *omnem animam*: potius quam, omnem hominem, fortè quia in anima spiritus est superbix, qui eleuatur aduersus potestates. Et dicit, *animam*: quia homo subditus est potestati in eo quòd animalis. Spiritualis enim non est sub hac lege, quæ est timoris, sed sub amore. Homo ergo spiritualis liber est, ut eiusmodi est, & Spiritu Dei agitur. Et tamen quia potest effici carnalis & animalis, ideo nullus homo potest seipsum eximere à potestate, sed ab executione potestatis.

Igitur ipsa anima comprimi debet ac subdi, ut bene agēs eximatur à vi & timore legis. Et hoc in loco agnosce ordinem ab Apostolo seruatum. Primò enim eos docet qui maiora aut sunt, aut esse videntur membra in ecclesia, videlicet, aliorum ministros, dispensatores verbi Dei, & sacramentorum, ut ordinatè quisque se habeat, non egrediens fines suos, & nihil sibi ipsi arrogans non vocatus. Secundo ordinavit omnes iuxta communia charitatis præcepta. Hic ergo tertio ordinat subiectos erga superiores in potestate, & de seculari potestate est sermo.

Quare Principes nostri temporis hæretici in duobus perniciosissimè peccant: Tum quòd causas spirituales sibi arrogant, quod est detestandum: Tum verò quòd sibi viros in sortem Domini ascitos, id est, clericos, suæ subdunt iurisdictioni: quia hinc legitur, *Omnis anima potestatibus sublimioribus subdita sit*: & non vident ex his verbis nequaquam concludi, quod volunt. Oportebat enim prius eos probare, quòd respectu clericorum illi sint potestates, & tunc eorum subiectionem concludere. Alioquin, Si omnis anima debeat subdi cuilibet potestatem habenti, cur ergo rex Angliæ non imperat Francis & Germanis? nisi quia non est potestas vniuersalis, neque locorum, neque personarum. Ergo quod dicitur, *Omnis anima subdatur potestatibus*, hoc intelligendum est cum prudentia: ut quæuis anima illi obediat, quem sibi agnoscit, vel agnoscere debeat, habere super se legitimam potestatem. Quòd autem in clericos potestatem habeat secularis princeps, hoc proculdubio negatur: ne-

que ex hoc loco educitur quouis modo.

Illud item propter importunos considerandum est, An possint ecclesiastici viri, id est, qui altari seruiunt, huiusmodi iurisdictiones salua & integra Christiana lege, habere, & exercere sanguinis effusionem. Quæ in parte, etsi apostolica sedis hostes per tinacissimè contendunt, non posse concurrere in eundem hominem vtranque potestatem. Nos tamen si consulimus, quod iam dudum factum videmus, & rectè factum cælemus, certè plurimos sanctos summos Pontifices dominatum hunc, & terrenam habuisse & exercuisse potestatem perspicimus. Hoc autem contra euangelicam legem ab eis factum asseuerare, durum sanè est vel cogitare, cum inter hos summos Pontifices numerentur qui honestè, & inculpabiliter sanctam vitam duxerunt. Nò desunt tamen plerique, quibus non sufficit quod satis est, ne dicam nimium. Sunt enim qui (ut dixi) magno in ecclesiam odio, vel Pontificum moribus irritati, hunc gladium omninò negant, & auferunt ab ecclesiasticis. Et sunt contrà, qui siue id per adulationem faciant, siue per nimiam simplicitatem, aiunt ad summum Pontificem de iure pertinere omnem totius orbis terrarum dominationem, etiam temporealem: cum sit summus Christi in terris Vicarius. Domini autè est terra, & plenitudo eius, orbis terrarum, & qui habitant in eo. Addunt Christum dixisse: Omnia mihi tradita sunt à Patre meo.

Verum ridicula hæc profectò, quæ neque ipsimet Pontifices audent asserere. Si enim ita esset, nulli ergo verè terrarum Domini essent in temporalibus, sed solus Pontifex dominus esset, & ceteri (etiam quoad temporalia) sub illo. Et ubi verbum illud Christi: Regnum meum non est de hoc mundo? Et iterum: Filius hominis non habet ubi caput suum reclinet. Quòd si regnum hoc terrenum ad ipsum attinebat ut homo erat, cur igitur fugit ne regem illum constituerent? Et cur vni è duobus fratribus litigantibus petenti ut iuberet fratri, secum vellet diuidere hæreditatem, respondit: Homo, quis me constituit iudicem, aut diuisorem inter vos? Hic enim locus maximè videtur cogere, ut fateamur non fuisse illi datam rerum humanarum & secularium quæstionum iuridicam cognitionem, & iurisdictionem.

Quòd autem Papa sit Vicarius Christi, quid habet momenti, ut credamus data est illi ad regendum omnia regna mundi in temporalibus? Imò id potius efficit, ut persuadeamur ei non data: quoniam Christus abiecit ea, & ut homo erat, in mundo non habuit. Post resurrectionem enim dicitur, datam illi fuisse omnem potestatem. Ipse autem in hoc mundo subiectus fuit secularibus potestatibus. Sui ergo illius regni Vicarium reliquit Papam, quod sibi à Patre datum fuit, cum in terris nobiscum ageret, nempe, regnum spirituale super oues, quæ illum sequerentur, atque illi semetipsas propria voluntate subiicerent. Cuius regni finis est vita æterna. Alioquin si absolute sit Vicarius Christi secundum omnem potestatem, quam Christus habet, erit etiam potestatem habens in cælis super Angelos & Beatos: quod est ridiculum.

Ergo in pastura ouium consistit hic vicariatus Papæ, qui ecclesiasticam iurisdictionem super oues habet, quæ tamen se illi subdiderunt baptismi pro-

Duo perniciosi hæreticorum errores et auersus.

An possint ecclesiastici gladio

Ioan. 18.  
Luc. 9.

Ibid. 12.



1. Cor. 5.

fessione. Non est autem eius iudicare de iis quæ foris sunt, sicut ait Apostolus: quoniam de his quæ foris sunt iudicare, Domini est. Hoc perpetui usus ratio satis probat. Nunquam enim Papa possedit orbem terrarum. Nec propterea negatur quin summus Pontifex possit esse rerum temporalium Dominus: sed hoc tantum asseritur, hoc illi dominium minime datum quasi Pontifici immediate à Christo, sed illud habet quasi vnus quilibet hominum, ad quem humano aliquo iure obueniat talis potestas: nec alio iure ipse Pontifex prætendit. Nam cum rogatur quo iure possideat illam vel illam ciuitatem, aut prouinciam, ostendit iura, id est, titulos locorum legitimos quæ possidet, & quibus dominatur. Non ergo negamus has ambas potestates in vnum hominem posse concurrere.

At qui hoc in loco nobis obliuiscunt, obiciunt. Christus noluit eam, sed sponte abiecit: imò etiam oblata sibi ab hominibus, fugiendo recusauit. Igitur si quis debeat imitari Christum, quis magis quam eius Vicarius? Respondemus, Christum hac parte (sicut nec in plerisque aliis) non fuisse omnibus exemplo. Alioqui non esset vllum iustum regnum, si ad sui exemplum cogere omnes voluisset abdicere dominationem.

Aliunt. Sed exemplum dedit saltem clericis, qui dicunt: Dominus pars hereditatis meæ & calicis mei. Mihi autem potius videtur dedisse exemplum illius status, quem ipse vita & moribus professus est, ut in paupertate & abiectione sui ipsius in hoc mundo, multi expeditius seruiant Deo.

Quamobrem quod obicitur de B. Petro, penes illum neque aurum neque argentum fuisse, perinde ac si ille præscripsisset successoribus, illis similiter non licere aurum & argentum possidere, nedum habere dominationem ac potestatem in populos: simili modo eliditur B. Petrus non ex eo quod Christi Vicarius, fuit pauper in hoc mundo, sed ex eo quod omnibus quæ erant mundi huius, renuntiaret prius, tamquam Christi peculiaris discipulus, quod propius Dominum sequeretur, idque propter regnum cælorum, & meliorem resurrectionem.

Si quis autem dixerit (sicut sunt non pauci qui alfiduè dicunt) tales debere esse summos Pontifices, Non inficior, saltem in voto. Et nihilominus interest ecclesiæ habere hæc dominia temporalia propter maximas causas. Vna est, ut melius regantur populi, & iustius & tranquillius sub eis, quam sub hominibus huius seculi. Verisimile est enim Vicarium Christi, ut ecclesiasticum virum, maiore sapientia & clementia rectorum, quam homines seculares. Et reuera magis credita est illi dispensatio, & requisita cura & gubernatio, quam sit oblata dominatio: ut essent potius administratores, quam Domini. Non quod non habeant gladij potestatem, si opus fuerit, ut ceteri Domini: sed quoniam non animum dominandi gerere debent, sed seruiendi, sicut dictum est illis. Scitis quod reges Gentium dominantur eorum, & qui exercent potestatem in eos, benefici vocantur. Vos autem non sic, sed qui maior est vestrum, fiat sicut minor: & qui præcessor, sicut ministrator. Quo in loco non regni aut potestas, vel superioritas negatur, sed potestatis abusus: quoniam reuera qui ad regendum vocantur, ut patresfam. & ut pastores & ministri

Dei esse deberent, non sicut Domini & Tiranni.

Alia causa (nec priore fortassis minor) cur Pontifices acceperunt huiusmodi regnum temporale, fuit particularis prouidentia Dei, cui placuit ut hic dominatus suffragaretur spirituali potestati, quæ illo maxime indiguit nostris sæculis, quando creuit insolentia Dominorum, ac Principum huius seculi: atque refriguit obedientia & reuerentia in Christum, quem principes seculi raro recognoscunt in illo qui vices eius gerit in terris. Nisi enim fuisset hæc temporalis potestas, profecto & hoc spirituale regnum extinctum esset. Nisi verò Dominus quotidianis illud & nouis miraculis fulciri voluisset, sed non vult cogi Deus ad assidua miracula, Quamquam non me latet grãdi illum miraculo & sustentasse: & nunc etiam in tanta hominum cæcitate, & prælatorum incuria, sustentare hoc spirituale regnum. Et speramus ab eo adhuc sustentatum iri usque ad seculi consummationem.

Non me item latet, iis piè & catholicè positis, videlicet, in vnã & eandem personã posse vtramque potestatem concurrere, spiritualemente & temporalem, hanc tamen superesse quæstionem: An scilicet hæc rectè valeant ab vno exerceri. Quo in loco (fateor) audire alios malim. Video enim pericula hic esse magna & graua: nec valde decere Petrum educere alterum gladium è vagina. Ex altera parte incidunt sæpe tempora, quando & hoc fortè sit opportunum. Aberratum est tamen in hanc partem plurimum à plerisque, inficiari non valeo. Sed non hic locus tractandi quæ huiusmodi sunt. Illud tantum dicam, esse absque dubio prorsus pestiferum, intolerabile, atque omnino improbandum dogma, putare in homine seculari esse ecclesiasticam spiritualemente potestatem, idque posse legitime defendi. Sunt enim hæc potestates inuicem separate: & nemo sibi quamlibet potest ad nutum usurpare. Et aliud sentire ac docere, seditionisissimum est & horribilissimum. Quod tamen præsumptum fuisse scelerosissimè nostro sæculo à crudelissimo rege his nostris oculis perspeximus. Deus & Dominus videbit: imò iam animaduertit in illum mortuum. Sequitur:

Quæ autem sunt, à Deo ordinatæ sunt. Sic legitur in latinis. At melius in græcis sic habetur, Quæ autem sunt potestates à Deo, ordinatæ sunt. Duæ igitur sunt potestates, sicut & duo regna, quæ duos habent fines: & vnus inferior ad alterum superiorem est ordinatus. Est enim terrena potestas & animalis. Et est cœlestis ac spiritualis: quia & regnum terrenum est, ac cœleste. Finis cœlestis, est vita cœlestis ac æterna. Finis autem terreni, est vita terrena ac pacifica. Iste ergo potestates sunt à Deo hoc pacto ordinatæ, ut altera alteri deferuiat, & suam quæque originem habeat. Si enim terrena, sit de terra: si cœlestis, à cœlo. Ideo Papæ potestas de cœlo est à Spiritu Christi. At regum terre potestas est ab hominibus, Domino tamen approbante quod homines rectè ac legitime faciunt. Et sicut dignius est cœlum terra: ita cœlestis potestas dignior terrena. Cum igitur ita sit, omnem potestatem à Deo esse, non ex permissione tantum, sed ex eius ordinatione, rectè concluditur.

Itaque, qui resistit potestati, Dei ordinationi resistit. Qui autem resistunt, ipsi sibi damnationem acquirunt, &c.

Ecclesia ob  
magnas  
causas ha-  
bet tempo-  
ralia domi-  
nia.

Luc. 22.

De vsu &  
potestate  
gladij.

Notatur  
Henricus  
8 Rex An-  
glie.

Progerma-  
no sensu a-  
postolice  
sententie  
circa quam  
vtranque  
potestatem.



nimirum æternam. Et ut intelligamus non esse eis resistendum, adiecit optimam rationem, cum scilicet hæc potestas sit rectè à Deo ordinata, nempe ad compescendum deterrendumque homines ab operibus malis, non autem à bonis. Et propterea nemo bonus (ut ipse egregiè declarat) & iustus potest conqueri: quia nullus iustus subditur potestati: quin laudem potius habet ex illa. Etenim leges flagitiosis hominibus pœnas solummodo constituunt, & operibus malis. Principes autem legum exequutores sunt, ut ipsarum ministri, vindices in male agentes. Ergo non sub lege erit, nec sub principe quidem homo iustus, sed laudem referet potius rectè operans, & præmium. Quod si nullum aliud, certè illud non parvam homini probo comparat gloriâ, quod nulla in eum animaduersio, nulla ex lege sequitur ira, ut sic probetur iustus. Et hoc est quod Apostolus vivis verbis explicat. Vnde iustificatur Deus in providentia sua, & corripiuntur impij, qui ut malè ac turpiter agant, quæsitis coloribus subtrahere se student à potestate. Quamobrem rectè sequitur:

*Ideoque necessitati subditi estote, non solum propter iram, id est, vindictam ipsam, sed etiam propter conscientiam, hoc est, quia ita iustū esse conscientia dicit, agnoscens in hoc Dei providentiam & ordinationem, contra quam agere scelus est, & quàm maximum. Adiecit etiam rationem, cur hoc faciendum sit, necessariò cogentem, aiens:*

*Ministri enim Dei sunt. Quoniâ ipsis tributa præstantur, quasi honoraria ministrorum: aliâs iniuste illa exigent, quod non est dicendum. Hoc enim Apostolus ut rem certam sumit. Et ne quis prave hoc quod ait, ministros Dei, acciperet: quia verius Dei sunt ministri illi, qui dispensant verbum & sacramenta, adiecit:*

*In hoc ipsum serviētes, videlicet, ut sint timori malis, & laudi bonis. Vnde non sunt huius officij incapaces, etiam qui verò Deo non serviunt. Si secus dicamus, Nulla esset igitur, aut fuisset unquam potestas inter paganos legitima: quod quidem est absurdum fateri, imò & contra euāgelium, & Domini vocem probantis reddendum esse Cæsari censum. Nec illud aduersus regnū Christi est & euāgelium, videlicet, si regnent etiā pagani super nos, postquam ita Deo placuerit propter iram contra peccata nostra: aut secundum alia sua iudicia, quæ sunt abyssus multa.*

*Contra principes usurpantes sibi ecclesiasticam potestatem.*

Ex hoc autem loco agnoscant schismatici, siue ij principes existant, siue reges, qui ipsi sint, & quatenus eorum potestas extendatur, ut non supra modum super filios Dei, & potestates cœlestes semet ipsos instantes extollant, cognoscentes de usuris & matrimoniis, & aliis causis: & insuper audentes dispensare verbum & sacramentum, & instituere sacerdotes & episcopos, & suis impiis, & execrandis decretis divinas omnipotentis Dei leges pervertere: quoniam ipsi in hoc ipsum tantum sunt Dei ministri (testimonium dante Apostolo, quem tamen ipsi proferunt pro se contra se) ut exerant gladium in subditos sibi male agentes, & laude præmiòque bonos afficiant. Ergo si seipso inter oves Christi eius sanguine redemptas computant, audiant sui pastoris vocem, cui commendati sunt verbo Dei. Nam ei soli indistinctè dicitur, Pascite oves meas:

non has, aut illas, sed oves meas ait. Hoc nulli regum terræ dictum est unquam, sed soli Petro, quem sui loco relicturus erat Dominus ad regendum populum, quem sanguinis sui pretio creaturus erat, & in illo regnatus per vitæ & sanctitatis puritatem sub nova lege spiritus. Ergo & eis similiter qui in Petri locum & cathedram succederent, ne Dei necessaria erga ecclesiâ providentia unâ cum moriente Petro interiret. Hoc tamen non verentur asserere hæretici, verè viri Belial, qui omne Christi iugum conantur à se excutere. At quid magis consilium dici aut fingi posset statu Christiano, si nullum visibilem haberet in terris supremum iudicem, qui assidue emergentes causas dirimeret, quique ea quæ credenda sunt indubitata fide, & quæ ad probos mores spectant, determinaret? Vide qua excusatione obtegere errorem suum studuit Saul, causatus populum, absente Samuele, dilapsum, ut sic immolare coactus fuerit. Ut inde capiamus quàm necessario Vicarium sui loco Christus prouiderit, ne populus sine capite rueret in omnem errorum confusionem.

Verum subdubitabit aliquis, Quo pacto sint omnes terrenæ potestates à Deo, & earum exercitium, cum de quibusdam dictum sit, Ipsi regnauerunt, sed non ex me: principes extiterunt, & non cognoui. Et Dominus in euangelio, Principes Gentium dominantur eorum, & qui potestatem exercent, benefici vocantur. Nos autem diligenter debemus animaduertere, quod terrena politia est de iure naturali: quia homo naturaliter est animal sociale. In omni autem societate requiritur ut sit lex, quæ ad conservandam societatem disponat: & doceat quæ seruanda sint, & econuersò quæ vitanda. Et ad legis custodiam & executionem oportet etiam esse legem viuam, quæ est ipse princeps gladium portans, ac per ipsum gladium redigens cuncta (quâdo res ita postulat) per coactionem, & vindictam. Cum igitur à iure naturali sit regia potestas, consequens est ut & à Deo sit, à quo ius ipsum naturale egreditur, quod ratio naturalis docet, ac statuit.

Igitur potestatem esse à Deo ordinatam, planè cernitur. Quod autem ille vel ille sit in potestate, hoc ab hominibus est. Et ideo potest in hoc esse error, & malum, videlicet, ut indignus, aut minus idoneus erigatur in regem. At ipsa quidè potestas bona est: quia ad bonum est, & propterea est à Deo. Quod si illa homo abutatur in malum, hoc non est à Deo, sed ab hominis malitia, quam improbat ipse Dominus.

Bene igitur Apostolus noster qui ait, Omnis potestas est ab ordinatione Dei. Et de his malis, qui indignè & non legitime dominationem & potestatem sibi usurparunt, verè ac meritiò Dominus ait: Ipsi regnarunt, & non ex me. Principes extiterunt, & non cognoui, id est, non probavi.

De his autem qui potestatem habentes abutuntur potestate, & exercēt illam veluti Domini, non ut reges, & non ut pastores, qui tamen patres populi esse deberent, dixit Dominus, Principes Gentium dominantur eorum: non quidem potestatem reprobans, sed abusum & exercitium malum, non cognoscentium ab ipso Domino ordinatas potestates, non ad dominium, sed ad ministerium.

*Osca 8.  
Luc. 22.*

*Potestas à Deo, electis personis ab hominibus.*

*Quas potestates negat Deus senus.*



Nam sicut parentes (vt diximus) deberent esse, & vt pastores. Vnde & olim reges pastores vocabantur: & qui præcellebant, patres patriæ vocari gaudebant, probantes hoc nomine saltem id quod esse deberent, tamen si non essent.

At quoniam frequenter accidit, vt tyrannicè dominantur: ideo dixit Dominus, Principes Gèrium dominantur eorum. Et Samuel Israelitico populo regiam legem, scuitiæ ac tyrannidis fore plenam exposuit his verbis, Hoc erit ius regis qui imperaturus est vobis. Filios vestros tollet, & ponet in curribus suis, facietque sibi equites, & præcursores quadrigarum suarum, & constituet sibi tribunos & centuriones, & aratores agrorum suorum, & messores segetum, & fabros armorum & curruum suorum. Filias quoque vestras faciet sibi vnguentarias, & focarias, & panificas. Agros quoque vestros, & vineas, & oliueta optima tollet, & dabit seruis suis. Sed & segetes vestras & vinearum redditus addecimabit, vt det eunuchis & famulis suis. Seruos etiam vestros & ancillas & iuuenes optimos & asinos auferet, & ponet in opere suo. Greges quoque vestros addecimabit, vosque eritis ei serui. Et clamabitis in die illa à facie regis vestri, quem elegistis vobis: & non exaudiet vos Dominus in die illa, quia petistis regem.

Verum hic subintrat quæstio: Nunquid Tyrannis huiusmodi, qui sibi iniuste vi, aut metu, usurpant imperium, parendum sit. Et itè possit ne quis detrectare edicta talium, aut interdicta?

Affirmationi videtur cōtradecere, quod in concilio Constañ. determinatum fuit, licet glossa defendatur, sed inepta. Et enim verba Concilij hæc sunt. Quilibet tyrannus potest & debet licitè & meritorie occidi per quencunque vasallum suum, etiam per clanculares insidias, & subtiles blanditias, vel adulationes, &c. Hæc est positio quæ ibi damnatur. Nec in damnatione distinctio fit inter tyrannum & tyrannum, vt Caietanus commentus est: imo iuxta vim vocis, & communem eius atque vsitatam acceptionem, magis de tyranno usurpatore regni deberet intelligi (quia hic verius est tyrannus) quam de eo qui iuste obtinuit, licet iniuste se gerat. Certè si hæc distinctio fuisset digna quæ in considerationem venire deberet, non eam tacuissent Patres in eo Concilio.

Quare puto hanc opinionem esse noxiam, & seditionis parentem, & iam aliquando eiusmodi fractus quibusdam in locis peperisse.

In quæstione igitur proposita, cum non sit priuati iudicare de principibus, vtrum iure, an iniuria regnent: Et cum Dominus propter peccata populi faciat regnare hypocritam, vt ait scriptura, ita vt etsi ille non iuste imperet ex parte sua, iuste tamen sub eius tyrannide plectitur populus propter peccata propria: Et cum mandatum sit nobis distinctè obedire principibus etiam dyscolis, id est, grauib, & difficilibus, & hoc sancti viri fecerint & Dominus Iesus etiam in exemplum nostrum iis potestatibus humiliter sese subiecerit. Non dubito dicendum, etiam his parendum esse. Parendum, inquam, in iis tantum quæ non sunt contra Deum, id est, contra fidem, & fidei legem. Tunc enim illud B. Petri succurrat, Oportet obedire magis Deo, quam hominibus.

Neque verò puto cuiquam priuato licere occidere tyrannum quemlibet, si in pacifica sit possessione sui dominatus, & sit armatus, & custodias habens regnet, ac metu gladij sit in pace, & populus ei honorem exhibeat. Nam cum Dominus tentaretur à Iudæis, liceret ne censum dare Cæsari, hoc argumento eorum malignitatem retudit. Dixit enim: Ostendite numisma cæsus. Et cum ostendissent: Cuius, inquit, hæc superscriptio? Et confidentibus illis esse Cæsaris, tanquam ex hoc illos conuicerit, dixit: Reddite ergo quæ sunt Cæsaris Cæsari, & quæ sunt Dei Deo, Ac si dixerit. Vos cōfitemini i publica moneta, quæ erat exhibenda pro censu, Cæsarem esse vestrum in temporalibus principem, illi ergo date honorem & tributum, & cætera quæ illius sunt vestra confessione, Quod si dixissent. Nos vi ac metu ista cogimur confiteri: respondisset Dominus. Agatis hoc cum illo, vt cū iudice superiore. Non sum enim ego constitutus iudex super vos: quia regnum meum non est de hoc mundo. Ad meas oues nunc est cura mea: de his quæ ad iura vestra spectant, aliud & alibi erit iudicium, & animaduersio. Et hæc satis nunc ad quæstionem propositam. Sequitur:

*Reddite ergo omnibus debitum, &c.* Constituta ergo rationibus potestate terrena, & ostensa iusta ratione exigendi tributa vt iuste debita, & cætera quæ debentur maioribus, & iis qui sunt in potestate, incipit hortari ad hæc dicens, Reddite ergo omnibus debitum. Hoc enim datur ob ministerium: quia princeps est Dei minister, vt & pœnis malos, & præmiis ac laude bonos afficiat. Et ob hoc ministri debent principes officij sui, & vt id agant ad quod instituti sunt, videlicet, vt bonos laudent, & malos corripiant: & vt ob hoc ipsum tributa capiant, & non ad gloriam, & luxuriam superexcedentem, vt etiam plusquam oporteat exigant, & onerent subditos importabiliter. Vestigal enim iuste exigitur: quia non absque impensis secura itinera, & transitus à latronibus possunt immunes haberi, & alia prouideri, quæ ad quietem reipub. attinent, & ad decorem faciunt.

Vnde & hic videndum ab optimo principe, ne sint immodica vestigalia, & tributa: & vt hoc fiat, propter quod sunt inducta. Qua in re peccare, valde graue est, tum quia in multitudinem peccatur: tum verò quia in pauperes. Neque enim vno tantum modo committitur latrocinium: imo insignes latrones maximè & plerunque (de malis loquor, & bonos semper cum omni honore excipio) sunt principes, qui cum iudicent & mulcent alios minores qui talia agunt, serio cogitare debent, se iudicem habere in cælis qui videt omnia, & idem erit testis & iudex, & potentes poterit punire, ac torquebit, ait scriptura. Timor etiam debetur superioribus, vt anima timeat nec insolescat. Animam dixit, non spiritum. Debetur & superioribus honor: & hic non tam principibus, quam parentibus & maioribus. Siquidem principes loco parentum esse deberent. Et ob eam causam olim in repub. Romana, qui rectè, & ex pietate administrabant, Patres patriæ dicebantur. Porro vt rem omnem tam dem absolueret Apostolus pulchrè dixit:

*Nemini quicquam debeatis, nisi vt inuicem diligatis, Quodcumque enim debitum soluendo extingu-*

Matth. 23

Sap. 16

Pro dilectione proximi.

1. Reg. 8.

An possit tyrannus impune occidi.

Job. 34.

1. Pet. 2.

Act. 5.



tur, excepto charitatis debito, quod quanto plus soluitur, tanto etiam contrahitur arctius & auge-  
tur magis: ut cui multum amando benefeceris, etiā  
plurimum benefacere velit. Talis est amicitiaē cō-  
ditio & natura, ut cui magis debeas, etiam magis  
debere velis. Nam & dare & accipere beneficia,  
est amicitiaē conseruatio & augmentum. Cōmen-  
dans autem dilectionem hanc, dicit:

*Qui enim diligit proximum, legem impleuit.* At quo-  
modo, cum etiam dilectio Dei, imò hæc potissi-  
mum exigatur, quandoquidem hoc est summum  
mandatum? Respondetur, Apostolum hic loqui  
de dilectione proximi ordinata, quæ est ad Deū,  
& propter Deum, sicut scriptum est. Ordinauit in  
me charitatem. Vnde bene dicit, *Impleuit*, quia nō  
satis est diligere Deum, nisi & diligas proximum  
propter ipsum. Conuincitur enim dilectio non  
plena, quæ ita terminatur in Deum, ut tantum in  
illo solo quiescat. Sed illa est plena & impleta,  
quæ in ipsum proximum quoque extenditur pro-  
pter Deum, quem verè se diligere multo magis o-  
stendit, ut debet. Nam si hoc propter illud, magis  
illud. Verum quia erga Deum vix exercere possu-  
mus charitatis officia, cum longè absit à visu no-  
stro, & ipse nullius indigeat: iccirco ut comproba-  
ret dilectionem erga se nostram, mandauit vnicui  
que de proximo suo, id est, ut proximo impenda-  
mus nostri erga illum amoris debita officia. Vn-  
de & B. Ioānes optimè dixit. Si proximum quem  
videmus, non diligimus, quomodo Deum quem  
non videmus, diligemus? Ac si dixerit. Dilectio o-  
stenditur, imò & nutritur, officiis. Officia autem  
illi nequeunt exhiberi, qui longè à nobis abest. Igi-  
tur si Deum quem videmus in proximo non dili-  
gimus, quomodo illum diligimus in seipso, qui re-  
motissimus est à conspectu nostro?

Quòd autem sit implementum legis, dilectio  
proximi, probat: quia quæcunque lex mandat, ut;  
*Non adulterabis, Non occides, &c.* In hoc verbo instaurā-  
tur, id est, tanquam ad summam reducuntur, *Dili-  
ges proximum tuum sicut teipsum.* Sed quæritur, Quā  
obrem ait Apostolus: Et si quod est aliud manda-  
tum: quasi nesciuerit, nunquid esset aliud.

Et cur omittit de parentum honoratione, quod  
erat primum secundæ tabulæ mandatum? Et cur  
non ordinatè enumerat, quæ enumerat, ponens  
primo: Non adulterabis, & deinde: Non occides?

Et cur de prima tabula verbum nullū? An (quæ-  
so) primæ tabulæ resoluuntur in dilectionem pro-  
ximi, ac non magis in dilectionem Dei?

Porro, cur tanquam vno præcepto concludit,  
quæ videntur duo esse, videlicet, Non concupisces  
rem, &: Non concupisces mulierem. Apostolus ve-  
rò ait: Non concupisces?

Respondeo ad singula: & ad primum. Cum B.  
Paulus non hîc vellent adamussim docere legis præ-  
cepta, sed obiter tanquam aliud agenti occurreret  
de his loqui, non curauit vel numerum ponere,  
vel ordinem. Et ostendit se quasi nescire, quod nō  
erat opus docere: nos hic suo exemplo docēs, non  
esse omnia omni loco & tempore adamussim ex-  
ponenda, quæ obiter differentiter occurrunt: sed ex  
his tantum accipiendum, quantum ad rem pro-  
positam satis sit. Et hoc contra illos qui in infinitum  
quæstiones quæstionibus annectere non ces-

sant: & volunt singula minutatim expendere, ut  
lectorem confundant, quem per multas digressio-  
nes verè confundunt, & à re principaliter proposi-  
ta auertunt.

De parentum honoratione iam dixerat: Cui ho-  
norem, honorem. Quod verò cætera mandata re-  
capitulari dixit in illud de dilectione proximi, ita  
accipiendum est, ut sentiat de mandatis non pri-  
mæ, sed secundæ tabulæ. Vel etiam primæ tabulæ  
mandata quodam modo rediguntur ad dilectio-  
nem proximi, ut declarat B. Catharina Senen. De-  
nique concupiscentiæ peccatum rectè distingui-  
tur in duo præcepta, propter diuersa obiecta quæ  
concupiscuntur, & faciunt diuersas species concu-  
piscentiæ. Nam altera carnis est concupiscentia, al-  
tera oculorum.

Denique concludit Apostolus, dilectionem pro-  
ximi, seu proximo, iuxta græcam literam, malum  
non operari. Et quòd plenitudo legis est dilectio,  
sicut declaratum est. Cui autè dubiū, quod qui di-  
ligit proximum, non operatur malum? quia quod  
cunque malum excogitari potest, aut contra pro-  
ximum est, aut in seipsum. Qui autem diligit pro-  
ximum sicut seipsum ut oportet, diligit Deum su-  
per seipsum, & super proximum, & omnia illi or-  
dinata sunt, ut non valeat operari malum, intelli-  
gendo sub opere malo etiam contineri non opera-  
ri quod bonum est. Non enim potest diligere pro-  
ximum, qui seipsum non diligit. Nec seipsum po-  
test diligere, qui Deum non diligit. Hoc enim ip-  
so quòd Deum nō diligit, verissimè seipsum odit,  
quem tenetur post Deum diligere, & in Deo. Vi-  
de ergo quomodo plenitudo legis est dilectio.

Hic annotandum, perspicuè intentionem Apo-  
stoli esse, hoc mandatum: Non concupisces, imple-  
ri posse, quanquam secus aliquando doceat B. Au-  
gustinus, locum istum aliter quam oporteat, in-  
telligens. De quo tamen alibi latius. Si enim hoc  
præceptum non possit impleri, quomodo verifica-  
tur quod superius dixit, Christum venisse, ut iustifi-  
catio legis impleteretur in nobis?

Et hoc scientes tempus. Oportet hîc supplere, ut sic  
intelligas. Et hoc, videlicet quod dixi: Nemini  
quicquam debeatis, nisi ut inuicem diligatis, debe-  
tis exequi & implere, non solum propter ea quæ  
dicta sunt, quæ vera sunt: sed etiam scientes tem-  
pus (ut seipso græcè legitur) id est, temporis opportu-  
nitatem & occasionem. Non enim omnia omni  
tempore æquè conueniunt. Tempus dormiendi  
noctè: tempus vigilandi, cum dies apparet. Vnde  
bene subditur:

*Quia hora est iam nos de somno surgere.* Hoc ergo  
scientes, id est, scire debentes ab ipsa nimirum lu-  
cis apparitione. Pro huius autem loci intelligen-  
tia sciendum est, somnum metaphoricè sæpe in  
scripturis intelligi, nec vno tantum modo. Nam  
qui mortui sunt, dormire dicuntur, ut mors somni  
nomine intelligatur, sicut dixit Dominus: Laza-  
rus amicus noster dormit: sed vado ut à somno ex-  
citè eum. Mors enim hominum cum eiusmodi  
non sit, quæ totius hominis destruat compositū,  
propter animam quæ immortalis est, & propter  
spem resurrectionis corporis: & quia sic dormien-  
tes operari vltra non valent ad meritū, rectè som-  
no comparatur secundum fidem, quia veniet qui

B. Cathari-  
na Senen.  
in dialogo  
suo.

Quomodo  
plenitudo  
legis sit di-  
lectio.

Præceptum  
illud: Non  
concupis-  
ces, impleri  
posse.

Dormire  
quid sit in  
scripturis.

Cant. 2.

1. Ioan. 4.



ab hoc somno excitabit. Hic est qui & Lazarum excitauit, quinimo & semetipsum, qui & de se dixerat: Ego dormiui, & soporatus sum, & exsurrexi, quoniam Dominus suscepit me. Et in hunc modum somnus accipitur in veteri scriptura, ut cum dicitur: Cum dederit dilectis suis somnum.

Alio modo capitur somnus, & intelligitur respectu operarum, quæ à nobis in hac vita exiguntur ab ipso Domino, ut idem sit dormire, quod non operari. Et contra, vigilare, idem est quod operari. In quo sensu nobis dicitur, Vigilate: quia nescitis diem neque horam. Hoc enim verbo iubet ut operemur, sicut & alibi exprimit: Operamini dum dies est. Veniet nox quando nemo poterit operari. Et go dormire dicuntur, qui non operantur præcepta Dei. Et si quidem hoc noctu agunt, minus malum est, propterea quod excusari possunt à defectu lucis. Sic enim fuisse in nocte dicuntur, qui præcesserunt aduentum Christi veri Solis, qui & de se ait: Ego sum lux mundi. Et in Sapientia cap. 6. loquuntur tales, Sol intelligentiæ non est ortus nobis. Ergo cum iam Christus aduenit, non est hora noctis, sed diei & lucis, si cum elapso iam tempore conferatur. Olim erant figurarum & umbrarum plena omnia: quibus obsecta veritas, in his non elucebat. At postquam Christus nobis ortus est, iam in resurrectione sua diluculum tempus venit, ut surgamus à somno pigritiæ & nequitiae, & induamus vestes verarum virtutum honestas & nuptiales. Lucis enim splendor, qui per euangelium corda nostra illustrauit, verat ne dormiamus ultra in operibus tenebrarum, sed epulemur manducantes sancte cibum, qui roborat ad perfectam operationem. Manducantes inquam dignè, ne infirmi efficiamur & imbecilles, ac dormiamus, sicut faciunt multi, teste Apostolo. Bene ergo sequitur:

Nunc enim propior est nostra salus, quam cum credimus, &c. Nox præcessit, &c. Licet quidam legant; nox processit, sed rectè se habet: præcessit. Et pro intelligentia sciendum est, tria tempora esse distinguenda. Primum quod ante Christum præcessit. Secundum post Christi aduentum præsentis sæculi. Tertium est futuri sæculi. Primum ergo tempus dicitur noctis: quia non clarebat tunc Sol veritatis & iustitiæ. Secundum verò duos habet respectus, alterum ad tempus quod præcessit, alterum ad id quod sequetur in futuro sæculo. Si igitur conferatur cum priore tempore, respectu illius dicitur dies: & ita hic accipit Apostolus. Si verò conferamus cum futuro sæculo, potest adhuc dici nox: quia lux ista gratiæ, quæ nobis interim effulget, est instar tenebrarum respectu futuræ lucis in gloria, & illius luminis gratiosi & gloriosi. Vnde Dominus hoc tempus per vigilias noctis distinguit. Et pastor dicuntur custodire vigilias noctis. Et B. Petrus sermonem propheticum quasi lucernæ assimilat lucenti in caliginoso loco, hoc tempus huius noctis adhuc indicans. Quare & hoc tempus rectè diluculo comparatur, quasi de nocte aliquid, & de die similiter participans. Videmus enim nunc per fidem, & non per spem, sed per speculum in enygmate aliquo. Vnde Iob ait: Visitas eum diluculo, & subito probas illum. Et Oseas: Quasi diluculum præparatus est egressus eius: ideo rectè ait, Apostolus:

Nunc, id est, quando apparuit gratia Dei in Filio suo, propior est nostra salus, quam cum credimus. Cœpit enim aliquo modo Iudæis appropinquari salus, cum cœperunt credere Messia venturo, & gloriabantur dicentes: Nulla est tam grandis natio, quæ habeat Deos appropinquantibus sibi, sicut Deus noster adest nobis. At nondum erat tempus veræ & perfectæ appropinquationis per fidem, & vberiore gratiam, sed quando clamare cœpit magnus Præcursor: Appropinquauit regnum Dei. Et ipse etiam Christus, & Apostoli ipsi idem prædicarunt: & sic expansum est illustrissimum in toto orbe euangelium. Tunc nox præcessit, id est, euauit: tunc dies appropinquauit, quia (ut diximus) in diluculo erat. Non igitur vera nox, sed nec adhuc perfectus dies: sed expectatur post hoc sæculum. Est nihilotenus tempus surgendi à somno & operandi appositum & commodum. Vnde cōgruè sequitur,

Abijcimus ergo opera tenebrarum. Opera tenebrarum sunt opera ignorantiae, & peccati. Nam tenebræ dicuntur ignorantia, & peccatum. Opera tenebrarum sunt etiam opera malorum dæmoniorum, & peruerlorum hominum, qui & ipsi vocantur tenebræ. Sicut dixit Dominus, Hæc est hora vestra, & potestas tenebrarum.

Et induamini arma lucis. Arma lucis sunt fides, spes, charitas, vigilantia, perseuerantia, & huiusmodi. In his enim honestè ambulamus, sicut in die, id est, decenter, quemadmodum exigit ipsum diei & lucis tempus. Multa enim sunt nocte licitè, quæ facillè condonantur propter temporis conditionem. Induetur homo nocte vestibus vilibus, fortassis & laceris, quibus illum puderet uti illuciente die. Et ob eam causam cum dies succedit, sumit elegantiores, nitidiores, & pretiosiores. Sic enim seruiatur honestas, & personæ decorum. Talis erit homo nouus in Christo, scilicet, indutus vestibus nuptiarum, id est, clarioribus virtutibus fide, spe, & iustitia perfecta: quia dies est. Et his vestibus honestè ambulabit: quoniam honorabilis est sponsus, & amat sponsam, in qua iam non sit macula neque ruga. Habet enim ille diuinus Sponsus elegantes secum formarum spectatores, nimirum Angelos, qui nesciunt noctem, & nocturnas abominantur inhonestates. Alibi etiam Apostolus dicit eleganter in hunc sensum: Qui dormiunt, nocte dormiunt: & qui ebrii sunt, nocte ebrii sunt. Perinde ac si dixisset, eos qui decenter & honestè dormiunt, nocte solitos esse dormire. Nox enim ad quietem & laboris remissionem ordinata est, Et similiter qui sunt, ebrii honesta ebrietate, sunt nocte ebrii, non die. Nos autem qui diei sumus, sobrii simus, induti lorice fidei, & galeam salutis. Hæc enim sunt arma lucis. Vnde prosequitur declarans opera tenebrarum:

Non in comessationibus. Græcè *κῆμαις*, id est, superfluis conuiuuiis. Comos enim deus erat temulentia. Et ebrietatibus. Hæc sunt opera noctis, quæ & in noctem peccatorum inducunt, videlicet, excessus in comestione & potu, cui rei multum seruiunt assidue epulantes & ebrii, quos hic notat Apostolus. Et quia hinc sequuntur cætera libidines, bene sequitur: Non in cubilibus & impudicijs. Et quia opera tenebrarum & carnis sunt etiam ad contentio-

Psal. 126.

Matth. 25.

ioan. 9.

Ibid. 6. 8.

De tempore gratiæ &amp; hanc vitam &amp; alios mores, postulant.

Luc. 2.

1. Pet. 1.

1 Cor. 13.

Iob. 7.

Osee. 6.

Matth. 3.

Luc. 22.

1. Thess. 5.



nes, & æmulationes, & ipsi in huiusmodi tunc passim peccabant, rectè & opportunè addit. *Non in contentione, & æmulatione, ut hinc accipiat occasionem sequentis exhortationis.*

*Sed induimini dominum Iesum Christum.*

Hic opponit omnibus tenebrarum operibus indumentum domini Iesu. Qui enim induit illum, omnia quæ sunt veteris hominis exuit, & quæ sunt noui induit. Hæc indumenta sunt heroicae summe virtutes, lucidæ & conspicuæ, tum quia Dominum ipsum respiciunt oculo altò ac sublimi: tum etiam quia & ipsum proximum. Qui enim Christum induunt, lucem induunt, & lux fiunt aliis ad rectum iter mandatorum Dei.

Et quia posset quis dicere: Ita ne debemus prorsus spernere corpus nostrum, nec illud tueri? Aut negligere pariter propagationem debemus: quia dicit non in cubilibus? Absit. Sed audi quid adiungit. *Et carnis curam ne feceritis in desideriis*, siue concupiscentiis, id est, nolite tueri ac curare carnem, ita ut erumpat illa contumax in concupiscentias improbas. Ac si dixerit, hæcenus curandam esse, quatenus sobrietas patitur, & cuiusque status conditio, ut scilicet seruiat caro spiritui, spiritus autem Deo.

#### CAP. XIII.

**I**nfirmum autem in fide assumite, non in disceptationibus cogitationum. Alius enim credit manducare se omnia. Qui autem infirmus est, olus manducet. Is qui manducat, non manducatem non spernat: & qui non manducat, manducantem non iudicat. Deus enim illum assumpsit. Tu quis es, qui iudicas alienum feruum? Domino suo stat aut cadit. Stabit autem: Potens est enim Deus statuere illum. Nam alius iudicat diem inter diem, alius autem iudicat omnem diem. Vnusquisque in suo sensu abundet. Qui sapit diem, Domino sapit: & qui manducat, Domino manducat. Gratias enim agit Deo. Et qui non manducat: Domino non manducat, & gratias agit Deo. Nemo enim nostrum sibi viuit, & nemo sibi moritur. Siue enim viuimus, Domino viuimus: siue morimur, Domino morimur. Siue ergo viuimus, siue morimur, Domini sumus. In hoc enim Christus mortuus est, & resurrexit: ut & viuorum & mortuorum dominetur. Tu autem quid iudicas fratrem tuum? aut tu quare spernis fratrem tuum? Omnes enim stabimus ante tribunal Christi: scriptum est enim, Vivo ego dicit Dominus: quoniam mihi flectetur omne genu: & omnis lingua confitebitur Deo. Ita unusquisque nostrum pro se rationem reddet Deo.

**I**nfirmum autem in fide, &c. B. Paulus hoc in loco ad eorum contentiones descendit, quæ ab improbis & pestiferis procedebant æmulationibus, dum non rectè conuenirent Iudæi & Gentiles, sed alteri in alteros inflarentur aut spernendo immisericorditer, aut iudicando insipienter, superbe autem ex utraque parte. Erant enim Gentiles qui credebant, id est, ex fide reputabant (Ideo est vox græca *πίστεως*, id est, credit) manducare omnia, id est, credit non esse in fide Christi ullam ciborum discretionem, ut alius esset immundus, alius verò mundus. Et verè nulla est discretio: quia omnis creatura Dei munda. Nam munditia & immunditia à duobus esse potest, Aut natura, Aut prohibitione. Non quidem natura, cum omnis creatura Dei bona sit. Non vltèrius prohibitione: quia iam lex in huiusmodi quæ erant elementa & umbræ futurorum, cessauerat, & locum dederat Christo, qui potest mundare omnia, quod lex non poterat. Sed non omnes habebant hanc scientiam. Ideo & tunc erant infirmi in fide qui metuebant, ubi omnis timoris cessauerat ratio: & volebāt semper manere in legis lacte & elementis. Quare à multis ciborum generibus abstinebant, eos discerentes iuxta legis præscripta. Et ij manducabant olera, Vnde spernabantur à Gentibus tãquam insipientes, & qui nescirent fidei veritatem. Illi verò contra iudicabāt Gentes quasi legis temeratores, idque imperitè, cum lex suum vigorem iam amisisset. Quamobrem Apostolus occurrens huiusmodi disceptationibus, Primò fatagit, ut succurrat infirmo in fide, ne contemnatur: quia Dominus non contemnebat illum. Ideo ait:

*Infirmum autem in fide assumite*, aut suscipite, ut legit B. Augustinus, siue sustentate misericorditer. Tales debemus esse in illos, qui infirmi sunt in fide. Non enim extra fidem sunt, qui licet veritates fidei non omnes habeant, tamen quæ sunt manifestè determinata recipiunt. Firmitas autem fidei intelligitur secundum intensionem in corde, qua suscipiuntur credenda. Talis fuit fides Abrahe, qui contra spem in spem credidit plenissimè persuasus de omnipotentia Dei. Vnde qui est infirmus in fide secundum intensionem, etiam plerumque est secundum extensionem, eorum videlicet quæ credenda sunt secundum veritatem. Nam fides parum intensa intrus (quia caret luce monstrante limpide veritatem) non facile ac benignè admittit omnia quæ proponuntur, sed oportet captiuare intellectum: cuius rei non indigent qui fide polent, & iam firmi sunt. Nam ij penè vident quæ credunt & facillimi sunt ad credendum omnia: quia in eis est dilectio Dei, quæ abiicit affectus inordinatos, vnde & clarius lumen habent interius. Propterea & de charitate dicitur, quod credit omnia. Pro pace ecclesie solutandos esse infirmos.

At Iudæi illi Iuipforum & suæ Gentis amantes, aspergebantur tenebris huius affectus, & infirmi erant adhuc in fide, non tamen omnino reprobis, sed tolerati ad tempus in sua infirmitate, assumendi à Deo. Itaque suscipiendi erant ad tempus, & non spernendi, quoadusque securis ad radicem poneretur, id est, donec perfectæ fieret determinatio ab Apostolis, & per illam abscissio illorum foliorum legis, quæ sine fructu erant & succo verita-



tis. Et ideo prohibet ne illi veniant in diiudicationes disceptationum. Quilibet enim diiudicabat veritatem esse in parte sua: unde contiones oriebantur, quæ Christianos minime, & potissimum initio nascentis ecclesiæ, dicebant. Quamobrem admonet Apostolus, ut Gentilis manducans non spernat Iudæum non manducantem. Et non manducans Iudæus Gentilem manducantem non iudicet: quia Deus assumpsit illum ut filium per euangelium in Christo. Assumpsit autem inferendo in oliuam bonam, & in radicem non legis, sed patriarcharum & Abrahamæ fidelis, in quo velut in typo fides incœpit. Fide enim ab initio iustificatus est, & non ex operibus legis. Unde & in gratiam christianæ tranquillitatis & concordia, quæ inde perturbabatur, excandescens, rectè corripit temeritatem iudicantis, & ait:

*Reprehenditur iudicium Iudeorum in Genes.*  
*Tu quis es, qui iudicas alienum seruum?* Ut ostendat non solum peccatum falsi, sed etiam illegitimi iudicii, ut pote ab eo, ad quem iudicare non atineat. Ideo dicit: Tu quis es, qui iudicas alienum seruum cum non sis pastor, aut dominus eius: ac propterea non tibi stet aut cadat, sed domino suo? Græcè legitur proprio Domino. Hic est Christus Creator noster ac Redemptor, cui stamus, & cadimus. Potest autem, imo & præcepto euangelico obligatur, frater fratrem admonere & corripere, sed fraternè & modis debitis, & non ut superior etiam iudicare. Sed ne videatur Apostolus concedere in ea libertate manducandi esse peccatum, addit:

*Stabit autem: Potens est enim Deus statuere illum, siue stabilire.* Nota ut à potentia concludit effectum. Et benè consequitur penes Deum tamen, ut quod potest facere, etiam faciat, quoad beneficentiam & misericordiam pertinet, quâdo ex parte nostra non ponitur obex, aut res non sit per se indecens. Sic & superius argumentatus est de Iudæis, quod si non permâserint in incredulitate, & ipsi inferentur. Id autem quamobrem? quia, inquit, potens est Deus inferere illos.

*Legis veteris obligatione absoluntur Christiani, non à luctu euangelico.*  
 Annotandum est autem hoc in loco, ea quæ dicit Apostolus hic & alibi de cibis, malè seruire hæreticorum ventri & ingluuiei, qui abstinentiam & omnem ciborum delectum prætextu carnalis suæ libertatis improbant. Non enim Apostolus quenquam à Christiano luctu soluit, sub quo ieiunia continentur: sed solummodo ab obseruantia veteris legis, & ne dicatur vllus cibus immundus. Nam per Christum cuncta sunt munda, si modo qui manducat fuerit mundus. Verùm alia quæstio est de abstinentia & luctu, quem qui non probât, statum veri Christiani improbant, & crucis Christi nolunt esse participes. Et qua tandem frôte sperabunt se posse æternæ consolationis esse participes? Ipsemet enim Dominus dixit: Beati qui lugent, quoniam ipsi consolabuntur.

*Nam alius iudicat diem inter diem, &c.* Apostolus prosequitur eandem exhortationem, adiungens alium casum, quod quidem iudicabant diem ad diem. Et quidam iudicabant omnem diem. Est enim propositio casus qui accidebat, & non redditio rationis superioris dicti. Unde græcè non legitur. Nam alius, ut videatur cōnecti superiori dicto, tanquam redditio rationis, sed legitur. *Alius quidem iudicat, &c.* Iudicare diem ad diem erat cense-

re aliquem diem alij diei præferendam suapte natura, v.g. Iudicabant sabbatum, & alias legum solennitates, & neomenias, & quæ legis erant onera etiam libertate Christi iam exorta, perpetuo seruanda esse & portanda, ac si serui perpetuò futuri essent, & nunquam liberandi per Christum. Hæc tamen eorum fides similiter & error, ad tempus fuerunt illis permixta, ut non præcipitarentur qui erant infirmi in fide. De qua tamen re conqueritur Apostolus ad Galatas. Dies (inquit) obseruatis, & mensibus, & temporibus, & annis, videlicet, in lege præscriptos. Sed hoc dicebat Gentibus: quoniam etiam ad tempus tolerati sunt Iudæi, qui hæc seruari debere putabant, excusante illos consuetudine ac lege: Ipsæ tamen Gentes non erant tolerandæ in eo, à quo paulò post erant ablactandi Iudæi, sed nondum tempus maturum aduenerat statuendi, & decidendi hanc veritatem, ne multi eorum adhuc infirmi in fide inciderent in scandalum, & perderentur.

*Vnusquisque in suo sensu abundet.* Hanc B. Pauli ad monitionem ad sedanda vtriusque partis dissidia, quidam ineptè intelligentes, crediderunt factam vnicuique ab illo circa hoc liberam potestatem statuendi quod magis placeret, & sic in sua deliberatione permanendi: imo ut abundaret quilibet in suo sensu, id est, abundantius hæreret. Et hoc intelligendum esse in iis quæ ad fidem non spectant, docuerunt. Sed hoc longè abest ab apostolico spiritu, ut talia scilicet moneat quæ duritiam pariunt, & sunt ad confirmationem falsitatis, & contentio-  
*Primum.*  
 num præbent fomenta: cum econtrariò præcipiatur. Ne innitaris prudentiæ tuæ. Et præterea, Ista quæstio in re proposita, erat de pertinentibus ad veritatem euangelij, & sic ad fidem per se: licet nondum exigeretur à Iudæis ut res fidei propter infirmitatem eorum.

Igitur alia est expositio, nimirum debere vnumquemque in suo sensu abundare in gloriam Dei, videlicet, ut quod credit, ad Dei gloriam illud ordinet. Mihi aliquando, antequam græca consuluissem, non displicuit hic sensus, ut videatur Apostolus ita admonuisse, non quidem ut quisque retineret sensum suum, sed ut manens in suo sensu abundaret, videlicet, charitate in proximum ad ædificationem, non ad destructionem, ne per contentionem vinculum charitatis solueretur. Et hoc est abundare apud B. Baulum, ut vbi ait: Quoniã amulatores estis spirituum, ad ædificationem ecclesiæ quærite ut abundetis.

*Quid sit in proprio sensu abundare.*  
 Hic quidem sensus in se est utilis in morum disciplina. Sed aliud profecto hoc in loco sensit B. Paulus: quia nullum hic verbū legitur, quo significetur abundare, sed positū est *καρποφορεῖτε*, hoc est, satisfaciatur, aut cōfidatur, seu plenissimè persuasus sit. Nam & interpret supra, cum de Abrahamæ firma fide loqueretur Apostolus, verbum *καρποφορεῖται* vertit, plenissimè sciens.

Hic ergo verissimus est huius loci sensus, quod quilibet qui in sensu suo manet, ita debet manere, ut reuera sit persuasus, & satisfaciatur saltem sibiipso hoc est, ut videat ne zelo nimio, & contentio-  
*I. Cor. 14.*  
 studio velit custodire positionem ad victoriam: & ne coram aliis ferat confusionem ignorantia, ea pertinaciter defendat, in quibus tamen sibiipso non



Quid obser-  
uandum sit  
in discepta-  
tionibus cir-  
ca theologi-  
cas quæstio-  
nes.

satisfacit. Nam ut quidam rectè ait: Leuis est ei cōsolatio, qui in semetipso conscientia testè confusus est, licet ab aliis ignoretur. Nam & sciatur aliquando cum maiore confusione, & fortassis iam scitur à plerisque. Oportet ergo ut qui vult custodire sententiam suam in suo sensu, verè sic se habeat intus in conscientia, ut sit certus se simpliciter ambulare. Cui si aliquando patuerit veritas, sit paratus decedere de sententia, & oblatam amplecti veritatem. Et in hoc interim satisfaciat sibi ipsi id est, conscientia suae, certò sciens id quod tenet, apparet sibi verum, etsi fortè sit falsum. Id enim interdum siue per humanam ignorantiam ac tenebras, siue propter rei difficultatem & obscuritatem non licet discernere. Qui igitur sic errat non affectatè nec pertinaciter, solummodo falsus colore veritatis (quia hoc humanæ conditionis est) dignus est venia. Quis enim tanta vnquam felicitate præditus nominari potuit, seu etiam potest, qui in nullū sit lapsus errorem? Autores sacrae scripturae semper excipio. Id ergo vigilanter quisque attendat, ne adsit malitia, aut studium conuentio- nis, & cupido gloriosæ: & se huius animi esse certitudinem habeat.

Et hic est elegans & pulcherrimus Apostoli hoc in loco sensus, quem vtinam amplectaremur omnes. Non equidem essent tot opinionum turbæ, non tot contentiones, quæ christianam charitatem, si fortè non scindunt, certè non parum diminuunt. An non quod Patrum nostrorum multis lachrimis ac sudoribus ædificatum est, huius inobseruantia præcepti labascit, & in interitum tendit? Vtinam hoc verum non esset plus satis. Nam quanta sunt dissidia nata in ecclesia ob istum zelum? Et quot sectæ propter varios à singulis ordinibus selectos doctores? Inde Thomistæ, & Scotistæ præcipui vigent, qui aluerunt acres inter se controuersias, dum plus valet Doctoris apud vnū quenque, quàm veritatis autoritas, & ecclesiæ sanctæ perseuerans diuturnus vsus. Nam de immaculata cōceptione immaculatæ Virginis Matris Dei & aliis huiusmodi, quot exorta sunt scandala in ecclesia Dei? Et vtinā finis aliquando. Ergo ut per omnia confirmetur hæc exhortatio, ne sensuum diuersitas dissidiū pariat charitatis, addit suasionem ex dictis, & ait:

*Qui sapit diem, Domino sapit. Et qui manducat, Domino manducat.* In græcis legitur etiam illud. Qui nō sapit, Domino non sapit. Et commodè quidem. Similiter: Qui manducat, Domino manducat. Et sic e contrario: Qui non manducat, Domino non manducat. Nam quisque gratias agit Deo. Diximus diem ad diem iudicare, non esse aliud, quàm diem super aliam diem esse obseruabilem sua nobilitate ac dignitate. Idem est etiam sapere diem, id est, probare & præferre. Et manducare, nihil aliud est, quàm putare liberè posse sumi quemcunque cibum, etiam à lege antiqua vetitum. Sensus ergo est:

*Qui sapit diem*, id est, probat obseruantiam dierum, *Domino sapit*, hoc est, propter Dominum obseruat, tanquam seruiens Domino, putans in hoc se obsequium præstare Deo. Et similiter accidit in manducantibus: quia Domino, id est, propter Dominum quilibet id agebat, cum gratias ageret. Et

hoc Apostolus ponit esse vniuersaliter apud illos, quid ex debito debere esse prædixerat, & quod inuicem quisque debebat esse persuasus de altero. Quo stante, merito cessare deberent contentiones: quia vnusquisque in vnum tendebat, id est, in laudem Dei, & parū interesset (donec fert Deus) an quis obsequatur illi vno modo, an verò alio, si tamen putat certo modo seruiens, gratiorem se illi fore. Omnia tamen absque proximi offendiculo agat.

*Nemo enim nostrum sibi viuit, & nemo sibi moritur, &c.* Quia nullus est iam suæ potestatis suiue iuris postquam redemptus est à Christo, ut testatur etiam alibi Apostolus: Empti enim estis pretio magno, & non estis vestri, &c. Vnde non sibi debet viuere, nec sibi mori, id est, suo arbitrio in cōmodum suum, & in gloriam suam. Loquitur enim de corporis vita & morte: quia Dominus, vitæ nostræ & mortis nostræ est Dominus. Illius enim sumus siue viuentes, siue morientes. Nam in hoc Christo resurrexit, ut dominetur viuis & mortuis. Non est factus ille Dominus solummodo viuentium, sed mortuorum: quia regnum eius æternum est, & super omnes.

Sed quomodo dicitur Dominus mortuorum & viuorum, cum Christus ipsemet in euangelio dixerit: Deus non est Deus mortuorum, sed viuentium? Respondetur, quòd Dominus Deus benedictus non potest esse Deus mortuorum, id est, eorum qui perfecta morte essent mortui, id est, secundum animam & secundum corpus, ut putabāt hæretici. Nam mortui vox in scripturis est valde æquiuioca, iuxta variam hominum acceptionem. Vnde dicit Dominus, Sine mortuos sepelire mortuos suos. Non obsto etiam, si quis mortuos eos intelligat, qui cum Christo per baptismum mortui sunt: quia iam illi non viuunt, sed viuit in eis Christus. Alij autem dicuntur viuere, qui adhuc sunt in suæ carnis potestate, qui similiter & Christo viuunt, qui & viuis & mortuis dominatur. Et enim viuentes & morietes acquisiuit: ita ut & qui viuunt, Domino viuant ad eius gloriam, sed alio modo quàm illi mortui, qui crucifixerunt carnem suam cum vitiis & concupiscentiis suis, ut ait ad Gal.

Cum verò notum esset, quosdam eorum nō ambulare secundum hanc doctrinæ formam, sed ex Iudæis erant, qui iudicabant arroganter & imperitè Gentiles: & ex Gentibus qui spernebant immisericorditer Iudæos infirmos, ideo aduersus omnes addit? *Tu autem quid iudicas fratrem tuum? Aut tu quare spernis fratrem tuum? Omnes enim stabimus, &c.* Et pro hoc affert scripturam dicentem, *Viuo ego dicit Dominus, &c.* Verba autem scripturæ pulchra sunt admodum, & Apostolicam de Christo doctrinam confirmantia, apud Isaiam. In me- Isa. 45. metipso iuravi. Egredietur de ore meo iustitiæ verbum, & non reuertetur: quoniam mihi incuruabitur omne genu, & iurabit omnis lingua. Apostolus dixit: *Viuo ego dicit Dominus in Isaias*: In me- metipso iuravi. Expresit enim Apostolus iurandi modum, quo Deus vtitur in scripturis. Item quod Isaias dixit: Et iurabit omnis lingua per nomen meum. Apostolus dixit: Confitebitur Deo, nimirum ipsi Christo. Quia iuramentum est spe- cies



cies confessionis diuinæ, & sub religione comprehenditur. Cur igitur omnino prohibent isti heretici iuramentum, cum in prophetia sit, quod per illud confitemur ipsi Deo? Licet enim ipse Pater loquatur dicens, Egredietur de ore meo Verbum iustitiæ, id est, Christus iustitia nostra, & non reuertetur, id est, non cessim ac retrorsum redibit absque fructu: quoniam mihi incuruabitur omne genu. Id enim erit ante tribunal Christi: quia qui incuruabunt se ante Christum, etiam ante Patrem se curuabunt. Quandoquidē tunc clarificabitur à Patre in cœlis, sicut ipse clarificauit Patrem in terris: Et vnusquisque, videlicet eorū qui priuari sunt, nec gerunt personam intendētis vel speculatoris, vt sunt prælati & magistrī, reddet ante tantum tribunal de se rationem. Prælati autem & de se & de aliis, qui illorum regimini subiiciuntur. Quod si diligenter perpenderent hodie multi, non tanta facilitate (ne dicam simonia & ambitione, per fas & nefas) ad ecclesiastica sacerdotia irruerent, nulla ratione habita ætatis, eruditionis, probitatis vitæ atque integritatis, quæ tamen summa in iis qui præsunt, pro dignitate gradus necessariō exigitur. Itaque cōpescit vnūquēque Apostolus, ne propter cōseruum & confratrem nimiam curā suscipiat, & supra quā debeat. At quātum, obsecro, hac in parte peccatur, cum reperiatur non pauci qui sollicitē curant aliena, & quæ ad se minime pertinent: propria verō miterē negligunt. Porrigit ergo huic malo remedium Apostolus, & subiungit:

Non ergo amplius inuicē iudicemus. Sed hoc iudicate magis, ne ponatis offendiculum fratri vel scandalum. Scio, & cōfido in Domino Iesu, quia nihil cōmune per ipsum: nisi ei qui existimat quid commune esse, illi cōmune est. Si enim propter cibū frater tuus cōtristatur: iam nō secundum charitatem ambulas. Noli cibo tuo illum perdere, pro quo Christus mortuus est. Non ergo blasphemetur bonum nostrum. Non est enim regnū Dei esca & potus: sed iustitia, & pax, & gaudium in Spiritu sancto. Qui enim in hoc seruit Christo, placet Deo, & probatus est hominibus. Itaque quæ pacis sunt, sectemur: & quæ ædificationis sunt, inuicem custodiamus. Noli propter escā destruere opus Dei. Omnia quidem sunt munda: sed malum est homini qui per offendiculum māducat. Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur. Tu fidem habes penes temetipsum, habere coram Deo. Beatus qui non iudicat semetipsum in eo quod probat. Qui autem discernit, si manducauerit damnatus est: quia non ex fide. Omne autem quod non est ex fide, peccatum est.

Non ergo amplius, &c. Concludit ex dictis B. Paulus, non debere illos viterius mutuis iudiciis taxari, quoniā hoc esset iudicare de secretis cordis: Sed vt illud potius iudicent, hoc est, rectum censentes probent, seu constituent, non esse ponendum fratri offendiculum, aut scādalum. Offendiculum est, quo aliquis in via detinetur, ne vltiā progredi valeat. Et scādalum, quō offendentes saepe cadunt. Qui enim spernit, ponit offendiculū: quoniam qui spernitur, tristitia afficitur: vnde saepe retrahitur à seruitiō Dei, ac per hoc saepe corrumpitur, ita vt offendiculum vertatur ei in scādalum.

Verūn tē taceret quod erat secundū veritatem: quō aliqui ex illius testimonio errorē in recognoscere, & ita non paterentur offendiculū, aut scādalum, dixit:

Scio & confido in Domino Iesu, id est, persuasum, ita vt fidenter valeam dicere in Domino Iesu: quia in eo certior factus sum. Aur, quia hæc fuit virtus Iesu, videlicet, mundificādi omnia. Certus inquam sum, quōd nihil commune est per ipsum, melius per se. I. suapte natura nihil est immūdum. Id enim est hic commune quod immundū, prophanum, non sanctum. Quoniā omnis creatura Dei bona est, & nihil reiciendum, quod cum gratiarum actione percipitur. In latinis legitur, Nihil cōmune per ipsum, videlicet, Iesum qui mundauit omnia. Sed priori sensui magis congruit quod sequitur.

Nisi ei qui existimat quid commune esse, illi commune est. Ac si dixerit, Per se quidem & suapte natura nihil est commune, sed existimatione fit commune: quia error conscientie facit legem erranti. Quod enim putat quis esse contra Deum, & facit, peccat: quia quod ex te est, paratum se ostendit facere cōtra Deum, quo animo iniquus cōstituitur. Ad dicit etiam, vt suadeat non esse in huiusmodi infirmitate spernendum fratrem: quoniam non is ambulat secundum charitatem, qui fratrem tristitia afficit: quia firmum membrum infirmo membro tristitiam inferre non solet, sed blandē palpat & fouet. Adiecit potentissimam atque efficacissimam persuasionem, inueniens:

Noli cibo tuo perdere illum, pro quo Christus mortuus est. Ac si dixerit: Non facis aliquid magnum, si per modicam abstinētiā cuiuspiam cibi curas obsequi fratri tuo, cum tanti fuerit ille apud Christum, vt non dubitauerit ipse pro eo mortem oppetere: Perdebatur autem Iudæus infirmus, si Gentilis coram Iudæo vsus esset sua libertate comedendi sine discretionē.

Primō quia ob hanc iniuriā separabat se Iudæus à communione fidelium, & blasphemabat Christum cum sua ecclesia, & ita peribat. Tū verō quia ex ipsa contentione nascebatur apud eos, qui foris erant, occasio deridēdi ecclesiam, in qua essent huiusmodi dissidia, & ita blasphemandi Christianam doctrinam, ac legem: ideo adiecit,

Non ergo blasphemetur bonum nostrum, præcipiēs ne detur occasio iis qui foris sunt, blasphemandi bonum nostrum. i. bonum ecclesiæ commune; quod est Christus, & per illum ineffabilia Spiritus sancti dona. Vel bonum nostrum. i. euangelicam doctrinam, quæ per cōtentiones Christianorum, dum alius quidē vnum, alius itē aliud sentit & prædicat, vituperatur nō abtq; blasphemia, cum sit doctrina

Contra Gē  
tes quæ sper  
nebant in  
firmos Iu  
dæos.

Error con  
scientie pec  
catū parit.



Dei. Et ideo magnum est prælatorum peccatum, qui suo pessimo exemplo dant occasionem hæreticis & schismaticis contemnendi, & blasphemandi ecclesiam Dei. Et ne quis diceret quòd in abstinendo, vel non abstinendo consisteret salus & regnum Dei, respondet:

1. Cor. 8.

*Non est enim regnum Dei esca & potus.* Et hoc est quod aliàs aliis verbis declarauit, dicens: Esca autè non cõmendat nos Deo. Neque enim si non manducauerimus, videlicet, amitteremus gratiã Dei. Neque si manducauerimus, abundabimus. Voluit ostendere quòd non in iis de se consistit regnũ Dei, quæ sunt adminicula vel ad bonum, vel ad malum ob circumstantias, & finem ipsum: & ideo nisi sint præcepta ab ecclesia, manent inter indifferentia. Sunt enim hæc iudicanda secundum charitatem, quæ ædificat: & item secundum ea quæ inde sequuntur, vt sic censeantur vel bona, vel mala. Nam hoc est regnum Dei, videlicet,

Gal. 5.

*Iustitia, & pax, & gaudium in spiritu sancto.* Per iustitiam intellige legẽ charitatis. Hæc est enim perfecta iustitia, vt rectè ait B. Augustinus: Diliges Dominum Deum tuum ex toto corde tuo, &c. Alibi Apostolus dixit, quòd fructus spiritus sunt charitas, gaudium, pax, &c. Hic ergo dicit iustitiam pro charitate. Neque potest esse sine gaudio charitas: quia spem secum habet possidendi dilectum, quem hic videt oculo fidei, vnde pax in corde gignitur. Sic enim gauisi sunt discipuli viso Domino. Audierunt enim: Pax vobis. Diffusa est (vt diximus) diligenti Deum ipsa charitas per Spiritum sanctum in habitantem in nobis. Porro magna est differentia inter gaudium & gaudium, & inter pacem & pacem. Est gaudium & pax ex mundo, & est ex Deo, & Spiritu sancto. Ac tãtò hæc pax & gaudium perfectius, quanto præstat carni Spiritus, & terrenis supereminet cœlestia. Apostolus ergo vt idem sua deat, in esca & potu non consistere regnum Dei: quia iis vtimur ad charitatem Deo ostendendã tanquam instrumentis, adiecit commodissimè.

*Gaudij & pacis differentia.*

Matth. 9.

Ioan. 17.

*Qui enim in hoc seruit Christo.* In iis, inquit, quæ pertinent ad proximi ædificationem, vel confirmationem, obsequendo illi. Et dicitur seruire Christo: quia ecclesia tota Christus est. Et ob eam causam græcè præponitur articulus, Christo. Cum ergo seruens & ministrans Christo, placeat Deo, iam optimè sequitur & ex ordine, quòd faciens in gratiam proximi (quod est infirmari cū illo obsequij gratia) placet Deo, Ipse enim Deus misericordiam vult, & non sacrificium. Et Christus dixit: Volo Patrem, vt vbi ego sum, illic sit & minister meus. Et alibi: Quod vni ex minimis meis fecistis, mihi fecistis. Vnde concludit egregiè:

*Itaque quæ pacis sunt sectemur, &c.* Vt non destruat opus Dei, quod est ipsius ecclesiæ constructio, propter escam, id est, propter obseruationes illas, quæ circa escam sunt, vel edendo, vel abstinendo. Non enim propter escam ecclesia est, sed esca propter ecclesiam. Et ne quis obiiceret, An non mihi licet manducare? An non Christus mundauit omnia? Cur igitur libertas mea perire debeat propter stomachum fratris? Respondet. Verè omnia sunt munda. Et hac consideratione tibi manducare licet. Verum quia manducando hæc munda, contingit fratrem tuum infirmum offendi, pro quo Chri-

stus mortuus est, malum tibi redditur manducare ista, tametsi munda: quia tu non misereris fratri tuo infirmo. Quamobrem bonum redditur non manducare carnem, & non bibere vinum: neque quid aliud in quo frater offenditur, vt sic desistat ambulare in via Dei. Aut scandalizatur, vt sic cadat & ruat. Aut infirmatur, vt propterea tepidè prosequatur iter, quod cepit in Christo. Et ne quis veritatẽ rei opponeret, quæ videtur esse manifestanda, & errores minime esse fouendos, quod fieri hac simulatione videbatur, mirè respondet Apostolus iis præclarissimis verbis, consulens mirabiliter vtrique patri, & ait:

*Tu fidem habes,* id est, Tu doctus es in re fidei, plane perspicies tibi licitum esse comedere. Sed hæc fidem penes te ipsum habere coram Deo, ne noceas infirmo fratri. Et hoc semper est faciendum circa ea quæ tolerat ecclesia: quoniam dissimulada sunt, & cædendum est infirmitati vsque ad tempus, quo res patefiat. At tunc non est vltra dissimulandum, sed prædicandum liberè, & sequendum audacter quod sanxit ecclesia. Non enim omnia quæ sunt fidei semper, & ab omnibus exiguntur, sed tolerat ecclesia vsque ad tempus propter infirmos. Neque in eiusmodi obsequiis est vllum mendacium, aut vera simulatio, sed tectio magis & occultatio veritatis. Quod quidem est licitum: imò & tempore & loco exigitur. Agnosce verò sanctam sancti huius viri astutiam, qui dum pro infirmo videtur suadere compassionem, eadem opera veritatem aperiendo, hoc agit ne sit infirmus. Et simul eum qui spernit infirmum, corripit de immisericordia, & tenui charitatis affectu, ait:

*Beatus qui non iudicat semetipsum in eo quod probat.* Aliqui exponunt, à beato Paulo beatificari illum, qui non iudicat, id est, non damnat semetipsum in re quam probat, videlicet, esse bonam. Sed quã ridicula, obsecro, hæc beatificatio. Quis enim eò vsque stultus, vt semetipsum damnet, in eo quod probet non esse dånabile? Occurrerent multa contra hunc tam frigidum sensum, quæ non libet explicare. Sunt & alij sensus, quos (quia manifestè non quadrant) non censui operepretium esse prosequi vel recitare.

Hic enim (ni fallor) verus, & apostolico spiritu dignus est sensus, beatum esse non iudicare semetipsum etiam in bonis. Licet enim, & bonum est iudicare quæ bona sunt, bona esse, non tamen seipsum bonum est propterea iudicare: quod fit per elationem, aliis sese præferendo propter scientiam quæ inflat, quia iudicium Dei est: ac si dixerit, Beatum est se summissè gerere, & humiliter se habere, & non proprio iudicio se aduersus proximum extollere etiam in causa bona, sed misereri fratri, & relinquere iudicium Deo: quod pauci faciunt. Dicat ergo homo cum B. Paulo, si tamen potest: Nil mihi conscius sum. Sed & hoc mox adiciat ex illo: Sed non in hoc iustificatus sum: qui autem me iudicat, Dominus est. Vide igitur hoc in loco, iudicare seipsum significare cum autoritate, & tanquam discernere se ab aliis proprio iudicio, quod est superbum, tametsi probet quæ verè probanda sunt, nec erret. Nam id est probare, tanquam experimento rem certò ac planè nosse. Sed non in hoc quisq; probatus est, quòd seipsum cõmendet, sed si

*Quid sit verè seipsum non iudicare in iis quæ probantur.*

1. Cor. 4.



commendetur à Deo. Multa enim sunt, in quibus offendimus omnes. Vnde bonum est semper sibi timere etiam in tutis, & cōsentire sine peccato fratri suo. Et qui id agit, beatus. Et hæc dixit Apostolus homini veritatem scienti, nec discernenti, videlicet cibū à cibo. In eum verò qui discernebat, adiungit:

*Omne qđ non est ex fide peccatū est, quomodo intelligatur.*

*Qui autem discernit, si manducaverit dānatus est, quia non ex fide. Omne autem quod non est ex fide, peccatum est.* Hic locus difficilis est multis, propterea quod non sanè capiant, quomodo manducans cum opinione peccati, dicatur id facere non ex fide, cum fidei veritas id permittat. Quare sunt qui hic, fidē, exponant, cōscientiam: quod verē novum est ac in auditum. Damnat hunc intellectum B. Augustinus in Pelagianos disputans. Et simpliciter verum esse putat, peccatum esse quodcunque non est ex fide. Certissimum verò est non esse ex fide, quod facio contra conscientiam putans esse malum, tamen si non sit malum.

Quod ut apertius videas, bonelector, considera re debes, quod fides edicit quædam principia, & ex his edicit multa particularia. Principia quæ edicit fides sunt, verbi gratia: Diliges Dominum Deū tuum, &c: Serua mandata eius. Qui autem putat se cum peccato manducare, si manducat, iam non facit ex hac fide: quia ostendit se non diligere, & non curare ut mandata seruet. Licet ergo respectu huius particularis, quod fuit manducare, non sit contra fidem, id est, cōtra legem fidei: quia lex fidei dicit esse licitum manducare: Tamen in eo quod ipse putat prohibitū, facit contra fidem in eo, quod fides dicat esse parendum Deo, & conscientia intus dicit illi se non parere. Ergo facit contra fidem, seu præceptū illud, Deo esse parendum, Licet non contra illud de non manducado, quod iam non est ulterius, & cessavit.

Sed illud multis durum videtur, Omne quod nō est ex fide, esse peccatum. Non enim dubitavit B. Augustinus sapenumero hanc Apostoli sententiam vsurpare ad probandum, omnem infidelium actum esse peccatum. Quod plerique non probant, & exponunt B. Augustini, & huius loci verba non ad mentem autorum, sed ad propriam voluntatem. Hactenus hoc in loco cum B. Augustino cōcludo, imò cum Apostolo indistinctè: Omne quod non est ex fide, peccatum est. Modo hoc intelligamus in homine qui tenetur habere fidem, & de actibus humanis, qui à ratione proficiuntur. Nam fricās barbam, aut quid aliud animale faciens, non oportet ut ex fide faciat: quoniam nec à cōsilio & ratione tale factum proficiuntur.

Illud verò non omittendum propter hereticos, qui ex hoc loco, & aliis paucis ex Apostolo & ex euangelio, contra abstinentiam & Christianum luctum, & delectum ciborū ac ieiuniorum movetur: & prædicant ecclesiam contra Apostoli sententias, & ipsius Christi, habere delectū ciborum, & indicare ieiunia. Christus enim dixit. Non quod intrat in os coinquinat animam, sed quod exit ex ore, &c: Māducate quæ apponuntur vobis. Apostolus etiam hic dicit, Non est regnum Dei esca & potus, sed iustitia & pax, &c: &c: Nihil est immundum per se. Item: Omnia munda mūdis. & alibi: Spiritus manifestè dicit, quod in novissimis diebus discedet qui

dam à fide, attendētes spiritibus ertoris, prohibentes nubere, abstinere à cibis quos Deus creavit, & car. Hæc enim & alia, sed iis similia, adducuntur ut decipiant parum in sacris literis instructos.

Quamobrem sciendum est primū, Dominum in euangelio illo nihil prorsus contra abstinentiam esse loquutum, ac ciborum delectum: sed contra quādam Phariseorum stoliditatem, vanissimamque superstitionem de lotionē manuum, quā præcipiebant fieri ante & post cibi sumptionem, perinde ac si ex manuum immunditia cibus ille manibus tractatus illoris contaminaretur, & ita manducatus ipse cibus coinquinaret animā: quod est insanum vel cogitare: Vnde ipse dixit discipulis: Adhuc & vos sine intellectu estis? Nō intelligitis quod omne quod intrat in os, in ventrē vadit, & in secessum emittitur, &c. Et concludit: Non loris autē manibus manducare non coinquinat hominem. Alioqui si illo in loco prohibuisset ciborum delectum, soluisset legē ante tempus, quam tamen venerat adimplere. Et B. Petrus inobediens fuisset, si nō comedisset quęcunque indifferenter iuxta Domini mandatū: vel Deo mentitus esset, cum ab eo post resurrectionē inuitatus manducare quæ prohibita erant à lege, respondit. Absit Domine, quia nunquam manducaui omne cōmune & immundum. Quare Dominus in primo loco docuit non inquinari cibum, ita ut coinquinet animam à manu immunditia: Et alio in loco non prohibet ciborum delectum, sed admonet discipulos ut sumant de omnibus eis apposis, quæ tamē non essent contra legis mandatum: hoc enim præsupponebat. Nam tūc nondum Gentibus prædicabant; sed Iudeis, qui non apponebāt in mensis, nisi quæ licita erant & munda secundum legem.

Voluit autem Dominus, qui omnia disponit planè ac suauiter, illos ciborum nō habere delectum per abstinentiam apud hospites, sicut habebāt domi ipso Domino docēte. Et hoc ne morosi essent apud alios, & rem novam, quæ facile posset offendere imperitos, ingererent. Satis erat hoc servare; id est, habere luctum christianum apud semeripsum: Nam erant etiam prohibiti tunc ne prædicarent Dominum esse Christum. Quod si hoc pacto non intelligatur ille locus, non succurrit alius, in quo possit homo quiescere, intellectus. Apud Apostolum autem hic & alibi, nō prohibetur ciborum delectus, qui propter Christū ad edomandum corpus, vel cum illo lugendum assumitur, & inducitur ab ipsa ecclesia: Sed prohibetur tantum ille delectus qui erat ex lege, ut quidam cibi censerentur immundi. Nam cum adventus Christi mundificasset omnia, non poterat ulterius (nisi superstiosè) distingui cibus à cibo, quasi ille mundus, ille immundus: quoniam per se omnes cibi mundi sunt, nisi prohibitionē Dei fiant immundi. Cum illa ergo Dei prohibitio cessasset per Christum, & omnia munda essent, factum est ut sit superstitio, aliquos cibos dicere communes, seu immundos.

Et verissimum est, in esca & potu non esse situm regnū Dei. Et quod esca non commendat nos Deo: quoniam in ipso vel māducare, vel non manducare, non consistit principaliter vita nostra spiritalis, sed in obseruantia mandatorum Dei: hæc est iustitia. Itaque an manducare, vel non manducare

*De cibis & delectu ciborum cōtra hereticos.*

*Marc. 7.*

*Mat. 10.*



fit bonū, debet cenferi non per fe, fed ab eo, nimirum fi attineat ad iuftitiam, & charitatē & pacem, & gaudium in Spiritu ſancto. Si enim cum proximi ſcādalo manducas, non rectē facis: quia hoc nō eſt ex iuſtitia & charitate, neque ad pacem attinet. Quāto ergo magis ſi manducas contra præceptū eccleſiæ ad caſtigationem corporis ordinatum, & vt nos membra lugeamus cum capite noſtro Chriſto? Nam dicere ieiunia eſſe prohibita in lege Chriſti, & conſequenter delectum ciborum, qui comprehenditur in ieiuniis, quid eſt aliud quā dammare ipſum in primis Chriſtum, B. Ioannem Baptiſtam, Apoſtolos, omnes ſanctos, omnes patriarcharum regulas, & verbum ipſius Domini, qui de Apoſtolis prædixit, quod ablato ab eis ſponſo lugerent, & ieiunarent? Item dicere à Chriſto nō fuiſſe indiſta ieiunia indiſto luctu, & ab ipſo beatificato, quid eſt aliud quā ſeparare velle membra à capite, & non intelligere eccleſiam eſſe viduā? De qua re & proprium Tractatum feci.

Denique quod blaſphemantes adiiciūt, à B. Paulo in ea prophetia ſugillatam eccleſiā, cum ait: Spiritus manifeſtē dicit, &c. mendaciū eſt impudens, & blaſphemia. Non prohibet eccleſia nuptias, ſed probat & honorat. Prohibet autem ſacrilegas nuptias apoſtatarum monachorum, & miniſtrantium altari circa corpus Chriſti: & iubet Domino reddi vota, quæ vouiſtis, miſeri, & perfidē poſtmo do perſregiſtis mentiti Spiritui ſancto. Nec eccleſia iuſſit nos abſtinere à cibus quos creauit Deus, quaſi eſſent immundi, & non creatura Dei. Hoc enim, hoc inquam, deteſtatur Apoſtolus eo in loco, quod erat Manichæorum, & Tacianorum inſanum dogma, qui abſtinere iubebāt à certis cibus, quos negabant eſſe à verō Deo, ſed ab autore Diabolo. Contra quos Apoſtolus ad literam diſputat, vt nihil reiiciatur per ſe immundum, ſed cum gratiarum actione percipiatur. Verū non propterea luctum Chriſtianum prohibet & ieiunia, qui & in his valdē gloriatur, dicens. In ieiuniis multis, &c. & caſtigat corpus ſuum, & in ſeruitutem redigit, ne fortē ipſe aliis prædicās, reprobis efficiatur carne laſciuiente, ac ſpiritum ſuperante. Et hæc ſatis ad exploſionem nouæ doctriinæ eorum, qui audēt contra matrem ſuam eccleſiam.

## CAP. XV.

**D**E B E M V S autem nos firmiores; imbecillitates infirmorum ſuſtinere, & non nobis placere. Vnuſquiſque veſtrum proximo ſuo placeat in bonum ad ædificationem. Etenim Chriſtus non ſibi placuit: ſed ſicut ſcriptum eſt, Improperia impropertium tibi, ceciderunt ſuper me. Quæcunque enim ſcripta ſunt, ad noſtram doctriinam ſcripta ſunt: vt per patientiam & conſolationem ſcripturarum ſpem habeamus. Deus autem patientiæ & ſolatij, det vobis idipſum ſapere in alterutrum ſecundum Ieſum Chriſtum: vt vnanimis, vno ore honorificetis Deū & Patrē domini noſtri Ieſu Chriſti. Pro-

pter quod ſuſcipite inuicē, ſicut & Chriſtus ſuſcepit vos in honorem Dei. Dico enim Chriſtum Ieſum miniſtrum fuiſſe circuncisionis propter veritatem Dei ad confirmādas promiſſiones patrum: Gentes autem ſuper miſericordia honorare Deum, ſicut ſcriptum eſt: Propterea conſitebor tibi in Gentibus Domine, & nomini tuo cantabo. Et iterum dicit: Lætami Gentes cum plebe eius. Et iterum: Laudate omnes Gentes Dominū, & magnificate eum omnes populi. Et ruruſ Iſaias ait: Erit radix Ieſſe, & qui exurget regere Gentes, in eum Gentes ſperabūt. Deus autem ſpei repleat vos omni gaudio & pace in credendo: vt abundetis in ſpe, & virtute Spirituſſancti.

**P**ROſequens Apoſtolus exhortationē ſuam, omnibus quæ obiici poterant, ſatisfacere curat. Poterat enim aliquis in fide iam firmior, & eius zelo (nē ſuam integritatem propter infirmos minus retineret) ſuccenſus obiicere: Ergo ne relinquenda erit perpetuū fidei veritas in gratiam imbecilliorum? Huic ergo cogitationi tanquam miriſſimus & ſapientiſſimus magiſter occurrit Apoſtolus, & qua ratione faciendum ſit, maniſteſtius explicat, dicens:

*Debemus autem nos firmiores, &c.* Debemus, inquit, quia charitas id exigit tanquam debitū. Et hīc nota, quod inter firmos in fide ſe ponit beatus Paulus: quia ſic verē erat, & ſic debebat ſe oſtendere, cum eſſet magiſter Gentium. Et verē hic eſt charitatis ordo, quæ compago quādam eſt mēbrorum in vnum corpus, vt membrum nobilius ignobili ſibi conſentiat, & quoad licet, compatiatur: & non ſibi ipſi quilibet placeat, id eſt, non ſibi placens homo ſatisfaciat, vt ſuis donis contentus contemnat cæteros tanquam ſibi ſufficiens, & quaſi aliorum ad ſe non pertineat ſalus.

*Sed vnuſquiſque veſtrum,* inquit, *proximo ſuo placeat in bonum ad ædificationem.* Dicit in bonum: quia in malum nō licet neque aſſentari, neque aſſentiri. Aut melius, In bonum (vt græca vox *ἰνὰ τὸν ἀγαθόν* innuere videtur) id eſt, ad perfectionem ſummam, quæ ex omni parte reſultat. Non enim ſatis eſt cuique ſibi iuſtum eſſe, niſi & miſerendo proximi ſui, impleat ſic omnem iuſtitiam. Nam qui ſibi eſt iuſtus, minus eſt iuſtus. Quare dictum fuit B. Ioan. Baptiſtæ: Sic nos decet implere omnem iuſtitiam. Et quia id maximē perſuadetur exemplo ipſius Chriſti, qui eſt caput noſtrum, ideo adiecit:

*Etenim Chriſtus non ſibi placuit, &c.* cum tamē ſuſciperet ſibi ipſi, noluit eſſe contentus proprio bono ſuo, ſed vt perfectio operaretur, non ſolum ſubſtituit noſtras infirmitates, verū etiā aſſumpſit impropertiam aduerſus Deum facta, vt illa in ſeipſo putaret, ſicut ſcriptum eſt. Improperia impropertium tibi ceciderunt ſuper me. Hæc eſt vox Chriſti ad Patrē in pſalmis: vt ex hoc exemplo, qui ſunt Chriſti meliora membra, diſcant quomodo & ad ipſos pertineat implere omnem iuſtitiam. Vnde ſequitur:

*Quæcunque enim præſcripta ſunt, ad noſtram doctri-*

2. Cor. II.

Imitatio  
Chriſti  
ga infir-  
miores ma-  
ioribus per-  
cipitur.



*nam præscripta sunt.* Nostram, ait, eorum præsertim qui sunt maiores in Christo, atque illi propinquo res. Et vocat quæcunque præscripta, scripturas solum veteres sanctas. Nam alia scripta non accipit pro scriptis, cum non sint sancta, id est, inuolabilia, neque sancta contineant, i. vitam æternam: sed mortalia, & ferè errorum plena omnia. Hæ igitur scripturæ maximè ad veram nostram doctrinam præcesserunt, videlicet, ut fiat homo per has perfectus in iustitia, ad omne opus bonum instructus.

Et nota in scripturis duo maximè simul iungi, à nobis capienda. Nam sese mutuo sustinent, & neutrum sine altero stare potest. Vnum est, patiëntia in sustinendo promptè ac perfectè vsque in finem: Alterum consolatio propter spem æternorū. Hæc est enim quæ maximè operatur in nobis patiëntiam. Si ne vllò quippe solatio quis vnquam pateretur? Et quis in passionibus perdurare posset? Solatium autem est à spe futurorum bonorum. Et sine patiëntia quæ potest esse spes? Oportet autem Apostolus ut hoc inuicem sapiant, id est, hoc se sentire facto ipso inuicem ostendant. Hoc sanè est verè sapere in agendis, videlicet, applicare scientiam facto, ut id agas, quod agendū esse scientia seu prudentia monstrat. Et quia id sine Spiritu Dei esse non potest, bene precatur illis Apostolus, dicens:

*Deus autem patientia, & solatiū.* Ipse nimirum clementissimus Pater, qui in afflictionibus patiëntiam & solatiū donat, infundendo suam in cordibus nostris charitatem, cum sit Pater misericordiarum, & Deus torius consolationis, *det vobis id ipsum sapere inuicem secundum Iesum Christū.* i. sicut ipse Iesus exemplo monstrauit. Quod ut magis declaret, addit:

*Propter quod & suscipite inuicem, sicut & Christus suscepit vos in honorem Dei.* Suscepit nos Christus eò quod super se posuit iniquitates omnium nostrum, & lauit, & terxit nos, & exhibuit nos Deo lotos in gloriam ipsius Dei. Et cum dicit, *inuicem*, hoc certè vult, ut Iudæus Gentilem, Gentilis autem Iudæum assumat, sustineat, erigat: quia Christus vtrunque suscepit in honorem Dei. Quod probat dicens:

*Dico enim Christum Iesum ministrum fuisse circumcisionis,* id est, populi circumcisi suscipiendo eius culpas, & derogando, & hoc propter veritatem Dei, videlicet, ut ostenderetur Deus verax: quia id promiserat olim patribus, Abraham, & sequentibus ex illo. Gētibz verò apparuit ex mera misericordia: quia nihil illis fuit promissum. Non enim per legē aut prophetas locutus est cum eis Deus. Neq; tamen putandum est, non venisse ad Iudæos Christum ex misericordia, licet venerit ex veritate propter promissionē: quia & ipsa promissio ex misericordia fuit. Similiter non est putandum, ad Gentes illum non venisse ex veritate, propter promissionem: quia & ipsa promissio ex misericordia fuit. Nam etsi illis specialiter non promiserit, decreuit tamen in seipso, & quasi sibi promisit: quia non erat tantū Deus Iudæorum, sed & Gentium. Et tamen eluxit copiosius misericordia eius in Gentes, quibus nihil promiserat, quā veritas in Iudæos, quibus promiserat. Alioqui vniuersæ Domini viæ misericordia & veritas. Hoc autem quod ait de Gentibus, probat ex Psalmista, & primò ex eo loco vbi legitur:

*Propterea confitebor tibi in Gētibz, &c.* Hæc est vox Christi, qui pollicetur confessionem suam Patri in

Gentibus. Confiteri autem Christum Patri in aliquo, est sua merita illi applicare. Est enim mos scripturarum ita loqui, ut manifestent inuicem: quoniam per Christū omnia consequimur, & eius merita nobis applicata, faciunt nos mereri etiam de condigno. Nisi enim ipse confiteretur Patri in nobis, nihil nobis proderet omnis nostra confessio. Sic dicitur & in nobis accepisse dona: quia se fecit vnumquemq; nostrum & cuiuslibet personam induit. Propterea & confessio nostra tantummodo est in eo valida, & sua in nobis: quia ipse pro salute propria cōfiteri non indigebat. Quod enim ei suo iure debitum erat, propter nos abiectum, iterum acquisiuit. Vnde & sic legitur in euangelio iuxta græcam veritatem, Qui in me confessus fuerit coram hominibus, cōfitebor & ego in eo coram Patre meo. Producit & alium scripturæ locum manifestiorem ex cantico Deuter. vbi legitur:

*Latamini Gentes cum plebe eius,* siue cum populo eius, qui erat Iudæorum populus. Quanquam Beatus Thomas hunc locum citet ex Isaia cap. 35. nisi forte corruptè legatur. Quidam putant desumptum testimonium ex Psalmo 67: vbi legitur. Exultent & lætentur Gentes: quoniam iudicabit populos in æquitate. Sed certè hic locus non cōuenit cum verbis quæ citat Apostolus: quoniam singulari numero ait populum, non populos. Manifestè autem vides ex loco illo Deuteronomio applicatas fuisse Gentes populo Iudæo, id est, electis illis, qui non sunt repulsi, sed steterunt in Christo propter electionem: aut qui quauis alia gratia applicuerunt se Christo. Nos tamen legimus in eo loco, Laudate Gentes populum eius. Et noui interpretes aliter. Et tamen in eundem sensum recidit quauis lectio. Nec enim populum Dei Gentes laudare poterant, nisi cum illo susceptæ essent à Christo. Adiecit & ex alio psalmo:

*Laudate omnes Gētes Dominum, & magnificate eum omnes populi,* seu potius collaudate, seu adlaudate, ut græca lectio habet, omnes populi, siue Gentes, siue Iudæi. Soli enim Iudæi, non sunt omnes populi, sed vnus populus. Addit & Isaia testimonium:

*Erit radix Iesse, & qui exurget regere Gentes, in eo Gentes sperabunt.* Sic ferè habet Septuaginta translatio. Et adiecit, Er erit requies eius honor. Beatus Hieronymus ad veritatem hebraicam sic transtulit. In die illa radix Iesse, qui stat in signum populorum. Et quod Septuaginta dixerunt, Er requies eius honor, beatus Hieronymus dicit: Er erit sepulchrum eius gloriosum. Idem autem prorsus est sensus: Nā Septuaginta & Apostolus exposuerunt quod dicitur, Qui stat in signum populorum. Radix enim Iesse Christus ex purissima Virgine: quia erectus in crucem velut quondam æneus ille serpens, quem iussus est Moses erigere, qui stetit in signum omnium populorum, & Gentium, ut omnes Gentes ad eum aspicientes à moribus serpentium saluarentur. Hoc ipsemet Dominus expressit. Sicut Moses, ait, exaltaui serpentem in deserto, ita exaltari oportet Filium hominis, ut omnis qui credit in ipso non pereat, sed habeat vitam æternam. Quod verò Apostolus ait,

*Et in eo Gentes sperabunt.* Ibi habetur, Ipsum Gentes deprecabuntur, & meritò. Qui enim deprecatur eum, spem suam in eo constituit. Et quod dicitur

*Quid est Christum Patri confiteri.*

*De vilitate scripturarum.*

*Christus ad Iudæos venit propter promissionem ad Gentes misericorditer.*

*Ioan. 5.*



runt Septuaginta, Et erit requies eius honor, sepulchrum eius respicit, quod fuit honorificum, & est adhuc. Ideo dicit B. Hieronymus, Et erit sepulchrū eius gloriosum: quia vacuum cadauere, propter excellentes resurrectionis decus: & propter mysterium, quia corpus peccati ita extinctum est, ut iam nusquam appareat. Quod autem sequitur:

*Deus autem spei repleat vos omni gaudio & pace in credendo, ut abundetis in spe, & in virtute spiritus sancti.* Quidam putant hoc abundare, eo quod in grācis nō inueniatur hoc in loco, sed in fine epistolæ, nec hīc apte cohærere aiunt eiusmodi deprecationem. Sed qui hoc existimāt, magno in errore versantur. Conuenit enim hæc deprecatio appositissimè, quæ & in plerisq; grācis reperitur. Nam ad seruādā monita superiora, inuocat Deum spei, quem superius, patientiæ & solatiij Deum vocauit. Spes enim hos habet assiduos secum comites, ut sit vera spes, vide licet, patiētiā expectationis ob solatium futurorum & cœlestium bonorum. Vnde homo repletur gaudio & pace credens Deo, ut sic abudet erga proximum per officia charitatis in spe retributionis aternæ, quam reddet Deus superabundantem, coagitatam, supereffluentem in sinum eorum, qui eius amore inflammati, omnia sua studia, omnes labores, & cogitationes, exequendis diuinæ legis mandatis applicarunt per assistentiam virtutis Spiritus sancti, quæ facit eos fortiter & libenter tolerare omnia, sicut alibi de seipso testatur aiens, Omnia possum in eo qui me confortat.

Philip. 4.

Certus sum autem fratres mei & ego ipse de vobis: quoniam & ipsi pleni estis dilectione, repleti omni scientia, ita ut possitis alterutrū monere. Audacius autem scripsi vobis, fratres, ex parte, tanquam in memoriam vos reducens, propter gratiam quæ data est mihi à Deo, ut sim minister Christi Iesu in Gentibus, sanctificans euangelium Dei, ut fiat oblatio Gentium accepta & sanctificata in Spiritu sancto. Habeo igitur gloriam in Christo Iesu ad Deum. Non enim audeo aliquid loqui eorum, quæ per me non effecit Christus in obedientiam Gentium, verbo & factis, in virtute signorum & prodigiorum, in virtute Spiritus sancti. Ita ut ab Ierusalem per circuitum vsque ad Illyricum repleuerim euangelium Christi. Sic autem prædicaui euangelium hoc, non ubi nominatus est Christus, ne super alienum fundamentum ædificarem: sed sicut scriptum est, Quibus non est annuntiandum de eo, videbunt: & qui non audierunt de eo, intelligent.

*Certus sum, &c.* Excusat prudenter exhortationis suæ fiduciam, & modestiam simul insinuat. Primum quidē se non admonuisse eos, quasi non bonos, aut quasi boni ignaros, cum de ipsis certum se esse asserat, id est, persuasum, quod essent repleti o-

mni bonitate & sciētia, ita ut possent vel alios monere: sed se fuisse audacem non tam ad docendum quæ nescirent, quàm ad memorandum quæ scirent: quia data erat illi gratia à Deo, ut esset minister Christi in Gentibus, sanctificans. i. sacrum faciens euangelium: vnde & se ministrum vocauit euangelij. Græcè enim legimus, *ὑποεργον*, sacra rei ministratorem: & *λατρευον*, id est, sacrificum: quia ad hoc euangelium prædicaui, ut fieret oblatio Gentium accepta & sanctificata in illo. Est ergo res sacra euangelij prædicatio. Nam qui prædicatione apostolica instructi crediderant euangelio, erant tanquam oblatio, quæ sanctificata est ab omni immunditia per ministros, ac per hoc Deo accepta: quoniam secundum Dei voluntatem & ordinem. Et hoc contra eos qui nullum ordinem cōsiderant in ecclesia: nec sciunt quod quidam immediate statuuntur per Christum, ut fuerunt maiores sancti, Patriarchæ & Apostoli. Et alij statuuntur per istos maiores: & non aequaliter omnes sunt in Christo. Et propterea etiā imploramus intercessionem sanctorum & suffragia: quod & ad maiorem Christi gratiam facit.

Hoc in loco considerent attentius præcones verbi Dei, quales esse illos deceat, qui rem tam sacram administrant, & pro Christo legatione funguntur. Hoc res ipsa monet, nimirū ut & ipsi primum puri sint, & sermo eorum purus & purè euangelicus. Dico ipsos puros ab omni peccato, & ab omni sordē, ut purè exhibeant quod est Dei, non turpis lucri gratia, aut inanis gloriæ cupiditate: sed solum Dei voluntatem, & animarum salutem cogitantes & appetentes.

Et præterea immunes sint à peccato, ne sermo eorum condemnet eos: & ut fructuosus sit, ne quod oratio ædificauerit, turpe exemplum destruat, memores diuini verbi: Peccatori dixit Deus, Quare tu enarras iustitias meas, & assumis testamentum meum per os tuum? Tu verò odisti disciplinam: proiecasti me os retrorsum. Si videbas furem, currebas cum eo: & cum adulteris portionem tuam ponebas. Os tuum abundauit malitia: & lingua tua concinnabat dolos. Sedens aduersus fratrem tuum loquebaris: & aduersus filium matris tuæ ponebas scandalum. Hæc fecisti, & tacui. Existimasti iniquè, quod ero tui similis: Arguā te, & statuam contra faciē tuam. Verba integra placuit hīc proferre terribilia, ut qui dicendi gratia valent, videant ne ea abutantur ad propriam sibi gloriam cōparandam: magis sollicitè inquirentes an benè audiant apud vulgus, quàm studeant primi ipsi illud facere, ad quod faciendum alios exhortantur. Sunt enim pleriq; eiusmodi: & item non pauci cauponantes verbū Dei. Indignum est enim valde ac præposterū, nec (ut arbitror) absque crimine, si Ecclesiastes hoc officiū cum crimine exerceat. Nō enim ab re hoc ministerium sacrares, & sacrificium vocatur ab Apostolo: Ergo non nisi à mundis tractari debet. Sermo etiam concionatoris ecclesiastici debet esse purus ab omni fūco affectatæ eloquentiæ, & ab omni prorsus mendacio: denique ab omni doctrina quæ non sit verè utilis, & ad rem non faciat. Sequitur:

*Habeo igitur gloriam in Christo Iesu ad Deum. Quia dixit gratiam quam habuit à Deo in prædicatione euangelij, nunc dicit gloriam quam habebat in iis,*

Admonitio  
tur praedicator  
tores verbi  
Dei.

Phil. 4.



qui sua opera ac ministerio conducebantur ad Deum. Et ne quis putaret eum frustra atque arroganter iactare seipsum, addidit:

*De seipso  
prædicat  
Apostolus  
propter ad-  
ificationem.*  
*Non enim audeo aliquid loqui eorum, quæ per me non  
effecit Christus, &c.* Vt hic notes Christum in illo  
effecisse ac per illum, vt obedirent fidei Gentes: &  
quæcunque ipse operatus est, *verbo*, inquit, & *fa-*  
*ctis* prædicando; & sermonem cõfirmando signis  
& prodigiis, quæ facta sunt per illum, non in vir-  
tute dæmonum (vt calumniatores & impij obie-  
ctabant) sed Dei virtute ad confirmationem euan-  
gelicæ veritatis. Prodigia verò sunt quædam ex-  
cellentia signa, & sua magnitudine & raritate ad-  
miranda.

*Ita vt ab Ierusalem vsque ad Illiricum*, id est, ab ip-  
sa Ierusalem, & iis quæ ipsam circumadiacent, re-  
pleuerim euangelium Dei, vsque ad Illiricum ma-  
re, quod Adriaticum vocant. Euangelium autem  
Dei, quod sagenæ comparatur, & nihil aliud est  
quàm regnum Dei, tum repleti dicitur, quàm pi-  
sces huius mundi in illud per fidem ingrediuntur.  
Et vt in spiritu suo adhuc illud extolleret, & semet  
ipsum in illo, addit:

*Sic autem prædicaui euangelium, &c.* *φιλοτιμούμενος  
ἐν τῷ εὐαγγελίῳ, &c.* vt sit sensus, quod cum quadam animi  
cellitudine, & quadam sancta ambitione voluit  
ibi prædicare, vbi nullus semen iecisset, ne super a-  
lienum fundamentum ædificaret, sed sicut erat præf-  
criptum per Isaiam prophetam: *Quibus non est annũ  
tium de eo videbunt, &c.* Hæc expectant cæci Iu-  
dæi verificanda. Nos autem ante oculos cognosci-  
mus magna ex parte verificata per B. Paulum ma-  
ximè, cui gratias agere debent omnes Gentes, &  
post Christum salutem illi suam referre acceptam  
Gratias tibi sanctissimè doctor noster Paule,  
Amen.

Propter quod & impediēbar plurimū  
venire ad vos: & prohibitus sum vsque  
adhuc. Nunc verò ulterius locum nō ha-  
bens in his regionibus, cupiditatem au-  
tem habens veniendi ad vos ex multis iā  
præcedentibus annis, cum in Hispaniam  
proficisci cœpero, spero quod præteriens  
videam vos, & à vobis deducar illuc, si  
vobis primum ex parte fructus fuero.  
Nunc igitur proficiscor in Ierusalem mi-  
nistrare sanctis. Probauerunt enim Ma-  
cedonia & Achaia collationem aliquam  
facere in pauperes sanctos, qui sunt in Ie-  
rusalem. Placuit enim eis: & debitores  
sunt eorum. Nam si spiritualium eorum  
participes facti sunt Gentiles, debent &  
in carnalibus ministrare illis. Hoc igitur  
cum consummauero, & assignauiero eis  
fructum hunc, per vos proficiscar in His-  
paniam. Scio autem quoniam veniēs ad  
vos, in abundantia benedictionis euan-  
gelij Christi veniam. Obsecro ergo vos  
fratres per dominum nostrum Iesum  
Christum, & per charitatem Sancti spiri-

tus, vt adiuuetis me in orationibus pro  
me ad Deū, vt liberer ab infidelibus qui  
sunt in Iudæa, & obsequij mei oblatio ac-  
cepta fiat in Ierusalem sanctis, vt veniā  
ad vos in gaudio per voluntatem Dei,  
& refrigerer vobiscum. Deus autem pa-  
cis sit cum omnibus vobis, Amen.

*Propter quod, &c.* Textus hic facilis est intelle-  
ctu. Solam habes historiam, quæ ex parte compro-  
batur ex Actis Apostolorum cap. 19. Nam B. Pau-  
lus postquam Corinthi ecclesiam statuit & Thes-  
salonica, & Ephesi, & in iis quæ circuniacebant  
ciuitatibus, proposuit ire Ierusalem, vt mini-  
straret necessitatibus sanctorum de collectis, quæ  
congregauerat in Achaia, & Macedonia pro illis:  
& cogitabat ex Ierusalem se posse proficisci in His-  
paniam, & obiter Romam petere, vt inde in His-  
paniam iret: quod & illi contigit. Nam in Ierusa-  
lem captus, traditus est Gentibus. Ipsemet enim  
ad Cæsarem prouocauit: & Romæ mansit prima  
hac vice biennium, vt testatur B. Lucas in Actis.  
Sed & rursus reuersus est in Ierusalem, ac nouissi-  
mè iterum Romam, & capite truncatus ob egre-  
giam fidei confessionem, meruit coronam iustitiæ  
à iusto iudice.

Non est autem silentio prætereundum, non si-  
ne causa ab B. Paulo commemoratum, fuisse in ci-  
uitate Ierusalem sanctos Christi pauperes, qui ex  
mendicata stipe vivebant, pro quibus etiam ipse  
laborabat, sicut promiserat Apostolis. Vnde & col-  
lectas fecit Corinthi, & Thessalonica (& fortè ali-  
bi) pro illis. Et ait, quod ipsimet probauerunt hoc,  
id est, bene complacuit illis hoc facere. Ius enim  
erat vt qui largirentur spiritualia, retribueretur  
eis obsonium. Et hoc ad tollendum quorundam  
errorem, qui non arbitrantur debitum, propterea  
scilicet quod apud homines ius, & exactionem  
non habet. Verum exigit aliquando Deus multa,  
quæ non putamus: & cum non erimus soluendo,  
recludemur in carcerem nunquam inde exituri.  
Spondet autem Apostolus, quod postquam assi-  
gnauerit fructum istum: aut si magis placer, obli-  
gauerit, id est, fideliter reddiderit, & quasi sigillo  
cautelam accipiens rectè dari. Quo etiam in loco  
nos suo exemplo admonet, cautè procedendum  
esse in huiusmodi, vt possit reddi ratio semper bo-  
næ dispensationis. Nam & multi Iudæi inueniun-  
tur, qui non fideliter custodiunt & dispensant. In-  
ueniuntur item calumniatores non pauci, qui etiā  
bene dispensantium arrodunt famam. Qui quidē  
si deessent, bonum est tamen fidei, & infideli dis-  
pensatori, vt rationes eius videantur. Fideli qui-  
dem vt probetur fides: infideli autem vt cogitans  
se redditurum rationem, metuat, & curet inueniri  
ac probari fidelis, si non ex virtute, saltem ex me-  
tu & pudore.

*Scio autem quoniam veniens ad vos, in abundantia be-  
nedictionis euangelij Christi veniam. Obsecro ergo vos, &c.*  
Hic etiam clarus est Pauli Apostoli sensus. Vocat  
autem abundantiam benedictionis euangelij, am-  
plitudinem prædicationis ad persuasionem, ob e-  
minentem scientiam. Perit autem & orationes eō-  
rum, vt liberari possit à quibusdam incredulis Iu-

*Itinerariū  
Pauli.*



*Pro venera-  
tione san-  
ctorum.*

daus, excœcatis, & imper-suasibilibus. Et hoc ob in-  
gens periculum, quod ipse spiritu prauidebat ibi  
fore ab illis in seipsum, propter conceptam rabie  
diabolicam. Vt hinc colligamus efficacissimum  
in hæreticos argumentum, imploranda esse à no-  
bis sanctorum iam beatorum suffragia. Nam si A-  
postolus orationes viatorum requirit: quantò nos  
magis eorum qui iam extra omne peccandi peri-  
culum, assistent Dei throno, & cum lōge maiori  
erga nos charitate, quàm cum hic agerent in ter-  
ris afficiantur? Etsi enim sint extra omnem passio-  
nem (ait B. Bernardus) non exuerunt tamen erga  
nos compansionem.

*Duplex li-  
beratio, à  
molo iam  
incurso: &  
item alio-  
quin incur-  
rendo.*

Notandum insuper esse quandam à malo libe-  
rationem, in quod non incurrimus, sed non ab re  
metuimus incurrere. Et hoc in eos dictum, qui sal-  
sò putant Beatissimam Redemptoris nostri Ma-  
trem non potuisse à peccati originalis macula an-  
tè liberari, quàm eo peccato fuisset contaminata.  
Quasi verò liberatio esse non possit, imò singula-  
ris liberatio in hoc, vt quæ debebat iure aliquo in-  
currere, ex gratia & priuilegio datum sit ei ne in-  
curreret. Sed hæc nimis nota sunt, non proteruis.

Claudit tãdem Apostolus epistolam per impre-  
cationem pacis, sicut incœpit per salutationem pa-  
cis: quia à Deo omnia, & in Deum omnia. Ipse α,  
& ω, cui gloria in sæcula, Amen. Cætera non vidẽ-  
tur ad tractatum epistolæ attinere. Sunt enim salu-  
tationes & commendationes, quæ de more atte-  
xuntur in calce epistolarum. Verùm quia ego pu-  
to & has non vacare doctrina ac mysteriis pro-  
pter eos qui huiusmodi delectantur, quæ mihi oc-  
currerunt meditati, non grauabor annectere, ro-  
gans benignū lectorem, vt æqui bonique consul-  
tat, & omnia in meliorem partē semper accipiat.

## CAP. XVI.

**C**ommendo autē vobis Phœ-  
ben sororem nostram, quæ  
est in ministerio ecclesiæ,  
quæ est in Cenchreis: vt eam  
suscipiat in Domino dignè sanctis: &  
assistatis ei in quocunque negotio vestri  
indiguerit. Etenim ipsa quoque astitit  
multis, & mihi ipsi. Salutate Priscam &  
Aquilam adiutores meos in Christo Ie-  
su, qui pro anima mea suas ceruices sup-  
posuerunt, quibus non solus ego gratias  
ago, sed & cunctæ ecclesiæ Gētium, &  
domesticam ecclesiam eorum. Salutate  
Epānetum dilectum mihi: qui est primi-  
tiuus ecclesiæ Asiæ in Christo Iesu. Sa-  
lutate Mariam, quæ multum laborauit  
in nobis. Salutate Andronicum & Iu-  
niam, cognatos & cōcaptiuos meos, qui  
sunt nobiles in Apostolis, qui & ante me  
fuerunt in Christo. Salutate Ampliatum  
dilectissimum mihi in Domino. Saluta-  
te Urbanū adiutorem nostrum in Chri-  
sto Iesu, & Stachin dilectum meum.  
Salutate Appellen probum in Christo.

Salutate eos qui sunt ex Aristoboli  
domo. Salutate Herodionem cognat-  
um meū. Salutate eos qui sunt ex Nar-  
cissi domo, qui sunt in Domino. Saluta-  
te Tryphānem & Triphosam, quæ labo-  
rant in Domino. Salutate Perfidem  
charissimam, quæ multum laborauit in  
Domino. Salutate Rufum electum in  
Domino, & matrem eius & meam. Salu-  
tate Asyncritum, Phlegontem, Hermā,  
Patrobam, Hermen: & qui cum eis sunt,  
fratres. Salutate Philologum & Iu-  
liam, Nereum & sororem eius, & Olym-  
piadem: & omnes qui cum eis sunt, san-  
ctos. Salutate inuicem in osculo san-  
cto. Salutant vos omnes ecclesiæ Christi.

**C**ommendo autem vobis Phœben, &c. Hæc mu-  
lier, quam sororem suam vocat Apostolus,  
fuit (vt aiunt) huius epistolæ tabellaria: vt vi-  
deas quibus tabellariis & cursoribus vterentur ad  
fidei fundamenta deferenda. Et hanc Phœben pu-  
tant quidam fuisse vxorem Pauli: Licet ex aduerso  
alij pertinaciter nimium (vt mihi videtur) negent  
Paulo vxorem fuisse, contra nonnullorum gra-  
uissimorum autorum testimonia, non temerè re-  
nuenda. Hoc enim in epistola testatur B. Ignatius,  
& magnus doctor Clemens Alexandrinus. Quid  
autem præiudicij sit christianæ fidei: aut quid faue-  
re potest hæreticis, si ita fuerit? An non vxorem ha-  
buit B. Petrus antequàm Christum sequeretur?

Illud solū nequaquam concedendum, quod  
isti carnales patroni extorquere volunt, eos post  
conuersionem vsos re coniugij, sed vixisse cœli-  
bes. Quapropter sororem vocat, & de illa dicit. 1. Cor. 9.  
An non habemus potestatem mulierem sororem  
circūdūcēdi, sicut & ceteri Apostoli, & fratres Do-  
mini, & Cephas? Quod autem ab vsu carnali con-  
iugij abstinerit B. Paulus, ipsemet probat ad Co-  
rinthios cap. 7. Porro si quis aliter existimet de B.  
Paulo, & omnino agamon cum asseueret, obse-  
cro vt quisque in suo sensu (salua semper charita-  
te) abundet.

Mythicè Phœbes hæc significare potest fidem,  
quæ est lux vitæ purificans corda. Nam Phœbes  
idem est quod lux vitæ, lucida, pura, purgans. Et  
propterea Sol Phœbus dictus est, & Phœbe Lu-  
na, quæ noctis tenebras, in quibus nos versamur,  
expellit. Hanc enim fidei virtutem Apostolus præ-  
cipuè in hac epistola commendat, & sic postula-  
bat necessitas in gratiam Iudæorum. Hæc est, sine  
qua non potest esse cuiquam salus, cum sit funda-  
mentum cæterarum virtutum. Hæc astitit multis,  
& maxime B. Paulo, in quo humilitas significatur.  
Est enim socia humilitatis, & soror indiuidua ip-  
sa de Christo Salvatore nostro fides.

Salutate Priscam. Hæc Priscilla dicta est. Et Aquila.  
Hic vir eius fuit, & Iudæus genere. Quidam  
dubitant, quomodo potuerunt esse Romæ eo tẽ-  
pore isti, quo Claudius regnabat, qui iusserat om-  
nes Iudæos Roma secedere. Sed facilis est res-  
ponsio. Siquidem tunc potuit esse reuocatum



mandatum. Vel potuit homo ille nummis redemisse domicilium illius Urbis: aut fauore, seu aliqua iusta de causa ibi esse securè. *Adiutores meos in Christo Iesu.* In his autem rectè potest intelligi lex ipsa prisca, & sacerdotium antiquum. Nam duo hæc verè astiterunt adiuuantes humilitatem fidei, & ipsi B. Paulo cooperantes, ei testificando. Vnde & cunctæ ecclesiæ Gentium viris huiusmodi multum debent. Et bene per Aquilam illud inutile testamentum intelligi potest, non dans panem verum. Nam, *ἄκυλος*, glandem ilicis significat. Habebant & tunc domesticam suam ecclesiam à Gentibus segregatam, ob cærimoniales glandium obseruantias. Nondum enim recisa, sed recidenda paulopost erant illa in fructifera ficus & inanis folia.

*Salutate Epanetum.* In hoc laude dignos asserere voluit, qui citò primi ad lumen fidei veniunt, qualis fuit iste, factus B. Pauli primitiuus in Achaia fructus. Nam & Dominus Centurionem mirificè laudat, quoniam citò & magna fide credit. Epe netus autem laudabilem significat.

*Salutate Mariam, quæ multum laborauit in nobis.* In hac, compunctionis & amaritudinis lachrymas laudat, quæ à peccato veniunt, tanquam à salute non vacuas. Maria enim amarum mare, vel amaritudinem significat.

*Salutate Andronicum, & Iuniam cognatos & captiuos meos, &c.* Hi erant Gentis Iudaicæ, & fortasse de septuaginta discipulis, quos etiam honorifico nomine Apostolorum dignatus est appellare B. Paulus. Ideo ante se fuisse illos in Christo cū eorum non parua laude testificatur. Magnū enim donum est, & plurimi faciendum, à principio seruire Deo, iuxta illud: Bonum est viro cum portauerit iugum ab adolescentia sua. Fuerunt autem concaptiui in sanctis ac felicitibus vinculis aliquādo cum Apostolo. Et in his significantur qui propter fidem viriliter sustinent, & omnem in passionibus peccatorum deponunt eruginem. Nam Andronicus virilem: Iunias autem eruginantem animum (vt quidem volunt) significant.

*Salutate Ampliatum dilectum meum.* Græcè Amplian. In hoc fidei profectum agnosco in charitate, quæ se extendit vel ad inimicos. Et ad hoc hortabatur Corinthios Apostolus aiens: Os nostrum patet ad vos (ait) ô Corinthij. Cor nostrum dilatatum est. Eandem autem habentes remunerationē dilatemini & vos, &c.

*Salutate Urbanum adiutorem nostrum in Christo Iesu: & Stachin dilectum meum.* In Urbano lenitas quædam designatur, quæ mirum in modum adiuuat prædicantem & exhortantem. Et ob eam causam sæpenumero eam commendat Apostolus, cui præ cæteris peculiariter astitit. Stachis autem spicam & fruticem quendam significat Martubio similem. Græcè autem stachen legimus. Est gutta quædam odorifera: & in hoc nomine possumus sanctarum exempla virtutum intelligere, quæ odorem suauem emittunt, & mirabili assensu probantur ab omnibus bonis.

*Salutate Appellen probum in Christo.* Appelles idè quòd abigens & expellens. In quo hominem abigentem immunda & pestifera possumus intelligere, qui non solum ab hæresibus, verum etiam ab hæreticis abhorret, non ducens dignos esse illos,

Aue, ne sit particeps eorum operum prauorum: quoniam qui salutat, minus (quàm par esset) ab hostibus catholicæ fidei abhorret, & sic quasi consentiens videri potest. Hunc ergo talem probum esse oportet, sicut decet eum qui corripit alios improbos, atque abigit.

*Salutate eos qui sunt ex Aristoboli domo.* In his optimè consulentes & prudètes intelligimus: ad quod rectè præstandum multa exiguntur, prudentia in primis, solertia, meditatio, rerum multarum experientia, & huiusmodi. Ideo dicit. In Aristoboli domo.

*Salutate Herodionem cognatum meum.* In hoc fortè iuxta etymon vocis, eminentia virtutum significatur: aut canticum fortium, & viriliter se habetium. Nam & illi heroes dicuntur, qui ea gerere soliti sunt, quæ fines communis naturæ & fortitudinis transeunt.

*Salutate eos qui sunt ex Narcissi domo.* Narcissus florem significat. In iis agnosco illos qui perfectionem iustitiæ amplectuntur in paupertate, & obedientia, tanquam floridi Nazaræi, imitantes perfectè Christum non in via tantum communium mandatorum, sed strictiorum consiliorum, quæ sunt veluti totius euāgelici status amœnissimi coram Deo flores. Ideo adiecit, *Qui sunt in Domino.* Quia qui deserunt eum, contemptibiles sunt & ignobiles, vt testatur scriptura. 1. Reg. 3:

*Salutate Tryphanen & Triphossam, quæ laborant in Domino.* In iis (vt indicant ipsa nomina) innuit illos qui delicatè & delitiosè se habent in ministerio pauperum Christi, & effundunt largiter vnguentum misericordiæ verbis & factis.

*Salutate Persidem charissimam.* In hac intelligo discretionem sanctam, quæ diuidit & distribuit vni cuique iuxta debitum: quæ debet associari Triphæ næ & Triphossæ. Nam Perses si ad hebraïsmum respicimus, significat frangentem ac diuidentem.

*Salutate Rufum.* Rufus sorbentem græcè significat. Et in eo sacrificos intelligo, qui eliguntur ex plebe ad sorbendum Christi sanguinem apud matrem suam ecclesiam, gaudentes se esse participes calicis & passionis Domini.

*Salutate Asyncritum, Phlegontem, Herman, Patrobā, Hermē, & qui cum eis sunt fratres.* In Asyncrito quosdam incomparabiles, & qui iudicari nequeunt, intellige. Per Phlegontem ardētes zelo, & inflammatos charitate. In Herma, quod est sustentaculum & supponitur naui ne marecat in terra, patiētiam aut sustententiam perfectorum, qui eos qui terrenis hærent, sustentant. In Patroba paternale patris affectum iis iunctum. In Hermē interpretem ad pacificandum, si qua malè habeant. Et ij alios fratres secum habent, omnes boni operis in charitate coadiutores.

*Salutate Philologum, & Iuliam, Nereum, & sororem eius, & Olimpiadem, & omnes qui cum eis sunt sanctos.* In Philologo, sermonis diuini & rationis amantem considero. In Iulia, eos qui lanuginosi adhuc & primæ barbæ sunt, ad quos attinet audire, nondum loqui, vt bene copulentur Philologo. Nereus magnum significat: & hic est qui facit, & non docet solum, cui soror applicatur notitia sui, & humilitas, quæ dicit ei, *Quid habes, quod non accepiisti?* Adiecitur ei & Olimpias, quod viri est nomen,

Thren. 3.

2. Cor. 6.



& significat excelsa meditantem, vt possit dicere. Conuersatio nostra, seu politia, in cœlis est.

*Salutare inuicem in osculo sancto.* Osculū, pacis est signum & charitatis. Sanctum dicit, id est, purum, non simulatum, quale fuit osculum Iudæ proditoris. Erat ergo mos inter fratres, id est, inter Christianos osculari se inuicem, & hoc osculi symbolo declarare pacem, quem reliquit nobis Dominus in testamento suo, cum dixit. Pacem meā do vobis, pacem relinquo vobis. Quanquam & qui hospitio excipiebant, prisco more osculabantur hospitem. Vnde Dominus conqueritur in Pharisæum, sibi ab illo osculum minimè datum. Erat & consuetudo in sacrificio osculum pacis cūctis porrigere, qui astabat sacrosancto Missæ sacrificio, cū sacerdos precabatur pacem per Agnum Dei: qui mos etiam nunc ex parte apud quosdam, præsertim apud religiosos seruatur.

*Salutant vos omnes ecclesiæ Christi.* In hac postrema illis oblata salutatione agnoscitur omniū desiderium, qui sunt in ecclesia, qui per charitatem congaudent omnibus bene ambulantibus in via Dei. Quantam enim existimare debemus fuisse Christianis letitiam, vbi primum significatum est, Romanos ipsos ad fidē repudiatis idolis, quibus Vrbs referta erat, concurrere? Magnum sanè gaudium exteris nationibus hæc fama detulit, præsertim cum & sperarent mitius futurum imperium, cui christiani principes progressu temporis tandem præficiendi erant.

Rogo autem vos fratres, vt obseruetis eos qui dissensiones & offendicula, præter doctrinam quam vos didicistis, faciunt: & declinate ab illis. Huiusmodi enim Christo Domino non seruiunt, sed suo ventri, & per dulces sermones & benedictiones seducunt corda innocentium. Vestra enim obedientia in omni loco divulgata est. Gaudeo igitur in vobis: sed volo vos sapientes esse in bono, & simplices in malo. Deus autem pacis conterat Satanam sub pedibus vestris velociter. Gratia Domini nostri Iesu Christi vobiscum. Salutat vos Timotheus adiutor meus, & Lucius, & Iason, & Sosipater cognati mei. Saluto vos ego Tertius qui scripsi epistolam in Domino.

Salutat vos Caius hospes meus, & vniuersa ecclesia. Salutat vos Erastus arcarius ciuitatis, & Quartus frater. Gratia Domini nostri Iesu Christi cum omnibus vobis. Amen. Ei autem qui potens est vos confirmare iuxta euāgelium meum, & prædicationem Iesu Christi, secundum reuelationem mysterij temporibus æternis taciti (quod nunc patefactum est per scripturas prophetarum, secundum præceptum æterni Dei ad obedientiam fidei) in cunctis Gentibus

cogniti, soli sapiēti Deo per Iesum Christum, qui honor & gloria in sæcula sæculorum. Amen.

*Rogo autem vos fratres, &c.* Optimū hic necessaria exhortationis sermo, ad cauendum ab iis, qui zizania serunt per falsam doctrinam: quia qui eius modi sunt, non Deo seruiunt, sed proprio ventri. Hi enim dulcedine sermonis, & blandis quibusdam benedictionibus seducunt corda innocentium, id est, simplicium, qui facile credunt, & obediunt omnibus. Vnde laudat eos, quia obediebāt facile, vt erat notum. Attamen admonet ne ita sint in credendo faciles & benigni, vt non sint simul sapientes, id est, videant quibus obediunt. Nam sapientia, & ea prudentia quæ habet cautelam, seruit in bono: neque oportet hominem in hoc esse simplicem, videlicet, ad recipiendum malum, sed tantum in non inferendo, aut non referendo malum per iniuriam, aut (quod aiunt) retaliationem. Et hoc est quod dixit:

*Sed volo vos sapientes esse in bonum, & simplices in malum.* Quod dominus Iesus aliis verbis explicuit, Estote, inquit, prudentes sicut serpentes, & simplices sicut columbæ. Quod si ita fiet, Deus (inquit) Satanam zizaniorum seminatore conteret absque vlla mora sub pedibus vestris.

*Gratia Domini nostri Iesu Christi vobiscum.* Iterum salutat in fine vt plenus feruenti charitate erga eorum progressum in via Dei, ad quem augendum imploranda est semper Dei gratia, postquam vndique hostibus, mūdo, carne, diabolo, & falsis prophetis, ita sumus circundanti, vt magno sit opus timore, & auxilio Dei assiduo.

*Salutat vos Timotheus adiutor meus, & Lucius, & Iason, & Sosipater, cognati mei, &c.* In Timotheo honorem Dei intellige, qui fuit adiutor B. Pauli. Hūc enim semper præ oculis habuit. Lucius lucem: Iason, medicinam: Sosipater saluans patrem significat. Hi sunt cognati Apostoli, & cū illo nati, quando induit Christum baptizatus, qui patri Adæ salutem obtulit. His applicatur Tertius, qui scripsit hanc epistolam, vt nullius officium sine munere esse apud Deum intelligas. Adiungitur Caius hospes B. Pauli, Caius Dominum prisca lingua significat. Hic est Christus hospes noster. Adiungitur & Erastus arcarius, siue iconomus ciuitatis. Hic est Spiritus sanctus verè optimus, & verè dispensator in ecclesia. Quod iterum in salutatione manifestat, dicens:

*Gratia Domini nostri Iesu Christi cum omnibus vobis Amen. Ei autem qui potens est, &c.* Apostolus hūc claudit epistolam, sicut incœpit, per salutationem. Sed quæstio est de constructione huius loci, quomodo grammaticè dicatur. *Ei autem soli sapiēti Deo, cui gloria, &c.* Non enim vllum videtur esse verbū cui connectatur quod dicitur, *Ei autē, &c.* Nisi fortè intelligas hoc iūgi salutationi, vt sit sensus. Gratia domini nostri Iesu Christi cum omnibus vobis Ei autem, &c. id est, in eum, aut in gloriā eius: quoniam in illum omnia recidere necesse est.

Et hūc nota, quod Apostolus videtur loqui ad eos, tanquam non satis confirmatos in fide & gratia, iuxta suum euāgelium, & prædicationem quā habebat de Iesu Christo, iuxta reuelationem my-

IOH. 14.

LUC. 7.

MATTH. 10.



sterij, id est, verbi Dei incarnati & passi pro nobis qui & resurrexit. Hoc autem mysterium fuit tacitum temporibus æternis. At quæ vocat (quæso) æterna tempora? Melius interpretaretur, temporibus sæcularibus; id est, temporibus, quæ à sæculo cucurrerunt, sicut aliàs dicit, Ante tempora sæcularia non fuit tacitum, sed reuelatum in cœlis & promissum, videlicet ipsis Angelis, qui & iussi sunt adorare illum. Quod mysterium si cui placet videre vberius explicatum, & rationibus atque scripturis comprobatum, legat quæ peculiari tractatu in nostris opusculis continentur, & sui eum laboris minime pœnitebit.

Illud etiam hic notandum, Deum præcepisse manifestari hoc mysterium iis diebus, quod & per

prophetarum scripturas voluit agnosci, ita ut scripturæ propheticae lucem habuerint magnam ad implementum sui, quæ prius non intelligebantur: & nunc sunt ita claræ, ut nisi quis excæcauerit seipsum, aut dignum se constituerit excæcatione, de omnibus quæ ad Christum manifestandum in carne venisse pertinent, non possit ullus dubitare.

Qua in re miseranda apparet Iudæorum hodie viuientium pertinacia, qui expectant, quod nulla ratione expectari, nec ullis scripturis rectè intellectis, potest. Sed non est omnium fides, nec omnes obediunt euangelio, quod tamen omnibus exhibetur. Gratias Deo per Iesum Christum, Amen.

## COMMENTARIA IN PRIOREM EPISTOLAM B. PAVLI AD

CORINTHIOS.

\*

**P**AVLVS vocatus Apostolus Iesu Christi, per voluntatem Dei, & Sosthenes frater, Ecclesiæ Dei quæ est Corinthi, sanctificatis in Christo Iesu, vocatis sanctis: cum omnibus qui inuocant nomen Domini nostri Iesu Christi in omni loco ipsorum & nostro, Gratia vobis & pax à Deo Patre nostro, & Domino Iesu Christo.

**A**CTENVS est salutatio, quam mos per epistolam scribendi solet exigere: & est christiana hæc & salutaris salutatio, B. Paulo admodum familiaris. Porro paulò vberior fuit illa, quæ ad Rom. vsus est, quæ ordine rectissimè collocato primum locum meruit & obtinuit. Cum enim minus esset Romanis notus, & gratia illa in signis ei data à Deo & doctrina non satis pro dignitate pateret, licuit in ipso titulo latius spaciari. Hic tamen sui Apostolatus mentionem facere non prætermittit, ut ea quæ scripturus erat, acciperent Corinthij tanquam veram Christi Apostoli doctrinam. Addidit:

*Per voluntatem Dei*, Per hanc se vocatum, siue institutum Apostolum prædicat, ut non solum Dei singularem erga se benignitatem declararet, verum etiam ut innuat necessitatem docendi ac prædicandi: quia Deus illum ad tantum eligerat officium, & non ipse semetipsum temere, ut plerique faciunt, ingessit. Vnde dicturus est inferius: Vt mihi si non euangelizauero. Neque verò in donis alia est querenda ratio, quam mera ipsius donantis voluntas.

*Et Sosthenes frater*. Sosthenem adiungit quasi cōscribentem epistolam hanc & consulatorem, cum tamen minime sit dubium, eam B. Pauli spiritu dictatam fuisse: sed humilis Apostolus, & totus charitate plenus, quæ nihil reputat suum ab aliis seiunctum, sed facile communicat omnia, etiam Sosthe-

ni tribuit, quod à se erat. Quia tamen probabatur atque confirmabatur à Sosthene, etiam adiunxit illum, quo firmiora essent & acceptiora quæ docebat. Hic nempe Sosthenes Iudæus erat, & princeps synagogæ Corinthiorum, cooperator Apostolorum ad fidem, & euangelij complementum: qui quidem apprehensus est, & malè acceptus coram Gallione proconsule. Interpretatur autem Sosthenes, potenter saluans, aut robustè. Hoc enim habebat secum Apostolus, in quo erat ille potēs, & propugnator ad saluandum.

Salutat autem ecclesiam Dei illam, quæ erat Corinthi. Licet enim vna sit omnium ecclesia catholica, plures sunt tamen sub illa, & omnes Dei ecclesiæ appellantur: quæ & vocatæ sunt collectæ in Christo. Nam ecclesia, à κλῆς dicitur, quod est voco: Synagoga verò congregatio est. Vnde congruè cognomen hoc in Iudæis remansit, quod solam collectionem notat, quasi spontaneam & naturalem: sicut populi sua sponte congregantur. At Ecclesia collectionem significat, quæ per vocationem supernam est: & ea ad Christianos pertinet, qui vocatione venientes significantur. Ideo adiecit:

*Sanctificatis in Christo Iesu, vocatis sanctis*. Nā hoc solius ecclesiæ Dei sponsa est, non veteris synagogæ, ut sit illa sanctificata lauacro aquæ in verbo vitæ, ut testatur ad Ephesios.

*Cum omnibus qui inuocant nomen Domini nostri Iesu Christi*, Vt non intelligas hanc epistolam mitti omnibus, qui inuocant nomen Domini: sed referatur ad illud, *vocatis sanctis*, ut indicet quod non soli erant in hac sorte vocationis, cum essent alij in orbe terrarum, qui inuocabant nomen Domini. Nam ij soli salui sunt, cum non sit aliud nomen datum sub cælo, in quo nos oporteat saluos fieri, quæ admodum testatur in Act. B. Petrus.

*In omni loco ipsorum, & nostro*. Non hic arbitror de diocæsi & iurisdictione loqui Apostolum, sed ut indicet charitatem nihil proprium habere, sed communia omnia. Et quod non Iudæorum loca tantum erant, ubi inuocaretur nomen Domini, sicut illi putabant: sed omnis locus est sanctificatus per Iesum Christum, ut ibi possimus eleuare pu-

*Ecclesia & Synagoga quid.*

*Act. 4.*



ras manus. Vnde ad hæc officia totus mundus sanctificatus est. Verba deinde salutationis adiecit, *Gratia vobis & pax, &c.* Quæ declaranda sunt, ut in superiori quæ ad Romanos.

Gratias ago Deo meo semper pro vobis, in gratia Dei quæ data est vobis in Christo Iesu: quia in omnibus diuites facti estis in illo, in omni verbo & in omni scientia (sicut testimonium Christi confirmatum est in vobis) ita ut nihil vobis desit in vlla gratia, expectantibus reuelationem domini nostri Iesu Christi, qui & confirmabit vos usque in finem sine crimine, in die aduentus domini nostri Iesu Christi. Fidelis Deus, per quem vocati estis in societate filij eius Iesu Christi domini nostri.

*Gratias ago, &c.* Hic incipit epistola, quæ & ipsa (ut decuit) non caret procæmio, ut reddatur dociles & beneuoli ad suscipiendam doctrinam. Argumentum autem epistolæ perstringam commodius post procæmium. Volens ergo primum ostendere suam erga illos charitatem, ut sic animos eorum sibi amicos conciliaret, insinuat quomodo Deo gratias agat pro illis. Gratiâ autem vocat donum illud excelsum, quo grati sumus Deo, quod *χαρις* appellant scripturæ, eò quod gratis absque vlllo proflus merito donatur.

Vide autem ut suo more à gratiarum actione incipit Apostolus, ut patet in omnibus epistolis, excepti illis quæ ad Galath. & ad Titum & ad Hebræos: quoniam illæ procæmio carebant, ceteræ initium habent à gratiarum actione & benedictione, quæ nihil aliud est quam gratiarum actio. Ne autem in seipso quis gloriatur, dicit gratiam illis datam, non autem eorum meritis acquisitam. Data autem fuit in Christo Iesu: quia ipse pro nobis meruit. Et secundum mensuram donationis Christi, quatenus quis inuenitur in illo, accipit ex illius donis. Et ut vehementius iterum sibi illos conciliet, commendatione vitur, dicens eos esse diuites in omnibus. *Grὰς ἐστὶν παντὶ.* Hoc quidam exponunt, in vniuerso, ut sit sensus, quod non singuli, sed omnes simul abundarent: quanquam quod vnus habet, etiam alius habet propter charitatem, quæ facit omnia communia. Non tamen de temporalibus bonis erat sermo, sed de spiritualibus his, quæ faciunt ad salutem. Nam cui ad hunc finem nihil deest, ille diues verè dici potest.

*Ita ut vobis nihil desit in vlla gratia,* siue dono. Nā *grὰς χαρισμάτων* legitur. Et dicit diuites illos factos in illo, nimirum in Christo. B. Thomas exponit, id est, propter illum. Vera quidem expositio in se: At vis verborum significat, eos qui sunt Christi, esse in eo per Spiritum tanquam insiti, & de Spiritu eius assidue attrahentes. Sic rami habent à radice, à qua fluit omnis in ramos humor: & à vite, à qua accipiunt palmities, & quod habent, ab illa habent, alius quidem palmes plus, alius minus. Quidam verò huic verbo, in illo, adiungunt, si perseuerauerint. Verum hoc est addere, non exponere. Declarat autem diuitias ipsorum esse in omni ver-

bo & scientia. Diuitis est etiam posse aliorum succurrere indigentia, quod est illius tantummodo qui abundauerit.

*In omni verbo, & in omni scientia.* Parum est habere verba, id est, verborum facundiam nisi simul adsit scientia ad docendum alios. Nec admodum proderit scientia, nisi adsit & facultas verbi scientiam exprimentis atque tradentis. Perficitur ergo doctor iis duobus: & qui ita perfectus erit, sibi simile poterit ex parte sua sine impedimento generare. Et propterea rectè subditur:

*Sicut testimonium Christi confirmatum est in vobis.* Hoc variè exponitur. Mihi autem hic sensus videtur & verus & planus, scilicet ut dixerit: Ita vos estis diuites, videlicet ad propinandum verbum euangelij, & testimonium hoc confirmandum in aliis de Christo, sicut est in vobis confirmatum: quod certè fuit in omni verbo, & in omni scientia. His enim duobus, videlicet, verbo & scientia quæ perficiunt doctorem, valde potens Apostolus genuit illos in Christo. Sed pro infirmioribus addita sunt signa & prodigia, ut qui ipso puro sermone euangelij veritatem capere non poterant: miraculis ante oculos editis fidem amplecti cogerentur. Sequitur:

*Ita ut nihil vobis desit in vlllo dono,* quod scilicet ad ædificationem aliorum pertineat. Nec enim hoc dixit simpliciter illis nihil deesse, quippe cum deesset vita æterna, sed quod nihil deerat expectantibus reuelationem Domini nostri Iesu Christi, hoc est, existentibus in statu fidei & spei, siue in statu gratiæ, qui est status viatorum, qui adhuc laborant & gemunt expectantes beatam spem. Etenim similes sunt expectantibus Dominum suum, quando reueratur à nuptiis: qui interim peruigilant, ut cum venerit & pulsauerit ianuam, confestim aperiant ei. Tunc enim erit reuelatio Iesu Christi Dei & Domini nostri, qui manifestè veniet, & non silebit. Quod vero sequitur,

*Qui & confirmabit vos usque in finem sine crimine,* miram videtur continere promissionem. B. Thomas admittit, ab Apostolo indicari illos esse seruandos absque mortali peccato: tale nanque peccatum est crimen. Et hoc obiter contra hæreticos, qui negant posse hominem viuere absque crimine. Quidam alius, imò & B. Augustinus, intelligit confirmandos in fine, non qui interim non peccarent, sed quod in fine, id est, id aduentu Christi inueniendi essent absque peccato. At certè durum videri potest, admittere omnes Corinthios fuisse prædestinatos. Et hoc etiam durius, Apostolo id per reuelationem fuisse nulla necessitate postulante indicatum, quod potius impediuisset susceptam circa illos sollicitudinē. Denique si & hoc daremus, adhuc illud planè maneret absurdum, quod hoc eis Apostolus manifestaret. Ex hoc enim nihil aliud quam securitatem socordiae matrem, præsertim in imperfectis, creasset. Quare nihil contingit absurdi subintelligere hinc tacitā conditionē, videlicet. Confirmabit vos Deus: si & vos perseueraueritis, & nisi vos obicem ex aduerso posueritis gratiæ, sed ambulaueritis perseuerantes in præceptis eius. Sic exponit hunc locum B. Chrysostomus, & rectè. Hinc quoque sensum expressit B. Petrus, qui post tradita charitatis præcepta, hæc adiun-

*De effectum  
charitatis,  
omnia cō-  
munia fa-  
cientis.*



1. Pet. 5.  
Probeni-  
gnitate  
Dei, qui cō  
firmat per-  
seuerantes.

Ioan. 9.

Gal. 6.

adiunxit: Humiliamini igitur sub potenti manu Dei, ut vos exaltet in tempore visitationis. Sobrii estote & vigilate, &c. post subiunxit: Deus autem omnis gratiæ, qui vocauit vos in æternam suam gloriam in Christo Iesu, modicum passos perficiet, fulciet, confirmabit, solidabitque. Vocat autem diem Domini, illum iudicii supremum diem, quando iam operari nō licet. Nam vsque in diem illum (quia nobis operari licet) dies nostri dicuntur, & tempus nostrum: quia illo uti possumus, ut recte & solite operantes mereamur in illo. At in illa dei Deus dicitur accipere tempus, & iudicare iustitias. Cum accepero tempus, ego iustitias iudicabo, ait Psalmista. Vnde & ipsemet dixit: Opera mini dum dies est: veniet nox quando nemo poterit operari. Et Apostolus noster: Dum tempus habemus, operemur bonum. Heu quantum est in ætæ in tēporis amissione, quo ut nihil velocius, & eius naturæ, ut nunquam quod abiit, redire valeat: ita nihil perniciosius, si frustra fluere permittitur. At quis adeo sapiens, ut hoc consideret? Ut verò comprobaret Apostolus dictum, vide licet Deum eos confirmaturū, si sibiipsis non defuerint, addidit:

*Fidelis Deus per quem vocati estis in societatem, &c.* ac si manifestè dixerit: Vocauit Deus vos ad societatem Filij sui, id est, ad gloriam futuram, quam promissit vocatis. Sed primò vocati estis in societatem, ut patiamini cum illo: quoniam si compatiemur, & conregnabimus. Ipse enim Deus fidelis est, qui non deficit in promissis. Faciet ergo ex parte sua: & ideo confirmabit vos, si modo manseritis in Filio videlicet socij passionum, ut possitis etiam esse socij resurrectionis & gloriæ. Illud hinc annotandum, quod dixit eos vocatos per Deum, nimirum Patrem, ut hinc expugnentur hæretici illi, qui inde sumebant Filium esse Patre inferiorē, quia dicitur Pater per illum fecisse omnia. Et hinc dicit Apostolus per Patrem vocatos esse Corinthios. Quid ergo? An Pater Filio minor an verò seipso? O miseram cœcitate. Væ iis qui non acquiescunt veritati. Notandum & illud aduersus novos hæreticos, qui cum neminem velint esse absque crimine, habent hinc tamen Apostolum è diametro sibiipsis aduersantē: qui clarè ait Deū confirmaturum illos sine crimine vsque in finem. Quid ergo vociferatur, à nullo posse legē impleri? Et quid necesse est imputata illa iustitia, quā ealidè excogitarūt, si noua peccata & crimina iustitiā nobis inhaerentem, quæ est arra vitæ, non auferunt?

Obsecro autem vos fratres, per nomē domini nostri Iesu Christi, ut id ipsum dicatis omnes: & non sint in vobis schismata. Sitis autem perfecti in eodem sensu, & in eadem sententiā. Significatum est enim mihi de vobis fratres mei, ab iis qui sunt Chloes, quia contentiones sunt inter vos. Hoc autem dico, quod vnusquisque vestrum dicit: Ego quidem sum Pauli: Ego autem Apollos: Ego verò Cephæ: Ego autem Christi. Diuisus est Christus? Nūquid Paulus crucifixus est pro vobis?

Aut in nomine Pauli baptizati estis? Gratiās ago Deo meo, quod neminem vestrum baptizaui, nisi Christum & Caium: ne quis dicat, quod in nomine meo baptizati estis. Baptizaui autem & Stephanum: doctum: ceterum, nescio si quem alium vestrum baptizauerim. Non enim misit me Christus baptizare, sed euāgelizare: non in sapiētia verbi, ut non euacuetur crux Christi. Verbum enim crucis pereuntibus quidem stultitia est: iis autē qui salui sūt, id est nobis, Dei virtus est. Scriptum est enim: Perdam sapientiam sapiētium: & prudentiam prudentium reprobabo.

*Obsecro autem vos, &c.* Hic incipit tractatus huius epistolæ mira doctrina refertæ: quam possumus summatim pro cōmodiore expositione, in decem particulas diuidere.

*Diuisio totius epistolæ.*

Prima cōtinet miserrimæ ambitionis exprobrationem ac detestationem: Vnde schismata inter illos & sectæ oriebantur. Et propterea hortatur ad sanctam illam & amabilem vniōem, quam mysterium baptismatis continebat. Habet ergo & cōtrariam omnino ambitioni doctrinam Crucis, in qua est vera & diuina virtus ad veram & sempiternam gloriam.

Secunda habet inuectiuam in flagitium infandi concubitus, & detestationem omnis fornicationis: quo vitio nō obscure plurimum laborasse Corinthios videntur.

Tertia controuersias, & lites forēses vituperat, & reprehendit, tanquā Christi seruis indignas, ac præsertim quæ apud infideles agerentur: quod redundabat in opprobrium teneræ adhuc fidei. Nam inter illos charitatis iura, & non rerum fluxarum lucra vigere volebat.

Quarta tractat matrimonij iura, & conditiones tales, ut optaret omnes sibi (si fieri posset) in vita cœlibatus pares ob varias angustias, quas ille matrimonij status secum affert. Ex opposito charissimum Deo, & pretiosissimum castitatis donum & virginitatis summis laudibus extollit, ut Christianus homo & corpore & animo sit Dei seruitio totus mancipatus.

Quinta libertatem quæ est in noua lege Christi declarat: verum ob scandalum proximi non esse illa vtendum, sed abstinendum vel à licitis, ne infirmi, in fide, qui tā facile à priscis ritibus abduci non poterant, periclitarentur obiecto illo liberioris vitæ exemplo.

Sexta superstitionem in orando ac prophetando, quā in velando caput viri obseruabant: & contra, mulieres quæ non velando caput orabant, vituperat: atque ne in posterum fiat, prohibet. Et hinc incipit nonnulla adiciere ad præparationē Eucharistiæ, quo dignè ad salutem sumatur.

Septima de donis Spiritus tractat, ordinatè à Deo dispositis ad ecclesiæ ædificationē: & ad omnium vtilitatē ita ordinatè exercendis, ut mēbrum vnū alterius mēbri officium & peculiare functionem non vlsurpet, ne corpus optimè à Deo cōpatum, violato ordine, monstri simile reddatur.

Nota super  
tiora aduer-  
sus hæreti-  
cos.



Octava emulationem sanctam suadet, & meliorum charismatum desiderium. Et hinc ita extollit praestantiam charitatis, ut ceteras omnes virtutes & dona nihil iuuare ad aeternam vitam asseueret, si non in primis ipsius charitatis societate fulciantur, quam vel in futura vita praecipue regnaturam testatur: quia nonquam excidet.

Nona praefert donum prophetiae dono linguarum à fructibus ipsius prophetiae siue interpretationis, quae plurimum valet ad Ecclesiae aedificationem, ad doctrinam, & afflictorum consolationem, quae omnia praestare illi non poterant, qui lingua tantummodo loquebantur.

Decima suadet resurrectionem vniuersae carnis futuram. Postremo adhortatur ad eleemosinas & collectas, sicut in pactis cum Apostolis continebatur, ad reuelandam Christi pauperum sanctorum inopiam.

Quantum ergo attinet ad primam particulam in praedictis verbis. Apostolus primò hortatur obsecrando dulciter per nomen dulcissimū Iesu Christi, ad vniōem & consensum in dogmatibus: quoniam ex dissensione schismata nascuntur & haereses, pulcherrimam ecclesiae vnitatem turpiter & perniciosissime discerpentes: Vnde ait: *Et idem dicatis omnes*. Graecè *ὁμοῦ*, quod certum quiddam, & iam determinatū significat, in quod ut concurrat omnes admonet. Nam istud ne sint schismata, est necesse, videlicet idē dicere ac proferre. Sed quia nemo verè dicere aliquid censetur, nisi & ita esse in ipso animo sentiat: ideo ut idem dicant, oportet ut pariter idem sentiant: quare adiecit.

*Sitis autem perfecti in eodem sensu, & in eadem sententia.* Graecè sic legitur, *ἵνα ὁμοῦ αὐτῶν νοήσῃτε, καὶ ἐν τῇ αὐτῇ γνώμῃ*, id est, in eadem mente & eadem sententia. Et per mentem intelligo cogitationem, dum res inquiritur meditando, & iam noscitur ex principiis conclusio. Per sententiam verò iudicium & confirmationem notitia: ut sic tria haec perstringatur, videlicet diem nosse: & idem sapere, hoc est, sententia comprobare: ac demum idem dicere & proferre. Hoc si fiat, iam cessant omnes schismatum occasiones. Nō me later alios aliter hoc pro suo quēque sensu exponere, nec inter se tamen constare. Ego verò quod verius mihi visum est, breuiter exposui. Ne autem fortè dicerent: Quorsum haec ad nos B. Paulus subiicit, non ab re haec se illis proposuisse, velut medelam malo quo laborabant: Ait ergo;

*Significatum est enim mihi de vobis fratres, &c.* Fratres vocat, ut dulciter, & in spiritus lenitate admoniti, facilius correctionis medelam sumant. *Ab iis qui sunt Chloes.* Chloes autem aut locum, aut certè mulierem significat. Verum, duo videtur hic agere Apostolus, quae non satis probari solent. Alterum quod delatores manifestat: Alterum quod fidem se habere ostendit talia asserentibus absque alia certiore notitia. Sed utrūque excusatur, quum crimen publicum est: Et quum qui deferunt, non euiet nomina propria (si opus fuerit) exprimere: quae duo hoc in loco deprehendebantur. Et tamen neminem proprio nomine designat.

Exponit autem schisma natum esse, quod dicerent: *Ego quidē sum Pauli, &c.* At hoc nullo videtur vituperio dignum, si quisque afficiatur erga suum

doctorem: cum & quilibet in religione & in doctrina, eligat sibi ducem quē sequatur, idque nemi ne vituperante. Imo & ecclesia ipsa probauit hos ordines & doctrinas. Sic enim alius B. Dominici ordinem, alius B. Francisci amplectitur. Et in doctrina, alius quidē B. Thomam sequitur: alius Scotum, vel alium quemlibet.

Præterea (& id est accuratius considerandum) eos etiam videtur reprehendere, qui dicebant se esse Christi. Nam & hos cum aliis, quos reprehendit, enumerat. Qui tamen minime vituperandi erant, sed potius commendatione digni, ut qui primario capiti haerent, & in eo gloriantur: quod ab omnibus videtur esse faciendum.

Ut igitur primo scrupulo satisfaciam, primū quoque lector nouerit, quosdam esse, qui negāt à Corinthiis ea dici de B. Paulo, & Cepha & Apollo: sed illud B. Paulum in se figurasse & Apollo, & Cepha, quod de quibusdam aliis audierat, qui sese constituerant sectarum variarū capita. Et hoc ex illius propriis verbis colligi posse videtur paulo inferius, scilicet cap. 4. Porro hanc nominū communicationē addunt, prudēter in se, & Apollo, & Cepham esse factam, ne si nominasset qui se faciebant capita illorum, magis eos irritaret: quin potius exemplo hoc, in quo B. Paulus etiā seipsum videtur continere (qui tamen erat omnium illorum Magister) deponerent ambitionem.

At mihi haec expositio minime probatur: tum quia hinc simpliciter rem ut se habebat, describit, quod aliqui scilicet ita dicerent: *Ego sum Pauli, &c.* Et constaret in hoc videtur persistere, semper personam propriam exinaniens, ut mox videbimus: Tum verò cum non sit putandum, si Corinthii vlla faciebant sibi sectarum capita, ab eis Apostolos omnino exclusos, & potissimum ipsum B. Paulū, ut nullus eorum diceret, *Ego sum Pauli*, quem tamen primum patrem habuerunt in Christo, ut ipsemet testatur: Per euangelium, ait, ego vos genui. Et si qua regnaret inter eos ambitio, quem poterant sibi caput seligere B. Paulo praestantius in signis, prodigiis & virtutibus, & in omni genere sanctitatis & doctrinae: in quibus tamen maximè gloriari solent, qui sectas amant.

Quod autem inferius videatur aliter dicere, si rectè inspectum fuerit, iam non iravidebitur, ut eo in loco clarè ostendam. Vera ergo & iusta fuit illa reprehensio. Neque ob id negamus licere cuilibet sequi ducē suum, siue ad imitandam vitam, siue ad doctrinam, modo sit ille probatus. Eatenus tamē hoc facere licet, quatenus fert & ipsa veritatis dignitas, cui semper primus deferendus est honor & ipsa vniō charitatis, id est, ne prae-textu Ducis aut Magistri reliquatur fidei veritas: aut scindatur vnitās, quae est ex charitate in capite ipso nostro summo & vero Christo. Quod utinā illi obseruarent & facerent, qui dicūt. *Ego sum Francisci: Ego verò Dominici.* Et iterum: *Ego sum Thomae: Ego verò Scoti, &c.* Magna profectò dissidia ob eiusmodi emulationes leuit Diabolus in Ecclesia: quia unusquisque nō tam veritatē, quā gloriam propriam diligit. Quare copiosum haec materia nobis subministraret sermonē, aduersus illos qui eiusmodi sunt, sed qui habent purgas aures, tub paucis iis multa cōtineri intelligunt: satis sit admonuisse.

Pro vni-tate fidei.

Quid mēs, quid sententia hic significet.

Notent fratres.



Quod verò secundo loco obiiciebatur, Apostolum reprehendere eos qui aiebant: Ego sum Christi, plerique reprehensos negant. Non enim quasi illi similiter non rectè dicerent, cōmemorati cum aliis sunt, qui non rectè dicebant: verum contra potius, quia rectè ij dicebant, tanquam ex opposito collocati sunt, ut prae istis alij iudicentur.

Tu verò acute lector diligentius considera. Nun verius, & ad literam & sensum Apostoli aptius dicatur, etiā istos fuisse suo modo notatos, tanquam nimis sapientes, & in aliam partem peccātes: quoniam Christi pretextu contemnebant ministros eius, ut ministros, quos nihili faciebāt. Quod peccatum nostris rediit temporibus, apud Lutheranos potissimum regnās, qui Christum solum spreitis illius membris suscipiunt, si modo sic suscipiūt. Nam ita suscipiunt, ut qui sub Christo duces fuerint, sanctos Dei veros omnino floccifaciant: quorum exempla & traditiones (quas humanas constitutiones vocant) prorsus contemnunt. At hoc non erat suscipere Christum, qui dixerat: Qui vos accipit, me accipit: & qui vos spernit, me spernit. Tales erant fortassis ex Corinthiis quidam, qui & hoc factiosè dicebant: Ego sum Christi, nomen Christi quasi velamen malitię, & clypeum patrocinij suscipientes, ut ab aliis se segregarent, nolentes seruare traditiones Apostolorum. Sed nescit Rex pacificus patrocinium prębere contentiosis.

Nec quenquam mouere debet, si B. Paulus videatur se pręferre ceteris, dum prius se nominat, quā Apollo & Cepham. Hic enim à se incipit tanquam ab indigniore, ita ut velit gradatim ad sublimiores ascendere: quod plus satis vel ex eo patet, quia vltimo post Cepham loco nominat Christum principem tamen & caput omnium.

*Diuisus est Christus?* Hic B. Paulus vult ostendere horum schismatum inconuenientiam, idque à duobus. Et primum quidem, quia sic diuiditur Christus: ideo eū detestatione ait, *Diuisus est Christus?* Scimus enim Christum in se scindi nō posse: sed tunc scindi dicitur, cum corpus eius, quod est Ecclesia, scinditur, siue ab eo corpore separetur caput, siue inter se membra disgregentur & disceperantur. Sicut autem illud corpus Christi non est passum scissuram, sed seruatum est integrum (iuxta vaticinium illud: Os non comminuetis ex eo) Sic & indignum censetur diuidi corpus eius mysticum, id est, ecclesiam. Nam corpus mysticum debet figurari vero corpori, quod est typus.

Secundò reprobat sectas huiusmodi, in quibus quilibet sibi caput constituit suo modo: quia per hoc negligitur verū caput, quod est Christus. Verè enim tunc scinditur Christus corpus mysticum, quando non cōsideratur caput cum membris, uti faciebant illi qui aiebant: Ego verò Christi, quasi opposcentes se illis qui dicebant: Ego sum Pauli. Ab utrisque si quidem diuidebatur Christus. Primò ab iis, qui Christum solum considerabāt: quia à capite Christo segregabant membra. Alij vero, qui B. Paulum & alios efferebant, cōtrario modo diuidebant Christum: quia à membris segregabāt caput, & monstrosè plura capita construebant.

Esse autem verum & primarium caput ipsum Christum, probat: quia ipse solus pro cunctis est

crucifixus, & resurrexit: quemadmodum absolute & perfectè totum hoc in baptismo representatur. Eius enim passione fuit omnis effectus in nos aduersus peccatum, ut peccato moriamur, & resurgamus, viuentes in illo induti nouum hominē, qui per crucem illius & mortem creatus est, ut crescat in operibus iustitię, & sanctitatis: atque ideo caput nostrum ipse est, propter quod adhuc vehementius vrgens, ait:

*Nunquid Paulus, pro vobis est crucifixus, ut scilicet illum vobis caput constituere debeatis?* Et quod ita sit, etiam probat dicens: *Aut in nomine Pauli baptizati estis?* Gracè tamen legitur, in nomine Pauli. Vis autem rationis hæc est. Cum in baptismo professio sit fidei nostrę, ideo eum nostrę salutis autorem debemus credere, cuius nomen explicatur in baptismo, in quod nomen baptizamur. In baptismo autem nullius hominis nomen exprimitur, nisi sanctę Trinitatis, sicut erat forma tradita à Christo vera: quanquam eo tempore baptizarent etiam in nomine Christi, quò hoc sanctum nomen glorificaretur, ut patet in Act. Apost. Ideo caput salutis omnium Christum esse, fatendum est. Contra quod videbantur illi moliri, qui sibi diuersa capita statuebant.

Sed hinc aliquot exoriuntur non infructuosę quęstiones. Prima, Videtur alibi B. Paulus dicere, se adimplere ea quę deerant passionum Christi in carne sua, pro corpore eius quod est ecclesia. Et item stigmata Iesu se portare asserit: & mori cōtinuè, & tradi bestiis, & persecutionibus pro salute aliorum, & omnia sustinere propter electos, ut ipsi salutem consequantur. Quomodo ergo ita est pro nobis crucifixus Christus, ut excludantur B. Paulus & ceteri, qui posuerunt animam suā pro aliis? Secunda quęstio est: Quomodo baptizarent tunc in nomine Christi, cum data esset alia baptisimi forma, videlicet. In nomine Patris & Filij & Spiritus sancti? Tertia est, quomodo B. Paulus verè dixerit se nomine suo non baptizare, sed Christi: cum baptismus conferatur à sacerdote dicēte, Ego te baptizo, &c.

Ad primam respondeo, Christum esse principalem Mediatorem & Redemptorem nostrum: ut quicunque post illum nobis operatur salutem, à meritis Christi habeat: atque ideo ille principaliter habendus est semper pro pastore, & magistro, & capite. At qui sub eo sunt mediatores, etiam sub eo considerandi sunt quasi vicarij magistri, & vicaria capita, cum & ipsi sint redempti ab illo. Et hoc modo nulla oriuntur schismata, ut ipsemet Apostolus paulò infetius docebit.

Non sum nescius quosdam scholasticos aliter hoc resolvere, si modo resoluūt. B. enim I. Thomas aliquando videtur, dicere, passiones sanctorum & B. Pauli profuisse aliis per modum exempli, & nō per modum meriti. At nos putamus etiā per modum meriti: quia & hoc Christus meruit, ut quidā insignes viri, & nobiliora ipsius post se membra, mereri similiter possent pro aliis, ut sic adimpleatur passiones Christi mystici, in quo illi sunt præcipuè, qui proximiores illi fuerunt, & dicere poterant: Imitatores nostri estote, sicut & nos Christi. Verum istud differamus in loco proprio tractandum vberius.

Cur reprehendatur  
Corinthij il-  
li qui se esse  
Christi dice-  
bant.

Luce. 10.

Colossen. i.

Exod. 12.



*De forma  
baptismi.*

Ad secundam dicimus, Licuisse olim ad Christi gloriam manifestandam & diuinitatem, baptizari in nomine Christi, ita dispensante Deo. At nunc necessario est obseruanda forma à Christo data: quanquam nonnulli secus putant, qui vel nunc baptismum conferri posse in nomine Christi sentiunt, aientes virtualiter in hoc nomine totam Trinitatem contineri. Sed periculosa est huiusmodi opinio: quia in his quæ pro forma requiruntur, in propria forma data complendus est actus, ut aiunt Iurisconsulti. Quare non arbitraretur excusari posse à magno presumptionis peccato, qui sic auderent baptizare.

*De ministro  
baptismi.*

Ad tertiam dicimus: Qui dicit, Ego te baptizo in nomine Patris, &c. non suo nomine baptizat, aut in suum nomen: sed planè exprimit quo nomine baptizet, nimirum, In nomine Patris & Filij & Spiritus sancti. Et declarat se ministrum esse tantum eius actus, qui sensibiliter agitur, & eius meritionis sub aquis. Nam gratia, & ceteri spirituales effectus procedunt ab ipso Deo immediate, qui ita promisit atque statuit, non autem à ministro, aut per ministrum. Et ideo in baptismo quilibet idoneus minister est: quia nudum factum ab eo exigitur absque iurisdictione, quod non est in absoluedo, aut retinendo peccata.

*Græcorum  
error.*

Superstitiosè ergo mutarunt formæ verba Græci, nolentes dicere, Ego te baptizo, sed: Baptizetur seruus Christi, ne minister auctoritatem profiteri videatur, quæ Christi est. Quasi verò B. Paulus hic non testificetur se nonnullis baptismum contulisse. Si hoc verum est quod baptizauerit: cur non poterit dicere, Ego te baptizo? Nam & Euangelista ait: Quanquam Iesus non baptizaret, sed discipuli eius. Itaque superflui fuerunt in hoc Græci: licet verè etiam illo modo cõferrent baptismum. Attamen, in hac re (quæ admodum in aliis multis) plus sapere voluerunt quàm oportebat: quos cum noui hæretici imitentur, deberent simul ad infœlicem presumptionis eorum exitum attendere.

*Notent hæ-  
retici.*

Gratias ago Deo meo quod neminem vestrum baptizauimus, &c. Gaudet Apostolus & gratias agit Deo, nullam à se occasionem huic errori oblatam, quam illi accipiebant à baptismò, ut quicumque ab aliquo baptizaretur, illi hæreret ut patri & magistro, quia si ille in proprio baptizantis nomine esse baptizatus. Quapropter proficitur à se neminem illorum baptizatum, nisi Christum. Crispus hic erat Iudæus & archisynagogus, de quo in Actis Apostolorum, Et Caius, qui fuit eius hospes ut ipse testatur in epistola ad Romanos. Baptizauimus autem & Stephanam domum. Viri nomen est Stephanas, & probabile est etiam in illa domo fuisse pueros: & hoc contra Anabaptistas.

Ceterum nescio si quæ alium baptizauerim. Cauta est hæc & prudens locutio, hominique ad multa intenti, qui facile etiam possit aliquorum obliuisci, quæ ad rem non pertineant. Homines enim erant ad huc Apostoli, nec in omnibus prorsus dirigebantur à Spiritu sancto: sed in his quæ ad fidem erant necessaria, & ad Deum attinebat.

Non enim misit me Christus baptizare, sed euangelizare. Quidam hæc verba intelligunt, comparatione: quia etsi missus fuerit ad vtrumque sub illis verbis: Euntes ergo docete omnes Gentes, baptizantes

eos, &c. principaliter tamen ad prædicandum. Mihi tamen expeditius ac verius illud videtur ut dicamus, non fuisse reuera proprium Apostolorum officium baptizare per semetipsos, sicut nec ministrare mensis. Et id præsertim non conueniebat B. Paulo, qui totus in euangelij prædicatione occupari debebat. Illud autem mandatum: Baptizantes eos, &c. intelligendum est commodè, videlicet per alios, sicut & Christus dictus est baptizare, qui per discipulos suos baptizabat, cum ipse non baptizaret, teste Dilecto.

Quod si quis dixerit: Quare non pari ratione intelligatur & aliud præceptum de euangelizandò, videlicet ut per alios possent euangelizare? Nam apostolus inferius dicturus est. Væ mihi si non euangelizauero. Respondeo, quia rei natura non fert, ut per alium id fiat, quæ declarat hoc officium indelegabile fuisse in ipsis Apostolis, quorum electa erat persona propter auctoritatem & notitiam. Istud autem locum non habet in baptismo, cuius quilibet (ut diximus) idoneus est minister. Quare Valentinianus Cæsar minus prudenter baptismum ea ratione distulit, ut à B. Ambrosio baptizaretur, qui interim sine baptismo defunctus est. Nec prudenter Constantinus magnus, qui in Iordano flumine baptizari volebat (si modo quod tradiderunt quidam verum est) qui similiter morte præuentus non valuit. Vnde fertur in Bithinia baptizatus. Nec enim aqua illa Iordanis, potius quàm quæuis alia: aut minister ille potius quàm ille confert ad baptismum. Spiritus enim Christi est, qui verè baptizat.

Quod si quis non fuerit ita perspicax, ut valeat hæc officia discernere, videlicet quænam sint in quibus electa sit industria personæ, acquiescat exemplis. De Christo enim legitur quod destitutus fuit à Deo ad baptizandum, ut B. Ioannes testatur, dicens, Ille baptizabit Spiritu sancto: & tamen non baptizabat per se, sed per discipulos suos, ut testatur B. Ioannes. Missus item fuit ad prædicandum, sicut ipse dixit ex Isaia. Spiritus Domini super me, eo quod vnixerit me, ad prædicandum Gentibus misit me, &c. Et hoc per se ipsum voluit exequi in tota Iudæa, sicut ipsemet dixit. Oportet me & aliis ciuitatibus prædicare, quia & ad hoc missus sum. Sed ad alias gentes Apostolos misit. Similiter & B. Petrus qui missus erat baptizare, non per se, sed per alios baptizabat. Ideò iubet baptizari Cornelium, ut legitur in Act. Et iussit eos (ait scriptura) baptizari in nomine Domini Iesu Christi. Missus verò prædicare, hoc per seipsum fecit, & alios etiã misit ad prædicandū: Quò obrem dicit se electum à Deo, per cuius os audiant Gentes verbum euangelij, & credant. Missi erant & Apostoli ad ministranda alia sacramenta, & hoc tamen per alios faciebant. Ideò creatur septem illos primos diaconos, & postmodò etiã bresbyteros, ut ipsi liberius possent instare verbo doctrinæ, & orationi.

Non in sapientia verbi, ut non euacuetur crux Christi, Quia contentiones & rixæ, & sectarum conuenticula fiebant etiam propter sapientiã verbi, quoniam qui docebant utebantur tali sapientiã ad alliciendum homines dulcedine verbi, qualis erat apud Græcos, qui plurimum arte illa pollebant: ideò B. Paulus exemplo sui tacitè arguit illos: & nacta

*Quid inter-  
sit inter of-  
ficium ba-  
ptizandi  
& euange-  
lizandi.*

*Matth. 3.*

*Isa. 61.*

*Luc. 4.*

*Act. 10.*

*Pro virtute  
veritatis  
Crucis.*



hinc occasione exponit prouidentiam Dei, qui virtutem suā posuit in abiectis, & iis quod crucem saperent, hoc est, crucis virtutem intelligerent, ac prae se vita ac exemplo ferrent.

Hic ergo incipit alia primā diuisionis particula, vbi intendit Apostolus extollere humilia & infirma crucis, ad extinguendam ambitionem, quae vnioni maximè est inimica. Inducens ergo semet ipsum (vt diximus) in exemplum, ait se ad prædicandum euangelium fuisse missum, non quidem in sapientia verbi, id est, non pomposè ac rhetoricè cū magno verborum apparatu atque elegantiā, & quæ sitis coloribus, seu figuris, & iuxta præcepta sapientum mundi, vt prædicaret semetipsum, & sermonis magis quam veritatis potentia homines attraheret. Non enim placuit Deo ea via, noui status veritatem aperire. Et huius diuinæ prouidentiae ratio nem subdit:

*Vt non euacuetur crux Christi*, id est, vt suus honor daretur cruci, qua debet nostra fides, ob latentem eius virtutem, inniti. Quod si in sapientia verbi prædicassent Apostoli, iam fidelium propagatio non ascriberetur Dei virtuti sub humilitate Crucis latenti, sed ipsi potius potentiae verbi, humana sapientia atque faciundia compositi. Et ob eam causam prædicantis potius esset honor, quam Crucis prædicatæ: & gloria daretur linguae, non ipsi Cruci. Et hoc illi pseudoapostoli vehementer affectabant, vnde constabantur illæ sectæ. Quo artificio iam dudum multi hypocritæ vsi sunt, & fermè heretici omnes, qui linguae fidunt & astutiae propriae. Nam (vt verum fateamur) noui heretici plurimum in dicendo pollent: & præterquā quod dogmata prædicant per se satis grata carni, operā diligentissimā insuper nauant, vt ea plausibilibus verbis, ornatis & comptis porrigant, cum eleganter ferè omnes loquantur. Non sic tamen instructi peccatore, sicut eruditi lingua. Contra verò de seipso testatur Apostolus, Si imperitus, inquit, sermone, sed non scientia.

Quamobrem considera mecum prudēs lector, prouidentiam Dei. Placuit. n. per Crucē, rem stultam, rem infirmā atque ignominiosam, saluos facere credentes. Et ob hoc etiam placuit inuenire stultos, infirmos atque abiectos corā oculis mundi homines, qui non solum crucem subirent, sed etiam prædicarent stulta, & infirma crucis. Adiecit & prædicationis modum, vt esset similiter humilis & abiectus, & crucem redolens: vt sic tria hæc, quæ prædicationem explebant, conuenirent. Primum res prædicata, id est, Christus crucifixus. Tum & ipsi prædicantes, qui similiter erant crucifixi mundo. Et tertio, prædicandi modus conformis, scilicet absque sapientia mundi. Vt per hæc tria vilia & abiecta pareretur virtus Christi & Dei, latens in omnibus abiectis & humilibus, per quæ excelsa ac fortia triumphauit.

*Verbum enim crucis*, &c. Rei prædicatæ virtutem ostendit, ne quis obliiceret hanc crucem verè stultitiam esse. Ait ergo crucem iis solum qui pereunt, stultitiam esse, id est, iis qui diligunt pereuntia, & ita seipso aptarunt ad interitum, vt in statu perditionis existant. Nonne qui amat mundum, & quæ in illo sunt, amat peritura? Ille ergo perit asidue, cui assidue perit tempus frustra consumptum,

& absque resipiscentia. Nam quāto magis appropinquat extremus dies, tantò celerior imminet ei interitus. His igitur verbum crucis est stultitia. At verò *iis qui salui fiunt, id est, nobis Dei virtus est*, id est, iis qui sperant futura & expectant (vt decet) crucem est via ad salutem. Spe enim salui facti sumus: Verbum crucis virtus Dei est, id est, potentia Dei ad saluandum. Et ij sunt qui salui fiunt: quos ipsos quasi digito demonstrat adiciens, *nobis*, ipsum ecclesiae corpus intelligens, vocatum atque mundatum. Producit autem & ad hoc scripturam dicentem:

*Perdam sapientiam sapientum, & prudentiam prudentium reprobabo.* Et apud Abdiam. c. i. Perdam sapientes de Idumaea, & prudentiam de monte Esau. Isaias ait: Peribit enim sapientia à sapientibus eius: & intellectus prudentium eius absconderetur. Sensum ergo ex prophetis Apostolus elicit more suo, non verba. Dixerat enim per Isaiam dominus: Eò quod appropinquat populus iste ore suo, & labiis glorificat me, cor autem eorū longe est à me, & timuerunt me mandato hominū & doctrinis. Ideo ecce ego ad id vt admirationem faciam populo huic miraculo grādi & stupendo. Peribit enim sapientia à sapientibus eius, & intellectus prudentiū eius abscondetur. Horum verborū hic est sensus, vt Dominus in euāgelio docet, & hoc in loco Apostolus. Quoniam ille Iudeorum populus abusus erat donis Dei magnis, quibus illum erexerat in virtute signorum, & in doctrina, & in miserationibus multis, & iam penitus cor auerterat ab illo, & solum in exterioribus eū caerimoniis colebat, addens præterea superstitiones plurimas: ideo conueniēs fuit mutare pactū cum toto mundo. Nā cum minime profecisset primo modo in his quæ magna apud homines videri poterant & fortia, & iuxta humanam sæculi prudentiam admiranda, quæ ea solet quæ huiusmodi sunt magnificare: ideo magno & stupendo miraculo fecit mundum proficere sub stultitia Crucis, & per hanc stultitiam sapientiam mundi perdidit. Et quæ videri poterant lucra perspicacioribus oculis cognita sunt esse detrimenta: Et econuerso, Crucem Christi esse verum & sempiternum lucrum. Etenim hæc est lex crucis certissima, Per multas tribulationes oportet intrare in regnū Dei. Hoc sæculi sapientia probare nō potest. Ideo perit sapientia hæc, quæ vincitur à stultitia crucis. Dixit autem Isaias: Intellectus prudentiū abscondetur: quia confundetur quum viderit stultitiam Crucis adeo potenter loqui, vt nulla valeat sapientia mundi præualere. Et hoc est reprobari à Deo, sicut ait Apostolus sensum ipsum erues, & verba omittens.

Vbi sapiens? Vbi scriba? Vbi inquisitor huius sæculi? Nōne stultam fecit Deus sapientiam huius mundi? Nam quia in Dei sapientia non cognouit mundus per sapientiam Deum: placuit Deo per stultitiam prædicationis, saluos facere credentes: Quoniam & Iudæi signa petunt: & Græci sapientiam quærunt. Nos autem prædicamus Christum crucifixum: Iudæis quidem scandalum, Gentibus autem stultitiā: ipsis autem vocatis

Ambitio  
vniōis ini-  
mica.

Heretici ele-  
gantia ser-  
monis, &  
floribus rhe-  
toris stu-  
dent.

2. Cor. 2.

Sapientia  
mundi pro  
strata est à  
sapientia  
Crucis.

Isa. 29.

Act. 14.



Iudæis atque Græcis Christum Dei virtutem, & Dei sapiētiā. Quia quod stultū est Dei, sapientius est hominibus: & quod infirmum est Dei fortius est hominibus.

*Vbi sapiens? vbi scriba, &c.* Isaias pro sapiente, literarum dixit: sicut qui philosophiæ literis imbuti erant, literati dicebantur. Et pro scriba, ponderantem verba legis dixit: quod ad Iudæum pertinet legis peritum, qui verborum magis quam spiritus ponderator erat & scrutator, qui quidem spiritus sub verborum cortice latebat. Sed ij omnes ad reuelationem stultitiæ crucis euanuerunt: quia sapientia Crucis ostēdit eos partim vanos, qui per illam suam sapientiam non parabant sibi aditum ad æterna bona, quæ prorsus ignorabant: partim verò falsos, cum in multis articulis primis, & in ipsiis foribus turpiter aberrarent.

Quod verò Apostolus dixit, *vbi inquisitor huius sæculi?* Isaias dixit: Vbi doctor paruulorū? Et vide scilicet quam doctissime ab Apostolo erutū. Qui enim paruulos docet, ab elemētis incipit. Sic philosophi docebāt diuinorū rudes & ignaros per elementa mūdi huius. Docebāt nimirum per ea quæ facta sunt, inuisibilia Dei speculātes. Et ij propriè vocantur inquisitores huius sæculi, id est, inuestigatores naturæ, vnde accipiunt elementa ad intelligentiā diuinorum. Sed hi omnes stulti facti sunt adueniēte luce huius sapiētissimæ & saluberrimæ stultitiæ Dei crucifixi. Quamobrē rectē Apostolus,

*Nonne stultam fecit Deus sapientiam huius mundi?*

Et verè stultā reddidit, cum per sapientiā illā non solum finem nostrū non quærimus, sed ab eo longè recedimus. Sapientia enim huius mundi nō indicat nobis verum finē nostrum, qui est adhærere Deo, nec viam ad illum monstrat. Atqui sapientis est proprium, suas omnes actiones ad finem ordinare. Iustificat autē consilium Dei, qui sic statuit.

*Nam quia in Dei sapientia non cognouit mūdus, &c.*

Attende ergo, o homo, ad consilium Dei & vias eius. Est enim sapientia Dei, & est stultitia Dei apud B. Paulū: & hæc ambæ viles viæ ad inquirēdum ipsum Deum. Sapiētia Dei est, qua is cognoscitur in rerum creatione & creaturis, quæ in numero, pondere, & mensurā consistunt. Contemplamur enim cælos, & cælōrū lumina, & cursus syderum: & sapienter cuncta ibi esse disposita probamus. Speculamur & quæ sub cælo sunt elementa, maria & terram, terrenasque arcanas diuitias perferuntur, & diuersa animalium corpora, & varias rerū naturas. Et in his omnibus Dei vestigia, & vmbra quandā aspiciamus. Et ipsum cōiectamus Deū, & eius admiramur, & veneramur sapiētiā. Sed in hac sapientia nihil profecerūt philosophi apud Deum: quandoquidem noscentes illum, non glorificauerunt, sicut decebat. Nec primus homo parens noster, qui valde eadem Dei sapientia excelluit. Nam rectus est à principio constitutus, & magnis ac mirabilibus ornatus donis, qui & ipse euauit cogitans, & appetens à seipso maiora.

Videns igitur Deus nihil vtilitatis hominē per hanc sapientiam percepisse, mutauit rationem docendi, & stultus propter nos factus, nouum nobis discendi modū dedit, videlicet, vt per stultitiā suā, qua coniecit Filium suum in crucem; cognoscere

mus immensam eius virtutem, & sapientiam, & bonitatem: & ita proficeremus in via Dei noua. Quis enim non stultum putet, sinere Deum se tradi, & mori velle, iustum pro iniustis, & sic infirmari virtutem ipsam, & stultam effici sapientiam, & æternum Patris verbum, vnde omne eloquium venit, fieri infans & obmutescere (sicut scriptum est) tanquam esset agnus, & sicut ouis quæ ad victimam ducitur, aut tondetur? Et hæc omnia in medelam ægritudinum nostrarum conuertere, hoc est, insignie hominum peccatum in sanitatem & vitam.

Quis vnquam homo iuxta sapiētiā suam hæc faceret, aut facta probare posset, tanquam facta sapienter? Hæc tamen omnia tam stulta in oculis nostris, atque adeo infirma passus est Deus nostri gratia. Vnde pro huius stultæ rei, id est, crucis prædicationem bene complacuit Deo (græcè enim *εὐδονοῦν* legitur) saluos facere credentes, vt vel sic inueniretur ab iis, qui crederent tantam eius esse bonitatem, vt ad hanc tam insignē stultitiā adigeret semetipsum. Porro stultitiā dico iuxta cor & iudicium sapientis mundi, & ignorantis elemēta constitutionis eius, & pacta. Nam iustum erat vt qui crederent, & fidem haberent huic stultitiæ (sicut sunt paruuli, & minimè sapientes excelsa) salutem inde soli illi caperent, id est, qui crederent bonitatem Dei. Nam propter eius bonitatem hæc facta sunt, quam nulla mundi sapientia poterat coniectare. Non enim tanta bonitas reperitur in nobis. Verum sic Patrē misericordiarū agere decuit, vt prius amando nos tam miserè, & (vt ita dicam) tam perditè, amorem nostrū, qui durissimi sumus, conciliaret atque attraheret ad seipsum. Et tamen nec sic profuit multis vtriusque Gentis, quia increduli fuerunt bonitati Dei.

*Quoniam & Iudæi signa petunt.* Vide vt verè stulti ipsi qui tot signa habuerunt, & inde non profecerunt. *Et Græci sapientiam quærunt.* Et hic similiter vide quam stultè, qui de sapientia sua euauerunt: & iccirco ex eorum meritis id euenit, vt prædicatione Christi crucifixi, in quo apparuit infirmitas & stultitia Dei, Iudæo quidē fuerit scandalo, qui petebat signa; & delectabatur in magnis mirabilibus, sicut assuetus erat videre fortia Dei. Vnde & aiebant: Magister volumus à te signum videre de cælo: & in Suffixum cruci clamabāt, Si filius Dei es, descēde de cruce. Et iterum, Alios saluos fecit, seipsum non potest saluum facere. In desiderio ergo rerum fortium miser Iudæus infirmus ipse factus est, qui offendit in petram. Græco autem fuit stultitia: quia Dei sapiētiā quærebat in creaturarum specie, in qua tamen infelicitè profecerat, vt qui in maximos incurrerat errores. Igitur stultus merito factus est sapiens Græcus in auditu stultitiæ Crucifixi, quam nolebat accipere: quia hanc eius virtutem non capiebant miseri Epicurei & Stoici, qui prædicante Apostolo dicebant: Quid vult seminiuerbius hic dicere? Nouiorū dæmoniorum videtur annuntiator esse. Vide ergo vt digna meritis receperunt, vt quærentes fortia Dei, infirmarentur: & quærentes sapientiam Dei, stulti fierent. Quasi verò non maior Dei sapientia ac potētia apparuerit in hac sua stultitia atque infirmitate, per quæ tā admirabiliter ac potētè re stituit mūdū collapsum, quàm in omni reliqua sa

Quid in-  
quisitor sæ-  
culi.

Sap. 11.

Eccl. 7.

& 17.

Matth. 12

Quid pro-  
prium Iu-  
dæorū, &  
Græcorū  
quo minus  
dispositū  
erant ad  
euangelizā-

Act. 17.



pientia sua ac virtute, quæ ab initio creauit omnia.

Ideo ait: Et si Christus crucifixus Iudæis & p̄p̄obis scandalum fuerit, & Græcis perditis stultitia: quia vocationem hanc noluerunt audire, iccirco manserunt Iudæi & Græci, id est, vnusquisque eorum in sua propria dementia, illi scandalum capientes, quia signa quærunt: isti dementatione, quia sapientiam volebant, quam non respiciebant in cruce. Attamen *ipsis vocatis Iudæis atque Græcis, &c.* id est, ipsis qui vocationem Dei agnouerunt per fidem, & ideo exuerunt Iudaismum & Græcismum, id est, non quærentes vterius signa, vel sapientiam sæculi à Deo, sed in hac Dei stultitia acquiescentes, & sibi bene complacentes, & iam non Iudæi neque Græci, sed vnum in Christo, videlicet, Christiani: Iis, inquam, Apostolus testatur factum esse Christum *Dei virtutem, & Dei sapientiam.* Quia cum infirmamur cum illo credentes, id est, dum compati mur, & secundum hanc fidem humiliamur, eligentes crucem similiter facti stulti in illo, & cum illo, nihil aliud nos scire iudicantes quàm Iesum, & hūc quidem crucifixum: tūc demum inuenimur & potentes, & sapientes in eo. Vnde Apostolus dixit, Cum infirmor, tunc potens sum. Et iterum, Si quis inter vos sibi videtur sapiens, stultus fiat vt sit sapiens. Sed quis dabit mihi vt ista quæ dico & scribo, etiam perfectè probem? Illi enim perfectè probant, qui persecutionem patiuntur propter iustitiam. Sentiant nanque qui eiusmodi sunt, in seipsis fortitudinem Spiritus. Congruè autem sequitur:

*Quia quod stultum est Dei, sapientius est hominibus, &c.* Dei enim stultum, & Dei infirmum Christus est crucifixus. Et hoc sapientius est & fortius, quàm omnes homines, id est, quàm sit fortitudo & sapientia omnium hominum, quæ ab ipso, & aliis per ipsum expugnata est. Ipse enim omnibus eum recipientibus factus est potentia & sapientia, vt poterit perducant seipsos in illo ad veram vitam, quæ ipse est, qui euacuauit omnem sapientiam: & de omni terrena & dæmoniaca potentia triumphauit in Cruce, in qua sub pedibus subiecit sibi omnia. Hoc autem fecit illi propterea Deus, quia seipsum subiecit omnibus infirmando se, ac stultum faciendo propter ipsum, id est, propter gloriam Patris, vt qui clarificauerat Deum Patrem, dignus fieret clarificari ab eo.

Hic autem Apostoli locus fuit scandalo quibusdam, qui perperam intelligentes, aut de industria sic intelligere volentes, vituperarunt artes & scientias naturales, volentes ostendere illas vanas & noxias, imò & falsas: quoniam Apostolus id videtur hoc in loco dixisse. Sed vani profectò illi & falsi, & noxia doctrinæ inuētores, mentem Apostoli non attigerunt, quæ talis erat. Quòd cum Deus vno modo nosci posset in hoc mundo, non quidem per se ipsum, sed solum per effectus & opera ipsius, quæ duplicis sunt generis. Quædam secundum sapientiam facta, vt quæ pertinent ad creationem rerum, in quarum dispositione & ordine mirifica Dei appareat sapientia. Quædam verò quæ pertinent ad redemptionem, in quarum dispositione ac modo apparet potius huic mundo stultitia quædam Dei, cum per Filij infirmitatem & crucem operatus sit redemptionem nostram. Dicit ergo Apostolus ho-

mines ad suam salutem plus profecisse per hanc postremam notitiam, quæ est ex fide, de hoc quod stultè videtur Deus fecisse, quàm per notitiam eorum quæ sapienter ab ipso facta sunt, quæ ex naturali ratione conquiruntur.

Hic ergo nō absolute vituperatur notitia sapientie Dei quasi non sit bona, si quis ea bene vtatur, hoc est, notitia eorum quæ sapienter fecit Deus, vnde de nonnulla de Deo acquiritur notitia, esse illum scilicet, & esse principium omnium & finem, & reliqua quæ ex hoc creaturarum libro licet conicere: sed vituperatur notitia hæc comparata cum notitia fidei, qua cognoscitur potentia crucis. Nam hæc crucis notitia multò efficacior fuit ad scientiā diuini erga nos amoris pariendam, vt & nos econuerso afficeremur Deo, & nosceremus immensam eius bonitatem, quàm omnis philosophorum sapientia, quæ ad viscera misericordiæ Dei nostri, & ad illam eius admirabilem *φιλανθρωπίαν* non attigit. Quia ergo in illa Dei sapientia non profecerunt homines, nec glorificauerunt Deum, neque gratias egerunt, sed euauerunt in cogitationibus, putantes se sapere, stulti facti sunt. Contrā verò accidit à notitia crucis. Ideo factum est vt per hanc stultitiā crucis, id est, per imitationem Christi in cruce, vituperata ac reprobata sit illa philosophorum sapientia, quæ ad perfectum neminem adducebat, etiam si caruisset erroribus, & elationis vitio. Quāto igitur magis cum aberratū sit grauiter & à plurimis, & in multis, & redditi sint potius elati per illā homines & inflati ac superbi, quàm verè sapientes? At innumeri per hanc crucis stultitiam regnum cœlorum expugnarunt. Magnū hoc profecto argumentum pro potentia fidei.

Videte enim vocationem vestram fratres, quia non multi sapientes secundum carnem, non multi potentes, non multi nobiles: sed quæ stulta sunt mundi elegit Deus, vt confundat sapientes. Et infirma mundi elegit Deus, vt confundat fortia. Et ignobilia mundi & contemptibilia elegit Deus, & ea quæ non sunt, vt ea quæ sunt destrueret: vt non gloriatur omnis caro in cōspectu eius. Ex ipso autem vos estis in Christo Iesu, qui factus est nobis sapientia à Deo, & iustitia, & sanctificatio, & redēptio: vt (quemadmodum scriptum est) Qui gloriatur, in Domino gloriatur.

Ecce alia probatio de Domini prouidentia qui cruci aptauit omnia, etiam ipsos crucis prædicatores. Nam qui primò vocati sunt, erant penè omnes illiterati, imbecilles, obscuri, idiotæ, ac piscatores, contra tria quæ sapit mundus, sapientiam, potentiam, nobilitatem. Vnde & mirabantur sacerdotes & scribæ (sicut ait scriptura) Petri & Ioannis constantiam, cum scirent eos esse homines idiotas & absque literis, ait ergo:

*Videte enim vocationem vestram,* id est, videte vos ipsos qui vocati estis, & hinc Dei prouidentia conicite: *Quoniam non multi sapientes, &c.* Aliqui tamen etiam ex illis electi sunt, vt Dionysius, Sergius, Pau-

*Dei consilium ad exaltandum crucis gloriam.*

*Act. 4.*

2. Cor. 12.

*Pro stultitia crucis.*

*In vituperatores artium, & scientiaris naturalis.*



lus, & alij qui literarum peritia erant apud suos celebres. Sed stulta mundi elegit Dominus, & infirma, & contemptibilia, & ea quæ non sunt, ut confundat sapientia & fortia, & nobilia, & illa quæ sunt.

*Eccles. 4.* Sed hîc fortè dicet aliquis: Quare Deus voluit ista confundere? Nonne venit ad saluandum, non autem ad perdendum? Respondeo, ob hoc Deum voluisse hæc confundere, ut quia ex iis non poterat sperari salus, ad ea potius oculos conuerterent homines, unde est vera salus. Est enim cōfusio quæ ducit ad gloriam. Confundere ergo sapientes, & potentes, & nobiles, non erat aliud, quàm ipsam sapientiam, & potentiam, & nobilitatem stulta esse tandem, & infirma, & ignobilia ostentare, ut hoc agnoscēs homo sapiens, & potens, & nobilis, stultus fieret, ut tandem illucesceret ei vera gloria. In hoc ergo clarissimus fuit & omni admiratione dignus Crucis triumphus, cum per hanc stultitiam sapientes in primis comprehēti sunt, & captiui facti suam ipsimet sponte sua contēplerunt sapientiam. Tum & reges multi potentissimi, & principes prostrantur pariter semetipsos ante crucem.

*Eph. 2.* Dicit & ea quæ non sunt, per quæ intellexit Gentes, quæ ideo inter ea computauit quæ non sunt, quia corā Deo non erant, utpote sine fide, & consequenter (ut alibi inquit) sine Deo in hoc mūdo, hostes testamentorum. Iudæi autem inter ea quæ erant computabantur, cum essent populus Dei electus. Sed quia in hoc nimium gloriolus non dedit (ut par erat) gloriam Deo, ob eam causam per eos qui non erant destructus est, id est, per Gentiles, qui applicati sunt Deo Christo: & ita factum est ut qui non erant, essent, & qui erant, caderent, suamque amitterent gloriam, & meritò Deus hæc & iustissimè ita euenire permisit. Quare obstruitur os omni homini, ne possit ullus in seipso gloriari, sed in Domino & Redemptore suo. Et hoc subdidit Apostolus, aiens:

*Gloriari in carne quomodo quis dicatur.*

*Ut non gloriatur omnis caro in conspectu eius, id est,* nulla caro siue Iudæus, siue Græcus, siue Romanus. Gloriatur autem caro, quando ea quæ sunt carnis homo effert. Ipse enim tunc carnis personam induit, & dicitur esse in carne & carnalis. Ille autem Iudæum carnalem quid erat? Similiter, esse nobilē, potētem in hoc mundo, & eiusmodi, quid erat, nisi gloria carnis & superbia huius vitæ? Sed omnis caro fœnum, & omnis gloria eius tãquam flos fœni. Et ideo qui hæret carni, & vnum cum illa efficitur, peribit ut caro: quia in carne cōputabitur, tanquam factus & existēs ex carne. Caro enim & sanguis non possidebunt regnum Dei. Qui verò hæret Domino quid est, nisi vnus spiritus cum eo in Christo, qui est Verbum Dei? Verbum autem Domini manet in æternum: & ideo ipse quoque manebit. Vnde egregie sequitur:

*1. Cor. 15.*

*Ex ipso autem vos estis, videlicet, ex Deo, & consequenter non ex carne. Et medium illud per quod sumus ex Deo, & non vltius ex carne, addit:*

*In Christo Iesu, tãquam palmites in vite: qui factus est nobis sapientia. Nam per illum noscimus finem nostrum esse vitam æternam: & diligimus ipsum, & viam scimus. Ipse enim via est, veritas, & vita. Factus est etiam iustitia nostra: quia per ipsum iustificamur coram Deo, & ex fide, & per opera quæ*

facta sunt in ipso, videlicet in fide & dilectione eius. Factus item est sanctificatio nostra: quia per ipsum, & eius internum infusum donum iustitiæ: in cordibus nostris, sanctificati ac mundi facti sumus coram Deo ab omni macula, & ita digni videre illum. Item factus est redemptio nostra, videlicet, à captiuitate Satanae, & peccati. Et cum hæc omnia non sint à carne, sed à Deo per Christum, & in illo, pulchrè sequitur.

*Ut quemadmodum scriptum est: Qui gloriatur, &c.* In Domino, inquit, gloriatur, non in carne, nec de iis quæ sunt carnis: nec in semetipso quasi non acceperit, sed in Domino qui est Christus, in quo sumus & stamus, per quem habemus dignè omnia, si tamen manserimus in illo. Locus tamen citatus apud Ieremiā aliter habere videtur, legitur enim: Qui gloriatur, in hoc gloriatur, scire & nosse me. Sed est idem sensus, si bene percipitur. Præmissum enim erat: Non gloriatur sapiens in sapientia sua: & non gloriatur fortis in fortitudine sua: & non gloriatur diues in diuitiis suis: sed in hoc gloriatur qui gloriatur, scire & nosse me. Quia ego sum Dominus faciens misericordiam & iudicium in terra, &c. Quid ergo aliud hæc verba significāt, quàm qui gloriatur, in Domino gloriatur, non in carne? Qui enim de sapientia sua, & fortitudine sua, & diuitiis suis gloriatur, nonne in carne gloriatur? Sapientia enim hominis & fortitudo, & diuitiæ carnis sunt bona. Ideo dixit propheta, tua, & tuis. Qui rursum gloriatur te scire & nosse Deū in hoc quod caro non cognouit, videlicet, quod ipse est faciens misericordiam & iudicium, & iustitiam in terra, quæ sunt dona Dei & ex Deo, & sunt ipse Christus nostra misericordia, & iudiciū, & iustitia nostra, nonne in Domino gloriatur? Qui ergo dicit: Non gloriaris de his quæ ex teipso, sed de his quæ à me accepisti per Dominum tuum Iesum Christū, nonne satis dicit: Gloriare in Domino tu qui gloriaris? Nam in illo habes omnia, non in te ipso: quia qui in illo sunt, ij soli à Deo respiciuntur, ut digni donis. Ergo hoc in primis tibi fatendum est. Vide igitur ut ea doctissimè Apostolus exprimit de scripturis scrutatus illas, quæ prima facie nemo perspicere: & illud est propriè scrutari scripturas.

*Que sit natura gloriantis.*

## CAP. II.

**E**T ego cum venissem ad vos fratres, veni non in sublimitate sermonis, aut sapientiæ, annūtians vobis testimoniū Christi. Non enim iudicaui me scire aliquid inter vos, nisi Iesum Christum, & hunc crucifixum. Et ego in infirmitate, & timore, & tremore multo fui apud vos. Et sermo meus, & prædicatio mea, non in persuasibilibus humanæ sapientiæ verbis, sed in ostensione Spiritus & virtutis: ut fides vestra non sit in sapientia hominum, sed in virtute Dei.

*E*T ego, &c. Hic Apostolus in exemplo sui persistens, quo declararet virtutem Christianæ prædicationis & suæ, non sitam esse in verbis pomposis sapientiæ humanæ, dicit se ad illos non venisse



his armis instructum, videlicet, verbis sublimibus à præceptis rhetorum manantibus, aut à sapientia mundi profectis, quæ quidem ex elementis huius mundi deriuat in his, qui contemplantur creaturas. Siquidem, ut dictum est, in iis parum profecit mundus: sed ea simplicitate annunciauit testimonium, ut ostenderet se inter eos nihil scire, nisi Iesum Christum, & hunc quidem crucifixum, & bene ait:

*Non enim iudicavi me, &c.* Homo enim magister & doctor iudicat se ea scire, quæ est paratus alios docendo, proferre. Nam scientis est posse docere. Et ea nescire dicitur magister, quæ non vult alios docere, etsi ipse quidē sibi sciat. Sic enim & Christus dixit se nescire de illa die, quoniam non erat paratus illam aliis manifestare. Nesciuit ergo ut doctor, & ut magister. Sic & illud intelligitur: Quæcunque audiui à Patre meo nota feci vobis, id est, quæcunque audiui ad manifestandum. Vnde illud apud Comicum: Nescias quod scis, si sapias, hoc est, ad modum nescientis te geras non prodendo aliis. Sic ergo cætera B. Paulus iudicauit, id est, constituit se nescire, quandoquidem ad modum nescientis decreuit se habere circa illa, quoad illos tamen, & propterea adiecit:

*Inter vos.* Nam quoad alios etiam ostendebat se multò plura scire. Contendit enim disputans cum Epicureis & Stoicis, idque non poterat nisi ex elementis mundi huius, ostendendo ea non satis esse ad notitiam veri boni, & finis nostri. Quod autem iudicauit inter illos se nihil aliud scire, quàm Iesum & hunc crucifixum, intellige non solum de doctrina verbi, verum etiam facti & exempli, conformando se illi in opprobriis crucis, humilians se coram illis, & gestās stigmata Iesu in corpore suo. Hoc fuit iudicare tantum scire Iesum Christum, & hunc crucifixum. Sciuit aliquando & B. Petrus Iesum, dum confitetur eum Dei viuētis filiū, & dum prohibet sibi ab eo lauari pedes, & dum vindicare gladio illum satagit à ministris tenebrarum, amputans auriculam Malcho. Sed nondum nouerat Iesum crucifixum, qui latētem crucis virtutem ignorabat. Vnde & exhorret eam, & fugit, & negat: Homo, inquit, non noui hominem. Et bene dicit ex parte, quia nōdum nouerat hominem, nondum cōtemplatus erat in ea crucis stultitia sapientiā. At B. Paulus iam edoctus quanta oportere pati pro nomine eius, iam nouerat crucifixū, & cōstituerat se id solum nosse apud Corinthios.

*Et ego in infirmitate.* Ecce, figuratum se Christo in cruce ostendit, tanquā nihil posset aduersus illos, cum tamen posset plurimum, utpote Christi viuētis minister: sed maluit in infirmitate esse inter illos. Orat enim, obsecrat, tristatur, flet, vritur, & quæ timoris atque tremoris sunt paritur. Et hoc fuit venisse non in sublimitate, sed in infirmitate. Vnde ait,

*Et timore, ac tremore, &c.* Tremor est corporis, timor est animæ, propter maximas turbas Corinthi excitatas à Satana, & ministris eius, ut patet in Act. Vnde alibi: Foris pugna, intus timores, videlicet, propter falsos fratres, qui etiam magis officiebant ouibus Christi, quàm hostes qui aperta fronte veniunt.

*Et sermo meus,* inquit, familiaris & priuatus: &

*predicatio mea,* scilicet publica, non fuit in persuasibilibus humana sapientiæ verbis, sed in ostensione spiritus, qui scilicet per me loquebatur, sicut promiserat Dominus. Ego dabo vobis os & sapientiam, cui non poterūt resistere omnes aduersarij vestri. Non enim vos estis qui loquimini, sed Spiritus Patris vestri qui loquitur in vobis: & virtutis, quoniam signa faciebant Apostoli & prodigia, quæ sermonem confirmabant iuxta promissā Domini. Et ita disposuit Dominus sapienter, ut apparerent principia fidei non esse ex mundo, sed ex Deo, quod probat.

*Ut fides vestra non sit in sapientiā hominum, sed in virtute Dei,* id est, ut non habeat fides humanum fundamentum, sapientiam hominum, sed diuinā. Spiritus enim erat qui per os loquebatur, & qui faciebat prodigia ad confirmationem eorum, quæ ab Apostolis de Christi mysteriis prædicabantur.

Sapientiam autem loquimur inter perfectos: sapientiam verò non huius sæculi, neque principum huius sæculi, qui destruuntur: sed loquimur Dei sapientiam in mysterio, quæ abscondita est: quā prædestinauit Deus ante sæcula in gloriā nostram: quam nemo principum huius sæculi cognouit. Si enim cognouissent, nunquam Dominū gloriæ crucifixissent. Sicut scriptum est: Quod oculus nō vidit, nec auris audiuit, nec in cor hominis ascendit quæ præparauit Deus iis qui diligunt illum: nobis autem reuelauit Deus per Spiritū suum. Spiritus enim omnia scrutatur, etiā profunda Dei. Quis enim hominū scit quæ sunt hominis, nisi spiritus hominis qui in ipso est? Ita & quæ Dei sunt nemo cognouit, nisi Spiritus Dei.

Occurrens hīc Apostolus, ne quis fortè de prædictis malè colligeret, illum nihil aliud penitus scire, & de nulla re alia loqui posse, quàm de hac stultitia, quæ scilicet erat prædicare Christum crucifixum: & consequenter ne apostolica doctrina solum videretur in hoc consistere, nec de summis causis posse differere, ac rationes in medium proferre, quod est tamen sapientiæ proprium. Ne quis, inquam, hoc sibi falso atque imprudenter persuaderet, adiunxit:

*Sapientiam autem loquimur inter perfectos,* id est, inter eos qui in Christo non sunt paruuli, sed confirmati iam sunt in illo atque consummati: quibus mundus erat crucifixus, & ipsi vicissim mūdo. Vos autem paruuli adhuc estis, qui nondum potestis recipere altiora sapientiæ Dei sacramenta. Sapientiā autem hanc, quam loqui se ait inter perfectos, declarat non esse sapientiam huius sæculi, neque principum eius, quæ colligitur ex his (ut diximus) quæ videntur: & per se nihil boni hominibus ostendit talis sapientiæ studium, nisi sæculare bonum. Quo fit ut huius sæculi principes & sapientes destruantur cum sua potentia & sapientia, sicut destruitur illis suis ipsorum finis, qui est mūdi gloria, aut potentia, aut voluptas, & alia huiusmodi falsa & ca-

Luc. 21.

Marc. 11.

Marc. 13.

Ioan. 15.

Act. 17.  
Quid sit  
scire Iesum  
crucifixū.

Matth. 16.

Act. 18.  
2. Cor. 7.



*Quæ sit sapientia Dei in mysterio.*

duca bona, cum suis sectatoribus peritura.

*Sed loquimur Dei sapientiam in mysterio.* Mysterium vocat incarnationis Dei. Quod rectè mysterium dicitur, siue sacramentum: quoniam eiusmodi sacramentum arcanum cōtinet, quod lumine naturali non valet apprehendi. At in eo est integra perfectaque Dei sapiētia. Vnde alibi ait: In quo sunt omnes thesauri sapiētiæ & scientiæ Dei absconditi. Quia ergo absconditi, ideo mysterium. Occultata est enim Dei sapiētia sub illa carne fragili & infirma dispensatiue, & ad tempus: & facta est carnis illa signum salutis nostræ. Sic enim ostensum est pastoribus. Et hoc vobis signum (dixit Angelus) Inuenietis Infantem pannis inuolutum, & positum in præsepio. Quare enim Verbum æternum & sapientia Dei facta est infans? Et cur his pannis inuoluitur, & hac vili carne nostra? Et cur in præsepio sternitur, nec est ei locus in diuersorio, quem tamen cælum cælorum capere non potest? Hæc certè salutis nostræ sunt signa, quam venit operari in medio terræ. Idcirco sapiētia Dei est in mysterio abscondita.

Sed nunquid solum stulta sunt Dei in ea, & non magnalia quæ multò magis valeant prædicari? Nascitur Infans, sed ea die melliflui facti sunt cæli, & omne cor exhilaratum est. Solus infelix damnatorum in tanto Natali tremuit infernus. Vestitur Infans vilibus pannis in terris: & interim sua gloria vestiebat angelos in cælis. Ponitur in præsepio sordido: sed illi canunt Angeli adorantes, Gloria in excelsis Deo. Nam quid (rogo) tam humile, tamq; abiectum in ipso Christo fuit, quod non haberet mirificum suæ sapiētiæ ac virtutis, & celsitudinis testimonium? B. Ioannes Baptista typum gerens hominis captiui sub manu Herodis diaboli, & Herodiadis adulteræ carnis nostræ, quæ de peccato est orta, ad illum mittit duos ex discipulis, ut noscant eum veram esse Dei virtutem, & veram sapiētiā. Mandat enim ut quærant ab eo: Tu es qui venturus es, an alium expectamus? Et ille respondit, Cæci vident, claudi ambulant, leprosi mundantur, surdi audiunt, mortui resurgunt, pauperes euangelizantur. Et beatus qui non fuerit scandalizatus in me. Quinam (rogo) ij duo discipuli, quos mittit Ioānes ut discat quæ sunt Christi, nisi duo sensus, per quos ratio maxime colligit scientiam, nimirum visus & auditus? Ideo dixit Dominus: Ite & renūciate Ioāni, id est, rationi & intellectui, in quo est lumen ad iudicandum, quæ audistis & vidistis. Cæci vident, &c. Hoc enim oculus poterat contestari de illis signis. Auris autem, quæ est sensus disciplinæ, etiam testari poterat: quia pauperes euangelizabantur, id est, capaces reddebantur euāgelij, qui erant pauperes, hoc est, non fidentes proprio spiritui, propriæque sapiētiæ, sed emendicantes à Domino sapiētiā. De his ergo nonne ratio captiui hominis & in carcere detenti, colligere poterat, in eo qui talia faciebat esse virtutem Dei, qui tot signa operabatur? Et item in illo esse sapiētiā Dei, quæ pauperes euangelizabat, hoc est, idiotas capaces consiliorum Dei faciebat, & æternæ vitæ?

Possimus discutere Christi gesta, & acta circa illum, ad comprobandum non fuisse talem in eo in firmitatem absque summa potentia. Si enim moritur, corruptionem tamen nullam nouit. Si sepelitur mortuus, resurgit in æternū victurus. Si acerbè

patitur, compatiuntur secum & terra, & cælum, & omnium maximū luminare, recognoscentes Creatorem suum, & suo modo condolentes. Quare eleganter dixit quidam nostris, Si credis vilia, crede & mirifica. Vocat tamen absconditam hanc sapiētiā Apostolus: quia non in se apparebat, cum esset cōtecta sub vase fictili. Vnde & Deus absconditus appellatus est, & quasi thesaurus absconditus in agro, licet in effectibus magnis ac mirificis sese ostenderet.

Dicit præterea & hanc sapiētiā, de qua tractabat inter perfectos, fuisse prædestinatam ante sæcula in gloriam nostram. Non enim prædestinata fuit ut esset quæ ab æterno fuit (æternorum enim nulla est prædestinatio) sed ut esset in carne, & ad gloriam nostrā. Et hoc ante sæcula: quia hoc est initiū viarum Domini Dei excelsi, & primum atq; præcipuum quod voluit Deus: & probauit inter omnia opera sua ut dignum se, & in quo sibi iure complacuit: quia in illo reliqua omnia prorsus sunt condita, & propter illum: in quo nos inuenimus fuisse perfectos, ingredientes & egredientes, id est contemplantes secreta diuinitatis: & ad humanitatem etiam respicientes: in quibus duobus est vitæ nostræ perfectio, & gloria nostra: quia hæc est nobis vita nostra Iesus Christus. Non ergo prædestinata fuit hæc sapiētia primum in redemptionem nostram, sed in glorificationem. Quia verò intercessit peccatum, ideo dispensatiue operata, est modo admirabil etiam redemptionem.

Quam nemo principum huius sæculi cognouit. Sed hic primo, Quomodo verum istud est, neminem principum huius sæculi cognouisse Christū, cum non obscurè contrarium in parabola vineæ videatur vbi dicitur. Agricola autem videntes filiū dixerunt, Hic est haeres: venite, occidamus eum. Ad hoc autem quidam responderet, per principes huius sæculi, dæmones hoc in loco esse intelligendos. Quasi verò non multò certius dæmones Christū nouerint, & eundem Dei esse sapiētiā, & illam etiam prædestinatam in gloriam nostrā. Ob hoc enim quia scierunt, conceperunt dolorem, & pepererunt iniquitatem suam. Quare melius diceretur, à mundi principibus, ut tales erant, id est, ut sapientes ac mundi principes, hanc sapiētiā minime cognitam, ut sit formalis sermo: quoniam sapiētia humana & sæculi potentia, non prouehit hominem ad hanc notitiam, sed fides quæ est paruulorum: non autem eorum qui in oculis suis sunt sapientes. Vnde Dominus dixit: Confiteor tibi Pater Domine cæli & terræ, quia abscondisti hæc à sapientibus & prudentibus, & reuelasti ea paruulis. Potest etiā dici, quod non de sapiētiā dicitur, sed de gloria, & nulli principum huius mudi illam gloriam patefactam fuisse, ad quam nos etiam ab initio ordinati in Christo, ut bene subdatur:

Si enim cognouissent, scilicet eam gloriam, nunquam Dominum gloriæ crucifixissent, id est, illum per quem omnes adepturi erant gloriam. Vnde & ipse Rex gloriæ dicitur. Et dicuntur multi principes apud Apostolum, homines sapientes ex mudo, quorum est regere mundum. Quod autem non cognouerint illam gloriam principes mundi, probat per illam Isaïæ scripturam dicentem:

Quod oculus non vidit, nec auris audiuit. Vbi vide



quam sapienter loquatur Apostolus, & quam doctè. Ex duobus enim præcipue (vt iam superius diximus) sensibus, notitiam acquirimus & disciplinam, videlicet, ex visu & auditu. Sed nec oculus vidit, nec auris audiuit, videlicet ab homine doctore & magistro, gloriam hanc, vt intellectus eam capere possit. Et similiter doctè dicit,

*Nec in cor hominis ascenderunt.* Nam quæ naturali modo intelliguntur, per ascensum veniunt, nimirum à sensibus inferioribus ad sensum communem, inde ad phantasiam & cogitativam vsque ad mentem, per organa huiusmodi media ascendendo semper, donec pura fiat intelligètia ab intellectu agente deputatis phantasmatibus. Iuxta hoc Dominus dixit: Cogitationes ascendunt in corda vestra. Et de gloria ista, quæ est Dei Patris notitia, dixit similiter, Neque speciem eius vidistis, neque vocem audistis. Non est enim nobis visibilis, nec sensu auris perceptibilis: quia nullum edit sonum.

Sic ergo ait Apostolus. Nec oculus vidit, nec auris audiuit, nec in cor hominis, &c. et si locus aliquantulum aliter videatur habere apud Isaiam, vbi sic legimus. A sæculo non audierunt, neque auribus perceperunt. Oculus non vidit Deus præter te, quæ faciet expectanti eum. Et alius item aliter. Nam & Rabbinus secum dissident: & tamen in hunc vnum sensum vt omnes conueniant, est necesse, scilicet A sæculo, id est, ab hominibus sæculi per lumen naturale, non esse datum nobis vt cognoscere possemus autorem gloriæ Iesum Christum, qui sit salus, & spes, & expectatio nostra, summaque & æterna felicitas. A Deo, id est, ab ipso Christo, talem notitiam accipimus.

Quamobrem iuxta communem literam inquit: Non vidit oculus absque te, id est, absque tui magisterio & reuelatione. Aut si dixeris, præter te, intellege illum solum scivisse & vidisse, quæ præparavit expectantibus se. Et si legis, expectantibus eum, siue, expectanti eum (vt veritas Hebraica declarare videtur) manifesta est Patris & Filij personarum distinctio. Et sensus est, quod nemo nouit præter ipsum Patrem, quæ præparavit Christus Iesus expectantibus se. Quidam verò interpretatus est in hunc sensum. quod nemo vidit alium Deum, præter illum qui est verus Deus, qui sic faciat expectanti se. Sed à sensu Apostoli valde remotus est hic sensus; qui nec faceret quicquam ad rem propositam, cui hæc sententiam Apostolus accommodauit. At ne quis diceret: Si ergo nulla est huius gloriæ notitia, quid ergo frustra laboramus, quid inquiramus eam? Respondet Apostolus & satisfacit, subiiciens:

*Nobis autem reuelauit Deus per Spiritum suum,* id est, nobis Apostolis præcipue, & summis viris, per quos hoc ipsum alij docedi erant. Reuelauit autem Deus, per Spiritum suum, qui scrutatur omnia etiā profunda Dei: ad tollendam dubitationem, quomodo hic Spiritus noster scire posset. Et hinc manifestè probatur Spiritus sanctus esse Deus. Primum quia Spiritus Dei dicitur, vt sit quiddam Dei intimum. Spiritus enim ex intimis eius qui spirat, venit. Tū quia est persona, vt & alibi probatur, cum dicitur: Baptizantes eos in nomine Patris & Filij & Spiritus sancti & alibi: Alium Paraclætum dabit vobis, & iterum: Cum autem venerit Spiritus ille veritatis, qui à Patre procedit, ille vos docebit omnia. Si igitur

aliquid Dei intimum est, Deus profectò est: & iam recipitur quod sit alius à Patre & Filio. Alius ergo erit secundum personam, non tamen alius Deus, cum plures esse Deos sit impossibile. Adhæc, de hoc Spiritu dicitur, scrutari illum omnia etiā profunda Dei. Quid est profunda Dei, nisi quæcumque sunt Dei, quanuis altissima & nobis inaccessibleia? Non enim essent profunda Dei, si possent à nobis cerni; & perscrutatione comprehendi. Itaque si profunda Dei scrutatur Spiritus, ergo eius visiva potentia adæquat obiectum ipsum quod videt. At hic est Deus. Quis autem perfecte Deum videre potest, cuncta scrutans quæ sunt illius etiā profunda nisi sit pariter Deus? O Spiritus optime, sanctissime, clemētissime miserere mei, meque adiuua: & tunc cuiusvis meus pugnet contra me, Amen.

*Quis enim hominum scit quæ sunt hominis, &c.* Probatur autem iterum Apostolus exemplo, quod dixerat, Spiritum Dei solum scire quæ Dei sunt, vt nequaquam egeat ipse reuelatione, cui nihil est velatum, sed ipse potius aliis reuelat. Sicut enim eorum quæ sunt hominis, videlicet interioris (vt Græca littera ipso articulo satis innuit) id est, secretos hominis conceptus nemo nouit, nisi spiritus hominis qui est in ipso homine: ita nemo nouit quæ sunt Dei, videlicet in ipso latentia, nisi ipsemet Spiritus Dei, qui similiter (suppletu) est in ipso. Et hinc rursus optima consequentia eruitur, ipsum Spiritum esse Deum, si in ipso Deo est intimè secundum suam substantiam. Sicut enim de spiritu hominis qui eius intima scrutatur, dicimus illum esse in ipso homine, & esse aliquid hominis, & non quicquid extrinsecus homini: Ita dicere oportet de Spiritu Dei, vt similitudo constare possit. Intellige autem hominem videre quæ occulta sunt in seipso, non quidem omnia, sed quæ sunt actu. Nam potentias & habitus non videt in seipsis, sed ab effectibus coniectat, & ab ipsis actibus. Deus autem ipse actus purus est, & non potest partim se comprehendere, partim non.

Sed circa dicta oritur difficilis ad soluendum quaestio. An solus homo videat proprios, quos ipse format, mentis suæ conceptus: An verò etiam Angeli, & Dæmones, quemadmodum quibusdam videtur. Qui Angelos videre negant, ex hoc Apostoli loco mouentur, qui dixit alium (homine ipso excepto) nouisse neminem. Sed nihil ad rem facit. Neque enim absolute dicit: Nullus nouit, sed nullus hominum: hæc eius verba: *Quis enim hominum, &c.* Quare miranda est quorundam incircumspectio, qui ex hoc loco id capiunt, vnde tacite potius contrarium innuatur. Cum enim dicat: *Quis enim hominum?* perinde fermè accipitur, ac si ab Angelis se præseruare voluisset, illisque hanc notitiam concedere. Quanquam si id concedatur, soli homini nota esse atque perspecta quæ sunt hominis, vt quicumque alij, præter ipsum hominem, nesciant: Deus etiam ipse (quod est dictu exhorrendum) nesciret. Non ergo sola est ratio, cur homines, non videant quæ sunt alterius hominis intima, quia scilicet spiritus hominis non sit in altero, sed cum hoc adiuncto, nempe quod homines sunt. Sin autem essent superioris gradus spiritus, non propterea iis negatur. Verum hæc quaestio scholastica est, & multas habet tricas. Contendunt enim inuicē illi longis an-

Modum intelligendi naturaliter.

Luc. 7. 16.

Ioan. 5.

Pro diuinitate Christi.

Pro diuinitate Spiritus sancti.



bagibus. B. Augustinus in li. Retract. ponit quæstionem hanc ita difficilem, ut eius resolutio ab hominibus aut omnino inueniri non possit, aut vix possit. Nunc autem nos eatenus loquimur, quatenus de scripturis elicitur.

Nos autem non spiritum huius mundi accepimus, sed Spiritum qui ex Deo est, ut sciamus quæ à Deo donata sunt nobis: quæ & loquimur, non in doctis humanæ sapientiæ verbis: sed in doctrina Spiritus, spiritualibus spiritualia comparantes. Animalis autem homo non percipit ea quæ sunt Spiritus Dei. Stulticia enim est illi, & non potest intelligere, quia spiritualiter examinatur. Spiritualis autem iudicat omnia: & ipse à nemine iudicatur: sicut scriptum est: Quis enim cognovit sensum Domini? aut quis instruxit eum? Nos autem sensum Christi habemus.

*Nos autem non spiritum, &c.* His verbis declarat Apostolus, cum qui Dei sit Spiritu instructus, ea docere, & tradere aliis quæ Dei sunt. Vnde hoc in loco Doctores animaduertunt hunc Spiritum esse Deum, eo quod dicitur ex Deo esse. Non enim potest intelligi hic, esse ex Deo, quasi creatura. Alioquin etiam spiritus mundi ex Deo est: quoniam quæcunque sunt, ex Deo sunt. At hic simpliciter Spiritus mundi opponitur Spiritus Dei in hoc ipso, quod hic sit ex Deo: quod non esset verum, nisi hic, esse ex Deo, intelligas, id est, ex Dei substantia. Potest nihilosecius dici de Spiritu mundi, illum non esse ex Deo: quia non ad cœlestia, sed terrena aspirat. In quo sensu dicitur, concupiscentiam carnis, & oculorum, & superbiam vitæ non esse ex Deo: quia ex peccato venerunt. At hic nouus spiritus ex Deo est. Ergo hunc spiritum ad hoc acceperunt mediis donis primum: Apostoli, ut haberent scientiam cœlestium, & consequenter ut instruere alios possent de hac spe & expectatione, quæ à Deo præparata est hominibus. Vnde appositè addidit:

*Ut sciamus quæ à Deo donata sunt nobis, quæ & loquimur.* Quia ad hoc illa acceperunt, ut ea loquerentur & docerent. Et hæc erant quæ dicebat se loqui inter perfectos. Hæc enim pertinent ad sapientiam Dei, non autem ad crucis stultitiam. Et de his poterat B. Paulus differere, in quibus resurrectionis mysteriū, & supremi iudicii, & futuræ includitur gloriæ: quando erunt omnia instaurata, omnia solidata, quando peribit illud lamentabile verbum: Vanitas vanitatum, & omnia vanitas.

*Non in doctis humanæ sapientiæ verbis.* Vide ut redit ad rem, cum addat. Licet hæc summa essent (videlicet de sapientia Dei) mysteria: non tamen ea loquebatur verbis sublimibus, exquisitis, & doctis iuxta humanam sapientiam, sed doctis Spiritus, id est, iuxta Spiritus sapientiam. Quod ut rectè intelligatur, sciendum est primum eorum omnium de quibus haberi potest sermo seu tractatus, quædam esse humana, quædam verò diuina. Et illa quidem humana, carnalia sunt & temporalia. Hæc verò diuina, spiritualia sunt & æterna. Sicut ergo re ipsa hæc

inter se magnoperè distant: ita oportet ut & sermo qui de illis habetur, & eloquentia, multò sit diuersa à verbis ad humanam persuasionem artificio rhetorico excogitatis. Attamen necesse est utramque materiam explicari doctis verbis, sed tractandæ ipsi materiæ propriis, ut quæ sunt humana & carnalia habeant sua docta verba, illa videlicet quæ à carne & sanguine, & à spiritu hominis doceantur & probentur, ut placeant hominibus. Quæ verò diuina & spiritualia sunt, similiter habeant sua docta verba, sed ipso Spiritu doctore, qui est castus, sanctus, simplex, venerandus sine fūco vllō, & quæsito colore, aut humana & affectata industria.

Non ergo negat Apostolus se habere doctrinam in verbis, cum esset prædicator eximius & dux verbi, ut ait scriptura: tantum negat se habere talem doctrinam, qualis conficitur ab humana sapientia & arte: quoniam non loquebatur humana & carnalia, sed diuina & spiritualia. Ob eam causam opus erat illi eiusmodi habere verba quæ docebat Spiritus, ut essent conuenientia materiæ. Nam proportionabiliter se habere debebant res & verbum. Ideo de re ait, *Spiritualibus*, videlicet rebus, *spiritualia*, videlicet verba comparantes. Et hinc habes resolutam quæstionem illam, An B. Paulus valuerit dicendi scientia. Valuit enim scientia illa quæ est secundum Spiritum, qui docet eloquia casta, quæ sunt argentum igne examinatum, ne quis error, ne qua vanitas, ne quod mēdacium insit, probatum terræ, purgatum septuplum. Terræ autem probatur hæc eloquentia munda: quia in corde humano feritur, recipitur, & probatur, quando tenaciter custoditur, & nulla tentatione excutitur. Et meritò probatur terræ: quia etiam septemplex probatum est, id est, à Spiritu sancto, qui hoc numero ob septē dona designatur.

Redit verò ad rem Apostolus, ostēdēns non ob id minus vera esse quæ loquitur, si ea multi nō percipiant, cum sint spiritualia. *Animalis autem homo* (inquit) *non percipit ea quæ sunt Dei.* Animalem autem vocat eum, qui secundum carnem sapit ea quæ sunt carnis, cui quæ sunt in se vera & bona, stulta sunt. Et non potest intelligere: quia non habet Spiritum, qui est regula probandi quæcunque & iudicandi. Nam Spiritu examinantur omnia secundum veritatem, ut sic rectè probentur quæ probari debent. Animalis autem homo cum hoc Spiritu careat, & ita hac regula, qua examinantur omnia secundum veritatem, id est, iuxta id quod placet Spiritui, & probatur ab ipso qui est Spiritus veritatis, non potest rectè intelligere, nec verè iudicare. Quæ ut exemplis utamur, illustremus. Dicit animalis homo: Quis descendit de cœlo, & annuntiavit nobis quæ ibi aguntur? Aut quis rediit ab inferis, inde in cœlum iturus? Et sic concludit, Comedamus & bibamus: cras enim moriemur. Sed longè aliter spiritualis viri sententia, qui diiudicat omnia, videlicet quæ cadunt sub iudicium Spiritus. Hic enim nouit finem, & discernere potest quæ ad finem conducunt, & quæ abducunt ab illo: & quæ item sunt spiritualis, & quæ sunt animalis hominis. Ipse enim stat in arce collocatus, ut possit & de inferioribus perspicuè iudicare. Non autem contra iudicari potest ille ab animali: quoniam animalis inferior est, & non nouit sensum Dei, ut verissimè addide-

1. Ioan. 2.

An B. Paulus valuerit eloqui.

Quid sit animalis homo.



diderit, *Et ipse à nemine iudicatur.*

Matt. 7.

Non putes autem hoc contrarium illi præcepto Domini: Nolite iudicare, & nō iudicabimini. Non enim hic est sermo de iudicio particulariū, vel hominum, vel gestorum quæ ignorantur, nec attinet ad cognitionem nostram, sed solius Dei. Sed est sermo de diuinis placitis, quæ tradita sunt nobis ne ignoraretur, sed ut omnino à nobis sciarentur: quia eorum notitia necessaria est ad æternā nobis comparandam salutem.

*Quis enim nouit sensum Domini, &c.* ac si dixerit nulus, nisi ipse reuelauerit: aut quis instruxit, vel quis instruet eum? quasi consiliarius à latere, aut à secretis: Qui enim instruit, ut intelligat & magis sapiat quàm qui instruitur, est necesse. Tandem testatur B. Paulus de se & suis similibus, illos habere sensum Christi, videlicet Spiritu sancto reuelante ad firmitatem euangelicæ doctrinæ.

Hic autem pro veriore huius loci intelligentia, resoluenda est quæstio, cum ait Apostolus: *Nobis autem reuelauit Deus per Spiritum suum.* & item. *Nos autem non spiritum huius mundi accepimus, sed spiritum Dei, ut sciamus quæ à Deo donata sunt nobis, quæ & loquimur, &c.* Vtrum sic intelligenda sint ista verba, ut pertineat peculiariter ad Apostolos, ut ipsi soli possent dicere, Nobis reuelauit Deus. &: Nos Spiritū qui ex Deo est, accepimus. Crediderim sanè ad eos peculiariter atq; eminenter sermonem illum pertinere: licet ad omnes Christianos extēdi aliquo modo valeat. Nam & illis quoq; est reuelatum, & Spiritum Dei accipiunt. Sed utrū & quod sequitur: Ut sciamus quæ à Deo donata sunt nobis, sic intelligere singulariter oporteat, ut quisque Christianus sic accipiat spiritū, ut intelligat quæ sibi donata sunt. Quod si verum est: Quicumque ergo habet charitatem, sciret se illam habere. i. donum illud cœleste. At hoc multis non dicendum esse, videtur. Et ideo nonnulli hunc locū accipiunt de donis gloriæ, quæ speramus in futura vita beata. Nā hæc cuncti Christiani sciūt per fidem. Alij verò hunc locum ad Apostolos tantum spectare putant, quos aiunt peculiariter fuisse per reuelationem instructos de sua gratia. Ego verò secundum ipsum literæ filium magis probo, B. Paulum tam loqui de donis gratiæ, quàm de donis gloriæ. Et de se ac maioribus sibi similibus hoc dicit, quibus erat manifestissima Spiritus reuelatio: quanquā & ipsa notitia se contineret intra latitudinē fidei. Non enim erat conueniens, primos gratiæ prædicatores ignorare hoc donū quod prædicabāt, & in semetipsis non certò illud experiri, & eius admirabiles effectus. Vnde non tam prophetica reuelatione, quæ non est immanēs, quàm assistenti lumine assiduo hoc sciebāt. Et aliud putare (ut ego quidē existimo) eorum est, qui & scripturas non sunt scrutati, & qui se Dei munificentia extenuare non sentiunt. Non enim exiguum est donum, cum donaueris, etiam manifestum id facere cui dones: ut quem interim gaudere de dono, & agere debitas gratias ac referre commonefacias.

### CAP. III.

**E**T ego, fratres, non potui vobis loqui quasi spiritualibus, sed quasi carnalibus. Tanquā paruulis in Christo lac vobis

potum dedi, non escam. Nondum enim poteratis: sed nec nunc quidem potestis. Adhuc enim carnales estis. Cum enim sit inter vos zelus & contentio, nonne carnales estis, & secundum hominem ambulatis? Cum enim quis dicat: Ego quidem sum Pauli: alius autem, ego Apollo: nonne homines estis? Quid igitur est Apollo? quid verò Paulus? Ministri eius cui credidistis: & vnicuique sicut Dominus dedit. Ego plantaui, Apollo rigauit: sed Deus incrementum dedit. Itaque neque qui plantat est aliquid, neque qui rigat: sed qui incrementum dat Deus. Qui autem plantat, & qui rigat, vnum sunt. Vnusquisque autem propriam mercedem accipiet secundum suum laborem. Dei enim sumus adiutores: Dei agricultura estis: Dei ædificatio estis.

**E**T Ego fratres, &c. Occurrit conquerentibus & conquiritibus: Si sapientiam Dei noras, cur nobis eam non prædicasti? Respondet, se non potuisse id facere propter eorum tenuissimum captū, ut qui adhuc essent paruuli in Christo. & carnales: quibus lacte primū opus fuit, id est, qui indigebant erudiri primis fidei elementis, ut inde ad summa perducerentur, quæ appellat escam & solidum cibum, fortioribus fidei dentibus mandendum. Sic prius se gessit ipse Dominus erga Apostolos, quibus dixit: Multa habeo vobis dicere, sed nō potestis portare modo. Et hoc diligenter considerare debent plerique magistri & prædicatores, qui videantur coram imperita plebe, sublimia sublimiter tractant, nullum habentes rerum & personarum, quibuscum loquuntur, delectum. Adiecit autē Apostolus: *Sed nec nunc quidem potestis.* Et causam exponit, *Cum enim sint inter vos zelus & contentio, siue lis.* Græcè additur, & dissensiones, siue dissidia. *Nonne carnales estis, & secundum hominem ambulatis?* Huiusmodi affectus, id est, zelus & contentio, ex carne sunt, non ex Spiritu, & impediūt hominem ab intelligentia spiritualium; quod & alibi declarat, dicens: Manifesta autem sunt opera carnis, inter quæ annumerantur emulationes & contentiones, iræ, rixæ, dissensiones & schismata, & alia quæ ex carne oriūtur. Vnde qui hæc agunt, carnales esse dicuntur: quia homo qualis sit, ex operibus dignoscitur, veluti arbor ex ipsis fructibus.

Ioan. 16.

Gal. 5.

Duplex igitur viget appetitus in homine, carnis & spiritus. Si carnis desideria sequitur, & opera carnis procedunt, carnalis est. Et dicitur ambulare secundum hominem: quod perinde est atque secundum notitiam. id est, secundum appetitum carnis. Nam homo secundum id quod est homo, cum primum nascitur, sine gratia Dei est, & ideo suapte natura carnalis est: aut potius secundum scripturas, caro est, cuius affectibus ducitur, & nihil diuinū sapit, nec est bellum inter carnem & spiritū. Vbi primum verò notitia Dei assequitur, mox incipit velle ea quæ sunt spiritualia. Repugnat autem ei ipsa caro, à qua si superetur, tunc carnalis dicitur: quia

De statu  
& condi-  
tione homi-  
nis.



ambulat secundum carnem. Si verò superet spiritus, tunc secundum Deum qui spiritus est, facit opera spiritus, & non carnis, Spiritu Dei actus tanquam filius Dei in secundo Adam genitus, qui est factus in spiritum viuificantem, non in primo, qui est factus in animam viuentem, ita ut homo duplicem vitam viuatur. Nam secundum corpus quod animatur ab anima, homo est, & anima viuens: quia per animam viuunt corpus, vita tamen mortali & corruptibili. At secundum ipsam animam, quæ informat à Deo per gratiam, & sic vnitur Deo qui est spiritus viuificans, non iam homo, sed Dei filius est, & vita viuunt spirituali, & non morietur in æternum: quia verbum Domini, in quo hic homo est insitus, manet in æternum.

Contra a-  
mulationē  
sectarum.

Ostendit autem propterea ortas æmulationes, & sectas inter eos, quia alius dicebat: Ego sum Pauli, alius: Ego sum Apollos, &c. Et sic diuidebatur Christum in corpore suo, quod est ecclesia, quos reprehendit, & arguit aiens: *Nonne homines estis?* Græcè legitur. Nonne carnales estis? Sed latina lectio (meo iudicio) est verior, & iuxta sensum Apostoli doctor, qui per hominem intelligit eum, qui secundum carnem ambulet. Et contra, qui secundum spiritum ambulat, iam non sit homo, sed supra hominem, tanquam in statu diuino & altiori constitutus: profectur.

*Quid igitur est Apollos? quid verò Paulus?* Quia illi euehebant homines propter gloriationem carnis, supra quam ferret eorum gradus, ostendit quatenus ipsi essent amplectendi, nimirum quantum eorum indicabat officium. Erant autem ministri Christi, cui crediderant: ideo tanquam ministri suscipiendi erant, & non alius opinione propria & fauore promouendis, quasi salutis autores. Si igitur considerandi erant ut ministri Dei, non erant discernendi ab illis, quis eorum esset maior vel inferior, si à donis erat faciēda discernendi distinctio: quia hoc Dei erat, qui solus verè sciebat quantum unicuique eorum contulerat. Et similiter cui retributurus erat unicuique secundum opera sua & laborem, si ab opere adhuc erant iudicandi. Non erat autem propterea putandus ullus eorum caput, cum ministrantes non opus ipsi quidem perficerent, sed Deus per Christum.

Verum rogabit aliquis, Nonne Paulus plantauit, id est, iecit sua prædicatione fidei fundamenta? Apollo autem rigauit, id est, super eo quod plantatum erat, scripturarum confirmationes & exhortationes ad vitam adiecit, ac per hoc quasi aquam viuam fundens, adiuit plantata & promouit? Hæc vera esse non inficiamur. Sed quid prodesse, nisi lux solis intus & calor vim plantatis daret, rigataque coalescere & germinare, ac fructum reddere faceret? Qui ergo plantat & qui rigat, nihil est per se ad fructum, sed solus Deus, qui intus agēs per arcanum lumen facit semen iactum & rigatum affigi cordi, & vitam præbere. Quare qui plantat & qui rigat, vnum sunt: quia in vnum tendunt, videlicet operantes non sibi, sed Christo & Deo, & ob id nequaquam se scindi patiuntur. Itaque qui Paulum sequi optaret, si se ab Apollo secerneret, iam talis Paulum, qui cum Apollo vnum est, non sequitur, sed proprium sibi idolum constituit, quod sibi in Paulo fabricat. Hoc utinam non faceret hac tempestate multi, qui cum

magno populorum scandalo idola sibi varia constituunt: Qui audit & legit, intelligat.

Illud verò interim hoc in loco audiant hæretici. Quomodo Apostolus dixerit claris verbis, & nullam tergiuersationem admittentibus, *Vnusquisque propriam mercedem accipiet secundum suum laborem.*

Quid igitur audent in tanta hypocrisis solam iactare fidem, & gratiam: & omnino tollere opera, & operum merita? Si enim merces est operi stabilita atque constituta: Ergo non pura gratia. Alioqui si pura est gratia, neque est merces operi, ut arguitur ex B. Paulo. Sed est merces operi, ut hic patet ex Apostolo perspicue. Ergo quæ ipsi in nos immerito obiectant merito retorquentur in illos.

Neque tamen existimet quisquam, Deum plus laboranti & diuturnius operanti, iuxta nostram estimationem præmium reddere. Ipse enim æstimat est operum ac laborum æquissimus. Et certum est studiosos viros ac perfectos minus in opere aliquo bono laborare, quam qui nondum solidos progressus fecerunt. Ideo labor perfectiorum non quidem maior, sed pretiosior apud Deum. Similiter gratioris atque acceptioris personæ idem labor acceptior est, quam minus gratæ. Et sic labores vniuscuiusque æstimat non solum secundum ipsius laboris magnitudinem, sed secundum valorem operis. Nemini autem dubium esse debet quin (ceteris omnibus paribus) plus laborans, & vberiores Domino fructus reddēs, plus etiam sit remunerationis accepturus. Quod verò in parabola habetur, omnes operarios pares factos, intelligendum est quoad præmium ipsum substantiale æternæ vitæ, quod dabitur omnibus: quanquam alij plus, alij minus eodem fruuntur. Etenim apud Deum in cælis diuersæ mansiones sunt ut, apud B. Ioan. testatur ipsemer Dominus.

*Dei enim sumus adiutores: Dei agricultura estis, &c.* Declarat veluti quodam typo rem præsentē, nempe ipsos quidem Corinthios, non secus ac reliquum ecclesiæ corpus, esse quasi agriculturam quandam siue agricolationem Domini, videlicet in quibus quasi in capum iaciebat semen suum Dominus ad culturam: Vel erat quasi ædificatio quædam. Nam & ædificio comparatur ipsa ecclesia. Ipsi autem Apostoli ministri erant, adiutores & operatores cum Deo. Neque eousque desipere nos putent Lutherani, ut credamus Deum cooperatoribus ullis egerē, quem verè confitemur omnia sine ullo penitus alicuius adminiculo facere posse. Sed cum sit immensè & propensissime in creaturas suas bonitatis, ita fieri voluit, quod suam illam bonitatem communicaret, & aliquot sibi (quantum tamen fas erat) similes efficeret in opere diuiniore, quod est alios creare & seruare. Et hoc vehementissime ad gloriam illius, & ad nobilitandum genus nostrum pertinebat, propter caput ipsum Christum, cui membra connecti conueniebat tali capite digna.

Secundum gratiam Dei quæ data est mihi, ut sapiens architectus fundamentum posui: alius autem superædificat. Vnusquisque autem videat quomodo superædificet. Fundamentum enim aliud nemo potest ponere, præter id quod positum est, quod est Christus Iesus. Siquis

Contra hæ-  
reticos pro  
mercede o-  
perum.

Quo pacto  
retribuitur  
unicuique  
secundum  
suum labor-  
em.

Ioan. 14.



autem superædificat super fundamētum hoc, aurum, argentum, lapides preciosos, ligna, fœnum, stipulam: vniuscuiusque opus manifestum erit. Dies enim Domini declarabit, quia in igne reuelabitur: & vniuscuiusque opus quale sit, ignis probabit. Si cuius opus manserit, quod superædificauit, mercedem accipiet. Si cuius opus arserit, detrimentum patietur: ipse autem saluus erit, sic tamen quasi per ignem.

*Secundum gratiam quæ data est mihi, &c.* Locus hic difficilis visus est multis, ita vt B. Augustinus magnopere in illo interpretâdo titubauerit. Atramen vt mihi videtur, hūc locum magis interpretes suis commentis obscurarunt, quàm ipsa litera ferebat. Dicam igitur liberè quod sentio. Quoniā iam fundata Corinthi ecclesia, ad eam conseruandam constituerat Apostolus prædicatores & doctores, qui continuè docendo ad eius corroboracionem multa superædificarent, ostendit quomodo in hoc debeant se gerere, ne ipsi detrimentū patiantur. Proponit autem à se, vt à sapienti architecto, primum fundamētum positum, id est, fidei principia, super quibus alij valeant superædificare: Videre autem illos oportere, quomodo superædificēt. Et primum intelligant, si velint superædificare, id est, super datum positumque iam fundamētum, quod est Christus, ædificare: illis non esse licitum aliud ponere fundamentum, cum nullum sit aliud. Quod si tentarent efficere, non tam id esset superædificare, quàm prorsus destruere, atque denuò illud ipsum construere, quod stare nulla ratione posset, dicente Domino: Omnis plantatio quam non plantauit Pater meus cœlestis, eradicabitur.

Deinde debent animaduertere, super hoc fundamētum ædificari posse aliquid auri, aut argenti, seu lapidum pretiosorū. Per *aurum* aliquid sapienter dictū de diuinis possumus intelligere. Nam in auro sapiētia intelligitur. Per *argentum* aliquid eloquenter. & ad hanc vitam traducendam spectans, quo sit modo viuēdum, quàm honestè ac candidè. Et per *lapides pretiosos* possunt singulæ virtutes intelligi: præcipuè autē illæ quæ oculis Dei fuerint spectabiles, vt fides, spes, charitas, humilitas, obedientia, patientia, paupertas, misericordia, cordis mūditiā, & huiusmodi quæ p̄tiosæ sunt virtutes, & Deo gratissimæ, quibus cœlum nobis comparamus.

Potest etiam contrā, super hoc fundamētum poni lignum, fœnum, stipula. Per *lignum* intelligi potest mundanum aliquod, spectabile illud quidem oculis mundi huius, quasi arbor venusta. Nam scriptura frequenter arborem appellatione ligni intelligit. Et ij sunt qui tanquam lucum plantant in domo Domini, vel philosophiæ mundanæ, vel humanæ eloquentiæ, quibus vti parcè debemus, quatenus sat est, & ad rem faciunt. Per *fœnum* intellige carnale aliquid. Omnis enim caro fœnum, vt erāt Iudæi, qui secundum carnem volebant placere, affectu carnis ducti sectam suam mordicus retinentes. Tales sunt hodierno die hæretici noui, re ipsa docentes carnalia, Comedamus & bibamus, quia in libertatem sumus vocati. Per *stipulam* intellige

omnem carnis huius gloriam, quæ sicut stipula est, & flos fœni. Denique quauis opinio fallā, potest fœni, vel stipulæ appellatione venire.

Ergo huiusmodi superædificaciones *dies Domini declarabit*, illa proculdubio dies extremi iudicij, & dies Domini: quando deserimus esse viatores. Declarabuntur autem per ignem: *quia in igne reuelabitur*. Et vocat ignem, duram illam atq; exactam examinationem secundum veritatem, quam nullus effugiet: & quam nullus poterit vllò eludere dolo, aut vlla pollicitatione, vel pecunia corrumpere. Hic ergo ignis probabit opus vniuscuiusque. Et siquidem manserit opus illud ædificatum: quia erit aurum, argentum, aut lapis pretiosus, accipiet mercedem suam, quæ erit probatio & commendatio Dei, vnde ingens & summa letitia ac gloria erit superædificanti. Sin autem arserit illud opus: quia lignum, fœnum, stipula apparebit, ipsum quidem opus detrimentum accipiet, quia explodetur & reprobabitur. Ipse autē qui fecerit illud, non ob hoc peribit (si fundamentum tenuerit) sed saluus erit. At non omnino absque vlla conditione saluus. Nā & ipse saluabitur, *quasi per ignem*, id est, ignis probatione: quoniam examinabitur quā id mēte egerit, an per ignorantiam, an verò malitiosè, aut per affectionē, vtpotè nimis addictus magistris, ac sectis: vel etiam sibiipsi studens, & gloriæ suæ. Si enim ab iis immunis inuenietur, saluus erit: quia igne probatus euadet.

Cui autem dubium, magnos & præclaros doctores scripsisse & sensisse pleraque, quæ non stabunt in illo examine, sed detrimentum aliquod patientur, ipsi tamen salui absque dubio? quia propter humanam conditionem lapsi sunt errore humano: Exempli causa: Beatus ille & insigniter vir doctus Thomas noster, sensit de conceptione beatissimæ Virginis secus quàm nunc celebrent Rom. ecclesia, & reliquæ prorsus omnes ecclesiæ Dei. Quia tamen illud ei visum est verum, & humanè, imò piè errorem incurrit, haud dubium quin non solum non peccauerit, sed etiam in zelo suo meruerit. Quare non absque imperitia & iniuria à quibusdam fictum fuit, illum sanctissimum virum, simul & B. Bernardum, nescio qua propter id macula in iudicio fore notâdos. Absit. Non enim contra fundamentum sunt illi quicquam ausi: neque aliud quàm quod eis verum apparebat, mente bona docuerunt. Et non sicut nunc plerique faciunt sectariorum, qui erroribus huiusmodi ad sectas fouendas delectari videntur. Quot verò etiam malitiosè, quales sunt hæresiarchæ, qui in plerisque (vt ego quidem existimo) nec ea credunt, quæ conātur defendere? Sed postquam semel errare cœperunt, vel ad comparādā sibi gloriam nouas positiones induxerunt, mordicus volunt eas custodire, ne ipsi cum dedecore à sua gloria excidant: & non considerant se ob hoc ipsam verius & turpius cadere. Nec enim igni probationis, sed tandem igni damnationis & supplicij æterni subdētur miseri, in perpetuum cruciandi.

Hic mihi visus est planus sensus, nec libuit aliorum commenta refellere. Prudēti lectori relinquitur liberum ea amplexandi iudicium, quæ ad mentem Apostoli vicinior accedere videntur. Manifestè enim hoc in loco de igne examinante atque

Explicatur  
locus Apo  
stoli diffi  
cili.

Matt. 15.

Quid per  
aurum in  
telligat scri  
ptura.

Quid per  
argentum.  
Quid per la  
pides pre  
tiosos.

Quid per  
lignum.

Quid per  
fœnum.

Quid per  
stipulam.



probante loquitur. Si nostra hæc expositio minus lectori placet, non cōtendo. Teneamus & nos fundamentum, & nihil contentiosè agentes, sed syncretitati studentes, subdamus semper intellectum (per gratiam Dei) in obsequium Spiritus, qui declarat dubia in ecclesia. Quod si obseruauerimus, etiam si aberrauerimus in quibusdā (vt fert humana conditio) saluos nos tandem iri vel per ignē sperare poterimus.

Nescitis quia tēplum Dei estis, & Spiritus Dei habitat in vobis? Siquis autem templum Dei violauerit, disperdet illum Deus. Templum enim Dei sanctum est, quod estis vos. Nemo se seducat. Siquis videtur inter vos sapiens esse in hoc sæculo, stultus fiat, vt sit sapiens. Sapientia enim huius mundi, stultitia est apud Deum. Scriptum est enim: Comprehendam sapientes in astutia eorum. Et iterum: Deus nouit cogitationes sapientium, quoniam vanæ sunt. Nemo itaque gloriatur in hominibus. Omnia enim vestra sunt, siue Paul<sup>9</sup>, siue Apollo, siue Cephas, siue mundus, siue vita, siue mors, siue præsētia, siue futura. Omnia enim vestra sunt: vos autem Christi: Christus autem Dei.

Vult hoc in loco Apostolus & ipsos qui se faciebant sectarum principes, & ea ratione multos à veritate seducebant: Et similiter qui sectabātur illos, & in illis gloriabantur, deterrere. Primum igitur ostendit quantum illud contineat mali, auertere scilicet hominem à fidei fundamētis: quod est violare cor, & mentem hominis à Deo, auertere. Vnde præmittit dicens, *Nescitis quia templum Dei estis?* Templū idem est quod sacra Dei domus propter inhabitantem Deum, vt ipsemet explicat, *& Spiritus Dei habitat in vobis?* Ipse Spiritus sanctus inhabitator huius templi hoc in loco manifestè declarat esse Deus.

*Si quis autem templum Dei violauerit, disperdet illum Deus.* Græcè legitur *ὁ θεὸς, & ὁ θεός*, id est, corrumpit, & corrumpet. Hæc enim tāto sacrilegio digna est pœna. Nam ipsum Dei sanctum templum est: violare autem sancta, hanc pœnam meritò (etiam penes paganorum leges) luere debet, vt violator ipse perdatur. Nam & si quis ciuitatis muros, quos sanctos faciūt, violauerit, ipse perdatur, hoc est, capite plectitur. Quæ lex si seruatur in muris, & in tēplis lapideis & manufactis, quantò id magis de viuis Dei templis, quæ manu & digitis suis fabricata sunt, quæ sumus nos, qui fide & dilectione suscipimus ipsum Christum? ideo ait,

*Nemo se seducat.* Alloquebatur maiores, qui alios seducere, atq; ad se, & suas partes trahere nitebantur, vt ex ipsi, quasi ex peculiaribus & sibi deditis sectatoribus, gloriam acquirerent. At hoc erat seipsum seducere: quia per illud Dei inimici constuebantur, tanquam violatores tēpli sui. Vnde eos admonet, & salubre dat consilium, dicens:

*Si quis videtur inter vos sapiens esse.* Ille autem vide-

tur sibi sapiens in hoc sæculo, qui ambitione & fastu quærit regere alios. In hoc enim apparer, talem existimare se sapientem, cum sit sapientis regere. Sed ex falsa hac de seipso persuasione venit seductio. Quamobrem huic malo hæc sola est medicina, videlicet, vt *stultus fiat*, id est, vt subdatur & per mittat se regi, & sic sapiens fiat. Nemo verè sapiens esse potest, nisi qui prius stultus fuerit: quoniam sic in lege Christi decreto Dei statutum est. Sic pauperes diuites fiunt: sic esurientes implentur: sic infirmi potentiam quærunt. Quo in loco considerent seipsum ambitiosi, qui quærunt prælaciones, & præsertim regulares, qui magis profitentur contemptum mundi: & sapientissimæ stultitiæ statum non deferant, si ab ipso sapientissimo iudice cupiūt haberi verè sapientes.

*Sapientia enim huius mundi, stultitia est apud Deum.* Adiuuat autem exhortationem, vt non præsumant sapere iuxta sæculi sapientiam, secundū quam quilibet vellet aliis esse maior, eisque dominari. Sed hæc sapientia stultitia est apud Deum, quia scriptū est: *Comprehendam sapientes in astutia ipsorum.* Græcè legitur: *Qui comprehendit sapientes in astutia ipsorum.* Et sic legitur apud B. Iob. Et hinc nota, quòd dictum Eliphaz amici Iob, qui tamen non probatur à Domino, in auctoritatem affertur, non quia ab eo dictum, sed quia in se verum. Nam ex ore insipientis nihil prohibet, quin aliquod dictum sapiens proferri possit. Vnde & ex apocryphis quædam afferuntur, non quia probentur auctores, sed quia probantur dicta. Neque enim omnia quæ in apocryphis leguntur, apocrypha protinus censerī debent. Quæ de causa nullus conturbari debet, si in epistola B. Iudæ quædam legantur, quæ in apocryphorum Autorū libris reperiuntur. Sed ad rem nostram redeundo.

Comprehendit ergo Deus sapientes, videlicet, mundi, in sua astutia. Quomodo in sua astutia: hoc modo, Cum illud ipsum ad quod ipsi tendunt per astutiam (nam astutia malum finem coniectat) est causa suæ ipsorum perditionis, & est ipsorum malum. Hoc aliquo illustremus tali exemplo. *Qui gloriam amat, & ad eam cōparandam omne suum studium intendit, ab ea gloria tandem perditur:* quia dum falsam quærit gloriam, & vera gloria fraudatur, & quam quæsiuit, non habet. Quòd si quid gloriæ adipiscatur in mundo, illa sicut flos fœni est, qui hodierno die olet, & cras in clibanum mittitur. Sed hæc Aulici ignorant & derident, qui & deridebuntur, & serò sapient, quum apertis oculis, quos nunc fumo vanitatis oppletos habent, cogentur vsurpare illam scripturæ sententiam, ad maximā eorum gloriam qui per Crucis stultitiam sapientes redditi sunt, expressam: Ecce, inquit, quos aliquando habuimus in derisum, & in similitudinē improperij. Nos insensati vitam illorum æstimabamus insaniam, & finem illorum sine honore. Ecce quomodo computati sunt inter filios Dei: & inter sanctos fors illorum est. Hæc sunt Sapientiae verba, quæ qui habet aures audiendi audire debet, ne tandem veniat in illam spiritus comminatum angustiam ad perpetuos ignis cruciatus perferendos.

*Dominus nouit cogitationes sapientium, &c.* In psal. legitur, cogitationes hominū. Nam de hominum

Qui verè  
est sapiens

Iob 5.

Pro epistola  
B. Iudæ

Vita huius  
intelligenda  
mundi  
sapientis  
incipere  
verè

Sap. 5.



sapiētia loquitur, qui (vt homines sunt) non sapiūt quæ Dei sunt: quia nec finem verum respiciūt, nec media, quæ probentur à Deo, aptant ad finem. Itaque vanæ sunt: quia inanes & inutiles cogitationes eorum. Addit ob hanc rem, vt & eos admoneret qui tales sectabantur, aliud consilium.

*Nemo itaque gloriatur in hominibus, scilicet, vt homines sunt, in eis suum bonum reponēs. Nam vos ex Deo pendere debetis, postquam & ipse omnia subdidit vobis. Licebit autem gloriari in eis, vt in ministris Christi. Quandoquidem sic gloriari, non est in hominibus, sed est gloriari in Deo, qui tales tantæque dignitatis vobis ministros prouidit: & gloriari in Christo, qui tales elegit. Nam ea ratione qua ministri sunt, minores sunt vobis in hoc tempore: quia maior est qui recumbit quam qui ministrat, vt ipsemet summus Magister testatur. Vnde & egregie subdit,*

*Omnia enim vestra sunt, siue Paulus, siue Apollo, &c.* id est, eorum quæ ad vestrā salutem sunt à Deo disposita, omnia vestra sunt. Et primò quidē ipsi Dei ministri, Paulus, Apollo, Cephas, ad spiritalia ministranda. Deinde mundus, ad suppeditandū carnalia, & quæcūque ad vitam corporis tuendam sunt necessaria. Deinde vita, ad laborādum, & regnum æternū bonis operibus promerēdum. Tum mors, ad finem laborū ac requiem, & vitam nouam eamque sempiterna felicitate stabilitam. Sic præsentia, videlicet, dona, quibus ad illam beatitudinem assequēdam vtimur. Sic futura, scilicet ipsa beatitudo, qua tandem iustè cursu vitæ transacto fruemur. Et cum hæc omnia eorum essent, ipsos tamen Christi esse dicit, non hominum, Christus enim redemit eos, qui & illis ministrans, tandem meruit recumbere, vt omnibus dominaretur, sicut scriptum est. Omnia subiecisti sub pedibus eius. *Christus autem Dei.* Quia & illi qui subiecit ei omnia, subieciuntur, cui gloria in sæcula.

## CAP. II. III.

**S**I nos existimet homo, vt ministros Christi, & dispensatores mysteriorum Dei. Hic iam queritur inter dispensatores, vt fidelis quis inueniatur. Mihi autem pro minimo est vt à vobis iudicer, aut ab humano die. Sed neque meipsum iudico. Nihil enim mihi cōsciū sum: sed non in hoc iustificatus sum. Qui autem iudicat me, Dominus est. Itaque nolite ante tempus iudicare, quoadusque veniat Dominus, qui & illuminabit abscondita tenebrarum, & manifestabit consilia cordium: & tunc erit laus vnicuique à Deo.

**B**eatus Paulus ne omnino sperneretur ministri Dei, quia dixit Dominus: Qui vos spernit, me spernit: & cōtrā, ne supra quā essent, ipsimet ministri extollerentur, ait. *Sic nos existimet homo.* vt ministros, id est, tanquam iconomos seu dispensatores sacramentorum Dei. Qui enim verba dispensat, etiam sacramēta multa dispensat, quæ in verbo Dei continentur. Hæc sunt sacra arcana, quibus homo

primò initiatur, & tum deinū deificatur. Id autem ab iconomo requiritur quod reliquum, nempe vt det rationem residui. i. ne quid sibi quæsierit, aut retinuerit vel honoris, vel gloriæ, aut quid horum: sed vt omnia cedant in luctum & gloriam Domini. Ipse autem stipendio suo sit contentus. Sic enim inuenietur fidelis dispensator in dispensatione dati sibi muneris, & administratæ prouinciæ.

*Mihi autem pro minimo est, vt à vobis iudicer.* Quoniam nonnulli eorum adherētes nouis magistris, videbantur spernere Apostolum, & postponere ipsum aliis, & (quod erat nequius) obrectare de illo calumniote, dixit hoc pro minimo se habere, & nihili facere, si ab illis, vel ab humano die iudicaretur. Et vocat humanum diem, cognitionem humanam, aut tempus in quo est hominis iudicium, & silet diuinum, quod tandem aliquando habebit suam diem, id est, diuinam lucem, quando reuelabuntur abscondita tenebrarum.

*Sed neque, inquit, meipsum iudico:* quia non est meū iudicare meipsum. *Nihil enim mihi cōsciū sum, sed non in hoc iustificatus sum.* Quia à sententia veri iudicis procedit vera iustificatio coram aliis, vt quis ab omnibus comprobetur iustus. Nō enim innocentia satis est ad hoc iustificationis genus. Et de hoc iustificationis genere quæ fit à iudice, clarè hic (nisi velimus proteruire) loquitur Apostolus, propter illud quod consequenter adiungit:

*Qui autem iudicat me, Dominus est.* De illa autem di iudicatione quæ fit per discussionem & quæstionem (vt vocabulum indicat) hoc intelligēdum est. Cum verò ait, *Dominus est,* Excludit eorum iudiciū, sub quo ipse non erat constitutus, vt à quibus posset iudicari. Neq; tamen sibiipso arrogare audet iudicium, quod est Domini. Animaduertat igitur lector non contentiosus, hunc locum nihil attinere ad comprobandum, Neminem scire posse sit ne in gratia Dei, ad quod tamen se penumero adducitur. Sed ad hoc tantum valet, nemini licitum esse seipsum iudicare, vt coram aliis appareat iustus, etiam si fuerit re vera iustus, & hoc ipse certò nouerit: quia non potest aliis ostendere arcana sui cordis. Concludit ergo, admonens eos ne velint ante tempus iudicare quicquam. Et quodnam sit istud, ante tempus, declarat. *Quoadusque veniat Dominus, qui illuminabit abscondita tenebrarum,* id est, ea quæ tenebris occultantur in cordibus hominū tenebrosis. Nam & plerunque quædam vel odiosè, vel ambitiosè aguntur, quæ tamen cum extrinsecus habeant faciē & colorem vel pietatis vel iustitiæ, ab hominibus (externa tantum, & quæ parent intuentibus) verè iudicari nō possunt. Sed omnia illa manifestabuntur illa die, ficta ne an vera fuerint. *Et tunc laus erit vnicuique à Deo.* Nisi laudem capias pro retributione digna, ita vt etiam in malam partem trahatur, oportebit illud quod ait, *unicuique,* ad eos tantum aptare, qui promeruerint veram laudem.

Hæc autē fratres, transfiguraui in me, & Apollo, propter vos: vt in nobis discatis, ne supra quā scriptum est, vnus aduersus alterum infletur pro alio. Quis enim te discernit? Quid autem habes quod non accepisti? Si autem accepisti,



quid gloriaris quasi non acceperis? Iam saturati estis: iam diuites facti estis: sine nobis regnatis. Et utinam regnetis, ut & nos vobiscum regnemus.

*Hæc autem fratres transfigurauimus, &c.* Ex hoc loco (vt. i. cap. iam attigimus) quidam accipiunt, Corinthios non de Paulo & Apollo verè ea dixisse: Ego sum Pauli: Ego verò Apollos: sed ita in se Apostolus transfigurauit (aiunt) & Apollos, quæ dicebant de aliis sectarum capitibus, idque docendi gratia, ne si illos expressis nominibus corripuisset, potius exacerbasset. Sed hoc meo quidem iudicio vanum est. Poterat enim suppressis illorū nominibus, absque hac falsa personarū suppositione, idem admonere, sermonem in hūc modum tēperans. Significatum est mihi vnumquēq; vestrum inflari pro alio aduersus alterum: quo dicendi genere mox vtetur: Et similiter cætera eorum taxare crimina, citra cuiusquam peculiaris personæ priuatæ appellationem.

Neque præterea oportebat se excusare, in suo illos nomine minime fuisse baptizatos, qui & nemi nem eorum baptizauerat, si de illo non dicebatur talia. Mirum denique (vt iam arguimus) videri potest, cum tales inter eos & eo modo vigerēt factio nes, ita leuiorū doctorum fuisse studiosos & amantes omnes Corinthios, vt eorum nemo ad Paulum conuerteretur & Apollos, qui tamen re verā erant primi illorum magistri & patres.

Ergo quod dicit Apostolus se transfigurasse in se & Apollos, non de eo dicit, quod ipsi dicebant de aliis, quasi illa transfigurasset de seipsis dicta, quæ de aliis dicta erant, sed hoc ad ea refertur quæ de seipso & Apollo superius dixerat: Quid est Paulus? Quid est Apollos, nisi ministri per quos credidistis; siue eius cui credidistis? Et in se & Apollos transfigurasse, nihil est aliud quàm se & Apollos (de quibus talia verè dixit) constituisse figuram & typum, vnde illi deberent discere, capereque veritatis doctrinam. Vt sicut ipsi non pluris se faciebant quàm æquum esset, ita & illi perinde facerent, ac per hoc ne inflaretur quisquam exaltādo suum doctorem aduersus alium: sed omni studio darent operam, ne ob eiusmodi dissensiones scinderet ecclesiam. Ideo ait:

*Vt in vobis, videlicet, tanquam in exemplo & forma, discatis ne supra id quod scriptum est,* nimirum in euangelio, ubi Christus tales vocat dispensatores & seruos, sentiatis, videlicet de vobis ipsis. Aut ne supra quàm scripsi ego de me & Apollo, sentiatis de vobis, sed quod nos de nobis sentimus, idē vos de vobis sentiatis, qui non estis aliud quàm ministri Christi, sicut & nos, & nihil essetis ex vobis. Et quatenus ministri estis, vnum estis: & illis quibus ministratis, hac parte minores estis, & pro aliorū gloria, non pro vestra. Reddaturi quippe estis rationē de residuo corā Deo, si quid fortē pro vobis sumpseritis. Recepturi enim estis mercedem secundum fidelitatem vestram, & laborem. Hæc sunt quæ in nos transfigurauimus, vt typus vestrum simus. Si ergo tales vos esse reputaueritis, non illud efficitur, *ut aduersus alterum inflatur pro alio*, id est, nō erunt sectæ inter vos & scissuræ, vt quis intumescat de suo doctore, & pro eo zeleat aduersus alterum, quod merum est schisma. Vnde sequitur:

*Quis enim te discernit?* Scio hunc locum variè exponi. Sed hic mihi proprius & germanus sensus videtur: *Quis te discernit?* id est, *Quis ab alio te seiungit quo minus vnum sitis*, sicut sunt dispensatores Dei? Nō enim opinione hominum id fieri potest, vt quis alium à se disiungat, sed autoritate maiorū, & ante omnes ipsius Dei: sicut discernuntur heretici & schismatici à Deo per Pontificem in autoritate decernentem ac discernentem, segregando ab ecclesia inobedientes & contumaces. Quod si aliquod donum habes, quo præcellis alterum, nunquid ob hoc discernere te ipsum potes? Absit: propter quod dicit,

*Quid enim habes quod non accepisti?* Quid enim aliud est te ipsum discernere ab aliis, quàm inflari & gloriari in donis, quasi ea non acceperis? Tu enim vis ea conuètere in tuam gloriam, quæ tamen data tibi sunt ad aliorum ædificationē, & salutem. Quare B. Paulus indignabundus merito adiecit in eos fastidiosos, qui sic seipso discernebant.

*Iam saturati estis, &c.* Saturatos vocat: quia putabant se ulterius nulla indigere disciplina. *Iam diuites facti estis*, simul diuites appellat: quia præsumebant se tanquam abundantes, posse etiam aliis subuenire docendo. Et quoniam id faciebant cum æmulatione, ideo ait: *Sine nobis regnatis*, quia subiiciebant sibi sectatores. At cum illud non esset regnare, sed schisma & tyrannidem fouere, meliorem illis mentem precatur, quoddam permixtum metu desiderium ostendendo, & ait:

*Et utinam regnetis, ut & nos vobiscum regnemus.* Nā in vero Christiani status regno regnant omnes: quia amoris vinculo charitas ligat omnes, & nemi nem excludit, nisi qui non obtemperant ecclesiæ.

Puto enim quod Deus nos Apostolos nouissimos ostendit, tanquam morti destinatos: quia spectaculum facti sumus mūdo, & angelis & hominibus. Nos stulti propter Christum: vos autem prudentes in Christo. Nos infirmi: vos autem fortes. Vos nobiles: nos autē ignobiles. Usque in hanc horam & esurimus, & siti mus, & nudi sumus, & colaphis cedimur, & instabiles sumus, & laboramus operantes manibus nostris. Maledicimur, & benedicimus. Persecutionem patimur, & sustinemus. Blasphemamur, & obsecramus. Tanquam purgamenta huius mundi facti sumus, omnium peripsema usque adhuc.

*Puto enim, &c.* Tamen si alij aliter hunc locum exponant, mihi tamen verior hic videtur Apostoli sensus, vt voluerit indicare Dei circa hoc in ecclesia prouidentia, qui dedit illis Paulum, & (vt innuit pluralis numerus) etiam Barnabam simul. Vocat verò se & Barnabam nouissimos Apostolos: quia post alios fuerunt segregati à Spiritu sancto, vt scriptum est: Segregate mihi Paulum & Barnabam in opus, ad quod assumpsi eos, videlicet, vt essent ministri verbi, & mysteriorum Dei in Gentibus, quos præcipue Iesus voluit esse sibi similes in passionibus, & in abiectione: vt per illos & eorum merita

Locus v. r. exp. i. m.

Al. 13



alij subleuarentur. Et hoc declarauit Corinthiis, ne abuterentur illa eorum abiectione & humilitate, quasi non essent summi, & pares cum aliis difpensatores.

De vita  
Apostoli-  
ta.

*Puto enim, &c.* Non est opinantis aut dubitantis dictum, sed modestè loquentis, & ait: *Nos Apostolos nouissimos*, seipsum in primis commemorans cū Barnaba, qui (vt diximus) fuerunt nouissimi in Apostolatu, *Deus ostendit tanquam morti destinatos*, vt publicè mactandos, velut sceleratos quosdā homines in ostensionem aliis: ideo ait,

*Quia spectaculum facti sumus mūdo, &c.* His enim duabus creaturis, id est, Angelis & hominibus finitur mundus: quia cetera propter homines sunt. Et hi hoc theatrum spectare valent, & eius summam considerare angustiam, ex qua tamen felicissimum tandem exitum consequuturi erant, qui patiebantur. Et vt hanc sui ipsorum ostēderet abiectionem, & destinationem ad aram velut ouium occisionis, addit particulariter:

Disce hinc  
Prelati.

*Nos stulti propter Christum*, quia scilicet ea facimus, quæ sapientia mundi arbitratur stulta esse, vt est spernere diuitias, abiicere voluptatem, mundi conculcare gloriam, & saturari opprobriis & contumeliis. A quibus virtutibus quantum sit aliena Prælatorum vita, ipsi viderint. Et tamen laudi nobis & auctoritati vertimus, quod in Apostolorum locum regēdis ecclesiis successerimus. Ad lautas epulas, & palatiorum apparatus & ornamenta, virtutes prælatorum relegatæ nostris tēporibus videntur. Et vtinam hīc saltem sisteretur, nec interuenirent opera tenebrarum. *Vos autem prudentes in Christo*, non ironice (ni fallor) sed quia Christus factus est exemplum omnibus etiam infirmis qui subire altissima paupertatis, & extrema patientiæ nequeunt. Et iis interdum se conformauit portās loculos, & puluinari vtens in nauī: quæ videtur humanæ prudentiæ, quam Christus in infirmis non improbavit. Ideo qui tales sunt, dici possunt prudentes in Christo: addit,

*Nos infirmi, vos autem fortes*. Vocat seipsum infirmos, quasi absque auctoritate & potestate vel subiciendi sibi illos, vel ab eis accipiendi aliquid: quia non abutebantur ea potestate, sicut hodie faciunt multi episcoporum: & quidam ex Corinthiis olim faciebant, quemadmodum in altera epistola conqueritur aduersus eos, dicens illis minoribus ex Corinthiis: Sustinetis si quis vos in seruitutem redigit, si quis deuorat, si quis accipit, si quis extollitur, si quis in faciē vos cedit, quasi nos infirmi fuerimus in hac parte, &c. *Vos nobiles, nos autem ignobiles*, hoc est, sine honore. Et hoc in eundem sensum. *Vsq̃ue in hanc horam & esurimus, &c.* Ac si dixerit, Non semel quidem, aut bis hoc contigit, sed assidue vsque in hāc ipsam horam. Et primò corporis passiones significat, quo ad necessaria victus, quod magnū est: tum quoad vestitum. Adiungit & iniurias in corpus: vnde ait, *Et colaphis cedimur*. Addit & peregrinationis incommoda, qui non haberent sedes aliquas certas. *Et instabiles sumus*, hoc est, palantes & vagabundi incertis sedibus. Et quod maius est, in tot laboribus & incommodis, victum insuper manibus propriis quarimus. Nam quidā in parte beatitudinis cōstituit rē labore non partam, sed absque sudore relictam.

*Maledicimur, & benedicimus, &c.* Hæc addit quæ perfectæ erant & christianæ mansuetudinis, videlicet reddere pro maledictis benedicta, & patientiam persecutionibus opponere, & obsecrationes blasphemias. Blasphemia enim erat, quam admitterebant in Dei Apostolos increduli, vituperantes quod erat Dei in illis.

*Tanquam purgamenta huius mundi facti sumus*. Cōcludit postremo omnem ambitionem conculcandam, dum factos se ait tanquam purgamenta, siue excrementa totius mundi, quæ ad hoc tantū sunt, vt emittantur, & sint, *peripsēma*, id est, quicquid est superfluum, abiectum, & nauseabundum, vt proiici debeat. Tales enim se esse in oculis mūdi huius præ se ferebant Apostoli, præsertim B. Paulus. Sequitur:

Non vt confundam vos hæc scribo: sed vt filios meos charissimos moneo. Nam si decem millia pædagogorum habeatis in Christo, sed non multos patres. Nam in Christo Iesu, per Euangelium ego vos genui. Rogo ergo vos, imitatores mei estote, sicut & ego Christi. Ideo misi ad vos Timotheū, qui est fili⁹ meus charissimus, & fidelis in Domino: qui vos commonefaciet vias meas quæ sunt in Christo Iesu, sicut vbique in omni ecclesia doceo. Tāquam non venturus sim ad vos, sic inflati sunt quidam. Veniam autem ad vos citò, si Dominus voluerit: & cognoscā nō sermonem eorum qui inflati sunt, sed virtutem. Non enim in sermone est regnum Dei, sed in virtute. Quid vultis? In virga veniam ad vos, an in charitate, & spiritu mansuetudinis?

*Non vt confundam vos, &c.* Nulla est maior humanæ sapientiæ confusio, quā cum aduersus eā stultitia Crucis opponitur, in eos præcipuè qui etsi Christum profiteantur, non perfectè tamē ambulant secundum illam, quo fit vt huiusmodi exprobrationem ferre non possint. Vnde Apostolus sapienter ait, se non ob istam causam id agere, scilicet quò illos confunderet, hoc est, gratia excutienti pudorem & verecundiam ab agnitione suæ ipsorum arrogantia, sed admonendi vt filios charissimos, videlicet, ne in sui detrimentum abuterentur ista abiectione & humilitate Apostoli præceptoris sui ac patris, quam oportebat eum præ se ferre. Probat autem eos esse filios aien: *Nam si decem millia pædagogorum*, id est, multos pædagogos, *habeatis in Christo, tamen non multos patres*: quia ipse primus genuerat eos in Christo per euangelium. Vocat pædagogos præ se, illos quibus ipse curam plebis commiserat, quæ recens nata erat in Domino.

*Rogo ergo fratres, &c.* Cum igitur essent eius per euangelium filij, magna cum pietate rogans admonet, seu exhortans, vt tanquam veri & obedientes filij patrem velint seipsum imitari, quia & ipse erat Christi, vt veri omnium genitoris, imitator. Quod vt lubentius facerēt, testatur se ad eos misisse

2. Cor. II.

Pro passionibus  
Apostolorum  
& Pauli.



se Timotheum, suum similiter charissimū filium & fidelem in Domino, ut ipse qui iam imbiberat vias eius, commonefaceret illos de eis, quoniam erant in Christo. Sicut enim Christus ambulauit, & ipse ambulabat. Et sicut docebat in ecclesia, ita faciebat, ut non solum sermone, sed & opere potens esset. Concordabat enim lingua cum corde, & opera cordi respondebant, & cor ipsum Deo.

*Tanquam non venturus sim ad vos, sic inflati sunt quidam.*

Quia omnibus fiebat omnia Apostolus, in edificationem tamen: Ideo ipse mutans nunc quodāmodo seipsum ab infirmitate, & in potentia se erigens aduersus quosdam qui se efferebant inflati, tanquam ipse Apostolus nūquam esset ad eos venturus, incipit comminari seuerioribus verbis, & ait: *Veniam autem ad vos cito, si Dominus voluerit, &c.* Se ad eos venturum denūciat, si Deus permiserit. Hanc verò conditionem, etiam si tacite subintelligi facillimè potuisset, non tamen frustra exprimitur, ut ostendat quā cogitabat se cogitare secundū Deum. Et comminatur se probaturum virtutem eorum qui inflantur, non sermonem: quandoquidem verba quæ rerum & virtutum pōdere carent, inania sunt: quia regnum Dei, id est, ecclesia Christi, non est in sermone, id est, non consistit in meris verbis & deserto sermone, sicut nec vi sermonis conflata est: sed in virtute, videlicet Spiritu sancti. Sic enim fundata est, & sic consistit. *Quid vultis? In virga, &c.* Hoc in loco significare vult Apostolus animum suum, qui ut est promptus uti virga in contumaces, si opus fuerit, ita etiam se futurum promptiorem ad mansuetudinem & indulgentiam erga obtemperantes. Optionem autem illis præbet, ut eligant vtrum velint, An spiritum potestatis, qui grauis est, & ita grauis ut nihil sit in terris grauius: an verò spiritum mansuetudinis & lenitatis, quo nihil bonæ mentis amabilius.

CAP. V.



**M**inino auditur inter vos fornicatio: & talis fornicatio, qualis nec inter Gentes: ita ut vxorem patris sui aliquis habeat. Et vos inflati estis: & non magis luctū habuistis, ut tollatur de medio vestrū qui hoc opus fecit. Ego quidem absens corpore, præsens autē spiritu, iā iudicauit ut præsens, eū qui sic operatus est, in nomine domini nostri Iesu Christi, congregatis vobis, & meo spiritu cum virtute domini nostri Iesu, tradere huiusmodi hominem satanæ in interitum carnis, ut spiritus saluus sit in die domini nostri Iesu Christi. Non est bona gloriatio vestra. Nescitis quia modicum fermentum totam massam corrūpit? Expurgate vetus fermentum, ut sitis noua conspersio, sicut estis azymi. Etenim Pascha nostrū immolatus est Christus. Itaq; epulemur, non in fermento veteri, neque in fermento malitiæ & nequitiae, sed in azymis syn-

ceritatis & veritatis.

**H**ic secūda incipit epistolæ particula, ubi primo inuehitur in vitium fornicationis incestuosæ, & obiter omnis fornicationis: unde veluti exhorrescens ait: *Ominino auditur*, tāquam ex omnibus locis diulgaretur fama illius flagitij, ut nō temerè fides haberetur tantæ famæ. Et detestans illud atque exaggerans, ait: *Et talis fornicatio, qualis nec inter Gentes nominabatur*. Nam nephastæ olim atque incestæ hæ nuptiæ dicebantur propter honorem aurium, ne particularis turpitudine cogitaretur. Vxore enim patris quidā abutebatur, nec exprimitur id sceleris patre viuente perpetratum fuisse: licet quidam id ex eo arguant, quia vocat vxorem patris. Non vltius enim esset (aiunt) eius vxor, qui non viueret. *Quali verò non eo modo loquendi vtatur omnes, etiam scripturæ ipsæ, quæ illum vocant patrem, qui olim erat, & ita filium, & matrem & vxores.* Nec enim verisimile est hoc à Corinthio, patre viuente, factum fuisse. Alioqui & hoc Apostolus expressisset ad maiorem criminis detestationem, & ad incutiendum horrorem. Quicquid tamen sit, res semper scelerosa fuit & abominabilis, etiam apud Gentes, cum patris vxore rem habere, vel ipso patre defuncto: quāuis Caietanus aliter, nimium cerre licentiosè, doceat.

*Et vos inflati estis, & non magis luctum, &c.* Conqueritur Apostolus, quod in tāto delicto inflarentur illi, qui scētas congregabant: & propterea huiusmodi homines non solum non puniebant, verum etiam ad se alliciebant, quo ab illis fouerētur & prædicarētur, cum magis eos pellere atque abs se mari & terra abigere debuissent, & ita luctum assumere. Nam & si iniustitia Propositum cogat alios quos à grege ut pestiferos abiicere, charitas tamē cogit lugere illos dum eiiciuntur, ut sic deplorati tollantur de medio: sicut & Dauid luxit filiū, quo vsque de medio sublatum est.

*Ego quidem absens corpore, præsens autē spiritu, &c.* Hic significat in quo illi defecerunt, se supplere: quia debebant hominem damnare, & non damnarunt. Ideo significat se nunc hoc ipsum facere cum illis. Per hanc igitur scripturam, quia in scripturis ferenda est damnationis sentētia, quā iuridicè & ex more proceditur, dānauit hominem hac pœna miraculosè, videlicet, ut sub tortore Satana affligeretur secundum carnem tantum. Cum autē præsens iudicantis persona requiratur dum sententiā profert, ideo excusat corpore quidem se absentem esse, spiritu tamen præsentem protestās, & sic tanquam præsentem in spiritu se proferre sententiā. Porro cum Christianorum iudicium debeat habere assistants, & comprobantes sententiā pronunciantis, subdidit: *Congregatis vobis, & meo spiritu.* Quoniam verò talem sententiā non poterant alij executioni mandare, nisi assisteret virtus Domini, subiunxit, *Cum virtute Domini.* Postremo cum pœnæ inflictæ debeant esse medicina, potius quā vindicta, idē in quem finem hanc tulerit sententiā explicat, aiens à se traditum hominem Satana in interitum carnis, ut spiritus saluus fiat, in die Domini Iesu Christi. Et vocat interitum carnis illud Diaboli flagellum, in quo affligebat crudeliter illius carnem. Et pœna ipsa quidem fuit & peccato, & tēpori congrua. Peccato primum, quia

Contra in  
cessum  
conculcatis

Autoritas  
Apostoli  
ca & patris  
Istis.



æquum est ut per quæ quis peccat, per ea etiam plectatur. Peccauit caro per diabolum, & per diabolū caro plectitur: quia illa pœna veniebat à potentia diuina latente, ad astringendam apostolicam auctoritatem. Sic enim B. Petrus puniuit Ananiā & Sapphiram. Et ipse B. Paulus Elimam magum. Sic fieri oportebat in initio fidei (raro tamen) ad terrorem & exemplum malorum, donec statuere fides & stabiliretur. Quod vero quidam comminiscuntur de excommunicatione, longè ab est ab intellectu literæ, hoc est, à propria verborū significatione, quam semper tueri debemus, nisi sensus resulter fortassis absurdus.

*Non est bona gloriatio vestra. Nescitis quia modicum fermentum totam massam corrumpit?* Apostolus contra eos qui ob id gloriabantur, quod plurimos haberent sectatores, parcentes ob eam gratiam virgæ iustitiæ, ne se redderent illis odiosos (sicut & nunc multi faciunt) ne minueretur discipulorum numerus, hoc ipso primò ostendit non esse bonā huiusmodi gloriationem, tacens rationem quæ erat in promptu: quia non est vera gloria quæ venit à malis hominibus. Et adiicit, cū toleratur homo morbidus, eius contagione omnes contaminari: non secus ac fermentum totam massam fermentat, ad se trahens, & de suo impartiēs toti massæ. Et sicut est istud in fermento malitiæ & nequitie, ita est in fermento fidei & charitatis, quando multa vis spiritus est in eo. Vnde eos admonet:

*Expurgate vetus fermentum*, hoc est, veteris hominis peccatum dominans in membris nostris, donec per Christi gratiam expurgetur. Nam adueniente nouo homine, veterem oportet expelli. Nouus autem homo venit, si illi præparentur viæ ipsius Domini, quæ sunt misericordia & veritas. Misericordia enim exigit confessionem propriæ miteriæ ac implorationem diuinæ pietatis ac clementiæ. Et veritas laudem requirit, ut laudetur qui verax est & fidelis in omnibus verbis suis, & sanctus in omnibus operibus suis. Et sic fiet, *ut sitis noua confersio*, videlicet, facta hac expurgatione, quā quisque tenetur facere, ex qua resultabit nouus homo. Vnde ait:

*Sicut estis azyimi*, Omnes facti sumus azyimi in Christo, id est, venerunt dies azymorum, qui dies habent statum gratiæ & tempus, ad quod peruenimus, quando omne fermentum expurgandum est a nobis: *quoniam Pascha nostrum*, iam non est ille agnus carnalis, sed Christus immolatus. Iudæis qui dem petiit suum pascha, nec habet nouum, quod iugiter immolatur. Hæretici similiter non habent pascha, qui non sunt azyimi, sed in omni imunditia accedunt ad agnum, noctu cum sacrilega concumbentes, & mane sacrificantes, si modo sacrificare dici valeant. Sunt & qui nihil penitus sacrificant, nec vllum omnino habent pascha: nec possunt audire quod sequitur, & quod ad fideles tantum pertinet.

*Itaque epulemur*, id est, festiuum agamus diē epulando. *non in fermento veteri*, id est, non secundum statum, in quo eramus in veteri homine existētes, quando peccatum regnabat in nobis: *neque in fermento malitiæ & nequitie*. Ego commutando dicebam, *nequitia & malitia*, sicut verius habet græca lectio. Sermo enim in significatione debet cresce-

re. Homine autē nequam, græcè *κακόν*, diceremus, hominem remissum, & cessantem à bono. Malitiosum verò, hoc est, *πονηρόν*, etiam industrium & laboriosum ad malum. Et hoc est Diaboli proprium. *Sed in azyimis sinceritatis, & veritatis*. Reprobatur ergo vetus fermentum, id est, vigor fomitis, & ignorantia, quæ à veteri peccato sunt, vnde oritur & nequitia & malitia. Et contra probantur azyimi sinceritatis & veritatis, contra ignorantiam & tenebras priores, & contra velamina figurarū. Christus enim veritas est, id est, verum bonum nobis promissum à Deo, cui aduenienti vmbra & figura cessarunt.

Scripsi vobis in epistola, Ne commisceamini fornicariis. Non utique fornicaris huius mundi, aut auaris, aut rapacibus, aut idolis seruientibus: alioquin debueratis de hoc mundo exisse. Nunc autem scripsi vobis, non commisceri. Si is qui frater nominatur inter vos, est fornicator, aut auarus, aut idolis seruens, aut maledicus, aut ebriosus, aut rapax, cum eiusmodi nec cibum sumere. Quid enim mihi de iis qui foris sunt iudicæ? Nonne de iis qui intus sunt vos iudicatis? Nam eos qui foris sunt, Deus iudicabit. Auferte malum ex vobis ipsis.

*Scripsi vobis in epistola, &c.* Scripsit B. Paulus aliam ad Corinthios epistolam, quam non habemus. Et in illa significauerat, ne cum fornicariis cōmiserentur: quod ipsi non satis intelligebant. Putabant enim Apostolum vetuisse de iis solū, qui adhuc erant infideles non initiati baptismo. Vnde ipse hunc eorū intellectum corrigens, quæ suæ mētis fuisse negat, declarat hac epistola se nō dixisse omnino de fornicariis huius mundi, aut auaris, aut huiusmodi. Nam & tales, id est, auari ac rapaces, fornicarij spiritualiter dici possunt. Auaritia enim est quædam idolorum seruitus: quia per eam præfertur creatura Creatori, & quodam modo colitur atque honoratur supra Deum. Non ergo de iis se loquutum dixit Apostolus, de quibus nullum esse oportuit cuiquam dubium. In professione enim euangelij clarū erat, cum talibus nullū posse haberi commercium, nec licere commisceri. Et hoc est quod ait:

*Alioqui debueratis de hoc mundo exisse*. Et accipit exire de mundo in eum sensum, quod non esse in mundo dicuntur à Domino, quorum conuersatio non est cum hoc mundo, id est, cum mūdānis, sed omnis spes in Deo viuente, & in cœlis. Nō ergo prohibuit illis Apostolus per literas, conuersationem & commixtionem cum his qui non essent Christiani. Nam hoc iam ipsa professio christiani tatis effecerat. Declarans itaque se sensisse de Christianis, qui illis delictis erant implicati, ait:

*Nunc autem scripsi vobis*, id est, postquam iam estis in lege Christi, scripsi vobis ne commisceamini. *Si is qui frater nominatur inter vos*. Fratres propriè secundum spiritū dicimur omnes, quotquot sumus baptizati, & Christum induimus. Si quis autem horum fornicator fuerit, & his vitiis infe-

1022.17.

117.5.  
113.De statu  
Christiano.



Gal. 6.

Caietanus.

ctus quæ hic narrantur, est vitandus (supple tu) si hæc consent in facie ecclesiæ ut iam nota, & quasi inueterata. Nam de occultis non est iudicium, nisi solius Dei: neque statim ex vno lapsu talis est homo censendus, nisi perseveret in delicto. Nam de illis alibi iubet, ut in spiritu lenitatis arguantur.

Ergo famulos peccatores hic notat, quos vult vitari. Quidam tamen hunc textum destruētes, quia non intellexerūt, ausi sunt etiam facere discrepantem Apostolū à sententia Christi, circa rationem & causam excommunicationis.

*Quid enim mihi iis qui foris sunt iudicare?* Adiungit autem Apostolus rationem, quare non dicat de aliis, *qui foris sunt*, id est, extra ecclesiam: & manifesta est videlicet, quoniam excommunicari legitime ij non possunt, cum non attineant ad forum & iurisdictionē ecclesiæ: neque in communione vñ quam fuerunt, ut excommunicari, id est, a communione priuari valeant. Sunt enim ipso iure iudicati antiqua sententia. Qui non credit, iam iudicatus est, ait ipsemet Dominus: & item iudicandi de no uo peccatō à Deo, qui spreuerunt bonitatem eius communionem offerentis in salutem.

Ioan. 3.

*Auferite malum ex vobis ipsis.* Concludit igitur, iubens ut auferant malum à semetipsis, eos excludēdo qui suo contagio possent alios perdere, & suauem christianæ puritatis odorem apud infideles in fetorem conuertere: cum debeat lux nostra corā illis apparere, ut vidētes opera nostra bona glorificent Deum Patrē qui in cœlis est, per Iesum Christum Redemptorem nostrum.

## CAP. VI.



Vdet aliquis vestrum habēs negotium aduersus alterum, iudicari apud iniquos, & non apud sãctos? An nescitis quoniam sãcti de hoc mundo iudicabũt? Et si in vobis iudicabitur mundus, indigni estis qui de minimis iudicetis? Nescitis quoniam angelos iudicabimus? quanto magis sæcularia? Sæcularia igitur iudicia si habueritis: contemptibiles qui sunt in ecclesia, illos constituite ad iudicandum. Ad verecundiam vestram dico. Sic non est inter vos sapiēs quisquam, qui possit iudicare inter fratrem suũ? Sed frater cũ fratre iudicio contēdit, & hoc apud infideles? Iam quidem omnino delictũ est in vobis, q̃ iudicia habetis inter vos. Quare non magis iniuriam accipitis? Quare nō magis fraudem patimini? Sed vos iniuriam facitis, & fraudatis: & hoc fratribus. An nescitis quia iniqui regnum Dei non possidebunt? Nolite errare: neque fornicatij, neque idolis seruiētes, neque adulteri, neque molles, neque masculorum concubitores, neque fures, neque auari, neq; ebriosi, neque maledici, neque rapaces, regnum Dei possidebũt. Et hæc

aliquādo quidem fuistis: sed abluti estis, sed sanctificati estis, sed iustificati estis in nomine domini nostri Iesu Christi, & in Spiritu Dei nostri.

*Vdet aliquis vestrum, &c.* Hic incipit quarta præsentis epistolæ particula, vbi tangit in quibus peccabant, litigia nimirum & forenses controuersias inter se habentes. Vnde primo in ipsos actores indignatur, qui cōueniebāt fratres apud ethnicos iudices, & consequēter iniquos, ac propterea indignos qui iudicarent: quia æquitas in iudicante requiritur, quæ apud infideles, & christiani nominis inimicos inueniri non poterat. Non ergo Christiani est causam suam prosequi apud magistratus infidelium, cum proprios habeant iudices. Ideo ait, *Et non apud sãctos?* Et sãctos vocat Christianos, id est, mundos per aquam baptismatis. Quod verò legimus: *Apud iniquos*, græcè habetur *in iudicijs*, id est, sub iniustis. Et ut eos ab hac indignitate deterreret, & Christianorum dignitatem extolleret, addit:

*An nescitis quod sãcti de hoc mundo iudicabant.* Iudicabant enim sãcti nationes, siue mundum, alsi dentes cum Christo iudice. Neque verò intelligas iudicium comparationis tantum, sed etiam potestatis: Alioqui nihil valeret hoc Apostoli argumentum. Non inquam valet, ut si comparatione meæ iustitiæ prospicitur ratio condemnationis in alium iniuste agentem (Hoc est enim comparationis iudicium) iccirco etiam habeam in sæcularibus iudicium autoritatis & iurisdictionis, quod tamen vult probare B. Paulus. Ergo de iudicio potestatis loquitur, de quo etiam dixit Dominus: *Sedebitis & vos iudicātes duodecim tribus Israel.* Et hoc est quod hic ait:

*Et si in vobis iudicabitur mundus, indigni estis qui de minimis iudicetis?* Si in vobis, id est, si per vos. Tropus est hebraicus: sicut dicitur, *In manu potenti, id est, per manum potentem.* Licet enim summus iudex sit solus Christus, per suos tamen qui eum sequuti fuerint, etiā iudicabit. Sed qua ratione valet argumentum, ex eo quod tunc iudicabunt sãcti mundum de peccato, ideo & nunc iudicare valeant sæcularia? Nam Christus iudicem omnium summus dixit litigantibus, & eius iudicium poscētibus: *Quis me constituit iudicem, seu diuisorem inter vos?* Quare sciendum quod Apostolus non arguit iudicium actuale sæcularium ex iudicio spiritualium, sed habilitatem huius iudicij.

Pro cuius rei intellectu sciendum est, Sicut duo sunt regna, & dux respublicæ: ita duo esse iudicia. Alterum iudicium spirituale, & aduersos eos qui contra maiestatem diuinam, & regnũ eius, & pacem spiritualement admittunt violāda charitatis præcepta. Alterum est contra eos qui admittunt cōtra hominum scita & placita, quæ regni terreni stabilitatem ac pacem spectant: quanquam qui in hoc delinquant, etiam in regnum Dei delinquant. Per ipsum enim reges regnant, & legum conditores iusta decernũt, ait scriptura. Et ipse Dominus probat hæc regna, & vult eorum leges & iura obseruari. Et tamen hæc ipsa regna distinguuntur sine. Quodlibet enim suum finem habet. Et primum quidem regnum habet finē suum spiritualement, scilicet

Pro Intelligas

Luc. 18.

Luc. 12.

Duplex iudicium spirituale, &amp; temporale.

Pro 1.



cet vitam æternam, felicitatem in cœlis. Alterum verò carnalem & temporalem finem, videlicet vitam tranquillam & pacificam mundi huius. Ideo sunt etiam iudicia æternorum, & iudicia sæcularium. Et sic quodlibet debet habere suos proprios iudices. Atqui nunc constat sanctos iudicio illo grauiori, videlicet in regno Dei, iudicaturos nationes, vt quibus ipse Christus iudicium quasi assessoribus suis daturus est. Si ergo iudicabunt in iudicio summo de æternis præfecti iudices, quomodo possunt indigni æstimari qui de sæcularibus, & multò vilioribus causis iudicare debeant? Si similiter (supple tu) præficiantur iudicio, ab his qui possunt præficere. Omnis nanque iusta collectio & resp. potest sibi præficere proprios iudices. Vnde non dixit Christus se incapacem & inhabilem ad iudicandum, sed tantum dixit, se non esse constitutum & electum ad illud iudicii genus sæculare, sicut oportebat ad hoc vt posset iudicare. Nec enim tum decebat de rebus hominum illum sibi sumere iudicium, ad quod exercendum secundum dispositionem paternam, non venerat: Venerat quippe saluum facere mundum, non autem iudicare. Nec item venerat ciuiles innouare leges, & sæculares constitutiones, & iura, quæ prohibent priuatis iudicium, quantumuis sanctis & peritissimis. Regnum autem illius nõ erat ex hoc mundo, videlicet, sæculare: & quãtum ad illud pertinebat, perinde legerebat ac quilibet alius priuatus. Ideo dixit: Quis me constituit iudicem, &c.

Et hoc aduersus illos miseros hæreticos, qui nõ solum hæc inuicem separant, videlicet, regna & iudicia spiritualia ex vna parte, & iudicia sæcularia ex altera parte (quod rectè quidem facerent) sed etiam faciunt ita opposita & incompatibilia, vt negent spiritualibus licere sæcularia discernere, & iudicare: quod est puerilium. Contra potius dicendum erat, sæculares spiritualium causarum nõ esse legitimos cognitores & Iudices: quãuis hoc sibi cõtra fas & sacrilegè vsurpent. Præposterum enim est & indignum facinus, summo ipsi iudici vehementer odiosum. Spiritualis autem iudicat omnia, & à nemine iudicatur. Debet autem sæcularis potestas subseruire spirituali potestati. Et hîc Apostolus dixit expressè, eum qui sit adiudiciũ æternum idoneus, multò magis ad sæculare esse idoneus. Quod tum rectè facturus est cum ad hoc legitime præponetur. Et quæ *sæcularia* dixit interpretes, græcè *βιωτικὰ* optimè dicuntur, id est, bona huius sæculi, quæ ad sustentandum ærumnosam hanc vitam sunt necessaria, pro quibus tamen miseri tanto studio contendimus.

Nescitis quoniam *Angelos iudicabimus*? Nedum homines improbi à sanctis iudicabuntur, verũ etiam ipsi Angeli mali, qui & ipsi in illa die referent iudicium suum perfectum & absolutum, cum eiicientur in tenebras extremas, sempiternum illorũ, & prauorum hominum carcerem. Si ergo Angeli subiciuntur sanctorum iudicio de rebus spiritualibus, quanto magis de sæcularibus congruit, vt in ecclesia possint esse iudicia, quibus dirimantur Christianorum controuersie & lites? Est autem argumentum à maiori ad minus. Iraque quid in posterum factũ sit opus docet, & ait:

*Sæcularia igitur iudicia si habueritis, &c.* Et si locus

hic variè exponatur, mihi tamen hic sensus videtur proprius, vt Apostolus quasi cum stomacho, & ad pudorem eorum qui hæc ignorabant, loquutus, esse scilicet potestatem hanc in ecclesia iudicandi, quasi obicientibus & interrogantibus: Quos igitur nobis præficiemus ad iudicandum? sic stomachosè respõdeat: Si habeatis talia negocia (quæ minime tamen habere deberetis) *constituite contemptibiles*, hoc est, eos qui sunt infimi, in ecclesia (supple tu) potius quàm earis ad iudicia infidelium. Vnde ait: *Ad verecundiam vestram dico*, non quod ita velim fieri.

*Sic non est inter vos sapiens quisquam qui possit iudicare, &c.* Vide vt indicat stomachum: nequæ à contemptilibus esse iudicandum se statuisse, sed illud ad confusionem eorum dixisse. Adiungit enim, sic quasi diceret. Sic manet pauper & exhausta vestra ecclesia, vt non sit prorsus sapiens ullus inter vos, qui possit iudicare inter fratrem, sed sit opus contemptibiles præficere? Græcè legitur *ἀνὰ μίσην τῶ ἀδελφοῦ αὐτοῦ*, i. in medio fratris sui, vt singulare sit pro plurali positum, ac si dixerit, in medio fratrum. Obiurgatione igitur vitur hîc Apostolus, & hic videtur mihi eius planus sensus: Malo vt contemptibiles qui sunt in ecclesia iudicent (si sit opus) inter vos, quàm earis ad infideles eorum requisituri iudicia. Quòd si hoc vobis indignum videtur, non desunt tamen in ecclesia sapientes, qui possunt hoc munus obire, ne sit necesse apud infideles iudicari.

*Qua* in re duo reperiebantur non leuia mala. Et primum, adesse fratri cum fratre litigiũ: quod non est proprium Christianorum, & verorum in Christo fratrum. Et alterum, hoc apud infideles agitari, qui scandalizabantur facilè videntes iudicia illa, & consequenter errata & delicta Christianorum, vt sic occasione oblata & capta, blasphemarent nomen Domini, in religionem obiectantes (vt faciũt crassi homines & incõsiderati) quod veniebat ex prauitate hominum, nõ ex lege Christianorum. Imo verò tum potissimũ legem commendare deberemus: quoniam si obseruaretur, nulla penitus extarent eiusmodi iurgia. Oriuntur autem, quoniam legis bonæ præceptis non parent homines. Quanquam non solum propter scandalum dixit hoc Apostolus, verũ etiam propter ipsum decorum, quasi in ecclesia Dei sancta deesset talis potestas, quæ tamen erat apud infideles & paganos, de vera religione & charitatis præstantia non ita instructos. Insuper annotandum, non reprobari hîc iudicia infidelium, cum & ipsi habeant potestatem à Deo: nec vetat quominus obediant suis præsidibus, quando illi vocarent in ius, & essent sub eorũ iurisdictione. Sed hoc tantũ prohibet ne ipsi sua sponte prouocent atque accedant ad eos, apud quos litigent, cum habeant ipsi meliorem à Deo in hoc ipsum potestatem. Non me præterit superiorem locum aliter à B. Bernardo exponi in libro ad Eug. de cons. At quod mihi magis placuit, enarraui.

*Iam quidem omnino delictum est in vobis, quòd iudicia habetis inter vos.* In Græcis legitur, *ἡ κρίσις*, quod non videtur sonare delictũ, vt Erasmus notat: sed reuera etiam delictum significat, & ita plerique eruditi asserunt: significat & diminutionem. Nam







dicum, & multarum rerum, quarum ferre donum valde est indignum. Qui autem fert iniurias & fraudes, sit dominus omnium, etiam illorum qui iniuriam inferunt. Hoc non intelligit animalis homo. At qui verè spiritualis est, certò videt.

Sunt qui Græcam literam sic potius interpretentur. Omnia mihi licent, sed ego non ab ullo fiam licentiosus. Et tamen Græca ipsa litera fert sensum priorem, qui longè est illustrior.

*Esca ventri, & venter escis, &c.* Vt rem corâ Deo vilem exponeret, hoc addidit: & ideo non esse valde in hæc incubendum, nec in gratiam horum admodum laborandum, vt adigatur homo etiam ad litigia *βιωτικῶν*, id est, eorum quibus indigemus ad vitam. Ostendit verò finem horum non esse magnificandum ob sui vtilitatem: quandoquidem esca datur ventri ad saturitatem, & venter datur escis vt eas excipiat: & vtrunque tandem destruitur: quia in cælis non indigebimus cibis istis. Quâ obrem parum de illis (si verè saperemus) essemus solliciti: quoniam Dei providentia non deest iis qui obediunt & fidunt, ac primò quærent regnum Dei, & iustitiam eius. *Corpus autem non fornicationi, sed Domino, &c.* hoc est. Ne quis existimaret corpus esse destruendum, sicut venter, quoniam in alia vita non recipiet escas: ex ipso fine ad quem ordinatū est corpus, indicat non sic futurū, sed Deum habere rationem & curam corporis nostri, vt non oporteat hoc pacto illi providere, videlicet per litigia, quæ etsi licita sint cum verè fiunt, non expediunt tamen. Probat autem curam Dei erga nostrum corpus ex hoc, quòd corpus non est ordinatum fornicationi, sed Domino, id est, Iesu Christo. Cum autem illud non ordinetur fornicationi, constituitur innaturalis, & consequenter illicita fornicatio. Ex hoc verò quòd ordinatur Domino. i. vt Domino seruiat, nimirum Christo, cuius seruitio est mancipatum, tanquam ab eo redemptum, & eius effectum membrum: vice versa intelligitur ordinatus corpori Dominus, vt illud seruet & custodiat sibi in æternum.

*Deus verò & Dominum suscitavit, &c.* caput nostrum: Et nos, scilicet eius membra, suscitabit per virtutem, seu per potentiam suam, cui nihil resistit, nullaque repugnat difficultas, & prompta adest voluntas.

*Nescitis quoniam corpora vestra membra sunt Christi?* Et quia Christi membra, ideo ipse ea suscitabit. Sunt autem corpora nostra membra Christi: quoniam ipsi tãquam capiti adiuncti, & quæ sita prius ab illo, & ad se attracta, vt ipse dixit, Cum exaltatus fuero à terra, omnia traham ad meipsum. Sunt ergo illius membra per acquisitionem, per renouationem, & annexionem vi Spiritus sancti cum illo. Sumus enim spirituali modo ex carne eius & ex ossibus eius: ita vt agnoscat ipse hoc corpus nostrum tanquam suum. Et sicut corpus illius fuit obnoxium persoluendo delicto nostro dum fuit in vita, ita & nostrum sit, aliter tamen atque aliter. Illius quidem propter passionem absque peccato, id est, absque vlla ex fomite rebellionem: nostrum verum non ita. Sed sicut fuit liberatum illud facta solutione peccato per mortem: Ita & nostrum liberabitur aliquando, quando soluerimus & nos similiter debitum ipsi peccato, cum omnino corpus nostrum mortificabitur. Solutio enim

debiti huius est propter acquisitionem gloriæ: vt sicut Christus innocens se debitore constituit propter nos, vt sic hoc debito exsoluto intraret in gloriam: sic & nos soluti à peccato per ipsum, constituamur tamen debitores mortis ipsi peccato, vt hoc debito persoluto, intret prius quidem ipse spiritus in gloriam, & sua postea die cum redimetur, intret etiam corpus.

*Tollens ergo membra Christi faciam membra meretricis?* Manifesta Apostoli sententia: Quòd homo fornicator ex ipso facto corpus facit obnoxium. Quoniam ex coniunctione illa naturaliter contrahitur hoc debitum, vt non sit corpus vltius proprium: Ita vt in hanc perplexitatem se coniecerit fornicator, vt corpus quidem ex natura facti, ipsi meretrici obligatum inueniatur, & tamen peccet quoties reddit hoc debitum: quoniam non assistente, nec legitime approbante, imo reprobante Deo illam copulam, factum est.

*An nescitis: quoniam qui adhæret meretrici vnum corpus efficitur?* Erunt enim (inquit) duo in carnem vnam. Sed nunquid in hoc citato loco est sermo de meretrice? Non profecto. Sed quia illa copula ex sui natura illud habebat, ideo & in meretrice constituit illud debitum, quod potest constituere, videlicet, vt qui illi coniungitur, iam obligetur vt non possit esse alterius. Et rursum non possit etiam illius esse, quantum pertinet ad vsum, sine peccato: quia non probat illam copulam Deus. Hæc sunt notanda: quoniam æquissima sunt & verissima, licet non planè capiantur à multis.

*Qui autem adhæret Domino, vnus spiritus est.* Homo hæret Deo per charitatem, & sic efficitur vnus spiritus, vt obligatus ei sit in perpetuum. Si vnus spiritus, etiam vna caro cum illo: quæ si aufertur ab illo (quod fit per fornicationem, vnde illud contrahitur debitum) etiam ipsius spiritus colligatio dissoluitur. Indignatur quippe Spiritus habere societatem in aliqua re turpi & illicita cum mortali homine. Non enim decet idem membrum esse Christi & meretricis. Vnde iubet,

*Fugite fornicationem.* Indistinctè omnem fornicationem, id est, omnem copulam quæ non sit probata à Deo (quemadmodum matrimonium est probatum) vetat. Nam quicumque non solum tetigerit, sed viderit mulierem ad concupiscendum, iam mœchatus est in corde suo, vt ait Dominus. Et hic locus iterum facit contra hæreticos, qui dixerunt simplicem fornicationem carere peccato. Et quod B. Paulus hic sine distinctione protulit, & ipsemet Christus, illi suis distinctionibus & vanis commentis inficiunt & corrumpunt, sed magis seipsos in suam ipsorum perniciem.

*Omne enim peccatum quodcumque fecerit homo, extra corpus est.* Hæc sententia valde difficilis videri potest ignorantibus legem Dei, & naturæ in homine. Quomodo enim non peccat in suum corpus heluo & ebriosus, & qui alio quouis peccato destruunt membra sui corporis, sed is solummodo qui fornicatur? Hic variè à variis dicitur. Sunt enim qui dicant omne peccatum, præter fornicationem, esse extra corpus: quoniam completur absque corporis delectatione, vt est superbia, auaritia, ira inuidia, & cæc. Sed est instantia de peccato gulæ & ebrietatis, & odoratus, & auditus, & visus, nisi

Huius loci  
expositio-  
nem atten-  
dat lector.

Nota le-  
ctor.

Omne copulam car-  
nis legiti-  
mè non copu-  
latori esse  
illicitam.

Quo solus  
fornicator  
peccet in suum  
corpus.



velint & hæc ad fornicationem pertinere. Quare alij, inter quos & B. Augustinus (teste B. Thoma) dicunt actum fornicationis esse in corpus: quia anima in actu illo omnino subiicitur carni. Sed par est ratio in gulæ peccato, licet non tanta adsit vehementia. Alij dicunt in corpus: quia est contra uxorem fornicatis, quæ est vnum corpus cum illo qui fornicatur. Quod non placet. Quid enim si quis uxorem non habeat, & fornicetur? Alij, vt B. Aug. rursus, intelligunt de fornicatione spirituali. Sed hoc longè abesse videtur ab Apostolico sensu, qui ex verbis accipiendus est iuxta communem ipsorum acceptionem. Alij dixerunt fornicatorem peccare in corpus, corrumpendo & coinquinando illud contra vsum rationis. Vnde dictum est: Nolite fieri sicut equus & mulus, in quibus non est intellectus. Sed qui id afferunt, non occurrunt instantiis, quæ possunt de aliis peccatis obiici. Nam & voraces corrumpunt corpus contra rationem.

*Locus difficultis explicatur.*

Mihi igitur hoc singulare de fornicatione præ ceteris delictis videtur, quod & ipsemet Apostolus iam declarauit, videlicet: Cum sint corpora nostra templum Spiritus sancti, confestim vt tradimus illa meretrici, efficiuntur vnum cum ipsa ex ipsius copulæ natura (vt diximus) & per hoc auferimus ius Spiritus sancti quod habet in corpus, & illud (quantum in nobis est) transferimus in meretricem ad eius vsum ex debito: & sic inhonoramus corpus nostrum, & afficimus iniuria per hæc indignissimam commutationem, vt quod est Spiritus, tradamus in potestatem inimici. Propterea vrget iterum Apostolus, & ait:

*An nescitis quod membra vestra templum sunt Spiritus sancti? Quem dixit Deus, modo dicit Spiritum sanctum, vt intelligamus Spiritum sanctum esse Deum. Spiritus sanctus dicitur esse in nobis medio illo gratiæ dono. Nam & si Deus impleat omnia, & omnia Deo plena sint, vt quidam dixit, speciali tamen quodam modo per gratiam dicitur in nobis esse. Nam hoc dono multò magis ei assimilamur, per quod filij eius nominamur, & sumus. Quæ habetis à Deo, & non estis vestri. Verè nullus est sui iuris: quia Redemptoris omnes sumus, cui nullus potest pretium restituere, vt se valeat in libertatem vindicare, adeo magnum illud est pretium, quo redempti omnes sumus. Concludit igitur:*

*Glorificate, & portate Deum in corpore vestro. Græcè deest illud, portate, solum dicitur, Glorificate Deum in corpore vestro. Verùm additur, Et in spiritu vestro quæ sunt Dei. Admonet nos ergo Apostolus, vt glorificemus Deum in corpore nostro, illud scilicet seruando templum dignum maiestate sua, vt non habeat socium in dominio, nisi quæ probet. Sic & glorificanda sunt in spiritu nostro quæ sunt eius, nimirum pretiosa illa dona quæ nobis donauit, vt seruemus ea illibata in aduentum Domini, vt tum agnoscat Spiritus sanctus quæ sua sunt, & non eiiciat nos foras, tanquàm non habentes vestem nuptialem.*

Sed ad superiora redeundo. Non quiescent aliqui, sed dicent: Quomodo corpus efficitur meretricis, cum ista copula sit à Deo prohibita? Primum (vt meipsum ab illis expediam) dicam si volūt contradicere, & perpetuò contendere, Cum ipso Apostolo litigeris, qui hoc manifestè dicit, & hoc

probat ex verbo Dei. Erunt duo in carne vna. Sin volunt discere, audiant & cognoscant rei ipsius æquitatem. Illa carnalis copula quæ inter virum est & mulierem, secundum rationem naturalem debet esse duorum, & non plurium: Et in perpetuū, non ad tempus. Dico in perpetuum non secundum actum, sed secundum debitum: quoniam vt nata est copula illa naturaliter, debet esse coniugium & in dissolubile, nisi per mortem: ita vt quicumque alia mente copuletur, peccent: quia hanc præstare mentem debent. Quicumque ergo non hac mente copulantur, vt sit verum coniugium (sicut deberet esse illa viri & femine copula) in eam conditionem se ponunt vt habeatur contra illos, ac si verum coniugium esset, in hoc vt nascatur obligatio corporum, non quoad hoc vt licitè possint coniungi simul, sed quoad hoc, vt non possint esse alterius. Hoc enim omnes merentur ex ipso facto. Verùm quoniam periculum esset graue nimis, si isti arcerentur à matrimoniis, & cogerentur contrahere cum meretricibus, ideo indulgentia factum est, vt possit quilibet fornicantium contrahere, non tamen cum consanguineis alterius: quoniam affinitas in eorum odium durat, quemadmodum iura canonica docent. Sicut enim qui importunè post solutam legem circumciditur, quod facere non deberet, constituit se nihilominus debitorem vniuersæ legis faciendæ, tanquam si legitime circumcideretur, quia hoc secum ferebat illius sacramenti natura: Sic & qui copulam init cum muliere (licet illegitimè) quam debuit inire legitime, in sui odium, & quatenus ad sui odium pertinet, obligauit se mulieri, & infecit corpus suum: & vice versa mulier viro. Sed non omnes capiunt hoc verbum: Et tamen æquissimum est, & ex apostolico sensu.

*Im Deo nascitur copula carnalis.*

#### CAP. VII.

**D**E quibus autem scripsistis mihi: Bonum est homini mulierem non tangere. Propter fornicationem autem vnusquisque suam uxorem habeat: & vnaqueque suum virum habeat. Vxori vir debitum reddat: similiter autem & vxor viro. Mulier sui corporis potestatem non habet, sed vir. Similiter autem & vir, sui corporis potestatem non habet, sed mulier. Nolite fraudare inuicem, nisi fortè ex consensu ad tempus, vt vacetis orationi: & iterum reuertimini in id ipsum, ne tentet vos satanas propter incontinentiam vestram. Hoc autem dico secundum indulgentiam, & non secundum imperium. Volo autem omnes vos homines esse sicut me ipsum: sed vnusquisque proprium donum habet ex Deo: alius quidem sic, alius verò sic.

Consuluerant Corinthij Apostolum circa iura matrimonij, quomodo illis implicari deberent, aut ab eo abstinere. Ad quod respondet, primo proponens fundamentum & radicem, vnde elicitur penè resolutio omnium questionum. Dicit ergo

*Hæc pauci considerant, pauciores intelligunt.*



indefinitè seu vniuersaliter. *Bonum est homini mulierem non tangere.* Pro cuius faciliore declaratione scire conuenit, *Bonum*, duobus modis considerari. Primo, ut finis: alio modo, ut aliquid conducens ad finem. Si igitur quæras, Vtrum mulierem non tãgere, sit illud bonũ quod est finis. Respondemus, Minimè: quia bonum quod finis est, illud est de quo Propheta testatur, Bonum mihi est adherere Deo. Quodcunque igitur facit ad hanc adhæsiõnem, ut fiat, aut quò facilius fiat, non est bonum quod est finis, sed est bonum ad finem, quod vtile dicitur.

Quia igitur inter cetera quæ plurimum conducunt homini ad hanc cum Domino adhæsiõnem, est non obligari coniugio, ut probatur: hoc ergo facere bonum est homini, hoc est vtile. Quod autem cœlebs hominum vita ad illud verè bonũ mirificè conferat, hac ratione probatur. Homo enim in hoc statu adhæret Deo per gratiam, seruiendo illi ex charitate, & internè & externè, id est, animo & corpore, & actione. Animo autè primum: deinde corpore: tum actione. Animus autem tantò liberius seruit Deo, quantò magis est alacer, vegetus, & explicatus ab iis carnalibus curis & desideriis, à quibus aliàs detineri posset. Sed nihil est quod magis deiciat animum ab arce virtutis suæ, imò magis rationem ac mentis opus absorbeat, quàm illa res, id est, congressus ille carnalis coniugij. Vnde & naturaliter vnumquenque in eo opere pudet: Ergo, &c.

Secundo, quo ad corpus seruus est quilibet addictus coniugi. Vnde corpore seruire non potest perfectè Deo. Ideo & Cicero pulchrè roganti, cur repudiata Terentia alteram non duceret, respondit se non posse simul vxori, & philosophiæ operam dare.

Tertio, quoad actiones & curas domesticas, ipsius vxoris, & domus, & filiorũ, tot sunt curæ quæ ipsum animum obruunt, ut impossibile sit his oneratum curis & pressum angustiis, sui ipsius meminisse, & diuinis toto corde incumbere.

Quarto, quia abstinentia hæc propter Deum assumpta, cum sit aduersus carnem, valdè est meritoria, tanquam sacrificium quoddam & liturgia: Ergo cõducit ad hæsiõnem maiorem & strictiorem. Propter quod scriptum est, Omnis pōderatio non est digna animæ continentis. Probatum est ergo idoneè hoc esse bonum.

Sed subinferet quis: Si hoc est bonum, videlicet mulierem non tangere: Ergo mulierẽ tangere, tanquam bono oppositum, est malum. Sic enim videtur argumentari B. Hieronymus, quem arguit Erasmus, immeritò tamen atque iniuria, licet fingat se velle eum tueri: quasi necessarium fuerit tanto Doctori talis viri patrociniũ, cum ipsemet B. Hieronymus & explicatissimè, & optimè, & verissimè sit loquutus. Sed dicit quis, Vera est ergo argumentatio hæc in re proposita, Si se abstinere ab vxore est bonum: ergo nõ abstinere, & ita vxorem accipere, est malum. Quòd si malum est: ergo est peccatum. Quòd si est peccatũ: ergo non licet coniungi cum vxore. Non enim licet facere quod est peccatũ. Igitur reprobaui nuptias Hieronymus, contra ipsum Apostolum statim, & per totum caput. Ad quod ipse respondens, ait Sycophantas esse, qui aiunt eum damnare nuptias, nec intellexisse

quid scripserit: quoniam non continuè quod malum est, etiam peccatum est. Nam illud malum quod opponitur bono vtili, non est peccatum sed est malum, id est, non est vtile nec commodum, ut pote non ita conducens ad illud verum bonum, id est, ad finem, sicut conducit abstinere à nuptiis. Et tamen non est damnabile: quia licet non conducatur ad illud, non ob id omnino contrarium est illi adhæsiõni Dei, quæ est per charitatem & gratiam. Potest enim & homo alligatus vxori etiam adhære Deo. Sicut ergo bonũ accipitur pro commodo, & pro honesto: ita & malum huic bono contrarium, accipitur pro incommodo, & minus honesto. Sed non omne quod incõmodum est, peccatum mox dici potest: licet malum quoddam sit. Multa enim toleramus in hac vita incõmoda, gratia necessitatis, quæ non parum abducunt nos à bono illo perfectò, quò minus perfectè hæream⁹ Deo, quæ tamen non sunt peccata: imò si patienter ferimus, conducunt etiam ad meritum.

Sed sunt nunc hæretici, qui ediuerso nobis obstant, obicientes matrimonium esse præceptum à Deo. Nihil autem præciperetur non solum quod esset malum, sed quod non esset bonũ & sanctum.

Respondetur, quæredò primum. Vnde vos hoc præceptum educitis? Aiunt: Quia dixit Dominus ab initio, Crescite & multiplicamini, & replete terram. At idem dixit Deus etiam cæteris animantibus. Quemadmodũ igitur non fuit præceptum cæteris animantibus, cuius capacia non erant: ita dici forsã posset, non fuisse præceptum hominibus. Ita liceret eludere futile eorum argumentũ, si vellemus (ut ipsi non rarò faciunt) proteruire. Verũ quia veritatem amamus, & cognoscimus: fateremur ibi præceptum fuisse, nec tamẽ militare aduersum nos scripturam illam. Præcepit ergo vtrisque, & hominibus, & cæteris animalibus: sed ea ratione, qua eorum quodlibet erat capax præcepti. Sic dicitur & aquis præcepisse Dominus ne transgrederentur fines suos, hoc est, illam indidit aquis naturã. Hominibus autem qui natura alio modo erant præcepti capaces, illud præceptũ fuisse iuxta illorum naturam, non est negadum. Et quidem ab initio illis primis parentibus præceptum erat ob necessitatem, quia oportuit esse hominum propagationem ad cultum Deo rerum omnium conditori persoluendum. Itaque non negatur fuisse bonum, imò melius tunc coniugium, propter publicam necessitatem, ut essent numerosiores Dei cultores, sicut hominum natura poscebat, qui ex propagatione multiplicãtur. Ergo hæc necessitas præbebat excusationem incõmoditatibus: illa cessante, res redit ad suam naturalem honestatem, & ad statum Deo vacandi liberiorem.

Declaro quod dixi: Propter illam necessitatem replẽdi terram, tolerabatur etiam inter fratres germanos ab initio cõiugium, qua necessitate cessante, & hoc simul cessare debuit: quoniã natura pendendum est, & rationis lege prohibetur. Nam & Philosophus ex ipso nature instinctu, inter fratres turpe esse matrimonium cognouit. At tamen propter necessitatem multa tolerata sunt, quæ alioqui turpia ex se erãt, & mala. Et ideo multi grauius errarunt, non obseruantes tempora, & ipsum rerum decorũ, & quod Salomon sapientissimè scriptum

*Disputatio  
in hæreticos  
pro cœlibatu  
& virginitate.*



reliquit: Omnia tempus habent. Tempus ample-  
xandi, & tempus abstinendi ab amplexibus.

Dicet autem quis: Nonne etiam nunc eadem est  
coniugij necessitas, si non ad propagandum, tamen  
ad conseruandam propagationem? Fateor esse ne-  
cesse. Subinferet protinus. Ergo oportet etiam ali-  
quos nubere. Hoc pariter admitto. Bonum est igi-  
tur. Haud inficior: sed addo non esse bonum abso-  
lutè ei, qui sese in illam seruitutem coniicit. Cum  
enim satis sit quosdam & multos hoc facere, ho-  
mini qui non fecerit, bonum erit, id est, melius illi  
erit & commodius, ut per alios satisfiat huic neces-  
sitati. Subdamus exemplum. Est bonum in ciuita-  
te edificare domos, afferre ligna, & alia ad come-  
dendum & bibendum, ac cetera parare necessaria:  
quæ si deessent, nemo viuere posset. Sed bonum est  
mihi & illi, ne id per nos ipsi faciamus, quin po-  
tius incumbamus studiis longè melioribus, quàm  
non desunt alij qui hoc faciant. Et ideo non dixit  
Apostolus in vniuersum: Bonum est neminem ha-  
bere uxorem (hoc enim falsum: quia periret mun-  
dus) sed bonum est homini particulari. Sicut enim  
bonum est in corpore esse multa & varia mēbra,  
oculos, aures, collum, brachia, manus, pedes, & alia  
vel ignobiliora. Sic bonum est in ecclesia inue-  
niri membra diuersa, sicut & diuersi sunt status, &  
diuersæ actiones, & alia alijs nobiliores atque præ-  
stantiores.

Nec est metuendū ne periclitetur mundus. Hoc  
Iouinianus olim metuere videbatur, quem glorio-  
sus ille Doctor Hieronymus ita egregiè confuta-  
uit, ut nihil ampli⁹ desiderari deberet. Sed ij libros  
sanctarum institutionum non legunt, & legi à suis  
reformidant, ne appareant eorum sordes in men-  
tibus priscorum hæreticorum olim hæsisse, in qui-  
bus isti corpore & animo volutantur. Plures enim  
semper inueniuntur, qui deteriore partem (in tan-  
ta naturæ corruptione) eligēt. Propterea dixit Do-  
minus: Non omnes capiunt verbum istud. Vera igitur  
& declarata resultat hæc propositio & sen-  
tentia: Bonum est homini mulierem non tangere.  
Quod B. Hieronymus ad tactum, quemlibet tra-  
hit, propter periculum. Quia qui tetigerit picem,  
inquinabitur ab ea. Quod pariter reprehendit E-  
rasmus & immeritò, cum & vox ipsa illud signifi-  
cet, & nihil absurdi sit in sensu. Nam si simplex ta-  
ctus negatur bonum esse, etiam quòd vltèrius est,  
multò magis negabitur, ut minus bonum.

Propter fornicationem autem unusquisque uxorem suā  
habeat, & vnaquaque virum suum habeat. Hic te con-  
uenio pie lector: quia hæretici in his B. Pauli ver-  
bis præcipuè innituntur. Tu verò considera, matri-  
monium ante peccatum solummodo propter so-  
bolem fuisse ordinatum, & cōstitutum sacramen-  
tum. Post peccatum autem adiectum est, ut sit in  
remedium peccati, propter vim fomitis in homi-  
ne & imperum, qui non potest se cōtinere. Ex quo  
sumunt peruersi & spurci hæretici, etiā monachos  
& clericos in sacris constitutos, & altari addictos,  
habere hanc facultatem matrimonij contrahēdi:  
quia ubi viger ratio & finis legislatoris, ipsa quoq;  
legis debet vigere dispositio. Si quis enim contine-  
re se non valeat (inquiunt) cur illi hæc licentia ne-  
gabitur? Adde Apostolum vniuersaliter loquutum  
esse, cum dicat: Vnusquisq; propriam uxorem ha-

beat: & vnaquaque proprium virum. Ecce, aiunt,  
nemo penitus excipitur. Et hic est eorum Achilles,  
quo freti, cum suis sacrilegis concubinis conqui-  
escunt: & ad contrahendas nuptias se mutuò inui-  
tant, quæ non matrimonij à Deo probati dignita-  
te, sed sceleris grati dæmonibus sunt societate con-  
ciliatæ atque coniunctæ.

Vt ergo appareat hanc doctrinam esse sacrile-  
gam & (bona omnium pace) porcorum, qui con-  
culcare margaritas consueverunt. Primò quæro  
ab eis: Si unusquisque debet habere uxorem suam,  
& vnaquaque virum suum: Cur igitur multi ex-  
cellentissimorum Sanctorum & Sanctarum non  
seruarunt hoc præceptum, cum sint tamen ipsi ad  
seruanda præcepta semper reliquis omnibus prom-  
ptiores? Ecce maximus ille Dei præcursor & ami-  
cus B. Ioann. Baptista non habuit uxorem, & in-  
numerabiles post illum Sancti, & Patriarchæ, &  
Episcopi, & Monachi. Nunquid inuenti sunt om-  
nes hi tam celebres viri, apostolici istius præce-  
pti violatores? Perpende, quæso, istorum lasciuo-  
rum astutiam: quoniam hoc expressè non audent  
præ pudore dicere, nouam commenti sunt distin-  
ctionem, & dixerunt tanquam ex Apostoli do-  
ctrina loquentes, in ecclesia inueniri qui habent  
hoc donum, ut valeant continere, ad quos hoc  
præceptum non pertinet: quoniam datum est ob  
periculum fornicationis, quo cessante periculo  
(quod cessat ex dono) ipsum etiam præceptum  
cessat. Esto. Nunc item vltèrius ab eis peto: Quo-  
modo poterit scire quis se habere hoc donum,  
aut non habere? Aiunt: Experientia ipsa. Qui e-  
nim continent, habent: qui autem non continent,  
non habent. Hic quæro denuò. Nunquid ergo  
qui habent hoc donum, non possunt non con-  
tinere? Si annuunt. Quicumque igitur continuit,  
non valuit non continere. Quòd si id concedunt,  
soli isti sunt qui paradoxum loquuntur, & om-  
ni explosione sunt dignissimi. Multi enim fuere  
qui continere potuerunt, & non continuerunt. Vnde  
& reprehenduntur à Sanctis viris, & ab ipso A-  
postolo, qui viduas illas damnationi subdit, quæ  
nupserunt, & primam fidem voto astrictam, irri-  
tam fecerunt.

Non ergo hinc educitur notitia doni huius, ut-  
pote qui non continet, propriè dicatur non habe-  
re donum: sed satis est si possit continere volens,  
& ea faciens quæ ad continentiam seruandam de-  
siderantur. Neque enim vult tentari Deus. Nec  
ad explorandum vtrum quis hoc donum habeat,  
oportet se exponere tentationi, ut habitare cum  
mulieribus: aut etiam (ut audio quosdam nostro  
sæculo fecisse) simul dormire, ut certò cognosce-  
rent haberent ne membra mortificata. Hoc aper-  
tè est tentare Deum: Ille igitur donum habet, qui  
si vult, & operam dederit, vigilando & ieiunan-  
do, corpus castigando, humiliter orando, & in pri-  
mis diligentissimè occasiones fugiendo, potest  
cum Dei auxilio cōtinere. Esse autem multos qui  
hæc seruando, contineant: proteruius, perfidiosus,  
& gratiæ Dei inimicus sit qui negauerit: quoniam  
experientia teste conuincitur. Datur enim hoc do-  
num volentibus: & si non sit omniū (ut ait Domi-  
nus) hoc tamen ob eam causam est, quia non om-  
nes capere volunt. Cum enim natura carnales sint

Nota.

1. Tim. 5.

Matt. 19.

Eccles. 13.

Nota. Achillem hæreticorum &amp; præteritum ad sacrilegas nuptias.



homines, & magis appetât quæ sunt carni, quàm quæ sunt Spiritus, inde efficitur, vt non omnes illud capiant, ad quod Spiritus ipse inuitat.

Hanc doctrinam veram & sanam, omnes Sancti & gloriosi Doctores tam Græci, quàm Latini, semper tradiderunt, quorum sententiæ (si colligere fuisset operapretium) iustum equidem volumen confecissent. Tâum vnam B. Chrysostomi, proferam exponentis verbum, illud Christi, Non omnes capiunt verbum istud, &c. Ideo, inquit, non omnes capere possunt, quia non omnes volūt. Palma proposita est: qui concupiscit gloriam, non cogitet de labore. Nemo vinceret, si omnes periculum timerent. Ex eo ergo quod quidam à proposito continentiae cadunt, non debemus circa virtutem castitatis fieri pigriores. Sicut & qui in pugna cadunt, non exanimant cæteros. Quod ergo dicit: Quibus datum est, illud ostendit: quia nisi auxilium gratiæ acciperemus, nihil nobis valeret. Hoc autem gratiæ auxilium volētibz non denegatur. Dicit enim Dominus: Petite, & inuenietis, &c.

Sed vt de regularibus ipsis primū dicamus: Certum est ipsos libera voluntate se voto astringere. Et hunc fuisse morem in ecclesia ab initio ad hūc vsque diem seruatum, nemo nisi impudentissimus potest inficiari. Quod cum ita sit, oportet duorum alterum fateri. Primum, A quocunque sic emittitur votum, ab eo posse illud seruari: quod est contra istos. Aut certē hūc vouendi morem esse à ratione alienum, admittere cogeremur, vtpote votum eius rei, quæ non sit in potestate nostra. Et hoc est ad quod tandem deueniunt ij perfidi, & hostes ecclesiæ Dei, & omnis puritatis inimici. Et quidem ab initio, vt inuidiam à se depellerent, ne viderentur aduersus. S. Patres dogmatizare, spargebant in vulgus hæc nota esse recentia, ab hinc quadringētis fermē annis excogitata, & nullo modo de scripturis sanctis elicita. Quod tam luculentum est mendacium, vt nemo homo qui oculos habeat, quique lubens ac prudens falli nolit, facile non cernat.

Ecce in primis Christus Dominus testimonium perhibet Eunuchis, qui se castrauerunt propter regnum Dei. Quid est autem se castrare propter regnum Dei, nisi amputasse sibi facultatem nuptiarum? Hoc autem quo pacto fit, nisi voto? Quod coactus est ibi fateri ipse Caieranus vi veritatis, tametsi cœpisset contra sanctam doctrinam, & ipsum B. Thomam, viuificare vota, & negare indictum esse à Christo eiusmodi continentiae & virginitatis votum.

Præterea, cum Dominus testetur iam eo tempore extitisse tales Eunuchos, quos putabimus fuisse de præcipuis, nisi ipsos Apostolos? B. enim Augustinus manifestē dixit de Apostolis, quod illud votum potentissimē vouerunt. Sed iam nec B. Augustino credunt, qui eō cæcitatē atque arrogantiam sunt redacti miseri, vt nulli credant, nisi sibi ipsis solis. Non enim B. August. ea dicebat quasi de propria doctrina, sed quia erat cōmunis omnium persuasio, atq; traditio. In ea sentētia B. Hieronymus, Ambrosius, Chrysostomus, Basilus, Cirillus erāt. Sic omnes doctores senserunt, & sancti Pōtiffes Apostolicæ sedis probarunt: sic ipse denique vetustissimus ab ipsius ecclesiæ incunabulis mos per-

petuē custoditus firmissimē declarauit.

Et vt radicem attingamus, Dominus ipse proculdubio fuit, qui non solum exemplo, sed etiam verbo hūc statum, qui dicitur perfectionis status, instituit, cum vocauit peculiāres discipulos, se vt sequerentur. At illa perfecta sequela, vt declarat Dominus, non poterat esse abique derelictione bonorum, & patris, & matris, & vxoris, & suæ propriæ voluntatis: idque non animi præparatione tantum (vt volunt hæretici: quanquam hoc satis sit remanentibus in statu cōmuni) verū etiam re ipsa, & ipso facto amputando sibi potestatem per votum. Si ergo hunc statum Dominus introduxit, consequenter tribuit etiam facultatem, vt qui illum ritē professus fuerit, valeat in eo permanere. Est autem generale consilium illud Domini, Si vis perfectus esse, vade, & vende omnia quæ habes, & da pauperibus: & veni, sequere me. Non enim illi vni iuueni tantum hoc dixit: sed (vt omnes interpretes vnanimiter, & magno consensu exposuerunt) generaliter, & simpliciter omnibus, quibus non repugnet hic status, dicitur, Si vis perfectus esse, &c. Vnde & de B. Antonio legitur, cum hoc verbum audisset, accepisse perinde ac si sibi ipsi dictum fuisset.

Non est igitur bona nec legitima excusatio dicentium, Recedo: quia continere non possum. Respondebitur enim illi: Potuisses profecto si voluisses, non tamen ex tuis viribus, sed ex auxilio & fauore Dei, qui tibi nō defuisset si implorasses, postquā te ad hoc vitæ genus adhortatus est. Et hoc B. August. creberrimē repetendo docuit aduersus fallaces istos homines voluptatū amatores, puritatis animi apertos hostes. Ipse enim tractans verba illa B. Pauli ad Timoth. Habētes damnationem, quia primam fidem irritam fecerūt. Hoc refert, inquit, de quibusdam qui vouerunt, & non reddiderunt. Et addit, Nemo frater in monasterio positus dicat: Recedo, cum non soli qui sunt in monasterio sint peruenturi ad regnum cœlorum, & illi qui ibi non sunt, ad Deum non pertinent. Respōdetur ei: Sed illi non vouerunt. Tu vouisti, tu retrō aspexisti. Meminisseque debent vxoris Loth, quæ liberata à Sodomis, in via posita retrorsum aspexit, ibi remansit. Sed non est hūc locus recitandi innumerales doctorum veterum sentētiās. Alibi hac de re proprio libello differui.

Hic & illud addendum de sacerdotibus, & seruientibus altari, cum iuge sit tam sacrum sacrificiū ac venerandum, omniq; mentis & corporis reuerentia ac puritate suscipiendum, decentissimum esse & conuenientissimum, eos qui huic tanto ministerio in ipso altari deseruiunt, etiam perpetuam castimoniam profiteri. Qua de re elegāter, nec minus subtiliter considerauit Origenes, sic aiens: Vereor dicere aliquid quod ex sermonibus Apostolicis intelligi datur, ne fortē videar aliquos contristare. Nam si oratio iusti est sicut incensum in conspectu Dei, & eleuatio manuum eius sacrificium vespertinū. Dicit autem Apostolus his qui in coniugio sunt: Nolite fraudare inuicem, nisi fortē ex consensu ad tempus, vt vacetis orationi, certum est impediri sacrificium indefinens in his, qui necessitatibus coniugalibus deseruiunt, Vnde mihi videtur, quod illius solius sit offerre sacrificium,

Matt. 19.

B. Aug. pro votis.

Origenes.

Hereticorum callidam inuētio.

Matt. 19.

B. Aug. in Psal. 75.



*Caietanus  
notatur.*

*Pluralitas  
vorum.*

qui indefinenti & perpetuæ se deuouerit castitati: hæc ille. Insuper annotandum contra Caietani doctrinā quod ait Apostolus. Vnusquisque suam uxorem habeat, & vnaqueque suum virum: vt intelligas nō esse Christiani hominis simul pluribus vxoribus admisceri. Nam quælibet debet habere virum proprium. Sic enim Græcè legitur, ἑκάστη ἑαυτῇ, id est, propriū. Et hīc nota etiam esse præceptum, cū dicatur ἕκαστος, imperatiuo modo. Imperat enim Apostolus non valentibus continere, vt ducant uxorem, ne fornicentur. Quod præceptum vtiā seruaretur: non autem illud admitteretur, vt qui semel professi sunt, voto propter Christum castrati, rursū hereticorum autoritate atque potestate detestanda aptarentur ad nuptias. Prosequitur Apostolus.

*Vxori vir debitum reddat, &c.* Debitum coniugij notum est, quod citra peccatū recusari nequit, nisi fortè adulterio ius illud exigendi vel reddendi fuerit amissum: aut spontanea & legitima relaxatione; religionis gratia, & aliis casibus, qui à Summis latius notantur, suspensum.

*Vxor sui corporis potestatem non habet, &c.* Prius de vxore dixit, quia re vera natura ipsa docet corpus vxoris magis affici vt sit viri, quā econuerso: quanquam re vera & corpus viri sit etiam vxoris. Et hoc quantum pertinet ad rem matrimonij: ita vt sæpe multum peccetur à viris, qui tam diuturno tempore à suis vxoribus absunt. Quare Apostolus non ab re causam interponit vnā iustā, qua (ex consensu tamen) licitum est cessare ab illa opera cōiugali, nimirum ieiunium & orationem. Vnde ait:

*Nolite fraudare inuicem, nisi fortè ex consensu, &c.* Verū aduerte etiam quid adiciat propter periculum. Et iterum reuertimini in idipsum, ne tentet vos Satanas propter incontinentiam vestram. Dignus est omni circumspectione & ponderatione hic locus. Quia plerūque sub specie boni, coniuges aliquando sibi inuicem debitum remittunt, illorum imitari volentes exemplum, qui acti Spiritu Dei hoc fecerunt. Atamen in ea re sæpenumero est deceptio. Non enim hominis est seipsum ab eo statu abstrahere, quem semel elegit, nisi Spiritus Domini impulerit: quoniam Satan plerunque se admiscet. At postquam virtutis colore separauit, iterū tentat, & inuenit incontinentes. Verū quoniam & hoc bono spiritu fieri potest, ideo Apostolus cautissimè addidit:

*Hoc autem dico secundum indulgentiam, non secundum imperium, ac si expressius dixisset: Non impero ne abstineatis, cum hoc esset melius: sed metuens vobis, indulgeo & vobis: quia si estis incontinentes, tentabit vos Satanas, nec resistetis. Vnde ait:*

*Volo autem, id est, volo omnes homines esse continentes, sicut ego sum. Volo, inquit, pro, vellem, sed unusquisque proprium donum habet ex Deo: unus quidem sic, &c.* id est, alius in coniugio, alius verò in viduitate, alius in cōiugatu dona propria habet, in quibus ambulet, & ita se gerat, vt salutem tandem consequatur æternam. Vbi satis ostendit Apostolus non continentiam tantū, sed etiam coniugatorum castitatem esse Dei donum.

Dico autem non nuptis & viduis: Bo

num est illis si sic permanferint sicut & ego. Quod si se non continent, nubant. Melius est enim nubere, quā vri. Iis autem qui matrimonio iuncti sunt præcipio, nō ego, sed Dominus: Vxorem à viro non discedere. Quod si discesserit, manere innuptam, aut viro suo recōciliari. Et vir uxorem non dimittat. Nam cæteris ego dico, non Dominus: Siquis frater uxorem habet infidelem, & hæc consentit habitare cum illo, nō dimittat illam. Et si qua mulier habet virum infidelem, & hic consentit habitare cum illa, non dimittat virum. Sanctificatus est enim vir infidelis per mulierem fidelem: & sanctificata est mulier infidelis per virum fidelem. Alioquin filij vestri immūdi essent: nunc autem sancti sunt. Quod si infidelis discedit, discedat. Non enim seruituti subiectus est frater, aut soror in eiusmodi. In pace autem vocauit nos Deus. Vnde enim scis mulier, si virum saluum facies? Aut vnde scis vir, si mulierem saluam facies? Nisi vnicuique sicut diuisit Dominus. Vnumquenque sicut vocauit Deus, ita ambulet: & sicut in omnibus ecclesiis doceo. Circūcisus aliquis vocatus est: non adducat præputium. In præputio aliquis vocatus est: non circuncidatur. Circuncisio nihil est, & præputium nihil est: sed obseruatio mandatorum Dei. Vnusquisque in qua vocatione vocatus est, in ea permaneat. Seruus vocatus es: non sit tibi curæ. Sed & si potes fieri liber, magis vttere. Qui enim in Domino vocatus est seruus, libertus est Domini. Similiter qui liber vocatus est, seruus est Christi. Pretio empti estis: nolite fieri serui hominum. Vnusquisque ergo in quo vocatus est, fratres, in hoc permaneat apud Deum.

*Dico autem, &c.* Superius scriptum est nuptis, nunc verò ad non nuptos, seu viduos, siue mares, siue fœminas: & ait innuptis & viduis: *Bonum est si sic permanferint, &c.* Hinc accipiunt B. Paulum fuisse inconiugatum. Quidam etiam virginem volūt: quod ex hoc, & superiore loco colligunt. Sed nulli rectè colligitur illum virginem fuisse, nec inconiugatū quidem, ita vt nunquam habuerit coniugem: quin potius contrā, cum hīc scribat viduis, quos vult manere sicut seipsum. Volebat enim eos manere castos in coniugio & viduitate. Nam superius vult omnes homines sicut seipsum: & alloquebatur matrimonio iunctos, innuens se abstinere etiam viuentē vxore, ita vt viduus censetur re ipsa: quia quantum ad opus coniugij pertinet, talis erat: quod mihi magis placet. Nam quod

*Ita Paulus  
fuerit  
coniugatus.*



uxorem habuerit, cōpluribus testimoniis persuaderetur, & argumentis, ut superius ad Romanos iam attigimus.

*Quod si se non continent*, qui vidui sunt, aut viduæ, nubant. *Melius est enim nubere quam vri.* Nubere promiscua vox, etiā ad viros hoc in loco attinens. Vri est ardore concupiscentiæ cum damno virtutis superari, id est, cum peccato. Et melius, quod minus malum est, sermone consueto dici solet, inuendo malum esse digamiam: & licet in peccatū non impuretur, malum est tamen, quæ nunquam probata est à sapientibus, nec à Gentibus quidem. Videretur enim nescio quid habere petulantia & procacitatis. B. Chrysostomus (& redactum est in Decret.) ita ait: Secundam accipere secundum apostolicum præceptum, licitum est: secundum autem veritatis rationem fornicatio est. Sed cū permittente Deo publicè & licenter committitur, fit honesta fornicatio. Nam naturalis quædam ratio dicitur, ut vna vnus sit & non plures: & ita cōuerfo vnus sit vna contentus.

*His autem qui matrimonio iuncti sunt, præcipio, &c.* Hic nihil excipit nec fornicationis causam, nec ullam aliam. *Quod si discesserit*, quacunque de causa, etiam fornicationis (ut voluit) cum Apostolus nihil distinguat, manere innuptā. Quomodo dicit manere innuptam, quæ adhuc habet virum? Sed innuptam vocat, quæ non fruitur nuptiis, sicut se supra posuit inter innuptos & viduos, quia non vtebatur matrimonio: aut viro suo reconciliari, si nolit manere innupta. *Et vir uxorem non dimittat*, Neque hic excipit causam fornicationis, quam tamē Dominus manifestè excipit. Quare factus est quæstionibus locus, ait enim: His qui matrimonio iuncti sunt, præcipio, non ego, sed Dominus, uxorem à viro non discedere. Hoc enim est quod dixit Dominus apud B. Marcum. Et si vxor dimiserit virum & alij nupserit, mœchatur. Vnde non solum videtur prohiberi ne alij nubat, verum etiam ipse discessus.

Sed nunquid hoc omnino ut non liceat ei ex causa fornicationis discedere, aut alia de causa, ut si maritus sit veneficus, & ab eo metuat vitæ suæ, aut aduersus fidem moliatur quicquam aut quouis alio modo sit intolerabilis? Qua in re non videtur aliquid expressum in scripturis in proprio casu. Et quidem quoad fornicationis scelus, de viro hoc habemus expressum in scripturis in proprio casu, licitum ei esse dimittere uxorem. De uxore vero e contrario non habemus. Sed si æqualis est & par viri & vxoris conditio, ut voluit B. Augustinus, & Pontifices suis decretis confirmarunt, profectò expedita res est, ita licere vxori, sicut & viro. Non defuere tamen viri grauiissimi qui contrariū sunt arbitrati, inter quos B. Ambrosius. Illud equidem certum est, olim in dimittendo se inuicē parē causam non fuisse. Nam à muliere posse dari libellum repudij viro, sicut vir vxori dare poterat, nusquam constat in scriptura sacra. Item quod mulier pluribus viris copulari posset, nulla lex, vel cōsuetudo permisit, sicut de viris. Dominus etiam viro concessit apertè dimissionem fornicariæ: de uxore autem verbum nullum. Nec dicat quis: Voluit hoc intelligi in eo, quod de viro dictum est. Id enim est quod negatur. Neque conuenienter de-

ducitur consequentia à viro ad uxorem in huiusmodi. Magis enim id exprimi debuit, de quo magis poterat dubitari, ut inde id concluderetur, de quo minus. Quinimo cum legem nouam traderet, quæ declarabantur ea, in quibus antiqua illa lex deficiebat: In antiqua autem nunquam permissum esset repudium vxori, & ipse Dominus legislator circa hoc tacuerit, planè videtur nihil immutare in formina voluisse.

*Quod si hoc verum est*, non licere vel propter fornicationem vxori à viro discedere, vel propter quamlibet aliam causam, durissimum valdè videri potest. Quid enim si tales sint simultates, quibus vitæ periculum immineat? Non dubitandum quin isto casu liceat secedere, & implorare præsidia, aut remedia ex publico: Et propter fornicationem viri, non dubium quin illa possit ei negare sui corporis copiam, qui se indignum coniugij iure constituit, cui contumeliam fecit. Quæritur ergo de sensu Apostoli hoc in loco: An liceat mulieri discedere à viro ex causa fornicationis.

Non de redditione solum debiti ago, sed de discessionem. Apostolus enim adhibito præcepto prohibet discessionem. Sed nunquid in omni casu? Non arbitror sanè. Nam si necis esset periculum, aut si eam vellet in adulterium cogere, & perfidiā, aut ad insigne aliquod turpe facinus adigere: non tenetur manere cum illo. Sed quid ob fornicationem viri? Licebit ne ei saltem discedere ab eo, tantum qui per adulterium amiserit corporis eius facultatem? Hoc certè mihi videtur: Quod & fortassis dicere Apostolus iis verbis voluit. *Quod si discesserit, &c.* Præcepit enim primò nō discedere: & id vi præcepti intelligi debet, & subaudiri, absque causa legitima, Subdit: *Quod si discesserit*. Cum simpliciter quauis ex causa, siue legitima & rationabili, siue non, manere innuptam, aut viro suo reconciliari. Non tamen per hæc verba intelligas, penes mulieris arbitrium & potestatem repositum, utrum malit, sed quod alterum horum faciendum est, iuxta exigentiam causæ. Si enim habet iustam discessionis causam, manere innuptam, si nolit reconciliari: aut reconcilietur, si nolit manere innupta. At si absque causa iusta recesserit, reconciliari omnino debet, præsertim ipso viro petente. Et hic videtur Apostoli sensus, si & eius verba, & simul id quod est æquum, consideremus.

Sed nunc sese offert quæstio de viro, de quo ait simpliciter Apostolus. *Et vir uxorem non dimittat*, nec adiecit: *Quod si dimiserit, &c.* Prima igitur occurrit quæstio, an hoc quod ait: Non dimittat, intelligendam omnino sit etiam in causa fornicationis. Certè Dominus contra dixit: & ipse B. Paulus contestatur se ex Domini sententia loqui, non ex sua ipsius propria. Sub intelligenda igitur est manifestè illa exceptio, quam fecit Dominus de fornicatione. Sed illud omnino magis torquet, quare de viro non adiecit: *Quod si dimiserit*, maneat viduus, aut abstineat ab aliis nuptiis, aut reconcilietur, sicut hoc de muliere dixit. Mirabile istud est. Neque ad satisfactionem satis est dicere, data ista lege de uxore, contineri tacitè eandem de viro legem, eo quod non ad imparia iudicentur. Nam hoc (ut diximus) inconuenienter dicitur: quoniam inconueniens est docere legem viri ex lege mulie-

Mat. 10.

Disputatio  
circa diuor  
tium.



ris etiam si non ad imparia iudicaretur, sed cōtrā potius: præsertim cum manifestè in lege antiqua ad imparia iudicarentur. Et enim mulier strictiori lege tenebatur ipsi viro, quam mulieri vir. Ideo tantò magis erat hoc de ipso viro aperiendum.

Quamobrem B. Ambrosius aliter hunc locum intellexit, viro concedens secundas nuptias vxore adultera viuentē, sed non mulieri. Hanc opinionem B. Augustinus scripto reprehendit, cuius sententiam Canones pontificij post sunt sequuti. Pro ea verò B. Ambrosij sententia facit, quoniam Dominus de viro tantum loquutus est, quando causam fornicationis exceperit. Denique (vt tandem finiam) totus hic locus est admodum difficilis. Ita que libenter ego sententiā ecclesiæ absolutam intelligerem. Scripsi tamen de hac re alibi accuratius. Neque hīc tacebo, Erasum parum sobriè, imò valdè petulanter de his in annotationibus suis scripsisse, quæ certè igni tradenda essent propter multorum scandalum.

*Nam ceteris ego dico, non Dominus, &c. Qui sunt isti ceteri, quibus se dicere ait, & non Dominus? Oportet igitur vt à superioribus pendeat hæc declaratio. Dixerat enim: *his autem qui matrimonio, &c.* Nunc consequenter ait: *Ceteris autem:* proculdubio eos significari oportet, qui non sunt matrimonio iuncti. Porro cum inchoatum prosequatur sermonem de matrimonio iunctis, ideo referri hoc ad superiora est necesse, vbi dixit. Dico autem non nuptis & viduis, vt nunc declaret se illis talia dixisse: non quasi expressè à Domino accepisset, sed illa suo spiritu admonuisse. Non ergo potest hoc inferioribus, quæ statim subnectit, aptari, licet id quidam velint: quoniam de iis qui matrimonio iuncti sunt agit, vt manifestè patet. Nisi fortè pro nō matrimonio accipit illud, quod erat apud infideles: sed non placet hæc euasio. Superioribus igitur dictis aptari debet.*

*Nota hæc prudens lector.*

Quid est autem quod ait se dicere, non Dominum, cum alibi dicat: An experimentum quæritis eius qui in me loquitur Christus? Et inferius: Puto autem quòd & ego spiritum Dei habeam. Sed animaduertendum est: cū B. Pauli iussa ac præcepta custodiri deberēt, iuxta verbum Domini: Qui vos audit, me audit (etenim credendum erat eos à Spiritu sancto inspirari ac regi) non nihil tamen interest inter ea quæ sic ab Apostolis, & illa quæ in euangelio à Domino sunt explicatè & expressè statuta: quoniam firmissimè seruanda sunt hæc, & non est hominis super eiusmodi definitis dispensare. Non sic est autem de his, quæ postmodo per ipsos Apostolos tradita sunt. Non enim ea firmitate tenenda sunt, tamen si parendum sit illis omnino. Vnde apparet de digamis dispensare ecclesiā: quanquam Apostolus de his aliud sanxerit. Atqui non ita esset, si Dominus ipse sanxisset, vt egregiè notat B. Thomas, quod quidam non aduerterunt.

*Si quis frater uxorem habet infidelē, &c.* Hic B. Paulus incipit nouis casibus, qui tunc frequenter accidebant, occurrere. Et nonnulli putant consilium hoc esse, non præceptum, quod eo tempore magis valebat. Et si qua mulier fidelis, &c. similiter hoc est consilium. Sanctificatur enim vir infidelis per mulierem fidem. Sed quomodo sanctificatur infidelis manens? Non hīc dicam aliorum commenta, cum

(vt verum ingenuè fatear) nec vllum quidem legem, in quo conuincere possem. Illud ergo quod meditatione sum ex Dei gratia assequutus (si tamè verum est) proferam.

Sciendum est ergo, Omne matrimonium infidelium esse immundum: quoniam matrimonium est propter prolem Deo generandam. At matrimonium infidelium, quoad hoc, à Deo despicitur in pœnam parentum, qui non intendunt generationis fructum reddere Deo vero. Quare neque eorum prolem respicit Deus, vt à talibus procedit. Quapropter nec inuitis illis baptizanda est: quia dimittit illos in puris naturalibus, & ita in immunditia sua, & parentum. At si vnus ex coniugibus saltem fidelis fuerit, etiam alter coniux, quoad hoc, sanctificatur, vt qui nascuntur inde liberi, non sint coram Deo habendi vt immundi, id est, vt liberi infidelium, sed vt fidelium. Quo in casu partus sequitur parentem fidem, & ita coram Deo habetur: & potest alter parens eum baptizare, & ratus est baptismus. Sic Timotheus fuit circumcissus propter matrem Iudæam, vt Iudæus. Tirus autem minimè, quia Gentilis erat. Nemini enim dubium esse debet, respici à Deo filios fidelium oculo specialis prouidentia, propter patres fideles: ob quā causam etiam sancti dicuntur & mundi, id est, propter patres ipsos mundos. Sed non est hæc actualis munditia, quæ aduenit adepta gratia, sed quædam potius ad gratiam præcedens (vt ita dicam) candidatio: sicut solent aptari sacrificia præiis quibusdam expiationibus, antequam vera fiant, vt de pane & vino patet in sacrosancto Missæ sacrificio, quæ canes mordaces noui hæretici, & rabidi per illos demones, suis moribus lacerant, non intelligentes hæc genera sanctificationis. Sic aquæ sanctificatæ dicuntur contactu corporis Christi vt possint fordes peccatorum nostrorum abluere.

*Quòd si infidelis discedit, discedat. Non enim seruituti subiectus est frater, vel soror, in huiusmodi.* Permittit ergo Apostolus diuortium inter hos disparis cultus, si infidelis velit recedere: ita quòd frater vel soror non sint alligati seruituti, scilicet coniugali, quæ nimirum talis est, vt vir non habeat corporis sui potestatem, sed mulier, & contra. Et iterum, quanto tempore viuit vir, alligata est mulier legi viri, ita vt si alteri viro adhæreat, sit adultera: sed in huiusmodi non est talis seruitus. Quid est dicere, *in huiusmodi*, nisi in infidelitate manentibus, & nolentibus cohabitare? Quo in loco miror admirantem Caietanum hunc locum debere ad eiusmodi sensum intelligi, cum certè aliter commodè intelligi nō possit. Sed hic ipsummet audiamus.

Et non solum miror (inquit) sed stupeo quòd Christo clarè excipiente causam fornicationis, torrens doctorum non admittit illam mariti libertatem: Paulo autem non clarè dicente interpretata sit solutio coniugij, ex causa alia explicata à Christo, & sola excepta. Quia tamen antiquo ecclesiæ vsu sensum communem textus huius firmatū credo, & textus capax est huius sensus communis, ideo dicendum est, quòd Dominus in euangelio non communem vtrique coniugi, sed marito propriam tradidit libertatis legem, vt textus ipse manifestè dicit. Paulus autem communem vtrique coniugi legē libertatis promulgat, autoritate pro-

*Gal. 2.*

*Caietanus.*



culdubiō diuina, qua separari potest quod Deus coniunxit, iuxta verbum Domini de coniugio nō Christianorū, sed ab initio mundi instituto. Quod Deus coniunxit, homo non separet. Et propterea diuersa libertatis causę assignantur: à Domino quidem causa propria marito: à Paulo autem causa vtrique cōiugi communis. Imparem enim Dominus iudicat maritum & vxorem quoad fornicationem: quia impar est secundum naturalem horrorem, & repugnantiam ad certitudinē patris prolis. Infidelitas autem, quę ad animam spectat, pariter censetur iuris in vtroque coniuge à Paulo. Et hæc dicta sint ad satisfaciendum quæstioni de contrarietate doctrinæ Pauli ad doctrinam Christi. Christus enim solam fornicationis causam excipit. Paulus autem alteram docens causam, docet nō esse solam fornicationis causam. Paulus dico, vt cōmuniter exponitur: quia vt dictum est (vt textus sonat) Paulus non sonat solutionem coniugij. Hæc ille.

Vbi manifestè licet videre plura digna annotatione. Primum quod ait Christum clarè excepsisse causam fornicationis, & tamen torrens Doctorum non admittit istam mariti libertatem. Hoc in loco miranda est potius eius admiratio: quia ex illa Domini exceptione fornicationis, quę clara est, non clarè consequitur ista mariti libertas. Deinde & hoc etiam admiramur, quod dixerit Paulum nō clarè esse loquutum, cum tam expressè dicat: Nō enim seruituri subiectus est frater aut soror in huiusmodi. Si non est seruituri subiectus, ergo liber. Tertio etiam illud frustra miratur, Apostolum alium casum adiungere, quando liceat solui matrimonium, cum Dominus vnā tantum causam fornicationis excipiat. Non enim vidit à Domino regulam dari de matrimoniis ratis, id est, fidelium, non autem infidelium, de quibus non est verum verbū illud. Quos Deus coniunxit: quoniam Deus illorum matrimoniis non assistit. Fideles autē & gratiosi coram Deo fuerunt primi illi coniuges, vt B. Thomas docet. Ego verò etiam Christianos fuisse existimo: quoniam mysterium Christi reuelatum fuit Adæ, quod & fide recepit: sicut nec idem. S. Doctor negat. Quarto & illud notandum in huius doctrina, iuxta Domini sententiam imparem esse causam mulieris circa diuortium: quasi ei non liceat ob fornicationem, id quod viro. Hoc dico, quoniam torrens Doctorum ei mirum in modum aduersatur. At quoniam de his omnibus particula ri tractatu abundè differuimus, ad nostras in illum annotationes lectorem remittimus.

Nunc ad rem redeundo, Satis est modo declarasse, si infidelis manere velit cum fidele, sanctificatum esse coniugium per ipsum fidelem. Sin autē velit discedere, liber fidelis efficitur: ita vt possit ad alia vota transire, & nouas legitimè contrahere nuptias. Sed ponatur quod infidelis coniux cohabitaret, sed nolit ipse frater, id est, fidelis: nunquid potest? Aiunt quod potest, sed melius si non faciat, quando est ipse reducendi illum. Quod enim docuit B. Paulus, seruandum fuit fortassis in eo feruore Spiritus, quando fermentum bonum erat longè, quam nunc sit, potentius.

In pace autem vocauit nos Deus. Confirmat superius dictum, non discedendum à coniuge tamen si

infideli, si velit cohabitare: quoniam in pace vocauit nos Deus, hoc est, vt sit pax (quantum fieri possit) ad omnes, etiam infideles: nisi fortè præiudiciū per talem pacem immineat veritati: quod non erit, si infidelis velit cohabitare. Et addit etiam ad persuadendum rationem.

Vnde enim scis mulier si virum saluum facies, &c.

Nam sanctificatus est vir propter coniugiū, quod habet cum fidele. Et ideo ad gratiam Dei magis (Deo fauente) dispositus est: & in hoc sanctificatus est. Hoc verò dixi, si e contrario quis fortè diceret. Vnde scis mulier, si te vir attrahet ad infidelitatem? Addo superiorem etiam rationem satis fuisse, videlicet: In pace vos Dominus. Notandum est enim vocationes eo tempore extitisse fortes, & efficaces, vt facilius traheretur infidelis ad fidē per fidelem, quàm fidelis ad infidelitatem per infidelem. Deus enim qui vocat in pace, ipse idem seruat in ea pace, & facit prouētum, ne obsit illa pax, sed magis fructificet Deo. Quare adiicit:

Nisi unicuique sicut diuisit Dominus, &c. Sēsus est.

In hoc deprehenditur rei possibilitas, si iuxta ordinationem, & diuinam donorum diuisionem quis agat, & ita in eo statu ambulet, in quo Dominus eum vocauit. Si cui non est datum virginitatis donum, sed matrimonio iunctus fuerit, eo statu contentus viuat, & in eo quiescat ac fructificet: nec sua sponte quærat statum, ad quem non est vocatus à Domino, vt ascendat in eum. Vberius enim fructificabit in eo, quàm in alio qui esset supra vires suas, ad quem non vocatur à Domino. Atque ideo multi fructuosius vixerunt in vita sæculari, quàm vixissent in vita regulari. Nam & hoc experientia certa notum est de multis, qui cum bene in sæculo viuerent, ad religionem tamen suo ipsorum proprio stimulo, & amore quodam spiritali inconsideratè, minusque prudenter adducti, potius retrocesserunt: & tepidiores in religione effecti sunt, quàm essent prius in sæculo: & nonnulli etiam miserè tandem exciderunt.

Circuncisus aliquis vocatus est. Vocat circūcisum qui in castitate vocatus est: & huic consulit. Nō ad Loci huius ducat præputium, id est, non ineat coniugium. Nisi notanda ex ita hunc locum intellexeris, vix puto declarari posse. se, quoniam pacto posset circūcisus adducere præputium. Mirum quod Caietanus hic velit Apostolum monere Iudæos, vt circuncidant filios suos: quod vel dictu est absurdissimum, neciam disputatione, sed explosione dignum.

In præputio aliquis vocatus est, id est, in feruore aut exercitio carnis & libidinis, ita vt continere vel nō lit, vel nō possit, non circūcidatur, id est, non castratur, quia ad continentiam non cogitur, sed ducat vxorem, ne vratur.

Circūcisio nihil est: & præputium nihil est, &c. ac si dicat. Neque hoc, neque illud saluum facit hominem, sed obseruatio mādatorum Dei, vel in hoc, vel in illo statu, id est, vel in circūcisione per continentiam, vel in præputio per indulgentiam coniugij.

Seruus vocatus es. Quicquid alij dicāt hic (vt breui absoluam mihi videtur proculdubio sensus, vt loquatur Apostolus de seruitute matrimonij, si quis in eo statu sit vocatus: Non sit tibi cura, id est, noli perinde esse anxius ac sollicitus, quasi nequeas



in eo statu proficere, & salutem tuam operari & consequi. *Sed & si potes fieri liber, magis utere.* Si potes (inquit) fieri liber, hoc est, solui ab vxore, scilicet illa volente & cedente iuri suo quod habet super corpus tuum. Et tum demum in pace solutus viuas, non tamen ut & denuo alij alligeris, sed sis prorsus liber, quod melius Domino & expeditius seruias, *magis utere*, id est, hoc potius elige.

Et vide differentiam inter vocatum in preputio, & vocatum in seruitute, ut intelligas neque obstare seruitutem illam, quo minus valeant salutem adipisci. Et si, quia melius est liberum esse à seruitute coniugij, consultat ut (si fieri id possit) faciat, ne per liberet se ab ea tam dura lege coniugij.

*Esse seruum Domini & libertum quid significet.*

*Qui enim in Domino vocatus est seruus, libertus est Domini*, id est, qui vocatus est in Domino existens seruus, id est, coniugio alligatus, est libertus Domini. Quomodo libertus, nisi quia à misera illa seruitutis conditione, qua antea tenebatur, per eam vocationem ereptus est? Nam qui liberatus est seruus existens, libertus est eius qui liberauit eum, & debet operas patrono suo. Sed magis placet alius sensus qui huiusmodi est: Homo qui vocatur à Domino, ita vocatur ut pretio redemptus: & ita ipso iure seruus est Christi & Domini redimentis tam secundum animam, quam secundum corpus. Verum quia non vult Christus cuiusquam seruum in iuria ab illo eripere: inuenit autem hominem quem vocat, iam alligatum coniugio, ita ut corpus sit coniugis, contentus eo pacto est, ut sit sibi sicut libertus, quem alioqui verè seruum de iure habere posset, id est, ratas habet & gratas certas sibi exhibitas operas, ut salu<sup>9</sup> sit. Et hic est verior intellectus.

*Similiter qui liber vocatus est*, à vinculo matrimonij, *seruus est Christi*. Non hic vocat libertum, quasi certis operis tantummodo addictum, sed omnino seruum: quia holocaustum est, omnino illi se dedens toto animo, & toto corpore. Et ob eam causam consulit ne velit alligari, & seruitium Christo debitum minuere ac partiri, ideo ait: *Pretio empti estis: nolite fieri serui hominum*, cuius ratio est: quia indignum est pro seruitio Christi Redemptoris, cui nosmetipsos debemus totos, eligere seruitium hominum, carnale videlicet, & ob id longè indignius. Vnde concludit:

*Vnusquisque ergo in quo vocatus est fratres*, id est, in eo statu in quo vocatus est, ut sit frater, id est, Christianus, *in hoc permaneat*. Hæc est regula. Sed ad eorum pleniorum tractatum consideranda est diuersitas casuum. Si enim ambo permaneant infideles in matrimonio, ex doctrina Apostoli immundi sunt: quia etsi matrimonium validum sit secundum leges hominum, non tamen coram Deo ratum, siue sanctum. Si verò contracto iam inter infideles matrimonio, alter eorum conuertatur ad fidem, tunc habet locum apostolica distinctio. Aut vult infidelis permanere: Aut non. Si prius, consulitur fidei, ut consentiat ob rationes iam datas: quia sanctificatur coniugium per alterum fidelem, & spes est conuersionis infidelis. Si autem nolit cum infidei permanere, non cogitur fidelis, multò minus si nolit infidelis. Et his casibus, fidelis solutus & liber efficitur.

Est alius casus, Quando inter fideles ab initio est contractum matrimonium, sed alter labitur in

infidelitatem. Et eo casu, iura dicunt manere matrimonium quoad vinculum: quoniam hoc ab initio ratum fuit: Licet aliter cuidam summo Pontifici aliquando visum fuerit. Quare indoctè admodum Erasmus exploratum ait se habere, isto casu quoad vinculum matrimonium solui, è diametro pugnans contra manifestam veritatem, & pontificios Canones, ut patet de Diuort. c. ult. Quare apud doctores exploratum est, in hoc casu coniugium ipsum minime solui.

Alius casus, Quando fidelis ab initio contrahit cum infidei. Hoc enim matrimonium nequaquam valet, ut inferius paulò post videbimus. Non autè hoc in loco appellatione infidelis, venit hæreticus: Nam catholicus cum hæretico coniuge potest legitime contrahere, ut constet quidem matrimonium, tametsi peccet catholicus qui id sciens, contrahit, cum omnis hæreticus sit excommunicatus. Volunt etiam Canones appellatione infidelis concludi catechumenum ante baptismum cum nullis adhuc fidei christianæ sacramentis sit initiatus, nec in consortium admissus.

De virginibus autem præceptum Domini non habeo: cōsiliū autem do, tanquam misericordiam cōsecutus à Domino, ut sim fidelis. Existimo enim hoc bonum esse propter instantē necessitatem, quoniam bonum est homini sic esse. Alligatus es vxori? noli quærere solutionē. Solutus es ab vxore? noli quærere vxorem. Si autem acceperis vxorem, nō peccasti. Et si nupserit virgo, non peccauit. Tribulationem tamen carnis habebunt huiusmodi. Ego autem vobis parco. Hoc itaque dico fratres: Tēpus breue est. Reliquum est, ut & qui habent vxores, tanquam non habētes sint: & qui flent, tanquam non flentes: & qui gaudent, tanquam non gaudentes: & qui emunt, tanquam non possidētes: & qui vtūtur hoc mundo, tanquam non vtantur. Præterit enim figura huius mundi. Volo autē vos sine sollicitudine esse. Qui sine vxore est, sollicitus est quæ Domini sunt, quomodo placeat Deo. Qui autem cum vxore est, sollicitus est quæ sunt mundi, quomodo placeat vxori: & diuisus est. Et mulier innupta & virgo, cogitat quæ Domini sunt, ut sit sancta & corpore & spiritu. Quæ autem nupta est, cogitat quæ sunt mundi, quomodo placeat viro.

De virginibus. Ex hoc loco satis colligitur, hætenus Apostolum de virginibus non esse loquutum, sed vel de coniugatis, vel viduis: nisi velis illum superfluo verba iactasse. Nunc ergo de virginibus loquens, ait nullum se habere à Deo speciale præceptum, sed tantum cōsiliū dare: *Cōsiliū autem* (inquit) *do, tanquam misericordiam consequutus*, &c. Hoc enim quod misericordiam consequutus sit,



innuit, illum aliquando in miseria fuisse. Consiliū autem dat, ne quis in eandem miseriam incidat, à qua ipse fuerat ex misericordia liberatus. Nam à coniugio, quo (vt quidam putant) fuit aliquando illaqueatus, liberatus est: nunc consulit virginibus ne se illaqueari permittant, si modo possint continendo permanere. Aliqui exponūt sic, Tanquam misericorditer hoc esset assequutus, scilicet vt esset fidelis. Minister enim erat & dispensator, à quo exigebatur vt bona fide consuleret. Aliqui eliciūt ex hoc loco Apostolum fuisse virginem. Sed id ex eius verbis nullo pacto queunt (meo quidem iudicio) conuincere.

*Existimo enim hoc bonum esse propter instantem necessitatem.* Hæretici, & antesignanus eorum Erasmus, qui factò & doctrina virginitatem oderunt, excusant se ab hac Apostoli doctrina, quam ab illo traditam pro eo tempore asserunt, quo erat fundandum euangelium Christi, & tūc istud protulit consilium, nequaquam daturus illud hoc tēpore, ideo ibi ait: *Propter instantem necessitatem*, id est, propter præsentem euangelij promulgandi necessitatem. Ita etiam exponit consilium Christi. Sunt eunuchi qui se castrauerunt propter regnum Dei, id est, propter prædicationem. Sic aiunt isti: & cum hoc tamen volunt iuuari à B. Petro, quem habuisse vxorem proferunt. Ab iis itaque querendum est: Cur ergo Petrus gratia prædicationis, eam in illa necessitate non dimisit?

Dicent fortè, Verum esse Petrum reliquisse eā gratia prædicationis, quod ad thorum attinet. Quod si fatentur: qua ergo fronte illi non habentes vxorem, ducunt, non obstante prædicationis suæ munere, ac instantē necessitate fundandi euangelium Christi, quod (vt volunt) erat iam abolitum? Siquidem prædicandi euangelij gratia Apostoli qui habebant vxores, eas reliquerunt: Isti autem non habentes, ducūt. Corruptunt nihilominus planum Christi verborum sensum. Non enim regnum cœlorū significat ibi prædicationem, sed præmium regni cœlorum. Nondum siquidem ab eis prædicabatur euangelium. Et quod hic dicit, *propter instantem necessitatem*, perperam, & extraneè exponunt, ac peregrinè. B. Thomas exponit necessitatem instātem, id est, præsentem: quia matrimonium sequitur necessitas multarum rerum ad vitā traducendam necessariorum.

Mihi videtur hic esse sensus Apostoli, qui ab ipse semet explicatur inferius, vbi ait: *Tēpus breue est.* Necessitas enim est id quod dixit Dominus Marthæ: Vnum est necessarium, hoc est, seruitium Dei, intendere Deo: istud est necesse ad veram vitam. Hoc autem est necessarium, siue hæc instans necessitas, quæ tantò magis vrget, quantò est tempus ad operandum breuius. Quia ergo mundi ætas creuerat, & breue relinquebatur tempus ad operandum, censet hoc esse bonum Apostolus, vt totus homo serueretur seruitio Dei (si fieri potest) non dimidius. Sic enim & nostra ætas diminuta est in hac mundi senectute, & breue tempus habemus, vt oporteat tantò attentius ac feruentius operari, quantò minus temporis superest. Nam hoc rerum naturæ est propriū, vt in fine semper magis ferueat opus. Quoniam bonum est homini sic esse. Per quod minus sit distractus ab hoc Dei seruitio.

*Alligatus es uxori? noli querere solutionem.* Hic consilium iam dictum explicatur: & tamen si contingat, & sine periculo fornicationis liceat, posse solui hominem & liberari, hoc eligibilis esse & magis salutare Apostolus iam testatus est.

*Solutus es ab uxore? noli querere uxorem.* Vide quā explicatè consulit nobis Apostolus. Notent hæc Apostati vxorati, & pudeat eos tandem si fieri possent.

*Si autem uxorem acceperis, non peccasti.* Vndique contra hæreticos agit Apostolus, in illos qui prohibebant nuptias. *Tribulationem tamen carnis habebunt huiusmodi.* Quæ tribulationes sunt innumere à coniugio venientes. *Ego autem vobis parco*, id est, non ea præcipio, quæ nec Dominus ipse præceperit: sed vobis in fide infirmis indulgeo.

*Hoc itaque dico fratres, tēpus breue est.* Declarat more suo seipsum, nimirum quod dixit, propter instantem necessitatem, quoniam à temporis breuitate venit, vt instare rebus ad sempiternam patriam facientibus oporteat. *Reliquum est, vt & qui habent vxores, tanquam non habentes sint.* Quod maximè erit, si valeant cōtinere: aut saltem ne propter eas auertantur à seruitio diuino, aut minus, quam fieri possit, auertantur. *Et qui flent, propter temporales afflictiones & egestates, tanquam non flentes*, propter tolerantiam & consolationem in Christo: alioquin erumperet desperatio. *Et qui gaudent: quia habent abundè vnde viuunt, tanquam non gaudentes*: cū non oporteat in his finem constituere non duraturis. Sepenumero enim secundæ res animum frangūt, & auertunt à cogitatione verorum bonorum, quæ non hīc sunt, sed in sæculo futuro. *Et qui emunt tanquam non possidentes*: ne cum magno fletu tandem priuentur præsentibus, & futuris melioribus. *Et qui vtuntur hoc mundo, tanquam non vtantur.* Non vitur autem, qui non figit in iis animum quibus vitur sicut dixit quidam, Diuitiæ si affluant, nolite cor apponere. *Præterit enim figura*, id est, species & pulchritudo apparens, *huius mundi*, quæ assidue fluit, & quasi flos agri decidit. Tempus enim conuerterit omnia, vt nimis apparet id considerare volentibus. Caietanus legit, tanquam non abutantur, vt abusus intelligatur prohibitus. Et non animaduertit in vi verborum potius esse permissus. Si enim debeo esse tanquam non abutens, permittor ergo esse abutens: sed edicitur mihi, vt me habeam ad modum non abutentis. Nec vidit quòd hoc in loco, abuti, significat vlu consumere, nec accipitur in malam partem.

*Volo aut vos sine solitudine esse.* Explicat sui consilij (videlicet de abstinentia à coniugio) rationem, & ait: *Volo*, pro vellem. *Qui sine uxore est, &c.* Clara est litera, solum id quod adiicitur, *Et diuisus est*, habet difficultatem, & græci codices variant. Nam ij noui omnes legunt, Diuisa est mulier & virgo, siue vxor & virgo. Crederem hanc veram esse B. Pauli lectionem, & nihilominus interpretem nō aberrasse, sed sensum vno isto verbo reddidisse. Nā homo coniugatus verè diuisus est: quia multis externis actionibus distrahitur, & seruit mundo ex parte, ita vt non possit esse Deo totus deditus. Et hoc est quod ait: Diuisa est mulier, & virgo. Pro cuius dicti intelligentia sciendum est, hominem qui sic per coniugium diuisus est, habere carnem

Nota:

Inde probent aliqui Apostolum fuisse virginem.

Contra hæreticos.



ex parte quasi uxorem ad malum allicientem, siue ad illecebras mundi. Ex parte verò habet eā quasi virginem: quia etiam à Deo redemptam, & Deo dicatam, & ad eius seruitium datam sociam: ideo diuisus est homo. Quo loquendi tropo existimo hīc vsum esse Apostolum.

Et hinc accipe pie lector, quā conueniat facer dotibus copula, quæ à Deo distrahit. Non me latet B. Hieronymum variè hūc locum & legisse, & interpretatum esse: Et similiter alios. Nec itē sum ita mei amans, vt non putem facile posse contingere alios hanc meam expositionem non probaturos, tamen mihi placeat. Vnusquisque in huiusmodi fruatur suo sensu, modo ab sit proteruia & asserendi temeritas.

*Et mulier innupta, & virgo, cogitat quæ Domini sunt, vt sit sancta & corpore & spiritu.* Sensus est facilis. Quod enim dixit de viro, etiā de fœmina probat. Et sanctam vocat corpore & spiritu. Audiant Lutheranae mulieres sacrilegæ, quæ vtranque (si tamen eam vnquam habuere) mentis & corporis, amiserunt, sanctitatem, expositę excucullatorum libidini (repudiato cœlibatu) & carnis fœci.

Porro hoc ad vtilitatem vestram dico, non vt laqueum vobis iniiciam, sed ad id quod honestum est, & quod facultatem præbeat sinē impedimēto Domini obsecrādi. Siquis autem turpem se videri existimat super virgine sua, quod sit superadulta, & ita oportet fieri, quod vult, faciat. Non peccat, si nubat. Nā qui statuit in corde suo firmus, non habens necessitatem, potestatem autem habens suæ voluntatis, & hoc iudicauit in corde suo seruare virginem suam, bene facit. Igitur & qui matrimonio iūgit virginem suam, bene facit: & qui non iungit, melius facit. Mulier alligata est legi, quanto tempore vir eius viuit. Quod si dormierit vir eius, liberata est à lege. Cui autem vult nubat, tantum in Domino. Beatior autem erit si sic permanserit secundum meum cōsiliū. Puto autem quod & ego Spiritum Dei habeam.

*Porro hoc, &c.* Laqueus est quando conscientia accipit quippiam pro malo & peccato, quod est de se licitum. Sed ad id quod honestum est, &c. id est, faciliorem doceo viam ad cursum, siue ad palmam vitæ beatæ ac sempiternæ obtinendam: quoniam quod honestius quis incedit, magis Deo placet. Græcè significatius res exprimitur paucis. Significatur enim quedam iugis assidentia, velut ea beatissime Magdalena ad pedes Domini.

*Si quis autem turpem se videri existimat super virgine sua, quod sit superadulta, & ita oportet fieri, quod vult faciat: non peccat, si nubat.* Hic locus valdè, meo iudicio, difficilis est intellectu. Et tamen eius veriorē expositionem me docuit B. Hieronymus: nec aliū sensum (ni vehementer fallor) videtur admittere. Alloquitur Doctor noster virum habentem carnē

suam virginem, hoc est, non alligatam cōiugio; sed superadultam, id est, iam dudum potētem ad excendā nuptiarum munera. Huic dat cōsiliū, si existimat se turpem videri ob superadultam iam suam virginem, id est, si putat esse sibi opprobriū, non coniunxisse carnem cum carne; id est, non de disse operam generationi: & ita oportet fieri, quia continere non potest: non peccat si nubat, id est, si nuptias contrahat. Vitur enim verbo, nubere, promiscuè etiam ad viros aptans. At Græcè legitur, ἀμειτῶσαρ, id est, nubant, seu iungantur matrimonio. Et mirum quod loquitur plurali numero: sed hoc propterea est, quia loquebatur de homine & de carne sua, quam virginis nomine appellauit, ac si dixerit: Ipsa cum sua carne nubant.

Nam qui (græcè melius: Qui autem) statuit in corde suo firmus, &c. Hic eregione contra eū qui tale habet nubendi desiderium, opponit eum qui vult seruare carnem suam in virginitate. Et hoc statuit in corde suo, & firmus: quia firmum habet & immobile propositum hac de re per votum Deo, non habens necessitatem: quia nulla est ad illum purioris vitæ statū necessitate adductus, sed mera volūtate. Item qui habeat potestatem suæ volūtatis: vt scilicet non sit alligatus alteri, & sit compos mētis, & sui circa hoc iuris: bene facit. Audiat osor virginitatis sacrilegus hæreticus, & quod inferius dicitur. Melius facit, quæ sententia corrūpi non potest; etsi in eiusmodi locis contaminandis sint à dæmonibus instructissimi hæretici.

Igitur & qui matrimonio iungit virginem suam, bene facit, &c. quia non solum non peccat, sed etiā peccandi occasionem à se, cum non possit continere, per matrimonij vsum amouet. Et qui non iungit, melius facit: quia seruat suam virginitatem, & vt Angelus Dei in omni munditia seruit Deo. Hic mihi videtur verus sensus, quem & B. Hieronymus in lib. contra Iouinianum probat: licet communiter intelligatur de patre, aut aliquo alio custode, qui habet domi virginem, & ad eum pertinet eam locare nuptui. Sed durè nimis in hunc sensum procedit litera. Nam ad virginitatem puellæ non patris, sed proprium ipsius puellæ votum atque propositum desideratur, præsertim si fuerit superadulta. Neque nocet puellæ virginitati, si ex necessitate pater eam non locat, modo ipsa in corde suo voluntariè consentiat virginitati. Et tamen iuxta hūc sensum requiritur, patrem id non ex necessitate agere, sed ex spontanea voluntate. Quin etiam patre seu custode inuito ac nolente, si ipsa velit manere virgo, satis erit. Et mirabile esset profectò, ab Apostolo de voluntate ipsius puellæ in hoc negotio nullam prorsus factam mentionem, quæ tamē maxime requirebatur, & sola sufficiebat. Quamobrem nullo modo mihi fit verisimile hunc esse Apostoli sensum.

Verum contendit ex hoc loco multis verbis Erasmus, non debere matrimonium consistere cum iis, qui in potestate parentum sint, illis inuitis. Mouetur præter hunc locum etiam ratione: quoniam apud Iudæos (inquit) nō valebat, quod tamen nullo citato loco asserit. Et ego nescio an hoc habeatur expressum in vllis scripturis. Exaggerat quod per temulentiam & lenocinia plerunque hæc matrimonia conciliētur. Nos hoc fieri posse scemur, & cum

Erasmus dicit  
dacia non  
dicitur.



& cum ita fuit, etiam, detestamur: & insuper tales statutis pœnis debere puniri asseueramus. Nā clā destina coniugia, & iis modis cōciliata, cōtīs pœnis in Canonibus puniuntur. Attamen si verē mas & fœmina cōsentiant, tunc legitime contrahi coniugium sacri Doctores non dubitāt, quorum non erat temerē contemnenda auctoritas.

Quæ autem præterea ipse Erasmus in B. Thomā arguit, nullius sunt ponderis. Posset tamen ecclesia proculdubio statuere, talia matrimonia inter tales non esse rata absq; consensu parentum, nisi plenæ pubertatis essent, id est, decem & octo, aut viginti annorum. Hoc mea sententia melius esset. Nam si per Pōtificios canones irritatur matrimonium inter cōsanguineos in quarto gradu, quod alioqui honestē contraheretur, nisi esset canonica prohibitio: Cur (quæso) per nouos Canones irritari non valeant eiusmodi matrimonia, quæ ex inhonestissimis causis contrahuntur, & inhonestē, & aduersus Canones? Equidē nullam video rationem, præter sophisticam aliquam & ineptam.

*Mulier alligata est legi, &c.* Hoc idem dictum est in epistola ad Rom. & expositum. Et vocat viri legem, qua illi subditur iure coniugij. Et, vt mihi quidem videtur, etiam illam Dei primāuā sententiam in Heuam, qua viro subiecit illam, eiusque dominatui ac potestati post peccatum, & iussit vt ad illum esset appetitus eius. Hæc ergo lex durat viuente viro. Vnde post mortem licet ei nubere, *sed in Domino*: hoc est, fratri, videlicet Christiano, & non infideli. Hic notat Caietanus esse primum textum in nouo testamento, vbi prohibentur nuptiæ inter dispares cultu. Nescio verò cuius rei gratia id notat, nisi velit (Apostolo non vetante) licita fuisse talia coniugia, quod est falsum: quia & iure naturali, & diuino prohibita fuerunt. Aduersatur enim hæc disparitas cultus quā maximē tribus illis matrimonijs bonis, videlicet, fidei, proli, & sacramento. Quamobrem & in veteri testamento scriptum erat: Non accipias vxores de filiabus alienigenarū filiis tuis. quod præceptum quia transgressus est Salomon, in idololatriam est impulsus. Esdras item separauit coniugia cum huiusmodi inita. Denique quæ dilectio, quæ conuentio fidelis cum infideli esse potest?

*Beatior autem erit, si sic permanserit, &c.* Hic ostendit longē melius esse viduē continere, quā ad nuptias iterum redire, quanuis ei liceat nubere: sed beatior erit, si manserit innupta. Et vide quam fuerit vehemens & perpetuus ad persuadendum virginitatis & continentia statum Apostolus. Et ne quis arbitraretur hæc ab eo dici humano quodam consilio, & non ipsomet Spiritu sancto instructore, sicque facilius ea spernerentur quæ consulebat, præsertim cum & naturæ corruptioni, & ad libidinem promptitudini repugnarent, ait:

*Puto autem quod & ego Spiritum Dei habeam.* Vt intelligamus etiam ipsa quæ non à Domino iubentur, sed à sanctis eius famulis vtiliter suadentur, eodem Domino inspirante suaderi. Neque est verbū, *puto*, dubitationis (teste B. Augustino) qui hunc locum sic exponit. Homines de iis rebus, quas certas habent, aliquando increpatiuē dubitant (id est, verbum dubitationis ponunt) cum corde non dubitēt. Velut si indigneris seruo tuo, & dicas: Con-

temnis me? Cōsidera, forsitan dominus tuus sum. Hinc & Apostolus ad quosdam cōtemptores suos loquens, ait: Puto autem quod & ego Spiritū Dei habeo. Qui dicit, *puto*, dubitare videtur: sed ille in crepabat, non dubitabat.

## CAP. VIII.

**D**E iis autem quæ idolis immolantur, scimus quod omnes scientiam habemus. Scientia inflat, charitas verò ædificat. Siquis autem se existimat scire aliquid, nōdum cognouit quemadmodum oporteat eum scire. Siquis autē diligit Deum, hic cognitus est ab eo. De eis autē quæ idolis immolantur, scimus quia nihil est idolum in mundo: & q; nullus est Deus, nisi vnus. Nam etsi sunt qui dicantur dii, siue in cœlo, siue in terra (siquidem sunt dii multi, & domini multi) nobis tamen vnus Deus Pater, ex quo omnia, & nos in illo: & vnus Dominus Iesus Christus, per quem omnia, & nos per ipsum. Sed non in omnibus est scientia. Quidam autem cum conscientia vsque nunc idoli, quasi idolothythum manducant: & conscientia ipsorum, cum sit infirma, polluitur. Esca autē nos nō commendat Deo. Neque enim si manducauerimus, abundabimus: neque si non māducauerimus, deficiemus.

*De iis autem, &c.* Hic est sexta pars, quæ tractat de licentia edendi, & de idolothyto, & ait. *De iis autem quæ idolis immolantur.* Hic figi debet punctus, vt subaudias quasi dictū ab Apostolo, sic sentio: hæc est doctrina mea & (qua vobis tandem satisfaciam) sententia.

*Scimus quod omnes scientiam habemus. Scientia inflat.* &c. Pro solutione quæstionum, & ad inquirendam prudentiā. Primum præmittit, omnes fuisse scientia præditos circa ea quæ sacrificantur idolis, & testatur se scire vna cum alijs, ne ipsi solos se esse arbitrantur qui illud scirēt. Loquitur autem de Iudeis, qui erant instructi per legem, & de eorū maioribus, sibi que (quoad hoc) similibus: ideo illos sibi coniungit. Nam alijs ipsemet fateretur non adfuisse hanc scientiam, sicut paulò inferius videbimus. Secundo ait. *Scientia inflat: charitas autem ædificat.* Dicit scientiam inflare, quod verum est quidem ex se ipsa. Inflare autem propriè non significat superbire (hoc enim scientia ex se non facit) sed significat implere aliquem, re tamen vana ex se, quoad Deum, sicut scriptum est: Vanitas vanitatum, & omnia vanitas. Quāto ergo plura scimus, tāto pleniores sumus & inflatiores: cumq; noscimus nos scire, subito inflamur. Ecce proprius scientia effectus, quo si abutamur, etiam superbimus, & insultamus in proximum nostrum. Charitas verò humilitatis custos, ædificat: quia est ad alterum iuuandum semper parata, non ad offendendum. Non enim quærit quæ sua sunt.

Quid est quod dicitur, scientia inflat.



*Si quis autem existimat se aliquid scire, &c.* Infert ex præmissis primò circa scientiam, quòd si quis existimat se scire quicquam (quod est eorum proprium qui se habent ad modum scientum, qui videntes sese inflatos, magnificiunt semetipsos, & alios despiciunt) de hoc tali nondum potest dici eum cognoscere quicquam, sicut oportet cognoscere: quia oportet eum scire, eam notitiam non esse sibi datam ad despiciendum alios, qui nesciunt. Omnia enim quæ sunt nobis data, sicut scientia, & huiusmodi, ad ædificationem data sunt, non ad destructionem. *Si quis autem diligit Deum, hic cognitus est ab eo, &c.* Deus illa dicitur cognoscere, quæ ipse probat. Et sensus est, non qui scit, illum probari à Deo, sed qui diligit, ille probatur à Deo: ut sciéntiæ usum metiri à dilectione Dei debeamus, & sic erit bonus usus, & scientia bona. Dilectio enim Dei, illam etiam includit quæ est, & quæ se extendere debet erga proximum.

His ergo præmissis venit ad questionem. *De escis autem quæ idolis, &c.* Ecce igitur scientia, quæ erat communis maiorum, & quæ inflat, videlicet de idolo, quod nihil erat. Dicitur autem nihil esse idolum: quia res quæ per illud representatur, vana est, nusquam est, nihil est. Vnde Hebraicè idola significantur ea voce, quæ vanitatem significat. Nos enim pro re representata, representantem accipimus. Quod capere nolunt ij, qui negant esse adoranda Sanctorum simulachra, quasi & ipsa nihil sint. Quod falsum est, cum sint honorabilia Christi membra, & Spiritus sancti templa. Nam ideo prohibebantur adorari idola: quia quod ex illis representabatur nihil erat, id est, nihil adorabile, sed potius abominabile, nec restabat nisi opus hominum. Ideo derestabilis erat talis adoratio.

Tacet autem Apostolus quod hinc cõsequitur, videlicet, quòd si idolum nihil est, consequitur ut quod immolatum est, non sit aliquid affectum, id est, non contraxit aliquid, quo vel mundum fiat & sanctum, vel immundum ex se: ita ut non liceat omnibus edere ex iis vel illis, sicut nõ licebat de his quæ vero Deo offerebantur, ut erant panes propositionis, qui sanctificabantur oblatis altari Deo vero: quia Deus verus est, id quod est: Idolum autem nihil est. Quòd si idolum nihil erat: ergo immolata idolo non afficiebantur, nec ut sancta fierent & a prophanis seclusa, nec ut cõstituerentur immunda. Non enim erat in potestate dæmonis, Dei insensibilem creaturam facere vel mundam vel immundam, ex eo quòd sibi offerretur. *Nullus est enim alius Deus, nisi vnus.* Et ideo idolum, quod hunc Deum non representat, nõ est aliquid, ut possit alterare creaturam à Deo nobis datam: Christus enim mundificauit omnia. *Nam si qui sunt qui dicuntur Dij, siue in cælo, siue in terra (sicut sunt Dij multi & Domini multi.) Nobis tamen vnus est Deus ille Pater, ex quo omnia, & nos in illum. & vnus Dominus Iesus Christus, per quem omnia, & nos per illum.*

Quia dixerat vnum solum esse Deum: & opponi etiam poterat, in scripturis multos Deos nominari, ut in psalmo, Ego dixi, Dij estis. Et ita multi dicuntur domini: Nam angeli vocati sunt Dij & Domini, etiã in scripturis sanctis: & alij magni viri. Licer ergo ita sit nobis tamen, inquit Apostolus, vnus est Deus. Quid est dicere, nobis? nisi verè scien-

tibus, & veritatē ipsam considerantibus: quia verè ille est Deus, qui quod est, ex se est. Ipse autē verè est, qui & se est. Igitur soli Deo sacrificandum est, qui est ex se. Etenim sacrificiū, latriæ cultus est. Igitur quantū ad hanc religionis partem spectat (quia sacrificiū soli Deo offertur) vnus est nobis Deus, & vnus Dominus. Offertur enim sacrificium Deo ut Creatori, & Redemptori, & Domino omnium maximo. Est enim in sacrificio confessio laudis, & gratiarum actio pro creatione & redemptione nostris: ideo soli Deo & Christo Iesu debetur.

Sed humiliores & ignari qui hæc non capiūt, habent Deos plures, & Dominos plures: quia pluris (quàm oporteat) faciūt creaturas præ ipso Deo. Vnus tamen est verus Deus iis, qui sanè apprehendūt. Hic autem Deus, est summus illi Pater, ex quo omnia, & nos in illum, quia ipse est principium omnium, vnde effluūt cuncta: & in quod nos rāquam in finem nostrum tendimus. *Et vnus Dominus Iesus Christus, per quem omnia, & nos per ipsum* (supple) ex Patre sumus, & in ipsum Patrē tendimus. Hic quidam curiosi notant, Christum non dici Deum, sed Dominū. Et solus Pater dicitur Deus vnus. Qui si, quia Pater tantū dicitur vnus Deus, volunt Filium excludere ne sit Deus, & idem Deus: eadem ratione & Patrem excludent, ne sit Dominus: quia dictum est, Vnus Dominus Iesus. Stulta igitur & inefficacia sunt hæc omnino. Significatur tamē Christus singularis Mediator iuxta expositionem dictam: quia per illum in Deum Patrem tendimus, cum ipse sit ostium, per quod intrandum est in vitam beatam & sempiternam.

*Sed non in omnibus est scientia, ut sciant ista considerare, & deducere.* Vnde aberratur ab iis qui etiam sciunt: quia non exercent in ipsa scientia charitatem. Nam etsi sciant, sciendi tamen modum nesciunt, qui scilicet est, ut scias (ait B. Thomas) quo ordine, quo studio, quo fine scire quæque oporteat. Quo ordine, ut id primum, quod maturius est ad salutem. Quo studio, ut id ardentius, quod efficacius est ad amorem. Quo fine, ut non ad inanem gloriam, vel curiositatem: sed ad ædificationem tuam & proximi, & ante omnia ad laudem & gloriam Dei. Sunt nanque qui eo fine scire volunt, tantum ut sciāt: & curiositas est. Quidam ut sciatur: & vanitas est. Quidam ut scientiam vendant: & turpis quæstus est. Quidam ut ædificentur: & prudentia est. Quidam ut ædificent: & charitas est. Et hi verè dicuntur scire: & in rarissimis est huiusmodi, licet Deo gratissima, scientia.

*Quidam autem cum conscientia usque nunc idoli, quasi idolothytum manducant, &c.* Sensus est: Quòd putabant quidam idolothytum affectum esse à malo idolo, & consequenter immundum redditum: & nihilolocius comedebant tanquam idololatræ, qui putāt idolo sacrificatum esse affectum, & assequitum munditiam. Erat ergo ipsorum error, arbitrari sibi non licere quod licebat, quamuis noscerent idolum non esse Deum, cui cõueniret sacrificium: ex quo poterant potius colligere cibum non esse affectum: quia sacrificium nullum erat. Et ideo hæc eorum infirma conscientia propter errorem (nam error est animæ infirmitas) polluebatur. *Esca autem nos non commendat Deo.* Nunc concludit ex omnibus præmissis, in eos qui in scādalum aliorum

Idolum  
quid sit.

De adoratione  
imaginum.

Quis sit  
Deus scire  
na scire



comedeabant, utentes sua scientia, siue ostentantes se scire, ignorantes tamen quomodo oportebat scire. Ait ergo, nos esca ipsa Deo non commendari, idque fusius explicat aiens: *Neque enim si manducauerimus*, videlicet idolothyta, confidentes in scientia nostra: quoniam nihil sunt idola, & ideo possumus manducare, *abundabimus*. Abundare est gratiam maiorem acquirere. *Neque si non manducauerimus, deficiemus*, minorati gratia. Quid ergo faciendum? manducandum, an non? Respondet, & suo more saluberrimum dat firmioribus documentum ad lucrificandas infirmiorum animas, ne libertate vnius, alter peccati reddatur seruus.

Videte autem ne forte hæc licentia vestra offendiculum fiat infirmis. Siquis enim viderit eum qui habet scientiam in idolio recumbentem, nonne conscientia eius cum sit infirma, ædificabitur ad manducandum idolothyta? Et peribit infirmus in tua conscientia frater, propter quem Christus mortuus est. Sic autem peccantes in fratres, & percutientes conscientiam eorum infirmam, in Christum peccatis. Quapropter si esca scandalizat fratrem meum, non manducabo carnem in æternum, ne fratrem meum scandalizem.

*Videte autem ne forte, &c.* Ecce quomodo charitas vsum scientiæ moderatur. Infirmos vocat, in quibus non subest scientia, & qui putant idolothytum esse aliquid: & modum quo offendi possunt, declarat. *Si quis enim viderit, &c.* id est, si quis infirmus viderit te hominem scientificum recumbere in idolio, id est, ubi idolothyta manducantur, recubere, scilicet, manducantem, *Nonne conscientia eius cum sit infirma, ædificabitur ad manducandum?* ait, ædificabitur, scilicet, exemplo ante oculos posito. Exemplum est enim maxime quod ædificat, dum trahit alios ad idem faciendum. Et vocat idolothyta: quia illis infirmis idolothyta sunt, id est, affecta, propter errorem in conscientia propria contractum. *Et peribit infirmus.* Vocat infirmum, ut misericordia dignum, quem tamen tu scientia tua abutens perdis. Fratrem etiam vocat, ut illud factum grauius exaggeret. Et ut etiam vehementius adhuc exaggeret, addit: *propter quem Christus mortuus est.* Si enim propter illum mortuus est ipse Christus, factus infirmus & frater noster, & seruus, cum esset Dominus fortis & sapiens, quanto magis tu frater cum fratre tuo debes etiam fieri infirmus, & ita sapere? Alioqui *sic peccantes in fratres, in Christum peccatis.* Hoc inde accipitur, quod pro eis Christus est crucifixus, quorum vos salutem obstatis.

*Quapropter si esca scandalizat fratrem meum, non manducabo carnes in æternum.* Eas, scilicet, carnes non manducabo, quarum occasione ipse frater meus infirmus potest accipere scandalum, putans esse malum manducare, & nihilominus ædificari per me ad manducandum cum conscientia mala, licet errante, quæ damnat. Ex hoc loco sumunt quidam ex hæreticis elegantiores hypocritæ, occasionem ostentandi suam charitatem, quia & angeli satanæ

transfigurant se in angelos lucis. Ipsi enim primum se habere scientiam profitentur. Nos autem qui præcepta de delectu ciborum sequimur, esse infirmos, & qui facile valeamus scandalizari. Quapropter pleni mansuetudine & charitate admonent suos, qui nobiscum conuersantur, caueant ne nos scandalizent propter suam libertatem. Eri enim inquit, ista secundum euangelium liceant, nullusque hominum possit hanc eis libertatem adimere: Attamen solum propter scandalum abstinendum esse præcipiunt. Qui cum sibiipsis videantur esse sapientes, nesciunt (aut potius nescire volunt) multo esse diuersam rationem circa delectum ciborum, illam in qua infirmi in fide innitebantur, quæ erat superstitiosa, ab ea ratione quæ mouit ecclesiam ad præcipiendam à certis cibis abstinentiam. Non enim sicut superstitiosi faciebant, facimus nos, qui omnem creaturam Dei esse mundam, & propter Christum sanctificatam nouimus, modo cum gratiarum actione percipiatur. Sed quæ potest esse gratiarum actio contra instituta ecclesiæ? Adest enim ratio huius macerationis carnis, à nobis susceptæ præcipiente ita Ecclesia propter Caput, cum quo possimus sua die lætari. Hoc omnes sancti Dei seruant, quorum vita quid aliud est, quam viuæ scripturarum interpretatio?

## CAP. IX.

**N**ON sum liber? Non sum Apostolus? Nonne Christum Iesum dominum nostrum vidi? Nonne opus meum vos estis in Domino? Et si aliis non sum Apostolus, sed tamen vobis sum. Nam signaculum apostolatus mei vos estis in Domino. Mea defensio apud eos qui me interrogant, hæc est: Nunquid non habemus potestatem manducandi & bibendi? Nunquid non habemus potestatem sororem mulierem circumducendi, sicut & cæteri Apostoli, & fratres Domini, & Cephas? Aut ego solus & Barnabas non habemus potestatem hoc operandi? Quis militat suis stipendiis vnquam? Quis plantat vineam, & de fructu eius non edit? Quis pascit gregem, & de lacte gregis non manducat? Nunquid secundum hominem hæc dico? An & lex hæc non dicit? Scriptum est enim in lege Moyse: Non alligabis os bovi trituranti. Nunquid de bobus cura est Deo? An propter nos vtrique hoc dicit? Nam propter nos vtrique scripta sunt: quoniam debet in spe qui arat, arare: & qui triturat, in spe fructus percipiendi. Si nos vobis spiritualia seminauimus, magnum est si nos carnalia vestra metamus? Si alij potestatis vestræ participes sunt, quare non potius nos? Sed non vsi sumus hac potestate. Sed omnia sustinemus, ne quod offendiculum demus Euangelio Christi.



**N**on sum liber, &c. Hic B. Paulus exemplo sui ipsius confirmat superiorem doctrinam; & ait (vt habet Græca lectio) primò, *Non sum Apostolus*? Ex hoc enim sequebatur, quod vt Apostolus poterat de eorum obsoniis viuere, quibus verbum Dei ministrabat, iuxta datam Domini licentiam. *Non sum liber*? quia vocatus in libertatem, vt non teneretur sub pædagogò & legis illius vinculis. *Nonne Christum Iesum dominum nostrum vidi*? quod magnum fuit in carne immortalis, à quo accepit apostolatam, Spiritu sancto id postmodo aperiète manifestè, cum dixit. Segregate mihi Paulum & Barnabam, &c. *Nōne opus meum vos estis in Domino*? Hoc est quod superius ait, se per euangeliū eos genuisse, vt se Apostolū probet. *Et si alius non sum Apostolus*. Erat quidem & aliis Apostolus, verum quia in signiter illis, ita dixit: Licet aliis non essem, *sed tamen vobis sum*, quod ab effectu probans ait. *Nam signaculum apostolatus mei vos estis in Domino*, &c. Vide vt semper quum necessariū est illi semetipsum efferre, ac sua dona prædicare, cōsuevit dicere, in Domino. Ait ergo, Signum siue signaculum sui apostolatus fuisse ipsosmet Corinthios, vnde certò cognosci posset Apostolus.

*Mea defensio apud eos, qui me interrogant, hac est.* Erāt qui dubitabāt an ipse B. Paulus Apostolus inde eū non esse existimātes: quia de duodecim non erat, nec illius missio erat omnibus manifesta. Ipse verò hoc ab effectu ostendebat, & eo præsertim quē fecit in Corinthiis. *Nunquid non habemus potestatem manducandi & bibendi*? Videlicet apud eos, quibus ministramus verbū, & cætera spiritualia: Hic incipit ad rem propositam sui specimen & exemplum inducere, qui cum multorum haberet potestatem atque licentiam, tamen propter euāgelij maiorem atque vberiore prouentum abstinerebat.

*Nunquid non habemus potestatem sororem mulierem*, &c. Loquitur (vt nonnulli volunt) de sua vxore, quam vt expeditius discurreret prædicādo, non ducebat secū, sicut cæteri Apostoli, & fratres Domini. Et quod magis mirū videbatur, & iam Cephas ille princeps Apostolorum, qui illud sibi permittebat. Vocat autem sororem (vt existimo) quæ erat vxor: quia iam vt sorore, non vt coniuge utebatur. Vel quia Hebræa, aut etiā forte soror, in eo tamen gradu, quo licebat per legem habere illam coniugem. Vtebātur autem alij Apostoli ministerio mulierū ad multas cōmoditates, quas generoso quodā animo B. Paulus prætermittebat. *Aut solus ego & Barnabas non habemus potestatem non operandi*, id est, soli nos cōgimur operari manibus nostris, vt nobis quæramus victum? Quasi dicat esse absurdum in eodem gradu & officio existentibus, illud aliis licere & non nobis, vt autem ratione à simili ducta probet illa omnibus esse licita, ait:

In superstitiosos, qui nolunt aliquid accipere pro seruitio spirituali.

*Quis militat suis stipendiis vnquam*? Stipendia sunt obsonia. Et Dei seruum, id est, prædicatorem militi cōparat. Est enim miles Christi, qui pugnat pro Domino, vt auferat prædam hosti demoni. Quam obrem non debet carere stipendio suo. *Quis plantat vineam*, &c. Agricola est prædicator, præsertim qui primus fidem plātat, & verbum Dei, vitam veram, in cordibus hominum, qualis fuit B. Paulus, qui fundamētum posuit & plantauit: licet primus & principalis sit Deus, qui dat incrementum. *Aut*

*quis pascit gregem*, &c. Etiam se pastori assimilat: quia nos Domini grex sumus, illi autem etiam oues sub pastore magno Christo, nihilominus etiā pastores vicarij eius erant.

*Nunquid secundum hominem hac dico*? id est, iis solum exemplis, & humanis persuasionibus? an non insuper ex propriis probare possum vt Theologus? *An & lex hac non dicit*? Scriptum est enim in lege Moy si: *Non alligabis os boui trituranti*. Volebat lex bouem comedere paleas, in quibus laborabat triturando: & ideo prohibet alligari os boui trituranti. Sed non propter boues facta est lex illa, qua prospiceretur bobus: sed propter ipsos homines, vt inde discerēt quid in seipsis esset rationabile, si qui ad modum bouis in ecclesia triturarent, vt erant Apostoli, qui frumentum ex paleis, id est, ex carnali literatura pro aliis educebāt, vnde iustum erat eos etiam ex ipsis paleis, hoc est, bonis carnalibus pasci. Quod autem hic sit elegans, & proprius sensus Spiritu sancti in eo legis antiquæ mandato, probat ex eo quod sequitur.

*Nunquid de bobus cura est Deo*? id est, talis cura, vt propter boues condant Deus leges? Ridiculum. Curat enim Deus huiusmodi animalia per eos, quibus seruiūt. Indignum quippe Deo esset statuere pro illis quicquā. Nam seruitium quod nos ex eis capimus, illud ipsum nos abundè docet, eis esse prouidendū, ne seruitio ipso priuemur. *An propter nos vtiq; hoc dicit*: Hic est sensus, Quod verè propter Apostolos eorumq; successores facta est lex illa de bobus. Et assignat etiam rationē: quoniam est æquū & cōueniens, Dominum prouidisse seruis ac ministris suis ex labore ipsorum temporalia, quibus & promissit æterna. Alioqui qua in spe ambularent, qui viderent in minoribus & vitæ necessariis se destitutos? Tunc ergo laborant in spe cælestiū, quando sibi à Domino prouideri de necessariis in hac vita cōsiderant: quod est iam participare quodammodo spem suam, hinc nacti occasionem sperandi fructum verum. Quoniā si Deus Dominus prouidet corpori, quod vilius est, quantò magis animæ, quæ longè est præstantior? Et si in via, quantò magis in patria? Adiciit & huius diuinæ prouidentiae conuenientiam, dicens:

*Si nos vobis spiritualia seminauimus, magnum est si carnalia vestra metamus*. Hic incipit noua ratione ostendere, eos iure ac meritò accipere carnalia, qui in spiritualibus deseruiunt, ac si dixerit: Cum multò plus sit semen nostrum spiritualium, quàm sit vestra carnalium messis (Vocat carnalia, quæ vitam sustinent carnis) Quid magnum est si pro spiritualibus seminatis metamus carnalia?

*Si alij potestatis vestra*, id est, facultatū vestrarum, participant, cur non potius nos? Supple, cum nos simus primi fundatores, & non illi: Quidam exponunt, Si alij participant potestate, quā habent in vos accipiendi sumptus. Alij verò exponunt sic: Si alij qui sunt in potestate participant vestri, hoc est, bonorum vestrorum, quantò magis nos? Idem in re sensus, sed verba his expositionibus male aptantur. Melior ergo est prima. *Sed non vti sumus hac potestate*. Ipse enim & Barnabas laborabant propriis manibus pro victu, & necessitatibus corporis. *Sed omnia sustinemus*, &c. vt & alios hoc nostro exemplo doceamus.



Nescitis, quoniam qui in sacrario operantur, quæ de sacrario sunt, edūt. Et qui altario deseruiunt, cum altario participant. Ita & Dominus ordinavit iis qui euangelium annuntiant, de euangelio vivere. Ego autem nullo horum usus sum. Non autem scripsi hæc, ut ita fiant in me. Bonum est enim mihi magis mori, quam ut gloriam meam quis euacuet. Nam & si euāgelizauero, non est mihi gloria. Necessitas enim mihi incumbit. Væ enim mihi est, si non euāgelizauero. Si enim volens hoc ago, mercedem habeo: si autem inuitus, dispensatio mihi credita est. Quæ est ergo merces mea? ut euāgelium prædicans, sine sumptu ponam euangelium, ut non abutar potestate mea in euangelio. Nam cum liber essem ex omnibus, omnium me seruum feci, ut plures lucrificerem. Et factus sum Iudæis tanquam Iudæus, ut Iudæos lucrarer. Iis qui sub lege sunt, quasi sub lege essem, cum ipse non essem sub lege, ut eos qui sub lege erant, lucrificerem. Iis qui sine lege erant, tanquam sine lege essem (cum sine lege Dei non essem, sed in lege essem Christi) ut lucrificerem eos qui sine lege erant. Factus sum infirmis infirmus, ut infirmos lucrificerem. Omnibus omnia factus sum, ut omnes facerem saluos. Omnia autem facio propter euangelium, ut particeps eius efficiar. Nescitis quod ij qui in stadio currunt, omnes quidem currunt, sed vnus accipit brauiū? Sic currite, ut cōprehendatis. Omnis autē qui in agone contendit, ab omnibus se abstinet: & illi qui dem ut corruptibile coronam accipiant, nos autem incorruptam. Ego igitur sic curro, non quasi in incertum: sic pugno, non quasi aerem verberans. Sed castigo corpus meum, & in seruitutem redigo: ne fortē cum aliis prædicauerim, ipse reprobis efficiar.

*Nescitis quoniam qui in sacrario operantur, &c.* Probat idem quod superius autoritate legis, quæ facit dotibus sacra operantibus de sacrario providebat. Nec potest hic locus intelligi (ut quidam exposuerunt) de artificibus qui reparant templa, & manu laborant in templis construentes. Repugnat enim manifestē Græca lectio, quæ ait, οὐκ ὁδὸν ἔστιν οἱ τὰ ἱερὰ ἱεραγίστοις. Nescitis quod qui sacra operantur, & non dicit in sacrario operantur. Operari ergo sacra est proprium sacerdotū, qui ob eam rem de sacrario vivebant. Et qui altario deseruiunt. De diaconis verificatur qui assistentes ad obsequium sacerdotis, etiam, cum sacerdote de sacris manducant. Ita & Dominus ordinavit iis qui euangelium annuntiant, de euangelio vivere, id est, ex ipsa euāgelij operā victum accipere ex iustitia: quia æquum est seminantes spiritualia, stipendiis non destitui temporalibus, ut in spe coronæ alacrius etiam laborant.

Sed hoc in loco exoritur quæstio, Quomodo liceat pro spiritualibus accipere carnalia, cum dixerit Dominus: Gratis accepistis, gratis date, Et B. Petrus Simonē durissimē obiurgauerit, quia voluit pecuniam dare. Et habemus etiam exemplum Eli sari & Giezi. Sed aliud est vendere & emere spiritualia: aliud pro sustentatione vitæ aliquid accipere, idque à Deo ac Dei ordinatione: quam difficultatē explicauimus plenius propria quæstione propter molestos. Ego tamen nullo horum usus sum. Ut id persuaderet quod intendebar, videlicet propter officulum etiam à licitis abstinendum esse, & aliquid de suo iure remittendum.

Non autem scripsi hæc ut ita fiant in me. Hic amplius declarat à nobis iam dictum, nempe Apostolum ista scripsisse ad confirmandam eam doctrinam quam tradiderat, propter fratres esse abstinendum ab omni licentia seu potestate ostensionē infirmis porrigente. Remouet enim hoc quod fortē poterant credere, ne hæc ipse sui gratia dixisset ad anticipandum eorum animum, & obsequium in his: ideo dixit se non propterea ita scripsisse in gratiam sui peculiarem: & adiungit, Bonum est enim mihi magis mori, quam ut gloriam meam quis euacuet. Nam si euāgelizauero, &c. Mira loqui videtur Apostolus, quasi nulla debeat gloria implentibus præcepta Domini. Ergo nihil acceperunt gloriæ Apostoli propter prædicationem: quia & illi pariter acceperunt de ea spargenda mandatum. Et quomodo ergo aliās ipsemet dixit: Vnusquisque mercedem accipiet à Domino secundum suum laborem?

Respondetur. Homo electus à Deo, qui habet aliquid in præcepto, si id agat ut seruus, non sponte, facit quod debet. Dominus enim est qui iussit, & ut seruus inutilis censeretur debet, vitans tantum pœnam præuicationis. At is non habet gloriationem in opere quod fecit: quoniam mandato à Domino accepto tenebatur illud facere. Homo enim qui facit id quod tenetur, quid gloriationis habet? Væ illi si non fecisset: nam multis vapulasset. Propter quod dixit Apostolus: Væ enim mihi est si non euāgelizauero, & subdit:

Si enim volens hoc ago, mercedem habeo. Quia verò paulò seuerius videbatur inficiari, nullam esse facienti mandata Dei gloriationem, respondet repositam illi esse mercedem, qui fecerit mandatum volens, id est, non tantum seruiliter ad subterfugendam pœnam (aliās non factururus) sed pura obligatione extimulatus ad faciendum. Tales enim sunt mercenarij mali, & in timore serui adhuc constituti. Sed non talis Apostolus noster qui volens omnia faciebat. Signum autē certissimum quod volens faceret, ex eo capitur: quoniam prædicabat etiam sine sumptu, qui illi tamen debebatur, & quæ potuisset honestè petere aut rogare. At cum illud minime fecerit: ideo mercedē huius rei se vberiorē habere sperat, ut qui sincere ac libenter præcipienti Domino sit obsequutus. Si autem inuitus, id est, ob eam tantum causam agens, quia mādātum est: & solummodo ne Dominū offendam id facio, aliās non factururus, tunc dispensatio mihi credita est: i.

Matth. 10.  
Act. 8.

4. Reg. 5.

Nota locū  
difficilem.



perinde tractabor à Deo, atque seruus dispensator tractari solet: qui cum ratio solam hanc vim habet, & locum, vt si fideliter egerit non condemnetur: non tamen vt accipiat præmium, qui ea fecit, ad quæ faciendi ipsa obligatione astringebatur.

*Quæ est ergo merces mea?* Respondet istam nimirum esse, vt euangelium prædicans, sine sumptu ponam euangelium. Videri per hoc Apostolus ipse posset, huiusmodi mercedem aliis Apostolis detrachere, quos ea potestate vfos superius declarauit: ipse autem nullo pacto, de qua re insuper gloriatur. Sed absit vt alios iudicare voluerit. Neque hæc doctrina in eorum detractationem traditur, quasi illi non sponte euangelizauerint, sed propterea inuiti, quod vteretur ea potestate. Nam à B. Paulo id quodammodo exigebatur, vt fidem inueniret tãquam Apostolus, in euangelio: cum apud maleuolos non videretur esse ex magnis ecclesiæ columnis, & propter suscitaram à pseudoprophetis multam æmulationem, vt ipse declarat. Nō autem minus idem fecissent alij Apostoli, si ad maiorem euangelij fructum atque vtilitatem id fore vidissent. Abstinuissent etenim & ipsi libenter ob incrementum euangelij, scientes & ipsi optimè non quodcunque licet, etiam expetere. Alioqui abusi fuissent potestate illa, quæ non dabatur in euangelij demissionem, sed sustentationem, vt cui posset expeditius incumbere, id eo ait. *Vt non abutar potestate mea.* Fuisset enim illud abuti, si sumptum exigendo, suam euangelio autoritatem ademissent. Et in hoc erat gloriatio eius egregia, qui hoc signum dabat perspicue de sua liberrima in euangelizãdo voluntate citra vllam penitus coactionem. Scio Caietanum aliter exponere, quod tamen mihi magis placuit, protuli.

*Nam cum liber essem ab omnibus.* Probat se nulla in re abusum esse potestate, sed prouentum euangelij procurasse, vel omnem libertatem iustam sibi adimens. Libertatem vocat Christianæ legis à Iudaica seruitute: quoniam ipse inter omnes electus erat in libertatem propter scientiam de cessatione legis certissimam: quod quidem ab initio non ita erat omnibus cognitum. *Quoniam me seruum feci,* videlicet, Gẽtilium & Iudæorum, indulgens eorum moribus quantum fas erat, & morem illis gerens: quoniam inde lucrum non paruum accedebat euangelio.

De charitate B. Pauli eximia.

*Et factus sum Iudæis tanquam Iudæus, &c.* Non negat se Iudæum esse secundum carnem, sed non iam secundum legem: quod vt magis explicet, addit. *Iis qui sub lege sunt, quasi sub lege essem.* Qui enim se Iudæos dicebant, sub lege esse se profitebatur. Et his B. Paulus obsequebatur, quatenus licebat, ad eorū lucrum. *His qui sine lege erant, tanquam sine lege essem.* Gentes intelligit, quæ legem Dei scriptā non habebant, sicut Iudæi. Et his se conformabat B. Paulus gentiliter viuens, vt illos ad Christum adduceret, cū ipse nō esset omnino sine lege, sed in lege Christi: quæ licet liberaret à vinculis legis Moëos: attamen exigebat dilectionem proximi ampliorem. Ipse tamē imperfectis multa propter infirmitatem remittebat, quò illos Deo lucrificeret.

*Factus sum infirmis infirmus, &c.* id est, ignaris mysteriorum tanquam ignarus. Hi enim sunt infirmi in fide, qui ignari sunt legis, & trepidant: quia non sunt quasi possessores virtutis legis, cuius finem &

rationem ignorant. *Omnibus omnia factus sum, vt omnes facerem saluos.* Græcè melius, vt omnino aliquos saluos facerem, Magnum sacrificium zelus animarum. Nam sui ad omne hominum genus accommodatio (quantum licet) mirè facit ad attractionem, & ad aliorum conciliandam beneuolentiam, vnde potissimum est veritatis persuasio ad finem subsequenter. *Omnia autem* (inquit) *facio propter euangelium,* quatenus sine impedimento impleri posset, vt participes eius efficiar. Nam maxime eius particeps efficitur, qui pro illo sollicitè curat, & totum se ei deuouet.

*Nescitis, quòd qui in stadio currunt, &c.* Admonet hic eos vt expeditè se extendant ad palmā. Quemadmodum enim iis qui in stadio sunt, non satis est esse scriptos & paratos ad cursum, vt brauium capiant, sed datur in cursu superati: ita & in cursu spiritali vnus accipit, in quo vno continetur omnes qui, vt primi sint, contendunt. Nam qui in Christo sunt, omnes quasi vnus censentur. *Sic currite vt comprehendatis.* Etiam alia similitudine hortans, ait, *Omnis autem qui in agone contendit, ab omnibus se abstinet,* etiam licitis: imò verò & iis quæ prodesse corpori, vt voluptuosis: & hoc quidem ad coronam corruptibilem obtinendam. At nos pro incorrupta certamus. Et ista eiusmodi sunt, quæ magis considerationem requirunt, quàm expositionem.

*Ego quidem sic curro, non quasi in incertum:* Ne quis diceret, Infans Paule, qui nullo proposito tantorū laborum premio incertus curris & vagaris, sed ait: Imo certus sum de brauiio legitimè currentibus à Domino reddendo. *Sic pugno non quasi aerem verberans,* sed magis aereas potestates, quibuscum erat illi colluctatio & acerrimum bellum, vt alibi testatur. *Sed castigo corpus meum, & in seruitutem redigo.* A corpore enim, & per medium corporis, omnis est in nos conflictus. Corpore nostro ad nostram ruinam dæmones vtuntur tentantes, & ipse mundus. *Ne forte cum aliis predicauerim, &c.* Homo enim qui prædicat, si ea quæ prædicat nō facit, reprobus est vel suo testimonio, ipsa videlicet prædicatione sua, quæ illum condemnat, dum aliter viuit ac docet: quod tamē multi non cogitant. Quin sæpius qui elegantius loqui ad plausum populorum videtur, rarius domi cum corporis castigatione vitam degere solent, quibus satis est si concursum videant & turbam audientium. Sed ij maiorem damnationem sibi acquirunt, qui cum alios rectè doceant, eorum tamē cum vita propria pugnat sermo, quo sententiam referent ad supplicium æternum. Prima enim prædicatio in prædicantis vita relucere debet, vt maiores sint in regno cælorum, quemadmodum ait ipse Dominus.

CAP. X.



**N**O LO enim vos ignorare fratres, quoniam patres nostri omnes sub nube fuerunt: & omnes in Moyse baptizati sunt in nube, & in mari. Et omnes eandem escam spiritalem manducauerunt: & omnes eundem potum spiritalem biberunt (bibebant autem de spiritali, consequente eos, petra: Petra autem erat Chri-

Hac in la reticorum dogma, de apprehensione Christi per sui solam.



stus) Sed nō in pluribus eorum beneplacitum est Deo. Nam prostrati sunt in deserto. Hæc autem in figura facta sunt nostri, ut non simus concupiscentes malorum, sicut & illi concupierunt. Neque idola efficiamini, sicut quidam ex ipsis, quemadmodum scriptum est: Sedit populus manducare & bibere, & surrexerunt ludere. Neque fornicemur, sicut quidam ex ipsis fornicati sunt: & ceciderunt una die viginti tria millia. Neque tentemus Christum, sicut quidam ebrum tentaerunt, & à serpentibus perierunt. Neque murmuraueritis, sicut quidam eorum murmurauerunt: & perierunt ab exterminatore. Hæc autem omnia in figura continebantur illis. Scripta sunt autem ad correctionem nostram, in quos fines sæculorum deueniunt. Itaque qui se existimat stare, videat ne cadat.

**N**olo enim, &c. Prosequitur idem argumentum Apostolus, ne edantur idolothyta: nō solum propter scandalum, sed etiā ad idololatriam vitandam. Idcirco cum idololatriis omnem communicationem prohibet. Hinc autem commodè exorditur.

*Nolo autem vos ignorare fratres.* Docet eos ne confidant in solo baptismo, tanquam propter baptismum sint à Deo in peccatis tolerandi, ita ut eis imputare peccata liceat. Hoc autem monet maiorum exemplo, ne putarent Corinthij (sicut & hodie non die plerique falsò sibi persuadent) apprehendisse Christum per fidem, satis esse ad salutem. Id enim & B. Augustini tempore quidam arbitrabantur, falsi propter quosdam B. Pauli sententias male intellectas, quapropter scripsit ille librum de fide & operibus. Et hinc Apostolus ait:

*Quoniam Patres nostri omnes.* Vocat patres, maiores qui ex Aegypto ascenderant ad terram repromissionis. *Sub nube fuerunt.* Deus enim in egressu eorum parauit eis nubem, ut luceret per diem & viam ostenderet, & columnam ignis per noctem. *Et omnes mare transierunt.* Hæc patent in libro Exo. ca. 13. & 14. *Et omnes in Mosen baptizati sunt in nube & in mari.* Hoc intendit Apostolus, quod isti mundificati & sanctificati sunt in Mosen: non dicit in Christum, quia rem exponit ut figuram. Nam literaliter sanctificati sunt in hoc, ut per Mosen ducem essent digni terra illa promissionis. In hoc enim quodammodo geniti fuerunt, & facti populus Dei: quia crediderunt Deo, & Mosi seruo eius. Sic & nos etiam qui spiritualiter in baptismo nostro generamur, & credimus Deo, & Christo filio eius.

Sed ne quis putaret eis defuisse cibum spiritua-lem, quo & nos vegetamur, subdit. *Et omnes eandem escam spiritualem manducauerunt, &c.* Loquitur de manna, quod significauit corpus Domini, & in eius significatione etiam illi sustinebantur nondum habentes veritatem: quia eam nondum ferre poterant. Erant enim sub lacte adhuc: quo tempore nō erat congruum coqui hœdum, sicut scriptum erat. Nō

coquas hœdum in lacte matris. Coquitur hœdus; quum Christus in cruce affatus immolatur. Loquitur etiam de aqua Petre, ubi fuit contradictio. *Bibebant autem de spirituali,* in velamine tamen & implicita fide in Mosen, *de Petra consequente eos*, id est, de Christo futuro, cuius præuisa merita etiam illis profuerunt. *Petra autem erat Christus.* Non dicit de Petra illa, quod esset Christus, sed de eo quod intelligebatur in illa. Illa igitur petra erat Christus, non quæ significabat, sed quæ significabatur in illa materiali. Et verè dicit eandem escam spiritua-lem, qua nos pascimur: & eundem potum spiritua-lem, scilicet quo nos potamur. Licet illi in figura acciperent, & implicita fide: nos in veritate & fide explicita, velatum tamen adhuc, sicut erat manna illud. Itaque nō placet quouis modo ut dicas. Ideo spiritualement escam & potum dici, quia autore Spiritu miraculosè descendeat. Sed ob hoc dicuntur esca & potus spiritualis: quia spiritualement alimoniam præbebant, non in seipsis, sed Dei virtute in illis existente: si tamen ex fide, & in spe æternorum ipsi acceperint: propterea subiunxit:

*Sed non in pluribus eorum beneplacitum est Deo.* Quādoquidem & si ipsi ad illud iter baptizati fuerint, digni habiti qui viam ingrederentur: & adhuc prouitum illis fuerit de viatico in esu & potu, tamen Deus non sibi complacuit in maxima illorum parte: quoniam non elegit eos electione illa certa: Ita ut ex infinita propemodū illa multitudine, quæ ex Aegypto liberata desertum intrauit, duo tantum promissionis terram ingrederentur ac possiderent, Iosue scilicet & Caleph. Qua historia, velut ex figura, accipienda est doctrina de vera terra celestis promissionis, ut non quotquot baptizati fuerint aqua, & cibati fuerint & potati corpore & sanguine Iesu Christi, hi omnes sint illam ingressuri: sed similiter eueniet istis atque illis euenit.

*Nam prostrati sunt in deserto, &c.* Et hæc fuerunt figure ad doctrinam nostram, ne simus concupiscentes malorum. Hinc enim principium malorum, nimirum à concupiscentia, quæ est radix omnium peccatorum. *Neque idololatra efficiamini, &c.* Notè sunt hæc historiae. Illud tantum quæstionē mouet, quod hinc dicuntur cecidisse viginti tria millia, cum vetus scriptura habeat viginti quatuor millia. Vnde quidam putant hunc locum esse corruptum. At cum omnes codices tam greci, quam latini concordent, melius est integram seruare literam, si fieri potest. Itaque alij dicunt, in maiore numero contineri & minorem. Sed hoc minime hic recipiendum est: quia quoties ad exprobrationem aliquid dicitur (quemadmodum hoc in loco Apostolus faciebat) plenus atque integer numerus exprimendus est. Mihi igitur magis placet, ut teneamus ab Apostolo verè scriptum, una die. 23. millia occisa fuisse. At vetus quidem scriptura (ut est etiam verisimile) non una die dicit hoc factum, sed primò iussos suspēdi principes, deinde iussos occidi, & tum numeratis omnibus extitisse viginti quatuor milia, sed una die, quando magnus fuit furor. 2. 3. millia tantum fuisse, facile sustineri potest, id quod ait Apostolus: non enim ab re addidit, una die.

*Neque tentemus Christum, sicut quidam ex eis tentaerunt, nimirum Christum.* Ipse enim erat ille qui loquebatur ad eos. Vnde apud Isaiam. Ego, inquit,



In Arianos.

qui loquebar, ecce adsum. Et quia Deus erat, qui loquebatur: Christus igitur Deus erat. Neque murmuraueritis, sicut quidam eorum murmurauerunt, & perierunt ab exterminatore. Hic erat ignis, qui Domini iussu post interfectionem Core & Dathan & Abiron, sauit in ducentos quinquaginta viros, qui offerebant incensum. Hæc autem omnia figurarum plena, contingebant illis: non tamen ut ad figuram tantum seruirent ea contingebant, sed ex certis causis & meritis, quibus ipse Deus est usus pro nobis, & protulit in exemplum, ut in his quasi in figuris discamus, & teneamus veram viuendi normam: vnde ait,

De fructu Veteris scripturarum.

Scripta sunt autem ad correptionem nostram, in quos fines seculorum deuenerunt. Hoc primum aduersus eos militat, qui scripturas veteres reiciunt, quasi minime necessarias: cum tamē maxime propter nos sint, in quos fines seculorum deuenerunt, id est, in quos nouissima lex & ætas peruenit. Inuitat igitur ut inde capiant instructionem: & ne fidant eis, in quibus non impletur salus, ut sunt pura sacramenta: quia sine charitate; & bonis operibus, nihil prodest baptismus, nec fides. Vnde & concludit.

Itaque qui se existimat stare, nimis fidens ac sine timore, & despiciens alios: Videat ne cadat, id est, careat a casu, qui ei proximus impendit. Nihil enim est quod magis mereatur casum, quam in seipso fidere, & alios spernere, nulloque timore teneri. Et hoc in loco non obscure ad maiores illos inter Corinthios sermonem hunc dirigit, qui putabant se ob scientiam & libertatem nouam præ ceteris stare, quasi eis essent licita omnia, nulla ferè habita ratione offensionis infirmiorum in fide: qui tamen ab eis tanquam à perfectioribus, sustentari ex charitatis lege debebant.

Tentatio vos non apprehēdat, nisi humana. Fidelis autem Deus est, qui non patietur vos tēari supra id quod potestis: sed faciet cum tentatione etiam prouentum, ut possitis sustinere. Propter quod charissimi mihi, fugite ab idolorum cultura. Ut prudentibus loquor: Vos ipsi iudicate quod dico. Calix benedictionis cui benedicimus, nonne communicatio sanguinis Christi est? Et panis quem frangimus, nonne participatio corporis Domini est? Quoniam vnus panis, & vnum corpus multi sumus, omnes qui de vno pane, & de vno calice participamus. Videte Israel secundum carnem: Nonne qui edunt hostias, participes sunt altaris? Quid ergo? Dico quod idolis immolarum, sit aliquid: aut quod idolum sit aliquid? Sed quod quæ immolant Gentes, demoniis immolant, & non Deo. Nolo autem vos socios fieri demoniorum. Non potestis calicem Domini bibere, & calicē demoniorum. Non potestis mensā Domini participes esse, & mensā demoniorum. An æmulamur Dominum? Nunquid for-

tiores illo sumus? Omnia mihi licent, sed non omnia expediunt. Omnia mihi licet sed non omnia ædificant. Nemo quod suum est, quærat, sed quod alterius.

Prouidens Apostolus eorum saluti, quæ valde in timore consistit, ne quis derelinquatur à Deo, qui tum maxime deserit, quum ita postulantibus hominum peccatis, inducit in tentationem ad puniendam temeritatem, dixit. Tentatio vos non apprehendit nisi humana. Humana tentatio est, quæ ex humana fragilitate descendit. Et hæc tentatione homines probari oportet, ad probationem quidem, non autem in pœnam. Hæc tentatio non solum non est noxia, sed salutaris admodum, & utilis. Et illa est de qua dicitur: Qui non est tentatus, quid sit? Est verò alia tentatio, quæ est in pœnam peccati: & hæc est quam fugere debemus. Nam de hac dicitur: Orate ne intretis in tentationem. Quapropter ab ipso veritatis Magistro relicta est nobis in oratione instructio illa cotidie repetenda. Et ne nos inducas in tentationem. Huic enim tentationi nullus resistit: quia Deus æquissima sententia eum, qui ob duritiam & contemptum in illam incidit, derelinquit. Tēatus est & B. Petrus, qui de seipso præsumens sibi videbatur fortis, & nunquam negaturus. Non autem tentationi resistit, sed succubuit: quia præsumpsit in seipso, & propterea meruit à Deo destitui.

Monet igitur Apostolus ut timeant ne in tentationem mittantur: vbi satis ostendere videtur, ad illam usque diem eos non fuisse aliam tentationem expertos, quam humanam, quæ dari solita est ad probationem, non autem ad casum, & ruinā: qualis est illa, quando homines traduntur ob scelera sua in reprobum sensum, & diabolicas contra Deum cogitationes & blasphemias.

Fidelis autem Deus, qui non patietur vos tēari supra, &c. Fidelem vocat Deum, quia quod incipit, etiam perficit: & ex parte sua nunquam deficit à promissis. Promisit autem, cum nomen dedimus, iuuare nos usque in finem. Sed faciet etiam cum tentatione prouentum, &c. Sensus est: Quoniam tentatio exercet hominem ad patientiam, inde erit exitus bonus. Si quidem poteritis Deo adiutore sustinere: qui dat vim ac fortitudinem neuincat inimicus. Qui dat gratiam, ut in certamine mereamur. Qui dat perseverandi constantiam, ut victoriam tandem ex omnibus tēationibus & tribulationibus cum lætitia reportemus.

Propter quod charissimi mei, fugite ab idolorum cultura. Hoc potissimum in illis metuebat B. Paulus, ut satis innuit. Neque enim iam erat hæc humana tentatio. Vbi enim est tumor & arrogātia, nec acquiescit homo sanis sermonibus, & maiorū præceptis: hic certè non humanam patitur tentationem. Est enim superbia Satana: hæc, qua Deus prouocatus finit hominem in barathrum flagitiorum corrumpere. Nimis enim amando sententiam suam, aut inuidendo melioribus usque ad præscindendā communionis, & condendi schismatis, vel hæresis sacrilegium peruenire, diabolica est præsumptio, ait B. Augustinus.

Ut prudentibus loquor: Vos ipsi iudicate quod dico. Rē manifestat ipsos propter veritatē perpicuam con-

Differentia inter tentationes.

Eccl. 1. 1. Luc. 22.



stituēs arbitros, vt prudentes. *Calix benedictionis cui benedicimus, nonne communicatio sanguinis Christi est?* Vocat calicem benedictionis: quia in eo, & per eū benedicimur omnes, quicunque de eo participamus. Dicit, *cui benedicimus*, videlicet consecrando. Dicit insuper esse communicationem sanguinis Christi, non in signo, sed in efficacia: quia quicumque sumit, communicat in Christi sanguine, quo alitur participans salutem in membrum Christi viuum.

*Et panis quem frangimus*, nimirum panis spiritualis, cuius species franguntur post benedictionem, id est, consecrationem, sumentes siue dantes. Fractio ipsa est specierum, non corporis Christi. Et tamen dicitur panis: quia sub illis continetur Dominus & latet, & semper est post benedictionem. Hic ergo panis factus nobis cibus: *Nonne communicatio corporis Christi est?* videlicet accipiētibz illum. Operatur enim hac in nobis dignē & cū frequē ratione sumentibus, inuisibiliter: vnde subdit,

*Quoniam vnus panis, & vnum corpus multi sumus.* Nota quā verē dixerit, *vnus panis*, & non plures. Ideo multi qui de illo edunt, in vnum iunguntur, & vnum corpus fiunt: quemadmodum ex multis granis vnus panis, & ex multis membris vnū efficiuntur corpus. Magnum certē pietatis sacramentum: magnum signum vnitatis: & arctissimum charitatis inter nos vinculum. Qui vult viuere (ait B. Augustinus) habet vnde viuatur. Accedat, credat, incorporetur, viuificetur. Non abscedat à compage membrorum: non sit putre membrum, quod secari mereatur. Nō sit distortum, de quo erubescat. Sit pulchrum, sit apertum, sit sanum, hāreat corpori. Viuat Deo de Deo. Nunc laboret in terra, vt postea viuat in cælo. Hunc itaque cibum & potum, societatem vult intelligi corporis & membrorum suorum, quod est sancta ecclesia in prædestinatis, & vocatis, & iustificatis, & glorificatis sanctis & fidelibus eius. Quorum primum iā factum est, id est, prædestinatio. Secundum & tertium, & factū est, & fit, & fiet, id est, vocatio & iustificatio. Quartum verò nunc in spe est, in re autem futurum est, id est, glorificatio. Vnde bene subditur:

*Omnes enim de vno pane, & de vno calice participamus.* Patet igitur per panem non intelligi species, quæ multæ sunt & variæ, sed panē verū & viuum, contentum tamen sub illis speciebus. Et similiter calicem vocat sanguinem, qui verē est in calice, nō qui solum significatur, vt noui heretici blasphemantes asseuerant.

Quo in loco considerandum prudenti lectori (in re præsertim grauissima, & exploratissima atque compertissima in ecclesia) quā sit periculosum velle disquirere paulō curiosius de cauillis hereticorum. Qui enim non accedunt ad scripturas cum plena fide eorum quæ docet, & semper docuit ecclesia Dei sancta, facile hi mittuntur in tentationem, ac permittuntur decipi à Satana, & per sophisticas eius argutias deludi. Ecce venerūt noua viperarum genimina, qui negare ausi sunt in sacramento Altaris non esse verum corpus, & verum sanguinem Domini. Alij verò esse quidem, sed esse simul cum pane. Volunt enim manere panem, & ibi esse cum corpore: contra quos ecclesia sancta Dei determinauit. Nunc rem vide mirabi-

lem, vt intelligas quales sunt scripturæ, & qualem requirunt lectorem, cum verba Christi & B. Pauli ita sint posita, vt quisque existimet ea stare pro sua sententia. Ecce qui dicunt non esse ibi corpus Christi, abutuntur hoc Apostoli loco: ait Apostolus. Panis quē frangimus. At corpus Christi non frangitur. Non ergo panis est corpus Christi. Est igitur ibi panis, & non corpus Christi. Similiter & Lutherani, qui volunt ibi cum corpore Christi ad esse & panem cōmunem: Ecce (inquiunt) quia de pane dicitur quod frangitur. At species panis non sunt panis, & ipsum Christi corpus non frangitur.

Tu autem lector Catholica, vide iniquitatem. Quæro enim ab illis. Quomodo de pane communi verificatur quod est communicatio corporis Christi? Et quomodo multi sumus vnus panis? Et quomodo participamus omnes de vno pane? cū si de communi pane intelligant, plurimi sint panes, non vnus. Cum igitur rigorem verborum ipsimet violent, & ad nouas glossas oporteat eos recurrere, cur non potius consentiunt cum ecclesia, & cū traditionibus Patrum, & Sanctorum doctrinis? præsertim cum à modo loquendi hominibus consuetudo non abhorreat illorum expositio. Dicitur enim frangi, & manducari: quia & species franguntur, & ipsummet corpus spiritualiter frangitur & manducatur, cum sumitur fide, & de Spiritu eius ac plenitudine quisque suam partem trahit. Nam & ipse Dominus dixit: Hoc est corpus meū, quod pro vobis frangitur. Illud omnino summæ impietatis fuit, quod enixus est Oecolampadius, veterum sententias ad suam exectandam impietatem detorquere. Sed ab Episcopo Roffensi gloriosissimi nostræ ætatis Martyre verē & elegantissimē confutatus est.

*Videte Israel secundum carnem.* Addit & aliud exemplum, vt ex multis fortius & efficacius concludatur. Vocat Israel secundum carnem illum populū, quatenus considerabatur iuxta carnale sacrificiū, non iuxta spirituale, & ait: *Nonne qui edunt hostias participes sunt altaris?* Quid est dicere, participes sunt altaris, nisi quod quodammodo simul consecrantur, & à prophanis distinguuntur, vt immunitates ab altari accipiant, tanquam signati Deo cum altari, vt quod offertur altari, eorum cedat sustentationi? Hoc enim patebat in Israele adhuc carnali, qui hostias offerebat iam vanas & odiosas Deo, vt per Isaiam testatur.

*Quid ergo?* Hic à semetipso inquit, quid ex his velit concludere: quoniam malus quidam sensus poterat accipi facta cōclusionē ex præmissis: ideo illum excludit, & bonum deinde aperit. *Dico quod idolis immolatum sit aliquid?* quasi dicat. Minime. Non est enim vlla potestas idolis data afficiendi sacrificia, ac per hoc nec sacrificantes, sicut est penes Deum. Deus enim per Christum sanctificauit omnia. *Sed quod duæ immolant Gentes, & demoniis immolant, & non Deo:* ac si dicat. Hæc est mea tandē sententia, ipsas Gentes semetipsas prophanare, dum immolant demoniis, & non Deo: quoniam se ipsas huiusmodi immolatione à Deo separant, qui meritō irritatur videns suum honorem idolo tribui, quod nihil est. Quare illæ elōgatæ à vero Deo, traduntur demoniis (quibus sacrificāt) Dei iusto iudicio, vt in ipso suo peccato puniātur, & pereant.

Nota.

Episcopus  
Roffensis  
Martyr.Maximū  
& periculō-  
sissimum  
peccatū est  
idololatria.Pro Veritate  
corporis  
& sanguinis  
Christi  
in sacra-  
mento.



*Nolo autem vos participes esse demoniorum.* Quod certe esset immolatio illis: aut etiam de immolatis comedendo cum Gentibus. Nam in eo facto etiam profectio erat participationis. *Non potestis calicem Domini bibere, &c.* Aduersatur enim demones Deo. Et cum ita sit, necessario euenit, ut qui vnus est particeps, ab altero sit alienus.

*An emulamur Dominum?* id est irritamus ad emulationem, illum perinde prouocantes, atque in amore fieri solet? Amans enim tunc valde prouocatur, quando ab amato, qui alteri se adiungit, deseritur. Cogit enim amantem ut & alium ipse quoque inueniat, cui se adiungat: ut similiter e contrario irriter eum qui prouocauit. Et in huiusmodi altercatione atque emulationis pugna, semper vincit qui est fortior. Ille autem fortior, qui minus indiget amato: & potest absque illo non minus feliciter viuere, ideo ait B. Paulus. *Nunquid fortiores illo sumus?* ut possimus audacter eum prouocare, quasi non indigeamus illo, & ipse potius nostri indigeat? Aut quasi nequeat sibi alios adoptare in odium nostrum? Hoc tamen & ipse facere consuevit, sicut scriptum est. Ipsi me prouocauerunt in eo qui non erat Deus, & ego prouocabo eos in eo qui non est populus. & in Gente stulta irritabo illos. Hæc Dominus in Cant. Deut.

*Omnia mihi licent.* Quid est: Omnia mihi licent, nisi (ut iam dictum est) quæ non sunt mala ex se, ut comedere idolothyta? *Sed non omnia expediunt:* quia non conferunt ad ædificationem proximi, & maxime fratris infirmi: ideo apertius declaras, ait: *Omnia mihi licent, sed non omnia edificant,* quod tamen præcipue intendere debemus: *Nemo quod suum est, querat, sed quod alterius,* id est, non querat libertatem, quæ sua est: quia in ea constituit nos Dominus. Nec querat quod alioquin sibi deberetur, reuerentiam, honorem, ut sibi deferantur tanquam scienti & sapienti. Hæc non debet querere qui recte sapit in Christo: sed quicquid quod alterius est, querat. Hæc autem à maioribus debentur inferioribus, doctrina, consilium, exemplum, compati, & infirmari, cum simus membra vnus corporis, & sub illo capite Christo, qui non sibi placuit, sed propter nos factus est infirmus, egenus, & opprobriis expositus, & tandem acerbissimæ mortis cruciatibus interfectus.

Omne quod in macello vanit, manducate: nihil interrogantes propter conscientiam. Domini est terra, & plenitudo eius. Siquis vocat vos infidelium ad cœnam, & vultis ire, omne quod vobis apponitur, manducate: nihil interrogantes propter conscientiam. Siquis autem dixerit: Hoc immolatum est idolis: nolite manducare propter illum qui indicauit: & propter conscientiam, conscientiam autem dico non tuam, sed alterius. Ut quid enim libertas mea iudicatur ab aliena conscientia? Si ego cum gratia participo, quid blasphemor pro eo quod gratias ago? Siue ergo manducatis, siue bibitis, vel aliud quid facitis, omnia in gloriam Dei faci-

te. Sine offensione estote Iudæis, & Gentibus, & ecclesiæ Dei: sicut & ego per omnia omnibus placeo, non quærens quod mihi utile est, sed quod multis, ut salui fiant.

*Omne quod in macello, &c.* propter conscientiam, scilicet alicuius infirmi assistentis ne lædatur, si appareat quid immolatum, ut inferius declaratur. Et ratio est, quia *Domini est terra, &c.* ac si dixerit. Nihil potest esse ob id affectum idolo, quia idolo sacrificatum sit: quoniam Dominus terræ iam non est Satan, sed Christus. *Si quis vocat vos infidelium, &c.* Nota, Non illis prohiberi ne valeant cum infidelibus commisceri in cœnis. At hoc fuit in primitiuo illo feruore, ut perspecta illi Christianorum honestissima vita in parsimonia, & sermone sancto, ad fidem traherentur: quanquam nec prohibeatur nunc, nisi cum Iudæis perfidis, propter eorum in cibis superstitionem. Vnde & propter hoc prohibebatur olim Iudæis inire amicitias & conuiuia cum idololatriis. *Omne quod vobis apponitur manducate, &c.* expone ut supra. *Si quis autem dixerit: Hoc immolatum est idolis, &c.* Oportet duo iungi ne edat, videlicet esse hominem indicantem, propter quem debeat abstinere: & conscientiam alicuius, quæ ex eo facto lædatur, dum ædificatur similiter ad comedendum quod esse malum putat. Alioqui non satis esset id scire, si alius non male edificaretur. Propter quod subdit, *conscientiam autem dico, non tuam, sed alterius.* Tuam, id est, qui scis immolatum & idola nihil esse. *Alterius,* id est, infirmi in quo non est hæc conscientia.

*Ut quid enim libertas mea iudicatur ab aliena conscientia?* Sensus est: Quod non debet libertas mea ab aliena conscientia in se pati detrimentum, ut minus sim liber in veritate. Et hoc est quod ait: *iudicatur,* quoniam aliena conscientia non potest mutare de ipsa re iudicium. Et tamen cum hoc rectissime stat ut charitate urgente non debeam uti libertate mea, propter conscientiam alterius. *Si enim ego cum gratia participo, quid blasphemor pro eo quod gratias ago?* Ostendit manducare huiusmodi de se non esse peccatum, sed potius peccatum erat ignorare, & ex ignorantia blasphemare eum quasi male agentem, qui non male agit, cum gratias agat vero Deo, & ita decere bonum, malum: quod est blasphemia in Deum, saltem materialiter. Hæc autem adiecit ut infirmos doceret, & ab ea ignorantia ac superstitione amoueret. Nota etiam hoc in loco, gratiarum actionem in sumptione cibi fuisse de more, & ex debito. Quod à me ea ratione dicitur, ut vereantur Christiani omnes, sed in primis Prælati, cibum antè sumere, quam benedictione aliqua sanctificauerint, & demum sumpto cibo, gratias Deo omnium largitori agant, ne cibus immundus remaneat. Scio enim à multis etiam qui maiores videntur, hac in parte peccari. Et tamen qui in mensa sunt digniores, ad consecrationem & gratiarum actiones referendas iure ac merito debent esse primi, & non sinere per inferiores id fieri, si honoris diuini, & grati erga Deum animi esse velint. Dignior enim & maior debet in Deo laudando esse feruentior. Ad quod hortatur passim omnes Apostolus, & ait:

28. q. 1. 6  
Omnia



*omnis no-  
stra actio  
in gloriam  
Dei dirig  
debet.* Sine ergo manducatis, sine bibitis, vel aliud quid faci-  
tis: omnia in gloriam Dei facite. Hoc est præceptum  
quod seruari debet ab omnibus & in omnibus, vt  
saltem virtualiter habeat quis in animo se velle in  
gloriam Dei facere quæcūque faciat: quia omnis  
nostra actio in illud disponi & tendere debet, vt  
glorificetur Deus, & non aduersaria potestates.  
Nam ob hoc damnatur idolothytum esus, qui in  
gloriam dæmoniorum fieret. Sine offensione estote lu-  
daeis & Gentibus. Hic monet non vtendum liberta-  
te, quando posset ex ea porrigi scandalum, iudaicis  
quidem propter suas religiones ex lege, tamen si iā  
cessassent: & Gentibus, ne cogerentur ad iudaicos  
ritus: Et ecclesie Dei, ne cum idololatriis videantur  
participare. Sicut & ego per omnia omnibus placeo.  
Quid est autem quod alibi ait: Si hominibus pla-  
cerem, Christi seruus non essem? Sed ibi homines  
(vt homines sunt) accipiuntur. Hic illis se placere  
ait, qui recti sunt sensus. Quamquam hic proculdu-  
biō verior sensus est, Ea ratione Apostolus omni-  
bus placebat: quia omnium se moribus accommo-  
dabat, & quantum in se erat, nihil præbebat occa-  
sionis, quominus placere deberet: quin e contra-  
riō se potius inclinans (vt fas erat) in obsequium  
omnium. Vnde declarat quo animo ita erga om-  
nes studiose se gerebat, non quasi assentator ali-  
quis, aut auaritiæ deditus, vel ad inanem gloriam  
aspirans, & ait:

*Non quarens quod mihi utile est, sed quod multis, vt  
salui fiant, æterna & fœlicissima salute.* Ecce quo-  
modo placebat, nimirum ex charitate, & propter  
salutem aliorum. Talis est charitas, quæ nō quæ-  
rit quæ sua sunt: sed quæ sunt Iesu Christi. Ne autē  
videretur leuioris alicuius magistri sectator, & nō  
potius illius, in quo sunt omnes thesauri sapien-  
tiæ & scientiæ Patris absconditi (quoniam subdi-  
ti prælatos non tenentur in omnibus sequi, sed in  
quibus illi Christum imitantur) ideo rectē conclu-  
dit Apostolus, & vtrunque complectitur aiens.  
*Imitatores mei estote, sicut & ego Christi.* Et est ex-  
hortatio vt infirmetur cum infirmis, sicut ipse B.  
Paulus in hoc ipso imitans Christum, infirmaba-  
tur. Nam Christus hoc primum & maximē fecit.  
Pertinent ergo verba hæc ad superius caput, vt  
quod sequitur: Laudo autem vos, sit sequentis ca-  
pitis initium.

## CAP. XI.

**L**AUDO autem vos fratres,  
quod per omnia mei memo-  
res estis, & sicut tradidi vobis  
præcepta mea tenetis. Volo  
autem vos scire, quod omnis viri caput,  
Christus est: caput autem mulieris, vir.  
Caput verò Christi, Deus. Omnis vir o-  
rans aut prophetans velato capite, detur-  
pat caput suum. Omnis autem mulier o-  
rans aut prophetans non velato capite,  
deturpat caput suum. Vnum enim est, ac  
si decalueretur. Nam si non velatur mu-  
lier, tondeatur. Si verò turpe est mulieri  
tonderi aut decaluari, velle caput suum.  
Vir quidem non debet velare caput suū:

quoniam imago & gloria Dei est: mulier  
autem gloria viri est. Non enim vir ex  
muliere est, sed mulier ex viro. Etenim  
non est creatus vir propter mulierē: sed  
mulier propter virū. Ideo debet mulier  
velamē habere supra caput suum, & pro-  
pter Angelos. Veruntamen neque vir  
sine muliere, neque mulier sine viro in  
Domino. Nam sicut mulier de viro, ita  
& vir per mulierem. Omnia autem ex  
Deo. Vos ipsi iudicate. Decet mulierem  
non velatam orare Deum? Nec ipsa na-  
tura docet vos, quod vir quidem si co-  
mā nutriat, ignominia est illi: Mulier ve-  
rò si comam nutriat, gloria est illi: quo-  
niam capilli pro velamine ei dati sunt. Si  
quis autem videtur cōtentiosus esse, nos  
talem consuetudinem non habemus, ne-  
que Ecclesia Dei.

**H**IC incipit septima pars, vbi de cæremonia  
quadam superstitiosa tractat, qua utebantur  
Corinthij in orando ac prophetando. Quo in lo-  
co nescio vtrum lector in aliorum expositionibus  
conquiescat. Ego quod mihi verius visum est, libe-  
rè proferam.

Admoniturus Corinthios hac de re Apostolus,  
cœpit eos laudare generaliter. Et secūdam codices  
Græcos ita legitur. *Laudo autem vos fratres, quod om-  
nia mea meministis. Et sicut tradidi vobis, præcepta mea  
tenetis.* Sensus est apertus. Laudat eos ob tenacem  
præceptorum eis ab Apostolo traditorum memo-  
riam. *Volo autem vos scire.* In primis docet: quoniam  
admonitionem, veritatis doctrina debet semper  
præcedere in re non satis nota. *Quod omnis viri ca-  
put, Christus: caput autem mulieris, vir: caput autem  
Christi, Deus.* Caput ratione dignitatis & guberna-  
tionis. Non enim dubium quin viri caput sit Chri-  
stus, ex quo, & per quem omne donum & gratia  
effluit, quasi ex capite in membra. Ita & mulier  
subdita est viro, maximē post antiquū illud suum  
peccatum, vt caput eius vir indicetur. Hinc verò  
sequitur.

*Omnis vir orans, aut prophetans velato capite, detur-  
pat caput suum.* Egregiè expressit latinus interpres  
sententiam dicens, *velato capite*. Græcè habetur  
*κατὰ κεφαλῆς ἵχου*, id est, super caput habens, videli-  
cet ponens aliquid vt oret, seu prophetet solemniter.  
Quo in loco reprobatur quidam Iudæorū &  
Gentilium ritus, quo utebantur prophetantes seu  
orantes, id est, diuina proferentes: quoniam vela-  
bant capita sua: quo etiam nūc meritō iuxta suam  
fidem vtuntur, cum illis nondum venerit caput eo-  
rum Christus. Contrā autem obseruabatur in mu-  
lieribus, quæ sparsis crinibus orabant: sicut etiam  
Plutarchus scribit hunc morem in funeribus ob-  
seruari solitum. Nam luctum suum viri agebant  
velato capite. Mulieres verò sparsis crinibus plora-  
bant defunctos: qui mos adhuc etiam quibusdam  
in locis hodie seruatur.

Sed B. Paulus hanc superstitionem in orando  
& prophetando auferre satagit: quoniam in publi-

*Prisca cære-  
moniā in  
ecclesiis ob-  
seruantia.*



cis orationibus, & prophetiarum expositionibus, utendum est cæremoniis conuenientibus propter significationem. Itaque primum de viro orante & prophetante admonet, non debere illum velare caput suum quia deturpat illud. Quomodo verò illud deturpat? quia scilicet in capite suo debet Dei gloriam significare. Significat autem gloriā Dei, dum illum suum esse cōditorem indicat, seque ad illius imaginem conditum. Et hoc maximè ostenditur in capite: quoniam ibi potissimum sensus viget, & inde apparent quæ sunt ipsius mentis latetia. Si igitur velit vir velare caput suum, hoc facto quasi Dei imaginem deturpat: & suum mysticum caput, quod est Christus, non vult efferre & aperte confiteri. Vnde & Iudæi congruè ex antiquo more adhuc orant velato capite & prophetant, ostendentes hoc signo nondum esse reuelatam sibi gloriā Dei. Nā illis nondū est reuelatus Christus.

At contra est omnino in muliere: Ipsa enim debet velare caput suū orans & prophetās. Quid ita? Et cur tanta inter virum & mulierem differentia? Respondetur: quia mulier non velans, turpat caput suum. Et enim non velando ostendit se sine potestate esse, & sine viro: & ita minimè sub ordine, quem illi præstituit Deus cum illam subiecit viro, & ideo deturpat caput suum. Sicut enim vir, quod est propriæ gloriæ sibi ab ipsa natura datum velando deturpat: quia in suæ gloriæ obnubilatione (quæ significatur in capite suo) etiā gloria Dei obnubilatur: Ita vice commutata mulier, quod est suæ gloriæ, non velando deturpat caput suum. Gloria autem mulieris est, eam subiectam esse viro: quod ostendit velando caput suum. Quare & natura ipsa videtur hoc docere. Masculo autem ipsi turpe est naturaliter nutrire comā. Nam si faciat, probro illi & vituperio vertitur: quoniam non oportet viris ad decorum sui capitis addere vllum velū, si fortè cesaries deficiet. Faciunt enim ut dicantur effœminati, quia sic se faciunt fœminas, & ideo deturpant caput suum.

At mulieri non est turpe nutrire comam, quia dedit ei natura pro velamine & gloria. Cōsequēs igitur est ut debeant fœminæ etiam isto signo cæremoniali consentiendo naturæ, velare caput suū orando, & prophetando. in hoc profitentes se habere virum & potestatem eius super seipsas. Vnde & olim cum dabantur nuptui, velabant caput: & ipsæ quoque nuptiæ ab obnubendo dictæ sunt, unde & nubere. Est & in scriptura veteri de Rebecca quæ ubi primum agnouit virum suum Isaac, citò obuoluit pallio caput, profitens se esse sub viro, & non ostentans gloriam propriam in capite, assistente & præsentem viro. Quæ innuptæ sunt, comam interim ostentant. Quæ verò virginitatem profitentur, etiam tondentur, abiicientes à se gloriam, quā natura eis indidit à viro. Et dum sacrum assumunt velamen, profitentur sacrum cum Christo coniugium, in quo est signum quod spreto mortali coniuge & viro, nouum sibi sponsum Christum Dominum asciscunt.

*Omnis autem mulier orans, aut prophetans non velato capite, in quo est professio potestatis viri, deturpat caput suum. Quia nō eum profitetur virum quē debet. Vnum enim est (hoc est) Idem est ac si decaluetur, aut ac si radatur. Mulier igitur non velata oras*

ita deturpat caput suum, quod est vir, sicut propriū caput deturpat & rasa: quo facto quid turpius quidē magis ridiculum videri posset, cum gloria mulieris sit coma? Ostendens autem gloriam propriam in capillis, deturparet caput suum, in quo iudicaret se non esse sub viri potestate. Et huic indignitati præbet remedium subiungens:

*Nam & si non velatur mulier, tondeatur, hoc est, si mulier nolit velari, cum non debeat ostentare propriam gloriam in capillis, hoc saltem seruet ut tondeatur: quo casu non ostentabit propriam gloriā, sed alienam. Verū quoniam turpe esset mulieri tonderi seu radi, illi quæ virum habeat, iccirco rectè sequitur: Vir quidem non debet velare caput suum. Et ratio est, quia velamen viro, pro gloria viri est: sicut contrā, capilli velantes sunt gloria mulieris natura. Vir ego in velando caput suum, ostentat gloriam suam, & eam quæ Dei est occultat: & quā ratione fieri non debeat, aperit. Quoniam imago & gloria Dei est, quam non debet abcondere velando caput suum. Cum enim creatus est vir, dictum est: Faciamus hominem ad imaginem & similitudinem nostram, id est, ut sit aliquo modo imago nostra. Mulier autem gloria viri est: quia immediatè ex viro est producta, dictumque fuit. Non est bonum esse virum solum: Faciamus adiutorium simile sibi. Neque per hoc negatur mulier esse ad imaginem Dei, cum sit simile viro: sed ostenditur subordinatio isti ac dignitas, ut & ipsa ad imaginem Dei sit: quoniam vir eius, cū quo ipsa est quodammodo vnum, imago est Dei, & ipsius Christi.*

*Nō enim vir ex muliere, sed mulier ex viro. Quod est clarissimum in ipsa scriptura sancta. Quo in loco ea refelluntur, quæ de sopore Adam aliter docuit Caietanus, ipse proculdubio hac in parte magis in soporem coniectus. Et similiter retelluntur quæ alius quidam Platonice sequens fabulas scripsit, videlicet ab initio creatum virum simul cum muliere in vna massa, sed à Deo postmodo sectos fuisse: ita ut non fuerit successiua creatio Heuæ ex viro. Quæ omnia sunt contra hunc locum manifestè. Etenim non est creatus vir propter mulierem, sed mulier propter virum. Ut quoniam ex viro ipso sumpta est in principio, sit viri dignitas: & ipse sit etiā causa finalis mulieris. Ideo debet mulier velamen habere. Græcè ἡσυχία, id est, potestatem, quæ per illud velamen indicabat supra caput suum.*

Sed hīc restat scrupulus certè non prætereundus. Si enim (ut positum est) gloria viri mulier est, vir autem est gloria Dei: Cur mulier velare caput suum debet, ut sic viri in se potestatem ostendet, in se potestatem Christi? Si enim caput est mulieris vir, & ideo illa debet velare suū caput: Cur vir non velabit caput suum, quod se sub potestate recondant cum Christus sit caput eius?

Respondetur ex ipso Apostolo, ipsam rei naturam hanc diuersitatem constituere. Quisque enim iuxta modum suum obseruat superiorem & honorat. Si ergo naturale esset viro nutrire comā, sicut est mulieri, pari modo glorificare deberet Christum suum caput, sicut mulier virum suum, videlicet velando proprium caput. At verò cum natura turpe sit viro velare caput: iccirco absque velamine coram Deo apparere debet vel orans, vel prophetans. Quod autem viro turpe sit velare caput, proba-

Gen. 24.

Subtilis  
hac pū  
ctori  
prudenti  
quintus



probat, quia turpe est illi naturaliter nutrire comam. Mulieri autem hoc nedum turpe, sed gloriæ illi est, & magno decori.

Subrepat & alia quæstio. Nam videtur vir adeptus potestatem in mulierem propter peccatum, & non natura. Sic enim habetur in sententia Domini: Sub viri potestate eris, & ipse dominabitur tui. Respondetur: Alius dominatus nunc est qui in pœnam ei datus est, quàm qui fuisset prior. Honorabilis enim ille tunc fuisset: nunc verò mulier quodammodo ancilla est. Sic etiam post peccatum, dominus est homo bestiarum, qui tamen antea aliò dominatù fuisset eorum dominus. *Et propter Angelos:* Quidam intelligunt sacerdotes. Ego verò ipsos Dei Angelos, qui assistunt oranti, & instruunt, & perferunt orationes ante Deum, qui intelligunt has (vt ita dixerim) indecentias. Sed animalis homo hæc non percipit, neque credit.

*Verumtamen neq; vir sine muliere, neque mulier sine viro in Domino.* Remouet illud Apostolus, quod aliqui fortè potuissent ex hac eius doctrina cogitare, videlicet, Cū gloria viri sit mulier, & viri Christus, non pertinere ipsam mulierem ad Christum. Sed Absit. Etenim vt in Domino inuenitur vir nō sine muliere (quia non erat bonum virum esse solū) ita & mulier non sine viro. *Nam sicut mulier de viro, ita & vir per mulierem.* Mulier ab initio de viro fuit, & semper postmodo de viro: quia ex viri semine omnis mulier producta est. Et tamen vir ipse per mulierem, videlicet in posteritate: quia præter primū, nullus postea exitit vir, qui ex muliere non venerit. Mihi tamen lōgè magis placet, ita intelligi. Sic ut in primo Adam accidit, vt carnalis mulieris natiuitas fuerit per virū: ita in secundo Adam, carnalis eius natiuitas esset per mulierem. Quod ad mulierum gloriam plurimum facit, vt mereretur & iste sexus inueniri in Domino. *Omnia autem ex Deo,* Vir scilicet & mulier: ideo debent in illum tēdere, & decenti ordine adduci in Christo ad illum.

*Vos ipsi iudicate.* More suo admonet, vt consulant vel ipsam naturam in vnoquoque docentem. Græcè melius, In vobis ipsis iudicate, & sicut ipsa natura vos docet, *Decet mulierem non velatam orare Deum?* Nam hoc esset in superbia orare, & non profiteri ordinem Dei in se: cum se sub viro esse in ea actione minime profiteretur, sed quasi nulli subiectam. *Nec ipsa natura docet vos, Quod vir quidem si comam nutriat,* vel si comatus fuerit: quod tunc est, quando comam nutrit, ignominia est illi & dedecus. *Mulier autem si comam nutriat:* aut, si sit comata, gloria est illi: *quoniam capilli pro velamine ei dati sunt.* Quo certè signo superior habetur doctrina, ne quisquam orās mutet quod à Deo institutum est, & insitum illi natura: sed suam eo modo profiteatur subiectionē, quo ipsa natura postulat. Vir quidem ostēdat se Christo subiectum, non deturpando caput suum: & iccirco non velando illud. Mulier autem similiter non deturpando caput suum, ac per hoc sicut natura postulat velando.

Et hæc notanda sunt in hæreticos, qui nihili faciunt cæremonias, sed fingunt se nobis neruū prædicare pietatis, quem ipsimet ignorāt. Nam perinde ac si desierint esse homines, & iam angeli Dei effecti, non curant hæc cōsilia, vt pote hæretes per Spiritū Deo, siue cum corpore, siue extra corpus,

nesciunt. Illud tamen interim certum est, corpus eos deuouisse cōcubinæ, scilicet vt expeditius Deo absque cæremoniis seruire possint. Sed extra dignam in illos ironiam: Videant ergo si habēt oculos, quanti hæc faciat Apostolus. quæ tamen non nisi ad cæremonias attinent. Continent tamen ferria, & omni obseruatione dignissima, quia & ab ipsis Angelis spectamur: & tanta vehementia hæc commendat Apostolus, vt etiam addat:

*Si quis autem videtur contentiosus esse, nos talem consuetudinem non habemus, neque ecclesia Dei, siue, ecclesiæ Dei,* vt Græci codices habēt. Nota lector, & alliga verba hæc Apostoli cordi tuo, quod te ab infinitis importunarū quæstionum turbis tutò explices. Ecce in quo tandem argumentō ipse residet contra contentiosos: certè non alio (quia nec aliud erat valēdius) q̃ in consuetudine ecclesiæ fundato. Quodq; est adhuc mirabilius, animaduertēdum, non ea solum quæ obseruat ecclesia esse suscipienda, verum etiam quæ non obseruat, omnino esse fugienda. Et vocat hic contentiosum (quod uenios Græcè legitur) id est, amatorem & cupidum victoriæ. Tales sunt hæretici, qui gloriam suam pro fine statuunt suæ contentionis. Quo fit vt nihil à veritate moueantur, etiam si illam perspicuè nouerint: imò contra agnitam veritatem perpetuò contendunt sola ea ratione, qua apud ignaros vicisse videri possint. Nonne hæc B. Pauli sententia pro consuetudine eorū quæ obseruat & colit Ecclesia, satis esse deberet piis mētibus ad satisfactionem, & si scripturarum testimonia & sanctorum Patrum sententiæ non extarent. Quam multa sunt quæ perpetuo vsu vigent in ecclesia, potissimū circa sacramenta, delectum ciborum, cæremoniarum decorum, tam in vestimētis, quam vasis ad cultum diuinum idoneè persoluendum instituta? Hæc ab Apostolis instituta, à. f. Pontificibus pro conditione temporum aucta, ab ipsis Catholicis religiosè seruata, qua possunt ratione defendi efficacius, quàm à consuetudine & perpetuo vsu ecclesiæ, quæ regit Spiritus veritatis? Vim Apostolici argumenti sentiunt hæretici, qui nec de ea re disputare tandem voluit, sed conclusit dicēs: Nos talem consuetudinem non habemus, neque ecclesia Dei, vt scilicet non differentis solertia, sed præcipientis attendatur autoritas. Et hoc in contentiosos: quos gloriæ cupiditas cogit, vt victoriæ postponant veritatem. Ideo ij proprio vocabulo appellati debent contentiosi.

Occurrit autem de superioribus nonnulla quæstio: Quoniam supponit B. Paulus mulierem nedum orātem, verum etiam prophetantem, & hoc in ecclesia. Qui tamen inferius ait: Mulieres in ecclesiis taceāt. Quæstionis autem huius solutio seruabitur suo proprio loco paulò inferius.

Est verò & nata quæstio de barbis nostro tempore noua consuetudine gestari solitis. Ecquid sit decentius in clericis ac prælatis, vt gestare barbam, an verò radere. Quo casu si naturam primò consulimus, credo decētius esse vniuersaliter, viro gestare barbā: hoc enim virile signū est. Patet enī in viris barbā natura pullulare & crescere, non in fœminis. Si spectamus exēpla maiorum: haud dubium in primis de ipso Domino qui barbā gestauit. Idē creditur & de Apostolis. Nam vt Epiphanius testatur cōtra hæreses, hoc ipsi Apostoli inter

Nota pro  
autoritate  
ecclesiæ.

Quæstio de  
rasura bar-  
be in cle-  
ricis.

Epiphanius  
li. 3. to. 2.



canones tradiderunt, ne raderemus barbam. Est in canone concilij Carthagin. Clerici neq; comā nūtriant, neque barbam radāt, licet in libro Decretalium verbum illud, radant, rasum sit. Illud certum est, ecclesiam Orientalium & Græcorum & Afrorum, eam habuisse cōsuetudinem semper gestandi barbā. Sed pleriq; molestiæ gratia tonderi volunt.

Hoc autē præcipio non laudans, quòd non in melius, sed in deterius conuenitis. Primum quidem conuenientibus vobis in Ecclesiam, audio scissuras esse inter vos, & ex parte credo. Nam oportet hæreses esse, vt & qui probati sunt, manifesti fiant in vobis. Conuenientibus ergo vobis in vnum, iam non est Dominicam cœnam manducare. Vnusquisque enim suam cœnam præsumit ad manducandū. Et alius quidē esurit: alius autē ebrius est. Nunquid domos non habetis ad māducandum & bibendū? Aut Ecclesiam Dei contemnitis, & confunditis eos qui non habent? Quid dicam vobis? Laudo vos? In hoc nō laudo. Ego enim accepi à Domino quod & tradidi vobis: quoniā Dominus Iesus in qua nocte tradebatur, accepit panem, & gratias agens fregit, & dixit: Accipite, & manducate: Hoc est corpus meū quod pro vobis tradetur: Hoc facite in meam commemorationem. Similiter & calicem, postquam cœnauit, dicens: Hic calix nouum testamētum est in meo sanguine. Hoc facite, quotiescūque biberitis, in meam commemorationem. Quotiescunque enim manducabitis panem hunc, & calicē biberitis, mortem Domini annūtiabitis, donec veniat. Itaque quicumque manducauerit panem, & biberit calicem Domini indignè, reus erit corporis & sanguinis Domini. Probet autē seipsum homo: & sic de pane illo edat, & de calice bibat. Qui enim māducat & bibit indignè, iudiciū sibi māducat & bibit, non diiudicās corpus Domini. Ideo inter vos multi infirmi & imbeciles, & dormiūt multi. Quòd si nosmetipsos diiudicemus, non vtiq; iudicaremur. Dū iudicamur autē, à Domino corripimur, vt non cum hoc mundo dānemur. Itaq; fratres mei, cūm cōuenitis ad māducandum, inuicē expectate. Siquis esurit, domi māducet, vt non in iudiciū conueniatis. Cætera autē, cūm venero, disponam.

*Hoc autem præcipio, &c.* Hic octaua pars de conuenientia ad sumēdum Eucharistiam. At cum res esset grauissimī momēti ac præiudicij, duo protesta-  
tur, quibus excitat legentiū animos. Alterum se ea

præcipere quæ deberēt facere, & à quibus cauere. vnde ait, *Hoc autem præcipio*. Alterū se nequaquam ea laudare, quæ ea in re inordinate obseruabant, cū superius eos commēdasset & laudasset. At non in hoc, vnde subdit: *Non laudans*. Quid autem sit hoc qđ non laudat, declarat. *Quod non in melius, sed in deterius conuenitis*, sensus est: Conuenire vos in vnum ad sumendā gratiam & panem cœli, non tendit in melius, nec prodest, sicut prodesse deberet. Conuētus enim ecclesiæ fit ad bonū, vt per multos magis glorificetur Deus. Quod enim publicè fit & cōmuniter simul à multis, magis placet Deo, quàm si priuatim ac particulatim fieret. At vestr conuentus magis nocet, & in deterius cedit. Causam autē huius rei cum ipso facto mox explicat.

Alij autem ita exponūt. Hoc autem præcipiens, videlicet de velamine (vt dictum est) Non laudo quòd non in melius, &c. vt per hoc velint esse præceptum ab Apostolo, licet παραγγέλιον, non solum præcipere, sed etiam monere significet.

Primum quidē conuenientibus vobis in ecclesiam audio scissuras esse inter vos, & ex parte credo. Superius videtur omnino fuisse persuasus de scissuris, quæ erant inter eos concitata. Cur hīc ergo ait: *Et ex parte credo?* Nisi fortè, & si nosset esse scissuras, de quibus su-  
pradixerat: Ego sum Pauli, Ego Apollo, &c. nō tamen poterat omnino credere tanta inter eos extra re dissidia, vt vel in ipsis ecclesiis, & præcipuè in synaxi manifestarētur. Ideo vniuersam hanc eorum insolentiam hoc in loco complectitur, dum ait: *Conuenientibus ergo vobis in vnum, &c.* Et hoc ex parte credebat, sapienter id quidem. Plerunq; enim ij qui aliorum errata & peccata deferunt, ea exaggerare, & de suo aliquid addere solent, maliuolentia quidem non pauci: immodico etiam fortè zelo aliqui. Cur autem fuerit ad credendum adductus, ad Dei prouidentiam aspiciens, declarat.

*Nam oportet hæreses esse.* Gracè dicitur, in vobis. Ista autem necessitas, nō est simpliciter & nudè intelligenda, sed supponenda est ex diuina permissione. Posita enim eorū inclinatione, & deliberata voluntate, Deique obistere nolētis permissione, iam huius effectus absoluta necessitas cōsequitur. Neque propterea qui iniquè agunt, quique tranquillū ecclesiæ statum labefactare non metuūt, excusantur: quia & sponte faciunt, & antea in eorum erat potestate positum, ne facerēt. Nec est in-cusandus Deus qui permittit, cum illius non sit rerum ordinem & naturas violare. Et quodcunque ipse malum enenire sinir, ob aliquod bonum permittit quàm sapientissimè & clementissimè. Omnes enim (teste B. Augustino) inimici ecclesiæ, quocunq; excœcentur errore, vel malitia deprauētur, si accipiunt potestatem corporaliter affligendi, exercent eius patientiam. Si tantummodo male senti-  
tendo aduersantur, exercent eius sapientiam. Vt autem etiam inimici diligan-  
tur, exercent eius charitatem, siue cum eis suadibili doctrina, siue terribili agatur disciplina. Multa quippe ad fidē catholicam pertinētia, dum hæreticorum callida iniquitate exagitantur, vt aduersus eos defendi possint, & considerantur diligentius, & intelliguntur clarius, & instantius prædicantur: & ab aduersario mora quæstio, discēdi existit occasio. Quapropter multi vt veritatem Dei videant & gaudeant, per



hæreticos de somno excitantur. Vtendum ergo sapienter istius diuinæ prouidentiae beneficio, non ut hæreticorum probentur errores, sed ut catholicam disciplinam aduersus illorum insidias asserentes, vigilantiores & cautiore simus, licet eos ad salutem reuocare nō possimus. Multi enim qui optimè possunt scripturas dignoscere & pertractare, latebant in populo Dei, nec allerebant solutionem questionum, cum calumniator nullus obstarer. Ideo diuina prouidentia multos diuersi erroris hæreticos esse permittit, ut cum nobis insulant, & vel quæ ignoramus interrogant, excutiamus pigritiam, & diuinas scripturas nosse cupiamus. Et hæc diuinæ prouidentiae tribuenda est dispositio: non quia ipsa peccatores facit, sed quia ita ordinat cum peccauerint. Vnde rectè subdit rationem Apostolus, aiens:

*Vt & qui probati sunt manifesti fiant in vobis.* In hæresibus enim qui probi sunt & à Deo probati, manifestantur cum se opponunt hæreticis, & semper prævalent. Caietanus non intelligit hunc locum de hæresibus, ut sumitur à Theologis: quoniā non oportebat apud eos (inquit) esse tales hæretes. At hoc est cōtra communem aliorum expositionem, & sensum: imo contra ipsum Apostolum manifestè, ut apparebit inferius, cum essent inter eos, qui & resurrectionem mortuorum negarent. Et ridiculum est, quodd moueatur ex verbo Græco, cum, hæresis, significet propriè sectam: quasi verò hæreticorum non sint sectæ, & hæretici non sint (ut ita dicam) sectarij. Quem igitur significauit, quando dixit: Hæreticum hominem post primam & secundam correctionem deuita. Certè ex vocis proprietate, hæresis significat electionem, quia quis alicui opinioni hæret: quæ vox frequenter, & vsitato apud Catholicos loquendi more, ferè semper in malam partem sumitur. Et hoc in loco ita sumi debet, cum addat, *Vt qui probati sunt manifesti fiant*, contra ipsos scilicet hæreticos insurgendo. Et hoc est magnum bonum, quod prouidentia Dei nobis ab hæresibus procurat. Supposita enim hæreticorum malignitate, per quos sua venena propinat satan, & sua instruit aciem: Deus ex opposito viros ecclesiasticos & Catholicos præparat, qui eos prodant, & ostendent, & ipsorum perniciosam doctrinam gloriose producant, & ostentui ponant. Melius est enim manifestari hæreticos quàm latere: quoniam magis dum latent, efficiunt. Sed hæc omnia in hac nostra ætate mirificè licet agnoscere.

Conuenientibus ergo vobis in vnum, iam non est Dominicam cœnam manducare; videlicet sectas habendo; ac ibi fouendo, contra Dominicæ cœnæ rationem, quæ præcipuè vnitatem exigit cordium in Christo. Declarat autem istas illorum diuisiones, quas credibile est venisse propter hereses. *Vnusquisque enim suam cœnam præsumit ad manducandū*, id est, quilibet sine altero præoccupans vult manducare, non idem sentiētes. Et quoniam etiam ditiores afferebant lautiores atque abundantiores pro seipsum epulas, ideo ait. *Et alius quidem esurit: alius autem ebrius est.* Hinc accipitur, qui olim communicabāt, volentes cœnam Dominicam repræsentare ex illa deuotione, verè cœnabant & non sumebant Eucharistiam ieiuni. Hinc efferuntur hæretici, & vi-

tuperāt traditiones ecclesiasticas quasi nouas, postquam nostro tempore minimè ita fiat. Quasi verò Apostolus laudet illum morem, quem acerrimè reprehendit, ut ex quo multa inconuenientia sequerentur. Vtinam æqui arbitri iudicent quid sit melius. Vtrū miscere cœnam cum cœna: & prius corpori quàm animæ satisfacere: An verò prius sumere cibum animæ & salutis, & auferre istas occasiones ad confusionem & præsumptionem aptas. Nec enim omnium quæ fecit Dominus etiam nobis in exemplum exhibuit. Alioquin etiam circūcidi deberemus, & quadraginta dies absq; vlllo penitus cibo transigere, & mortuos suscitare, & infinita miracula edere. Cœnā ergo illam fecit Dominus, ut impleret quæ legis erāt, & nunc antiquata sunt. Error igitur esset & peccatum, si nos vellemus simili modo ante sacrificium, & esum veri Agni celestis, agnum veterem carnis manducare, aut quicquam illius loco. Quin ea consuetudo parū admodum durauit, & ut ex verbis B. Augustini colligere perspicuè licet, ab ipsismet Apostolis fuit emendata, cuius tempore nulla penitus ecclesia communica-  
bat nō ieiuna, sed eius verba audiamus, qui postquam liquido in euangelio patere ait, Discipulos corpus & sanguinem Domini non accepisse ieiunos, subiūxit directo contra nouos istos sapientes. Nunquid tamen propterea (inquit) calūniandum est vniuersæ ecclesiæ, quod à ieiuniis semper accipitur? Ex hoc enim placuit Spiritui sancto, ut in honorem tanti sacramenti in os Christiani prius Dominicum corpus intraret, quàm ceteri cibi. Nam ideo per vniuersum orbem mos iste seruatur. Neque enim quia post cibos dedit Dominus, propter ea pransi aut cœnati fratres ad illud sacramentum accipiendum accedere debent: aut sicut faciebant, quos Apostolus arguit, & emendat, mensis suis ista miscere. Nanque Saluator quo vehementius commendaret mysterij illius altitudinem, vltimum voluit hoc insigere cordibus & memoriæ Discipulorum, à quibus ad passionem digressurus erat. Et id eo nō præcepit quo deinceps ordine sumeretur, ut Apostolis, per quos ecclesias dispositurus erat, seruariet hunc locum, hæc ille. Ecce ipsemet Apostolus incipit illum morem reprehendere, aiens:

*Nunquid domos non habetis ad manducandum & bibendum?* scilicet, ut ibi possitis carnalibus epulis expleri? *Aut ecclesiam Dei contemnitis?* Ecclesia contemnitur, quando vnitatis non diligitur: & cum alius alij sese præfert, & quasi se eo facto ab aliis segregat. *Et confunditis eos qui non habent?* Cōfunduntur enim ista comparatione obiecta. Nam pauper iuxta diuitem politus confunditur, id est, pudore magno ob penuriam afficitur.

*Quid dicam vobis? Laudabo vos?* &c. ac si dicat. Quāquam laudem vos in multis, in hoc tamen laudare non possum. *Ego enim accepi à Domino*, &c. ac si dixerit, Nō fictum est hoc à me, sed Dominus mihi hoc reuelauit. *Quoniā Dominus Iesus in qua nocte, vocat noctem, tempus illud quando Dominus egit mysterium: quoniam erat vespere, & dies inclinabat in noctem, tradebatur:* quia tūc valdè meditatus est executioni mandādam eius prodicionem Iudas: & ab eo tunc re ipsa apostatauit. *Accepit panem*, scilicet cōmunem panem, & azymum, cum iam dies essent azymorum, contra Græcorum opinionem.



*Et gratias agens*, id est, cum egisset gratias. Ita enim Græci sermonis vis exprimitur. Et ideo si nolumus proteruire, iam Dominus sacrificarat: hoc enim fuit gratias agere. Istud dico propter hæreticos, qui negant Christum sacrificasse in cœna, ut ex hoc pericliteretur quod scriptum est: Tu es sacerdos in æternum secundum ordinem Melchisedech. *Fregit, & dixit: Accipite & manducate.* Erat ergo iam consecratus panis, & de eo dixit: Accipite & comedite, & non de pane communi, qui iam ulterius non erat: & spiritualem acceptionem & comestionem potius (quæ fide fiebat) illis verbis significabat, quàm sensibilem. Neque est credibile quovis modo voluisse mutuo eos manibus suis cibum illum sanctum accipere, & sibi tradere illas species, sed propriis manibus ipsemet Iesus communicavit eos: licet quidam aliter putent quàm ineptissimè.

*Hoc est corpus meum, quod pro vobis frangitur.* Ita enim habetur in Græcis: & hac forma etiam nunc, id est, his verbis: Hoc est corpus meum, quod pro vobis frangitur, Græci utuntur, & congruè quidem. Eleganter enim significatur, quod assidue sui corporis fractio est in ecclesia, sicut expositum est, scilicet in sacramento. Imò tunc re ipsa, nempe in illa die cœnæ incepit, cum desuper permessa est aduersariis omnis potestas in dominum sæuendi.

B. Lucas ait: Quod pro vobis datur, similiter in præsentia. Et de sanguine dixerunt B. Matthæus & Marcus similiter in præsentia. Qui pro vobis effunditur, ut hoc semper fieri in ecclesia intelligeremus commemorando, unde & effectus eius continuus est. Erat ergo iam corpus Christi, quando dixit illa verba: Hoc est corpus meum. Et hoc posito & recepto, cessant infinitæ quæstionum ambages, & pleraque absurda.

*Hoc facite in meam commemorationem.* Hic dedit eis potestatem conficiendi sacrificium, cum iussit hoc eos facere: & præceptum est ut faciant, id est, ut sacrificent, idque faciât in sui commemorationem, in commemorationem inquam suæ mortis, nimirum immensi sui erga nos amoris, quem ostendit in illa morte, ad quam pro nobis se obtulit: quæ res hoc mysterio commemoratur, ut eius sacrificij fructus in hoc nouo sacrificio capiatur. Quare grauius (ut ad Rom. iam monuimus) peccant, & contra Domini præceptum, sacerdotes & episcopi qui non celebrant, aut ferè nunquam celebrant, ut frustra tantum ministerium & potestatem acceperint. Quod verò omnes qui sacris intersunt, teneantur sacramentum accipere (ut aiunt hæretici) nimium est. Nam & ecclesiæ Dei hunc morem iam à sæculis non habent: nec est præceptum Christi de hoc vllum expressum. Quod enim dixit: Manducate ex hoc omnes: &, bibite ex hoc omnes, etsi dici potest quod ad Apostolos directus fuit hic sermo: at tamen volumus etiam ad omnes pertinere, ut omnes teneantur aliquando manducare, & bibere sacramentaliter, & non quoties assistunt sacris. Vel si etiam fateamur, quoties assistunt sacris omnes teneri ad manducandum ac bibendum, intelligendum est de manducatione & potu spirituali, non sacramentali. Etenim quilibet tenetur quum assistit, & celebrari videt hoc sacrificiū, & edi à sacerdote, fide ac desiderio, & auditate accipere, & se membrum Christi profiteri. Quod est manducare

& bibere spiritualiter. Idque satis est, donec loco, & tempore ab ecclesia præstituto, etiam sacramentaliter manducet.

*Similiter & calicem*, videlicet accepit, postquam cœnauit, cœnam, scilicet, agni veteris, dicens: *Hic calix nouum testamentum est in meo sanguine.* Calix est nouum testamentum: quia complectitur sanguinem, in quo est nouum testamentum. Ut qui crediderit & potauerit ex eo, filius Dei intelligatur, & hæres institutus in Christo. *Hoc facite quotiescunque biberitis in meam commemorationem.* Et quæ sit commemoratio declarat. *Quotiescunque enim manducabitis panem hunc*, Panem hunc dixit, ut significaret cœlestem panem vnum esse, de quo omnes participamus. *Et calicem bibetis*, id est, sanguinem qui continetur in calice. Non enim bibitur calix, sed quod est in calice bibitur: mortem Domini annuntiabit, illud scilicet maximum beneficium, quum dedit semetipsum in mortem pro nobis: donec veniat, id est, donec in aperto se nobis ostendat in potestate ac maiestate, ut fruamur perfecto gaudio.

Itaque quicumque manducauerit panem hunc, & biberit calicem Domini indignè, reus erit corporis & sanguinis Domini. Hoc videlicet modo reus: quia non acceptat pro se mortem, quam Dominus passus est pro illo: quo fit ut sit ei mortuus gratis. Et hoc est occidisse illum: ut rei constituentur eius mortis, quibus gratis mortuus inuenitur. Omnes enim occidimus eum, sed non omnes rei sumus mortis: sed ij soli qui eius mortem non accipiunt in salutem, sed contemnunt. Hi, inquam, sunt rei corporis & sanguinis Iesu: quia mortuum frustra, & illum frustra fuisse sanguinem suum volunt: quem ipsi satis effuderunt, cum pro illis effusus fuerit. Iure igitur qui sic contemnit Christi mortem, eius mortis fit reus. Cõtemnit autem ille qui indignè sumit. Ideo ait:

*Probet autem seipsum homo, & sic de pane illo edat, & de calice bibat.* Hinc accepit Caietanus, quod non tenetur quis confiteri peccata sua ante Eucharistiæ susceptionem, etiam conscius sibi de peccato mortali. Satis est enim, inquit, probare seipsum, quod exigit Apostolus. Probat autem seipsum satis, quem peccati poenitet, & cõteritur. Hoc dogma tãquam nouum, atque admodum perniciosum multi merito reiecerunt. Ego verò hac de re in Annotationibus ad hominem latius scripsi. Nunc ad rem, illud solū commemoro, id committi vel ex hoc isto loco reprobari: Quoniam tunc verè probat seipsum homo, quando ea facit, ex quibus probatus redditur. Nemo autem in mortali peccato existens potest iudicare seipsum, & esse mediator inter se & Deum: quæ res pertinet ad probationem. Et verè male contritus ostenditur, qui cum potest habere Dei iudicium per sacerdotem, suo seipsum iudicio probat, si hoc tamen sit probare. Nam quemadmodum si cui diceretur, ut omnia ea faceret quæ ad probandum aurum requirerentur, non satis ei esset si solo probaret aspectu, aut tactu, aut pondere, sed opus insuper esset incude & igne, & si quis alius probandi modus vel per se, vel per alium exigetur: Ita in re proposita, ut sit quis probatus, requiritur & confessio, & sacramentalis absolutio.

Et vana est illa distinctio, qua aiunt posse quidem hominem sumere dignè, & similiter indignè: & tertio, nec dignè nec indignè. Et huiusmodi esse

Notent sacerdotes qui nunquam, aut ferè nunquam, sacrificant.

Caietanus.

Quo modo quis probat seipsum.

Quomodo indignè celebrant sacramentum sumunt.



illum qui se per seipsum sic probat suo iudicio : Nouitium est enim commetum hoc, inuagire scilicet medium in proposito inter dignum & indignum. Equidē dari medium non arbitror, sed eum dignum esse puto, quicumque non sit indignus. Nec ab Apostolo expectare fas est, ut velit ad rem vanam inuitare hominem: ita ut legitime probatus, & iuxta ipsius præceptum accedens, possit non recipere gratiam. Dominus enim dixit: Qui manducat meam carnem, & bibit meum sanguinem, in me manet, & ego in illo. Modo B. Paulus exigit, ut probeat se homo. Potest ergo probare ne indigne accipiat, ac propterea digne.

Sed extiterunt aliqui, quibus dum videretur posse hominē (si hic locus ad eum sensum intelligeretur) de sua præsentī gratia certiorē fieri, hunc sensum admittere recularunt. Si enim potest quis probare seipsum, ita ut inueniat se dignum: poterit ergo scire in se Christum inhabitare per gratiā: quod tamen ut absurdum reiciunt. Quasi verò id Apostolus non alibi prædicet, & ipse Dominus. Sed de hac re aliās scripsi. Volo tamen ut lector nouerit, Caietanū in eadem pagina hic sibiipsi aduersantē, qui ad illa verba. Itaque quicumque manducauerit panem hunc, &c. in hunc modū scripsit. Declarat aliam particulam verborum Domini, scilicet, manducate, & bibite. Declarat autem distinguendo dupplicem manducandi & bibendi modum, videlicet digne, vel indigne. Et hinc sumunt Theologi distinctionem illam de manducatione, seu bibitione sacramentali, vel spiritali. Et verè hinc habetur quòd aliqui manducant, & bibunt sacramentaliter tantum, quos Paulus appellat manducare vel bibere indigne. Aliqui verò sumunt sacramentaliter & spiritaliter, qui hic appellantur manducantes, seu bibentes digne. Hæc ille. aduersus quem hoc inde dilemma colligitur. Quilibet qui sumit Eucharistiā, Aut sacramentaliter tantum manducat: Aut etiam spiritaliter. Quæro igitur de isto qui nō indigne. Si dicis. Sacramentaliter tantum manducat: ergo indigne (ut ipsemet cōfiteris) quod est tamen contra positum. Aut etiam spiritaliter: ergo digne, quod infringit tuammet doctrinam, quam paulò post tradis Caietane. Et reuera sic accidit iis qui per fractus discurrentes, à recta decidunt.

Qui enim manducat & bibit indigne, iudiciū sibi manducat & bibit, non diiudicans corpus Domini. Quidnā est iudiciū sibi manducare ac bibere, nisi damnationem æternam? Et hoc quamobré, nisi quia qui ita manducat & bibit, non diiudicat corpus Domini? Et quid est non diiudicare corpus Domini, nisi nescire quid sit illud corpus, quod sumitur in sacramento, & quid significet? Significat autem vñionem per fidem & charitatem in illum, quam in illo mysterio protestamur. Quæ res cū deprehendatur non esse in sumēte, quid aliud est quam mentiri Deo, & rem Dei, omni tamen veneratione dignam, contemnere?

Ideo inter vos multi infirmi, non acquirentes scientiam. Et imbecilles, non potentes resistere tentationibus: Et dormiunt multi, somno negligentia. Aut (quod peius est) somno mortali culpæ soporifere. Quod est valde notandum: quoniam accedentes, & tractantes hoc sacramētum indigne, tales fiunt. Sed econuerso accidit his qui digne.

Vtinam hodie non hæc nimis vera essent. Non me latet hunc locum exponi ab aliis de infirmitatibus corporis, & de somno mortis: quibus non obsto. Nunc saltem spiritualiter verissimum est quod dico, & vehementer dolendum.

Quod si nosmetipsos diiudicemus, non utiq; iudicemur. Sed quis ad seipsum iudicandum idoneus? Est quoddam iudiciū autoritatis, de quo mentionem superius fecit Apostolus. Qui me iudicat Dominus est, quod est solius Dei. Hic verò locus pertinet ad iudiciū, quod discussionis vocant: quasi diceret, Si quis bene & diligenter conscientiam suā discuteret, & semetipsum verè accusando, iudicandoque dignum morte confiteretur, & tamen imploraret misericordiam: hic certè nō iudicaretur. Mihi non displicet ita exponere Apostolum, ut loquatur de iudicio quod est per mutuam confessionem inuicem: nō ut quisquam semetipsum iudicet, sed alter ab altero. Et hoc est nosmetipsos iudicare. Alioqui quo pacto (quæso) Deus dignatur ignoscere, quod in seipso homo dedignatur agnoscere? Peccata siue parua, siue magna, impunita esse non possunt: quia aut homine pœnitēte, aut Deo iudicante plectuntur. Cessat autem vindicta diuina, si conuersio præcurrat humana. Amat enim Deus pœnitētibz parcere, & eos qui semetipsos iudicant, non iudicare. Quod si faceremus, non utiq; iudicemur. Effugeremus enim diuinum iudiciū, iudicati iam prius per nosmetipsos: quod declarat etiam amplius. Dum diiudicamur enim, scilicet inuicem, à Domino corripimur, cuius vicem tenet in ecclesia sacerdos, qui iudicat absolues, atq; imponēs satisfactio- nis pœnam: Ne cum hoc mundo damnemur. Mundum vocat mundanos homines, id est, mundi amantes, quos manet extremum iudiciū, cui referuantur. Sancti autem & probi viri hic in mundo ferunt iudiciū Domini. Et sic incipit (ut testatur Apostolorum Princeps) à domo Dei iudiciū.

Itaque fratres mei cum cōuenitis ad manducandū, &c. ut non in iudiciū conueniatis, videlicet, manducantes indigne fracto inter vos charitatis vinculo.

Cætera autem cum venero disponam. Quenam sint hæc cætera, non aperit. Et hoc contra recentiores nostræ ætatis sapientes, qui volunt omnia quæ fecerunt Apostoli esse madata literis, & non potius multa abiq; scripto, & quasi per manus nobis tradita, quæ etiam necesse est custodiri, & obseruari ab ecclesia, quum longissima consuetudine firmata sunt.

## CAP. XII.

**D**E spiritualibus autem, nolo vos ignorare fratres. Scitis autem quoniam cum Gætes essetis, ad simulachra muta prout ducebamini, euntes. Ideo notū vobis facio, quòd nemo in Spiritu Dei loquens, dicit anathema Iesu. Et nemo potest dicere, Dominus Iesus, nisi in Spiritu sancto. Diuisiones verò gratiarum sunt: idem autem Spiritus. Et diuisiones ministrationum sunt: idem autem Dominus. Et diuisiones operationum sunt: idem



verò Deus, qui operatur omnia in omnibus. Vnicuique autem datur manifestatio Spiritus ad utilitatem. Alij quidem per Spiritum datur sermo sapientiæ: alij sermo scientiæ, secundum eundem Spiritum: alteri fides in eodem Spiritu: alij gratia sanitatū in vno Spiritu: alij operatio virtutum: alij prophetia: alij discretio spirituum: alij genera linguarum: alij interpretatio sermonum. Hæc autem omnia operatur vnus atque idem Spiritus, diuidens singulis prout vult.

**D**E *spiritualibus, &c.* Hic nona pars, vbi loquitur quatenus vtendum sit spiritualibus donis, quæ tunc maxime apparebāt, vt linguis loqui, prophetare, & huiusmodi: quoniam circa hæc etiam plurimum errabant, sicut peruium est errare imperitis, & qui non sunt rectè ab iis instructi, qui Spiritus canones tenent, & qui non ad prudentiam carnalium hominum ducuntur. Ait ergo:

*Nolo vos ignorare fratres, id est, non permittā hanc in vobis ignorantiam, vnde error perniciosus contra vnitatem ecclesiæ manat, quæ cum maxima diligentia facta testā seruari debet. Scitis autem, quoniam cum Gentes essetis, &c.* Latini codices non habent perfectam constructionem, sicut habet Græca lectio in hunc modū. Scitis, quod Gentes eratis ad simulachra muta, vt ducebamini, abducti. Non ab re verò primo loco eorum statum & viam commemorat, cum essent Gentes, quæ ibant ad simulachra muta non suo proprio spiritu impulsæ, sed vt ducebātur, videlicet, à sacerdotibus & maioribus, & ab impulsu diaboli interiore. Voluit autē significare, Quemadmodum olim erat eis spiritus malus in malum impellens: ita nunc datū esse eis bonum & bonum Spiritum Dei impellentem in bonum. Quod vt cognoscerent, & valerent iudicare, primò statuit fundamentum solidum, & ait:

*Ideo notū vobis facio, quod nemo in spiritu Dei loquēs, dicit anathema Iesum.* Anathema autem significat quid sepositum & segregatum, tanquā execrabile. Frequentius enim in malam partē: & in hanc significationem hoc in loco sumitur. *Et nemo potest dicere dominum Iesum:* sic habet Græca lectio, melius quā Latina, quæ dicit, *Nemo potest dicere, Dominus Iesus.* Potest enim vel diabolus ipse dicere materialiter hæc verba: & possunt à quolibet proferri, & nunc etiam à multis inimicis crucis Christi proferuntur, idque crebrò repetita. Sed reuera non est aliquid enunciare, sic dicendo. Dicere enim Dominus Iesus, cuiuslibet est linguam habentis: quia neque affirmatio est, neque negatio. Sed dicere Dominum Iesum, id est, dicere quod Iesus est Dominus (quoniam hoc verum est, nec sciri valet, nisi reuelatione) ideo non potest contingere, nisi in Spiritu sancto.

*Dicere, quid propriè significet.*

Et aduerte quod hic, dicere, intelligitur, nō cum quis solo verbo externo profert, sed interno, dum mente approbat quod dicit, tanquā verum. Nam hoc est propriè dicere, vt quidam Iuriconsultus eleganter docet. Non enim verè quis censetur illud dicere, quod mente prius non cogitauerit, & vt verum approbauerit. Naturaliter nanque interpre-

cordis est lingua. Ecce Spiritus sanctus non potest male testari de Domino, quod sit Anathema, quippe qui est Spiritus veritatis: Et (quod maius est) nullus spiritus potest impellere ad hanc confessionē, quod Dominus est Iesus, nisi Spiritus sanctus, vt intelligas humanam intelligentiam, aut sapientiam ad hoc non se extendere.

Verū occurrit hic dubium, cum Diaboli confiteantur illum Dominum, vt nemo debet dubitare. Nunquid ergo in Spiritu sancto etiam illi? Potest hoc quidem concedi: quoniam omnis veritas à quocunque dicatur, à Spiritu sancto est. Et nihilocius dici potest, quod dicere Dominum Iesum etiam probando sic esse, dupliciter potest contingere. Vno modo sola probatione intellectus: quod faciunt dæmones. Altero verò modo etiam voluntate probante, id est, cum reuerentia & summissione: hoc autem ipsi facere non possunt. Et hoc tamen est planè & perfectè dicere Iesum Dominum. Et sic intelligi oportet (ni vehementer fallor) hoc in loco.

*Diuisiones autem gratiarum sunt, sed idem Spiritus qui donat.* Hanc doctrinam inducit Apostolus volens occasiones schismatum, & sectarum radices euellere, vt quilibet cōtentus sit dono & sorte sua. Ideo ait: *Diuisiones gratiarum, siue donorum sunt, ac si dixerit, non omnia data sunt omnibus.* Vnus enim solus fuit, cui non est datus Spiritus ad mensuram. Et vnus Spiritus inuenitur largitor gratiarum. Si enim diuersi essent donatores, posset iusta esse causa sectarum, vt quisque pro suo autore doni æmuleretur. *Et diuisiones ministeriorum sunt.* Verè plura sunt ministeria in ecclesia, vt ministerium verbi, prædicationis, & variæ dispensationis sacramentorum. Et tamen idem est Dominus, cuius imperio hæc ministrantur. *Et diuisiones operationum sunt.* Vox Græca significat efficaciam quandam in operatione, quam Deus concedit nonnullis, qui incumbūt spiritualibus exercitiis, *Idem verò Deus.* Vide hic quomodo quem appellauit Spiritum, eundem & Dominum vocat & Deum, qui operatur omnia in omnibus, non in singulis omnia, sed in omnibus: quia totum corpus ecclesiæ habet omnia: Membra autem pro suo captu atque officio. *Vnicuique autem datur manifestatio Spiritus ad utilitatem.* Sunt spiritualia dona, quæ peculiariter serui & ancillæ Dei habent, vt sibi habeant, non vt manifestent, qui in corde dicunt: Secretum meum mihi. Et sunt alia quæ Deus vult etiam manifestari ad utilitatem ecclesiæ: propter quod dixit:

*Vnicuique datur manifestatio Spiritus ad utilitatem.* Et hoc exemplis ostendens, subdit: *Alij quidem per Spiritum datur sermo sapientiæ, &c.* Differt à sapiētia, scientia: quia sapiētia versatur in notitia causarum, & diuinorum. Sciētia verò est eorum quæ educuntur ex illis. *Alteri fides in eodem Spiritu.* Non loquitur de fide, quæ est omnibus cōmunis, quæ habet obiectum quodcunque reuelatum est in ecclesia, sed loquitur de fide quadam practica, qualis fuit illa Petri, quādo succinxit se, & ambulauit supra mare: quæ quidem fides est præcipuè sanctorum, & propter huiusmodi fiunt miracula.

*Alij gratia sanitatum, siue dona sanationum: peruius est sensus.* *Alij operatio virtutum, aut potius efficaces operationes potentiarum.* *Alij discretiones*

IOAN. 8.

MATT. 14.



*spirituum*. Hoc magnum est donum, quo inspirationes cœlestes ab infernis dignoscuntur. *Alij vero interpretatio sermonum*. Græcè linguarum, ut distinguatur donum loquendi à dono interpretandi. Loquebatur enim etiam non intelligentes quæ loquerentur: & illud Angelorum ministerio fiebat. Nam & possessi à dæmonibus sapē ita faciūt.

*Hæc autem omnia operatur vnus & idem Spiritus, diuidens singulis prout vult*. Ne putares Spiritum sanctum alligari meritis nostris ad hanc donorum & gratiarum distributionem, dixit, *Diuidens singulis*. Græcè priuati aut particulariter, unicuique prout vult: ut nulla alia exquirenda sit ratio, nisi benigna eius voluntas, cur illi donet illud, & non alij: quia ipse Dominus est. Satis esse nobis debet, quod ne minem (nisi qui nolit) excludit ab aliquo dono Deus ad salutem idoneo. Vnde in parabola: An non licet mihi quod volo facere? scilicet de meo. An oculus tuus est nequam, quia ego bonus sum? Quod ergo non tibi, sed alij hoc donet: illius voluntas pro ratione est. Quod verò non omnibus omnia: Ecce rationem efficacem affert à similitudine corporis humani, in quo inæqualitas pulchritudinem parit admirabilem.

Sicut enim corpus vnum est, & membra habet multa: omnia autem membra corporis, cum sint multa, vnū tamen corpus sunt: ita & Christus. Etenim in vno Spiritu omnes nos in vnum corpus baptizati sumus, siue Iudæi, siue Gentiles, siue serui, siue liberi: & omnes in vno Spiritu potati sumus. Nam & corpus nō est vnum mēbrum sed multa. Si dixerit pes: Quoniam non sum manus, non sum de corpore: non ideo non est de corpore? Et si dixerit auris: Quoniam non sum oculus, non sum de corpore: non ideo non est de corpore? Si totum corpus oculus, vbi auditus? Si totum auditus, vbi odoratus? Nūc autem posuit Deus membra vnumquodque eorum in corpore, sicut voluit. Quod si essent omnia vnum mēbrum, vbi corpus? Nunc autē multa quidem membra, vnum autem corpus. Non potest autem dicere oculus manui: Opera tua non indigeo. Aut iterum caput pedibus: Non estis mihi necessarij. Sed multo magis quæ videntur membra corporis infirmiora esse, necessariora sunt. Et quæ putamus ignobiliora membra esse corporis, iis honorem abundantiorem circūdamus. Et quæ inhonesta sunt nostra, abundantiorē honestatem habent. Honesta autē nostra nullius egent: sed Deus temperauit corpus, ei cui de erat, abundantiorē tribuendo honorem, ut non sit schisma in corpore: sed in idipsum pro inuicem sollicita sint membra. Et si quid

patitur vnum membrum, compatiuntur omnia mēbra. Siue gloriatur vnum mēbrum, congaudent omnia membra. Vos autem estis corpus Christi, & mēbra de membro.

*Sicut enim corpus vnum, &c.* Hoc magis consideratione, quàm explanatione dignum est. Si enim consideraretur, non erraretur in multis: nec esset in ecclesia confusio, neque tanta facilitate nasceretur schismata. *Omnia autem membra corporis cum sint multa, vnum tamen corpus sunt: ita & Christus*. id est, ita est Christus mysticus, scilicet vnum corpus, & multa membra. Quo in loco notandum diligenter, Si vniuersa ecclesia consideretur seorsum à Christo, & eius respectu, corpus eius dicitur, sicut corpus dicitur respectu capitis. Si autem cum ipso Christo capite cōsideratur ecclesia, illud totum corpus cum Christo, etiam dicitur Christus: quia Christus nobiliorem partem totius corporis tenet. Totum enim à nobiliore parte denominatur. Nam & qui Paulum dicit, omnes eius partes, ex quibus conficitur, dicit: quarum tamen nulla est Paulus. Ita est Christus mysticus, qui cōstat ex capite, qui est ipsemet Christus Dei Filius & virginis, & ex ipsius membris, qui sumus nos. At ne videretur aliquid fictum & nouum, declarat quo pacto hæc vnio fiat membrorum cum capite, & ait:

*Etenim in vno Spiritu omnes nos in vnum corpus baptizati sumus*. Sicut enim vnum corpus vno spiritu vnum est, & viuit (quia spiritus vitæ colligat inuicem cuncta membra) ita & Christus hoc mysticum corpus per vnum spiritum conflat, quod vnitur & viuunt. Et hoc quia fit in baptismo, ideo sequitur: Baptizati sumus in vnum corpus, cum vnus sit Spiritus. Sic enim intramus omnes in Christū, & nascimur. *Siue Iudæi, siue Gentiles, siue serui, siue liberi*. Ponit hæc duo diuersa genera, in quibus maxime discrepantia videbatur, ne possent coire in vnum. Primum propter legem Moyses, quæ diuidit Iudæos à Gentibus. Secundum propter legem mūdi, quæ separat à seruis liberos. Sed Christi lex quæ est charitas, coniungit omnia: & omnibus legibus superior existens, debet præhonorari. *Et omnes in vno Spiritu potati sumus*, id est, eandem doctrinam imbibimus, quæ est cibus & potus animæ.

Ex hoc loco grauis exoritur quæstio. Videtur enim Apostolus nō admittere inter Christi membra, nisi eos solos qui nati sunt per baptismum, accipientes ibi Spiritum regenerationis, si modo eodem Spiritu potentur. Qui igitur mortali delicto tenentur, non sunt membra Christi, nec pertinent ad corpus eius. Si autem non sunt membra Christi, non pertinent ergo ad illos hæc dona Spiritus, ut videtur sentire, imo & docere Apostolus, ut etiam Caieranus norat. Quod si ita est: Pastor ergo malus, non erit pastor. Et ita dona alia, quæ gratis data vocantur, non autem gratum facientia, nō poterunt conuenire cum peccato: quod est contra theologiam scholasticorum, imo & sanctorū Patrum.

Nos igitur hoc in loco breuitati (more nostro) studentes, Dicimus quencumque natum ex Spiritu, siue re ipsa baptizatus sit, siue ex voto baptismi quouis modo renatus ex Spiritu, membrum esse

Nota de corpore Christi mystico & mēbris eius.



*Sine fide nō  
est ullus  
membrum  
Christi.*

Christi: quia per Spiritū vnitus est illi. Si verò ad baptismum fide accedat non habens fidem, tunc non potest dici Christi membrum propriè: quia spiritus fidei quo viuatur, non est in illo: solūmodo obtinet characterem. Non tamen propterea credibile est pertinere ad corpus Christi tāquam membrum, ita vt illi donet Deus aliquod spirituale bonum ad vtilitatem ecclesiæ. Si autem iam incorporatus Christo per fidem & Spiritum Dei, delinquat, & mortali peccato contaminetur, nondum tamen definit esse Christi membrum, licet spiritus charitatis non sit in eo. Nec est incongruum si habeat ministerium aliquod in ecclesiā, quamdiu fidem non negauerit: nec est in capax aliquorū spiritualium donorum, etsi interim ipse non sit particeps potus spiritualis. Qui si omnino fidem amittat, non arbitror posse illum dici membrū Christi, & consequenter nec censerī prælatus verè potest, nec pastor.

*Nam & corpus non est vnum membrum, sed multa.* De corpore organico loquitur, quod propter diuersā, quorum indiget, officia, habet etiam membra plura & diuersa, quibus vritur vt prospiciat sibi, & vnum membrum indiget alio. *Si dixerit pes, Quoniam non sum manus, &c.* Solatur minores & infirmos, ne velint se extra corpus Christi ob id existimare, quod eis non sit datum aliquid nobilioris muneris. *Si dixerit auris, Quoniam non sum oculus, &c.* Per aurem auditores, per oculum doctores intelligit. *Si totum corpus oculus, vbi auditus? Si totum auditus, vbi odoratus?* Cum sint hæc necessaria.

*Nunc autem posuit Deus membra, &c.* Ait, *Nunc autem*, id est, in tempore nouæ gratiæ: aut est tropus loquendi. Nunc autem, pro eo ac si dixerit, Hoc iam constituto, necessaria esse varia membra propter varios actus necessarios, non sit tibi quæstio, quare fecit hoc membrum aurem potius quàm oculum: quia hic sola voluntas est pro ratione, alias nunquam quiesceres. Si enim & illud quod rogas, fecisset: eadem semper reuolueretur quæstio. Nec dicas, Melius esset omnia membra idem esse, & idem posse. Respondet enim: *Quod si essent omnia vnum membrum, vbi corpus?* videlicet, organicū, quod ad rerum decorem, qui membrorum varietate resultat, desideratur. *Nunc autem*, videlicet, cōstituentum est iam hoc vt bonum. *Multa quidem membra, vnum autem corpus*, esse scilicet oportuit, vt sibi inuicem seruirent.

*Non potest autem oculus dicere manui: Opera tua non indigeo.* Mirabiliter loquitur Apostolus, & ad magnam persuasionem. Per oculum quidem, cōrem platiuos: & per manum, actiuos describit, duo vitæ genera. Et per caput, Præsidentes: & per pedes, subditos & exeutores, duo alia genera. *Sed multo magis quæ videntur membra corporis infirmiora.* Vocat infirmiora minus actiua, quibus minus vtimur, & magis patiuntur recipiendo, vt venter & huiusmodi. Quidam Ethnicus apud Liuium comparauit ventri Patritios Romanos. *Et quæ putamus ignobiliora, &c.* quia ornatu illa putamus indigere, vt honorentur. *Et quæ inhonestæ sunt nostri abundantiorē honestatē habent.* Quoniam operiuntur vt pudenda, & magna etiam diligentia: sed nunc turpissime & inhonestissime. Quæ enim occultauit natura vt turpia, homo infelix arte ostendit ad im-

pudicitiam, ita vt Pagani longè honestius vestiāt, quam nostri. Et nedum milites hac in parte peccant, & omnes promiscuè artifices, & ipsi pueri: sed (quod detestandum est) & qui ecclesiasticas dignitates vsurpant, & animarū curam habent: quos non pudet vel caligis ita conscissis, ita minutis & tenuissimis vndique intextis partibus ad pudenda vt, vt vitiorum se illecebris, & cupiditatum lenociniis dedidisse iudicari possint. Sed me pudet horum meminisse: eos vtinam meretricitiam quasi disciplinam puderet profiteri. *Honestæ autem nostræ nullus egent*, Talia honoris ornamenta non requirunt: quin potius honorem natium, suamque dignitatem ingenuam amitterēt. Satis enim ex se decora sunt. Et hæc ait, vt similiter fiat in corpore mystico optimè suis partibus cōstituto, ne vllum membrum ab alio membro despiciatur.

*Sed Deus temperauit corpus, ei cui de erat, abundantiorē tribuendo honorem, vt non sit schisma in corpore.* Vi de quo pacto euitetur schisma in corpore. Si membra inuicem se honorent: & quæ magis infirma sunt, etiam magis quodammodo honorentur, vt quæ sunt nobiliora, etiam pro illis sollicitentur. Vnde ait, *Sed in idipsum*, id est, in vnum finem, in gloriam & honorem Dei in Christum, vt conferretur vnio. *Pro se inuicem sollicita sint membra*, ad conseruationem totius corporis, & singulorum membrorum. *Et si quid patitur vnum membrum, compatitur omnia membra, &c.* O sancta Charitas, quæ id agit in corpore Christi mystico, quod videmus Deum in naturali corpore constituisse. In hoc enim cognoscimus, an verè bona membra simus, si miseremur compatientes de miseria fratrum, si gaudeamus congaudentes de eorum bono, quasi nostro. Qui enim amat, nihil est in corpore quod nō habeat. Tolle inuidiam, & tuum est quod habeo. Tollam & ego inuidiam, & meū est quod habes. Liuior separat, charitas iungit. Nunquid sibi soli videt oculus? Et manui videt & pedi, & ceteris membris omnibus. Habemus Spiritum sanctum si amamus ecclesiam: quam amamus, si in eius compage & charitate consistimus: Ait ergo:

*Vos autem estis corpus Christi, & membra de membro.* Voluit hac exhortatione dicere, debere illos inter se sic statuere, quasi essent vnum corpus Christi, & multa membra: licet verè non essent totum corpus, & omnia membra, sed ex parte. Voluit enim instruere particulares ecclesias, quæ se debent habere ad modum vnius perfecti corporis, iuxta respectus ad inuicem. Si legatur, *& membra de membro*, intellige ex vno illo eximio membro, quod est ipse Christus, omnes nos alios, qui illi nomen dedimus, intelligi debere.

Et quosdam quidem posuit Deus in Ecclesia: Primū Apostolos, secundò Prophetas, tertio Doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum. Nunquid omnes Apostoli? nunquid omnes Prophetæ? nunquid omnes Doctores? nunquid omnes virtutes? nunquid omnes gratiam habent curationum? nunquid omnes lin-

*Attende  
hoc ex  
ris in  
etor.*



quis loquuntur? nunquid omnes interpretantur? Aemulamini autem charismata meliora. Et adhuc excellentiorē viam vobis demonstro.

*Et quosdam quidem posuit Deus in ecclesia, primum Apostolos. Ideo ait, primum Apostolos: quia ipsi fuerunt electi ad promulgandum euangelium, & plantandam fidem. Deinde Prophetas, quos puto esse interpretes scripturarum, & concionatores ecclesiasticos. Tertio Doctores, qui in scholis docēt. Ut agnoscamus lōgē nobilius esse prophetare, id est, ædificare populos interpretando scripturas, quam docere in scholis. Hoc quidam Magistri in quibusdam regionibus non obseruant, sed abundantiorē sibi honorem & gloriam obuenire putant, si doceant logicam, aut philosophiam, & totum ætatis cursum in huiusmodi disciplinarum inuolutis quæstionibus cōterant. Deinde virtutes, hi sunt qui faciunt signa & prodigia. Exinde gratias curationū: quoniam curabant & sanabant infirmos. Opitulationes. Sunt & hæc dona, quibus cum quadam peculiari ostensione aliqui sunt præditi, ut adiuuent & opitulentur cum magna promptitudine infirmis subuenientes multis modis. Sub inde Gubernationes. Hoc ad Præpositos videtur pertinere, qui præfunt aliis, & gubernant: tametsi Caietanus ad ministros trahat temporalium bonorum, & septē Diaconos primos ad hoc ordinatos fuisse existimet, ut non fuerint verē Diaconi ad altaris ministerium ordinati. Quod est cōtra sensum ecclesiæ, & traditiones maiorum. Licet nescio quid quod est apocryphum, quasi in sexta synodo tractatum, quidam accipiant, ut hoc inopinabile tueantur. Genera linguarum. Quibus loquebantur etiam ipsi Apostoli Dei, quæ fuerunt in prima euangelij prædicatione necessaria, ne ob sermonis imperitiā impediretur verbum Crucis. Hoc verò donum ultimo loco ponit, ut Corinthij illius auidi intelligerent non esse illud maximū, quod tamen ipsi maximum putabant. Gloriabantur enim aliqui, delectati illa varietate linguarū, quæ nescio quid plausibile, præsertim apud Græcos, habere videbatur. Sed absque charitate nihil proderat. In Græcis desideratur quod adiectum est in latinis, Interpretationes sermonum. Quid autem sit interpretari, dicturus est paulò inferius.*

*Nunquid omnes Apostoli? Nunquid omnes propheta? &c. Hic manifestè concludit Apostolus ex dato exemplo congruentissimo, non omnia dona esse omnium. Neque (ut ait quidam) omnia possumus omnes. Et hoc totum diligenter considerare, ad sedandas dissensiones in ecclesia, & ad tollenda inter Christianos schismata plurimum cōfert. Nam si omnes haberent hæc omnia, iam non essent qui bus hæc officia seruirent. Ideo pulchrum & necessarium est ut habent alij, quod non habent alij: & alij rursum alia. Quatenus vnusquisque quod ipse habet, cæteris non habentibus ministret, ut si longè arctius in corpore mystico charitatis vinculū, dum vnumquodque membrum alterius membri necessariam sibi considerat amicitiam.*

*Aemulamini autem charismata meliora. Hic decima pars sequitur, ubi exposita doctrina de dispositione Dei circa dona spiritualia, instruit quæ dona*

quis, ut ea habeat, magis debeat æmulari, hoc est, æmulatione quadam conquirere ut possideat. Verum hoc in loco sese ingerit quæstio. Si enim Deus ipse Spiritus distribuit prout vult dona hæc, quomodo æmulatione possunt obtineri? Præterea. Nunquid non est improbum ambire Apostolatū, aut prælaturam? Respondemus primum, non loqui Apostolum de ministeriis huiusmodi, sed de donis quæ possunt absque peccato sancta quadā æmulatione ambiri, ut gratia interpretandi scripturas, vel linguarum donum. Et licet Deus ipse partiatur dona quædam pro voluntate, nihil tamē obstat quin possint quædam oratione & piis studiis impetrari.

Sed audiamus ipsum Apostolum. Primò quidē in genere dicit æmulanda esse meliora. Secundo, quod optimum est ostendit, & illud sectandum esse. Non enim quia suo arbitratu Deus dona distribuit, iccirco prohibet ea experi, & quodā pio desiderio ambiri ac postulari. Nā & illis vult magis ea tribuere (licet non cogatur) qui maiori se affectu præparant, & petunt instantius. Hoc autem animaduertentes discipuli rogarunt: Adauge nobis fidem. Et Spiritus sanctus adueniens inuenit Apostolos congregatos, expectantes atque petentes superna & cœlestia dona. Non autem oportet turbari hominem si petat huiusmodi charismata, non tamen accipiat. Considerare potius debet nō esse vtile vel sibi, vel ecclesiæ: & Deum in iis non cogi orationibus, sicut cogitur dare alia quæ sunt ad salutem necessaria: quia se daturum sua ipsius bonitate promisit, si petantur.

*Et adhuc excellentiorē viam vobis demonstro, id est, ad cœlum promerendum hæc via est omnibus excellentior: quam non solum possumus, verum etiā debemus (quoad fieri potest) per omnem expetendi & efflagitandi conatum æmulari. Nam vel hæc vna satis: sine hac autem nulla sufficit ad salutem. Et quænam sit hæc præstantior via mox ostendet, nempe charitas, quæ supereminētissimum locū in omnibus scripturis obtinet. Non ad eam aspirant nisi boni, hanc nobiscum non communicant mali. Possunt communicare baptismum, cætera sacramenta, orationem, templorum parietes, publicos cōuentus: charitatem (dum mali sunt) communicare nobiscum non possunt. Nam qui operatur iniquitatem, an potest is habere charitatem? Quanta ergo sit charitas, ab ipso met Apostolo audiemus, quæ si desit, frustra habentur cætera: si adsit, rectè habentur omnia.*

## CAP. XIII.

**S**I linguis hominum loquar & Angelorum, charitatem autem non habeam, factus sum velut æs sonans, aut cymbalum tinniens. Et si habuero prophetiam, & nouerim mysteria omnia, & omnem sciētiam: & si habuero omnem fidem, ita ut montes trāsferam, charitatem autem non habuero, nihil sum. Et si distribuero in cibos pauperū omnes facultates meas: & si tradidero corpus meum ita ut ar-

Luc. 17.  
Act. 2.



deam, charitatem autem non habuero, nihil mihi prodest. Charitas patiens est, benigna est. Charitas nō æmulator: non agit perperam: non inflatur: non est ambitiosa: non quærit quæ sua sunt: non irritatur: non cogitat malum: non gaudet super iniquitate: congaudet autem veritati: omnia suffert: omnia credit: omnia sperat: omnia sustinet. Charitas nūquam excidit: siue prophetiæ euacuabuntur: siue linguæ cessabūt: siue scientia destruetur. Ex parte enim cognoscimus: & ex parte prophetamus. Cum autem venerit quod perfectū est, euacuabitur quod ex parte est. Cum essem paruulus, loquebar vt paruulus: sapiebam vt paruulus: cogitabam vt paruulus. Quando autē factus sum vir, euacuauī quæ erant paruuli. Videmus nunc per speculum in ænigmate: tunc autem facie ad faciem. Nūc cognosco ex parte: tunc autem cognoscam sicut & cognitus sum. Nunc autem manēt fides, spes, charitas, tria hæc: maior autem horum est charitas.

*Laud Charitatis tanquā precipue virtutis.*

**S**i linguis hominum loquar & Angelorum. Est modus quidam loquendi etiam Angelis, quo sibi inuicem suos manifestant conceptus. Hoc enim est eorum colloquium. Et cum ille sit modus loquendi dulcissimus & facundissimus, proponitur vt optabile quiddam. *Charitatem autem non habeam, factus sum velut as sonans, aut cymbalum tinniens.* Quoniam reddit sonū alieno impulsu, & sine mente & spiritu proprio, & non in sui, sed in aliorum solatium. Hoc dictum est propter eos qui æmulabantur loqui linguis, vt agnoscerent non esse quid magnum & expetendum, tanquam valde sibi vile, præ charitate.

*Et si habuero prophetiam, & nouerim mysteria omnia, & omnem scientiam.* Dicit, scientiam, non sapiētiā: quia non est sine charitate sapientia. *Et si habuero omnem fidem.* Dicit, omnem fidem, id est, perfectam fidem, totam, integram, & illam quæ est particula re donum, de quo superius actum est: ideo declarans ait, *ita vt montes transferam.* Audiant ergo qui sola nos fide iustificari docent, ita vt qui credant, apud Deum mox iusti pronuntientur. At Apostolus non ita docet, sed ait: *Charitatem autem non habuero, nihil sum.* Theologicè loquitur, iuxta materiam. Nullus enim hominū est aliquid coram Deo secundum esse spirituale, nisi habeat charitatem. Deus enim charitas est.

Occurrit autem hīc quæstio ex euangelio: quoniam B. Paulus, vt quis valeat montem virtute fidei transferre, prægrandem ad hoc fidem videtur requirere, cum sic loquatur. *Et si habuero omnem fidem, ita vt montes transferam.* Dominus autem ad hanc rem præstandam videtur requirere modicam fidem, vt pote ad grani sinapis magnitudinem, quemadmodum apud B. Lucam legitur. Sed non est modica fides, quæ est velut sinapis gra-

num, quin magna potius & perfecta. Vnde Dominus regnum cælorum grano sinapis, ob infinitā virtutem, appositissimè comparauit.

*Et si distribuero in cibos pauperum, &c.* Ecce quod omne opus validum & acceptabile coram Deo, oportet esse charitate formatum. Quo fit vt non valeamus nos valorem operum ponderare: quandoquidem an fiant ex vera charitate plerūque nescimus. Quam tamen vt ab eius fructibus noscere mus, subdit. *Charitas patiens est.* Græcè longanimis est. Qui enim vehemēter diligit, etiam in longum patitur fortiter, & æquo animo tolerat. Iacob propter dilectionem visi sunt anni, in seruitio tamen durissimo, pauci. *Benigna est.* Benignus est, qui bene agit, aliis bona providens. *Charitas non æmulator,* mala æmulatione per inuidiam. *Charitas non agit perperam,* id est non inconsideratè, non incompolitè, non inordinatè, ne displiceat dilecto. Sola charitas est, quam mala conscientia non pungit, quia non agit perperam. Inter opprobria secura est, inter odia beneficia. Inter iras placida est, inter insidias innocens, inter iniquitates gemens, in veritate respirans. *Non inflatur.* De scientia, cuius proprium est inflare hominem. *Non est ambitiosa.* Græca vox id significat ac si dixisset, Non est impudenter procax: & ideo bene sensum vidit interpres. Nam ambitiosi procaces sunt, & sine inuestitia & verecundia insolenter petulantes.

*Non quærit quæ sua sunt,* sed quæ Dei & proximi. Quærit autem quæ sua sunt, qui quæ sibi debentur, tantum prospicit & curat. Charitas primum quæ Dei sunt, curat: certò sciens quod quæ sibi debentur, curabit Dominus. Vnde ipsemet: Ego nō quæro gloriam meam, id est, mihi debitam, est qui quærat & iudicet. Magnum profectò & certissimū charitatis signum, cum se neglecto aut post habito, vacat homo propter Deum syncerè proximo suo. *Non irritatur,* iniuriis, & contumeliis, & conuiciis. Sicur Christus cui in crucē pendenti intulabant & obiebant: Si filius Dei est, descendat de cruce. Sed charitas illum cruci aptauit, & ideo nō valuit verbis illis insigniter irritatoriis irritari. *Nō cogitat malum.* Quid est non cogitat malum? Nisi quod ibi malum non existimat, vbi illud non videt, ne homines, & incertam eorum mentem iudicet: sed omnia interpretatur ac vertit in bonum. Nam malum de alio cogitare, nisi certò videatur, aut probabili saltem & constanti coniectura, vel est quia non diligitur (vnde facile de eo quem nō diligimus, mala cogitamus, quia etiā ea vellemus) vel est quia nos mali sumus, & quod nobis consicij in nobis deprehēdimus, illud idem de aliis existimamus.

*Non gaudet super iniquitate.* Si quis patiatur iniuriam, dolet: nec tam vicem illius qui patitur dolet, quā in gratiam eius qui infert iniuriam: quia id longè est deterius. *Congaudet autem veritati.* Puto hīc per veritatem significari iustitiam, cui congaudet charitas, vt superiori dicto aduerfetur. De iniquitate enim nō gaudet: quia de illi opposito gaudet, hoc est, de iustitia, si quis nimirum puniatur de malo, aut præmiatur de bono. Lætatur enim iustus cum viderit vindictam. Poteft etiam vniuersaliter intelligi de veritate, quæ charitate diligenda est. Dico autem de veritate eorū quæ sunt Dei.



Nam hæc veritates maxime à charitate probantur. *Omnia suffert*: quia expectatione felicitatis æternæ, nihil duri ferre recusat. Quid enim charitate fortius? Non quidem ad vindicandas, sed ad non curandas iniurias. Nam omnia tolerat in præfenti vita: quia omnia credit de futura. Et *suffinet omnia* quæ hic immittuntur: quia sperat omnia quæ ibi promittuntur. Quod nos legimus, *suffert*, exprimitur verbo græco, *συνε*, quod significat dura sufferre. Et differt à *substinere*. Græcè, *υπομένει*, quo & quædā permanentia in ferendo subintelligitur. Dicit etiā *omnia credit*, videlicet possibilia, ut possibilia: & verisimilia ut talia. Credit autem, quia inducit intellectum ad credendum. Et ratione subiecta materiæ puto loqui Apostolū de diuinis, & præsertim de diuina bonitate. Quæcunque enim in scripturis leguntur, ea omnia facile credit charitas.

*Charitas nunquam excidit*. Quomodo non excidit charitas, cum perdatur quolibet mortali peccato? Sed non est hic Apostoli sensus, qui naturam charitatis vult significare. Nā cum alia dona deficiant in patria, ubi non erit fides, nec spes, ipsa tamen charitas tantum abest ut excidat, ut etiam ibi crescat, augeatur, & omnino perficiatur.

*Sive prophetia euacuabuntur*. In cælis nō erit opus prophetia: quia reuelata facie contemplabimur maiestatem. Prophetia autem non dicit visionem facie ad faciem (etsi olim propheta diceretur videns) sed continetur intra terminos viatoris. *Sive lingua cessabunt*. Non quod non simus loquunturi in paradiso, sed absque linguarum dono: quia vna erit omnium lingua, quam tenebunt omnes. *Sive scientia destruetur*. Loquitur de scientia quæ ex principiis fidei habetur. Tunc enim principiis melioribus existentibus destruetur illa, & eius loco melior nascetur & clarior scientia.

*Ex parte enim cognoscimus*, videlicet per fidē, quæ perfectam cognitionem non gignit: quia est argumentum nō apparentium. *Et ex parte prophetamus*. Per spiritum prophetiæ, qui addit ad notitiam fidei, non dans tamen visionem perfectam. *Cum autem venerit quod perfectum est, euacuabitur quod ex parte est*. Vocat esse ex parte, non quod secundum sui substantiam imperfectum est, seu quod in sui substantia quidem perfectum est, non tamen est perfectum respectu alterius cognitionis, quæ est altius speciei, aut ordinis. Et ideo scientia & fides, quam hic habemus de diuinis, non est futura in patria. Nam visio succedens non erit propriè scientia, nec fides, sed aliud à fide & scientia. Fides enim ut maneat fides, ne sit visio est necesse, sed modus noscendi præ visione imperfectus. Et ideo abiecta hac imperfectione, in qua saluatur substantia ipsius fidei, etiam ipsa fides tollitur. Idem est de scientia. Charitas autem nunquam excidit, cuius substantia perficitur in patria, & nunc non est perfecta. Nec dicitur charitas non excidere, quod semel accepta non possit amitti, sed eo modo, quo iam dictum est.

*Cum essem paruulus, loquebar ut paruulus, &c.* Hoc exemplo docet superiorem conclusionem: & clarum est exemplum, ut ostendat quod aliter loquitur paruulus, eo quod aliter cogitat, & aliter sapit, quam vir maturus. Ille enim habet conceptus confusos & implicatos, minimèque distinctos. Non

secus nobis hic accidit, qui nec cogitare, nec sapere, & ideo nec loqui possumus digna Deo, dum in hoc corporeo habitaculo sumus, velut in caliginoso loco, per lucernam in tenebris aliquid videtes. At cū erimus perfecti & in conspectu veri Solis, alia erit notitia nostra, & alia loquela.

*Videmus autem nunc per speculum in enigmate*, id est in obscuritate. Quid est id quod videmus nunc, nisi Deum, & quam speramus in eo felicitatē? Sed sub nube illam videmus, non facie ad faciem: & quasi per speculum, id est, per argumenta ex visibilibus & sensibilibus collecta, in quibus aliquo modo elucet Deus ipse velut in speculo, & illa nobis ostendunt illum esse, & habere providentiam hominum specialem. Hæc argumenta colligimus nō solum ex his quæ in mundo sunt naturaliter, sed multò magis ex his quæ acciderunt ex Dei providentia de Filio suo, & lumine fidei ad illa attingimus. *Tunc autem facie ad faciem*. Sed nunquid non videbat Moses Dominum facie ad faciem, & Iacob similiter, qui hoc ait: Vidi (inquit) Dominum facie ad faciem: Ego puto neminem eorum vidisse Deum, & Dei substantiam facie ad faciem, sed Angelos in quibus apparebat Dominus, sicut B. Dionysius testatur: De qua re alibi erit sermo.

*Nunc cognosco ex parte*, id est, imperfectè, & valdè imperfectè: *Tunc autem cognoscam sicut & cognitus sum*. Cogniti sumus nos à Deo in ipsis Dei lumine qui in se ipso videt cuncta. Nihil enim est extra illum, quod ex illo non prodierit, & quod non in illo manet excellentius: quoniam sustentatur per eius voluntatem. Sic igitur & nos tunc cognoscemus Deum: quia participabimus lumine illo suo per lumen gloriæ, quo & roborabitur acies oculorum mentis nostræ, ut coniuncti Deo per illud lumen, videamus illud beatissimum lumen suum, non per alia media: & ideo facie ad faciem. *Sicut & cognitus sum*, ab eo: quanquam infinita erit differentia notitiæ suæ & nostræ etiam tunc. Ipse enim cuius visio est ipsemet Deus, omnem suam immensitatem comprehendit & videt. Hoc autem de vlla creatura nefas est dicere: quoniam nullius creaturæ visio (quantumvis beata) est ipse Deus. Sed hæc subtiliora, scholasticorum sunt.

*Nunc autem manent, fides, spes, charitas, tria hæc: maior autem horum est charitas*. Eant nunc hæretici prædicantes solam fidem. Et eius virtutem & efficaciam audeant præponere virtuti charitatis ad æternam salutem nobis comparandam. Quod ait ergo, *Nunc*, significat statū gratiæ in quo sumus. In hoc enim sunt tres istæ de cælo virtutes, quarum duæ post hunc statum excident. Sed quæ maior est, nimirum ipsa charitas, manebit & perficietur. Illa enim nō nouit nisi crescere, magisque ac magis crescere. Si enim amamus quem nō videmus, quomodo amari sumus cū viderimus? Non satiat animā, cui vera & certa sedes est æternitas. Æternum autem ardentius diligitur adeptum, quam desideratum. Nullum aliud canticum docet nos Deus, nisi fidei, spei, & charitatis, ut fides nostra firma sit in ipso quandiu non illum videmus, credentes in eum, quem nō videmus, ut gaudeamus cum viderimus, & fidei nostræ succedat species lucis eius. Vbi iam nobis non dicetur: Crede quod non vides, sed gaude & exulta quia vides. Itaque dilectione ad illud

Gen. 32.

De Vita æterna &amp; cognitione Dei.



est nobis aspirandum, illique inharendum, ut præsente perfruamur à quo sumus, quo absente nec esse possemus.

## CAP. XIII.

**S**ECTAMINI charitatem: emulamini spiritualia: magis autē ut prophetetis. Qui enim loquitur lingua, non hominibus loquitur, sed Deo: nemo enim audit. Spiritus autē loquitur mysteria. Nā qui prophetat, hominibus loquitur ad ædificationem, & exhortationem, & consolationē. Qui loquitur lingua, semetipsum edificat: qui autem prophetat, Ecclesiam Dei ædificat. Volo autem omnes vos loqui linguis, magis autē prophetare. Nam maior est qui prophetat, quā qui loquitur linguis: nisi fortē interpretetur, ut Ecclesia ædificationem accipiat. Nunc autem fratres, si venero ad vos linguis loquens, quid vobis prodero, nisi vobis loquar aut in reuelatione, aut in scientia, aut in prophetia, aut in doctrina? Tamen quæ sine anima sunt vocem dantia, siue tibia, siue cithara, nisi distinctionem sonitui dederint, quomodo scietur id quod canitur, aut quod citharizatur? Etenim si incertam vocem det tuba, quis parabit se ad bellum? Ita & vos per linguā, nisi manifestum sermonem dederitis, quomodo scietur id quod dicitur? Eritis enim in aera loquentes. Tam multa, ut puta, genera linguarum sunt in hoc mundo, & nihil sine voce est. Si ergo nesciero virtutem vocis, ero ei cui loquar barbarus: & qui loquitur, mihi barbarus. Sic & vos, quoniam æmulatores estis spirituū, ad ædificationem Ecclesiæ, quærere ut abundetis. Et ideo qui loquitur lingua, orret ut interpretetur. Nā si orem lingua, spiritus meus orat: mens autem mea sine fructu est. Quid ergo est? Orabo spiritu, orabo & mente: psallam spiritu, psallam & mēte. Cæterum si benedixeris spiritu, qui supplet locum idiote, quomodo dicet, Amen, super tuam benedictionē? quoniam quid dicas, nescit. Nam tu quidem bene gratias agis: sed alter non ædificatur. Gratias ago Deo, quod omnium vestrum lingua loquor. Sed in Ecclesia volo quinque verba sensu meo loqui, ut & alios instruam, quā decem milliavertorum in lingua. Fratres, nolite pueri effici sensib⁹: sed malitia paruuli estote: sensibus autem perfecti estote. In lege enim

scriptum est: Quoniam in aliis linguis, & labiis aliis loquar populo huic: & nec sic exaudient me, dicit Dominus. Itaque linguæ in signum sunt non fidelibus, sed infidelibus: prophetiæ autem non infidelibus, sed fidelibus. Si ergo conueniat vniuersa Ecclesia in vnum, & omnes linguis loquantur, intrēt autem idiotæ, aut infideles, nonne dicent, quod insanitis? Si autem omnes prophetent, intret autem quis infidelis vel idiota, cōuincitur ab omnibus, diiudicatur ab omnibus. Occulta enim cordis eius manifesta fiunt: & ita cadens in faciem, adorabit Deū, pronuntians quod verē Deus in vobis sit.

*Sectamini charitatem, &c.* Concludit ex superiori bus Apostolus, charitatem esse sectandam. Sectamur autem illam rectē & iustē operando. Et illam tantō magis meremur apprehendere, quanto operibus bonis magis studemus. Et hoc si de dono ipso intelligamus, possumus etiam intelligere de operibus charitatis, quæ tunc sectamur, cū & nos illa operamur, quæ Christus, & alij sancti & filij Dei prius operati sunt. *Emulamini spiritualia*, videlicet dona, per desiderium, & parando vos ut illis uti possitis, sed ad ædificationem, non ad ostentationem. *Magis autem ut prophetetis*. Quod intelligitur de prophetia scripturæ, id est, de eius interpretatione & apertione. At, *magis*, respectu aliorum donorum, ac præsertim doni linguarū. Ut igitur præstantiam prophetiæ commonstret, subdit:

*Qui enim loquitur lingua*, id est, per donum, non hominibus loquitur, sed Deo. Et enim scripturas in ecclesiis enuntiabāt ut ministri, quas tamen eo solo dono non poterant interpretari: quia diuersum erat linguæ donum ab interpretationis dono. Et ob id loquebatur Deo, cum vulgus non intelligeret, sed ipse Deus. *Nemo enim audit*, id est, nemo est qui asistat & audiat ut discipulus. *Spiritus enim loquitur mysteria*. Sensus est, quod in scripturis sanctis est latēs Spiritus, qui loquitur mysteria & arcana, siue secreta quæ non intelliguntur, nisi sit Angelus Dei, vel propheta interpret. Vnde sapienter Eunuchus ille cum legisset Isaiam, & interrogaretur à Philippo, An quæ legebat intelligeret, respondit: Quomodo possum intelligere (inquit) si non aliquis ostenderit mihi.

Quo in loco eruditionem capere debet lector, sacras scripturas, ut penetrentur earum arcana, Spiritu sancto indigere instructore. Nec enim is credendus est intelligere, qui solam literæ superficiē intelligit, & quæ sub ea latent non intropicit. Quamobrem in omnem partem peccatum esse à nonnullis perpeximus. Fuerunt enim qui ita sensum de superficie literæ eruere voluerunt, ut quod ibi sub litera contineretur mysterii, contempnerint. Et hi quidem cum Iudæis consentiunt: vtrique enim arcanorum scientia defraudant semetipsos. Alij verò contrā, qui penè contempta litera & historia, solum allegorias meditati sunt, quæ non plenam intelligentiā præstant. Notitia enim historiæ plurimum confert ad illustrandum allegori-

De præsentia prophetiæ ad donum linguarum

Al. 8.

Quod nonnulli de superficie literæ eruere voluerunt, ut quod ibi sub litera contineretur mysterii, contempnerint. Et hi quidem cum Iudæis consentiunt: vtrique enim arcanorum scientia defraudant semetipsos.



goricos & spirituales sensus. Verum hæc exēplis magis possent & illustrius manifestari, nisi hoc alterius esset negotij.

*Qui autem prophetat, hominibus loquitur, &c. Qui autem loquitur lingua, semetipsum ædificat.* Sed quomodo si non intelligit? Respondeo. Non sine fructu charitatis illum relinquit Spiritus: & interdū suggerit & reuelat mysteria etiā idiotis, si boni & humiles fuerint & simplices. *Qui autem prophetat, ecclesiam ædificat, videlicet referando mysteria.*

*Volo autem omnes vos loqui linguis, &c.* Volo, provellem. Quod & probat. *Nam maior est qui prophetat, &c.* Et hoc propter suam intelligentiam & doctrinam in alios: *Nisi forte interpretetur.* Tunc enim concurreret & prophetiæ donū, *ut ecclesia ædificationem accipiat.* Quod maximè spectatur. *Nunc autē fratres, &c. aut in reuelatione,* Manifestans quæ accipi: *aut in scientia,* De acceptis etiā syllogizās, & nouas conclusiones educens: *aut in prophetia.* Hæc est donum interpretationis scripturarum: *aut in doctrina,* circa mores. Sic enim puto hæc vocem hīc intelligi. *Tamē quæ sine anima sunt.* Quod ait, *tamen,* pro eo est quod diceremus, quoniam etiam, *sine tibia, sine cithara, &c.* Ita & vos per linguam, &c. id est, Ita vos estis linguæ dono tantum vtentes, nisi manifestum dederitis sermonē interpretādo, eritis in æra loquentes, hoc est, frustra: quia solus ær sentiet percussionē vocum, quāta vi aut quanto flatu emittantur. *Tam multa vtputa genera linguarum sunt in hoc mūdo, & nihil sine voce est,* id est, nihil eorum quibus datum est per vocem significare, vt sunt homines, est sine voce. Habet enim vnaquæque gens idioma suum.

*Si ergo nesciero virtutem vocis, ero ei qui mihi loquitur barbarus: & qui loquitur, erit mihi barbarus.* Ita habetur in Græcis, & melius (vt videtur) & sensus est planus. Barbarus enim hoc in loco is dicitur, qui linguæ differt varietate, vt non intelligatur. Quilibet enim qui nō intelligitur, barbarus est illi qui audit: vt & Poeta quidam dixit: Barbarus hīc ego sum: quia non intelligor vlli, cum tamen esset Romanus. *Sic & vos, quoniam emulatores estis spirituum, ad ædificationem ecclesiæ querite vt abundetis.* Hortatur, ne ob vanitatem & curiositatem quærant hæc dona, sed ad ædificationem ecclesiæ, vt abundant. Nam is qui habet & bene vitur, dabitur ei, & abū dabit, vt possit etiam in alios effundere. Hoc apud B. Paulum est abundare. Vult ergo vt quærant, & docet quomodo, oratione videlicet: vnde subdit, *Et ideo qui loquitur lingua, oret vt interpretetur.* Scriptum est enim: *Petite & accipietis.*

*Nam si orem lingua, non intelligens, spiritus meus orat, qui infirmus existēs adiuuatur à Spiritu sancto, & in hoc ædificor: Mēs autem mea sine fructu est, quæ non capit mysterium.* Quid ergo est? *orabo spiritu, &c.* Præfert ergo orationem & psalmum vtroque modo prolatum, videlicet & spiritu & mente.

*Ceterum, si benedixeris spiritu, id est, solum lingua loquens in publicis orationibus & laudibus.* *Qui supplet locū idiotæ.* Hinc apparet in ecclesia, & olim institutos fuisse ministros altaris qui seruirent, & idiotarum locum supplerent non intelligentium, & responderent pro tota illiteratorum ecclesia.

Vnde & eleganter sumitur, non conuenire, vt mysteria, & sacræ literæ communi idiomate in ecclesia recitentur. Ministri enim iam eo tempore

pro aliis respondebāt. Ministri ergo deberent esse eruditi, & quæ agantur in tanto ministerio scire. Qua in re quantū peccetur totus mundus clamat, & nemo audit. *Quomodo dicit, Amen, &c.* Considera vt olim cōueniebant in ecclesiis canēdo & psallendo, & inuicem respondendo, vt nunc quoque fit. *Nam tu quidem bene gratias agis: sed alter non ædificatur.* Et hinc nota ædificationem esse in intelligendo, & in respondendo benedictionibus.

*Gratias ago Deo: hīc se in exemplū proponit, quod omnium vestrum linguis loquor.* Non enim vna tantum lingua erat in Corintho, cum ibi esset numerus Episcoporum, vt patet in salutatione. Græcè legitur, *magis quā vos omnes,* vt aduertat Apostolum hoc in loco gloriari de sua linguarum cognitione super alios. Et hoc contra Erasimum, qui conuincere insitiā B. Pauli, quod ad linguam Græcam contendit, B. Hieronymo fretus, cuius tamen varium hac de re & inconstans iudicium asserit, & ab eius obiectis sæpenumerò defendit B. Paulum. Ego verò etiam ab obiectis Erasmi defendi posse Apostolum non dubito, sed non est operæpretium in his insistere. *Sed in ecclesia volo quinque verba, &c.* Eo quod mens fructū deberet recipere. Sunt qui illa quinque Apostoli verba dicunt esse Pēta theum. Mihi magis placet, vt sit quidam loquendi tropus, quasi dicat pauca quæ ipse intelligam, & quæ ab aliis quoque cum opus fuerit, intelligi possint. *Fratres nolite pueri effici sensibus, in delectu boni & mali.* Nam pueri plerunque leuius bonum maiori anteponere solēt. Hoc dicit Apostolos ne prophetiæ, ne ipsius charitatis donum, dono linguarum (quod est inferius) velint postponere. *Sed in malitia paruuli estote.* Non inuidendo, non perperam agendo, aut eligendo deteriora. *Sensibus autem perfecti estote, vt sciatis verè discernere.*

*In lege enim scriptum est: Quoniam in aliis linguis, &c.* Primum quod ait esse scriptū in lege, habetur apud Isaïam. Frequentissimè legis appellatio ad vniuersam scripturam veterem extenditur. Deinde confidera, & si ibi alia sint verba, sensum tamen apostolicum (quem hīc legimus) verum esse Apostolica conuincit autoritas. Ibi legitur: In loquela enim labij, & lingua altera loquetur ad populū istum. Vbi Isaïæ verba, quæ in propria dicebat persona, ab Apostolo vertuntur, ac si Deus in persona sua dixisset, qui verè dixerat Isaïæ. Vocat ibi loquelā labij, quæ non intelligebatur, vt esset sola vox nō cordis, sed labij, ita vt non intelligerent. Et quod ait, Altera lingua, significat variis linguis. Et quod hīc ait, Et nec sic exaudiēt me, ibi statim legitur. Et noluerunt audire. Hæc autē autoritate voluit Apostolus eos instruere, *Quemadmodum Iudæi vocem quidem audiētes non profecerunt, quia medullas mysteriorum non nouerunt: Ita lingua loqui sine intellectu, tandem infructuosum & vanum est.*

Sed dicet quis: Cur igitur est hoc linguarum donum à Deo, si non prodest? Respondet ipsemet Apostolus, & ait. *Itaque lingua in signum sunt non fidelibus, sed infidelibus, &c.* Declarat consilium Domini in dono illo linguarum: quoniam minabatur Iudæis breui eos à seipso deferendos, seq; ad Gentes conuersurū, cum prædicaret eis Christū quem occiderant, nisi conuerterentur: ac si diceret, se non ignorare linguas, vt possit conuerti ad alloquendū

Ouidium.

In ministris ecclesiæ requiritur scientia.



Gentes. Sed nec hoc signo intellexerunt miseri & infideles Iudæi. Quare lingue donum, quatenus signum erat, & res admiratione digna, non erat nisi pro infidelibus, & non quibuscūque, sed Hebræis tantum, sicut patet in ea scriptura. Prophetia autem pro fidelibus data est ad ædificationem. Quocirca tanto magis, & cum æmulatione quadam sancta vacare debebant huic ministerio prophetandi.

*Si ergo conueniat ecclesia, &c.* facilis est sensus. *Si autem omnes prophetent, &c.* quoniam mirabilis est scriptura. Omnes enim arguit, omnes iudicat: Est enim sermo Dei viuus & efficax, & penetrabilior omni gladio ancipiti, & pertingens vsque ad diuisionem animæ & spiritus, compagum quoque & medullarū, & nulla creatura est inuisibilis in conspectu eius. Hic proculdubio est Christus: & talis est ipsa scriptura. Vnde congruè sequitur: *Oculi enim cordis eius manifesta sunt, &c.* Ecce fructus prophetiæ cōparatione linguæ, nempe ædificatio mirifica, eo quod verbum Dei cor recipere volentis penetrat, & immutat.

Quid ergo est fratres? Cū conuenitis, vnusquisque vestrū psalmum habet, doctrinam habet, apocalypsin habet, linguam habet, interpretationē habet: omnia ad ædificationem fiant. Siue lingua quis loquitur, secundum duos, aut vt multum tres, & per partes, & vnus interpretetur. Si autem non fuerit interpres, taceat in Ecclesia: sibi autem loquatur & Deo. Prophetæ autem duo, aut tres dicant: & cæteri diiudicent. Quod si alij reuelatum fuerit sedenti, prior taceat. Potestis enim omnes per singulos prophetare, vt omnes discant, & omnes exhortentur. Et spiritus prophetarum prophetis subiecti sunt. Non enim est dissentio nis Deus, sed pacis: sicut & in omnibus Ecclesiis sanctorum doceo. Mulieres in Ecclesiis taceant. Non enim permittitur eis loqui, sed subditas esse: sicut & lex dicit. Siquid autem volūt discere, domi viros suos interrogēt. Turpe est enim mulieri loqui in Ecclesia. An à vobis verbū Dei processit? aut in vos solos peruenit? Siquis videtur propheta esse, aut spiritalis, cognoscat quæ scribo vobis, quia Domini sunt mandata. Siquis autem ignorat, ignorabitur. Itaque fratres, æmulamini prophetare: & loqui linguis nolite prohibere. Omnia autem honestè & secundum ordinem fiant in vobis.

Quid ergo est fratres, id est, quid concludendū tandem ex hac de linguæ dono disputatione?

Cū conuenitis vnusquisque vestrum psalmum habet, &c. Loquitur (vt opinor) de maioribus vt solet: & dicit eos psalmum habere ad psallendum, doctrinam ad docendum, & sic de reliquis. Omnia ad ædificationem fiant. Non frustra, & inordinatè, siue

lingua quis loquitur, &c. Sensus est, Qui pollebant dono linguarum, legebāt Hebraicè scripturam in diuinis: & Apostolus vult hoc fieri à duobus, aut ad summum à tribus, nec vno tempore, ne sit confusio: & vnum ex eis interpretari, quod perinde erat ac prophetare.

*Si autem non fuerit interpres, taceat in ecclesia,* ille videlicet qui habet donum linguarum: *sibi autem loquatur & Deo:* sibi inquit, id est priuatim, sicut dici solet. Mihi & musis: quia donum linguæ est inefficax in ecclesia ad ædificationem sine interprete.

*Propheta autem duo, aut tres dicant, & cæteri diiudicent.* Quod maxime vellem in ecclesiis seruari, vt essent docti iuxta Episcopum, qui possent diiudicare prophetantes, num rectè, & ad Spiritum veritatis interpretarentur. Profectò non tot scandala & hæreses pateretur ecclesia. Dicit, *duo aut tres:* Nō enim bonum est esse multos Magistros, vt admonet B. Iacobus. Nolite plures Magistri fieri. *Quod si alij reuelatum fuerit sedenti, prior taceat.* Erant tunc repentinæ reuelationes, quibus illi prophetæ illustrabantur, & iis cedendum erat: quoniam Spiritus eo tempore occasionem nactus, suggererat multa vtilia.

Et hīc nota, quod prophetæ stabant, vt & moris est. Audiētes autem sedebant: contra quem morem vidi ego adolescens quendā multæ famæ prædicatorem, dum concionaretur, sedentem.

Hoc autem ex loco fundant aliqui suam insignē arrogantiam, volentes prædicare etiam non missi à prælatis, eo prætextu quod dicant habere se reuelationes à Deo. Sed nihil hoc eis fauet, tum quod in illo primæuo ecclesiæ seruire (vt dixi) erant dona illa in ecclesia, & patebant: quæ nunc cessarunt. Et ideo non extēditur hoc olim permissum ad particulares casus, si qui modo accidāt. Nam quilibet pro arbitrio dicere posset sibi esse reuelatum: Et ita ordo ecclesiasticus facile contemneretur. Præterea, nullus eorū pro libertate hæc præsumebat. Erant enim & illi sub censoribus, qui audiebant & diiudicabant: propter quod sequitur.

*Potestis enim omnes per singulos, id est, sigillatim, prophetare, vt omnes discant, & omnes exhortentur.* Vide vt est larga manus in hoc B. Pauli. Et cōsidera duos prophetantium & prædicantium effectus. Primus est docere veritatem, Deinde exhortari ad exercitium virtutum. Quæ duo sunt semper coniungenda. Parum enim prodest optima quæque scire, nisi opere ipso efficiantur, quæ nouerimus. Alioquin bonum scienti (ait B. Iacobus) & non facienti, percatum est illi. Et Apostolorū Princeps, Melius, inquit, erat illis viam veritatis nō nouisse, quàm post agnitam retro conuerti ab eo, quod illis traditum est, sancto mandato. At contra, ignorantia mandatorum est mater totius negligentiae, & torporis in via Dei. Quam vt excuteret à nobis Deus permisit hæreses nouas, aut populi varietate opinionum excitati, doceantur tandem, quæ prius non ita clarè patebant in scripturis. Nam qui pietatem amant & veritatem, non solum hereticorū erroribus non inuoluuntur, sed constantiores in fide redduntur: neque se patiuntur à recta euangelij via, quæ per passionem & varios laborum sudores alacriter conficienda est, propositis voluptatum fallacium viis abduci, quæ in interitum sempiternum suos se-

Contra  
dentem  
dicere  
que mis  
ne.

1ac. 4.  
2. Pet. 2.



quaces trahunt perpetuò cruciandos.

*Et spiritus prophetarum prophetis subiici sunt.* Græcè, subiiciuntur. Sed credo melius haberi latinè, & falsatū esse in Græcis, vel ab iis qui nolebant Spiritum sanctum esse Deum: vel ab iis qui metuebant à tropo, si diceretur Spiritus, qui est Deus, subiici prophetis. Sed nihil erat metuendum. Ne quis enim obiiceret: Spiritus cogit me loqui, cum fortè ab ecclesia prohiberetur: aut cum non esset illi locus dicendi sine turbatione ecclesiæ. Respondet Apostolus, quòd Spiritus sanctus in hoc subiicitur prophetis. Audiat hoc quicumque inuito, & prohibente Prælato, præsertim summo Pontifice, audet loqui. Neq; asserat se à Deo missum, nec posse continere Spiritum, quo agitur. Respondetur enim illi ex B. Paulo, Spiritum Dei turbas excitare nō posse, qui neminē prorsus à capite separat. Audi quid Apostolus addat:

*Non enim est dissensionis Deus, sed pacis.* Nec te hoc in loco moueat lector, si videatur Apostolus dicere Spiritum sanctum prophetis subiici: quia hoc nō ita simpliciter de persona illa diuina intelligendum est, sed in illo dono quoad vsum. Nam Deus ipse, scilicet Spiritus sanctus, non est dissensionis Deus, sed pacis. *Sicut in omnibus ecclesiis doceo.* Græcè deest, doceo. Et tamen bene habet. Si tamen desit, sensus hic erit: Sicut in omnibus ecclesiis seruandum esse doceo.

*Mulieres in ecclesiis taceant.* Græcè legitur, Mulieres vestræ, vt intelligas de cōiugatis eum mulieribus loqui, quas iubet tacere. Vnde nō obstat quod superius dixerat, & nos in hac locū explicare quæstionem distulimus: Mulier orans aut prophetās. Non enim de nuptis ibi erat sermo, quæ habent virum. Nam de ipsis lex loquitur, quòd debeant esse subditæ viris suis. Et inferi⁹ dicit: Domi viros suos interroget. Aliud ergo est de mulieribus, quæ Deo in statu virginitatis vacant, aut castitate. Nec enim sexus ille priuatus est dono prophetiæ, etiam in lege Christi. Vnde scriptum est: Prophetabunt filij vestri, & filiæ vestræ. Et in Act. Apostolorum legitur de filiabus Philippi diaconi quæ prophetabāt: quæ non ab re expresso nomine sunt à sacra scriptura virgines appellatæ. Et in euangelio Anna prophetissa vidua multo tempore sine viro (quia continentiam prophetia quàm maxime requirit) hæc loquebatur omnibus qui expectabant redemptionem Israel. Ex quo facile coniecere licet, quales prophetias hæretici nostro tempore accipiant, scilicet in carne immerfi. Ipsi enim cum suis venerandis connubiis & copulis prophetant admirabiliter, inuita etiam ecclesia.

Præterea, Dicimus mulieres non posse ex officio hoc facere, & ordinariè. At si cui esset reuelatum particulariter, & in loco: non esset prohibenda ne loqueretur saltem suis mulieribus, & inter pares sermonem habendo, vt sit in monasteriis sacrarum virginū. *Non enim permittitur eis loqui,* cum hoc sit Prælatorum, Doctorum, & Superiorū munus proprium & officium, *sed subditus esse viris suis* propter disciplinam, & verecundiam quæ illas ante omnia decet, sicut & lex dicit. Sub viri potestate eris. Nec solum excluduntur à publico docendi exercitio, sed insuper à potestate & actu quærendi per modum disputationis in conuentu virorum.

Aliud est si cum patribus & viris spiritualibus in confessione, & de rebus ad spiritus fructum pertinentibus loquantur.

*Si quid autem volunt discere, domi viros suos interrogent.* Et hoc etiam propter honestatem, cuius rationem subdit: *Turpe est enim mulieri loqui,* scilicet, docendo, aut interrogando, sicut consuetudo erat, in ecclesia, in conuentu publico. Turpe autem illud dicitur, quod dedecet: veluti si membrum aliquod in corpore vellet officium alterius membri usurpare, vt ambulare manibus, vel scribere ore, vel pedibus, & huiusmodi.

*An à vobis verbum Dei processit?* Hic videtur tacite arguere alios, qui aliter introducta noua consuetudine obseruari volebāt. Primū derogat eis auctoritatem per hoc, quòd sermo Dei & promulgatio euangelij non cœpit ab illis, vt valeant noua introducere, atque decernere: quod eleganter & verè in hæreticos obiici potest. *Aut in vos solos peruenit?* Hic secundus aduersus illos arguendi locus, qui non solum non valent dicere: Nos ita accepimus à Christo, & ipse constituit nos primos ministros verbi: Sed nec dicere possunt ad seipsos tantum peruenisse apostolicā doctrinam, cum manifestè Apostoli aliis in ecclesiis iuberent aliter obseruari. Et ob eam causam neque vt primi autores, neq; vt soli acceptores verbi, valebant auctoritatem vllam prætere. Nota hæc diligenter pie lector: quoniam ex his confunduntur hæretici, eorumq; impudens audacia apertissimè retunditur, qui non secus noua seminant, ac si essent ipsi primi Euangelistæ, & Apostoli: aut quasi ad illos tantum peruenit apostolica doctrina.

*Si quis videtur propheta esse, aut spiritualis, cognoscat, etc.* Facile enim erat cognoscere à Domino esse quæ prædicabat Apostolus: quādoquidem & lex, & ratio ipsa ea probabat. Et tamen penes duo hominum genera hanc notitiā certam residere posse declarat. Primò si fuerit aliquis propheta: quia hic à Deo spiritualiter docetur. Vel si fuerit homo spiritualis, qui facile diiudicat omnia: quia regulam habet in semetipso intus. Charitatis enim lumen præbet docens ordinem: & quæ decora sunt ab in decoris rectissimè distinguit.

*Si quis autem ignoret, ignorabitur,* cum sit crassa ignorantia, quæ minime excusat. Verum Græcè legitur. Si quis autē ignorat, ignoret. Et melius meo quidem iudicio. Nam elegans hinc & illustris sensus habetur: Si quis ignorat, ignoret, id est, gerat se ad modum ignorantis, non se intromittat vbi non est necesse, iudicans quæ ipse nescit: sed sequatur alios, qui sunt principes & duces talium, & in sua simplicitate & debiliore captu saluet animam suam. Hoc autem consequetur, si cum humilitate adhareat iis quæ ecclesiæ sanctæ consuetudo, & maiores in ea docent.

*Itaque fratres, emulamini prophetare,* tanquam vtilius charisma & excellentius ad sui & proximi ædificationē. *Et loqui linguis nolite prohibere.* Non pariter dixit hoc æmulandum, quoniam non tanti faciendum erat: sed neque prohibendū, cum nequaquam esset superstitiosum, vt pote Dei donum: & ideo non omnino inutile, vel habenti propter se ipsum, vel in signum propter alios. *Omnia autē honeste & secundū ordinē fiant in vobis.* Hic est finis totius

*Hac possunt merito in hæreticos obiectari.*



præsentis doctrinæ circa materiam spiritaliū donorum, ut scirent quæ meliora, & quomodo illis utendum, non ambitiosè scilicet, sed ordinatè, cum pace & tranquillitate ecclesia.

## CAP. XV.

**N**OTVM autem vobis facio, fratres, Euangelium quod prædicaui vobis, quod & accepi stis, in quo & statis, per quod & saluamini, qua ratione prædicaui vobis, si tenetis, nisi frustra credidistis. Tradidi enim vobis in primis, quod & accepi: Quod Christus mortuus est pro peccatis nostris secundum scripturas: & quia sepultus est: & quia resurrexit tertia die, secundum scripturas: & quia visus est Cephæ: & post hoc, vndecim. Deinde visus est plusquam quingentis fratribus simul: ex quibus multi manent vsque adhuc: quidam autem dormierunt. Deinde visus est Iacobo: deinde Apostolis omnibus. Nouissimè autem omnium tanquam abortiuo, visus est & mihi. Ego enim sum minimus Apostolorum, qui non sum dignus vocari Apostolus: quoniā persecutus sum Ecclesiam Dei. Gratia autem Dei sum id quod sum: & gratia eius in me vacua non fuit: sed abundantius illis omnibus laboraui: non ego autem, sed gratia Dei mecum. Siue enim ego, siue illi, sic prædicamus: & sic credidistis.

**M**odo peruenimus ad partem præsentis epistolæ vndecimam, ubi perstringit Apostolus totius ferè euangelij, quod illis prædicaui, summam, eiusque efficaciam. Hoc autem necessario coactus est repetere ob quosdam exortos hæreticos, qui mortuorum resurrectionem negare iam cœperant: ait, *Notum autem vobis facio, fratres, euangelium, &c.* Verè illud euangelium est maximè, quod ad resurrectionem attinet: quia quicquid est euangelij in hoc articulo continetur: & hoc sciri à cunctis maximè necessarium. Ideo sequitur, *Quod prædicaui vobis.* Si enim hunc articulum resurrectionis non prædicasset tam necessarium, in quo salus, & integra ferè fides nostra consistit, quæ est sperandarum substantia rerum, quid (obsecro) prædicasset? *Quod accepistis*, scilicet fide: *in quo & statis.* Stare signum est sanitatis, & virium. Stamus autem spiritualiter per fidem viuam, iuxta illud: Nunc fide statis. Et iterum: *Qui stat, videat ne cadat.* Per quod & saluamini, id est, per quod euangelium receptum salutem æternam consequimini. *Qua ratione*, seu, quo sermone, prædicaui vobis. Potest hoc referri vel ad superius, *Notum vobis facio*, quo sermone, id est, qua sermonis efficacia, aut qua ratione, aut qua de causa prædicaui vobis: Vel ad id, *si tenetis*: ut ita ordines. Si tenetis qua ratione, &c. Sed videtur frustra dici. *Notum facio vobis, si tenetis.* Si enim tenebant, id est, rememorabantur, quid oportebat rursus significare? Sed poterant

tenerè quidem fide in confuso, non tamen meminisse particularia: vel ad maiorem impressionem. Superior autem interpretatio videtur verior. *Nisi frustra credidistis*: quia frustra ille credidisse dicitur, qui non perseverat, & non tenet quod credidit. Aut qui & si reliqua crediderit, hinc tamen articulum solum non tenet, sicut erant inter eos nonnulli qui de eo titubabant.

*Tradidi enim vobis in primis quod & accepi.* Ac si dixerit, Non mea somnia, sed quod accepi, nimirum ab ipso Domino. *Quod Christus mortuus est pro peccatis nostris*, id est, ad delenda peccata nostra, satisfaciens sua morte pro nobis ad destructionem peccati. Et quod id credibilius faceret, addidit, *secundum scripturas*, id est, secundum prædictionem scripturarum, quas oportebat impleri. Plenè enim sunt scripturæ ad hunc articulum comprobandum, quod Christus semel oblatuſ est ad destructionem peccati. Secundò sine peccato apparebit in maiestate ad iudicandum. Etenim & ipsemet dixit, Nonne oportuit Christum pati, & ita intrare in gloriam suam? *Et quia sepultus est.* Et hoc ad mysterium attinet: quia etsi mortuum sit peccatum, adhuc manet tamen cadauer, nempe corpus peccati, & caro peccati, à qua se liberari Apostolus in persona Christiani hominis implorabat, aiens: Quis liberabit me de corpore mortis huius? Ecce in quo est spes. *Et quia resurrexit tertia die secundum scripturas*: quia secundum eas impossibile erat eum teneri doloribus mortis, ut in Act. testatur B. Petrus.

Vide hic acute lector, quàm diligenter morti & resurrectioni adiectum est scripturarum testimonium: quia in his totum est mysterium Christi, & certissimum signum, mortis in illum non fuisse imperium propter illius aliquod peccatum, sed propter nostrum. Vnde & eum oportuit mori, & resurgere, ut nos peccato moreremur, & viueremus postea Deo in illo. Quod si quæras, ubi de morte & resurrectione in scripturis probetur. Ecce passim ostendi potest in Psal. & apud Iaiam, & ceteros prophetas, tum in figuris, tum in prophetia manifesta, sicut in Act. docet B. Lucas per Apostolorum prædicationem, quæ recitare longum nimis esset, & superfluum.

*Et quia visus est Cephæ.* Præmittuntur mulieres, quibus apparuit Dominus: quia testimonium legitimum & efficacius est virorū. Apud B. Lucam legitur, quomodo apparuit Dominus Simoni Petro. *Et post hoc, vndecim.* Græcè legitur duodecim. Quod si ita legendum est, non esset accipiendum dictum, eos fuisse duodecim cum iam esset abscisus Iudas, sed fuisse de duodecim, id est, de collegio eo numero præfinito. Sicut diceremus collectos Decemuiros, etiam si nouem tantum collecti essent eius magistratus, qui diceretur Decemuiros.

*Deinde visus est plusquam quingentis fratribus simul.* Græcè legitur, semel. Nā duodecim illis sapius visus est, ut apud B. Ioannē & alios Euāgelistas videre licet. Ego igitur existimo cū assumptus fuit, istud fuisse. *Ex quibus multi manent vsq; adhuc.* Ut res non esse fictā magis persuadeat, erant enim testes multi de visu. Et quia res manifesta tunc erat, non fuerunt soliti nostri Euāgelistæ specialiter narrare nomina, *Quidam autem dormierunt*, scilicet somno concepta spe resurrectionis & sempiternæ beatitudinis.

Articulus  
resurrectio  
nis maxi-  
ma pars e-  
uangelij.

Luc. 24

Act. 1

Luc. 24



Deinde visus est & Iacobo. Neque hoc habetur in illo euangelio; sed nec in Apocryphis, ubi legitur: Quod iuravit se non comesturum panem, donec eum videret. Id enim non videtur consonum, nec ipsi euangelio. Iam enim ipse viderat prima die manifestè, cum esset ex duodecim. Nominavit autem Iacobum propter sanctitatis famam & auctoritatem, ut qui Ierosolimitanâ ecclesiâ rexerat, & post Petrum secundus habebatur, unde & ex Act. licet eius maximam dignitatem colligere, & ex ipso B. Paulo ad Gal.

Deinde Apostolis omnibus. Fortè voluit & B. Matthiam complecti, cum dicat, *Apostolis omnibus*. Si ordinatè recenseret Apostolus has apparitiones, difficile est eas rectè colligere ex scripturis. Et fortè per id quod dixit, *Deinde*, non notat ordinem temporis, sed narrationis. Quicquid tamen sit, parum hoc admodum ad rem spectat.

Novissimè autem omnium tanquam abortivo visus est & mihi. Abortivum se humillimus Apostolus vocat, quasi cum dolore expressum, & immaturum partum. Unde sequitur: *Ego enim sum minimus Apostolorum, qui non sum dignus vocari Apostolus: quoniam persecutus sum ecclesiâ Dei*. Ecce cur indignum se eo nomine vocet, propter maximum in persequendo Dei ecclesiâ peccatum. Vbi notandum, cum his qui reuertuntur ad gremium ecclesiâ, & reuera conuertuntur, non esse inconueniens ita agere, ut etiam valeant recuperare priores gradus.

Sed gratia Dei sum, id quod sum. Mera profectò gratia, quam non solum nullum præcessit meritum, sed econuersò multa demerita. Idcirco factus est ille tantopere prædicator gratiæ. Nec minus etiam fuisset, si ab initio fuisset innocens: quoniam & hoc ad gratiam pertinuisset. Et gratia eius in me vacua non fuit, id est, inanis, & sine fructu. Sed abundantiùs illis omnibus laboravi, exercendo dona gratiæ. Nec intelligas eum solû plus laborasse, quàm illi omnes simul, seu collectiue. Hoc enim nimium esset. Non ego autem, sed gratia Dei mecum. Græcè δὲ ὁ παρ' ἐμοῦ, id est, quæ mecum, supple est, aut quæ mecum laboravi. Et ita intellexit interpretes, & verum est: Ne sit locus hæreticis, qui bene acta soli tribuunt gratiæ Dei, & non simul libero arbitrio, quasi gratia sit aliquod separatum à libero arbitrio, & non inherens forma. Nam reuera liberum arbitrium (quod est voluntas) informatum charitate & gratia, facit opera. Alioqui quæ maneret laus operanti? & quodnam iudicium expectaretur? Legi tamè in quibusdam Græcis codicibus, ἡ τῆς χάριτος, id est, quæ in me, vel erga me, aut quæ perfecta est in me. Sed parum differt à priore: quanquã prior minus scrupuli habet.

Sive enim ego, sive illi, sic prædicauimus: & sic credidistis, videlicet Christum resurrexisse, ut sic qui aliter dicunt, prædicationi apostolicæ contradicant. Quod autem aliqui contradicerent, enarrat.

Si autem Christus prædicatur quod resurrexit à mortuis: quomodo quidam dicunt in vobis, quoniam resurrectio mortuorum non est? Si autem resurrectio mortuorum non est: neque Christus resurrexit. Si autem Christus non resurrexit, ina-

nis est prædicationis nostra, inanis est & fides vestra. Inuenimur autem & falsi testes Dei: quoniam testimonium diximus aduersus Deum, quod suscitauit Christum: quem non suscitauit si mortui non resurgunt. Nam si mortui non resurgunt: neque Christus resurrexit. Quod si Christus non resurrexit: vana est fides vestra. Adhuc enim estis in peccatis vestris. Ergo & qui dormierunt in Christo, perierunt. Si in hac vita tantum in Christo sperantes sumus, miserabiliores sumus omnibus hominibus.

Si autem, &c. Negabant quidam resurrectionem mortuorum; contra quos in hunc modum Apostolus argumentatur. Si autem Christus prædicatur, videlicet ab Apostolis, & in ecclesiâ Dei, nempe ut articulus fidei, quod resurrexit à mortuis. Quomodo quidam dicunt in vobis, &c. ac si expressius dixisset: Quæ tanta arrogantia & præsumptio, contra Apostolorum prædicationem audere dogmatizare? Supponit enim apostolicam prædicationem falsam esse non posse. Et verè id ipsum credendum est, ea quæ vniuersaliter in ecclesiâ magno consensu prædicantur, falsa esse non posse. Post hanc verò rationem ab autoritate, quæ in rebus fidei est fortissima: propter eos tamen qui malunt ratione persuaderi, insuper argumentatur Apostolus, & ait:

Si autem resurrectio mortuorum non est, neque Christus resurrexit. Derideret aliquis logiculus istud argumentum, & carperet, non intelligens theologicum esse argumentum, & in eos qui aliquid concedebant. Rectè enim sequitur: Quia Christus resurrexit, ergo & nos resurgemus: hoc posito, quod ipse sit caput nostrum. Siquidem monstrum omnino esset caput, si suis membris careret. Si autem Christus non resurrexit, inanis est prædicationis nostra, &c. quia tota spes illa resurrectionis nostræ vana est. Fundatur enim in resurrectione Christi. Inuenimur autem & falsi testes Dei, &c. Nam aduersus Deum testimonium dicunt, qui ex parte Dei quicquam testificantur, quod ipse Deus non dicit. Faciunt enim tales (quæ ad illos pertinet) mendacem Deum, qui summa tamen est veritas, nec mentiri potest.

Nam si mortui non resurgunt, neque Christus resurrexit. Quia prædicabatur Christus primitiæ resurrectionis, ideo valet argumentum. Si mortui non resurgunt: ergo neq; Christus. Sicut econtrario: Si Christus resurrexit, ergo & ceteri resurgent: quoniam vnum corpus censetur omnes cum illo. Si autem Christus non resurrexit, vana, &c. Etenim resurrectio illa Christi etiam nostram resurrectionem à peccatis, & nouam vitam significauit, ad comparandâ illam æternam in cælis.

Ergo & qui dormierunt in Christo, scilicet, credentes in illum (hoc est enim dormire in Christo) perierunt: quia non inueniri possunt resurgere, si Christus non resurrexit. Quo in loco nota apostolica sententiæ esse secundum veram & theologiam doctrinam, quam nec philosophi, nec proterui

Nota hoc.



valent inficiari. Quicunq; ponit animam immortalē, necesse etiam illi est admittere resurrectionem. Et econuerso. Qui negat resurrectionem, etiam negare animæ immortalitatem, quales erant Sadducæi. Nam animas ponere à suo corpore, cui natura afficiuntur, separatas, ac propterea perpetuò viduas: talis non est ex philosophis bene institutis, qui naturalia desideria non possunt, nec debent, frustra esse concedere.

*Si in hac vita tantum in Christo sperantes sumus, &c.*  
Aliud argumentū pro resurrectione: Et sensus est. Si speramus in Christo solummodo quatenus vixit ille hanc vitam, & nos eius imitatores pariter viuimus, vt in illo simus, illique cōformemur, certe *miserabiliores sumus omnibus hominibus*, cum ipse omnium nouissimus factus sit. Et sublata spe resurrectionis (quæ nobis aufertur, si ille nō resurrexit) nihil nobis aliud restat, quàm fuisse miseros semper, & in peccatis etiam mansisse.

Et hīc conclude (quicquid aliter hoc in loco dicat Caietanus) B. Paulum rectē & secundum veritatem cōclusisse in aduersarios resurrectionem negantes: quia negabant etiam animam immortalē, vt erant Epicurei & Sadducæi. Quemadmodū apparet in Act. Apostolorum.

Nunc autē Christus resurrexit à mortuis, primitiæ dormientium: Quoniam quidem per hominem mors: & per hominem resurrectio mortuorum. Et sicut in Adam omnes moriuntur: ita & in Christo omnes viuificabuntur. Vnusquisque autem in suo ordine. Primitiæ, Christus: deinde ij qui sunt Christi, qui in aduentum eius crediderunt. Deinde finis, cū tradiderit regnum Deo & Patri: cū euacuauerit omnem principatum, & potestatem, & virtutem. Oportet autem illum regnare donec ponat omnes inimicos sub pedibus eius. Nouissimè autem inimica destruetur mors. Omnia enim subiecit sub pedibus eius. Cū autem dicat: Omnia subiecta sunt ei: sine dubio præter eum qui subiecit ei omnia. Cū autem subiecta fuerint illi omnia: tunc & ipse Filius subiectus erit illi, qui subiecit sibi omnia, vt sit Deus omnia in omnibus.

*Nunc autem, &c.* id est, At hoc certum est, & nostrę fidei fundamentum iam constitutum: Christus resurrexit à mortuis primitiæ dormientium. Nota hīc neruū rationis. Supponit enim Apostolus ipsum semper esse caput nostrum, & ideo factus est primitiæ dormientium: Vt si caput surrexit, membra sint surrectura die sua. Si enim illæ primitiæ: ergo & fructus qui secūdo post primitias veniunt, venturi sunt. Nec putandum est eos qui surrexerunt Domino moriente, resurrexisse perfectā resurrectione: ne tam magnum, tamq; singulare donum detur minoribus, quod non est datum Apostolis, nec illi magno præcursori, & amico Sponsi Ioanni Baptistæ.

*Quoniam quidem per hominem mors, & per hominem resurrectio mortuorum.* Docet rei cōgruentiam: & est sensus. Cū venerit mors per hominē, etiam per hominem decuit esse resurrectionem mortuorū. Nam Christus quod per Adam corruerat, venit reparare. *Et sicut in Adam omnes moriuntur: ita & in Christo omnes viuificabuntur*: scilicet per resurrectionem. Quare miror illos qui putāt non morituros quoidam, cum hīc in Adam mori omnes palam dicat, & verbis eōusque claris Apostolus, & resurrecturos omnes.

Non me latet hunc locum variē, & (vt liberē loquar) meo iudicio satis malē exponi ac tractari cum violatione proprietatis verborum, & apostolici sensus. Est enim sermo hic de resurrectione mortuorum quoad corpus, & nō de vita animæ: ne quis impingat propterea quod non omnes verē viuificantur in Christo, vita scilicet animæ. Quod si verum est, quomodo simul verum erit omnes mori in Adam; cū scriptura dicat de bene morientibus, eos mori in Christo? Si in Christo, quomodo ergo in Adam? Quādoquidem more scripture, mori in Christo, & mori in Adam opponuntur.

Respondeo, difficiles propterea esse interdum scripturas, quod idem dictum iuxta diuersos respectus diuersas patitur intelligentias. Quicunque enim moritur quoad corpus, in Adam moritur: quia quoad corpus, id est, quoad corporis afflictiones, inter quas maxima est & vltima mors, non sumus renouati. Vnde & qui de Christianis nascuntur, non continuò Christiani sunt, nisi baptizentur: quia secundum carnem nascuntur, quæ adhuc est caro peccati & mortis. Nec verò si iam Christiani sumus, morimur propterea in Adam, quāsi adhuc inimico Deo, sed in Adam vt parente, à quo accepimus carnem. Nam & Christus, cuius membra sumus, dignatus est sub Adam esse hac partē quoad mortem: quia carnem in similitudine peccati ab illo accepit. Sed cum resurrexit, liberatus est ab eā conditione, vt nullo modo sit in Adā, sed primitiæ resurgentium.

Nos ergo interim donec adueniat plena resurrectio, quæ perfectā erit regeneratio, etiam si simus in Christo quoad corpus (quia de eius carne & ossibus constituti sumus) nihilominus sumus in illo secundum quod ipse erat mortalis, & consequenter etiam ipse in Adam, absque peccato tamen. Et ideo qui in Christo moriuntur, in Adam quoque moriuntur: & hoc ipso reddunt debitum, & liberantur, vt in Christo verē resurgāt ac perfectē. Qui autem in Christo nō moriuntur, vt sunt infideles & peccatores, in illo tamen etiam ipsi viuificantur, scilicet vita corporis: quia peccatum Adæ recipit pœnas suas, & per Christum omnes debent recipere corpus proprium, & cum illo iudicari, vt quisque recipiat prout gessit in corpore, siue bonum, siue alium.

Quod ergo etiam damnati recipiunt corpus, beneficium Christi habent, & non in Adam: quia bonum est esse cum corpore, licet illis non sit futurū bonum, qui acerbius tunc cruciabantur. Sed hæc supplicia illi sibi ipsi sua culpa procurarunt. Vera est ergo & indubitata sententia, & sine vllō scrupulo procedens. Sicut in Adam omnes moriuntur:

*Quomodo in Adam omnes moriuntur, & in Christo omnes viuificantur.*



ita & in Christo omnes viuificabuntur, vita scilicet corporis. Christus enim sua morte omnia traxit ad seipsum, & lucratus est: ita ut in illo, quantum attinet ad hanc recuperandi corporis partem, omnes esse penitus censeantur. Attamen multi extra illum (quod pertinet ad gratiam & salutem) inueniuntur:

*Unusquisque in suo ordine.* Erit nanque aliquis ordo in ipsa resurrectione: & hunc exponit, aiens, *Primitiæ Christi.* Quomodo, quæso, primitiæ Christi, qui iam dudum surrexit à mortuis, qui nec ite videtur ad eam pertinere resurrectionem, de qua hic loquitur Apostolus? Respondeo, Christi nomine eos ab Apostolo intelligi, qui vnà cum Christo futuri sunt ad iudicandum, quasi Sp̃s & Sponsa vnū cum illo, pro quibus orauit, primum, ut ipsi vnū essent in Patre, & in seipso, de quibus ad Thessa. ait: Qui in Christo sunt, resurgēt primi. Deinde nōs qui viuimus, &c. sicut suo loco exponetur. Primitiæ igitur resurgentium erunt illi præcipui, qui apparebunt cum ipso Domino in gloria eximia & claritate. Nam de iis potissimum dixit, Et claritatem quā dedisti mihi, dedi eis, ut sint vnū, sicut & nos vnū sumus. Post has igitur primitias resurgent alij, de quibus subiunxit Apostolus, ut habet grāta lectio longè verior.

*Deinde quī sunt Christi in aduentu eius.* Pie lector attende, & si placet recipere, audi: Omnes iustos & pios reuera Christos esse, quatenus in iustitia permanent. At cum ante iudicium, minime sit certum generaliter, quinam sint permansuri (exceptis tolummodo electis, quos nouit Deus, & qui sunt ante aduentum illū cogniti, & probati quod sunt Christi) ideo hic ait illos qui inueniuntur esse Christi, non quidem simpliciter, sed in aduentu eius: quia tunc iudicis sententia manifestè cognoscuntur iustificati, ij tales futuri sunt in secundo resurgentium ordine.

*Deinde finis.* Quidam de iniustis hoc exponunt qui postremo resurgent. Nisi fortè hic agatur de resurrectione iustorum ad gloriam, & secundum hoc expone: *Deinde finis*, videlicet erit huius status & huius militiæ, vnde & bene connectitur. *Cum tradiderit regnum Deo & Patri.* Ad huius loci declarationem, qui est difficilis intellectu, sciendum est Christum posse considerari ut est Deus, & ut homo est. Et iuxta primam considerationem, semper habuit regnum cum Patre, nec vllō tempore illud ab eo accepit. Nam ab æterno quicquid habuit Pater, habuit & Filius. Igitur hac consideratione nō potest dici Christus accepisse ex tempore, aut traditurus vnquam regnum Patri suo: sed huiusmodi omnia quæ sic dicuntur, aptantur illi quatenus homo fuit, subiectus Deo & Patri suo. De quo primum dicitur, quod recessit à Patre: quia venit in mundum in ista carne humilis, exinanitus, ut seruus, non ut Filius vnigenitus. Deinde dicitur quod recedens à Patre dimisit gloriam suam, ac regnū quod sibi debebatur: quia cum de iure esset super omnes, seipsum dimisit ut esset sub omnibus. Et hoc fuit verè dimittere regnum. Et tertio de illo dicitur, quod recessit de mundo, & iuit ad Patrem ut acciperet regnum, quod acquisiuit per victoriam Crucis. Et ideo nunc regnare dicitur: quia ipse gubernat ecclesiam, imperando omnibus qui

sunt in cælo, & qui in terra. Quarto de eodem dicitur, quod reuersurus est in mundum, non ut maneat, sed ut iudicet mundum: quia Pater omne iudicium dedit Filio. Tunc erit omnium resurrectio & tunc finis. Et tunc quinto loco erit quod B. Paulus dixit, Quod reddet regnum, id est, ecclesiam, Deo & Patri suo, quam nō solum acquisiuerit sanguine, verum etiam congregauerit, instruxerit, pauperit, direxerit, & euexerit vsque in cælum ad fruedum Deo in æternum.

Et tunc finis erit regni sui, id est, huiusmodi regni sui, *Cum euacuauerit omnem principatum, & potestatem, & virtutem.* Non enim erit ultra regimen vel malorum Angelorum, vel bonorum erga impios vel pios. Et nota per principatum & potestatem & virtutem (quam Græcè δυνάμις, id est, potētiam dixit) comprehendere omnia regētium, vel imperantium, vel exequētium munera.

*Oportet autem illum regnare donec ponat omnes inimicos sub pedibus eius.* Inimici ergo Christi, qui ponendi sunt sub pedibus eius, non deputabuntur omnes illi qui damnationem meruerint, sed illi specialiter & maxime qui impugnaverint eum & doctrinam eius, ut fuerunt perfidi & blasphemii. Cæteri ad sinistram statuentur, & iudicabuntur. Illi verò ut iam iudicati, solo situ & loco cognoscuntur: Erunt enim sub pedibus Christi. Sicut & econuerso, qui erunt cum Christo iudicantes, non expectabunt iudicium: quia & ipsi iudicati inuenti sunt in hoc mundo. Non hic agam aduersus eos, qui Christum venturum existimant, & regnaturū mille annis: quorū dogma iam olim explosum est & damnatum, licet nunc quidam deliri homines audeant iterum excitare. Non enim oportet ob quemlibet proferentem sollicitari, cum & hic locus ex Apostolo, & aliæ multæ scripture, huic heresi nimis aperte aduersentur.

*Novissimè autem inimica destruetur mors.* Inimicam mortem appellat, quia destruit hominem: quæ & in ipsum Christum (ipso tamen volente) vim suā exercuit, tamen si nullum ius haberet in illum: sed ob hanc iniuriam tandem & illa destruetur. Vocat & nouissimam inimicam, quia vsque in mundi finem insultat: aut quia est pœna peccati, ut primus inimicus sit peccatum. *Omnia enim subiecit sub pedibus eius*, scilicet Christi. Si omnia, ergo & mortem ipsam, & ius & imperium mortis.

*Cum autem dicat: Omnia subiecta sunt ei, &c.* Ne quis stultè argumentaretur ex verbis, Patrem esse subiectum Filio. Nam qui subiecit ei omnia Pater, Dominus erat omnium, non potens se illi subicere. *Cum autem subiecta fuerint illi omnia, &c.* Tunc Christus filius subiectus erit Deo Patri: non quod ea parte qua Deus, fuerit vnquam, aut futurus sit Patri subiectus, neque secundum quod homo nō fuerit semper subiectus postquam fuit: sed (sicut diximus) quia cessabit regnum militiæ, & illa administratio sibi data. *Ut sit Deus omnia in omnibus.* Quia ad ipsum maximè respiciet omnis creatura absque medio. Non enim tunc indigebimus mediatore, aut aduocato.

Alioquin quid facient qui baptizantur pro mortuis, si omnino mortui non resurgunt? Ut quid & baptizantur pro illis? Ut

locus diffinitus.

10am. 17.

Notat locū diffinitum.

10am. 16.



quid & nos periclitamur omni hora? Quotidie morior propter vestram gloriā fratres, quam habeo in Christo Iesu domino nostro. Si secundum hominem ad bestias pugnavi Ephesi, quid mihi prodest si mortui non resurgūt? Manducemus & bibamus: cras enim moriemur. Nolite seduci. Corruptunt mores bonos colloquia mala. Euigilate iusti: & nolite peccare. Ignorantiam enim Dei quidam habēt. Ad reuerentiam vobis loquor.

*Alioquin quid facient, &c.* Miræ sunt circa hūc præsentem locum expositiones: quā autem quædrent, viderint alij. Quidam enim horum occasione verborum etiam hæretica crediderūt, quod pro iis qui absque baptismo defuncti essent, possent viuetes baptizari, ita ut pro sit illis defunctis: quod est falsissimum & absurdissimum. Hæc est igitur expositio, quatu & alibi scripsi, quæ mihi videtur verissima: Ut hinc intelligantur ij, qui faciunt opera satisfactoria, & ieiuniorum, disciplinarum, & aliarum afflictionū circa corpus. Nam hic baptizamus dicitur ignis & spiritus, quo Dominus dixit se baptizandum, Crucem pro nobis accipiēs: quo & prædixit baptizandos Apostolos, cum ait: Vos autem baptizabimini Spiritu sancto nō post multos hos dies. Clarus igitur sic redditur sensus loci huius. Vnde rectissime concludit, Si omnino mortui non resurgunt, ut quid baptizantur pro illis? Et ipse de seipso addit: quia & ipse maximè pro eis patiebatur, & pro salute propria.

*Ut quid & nos periclitamur omni hora?* Hic vide cōtra hæreticos etiam ipsis Manibus intestos, quomodo profunt suffragia pro defunctis. *Quotidie morior propter vestram gloriā.* Græcè legitur, per nostram gloriationem, quam habeo in Christo Iesu Domino nostro. Ut sermo sit iurantis, testatūque gloriationem illam, quam habet in Iesu Christo, propter quam & moriebatur quotidie. Mihi tamē magis placet latina lectio, ut quæ ad rem propositam magis quadret. Nullo enim opus erat hic iuramento, cum illud palam appareret.

*Si secundum hominem in bestias pugnavi Ephesi, &c.* Clara sententia, ac si dixerit. Ego autem in spe resurrectionis feci, & non secundum hominem, id est, non pro gloria mundi huius, sed pro mea & aliorum salute, & gloria vera. De hac verò pugna mirum est quod nihil meminerit B. Lucas in Act. cum tamen res videretur memoratu dignissima. Sed paucis ille verbis multa perstrinxit, cum dixit: Non quaslibet virtutes faciebat Dominus per manus Pauli. *Manducemus & bibamus: cras enim moriemur*, ac si dixerit: Optimum esset & saluberrimum istud manducandi ac bibendi consilium, si mortui non resurgerent. Nam ita illi cōsulant qui non credunt resurrectionem, sed animam hominis vnā cum corpore ipso interire docent, ut sunt Epicuræi. Est autem locus ex Isaia. 22. cap.

*Nolite seduci: Corruptunt bonos mores colloquia mala.* Ex Menandro poeta sentētia, quæ verissima est: ut & si quis ab initio non loquatur serio & ex corde, sed ludo & ioco contra ea quæ sunt fidei (ut sit à plerisque, qui volunt videri excellere sapientia)

talibus tamen colloquiis ipse corrumpitur: quia non est ludendum de Sanctis. Et iccirco Erasmi Colloquia, quibus hæc sententia verissimè & appositissimè conuenit, vitanda sunt, & igne cremanda tanquam veneni plena, & instigatione Dæmonis ad perniciem iuuentutis edita. Tamen ille vafer & callidus simulator, & sanctorum tam in terra adhuc viuentium, quā in cœlis iam beatorum obrectator, excusans sese dixerit. Ego iocobar: ludens feci. Sensit iam tandem (ut credo). & sentiet in perpetuum miser, quid momenti habuerit illa coram Deo excusatio. Neque ij excusabuntur, qui legunt huiusmodi pestifera colloquia vel eo prætextu, quod sese oblectent in iocis & argutiolis illis, quæ proculdubio sensim pectus christianum labefactant, & vera pietate spoliunt. Quapropter aduersus tales pestes sapientissimè, & admodum opportunè sequitur:

*Euigilate iusti.* Græcè, iustè, & melius. Est adhortatio ne socordia torpescat: sed ut euigilent, & hoc iustè, id est, quæ admodum exigit iustitia Dei, quæ est in corde piorum. *Et nolite peccare*, id est, habere odio peccatum. Quod si fieret, non tam facile peccaremus, quia id caueremus quā diligentissimè. *Ignorantiam enim Dei quidam habent.* De maioribus cum loqui existimo, qui præ aliis sibi aliquid temerè esse videbantur, & regere alios volebant, unde addit: *Ad reuerentiam vobis loquor*, siue ad erubescētiā, id est, ut eos pudeat ignorantie suæ. Nam ignorare quæ scire debet homo, pudorem incutit, cum obiicitur. Attendant Præpositi & Episcopi, qui nihil minus norunt, quā disciplinam christianam.

Sed dicet aliquis: Quomodo resurgunt mortui? Quali autem corpore venient? Insuper, tu quod seminas non uiuificatur, nisi prius moriatur. Et quid seminas: non corpus quod futurum est, seminas: sed nudum granum, ut puta, tritici, aut alicuius cæterorum. Deus autem dat illi corpus sicut vult: & unicuique seminum proprium corpus. Non omnis caro, eadem caro: sed alia hominū, alia pecorum, alia volucrum, alia piscium. Et corpora cœlestia, & corpora terrestria: sed alia quidem cœlestium gloria, alia autem terrestrium. Alia claritas Solis, alia claritas Lunæ, & alia claritas stellarum. Stella enim à stella differt in claritate: sic & resurrectio mortuorum. Seminatur in corruptione: surget in incorruptione. Seminatur in ignobilitate: surget in gloria. Seminatur in infirmitate: surget in virtute. Seminatur corpus animale: surget corpus spiritale. Si est corpus animale, est & spiritale, sicut scriptum est: Factus est primus homo Adam in animam viuentem: nouissimus Adam in Spiritū viuificantem. Sed nō prius quod spiritale est, sed quod animale: deinde quod spiritale. Primus

Locus à nemine idonee expositus.

Luc. II.

Act. I.

Pro suffragiis pro defunctis.

Act. 19.



homo de terra, terrenus : secundus Homo de cœlo, cœlestis. Qualis terrenus, tales & terreni : & qualis cœlestis, tales & cœlestes. Igitur sicut portauimus imaginem terreni, portemus & imaginem cœlestis. Hoc autem dico, fratres, quia caro & sanguis regnum Dei possidere non possunt : neque corruptio incorruptelam possidebit.

*Sed dicit aliquis: Quomodo resurgunt mortui? Quali autem corpore venient?* Duæ sunt quæstiones, quarum prima rem quasi impossibilem videtur supponere, sicut illi dicebāt. Quomodo potest hic dare nobis carnem suam ad manducandum? Ita isti dicūt: Quomodo resurgunt mortui? Ad hoc autem respondet Apostolus.

*Inspiciens tu: Quod seminas, non viuificatur, nisi prius moriatur.* Hac similitudine illud suadere vult quod videtur impossibile, vt res semel mortua iterum ad vitam redeat. Sed ita apparet in semine: quia vt ad vitam veniat, ipsum prius mori oportet. Vnde nos in hoc mundo sumus per verbum Dei, quod manet in æternum, & vitam habet in semetipso, vigorem habet ad viuificandum. *Et quod seminas, hoc dicit respondens ad secundam quæstionem, quæ rogabat: Quali corpore venient?* Indicat autem nouam futuram qualitatem resurgentium corporum: non autem aliam substantiam, contra antiquam hæresim. *Deus autem dat ei corpus sicut vult, &c.* Græcè, vt voluit, videlicet ab initio naturam rebus statuendo. Poterat enim ex semine grani facere oriri lactucam, & fuisset lactucæ semen: sed ipse naturæ Author cuilibet semini propriam naturam indidit.

*Non omnis caro, eadem caro: sed alia hominum, alia pecorum: alia autem volucrum alia piscium.* Hic cauilliosi dicere possent: quoniam pisces sunt caro, non licet in quadagesima de his comedere. Sed alia est caro piscium, & ideo licet edere: quia non est eadem cum pecoribus & volucribus. Et ridicula argumenta sunt, quæ in legis voluntatem insiliunt, dum verbis supersticiosè innituntur. *Et corpora cœlestia & corpora terrestria, supple sunt. Sed alia quidem cœlestium gloria, quæ est ex specie seu forma, vt patet. Alia terrestrium. Quæ est obscurior fermè incomparabiliter. Alia gloria solis, & alia gloria lune, & alia est gloria stellarum.* Vt etiā inter cœlestia agnoscas differentiam. Per solem Christum, per lunam Mariam, per stellas Sanctos intellige. *Stella à stella differt in claritate, seu in gloria, vt & inter Sanctos etiam gloriam non parem esse agnoscas.* Vnde ait, *sic & resurrectio mortuorum.* Erunt igitur illa corpora omnia gloriosa: sed aliqua differentia erit nihilominus in claritate. Sic & multæ mansiones, diuersas in vna vita æterna significant dignitates. Aliter enim ibi lucebit coniugalis castitas, aliter viuitas, aliter ibi lucebit sancta virginitas. Diuersæ lucebunt, sed omnes tamen ibi erunt. Splendor dispar: cœlum commune. Vt autem declararet quod erit omnium commune, subdit:

*Seminatur in corruptione, videlicet homo, aut corpus eius, dum feminatur corruptibilis est, & ita semen iacitur in re corruptibili. Surgit in incorru-*

*ptionem. Et hæc est vna dos, videlicet corporis in corruptibilitas. Seminatur in ignobilitate, resurgit in gloria* Corpus enim nostrum nūc est tenebrosū & obscurum: tunc lucidum erit, & gloriosum. Et hæc alia dos claritatis. *Seminatur in infirmitate, resurgit in virtute.* Hæc est dos agilitatis, vt vocant Scholastici. *Seminatur corpus animale, resurgit spiritale.* Theologi hanc dotem vocarunt subtilitatem: unde habet potentiam admirandam ad penetranda cuncta corpora ista crassa. Verū quia hæc longè absunt ab humana experientia, & vix credibile est homini, esse posse eiusmodi spiritalia corpora, subiecit Apostolus:

*Si est corpus animale, est & spiritale.* Bene sensum expressit latinus interpres: licet quodam tropo hebraico dicatur. Est corpus animale, est & spirituale, vt significetur quod dictum est: Si est illud, & hoc est. Theologicum est argumētum propter perfectionem vniuersi, ne quid cogitabile desit vniuersitati. Non enim esset (si quid cogitabile de esset) vniuersitas. Probat autem ita esse testimonio scripturæ dicentis in principio libr. Gen.

*Factus est primus homo Adam in animam viuētem.* Significatur hac sententia, primum illum hominē ex natura suæ creationis factum fuisse in animam, id est, vt anima sit sicut forma, cuius gratia est materia, vt sic inde vitam accipiat, & fiat corpus animale. Anima enim ipsi corpori dat vitam. Et B. Paulus citat sensum scripturæ Genesios, quasi diceret. Hoc de primo homine legimus, quod & ad vniuersum genus ex eo futurum pertinet, videlicet, quod *Factus est in animam viuētem, vt sit animalis & terrenus: vt per hoc intelligamus alium de esse hominem spiritalem.* Qui factus est in spiritum viuificantem, id est, propter spiritum, vt ab ipso vitam ipse homo accipiat vitam spiritalem: & sit spiritualis, & non carnalis vita: & sit sempiterna, & non temporalis. Vnde ad illud probandum addit egregiè:

*Nouissimus Adam in spiritum viuificantem.* Hic est Christus Saluator noster & Dominus. Non hoc dicit, quasi Adam caruerit gratia, & fuerit spiritu sancto destitutus. Ipse enim gratiam & dona spiritalia accepit: non tamen habuit ea ex se, sed participauit ipse de secundo Adam Christo. Nam cū cognouit mysterium, tum & spiritum accepit, & grauius est in Christo & ecclesia. Sed hoc capere non est omnium.

*Sed non prius quod spiritale est, sed quod animale, deinde quod spiritale.* Mirè declarat Dei prouidentiam in effectu eius. *Primus homo de terra terrenus, hoc est, de terra loquens, & de terra sapiens: secundus homo de cœlo cœlestis.* Græcè legitur, secundus homo ipse Dominus de cœlo. Tamen nostra lectio verior videtur: quanquam idem sensus ex utraque resultat. Duplex autem oritur hinc difficultas. Prima, Si primus homo non intelligitur nisi secundum corpus & animam simul, & magis secundum animam, vt videtur conueniens: equidem nec de terra est, nec terrenus dici debet, sed cœlestis: quia animis (vt quidam dixit) est cœlestis origo. Secunda difficultas est: quia secundus homo Christus, quoad carnem, de terra fuit ex Virgine, sicut scriptum est, Veritas de terra orta est. Alioquin in errorem incideremus Valentini, qui dixit Christū attulisse cor-

Incorruptibilis.

Claritas.

Agilitas.

Subtilitas.

10. 16.

Legi intendi potius quam verborum seu ritus consideranda.

Dotes corporum beatorum.



pus de cælo, propter huiusmodi scripturas, quas noluit sanè intelligere.

Quamobrem sciendum est, hominem ex humo dictum. Nam & hebraicè, Adam, nihil aliud est, nisi terra rubra. Item sciendum quod secundum hanc maximè partem consideratur, & esse dicitur, quæ materia est, & quam nos maximè videmus & experimur, & scimus: quoniam ex terra & limo sumus. Propterea scriptura dicit: Formavitque Deus hominem de limo terræ. Audi hominem formatum de limo terræ, & statim subiecit: Et inspiravit in faciem eius spiraculum vitæ. Et hinc hominem maximè consideratum ex principiis materiæ intellige. Et subditur: Factus est primus homo Adam in animam viventem. Quia propter ipsam animam est corpus, & corpus propter eam vivit, ut quæ illud animat: ut sicut corpus terrenum est, ita anima terrena sit, veluti forma, quam convenire decuit propriæ materiæ non origine, sed quia immersa corpori terreno, nec habens officium animæ nisi in corpore terreno; cui aptata debeat æquari. Et hoc verissimum quidem est secundum statum naturalem & animale. Et ita factus est homo terrenus, & persona ex ista coniunctione carnis & animæ: & sic non nisi de terra, quia non venit de cælo. Nunquam enim fuit in cælo ille primus homo Adam terrenus.

At secundus homo quid est Christus, de cælo venit. Quomodo? quia Verbum Dei erat. Hic enim semper erat, & quando venit, & quando iunctum est animæ & carni. Non hoc primò fuit intentum, ut anima carnem vivificaret, sed ut anima & caro vivificaretur per spiritum, & spiritui ambò servirent. Et ad hoc factus est homo: & ita factus est in spiritum vivificantem. Quanquam verissimū est, quod per animam eius viveret corpus eius: anima tamen magis propter spiritum, ut ad se corpus potius traheret, faciens illud spirituale, quam ecòverso, ut solum corpori daret esse vivens. Et tamè propter dispensationem redemptionis dimissa est caro Christi passionibus, minime illi naturalibus secundum modum naturæ spiritualis. Hoc sæpe voluit exprimere mirabiliter B. Hilarius, quem aliqui non intelligentes, hæreticum ex eius verbis & persimū sensum acceperunt. Ostendit autem Dominus qualis esset iuxta propriam suam sibi que debitam naturam, quando à mortuis resurrexit: cui de iure debebatur illa gloria. Et vide ut egregiè sequitur:

*Qualis terrenus, tales & terreni. Et qualis Cælestis, tales & cælestes.* Ex illis enim duobus, duplicè quoque contrahimus natiuitatem. Ex primo, terrenam: ex secundo, cælestem. Igitur sicut portavimus imaginem terreni: quia propter peccatum propriis naturalibus redditi sumus, & terrenis operā dedimus, sicut ille *Portemus & imaginem Cælestis*, scilicet nunc liberati à peccato. Græcè legimus, portabimus, ut sit sensus. Et sicut portavimus imaginem terreni, id est, sicut in hac vita propter necessitates & conditiones vitæ, & naturæ nostræ corruptibilis, & variis expositæ laboribus & doloribus, & tandem morti, portavimus imaginem terreni propter peccatum, cui satisfaciendum erat: sic post mortem portabimus imaginem Cælestis, id est, ad imaginem & similitudinem eius erimus in gloria perfe-

cta per redemptionem & glorificationem corporis nostri.

*Hoc autem dico fratres: quia caro & sanguis regnum Dei possidere non possunt.* Hinc alium errorem collegerunt quidam, volentes alia nos corpora accepturos, quàm hæc quæ nunc habemus. At hoc contra scripturas apertas, & evidentissimum Iob testimonium pugnat aientis: Et in carne mea videbo Deum Salvatorem meum. Igitur dicendum, carnem & sanguinem ab Apostolo vocari hominem, quatenus est ex Adam terrenus: ut intelligamus oportere nos habere in hac vita imaginem Cælestis, id est, carnem servientem Spiritui, ut filij Dei. Hæc enim caro merebitur immutari, & possidere regnum Dei. Et dicit, possidere, pro hæreditare, ut vox græca ostendit: quia hæreditate capiemus terram, ut fratres Christi, & filij Dei, illius hæredes, cohæredes autem Christi. *Neque corruptio incorruptelam possidebit.* Corruptionem appellat carnem nostram peccato corruptam. Et per incorruptionem intellige resurrectionem & præsertionem perfectam, mortalitatis & omnis passibilitatis expertem. Impij enim & peccatores non pertinent ad hanc resurrectionem, licet non sint in perpetuum morituri & extinguendi penitus: sed non sustentabuntur spiritu suo. Caro enim non prodest quicquid, sed Spiritus Dei est qui vivificat. Omnis autem caro scænum. Sed ita Deus efficiet potentia sua, ut corpora eorum nunquam corrumpantur: sicut faciet & multis insensibilibus, quod declarans tanquam mysterium & arcanum ait:

Ecce mysterium vobis dico: Omnes quidem resurgemus: sed non omnes immutabimur. In momento, in ictu oculi, in novissima tuba (canet enim tuba) & mortui resurgent incorrupti: & nos immutabimur. Oportet enim corruptibile hoc induere incorruptionem: & mortale hoc, induere immortalitatem. Cum autem mortale hoc induerit immortalitatem, tunc fiet sermo qui scriptus est: Absorpta est mors in victoria. Vbi est mors victoria tua? Vbi est mors stimulus tuus? Stimulus autem mortis peccatum est: virtus vero peccati, lex. Deo autem gratias, qui dedit nobis victoriam per Dominum nostrum Iesum Christum. Itaque fratres mei dilecti, stabiles estote & immobiles: abudantes in omni opere Domini semper, scientes quod labor vester non est inanis in Domino.

*Ecce mysterium vobis dico: Omnes quidem resurgemus, sed non omnes immutabimur.* Duplex hic lectio, imò triplex. Vna est præscripta, quæ habent latini codices; & quam B. Ambrosius sequitur. Alia est: Omnes quidem dormiemus, sed non omnes immutabimur, & parum hæc distat à priore, imò eundem porrigit sensum: quia si omnes dormient, etiam omnes resurgent. Tertia est. Omnes quidem non dormiemus: sed omnes immutabimur. Et hanc amplectuntur quidam novi, quæ tamen & falsa est & pe-

*Spiritus ad vitam animæ & corporis datus.*

*B. Hilarius à quibusdā perperam intellectus.*

*Nota verum & germanam lectionem.*



riculosa, nec potest (nisi proteruè) sustineri. Sed videamus quibus ipsi argumētis adducantur, & quibus contra rationibus occurratur eis, & satisfiat. Deinde quibus etiam conuincatur. Primò igitur pro hac lectione adducunt ita haberi in græcis codicibus. Et nos dicimus, aliter habere latinos omnes, qui ex Græcis fluxerunt. Quòd si Græci codices consulendi sunt dicimus quòd in Græcis vetustissimis codicibus etiam olim inueniebatur varia lectio. Nam tripliciter legitur Græcè, quemadmodum ex commentariis ad hanc epistolam patet, qui nomine B. Hieronymi inscribuntur: tametsi B. Hieronymus alibi duas tantum lectiones in Græcis esse admoneat. Hoc autem ex B. Ambrosio reuincitur, qui proculdubio ex Græcis tertiam, quam habemus, sequitur lectionem: quanquam non admodum de ista contendimus. Quæro igitur cur hanc deteriore eligant potius, corrigentes latinam, cum illa iam antiquata esset, & propemodum eam nesciebamus? Si enim ex Græcis reparanda erat, hoc fortè excusare posset, si saltem Græci codices omnes in unam illam consentirent. At hoc in primis falsum est. Dicent fortassis, penes maiorem partem Græcorum codicum ita haberi. Sed reclamatur B. Hieronymus, qui in epistola ad Minerium & Alexandrum contra prorsus testatur, videlicet communem lectionem hanc in Græcis fuisse. Omnes quidem moriemur, sed non omnes immutabimur. Reclamat & B. Augustinus, qui non nisi hanc unam solam admonet haberi in Græcis. Quapropter & in libr. 2. retractat cap. 23. emendauit, quodam in loco à se dictum futuros aliquot qui minime essent morituri. Origenes hanc nostram sequitur lectionem: Didimus similiter. Quòd si quidam Theodorus Heracliotus, & nescio quis Apollinarius aliam magis probabatur (ut B. Hieronymus docet) quid ad nos? quando etiam se excusat tales à se adductos velut auctores, qui non erant ulla auctoritate digni, quos etiam contemnere videtur B. Hieronymus. Neque tamen si in aliqua existimatione fuissent, tanti esse debent, ut faciant præiudiciū aliorum auctoritati, & communi lectioni. Sed quidam iis inauditis nominibus, propter antiquitatis honorē, nimis subterrentur. Nec me latet B. Chrysostomum istis fauere, qui falsa lectione deceptus est, & rem (ut sæpe fieri solet) non exactè ita considerauit.

Non ergo rectè temeritatem suam circa immutatam lectionem excusat Erasmus propter Græcos codices, aiens (& non semel) agere se interpretem, & profiteri se ex fide vertere quod habetur in Græcis. Nam cum latini, versi nimirum ex Græcis, reclamant: & Græci item inter se non consentiant, & à probatis & fidelibus autoribus communis lectionis in Græcis alia esse perhibeatur, profectò iam non est hoc vertere fideliter ex Græcis, & interpretem agere (ut ait) sed iudicem, & aliorum sententiæ doctissimorum sine ratione detrahare: quod est illi in frequenti consuetudine. Et enim teste B. Hieronymo, Acacius quidam Cæsariensis Episcopus in quaestione hac, quam sibi proposuit, sic ait: Dicamus (inquit) primum de eo quod magis in pluribus codicibus inuenitur. Ecce mysterium vobis dico: Omnes quidem dormiemus, sed non omnes immutabimur, &c.

Secundò, Dicturi forsitan sunt, nostram lectionem consistere non posse, quia dicitur: Omnes quidem resurgemus, siue omnes dormiemus. Aiant enim in aduentu Domini reperiendos viuos multos, quos contingeret non mori. At hoc illud ipsum est, quod nos falsum esse confidenter asserimus, & contra scripturas satis manifestas, & omnino sine ratione: quin & contra rationes ad persuasionem validissimas non proteruis mentibus. Sed non hic hac de re differendi locus: in ea quæ ad Thessa. (largiente Deo) dicemus.

Hic tantum ex eis volo, prius ut ipsi lectionem suam statuunt. Et quidem in suis codicibus Græcis (ut proferunt) ita legitur, πάντες μὴν ἐν κοιμῶντι ὄντες. Quod ita vertendum est ad verbum, sicut & quidam vertunt: Omnes quidem non dormiemus. Hoc verò iuxta proprietatem sermonis significat nullos dormituros: quod est, nullos morituros. Neque enim sic positum est in Græcis, Non omnes dormiemus: quod declararet, Aliquos quidem non morituros, sed est, Omnes non dormiemus: quod (ut dixi) significat. Nulli dormient. Manifestum est enim apud logicos inter hæc discrimen: & iuxta veram sermonis proprietatem, quam & ipsæ scripturæ semper seruant. Igitur iuxta eorundem lectionem, Nulli morituri sunt. Sic enim cum dicitur: Non est impossibile apud Deum omne verbum, id significatur: Nullum verbum est impossibile. Et non iustificabitur omnis caro coram illo id est, Nulla caro iustificabitur. Similiter multæ aliarum huiusmodi sententiæ explicantur.

Ad hæc, Quomodo dicere posset Apostolus: Non omnes dormiemus, cum Dominus ipse dicat, Dormitauerunt omnes, & dormierunt? Et infinitæ sunt scripturæ de morte, quæ non parceret cuiquam. Adde quod si vniuersalis conflagratio mundi ante iudiciū futura est (ut omnes fatentur) quis (quæso) in tanto incendio viuus valeat superesse? Et quomodo verum est quod dicitur, Non omnes dormiemus, sed omnes immutabimur? cum non sit futura omnium immutatio, teste ipso Apostolo, qui ait: Mortui resurgent incorrupti, & nos immutabimur. Non dicit: Et immutabuntur, nec dicit, Omnes immutabimur: quoniam nec illud verum erat.

Ad hæc, Si de his qui non morientur dixit B. Paulus, Et nos immutabimur. Quomodo verum est de ipso Apostolo, quod non sit mortuus, cum se inter illos annumeret qui immutabuntur, & non morientur? Et quomodo hanc ansam prudens dedisset existimandi vicinum iudiciū, & imminere diē Domini, cum ipse resolutionem sui corporis sciret, & de illa sæpe loquutus fuisset?

Plura sunt alia præter hæc, quæ possunt obiici contra istam intelligentiam quibus non arbitror posse, nisi perperam, responderi: vel illud quod ipse Apostolus tam clarè ait, Sicut in Adam omnes moriuntur: ita in Christo omnes viuificabuntur, Et reuera qui non moritur, non resurgit. Et qui non moritur & non resurgit, non est membrum Christi. Denique quis ausit vllum ab isto communi debito excipere, si neque Christus, neque sanctissima Mater eius, neque B. Ioannes baptista, neque Apostoli & insignes Patriarchæ & Prophætæ excepti sunt? Sed obiiciunt de Henoc & Elia, & non

Omnes homines aliquando inueniuntur morituri.

Matth. 25.



nulli de Dilecto discipulo. Nos autem hos fate-  
mur (si non sunt mortui) morituros tamen omni-  
no, & morte quidem illustri & pretiosa ut in Apo-  
calypsi ipse Dilectus perspicue testatur habenti-  
bus oculos.

*In momento, in ictu, siue nictu oculi, celeritatem in-  
dicat resurrectionis. Sicut enim dicto creauit ut su-  
bitò essent cuncta: ita erit quodammodo in resur-  
rectione, in nouissima tuba, &c. Hęc tuba Dei idem  
est (ut quidem exponit) quod vox Archangeli, de  
qua idem Apost. 1. ad Tess. 2. In voce Archangeli,  
&c. Ille enim erit tuba Dei, & putatur Michael. Et*

*Quid est im-  
mutatio  
beatorum.*

*mortui resurgent incorrupti, id est, immortales nō am-  
plius morituri. Et per hoc excluditur ordo tempo-  
ris in resurrectione, non tamen ordo dignitatis.  
Et nos immutabimur. Nos scilicet pij & iusti immu-  
tabimur per dotes resurrectionis, de qua immuta-  
tione loquutus est superius: ne sine causa aliter at-  
que aliter eadem dictio in eodem etiam contextu  
nullo cogente indicio, sed mero nostro arbitrio &  
voluntate accipiat.*

*Oportet enim corruptibile hoc induere incorruptionē,  
quod erit commune bonis & malis per commu-  
nem resurrectionem. Cum autem mortale hoc indu-  
rit incorruptionem, tunc fiet sermo, id est, apparebit ve-  
rus & verificabitur, qui scriptus est: Absorpta est mors  
in victoria. Vbi est mors victoria tua? &c. Victrix mors  
facta est ex peccato: quia habuit imperium in om-  
nes. Hęc autem victoria tunc auferetur: quia non  
erit ulterius neque lex, neque peccatum, neque  
mors. Stimulus autem mortis peccatum est. Quia mors  
per illud nos pūgit: ut sit sensus. Peccatum est cau-  
sa mortis: quæ mors vrget nos tanquam stimulus  
quidam dicens: Meritò hęc pateris, quia peccasti.  
Peccato autem cessante, mors aculeum nō habet:  
quia qui in Domino moriuntur, non tam moriun-  
tur, quàm dormiunt. Virtus autem peccati lex. Quod  
peccatum habeat hanc potentiam, ut mors sit no-  
bis stimulus, à lege est, quam peccator est præua-  
ricatus. Vbi enim non est lex, nec præuaticatio ius-  
tæ ostendi potest.*

*Deo autem gratias, qui dedit nobis victoriam per Do-  
minum nostrum Iesum Christum. Hic Apostolus ma-  
nifestè vult, quod etiam in hoc mundo nonnulli  
potiuntur victoria aduersus mortem: quoniam legi  
parent, & euitant peccatum. Quo fit ut his nul-  
lus stimulus sit ipsa mors: sicut accidit B. Paulo,  
qui dissolui cupiebat, & esse cum Christo: quod  
& multis viris optimis contingit. Quare benè se-  
quitur: Itaque fratres mei dilecti, stabiles estote & immo-  
biles, videlicet in fide & charitate, ut euitetis stimu-  
lum mortis, Abundantes in opere Domini semper, scie-  
tes quod labor vester non est inanis in Domino. Opus  
Domini est opus quodcumque ipse precepit ten-  
dens in salutem. Et hoc opus & labor in eo non est  
frustra, cui datur pro mercede vita æterna. Hoc  
est opus Dei, quod dedit Pater Christo Filio ut fa-  
ceret. Hoc opus est semper faciendum, sicut illè fe-  
cit, & dixit: Quæ placita sunt ei facio semper. Dici-  
tur autem opus Domini, non solum quia præcipi-  
tur à Domino, verum etiam quia ipse Dominus  
illud nobiscum operatur per gratiam suam & au-  
xilium: & quia etiam fit in eius gratiam, & hoc fa-  
cit ut non sit labor inanis, & ideo ait: Labor vester  
non est inanis in Domino. Contra verò ipse male iis*

euenturum minatur qui fuerint auari, & non di-  
uites in Deum. Sententia item clarissima pro re-  
tributione bonorum operum apud Deum, aduer-  
sus hæreticos.

CAP. XVI.

**D**E collectis autem quæ fiunt  
in Sāctos, sicut ordinaui Ec-  
clesiis Galatiæ, ita & vos fa-  
cite. Per vnam sabbathi, v-  
nusquisq; vestrū apud se seponat, recon-  
dēs quod ei bene placuerit, ut non cum  
venero, tunc collectæ fiant. Cum autem  
præsens fuero, quos probaueritis per epi-  
stolas, hos mittam perferre gratiam ve-  
stram in Ierusalem. Quod si dignum fue-  
rit ut ego eam, mecum ibū. Veniam au-  
tem ad vos cum Macedoniam pertrāsie-  
ro: nam Macedoniam pertrāsibo. Apud  
vos autem forsitan manebo, vel etiā hyc  
mabo, ut vos me deducatis quocunque  
iero. Nolo enim vos modo in trāsitu vi-  
dere. Spero enim me aliquantulum tem-  
poris manere apud vos, si Dominus per-  
miserit. Permanebo autē Ephesi vsque  
ad Pentecosten. Ostium enim mihi aper-  
tum est magnum & euident, & aduersa-  
rij multi. Si autem venerit Timotheus,  
videte ut sine timore sit apud vos. Opus  
enim Domini operatur, sicut & ego. Ne-  
quis ergo illū spernat. Deducite autem il-  
lum in pace, ut veniat ad me. Expecto e-  
nim illum cum fratribus. De Apollo au-  
tem fratre, vobis notum facio, quoniam  
multum rogauī eum, ut veniret ad vos  
cum fratribus: & vtrique non fuit volun-  
tas eius ut nunc veniret. Veniet autem  
cum ei vacuum fuerit.

**D**E collectis autem, &c. Erant autem hæ collectæ  
subsidia sanctorum pauperum qui erant Iero-  
solimis. Nam ut in Actis Apostolorum legitur, B.  
Paulus & Barnabas hoc sibi onus sumpserunt, ab  
ecclesiis Gentium impetrare aliquid elemosyna-  
rum ad sustentationem eorum qui erant Ierosoly-  
mis Christiani, vbi propter Iudæos, crucis Christi  
acerbos inimicos, non poterant mendicando vi-  
ctum quærere, & tamen pauperes erant. Sicut ordi-  
naui in ecclesiis Galatiæ. Memor suæ obligationis &  
charitatis. Ecce quomodo B. Paulus pro aliis solici-  
tè collectam faciebat, pro se autem nihil. Quo in  
loco non leuiter punguntur predicatorum verbi,  
qui pro se collectas diligentissimè faciūt, pro aliis  
autem parum, aut nihil. Vnde verendum est ne il-  
lis dicatur: Accepistis mercedem vestram. Quan-  
quam non ignorem) ut superius meminimus) Deū  
ordinasse prædicantibus euangelium, de euāgelio  
vivere: sed omnis auaritia & procacia ac petulan-  
tia abiicienda erat.

*Per vnam sabbathorum, id est, primam, tropo hæ-  
braico.*

*Remedium  
vnicū con-  
tra stimu-  
lum mor-  
tis.*

*Contra hæ-  
reticos ne-  
gantes mer-  
cedē & me-  
rita.  
Ioan. 8.*

*In practi-  
corum an-  
nos.*



braico. Hæc erat dies Dominica. *Vnusquisque vestrum apud se seponat, &c.* Sensus est facilis. Et gratiam vocat beneficentiam & munus: quia liberaliter & gratis erat dandum, & cum omni puritate. *Quod si dignum fuerit ut ego eam, &c.* Non enim omnia decent omnes. Vnde videbatur non esse Apostolicum talia exequi, propter dignitatem officij, quæ est seruanda, sed & in loco humilitatis gratia demittenda: ideo præditus summa humilitate Apostolus & ardenti charitate seipsum subiecit. *Veniam autem ad vos, cum Macedoniam pertransiero, &c.* Nihil hic obscurum, nisi quod nescimus plerumque tempora, quando hæc acta fuerunt. Quod verò ait: *Vfque ad Pentecosten.* Non dubito quin de festo dicatur, licet quibusdam sine causa, & absque vlla prorsus ratione (nisi studium fuerit contradicendi & abolendi festa) aliud videatur, & exponunt, quod volebat ibi manere quinquaginta dies.

*Ostium enim mihi apertum est magnum & euident, & aduersarij multi.* Et sanè cōuenit: Vbi enim Deus parat milites suos, etiam diabolus armat suos, & tunc tempus est militiæ ac prælij, non torporis ac desidij. *Si autem venerit Timotheus, videte ut sine timore sit apud vos.* Erat mirum in modum timidus ille dilectus Apostolo, sicut ipse ad illum scribens clarè innuit. *Opus enim Domini operatur, sicut & ego,* scilicet in salutem animarum. Hoc est opus Domini, ut credamus in Christum, & credendo vitam adipiscamur eternam. *Ne quis ergo illum spernat.* Si opus Domini spernendum non est, nec ille qui illud operatur contemnendus est. *Deducite, id est, dimittite illum in pace, ut veniat ad me. De Apollo autem fratre, &c.* Hic nota quod etiam Apostolo non morigebantur interdum viri magni. *Veniet autem cum ei vacuum fuerit.* Grecè ὅταν ἔλθῃ ἄνωγος, id est, quando opportunum fuerit.

Vigilate, stete in fide, viriliter agite, & confortamini. Omnia vestra in charitate fiant. Obsecro autem vos fratres, notis domū Stephanæ, & Fortunati, & Achaici, quoniam sunt primitiæ Achaïæ, & in ministerium Sanctorum ordinauerunt seipso, ut & vos subditi sitis eiusmodi, & omni cooperanti & laboranti. Gaudio autē in præsentia Stephanæ, & Fortunati, & Achaici, quoniam id quod vobis deerat, ipsi suppleuerunt. Refecerunt enim spiritum meum & vestrum. Cognoscite ergo qui eiusmodi sunt. Salutant vos omnes Ecclesiæ Asiæ. Salutant vos in Domino multū Aquila & Priscilla, cum domestica sua Ecclesia, apud quos & hospitor. Salutant vos omnes fratres. Salute inuicem in osculo sancto. Salutatio, mea manu Pauli. Siquis non amat dominum nostrum Iesum Christum, sit anathema, maran atha. Gratia domini nostri Iesu Christi vobiscum. Charitas mea cum omnibus vobis in Christo Iesu, Amen.

*Vigilate, &c.* Domini est præceptum vigilantia

sæpius (nec ab re) repetitur, quia sensus debemus habere assidue expectatos ad vitandum malum, & operandum bonum, & obseruandum inimicorum insidias multiplices, & à dæmonibus, & ab hominibus structas. Fides verò est in qua stamus, & viriliter agimus. Hæc exhortatio ex Psalmo collecta est vigesimosexto: Expecta dominum, viriliter age, & confortetur cor tuum, & sustine Dominum. Expectamus Dominum vigilando, & stando in fide. Viriliter agimus, pugnando & resistendo fortiter tentationibus. Cōfortatur autem cor, & sustinet Dominum expectans bene operando. *Omnia vestra in charitate fiant.* Nihil enim tunc fiet perperam, sed cuncta ordine, & ad honorem Dei, & ædificationem proximi.

*Obsecro autem vos fratres notis domum Stephanæ, &c. sunt primitiæ Achaïæ.* Qui primi venerunt ad fidem in eo loco. Et quod ait, *ordinauerunt seipso,* intellige quod accinxerunt se ad illud opus, ut ministrarent de suis facultatibus temporalia sanctis. Ne quis fatuus hinc colligat, quod in officiis & sacris ordinibus quilibet valeat ordinare seipsum: quod esset rectissimum ecclesiæ ordinem confundere: imò & seipsum. Et verè magnam sibi comparat in die iudicij fiduciam, qui in hac breui vita sollicitam erga pauperes curam gerit: quia Christiani nominis non facit sola dignitas Christianum: nihilque prodest quod aliquis Christianus vocetur in nomine, si hoc non ostendit in opere. Scriptum est enim: Fides sine operibus mortua est. Iudicium enim sine misericordia fiet ei, qui misericordiam proximo non impenderit. Nam quid aliud audituri sunt qui statuentur ad sinistram, nisi: Esuriui, & non dedistis mihi manducare? Sitiui, & non dedistis mihi potum? Nudus fui, & non cooperuistis me? Vbi nec illi qui ad dexteram erunt, ideo regnum accipient, quia nunquam peccauerunt: sed quia peccata sua mūdare eleemosynis studuerunt. Et illi qui ad sinistram erunt, non ideo mittuntur ad ignem, quia peccatores fuerunt: sed quia peccata sua eleemosynis redimere noluerunt. Ac sic & illos largitas sola glorificabit: & istos sola sterilitas condemnabit. Itaque huiusmodi sanctis exercitiis dediderant seipso, & sua, generosi isti Christiani, quos ita Apostolus cōmendat, ut præcipiat eis esse parendum, & omnibus in vinea Domini laborantibus.

Quod vtinam seriò considerarent & Prælati, & alij potentes in sæculo, & diuites, qui tam profusè in conuiujs (ad nauseam ferè ferculorum varietate & multiplicitate extructis) sumptus faciunt maximos, quibus possent ali innumeri pauperes fame & frigore pereuntes. Ait igitur de istis Apostolus:

*Refecerunt enim spiritum meum & vestrum.* Non aperit quibus in rebus refocillauerint illum, in spiritualib⁹, ne an in præsentia ipsa, seu potius de suis facultatibus: quod postremum videtur esse verisimilius, cum Apostolus ipse esset longè opulentior & paratior ad corroborandos illos circa ea quæ erant spiritus, & perseverantiæ in illo sancto charitatis opere, ut pro temporalibus redderet spiritualia. Et ut prudenti quadam arte Corinthios ad æmulationem animaret, addidit:

*Cognoscite ergo qui eiusmodi sunt. Cognoscere*



per gratitudinem, & ut eos honore prosequantur iubet, postquam loco vestri suppleat, quæ vos ipsos, & præsentis seruitio, & opibus præstare æquum erat. Sciendum hic insuper haberi in Græcis, hanc epistolam per illos fuisse missam.

*Salutant vos omnes ecclesia Asia.* Asiam vocat non eam quæ maior appellatur, & quam diuidit Geographi ab Europa & Africa, sed intelligit minorem illam Asiam, in qua erant septem illæ ecclesiæ, ad quas suam Apocalypsin scripsit Dilectus discipulus.

*Salutant vos in Domino multum Aquila & Priscilla.* De his fit mentio in Act. cap. 18. qui meruerunt excipere tantum Apostolum in suis ædibus, & simul etiam manibus laborare. Fœlix sanè tali hospite domus, quæ in ecclesiam cõuersa est, & templum Spiritus sancti. Verisimile enim est, omnes illius familiæ sanctis moribus fuisse ornatos, quorum etiam nomine salutem dicit Corinthiis Apostolus: *cum domestica* (inquit) *sua ecclesia*, per ecclesiam, totam familiam intelligens. Græcè tamen desideratur, quod additum est (nec quidem male) *Apud quos & hospitor*. Nam hoc verum est, & expressè habetur in Act. in eodem iam citato capite.

*Salutatio: Mea manu Pauli.* Salutatione manu propria scribebat, non solum quæ esset sui erga illos amoris indicium, verum etiam ad testificandam suam esse epistolam, ne falsi fratres possent eementiri ad

fallendos simpliciorum animos. Hoc autem pro indicio obseruandum significabat, quemadmodum ipse ad Thess. testatur.

*Siquis non amat Dominum nostrum Iesum Christum sit Anathema, Maranatha.* B. Hieronymus duas dictiones esse docet, *maran*, id est, Dominus, *atha*, venit, temporis præteriti, ut quidam volunt. Redditur verò causa, quare anathema ei imprecetur qui non diligit: quia scilicet Dominus noster iam venit, nimirum in humilitate, & cum omni benignitate, non ad iudicandum, sed ad saluandum quod perierat: ut nulla sit penitus excusatio non diligenti. In tantis ærumnis & doloribus, & morte tandem per Crucem decreuit ad nos venire Dominus, ut si quos facilitas creationis ad amandum non moueret, extrema illa nostræ redemptionis difficultas ad redamandum prouocaret. Pretium nostrum sanguis Christi est, qui eos veritate summa iudicabit, quos tam immensa misericordia redemit: & sempiterno illos anathemate feriet, qui eruti de potestate tenebrarum, diabolica iterum seruituti se subiecerunt, & sanguinem testamenti spreuerunt. Quod à vobis auertere dignetur, qui cum Patre & Spiritu sancto regnat in sæcula sæculorum, Amen. *Gratia Domini nostri Iesu Christi vobiscum,*

*&c.* Clara sunt verba, & iam sunt à nobis in prioribus epistolis exposita. Benedictus Deus.

## COMMENTARIA IN POSTERIOREM EPISTOLAM B. PAULI AD

CORINTHIOS.

\*



**P**AULVS Apostolus Iesu Christi per voluntatem Dei, & Timotheus frater, Ecclesiæ Dei quæ est Corinthi, cum omnibus Sanctis qui sunt in Achaia: Gratia vobis & pax à Deo Patre nostro, & Domino Iesu Christo.

**M**ANC epistolam ferunt misisse B. Paulum ex Troade per Titum. Eius argumentum esset difficile breuibus perstringere, quoniam varia admodum continet. Summabitur autem (ut ita dicam) capitulim. Porro nihil hoc in loco videtur annotandum, nisi quod ut in superiore epistola adiunxit sibi Sosthenem, tanquam coautorem epistolæ: ita in hac adiungit sibi Timotheum. Per illam potenter saluans (hoc enim significat Sosthenes) per hanc verò pro salute iam adepta honorificans Deum. Nam hoc significat Timotheus. Hoc dicimus, quoniam in priore in criminosos quosdam, obiurgationes & animaduersiones præmisit ad poenitentiam, tanquam pharmaca salutaria. In hac verò posteriore, de fructu poenitiæ gratulatur honorificans Deum. Et quia multa etiam de se in sui commemorationem prædicat: intelligere lector debet, quod illa non ex se profe-

rebat, & in sui gloriam: sed Timotheus, id est, honor Dei, qui sibi erat charissimus, cogebat eum. Et enim proprium est sanctorum virorum, se interdum extollere, non quidem libèter, sed coactè: non sui gratia, sed ad ædificationem aliorum, & gloriam Dei & honorem: ideo Timotheum sibi socium asciscunt. Hæc autem in eorum gratiam dicta sint, quos mystici scripturarum sensus delectant, qui & si apud contentiosos facile spernuntur, qui plus quam pietas postularer ad solam literam semper prouocant: valent tamen plurimum ad solatium animi, & ad morum probitatem formandam. Imo verò sunt pleræque in veteri testamento historiae, quæ si nullis condiantur huiusmodi mysticis sensibus, insipida & parum dignitatis habere aestimari possunt, & quæ ad nostram vtilitatem nihil cõducant: & tamen figuræ erant & propter nos scriptæ. Sed de his aliàs. Hic quantum ad literam spectat, nihil noui non alibi iam expositum.

Benedictus Deus & Pater domini nostri Iesu Christi, Pater misericordiarum, & Deus totius consolationis, qui consolatur nos in omni tribulatione nostra, ut possimus & ipsi consolari eos qui in omni pressura sunt, per exhortationem qua exhortamur & ipsi à Deo: quoniam sicut abundant passionibus Christi in nobis, ita



& per Christum abundat consolatio nostra. Siue autē tribulamur, pro vestra exhortatione & salute: siue cōsolamur, pro vestra consolatione & salute: quæ operatur rolerantiam earūdem passionum, quas & nos patimur, vt spes nostra firma sit pro vobis, scientes quoniam sicut socij passionum estis, sic eritis & consolationis.

*Benedictus Deus, &c.* A gratiarum actione incipit pro more suo. Id est enim benedicere Deū, quod est agere illi gratias. *Et pater Domini nostri Iesu Christi.* Frequenter in epistolis suis nominat B. Paulus Patrem & Filium, non vt excludatur, sed vt subintelligatur Spiritus sanctus: quia Patris & Filij nexus est communis, & reciprocos amor. *Pater misericordiarum*, id est, fons & origo omnium misericordiarum, quæ à sæculo sunt. *Et Deus*, id est, auctor totius, siue omnis consolationis: qui consolatur nos in omni tribulatione nostra. De seipso loquitur beatus Paulus. *Vt possimus & ipsi consolari eos, qui in omni pressura sunt.* Nulla est tam grata tamque iucunda afflictorum consolatio, quàm illa quæ ab afflictis venit, vel qui iam pericula euaserunt: aut qui in tribulationibus constituti etiam gaudent. Nam & ij verius & magis compatiuntur. Vnde apud quendam: Non ignara mali miseris succurrere disco. *Per consolationem, quæ & ipsi consolamur à Deo.* Deus amicis peculiaribus, quia grauissima patiuntur, non solum vberiore consolationem subministrat: verum etiam excellentiore modo, ac certiore, videlicet per ipsos Dei angelos internè miris modis, quos nos ignoramus. Vnde & ipsi certissimi fiunt de dilectione Dei in se, & cum Plalmista aiunt: Secundum magnitudinem dolorum in corde meo consolationes tuæ latificauerunt animam meam.

*Siue autem tribulamur pro vestra exhortatione & salute: siue consolamur pro vestra consolatione & salute.* Græca lectio clarior sic habet. *Siue autem tribulamur, pro vestra consolatione & salute: siue autem consolamur, pro vestra consolatione ac salute.* Ergo tribulationes & afflictiones B. Pauli cedebant in consolationem, ac salutem illorum. At quo pacto de afflictionibus Apostoli consequebantur illi consolationem, nisi quia hoc est corporis mystici, vt maiora ac poriora membra patiantur pro minoribus atque indignioribus membris, vt cum ipsis remissius agatur: & hæc est cōmunio sanctorum. Sic ait ille de Domino nostro Iesu Christo, quod factus est egenus, vt illius inopia nos qui inopes & miseri eramus, diuites efficeremur. *Quæ operatur tolerantiam earundem passionum, quas & nos patimur.* Verè absque aliqua spiritali consolatione nullus quicquam posset libèter tolerare. Quinimò nisi superexcellat consolatio tribulationem, nemo diu patitur aduersa. Illa igitur consolatio, qua per B. Pauli tribulationem & consolationē consolabantur Corinthij, causa erat, vt & ipsi Corinthij tolerarēt eandem, siue eiusdē generis passiones. *Vt spes nostra firma sit pro vobis.* Ecce vnde alitur & roboratur spes, nimirum in tolerantia ac patientia, vt quantò quis duriora patitur, tantò eius spes fiat solidior.

*Scientes quòd quemadmodum socij passionum estis: sic eritis & consolationis.* In hoc est enim Dei iustitia: vt pro modo non solum gratiæ, verum etiam laboris, & patientiæ retribuat: contra hæreticos.

*In hæreticos.*

Non enim volumus ignorare vos fratres, de tribulatione nostra quæ facta est in Asia: quoniā supra modū grauati sumus supra virtutē, ita vt taderet nos etiā viuere. Sed ipsi in nobismetipsis responsū mortis habuimus, vt nō simus fidētes in nobis, sed in Deo, qui suscitatur mortuos, qui de tātis periculis nos eripuit & eruit: in quem speramus, quoniam & adhuc eripiet, adiuuātibz & vobis in oratione pro nobis, vt ex multarū personis facierū, eius quæ in nobis est donationis, per multos gratiæ agantur pro nobis. Nam gloria nostra hæc est, testimonium conscientiæ nostræ, quòd in simplicitate cordis & synceritate Dei, & non in sapientia carnali, sed in gratia Dei cōuersati sumus in hoc mundo: abundantius autem ad vos. Non enim alia scribimus vobis, quàm quæ legistis & cognouistis. Spero autem quòd vsq; in finem cognoscetis: sicut & cognouistis nos ex parte, quòd gloria vestra sumus, sicut & vos nostra in die Domini nostri Iesu Christi.

*Non enim volumus vos ignorare de tribulatione, &c.* Tribulatio, quam se pertulisse in Asia significat, non satis nota est nobis. Quæcunque autem fuerit illa, cum tam insigniter citetur ab ipsomet B. Paulo, valde magnam fuisse oportuit, qua supra modum se grauatum fuisse prædicat, ac supra virtutem, seu supra vires. Ita vt taderet nos etiam viuere. Aliqui vertunt: Ita vt desperaremus etiam de vita. Primum dictum, scilicet supra modum & supra vires afflictum fuisse illum, videtur ab ipsomet Apostolo reprobari, cum dixerit: Fidelis Deus, qui non patietur vos tentari supra id quod potestis. Nunc autem ponit tentationem supra modum, ac supra vires. Sed responderetur, quòd amicos & electos suos supra eorum vires tentat Deus: non tamen simpliciter supra vires habita diuini auxilij ratione, quo considerato, non est supra vires tentatio. Hoc autem facit Deus, vt illi perfectè se agnoscant, qui non possent tanta perpeti, nisi Dei præsentaneum adesset auxilium.

*De excessiuis tentationibus sanctorū.*

*Sed ipsi in nobismetipsis responsū mortis habuimus, vt non simus fidētes in nobis, sed in Deo qui suscitatur mortuos.* Responsū mortis est inualefcentia illa, & tribulationis apprehensio, quæ opprimit hominem ad necem vsque, nisi succurrat Dominus. Sentiebat enim B. Paulus se non posse resistere per vigorem venientem à morte. Et in hoc responso per hanc cōcertationem venit prouentus, iuxta illud: Sed faciet cum tentatione prouentum, vt possitis substinere. Etenim didicit ipsa experientia teste, non esse fidendum in propriis viribus, sed in Deo,



qui mortificat, & viuificat: deducit ad inferos, & reducit. *Qui de tantis periculis nos eripuit.* Græcè, de tanta morte, aut de tantis moribus. *In quem speramus, quod & adhuc eripiet.* Si iam eripuit, dedit spem futuri, quod & eripiet: quoniam perfecta sunt Dei opera. Et hæc est confirmatio fidei, & spei sanctorum, considerare præteritas gratias, & euasiones. *Adiuuātibus & vobis in oratione pro nobis.* sunt enim effectus plurimi venientes à Deo, qui exigunt orationes, & non priuatas tantum, sed etiam Christianorum communes: qualis est liberatio eorum qui sunt Præpositi ecclesiis, sicut erant Apostoli. Vult enim sapientissimus Deus, ut quæ ad rem publicam & communionem pertinent, ea communiter ab omnibus adiuuentur. Sic est mos ecclesiæ sanctissimè institutus, ut orecur pro Papa, & Antistitibus, & Imperatore, & Regibus: quoniam publicas illi personas sustinent, unde multa & bona & mala possunt prouenire, ut hæc prohibeat Deus, illa promoveat. Neque enim frustra meminit scriptura factam sine intermissione orationem dum B. Petrus seruaretur in carcere. Quantum verò nostris temporibus refrigerit populorum erga suos pastores amor & reuerentia, utinam non pateret plus fati: ita ut orationes subditorum versæ sint in detractiones & contemptum aduersus Prælatos. Unde minime mirum si propter peccata vulgi permittat Deus regnare hypocrisis. Pro qualitate enim subditorum disponuntur actus regentium, ait Magnus ille Gregorius.

*Ut ex multarum personis, &c.* Perturbata aliquantulum videtur huius loci sententia: quæ proculdubio hæc est. Reddit rationem quamobrem velit eos qui multi erant, pro se orare ut eripiantur ab illis moribus. Hæc autem est, ut à multis personis agerentur gratiæ, pro dono sibi per orationem collato, id est, liberationis suæ, & tolerantia suæ. Sciebat enim gratas Deo esse gratiarum actiones: & tantò gratiores, quantò a pluribus redderentur, qui beneficia acceperint. Unde ut rem valde absurdam ostendit in euangelio Dominus de illis decem leprosis mundatis, quorum vnus tantum redierat, qui gratias egit. Et verè communis multorum est hæc erga Deum ingratitudo: vitium profecto pessimum, Deo & hominibus infestissimum. Sicut enim gratitudo & gratiarum actio, est quædam tacita supplicatio, ut quæ accepimus dona conferuentur, & augeantur: sic econuersò, ingratitudocausa est, ut nedum quod oratur, impetretur, sed & quod est datum meritisimè auferatur.

*Nam gloria nostra hæc est, testimonium conscientia nostra.* Non est difficile videre connexionem huius loci cum superiore, si retineatur quod diximus, B. Paulum hæcenus dixisse causam suam esse causam communem, & propterea interesse omnium ut orarent, & obsecrarent, & gratias agerent pro sua ipsius salute. Nunc id probans ait: *Nam gloria nostra, seu gloriatio nostra, hæc est, testimonium conscientia nostra quod in simplicitate cordis, &c.* De testimonio conscientia, non solum scripturæ sanctæ, & sacri doctores, verum etiam Ethnici prædicarunt excellenter, quanta in eo consistat mentis pacatio, & quanta tranquillitas, & quanta fortitudo, & gloria: unde quidam dixit, Hic murus aeneus esto, nil cōscire sibi, nulla pallefcere culpa. Est & cuiusdam

sapientis celebris sententia, quam & plerique magni auctores vsurparunt, eam ut verissimam comprobantes: dixit enim: Hæc est summa boni, mens quæ sibi conscia recti est. Vnde B. Augustinus, si quis Ethnicos repudiet (qui tamen in multis, quæ prudenter ac sapienter cogitarunt atque literis mandauerunt, temerè non sunt spernendi) in lib. contra Secundinum ait: Senti de Augustino quicquid liber: Sola me in oculis Dei conscientia non accuset. Ecce quomodo in hoc solum quiescebat, si conscientia propria non accusabatur. Qui autem potuisset, nisi certitudinem serena conscientia afferret? Quin ille etiam Dilectus ait: Si cor nostrum non reprehenderit nos, fiduciam habemus ad Deum. Sed qualem fiduciam? Audi quod sequitur: Et quicquid petierimus, accipiemus ab eo: quoniam mandata eius custodimus, & ea quæ sunt placita coram eo facimus. Hæc ille, qui testimonium perhibet veritati. Vnde clarè accipitur, in conscientia (si tamen rectè discutiatur) non esse deceptionem. Verum plurima sunt pro hac sententia de certitudine & pace, quam reddit homini iusto bene explorata, & ignara peccati conscientia.

Sed turbantur quidam, cum aliàs dixerit B. Paulus: Nihil mihi conscius sum, sed non in hoc iustificatus sum. Qui certè locus (si veritas præferenda sit humanis commutationibus) planum habet sensum, & longissimè ab eo remotum, qui dissideat à sententia nostra. Loquebatur enim (sicut eo in loco declarauimus) B. Paulus de iustificatione vera & perfecta, & cunctis perspicua, quando profertur iudicium à iudice qui non decipitur: & iustificabuntur ab eo, hoc est, iusti pronuntiabuntur, qui verè inuenti erunt iusti. Hæc iustificatio non contingit à sola ipsius priuati hominis conscientia: sed expectandus est verus & legitimus iudex, & tempus præfixum, quum reuelabuntur abscondita tenebrarum, ut ibidem clarè explicat ipsemet Apostolus. Nam in conscientia nostra quid sit, quidue lateat, nemo alius videt. Et ideo nullus plenè iustificatur apud alios, etiam si sit ipse iustissimus, & se iustissimum esse certissimè sciat. At quia homini satis est conscientia sua, & testimonium conscientia suæ legitimè explorata, atque probata: ideo & hoc satis est illi interim, ut gloriatur in corde coram Deo: humiliter tamen & sobriè, in Domino scilicet, Spiritu etiam internè contestificante, sicut gloriabatur Apostolus. Quæ quidem gloriatio nondum est perfecta, quandiu potest excidere homo, & mentem in hac vita mutare.

Sed vide nunc qua de re testimoniū fuerit conscientia, *Quod in simplicitate cordis, & sinceritate Dei conuersati sumus in hoc mundo,* hoc est, non duplici animo ut hypocrita, sed sincere. Nec cuiuscunque sinceritatis, sed diuinæ, quæ ex Deo est: Adiecit. *Et in gratia Dei:* ac si dixerit, non sperans, aut confidens in hominibus, sed solum in protectione diuina: & sic solebat antiquitus dici. Et hunc spectat quod legimus in Actis, quum recedente Barnaba cum Marco, fratres dicuntur proficiscentem Paulum tradidisse gratiæ Dei, hoc est, votis & orationibus commendasse illum diuinæ protectioni & gratiæ. Cumque talem fuisse conuersionem suam in hoc mundo dixisset, addidit: *Abundantius autem*

Act. 12.

Nota.

Pro debitis  
gratiarum  
actionibus.

Pro securitate à conscientia

1. Ioan. 3.

Act. 14.



ad vos, seu erga vos: Apud eos enim ita se gessit, vt nullam dederit vel malignis occasione detractio- nis, vt patet in superiore epistola: Et nunc ait,

*Non enim alia scribimus vobis, quam quae legistis, & cognouistis:* Græcè melius, legistis & cognoscistis. Legebant enim assidue in scripturis: & cognosce- bant de Domino Iesu Christo per lumen fidei, & vt B. Ambrosius ait, per miracula & signa, & pro- digia, quæ faciebat Deus per manus B. Pauli. *Spe- ro autem quod usque in finem cognoscetis, &c.* Sensus est, Quod sumus nos gloriatio vestra, & vos no- stra (Nam gloria patris & magistri, est gloria fi- liorum & discipulorum, & econtrariò) Ipse vos cognituros perfecte in die Domini, sicut nunc ex parte iam cognouistis: quia præ illa cognitione quæ tunc erit, omnis hæc nostra in præsentī vita mortali cognitio ex parte est, hoc est, tenuis & im- perfecta valde.

Et hac confidentia volui prius venire ad vos, vt secundam gratiam haberetis: & per vos transirem in Macedoniam: & ite- rum à Macedonia venire ad vos: & à vo- bis deduci in Iudæam. Cum ergo hoc vo- luisssem, nunquid leuitate vsus sum? Aut quæ cogito, secundum carnem cogito, vt sit apud me Est, & Non? Fidelis autē Deus, quia sermo noster qui fuit apud vos, nō est in illo Est, & Non: sed est in illo Est. Dei enim Filius Iesus Christus, qui in vo- bis per nos prædicatus est, per me, & Syl- uanū & Timotheum, nō fuit in illo Est, & Non: sed Est in illo fuit. Quotquot e- nim promissiones Dei sunt, in illo Est: i- deo & per ipsum, Amen, Deo ad gloriam vestram. Qui autē confirmat nos vobis- cum in Christo, & qui vixit nos, Deus: qui & signauit nos, & dedit pignus Spiri- tus in cordibus nostris. Ego autē testem Deum inuoco in animā meam, quod par- cens vobis, non veni ultra Corinthum: Non quia dominamur fidei vestræ: sed adiutores sumus gaudij vestri: nam fidei statis.

*Et hac confidentia, &c.* Hic Apostolus significat, quod in hac confidentia ac pertuasiōe, vt pote qui apud illos cognitus esset vt pater, ac magister bo- nus, ac propterea cum honore ac reuerentia susci- piendus, volebat proficisci ad illos, vt secundā ha- berent gratiam. Vocat secundam gratiam, respec- tu prioris gratiæ, qua per euangelium eos genuer- at, ac formarat tunc paruulos in Christo. Vole- bat enim operari in illis pro augmento gratiæ ac stabilimento. Et hoc vocat secundā gratiam. Nar- rat quomodo volebat per eos ire in Macedoniam: & rursum à Macedonia redire ad illos. In superio- re tamen epistola dixit, quod iturus Macedoniam volebat per eos transire: ex quo videtur quod hanc voluntatē transeundi per illos (de qua hic est men- tio) habuerat B. Paulus antequam scriberet ad il- los priorem, & mutauerat. Nec est mirandum esse

in sanctis mutabilitatem consiliorum, ob multa improuisa quæ illis occurrunt, præsertim apud eos qui peculiari Spiritus sancti voluntate ad salutem variorum hominum diriguntur. Contingit enim sæpenumero multa tractantibus ac varia, vt iuxta opportunitates mutant sententias. Verum quia ignari negotiorum hanc sententiæ mutationem pos- sent inconstantia & leuitati tribuere, idque præ- sertim in sanctis viris, adiecit:

*Cum ergo hoc voluisssem, &c.* Græcè significantius:

*Cum ergo hoc deliberasssem, num leuitate vsus sum? Aut quæ delibero, secundum carnem delibero, vt sit apud me, Est, & Non, ac propterea leuitas?* Difficilis hic locus videtur, & obscurus. Mihi tamen eius verus sensus hic videtur. Cum duo vitia in cōsilio de mu- tando sententia possint interuenire: Alterum leui- tas, quum quis non ex graui causa recedit à priori sententia, sed leui vento hac illac circumfertur: Al- terum verò pertinacia, quæ est dementis & ambu- lantis secundum carnem, qui quod semel statuit, & libet, etiam ratione suadente atque urgente vt mutet, non tamen vult mutare, sed, Est, semel pro- latum, vult vt sit, Est: &, Non, semel prolatum, vult vt sit, Non. Sic enim habet Græca lectio: Est est, & Non non. Vtrunque autem vitium à se B. Paulus hoc sermone depellit, ac si clarius dixisset: Quod non venerim, cum tamen me venturum de- liberasssem, non fuit leuitas in mutando cōsilio, sed ex causa graui illud mutaui. Et quod delibera- ui me venturum, non deliberaui secundum car- nem, id est, vt ex libitu meo venirem: sed delibera- tiones meas volui semper esse positas in volunta- te Dei, non in mea: vt quod in lucrum spirituale magis cesserit, illud faciam tandem. Ipsemet enim in priore epistola hoc exprimit, vbi apertè consi- lium suum in Domini manum reiecit, aiens: Si Do- minus permiserit.

Ne autem existimarent, quæ in Dei nomine præ- dicauerat, & promiserat in verbo Domini, ea esse similiter huius generis, nimirum mutationi subie- cta, commodè addidit. *Fidelis autem Deus.* Scilicet in verbis & promissionibus suis. Illius enim deli- berationes, quas prædicaui vobis, non sunt homi- nis deliberationes, sed Dei qui est fidelis, & nulli subiectus vanitati. Vnde & prædicatio diuinarum promissionum debet esse similiter cōstans, & nul- la ex pte nutare. Quare ait: *Quia sermo noster qui fuit ad vos, non fuit, fuit, Est, & Non, id est, varius & incō- stās.* Nos enim constanter affirmauimus quod ve- rum est, & immutabile de Iesu Christo Domino & Redemptore nostro. Vnde ait:

*Dei enim filius Iesus Christus, qui in vobis per nos præ- dicatus est, per me, & Sylvanum, & Timotheum, non fuit, Est, & Non, sed, Est, in illo fuit. Quotquot enim Dei promissiones in illo, Est, & in illo, Amen, Deo ad glo- riam per nos.* Sic habet Græca lectio: & sensus est, quod omnes Dei promissiones sunt fundatæ in ip- so, Est, quod est Deus. Ego sum qui sum, in- quit, ille. Et non potest negare seipsum. Non est e- nim mutatio vlla in Deo, qui æternus est. Quid au- tem est promissio Dei, nisi Deus ipse promittens? Si igitur non mutabilis Deus, nec ipsa Dei promissio: adiecit. *Et in ipso, Amen.* Hic nominaliter poni- tur, Amen, & significat Christum, in quo omnes Dei erga nos promissiones fundantur. Nam Amen

Duplex in  
mutanda  
sententia  
peccatum:

Prædicator  
euangelij  
debet esse  
constans  
& verax:

Amen est  
Christus.



& veritatem, & firmitatem significat. Ipse autem Veritas est, & Verbum Dei, quod manet in æternum: cui data sunt omnia à Patre. Nam & per illū omnia condidit, & collapsa instaurauit: & confirmavit illi hoc fœdus in sempiternum.

*Apoc. 3.* Ne mireris, lector, cum dico, Amē, poni hīc nominaliter, & significare Christum. Id enim apertè indicat Dilectus in Apocalypsi ubi ait: Et Angelo Laodicæ ecclesiæ scribe: Hęc dicit amē, testis fidelis & verus. Quod autē sequitur, *Deo ad gloriam per nos*: Clarè significat quod illę promissiones omnes fundatę in Christo resultant in Deum ad eius gloriam. *Per nos* (inquit) quia per Apostolos & prædicatores verbi ministros; efficaces fuerūt in iis qui crediderunt, & obtemperauerunt euangelio.

*Qui autem confirmat nos vobiscum in Christum.* Dixerat B. Paulus Dei promissiones ad illos pertinere per ministerium suum, eo quod ipso offerente Dei pollicitationes & dona, & ipsis acceptatibus, vnde sermo fit admixtus fide, oritur efficacia promissionum, & conglutinatio fundamentorum, id est, ipsorum cum superædificatis lapidibus. Ne autem male intelligerēt hęc fieri absque Deo, addit: *Qui & signauit nos.* Græcè *σφραγισαυς*, hoc est, qui simul coniunxit nos, & quodammodo conclusit, ac sigillauit in illum: *Et qui vnxit nos Deus* (suppletu) is fuit qui hęc nobis effecit per vñctionem suam, id est, per donum Spiritus qui venit à Christo, qui dicitur Vñctus eximie, vt de eius plenitudine omnes acceperimus: vnde Sponsa. Oleum effusum (inquit) nomen tuum. Per id ergo quod ait, *Nos*, includit & illos, seruato tamen cuique suo ordine. Vnde propheta: Ecce quàm bonum, & quàm iocūdum, habitare fratres in vnum. Sicut vnguentum in capite, quod descendit in barbam, barbam Aaron. Quod descendit in oram vestimenti eius: sicut ros Hermon qui descendit in montem Sion. Quoniam illic mandauit Dominus benedictionē & vitam vsque in sæculum. Hoc psalmo egregiè ostenditur Dei sapientia & ordo, quomodo vnguentum, quod est in capite omnium Christo, id est, gratia Christi per illum veniens, prius descendit à capite in barbam, id est, in Apostolos & Euangelistas, in quibus Dei barba, id est, fortitudo cognoscitur, quæ per barbam Aaron designatur. E barba autem in oram vestimentorum descendit. Per oram autem vestimentorum Aaron, intelligit populos fide illi conglutinatos, & participes vnguenti sancti. Est & alia pulcherrima similitudo de rore Hermon, qui est mons, & significat maledictum & anathema. Hic fuit Christus mons, maledictum & anathema pro nobis factū ad tempus, & ex parte. Et hinc omnis ros benedictionis, qui effluit in montem Sion, quæ est ecclesia perfectorum: vt tota Hierusalem particeps fiat benedictionis. Quoniam illic mandauit benedictionem Dominus, & vitam æternam: quia extra ecclesiam non est salus. Hęc facit Deus per Christum in gloriam suam, qui fecit vt ex tanto maledicto, tanta exoriretur benedictio.

*Pro chara-  
tere in ba-  
ptismo.* *Et signauit nos.* Signamur nos omnes in baptismo sancto, inuisibili quodam ac spiritali signo, quod characterem vocant Scholastici. Quod si heretici derideant, quasi scholasticorum sit commentum, non est magnopere curādum. Hoc enim hæ-

reticorum semper fuit proprium, ea reiicere quæ quasi digito in scripturis non ostenduntur. Nam hęc de characterē doctrina non tantum est recentium Scholasticorum, sed & priscorum Patrum, cum id B. Augustinus expressè ponat in lib. contra Parmenianū. 2. Nec est verisimile illum de suo capite excogitasse, sed traditione accepisse, & à scripturis iuxta sensum ecclesiæ. Basilus magnus eius meminit in eo sermone quo exhortatur ad sanctū baptismā. Hoc est ergo quod hīc ait: *Et signauit nos.* Quod & ratio comprobat manifesta. Si enim signantur serui hominum quibusdā etiam inustionibus: & legitimi milites habent certa suorum Ducum signa, vt cognoscatur cui militant: Quid miri est, aut cur non sit rationi consentaneum, vt & qui dant nomen in baptismo, & efficiuntur serui & milites Dei sub duce Christo, aliquo spiritali signo in perpetuum testimonium inurantur, vel ad gloriam suam, si permanserint fideles, vel si secus, in opprobrium sempiternum? Signati ergo erant Corinthij characterē baptismi. Apostolus autem etiā superaddito characterē sacerdotij, & magni arque apostolici episcopatus signatus est: qua gratia vñctus fuit à Deo. Sunt verò de characterē scholasticæ quæstiones, quas nunc dedita opera missas facimus, tanquā alienas ab hoc præsentī nostro commentariorum instituto.

*Et dedit pignus:* aut melius iuxta Græcam lectionem, *arrabonem Spiritus.* Hoc est donum gratiæ, siue charitatis ac iustitiæ, quod à Spiritu sancto infunditur. Et est pignus, imò arrha, pars videlicet præmij futuræ vitæ perfectæ. Inchoatur enim hīc quasi in arrha præmiū futuri sæculi: quod qui non statuunt, frigide militabunt. Caietanus hanc vñctionem & arrham ad Apostolos contrahit, exponēs hoc pacto: Ecce (inquit) quartum donum, quo profitentur se habere certitudinem futuræ felicitatis æternæ, habendo in propriis cordibus spirituales arrhas. Arrha enim tam sponis, quàm negotiatoribus datur in securitatem contractus. Certitudo ergo spei tanta diffusa est in eorum cordibus, vt cognoscant se habere arrham Spiritus sancti de æterna felicitate. Cum his siquidem donis, non stat varia prædicatio, vt clarè patet. hęc ille. Quæ adieci, vt ea considerent, qui gratiæ certitudinem negant esse possibilem.

*Ego autem testem inuoco Deum in animam meam.* Hoc manifestum est iuramentum: contra eos qui omnino prohibent iuramentum. Necessariò autem ab Apostolo adhibitum est ad faciendam fidem, propter obloquentes, & pseudoprophetas, qui vt seipsos extollerent, autoritate ipsius in primis B. Pauli depreffa, sectatores sibi cōciliare moliebantur. Et rationem cur se ad eos non contulerit, tanto roboratam iureiurando reddit. Quod parrens vobis non veni ultra, siue hætenus, Corinthum. Significauerat eis in alia epistola, profecturum se in Macedoniam, non tamen per Corinthum. Hīc suæ moræ causam affert, nimirum vt illis parceret, id est, ne manum ad virgam cogeretur mittere. Sunt enim pleraque, quorum animaduersionem præsentēs prætermittere non possumus: absentes autem prudētē interdum longiorem moram trahimus, ne per nos ipsos animaduerrere cogamur, cum tamē ipse est resipiscētia, sed alia leniore via.

Caietani  
pro certitudi-  
ne gratiæ.

Iuramentum  
B.  
Pauli.



Instructio  
Prælatorum.

Et hoc est notandum ad doctrinam prælatorum quorundam, inter quos etsi reperiantur non pauci, quos nullus domus Dei zelus tangit, existunt tamen aliqui plus æquo præcipientes ad ultionem delinquentium.

*Non quod dominamur fidei vestra, &c.* Declarat Apostolus suam erga illos potestatem non esse despoticam, quam habent Domini in seruos & mancipia sua: sed politicam, quæ est Regum & Magistratum in ciues. Non enim illi serui eius erant, nisi per charitatem, secundum quam oportet nos inuicem seruire. Vnde ait, *Nā fide statis*: Quia enim fide statis, ideo ingenui estis, & hiberi coram Deo, adepti hanc conditionem per fidem, facti nimirum filij Dei. Ergo Prælati, quibus in ædificationem Deus potestatem dedit, considerandi sunt tãquam adiutores ad perfectionem tabernaculi Dei viuētis: in quo commune est gaudium omnium: qui superædificantur. Ideo ait: *Sed adiutores sumus gaudij vestri*: Videlicet ut gaudium ipsum, quod cœptum est in via, perficiatur tandem: quod erit cum facie ad faciem videbimus in cœlesti patria.

CAP. II.

**S**TATVI autem hoc ipsum apud me, ne iterum in tristitia venirem ad vos. Si enim ego contristo vos, & quis est qui lætificet, nisi qui contristatur ex me? Et hoc ipsum scripsi vobis, ut non cum venero, tristitiam super tristitiā habeam, de quibus oportuerat me gaudere: confidens in omnibus vobis, quia meum gaudium omnium vestrum est. Nam ex multa tribulatione & angustia cordis scripsi vobis per multas lachrymas: non ut contristemini, sed ut sciatis quam charitatem habeam abundantius in vobis. Si quis autem contristauit me, non me contristauit, sed ex parte, ut non onerem omnes vos. Sufficit illi qui eiusmodi est, obiurgatio hæc quæ fit à pluribus: ita ut e contrario magis donetis, & consolemini, ne fortè abundantiori tristitia absorbeatur qui eiusmodi est. Propter quod obsecro vos, ut confirmetis in illum charitatē. Ideo. n. & scripsi vobis, ut cognoscam experimentum vestrum, an in omnibus obediētes sitis. Cui autem aliquid donastis, & ego. Nam & ego quod donavi, siquid donavi, propter vos in persona Christi, ut non circūueniamur à Satana. Nō enim ignoramus cogitationes eius.

*Statui autem hoc ipsum, &c.* Apud se inquit sic statuisse mutato consilio, nolle iterum in tristitia venire. Tristitiam verò intellige communem, tã suam, quam illorum. Vnde ait: *Si enim ego contristo vos, quis est qui me lætificet, nisi qui contristatur ex me?* Erant contristati Corinthij de terribili supplicio illo, quando Satana tradidit incestuosum. Aposto-

lus autem ex ea re non minore tristitia se affectum testatur, & indigere consolatione. Sicut patri non raro euenire solet, qui dum verberat filium peccatorem, nonnunquam grauiorem ipse dolorem sentit: nec alia potest ratione consolationem accipere, nisi seipsum filius corrigat. Sic B. Paulus non se lætificari posse significat, nisi ab eo quem ipse contristauerit, aut potius qui tristitiam acceperit. Vbi non obscurè ostendit, non esse Præposito finem suæ intentionis ultimum, scilicet contristare subditum suum, sed emendationem eius velle, vnde lætificaretur & ipse.

*Et hoc ipsum scripsi vobis.* Quid istud est quod ait se illis scripsisse? nisi quod non erat tunc venturus ad illos, quia nolebat contristari: sed expectabat emendationem cunctorum perfectam, qui erant in crimine, ne cogeretur venire in potestate & virga. Recole de superiore epistola minas illas. Tanquam non venturus sim ad vos, sic inflati sunt quidam. Veniam autem ad vos citò si Dominus voluerit. Et cognoscam non sermonem eorum qui inflati sunt, sed virtutem. Quid vultis? In virga veniam, an in charitate, & spiritu mansuetudinis? hæc ibi. Nunc se alium quodammodo insinuat. *Ut non cum venero tristitiam habeam.* In latinis adiicitur, *super tristitiam*. B. Ambrosius legit: Ne cum venissem, tristitiam haberem. Sensus est ergo planus: Ideo scripsi vobis me noluisse venire in tristitia, ut interim vos ita geratis, ut cum venero inueniam vos emendatos: & ita cum lætitia, non cum tristitia, veniam.

*Nam ex multa tribulatione, & angustia cordis scripsi vobis per multas lachrymas, &c.* Ostendere vult hoc in loco Apostolus se non delectari tristitia, & pœnis in eos ob crimina infligendis: tametsi in prior epistola paulò seuerior videri potuisset, tradendo illum hominem Satana: quo facto (ut est verisimile) contristauit nonnullos. Hic omnem studet remouere sinistram opinionem, ubi maximam exprimit tristitiam suam, dum testificatur ex multa tribulatione, & contritione cordis se ad eos scripsisse cum multis lachrymis. Non enim ut dominator se gerere cupiebat ad vindictam, sed ut adiutor fidei ad pœnitentiam salutarem: & ut pater misericors, qui non tam sacrificium, quàm misericordiam desiderat. Ideo illa scripsit ita durè antea, nō ut contristarentur, sed ut noscerent suam erga illos charitatem ampliorem, tãquam pij patris, qui filiorum salutarem cupit emendationem.

*Si quis autem contristauit me.* In Græcis non legitur, me, rectius quidē. Simpliciter ergo ait: *Si quis autem contristauit*, id est, ea fecit, quæ tristitiam ingerunt & dolorem (satis inuuit illum incestuosum) *Non me contristauit: sed ex parte*, id est, Non me solum: quia ego sum pars eorum quos contristauit. Contristauit enim omnes, bonos, & amantes honoris Christi. *Ut non onerem omnes vos*: Si enim me vnum solum (vobis omnibus exclusis) assererē ab eo contristatū, hoc esset onerare vos omnes, quasi probantes tam enorme delictum, & nullam tristitiam de malo concipientes.

*Sufficit ei qui huiusmodi est, obiurgatio hæc quæ fit à pluribus, &c.* Quia plerique & maiores (ut decebat) iam increpauerant eum, vult Apostolus hoc illi sufficere ad emendationem: ita ut deberet mi-

Pro præla-  
tis qui cum  
austeritate  
& poten-  
tia impe-  
rant.



nones ei cōdonare & solari, ne plus nimio vel spre-  
tus, vel conuiciis post mutatā vitam laceffit, ab-  
sorberetur abundantiore tristitia, quæ tandem tra-  
hit in desperationem. Vnde obsecrat confirmari  
in illo charitatem. Nihil enim tam validum ad cō-  
firmandam in alio charitatem, quā mutæ erga  
illum charitatis ostensio. Et hoc ait se scripsisse, vt  
experiretur an illi essent obedientes in omnibus.  
Adiecit quod & si quid illi donauerunt, hoc est, si  
quid criminis remiserunt parcentes deliquētibz,  
etiam ipse donauit. Et quodcunque ipse donauit,  
si quid aliquando vlli donauit, propter eos fecit, id  
est, in eorum gratiam & vtilitatem, ad conseruan-  
dam concordiam & pacem.

*In hereti-  
cos negātes  
iurisdic-  
tionem in ec-  
clesia.*  
In persona Christi, hoc est, substinens personam  
Christi. Et hoc contra illos, qui negant potestatem  
remittendi peccata in ecclesia in persona Christi.  
Quo in loco aduertat acutus lector, duplicem esse  
peccati remissionem in ecclesia, Prima est absque  
iurisdictione in baptismo: quia ibi homo mori di-  
citur in Christo, & sic satisfacere peccato. Secūda  
verò est de qua hīc B. Paulus, quæ sit autoritate da-  
ta nobis à Christo, quæ est iurisdictionalis in per-  
sona Christi: hoc contra hereticos.

*Vt non circumueniamur,* siue occupemur, vt græca  
vox sonat, à Satana. Hæc enim est circumuentio Sa-  
tanæ, vt possit mactare oues, primò illas dispergen-  
do: quod fit si immodica duritia tractetur subditi,  
vnde apostasiam meditantur. Dum enim in ouili  
manent, id est, in communione, vix habet faculta-  
tem Satanas: quia propter orationes & solatia in  
uicem colligari retinentur. Et frater qui adiuuatur  
à fratre, est tanquam ciuitas firma, vt ait scriptura.  
Denique ait se non ignorare cogitationes Satanæ:  
donum profectò magnum est, vt possint euitari,  
atque eludi technæ eius multiplices. Hoc autē cer-  
tum est, inter alia quæ in nos omni conatu moli-  
tur, illud esse primum, dispergere & segregare à cō-  
gregatione ecclesie, & particularium ouilium. Tūc  
enim subito & ex improviso irruit, mactat, & san-  
guine nostro, quem summopere sitit, impletur:  
nunquam tamen ad saturitatem. Et hæc notent re-  
gularium congregationes: quoniam maximè in  
his erratur.

Cū venissem autem Troadem pro-  
pter Euangelium Christi, & ostium mihi  
apertum esset in Domino: non habui re-  
quiem spiritui meo, eo quod non inuene-  
rim Titum fratrem meum: sed valesciēs  
eis, profectus sum in Macedoniam. Deo  
autem gratias, qui semper triūphat nos  
in Christo Iesu, & odorē notitiæ suæ ma-  
nifestat per nos in omni loco, quia Chri-  
sti bonus odor sumus Deo, in iis qui sal-  
ui fiunt, & in iis qui pereūt. Aliis quidem  
odor mortis in mortem: aliis autē odor  
vitæ in vitam. Et ad hæc quis tam ido-  
neus? Nō enim sumus sicut plurimi, adul-  
terantes verbum Dei, sed ex sincerita-  
te, sicut ex Deo, coram Deo, in Christo  
loquimur.

*Cum venissem autem Troadem propter, &c.* Narrat

Apostolus aduentum suum ad Troadem, & ipsius  
profectionis causam, nimirum ad euangelium an-  
nunciandum: & viam sibi datam ad hoc efficien-  
dum, scilicet ostium apertum in Domino. Et tamē  
(quod mirandum est) testatur se non inuenisse re-  
quiem spiritu suo, eo quod non inuenisset ibi Ti-  
tum fratrem suum: quod videtur non satis causæ  
fuisse ad discedendum inde, patefacto præsertim  
sibi ad prædicandum ostio. Quapropter subau-  
diendum est, hoc illum fecisse propter aliquam  
aliam vrgentem necessitatem, ad quam indigebat  
ipso Tito ad quoddam opus melius. Nam & quæ-  
dam leuioris momenti bona plerumque relinque-  
da sunt ad promouenda meliora. Videtur autē hoc  
totum in eorum gratiam dicere, propterea quod  
expectabat Titum à Corinthiis, quem ad inuiscen-  
dos illos miserat, ex cuius præsentī sermone po-  
stea rescire fideliter posset, quomodo illi sese ha-  
berent. Ergo profectus in Macedoniam illum ibi  
recepit. Sed hoc Spiritu Dei actus fecit: quoniam  
in Troade habuit visionem illam pro Macedoniis  
vt illuc ad euangelizandum properaret. *Sed valesci-  
ens eis profectus sum in Macedoniam.* Credo ad Phi-  
lippenes, vnde hanc fertur scripsisse epistolam.

*Deo autem gratias, qui semper triumphat nos in Chri-  
sto Iesu.* Triumphare est celebrare victoriam ducē-  
do captiuos ad ostentationem. Quia ergo Paulus  
fuit aduersarius Deo, & Christo, cum captiuus fa-  
ctus est (licet volens) & seruiret Deo militans illi:  
triumphari se assidue dicit à Deo, dum felicitissi-  
mam captiuitatem suam ostentabat. *Et odorem noti-  
tiæ suæ manifestat per nos omni loco.* Quæ enim Dei  
sunt, videlicet quod est misericors, quod est verax,  
non conspiciuntur nisi in effectibus, quos fecit in  
Christo & per Christū in Apostolis suis: qui fue-  
runt quasi odor illarum virtutum Dei, & Christi:  
ad refocillandum genus humanum. Vnde ait:

*Quia Christi bonus odor sumus Deo.* Sicut odor emit-  
titur ex agitatione, & confricatione rei, in qua in-  
sit virtus odoris: Item cum res ad ignem ponitur  
vt aduratur, velut thus, & quæ sunt huiusmodi, tūc  
odor excitatur. Ita ex tribulatione sanctorum, &  
ignita prædicatione, extra funditur odor virtutum  
per veritatem, per patientiam, per charitatis seruo-  
rem, in mansuetudine & benignitate, & reliquis  
effectibus charitatis admirandis, qui sunt bonus o-  
dor ipsi Deo, id est, ad eius gloriam: qui quidem  
odor diuersa & contraria operatur in diuersis, vi-  
delicet vt ipse declarat, *in his qui pereunt, & in his  
qui salui fiunt, &c.* id est, in his qui aptati sunt ad  
perditionem: & in his qui aptati sunt ad salutem:  
quæ quidem aptatio à nobis est. Si enim bonum  
odorem oblatum & inspiratum non admittimus,  
sed excludimus & reiicimus, aptamus nosmetip-  
sos ad perditionem. Et tūc dicimur perire: quia  
hoc prudentes eligimus & volentes. Et fit nobis  
odor ille bonus in mortem gratiæ, in mortem ni-  
mirum illam secundam & sempiternam, & meri-  
tò: quia agnoscetes odorem bonum, aut valentes  
agnoscere, non tamen probauimus. Quod si econ-  
uersò illum recipimus admittimus, ac probamus,  
fit odor vitæ in vitam, id est, vitæ gratiæ in vitam glo-  
riæ. Et hoc nobis concedat per suā misericordiam  
dominus Deus noster.

*Et ad hæc quis tam idoneus?* Licet græcè non lega-

*Qui propo-  
dicantur  
perire.*



tur, *Tam*, verum non male suppletur. Proculdubio autem B. Paulus se idoneum ad hæc voluit insinua-  
re: quoniam ille fuit (sicut Dominus Deus suus Ie-  
sus) in signum cui contradiceretur, vt effunderet  
odorem veritatis euangelij in patientia sua, & ostē-  
sione spiritus, in signis, & prodigiis, & variis virtu-  
tibus: vnde ait, *Non enim sumus, sicut plurimi*. Græcè,  
*multi*: Et in quibusdam legitur, *ceteri*, quod non ita  
placet: nisi hîc intelligas commendari apostolicā  
tantum prædicationem. Et per ceteros intelligas  
non Christi Apostolos, nec ab Apostolis missos:  
sed alios qui se suo arbitratu & electione cōstitu-  
bant tales. Illi enim erant *adulterantes*, siue caupo-  
nantes, *verbum Dei*: quoniam sicut caupones ma-  
lum vinum apponunt pro bono, quod per admix-  
tionem aliquam inficiunt, vt sic illud venditent pe-  
reginis & hospitibus, non secus pseudoapostoli  
illi faciebant. Hos nunc egregiè imitantur hæreti-  
ci noui, qui fidem solam prædicant carni: & loco  
durioris, sed salutaris pœnitentiæ & contritionis,  
Christi passiones gratis donatas omni tēpore vul-  
go obtrudunt, nulla distinguentes tempora, quæ  
ante baptismum fluxerunt, & quæ & post baptis-  
mum receptum insequuntur. Hoc verò callidè qui-  
dem agunt, vt placeant carni: quia & ipsi gloriam  
in carne appetentes, à semetipsis loquuntur, & à  
spiritu erroris, non ex spiritu veritatis. Sed non sic  
noster Doctor, non sic: sed (vt ipse inquit) *ex synce-  
ritate sicut ex Deo, coram Deo in Christo loquimur*. Cō-  
tra illam infectionem, & contaminatam pseudo-  
apostolorum doctrinam opposuit suam syncerita-  
tem, quæ in hoc probatur, quum quis non ex se lo-  
quitur, sed ex Deo, & Spiritu eius: vt prædictum  
fuit. Non enim vos estis qui loquimini, sed Spiritus  
Patris vestri qui loquitur in vobis: & addit.

*Coram Deo*: tanquam semper cernentes Dei præ-  
sentiā, qui videt omnia: id quod non faciunt pseu-  
doprophetæ. *In Christo*: quoniam homo in eccle-  
sia existens, in Christo quoque existit, qui in eccle-  
sia est, & in medio nostrum, & cōtinens nos om-  
nes, qui membra sumus corporis eius. Hoc autem  
non poterant dicere pseudoapostoli, qui iam ab  
ecclesia erant segregati: quoniam illis contradice-  
bant ipsi Apostoli veri, & explodebant eos. Tales  
nostra ætate sunt noui magistri, qui sese in totius  
ecclesiæ censores propria autoritate, id est, temeri-  
tate erexerunt.

## CAP. III.

**N**UNC IPSE iterum nos-  
metipsum commendare? Aut  
nunquid egemus, sicut qui-  
dam commendatitiis episto-  
lis ad vos, aut ex vobis? Epistola nostra  
vos estis, scripta in cordibus nostris: quæ  
scitur & legitur ab omnibus hominibus,  
manifestati quoniam epistola estis Chri-  
sti, ministrata à nobis, & scripta non a-  
tramento, sed Spiritu Dei viui: non in ta-  
bulis lapideis, sed in tabulis cordis carna-  
libus. Fiduciam autē talem habemus per  
Christum ad Deum. Non quòd sufficien-  
tes simus cogitare aliquid à nobis, quasi

ex nobis: sed sufficientia nostra ex Deo  
est, qui & idoneos nos fecit ministros no-  
ui testamēti, non literæ, sed Spiritus. Lite-  
ra enim occidit: Spiritus autē viuificat.

**B**EATUS Paulus volens à se depellere, quod apud  
omnes vitio datur, videlicet quòd *uerum*, id est  
hac secunda epistola inceptis ore proprio se  
laudare, & cōmendare insinuando se aliis per cō-  
memorationem propriarum virtutum, cū scri-  
ptum sit, *Laudet te alienus, & non os tuum*: extra-  
neus, & non labia tua: ostendit primum se non im-  
prudenter facere, sed prudētē, hoc est, sciens qua-  
ratione sit adductus: non equidem inanis alicuius  
cupiditate gloriæ (quod est plerisque proprium)  
sed mera charitate coactus, & diuini honoris zelo  
inflammatus. Ait ergo: *Aut nunquid egemus, sicut  
quidam*. Innuit non defuisse qui tali artificio famā  
sibi & honorem mendicarent. *cōmendatitiis epistolis  
ad vos, aut ex vobis?* Quod perinde est ac si dixerit:  
Nunquid ego aded sum ignobilis Christi Aposto-  
lus, & ea nominis penuria laborās, vt egeam cō-  
mendatitiis aliorum ad vos in gratiam mei literis,  
aut vestris ad alios, quibus ad aliquem fauorē mi-  
hi pateat aditus: quemadmodum facere illi solent,  
qui per huiusmodi literas commendationes con-  
ciliare sibi procurant: ac si dixerit manifestè. Ego  
non me commendo vobis, ea dicēdo quæ vos ipsi  
nesciatis: aut etiam quæ nesciat mundus, vt sic in-  
digeam ab aliis ad vos, & à vobis ad alios literis  
comendatitiis.

Quòd autem non indigeret istis cōmendationi-  
bus per epistolas atramento scriptas, quæ pereūr,  
& parum probāt, hoc per epistolam viuam & ma-  
nentem suadet, aiens: *Epistola nostra vos estis, scripta  
in cordibus nostris*. Quod vt subtilius intelligamus  
(quoniam metaphoricus sermo est) non est du-  
bium, quin epistola ea sit, quæ scribitur, vt mittat-  
ur legenda. Dicit ergo primum fuisse illos suam  
ipsius epistolam, scriptā in suo corde à Deo, quos  
ab eo acceperat tanquam signatos, atque scriptos  
in corde suo ad saluandum eos propter immēsam  
charitatem, qua illos amplectebatur, ita Deo scri-  
bente. Et quia illam multis modis foris ostende-  
bat, dicit: *quæ scitur & legitur ab omnibus hominibus*.  
Et indicans quomodo esset missa ista epistola, vt  
posset legi ab omnibus, addit, *Manifestati*, hoc est,  
in eo quòd manifestemini, vt sermo Græcus po-  
tius sonat. *Quòd estis epistola Christi, ministrata à no-  
bis*. Quoniam & in vobis, id est, in cordibus ve-  
stris scripsit Deus legem suam per ministerium no-  
strum.

*Et scripta non atramento*. Quandoquidem Domi-  
nus Iesus, qui per ministerium nostrum scripsit  
hanc suam epistolam, scripsit eam non atramen-  
to, id est, non liquore illo atro, & hominum manu  
composito, qui obliteratur, & corrumpitur: sed *spi-  
ritu Dei viui*, qui æternus est & efficax in nobis. I-  
deo dixit, *viui*, quia per vitam potētia eius summa  
significatur. Vnde sepius legimus iuramentum. Vi-  
uit Dominus: in quo potentiam testificatur. Spiritus  
enim est vitæ, & ipse totus vita est: & ita om-  
nipotens. Et hoc etiam erat eius proprium iura-  
mentum, *Viuo ego*. *Non in tabulis lapideis*, sicut illa  
verus lex olim, quæ scripta fuit in tabulis lapideis:

Contra no-  
nos predica-  
tores carni  
placentes.

Matth. 10.



sed non proficiebat, quoniam infirmabatur per carnem rebellem. Oportebat ergo morificari carnem, & ita scribi in tabulis cordis carnis: quod fecit Spiritus sanctus in illis, infundens eis charitatem, accepto per fidem Christi euangelio.

*Fiduciam autem talem habemus, &c.* Hic incipit rationem reddere, cur tam liberè de se loqueretur & in sui laudem, aiens quòd illam tantam fiduciam habuit per Christum, ipso nimirum ministro omnium donorum. Nam propter illam, & per illum, omnes participes sumus gratiæ & virtutis suæ, secundum mensuram fidei. Et non solum dicit per Christum habere se talem fiduciam, verum etiam ad Deum, id est, in Dei gloriam, & non suam propriam: vnde & bene sequitur:

*Non enim sumus sufficientes, siue idonei, cogitare aliquid ex nobis quasi ex nobis: sed sufficientia, siue idoneitas, nostra ex Deo est.* Multa habemus ex nobis quasi ex nobis: quia naturalia eorum principia sunt in nobis. Sed ut bonum faciamus coram Deo, & si sit ex nobis, non tamen ex nobis: quia non ex natura aut infortis natura viribus in nobis: sed ex Dei gratia & fauore procedit, & consequenter à principio (licet intrinseco) tamen informato gratia quæ est Dei donum, & desuper venit.

Quo in loco iugulantur & qui liberum arbitriū negant (ut Manichæi) quòd fatetur Apostolus sufficientiam cogitandi ex nobis: Et simul prosternuntur qui tantum libero tribuunt arbitrio, ut absque gratia & auxilio superno velint ipsum posse rectè operari. Et ideo dixit, *quasi ex nobis. Qui & idoneos nos fecit ministros noui testamenti, non litera, sed spiritus* id est, non ad docendum tantum quæ sunt diuinæ veritatis per literam, sed ad hoc ut accipiatis donum Spiritus, ut quam auditis legem, possitis perficere. *Litera enim, id est, doctrina legis scripta alibi quàm in corde, occidit:* quia nemo illam seruat, nec enim potest, ut alibi declarauimus. *Spiritus autem viuificat:* quia dat vires ad faciendum, vnde venit vita. Scio aliter exponi hunc locum à quibusdā: sed sensum germanum explicui, quem magis probauit B. Augustinus in libro de Spiritu & litera.

Quòd si ministratio mortis literis deformata in lapidibus fuit in gloria, ita ut nō possent intēdere filij Israel in faciem Moysi, propter gloriam vultus eius, quæ euacuatur: quomodo nō magis ministratio Spiritus erit in gloria? Nā si ministratio damnationis in gloria est, multò magis abundat ministerium iustitiæ in gloria. Nam nec glorificatum est quod clariuit in hac parte, propter excellentem gloriam. Si enim quod euacuatur, per gloriam est: multò magis quod manet, in gloria est. Ita enim debet excedere gloria noui testamenti gloriam veteris, quāto quod manet, id est, quod est perpetuum, illud excedit quod cessat & euanescit.

manet non reuelatum: quod in Christo euacuatur. Sed vsque in hodiernū diem, cū legitur Moyses, velamē positum est super cor eorum. Cū autē conuersi fuerint ad Deum, auferetur velamen. Dominus autem Spiritus est. Vbi autem Spiritus Domini, ibi libertas. Nos verò omnes, reuelata facie, gloriam Domini speculantes, in eandem imaginem transformamur à claritate in claritatem, tāquam à Domini Spiritu.

*Quòd si ministratio mortis, &c.* Nota est historia, quam hic cōmemorat Apostolus. Nam cū Moyses acceperet à Domino tabulas legis in monte, & descendisset ut eas legeret populo, viderunt filij Israel, & ipse Aaron, cornutam faciem eius, id est, gloriæ radios, & claritatē prodire ex vultu illius, ita ut metuerent etiam accedere ad illum. Quo facto significare voluit Spiritus sanctus, administrationem diuinorum testimonium Dei requiri, ut ea quæ ministrabantur, diuina esse propter apparentem gloriam intelligerentur.

Si hoc igitur in ministratione illius legis, quæ cessare debuit (cū non esset æterna) per aduentum legis æternæ: & ideo eius gloria erat euacuanda adueniente maiore gloria: Quāto ergo magis ministratio nouæ legis debuit esse in gloria, id est, in excellenti testimonio signorum, & prodigiorū, & Spiritus sancti illuminantis corda: imo etiā sensibilibiter venientis, sicut fuit in ecclesia primitiua? Et hoc dixit ad ostendendum, non magnopere mirandum, si videri poterat Apostolus seipsum commendare. Non enim hoc erat se commendare, sed ad id quod quā latissimè patebat eorum oculos conuertere: ne in luce meridiana cæcutirent, aut lippirent.

*Nam si ministratio damnationis in gloria est: multò magis abundat ministerium iustitiæ in gloria.* Ponit differentiam inter ministrationem legis, & ministrationem euangelij. Nam legis ministratio, erat ministratione damnationis: quia lex posita iniusto & contumaci, non poterat operari nisi damnationē, ut quæ operaretur prauaricationē in homine malo. Omnes autem erant mali. Ministratio autem euangelij, erat ministratio iustitiæ, quæ infundebatur credenti in Dominum Iesum. Et ob eam causam decuit ut lex noua euangelicæ iustitiæ superaret veterem in ostensione virtutis diuinæ, & gloriæ. *Nec enim glorificatum est quod clariuit in hac parte, propter excellentem gloriam.* Sensus est, illam legis gloriam, præ excellenti gloria euangelij, quodam modo non fuisse gloriam: quoniam à maiore sydere obscuratur minus, & meritò. Vnde ait: *Si enim quod euacuatur, per gloriam est: multò magis quod manet, in gloria est.* Ita enim debet excedere gloria noui testamenti gloriam veteris, quāto quod manet, id est, quod est perpetuum, illud excedit quod cessat & euanescit.

*Habentes autem talem spem, multa fiducia vtimur,* id est, habentes spem non temporalium, sed æternorum per gloriosius & firmitus Dei testamētum. vtimur multa fiducia. Græcè, *πρόσποσις*, hoc est, libertate loquēdi ampla pro gloria Dei & Christi, nūc



Loci diffi-  
les ac subsi-  
lis exposi-  
tio.

ex magna parte manifestata. Et non sicut Moyses ponebat velamen super faciem suam, ut non intenderent filij Israel in faciem eius, quod euacuatur. Rursum nota est historia, quomodo Moyses ministrans illam legē, apparuit cornuta & radiante facie filiis Israel. Sed cum loquebatur eis, ponebat velamen super faciem suam, significans illis, ut non intenderet in faciem eius quod euacuatur, id est, in illam priorem gloriam: sed expectarent aliam venientem, id est, ut non intenderent in literam, sed in spiritum: non in Moysen, sed in Christum: non in carnalia, sed in spiritualia: non in temporalia, sed in æterna. Nā hæc manent: illa euacuantur.

Græci quidam codices non dicunt, in faciem, sed, in finem: ut sit idem sensus. Nam finis obseruantie illius legis, erant bona terræ quæ promittebatur, ad quæ intendebat ille populus, & nunc etiam intendit, & totus inhiat: contra quam ipse Moyses cupiditatem eorum velamine admonebat, tanquam si diceret. Gloria mea nulla est: veniet fortior me, quem debetis audire, qui est ipse vera imago Dei, & gloria eius. Non ego sum illa imago Dei, sed ille: & ille est gloria Dei, quæ non habebit velamen. Assidue quippe magis ac magis manifestabitur: & qui manifestabunt eam Apostoli sui, siue velamine manifestabunt. At illi miseri Iudæi nihil horum intelligebant. Sed obcæcati sunt sensus eorum: siue obcæcata sunt mentes eorum ab illa gloria carnis, cui nimium pertinaces studebant.

Nam usque in hodiernum diem id ipsum velamen in lectione veteris testamenti manet, non reuelatum. Sensus est, Ipsum velamen quo Moyses operiebat faciem suam, ad quam intendebant, & propterea non poterat cerni gloria Dei, manere ipsis Iudæis adhuc non reuelatum: quia non intelligunt quid sibi velit impediens Moysen, ad quem respiciunt, cum ipse tamen aliter per velamen illud, admonuisset. Nam quia non effulsit illis euangelicum lumen, per quod euacuatur velamen, & tollitur velut figura per veritatem, manet velamen, quod in solo Christo euacuatur: quia per illum perit omnis gloria Moysæ. Et ob eam causam ab eis obseruari in hodiernum diem puto, ut dum legunt Moysen, vellentur Rabbini in synagogis eorum.

Sed quare (dicit aliquis) non effulsit eis euangelicum lumen? Responderetur, non hoc esse ab ipso euangelio, quasi parum gloriæ haberet. Aut quia prædicatores eius ponant velamen in faciem suam: sed quia ipsi non intelligentes mysterium velaminis, velamen ipsum positum habent in cordibus suis. Hoc autem velamen affectio est carnis. Quia propter non possunt auertere oculos à Moysen, & convertere ad Christum, quandiu terrenis lucris & cōmodis sunt intenti. Declarauit enim per Moysen Deus medio illo velamine, illam gloriam veteris testamenti, in quam miseri Iudæi intendunt, esse quasi velamen illis, ne queant intendere in euangelium, in quo est virtus Crucis. Non enim possunt simul concurrere duo fines, temporalium scilicet bonorum, & æternorum.

Cum autem conuersi fuerint ad Dominum, auferetur velamen. Hoc autem si prius cōuertatur Dominus ad illos (quod aliquando tandem erit) & aliquo modo ostendat illis positum ob oculos illud velamen, quo impediuntur ne possint credere. Domi-

nus autem Spiritus est. Vult probare sublatum iri ab eis velamen, quando conuersi fuerint ad Dominum. Ratio autem est: quia Dominus Spiritus est. Et qui cōuertitur ad Dominum, Spiritus fit, & filius Dei cui patent omnia. Et spiritus est qui reuelat diuina: eique reuelantur diuina, qui de illo participat. Non est enim seruus, sed filius: neque est ulterius ille puer, qui penè nihil distat à seruo, sed grandioris ætatis accessu liberatus à pedagogo (nempe à Moysen & lege prisca, unde clamare iam didicit Abba Pater) sentit, & in seipso tandem cum magna animi exultatione experitur veritatem illam, quam summæ veritatis Magister Christus protulit: Si Filius vos liberauerit, verè liberi eritis. Liberat autem per Spiritum suum sanctum. Ideo dicit, *Vbi autem Spiritus Domini, ibi libertas*. Etenim homo Spiritu Dei afflatus, non est ulterius homo sub lege dominante & pedagogo: sed sub Spiritu, sub gratia: amore, non timore faciens quæ sunt diuinæ legis. Ioan. 8.

Nos verò omnes, id est, nos siue Iudæi, siue Græci, qui interim credidimus in Iesum: reuelata facie gloriam Domini specularantes, siue contemplantes: quia non habemus velum carnis oppositum, in eandem imaginem transformamur: quoniam efficitur spiritus, sicut ille est Spiritus. Qui enim ex Deo natus est & adhæret Deo, spiritus est. Ideo subdit: à claritate in claritatem, tanquam à Domini Spiritu, vel à Domino Spiritu. Ipsa enim gloria Dei est quæ facit nos lucem de tenebris. A gloria ergo, & ex confortio gloriæ etiam nos gloriosi efficitur, & in hoc mundo illustrati gratia, quæ est arrha quædam gloriæ: & in alio mundo perfecta gloria, qua tunc illustrati, longè magis, similes ei erimus.

## CAP. IIII.

**I**DEO habentes hanc administrationem, iuxta quod misericordiam cōsecuti sumus, nō deficimus: sed abdicamus occulta dedecoris, non ambulantes in astutia, neque adulterantes verbum Dei: sed in manifestatione veritatis commendantes nosmetipsos ad omnem conscientiam hominum coram Deo. Quod si etiam opertum est Euangelium nostrum, in iis qui pereunt, est opertum: in quibus Deus huius sæculi excæcauit mentes infidelium, ut non fulgeat illis illuminatio Euangelij gloriæ Christi, qui est imago Dei. Nō enim nosmetipsos prædicamus, sed Iesum Christum Dominum nostrum: nos autem seruos vestros per Iesum: quoniam Deus, qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei in facie Christi Iesu.

Ideo habentes hanc administrationem, iuxta quod misericordiam consecuti sumus. Græcè: sicut misericordiam consecuti sumus. Totum tribuit misericordie Dei B. Paulus, non solum dimissa sibi peccata, verum etiam quod promorus fuerit ad tantam apostolatus sublimitatem, ut posset adeo gloriose



fungi ministerio euangelij Dei: *Non deficiamus*: vel non delassamur, non ignaui sumus, quicquā omit tentes eorū quæ sunt apostolici muneris. *Sed abdicamus* (seu *abdicauimus*) *occulta dedecoris*. Vide ne hic sit sensus, Quod in prædicatione Christi crucifixi perfecta, quæ tunc est, quum non solum sermone, sed facto & moribus prædicatur, multa sunt quæ occultè hominem tentant vt delassetur, & omit tat prædicationem: quoniam quæ Crucis sunt, pro bro & dedecore videntur afficere hominem: quæ certè homo secundum carnis prudentiam, non fa cile admittit. Nam quis lubenter patitur vnquam (nisi magno spiritu ferueat) seipsum cōtemni? Sed B. Paulus hæc occulta, quæ intus animum pungūt, ait à se iam abdicata esse. Non enim erubescerebat euangelium. Potest etiam sic intelligi, vt per oc culta dedecoris, siue turpitudinis, accipiamus tem poralia lucra, siue gloriæ, siue aliorum bonorum carnis ac mundi, ad quæ pseudoapostoli aspiciē bant, & aspirabāt: quæ vt possent consequi, falsam ac fallacem doctrinam vulgo gratam prædicabāt. Et ideo subiunxit:

*De pura B. Pauli præ dicatione.* *Non ambulantes in astutia, neque adulterantes*, siue dolo inficientes, *verbum Dei: sed in manifestatione ve ritatis commendantes nosmetipsos ad omnem conscientiam hominum coram Deo.* Magnam de seipso prædicat vi tæ innocentiam, & cordis rectitudinem in mini sterio euangelij. Et nota quod ait, *coram Deo*: ac si di xerit, quod nullus homo poterat ex vera cōscien tia, quæ coram Deo patet, illum reprehendere in vlla re. Poterāt autem multi contra conscientiam incusare illum, & falsò calūniari: quod accidit om nibus piis, & piè in Christo viuētibz, & studen tibus christianæ veritati.

*Quod si etiam opertum est Euangelium nostrum, in iis qui percunt, est opertum.* Dixerat manifestatam à se Christi gloriam, sicut & ab aliis Apostolis, nullo ad faciem obuoluendam velamine adhibito. Mo do respondet obiectioni, quæ fortassis fieri à qui busdam poterat, videlicet: Si eousque est gloriosa prædicatione tua, Paule, quid est in causa cur nō om nes vident hanc tam perspicuam gloriam, quam tu absque velamine ostendis? Constat enim mul tos esse qui non credunt euangelio. Respondet, Eu angelium quidem opertum esse multis, non ex velamine vlllo, quod afferrent euangelizātes (sicut accidebat Moyh) sed ex prauitate, ac cæcitate quā habent illi, quibus velatum est: quoniā ij sunt qui pereunt, hoc est, qui sua sponte aprati sunt ad inte ritum & perditionem. Et propterea quem illi se quantur, & cui pareant, spreto Christi Apostolis, aperit inquit:

*In quibus Deus sæculi huius excæcauit mentes infide lium.* Dura cōstructio, sed sensus clarus. Deus sæcu li huius Sathanas est, id est, eorum est Deus qui dili gunt hoc sæculum, etiam conspecta luce, sicut di xit Dominus. Venit lux in mundum, & dilexerunt homines magis tenebras quàm lucem. Verè enim Christus Dominus est omnium, qui redemit om nes de potestate diaboli. At si rursus homo non vult inde erui ac liberari, rursus fit Sathanas illius occupator & dominus. Et qui eiusmodi sunt vide re lucem, etiam si velint: propter quod ait: *Vt non fulgeat eis gloria Euangelij Christi*, id est, gloria prædi cationis, vnde possent coniectare de veritate euan

gelij à claritate prædicationis, quam comitabātur innumera signa & prodigia. *Qui est imago Dei.* Vnde decuit vt primū, ac plurimum in illo, & per il lum Dei gloria manifestaretur: quod fecit ipse in numerabilibus signis & miraculis, & doctrina, vt testatus est ipse, quum dicto vertit aquam in vinū. Et quum illuminauit cæcum à natiuitate: & quum excitauit mortuum Lazarum quatrduanū: & quū apparuit in gloria sua in monte sancto: & quū vox Patris intonuit: & quum multis aliis modis glo riosè manifestauit seipsum & ante & post resurre ctionem: quæ gloria comitata est etiam apostoli cam prædicationem.

*Non enim nosmetipsos prædicamus sed Iesum Christū, Dominum.* Græcè sic legitur, & benè: & sensus est. Thema & tenor prædicationis nostræ non sumus nos, aut nostra gloria, sed Iesum Christum esse Do minum, quia creator ac Redemptor noster. Vide quàm frequenter Apostolus suam integritatem commemorare cogitur, propter eos qui se capita, constituebant. Ipse verò nedum principatum sibi vsurpabat, sed se vel patrem, vel socium & etiam seruum ostendebat in Christo. Vnde ait, *Nos autem seruos vestros*, vt potè ministros ab eo electos, in sa lutem vestram. *Quoniam Deus qui dixit de tenebris lu cem splendescere*, hoc est, ille Deus qui dixit: Fiat lux, cum tenebræ essent super faciem abyssi, & conti nuò fecit vt splendesceret lux: ille, inquam, Deus *il luxit in cordibus nostris*. Nostris, inquit, primū qui electi sumus ad testificandum luci quasi rutilaria sydera, ab ipso Sole & vera luce lumen recipiētia. Quæ corda nostra erant prius tenebrosa: sed Deus excitauit lucem, quæ fulgeret in illis, *ad illumina tionem scientia claritatis*, siue gloriæ Dei, hoc est, ita illuxit, vt corda nostra per illud lumen informarē tur scientia gloriæ Dei. illius, inquam, gloriæ quam accepit Christus qui Deus est, & illam nobis est pollicitus.

*In facie Christi Iesu.* Melius (vt mihi videtur & e mēdatus) in persona Christi Iesu. Nam in ipso Iesu resedit primū omnis gloria, ad quem aspi cientes, videmus & Patrem: vnde ille dixit, Philip pe, qui videt me, videt & Patrem meum. In illo e nim sunt omnes diuitiæ, & omnes thesauri sciētiæ & sapientiæ Dei Patris absconditi.

Habemus autem thesaurum istum in vasis fictilibz, vt sublimitas sit virtutis Dei, & non ex nobis. In omnibus tribu lationem patimur, sed nō angustiamur. Aporiamur, sed non destituimur. Perse cutionem patimur, sed non derelinqui mur. Humiliamur, sed non cōfundimur. Deicimur, sed nō perimus. Semper mor tificationem Iesu Christi in corpore no stro circumferentes, vt & vita Iesu mani festetur in corporibus nostris. Semper e nim nos qui viuimus, in mortem tradi mur propter Iesum, vt & vita Iesu mani festetur in carne nostra mortali. Ergo mors in nobis operatur: vita autem in vobis.

*Habemus autem thesaurum istum, &c.* Thesaurum vocat



vocat Apostolus gratiam illuminationis ad euangelizandum. Vasa item fictilia vocat corpora nostra, quæ de terra sunt, corruptioni obnoxia. Cum ergo thesaurus iste in his fictilibus vasis ostendatur ab eius effectibus magnis: planè apparet excellentiam illius potentiae, licet sit in nobis, non tamen esse ex nobis, sed ex Deo. Probat autem assistentem virtutem in se, non à signis solum & prodigiis, quæ faciebat Deus per ipsum, sed multò magis ab efficacia, & effectibus charitatis suæ & fidei, quæ erant longè maiora miracula. Ait ergo:

*In omnibus tribulationem patimur: sed non angustiamur.* Quod ait, *in omnibus*, potest accipi pro, *ubique*, aut pro quouis tempore ac momento, aut in quouis re. Et quod dicit, *Non angustiamur*, significat in pressuris ac tribulationibus animū & cor non potuisse constringi: contra quàm ipsius rei natura postulabat. Quis enim tā stupidus natura esse potest, vt in tribulationibus gaudeat? Et tamen ille dilatabatur amplius: veluti ignis quidā, qui dum extinguitur, & comprimatur, excitatur potius, & scintillat ardētius, *Aporiamur, sed non destituimur*. Etiam homo Dei magnis perturbationibus venit aliquādo in quasdam aporias, hoc est, anxias dubitationes & sollicitas, quid nam agere debeat, animaduertēs vndique mala impendere & pericula. *Sed non destituimur*. Græcè non ἡγορούμενοι, quod est superari tædio: & nō malè dixit interpres, *Non destituimur*. Propterea enim minimè superabatur, quia non destituebatur, scilicet consilio & fauore diuino, vt superius primo capite dictum fuit, *Persecutionem patimur: sed non derelinquimur*. Adiuuamur namq; à Deo vt possimus perferre. *Humiliamur, sed non confundimur*. In Græcis cōmuniter hoc non reperitur: licet sit sanctissimè dictū, & rectè sese habeat. Etenim vera & profunda humilitas nobilis est, & non fert secum confusionem. Secus in humilitate parum ingenua accidit, quæ parit animi deiectionem & languorem: vnde & pudore confunditur homo, velut qui succubens in causa, perdit omnem respondendi, aut sui defendendi fiduciam. *Deiicimur, sed non perimus*. Deiicimur, inquit, ab hominum confortio, vt nemo faueat nobis. Et tamen non perimus: quia Deus & angeli eius nos benignè excipiunt, & dulciter interius fouent.

*Semper mortificationē Iesu Christi in corpore nostro circumferentes: vt & vita Iesu manifestetur in corporibus nostris.* siue in corpore nostro. Hic mortificationē pro morte accipit B. Ambrosius. Et sensus est, ab eis fuisse repræsentatam quodammodo in corpore ipsorum Christi mortem, & vitam. Sicut enim in illo Christi corpore, cum esset mortuum, vita erat, id est, illa diuinitas, vnde potuit semetipsum suscitare: ita in corpore B. Pauli per multas passiones aderat vis mortis (etenim mortuus omnino fuisset, si suis tantum viribus voluisset inniti) sed vita Christi manifestata est, quæ erat in eo, superans omnem vim mortis. Quoniam ne succubuerit morti, vita Christi, hoc est potentia, & vigor qui erat in eo, hoc effecit: vnde dixit, *Viuo ego, iam non ego: viuunt autem in me Christus*. *Semper enim nos qui viuimus, in morte tradimur propter Iesum*. Ait, nos qui viuimus: Quare dicit, nos qui viuimus? Quis enim dubitaturus erat de eius vita? Et quis item ignorabat, semel mortuos non posse denuo tradi in mor-

tem? Existimo illum ob id se viuentem appellare, propterea quòd natura animo præditus erat excelso, & ferociter atque intrepidè quæcunque pericula ingrediebatur, qui debebat etiam comprimi per afflictiones & tribulationes, vt recognosceret se talia ex sua virtute tolerare nequaquam posse.

Quòd autem talis fuerit B. Paulus, quæ ante fecerat aduersus Christum testantur, dum spiraret plenus minarum & cædis in discipulos Domini, vi & violentia trahens per domos, tanquam rapax quidam leo: quæ natura deprimenda erat, in exercitiis tamen Deo gratissimis. Ob hoc igitur tradebatur in mortem, & quidem frequenter (sicut postmodo dicit) vt & vita Iesu, qui eripiebat eum de mortibus illis, manifestaretur in sua fragili carne & mortali.

*Ergo mors in nobis operatur*, id est, Et si morimur tā sæpe, id effectus bonos in nobis operatur, humilitatem, & notitiam nostri, & Dei omnipotentiam, per quam non succubimus mortibus. *Vita autem in vobis*, id est: Quòd verò viuimus, non succubentes tot & tātis mortibus per Iesum, & prædicamus eius gloriam, non tam sermone, quàm tenore vitæ, operatur in vobis, scilicet fidem veritatis, vt credatis nos eius esse ministros, qui & Spiritu eius agimur, qui vera vita est: & ita credentes proferatis fructum imitationis salutarem.

Habentes autem eundem spiritum fidei, sicut scriptum est: Credidi, propter quod locutus sum. Et nos credimus, propter quod & loquimur: sciētes quoniam qui suscitauit Iesum, & nos cum Iesu suscitabit, & constituet vobiscum. Omnia enim propter vos, vt gratia abundans per multos in gratiarum actione abundet in gloriam Dei. Propter quod nō desicimus: sed licet is qui foris est noster homo corrumpatur, tamen is qui intus est renouatur de die in diē. Id eīm quod in præsentī est momentaneum & leue tribulationis nostræ, supra modū in sublimitate æternum gloriæ pōdus operatur in nobis, non contemptantibus nobis quæ videntur, sed quæ non vidētur. Quæ enim videntur, tēporalia sunt: quæ autem non videntur, æterna sunt.

*Habentes autem eundem spiritum fidei, &c.* Est spiritus fidei inter dona Dei: qui non ad hunc solum finem datur homini, vt ipse sibi tantum habeat, sed ad vtilitatem & ædificationem ecclesiæ, sicut ipsemet B. Paulus superiori epistola docuit. Vnicuiq; datur manifestatio Spiritus ad vtilitatem. Et inter illa dona quæ enumerauit, ponitur. Alij fides in eodem Spiritu. Et non loquitur ibi de communi dono fidei, sed de particulari quodam & excellēti, vt quicunq; illud habet, manifestet alijs. Ideo hoc in loco dicit, quòd habens eundē spiritum fidei, quē habuit ille qui dixit: Credidi propter quod locutus sum, etiam ipse credidit, propter quod & loquitur: quoniam spiritum illum fidei (vt diximus) non ad illius tantum vtilitatem, sed ad ecclesiæ



quoque vtilitatem Deus illi donauerat.

*Scientes, quod qui suscitauit Iesum, & nos cum Iesu suscitabit, & constituet vobiscum.* Hinc apparet, quam de morte sua certus fuerit, utpote qui suscitandum se ait. Quare defendere non possumus, Apostolum ea in existimatione de se fuisse, ut viuus expectaret tempus extremi iudicii: quod tamen opinantur aliqui. Et in hoc articulo resurrectionis, penè continentur cuncta quæ fidei sunt, si accurate & verè intelligatur. Si enim Iesus Redemptor noster resurrexit, ergo mortuus erat. Si mortuus, ergo & natus, & indigne mortuus. Si enim digne, non resurrexisset. Ergo mortuus propter peccata nostra. Ergo & nos resurgemus. Hæc & multa alia sub hoc articulo comprehenduntur, quæ prudentibus colligenda relinquimus. Et ob eam causam hunc articulum maximè prædicauerunt & efficacissimè Apostoli, in quo apparuit Christi gloria, ut quæ passus est ignobilia, gloriosa merito redita sint.

*Omnia enim propter vos, &c.* id est, gratiam hanc eximiam illuminationis & fidei quam habemus, propter vos habemus: ut ista gratia abundans in nobis, exundet in vos in gloriam Dei, per gratiarum actionem, quæ fieri debet à multis.

*Propter quod non deficimus, &c.* Dicit se non deficere, id est, non delassari. Nec id tam de corpore intelligit, quam de animi vigore, qui semper crescebat in dies. Vnde ait: *sed licet is qui foris est homo noster*, id est, ille homo qui apparet exterius (& intelligit partem sensitivam) *corrumpatur*: quia de die in diem tendit in interitum, *tamen is qui intus est*, ipse intellectus informatus Spiritu sancto, *renouatur de die in diem*, propter assiduam sanctificationem, quæ ab operibus bonis procedit.

Porro, ista renouatio non momento vno fit ipsius conuersionis (ait B. Augustinus) sicut momento vno fit illa in baptismo renouata remissione omnium peccatorum. Neque enim vel vnum quantumcunque remanet, quod non remittatur. Sed quemadmodum est aliud carere febribus: aliud ab infirmitate, quæ febribus facta est, reualescere. Itemque aliud est infixum telum de corpore demerere: aliud vulnus, quod eo factum est, secunda curatione sanare. Ita prima curatio est, causam remouere languoris: quod per omnium fit indulgentiam peccatorum. Secunda, ipsum sanare languorem, quod fit paulatim proficiendo in renouatione huius imaginis. In hac quippe imagine tunc perfecta erit Dei similitudo, quando Dei perfecta erit visio. Ad quam peruenient qui renouari de die in diem per cordis munditiam, & pia charitatis opera sedulo student. Relictus est nobis excolendus animus, quasi ager spinis, & luxuriatibus ramis arbor, assidue à summo Patre purganda, ut fructum plus afferat. Alioqui si manū refugiat cœlestis Agricole, non solum non renouabitur de die in diem, sed arescet, & in ignem mictetur, quemadmodum Dominus testatur, & ardet. At contra, qui fructum cultoris sui labore dignum reddiderit, & talē tum ad auctiorem negotiationem diligenter dederit, merebitur maiora adhuc accipere & digniora, ut qui habet, etiam abundet, augente ipso Domino donum bene seruatum à nobis, & quo bene vti sumus ad lucrum, ita ut veniat perfecta innouatio,

ac perpetua, quæ nescit interitum. Vnde ait:

*Id enim quod in presenti est momentaneum ac leue tribulationis nostra, supra modum in sublimitate æternæ gloriæ pondus operatur in nobis.* Vide contra hanc no- Contrari-  
antes me-  
rita. uam Lutheranam hæresim, quod per viam & merita passionum ingredimur & obtinemus cælum: ita ut præmij magnitudo & amplitudo supra modum excellat, atque excedat huius temporis passionēs, non tantum quia momentaneæ sunt, sed quod etiam leues sint. Ipsum autem præmium gloriosum ponderis immensi est, & in æternum duraturum. Et illud idem nota, ad obstruendum os aduersariorum potentissimum, quam clare B. Paulus dicat, hoc momentaneum & leue tribulationis operari in nobis hoc tantum præmium. Quomodo autem operatur, nisi meritorie? Ex vi tamen gratiæ & pacti: sed alibi separatim hanc materiam tractaui vberius. Hic est locus cui nequeunt hæretici respondere. Nobis ergo (inquit B. Paulus) operatur hoc immensum & æternum gloriæ pondus, leuis & momentanea tribulatio: nobis, inquam, non contemplantibus quæ videntur, & temporalia sunt, hoc est, qui non habemus in consideratione & pretio, aut pro scopo nostro, ea quæ ante oculos conspiciuntur: sed quæ non videntur, cum hæc sint æterna. Ad hæc autem aspicimus ut ad scopum & verum finem nostrum, in quo est vera, ac sempiterna beatitudo, ad quam per tribulationes commemoratas forti & alacri animo contendimus, iuuante illo qui pugnantibus dat fortitudinem Iesus Christus dux noster, & magnificus triumphator.

CAP. V.

**S**CIMVS enim quoniam si terrestris domus nostra huius habitationis dissoluatur, quod ædificationem ex Deo habemus, domum non manufactam, æternā in cœlis. Nam & in hoc ingemiscimus, habitationem nostram quæ de cœlo est, superindui cupientes: si tamen vestiti & nō nudi inueniamur. Nam & qui sumus in hoc tabernaculo ingemiscimus, grauati, eo quod nolumus expoliari, sed superuestiri, ut absorbeatur quod mortale est à vita. Qui autem efficit nos in hoc ipsum, Deus, qui dedit nobis pignus Spiritus. Audētes igitur semper, & scientes quoniā dum sumus in hoc corpore, peregrinamur à Domino (per fidē enim ambulamus, & non per speciem) Audeamus autem, & bonam voluntatem habemus, magis peregrinari à corpore, & præsentem esse ad Dominum. Et ideo contendimus siue absentes, siue præsentem placere illi. Omnes enim nos manifestari oportet ante tribunal Christi, ut referat unusquisque propria corporis prout gessit, siue bonum, siue malum.

*Scimus enim, &c.* huius habitationis. Lōgè melius: huius tabernaculi, iuxta Græca vocem *σκηνή*, qua



mox utetur interpretes, & eadem est vox Græca: vt declaremur adhuc nos esse peregrini à Domino, & viatores, & non habere hic manentem domum, cum tabernaculum audimus. Et loquitur de carne nostra, quæ est quasi quoddam spiritus nostri tabernaculum, qui in eo ambulat cum Christo ad Deum. ait ergo, Tamen hoc tabernaculum Sancti spiritus, quod est corpus nostrum, dissoluatur: Scimus quod adificationem ex Deo habemus, videlicet in spe, licet nondum in re. Habemus enim arrham in ipso Christo: quia ipse est verus Salomon, qui edificauit sibi domum, domum non manufactam, sed verbo suo eternam in cælis. Reparabuntur enim corpora nostra, vt fiant domus nostræ indissolubiles, & æternæ: non in hoc mundo, sed in cælis. *Etenim in hoc ingemiscimus*, id est, in hoc corporis tabernaculo existentes, crebros gemitus & suspiria trahimus. Aut dicam: *Etenim in hoc*, id est, propter hoc gemimus nunc, habitationem nostram, vel domicilium nostrum, quod est de cælo, id est, gemitu & expectatione sperantes, illud parturimus: sicut ad Romanos dixit, Ingemiscimus adoptionem filiorum Dei. *Cupientes superindui*, vt qui modo vestiti gratia sumus, superinduemur & gloria. *Si tamē vestiti, & non nudi inueniamur*, hoc est, modo dum hinc excedimus, inueniamur non priuari gratia, quæ prima stola est & vestis nuptialis, vt simus digni apparere ante faciem Sponsi ad recipiendum secundam stolam gloriæ.

*Etenim existentes in hoc tabernaculo ingemiscimus gratiati*, sicut scriptum est: Corpus quod corrumpitur, aggrauat animam: & terrena inhabitatio deprimit sensum multa cogitantē. Declarans autem in quo esset causa doloris & gemitus, adiungit: *Eo quod non lumus expoliari, sed supervestiri*. Homo enim natura diligit carnem suam: & tantum abest vt vellet dissolui, vt etiā vellet superindui, hoc est, habere carnem vestimento nouo perennitatis, & gloriæ confutam. Videns autem necessariam esse dissolutionem, non potest non ingemiscere secundum amorem carni debitū. Sed cum adsit spes futuri superindumenti, quiescit homo: quia videt se fore desiderij sui compotem, scilicet, quod superinduetur, vt absorbeat quod mortale est à vita. Verè cum apparuerit Christus vita nostra, & nos apparebimus cum illo in gloria: & tunc induet hoc mortale immortalitatem, propter tam proximum consortium & contubernium, quod erit nobis cum ipsa vita, ante cuius conspectum non poterit stare mors, nec apparere quicquam mortale.

*Qui autem effecit nos in hoc ipsum, Deus*. Sensus est, nos in hac expectatione, & statu spei, à Deo constitutos esse propter Christum. Nam si ille propter nos ingemuit, & mortem gustauit acerbissimam: quid magnum si & nos tantisper propter illum gemimus, imo propter gloriam nostram in illo? *Qui & dedit nobis pignus spiritus*. Ipse Dominus, cuius providentia factū est vt simus gementes, non reliquit nos sine intelligentia suæ bonæ & propensæ erga nos voluntatis, quæ fuit vt per hunc gemitum paritiremus, & pararemus nobis vitam eternam. Nam & istud verbo suo promisit: & propterea dedit nobis pignus Spiritus, id est, arrham vitæ, quæ est donum charitatis excidere nescientis. Ecce quàm passim probatur præsentis gratiæ certitudo.

*Andentes igitur semper*. Supplendum est, sumus,

bona scilicet audacia, propter scientiæ certitudinē. Ausum autem suum vocat illum, quem habebat in prædicatione constanter asseuerans euangelium. A plenitudine enim scientiæ veniebat: addit, *Et scientes, quod dum sumus in hoc corpore, peregrinamur à Domino*. Per fidem enim ambulamus, & non per speciem. Hoc est, quia dum in carne sumus, Deum videre non possumus. Nemo (inquit ille) videbit me & viuet. In via enim sumus ambulantes per fidem quæ est eorum quæ non videtur: & non per speciem, quæ facie ad faciem intuetur. Itaque ob id rectè à Domino peregrinari dicimur, tanquam absentes ab illo: quamuis ad illum desiderio cordis tendentes. Hoc ergo B. Paulo confidentiam suppeditabat & ausum, vt nullas quātumvis atroces peritisceret mortis minas: qui, cum Christus ei esset vita, per mortem suam sciebat se illum lucrari. Itaque constitutus inter vtranque varij desiderij cogitationem, aut peregrinari à Domino, & esse in carne: aut præsentem esse ad Dominum, & peregrinari à corpore: proculdubio multo eligibilius illud statuit, videlicet peregrinari à corpore, & præsentem esse apud Deum. Et ob illud desiderium subdidit:

*Audemus autem & bonam voluntatem habemus:*

Hoc est, magis placet, & vt charius probamus, magis peregrinari à corpore, & præsentem esse ad Dominum.

Hic locus efficax ad probandum, animas vt statim soluuntur à corpore, Domini præsentia frui, neque ulterius ab eo peregrinari: modò hinc euaserint innocentes. Et ob eam gratiam B. Paulus magna industria ac sollicitudine operam dabat, gratum sese Deo reddere. *Et ideo* (inquit) *contendimus siue absentes, siue præsentem placere illi*. Id est, Contendimus & in hac peregrinatione, & cum peregrinationem hanc absoluerimus, placere illi: subacitè insinuans, nos non posse illi placere post hanc peregrinationem, si prius peregrinantes non placuerimus. Ille enim est aduersarius noster in via, cum quo oportet consentire: alioqui ad iudicem nos trahet, sententiam nostram meritis nostris dignam laturos. Propter quod ait:

*Omnes enim nos manifestari oportet ante tribunal Christi, vt referat unusquisque propria corporis, prout gessit, siue bonum, siue malum*. Hic locus valde considerandus, vt intelligamus futurum iudicium non sese in pueros extendere, qui nec boni quicquam, nec mali gesserunt in corpore: sed aliorum adultorum vitam discutiet, qui facultatem sui liberi arbitrij habuerunt.

Quod enim pueri qui absque lauacro decedunt, neque supplicio afficiantur, sicut neque honore & gloria æternæ vitæ, post ea quæ ad Rom. adduximus, hoc in loco placuit elegans testimonium Magni Gregorij Nazianzeni, qui ob excellentem doctrinam, Theologi cognomētum promeruit, afferre: qui dū de talibus pueris loqueretur, quos in tertio genere hominum non baptizatorum cōputarat, in hunc modum securè pronunciat. Tertios autem (inquit) neque pœna, seu gloria à iusto Iudice arbitror affectum iri tāquam non signatos, noxa tamen carentes, magisq; daninum patientes, q̃ committentes. Non enim quicunq; supplicium haud meretur, ideo iam honore dignus est: quemadmodū neq; qui non honorandus, ideo puniendus erit. hæc ille. Vnde manifestè apparet hanc sententiā non

Exo. 33.

De statu hominum.

De beat. animarum statim post mortem.

Luc. 12.

Greg. Nd. Xian. in oratione de sancto lauacro.



solum non repugnare scripturis, nec olim communi sensui ecclesie aduersari (cum tam insignis Theologus eam tam securè doceat) verumetiam optimis rationibus communiri, quas facile homo benigni iudicii & in pròptu habere potest, & comprobare. Ipsa equidem pietas per se ipsa omnibus persuadere deberet. Quid enim contra legem per corpus peccauerunt pueri?

B. Aug. in  
Ser. de om-  
nibus san-  
ctis.

Addo & B. Augustinum qui & si aliter aliquando de pueris docuerit, vt ad Rom. monuimus, loquens tamen de generali omnium iudicio, manifestè ab eo excludit nedù pueros, sed & paganos, & Iudæos, & hæreticos. Ait enim post quædam etiam contra massam facientia. Et hoc considerate, inquit, fratres pro qua re mittuntur in ignem æternum. Non enim illis dicendum est: quia homicidia fecistis, adulteria cõmisistis: quia alienam substantiam rapuistis. Sed hoc solum audituri sunt, Quia esuriui, & non dedistis mihi māducare. Rogo vos fratres, Nolite hæc transitoriè cogitare: nec credatis quòd hoc de Iudæis tantum, aut paganis, vel hæreticis fuerit dictum. Sed definitissimè credite: quia hoc Christiani & Catholici, qui in malo opere perseuerare voluerint, audituri sunt. Ad iudicium enim non veniunt nec pagani, nec hæretici, nec Iudæi: quia de ipsis scriptum est, Qui non credit, iam iudicatus est, &c. hæc ille.

Et contra, Quàm æquum est, vt quod in corpore deliquimus, etiam luamus in corpore: & quod in corpore bene gessimus, etiam in corpore remuneremur: vt & corpus etiam particeps fiat vel pœnarum, vel præmij. Nam per corpus & mala patramus, & bona agimus: quoniam sine corpore nihil prorsus in hac mortali vita agere possumus. Siquidè & ipse intellectus indiget phantasmatis, quæ sunt à corpore.

Sciētes ergo timorem Domini, hominibus suademus: Deo autē manifesti sumus. Spero autem & in conscientijs vestris manifestos nos esse. Non iterum commendamus nos vobis: sed occasionem damus vobis gloriandi pro nobis, vt habeatis ad eos qui in facie gloriātur, & non in corde. Siue enim mēte excedimus, Deo: siue sobrij sumus, vobis. Charitas. n. Christi vrget nos, æstimantes hoc: quoniam si vnus pro omnibus mortuus est, ergo omnes mortui sunt: & p̄ omnibus mortuus est Christus: vt & qui viuunt, iam non sibi viuāt, sed ei qui pro ipsis mortuus est, & resurrexit. Itaq; nos ex hoc neminem nouimus secundum carnem. Et si cognouimus secundum carnem Christum: sed nunc iam non nouimus. Siqua ergo in Christo noua creatura: vetera transierūt, ecce facta sunt omnia noua. Omnia autem ex Deo, qui nos reconciliauit sibi per Christum: & dedit nobis ministerium recõciliationis. Quoniam quidem Deus erat in Christo mundum reconcilians si-

bi, non reputans illis delicta ipsorum: & posuit in nobis verbum recõciliationis. Pro Christo ergo legatione fungimur, tāquam Deo exhortante per nos. Obsecramus pro Christo, recõciamini Deo. Eum qui non nouerat peccatum, pro nobis peccatum fecit, vt nos efficeremur iustitia Dei in ipso.

Scientes ergo illum timorem Domini, id est, cum sciamus quæ contingent in illa die, die iræ, & calamitatis, & miseriæ sempiternæ malis, & eorum timorem habeamus: hominibus suademus. Deo autem manifesti sumus. Sensus est: Cum suaderet hominibus, habebat ante oculos illam diem, qua reddet vnusquisque pro se rationem: ita vt timeret Dominum, & non suaderet quicquā dolosè, & cum fraude: quod est ab omni vero prædicatore faciendum. Et ob eam mentis rectitudinem, Deo se manifestum esse ait. Spero autem & in conscientijs vestris manifestos nos esse. Hoc sperabat, quia sic iter eos se gesserat, vt aliud existimare nec illi, nec ipsemet merito possent. Et addit:

Non iterum commendamus nos vobis, sed occasionē damus vobis gloriandi pro nobis, &c. Quod ego de me ista dico, non iactabundus commendationis meæ gratia facio: sed vt dem vobis occasionē gloriandi de nobis, qui pater sum & magister vester in Christo, Apostolus, & segregatus in euāgelium Dei ad Gentes, probatus tot signis & prodigijs, vt nec magnis Apostolis (qui videntur esse colūpæ ecclesie) cedere vlla in re debeamus. At hoc de seipsis prætere nequeunt, qui tētant vos seducere. Quam obrem hoc nunc facio, vt habeatis hæc de me aduersus illos qui gloriantur in facie, hoc est, in apparentia verborum, & non in corde, qui apertè seiplos produnt: quia nullum ostendunt suæ missionis argumentum, sicut nos ostendimus iam, & cum opus est, semper parati sumus ostendere.

Siue enim mente excedimus, Deo: siue sobrij sumus, vobis. Hic mihi huius loci germanus videtur sensus, ac si apertius dixisset: In hoc sermone qui est de nobis, siue hoc dicamus rapti mente, Deo hoc, dicimus, id est, in gloriam eius qui nos mouet, & per nos loquitur. Siue sobrij sumus, id est, siue spiritu nostro loquimur ex prudentia propria: vobis tamen hoc facimus, nimirum ad vestram vtilitatem. Cur autem se ita gerat, optimè subiungit, aiens: Charitas enim Christi vrget nos, &c. Hoc est, Christus dedit pro omnibus vitam suam huius sæculi, vt inueniret aliam meliorem. Tales ergo omnes debent esse qui sunt in illo, & illius charitatis exemplo vrgeri, vt perdant in hoc mundo & ipsi vitam suam: & non sibi viuant vltèrius, sed Deo & Christo, vt in futuro sæculo inueniant ipsam. Vnde bene sequitur: Et pro omnibus mortuus est Christus, ac si dixerit: Certè pro omnibus mortuus est Christus: vt etiam qui viuunt noua vita, propter eius resurrectionem: iam non sibi viuant, sed ei qui pro ipsis mortuus est, & resurrexit. Videlicet vt ipsi mortui peccato in morte Christi, & resuscitati spiritu in eius resurrectione, viuant ipsi Domino, seruientes illi, & ad gloriam eius.

Itaque ex hoc, id est, posthac, siue postquā in Chri-

Nota quod  
est optimi  
predicatoris.



sto ego sum mortuus mihi, & reuixi Deo: *neminem nouimus secundum carnem*, quod est, carnali notitia, & affectione. *Et si cognouimus secundum carnem Christum, sed nunc non nouimus.*

Sensus est: Quādo persequabatur Christum, carnaliter cognoscebat Christum affectu carnali: & ideo non cognoscebat verum Christum, qui cognoscendus erat spiritualiter, hoc est, non ex affectione terrena & carnali. Etenim Iudæi omnes profitentur se nosse Christum in scripturis, & sperant vëturum, sed carnaliter noscunt: quia putant eum temporaliter regnaturum, & restitutum illam Gentem, id est, ipsos Iudæos sedibus suis, & in hoc solummodo omnis illorum spes reposita est. Istam igitur de Christo notitiam, quam prius habebat B. Paul<sup>9</sup>, dicit se abiēcisse. Et quare, nisi quia istæ cogitationes sunt animales, & carnem sapiūt, & adhuc sunt veteris hominis?

*Siquis ergo in Christo (subaudi), est, noua creatura* (iterum subintellige) est, vt sit sensus: Quicumque est in Christo (quod esse per fidem & sacramentum acquiritur) est noua creatura. Et ideo ego Paulus, non sum ille qui olim eram Saulus, sed noua creatura: vt non iam sapiant mihi quæ tunc probabam, quæ nunc reputo esse velut stercora. *Vetera transferunt: ecce facta sunt omnia noua.* Qui ergo per Spiritum sanctum renouati sumus, secundum prudentiam Spiritus debemus sapere. Et hoc si verè sentimus in nobis, signum certum est renouationis nostræ.

*Omnia autem ex Deo*, id est, quæcunque obuenerunt nobis donorum, & gratiarum, vt tales simus, ex Deo profecta sunt. *Qui nos reconciliauit sibi per Christum.* Hoc primū, quod magnum fuit. *Et posuit in nobis verbum reconciliationis*, id est, verbum euangelij, vt per me ministrum etiam reconciliantur sibi multi. *Pro Christo ergo legatione fungimur, tanquam Deo exhortante per nos*, siue (vt quidam volunt) obsecrante. Legati enim de sensu & nomine mittentis accepta mandata loquuntur. Et vt quid loqueretur declararet, ait:

*Obsecramus pro Christo, reconciliamini Deo.* Ista verba non tam mihi videntur exhortantis, quàm enunciantis, ac narrantis id quod erat suæ legationis, videlicet, obsecrare pro Christo, vt homines reconciliarentur Deo. Nam de Corinthiis iam certum erat, illos esse Deo reconciliatos: vnde suam illis exhortationem mox facturum referuat. Pergit autem tenorem exprimens, & summam dignissimæ legationis suæ.

*Eum qui non nouerat peccatum, pro nobis peccatum fecit, &c.* Christum non cognouisse peccatum ait Apostolus, hoc de notitia facti intelligēs, non de notitia speculatiua. Nam quæ respuimus, non cognoscere dicimur, hoc est, non probare. Et Deum fecisse illum peccatum more scripturarum dicit, & tro po illarum proprio: quoniam in illo posuit peccata omnium nostrum, & illud præsertim originale, vnde reliqua tanquam ex radice oriuntur. Cum ergo sic factus fuerit peccatum in corpore suo, crucifixo & mortuo corpore, intellectum est crucifixum simul ac mortuum peccatum esse: & hoc, vt nos efficeremur iustitia Dei. Impediebat enim peccati lues ac reatus, ne possemus fieri iusti. Oportuit igitur tolli peccatum: quo sublato, nihil postea obsti-

tit amplius, quod (ne iustificaremur) impediret; propter resurrectionē Domini. Nam quemadmodum ille resurrexit vitam accipiens nouam, postquam satisfecit peccato per mortē: sic & nos per acceptam iustitiam reuiuisceremus, & noua creatura efficeremur ad seruiendum Deo.

Dixit etiam iucunda figura, Christum factum fuisse peccatum, qui nec nouerat peccatum: & nos per illum factos esse iustitiam Dei, qui eramus peccatum. Et hoc in loco accipit Dei iustitiam pro populo iusto: sicut nonnunquam circumcisionem pro populo circumciso. Hic est mos scripturæ, & frequens est per nomina (quæ logicis vocantur abstracta) significari res ipsas illa qualitate affectas: sicut hic iustitia significat iustos: & tenebræ alibi, tenebrosos: & lux, afflatus luce, vt cum dicitur, Eratis aliquando tenebræ: nunc autem lux in Domino:

## CAP. VI.



**D**IVVANTES autem exhortamur, ne in vacuum gratiā Dei recipiatis. Ait enim: Tempore accepto exaudiui te: & in die salutis adiuui te. Ecce nunc tempus acceptabile: ecce nunc dies salutis. Nemini dantes vllam offensionem, vt non vituperetur ministeriū nostrum. Sed in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis, in castitate, in scientia, in longanimitate, in suauitate, in Spiritu sancto, in charitate non ficta, in verbo veritatis, in virtute Dei. Per arma iustitiæ à dextris & à sinistris. Per gloriam & ignobilitatem: per infamiam & bonam famam. Vt seductores, & veraces: sicut qui ignoti & cogniti. Quasi morientes, & ecce viuimus. Vt castigati, & non mortificati. Quasi tristes, semper autem gaudentes. Sicut egentes, multos autem locupletantes. Tanquam nihil habentes, & omnia possidentes.

**A**diuvantes autem exhortamur, ne in vacuum gratiam Dei recipiatis. Lōge melius, *recepistis*. Nūc enim incipit instruere eos ad vitam rectā, & Christianis moribus dignam, quam illustrabat Apostolus charitate eximia: & promouebat publicis ad omnes prædicationibus suis, exhortationibus priuatis: & in primis vitæ probitate, & omnium virtutum exemplis, quas mox enumeraturus est. Et loquitur ad eos qui iam receperant gratiam, quos sedulò monet vt sic agant, ne in vanum eam receperint, & frustra. Et quod ait, *exhortamur*, optimè positum est: tamen vox significet etiam obsecrationem, & consolationem. Vt intelligas exhortationes habere tanquam socias, obsecrationes & consolationes. Et ita est certè, quando sapienter



fiunt ac prudenter. Adiuuantes autem dixit, tanquam diceret: non dominâtes, sicut superius dixit. Non dominamur fidei vestre, sed adiutores sumus gaudij vestri scilicet, & coronæ, quæ manet expectantes Christum.

*Ait enim: Tempore accepto exaudiui te: & in die salutis adiui te.* Hic locus est apud Isaiam cap. 49. Vbi ille propheta de tempore aduentus Christi loquitur ad eos qui agnoscerent eum, quando in tempore placito & accepto ipsi Deo, per Christum exaudiuntur, & adiuuantur ad salutem. Vnde B. Paulus hoc tempus declarâs aduenisse, addit: *Ecce nunc tempus acceptabile: Ecce nunc dies salutis.* Quod ait, Nunc, more suo tēpus euangelicæ gratiæ designat, quod quidem verè est tempus acceptabile coram Deo: quando lux est in mundo, & vbique illucet omnibus lucem amantibus veritatis.

*Nemini dantes vllam offensionem.* Sic est construendum. Nos ita sumus adiutores vestri in exhortando, sicut decet eos qui hoc munus administrant, videlicet vt ipsi sint inculpati, & nullam dent in quauis re occasionem, per offensionē vllam cuiquam obrectandi. *Vt non vituperetur ministeriū nostrum.* Occasionem magnam ad vituperandā ministeria bona præbent male administrâtes. Nam cum malus apparet minister: etiam ipsum ministerium & officiū vituperant idiote, & carnales. Et hoc est nunc scandalū mundi. Heu, heu, vā nobis, qui non aperimus oculos. Non autē talis erat Apostolus noster: quē vtinam imitaremur seriō monentem, vt postulat nostri muneris obligatio, ait: *Sed in omnibus exhibeamus: Lōgē melius, exhibemus, siue, cōmendamus, nosmetipsos sicut Dei ministros.* Et ecce in quibus sit vera & laude digna commendatio, nimirum:

*In multa patientia, in tribulationibus, in necessitatibus:* quæ multæ sunt huius vitæ. *In angustiis, in plagis, in carceribus, in seditionibus, in laboribus, in vigiliis, in ieiuniis.* Hic B. Paulus, inter alia, quibus voluit commendare seipsum & ministerium suum, addidit, *in vigiliis, & ieiuniis.* Quid est ergo quod isti dicunt: Elca non commendat nos Deo, nisi vt destruant ieiunia? O caro, ô sœnum, ô gloria vestra tanquā flos sœni, qui cupitis placere carni, & commendare vos sœno, quod hodie est, & cras in clibanū mittitur. *In castitate, in scientia.* Nam ministratorem euangelij oportet esse pudicum & scientē. *In longanimitate.* Hic videtur significare longam expectationem, qua ad reuocandos à peccatis homines per pœnitentiā utebatur, vt verus Clementis Patris imitator, cuius hoc est proprium, misereri semper & parcere: nisi nos nostra duritia obduruerimus. *In suauitate, seu benignitate suauis, & amabili morum faciliū dulcedine.* *In spiritu sancto,* quo erat plenus tāquam vas electionis. *In charitate non ficta:* qualis est multorū, qui per dulces sermones & benedictiones fingunt se Antonios & Macharios, & spiritu lenitatis repletos: & his simulationum coloribus decipiunt imperitos. *In verbo veritatis,* non adulterantes illud. *In virtute, seu potentia Dei,* propter signa & prodigia quæ faciebat ad confirmandam prædicationem euangelij.

*Per arma iustitiæ à dextris, & à sinistris.* Arma iustitiæ sunt fides, & spes, id est, veritas sperandarum rerum, & quod sub spe continetur, etiam studiū bonorum operum: quod vilificiūt miseri noui magi.

stri, in quo tamen vera Christianorū gloria, & Capitis imitatio consistit, & fiducia ad expectandam in cœlis fœlicitatē peracta viriliter hac militia. *À dextris & à sinistris:* quoniā tentationes Diaboli tales sunt, vt aliquādo à dextris aggrediatur, aliquando à sinistris. Verbi gratia: Tētavit Christum Diabolus primò, ne se ipsum desereret esurientem, sed pararet sibi cibum, & viueret, ne alioqui tēteret, in prouidentia Dei nimium cōfidens. Hoc fuit petere illum à sinistris: sed non præualuit. Cœpit ergo insidiosē illum econuersò tentare à dextris, vt nimium de diuina prouidentia confideret, quum in pinnaulum templi sublato suaderet, vt se mittat de orsum. Hoc autē quid erat aliud, quæso, nisi à dextris petere hominē? Sed armis veritatis superatus est ille Malignus & à dextris, & à sinistris.

Sunt enim virtutes ferè omnes in medio extremorum, quæ sunt vitia, positæ: atque illud vitium quod magis est finitimum virtuti magisq; simile, potest à dextris collocari, in quo longè decipimur facilius: vt eleganter & verè dixerit quidam: Decipimur specie recti. Respectu quippe liberalitatis, prodigalitas, quæ cum illa similitudinem habet aliquam, posset à quibusdam existimari virtus. Et similiter auaritia ad parsimoniā comparata: & ita de reliquis.

*Per gloriam & ignobilitatem.* Commendat prædicatorum & euangelistarum, quum miro ardore, & in spiritu prædicat verbum Dei, & signis cōfirmat atque prodigiis, & vita bona: vnde gloriam acquirit apud multos. (Talis erat interdū Paulus) Commendat rursus eundem & ignobilitas, quum forti & inuictō animo suffert opprobria indignè illata: vt quum scioli aiebant, *Quid vult seminiuerbius hic dicere?* & Nouorum dæmoniorum videtur annunciator. Et quum loquutus esset Paulus ad eos, quidam (vt B. Lucas testatur) irridebāt, & quidam dixerunt: Audiemus te de hoc iterum. Vnde addit, *Per infamiam & bonam famam.*

*Vt seductores, vel impostores, & veraces.* Non est legendum coniunctim, vt sit sensus, A diuersis quidem hominibus existimatū fuisse vt seductorem simul ac veracem: licet & hoc verissimū esset, cum non deessent qui de illo talem cōceperant falsam opinionem, vt quandoque verax in quibusdam esset, in aliis autem sæpe impostor. Sed is est verus sensus, illum, cum tamen esset in vita & doctrina omnino verax, habitum tamen à malignis & iudicatum seductore & impostorem, vel qui nouam aduersus Deorum cultum afferret prædicationem. Hoc autem cōiucij excipere eorum est proprium, qui veritatem ipsam apud impios prædicant, & in trepidè defendunt.

*Sicut qui ignoti & cogniti.* Ille non noscitur à Deo, qui minimè probatur ab eo. Sunt qui probantur quidem à Deo, sed non apparet illa probatio: quia in hoc mūdo abiecti sunt, sicut fuit Dominus. Vnde propheta: Nec reputauimus eum: sed reputauimus eum quasi leprosum, & percussum à Deo, &c. Talis B. Paulus imitator Domini sui & capitis Iesu Christi.

*Vt castigati, & non mortificati,* hoc est, Nos tanquam castigati propter peccata, quorum supplicia ferimus in hac vita, non tamen morte affecti sumus. *Quasi tristes: semper autem gaudentes.* Quoniam

Attendant  
prælati Ec-  
clesiarum.

Contra no-  
nos hereti-  
cos, & car-  
nales Chri-  
stianos.

Att. 17.

Isa. 53.



nō est in veris iustis pfecta tristitia & dolor: sicut nec perfectum gaudium. Ipsi interim velut dolentes sunt, & tristes: gaudent nihilominus in sua tristitia semper. Nam etsi de peccatis suis & aliorum tristentur & doleant, in Dei tamen misericordia pro se ipsis, & in eius iudiciis rectis atque iucūdis pacati conquiescunt.

*Sicut egentes & multos locupletantes.* Verē nō sunt egentes, qui propter Christum egēt: quoniam spiritalibus bonis abundant, vt alios locupletes faciant: & indigēt illorum opportunē semper succurrit Dominus. *Tanquam nihil habentes: & omnia possidentes.* Verē omnia possidet, qui Christum in corde suo habet: licet videatur egenus carnalibus oculis. Gracē tamen legitur, κατήχου, quod possemus etiam vertere, continentes, & quali incumbētes. Vt sit sensus, quōd homo qui diuitias, & omnia mundi & fortunæ bona spernit propter Christum: ipse incumbit, & insidet omnibus vt dominus & verē possessor, qui ab eis non possidetur. Hæc experiuntur qui verē sapiēs in Domino, quæ amatoribus sæculi videntur deliramenta.

Os nostrum patet ad vos, ô Corinthi: cor nostrum dilatatum est. Nō angustiamini in nobis. Angustiamini autem in visceribus vestris. Eandem autem habētes remunerationem (tanquam filiis dico) dilatamini & vos. Nolite iugū ducere cum infidelibus. Quæ enim participatio iustitiæ cū iniquitate? Aut quæ societas luci ad tenebras? Quæ autē conuentio Christi ad Belial? Aut quæ pars fideli cum infideli? Quis autem consensus templo Dei cum idolis? Vos enim estis templum Dei viui, sicut dicit Deus: Quoniam inhabitabo in illis, & inambulabo inter eos: & ero illorum Deus, & ipsi erunt mihi populus. Propter quod exite de medio eorum, & separamini, dicit Dominus: & im mundum ne tetigeritis: & ego recipiam vos, & ero vobis in patrem: & vos eritis mihi in filios & filias, dicit Dominus omnipotens.

*Os nostrum patet, &c.* Os est cordis interpres. Dilatato autem corde ad effundendum, oportet & ipsum os simul patere. Ex cordis enim abundantia os (vt testatur Dominus) loquitur. Et significat amorem & gaudium intus conceptum, se non posse retinere, sed cogebatur vt illud effunderet. *Non angustiamini in nobis, &c.* Non est hoc verbum exhortationis: sed enunciat id quod est, videlicet, nullam illos habere causam cur sese angustent, id est, animo depressi sint in Paulo, id est, propter Paulum: sicut angustantur filij de patre ignobili: & discipuli ob magistrum imperitum, & indoctum. Ergo quōd angusti estis animi (si tamen estis) nō ex Paulo est magistro & patre vestro: sed ex vobis, & visceribus vestris, qui tantum patrem & magistrū non imitamina, & potius quæ sunt carnalia concupiscitis, quæ animum angustant, & efficiunt ne certō sperentur æterna. Vnde ait:

*Eandem autem habentes retributionem.* Græcē de est verbum, habentes, sed rectē suppletum est. Sensus est: Cū sit vobis eadem retributio (vt filiis dico) Ibi enim necesse est esse filios, vbi pater, cum filij patrem imitantur: sicut filij Abraham, Abraham promissiones adipiscuntur: dilatamini & vos. Dilatur autem homo tunc vero gaudio, quando verē concipit spem æternorum. Tunc enim liber efficitur, & nullas patitur angustias. Quod tum demū euenit, quū incipit spernere temporalia, & patitur tribulationem pro Christo. Tunc spei certitudo dilatatur cor, & stabile reddit.

*Nolite iugum ducere cum infidelibus.* Hic prohibet consortia coniugij cum infidelibus, ne fidelis cum infideli coniungatur: & ratio redditur: *Quæ enim (inquit) participatio iustitiæ cum iniquitate?* Siue cum iniustitia? Vt fideles pro iustis habeat, propter fidē infideles pro iniustis, quia fide carent. *Aut quæ societas luci ad tenebras?* Infideles ergo tenebræ sunt: lux autem fidelis. *Quæ autem conuentio Christi ad Belial?* Græci Beliar legunt. Quidam rationem hanc assignant, quōd nullum Græcis vocabulum designat in, l. Quæ ratio est admodum leuis. Non enim Græcum est hoc vocabulum: & poterat integrē recipi, & proferri in Græca lingua. Quicquid sit in causa: Belial, significat absque iugo, desertorem, & contumacem: quod fuit Luciferi propriū, qui primus defecit à voluntate ac mandato Dei. Huic rectē opponitur Christus, qui quæ placita erāt Deo, semper fecit. Cum ergo fidelis membrum sit Christi: infidelis erit membrum Diaboli. Itaque sicut caput Christus non conuenit cum capite diabolo ita nec membrum Christi cum mēbro Diaboli debet conuenire.

*Aut quæ pars fideli cum infideli?* Cōiugij enim fructus sunt filij, de quibus vterque coniugum debet participare. Sed non potest participare fidelis simul cum infideli, & eandem dulcedinem capere: quoniam ij fructus sunt, quatenus Deo generantur. Infidelis autem hoc gustare non potest.

*Quis autem consensus templo Dei cum idolis?* Vos enim estis templum Dei viui, &c. Hoc ipso probat tale genus coniugij esse detestabile, videlicet cum idolo latris. Videtur enim fidelis quodammodo consentire cum Idolo, consentiens cum idololatra. Hoc autem nimis absurdum: quia fidelis est templum Dei. Idque probat per scripturam: quoniam Deus inhabitat in nobis, & nobiscū ambulat, vt ipsemet pollicitus est dicēs: Ego vobiscū sum omnibus diebus vsque ad consumationem sæculi. *Et ero illorum, Deus, & ipsi erunt mihi populus.* Hactenus ex leuitico. 26. acceptū est. Quod sequitur, partim de Isaia, vt hoc: *Propter quod exite de medio eorum, & separamini, dicit Dominus, & immundum nolite tangere.* Quia ego, qui sum Dominus vester, sum ipsa munditia: vos qui vultis sanctificari, exite de medio impiorū & infidelium, & separamini: & immundum ne tetigeritis. Nos apud Isa. sic legimus, vbi postquam promisit aduentum Domini etiam ad Gentes, vt fiant populus eius, & ipse earum Deus, ait: *Recedite, recedite, exite inde: pollutum nolite tangere, &c.* Sequitur: *Et ego recipiam vos, & ero vobis in patrem: & vos eritis mihi in filios & filias, dicit Dominus omnipotens.* Hoc ex Ieremia cap. 31. licet verba non omninō sint eadem: sensus tamen idem. Vnde &

Matrimo-  
nium cū in  
fideli probi  
betur.

Matth. 18



à B. Paulo admonemur, licitum nobis esse varias congregare scripturarum sententias, modò in testimonium adducantur aptè, & ad sensum ipsius scripturæ aperiendum: non autem temerè & absque iudicio. In quo tamen à plerisque erratur, qui multitudine potius quàm pondere passim eas citant, quò eruditiores apud indoctum vulgus videantur.

## CAP. VII.

**H**A S ergo habètes promissiones, charissimi, mundemus nos ab omni inquinamento carnis & spiritus, perficientes sanctificationem in timore Dei. Capite nos. Neminem læsimus, neminem corripimus, neminem circumuenimus. Non ad condemnationem vestram dico. Prædiximus enim quòd in cordibus nostris estis ad commoriendum, & ad conuiuendum. Multa mihi fiducia est apud vos: multa mihi gloriatio pro vobis. Repletus sum consolatione: superabundo gaudio in omni tribulatione nostra.

**H**æc ergo habentes promissiones, &c. Videlicet quia sumus populus Dei, templa Dei, filij Dei, manet nos æterna filiorum hæreditas: quæ tamen datur mundi corde. Mundemus nos ab omni inquinamento carnis & spiritus. Inquinamentum carnis est per fornicationem: & inquinamentum spiritus per omnia peccata, quibus adhibetur consensus. Perficientes sanctificationem in timore Dei. Dei est in nobis inchoare sanctificationem ex fide absque meritis ullis nostris: sed nostrum est, per gratiam Dei tamen, mereri per bona opera perfectionem sanctificationis, quæ perficitur ab ambulantibus in timore Dei, sicut alias dicit: Cum timore ac tremore salutem vestram operamini.

Philip. 2.

Capite nos, id est, suscipite me in visceribus vestris ut patrem, & ut præceptorem ac doctorem, ac munificum erga vos in dilatactione cordis. Non enim causa vlla est vobis, cur id facere non debeat: quoniam neminè læsimus: neminem corripimus: neminem circumuenimus. Minus est lædere, quam corrumpere. Et quod adiicit, circumuenimus, significat non se iniustitiam fecisse vllam per dolum ac fraudem, ut de alterius iure quicquam surripuerit. Non ad condemnationem vestram dico, id est, nò hoc ex probro in vos, quasi horum nomine me accusetis, ut propterea condemnare vos velim velut calumniolos. Prædiximus enim vobis, quòd in cordibus nostris estis ad commoriendum, & conuiuendum. Per hoc ostendit se non habere amarum erga illos animum, quibus cum & vitam & mortem vult habere communè: sed hæc ait proferre se ex fiducia potius, ut ipsi recognoscerent qualis esset erga illos. Et item quòd vehementius diligerent & obseruarent, addit. Multa mihi gloriatio pro vobis, melius, de vobis: repletus sum consolatione, superabundo, siue exeundo, gaudio in omni tribulatione vestra. Ostendens autem quam tribulationem passus fuerit, & in quantis versatus periculis, ut illi aliqua saltem commiseratione erga seipsum, mouerentur, qui de illis illorumque salu-

te cogitandi finem nullum faciebat, subdidit:

Nam & cum venissemus in Macedoniam, nullā requiem habuit caro nostra, sed omnem tribulationem passi sumus: foris, pugna: intus, timores. Sed qui consolatur humiles, cōsolatus est nos, Deus, in aduentu Titi. Non solùm in aduentu eius, sed etiam in consolatione qua cōsolatus est in nobis, referēs nobis vestrū desiderium, vestrum fletum, vestram æmulationem pro me, ita ut magis gaude-rem. Quoniam etsi contristavi vos in epistola, non me pœnitet: etsi pœniteret, videns quòd epistola illa (etsi ad horam) vos contristauit, nunc gaudeo: non quia contristati estis, sed quia contristati estis ad pœnitentiam. Contristati enim estis secundum Deum, ut in nullo detrimentū patiamini ex nobis. Quæ enim secundum Deum tristitia est, pœnitentiam in salutem stabilem operatur: sæculi autem tristitia mortē operatur. Ecce enim hoc ipsum secundum Deum contristari vos, quātam in vobis operatur sollicitudinē? sed defensionem, sed indignationē, sed timorem, sed desiderium, sed æmulationem, sed vindictam: in omnibus exhibuistis vos incontaminatos esse negotio.

Nam & cum venissemus, &c. Non dicit de spiritu quòd non quieuerit, sed tantum de carne quæ patiebatur, & non quiescebat propter tribulationes, interim forti existente spiritu, qui promptus est semper in his qui verè amant: sed caro infirma tanta perferre sæpe non potest, quāta vellet spiritus. Declarat autem quales tribulationes foris (inquit) pugna: intus, timores, intelligit pugnas quæ inferebantur à paganis, qui erant foris, id est, extra ecclesiā: & intus timorem, propter suspicionem falsorum fratrum. Sed qui consolatur humiles, cōsolatus est nos Deus in aduentu Titi. Erga humiles Dei dignatio est ut eos consoletur. Et ne intelligant solùm accepisse se consolationem propter Titi præsentiam, addit: Non solùm autem in aduentu eius, siue præsentia: sed etiam in consolatione, qua cōsolatus est in vobis, id est, in ea consolatione, quam ipse accepit per vos, referēs vobis vestrum desiderium proficiendi in melius: vestrum fletum, ob commissā in Deum peccata, & propter me inde à vobis contristatum: vestram æmulationem pro me, resistendo falsis prophetis, qui vobis illuserant, & à vera doctrina euangelica abducebant. Non loquitur autem vniuersaliter de omnibus (ne sit sibi ipsi contrarius) sed de illorum plurimis. Nam in aliquos nonnulla scribit, quæ minus cum his conueniunt. Ita ut magis gaude-rem. Credo subaudiendum, de eo quòd contristauerit eos per epistolam, quæ poterat iudicare aliquantò seuerior, ab iis scilicet qui non apprehendunt iustitiam illam, quæ necessariò in omnibus verarum & perfectiorum religionum initiis exercenda est. Quod ex facta in Ananiam & Saphi-



ram ultione latè patet: ne fundamenta iam corrue-  
re incipiant, dum primum iaciuntur. Fructus enim  
& timor inde oritur ad maiorem diuinorum præ-  
ceptorum obseruantiam, vt eo in loco testatur scri-  
ptura. Vnde ait:

*Quoniam etsi contristauit vos in epistola, non me pœni-  
tet: quia vidi fructum tandem, & emendationem.*  
Ex quo facile coniicio vos maiori odio peccatum  
habitueros, & vigilantiores nē in posterum seduca-  
mini à Satana & eius ministris. *Etsi pœniteret, me-  
lius, etsi pœnituerit.* Significat enim quod iam cœ-  
perat pœnitere: & reddens rationem, adiicit. *Vide-  
o enim quod epistola illa (etsi ad horam) vos contristauit.*  
Et in hoc valuit ad desideratum finem. *Nunc gau-  
deo: non quia contristati estis, sed quia contristati estis ad  
pœnitentiam.* Contristati enim secundū Deum, Est enim  
tristitia quæ ducit ad Deū: & est tristitia quæ parit  
mortem, vt mox ipse dicit: *Quoniam ergo fuit vti-  
lis illis hæc tristitia, iccirco ait:*

*Vt in nullo detrimentū pariamini ex nobis. Quæ enim  
secundum Deum tristitia est pœnitentiam in salutem sta-  
bilem, Græcè, impœnitendam, operatur. Saculi autem tri-  
stitia mortem operatur: quoniam caret spe diuinæ mi-  
sericordiæ.* Illud interim notandum in hæreticos,  
quod tristitia quæ secundum Deum est, id est, quæ  
ex odio vitij, & virtutis amore procedit, pœniten-  
tiam parit in salutem, hoc est, pœnitentiam saluti-  
feram, quam respicit Deus ad delenda peccata. Isti  
autem, Luthero doctore, eiusmodi pœnitentiam  
vituperant, & soli fidei imituntur. Sed audi effica-  
ciam eiusmodi fructuosæ tristitiæ:

*Ecce enim hoc ipsum secundum Deum contristari vos,  
quantam in vobis operatur sollicitudinem, siue studium:  
sed defensionem, hoc aduerbium, sed, pro, quinetiam  
accipitur. Defensionem dixit interpret, quod græ-  
cè Apologiam dixit B. Paulus: vt possimus etiam  
interpretari excusationem. Idque fortè ad hūc lo-  
cum commodius: sed indignationem, videlicet bono-  
rum contra peccata: sed timorem. Bonus est timor  
omnium filiorum, quum paterfa. iratus conspici-  
tur, ne quid agat quis quo ille acerbius offendatur  
sed desiderium, sed emulationem, sed vindictam. Deside-  
rium ait emendationis (vt diximus) & boni operis  
in futurum, & emulationem iridem boni, sed cum  
oculo recti zeli, non præter scientiam accensi. Et  
vindictam, pro præteritis delictis. In omnibus, siue  
vbique, aut per omnia & omnino. Exhibuistis, siue  
commendastis, vos incontaminatos esse in negotio. Et  
hæc fuit excusatio siue defensio, de qua superius:  
& loquitur de iniuria illata à fratre in fratrem,  
quæcunque fuerit illa, in qua erant plurimi in-  
nocentes.*

Igitur etsi scripsi vobis, non propter  
eum qui fecit iniuriam, nec propter eum  
qui passus est: sed ad manifestandam soli-  
citudinem nostram, quam habemus pro  
vobis coram Deo, ideo consolati sumus.  
In consolatione autem nostra, abundan-  
tius magis gauisi sumus super gaudio Ti-  
ti, quia refectus est spiritus eius ab omni-  
bus vobis. Et siquid apud illum de vo-  
bis gloriatus sum, non sum confusus: sed  
sicut omnia vobis in veritate locuti su-

mus, ita & gloriatio nostra quæ fuit ad  
Titum, veritas facta est: & viscera eius a-  
bundantius in vobis sunt, reminiscens  
omnium vestrum obedientiam, quomo-  
do cum timore & tremore excepistis il-  
lum. Gaudeo quod in omnibus confido  
in vobis.

*Igitur etsi scripsi vobis non propter eum, &c.* Supplē-  
dum est, scripsi. Nec facile est (ni fallor) intellige-  
re quidnam illud sit quod scripserit, & de qua iniu-  
ria sentiat, An de illius qui cum patris vxore se pol-  
luit, vt aliqui exponunt: an verò de alio quopiam,  
qui aliam iniuriā intulit. Quicquid sit, ea quæ scri-  
plerat, non propter illos (supple tu) tantum, id est,  
qui fecit & qui passus est iniuriam, ait se scripsisse:  
*sed ad manifestandam sollicitudinem nostram quam ha-  
bemus pro vobis coram Deo.* Græcè emendatius & ve-  
rius. *Sed ad manifestandam sollicitudinem vestram de no-  
bis, ad vos coram Deo.* Vt sit sensus: Volui per illa ex-  
citare vos, vt manifestaretis vestrum studiū quod  
habetis de nobis, in his quæ ad vos pertinent. corā  
Deo, id est, vt videret hoc Deus factū vestro. Nam  
in scripturis quasi nescire ea dicitur Deus, quæ nō  
exeunt in effectum. Vnde & tētare dicitur sanctos  
vt videat an sint seipso digni. *Ideo consolati sumus,*  
id est, cōsolationem recepmus: quia probauimus  
vos, & vidimus studium erga nos vestrum mirum  
in modum propensum.

*Quæ scire di-  
catur Deus.*

*In consolatione autem nostra, &c.* Plana sunt om-  
nia. Et quod ait de gloriatione sua, quæ fuit ad Ti-  
tum, sensum habet clarum. Ipse enim prædicauerat  
optima de Titio. Vnde illa prædicatio veritas facta  
dicitur: quia ita (vt prædixerat) euenit. Nam cum  
quippiam futurum prædicatur, tum demum dicti  
ipsius veritas fieri dicitur, quando res per dictum  
significata efficitur. *Et viscera eius,* viscera scilicet di-  
lectionis, *abundantius in vobis:* melius in vos, id est,  
erga vos, *sunt, reminiscens omnium vestrum obedi-  
entiam, quomodo cum timore,* non coacto & seruili, sed  
spontaneo, & qui filios decet patrem reuerentes:  
& tremore, etiam corporis gestu ostenso, admoni-  
ti ab illa illius quondam incestuosi correptione,  
ne pari vos ultio tangeret: *excepistis illum* à me mis-  
sum ad vtilitatem vestram, & remissum cum omni  
de vobis satisfactione.

*Gaudeo quod in omnibus confido in vobis.* Græcè, cō-  
fidimus vobis: Et ideo gaudere se dicit: quia confi-  
dentia illa non frustrabatur. Et hinc sumit occa-  
sionem ad persuadendum alia & maiora, postquā  
intelligebat reuera & peccatores ad meliorē fru-  
gem se recepisse, & omnes tandem ad obsequen-  
dum salutaribus monitis paratos esse.

## CAP. VIII.



NOTAM autem facimus vo-  
bis, fratres, gratiam Dei quæ  
data est in Ecclesiis Macedo-  
niæ, quod in multo experimē-  
to tribulationis abundantia gaudij ipso-  
rum fuit: & altissima paupertas eorum  
abundauit in diuitias simplicitatis eorū.  
Quia secundum virtutem (testimonium



illis reddo) & supra virtutem voluntarij fuerunt, cum multa exhortatione obsecrantes nos, gratiam & communicationē ministerij quod fit in Sanctos. Et non sicut sperauimus, sed semetipfos dederūt primū Domino, deinde nobis per voluntatem Dei: ita vt rogaremus Titum, vt quemadmodum cœpit, ita & perficiat in vobis etiam gratiam istam. Sed sicut in omnibus abundatis fide & sermone & scientia, & omni sollicitudine, insuper & charitate vestra in nos, vt & in hac gratia abundetis. Non quasi imperans dico: sed per aliorum sollicitudinem, etiam vestræ charitatis ingenuum bonum comprobans.

**N**otam, &c. In multo experimēto tribulationis: aut, in multa probatione. Qui enim tribulantur à mundo, probātur à Deo. *Abundantia gaudij ipsorum fuit.* Nam maiore gaudio abundant sancti Dei homines, cum in variis tribulationibus versantur ac probantur (Deo in necessitatibus subministrante illis gaudium spei, quod est magnū) quā peccatores, qui omnia quæ volunt, obtinent in hac vita.

*Quid est  
simplicitas  
christiana.*

*Et altissima paupertas, siue mendicitas* (Græcè habetur *ἡ ἀπλοῦς*) abundauit in diuitias simplicitatis eorum. Apud B. Paulum hoc in loco simplicitas, vt mihi videtur, significat animi virtutem, quæ est quū quis non plus appetit in hoc mundo, quā necesse sit, & satis pro viatico, non se onerans duplicibus in peregrinatione: vt speret beatitudinē à Deo non in hoc mundo, sed in futuro sæculo, tanquam aduena & peregrinus. Et in hac simplicitate consistit virtus paupertatis. Et qui tales sunt, verē diuites sunt: quia æternorum spes (vt diximus) maior est lucro totius mundi.

*Quia secundum virtutem (testimonium illis reddo) & supra virtutem voluntarij fuerunt, cum multa obsecratione rogantes nos, gratiam & communicationem ministerij quod fit in sanctos,* Græcè additur verbum, *suscipere*. Et est sensus, quod ipsi ad eū fuerunt promptæ voluntatis, vt multa obsecratione, siue obsecratione, obsecrarint Apostolum, vt vellet suscipere gratiā illorum, hoc est, beneficium elemosynarū, quod appellat communicationem ministrationis, quæ fiebat in sanctos, pro quibus curabat Apostolus. Et addit quod hanc gratiam non solum secundum potentiam, id est, secundum quod erat in facultatibus eorum ad exercendum opus misericordiæ, sed ultra hanc potentiam ita etiam dederunt, vt nihil penitus sibi asseruarent. Et ideo subdit:

*Et non sicut sperauimus.* Sperabamus enim de bonis suis elemosynam, & illam quidem largam & pinguem epos esse facturos. Et ecce ipsi dederunt omnia, etiam semetipfos voluntariam paupertatē profitentes: *sed semetipfos* (inquit) *dederunt primū Domino, deinde nobis per voluntatem Dei.* Hic manifestē (nisi quis velit proteruire) ad verborum proprietatem loquitur de vita perfecta, quam illi experierunt relinquendo omnia propter Christū, & dedendo manus suas in manus prælatorum. Vn

de ait, dederunt semetipfos, sicut moris est in professionibus Regularium offerre semetipfos, id est, propriam voluntatem, & omne obsequium, primū Domino: deinde nobis per voluntatem Dei. Nam vouens, & in manu prælati promittens, post Deū illi seipsum promittit ex voluntate Dei: quia sic voluit, & sic instituit Dominus, & sic inspirat quos peculiariter diligit. Et hoc nota, tu pie lector aduersus impios istos & seductores, qui vota sanctissima, & statum iustitiæ perfectiorem improbant, pleni prudētia carnali, quæ est inimica Deo. Non me latet alios, quos legerim non peruenisse ad hunc sensum, cui tamen mirificè verba ipsa ferunt, nec aliò (nisi fallor) sine violentia trahi queunt. Ideo dixi, nota vt pie lector, quia non omniū est intelligentia. Impij enim derident, qui & ridebuntur.

*Ita vt rogaremus Titum, vt quemadmodum cœpit, ita & perficiat erga vos gratiam istam.* Verē gratia est & misericordia, intrare statum hunc perfectionis, quem commendauerat etiam Titus Corinthiis, & iam inchoauerat in quibusdam. Vnde rogabatur à B. Paulo vt etiam perficeret quod cœperat. Vel fortē quidam se in eam vitam iam contulerant, vt probarentur, & viderent num possent perdurare: sicut & hodie obseruatur. Et nostri vbi ad ordinē recipiunt aliquem, hæc verba proferunt: *Qui cœpit Dominus, ipse perficiat.* Hoc ergo quod Apostolus hortatur, nimirum vt quod cœpit, perficiat, plenum scilicet votum ab eis, qui parati erant, recipiendo.

*Sed sicut in omnibus abundatis fide, & sermone, & scientia, & omni sollicitudine, insuper & charitate vestra in nos, vt in hac gratia abundetis.* Quod ait, *sed sicut* Illud, *sed*, abundare videtur. Sensus tamen planus est. Hortatur enim vt curent, quemadmodum in communibus gratiis abundant, ita & in hac gratia quoque studeant abundare. Et hoc non imperans dico, non ex imperio, sed ex consilio. Est enim consilium, non præceptum, illum statum profiteri. *Sed per aliorum sollicitudinem etiam vestræ charitatis ingenuum bonum comprobans.* Quod nos legimus nunc mendosē, ingenium bonum, credo interpretem vertisse, ingenium bonum. Græcè enim est *ἡ ἀπλοῦς*, hoc est, verum, germanum, liberale, non fictum. Nam multi fictē profitentur: & quidam etiam rerum penuria domi oppressi. Et ad hoc prouocabat eos, ad æmulationem Macedonum. Et certē istud planē conuenit vouentibus, qui se totos liberaliter donant Deo, holocaustum facientes ad imitationem Domini, quem illis proponit velut istius status primarium professorem & ducem, & ait:

Scitis enim gratiam Domini nostri Iesu Christi, quoniam propter vos egenus factus est, cū esset diues, vt illius inopia vos diuites essetis. Et cōsiliū in hoc do: hoc enim vobis vtile est, qui non solum facere, sed & velle cœpistis ab anno priore: nunc verō & facto perficite: vt quemadmodum prōptus est animus voluntatis, ita sit & perficiendi ex eo quod habetis. Si enim voluntas prompta est, secundum id quod habet, accepta est,



non secundum id quod non habet. Non enim ut aliis sit remissio, vobis autē tribulatio. Sed ex æqualitate, in præsenti tempore vestra abundantia illorum inopiam suppleat, ut & illorum abundantia vestræ inopiæ sit supplementum, ut fiat æqualitas, sicut scriptū est: Qui multum, non abundauit: & qui modicum, non minorauit.

Scitis enim gratiam Domini nostri Iesu Christi: quoniam propter vos egenus. Græcè, ἵνα ὑμεῖς, id est, mendicauit (contra eos qui Christum mendicasse inficiantur) cum diues esset; ut illius inopia vos diuites essetis. Et consilium in hoc do. Hoc enim utile est vobis. Ecce quod consilium est, non præceptum. Sic enim dictum est illi: Si vis perfectus esse. Si vis, inquit: ac si dixerit, Non te cogo: non iubeo: nō impero: sed si vis. Quod si semel volueris & voueris, non licebit tibi aspicere retrō & reueri. Quod enim semel placuit, & vōro nouisti, non potest amplius displicere. Contra quod tamen & faciunt, & docent heretici. Qui non solum facere, sed & velle cœpistis ab anno priore. Mirum quomodo dicat, non solum cœpistis facere, sed & velle ab anno priore: quasi minus sit facere, quàm velle. Sed sic intelligendum est: Non solum cœpistis modo facere, sed etiam velle ab anno priore: tanquam hoc factum modo, iam habuerit longo tempore voluntatem. Sic enim accidit multis, qui non temerè aggrediuntur hunc statum vitæ perfectioris.

Nunc verò & factō perficite, videlicet quod nunc incœpistis facere, perficite, id est (ut expositum est superius) solemniter & bene. Ut quemadmodū promptus animus voluntatis, id est, volendo, ita sit & perficiendi. Nam in hoc maximè declaratur voluntas prompta, scilicet ipso factō. Ex eo quod habetis. Mihi videtur hīc B. Paulus dicere voluisse, quod illi tantum debebant exhibere, quantum habebant ut possent exhibere & dare, & non supra vires. Qui enim non habet spiritum mancipandi se & tradendi religioni, & omnia relinquendi propter Christum, non hoc ei suademus, nec dicimus quidem ut faciat. Vnde ait:

Si enim voluntas prompta est, secundum id quod habet accepta est, non secundum id quod non habet. Ut sit sensus: Quod etsi voluntas sit prompta, & tamen non habet in facultate ut possit dimittere omnia, aut plura, non est accepta & grata Deo: sed tantum secundum id quod habet: quoniam tunc est discreta oblatio. Et ob id legitur, quod omnis oblatio in veteri testamento sale condiebatur.

Non enim ut aliis sit remissio, vobis autem tribulatio: sensus est. Qui non videbantur sibi eo spiritu acensi ac stabiliti, ut profundam paupertatem sufferere possent, sicut illi qui donabant omnia, non debent se exponere illi periculo & tentationi, ut tribularentur ipsi aliis refectioem curantes: sed ex æqualitate, hoc est, ita rem tēperare, ut fieret æqualitas: quod declarans ait, In præsenti tempore vestra abundantia, videlicet bonorum temporalium, illorum suppleat inopiam: quoniam inopes illi sunt temporalium bonorum. Ut & illorum abundantia, videlicet spiritualium donorum, suppleat vestram inopiā,

eorundem: ut fiat æqualitas, sicut scriptum est. Qui multum non abundauit: & qui modicum, non minorauit. Hoc ex Exodo accipit, quum Dominus pluit Manna. Dicitur enim hoc de filiis Israel, quod dum colligerent Manna, alij quidem plus, alij minus: plus tamen colligentes, non inueniebant amplius: nec qui minus parauerant, recipiebant minus: sed singuli quantum edere poterant. In illo Manna sine vlllo dubio intelligitur quidē panis corporis, sicut reuera erat ille: animæ verò, sicut erat ille quem significabat: quia in illo Manna, benedictum Christi corpus animæ nostræ cibis significabatur. Sicut ergo tunc Dei mira volūtate fiebat, ut qui plus colligebant, non haberent plus, significante Spiritu sancto quod illi debebant de sua superabundantia supplere his qui minus colligebant, ut fieret æqualitas. Ita deberet intelligere omnis Christianus, ut superabundantiam suam siue spiritualium, siue temporalium consideret non suam esse, sed aliorum egentium, propter debitum charitatis, quæ facit cūcta communia. Sed o surdas plurimorum circa hos aures. O quantum auaritiæ semper in terris. Et tamen hoc erit iudicium: Esuriui, & non dedistis mihi manducare, &c. Quis sapiens & cogitabit nouissima?

Gratias autē ago Deo, qui dedit eandem sollicitudinē pro vobis in corde Titī, quoniam exhortationem quidem suscepit: sed cum sollicitior esset, sua voluntate profectus est ad vos. Misimus etiam cum illo fratrem nostrum, cuius laus est in Euangelio per omnes Ecclesias. Non solum autē, sed & ordinatus est ab Ecclesiis comes peregrinationis nostræ, in hac gratiam quæ ministratur à nobis ad Domini gloriam, & destinatam volūtatem nostram: deuotantes hoc, nequis nos vituperet in hac plenitudine, quæ ministratur à nobis in Domini gloriam. Prouidemus enim bona, non solum coram Deo, sed etiā coram hominibus. Misimus autem cum illis & fratrem nostrum, quem probauimus in multis sepe sollicitum esse: nunc autem multo sollicitiorem, confidētia multa in vos: siue pro Tito, qui est socius meus, & in vobis adiutor: siue fratres nostri Apostoli Ecclesiarum gloriæ Christi. Oensionem ergo quæ est charitatis vestræ, & nostræ gloriæ pro vobis, in illos ostendite in facie Ecclesiarum.

Gratias autem ago Deo, qui dedit eandem sollicitudinē, scilicet quam ego habeo erga vos, eam habet & Titus: quoniam exhortationem quidem suscepit, qua illi persuasi ut veniret ad vos. Sed cum sollicitior esset, sua voluntate, hoc est, vltro & suamet sponte profectus est ad vos. Misimus etiam cum illo fratrem nostrum, cuius laus est in Euangelio per omnes Ecclesias. Lucam intelligit, ut alij interpretati sunt, quibus valde assentior: etsi quidam absque ratione obstant. Laus autem Lucæ fuit in enarratione euangelij perspicua,



copiosa, & eleganti supra alios. *Non solum autem, sed etiam ordinatus est ab Ecclesiis comes, peregrinationis nostrae.* Et hoc nota, ut cognoscas quomodo omnia olim ordinatè fiebant, & cōmuni omnium consensu, ut comites & socios haberent etiā magni & diuini prædicatores, ordinatos & assignatos ab ecclesiis, id est, à prelatiis ecclesiarum. Ordinatus autem fuit cum hac gratia qua ministratur à nobis ad ipsius Domini gloriam, & promptam voluntatem vestram. Dicit (ni fallor) Lucam fuisse ordinatum cum illa gratia, videlicet, ut subiiceretur Deo pauper & nudus abiectis omnibus: de quo non est fas dubitare, cum ipsemet talem fuisse ecclesiæ primitiue communem vitam in Actis testetur. Nec est verisimile illum ea perfectione voluisse carere, quam laudat in aliis, & iugè B. Paulo non simul iugere voluisse. Dicit ergo Apostolus, quod hæc gratia ministrabatur ab eis ad Domini gloriam, & ad promptam voluntatem eorum, id est, ut ipsi cōpotes fierent desiderij sui: tanquam diceret, non est se facile recipiendum aliquem, nisi promptam, ex Spiritu Dei ostendat in hac re tam ardua & difficili voluntatem. Alioqui aliter facientes, rarò proficiunt. Et in hoc multum erratur à prælatiis, qui nimis citò vestiunt: sicut & ab aliis qui nimis præcipitatè manus sine personarum delectu imponunt. Sed non sic B. Paulus, non solum propter illos qui recipiuntur, sed propter scandalum aliorum publicum. Vnde ait:

*Nota cōtra mores regularium qui citò recipiunt.*

*Deiitantes hoc, ne quis nos vituperet in hac plenitudine, siue abundantia ministrata à vobis.* Est enim ea professio quasi gratiæ plenitudo. Certè abundantia grandis est, pauperem, & cælibem, & humilem seruire Deo. Et tamen hoc studemus sic agere, ut id fiat sine villo vituperio nostro, scilicet, ut nō passim & absque idonea probatione quoslibet recipiamus. Hoc enim non placet Deo: & prudentia prædiri homines non probant. Et cum multi non proficientes deficiunt, scandalum afferunt multis: & bonum nostrum propter eos blasphematur. Vnde ait:

*Providemus enim bona non solum coram Deo, sed etiā coram hominibus, ne ex malo quod accidit, vituperetur ministerium.* Non me latet alios expositores referre hæc omnia ad collectas, quibuscum non contēdo. Quod aptius mihi visum est ad literam, quodque multò est præstantius, & dignius intellectu, propono. Lector ipse quod malit, eligat. Equi dē verba ipsa Apostoli nostro sensui mirificè conueniunt.

*Misimus autem cum illis fratrem nostrum, quem probauimus in multis sapè sollicitum esse: nunc autem multò sollicitiorem.* Hunc quem simul cum Tito & Luca missum ait (quia nō nominatur ab Apostolo) ignoramus. Quidam Timotheū arbitrantur. Alij, quod magis mihi placet, Apollo. Reddit autem rationem, quare & hunc alium specialiter miserit, nempe quia probatus & sollicitus, siue diligens erat: & tunc etiam diligenter operatus est ad profectum eorum. Addit adhuc & rationem missionis dicēs:

*Confidentia multa in vos, &c.* Hoc est, propter cōfidentiam multam, quam de vobis habeo, siue pro Tito, &c. siue fratres nostri Apostoli Ecclesiarum gloria Christi. Durior quidem literæ constructio, nisi addatur aliquid, puta siue pro his qui sunt fratres no-

stri, apostoli ecclesiarum, id est, ab ecclesiis ordinati & missi, & sunt gloria Christi. Reliquorum clar⁹ est sensus. Hortatur planè illos, ut erga eos quos misit, ita se summissè & honestè gerat, ut præbeat testimonium ecclesiis suæ ipsorum charitatis: & quod ipse B. Paulus non falsò gloriatur in illis, quos tanquam filios per euangelium genuerat, & in eo instruxerat.

## CAP. IX.



**A**M de ministerio quod sit in Sanctos, ex abundanti est mihi scribere vobis. Scio enim promptum animum vestrū, pro quo de vobis glorior apud Macedones: quoniā & Achaia parata est ab anno præterito: & vestra æmulatio prouocauit plurimos. Misimus autē fratres, ut ne quod gloriamur de vobis, euacuetur in hac parte, ut (quemadmodum dixi) parati sitis: ne cū venerint Macedones mecum, & inuenerint vos imparatos, erubescam⁹ nos (ut nō dicamus vos) in hac substantia. Necessarium ergo existimaui rogare fratres, ut præueniant ad vos, & præparent repromissam benedictionem hanc paratam esse: sic quasi benedictionem, non quasi auaritiam.

**N**A M de ministerio quod sit in sanctos, &c. Ex his verbis rectè consideratis latè patere potest, superioris capitis nō habitum fuisse ab Apostolo de hac ministratiōe sermonē: sed de illa pæfecta, quam explicauimus. Scio enim promptū animū vestrū, &c. Et vestra æmulatio, id est, æmulatio quæ ex vobis ad alios procedit, prouocauit plurimos ad imitandum vos, ut idem facerent, de suis facultatibus largientes in vsum pauperum. Misimus autem fratres, &c. & non dicamus vos in hac substantia: de est, gloriæ, siue gloriatiōis. Et est sensus facilis, & propterea in re clara non duximus esse laborandum ad scrutanda quælibet vocabula: quò verius augerentur commentaria, quam illustrarentur. Hortatur Apostolus, ne qui illos laudauerat in hac substantia, siue in hoc argumento gloriatiōis, quod essent liberales & benefici, erubescere postmodo cogeretur, si aliud facto ipso appareret. Necessarium ergo existimaui rogare fratres, &c. Vocat benedictionem illam eleemolynam, quam congregabant pro sanctis qui erant in Iudæa, modo esset largiore manu porrecta: alioqui auaritiam appellat, si tenuis sit & parca, & ob id parua mercede digna. Quod probat exemplo admodum claro, & vel ipsis agricolis perspecto.

Hoc autem dico: Qui parçè seminat, parçè & metet: & qui seminat in benedictionibus, de benedictionibus & metet. Vnusquisque prout destinauit in corde suo: nō ex tristitia aut ex necessitate. Hilarem enim datorem diligit Deus. Potēs est autem Deus omnem gratiam abundare facere in vobis, ut in omnibus semper



per omnem sufficientiam habentes, abundetis in omne opus bonum, sicut scriptum est: Dispersit, dedit pauperibus: iustitia eius manet in sæculum sæculi.

Pro eleemo  
synarum  
largitione.

*Hoc autem dico, Qui parce, &c.* Vide & nota contra novos hæreticos, eleemosynam instar feminis esse ad fructificandum illam benedictionem, quam declarabit Dominus illa die dicens: Venite benedicti Patris mei, percipite regnū paratum vobis à cōstitutione mūdi. Esuriui enim & dedistis mihi manducare. *Vnusquisq; &c. Hilarem enim datorē, &c.* Sensus est clarus, Pri<sup>9</sup> respicit animū Deus, deinde munus, ut scriptura testatur de Abel. Respexit (inquit) Deus ad Abel, & ad munera eius. Sic animū viduæ mittentis in gazophilatiū intuitus est: & probavit plusquā alios, qui longē plus immiserūt, si non ipsum animū, sed datum spectes. Deus autē non cōsiderat quantū, sed ex quanto quisq; amore largitur.

*Potens est autem Deus, omnem gratiā abundare facere, &c.* Hic B. Paulus ostēdit Dei erga illos providentiam, qui sunt affluēter propter Deū benefici. Et eo argumento utitur tanquā valido, ut probet, Deum facturum eos abundare, ut etiam valeant plus erogare. Probat enim hoc medio: quia potens est Deus hoc facere. Ut si sit potens, etiā faciat. Valet certē argumentum, cum ratio urgeat, qua cōsiderata, ita facere debeat. Nō enim potest esse ingratus Deus, qui nullis etiā nostris meritis præcedētib; dat omnibus abundanter, nec impropertat. Valet ergo semper hoc argumentū. Potest Deus facere: ergo facit, cum se offert talis decetia, ut facere debeat. Si enim ipse dat affluenter, & non impropertat, quomodo non multo magis etiā reddet? Siqui deinde homine benefico scriptū est: *Dispersit, dedit pauperibus, iustitia eius manet in sæculū sæculi.* Hoc est, iustitia talis respicitur à Deo in sæculum sæculi, in æterna retributione, tanquā semē vitæ æternæ. Vocat autem iustitiam, quæ ex misericordia fit: quia ad hanc misericordiam obligavit nos Christus, cui debitum reddimus. Quod multi non cogitant.

Qui autē administrat semen seminanti, & panem ad manducandum præstabit, & multiplicabit semen vestrum, & augebit incrementa frugum iustitiæ vestræ, ut in omnibus locupletati, abundetis in omnem simplicitatē, quæ operatur per nos gratiarum actionem Deo. Quoniam ministerium huius officij nō solum supplet ea quæ desunt Sanctis: sed etiam abundat per multas gratiarum actiones in Domino, per probationē ministerij huius glorificantes Deum in obediētia confessionis vestræ in Euāgelio Christi, & simplicitate cōmunicationis vestræ in illos, & in omnes, & in ipsorū obsecratione pro vobis, desiderantium vos propter eminentem gratiam Dei in vobis. Gratias ago Deo super inenarrabili dono eius.

*Qui autem administrat semē, &c.* Quia eleemosyna quæ est quædā iustitiæ exercitatio, & iustitia dicitur, est (ut dixi) quasi semen mercedis æternæ, iuxta quod

scriptū est: Seminanti iustitiam merces fidelis. Hoc autē semen administratur homini à Deo, à quo sunt omnia bona, & distribuuntur omnibus pro arbitrio & voluntate sua saltem permissiva. Vnde & ille qui administrat semē seminanti, nimirū ipse Deus, etiā panem ad manducandū præstabit. i. subministrabit ut valeat seminans seminare; sicut suppeditant homines servis & colonis suis. Deus autem qui etiam superat in immensum beneficentiā hominum, quid acturus est? *Multiplicabit (inquit) semen vestrū.* i. bona temporalia, ut in dies possit homo abundantius seminare. Et cōsequenter augebit incrementa frugum iustitiæ vestræ: quoniam copiosiorē dabit in alia vita mercedē, ut homo lucretur & in hoc, & in alio sæculo per opera iustitiæ. Sic habēti dabitur, & abundabit. Græcè hæc leguntur in modo precatiuo, ut B. Paulus sit qui precetur dicens: Multiplicet semē vestrū: Augeat incrementa frugū iustitiæ vestræ. Sed idē ferē resultat sensus. Verior tamē videtur lectio nostra, & planior: quia Deus semper hoc facit aliquo modo in bonis vel tēporalibus, vel spiritualibus.

Et hic habes non solum bona opera valere ad augmentum mercedis, verū etiam ad ipsam mercedem vitæ, contra steriles & miseros hæreticos. *Ut in omnibus locupletati.* i. in temporalibus & spiritualibus. Græcè tamen est *ἵνα πλησθῇ*, hoc est, ubiq; in terra scilicet in cœlo: *Abundetis in omnī simplicitate.* Iam dictum est, quid sit esse simplicē, quod est habere animum vacuū cupidine terrenorum, ne rerum fluxarum onere pressus. minus sit dispositus ad conscendendū cœlum. Hunc verò animum habent, qui abundant donis spiritualibus. *Quæ operatur per nos gratiarum actionem Deo.* Significat illa simplicitate acceptā fieri eleemosynam, ut dictū est. Qui tribuit in simplicitate. Et consequenter operatur etiam acceptationē placidam gratiarum actionis, quas Deo referunt servi Dei, qui huiusmodi eleemosynam receperunt, & corpore refocillati sunt ad serviendum promptius ipsi Deo. Vnde & hoc magnū bonum cōsequitur ex eleemosyna. Addit:

*Quoniam ministeriū huius officij.* Græcè legitur, *ἀποκρίσας*, hoc est, sacrificij. Nā pro victima & sacrificio accipitur corā Deo, quod eius amore impenditur. Sed tū demum verū est sacrificiū, cum per sanctos offertur Deo. Vnde ait, *Quoniam ministerium oblationis huius, siue sacrificij,* non solum supplet necessitates sanctorū, ut sic habeat eleemosynę rationē, sed etiam abundat ut fiat etiam sacrificiū & oblatio deo. Nā quod servis & sanctis Dei hoc nomine offertur, pro quo & ipsi gratias agūt, ipsi Deo offerri intelligitur, & acceptatur à Deo. Nā per gratiarum illarū actiones magis probatur à Deo huiusmodi ministeriū: quoniam Deus per eos glorificatur. *Glorificantes Deum in obediētia cōfessionis vestræ in Euāgelio Christi* in vobis. Ecce pro qua re agantur gratiæ Deo, nimirū pro obediētia siue subiectione eorū, quam facto ipso confitebātur se debere in euāgelio Christi. Nā persuasi à prædicatoribus euāgelij hoc præstabant. Et ideo maius erat eorū meritū ab ipsa obediētiā prōptitudine commendatū. Glorificabatur ergo Deus per sanctos in illa obediētia istorū qui tribuebant, & in illa simplicitate, qua cōmunicabant sua bona sanctorū necessitati, & aliis etiam pauperibus. Glorificabatur autē in ipsorum (videlicet sanctorū) gratiarum actione & obsecra-

Pro meritis  
operum.

Nota hæc



tione pro illis: quia sancti precabuntur, ut retribueretur illis vita aeterna pro temporalibus, quae ipsi largiebantur. Sic enim decebat Deum ex sua immensa bonitate facere, cuius amore dabantur, praesertim hoc desiderantibus sanctis suis: quoniam sancti Dei desiderabant societatem ipsorum in caelis, qui illorum inopia succurrebant in terris. Et hoc deprecabantur, & accendebantur hoc desiderio: quia videbant excellentem gratiam, quam Deus effuderat super illos. Nam feruentius prouocamur orare pro eis, in quos videmus propensam Dei charitatem & gratiam. Denique pro tantis bonis erumpit Apostolus in gratiarum actionem dicens, *Gratias ago Deo super inenarrabili dono eius*: quia multae proueniunt utilitates & bona ex vno bono obedientiae, scilicet confessionis euangelij, gratiarum actionis, glorificationis Dei, obsecrationis sanctorum, desiderij eorumdem pro salute communi.

CAP. X.

**R**OSE autem ego Paulus obsecro vos per mansuetudinem & modestiam Christi, qui in facie quidem humilis sum inter vos, absens autem confido in vobis. Rogo autem vos, ne praesens audeam per eam confidentiam, qua existimor audere in quosdam, qui arbitrantur nos tanquam secundum carnem ambulemus. In carne enim ambulantes, non secundum carnem militamus. Nam arma militiae nostrae non carnalia sunt: sed potentia Deo, ad destructionem munitionum, consilia destruentes, & omnem altitudinem extollentem se aduersus scientiam Dei: & in captiuitatem redigentes omnem intellectum in obsequium Christi: & in promptu habentes vlcersci omnem inobedientiam, cum impleta fuerit vestra obedientia.

**B**eatus Paulus hic videtur mutare vocem, propter quosdam contumeliosos & insolentes, qui de illo iniquissime & odiose sentiebant, putantes illum ambulare secundum carnem, non secundum Deum. Spargebant autem in vulgus fortiorē longē illū esse in absentia & in epistolis quā in praesentia, & in sermone. In hos ergo ipse incipit sancto quodam stomacho indignari.

*Ipse autem ego Paulus.* Perpende loquēdi modum ad exprobrationem, tanquam si diceret (imo seipsum declarat) egometipse, ego inquam Paulus, & non alius, qui (ut dicitis) in facie & in praesentia sum humilis, absens verō *confido in vos*, id est, aduersus vos per epistolas, tanquam meipsum magnificans supra modum. Ego rursus ille Paulus, de quo vos talia praedicatis quicumque estis, *obsecro vos per mansuetudinem & modestiam* (siue moderantiam) Christi. Et pulchra est haec obsecratio: quoniam immodeste & inhumaniter atque arroganter illi de eo tale & tam iniquum ferebant iudicium, cum omnia haberent ad aliud sentiendum opposita, tam in vita, quā in doctrina. Quem ut ab eis errorem auferret, & ad rectum iudicium faciendum trans-

ferret, obsecrat eos contestans ipsam Christi mansuetudinem & modestiam. Graece *ταπεινότητα*, id est, moderantiam, & aequitatem bonam, ut se aptent ad illam, & velint fieri equi censores. Et explicans obsecrationem suam, addit:

*Rogo autem vos ne praesens audeam*, id est, ne ita cogatis me, ut quam confidentiam ostendo in literis, etiam praesens exerceam, *per eam confidentiam* (siue illa confidentia) *qua existimor audere in quosdam, qui arbitrantur nos*, id est, ita iudicant nos, *tanquam secundum carnem ambulemus*, qui & perniciosē falluntur. *In carne enim ambulantes, non secundum carnem*, hoc est, secundum carnis libidinem ac petulantiam, *militamus*.

*Nam arma militiae nostra non carnalia, sed potentia*, id est, valida Deo. Apostolus apertē voluit ostendere quomodo se gereret aduersus delinquentes, qui non utebatur ad puniendū contumaces gladio saeculari, sed armis Spiritus Dei: quae sunt valida & potentia, non ad subdēdum hominem homini, ut sit armis hominū, sed ad subiiciendum Deo in gloriā eius. Vnde ait: *Ad destructionem munitionū*. Innuit sectas, quas mali & pseudoapostoli cogeant in Paulum, *consilia destruentes*, id est, quibus armis destrui mus hominum consilia, & deliberationes nō secundum Deum meditatas, & omnem altitudinem. De superbis & ceruicosis loquitur. *Extollentem se aduersus scientiam Dei*. Vocat scientiam Dei, reuelatam scientiam, quae ex Deo est: sicut iustitiam Dei, iustitiam infusam à Deo. *Et in captiuitatem redigentes omnem intellectum in obsequium Christi*. Intellectus, siue cogitatio hominis captiua ducitur, quum conuincitur. Convincebat autem B. Paulus, & alij Apostoli post Christum, intellectum & cogitationes hominum, per euidentia signa & prodigia. Vnde ad obsequiū Christi redigebantur, qui tamen non pertinaciter repugnabant, ita ut mererentur obsecrationem. *Et in promptu habentes vlcersci omnem inobedientiam* suo tempore: nimirū, cum fuerit impleta vestra obedientia. De obedientia quorū loquitur, quos superius huius virtutis nomine commendauit. Et vertens ad eos sermonē, qui aduersabantur veritati, & non sibi ab Apostolica potestate metuebant, sed ab utentes patiētia ipsius B. Pauli, qui potius charitatis studio cupiebat omnes ad salutis viam reducere, compulsus tandem insolentium hominum proteruita, monet eos, & tacitē minatur, & ait:

Quae secundum faciem sunt, videre. Siquis cōfidit sibi, Christi se esse, hoc cogitet iterum apud se, quia sicut ipse Christi est, ita & nos. Nā & si amplius aliquid gloriatus fuero de potestate nostra, quā dedit nobis Dominus in aedificationem, & non in destructionem vestrā, non erubescam. Ut autē non existimer tanquam terrere vos per epistolas (quoniam quidem epistolae, inquiunt, graues sunt & fortes: praesentia autem corporis infirma, & sermo contemptibilis) hoc cogitet qui eiusmodi est, quia quales sumus verbo, per epistolas absentes, tales & praesentes in facto.

*Quae secundum faciem, &c.* Ac si dixerit, Vos non



consideratis quæ sunt ex Deo nobis interna dona, sed solum cernitis secundum faciem: quia vas fictile accipitis, & non quod est intus ex Deo. Quamobrem non rectè iudicatis: quod probat, aienis: *si quis confidit sibi Christi se esse, hoc cogitet iterum* (rectius rursum) *quod sicut ipse Christi est, ita & nos*. Ac si dixerit: Cum nō videatis interna cordis, nisi vestra tantū: primū ex vobis ipsis id cogitate, quod si quis confidit sibi, & se existimat esse Christi, hoc rursum cogitare debet, sicut ipse est Christi, ita & nos: nisi exterius aliquid fortè eiusmodi videat, vnde aliud iure possit elicere.

*Nam etsi amplius* (supple de me dixerim) *nō erubescam*, id est, non cōfundar: quia verum loquar. Neque quisquam poterit me redarguere mendacij, vel doli, & fraudis. Est igitur potestas ecclesiastica in ædificationem, nō in destructionem. Nec est tamen priuati iudicij, vel subditorum, iudicare facta maiorum qui præsunt, nisi res ipsa per se pateat mala, & vel manifestè sit contra fidem. *Et autē non existimer tanquam terrere vos per epistolas: quoniam qui dem epistola, inquit, graues sunt & fortes, &c.* Minatur se ostensurū, quod qui falso prædicabant ea de illo, videlicet, quod esset præsentia & sermone infirmus & contēptibilis, longè fallantur, adiiciens se talem futurum cum aderit præsens in facto, sicut erat absens in minis. Et talis erit sermo præsens, qualis epistola: ne dū nimia adest humilitas, frangatur Doctoris & Prælati autoritas.

Non enim audemus inferere, aut comparare nos quibusdam, qui seipsos commendant: sed ipsi in nobis nosmetipsos metientes, & comparantes nosmetipsos nobis. Nos autem non in immensum gloriabimur: sed secundum mensuram regulæ, qua mensus est nobis Deus mēsuram pertingēdi vsque ad vos. Non enim quasi non pertingentes ad vos, superextendimus nos. Vsque ad vos enim peruenimus in Euangelio Christi: non in immensum gloriantes in alienis laboribus. Spem autem habētes crescentis fidei vestræ in vobis magnificari secundum regulam nostram in abundantia, etiam in illa quæ vltra vos sunt, euāgelizare, non in aliena regula, in iis quæ preparata sunt gloriari. Qui autem gloriatur, in Domino gloriatur. Nō enim qui seipsum commendat, ille probatus est: sed quem Deus commendat.

*Non enim audemus, &c.* Non est hic sensus: Beato Paulo tātam inesse timiditatē, vt non audeat comparare se cum talibus, quasi excederetur ab eis: sed potius illum pigebat ponere se in eorū numero, qui sic erāt audaces, vt semetipsos absque vllō Dei testimonio, sed mera temeritate commendarent. Vnde vox Græca, quæ interpretata est, *Audemus*, etiam significat, *sustinemus*. Quidam ironicè Apostolum putant esse locutum. Clarum est hoc sensu intelligendum esse, vt voluerit declarare longè sibi diuersam ab illis esse mentem, qui seipsos alie-

nis testimoniis egentes commendabant, eaque de seipsis promittebāt, quæ ex soluere non poterant. Hoc enim erat commendare.

*Sed ipsi in nobis nosmetipsos metientes, & comparantes nosmetipsos nobis*. Sic legimus latinè, qua stāte lectio ne fateor me non intelligere sensum. Græcè (ni fallor) rectius. *Sed ipsi in seipsis semetipsos metientes, & comparantes sibi semetipsos, non intelligunt*. Pro huius loci intelligentia, considera prudens lector, hominem, qui seipsum iudicat, habere duas regulas siue mensuras, ex quibus format iudicium. Vna est intrinseca, videlicet, affectus proprius. Et altera extrinseca, quæ accipitur ab effectibus.

Illi ergo semetipsos metiebātur illa regula, quæ erat in semetipsis, quæ regula iniqua est: quia per ea comparabant semetipsos sibi ipsis, id est, tales se reputabant, quales se esse affectabant: & ad illud se extendebant, ad quod non pertingebant secundum veram regulam. Idcirco tūpiter aberrabant, non intelligentes vnde sit accipienda mēsurā. Prædicabant, & non mittebantur. Aut si mittebantur, in messem alienam extendebant falcem suam, id est, ad eos ibant vt euāgelizarent illos, quos B. Paulus & alij Apostoli iam conuerterant, & sub illis initiati fuerant: At B. Paulus non sic.

*Nos autem non in immensum gloriabimur, sed secundum mensuram regulæ, qua mensus est nobis Deus, &c.* Hoc in loco significat Apostolus iustè se habere in eos auctoritatem etiam super alios, cum per euāgelium illos genuerit, ita vt non supra mēsurā datam sibi à Deo extēdat limites potestatis suæ. Erat enim congruum, vt quæ per illum venerant ad fidē Gentes, sub eius cura & potestate essent. Et hoc iure Apostolatus, vnde in figura dictū fuit. Omnis locus quem calcauerit pes vester, vester erit. Et sic ordinauit Dominus. Et ipsi Apostoli inter se consenserunt ex B. Petri auctoritate. *Vsque ad vos enim peruenimus in Euangelio Christi, non in immensum gloriantes in alienis laboribus*. Hic obliquè taxat eos qui secus faciebant per arrogantiam suam: *spem autem habentes crescentis fidei vestra, &c.* Sensus est, quod B. Paulus sperabat per crescentem Corinthiorum fidem abundanter magnificari iuxta suam mēsuram, non solum in iis quæ iam fecerat inter illos, sed etiam in illis, quæ adhuc sperabat se facturū in aliis populis euāgelizando, propter odorem fructuū, quos habuit in illis. Nec tamen volebat gloriam in aliena regula, id est, ibi prædicare, vbi alij iā parauerant labore proprio: sed (vt ipse ad Romanos dixit) vbi non erat auditum de Domino, illi quoque intelligerent. Quapropter concludit:

*Qui autē gloriatur, in Domino gloriatur. Non enim qui seipsum cōmendat, &c.* Gloriari in Domino, est gloriari de vero bono, & de dono bono, non de falso & præsumpto. Nam omnes quicquid habemus, à Deo habemus, & in Christo: quia Christus accepit dona in nobis, i. secundum mēsuram vnicuique congruam, vt vult Deus. Qui igitur humiliter cum hac notitia, & confessione, & gratiarum actione gloriatur, ille in Domino gloriatur, & probatus est, id est, bona est eius gloriatio. Alioqui semetipsum aliter commendare, vanissimum est, & reprehensione dignum. Et hic locus aduersus hereticos simulatores, qui prætextu nescio cuius fictæ humilitatis negāt Christianum vlla in re gloriari posse,

Locus satis  
difficilis.

Pro iurisdic-  
tione apo-  
stolica.



perinde ac si essemus stupida membra, & quasi à capite in nos vlla vis recte operandi & facultas descenderet. Sed Apostolus soluit prudētissimè quicquid dubij esse poterat, aiens gloriandum esse, sed in Domino, nō in nobis, quasi adhuc in veteri homine existentibus. Quo in statu nedum gloriari nō possumus, sed maximo pudore suffundi. At in Christo non ita, qui suos milites tantis donis nobilitauit, vt gloriari in certamine possent.

## CAP. XI.

**V**T IN AM sustineretis modicum quid insipientiæ meæ: sed & supportate me. Aemulor enim vos Dei æmulatione. Despondi enim vos vni viro virginem castam exhibere Christo. Timeo autem ne sicut serpens Heuam seduxit astutia sua, ita corrumpantur sensus vestri, & excidant à simplicitate, quæ est in Christo. Nam si is qui venit, alium Christum prædicat quem non prædicauimus: aut alium spiritum accipitis quem nō accepistis: aut aliud Euangelium quod non recepistis, rectè pateremini. Existimo enim nihil me minus fecisse à magnis Apostolis. Nam etsi imperitus sermone, sed non scientia: in omnibus autem manifestus sum vobis.

**V**T in am sustineretis, &c. vel sustinuissetis, me modicum in hac mea propter vos ostensa insipientia. B. Paulus spiritu & charitate plenus, non potuit se continere, quin in eos effunderet, quæ potius erant ab ipsis per ipsos consideranda. Id autem propter malignitatem pseudoapostolorum, facere compulsus est, qui ignorabant, & opponebant se euangelicæ puritati: & ita rudiores subuertebat multos. Quare zelum suum charitate maxima excitatum erga illos ostendens, vt ingenue fateatur maiorem sibi quàm illis ad gloriandum adesse materiam, qui semetipsos temerè & vanè commendabant, primum sic incipit.

*Vt in am sustineretis:* quanquam Græcè legitur (vt iam dixi) vt in am sustinuissetis me modicum in insipientia mea. Innuit de priore epistola, vbi etiam in contentione sese commendauit illis, vt apparet cap. 4. & 9. de quibus locis aliqui & minus rectè scandalizati sunt, & irritati à propria superbia, intumuerunt. Vocat autem insipientiam se commendare: quoniam ita vulgo habetur, & sic reuera est, cum quis non obscura cupiditate effertur ad propriam gloriam. Apostolus autem volens ostendere, nulla hoc propter se facere necessitate, sed ad solam eorum vtilitatem, addit: *sed & supportate me.* Et rationem adiicit, quare debeat supportare, iustissimam, & omni acceptione dignam.

*Aemulor enim vos,* hoc est, zelotypus sum de vobis sancta zelotypia & casta, quæ non solum est excusabilis, sed etiam laudabilis. Non quia vos estis sponsa mea: sed quia estis sponsa Christi, & ego paranympus, seu cōciliator nuptiarum. Et ideo bona æmulatio mea est. Dei enim est hoc, & propter

Deum, non propter me. Et vt ostēderet ad Deum pertinere hanc zelotypiam, dicit:

*Despondi enim* (aut potius coaptavi) *vos vni viro,* ipsi Christo, *exhibere,* id est, ad exhibendum, vel vt exhibeatis vosmet illi *Virginem castam,* & mente & corpore, qualis decet Christum Pontificem summum, vt non sit fidei violatrix, & rea factæ Christi promissionis.

*Timeo autem ne sicut serpens,* &c. Innuit seductores ministros Satanæ serpentis, à quibus metuunt ne corrumpantur sensus, seu intelligentiæ eorum. Et iterum simplicitatem vocat mentis habitum, à superfluatorum ac terrenorum affectibus liberum. Nō est enim simplex, qui vult hinc & in cælis gaudere. Serpens autem seduxit Heuam promittens ei supra suam mensuram, excutiens illam à sua sancta simplicitate. Et ita spiritalis adulter corrumpit eam stupro pessimo & nephando ad perniciem viri, per quem in nos oborta est tempestas, & passus sumus miserandum naufragium.

*Nam si is qui venit, alium Christum prædicat, quem non prædicauimus: aut alium spiritum accipitis, quem non accepistis: aut aliud Euangelium, quod non accepistis, rectè pateremini.* Græcè, rectè sustinuissetis. Prædicator aliquis nouus ad illos venerat seducens eos, & suadens ne Paulo assicerentur vt vero, & ex Dei voce electo Apostolo: licet fortè non diuersum prædicaret euangelium. De hoc autem dixit Apostolus, quod rectè, & pro suo ipsorum peccato paterentur, si is qui venit vt æmularetur eos, id est, per æmulationem veniretur, prædicasset aliud euangelium, postquam ferè propter illum abiiebat B. Paulum. Quod autem hoc ab illis imprudenter fieret, ostendit, aiens:

*Existimo enim.* De re clara & nimis euidenti sic consuevit loqui: *nihil me minus fecisse à magnis Apostolis,* circa conuersionem Gentium procurandam, & asseuerandam meam missionem in omni testimoniorum ostensione, & laborum tolerantiā. *Nam etsi imperitus sermone, sed non scientia.* Non puto B. Paulum se fateri esse imperitū sermone, cum esset prædicator eximius, sed ita illis videbatur, ad quorum opinionem loquitur: quia sermo eius habebat simplicitatem spiritalē, & non sæcularem illam affectatam redolebat eloquentiam. Sic enim accidit veris & puris prædicatoribus, qui syncerè student suadere veritatem, cuius simplex debet esse oratio. At quoniā scientia potius desideranda est ab euangelizante, quàm fucus sermonis: ideo addit: *sed non scientia. In omnibus autē manifestus sum vobis:* vel erga vos. Græcè legitur, Manifestati sumus, quia nō subdolè venimus ad vos, sicut alij impostores.

Aut nūquid peccatum feci meipsum humilians, vt vos exaltemini? Quoniam gratis Euangelium Dei euangelizavi vobis? Alias Ecclesias expoliaui, accipiens stipendia ad ministeriū vestrum? Et cum essem apud vos, & egerem, nulli onerosus fui. Nam quod mihi deerat, suppleuerunt fratres qui venerunt à Macedonia: & in omnibus sine onere me vobis seruauī, & seruabo. Est veritas Christi in me: quoniam hæc gloriatio non infrin-



getur in me in regionibus Achaia. Quare? Quia nō diligo vos? Deus scit. Quod autem facio, & faciam, vt amputem occasionem eorum qui volūt occasionem, vt in quo gloriantur, inueniantur sicut & nos. Nam eiusmodi pseudoapostoli sunt operarij subdoli, transfigurantes se in Apostolos Christi. Et nō mirum: ipse enim Satanās transfigurat se in Angelū lucis. Non est ergo magnū si ministri eius trāsfigurētur velut ministri iustitię: quorum finis erit secundum opera ipsorum.

*Aut nunquid peccatum feci, &c.* Sensus apertus est, & ferē ironicus, aut exprobratorius in faciem ingratiitudinis eorum. Ait ergo, Nūquid in eo peccaui humilians meipsum, qui non sum vsus iure meo accipiendo honorem mercedis euangelij? Et hoc vt vos exaltemini, id est, sitis aliis superiores, qui non sine sumptu euangelizantur, sicut Dominus ordinauit. Et in hoc peccaui in vos, quod expoliaui alias ecclesias, accipiens ab illis stipendia pro ministerio vestro? *Et cum essem apud vos, &c.* Hic accipiendū est, Et, pro quia, quod & frequens est Hebræis. Ecce igitur peccatum meum in vos. *Est veritas Christi in me: quoniam hac gloriatio, &c.* Si significat se firmum in ea fore sententia, vt nollit ab illis quicquā recipere. Non quod spernat, aut non diligit eos: sed vt omnem occasionem detrectandi amputet iis, qui eam quærūt: vt quia gloriabantur de suo Apostolatu, etiam videant, nūquid possent ea ferre, quæ ipse B. Paulus ferebat: & ita inculpatē sese coram Deo habere, & honorare euangelicam prædicationem.

*Nam eiusmodi pseudoapostoli, &c.* Sunt viæ diaboli ad impugnandum diuersę. Quandoque enim aperto Marte procedit furibundus, vt per Tyrannos. Et interdum subdolē, vt per pseudoapostolos, qui fingunt se missos à Christo, qui sunt longē periculosiores. Nec id mirum: quoniam imitantur Patrem suum, qui & ipse transfigurat se in Angelum lucis, id est, in Christum ipsum. Inueniuntur veri ministri Christi & iustitię. Vtrosque autem cognoscere vtilissimum esset, qui à fructibus cognoscuntur. Opera ministrorum Diaboli damnant eos, quæ sunt opera superbię, ambitionis, procacitatis, contumacię, maledictorum, seditionum, scissionum, sacrilegiorum, libidinum, rapinarum, & aliorum huiusmodi multorum malorum fructuum, qui ab ipsis, & eorum doctrina, & falsis dogmatibus procedunt. Inter quæ & illud est magnum, quod negāt Dominum iudicaturum iuxta meritoria quorumcūque. Et tamen Apostolus hīc testatur de illis, talem eorum finem futurum, qualia opera ipsorum: quia secundum hæc vnicuique retribuit Deus iustus iudex, vt passim legitur in scripturis.

Iterum dico (ne quis me putet insipientem esse, alioquin velut insipientem accipite me, vt & ego modicū quid glorier) quod loquor, non loquor secundum Deum, sed quasi in insipientia in hac

substantia glorię. Quoniam multi gloriantur secundum carnem, & ego glorior. Libenter enim suffertis insipientes; cum sitis ipsi sapientes. Sustinetis enim siquis vos in seruitutē redigit, siquis deuorat, siquis accipit, siquis extollitur, siquis in faciem vos cedit. Secundum ignobilitatem dico, quasi nos infirmi fuimus in hac parte. In quo quis audet (in insipientia dico) audeo & ego. Hebræi sunt: & ego. Israelitæ sunt: & ego. Semen Abrahę sūt: & ego. Ministri Christi sunt: & ego. Vt minus sapiens dico: plus ego. In laboribus plurimis, in carceribus abundantius, in plagis supra modum, in mortibus frequēter. A Iudæis quinquies quadragenas (vna minus) accepi. Ter virgis cæsus sum. Semel lapidatus sum. Ter naufragium feci. Noctē & diē in profundum maris fui. In itineribus sæpe, periculis fluminum, periculis latronum, periculis ex genere, periculis ex Gentibus, periculis in ciuitate, periculis in solitudine, periculis in mari, periculis in falsis fratribus, in labore & ærumna, in vigiliis multis, in fame & siti, in ieiuniis multis, in frigore & nuditate: præter illa quæ extrinsecus sunt, instantia mea quotidiana, sollicitudo omnium Ecclesiarum. Quis infirmatur, & ego non infirmor? Quis scandalizatur, & ego non vror? Si gloriari oportet, quæ infirmitatis meę sunt, gloriabor. Deus & Pater Domini nostri Iesu Christi, qui est benedictus in sæcula, scit quod non mentior. Damasci præpositus gentis Arethæ regis custodiebat ciuitatem Damascenorū, vt me comprehenderet: & per fenestrā in porta demissus sum per murum: & sic effugi manus eius.

*Iterum dico ne quis me putet insipientem esse, hoc est, Ne existimet quis me gloriari quorūdam more insipientium, qui non veram gloriam, quæ ex Deo est quærunt, sed falsam & inanem, quæ est ex hominibus. Alioqui velut insipientem accipite me, hoc est, Sin autem ita vultis existimare, vt lubet: vel tolerate saltem me ad vtilitatem vestram ita facient, vt modicum glorier, siue paulisper.*

*Quod loquor, non loquor secundum Dominum, sed quasi in insipientia in hac substantia glorię. Iterum se excusat in hac substantia, siue materia glorię, aiens se non loqui secundum Deum, seu Dominum (vt Græcè legitur) quoniam seipsum laudare non est secundum eum qui venit exinanitus, & vt magis exinaniretur: sed ex necessitate, quasi esset insipiens. Quoniam multi gloriantur, secundum carnem: Et egoglorior. Hæc ergo illi necessitas fuit loquendi. Igitur non valens continere iustissimam indigna-*

Contra falsos predicatorum huiusmodi.

In hereticos.



tionem, quam habebat in quosdam, qui (vt satis in nunt) erant scandalizati, quod in altera epistola sese, vt illis videbatur, nimium cōmendasset, huiusmodi per ironiam corripiens, ait:

*Libenter enim sufferitis insipientes, cum sitis ipsi sapientes. Et vt magis vellicet, addit: Sustinetis enim si quis vos in seruitutem redigit, &c.* Est videre quoddam genus hominum adeo seruite atque illiberale, vt sub datur proclivius iis à quibus verberatur, aut iniuria, aut damno afficitur, quàm beniuolis & beneficiis. Quis ergo stomachum contineret in istos? Tales erant contra quos hinc vehementer & merito mouetur Apostolus, qui illis applaudebant, & illos recipiebant, à quibus eiusmodi patiebantur. Verba sunt clara, & illis pseudoapostolorum secta toribus conuenientia.

*Secundum ignobilitatem dico,* hoc est, me ipsum inhonorans, qui cum istis in contentionem descendendo: *quasi nos infirmi,* id est, quasi sine potestate, *fuimus in hac parte.* Significat se talem fuisse, qui hoc multò magis quàm illi, poterat exercere. Si quid enim illis erat causæ ita audendi, non deerat sibi. Nam si Hebræi erant, quod sua laude non carebat: quia lex exiuit ex Sion, & verbum Domini de Ierusalem: etiam ipse Hebræus erat. Et si Israelitæ illi, quod nomen fauorem addebat: quoniā nescio quid electionis sapiebat. Et similiter si semen erat Abraham: quod erat gloriatio Iudæis, Omnia hæc illi aderant carnis tamen bona, & eius generis, quæ poterant cum peccato consistere.

*Ministri Christi sunt: & ego (vt minus sapiens dico) plus ego.* Ecce in quo voluit se extollere, vt excitaret ruborem illis, qui alios iniquè sequebantur.

*In laboribus plurimis, &c.* Nota symbola ministratium pro Christo, & verorum prædicatorum. In primis labores plurimos obiicit: tum frequentes carceres, & plagas supra modum, & mortes frequentes, quando scilicet vsque ad mortem periclitabatur. Hinc vides verbum Christi verum dicentis de Paulo: Ego ostendam illi, quanta eum oporteat pati pro nomine meo. Quinquies enim trigintanovem qualibet vice accepit plagas à Iudæis, iuxta legem Deut. 25. Non poterant excedere quadragenas: & vt etiam aliquantò mitiores præ lege viderentur, demebant vnam. Addit & ter virgis cæsum se fuisse, nimirum à Gentibus. Id B. Lucas commemorat semel factum Act. cap. 16. Ter lapidatus, à Iudæis. Et hoc semel factum idem testatur, cap. 14. Quod autè addit de mari, in cuius nocte & die fuerit profundo, non est mandatum literis. De itineribus nec omnia habemus. Et ita de singulis quæ perpeffus est B. Paulus, & quæ hinc enarrat, ferè nihil habemus. Pericula autem quæ ait ex genere, voluit intelligi quæ ex Iudæis veniebant, quæ magna fuere supra modum: sed (vt ait B. Thomas) ea fuerunt maiora, & ideo vltimo loco sunt enarrata, quæ à falsis fratribus processerunt. Hæc enim grauius animos solent exulcerare: addit,

*Præter illa quæ extrinsecus sunt.* i. non lædentia corpus, sed animam tamen ipsam. *Instantia mea cotidiana:* quæ declaratur, *solicitudo omnium Ecclesiarum.* Verisimile est oēs ecclesias, & præsertim quas ille lucratus fuerat & erexerat, ad illud multa retulisse quæ patiebantur ab inimicis fidei. Et hoc notet Prælati, & an hunc Spiritum experiatur (vt par esset) consideret.

*Quis infirmatur, & ego non infirmor?* Erat non parum tribulationis Apostolo infirmari cum infirmis, dum cogeretur ob charitatem, eorum infirmitati concedere. *Quis scandalizatur & ego non vror?* Adiecit quid maius, quàm infirmi scandalum paterentur. Se enim eo tēpore vri testatur, igne quodam charitatis & misericordiæ. Vel fortè etiam igne indignationis in eos, qui scandalum præbebant infirmioribus.

*Si gloriari oportet, quæ infirmitatis meæ sunt gloriabor.* Ac si dixerit, non sicut nouitij isti Apostoli, qui gloriantur in magnis & mirabilibus super se, & præcipuè in suo Iudaismo.

*Deus & pater Domini nostri Iesu Christi, &c.* In Græcis hinc incipit caput. Mirari autè posset aliquis, cur post tot & tanta, quæ se passum fuisse narrauit, istud casum vltimo loco seruauerit, in quo non multum videtur passus, & præsertim cum hinc adhibeat iusiurandum. Dicit fortassis potest, vt credibilia faceret superiora, & præsertim quæ à Iudæis accepit: id eo commemorauit intestinum & perpetuum illorum aduersum se odium, vt Corinthij minus crederent illis, tanquam suspectis & indignis quibus haberetur fides, qui tantò in illum odio ferebantur. Multa ergo subtracitè, & nō expresse Apostolus eis ennuat, vt ipsi ex seipsis, quod non erat apertius exprimendū, intelligerent. Nam isto pressiore scribendi modo multa multò magis persuadentur.

## CAP. XII.

**S**i gloriari oportet (non expedit quidè) veniam autem ad visiones & reuelationes Domini. Scio hominem in Christo ante annos quatuordecim (siue in corpore, siue extra corpus, nescio, Deus scit) raptum huiusmodi vsque ad tertium cælum. Et scio huiusmodi hominem (siue in corpore, siue extra corpus, nescio, Deus scit) quoniam raptus est in paradysum: & audiuit arcana verba, quæ nō licet homini loqui. Pro huiusmodi gloriabor: pro me autè nihil, nisi in infirmitatibus meis. Nam & si voluero gloriari, non ero insipiens. Veritatem enim dicā. Parco autem, ne quis me existimet supra id quod videt in me: aut aliquid audit ex me. Et ne magnitudo reuelationū extollat me, datus est mihi stimulus carnis meæ, angelus Satane, qui me colaphizet. Propter quod ter dominū rogavi, vt discederet à me: & dixit mihi: Sufficit tibi gratia mea. Nam virtus in infirmitate perficitur. Libenter igitur gloriabor in infirmitatibus meis, vt inhabitet in me virtus Christi. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis, pro Christo. Cum enim infirmor, tunc potens sum.



*si gloriari oportet, non expedit quidem.* Græcè legitur, Gloriari quidem non expedit mihi: sed vobis potius, si fueritis sapientes. Sed rectè habet latina lectio, vt sit sensus. Et si in loco necesse sit aliquando gloriari, tamen non expedit ei qui gloriatur: *Ne nam autem ad visiones & reuelationes Domini.* Scio hominem in Christo ante annos quatuordecim, siue in corpore, siue extra corpus nescio, Deus scit, &c. Variæ sunt ad hunc locum expositiones de tertio cælo. Mihi illa ad literam vera videtur, vt tertium cælum intelligatur Empyreū, quoniam omnes cæli nobis visibiles vsque ad firmamētum computantur pro vno, supra quod est Aqueum cælum, & supra hoc Empyreum, paradysus Domini. Vocat autem se hominem in Christo, vt pote: qui iam erat baptizatus. Et quoniam excellentium de se rerum narrationem faciebat, quasi de tertia persona loquitur de seipso. Habet enim amabilem quandam modestiā eiusmodi sermo, vt tum maxime suas quis virtutes illustriores faciat, quum eas obtegere præ modestia studet.

Porro hoc in loco quærunt aliqui de raptibus huiusmodi multa, & varia: An verè B. Paulus raptus fuerit cū corpore: an sine corpore. Quæ quæstio non parum reprehensionis habere iudicari potest, vt qui ea scire velint, quæ tamen se nescire ipsemet B. Paulus: qui talia passus est, confessus sit. Quærunt item, An Deum viderit facie ad faciem: sicut Beati. Et hoc ferè cōmuniter creditur: quod & de Mose confitentur. Mihi tamen adhuc non cōstat. Nam & ipse B. Paulus ait, Deum nullus hominum vnquam vidit, sed nec videre potest. Et Mose quærenti videre faciem eius, respondit: Non videbit me homo & viuet. Scio quæ posset dari solutio ad vtrumque: sed non libet hīc disputare. Certè id quod respondent quidam, vim affert literæ. Ad hæc quæritur, Vtrum sit eadem visio illa, de qua mox ipsemet mentionem facturum est. Et à pluribus creditur alia: mihi tamen videtur prorsus eadē sed paulò latius explanata: ait ergo.

*Et scio huiusmodi hominem (siue in corpore siue extra corpus nescio, Deus scit) quoniam raptus est in paradysum, & audiuit arcana verba, quæ non licet homini loqui.* Quod cælum tertium primò dixit, nunc idem paradysum vocat. Et adiecit se ibi audiuisse arcana (græcè ineffabilia) quæ non liceat homini loqui: aut quia non sit fas (quoniam lingua humana profanantur diuina) aut quia non sit in sermonis nostri vocabulis talis proprietas ac facultas. Verba enim nostra nō seruiūt ad exprimēda cœlestia mysteria. Quicquid sit, vterque sensus simul est verus.

*Pro huiusmodi gloriabor: pro me autem nihil, nisi in infirmitatibus meis.* Mirabile est quod ait se pro huiusmodi (nimirum homine) gloriari: non autem pro se, quasi ipse non fuerit ille homo, de qua talia prædicauerit (quod est valdè notandum) quasi homo mente excedens, & à propriis corporis sensibus abstractus, nō sit illemet qui corporeis vititur organis: & sic est in corpore, vt se in corpore esse non sentiat: Nam homo raptus nō est sui iuris: & nihil agit ipse, sed patitur potius. Vnde omnis gloria quæ ex hoc ipso venit, non attinet ad hominē extra se positū: sed ad Deum qui raptu ad se traxit. Itaq; de se non vult gloriari, nisi in infirmitatibus suis. Nā in infirmitatibus aliquid nostrū est. Quod

enim patimur amore Christi, hoc nostrum est, & laude dignum: quoniam ex principiis, quæ sunt in nobis, efficitur, vt est liberum arbitrium, & gratia. Licet enim gratia sit donum Dei, nostrum tamen iam est, & nobis adiacens, & per illud dicimur nos operari: quanquam & extrinsecus adiuuemur à Deo multis modis, & opportunis auxiliis.

*Nam etsi vóluerō gloriari, non ero insipies.* Quisquis non sui gratia gloriatur, nec falsa profert, non insipienter gloriatur: propterea ait Apostolus, *Veritatem enim dicam.* Sed fortè dicet quis. Quare ergo non dicis apertè omnia quæ ad hanc sobriā tuam & veram gloriationem pertinent? Responderet: *Parco autem, ne quis me existimet* (Græcè, ne quis in me existimet) *supra id quod videt in me, aut aliquid audit ex me.* Et est sensus: Dedit opera cauebat Apostolus ne ea loqueretur tam ardua & singularia: quoniam aliquis posset inde cogitare maiora de illo, quàm quæ ostendebat, vt videri possent, & quæ ex ore multorum poterant audiri. Volebat ergo potius de se cogitari minora quàm essent in veritate, & non maiora.

*Et ne magnitudo reuelationum extollat me, datus est mihi stimulus carni.* Non dicit, *carnis*, græca vox, sed, *carni*: Et quod dicit stimulus, non habetur græcè *κίνητρον*, sed *ὀξύλοπ*: quod significat palum & lignum acutum: *Angelus satan*, non Satanæ, qui me colaphizet. Et adiectum est in Græcis, *ne superesserar.* Quomodo autem ab isto Dæmone B. Paulus colaphizaretur, an per stimulum libidinis: an verò per verbera & dolores in corpore, non ausim decernere. Satis est nosse bonitatem & prouidentiam Dei singularem, qui ne per inanem gloriam amittamus virtutes, ad quam procliuēs admodum natura sumus, & excitamur adhuc à donis, prouidet quasi pondus contra pondus, vt æquabiliter se habeat plaustrum. Nam ne nimis deprimantur sancti viri tribulationibus: per spirituales consolationes prouidet. Iuxta quod scriptum est à Propheta: Secundum multitudinem dolorum meorū in corde meo consolationes tuæ latificauerunt animam meam. Et ne exaltentur nimis per hæc spiritualia, adiungit plagas & infirmitates.

*Propter quod ter Dominum rogavi, vt discederet à me. Et dixit mihi: Sufficit tibi gratia mea. Nam virtus in infirmitate perficitur.* Non semel, sed ter se rogasse Dominum testatur, exemplo Christi qui tertio rogauit (vt si fieri posset) ille calix recederet à se, ne biberet illum. Non ergo fuit error in orando, modo hanc suam petitionem absolute poneret in prouidentia Dei, sicut fecit Dominus relinquens nobis exemplū: & sicut fecisse B. Paulum credibile est. Non est autem exauditus: quia Dominus illum stimulum ad conseruationem & augmentum charitatis ei, & humilitatis prouiderat. Omnis namque virtus, siue fortitudo hominis, quæ est illi à Deo, sine qua nullus posset rectè & cum probatio ne substinere, perficitur in ipsis infirmitatibus, id est, in tribulationibus, quæ ex se reddunt animum infirmum. Qui verò sentit se infirmari, sibi que vires ad resistendum deesse, currit ad auxilium Dei, & ipse Deus consolatur, & fortem facit, & perficit illam potentiam ad substinendum, vt etiam robustius ac magis valeat substinere. Et hoc facit Deus habentibus gratiam suam: ideo respondit Apo-

1. Tim. 6.

Expositio-  
ne hanc le-  
ctor conside-  
ret.



*De gratia  
communi,  
& auxilio  
speciali.*

stolo verbum consolationis plenissimum.

*Sufficit tibi gratia mea.* Est autem quaestio à B. Augustino & Scholasticis proposita: Vtrum sufficiat homini ad bene agendum, & perseverandum in bonum, habitualis gratia, quæ est donum Dei, quo grati sumus illi, absque alio externo ipsius Dei auxilio. Et rectè cõcluditur non sufficere. Tū quia nihil creatum se mouet ad agendum absque motione primi mouentis, qui est Deus: Tum verò quia in hoc statu, & in hac militia, homo propter hostes instantes assiduos, & magnos eos qui dem atque feroces, nimirum mundum, carnē, & (qui vehementius impugnat) Diabolum, non posset absque auxilio speciali non succumbere. Dixit autem Dominus Deus, *Sufficit tibi gratia mea*: quia habenti gratiam non desunt hæc Dei auxilia, modo deuotè implorentur. Sed quis hæc probè intel ligat, nisi in seipso experiatur?

*Libenter itaque gloriabor in infirmitatibus meis, ut inhabitet in me virtus Christi.* Græcè, Libentissime itaque gloriabor, &c. Hæc est optima gloriatio quum gloriamur, in qua & habemus partem. Et hoc est gloriari non in meritis Dei donis, sed in eo quod etiam bene vtimur ipsis. Tunc autem istud verè est, quando patimur & infirmamur, hoc est, cum patientes aduersa: & expertò probantes atque confitentes, nos nihil posse ex nobis quasi ex nobis, suppetias petimus à Domino. Sic enim demum inhabitat in nobis virtus Christi, quæ est eius potentia. Vnde homo nedum aduersa subire reformidat, sed in his solis suam cõsolationem repositam esse presentit. *Propter quod placeo mihi in infirmitatibus meis, in contumeliis, &c.* Delectabatur ergo in his quæ sufferebat pro Christo: quia ex his cognoscebat charitatem Dei in se, & certus erat diuinæ assistentiæ. Ideo subdit, *Cum enim infirmor, tunc potens sum.* Nimirum per charitatem, quæ fortis est vt mors. Non est enim sine fide & spe, quæ virtutes multum profunt ad fortitudinem, sed nō absque omnium regina charitate.

Factus sum insipiens: vos me coegistis. Ego enim à vobis debui cõmendari. Nihil enim minus feci ab iis qui sunt supra modum Apostoli: tametsi nihil sum. Signa tamen Apostolatus mei facta sunt super vos in omni paciētia, in signis & prodigiis, & virtutibus. Quid est enim quod minus habuistis præ ceteris Ecclesiis, nisi quod ego ipse non grauavi vos? Donate mihi hanc iniuriam. Ecce, tertio hoc paratus sum venire ad vos: & non ero grauis vobis. Non enim quæro quæ vestra sunt, sed vos. Nec enim debent filij parētibus thesaurizare, sed parentes filiis.

*Factus sum insipiens, vos me coegistis.* Verè magna est coactio, ingratitudo & ignorantia beneficiorum, vt in ingratos huiusmodi exprobaiones merito fiant, etiam cum laude propria. Vnde ait, *Ego enim debui à vobis commendari, &c. tametsi nihil sum,* scilicet ex meipso: quod debet semper homo Dei recognoscere. *Signa tamē Apostolatus mei facta sunt super vos in omni potentia, in signis & prodigiis, & vir*

*tutibus.* Primò ponit paciētiā inter signa Apostolatus, quæ certè maius est signum, quàm quodlibet aliud enarratum. Paciētia enim opus perfectum habet, & hac suas animas possident, qui ea quæ ad Crucis prædicationem spectant, cupiunt vita & verbis imitari. Magnum Apostolo negocium, & Corinthiorum decipi sese permittentium instabilitas, & pseudoapostolorum fraude obrepentium perniciosa æmulatio facessibat. Tum rerum omnium penuria, & (quod generosos animos, qualis erat B. Pauli) contemptus. Sed ipse paciētiæ clypeo sese protegebat, semper hūc finem propositum habens, ne euāgelio quauis occasione præberet offendiculum. Vocat autem virtutes, quæ super naturali potentia operabatur.

*Quid est enim quod minus habuistis* (rectius) *quo inferiores fuistis præ ceteris Ecclesiis, nisi quod ego ipse nō grauavi vos?* Ironia manifesta & pulchra in ingratos homines, tantorum beneficiorum iniquos aestimatores: quam & prosequitur subiungens, *Donate mihi hanc iniuriam. Ecce, tertio hoc paratus sum venire ad vos, & non ero grauis vobis.* Viuere enim se de suo sudore pollicetur apud eos pro more suo, ne illum existimarent priora tempora velle nouo quaestu compensare. Vtinam qui vel prædicant, vel populis sacramenta Ecclesiastica ministrant, ex corde apprehenderent, quam exosam habuerit B. Paulus auaritiæ & cupiditatis omnis suspiciōe: quæ summopere à sacramentorum ministris fugienda est. Hac siquidem vna efficitur, vt rudiores debitā reuerentiā non exhibeant, & minus etiam frequētes intersint, cum perspiciunt tales ministros. Et hūc, & crebrò Apostolus omni studio conatur à seipso prædicatoris ad lucrum & commoda temporalia aspirantis nomen depellere. Quid autem quaerendum sit reuera, tanquam Deo charissimū, ostendit inquit. *Nō enim quero quæ vestra sunt, sed vos,* id est, salutem vestram perfectam, & nō facultates vestras terrenas. *Nec enim debent filij parentibus thesaurizare: sed parentes filiis.* Illud quod est naturale commemorat. Qui enim dar esse, etiam naturaliter tenetur nutrire: quod vel bruta animantia duce natura ostendunt.

Ego autem libentissimè impēdam & superimpendar ipse pro animabus vestris licet plus vos diligens, minus diligat. Sed esto, ego vos non grauavi: sed cum essem astutus, dolo vos cœpi. Nunquid per aliquem eorum quos misi ad vos, circunueni vos? Rogavi Titum, & misi cum illo fratrem. Nunquid Titus vos circunuenit? Nonne eodem spiritu ambulauimus? Nonne eisdem vestigiis? Olim putatis quod excusemus nos apud vos? Coram Deo in Christo loquimur. Omnia enim charissimi propter ædificationem vestrā. Timeo enim ne fortè cum venero, non quales volo inueniam vos: & ego inueniar à vobis, qualem non vultis: ne fortè contentiones, æmulationes animositates, dissensiones, detractiones, susurratio



nēs, inflationes, seditiones sint inter vos. Ne iterū cū venero, humiliet me Deus apud vos: & lugeam multos ex iis qui ante peccauerunt, & non egerunt pœnitentiam super immunditia, & fornicatione, & impudicitia quam gesserunt.

*Ego autem libentissimè impendam, & superimpedam ipse pro animabus vestris. Gracè, expendat. Nam sic legit B. Ambrosius. At nunquid potest homo impendi pro anima alterius? Dictum est etenim à Domino: Quam commutationem dabit homo pro anima sua? Virginibus item oleum mēdicantibus nonne responsum est: Ne fortè non sufficiat nobis, &c. Vt soluamus quæstionem breuiter: In die iudicij non erit vltius communio, & bonorum inuicem communicatio: neque merita vlla poterunt conferri, quæ iam non fuerint collata. Iam enim inueniuntur incapaces, qui rei mortis æternæ tenebuntur: nec poterit quis inuenire commutationem pro anima ipsorum, vt inde liberentur. Et de iis loquitur parabola. Verū interim dum sumus adhuc in via, possumus inuicē & debemus mutuis auxiliis nos adiuuare. Sed quomodo, & quantum, & quo loco seu gradu, potest esse aliqua quæstio.*

Nam cum Christus ipse Redemptor noster ac Saluator sit pro nobis passus & crucifixus, quid nobis conferunt aliorū, & Pauli pæsiones? Sic enim arguunt hæretici. Dixerunt aliqui, solum prodesse ad exemplum. At hoc non est quod B. Pauli verba hīc, & ad Collosenses sonant, vbi ait: Gaudeo in pæsionibus meis pro vobis, & adimpleo ea quæ defunt pæsionum Christi in carne mea, pro corpore eius, quod est ecclesia. Nec id præterea conuenit ecclesiæ sanctæ interpretationi, quæ ex meritis sanctorum etiam indulgentias confert. Neque exemplis ipsorum sanctorum Patrum, qui & pro viuīs & pro defunctis se macerabant & affligebant.

Itaque absolutè dicendum est, alio modo etiam prodesse, quàm per modum exempli ad salutem. Quid ergo (dicit quis) Nunquid non satis fuerunt merita Christi? Et nos respondemus: Si suis pæsionibus non prosunt sancti vt mereantur pro nobis (quia sunt merita pæsionum Christi) certè nec suis etiam orationibus quicquam merebuntur nobis: quia sunt item orationes Christi pro cunctis. Quod si hoc falsum & absurdum est: cur non & illud? Quid enim verat ne proderint sancti pæsionibus suis pro aliis assumptis, si non solum illi, sed inuicem nos omnes prosumus nobis & eleemosinis & orationibus? Non est ergo vera illa expositio: Nō prodesse nobis pæsiones sanctorum, nisi per modum exempli.

Sed hoc videndum restat, quonam modo prosunt per modum meriti. Quo in loco illud in primis est considerandum attētius, pæsione sua Christum meruisse pro omnibus plura. Et primū quidem, quia abstulit illud mundi peccatum, quod erat originale. Hoc ipse solus, & non cum illo alius meruit. Quemadmodum & solus ille primus Adā admisit illud. Cooperata est tamen mirifico modo secunda mulier secundo Adā: sicut prima Mulier cooperata est Adā priori. Sed quod ad hoc fa-

ctum pertinet, inueniuntur cæteri omnes sancti & sanctæ Dei, non solum expertes huius meriti, verum etiam necessariò indigentes, vt & ipsi Christi meritis subleuantur à peccato illo, & ira Dei.

Licet autem meruerit Christus hoc peccatū tolli de mundo, noluit tamen hoc cuiquam prodesse, nisi applicarentur de meritis suis. Et ita applicatio meritorū Christi necessaria fuit vnicuique. Applicatio autem hæc fit hominis consensu, cui sunt applicanda merita. Vnde necessaria est vnicuique notitia Saluatoris: At cum non rarò contingat, inueniri nonnullos qui seipfos reddunt hac notitia indignos, ne illis reueletur salutis mysterium, in hoc valent & proficiunt plurimum orationes, & pæsiones sanctorum, & bona merita amicorum Dei, vt dignetur Deus eos illuminare, pro quibus orāt sancti, & pæsiones pertulerunt, & duram eorum voluntatem flectere ad accipiendam gratiam, quæ omnibus venit ex Christi meritis. Et cum ad hoc prosint merita sanctorum, & charitatis opera, & pæsiones, & eorum gratia etiam Deus moueatur ad iustificandum eos per Christum, prosunt etiam multò magis, vt & maiorem gratiam assequantur hoc pacto, quia prosunt vt Deus magis disponat eos, pro quibus oratur per sanctos, ad faciendum opera bona, vt propterea etiam magis mereantur, & amplius iustificentur.

Prosunt & tertio sanctorum merita, in eo quod satisfaciunt pro peccatis, non quātum pertinet ad culpam, nisi obliquè: quia mereri possunt (vt diximus) vt in eorum gratiam Deus conuertat peccatorem, & conuersum & confitentem absoluat à culpa, per Christi tamen merita. Sed prosunt pro pœna peccato debita, vt qui reperiuntur rei vel subleuantur, vel omnino liberentur à debitis suppliciis (quoniam sancti sustinuerūt pro ipsis) vel quia ipsimet sancti applicarūt suas pæsiones, & orationes, & alia opera bona pro ipsis: vel quia ipsemet Christus, aut eius Vicarius sic ex misericordia applicauit.

Itaque iam vides quomodo sanctorum merita prosunt ecclesiæ, & membris eius: sicut & ipse vsus apertè probat. Vnde & de his peccatis relaxandis indulgentiæ per clauēs proponuntur. Nihil igitur momenti habet illud quod hæretici obiiciunt, scilicet: Nunquid non satis fuerunt merita Christi? Nam quod sanctorum merita prosint, ex meritis Christi esse fatemur, & catholica doctrina probamus, vt vel in hoc gloriosiora longè sint Christi merita, cū per illa & propter illa, etiam ista à summo Patre in gratia Filij respiciantur & valeant. Nunquid igitur Christi merita destruimus, asserētes sanctorum merita etiam pro aliis? Absit: Imo statuimus validius, & magnificentius amplificamus.

Sed ad rem. B. Paulus pro eorum animabus dixerat libentissimè seipsum impendere velle, & impendi, & subiunxit. *Licet plus vos diligens, minus diligar.* Magna profectò verba hæc aduersus non ferendam filiorum ingratitudinem. Nihil enim (ait quidam) minus hominis est, quàm in amore non respondere iis, à quibus prouocaris. Et quam obsecro maiorem in præceptore ac patre poterant desiderare erga se charitatem ingrati filij, quàm illum esse paratum fundere sanguinem pro eorum



salute? Et tamen potius hærebant quidam illis falsis prophetis, qui nedum quicquam sufferre pro illis volebant, quin ex eorum facultatibus otiosam vitam cum honore vivebant, & cum sectatorum multitudine. Miseranda hominum conditio, qui nec innumeris beneficiis prouocati redamare salutem volunt, & potius eos sequuntur, qui vel in faciem (vt paulò antè conquestus est) cædunt, & deuorant.

*Sed esto: Ego vos non grauavi: sed cum essem astutus, dolo vos cepi.* Lucunda ironia. Quod enim hominū malitia poterat excogitare, præoccupans coniecturis probabilibus ipsemet reiecit, aiens:

*Nunquid per aliquem eorum, quos misi ad vos, circumueni vos? Rogavi Titum, &c.* Locus satis apertus ad persuasionem, quòd syncerè & nullo dolo conuersatus esset cum illis, nec in auaricia vlla. Nam verbum, *circumuenire*, quod latine legimus, græcè significat fraude plus accipere quam conueniat. *Olim putatis* (græcè rursum) *putatis*, quòd excusemus nos apud vos? id est, putatis hæc à nobis excusando nos dici, perinde ac res se aliter habeat in veritate? Sed nō est ita. *Coram Deo in Christo loquimur.* In Christo loquitur, qui non sui gratia loquitur, sed vt Christi membrum propter alia membra. Et coram Deo loquitur, qui vera loquitur.

*Omnia autem charissimi propter adificationem, videlicet vt agnoscētes doctorem syncerum, etiam doctrinam illius sectemini.* Timeo enim ne fortè cum venero, non quales volo inueniam vos: & ego inueniar à vobis, qualem non vultis. Optima oppositio: lustum est enim, vt qui non se exhibent discipulos bonos, etiam inueniāt magistrum non bonum, iuxta quod scriptum est: Cum sancto sanctus eris, & cum peruerso peruerteris. *Ne fortè contentiones, amulationes, animositates, &c.* Quod legimus, ne fortè, græcè legitur, *Ne quo pacto*, & rectius. Illud etiam notandum quod ait B. Paulus. *Ne iterum cum venero humiliet me Deus.* Putabat enim esse humiliationem, dū cogeatur illos ex peccato punire, nimirum ob eam causam, quia cū gloriatio patris ac magistra sit ipsius filij ac discipuli profectus & probitas, sequitur, vt cum punitur filius & discipulus (in quo minus profecisse arguitur) cogatur pater atque magister ab illa gloriatione excidere, ac per hoc humiliarimò vt etiam addit, cogatur lugere. Et verè sic est: Probi enim patres non possunt citra magnum luctum punire filios, ac præsertim quum nō prod est punitio.

In quo humiliatio  
Prælatorū  
consistat.

De publicis  
pœnitentiis.

Et hinc accipimus ex eo tempore pœnitentias publicas in facie ecclesiæ peragi solitas: de quibus loquitur B. Paulus hoc in loco, quæ magnum ad deterrēdos à peccatis homines momentum habebant, & ad ipsorum præuicatorum purgationem efficaciorē. Non enim sufficit mores in melius commutare, & à factis malis recedere, nisi etiā de his quæ facta sunt, satisfaciatur homo per pœnitentiæ dolorem, per humilitatis gemitum, per contriti cordis sacrificium, cooperantibus eleemosynis. Circumstant nos & præcepta rectè faciendi, & exempla non tantum rectè facientium, sed etiā pœnitentium ad recipiendam salutem, quæ fuerat amissa peccando. Hunc enim Apostoli locum ad publicos pœnitētes pertinere testatur B. Augustinus. Agunt, inquit, homines pœnitentiā, si post

baptismū ita peccauerint, vt excommunicari, & post reconciliari mereantur: sicut agunt in omnibus ecclesiis illi, qui propriè pœnitentes appellantur. De tali enim pœnitentia loquutus est Apostolus, vbi ait: Ne iterum cum venero humiliet me Deus ad vos, & lugeam multos, &c. hæc ille. Nunc autem vix sciunt Christiana quæ sit vera & legitima pœnitentiam agendi ratio. Et ob id homines peccata peccatis addere non desistunt. Vt verissima sit illa sententia: Facilitas veniæ, facilitatem præbet culpæ. Quòd si vigeret maior seueritas, multi etsi nō virtutis amore, saltem pudoris metu minus scandalizarent ecclesiam Dei. At eousque sumus ad satisfaciendum peccatis delicati, vt & qui audiunt confessiones, vix audeant aliquid molestius iniungere. Qua in parte etiam ab iis peccatur, cum leuiiores pœnitentiæ afflictiones imponunt. Omnia tamen cum omni circumspectione moderanda sunt pro conditione hominum diuersa, ne quid detrimenti in ipsum sacramentum redundet. Lutherani sunt iam extra omne periculum, qui hæc omnia conculcarunt sola sua fide contenti.

#### CAP. XIII.

**I**CC E tertio hoc venio ad vos: vt in ore duorū vel triū testiū stabit omne verbum. Prædixi enim, & prædico vt præsens vobis, & nunc absens, iis qui ante peccauerunt, & ceteris omnibus, quoniam si venero iterum, non parcam. An experimētum queritis eius qui in me loquitur Christus: qui in vobis nō infirmatur, sed potens est in vobis? Nam etsi crucifixus est ex infirmitate: sed viuit ex virtute Dei. Nam & nos infirmi sumus in illo: sed viuimus cum eo ex virtute Dei in vobis. Vosmetipsos tentate, si estis in fide: ipsi vos probate. An non cognoscitis vosmetipsos, quia Christus Iesus in vobis est? nisi fortè reprobi estis. Spero autē quòd cognoscetis quia nos nō sumus reprobi. Oramus autē Deum, vt nihil mali faciat: nō vt nos probati appareamus: sed vt vos quod bonum est, faciat: nos autem vt reprobi simus. Non enim possumus aliquid aduersus veritatē, sed pro veritate. Gaudemus enim quoniam nos infirmi sumus, vos autem potentes estis. Hoc & oramus, vestram consummationem. Ideo hæc absens scribo, vt non præsens durius agam secundum potestatem quam Dominus dedit mihi in adificationem, & non in destructionem.

**E**CC E tertio hoc venio ad vos, &c. Insinuat se tertio venturum ad illos: & persistēs comminando ait: *In ore duorum vel trium, stabit omne verbum.* Hoc iuxta scripturæ legem. Et significat se ex ore trium, aut ad minimum duorum testium pronūciaturum sententiam in eum, quem deprehende-

B. Augustinus in  
epistola ad  
Selenianā.



rit criminis reum. At quòd hic sensus ex iis verbis colligatur, non satis pater, nisi ita proposueris: Stare verbum, significat efficaciam & vim persuasionis & probationis habere ad mouendum iudicè. Si enim verbum sit in ore vnus tantum, non stat; id est, non viget, non eam vim habet & efficaciam, vt còuincat, & faciat fidem. Stabit autem, hoc est, persuadebit & obtinebit sententiam, quum steterit in ore & testimonio duorum, aut trium. *Pradixi enim, & pradico, &c.* Gracè legitur, *pradixi & pradico vt præsens secundo, & nunc absens scribo.* Sèlus est, quòd quæ alias scripsit, & nunc absens prædixit, & prædicat tanquam præsens, eo quòd spiritu præsens esset, vt metuerent: quia hæc tanquam iudex proferebat, & quodammodo interloquebatur vt iudex.

*An experimentum.* Gracè legitur: *Quoniam experimentum, &c.* Et cum superioribus cohæret: quasi dicat Apostolus, Ego non parcam vobis: quia vos quæritis experimentum huius rei, an in me loquatur Christus. Postquam ergo (sive, Quoniam ergo) facere multis de me periculum, non de ero vestræ expectationi. Et tacitè eorum socordiam arguit, & in credendo tarditatem, qui viderint iam hominem recenti supplicio punitum per dæmonem eius iussu per potestatem sibi à Christo traditam: cuius nomine minitur, addens: *Qui in vos nō infirmatur, sed potens est in vobis.* Sensistis enim Christi potentiam, cum misi in hominem illum dæmonem in virtute & nomine Christi. Et verisimile est pleraque alia B. Paulum fortiora apud illos ostendisse, & aliis in locis. Nam & Magum quendam excœcauit quærentem auertere à fide Proconsulem Sergium Paulum, vt habetur Act. 13.

*Nam etsi crucifixus est ex infirmitate, sed viuit ex virtute Dei.* Christus vnus erat, vna tantum persona, & idem erat infirmus: quia infirmam carnem suscepit. Et idem erat fortis spiritu, vt posset & semetipsum suscitare. Infirmitate opus fuit pro nobis, vt fieret hostia ad salutem: qui si à nobis sic obedienter recipitur, manet nobiscū infirmus. Sin autē respicitur infirmus, euadit idem fortis, & tūc efficit vt cognoscamus illum viuere, & regnare in Dei virtute. Tales sese componere debent prælati, qui sunt vicarii Christi. Et talis fuit B. Paulus. *Nam & nos* (inquit) *infirmi fuimus in illo, videlicet, quotiens opus fuit, quia obedistis. sed viuimus cum eo, hoc est, fortes sumus cum illo ad puniendum, & conculcandum contumaces, si opus fuerit. Ex virtute Dei tamen, nō nostra, in vobis: si tales eritis, qui nos habere velitis acres in vos & diligentes vitiorum animaduertores, & non potius blandos patres, & tãquam salutaes medicos, & temperationibus curantes. Magnum sanè & periculolum suscipit negotium, qui cæteris præesse desiderat, si pro dignitate sese gerere velit. Nam si quorundam mores studeas ad rectam virtutum viam dirigere māsuetioribus hortationibus, non obtemperant. Si paulò seuerius agas vel coactus, reprehensiones non ferunt. Si sibi ipsis relinquatur, pereunt. Itaque Apostolus miro artificio vtitur, vt explorarent quo in statu sese deprehenderent constitutos, & ait:*

*Vosmetipsos tentate, &c.* Vide quomodo vrget, vt illi seipsos ad interna mentis reuocarent, & diligenter de seipsis inquirerent & cognoscerent. Quod

quidem frequenter ab omnibus Christianis esset faciendum, præsertim ab iis qui sapiunt. Admonet igitur vt internè tentent semetipsos, an agnoscant in seipsis fidem, & sic inhabitare Dominum Deū per fidem. Homo igitur poterit cognoscere se esse fidelem? Quid ni possit? An non spiritus hominis scit quid sit in homine, id est, quid intus sentiat de rebus fidei? Alioquin quomodo faceret professio nem fidei vnusquisque de se rogatus. Credis? respondens. Credo.

Sed obiiciunt aliqui: Nescit homo vtrum illa fides sit ex Deo: an ex seipso tantum, hoc est, vtrum sit ex habitu fidei infuso: an verò ex vi tantum intellectus, qui interdum per signa conuincitur ad credendum ea quæ nō vult, sicut dicitur de dæmoniis, qui credunt & contremiscunt. Et Beatus Thomas non vult eos habere donum fidei, quod est lumen diuinum infusum. Dicendum est ergo posse hominem certò cognoscere vtrum credat: quia hic est primus actus intellectus. Et potest reflectēdo se ad suum actum, planè illum perspicere.

An verò ille actus credulitatis veniat à dono Dei supernaturali: an aliter, putà ex vi signorum, & testimoniis manifestis, non facile est dispicere. Legimus enim de quibusdam. Crediderunt in eū, sed non confitebantur: quia dilexerunt gloriam hominum magis quàm gloriam Dei. Hos enim verisimile est credidisse à persuasionē signorum & miraculorum, & non ab interiore infuso lumine. Et tamen probabiliter potest aliquis cernere ab actu fidei, an procedat coactè (vt dictum est) an verò sponte, ita vt etiam sibi homo in ea fide complaceat. Si enim complacet sibi in ea, & libenter credit, proculdubio habet signum euident, ex Deo esse suam ipsius fidem. Sin autem credit, & contremiscit, signum est habere illum fidem illi fidei quæ est dæmoniorum, similem: sed talis est, quæ non reputatur fides.

Apostolus ergo volebat vt semetipsos explorarent, an essent in fide vera, & quæ Deo placeat. Quod non dixisset, si explorare se ac probare non possent. Ait ergo,

*Vosmetipsos tentate si estis in fide. Ipsi vos probate.* Beatus Chrysostomus putauit hîc de illa fide loqui Apostolum, quæ per miracula ostendebatur. Attamen verba ipsa B. Pauli minus commodè ad hunc intellectum aptantur. Non enim propterea digni, reprobatione fuissent, si fidem suam miraculis cōprobare non valuissent. Nam miraculorum facientium non omnibus datur gratia, qui fidem & baptismum suscipiunt. Alias vbi nunc verfaremur, quorum ætate nulla apparet miraculorum ostensio? Præterea, nec ad hunc sensum bene accommodantur verba quæ sequuntur. *An non cognoscitis vosmetipsos, quia Christus Iesus in vobis est? Nisi forte* (aut nisi in aliquo) *reprobi estis. Iesus Christus habitat in nobis per fidem, & præcipuè si ad est spes & simul ipsa charitas.*

Sed & hîc quæritur: An scire valeat homo, nunquid diligat Deum & Christum? Sunt non pauci, qui negantem partem sustinent. Quod si ita est: Quomodo B. Petrus ter interrogatus, nunquid diligeret, etiam tertio constanter respondit: Etiam Domine: Tu scis quia amo te?

Porro afferunt illud tritū iam in ore omnium:

*An possit quis scire de sua fide, & gratia.*

*Ioan. 12.*

*Prælati, infirmi & fortes esse debent.*



*Nemo sit  
an amore  
vel odio,  
&c. discuti-  
tur.*

Nemo scit vtrum odio, an amore sit dignus. Quæ quidem sententia, si diligenter attenditur, aut non est vera (quod asserere nefas est, cū sit sacra ipsius scripturæ) Aut nequaquam illud probat, quod isti inde accipiūt. Neque enim ibi simpliciter dicitur: Nemo scit vtrū amore sit dignus: sed additur, vel odio. Quemadmodum enim tu inde sumis, neminem scire an diligit Deum, & sic an sit dignus dilectione Dei: quia qui diligit etiam diligitur. Pari & ego iure inde accipiam, quod nemo scit vtrum nō diligit, & sic an odio Dei sit dignus. Qui enim nō diligit, manet in morte, & dignus est odio. Nā si tu illud accipis, æquē & hoc accipitur. Sed minime est dubium multos esse sibi conscios & certos de odio diuino, quo digni sunt. Quod si hoc in odio non est verum, vt scilicet quis nesciat vtrum sit eo dignus, ac per hoc à scriptura non potest dici: dicemus pariter de amore non dici cum æquali intelligentia de ambobus denegetur scientia.

Et ideo aliter oportet locum illum intelligi. Et reuera (vt B. Bernardus nonnullis in locis exponit) de firmo Dei amore, qui est per prædestinationem aut electionem, vel propositum confirmationis in gratia, loquitur ibi Salomon: & similiter de odio reprobationis. Nam nullus homo quantumvis sanctus, tamen si nihil sibi sit conscius, & magna habeat dilectionis suæ erga Deum indicia, testificante Spiritu sancto in corde eius, ita vt valde possit is quidem cōfidere se esse in dilectione Dei, nec dubitare: Scire tamen similiter non potest, vtrum sit dignus illo amore, id est, ita dignus, & ea stabilitate in Dei prouidentia dilectus, vt nūquam ab eo possit excidere, ac per hoc nec excidat. Quo amore digni facti sunt electi & prædestinati: quoniam non dilecti sunt tantum secundum præsens tempus, sed prædilecti vsque in finem. Et ediuersō, Nullus adeo scelerosus peccator qui merito sit odiosus factus Deo, scire potest vtrum sit dignus perpetuō permanere in odio illo, ita vt Deus habeat illum tanquam iam reprobatum, cui adempta sit omnis resurgēdi facultas: quod Deus in paucissimis facit, & nisi interueniat illud insigne peccatum, de quo ipse dixit: Non remittetur neque in hoc sæculo, neque in futuro.

Loquitur ergo de amore perfecto, & odio Dei perfecto in hoc mundo: qui amor est, quū Deus diligit vsque in finem. Et similiter de odio illo reprobationis sempiterno, quale fuit illud, in quod sua duritia incurtere meruit Pharaō. Et hoc ipsemet Salomon claris eo in loco verbis declarat, qui statim subiungit. Sed omnia in futurum seruantur incerta. Vult enim videre Deus, an is qui diligit perseveret vsque in finem, vt sic amore sempiterno fiat dignus. Et econuersō, an qui in peccato est, conuertatur tandem & viuat.

Est & alia ad locum illum interpretatio, cui & mirificè verba ipsa fauēt: & recēiores interpretes probant. Non ibi (aiunt) negatur simpliciter sciri posse, sed ab iis quæ accidunt, vel aduersis vel secūdis: quoniam hæc & bonis promiscuē & malis cōtingūt. Dicimus igitur posse hominem scire quod diligit Deum pro eo tempore, quo verē diligit. Et potest errare, & videri hoc sibi scire, cum nesciat. Nec propterea quia potest in hoc decipi homo, sequitur vt non valeat aliquando ita scire vt minimē

decipiatur. In eximio enim lumine gratiæ cur hoc non valeat sciri? Et si quis diligenter semetipsum exploret, cur nō possit videre quæ in se intus sunt, & quæ illi loquitur Spiritus? Si enim contestatur illi Spiritus sanctus quod filius Dei est, nunquid hoc testimonium non satis est ad creandam idoneam notitiam? B. Paulus dilucidè ait, hoc Spiritū filiis cōtestari. Beatus Ambrosius hoc in loco ait: Qui fidei suæ sensum in corde habet, hic scit Christum Iesum in se esse. Neque verō intelligit de fide informi, quæ sit sine charitate. Nec enim erat mos sanctorum Patrum sic loqui.

Miror autem plurimum quendam de Scholasticis, qui fatetur posse hominem per pura naturalia diligere Deum super omnia, & hoc etiam posse scire: & tamen non posse scire vtrū sit in gratia Dei. Ita vt velit posse cōtingere esse in homine dilectionem Dei super omnia, & tamen non adesse gratiā Dei in illo. Et vult me ex lumine naturali certum esse, quod Deum diligo super omnia: & ex lumine supernaturali (si adsit in me) hoc non valeam scire. Quod ego dictum vehemēter iterum admiror, cum facile possim scire quod amo Deum vt beatificatorē meum per Christum, & quod inuoco Christum Dominum in corde meo. At hoc nemo potest facere, nisi in Spiritu sancto, teste B. Paulo.

Obiiciunt ex psalmo: Delicta quis intelligit? Ab occultis meis munda me. Hebraicè ille locus sic habet, vt B. Hieronymus & alij interpretati sunt. *Delicta quis intelligit? quomodo de occultis?* Errores quis intelligit? Ab occultis meis munda me. Quare posset primò responderi, non negare prophetam illud intelligi posse, sed non ita facile: quoniam pauci quidam, & non multi intelligunt, sicut est ibi in glossa. Posset & dicere quis, loqui prophetam ibi de minutoribus peccatis, & leuioribus quibusdam erroribus, qui humana fragilitate vix possunt intelligi. Nam & Septuaginta dixerunt παραπτώματα, quæ vox (B. Hieronymo teste) minora peccata significat: quæ non auferunt gratiæ donum, vt Theologi docent.

Adde ab eodem B. Hieronymo & Augustino similiter, locum illum esse aliter expositum: dicit enim B. Hieronymus, Qui sunt in delictis, & in iis permanent, non intelligunt tales iudicia Dei. Vnde Apostolus: An ignoras quod benignitas Dei ad pœnitētiā te adducit? Et B. Augustinus ibi dicit: Si videntur tenebræ, intelliguntur delicta. Denique quando nos delicti pœnitet, in luce sumus. Nam quando quisque ipso delicto inuolutus est, quasi obtenebratis opertisque oculis non videt delictum: hæc ille. Igitur qui sine peccato est, potest scire se sine peccato esse: quia in luce est. Et nos intelligimus de peccato mortali. Alioqui quis Christianorum esset in luce, si peccata enim venialia essent tenebræ?

Verū afferunt & illud ex B. Iob, vbi legimus: Etiam si simplex fuero, hoc ipsum ignorabit anima mea. Sed neque ille locus sic habet in hebraicis, vt noui emendatores dicunt. Quidam enim sic transtulit. Integer licet sim, & nihil mihi conscius in anima mea: tamen despicio vitam meam. Vt sit sensus. Homo iustus & innocēs, & hoc de se sciēs: quia tamen videt se non posse cōplere multa quæ cuperet, vt illud rectum atque perfectum perficeret, ratio in hoc mūdo afficitur, & cupit dissolui, libera-

*Caetanum*

*Delicta  
quis intelligit?  
quomodo  
de occultis?*

*si simplex  
fuero, &c.  
exponitur.*



liberatiq̄ue penitus à corpore mortis huius. Obiter tamen addimus considerandum, quàm totus ille liber B. Iob obscurus sit, vt in contentione vix queat adduci propter abstrusissimos sensus: nisi tū demum cum apertissimus fuerit locus aliquis; vt ad alium sensum trahi non possit. Alioqui si B. Iob nesciebat se innocentem, cur tam læpe, & tantis verbis defendit & extollit innocentiam suam? Et enim cap. 13. tam clarè dicit. Si fuero iudicatus, scio quòd iustus inueniar. Et cap. 23. Proponat æquitatem cōtra me, & perueniet ad victoriam iudicium meum. Et cap. 27. iterum ait. Donec deficiam, non recedam ab innocentia mea. Iustificationē meam, quam cœpi tenere, non deferam. Neque enim reprehendit me cor meum in tota vita mea. Deniq; 29. ca. multa de se audacter in laudem suam prædicans, fidelissimo testimonio ostendit se non ignorare innocentiam & salutem suam.

Quamobrem & quæ ex B. Paulo Apostolo similiter ad hoc probandam adducuntur, Omnem hominem esse de sua gratia incertum; vt cum ait: Nihil mihi conscius sum, sed non in hoc iustificatus sum: quasi & ipse ignoraret de gratia sua, de qua assidue testimoniū habebat à Deo, nullo modo probant. Quem autem veriore sensum locus ille Apostoli porrigat, in commentariis illius epistolæ tradidimus. Quamobrem non puto esse negandum, verè bonos viros & Spiritu plenos hoc scire posse: quoniam lumen Dei supernum habet, quo audiunt illud fiduciæ verbum internum in anima. Salus tua ego sum.

Vnde Dominus clarè ait, Ego rogabo Patrem, & alium Paracletum dabit vobis, vt maneat vobiscum in æternum Spiritum veritatis, quem mundus non potest accipere. Vos autem cognoscetis eum: quia apud vos manebit, & in vobis erit. Nota verba. Vos autem cognoscetis eum, id est, non solum habebitis, sed cognoscetis vos habere. Et B. Augustinus tractans hæc verba, & (sicut diximus) exponens, adiūxit & hoc pertinuisse ad maius donum Spiritu sancti, vt eis innotesceret quod habebant. De quo munere loquens Apostolus ait, Nos autem non spiritum huius mundi accepimus, sed Spiritum qui ex Deo est, vt sciamus quæ à Deo data sunt nobis.

Illud autem constanter & mordicus tenendum est, hominem suam electionem ac prædestinationem certo scire non posse, aut conicere, nisi specialiter ei fuerit reuelata à Deo, vt possit cū B. Paulo dicere: Certus sum quòd neque mors, neque vita, neque Angeli, neque Principatus, neque Virtutes, neque instātia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Iesu Domino nostro. Sed aliud est, si quæratur qualis sit ista sciētia & certitudo. Scimus enim scientiam quæ est à fide, licet vera & certa sit in se, nondum tamen esse apertam ac reuelatam, vt est illa Beatorum. Et latum est etiam inter viatores discrimen circa hanc certitudinem. Nam sunt quidam ita magno afflati lumine, ac tanto charitatis ardore succensi, vt arrham certam in se persentiant futuræ vitæ. Vident hi se contemnere omnia, & (quod est longè excellētius magisque arduum)

etiam seipsos despiciere propter Christum. Qui sui ipsius propter Deum contemptus, vix homini est manifestus in communi gratia existenti, nisi multis tentationibus pressus senserit in se illud ab Apostolo superius dictum. Cum infirmor, tunc potens sum. Sequitur:

*Nisi forte reprobis estis.* Homo qui iam venit ad fidem, & illam sibi adesse non sentit explorans in se metipso, clarū habet suæ reprobationis argumentum. Dixit enim Dominus, Qui subtraxerit se, nō placebit animæ meæ. Nō dico autem ita sublatam ei prorsus omnem spem, sicque viam ab omni parte præclusam, vt non valeat iterum instaurari in fidem: sed ostendo periculosissimum esse talem statum, & non habere ordinaria remedia, vt dicetur loco proprio epistolæ ad Hebr.

*Spero autem quòd cognoscetis, quia nos non sumus reprobis.* Vide quam habeat de seipso fiduciam B. Paulus, videlicet, vt & illi quosq; cognituri sint ipsum minime esse reprobum, idque propter excellentia signa quæ fecerat, & adhuc mox (vt opinor) inter illos facturus erat: quia ibat promptus ad eos vt virga vteretur aduersus multos. Nam qui talis est, confidit in innocentia sua, sciens indecorum esse & turpe, & reprehensione dignum, si qui peccator est, potestatem exerceat in peccatorem, ne committat in sententiā Domini, Qui vestrum sine peccato est, primus in eam lapidem mittat. Hæc vox iustitiæ fuit: Puniendi sunt peccatores, sed non à præuicatoribus legis. Neque enim bene manus faciem lauat, quæ lutum tenet.

*Oramus autem Deum vt nihil mali faciatis: non vt nos probati appareamus, sed vt vos quòd bonum est faciat: nos autem vt reprobis simus.* Ecce vt prædictam intelligentiam comprobatur. Quia enim Præpositus & Episcopus in puniendo probatus appareret (vt de clarau) dicit B. Paulus, quòd orabat potius pro innocentia eorum, quàm quòd vellent apparere probatus, dum puniret reos delicti. Qua in parte malebat reprobis esse, hoc est, apparere reprobis: quod accidit in præsidibus & potestatem habentibus. Tunc enim probantur vulgo & laudantur, dum puniunt. Sed bonus præses mallet sibi deesse hanc puniendi causam.

*Non enim possumus aliquid contra veritatem, sed pro veritate.* Et hoc contra supercilium quorundā præfidentium, qui quasi Principes Gentium gloriantur in potestate, quum illam exercent. At Christianus Prælatas quando cogitur exercere, tantum abest vt hoc libenter faciat & cum fastu, vt etiam luceat & crucietur. Quare rectè sequitur, *Gaudemus autem quoniam.* Gracè longè melius, quum, vel, quando, nō, quoniam. Sic ergo legas: *Gaudemus autē quum nos infirmamur, vos autē potentes estis.* Infirmitas Prælati, cum benè viuunt subditi: quandoquidē nulla appareret eiusmodi materia, in quam vires sui muneris possit iute exercere. Et illi tum demū potentes redduntur, qui conscientia rectè factorum erecti non solum potestatem minitantem non metuunt, sed etiam laudem ex illa referunt, quemadmodum ad Rom. dictum est. Et hoc propriè infirmari est, nimirum potestatem non exercere, propterea quòd nihil tale à subditis committitur, quod dignè ac meritò is qui preest punire possit.



*Hoc & oramus, vestram consummationem*, hoc est, perfectionem vestram in omni virtutum genere, ut nulla in vos vitiorum debeat vnquam vigere animaduersio. *Hæc absens scribo, ut non præsens durius agam secundum potestatem quam Dominus dedit mihi in ædificationem, & non in destructionem.* Nam potestas ad destructionem, non est potestas. Quod attentissimè deberet ab iis qui præsumunt considerari. Nam hac in parte plurimum à non paucis aberratur, qui legitimam potestatis usum vel ignorant, vel ea scientes abutuntur.

De cætero fratres, gaudete: perfecti estote: exhortamini: id ipsum sapite: pacem habete: & Deus pacis & dilectionis erit vobiscum. Salutate inuicem in osculo sancto. Salutant vos omnes Sancti. Gratia Domini nostri Iesu Christi, & charitas Dei, & communicatio sancti Spiritus sit cum omnibus vobis. Amen.

*De cætero.* Pulcherrimus hic præsentis epistolæ finis, & multæ consolationis. Primum ait, *Gaudete*, gaudio scilicet spirituali: quia vnus est ex præcipuis Spiritus sancti fructibus. Et verè homo spiritualis non potest non gaudere, & potissimum (contra morem carnalium, & mundo deditorum hominum) quando inuenitur in variis tribulationibus constitutus: ita ut tentationis ventus ignem charitatis eius augeat, nedum extinguat. *Perfecti estote.* Tunc enim perfectio vera est, cum iustitia abundat erga alios, præsertim verò cum sese extendit etiam erga immeritos & inimicos. Nam qui sibi soli iustus est, minus iustus est.

*Id ipsum sapite*, id est, idem sentite omnes, ut sitis vnanimes corde ad idem probandum, ut quod vni placet, alteri quoque placeat. Dum enim stomachus inuicem adest, & simulas animos mutuò occupat, quod ab vno probatur, mox ab alio improbat. Et hoc accidere solet, non quòd res ipsa sit improbabilis: sed quia vnus illud probat, erga quòd alter minime afficitur. Quemadmodum enim diuersæ opiniones non raro amicitiae iura frangunt: ita vbi deest voluntatum in vnam rem & sententiarum concordia, protinus exoritur opinionum pernitiosa dissensio. Ergo ut idem probent, & ne discordes esse velint hortatur Apostolus. Nò desunt qui hæc ad dogmata referant. Vtraque accommodatio defendi potest. Nam & qui in dogmatibus consentiunt, aptiores sunt ad omnem rectam concordiam tuendam.

*Pacem habete inter vos*, pacem inquam, non quæ est mundi huius: sed quam Christus nobis reliquit,

quæ in vera dilectione consistit. Tum demum namque tanti Præceptoris recognoscuntur veri discipuli, qui sincero pacis & charitatis vinculo apparent arctissimè colligati. Nihil enim potest iucundius excogitari ad absolendam vitæ huius ærumnosæ viam, & cursum feliciter peragendum. *Et Deus pacis & dilectionis erit vobiscum.* Iuxta sententiâ illam: Et factus est in pace locus eius. Abhorret enim Spiritus mansuetudinis ab omni contentionum, rixarum, & dissensionum studio. Inter superbos autem semper iurgia. At in thesauro Domini cæ largitatis ad honorem Christianorum atque utilitatem, quid potest tam congruè inueniri, quam pacem, quæ in ipsa Natiuitate Domini prima est Angelico prædicata concentu? Ipsa enim est quæ parit filios Dei, nutrix dilectionis, genitrix unitatis, requies beatorum, & æternitatis habitaculum, cuius hoc opus proprium, speciale beneficium, ut iungat Deo, quos secernit mundo. Nam vbi fuerit veritas pacis, nihil ibi potest deesse virtutis. Quid enim est pacem habere ad Deum, nisi velle quòd iubet, & nolle quòd prohibet? Itaque sedulo monet Corinthios ut hanc præstantissimam virtutem æmulentur, eos reddens certos, Deum cum illis adfuturum, si inter se rectè conuenerint. Si enim humanæ amicitiae pares animos, & similes expetunt voluntates: nec vnquam diuersitas morum ad firmam potest venire concordiam. Quomodo diuinæ particeps erit pacis, cui ea placent, quæ Deo displicent? quique iis rebus appetit delectari, quibus illum nouit offendere? Ut autem hæc omnia obtinere possint, vel impetrata iam firmiter custodiant, precatur illis auxilium per Christi fauorem Apostolus, aiens:

*Gratia Domini nostri Iesu Christi*, qua gratiosus sumus apud Deum. *Et charitas Dei*, nimirum Patris, *Et communicatio Spiritus sancti sit cum omnibus vobis.* De tribus personis fit hoc in loco distincta mentio. Et similiter de tribus, id est, gratia Dei: charitate Christi: & cōmunicatione Spiritus sancti. Quibus ego tribus vocibus arbitror vnam atque eandem rem significari, quæ quidem est eximium Dei donum. Sed gratia Christi dicitur: quia nobis gratiosè per illud donatur. Dicitur charitas Patris: quia à Patris dilectione procedit, qui est Pater misericordiarum, & Deus totius consolationis. Dicitur & communicatio Sancti Spiritus: quia vnit nos inuicem, & in Deo: sicut & ipse Spiritus vnio dicitur Patris & Filij, ut verè vnus sit Deus, & trinus: cui honor & gloria, & omnis gratiarum actio, per infinita sæcula, Amen.

Ex Leon.  
f. Pont.



# ARGVMENTVM IN EPISTOLAM B.

PAVLI APOSTOLI AD GALATAS.

**C**VM Galatæ, Græci populi & Gentiles, ab initio recepiſſent puritatem Euangelij, abſque fermento obſervantiarum legalium, quæ iam per Euangelium antiquatæ erant, vt Circunciſio, & ciborum delectus, & huiusmodi. Et veniſſent poſtmodum pseudoapſtoli, qui ruſum in Iudaïſmum eos trahere niterentur, eſſentque ferme perſuaſi, B. Paulus eos Apoſtolica in primis autoritate, tum ſua miſifica ac profunda doctrina conatur reuocare ad purum Euangelium quod iam receperant. Et (vt conſuevit) primùm de dogmatibus diſputat: tum format ad mores. Doctrina ſanè epiſtola hæc: ſed difficilis, vt & hic, ſicut & in ea quæ ad Romanos, videamus verificari dictū beatiffimi Apoſtolorum principis Petri, aientis inueniri quædam in epiſtolis Pauli difficilia intellectu, quæ indocti quidam & inſtabiles deprauant, ſicut & omnes ſcripturas, ad ſuam ipſorum perditionem. Quandoquidem per imperitiā nonnulli facile recipiunt: & elibunt Venena quaſi ſalutaria. Huius rei gratia, nos paulò accuratius atque diligentius in obſcura quæque intendentes, non ſolùm ipſam veritatem ante oculos acuti ac prudentis lectoris in perſpicuo ponemus: verùm etiam hæreticorum calumnias, argutias, & fallacias ita patefaciemus, vt intelligat omnis amator veritatis, ex ipſiſmet locis peruerſa eorum dogmata reprobari, ex quibus illi ea maximè confirmare nituntur.

\*

## COMMENTARIA IN EANDEM

EPISTOLAM B. PAVLI AD

GALATAS.

\*

**P**AVLVS Apoſtolus, non ab hominibus, neque per hominē: ſed per Ieſum Chriſtū, & Deum Patrē, qui ſuſcitauit eū à mortuis, & qui mecū ſūt omnes fratres, Eccleſiis Galatiæ: Gratia vobis & pax à Deo Patre noſtro, & Domino Ieſu Chriſto, qui dedit ſemetipſum ꝑ peccatis noſtris, vt eriperet nos de præſenti ſæculo nequam, ſecūdum voluntatem Dei & Patris noſtri, cui eſt gloria in ſæcula ſæculorum. Amen.

**P**AVLVS Apoſtolus. Diuiditur hæc epiſtola, quemadmodum & aliæ, in ſalutationem & tractatum. Et in ipſa quidem ſalutatione, Primùm ſeſe de more inſinuat ab officio. Deinde ad quos ſcribit, oſtēdit. Tertiò autem ſalutationis verba pronunciat. Quantum ad primum pertinet, ſuo more ex nomine Paulum, & ex officio ſe Apoſtolum declarat. At cum iam eius doctrina in contētionem propter falſos fratres veniſſet, vnde oportuit vt ſeſe vehementius præ aliis extolleret, & prædicaret Dei in ſe dona, non propter ſe, ſed propter imperitiores, qui facile decipi ab iis poterant, qui pleraque aliena docebant ab euangelica veritate, iccirco inſigniter hoc loco ſuam electionem commendat.

Non ab hominibus (inquit) neque per hominē. Vt per hoc teſtimonium notarent, & apertè intelligerēt ſuæ miſſionis excellentiam. Nam eorum qui mittuntur, id eſt, legatione funguntur, ſunt quidam qui ab hominibus mittuntur: & quidam qui mit-

tuntur ab ipſo Deo: Qui mittuntur ab hominibus, legationem circa humana obeunt, id eſt, circa ea quæ pertinent ad ſæcularia negocia, & rerum adminiſtrationem publicarum & ciuiliū. Qui verò mittuntur à Deo, tales in iis quæ ad diuina miſteria pertinent, legatione funguntur. Verùm quia etiam eſſe poteſt, vt eorum qui mittuntur à Deo, aliqui immediatè mittantur, quales fuerunt ſummi illi primarij Apoſtoli: Aliqui verò mediatè per hominē, quales ſunt inferioris gradus (inter quos etiam non modica eſt differentia) Iccirco vt ſeſe indicaret eſſe vnum primi illius ordinis, id eſt, eorum qui immediatè à Deo mittuntur, neceſſaria contentione ob exortos detractores pseudoapſtolos, & pseudoprophetas, adiecit:

Sed per Ieſum Chriſtum, & Deum Patrem. Ne minoris autoritatis eſſe videretur, quàm cæteri, qui ſupra modū à dignitate vocationis ac miſſionis, vocabantur Apoſtoli, incipit ſe ſtatim ab ipſo epiſtolæ exordio audacter declarare quiſnā eſſet, & quo in gradu Apoſtolus. Sic accidit & in hierarchia cœleſti, vt quidam Angelorum mittantur immediatè à Deo, vt ſummi Angeli, velut Gabriel, de quo dicitur quod miſſus fuit à Deo ad ſanctiſſimam Virginem. Quidam verò mittuntur à ſuperioribus Angelis, ſicut B. Dionyſius docet. Neq; me latet eos qui de ſcholis addiſcunt, Gabrielem in ſecundo vltimæ hierarchiæ choro collocare: quod minime mihi fit probabile. Sed præſens non videtur hæc de re diſputandi locus: nullus autem contēdēdi. Fruantur per me, qui ita exiſtimant, opinione ſua quantumuis (vt mihi ſanè videtur) inopinabili.

Cum verò ait Apoſtolus, Per Ieſum Chriſtum, & Deum Patrem, duo declarat à Deo ſcilicet miſſionem fuiſſe, illamque nullo medio factam eſſe. Per ſemetipſum enim fecit hoc Deus: quia per Ieſum Chriſtum qui erat Deus, & in quo erat Pater: vt



Ioan. 14.

quæcunque faceret per Iesum Pater, & ipse Pater per se faceret: quia Pater in Filio est. Et sicut quæcunque operatur Pater, & Filius operari dicitur: ita econuerso. Vnde ipse dixit, Pater in me manens ipse facit opera. Non ignoramus tamen distinctas esse operationes in Christo diuinitatis, & humanitatis.

Cōtra Manichæos.

Contra Valentinum.

Oritur tamen hinc quæstio, Quomodo non per hominem, si per Iesum Christum? quasi verò Christus non sit homo. Hinc hæreses ex apparitiis scripturarum conflata: quibus superbi homines, ut sapere supra ceteros videantur, pessimè abutuntur. Nam Manichæus negauit Christum hominem, quem asseruit assumpsisse corpus phantasticum: quia & alibi legitur, Qui factus est in similitudinem hominum, & habitu inuentus ut homo. Valentinus autem dixit, corpus ab eo allatum de cælo alterius rationis: quia legerat, Primus homo de terra terrenus: Secundus homo de cælo cælestis. Sed contra Manichæum est clarissimum euangelij testimonium, ubi dicitur, quod discipuli putabant se phantasma videre, quod improbat Euangelista. Et alibi ubi ait, Palpate & videte, quia spiritus carnē & ossa non habet, sicut me videtis habere. Contra utrunque autem & Valentinum & Manichæum est, quod ad Rom. Apostolus ipse dicit illum factum secundum carnem ex semine Dauid: Sicut in euangelio dicitur, filius Dauid, & natus ex Virgine. Et ipsemet B. Paulus ad Timothæum: Mediator Dei (inquit) & hominum homo Christus Iesus.

Homo, quomodo dicitur in scriptura.

Cum igitur hoc certissimum sit, Christum esse hominem: quid est, quod ait Apostolus. *Neque per hominem*, cum tamen dicat per Iesum Christum? Sunt qui exponunt. *Neque ab hominibus*, id est, ab Apostolis: *Neque per hominem*, id est, vnum ex illis Apostolis. Sed hæc expositio manifestè torquet litteram. *Alij neque per hominem*, id est, purum hominem. Alij, per Iesum Christum in eo quod erat Deus, & non in eo quod erat homo. Quod minime placet: quia Christus quatenus homo accepit omnem potestatem à Patre, & in ea potestate qua glorificatus est per omnia, fecit illum Apostolum. B. Augustinus exponit quod Christus iam propter gloriam adeptam, non computabatur inter homines.

Potest addi pro illustriori intelligentia (& istud sæpe in scripturis obseruauimus) hanc vocem, Homo, variè accipi solere. Et vno quidē modo, ut certam significet naturam atque substantiam, quæ constet ex duabus illis naturis, corpore scilicet & anima. Qua cōsideratione Christus erat homo, non secus quam alius quilibet nostrum. Vnde dictus est Mediator Dei & hominum homo Christus Iesus.

Alio modo accipitur homo, quatenus redactus est in naturam corruptam, & perditam, & ipsi peccato subiectam, & aliis miseriis propter peccatū, ut sit inimicus Deo, & diuinorum ignarus. Et secundum hoc dicitur, Christum non fuisse hominem, sed in similitudinē hominum factum, & habitu inuentum, ut erant alij homines: quia non carnem peccati, sed in similitudinē carnis peccati carnem assumpsit, nimirum passibilem, & corruptibilem, atque mortalem: ita ut non humanæ naturæ veritas per ea verba negetur, sed talis naturæ cōditio, qualis iam facta erat propter peccatum. Hæc est quæ

negatur verissimè in ipso Christo.

Tertio modo dicitur homo ut sub corruptibili adhuc est substantia, & non perfectè sanctificatus ea sanctificatione, quæ est ex resurrectione mortuorū. Et hac ratione Iesus, cum esset in terris potuit dici homo, sicut & fuit. Postmodo verò gloriosus factus, dicitur accepisse diuinitatem, & perfectam generationem, ut esset filius Dei, sicut dixit discipulus Dilectus in Apoc. Et Dauid in Psalmo. Ego hodie genui te. Et his respectibus excluditur Iesus ab hominibus, ut non dicatur homo, id est, caro & sanguis, quæ possidere regnum Dei nō possunt, propter corruptionem peccati. Nec sit homo ulterius corruptioni mortalitatis obnoxius: sed diuinitatis gloria etiam in carne illustratus, verus iam appareat Unigenitus Dei. Nam & nos qui cuncte in illum erimus à morte tandem liberati, non inter homines cōputabimur, sed retinebimus generationem diuinam, de qua scriptum est, Ego dixi Dij estis, & filij Excelsi omnes. Hi verò qui cadunt ab hac generatione, hominum appellatione concluduntur. Vnde sequitur in eo psalmo. Vos autē sicut homines moriemini: & sicut vnus de principibus caderis.

Non est ergo perfecta liberatio in hac vita ab humana conditione, sed inchoata est ut perficiatur in patria, quemadmodum fuit in Christo capite nostro. Vnde de nobis Dilectus: Charissimi nunc filij Dei nominamur, & sumus: nec dum apparuit quid erimus. Scimus quoniam cum apparuerit, similes ei erimus. Nō ergo iam dicitur homo Christus postquam ascendit in cælum, ex quo tempore fecit Apostolū nostrum & doctorem Paulum. Carnem enim habet non solum à peccato immunitatem (quo caruit semper) verum etiam ab omni fragilitate & corruptione, quam aliquando habuit. Nec id solum, verum etiam mirificè deificatam, gloriosam, potentem virtute, & spiritualement, beatis Spiritibus admirandam.

Hic notandum, Non semper eum qui primò nominatur, digniorem propterea esse censendum. Alioqui Christus, iuxta Apostolum hoc in loco, maior esset Deo Patri: quia dixit, per Iesum Christū, & Deum Patrem. Nec quia dicit, per Deum Patrem, in honoratur persona Patris, eo quod præpositio ista, Per, adiungi soleat instrumento. Hæc erat Arianorum argutia, ut Christo diuinitatem auferrent, qui suo telo hinc retunduntur. Nam sicut dicitur, per Iesum Christum, ita dicitur, per Deum Patrem.

Sed obijciunt: Perge ulterius, & vide quid loquitur Apostolus de Patre. *Qui suscitauit* (inquit) *eum à mortuis*. Video & fateor, qua parte suscitatus est à Patre, minorem fuisse Patre. Sed tu Ariane perpende si potes, quod & ipse Christus dixit semetipsum se suscitaturum: quod cum ea parte qua erat suscitandus, non possit intelligi, ea parte necessariò intelligendū est, qua potuit se suscitare. Et hoc Dei est proprium: Deus ergo erat. Nam & Deus dicitur illum per Spiritum suscitasse, ut opera Trinitatis agnoscas esse indiuidua. Propterea ille de se ipso dixit. Ego sanctifico me ipsum. Et paulò inferius. Soluite tēplum hoc, & triduo excitabo illud. Et Apostolus noster de Spiritu Dei ait, Quod si Spiritus eius qui suscitauit Iesum à mortuis, habitat

Apoc. 1.  
Psalm. 139.

Psalm. 81.

2. Ioan. 3.

1. Ioan. 17.  
Rom. 8.



in vobis, qui suscitavit Iesum Christum à mortuis, vivificabit & mortalia corpora vestra, propter inhabitantem Spiritum eius in vobis.

Hic quæret aliquis. Quæ de causa admiscetur hæc Christi suscitatio? Ego dixerim non ab re, sed magna de causa factum, non solum ut ipsius Domini gloriam & potentiam consideraremus, quem suscitavit Deus ut sedeat ad dexteram suam constitutus iudex universorum: verum etiam quia in hoc ipso resurrectionis articulo demonstratur, legem omnino cessasse, & nova facta esse in Christo omnia: ut per hoc vel in ipsa salutatione veritatem, quam probaturus erat contra illorum persuasionem, doctè inciperet subindicare. Aliqui dicunt, Ideo Dominicæ resurrectionis meminisse, quo demonstraret se esse cæteris Apostolis in hoc digniorem, qui missus sit à Christo postquam suscitatus & gloriosus factus est. Quod (ut liberè dicam) non placet. Nam nec verba ad hoc seruiunt, si rectè consideres: nec circa hoc B. Paulus excellit alios Apostolos, qui & ipsi missi fuerunt ab ipso Domino postquam suscitatus est, ut Euangelium aperte testatur, ubi dixit Dominus. Ecce ego mitto vos. Hoc erat igitur intentum Apostoli, ostendere se fuisse missum à Deo Christi voce.

Cum hoc loco legerem hæreticorum plurium commentaria, Lutheri in primis, & aliorum vehementer à principio admiratus sum, quanta illi confidentia eos detestetur, qui sibi ipsi deferunt prædicandi munus non vocati, neque missi. Illos autem quis vocavit? quis misit? quis potestatem dedit? Ait. Magistratus: de sæculi magistratibus loquuntur. Sed quis ipsis Magistratibus hoc dedit? & quando uti ceperunt hac potestate, si res sic se habet? Sed non est ita. Quin econversò Magistratus potestatem mittendi ab hæreticis habuerunt: hæretici autem potestatem prædicandi à Magistratibus. O miseros, eorum certè impudentiam miror magis quam scelus ipsum. Audet enim Lutherus & de hoc ecclesiam nostram damnare, & Scholasticos qui hoc non docent, videlicet nemini licitum esse prædicare sua autoritate. Quasi verò id in ecclesia nostra lateat, & canones non prohibeant, & Scholastici hæc non doceant: sed ille primus hanc doctrinam ex Apostolo consideraverit ac tradiderit, cum ille primus omnium quam maximè hac parte ad perturbationem ecclesiæ prævaricatus sit. O virum calumniolum & impudentem.

Et qui mecum sunt omnes fratres. Ut autoritatem adderet epistolæ tanquam non à se tantum proficiscenti: sed ab omnibus fratribus qui secum erant, & consequenter in catholica fide & traditione ambulabant. Nam quæ probantur à multis, solent esse firmitiora. Neminem tamen nominat, quia satis per se noti erant. *Ecclesiæ Galatiæ.* Galatas provincia erat, quæ plures dioceses continebat, ut aliquot divideretur ecclesiis.

Hoc item in loco insultat omni detestatione dignus hæreticus, id est, Lutherus, in eos qui propter errores fidei segregandos putant quospiam ab ecclesia. Ecce (inquit) Paulus vocat ecclesias, quæ tamen errore fidei tenebantur. Quod etiam ut rectè factum probat, aien: Quia enim verbum & baptismum habebant, rectè ecclesiæ vocantur. Nam error in fide & verbo, infirmitas est, in qua chari-

tas ecclesiæ exercetur. Quæ autem esset charitas, quæ malos neque ferre, neque iuvare statuit? Furor est nomine charitatis ineptissimè se vestiens: hæc ille. Et cum iam sibi videretur conclusisse aduersus hunc morem, quo ab ecclesia præcinduntur hæretici, tanquam indissolubile attulisset argumentum, adiecit, Quid respondebunt? O mirum prorsus hominem: Imo quid respondebit ipse ad B. Paulum qui præcipit hæreticum hominem post primam & secundam monitionem deuitari? Et rationem affert Apostolus cur ita sit faciendum: quia subuersus est qui eiusmodi est. Et quid dicit ad eundem Apostolum in hac ipsa epistola, Si Angelus de cælo aliter euangelizauerit, anathema sit? & iterum: Vtinam abscindantur qui vos conturbant. Et Dilectus dicit, Siquis venit ad vos, & hanc doctrinam non affert nolite eum recipere in domo: nec, Ave, ei dixeritis. Qui enim dixerit illi, Ave, communicat operibus eius malignis. Denique quid respondebit ad ipsummet Christum dicentem, Si ecclesiam non audierit, sit tibi sicut Ethnicus & Publicanus.

Respondendum est igitur hæretico, ideo adhuc vocari ab Apostolo ecclesias: quia nondum convicti erant de pertinacia, nondum iudicati & dñati: & erat tantum error ab initio. Nondum enim aperta erat contumacia, & perfecta hæresis eorum, qui talè doctrinam imbiberant. Tolerantur itaque & admonentur, donec certum sit eos sic admonitos non esse resipiscere. At in illos qui docuerant, cum essent pseudoapostoli, aliter loquitur B. Paulus. Nam sub anathema te subdit omnes, qui aliud euangelium prædicarent.

Gratia vobis & pax à Deo Patre nostro, & Domino Iesu Christo. Visitata salutatio est, iam alibi exposita. Vbi vides & finem beatitudinis, qui est pax: & medium ipsum quoad finem hunc perducimur, quod est gratia. Qui dedit semetipsum pro nobis, id est, tam Iudæis quam Græcis: ne quis super alios gloriatur. Et item, ne quod erat Christi & eius gratiæ daretur Moysi, aut legi, aut ulli creature. Ipse est enim solus qui tollit peccatum mundi. Ut eriperet nos de presenti sæculo nequam. Omnes qui non sunt in Christo Iesu, filii sæculi dicuntur. Et sæculi appellatione venit quodcunque est nequam, id est, malum & inutile: quod quidem subiectum est huic tempori, sub quo quæcunque sunt, ingemiscunt. Nam murantur assidue, & corrumpuntur, & vanitati subiiciuntur. Non enim ad fructum immortalitatis operantur, sed ad interitum. Tales omnes nascimur, & tales manemus, donec baptismo filij lucis efficiamur: quo in statu collocari noua sumus creatura, nisi denuo perueriamur. Nam & peruersi homines nomine huius sæculi comprehenduntur in scripturis sanctis, qui sub principe Diabolo militant. Sed ab omnibus iis sæculi filiis Christus nos eripuit per fidem æternorum, ad quæ suspiramus, & per opera bona contendimus.

Hunc locum, & alia huiusmodi, multa instantia hæretici obiectant in nos, qui opera ad salutem necessaria prædicamus, & postquam peccauimus iustificati, tenemur pro peccatis satisfacere, cum hic B. Paulus dicat Christum semetipsum tradidisse pro peccatis nostris, & nos eripuisse de hoc sæculo nequam per fidem & sacramentum. Quasi verò hoc nos negemus, qui id maximè prædicamus. Sed cum hac prædicatione etiam adiungimus, iuxta

Ad Tit. 3.

2. Ioan. 10.

Matt. 18.

I. Cor. 10.

Contra apostolicam doctrinam hæreticorum

Enor Lutheri in fide



Apostolicam & euangelicam doctrinam, non debere nos postquam semel iustificati sumus & adepti gratiam, iterum peccare: sed operari, & cognoscere Christum semel pro nobis esse mortuum satisfaciendo pro præcedentibus delictis: cuius merita per baptismum semel applicantur nobis ad iustificationem nostram. Et hoc est quod hîc docet Apostolus. Tunc enim eripimur de hoc sæculo nequam, quàm ipso fidei sacramento renouamur, & nouam profiteamur militiam ad obtinendam coronam vitæ.

Hebr. 6.

Si ergo semel iustificati, iterum prolabimur, nõ superest nobis vltimus baptismus ad crucifigendũ iterum Christum, & habendum ostentui (vt ad Hebr. testatur Apostolus) sed exigitur satisfactio pro pœna temporali, quæ à nobis debetur delicto, tametsi Deo per Christum recõciliatis: quem Ad-uocatam habemus in hac causa, & non plenè satisfactorem, vt alibi clarius declarauimus. Cauere igitur debet, qui semel iustificatus est in baptismo, ne noua præuaricatione rursus committat in mandatum Dei. Nam fient eius nouissima longè deteriora prioribus. Sed si velit perficere iustificationem suam ad salutẽ, omni conatu per bona opera contendat intrare in regnum, sicut Dominus & Saluator noster Christus & fecit, & docuit. Non enim est seruus supra Dominum suum: nec discipulus supra Magistrum. Hæc nos Catholici catholicè docemus. Hæc apertè memini blandientes prædicamus. Hæc vltimo ipso perpetuo probat ecclesia sancta catholica à Spiritu veritatis edocta: contra quã portæ inferi, etsi insultare possunt, præualere tamen non possunt, quantumuis simulent ex B. Pauli doctrina, quò suis erroribus colorem aliquẽ calidè addant, se loqui.

Ioan. 13.

Heretici  
suos errores  
prætextu  
scripturæ  
tegunt.

Quis vnquam (rogo) hæreticus extitit, qui non præ se ferret inniti se scripturarum testimonio? Ecce Manichæi suæ dementissimæ hæresis ansam acceperunt ex hoc loco, vbi nequam hoc sæculum nominatur: & ideo eius autorem finxerunt non Deum bonum, sed malum Deum, scilicet tenebrarum Deum. Autorem verò lucis & futuri sæculi, alterum Deum. Quæ sunt dæmonum commenta vanissima ad ludificandos superbos & vanos hominẽs. Malitia enim sæculi huius nõ est à Deo, qui est autor temporis, & omnium quæ sunt sub tempore: sed à nobis, & diabolo omnium prauorum operũ patre, fonte & origine. Non enim ipsa temporis hîc infamatur aut vituperatur duratio: sed id quod sub ipsa duratione excurrit & manet, ob ipsas vitæ necessitates, & errores, & peccata, quæ sub tempore committuntur.

Secundum voluntatem Dei & Patris nostri, &c. Hæc est enim voluntas Dei Patris benigna, vt sancti simus per agnitionem veritatis, & imitationem syn-ceræ fidei. Potest autem hoc quod ait: secundum voluntatem Dei Patris, ad ea referri quæ fecit Iesus pro nobis: vt sit sensus, quòd Iesus dedit semetipsum pro nobis secundum voluntatem Dei Patris: quia sic voluit, & sic ei mandauit. Et hîc fuit eius cibus, vt ipse dixit: Cibus meus est, vt faciam voluntatem Patris mei. Et alibi, Descendi de cœlo, non vt faciã voluntatem meam, sed voluntatem eius qui misit me. Item potest refertur ad id quod adiicitur, vt eriperet. Nam hæc fuit voluntas Patris, vt eriperemur

Ioan. 4.

Ibid. 6.

ab hoc sæculo, & sanctificaremur per Christum. Nec est diuidenda hæc expositio, sed vtræque simul accipienda est, sicut & verba vtrique seruiunt expositioni, & Spiritus sanctus vtræque vidit: ac propterea nulla est ratio, cur non pariter vtrũque Spiritus intenderit.

Miror quòd tam citò trãsferimini ab eo qui vocauit vos in gratiam Christi, in aliud Euãgelium: quod non est aliud, nisi sunt aliqui qui vos conturbant: & volunt conuertere Euãgelium Christi. Sed licet nos, aut Angelus de cœlo euangelizet vobis præterquam quod euangelizauimus vobis, anathema sit. Sicut prædiximus, & nunc iterum dico: Siquis vobis euãgelizauerit præter id quod accepistis, anathema sit. Modò enim hominib⁹ suadeo, an Deo? An quæro hominibus placere? Si adhuc hominib⁹ placerem, Christi seruus non essem. Notum enim vobis facio, fratres, Euangelium quod euangelizatum est à me, quia non est secundum hominẽ: neque enim ego ab homine accepi illud, neque didici: sed per reuelationem Iesu Christi.

Miror quòd sic tam citò, &c. Hîc incipit tenor totius epistolæ. Irruit autem primùm præter morem absque vllò proœmio, zelo quodam sanctissimo percitus, & iusta indignatione ob rei indignitatem atque insolentiam concitata. Nam iustus dolor nonnunquam omnem artem ad componenda verba viua ac fortia superat. Proponit ergo primum admirationem suam erga illorum factum & errorem, in re præsertim omnium grauissima: nimirum recedere à vera salutis doctrina, ac eius loco recipere mortiferam falsitatis prædicationem. Id enim intolerabile est atque admirandum. Quo circa & factum ipsum, & ipsius facti autores detestatur, & anathematizat hoc primo capite vsque ad eum locũ. Modo enim hominibus suadeo, &c. Quo in loco rationes afferre incipit tãtæ fiduciæ, vsque ibi. Nos natura Iudæi, &c. In secũdo autem cap. incipit argumentari ab autoritate, ac rationibus pluribus de scripturis collectis, vsque ad quintum cap. Vbi protestatur circa illorum damna, si in errore persistant. Et adhortatur ad reuersionem in euangelicam veritatem, pseudoapostolos semper arguens. Vbi etiã (sicut semper facere consuevit) adiicit instructionem bonorum morum vsque in finem. Ait ergo:

Miror quòd sic tam citò transferimini, &c. Admirationem proponit, & ipsius admirationis causas simul connectit. Nam cum multæ rerũ mutationes sint admirandæ, ea videtur admiratione dignior, quæ est circa legem Dei & dogmata. Miramur enim si qui patrias leges commutent, & peregrina decreta sponte recipiant. Sed multò magis quàm, si quid semel receptum est tanquam melius, ab eo in aliud rursus leuiter & citò transferimur, quod nunquam aliàs suscepimus, & quod etiam aduersatur rei semel susceptæ, sicut erat in proposito.



Galatæ enim cum essent Gentes, non Iudæi, susceperant iam euangelicam fidem ab omni superstitione purissimam, & amabili libertate commendabilem: ac deinde quam citissime in Iudaismum labebantur, & seruitutem legis antiquæ, sub qua nunquam fuerant constituti. Vnde & mutatio ipsa mirum in modum miranda: & non minus quod tam velox esset ac tam cita atque repentina mutatio, quæ signum porrigebat maxime leuitatis. Adiciatur, eiusmodi mutationem non solum fuisse mutationem & præproperam mutationem, sed de bono in malum, & de certo bono in certum malum: quo vehementius aucta est admirationis occasio. Vnde ait:

*Miror quod sic tam citò transferimini*, id est, alienemini, *ab eo qui vos vocauit*, id est, à Deo Patre, qui per Apostolicam vocem vocauit vos, *in gratiam Christi*: in gratiam videlicet quæ Christo data est, & ab eo manat tanquam ex abundantissimo fonte in omnes. Iuxta quod scriptum est, De plenitudine eius omnes accepimus: & gratiam pro gratia, ut idem esse gratiam & euangelium intelligamus. *In aliud Euangelium*. Ecce indigna mutatio, & peruersa alienatio, nimirum à Deo Patre & gratia Christi, quæ est euangelium verum, in aliud euangelium, quod verum esse non potest. Non est enim euangelium verum, nisi vnum solum: quia vna fides, vna spes, vnum baptisma, vnus Mediator Dei & hominum homo Christus Iesus. Idcirco addit: *Quod non est aliud*, ac si dixerit: Euangelij nomine hæc vobis nouitas obtudetur. Istud semper fecerunt, & nunc etiam faciunt nouitij hæretici, qui se euangelicos impudentissime iactant. Sed falsum est eorum euangelium. Quamobrem tales talis euangelij autores perstringit, ut eos notos faciat, & omnibus prodant.

*Nisi sunt aliqui qui vos conturbant, & volunt conuere Euangelium Christi*. Hæc coniunctio, *Nisi*, ponitur aduersariæ pro, sed, ut sit sensus. Sed sunt aliqui qui vos conturbant. Aut (quod magis placet) propter vim vocis exceptiua, referri ad ea potest quæ à principio ipso dicta sunt. Miror quod sic tam citò transferimini: nisi sint aliqui qui vos conturbant, Ut admiratio sit ex ignota causa, quæ tum cessat, quum causa ipsa cogitatur, ac si dixisset: Mirandum hoc esset, si ex vobis ipsis soli moueremini, & non aliquorum autoritate impulsu. Quo in loco & illos aliquo modo excusat à culpa, ut qui à maioribus, & iis quidem magno simulationis artificio instructis persuasi essent, & illam reiicit in ipsos tam inconsulti facti auctores. Ait ergo, *conturbant vos*. Nam quæ maior turbatio, quam quæ accidit ex pessima commutatione, ut auertatur homo à matre sua ecclesia, & nascantur sectæ & schismata, ut non vnanimis & vnus moris habitetur in domo Dei?

*Et volunt conuere*, hoc est, transuere Græcè enim rectè legitur, *μεταστειλαι*. Et pulchrè hoc quidem dicitur: quia cum ex euangelio in Iudaismum eos traherent, qui euangelium præcedebat: hoc non erat aliud, quam transuere euangelium, & constituere finem, quod erat ad finem: Iudaismus enim ad euangelium tendebat, ut adueniente euangelio cessaret Iudaismus, non econtrario. Ideo transuerbebant euangelium, cuius dignitatem ac sum-

mam perfectionem ad legis (neminem ad perfectum adducens) imperfectionem & infirmitatem reducebant. Hoc autem perinde erat, ac si à solido cibo iam ætate maturus reuocaretur ad lac: & à solida doctrina ad elementa. Quare in spiritum euectus audacter pronunciat:

*Sed licet nos, aut Angelus de celo, &c.* Hic dubium ab importunis mouetur, quam potestate B. Paulus anathematizet Angelum Dei, id est, excommunicet, & ostensioni ponat, ut abiectum à consortio amicorum & familia Dei. Sed non sunt verba hæc B. Pauli exercentis potestatem, sed experientis certam veritatis notitiam. Non enim ei data erat potestas in Angelos Dei, sicut nec aduersus seipsum. Et tamen etiam in seipsum anathema pronunciat, si aliter euangelizet. Enunciatiua ergo illa oratio erat & condicionalis, & vera: quoniā reposita impossibili, quod Angelus Dei aliter euangelizasset, aut ipse: absque dubio anathema fuisset. Hoc & optare se B. Paulus sub indicat (si ita euenire posset) & comprobare. Nam hæretici ipso iure excommunicati sunt: qui aduersarios Dei se statim constituunt. Vnde Papa hæreticus ipso iure non est Papa, sed anathema. Quare nulla virget, ut deponatur, necessitas: sed ut iā à Deo depositus, pronuncietur sic esse.

Et ut certitudinem & immobilitatem huius scientiæ ipsemet amplius declararet, idem rursum repetit. Et nota id quod ait: *præterquam quod euangelizauimus vobis*. Non enim dixit, *Præterquam euangelizauimus*, sed, *euangelizauimus*: ut clarè illi intelligeretur, prædicatam ab eo doctrinam non esse doctrinam propriam, sed apostolicam & catholicam, ut confidentius posset anathema in aduersarios proferre. Quo stante intellectu, quem ego verissimum arbitror (quoniam illi ratio & verba ipsa valde fauent) non solum ex hoc loco non adiuuantur hæretici, sed egregiè confutantur. Hi etenim sunt, qui contra Apostolicam & catholicam doctrinam perfidè peccant. Et ait: *Præterquam quod accepistis*, id est, præter id quod me prædicante accepistis. Hoc sermone exaggeratur eorum culpa, & leuitas: quoniā non solum prædicauerat B. Paulus, verum etiam ipsi eam prædicationem, ut sanam acceperant, & catholicam, signis, miraculis, ac virtutibus comprobata ac stabilitam: à qua recedere, cum esset bona & sancta, longè fuisset deterius, quam si nunquam recepissent, ut & in quosdam contestatur Princeps Apostolorum, Melius erat, inquit, viam veritatis non nosse, quam post agnitam retrò conuerti ab eo, quod illis traditum est sancto mandato.

Sed qui prodierunt nostro tempore hæretici, hoc B. Pauli loco impudentissime abutuntur, ut illo se protegant, & insolentiam illam apud imperi tam multitudinem excusent, cur pertinaciter hæreant fallacibus suis opinionibus, asseuerantes se fretos autoritate scripturæ Apostolicæ: sicut hic B. Paulus faciebat. Vnde & ipsi excommunicant alios omnes qui, quod ipsi docent, non credunt. Quasi sit æqua & par illis cum Apostolo Paulo causa. Irane (quæso) profligarunt omnem perditum hominem pudorem, ut sic de seipsis ausint proferre? quemadmodum de se B. Paulus verissimè testificatur: Ego Apostolus Dei sum, neque ab hominibus neque per hominem, sed per Iesum Christum. Ne

*Hæreticus ipso iure excommunicatus est.*

*2. Petr. 2.*



minem hactenus legi tanta adhuc impudētia præditum, qui istud de se iactaret. An ergo ipsi signa sui Apostolatus ostenderunt in virtutibus, & prodigiis, & non quibuslibet virtutibus, sicut B. Paulus? His omnibus destituti contendere tamen nō desinunt, etsi nullum signum fecerint. An igitur saltē contulerunt isti euangelium suū nouum cum iis qui videantur columnę ecclesię, ne (B. Paulum imitati) in vanum currerent, aut cucurrissent? Ne id quidem: imō verō fronte meretricia fatentur ipsimet se contra B. Augustinum, & insignes alios Doctores, & aduersus ipsum ecclesię senlum docere. Denique possunt ne isti reuera dicere, suadere se Deum, & non homines, adeo insanam libertatem pollicentes, & aliud euangelium, cum tamen nō sit aliud? O miserum sæculum, & deploranda ætas nostra, qua redigimur vt conferamus densas tenebras cum clarissima luce, & Spiritum Christi cum spiritu Belial.

*Refugium  
hæretico-  
rum.*

Hoc lector prudens consideret, vnum commune omnium hæreticorum fuisse semper refugium in quod sese conicere possint conuicti, vt dicant. Ita apertē scripturę loquuntur, quarum nos auctoritate anathematizamus aduersantes. Sed illud quod arrogantissimē sumunt, videlicet ita dicere scripturas, & adeo apertē, vnde nos docent? Semper enim à probatissimis ecclesię luminibus aliter edocti sumus, idque per scripturarum doctrinam? Quapropter & illi anathema in eos pronunciarunt, qui secus sentirent. Quid ergo hoc in loco aliud facturum est vir sapiens, nisi vt iubeat eos valere cum suo anathemate? quod meritō in ipsos conuertitur, postquam ita volunt miseri. Nihil enim ego amplius ab eis requiro, nihil aduersus eos efficacius, nisi quod ipsimet consentiant, videret hanc suam ipsorum doctrinam aduersari sententiis sanctorum, & ipsius ecclesię sanctę. Nam hoc vnum aduersariorum testimonium viro prudenti ac pio plus satis est ad eligendum, cui potius hæreat, Lutheronē infelici apostatę: an verō illis tot & tantis ecclesię luminibus. Animaduertit verus ille præiudiciū tantum (quod & facile videri poterat) & vehementer laborat quo sese illo miris fucis atque præstigiis explicare possit, quæ per me nolo ignorare lectorem, vt videat & iudicet.

Et enim in suis postremis ad hanc epistolam cōmentariis quod ad hoc pertinet, præter alia multa ita scribit. Valdē igitur speciosum & robustum hoc argumentum pseudoapostolorum fuit, quod & hodie plures commouet, scilicet, Apostoli, sancti Patres, & eorum successores sic docuerunt: ecclesia sic sentit & credit. Impossibile est autē quod Christus tot sæculis ecclesiam suam errare sinat. Tu certē solus non sapis plus quā tot sancti viri & tota ecclesia, &c. hoc modo Diabolus in Angelum lucis transfiguratus, per virulentos quosdā hypocritas hodie nos insidiosē adorat, qui dicunt: Nihil moramur Papam, Episcopos, summos verbi contemptores & persequutores. Detestamur etiā hypocrisim & imposturam Monachorum, &c. Sed sacrosanctę catholicę ecclesię auctoritatem cupimus illęsam. Ea tot sæculis sic sentit & docuit. Sic senserunt & docuerunt omnes primitiue ecclesię doctores viri sanctissimi, multo

maiores ac doctiores te. Quis tu es, quod auctis ab his omnibus dissentire, & nobis diuersum dogma obtrudere? Quando Satan hoc vrget, & conspirat cum carne & rationē, perterreht conscientia & desperat, nisi constanter ad te redeas, & dicas, Siue sanctus Cyprianus Ambrosius, Augustinus: siue sanctus Petrus, Paulus, Ioannes, imō Angelus ē cœlo aliter doceat, tamen hoc eētō scio quod humana non suadeo, sed diuina; hoc est, quod Deo omnia tribuo, hominib⁹ nihil, &c. hæc ille. Vbi vides, piē lector, confiteri illum manifestē se aduersus ecclesiam docere, & sanctos Patres, addens paulō inferius hæc verba. At ais: Ecclesia est sancta, Patres sunt sancti. Bene. Sed ecclesia quamlibet sancta, tamen cogitur orare: Remitte nobis debita nostra. Sic Patres quamlibet sancti, tamen per remissionem peccatorum saluati sunt. Ergo neque mihi, neque ecclesię, neque Patribus, neque Apostolis, neque Angelo ē cœlo credendum est, si quid contra verbum Dei docemus. Sed verbum Domini stet in æternum. Alioqui hoc argumentum pseudoapostolorum maximē valuisset contra Pauli doctrinam: quia profectō magna magna, inquā, res fuit opponere totā ecclesiā cum toto choro Apostolorum Galatis, contra Paulum vnicum, & cum recentiore, ac minus auctoritatis habentem. Firmissimum ergo hoc argumentum fuit, & potenter conclusit. Nemo enim libenter dicit ecclesiam errare: & tamen necesse est dicere iā errare, si extra vel contra verbum Dei aliquid docet. Petrus Apostolorum summus viuebat, & docebat extra verbum Dei: ergo errabat. Neque Paulus hunc errorem, licet in speciem leuis videbatur, dissimulauit. Quia videbat hoc cessurum in perniciem toti ecclesię: sed in faciem illi restitit, reprehendens in eo quod secundum veritatem euangelij non ambularet, infra cap. 2. Igitur neque ecclesia, neque Petrus, neque Apostoli, neque Angeli audiendi sunt, nisi afferant & doceant purum Dei verbum: hæc ille.

Vbi vides (vt iterum dicam) piē lector, confiteri illum manifestē se aduersus ecclesiam docere. Et hoc, exemplo Apostoli Pauli: quasi & ille contra ecclesiam doceret, & contra B. Petrum, & reliquos Christi veros Apostolos. At hoc nō est verbum Dei purum: sed purissimum mendacium à patre diabolo, qui habitabat in illo, per illum prolatum. Nullus fuit B. Petri, aut cæterorum Apostolorum error circa legalia: sed quædam fuit paulō laxior indulgentia B. Petri in gratiam Iudæorum. Itaque de dogmatis veritate nulla fuit ynquam inter Apostolos ambiguitas aut dissensio. Idem omnes sentiebant & probabant, vt suo loco dicemus.

Nunc illud protequimur, ad quod ipse status cōtrouersię redit. Ipsi enim in hoc vno nituntur fundamento, à seipsis purum Dei verbum prædicari: & illud ipsum quod ipse scripturę sanctę & inuiolabiles pronuntiant. At nos eōtrā, dicimus purum Dei verbum penes nos esse. Dent igitur certā puri verbi notam, quo infirmiores qui & nos & illos audiunt, vtri parti debeant adherere, dignoscant. Hoc est argumentum, quo (vt nō valuit, inficiari ipse Lutherus) suam causam vehementer prægrauari sentiunt. Hoc argumentum (inquit) & hodie maximē prægrauat causam nostram. Nam si

*Lutherani  
notent &  
videant  
quem sequā-  
tur.*

*Lutheri  
verba.*



neque Papæ, neque Patribus, neque Luthero credendum est, nisi doceant purum Dei verbum, cui tum credendum est? Quis interim certas faciet conscientias, vtri purum Dei verbum doceant, nos, an aduersarij nostri? Nam & ipsi iactant se purum Dei verbum habere, & docere: hæc ille. Et cum sese hæc, illac torquens ac distrahens, nullum videret subter fugiendi exitum, tandem rem ita concludit: Quis-que igitur videat, vt certissimus sit de sua vocatione & doctrina, vt cum Paulo certissime ac securissime ausit dicere: Etiam si nos, aut Angelus de cælo, &c. Itaque vide prudens lector, ad quem tandem locum se redigant isti, vt probet nobis suum purum Euangelium, nimirum quod certissimi sunt & securissimi, sicut Paulus, de sua vocatione ac doctrina. Nec tamen de sua reuelatione quicquam docent, sicut Apostolus noster, nec eam nobis obiectant: fortè ob humilitatem, vt hac parte etiam Apostolum superent, ne videantur iactabundi. O in felix seculum, & miseranda illa regio, vbi reperiuntur qui talibus præceptoribus adherescant. Sed hoc Satanæ est, non humanum opus.

*Modo hominibus suadeo an Deo?* Gracè melius. Modo homines suadeo, an Deum? Hic suæ fiduciæ rationem reddit. Ipse enim Deum respiciebat in sua prædicatione, non homines, vt quod ad gloriam Dei pertineret, non ad homines & eorum gloriam, suaderet. Vnde concludit veritatem à se prædicationi. Et sustentatur hoc in ea Christi propositione: Qui gloriam Dei quærit, hic est verax: & econuerso: Qui quærit gloriam hominum, hic sit mendax. Et hoc pacto intelligendum est illud: Omnis homo mendax. Vt enim quis verax sit, illum ex habitu habere istud necesse est, vt sit dispositus ad veritatem dicendam. Nam is qui vtunque dixerit veritatem, non propterea verax dicitur. Alioqui Diabolus etiam esset verax: qui & ipse aliquando confitetur Deum. Similiter autem vt sit quis mendax, oportet illum ita esse ad mendacium dispositum, vt est suapte natura omnis homo. Vnde qui ex errore dicit mendacium nesciens, non est propriè mendax: Fieri autem non potest vt non sit mendax homo, quatenus homo: quia dum (vt talis est) non amet, nec quærat gloriam Dei, sed propriam: vbicunque accidet suæ gloriæ quicquam contrarium, quæ aduersatur gloriæ Dei, non erit paratus diligere ac pronunciare veritatem, & ita non erit verax.

At homo Dei iam supra hominis conditionem eleuatus, qui præ oculis Dei gloriam, non suam habet, verax erit: quia ad veritatem erit dispositus, & non curabit odium hominum, quod incurritur ex veritate, iuxta prouerbiū: Obsequium amicos, veritas odium parit: & præsertim ex ea veritate, quæ displicet mundo & mundanis, vt est veritas crucis Christi. Sic enim Christus ex veritate odiū in se contraxit: quia testimonium perhibuit veritati, quod opera mundi erant mala. Similiter & sanctissimus Ioannes Baptista, & B. Paulus. Et ob hoc non poterant credere Iudæi, & assentiri veritati, quia gloriam quæ à solo Deo est non quærebant, sed quam ab inuicem accipiebant. Et ob eam causam illi principes qui crediderunt in eum, non cōfitebantur: quia dilexerunt magis gloriam hominum, quam gloriam Dei. Non sic autem Aposto-

lus Paulus: & à re ipsa ostendit, quam palam videbant.

*An quæro hominibus placere?* vt possitis me argue-  
re quasi mendacem, & inanis gloriæ studiosum sectatorem? Hæc nanque radix mendacij est, quæ re placere mūdānis. Quo fit vt suadeatur humana non diuina. At contra de se ipso prædicat Apostolus: vt illi agnoscerent id virij esse in pseudoapostolis, id est, in Iudæis, qui oppugnabant veritatem vt placerent carni. Ideo legem iactabant, vt præ Gentibus sese erigerent, sicut inferius docet: Quicumque volunt placere in carne, hi cogunt vos circumcidi, tantum vt crucis Christi persecutione non patiantur. At B. Paulus, qui contra prædica-  
bat, ostendit vel ob hoc ipsum se gloriam non quæ-  
rere, qui Hebræorum in se odia concitabat, quos sibi conciliare potius studuisset, si placere eis voluisset. Vnde addit:

*Si adhuc hominibus placerem, Christi seruus non essem.* Homines hoc in loco eos appellat, qui vt homines sese habent, id est, qui humana sapiunt, quosque regit & mouet prudentia carnis, quæ est inimica Deo. Vnde & Sapiens ait, Ego sum stultissimus virorum, & sapientia hominum non est mecum. Et Dominus noster, Quod hominibus altum est, abominatio est coram Deo. Cum igitur homo & Deus in sapientia & præceptis discordent, non potest homo esse Christi seruus, ac consequenter placere Deo, ac simul placere hominibus: quia non potest duobus Dominis seruire, opposita iubentibus, mundo & Deo. Quod si quæras, vtrum sit melius Deo placere, an hominibus: audi quid Propheta de his qui placent hominibus dicat. Deus (inquit) dissipat ossa eorum qui hominibus placent confusi sunt, quoniam Deus spreuit eos. Audi rursum eundem pro his qui Deo placet, & seruiunt. Custodit Deus omnia ossa eorum, vnum ex his non conteretur. Quid autem quæso optabilius Dissipare ossa, quod seruetur his qui hominibus placent: an custodiri ossa à Deo, quod est eorum qui placere Deo student? Lector consideret, si tamen digna res est quæ debeat in considerationem venire.

Huic autem Apostoli sententiæ: Si hominibus placerem, Christi seruus non essem, ob stare videtur: quod ad Corinthios idem ait: Per omnia omnibus placeo. Sed aduertendum, non dixisse illum Hominibus placeo, ne quis intelligeret homines mundi huius. Nam iis nedum gratus erat, sed displicebat. Quod ergo ait, Per omnia omnibus placeo, non est aliter accipiendum, nisi ab eo omnem datam, operam, vt ex parte sua ea faceret, quæ placere omnibus rectè iudicantibus iure debebāt. Salua enim & integra fide & causa Dei, se omnibus accommodabat, vt ipsemet exprimit: Omnia omnibus factus sum, vt omnes lucrificiam. Et ideo postquam dixit. Per omnia omnibus placeo, subdit. Non quærens quod mihi vtile est, sed quod pluribus, vt salui fiant.

Lutherus, & alij eiusdem farinae viri, magna cum impudentia hoc in loco seipsos efferunt, sibi usurpantes mala fide, & heretica licentia hanc Apostolicam gloriam, nempe qui sua prædicatione non studeant hominibus placere, cum ipsi ea prædicent, quæ minus placere mundo consueuerunt. Doce-

In eos qui  
studēt ho-  
minibus  
placere.

ps. 55.

ibid. 33.

Ioan. 7.

Quid requi-  
ratur vt  
quis sit ve-  
rax, vel me-  
dax.

Ioan. 2.



mus enim (ait Lutherus) omnes homines natura esse impios, & filios iræ. Liberum arbitrium, vires humanas, sapientiam, iustitiam, omnemque religionem voluntariam damnamus. Summa: Nihil in nobis esse dicimus, quod valeat ad promerendam gratiam ac remissionem peccatorum: sed sola vnica ac mera Dei misericordia propter Christum, eam nobis cōtingere prædicamus. Sic enim enarrare gloriam Dei, & opera eius, damnatis vniuersis hominibus ac operibus eorum, hoc certe non est prædicare in gratiam hominum & mundi. Mundus enim non potest grauius, aut acerbius irritari, quàm cum damnatur sapientia, iustitia, religio, potentia eius. Hæc optima & summa dona mundi damnare, profectò non est adulari mundo, sed potius odium & infortunium (vt aiunt) vltro quærere, & in promptu etiam inuenire. Nam si homines, & omnia ipsorum in speciem optima studia damnamus, fieri aliter non potest, quin statim inueniamus eorū acerbissima odia, persecutiones, excommunicationes, damnationes & cædes: hæc ille, Quæ aliquem præ se ferre veritatis colorem videntur.

Tu igitur, acute lector, attende, & prædicationem lutheranam à nostra catholica prædicatione sanis oculis discerne. Ait ille, Nos prædicamus omnes homines natura esse impios, & filios iræ. Hæc autem prima prædicationis pars, non est lutherana prædicationis, sed nostra. Et hanc discere potuit infelix à sanctis doctoribus nostris, antequam ab ecclesia defecisset. Calumniosè igitur atque iniuria hanc sibi tanquam propriam vendicat.

Addit: Nos liberum arbitrium, vires humanas damnamus. His verbis si penitus ab homine vult liberum sufferre arbitriū, vt habet eius peruersum dogma, iam se prodit non tam falsum esse ac mendacem, quàm insanum: quia eiusmodi doctrina legitur omnes, tam diuinas, quàm humanas, omnem moralem virtutem, consultationes omnes, omnem denique, siue præmij, siue supplicij meritum è vita hominum penitus tollit. Quo fit, vt etiam mundo tam absurda prædicationis displicere merito debeat. Neque enim rectè semper sequitur, quicquid mundo displicet, mox id bonum esse & verum. Quòd si nec humanas vires, nec liberū aufert arbitrium, sed prædicat per se non sufficere ad rectè ac merito coram Deo agendum, nisi informetur gratia, & ab ipso Deo adiuuetur, iam hæc non est lutherana prædicationis, sed nostra, quam sibi falsò pariter arrogat. Subdit: Nos sapientiam, iustitiā, omnemque religionem voluntariam damnamus. Si de sapientia quæ carnis est & mundi loquitur, similiter eius non est hæc prædicationis, sed nostra. At si de sapientia intelligit quæ desursum est, pudica, pacifica, modesta, suavisibilis, bonis consentiens, & hanc se damnare fatetur (vt certè damnat) agnoscimus hanc prædicationem verè lutheranā esse, & mundo quidem non displicere. Nam hæc sapientia mater est contentionis, & hæresum, & schismatum. Hæc sapientia insanam carnis libertatem prædicat: opera quæcunque, & omnem iustitiam repudiat & damnat, non distinguens propriam quæ ex lege est Moisaica, & quæ suppliciorum meriti, aut præmiorum terrenorum amore procedit, à iustitia quæ est ex fide, & à Deo, cuius opera ex diuina cha-

ritate fluunt, quæ grata sunt & pretiosa in conspectu Dei, quibus vita æterna & debetur, & redditur. Nos ergo damnamus iustitiam quæ ex propriis viribus comparatur (nec est lutherana prædicationis) At iustitiam, quæ ex Deo est, donum nobis infusum, quod non capit mundus, catholica prædicatione extollimus. Et hoc est quod Lutherus conculcat, & ideo placet mundo: quia salutem & regnū Dei sine iustitia pollicetur. Contrà: quod dixit Dominus, Primum quærite regnū Dei, & iustitiam eius. Passiones ac tribulationes omnes, quas viri iusti propter Deum, & ad imitandum Christum patiuntur, suis meritis ac mercede fraudare diabolus per os istius viri Belial cōtendit. Sed nō est hæc apostolica prædicationis, quæ clamat: Per multas tribulationes oportet nos intrare in regnū Dei, & Si sustinebimus, & conregnabimus. Et ipse semet Christus Saluator noster ac Redemptor, Si quis (inquit) vult venire post me, abneget semetipsum, & tollat crucem suam, & sequatur me. Et hoc non vno, aut altero die tantum, sed quotidie, vt adit Euangelista. Non enim in eo statu sumus, in quo laxendæ sint ad libidinum fomenta habendæ. Vix qui carnem castigant vigiliis ac ieiuniis, & variis assumptis laboribus, in seruitutem spiritus redigere possunt. Quid igitur de illis cogitandum est, qui eam delitiis nutriunt, & omni licentia donant prædicant? Quare huiusmodi hominibus, quorum Deus venter est, nos Catholici audacter opponimus. Hæc est prædicationis quæ parum est grata mundo, O Lutherane: Tua verò admodum placet, quæ omnem laborem, & satisfactionem, & penitentiam pro peccatis, quæ post baptismum sceleratè admittimus, in Christum reicit, vultque sub spinoso capite (quod nulla ratione decet) mēbra esse delicata. Quòd verò tu voluntariam religionem damnes: si intelligeres per voluntariā religionem Deorum cultum, Gentilium sapientiā exquisitum atque adinuentum, nobis minime contradiceret. Sed cum clarum sit, illum quem Christus, & Apostoli docuerunt, & ecclesia sancta proponit & custodit, te reprobare, qui negas Spiritū sanctum ecclesiæ instructorem: hoc ipso teipsum miser condemnas, ostendens sapientiā tuam cōtentionis, ac propterea terrenam, animale, diabolicam, qualem Frater Domini detestatur. Et hæc satis ad huius contentiosi & diabolici hominis fucos refellendos.

*Notum autem vobis facio fratres Euangelium, etc.* Hic probat quod dixit, se non posse seruum Christi esse, ac simul studere vt hominibus placeat, cū esset positus euangelizare euangelium Dei, quod est Dei lex, & beneplacitum, *Quia non est secundum hominem*, id est, iuxta spiritum & sapientiā hominis: quod indicatur non solum ex tenore & materia eius, quandoquidem in illo ea cōtinentur quæ sunt aduersantia hominibus vt homines sunt animalia terræ: Verum etiam ex autore illius qui illud immediatè à Deo accepit, cuius viæ & cogitationes ita distant & opponuntur viis & cogitationibus & studiis hominum, sicut cœli distāt & exaltantur à terra. Ait enim se non accepisse euangelium, nec didicisse ab homine. Quædam enim euangelij accipiuntur, vt sunt articuli primi, veluti principia. Et quædam discuntur, vt sunt quæ ex iis con-



sequuntur: exempli causa, Accepimus ab euangelio, quod Beata virgo Christum genuit. Hinc dicimus illam esse Dei Matrem: quia Christus erat Deus. Item accipimus Petro promissas clauas à Christo. Hinc discimus fuisse illum loco Christi positum in ecclesia caput ecclesiæ: & sic de similibus.

*Sed per reuelationē Iesu Christi.* Quod probauit omnibus modis necessariis, ut sacra probat historia. Alioqui quilibet posset pro arbitrio asserere. Ego habeo reuelationem, si in sola reuelatione, nullis cœlitus adhibitis testimoniis & miraculis, talis facultas consisteret.

Audistis enim cōuersationem meam aliquando in Iudaismo, quoniam supra modū persequabar Ecclesiam Dei, & expugnabam illam: & proficiebā in Iudaismo supra multos coætaneos meos in genere meo, abundātius æmulator existēs paternarum mearum traditionum. Cū autem placuit ei qui me segregauit ex utero matris meæ, & vocauit per gratiam suam, ut reuelaret Filium suum in me, ut euangelizarem illum in Gentibus continuo, non acquieui carni & sanguini, neque veni Ierosolymam, ad antecessores meos Apostolos: sed abij in Arabiam, & iterum reuersus sum Damascum. Deinde post annos tres veni Ierosolymam, videre Petrum: & mansi apud eum diebus quindecim. Alium autem Apostolorum vidi neminem, nisi Iacobum fratrem Domini. Quæ autem scribo vobis, ecce coram Deo, quia non mentior. Deinde veni in partes Syriæ & Ciliciæ. Eram autem ignotus facie Ecclesiis Iudææ, quæ erant in Christo, tantū autem auditum habebant: Quoniam qui persequabatur nos aliquando, nunc euāgelizat fidem, quam aliquando expugnabat. Et sic in me glorificabant Deum.

*Audistis enim cōuersationem meam, &c.* Vult hīc ostendere Apostolus, & suadere veritatem euangelij quod prædicabat. Et primò quidem à miraculo cōuersionis suæ, qua ab vno extremo in alterum extremum adductus est. Nā de Saule, Paulus: De lupo, ouis: De persecutore & ore christiani nominis, amator & portator nominis Christi: Denique de impugnatore ecclesiarū acerrimo atque infestissimo, propugnator strenuus, & indefessus earumdem ædificator.

Plerique miracula efflagitant: Sed quod nā maius miraculum dari potest, quod possit cum tanta mutatione atque cōuersione conferri? Accidit hoc etiam multis, qui per Christum admirabili cōuersione, à vitiis insignibus ad contrarias derepente virtutes translati sunt.

*Et expugnabam illam.* Sed quomodo expugnabat cum potius illis persecutionibus ecclesia cresceret, sicut & prædixit Dominus: Et portæ inferi nō

præualebunt aduersus eam? Respondent quidam: Expugnabat ex parte, non omnino. Hæc expositio non placet. Valla pro expugnabam, legit opugnabam. Nec id satisfacit: quoniam Græcè legitur, *ἐπορεύω*, quæ vox expugnabā significat. Hoc ergo magis placet, ut sit more scripturæ locutus, ut potè qui ea agebat & moliebatur, vnde reuera expugnatio ex natura rei sequebatur, eo quod esset per se potens ad expugnationem: & re ipsa expugnatio contigisset, nisi à Deo miraculosè sustentata fuisset. Vnde & legimus: Sæpe expugnauerunt me à iuuentute mea, dicat nunc Israel. Sæpe expugnauerunt me à iuuentute mea: etenim non potuerunt mihi. Quid est enim, Sæpe expugnauerūt, nisi ipsi quidem id egerunt & (quod in eis fuit) ad expugnationem? Quid est autem: Etenim non potuerunt mihi, nisi ipsius Dei virtute euasi, & eorū potentia refracta est? Quo magis perspicitur dignitas Dei, & laudatur, & glorificatur, qui destruit omnem potentiam, & omnem munitionem expugnatū dilectissimam ecclesiam suam.

*Et proficiebam in Iudaismo.* Vocat Iudaismum, carnalem illam eius Gētis collectionem. Et in eo proficiebat: quia pro tuēdis paternis traditionibus militabat, nomen Christianum in nascente ecclesia ex hominū memoria funditus delere studens, quæ videbatur synagogam reprobare. Hic erat ferus ille Ismael aduersus placidū Isaac: sed eiicitur ancilla simul cum filio suo.

*Supra multos coætaneos meos, abundantius æmulator existens paternarum mearum traditionum.* Pharisaicas traditiones illas intelligit, quas damnat scriptura quæ ait: Sine causa colunt me, docentes doctrinas & mandata hominum. Quidam de traditionibus Moseos per legem interpretantur. Sed hoc mihi non satis probatur. Nam Moyse legem in sacris literis venire appellatione paternarum traditionū, non memini me vllō in loco ipsius scripturæ legisse. Et B. Petrus vanam paternæ traditionis vocat cōuersationem. Lex igitur Moseos antequam antiquaretur, minime vana erat dicenda: cum laudetur apud B. Lucam magni Baptistæ Ioannis parentes, qui ambulauerant in omnibus iustificationibus legis. Et propter illiusmodi obseruantias multi martyres facti sunt: ut legimus de Machabæis & aliis. Itaque lex nedum non erat vituperanda, sed commendatione digna, cum bona esset & vtilis, si quis ea tamen legitimè vteretur. Illas igitur traditiones, quas apud B. Matthæum & Marcum suis coloribus depingit Dominus, & ipse Apostolus, vituperantur hīc ab illo, nisi fallor. Porro si quis contendere pertinacius voluerit, de cæremoniis legis eum loqui, non inuitus illi cedam.

Est & hic locus, quo pariter hæretici abutuntur, ut destruant leges omnes & canones: solūque euangelium pro lege habendum esse dicant, & scripturas sanctas. Quod vtinam ipsi saltem reuera facerent: profecto & ea reciperent quæ à scripturis apostolicis, & ore ipso Christi commendata sunt. Scriptum est enim de B. Paulo, quomodo præcipiebat custodiri præcepta Apostolorum & seniorum. Et iterum dogmata quæ erant decreta ab Apostolis & senioribus. Et ad Thessalo. Tenete (inquit) traditiones quas didicistis siue per sermonē, siue per epistolam nostram. Et ut videas quanti

*Pro euangelio quod autem expugnare tur, non est expugnatiū*

*Matth. 15.*

*1. Pet. 1.*

*Act. 15.*

*2. Tess. 2.*

*miraculū summum, tam subita cōuersio Gentium.*

*1. Th. 16.*



fecerit eas traditiones, recognosce ibidē illos, qui eas non seruabant, sed inordinatē ambulabant, à fodalitate cæterorum iustos excludi.

*De traditionibus cũ in dicio loquē- dum.* Ergo non omnes prorsus traditiones sunt respuendæ, sed cum iudicio & certo illo quidem: vt quæ militant aduersus pietatem & Dei legem: & quæ item sunt superuacaneæ & superstitiosæ, hæ respuantur. Alioqui de iis quæ tendunt in ædificationem, & à prælatis sanctis inuentæ sunt, (quos à Spiritu sancto inspiratos fuisse quis nisi temerè ausit inficiari?) Christus ipse, vt seruarentur, mandauit amplissimis verbis dicens: *Qui vos audit, me audit: & qui vos spernit, me spernit.* Et B. Petro ac cæteris dixit. Quodcunque ligaueritis super terrā, erit ligatum & in cælis. Id ergo primum, imò verò hoc vnum animaduertendum est in traditionibus, aduersentur ne diuinæ legi: an potius ad eius obseruantiam non parum conducant. Tūc etenim tenendæ atque seruandæ sunt: nec licet præterire, aut præuaricari impunè.

Turpiter autem peccant hæretici, qui nihil vquam distinguere volunt: sed omnes Patrum traditiones æquè improbas iudicāt. Vnde & ordines religiosorum fratrum, & regulas cuiuscūque ordinis, seu etiam Canones sanctissimorum Pontificum, velut porci immundi suis lutulentis pedibus conculcant, hac tantum freri scriptura, qua B. Paulus paternas traditiones vituperare superioribus verbis est visus. At venire illis in mentem oportebat, traditiones Apostolicas & seniorum omnino custodiri ab eo mandatas. Oportebat insuper de tegi prius traditionum & canonū Apostolicorum impietatem, aut superstitionem aliquam, vt illas possent meritò reprobare. Tantum nuda pronuntiatione aiunt: Vota Regularium sunt impia & superstitiosa. Aiunt hoc certè, sed friuolis rationibus moti mentiuntur in perfidum caput miseri. De qua re alibi, & proprio tractatu latius aduersus illos de scripturis sanctis disserui.

*Cum autē placuit ei qui me segregauit ex utero matris meæ.* Nunc probare incipit Apostolus suum euangelium, quia à solo Deo accepit, ad hoc electus: & in hoc ab illo instructus, & non à quolibet Apostolorum. *Ex utero.* Vocat uterum matris, synagogam, quæ mater & ancilla est: Ecclesia verò mater & libera. Segregauit autem electione voluntaria, non ex meritis eius. Sunt qui exponant de carnali matre: sed non est illustris sensus. *Et vocauit per gratiam suam.* Licet enim omnes gratiose vocet, quosdam tamen peculiari gratia, qualis fuit Paulus, qui deprehensus in tam magno & flagranti scelere, vocatus est. Excusabatur autem, vt ipsemet expressit, quia per ignorantiam faciebat.

*Vt reuelaret Filium suum in me.* Non dixit, mihi, sed, *in me*: quia Christus quū reuelatur à Patre sanctis suis, miro modo internè sese insinuat, vt in illis existens, appareat etiam aliis tum innocentia vitæ, tum puritate doctrine. Et sic euangelizāt illum opere & sermone. Primum quidē opere: deinceps autē sermone. Hanc Dominus Iesus sanctissimam rectè viuendi normam tradidit, qui primum cœpit facere, & tum docere. *Vt euangelizarem illum in Gentibus,* id est, inter Gentes. Nam specialiter ad illas missus est B. Paulus, vt prædicaret, quēadmodum ipse sæpe testatur, vt verificaretur per eum

quod scriptum est: Quibus non est annunciatum de eo, videbunt.

*Continuò non acquieui carni & sanguini.* Vel non contuli cum carne & sanguine. Vocat hīc carnem & sanguinem, vel homines mundi huius, qui secū dum carnem ambulant: vel Iudæos, quibus lege erat coniunctus ob carnis eiusdem coniunctionē: vel fortè cognatos & propinquos. Ideo autem nō acquieuit, seu non contulit cum illis: quia doctore Spiritu iam veritatem illam nouerat: Inimici hominis domestici eius.

Neque istud arbitror ad Apostolos referri posse: quanquam aliter dicat B. Hieronymus. Attamē non placet, nec videtur rectum vt caro & sanguis dicantur Apostoli, cũ hæc vox in scripturis in malam partem accipiatur. Caro enim & sanguis non possidebunt regnum Dei, ait B. Paulus. Apostoli autem iam erant cœlesti conuersationi integerrimè dediti, & iamdudum de mundo isto à Domino selecti, de quibus ad Patrem orans: Ego, inquit dedi eis sermonem tuum, & mundus eos odio habuit: quia non sunt de mūdo, sicut & ego non sum de mundo.

Præterea mox dicit, *Neque veni Ierosolymam ad anteceßores meos Apostolos: sed abij in Arabiam.* Hoc in Act. Apostolorum supprimitur: sed priusquam in Arabiam pergeret, ingressus est Damascum, & ibi mansit cum discipulis Christi dies aliquot & Christum magno feruore atque vehementia Spiritus prædicauit, sicut habetur in Act. ac deinde abiit in Arabiam, vt hīc exprimitur. *Et iterum reuersus sum Damascum.* Et tunc diuturniore tempore ibi māsīt, prædicans etiam vehementius, atque expugnans Iudæos, donec persecutione vrgente, & structis insidiis, oportuit illum inde clam recedere, qui & è mœniis ciuitatis per sportam vt saluaretur, dimissus est.

Hoc item in loco (quem enim specie aliqua fauentem prætermittunt?) sibi ipsis placet & applaudunt Lutherani. Ecce (inquiunt) vbi primum B. Paulus doctrinam à Christo hausit, prædicauit protinus: nec adiuit statim Apostolos, qui eam probarent. Quid igitur peccamus nos, si iam euangelij puritatem edocti prædicamus exemplo Pauli, nihil morati iussionem vestram Pontificiam? Vide vt perpetuò elati homines abutuntur scriptura, & B. Pauli exemplo: perinde ac si illos pari miraculo segregauerit Deus, quo & B. Paulum, vt similiter sint ipsi vasa electionis. Præterea si B. Paulus certamissione sua fretus, prædicauit Christum eo tempore, nunquid ita prædicauit, vt quicquam noui afferret, aut quippiam aduersus apostolicam doctrinam doceret? Hoc idem faciant, & eos nequaquā de dogmatibus dānabimus. Deinde B. Paulus non multo tempore post, se ad B. Petrum recepit, vt cū eius benedictione euangelicam prædicationē prosequeretur. Vnde ait:

*Deinde post annos tres veni Ierosolymam videre Petrum ductus à Barnaba.* At scriptura asserit illum ad Apostolos fuisse ductum. Rectè id quidem. Nam in B. Petro intelliguntur cæteri: & hoc velim maxime animaduerti. Etenim quando legitur: Dic ecclesiæ: Ecclesiæ vocabulo (vt rectè B. Chrysostomus exponit) primum Prælatus intelligitur, cui dicendum est: cui si dicatur toti ecclesiæ dictum videtur

*Peculiares sunt quorū dā vocatio nes.*

*Nota quicūque Euāgelium prædicat.*

*in hanc cos.*

*Pro prima- tu B. Petri.*

*Matth. 18.*



Ma. v.

tur. Et propter hoc suscitatus à mortuis Dominus dixit, Dicite discipulis meis, & Petro, id est, Petro maxime. *Et mansi apud eum diebus quindecim.* Iam enim euangelium prædicauerat: nec tamen quicquam à Principe Apostolorum Petro edoctus est, aut admonitus, tanquam ad veritatem euangelij non ambulasset: quin potius eius prædicationi ac doctrinæ consensit. Et hoc illi satis fuit vt liberius posset prædicare, cum esset B. Petrus totius ecclesiæ pastor. *Alium autem Apostolorum vidi neminem, nisi Iacobum fratrem Domini.* Quamuis se solum vidisse dicat, non autem cum illo habuisse sermonem: non fit tamè verisimile non fuisse alloquutum tantum Apostolum. Fortassis nihil eo tempore cum illo contulit de doctrina, cui satis fuit cum ipso B. Petro contulisse. Non enim quindecim dies illos tantum gratia videndi B. Petrum assumpsit. Sed plusquam verisimile est de summa euangelij inter eos frequentissimum in illo temporis spacio, & longissimum fuisse sermonem.

Quis fuerit Iacobus frater Domini.

Hic autem nascitur questio de Iacobo, cuius hic meminit Apostolus, quisnam fuerit, & cuius filius. Certum est primò non fuisse illum Iacobum Ioannis fratrem, qui sub Herode decollatus est, quique Iacobus maior est appellatus. Fuit autem quorundam opinio negantiù hunc Iacobum fuisse vnum ex duodecim Apostolis. Crearunt enim hunc novum quendam Iacobum Domini fratrem, præter illum qui Zebedæi, & alterum qui Alphæi filius fuit. Quod & Erasmus perpetuus novitatum amator literis inàdare ausus est: quin & B. Hieronymi autoritatè (quam in suum vsum ubi lubet, astutè usurpat) citare non neglexit, cuius tamen sensum minime percepit: nec meminisse voluit, ubi oppositù B. Hieronymus manifestè asserit in libro suo aduersus Heluidium. Sed non hic locus hæc pertractandi subtilius. Nemini dubium esse debet, quin hic Iacobus sit ille filius Alphæi & Mariæ, frater & Apostolus Domini, vnus ex duodecim quos Euangelistæ enumerant.

Iurissurandi conditiones quatuor.

*Quæ autem scribo vobis, ecce coram Deo: quia non mentior, &c.* Manifestum iuramentum, quod & alibi manifestius elicitur à B. Paulo factum. Quare hæreticorum superstitio improbanda est, qui omnino tollunt iuramentum quasi nunquam licitum: quod tamen si opportunum fuerit, ad religionem potius pertinet, & meritorium est. Elicitur enim ex charitate: sed vt sit iustum, quatuor concurrere debent. Primum, rei gravitas: ne ad quædam minima roboranda Deus in testem adhibeatur. Secundum, veritas: ne aduocetur ad mendacium quasi testis, ipsamet veritas Deus.

Tertium, necessitas: quæ à malo est, cum aliter quod verum est, non suadetur facile. Quartum, religio: vt solus Deus glorificetur, per quem iuratur. Ipse enim creditur adfuturus, & testaturus comprobanda veritati.

*Deinde veni in partes Syria, &c.* Casaream & Damascum. *Eram autem ignotus facie, &c.* Facilis est contextus. Ex hoc cap. ad summam accepimus, B. Paulum verum fuisse Apostolum, & de illis insignibus vnum quibus erat habenda fides: quoniam non ab hominibus, nec per homines erat creatus Apostolus, sed à Deo Patre & Christo, immediatè per ipsum. Hæc persuasio tribuebat auctoritatem doctri-

næ ad eorum salutem. Et hoc ipse intendebat, non suam propriam gloriam.

CAP. II.

**D**E I N D E post annos quatuordecim iterum ascendi Ierosolymā cum Barnaba, assumpto & Tito, Ascendi autem secundum reuelationem: & contuli cum illis Euangelium quod prædico in Gentibus. Scorsum autè iis qui videbantur aliquid esse: ne fortè in vanum currem, aut cucurrissem. Sed neq; Titus qui mecum erat, cum esset Gentilis, compulsus est circuncidi: sed propter subintroductos falsos fratres, qui subintroierunt explorare libertatem nostram, quam habemus in Christo Iesu, vt nos in seruitutem redigeret. Quibus neque ad horam cessimus subiectioni, vt veritas Euangelij permaneat apud vos. Ab iis autem qui videbantur esse aliquid (quales aliquando fuerint, nihil mea interest: Deus enim personam hominis non accipit) Mihi enim qui videbatur esse aliquid, nihil contulerunt. Sed contrà, cum vidissent quòd creditum est mihi Euangelium præputij, sicut & Petro Circūcisionis (qui enim operatus est Petro in Apostolatū Circūcisionis, operatus est & mihi inter Gentes) & cum cognouissent gratiam quæ data est mihi, Iacobus, & Cephas, & Ioannes, qui videbantur columnæ esse, dexteræ dederunt mihi & Barnabæ societatis, vt nos in Gentes, ipsi autem in Circūcisionem. Tantum vt pauperum memores essemus: quod etiam sollicitus fui hoc ipsum facere.

**D**E I N D E post annos quatuordecim, &c. Postquam superius se insinuauit B. Paulus, & per apostolicam gratiam ostendit se dignū fide, si cum Pseudopostolis conferretur. Nunc incipit etiam per comparisonem & contentionem cum veris se conferens Apostolis id commédare, quod ipse in hac re & quæstione potissimum semper mouit & tutatus est. Ait ergo:

*Deinde post annos quatuordecim, &c.* Ab eo scilicet tempore, quo veni in partes Syria, vt plures ex interpretibus volunt. Caietanus à tempore conuersionis computat. Eruditus iudicet quid aptius quædat. *Ascendi Ierosolimam.* Hoc item narratur à B. Luca in Act. cap. 15. Quamuis aliqui dicant non esse eandem historiam quæ hic describitur, cum illa quæ in Act. quam multò antea contigisse aiunt. Sed minime verum esse arbitror, cum multa conueniant, & nihil conturbet: imo si illa fuit multò prior (vt volunt) iam quæstio de legalibus, quo ad Gentes, fuisset decisa: nec vnquam B. Petrus commisisset aduersus concilij manifesta decreta.



*Cum Barnaba, assumpto & Tito.* Duos istos non sine causa præcipue commemorat, cum & alij fuissent comites, veluti testes omni exceptione maiores, quorum alter erat Iudæus, alter Gentilis: vt ostenderet conuenisse ambos in veritatem euangelij, & non sequutos carnem, aut carnis honorem. *Secundum reuelationem*, ne hæc facta crederentur humano spiritu.

In hereticos.

Act. 8.

*Et contuli cum illis Euangelium, &c.* Nota hæretice, contulisse B. Paulum euangelium cum Apostolis, & iis qui maiores videbantur: & seorsum cum iis qui videbantur esse aliquid, videlicet Petro, Iacobo, & Ioanne. Nam hi maxime erant inter alios cõspicui, tanquam columnæ ecclesiæ. Tu verò cum quo confers ò superbe? Quod ergo ait, *Qui videbantur esse aliquid*, Non quasi cum despectu dictum accipiendum est, vt verba ipsa Latina sonare videtur. Gracè tamen legitur, *τοῖς δοκῶσι*, vt probatos & in pretio esse intelligas, & deest, esse aliquid, licet mox addatur: atque tropo quodam dictio, *aliquid*, magnum quid sonet in sacris literis. Sic enim legimus de Mago, qui aiebat se esse aliquem, id est, magnum & insignem.

Nota.

*Ne forte in vanum currem, aut ecurrissem, &c.* Caue putes à B. Paulo hoc dictum propter seipsum quasi vacillaret, aut quasi testari voluerit se euangelij sui accepisse testimonium ab hominibus, tanquam minus fidei Dei reuelationibus habuisset: sed id quod dicit, *Ne forte*, seu, ne quouis modo, *in vacuum currem*, propter alios dixit, qui illum audiebant. Minore enim fide prædicationem illius suscepissent, si visus fuisset ab aliis discrepare, aut cum illis non conuenire, qui habebantur in tanta existimatione, vt primæ ecclesiæ colūnæ vocarentur, penes quos residebat autoritas probandi doctrinas. Quo in loco diligentius attende, bone lector, multa declarari atque probari ab ecclesia, nō ea ratione quasi nō sint his certa qui eiusmodi poscunt declarationem: sed vt fiant aliis certa ad ædificationem ipsorum.

Porro Lutherani & hæretici respondent. Certò scimus (aiunt) nos bene loqui, nec vllam nobis aliam putamus necessariam probationem. Sed quis (obsecro) probat hanc nobis certitudinem? Cum quibus ecclesiæ columnis suum euangelium contulerunt? Aut quo illud signo probarunt, nisi signo contumaciæ & rebellionis? Hoc sanè omni vi ro prudenti ac piò ad censendum satis esse poterat. Quis enim tam stupidus dari potest, qui nequeat tali excusationis lenocinio vti, & asseuerate se rectè ac verè loqui? Equidem non est magnopere mirandum, si tot inter hæreticos capita ex talibus nascantur principiis. O miseri. Et hi sunt qui ab exemplo Pauli suam causam audent defendere, hominum arrogantissimi atque infelicitissimi. Et nota Apostoli verbum, *currem*, quod propriè his conuenit qui mittuntur, & legatione funguntur: vt intelligas eos expeditos & promptos ad iter conficiendum, eaque exequenda, quæ in mandatis acceperunt. Talem suum Mercurium Poetæ cum talaribus componunt. Vnde & B. Paulus alibi ait, Nihil horū timeo, dum modo consummem cursum meum, & ministerium verbi. Hinc & pedes pulchri dicuntur ad currendū hoc pacto, euangelizantium pacem, euangelizantium bonā, Sic &

Act. 20.

dicatur de iis qui sibi legationē arrogant. Ego non mittebam eos, & ipsi currebant. Et nunc quot currunt, bone Deus, qui non solum non mittitur, sed etiam prohibetur? aut verius si mittantur ab ipso diabolo mittitur? O scelerosos, ò inquinatissimos pedes in sempiternum ignem præcipitandos. Hætenuş ergo B. Paulus probare voluit euangelium suum & commendare, vel ab hoc ipso quoddam collatum est cum Apostolis & comprobatum, & præcipue circa hanc partem, de qua suscepra erat disputatio: Nam ob hoc maxime contulit, vt colligitur in Act. 15. vbi apparet hanc quæstionem fuisse causam huiusmodi collationis.

*Sed neque Titus qui mecum erat.* Vt probaret non solo verbo comprobatum esse suum circa hoc euangelium, verum etiam facti obseruantia, & in iudicio contentioso, subdit: Neque Titum, cum esset Gentilis, compulsus esse circumcidi. Et ipsum quidem ita componitur argumentum. Si necessaria fuisset circumcisio homini Christiano, non esset vllus incircuncisus acceptus ab Apostolis vt Christianus: sed compulsus esset & ipse circumcidi. Hoc autem non est in Tito seruatum, sed ab Apostolis sic receptus est vt Christianus: imo (quod maius est) vt Episcopus, nam talis erat. Id etiam in contentione statutum est, cum aliter in contentioso iudicio fieri postulerent Pseudoapostoli. Igitur non necessaria erat homini Christiano ad salutem prisca illa circumcisio.

Illud hîc est etiam atque etiam aduertendum, quod ait: *Non est compulsus circumcidi, cum esset Gentilis*, Ac si dixerit, secus esset si Iudæus fuisset. Sed quis tuebitur etiā Iudæum ad circumcisionē compellendum fuisse, cum circumcisionis obseruantia iam debuisset cessare, postquam venerat vera circumcisio non manu facta, quæ per illam manufactam significabatur, & adueniente veritate cessare debeat figura? Respondemus, propterea dixisse B. Paulum, *Cum esset Gentilis*, non vt Iudæus deberet compelli si noller, sed tolerari potius si vellet. Gentilis verò nō solum nullo modo compelli si nolit, sed nec prorsus tolerari si velit. Et tamen etiam Iudæus aliquis propter alios infirmos, ne scandalum aliquod paterentur, aliquo modo compelli potuisset ad eam inutilem obseruantiam, quæ solum ad remouendum scādalum tunc fuisset vilis: & ideo maiorum præcepto facienda in loco & tempore. Sic & Gentiles compulsi sunt decreto synodi abstinere à sanguine & suffocato ad tempus.

Vide igitur miram Dei suauemque cum in Iudæis, tum in Gentibus providentiam. In Gentibus quidem, ne introducerentur alienæ & inutiles ceremoniæ, quibus nunquam alligati fuerant, ne rursus captraretur negotium eas recidendi. Quis enim velit quenquam vlli obseruantia assuescere, cui si esset assuetus, desuescere tamen oporteret? In Iudæis verò ad tempus obseruantias illas tolerabat Deus, licet iam mortuas: quia olim his assueti erant, nec tam faciliè poterant qui ab eis, veluti à lacte pueri, pendebant, amoueri. Erant enim obseruantia illæ tunc non aliud quàm cadauer quoddam dum effertur ad sepulchrum, à quo non possunt diuelli qui carnem sapiunt infirmi quidam ac stolidi, quales erant illi Iudæi. Vnde & carni aliquid condonabatur: sed diutius ferendum

Ad intelligendam circumcisionem quaerit.



non fuit, ubi primum incēpit fœtere cadauer. Sepulchro itaque cōcludi oportuit: quemadmodum & postea sensim tandem factum fuit.

Qua in parte impiam obserua & manifestē falsam Lutheri, & aliorum hæreticorum doctrinam. Ex hoc loco facit ille liberam circuncisionem, ita ut etiam in lege Christi teneat posse hominem circuncidi: quia dicit B. Paulus titum non fuisse compulsum, ac si id permiserit, modo non coactus id fecisset, nec posuisset in ea re fiduciam. O egregiū magistrum, & nouum legislatorem, qui illud permittit quod prohibet Moses ipse, videlicet, Arare cum boue & asino: & indui vestimento lana simul ac lino contexto. Hoc tamen in primis ipsimet vituperant, legem admisceri euāgelio. Quæro enim ab eis, cur permittant circūcisionem? Vtrum quia ex lege Moseos? Si istud: Legem ergo volunt posse seruari, quam tamen fatetur abolitam. Sin autem, quia ex Patribus est circūcisio: profecto non data fuit Gentibus, sed iis solum qui ex semine Abrahæ, ad quod Gentes non pertinent. Quanquam quatenus ex Patribus venit ipsa carnalis circūcisio, abolita est per circūcisionem spiritualem. Falsum est igitur & horrendum penitus dogma, liberam facere circūcisionem, quæ mortua nedum est, verum etiam mortifera. Nec in cultu diuino & cæremoniis admittendum est quicquam vanum & inutile, & quod non sit vel præceptum à Deo, vel probatum ab Ecclesia, quæ regitur Spiritu sancto. Sed hac de re dabitur iterum inferius disceptandi locus.

Nunc illud satis, Non propterea eam elici debere permissionem, quia excludatur compulsiō. Alioqui ex eius sermone qui rectè & verè diceret: Non est compellendus quis ad negandum Christum, elici posset permissio negationis Christi: quod est absurdissimum. Ex hac Lutheri doctrina descendunt Eleuthero baptistæ, qui liberum fecere unicuique baptismum aquæ. Nam eadem est causa circūcisionis, quæ & baptismi. Si licet homini circuncidi, licet etiam non baptizari: quoniā præter fidem nihil est homini necessariū ad salutem, ait Lutherus.

Sed propter subintroductos falsos fratres. Durus est hic (si quis alius in B. Paulo) locus, quantum ad litteræ structuram spectat. Potest autem dupliciter cum superioribus copulari. Vno modo ut sit hic sensus. Titus non est compulsum circuncidi propter subintroductos falsos fratres, id est, non tantum valuerunt illi efficere, ut Titus circuncideretur. Vnde videtur abundare coniunctio illa, sed, ut ait B. Hieronymus.

Verum alia datur, quæ mihi potius placet, expositio, ut quiddam subaudiatur. Quod iis frequenter accidit, qui sensu & sententiis copiosius quam verbis abundant: tanquam si quis admiraretur cur hoc factum sit, ut talis quæstio incideret, videlicet de circuncidendo Tito. Nam cum dixerit non esse Titum compulsum circuncidi, manifestè arguit aliquos fuisse, qui eum ad circūcisionem cogere vellent; utpote sustinentes ad litteram per omnia seruandam Moseos legem. Nunc Apostolus ait. Sed propter subintroductos, &c. ac si dixerit. Noli mirari hoc venisse in quæstionem. Id enim non fuit quod causam ullam iustam, qua postulante res debe-

ret in istud adduci discrimen: sed sic euenit ob subintroductos falsos fratres, id est, propter Iudæos illos qui Christianitatem simulabant. Nam hi subintroierant, ut subdolè explorarent libertatē Christianam, quæ erat expedita ab illius legis oneribus & cæremoniis. Quam habemus (inquit) in Christo Iesu. Quia Christus liberauit Iudæos à iugo legis, quod erat certè in cæremoniis innumerabilium obligatione. Illorum autem finis erat, ut redigeret Galatas in seruitutem pristinam, sub qua erat populus ille, tanquam sub pedagogo existens: quia puer erat, & ferè nihil distabat à seruo, cum esset sub tutoribus & actoribus, ut inferius ipsemet Apostolus declarabit.

Attende & tu hoc in loco lector, qui fortè quæstiones quæ ab hæreticis motæ sunt, habere dubitationem putas: quia vides in eorum gratiam conuocatam synodum ad decidendum. Nam propter infirmos id actum est, & propter subintroductos falsos fratres, qui conturbant omnia: atque ad eò nunc ita conturbant, ut & quæ clara sunt, obscurentur: propterea maiores ipsi meritis penas dabunt. Hoc dictum in falsos religiosos & mendicantes, quos tædet pigetque sanctæ conuersationis. Respexerunt enim retrò, & suam turpitudinem eo pacto tegere arbitrantur, dum non seipsos, sed vitæ genus à sanctis tamen patribus institutum, & ex euangelica doctrina desumptum vituperant & damnant infelices apostatæ, ad multò maiorem in semetipsos damnationem. Quibus neque ad horam cessimus subiectionem. (Missam hinc faciens falsam lectionem, quæ legerunt quidam affirmatiuè, Quibus ad horam cessimus) Sensus est Non erant iam in tam grauibz & noxiis considerata scandala infirmiorū, ut propterea illis cederemus. Quod enim Iudæi adhuc seruarent in recenti synagoga casu & cadauere cæremonias suas, ferri poterat quouique fœterent grauius, & suo putore excluderentur. At Gentiles ipsos ad hoc adducere, in tolerabile erat, nec vlllo pacto ferendum, quantumvis scandalum quodlibet deuaretur: quia per hoc obscurabatur veritas euangelij, quæ pura illis à principio tradenda erat. Ideo ait, Nec ad horam cessimus, videlicet sicut pro Iudæis concessimus (ad tempus tamen) & hoc ut veritas euangelij remaneat, scilicet pura & illibata apud vos, nimirum Gentiles. Sequitur:

Ab iis autem qui videbantur esse aliquid. Manifestè hic locus interruptum habet sermonem, & quippiam subaudiri oportet: fortè hoc, Ab iis autem qui videbantur esse aliquid (supple tu) nihil mihi collatum est, id est, nihil ab iis didici. Quod inferius exprimitur. Aut hoc potius: Ab iis autem qui videbantur aliquid (supple tu) occasionem acceperunt & fomitem hæ controuersia: quoniam nimis indulgenter se gerebant cum Iudæis, ut sic daretur locus falsis fratribus. Videtur autem tacitè subnotare B. Petrum & Iacobum, quorum peculiaris cura erat in circūcisione. & circa hoc velabant pro Iudæis, ut hinc patet, & in Act. cap. 21. Noluist autem fortè hoc exprimere: quia nimis propter auctoritatem illorum tantorum Apostolorum inuidiosum videbatur.

Quales aliquando fuerint, nihil mea interest. Potest hoc & in bonam & in malam partē capi, ut dicat



nihil ad se pertinere quales aliquando fuerint, id est, quàm magni fuerint Apostoli, & Domino cōiuncti, vt erat B. Iacobus. Aut quales fuerint aliquando, id est, aliquo tempore, dum scādalum propter Iudæos præbebant Gentibus. Et quod ait: *Nihil mea interest*: significat hoc ad se non pertinuisse, quasi ipse in eodem errore fuerit, aut illis confesserit. Vel, *nihil mea interest*, hoc est, non ad me pertinet iudicare: quia iudicium Dei est. *Deus enim personam hominis non accipit*. Hoc dicit vel propter B. Petrum, qui erat super omnes: Vel propter B. Iacobum qui erat frater Domini: ac si dixerit. Non oportet arguere ab horum celsitudine contra veritatem: quia Deus personam nō accipit, vt propter personam, quæ probanda non sunt, probet. Sic enim tanquā non accipiens hominis personam, dixit illis duobus. Sedere ad dexteram, aut ad sinistram non est meum dare vobis: quia carnaliter vt fratres Domini secundum carnem petebant. Deus autem non accipit personam, id est, in gratiam personæ non mouetur in iudicio, sed pro veritate pronunciat. Nec in donis distribuendis cogitur, sed cui vult sponte largitur.

Matt. 20.

*Mihi enim qui videbantur esse aliquid, &c.* Potest in cum sensum intelligi, vt nihil ab eis didicerit circa euangelij doctrinam. Et quod ait, *nihil contulerunt*, idem sit ac si dixerit: nihil addiderunt. Sed Græcus sermo potius hunc subministrat sensum, *nihil contulerunt*, id est, nihil cōmunicauerunt. Et ob eam gratiā nihil mea interest, seu nihil ad me pertinet quid ipsi egerint, rectene an secus: siquidem nihil mihi de suo euangelio communicauerūt, sicut ego illis de meo communicauī. Sed contrā, cum vidissent gratiam quæ data est mihi, &c. Quid est quod ait, contrā, nisi quod nō ipse illis assensus est qui nihil sibi cōtulerunt, sed contrā, illi sibi assenserunt cōferenti. Vnde ait, cum vidissent, scilicet ex collatione mea cum illis, mihi creditum esse Euangelium. præputij, id est munus ad euangelizandū Gentibus, Iacobus, frater Domini, & Cephas, id est, Petrus, & Ioannes, qui videbantur, id est, apparebant (sicut & reuera erant) columnæ ecclesiæ, dederūt mihi dexteram societatis, id est, declarauerunt confirmantes Dei factum, vt ex æquo cum illis apostolico fungerer munere, agnoscentes hanc auctoritatem esse mihi, sicut & illis, immediatē à Deo traditam: non autem ab hominibus, neq; per hominem, sed per Iesum Christum.

Quo in loco illud considera, maximè Paulo fuisse proprium, vt esset Apostolus Gentium: ne miremur si pro illis officium suum sollicitus obibat, & honorificabat, sicut alias dixit. Neque mirum si abundantius ab ipso Deo in salutem ipsarum Gentium subministrata sit illi notitia euangelicæ puritatis. Nam alij potius Apostolatū suū exercebant in circuncisione. Quare & hoc habet parentesis illa (*Qui enim operatus est Petro in Apostolatū circuncisionis, operatus est & mihi inter Gentes*) Multa Deus operatus est B. Petro inter Iudæos, qui prima & secunda prædicatione conuertit ad Christum quinque millia hominum: & multa millia post adiecta sunt, vt habetur in Act. Apostolorum. Quomodo autem operatus sit Deus in Apostolatu Pauli inter Gētes, etiā hoc fusi⁹ commemoratur in Act. Cum ergo (inquit) vidissent Iacobus & Cephas & Ioannes, qui videbantur (vt certè erant) columnæ esse, ni-

mirum ecclesiæ, dexteram dederunt mihi & Barnabæ societatis. Fuit autem societatis initum eiusmodi inter illos pactum, quo munus Apostolicum ita diuideretur, vt B. Paulus & Barnabas inter Gentes præcipuè laborarēt: illi autem inter Iudæos. Ea tamen conditione addita, vt adiuuare teneretur B. Paulus pauperes fratres, qui erant Ierosolymis Deo seruientes Christiani, qui ob Gentis malitiam & irreligionem non poterant de victu sibi prospicere. Quod & lubens fecit B. Paulus & diligentissimè, vt apparet ad Cor. ad Thessal. & alibi in Act. Fuerunt olim qui dubitarent, num qui hīc à B. Paulo dictus est Cephas, esset reuera B. Petrus Apostolus. Quidam enim negarunt, & finxerunt alium quendam Cepham: quod nulla fidelis probat historia, nec vllō pacto veriti debet in dubium, vel hac sola ratione, cum iste Cephas tam honorificè nominetur cum aliis ecclesiæ columnis. Nam quis alter Cephas cum illis pari societate valuisset coniungi? Quin Apostolus tollit omnem p̄toris dubitandi occasionem, qui paulò superius asserit se Ierosolimam ob eam causam profectum, vt Petrum, quem nunc Cepham nominat, videret. Nec ob reprehensionem subsequenter metuendum est, ne quid propterea auctoritati primariæ depreceat, sicut declarabitur.

Cephas &amp; Petrus idē.

Cū venisset autem Cephas Antiochiam, in faciem ei restiti: quia reprehensibilis erat. Prius enim quàm venirēt quidam à Iacobo, cū Gētib⁹ edebat. Cū autem venissent, subtrahēbat & segregabat se, timens eos qui ex Circūcisione erant. Et simulationi eius cōsenserunt omnes Iudæi, ita vt Barnabas duceretur ab eis in illam simulationem. Sed cū vidissem quod non rectè ambularēt ad veritatem Euangelij, dixi Cephæ coram omnibus. Si tu cū Iudæis sis, gentiliter viuis, & non iudaicè, quomodo Gentes cogis Iudaizare?

Cū autem venisset, &c. Hīc latius ostendit quam frustra niterentur aduersarij auctoritate maiorum, videlicet B. Petri & Iacobi, qui propter Iudæorum scandalum plus nimio fauebant illis cæremoniis. Ait ergo quod in faciem ei restitit, Cephæ scilicet, ob istam causam, quia reprehensibilis erat. Gracè melius, quia reprehensus erat, vt sit sensus: Meruit vt in facie ei resisteretur, quia iam erat reprehēsus. Verisimile est enim qd nonnulli ex Gentibus querēbantur, cur ita ageret fauens cæremoniis: cum certò sciret, & sic diceret coram Gentibus, eas non prodesse vltius. Caietan⁹ reprehēsum à Iudæis intelligit. Sed quæ consequentia vt ideo illi fuerit resistendum in facie: quia illum reprehēderant Iudæi iniuria? Cui placet capiat, nihil obsto.

Prius enim quàm venirent quidam à Iacobo cum Gentibus edebat, &c. Demonstrat in quo reprehēibilis erat B. Petrus, qui falsis illis fratrib⁹ à Iacobo missis, propter bonū pacis cesserit. Sed non erat attendenda, pax quæ contra euangelij veritatem pugnat, & pax quæ mox maiore paritura erat dissensionem. Digno vocabulo ait, Quidam, quasi nō digni

In quo erat reprehēsi-  
lis Petrus.



nomine. Erāt enim falsi fratres: & fortē ea de causa missi fuerant à B. Iacobo, vt Iudæorum vitaretur scandalum inde acceptum, quod Gentes quæ veniebant ad fidem, non erudiebantur de lege: imo rumor sparsus erat, discessionem à Mose ab Apostolis doceri, & ita erudiri ipsos Iudæos, qui Gentibus permixti erant, vt in Act. Apostolorum patet, cap. 21. Quare B. Petrus nimis ab eis metuēs, cum prius cum Gentibus gentili more conuersaretur comedens omnia, & non discernēs iuxta legis decreta, illis aduētantibus cœpit se subtrahere à Gentibus, & ad morem iudaicū reuerti. Vnde scandalum, & maius quidem eo facto scandalum (quod maxime animaduertendum erat) oriebatur: quia Gentes propter B. Petri exemplum adducebantur ad illas obseruantias: Sic enim se ab illis subducēs (licet hoc faceret non ex animo tanquam probās Iudaica) cogebat illas iudaizare, non qui eis verbo præciperet, sed illo facto & exemplo, cum talis esset, ad quem quasi ad viuam legem, & rectē viuendi normam omnes aspicerent. Dicit & illi simulationi consensisse cæteros Iudæos, qui scilicet sciebant rei veritatē: & (quod cum vehementius permouit) etiam Barnabam: de quo minime hoc erat putandū, cum satis instructus esset ab ipso B. Paulo comite suo. Hic vide, quas in vtraque partem vires habeat Principis autoritas, vt non solum vitia in se aut virtutes concipiant, sed & in ciuitates quoq; & subiectos populos infundat. Quia enim B. Petrus primus erat & pastor omnium, meritō in illum cunctorum oculi coniciebātur. Sed quid B. Paulus noster? Audi illum.

*Sed cum vidissem quod non rectē ambularent ad veritatem Euangelij, dixi Cepha coram omnibus. Quid est quod ait, non ambularent ad veritatem Euangelij. Certē non existimandum est idem esse, quod nescire veritatem illam, aut errare circa illam mente & intellectu: sed potius non tendere opere ad illam. Hoc est enim ambulare, facto ipso & opere prouehi. Potest autem esse, imo euenit sæpissime, qui intelligunt veritatem in vniuersali, eos non ambulare secundum illam in particulari, quam ipsi facto non applicant. Et illud animaduerte quomodo illi dixerit coram omnibus: quia peccatum publicū manifestē & palam arguēdum est, vt præcipit scriptura, & ipse B. Paulus: & hoc, vt amoueatur scandalum. Peccantes (inquit) coram omnibus argue. Et audi quid dixit:*

*Situ cum Iudæus sis, gentiliter viuis, & non iudaicē: quomodo cogis Gentes iudaizare? Hic primum nota, Gētiliter viuere (vt hoc in loco propter subiectam materiam accipitur) significat liberē, & sine vlla legis alligatione ad cæremonias. Vnde ait, Et non iudaicē, vt pro eodem habeat, gentiliter, & non iudaicē: similiter intelligendo, iudaicē, pro supersticiosē viuere, & non secundum legis obligationē. Alioqui, Gētiliter viuere, in malam partem sumitur passim in scripturis. Apostolus enim alibi ait: Sicut Gētes quæ ignorant Deum. Et perpende argumentum Apostoli contra B. Petrum, vt ostendar illum non ambulasse ad veritatem euāgelij. Si tu, inquit, non seruas legis cæremonias, quas certō scis secundum euāgelium esse antiquatas: & hoc agis existēs Iudæus, quod longē est fortius, cum lex data sit Iudæis non Gentibus: neque potes id iure facere, nisi*

scires legem esse solutam, & in Christo Iesu non esse vltius Iudæum, aut Græcum, sed nouā creaturam. Quomodo inquam tu qui hæc omnia nosti, cogis nunc ad Iudaismū Gentes, quibus nihil prorsus erat commune cum Mose, nec vnquam fuit? Hic est huius loci verissimus sensus.

Sed multa cum propter hæreticos, vt eorum vitentur errores, tum ipsius veritatis gratia, hoc in loco diligenter (pressiore tamen sermone) tractanda sunt, quod ipsa euāgelij pura veritas pateat. Primum ergo statuēdum est, legem Moseos antiquatam fuisse per mortem ac resurrectionem Christi. Nūquid autem hoc omnino, vt etiam quæ ad moralia pertinebant, euacuata sint, & non solum cæremonia & iudicia? Respondeo: Si lex ipsa consideretur tanquam Moseos, quasi Moyses ipse sit promulgator & autor, omnino cessauit lex, & per omnia: quia nihil illius legis faciendum est nunc, quatenus Moyses eam tradiderit, cum ipsemet Moyses aduenienti Domino nostro & suo vero legislatori (qui est Christus legifer noster) cesserit. Qua in re primum ab hæreticis maximē distamus; qui impiē ac proteruē negant adesse nobis Christum legislatorem, contra manifesta scripturarum testimonia Isaia, & Fratris Domini, & alia plura, quemadmodum alibi diximus. Si autem de nudis præceptis legis per se fuerit consideratio, dicimus: Quæcunque moralia fuerunt à Mose præcepta, quæ includuntur in duobus illis præceptis charitatis, non cessasse, nec euacuata esse per mortem & resurrectionem Christi. In nouo enim statu positi maximē tenemur diligere Deum, & proximū nostrum: & cuncta item agere, quæ pertinent ad horum implementum præceptorum, quæ decalogo continentur. Quod dum hæretici pessimi ac perniciosissimi inficiantur, nonne contra vniuersam scripturam dogmatizant? Qui non diligit (ait Dilectus) manet in morte. Et quicumque non obedit præcepto charitatis, non possidebit regnum Dei. De cæremoniis autem & iudiciis, & nominatim de circumcisione, dicimus hæc omnino & per omnia euacuata: nec tenetur illis vinculis quicquam, nisi qui vult sponte astringi, ad propriam tamen damnationem. Illæ namque cæremonia iam euaserunt mortifera: nec vlllo pacto sunt cum puritate euāgelij admiscenda. Et quamuis ad tempus sint in Iudæis toleratæ propter infirmitatem eorum fidei, & lōgam assuetudinem: in Gentibus tamen nec ad horam. Tantummodo propter conuictum prohibitus est eis usus sanguinis & suffocati. Et in hoc etiam impingunt perniciosē hæretici, qui nunc liberas faciunt omnes cæremonias. Ideo aduertendum est magnopere, ne quis corū dolis se decipi patiatur.

Adhæc: Quoniam in causis iustificationis, imo & in ipsa ratione iustificationis plurimum atq; pestilenter aberrant: Iccircō & hīc breuiter admonendus est lector, primum ab illis rationem vocis huius peruerri cum dicant, Iustificari non esse iustum fieri, sed pro iusto reputari, idque per iustitiā Christi. Itaq; volunt eos qui iustificātur, iustos esse (vt ita dicamus) imputatiuē rātum: quoniam fide apprehēdunt Christi iustitiā, qua fuit ille iustus, vt imputetur eis & per illam satisfaciant Deo pro omnibus peccatis quocūque tempore & statu ab

Quomodo  
lex dicatur  
cessasse.

Quales  
principes,  
satis ex  
suo diti.

De corre-  
ptione pu-  
blice.

1. thess. 4.



homine perpetratis. At catholica fides multò aliter hac in parte docet. Ait enim hominem infidelem & iniustum, qui nūquam fuit in Christo, per fidem gratis, non per opera legis quæcunque iustificari verè, non per imputationem: idque formaliter per donum iustitiæ quod infundit Deus, ut sit nobis inherens, & per illud verè simus & dicamur iusti, & nō solum reputemur. Et insuper possumus per illud donum iustitiæ amplius iustificari ad effectum salutis. Quoniam & iustificari dicitur iustus, quum per opera bona maius iustitiæ pōdus acquirat, ut dignus habeatur corona iustitiæ, sicut mandavit Dominus dicens: Nisi abundauerit iustitiā vestra plusquam Scribarum & Phariseorum, non intrabitis in regnum cælorum. Et dilectus dixit:

Matt. 5.

Apoc. 12.

Qui iustus est, iustificetur adhuc. Fatemur tamen hoc iustitiæ donum, quo verè iusti efficiuntur & grati Deo, obuenire nobis propter iustitiam & merita Christi, quæ nobis meruerunt hoc donum. Animaduertat igitur prudens lector & acutus, quantum attinet ad eam quæstionem, Vtrum ex sola fide, an ex operibus legis fiat iustificatio. Et primū constituat hominem ex iniusto fieri iustum à Deo tantum, secundum causam effectricem. Quia ipse solus potest facere mundum de immundo cōceptum semine. Deinde consideret, dum hanc iustificationem Deus in nobis operatur, aliquid à nobis ab illo requiri. Et multum interest si quis ita quæstionē proponat. Quid requirat ab homine iniusto Deus, ut illum iustificet? An verò sic. Quid est illud quod in nobis operatur Deus, quo iusti sumus? Si quis enim ad primam quæstionem respondeat, Deus requirit ab homine iniusto (ut illum iustificet) fidem formatam, id est, fidem cum charitate: ineptè & falsò responderit. Qui enim charitatē habet, iam iustus est. Similiter si responderit: Requirit opera legis ut iustificet, perversè responderit. Ab iniusto quomodo opera legis bona fieri possunt? Rectè ergo responderit, si dicat: Requirit Deus fidem synceram absque dolo, quæ continet ante actæ vitæ pœnitentiam, & votum sacramenti suscipiendi, & pactum Dei. Si enim sic dispositus homo fuerit, tūc à Deo iustificatur per infusionem iustitiæ.

Attende  
lector, quia  
in hoc con-  
sistit plu-  
rium falla-  
cia.

Et tum succedit ista alia quæstio. Quidnam agit Deus in nobis? Et quid est illud quo formaliter iusti simus? Respondetur: Infundit Deus donū illud charitatis & iustitiæ in corda nostra. Vnum est enim donum, & illud est quo propriè ac formaliter iusti sumus. Est autem qualitas cœlitus veniens in formans animam, per quam tales efficiuntur, & nominamur. Et illa est per quā habiles reddimur ad faciendū opera legis perfectæ. Dico legis charitatis, per quæ iustificari etiam amplius iustificamur. Prima namq; iustificatio est ad cursum & agonē: secunda ad brauiū & coronam. Hæc est vera, & catholica doctrina, quæ hæc signa gerit: Conciliat scripturas: conuenit cum sensu ecclesiæ: in prōptu habet ut resoluat omnes hæreticorum argutias: & fideliter suscepta facit, animum quiescere.

Signa do-  
ctrinæ ca-  
tholicæ de  
iustifica-  
tione.

Nunc redeamus ad propria loci huius. Difficultas in litera ea nascitur: quoniam Apostolus videtur iniquè B. Petrum reprehendisse de illo errore, de quo ipsemet poterat coargui, ac eò seuerius increpari, quātò alios ipse tanta frōte, & ipsum prin-

cipem Apostolorū de eodem facto reprehēdebat. Ecce enim in primis, Timotheum filiū patris Gentilis, cum primū illum secum assumpsit, propter Iudeos circumcidit qui illis in locis repetiebantur. Et de ipso met B. Paulo legitur, quomodo rasit sibi caput in Cenchreis: quia votum habuerat. Adhæc suāsu B. Iacobi, cū postmodo venisset Ierosolimā, purificauit se more Iudeorum cum his qui votum habebant super se: & cætera cum illis visus est confirmare, quæ lex de Nazareis præceperat.

Huius igitur argumenti efficacia motus B. Hieronymus, atque ex veterum sententia scribens, negat veram fuisse & seriam Apostoli Pauli in B. Petrum reprehensionem, sed fictam atq; simulatam, & in speciem propter Gentes: ut hypocrisis illa B. Petri, quæ valebat ad retinēdum Iudeos, cum non parum obesset Gentibus, moderaretur hypocrisis Pauli, quæ pro Gentibus faciebat, in & Iudeorum præiudiciū instruebatur, ut sic amborum simul collecta simulatio retineret tā Iudeos quā Gentes in Christo. Quod enim liceat interdū officiosè simulare, sacræ literæ multis in locis permittere videntur.

Contra hæc B. Augustinus aliquot argumentis, & iis quidem validis insurgit. Primò: Quia si hoc admittamus, B. Paulum animo ficto & simulato in ea reprehensione vsum fuisse, duo sequuntur absurda. Alterum peccauisse illū ita simulando: quoniam simulatio ista non poterat fieri sine culpa, cū sub mendacio contineretur. Omne autem mendacium malū est. Nec sunt faciendæ mala ut eueniāt bona, Apostolo ipso teste & iudice. Quomodo igitur tantus Apostolus fecisset contra doctrinam propriam? Alterum absurdū istud est. Non solum ipse B. Paulus illud agens cōvinceretur de mendacio, verum etiā (quod est nephādissimum asserere) scriptura ipsa similiter mendacij nomine argueretur. Ait enim quod Petro restitit in faciē. Si autem non verè restitit illi, sed simulatè: falsa inuenitur scriptura quæ ait, quod restitit illi. Resistere namq; simulatè, non est resistere. Bis igitur mendax inueniretur B. Paulus, qui tamen superius protestatus erat: Ecce (ait) coram Deo quod non mentior.

Adhæc, ipsa quæ subduntur verba: Quia reprehensibilis erat, si sic habet litera, faciunt contra illud quod asseritur, simulatè reprehensum esse. Si enim erat reprehensibilis, cur simulatè reprehenditur ac non verè? Alioqui reprehensibilis iudicabitur, qui reprehēdendi onus suscipiens, non tamen seriò reprehendat verè reprehensibilem. Adhæc, & ibi subdit se vidisse quomodo non rectè illi ambulare ad veritatem euangelij. Hoc autem verūmne est, an falsum? Si falsum: mētitur (quod vel pronunciare horreo) scriptura: & ipse tantus Apostolus iterum periurus inuenitur, qui dato iureiurando contestatus est se non mentiri. Si autem verum, non ambulasse eos ad euāgelij veritatem: An (quæso) tali in errore versabantur qui deberent simulatoriè reprehendi? Hoc si dicitur, nec verè nec rectè dicitur.

Neque verò sum nescius ad id quod legitur, In faciem restiti, quid responderi potest, quemadmodum B. Hieronymus secundum veteres exponit, ut sit idem dicere, in faciem, quod in publico, siue in specie, id est, non verè, sed apparēter. Quam



responsionem (ni fallor) B. Augustinus non percepit. Sed hæc interpretatio minime recipienda est; quæ reuera militat contra totum B. Pauli conatū, qui maximè erat apud Gentes, vt persuaderet inutilitatem circumcisionis, & cæremoniarum legis: Qui si de ea re B. Petrum simulatè reprehendisset, nedum ea debere tolli, sed potius suo exemplo persuasisset seruari. Quamobrem (vt paucis concludam) hic intellectus omnè totius epistolæ neruum infringit, si quis diligenter & rectè perpendat. Quenam præsentis (rogo) epistolæ esset & tanti viri grauitas, in quo loquebatur Christus, & ipse coram Deo se loqui tam sæpe testatur, si confessus esset simulationibus esse fundata ac firmata? Præterea, Reliqua omnia quæ in epistola subduntur, huic interpretationi minime quadrant. Denique res ipsa & ratio satis demonstrat, in B. Petro maiorem ac prudentiorem aliquanto circumspectione desideratam, dum suo facto atque exemplo cogeret Gentes iudaizare, cum id esset admodum periculosum, neque vlllo pacto ferendum.

Quamobrem respondendum est iam argumentis. Et primùm quidem, quantum ad illud votum attinet, quo obstrictus dicitur torondisse sibi in Cenchreis caput, male opinor ad B. Paulum referri posse. Longè melius etiam secundum literam applicatur ad Aquilam, si rectè animaduertas. Nec tam facilè persuadebor B. Paulum habuisse huiusmodi votum. Illud verò quod purificauit se B. Iacobi hortatione, cum quibusdam Iudæis, ad nullū pertinet scandalum Gentium. Propter Iudæos enim fecit citra vllam Gentium offensionem: quin verius illud probatum est, quod ipse de se prædicauit. Omnibus omnia factus sum vt omnes lucrificarem: his qui sub lege erant, quasi sub lege essem, non ignarus propter infirmos sic ad tempus gratū fuisse Domino.

Maioris est momenti argumentum de Timotheo, qui erat ex patre Gentili. Nam par videtur & eadem ratio, quæ erat in Tiro, qui cum esset Gentilis, non debuit circumcidi. Verum non ab re scriptum est, matrem ei fuisse hebræam. Quia enim religionis fauore proles religiosum sequitur parentem, vt rectè colligitur ex cap. 7. ad Corinthios, vbi siue vir siue mulier sit infidelis, sanctificare dicitur per fidelem, vt filij non dicantur immundi. Item quia tunc nondum erat reprobata synagoga, sed in Moyse sola reputabatur, & in Christo etiam tunc Gentilitatem præcedebat: ideo computatus est Timotheus, & habitus inter Iudæos. Vnde & ab infantia (vt de illo ipse B. Paulus testatur) erat instructus in lege & sacris literis: quem B. Paulus fuisse Gentilem nusquam docuit, sed tātum de patre hoc dixit. Titus verò qui merè Gentilis erat vtroque parente Gentili, ideo non compulsus est circumcidi. Quod vigilanter hoc in loco B. Paulus commemorans commonefacere nos voluit, non solum dicens illum circumcidi non compulsū verum etiam rationem adiiciens: Cum esset Gentilis: ac si dixerit manifestè. Si fuisset Hebræus, fuisset vtique circumcissus propter infirmos, vt cū honore ad tumultum deferretur synagoga. Et hoc satis quod ad literam pertinet.

Irruunt autem portæ inferi aduersus Petram multis modis circa literam ex hoc huius epistolæ lo-

co. Et quidam B. Petrum non habuisse primatum inter Apostolos nonnullis argumentis suadere nituntur. Nam, cum B. Paulus memoret columnas ecclesiæ, primò Iacobum, deinde Petrum nominat: quod non fecisset, si Petrus princeps Apostolorum fuisset. Et nunc haberetur pro re vehementer absurda, si quis Carnalis ante Papam nominaretur. Secundò patere aiunt, non fuisse B. Petrum vniuersalem Episcopum: quia illi credita fuit cura in circumcisionem, & Paulo in Gentes. Tertiò quia reprehenditur ab ipso B. Paulo. Non est autem minoris maiorem reprehendere, præsertim Papam.

Ad hæc probare nituntur quidam nequiores ex hoc loco, B. Petrum errasse in fide, vt concludant multò magis & Papam errare in fide posse (contra quam tamen conclusionem asseritur vniuersaliter à Catholicis, & recta doctrina) & hinc volūt sequi, Concilium esse supra Papam. Vnde & adiciunt primum Apostolorum & seniorum Concilium, vbi Iacobus confirmat sententiā Petri: imò ipse dicit se iudicare. Et ipsa pronuntiatio sit nomine totius Concilij, & non B. Petri solum.

Pro cuius rei intellectu, vt ordine respōdeamus ad obiecta. Primùm si iccirco arguunt, B. Petrum nō habere primatum, quia illi antefertur Iacobus in litera, dum res exponitur: etiam dicerent Christum non fuisse primum respectu B. Pauli & Apolli: quia similiter postponitur, cū (vt vidimus) narratur quosdam dixisse: Ego sum Pauli, ego Apolli, ego Cephas, ego Christi. Et quodā in loco beatissima Virgo post Apostolos memoratur. Sed diceret quis aduersum nos parum pius ac religiosus, qualis Erasmus, & Lutherus: Si hoc inualidum est argumentum, cur vos hoc vno maximè vimini, quo statuatis primatum eius? Nam quia in cathologo primus ponitur Petrus, illi ideo primatum asseritis. Sed ostendunt qui ita dicunt, se non percepisse vim argumēti. Non enim doctores nostri ob eam tantum causam arguunt fuisse primum B. Petrum, quia primò enumeratur: sed quia cū primo loco enumeratus esset, & positus primus, etiā primus vocatur. Nō ex hoc quod positus est primus sed ex hoc quod iam positus primus, etiam hoc nomine nuncupatur & honoratur. Dicit enim Euangelista: Primus Simon Petrus, ex quo eius primatum non ab re colligimus. Aliud est enim primò poni in narratione: Aliud eundem etiam asseri primum in dignitate & iurisdictione.

Quòd si quis etiam querat. Quare hic Petro præponitur Iacobus in narratione, nec est ei seruata sua dignitas? Respondeo. Non est præpositus Iacobus Petro, sed Cephas, id est, homini illi, non vt erat Petrus & Papa, sed adhuc vt Apostolus circumcisionis: quoniam Iacobus erat episcopus Ierosolymitanus, & in hoc maior Petro, non considerato primatu illius. Consideret lector & probe si placet. Non enim puro B. Paulum hoc in loco nomen sine causa mutasse, vt modo Gentiliter Petrum, modo syriacè Cepham nuncupauerit. Quod & de dit occasionem errori: quoniam inde putauerunt quidam (vt dixi) hunc fuisse alium quandam Cepham, non Petrum Apostolum: qui sic euadebant vt à blasphemis potius, quàm ab arguantis Pharisæis se vindicarent, B. Paulo arrogantiam obiectantis, qui ausus esset arguere superiorem. Sed

ca litera ab  
hereticis:

1. Cor. 1.

Act. 1.

Matth. 10.

Cur Petro  
præpositus  
Iacobus.

Contra pri-  
mam cir-



*Cur B. Iaco-  
bi epistola  
prima inter  
canonicas.*

nihil necesse erat ad id comenti confugere, quod ex nullo scripturæ loco fulciri potest. Dicendum potius est, Nihil mirum si à principio in fauorem Iudæorum nondum reprobatorum, & nec dum statuta B. Petri cathedra firma, Iacobus eorum episcopus hac prærogatiua donatus est. Nam & ob istam causam non sine Dei nutu (vt existimo) Iacobi epistola inter septem canonicas primum sibi loco cum vendicauit. Vnde merito B. Hieronymus (vt in epistola ad Rom. attigimus) in quosdam succensus fuit, qui inuertentes ordinem ab ecclesia antiquitus præstitutum, epistolas B. Petri præposuerunt epistolæ B. Iacobi, propter præexcellentiā Petri: non considerantes mysterium. Decebat enim prius doceri Iudæos ab episcopo suo: quoniam ipsi priores esse debebant in donis. B. verò Paulus doctor Gentium postposuit illos Gentibus, vt agnosceremus & hac in parte mysterium ab ipso met explicatum, post intratam Gentium plenitudinem, tunc omni Israeli salutem quoque ad futuram.

Ad secundum rectè dicimus, minime se cum B. Petro comparare B. Paulum in auctoritate & iurisdictione: sed tantum in Apostolatus officio, & prædicationis cura, per Dei prouidentiam illis ita diuisa, vt B. Paulus inter Gentes magna operaretur: Petrus verò inter Iudæos. Neque enim fieri poterat vt B. Petrus per se prædicaret vbique. Vnde necessarium fuit vt curam Apostolatus partirentur. Nec per eiusmodi distributionem, auctoritatē primariam & iurisdictionem à se auocauit. Reprehendit ergo Paulus Cepham, non Petrum, id est, illum vt peculiariter Apostolum Iudæorum nimis pro Iudæis zelantem: non autem vt Papā & omnibus superiorem, & curam omnium sibi creditarū ouium administrantem.

Ad tertium, Nihil prohibet minorem auctoritate interdum superare maiorem, sapientia & prudentia. Et hac circumspectione dari multi doctores & aduocati possunt, scientia superiores multis iudicibus & iuri dicundo præfectis, nec tamē priores illis potestate ac iurisdictione. Sic ergo reprehendit Apostolus B. Petrum, non tanquam antecelleret scientia, sed vt circumspectior, & ad scientiæ legitimum vltimū rectius ambulans. Quod si arguatur (vt Porphyrius perfidus arguere non est veritus) de arrogantia Apostolus Paulus, cum eius non videantur esse partes, qui minoris sit auctoritatis, maiorem reprehendere, præsertim tanta asperitate, & cum resistentia illa in faciem. Respondetur. Imò verò & potest, & debet fieri: verum tamē à persona idonea, cum res in perspicuum fidei præiudicium vergit. Eo nanque tempore & casu omnes reddimur pares.

*De officio  
Cardinalium.*

Ob istam causam vult Deus summo Pontifici ad esse assistentes, & à consiliis graues scientia, omnique virtutum genere præditos viros (quos Cardinales vocamus) vt & eorum vtatur consilio si opus sit, & scientia, & admonitionibus: & dum res grauioris præiudicij occurrerit, etiam durius obstant, eique in faciem zelo Spiritus accensi, si opus fuerit resistent. Nam Deus in egregium posteris exemplum permisit, vt id in tam magnis Apostolis accideret. Et Paulus quidem exemplum præberet zeli & fiducia, etiam ad corrigendum superiorem. Petrus verò humilitatis & resipiscentiæ ad re-

cipiendum ab inferioribus factam correctionem, & ad mutandam sententiam.

Quòd si quis obiiciat, Non omnes Pontifices sunt Petrus, qui mansuetè audiant bona consilia, quum volunt carni complacere & sanguini. Illud cogitare debet, nulli ab officio suo esse licitum desistere, propterea quòd alius non impleat suū. Vi deat ergo ne illud, Vt, multos maneat quod Isaias aiebat, Vt mihi quia tacui. Quæ nō rarò excusatio est declinās in peccata. Multa enim à Pontificibus facta nouimus indigniora, quibus si ij qui videtur columnæ esse, apertas suas sententias, & nasciturū inde scandalum opposuissent & erroris grauitatē, non lugeret pusillorum scandala pia mater ecclesia. Sed ferè omnia præpostero ordine conuersa sunt. Paucissimi sunt qui audeant: Plures qui veritatem Dei in iniustitia detinent: Assentatorum nō est numerus. Sed portabunt iudicium, quicumque sint illi.

Hoc vero in loco illud insuper notandum est, & ex ipsius Porphyrii annotatione corrigendum, notum fuisse, & sine vlla controuersia receptum, B. Petrum fuisse Principem Apostolorū. Hoc enim sumit in argumento suo Porphyrius tanquā principium & dignitatem apud Christianos: quod nemo Catholicorum illi negauit. Hoc aduersus eos sit dictum, qui audent dicere hunc primatum fuisse ab Imperatoribus Romanis constitutum. Certum est enim Porphyrium, antequam vllus esset Imperator Christianus, in philosophiæ professione claruisse. Erat igitur, & fuit, & erit semper (velint perfidi) hoc constantissimum in ecclesia, B. Petri & successorum primatum, illis fuisse à Christo constitutum. Et vix vllus est alius fidei nostræ articulus adeo firmus & stabilitus, qui tot habeat testimonia ex Patribus, & ipsa quidem robustissima consuetudine atque vltimo perpetuo.

Porrò quod à quibusdam asseritur, B. Petrum in fide errauisse: & hinc educunt, Papam etiam in fide posse errare, Cogit nos hoc in loco plures conditiones & B. Petri, & sedis eius, paucis perstringere ac reducere in conclusiones. Prima ergo sit. B. Petrus id est, illa B. Petri persona ex illo tempore quo fuit Pontifex, non potuit amittere fidem. Rogauit enim pro eo peculiariter Dominus, ne deficeret fides eius. Et ne putaretur rogasse pro sede illa tantum, non autem pro persona, vocauit eum nomine suo illo antiquo Simon. Sic enim ait B. Lucas, Ait autem Dominus Simon, Simon, ecce Satanas expetiuit vos vt eribaret sicut triticum. Ego autem rogaui pro te, ne deficiat fides tua. Pro te, videlicet Simone particulariter. Et certè hoc decens erat, vt qui primus eligebatur Christi Vicarius, super quem ædificanda erat ecclesia, nequaquam vllō modo à fide posset deficere.

Secunda conclusio (quam ego veram credo) Sicut ille non solum non potuit in fide deficere, ita nec errare in fide, id est, aliquam falsam conclusionem tenere, quæ pertineret ad fidem. Aliud est enim errare in fide: aliud est deficere in fide, vel à fide. Deficit homo à fide vel in fide, cum infidelis efficitur, & fidem ipsam negat & repudiat. Errare autem circa rem fidei etiam fidelis potest, dum tamen non sit in errore pertinax. Et licet ita res sese habeat, non propterea existimo B. Petrum erra-

*Conclusiones  
pro primatu  
B. Petri,  
& primatus  
cathedra.  
Luc. 22.*



re in fide potuisse, cum esset constitutus Domini electione magister fidei: & ab initio oportuerit statui perfectum pastorem ac magistrum, quæ essent fidei apprimè scientem: quia ex eius ore omnes oportebat illa accipere. Quin & de omnibus Apostolis hoc piè & cum magna ratione putandum est, ut non solum non possent deficere, sed nec errare in fide: quoniam promissus erat illis affuturus veritatis Spiritus, omnem eos veritatem edocurus.

Tertia conclusio. In actis & gestis B. Petri potuit esse aliquid (sicut verè fuit) quod non esset secundum scientiam suæ fidei, unde posset aliquid scandali cõtrahi & erroris in aliis, circa ea quæ sunt fidei: quemadmodum in casu proposito accidit. Sciebat enim proculdubio B. Petrus vniuersaliter legem iam esse per Christum impleam, & consequenter abolitas esse caremonias. Nam hac de re plenissimè fuit à Christo instructus, ut constat ex visione lintei. Verum cum hac scientia illud quoque sciebat, ad tempus esse tolerandos Iudæos, ac velut pueros non de repente ablaetandos. Quin imò ut eleganti exemplo B. Augustinus illustrat, & iuxta scripturas (quanquam Erasmus hoc fatuè atque insipienter irrideat, ut multa solet) erat synagoga cum aliquo honore ad sepulcrum efferenda, & cum fletu: sicut fleuerunt Molen Iudæi in cā pestribus diebus triginta, & Dominus sepeliuit eū ut eius memoria nulquam appareat. At Iosue non fleuerunt, sed ipsi sepelierunt eum. Quæ quidem historia inclusum gerebat hoc mysterium quod carnales Iudæi excæcati non vident.

Cum igitur ista optimè sciret B. Petrus, ut scandalum tamen vitaret, ferebat Iudæos suos in ea carnalitate manentes, ne infirmæ illorum fidei (quæ nondum solidas egerat radices) noceret, ob inueteratam ferè in illis caremoniis assuetudinem, repentina mutatio. Itaque cum illis ostendebat se quodammodo legis esse obseruatorem. Sed tum in hoc versatus est errore, dum hanc pietatem atque indulgentiam, plus quàm ratio postularer, nimium produxit. Nō enim ex altera parte animaduertebat, cum Iudæorum infirmitati prospectum vellet, scandalum perspicuum à se porrigi Gentibus, à quibus se coram Iudæis subtrahens (quantumvis simulatè) ostendebat facto ipso atque exemplo, cum ipse talis esset (ut paulò ante diximus) ad quem omnes respicere, & à quo exemplum capere deberent, ostendebat, inquam, Gentibus verè legem retinere adhuc suam integritatem & vigorem, & seruandam ipsis Gentibus, cum viderent Principem fidei non communicare se illis ob istā solum gratiam, quod nō seruarent legem. Et hinc ob istam quandam incircumspectionem, nascebatur in aliis error fidei, licet non in B. Petro. Et cum non esset hoc tolerandum mox à Domino Deo prouisum fuit per B. Paulū, qui huic malo occurreret, & resistendo mederetur.

Error ergo in B. Petro fuit cuiusdam incircumspectionis, non fidei. Ex illa tamen incircumspectione sequebatur error magnus in fide, non in ipso, sed in Gentibus. Hunc autem eo tempore minus animaduertebant B. Petrus & Iacobus, qui toti intenti curare peculiariter Iudæos, proprium mysteriū honorificare studebant. Sed zelus ille mo-

derandus erat, quia aliis Christianis plurimum detrimenti afferebat. Animaduertit hoc beatus Paulus Gentium doctor, honorificās & ipse erga suos ministerium proprium, sed prudenter & cum æquitate. Neque verò existimandum, graue fuisse B. Petri peccatum: quia talis incircumspectio humana fuit, & ex bona charitatis radice profecta. Vitabat enim scandalum Iudæorum, ne periclitarentur immaturi adhuc, & in fide admodum teneri, qui Mosayci nominis eiusque legis tam citò obliuisci non poterāt. Atqui paulatim erant & cum magna moderatione ad integram euangelicā veritatis puritatem suauiter pertrahendi. Quod si quis in bonam piæ interpretationis partem pendere voluerit, non magnopere mirabitur B. Petrum eò erga suos progressum fuisse. Euenire siquidem frequenter sapiētes homines considerarunt, dum quis diligentius atque perfectius vnum malum deuitare laborat, fieri ut in aliud nonnunquam improuidè impellatur: & talis ex rei angustia excusatur. Eò enim deducta iam res erat, ut alterum necessariò oportere euenire ob quorūdam Iudæorum curiositatem & audaciam, qui clām explorabāt & scrutabantur libertatem Apostolorum & Christianorum. Excusabilius itaque B. Petro fuit in eam partem pendere, ne illi scandalum pateretur, quorum curam gerebat. Quare vel nullum fuit B. Petri peccatum (quod rectius puto) vel admodum leue, & omni venia dignissimum. Imò quia ex mera charitate, & salutis eorum desiderio omnia illa faciebat, non dubito quin & ea parte quoque meruerit. Ne fuerit munificentior erga obstetrices Deus quæ ex officioso mendacio laudem ab illo & præmia retulerunt, non quidem de mēdacio ipso, sed de officio, cui tamen coniunctum fuit mēdacium. Pari pietate sentiendum est de B. Petro. Verum quia illud factum afferebat magnum (ut diximus) præiudicium veritati fidei, quam ipse norat, & nō magnopere (cogitatione ad Iudæorum vtilitatem abstractus) aduertere, ideo reprehensum illum oportuit.

De quolibet autem alio Papa, præter B. Petrum, prima conclusio ista sit. Nihil prohibet Papam errare etiam in fide, ac deficere: Tamen si quidam nouitij scriptores ausi sint præter communem doctorum sensum, oppositum defendere. Quos ipsi libèter sequeremur, si cum ratione possemus: nec vlla nos reprimet antiquorum autoritas. Nec enim nostra sapientia fingenda sunt priuilegia, vbi nequaquam sunt necessaria. Isti autem periclitari fidem putant, si contingeret errare Papam in fide. Quod longè ab est à vero. Non enim quisquam tenetur credere, quæ ipse Papa credit: sed quod ipse Papa profiteretur & doceret, ac mandat legitimè esse credendum. Non autem permittit Deus Papam vllum, etsi in errorem perniciosum inciderit, illū tamen de cathedra docentem confirmare, & mandare recipiendum tanquam rem fidei. Quinimò cum casus iste euenerit, Papam in hæresi lapsū fidem amittere, etiam ipsum simul cum fide amisisse papatum non est dubium, ut scriptura probat: quia infidelitas repugnat substantiæ tanti sacerdotij. Vnde dicimus, licet hæresis non palam appareat, ipso tamen iure cum definire esse Papam. Gerere autem se pro Papa potest, & coram homini-



bus esse, donec manifestetur hæresis, vt deponatur. Et hic casus eiusmodi est, ob quem Papa potest deponi. Qua sententia non à Papatu excluditur (quo iam ipso iure ob perfidiam priuatus fuit) sed solum ab administratione: quanquam Occhã, & Caietanus in libro de autoritate Papæ & concilij aliter docuerunt. Verum Caietanus retractans hoc ipsum, aliter postmodo, & rectius scripsit, in opusculo de Primatu Petri ad Leonem Decimũ.

Secunda conclusio sit. Papa vt Papa, id est, sedendo, & legitime (iuxta ritum vtendi clauis scientiæ sibi singulariter commissa) determinando rem fidei, non potest errare, ita vt decidaat aliquid contra fidem. Non autem datur iste casus ob singularem Dei prouidentiam, scilicet vt verus Papa, aut etiam qui per ignorantiam inuincibilem vniuersa liter putatur verus Papa, licet non sit, directe quicquam determinet, & proponat esse credendum ex fide, quod esset error. Quod priuilegium, sedis illius est, non personæ. Datum enim est illi, nõ quidem propter illum, sed propter ecclesiã. Sicut quilibet sacerdos sacrificans, si seruet ritum ab ecclesia præstitutum, intendens illud facere quod facit ecclesia, etiam si fuerit infidelis, sacrificabit. Nihil tamen prohibet (de Papa loquor) posse illum aliquid per modum statuti ac præcepti vel falsum, vel iniquum decernere, sicut nonnunquam accidit: ita vt inueniantur decreta Pontificum nonnulla & varia, & inuicem contraria. Sed quicquam ex fide credendum proponere, & asserere esse ex fide quod non sit ex fide, nec istud fecit vnquam, nec vllus Papa facere potest. Deus etenim hic ne faciat assistit, non quidem propter illũ, sed (vt dixi) propter ecclesiã.

*Duplex determinatio*

Veruntamen serid aduertendum est, duplici modo fieri posse determinationem. Et vno quidẽ modo, Verbo. Alio verò modo, Facto ipso & vsu. Sicut duplex est lex. Vna quæ consistit in dictando, & fit scripto, ita vt legi possit: Alia quæ consistit in moribus, quando quid consuetudine firmatũ est. Et quia nulla lex robur habet & vim præcepti, nisi iam firmata sit: Tunc dico non posse esse errorem in re determinata circa fidem, quando ita sit determinata, vel expressis verbis in modum sententiæ, vel consuetudine, vt vel clarè appareat, vel tacite subaudiatur hoc præceptum, quod omnes ita credere & sentire debeant, sicut est determinatũ. Quare in proposito. Quia illud Petri factũ, si diutius fuisset toleratum, & sic versum in consuetudinem, tanquam vim legis obtinisset (quandoquidem ab eo Pastore fiebat, cuius erat declarare, proponere, ac mandare cæteris, quæ sint credenda) Ideo non permisit Deus transire incorrectum, ne inde sumeretur exemplum & efficax argumentũ pro re falsa in fide. Quanquam reuera illud non faciebat B. Petrus vt vniuersalis Pastor intendens obligare fideles, & illo suo facto determinare id esse verum, quod esse falsum sciebat. Sed quia ex facto illo colligi aliquo modo potuisset ille error ad fidem pertinens. Ideo Dominus cirò (vt diximus) occurrit per Apostolum Paulum. Quia in re declaratur prouidentia Dei magna, ne vllus possit error in ecclesia circa fidem obrepere, tanquam à Papa determinatus.

Quamobrem hic locus non solum non seruit

aduersariis: sed contra, in nostrum potius fauorem totus conuertitur, qui falsam à Pontifice dari in fide determinationem inficiamur. Hæc igitur pauca si considerentur, etiam illud rectè intelligetur, quid sit: Papa errare non potest, id est, vt Papa vt doctor fidei, vt sedens in cathedra, & proponens aliquid, & præcipiens illud credendum esse, quod non sit secundum fidei veritatem. Ne autem illud faciat, aut potius ne illud efficiat, prohibet Deus, non propter ipsum (vt diximus) quem nihil vetat esse malum & errare, sed propter ecclesiã suam, in qua oportet esse illibatam fidei doctrinam, vt ipsa verè intelligat & quid credendum, & quid sperandum, & quid per dilectionem operandum sit: quæ si non credat sic edocta, & speret, & operetur nihil habeat excusationis apud Deum, sed illa exprobatore opprimatur illi os, quàm dixit Dominus. Quid debui facere vineæ meæ, & non feci? *Isa. 5.*

Postremò, Quod producebatur de concilio antiquo, nihil prorsus facit in diminutionem cathedræ Petri. Neque ibi obstat B. Petri dictum à Iacobo confirmatum: quia illa confirmatio in disceptatione fuit, non autem post sententiam & definitionem datam. Nec obstat si ibi B. Iacobus dixerit: Propter hoc ego iudico, &c. quia est iudicium duplex, Vnum autoritatis & potestatis: Alterum verò certæ scientiæ. Hoc postremum scientiæ iudicium potest esse in multis, qui non sint Petrus, id est, Papa. Imò sape vsu euenit, dari posse aliquem Episcopo Romano longè doctiorem: qui talis habebit scientiam multò maiorem & clariorem, vt possit cognoscere & iudicare quod verum est, nec tamen propterea habebit scientiæ clauem, quæ secum fert decernendi potestatem. Alioqui considerat (quæso) mecum stultorum insipientiam. Si enim quia dicat B. Iacobus, Ego, iudico, intelligunt de iudicio iurisdictionis & potestatis: profectò hoc suamet ipsi sententia deferunt Iacobo, quod negant esse dandum Petro. Quo quid absurdius, cū istud sit inauditum? Nam vbi, & quando accepit hanc Iacobus potestatem, vt iudicaret super alios?

Adhæc, patet sententiam eo tempore fuisse nomine vniuersæ synodi latam. Nec id vlla in re authoritati B. Petri quicquam detrahit. Nos enim defendimus in legitima synodo esse omnem authoritatem: quia in ea Petrus est semper: & à Petro, tamquam à capite, profiscitur. Et nihil virium illud habet, à quibusdã minus circumspectè adiectum: quoniam scriptũ est de Apostolorum collegio, qui miserunt in Samariam Petrum & Ioannem: vt sic eliciat Apostolorũ collegium maioris fuisse quàm Petrum, qui ab illo mittitur, autoritatis. Mittere enim, authoritatem, & (vt ita dicam) maiorem in mittente supponit: & e contrario in eo qui mittitur, inferioritatem. Nos verò respondemus, non quidem nonnullos imitati, qui negant hoc sumptum, cū Spiritus sanctus mittatur à Filio, cui tamen est æqualis. Nam in his instantiis est saltem authoritatis maioritas. Maior est enim autoritate Pater quàm Filius: & Filius maior quàm Spiritus sanctus ratione originis. Sed responsio nostra hæc est, Petrum, siue Papam considerari multipliciter posse, videlicet, vt homo est, vt ouis Christi est, & vt quiddam pertinens ad ecclesiã, sicut vnumquodlibet aliud Christi membrum viuando

*Pro assistentia Spiritus sancti primæ cathedræ.*

*Isa. 5.*

*Papa multipliciter consideratur.*



corpori obligatum. Et iuxta hanc cōsiderationem haud dubium Papam synodo subiici, quia sibiipsum: & sic missus fuit à semetipso aliter atque aliter cōsiderato, ut minor erat & maior. Nā & dū peccata sua confiteretur, & potestatem dat audienti super se, minor est ea in re ipso sacerdote audiente, ac seipso ut Papa est. Denique verba quæ loquutus est in ea synodo B. Petrus, manifestū eius primatum probant & magisterium, cum in hunc modū sit eloquutus: Viri fratres, Vos scitis quod ab antiquis diebus Deus inter nos elegit per os meum audire Gentes verbum euangelij & credere. Quis hoc poterat dicere? Nam si poterat hoc alius, cur ille sibi hoc vendicauit singulariter de se testatus, & aiens, per os meum, & non dixit, per os nostrum? Cur Beatus Paulus hoc audiens tacuit, & honorare neglexit ministerium suum, cum tamen esse Magister & Apostolus Gentium, & non restitit illi in faciem, qui falsō sibi vni auctoritatem decernendi absolutam arrogabat: An credendum in eo concilio talem vel ignorantiam, vel metum, seu assentationem erga Petrum fuisse, ut nullus prorsus errorem illum Petri auderet corrigere? Quæ cum absurdissima sint, & hæreticorum veteri odio sedē Apostolicam prosequentium commēta, facile nos qui veritatem & amamus, & libenter defendimus, prorsus debemus contemnere.

Itaque dicendum, quæ B. Petrus proferebat, ea ad iurisdictionem sui Papatus attinebant, quam illi ab ipso Christo datam recenti memoria Apostoli ipsi, & tota plura illa ecclesia optimē nouerant: ideo assensere omnes penitus, & Petri determinationē amplexi sunt: quæ & ad Gentes transmissa, maximam eis latitiam attulit, ut habetur in Act. Aposto. licet quidam illum locum inepta interpretatione frustra enervare nitantur.

Denique multis modis comparari potest Petrus ad alios, & ad ipsummet concilium. Erat enim omnis Christi: erat discipulus: erat sacerdos: erat episcopus: erat Apostolus: fuit etiam Papa, & Christi Vicarius: & in hoc cunctis eminuit. Circa alia verō vel æqualis fuit cæteris, ut in eo quod sacerdos & episcopus. Nam æqualem paremque cum cæteris sortitus est potestatem. Porro quis eorum maior fuerit in ministrando fortiter ac fideliter, non est nostrum (nec ad rem præsentem spectat) iudicare. In ipso quidem Apostolatu quoad dignitatem, par cæteris fuit B. Petrus: quoad fructū verō & laborem, minor Apostolo Paulo, qui reliquos omnes laborum tolerantia & magnitudine vicit. At in Pontificatu vniuersali solus ipse cæteros præcedit: cui dictum est soli, Pasce oves meas. Et ideo ad ipsius tribunal deferuntur causæ maiores & vniuersales, ut eas cognoscat atque decernat. Ipse concilia cōgregat, ipse probat, ipse reprobatur. Ipse canonizat scripturas, & reprobatur. Canonizat veros sanctos, & reprobatur falsos. Apostatas discernit ac hæreticos, & anathemati subdit. Ipse etiā doctrinas discernit, has cōmendans & recipiēs, illas verō vel ut apocryphas repudiat, vel ut pestiferas etiam dānat. Interpretatur cum auctoritate scripturas: ut omnibus necesse sit eius interpretationem, quam facit determinando, recipere. Ipse regulas statuit Apostolicas. Ipse regulares vitas approbat: conuenticula autem noxia dissoluit. Ipse

creat episcopos, confirmat, & (ubi opus est) exautorat. Reges de sede exturbat, cum eos rebelles & contumaces experitur, aut exurgentes aduersus veritatem summi omnium regis Christi. Hæc autem omnia in ædificationem, non in destructionem, de quibus (ut dixi, alius est, & proprius differendi locus.

Nos natura Iudæi, & non ex Gētibus peccatores. Sciētes autem quod non iustificatur homo ex operib<sup>9</sup> legis, nisi per fidem Iesu Christi: & nos in Christo Iesu credimus, ut iustificemur ex fide Christi, & nō ex operibus legis: propterea quod ex operibus legis non iustificabitur omnis caro. Quod si quærentes iustificari in Christo, inuēti sumus & ipsi peccatores: nunquid Christus peccati minister est? Absit. Si enim quæ destruxi, iterum hæc ædifico, præuaticatorem me cōstituo. Ego enim per legem legi mortuus sum, ut Deo viuam: Christo confixus sum cruci. Viuo autem, iam non ego: viuit verō in me Christus. Quod autem nunc viuo in carne, in fide viuo Filij Dei, qui dilexit me & tradidit semetipsum pro me. Non abiicio gratiā Dei. Si enim per legem iustitia, ergo gratis Christus mortuus est.

*Nos natura Iudæi, &c.* Hoc in loco insurgit B. Paulus egregiē aduersus illam Galatarum persuasionem, qua erant à pseudoapostolis imbuti, oportere per omnia seruari legem Moyses. Arguit autem sic ab usu magnorum Apostolorum, & ab eorum fide qui erant columnæ. Et hoc primum sumit tanquam certum, ipsos Apostolos summos & primarios legem non seruasse, cum tamen essent natura Iudæi, & non ex Gentibus peccatores, tametsi indigentes gratia Dei sicut cæteri. Nos, inquam, videlicet Apostoli qui electi sumus ad fundandam fidem, quos impossibile est aberrare propter verbū Dñi, q̄ dixit de Spiritu, quia docturus esset eos oēm veritatē, s. pertinētem ad fundamēta ecclesiæ. Nam fundamenta Dei oportet omnino stabilia esse. Nos igitur tales licet Iudæi simus, & natura quidem Iudæi, ad quos maxime pertineret seruare legem, nisi esset abolita: credimus tamen, id est, confidentiam nostram nacti sumus in Christo Iesu per fidem, non in obseruationibus legis. Et quare per fidem: nisi quia reuelante Christo sci uimus ex fide Christi nos iustificari, & non ex operibus legis: Propterea quod ex operibus legis non iustificabitur omnis caro, id est, nulla caro. Caro enim non viuificatur, nisi per spiritum. Spiritus autem non venit nisi ex fide: iccirco ad iustificationem hanc nostram, quæ est iustificatio vera coram illo, nā coram hominibus, elegimus viam per fidē. Cum igitur hoc ex certa scientia agimus: non quidem perinde atque hi qui ex fragilitate non seruant mandata, sed scientes quod non iustificatur homo ex operibus legis, nisi per fidem Iesu Christi: profectō vos qui debetis nos sequi, etiam absque scrupulo hoc debetis recipere. Vide igitur

*Doctrina de iustificatione.*

*Ioan. 16.*

*que sunt  
summi Pontificis  
pro-*



vt rectè ab ipso Apostolorum facto arguit, quod à certa sciètia veniebat. Nā ad eos pertinet quod ait: *Nos natura Iudæi*. Non enim vniuersaliter poterat attingere hic sermo ad Iudæos: quoniam ad hūc intellectum falsus esset, propterea quod magna Iudæorum pars aliter sentiebat & seruabat, eorum etiam qui venerant ad euangelicam fidem.

Locus dignus intellectu, contra Lutheranos.

*Quod si quærentes iustificari in Christo, inueni sumus ipsi peccatores, &c.* Confirmat dictum, Christum reuera iustificare à peccato, & nullo modo Moyses legem, quæ potius operabatur iram. Pro cuius loci verissimo intellectu prænotandum est, quod vera iustificatio quæ est per Christum in homine, operatur cum extinctionem peccatorum præteritorum, tum etiam facultatē operandi iustitias legis, & implendi præcepta charitatis. Hos autem effectus si non præstaret iustificatio, quæ in nobis est in Christo, ita vt homo existens in Christo adhuc inueniretur non habere extinctum peccatum ac per hoc adhuc inueniretur peccator, hoc est, peccati seruus, sustinens dominatum peccati: profectò sequeretur fuisse Christum peccati ministrum. Sic probatur. Christus Legislator nouus, in sua noua euangelij lege non solum non aufert præceptum charitatis, sed vt perfectius seruetur, mandat, quàm mandauerit lex: & ipse præcipuè dixit, Non concupisces: quin & quædam legis subtrahit licentias, ligans nos adhuc arctius ad minus concupiscendum.

Si ergo eadem & maiora imperat nobis Christus, & non iustificat: & non etiā adiuuat, vt quod imperat, fieri possit, peccati profectò minister est. Quandoquidem præcipiendo peccatoribus, vires peccati (quod superari non vult) exultat. Cumque dominetur peccatum in homine, id efficit, vt fiat supra modum peccans ipsum peccatum. Talis ergo esset Christ⁹, qualis lex vetus olim, quæ iram illo modo operabatur: quoniam suo imperio ministrabat peccatum, mandans seruari præceptum, & non dans tamen, quo seruari posset, auxilium. Hoc idem & Christus faceret: imò etiā magis efficeret, si non per gratiam iustificaret, & consequenter non abstulisset peccatum, & non extinxisset illius peccati dominationem subministrando facultatem implendi præcepta charitatis quæ longè constituit grauiora quàm essent antea. Hoc autem relinquit Apostolus velut absurdissimum, & contra innumeras scripturas: quia scriptum erat per Isaiam, Veniet ex Sion qui eripiat & auertat impietatem à Iacob. Et hoc illis à me testamentum, cum abstulero peccata eorum. Et per Ieremiam, Ecce dies veniunt dicit Dominus, & feriam domui Israel, & domui Iuda fœdus nouum, non secundum pactum quod pepigi cum patribus vestris in die, qua apprehendi manum eorum, vt educerem eos de terra Aegypti, pactum quod irritum fecerunt, & ego dominatus sum eorum, dicit Dominus. Sed hoc erit pactum quod feriam cū domo Israel post dies illos, dicit Dominus. Dabo legem meam in visceribus eorum, & in corde eorum scribā eam, &c. Vbi perspicuè vides nouum promitti testamentum, & legem datam iri in visceribus eorum, & in corde eorum superscribendā. Similiter & per Ezechielem, vbi legis, Effundam super vos aquam mundam, & mundabimini ab inquinamentis vestris,

& ab vniuersis idolis vestris. Et dabo vobis cor nouum, & spiritum nouum ponam in medio vestri: & auferam cor lapideum de carne vestra, & dabo vobis cor carneum, & spiritum meum ponam in medio vestri: & faciam vt in preceptis meis ambuletis, & iudicia mea custodiatis, & operemini, &c. hæc ibi. Vnde B. Paulus exclamans ait, *Abstir*, scilicet vt non iustificet Christus, & ita nō auferat peccatum, gratiamque & facultatem bene operandi non donet: & ita ille sit peccati minister, sicut erat lex: quod est peruersissimum cogitatu. Probat autem, videlicet Christum si non iustificasset esse peccati ministrum. Et directè iugulat hūc lutheranam insanissimam positionem, quæ vult per Christum in baptismo non tolli peccatum, sed solum nō imputari. Et ita, modo non imputetur, destructum esse peccatum volunt. Sed audi Apostolum.

*Si enim quæ destruxi*. Hunc locum sic exponunt alij. Si enim quæ destruxi, videlicet legalia, credendo in Christum: illa iterum ædifico seruando illa, prauaricatorem me constituo: quia hac ipsa mea obseruantia declaro me non credere in Christū, sed illum & gratiam eius abiicere. Aut prauaricatorem me constituo: quoniam ab initio abiici legalia, quæ abiicere non debui secundum conscientiam meam, cum illa nunc reperam. Hoc autem velut absurdissimam rem penes Apostolos relinquit, vt modo aliqua destruant, modo iterum ædificent.

Alius tamen sensus profundior, & vicinior ad mentem Apostoli accedere mihi videtur, qui & continet omnes alios: nimirum, *Si enim quæ destruxi*, videlicet per fidem & sacramentum. Quæ autē sunt quæ destruxit, nisi præcedentia peccata, quæ destructa sunt in baptismo: & consequenter onera illa legis, quæ illi statui conueniebant? Si ergo ista iterum ædifico, id est, si iterum pecco: quod necesse mihi est, si non iustificor ex fide, & nō renouor mente. Peccato enim in me dominante cogor necessario redigi sub illo captiuus, ac propterea in opera praua iterū atque iterum, & continuo relabi: propterea prauaricatorem me constituo. Ille enim est prauaricator, qui committit in eam legem, quam sibi nouit esse præscriptam. Præuaricationem autem mors sequitur & dānatio. Ergo Christus qui venerat vitam daturus, inuenietur minister peccati: & propterea non ad vitam, sed ad mortē, & qui dem maiorem mortem venit. Nam maioris præuaricationis reos nos constitueret: cum longè sit iniquius & grauius post agnitam veritatē iterum sanctum transgredi mandatum. Alia igitur hostia desideraretur pro nouo peccato. Tacet autē quod alibi expressit, post primi status mutationem, si de nouo voluntariē prauaricemur, non superesse amplius hostiam pro recidiuo. At cum hoc (vt manifestè absurdū & falsissimū) sit explodendum, addit:

*Ego enim per legem legi mortuus sum, vt Deo viuam.* Hæretici hunc locum quo valde præmuntur, variè exponunt. Lutherus sic, quod per legē, scilicet gratiæ & fidei, erat mortuus legi simpliciter, id est, omni legi: quia legem gratiæ non vult esse legem, sed nudam promissionem, & eius apprehensionem per fidem. Verū quoniam hoc durum erat & satis perplexum, Burlingerus quidam, per legē intelligit eandē legem, vt sit sensus: Ego per legem illam,

Isa. 59.

Iere. 31.

Ezech. 11.  
& 36.

Heb. 7. 10.



illam, quæ mihi dicit se esse inutilem ad iustificandum, ipsi legi sum mortuus, ut Deo viuam.

Sed verus sensus est: *Ego per legem*, videlicet nouam gratiæ, qui est ipse Christus, *legi mortuus sum*, legi nimirum Moseos: quia iustificatus sum per Christum. Qui enim talis est, nouus homo est, non sub lege, id est, sub legis imperio & subiectione: & ita mortuus illi. Lex enim in homine dominatur quandiu uiuit. Mortuus ergo, non est sub lege illa: quia sic mortuus, iustificatus est à peccato, id est, à debito quo ipse obnoxius erat ipsi peccato, ut esset sub eo: cum sit scriptum. *Qui facit peccatum seruus est peccati*. Et cum iam sit iustificatus à peccato, etiam non inuenitur sub lege. Ille enim sub lege est, qui quæ iubet lex aut timore facit, aut etiam transgreditur: ut sic supplicio legis subiaceat & maledictio. Hic autem omnis maledictus & seruus, ad quem data est lex illa Moseos, quæ non est posita iusto, sed iniustis & contumacibus, ut testatur Apostolus. Christi autem lex e contrario, posita est iusto: imo ipsa facit iustum.

Et propterea per hanc Christi legem homo Iudæus moriebatur legi Moseos, illi videlicet legi minitanti, atque imperiosè iubenti ac seuerè, ut quæ peccatorum inuenerit, & rebellem, atque osorem boni, quæ alligabat illos miseros Iudæos, veluti pedagogo erroneos, & rectam disciplinam fugitantes pueros.

Ideo autem mortuum se legi ait & peccato, ut consequenter Deo uiuat: quoniam conformatus erat Christo in cruce, qui mortuus est ut uiueret Deo, id est, in gloriam eius, ut Unigenitus. Viuere autem Deo (quod ad nos attinet) est per seruitium & obsequium charitatis ingenuum ac liberale, præcepta eius seruare, & illustria opera facere, unde Deus glorificetur. Et qui eo spiritu agitur, verè Deo uiuit. Quamobrem verissimum sit me præuaticatorem constitui, nisi quæ iubet lex gratiæ seruauero viuens Deo. Non enim quia non sub illa Mosaica lege uiuimus, sed sub gratia, soluti propterea ab omni lege sumus, ut isti exleges blaterant: in quo est maximus & intolerabilis error. Superest enim nobis lex fidei, & gratiæ, & euangelij, sub qua sumus non ut peccatores, sed ut iusti: non ut inuiti, sed ut volentes quod ipsa lex vult: quæ si militèr imperat charitatem, & illam edicit nobis, & similiter præcipit: Non concupisces. Sed hoc ipsum quod edicit, etià ipsa efficit: quia in corde nostro spiritus est charitatis, qui deprecatur ad optima, & simul illa nobiscum operatur.

Cum ergo ait Apostolus: *Ego enim per legem legi mortuus sum*, Christiani personam induit, & Christi legem, quæ est charitas collaudat, quæ data est in cordibus nostris. Hæc facit hominem legi timoris mortuum. Neque enim hæc duo simul stare possunt, timore incedere, & amore: minis, & blanditiis: spe terrenorum, & spe cœlestium: ligatum vinculis, & solutum: oppressum carne, & spiritu leuem esse atque expeditum. Lex Christi lex est amoris, quæ me legi timoris mortuum facit, ut non iam metu verberum vitæ malum, & operer bonum: sed desiderio & amore iustitiæ. Oderunt enim peccare mali, formidine pœnæ. Oderunt peccare boni, virtutis amore. Vnde & B. Ioannes. Timor non est in charitate: sed perfecta charitas foras mittit ti-

morem. Lex Christi, lex libertatis est, quæ constituitur pristina legis seruituti mortuus. Homo ipse donec peccator est, seruus peccati est, id est, concupiscentiæ suæ, cui obtemperauit. Sed qui per legem Christi liberatur ab isto peccato, seruus factus est iustitiæ, quæ seruitus est ingenua. Hæc necessario declaranda, & sæpius sunt inculcanda: quia vulgo non intelliguntur.

Lex ergo Christi quæ habet verba præmiorum æternæ vitæ (ut ait B. Petrus) constituit me mortuum veteri Mosaicæ legi, quæ temporalia promittebat, in quibus non consistit vera spes. Vera enim spes verè ardua respicit: & hæc sunt æterna reuera. Nihil temporale, præ iis quæ sunt æterna, excelsum atque arduum videri debet. Lex itaque Christi, quæ est lex veritatis, & veri corporis, legi mortuum me facit, quæ habet figuras & umbras. Lex Christi, quæ est perfecta, & perfectam præcipit charitatem, euacuat quæ sunt imperfectio- nis & adhuc paruuli. Quo fit ut legis remissiones, & indulgentias circa carnem: ut in diuortijs: in pluralitate vxorum: in odio inimicorum: in vindicta huius mudi, ferre non possit. Ob eam causam Dominus. Audistis (inquit) quia dictum est antiquis, &c. Lex Christi quæ spiritum habet & tendit in Deum, non indiget tot vinculis & oneribus cæremoniarum, quibus astringatur homo, aut opprimatur ne in deteriora labatur. Ideo mortuus est illi legi onerosæ, & ea alliganti, quæ illorum patres portare non poterant, ut non detineatur sub illis, velut puer & seruus, sed expeditè ab his liber factus seruiat Deo. Denique lex Christi viuax est & potens ad operandum, ut potè in corde expressa, non tam ad sciendum (Nam & hoc facit naturalis lex, habens suum dilectionis Dei & proximi præceptum) quàm etiam ad operandum. Dat enim ut illa perfici possint, quæ ipsa iubet: quicquid dicant stultissimi hæretici. Omnia enim possum (ait Apostolus) in eo qui me confortat. Hæc igitur lex interna eiicit legem quæ foris est, quæ solum dictat quid est faciendum: & dictat homini in carne, non in spiritu existenti. Dictat tamen spiritualia, sed quæ operari non valet. Et per hoc verissimè vides, eum qui in Christo est, per Christi legem mortuum esse legi, cui vterius non uiuit, sed uiuit Deo. Viueret autem legi, si illam adhuc comminantem haberet, & veluti inuito dominantem. Tunc lex ut bona laudaretur & sancta: & vituperaretur homo, ut malus, & legis bonæ ac sanctæ præuaticator.

Christo confixus sum cruci. Ex crucis mysterio, quasi in quadam figura, rem totam exponit. Sic enim imaginari oportet, talem fuisse hominem ante acceptam iustitiam, quoad conditionem peccati & mortis, quæ venit ex peccato, qualis fuit ipse Christus antequam cruci affixus esset, respectu vitæ corruptibilis & mortalis. Gessit enim typum peccatoris, & peccati. Sicut ergo Christus dum ista vita uiueret, expositus fuit passionibus carnis huius, & corruptioni vitæ mortalis, antequam cruci confixus esset & expirasset: Ita sese habet homo in statu naturæ suæ lapsæ respectu vitæ peccati: quia in eo peccatum uiuit, & ipse uiuit peccato fructificans illi ad mortis damnationem.

At si ingressus in Christum semel affigitur cruci

*Prædicato-  
res hoc ob-  
seruent.*

*Matt. 5.*

*Qui diligit  
veritatem,  
vide ut hæ-  
retici con-  
sumentur.*

*Figura  
Christi,  
hominis  
peccatoris.*



(quod fit per fidem & sacramentum) statim mortuus est peccato, postquam satisfecit illi Dominus per mortem cum non teneretur, & non ulterius viuit illi: quia vitæ huic terrenæ non ultra est additus. Hoc est enim viuere Christum peccato, scilicet tandiu viuere donec sit peccato satisfactus. Post vixit, & viuet in sempiternum Deo, qui gloriosus & graciosus apparet in conspectu eius, non quasi inimicus sub ira, sed amicissimus sub gratia: nec amplius moriturus pro vilo peccato, sed regnaturus in eius gloriam sempiternam.

Talis ergo esse debet omnis qui Christum semel indutus est, & cum eo confixus cruci, ut mortuus inueniatur peccato, & legi peccati: & tollantur omnia quæ erant vetustatis (ut iam diximus) dominatus peccati, & legis timor, & cetera imperfectio nis commemorata: & viuat homo Deo, seruiens illi in iustitia & lætitia, cum timore tamen illo sancto, qui cum amore coniungitur, & dicat cum B. Paulo. *Viuo ego, iam non ego: viuit verò in me Christus.* Quid est dicere, *Viuo ego, iam non ego*, nisi duos Adam esse considerandos, veterem scilicet carnalem, & nouum spiritualem? Et quod homo in natura sua positus, est in veteri homine, qui verus homo de suo infundit in eum quæ sunt concupiscentiæ, & peccati, & mortis? *Quamdiu enim sic se habet homo ipse, dicitur viuere per eam vitam quam habet ab veteri homine: quoniam sic operatur ut habet in iis principiis à veteri homine acceptis.* At ubi semel Christum crucifixum induit, hic idem homo mortuus inuenitur secundum id quod erat prius, & fit noua creatura: quia resurgit in Christo, & nouæ atque alterius vitæ habet principia, quæ sunt infusa dona. Dilectio etenim ipsius Dei in illo est: & sic viuit, non iam ille prior quasi in veteri homine existens eiusque influxus recipiens, sed quasi in nouo: ut ipse nouus homo dicatur viuere in eo per principia gratiæ & dilectionis, quam misit in illum Christus, sicut vitis in palmitem. Hoc est ergo quod ait. *Viuo ego, iam non ego*, id est, non talis qui eram prius, in quo operabatur verus homo, sed ut nouus homo Christus. *Qui enim in Christo est, aliquo modo & ipse Christus est: arque sic optima ratione appellatur ab Apostolo, cum sit Christus in eo per suum donum Spiritu suo in eum impressum, in quo dono expressus est Christus.* De huiusmodi vita dixit Dominus aliquando: *Adhuc modicum, & mundus iam me non videt. Vos autem me videtis: quia ego viuo, & vos viuetis.* Ac si dixerit, *per me viuetis: quia ego vita sum, qui & mittam de Spiritu meo in vobis, ut maneat, & sic vos inferet in me illa vera vite, per quam palmites, qui in ea manent, viuunt.*

*Quod autem nunc viuo in carne: in fide viuo Filij Dei, &c.* Ad hunc sensum est hoc intelligendum. Videbatur non posse hominem, dum in his est corporis compagibus inclusus, vitam habere, vitam scilicet gratiæ: quia caro ista cum sola carnalia concupiscat, non est eiusmodi vitæ susceptibilis. At homo qui adhæret Deo, vnus spiritus fit cum eo. Et sic licet in carne ista adhuc concupiscibili sit quodam modo positus: quia tamen spiritu mortificata est, non viuit in eius concupiscentia, sed in fide Filij Dei. Ex fide enim super quam ædificatur cha-

ritas, Deo iungitur qui est Spiritus, ut sit vnus spiritus cum illo: & ita non est ulterius in carne dicendus, sed in spiritu. Essentia nanque nostra ex ea parte iudicatur, quæ vincit. Si enim in homine caro vincat, dicitur ille homo esse in carne, vel esse caro. Sin autem spiritus superat, dicitur esse spiritus, & in spiritu. Propter quod scriptum est: *Qui in carne sunt, Deo placere non possunt.* Vos autem iam in carne non estis, sed in spiritu: si modo Spiritus Dei habitet in vobis. Fides ergo quæ est æternorum, eximit nos à carne, ne eius concupiscentiis succumbamus ob spem meliorum, quæ dantur nobis per Christum, cuius gratia exigitur fides in illum. Nam ipse est via & veritas, & vita nostra æterna. Porro alienum omnino esset habere quenquam vitam, & non credere in eum qui est ipsamet vita, & vitæ illius author, quæ speramus, & per quæ illam obtinemus: præsertim qui tanto nos amore est prosequutus, ut tradiderit in mortem semetipsum pro nobis. Vnde ait:

*Qui dilexit me, & tradidit semetipsum pro me, id est, loco mei.* Ego ipse meritò mortis suppliciis tradendus eram, non ille. Aut potius, *pro me*, ut mihi ad veram salutem prodesset: Vtrunque enim verum est. Nam loco nostri nostras suscepit pœnas: ut sic peccatum nostrum dilueret. Itaque tanti beneficii gratam se habere memoriam ostendens Apostolus, tandem concludit:

*Non abiicio gratiam Dei. Si enim per legem iustitia: ergo gratis Christus mortuus est.* Nihil locus hic continet difficultatis. *Non abiicio* (inquit) *gratiam Dei:* quod perinde est ac si dicat. Non confido in lege, nec in Mose, ut nasciscar iustitiam: quoniam sic abiicere gratiam Dei, quæ obuenit nobis gratis per Christum. Hoc enim iustitiæ donum gratis nobis donatur: ideo & gratia Dei iure dicitur. Lex quidē per Moysen data est (ut testatur B. Ioannes) Gratia autem & veritas per Iesum Christum facta est. Ne minem verò lege Moseos iustificari, clarum ex eo est: quando quidē si ita se res haberet, Christus gratis esset mortuus. Cur enim oportuisset eum mori, si iustitiā, id est, donum illud quo quis fit iustus, operata esset lex in ipso homine, ut coram Deo vere viuere posset?

Hic nota pie lector, quàm perpetuò & calumniosè nos accusent hæretici, qui contra Apostolum nos docere vociferantur, per obseruantiam legis obtineri donum iustitiæ: quod nullus vnquam Catholicorum vel somniauit. Etenim B. Augustinus, & doctores catholici omnes, & vniuersa Christi ecclesia semper docuit, Neminem posse suis viribus à peccato resurgere, nec quicquam agere quod mereatur tantum iustitiæ donum, cum excedat omnem humanam potentiam. Alioqui gratia, quam prædicat omnis ecclesia, non esset gratia. Non igitur in hoc est neruus disputationis, & controuersiæ status inter nos & illos: sed in aliis, quæ notata sunt.

## CAP. III.



**Q**UINSENSATI Galatæ, quis vos fascinauit non obedire veritati, ante quorū oculos Iesus Christus proscriptus est, & in vobis crucifixus? Hoc solū

Ioan. 14.

Rom. 8.

Ioan. 11.

Calumniam  
hæreticorum  
in Catholico

cos.



à vobis volo discere: Ex operib<sup>9</sup> legis Spiritum accepistis, an ex auditu fidei? Sic stulti estis, ut cum Spiritu cœperitis, nunc carne cōsummamini? Tanta passi estis sine causa? si tamē sine causa. Qui ergo tribuit vobis Spiritum, & operatur virtutes in vobis: ex operibus legis, an ex auditu fidei? Sicut scriptū est: Abraham credidit Deo, & reputatū est illi ad iustitiam. Cognoscite ergo quia qui ex fide sunt, ij sunt filij Abraham. Prouidens autem scriptura, quia ex fide iustificat Gētes Deus, prænuntiavit Abraham: Quia benedicentur in te omnes Gentes. Igitur qui ex fide sunt, benedicentur cū fideli Abraham. Quicumque enim ex operibus legis sunt, sub maledicto sunt. Scriptū est enim: Maledictus omnis qui non permāserit in omnibus quę scripta sunt in libro legis, ut faciat ea. Quoniam autem in lege nemo iustificatur apud Deum, manifestum est: quia iustus ex fide viuit. Lex autē nō est ex fide: sed qui fecerit ea homo, viuet in illis. Christus nos redemit de maledicto legis, factus pro nobis maledictum (quia scriptū est: Maledictus omnis qui pēdet in ligno) ut in Gētib<sup>9</sup> benedictio Abraham fieret in Christo Iesu, ut pollicitationem Spiritus accipiamus per fidem.

**O** *Insensari Galatæ.* Iustæ reprehensionis verbum & correctionis, quasi Magistri & Præpositi. Alia enim ratione nemo potest hoc dicere fratri suo: cui iuxta sententiam Domini, si dixerit, Racha, reus erit concilij. Et si dixerit, Farue, reus erit gehennæ ignis. Eo spiritu Dominus gratia correctionis dixit: O stulti & tardi corde. Et alibi: Adhuc & vos sine intellectu estis? Adiecit & hoc verbum, *Galatæ*, alludens ad ethymum vocis (B. Hieronymo teste) quasi essent negotiatione quadam transmutati. Deinde quærit: *Quis vos fascinauit?* Oculus debiliior per potentiorē oculum, dum in eum attentius intenditur, fascinator. Eiusmodi passio est puerorum propria, ab iis qui malos habent oculos. Mira enim quadam vi afficiuntur, ut fascinentur. Sic accidit & in his qui pueri sunt sensibus circa ea quę fidei sunt. Fascinantur enim oculi horum puerorum ab oculis nequam hæreticorum, si sese inuicem offendant. Fortior nanque oculus est hæretici, qui præoccupat quodam modo, & depressum reddit infirmorum intuitum. Caue ergo ne oculum suum in oculum tuum ille figat, ut eum sua malitia informet. Si enim oculus tuus fuerit simplex, totum corpus lucidum erit. At si nequam fuerit, etiam corpus tuum fiet tenebrosum. Caue inquam, & diligentissimē: quia in eius oculo malum est, & prætigium.

*Ante quorum oculos Iesus Christus proscriptus est.* Quidam legunt, *præscriptus*, Et sensus erit. Vsq̃ adeo fascinati estis, ut præscriptum vobis ante o-

culos Christum non videatis: Hic sensus licet sustineri possit, non placet tamen: quia alius videtur illustrior. Alius ergo sensus est, eo sine fascinum factum esse, ut Christus sit illis proscriptus, id est, damnationi datus quasi ex demeritis, sicut facinorosus quidam: quales olim proscribebantur, qui rei deprehendebantur criminum. Hæc intelligentia à B. Ambrosio probatur & Augustino, ut recte subdatur. *In vobis crucifixus.* i. ille qui in vobis crucifixus est, ut perire faceret peccatū, iam proscriptus manet, ita ut nihil operetur in vobis, si re<sup>9</sup> mortis suomet peccato punitus est, & nō ad iustificationem vestram. Aut sic potius, *In vobis crucifixus*, id est, nō solum proscriptus est ut reus, verum etiam in vobis crucifixus, ut non uiuat & resurgat.

*Hoc solum à vobis volo discere.* Vult probare illorum amentiam. Probatio autem in hoc sustentatur: Amentis est tum putare aliquid esse necessariū consequendæ alicuius rei causæ, quando appareat iam eam sine illo obtentam esse. Ipsi enim Galatæ præsupponuntur querere salutem & vitam, quæ est à spiritu. Spiritus est enim qui viuificat, & iustum facit, & compotem salutis hominem. Supponit etiam ipsos accepisse Spiritum Dei, quemadmodū tunc patebat in donis eius: quia loquebantur linguis, & prophetabant. Querit ergo B. Paulus: Hunc Spiritum quem iam accepistis, & cuius certa signa sensistis, nunquid accepistis ex operibus legis, an ex auditu fidei? ut subaudias: Non ex operibus legis, sed ex auditu fidei. Et hinc concludas insignem illorum stultitiā, quam honoris gratia suppressit, quæ erat: Stultē ergo & insipienter id queritis habere per legē, quod iam habetis per fidem & gratiam.

*sic stulti estis.* His verbis perficitur stultitiæ probatio à pueritate ordinis. Hic nimirum rectus est ordo, ut à carne in spiritū transeat: non econuerso, à spiritu ad carnem redeatur, ut alio in loco: Nō prius (ait) quod spirituale est, sed quod carnale. *I. Cor. 15.* Lex autem eo pacto data est carni, ut promoueret ac proficeret in spiritum: cum videret homo carnalis se eam legem implere non posse, quādiu in carne existeret. Nō autem data est spiritui: quia iusto non est posita lex, videlicet illa dominans & minitans. Cum igitur sic se ordo habeat: Videre, ait B. Paulus, quā stulti sitis, ut cum cœperitis spiritu, velitis carne cōsummari, seu perfici. Quod sanē est peruersissimū: quoniam caro non potest possidere regnum Dei. Nam homo nedum carnis ipsius societate ad promouenda spiritus opera iuuatur, sed contra prorsus infirmatur per carnem, ne possit iustificationem, quam lex exigit, consequi.

*Tanta passi estis sine causa?* Addit illud ad exaggerandam stultitiā, cum labor aliquis magnus, qui ob fructum assumptus est, redditur frustra & inanis ex propria stultitia. An non insensati est, sine causa velle sustinuisse pericula & passiones, cum eas potuisset cum fructu subire? At qui carne consummaretur, amittit spiritum: & ideo sine causa passiones & persecutiones sustinuisset. Temperauit autem dictum Apostolus, ne in aliquam desperationem illos coniiceret, & ait: *si tamen sine causa.* Ac si dixerit, potest esse non sine causa, si tamen resipiscatis, ac stabiles permanseritis in prædicata, & à vobis recepta euangelij veritate.



*Qui ergo tribuit vobis spiritum, & operatur virtutes in vobis, &c.* Arguit eadem argumenti vi paululum immutata. Nam superius ab ipsismet qui spiritum acceperunt, deduxit argumentum. Nunc verò ab ipso datore spiritus arguit. Licet enim ipsemet Spiritus sit dator munerum: per homines tamen dat illa, velut per ministros & instrumenta quædam. Quærit ergo. Ille qui vobis tribuit Spiritum, & virtutes operatur. Verecundè semetipsum insinuat tacens personam suam, qui operabatur magnas virtutes in Gentes, & illas quidem non ab obseruantia legis, sed à Spiritu fidei. Nam Apostolus manifestè non seruabat Moseos legem. Operabatur ergo illas virtutes non ex operibus legis, sed ex auditu fidei: quia & ipse audiuit & credidit, propter quod & loquutus est, vt ad Corinth. superius (vt vidimus) testatus est. Vnde addit exemplum. *Abraham (inquit) credidit Deo, & reputatum est illi ad iustitiam.* Possumus aliter hunc locum intelligere: & hoc ad ipsum Deum referre, qui illa contulit Apostolis & Gentibus charismata, non ex operibus legis quæ fecerunt, sed ex auditu fidei. Quoniam quæ ea signa & virtutes faciebant, vel ex Gentibus erant, qui non habebat Mosaicam legem: vel ex Iudæis, qui iam illam non seruabant.

Sed cū ex hoc loco hæretici moueantur ad contemnenda opera, & mercedem operum, nolentes sano intellectu scripturas intelligere: considerandum est subtilius, & clarum fiet eos ex ipso hoc loco egregiè confutari. Dictum est enim à Deo Abraham: Noli timere Abraham: Ego protector tuus, & merces tua magna nimis. Et post hæc scriptum est: Credidit Abraham Deo, &c. Hic primū fidem agnosce, quæ habet obiectū suū promissionem æternorum. Dixit enim Deus: Ego merces tua magna nimis. Ex illa igitur fide, agnosce iustificationem primam sine vllis præcedentibus operibus gratiosam. Sed nondum est merces illi fidei: quia merces ibi promittitur, non redditur. Cum autem merces promittitur, opus exigitur (vt Apostolus ad Rom. testatur) & ipsa vis vocis apertè declarat. Iustificatio ergo illa prior non fuit ex opere. Non ergo erat merces adhuc, quæ datur operibus. Sed quia promissa est ibi merces, etiā opera expectanda erant, quæ sequuntur fidem, vt daretur mercedi locus. Iustificatio enim plena quæ secum habet mercedis debitum, ex operibus perficitur: & merces ipsa tunc post finem laborum redditur: quod nolunt hi perfidi.

*Cognoscite ergo quia qui ex fide, &c.* Ratio hæc substat in hoc: quia filiis Abraham repromissus est spiritus & hæreditas, sicut erat scriptum. Et ne deciperentur, credentes hanc filiationem esse secundum carnem intelligendam, ait: *Cognoscite ergo*, ac si dixerit: Intellectu spiritali percipite, ipsum Abraham ex fide factum esse patrem eorum qui fide illum imitarentur. Et sic illi qui ex fide sunt, ij filij Abraham sunt, & non Iudæi tantum. Est autem tropus Hebraicus, Esse ex fide. Sicut & dicitur, Esse ex veritate, Ex lege, Ex carne, Ex contentione, & huiusmodi. Nam ex his quendā modum essendi varium declarat, coram Deo considerabilem. Ergo illi sunt filij Abraham, qui sunt ex fide, id est, natiuitatem suam obtinuerunt ex fide, vt sint quodam modo noua creatura. Quod etiam authorita-

te è scripturis petita sic probat.

*Providens autem scriptura, &c.* Argumentum sic componitur. Hi sunt filij Abraham, ad quos pertinet illa data Abraham benedictio. Illa autem data Abraham benedictio pertinet ad omnes omnium nationum Gentes, quæ cōsideratæ sunt in ipso Abraham, velut filij eius. Sed non erant omnes Gentes prodituræ ex Abraham secundum carnem, sed vna Gens tantum, illa nimirum Iudæorum. Ideo oportet considerare Abraham filios alio modo, quā secundum carnem. Igitur secundum spiritum, qui datus est ipsi Abraham, vt esset pater multarum Gentium, non vnius Gentis tantum. Datus est autem illi spiritus non ex operibus legis, cum lex nondum esset: nec ex operibus absolute quibuscunque, sed ex fide, vt ait scriptura. Ergo & hoc similiter de filiis est dicendum, vt in illa benedictione concludantur. Vnde bene & efficaci ratione cōcludit Apostolus noster, & ait:

*Igitur qui ex fide sunt*, id est, qui ex fide facti sunt noua creatura: *benedicuntur*, id est, spiritalibus donis ornabuntur, *cum fidei Abraham*. Et nota quod ait. *Providens scriptura, &c.* vt ostendat hoc esse propheticum. Quia enim semel Deus statuit iustificare impios ex sola fide: & vidit venturas ad se per fidem Gentes, quo facto imitaturæ erant Abraham patriarcham illum. Ideo prænuñciauit in eo esse benedicendas: quia vidit & Abraham similiter crediturum, & propter eximiam eius fidem, veluti patrem fidei futurum, hoc ipso quod in ea suscipienda daret exemplum omnibus. Et postquam probauit dari spiritum filiis Abraham ex fide, sicut prius datus est ipsi Abraham patri, etiā amplius probare contēdit, per legem econtrario non posse dari spiritum, sed ex ea potius maledictum legis venire: quod sic probat:

*Quicumque enim ex operibus legis sunt, sub maledicto sunt.* Dicitur ex operibus legis esse (iuxta tropum scripturæ) qui in ea substantia vel essentia est, qualem legis opera constituunt. Homo enim si legis opera fecisset (quod tamen non poterat, nisi ex fide prius esset iustificatus) ex suis illis operibus habere gloriam poterat apud homines, non apud Deum: nisi quod ipsius legis benedictionum carnalium creditor esset, quas enumerat Moyses. Sin autem econuerso transgressor legis fuisset, sicut proculdubio fuisset (nemo enim poterat seruare legem absque gratia, quæ obtinetur per fidem) inueniretur maledicto legis subiectus. Quia igitur nemo faciebat opera legis tanquam ex lege existens, & non ex fide: iccirco ait B. Paulus absolute, eos qui erant ex operibus legis & non ex fide, fuisse sub maledicto. Nemo enim illorum prorsus faciebat legem, sed nec facere quidem absque gratia dono poterat.

Oportet mente hæc & cogitatione sapienter distinguere: Alias nunquam intelliget quisquam Apostolum. Et hoc hæreticis videmus cōtigisse, qui dum loca scripturarū distinguere & conciliare negligunt, in errores turpissimos & perniciosissimos inciderunt. Sunt enim considerandi diligenter varij hominū status, quos Apostolus huiusmodi dicendi modis significare cōsuevit, nimirū. Esse ex lege, aut ex operibus legis: & Esse ex fide. Et illud in primis mordicus tenere debemus, legis appellatione

Nota.

In confu-  
sam hereti-  
corum do-  
ctrinam.



legem Moſeos, quæ fidem præcedebat, eſſe intelligendam: cuius hæc erat intentio ſecundum Deum initiare hominem, & quodammodo candidare ad fidem, inducendo per viam mandati impoſſibilis miſerum illum ad notiſſimam ſui inſolentis ſtatus, ut eum ſuiipſius pœniteret, ſibiq; diſpliceret: & quæreret ſuo inſito morbo medicinâ ab ipſamet lege prophetice oſtenſam. Hæc eſt Chriſtus, & in eum fides, unde venit iuſtitia: ut ſic poſtea iuſtè poſſet ac legitime certare ad acquiſitionem corone, & ſempiternæ felicitàtis, quæ ex lege expectanda nō erat.

*Scriptum eſt enim: Maledictus omnis qui non permanſerit in omnibus quæ ſcripta ſunt in libro legis, ut faciat ea.* Parum differt locus hic citatus ab ipſo fonte Deuter. 27. Non legitur ibi, in omnibus, ſed facile ſubintelligitur: quoniam vnus transgreſſor, omnium reus eſt. Qui enim præcepit alia, præcepit & illud. Ideo is conuincitur non diligere, qui vel vnum prætermittit ſeruare diuinum mandatum.

Obſecro verò te, bone lector, attēde diuinæ prouidentiae pro hominis peccatoris reparatione ſapientiffimum ordinem. Primùm animo contemplari debes, hominem promouendū in Chriſtum ſic debuiſſe diſponi, ut agnoſceret ſemetipſum peccatorem, infirmum ad omne bonum. Tum benignam Dei prouidentiam, qui dignatus eſt parare illi Redemptorem & medicum Ieſum Chriſtum, qui vnctione ſua illum ab ea infirmitate ſanaret: modo ille & Redemptorem, & medicum ſimiliter agnoſceret, eumque inuocaret. Secundò cogitare debes ipſum hominem eſſe natura ſuperbum, & ſibiipſi modo mirando (ſeu verius miſerando) ignotum, ut de ſemetipſo & ſuis viribus præſumat grandia, & magnifica: & ita putare ſe ſanum, nec indigere vllō medico. Quamobrē Dominus Deus dedit ei legem: quia arbitrabatur homo ſe vires habere ad obſeruandum, & implendum illam, ut probaret tandem experimento per transgreſſiones talem ſibi potentiam deeſſe. Rogatus enim fuit data lege, vtrum veller eam ſeruare & cuſtodire. Et clamauerunt cuncti vna voce lecto & audito libro legis: Omnia quæ loquutus eſt Dominus, faciemus: & erimus obediētes. Et poſtquam expoſita fuerunt eis maledicta legis non ſeruantibus illam, ſimiliter clamarunt omnes, Amen. Sciebat Deus eos legem non ſeruatuſ, & ſub maledicto legis eſſe premendos. Quamobrem conſulit eos ſub eo maledicto, ut miſericorditer traheret ad Chriſtum. Itaque ſic ſub legis maledicto conſtitutis, atque conſuſis ſub peccato, promiſit & dedit illis locum pœnitentiæ, ut ſic redimerentur ex maledicto per Chriſtum. Qui ſi rurfum auerſi eſſent à nouo mandato & Chriſto: tunc Moſes inuocat teſtes cælum & terrā, obnoxios fore maledicto, non iam legis illius, ſed Chriſti, videlicet illi æterno cum audient: Ite maledicti in ignem æternum. Quapropter ait. Prædico tibi hodiē quod pereas, & paruo tempore moreris in terram, ad quam Iordane tranſmiſſo ingredieris poſſidendam. Qui ſemel receptus Iordane tranſmiſſo, id eſt, per baptiſmum intrauit in terram, quæ eſt Chriſtus, ſi illum reſpuat per mala opera, erit ei damnatio æterna, quod abſit. Lege cap. 30. Deuter. Eſt enim clara ibi enūnciatio & promiſſio euangelij.

*Quod autem in lege nemo iuſtificatur apud Deū, &c.*

A quibuſdā fortaliſis dici poterat (licet non ſecundum veritatē, ſed apparenter tantum) extitiſſe multos qui legem ſeruauerunt abſque adminiculo fidei; & ſic non ſubiacerūt maledicto. Quia tamē non per hoc verum fuiſſet, iuſtos coram Deo ex ipſa vi legis fuiſſe: ideo ut omnium os obſtrueretur adiungit. *Quod autem in lege, &c.* id eſt, ex vi & autoritate legis, quæ per Moſen venit. Alioquin in lege exiſtentes multi ſaluati ſunt: ſed liberati & ipſi à Deo per Ieſum Chriſtum, non quaſi minime teneretur ſeruare legem: ſed qui illam non ſeruaret ex lege, id eſt, ex vi & potētia legis minantis, & promittentis, ſed ex fide quæ per charitatem operatur. Ideo manifeſtum eſſe ait, in lege neminem iuſtificari. Primò: *quia iuſtus ex fide uiuit. Lex autem non eſt ex fide,* quæ ſcilicet eſt æternorum, id eſt, lex præcedit legem fidei in homine. Nam poſt legē venit fides. Lex enim nō dicit: Qui fecerit legē, habebit vitam æternam. At hoc lex fidei dicit, quæ eſt ſperandarū ſubſtantia rerum. Si enim lex propoſuiſſet præmia æterna: quid opus fuiſſet Chriſto & fide in illum? Moſes enim omnia præſtuiſſet: Ergo ſubſequuta eſt hæc fides ipſam legem: ut quod lex Moſeos nō potuit, perficiat euangelica fides.

Et ne dicas: Nullum ergo præmium ſtatuebatur facienti? Reſpondet Apoſtolus, quod nequaquam iuſtificationem coram Deo efficiebat: quia lex ipſa quæ promittit, nō aliam vitam promittit, quàm illam, quæ in ipſa cōtinebatur. Scriptum eſt enim, *Qui fecerit ea homo, uiuet in illis.* Hoc iam expoſitum eſt in ea quæ ad Romanos. Viuere enim in mandatis legis nihil aliud eſt, quàm eam vitam ex eis conſequi, quæ in eis iuxta literam promittitur, non, iuxta ſpiritus. Nam talis eſt, qualis deberetur mundanæ iuſtitiae, ut quis ſcilicet ſit lōgæuius ſuper terram, & fruatur ipſius terræ diuitiis, & huiuſmodi quæ legis litera ſpōdebat. At explens opera fidei, uiuit in mandato fidei, quod eſt Chriſtus, qui manet in æternum. Quamobrem? quia ipſe Chriſtus eſt mandatum noſtrum, & lex noſtra. Itaque in ipſo inuenitur vita ipſa, cum idem ſit via & vita: ut qui operatur parendo præceptis & ſequēdo illum in via, obtineat illum tandem in patria. Audi ergo quomodo lex non eſt ex fide: & ob eam cauſam inutilis quantum pertinet ad cōſequutionem æternorū, ad quæ fides reſpicit. Nam apud B. Paulum. Omne quod non eſt ex fide, aut vanum, aut etiam peccatum eſt. Fidei enim omne quod non eſt ex fide, peccatum eſt, ſi ſit actus humanus: quia Chriſtianus omnia debet in Deum dirigere, ſaltem (ut Theologi aiunt) virtualiter intēctione quadam primaria.

Non eſt hoc in loco omittendum, quod cuius non ſatis in ſcripturis exercitato poteſt occurrere dubitationis. Quomodo verum ſit legem non eſſe ex fide: & nos iam expoſuimus, quod illa præceſſerit fidem. An non igitur ante legem fuit fides, quæ ab initio mundi fuit in Adam, & Abel ac cæteris patribus? Reſpondeo, fuiſſe quidem fidem ſemper poſt Adæ peccatū de Chriſto venturo: & ſic antequam lex data eſſet Moſi. Verūm Apoſtolus voluit docere rei naturam, & ordinem eum Iudæis à Deo ſeruatum per mediatorē Moſen. Primò enim Dominus voluit congregare populū illum, & erudire ac præparare, ut illum redderet idoneum

Ioan. 14.

Quomodo  
lex dicatur  
non eſſe ex  
fide.



ad fidem, ut sua die aduenientem Christum reciperet. Igitur coegit illum in angustiis sub rege Ægyptiorum Pharaone, ita ut magno clamore vociferarentur ad Dominum. Deinde nunciavit se vel le per manum Moſeos educere illos licet renitentis & dicentis. Mitte quem miſſurus eſt, intelligendo de Chriſto: de quo tamen Dominus nullum verbum adhuc. Solū enim temporalia promittuntur, & terra illa Chanaan. In hoc conſtituitur Moſes Deus Pharaonis, quem plagis decem afflixit, & fecit tādē demergi in mare cum curribus & equitibus ſuis. Et poſt murmuraciones multas, & tentaciones ad aquas contradictionis, dedit eis legem, nihil mandans adhuc de fide, quā propriē reſpicit æterna: ſed ſolū carnales promiſſiones & terrenam ſclicitatem proponens ſeruantibus eā. Et contrā, non ſeruantibus ſupplicia merē temporalia. Vnde euidenter apparet, legem non eſſe ex fide, ſed præceſſiſſe fidem. Nam poſt hæc omnia Moſes ut propheta, non ut legiſlator, de Chriſto annunciat, & illum venturum prædicat audientemque mādāt: quia lex gratiæ à Chriſto eſt, non à Moſe. Et eſt poſtrema lex: quia carnalia priora ſunt ſpiritualibus: figuræ priores ſunt veritate: & pedagogus prior magiſtro. Sic lex illa non præceſſit fidē: quia lex fuit pedagogi lex, nec valuit quinquam per ſe vnquam ad perfectū adducere: quin potius operata eſt peccatum & maledictū, à quo illos erui oportuit. Vnde ab ipſo Apoſtolo opportunē adiungitur:

*Chriſtus nos redemit de maledictō legis. Qui redimit* (ut ait B. Hieronymus) propriē quod ſuum erat, redimit. Eramus enim ante omne peccatum, Chriſti: ſed poſtmodo traditi ſumus Satanæ ſub maledictō omnes. Maledictum fuit commune in Adam, in quo omnes peccauiſmus: & in quo omnes eramus natura filij iræ. Sed iis qui erant ſub lege adiungebatur maledictum legis, non ſeruantibus illam. Ab utroque autem maledictō liberat Chriſtus cunctos. De maledictō enim Moſeos hīc exprimitur, propter id quod dixerat. Quicumque ex operibus legis ſunt, ſub maledictō ſunt: ut intelligamus & Iudæos eſſe à ſpeciali ſuo maledictō liberatos, licet in eis abūdauit peccatum. Illis namque prouiſum eſt, ut ubi abundaret peccatum, ſuperabundaret & gratia. Adducit ſcripturā ad iſtud fortius confirmandum.

*Maledictus omnis qui pendet in ligno.* Septuaginta in terpretari ſunt: Maledictus à Deo. Aquila & Theodotion: Maledictio Dei. Et ſic habet Hebraica veritas, cuius eſt tropus. Sic Iudæi appellabantur circunciſio: quia circunciſi. Sic Chriſtus, in quem cecidit omnis noſtra maledictio, etiam maledictio vocatus eſt à Deo: ſed ad horam & modicū quid, ut ſtatim in omnem benedictionem cōuerteretur maledictio illa in illum, & in omnes, qui eius charitatem eximiam deuotē amplectuntur. Symmachus interpretatus eſt: In blaſphemiā Dei ſuſpēſus eſt. Alij: Iniuria, ſiue contumelia Dei. Alij: Conuiſium Dei. B. Hieronymus à ſuo præceptore ſe didiciſſe ait, ſic legi poſſe. Quia cōtumelioſe ſuſpenſus eſt. Et ad illius ſcripturę intellectum ſciendum eſt, ibi cauēri lege: Quandoquēq; peccaret homo morte plectēdus, & adiudicatus eſſet patibulo; nō permittendum manere cadauer eius in ligno, ſed ea-

dē die ſepeliri: Quia maledictus à Deo eſt, qui pendet in ligno. Et hoc, ne contaminetur terra, quē data erat illi Hebræo populo poſſidenda.

Hic locus, ſi ad nudam literam conſideretur, nihil dignum intellectu continere videtur. Quid enim mali habet permittere manere ſuſpenſum in ligno? Et quānam eo cadauere euenit terræ contaminatio? Attamen quia iubebantur quādam in figuram futurī, iccirco ille locus ſpecialiter de Chriſto (iuxta ſpiritū) debet intelligi: in quo ſenſu hīc à B. Paulo allegatur quāmanifeſtiſſime. Nō permiſſum manere in ligno, ſed eadē die crucifixum ſepultumque iuxta literam fuiſſe, hoc habet quidem ipſa hiſtoria.

At ſenſus allegoricus habet, quōd ſicut corpus Chriſti illud factum peccatum & maledictum pro nobis (quod figurabat ipſum noſtrum peccatum & maledictionem) cum eſt crucifixum, extinctum eſt & mortuum, & non poteſt ulterius manere ſuper terram, ſed debet ſepeliri & à conſpectu hominum auferri: ita ſignificatur & noſtrū peccatum, & noſtram maledictionem, ſeu corpus peccati, quod eramus nos, debere cum Chriſto mori ſuſpendio: & mortuum quidem peccato non ſic manere, ſed ſepeliri ut non videatur cadauer, hoc eſt, ille ſcotor corā cælo. Quin nec in ſepultura tale corpus diu manere poteſt. Ergo & nos ſic ſumus, qui mortui ſumus cum illo in myſterio, & ſepultri cum illo, ut itidem reſurgamus cum illo, ad oſtendendum omnem maledictionē, & blaſphemiam, & iniuriam Dei, per crucifixionem Chriſti & ſepulturam eſſe ſublata: ut & nouus homo inueniatur ſuper terram, qui ambulet abſque corruptione peccati, veterē prorsus extincto homine, & à conſpectu Dei remoto cadauere per ſepulturam. Si quis ergo crucifixus in Chriſto, adhuc manere velit in ligno ſuſpenſus, nec ſepeliatur cadauer, & ſic non reſurgat in vitam nouam, eſſet contaminatio terræ, id eſt, Chriſti, qui vera eſt noſtrę promiſſionis terra. Perinde enim eſſet, ac ſi vellemus Chriſtum non deſiſſe à peccato, id eſt, peccato non ſatiſfeciffē ſemel patiēdo: ſed continuē vellemus eum ad paſſionē aſiduē peccantes adigere, & ab eo ſatiſfactionem illam petere, quam ſemel fecit, & quam in baptiſmo ſemel obtinere poſſumus. Et tamen iſtud volunt, & ita docent recentiores hæretici.

B. Hieronymus miratur cur hīc Apoſtolus, Dei, vocabulum reliquerit, & adiecerit, *Omnis*, cum nō ita ſit in Hebræo, nec apud Septuaginta. Et ſuſpicatus eſt ab Hebræis in Chriſtianorum inuidiam additū illud, à Deo, ut putaretur prophetia de Chriſto qui eſſet maledictus ab ipſo Deo. Nam (ut ait) nunquam legitur in ſcripturis à Deo quemquam eſſe maledictum. Sed nihil verendum eſt, hoc in ſcripturis fuiſſe peculiariter prædictū de Chriſto, cum ipſe ſumeret perſonam omnium noſtrum, & reatum omnium peccatorum, ut propterea dici rectē potuerit maledictum à Deo: quod ad maximā eius laudem pertinet. Et illud ſimiliter in eius reuerentiam mandatum eſt, ne cadauer eius manere deberet, ſed eadē die daretur ad ſepulturam, id eſt, poſtquam ſatiſfecit peccato honorandum fuit ſepultura & contegendū, ne velut maledictum ulterius putaretur, & contaminaretur terra. Nam ob hoc maximē benedictus eſt: quia in ſe peccatū &

*Allegoria  
de morte  
Chriſti &  
ſepultura.*



maledictum nostrum transtulit, & pœna illa affectus extinxit.

Adhæc miror B. Hieronymi dictum, non inueniri in scripturis quemquam maledictum à Deo. Nam Ecclesiastici. 3. legitur: Maledictus à Deo qui exasperat matrem. Excusasset fortè, Ecclesiasticum apud Hebræos inter scripturas non recipi. Legitur tamen apud Malach. cap. 2. Ait Dominus: Maledictam benedictionibus vestris. Item Tren. 2. Maledixit sanctificationi suæ. Quod verò Apostolus omiserit, à Deo, & addit, *omnis*, nihil sensum immutat: quoniam omnia hæc subintelliguntur. Nam in ipso Christo velut sub capite, & tanquam palmites in vite, omnes eramus. Et qui simpliciter dicitur maledictus, intelligitur maledictus à Deo. Hæc est enim vera & solida maledictio, & omnium maledictionum consummatio.

Sed quid est quod ait: *Vt in Gentibus benedictio Abrahamæ fieret in Christo Iesu, ut pollicitationem Spiritus accipiamus per fidem?* An ideo redempti sunt Iudæi ex maledicto, ut Gentes benedicerentur? Certè hîc fuit in providentia diuina ordo, ut etsi omnes vellet redimere Deus, tamen prius Iudæis prospiceretur, deinde Gentibus. Ut enim nos Gentes à peccato redimeremur, prius illi debuerunt redimi etiam à suo maledicto: quò magis honoraretur populus ille à quo veniebat Christus, propter ipsum Christum. Et nota, dici pro illis maledictum factum esse Christum, pro nobis autem omnibus peccatum, ut iustitia Dei efficeremur in ipso. Benedictio verò Abrahamæ fuit secundum Spiritum, & in omnes Gentes, non autem in solos restricta Iudæos: sed citra personarum acceptionem in omnes tam Iudæos quam Gentiles, modo illi benedictioni sese aptarent, eamque sibi per fidem applicarent, sicut Abraham pater fidei sibi ipsi applicauit.

Frates (secundum hominem dico) tamen hominis confirmatum testamentum nemo spernit, aut superordinat. Abrahamæ dictæ sunt promissiones, & semini eius. Non dicit: Et seminibus, quasi in multis: sed quasi in vno: Et semini tuo, qui est Christus. Hoc autem dico. Testamentum confirmatum à Deo, quæ post quadringentos & triginta annos facta est lex, non irritum facit ad euacuandam promissionem. Nam si ex lege hæreditas, iam non ex promissione. Abrahamæ autem per repromissionem donauit Deus. Quid igitur lex? Propter transgressionem posita est, donec veniret semen cui promiserat, ordinata per Angelos in manu mediatoris. Mediator autem vnus non est: Deus autem vnus est. Lex ergo aduersus promissa Dei? Absit. Si enim data esset lex quæ posset viuificare, verè ex lege esset iustitia. Sed cõclusit scriptura omnia sub peccato, ut promissio ex fide Iesu Christi daretur credentibus. Prius autem quàm

veniret fides, sub lege custodiebamur cõclusi, in eam fidem quæ reuelanda erat. Itaque lex pædagogus noster fuit in Christo, ut ex fide iustificemur. At vbi venit fides, iam non sumus sub pædogogo. Omnes enim filij Dei estis per fidem quæ est in Christo Iesu. Quicunque enim in Christo baptizati estis, Christum induistis. Non est Iudæus neque Græcus, non est seruus neque liber, non est masculus neque femina. Omnes eim vos vnus estis in Christo Iesu. Si autem vos Christi, ergo semen Abrahamæ estis, secundum promissionem hæredes.

Frates (secundum hominem dico) &c. id est, secundum humanam traditionem, quæ rationabiliter facta creditur, & probatur ab omnibus. Inducit hoc in loco Apostolus rationem ad suadendum quod vult, & ait. *Tamen hominis confirmatum testamentum nemo spernit, aut superordinat, &c.* Spernere hominis testamentum, est abiicere & floccifacere, ut non consequatur effectum. Superordinare autem, est aliquid addere, vel immutare. Hoc ergo vniuersaliter accepto, nemini concessum esse ut testamentum semel factum & constitutum (ipso testatore excepto) spernere possit, aut superordinare: sumit hoc. Deus disposuit testamentum suum Abrahamæ & semini eius: quia illi promisit & semini eius dispositione testamentaria. Et vocat multitudinis numero, promissiones: quia plures fuerunt, & admixta est promissio spiritualium donorum carnalibus promissionibus: de quibus est aliquatò latius considerandum.

Primo dictum est Abrahamæ. cap. 12. Gen. Egredere de terra tua. Et post hæc illi dicitur: Faciam te in Gentem magnam: & benedicam tibi, & magnificabo nomen tuum, erisque benedictus. Benedicam benedicientibus tibi: & maledicam maledicentibus tibi. Atque in te benedicentur omnes cognationes terræ. Hactenus solum Domini Dei præceptum, & pura futuræ proles ac benedictionis enūciatio: non solum ipsius, verum etiam in ipso omnium Gentium. Et post hæc cum obtemperasset ei Abraham, & peregrinus inueniretur cum Loth in terra Haram: inde cum illo egressus est, veneruntque in terram Chanaam, vbi habet visionem, & ei terra illa promittitur. Quo in loco ædificauit altare Domino: & inde transgrediens in montem, qui erat contra orientem Bethel, tetendit ibi tabernaculum suum, habens ab occidente Bethel & ab oriente Hai: & ibi quoque ædificauit altare Domino. Et cum interueniret Loth, propter pastorum iurgia, separatio: ipse Dominus promittit ei terram Chanaam, & eius semini post eum in sempiternum. Semen autem promittit se aucturum ad numerum pulueris terræ. Et post hæc cap. 15. cum iam certasset, & obtinuisset contra quatuor reges: eumque obuiaisset Melchisedech sacerdoti panem & vinum sacrificanti, & benediceretur ab illo: factus est sermo Domini ad eum per visionem, & dictum est illi. Noli timere Abraham: Ego protector tuus, & merces tua magna nimis. Hic enim prius significa-



tum est Christi sacrificium, & testamentum in illius sanguine. In hoc vera æternorum promissio, quæ exigebat fidem ex gratia Dei iustificatam. Quo in loco Abraham rogat semen, cui & re promittitur. Ipse autem credidit Deo non de se tantum, in eo quod illi promissa esset æterna vita: verum etiam de semine & hæredē ex se futuro, in quo & ipse, & cæteri omnes essent benedicendi. Post hanc fidem promittitur ei terra: & super hoc nascitur pactum, & feritur in vacca trima, & capra trima, & ariete trimo, & in turture & columba: cuius sacrificij mysterium aliud & longiorem tractatum exigeret, & alium doctorem qui idonee posset explicare. Post hanc item Abrahæ fidem, & promissionem, & pactum de terra Chanaam, rursum cap. 17. apparet ei Deus, & ait. Ambula coram me, & esto perfectus: ponamque fœdus meum inter me & te, & multiplicabo te vehementer nimis. En quomodo post fidem requirit ut ambulet corā se, & perfectus sit? Sic & ait Christus discipulis. Esto te vos perfecti. Et hinc promittitur ei pactum, & futura eius multarum Gentium paternitas. Vnde dilatatur ei nomen, ut iam non sit Abrami pater vnius tantum Gentis, sed Abraham pater multarum Gentium. Et iterum promittitur ei terra: & accepit signum pacti & fidei, circumcisionem, quā vocat pactum & signum pacti inter se & illum, & eius semen custodiendum: quia in eo signo ipsum pactum Christus significatur. Sic enim scribitur. Circumcidetur ex vobis omne masculinum: & circumcidetis carnem præputij vestri, ut sit signum in terrie & vos. Infans octo dierum circumcidetur in vobis, omne masculinum in generationibus vestris, &c. His peractis nascitur ei Isaac: qui ubi adoleuisset, tentatur super illo pater, cui inuēto promissimè obediēti, confirmatur iureiurando testamentum, & promissio de Christo futuro per Isaac in quo benedicendæ essent omnes Gentes. Ut benedictio omnium Gentium in Abraham intelligatur, velut in exemplo ac typo per imitationem, ut qui credant cum fidei Abraham, adipiscantur benedictionem, sicut ille adeptus est. Benedictio autem omnium Gentium in semine intelligatur, tanquam ex vi illius seminis benedicti.

Et hunc literæ filium si subtiliter aduertas, potes hæc in ipso Abraham perfectum Christianum hominem contemplari.

*Quomodo Abraham typum nostrum gessit.* Primò renunciat diabolo, & omnibus pompis eius, & veterem hominem carnalem exuit. Istud in eo accipitur, ubi iubetur de terra sua egredi, &c. Secundò, quum ad tempus fidei ventum est, promittitur ei cœlestis hæreditas, & protectio: & mādatur ut omnem expellat timorem: quia vera charitas mittit foras timorem. Et hinc est inchoatio vitæ in fide, quæ dicitur iustificatio à peccato ut possit homo iam receptus & signatus signaculo fidei, procedere in agonem siue in cursum, ut meritorie coronam & brauium percipiat. Fides enim minimè ociosa esse debet. Et ideo accepit præceptum Abraham à Deo, ut ambularet coram illo, & esset perfectus. Quod præceptum ut implere posset, circumciditur: in qua re fuit opus fidei spiritualiter. Denique venit tentatio, quam viriliter superat: & ex hoc vocatur amicus Dei, & noua confirmatione stabilitur eius merces antea promissa.

Igitur in ipso Abraham (ad verum ex spiritu scripturarum sensum considerato) omnis doctrina fidei relucet. Nam in illo incœperunt promissiones & carnalium simul & spiritualium: quia illi sunt dictæ, & semini eius. Illi quidem de multiplicatione seminis secundum carnem, & secundum spiritum: quoniam verum Iudam, id est, Christum, & Iudæorum populum ex se erat propagaturus, & adhuc veros per fidem spirituales filios. Et de possessione terræ similiter secundum carnem, & secundum spiritum: quia terra videlicet Christus nostra cœlestis hæreditas, promissa est. Semini autem similiter iuxta intellectum carnalem, promissa est carnalis multiplicatio. In Isaac enim seminis constituitur fundamentum, ex quo ortus est ille populus. Et similiter spiritualis propagatio, quæ est per fidem in vero Isaac, qui est Christus. Et huic promissa est terra Gentium, & filij eius: quorum possessio est ipsemet Christus. Sic ergo huic semini, non pluribus seminibus repromissa est. Et enim & ipsi Christo repromissa est gloria sua. Nam exinanitus & humiliatus propter nos abiecit eam, & ut sibi illam & nobis simul per crucis obediētiā acquireret, qui inueniremur vnum cum illo.

Hoc eleganter, nec ab re, notat hinc B. Paulus: quoniam omnes in Christo vnus sumus. Ne quis diuerfos, & ob eam causam diuersarum legum populos velit effingere. Nā ipse est qui omnes vnus moris facit habitare in vna & eadem domo. Ergo promissio, videlicet propagationis & terræ spiritualis, facta est Abrahæ, & semini eius Christo. Et hoc est testamentum, videlicet Patrem illum futurum, non quidem vnus populi solius, sed multarum Gentium (quemadmodum fuit) ut hæc omnes Gentes, ad quas pertineret hoc testamentum, comprehenderentur in semine vno, qui est Christus. In Christo autem benedicendos ipsum Abraham & illius posteros (hoc nimirum erat Abrahæ testamentum) fieri illud oportuit per fidem. Sic vnum semen omnes efficimur, quasi vno eodemque spiritu in vnum conflati. Hoc inquam est testamentum adhibito iureiurando confirmatum, propter insignem illam Abrahæ & rarissimam obediētiā tanquam non posset vterius reuocari: sicut scriptum est, Iurauit Dominus, & non pœnitēbit eū, ita ut ante illam Abrahæ obediētiā ostendatur quodam modo reuocabilis promissio.

*Hoc autem dico: Testamentum, confirmatū à Deo, &c.* Hoc igitur testamentum sic confirmatum, quod factum fuit antequam lex esset per quadringentos & triginta annos, lex non potuit irritū reddeere ad tollendam promissionem. Huius conclusionis medium paulò ante perstrinxit, nempe: Testamentum hominis confirmatum nemini licitū esse spernere, aut superordinare. Sed speretum fuisset hoc Dei mandatum, & super illud ordinatum fuisset ad irritandam promissionem eius, si ex lege veniret hæreditas: quia si ex lege iam non ex promissione. Atqui hoc firmatum est pacto & testamento huiusmodi, ut sit iureiurando vallatum, videlicet ex promissione obuenturam nobis cœlestem hæreditatem, non autem terrenam, quando veniret ille verus Isaac, paternus risus (in quo sibi benè complacuit) illud verum semen cui repromissum est. Et hoc postquam intercederet mors.



testatoris: quia à morte perficitur testamenti confirmatio. Si igitur hoc euincitur: Ex testamento venire hæreditatem, rectè sequitur: Ergo non ex lege.

Quo in loco illud animaduertendū est, diuersos esse hos duos auctores, scilicet auctorem legis veteris & auctorem noui testamēti, & promissionū factarum Abraham & semini eius. Auctor siquidē legis est Moses: Auctor verò testamēti, Deus Christus Saluator noster ac Redēptor, qui dixit Abraham, Noli timere: Ego protector tuus, & merces tua magna nimis. Et quia credidit, hæres designatus est. Nec turbetur ex eo quispiam quòd lex videatur data à Deo: & sic etiam auctorem habere ipsummet Deum. Et si enim omnia sint à Deo tanquam à primaria omnium causa & origine, differunt tamen non parum inter se. Sunt nonnulla quæ Dei esse dicuntur, tanquam ab eo nullo medio uenientia. Non sic autem alia: ut de baptismo B. Ioannis præcursoris, & de Christi ipsius baptismo. Nā illius autor Ioānes dicitur: alterius, id est, nostri baptismi, Christus. Et tamen ille dicitur baptizatus Ioānis, licet ueniret à Deo, sed alia ratione & fine. Et hic noster dicitur baptizatus Christi. Sic & lex & gratia tanquam diuersorum auctorum dicuntur propter diuersos, per quos illæ leges ministratæ sunt, legislatores. Moseos enim lex dicitur. Christi autem dicitur gratia. Vnde & ipse B. Ioannes dixit, Lex per Moysen data est: Gratia & ueritas per Iesum Christum facta est. Ut & hic annotes fuisse datam legem, non factam. Gratia autem ipsa facta dicitur. Non enim erat Moseos facere legem, sed solum enunciare. Christus autem etiam creat & facit legem in corde nostro, gratiam statuens & charitatem, quam nobis infundit, non iam in tabulis scriptam lapideis, sed in tabulis cordis carnalibus.

Sed hoc in loco oritur quædam dubitatio: Quoniam reuera aliud uidetur esse pactum, & fœdus, & promissio: aliud verò testamentum. Et nihilo fecius B. Paulus hæc uidetur pro eodem accipere, & ista quodam modo confundere. Quamobrem B. Hieronymus ait, Manifestum est id fecisse Apostolum, quod promissit: nec reconditis ad Galatas usum esse sensibus, sed quotidianis & uilibus, & quæ possint (nisi præmiserit: *secundum hominē dico*) prudentibus displicere.

Adhæc, Consideratio illa B. Pauli, singulari numero dictum, *semini*, & nō, seminibus, uidetur minus circumspectè facta. Qui enim sciret legem, id facile contemneret: quoniam in toto veteri instrumento (si quis diligenter reuoluerit) minime reperitur hæc vox, nisi in singulari tantum numero, nunquam in plurali. Itaque ad idem redit B. Hieronymus, Apostolum excusans tanquam qui ad crassos Galatas usus sit argumētis leuioribus, & apud prudentes inualidis.

Quæ certè mihi nedum absurdè & falsò, sed etiam periculose dicta uidentur (salua tamen semper sit, quæ tanto Doctori debetur reuerentia) ut mox ostendemus. Neque hoc dicitur, ut minus habeatur fidei tanto ecclesiæ Lumini, quem certè ob singularem in hæreticos zelum, quo præditus fuit, peculiari ueneratione prosequimur, sed ne simplices decipiantur, maxime ad sentiendum de A-

postolo Paulo iniquius. An non graue absurdum iudicandum est, si admitteremus B. Paulum inualidis argumētis probare uoluisse ueritatem fidei, eo potissimum tempore cum haberet infestos acres illos falsos fratres Iudæo Christianos, quorum perniciosam prædicationem potētissimis rationibus (nedum triualibus argumentis) è mentibus Galatarum euelli oportuit, quos cupit tanto spiritu abscindi. Et nunquid Spiritus sanctus & Christus qui per illum loquebatur, uellet eū ea loqui quæ prudentibus displicere possent? Quasi uero apud Galatas deessent Iudæi legis doctores, qui hæc improbare nescirent: præsertim cum (ut diximus) in contentione aduersus illos adducerentur. Aut quasi non scriberetur hæc etiā posteris, ipso Spiritu sancto ne quid inepti adesset, præcurrente, & providente. Quare absit ut hæc fidelis quisquæ recipiat. Nam illud eiusdem Doctores commentum quis ferat? Apostolum ideo illud præmisisse: *secundum hominē dico*, ut ostenderet argumētum suum nequaquam ualere. Itaque duo sunt hic notanda, quæ anto Apostolo digna sint, prudens lector consideret. Primum: Argumenta, quibus uult Galatas coarguere, leuia esse, & ita inefficacia & crassa, ut uel quæ possint displicere uiris prudentibus. Alterum uero, quòd ipsemet B. Paulus hoc profitetur, uidelicet se secundum hominē loqui, id est, minus idoneè ad ea probanda ac persuadenda quæ uelut. Egregium sanè genus ad persuadendum. Certè non secundum hominē hoc fateretur, crasse scilicet se loqui non pro sapientibus, sed pro insipientibus. Equidem hoc in loco satis mirari nequeo tantum Doctorem: Nisi illud uerissimum experiret & probarem, Neminem omnibus horis sapere. Et in eiusmodi monere lectorem operæpretium putauit, ut cum in hæc scandala incidit, se prudenter gerat, & media via incedat: ne uel in omnibus sanctorum periclitetur autoritas, propter unū aut alterū errorem: uel ne ita contēnatur, ut nihil faciat præiudicij uel momenti ad persuasionē, & ne quid aduersus illam pertinaciter defendamus.

Adhæc illud: *Quæ post quadringentos & triginta annos facta est lex*, scilicet ab ipsa promissione, non uidetur iuxta ueterem literam, quæ testatur Abraham dictum quadringentos annos seruituros, ac deinde eripiendos à seruitute alienarum Gentium. Et hic B. Hieronymus fateretur se nescire quomodo satisfaciendum sit. Nec (inquit) parua hæc res: & à multis quæ sita, nescio an ab aliquo sit inuenta. Mihi tamen præsens locus non admodum difficilis uidetur, si exacta fiat & recta supputatio. Nam Apostolus incepit ab ipsa promissione & testamento, à Deo ante natiuitatem Isaac promissio, quod fuit semen, Gen. cap. 15. & non cap. 12. ut ait Caietanus, & male.

Quòd uero ei dicitur, annos quadringentos semen peregrinum futurum, necessariò oportet terminum, à quo, incepisse ab ipso ortu seminis, id est, ipsius Isaac. Quo obseruato nihil contrarij iam supererit, nec ulla literæ obscuritas.

Illam de semine obiectio & testamento, uidetur plus habere difficultatis. Nam (ut dictum est) friuola uidetur B. Pauli argumentatio ex eo colligentis Christum hæredem: quoniam non est dictum, *seminibus*, sed, *semini*, cum nunquam in scripturis id



Rom. 3.

ueniatur scriptum, seminibus. At mihi contra, admodum videtur inane in B. Paulum hoc argumentum, nisi & hoc quoque probetur simul, appellatione feminis in scripturis plura semina aliquo in loco intelligi. Quod non probabitur vnquam. Hoc audeo dicere autoritate B. Pauli fretus. Nec enim valet, si nullo in loco inueniatur in scripturis in plurali, idcirco non potuisse & in plurali dici, si illud vsu inualuisset. Valuisset autem, si plura fuissent semina, quibus esset promissum. Nam si Philosopho fingere nomina licet, quando ea omnino desunt, quibus exprimatur animi conceptio: cur Spiritui sancto non licuisset (etsi forte præter consuetudinem) ista voce uti numero multitudinis? Quinimo, Nonne in hoc ipso loco videtur B. Paulus illa voce plurali numero? Quis istud non videat? Verè igitur inepta & nimis audax hæc contra Apostolum argumentatio. Illam tamen secutus est Erasmus, qui cum scandalo & contentione, B. Hieronymi autoritate (quam tamen eleuatam hoc in loco oportuit, se vestiens & muniens) similiter hæc Apostoli ratiocinationem, tanquam nihil momenti habentem, contempsit.

Rom. 4.

Fortius illud obstat videtur, quod ad Romanos idem Apostolus significare videtur plura esse semina, vbi ait: Ut firma sit promissio omni semini. Sed nos hoc iam resolvimus: imò ostendimus confirmari ibi quod hic docet rectè consideranti: quoniam illud, Omni semini, id est ac si dixisset, toti ac integro semini. Redeat lector ad ea quæ ibi scripsimus si placeat.

De testamento vero, etiam multò magis miror B. Hieronymum ita ausum, & contra Septuaginta imò & contra ipsummet Apostolum. Non enim valet ea excusatio, ad crassos Galatas fuisse hic Apostolum loquutum. An, quæso, sunt dicenda crassa & inania, præsertim à tanto Apostolo, propter aliorum crassitiem? Sunt ne item vlli per inania argumenta ad fidei veritatem adducendi? Si istud daremus, suspecta profecto fides potius redderetur, quam confirmaretur apud credentes. Emendatius ergo & verius dicendum est, ut consentiant etiam doctissimi Rabbiorum, Berit, vtrumque significare, & pactum siue fœdus, ac simul testamentum. Vnde cum verè concurrat hæreditatem per pactum promitti, hoc idem simul erit & pactum, & testamentum: quod certè sic fuit, quia Christus testatus est. Ipse enim promisit Abraham & semini eius, id est, Christo sibi ipsi (nam qui in eo sunt, vnum sunt) ipsam hæreditatem, paternam substantiam, vitam æternam. Et quemadmodum in aliis accidit ad constituendum verè testamentum, oportere ut effectum suum sortiatur post mortem testatoris: sic quoque in Christo fuit. Mortuus enim est Christus: & ita confirmatum est hoc testamentum morte testatoris, & ideo propriè testamentum. At cum in vita pacto fuerit promissa ista hæreditas, ea ratione pactum rectè dictum est.

Gen. 15.

Nam & olim hæreditates pacto acquirebantur emptione per æs & libram. Et nescio qua de causa ritus ille antiquus viguerit, ut nulla reconciliatio fœdera, nisi medio sanguine fierent. Sic cum ipso Abraham feruuit pactum Dominus per vaccam triennem, & capram trimam, & arietem trimum, & turturem, & columbam. Quanquam in hac re,

sicut in cæteris omnibus, satis nobis esse debet B. Pauli autoritas & hic, & ad Hebræos, vbi sic accipit hanc vocem, Berit, ut propriè etiam testamentum significet.

Nèque potest honestè obijci, illud ad Hebræos veluti ad crassos & ignaros legis esse loquutum. Propterea Caietanus eò se permisit adduci, ut vel huius argumenti gratia illam ad Hebræos epistolam vocauerit in dubium, an esset B. Pauli Apostoli. Et hoc & aliis argumentis probare nititur non esse B. Pauli. Quod vehementer displicuit, & hodie adhuc displicet cunctis piis, & catholicis viris. Alioqui si ob eam causam erat illa epistola reprobanda, aut in dubium reuocanda: poterat quoque pari scrupulo de illa dubitari quæ ad Romam vbi similiter citatur ex Isaia iuxta translationem Septuaginta, locus quidam vbi testamentum vocatur, quod isti pactum vocari volunt. Quin etiam vtrumque Zacharias, & ille Ioannis baptistæ pater in canticis: & alter in libro suo prophetico, vocabulo, testamenti, vtuntur non, pacti. Ille enim Zacharias Pater Ioannis ait: Et memorari testamenti sui sancti. Alter verò, Tu quoque in sanguine testamenti tui emisisti vinctos de lacu. Denique ipsa summa Veritas hoc pactum nomine testamenti manifestè declarauit. Hoc (inquit) est testamentum meum in meo sanguine. Quis igitur contra verbum Domini ausit?

Sed vnus adhuc scrupulus restat, quia testamentum hoc dicit confirmatum Apostolus, etiam ante legem datam. Id verò quo pacto, cum testamentum confirmetur morte (ut ait ad Hebræos) nondum autem intercesserat mors? Respondeo, Existerunt qui minimè hunc locum intelligentes, etiam vim argumenti non apprehenderunt, quæ in hoc reposita est. Lex quæ iam inuenit confirmatum testamentum, non potest irritum illud facere. Erat ergo confirmatum ante legem, quando tamen nondum erat mors, vnde venit confirmatio. Sed duplex est attendenda confirmatio, Prima ut immutabiliter firmum sit quod dispositum est, ne valeat irritari: & hæc fit iureiurando. Secunda confirmatio, ut iam adiri possit hæreditas: hæc autè fit morte. De prima autem confirmatione loquitur hic Apostolus: Ad Hebræos autem de secunda. Prosequitur:

Quid igitur lex? Hac interrogatione vult arguere, ex superioribus legem videri superfluum. Nam si non viuificabat: ad quid igitur? Non enim dici potest temerè, & nullo fine esse datam. Respondet ergo Apostolus. Propter transgressiones adiecta est, hoc est, ob hoc subordinarunt eam Angeli per mediatorem Moysen, ut apparerent transgressiones. Hoc idem explicauit ad Romanos. Sic enim disponebatur homo ad Christum per agnitionem peccati, & eius abundantiam: qui recognoscens in se morbum, impellebatur rogare medicum & medelam. Quis enim agnouisset peccatum, nisi lex diceret: Non concupisces? Vbi primum autem illa concupiscere vetuit, persentientque infelix homo se ex seipso non posse non concupiscere, veniebat in notitiam suæ infirmitatis, & se agrotum recognoscens, admonitus ab ipsa lege de medico illum comgebatur adire & implorare salutem. Non enim similiter liberatur animi morbus, id est, peccatum,

Luc. 1.  
Zach. 9.

Luc. 22.

Heb. 9.

Duplex  
do quedam  
confirmatio.



ficur corporis: quia corpus interdum vel inuito homine sanari potest. Non sic autem morbus animi: sed ut voluntate contrahitur, sic & voluntate sanatur conuenienti antidoto penitentiae, & doloris, ac resipiscen-  
*De sanatio anime & corporis.*  
*19.* tiae. Lex igitur propter transgressiones adiecta est, ut hæc cognosceretur: & cognosceret homo miser & infelix se conclusum in obligatione peccati. Non autem eo fine ut in immensum, & in perpetuum peccaret: sed donec veniret semen cui repromissum erat, id est, ipse Christus, cui repromissum erat in ipso nos omnes benedicere. Et de eo scriptum erat, Veniet ex Sion qui eripiat & auertat impietatem à Jacob. Et hoc illis à me testamentum cum abstulero peccata eorum.

*Ordinata per Angeles.* Ne quis putaret æquali maiestate ambulare legem veterem cum gratia Christi & euangelio, quod ipsemet Christus ore suo docuit & tradidit. Et addit,

*In manu Mediatoris.* Quidam hunc Mediatorem Christum intelligunt, in cuius manu fuit lex posita: quia ipse Dominus erat etiam sabbati, & verè Legislator. Mihi autem longè videretur congruentius, si Mediatoris, vocabulo hinc intelligatur Moses. Ipse enim instar Mediatoris fuit inter Deum & populum illum: propterea ipsemet Moses dixit, Ego sequester & medius fui inter Deum & vos in tempore illo. Itaque illius testamenti (quod vetus dicitur) quia inueterauit & interiit, mediator Moses fuit: Christus autem noui. Porro qualis est differentia inter testamentum & testamentum: talis inter mediatorem & mediatorem. Vnde B. Paulus ad Hebr. Nunc autem melius sortitus est ministerium, quantò & melioris testamenti Mediator est, quod in melioribus repromissionibus sanctum est. Nam si illud prius culpa vacasset, non vitæque secundi locus inquireretur. Vituperans enim eos dicit: Ecce dies venient, dicit Dominus, & consummabo super domum Iuda testamentum, non secundum testamentum quod feci patribus eorum in die, qua apprehendi manum eorum, ut educerem illos de terra Aegypti. Quoniam ipsi non permanserunt in testamento meo, & ego neglexi eos, dicit Dominus. Quia hoc est testamentum quod disponam domui Israel post dies illos, dicit Dominus. Dabo leges meas in mentem eorum, &c.

*Mediator autem unus non est: Deus autem unus est.* Ut mihi quidem videtur huius loci (quem ferè omnes prætereunt: & quidam valde alienum sensum comminiscuntur) hæc est vera interpretatio.

Erat intentio Apostoli probare verum Mediatorem esse Christum, non autem Mo-  
*De 19.*  
*De 19.* sen. Et primum hoc sibi sumit, Mediatorem unus esse non posse: sed dari necesse est duos, inter quos (ut ita dicam) mediare debeat. Tum tacitè quodam modo supponit hanc mediationem debuisse inter Deum & omnes Gentes interuenire: quia omnes sub ira Dei tenebantur. Et non satis erat esse mediatorem Mo-  
*De 19.*  
*De 19.* sen inter Deum & vnum illum populum Iudeorum tantum. Non enim ille tamè populus corruerat, & indigebat gratia Dei, sed vniuersum genus humanum. Hoc autem sic probat. Deus ipse unus est, & consequenter omnium Deus est, non solius populi Iudeorum. Ergo quia omnium Deus est, omnibus voluit misereri, & per Mediatorem vnum omnibus providere. Quo fit ut verus Me-

diator, sit omnium Mediator, & non vnius populi tantum. Is ergo fuit Christus, non Moses. Et hunc intellectum didici ex altero Apostoli loco ad Timotheum scribentis. Vbi ex eo quod vnus est Deus probat illum velle omnes homines saluos fieri, & ad agnitionem veritatis venire: & consequenter per vnum Mediatorem ipsius Dei & hominum, hominem Christum Iesum.

*Lex ergo aduersus promissa Dei? &c.* Rursum arguit contra prædicta, ac si diceret. Si lex non viuificat, sed facit exundare peccata: & ad hoc est posita, scilicet propter transgressiones: Ergo esset aduersus Dei. Nam illa peccatorum abundantia & præuaricationum, videtur operari directo contra salutem quæ promittebatur. Sed non videtur posse istud dici de lege, ut sit contra Dei promissa. Ergo dicatur potius vim legi inesse ad viuificandum. Ad quam obiectionem respondet Apostolus. Primò reiicit & reprobat istud consequens, videlicet quod lex viuificaret. Quandoquidem si lex potuisset viuificare, verè iustitia ex lege proficisceretur: & ita per Mo-  
*1. Tim. 2.*  
*1. Tim. 2.* sen, non per Christum. Christus autè ipse gratis venisset, & gratis mortuus fuisset. At hoc falsissimum est, & contra omnium prophetarum oracula dictum. Nam per Christum iustitia est, ut ait Daniel: Septuaginta hebdomades abbreviate sunt super populum tuum, & super urbem sanctam tuam, ut consummeretur præuaricatio, & finem accipiat peccatum, & deleatur iniquitas, & adducatur iustitia sempiterna: nimirum per Iesum Christum, ut statim aperit. Secundo, Nullam vim prorsus argumento reliquit, negans exundantiam peccati & infidelitatem promissionibus Dei obstitisse: imò bonitatem Dei eò magis ad misericordiæ exercendam prouocant, quò atrocius inualecentem peccati morbum considerauit. Vbi enim abundauit dilectum, superabundauit & gratia. Nā prima iustificationis gratia nec dū impeditur peccato, quin potius prouocatur: quia priora peccata, quæ sub veteri testamento admittuntur, longè sunt excusabiliora, ut pote ab impotente, & ante acceptam gratiam admissa.

Præterea, Aduentus medici à nulla pendebat conditione: sed erat pura & libera promissio, ac liberatio omnino à Deo mittendi Mediatorem, Vnde & B. Paulus ad Rom. inquit. Quid enim si quidam illorum non crediderunt? Nunquid infidelitas illorum fidem Dei euacuauit? Absit. Est autè verax Deus, omnis autem homo mēdax, ut iustificeris in sermonibus tuis, & vincas cum iudicaris. Et perinde est istud quod hic subdit:

*Sed conclusit scriptura omnia sub peccato, ut promissio ex fide Iesu Christi daretur credentibus.* Ac si dixerit, Necessarium fuit sinere peccatum in omnibus tã Iudæis, quàm Gentibus, ad noscendum morbum, & medici necessariā opem. Et hoc est scripturam siue Deum conclusisse homines sub peccato. Nā alibi dixit: Conclusit Deus, ac per hoc scriptura: cum in ipsa scriptura quæ id nobis pronunciauit, apparere fecerit. Scriptum est enim: Non est iustus quisquam, non est intelligens, &c. vel dicas: scriptura, id est, scripta lex, conclusit omnia sub peccato: quia per legem præcipientem, Non concupisces, factum est, ut omnes possent sese cognoscere peccatores, & in vitio esse ac morbo conclusos om-

1. Tim. 2.

Dan. 9.

Rom. 3.

Rom. 11.

Psalm. 13.



nes tam Iudæos, quàm Græcos. Verùm finis huius cōclusionis hominum sub peccato à scriptura seu lege, vel Deo, hic erat; Vt promissio ex fide Iesu Christi daretur credentibus. Hæc erat promissio redemptionis à peccatis per gratiam, & donum iustitiæ: quod & amplius adhuc declarat.

*De fide ante Christi aduentum.*  
*Deut. 30.*  
*Rom. 10.*  
 Prius autem quàm veniret fides, sub lege custodiebamur conclusi, in eam fidem quæ reuelanda erat. Ait ergo priusquam veniret fides, illa videlicet explicita de Iesu Christo. Nam prisca fides, vix fidei rationem habebat, cū non contineret certam æternorum præmiorum mercedem, & Mediatorem Iesum explicitem, in cuius solo nomine statuta erat salus. Ait ergo custoditos esse sub lege interim Iudæos. Custodia autem in hoc fuit: quia Deus per Moysen ordinavit in omnem euentum siue maledictionis siue benedictionis (quas & præuicatoribus, & factoribus legis pronuntiat) futuram nouam benedictionem per Dominum Iesum, & mandatum nouum, vt apparet in Deut. Illud enim mādātum pertinere ad fidem Christi declarauit ad Rō. Sed reuelanda erat hæc fides, quæ non nisi velatè continebatur in veteri lege.

Itaque lex pædagogus noster fuit in Christum, vt ex fide iustificemur. Lex siue in eo quod iubebat, siue in eo quod per figuras docebat & vmbas, siue in eo quod illum populum premebat cæremoniarum oneribus, adducebat quidem illum ad Christum, tum monstrando morbum & medelam (vt diximus) tum augendo ipsum morbum per transgressionem, ac propterea impellendo in agnitionem & implorationem medici, ac medelæ. Lex igitur quæ vt pædagogus se habuit ad doctorem perfectum qui per fidem docet, adueniente doctore illo & fide, cessare debuit: ideo ait,

At vbi venit fides, iā nō sumus sub pædago, quia venit perfectus Magister & doctor perfecti mādāt.

*Ioan. 1.*  
*Psal. 81.*  
 Omnes enim filij Dei estis per fidem: Quia ex fide viuimus, & filij Dei efficiemur, sicut scriptū est: Quot quot autem receperunt eum, dedit eis potestatem filios Dei fieri, &c. Ob hoc enim præscriptum fuit: Ego dixi, Dij estis, & filij excelsi omnes. Et hoc probat: Quicumque in Christo baptizati estis, Christum induistis. Non est Iudæus, &c. Sicut Christus, cū baptizatus est, induit omnes, vt totum illum veterem hominem aquis immergeret: ita & nos in baptismo nostro illum induimus, vt cum illo veteri homini moriamur: & vitam nouam similiter cum ipso adipiscamur. Et nulla est hac in re distinctio: quia non est acceptio personarū, ita vt sit in Christo Iudæus, & non Græcus: liber, & nō seruus: mas, & non fœmina. Vigebant quondam in lege hæc populorum discrimina, quæ in Christo per euangelium penitus sublata sunt.

Omnes enim vos (inquit) vnus estis in Christo, videlicet tanquam vnum corpus: vt intelligamus ita sublatum esse discrimen, vt adsit tamen ordo in membris, veluti in corpore suis partibus rectè composito. Et hinc egregiè concludit: Si autem vos Christi, ergo semen Abraham, &c. Si enim semen Abraham Christus, quicumque in illo sunt, in semine illo, cui hæreditas repromissa est, inueniuntur. Illius nos ipsi hæreditas sumus: propterea illi à Patre dicitur: Postula à me, & dabo tibi Gentes hereditatem tuam, & possessionem tuam terminos terræ. Ille autē no-

stra felicissima hæreditas est futurus: modo (quod Deus auertat) nostris eam flagitiis non profligauerimus.

## CAP. II. III.

**D**I CO autem, quanto tempore hæres paruul<sup>9</sup> est, nihil differt à seruo, cū sit dominus omnium: sed sub tutoribus, & actoribus est vsque ad præfinitū tempus à patre. Ita & nos cū essemus paruuli, sub elementis mundi huius eramus seruientes. At vbi venit plenitudo temporis, misit Deus Filium suum, factū ex Muliere, factum sub lege, vt eos qui sub lege erant, redimeret: vt adoptionem filiorum reciperemus. Quoniam autem estis filij Dei, misit Deus Spiritum Filij sui in corda vestra, clamātem Abba, Pater. Itaque iā non est seruus, sed filius. Quod si filius, & hæres per Deum.

**D**ico autem, quanto tempore hæres, &c. Quia semel confessus erat B. Paulus Abraham & semini eius promissam fuisse hæreditatem: & semen (vt ipsemet interpretatus est) erat Christus: videri fortassis potuisset, populum illum fuisse abique prouidentia & fide derelictum, quantum ad salutem eorum pertinet, qui præcesserunt aduentum Domini: & consequenter aduentum fidei. Et cū legem non esse ex fide inficiatus fuerit, eamque veniēte fide cessasse docuerit, possumus sic argumentari: Aut ille populus erat sine fide: aut cum fide. Si sine fide asseruerimus eum fuisse, ergo damnatus. Si cum fide, debuit ergo habētibus fidem cessare lex, quibus iam aduenit Christus. Ad quæ respondēs Apostolus, appositissimo exemplo ostendit qualis tunc esset mūdus, nimirum veluti puer, qui licet ea ætate institutus sit hæres à Patre, hæreditate tamen non potitur: sed sub tutoribus atque curatoribus, vel iconomis custoditur, donec legitimū ætatis impleatur tempus ab ipso patre præfixum.

Ita & nos, cū essemus paruuli, sub elementis, &c. Tales ergo erant Iudæi ante Christū, cū essent velut hæres paruulus: & sub lege & prophetis seruabantur ad tempus à Deo præstitutum. Enimvero quantum ad hanc considerationem spectat, nihil distabant à seruo: quoniam perinde erant ac qui in seruitutem sunt redacti. Tales autem sunt omnes homines qui in peccato nascuntur, cuius serui sunt per elementa mundi, hoc est, per ea principia quæ de creaturis mūdi huius eruebāt, quibus quodam modo prælucentibus tendebant in Dei agnitionē. Neque enim clarior explicabatur eis fides, nisi implicite tantū sub ænigmatibus, & figuris variis, & multiplicibus vmbis.

B. Hieronymus vult per tutores, insuper Apostolos Dei intelligi, per quos etiam regebantur antiquæ Gentes, & docebantur per elementa mundi, vt nonnullam veritatem Dei assequi possent: sicque multi salui facti sint, & de ipsis quidem Gentibus (Beato Dionysio teste) per Angelorum ministerium:



Nec hoc loco accipienda sunt ad eum sensum elementa, quo ad Coloss. accipi oportet. Nam ibi admonet illos ne decipiatur per philosophiam, & inanem fallaciam, iuxta traditiones hominum, & elementa mūdi. i. principia ab hominum sensibus ducta: quæ sunt ad ea coniectanda quæ existunt supra sensum, fallacia: qualia diceremus argumenta a Philosopho collecta, quibus se probare æternitatem mundi putauit. At hinc per elementa mundi, sunt ea capienda, per quæ ad aliquam Dei agnitionem venimus, & quæ aliquos nobis Dei effectus declarant, quod ad illius cognitionem tendamus. Vera autem doctrina desursum est, & inde descendit. Hæc quæ per elementa est, ascendit. Et cum sit ad tantam lucem debilissima, ad ea quæ Dei sunt, noscibilia solummodo per fidem homo potest illuc peruenire.

Itaque mundus figurari potest in homine, qui suas habeat ætates, & per incrementa temporum accipiat doctrinam perfectam. Figuratur & pulchre in Christo, qui proficiebat sapientia & gratia apud Deum & homines: qui cum esset puer, subditus erat patri & matri, & ab Angelis regebatur: licet Angelos parte diuina regeret. At cum maiusculus, & in plenam ætatem euasit: perinde ac si non curet matrem, dicit. Quæ est mater mea? & qui sunt fratres mei? non quasi matrem, per contemptum negans, sed ut nos qui toti ferè pendemus à carne intrueret, dum cœlestis Patris agitur negocium, tum carnis esse postponendos parentes. Quo sensu est intelligendum, Nolite vobis vocare patrem super terram. Sequitur:

*At ubi venit plenitudo temporis, misit Deus, &c.* Temporis plenitudinem intelligit ætatem mundi maturam atque perfectam. Et dicit, *Factum ex muliere.* Quemadmodum enim à muliere initium fuit peccati, quo omnes infecti sumus: ita per mulierem similiter venire debuit salutis initium. Hoc in loco blasphemus Lutherus, ut se clarè ostenderet cuius esset seminis effectus, sic scripsit. Paulus quasi per contumeliam (ut apparet) Virginem matrem Filij Dei, mulierem tantum appellat. Quod ex veteribus patribus quosdam male habuit, &c. O verè inimicum Christi Filij, qui hæc de illius sanctissima & charissima matre valuit cogitare. Laus ista est Virginis summa, ut singulariter appellata sit mulier, in sensum illum illustrem expositum: & longè quidem maior laus, quàm si Virgo appellata fuisset. Ipsa namq; est rara illa mulier, quam tanto desiderio in spiritu quærebat Salomon, dicens: Mulierem fortem quis inueniet? Christus etiam Filius nusquam vocauit eam nisi hoc nomine, Mulier, ut intelligeremus, Sicut ipse singulariter fuit vir inter viros, ita illa inter mulieres singularem fuisse mulierem. Sed hæc non sunt canum & porcorum: nec etiam superborum, & minus piorum hominum.

*Factum sub lege.* Deus obligauit illum peculiari ter illi legi, cum ipse alioqui esset legis Dominus. Nam & particularis quædam pro Iudæis, qui erant sub maledicto legis, requirebatur redemptio. Unde ait, *Ut eos qui sub lege erant redimeret*, videlicet à maledicto illo peculiari legis. Ipse enim Christus pro illis impleuit legem, *ut filiorum adoptionem reciperemus.* Admisceat & Gentes: & quasi vnum ex illis seipsum facit. Significat autem legitimum salutis adipiscendæ ordinem: quoniam prius quàm pos-

set Gentibus venire salus, ante oportebat Iudæis prospectum esse.

*Quoniam autem estis filij Dei*, id est, vos omnes simul facti vnum, Iudæi & Gentes. *Misit Deus Spiritum Filij sui, &c.* Hinc insurgit dubium. Potius quippe videtur esse dicendum ex spiritu venire adoptionem, & sic filiationem Dei, quàm ut ecotrario ex filiatione veniat Spiritus. Non enim ij censeri possunt filij, qui sunt sine Spiritu Dei.

Respondeo: Non vno tantum modo dicuntur filij. Erant quidem Iudæi filij, sed paruuli qui nondum habebant Spiritus perfectionem. Et hinc loquitur de Spiritu perfectionis, quo clamatur Abba Pater. Est enim quodammodo, & non est filius, qui nescit adhuc vocare patrem.

Possumus & filios Dei duplici modo intelligere. Et primo quidem secundum potentiam: quia erant iam quasi candidati omnes ad recipiendam adoptionem. Alio modo secundum actum, in quo consistit perfectio. Et nota hinc dici ab Apostolo ipsum Spiritum clamantem: qui ad Rom. dixit: Nos clamantes, ut idem dictum esse intelligas, & clamare Spiritum, & nos per Spiritum clamare. Sic enim & rectè de homine dicitur: Homo videt, & oculus videt. Videt tamen verè ipse homo, sed per oculum videt. Sic clamat homo Abba Pater, & per Spiritum datum nobis, & inhaerentem nobis clamat. Et istud attentius est propter eos animaduertendum, qui volunt in nobis Deum facere & operari omnia sine nobis. Item nota, *Abba Pater*, duo esse posita vocabula idem prorsus significatia, quibus declararetur in diuersis, videlicet Iudæis & Gentibus, idem Spiritus, idem clamans: ut iam omnis per Christi Spiritum ostendatur sublata distinctio.

*Itaque iam non est seruus, sed filius. Quod si filius & haeres per Deum.* Concludit effectum testamenti, (quod est hæreditatis apprehensio) venisse, sed nondum perfectè: quoniam ambulamus in spe, quando peregrinamur à Domino. Et ait, *per Deum*, id est, Christum: quia in illo sita est omnis gratia, quæ in nos venit. Nota ergo duas Domini de Christo promissiones, quæ nomine hæreditatis significantur. Prima pertinet ad substantiam præsentis gratiæ. Et hanc iam obtinuimus in donis fidei, & spei, & charitatis.

Secunda verò pertinet ad substantiam futuræ gloriæ. Et hanc expectamus, nobisque eam operamur per patientiam in tribulationibus, & passionibus carnis, & multiplicibus huius mundi miseriis. Nobis enim dicitur, Cum timore ac tremore vestram salutem operamini.

Sed tunc quidem ignorantes Deum, iis qui natura non sunt dii, seruiebatis. Nunc autem cum cognoueritis Deum, imò cogniti sitis à Deo: quomodo conuertimini iterum ad infirma & egena elementa, quibus denuò seruire vultis? Dies obseruatis, & menses, & tempora, & annos. Timeo vos, ne fortè sine causa laborerim in vobis. Estote sicut ego: quia & ego sicut vos. Fratres, obsecro vos. Nihil me lesistis. Scitis autem, quod per in-

Nota.

Duplex facta de Christo promissio.

Phil. 2.



firmitatem carnis euāgelizauī vobis iam pridem. Et tentationem vestram in carne mea non spreuistis, neque respuistis: sed sicut Angelum Dei excepistis me, sicut Christum Iesum. Vbi est ergo beatitudo vestra? Testimonium enim perhibeo vobis, quia si fieri posset, oculos vestros eruissetis, & dedissetis mihi. Ergo inimicus vobis factus sum, verum dicens vobis? *Æmulantur vos non bene: sed excludere vos volunt, vt illos æmulemini.* Bonum autē æmulamini in bono semper: & non tantum cum præsens sum apud vos. Filioli mei, quos iterum parturio, donec formetur Christus in vobis. Vellem autem esse apud vos modò, & mutare vocem meam: quoniam confundor in vobis.

*Sed tunc quidem, &c.* Vult ostendere beneficium Dei magnum, qui ab infelicitissimo statu in optimum eos reduxit. Et ea ratione stultitiā eorum insignem detegere, eamq; ante oculos illis opponere, qui reuerti ad statum pristinum, & quodam modo retrogredi non vereretur. Ait ergo: *Sed tunc quidem ignorātes Deum*, hoc est, antequam venissetis ad fidem, nedū eratis in statu cognitionis Dei veri: sed contra in cultu falsorum deorum qui natura non sunt dii, & ita non veri dii erant. Verus enim Deus est natura Deus ex se, & nō fit ex placito hominum Deus, vt fiebāt illi. Qui autem participant deitatem, vt & ipsi dici quodam modo dii possint, ab ipso Deo habēt, non ab hominibus. Cum ergo in eo statu essetis infelicitissimo illo quidem & periculosisimo, & ex illo erepti veneritis in Dei cognitionem, imo ipsi, *sic cogniti à Deo*, hoc est, dilecti ab eo. Ob hoc enim cognoscitis illū: quia prius cognouit vos, qui oculum direxit in vos paternæ misericordiæ suæ ac prouidentiae, donans vobis veritatis, & suæ erga vos charitatis notitiam.

Cum igitur hæc ita sese habeant, *Quomodo conuertimini iterum ad infirma & egena elementa, &c.* Hic palam ostentat Galatarum dementiam. Nam cum ita se res haberet vt Deum iam nossent, vtpote ab eo cogniti, nihilofecius patiebantur per falsorum prædicationem Apostolorū sese iterum transferri ad elementa, quæ ordinabantur ad ipsam Dei cognitionē, vt sic ea inquirerent quæ iam erant consecreti: & (quod omnem superabat insipientiam) inquirerent per illa Iudæorum elementa; infirma & egena, quæ iam per euangelij lucem explosa erant: ideoq; superfluitiosa, vtpote vel mendacia, vel inania: imò etiam contra spiritus libertatē. Ait autem, *Quibus denuo seruire vultis.* Vt notaret iudaicas observationes nulla in re iam à superstitionibus Gentium differre, quātum pertinebat ad infirmitatem, & quatenus egena, cum minime sint potētia ad cognitionem Dei inducendā: sed magis id promitterent, quam præstarent, cum iam mēdacia (vt diximus) reddita essent & inania. *Dies obseruatis, & mensēs, &c.* Dierum observatio erat in Sabbatis, & Neomeniis. Mensū autem observatio erat primi,

& septimi. Annus verò obseruabatur, septimus, & quinquagesimus Iubilei. Sed hæc omnia eo tempore mysteria habebant recōdita, quæ nunc sunt clara & aperta. Vnde nobis quidem prodest ea scire: Illis autem vt nedum vtilitatē adferret vllam, sed contra nunc non parum detrimenti: quod ipsi miseri Iudæi non intelligunt. Sequitur:

*Timeo vos, ne sine causa laborauerim in vobis, &c.* Charitatem suam ex timore ostendit. Non tamen adhuc animum de illis despondisse (cum præcipiat eis) simul innuit, qui non ita essent corrupti, vt ad veritatem reuerti non possent, ad quam eos mira suauitate inuitabat aiens, *Estote sicut ego, quia & ego sicut vos.* B. Hieronymus ait, illos ab Apostolo inuitari, vt ad sui imitationem sint in libertate: quia & ipse aliquando, quemadmodum & illi, fuerat in seruitute constitutus. Sensum non improbo. Mihi tamen placet potius sic debere intelligi, vt hortetur eos velint esse sicut ipse, videlicet nō obseruantes legalia. Ipse enim licet Iudæus esset, erat tamen velut ex illis Gentilibus vnus, nimirum liber ab iis elementis: quia in Christo Iesu omnes vnus erant effecti.

*Fratres obsecro vos*, id est, obsecrando magis quam imperando hæc à vobis obtinere percipio. Hic exemplum Prælati, vt leniter cum subditis agant, & non cum supercilio, austeritate, & potentia. *Nihil me læsistis.* Ex quo potestis coniecere me solius veritatis gratia loqui aduersum vos. *Scitis autē quod per infirmitatem carnis, &c.* Euangelizare per infirmitatem carnis est hic B. Hieronymo, euangelizare inefficaciter propter carnalitatem, non suam quidem, sed audientium. Verum huic expositioni planè verba sequentia nequeunt aptè accommodari: nec eo sensu seruaretur digna ipsius sententiæ proprietates. Mox etenim ait, *Tentationem vestram in carne mea non spreuistis.* Euāgelizasse ergo per infirmitatem carnis, se ob eam causam testatur Apostolus: quoniam non cum potestate & virga, sed leniter cum illis & omni māsuetudine ambulauit. Sic & eadem voce vtitur ad Corinth. Quasi infirmus (ait) fuerim hac parte.

*Et tentationem vestram, &c.* Illam infirmitatem suæ carnis, illorum tentationem appellat: quia per illam instigabantur ad ipsius contemptum, vtpotē qui ferē nihil in eos posse videretur. Et tamen eam illi infirmitatem non spreuerunt, neque contempserunt: sed contrā potius, *sicut Angelum Dei* (inquit) *accepistis me: sicut Christum Iesum.* Et hac in parte eos plurimum cōmendat, cum sit iuxta verbum Domini dicētis: *Qui vos accipit, me accipit:* & qui vos spernit, me spernit.

*Vbi est ergo beatitudo vestra?* Græcè melius sic: *Qua erat igitur beatitudo vestra?* ac si dixisset. In quo tunc bonum vestrum ponebatis, quando tanto me affectu & honore tanquam Angelum Dei, aut ipsum Iesum recipiebatis? Vtrum in me qui eram infirmus: an verò potius in eo quod ex me audiebatis, scilicet veritatis verbo? Certè in verbo veritatis, nō in me, qui ex me nihil eram: & nihil esse etiam (quod ad vos pertinet) me esse ostentabam, euāgelizans vobis non in potentia, sed in infirmitate. Et vt hunc eorum erga se affectum vehementissimè exaggeraret, addit:

*Testimonium enim perhibeo vobis, quia si fieri posset,*



oculos vestros eruiſſeris, & dediſſeris mihi, &c. Nihil poterat maius ac pretioſius afferri. Quid enim nobis charius iſtis oculis eſſe poteſt? Cum igitur hæc omnia tunc fuiſſent cauſa beneficii huius, id eſt, acceptæ ab eo ſalutiferæ veritatis, ex eo rectè ac potenter à rei indignitate concludit. Ergo inimicus vobis factus ſum verum vobis dicens? Hoc certè nihil per verſus excogitari poteſt. Propterea & Dominus in Iudæos: Oderunt me gratis. Et: Si veritatem dico vobis, quare nō creditis mihi? Quid enim amabilius debet eſſe veritate, & ea veritate quæ ſalutem afferat ſempiternam? Quamobrem cum emphafi pronuntiandum eſt, vt ſumma inde atq; admiranda oſtendatur deſectatio. Ergo inimicus factus ſum vobis, verum dices vobis? Hoc eſt, quia veritatem ſalutarem attuli vobis? Et addit:

*Æmulantur vos non bene, &c.* Omnem huiusmodi tam admirandæ rei cauſam reiicit in pseudoapostolos, in quos: *Æmulantur* (inquit) *vos*, id eſt, per æmulationē, qua aduerſum nos prouocantur, afficiuntur erga vos, vt in eorum vos detis diſciplinam, eiſque ſubiectos vos profiteamini: quatenus poſſint ipſi in veſtra carne gloriari. Et ideo, *non bene*, quia non veritatem prædicant. Non ſalutem veſtram tales, non gloriam Dei ſimul & veſtrā quærunt: ſed ſuam, & eam quæ ab hominibus eſt: quam Deus ex oſam habet. Videte quā non bene: quia etiam, *excludere vos volunt*, id eſt, volūt vos ab eccleſiæ gremio, & ſanctis Apoſtoliſ excludere, vt ſic excluſi cogamini æmulari, id eſt, per æmulationē illis herere. O artem diabolicam. Sic enim faciunt hæreſiarchæ, qui ſe cum ſuis ſegregant ab eccleſia. Poſtquam autem id obtinuerunt, ac ſubdolē ſuis ſectatoribus ipſam eccleſiā odiolam reddiderunt, vt pote à qua ſenſim per eos ſunt ſegregati, cogunt mox ſic illuſos econuerſo vt ſe æmulentur, id eſt, vt cum præ pudore vereantur reuerti ad eccleſiæ (quam ſpreuerunt) grām, æmulationem cogantur exercere pro illis, & controuerſias alere, & factiones, & ipſa factionum capita mordicus tenere, & ſubdi illis. Iſtud noſtris temporibus apud nos hæreſiarchas accidiſſe non ſine gemitu videmus, quibus propterea adhærent non pauci ab eis ſeduſti: quoniam vidēt ſe ab eccleſia alienatos, & inſtillante demone pernicioſiſſimē ſibi perſuadēt, locum iam nullum apud illam relictum: aut etiam redire verecundia præoccupati reformidant. Unde coguntur quodam modo æmulari Magiſtros ſuos, id eſt, pro Magiſtris illis falſis zelantes contendere: quod & faciunt quā remulentiſſime. Quo fit vt magniſcent ſectas, & nomine nouo ſe ipſos lecernentes, vocant Euāgelicos: & nos ignominie cauſa Eccleſiaſticos, aut Papiſtas: vt vel in hoc ſe ipſos redarguant, qui euangelium ab eccleſiā ſegregant quā imperitiſſime.

*Bonum autem æmulamini, &c.* Tria admonet conſeſtanda. Primum, vt æmulētur: ſed quod bonum eſt, id eſt, vt æmulatione ſatagāt aſſequi bonum vt alibi: *Æmulamini chariſinata meliora.* Bonum autem veritas eſt, cui & charitas congaudet. Secundum eſt, vt bonum æmulentur, *in bono*, hoc eſt, via bona tendentes in illud, non improbē, ſicut Lucifer qui æmulatus eſt chariſima eximiū, ſed non bene. Et ſicut ille Simon Magus, qui Spiritus poteſtatem appetebat, ſed non benē: quia illam volebat

ſibi comparare pecunia: Aut, *in bono*, id eſt, quatenus bonum, vt illam bonitatē reſpiciatis, non perſonam. Tertium eſt, *ſemper*, non ad oculum duntaxat, id eſt, ſolummodo quū is qui poteſt redarguete, præſens adeſt, ſed perſeueranter.

*Filioli mei quos iterum parturit, &c.* Maternum hūc exprimit erga illos affectum: Chriſtus dixit conuerſus ad diſcipulos: *Qui fecerit voluntatem Patris mei, hic mihi frater, & ſoror, & mater eſt.* In eo frater, vt poſſit & pater eſſe: & in eo ſoror, vt valeat & mater eſſe. Chriſtus omnium pater fuit, qui futuri ſæculi futurus pater apud Iſaiam prædicitur: quoniam vt ſacerdos & doctor genuit nos verbo veritatis. Sed vt pro nobis paties fuit in carne ſua, matris vice nobis fuit. Itaq; mater fuit, quī ſuis doloribus & anguſtiis nos parturiuit ac peperit. Sic & B. Paulus ad Corinth. ſeſe illis vt patrem oſtendit, quos ait ſe genuiſſe in Chriſto per verbum euangelij. Nunc verò ad Galatas vt matrē ſe oſtendit: quia iterum eos per lachrymas, & orationes, & deſideria parturiebat, *donec* (inquit) *formetur Chriſtus in vobis*, videlicet ex fide & charitatē. Hi affectus à Deo ſunt: ſed ſancti illos per orationes impetrāt, & gemitus, & ſuſpiria, & affectus vehemetes, quod eſt ſpiritualiter parturire. Hunc eundem affectum ſentiebat ille qui dolens aiebat. Nūquid ego in vtero concepi omnem populum iſtum? Ob iſtam cauſam eccleſia ſancta vocatur mater, quæ aſ ſiduē lachrymis & gemitibus parturit vt pariat. Sed ſuper omnes in Chriſto fuit Mater noſtra ſecundum ſpiritum, illa quæ illius fuit ſecundum carnem. Hæc parturiuit omnes nos, & peperit ſub amara ficu: quod plutimi mortalium non cogitāt, & ob id minus erga tantam redemptionis noſtræ difficultatem commouentur.

*Vellem autem eſſe apud vos modo, & mutare vocem meam, &c.* Mutare vocem ait, vt mihi videtur, non (vt exponit B. Hieronymus) quaſi de ſcriptura in linguam, quaſi viva vox maiore habet energiam: ſed quaſi de blandiloquētia & infirmitate, in increpationes & obiurgationes potētioreſ. Nam & ipſa dilectio hos varios operatur affectus. Cū enim filij quos vehementer diligimus, non ambulant viam ſalutis rectam, eos vellemus quocunq; conatu ab errore viæ reuocare. At cum blāditiæ minus proſunt, mutare voces, & in duras increpationes erumpere cogit amor: præſertim cum illi nos ſpernere videntur veros patres, & illis indignē herere, qui non ſolum non diligunt, ſed contra corrumpunt eos, & perdunt. Oſtēdit autem eo ſe teneri deſiderio: quoniam non poterat abſens tam aptū increpationis genus eligere, quemadmodū præſens feciſſet. Nec enim epiſtolæ omnia ferunt. *Quia conſundor in vobis.* Græcè non eſt conſundor in vobis, ſed *ἀπορῶμαι* quod eſt hæreſe, dubium eſſe, & quaſi indigentem conſilij neſcire quò ſit erumpendum, ni ſi tādē in obiurgationes. Hoc idē alibi aiebat: *Quis ſcandalizatur, & ego non vrom?* Hi omnes paterni ſunt affectus, & amoris ſolicitudine pleni.

Dicite mihi qui ſub lege vultis eſſe, legem non legiſtis? Scriptum eſt enim quoniam Abraham duos filios habuit: vnum de ancilla, & vnum de libera. Sed qui de ancilla, ſecundum carnem natus eſt: qui



autem de libera, per repromissionē, quæ sunt per allegoriam dicta. Hæc enim sunt duo testamenta. Vnum quidem in monte Sina in seruitutem generans: quæ est Agar. (Sina enim mons est in Arabia, qui coniunctus est ei, quæ nunc est Ierusalem) & seruit cum filiis suis. Illa autem quæ sursum est Ierusalem, libera est: quæ est mater nostra. Scriptum est enim: Letare sterilis, quæ non paris: erumpe, & clama, quæ non parturis: quia multi filij desertæ, magis quàm eius quæ habet virū. Nos autem fratres secundum Isaac promissionis filij sumus. Sed quæadmodum tunc is qui secundum carnem natus fuerat, persequabatur eum qui secundū spiritum: ita & nunc. Sed quid dicit scriptura? Eice ancillā & filium eius. Non enim hæres erit filius ancillæ cum filio liberæ. Itaque fratres, nō sumus ancillæ filij, sed liberæ.

*Dicite mihi, &c.* Mirè exprimit iustam indignationem, qua certam iustitiæ præterdit in eos causam: & quasi argumētum proponens ad quod nequeat responderi, interrogat. *Dicite mihi.* Vbi diligenter notandum, illa argumenta quæ de allegoria sumebantur, fuisse illis temporibus magna, & graua & potentia: quæ tamen nunc paruifaciunt homines noui, à quibus vel hoc signo intelligitur abesse Spiritus ille, quo iudicamus spiritualiter, & in lumine certitudinis. At B. Paulus hæc potenter videns, etiam potēter obiicit. *Qui sub lege esse vultis.* Quod perinde est, ac sub peccato esse & seruitute: *legem non legistis?* Græcè, non audistis? Legem vocat hoc in loco, scripturam Moseos. Et hîc etiam diligenter aduerte, apud B. Paulū non esse tum legere vel audire legem, cum nō capitur sensus Spiritus: contra istos spirituales neotericos, qui nihil nisi literam tantum quærunt. *Scriptum est enim.* Nota est historia. Tu conuenientiam accipe iuxta expositionem Apostoli. In Agar agnosce testamētum legis verus, quod ab ipso monte Sina generauit in seruitutem. Agar enim (sic legitur in Græcis) est Sina mons in Arabia. Aiunt quidam illum montē arabica lingua vocari, Agar, & ibi data est lex. Et postquam data est, sancita est fœdere ac testamento in sanguine, & lecta audiēte populo, & ab eo confirmata: qui omnes promiserunt se eam legem facturos, & forè obediētes. Et ideo in seruitutem generauit & maledictum, cum illam non fecissent.

Sed illum dubium, Quonam modo coniunctus sit iste mons Sina Ierusalē, cum tanto inter se spacio distent, quantum norunt Geographi. Missa omnia facientes, quæ à pluribus non aptè hîc afferuntur, verius illud est (cum hîc Græcè, *οὐρα* ē, legatur) vt coordinationem quandam significari intelligamus: vt facere doctores solent, qui quædam docendo coordinant, vt inspiciantur rationes & proportionēs. Ecce, vt capias quomodo ista coordinentur. Debemus in Abraham primum vnum patrem multarū Gentium, in quo erat Deus, con-

templari. Huic duæ aptantur quodā modo ad generandum mulieres. Est Agar ancilla: est & Sara, libera. Agar ancilla primò vi & potentia carnis Ismaelem concipit, & parit. Sara verò cum esset natura sterilis, ex promissione cōcipit & parit Isaac. Ista sunt duo testamenta, i. in his duo testamenta significantur. Et in Agar quidem vetus legis testamentum: In Sara autem nouum gratiæ. Et quia vetus natum est in Sina monte qui dictus est Agar, appositè in Agar ancilla multis de causis designatum est: quia & ipsa seruit cum filiis. At mōs Sion & Ierusalem, vnde exiuit lex & verbum Domini (vt ait Isaias) dominabatur. Et sic inuenitur ista coordinatio, vt in signo subiecto apparet.

## ABRAHAM PATER.

AGAR, ancilla:	SARA, libera.
ISMAEL, ex carne:	ISAC, ex promissione.
SINA, AGAR mōs:	SION, vel IERUSALEM.
LEX, testamentum vetus:	EVANGELIUM, testamentum nouum.
PECCATVM,	GRATIA.
SERVITVS,	LIBERTAS.
SYNAGOGA carnalis,	ECCLESIA spiritualis.

Ecce igitur quomodo mons ille Sina coordinatus est ad Sion & Ierusalem, non respectu quidem loci, sed mysterij. Et inde quòd per Ierusalem intelligitur Ecclesia quæ desursum venit, cui aptatū est euangelium & gratia: vnde libertas. Et hæc multò plures peperit, vt scriptum est, *Letare sterilis quæ non paris, &c.* Parum admodum differt hæc citatio à B. Hieronymi traductione, qui ait: *Letare sterilis, quæ non paris:* laudē decanta & hymnum, &c. Declarat autem deinde Apostolus, ad quem ipsi ordinem attinerent, & ait:

*Nos autem, fratres, secundū Isaac, &c.* Et non secundum Ismael derelicti in carne. Sed quomodo tunc his qui secundum carnem, &c. Aptat perfectè allegoriā: quòd sicut carnalis filius erat persecutor eius qui erat ex promissione, idq; ob superbiam carnis & primogenituram (vt ait B. Hieronymus) ita & Iudaicus ille carnalis populus spiritualem deridebat, & persequabatur. Verū admonet eius quod scriptura tādē dicit: *Eice ancillam & filium eius, &c.* Quæ ad iota verificata sunt secundum spiritum: quia inuentus est ille populus eiectus, & extra ecclesiam seruus, donec iterum sua die recipiatur.

Illud verò notandum omnino, in tota scriptura antiqua nusquam reperiri vbi Ismael sit persecutus Isaac: sed tantum luisse cum illo. Vt intelligas reuera omnem aduersus Christianos persecutio nem ludum esse quodam modo puerorum, qui citò transit: & nihil iis qui patienter amore iustitiæ sustinent, nocet. Potest tamen intelligi verbum illud, ludere, pro illudere & subannare, quod est proprium carnaliū, qui illudere iis soliti sunt, qui proficiunt spiritu. Sed qui sic illudunt, nonne illudentur? Et qui spernunt, nonne spernentur? Vt (ait scriptura) qui spernis: nonne & ipse sperneris? Et merito quidem.

Ex hoc loco noui hæretici etiam argumentum elicerunt vt se, suamque causam tuerentur. Ne-



gant enim hereticos esse gladio persequendos: sed debere potius doceri, & conuinci rationibus, & at trahi charitate. Non est (aiunt) ecclesiæ proprium suos persequi hostes: sed econuerso, potius persecutionem pati. Hoc apparet ab exemplo Ismaelis persequentis, & Isaac patientis.

Nos palam ac libenter confitemur, non esse ecclesiæ mouere persecutionem. Nec enim illa mouet in eos persecutionem ullam, sed attrahit dulciter quantum potest, docetque rationibus suadens, & autoritate quam habet à Deo. Quos si pertinaces compererit, castigat ad disciplinam. Quod si hoc non prodest, etiam eiicit foras à filio rum consortio, ne suo cōragio reliquos inficiant. Et ita esse agendum hoc exemplo didicimus. Sicut enim legimus Ismaelem persequentem Isaac dum esset minor: sic etiam legimus imperatrem Saram ut foras eiiceretur, velut indignus spe filiorum. Hucusque in hereticos excandescit ecclesia. At si seculari curiæ & potestati tradantur, hoc non ex euangelio fit, sed ratione politiæ, ut noxij homines, & publicæ tranquillitatis perturbatores (quod se optate paulò inferius ostendet Apostolus) tollantur è medio. Nam tantum abest ut euangelium potestatem regiam auferat, ut etiam vehementer confirmet, iubens reddi quæ sunt Cæsaris Cæsari. & illud: Reddite, omnibus debitum. Item nedum bonis & modestis, sed & discolis iubet Princeps Apostolorum esse parendum.

## CAP. V.

**Q**UAE LIBERTATE Christus vos liberavit, state: & nolite iterum iugo seruitutis contineri. Ecce ego Paulus dico vobis: quoniam si circumcidamini, Christus vobis nihil proderit. Testificor autem rursus omni homini circumcidenti se: quoniam debitor est vniuersæ legis faciendæ. Euacuati estis à Christo, qui in lege iustificamini: à gratia excidistis. Nos enim spiritu ex fide spem iustitiæ expectamus. Nam in Christo Iesu neque circumcisio aliquid valet, neque præputium: sed fides quæ per charitatem operatur. Currebatis bene: quis vos impediuit veritati non obedire? Neminis consenseritis. Persuasio hæc non est ex eo qui vocat vos. Modicum fermentum totam massam corrumpit. Ego confido in vobis in Domino, quod nihil aliud sapietis. Qui autem conturbat vos, portabit iudicium, quicumque est ille. Ego autem fratres, si circumcisionem adhuc prædico, quid adhuc persecutionem patior? Ergo euacuatum est scandalum crucis. Utinam & abseindantur qui vos conturbant.

**Q**UAE LIBERTATE, &c. In Christo liberi erant non solum à seruitute peccati (quia ad peccatum non cogebantur, cum amplius non essent sub

peccato) verum etiam à seruitute caeremoniarum tam multarum, quæ sic premebant, ut nocerent spiritus efficaciam. Multitudo enim caeremoniarum suffocat potius opera spiritus, & spiritum ipsam, quam recreet & reficiat. Nam caeremoniæ ex eorum genere sunt, non quæ oporteat facere, sed quæ oporteat omittere: si tamen conuenientes fuerint. At cum longè immodico numero superant, & superflue sunt, seruitus mera est, & in spiritus libertate nequaquam ferendæ. Sunt namque ipsæ caeremoniæ velut folia in arbore, quæ si nimis densa sunt, succum fructibus suffocant, ut nequeant maturare: Ideo cum ab his essent Galatæ per statum nouum gratiæ liberati, admonet B. Paulus ut in eo statu stabiles perseverent, nec velint iterum iugo seruitutis detineri. Dicit, iterum, quia & Gentes habebant suas ineptas ac seruiles caeremonias. Et hic attende, differre iugum istud & onus legis, à iugo & onere Christi. Nam Christi iugum suauis, & onus leue: & eiusmodi ut pacem afferat animabus nostris. Contra verò, iugum & onus legis (præsertim cum euaserit in superstitionem) spiritum premit & angit. Vnde addit:

Ecce ego Paulus dico vobis, &c. Licet olim prodesset circumcisio quæ erat ex fide, si opera adicerentur, & hoc antiquis Iudæis: Post Christum tamen mortuum & suscitatum, inutilis facta est. Gentibus autem semper noxia fuit: quanquam Iudæis ob fidei infirmitatem tolerata sit ad tempus. Testificor autem rursus, &c. Opera enim legis exigebantur à Iudæis: & qui circumcidebant se, ipso hoc facto in eo populo clauderantur eiusdem religionis professione, & ita tenebantur ad legem. Quod est maxime considerandum.

Hinc sese offert illa de Indis quæstio, qui cum Christum profiteantur, etiam circumciduntur: neque tamen putant se ad legis onera teneri obligatos. Verum hic error potest quidem condonari, ne sit noxius ad mortem. Non enim ea se gratia circumcidunt, quasi ex lege teneantur. Nec circumcisione vtuntur, qua veluti sacramento quodam prænunciari Christum venturum profiteantur. Ad solam Christi imitationem ex deuotione eam suscipiunt. In hoc tamen non leuiter errant: quoniam non omnis actio Christi est à nobis exercitanda, nisi pares adsint circumstantiæ. Ipse enim circumcidit se, ut sua circumcisione circumciso illius populi vigorem acciperet, & vetusti hominis vitium in sua illa innocentissima carne præcideret. Quæ profecto ratio in aliis cessat. Sic & agnum Phasæ manducauit, ut vetus testamentum expleret: non autem qui talia faciendi exemplum hac in re aliis relinqueret. Euacuati estis à Christo qui in lege, &c. id est, otiose & frustra agitis, & absque Christo. Declarat legem & circumcisionem non posse concurrere cum euangelio & gratia in veritate, licet aliquo tempore tolerati sint Iudæi. Aliquando autem ad Rom. dicens, Iudæo prodesse quidem circumcisionem cum legis obseruantia, loquebatur secundum illud tempus, quo verè proderat: necdum ibi erat locus pandendi omnino cessationem eius. Quamquam ex eius doctrina id optime accipi potest in epistola illa, à nobis iam explicata.

Nos enim spiritu ex fide spem iustitiæ expectamus. Serrus est: Ad salutem consequendam, quæ est spes in

De caeremoniis immo dicit.

De Indis circumcise ne.



stitiæ, non valet circumcisio illa carnalis, sed spiritalis, quæ à Spiritu venit. Et spiritum vocat ipsum donum Dei, quo illi iugimur, iuxta illud: Qui adheret Domino, vnus spiritus est cum illo. Hic autem spiritus charitas est: & dicitur gratia quæ est ex fide, ita vt ex ipsa charitate formaliter iusti simus. Nam per hanc erudimur de beata spe iustitiæ quam expectamus, & quam scimus iusti sua die retribuendam: quia promissit illis Deus. Hæc spes ipse Christus est, qui & propitiatio, & iustitia nostra est, in quo pretiosi Deo nos sumus, & opera nostra digna præmio, quasi ab illo facta, qui inuenitur in nobis per Spiritum suum, qui & pro nobis hoc postulat.

*Nam in Christo Iesu neque circumcisio aliquid valet, &c.* Circuncisionem carnalem non valere in Christo, idem est quod euauisse: quia Christus attulit spirituales quæ in baptismo fit, vnde cessat illa carnis. Primus autem quam veniret Christus, & fides de illo explicita, valebat quidem circumcisio ex fide Christi veteri. Sed iam non valet in eodem exhibitio, id est, in explicita lege Christi, quæ est de eius morte & resurrectione. Præputium autem non valere in Christo clarum erat. Ergo, in Christo, hoc est, cum quis Christum baptismo indutus est & iam iustificatus, solum valet fides ad expletionem spei, id est, ad salutem. Non tantum sola & nuda fides, vt aiunt hæretici, à quibus quantumvis versutis & callidis, & omnia ad puerulum suum dogma referentibus, non poterit tamen hic locus vnquam contra opera deprauari. Valet (ait B. Paulus) fides in Christo. Sed quænam fides? quæ ociosum hominem reddit? Nihil minus, sed fides (inquit) quæ per charitatem operatur. Hæc est quæ absolutam iustificationem efficit. Nam reuera antiqua simus in Christo, fide iustificamur: quia Deus credentem tantum iustificat per infusionem doni iustitiæ, quæ est charitas, qua iusti sumus coram illo. Per illam omnis virtus, & virtutis actus habet vitam & gratiam coram Deo. Non est enim sine fide & spe infusus donis, quæ ab ipsa charitate vitam accipiunt, vt grata sint & placeant Deo. Itaque fides quæ non operatur per charitatem, otiosa est, nec placet Deo, in eo scilicet, qui semel induit Christum.

*Currebatis bene.* Cursui vitam nostram comparat, sed respectu brauij & coronæ, vt significet non de bere impediri cursum hunc, quum recta tendit ad coronam. Et ideo conqueritur aiens: *Quis vos impediuit, &c.* Deest in Græcis id quod sequitur. *Nemini consenseritis.* Addit, *Persuasio hæc non est ex eo qui vocauit vos.* Deus enim erat qui vocauerat, & fidem exigebat, non antiquas legis obseruatias. Spiritus enim & gratia, & Christus ab iis prædicabatur, qui euangelium promulgabāt, non lex & Moses, qui famulus erat in domo.

*Modicum fermentum totam massam corrumpit.* Hoc ad doctrinam referri potest, vt parum quid contra veritatem Christi dictum, corrumpat totam fidei massam. Et verè sic res habet: quia qui in vno quouis articulo pertinax est, nihil verè credit. Nam de cæteris quæ sibi videtur credere, fidem non habet, sed opinionem aut suspensionem. Ratio est in promptu: quoniam in vno discrepans ab ecclesia, spernit eam quæ est columna & firmamentum ve-

ritatis, cui omnes inniri debemus. Potest id ad homines & ad magistros applicari, & melius. Etenim ij non secus ac pestilens quoddam fermentum de massa plurimum corrumpit. Quod autem fermentum malam doctrinam significet, probat ipse Dominus qui dixit: *Cauete à fermento Pharisæorum.* Et euangelium similiter assimilauit fermento. Alibi, fermentum malitiæ, & nequitie dicitur. Et verè si vnum de attinentibus ad fidem corrumpitur, totum pariter suspectum reddi, & negari potest. Quare nihil omnino est admittendum malæ doctrinæ in iis quæ fidei sunt, sed syncerè tradenda sunt omnia.

*Ego confido in vobis in Domino.* Græcè legitur, *is tæ*, id est, erga vos, non in vobis: vt confidentia sit in prouidentia Dei erga illos. *Quod nihil aliud sapientis.* Quidam dictū hoc putant ab Apostolo prophetice, vt B. Hieronymus: sed hoc durū videtur. Nam superius vbi ait: *Timeo vos, &c.* ostendit timorem in oppositum, quod non est habentis prophetiam. Sed valere ad exhortationem solet istud, nunc timorem ostendere, nunc confidentiam: vt & metu simul ac spe auertantur à verbo mendacij, quibus studiosè timemus.

*Qui autem conturbat vos, portabit iudicium, &c.* Qui dam impij hoc quasi aduersus Petrum dictum accipiunt: quod vel cogitare est horrendum. Innuit ergo aliquem insignem pseudoapostolum. Portat autem iudicium, quicumque dat suæ culpæ pœnas: quoniam etsi culpa transeat, reatus tamen manet.

*Ego autem fratres, si circumcisionem adhuc prædico, &c.* Hic oportet subintelligere, à malignis illis qui circumcisionem & legis opera suadebant, etiam calumniosè Apostolos huius esse sententiæ additum fuisse. Vnde respōdet. Certa est persecutionis meæ causa, nimirum ex eo quod cruent prædico absque Mose, lege, & circumcisione. Istud scandalum est Iudæis, qui suam, non Christi iustitiam volunt statuere.

*Vtinam & abscindantur qui vos conturbāt.* Non ait, abscindantur illis membra pudenda, vt quidam sine ratione intelligunt: sed optat vt ipsi abscindantur simili modo à corpore, scilicet ecclesiæ. De spiritali itaque abscissione est absque dubio intelligendū. Sicut enim in circumcissione Christi illa pelliculæ abscissio significauit prædicandos à corpore illo suo benedictos: ita optabat Apostolus gladio anathematis id fieri in Magistros illos & satores errorum, qui circumcidi Gentes procurabant. Alludit enim ad abscissionem illam quæ in circumcissione carnali fiebat: quasi dicat: *Vtinam & isti qui diligunt abscissionem, sic ab ecclesia abscindantur, sicut eorum caro in ea iudaica obseruantia abscinditur.* Quod desiderium non nisi ex sancta charitate veniebat, quo saluū corpus fieri posset. Nec opus est hoc in loco ea cōminisci, quæ B. Hieronymus ad excusandum Apostolum affert, qui tamen nec se excusare illum omni nō à peccato fatetur: quod mihi nequaquam placet, nec potest placere.

Vos enim in libertatē vocati estis fratres: tātum ne libertatem in occasionem detis carni, sed per charitatem Spiritus seruite inuicem. Omnis enim lex in vno sermone impletur: *Diliges proximum*

*Quare vni articulum fidei negās, omnes negamus.*



tuum sicut teipsum. Quod si inuicē mor-  
detis & comeditis: videre ne ab inuicem  
consumamini. Dico autē in Christo: Spi-  
ritu ambulate, & desideria carnis nō per-  
ficietis. Caro enim concupiscit aduersus  
spiritum: spiritus autē aduersus carnem.  
Hæc enim sibi inuicem aduersantur: vt  
non quæcūque vultis, illa faciat. Quod  
si spiritu ducimini: non estis sub lege. Ma-  
nifesta sunt autem opera carnis, quæ sunt  
fornicatio, immunditia, impudicitia, lu-  
xuria, idolorum seruitus, veneficia, ini-  
micitia, contentiones, æmulationes, iræ,  
rixæ, dissensiones, sectæ, inuidiæ, homici-  
dia, ebrietates, comestiones, & his simi-  
lia: quæ prædico vobis (sicut prædixi) quo-  
niam qui talia agunt, regnum Dei non  
consequetur. Fructus autem spiritus est,  
gaudium, pax, patientia, lōganimitas, bo-  
nitas, benignitas, mansuetudo, fides, mo-  
destia, continentia, castitas. Aduersus hu-  
iusmodi non est lex. Qui autē sunt Chri-  
sti, carnem suam crucifixerunt cum vitiis  
& concupiscentiis. Si spiritu viuimus, spi-  
ritu & ambulemus. Non efficiamur ina-  
nis gloriæ cupidi, inuicem prouocantes,  
inuicem inuidentes.

*Vos enim in libertatem, &c.* De libertate non car-  
nis, sed spiritus intelligit, occurrens hæreticis no-  
stri temporis, qui prætextu huius libertatis vniuer-  
sam legem euertunt, & concupiscentiæ laxissimas  
habenas tradunt. Grata quidem voluptuosis homi-  
nibus prædicatio. Sed ne talem ab Apostolo liber-  
tatem doceri quisquā arbitraretur, cautissimè pro-  
tinus addidit: *Tantum ne libertatem in occasionem de-  
tis carni*, id est, Modo ne, quæ libertas est spiritus,  
in libertatem carnis conuertatur ad libidinum vo-  
luptatem, quam vel Plato malorum escam appella-  
bat, quod ea videlicet homines capiantur vt ha-  
mo pisces. Qua quidem nulla capitalior pestis in-  
sensibus nostris insidere potest. Hoc idem B. Pe-  
trus verabat. Quasi liberi (inquit) & non quasi ve-  
lumen habentes malitiæ, libertatem. Per Christum  
enim eò res erat deducta, vt qui prius serui erant  
peccato & legi: liberi autem, id est, soluti à lege  
iustitiæ: rursus e contrario hi facti à peccato libe-  
ri, & à lege illa quæ congruebat peccatori, serui fie-  
rent iustitiæ.

Verum caro quæ audit libertatem extolli, dat  
aures: & interpretatur eam esse libertatem quæ li-  
berum hominem facit à iustitia, quam illa odit, vt  
si illi dixeris, Serua vota, quæ distinxerūt labia tua,  
cum scriptum sit: Vouete & reddite Domino, con-  
tinuò respōdeat. Nos in libertatem vocati sumus.  
Illud enim: Vouete, & reddite Domino, olim erat,  
& est inter Iudaicas obseruantias reponendum.  
Alij dictionem illam, Ne der. quam vbique sancti  
interpretes nostri verterunt, Votum, negant signi-  
ficare propriè votum. Sic ait Suinglius, à quo &  
hoc didicit Ochinus quidam insignis quōdam hy-

pocrita (sed insigni apostasia & turpissima fuga  
iam obscuri & semisepulti nominis) verum signifi-  
care munera & spōtaneam oblationem. Vt hic vi-  
dere liceat triplicem carnis sapiētiam: & male sen-  
tire: & male facere: & insipienter atque arrogan-  
ter se excusare aduersus omnium veterum sensum  
tam de re, quàm de voce, quos aduersum se habet;  
qui & verbo & facto ipso aliter scripturas sunt in-  
terpretati. Hoc nos alibi proprio tractatu luce cla-  
rius ostendimus.

Item si dixeris: Obedi Ecclesiæ, & Præpositis.  
Suscipe deuotè indicta ab ecclesia ieiunia, & lu-  
ctum Christi, vt in gaudium possis intrare cum il-  
lo: & alia huiusmodi addas quæ ad carnis castiga-  
tionem faciunt, & spiritum roborant, similiter in  
sua carnis sapientia nobis obiciunt. Nos in liber-  
tatem vocati sumus, &c. Nec vult intelligere eo-  
rum caro, quod sequitur: *Tantum ne libertatem in oc-  
casionem detis carni*. Non est enim carnis, sed spi-  
ritus distinguere, Longè aliud esse alligari oneribus  
legis & obseruantis, quæ minimam quidem casti-  
gandi corporis rationem habebant. Aliud verò e-  
domare corpus, & in seruitutem talem redigere,  
ne obsistat spiritui: & vt interī luceat anima quasi  
vidua, vt pote Sponso suo Christo à se sublato.  
Quod & Christus prædixit. Venient dies quando  
auferetur ab eis Sponsus, & tunc ieiunabunt. Ori-  
genes aliter hunc locum magno apparatu expo-  
nit, huc tandem respiciens, Ita eos debere libera-  
tem profiteri, vt non propterea darent scandalum  
carni, id est, infirmis in fide. Sed hæc expositio nō  
attinebat ad propositum. Nam Apostolus apud il-  
los voluit rem omnino præscindere, cum matu-  
rum tempus iam posceret securis ad sterilis ficul-  
næ radicem poneretur. Euangelium enim (quem  
admodum & B. Ioannes de seipso testatus est) cres-  
cere debuit, & legem minui. Ne scilicet nimia in-  
dulgentia perpetuò penderent ab vberibus matris  
synagogæ Iudæi. Vbi autem pertinaciores sunt ani-  
mi, maior vis adhibenda est: vt qui ob dulcedinem  
à rebus gratis ablatari non poterant, vel cum ali-  
qua amaritudine ad solidum cibum deducerentur.  
Quam ob causam arguit eosdem Apostolus alibi,  
qui cum deberent iam temporis progressu magi-  
stri esse, rursus indigebant instrui quænam essent  
elementa sermonum Dei.

*Sed per charitatem spiritus seruite inuicē.* Ecce Chri-  
stiana seruitus, quæ cum charitate atque dilectio-  
ne coniuncta, à libertate non seiungitur. Est enim  
spiritualis non carnalis dilectio, qua liberaliter ser-  
uitur. Seruitus quippe eatentis mala est, quæ ope-  
ra facit non bona: aut si bona, ea tamen non libes-  
operatur. Qui autem opera charitatis facit, & lu-  
bens facit & promptè: quoniam per charitatem  
& non inuitus, seruitute bona & beata seruit. *Om-  
nis enim lex.* Melius, *vniversa lex*, vt Græca lectio ha-  
bet. Non enim plures sunt leges, sed vna Christi,  
quæ est dilectio Dei & proximi, ad quam cuncta  
referenda sunt. Hoc declaratum est in ea quæ ad  
Rom. c. 13. Nam in dilectione Dei tantum, seposi-  
ta dilectione proximi (vt ibi, si fieri posset, sisteres).  
non esset implementum: sed fundamentum, &  
pars potissima legis. Tum etiam absolutè im-  
pletur lex, vbi & propter Deum proximum quo-  
que dilexeris: & ob dilectionem eius omnia fece-

Luc. 5.

Ioan. 3.

Heb. 5.

1. Pet. 2.

Contra li-  
bertatem hæ-  
reticorum.  
Epist. 75.  
c. 76.



ris, quæ summantur & recapitulantur in hoc vñ breue præceptum. Diliges proximum tuum sicut teipsum.

*Quod si inuicem morderis, &c.* Detractionis vitium, quod est directò contra charitatem, detestatur: quoniam illud bonum à fratre suo intercipit, quod est inter humana maximum, idque est fama. Comparatur autem detractor cani mordaci, qui rabido ore lacerat hominem. Homo enim non solum consideratur qua parte oculis carnis cernitur: sed ea maxime qua minime videri potest. Considerari autem (vt christiana synceritas hortatur) debet, esse aliquid coram Deo, & hominibus per virtutes. Quæ si illi detrahantur, morsibus detractoris læduntur eius existimatio, & sic proculdubio consumitur. Cum igitur mutua exardescunt detractiones, necessarium, vt inuicem absumantur, euenire oportet.

Nunquid autem erit detractio, si forsan verum dicatur? Est equidem, quum illud verum est occultum. Et licet non detrahatur de virtute quam non habet, detrahatur tamen de existimatione & fama: quod est peccatum, cum sit animo nocendi proximo suo. Quem enim fraterna correctione fortè poteras emendare, hostili illum odio antè scædasti. Et quem debuisti (si vel malum pateret) contegere: contra, cum non pateret, prodidisti.

In vitium  
detractio-  
nis.

Graue peccatum detractio, quod è diametro præstantissimæ omnium virtuti, charitati scilicet, opponitur. Et apud Christianos tamen plurimum crassatur, vt detractorio sermone nullus ferè sit in ore multorum crebrior: Qua in parte quid de nouis hæreticis cogitandum? qui nedum venenosis verbis & libris, Pontificibus, Episcopis, religionibus non parcut: sed & os blasphemum in cælum posuerunt, Sanctissimam Dei matrè, Sanctos omnes, iis honoribus, quibus à Christo capite tanquam charissima membra, sunt ornati, spoliare non perhorrescunt impij. Nam si verbi otiosi seuerà est in die iudicii reddenda ratio, quid expectare debent detractores & blasphemi? Locus hic esset ad salutare monitiones appositissimus, quem cõcionatores verbi Dei tenentur attentius in suum usum conuètere, quò detereantur à tam frequenti linguam in fratrum existimationem laxandi consuetudine. Volat enim irrenocabile verbum, & læsc proximorum fame fiet tandem terribilis exactio.

*Dico autem in Christo.* Ne putarent eos qui semel induunt Christum, necessarium mansuros semper in Christo, vt quidam hæreticorum arbitrati sunt, hortatur Apostolus aïens: *spiritu ambulate*, id est, quò dicat Spiritus atque agit, ac suauiter impellit vos duci permitte. Possunt enim resistere Spiritui, & possunt sequi. Peccatum enim non iam dominatur nisi volenti, & vltro manus porrigenti. Si Spiritum sequitur homo Dei, ambulans vt Spiritus docet & ducit, nihil erit damnationis: quia peccatum non poterit nobis inuitis ad damnationem consummari. Hoc dicere clavis verbis voluit B. Paulus. *Et desideria* (inquit) *carnis non perficietis*. Non pollicetur extinctas iri omnes concupiscentias, & carnis petulantiam suas partes neglecturam, sed dixit, *non perficietis* consummantes consensu vestro, quò peccatum perficitur: quod abundè satis est. Impossibile est autem secundum communem charitatem, crucifixam esse omnino concupiscentiam,

sed solum non obtinere dominatum. In quibus autem ipsa carnis concupiscentia crucifiguntur, ij perfecti sunt, & perpauca: & tales iam in Christo sunt consummati. In charitate communi locum habet sequens conflictus.

*Caro enim concupiscit aduersus spiritum, &c.* Licet caro nequaquam dominetur, concupiscit interim tamen, vt non raro contingat vos non ea facere omnia quæ vellentis. Hæc, inquam, inter carnem & spiritum cõcertatio sic vrget, vt homo facere quæcunque cuperet, minus possit: vt assidue hæreat Deo, & semper vnum illud necessarium meditetur, quod verè bonum est, & illa pars optima, quæ nunquam aufertur. Itaque oportet propter humanas necessitates, & carnem assidue repugnantem & remurmurentem, reuerti ad semetipsum. Et tamen ipse spiritus cõtrà, postulat quæ sua sunt propria. Quamobrem pro loco & tempore audiendus est spiritus, & carnis cura tantisper omittenda, in his videlicet quæ sunt præcepta: remurmurer licet, aut recalcitret quantum velit caro. Quod si fiat, rectum teneretur salutis iter, & bene sperandum est.

*Quod si spiritu ducimini, non estis sub lege.* Ducit spiritus ad quædam præcipiendo, quæ si facit homo non est sub lege, vt pote qui spiritualiter faciat, id est, liberè & amanter obtemperet. Ducit præterea Spiritus interdum ad alia quædam consulendo & exhortando, non præcipiendo: qui si ab homine cui hæc inspirat, etiam in his obtineat, remissius erit ille homo sub lege, qui paret spiritui. Illud itè hic considerandum, esse in statu aliquo, & secundum illum statum viuere, non parum habere discriminis. Verbi gratia: Sunt multi in statu gratiæ, quoniam baptizati induerunt Christum, qui tamen cum non viuunt vt lex gratiæ dicat, non sunt sub gratia (à qua per peccatum exciderunt) sed sub lege: à qua si per pœnitentiam liberentur, rursus sub gratia constituuntur. Quicunque igitur sub gratia sunt, potestatem habent vel manendi sub illa, dum sequuntur spiritum: vel decedendi ab illa dum post carnis concupiscentias eunt, subditi legis imperio quæ iram & vindictam minatur. Quam postremam partem numerosior Christianorum pars hodie eligit: inde omnis proborum morum propter imitationem corruptio, potissimum cum nulla iam adsit christiana disciplina in ecclesia: & omnes ordines à sancto illo rigore longè declinant. Quo circa facilius (irato in nos ac permittente Deo) multis imponunt noui hæretici, primi ipsi corruptissimi, dum effectum gratiæ Christi hac parte, qua fit vt peccatum non dominetur, negant. Non enim videtur esse plerisque verum, qui hoc in seipsis non experiuntur: sed contra sentiunt se abstinere à peccato non posse. Non autem aduertunt miseri sua culpa iterum illam infirmitatem esse contractam, vt in deteriorem statum, quam prius, præcipitati sint. B. Petro teste qui ait: Melius erat illis non cognoscere viam veritatis. Ad suam verò damnationis cumulum addunt duritiam dum viam suæ reparationis ingredi nolunt per veram ac synceram pœnitentiam, per fructus ipsa pœnitentia dignos. Si enim semel & ex contrito corde supplices reuerterentur ad Deum, eiusque gratiam lacrymis implorarent, & eius misericor-

Inde or-  
sonem au-  
piunt hæ-  
retici ad vi-  
rem.

2. Pet. 2.



die fiderent, haud dubium quin sentirent in seipſis nouum aduenientis Spiritus ſancti auxilium, quo certò conſpicerent factam ſibi peccatorum ſuorum remiſſionem. Quoniam verò maxima pars non agit cum Deo ſerio, non tangitur dolore cordis intrinſecus, nec vt diuinæ Maiestatis offeſa requireret, & noſtræ ſalutis apprehenſio, commouemur: idè & pauci ſunt verè Chriſtiani, & multorum corda patent ſeductionibus nouorum noſtri temporis magiſtrorum expoſita.

Quare tam pauci vere Chriſtiani.

*Maniſeſta ſunt autem opera carnis, &c.* Vt cognoscatur ergo quis ſit verè ſub gratia, & qui ſub lege, ab operibus docet. Nam carnis opera, illa ſcilicet quæ auferunt ſpiritum & gratiam, *maniſeſta ſunt: quæ ſunt fornicatio, &c.* Omnia hæc vitia non ignota ſunt. Porro attende inter opera carnis, non ea ſolum crimina collocari quæ ad ſenſuum voluptatè pertinent, qualia ſunt crapulæ, & ebrietates, & obſcenæ voluptates. Verùm etiam quæ ex aliis affectionibus flagitia & ſcelera committuntur, vt idolatria, & ſectarum æmulationes, & contentiones, & rixæ, & veneficia, & huiusmodi alia quæ ab Apoſtolo enumerantur. Quodcūque enim non eſt à Spiritu ſancto, ſed prodit ex homine, ex carne venit. Nam & ipſe hominis ſpiritus in carne computatur: & totus homo caro dicitur in ſcripturis, in quo non eſt Spiritus Dei. Cæterum eiulmodi criminum vocabula, cū nota ſint, conſultò illa omitimus. Potius aduertendum quod ait: *Qui talia agunt regnum Dei non conſequentur*, niſi ſcilicet illos pœniteat & reſipiscant. Nam ſi pœnitentia ducti ad iuſtitiam reuertantur, videntur nunquam illa commiſſiſſe, iuxta legem à Deo datam: Si reuertatur impius à via ſua, omnium iniquitatū eius non recordabor, dicit Dominus.

*Fructus autem ſpiritus eſt*, id eſt, illius doni, quo inſigniantur qui ſunt in Chriſto. *Charitas, &c.* Sed videri poſſet, charitatem eſſe ipſummet ſpiritum: niſi capias hic charitatem pro actu. Aut intellige ſpiritum largius pro ipſo largitote, qui cum ſit in nobis per charitatē ſuam, quodam ineffabili modo parit noſtram charitatem, & inde gaudium, & poſtmodo pacem. Vnde longanimitas, & patientia, & bonitas in affectu, & benignitas in effectu: tum fides, quæ promiſſa ſeruantur: & debita ipſa citra vllam fraudem redduntur. Nam virtutum omnium fundamentum eſt fides. Deinde, *πραότης*, id eſt, manſuetudo. Denique *ἐννεκτία*, id eſt, temperantia, quam vocem tribus vocabulis reddidit nobis latinus interpres, quæ ſunt, *modestia, continentia, caſtitas*. Eſt enim temperantia iuxta eruditiorum expoſitionem, cōmunis quædam virtus, quæ in omnibus modum quendam atque ordinem rectiſſimum conſtituit, ſiue in dictis, ſiue in factis.

*Aduerſus huiusmodi non eſt lex*. Noſcent hæretici aduerſus quos non eſt lex, nempe aduerſus eos qui habent fructus ſpiritus, charitatem, gaudium, pacem, quorum eſt longanimitas, patientia, & cætera virtutum opera. Aduerſus huiusmodi non eſt lex. Ergo aduerſus illos eſt lex, qui à charitate exciderunt, & prauaricatores conſtituti ſunt: nō item aduerſus eos qui ſecundum legem viuunt. Qui enim tales ſunt, ſponte & libenter cum gaudio quæ ſunt legis operantur, & ſecundum virtutem: nec habent ſibi legem aduerſariam, cuius minas ac ter

rores & ſupplicia deſpiciunt, dum bene agunt. Et vide loquendi modum. Non negat his legem eſſe poſitam: ied dixit, cum ſit & illis poſita lex, quam debent cuſtodire, non eſſe tamē his aduerſam qui illam cuſtodiant, ſed familiarem ac beniuolā eam ſentiant in corde ſuo, pollicētē bona, & afferentem gaudium & pacem, etſi nondum perfectam, vt ſæpe dictū eſt. *Qui autem ſunt Chriſti, &c.* Apud B. Paulum dicuntur eſſe Chriſti, qui iam perfecti ſunt & conſummati, ſiue per abundantiā gratiæ, quæ impleti ſunt ab initio: ſiue per eum vitæ curſum quem tenuerunt ambulantes in ſpiritu. Nam ij aliquando eò perueniūt, vt crucifixerint carnem ſuam cū vitiis omnibus, & concupiſcentiis: ita vt iam nec ipſæ concupiſcentiæ excitentur, & vix ſentiant primos motus. Sed iſti rariſſimi ſunt: Eſſe tamen poſſe arbitror, cum hoc quā maniſeſtiſſimè ponat Apoſtolus: & vtinam ſic crucifigeremur nos cum Chriſto aliquando.

*Si ſpiritu viuimus, ſpiritu & ambulemus, &c.* Horatur ergo tandem pro more ſuo ad vitam chriſtianam & ſpiritualem. Et ſenſus eſt, Si viuimus ſpiritu, hoc eſt, ſi à ſpiritu illa vita eſt, quæ vera eſt, ſpiritaliter viuamus. Tandiu enim penes nos ipſum ſpiritum retinemus, quandiu illi obediētes ſumus. Si ergo ita eſt, *ſpiritu & ambulemus*, id eſt, deducamur in actionibus ipſis, quemadmodum Spiritus ipſe verus imperat: non autem vt caro, vel ſpiritus erroris impellit. *Non efficiamur inanis gloriæ cupidi, &c.* Ad Iudæos & Gentes ſimul hic ſermo dirigitur, qui ſe inuicem prouocabant, præſertim per inuidiam & æmulationem. Iudæi liuore quodam tabeſcentes, moleſti erāt & iniurioſi in Gentes, quæ tanta multitudine & promptitudine aſſumebantur, dolentes communicatum & illis ſpiritum: quaſi fieret eis à ſummo Patre iniuria qui bonus eſt. At illi nequam habebant oculum, vt exprobratur cuidam in euangelio.

## CAP. VI.



**R**ATRES, etſi præoccupatus fuerit homo in aliquo delicto, vos qui ſpirituales eſtis huiusmodi inſtruite in ſpiritu lenitatis, conſiderans teipſum, ne & tū tēteris. Alter alterius onera portate: & ſic adimplebitis legē Chriſti. Nam ſiquis exiſtimat ſe aliquid eſſe, cū nihil ſit, ipſe ſe ſeducit. Opus autem ſuum probe vnusquiſque: & ſic in ſemetipſo tantū gloriam habebit, & non in altero. Vnusquiſque enim onus ſuū portabit. Communiceſt autem iſ qui catechizatur verbo, ei qui ſe catechizat, in omnibus bonis. Nolite errare: Deus non irridetur. Quæ enim ſeminauerit homo, hæc & metet. Quoniā qui ſeminat in carne ſua, de carne & metet corruptionem. Qui autem ſeminat in ſpiritu: de ſpiritu metet vitam æternam. Bonum autem faciētes, non deficiamus. Tempore enim ſuo me

27. 18.



temus non deficientes. Ergo dum tēpus habemus, operemur bonum ad omnes: maximè autem ad domesticos fidei.

**P**rosequitur doctrinam ad christianos mores pertinentem, ut in omnibus principatum semper teneat ipsa charitas, & mutua salutis desiderium. Ait ergo: *Fratres, etsi preoccupatus fuerit homo, &c.* Significat delictum ex inconsideratione ac fragilitate commissum. Hoc innuit verbum *preoccupatus*. Et spirituales vocat eos, qui se tales prae-sumebant. Et propriissimè ait, *homo*, humanam infirmitatem designans. Ergo varia peccati ratio, varium, quoque correctionis genus exigit. Si quis enim ex infirmitate, nulla data opera, sed praecupatus peccat, dignus est misericordia, & leniter corripitur, atque instaurari. *Instruite* (inquit) *eius modi*. Emendatius, instaurate, seu perficite, iuxta Græcam vocem. Aliud est si praemeditatus malitiose peccauerit. Tunc enim non tanta lenitas est adhibenda. Item si peccatum sit grande & periculosum, noxiumque aliis, tunc durè ac seuerè corripiendus est homo.

*Considerans teipsum, ne & tu tenteris.* Mira conuersio de plurali ad singularem numerum: nō qui dem facta ex imperitia, ut B. Hieronymus opinatus est (Nimis enim crassus hic lapsus fuisset, potiusque incuria quam imperitia commissus) sed quam reuera nec per imperitiam existimo accidisse B. Paulo, nec per incuriam, quin potius de industria sic esse ob eam causam dictum: quia quod singulariter dicitur, efficacius etiam ab unoquoque singulariter tanquam sibi vni dictum accipitur. Ea nanque sermonis commutatio vnūquemque seorsum commonefacit viuacius, ut dum audit, seipsum interroget atque exploret, dicens: Nunquid me hic sermo pungit? Et proditum se esse intelligat, si quis sibi ipsi cōscius sese talem inueniat, qualis nota illa singulari designatus est. Nam quæ cōmuniter in omnes iaciuntur, frigidiora sunt, nec eandem vim ad mouendum singulos habent. Videtur ergo B. Paulus duritiem & austeritatem fortè cuiuspiam tacitè subnotare, cui remedium prae-bet subiungens:

*Alter alterius onera portate.* Onera nostra, sunt peccata nostra: aut potius ipse reatus qui contrahitur à peccatis. Ergo portare alterius onera, est peccatorum alienorum reatum in se assumere, & pœ-nas pro eis luere: quemadmodum Christus satisfecit pro omnibus. Vnde & rectè dicitur. *Et sic adimplebitis legem Christi*, quæ est charitatis lex. Eo enim modo impletur, quo & ipse impleuit. Ille portauit iniquitates omnium nostrum, & sic adimpleuit omnem iustitiam, id est, integram & absolutā iustitiam, cum non solum ipse pro se iustus fuerit, sed etiam ad nostram iustificationem in se transtulit supplicia peccatis nostris debita, adeo dilexit nos. Et hunc commendauit nobis dilectionis modum, dicens: Hoc est mandatum meum ut diligatis inuicem, sicut dilexi vos. In quo postremo verbo explicatur dilectionis modus eximius: Sicut (inquit) dilexi vos, qui animam meam pro vobis posui. Verūm quotusquisque est qui hæc consideret, nedum qui persoluat? Audiamus reliqua.

*Nam si quis existimat se aliquid esse, cū nihil sit, &c.*

Quod ait, *Nam*, non obscurè innuit fatiorem, cū homo est in alios immisericors, durus, ac minus iustus, ut pote qui nolit alterius fratris onera portare. Est autem ratio, sui ipsius ignorātia, ac præsumpcio de seipso: quasi non sit ipse quoque peccator, nec vlla habeat onera, quæ debeant leuari per alios. Qui falsam hanc de seipso concepit existimationem, vel hoc ipso peccator est maior, qui non solum seipsum non nouit, sed & insuper alios spernit. Merito ergo in illum dicitur: *Qui se existimat aliquid esse*, quasi ex se sit id quod est. Hoc propriè significat, *Esse*, nimirum per se esse, quod est proprium Dei. Qui ergo se existimat aliquid esse, cum verè nihil sit (quoniam si quid habet, accepit) *ipse se seducit*. Græcè, mentem decipit. Sic mentitur iniquitas sibi, falsa de seipso credenti.

*Opus autem suum probet unusquisque, & sic in semetipso tantum gloriam habebit, & non in altero:* Sensus est, Ut possit verè gloriosus esse homo in opere suo, siue illud sit opus doctrinæ, siue aliud quod uis, bene probet ipse opus suum, & non de malo aliorum opere, tanquam comparatione quadam, exulter, quasi ea non admittat flagitia, quæ alij: Vel fortè sua bona opera anteponat, & ploris proprio iudicio aestimet. Nam & operatur forsitan & illud: aut fortè aliud quiddam & peius. Quod si ea sit fœlicitate præditus, ut nihil mali operetur: tunc etiam non minus clemens & mitis in alios esse debet, quibus non est collata tanta gratia. Verè homo Deo gratus debet (ut eleganter dixit B. Augustinus) deputare sibi dimissum, quod non fuerit à seipso, gratia Dei auxiliante, commissum. Qui hæc regulam non sequitur, sed se conferens cum aliis seipsum iudicat, est illi Pharisæo similis, qui in eo gloriam suam statuebat, quod non esset velut publicanus & cæteri hominum.

Sunt & alij, qui in aliena gloria suam gloriam statuerunt, & propter illos putant se aliquid esse: quales illi qui dicebant, Ego sum Pauli, &c. Hos plerique imitatur gloriantes patres nostros sanctos fuisse, & hos quidem celebri sanctitate commendabiles: quorum & nomina atque numerum laudi nobis ad plausum vertimus. Hoc illi meruerunt, & fatemur omni veneratione & cultu dignissimos. Verūm sicut nec aliena me iniustitia vel cōdemnat vel commendat: ita nec iustitia, nec operis alterius probatio opus meum reddet bonū, si malum fuerit ante oculos iusti iudicis.

Potest & aliter locus hic intelligi, Non deesse quosdam qui non accuratè atque sedulo in opus suum inspiciunt, ut per se illud quale sit probent, sed quale aliis videatur expectant, ut sic se probent aliorum iudicio. At hæc non est legitima probatio. Non enim quem homo commendat, ille probatus est, sed quem Deus commendat.

*Vnusquisque enim onus suum portabit*, id est, vnusquisque de proprio onere seu peccato iudicabitur. Neque verò per alterius opus, si alius benefecerit aut per alterius iudicium, si bene alius de illo senserit, exonerabitur, sed ipsius Dei sententia.

Hoc in loco quidam sciolus ex hæreticorū gente, nititur probare inualida esse viuorum suffragia quæ pro defunctis fiunt. Et quod insignem videas eius arrogantiam, simul & impudentiam cum patri inscitia coniunctam producit ex Hieronymo te



stimonium his verbis. Annotauit autē in hūc Pau-  
 i locum B. Hieronymus, quod te latere nolui. Est  
 enim vtile, imprimis, omnibusque piis gratissi-  
 mum, sed Italicis cananæis proculdubio ingratis-  
 mum. Obscurè licet docemur, ait, per hanc senten-  
 tiolam nouum dogma quod latitat, dum in præ-  
 senti sæculo sumus siue orationibus, siue consiliis  
 posse nos inuicem coadiuuari. Cum autē ante tri-  
 bunal Christi venerimus, nō Iob, non Daniel, nec  
 Noé rogare possē pro quoquam, sed vnumquem  
 que portare onus suum. Qua ergo fronte audent  
 sacrifici Rom. Pont. defunctorum necessariis pol-  
 lici Diuorum intercessionēs, & pro peccatorum  
 expurgatione vendere Missas? Hæc profectū im-  
 postorum ars est, non sacra sacerdotum Dei fides.  
 Hæc iste nescio quis Burlingerius, quasi B. Hiero-  
 mus ibi loquatur de sacrificiis pro his defunctis,  
 qui iam dormitationem in Domino acceperint,  
 cum eiusmodi dogma minime latitaret, quod sem-  
 per obseruauit ecclesia. Ergo manifestè ipse B.  
 Hieronymus satis innuit dogma latitans, aduersus  
 quod illa diceret. Erat quippe serpens adhuc Ori-  
 genis hæresis, qui volebat omnes aliquādo & ho-  
 mines, & Angelos malos adepturos salutem. Illā  
 igitur hæresim iugulat, quæ tunc latitabat. Super-  
 erant eo tēpore aliquot Origenis defensores qui  
 clam illa secum mulsitabant, quos ille sanctus ze-  
 lo fidei flagrans vellicabat. Absit autem vt rem  
 in ecclesia nedum minime latitantem, sed assiduo  
 semper communi vsu patentem, voluerit vir Ec-  
 clesiasticus (vt hic nebulo imponit) sua solū au-  
 thoritate damnare, idque per eū Apostoli locum,  
 quo nequaquam possit euinci. Mens est ista ergo  
 B. Hieronymi aperta: Cum venerit illa dies, qua  
 quisque recepturus est prout gessit in corpore, ad  
 flectendam iudicis sententiam nullæ præces tunc,  
 nullæ obsecrationes valebunt, vt qui damnationē  
 æternam meruerint, possint euadere aliquādo cu-  
 ius oppositum cogitabant Origeniani.

*Communicet autem is qui catechizatur verbo, &c.*

Institutum Domini hoc in loco B. Paulus commē-  
 dat, vt doctores qui diuites in verbo sunt, paupe-  
 res autem in bonis (nam etiam sic dicebātur) par-  
 ticiparent bona eorum quos instruebant, vt quæ-  
 dam hinc æqualitas nasceretur: & per charitatem  
 mutuam qui minus, & qui plus collegissent, æqua-  
 rentur. Hoc ad Cor. explicatū est. Et hic, Bona, vo-  
 cat communi acceptione, quæ pertinent ad vitæ  
 commoda & sustentationem.

*Nolite errare: Deus non irridetur.* Erant in alia sen-  
 tentia nonnulli, qui putabant se non obligatos ad  
 communicandum de suis bonis suo doctori. A qui-  
 bus cum non peteretur lite forensi, se suos elusif-  
 se doctores ridebant, meritis stipendiis fraudatos.  
 In hoc ergo errabant, quod etsi deriderent homi-  
 nes, Deum tamen ipsum irridere nō possent. Deus  
 enim nulli subiacerit irrisioni. Irridetur vel ignarus,  
 qui decipitur: vel impotens, qui non valet irrisio-  
 nem vindicare. Sed nō decipitur Deus quasi igna-  
 rus: nec impotens est ad vindicandum, qui irriden-  
 tem potest adigere statim in fletum ac luctum æ-  
 ternum: quod & facturus est, sed sua die.

*Quæ enim seminauerit homo, hæc & metet.* Semināt  
 homo vel opera carnis, vel opera spiritus. Per ope-  
 ra carnis se egregiè pascit, & voluptuose agit hanc

vitam. Sed horum exitus est corruptio: quoniam  
 caro quantūvis bene & diligenter curata, corrūpe-  
 tur tamen & breui. Per opera verò charitatis pas-  
 cit spiritum, vt iustitiæ coronam metat. Sic est se-  
 minare in carnem, & seminare in spiritum, id est,  
 vel carni in futurum prospicere: vel spiritui. Et si-  
 cut caro subiecta est corruptioni, sic opera quæ in  
 carnem facta sunt, euanescent. Similiter sicut spi-  
 ritus viuit in æternum, ita & opera quæ in spiritū  
 facta sunt, æterno condonantur præmio. Crescit  
 enim assiduè spiritus, qui bonis operibus alitur, vt  
 hinc metamus vitam æternam. Notet hæc Luth-  
 ranus, & agnoscat perueritatem suæ doctrine. Ve-  
 rùm Tacianus quidam hæreticus hunc locum tur-  
 piter intelligens, stultam hæresim commentus est  
 nuptias hīc prohibitas, asseuerans illa nuptiarum  
 opera esse in carne seminare. Sed iam dudum ex-  
 plosa est hæc insana hæresis. Nihil est secundū car-  
 nem dicendum, quod volente sit & iubente Deo,  
 & sacramēto sanctificante. Nam quicumque legi-  
 timas nuptias contrahit, ad spiritum tendit vt pro  
 lem Deo generet.

*Bonum autem facientes non deficiamus, &c.* Negli-  
 gentiam & torporem in operando bonum, opti-  
 ma ratione dissuadet. Perseuerantium enim vsque  
 in finem corona est. Et sicut aberit omnis lassitu-  
 do, & labor, & fastidium, & tædium in possessio-  
 ne coronæ: ita hic debemus non deficere tedio in  
 operando, fingentes laborem in præcepto, habita-  
 præsertim breuitatis temporis ratione, quæ est (vt  
 alibi ait) leuis, & momentanea.

*Ergo dum tempus habemus, &c.* Dicimur habere  
 tempus, quando est ad vsū vt possimus mereri.  
 Nostrum enim est, quandiu ad beneficium nostrū  
 cedit, hoc est, quandiu sumus in hoc mundo, &  
 possumus operari. Postmodo autem fit quod scri-  
 ptum est, Cum accepero tempus, ego iustitias iu-  
 dicabo. Deus & Dominus noster Iesus dicitur acci-  
 pere tempus vt iudex iudicaturus, quoniam post-  
 quam litigantes assignato certo tempore produ-  
 xerunt pro sua causa quod libuit, non habent vlte-  
 rius facultatem producendi. Venerūt tunc dies iu-  
 dicis, nec quicquam relinquitur homini, quo sibi  
 valeat & suæ causæ prospicere. Hic locus procul-  
 dubio mirificè confutat & apertissimè hæreticos,  
 qui tanta contentione æternā vitam operibus red-  
 di inficiantur, & nullam inesse vim ad promeren-  
 dum mercedem Apostolus autem bona opera res-  
 pectu æternæ vitæ, comparat semini respectu fru-  
 ctus qui metitur. At in semine insita vis est ad pro-  
 ducendos fructus: vt qui seminat semen suum, ius-  
 tē metat quod promanat ex semine. Cum hæc cer-  
 tō viderint hæretici, non mirum si dum ad hæc lo-  
 ca perueniunt, tanquam reformident & fugiant,  
 magno silentio quieti prætereunt. Aliàs vbi mini-  
 mam nanciscuntur occasionem dicendi contra o-  
 pera, velut cicadæ ac ranæ nullum faciunt coaxan-  
 di finem, eadem sexcenties inculcando. Nam Lu-  
 theri ad hanc epistolam commentaria, nihil aliud  
 ad summam continent, quàm tres aut quatuor cō-  
 clusiones, quas infinities infarciens, lectori tediū  
 affert recensendi. Hoc autem in loco de operibus  
 ac merito operum bonorum ac malorum est ser-  
 mo. Et bona opera quasi semina producere nobis  
 vitam æternam, sicut econuerso, mala æternā mor-

*Habere tē-  
 pus.*

*Psalm. 74.*

*Hæretico-  
 rum versu-  
 tia.*

*Evangelium  
 annuncians  
 de evangelio  
 vivere de-  
 bet.*



*Nota Ver-  
ba Lutheri.*

tem, ait B. Paulus. Quid autem Lutherus? Ecce in primis quasi aliud agens, sic excusat. Ego istiusmodi sententias non libenter interpretor. Videntur enim nos commendare, ut reuera commendant. O virum omnis aspernatorem gloriæ: imo verò ò insignem hypocritam. Sed ne omnino intactam rem dereliqueret, quā prorsus præterire sine sui præiudicio non poterat, adiecit. Hic quæstio est, Vtrum per bona opera mereamur vitam æternā. Id enim Paulus videtur hoc loco asserere. De sententiis quæ de operibus & mercede loquuntur supra, cap. 5. satis diligenter & copiose disputauimus. Valdè autem opus est exhortari, exemplo Pauli, credentes ad bene operandum, hoc est, ad exercendā fidem bonis operibus. Ea enim nisi sequatur fidē, certissimum signum est fidem non esse veram: hæc ille. Vbi vides quā nutet, quā nihil dicat, nec satisfaciatis suis iis fucis prudenti lectori. In quinto autem cap. sic hanc questionem tractauit, ut passim aberraret ac blasphemaret: & ea profert de libertate christiana, de charitate, & charitatis operibus, quæ certè solum recitare ad confutationem super sunt. Verum quia longa hæc esset historia, & reuera maxima afficior molestia dum ista recolo, prudens missa facio. Nam & lectori pio & catholico nihil utilitatis parerent. Satis est apprehēdisse nenum argumenti, quo ita perturbantur hæretici, ut ipsam vocem amittant.

Videte qualibus literis scripsi vobis mea manu. Quicumque enim volunt placere in carne, ij cogunt vos circumcidi. Tātum ut crucis Christi persecutionem non patiantur. Neque enim qui circumciduntur, legem custodiunt: sed volunt vos circumcidi, ut in carne vestra glorientur. Mihi autem absit gloriari, nisi in cruce Domini nostri Iesu Christi, per quem mihi mundus crucifixus est, & ego mundo. In Christo enim Iesu, neque circumcisio aliquid valet, neque præputium: sed noua creatura. Et quicumque hanc regulam secuti fuerint, pax super illos, & misericordia, & super Israel Dei. De cætero, nemo mihi molestus sit. Ego enim stigmata Domini Iesu in corpore meo porto. Gratia Domini nostri Iesu Christi cū spiritu vestro, fratres. Amen.

*Videte qualibus literis, &c.* Hanc ergo epistolam sua propria manu, præter morem, scripsisse B. Paulum hæc verba testantur, quò rei grauitatem quæ id postulasset, ostenderet. B. Hieronymus tamen vult ut ex hoc loco ea tantummodo quæ subsequuntur, esse scripta manu illius capiamus: non autem quod ante scriptum erat. Verum aliud verba ipsa porrigere videntur, dum ait: *Scripsi vobis & nō ait, scribo vobis. Quicumque enim volunt placere in carne, &c.* Homines quosdam notat de Gentibus, qui volebant seruire ludæorum tumori, qui eo nomine inflabantur in carne, quòd essent Iudæi per circumcisionem, & cogebant alios etiam circumcidi, *Tantum ut crucis Christi persecutionem non patiantur.*

Crucis enim Christi persecutio exercebatur verè in Christianos tum à Gentibus, tum à Iudæis. Gentes autem non sauebant in eos qui in Iudæorum populo computarentur. Quocirca & ex Gentilibus qui Christum confitebantur, circumcidebant se nonnulli, ut vitarent venientem à Gentibus persecutionem crucis. Nam dum se Iudæos cōfitebatur, de patriis legibus ac religione non poterat quisquam illis faceßere negocium. Hoc enim legibus primariis Caij Cæsaris, & Augusti, & Tiberij sancitum erat. At qui in præputio manebant, non poterant eo iure uti: & ideo vndique persecutionem crucis habebant, ut ait B. Hieronymus, & rectè. Quòd autem ob eam causam circumcidantur, quia volunt placere in carne, & nolūt pati persecutiones, vel ex eo facile patere ait Apostolus, quoniam etiam circumcisi, *Legem non custodiunt*, id est, non curant seruare illam. Solum ergo circumcisionis prætextu, velut quodam clypeo, protegi à persecutionibus volunt, & in carne vestra gloriari, quos habent discipulos.

*Mihi autem absit, &c.* Hinc vera gloria, videlicet in cruce Domini Iesu, dum cum illo compatimur, ut & tandem in solatio sempiterno conregnemus. *Per quem mihi mundus, &c.* aut potius, per quam crucem. Nam Christi crux id agit diligentibus affigi cum Christo, ut & mundus sit illis crucifixus: & illi viceuersa mundo, id est, sit illis mundus miseria, & vituperium, & maledictum, non secus atque crucifixum quoddam & omnibus abominabile. Et ita econuerso, illi sint ipsi mūdo similiter velut crucifixus, id est, despicabiles, & abominabiles ac detestatione prosequendi.

*Neque enim circumcisio aliquid valet, &c.* Non est mundus ei crucifixus, qui fidet in carne, & gloriatur vel ut Iudæus, vel ut Gentilis: quia in Domino gloriandum est, in quo nec circumcisio iam inuenitur, nec præputium, *sed noua creatura.* Christus enim morte sua mortuus fuit peccato, & circumcisioni ac legi, & in nouam creaturam Deo viuens euasit. Talis iuxta proportionem efficitur, qui cum Christo moritur in baptismo. Immerfo nanque aquis, seu crucifixo vetere Adam, resultat nouus, qui secundum Deum creatus est, omni terrena creatura altior. Et hæc est salutaris regula de qua testatur addens:

*Et quicumque hanc regulam sequuti fuerint, &c.* Nō potest esse vera pax quandiu sumus in hoc mundo & non auellimur prorsus ab eo: quoniam non est firma spes regni. Hi soli qui inde auulsi sunt, & semetipsos quantum possunt, (Deo iuuante) auellūt, certi sunt de misericordia Dei, & in pace sunt. Et isti dicuntur Israel Dei, qui est secundum electionem, non secundum carnem. Isti præ cæteris vident Deum, aut fortes sunt cum Deo, sicut vox ipsa, Israel, significat.

*De cætero nemo mihi molestus sit, &c.* id est, Nemo mihi laborem imponat, tāquam sim vnquam eos toleraturus qui aliter sapiant, aut daturus manus. Et signum cur non possit cum illis consentire: *Ego enim stigmata Domini Iesu in corpore meo porto*: quia iam signatus erat stigmatibus Christi in toto corpore: ac si dixerit. Non possum iam negare quin fuerim professus gloriam crucis in improperiis: neque commutare illam cum gloria huius mundi, cum



cum habeam semper contra me militantia signa illa in meo corpore, quæ ut turpissimum desertorem me semper accularent. Erat Paulus (ut verisimile est) toto corpore signatus, ut qui à Iudæis quin quies quadragenas vna minus accepisset, ac fuisset ter virgis cæsus, & semel lapidatus; & pro mortuo nonnunquam derelictus: quæ omnia erant magna animi confirmatio. Etenim Christianus verus quanto pro Christo aliquid passus est acerbius, tanto etiam magis pati desiderat: idque pluribus de causis, quas pio lectori ad fructum spiritus relinquo meditandas.

Indignantur autem hoc in loco noui Apostatae atque hæretici aduersus fratres Minores, qui ad regulam beatissimi Francisci & eius stigmata, hæc Apostoli verba applicant. Fremunt huius rei gratia, & hanc rem quasi piaculum magnum verbis atrocibus insectantur. Nam regulam illius gloriosi Sancti, quæ nihil præter egregiam Christi imitationem redolet, blasphemant: & stigmata illa negant, quæ vniuersa ecclesia semper credidit. Sceler-

stus ille, facinorosus, atque impius Lutherus, primum de ea regula quadam pronunciat, quæ vel recitare puto nefas. Deinde stigmata à Christo in eius corpore impressa ridet: & interim vera Christi stigmata ipse sibi cum Paulo arrogauit. O hominem audacissimum, & Satanæ organum: O dementatos & excæcatos, qui has orbis vniuersi pestes & faces audent consecrari. Domine Iesu ostende potentiam tuam & veni; & visita vineam tuam. Satis enim superque satis exterminauit eam. Aper hic de sylua: & singularis ferus depastus est eam. Sed redeamus ad nosmetipsos, & ad percipiendam beatissimi Apostoli Pauli benedictionem, ait:

*Gratia Domini nostri Iesu Christi cum spiritu vestro fratres, Amen.* More suo, loco, Vale, Gratiam in ultimo adiicit, quam in principio salutationis precatur. Hanc nobis largiri dignetur clementissimus Pater: cui cum Filio & Spiritu sancto honor & gloria, & gratiarum actio in sæcula.

Amen:

## ARGVMENTVM IN EPISTOLAM B.

PAULI APOSTOLI AD EPHESIOS.

\*

**E**PHESI I, ad quos præsentem Epistolam B. Paulus Apostolus scripsit, ab Epheso cognominatus urbe Asiæ, quæ erat metropolis Ioniæ, per triennium habuerunt doctorem eundem B. Paulum. Et primò quidem in synagogis: deinde in schola cuiusdam Tyranni docentem: ubi virtutes multas operatus est, & fructum prædicationis retulit vberimum. Et cum denuò Ierusalem profisciscens ad eos diuerteret, prophetauit quæ essent sibi obuentura de vinculis suis & catenis. Concionem quoque ad illos habuit egregiam, plenam charitatis, protestans post discessum suum exorituros magistros mendaces, subuersores, & discipulorum abductores. Post completam iam suorum vinculorum prophetiam, scripsit ad eos à Roma, per Tychicum epistolam hanc, cuius argumentum facile est ac breue. Non enim aliud continere videtur, quam puram ad perseverandum hortationem: ut quæ ipsi de Euangelio Dei æterno audierant, inconcussè fideliterque retinerent. Quod ut persuadeat, aliquot rationes affert, quibus ordine & loco dilucide explicandis dabimus (largiente Deo) diligentem operam.

## COMMENTARIA IN EANDEM

EPISTOLAM B. PAULI AD

EPHESIOS.

\*



**P**AULVS Apostolus Iesu Christi, per voluntatē Dei, omnibus Sanctis qui sunt Ephesi, & fidelibus in Christo Iesu: Gratia vobis & pax à Deo patre nostro, & Dño Iesu Christo.

**R**euiores hinc & in sequentibus epistolarum initiis erimus, ne eadē sapius repetamus. Nam quæ ad explicationem nominis, Pauli, &, Apostoli, conditionisque ac status pertinebant, superius tradidimus. Salutationem de more præmittit expresso proprio nomine & officio, ut certius quæ scripturus erat, exciperentur. Possemus in eos obiter istud meritò obicere, qui lucem exosi suppresso nomine libellos edunt, quo tutiores populis pestiferam suam doctrinam infundant. Quem nos dolum in opusculis nostris materno sermone, aperui-

mus. Porro quod nos legimus, qui sunt Ephesi, rectius dici poterat, Qui estis Ephesi. Et item quod ait, Sanctis & fidelibus in Christo Iesu, In eum sensum fortassis accipiendum est, ut consideremus ista separari propriè non posse. Qui enim sanctus est, etiam fidelis in Christo est, si eam fidē habeat quæ sola valet, id est, quæ per charitatem operatur. Et tamen suos gradus habet sanctitas, ut nec omnes fideles sanctos vocemus, secundum excellentiores sanctitatis modos. Est enim eximia sanctitas & ex seipsa, quæ est solius Dei propria. Vnde singulariter ad illum clamant in cælis Seraphin, Sanctus, Sanctus, Sanctus. Et nos Christo dicimus: Tu solus Sanctus. Et tamen alia est eius sanctitas quatenus est Deus: & alia quatenus homo. Liceret & hæc sit summa ad omnium sanctitatem creaturarum comparata. Sic enim sanctificatus est per gratiam, ut de illo homine verum sit, quod est filius Dei naturalis propter unionem naturarum in hypostasi diuina, quæ est Verbum.

*De variis gradibus sanctitatis.*

B



Inc. I.

Psal. 15.

Vnde cœlestis nūcius Gabriel foelicissimæ illi Virgini dixit, Quod ex te nascetur Sanctum: vocabitur filius Dei: quod de nullo mortalium fas est dicere. Et item alia scriptura, Non dabis Sanctum tuum videre corruptionem.

Psal. 45.

Proximè sequitur Christi sanctitatē, etiam singularis quædam ipsius beatissimæ Virginis sanctitas: de qua etiam specialiter dicitur: Sanctificauit tabernaculū suum Altissimus. Et ipsa vocatur Arca sanctificationis, quæ immediate contingit Domini sui & nostri sanctitatem.

Post hanc, est & nobilis quorundam sanctitas, qui pleniore coram Deo gratia pollent: quia & ipsi magis appropinquarunt Christo, Apostolorum videlicet sanctitas, Patriarcharum, Prophetarum, Martyrum, nobilium Confessorum, qui abundantiore gratia sanctificati, meruerunt propius accedere & assimilari Domino, configurati prius illi in hoc mūdo doloribus, & passionibus, ut & conformarentur in gloria.

Est & communis quidam sanctitatis modus, secundum quem quicunque fide & charitate coniunguntur Deo in Christo, sancti communiter dici possunt. Vnde & sanctificari dicimur in baptismo: & vnum quodam modo spiritualiter fieri. Et per hanc connexionem spiritus fit communicatio, & illa sanctorum communio, vnus ex primis fidei nostræ articulis. Sic enim verè sanctificatur, & sancta dicitur Dei ecclesia. Sed hæc sanctitas inchoata est, quam augeri oportet & crescere donec perficiatur. Id autem fit incumbendo bonis operibus factis ex fide & charitate, quæ sunt fructus spiritus, quos videns Deus dignatur ipse augmentum apponere donorum iustitiæ & gratiæ, ut fructus etiam reddat vberiores. Siquidem habenti dabitur, & abundabit.

Luc. 19.

Sciendum tamen, Nullam sanctitatem, quæ sit in hoc mundo, esse summo fine perfectam tam in anima, quam in corpore. Et de corpore quidem manifestum est, propter naturæ peccatum & corruptionem. De anima verò etiam nobis certum: quoniam per fidem ambulamus, & non per speciem. Necdum perfecta est charitas nostra, quæ non penitus excussit timorem. Vix enim potest id fieri, dum adhuc versamur in mediis tam vasti pelagi periculis. Et ob istam causam nō audemus vocare sanctos quoscunque dum agunt in hoc sæculo, donec hinc cum pace exierint, & reliquerint testimonia ecclesiæ clara ante actæ vitæ inculpata & sancta. In paradiso igitur expectanda est omnium perfecta sanctitas. Nec erit tamen æqualis omnium: sed ut quis maiore abundauerit gloria, & propinquior fuerit Authori & Patri gloriæ. Hic ergo Apostolus generaliter de sanctis, quales esse in hoc mundo possunt, loquitur: in quibus continentur fideles omnes in Christo, non propterea vllum præiudicium facere hac sententia intendens altioribus excellentioris sanctitatis gradibus.

Benedictus Deus & Pater Domini nostri Iesu Christi, qui benedixit nos in omni benedictione spirituali in cœlestibus in Christo: sicut elegit nos in ipso ante mundi constitutionem, ut essemus san-

cti, & immaculati in cōspectu eius in charitate. Qui prædestinavit nos in adoptionem filiorum per Iesum Christum in ipsum, secundum propositum voluntatis suæ, in laudem gloriæ gratiæ suæ, in qua gratificauit nos in dilecto Filio suo. In quo habemus redemptionem per sanguinem eius, remissionem peccatorum secundum diuitias gratiæ eius, quæ superabundauit in nobis in omni sapientia & prudentia, ut notum faceret nobis sacramentum volūtatis suæ secundum beneplacitum eius, quod proposuit in eo, in dispensatione plenitudinis temporum in staurare omnia in Christo, quæ in cœlis, & quæ in terra sunt in ipso. In quo etiam nos sorte vocati sumus, prædestinati secundum propositum eius, qui operatur omnia secundum consilium voluntatis suæ, ut simus in laudem gloriæ eius nos, qui antè sperauimus in Christo. In quo & vos, cum audissetis Verbum veritatis, Euangelium salutis vestræ, in quo & credentes signati estis Spiritu promissionis sancto, qui est pignus hæreditatis nostræ in redemptionem acquisitionis in laudem gloriæ ipsius.

*Benedictus Deus, &c.* Pro more suo decenter incipit à gratiarum actione. Intendit autem (ut ipsemet declarat) confirmare Ephesios in fide iam accepta, ostendens disputationem mysterij Christi, id est, prædicationem incarnationis, & gratiosi aduentus eius prouidentia Dei ac præcepto tunc maxime vigere, & sibi esse creditam, sicut & aliis: sibi tamen specialiter apud Gentes. Vnde & cogitur ob tanti memoriam beneficii perpetuo in animo excitati, suam sibi que similitudinem electionem ac prædestinationem, & sic donorum abundantiam vberiore prædicare, ut illi manerent in gratia euangelij: Nec scandalum paterentur vllum à vinculis & pressuris quibus angebatur, sed nullo modo succumbebat. Declarat item per euangelium euacuatam esse Iudeorum gloriationem. Nam & Gentes vocauit Deus ut essent quoque euangelij participes, perseverante tamen quadam Iudeorum prerogatiua: quoniam ab ipsis & eorum prædicatione & doctrina deriuare illud oportebat ad Gentes. Post hæc autem hortatur ad vnionem & pacem, secum simul & cum Iudæis, cum sint omnes vnū, aut potius vnus, & noua creatura in Christo. Alia præcepta & instituta sancta commemorat plena gratiæ & veritatis, & mysteriorum. Denique animat eosdem & instruit aduersus diabolicas insidias, & satanicas pugnas, & pro se orationes fieri rogat. Et quomodo ipse agat, per epistolæ latorem Tychicum ait illos intellecturos. Hæc summa totius huius præsentis epistolæ.

Benedixit ergo primum Apostolus Deo, confitendo, & acceptum ferendo illi dona & munera suā. Quæ est prima pars & sola gratiarum actio.



nis, quam valemus erga Deum exercere. Ingratus est enim & dignus amittere, qui donatori non refert omnia accepta. Grati autem erga Deum aliter esse non possumus; cui nos pares referre gratias, nec quicquam possumus retribuere, cum ille bonorum nostrorum nec egeat, nec sit bonorum nostrorum (quæ propriè non sunt nostra, sed ab illo profecta omnia) capax.

*Qui benedixit nos in omni benedictione spirituali.* Istud est quod de Deo confitetur Apostolus. Et loquitur manifestè de seipso, & aliis Apostolis, quibus mandata erat euangelij prædicatio, quos ad eam functionem ornari decuit omni dono. Vocat enim benedictionem Dei, quoduis donum ab eo manas. Nam benedicere Dei, est benefacere: quoniã non potest ille quicquam dicere cum voluntate ut fiat, quin continuo illud factum sit. Vnde legimus, Ipse dixit & facta sunt: ipse mandauit & creata sunt. Et licet omnia bona dona ab ipso sint, & in nos descendant: Apostolus tamen hic non de quolibet dono loquitur, sed de spiritualibus. Sunt enim & carnalia bona, quæ nobis sunt cum bonis & malis, imo pecudibus & bestiis communia: quandoquidem plerumque his mali homines maiori copia abundant quam boni. Ipse verò de quo genere bonorum intelligat, subiiciens aperit:

*In omni benedictione spirituali.* Ut nullum sit benedictionis genus, & doni ad ministerium illud tam magnum opportuni, illis denegatum. Et ut distinctius has declararet spirituales benedictiones, adiecit: *In celestibus*, ac si dixerit: Non consistunt hæ benedictiones in terrenis & perituris, sicut illæ benedictiones quas per Moysen distinxit Dominus illi Hebræo populo: sed in celestibus & æternis, ad quæ vir Dei aspirans habet conuersationem suam, non iam in terris, sed in cælo. Vnde alibi monet: Si consurrexistis cum Christo, quæ sursum sunt quærite, ubi Christus est in dextera Dei sedens: quæ sursum sunt sapite, non quæ super terram. *In Christo:* In quo esse illos oportet & manere, qui potiri voluit his benedictionibus. Qui enim in illo sunt, iam resurrexerunt cum illo, ut mortui peccato deinceps viuant Deo. Tales erant insigniter Apostoli, & B. Paulus, videlicet sic Christo hæretes, & tanta in eo fide & dilectione coniuncti, ut essent veluti in vitæ palmites, vnde succum spiritualem (quo & se & alios alerent) possent assidue trahere, ad reddendum vberes ipsi Deo & suauis fructus. Porro vnde venerit, & qua gratia, aut quo illorum merito, ut huiusmodi benedictionibus, quibus verè impleti sunt, donarentur: Audi contentem Apostolum, qui omnia ascribit electioni diuinæ, & æternæ prædestinationi. Ait enim,

*Sicut elegit nos in ipso ante mundi constitutionem, ut essemus sancti & immaculati* (Gracè, irreprehensibiles) *in conspectu eius in charitate.* Christus ipse electus proculdubio ante & super omnes. Sed in quo electus: Haud dubium quin fuerit electus in Deo Patre, id est, in gratiam & gloriam Patris. Non enim datur ullum medium inter Christum & Deum, Filium scilicet & Patrem. Deus, Christi caput est: Apostoli, & quicumque ei in hoc munere similes electi fuerunt in Christo, fuerunt electi in gratiam & gloriam eius: quia caput viri Christus, ut ex illo tanquam fonte inexhausto omnium donorum ri-

uuli manarent in membra, & illuc ad eius gloriam redirent.

*Ante mundi constitutionem.* Hic locus difficultatibus est refertus. Quo nimirum modo ante constitutionem mundi electi sint isti: cum antequam mundus constitueretur non essent, imo ipsi de mundo dicantur electi? Ait enim Dominus: Ego vos elegi de mundo. Præterea, Qua ratione dicitur, *ante constitutionem mundi*, cum non sit ullum, *ante*, nisi posita iam ipsa constitutione mundi: cum, *ante*, &, *post*, sint differentie temporis. Quærent enim homines quidam rudiores à propria phantasia decepti, quidnam erat ante quam mundus fieret? Et minus aduertunt quæstionis suæ ineptiam, qui fingunt tempus aliquod extitisse ante tempus, hoc est, ante mundum, cum dicant, *ante*, quæ vox ad differentiam temporis spectat. At nullum tempus erat, sed vna tantum sola Dei æternitas, quæ non est cum tempore conferenda: nec de illa (si propriè loqui volumus) dicitur quod sit ante tempus. Itaque, ut melius intelligamus: Quædam dicuntur & admittuntur de Deo & æternis, quæ valde dicuntur improprie. Vnde nisi utramque intellectu ad distinctionem, nouerimus quæ non accipiendas voces iuxta vsitatam intelligentiam, sed ut quoquo modo intelligamus, pro nostro captu de Deo, quæ aliter explicare non possumus, aberrabimus longissimè. Ergo ad intellectum loci huius præmittenda sunt opinioniones, ut quid sit verius apparere facilius possit.

Fuerunt qui docerent electionem hanc non fuisse nisi iustam, & ex præcedentibus meritis, ante mundi tamen constitutionem. Ponebant enim ante hunc visibilem mundum, cælum, terram, mare, & cætera quæ in eis sunt, fuisse spirituales & inuisibiles creaturas: inter quas & animæ aderant, quarum quædam peccauerant, & quædam minimè. Vnde electio quædam facta est, & missæ sunt rursus in hunc mundum bonæ & malæ, ut acciperent corpora: & quæ malæ essent, per aliarum prædicationem, puta, per Paulum, & similes, erudirentur ad poenitentiam, quod iterum ad priora loca redirent. Verum hæc mera fictio est, & purum eorum mendacium, qui sibi temerè arrogant earum scientiam rerum quæ nec sunt, nec ipsi ullam possunt de eis reddere rationem. Ipsi tamen ad hoc fingendum adducti sunt declinandi illius absurdæ gratia: quod multos malè habet & grauiter premit, si poneretur, Deum quosdam quidem per suum beneplacitum eligere: quosdam verò etiam citra ullam aliam causam reprobare ac damnare, quem admodum porrigere ipsæ scripturæ videbantur. Ipsi ergo finxerunt creationem, & animarum peccata ante mundi creationem. Sed iam hoc cõmentum explosum est, & meritò condemnatum.

Fuerunt & alij qui & dicerent electionem hanc fieri in Deo, & sic in sua mète æterna, quæ dicitur ante omne tempus, nõ quasi propriè dicatur, *ante*, sed sic dici consuetum est, quo intelligamus tempore etiam non existente, nec mudo, nec vlla creatura, fuisse tamen Deum ipsum, quos volebat ex his qui erant creandi eligentem, & alios dimittentem. Electio igitur ista fuit in mente Dei æterna: quæ quidem æternitas ante omne tempus est, sicut est declaratum. Et ob id dicitur, *ante mundi constitutionem*, quia quæ agit Deus, agit in sua æternitate.

*Ante mundi constitutionem, quid significet.*  
Ioan. 1. 1.

*Hæresis antiqua Orig.*



Verum si sic intelligimus, offeruntur multa que iure videntur absurda, videlicet quod Deus odio habuerit Iudam, illumque damnaverit ante mundi constitutionem. Simili modo quotquot per eunt, aeterno Dei in illos odio perire. Hæc sanè interpretatio parum illustrem sensum habet, & minime Apostolico spiritui consentaneum, si solum nobis insinuare voluisset præcellentiam æternitatis Dei respectu temporis, in qua disposuit & condidit omnia quæ ipsis oculis cernuntur.

Matt. 25.

Hæc notetur, & ex-  
pendantur  
subtiliter.

Ad hæc, audi prudens lector, & paulò accuratius attende, quid Dominus in iudicio (ut Euangelista testatur) dicturus est iustis: Accipite regnum paratum vobis à constitutione mundi: & non dicet, ante constitutionem mundi. Cur hoc rogo, tam variè? Hic dicitur, *Ante constitutionem*, Ibi autè à constitutione. Equidem meritò hîc hæsitabunt, si qui priorem sensum velint defendere. Imo adde: Cur nò dicet reprobis: Ite in ignem æternum paratum vobis ante constitutionem mundi? Imo nec dicet, paratum vobis à constitutione mundi. Sed dicet: Paratum diabolo & Angelis eius.

Alia hæsitatio est, & quidem longè grauior, multumq; afferens molestiæ, Vt tam multos Deus absque ullis demeritis præcedètib; reprobet, & cruciandos destinet pœnis & suppliciis æternis.

Quod autem proferunt nonnulli: quia præcinit Deus merita Pauli futura, ideo elegisse illum. Et econuersò, cum reliquorum demerita præuiderit, eosdem merito reprobasse, Iure optimo B. Augustinus improbat & reprehendit. Attamen hæc videtur (si verum fateri volumus) fuisse omnium veterum Patrum opinio. Hoc expressis verbis dixit Origenes, quem sequuti sunt B. Ambrosius, Hieronymus, Chrysostomus, quis non? Quàtum ego quidem legerim, nullus antiquorum aliter in hac quæstione docuit: quemadmodum B. Prosper & Hylarius in epistolis ad B. Augustinum clarè testificantur. Si quis autem scripturas sacras paulo diligentius scrutatus fuerit, oppositum huius opinionis euinci deprehendet: quod & doctè in Pelagium ipsemet B. Augustinus declarat. Hic enim Pelagi⁹ idem asseuerabat: quem & nunc interim aliquot novorum dogmatistarum audet sequi, qui tamen vel ex hoc loco aperitè redarguuntur. Ait enim Apostolus electos fuisse ut essent sancti & immaculati, non qui iam tales essent, aut præuisi tales futuri, sed ut tales efficerentur. Itaque non propter præuisa bona opera quisquam eligitur aut sanctificatur: sed ipsa electio omnem anteit & præstat sanctificationem, ut & ipsa sanctificatio possit opera perficere tandem ad salutem.

Si igitur ita se habeat, ut non sit ex meritis ullis à Deo præuisis primaria illa electio. Relinquitur peractis quædam anxietas, qua vehementer multi conturbantur, Quomodo scilicet sine meritis stare possit electio, quæ illud æquitate faciat Deus, ut quosdam de multis eligat ad vitam: reliquos autem derelinquat. Ut desideremus adhuc illius dicti veritatem, Deus vult omnes homines saluos fieri. Et quidem circa Electos minus esset scrupuli: quoniam non est necesse electionem, quæ in sola innititur gratia, ex meritis venire. Posset quippe respondere Deus homini de bono alterius conquerenti: An oculus tuus nequam est, quia ego bo-

Matt. 20.

nus sum? An non licet mihi de meo quod volo facere? Enim verò istud (nisi velimus iniqui esse aduersus Deum arbitri) abundè satis esse debet respectu Electorum. At verò esse alios relictos, imo (ut aiunt) ad æternas flammæ ac supplicia nullo eorum præcedente flagitio destinatos, & præsertim in tanta hominum multitudine, durum hoc prorsus, & minime æquum esse videtur. Quare tantam atrocitatem perpèdens B. Augustinus, mitigatam rem putauit, si huius iudicii causa in antiquam primorum paritum peccati ultionem reiceretur, volens ex illo puniri multos ob id quod dimittantur in massa perditionis: ut sic ab iniustitia vindicetur Deus, qui non dimittit supplicia nisi promerentes.

Hæc opinio quantum habeat duriæ (ne quid grauius dicam) iam in ea quæ ad Rom. satis est dictum: & quomodo nimis supra modum exaggeret ipsum originale peccatum, dignum illud æstimens æterna pœna, & igne illo Diabolo & Angelis eius parato. Ostendimus item quàm extenuet efficaciam crucis Christi omnium Redemptoris, qui non tulisset peccatū mundi, nec deleuisset chirographum pacti, quod erat aduersus nos, id est, absolutam penitus illius peccati obligationem: contra vniuersam scripturam.

Nos igitur qui diu multumque, scripturarum diligenti perscrutatione habita, de electione ac prædestinatione cogitauimus, ita tandem sentiendum (quod multis qui se liberarunt à sectarum obligatione placuit) literis mandauimus, quod quidem & hoc in loco, quoad pressius fieri poterit, perstringemus.

Nemini prorsus dubium esse debet quin diuersæ sint electiones, quatenus ad varia ministeria respiciunt. Quidam sunt ad Apostolatum electi: quidam ad curam pastorem: & sic alij ad alia. Iudas electus fuit in Apostolum, qui tamen non perstitit. Dixit enim Dominus: Nonne ego vos duodecim elegi? Sed de his & aliis electionibus, noster præfatus sermo nò est institutus: sed de illa tantum quæ est ad gloriam. Et circa hanc quoque inuenio in scripturis varias & inter se differentes electiones. Certum est enim in regnum nullos, nisi qui electi fuerint, intraturos. Verum diuersum est & varium electionis genus. Est electio quædam præcedens merita omnia: & est electio quæ ea subsequitur. Et in utroque genere sunt proprii gradus: quoniam non est æqualis (ut par est credere) omnium electio est.

Prima quidem ac summa, in qua cæteræ omnes positæ sunt & consistunt, fuit electio Christi: de qua singulariter dictum est. Ecce puer meus quem elegi. Et in Cant. Electus ex millibus. B. Petrus vocauit eum præcognitum, id est, præ dilectum ac præ electum ante constitutionem mundi.

Hanc verò tantam electionem sequitur illa quæ fuit beatissimæ Virginis, de qua & illud singulariter dicitur. Vna est electa mea. Post hanc, nobilis fuit electio B. Ioannis Baptistæ, Apostolorum, & his similibus: de qua electionis specie hic loquitur Apostolus noster, cui & ob istam causam (ut ego existimo) peculiariter datum est, ut hoc electionis mysterium ipse præ cæteris reuelaret, de quo dixit Dominus. Vas electionis est mihi iste, & cæ.

Doctrina  
de varia  
electione.

Ioan. 6.

Isa. 43.  
Cant. 5.

Ibid. 6.



Quis enim dignius de hac electione poterat habere sermonem, quàm ille ipse qui vas erat electionis: B. tamen Ioannes Euangelista & in euangelio suo, & in epistola, quædam attigit, & seipsum inter electos collocavit, ut paulò post adducemus. Ergo vera huius electionis nota hæc est, quam ipse ident Apostolus indicat his verbis, aiens: *Ante mundi constitutionem in Christo.*

Pro cuius loci intelligentia, considerare quædam diligenter convenit. Primò quid sit, Mundus, deinde, quid ipsa mundi constitutio: ut facilius sciamus quid sibi illud velit, Esse electum ante mundi constitutionem. Et mundi quidem vox significare videtur vniuersum genus hominũ, quod Dominus Deus cõdere ac creare, ut haberet initium temporis, in sua providentia disposuit. Christus tamen dicitur non esse ex hoc mundo: non quia sit extra genus reliquorum hominum, sed quia persona ipsa æterna est: & quia etiam ut homo, è cœlis venit, utpote Spiritus sancti virtute cõceptus. Quocirca fuit homo ille summo modo electus, ut esset talis, qualis est, nimirum verè Filius Dei, cui debeat æterna ipso iure & cœlestis hæreditas.

Verùm cum non esset bonum eundem relinqui solum, electa est post illum mulier, quæ posset esse adiutorium simile illi, Sponsa perpetua, & immaculata. Et hæc sola fuit digna, ex qua ipse carnem acciperet. Et quia nec sic erat bonum ut ij duo soli beatis nuptiis fruerentur, voluit Dominus eligere præcipuos quosdam, & eos tãquam de mundo euocare, qui essent amici Sponsi, & filij nuptiarum tantarum, quo modo loquitur scriptura. Tales fuerunt Apostoli, & qui pares illis in prædestinatione fuerunt. De his enim dicitur peculiariter. Non possunt filij Sponsi, & filij nuptiarum lugere, donec cum eis est Sponsus. Hæc est Sponsa illa, quæ cum Sponso venire ad iudicandum socia describitur: cui & obuiam venient illæ parabolicae virgines, id est, Christiani, quorum causa videbitur pendere sub iudice.

Hi igitur qui Sponsi nomine peculiariter designantur, dicuntur electi in Christo, id est, in eius gratiam, ut amici præcipui atque assistentes ministri, quales in suis aulis & palatiis Principes viri ad illustriorem maiestatis suæ splendorem habere volunt. Et ij dicuntur electi ante mundi constitutionem. Non intelligas autem antequam mundus conditus esset. Alioqui falsum redderetur, ipsos de mundo fuisse electos, quod tamen contestatur Dominus: sed antequam ipse mundus esset constitutus. Placuit mihi hoc in loco B. Hieronymi consideratio, qui eleganter notauit Græcæ vocis significationem, quæ Latine interpretata est, *constitutio*, nō hæc Latina voce satis exprimi. Græcè enim legitur, *προαγαγε*, quod perinde significat, ac si dixeris, ante iacta fundamenta mundi, quod ego sic interpretor: Antequam mundus, id est, antequam ceteri qui manent in communi sorte, qui mundi appellatione veniunt, in mente Dei & providentia eius, haberent suæ salutis exordia: quia mundus non est capax talis ac tantæ electionis. Deus enim primò & maxime respicit Electos, quos aptat ipsi Christo primario fundamento: ut & ipsi post illum sint fundamenta, super quibus consti-

tuatur mundus, id est, ceteri de mundo. Vnde & habemus de Spiritu illo Paracleta nouo consolatore qui omnia perficit: Quem (ait) mundus non potest accipere. Nam ille Spiritus est propriè electorum, & horum qui ad illam sortem, quouis modo exeuntes de mundo perueniunt: Vnde Dominus non ab re dixit: Et alium Paracletum dabit vobis, Spiritum veritatis, quem mundus non potest accipere. Dixit, alium Paracletum, ne intelligerent communem illum, qui iam eis datus fuerat, sed peculiarem perfectorum & electorum. Ideo mundus illum non potest accipere, id est, qui in sorte communi relinquuntur.

Est igitur communis ceterorum electio ad gloriam, quæ non est quidem ante mundi constitutionem, sed post ipsam mundi constitutionem, id est, post iacta salutis suæ fundamenta. Imo post cursum consummatum in aduentu Domini electionem certam habent per bonorum operum merita comparatam. Vnde scriptum est de huiusmodi, in consummatione sæculi venturos Angelos, qui eligent bonos in vasa, &c. Eligent, inquit, ut tunc eorum firma pateat electio. Horum igitur ad gloriam electio nō præcedit opera, & operum merita: etsi gratia, eorumque iustificatio bona opera præcedat, nec ex præiis bonis operibus eis conteratur. Paratur nanque & illis regnum, non ea tamen firmitate, qua Electis ante mundi constitutionem, sed à mundi constitutione. Nec ita paratur, ut non possint ab eo excidere: quoniam non certò prædestinati sunt, id est, determinati ut sint eius. Possunt quidem esse: quia Deus illis idoneè, & quantum satis est, offert gratiam. At illam possunt suo arbitrio respuere: aut acceptam sua propria culpa amittere, ut tandem increantur damnationem. Istud verò non contingit insigniter Electis ac prædestinatis: qui tanta gratia & protectione reguntur à Deo, ut non permittantur ad postremum excidere: licet possent in semetipsis considerati.

Hanc prædestinationis vim Ioannes ille Dilectus, qui (ni fallor) est Electorum typus, planè declarans, dixit: Proderunt ex nobis, hoc est, à doctrina nostra, qui initiati sunt in Christum per mysteria eius, & ministerio nostro: sed non erant ex nobis, hoc est, ex numero Electorum & prædestinatorum. Si enim fuissent ex nobis, utique mansissent nobiscum, nec potuissent excidere propter gratiam Dei summam, ac protectionem singularem, quæ non est omnium, sed paucorum. Pauci enim sunt Electi: pauci perfecti. Vnde & quidam dixit: Pauci quos æquus amauit Iuppiter, aut ardens euexit ad æthera virtus. Quæ cum ira sint, non propterea debemus vlla desperatione frangi, aut cessatione rectè factorum torpere nos, qui ex illis Electis non sumus: quia paucos amare Deus noster non nouit, quin plurimos potius: imo omnes, cum sit Creator omnium. Sic Deus (teste ipsa Veritate) dilexit mundum, ut Filium suum Vnigenitum daret, ut omnis qui credit in eum non pereat, sed habeat vitam æternā. Ecce hoc fidelissimo testimonio salus mundo promittitur, & nō solum de mūdo Electis. Et Christus Dominus noster ac Redēptor orat non pro illis tantum, quos dedit sibi Pater, ut eos omnino saluaret, & nemo eorum



perderetur: sed pro illis quoque qui credituri erant per ipsos, qui tanquam in secunda non ita dilecta classe sunt collocati, dilecti tamen & non reiecti. Non reprobati, inquam, sed inuitati ad salutem, & adiuti abunde ut possint eam, si velint, assequi, modo studeant & vigilent, nec filii sint diffidentiae diligentes magis tenebras quam lucem: alioqui posunt ab ea excidere si fuerint ignaui, & certa re recusauerint. Quomodo autem ordinatum est ut in vtrunque possint, sic etiam re ipsa contingere existimo, ut horum aliqui tandem excidant, aliqui vero salui permaneant.

Quid (quasi) prohibet ita sentire atque asserere, nisi quod (ut ait quidam) consueuimus aliter opinari? Addicuntur sectis plurimi, quibus eousque meticolose adhærescunt, ut se merito multis veritatibus priuent. Imo vero audi rem sanè admirabilem: & quantum potest antiqua consuetudo atque persuasio vide. Cum hæc sententia reddat materiā facilem, difficultatesque penitus omnes à piis mētribus remoueat, & suauiter atque æquissime à Domino cuncta esse disposita demonstret: reperiuntur tamen nonnulli qui ob hanc ipsam causam, illam respuant: utpote quos ea scire delectat quæ sciri non possunt, & ea dicere, de quibus differere, quæ obscuritatibus vndique obsita nec ipsimet intelligunt, nec qui talia audiunt.

Æquò igitur animo quæque per se singula consideret prudens ac pius lector à nobis posita. Poni mus enim primò veritatem hanc: Deus vult omnes homines saluos fieri, & ad agnitionem veritatis venire. Quid hoc habet incredulitatis? Nonne est Apostoli sententia? Nonne & omni plausu, & manibus expansis excipienda pro gloria Dei, cuius gratiam mirifice & bonitatem amplificat? Obiciet (scio) aliquis. Verum illa Apostoli sententia, interpretatione eget exactiore. Esto, sed non glossis quæ contextum inficiant, atque peruertant. Nam ut simpliciter dictum est & absolute, Deus vult omnes homines saluos fieri, ita si fieri potest, est simpliciter & absolute intelligendū. Imo cur non sic simpliciter intelligatur, cum (ut alias probauimus) sint tam multa quæ prohibent ne aliter intelligatur?

Secundò ponimus: Ex his omnibus, quos vult Deus saluos fieri, vult quosdam benigniore voluntate omnino fieri saluos, nec tamen sine mediis operibus: imo nec sine insignibus meritis, quæ ampliora ab eis ac perfectiora requirit. Nam ipse est qui dat abundantiorē illis virtutem, ut præstare valeant quæ ipse exigit, & faciet etiam ut præstent: quemadmodum apud Ezech. legitur cap. ii. & 36. Et hoc item quid habet absurdum? Si dare potest, quid causæ est cur nolit? An fortè non bonus est, sed ad largiendum cœlestia dona tenacior? Imo ipse summa est bonitas. Quod si quæritur decetia: Nonne decuit Christum habere iuxta se magnos, & tales qui maxime illi obligati essent, ut excellerent alios? Quod si etiam exigitur meritum, an non hoc sibi meruit ipse Christus, non solum propter dignitatē suam, verum etiam propter passionem? Aut nunquid inuidit eis tantum bonum, quasi metuens ne quid sibi propterea deperiret? Nonne potius ad maximā illius gloriam ista munificentiā pertinet cum nos hæc omnia prædica-

mus disposita esse in illo, per illum, propter illum? De illo enim in hunc modū scribit Dilectus: Cum dilexisset suos (suos inquit, id est, hos peculiare dilectos) usque in finem dilexit eos, scilicet usque ad perfectum, ut essent consummati in ipso. Ille eos ut oves proprias & peculiariter dilectas, vocat nominatim. Quod ait, Nominatim, tantundem est ac si dixisset, non cum ceteris in turba. Sic dixit Moysi: Noni te ex nomine. Et audeat pro illis dicere: Ego cognosco meas, & cognoscunt me meæ. Ego veni ut vitam habeant, & abundantius habeant: & non peribunt in aeternum, & non rapiet eas quisquam de manu mea. Ac si dixerit: Nō sunt de illis, de quibus dico. Venit, lupus, & rapit, & matat, & dispergit oves. Nam nec confunditur tales specialiter vocare fratres. Hæc ex verbis Domini collecta. Ioan. 13. Exod. 33.

Ego autem dum cogito, profecto miror posse vltos existere, quibus non placeat hæc positio, quæ Dei gratiam & bonitatem verè magnificat. Vnde Apostolus non ab re pro istis, seipsum cum illis meritò statuens (cum esset vas electionis) dixit: Quid ergo dicemus adhuc? Si Deo pro nobis, quis contra nos? Qui proprio Filio suo non pepercit, sed pro nobis omnibus tradidit illum. Quomodo non etiam cum illo omnia nobis donauit? Quid est quod ait, *Omnia*, nisi omne doni genus quod debebat, & oportebat esse in ecclesia, quæ est illius sponsa dilecta? Rom. 8.

Dicet fortè aliquis: Bene equidem narras. Sed quis dignus? Quasi verò non illius sit eos facere dignos quos voluerit. Alioqui quis per se inueniri potest vlla gratia dignus? In Christo sitam esse omnem nostram dignitatem fatemur.

Verum alia parte occurrendum est vtrunque argumentis. Sunt enim non pauci, quibus aliquando vel in luce meridiana cæcutire gratum est: nec finem vnquam interrogandi faciunt: sepe discen-tes, & nunquam (ut ad Timotheum scribit Apostolus) ad veritatis scientiam peruenientes. Huiusmodi breuem omnibus in rebus controuersis darem regulam, ut semper eam partem amplexarentur, quæ meliora de bonitate Dei sentit & misericordia, potissimum cum de peccati originalis merito aduersus nos suscipitur disputatio. Et item cum de munificentia Dei erga quosdam nostri generis singulari agitur: imo erga ipsum Christum caput, cui talia mēbra, ut eius summa dignitas exigebat, sunt à Deo Patre aptata. Hoc nostra positione defendi nullus inficiari potest. Instabit igitur aliquis, & dicet: Cur non similiter se erga omnes gessit, ut nullus perire posset? Inspiciens tu quisquis sic interrogas. In magna domo nunquid sunt solummodo vasa aurea & argentea? nonne & lignea, & fictilia: & quædam in honorem, quædam in contumeliā? Quis in vno corpore plura membra recuset varia, & alia aliis honorabiliora, & digna quæ abundantiore honore ornentur & custodiantur? Nam quanta præsidia dedit oculis natura? Vnde sunt qui coram Deo tanquam pupilla oculi custodiuntur. 2. Tim. 2.

Tertiò ponimus: Post istos electos, secundo genere vocationis vocat multis ac variis modis ceteros, & ne vnum quidem derelinquit in hoc mundo, nisi ipsemet sibi deesse sua inertia velit. Hoc



autem quis adeo peruersæ mentis inueniri tamque sanus potest, qui ausit iam improbare, cum id magis ad laudem bonitatis Dei faciat, nec quicquam urgeat aduersus hanc positionem? Quidam olim aduersus prædestinationem iactabant (teste B. Hieronymo) non posse verè dici beneplacitum Dei, nec verè cedere in laudem gloriæ gratiæ suæ, alios quidē sic elegisse, alios verò reprobasse. Nos enim minime volumus hoc sustinere, ut reprober Deus vllum ex beneplacito: sed ex nouo & proprio tantum delicto excludit à gratia & gloria, & tradit gehennæ. Alioqui non esset verè beneplacitum, ut illi dicebant: nec esset gratia digna laude, quæ cum malo multorum ac tristitia daretur. Quo fit ut facile credam, ipsos Dei filios & Electos ea humanitate erga sui eiusdem generis homines & pietate præditos, ut id probare non possint, velintque soli cælo potiri. Nec enim in detrimentum laudis gratiæ Dei redundat, si gratiosè aliqui paulò sublimius præ cæteris euehantur: modo alij non sint à necessaria sibi gratia destituti. Non æqualiter donat omnibus Deus: & istud est in euangelio perspicuum. Ecce in parabola: Aliis vnum, aliis duo, aliis quinque talenta credita sunt ac tributa. Quiesce igitur inquietus, & noli gerere oculum nequæ, quia Deus bonus est: sed tolle potius quod tuum est, & vade. An non licet Deo de re sua facere quod placet? Nam & lege humana ci tra reprehensionem dicitur: Quilibet suæ rei est moderator & arbiter.

Quartò tandem ponimus. Huius ordinis (hoc est, non sic electorum) cum sint omnes aprati ad vitam, & in eorum sit manu & velle trahi, & nolles item perseuerare, & non perseuerare, multos esse quos à gloria contingit sua culpa excidere, dum vel oblatam sibi repudiant gratiam: vel post iam receptam, iterum eam per peccata amittentes, & in peccatis tandem morientes, æterna merentur supplicia. Et contrà, sint etiam multi qui non excidant: quia inueniuntur tandem obediētes, & gratia sua bene vsi. Nam de tanto vocatorum numero (quanquam non electorum) inficiari, nullum inueniri qui perueniat ad palmam, quibus tamē perueniendi non defuit facultas, nescio qua fiducia, quoue argumento, qua denique coniectura probari, aut honestè defendi possit. Deus ergo clementissimus constituisse vnum ordinem diceretur, in quo animarum myriades, & penè sine numero continentur, & vnicuique idoneè prouidit ad salutem & tamen nullus consequetur salutem? Qui potest hoc credere, credat. Id certè non est tam hominè frustrari sine sibi præstituto, quàm & ipsum quoddammodo Deum (quod vel cogitare est iniquissimum) frustrari sine quem in ordine illo intendit. Quod si hoc de Angelis non dicitur, quorum, ut B. Augustinus docet, non fuit vlla prædestinatio & electio, licet B. Thomas contra dicat: sed admitamus interim hoc ut verum, & concedamus tanti viri authoritati. Si inquam, ipsorum Angelorum absque præuia huiusmodi electione ac prædestinatione plures salui facti sunt, quàm damnati, cur non idem multò magis propter Christum in hominibus asseramus? Verum hæc satis nunc sint, cum totam fusiori disputatione alibi tractauerimus.

*Qui prædestinauit nos in adoptionem filiorum.* Hoc Rom. 8. quod est, *prædestinare*, ipse alibi declarat, dicens esse diuinam deliberationem in prædilectos, conformes fieri imagini Filij sui. Decuit enim cum qui se nobis assimilauit in carne, ut & nos pariter sibi secundum carnem faceret asimiles, & pro carne quam de nostro accepit, redderet nobis de suo spiritu: sed illis præcipuè quos perpetua charitate decreuit prosequi, & sic prædestinauit. Additur, *In se ipsum*, nimirum Deum, hoc est, in gloriā suam. Nā Isa. 43. gloria Filij, Patris est gloriā. Vnde Isaias: Omnem qui inuocat nomen meum, in gloriam meam creauit eum, formaui eum, & feci eum. Inuocat nomen Dei, qui didicit orationem à Christo nobis traditam, Pater noster qui es in cælis, &c. Hoc enī est nomen quod manifestauit Filius hominibus: & in quo nemo verè potest inuocare, nisi per acceptū illius spiritum sit filius.

*Secundum propositum.* Gracè melius, *ἡ ἐκλογὴ*, id est, beneplacitum, *voluntatis suæ*. Ut si quærat ratio, cur elegerit atque prædestinauerit illos Deus: Respondeatur, quia placuit: & nō solū quia placuit, sed quia beneplacuit. Quod includit rationē bonitatis suæ, & propensæ ad beneficentiam voluntatis, quasi explicitius diceret: quia bonus est. Boni autem maximè proprium est, sese diffundere & communicare. Sed adiecit: *In laudē gloriæ gratiæ suæ*, hoc est, ut gratia sua per mutuas nostras laudes redderetur inter nos gloriosa. Non quod inde quicquā accrescat boni aut gaudij ipsi Deo, quasi ab extrinseco veniens, qui plenus est sua beatitudine in seipso, & omni gaudio: sed quod nos ipsi amplius perficeremur, dum gloriæ Dominum glorificamus. Illud autem proprium est eius, qui est causa efficiens & finis omnium, ut mera bonitate operetur in omnes, seipsumque diffundat: non autem ut quicquam recipiat. Aliàs non esset summum Ens, & summum Bonum, ac beatissimum: cum sit beatius dare quàm accipere.

Hic interim notandum in Pelagianos, electionem esse & prædestinationem meræ gratiæ, quatenus laudetur Deus de bonitate, & non ex operibus quibusvis vel præuisis. Si enim opera præuisa essent quouis modo ratio prædestinationis aut causæ, etiam illa causa quam vocant, sine qua non, profectò nō merè gratiæ esset prædestinatio. At istud est contra Apostolum manifestè. Præscientia ergo siue præuidencia bonorum operum consequitur prædestinationem: quoniam vocatio ipsa & iustificatio, vnde opera bona sunt, effectus sunt prædestinationis. Itaque vniuersaliter operum bonorum ratio, gratia est. Gratiæ autē ratio, beneplacitū Dei. Beneplacitū autem Dei ratio, est laus gratiæ suæ: ut sit in hac bonitatis parte mirificè gloriosus. Hæc autem dona esse in quibusdam firmissima, ratio ipsa est alia nulla, quàm eorum prædestinatio & electio, quæ hæc prorsus omnia præcedit. Si quæras: Quare vult Deus gloriam illam de bonitate sua in Electis? Tibi respondebitur quærenti: quia bonus est & iustus. Ipse enim meretur glorificari ex benefactis, licet in eum (ut sæpius dicendū est) nihil hinc redundet: in nos ipsos tota redit hæc gloriæ accessio, quo efficitur ut illius magis expendatur bonitas & communicetur. Non est sanè paruum donū glorificare Deum, cum hoc ad iusticiam pertineat



& veritatem. Hęc est tandem summi natura boni, ut cum nihil à quoquam accipiat, semper tamē in omnes in exaltum manēs effundat. Si quisquam improbus, aut stolidus insuper quærat: Quare Deus sit ita bonus erga nos & iustus? Huic imponendum est mox silentium. Nam primum Ens, & primum Verum, & primum Bonum, causam non habet, sed est omnis causa, & efficiens, & finalis per semetipsum.

*In qua gratificauit nos in Dilecto.* Ecce fundamentum omnis gratiæ & prærogatiuæ, nimirum ipse Dilectus. Græcè enim simpliciter legitur, *in Dilecto*, nec additur, *filio suo*, quod diligenter obseruauit B. Hieronymus. Sed trahit ad hunc sensum, ut dicatur Dilectus ab omnibus, qui cum sit iustitia & redemptio & sanctificatio nostra, hæc saltem consideratione dignus est, quem omnes debeant iure diligere. Interpretationem hanc non reicio. Mihi tamen magis placet, simpliciter & absolute Iesum vocari Dilectū, ut per hoc vnice eximia illius prædestinatio atque electio declaratur, tanquam nullus præter ipsum Dilectus: quia præ illo nullus. Et quicumque alius dilectus fuit aut est, per illū, & propter illum dilectus est. Vnde ipse summè, verè, ac simpliciter dicendus est Dilectus. Hic est filius meus dilectus (ait Patris æterni de cælo vox) in quo mihi bene complacui: ipsum audite.

Matth. 17.

*In quo habemus redemptionem per sanguinem ipsius, remissionem peccatorum secundum diuitias gratiæ eius, quæ superabundauit in nos.* Agnosce non modo Dilectum, sed etiam Diligentem: quia per illum redempti sunt præcipuè Electi in ipso, qui permissi fuerunt cadere in prima præuacatione patris nostri: sic tamen ut iterum instaurarentur. Dilectus ergo ille Patris, cui sanguis acceptissimus fuit in pretium redemptionis nostræ: & ipse nos diligēs, & præsertim Electos suos pro quibus se dedit in mortem, & pro nobis etiam omnibus, totoque mundo. Dilectus eius discipulus in persona in prædestinatorum: Ipse est (inquit) propitiatio pro peccatis nostris: non solum pro nostris, sed pro totius mundi, Vide ut hic Doctor noster ingeminat beneficium gratiæ, ut plurimam gratiam intelligas, & illam in primis quæ Electorum est propria: ait enim,

1. Ioan. 2.

*secundum diuitias gratiæ.* Et tanquam hoc non satis esset, adiunxit: *In omni sapientia & prudentia.* Certè hæc tanta dona non sunt omnium qui salutem adipiscuntur, sed propria prædestinatorum atque electorum, ut similes Christo fiant, qui prædestinatus fuit in gloriam ipsorum primò, ut & ipsi sint prædestinati in gloriam aliorum, tanquam coadiutores & cooperatores Dei, ministri euangelij pacis pro nobis: quoniam ita superabundant gratia, scientia, ac prudentia, ut possint aliis imperitari, & item possint dicere, Imitatores nostri esto te, sicut & nos sumus Christi. Vbi pulcherrimum ordinem considerare licet. Ipse Dominus de suo sanguine morti vicinus dixit, Qui pro vobis, videlicet, quos elegi, intelligens in eis omnes electos: & pro multis effunderetur, &c. Et hic nota dici sapientiam quæ versatur circa veritatem æternorum. Prudentia verò est recta ratio rerum agibilium, & in actibus omnium virtutum versatur, ut scilicet rectus ordo adsit, seruetur ratio, inspicatur finis,

Luc. 22.

considerentur quoque modus & tempus, & ceteræ circumstantiæ.

*Ut notum faceret* (Vel, qui notum fecit nobis) *sacramentum voluntatis suæ.* Græcè, *mysteriū*, quod nos sacramentum dicimus. Interpretes tamen quandoque Græcam vocem relinquit, & quandoque vertit in latinam: quod factum nequaquam oportuit. Ecce proprium Apostolorum secundum eminentiam. Nam cum futuri essent euangelij buccinatores & testes, operæpretium fuit eos esse plenos sapientia, & prudentia, & quibus notum redderetur diuinæ voluntatis mysterium. Quocirca ad eisdē, iam non dicam vos seruos: quia seruus nescit quid faciat Dominus eius. Vos autem dixi amicos: quia omnia quæcunque audiui à Patre meo nota feci vobis. Et hoc mysterium est incarnatio Christi & aduentus eius, non ad salutem vnius populi tantum, sed omnium.

Ioan. 15.

*Secundum beneplacitum eius, quod proposuit in eo.* Græcè legimus, *In seipso*, videlicet hoc beneplacitum huius notitiæ proposuit in seipso Deo, ut quando sibi aptum videretur tempus, tunc demum dispenseret: & tanti notitiæ mysterij ipsi mundo per Electos daret. Si legas, *Proposuit in eo*, intellige in Christo, ut per illum primum effunderetur in eos, & ab eis in mundum.

*In dispensationem plenitudinis temporum:* ac si dixerit, Non ad eum finem fecit notum Apostolis hoc mysterium, ut illi scirent: & (ut quidem) dicerent: Secretum meum mihi, sed ut dispensarent illud prædicatione vniuerso mundo: quoniam plenitudo temporis aduenerat. Græcè legitur, *καιρος*, quod significat non tam substantiam temporis, quam occasionem in tempore ad aliquid faciendum oblatam. *Instaurare omnia in Christo.* Græcè, recapitulare & assummare. *Quæ in cælis, & quæ in terra sunt in ipso.* Cauendum primò hac parte ab Origene, qui ex hoc loco volebat etiam Angelos malos esse instaurandos, propterea quod dixerit Apostolus, instauranda quæ sunt in cælis. Instauratur enī satis omnia, reparato humano genere: quoniam multi ad gloriā lapsi Angelorū perueniūt. Aliqui referūt ad animas hominū in cælis existentium, quæ & instaurabuntur per Christum accepto corpore. B. Hieronymus non patitur ut legamus, *Instaurare*, sed recapitulare quo verus sit hic sensus: Quæcunque enarrata sunt in scripturis (quæ quidem omnia figuraliter significabant Christum) in ipso Christo fuisse, ut ita dicam, recapitulata siue assummata. Non secus ac si quis particulatim aliquas pecuniarum summas colligeret, & in vnam quæ alias omnes contineret, assumeret. Et hac ratione, historia de primo Parente Adamo & eius lapsu: de Noë & arca: de ædificatione turris, & varietate linguarum: de sacrificio Abrahamæ, & cæteris multis, quibus referta est scriptura veteris testamenti, recapitulata intelliguntur in Christo: quoniam in illo ad veritatem impleta sunt.

Error Orig.

At tamen cum huiusmodi expositio non planè exponat, quomodo quæ sunt in cælis recapitulentur, adiecit (quod est ponderandum) B. Hieronymus diligenter attendendum esse, non eas solum omnes scripturarum historias, quas in hoc terrarum orbe gestas Spiritus sanctus enumerat: sed & in cælestibus omnia, quæ nobis occulta sunt my-



steria in Christi passione recapitulata esse intelliguntur. Mihi verò nō displicet primus sensus, nec similiter alius quem subiicio: quoniam per peccatum Adæ non solum terrena, verum etiam cœlestia sunt immutata. Nā Christus ipse mutatus est, ut qui aliàs venturus esset glorificator, venit & Redemptor, ideo infirmus. Ipse autem magna pars erat & dignior cœlestium omnium & terrenorū, ac per hoc omnia verè sunt mutata. Prius Angeli sub Christo erant: peccante autem Adam, paulò minus, id est, ad parum temporis minuitur ab eis Christus. Imò & per eos in hac vitā regitur, qui rector aliquando fuisset omnium. Per passionem autem & resurrectionem acquisiuit postea, ut ipse esset ea maiestate caput omnium, qua fuisset ab initio, & sic fuit in Dei dispositione, nisi peccatum obstitisset. Itaque recapitulata sunt omnia & instaurata: quia in ipso & sub ipso capite nunc inueniuntur omnia cœlestia, ut destruat omnis principatus & potestas, etiam in ipsis cœlis: ut per hoc instarentur & recapitularentur in Christo omnia, sicut & in illo fuerunt condita. Vnde post resurrectionem dixit, Data est mihi omnis potestas in cœlo & in terra. Et hoc mihi videtur plenior expositio ac verior.

In quo & nos sorte vocati sumus, &c. Gracè non legitur, nos, & longè melius, ne sit nugatio aut batologia, vel sensum reddat obscuriorem. Nam paulò antè iam dictū erat, nos: Nec legitur, vocati, sed *ἐκλεκτοί*, quæ est vox composita ancipitis significationis & ambigua, ut quæ modo sortem, modo hereditatem significet. Sed hic placet, ut à sorte dicatur, & significet: sortiti sumus, passiue, aut sorte electi sumus. Quod ita accipiendum est: quoniam niam non ex vllis meritis, aut ratione vlla quæ in homine possit excogitari, descendit. Ideoque sorte illud fieri dicitur, quod ex Dei beneplacito venit: nec disquiritur ratio, quare hic potius quàm alius eligatur. Etenim quàm hoc non fuerit inspectum in B. Paulo, luce clarius patet, qui tunc eligitur, dum capitali odio ecclesiam persequeretur, eousque plenus minarum & cedis in discipulos Domini. Sorte ergo illi obtrigit ut talis potius & ad tam rem vocaretur, quàm alij multi innocentes.

Sic sorte fuerunt electi cæteri Apostoli. Scribitur enim de Domino: Elegit quos voluit. Nec eo tempore sanctiores illi erant ac meliores reliquis mundi huius hominibus. Vnde & Iudas dicitur excidisse à sorte sua, & in sortem Matthias vocatus. Adduci autem non possum ut credam illam B. Mattheæ electionem illo sortis genere factam, quam sibi vulgus persuadet. Sed sorte fieri dicitur apud scripturas, quod ex voluntate & electione quasi desuper ex patris dispositione venit. Quapropter & ipsa hereditas, quæ dispositione & placito patris, assignari consuevit, Gracè eodem vocabulo, *κληρονομία*, significatur.

Non est autem probandum, imò non caret peccato, si quis vtatur sorte, vbi rationis discretio exigitur, ne tentetur Dens. Si quis alium sensum existimet veriorē, non obsto: scrupulum meum indico, quem mihi alius sensus iniicit.

Predestinati secundum propositum eius, qui operatur omnia secundum consilium voluntatis suæ. Ecce quomodo voluntas Dei est causa omnium quæ fiunt per

ipsum: & ita est causa prædestinationis. Ne tamen putaremus voluntatem Dei temerè esse, nullòque ferri & moderari consilio, ait: *secundum consilium voluntatis suæ*. Noli putare consilium Dei esse, quale est in nobis cum quadā disquisitione, quæ ignorantiam præsupponit: sed abiectis defectibus intellige, quod superest in ratione consilij, ut ex consilio recta ratio & iudicium eorum quæ decernit facere accipiat: quod tamen consilium non ligat voluntatem eius, ut si aliter faceret, improbè faceret & iniquè, quemadmodum accidit in omni creatura, quæ habet legem superiorem cœlitus inditam, quam nec transgredi absque crimine, nec impunè licet: sed quod Dei voluntas probat illud esse bonum. Et tamen aliquæ rationes prædestinationum & electionum Dei assignari possunt. Nā electos fuisse aliquos eximia electione in Christo ratio est bonitas Dei, ut diximus. Quod item præcipuè ij fuerint Apostoli, hoc exigebat officium. Eum qui alios docturus est, & ad æterna instituturus, esse scientem oportet, & longè eminere omni munere & dono. Præterea Apostolos ex Iudæis potius quàm ex Gentibus electos (nullus quippe legitur fuisse Gentilis, nisi fortè in apocryphis) cōtinuò in promptu est ratio, quam & B. Ambrosius ad hæc verba affert, *ut simus in laudē gloriæ eius*, nos qui antè sperauimus. Iudæi enim fuerunt, qui ante alios sperarunt in Christo. Vnde congruum fuit, ut prædestinati & electi specialiter ad hoc munus Apostolatus, essent ex populo illo prædilecto in laudem gloriæ ipsius Dei Benedicti.

Ex eo populo Christus originem duxit: non ita fuit tamen ad Iudæos hæc gratia restricta, ut ex Gentibus quoque non fuerint prædestinati aliqui sed non quibus primū hoc munus Apostolatus committeretur. Hactenus enim hæc omnia videntur pertinere ad Apostolos electos & prædestinatos. Nunc ad ipsas Gētes sermonem conuertit, ne sibi partem in regno Dei deesse arbitraretur: quin ut intelligerent suum locum seruatum, quia ipse erant superedificandæ super fundamenta Apostolorum & Prophetarum, ait:

In quo & vos. Quod audis, in quo, subintellige, Christo. Quod autem sequitur, & vos, subaudi, aptati estis tanquam secundo loco post nos: imò & per nos, id est, per ministerium nostræ euangelicæ prædicationis. Non tamen quasi B. Paulus illis ab initio prædicauerit, licet in synagogis disputaauerit: sed Apollo fuit, qui cœpit agere confidenter in illa metropoli, docens eos, & prædicans, & confirmans veritatem Christi diuinam. Cum audissetis verbum veritatis, euangelium salutis vestræ. Nam fides ex auditu, & ex fide gratia & iustitia. In quo & credentes signati estis spiritu promissionis sancto, &c. Spiritus sanctus credentem in Iesu signat intus per characterem & donum gratiæ, in quo est promissio cœlestis hereditatis. Et ipsa eadem gratia & charitas, pignus est vel potius arrha, ut Græca veritas habet: & (ut B. Hieronymus notat) quæ sit pars & quedam libatio ipsius hereditatis: quoniam ut filij Dei per illud signati estis in hoc à Iudeis differentes, quod illi signati in carne carnali gladio, aut carnali petra, & vos spiritualiter à Petra viuā & spiritali, quæ est Christus refecans fluxum sanguinis nostri.

Matth. 11.

Matth. 3.

De electio  
ne B. Mat.  
thæ.



In redemptionem acquisitionis, hoc est, ut perfecta redemptione potiāmini perfectē redēpti vos, qui acquisiti estis per sanguinem filij Dei. Sicut enim circumcisio dicitur populus circumcissus: ita acquisitio dicitur populus acquisitus. Vnde B. Petrus vocat populum acquisitionis.

1. Pet. 2.

Animaduerte perpetuò, tu pie lector, aduersus hæreticos, illam nobis dari arrham Spiritus, & illam nos accipere, ut bene ea vtentes perficiamus redemptionem nostri, vel redemptionem ipsius hereditatis. Nisi enim bonis operibus cooperemur, & pretium totum amittimus & arrham.

In laudem gloriæ eius, id est, ut perficiatur laus gloriæ suæ. Cum enim Deus velit laudari & glorificari ob veritatem à Iudæis: quia promissa seruauit de Christo, & de redemptione Israel in reliquiis. Vult insuper misericordia laudari à Gentibus, qui bus nihil promiserat: ut laus duabus viis, per quas ipse venit ad nos, impleatur: sicut scriptum est, Vniuersæ viæ Domini misericordia & veritas, requirētibz testamentum eius & testimonia eius. Nam in testamentis, quæ fuerunt Iudæorum, promissio fuit: & cum seruauit promissa Deus, apparuit veritas. In testimoniis autem Apostolorum, oblata est & apparuit misericordia in Gentibus, ut & ipse in trarent in testamentum æternum.

Psal. 24.

Propterea & ego audiēs fidē vestram, quæ est in Christo Iesu, & dilectionem in omnes Sanctos: non cesso, gratias agens pro vobis, memoriam vestri faciēs in orationibus meis, ut Deus (Domini nostri Iesu Christi Pater) gloriæ det vobis spiritum sapientiæ & reuelationis in agnitionem eius, illuminatos oculos cordis vestri, ut sciatis quæ sit spes vocationis eius: & quæ diuitiæ gloriæ hæreditatis eius in Sanctis: & quæ sit supereminēs magnitudo virtutis eius in nos qui credidimus, secundum operationē potentiæ virtutis eius, quam operatus est in Christo, suscitans illum à mortuis, & constituēs ad dexteram suam in cœlestibus, supra omnem principatum, & potestatem, & virtutem, & dominationem, & omne nomen quod nominatur non solum in hoc sæculo, sed etiam in futuro: & omnia subiecit sub pedibus eius. Et ipsum dedit caput supra omnē ecclesiam, quæ est corpus ipsius, & plenitudo eius, qui omnia in omnibus adimpletur.

Propterea & ego audiens fidem vestram: Aut potius, ego autem audita fide vestra. Et declarans illorum fidem, ait: Quæ est in Christo Iesu. Fides enī circumcisorum secundum carnem, fuit in Deo & Mose seruo eius: illa quidem erat habita ratione promissionis terrenarum rerum. Nostra verò est æternorum & cœlestium. Et dilectionem in omnes sanctos, &c. quorum prædicatione atque exemplis illi venerant in eam fidem: & meritò, quia ab illis per euangelium geniti erant. Non cesso gratias agere pro vobis, memoriā

vestri faciēs in orationibus meis. Et ut intelligat quid oraret, adiecit, Ut Deus Domini nostri Iesu Christi. Deus Pater, meritò Deus Iesu Christi vocatur, ut in quem singulariter illius respicit prouidentia: & singulariter ab illo respectus est. Ut nulla pietas siue patris in filium, siue in patrem filij, possit omnino cum paternis Dei Patris erga Christum visceribus cōparari. Et pari vicissitudine, nulla filij reuerētia cū filiali reuerētia ipsius Christi erga Patrē cōferri valeat. Quare plerūq; ingeminat in psal. Filius, Deū inuocās hoc pacto: Deus meus, Deus meus. Hic autē Deus Iesu dicitur, & Pater gloriæ, vel quia vnuerse omnium gloriæ author est: vel quia Pater est Iesu Christi, qui est gloria ipsius Patris. Legimus enim: Gloria patris, filius sapiens. Nam per Filium Pater glorificatus est, & per Patrem Filius. Vnde ipse ait, Manifestaui nomen tuum hominibus. Et: Pater, clarifica Filium tuum, ut Filius tuus clarificet te. Et ille: Clarificaui, & iterū clarificabo. Quod fuit cum resurrexit, & sedit in maiestate.

10. 17.

Der vobis spiritum sapientiæ, ad cognoscenda æterna quæ speranda sunt nobis: Et reuelationis. Hoc videtur adiungere: quia nemo potest superna sapere, nisi prius oculi mentis reuelentur ab effectucarnalium ac temporalium, quæ sunt tanquam velū, quo nobis occultantur cœlestia. Quare & David orat, Reuela oculos meos, & considerabo mirabilia de lege tua: ut sciatis quæ sit spes vocationis eius. Quoniam non ad terrena respicit spes. Quæ iam videt quis, quid adhuc sperat? Et quæ diuitiæ gloriæ hæreditatis eius in sanctis. Et si enim omnes erimus gloriosi, tamen peculiariter Sancti Dei abundabūt & illi Electi diuites erunt & locupletes, quos iterum hic memorat. Et quæ sit supereminēs magnitudo virtutis (siue potentiæ) eius in nos qui credidimus. Innuit illam excellentem ac potentiam Dei efficacem, qua operatus est in electos suos, præsertim Apostolos, vocando ipsos cum essent admodum pauperes, & illuminando, & euangelizando illos, & igne Spiritus incendendo, & ineffabilia dona largiendo. Hæc Dei in istos potentia assimilatur illi potentiæ, quam exercuit in suscitando Filium à mortuis, restituens illum ad vitam, & donās ei stolam gloriæ in decore, & in incorruptione, & fortitudine sempiterna. Tales facti sunt spiritualiter quodam modo Apostoli, suscitati quidē primū de morte ad vitam, & clarificati, & incorruptibiles à corruptione peccati, propter eximiam Spiritus protectionem & lumen, & gratiæ fortitudinem: quod totum mirificè in hoc ipso tātō electio nis Vase apparuit. Vnde rectè addidit:

Psal. 117.

In nos qui credidimus secundum operationem potentiæ eius. Melius secundum efficaciam potentiæ virtutis suæ, siue roboris, aut fortitudinis suæ: quam operatus es in Christo suscitans eum à mortuis, &c. Considera excellentiam electorum, qui participes facti sunt illius summæ efficaciæ, quam in Christum suum ostendit & declarauit. Non enim postquam suscitatus est ille, vltèrius mortuus est, sed vitæ restitutus sempiternæ. Sic illi spiritualiter ita vehementer per Spiritum Dei à mortuis tandem excitati sunt, id est, à peccatis in quibus mortui erant, ut non essent vltèrius morituri.

Et constituit ad dexteram suam in cœlestibus. Esse ad dexteram Dei, est esse in robore ac potestate patris



na, ne quis carnaliter cogitet de situ. Nam & Pater dicitur à dextris Filij, in eodem Psal. Dominus à dextris tuis. Et ipse Filius alibi: A dextris est mihi ne commoueat. Et significat potentiam Patris pro Filio: Et hinc potentiam Filij à Patre. *Super omnem Principatum, & Potestatem, & Virtutem, & Dominationem, &c.* iuxta doctrinam B. Dionysii, Principatus est summus ordo, siue primus chorus vltimæ hierarchiæ. Potestates autem & Virtutes, & Dominationes mediam perficiunt hierarchiam. Et si aliter circa hos ordines Beat. Gregorius docuerit quàm B. Dionysius, non tamen vt Pontifex, sed vt quilibet alius priuatus doctor ecclesiasticus. Beatus Hieronymus in ea videtur esse sententia, vt existimet Apostolus hos ordines Angelorum ex traditionibus Hebræorum, vel de scripturis subtilius intellectis, didicisse. At cur non potius ex reuelatione, cum & ipse in tertium cælum raptus sit: nec tunc ibi fuerit absque Angelorum suauissimo, atque familiarissimo commercio?

*Et omne nomen quod nominatur non solum in hoc sæculo, sed etiam in futuro.* Si ergo Apostoli secundum hanc tam excelsam potentiam vocati sunt, meritò penes illos residebit in spiritualibus, siue cœlestibus post Christum, summa potestas. Nam & illis fuit dictum, Hæc & iis maiora facietis. Et in hac potestate extinxit B. Petrus Ananiam & Saphyrâ: Et Simonem Magum super aera volentem, & simplices rudésque homines ludificantem suo iussu fecit de cœlo ruere. Apostolus Paulus excœcat magum alium Barieu nomine: & Dæmoni imperat, vt arripiat hominem nefariè pios viros à fide auertentem. Verùm hæc in edificationem omnia, non in destructionem. Talis ergo & tanta fuit electio Apostolorum & vocatio, quibus & alios similes fecit Deus, vt in multis sanctorum rebus gestis latissimè patuit.

Ergo nomen Christi est super omne nomē, hoc est Iesus: quia ipse est super omnes. Nomina enim quæ à Deo & scriptura ipsa imponuntur, sunt personis conuenientia. Et non sicut accidit nobis, qui sæpenumerò habemus nomina, quorum significationem vita & operibus nedum non implemus, sed contra diuersitate morum longè dissentimus. Interim cogitandum est futura nomina, quæ adhuc vocabuntur in alio sæculo, quauis nobis hoc tempore sint ea ignota. Sed hoc satis nobis superque satis, quibus nosse datum est nomen, hoc Iesus, quod est super omnia: Et vtinam verè & bene nosceremus.

*Et omnia subiecit sub pedibus eius.* Credo itè poni Et, pro quia. Frequenter enim (vt sæpius diximus) in hebraismo idiomate reperitur.

Nunquid ergo & Angeli, & Cherubin, & Seraphin sub pedibus eius? At istud videtur de solis inimicis dictum: Donec ponam inimicos tuos scabellum pedum tuorum. Deinde ipse Apostolus videtur sibi contradicere, qui alibi dixit: Nondum videmus subiecta illi omnia. Primum ergo hoc certò ponendum est, ab ipso Apostolo iam alibi declaratum, Patrem quidem subiecisse ille prorsus omnia, solo vno seipso qui subiecit omnia, excepto. Dicuntur autem sub pedibus eius, non qui omnia ipsius Maiestati subiecta conculcet, nisi inimicos solos: sed quia sub illo erunt omnia. Et ve-

rum illud est, nondum subiecta esse illi omnia. Nam & Diabolo aliquod etiam num relinquitur in malos imperium, quos eius potestati iusta sententia dimittit Deus: & ipsa mors vires suas exercet assidue. Denique inimici eius nondum sunt ei subiecti, sed erunt paulò post. Experientur enim breui superstites hæresiarchæ, & impij ac flagitiosi homines, re ipsa quid sit illud: Donec ponam inimicos tuos scabellum pedum tuorum. Nihil prohibet etiam per pedes intelligere humanitatē Christi, sicut per caput diuinitas ipsa in scripturis intelligitur.

*Et ipsum dedit caput super omnia ipsi ecclesiæ.* Et, pro quia. Quia enim ipse datus est caput ecclesiæ, ideo illi subiecta fuerunt omnia. Vt enim in toto corpore dignissimum membrum est caput: & quemadmodum sub illo compacta sunt reliqua membra, & ab illo accipiunt. Ita & Christus dignitatē est super omnes & potestate, à quo excipiunt omnia reliqua subiecta membra quicquid habent spiritus & vigoris: ideo dicitur, *Quæ* (scilicet ecclesiæ) *est corpus ipsius, & plenitudo eius qui omnia in omnibus adimpletur.* Possemus pariter dicere iuxta Græcam distinctionem, *Qui omnia in omnibus adimplet*: Si enim legimus, *adimplet*, significat Christum tanquā omnium caput, existentem virtute sua omnibus, Spiritu suo adimplere omnia. Si verò legis, *adimpletur*, intelligas ipsam ecclesiam esse Christi plenitudinem. Nam Christus existens omnia, cum non sit tantum Iudæus, sed Græcus, Barbarus, & Scytha, hoc modo adimpletur ipse in omnibus, vt sit perfectus per ecclesiam, quæ corpus eius est. Non enim totus esset Christus, si solummodo in Iudæis esset. Sic autem implens omnia, ipse per illa eadē quæ implet, impletur: vt sit ipse caput perfectum, & perfecti corporis caput.

## CAP. II.



Et vos cū essetis mortui delictis & peccatis vestris, in quibus aliquando ambulastis secundum sæculum mundi huius, secundum principem potestatis aeris huius, spiritus qui nūc operatur in filios diffidentiae: in quibus & nos omnes aliquando conuersati sumus in desiderijs carnis nostræ, facientes voluntatem carnis & cogitationum: & eramus natura filij iræ, sicut & cæteri: Deus autem qui diues est in misericordia, propter nimiam charitatem suam qua dilexit nos, & cū essemus mortui peccatis, conuiuificauit nos Christo (cuius gratia estis saluati) & conresuscitauit, & confedere fecit in cœlestibus in Christo: vt ostenderet in sæculis superuenientibus abundātes diuitias gratiæ suæ in bonitate super nos in Christo Iesu. Gratia enim estis saluati per fidem: & hoc non ex vobis: Dei enim donum est, non ex operibus, vt ne quis gloriatur. Ipsi enim sumus factura, creati



in Christo Iesu in operibus bonis, quæ  
præparauit Deus, vt in illis ambulemus:

**T**Radidit distinctè Apostolus peculiatem Iudæorum gratiam, & vocationem primam electorum ex Iudæis, à secunda ipsarum Gentium vocatione (Nam & signa habuerunt prærogatiua suæ charissima, vel hoc vnū excellentissimum, quoniam locutus est eis per Filium, & non aliis Gentibus, quibus solum per Apostolos est loquutus) Nunc generaliter & promiscuè docet, & aperit gratiam omnibus fuisse communicatam, ipsis etiam Gentibus, quæ longissimè ab ea distabāt: vt & cognoscerent se mera Dei gratia cōsequutas veram æternæ salutis spem, ad quam retinendam firmam, oportebat eas operari bona perseverando vsque in finem. Facit autem mirificè ad perseverantiam memoria beneficiorum cum gratiarum actione, & ista necessaria de illo cogitatione, quoniam qui incepit, etiam perficiet. Nam si ab inimicitia reuecat, vt amicos sibi cōciliet & stabiliat, multò equidem magis amicis iam constitutis erit admodum beneuolus & beneficus. Ait ergo:

Et vos cum essetis mortui delictis, & peccatis vestris.

Mortuum  
peccato, vel  
peccatis,  
quid.

Non eadem significacione hîc sumitur, mortuum esse peccatū, quā ipse aliās quando dixit: Ita & vos existimate mortuos esse peccatū. Nā peccatū ibi est casus datiui, non ablatiui, sicut hic, *peccatis*, Ille enim mortuus est ipsi peccatū, cui non dominatur peccatū. Ille autem mortuos est in peccatis qui per peccata, quibus inuolutus tenetur, amisit vitam gratiæ & gloriæ. Et ita hîc intelligitur, mortuos esse peccatis, in illis scilicet, aut per illa mortuos esse, hoc est, priuatos vitæ gratiæ. Differentia autem inter delicta & peccata, secundum aliquos hæc esse videtur, Vt delicta quidem ipsa ad omissionem boni pertineant: peccata verò ad perpetrationem mali. Atramē B. Hieronymus, quia Græcè legitur, *οἱς παραπτώματα, καὶ οἱς ἁμαρτίας*, vult primā vocē significari leues lapsus: posteriore autē, grauiores. *Cum essetis mortui delictis & peccatis*. Et deest verbum ad integritatem sententiæ reddendā. Quidam igitur aptant superioribus: & qui legunt, *adimplet*, sic iungunt, *Adimplet & vos*, Alij ad illud referunt quod superius dictū erat, *Et dedit caput suū per omnia*, & quod nunc sequitur intelligunt, etiam super vos, sed istud coactē. Mihi recti⁹ videtur supplendum esse aliquod verbum. Nec aliud appositius occurrit, quam, *suscitauit*, vt post quā dixit Apostolus de electis, viuificati sunt secundum illam efficacem operationem Dei, qua suscitauit Filium suum ē mortuis; subiungat & de ipsis, qui & ipsi (secundo tamen loco) fuerunt eius suscitationis participes, cum essent mortui in delictis, & propriis peccatis.

*In quibus aliquando ambulastis . Ambulare in peccatis, est in concupiscentias malas perseverando progredi, quæ à frequentatione peccatorum in dies crescunt, ut de malo in malum : de peccato, in supremam mortem prævaricâtes abducantur. secundum sæculum mundi huius : quod vocatur nequam. Homines enim qui carnalibus vacant, filij huius sæculi dicuntur. Unde alibi B. Paulus: Nolite conformari huic sæculo . Et de mundo hoc, quæ vox in malam partem frequentissimè accipitur, testi-*

monium hoc protulit Christus, eius opera esse mala. Et Dilectus: Si quis diligit mundum, non est charitas Dei in eo. Insuper quidem homines et hoc loco somniant esse plures mundos, & plura sæcula. Verè duo dicuntur sæcula: Seculum præsens huius vitæ: & sæculum futurum alterius vitæ. Nec sunt alia sæcula, neque plures mundi: nisi fortè dixeris, alium fore mundum post hunc præsentem: quia hic qui est nunc, innotabitur, & erit quodam modo alius. Verum non propriè dicitur de iis, plures mundos esse. Sed ad rem. Malum est ergo ambulare secundum sæculum hoc nequam: quia ambulatur non in spe æternorum, quæ sola est vera spes: sed temporalium, quæ nullam stabilitatem habent: sed fluunt & evanescent.

*Secundum principem potestatis aeris huius . Vnum  
insignem principem nominat Diabolum Satanā  
serpentem: Vocat autem principem potestatis ae-  
ris, vt pote qui omnium malorum angelorū prin-  
ceps est constitutus: quorum omnis potestas cum  
sit ad malum, quasi vna singulari numero signifi-  
catur. Et dicitur potestas aeris: quoniam in hoc aere  
exercent potestatem hanc exules à summo cælo,  
& expectantes residuum damnationis suæ, cum  
omnes in inferna in sempiternum trudentur. Vn-  
de quidam illorum rogabant Dominum, ne præci-  
pitarentur in abyssum. Et quidam: Venisti ante te-  
pus perdere nos . Interim enim dum hunc aerem  
incolunt, ad perficienda suæ malitię opera seruan-  
tur, vt & propter hoc perferant duriores cruciatus  
in infernis.*

Quidam ex nostris volens reuocare commenta  
Platonis, ex his verbis nifus est probare spiritus  
effe animalia habentia corpora aerea , non tamen  
aeris huius . Cui opinioni non modo verba huius  
loci non feruiunt, fed potius aduerfantur: nec argu  
menta quibus ille mouetur. De qua re menciónem  
in nostris Annot. fecimus.

Illud potest meritò dubitationem relinquere: Quomodo princeps adhuc dicatur, qui iam principatu ab eo spoliatus est qui dicit, Nūc princeps mundi huius eiicietur foras: Et: Cum fortis armatus custodit atrium suum, in pace sunt omnia quæ possidet. Si autem fortior illo superueniens vicerit eum, vniuersa eius arma auferet in quibus confidebat, & spolia eius distribuet. Cui dubitationi ita satisfacere conuenit, vt certò credamus per Christum, omnem Diabolo prorsus dominatum sublatum. Sed reperiuntur nonnulli, qui etsi per Christum à dominatu eius sunt liberati, rursus tamen ipsius infidiis succumbentes, & credere veritati recusantes illamque sectari, sub eius repetitæ potestate rediguntur & manent. Vnde Dominus: Cum immundus spiritus exierit ab homine, perambulat per loca inaquosa, quærens requiem: Et non inueniens, dicit: Reuertar in domum meam, vnde exiui. Et cum venerit, inuenit eam scopis munitam: quod perinde est ac si dixerit, considerans cor hominis, cuius ipse pacificam prius possessionem habebat, esse vacuum, quasi vacuum domum quæ non receperit Dominum suum, hoc est, Iesum, Tunc vadit iterum magna confidentia, & assumit secum septem spiritus nequiores se, & ingressi habitant ibi. Et sunt nouissima hominis illius, peiora prioribus, id est, adducit secum, Domino

Roma. 124

1CAN.7.  
1.1CAN.2.

Luc. 8.  
Alam. 8.

1047.12:

Lyc. II.

Quomodo  
diabolus e-  
iectus est fo-  
r. 16.



iustissima sententia permittente, vniuersam malitiam. Sic igitur fit denuo princeps eorum qui diligunt hoc sæculum nequam, nec recipiunt spem æternorū in Christo. Et in eos qui huiusmodi sunt; exercet Satanas potestatem suam; quæ spiritus est. Vnde apposituè sequitur: *Spiritus, qui nunc operatur in filios diffidentia*: Ecce in quos exercet potestatem, id est, illum suum malitiæ spiritum, nimium in filios diffidentia. Sic Hæbraico more loquitur, illos vocans diffidentia filios, qui incredulitatis & diffidentia vitio velut forma quadam, certam generationem & modum essendi nanciscuntur. Sic dicuntur filij sæculi & tenebrarum: & contrario, filij lucis & diei: qui ambo quodam habitu à moribus, vel sæculi & tenebrarum, vel veræ lucis contracto, generantur vel formantur. Illi qui dem ad profundiores tenebras: Isti verò ad illustriorem lucem.

In quibus & nos aliquando conuersati sumus, id est, non vos solum Gentes, sed & nos Iudæi. Voluit his verbis Apostolus docere Gentes, nullam tale Iudæorum extitisse meritum, quo excitatus ad illos venisset Christus, cum essent & ipsi peccatores & serui peccati, ante cognitam Christi nouam legem, & gratiam perceptam, & propterea in delictis ac peccatis versati, sicut & Gentes: Vnde ait, *In desideris carnis nostræ, facientes voluntates carnis & cogitationum*, earum profecto quæ deorsum ponderate carnis & grauitate feruntur. Has scriptura commemorat, quæ ait: Dominus nouit cogitationes hominum, quoniam vanæ sunt. Rogabit aliquis: Ergo ne Iudæi omnes tales erant, vt nullus inter illos inueniretur iustus? Respondeo: Iudæus, id est, homo illius gentis quandiu in suo maneret Iudaismo, talis erat: nec alius quam peccator esse poterat, quousque inueniretur in Christo collocatus, secundum doctrinam Apostoli. Qui autem ad Christum iam peruenerat, in illo insertus nō iam amplius vt natura Iudæus, sed vt spiritualis: non à Iuda filio illo Iacob, sed à vero Iuda Christo Iesu censebatur.

Et eramus natura filij iræ, sicut & ceteri. Reddit rationem efficacem, cur & ipsi in suo Iudaismo in omnes libidines incitarentur & explerent, aiens: *Et eramus, &c.* id est, quia eramus, & pro, quia accipit, vt sepissimè deprehendo: *natura filij iræ sicut & ceteri*, non Iudæi: quia omnes sub antiquo peccato æqualiter tenemur, & egemus gloria Dei. In hoc præcipue erat ira Dei per illud peccatū in omnes: quoniam carebamus spe gloriæ Dei. Non vna est eius ira tantum. Est quædam ira prior, quam nos propter Adæ peccatum incurrimus. Et hac ira exclusi sumus à gratia, & donis, & protectione Dei. Et hoc per naturam nostram, non quatenus sumus à Deo creatore bono in lucem editi. Qua consideratione nulla prorsus Dei creatura mala dicenda est. Nec qua parte sumus per Christum regenerati: nam tales iam non sumus sub ira, sed sub gratia Dei. Itaque dictum est nos natura iræ filios: quia tales nascimur quicunque descendimus à patre nostro Adam præuaricatore. Vnde tanquam filij præuaricatoris quantum ad hoc pertinet censemur, vt veniamus in hunc mundum donis omnibus spoliati, in puris naturalibus relictis, quibus propter carnem magis sumus animales & carna-

les, quam spirituales; non valentes perficere vllum bonum. In quo nos statu fuissetus semper omnes; nisi Deus clemētissimus Pater prouidisset nobis meliora per Vnigenitum suum: quod exprimit Apostolus:

*Deus autem* (inquit) *qui diues est in misericordia, &c.* Diligenter est attendendum, circa vllum discrimen spectare istud ad omnes tam Iudæos quam Gentes. Nam de vtroque populo prædixit in hoc capite, vt annotatum est. Sed cum vellet admonere Gentes; per parenthesin ad eos loquitur, dicens (*Gratis saluati estis*) & loquitur de salute in spe, non in re. Et sermonem prosequens omnibus communem, ait: *Et conresuscitauit, & condesere fecit in cælestibus in Christo Iesu*. Hæc tria suo ordine distincta habes: conuiuificare: conresuscitare: & condesere facere in cælestibus. Primum refertur ad gratiam; quam primò iniuit in Christum: & est conuiuificatio à mortuis. Secundum, conresuscitare, ad illud refertur quod erit in carne post mortem in aduentu Domini. Tertium, condesere, ad ascensionē in cælum, vt ibi semper maneamus. Et hæc pertinere ac si iam facta essent; more scripturæ commemorat; vt quæ omnino scilicet sunt decreta fieri suo tempore: Non desunt ex Interpretibus nonnulli, qui & hæc velint spiritualiter etiam in hoc mundo suam veritatem assequi: quia horum omnium arrham quandam habemus. Hi autem potissimum qui sunt electi, quorū conuersatio iam non terrenis, sed tota in cælis est.

Vt ostenderet in sæculis superuenientibus. Sæcula intellige, quæ post hanc viam in patria regnabunt; quibus plene apparebunt hæc omnia. Potest tamen intelligi de sæculis superuenientibus in hoc mundo post Christi aduentum: nam senectus eius in misericordia vberi. In bonitate, aut potius, benignitate super nos, id est, Iudæos primū, deinde Gentes; in Christo Iesu: in quo neque circumcisio valet, neque præputiū, sed noua creatura. Et ad erudendas in vera humilitate Gentes, sermonem conuertens, ait:

*Gratia enim saluati estis*. De ea salute loquitur quæ est (vt loco non ita remoto dixi) in spe quam & alibi ipsemet declarat: Spe salui facti estis, per fidem, quam Deus imputat ad iustitiam, vt superius ad Romanos declarauimus. Et hoc non ex vobis. Quid est, notis ex vobis? nisi quod saluati sitis per fidem, absque vllō vestrorum operum merito. Neque enim ille fidei actus computatur inter opera vt sit in meritis. vt propterea homo quasi ex merito iustificetur: sed acceptat illam fidem Deus gratiosè ad iustitiam. Dei enim donum est, videlicet quod sitis salui: quia per gratiam & iustitiam, siue charitatem formaliter salui facti estis, quod est donum Dei. Igitur non ex meritis, alioqui non esset gratia siue donum. Multi ex hoc loco colligunt fidem esse donum Dei, qua iustificamur. Quibus etsi non repugnem, an tamen planè hinc proberur, alij considerent. Mihi non aliud colligi videtur quam hoc totum, Quod salui simus, est à gratia, & ita est donum Dei: quam tamen gratiam ex fide accipimus, id est, ex actu fidei. Primum enim requirit à me Deus fidem meam, vt ipse donet donum iustitiæ suæ, & sim iustus verè, id est, iustus in conspectu eius. Non eo inficias, quod ego actum fidei

Psal. 91.

Rom. 8.



elicuerim, venire ab ipso Deo illuminante intellectu, & mouendo, eo modo quem nouit ille, voluntatem meam, ut actus ille fidei elicetur ab intellectu, & sic iustificaret iustitiæ Donum infundens, quo reddimur iusti non sine interno fidei dono ac spei. Non enim infundit Deus charitatem sine fide ac spe in eo, qui fidei donum non habet. Primus igitur actus fidei meæ à Deo gratiosè acceptus ex quo iustificor, meus est: quia ex mea procedit libera voluntate & arbitrio, ut rectè B. Hieronymus in principio huius epistolæ docet: sed non est eius æstimationis homo, qui adhuc gratia caret, ut gratiam mereatur. Est igitur illa mea fides dispositio quædam ad gratiam, sicut alibi abundè est declaratum. Vnde adiecit:

*Non ex operibus*, id est, non ex operum ullo valore, aut merito. *Ne quis gloriatur*. Salutaris additio ad reprimendum tumorem nostrum, ad quem sumus admodum, propensi natura omnes, utpote superbi atque elati. Sed non decebat, præsertim post peccatum, cuiquam relinqui istam gloriationem, ut posset quouis modo mereri instaurationem suam in Christo, cum esset omnino alienatus à Deo. De cuius igitur ut laudaretur Deus de pura misericordia. Sic ab initio Deus creauit hominem, & dedit illi dona ex mera gratia: nec expectauit vlla ipsius hominis opera, quibus ea sibi dona posset merito acquirere. Hoc prorsus non conueniebat, ne in semetipso gloriaretur. Si ante peccatum sapientissimè factum istud est (non enim aliter conueniens erat, ne gloriaretur in semetipso) An non multo magis conueniens redditum est post peccatum, statuere ne ullis meritis eam gratiâ homo peccator recuperaret? Id duabus de causis præcipuè fieri oportuit. Prima, quoniam gratia quæ est donum excedens ordinem naturalium, sua præstanti dignitate non patiebatur, ut humanis quibusuis operum meritis posset comparari. Tum etiam, quia ipsum delictum, sub quo eramus inuoluti, obstabat omnino ne possemus facere opera digna homine, ne dum digna Deo. Itaque longè aberat homo à meriti ratione, ut gloriari posset in semetipso. Vnde doctè prosequitur Apostolus:

*Ipsius enim sumus factura*. Loquitur de his qui erant iam in Christo regenerati, & noua in illo creatura effecti. Et propterea non est intelligibile, posse aliquem semetipsum creare. Quemadmodum enim in statu naturæ nemo creare seipsum potuit, ut qui non existeret existeret: Sic nec in statu gratiæ, nullus iterum potest seipsum creare. Quicunque ergo in Christo sunt noua creatura, oportet esse creatos non à semetipsis, nec per operam ipsorum ullam, sed à Deo qui suscitavit mortuos. Et hoc testatur Dauid in Psalmo: Ipse fecit nos, & non ipsi nos. De hac locutus spiritali generatione manifestè: Alioqui si de prima & naturali generatione hominis loqueretur, quis erat vnquam dubitaturus neminem posse, antequam sit, seipsum condere? Ergo de noua creatura secundum spiritum loquitur: sicut & hoc præsentis loco Apostolus, dum ait:

*Ipsius sumus factura, creati in operibus bonis*. Sunt qui hunc locum, ubi dicitur, *in operibus bonis*, emendare conati, interpretantur ad opera bona. Quod si ferat Græca lectio, non reclamamus. Nam in

hoc conditi sumus in Christo, ut operemur bona. Alij quidam exponunt (& horum iudicium plurimum sum admiratus) in operibus bonis quæ fecimus, aut facturi sumus: cum istud sit contra Apostolicum sensum, qui tam expressè ac lucidè hoc amouens dicit, *Non ex operibus*. Et tamen ista creatio non est sine operibus. Operatus est enim ille qui creauit. Ut intelligamus, *in operibus*, videlicet Christi, cuius meritis nos recreauit Deus, sicut & per ipsum prius nos condidit, & per ipsum grati sumus illi redditi. Christus autem hoc rarissimè egregio summæ dilectionis modo nos creauit, qui dando vitam suam mortalem, vitam gratiæ cui eramus mortui, nobis recuperauit: & abiiciendo gloriam suam, amissam nobis gloriam excellentius restituit.

Hactenus nos talia cum Apostolo vituperamus opera, verè & libenter contentes minime nos per illa instaurari, neque effici nouam in Christo creaturam. At postquam in Christo regenerati sumus, & in illo gratiosi facti, possumus, & necessario operari bona opera debemus, ad meritum & acquisitionem salutis. Id B. Paulus perspicuè docet, qui postquam dixit, creati in operibus bonis, adiunxit: *Quæ præparauit nobis Deus, ut in illis ambulemus*. Cuius sensus est: Opera Christi quæ meruerunt instaurationem nostram, fuerunt à Deo Patre preparata, tanquam exemplaria nobis, ut in illis nos discipuli ambulemus imitando vestigia summi Magistri. Hanc passim doctrinam nobis scripturæ ipsæ commendant. Ecce in primis ipse Dominus: Exemplum dedi vobis, ut quemadmodum ego feci vobis, ita & vos faciatis. Si hæc scitis: beati estis si feceritis ea. Et Princeps Apostolorum: Christus (inquit) passus est pro nobis, vobis relinquens exemplum, ut sequamini vestigia eius. Et Dilectus: Qui dicit se in Christo manere, debet sicut ille ambulauit, & ipse ambulare. Et hæc sunt vestigia fidei quæ imitatus est Abraham obediendo: & hinc venit quies & gaudium, fructus bonorum operum. Vnde B. Ambrosius in expositione superioris cap. aduersus istos nouos steriles fidei prædicatores, & bonorum operum osores, eleganter in hunc modum scribit: Redempti, hæredes designati sunt, si in regeneratione perdurant, ut fides prima, veniâ: sancta verò conuersatio perdurans cum fide, mereatur coronam. Et in hoc ipso loco iterum sic ait: Ideo non est gloriandum in nobis ipsis, sed in Deo: quia nos regenerauit natiuitate cælesti per fidem Christi, ad hoc ut bonis operibus exercitati, quæ Deus nobis iam renatis decreuit, promissa mereamur accipere: hæc ille. Quid his poterat breuius magisque perspicuè contra istos dici: qui nec distinguunt tempora, nec status, nec leges, nec opera, nec iustificationes, ut omnia callidè confundant, sicut & ipsi mente confusi sunt.

Propter quod memores estote, quòd aliquando vos eratis Gentiles in carne, qui dicebamini Præputium ab ea quæ dicitur Circumcisio in carne manu facta: qui eratis illo in tempore sine Christo, alienati à cōuersatione Israel, & hospites testamentorum, promissionis speciem non ha-

Pro meritis operum post adeptam gratiam.

Joan. 13.

1. Petr. 2.

1. Joan. 2.

B. Ambrosius sententia contra hæreticos.



bentes, & sine Deo in hoc mundo. Nunc autem in Christo Iesu vos, qui aliquando eratis lōgē, facti estis propē in sanguine Christi. Ipse enim est pax nostra, qui fecit utraq; vnum: & medium parietem maceriae solvēs, inimicitias in carne sua, legem mandatorum decretis euacuans, ut duos cōdat in semetipso in vnu in novum hominem, faciens pacem, ut recōciliet ambos in vno corpore Deo per crucem, interficiēs inimicitias in semetipso. Et veniens euangelizavit pacem vobis, qui longē fuistis, & pacem iis qui propē: quoniam per ipsum habemus accessum ambo in vno Spiritu ad Patrem. Ergo iam non estis hospites & advenae: sed estis ciues Sanctorum, & domestici Dei, superaedificati super fundamentum Apostolorum & Prophetarum, ipso summo angulari lapide Christo Iesu: in quo omnis aedificatio constructa crescit in templum sanctum in Domino. In quo & vos coedificamini in habitaculum Dei in Spiritu sancto.

*Propter quod, &c.* Sensus est per se clarus, & admonitio utilis. Nam beneficium Dei magnum recognoscitur, cum quis memor cōditionis suae antiquae malae & infelicitis, videt se ad felicem ac beatum statum esse miseratione diuina translatus, ut hinc exciteretur spiritus humilitatis, & gratiarum actionis. Ecce quae volebat eos perpetua tenere memoria, quod aliquando vos (ait) eratis Gentes in carne, id est, carnis concupiscentiis citra ullam spiritus repugnantiam deditae: qui dicebamini praeputium, quo significabatur rebellio & contumacia illa, quam naturaliter ex primo parente contrahimus. Eo nuncupabantur nomine Gentiles in contumeliam ab ipsis Iudaeis.

Quidam exponunt. Qui dicebamini praeputium, ab ea quae dicitur circumcisio, &c. Mihi tamen magis placeat ut dicamus, Dicebamini praeputium ab ea, id est, prae ea, siue in respectu & comparatione illius populi qui dicitur circumcisio, propter circumcisionem in carne manu factam. Sicut alias dicit: Nihil minus feci à magnis Apostolis, id est, comparatus aliis magnis Apostolis, nihil minus operatus sum. Et de Publicano ait Euāgelista, quod descendit in domum suam iustificatus ab illo, hoc est, prae illo. Quo in loco etsi prae Iudaeis vilitate quadam Gentes ostendat inferiores, vocans illas praeputiū propter obtusionem cordis simul & aurium, oblique tamen punit Iudaeos, ne putarent se perfectos, nihilque Gentium comparatione sibi blandirētur: quoniam necdum ipsi erant perfectam circumcisionem adepti, quae est non circumcisio carnalis in carne, sed spiritualis in corde & auribus cordis, quae per Christum veram & viam petram, non autem gladio siue petra materiali, fieri debet. Reuocat in super illis in memoriam, quomodo aliquando sine Christo vixerant, id est, absque salute: quoniam

non est aliud nomen datum sub caelo, in quo nos oporteat saluos fieri. *Act. 4.*

*Alienati à conuersatione Israel*, Correctius, *alieni*, quam, *alienati*, Et melius, *à ciuilitate*, siue, *politia*, quam, *à conuersatione*. Et loquitur de Israel non secundum carnem tantum, sed multò magis secundum spiritum, cuius ciuilitas non est huius mundi, sed caelestis: quoniam ad caelum suspirant in ea positi, & iam hunc mundum non aliud quam viam deserti aestimant. Hoc figurarunt Israelitae qui exierunt de Aegypto, id est, de conuersatione & politia carnali. Vnde & amplius declarans, ait. *Et hospites testamentorum*, id est, extranei & expertes testamentorum Dei: quoniam nec vetus illud Iudaeorum, nec nouum testamentum ad eos pertinebat. Cum autem vtrumque testamentum reuertenderet ad spiritualia bona, quorum est vna promissio: & per vetus testamentum intenderet Deus ducere in nouum, ideo adiecit: *Promissionis*, ut cum superioribus connectatur. Potest & construi cum sequentibus, ut dicas: *Promissionis spem non habentes*. Sed siue cum inferioribus, siue cum superioribus annectas, non variatur sensus. Spes propriè iuxta Theologum, eternorum est, & sic apud B. Paulum *Rom. 8.* declaratur.

*Et sine Deo in hoc mundo*. Sed quomodo erant sine Deo, cum ipso Apostolo teste, non Iudaeorum tantum esset Deus, sed & Gentium? Respondemus. Sine Deo ob eam causam fuisse dicuntur: quoniam Deus nullum cum illis pacto aut testamento habebat commercium, nec colloquium vllum. Vnde erant in pura naturae conditione relictī, habentes tantum hunc creaturarum librum ad cognoscendum Deum, si quo modo ex eo valerent coniectare, & attrectare, & inuenire illum, ut ipsemet Apostolus Athenienses docuit. Non enim deerat Deus etiam vnicuique illarum. Quin etiam B. Dionysius testatur (ut saepius adduximus) Deum ministeriis Angelorum vsum fuisse pro illarum, & vniuscuiusque salute. Nam scriptura sancta memorat de quodam Archangelo Persis praefecto, quorum salutem procurabat.

*Nunc autem in Christo Iesu, vos qui eratis longē facti estis propē*. Ecce gratia Dei magna & misericordia erga Gentes, digna omni gratiarum actione, quae cum lōgē essent à salute sua, factae sunt propē: quia Christus illis per gratiam appropinquauit. Interim autem semotus est Israel secundum carnem, qui in propria innitebatur iustitia quae est ex lege absque fide, per quam fidem (ut opus est inculcare) venit gratia & potentia operandi recta & placita, & ideo meritoria coram Deo. Loquitur ergo de appropinquatione Dei per gratiam. Alioqui potentia & virtute adest semper omnibus Deus, in quo inest in omnibus. Et ad augendum amplificandumque tam inestimabile beneficium, subiunxit: *In sanguine Christi*, id est, per sanguinem Christi facti estis propē. Ipse enim est pax nostra, id est, author & causa nostrae pacis, quam habemus & cum Deo, & inter nos. Sic est iustificatio nostra, & redemptio nostra, & glorificatio perfecta.

*Qui fecit utraque vnum*, id est, duos dissidentes populos fecit vnum in Domino. Et modū vide quomodo haec fecit. *Et medium parietem maceriae soluens inimicitias in carne sua*. Et, pro, quia. Declarat enim quo pa-



Deo fecit vnum: quia medium parietem, qui erat sepes quædã, seu maceria interposita inter hos duos populos quò minus inter se conuenirent, tulit de medio. Hic autem paries erat lex decretorum, quæ particulariter data erat Iudæis, in quibus decretis maximè discrepabant à Gentibus. Et primùm quidem quantum ad Dei cultum pertinebat, vetabat lex: Nò facies tibi sculptile, eo sine vt illos à Gentibus separaret, sibi innumera simulachra fabricantibus, & rem eis facere sacram honorétque exhibere diuinis gestientibus. Adhæc: Lex ordinabat ad sacrificium plura animalium genera, quæ à Gentibus magna religione colebantur, & ingens piaculum erat illa sacrificare. Contra autem, alia sacrificabant Gentes, quæ erant apud populum Dei abominatio. Vnde Moses: Abominationes Ægyptiorum immolabimus Deo nostro: Erat & magna differentia in aliis rebus sacris & obseruantis, ac pro modum in cunctis religionis decretis, in sanguine, & suffocato quæ vt recensere longum nimis esset, ita & minus hoc in loco necessarium.

Exod. 8.

Factum est igitur vt hac lege mandatorum siue decretorum euacuata per mortem Christi, Iudæi & Gentes facilius in vnum possent cōuenire. Hoc verò effici per ipsum Christum necesse omnino fuit: in quo posuit Deus reatum iniquitatum omnium in carne illius innocentissima luendum. Vnde destruxit in semetipso legem Moyses, scilicet illam mādatorum, siue decretorum inutilem. Quia vna sola lege penè hoc fiebat, vt distingueretur ille populus ab illo Gentili in caeremoniis, quæ alia consideratione nullam in seipsis habebant utilitatem, nisi quatenus iam dictum est, & in significatione aliqua, & ad cohibendum populū illum quibusdam vinculis ad tempus tãquam lubricum puerum ascriptum, cum esset ad lasciuiam & idololatriam admodū pronus. Postquam idololatriæ scelus admiserunt, mādatum fuit illis de caeremoniis per Moysen: legem autem Decalogi ore Dei antea, cuius voces tantum populus audiebat. Quamobrem Dominus per Ieremiã conqueritur: Non sum locutus cum patribus vestris: & non præcepi eis in die, qua eduxi eos de terra Ægypti de verbo holocaustum & victimarum, sed hoc verbum præcepi eis: Audite vocem meam, &c.

Jerem. 7.

Deus ergo volens cum omnibus per Christum pacem facere, qui fuso sanguine pro omni populo & gente satisfecit, & consequenter reconciliatus Patri suo Gêtes omnes reddidit, tulit illam Moyses legem. Legem dico decretorum, non legem absolutè. Tulit, inquam, illam de medio, quæ erat causa odij inter illos & Gentes (vt diximus) quoniam varietas religionis magna, aut potius summa est dissensionum causa. Gentes autem cum essent idololatræ, secundum legem erant velut quædam abominatio Domino. At Iudæi erant Deo chari: circo lex illa erat quasi inimicitia inter Deum & Gentes: & inter populum & populum, quæ tandem pace facta cum Gentibus soluta est. pro quibus satisfecit Christus, quo eas à vinculis Dæmonum, quibus tenebantur, liberaret: & sic penitus à cultu falsorum Deorum cessarent, nulla eis facientes vltius ad cultum reddendum simulachra, sed Christo Deo vero. Non enim facere simulachra est malum, sed adorare illa vt quid diuinum, vel

repræsentare per illa falsos Deos: istud omnino est malum & veritum. Sic ergo Gentes in Christo existentes, per illum debuerunt abiicere omnem falsum cultum: & vbi hoc præstauerunt, gratæ Deo redditæ sunt. Sic & ipsi Iudæi debuerunt se agnoscere liberatos ab illa lege decretorum, quæ erat potissimum condita à Deo, vt per illam à Gentibus distinguerentur, sicut ex parte dictum est. Plenius autem in illa quæ ad Romanos. Sed hæc Iudæi quidam crassi, & nimium suæ carni amantes, capere detrectabant, veriti ne quid per eam doctrinam detrimenti gloriatio legis acciperet. Consideret lector, quæ subsequuntur, & erunt per se satis clara omnia.

*Legem mandatorum in decretis euacuans*, id est, illam legem quæ cōsistebat non in præceptis, quæ natura docet, sed in quibusdam alienis decretis, nepe illis: Ne terigeris: Ne gustaueris. Quæ propriè decreta appellantur: quia ex deliberatione aliquo casu emergente facta, aut quauis ratione interponuntur, non quasi ex seipsis simpliciter pertineant ad aliquod honestū, aut turpe. Et istud est valdè considerandum pro veriore scripturarum intellectu. His autè euacuat is non dicitur lex euacuari, cuius principalis substantia ac neruus manet, præceptum. sc. dilectionis Dei & proximi, & cetera omnia quæ ad hoc præceptum implendum tendunt.

Quæ dicuntur decreta. Col. 2.

*Vt duos condar*, id est, denuo creet. *In semetipso*. Iudaicus populus etiam indigebat iterum creari in Christo, cum esset totus in peccatis. *In vnum nouū hominem*. Quicumque renascuntur in Christo propter vnum corpus & vnum spiritum (quia de vno pane & calice participant) vnus quodam modo sunt, & nouus homo creatus in iustitia & sanctitate veritatis, vt sit iustus & sanctus ad similitudinē Creatoris Iesu Christi Domini nostri. *Faciens pacem*, inter reconciliatos. Vni semel in Christo nullam habet amplius discordiæ aut dissensionis causam. *Vt reconciliet ambos in vno corpore*, nimirū Christi corpore exaltato, ad quod omnia attraxit. & se cum conuinxit, vt essemus vnum & vnus in illo. De semetipso dixit: Cum exaltatus fuero à terra, omnia traham ad meipsum. Et sic omnes reconciliauit Deo Patri per crucem, in qua fuit illa exaltatio, qua traxit ad seipsum omnia. *Interficiens inimicitias*. Iam hoc expositum est.

Ioh. 13.

*Et veniens*, scilicet in Spiritu suo sancto per Apostolos, *euangelizauit pacem vobis qui longè fuistis*: quoniam in præputio eratis immūdi, & fluxum carnis assidue perpeti coacti. Mitto vestram summam à Deo auersionem, qui Dæmonibus vestris crudelissimis hostibus seruiebatis, & non Deo viuenti, & omnium parenti. Scriptum est: Longè à peccatoribus salus, id est, Iesus, qui interpretatur salus. *Et pacem iis qui propè*, id est, Iudæis, qui erant secundum legem propè. Nec hîc legis transgressiones commemoro, ob quas & vos longè elongati estis, sed expendo tantū beneficia Dei maxima erga vtrumque populum. *Quoniam per ipsum*, nimirum Iesum, *habemus accessum ambo*, Iudæus & Gentilis, *in vno spiritu*, siue ad Patrem. Qui est principiū omnium, & diuinarum personarum, & omnium creaturarum. Quocirca & ad illum omnia tandem reflectuntur, vt in illo consistere valeant, quæ in se non possent. Ergo iam non estis hospites & adueniæ, &c. Conclu-

Psal. 118.



dit, tales per notum gratiæ statum euasisse, ut desierint esse prorsus hospites & extranei à domo Dei, quæ est ecclesia militans. Licet simus omnes peregrini respectu patriæ cælestis: sumus tamen ciues sanctorum & domestici Dei secundum promissionem & spem. Porro aduerte quid addat: *superedificati super fundamentum Apostolorum & Prophetarum, &c.* ut intelligamus primum fundamentum esse Christum, in quo primi Apostoli sunt ædificati, & prophetae electi à Deo. Fundamentum igitur sit ipse Christus, & ipsi sint ædificatio superposita. Deinde ipsi Apostoli & Prophetæ censeantur tanquam aliud fundamentum, in quo reliqua constructio innititur. Quo fit ut minime mirum sit, circa fundamenta fuisse maiorem Deo curam: Et propterea maior fuit & fauorabilior electio. *Ipsa summo angulari lapide Christo Iesu.* Vocat lapidem angularem Christum Iesum: quoniam sicut angulus pars illa est in quam duæ lineæ incidunt, ut Mathematici docent: Ita Christus, in quem duo populi conuenerunt. *In quo omnis ædificatio constructa crescit in templum sanctum in Domino.* In quo scilicet Christo: Cum per illum & in illo constructa sint omnia, ita & per illum crescant, & in illo, ut fiant templum sanctum. Et quod ait, *in Domino*, ne quid redundans ponatur, credo de Spiritu sancto intelligendum: quod confestim declarat addens: *In quo & vos coedificamini in habitaculum Dei in spiritu sancto*, tanquam lapides viui, & ad hoc templum, quod inhabitare dignatur Deus, pertinentes. In Græcis desideratur, *sancto*, Nihil inde præiudicij. Siue enim exprimitur, seu supprimatur, nihil officit. Nā teste B. Hieronymo, cū absolute dicitur, Spiritus, in scripturis de Spiritu sancto semper intelligitur.

## CAP. III.

**I**N IVS rei gratia ego Paulus victus Christi Iesu, pro vobis Gentibus, si tamen audistis dispensationem gratiæ Dei quæ data est mihi in vobis: quoniam secundum reuelationem notum mihi factum est sacramentum, sicut supra scripsi in breui, prout potestis legentes intelligere prudentiam meam in mysterio Christi, quod aliis generationibus nō est agnitus filiis hominum, sicuti nunc reuelatum est sanctis Apostolis eius & Prophetis in Spiritu, Gentes esse coheredes, & concorporales, & participes promissionis in Christo Iesu per Euangelium, cuius factus sum ego minister secundum donum gratiæ Dei, quæ data est mihi secundum operationem virtutis eius. Mihi enim omnium Sanctorum minimo data est gratia hæc, in Gentibus euangelizare inuestigabiles diuitias Christi, & illuminare omnes quæ sit dispensatio sacramenti absconditi à sæculis in Deo qui omnia creauit, ut innotescat principibus & potestatibus in cælestibus per Ecclesiam,

multiformis sapientia Dei, secundum præfinitionem sæculorum, quam fecit in Christo Iesu Domino nostro. In quo habemus fiduciam & accessum in confidentia per fidem eius. Propter quod peto ne desiciatis in tribulationibus meis pro vobis, quæ est gloria vestra.

**I**N hoc capite indicat Apostolus suam curam & sollicitudinem, & ardens desiderium erga salutem eorum ac perfectionem: ait, *Huius rei gratia*: quoniam & vos superedificandi estis in nobis, qui longè eratis. Nam & ad vos ex mandato Domini pertingimus, qui iussit: Vade, quoniā in nationes longè mittam te. Huius, inquam, rei gratia, scilicet quia prædicaui Gentibus hanc salutem, & pro vobis labores varios subiij, & pericula multa. *Ego Paulus victus Christi Iesu.* Supplendum mihi videtur verbum substantiuum, *sum*, quod frequentissime in Hebraico idiomate, & sæpe in Græco omittitur: licet B. Hieronymus aliter reconcinnet, imperitiā sermonis Apostolo attribuens. Vocat autē se victum Iesu Christi, ut quem non alligassent homines, sed Iesus Christus, id est, amor in Iesum feruētissimus. Est autem, *Vinctus*, non participium, sed nomen, ut patet in Græco vocabulo, *δεδεμένος*. Quo nomine, tanquam sit sibi proprium, utitur, ut amplius quid significet, quasi factum sibi connaturale esse vinctum. *Pro vobis Gentibus.* Hoc fuit querela Iudæorum in illum acerba, quod prædicaret nomen Christi in Gentes. Ob istam causam vinctus fuit in Ierusalē, & inde Romam deductus. Huius rei memoria maximam sibi benevolentiam merito apud illos conciliare debuit.

*Si tamen audistis.* Ac si dixerit, Notam narro historiam: & quæ de me sæpius ac passim vulgata sunt. *Si tamen audistis dispensationem gratiæ Dei.* i. ministratio nem euangelij, in quo Dei gratia continetur: *Quæ data est mihi in vobis*, qui Gentes estis. *Quoniā secundum reuelationem.* i. non per aliorum prædicationem: sed per immediatam reuelationē à Deo. *Notum mihi factum est sacramentum*, hoc est, mysterium incarnationis Christi. *Sicut supra scripsi in breui*, paucis verbis. Et hinc manifestè habes B. Paulū inter eos electos numerari, quibus Deus abundantiorē gratiam impartitus est ad aliorum instructionem. Vnde ore Christi vas electionis est dictus. *Prout potestis legentes intelligere prudentiam meam.* Siue, intellectum meum, in mysterio Christi. Ac si dixerit. Ex his omnibus quæ scripsi, optime potestis certiores fieri, me esse instructum de mysterio Dei, & ordine providentiæ suæ in electione ac prædestinatione suorum, & quomodo non deseruerit mundum Deus, sed sapiēter cuncta & suauiter ordinauerit ad procurandā omnium hominū, qui illam non respuerint, salutem.

*Quod (videlicet mysterium) aliis sæculis non fuit notum, filiis hominum.* Non dicit simpliciter non fuisse notum: sed tantum filiis hominum negat fuisse notum. Appellatione autem filiorum hominū veniūt in scripturis turbæ, & Gentes, siue vulgus promiscuum hominum eorum qui in peccatis ambulant, quales erant omnes Gentes. Sed mox post Domini mortem verum incæpit fieri quod vaticinatus est David: Filij hominum in tegmine alarum

Act. 22.

Pro excellētia Apostoli Pauli.

psal. 37.



Ioan. 8.

Gen. 49.

Ioan. 3.

suarum sperabunt, inebriabuntur ab vbertate domus tuæ. Fuit igitur antè Patriarchis & Prophetis notum: non autem filiis hominum. Nam de Abraham testatur Dominus apud B. Ioannem: Abraham, inquit, exultauit vt videret diem meum: vidit & gauisus est. Ad istud mysterium pertinebat morietis Iacob Patriarchæ prophetia: Non auferetur sceptrum de Iuda, & dux de fœmore eius, donec veniat qui mittendus est, & ipse erit expectatio Gentium. Rarissimis verò insinuatū fuit: quoniam non dum capax erat mundus ad recipiendas tam pretiosas margaritas, & ante immundos homines conculcandas proiici non oportuit. Quin & maiores inter Iudæos, & miraculorum magnitudine excitati non poterāt capere. Huius rei clarissimum habemus in Nicodemo testimonium, qui ipsius hominis per baptismum mirabatur renouationē posse fieri. Et Dominus ad eum: Si terrena dixi vobis, & non creditis, quomodo si dixerō vobis spiritua-

la, credetis? *Sicut nunc reuelatum est sanctis Apostolis eius, & Prophetis.* Dici poterat, antea etiam fuisse reuelatum filiis hominum, saltem Iudæis. Adicitur hæc conditio, eo tempore non fuisse reuelatum, sicut nunc Sanctis eius & Prophetis: quia non fuit ita explicite reuelatum & particulariter, constitutas Gentes cohæredes in testamento Christi, sicut & Iudæos, id est, institutos esse omnes à Domino in testamento suo, in carne & sanguine Filij sui conscripto, & propterea concorporales, id est, facti sunt omnes vnum corpus in Christo: & ita *complices promissionis eius in Christo Iesu per Euangelium*, vt qui interim partem suam habeant ex Spiritu sancto arrham quandam fœlicitatis æternæ, quæ erit tandem plena hæreditatis possessio.

*Cuius factus sum ego minister.* Cuius, euangelij scilicet, vel Christi. *Secundum donum gratiæ Dei.* Articuli Græci his vocabulis affixi vim habent quandam maiorem, ac si dixerit: secundum illud donum illius gratiæ Dei. *Quæ data est mihi.* Vt notetur insignis gratia huic tanto Apostolo ad fidem Christi efficacissime prædicandam tributa, quam apertius adhuc explicat aiens: *Secundum operationem.* Græcè *ἐνέργειαν*, quæ vox significat operationem efficacem, vt illa magna electio significaretur, *Virtutis eius*, seu potentiae eius. Et quasi vehementer hanc rem totam admiratus, emphasim addidit ingeminans dictum.

*Mihi enim.* Græcè non legitur, *enim*, & melius: vt vim sermo habeat quasi admirationis & stuporis. *Mihi* (inquit) *omnium sanctorum minimo data est gratia hæc.* Nunquid, quæso, re vera putabat Apostolus se omnium sanctorum esse minimum (præsertim si ea voce intelligas omnes sanctificatos) cum se sciret Electum, imò voce Domini vas electionis appellatum? Respōdemus, B. Paulum hoc ipsum de se in corde suo tenuisse, quod erat minimus omnium, non iudicans de Dei gratia in se, sed de suis meritis respectu adeptæ gratiæ: vt magis eā consideraret partem qua erat dignus, videlicet vt esset omnium minimus, cum esset persecutus ecclesiam Dei, quàm quod per superabundantem electionis gratiam acceperat, ob quam non poterat merito gloriari. Sic mihi intelligendum videtur. Nam quilibet existimationem de seipso non à

gratia, sed à meritis suis debet accipere. Ad quæ se ipsum attentè referens peccator quilibet, cui peccerit Deus, statuet se semper ceteris inferioriorem: quoniam de aliis nescit, nec illorum iudicare demerita, at de seipso potest. Sancta igitur ac prudens, synceræque erat existimatio ista Apostoli de se hoc modo intellecta. Et explicans hoc donum gratiæ suæ, ait:

*In Gentibus euangelizare inuestigabiles diuitias Christi.* Magnum omnino donum legatione tanta fungi pro Christo; præsertim tot ac tantis adiectis signis & donis, quæ tanto ministerio erant opportuna & necessaria: Per Christi diuitias intelligit bona cœlestia, quæ summa sunt, & nunquam peritura. Dicit autem, *inuestigabiles*, quia nullus hominum poterat cogitatione suâ eas inquirere ac deprehendere, sicut alibi scriptum est: A sæculo non audierunt, neque auribus perceperunt: oculus non vidit, Deus, absque te, quæ præparasti diligentibus te. *Isa. 64.*

*Et illuminare omnes.* Non contentus dixisse, euangelizare, quod significare poterat simplicem annunciationem, adiecit, *Et illuminare omnes*, quoniam per gratiam habebat doctrinam efficacem cum lumine, ad illuminandum omnes, etiam ipsas Gentes quæ nunquam audierant.

*Quæ sit dispensatio sacramenti*, id est, quod tēdat, quid sibi velit hæc generalis dispensatio mysterij Christi, & prudens prædicatio, qua dispensatur doctrina cœlestis quasi panis familiæ Dei. Deus enim certo & opportuno illo tempore, & cum ordine ac delectu voluit manifestare diuitias bonitatis suæ omnibus Gentibus. Manifestauit autem in humanitate Christi, in qua apparuit (vt Græcè exprimam efficacius) ipsius Dei, *ὁ ἀποκρυφθεὶς*.

*Abcondisti à sæculis in Deo.* Repetit absconditionem huius mysterij, quæ fuit à sæculis præcedentibus: sicut dicitur, *Abcondisti hæc à sapientibus.* Et sæculi nomine intellexit generationes sæculorum, quæ non fuerunt dignæ hæc intelligere. Licet possint intelligi per sæcula, priora tempora certis periodis distincta: magis tamen placet prior intelligentia data. Abscondita autem fuerunt hæc in Deo, quia Deus ista sibi seruauit. *Luc. 10.*

*Qui omnia creauit.* Græcè additur, *Per Iesum Christum*, Videtur mihi hoc adiectum, pertinere ad probationem siue per suasionem dicti, videlicet illud fuisse Dei propositum, vt voluerit totum mūdum tandem aliquando bonitatis suæ per Iesum Christum participem facere: vt per quem omnia creauerat, per eundem congruentissima ratione recrearet. Non enim vlla alia creatura ad tantum opus erat digna. *Vt innotescat nunc principatibus & potestatibus in cœlestibus per Ecclesiā.* B. Ambrosius per principatus & potestates, intelligit homines huius mūdi, qui aliis præfecti erant, & in multis versabantur erroribus. Sed obstat huic sententiæ (ni fallor) quod additur, *in cœlestibus*, quidam alij de Dæmonibus intelligunt. Mihi rectius videtur, si etiam de cœlestibus Angelis dicatur, quibus Apostoli facti erant spectaculum, vt ipse B. Paulus alibi dicit. *1. Cor. 2.*

Dices: Ergo hoc mysterium ignorarunt Angeli? Hoc autem qui fieri potuit, cum vel prophetæ innumeris scripturarum locis hoc prædixerint, & de vocatione Gentium expressam mentionem

Quomodo  
Apostolus  
se minimū  
sanctorum  
dicat.

Quomodo  
Angeli no-  
uerint in-  
carnationis  
mysteriū.



fecerint? At propheta ipsi à quibus (rogo) nisi ab Angelis acceperunt? Dicendum est igitur, loquutum hinc Apostolum de notitia intuitiva, & ea quæ experimentalem vocant. Multum enim interest, reuelatione accepisse futura: & oculis propriis ea spectare dum geruntur. Ostendi potest familiari exemplo eorum qui comœdias prius quàm recitetur, legerunt domi, ad quas tamen cum aguntur in scena, se conferunt audiendas, ut pronûciationem percipiant, gestusque ipsos spectent: quoniam aliter vident cum geruntur, & maioribus permouentur atque afficiuntur affectibus. Atque ideo aiebat Dominus discipulis: Multi reges & principes voluerunt videre quæ vos videtis, & audire quæ vos auditis, & non audierunt. Multa relucet in ipsa actione, quæ non explicatur puro sermone: Reuelationes quidem pertinebant ad summam rerum: sed pleraque circumstant particularia, quæ tunc propemodum sine numero esse, dum res ipsæ aguntur, perspiciuntur. Antea autem (neque enim id cõueniebat) clarius autem fuerant manifestata.

Verum itaque hac ratione fuit Apostoli dictum, ut innotuerit etiam Angelis per ecclesiam, *multiformis* (leu multiuaria, ut ita dicam) *sapientia Dei*. Et re vera multiformis fuit illa sapientia, quæ tãdem fecit apparere sapientiam in stultitia. Postquam enim mundus per sapientiam Dei non cognouit Deum: placuit variare modum seipsum insinuandi, qui fuit per stultitiam, hoc est, per illud quod stultum omnibus hominibus videri potest, eum qui natura erat innocentissimus & ditissimus, in gratiam peccatorum hominum, & omnibus verè bonis destitutorum, tradere se opprobriis & exinanire, mortemque ipsam subire & illam acerbissimam. Quis ita vnquam iuxta sapientiam hominũ desipiat, id ut committere velit? Mirabile hoc sanè ut stultissimum Dei fieret nobis omni sapietia hominum sapientius. Ad hanc tamen stultitiam non se adegerat prima cogitatione Deus. Non enim sapienter factum istud fuisset: sed postquàm nos euauimus in sapientia eius, hoc est, in his quæ sapientissime ordinauit, coegimus eum ut sapienter stultus fieret, ex qua stultitia maximam ipse sibi comparauit gloriam. Ab initio disposuit Deus mundum & cuncta sapientissime. Mundus autem non profecit in illa Dei sapietia, sed periclitatus est, & propter superbiam suam perditus, non intelligens honorem eximium, quo ornatus fuerat per summam illam Dei Patris sapientiam.

Destructo itaque per peccatum mundo, ut reparetur per iustitiam, cogitauit Deus cogitationes pacis & non afflictionis: & voluit stultus fieri adigens semetipsum ad formam serui, & (tanquam rapinam) fugiens ostentare se æqualem Deo. Abdidit enim sub ea serui forma quodam modo diuinitatem suam. At hoc profectò citra controuersiam stultum fuisset, sicut & prima facie apparet, nisi finis optimus propositus, & fructus adeo magnus insequutus & illi & nobis fuisset. Hac humilitate mundum ipse iacentem erexit: omnia quæ in cœlis sunt instaurauit: & seipsum reddidit gloriosorem. Effecit insuper ut sua hac stultitia & infirmitate ad veram nos verè insipientes & stulti proficeremus sapientiam & virtutem.

In hac stultitia est varia & admirabilis multis

rationibus sapientia Dei, qui per infirmitatem sanitates operatus est: & per lutum humanitatis suæ, quo vixit oculos cœci nati, lumen nobis oculorũ restituit. Quid his varium magis & admirandum? Sed relinquo ista iis cogitanda, qui mentes habent purius cœlesti lumine illustratas, quibus perspicitur quàm in hoc mysterio innumerabilia sint mirabilia, omni gratiarum actione digna.

*Secundum præfinitionem sæculorum, quã fecit in Christo Iesu Domino nostro.* Quod nos legimus, *secundum præfinitionem*, Græca vox idem quod, *secundum propositum*, seu propositionem significat. Et egregiè & verè sensum attingit interpretes. Nam Dominus Deus ita præfixerat certa tempora, ut fluere veller aliquot sæcula ad manifestationem diuinorum arcanorum disponetia. *Quã fecit*, Rectius & commodius hoc relatiuum refert præfinitionem, quàm ecclesiam, aut sapientiam: tamen & ad illa quoque referri valeat, at longè minus ad ecclesiam. Sensus est ergo: Eam sapietiam variam fecit Deus in Christo Iesu Domino nostro: & verum est. Aprior tamen videtur sensus, Iam sæculorum præfinitionem fuisse à Deo in Christo Iesu hoc modo factam. Fuit in mundo secundum veritatem existentiam varius ætate, ut proficeret sapientia & gratia: Prius in utero latuit, postmodo inde exiuit, circumciditur, euadit in puerum, & latere post voluit, & manere in Aegypto. Tum subditur parentibus: parumper cepit se ostendere cum duodecim esset annorum in templo, daturus aliquod specimen sapientiæ suæ diuinæ apud doctores. Ex quo tempore in silentio versatus legitur: donec tandem procedit ad maturationem ætatem, & tum baptizatur in Iordane, & mittit manum ad fortia.

Ad eum tenorẽ sæcula ipsa decreta sunt, ut quædam ex illis tanquam in vtero abditum continerent Christum: quædam haberent aliquid notitiæ eius quasi ex vtero progredientis. An nõ puer fuit Hebræis sub lege: Nonne in prophetis cepit aliquantulum maiusculus apparere, & sui præbere lumen, atque expectationem semper propinquiorem? Tandem vidimus eum baptizatum baptismo crucis, de quo ipse ait: Baptismo habeo baptizari, & quomodo coarctor donec perficiatur? Et hoc est tempus præfinitum in Iesu, in quo debuit ostendi mundo vexillum Dei explicatum, & conscissum sacculum, in quo nostræ redemptionis includebatur pretium: & circumdaremur omnes latitiam tam Iudæi, quàm Græci. Ipse enim extra ciuitatem crucifixus est, ut se pro omni salute, & non Iudæorum tantum, pendere ostenderet bonus & salutaris serpens deserti, ut quicumque fide in illum intuerentur, à moribus sanaretur venenosorum serpentum.

*In quo habemus fiduciam.* Græca vox significat libertatem quandam loquendi, quæ ob certam rei ipsius notitiam & facultatem adest homini, ut alibi idem sibi quod & Propheta tribuerit: Credidi, propter quod loquutus sum. Vbi notandum, non esse bonum prædicatorem, nisi illum qui certò & verè possidet quæ loquitur, ut possit persuadere, & contradicentes refellere. *Et accessum in confidentiam.* De accessu quem ipse habebat ad Gentes per Iesum Christum existimo eum loqui, & hæc omnia à fide. Vnde ait: *Per fidem eius*: quoniam ipse credit dicenti: Vade, ego mittam te lógè in nationes.

*Pro sapientia Dei in ætatibus Christi.*

*Luc. 12.*

*Isa. 11.*

*Act. 22.*



Non poterat enim frustra esse Dei verbum, quantum ad accessum ad eos. Sed quia non omnes erant ita electi, ut non paterent casibus ad ruinam tendentibus, hoc metuens Apostolus more suo ad exhortationes recurrit, subdens:

Luc. 22.

*Propter quod peto ne deficiatis in tribulationibus meis pro vobis.* Tentari enim poterant, ut verissimile est, ab eo qui tentat circa B. Paulum tantis erumnis & periculis, & opprobriis assidue circumdatum, ut scriptum fuit de capite: Percutiam pastorem, & dispergentur oves gregis. Sed ratio aliter docet, id est, ne in huiusmodi deficiamus, ut pote in quibus enitet veritatis gloria, cum fides nostra per patientiam & fortitudinem nostram probatur, & splendidior redatur. *Quæ est gloria vestra*, si non deficiatis. Dū ego pro vobis patior ad brobandam illustrandamque veritatem fidei, est gloria vestra. Græca tamen lectio patitur ut pro seipso peteret, ne in illis angustiis deficeret: quem sensum notare voluit B. Hieronymus, & ad illum interpretatur. Vtrumque autem non dubito verum fuisse. Nam ad Corinth. testatur, se eo usque fuisse angustiis pressum, ut iam raderet illum amplius vivere.

Huius rei gratia flecto genua mea ad Patrem Domini nostri Iesu Christi, ex quo omnis paternitas in cœlis & in terra nominatur, ut det vobis secundum diuitias gloriæ suæ virtutem corroborari per Spiritum eius in interiori homine, Christum habitare per fidem in cordibus vestris: in charitate radicati & fundati, ut possitis comprehendere cum omnibus Sanctis, quæ sit latitudo, & longitudo, & sublimitas, & profundum: scire etiam supereminentem scientiæ charitatem Christi, ut adimpleamini in omnem plenitudinē Dei. Ei autem qui potens est omnia facere superabundanter quàm perimus aut intelligimus, secundum virtutem quæ operatur in nobis, ipsi gloria in Ecclesia, & in Christo Iesu, in omnes generationes sæculi sæculorum. Amen.

Luc. 22.

Act. 7.

Varius est mos orandi in Ecclesia, & à fidelibus secundum decentem compositionem corporis observandus. Qui enim orat, constituit se quodam modo ante faciem Dei. Quare debet & animo & corpore decenter compositus apparere, ut qui consistat ante conspectum summi omnium Principis, & optet gratiose audiri: quia in re vulgò turpissime peccatur. Quoties enim videre liceat, qui non exterius indecentibus corporis gestibus, animum in dicent ubiuis potius esse, quàm coram Deo? Christus legitur flexisse genua & cecidisse in facie suā. B. Stephanus similiter genua posuit, dum oravit pro aliis. Qui modus orandi ostendit humilitatē, & humiliationem magnam ad Patrem: & quod non confidit homo in meritis propriis. Nam genibus stamus, & per ea fortitudinem nostram asserimus, qui pugnando stare consuevimus: quæ dū curuamus & flectimus cōfitemur imbecillitatem nostram & recognoscimus. Flectere autem genua

præcipuè tum observandum est, cum oratur pro aliis, & sunt deprecationes pro peccatis, aut pro magnis rebus & arduis. Et verè ille flectit genua coram Deo, qui hoc primo secundum spiritum facit, infirmas (ut more B. Pauli loquar) semetipsum, & subiiciens se Deo sponte ac deuotè, non coactè. Nam hoc inferni Dæmones faciunt, qui genua curuant coram Domino cum tremore & horrore. *Ad patrem Domini nostri Iesu Christi.* Primam illam personam sanctæ Trinitatis proculdubio intelligit: licet B. Hieronymus admoneat hæc verba: *Domini nostri Iesu Christi*, adiecta esse in latinis, quæ tamen etiam nunc & in Græcis leguntur. Est igitur prima illa persona; *Domini nostri Iesu Christi* unico & singulari modo Pater.

*Ex quo omnis paternitas.* Græcè, familia, id est, congregatio quæ caput habeat, ut particularia omnia capita ab vno & sub vno sint summo omnium Patri. Intellexit ergo familiæ nomine B. Paulus, sodalitates & congregationes, & particulares, ecclesias, de quibus scriptum est: Et adorabunt in conspectu eius omnes familiæ Gèntium. Et: Afferte Domino patriæ Gentium, afferte Domino filios arietum, id est, Apostolorum. *In cœlis & in terra nominatur.* Dicit, nominatur, pro, est, quoniam quod est, nominatur. Et existimo illam voluisse hoc loquendi genere notare distinctionem familiarum, quæ fit per aliquas differentias suis nominibus distinctas. Et tales sunt in cœlo, & futuræ sunt. Vnde alij sub aliis suberunt, & Archàngeli, & Principatus, & Potestates, & cætera nomina quæ innuunt esse familias etiam in cœlis. Ista sunt figurata in lib. Num. ubi describuntur familiæ cum signis & vexilis suis in quibus haud dubium est, quin ea significatione, variorum ducum qui sunt in ecclesia, & in cœlestibus, nomina & ordines varij intelligantur.

Ecce autem orationis apostolicæ summa, ut det vobis secundum diuitias gloriæ suæ virtutem, id est, potentiam illam abundantiorē, iuxta diuitias gloriæ suæ, id est, secundum illam multam potestatem quam accepit Christus, qui est gloria Patris, corroborari, ut corroboremur per spiritum eius, qui est spiritus charitatis fortissimus. B. Ambr. legit, confirmari, qui enim corroboratur, etiam confirmatur. *In interiori homine.* Est homo interior, qui vita vivit longè superiore quàm sit vita sensuum. Exterior autem homo est ipsum animal, quod est in homine, quod sensu vivit, & quæ supra sensum sunt non curat: *habitare Christum per fidem in cordibus vestris*, ac si dixerit, Hoc votis omnibus opto & oro, ut corroboremur in interiori homine: quod fit per inhabitationem Christi per fidem viam. Habitat enim in nobis Christus per fidem, cum in eum syncerè credimus. Non autem illam fidem intelligit quæ esse Dæmonum potest: sed quæ habet secum charitatem. Hæc fides est quæ firmat & roborat: unde ait:

*In charitate radicati & fundati.* Hæc est illa eximia virtus quæ vnit nos cum Deo per Christum, & facit nos radices agere in ipsa spiritali petra, in qua & fundamur. Hoc in loco B. Amb. pro ea sententia quam nos in secunda ad Corinth. in fine magis probauimus, in hunc modum scribit, Apostolus in eo petit eos magis firmari ut non ambigant sed magis credant Christum habitare in se, quem non vident his oculis, ut spiritus datus hoc eis per

Psal. 22.

Ib. 26.



Dei donū infundat, vt certi sint de Christo quòd viuit, & filius Dei est, & habitat per fidem in cordibus nostris: vt cum fidem eius habemus in cordibus nostris, ipsum habere videamur: Quòd eo proficit, vt securi simus de auxiliis eius, quia non deserit nos, sed semper adest propter fidem suam quā videt in nobis. Quippe cū ideo Spiritus eius, qui & Dei Patris est, detur nobis, vt vice eius tutos præstet nos si ei assentiamur, vt occulta reuelet, per quem vtrique ipsum in nobis habitare ambigere non debemus. Hæc B. Ambr. At nos particularem de hac re tractatum condidimus aduersus eos qui negabant esse cuiquam posse certam gratiæ suæ notitiam, quantumvis sancto, absque speciali relatione.

*Vt possitis comprehendere cum omnibus sanctis, quæ sit latitudo, &c.* Homo cum iam per charitatem radices egit in Christo, incipit scire latitudinem bonitatis & misericordiæ Dei, quæ expanditur ad omnes. Item longitudinem, quæ intelligit admirabilem Dei peccatorum tolerantiam, quam vocare solet Apostolus longanimitatem. Item sublimitatem, qui etsi ad nos venit per suas vias, ipse tamen semper in sua manet sublimitate. Denique profundū, id est, abyssum consiliorum suorum, & prouidentix, quā multis & quā mitis modis adducat ad se peccatorem. Non desunt qui hæc figurent in cruce Christi, & aliter exponant. Certe in cruce Christi cernitur latitudo, & longitudo, & profundum & sublimitas. Et latitudinem quidem agnoscere licet in Christi cruce, ea parte qua extēsis brachiis omnia, vt sua, est amplexatus. Longitudinem verò ex alia parte: quia in sæculis æternis continuit dominatum. Eius enim regni non est finis. Et profundum: quia vsque ad inferos diuina potentia penetravit, ad quos continuo post emissum spiritū descendit. Et sublimitatem: quoniam ascendens tandem in altum captiuam duxit captiuitatem. Possunt hæc aliis ac variis modis ac piis exponi, sicut Spiritus donare atque docere potest & solet, quos vult amicos suos.

*Scire etiam supereminentem scientiā charitatem Christi, vt impleamini in omnem plenitudinem Dei.* Hic locus plures interpretationes recipere videtur, nec est alienum singulas discutere. Fit enim plerūque vt cum multiplex proponitur collatio & comparatio, quānam sit veritas magis appareat. Primum B. Amb. hunc locum sic legit: Cognoscere quoque supereminentem scientiā charitatis Christi. Et sic interpretatur ac si dixerit: cognoscere charitatem Christi, quæ notitia est supereminētis scientiæ, id est, est super omnem humanum captum, & humanam excedit cognitionem. B. Aug. quodam in loco legit, *scientia*, datiui casus: vt cognoscenda sit Christi charitas, quæ supereminet ipsi scientiæ. Nam inter dona potior est charitas, quā scientiæ donum. Verū huic sensui Græca lectio planè repugnat, in qua, scientiæ, non datiui casus est, sed genitiui, τῆς γνώσεως. Est & alius B. Hieronymi sensus, docentis eam esse Apostoli mentem, vt velit nos habere notitiam charitatis Christi, quam ille habet in eos qui sciunt eum perfectè, hoc est, qui in illo & de illo cogitant, ac meditantur die ac nocte, & quæ meditantur ipso opere complent. Et hic certe est pulcher sensus. Mihi autem dudum vi-

debat nos à B. Paulo moneri, vt daremus operam, quòd possemus scire supereminentem charitatem quæ aduenit hominibus ex scientiā Christi. Qui enim verè scit Christum natum, & nobis datum, à nobis & pro nobis crucifixum, habet aditū facillimum ac pulcherrimum ad supereminentem charitatem, ad quam Apostolus semper nos vehementissime cohortatur, & super omnia: quæ tamen non potest constari nisi ex hac scientiā, per multam fidem in nobis infixā & radicatā. Nā hinc venit in nos omnis plenitudo Dei, vt noscat homo illud verbum: Qui diligit me, diligitur à Patre meo: & ego diligam eum, & manifestabo ei meipsum. Et iterum: Si quis diligit me sermonem meū seruabit: & Pater meus diliget eum, & ad eum veniemus, & mansionem apud eum faciemus. Eligat ergo lector quem sensum maluerit.

*Ei autem qui potens est super omnia.* Sic enim Græcè legitur: & hic Deus, qui est super omnia, Pater est. Ad patrem ergo dirigitur sermo, *facere super abundanter*, id est, ad faciendum: vel vt faciat superabundanter propter suam eximiam potentiam: *super quam petimus aut intelligimus, secundum eam potentiam quæ operatur in nobis.* Apostolos intelligit, quos fecit mundi Magistros. *Ipsi gloria in Ecclesia in Christo Iesu, & in generationibus sæculi sæculorum, Amen,* id est, in capite & in membris, & in generatione sæculi sæculorum, quæ est generatio Beatorum, quæ fiet cum sederit in maiestate sua Deus, & nouam & electam generationem ducet in cælos ad gaudia felicitatis æternæ perfruenda.

CAP. IIII.



**O**BSERVO itaque vos ego victus in Domino, vt dignè ambuletis vocatione qua vocati estis, cum omni humilitate & mansuetudine, cum patientia supportantes inuicem in charitate, solliciti seruare vnitatem Spiritus in vinculo pacis. Vnum corpus, & vnus spiritus: sicut vocati estis in vna spe vocationis vestre. Vnus Dominus, vna fides, vnū baptisma. Vnus Deus & Pater omnium, qui super omnes, & per omnia, & in omnibus nobis. Vnicuique autem nostrū data est gratia secundum mensuram donationis Christi. Propter quod dicit: Ascendens in altum, captiuam duxit captiuitatem, dedit dona hominibus. Quod autem ascendit, quid est, nisi quia & descendit primū in inferiores partes terræ? Qui descendit, ipse est & qui ascendit super omnes cælos, vt adimpleret omnia.

**G**RAUI semper & anxia cura tenebatur Apostolus, vt conuersæ ad fidem Gentes in ea stabiles persisterent: & quod præsentī sermone præstare non poterat, literis & nunciis efficere satagebat. Vide vt dulciter admonet, & cum quadam erga se commiseratione, aiens:

*obsecro itaque vos ego vinctus*, scilicet vinculis ad corpus applicatis: *in Domino.* Hoc addidit, quoniā

IOAN. I.



inter eos erat qui persecutionem patiebantur propter iustitiam, nec à Domini confessione ob quamcunque inflicta supplicia recedebant, sed manentes in ipso per testimoniū sanctum veritatis, quod placet Deo in Christo Iesu. Obiicit autem vincula sua propter Christum, quod eosdem ad imitandum excitet, ut solidi ac firmi maneant in ecclesia & unusquisque iuxta vocationem suam ambulet exemplo sui ipsius, qui à vocatione sua nullis vinculis poterat auelli.

*ut digne ambuletis vocatione qua vocati estis.* Erat illa vocatio ad vitam æternam. Dignè autem ambulare ista vocatione, est ambulare per opera bona & in illis proficere, ut dignè per actū peregrinationis cursu possimus assequi promissionem illā vitæ beatæ. Hoc apertè contra hæreticos facit, qui negāt nos ita posse institui & comparari, ut dignè ambulemus ad præmium. Potest ad quascunque particulares vocationis modos accommodari expositio, ut qui vocatus est in matrimonio, dignè ambulet illa sua sorte. Qui in cœlibatu similiter: & ita de cæteris statibus, qui minime christianæ vitæ opponuntur. Ecce autem communis exhortatio declaratur, quomodo dignè, quantum ad omnes pertinet, debeant ambulare.

*Cum omni humilitate & mansuetudine, supportantes inuicem in charitate.* Hæc charitatis virtus à cunctis prorsus in omni statu exigitur, & omnes virtutes habet socias. *Soliti seruare unitatem spiritus in vinculo pacis.* Pax hoc in loco est voluntatum vnio, qua velut vinculo quodam arctissimè colligamur, ut seruetur vnio spiritus, quo ipse nostræ alioqui effrænes voluntates, fortius cum Deo coniungatur. Nam & si qui iam sunt vnanimis, eosdem tamen vnit strictius charitas, quæ est spiritus. Si enim dissensiones intercedant & hæreses, ut aliud sapiat vnus, aliud alter: ab eis abhorret spiritus, tantum ab est ut hos coniungat. Et Ephesios ad hanc unitatem hortans, ne sint inter illos pernicioſa schismata, addit familiari exemplo rationem corroboratam, aiens:

*Vnum corpus, supple estis.* Si vnum corpus, an nō alienum prorsus si inuicem distrahantur membra: *Vnus spiritus*, quo ipsa mēbra colligantur. Quo igitur animo potest quis ab eo spiritu seiungi, nisi qui nolit veræ fieri particeps vitæ, quæ in illo solo posita est: *sicut vocati estis*, ut vnum & eundem spiritum omnes accipiat. Sunt autem diuersa eiussdē spiritus dona, quæ non solum unitatem non solunt, imò magis eam conseruant & augent. Necessaria nanque sunt in vno corpore diuersa membra, quæ non eundem actum habeant, tamen si ad vnum omnia tendant, vnumque respiciant: ut sit saluum corpus atque integrum in omnibus membris suis. Vnum membrum subleuat alterum, adiuuat, congaudet, comparitur, ut ad vnum bonum tandem perueniant. Hanc commendans vnionem siue unitatem, ait: *In vna spe vocationis vestræ*: quando quidem ad idem brauium omnes vocamur, & cœlestem coronam.

*Vnus Dominus*, sub quo omnes sumus. Redemit enim nos omnes pretio sanguinis sui dato, quo à miserima antiqua seruitute in veram sub illo libertatem assereremur. *Vna fides*: quoniā omnes vnum credimus, & per eam in vnum congregamur

ad vnā & eandem æternorum spem. *Vnū baptisma*, id est, vnum tantum signum professionis & probationis fidei nostræ, quod est baptismus, quo signantur milites Dei sub duce Christo. Et non est vltius prisca illa circumcisio, qua veluti signo populus à populo olim distinguebatur. *Vnus Deus & Pater omnium.* Omnia in vnum cohærere oportuit: quia vnus est Deus, & vnus omnium Pater, non tantum Iudæorum, sed etiam Gentium, sub quo omnis familia congregari debet ad unitatem seruandam, in qua fortitudo vera consistit. Diuisiones enim vires debilitant unitatis quæ scinditur. *Qui est super omnes, & in omnibus nobis.* Super omnes est Deus Pater, qui omni creaturæ supereminet: & ipse est in diuinis aliarum personarum principium, ut in hoc præster quodammodo cæteris personis, quæ ab eo procedunt. Est item super omnes, & in omnibus, velut principium quoddam fluens, & per omnes suas creaturas means, qui & ex alia in aliam virtutes suas influit. In omnibus insuper est virtute sua & assistentia, qua omnia, præsertim suos qui continentur illum, regit: & occurrunt in unitatem fidei, ut sint vnum, sicut ipse Pater & Filius eius vnum sunt, vno amoris Spiritu coniuncti: sed illi inter se ineffabiliter & summo nexu. Et si ergo aliquo modo sit omnium Deus, & Pater omnium, & per omnes meet (ut diximus) siue per omnia, ut quidā poeta dixit, Deum ire per omnes terrasque tractusque maris: tamen peculiariter Pater est & Deus eorum qui credunt & diligunt, & in hac unitate permanent. Quod si quis ab hac unitate recedit, seque ab hoc pacis vinculo soluit, testimonium nobis clarum dat & sibi ipsi (si non solui scripturam velit) se iam non nouisse Patrem, neque Filium, & in eum degenerasse, qui perfidia filius Dei esse desiit. Audiant hæc hæretici transfuga, & versent seriò in corde suo: Considerent ubi sint miseri, ut reuertantur tandem antequam veniat dies Domini terribilis. Non miror ego illos qui ex confesso pugnant contra ecclesiam Dei, qui recesserunt ab ea: sed eos mirum in modum admiro, qui cum videri velint ecclesiastici, ea sunt tamen in cognoscendo desertores tarditate, ut non statim iudicent istos esse aduersarios, quos nouerunt olim nobiscum fuisse in ecclesia, & sua sponte ab unitate postmodo turpiter ac seditiosè recessisse.

*Vnicuique autem nostrum data est gratia.* Hoc adiecit ut occurreret obiectioni, ne quis scilicet putaret donorum multiplicium in ecclesia, ac variarū sanctionum distributionē cum unitate pugnare: *secundum mensuram donationis Christi.* Hoc est, sicut donatum fuit Christo pro membris: *Propter quod dixit: Ascendens in altum captiuam duxit captiuitatem, dedit dona hominibus.* Sensus est: *Quod ascendens ad Patrem, postquam functus est munere suo mādātum exequutus obedientiæ, quādo duxit secum in cœlum eos quos ab antiqua captiuitate liberauit, scilicet antiquos Patres conseruatos in limbo: & alios quos ab inferis eruit & suppliciis, quicumque fuerint illi.* Certò enim iam creditur, totum ab eo purgatorium in tam recenti gloria ac triumpho euacuatum, ut & in cœlum omnes animas secum, quæ illic erant addictæ purgationi, euexerit. Ascendens, inquam, ad Patrem, & veniens cum

*Aduersus  
hæreticos.*

*In eo qui  
semper  
seruat in  
Ecclesia.*

*Psalm. 67.*



triumpho & spoliis hostium, accepit ab eo dona non iam pro se, qui dudum illa acceperat plenus gratia ab initio: sed pro hominibus. Et dedit ea hominibus varia quidem, sicut ipse variè se habet in nobis: quia & membra oportet esse varia in corpore perfecto. Propheta dixit: Accepit dona in hominibus. Ipse in omnibus per gratiam suam existens, accepit à Patre pro eis dona. Quæ autè accepit, dedit: ut exponit hic B. Paulus. Nam hoc est accipere in hominibus: quia Dominus induit personam omnium nostrum: & pro quolibet accepit, ut pro cuiusque capto distribueret singulis. Et non unum donum accepit, sed plura & varia, pro ipsorum hominum varietate & ministeriorum, ut statim explicabit.

*Quod autem ascendit, quid est nisi quod & descendit primum in inferiores partes terræ.* Ex ipso psal. vult probare, eum qui ascendit, prius descendisse: hoc velut principium sumens, quo probet neminè prioris eorum qui sunt huius sæculi, & patriam suam habent naturaliter in his locis infimis huius esse virtutis ut possit in cælum ascendere. Facilis quidem (ut ille ait) descensus Auerni: sed reuocare gradum, superasque euadere ad auras, hoc opus, hic labor est. Ille ergo potuit solus in cælum ascendere, qui cum cæli prius esset incola, potuit de cælo descendere. Hic est Christus Dominus noster, homo cælestis, propter excellentiam personæ suæ singularem. Et hoc claris alibi verbis ipsemet expressit: Nemo ascendit (inquit) in cælum, nisi qui descendit de cælo Filius hominis, qui est in cælo. Ad istum sensum: Nemo ascendit, id est, nemo habet ascendendi facultatem in cælum, nisi ille qui inde descendit: quo facto ostendit hominem se esse cælestem, & in cælis esse patriam suam, ad quam possit, cum placuerit, liberè reuerti: à qua ita recessit, ubi tamen semper præsens adsit. Filius hominis qui (inquit) est in cælo, ut intelligamus per descensum illum non perdidisse iura cæli. Idem nanque qui est Filius hominis, est pariter Filius Dei. Et quâvis ea parte qua Filius hominis est, descenderit: Ea tamen qua Filius Dei est, verus Deus & immutabilis semper mansit. Illius ergo fuit ascendere, qui potuit dicere: Reuertar ad patriam meam. Nā cuiuslibet alij ascendere volenti potest obijci. Vnde esset: & cur tanta fronte audes tuos transgredi limites? Vade & incole terram in qua natus es. Quocirca oportet nos habere Christo, ut possimus respondere: Ecce frater noster, Deus & Dominus noster dixit & dedit ut possimus ascendere. Aut verius, non ascendimus nos, sed ille nos assumit & secum euahit. Ecquis potest ei dicere, cur ita facis?

*Descendit in inferiores partes terræ, id est, in hunc mundum qui terra est, & hæc cæteris elementis inferior, & respectu cæli, vnde venit.* Dicitur similiter & verè, Postquam de peccato victor triuphauit & diabolo, descendit in inferiores partes terræ, id est, in inferna, ut inde captiuos educeret. Nam eorum quidam ibi tenebantur à primi parentis primo peccato. Et horum alij erant amici, qui mortui in gratia solum pœnas luere tenebantur ad integram peccatorum satisfactionem: & ijerant in loco Purgatorii.

De quibus licet variè doctores sint locuti, probabilius tamen videtur, omnes inde fuisse à Domi-

no liberatos. In tanta victoria, in tam magno ac recenti gaudio & triumpho, nonne alienum & minus decens videbatur, si quenkam amicorum dolere adhuc permisisset? Qui autem in purgatorio sunt, inter amicos sunt referendi. De his vniuersaliter scriptura testificatur, quæ ait: Deus Christum suscitauit, solutis inferni doloribus. Nam in infero parte ponitur esse Purgatorium. Alij verò in inferioribus locis tenebantur inimici, qui sunt in peccatis suis mortui. Et de his nullus Scholasticorum (quos legerim) ausus est probare, quenkam horum fuisse liberatum, cum ecclesia dicat, In inferno nulla est redemptio. Hæc lex Dei est & regula, quæ illud præscribit quod est secundum meritum, & præfixum ordinem. Verum quis ligauit manus Dei, ut his regulis victus constingatur? Ego quidem sicut non temerè quicquam horum quæ non sunt nota ecclesiæ asserendum censo: ita nec præcipitanter damnanda, quæ contra scripturam & ecclesiam non pugnant. Multa nobis occulta esse existimo, quæ ipse Deus operatur & in hoc sæculo, & in alio ad beneficium nostrum. Legi de huiusmodi reuelationes sanctorum virorū & mulierum, quæ minus cum Scholasticorum placitis conueniunt. Has quidem, ut non tenemur tanquā certò à Deo profectas admittere: ita nec tanta facilitate mox damnare debemus. Si quis diceret ab inferno aliquos per Christum liberatos tunc fuisse (ut habet quorundam reuelatio) rem fortasse non prorsus absurdam, & quæ omni careat ratione proponeretur. Si enim oratione B. Gregorij liberatus est Traianus, ut viri pij credunt, cur non & Christus valuerit & voluerit sic extendere gratiā suam, ut sui ipsius contemplatione nonnulli à perpetuis ignibus eruerentur? Et sic verum fieret: Ero morsus tuus inferne. Leguntur quædam in vitiis S. Patrum de B. Machario, cuius orationibus releuabantur animæ in inferno damnatæ. Legi & apud B. Augustinum in historia de B. Perpetua, quædam enarrari similia, quæ ille vir prudentissimus non est ausus damnare, tametsi non conuenirent cum regulis & communi estimatione doctorum, ut qui nosset apprimè consiliis. Dei omnem scientiam nostram superari: cuius omnipotentia, & misericordia & miserationes habere non debet præfixos à nobis & iudiciis nostris suos limites.

Oramus & pro defunctis in Missis, ut animæ defunctorum liberentur à pœnis inferni, & de profundo lacu, & ab ore leonis, ne absorbeat eas tartarus, ne cadant in obscura, &c. Quæ certè verba cum ab vniuersa ecclesia sint recepta, & iccirco maximæ auctoritatis, quantum conueniant cum Scholasticorum dogmatibus ego quidem non video. Itaque tutum arbitror in huiusmodi non esse inuentorem nouorum dogmatum, nec tamen facilem eorum improbatorem, quæ non habeant expressam reprobationē vel in scripturis cōtentam, vel in conciliis determinatam.

*Qui descendit, ipse est & qui ascendit super omnes cælos.* Quidam ex his verbis opinantur Dominum humanitatem suam extulisse supra conuexum vltimi cæli empyrei, rati hoc ad dignitatem Christi pertinere si sit super omnes corporeos cælos: cum reuera non detur supra, nisi ubi est locus. Indignum esset, & nescio quid insolentiæ saperet, si quis do-

Act. 2.

Ose. 13.



*Quomodo  
Christus di-  
catur ascen-  
disse super  
omnes cœ-  
los.*

ceret illo cœlo minime contentum esse Christū, vbi est Pater, qui dicitur esse in cœlis, & non super omnes cœlos. Quin etiam ibi Christus esse dicitur collocatus ad dexteram eius in cœlestibus: & non dicitur, supra cœlestia. Quare interdum facere non possum quin quorundam pertinaciam detegam, qui sectis sunt & Magistris addicti, vt nihil tam absurdum tradi possit, ad quod defendendum non sint mox parati. Christum igitur super omnes cœlos ascendisse ea sapientia intelligi debet, vt contineatur in supremo cœlo, sub eius conuexo tamen, & sit super eius (vt ita dixerim) contignationem excelsior omnibus factus: vt & cœlorum vocabulo intelligantur Sancti, & illi summi Archangeli, quibus ipse longè supereminet verus illorum Deus & Dominus. Satis ergo sit illuc rediisse, vnde dicitur descendisse. Non enim dicitur descendisse nisi de cœlo, & non de loco super cœlum, vel de super cœlo (si liceat sic diceret) eam nec locus, nec super, vel supra, sit extra cœlum. In cœlum igitur ascendit, vnde venit, non supra cœlum, vnde non venit.

Superest nunc vt discutiamus, quomodo Christus dicatur venisse de cœlo & descendisse. Nam secundum naturam diuinam nulla datur penitus mutatio. Secundum humanam verò non potuit descendere de cœlo, cum antea nunquam ibi fuerit. Dicunt aliqui descendisse illum non motu locali, sed assumptione humanæ naturæ. Hæc ratio min⁹ fortè satisfaceret ingenio acutiori. Sic enim nunquam ascendisse in cœlum secundum hanc partem dici posset: qui nunquam dimisit istam naturam inferiorem, & non dimittens, assidue videtur assumere, & ita sempiternus esset eius descensus. Si dicas: Ascendit, quia intulit illā naturam in cœlum: nondum comperisti eius descensus modum, qui debuit esse e regione huic ascensui oppositus. Vt enim videtur ascendisse, postquam hanc naturam intulit in cœlum: ita quoque dicatur descendisse, vbi naturam istam attulit e cœlo: quod videtur manifestè falsum.

Potius igitur dicendum est, ipsum ideo dici descendisse de cœlo: quia eam assumpsit naturam humanam, non quæ sibi debebatur ab initio ratione dignitatis personæ, scilicet immortalem, spiritua-lem, atque cœlestem, illoque dignam ipso iure (nā nisi peccatum inturbasset, talis erat decretus vterus, & hæc erat forma Dei) Sed assumpsit naturam corruptioni & mortalitati obnoxiam, quæ est forma serui. Et in hoc maxime consideratur descensus ipsius Christi de cœlo propter nos. Ab illo loco rectè descendisse dicitur, cum locus ille deberetur naturæ humanæ, quam suo iure debuit assumere: sed propter peccatum nostrum eandem, quod nos ab illo liberaret, ad tempus dimisit.

Quare quicumque est in Christo in hoc sæculo, similis illi est. Incipit enim deberi illi cœlestis locus, tanquam Christi membro. Verum sicut Christus Dominus inde descendit vt impleteret voluntatem Patris: ita & nos expectare debemus, & ita quodam modo descendere, donec eius exemplo per expectationem ac patientiam locum illum promereamur & possideamus. Quod si (ad rem redeundo) de Christo dixeris: Ergo cum resurrexit, debuit dici ascendisse etiam antequam ascenderet,

non negauerim: si hoc modo intellexeris, quod recepit Dei formam, dignam cœlo, & iā terra indignam. Illud breue temporis interuallum quo mā- sit in terris, fuit dispensatiuè ordinatum, quod solidius resurrectionem suam probaret. Debita iā inde illi fuit ab initio ascensio, postquam resurrexit in tali forma, licet de facto moram dispensatione (vt diximus) traxerit ad quadragesimum diē: qui dies ad vtilitatem nostram cōcessi, suis sunt etiam referti mysteriis. Sicut enim anima illius in inferno detineri non potuit, sed propter alios dispensatiuè eò accessit, vt inde illos educeret: sic nec corpus eius gloriosum poterat detineri in terris. Non erat hic mundus dignum illo corpore domicilium. Ideo pari modo dispensatiuè māsit. 40. dies ob memoratam causam, & alias quas nouit Deus. Ascendit igitur super cœlos, vt impleteret omnia. Nam cœlum ipsum sine Christo carebat proprio Domino. Deus quatenus Deus non indiget cœlo: nō ita se res habet de Christo, vt erat homo & creatura. Indiguit enim cœlo vt impleteret illud gloria sua, & omnem creaturam ibi existentem, præsertim hominem, qui sine Christo non habuisset plenitudinem felicitatis suæ. Sic implet Christus omnia, & adimpletur ab omnibus.

Et ipse dedit quosdam quidem Apostolos: quosdam autem Prophetas: alios verò Euangelistas: alios autem Pastores, & Doctores, ad consummationem Sanctorum, in opus ministerij, in ædificationem corporis Christi: donec occurramus omnes in vnitatem fidei, & agnitionis filij Dei in virum perfectum, in mensuram ætatis plenitudinis Christi, vt iam non simus paruuli fluctuantes, & circumferamur omni vento doctrinæ in nequitia hominum, in astutia ad circunventionem erroris. Veritatem autem facientes in charitate, crescamus in illo per omnia, qui est caput Christus: ex quo totum corpus compactum & cōnexum per omnem iuncturam subministrationis, secundum operationem in mensuram vniuscuiusque membri augmentum corporis facit in ædificationem sui in charitate.

Dominus Iesus vno eodēque spiritu implet ecclesiam quæ est corpus: sed non æqualiter omnes illius spiritus fiunt participes, neque eadem sunt omnium membrorum functiones. Et ipse dedit quosdam quidem Apostolos. Hic euidentissimè probatur Christus Deus, qui eadem operatur quæ Pater, & per eundem spiritum distribuit officia. Etenim quæcunque ad Corint. dicuntur facta à Patre, hic ipse Christus dicitur facere: vt vnam amborum operationem intelligamus, & eundem spiritum ab ambobus procedentem.

Quosdam autem Prophetas, id est, qui spiritu prophetiæ afflati reuelant scripturarum arcana. Vnde & interpretes scripturarū, prophetæ apud B. Paulum dicuntur. Non me latet eos pariter prophetas dici posse, qui eodem spiritu instructi reuelant



lañt alia ad hoc periturum sæculū attinentia, quæ tamen ad spiritualia rediguntur: qualis fuit Agabus, & filia Philippi, vt habetur in Actis Apostolorū. *Alios verò Euangelistas*, fortè scriptores euangeliorum: licet alibi in aliam significationem accipiat, quando ait, Opus fac Euangelistæ: Vbi clarè significatur annuntiator euangelij. B. Ambrosius diaco nos fuisse euangelistas ait, vt fuerunt B. Stephanus, & Philippus. Nam & diaconos posse euangelizare testatur, sed sine cathedra, id est, quasi delegatam habentes ab Episcopo curam. In ecclesia primitiua fuit seruatum in illis spiritus principiis, vt si cui reuelatum esset, alter taceret. Sed deluetudine hoc abolitum est, & merito: Nam (vt verè hîc idem B. Ambrosius) nonnulla erant tunc opportuna, quæ fundata iam & instituta ecclesia obseruari non debuerunt: Hanc temporum discretionem variorum qui non habent, in multis necessario aberrant: *Alios autem Pastores & Doctores*. Rectè B. Hieronymus docet, non diuersas hîc personas explicari, qui non ita loquutus est, *alios quidem pastores: alios doctores*, vt intelligat qui pascendi curam habet, eundem habere docendi. Doctrina siquidem sub pastura comprehenditur. Hæc autem omnia munera distribuuntur, *Ad consummationem Sanctorum*, id est, vt perficiatur totum Christi corpus in sanctitate. *In opus ministerij, in ædificationem corporis Christi*. Hi veri sunt ministri, qui operando perficiunt ædificationem militantis ecclesiæ, quæ est corpus ipsius Christi.

*Donec occurramus omnes in vnitatem fidei, & agnitionis Filij Dei*. Hoc talis ministerij opus per hæc officia durabit, donec omnes qui sumus in ecclesia occurramus in vnitatem fidei, hoc est, donec omnes quasi vnus per fidei vnitatem viuentes, quem credimus, etiam agnoscamus filium Dei occurrentes illi ad iudicium veniēti. Ipse autem veniet, cum hæc ecclesiæ suæ consummatio perficietur, vt sic euadamus, *In virum perfectum*. Nam totum corpus cum capite Christo, quasi vnus censendus est. qui assidue crescit donec perficiatur. *In mensuram ætatis plenitudinis Christi*. Christus cum desit seruire terræ vt irer ad Patrē suum, erat in ætate perfecta. Iam enim triginta tres annos expleuerat: sic erit corpus eius ecclesia, quando veniet ad recipiendam illam. *Vt iam non simus paruuli*. Hoc debet continuatione annexi cum superiore dicto à principio, scilicet: *Obsecro vt dignè ambuletis, &c.* vt hîc consequentissime post illud verbum, *In vinculo pacis*, sequatur, *vt iam non simus paruuli*. Cætera quæ interposita sunt, pertinerunt ad commendandam illam vnionem, siue vnitatem cōmunem, qua efficitur vt qui in ea maneat crescat assidue, ne semper paruulus perseueret, fluctuans ad omnem doctrinæ ventum. Tales existunt multi qui non firmiter hærent capiti cum reliquis membris, sed permittunt se ab hominibus astutis errores docentibus abduci. *Fluctuantes omni vento doctrinæ*. Appellat congruè vtrum doctrinæ, quæ sicut ventus quodam impetu venit exufflans, nec permanens. Ista fuit semper omnium hæreticorum doctrina hæc & illâc perflâs, & mox euanesçes. Neque verò pures hoc in loco Apostolum se paruulum profiteri, & eum qui circumferatur omni vento doctrinæ. Non est asserentis dictum istud, sed est ostendētis desiderium non tam

pro se, quàm pro aliis quos instruebat. Hic dulcis est Prælatorum exhortadi & instruendi mos; cum ita sermonem charitate temperat. Vellem iam tandem nos esse prudentes, vt non simus perpetuò velut paruuli. *In nequitia hominum*: vbi & Græcè, quæ vox significat deceptionem, quæ est lusorum & vteratorum in ludis. Tales sunt hæretici, sed in ludo pessimo; qui & delusores ab Apostolo vocantur. *In astutia ad circumuentionem erroris*, id est, vt suo congressu atque familiari commercio alios in pestiferum errorem pertrahant.

*Veritatem autem sectantes*, id est, Christum & verba eius, quæ sunt veritas & vita. Latine legimus. *Veritatem autem facientes*, quæ fit custodiēdo legem & præcepta Dei: *In charitate*. Potest hoc cum superioribus construi, vt dicas, *Veritatem sectantes*, seu *facientes in charitate*: crescimus in illo. Potest & cum inferioribus non minus aptè, vt dicas, *In charitate crescimus*: quia sic crescimus in charitate, sectado veritatem per opera bona in fide facta. *Crescamus autem in illo per omnia*, id est, ex omni parte perfectè. In illo autem crescere nos vult, *qui est caput*. Ipse quidē in se perfectus: sed nōdum in ecclesia & membris suis. Ex illo tamen venit omnis opportunus influxus in corpus, quo reliqua membra perficiantur.

*Ex quo totum corpus compactum & connexum per omnem iuncturam subministrationis, &c.* Clarus est sensus: Dicit enim de capite Christo manare, vt totum corpus crescat: quoniam corpus quod ex plurimis membris constat, habet compacta membra & conglutinata, vt alterum alteri subministret, & de eo impartiat quod propinquius illi ministratur à capite. Sunt nanque iuncturæ subministrationis, quibus vnum membrum alteri necitur, ex quo possit præsidium sui recipere. *Secundum operationem*, id est, iuxta id quod placet Deo operari & influere in quodlibet membrum, vt veniat ad certam mēsuram suam. Omnia enim sapiēter in pondere, numero, & mensura à Deo cōstituuntur. Sed per augmentum omnia hæc fiunt, donec appareat ædificatio corporis perfecta in veritate. Nam veritas doctrinæ, & veritas vitæ, est illa quæ perficit totum corpus hoc spirituale. Quæ quidem videntur cuncta pertinere ad homines qui crescunt, & non ad Angelos, qui in seipsis incrementum non suscipiunt.

Hoc igitur dico & testificor in Domino, vt iam non ambuletis sicut & Gētes ambulāt in vanitate sensus sui, tenebris obscuratum habentes intellectum, alienati à vita Dei per ignorantiam quæ est in illis propter cæcitatē cordis ipsorum: qui desperantes semetipsos tradiderunt impudiciæ, in operationem immunditiæ omnis in avaritiam. Vos autem non ita didicistis Christum: si tamē illum audistis, & in ipso edocti estis, sicut est veritas in Iesu, deponere vos secundum pristinam conuersationem veterem hominem, qui corrumpitur secundum desyderia erroris. Renouamini autem spiritu mentis vestræ, & induite nouum homi-



nem, qui secundum Deum creatus est iustitia & sanctitate veritatis.

Hic summa totius apostolicæ exhortationis colligitur, cuius scopus erat ut confirmaret eos in fide fructum bonorum operum. Ex fide enim velut radice omnes virtutes exoriuntur. Ait ergo: *Hoc igitur dico, & testificor in Domino*, id est, quæ à me superius dicta & testificata sunt de Christo, de me ipso, de vobis, huc tandem spectant. *Ut non ambuletis sicut & Gentes ambulant in vanitate sensus sui*, hoc est, insipienter & vanè iuxta suas cogitationes, facientes sibi idola sua, quæ in scripturis vocantur vanitas. Cum enim propositum sibi scopum verum & certum non habeant, in vanum laborant & ambulant: & ita futurum est, ut tandem inveniuntur iis rebus destituti, quas cæca mente perquirunt, hoc est, sine felicitate quam quisque tamen naturaliter appetit. Invenire autem non potest, quando eam in re ubi non invenitur, inuestigat. Tales sunt Gentes, *Tenebris obscuratum habentes intellectum*, carnalibus scilicet affectionibus. Hæ sunt densæ mentis tenebræ, quæ intellectui oppositæ, lucem ei veritatis adimunt. *Alienati à vita Dei per ignorantiam quæ est in illis*, qui ignorat illam Dei bonitatem, qua vult omnes homines saluos fieri: à qua salute, & consequenter à vera vita, alienati sunt per suam ipsorum ignorantiam: *Propter cæcitatem cordis ipsorum*, eo quod excæcati sunt mente cordis sui, quales sunt qui intellectum ad appetitum prauæ voluntatis formant. Et ne quis putet illud absque propria eorum culpa contigisse, addit:

*Qui desperantes semetipsos tradiderunt impudicitia in operationem immunditiæ omnis in avaritiam*. Ecce causa cæcitatis eorum. Etenim cum ex hoc libro creaturarum, qui est omnibus in eo studere volentibus in promptu, videre possent providentiam Dei, & magnam sapientiam, qui in gratiam ipsius hominis tot & tanta facere dignatus est, quæ inferirent solatio atque utilitati hominum, debuerunt digniori conclusione inde coniectare, aliquid adhuc melius servari sibi à Deo in alia vita. Hoc per Angelos illis, Deo ita volente, suggerebatur. Si tot ac tanta sunt propter corpus hominis parata, quomodo non multo excellentiora propter animam? Sed illi desperantes, repudiaras scilicet hac luce, ex qua spes æternorum concipiebatur, *tradiderunt semetipsos impudiciæ*, scelerantes corpora sua, ut qui omnem operarentur immundiciam, id est, omne vitium carnis, & opus flagitiosum. In eos locum habet illa sententia: Manifesta sunt opera carnis, &c. quæ omnia homines in avaritiam impellunt: qua quisque habendi cupiditate exardescit, quatenus suas explere libidines ac desideria scelerum voluptatum possit.

Græcè non legimus, ἀπληροῦτες, quod est desperantes: sed, ἐπιληροῦτες, quod significat homines sine sensu & dolore sui mali. Et iam hoc non est tam disperatorum, quam eorum qui non amplius dolent ob ea facinora quæ admittunt: sed e contrario iacturam boni quam turpiter viuendo amittunt, non apprehendunt, nec cogitant quidem. Sunt enim velut stupida membra vi sentiendi carentia, qui præcipientes se dedunt in flagitia, & in mortem more freneticorum, qui furore perciti nihil prou-

dentes, in omne periculum ruunt. Vtraque lectio verum continet sensum: Lectoris est eligere, quæ aptius quadrare ad mentem ipsius Apostoli videatur.

*Vos autem non ita didicistis Christum*, id est, Christi legem in eius vita vobis explicatam. *Qui vult dicere Christi legem, cum pro libro habeat*, si tamen illum audistis, hoc est, si audistis verba de illo testificantia. Alioqui minimè erat dubium, quin illum docentem non audissent. At cum illud, id est, audire de Christo, non satis esset, subdidit: *Et in ipso edocti estis*, hoc est in fide ipsius euangelicam doctrinam didicistis. *Qui non credit, non est in ipso*, nec edoceri potest. *Sicut est veritas in Iesu*. Sensus est: Si modo audistis ac didicistis, sicut se habet veritas quæ est in illo. Ipse enim est tanquam liber veridicus, in quo cuncta distinctè perspiciuntur, & legi possunt quæ faciunt ad æternam salutem. Sed quidnam illud est, quod Ephesi audierant, & edocti erant, quodque inuenitur in hoc libro Iesu mandatum eis ut faciant? nempe, *Deponentes vos secundum pristinam conuersationem veterem hominem, &c.* Verus homo est Adam qui est in omnibus nobis, & conspicitur in exteriori homine nostro, qui & natura ad omne malum procliuus est: quia suam omnem conuersationem reflexit in hunc mundum, ubi suam fixit felicitatem. Est verbum Græcum, ἀναστροφὴν, quo licet significetur conuersatio, potest & inuersionem quandam significare, cum quid præpostero sit & perturbato ordine: ut conuersatio inuersa atque præpostera hominis veteris declaretur, tanquam qui sit abductus à bona conuersatione ad malam. Ad quem modum abducti fuimus omnes per Adæ, cum prius rectissimè nos habituri essemus ex Dei sapientia, si se ille non inuertisset. Hoc autem totum discimus quasi in libro, in Christo infirmo propter nos, & crucifixo propter peccatum, ut illo de cruce deposito, & de medio sublato ac sepulto, intelligamus etiam nos oportere deponere veterem hominem, & consequenter veterem conuersationem. Non enim fas est ut ambulemus ulterius in corruptione, quæ sit à peccatis nos ad interitum mortis sempiternæ præcipitibus: quia Christus non nisi semel moritur. Satis sit igitur, imò nimium omnino sit, antè actæ vitæ tempus datum corruptioni fuisse. Iam iam nos reuocari oportet, sicut Christus surrexit in nouam vitam factus homo nouus, non amplius moriturus. Hæc inculcanda sunt creberrimè propter hæreticorum dolos, qui non distinguunt status hominis varios: sed constituunt omnes, etià in Christo existentes, peccatores & in statu peccati, non aptates seipsos in mysterio baptismi ipsi Christo, cuius repræsentatur historia mortis, sepultura, ac resurrectionis æternæ. Ut & mortuum similiter intelligatur peccatum ac sepultum, & nos renouatos ad viuendum Deo, id est, ad operandum quæ Deo placent, quando iam possumus & tempus est acceptabile. Verum cum non sit omnino perfecta renouatio nostra in hoc tempore, appositè sequitur:

*Renouamini*, longè melius, *renouari autem spiritu mentis vestra*, hoc est, Non in Christo solum didicistis deponere veterem hominem secundum pristinam conuersationem, sed simul renouari spiritu mentis vestra. Etenim prima hæc renouatio in spiritu

Culpa Gentium Dei ignorantium.

Gal. 5.

Propter lætitudinem reuocatur: ponderatur.



est, & nondum in corpore velut cadauere tantisper relicto, dū finiatur vestra peregrinationis cursus, & tunc erunt perfecta omnia. Hæc autem renouatio fit per indumentum noui hominis Christi, quem fide suscipiendo induimus, superædificata spe & charitate. Hic est homo, qui creatus est in iustitia, & sanctitate, id est, per iustitiam & sanctitatem. In hoc est hæc creatio nostra noua, quæ Deus sic vestit nos donis, vt simus per eam iusti, & ambulemus in iustitia & sanctitate coram illo, non coram hominibus, omnibus vitæ nostræ diebus. Et hoc est quod ait: *Et induere nouum hominē qui secundum Deum creatus est in iustitia & sanctitate veritatis.* Nā fide purificantur corda: & sic fiunt munda per aduentum cœlestis gratiæ & charitatis.

Propter quod deponētes mēdacium, loquimini veritatem vnusquisque cum proximo suo: quoniam sumus inuicem membra. Irascimini, & nolite peccare. Sol non occidat super iracundiam vestram. Nolite locum dare diabolo. Qui furabatur, iam non furetur: magis autem laboret, operādo manibus suis quod bonum est, vt habeat vnde tribuat necessitatem patienti. Omnis sermo malus ex ore vestro non procedat: sed si quis bonus est ad ædificationem fidei, vt det gratiam audientibus. Et nolite contristare Spiritum sanctum Dei: in quo signati estis in die redemptionis. Omnis amaritudo, & ira & indignatio, & clamor, & blasphemia tollatur à vobis, cum omni malitia. Estote autē inuicem benigni, misericordes, donātes inuicem, sicut & Deus in Christo donauit vobis.

Propter quod deponentes mēdacium, &c. Sensus est. Nemo mendacij fraude alterum decipiat, vel per malam doctrinam, vel in contrahēdo & commerciis: quoniam non est rectum in eodem corpore membrum à membro iniuriam pati. In Christo autem sumus omnes & proximi & fratres effecti. Irascimini, & nolite peccare, &c. Ex Psal. quarto iuxta Septuaginta. Alij ad Hebraicam veritatem redigentes, interpretati sunt: Pauete & nolite peccare. Sed vt ait quidā eorum Rabbi, significat & quandam animi perturbationem, quæ non imperatur quidem, sed quasi in nostra hac humana & animali natura permittitur: ac si dixerit Propheta, Permitto aliquā iram, hoc est, animi perturbationem in fratres, sed citra peccatum. Hoc verò tunc seruatur, cum perturbatio non tendit in cogitationem, & consensum vindictæ & nocuenti. Vbi enim proxima ad inferēdum damnum peruenit ira, iam progredi vltcrius non licet. Est verò ira bona, cum in peccatorem emēdationis eius gratia irascimur, & in quandam nemēsin (vt Græci vocant) propter iustitiam venimus. Omnem tamen iram nostrā sententiam reponentes semper in manu Domini, & volentes prius misericordiam de manu eius, quàm iudicium, donec est res integra.

Sol non occidat super iracundiam vestram. Pulcher

& verus sensus est, vt intelligamus de ratione & lumine iudicij, quod est veluti sol, qui non debet occidere super iracundiam nostram, id est, non debet esse tam acris & implacabilis ira, quæ constituat hominem absque misericordia & iudicio furiosum, & sœuam bestiam. Alioqui si de hoc sole corporeo dictum capiamus, Quid si quis ab ortu solis irasceretur, & antequam sol occideret per iram scelus quoduis perageret, nunquid hoc iniquum non esset? Et si noctui irasceretur, ferro hunc & illum percutiens aut fuste, an licitum esset, quia sol non occidit super eius iracundiam? Absit vt ista concedamus. Possemus etiam fortē intelligere his verbis, quasi ad modum cuiusdam prouerbij, quo Philosophi vti solent, affirmantes eam iram meliorem, aut minus vituperabilem esse, quæ citò frangitur & recedit. Prior tamen expositio verior, cui & fauere articulus videtur, vt de certo quodam sole dictum intelligas: præsertim cum hic sit mos loquendi apud scripturas. Vnde Amos propheta: *Occidit sol in meridie, & Micheas: Occumbet sol super Prophetas.*

Nolite locum dare Diabolo. Datur locus Diabolo, quando vel tantillum ceditur illi mala suggerenti, vt quum in suspensio est animus hæsitando, aut disputando de præcepto: aut quamuis occasionem præbendo carni: quo ardentius accendatur à Diabolo, quo pacto seducta est prima mulier. Audientum est potius saluberrimum Sapientis cōsiliū: Si spiritus (inquit) potestatem habentis ascenderit super te, ne dimittas locum tuum. Potest & hic locus aptari ad superius dictum spiritualiter: quia locus datur Diabolo, dum in cogitatione exercendæ iræ persistitur, quatenus ira crescat in odium, & trabem insufflante Diabolo faciat de festuca, & sic animam cupiditate vltionis flagrantem, reddat homicidam.

Qui furabatur, iam non furetur: magis autem laboret, &c. Attende quomodo non satis est non facere malum Christiano, sed oportet etiam facere bonum. Vnde præcipitur manibus laborare, vt valeat impartiri patienti, id est, habenti necessitatem. At quoruscunque hodie inter Christianos reperitur, qui huic apostolicæ sanctissimæ hortationi obsequatur? O quàm refriguit nostris miseris temporibus virtus istius charitatis. Vtinam saltem qui non tribuunt inopi, ab eo rapaces manus abstinerent, suis facultatibus satiati.

Omnis sermo malus. Græcè, obscenus & vitiosus: ex ore vestro non procedat, sed si quis bonus est ad ædificationem fidei. Loco fidēi, Græcè legitur, *χρησις*, id est, vtilitatis, seu (vt legit B. Hieronymus) opportunitatis, ad eum sensum: Omnis sermo sit pro otioso accipiendus, & de quo reddemus rationem in die iudicij, nisi sit utilis & opportunus ad ædificationem. Vt det gratiam audientibus, id est, vt sit gratus his qui audiunt. Et nolite contristare Spiritum sanctum Dei, in quo signati estis. Non contristatur Deus ipse: quia non potest contristari. Sicigitur exponendū est: Nolite quicquam agere, quo si fieri posset, merito contristaretur Spiritus sanctus. Aut potius in hūc sensum: quia dum in corona vbi pij viri interfunt, sermo incidit obscenus, quo illorū piorum virorum spiritus conturbatur & fit tristis, etiam ipse Spiritus sanctus cōturbari videtur. Nam



qui hæret Deo, vnus spiritus est cum illo.

*In quo signati estis in die redemptionis.* Deus ea die qua nobis applicatur redemptio per baptismum, signat nos Spiritu suo characterem imprimens, & gratiæ arrham infundens in corda nostra. *Omnis amaritudo, & ira, &c.* Loco eius quod legitur, *indignatio*, tumor potius dicitur, id est, inflatio: sed vici næ significationis sunt. Nam quicumque indignatur, ex tumore indignatur, pati nesciens.

*Estate autem inuicem benigni:* potius, suaves (teste B. Hieronymo) cōtra amaritudinem, vt fert Græca vox: *misericordes*, contra tumorem & iram. *Donantes inuicem*, contra clamorem & blasphemiam. *Sicut Deus in Christo donauit vobis.* Vt obligationē agnoscamus: quoniam sicut ille misertus est nostri, con donās nobis omnia, cum debitores illi in immensum essemus: sic & nos debemus misereri conserui nostri longē minus debentis nobis, in quo est Christus ipse creditor noster, cui, si ad rigorem exigere velit, satisfacere non valebimus.

## CAP. V.

**I**STOTE ergo imitatores Dei, sicut filij charissimi: & ambulate in dilectione, sicut & Christus dilexit nos: & tradidit semetipsum pro nobis oblationem & hostiam Deo, in odorē suauitatis. Fornicatio autem, & omnis immūditia, aut auaritia nec nominetur in vobis, sicut decet Sanctos: aut turpitudine, aut stultiloquium, aut scurrilitas, quæ ad rem non pertinet: sed magis gratiarum actio. Hoc enim scitote intelligentes, quod omnis fornicator, aut immundus, aut auarus (quod est idolorum seruitus) non habet hæreditatem in regno Christi & Dei.

**Q**UI perfectē Deum imitatur, hac in parte precipuē imitatur, scilicet in donando inimicis. Qui hoc arduum opus exercet, hic verē Dei Patris filius est, & illi charissimus, ait: *Estate ergo imitatores Dei sicut filij charissimi.* Filius Dei ita prius fecit in vos, vt & vos ita in proximum faciatis, possitisque tanquam filij Dei hæreditatem accipere. Beati pacifici (inquit) quoniam filij Dei vocabuntur, & iterum: Diligite inimicos vestros: Benefacite iis qui oderunt vos, vt sitis filij Patris vestri, qui in cœlis est. *Et ambulate in dilectione, &c.* Sicut & Christus dilexit nos, & tradidit semetipsum Deo oblationem, &c. Ipse ergo Christus fuit & oblatio & offerens, sacerdos & hostia siue sacrificium. Et eleganter dicit: *In odorem suauitatis*: quia odor illius sacrificij, cū esset Agnus immaculatus, impollutus, innocens, & eximia charitate perfectus, per seipsum oblatus suauissimum odorem sparsit ad nares Patris æterni, qui & vtrumque probauit, videlicet sacerdotem & sacrificium, priusquā ac plusquam Abel & munera eius. Nam quæ Abel obtulit, iccirco probauit: quia ad hanc hostiam veri Agni in cruce immolandi ille aspexit.

*Fornicatio autem.* Vide quā frequentem de fornicatione sermonem habeat, quod eam omnino vetit: ne simus in pari cum Ethnicis & Iudæis carna-

libus turpitudine: qui hoc vitium videlicet simplicis fornicationis, non referendum inter ea credunt, quæ displicēt Deo. Nam solum adulterium, vel incestus, aut raptus, & qui in alienam iniuriam fiebant concubitus, illicita habebantur. *Immunditia* verò generale nomen est ad omnē lasciuia carnalis lapsum spectans: licet quidam ad voluntariam illam pollutionem, qua seipsum aliquis fœdat, restringant: quæ res admodum turpis est, & prorsus detestanda. *Nec nominetur in vobis*, id est, inter vos. Quædam vitia non solum continent in se turpem operationem, sed & insuper ipsorum nominatio turpis, & sæpenumero non parum noxia. Excitatur enim voluptuosa memoria, ex qua oritur sensim periculosa titillatio. Quamobrem sanctorum sermo purissimus est, abhorrens ab huiusmodi turpium nominum mentione. *Aut turpitudine*, cuiuscunque generis illa sit.

Mirabitur autē aliquis, qua ratione inter turpia posuerit, Auaritiam, nisi per eam intelligat lucrum turpe, quale est quod vsura, aut quod arte meretricia, aut (vt ita dixerim) lenonia comparatur. *Aut stultiloquium.* Quod non solum vanum est, sed etiam stultum: vt cum narrantur stultæ fabulæ, & quoduis nihil habens cordati hominis, aut salis. *Et scurrilitas*, Græcè, *ιγρυπισία*, quæ tamen apud Aristotelem potius virtus æstimatur pertinens ad animi relaxationem. Et significat quippiam facetiæ & vrbane & iucundè dictum: quod tamen Apostolus videtur hic improbare. Et verē improbandum est, si adiungas quod sequitur: *Quæ ad rem non pertinet.* Vult enim Apostolus vt ea quæ à sanctis vel dicuntur vel fiunt, omnia cedere debeant ad ædificationē. Hic est scopus, quem semper ob oculos ponere sibi debent tanquam regulam omnium, qui à Deo suas omnes actiones probari student. Ne autem nimis tetricus esse Doctor noster videri posset, adiunxit: *Quæ ad rem non pertinet*, non ignorans aliquod facetiæ dictum & vrbane, vnde oriretur honesta recreatio, propter nostram infirmitatem non esse improbandum. Nam sic ad rem pertinere putatur, vt fortiores ad seria reuertamur & lætiores. Sæpenumero tamen & hac parte contingit deceptio: quoniā modū tenere difficile est, & ferē semper sumus nimij, nimisque nostris solatiis indulgentes, vt detur non rarò ad aliquam ruinā Diabolo locus. Adhuc, distinguendæ sunt personæ. Nam quæ valeat concedi laicis & secularibus, profecto non nisi turpia sunt in sacerdotibus & religiosis: quantò autē magis in Prælatiis, quorum ludi debent, dum alij ludunt, esse lachrymæ, & cura, & sollicitudo suarum plebium, laudes diuinæ & orationes & sacrificia?

*Sed magis gratiarum actio*, id est, hoc potius, quam illud. Aut si fortē quadam indulgentia illud toleretur: istud tamē semper sit absque vlla dubitatione eligibilis & melius. Non loquitur autem de gratiarum actione quæ fit Deo, vt cum superioribus aptetur congruē (quod & acutē annotauit B. Hieronymus) sed de sermone gratiæ, & cuiusdam spiritualis iucunditatis. Nam huiusmodi sermones iucundi qui ex ore sanctorum veniunt, miram pariunt spiritus alacritatem. Testatur & in Hebræico quodam euangelio memoriæ proditum, Christum discipulis dixisse: Nunquā læti sitis, nisi cum videritis fratrem vestrum in charitate proficere.

Defectus  
et vrbani  
tati.



Si enim oculis ipsis cernere nobis daretur, quam acerba manent peccantes assidue, in futuro saeculo supplicia, tenuissimam haberemus mundanarum consolationum occasionem. Contra vero; si firma fide apprehenderemus quanta seruantur à Deo in illa beata caelesti patria omnium bonorum solatia in societate tot myriadum Angelorum, semper laeti essemus, cogitantes hæc nobis, si charitatem coluerimus, reposta sine fine duratura.

*Hoc enim scitote intelligentes, quod omnis fornicator, aut immundus, &c.* Hæc sententia etsi contra sensum carnis faciat, eam tamen intellectus, nisi desipiat, verissimam probat. Certè qui spiritualis est ita iudicat: quoniam quæ sunt carnis, aduersantur spiritui. Deus autem cum sit spiritus, facta carnis nulla ratione probare potest.

*Aut auarus, qui est idolorum seruitus.* Sic melius Græcè legitur: ut auarum intelligas esse idoli seruum. Nam sibi ipsi pecuniam Deum suum constituit, cui contra mandata Dei obtemperat. Merito ergo qui talis est, non habet hereditatem in regno Christi & Dei: quod vnum & idem regnum est, sicut Christus & Deus, vnus Dominus sunt. Notat eleganter B. Hieronymus, hic non coniunctum esse cum fornicatione & immundicia & auaritia: stultiloquium & scurrilitatem, quoniam non perpetuò hæc peccata à regno Dei excludunt, & si poena nonnulla sint digna: Ut hinc Purgatorium elicere liceat.

Nemo vos seducat inanibus verbis. Propter hæc. n. venit ira Dei in filios diffidentia. Nolite ergo effici participes eorum. Eratis enim aliquando tenebræ: nunc autem lux in Domino. Ut filij lucis ambulate. Fructus enim lucis est in omni bonitate, & iustitia, & veritate, probantes quid sit beneplacitum Deo. Et nolite communicare operibus infructuosis tenebrarum: magis autem redarguite. Quæ enim in occulto fiunt ab ipsis, turpe est & dicere. Omnia autem quæ arguuntur, à lumine manifestantur. Omne enim quod manifestatur, lumen est. Propter quod dicit: Surge qui dormis, & exurge à mortuis, & illuminabit te Christus.

*Nemo vos, &c.* Admonet Ephesios ne sese inanibus verbis seduci sinant. Verè enim inania verba effutiant, qui contra veritates euangelicas obloquuntur, & argumentis vafis obstrepere non desistunt: ut magnum sit tædium vel audire illos propositiones ineptas & iniquas iactantes (puta qui defendunt immunditiam, & auaritiam) qui non sunt capaces spiritus sapientia.

*Propter hæc enim venit ira Dei in filios diffidentia.* Ira Dei illa magna venit propter istam præputij auersionem seu obtusionem, quæ nescit suaderi, sed habet contemptui euangelicæ veritatis puritatem. Hinc verba blasphemie, quæ inaniter euomunt aut temerario & arroganti contra ea quæ reuelauit Deus. Tales vocantur Hebraico tropo, filij diffidentia.

B. Hieronymus hic eos particulariter taxat, qui negabant aliam esse peccati poenam præter ipsummet peccatum, quo vno satis homo punitur.

Hoc quidam inanis philosophus nostro saeculo defendere molitus est, qui mortalitatem animæ ex doctrina Philosophi, & ex philosophiæ principis certam se tenere putabat, & ut Sadducaus quidam, nullum credebatur esse spiritum. Sed quam hæc falso atque inaniter dixerit, ipse nunc verè sentit infelix. Nulla est enim alia conuenientior aut dignior aduersus istos insuasibiles persuasio, quam ut re ipsa id experiantur quod noluerunt credere: Nunc ipse planè nouit & spiritus esse, & pro peccatis merita inferri supplicia, quæ sunt aliud ab ipso peccato. Væ mundo, si nulla alia poena peccatis præter ipsa peccata infligeretur. Quid enim in rerum natura consistere posset? Sed hoc nec civilis, nec naturalis ratio patitur, quo nihil perniciosius, & quod magis pariat peccandi licentiam. Nunquid igitur sapientior erit mundus Deo ipso, aut iustior? Nonne scriptum est: Deus ultionum Dominus, Deus ultionum liberè egit &c. Et paulopost: Intelligite insipientes in populo: & stulti aliquando sapite. Qui plantauit aurem, non audiet? aut qui finxit oculum, non considerat? Qui corripit Gentes, non arguet? &c. Nolite ergo fieri participes eorum, scilicet in dogmate, ne sitis vna suppliciorum & peccatorum illorum participes. Est enim Apostolica doctrina, quod qui huiusmodi hominibus dixerit, Aue, communicat eorum operibus malignis.

*Eratis enim aliquando tenebræ: nunc autem lux in Domino.* More scripturæ vitur vocibus significantibus formas & qualitates absque subiecto, accipiens tenebras, pro tenebrosis: & lucem, pro illuminatis: ac si dixerit, Quod aliquando fuistis tenebræ, non ita erat vobis imputabile: quoniam nunquam in luce fueratis constituti. At nunc si reuerteremini ad tenebras, cum iam sitis lux, iudicium in vos pareret iustissimum tam insignis prauitas. Etenim in hoc erit iudicium (ait Dominus) quod venerit lux in mundum, & dilexerint homines magis tenebras quàm lucem. *Ut filij lucis ambulate.* Qui à luce sunt, debent secundum lucem ambulare, ut à luce digni proueniant fructus illi, quos ipsemet declarat, aiens:

*Fructus enim lucis sunt in omni bonitate, iustitia, & veritate.* Bonus est apud Apostolum (ut alibi declarauimus) qui effundit de suo. Iustus, qui reddit cui que quod suum est. Verax, qui seruat quod promissit. Hæc tamen omnia pertinent quoque ad iustitiam ut partes eius, quatenus iustitia generalis est & omnis virtus, id est, vniuersa virtus. *Probantes quid sit beneplacitum Deo,* id est, ita ambulate in luce, ut probetis quid sit beneplacitum Deo: quod quidem beneplacitum lux ipsa ostendit. Tum autem probat hoc homo, quando consentit interius iudicio suo cum veritate, hoc est, quando non est prauè affectus, ut quod est dulce accipiat pro amaro: vel econuerso.

*Et nolite communicare operibus infructuosis tenebrarum,* laudando illa: aut quouis modo consentiendo illis, qui ea faciunt: quod maxime in dogmatibus animaduertitur. Nam hæretici propriè re-

Innui  
Percontat

Psal. 93.

Ioan. 12.

2. Ioan. 1.



nebræ sunt, quibus vel si dixerimus, Ave, teste Dilecto, comunicamus eorum operibus malis. Non enim esse possunt opera vilius hæretici bona, etsi interdum videantur in specie, cum sit maculata eorum mens & conscientia, & omnia in malum intendunt. Sunt & eorum opera si quid boni præ se ferant, sterilia: quoniam non veniunt ex charitate. *Magis autem etiam arguite.* Vos scilicet qui ambulatis in luce potestis ac debetis eos arguere, ne hoc sibi vendicent peccatores cum sint tenebræ, ut velint fugare tenebras: & qui trabem habent in oculo, velint festucam de oculis aliorum, contra Domini præceptum, eiicere.

Sed dicet, aliquis: Quæ fieri potest ut simul arguam, & eorum societatem fugiam? In arguendo enim conuersatione opus est, quæ vno die fieri nequit. At mihi periculum imminet, ne fortè dum immundum tango, ab eo polluar. Respondet B. Augustinus: Duobus modis (inquit) non te maculat malus, si ei non consentias, & si redarguas: Hoc est non communicare, non consentire. Quasi dicat Apostolus, Non sitis consentientes malis, ut ea probetis: neque negligentes, ut non arguatis: neque superbientes, ut insultanter arguatis. Ad prælatos autem potissimum hoc præceptum pertinet, qui errantes debent in viam veritatis reducere. Magna scio opus esse virtute atque anni magnitudine, si quis legitime velit suas partes obire, præsertim cum subditi opibus & nobilitate pollerent, & tamen peccatis assidue vacant. Verum audiendus erat Sapiens antequam hanc provinciam susciperes, Noli, inquit, querere fieri iudex, nisi valeas virtute irrumpere iniquitates.

Eccle. 7.

De moribus hæreticorum.

*Quæ enim in occulto fiunt ab ipsis, turpe est & dicere.* Loquitur non obscure Apostolus de hæreticis qui erant hypocritæ, à quibus horribilia facinora in occulto admittebantur, quemadmodum de Manichæis legimus, & aliis huiusmodi, qui Curios simulant, & Bacchanalia viuunt, ut quidam dixit. Sed gratias nunc agimus Deo, qui nostra ætate neminem permittit hypocritæ hæreticorum seduci. Ita manifesto multi perfrectæ frontis homines primam fidem irritam faciunt: & eoque manifestis se sacrilegiis inquinant, avaritiæque scelera sectantur, ut possint per se omnem ratione præditum hominem à suo consortio detertere. Quosdam verò adhuc latere scio, qui egregie agunt hypocritas. Sed hos Deus (ut spero) etiam manifestabit, sicut & incæpit ex parte: saltem hoc implebitur sua die.

Contra latentes hæreticos.

*Omnia autem quæ arguuntur, à lumine manifestantur,* id est, omnia quæ digna sunt ut arguantur, à lumine fiunt manifesta. Non enim potest nisi lux veritatis arguere mendacia & falsitates. Qui ambulat in luce, is potest atquere ambulantiem in tenebris, & iudicare eum; quia non possunt coram luce consistere, nec possunt ita latere ut non appareant esse tenebræ. *Omne enim quod manifestatur lumen est,* id est, oportet esse afflatum lumine, ut manifestetur. Lux enim est obiectum visus. Itaque cum manifestantur tenebræ, lux fiunt, quæ in hoc lucent, ut semetipsas ostendant, & prodant quomodo tenebræ sint.

*Propter quod dicit: Surge qui dormis, & exurge à mortuis, & illuminabit te Christus.* Non expresse quis

hoc dicat. Restat ergo ut hoc Deum in aliqua scriptura dixisse suppleamus. At nulla inuenitur quæ hoc dicat, ut testatur Hieronymus. B. Thomas inducit illam Isaia: Surge illuminare Ierusalem, &c. *Isa. 60.* Sed verba illa valde differre ab his videntur. Hic enim manifestè de dormientibus loquitur: & eo in loco Isaia manifestè Ierusalem iubetur surgere, & illuminari in aduentu Domini primo. Nisi fortè & ad vltimum aduentum verba illa extendantur: quod non negauerim rectè dici posse. Aut nisi fortè quod hic dicitur: Surge qui dormis, & exurge à mortuis, attineat ad eos qui in peccatis dormiunt, & sunt in eis mortui, quibus in aduentu Domini primo ut surgant iubetur: quoniam illuminandi à Christo, id est, à lumine Christi, agnoscet sua ipsorum peccata & tenebras, à quibus deinde debeant abstinere. Cognoscent enim peccati foeditatem: & ita eos vitæ prioris pudebit, ut erubescant ad eadem redire. Hoc ad Rom. scripsit: Quem fructum, inquit, habuistis tunc in illis, in quibus nunc erubescitis? *Rom. 6.*

Attamen cum verius verba hæc ad vltimū diem pertineant, dicendum est tunc verum similiter fore: quia reuelabitur dies ille in igne & lumine, ubi manifestabuntur abscondita tenebrarum, illucen- te Christo quasi die quodam bonis & malis, sed aliter atque aliter. Nam boni illuminabuntur, non solum ut cognoscant se lucem esse in Domino, verum etiam ut de fulgore gloriæ suæ in ipso corpore participant.

In libro Ecclesiastici de ipsa Sapientia, quæ est Christus, hæc verba, ad quæ forsitan aspexit Apostolus, habentur: Penetrabo (inquit) omnes partes terræ, & inspiciam omnes dormientes: & illuminabo omnes sperantes in Domino. Quod ergo ait, Inspectiam omnes dormientes, quid est, rogo, aliud quàm dicere, Surge qui dormis? Ab aspectu enim Christi veniet vita in nobis. Et quod ait, Illuminabo omnes sperantes in Domino, quid aliud est, quàm illuminabit te Christus? Ipse est vera sapientia illuminans omnes suos. Cæteri verò tunc quoque illuminabuntur ad cognoscendas proprias tenebras, quibus perpetuo inuoluentur. *Eccle. 24.*

Et hæc satis ut probetur, quæ digna sunt argui, ea manifestari à lumine: & quod manifestatur hac parte, lumen est: non quasi ipsum quidem illuceat, sed quia participat luce aliena, qua sic illuminatur, ut cognoscat. Nihil enim videri potest quod sit in tenebris, & per illas occultum: sed cum aduenit lux, & aliquo modo illustrantur à lumine tenebræ, tunc videntur & clarissime cognoscitur quales sint. Sic fax & lutum, dum sunt in obscuro, non videntur. Si autem lumine illustrentur, quodam modo lux erunt & cognoscentur, & tamen manebunt fax & lutum. Lux enim nullo modo immiscebitur eis. Oportebit igitur omnes velint nolint, venire tandem ad lumen, ut manifestentur opera eorum, & referat unusquisque prout gessit in corpore.

Est & alia lectio à B. Hieronymo considerata, *B. Aug. in psal. 3.* quam & si B. Augustinus citans hunc locum probare videatur, cōmuniter tamen alij doctores non sequuntur: nec enim quicquam faceret ad rem propositam. Nam loco, *Et illuminabit te Christus,*



ipsi legunt, & continget te Christus. Testatur ergo Beatus Hieronymus fuisse qui dicerent Christum esse illo in loco crucifixum, ubi fuit Adam sepultus, & ob eam causam ipsi Adæ dictum, quod verificabitur in postrema die, Surge qui dormis, ô Adam, & exurge à mortuis, & continget te Christus. Hoc autem velut commentitium quoddam, nec ad rem præsentem attinens (ut ipsemet attestari videretur) reiiciendum est profus.

Videte itaque fratres, quomodo cautè ambuletis: nō quasi insipientes, sed ut sapientes, redimētes tempus, quoniam dies mali sunt. Propterea nolite fieri imprudentes: sed intelligentes quæ sit voluntas Dei. Et nolite inebriari vino, in quo est luxuria: sed impleamini Spiritu sancto, loquentes nobismetipsis in psalmis, hymnis, & canticis spiritualibus, cantantes & psallentes in cordibus vestris Domino: gratias agentes semper pro omnibus, in nomine Domini nostri Iesu Christi Deo & Patri: subiecti inuicem in timore Christi.

*Videte, &c.* quia omnia manifestabuntur à lumine, nec poterunt latere abscondita tenebrarum ait Apostolus, *Videte*, hoc est, considerate attentius: *quomodo cautè ambuletis*, ne offendatis in via mandatorum Dei. *Non quasi insipientes*, qui nō considerant futura, sed solum & vix quod est ante pedes. *Sed ut sapientes*, iuxta illud, Utinam saperent, & intelligerent, ac nouissima prouiderent. *Redimētes tempus quoniam dies mali sunt*. Redimitur tempus multis modis. Postquam enim opportunitates beneficii sciimus nobis nullis rectè factis elabi, resarcire debemus in posterum. Hoc tum demum præstamus, quando ita deuotè, & ita strictè utimur tempore inferuientes Deo, ut nihil de eo nostris commodis indulgeamus: imò dementes etiam nobis aliquid de necessitatibus nostris. Aliiter quoque redimimus tempus, dum quæ possemus impendere commoditatibus corporis, illis utimur ad animæ lucrum. Est enim quasi redimere illud & commutare, ut demus pro ipso temporis pretio commoda nostra, ut fructus spirituales exigamus.

Addit rationem huius redemptionis: *Quoniam dies mali sunt*, hoc est, quoniam dies nostri hanc habent malitiam, ut inferant multas vitæ necessitates. Vnde multum temporis amittitur, & sine villo fructu effluit. Bene dixit Præceptor veritatis: Noli te cogitare de crastino. Crastinus enim dies sollicitus erit sibiipso: sufficit diei malitia sua. Hic ergo Apostolus idem aliis verbis admonens, ait: Redimite tempus, id est, auferre illud ab usu vestri corporis, & necessitatum vitæ quantum potestis, quia dies habent hanc malitiam, ut semper vobis velint de tempore interciperi, retrahentes ab honestis actionibus, propter necessitates & commoda vitæ peritura, quibus potius studeatis. Sed sufficiat diei malitia sua.

Propterea nolite fieri imprudentes. Imprudēs est qui non sibi prospicit ad felicitatem & verum bonū: sed intelligentes quæ sit voluntas Dei. De qua volunta-

te alibi. Hæc est, ait, voluntas Dei sanctificatio nostra, ut sancti simus animo & corpore. Hic finis in quem debemus intendere. Sancti estote, quoniam ego sanctus sum ait Dominus: ac si dixerit, Si vultis iungi mecum, conueniamus. Ego enim sanctus sum, & non valeo non esse sanctus. Vos igitur efficiamini sancti, qui hoc potestis, sed per me. Alioqui imprudentes apparebitis, si putetis in vestris immunditiis placere Deo, & ita quod est sanctum conuenire cum pollutis, & mittendum canibus.

*Et nolite inebriari vino, in quo est luxuria*. De vino ad literam possumus intelligere, in quo est luxuria. Non tamen per luxuriam intelligas veneream solum libidinem: Nam vox Græca *ακρα*, luxum potius significat. Qui vino sunt dediti, ad omnia flagitia admittenda proni sunt. Possumus & vini appellatione intelligere voluptatem mundanorū, quæ qui inebriantur, prodigi sunt, omnia diuina & spiritualia amittentes: nec istis quæ sunt carnalia & temporalia, saluatur. Filius ille prodigus est omnibus exemplo, qui dissipata tota paterna substantia, in tantam redactus est inopiam, ut pascere porcos in villa sit coactus, id est, Diabolos immundos qui hominibus porcorum in sordibus vitæ simillimis delectantur.

*Sed impleamini spiritu*, Qui est dilectio & amor Dei. Hoc vinum est spirituale, in quo nullus est luxus, & qui eo impletur & inebriatur, beatus. Nul-  
*Pro dilectione Dei.*  
lum prodigalitati potest esse periculum, quantum aliis impartiat. Quin potius quod effundit copiosius, eò magis ipse impletur. Ille verò prodigus est, qui spargens nihil sibi relinquit.

*Loquentes vobismetipsis in psalmis, hymnis, & canticis spiritualibus*. Homo loquitur sibiipso in hymnis, psalmis, & canticis, cum per psalmos intelligit medium quo itur ad beatitudinem, & illud sibi applicat. Et per hymnos agnoscit mirabilia Dei omni digna laude Et per cantica enūtiat summa Dei erga eos beneficia, qui Deum diligunt. Et notandum quod sequitur: *Cantantes & psallentes in cordibus vestris Domino*. O quanta huc meritò possemus cum indignatione congerere in præposterum multarū ecclesiarum morem, quæ non aliud curant quam cantus, & vocum reboationes non Domino, sed hominibus, in sacellis principum, & ecclesiis cathedralibus, ut nullam ferè ipso auditu liceat percipere syllabam: sola voluptas aures demulcet, ad cor autem nihil attingit. Et hos magno pretio conducunt, quasi satis sit cecinisse absque mente & spiritu, & alios sui loco suffecisse. Iam enim magnos, qui in ecclesia sunt, prelatos pudet cantare, & malunt audire non Dei verba, sed vocum volubilitatem & symphoniam lasciuarum cantilenarū imitatricem. O cæcitatem maximè deplorandam.

*Gratias agentes semper pro omnibus in nomine Domini nostri Iesu Christi Deo & Patri*. De omnibus rebus debemus gratias agere, & hoc, semper, id est, assidue, siue bona sint, siue mala. Mala enim ipsa verti possent in bonum prouidentia Dei, quādo illa humiliter, & cum gratiarū actione suscipimus, sicut habemus exemplum in B. Iob, & aliis gloriosis sanctis qui virtute patientiæ claruerunt. *In nomine Domini, &c.* In hoc nomine gratiosè suscipitur à Deo Patre, quicquid suscipitur: quoniam primò Deus, est Deus Christi, & primò Pater, est ipseus Chri-

1. Thess. 4.

Leuit. 11.

Luc. 15.

Dan. 28.

Quomodo redimatur tempus.

Dan. 6.



sti Pater: noster autem & Deus & Pater est, per ipsum & in eius gratiam.

*Subiecti inuicem in timore Christi.* B. Hieronymus hoc in loco sic ait: Audiant hæc episcopi, audiant presbyteri, & omnis ordo doctorum, subiectis suis se esse subiectos. Et hoc facit vera charitas, ut alibi: Per charitatem seruite inuicem, quoniam ad hoc ipsum ad egimus Christum, ut seruiret nobis. Non tamen hic locus est torquendus est, ut faueat Lutheranis, qui ordinem & iurisdictionem destruunt in ecclesia & gradus. At quid est, rogo, aliud quam destruere corpus Christi, & velle totum corpus vnum duntaxat esse membrum, & frustum carnis? Et ideo declaratur ista subiectio qualis esse debeat, nimirum, in timore Christi, ut intelligamus in eo spiritu, quo Christus subiectum se præbuit omnibus propter Deum, seruienti nobis in charitate. Vel ut intelligamus nihil fieri, debere timore hominum, sed timore Christi qui timor sit potius in Deum reuerentia, quam timor ille quem foras mittit charitas. Nam in vno quoque debemus agnoscere inhabitantem Christum, & illum reuereri.

Mulieres viris suis subditæ sint, sicut Domino: quoniam vir caput est mulieris, sicut Christus caput est Ecclesiæ: ipse Saluator corporis eius. Sed sicut Ecclesia subiecta est Christo, ita & mulieres viris suis in omnibus. Viri diligite vxores vestras, sicut & Christus dilexit Ecclesiam, & seipsum tradidit pro ea, ut illam sanctificaret, mundans eam lauacro aquæ in verbo vitæ, ut exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi: sed ut sit sancta & immaculata. Ita & viri debent diligere vxores suas, ut corpora sua. Qui suam vxorem diligit, seipsum diligit. Nemo enim vnquam carnem suam odio habuit: sed nutrit & fouet eam, sicut & Christus Ecclesiam. Quia membra sumus corporis eius, de carne eius, & de ossibus eius. Propter hoc relinquet homo patrem & matrem suam, & adhærebit vxori suæ: & erunt duo in carne vna. Sacramentum hoc magnū est. Ego autem dico in Christo & in Ecclesia. Veruntamen & vos singuli, vnusquisque vxorem suam sicut seipsum diligit: vxor autem timeat virum suum.

*Mulieres viris suis subditæ sint sicut Domino,* ita ut loco Domini vxor virum suum habeat. Commendatur Sara, quæ vocabatur Abraham Dominum suum. Et ratio adiungitur cur hoc facere debeant. Quoniam vir caput est mulieris. A sententia Domini post peccatum, & adhuc ante peccatum, Adam censebatur ut caput Heuæ. Sicut Christus caput est Ecclesiæ: & ipse est Saluator corporis eius. Hoc ideo dicit, quia ad caput pertinet ut reliquum corpus saluet. Sed sicut Ecclesia subiecta est Christo, ita & mulieres viris suis in omnibus. Omnium appellatione in scripturis

nunquam venit quod malum est: quia malum ut malum, defectio est & nihil. Sed arguet quis: Si ita subiecta esse debet vxor viro, quomodo ecclesia Christo non ergo in eis carnalis copula locum habebit. Et tamen ad Corinth. iubet vxori à viro debitum reddendum. Imò suadet, si orationum gratia ad tempus separentur, continuo tamen reuerentur in illud opus. Quo argumento adeo motus est B. Hieronymus, ut (quod vehementer admiratus sum) dixerit, aliud dixisse Corinthiis qui erant imperfecti, aliud Ephesiis. Sed non oportebat, meo quidem iudicio, moueri eiusmodi argumento, quasi concludat: quia inter Christum & ecclesiam minime cogitetur talis secundum carnem copula, pari applicatione non debere inter virum & vxorem cogitari. Absit ut hanc doctrinam tradiderit Apostolus: sed voluit proportionaliter ista intelligi. Quemadmodum in coniunctione quæ est secundum spiritum, ecclesia subiicitur Christo in omnibus, ita debet esse in coniunctione quæ est secundum carnem inter virum & mulierem, ut vxor in omnibus similiter obediat viro. Dico in omnibus quæ scilicet attinent ad curam domesticam, ut sunt officia mulieris & matrisfam. Sunt enim mulieres adiutorium quoddam viris in seruanda domo, & augendis opibus, sub viris suis tamen, ut dictum est:

*Viri diligite vxores vestras, sicut & Christus dilexit Ecclesiam, & semetipsum tradidit pro ea, &c.* Seruat similitudinem, & ostendit qualem dilectionem habuerit ad ecclesiam Christus, nempe eam, quæ maior cogitari non potest: quia tradidit seipsum, id est, proprium corpus & vitam pro illa, id est, pro sanctificatione ipsius, quæ fit in baptismo, ita ut dederit corpus, quod illi quæreret spiritum sanctificationis, mundans illam lauacro aquæ. Hic magna questio inter Scholasticos, quomodo aqua ista elementaris possit attingere maculas & peccata, ut mundet nos ab eis, & gratiam conferat, ut per aquam hæc fiant velut per instrumentum. Ingredi hunc labyrinthum non est animus. Fateor enim primum, me non posse hæc capere (nisi me ecclesiæ id clare definientis compellat autoritas.) Quomodo possit hæc corporalis aqua ad sordes animæ pertingere. Sicut enim quod intrat in os corporeum non potest animam cōinquinare, ut ait Dominus. Ita quod cunque corporeum extrinsecus adhibeatur ad carnes, non videtur posse quouis modo ad sordes animæ extergendas pertingere. Omnia igitur, breui sententia, dicenda sunt consistere in pactis. Deus enim inuisibiliter facit in anima, quod fieri visibili signo, id est, lauacro aquæ significatur: ut quod in corpore natum est fieri per aquam, intelligas fieri intus per spiritum. Dicitur tamen per aquam hoc fieri, quoniam sine hac humiliatione hominis ad aquæ lauacrum, non faceret Deus. Et hanc virtutem intellige sic datam aquæ: quia Deus alio modo non operaretur in hominem regulariter.

Illud præterea dicitur, quandoquidem ipsa gratia qua sanctificamur, in scripturis aqua vocatur, & aqua viuens, quam Dominus Samaritanæ se daturum pollicebatur salientem in vitam æternam. Et propheta de illa prædixerat: Effundam super vos aquam mundam, &c. profecto non de elementari aqua intelligebat, sed de illa spiritali quæ per elementarem significatur. Nec est nouum ut de

Gal. 5.

1. Pet. 3.

Matth. 5.

1040. 4.

Ezech. 36.



figno ea sæpe dicantur, quæ signato conueniunt. Et propterea dicitur aqua elementaris ablueri corpus: quoniam aqua illa spiritalis, quam elementaris significat, hoc agit interius.

Hæc opinio mihi verior videtur: nec tamen libet contendere, nec placet quicquam tenere mordicus, si aliud ab ecclesia definiretur. Sed non constat hæcenus esse definitum, & si quidam hoc obiectent ex concilio Florentino, vbi habetur quod sacramenta nouæ legis continent gratiā, & conferunt eam. Illa enim verba multipliciter ex poni possunt, imò & exponi debent, ne sensus nobis porrigant absurdissimos, & derideamur merito ab huius mundi sapientibus. Nam quomodo continent (quæso) gratiam sacramenta? Nunquid in aqua ablueri est gratia, sicut est in corde hominis? De vno tamen sacramento potest sanè & verissime dici, quod continet gratiam. Cōtinet enim corpus Christi, in quo habitat plenitudo diuinitatis corporaliter, & illud verè Eucharistia est.

Quod sequitur est citra controuersiam, *In verbo vitæ*, Ecce quomodo reuera mundatur ecclesia per verbum vitæ. Hic est Christus sermone pronuntiat, & corde susceptus: hæc est fides quæ purificat corda. Quamobrem ipse aiebat, Vos mundi estis propter sermonem meum. Nam homo audiens sermonem vitæ, ac recipiens in corde per fidem, absque dubio dispositus est ad recipiendam gratiam & charitatem, donum iustitiæ, quo corda purificatur, quod subito ut synceram fidem videt, infundit Deus: & istud in lauacro isto non solum significatur, sed etiam re ipsa exhibetur atque efficitur.

*Ut exhiberet ipse sibi gloriosam Ecclesiam, non habentem maculam, neque rugam.* Hæc perspicuè videntur pertinere ad diem postremum, quando erunt omnia perfectè purgata. Non est enim sine macula aut ruga, quæ interim est in via & militat, & sæpe maculatur in membris suis atque inficitur. Retinet item propter corpus aliquid rugarum veteris hominis. Gloriosam non esse in hoc mundo quis non videt? Nisi fortè velis satis esse, modo verificetur hæc verba in eximiis membris, quale fuit beatissima virgo semper immaculata, & ij qui proxime ad illam gratiam accesserunt. Sed nec sit, ut mihi videtur, completur prorsus ista significatio.

Non desunt qui contrahant verba hæc ad ecclesiam Romanam quantum ad dogmata fidei, quia semper permansit illibata sine vlla macula erroris, aut ruga falsi aut superstitiosi cultus. Verum prior expositio verius quadrat, quam & B. Augustinus probauit, præsertim cum verba illi maxime faueant. Primò enim dixit, *mundans eam lauacro aquæ in verbo vitæ, ut exhiberet sibi gloriosam, &c.* ut per hoc intelligas finem ipsius fidei & baptismi, qui est exhibitio ecclesiæ ipsi Christo in gloria. Porro tandiu minime sit exhibitio ista, quādiu sumus in via: potissimum autem cum addatur, & de claretur fieri istam exhibitionem in gloria, vbi reuera nihil erit veteris hominis, sed perfectissima renouatio ac regeneratio sine vlla penitus macula, aut aliquo huiusmodi. *Sed ut sit sancta & immaculata*, quod tunc erit plenissimè, ut frequenter diximus.

*Ita & viri debent diligere uxores suas, ut corpora sua.* Perstat in proposita similitudine. Quemadmodū

caput ecclesiæ Christus: ita caput mulieris vir, unde vnde vnum corpus cum illa efficitur. Et ideo, *Qui suam uxorem diligit, seipsum diligit*: cum sit pars corporis sui, & vna caro cum illo vinculo tanti matrimonij effecta.

*Nemo enim carnem suam unquam odio habuit.* Videtur tamen hoc posse refelli instantiis. Multi namque sunt inueniendi in corpus suum proprium odia exercentes. Imò Christus precipit ut odio habeamus nosmetipsos, & corpora nostra. B. Paulus corpus castigat, & in seruitutem redigit. Sed reuera ut quis oderit corpus suum non est ex natura, sed per accidens (ut ita loquar) quatenus vel per illud homo affligitur: per illud ab aliqua concupita felicitate prohibetur. Sententia ergo Apostoli est secundum naturam nulla alia habita cōsideratione. Homini enim à natura cōparatum est ut diligat carnem suam: qui si aliter sine causa faciat, improbè agat, & peruerse, & innaturaliter. *Sed nutrit, scilicet cibo & potu: & fouet eam*, vestibus & vnguentis vbi opus est: *sicut & Christus Ecclesiam*. Dominus prospexit de cibo ecclesiæ suæ dando seipsum, & de fomentis per alia sacramenta, quæ sunt loco salutarium vnctionum misericorditer nobis relictarum.

*Quia membra sumus corporis eius, de carne eius, & de ossibus eius.* Videndum in primis quomodo sumus membra eius, & de carne eius, & de ossibus eius. Hoc certè carnaliter non est intelligendum, sed spiritaliter. Ipse generauit nos in passione suæ Crucis, & ad seipsum traxit, ut futurum ecclesiæ corpus exinde tanquam ex carne eius & ossibus eius procederet: quoniam caro ecclesiæ non est iā sub peccato, sicut nec Christus cum in terris ageret fuit sub peccato, licet in carne simili peccatrici carni, in qua tribulationes passus est à peccato, ut sic vinceret peccatum, & destrueret iura peccati, & sic gloriosam redderet carnem suam. Nos igitur regenerando voluit adhuc eam carnem habere, quæ post sublata prorsus peccati iura, esset tamen sub tribulationibus peccati ad imitationem sui & similitudinem, donec in resurrectione generali meritò redderet gloriosam, illam scilicet quæ peccati stimulis nec acquirerit nec succubuerit.

Et hæc in Lutheranos egregiè concludunt, qui contra Christi gratiam docet per baptismum non deleri peccatū, sed adhuc manere in carne. At hoc in loco dicimur vna caro cum Christo, ut potèeducti de carne eius, & ossibus eius. Nunquid igitur caro Christi erit caro peccati? aut potius in similitudinem carnis peccati? Nam & si B. Paulus fomitem, qui manet in nobis, peccatum vocauerit, non ob eam causam ita vocauit, quasi adhuc verè esset peccatum, sed quia venerat à peccato, & ad peccatum extimulat. Verum supina iam est & crassa eorum inscitia, qui modos dicendi apud scripturam nolunt admittere. Dixit verò carnem ex carne eius, & os ex ossibus eius: quoniam Christus habuit carnem quidem infirmam, sed non sine ossibus, quæ significant fortitudinem spiritus perfectam, qua fortitudine seruos suos maiora ecclesiæ membra armavit. Christi enim fortitudo nunquā in eo fracta est. Et hoc Dei præcepto mysticè in illa sententia intellecto. Os non comminuetis ex eo: singulariter enim verū fuisse in Chri-

*Carnē amāre vel odire se quomodo intelligunt.*



sto non est dubitandum. Nos alij Adæ latronis filij, qui in latronibus figuramur, habemus comminuta ossa, quia nullus vi suæ naturæ posset sustinere fortiter opprobria crucis, nisi ille iuaret. Multos igitur fuisse firmissimos inde euenit, quoniam de ossibus Christi per gratiam ipsius participarunt.

*Propter hoc relinquet homo patrem & matrem, & ad hærebit uxori suæ: & erunt duo in carne una.* Verba hæc ex Genesi excerpta sunt, quæ maximum nexum, qui est inter virum, & uxorem, eleganter declarant. In Gen. legitur, Propter hoc, Sed hinc Græcè legitur, *ὅτι τοῦτο*, id est, pro hoc, seu vice huius, aut è regione huius proportionabiliter, vt ita dixerim: quasi clarius dixisset: Ille futurus est homini cum uxore nexus quo Dominus Iesus Christus cum ecclesia colligari debet, vt sit quasi loco Christi vir, & vxor loco ecclesiæ, videaturque quid fecerit Christus propter ecclesiam. Illum enim maximum nexum esse oportet, qui ab alio magno nexu & vinculo separet. At certè inter patrem & filium, & inter matrem similiter & filiū magni sunt nexus, vt deceat esse vnum & eundem conuictum, & domum vnā.

Et tamen ab hoc nexu, per hunc alium spirituales matrimonij nexum, vipote validiorem, distractus est homo Christus, qui tāto amore ecclesiam suam est prosequutus, vt se & à Patre quodam modo segregaret & à Matre, legibus istius sæculi & iuri se summittens. Segregauit enim se à Patre Christus quodam modo propter ecclesiam, quando apparuit in mundo in forma serui. Propterea dixit: Exiui à Patre, & veni in mundum. Segregauit se & à charissima matre, cum propter eandem ecclesiam mortuus est in cruce, illa relicta sub discipuli cura. *Et erunt duo in carne una.* id est, ex duobus fiet vna caro, quæ nulla humana potestate separari possit. Sic caro Christi facta est vna cum ecclesiæ carne. Nam in passione & morte sua mirificè hæ nuptiæ sunt celebrate, & factum est atque expressum vinum bonum. *sacramentum hoc magnum est.* Quid est, Sacramentum hoc magnum est, nisi coniugium inter virū & uxorem? Illa videlicet carnalis copula magnū est sacramentum. Nam in ea perficitur carnale matrimonium, vt sic fiat omnino indissolubile.

Est quæstio tamen exorta propter hæreticos, An matrimonium sit sacramentum. Cum enim hinc vocetur sacramentum, etiam esse reuera consequenter probari videtur. Respondent, Græcè legitur mysterium, & non sacramentum. Quasi verò Græcè dici potuerit sacramentum, cum sit vox latina recepta: & quasi quod Græcè dicitur mysterium, non dicatur latinè sacramentum. Dicent, At quædam mysteria vocantur in scripturis, quæ tamen non sunt sacramenta, quo sensu capiunt sacramenta Scholastici: qualia sunt illa septem quæ ipsi enumerant, & nota sunt. Sed nihil prohibet quin possint vocari sacramenta quælibet mysteria, quauis non sunt de illis septem. Nonne mysterium in carnationis Christi dicitur etiam sacramentum? Non probant ergo, matrimonium non esse vnū, videlicet ex illis septem sacramentis, cum interim constet à B. Paulo dici sacramentum, & nihil vetet esse vnum ex septem. Imò ratio & magna doctorū authoritas contra est: cui sese opponere semper fuit hæreticorum.

Sed videndum quomodo sacramentū sit, quod docet Apostolus, aiens:

*Dico autem in Christo & in Ecclesia.* Et est sensus: carnale coniugium ea ratione esse sacramentum: quia signum est spiritualis coniugij inter Christū & ecclesiam contracti: Conditiones nanque eadem sunt. Et hinc accipe nō ad similitudinem carnalis coniugij creatum fuisse spirituale: sed contrā potius, ad similitudinem spiritualis decretum fuit carnale, tamen prius tēpore fuerit carnale quā spirituale. Vt enim quō hæreret ecclesiæ sponsæ Christus, quodam modo reliquit Patrem, id est, Deum à quo exiuit exinaniendo seipsum: & Matrem suam Beatissimā virginem secundum carnem, quam permisit periclitari, & ab eius carnali consortio auulsus est, vt acquireret sibi Sponsam suam, & applicaret sibi, eique hæreret in sempiternum (quod perfectè verificatur in illa vnicè Electa & Dilecta, & post illam in cæteris vasibus electioni.) Ita facta est lex in nexu matrimonij carnalis, vt sic obseruet maritus propter uxorem suam, & nunquam eam dimittat. Et in hoc matrimonij vinculo significatur nexus Christi cum ecclesia.

Alio modo reliquit Christus Patrē, & Matrem, id est, Patriarchas & Prophetas, & Synagogam suam, vt hæreret ecclesiæ suæ. Et tertio modo reliquit patrem Adam, & matrem Heuam, secundum carnem, quos permisit in peccatum labi. At primariam sponsam suam ab æterno sibi decretam Mariam virginem semper immaculatam, cui & semper adherere voluit, non permisit nec dimisit in communi sorde hominum pollui, ne pro vllō vnquam quantumuis leui momento esset iræ filia, & diabolo & peccato subiecta, quod iam horredum est vel cogitare nunc piis & deuotis animis.

*Veruntamen & vos singuli vnusquisque uxorem suam sicut seipsum diligit.* Veruntamen, id est, cæterum: & vos singuli, id est, vnusquisque vestrum uxorem suam diligit sicut proprium corpus, & eandē carnem, sicut est reuera. Alioqui tenetur homo communi præcepto proximum sicut semetipsum diligere. Sed non additur, sicut corpus suū, & carnem suam, vt quandam insuper carnalem dilectionem, castam tamen & sanctam, declaret propter finem sanctum ad sobolem gignendam Deo. *Vxor autem, supple ita diligit, vt timeat,* reuerentiæ timore, *uirum suum, vt caput.*

## CAP. VI.

**F**ILIIOLI, obedite parentibus vestris in Domino: hoc enim iustum est. Honora patrem tuum & matrem tuam (quod est mādatum primum in promissione) vt bene sit tibi, & sis longæuus super terrā. Et vos patres, nolite ad iracundiam prouocare filios vestros: sed educate illos in disciplina & correctione Domini. Serui obedite dominis carnalibus, cū timore & tremore, in simplicitate cordis vestri sicut Christo: non ad oculū seruientes, quasi hominibus placētes: sed vt serui Christi, facientes voluntatem Dei

Dimittet  
homo patrē  
& matrē  
quid.



ex animo, cum bona voluntate seruientes sicut Domino, & nō hominibus: sciētes quoniam vnusquisque quodcunque fecerit bonum, hoc recipiet à Domino, siue seruus, siue liber. Et vos domini eadem facite illis, remittentes minas, sciētes quia & illorum & vester Dominus est in cœlis: & personarum acceptio non est apud Deum.

**A** Postolus pergit formare Ephesios circa mores. Post præceptum autem viro & mulieri de mutua eorum dilectione datum, sequitur præceptum honoris erga parentes. Porro quæri potest, quare in lege præceptum de viro & vxore omissum fuerit: & de parentibus tantum traditur. Hoc fortè fuit in causā: quia non debuit sic sanctificari matrimonium ante Christi aduentum, quod fœdaturum erat, & propter lasciuiam conculcatum per diuortia, & concubinas, & per vxorum pluralitatem ad tempus toleratam. Nam hæc lex & dilectio quæ hīc imperatur est ad exemplum Christi & ecclesiæ. At istud tam excellens sacramentum nondum patebat: & sic non poterant tunc esse verum signum tanti sacramenti, vt inde elicere- tur præceptum istud. Ideoque peculiariter est præceptum primis patribus, & noui testamēti. Et hæc rationem esse veram puto: quare meritò diminuta fuit illa lex, in qua hoc præceptum poterat desiderari. Sed impleta est lex vetus per legem nouam.

*Filij obedite parentibus vestris in Domino.* Possunt obedire parentibus multi, sed non in Domino: quia non propter Dominum: aut quia non existūt in Domino per fidem & charitatem. Eiusmodi autem obedientia vana est, & vacua merito: quam vel Ethnici exhibent. Potest fortè intelligi de parentibus qui sunt in Christo, vt iis obediatur, non autem infidelibus. *Hoc enim iustum est,* tanquam à lege imperatum, & naturaliter iustum. Et hoc probat ex veteri scriptura. *Honora patrem tuum, & matrem tuam:* quarum vocum significatio extenditur in scriptura sancta ad omnes parentes superiores, qui & patres similiter & matres dicuntur. *Quod est mandatum primum in promissione.* Non simpliciter primum, sed primum in promissione. Nulli enim priori mandato facta est specialiter repromissio. Illa superior, qua Deus retribuere posteris dicitur, & facturus misericordiam in millia, non est promissio, sed prophetia: nec est propter obseruantiam vnus cuiuslibet mandati, sed in genere: ait enim, *His qui diligunt me, & custodiunt mandata mea.*

*Vt bene sit tibi, & sis longæuus super terram.* Hæc intelligenda sunt non solum carnaliter, sed multò magis spiritualiter, & de terra cœlesti, quæ est Christus. Vnde alibi de hoc pietatis mandato testatur, repositam illi promissionem vitæ præsentis & futuræ, in qua impletur promissio. Hoc tamen inter est. Nam vitæ præsentis promissionem habebat ex Mose, futuræ autem ex Christo. Est autem notandum, hanc mercedem ac retributionem, quæ promittitur in lege morigeris filiis atque parētēs suos honorantibus, persuasam quoque ipsis Ethnicis fuisse. *Quidam enim præclari illorum authores & poætæ hoc docuerant, & fortè ipsi è sacris literis*

hauserant: aut rei conuenientiam sua ratione & iudicio inuestigari & comprobantes. Illud certum, ab omnibus philosophis naturali ratione edoctis, præcepta de honore parentibus post Deum debito, grauius & concorditer esse literis mandata.

*Et vos patres nolite ad iracundiam prouocare filios vestros.* Sicut nimia parentum in filios indulgentia improbat, ita & nimia seueritas ac duritia hic prohibetur. Nec enim Heli sacerdos indulgens filiis probatus est: nec Saulis in Ionatam tolerata fuit illa nimia asperitas. *Sed educate illos in disciplina & correptione Domini.* Non ergo sit secularis disciplina, quæ lædit sæpè pietatem: neque correptio secularis, quæ exasperat: sed sit Domini disciplina & correptio lenis & spiritualis (pro modo tamen errantium) ad scientiam Dei & medicinam, & emendationem morum cum omni moderatione. O si seruaretur hoc præceptum: O patres patres; imò verò O crudeles filiorum & filiarum vestrarum patricidæ, quibus traditis doctrinas lasciuorum poetarum & procorum, verius porcorum. Væ inuolutis huiusmodi sordibus, nisi eos citò misericordia Dei eripiat. Hęc moneo toto corde. Irā enim Dei propter hæc magnam concitari qui non apprehendit, malo suo tandem aliquando miser per sentiet.

*Serui obedite dominis carnalibus cum timore ac tremore.* Sed cum timor hic & tremor non tam debeatur homini, quam Christo, ideo addit. *In simplicitate cordis vestri, non nequiter, non simulate: sed sicut Christo.* Non ad oculum seruientes, quasi hominibus placentes, quod plerique ferè omnes faciunt: sed vt serui Christi, quem debetis in illis considerare, & illi seruire. Tum proderit & ad luenda peccata si quæ adfuerint: vel ad merita cōparāda si peccata defuerint. *Facientes voluntatem Dei ex animo,* non violenter: cum bona voluntate (Gracè, beneuolentia) seruientes sicut Domino, cui debemus beneuolentiam: & non hominibus. Non esset æquum aliquando vt quibusdam hominibus seruiretur ab iis, qui fortè sint multò meliores & sapientiores. Sed Dominus vult hæc tolerari ad vitanda maiora merita. Nihil enim absurdum est, si ex absurdis sequantur absurdas. A Patrefam, cuncta ad integritatem redibunt sua die, & restituetur cuiuslibet suus gradus: vnde multi dominorum apparebunt serui: & multi seruorum liberi.

*Scientes quod vnusquisque quodcunque fecerit bonum, hoc recipiet, &c.* Et si sit in terris hac personarum acceptio, cessabit tamen in cœlis, vbi siue seruus, siue liber, hoc recipiet à Domino quod fecerit. Legant hoc & non fugiant hæretici, qui tanta fronte profectis non reddi mercedem in cœlis audent asserere. Hīc manifestè ait B. Paulus, *Vnusquisque quodcunque fecerit bonum, hoc recipiet.* At nunquid illud ipsummet bonum quod fecit, recipiet? minime, sed præmium eius. Dixit autem doctissimè, *hoc recipiet.* Est enim præmium quodam modo in merito ipso absconditum.

*Et vos domini eadem facite illis.* Non intelligas, eadem, ita dici, vt etiam ipse dominus debeat seruire seruo suo in eisdem officiis, sed in quibus ille pro conditione status debet, vt in timore & tremore ea faciat erga illum, simpliciter & ex animo beneuolo quæ debet facere, & humanitas exigit, tan-

De educatione liberorum:

Nota pro meritis.



*Praelati &  
qui eis ser-  
uiunt, no-  
tent.*

quā faciēs ea Christo, cogitādo sibi hāc à Christo in illo postulari. Et quānā sunt quę postulat à dño seruus: cib⁹ & disciplina, id est, utilis castigatio vel instructio, vt possit operari nō seruiliter, sed ex animo. Quare summopere cauere debet dominus ab opprobriis & cōtumeliis, à verberibus & minis. *Remittentes* (inquit Apostolus) *minas*. Quodd si ista seruus à dominis quibuscunque debentur: quid dicemus de liberis & ecclesiasticis viris, qui imperant, suis curialibus imperiosius & grauius, quā si essent serui captiui, & pretio redempti? O miserum vtrunque genus, & eorum qui dominantur, & eorum qui tam superbam patiuntur dominationem. Sed non aliam ipsi merentur, qui contra Apostolum fecerunt se seruos hominum. Quanta ego vidi & audiui? Et quanta etiam toleraui compressio stomacho, non reprehendens vt debui? Audiant quomodo perterrefaciat Apostolus, *Scientes quod & illorum & vester Dominus est in cælis*.

O verbum grauiissimi, sed apud quosdam leuissimi ponderis, qui ignorant hoc tempore miseri. At paulo post derepentē. experientur & imprudenter ac ne quicquam dicent: Ego non putaram. Quid est non putaram? Nonne iis turpe erit dicere: Non putaram? quorum præcipuē erat officium docere alios, cum essent pastores, & ad eos pertinebat tenere sacram scripturam, & B. Paulum, non autem dare operam delictis, & ignauis, ventri & carni, & aliis quæ honestē nominari non possunt. Hæc à me dicta sint, obsecro, cum fructu, si quando ad eorum manus ista peruenerint: & sibi certō persuaideant non de stomacho & animo inimico prodire, sed ex imis misericordiæ & charitatis visceribus. *Et non est acceptio personarum apud Deū*. Ille personas ex propriis meritis iudicabit, & non erit apud eum seruus, aut liber: Praelatus, vel subditus.

De cætero fratres, cōfortamini in Domino, & in potentia virtutis eius. Induite vos armaturā Dei, vt possitis stare aduersus insidias diaboli: quoniam non est nobis colluctatio aduersus carnē & sanguinem: sed aduersus principes & potestates, aduersus mundi rectores tenebrarum harum, contra spiritualia nequitiae in cælestibus. Propterea accipite armaturam Dei, vt possitis resistere in die malo, & in omnibus perfecti stare. State ergo succincti lūbos vestros in veritate, & induti lorica iustitiæ, & calceati pedes in præparationem Euāgelij pacis: in omnibus sumētes scutum fidei, in quo possitis omnia tela nequissimi ignea extinguere: & galeam salutis assumite, & gladium Spiritus, quod est verbum Dei.

Hortatur modò vniuersaliter omnes, vt tanquam in militia existentes, vigiles, armisque spiritualibus accincti sint: tempus enim ita esse faciendum postulat. *De cætero fratres, &c.* Reliquum est, o fratres, vt vires accipiatis in Domino: quoniam nullæ sunt in vobis ipsis ex vobis. *Et in potentia vir-*

*tutis eius, siue fortitudinis. Induite vos armaturā Dei*. Armatura Dei est, quam ipse Deus donat, & sunt virtutes cœlitus venientes, & ipsa veritas. Vel armaturam Dei vocat, qua ipse Dominus noster Iesus Christus vsus fuit in dæmonem, quæ fuit patientia & veritas, in qua immotus perstitit. *Vt possitis stare aduersus insidias diaboli*. Nemo etenim suis armis dæmonū callidissimis artibus, & incredibili fortitudine resistere longo interuallo posset.

*Quoniam non est nobis colluctatio aduersus carnem & sanguinem*. Fortē de perfectioribus loquitur, quibus, cum iam carnem superauerint, superest vt Diabolicis insidiis resistāt. Aut intellige dictum, *Non est nobis colluctatio, &c.* tanquam hæc quæ cum Dæmonibus suscipitur, sit præcipua conflictatio, & periculis extremis exposita: vt iuxta modum loquendi, illud intelligatur quasi non esse, quod præ alio modicum habet esse, ita vt quodam modo nihil sit æstimandum. Aut supplendum est, *solummodo*, id est, *Non est nobis solummodo colluctatio aduersus carnem*. At iuxta hanc expositionem debuisset dicere cum copula, sed & aduersus principes, & tamen dicit, sed aduersus principes. Quare superiores expositiones magis placent. *Sed aduersus principes & potestates, &c.* Manifestē Angelos præuaticatores qui ceciderunt, his nominibus notat: qui & ipsi in sua militia ad diuersa facinora habent ordines & principatus. Et licet cuncti ad malum tendant diuersi tamen ad diuersa scelera & peccata incitant, quibus consentiunt multi. Et propterea principes dicuntur, quia regunt mundum istum, id est, homines mundanos, quos tenebras vocat Apostolus. *Aduersus spiritualia nequitia*, vel potius malitiæ, id est, aduersus quædam illorum arma quæ sunt spiritualia, procedentia ex eorum malitiæ. *In cælestibus*, hoc est, in iis quæ pertinent ad cælestia. Omnis nanque illorum conatus & rabies eō fertur ad decipiendum incautos, vt vnde illi ceciderūt, arceāt ne illuc nos ascendere valeamus. Non admodum curant an nos temporalia abundē possideamus (imo extimulant, vt iis incūbamur auidissimē) modo ab æternis nos abstrahant. Alius sensus est, *contra spiritualia nequitia in cælestibus*, hoc est, contra spirituales nequitias, quæ sunt, *in cælestibus*, id est, in aeris regione, quæ cœli appellatione venit. Vnde & Dominus volucres cœli dixit Dæmones, in sua parabola seminis, qui verbum salutis auferunt.

*Propterea accipite armaturam Dei: quia necessariō in digetis contra tot & tam excercitatos atque infestos pugnatores. Vt possitis resistere in die malo*. Vocat diem malum (vt arbitror) iudicij diem, qui est dies vindictæ & iræ, cui tātū ij resistūt, in quibus nihil iuris habuerit ipse Diabolus. Hanc diem scripturæ vocant diem malam, diem iræ, & furoris, & tenebrarum, & turbinis, nebula, & caliginis: à qua die mala liberet nos Deus per Iesum Christum. *Et in omnibus perfecti stare*. Gracē in hunc modum habetur, Et omnibus perfectis, stare: vt sit talis sensus, Vt possitis resistere in die mala, scilicet calūniantibus Dæmoniis, & repetentibus animas vestras. Et possitis stare cum omnia perfeceritis, id est, cum impleueritis mandata, & fueritis pleni operibus bonis, quæ dant sobriam confidentiam in die illa. Qui enim benē agit, non odit lucem: sed venit confidenter ad lucem, vt manifestetur opera eius

*Luce. 8.*

*Joan. 1.*



eius: quoniam in Deo sunt facta. Et hoc cōtra eos qui volunt in tempore illo, neminem secundum iustitiam bonorum operum inueniri securum.

*state ergo succincti lumbos in veritate.* In lumbis sedes luxuriæ est. Succinguntur autem lumbi ab iis qui veritatem illam Domini capiunt, quum dixit: Sunt Eunuchi qui se castrauerunt propter regnū Dei. *Et indui lorica m iustitiæ.* Iustitia est donū Dei, quo si indui fuerimus, seruit nobis tanquā lorica aduersus tela Diaboli. Per ipsam enim habemus in promptu mandata Dei saluberrima, à quibus nolumus recedere: quod sit vt omne telum & fallacia Diaboli retundatur. Hanc lorica m habebat Dominus cum tela reiciebat, dicens: Non tentabis Dominum Deum tuum. *Et calceati pedes in præparationem Euangelij pacis.* Homo calceatos habet pedes dum ambulat in diebus pœnitentiæ, vt peccata sua penitus deleantur: & sic præparetur vt possit abiectis postmodo calceamentis euangelizare. Nam qui in terra sancta sunt, debent extrahere calceamenta, hoc est, iam opera pœnitentiæ perfecisse. Vbi vide quomodo sit præparatio eorum qui aliis prædicare præsumunt. Nam qui adhuc in peccatis est, & in ordine pœnitentium, nondum præparatus est, nisi expleuerit primū legitimæ satisfactionis tempus.

*In omnibus sumentes scutum fidei.* Vt opponatis vos tentationibus & persecutionibus. *In quo possitis omnia tela nequissimi ignea extinguere.* Tela ignea esse puto cupiditates, & ardentia ambitionis desideria ad honores huius mundi, & appetitum gloria. Hæc tela iaculatur Diabolus, quæ vrunt homines miserabiliter, sed scuto fidei retunduntur. Qui enim oculo fidei intentè respicit ad cœlestia, terrenas omnes cogitationes retundit.

*Et galeam salutis assumite.* Per hanc galeam intelligo spem, quæ caput, id est, mentem nostram, à concussionibus tribulationum protegit. Spes intuetur bona æterna, quorum desiderio erecta, facile temporalia incommoda despicit, sciens optimè quā non sint condignæ pœssiones huius temporis ad futuram gloriam, quæ reuelabitur in nobis. *Et gladium spiritus, quod est verbum Dei.* Non solum arma defensionis, sed offensionis quoque debemus assumere. Et hæc sunt verba Christi, quibus acerbissimè torquetur Diabolus: quale est illud, Nolite timere eos qui occidunt corpus. & illud: Primū quærite regnum Dei, item: Beati qui lugent.

Per omnem orationem & obsecrationem orantes omni tēpore in spiritu: & in ipso vigilantes in omni instantia, & obsecratione pro omnibus sanctis, & pro me, vt detur mihi sermo in apertione oris mei, cū fiducia notum facere mysterium Euangelij, pro quo legatione fungor in catena, ita vt ipse audeam (prout oportet me) loqui. Vt autē & vos sciatis quæ circa me sunt, quid agā, omnia vobis nota faciet Tychicus charissimus frater, & fidelis minister in Domino, quem misi ad vos in hoc ipsum, vt cognoscatis

quæ circa nos sunt, & consoletur corda vestra. Pax fratribus, & charitas cum fide à Deo Patre nostro, & Domino Iesu Christo. Gratia cū omnibus qui diligunt dominum nostrum Iesum Christum in incorruptione. Amen.

*Per omnem orationem & deprecationem orantes.* Verè sine oratione & deprecatione impossibile esset diabolis resistere. Deprecatio enim necessaria est, qua mala à nobis deprecamur: Ne nos inducas in tentationem, sed libera nos à malo. Oratio est qua petimus varia, vt occurrerit. Dicit autem, *omnem orationem*, nō ad diuersa orationum genera spectās, sed ad perfectionem orationis, quæ habeat suas cūcūstantias, vt quod oportet oremus, & quomodo oportet, attētē, fideliter, humiliter. Græca enim vox sæpenumero totalitatem (vt ita dixerim) atq; integritatem sonat. Non est autem oratio integra, cui aliqua necessariorum circumstantiarum deest. Quotusquisque igitur est, qui ea perfectione orat? Et ideo non impetramus miseri. Vt verissima fiat B. Iacobi increpatio. Petitis (inquit) & non accipitis, eō quod male petatis. Ante tempus orare prouidentia est. Tempore constituto, obedientia. Tempus orandi præterire, negligētia. Tantò quippe debet crebrior esse oratio, quantò vilior. Tunc veraciter homo Christianus orat, quando in corde nihil aliud cogitat. Maxime verò tum iudex ad preces flectitur, si à sua prauitate peccator recedat. Nam oratio ipsa duobus præcipuè modis impeditur, ne quod postulat, à Deo impetret: cum scilicet peccata committere homo perseverat: aut si peccanti in se ex toto corde non dimittit. Quemadmodum enim non prodest vulnere adhibitum medicamentum, in quo adhuc manet infixum ferrū: ita nihil eius proficit oratio, qui odium retinet in corde. Quot, rogo, vel ex ipsis religiosis viris existunt, qui ariditatem non sentiant, & stupiditatem mentis in orando, vt solis orantes labijs non attendant neque quid dicant, neque cui loquantur? In causa illud est:

Nos velut ex quadam consuetudine, nulla ferè reuerentia ad Deum accedimus, neque præparamus ante orationem animas nostras. Quid enim aliud cogitare debet homo Christianus dum ad orandum accedit, quā propheticum illud: Ingrediar in locum tabernaculi admirabilis vsq; ad domum Dei, vbi Rex regum stellato sedet solio, innumerabili & ineffabili circumdatus beatorum spirituum exercitu? Quanta ergo cum reuerentia, quanto timore, quanta illuc humilitate accedere debet (ait deuotus Bernardus) à palude sua procedens & repens vilis ranuncula? In cunctis igitur actionibus nostris etsi multa opus sit animi vigilantia, potissimum in oratione. Licet enim semper à Domino videamur, sed tunc etiam presentamus & ostendimus nos quasi facie ad faciem cum Deo loquentes. Obsecrare igitur verecundo debemus affectu: Orare puro affectu non dissimulantes peccata nostra, minimeq; nobis blandientes, scientes vnūquenq; citius gratiam apud Deū inuēturum, quod fuerit durior iudex in semetipsum. Postulem in super amplum ostendentes affectum & fiducia



1. Ti. 2.

latitudinē. Postulet ( inquit B. Iacobus ) in fide nihil hæsītans. Et tum ad gratiarum perueniamus actionē, quæ debet esse deuotione plenissima, & delitiis affluēs. Hos orationis modos nos Apostolus breui sententia ad Timotheū scribens docuit: Obsecro primum omnium fieri, ait, obsecrationes, orationes, postulationes, gratiarum actiones, pro omnibus, &c. Verum, vt paulo antè dixi, quotum quēquē reperias ex his qui in communi Christianorum sorte versatur, qui nouerit orandi modum; imò verò qui vel Missam cum aliqua corporis reuerentia noberit audire? Itaque non mirum si tanta est vitæ spiritualis sterilitas, quam orationis (vè ita dicam) non impinguat debita assiduitas. Hanc tamen diligenter commendat Apostolus noster, subdens: *In omni tempore*, tam prosperitatis, quàm aduersitatis. Sunt enim qui facilius interdum in prosperitatibus corruunt. *In spiritu*, idest, in dilectione Dei existentes: Nam spiritus amor est. *Et in hoc ipsum vigilātes*, idest, in hoc spirituale certamen: *In omni instantia*, vt saltem propter importunitatem exaudiamini, & surgere faciatis Patremfam. è lecto (vt est in euangelica parabola) pro instātia orationis, quò saltem propter improbitatem perentis, expugnetur quāmtumuis avarus. Non est reuera avarus ipse Dominus, sed dum nostra delectatur industria, ad modum avari se habet, exigēs instantiam & importunitatem nostrā: quod clarè apparet in exemplo Cananæ. Hoc autē facit vt vehemētius cupiamus, & digni simus aliquo pacto accipere. *Et obsecratione pro omnibus sanctis*, non tantum pro vobis. Gracè tamen legitur deprecatione, quæ ad ea propriè mala accommodari solita est, quæ oratione perimus amouenda. *Et pro me, vt detur mihi sermo, &c.* Sēlus est clarus. Vbi obiter tamen notandum: Euāgelicum ipsum munus tale esse, vt indigeat ad cursum facilem orationibus ecclesiarum. Vnde & oramus pro Pontificibus. Et ecclesia sine intermissione orabat pro B. Petro dum esset in carcere. Et nos similiter debemus orare pro omnibus, & illis potissimum qui sunt in administratione, & de quorum actionibus ac deliberationibus pender status, tranquillitas, & vera salus multorum.

Acto. 12.

*Vt autem & vos sciatis, &c.* Postremò, cum vnicuique magna sit & anxia cura atque sollicitudo, rescire de absentibus, & amicis, & necessariis & multò magis vbi intercedit nexus charitatis Christi, cōgirans Apostolus illo erga seipsum desiderio Ephesios teneri, ait: *Vt autem & vos sciatis* (supple)

sicut multi alij sciūt, *quæ circa me sunt*, idest, quæ ab aliis in me inferūtur. *Et quid agam: omnia vobis nota faciet Tychicus charissimus frater, & fidelis minister in Domino.* Cōmendat hominem vt illi habeant fidē. Imò addit: *Quē misi ad vos in hoc ipsum, vt cognoscatis quæ circa nos sunt, & consoletur corda vestra.* Mirabile est: prius ait, *circa me*, & modo ait, *circa nos*, vt ostēdat quæ ad se pertinent, ad illos simul pertinere. Ostēdens autem ea quæ ad se pertinebāt bona esse, addit, *Et consoletur corda vestra*, Hæc autem bona erāt, ipsum videlicet esse in catenis pro Christo, & Christi euangelio ad salutem Gentium. *Qua* in re nomē Christi celebre reddebatur, & ipsius merita crescebant, & Christiani illi qui sapiebant, in fide fortius ex tanta Apostoli constantia confirmabantur.

*Pax fratribus, & charitas cum fide, &c.* Vbi pax est, etiam charitas est. Et si charitas adest, etiam fides adest. Et hæc omnia à Patre nostro Deo, & Filio eius Domino Iesu Christo. Potest & fides hoc in loco pro confidentia accipi, seu fiducia. *Gratia cum omnibus qui diligunt Dominum nostrū Iesum Christū in incorruptione.* Amen. Perpende genus salutationis, quo nunc vitur Apostolus. Optat omnibus iis gratiam, qui diligunt Iesum Christum Dominum nostrum: & non quouis modo, sed, *in incorruptione*, siue in incorruptibilitate. Multi quidē diligunt Christum quandiu est illis bonus in hoc mundo, iuxta illud: Confitebitur tibi, cum benefeceris ei: de cuius sanguine viuunt hic & regnant. Non est hæc vera ac bona dilectio. Tales figurantur in illis, quibus obiciebat Dominus. Amen Amen dico vobis, queritis me, non quia vidistis signa: sed quia manducastis, & saturati estis. Potest & alius esse sensus, nimirum: Talis sit gratia vt nulla adsit corruptio, quæ accidere consuevit per transgressiones & peccata. Dicere insuper possumus ab Apostolo optari gratiam diligētibus Iesum Christum incorruptibiliter, hoc est, syncerè & simpliciter, non mente corrupta, sed vt perseverēt vsque in finem sine peccato. Amen. Hæc vox desiderij est: cuius vrinam me & omnes impetret fieri verè participes gloriosus Apostolus noster, vt inter Ephesios (quæ vox desideratos significat) connumeremur per Iesum Christum Redemptorem,

cui cum Patre & Spiritu sancto sit honor  
& gloria, & omnis gratiarum actio  
in generationes sæculi  
sæculorum.

Amen.

\*



# ARGVMENTVM IN EPISTOLAM B. PAVLI APOSTOLI AD PHILIPPENSES.

**H**ANC epistolam nondum vinculus liberatus, e Roma misit B. Paulus per Epaphroditum anno Domini, vt quidam tradunt, quinquagesimo octauo. Argumētum (vt vno verbo absoluam) est adhortatio, vt confirmentur ac permaneant in Euangelio, quod recoeperant. Mirifice verò cuncta diluit quæ illos ab Euangelica veritate possent abducere, aut abstrahere: Et illa affert quæ ad retinendam in ea soliditatem veram apprimè conducunt.

## COMMENTARIA IN EANDEM EPISTOLAM B. PAVLI AD PHILIPPENSES.

\*



**P**AVLVS & Timotheus serui Iesu Christi omnibus Sāctis in Christo Iesu, qui sunt Philip-  
pis, cū Episcopis & Diaconis: Gratia vobis & pax à Deo Patre nostro & Domino Iesu Christo.

**D**E more primum salutationem ponit, *Paulus & Timotheus*. Quemadmodum iam aliās scripsimus, nō de dignabatur B. Paulus admittere alios discipulos suos quasi coadiutores (vt ita dicam) epistolæ, ad exemplum humilitatis & charitatis præbendum, cuius est aliis propria cōmunicare. Ideo ait hic, *Paulus & Timotheus*. Mystice autem, vt intelligamus per duo maximè nos confirmari in euangelio, quæ iis duobus nominibus significatur. *Paulus* videlicet, ac *Timotheus*, hoc est, humilitate, quæ in Paulo significatur, & Dei honoratione & cultu, qui in Timotheo significatur. *Serui Iesu Christi*. Verè nullus superbus, & qui synce-  
rè non colit Deum, potest esse seruus Iesu Christi. Et econuersò: Nullus humilis & colens Deum, potest non esse seruus Iesu Christi. Vnde ipse Dominus aiebat: Si Deus pater vester esset, diligeretis vtique me. Ego enim ex Deo processi & veni. Et alibi queritur: Ego honorifico Patrem meum: & vos inhonorastis me. Pater omne iudicium dedit Filio, vt omnes glorificent Filiū, sicut honorificant Patrē. Qui non honorificat Filium, nō honorificat Patrē qui misit illū. Omnes ergo humiliari oportet sub omnipotēti manu Filij, cui iudiciū est.

Hic mirum videri potest, cur (præter morem) facere mētionem de dignitate Apostolatus sui prætermiserit. Aliqui respondent, ita scripsisse: quoniam hac salutatione asciuit socium Timotheum non Apostolum. At hoc perimitur instātiis. Nam in prima ad Corinth. asciuit sibi Sosthenen fratrem, qui nō erat Apostolus, & tamen se vocat Apostolum. Et in secunda ad Corinth. similiter Timotheum sibi adiungit socium, nec prætermittit Apostolatum suum. Alia igitur erat reddenda melior ratio. Viderur itaque hoc ommissum, quasi minimè hac in epistola necessarium, cum, vt in epistola apparet, Philippenses fuissent morigeri, nec vllō pacto consentientes Pseudoapostolis, nec scādalum passi propter vincula Pauli, imò & ipsi persecutionem sustinentes. Ideo nomine potestatis expresso non fuit opus. Solū ergo Philippensibus scri-

bens & Thessalonicensibus hoc nomen supressit, eadē vt mihi videtur de causa. Etenim epistola tota placida est, & plena maternis affectibus & dulcedine. Nulla hīc interseritur querela, nulla obiurgatio: sed mera cū summa eorū laude adhortatio. Discant similiter Prælati vbi non est opus, non ostētare potestatem: sed quasi vnum ex multis se exhibere, amabili tamen grauitate semper seruata.

*Omnibus sanctis in Christo Iesu*, id est, omnibus verè sanctis. Qui enim in Christo Iesu non est, nec esse sanctus potest: & qui in illo est, non nisi sanctus esse potest, id est, mundus per fidē, quæ purificat corda. Non intelligas fidē sine charitate, cū talem loquendi morē scripturæ nesciāt, vbi simpliciter & absolute de fide loquūtur. *Qui sunt Philippis, cum Episcopis & Diaconibus*. Videretur absurdū plures in eadē ciuitate fuisse Episcopos. Sed hæc erat prima ciuitas partis Macedoniæ quæ coloniā, id est, habitatores seu colonos receperat externos. Et propterea quid mali si quilibet suā, si quam nactus erat, curabat nationē: Addimus itē (& istud est diligēter aduertendū) cū olim Apost. insudarent in acquisitionē Gētium, ordinabant prius quos probabāt viros idoneos ad hoc munus obeundum, quos ad manū postmodo haberēt paratos, si quem in locū ad propagandā fidem mittere opportunū esset. Ita mihi intelligendum viderur: vnde & quos creabant sacerdotes, eosdē & ordinabant Episcopos. Nā Presbyteri nomē & ad ipsos Episcopos extendebatur, vt apparet in epistola ad Titum. Postmodum cum dilatata est ecclesia, segregati sunt qui muna episcopalia exercebant, ab iis qui solū sacerdotis simplicis munereungebantur: & pro numero ciuitatum constituti sunt episcopi. In hac quoque dignitate constituti sunt sui gradus, vt alij Archiepiscopi, alij Primates, alij Patriarchæ vocētur, qui omnes quomodo distinguātur inter se, & quæ sint eorum propria munera, de Canonibus requirendum est. Vtinam verò vnusquisque (quæ admodum par esset) sese intra suos fines contineret, & obseruaretur hic pulcherrimè distinctus ordo in ecclesia. Et ipsa ante omnia probitas vitæ & integritas vigeret: vt quod sublimiore quis dignitate cōstitutus est in ecclesia, eò splendidius reluceret in omni virtutum opere. Sed omnia sunt immutata. Dominus videat, & remedium adhibeat.

Aliud hīc annotandū est, apud Caietanū diaconos, de quibus hīc loquitur B. Paulus, non altaris, sed solū mensarū ministros fuisse, seruientes tantūmodo tēporalibus. Quæ opinio vt est singularis Caietani, ita nō digna quæ recipiatur, sed magis explodatur. Hunc discutiendam differimus in



epistolam ad Timoth. Reliqua salutationis, cum abundè iam sint alibi exposita, superuacuum esset inculcare.

Gratias ago Deo meo in omni memoria vestri semper in cunctis orationibus meis pro omnibus vobis, cum gaudio de precationem faciens super communicatione vestra in Euangelio Christi, à prima die vsque nunc, confidēs hoc ipsum: quia qui cœpit in vobis opus bonū, perficiet vsque in diem Christi Iesu: sicut est mihi iustū hoc sentire pro omnibus vobis: eò quòd habeam vos in corde, & in vinculis meis, & in defensione, & confirmatione Euāgelij socios gaudij mei omnes vos esse. Testis enim mihi est Deus, quomodo cupiam vos in visceribus Iesu Christi. Et hoc oro, vt charitas vestra magis ac magis abundet in omni scientia, & in omni sensu, vt probetis potiora, vt sitis synceri, & sine offensa in diem Christi, repleti fructu iustitiæ per Iesum Christum in gloriam & laudem Dei.

Primum incipit eos certiores facere suæ erga illos beneuolentiæ & charitatis: quod ad suadendum semper est potissimum. *Gratias ago Deo meo in omni memoria vestri*, id est, quotiens occurrit vestri memoria: occurrit autem semper in omni oratione mea, siue præcatione. Et vt ostendat ipsum animi affectum, adiungit: *Cum gaudio*, Ad orationis autem tenorem indicandum, *deprecationem*, siue orationem, *faciens super communicatione vestra in Euangelio Christi*. Gratias igitur agebat, venisse illos in participationem euangelij: & insuper orabat vt in eo dono confirmarentur, *À prima die*, qua scilicet vocati sunt, & responderunt vocationi. Fuit enim talis apostolica ad illos prædicatio, non ex voluntate propria, sed ex cœlesti reuelatione, vt patet in Act. Apostol. cap. 16. *Vsque nunc*, id est, ad hanc horam. Significat illos semper fuisse morigeros, obsequentes, & constantes in fide.

*Confidens*, seu persuasum habens, *hoc ipsum: quod is qui cœpit opus bonum in vobis, ipse perficiet vsque in diem Iesu Christi*. Primum hac parte nihil sibi arrogat Apostolus, sed cuncta penitus bona quæ illi obtinuerunt à notitia euangelij, refert accepta Deo. Certum autem se de illo ait qui incœpit, nempe de Deo: quoniam etiam perficiet. Non est enim Dei imperfecta relinquere opera sua. Quòd autem Deus incœperit, præter quàm quòd nemo Christianus homo negare potest. (Firma est etenim scripturarum & omnium S. Patrum hæc sententia, Omnis boni initium esse à Deo docente, excitante, atque adiuuante donec perficiatur.) Illud tamen est peculiare de Philippensibus testimonium, quomodo B. Paulo nocte apparuit vir quidam Macedo stans & orans eum, vt transiens per Macedoniam adiuuaret eos. Qua visione tãquam diuino admonitus oraculo factus est certus B. Paulus à Deo sibi mandari, vt apud illos euangelicam legem prædicaret, scilicet Philippis, quæ erat pri-

ma partis Macedonia ciuitas.

Et hîc cōsidera lector, quam tenue fuit initium, & quo pacto cœpit inde latius euangelium manifestari: ait scriptura, Eramus autem in hac vrbe diebus aliquot conferentes. Die autem sabbatorum egressi sumus foras iuxta flumen, vbi videbatur oratio esse. Et sedētes loquebamur mulieribus, quæ conuenerant. Et quædam mulier nomine Lydia purpuraria, ciuitatis Thyatirorum, colens Deum audiuit, cuius Dominus aperuit aures cordis intēdere his quæ dicebantur à Paulo. Lege reliqua, & commentare per te ipsum prudens lector admirabilem & nobis inuestigabilem Dei prouidentiam. Et quomodo ipse est qui mouet euangelizantem, & audienti aperit aures: & ex modico fermento totam massam fermentat. Frustra enim laborat lingua exterius docentis (ait Magnus Gregorius) nisi Deus tetigerit cor interius audiētis. Ab ipso enim est omnis nostra sufficientia.

*Vsque in diem Iesu Christi*. Dies Iesu Christi dies iudicij est, quo nullus relinquitur vltius operandi locus. Omnis fiducia nostra constituenda tunc, ex præcedente vita repeti debet. Misericordiam si quidem tunc nequiquam postulauerit, qui ipse nūc misericordiam non præstiterit. *Sicut est iustum mihi hoc sentire de omnibus vobis, &c.* Sensus & ordo literæ hic est. Ea quæ de vobis sentio, quos ad perfectū venire faciet Dominus vsque in diem illum postremum, sic sentio, sicut iustum est me sentire, tum ex parte Dei, qui (vt dixi) non incipit vt opus imperfectum deserat: tum verò quoniam ego habeo vos in corde. Non leue est diuini amoris signum, quando aliquis sanctus & Deo charus, tulcipit allicuius protectionem, & ex corde pro illo supplicationes ad Deum porrigit. Hoc enim modo solet diuina prouidentia operari, quæ vult per aliquos aliquibus salutem dare. Inspirat enim in corda amicorum suorum vt pro illis intercedant, & suspiria atque orationes fundāt. *Et in vinculis meis*: ad corroborationem persuasionis adiecit se eos omnes habere in suis vinculis, & in defensione & confirmatione socios: quoniam illi misericordia erga eius vincula & tribulatione commoti sunt, & participes facti passionum eius, manentes semper in fide & euangelio immobiles. Et licet tanta eis contradictione ab iniquis resisteretur, defensionem tamen & confirmationem ipsius euangelij adiuuabant intrepidè. Vnde & participes meritò efficiebantur gratiæ, qua abundabat beatus Paulus.

*Testis enim mihi est Deus, quomodo cupiam omnes vos in visceribus Iesu Christi*. Deest verbum in Græcis vt videtur, ideo interpretes adiecit, *esse*, vt sit sensus: Ad probandum esse sibi illos verè in corde, testem profert Deum, qui nouit abscondita cordis sui & affectus erga eos, & quomodo eosdem cupiebat inueniri in visceribus Iesu Christi: quod est inueniri misericordiis (vt ita dicam) & miserationibus eius vallatos atque protectos. Quibusdam magis irridet, si quod ait:

*In visceribus Iesu Christi*, referatur ad suum erga illos desiderium, quasi declarans non humanæ fuisse affectionis desiderium, sed in visceribus Iesu Christi, Prior tamè expositio mihi præ ista probatur. Nam imperfectum quoddam redolet, dicere,



*Cupio vos*, Si cui tamen potior hic sensus videatur, non contendam cum illo: parui modum refert. *Et hoc oro*, videlicet cupiens vos in visceribus esse Iesu Christi, oro insuper: *vt charitas vestra adhuc magis abundet, &c.* Ecce illius desiderij affectus, vt inuenirentur in visceribus Iesu Christi. Charitas enim inde contrahitur, vberius abundans in dies, magisque ac magis. Sic euenit in via Dei, & ita debet fieri vt crescat homo vsque ad perfectum. Alioquin in via Dei (teste B. Gregorio & verè) non progredi, est retrogradi. Porro adhuc quiddam aliud desiderabat B. Paulus Philippenfibus, qui benè currebant.

In omni scientia, Græcè legitur, In agnitione, Charitas nanque ex cognitione procedit: nec enim fertur amor in incognitum, *Et in omni sensu*, seu potius, intelligentia. *Vt probetis potiora.* Homo charitatem Dei habès quæ non est absque lumine, etiam intelligentiam consequitur, vt possit probare quæ verius eligenda sunt. Quamobrem ab eodem Apostolo dictum est, spiritualis esse iudicare omnia: quoniam habet legem, & regulam rectam in corde. *Vt sitis sinceri.* Ille sincerus est, in quo dolus nõ est, nec hypocrisis, sed columbæ simplicitas. *Et sine offensa*, id est, Nullam dantes offendiculi occasionem quantum fieri potest, nisi fuerit Phariseorum offensa. Cum infirmis autem circa hoc agendum est cautè admodum, ne contristetur Spiritus sanctus. In diem Christi, qui dixit, Qui scandalizauerit vnum de pusillis istis qui in me credunt, expedit ei vt suspendatur mola asinaria in collo eius, & demergatur in profundum maris. Væ mundo à scandalis, &c.

Repleti fructu iustitiæ per Iesum Christum in gloriam, & laudem Dei. Vide lector quam clarè B. Apostolus non solum admittit posse impleri legem per Dei gratiã: verum etiam hoc fieri debere indicat, vt inueniatur homo in illa die plenus fructibus iustitiæ, quæ sunt opera bona: ac propterea securus, vt possit comparare ante faciem Dei ac Domini nostri Iesu Christi sine querela. Quoniam verò hoc non potest contingere ex nobis, quasi ex nobis, cum ille dixerit: Sine me nihil potestis facere, ideo adiecit, *per Iesum Christum.* Et quia hæc omnia vertuntur in gloriam & laudem ipsius Dei, cum & gloria nostra, & gloriæ meritum à gratia Dei veniat, in gloriam (inquit) & laudem Dei. Ipse enim laudabitur & glorificabitur vsque in sempiternum ab omnibus Sanctis & Electis suis, fructu bonorum operum refertis.

Scire autè volo vos, fratres, quia quæ circa me sunt magis ad profectum venerunt Euangelij, ita vt vincula mea manifesta fierent in Christo in omni prætorio, & in cæteris omnibus, vt plures è fratribus in Domino confidentes in vinculis meis, abundantius auderent sine timore verbum Dei loqui. Quidam quidem & propter inuidiam & contentionem. Quidam autè & propter bonam voluntatem Christum prædicant. Quidam ex charitate, scientes quoniam in defensio-

nem Euangelij positus sum. Quidam autem ex contentione Christum annuntiant non sincere, existimantes pressuram se suscitare vinculis meis. Quid enim? Dum omni modo, siue per occasionem, siue per veritatem Christus annuntietur: & in hoc gaudeo, sed & gaudebo.

Scire autem vos volo, &c. Nulla esse videtur in litera difficultas. Illud in pectore conseruandum, res Christi & nostræ in illum fidei, eius generis esse, vt semper in contradictionibus & persecutionibus illustrata sint & aucta. Hoc B. Paulus ad Philippenfium confirmationem, volebat eosdem scire, vt intelligerent quæcunque aduersus illum à persecutoribus Iudæis commota fuerant, copiosius ad profectum venisse euangelij, hoc est, conuersa esse in commodum euangelij: quoniam manifesta facta sunt vincula eius in omni prætorio, seu potius, in toto prætorio. Prætorium hoc in loco significat, quod Augustalè Quintilianus vocat, vbi Cæsaris officiales ius dicebant. Nam ad Cæsarem B. Paulus appellauit. Fuit autem manifestatum illa vincula esse in Christo. Attende loquendi modum quo B. Paulus vtitur. Homo existens in Christo, non potest vincula & persecutiones pati, nisi propter iustitiam, & propter Christum ipsum: iccirco hoc totum fuisse manifestatum asseuerat, non solum in toto prætorio, verum & in cæteris omnibus, hoc est, vniuersa Vrbe Roma, quæ eo tempore erat veluti quidam paruus mundus, cum illuc ex omni genere homines & natione concurrerent. Hæc autem tanta manifestatio pertinebat ad clarificationem Christi. Oportuit enim notam esse iudicibus causam, cur esset vinctus illis vinculis. Cumque nihil illum patrasse flagitij ac sceleris cognouissent, laxarunt vincula: cui & permiserunt domum habere conductam, vbi erudiebat annuntians & euangelizans mysteria de verbo Dei. Sed antequam ipse solueretur, quidam perspecta ipsius B. Pauli constantia, animati sunt & ipsi ad prædicandum euangelium.

Et plures è fratribus in Domino confidentes in vinculis meis, id est, fiduciam capientes de mea patientia. Vocat fratres in Domino, & sinceros, abundantius auderent sine timore verbum Dei loqui. Vide quomodo virtus Christi in homine qui confidit, fortior est omni tyrannorum potentia & persecutione. Verum quoniam contingebat prædicari Christi verbum variis de causis, & à quibusdam non sincere: ne existimarent Philippenfes, omnes ambulare in veritate, & ne deciperentur, ait: Quidam quidem & propter inuidiam & contentionem: Quidam autem & propter bonam voluntatem Christum prædicant. Sensus clarus est. Quæ autem subsequuntur inuersa sunt ac perturbata, & sic debent legi. Qui quidem ex contentione Christum annuntiant non sincere, hi putant pressuram (siue tribulationem) suscitare vinculis meis. Declarat eorum malignitatem qui Christum ex contentione prædicabant. Id enim faciebant putantes B. Paulum esse sibi ipsis similem, inuidum & amulatorem, ac propterea vehementer angere ac torqueri, cum resciret ab eis euangelium prædicari, sibi verò vinculis impedito idem efficere non



liceret, quasi inde iactura aliqua illius existimatio ni inferretur, qui cessaret aliis laborantibus. Sed talis non est, qui gloriā Dei quærit, non suam propriam.

*Qui autem ex charitate, sciunt quod in defensionem, &c.* Ac si expressius dixerit: Illi qui ex charitate annunciant, aliud de me existimāt. Nam ipsi optimè sciunt, quomodo ego non propriam gloriam quæro, sed euāgelium ipsum defendo, & sic innocens pator. Hac commiseratione permoti illi euangelij cursum adiuuare prædicādo conantur, ut leuiora reddant mea vincula: quemadmodum & ego reuera leuius ea fero tali mihi nūciata pietate: ut consequenter & ipsi efficiantur gloriæ meæ participes, illius quæ mihi paritur ex vinculis.

*Quid enim?* Dixerat illos contentiosos arbitrari sua prædicatione pressuram afferri vinculis, quibus ipse Apostolus tenebatur: volens igitur ostendere secus esse, ait: *Quid enim?* nunquid scilicet ob hoc tristor, quoniā illi Christum tamen per inuidiam prædicant: & respondet: *Dum omni modo, siue per occasionem, siue per veritatem Christus annuncietur, & in hoc gaudeo.* Sensus est clarus: Tātum abest (inquit) ut vllam huius rei gratia tristitiam sentiam, ut contra gaudeam: modo tamen annuncietur Christus, & ego sum huius boni vel causā vel occasio. Non autē me recreat, nisi ex veritate id agant. Magnum hīc exemplum ab Apostolo prædicatoribus datur, ne quid agant ex contentione & æmulatione, sicut accidit multis: ut raros videas ex veritate & charitate prædicare. Ait autem Apostolus non solum se gaudere, sed in futurum etiam. *Sed & gaudebo* (inquit) cuius etiam futuri gaudij rationes annectit in his quæ subsequuntur:

Scio enim quia hoc mihi proueniet ad salutem per vestram orationem & subministrationem Spiritus Iesu Christi, secundum expectationē & spem meam, quod in nullo confundar: sed in omni fiducia, sicut semper, & nūc magnificabitur Christus in corpore meo, siue per vitam, siue per mortem. Mihi enim viuere, Christus est: & mori, lucrū. Quod si viuere in carne, hic mihi fructus operis est: & quid eligam, ignoro. Coarctor autem ē duobus, desiderium habens dissolui, & esse cum Christo, multo magis melius: permanere autē in carne, necessariū propter vos. Et hoc confidēs scio, quia manebo & permanebo omnibus vobis ad profectū vestrum, & gaudium fidei: ut gratulatio vestra abundet in Christo Iesu in me, per meum aduentum iterum ad vos.

*Scio enim quia hoc mihi proueniet ad salutem.* Redditur hīc ratio futuri gaudij, quæ est notitia, fore tandem ut illa omnia proueniant ei ad salutem: ut verum fiat in ipso, quod alibi dixit, Diligentibus Deum omnia cooperari in bonum, vel ea ipsa quæ videntur mala, præsertim cum adduntur orationes. *Per vestram orationem & subministrationem Spiritus Iesu Christi.* Nam per orationes moue-

tur Christus ad subministrandum Spiritum abundantius, quo homo in omni pressura inueniatur fortis. Hoc enim pacto mēbra membrīs inuicem adiuuantur.

*Secundum expectationem & spem meam: quia in nullo confundar.* Notat Apostolus hæc prouētura sibi ad salutem, quoniam id summè expectabat, & sperabat nullo euentu confundi. *Sed in omni fiducia,* seu libertate: *sicut semper, & nunc magnificabitur Christus in corpore meo,* id est, p passiones corporis mei, quas illius amore iam multoties & variè perpeffus sum, & adhuc perpetiar, *siue per vitam, siue per mortem,* quoniam & vita mea seruitiū est Christi, & mors mea erit pretiosa in conspectu eius. Ipse enim reddet mihi præmium summum, & superexcedens omne genus passionis & mortis.

*Mihi quidem viuere, Christus est,* id est, Vita mea est gloria Christi, quatenus ipse glorificetur in omni actione mea & tolerantia. *Et mori lucrū.* Si enim vitam meam illi totam deuoui, istud inde lucrū optatissimum capiam, quoniam ipse econuerso pro morte mea reddet mihi vitam, semetipsum. Ipse est vera vita nostra: & hoc pacto lucrabor illum, quo ille dixerat: Qui perdidit animā suam in hoc mundo, in vitam æternam custodit eam. Hic est locus, unde satis probatur, dari statim post mortem præmiū vitæ æternæ. Si mori est lucrū Christi, proculdubio beatitudinem consequitur qui lucratur illum, qui beatitudo nostra est. *Quod si viuere in carne, hoc mihi fructus operis est.* Sunt qui exponant, Quod si viuere in carne, subaudi contingat, hoc, id est, ipsum viuere in carne, fructus est operis, id est, operatur mihi fructum in vita futura. Aliqui exponunt. *Quod si, siue, si autem,* pro quauis, vel et si. Sed hoc extorquere est. Equidē sermo iste mutilus est, & necessariū est aliquid subintelligēdum. Hic fortassis sensus est. Dixerat, Mihi viuere, Christus est, cui ille vivebat: Mori autem erat lucrū ipsius Christi. Et cum vtrumque esset optabile, venit Apostolus in considerationem eoquod ē duobus satius esset & oprabilius. Ait ergo: *Quod si viuere in carne,* supple tu, est bonum & eligibile, quia viuo Christo: hoc, id est, mori & ita lucrari Christum, est mihi fructus ipsius operis, ac propterea eligibilis videtur: nam propter fructum est opus. At dum in hac fluctuatione ancipitis electionis non conquiesceret Apostolus, adiunxit:

*Et quid eligam, ignoro.* Et causam dubitationis exponit. *Coarctor enim ē duobus, desiderium habens,* hoc est, Duo sunt quæ me suspensum tenent & ambiguum, cum vtrumque sit optabile. Primum, *In dissolui, & esse cum Christo* (sic habet Græca lectio) *multo magis melius,* hoc est, in hoc euentu dissolutionis meæ, quo fit ut sim cum Christo, absolute est bonum, & multo magis bonum, quam permanere in carne. *Permanere autem in carne magis necessarium propter vos.* Ex superiore dicto clarè sumitur, post hanc vitam eos qui in Domino moriuntur, continuò beatitudine cœlesti donari. Tum quia hac duo copulantur; videlicet dissolui, & esse cum Christo: Tum verò cum dicat hoc multo esse melius quam viuere in carne. Falsum autem esset, si beatitudinem non consequeremur statim post mortem.



Postremò huic dicto occurrit dubium. B. Paulus asserens esse pro illis optabile si adhuc permaneret in carne, videtur contradicere nonnullorum sanctorum dictis, qui cum hinc recederent, solari superstitibus fratres consueverunt, pollicendo se plus illis profuturos orationibus ante Deum presentes quam si manerent in vita eosdem curantes. Ad huiusmodi dubitationem responderi potest, illud esse verum, cum iam labor eorum in hac vita perfectus & excursus est, non antea: quæ res sub Dei cognitione posita latet nos. At B. Paulus cui Spiritus à quo dirigebatur, plurima reuelabat, ait:

*Et hoc confidens, aut potius persuasus, scio quòd manebo, & permanebo cum omnibus vobis, id est, ego vobiscum manebo, ad profectum vestrum & gaudium fidei; &c.* Manere Apostolum in vita operabatur profectum illorum & gaudium, quod ex fide concipitur, quod soli norunt qui exercentur meditationibus & contemplationibus in puritate vitæ. *Ut gratulatio.* Græca lectio habet, *Gloriatio vestra abundet in Christo Iesu in me per meum aduentum iterum ad vos.* Gloriabantur Philippenses & meritò de tanto Doctore: quæ gloriatio reflorebat ipso Apostolo iterum redeunte ad illos, quod creditur factum. Nam post biennium quo Romæ egit, recessit inde, & multas visitauit ecclesias. Creditur etiam Hispaniam peragrasse. Certum esse per hæc verba debet, illum ecclesias Asiæ denuò repetiuisse. Quod autem promittit se iterum illos inuisurum, continet illam facitè coniunctam admonitionem, quæ sequitur:

Tantum dignè Euangelio Christi conuersamini, ut siue cum venero, & videro vos, siue absens audiā de vobis, quia statis in vno spiritu vnanimes, collaborantes fidei Euangelij. Et in nullo terreamini ab aduersariis, quæ est illis causa perditionis, vobis autē salutis: & hoc à Deo, quia vobis donatū est pro Christo, non solum ut in eum credatis, sed ut etiā pro illo patiamini, idem certamen habentes, quale & vidistis in me, & nunc audistis de me.

*Tantum dignè Euangelio Christi conuersamini.* Hoc iugulat eos qui negant posse nos dignè conuersari, ut euangelium requirit: sed satis esse credere. Sed hoc non satis est Apostolo qui ait: *Ut siue cum venero, & videro vos, siue absens, audiam de vobis, quia statis in vno spiritu vnanimes, collaborantes fidei Euangelij.* Significantius Græcè legitur, *concurrentes*, quia militia quadam est vita Christiani hominis super terram. Concurrat autem fidei, id est, simul cum fide euangelij, qui fide munitus quasi cum illa certans, diabolo, carni, & mundo insultanti resistit. Aut qui pro ipsa euangelij fide sustinet omnia, si sit optimus, etiam quæcunque extrema. *Et in nullo terreamini ab aduersariis.* Istud præstat fides, & spes æternorum cum charitate. Si enim non adsit charitas, quid faciet fides, aut spes, quæ vana esset? *Quæ illis est causa perditionis: vobis autē salutis.* Verissimum est hoc. Nam ut aduersari euangelio est causa perditionis, sic econuersò, est meritorie causa salu-

tis iis qui sustinent. Hæc ponderent hæretici, qui tanta contentione merita ad salutem auersantur. Græcè tamen legitur: *Quæ illis quidem est ostensio perditionis: vobis autem salutis.* Et hoc item verum est: quia ex causa ostenditur effectus. Valet enim argumentum. Ille fidem persequitur: ergo peribit. Sustinet ille pro fide: ergo regnabit. *Et hoc à Deo.* Quid est à Deo? Salus est à Deo. Item salutis meritum, quod est à constantia & patientia vestra, à Deo est. Cuius subdit rationem:

*Quia vobis donatum est pro Christo non solum ut in eum credatis, sed ut etiam pro illo patiamini.* Audiant Pelagiani ac Pharisei qui iactabant suas vires, & in semetipsis confidebant. Ecce totum ex dono est, & quòd credamus, & quòd sustineamus, & consequenter quòd præmia consequamur æterna. Qui ergo gloriatur, in Domino gloriatur. Eleganter hoc in loco B. Ioan. Chrysostomus in hunc modum scribit: Mentem ipsorum ad modestiam instruit, dum omnia Deo ascribens, gratiam & gratuitum donum esse dicit pati pro Christo, ac maioris admirationis quam sit mortuos suscitare, & signa miranda patrare. Nam illic quidem debitor sum: hic autem debitorem mihi acquirō. O rem admirandam, largitur ille, & debitor mihi obstringitur. Ad id etiam idem Doctor egregie: Hoc donum Dei quo efficitur ut pro illo patiar, non esse totum Dei, sicut alia donā. Est enim in eo aliquid nostrum, qui ex voluntate liberè patimur. Verum totum illi ascribitur, cum potior pars eius sit, & ut nos ad modestiā instruat. *Idem certamen habentes quod vidistis in me, & nunc audistis, siue audistis, de me.* Verum est verbum illud, Omnes qui pie vivere volunt in Christo Iesu, persecutionem patientur. Viderant admirabile B. Pauli certamen Philippenses, quod describitur ex Act. cap. 16. Et tunc aliud iterum audiebant nouum, cum esset in vinculis, ex persecutione Iudæorum perpetuò illum & ybique infestantium.

## CAP. II.

**S**I Q V A ergo consolatio in Christo, si quod solatium charitatis, si qua societas Spiritus, si qua viscera miserationis, implete gaudium meum, ut idem sapiatis, eandem charitatem habentes, vnanimes, id ipsum sentientes. Nihil per contentionem, neque per inanem gloriam: sed in humilitate superiores sibi inuicem arbitantes: non quæ sua sunt, singuli considerantes: sed & ea quæ aliorum. Hoc enim sentite in vobis, quod & in Christo Iesu, qui cum in forma Dei esset, non rapinam arbitratus est esse se æquale Deo, sed semetipsum exinaniuit, formam serui accipiens, in similitudinem hominum factus, & habitu inuentus ut homo. Humiliauit semetipsum factus obediens usque ad mortem: mortem autem crucis. Propter quod & Deus exaltauit illum: & donauit illi nomen, quod est super om-

In Pelagiā nos.

2. Tim. 3.

In hereticis posse in se manere negā-

Contra negantes me-



ne nomen, ut in nomine, Iesu, omne genu flectatur cœlestium, terrestrium, & in fernorum, & omnis lingua confiteatur quia Dominus Iesus Christus in gloria est Dei Patris.

**S**i qua ergo consolatio, &c. Magna profectò est obsecrationis huius Apostolicæ in his verbis vis & grauitas, & admirabilis iis qui diligunt, & quorum conuersatio seu patria in cœlis est. In Filium enim omnis paternus amor conuertitur, & nullus à summo Patre respicitur, nisi agnoscat in illo membrum eius. Hæc consolatio est afflictorum maxima: nec vlla potest esse alia tam vera & efficax, quàm quæ est in Christo: quoniam est euidēs æternæ salutis ostensio. Quicumque enim in hac vita compatitur, in futura cum illo glorificabitur. At hanc consolationem nullus potest habere, si nullus potest habere certitudinem suæ gratiæ. Cum verò Sancti omnes in hac vita illiusmodi consolationibus participantur, sequitur illos absque dubitatione habere signum diuinæ erga se dilectionis.

**Si quod solatium charitatis.** Interpres idem Græcum verbum, *ἀγάπη*, significans dilectionē, modo dilectionē, modo charitatē reddit. Ego verò maluissem, vnā eandemque vocē nobis perpetuò reddi disset. Charitas qua nos inuicē in Christo diligim⁹ identidem habet magnum solatium. **Si qua societas,** siue communiō, *spiritus*. Hic vnus ex articulis fidei, Sanctorum communiō, quam exigit & facit charitas. Quod enim de amicis dici solet. Amicorum omnia communia, ut quæ vnus habet, singuli habeant: longè est in his verius, quos perfectum charitatis glutinū & spiritus copulauit, inter quos dum membrum vnum gaudet, etiā congaudet aliud membrum. Idem accidit si lugeat, aut tristetur: quia omnes propter eundem spiritum, vnum sumus, vel vnus, id est, vnum corpus, vna persona cuius caput est Christus.

**Si qua viscera miserationis.** Græcè, si quis viscera & miserationes, quæ sanè lectio duriuscula est. Significat autem: Si quis est qui tali ac tanto teneatur affectu, ut viscera & miserationes dici possit. Aut si quis est, in quo viscera & miserationes locū habeant. Per viscera teneritudinem illam charitatis significari non est dubium, vnde miserationes quæ sunt effectus misericordiæ, quasi è visceribus effluunt.

**Implete gaudium meum,** quod de vestra conuersione concepi. Et modum explicat quo implebitur. **Ut idem sapiatis,** siue sentiat, hoc est, In dogmatibus fidei non sit vlla inter vos dissensio. **Eandem charitatem habentes.** Ut in idem vestra feratur dilectio ne sit scissio inter eiusdem corporis membra. Nam si quis amauerit gloriam Dei, alius gloriam propriam, nō poterit coalescere in huiusmodi mutui amor, ubi singuli discrepabunt. **Vnanimis,** id est, *ipsum* (pro idem) *sentientes*. Exponit fundamentum, ex quo eadem conflatur charitas. Et hoc est vnanimiter idem sentire, quasi vno animo idem probare ut verum bonum. **Nihil per contentionem, aut per inanem gloriam,** subaudi facientes. Etenim contentiones ab appetitu inanis gloriæ promanant, quæ quis videri vult superexcellere ingenio aut doctrina, cuius morbi antidotum subiungit. **Sed in humili-**

tate, id est, per humilitatem. **Superiores sibi inuicem arbitantes.** Sensus est per se clarus, quem & Græca lectio lucidius adhuc exprimit, quæ sic habet:

*Sed in humilitate alij alios sibi inuicem superiores existimantes.* Mouebitur tamen aliquis, & dicit. **Qui** possum ego superiorem illum existimare, quem omnibus modis inferiorem me esse cernō scio, tū eruditione & doctrina, qua citra vllam dubitationem illum supero: tum probis moribus, cum ipse flagitiosus sit & perditus omnium iudicio, & factis ipsis nimium patentibus? An Apostolus vult nos esse insensatos, ut quæ perspicuè noscimus, stupida simplicitate non noscimus?

Respondeo, Non est istius modi B. Pauli mens: sed longè altius ista, quam tu ipse, considerat. Audi ergo ipsum B. Paulum, hoc ipsum continuò declarantem, ait enim:

*Non quæ suæ sunt singuli considerantes, sed & quisque quæ aliorum.* Subaudi sunt. Attende lector: Vult Apostolus manifestè nos non intellectu sic existimare, sed facto ipso & opere, ut quātō quis maior sit, tātō magis seipsum summiffius gerat ac deprimat propter proximū, id est, ita se cōponat seruendo ac ministrando, ut minorē se esse ostēdat. Hæc cōpositionē perficit charitas atque humilitas simul, quæ nihil aduersus veritatē molitur. Sed audi modum: Nunquid rectè diceremus ipsum Christum ita verè de se sensisse, ut existimaret vllā sibi creaturam superiorem? Absit: Ipse verè sciebat quisnam esset. Et tamen hoc pacto, iuxta sensum quem ex B. Paulo volumus colligi, ut placeret Deo, se eoufque demisit atque summisit, ut ea omnia faceret propter nos, quæ solent qui minores sunt maioribus exhibere. Ecce ipsemet prius hoc præceptum tradens dixit: **Qui maior est vestrum, fiat sicut iunior:** & qui præcessor est, sicut ministrator. Nam quis maior est, qui recumbit, an qui ministrat? Nōne qui recumbit? Ego autem in medio vestrum sum sicut qui ministrat. Ecce quomodo ipse Christus Dominus propter excellentissimam humilitatem suam & charitatem, superiores ceteros arbitratus est, nō intellectus assensu, sed ipso facto præcingens se, seruens & ministrans illis.

Non ergo docet nos Apostolus ut ignoremus scientiam, aut virtutes si quæ fortè nobis, quibus aliis præcellimus, in sint; dicam⁹que alios nobis præcellere, quos verè constat & fideli testimonio non præcellere: Tantum vult, ut cum omni præcellentiā nostra (quanta tamen à Deo habemus) perinde nos geramus per humilitatem & charitatem erga proximos, ac si verè illi superiores essent. Imò verò ea consideratione secundum regulam spiritus reuera superiores existant: quia dum illis seruiamus, non illis seruimus, qui proculdubio maior est omnibus. Cur ille (quæso) ministravit nobis, & illo se pacto reddidit in terris minorem, nisi quia respexit in nobis Patrem, quem agnouit maiorem se, qua parte homo erat, & seruus ipsius? Ipse Patet de illo: Ecce, inquit, seruus meus suscipiam illum. Aut ut quidam significanter exprimunt, nitar in illo: Electus meus, in quo sibi complacuit anima mea.

Mitto hæc deceptiones quibus inuoluuntur multi, qui se præstantiores esse ceteris arbitrantur. Quidam enim in scientia inniuntur quæ inflat, & qua

Quæ rōne  
debeat quis  
omnibus in  
feriorē se  
existimare.

Luc. 22.

Isa. 42.



non placemus Deo. Sola charitas est qua placeamus illi. Quis autē metiri ausit vel suā, vel alterius charitatem? Præterea cum verē quis tantus sit, quātus est coram Deo, quis seipsum omninō nouit? Et quis etiam alterius causam, qualis sit corā Deo, diiudicare potest? Persequebatur Paulus ecclesiam qui vel eo tempore diligebatur hoc modo à Deo. Etenim Deus non tam respiciebat quā ille admittebat, quā quod eidem conseruabat propter prædestinationem. Quamobrem ab hoc iudicio debet homo abstinere, cum sit periculosissimum & solius Dei, cuius expectāda est aperta & firma sententia: tunc verē apparebit quis sit inferior, & quis superior. Hæc quæ prædiximus ipse B. Paulus in typo ipsius Christi quem mox subiunxit manifestissime declarat.

Hoc tamen in loco monendus est lector, ne ob quorundam manifestè falsam & insanam doctrinam decipiatur, qui ad superandam omnino superbiam opus esse asserunt ut quis credat, & ut certissimum sibi constituat, se non solum esse reuera omnium scelestissimum, sed esse propriè causam omnium scelerum, quæ commissa sunt ab initio mundi etiam ab ipsis dæmonibus, & quæ præterea committentur vsque ad extremum iudicii diem. Hoc verò tantum paradoxum, indignum est ut rationibus refellatur, cum seipsum sua absurditate, quam præ se fert, ostendet abundè atque damnet. Sed prosequamur typum nobis ab Apostolo in Christo propositum, ait:

*Hoc enim sentite in vobis quod & in Christo Iesu.* Tāta est in his paucis verbis doctrina, ut ea satis sint ad perficiendum hominem, si in suum vsum & præxim redigeret. *Hoc enim sentite in vobis.* Gracè sentiat: & subintelligitur, quisque eundem autem sensum porrigit, nimirum, *Quisque in vobis*, id est, quisque vestrum, *sentiat*, id videlicet in semetipso, *quod in Christo Iesu*, subaudi fuit, aut sentit, siue sentire debet. Quidnam est autem istud quod sentire debet homo in Christo Iesu, aut de illo? nempe: *Qui cum in forma Dei esset, non rapinam arbitratus est esse se æqualem Deo: sed semetipsum exinaniuit, &c.* Quam huic sententiæ intelligentiam dederint alij communiter, cum sit iam vulgare, non commemorabo. Quæ manifestè confundit Arrianos. Mihi tamen (ut verum ingenuè fatear) non facit satis: quoniam minus ad rem propositā facere videtur. Datur enim alius sensus qui itidem Arrianos iugulat, & mihi vehemēter probatur, ut potè qui ad mētem ipsius Apostoli maximè quadret.

Pro cuius faciliiori intelligentia cogitandum est Christi formam, quæ dicitur forma Dei, & forma serui, non accipi secundum eam parrem qua erat Deus, sed secundum humanitatem assumptam, quæ modo Dei formam modo serui exprimit. In Dei forma dicitur nūc esse Christus: quoniam vestem humanitatis quam induit, habet nunc sicut decet Deum gloriosam. Et in hoc habitu & hac forma viderunt eum tres illi præclari discipuli transfiguratum in mōte sancto. Propter quod ait Dilectus: Et vidimus gloriam eius, gloriam quasi Vnigeniti. In forma autem serui fuit, cum hanc nostram carnem assumpsit ab initio mortalem, corruptibilem & expositam cunctis huius vitæ necessitatibus ac miseriis. Hoc igitur sumpto, patere incipit Aposto-

li doctrina de Christo dicētis: *Qui cum in forma Dei esset, videlicet secundum decretum Patris: quia in hoc erat prædestinatus, ut veniret gloriosus in gloriam nostram, secundum quam formam apparebat (sicut & erat) æqualis Patri, nisi peccatum intercessisset.* Ipse tamen Christus nō arbitratus est hanc rapinam, hoc est, summisse voluntatem suam Patris voluntati, qui voluit ut ad modicū deponeret illas gloriæ suæ sibi debitas vestes, & ita deponeret quodam modo illam æqualitatem, id est, habitum quo illa æqualitas indicabatur. Nam si aliter fecisset, non conuenienter exsoluisset quæ nos rapuimus. Et tamen ipse dixit: *Quæ non rapui, tūc exsoluebam.* Quid est quod rapuimus nos, nisi diuinitatem quam diabolo excitante patres nostri concupierunt? Et hanc ipse se exsoluisse ait Dominus, & non rapuisse. Verè non rapuit, qui habuit eam summo Dei dono & gratia. Et verè hanc persoluit, quando (ut iam diximus) illam quodam modo secundum vestem deposuit, & indigno vestimento carnis nostræ contexit, cuncta extrema perpessus dum illum persequebantur eius inimici iniuste, & vsque ad infamiam crucis adegerunt. Hoc igitur pacto non rapuit, quin potius exsoluit eam pro nobis. Ut enim nos non habentes diuinitatē, & contra Dei voluntatem concupiscentes, illam rapuimus: sic ille cum haberet, & quodammodo deposuerit, non solum eam non rapuit, sed eā propter nos impendit, quam tamen postmodo recuperauit: quia promeruit, ut eleganter Dilectus dixit: Dignus est Agnus qui occilis est, accipere virtutem, & diuinitatem, & sapientiam, & fortitudinem, & honorem, & gloriam, & benedictionem. Nam hæc omnia propter nos dimisit ipse factus infirmus, & insipiens, & imbecillus & inhonoratus, & inglorius. Et hoc est, quod ait Apostolus: Non est arbitratus hanc rapinam se esse æquale. Fuisset enim rapina, si suimet gratia se ostentasset Deum, & voluisset in illis vestibus sese manifestare, qui habuisset præceptum à Patre, in opus redemptionis nostræ, quæ hanc illius humilitatem requirebat: ut sicut nos optantes quod non erat nostrū, amisimus omne donum: ita ille quod erat suum quodammodo abiiciens, & pro nobis exsolueret, & seipsum clarificaret in summum. Quod amplius declarans Apostolus ait:

*Sed exinaniuit semetipsum formam serui accipiens.*

Exutus enim est forma Dei: quod fuit seipsum exinanire propriè, ut est declaratum. *In similitudinem hominum factus.* Non qui verè non esset homo, si consideretur natura quæ à Deo fuit, & mansit in homine etiam peccatore: sed quod non erat homo secundum naturam, quam homo ex peccato contraxit, sed similis homini secundum infirmitatem, & corruptibilitatē, & passiones, quibus propter peccatum subiectus est homo. *Et habitu inuentus ut homo*, id est, ut peccator similis nobis. Sic enim debuit nobis assimilari, ut nos in statum nostrum hac sua deiectione restitueret, qui per superbiam volentes illi similes fieri, statum nostrum perdidimus. Sic per ea quæ peccauimus, conuerso modo, saluati sumus. Nos existentes in honore, sed non contenti nostra sorte, similes Deo esse voluimus, & cecidimus, & facti sumus iumentis insipientibus similes. Ille autem cum similis esset Altissi-

*Psal. 68.*

*Apo. 5.*



mo, similem se nobis faciens diluit peccatum nostrum: & hac viā semetipsum extulit supra modū, vt mox diceret:

*Humiliauit semetipsum.* Multi humiliātur ab aliis, sed non humiliant semetipsos. Tales sunt Dæmones, & qui inuiti atque nolentes succumbunt potentioribus. Verum Dominus noster semetipsum humiliāuit volens: imō etiam desiderās facere voluntatem Patris: *Factus obediens vsque ad mortem*, inclusiue: quoniam ille nullo modo debebat mori, vt pote qui esset à peccato immunis. Accepit verò mandatum mortis, vt ipse dixit: Venit princeps mundi huius, & in me non habet quicquam. Sed vt cognoscat mundus, quia diligo Patrem, & sicut mandatum dedit mihi Pater, sic facio: surgite, eamus hinc. Ac si dixerit manifestius: Eamus ad mortem, & ego ero primus. *Mortem autem crucis*, Infamem, plenam doloribus, & latronibus ipsis conuenientem: quales eramus omnes nos qui rapuimus sed ipse pro nobis exsoluit.

*Propter quod Deus exaltauit illum, & donauit illi nomen quod est super omne nomen.* Hoc est illud nomen, Iesus, quod significat Saluatorem. Hoc nomen in absoluta significatione, in qua illud capere oportet, diuinum est, hoc est, nulli in veritate conueniēs nisi Deo soli. Hoc tamen nomen lucratus est Christus per agonem suum, & mortis celeberrimum triumphum, ita *Vt in nomine Iesu omne genu flectatur*, vel se flectat, *cælestium, terrestrium, & inferorum.* Sed quinam sunt cælestes isti, nisi spiritus illi Angeli beati, quorum patria cælum est? Ipsi enim in cælo & simul cum ipso cælo sunt conditi ante omnem diem. Et ipsi in hoc nomine, Iesu, tenentur genu flectere: tum quia, vt communis sententia est, ipse Iesus est illorum Dominus: Tum verò quia etiam Angeli (vt ego credo) suam salutē Christo referunt acceptam. Ipsi nanque vt scripturę sanctę videntur non obscure porrigere, mandatum acceperunt ab initio de Christo vt susciperent illum, & adorarent. Quicumque igitur obediētes fuerunt, in hoc nomine etiam genu flectunt: quia Christus est Iesus eorum. Et quicumque respuerūt eum, itidem genu flectunt: quoniam (quod pertinet ad Deum) ipsi quoque in hoc nomine saluati fuissent, si non recussissent.

*Et omnis lingua confiteatur*, tam angelica, quam humana: *quod Dominus Iesus Christus* (subaudi) *est*, id est, ipse absolute ac simpliciter est Dominus. Nec tamen propterea aufert suam Patri Dominationem sed magis statuit. Quod enim Iesus sit Dominus, à Patre habet. Vnde ait Apostolus: *In gloriam Dei patris*, sic habet Græca lectio. Vulgata autem editio habet: *In gloria est Dei Patris.* Et sensus est clarus & verus. Præferendam tamen arbitror Græcam lectionem, vt quæ sensum ministrat longē elegantiorē. Quod scilicet omnis lingua confiteri debet Iesum absolute Dominum. Hoc autem in gloriam Dei Patris, vnde origo est & principium omnis principatus, & dominationis, & potestatis.

Itaque charissimi mei, sicut semper obedistis, non vt in præsentia mea tātū, sed multo magis nunc in absentia mea, cum metu & tremore vestrā salutem operamini. Deus est enim qui operatur in

vobis & velle & perficere, pro bona voluntate. Omnia autem facite sine mururationibus & hæitationibus, vt sitis sine querela, & simplices filij Dei, sine reprehensione in medio nationis prauæ & peruersæ, inter quos lucetis sicut luminaria in mundo, verbum vitæ continentes ad gloriā meam in diem Christi: quia nō in vacuum cucurri, neque in vacuum laboraui. Sed & si immolor supra sacrificium & obsequium fidei vestræ, gaudeo, & congratulor omnibus vobis. Idipsum autem & vos gaudete, & congratulamini mihi.

Quod legimus, *Charissimi mei*, Græcè legitur, *ἀγαπῆται μου*, id est, dilecti mei. B. Hieronymus tamē plus aliquid significare ait vocem hanc Græcam, quā, *dilecti*, & includere mēritum dilectionis, eō quod sint insuper diligibiles, non solum dilecti. *Sicut semper obedistis nō vt in præsentia mea tātū, sed multo magis nunc in absentia mea, cum timore ac tremore vestram salutem operamini.* Magna in præcepto hoc cōcluditur doctrina ad vitam rectē ac sanctē degendam. Inuitat illos primū vt operentur sibi suam salutem. Quid hīc mutire illi possunt, qui negant liberum arbitrium, & opera bona esse nostra: aut nos posse bonum vllum operari, sed sine nobis omnia agere Deum in nobis? Si nihil operamur, sed solum habemus nos passiuē excipientes in nobis Dei operationem: aut si sumus velut insensata instrumēta, cur præcipitur nobis vt operemur? Sed hæc hæresis amentium est penitus: & tanta, in qua defendenda nemo queat consistere, quando sibi etiam aduersetur, dicendo multa, & opere faciendo, quæ oppositam veritatem perspicuē supponunt.

Secundo, modum operandi exponit Apostolus, nimirum, *cum timore ac tremore*. Timor est malorum futurorum, & ad animum pertinet: Tremor ad corpus. Porro cum innumera sint mala quę possunt hominibus obuenire, videdum est de quibus malis hoc præceptum intelligatur. Primū sunt mala quæ à mundo nobis inferri possunt, id est, à mundanis hominibus, qualis est mors, exiliū, proscriptiones, bonorum direptiones, infamia, carceres, & alia huiusmodi. Verūm hæc timenda non sunt, nisi quatenus à Deo veniūt ob culpas & peccata nostra. Iussit enim Dominus in euangelio ne hæc timeremus. Est aliud malū quod ab ipso Deo potest nobis inferri non tātū in hoc sæculo, verū etiam in futuro: & hoc maximē timendū est. Vnde Dominus de malis à mundo inquit: Nolite timere eos qui occidūt corpus: animā autem non possunt occidere. Et de malis pœnarum & supplicij cōfestim subditur: Timete eū qui potest & animam & corpus perdere in gehennem. Vnum autem malum est, & omnium malorum pessimum, & illud est peccare, quia est contra Dei mandatum. Istud est verē summum malum, & summē timendum. Alia mala propter hoc timenda sunt, à quo trahunt originem. Hūc timorē exigit B. Paulus à nobis, qui à virtute est & charitate. Alij om-

Ican. 14.

Angeli per  
Christū sal  
ui facti.

In sana be-  
regis Luth.  
in liberar  
bitum.

Matth. 10.

De timore  
christiano.



nes timores natura proficiuntur, & possunt esse mali. Certe semper sunt mali timores, si hunc timorem peccandi non habeant comitem, sed excludant. Hic timor est qui seruat hominem à peccato immunem. Ideo B. Paulus alias monebat: Tu qui stas, vide ne cadas. Vbi deest hic timor, cessat oratio: cessante oratione homo mittitur in tentationem. Deus autem meritò deserit non timetem, sed superbè in seipso confidentem, aut stultè confidentem in sola fide. At derelictus à Deo, non potest non succumbere tentationi. Hac succubuit Petrus incauta audacia, qui confusus est in seipso.

*Contracō-  
fidei in  
seipso.*  
Hoc igitur loco oppugnatur illa nimia hæreticorum confidentia, qua abiiciunt hunc sanctum offensæ Dei timorem. Illi enim in sola fide innitentes, & in ea libertate qua confidunt se liberos ab omnibus præceptis legis, non possunt venire in hunc timorem. Vbi lex non est, nec præuaricatio est: quanquam nec in hac positione constantes sunt, nec quidem esse possunt, tam est absurda, & ita pugnat cū ratione. Id vel ipsemet Lutherus sæpenumero fatetur in suis commentariis ad Galatas. Hoc item in loco probatur contra negantes, nos esse nostræ salutis operarios, sicut alibi Dominus dixit: Operamini vobis cibum qui non perit. Hinc rectè elicitur meritum ratio. Certum est enim opera nostra non posse nobis, in vinea, ad laborandum conductis, parere salutem, quæ est in manu Dei, nisi per viam meriti.

*Contracō-  
miseri-  
cordiæ  
operi  
boni.*  
Sed reperiuntur qui ad hoc respondent, aiētes ab ipsomet Apostolo sententiam declaratam, qui subdidit: Deus est enim qui operatur in vobis & velle, & perficere, pro bona voluntate. Ecce, inquiunt, quomodo mereris tu pro eo quod facit Dominus? Si enim Dominus operatur in me illud velle, & illud perficere, qua fronte tu & vnde merita tua fingis?

Audi & tu bone vir. Dic, rogo, nobis econtrariò: Si Deus solus operatur in nobis velle & perficere: quid est ergo quod B. Paulus iubet vt operemur? An fortè corrigat dictum suum per hoc quod subiunxit: Deus operatur? Absit. Etenim nec verba fauent, nec vmbra veritatis vlla apparet.

*Exod. 18.*  
*Exod. 36.*  
Operamur ergo salutem nostram nos, volendo & faciendo quæ sunt nobis præcepta: quamquam Deus operetur in nobis & velle & perficere, hoc est, quanquam ipse Deus operetur vt velimus illuminando, mouendo, trahendo suauiter. Nos tamē sumus qui volumus, cum possemus plerunque non velle. Nam esse reuera multos qui nolunt & recusent, manifestum est. Vnde per Ezechielem ait Dominus: Facite vobis cor nouum, & spiritum nouum. Et nos sumus qui facimus & perficimus, sed Deo ipso cooperante & adiuuante tū per gratiam ipsam internam, quam donauit: tum etiam per externa multa auxilia. Et sic ipse operatur vt nos operemur. Hoc per eundem prophetā dixit: Et auferam cor lapideum de carne vestra: & dabo vobis cor carneum, & spiritum meum ponam in medio vestri, & faciā vt in præceptis meis ambuletis, & iudicia mea custodiatis & operemini. Vide igitur quomodo Deus operetur in nobis, vt tamē & nos pariter operemur. Operatur enim aliquid ille in nobis sine nobis, vt cum vocat, cum excitat. Nos autem sine illo & gratia eius siue interna, siue externa nihil penitus. Oportet enim

eum concurrere saltem generali auxilio: sed ad opus verè bonum etiam auxilio speciali, de meritorio nemo dubitat. Apostolus, Deus (inquit) est qui operatur & velle & perficere pro bona voluntate. Ac si dixerit: Nemo extollatur, nemo infletur, sed timeat: quoniam non est ipse per se potens, sed à Deo habet non solum vt valeat operari, verum etiam vt operetur præueniente gratia & concomitāte. Deus autem superbis, & de se superba præsumptibus resistit, qui contrā humilibus dat gratiam.

Hic tamen Bullingerus ait: Significatur ergo quod velle & perficere nobis à Deo donetur pura Dei gratia, & nullo nostro merito. Non enim nos illum dileximus, sed ille nos dilexit prior, & tradidit Filium suum propitiationem pro peccatis nostris: hæc ille. Tu verò acutè lector attēde & distingue. Verum est enim nos primam gratiam nullo nostro opere, pmereri posse. At postquam illam iam merè gratis obtinuimus, mereri possumus eius augmentum, & operum, quæ cum illa nobis donata gratia fecerimus, mercedem. Vide ergo ne decipiaris. Posteriora enim illius verba inania prorsus sunt aduersum nos, qui insolentissimè addit: Miror autem quid ad hæc respondere possint, qui sua vèdunt merita. Tamen enim mercedis & meriti voces reperiantur in scriptoribus classicis, attamen ipsum meritum nostrum gratia est. Quid enim habemus quod non acceperimus? Quod si omnia à Deo bona accepimus, quid gloriamur de quibusdam quasi nostris? Si à Deo illa non sunt, sed à nobis, certè bona non sunt. Si mala sunt, nullum ipsis debetur præmium, nisi execratio. Hæc verò est egregium illud meritum de quo gloriantur, qui sine Deo vires humanas prædicant. Hæc istius verba quæ nihil contra nos. Non enim meritum nostrum tollunt, imò statuunt, cum dicant venire à Deo, & Dei gratia. Hoc & nos dicimus. Cur igitur nos tantopere auersantur, qui merita ex gratia Dei facta, ad gratiæ commendationem prædicamus, nisi quod ipsi inconstanter & confusè loquuntur: quasi homo in Christo, adhuc peccator inueniatur. At hoc Apostolicæ aduersatur doctrinæ, vt superius ad Galatas copiosè annotauimus loco suo. Sed ad rem nostram.

*Pro bona voluntate.* Sensus est, Deum pro sua bona voluntate, id est, gratiosa voluntate, operari in nobis & velle & perficere. Ipse enim nulli tenetur obligatus. Et dum meritum constituit, gratiosè illud constituit. Meritum enim nostrum tale est, vt eius gratiæ non præiudicet, cum ipsius meriti radix sit gratia. Nam sua se sponte debitorem gratiæ se constituit, vt cū meritò viuatur gratia, & per gratiam viuatur meritum ad gloriam.

*Sine murmurationibus & hesitationibus:* melius, discrepationibus. Murmuratio in eam significationem, quam accipiunt frequenter in ipsa scriptura, iniusta, & priuatim hæc illac effusa querela contra superiores, quæ non secus Deo displicet, ac si directè in ipsum fieret. Moses increpabat populum. Quid obiurgamini, ait, contra me? Cur tētatis Dominum? Prohibet autem discrepationes, quia aduersantur paci. *Vt sitis sine querela.* Ille enim sine querela est, qui nihil mali agit, & mala sustinet patienter, *Et simplices,* siue synçeri, non duplices animo: *Fi*

Exod. 17.



Matth. 5.

lij Dei, hoc est, pacifici, & benefici erga omnes, sicut dixit Dominus: Beati pacifici, quoniam filij Dei vocabuntur. *Sine reprehensione*, siue irreprehensibiles, *in medio nationis pravae, ac peruersae*. Nam quatenus hoc difficilius, tanto admirabilius & praeclarius. Unde ait: *Inter quos lucetis tamquam luminaria in mundo*, hoc est, in tenebris. Etenim mundus ipse nisi illustretur lumine, tenebris est per seipsum oppletus. *Verbum vita continentes*. Hic est Christus lux mundi, quo authore & largitore prodeunt opera egregie illustrata. Qui vero in se lucem continet, opera ipsius lucis operatur tanquam filius lucis. *Ad gloriam meam in diem Christi*.

Ibid. 5.

Expectabam dictum iri ab Apostolo, eo modo quo Dominus dixit: Sic luceat lux vestra coram hominibus, ut videant opera vestra bona, & glorificent (inquit) Patrem vestrum qui in caelis est. Dicit autem, *ad gloriam meam*. Quarebat ergo gloriam suam B. Paulus? At hoc vituperat Dominus. Respondeo: Iam de gloria Dei frequentissime mentionem fecerat, quae erat omnium finis: hic tantum gloriam suam quaerit non in hoc mundo, sed in die Christi. Hanc nobis omnes quaerere ex benefactis deberemus. Nam ad Rom. de retributione in illa die, ait: *Qui reddet unicuique iuxta opera sua*: iis quidem qui per patientiam boni operis gloriam, honorem, & incorruptionem quaerunt, vitam aeternam. Notandum interim hoc in loco, quam magni sunt coram Domino futuri, qui alios instruxerint. Hoc pollicitus est ipse Dominus: *Qui fecerit & docuerit*, hic magnus vocabitur in regno caelorum. Et apud Danielem: *Qui ad iustitiam erudiunt multos*, fulgebunt quasi stellae in perpetuas aeternitates: quod post gloriam Dei valde est in Domino concupiscendum, atque persancte æmulandum.

Rom. 2.

Dan. 12.

*Quia non in vacuum cucurri, neque in vacuum laboravi*. Vbi etiam illud considerare debemus, quod licet omnino B. Paulus de suo cursu & labore esset, remunerandus, tamen in vacuum quantum ad duritiam audientium attinet, cucurrisset ac laborasset, sit tamen aliqua gloriae maioris accessio, cum effectum suum consequitur labor & cursus, qui in die Christi coram omnibus apparebit. Non enim usque ad illum diem erit definitum, quot animabus ad salutem profuerit. Eadem ratione de flagitiosis hominibus, & haereticis in primis statuendum, qui ante illum diem non sunt habituri integrum suorum pestiferorum dogmatum supplicium aeternum. Nam omnia damna ac detrimenta quae propter illos patitur & patietur ecclesia, in eos reuoluntur, quorum luent poenas in aeternis vinculis ac cruciatibus. *Sed etsi æmulor*. Vitio scriptorum, non ipsius interpretis, repositum est, *æmulor*, loco, *immo* *lor*, *super sacrificium & obsequium fidei vestrae*. Graece, super hostia, siue oblatione fidei vestrae, *Gaudeo & congratulor omnibus vobis*, sensus est: Beatus Paulus hoc iuum ministerium praedicationis per quam acquisiuit multas Gentes Christo, & inter illas praecipue Philippenses qui crediderunt in eum, vocat liturgiam quandam, id est, oblationem & sacrificium. Sacrauit enim illos & obtulit Deo, & vocauit oblationem & sacrificium fidei: quia per fidem mundificati sunt & sacrati Deo nostro. Et addit: *Quod si praeter hoc, aut super hoc sacrificio etiam immolor*, id est, mortem oppeto & occumbo, me ipsum

Deo offerens & sacrificans in martyrio, *Gaudeo & congratulor omnibus vobis*: quia propter vestram fidem immolabor. *Id ipsum autem & vos gaudeo, & congratulamini mihi*. Ut gaudium plenum sit: quod tum perficitur, cum gratulatio mutua est, & causa laetitiae & gratulationis digna adiungitur.

Spero autem in Domino Iesu, Timotheum me citò mittere ad vos, ut & ego bono animo sim cognitis quae circa vos sunt. Neminem enim habeo tam unanimem, qui sincera affectione pro vobis sollicitus sit. Omnes. n. quae sua sunt, quaerunt: non quae sunt Iesu Christi. Experimētum autem eius cognoscite: quia sicut patri filius mecum seruiuit in Evangelio. Hunc igitur spero me mittere ad vos, mox ut videro quae circa me sunt. Confido autem in Domino, quoniam & ipse veniam ad vos citò. Necessarium autem existimaui, Epaphroditum fratrem & cooperatorem & cōmilitonem meum, vestrum autem Apostolū, & ministrum necessitatis meae, mittere ad vos: quoniam quidem omnes vos desiderabat, & mœstus erat, propterea quod audieratis illum infirmatum. Nam & infirmatus est usque ad mortem: sed Deus misertus est eius. Non solum autem eius, verum etiam & mei, ne tristitiam super tristitiam haberem. Festinātius ergo misi illum, ut viso eo iterum gaudeatis, & ego sine tristitia sim. Excipite itaque illum cum omni gaudio in Domino, & eiusmodi cum honore habetote: quoniam propter opus Christi, usque ad mortem accessit, tradēs animā suam, ut impleret id quod ex vobis deerat erga meum obsequium.

Facilis est textus. Hoc notandum, ad maximam Timothei laudem pertinere, cui reddit testimonium Apostolus, neminem se habuisse tam unanimem ad opus evangelij exercendum, & ita erga Philippenses sollicitum: & addit rationem,

*Omnes enim quae sua sunt quaerunt, non quae Iesu Christi*. Mirum tanti viri de his qui secum erāt testimonium. Id fortè eo tempore accidebat, quum viri strenui non essent cum illo. Testatur enim ipse in sua prima defensione neminem sibi affuisse.

Illud expositione dignum. Quidnam sit, *quaerere quae sua sunt*, profectò non aliud quam diligenter curare propria, & nihil eorum quae sibi debentur praetermittere. Hoc autem nimium est & malum, cum propter propria, ea quae sunt Iesu Christi relinquuntur. Erit, exempli causa, subditus qui spernit Principem, aut Praesidem suum. Malè facit, qui quod debet non impedit Principi, aut Praesuli suo. Indignatur ergo Princeps, aut Praesul, & ea repetit quae sibi debentur, honorem, reuerentiam, obedientiam: haecenus quaerit quae sua sunt. Id autem non est iniurium, nisi simul dimittat aut postponat

2. Tim. 4.

Quaerere quae sua sunt.



nat quæ sunt Christi: vt cum debetur Prælato, aut Principi honor, reuerentia, obedientia à subdito: Et ipse debet subdito clementiam, benignitatem, commiserationem. Hæc quæ debet subdito, debet Iesu Christo. Si igitur querit quæ sua sunt, his omissis quæ sunt Iesu Christi, vitiose agit. Et econuerso cum subditus à Prælato querit commiserationem, clementiam, benignitatem, & huiusmodi, non paratus reddere quæ inuicem illi debet, quem loco Christi obseruare tenetur, pariter vitiose agit querēs quæ sua sunt, non quæ Iesu Christi. Quæ enim fronte exigit homo quæ sua sunt, non reddens ipse, aut reddi non curans, quæ sunt Iesu Christi? Quomodo verò istud obseruetur, meditentur quos hic sermo tangit. *Experimentum autem eius cognoscite: quia sicut patri filius, aut vt in Græca lectione habetur, sicut cum patrefilius, mecum seruiuit in euangelio.* Non dixit, mihi seruiuit, sed mecum: quia ambo serui Iesu Christi erant. Sed B. Paulus in eo negotio erat vt pater, instructor, atque admonitor illius. Cætera clara sunt. Vnū tantum aduerte, vbi legimus, *Quoniam & ipse veniam ad vos citò,* Quidam legunt, veniet, sed male & corruptè. Nam Apostolus de seipso loquitur, qui sperat se aliquando, si Domino ita placuerit, reditum ad illos.

*Necessarium autem existimaui Epaphroditum fratrem, & cooperatorem, & commilitonem meum, &c.* Nulla apparet in littera difficultas, sed clara sunt omnia, vt expositione non egeant. Solùm ex hoc loco admonendi sunt populi & congregationes, vt spectatos viros Dei seruos, ministrosque verbi & sacramentorū excipiant honorificè, & in pretio habeant, præsertim qui propter opus Christi vitæ dispendium minime curant, vt de hoc Epaphrodito testatur Apostolus noster. Taxat verò obiter quosdam qui negligentiores fuerunt in obsequio, seu officio pio erga seipsum: quorum negligētiam suppleuisse illum Epaphroditum testatur. Hoc vitio tenetur hodie totus ferrè populus christianus, qui non æstimat laborem eorum qui in prædicationibus & sacramentorum ministracione assidue inserviunt. Sed Deus ipse tandem aliquando seuerior rationē istius ingrati animi exiget. Et eos qui laborauerint cumulatissimo præmio in futura sempiterna quietæ cum beatis illis angelicis Spiritibus donabit.

## CAP. III.

**D**E cætero fratres mei, gaudete in Domino. Eadem vobis scribere, mihi quidem nō pigrum, vobis autem necessarium. Videte canes, videte malos operarios, videte concisionem. Nos enim sumus circūcisio, qui spiritu seruiamus Deo, & gloriamur in Christo Iesu, & non in carne fiduciam habentes, quanquam & ego habeam confidentiam in carne. Si quis alius videtur confidere in carne, ego magis, circūcisus octauo die, ex genere Israel, de tribu Benjamin, Hebræus

ex Hebræis, secundum legem Phariseus: secundum æmulationem, persequens Ecclesiam Dei: secundum iustitiam quæ in lege est, conuersatus sum sine querela.

**B**Eatus Paulus hætenus hortationibus Philippenses in fide confirmauerat: quasi autem iam nihil scribendum superesset, ait. *De cætero fratres mei, gaudete in Domino.* Meo quidem iudicio hæc verba pertinent ad superius caput. Et hinc incipere debuit caput tertium. *Eadem vobis scribere, mihi quidem non pigrum, vobis autem necessarium.* Græcè & ὁ παλαις, id est, tutum & necessarium ad cauendum. Hic locus aduersus eos facit, qui ita delicatas habent aures, vt sit illis graue vel ea audire, vel ea repetere, quæ semel aut etiam iterum dicta fuere. At cum necessitas & salutis lucrum compellit, opportunum est citra vllum tædium seu fastidium imò cum aliqua aueritate, capere vel loquendi, vel audiendi curam vel decies repetitam.

*Videte canes.* Quod ait, *Videte,* positum est pro caute. Monet enim vt videant ad cauendum. Canes autem vocat hic Iudæos pseudoapostolos, quos excitauit diabolus contra Christū, sub eius tamen ficto pallio incedentes.

Quare autem canes, nisi quia quod in Christo erat sanctificatum, pollutum faciebant? Aut enim reuertebantur ad vomitum sicut canes, recedentes à sancto, quod semel receperant, mandato: Aut detrahebant veritati, & hominibus veritatem prædicantibus, vt erat B. Paulus, mordendo ac lacerando. *Videte malos operarios.* Mali operarij sunt, quoniam ipsi non ædificant, sed etiam destruunt. *Videte concisionem,* id est, schisma & secessionem. Alludit ad veterem circūcisionem, quæ erat causa concisionis illius.

*Nos enim sumus circūcisio, qui spiritu seruiamus Deo.* Diuersæ sunt ex Græcis codicibus lectiones. Alij legunt, *Spiritui seruiamus Deo*, quod significat Spiritum sanctum esse Deum. Alij legunt, *Spiritu Dei.* Alij, *Spiritu Deo seruiamus*, Quicquid sit, sensus est certus. Vera circūcisio, quæ est circūcisio spiritualis, seruit Spiritui sancto Deo, & ipso Spiritu mouente qui est Spiritus Dei, seruit ipsi Deo. Potes tamen si legas, *Spiritu Dei*, vel de Spiritu qui est illa tertia persona intelligere, vel simpliciter de Deo, qui spiritus est. Per circūcisionem verò non intelligit carnalem illam, sed spiritualem circūcisionē, quæ per Spiritum fit, id est, per infusionem gratiæ, qua aufertur peccatum, & redditur homo habilis & idoneus ad seruiendum Deo. Et quicumque tales sunt, vera circūcisio dicuntur, & semen Abraham. Scriptum est enim: Semen Abraham serui eius: *Et gloriamur in Christo Iesu*, non in Abraham & Mose. Nos enim per Christum accepimus spiritum, non autem per Abraham aut Moysen, qui & ipsi Christi gratia egruerunt. Hoc explicat subdens: *Non in carne fiduciam habentes.* Et vt fortius persuadeat, ostendit non se hæc repudiare tanquam ipse non posset confidere in carne, cum esset Iudæus. Verum loquatur ipsemet potius. *Quāquam*, inquit, *& ego habeam confidentiam in carne*, hoc est, Habeo multa, vnde possem confidere in carne.

*Si quis alius videtur confidere in carne, ego magis*, scilicet



cet habeo ad cōfidendum. Et explicat rationes gloriationum, *Circuncisus octauo die*, iuxta præceptum Abraham datum, & secundum legem Moyses, *Ex genere Israel*, non profelytus. *De tribu Benjamin*, quæ nobilis erat & coniuncta Iudæ: & sancta ciuitas Ierusalem erat sub ea tribu. Nec solum *hebraeus* ex patre, sed *ex hebrais*, id est, patre & matre. *Secundum legem Phariseus*: vt indicaret sectam pharisaicam secundum legem fuisse probatam. *Secundum emulationem, persequens ecclesiam*. Vocat emulationem illum zelum excitatum in illa generatione ex affectu carnis contra Christum & eius ecclesiam, alludens ad Agar & Ismael, qui contemnebant Sara & Isaac. Figura enim erant illius persecutionis Iudæorum, quæ tunc vigeat aduersus ecclesiam: & hoc plurimum attinebat ad gloriationem carnis.

*Secundū iustitiam quæ in lege est, conuersatus sine querela*. Caue, lector, putes (licet aliqui ita exposuerit) B. Paulum asseuerare se omnino secundum legem fuisse cōuersatum, qui contra legem persecutus erat Christum in ecclesia sua: sed hoc tantum voluit significare, se non fuisse vnquam sub vlla iudiciorū legalium querela. Non enim fuit accusatus furti, aut adulterii, seu cæterorum criminum quæ lege puniebantur. Contra autem, caue existimes (vt qui dam tamen dixerunt) similiter dictum fuisse de parentibus Ioannis Baptistæ, de quibus ait B. Lucas: Erant autem iusti ambo ante Deum, incedentes in omnibus mandatis & iustificationibus Domini sine querela. Nam B. Paulus hîc non testificatur se iustum ante Deum, vt qui ambulasset in omnibus mandatis & iustificationibus Domini: Imo de se palam oppositū prædicauit. Et ad Ephesios se cum Gentibus componens, seruissè quoque cogitationibus carnis in suo Iudaismo confitetur.

Luc. 1.

Sed quæ mihi fuerunt lucra, hæc arbitratus sum propter Christum detrimenta. Verū tamen existimo omnia detrimentum esse propter eminentem scientiam Iesu Christi Domini mei, propter quem omnia detrimentum feci, & arbitror vt stercora, vt Christum lucrifaciam: vt inueniar in illo non habens meā iustitiam quæ ex lege est, sed illam quæ ex fide est Christi Iesu: quæ ex Deo est iustitia in fide, ad cognoscendum illum, & virtutem resurrectionis eius, & societatem passionum illius configurati morti eius, si quo modo occurram ad resurrectionem quæ est ex mortuis. Nō quod iam acceperim, aut iam perfectus sim. Sequor autem si quo modo cōprehendam, in quo & comprehensus sum à Christo Iesu.

*Sed quæ mihi fuerunt lucra, &c.* Lucra vocat illas carnis glorias. Sic enim illi videbatur antequam lumen acciperet in baptismo. Nouit autem postmodo ea omnia esse detrimenta, & ita reuera iudicauit: quoniam illa erga carnem affectio aduersabatur Christo, qui præferendus erat omnibus hu-

ius sæculi diuitiis & honoribus. Hoc larius explicat, aiens: *Propter eminentem scientiam Iesu Christi Domini mei*. Siue, propter eminentiam cognitionis Domini mei. Sēsus est: In notitia quam de Christo habuit, cuncta illi apparuerunt esse damna: quoniam obstabant acquisitioni regni Dei, quod est Christus. *Propter quem omnia detrimentum feci, & arbitror esse stercora*, quæ putent naribus Angelorum & Sanctorum, *Vt Christum lucrifaciam*. Si enim fallacem propter Christum istam mundi gloriam conculcauerimus, manebit nos vera & sempiterna cœli gloria. *Vt inueniar in illo*. Quicumque lucratur Christū, inuenitur in illo eius membrum, vt tādē regnet cum capite.

*Non habens meam iustitiam quæ ex lege est, &c.* Hoc in loco triumphat & exultat magno verborum apparatu hæreticorum oratio, vt quem iactitent aduersum nos ad stabiliendam illam, quam sibi finxerunt, Christianam iustitiam, non intelligentes, aut longē verius intelligere nolentes, se vel ex hoc loco propriē confutari. Attende pie lector, ne fortē videri possint aliquid ad suasionem dicere. Homo in primis qui inuenitur in Christo vt membrum eius, consideratur factus & insitus in illo per coniunctionem & nexum spiritus. Oportet enim ex eius plenitudine accipere, vt quis inueniatur consors diuinæ naturæ. Consideremus ergo quid sit illud quod accipimus, & per quod inuenimur in illo: profecto non est aliud quàm iustitia. Si enim iusti sumus coram Deo, filij Dei sumus, & hoc per ipsum. Verū cum duplex sit iustitia, Quædam quæ ex viribus nostris & lege monstrante & cogēte comparatur: Quædam verò non ex lege, sed ex fide, operæpretium est discutere, quænam harum nos coram Deo iustificet, vt Christum lucrifaciamus. Certē illa iustitia quæ est ex propriis viribus & ex lege, non iustificat: nec potest quidem iustificare coram Deo. Quamobrem? Quia non est vera iustitia, sed apparens. Cur nō vera? Quoniam non renouat intus hominem: sed eundem sinit esse qui prius erat, iniustum & peccatorem, hoc est, pronum ad omne malum. Et propterea non potest placere Deo, qui nō videt in eo insignia imaginis suæ: aut si illa quidem videt, maculata ac fœdata videt. Ob eam causam siquid facit homo in hoc statu secundum mandatum legis, non facit illud ex fide & charitate: sed vel ex timore, aut ex pudore & amore gloriæ mundi huius. Itaque non est verē coram ipso Deo bonum, sed solum coram hominibus, qui vident ea quæ apparent: quæ autem interna sunt, in ea penetrare non possunt. Igitur B. Paulus floccifaciebat hanc humanam iustitiam, & eam quæ erat ex lege. *Non habens meam iustitiam*. Egregiē dixit, *meam*, quæ ex viribus nostris venit. Et adiecit, *quæ est ex lege*, videlicet minitante, aut etiam temporalia præmia pollicente.

Est ergo alia iustitia quæ valet coram Deo: & hæc dicitur esse ex fide, vtpote quæ per fidē cōparetur. Hæc iustitia in corde nostro est illiq; inheret, & mentem renouat: ad cuius aduētum recedit peccatum, id est, macula illa, quæ à peccato ex priuatione gratiæ ac iustitiæ resultat, & imaginē Dei viuam & pulchram restituit. Hæc iustitia desuper

Locutio  
hæreticos  
quo tamen  
abutuntur  
in nos.

2. Petr. 2.



descēdit: nec est aliud quàm eximiū illud donum, quod tantopere extollit Apostolus, & prædicat æmulandum, nempe charitas. Hæc est quæ facit hominem approbare legem Dei, & condelectari in illa secundum interiorem hominem. Hæc facit hominem operari libenter, strenuè: non timore, non ad oculum, non ex pudore, aut gloriæ humanæ cupiditate more mercenariorum turpius, qui præferunt terrena cœlestibus. Hæc est illa iustitia quam B. Paulus habebat charissimam, & de qua gloriabatur in Domino. Vnde repudiata illa iustitia quæ potest lex externa in nobis producere, quæ merito stercorei cōparatur & panno menstruata, addit:

*sed illam quæ ex fide est Iesu Christi.* Non intelligas illam quæ est Christi Iesu, vt hæretici intelligunt, sed illam quæ est ex fide Christi Iesu, id est, ex fide qua creditur in Christum Iesum venit, & inseritur in corde nostro, reputante Domino Deo illam credentis fidem ad iustitiam. *Quæ ex Deo est,* non humanis viribus comparata, sed è cœlo veniens, iustitia infusa. In fabulis quōdam poetarum latebat nescio quid Theologicæ veritatis ex vetustis (vt facile crediderim) traditionibus profectū. Dicebāt enim Astream, id est, iustitiam è terris exulasse, & in cœlos euolasse. Verè exulauit, sed ab initio: quam iterum oportuit redire in terras, sicut ex Prophetis apparet: Daniel dixit, Septuaginta hebdomadæ abbreviatæ sunt super populū tuum, & super urbem sanctam tuam, vt consumetur præuaricatio, & finem accipiat peccatum, & deleatur iniquitas, & adducatur iustitia sempiterna. *Iustitia in fide,* id est, illam iustitiam, cuius fundamētum & radix est fides. Nam sine fide iustitia illa esse non potest. Quod si quis dicat, quid hîc agit ipsa fides? Respondet Apostolus, & ait:

*Ad cognoscendum illum, & virtutem resurrectionis eius, & societatem passionum illius.* Ecce quid operetur fides, quo incēdatur charitas, nempe notitiam Christi. Quid est notitia Christi, nisi notitia dilectionis diuinæ ac paternæ? Audi Dilecti testimonium: Sic Deus dilexit mundum, ait: vt Filiū suum Unigenitū daret, vt omnis qui credit in illum non pereat, sed habeat vitam æternam. Quis tanta dilectione prouocatus non accēdatur, si qua in eo fuerit charitatis scintilla? *Et virtutem resurrectionis eius:* quæ patet nunc in suis effectibus. Fecit nos resurgere à peccato, vt possimus persuasam habere virtutem eius perfectam. Nam & nos similiter resurgemus in corpore gloriosi, sicut iam resurreximus mente à morte peccati. *Et societatem passionum eius.* Notitia societatis passionū, est notitia illa qua edocemur: Si compatiatur illi in hac vita, conglorificabimur in futura. Qui igitur habet hanc iustitiam in hac fide fundatam, iam cōformatur & configuratur ipsi Christo in morte, qui innocēs passus est: & ita oportuit fieri decreto Dei Patris, vt sic intraret in gloriam suam. Ait ergo B. Paulus se habere illam iustitiam & notitiam fidei, *configuratus morti eius.* O fœlicem configurationem, ex qua oritur illa perfecta resurrectio. Granum enim frumenti ante quam fructum faciat, oportet in terram cadere & mori. Hic est fidelis ille sermo: & minime fallax ad consequendam veram salutem doctrina, qua dilectum discipulū Timotheum instruebat. Fidelis, ait, sermo. Nam si commortui sumus, & conuiue-

mus: si sustinebimus, & corregebamur: si negauerimus & ille negabit nos. Non est enim dignus regnare cum capite, qui labores, afflictiones, opprobria, & mortem denique ipsam, si quādo res fidei ita postularet, non vult perpeti cum capite. Hanc configurationem rectissime omnes Sancti intellexerunt, & amauerunt, & ipso vitæ tenore in seipsis exprimere studiosissime sunt conati. Hanc hæretici non solum non æmulantur, sed delere falsis dogmatibus assidue nituntur: vt iā rarissima appareant inter Christianos Christi vera membra. Sumus natura ad delicias propensissimi & voluptates, quarū impetus & veluti ignis dū rigore vitæ & pœnitentiæ luctu deberet extinguī, contrā Lutherani exultant, & oleum peccatoris addentes impingunt caput præuaricantium. Non est verorum Christianorum ista configuratio, sed eorū qui volunt huic sæculo (quod vetat Apostolus) cōformari. Elegantissime à B. Bernardo & verissime dictū est: & hoc in cordibus nostris insculpi deberet, & omnibus locis ad pietatem promouētibz literis aureis scribi: ait Deuotissimus Abbas, **NON DECET SVB CAPITIBZ SPINOSIS MEMBRVM FIERI DELICATVM.** O fœlicem, inquam, cōfigurationem, nūquam gloriari, nisi in cruce domini nostri Iesu Christi. Hæc est quæ præparat hominem ad illam fiduciam quam Apostolus subiungit:

*Si quomodo occurrā ad resurrectionem quæ est ex mortuis.* Vtitur proprio verbo, *occurrā*, Illa siquidem die veniet Sponsus & Sponsa, & nos oportebit omnes prodire illi obuiam. Quod verò ait, Si quomodo occurrā, non est dubitatis verbū, sed modestè de se loquentis. Nemini enim dubiū esse debet, configuratum morti Christi, configuratum iri vitæ eius quæ est æterna. In eo esse dubitatio potest, quandoquidem illa configuratio Christi in hoc stadio & cursu potest cessare per negligētiam & ingrati tudinem. Res est admodum ardua, ubi iam nō suscipitur aduersus carnem & sanguinem colluctatio: sed aduersus principatus & potestates, &c. Loquitur ergo de re ardua. *Non quod iam acceperim, aut iam perfectus sim.* Ex verbis superioribus absq; dubio nō poterat accipi illū esse cōsummatū, cū diceret se expectare donec occurreret ad illā resurrectionē, qñ futura est vltima cōsummatio.

Sed aduertēdum est, duplicem esse hominis cōsummationem. Prima est, quæ fit expleto huius vitæ cursu quando anima coronabitur. Altera verò, hîc tātisper manet, dum liceat recipere cōsummationem perfectā in corpore. Quam nondum erat assequutus, & de qua non loquitur Apostolus. Apparebat enim satis illum tunc non hac consummatione fuisse perfectum, qui stigmata assidue portabat pro Christo plenus doloribus & afflictionibz. Sed loquitur de priore cursu sui in hac vita cōsummatione, nequis crederet illum perinde esse perfectū, ac qui mortui sunt, qui certo certius nihil aliud expectant, quàm glorificationem corporis, secundum animā perfectè iam beati. Poterat enim hoc fortè suspicari quis de B. Paulo, qui tanta operabatur & sustinebat. Ille autē ne quis erraret, id prorsus negat. *Non quod acceperim, videlicet primā stolā securus de altera, aut iam perfectus sim,* sicut qui dormierunt. Ego enim sum adhuc in cursu positus, ad coronam per varios sudores & labores aspirans.

Dan. 9.

Ier. 3.

Luc. 24.

Ier. 32.

2. Tim. 2.



*Sequitur autem si etiam comprehendam, in quo & comprehensus sum à Christo Iesu. Sequor, inquit. Quem sequeris B. Paule? Illum qui dixit: Qui sequitur me non ambulat in tenebris. Quò autem vadit ille? Vadit Romam iterum pati. Ipse iam dudum præcessit, nobis relinquens exemplum. Sequor igitur & ego. Sed cur sequeris? Ut comprehendam. Quemnam comprehendas? Ipsum Christum. At quomodo comprehenditur Christus? Perseuerantia in cursu usque ad finem eius. Tùm demum ab his cõprehenditur qui fideliter eum sectati fuerint. Cursus autem eius finiuit in morte: tunc igitur comprehenditur. At quo pacto? eo scilicet quo ego comprehensus sum ab ipso. Comprehendit Dominus Iesus Paulum, cùm illum persequeretur. Christus sequebatur Paulum, ut eum comprehenderet, & ille fugiebat: cõprehendit tandẽ, & lucratus est eum. Quonam pacto? Patiẽdo, moriẽdo in cruce. Tũc enim traxit ad se omnia, & cõprehendit Paulum Iesus Nazarenus, quem persequeretur Paulus. Sic igitur debuit comprehendere Christũ Paulus quia si fugientem, & euntem ad mortem duram: & nos omnes similiter, ut cingamur & ducamur quo minime vellemus. Multi fugiunt, & non comprehendunt, quia non imitantur Dominum nos eo pacto comprehendentem. Multi alij penitus non sunt idonei, qui nedum Christum non sequuntur, sed se illi vocanti opponunt, quales erant illi Iudæi in quos Dominus: Ego vado, inquit, & quò ego vado, vos non potestis venire. Tales nunquam comprehendunt. Alij verò aliquo tempore nō sunt ad huc ad tantã cõprehensionem idonei. Tales erant discipuli Domini, quibus non dixit simpliciter & absolute: Quò ego vado nō potestis venire: sed dixit: Non potestis venire modò, inuẽs eos postea venturos. Nam & clarè ipsi Petro declarauit: Sequeris autem postea. Beatus autem Paulus sentiẽs in se diuinam virtutem dixit, *Sequitur, seu sector, autem si comprehendam*, id est, ut comprehendam. Loquitur enim, ut dixi, tanquam de re ardua, cuius difficilis est comprehensio.*

Expositum hæcenus habes locum hunc, pie lector, iuxta sensum catholicum alienum à fermento Lutheranorum. Nunc quid illi dicant, & quibus argumentis expugnentur, videndum est. Primum ipsi interdum nobiscum verbis conuenire videntur, sed non in veritate. Ecce B. Paulus abiicit iustitiam propriam quæ ex lege est. Omnes igitur verè Catholici, & qui se Catholicos arbitrantur, nos conuenire in hoc oportet, ut iustitiam quæ ex lege Mosæica est abiiciamus, tanquam non utilem ad iustificationem. Verum quid per iustitiam quæ ex lege est, intelligatur, quæ ut sterẽs reputanda est, accuratius est considerandũ. Nam hac in parte nequaquam nos cum Lutheranis consentimus. Illi absolute intelligunt de lege & iustitia qualibet, per quam operamur opera bona, quoniam omnis nostra iustitia, aiunt, est veluti pannus menstruatus coram Deo: ita ut & opera facta in fide, eorũ iudicio & estimatione, talia sint. At huic intelligentiæ prorsus vniuersa scriptura repugnat, ubi opera quæ ex fide proficiuntur & charitate, placere Deo, & iis salutem nobis cõparari passim legitur: & hanc sententiam passim testimonia S. Doctorũ confirmant. Ergo B. Paulus non abiicit hanc iustitiam, neque

huiusmodi bona opera, quæ non sunt opera veteris legis, sed fidei. Iustitiam enim legis, siue quæ ex lege est, planè opponit iustitiæ fidei, aut iustitiæ quæ ex fide est. Itaque iustitia legis non dicitur ex fide: & similiter opera legis non sunt opera fidei. Istud manifestè ad Gal. declarauit Apostolus, quòd lex non est ex fide, sed post legem fides. Iccirco dicimus nos, quicquid iustitiæ habere potest homo absque fide, non prodesse, nec habere vllam apud Deum gloriã: fortè apud homines, ut declaratum est. Ecce primum in quo discrepamus, nimirum dum ab vnaquaque parte accipitur variè, Iustitia quæ ex lege est. Similiter discrepamus accipiendo iustitiam, quæ dicitur esse ex fide. Illi dicunt iustitiam quæ ex fide est, esse Christi iustitiã nobis imputatam, & dono datam, quam apprehendit fides. Et per illam obtinemus, aiunt, iustificationem, quam nos non realiter sumus iusti, sed solum per imputationem. Pronũciamur enim à Deo iusti coram se, quamuis non simus verè iusti.

Nos Catholici per iustitiam quæ ex fide est, intelligimus iuxta B. Augustini & aliorũ sanctorum doctrinam, donum Dei quoddam inhærens nobis, quò verè ac formaliter iusti sumus: & per hoc donũ & fructus eius, quæ sunt opera bona inde proficiunt, sumus filij eius, & ei placemus: quoniam per illud peccatum expellitur, & omnis macula criminis, qua contrahitur inimicitia cū Deo, abstergitur. Hanc omnium esse catholicorũ sententiam & B. Augustini, non est dubiũ: nec ipse Lutherus, nec Melancthon, neque Calvinus, neque Bucerus, Bullingerus & cetera eiusmodi bestię eunt inficias.

Modo autem ut paucis rem perstringam: Primò statuo contra istorum pertinaciam, concordem omnium doctorum sanctorum sensum. Deinde oppono absurda, quæ sequuntur ex eorum positione. Quæro enim ab illis, An ipsi credentes, filij Dei efficiantur reuera? Non dico secundum naturam, sed secundum adoptionem, per aliquod donum mediũ quod nobis inhæreat? Si negant, Protinus confutantur innumerabilium testimonio scripturarũ. Beatus enim Petrus dixit nos, per dona quæ nobis donauit Deus, effici consortes diuinæ naturæ, regeneratos in spem viuam. B. Ioannes tanta emphasi expressit. Videte, ait, qualem charitatem dedit nobis Deus, ut filij Dei nominemur, & simus. Si fatentur (fateri autem eos oportet) quæro ab illis de hac inhærente iustitia quæ non est ex lege, & inhæret & non est siccificanda, quid statuit Apostolus? Nunquid de ea non loquitur? Cur (rogo) non loquatur, præsertim cum veniat ex fide & sit à Deo? Inueniãt nobis locum ubi ista reiiciatur iustitia ex fide, & ex Deo veniens: quam vocare pannum menstruatum, blasphemia est. Quomodo igitur exulabit de scripturis? Exulet porius ista istorum iustitia chimerica per diabolum conficta, quam nec verè iusti sumus, ut fatentur, sed solum reputamur. An non constituunt mendaces scripturas isti miseri, quæ pronunciant multos fuisse iustos, idque coram Deo? Sed proprio tractatu hac de re vel ad saturitatem lectoris scripsimus, quæ commentaria non admittebant.

Fratres, ego me non arbitror comprehendisse. Vnum autem, quæ quidem re-



trò sunt obliuiscens, ad ea verò quę sunt priora extēdens meipsum, ad destinatum persequor, ad brauium supernę vocatio- nis Dei in Christo Iesu. Quicumque ergo perfecti sumus, hoc sentiamus: & siquid aliud sapitis, & hoc vobis Deus reuela- uit. Veruntamen ad quod peruenimus vt idem sapiamus, & in eadē permanea- mus regula. Imitatores mei estote fra- tres: & obseruate eos qui ita ambulant, si- cut habetis formā nostram. Multi enim ambulāt quos sępē dicebam vobis (nunc autem & flens dico) inimicos crucis Chri- sti, quorum finis, interitus: quorum deus, venter est: & gloria in cōfusione ipsorū, qui terrena sapiunt. Nostra autem con- uersatio in cōlis est: vnde etiam Saluato- rem expectamus Dominum nostrū Ie- sum Christū, qui reformabit corpus hu- militatis nostrę, configuratum corpori claritatis suę, secundū operationem qua etiam possit subiicere sibi omnia.

*Fratres, ego me non arbitror comprehendisse.* Hoc ideo ait, quia nondum expleuerat cursum vitę huius, ac propterea cursum vię merendi: contra illam häre- sim, qua quidam aiebant ita veniri ad perfectum in via posse, vt addi quicquam suprā non posset. *Vnum autem,* subaudi intendo vt scopum, sciens v- num esse necessarium, seu opportunum. Ad plura enim in hoc mūdo distrahi remoratur currētem. *Quę quidem retrò sunt obliuiscens:* id est, quę anteces- serunt. Hęc autem quęnam sunt, nisi quę iam re- spicimus velut stercora, bona videlicet mundi, & glorias terrenorum: Periculosissimum est enim re- trò aspicere. Hoc vetuit Dominus noster aiens: Qui mittit manum suam ad aratrum, & respicit re- trò, non est aptus regno Dei. Mementote vxoris Lot. Possumus etiam interpretari, quasi obliuiscer- etur ea quę retrò erant & bona & mala quę ges- serat ad illum diem. Hoc enim viri est iam perfe- cti in via, primū obliuisci mala & peccata quę commisit, tāquam omnino verē per Christū dele- ta ex misericordia eius, nec dubitare de hac remis- sione. Alioqui in ea dubitatione hārens, nūquam ad perfectū veniet. Tum obliuisci etiam bona quę fecit, hoc est, nihili pendere tanquam nihil sint, & non condigna cōlesti prēmio, neq; comparanda cū obligatione, qua debet homo ipsi Deo inferui- re, & propterea se ad ea extēdere quę sunt priora, hoc est, perfectiora crescēdo de virtute in virtutē.

*Ad ea verò quę priora sunt extendens meipsum.* Hic mos est cursorum, qui non metiuntur quantū iam vię confecerint, sed quantū eis restat vt ad metam perueniant. Nā respicere ad ea quę retrò sunt, siue mala quę patrauimus nimis ea ponderando, & de remissione eorum dubitādo: siue ad bona quę ges- simus plurimi faciendo, non est aliud quā remo- rari profectum nostrum. *Ad destinatum persequor.* i. ad pręfixum scopū, quem declarat esse *brauium su- pernę vocatiois Dei.* i. prēmium certaminis, aut cur- sus. Hic erat scopus Apostoli. Vbi ergo sunt isti hy-

pocrite, q̄ respici ad prēmii in operādo vituperāt, sed purē & ex mera charitate oportere bene age- re? Quasi verò sit impurū opus, & nō potius mera charitas, si supernę mercedis ituitu operemur. Ve- rum quidē istud esset, si hīc sisteret homo, & non hanc suam spē in gloriam & laudem Dei tādem re- ferret: Alioqui (vt B. Ambrosius & Gregorius testā- tur) bonus mercenarius est, qui & propter Dei glo- riā & propter suam operatur. Nam veri Christiani gloria in Dei gloriā recidit, quę est finis omnium.

*Quicumque ergo perfecti sumus, &c.* Quid est in pri- mis quòd B. Paulus se perfectū vocat, nec se vnum solum, sed alios pariter secum adiungit, cum paulò ante negauerit se perfectum? Facilis est solutio, si (quod non faciunt hāretici) perfectionem distin- xeris. Est perfectio quēdam vię. i. quę in via adhuc & in cursu cōsideratur. Et est perfectio exacta iam via secundum animam, non secūdm corpus. Erit autē postrema perfectio in patria, cum & carnem hanc nostram illūc detulerimus. At B. Paulus illa perfectione se perfectum ait modo, quę poterat in via contingere, quę perfectio ex fide est cōstan- ti, & charitate non ficta, sed illa quę expellit timo- rē, quatenus fert hęc nostra, dum viatores sumus, conditio. *Hoc sentiamus.* Sentire apud B. Paulum est experimento probare intus in corde, & externē per opera. Quid est autem quod oportet sentire & probare, nisi veram circuncisionē esse spiritus non carnis, ex lege fidei & non ex lege Moſeos, & in hanc esse proficiendum vsque ad perfectum? Om- nis nanque nostra in hac vita perfectio recipit in- crementū: & qui verē sapit, non debet ea animad- uertere quę retrò sunt, & iam relicta. Hęc sentire, id est, probare in seipsis, perfectorum est.

*Et si quid aliter sapitis, & hoc vobis Deus reuelabit.* Vertit sermonē ad imperfectos, & ait: *Et si quid ali- ter sapitis,* seu sentitis, cum non sitis perfecti, etiā *hoc vobis Deus reuelabit,* si profeceritis ambulantes obe- dierit, & sitis patiētes. O quanta sunt quę ab ini- tio cōuersionis nostrę probamus, quę postmodo cognoscimus non prodesse. *Veruntamen ad quod per- uenimus, eadē incedamus regula, idem sentiamus.* Hic est sensus: Circa ea quę in ecclesia iā clara & determi- nata sunt (ad hęc enim dicimur peruenisse) debe- mus eodem canone teneri, vt sciamus quę crede- re, & quę agere ad æternā salutem nos oporteat.

*Imitatores mei estote fratres, & obseruate eos, &c.* Ad imperfectos sermonē dirigere perseuerat, quibus duo maximē illis necessaria pręcipit. Primū vt se imitentur: Alterum, vt illos diligenter obseruent, *qui ita ambulant sicut habetis formā nostram.* Gracē si- gnificantius, *sicut habetis formā nos,* vt non formam de scriptis aut literis mortuis accipiāt, sed literis vi- uis, quę sunt mores & opera lucentia, quę eos qui spectant, sua dignitate & pręstantia excitant ad æ- mulationē. *Multi enim ambulant quos sępē dicebā, &c.* Sermo hic mutil<sup>9</sup> est, tanquā illius qui prę rei indi- gnatione cōtineat se, ne effluat quod concepit. Ma- gnū tamen est quod vocauit eos *inimicos crucis Chri- sti:* quam rem etiā cum fletu expressit. Est autē cō- siderādum eos vocari inimicos crucis Christi, qui vt vitaret opprobria crucis, desertores efficiebātur euangelij ac puritatis eius. Nam vt persecutionem fugerent, miscere volebant cum euangelio legent Mosaicam, & veteris synagoga cæremonias.



In hereticos euangelium mutilantes.

Luc. 14.

Nunc autem noui heretici mirifica techna iactantes se nolle cum lege euangelium iungere, euangelium ipsum mutilant, & optimam eius partem tollunt, ac totum eneruant. Attende lector: Ipsi puram omnino promissionem, euangelium esse docēt nulla conditione vallatum, nisi de fide, ut solū credenti promittatur nedum prima iustificatio, sed salus æterna: ita ut de cruce nullum verbū, obliuiscem Christi dicētis: Qui non baiulat crucē suam, & sequitur me, non potest meus esse discipulus. Ipsi autem ex fide sola & cōparant & retinent discipulatum. Crucem, verò aut aliud quoddā ab euangelio semotum, dissimulāt, & frigidissimē tractāt, si quando præ pudore coacti tractant.

Nos autem euangelium in duas secamus partes: Prima continet iustificationis promissionem credenti: quod & ipsi dicunt. Secunda verò habet promissionem regni cœlorum operanti per dilectionem iuxta legem fidei & charitatis. Hanc partem ipsi abiiciunt. Aiunt enim hoc non esse aliud, quàm miscere legem cum euangelio, tanquā euangelium totum non sit lex: & quasi B. Paulus cum legem explodit, absolutē omnē legem explodat: quod est infandum dictū. Hoc ad Rom. detestatur aīes: Legem ergo destruimus per fidem? Absit: imò & legē statuimus. Isti sunt qui destruant legē per fidem. Non est ergo ea fides quā B. Paulus prædicabat: nam per eam lex non destruebatur, sed staretur. Lex quidem Moseos destruebatur, quatenus erat Moseos. Vnde omnino iudicialia & ceremonialia excluderentur per fidem: non autem ea quæ pertinent ad charitatem erga Deum & proximum: ad quæ duo præcepta omnia rediguntur prophetarum scripta, teste ipso Christo: In his duobus mādatis vniuersa lex pēder, & proph. Et quicūque hæc impleuerint, iis æterna vita ex pacto & conuentione Domini redditur.

Rom. 3.

Matt. 22.

*Quorum finis interitus.* Audiāt illi si aures habēt, *Quorum Deus venter est*: qui propterea ieiuniorum præcepta non recipiunt, & delectus ciborum, ut ventri, quem pro Deo sibi elegerunt, inseruiant. Sed quis tandem finis? *Et gloria* (inquit Apostolus) *in confusione illorum qui terrena sapiunt.* O egregium pictorē, qui tam graphicē representat nobis istos novos carnis concionatores. Hi enim posuerunt gloriam suam in confusione illorum, quibus placent terrena. Credere autem istis, quid est aliud quàm in cōfusionem corruere, & in babylonicam captiuitatem? Verē babylonicā captiuitatem meditatus est ab initio Lutherus Spiritu veritatis cōgente, quo nomine librum quendam inscripsit verē phialem iræ Dei, & babylonicam captiuitatem, qua irretiuntur qui spiritus puritatem exosi, carnis sordibus volutari delectantur. Apostolus autem quid de se & sui imitatoribus dicat, audiamus: *Nostra autem* (inquit) *conuersatio est in cœlis.* Qui terrena sapiunt, id est, gustant & gustando probant, de terra sunt & de terra loquuntur. At eorum qui verē sapiunt, conuersatio seu ciuitas, non est in terra, sed in cœlis. Hic est interim via: ibi erit fœlicitissima patria. Via quidē per se non diligitur, nisi quatenus conducit ad patriam.

Vnde etiam Saluatorem nostrū expectamus Dominum nostrum Iesum Christum. Inde enim venturus est ad iudicandum. Qui reformabit corpus humilitatis nostræ

configuratum, siue conforme, corpori claritatis suæ. Membra enim debent cum capite suo conuenire. *Secundum operationem*, siue potius, vim & efficaciam, qua etiam possit subiicere sibi omnia: ac si dixerit. Nemo miretur hanc Christi potentiam: quoniam non erit Christi, ut absolutē est filius hominis, sed ut hic filius hominis est Dei filius, secundum quam efficaciam omnia potest sibi subiicere, cum sit ipse verus omnium cum Patre conditor creaturarum. Nam & semetipsum à mortuis tertia die sua vnius potentia suscitauit. Hoc apertissimē apud B. Ioannem testatus est, dicens: Sicut enim Pater viuificat mortuos, ita & ipse Filius viuificat.

CAP. IIII.



**I TAQUE** fratres mei charissimi, & desyderatissimi, gaudium meum, & corona mea: sic stete in Domino charissimi. Euodiam rogo, & Syntychen deprecor, id ipsum sapere in Domino. Etiam rogo & te Germane compar, adiuua illas quæ mecum laborauerunt in Euangelio, cum Clemēte, & cæteris adiutoribus meis, quorū nomina sunt in libro vitæ. Gaudete in Domino semper, iterum dico gaudete. Modestia vestra nota sit omnibus hominibus. Dominus enim propē est. Nihil solliciti sitis: sed in omni oratione & obsecratione, cum gratiarum actione petitiones vestræ innotescant apud Deum. Et pax Dei quæ exuperat omnem sensum, custodiat corda vestra & intelligentias vestras in Christo Iesu.

**I** Taque fratres mei charissimi. Hic quodam modo videtur voluisse claudere epistolam. Admonitio primum est vniuersalis, ut sic persistant in Domino quales erant, videlicet, illibati à fermento malo pseudoapostolorum. Vocat eos gaudium suum & coronam in die Christi, ut in quibus tūc apparebit fructus laborū suorum. *Euodiam*, Græcè *Euodiam* rogo & Syntychen deprecor. Idem verbum Græcū reddidit diuersis vocibus, modo, rogo, modo, deprecor, Poterat dicere: Euodiā obsecro: Et Syntychen obsecro, id ipsum sapere, seu sentire, in Domino. Fortē erāt ex Iudæis istæ mulieres, tametsi nomina ipsa sint Græca & Gentilia. Paulatim enim solebant sibi assumere nomina, postquam commisceri cum Gentibus cœperūt. Mirum videri potest de iis duabus nominatim mentionem à B. Paulo factam, tanquā certō dubitaret de huiusmodi ne corrumperētur. Sæpe autem in scripturis à nominibus etiam mores cum probi, tum & improbi significati sunt. Verum nunc aliud ago.

*Etiam rogo te Germane compar.* Hic locus, ubi nonnulli B. Paulum suam quōdam vxorem admonuisse crediderunt: & legunt, *Germana compar.* Alij contra, miris modis obliuiscunt, admittere prorsus recusantes B. Paulum habuisse vxorem. Hac ego de re nolim omnino contendere. Siquis à me querat quid credam: huic respondeo: Constantissimē



credo, & nullo modo dubito, B. Paulum, si ante conversionem non habuit uxorem, nunquam habuisse. Nam habens demandatam euangelizandi per vniuersum orbem prouinciam, fuisset omnino insipientissimus, & contra suam & Christi doctrinam facto ipso militasset, si duxisset uxorem. Et quàm felix coniux tali marito fuisset, iniuriis, verberibus, plagis, stigmatibus, instabilitate, summa egestate circumdato. Delitiosæ, inquam, cæ nuptiæ futuræ erant. Idem omni contentione defenderem, omninoque euincerem & persuaderem non propteruenti (nam esset admodum facile) neminem Apostolorum & discipulorum Christi qui eum secuti sunt, post conversionem suam nuptias nedum contraxisse, sed iam contractis renunciasse.

Quod si quis rursus me roget. Quid absolute putas? Habuit ne uxorem Paulus, an secus? Respondeo primùm, me non ignorare & B. Hieronymum, & nonnullos ex nostris id negare. Contra autem, antiquos Græcorum nonnullos asserere. Sed cum ea quæ eiusmodi sunt vel de scripturis sanctis, vel de historiis ac traditionibus accipi debeant. Si queratur, an in scripturis contineatur, Paulo uxorem nullam fuisse. Id non reperiri arbitror. Etsi quidam moueantur ex illa prima ad Corinth. epistola cap. 7. Sin autem econuersò rogent, vtrum existimè de scripturis probari posse oppositum. Respondeo me ita existimare, modo non sumus pertinaces, & duri nimis. Nam & in eo cap. 7. & in hoc præsentis loco multò magis suaderi crediderim. Quæ enim dicemus esse Germanum comparem? Græcè enim legimus, *ὁ ἄνθρωπος ὁ γυναικὶ*. Quod enim ait, *οὗτος*, manifestè id Græcè sonat quod coniux apud nos. Quod autem ista sit mulier, suaderi potest: quia rogat ut adiuuet eas quæ collaborarunt in euangelio. At hoc mandatum spectare videtur ad mulierem, non ad virum, ut se admisceat cum mulieribus in officiis fœminarum: quæ officia innuere videtur cum dicat, ut cum illis laboret. Sed sunt qui putant *ἄνθρωπος* esse masculini generis, non communis. Nò ita scribunt in lingua Græca periti: nec ipse B. Chrysostomus. Quare hoc puto verius de scripturis.

Præterea sunt traditiones veterum quæ hoc declarant. B. Ignatius in epistola sua: & (ut ad Rom. citauimus.) In reuelationibus B. Brigidæ viduæ de Suevia, huius rei apertum habetur testimonium, nec debet temerè sperni. Denique ego vehemèter miror nonnullos, qui nimis tenaciter hac de re certant si id concedamus, faueat nouis hæreticis, cum non solum non faueat eis, verum etiam illos acriter reperiatur: quoniam manifestè patet ex proprio ipsius Apostoli testimonio, thorū fuisse omnino inter eos separatam, & se viuam uxorem inter viros computasse cap. 7. ad Corinth. Et cap. 9. testatur non circumduxisse illam secum comitem, quæ admodum alij quidam Apostolorum ducebant. Vocauit autem eam mulierem sororem, ut thori intelligeremus separationem. Nam quas alias sorores circumducebant alij Apostoli, nisi coniuges suas? Et facile esse potest, ut nunquam illam tetigerit. Si quidem adolescens erat, & tunc fortè sponsus nondum maritus quoad thalamum, cum persequeretur ecclesiam. Quicquid sit, & quicquid hæretici de hoc sentiant, non magni faciendum existimamus: o modo illud nobis detur, nullo pacto in

postolatu vsum esse matrimonio, sed ambos, ac si vterque viduus fuisset, seruasse euangelio, ut par erat. Dicit autem mulieres collaborasse, aut potius concertasse in euangelio, aut pro euangelio. Cum Clemente. Hic fuit postmodo Pontifex Romanus Christi Vicarius. Et cæteris adiutoribus meis. Qui libet enim suo fungebatur proprio officio ad promotionem euangelij.

Quorum nomina sunt in libro vitæ. Ac si dixisset, Etsi omnium nomina expressè non scribam, scripta tamen sunt in libro vitæ. Librum vitæ, librum prædestinatorum intelligunt Scholastici. Dictum non improbamus, sed addimus in eo libro etiam nomina reliquorum omnium scribi qui ad Christum veniunt: quæ tamen nomina possunt deleri. Nonne oramus ut istorum nomina beatæ prædestinationis liber ascripta retineat? Alioquin orare de nominibus prædestinatorum, ut fixa ibi atque rata permaneant, superfluum videtur, cum oratio non fiat, nec fieri de iis debeat quæ iam decreta sunt, & mutari nò possunt. Stultum enim esset orare sic simpliciter & in vniuersum pro prædestinatis. Particulariter autem, quia de iis certò nescimus, orare licet: & ea oratio ad nos reuertitur, & nobis proddest non illis, quantum ad hanc partem attinet, ut maneant scripti nec deleantur. Adhuc. De quibusdam est oratio, seu potius prophetia, quæ ait: Deleantur de libro viuientium, quæ non potest pertinere ad prædestinatos. Et in Apoc. dicitur: Qui viderit, sic vestiatur vestimentis albis, & non delebo nomen eius de libro vitæ.

Psal. 68.

Apoc. 3.

Quantum ergo de scripturis colligitur, liber vitæ continet omnes qui dederint nomen, & militiam professi sunt sub duce Christo vita nostra. In eo enim omnes viuemus, si in militia positi ad hostium castra non declinauerimus, sed fortiter insidiis eorum resistentes victoriam reportauerimus. De hoc libro multi deleri possunt: sed in finem seruabitur huiusmodi circumscriptio atque deletio: quoniam iuxta Daniele prophetam: Omnes salui fiunt, qui in tempore illo extremo inuenti fuerint scripti in illo libro. Inuenientur autem omnes qui perseuerauerint. Orat autem interim ecclesia, & similiter ab omnibus fidelibus orandum est, ut liber ille ascripta retineat omnium fidelium nomina. Ait, omnium fidelium, non ait, omnium prædestinatorum: quod manifestè superuacaneum esset. Quid, quæso, aliud esset quàm orare de eo qui iam prædestinatus est, ut prædestinaretur, & sic ut fieret quod iam præordinatum est? Nec est hic locus argutioris. Vbi rem planam in scripturis video, nò me precipitem in inextricabiles quæstiones propter Scholasticos dedo, qui eò se in hoc articulo concluserunt ita laborantes, ut fateantur præclarissimi eorum, inter quos Caietanus, hac se non capere.

Dan. 12.

Gaudete in Domino semper: iterum dico gaudete. Dū geminat bonam imprecationem, ingentis desyderij sui ostensio est. Aut per duo, considerauit & bona præsentia in re, & bona futura in spe: de quibus cupiebat eos gaudere. Qui non sentit bona, quomodo gaudebit? Similiter qui non sperat, in qua spiritus iucunditate potest existere? Est autem modus gaudendi, videlicet in Domino, admixtus timore ac tremore sancto. Non autem more incōsideratorum & hæreticorum, quæ à Dæmonibus lu



dificati iactitant se ita comprehendisse, ut iam excidere nequeant.

*Modestia vestra nota sit omnibus hominibus.* Modestia magna virtus est, quæ temperat hominem ne in prosperis nimirum exultet: neque in aduersis frangatur. Efficit enim ut sibi perpetuò constet homo moderans ratione & censura quadam quæcunque occurrunt agenda, vel sustinenda in hac vita. Et vix vlla alia est virtus, quæ perinde illuceat & appareat hominibus, quibus cum est conuersatio, atque hæc, *Modestia*, quæ in moderatione actorum ac gestorum consistit, & cõspicitur. *Dominus prope est.* Ut contineantur homines in officio, seque modeste gerant, nihil est tam validum, ut est cogitatione vehementi apprehendere Dominum Iesum Christum esse prope & in ipsis foribus, cuncta exactissimè reuissurum. Quodnam aliud continetur præceptum in ea parabola, quæ est apud Beat. Matth. 24. qua admonemur omnes diligenter vigilare, quam quod subintelligitur in his Apostoli verbis: *Dominus prope est*: & subditur: Si autem dixerit malus seruus ille in corde suo: Moram facit Dominus meus venire, & cœperit percutere conseruos suos, manducei autem & bibat cum ebriosis: veniet Dominus serui illius in die qua non sperat, & hora quam ignorat, & diuidet eum, partemque eius ponet cum hypocritis. Illic erit fletus & stridor dentium. Si hæc cogitaremus, essemus longè vigilantiores, & prudentius nos seruaremus in illum tremendum diem, quo audienda erit vltima sententia vel ad fœlicitatem, vel ad ignem sempiternum. Hûc rerû omnium vertitur cardo. Ad hæc philosophiam hortatur Philipenses, & non omnes pariter, omnia remouens salutis impedimenta noxia, & ait:

*Nihil solliciti sitis,* De temporalibus loquitur: Alioqui sollicitudo de spiritualibus laudatur, & est necessaria. Sed in omni oratione & obsecratione melius deprecatione, cum gratiarum actione petitiones vestrae innotescant apud Deum. In omni oratione aliqua petitio est. Ea autem quæ petuntur, bona esse oportet & salutaria. Et hæc sunt ipsius orationis materia. Porro cum insuper bonum sit carere malis ac dânis, ideo obsecratio vel deprecatio (quam, B. Ambrosio teste, ad deprecanda mala & amouenda fundimus) est quoddam pertinens ad orationem, & eius quodam modo species. Sed quia nemo dignè noua petit beneficia, qui de acceptis non est memor & gratus, ideo adiungitur, cum gratiarum actione. Quod autem ait: *Innotescant apud Deum*, vel est admonitio, ut petatur talia quæ sunt digna exaudiri: Nam tunc innotescere dicuntur Deo, cum illas respicit & admittit exaudiendo: Vel est adhortatio ad petendum. Quamuis enim Deum nostra indigentia minime lateat, vult tamen (ut æquum est) à nobis rogari, ut nos ipsi nostras miseras recognoscamus, & confiteamur, & humiliemur, & ita impetremus. Alioqui se gerit ad modum nescientis. Quamobrem à Propheta scriptum est: Reuela Domino viam tuam, & ipse faciet, &c.

*Psalm. 36.*

*Et pax Dei*, id est, pax quæ à Deo est, & quæ non est peccatorum atque impiorum, sed eorû qui innocenter viuunt, quos conscientia non reprehendit. *Quæ exuperat omnem sensum*: potius mentem & intellectum. Dicitur autem superare omnem sen-

sum siue intellectum: quâdoquidem nemo potest illam scire, nisi qui accipit. Nec vllus potest eam in hoc mundo sibi vlla cogitatione fabricare: quoniam à Deo est. *Custodiat*, pro custodiet, *corda vestra & intelligentias vestras in Christo Iesu*. Ecce effectus diuinæ pacis, quæ non est aliud nisi peccata quadam conscientia & animi tranquillitas, quæ refultat quoties cuncta suo ordine disposita sunt. Tum mens subiecta est Deo, & iam gustum quandam sentire incipit futurorum bonorum. Et ita hac pace ibi constituta seruatur & custoditur cor, id est, affectus & intellectus hominis, ut vix queat labi ac decidere: quoniam custoditur in Christo Iesu, in quo sita est omnis nostra spes. Ipse enim fecit promissa omnia, quæ sunt erga nos, mirè credibilia, quorum & arrham ad securitatem donat.

De cætero fratres, quæcunque sunt vera, quæcunque pudica, quæcunque iusta, quæcunque amabilia, quæcunque bonæ famæ, siqua virtus, siqua laus disciplinæ, hæc cogitate. Quæ & didicistis, & accepistis, & audistis, & vidistis in me, hæc agite: & Deus pacis erit vobiscum. Gaudius sum autem in Domino vehemèter, quoniam tandem aliquando refluoristis pro me sentire, sicut & sentiebatis: occupari autè eratis. Non quasi propter penuriam dico. Ego enim didici, in quibus sum, sufficiens esse. Scio & humiliari: scio & abundare. Vbique & in omnibus institutus sum, & satiari, & esurire, & abundare, & penuriam pati. Omnia possum in eo qui me confortat.

Verba Apostoli sunt vehementer efficacia: & sicut è flagranti corde manant, ita etiam suscipientium corda vehementer permouet: ait ergo: *De cætero fratres*, hoc est, quod reliquum est, *quæcunque sunt vera, &c.* Hic ordo est literæ, *Hæc cogitate quæcunque sunt vera*, id est, quæcunque sunt secundum veritatem Dei. *Quæcunque pudica*, siue honesta & casta. Considerant, hæretici, vtrum hæc ad se pertineant: Et an castè & pudicè viuant cum suis sacralegis concubinis, qui omnem puritatis euangelicæ sanctimoniam profligarunt. *Quæcunque iusta*. Hætenus ad omnia virtutum genera respexisse videtur. Nam quoad intellectum dixit, *quæcunque vera*, quoad appetitum sensitiuum, *quæcunque pudica*, siue casta: quoad voluntatem, *quæcunque iusta*. Adiecit, *Quæcunque sancta*, Multi legunt, *pura*, quoniam Græcè legimus, & *πύρα*, id est, casta pura. Interpreter fortasse legit, & *πύρα*, id est, sancta, quod mihi verius videtur, ut addat superioribus sanctitatem, & cuncta referantur in Deum. *Quæcunque amabilia*. Per se amabile est honestum, *Quæcunque bonæ famæ*, id est, quæcunque bonam famam pariunt. Hæc enim cogitanda sunt propter proximum ad ædificationem, non ad studium propriæ gloriæ. Potissimum autem magnæ id erat curæ Apostolis in ipsis ecclesiæ initiis, ut non solum inter se, sed & iis qui foris erant, hoc est, infidelibus fidelium vita & mores prælucere. Vnam hanc inter alias requirebat Apostolus ad Timo. scribens, conditionem in eo qui

*1. Tim. 3.*



in episcopum eligendus erat, ut bonum testimonium apud eos etiam haberet qui foris erant. Princeps Apostolorum eodem modo hortabatur: Cōversationem vestram inter Gentes habentes bonam, inquit, ut in eo quod detractant de vobis tanquam de malefactoribus, ex bonis operibus vos considerantes, glorificent Deum in die visitationis.

*Si qua virtus, si qua laus disciplina.* Græcè, si qua virtus, & si qua laus. B. Paulus in hortatione sumit ea ad persuadendum principia, quæ à nemine prorsus negantur. Sunt enim in mentibus omnium hominum impressa, videlicet esse virtutem & virtutis præmium, quod est laus & honor. Ponit autem eiusmodi principia quadam arte, quæ mira dexterritate ad suasionem valet plurimum, cum quid proponimus quasi dubium, quod est tamen per se evidens, veluti si quis ita proferat: Si qua est Dei iustitia, improbi homines & flagitiosi dabunt dignas suæ impietatis pœnas. Est ergo evidens esse virtutem, & virtutis laudem & præmium. Quamobrè hæc omnia superius expōita cogitare seriò debetis, quæ vera, quæ pudica, quæ iusta, quæ sancta ut ea amplexemini, &c.

*Quæ & didicistis, & accepistis:* didicistis auditu, accepistis imitatione videndo illa in me: propter quod ait: *Et audistis, & vidistis in me, hæc agite, & Deus pacis erit vobiscum.* Audiant hæc non surda aure Lutherani, & recto iudicio statuunt unde venit pax. *Hæc agite, inquit, & Deus pacis erit vobiscum.* Qui igitur hæc non egerint, quomodo habere pacem possunt miserrimi mortalium? Audiant & qui volunt iustum dubitare de iustitia sua semper, & impacatas tenere conscientias. Hi enim Deum pacis non noscunt ipsi, & alios nosse dum eam doctrinam tradunt, non sinunt.

*Gauius autem sum in Domino vehementer: quoniam tandem aliquando resoruisistis, &c.* Succurrerant tamen Philippenses Apostolo, ad quem per Epaphroditum miserunt quæ vitæ necessitas exigebat. Asserit ergo vehementer se hac de re grauium fuisse, sed in Domino. Non est oscitanter prætereundum, cur tam frequenter utatur hoc appendiculo ad sententias, dicens: Gaudere in Domino, Gloriarī in Domino, Mori in Domino: & huiusmodi multis. Significat enim cum hæc in Domino fiunt, ea tum rectè fieri: quoniam à spiritu fiunt iuxta normam veritatis & charitatis sapienter ordinatæ. Deinde rationem huius gaudij sui adiicit: *quoniam resoruisistis, aut potius, reuiguisistis pro me sentire.* Senlus est: Reuiguisistis, vigorem accepistis in sentiendo pro me, sicut & sentiebatis, Aut, in quo & sentiebatis. Est verbum *ᾠονέω*, quod significat cogitare ac sapere & affici, ut iam clara sit sententia. Gaudium enim se propterea fuisse testatur: quod re ipsa declarare cœperunt non sine affectu & efficacia se cogitare ac sapere in ea re pro Paulo, in qua & prius similiter cogitabant, sed non efficaciter: quia re ipsa non probabant se cogitare de illo. Excusat verò illos, ut viri pij facere solent, subdens:

*Occupati enim eratis.* Alij ex Græco interpretantur defuisse Philippensibus suppeditandi opportunitatem. Quod autem ait se fuisse subuentione illa recepta gaudium, declarat non accidisse quidē propter releuatam penuriam. Non negat tamen se pe-

nuria laborasse, sed non inde potissimum esse gaudium, quia subuentum fuerit tali penuriæ: & rationem ponit: *Ego enim dedici in quibus sum sufficiens esse.* Hoc non tam eget expositione, quàm imitatione. Quotumquenque reperias hodie ex Christianis qui sit contentus iis quæ habet, etiam si abundet? Sed reuera nunquam abundat. Scio & humiliari. Humiliatur homo tum maximè, cui vix ad sunt ad victum quotidianū que necessitas ipsa natura postulat. Scio & abundare. Et hæc non est exigua virtus scire abundare. Plerique enim minime aduertunt illum verè abundare, qui ea quæ sibi superflua sunt, refundit in alios amore Christi. Hoc sensit Apostolus, & est certè scire abundare. Qui enim retinet & reponit, non dicitur is abundare.

*Vbiq̃ue & in omnibus institutus sum.* Ait se institutum, hoc est, experiētia ipsa edoctum atque institutum in omni loco, & in omnibus. *Et satiari & esurire: & abundare, & penuriam pati.* Iam hæc expōita sunt. *Omnia possum in eo qui me confortat.* Græcè, in Christo qui me roborat. Omnia possum, inquit, B. Paulus, sed non ex me, aut in me, sed in eo qui me fortem efficit. Quomodo igitur, adiuuante Deo & confortante, ausint dicere hæretici, Dei præcepta esse impossibilia?

Veruntamen bene fecistis communicantes tribulationi meæ. Scitis autem & vos Philippenses, quod in principio Evangelij quādo profectus sum à Macedonia nulla mihi Ecclesia communicauit in ratione dati & accepti, nisi vos soli: quia & Thessalonicam semel & bis in vsum mihi misistis. Non quod quæro datum: sed requiro fructum abundantem in ratione vestra. Habeo autem omnia, & abundo. Repletus sum acceptis ab Epaphroditō quæ misistis in odorem suauitatis, hostiam acceptam, placētem Deo. Deus autem meus impleat omne desyderium vestrum secundum diuitias suas in gloria, in Christo Iesu. Deo autem & Patri nostro gloria in sæcula sæculorum. Amen. Salutate omnem Sæctum in Christo Iesu. Salutāt vos qui mecum sunt, fratres. Salutant vos omnes Sancti: maximè autem qui de Cæsaris domo sunt. Gratia Domini nostri Iesu Christi cum spiritu vestro. Amen.

*Veruntamen bene fecistis.* Ac si dixerit, Et si ego re ipsam non magnopere curē, qui ita sum compositus ut nouerim penuriam pati: vos tamen benefecistis, communicantes tribulationi meæ. Vocat tribulationem, ut solet, perpeti victus penuriam: & verè grauis est tribulatio. Ideo consulens Corinthiis cōmunicare pro ratione facultatum & substantiæ, instruit non ita effusè largiēdum, ut alijs sit remissio, illis autem remaneat tribulatio: sed ex æqualitate, ut illorum abundantia afflictorum suppleat inopiam.

*Scitis autē & vos Philippenses, quod in principio Euā-*



*gelij quando profectus, &c.* Memorat alias benedictiones, ut illius verbo utar, seu subventiones quas ab illis præ cæteris ecclesiis habuit: & tempus ipsum designat, nimirum quando è Macedonia profectus peruenit Thessalonicam, quo tempore semel & iterum se ab eis accepisse in usum suum fecerunt. Et ne ipse debitum exigere videri posset, quasi quadam præscriptione adiungit: *Non quia quero datum, sed requiro fructum abundantem in ratione vestra*, id est, Hoc vnum requiro ut implemet Deus pro me soluat, abundatèrque vobis & cumulatissima mercede retribuat. Nam eleemosynam dare est scenerari Domino. Hæc erat ratio dati & accepti apud B. Paulum: non autem veluti negotiatores qui temporalia pro temporalibus mutuo accipiunt. At ipse Apostolus accipiens, gaudio maiori afficiebatur ob creditum, eò quod in rationem eorum & præmium computabatur, quam de persoluto sibi debito. Frequētius cogimur, & ita facere obligamur ubi dignus incidit locus, suggerere iis qui aliis præ sunt ut cum maximo timore, imò verò cum tenerimo amore & puro affectu suum munus obire velint. Si enim semel misericordiæ viscera & desiderij erga salutem animarum indueremus, lucra temporalia nedum sectaremur, sed vel inuiti recipere mus vltro oblata, quò omnis à nobis turpis lucrisuspicio tolleretur. Et cum Apostolo quæreremus non quæ illorum sunt, sed illosmet, hoc est, veram illorum salutem, quorum curam suscepimus. At nunc tam ardens ubique flagrat & in omnibus auaritia, tanta ministrantium ecclesiastica sacramenta cupiditas, ut ipsi populi non iam se ad salutem regi, sed ad quæstum possideri persuadeant. Vbi ad mirabilis animaduertitur Dei prouidentia. Nam & qui auidius ambiunt, vberioresque ecclesiarum fructus colligunt, ære alieno sunt abundantius obstricti: & in eis maior in dies accenditur, quæ nunquam expletur, cupiditatis sitis. Contra autem longa experientia obseruatum in iis qui ista lucra spernunt, ut non solum sua sorte viuant in summa læritia contentissimi, sed ita etiam abundant, ut aliis quoque possint esse auxilio. Apostolus hoc in loco, & ad Corin. istud testatur: Nihil habentes, & omnia possidentes. Semper egentes, multos autem locupletantes. Magnum est sanè deposuisse habendi affectum, quo exuto non potest homo Christianus non abundare, & pro suo gradu latari cum B. Apostolo, qui ait:

*Habeo autem omnia, & abundo.* Generosus animus, omnia, inquit, qui fortè pauca acceperat, & ita tamen iis abundabat, ut posset & aliis tribuere. *Acceptis ab Epaphrodito. &c.* Is fuit qui munus Philippicum detulit. Epaphroditus autem venustum significat & iucundum. Et reuera ita in largiendis & reddendis muneribus oportet esse hominem. Deus enim qui dat omnia abundanter & non improperat, tristi & quasi coacto animo dantem auersatur & munera eius: qui econuersò mox ubi animum pium videt & voluntarium, præcurrit odorem sacrificij: quemadmodum nobis scriptura de

duobus Habel & Cain fratribus tradit. Ea enim quæ vel à ministris nostris præstantur officia, si ægro fiant animo, plus nobis molestiæ quàm solatij afferre solent, à quibus vultum cogimur plerumque auertere. Contra autem, vel solus lætior aspectus nos mirum in modum recreat ac reficit. Unde addit Apostolus: *In odorem suauitatis, hostiam acceptam placentem Deo.* Quæcunque enim offeruntur ministris Dei, non tam illis offeruntur, quàm ipsimet Deo. Et ob eam gratiam digna sunt, quæ oblationes vocentur & hostiæ Deo gratissimæ, ut spirantes suauissimum coram illo bonæ voluntatis odorem, obsequij ac pietatis ad lucrum & acquisitionem vite beatæ cum sanctis omnibus.

*Deus autem meus impleat.* Tanquam illis, Vale, dicens, ut solet in omnibus epistolarum postremis partibus fieri, precatur illis Apostolus bona. Græcè tamen legitur in futurum, *implebit*, aut *supplebit, omne desiderium vestrum*, Aut potius omnem indigentiam vestram, seu necessitatem: *secundum diuitias suas*. Non parca illa quidem & auara manu, veluti homines, sed ad mensuram bonam, confertā, coagitatam, superfluentem: nec id terrenis ac perituris fortunæ & mundi huius bonis, sed in cælestibus & sempiternis, *in gloria*: Et quia per Christum & propter Christum ab æterno Patre obtinemus omnia, addit Apostolus, In Christo Iesu, Cætera clara sunt: Hoc vnum tamen consideratione dignum, fuisse tunc in domo Cæsaris, qui fidē Christi colerent, dum ait: Salutant vos, maxime qui de Cæsaris domo sunt. Et de Seneca quidem Neronis ipsius præceptore scitum est & creditum. Nā & mutua circumferuntur vtriusque ad alterum epistolæ, videlicet B. Pauli ad Senecam, & Senecæ ad B. Paulum. Erasmus tamen, cui vix quicquam pium placuit, nothas putat. Ego verò Erasmi auctoritate parum admodum moueor, quem si recipere mus legitimum censorem, nedum bonam B. Hieronymi, Augustini, Cypriani voluminum partem amitteremus, sed & quædam ex sacris libris dignissima & probatissima. Quis enim iam est ne scius quàm fuerit in ferendis censuris præceps, & parum pius? Non sumus tamen ita simplices, ut quæ huiusmodi sunt nullo delectu suscipiamus, quæ ut vera esse vehementer expetimus, ita idoneè esse probata desideraremus. Et hoc de his epistolis optarim. Non possum autem aliquando existimare, tanta posse impudentia quenquam existere, ut talia effingere (nisi deprehendissem) non vereatur. At hi sunt digno habendi odio, qui fidem nostram probare mædaciis aut fulcire nituntur. Quasi verò fuerit fides nostra suspecta, nisi Senecam Christianum fuisse asseramus, quæ tor actantis ante & post Senecā testimoniis per miracula & sanguinem ostensis, est confirmata. Sed non est

omnium huiusmodi meditatio. Gratia  
Domini nostri Iesu Christi  
cum spiritu nostro.  
Amen.

\*

Eccle. 41.

2. Cor. 6.

Luc. 1.

Luc. 6.



ARGVMENTVM IN EPISTOLAM B.  
PAVLI APOSTOLI AD COLOSSENSES.

Colosse ciuitas Phrygiæ, finitima Laodiceæ, ad eius Ecclesiam scripsit B. Paulus hanc epistolam, postquam audisset eos Euangelium recepisse. Cuius rei gratia primum illos commendat, & vt in eo perstare velint firmis argumentis vtitur, ne à pseudoapostolis sese patiantur decipi, qui de Angelis & quibusdam inanis philosophiæ principiis ea docebāt, quæ integram nostram salutem Christo redemptori acceptam referendam negabant. Hortatur igitur vt permaneant stabiles in ipsa Euangelij puritate. Tum pro consuetudine post traditam doctrinam, ad ea quæ ad probos mores pertinent, descendit, varias in fine ipsius epistolæ subiungens salutationes.

COMMENTARIA IN EANDEM  
EPISTOLAM B. PAVLI AD  
COLOSSENSES.



PAVLVS Apostolus Iesu Christi per voluntatē Dei, & Timotheus frater, iis qui sunt Colossis, Sāctis & fidelibus fratribus in Christo Iesu: Gratia vobis & pax à Deo Patre nostro.



HÆC præsentis epistolæ salutatio cum superioribus reliquarum epistolarum salutationibus conuenit. Hoc vnum solum annotandum esse videtur contra eorum expositio nem, qui propterea ad Philippenſes B. Paulū Apostolus sui mentionem prætermisſisse aiebant, quòd Timotheum non apostolum sibi socium ad iunxerat. Hic autem perspicuè & Timotheum fratrem nominat, & tamen sui Apostolatus mentionem facit. Item notandum, quòd in latinis codicibus desunt ea verba: & domino nostro Iesu Christo, quæ habentur in Græcis.

Gratias agimus Deo & Patri Domini nostri Iesu Christi semper pro vobis orantes: audientes fidem vestram in Christo Iesu, & dilectionem quam habetis in Sanctos omnes, propter spem quæ reposita est vobis in cœlis, quam audistis in verbo veritatis Euangelij quod peruenit ad vos, sicut & in vniuerso mūdo est, & fructificat, & crescit sicut & in vobis, ex ea die qua audistis & cognouistis gratiam Dei in veritate: sicut didicistis ab Epaphra charissimo conseruo nostro, qui est fidelis p vobis minister Christi Iesu: qui etiam manifestauit nobis dilectionē vestram in Spiritu.

Gratias agimus, &c. More suo Apostolus gratias assidue se agere testatur, & orare pro illis. Gratiarum actionis materia erat in gratiam Colossensiu, vt qui iam fidem Christi viuam, haberent, & consequēter charitatem, in sanctos omnes, id est, in omnes Christianos, qui sanctificati erant lauacro sancto, idque, propter spem, id est, propter speratum bonum, quod illos manebat in cœlis. Hęc loca hæretici dissimulant, qui negant nos posse bene operā-

do habere intuitum ad mercedem. Finis enim dilectionis nostræ præmium est in Domino: nam propter coronam certatur. Vnde Dauid: Inclinaui cor meum ad faciendas iustificationes tuas in æternū propter retributionem. Non me latet quosdam illorum hunc locum aliò trahere. Sed non propterea elabuntur, qui comprehenduntur per alias innumeras scripturarum sententiās, vt passim licet colligere. Ait autem illos audisse hanc spem, in verbo veritatis Euangelij, hoc est, per verbum veritatis. Hoc autem verbum, Dei est verbum. Quoniā promulgantes euangelium solum quæ à Deo audierant, & Spiritus sanctus suggerebat prædicabant: ita vt nō possent tradere, aut admiscere loco euangelij vllum mendacium. Quod peruenit ad vos sicut & in vniuerso mundo est, & fructificat, &c. Mūdi vniuersi appellatione veniunt solummodo Gentes notæ in hemispherio nostro. Et est quidam modus loquendi. Sic exiisse dicitur iubente Cæsare Augusto, ædictum vt describeretur vniuersus orbis. Ex ea die qua audistis, & cognouistis gratiā Dei in veritate. Quo modo cognouerunt gratiam Dei in veritate, nisi experientia interna affectiua? Hęc scripturarum loca cogitent illi qui negant esse posse certitudinem præsentis gratiæ.

Sicut didicistis ab Epaphra, &c. Huius apostolici viri nulla alibi in scripturis mentio est, nisi in hac epistola. Quòd autem ait illum Epaphram manifestasse eorum dilectionem in spiritu, potest variū reddere sensum, vel quòd ipse manifestauerit in spiritu: vel quòd ipsa dilectio manifestata, erat dilectio spiritualis. Hactenus locutus est de materia gratiarum actionis: nūc de oratione ipsa loquitur, indicans quid oraret pro eis.

Ideo & nos ex qua die audiuius, nō cessamus pro vobis orantes, & postulantes, vt impleamini agnitione voluntatis eius, in omni sapientia & intellectu spiritali: vt ambuletis dignè Deo per omnia placentes, in omni opere bono fructificantes, & crescentes in scientia Dei, in omni virtute confortati secundum potentiam claritatis eius, in omni paciētia & longanimitate, cum gaudio gratias agentes Deo Patri, qui dignos nos fecit in partem sortis Sanctorum, in lumine: qui eripuit nos de potestate tenebrarum, &

psal. 118.



trāstulit in regnum Filij dilectionis suæ, in quo habemus redēptionem, & remissionem peccatorum, Qui est imago Dei inuisibilis, primogenitus omnis creaturæ: quoniam in ipso condita sunt vniversa in cœlis & in terra, visibilia & inuisibilia: siue troni, siue dominationes, siue principatus, siue potestates, omnia per ipsum, & in ipso creata sunt, & ipse est ante omnes, & omnia in ipso constant. Et ipse est caput corporis Ecclesiæ, qui est principium, primogenitus ex mortuis, vt sit in omnibus primatum tenēs: quia in ipso complacuit omnem plenitudinem diuinitatis inhabitare: & per eum reconciliari omnia in ipso, pacificans per sanguinem crucis eius siue quę in terris, siue quę in cœlis.

*Ideo & nos ex qua die audiuimus, &c.* Materia orationis erat vt impleantur agnitione diuinæ voluntatis. Si enim homo perfectē nosset tam benignam Dei erga se voluntatem, eamque in semetipso gustu illo perfentiret, quem Sancti habent, id est, vt declarat ipsemet Apostolus, *in omni sapientia & intellectu spirituali*, profectō ita se componeret, vt expleret ipsam Dei voluntatem ad perfectionē spei, & futuræ sanctificationis. Hoc totum explicat B. Paulus subdens: *Vt ambuletis dignē Deo*, seu dignē Domino, *per omnia placentes*, Quid est autem quod isti dicunt non posse quenquam dignē Deo ambulare, nec illi per opera placere? Hæc Apostoli verba apertissime oppositum docent, qui hoc pro illis orabat. Non oratur autem pro re impossibili. *In omni opere bono fructificantes*. Si quæras ab hæreticis fructus boni operis, nullos prorsus inuenies. Catholici autem operis fructum asserunt in præsentī vita esse incrementum iustitiæ, & in alio sæculo incrementum æternæ felicitatis & glorię. *Et crescentes in scientia Dei*. Vera est illa Beatissimi patris Francisci aurea sententia: Tantum quisque scit, quantum operatur. Scientia enim Dei illa qua Deum cognoscimus, fructus est boni operis. Quāto magis quis propter Deum operatur, tantō magis scientia de illo crescit, & benē intelligit quam vim habeat prophetica illa admiratio. Quām bonus Israel Deus his qui rectō sunt corde.

*In omni virtute confortati*. Non accipitur hīc virtus, nisi pro potentia & robore. Scientia Dei & dilectio fortes & robustos ac strenuos facit homines, vt vel ipsa morte sint fortiores. *Secundum potentiam glorię eius in omnem patientiam & longanimitatem*. Audiant hæretici quid illud sit, quo nos in substinendo patienter fortes efficiamur & robusti. B. Paulus declarat esse potentiam glorię eius. Gloria enim eius nobis proposita in præmium & coronam ita fortis est, vt spem in nobis excitet admirabilem ad patiendum alacriter, & substinendum cuncta extrema. Sic & fortes ac generosi milites accenduntur, & fortitudinem geminant, cum ad proposita sibi hostium pretiosa spolia respiciunt. Animaduerte autem quid addat Apostolus, *Cum*

*gaudio gratias agentes Deo Patri*, ita vt patientia tribulationum sit cum gaudio coniuncta, nimirum spiritus interno, & cum gratiarum actione. Quod dū accidit, certō noscit homo & procul vllō dubio, Christum habitare in corde suo, vt cum propheta dicat: Signatum est super nos lumen vultus tui Domine, dedisti lætitiā in corde meo. Hanc ad esse certitudinem omnes antiqui Patres vnanimi consensu ex sacra scriptura, quæ nimis clara est, testantur.

Gratiarum autem actio redditur Patri. *Qui dignos nos fecit in partem sortis sanctorum*. Quænam est, obsecro, sanctorum fors, nisi pati cum gaudio pro Christo? Verū quia & hæretici dicunt se pati pro Christo, & videntur cum gaudio pati, adiecit B. Apostolus doctrinam propriam dicens, *In lumine*, Hæretici præ superbia gaudent quidem in tenebris, si modo gaudent. Est quoddam gaudium phantasticum à falsa persuasionē & animo obstinato: sed verum esse ac plenum non potest. Non enim adest verum lumen testificans illis. diabolus ipse qui instigat & suadet non venit in lumine. Alioqui nullus cognoscere posset differentiam spirituum: quod esset absurdissimum. Qui autem patiuntur in Christo, in lumine patiuntur, & veram habent certitudinem, dicente illis Christo in corde intus apertē: Salus tua ego sum, noli timere: viriliter age, confortetur cor tuum & sustine Domini. Hęc alibi prosequutus sum exactius propter quorundam errorem, qui aliter falsō, & (meo iudicio) periculose scriperunt: quemadmodum etiam viri docti ac pij censuerunt.

*Qui eripuit nos de potestate tenebrarum*, id est, dæmonum, qui meræ sunt tenebræ, cum in illis non luceat Christus veritas: & ipsi sint dilectores & fabricatores mendaciorum, in quorum potestate eramus omnes. *Et transtulit in regnum Filij dilectionis suæ*. Regnum Filij regnum lucis est. Ego sum lux mundi, inquit, ille. Sic ē tenebris in lucem nos transtulit. Vocat autem Filium dilectionis suæ tropo hæbraico, hoc est, Filium singulariter dilectum. Et loquitur secundum illam partem qua homo erat. Nam de verbo illo æterno secundum æternam naturam fortē aliter diceretur, ne prauē quisquam intelligeret ipsum esse filium adoptiuum. Sed hæc scholastica ad præsentem locum non pertinent. *In quo habemus redemptionem*. Græci codices habent: *per sanguinem ipsius*, Erasmus nos captiui in manu Dei quē offenderamus: in manu peccati, & in manu diaboli, à quibus superati sumus. At Dominus Iesus exsoluit Patri pro nobis obedientiam illam, ē regione ad inobedientiam primi hominis in sanguinis sui effusione: qua vna opera satisfactum est Deo recipienti pretium sanguinis, in quo efficacia obedientiæ inuenta est vsque ad inhonorationem suæ diuinitatis, quam quodammodo proiecit pro nobis ipse Dominus: quia nos illam rapueramus. Sic satisfactum est peccato, cui quasi pro pretio ille sanguis est persolutus: & simili modo diabolo, qui eam sanguinis effusionem claculum procurauit & expetiuit.

*Qui est imago Dei inuisibilis*. De Christo dicitur singulariter atque eminenti modo, esse illum Dei inuisibilis imaginem. De nobis autem dicitur nos esse ad imaginem Dei conditos. Nec mihi excidit di-

In hæreticos.

B. Francisci dictum egregium.

Ioan. 8.



dictum esse semel à B. Paulo; virum esse imaginem & gloriam Dei, atque ideo non debere velare caput suum. Sed hîc dicitur de Christo, *qui est imago Dei inuisibilis*, vt intelligeremus eundem Dei Patris qui est inuisibilis, perfectam gerere similitudinem, vt quodcunque est in Patre posset in Christo videri. Ipsemet dixit: *Qui videt me, videt & Patrem meum*. Vir autem potest dici imago Dei visibilis, id est, Christi. Christus autem quatenus homo non est perfecta Dei inuisibilis imago. *Primogenitus omnis creatura*. Primogenitum vocat illum, vt communiter volunt sancti doctores, secundum æternam generationem, non respectu posteriorum, quasi alij post illum geniti fuerint. Attamen iuxta morem scripturæ, primogenitus is intelligitur, ante quem nullus sit procreatus, non autem post quem alius. Dum verò ait, *primogenitus omnis creatura*, non respicit ad creaturam secundum generationis modum, sed eo sensu quasi dixisset, *Genitus ante omnem creaturam*. Nam quod æternum est, præcedere dicitur quodcunque creatum.

Hæc posse dici, & vera esse non inficior. An verò ad mentem Apostoli hoc in loco aptè accommodetur, ego quidem ambigo. Cur enim dixisset primogenitum iuxta diuinam generationem, cum non solum nullus genitus post eum sit, sed nec vllus gigni potuerit? Primogenitus autem, vt existimo, semper habet respectum ad posteriorem, saltem secundum possibilitatē quæ cogitur in mente. Absurdum est autem omnino hoc cogitare de Deo: nec in hanc cogitationē voluit (mea quidem sententia) Apostolus quenquam adducere. Præterea non idem videtur significare, Primogenitus omnis creaturæ, quod significat, Genitus ante omnem creaturam, sed quod inter creaturas ipse sit primogenitus. Nam & de creaturis dicitur eas esse genitas, non ea consideratione qua creatæ sunt ab initio, sed qua sunt adoptatæ. Vnde frater Domini: Voluntariè enim genuit nos verbo veritatis, vt simus initium aliquid creaturæ eius.

Quare existimo catholicè ac verè dici posse Christum, in eo quod homo est, aliquam genituram habere quæ possit cum aliis creaturis conferri, & aliquam prærogatiuam primatus obtinere. Ipse enim in eo quod homo sanctificatus dicitur à Patre, sed eximie præ cæteris creaturis. Illa autem sanctificatio quid aliud est, quam quædam spiritualis generatio per Spiritum sanctum facta? Nonne resurrectio eius dicitur generatio? Ita exponit B. Paulus verbum Dei Patris: *Filius meus es tu, ego hodie genui te*. Sic ergo quatenus homo secundum hunc modum generationis, dicitur primogenitus omnis creaturæ. Hæc autem generatio fuit sanctificatio & collatio plenitudinis Spiritus respectu cætarum, quæ & ipsæ per Spiritum adoptatæ sunt. Hæc tamen inter illum & creaturas constituitur differentia: Ille quidem sic sanctificatus non dicitur filius adoptiuus, sed naturalis: tamen hoc habuerit ille, homo gratiosè vt esset naturalis Filius propter vnā hypostasim, in qua sunt duæ illæ naturæ vnitæ. Filiatio enim conuenit hypostasi: quoniam de persona dicitur quod est filius, non de natura. Non est igitur metuendum iuxta hunc intellectum, quin ipse Dominus respectu nostri dici potuerit Primogenitus secundum omnem sanctifica-

tionem Primogenitus mortuorum indicitur Apocal. Et ad Rom. Vt sit ipse primogenitus inter multos fratres: Huius rei veritatem & rationem indicat hîc B. Paulus subdens:

*Quia in ipso condita sunt vniversa quæ in cælis, & quæ in terra*. Perpende rationem. Vnus est Christus, vna persona Deus & homo: & de illa persona verum est in ipso condita esse vniversa. Verum quid hoc sibi vult. In ipso condita sunt vniversa? Quidam exponunt, *In ipso*, id est, per ipsum. Sed istud refellitur: quoniam statim dicitur, *per ipsum, & in ipso*. Alij igitur dicunt, *In ipso*, velut in exemplari: quia in illo sunt omnium rerum formæ creabiliū, ad quarum exemplar sunt condita quæcunque sunt. Si res ita se habet, non erat dicendum in ipso esse condita vniversa. Nihil enim dicitur fieri in exemplari, potius quod sit, educitur. Placet igitur mihi vt dicamus, per ipsum facta esse omnia: quia cū Patre Filius omnem cōdidit creaturam. In ipso autem sunt condita omnia tāquam decreto illo capite & fundamento, in quo cuncta collocarentur atque consistere. Quamobrem & principium dicitur creaturæ Dei, in hac significatione: quoniam illi annexitur Dei creatura per fidem, & tanquā palmes in vite manet in illo, ex quo omnem necessarium suum trahit. Nemo verò turbetur, si ipse venerit secundum tēpus post multos sanctificatos. Nullus enim sanctificatus est, qui non ex eius plenitudine acceperit. Ille namq; secundum diuinam prædestinationem ante omnes fuit. Hoc optime sciēs Magnus ille Baptista dixit: *Qui post me venit, ante me factus est, quia prior me erat*: quæ certè verba nostram intelligentiam eleganter probant. Oportuit ergo ipsum esse Primogenitum, cum per eum condita sint omnia, & vt in ipso cōsistant decreta. Primò ante omnes creaturas decreta est illius creatio secundum humanam naturam. Et ante cuiuslibet creaturæ sanctificationem decreta fuit eius sanctificatio. Et ita inuenitur Primogenitus etiā respectu Angelorum. Nam & ipsi in illo conditi sunt, & sanctificati, & glorificati. Audi Apostolum clavis id verbis exprimentē, *Quæ in cælis & quæ in terra, visibilia & inuisibilia, sine Throni, &c.* Præfert hîc principatus potestatibus. At dignitate superiores esse potestates B. Dionysius testatur. Itaque non semper ab ordine nominationis valet argumētum pro dignitate excellentiori lumenda.

*Et ipse est ante omnes: & omnia in ipso constant*. Loqui videtur de Christo Apostolus secundum quod idem erat Deus Dei patris Verbum. Consistere autem omnia non intelligo solummodo quoad eorum essentiam (quandoquidem nihil potest consistere per se ipsum in esse, nisi solus Deus) sed etiā quoad esse quodcunque superadditum, dico esse gratiæ ac beatitudinis. *Et ipse est caput corporis ecclesiæ*. Ideo caput, quia ex illo tāquam è capite fluunt gratiæ spirituales in nos eius membra, *Qui est principium*, videlicet vnde processimus, & in quo consistimus. Necessè est ergo vt sit & caput influens, vt possimus in eo consistere, *Primogenitus ex mortuis*. Vide vt semper primogenitus habet relationem ad alios. Sciendum tamen, esse primogenitum in scripturis, plerumque significare nō tam ordinem temporis quàm dignitatem. Christus enim qui resurrexit ex mortuis, non solum primus fuit ordine

Rom. 8.

Quomodo  
sint in Christi  
condita  
vniversa.

Apost. 3.

Omnes per  
Christum  
sanctifica-  
ti.

Ioan. 1.

Primogeni-  
tus in scri-  
pturis quid.



Pro Christi  
aduentu e-  
tiam Adā  
non peccan-  
te.

quantum ad hoc, verum etiam dignitate primus. Resurrexit enim ut caput totius corporis & primum membrum, ut sit causa resurrectionis totius carnis. *Ut sit in omnibus primatum tenens.* Dicit, *in omnibus*, ut intelligamus in quouis ordine tam in ordine creationis ab initio quam recreationis: & in ordine naturæ, & in ordine gratiæ, & in ordine visibilitatis creaturarum, & invisibilitatis. Unde per hæc manifestatur, Christum etiam si Adam non peccasset, venturum. Est enim Primogenitus omnis creaturæ, & in omnibus primatum tenens. Et aliud docere omnino præter rationem est: & omnino destruit hoc apostolicum de Glorificatore encomium. Siquidem primatus iste non est ea parte considerandus qua erat Deus, sed qua erat homo: quoniam ratio & causa primatus huius hominis esset ipsa Deitas.

*Quoniam in ipso complacuit omnem plenitudinem inhabitare.* Complacuit, beneplaciti verbum est excludens omne meritum respectu talis plenitudinis. Nam hæc posita plenitudine, exorta sunt eius merita. Et cum dicit, *omnem plenitudinem*, intellige possibilem excogitari: quoniam gratiosè insita est illa humana natura in supposito, & repleta cunctis donis quæ possint excogitari, ita ut nihil addi possibile fuerit. Idcirco ipse est peculiare & dignum Deo templum, in quo inhabitat plenitudo diuinitatis corporaliter, in quo Deus Pater bene sibi complacuit. Dicitur autem diuinitatis plenitudo inhabitare: non quia diuinitas recipiat diuisionem, & possit ex parte inhabitare, & ex parte non: sed quia diuinitas nullum sibi donum seruauit quod non contulerit Christo, de cuius plenitudine nos omnes alij acciperemus. Nihil enim plenius potest excogitari quam illa eximia vniuersionis gratia, cui cōsequenter omnia dona debebantur, cum per illam ille homo verè esset filius Dei.

*Et per eum reconciliari omnia in ipso.* Eo enim modo quo condita sunt per ipsum efficaciter omnia, & in ipso: ita decuit & per ipsum instaurari & reconciliari omnia in ipso, quæ dissoluta erant, & sub ira Dei propter peccatum. Vbi etiam aduerte omnia condita esse per ipsum secundum quod erat Deus & Verbum Patris. In ipso tamen condita sunt non solum quatenus Deus, sed etiam secundum quod homo. Nam designata sunt omnino, ut in eo Christo homine consisterent. Quoniam verò disiecta erant & perturbata omnia post peccatum, secundum esse gratiæ non amplius in ipso consistentia, reconciliari oportuit ut rursus in ipso consisterent. Quare addit: *Pacificans per sanguinem crucis eius.* Græcè additur, *per ipsum*, volens significare oblationem illius sanguinis per summum Sacerdotem factā. Unde pacificata sunt omnia & quæ in cœlis & quæ in terra. De cœlis haud dubium. Factum enim est prælium magnum in cœlo. Sciendum tamen omnia pacificata fuisse in spe regni Christi futuri, per quod omnino reparari debebant Angelorum ruina. Hoc post enarratam illam eiectionem & ruinam Dilectus declarat, aiens: Et audiui vocem magnam in cœlo dicentem: Nunc facta est salus, & virtus, & regnum Dei nostri, & potestas Christi eius.

Attamen cum postmodo astu & inuidia diaboli labefactata esset à peccato terra, & corruissemus omnes: non modo turbatum est regnum Christi,

quin etiam ita deperditum totum ut nullum iam maneret, nisi ipse denuò (quatenus fieri poterat) illud sibi acquireret & instauraret. Cœlum enim deplorabat suos ciues, dum nec Angelos suos qui ceciderant, videbat: & qui ad reparationem loco illorum instituti erant, exturbatos arte diaboli lugebat. Christus ergo rursus per sanguinem suum pacificauit omnia. Per illum viuificati sunt homines terreni: & multi eorum facti sunt & fiunt in noua pugna cum illo, victores demonum. Dilectus superioribus verbis istud adiunxit: Quia proiectus est, inquit, accusator fratrum nostrorum, qui accusabat illos ante conspectum Dei nostri die ac nocte: & ipsi vicerunt eum propter sanguinem Agni, & propter verbum testimonij sui: & non dilexerunt animas suas usque ad mortem. Propterea lætamini cœli, & qui habitabis in eis. Vide quàm apostolice & concorditer ad hoc, quod pacificata sunt omnia in cœlis.

Sed dubium est, quo pacto in terris sint pacificata omnia. Hoc nedum apparet verum, sed falsum omnino videretur, si quorundam opinionem sequuti, sustinere velimus fufum sanguinem pro solis prædestinatis atque electis ab initio: ita ut secundum diuinam dispositionem, de illa humani generis massa ante vlla præuisa noua merita aut de merita quidam, id est, plurimi relictæ sint in sua illa perditione. At illud manifestè non fuit pacificare omnia: quoniam ira Dei æterna mansit super illos plurimos, quibuscum pacem minime fecit. Ideoque nulla ratione video posse illud asseri: Imò verò absque horrore audire non valeo. Pacificauit certè omnia omnium Saluator ac Redemptor. Et nisi quid noui accidat: aut nisi quis in nouum crimen sua sponte incidat, nullus non restituitur. Nullus inquam ob illud peccatum vetus æternas pœnas recipiet, Ut sapius efficaciter & copiosè probauimus.

Et vos cum essetis aliquando alienati & inimici sensu in operibus malis, nunc autem reconciliauit in corpore carnis eius per mortem, exhibere vos sanctos, & immaculatos, & irreprehensibiles coram ipso: si tamen permanetis in fide fundati, & stabiles, & immobiles à spe Euangelij quod audistis, quod prædicatum est in vniuersa creatura quæ sub cœlo est. Cuius factus sum ego Paulus minister, qui nunc gaudeo in passionibus pro vobis: & adimpleo ea quæ desunt passionum Christi in carne mea pro corpore eius, quod est Ecclesia. Cuius factus sum ego minister secundum dispensationem Dei, quæ data est mihi in vobis, ut impleam verbum Dei, mysterium quod absconditum fuit à sæculis & generationibus. Nunc autem manifestatum est sanctis eius, quibus voluit Deus notas facere diuitias gloriæ sacramenti huius in Gêntibus, quod est Christus, in vobis spes

Apoc. 12.



gloriæ:quem nos annūtiāmus corripien-  
tes omnem hominem, & docentes om-  
nem hominem in omni sapientia, vt ex-  
hibeamus omnem hominem perfectum  
in Christo Iesu:in quo & laboro certan-  
do secundum operationem eius, quam  
operatur in me in virtute.

*Et vos cum essetis aliquando alienati, &c.* Hoc in lo-  
co commemorat fructum euangelij in illis secun-  
dum efficaciam: & quomodo de potestate tene-  
brarum trāslati sint in regnum Dei. Vocat illos o-  
lim alienatos à Deo: vocat etiam inimicos sensu,  
aut potius mente in operibus malis: quoniam pro-  
babant ea, & consentiebant peccato secundum su-  
periores hominis partes, quæ est mēs & volun-  
tas. Et ait eosdem esse reconciliatos Deo, non ex  
operibus cum mala essent, nec operari bona pos-  
sent. Reconciliationem ergo factam docet in cor-  
pore carnis Filij, in quo Deus posuit peccata no-  
stra, & per eius mortem inueniuntur extincta om-  
nia: modo applicetur nobis mors eius, quod fit per  
baptismum. Hactenus nobiscum heretici conueni-  
re videntur. At in iis quæ sequuntur, & in quibus  
est lucrum nostræ salutis, maxime dissentiunt. A-  
postolus enim quem recōciliationis finem ponat,  
attentē & non surda aure audiamus, ait:

*Exhibere vos sanctos, & immaculatos, & irreprehen-  
sibiles coram ipso.* Hic est sensus apertus: Sic reconci-  
liauit vt exhiberet vos sanctos non imputatione,  
sed veritate, & immaculatos, id est, absque macula  
criminis, & irreprehesibiles, id est, nulla dignos re-  
prehensione: non coram hominibus qui decipi pos-  
sunt, & sæpe decipiuntur, sed, *coram ipso*, Deo. Nec  
tamen sic ad minutum exactio ista irreprehensibi-  
litate intelligenda est, vt omni penitus vacet cul-  
pa, cum id non permittat humana fragilitas: Sed  
satis est irreprehensibilis habendus, qui abstinere à  
crimine, nec est præuicator vel transgressor præ-  
cepti: quibus vocibus peccatum mortale significa-  
tur. Hoc igitur est quod à nobis exigit Dominus,  
& non fidem tantum otiosam ac mortuam. Hoc  
autem præstamus, si amplexamur Mediatore syn-  
cerē & absque dolo: tum ipse per gratiam adue-  
niens purificat corda. Illud verò non satis est, sed  
oportet permanere in fide stabiles. Hoc fatentur  
etiam heretici, sed satis esse asserunt. At longē fal-  
luntur ipsi, & alios insuper fallunt. Vide quid ad-  
dat B. Paulus:

*Et immobiles à spe euangelij.* Non est autem immo-  
bilis à spe euangelij, qui destitutus est gratia per  
culpas & peccata, & vacuus est bonorū operum.  
Vera spes euangelij innititur in operibus bonis, vt  
sit ea spes quæ non confundit, quæ & charitatem,  
teste Apostolo, secum habet comitem. Hæc hereti-  
ci qui à sola fide pendere volunt, non pōderant:  
ideo semetipso primū, & deinde alios qui illis  
habent fidem, fide vera & viua spoliānt, & mise-  
randis modis occidunt ac perdunt.

Prosequitur B. Paulus de euangelio quod illi au-  
dierunt, contestans vel eo tempore esse prædica-  
tum *in vniuersa creatura quæ sub cælo est*. Non tamen  
intelligas vbiq; locorum tum fuisse prædicatum,  
sed quod illius fama ad omnes iam peruenerat na-

tiones quæ sub cælo erant: & de notis Gentibus  
loquitur. Romæ enim, Ierosolimis, & aliis multis  
celebris famæ locis, vbi iam prædicatum erat eu-  
angelium, habitabant cuiuslibet nationi viri. A-  
lioque testatur B. Augustinus nec suo tempore ad  
omnes orbis partes peruenisse euangelicam præ-  
dicationem. Cum autem se B. Paulus ministrum eu-  
angelij dicat, vt hoc probaret, adiecit: *Qui nunc  
gaudeo in passionibus pro vobis*. Hic notanter dixit  
Caietanus animaduertendum esse, quod manife-  
stè per hoc gaudium in afflictionibus comproba-  
tur verus euangelij minister: vt inde colligamus  
certitudinem gratiæ ex tribulationibus patienter  
toleratis sentiri.

*Et adimpleo ea quæ desunt passionum Christi in carne  
mea pro corpore eius, quod est ecclesia.* Hæc Apostoli sen-  
tentia hereticos prorsus iugulat & confodit: nec  
habent quod respondeant, nisi fucos, & meros ca-  
uillos solitis blasphemis mixtos. Quocirca prius  
quàm id istius loci veram expositionem descendā,  
recitabo verba ex commētariis cuiusdam illorum  
Burlingeri, vt prudēs & suæ salutis cupidus lector  
dignoscat, quàm ipsius vi veritatis prematur, dum  
sic ad exandescētiā ad pretextendū falsitatis  
aliquem colorem confugere compelluntur. De-  
torserunt (ait) blasphemii quidam homines hunc  
locum in cōtūeliā absolutę satisfactionis Do-  
mini Iesu, quasi illius merito nonnihil desit, quod  
per nostras vires, per nostras afflictiones, perque  
egregia nostra opera meritoria suppleri possit. Ve-  
rū animus horret ad tantā blasphemiam. Pec-  
catur hac expositione in præcipuum dogma fidei  
Christianæ. Omnis enim scriptura, & Sancti om-  
nes ab exordio mundi testantur pretioso Christi  
sanguine dilui peccatum totius mūdi. Et idem hic  
Paulus: alibi nō reputat afflictiones præsentis tem-  
poris quicquam facere ad gloriā futurā, quæ  
erga nos reuelanda est. Et communis sensus sugge-  
rit nullā esse collationem rerum terrenarū &  
imbecillium ad cœlestes ac perfectissimas. Pudeat  
ergo vos istius fœdi, blasphemii, sacrilegi atque ab-  
ominandi commēti. Vestra ne imbecillitas exple-  
ret, quod absolutissima filij Dei perfectio imper-  
fectum reliquisset? O diabolicā præsumptionē.  
Hæc iste infelix calumniator, & sui erroris frigi-  
dissimus defensor. Audi, quæso, quo pacto locum  
ipsum interpretetur, & qua de re nos, id est, Catho-  
licos reprehendat: continenter etiam subdit: Audi  
te Paulum Græcè planius loquentem, *καὶ ἐν πάση  
τῇ ἐνέργειᾳ τῶν θλίψεων τοῦ Χριστοῦ*, id est, & suppleo  
quæ superāt (non quæ desunt) afflictionibus Chri-  
sti. Nam *ἐνέργειᾳ* vocant Græci non modo ea quæ  
desunt, sed posteritatem quoque & reliquias: quo  
verbo vsus est Ambrosius. Quæ supersunt, & quæ  
posterius relicta sunt. Christus autem afflictus est  
pro nobis, ait Petrus, nobis relinquens exem-  
plum vt insectamur vestigia eius. Hæc ergo re-  
liquias explese se dicit Apostolus. Hæc istius ite-  
rum dicam, verè infœlicis heretici verba. Lector  
attende. Pauca quædam de vocabulo ipso præ-  
mittenda sunt, postquam iste homo nos ad signi-  
ficationem Græcè vocis tanquam perperam trans-  
latā, prouocat. Et agnosce magnā illius iniqui-  
tatem cum pari imperitiā coniunctā. Fatetur ip-  
se vocabulum eam significationē habere, in quam  
G ij



illud vertit noster interpres, cum dicat non modo significare quæ defunt, sed etiam quæ supersunt, & quæ posterius relictæ sunt. Qua ergo impudentia interpretem suggillas Burlingere, cum vox ipsa, te iudice, illud significet? imò verò cum omnes Græcæ linguæ peritissimi sic interpretati sint? imò cum nec aliter quisquam, nisi desipiat, interpretari possit? An non dicit Apostolus se supplere? Quid autem suppletur? quod superabundat, an quod deest? Itaque ob id etiam significat quod posterius relinquitur, quia hoc posterius deest priori. Nec tibi tanquam verum damus, ut significet ea quæ supersunt, nisi in hanc significationem, quod ea quæ supersunt, nōdum sunt, sed posterius sunt ventura. Ipsa eadem prorsus voce utitur ipse B. Paulus ad Theff. scribens, ubi ait se complere quæ defunt fidei eorum, in eandem significationem qua nunc vritur.

1. Theff. 3.

Verum te rursus cōuenio homo miser, qui tanquam pro euangelio certans nos blasphemos appellas, qui, si tibi haberetur fides, deroterimus locum hunc in cōtumeliam absolutæ satisfactionis. Quid est ergo illud reliquiarum, quas se supplere hīc testificatur B. Paulus? Dic fodes, exue pudor? Exemplum, ais, quod reliquit Dominus. Sed exemplum quod ille reliquit nō suppletur: nec est quicquam posterius quod ipsum suppleat exemplum tam perfectū, etsi relictum sit posteris sumendum. Oportet ergo fatearis imitationem supplēse Paulum, quæ superat. Nunc audi: Nōne B. Paulus aliās dicit, Imitatores mei estote, sicut & ego Christi? At cur non sit iniuria absolutissimo exēplo? Si datus est nobis in exemplum, quid oportuit adiungi Paulū? imò Paulum ipsum se ostētare exemplum? Nunquid fortē exemplum illius imminutum fuit? Absit. Quemadmodum igitur non obstitit perfectissimo Capitis exēplo, si & alij eius excellentiores imitatores valerēt aliis se præbere exemplum: ita perfectissimis eius meritis & satisfactioni non derogat quicquam, dum aliorum merita & satisfactiones pro aliis comparātur & profunt. Ut enim hoc illi possent, ipse Christus meruit: & ut efficerent ipse voluit, dedit, atque eosdem adiunxit.

1. Cor. 2.

Quod ut latius adhuc declaremus, Videamus primò veritatem iuxta sensum ecclesiæ, de satisfactione & meritis Christi, quæ suis afflictionibus pro nobis comparauit. Hæc solida ecclesiæ sanctæ Dei est doctrina. Christum Iesum Redemptorem nostrum sua passione & satisfactione, aut suæ passionis meritis operatū esse omnibus remissionem peccatorum. Verum hoc non absolutè, sed ordinatè iuxta debitas & opportunas condiciones, videlicet si merita illa applicentur, & gratia doneatur, & statuatur homo ut decet in Christo Iesu. Applicatio autem illorum meritorum fit per fidem & sacramentum. Quod verò quidam ad fidem veniant & suscipiant sacramenta, prodest oratio & merita sanctorum. Quod autem recipientibus sacramentum primum baptisimi tollantur prorsus peccata omnia, sola Christi passio & satisfactio operatur, idq; nemo negat Catholicorum. His autem qui sunt in Christo per fidem, & iam in corpore ecclesiæ membra Christi capitis facta, si iterum peccatis succumbant, sanctorum eis orationes & passionibus prodesse ut reuertantur & vi-

uant, & ad satisfactionem peccatorum si modo illi resipiscant, nulla fuit vnquam apud Catholicos dubitatio. Ecce Saluator noster ad orationem & fidem aliorum mouetur, ut paraliticū sanet à morbis peccatorum. Hoc manifestè probat euangelica historia. Si oratio sanctorum ad hoc prodest, nunquid ergo Christi orationi infertur iniuria orantis pro omnibus, tanquam aliquid ei defuerit? Absit. Non valet ô hæretice, non valet inquam argumentum hoc tuum: quoniam per orationem Christi effectum est ut & orationes sanctorum valerent: unde cuncta tandem concluduntur in meritis Christi. Et ob hanc gratiam in ecclesia Spiritu sancto rectore, omnis oratio in qua intercessionibus Sanctorum implorantur, ita concluditur: per Dominum nostrum Iesum Christum. Haud aliter est in satisfactionibus à reatu pœnarum. Profunt quidem nobis afflictiones Sanctorum, ut pœnæ nobis debitæ hoc modo per illos persoluantur. At quod sic nobis prosint, de meritis ipsius Domini processit, ut & merita Sāctorum merita illius censentur. Nam totum ecclesiæ corpus cum capite, vnus est Christus qui dicitur mysticus, quem totum oportet esse plagatum, ut à vertice capitis vsque ad plantam pedis non sit in eo sanitas, tum ad satisfaciendum, tum ad promerendum gloriam. Sic ipse & satisfecit pro nobis egenis, & sibi ipsi gloriam maximam promeruit.

Matt. 9.

Redeo nunc ad præsentis loci interpretationem. Primò dixerat eos reconciliatos fuisse Deo, idque per mortem & satisfactionem Domini. Nullus enim alius Sāctorum suis passionibus ad hoc opus concurrat, nisi solo prædicationis ministerio. *Cuius factus sum minister*, Deinde ait, *Nunc*, quando, *nunc*? nisi post eorum reconciliationem, postquam sunt facti membra Redemptoris, & capacia recipere salutiferos influxus per alia potiora membra? Nunc igitur gaudeo in passionibus meis. Quare gaudes Apostole sancte in passionibus tuis? Quid enim boni in his inesse potest? Certè passiones in seipsis nedum bonæ non sunt, sed malæ. Ait ergo tāquam respondens, Gaudeo, *pro vobis*: ac si dixerit: Ego ob eam causam lætitia afficior, quoniam passionibus istis vobis profunt, *Et adimpleo*. Et pro, quia, vsitatū in scripturis: quia adimpleo, aut (ut volūt) quia suppleo quæ defunt, aut quæ addendæ supersunt, sic enim defunt: *passionum Christi*, id est, earum passionum quæ ipse pertulit. Suppleo autem illas, *in carne mea*, id est, in exteriori homine: nam interior homo gaudebat. Patiebatur autem pro corpore eius quod est ecclesia. Hīc clamat hæreticus quasi zelās contra nos, imò non contra nos, sed aduersus Apostolum, O blasphemus, ô sacrilegi, ô abominandi. Non ergo satis passionum pertulit Christus ad absolutissimam satisfactionē, ut necesse fuerit etiam Paulum pati? Audite, quæso, & intelligite ne tanto zelo inflati ac distenti rumpamini.

Fuit quidem refectus passionibus Dominus pro vniuersa ecclesia redimēda, ad quem finem ille venit, & nihil ei defuit passionum ad recōciliandam illam. At post recōciliationem cum membra sponte sua relabuntur in peccata, variasque infirmitates & reatus, ut iterum instaurentur non habent sicut à principio habuerunt, satisfactionem primariam à passionibus Domini integram. Non quasi



passiones illius & merita exhauriantur, quæ sunt immensa & infinita: sed quia non decet ut sic viliter & tanto contemptu expendantur, & ita non semel, sed bis, & ter, & decies, & centies, & millies, & denique assidue atque iterum crucifigatur. Quod esset, si postquam semel applicata est cuiquam mors, etiam rursus velit ille sibi applicare, & quodammodo iterum mori pro se, atque ipsum habere ostentui, ut ait B. Paulus. Ergo post reconciliationem nato nouo peccato, non vult Dominus ex integro pro his satisfieri ex suis passionibus, ita ut omnibus peccatorum reatus tollatur: sed æquissime voluit ipsum membrum quod peccauit, pro se satisfacere. Et cum ipsius ecclesiæ quæ est vnum corpus, multa sint membra, voluit pro decentia ut vnum membrum possit etiam pro alio pati ac satisfacere propter colligationem in vno spiritu: ut quod vnum membrum pro alio persoluit, ipsum persoluisse apud Deum censeatur.

Cum autem maiora Christi & nobiliora membra post reconciliationem suam innocenter viuentes, ut magis conformes essent imagini Capitis, pertulerint passiones supra modum, voluit Deus (& hoc per merita ipsius Primogeniti) ut illæ passiones cederent in bonum & in satisfactionem aliorum membrorum: quod ad maiorem ipsius Ducis gloriam facit. Saluator enim primò solus suo sanguine redemit & acquisiuit ecclesiā. Acquisitam verò non solus vult conseruare & ei prodesse. Sed quò strictius nos amoris vinculo vniret, disposuit ut membrum à membro iuuaretur, & aliud pro alio egente satisfaceret. Non inquam (crebrius propter furdos hereticos dicendum est) quasi sint eius exhausta merita: imò quia eius meritis hic honor est comparatus, & hic datus membris spiritus, ut se inuicem iuuare possent. Et hæc est communio Sanctorum in Apostolico symbolo, quam hæretici non accipiunt: & quod est ad maximam Christi gloriam, calumniosissime ad illius detrimentum conuertunt. Desunt ergo passiones Christi, non qui minime sit ad summum passus: Vel cuius meritis adsit aliquis defectus, quasi non abundauerit meritis supra omnem modum: sed quia non vult Dominus sic expédi merita illa sua nisi præscripto modo, ut detur locus Sanctis suis ad supplendum, quod etiam contrahitur de ipsius Christi meritis. Nam Sanctorum merita, Christi sunt merita. Ipse hoc meruit ut illa essent: & iam eiusmodi merita vnum sunt cum Christo. Vnde & ipsum persequitur, quicunque ecclesiam persequitur, ut Paulo fuit à Domino exprobratum.

Et hinc conflatur thesaurus ille meritorum capit Christi, & sanctissimæ Virginis Matris, & Sanctorum Dei: cuius credita est dispensatio beatissimo Papæ summo eius in terris Vicario: inde effluunt indulgentiæ. Hunc thesaurum & hanc potestatem dispensandi rident irrisores hæretici, qui paulò post & ipsi miseri dabunt irrisuonis pœnas, nec ridebunt ulterius, qui defraudant miseras & peccatrices plebes suas tantis bonis atque subsidiis, ut non comunicent cum Sanctis, nescientes vnguentum quod descendit in barbam prius, ac deinde in oram vestimentorum Aaron. Ne quis autem falsò putet hæc à nobis Pontificibus assentandi gratia dici, addimus nos minime negare fuisse in huius-

modi dispensationibus indignos abusus. Non negamus, non defendimus. Verum quid hoc ad rei veritatem destruendam? Abusus ipsi corrigendi erant, non tollenda potestatis veritas. Sed hac de re satis. *Cuius factus sum ego minister.* Dicit se ministrum ecclesiæ, qui antea dixit euangelij. Ibi de re quam ministrabat loquebatur: hic de personis pro quibus, aut in quorum gratiam ministrabat, qui erant ecclesia. Potest etiā dici minister ecclesiæ, hoc est, ab ipsa ecclesia ordinatus, & ecclesiæ nomine id agens, id est, capitis ecclesiæ. Sic & nos omnes tales ministri sumus, ut ecclesiæ voce intelligas summum & primum Prelatum. Eo sensu intellexit Dominus, cum dixit: Dic ecclesiæ, ut sancti Doctores exponunt. Hoc autem ministerium se à Deo accepisse non ab ecclesia, quod subiicit declarat. *secundum dispensationem Dei quæ data est mihi in vos*, id est, erga vos, quia peculiariter ad Gentes erat electus Apostolus. *Ut impleam verbum Dei*, quo pollicitus erat & ad Gentes perueniendum regnum Dei. Hoc Dominus sæpenumero incredulis comminatus est Iudæis, qui obiecerunt: Nunquid in dispersione Gentium iturus est, & docturus Gentes? In parabola autem vineæ, quando conclusit. Auferetur à vobis regnum Dei, & dabitur genti facienti fructus eius, cognouerunt principes, ait Euangelista, quod de ipsis diceret. *Mysterium quod absconditum fuit à sæculis.* Iam expositum est ad Ephesios. Vocat mysterium arcanum illud ignoratum à sæculis, hoc est, à filiis sæculi huius. Vel à sæculis, id est, ab initio sæculorum. Sed primò verius, cum addat, *Et generationibus*, quæ in sæculis variæ existerunt. Erat enim Iudæorum generatio: erat & Gentilium qui in plures distribuebantur, in Græcos & Barbaros, & tamen notum fuit multis vtriusque gentis prophetis.

*Nunc autem manifestatum est sanctis eius.* Quamuis scripturæ id cōtinerent, non tamen cum esset coniectum velis, intelligebatur. Ideo ait esse nunc manifestatum à Deo sanctis eius, per quos ipsi sæculis ac generationibus manifestaretur. *Quibus voluit Deus notas facere diuitias gloriæ mysterij huius in Gentibus.* Significat apostolicam prædicationem à Deo mandatam, qua mysterium hoc Gentibus patefieret in signis, & prodigiis, & portentis admirandis: sicut ex parte in Actis Apostolorum videre licet. *Quod est Christus in vobis spes gloriæ.* Sic Latine legitur, & ad mysterium referri debet. Græca tamen lectio patitur ut ad diuitias illas gloriæ, quas ait esse Christum in illis, referatur: quoniam arrha Spiritus quæ datur Christianis, non aliud est quam Christus fide receptus ac dilectione, qui solus omnes superat mundi huius diuitias etiam cum persecutionibus. Sed huiusmodi felicissimas diuitias nemo probat, nisi prius à perituris liberet prorsus animum, & Christum absolute sequatur. Tum inuenit pretiosam margaritā, & thesaurum in agro absconditum etiam in hac vita. Audi Euangelistæ testimonium. Respondens Iesus ait: Amen dico vobis, nemo est qui reliquerit domum, aut fratres, aut patrem, aut matrem, aut filios, aut agros propter me & propter euangelium, qui non accipiat centies tantum, nunc, & in tempore hoc, domos, & fratres, & sorores, & matres, & filios, & agros, cum persecutionibus: & in sæculo futuro vitam æternam. Videtur nunc quidem Christus per speculum

Matt. 18.

Ioan. 7.

Matt. 21.

Marc. 10.

Pro indulgentiis.



in ænigmate, & ipse est spes gloriæ nostræ perfecta, qui arrham donat quæ certos nos interim facit de futuro, modo maneamus in accepta gratia.

*Quem nos annuntiamus, corripientes (aut potius admonentes) omnem hominem, & docentes.* Et hîc additur apud Græcos codices, *omnem hominem*, Nam & doctrina omnibus est necessaria. Scriptum erat: Omnes erunt docibiles Deo, id est, accipient quæ necessaria sunt, ut homo dirigatur ad Deum. *In omni sapientia*, quæ ad finem respicit, & ad illum conducit. *Ut exhibeamus omnem hominem perfectum in Christo Iesu.* Audi tu quicumque ignoras diuina dona & virtutem Dei, ut dum negligenter operaris, promptissime te excuses & dicas. Non possumus omnes esse perfecti. Non omnes possumus renunciare omnibus quæ possidemus. At hîc Apostolus omnem hominem docebat, ut exhiberet omnem hominem perfectum in Christo Iesu. Non dixit perfectum absolute, sed in Christo Iesu, in quo quilibet existens aliquo modo dicitur perfectus, si manet in charitate. In Christo enim Iesu omnis imperfectio per sinceram confessionem absorbetur, ut perfectus dicatur qui imperfectionem suam & agnoscit & cõfiteretur. Sunt tamen gradus siue status diuersi in ecclesia & regno Christi, quibus inuicem comparatis, alius perfectionis præ alio dicitur, ut Episcoporum status qui exigit charitatis opera summa & perfecta. Item status Regularium, qui ea profitentur quæ ad perfectionem strictiorem facilius conducunt. Caterum illud non prætereundum est silentio, ut attentè lector consideret, quam crebro B. Paulus non ab re repetit omnem hominem, dicens, se admonere omnem hominem, docere omnem hominem, denique exhibere perfectum omnem hominem in Christo Iesu. Hæc inquam omnino considerata sunt aduersus dogma illud hac tempestate à quibusdam cum magno populorum scandalo prædicatum de electis & relictis in massa perditionis: quo nihil potest perniciosius in vulgus spargi, ut superius docuimus. *In quo & laboro certando secundum operationem eius, quam operatur in me in virtute.* Hic finis omnium laborum & certaminum Christi, & Apostolorum, ut per eos perfecti simus in Christo Iesu ad omne opus bonum instructi. Notabis autem illud, pie lector, quomodo semper Apostolus virtuti Dei in se operantis tribuit omnia, & præsertim opera illa quæ faciebat heroica, & diuinæ fortitudinis ac potentiae plenissima.

## CAP. II.

**V**OLO enim vos scire qualè sollicitudinem habeam pro vobis, & pro iis qui sunt Laodiceæ, & quicumque non viderunt faciem meam in carne, ut consolentur corda ipsorum, instructi in charitate, & in omnes diuitias plenitudinis intellectus in agnitione mysterij Dei & Patris, & Christi Iesu, in quo sunt omnes thesauri sapientiæ & scientiæ absconditi. Hoc autè dico, ut nemo vos decipiat in sublimitate sermonum. Nam etsi corpore absens sum: sed spiritu vobiscum sum, gaudens, & videns ordinem vestrum, & firmamentum eius, quæ in Christo est, fidei vestræ. Sicut ergo accepistis Iesum Christum Dominum nostrum, in ipso ambulate, radicati & superædificati in ipso, & cõfirmati in fide (sicut & didicistis) abundantes in illo in gratiarum actione.

**V**olo enim vos scire, &c. Facilis textus. Insinuat desiderium illud quo accendebatur, ut scirent suam sollicitudinem quasi maternam. Græcè legitur, *Agonem*, quem de illis, & iis qui erant Laodiceæ, sentiebat: tamen de facie non esset illis notus. Laodicea de qua hîc loquitur, erat vrbs Asiæ. Idque ut consolationem caperent in cordibus suis, *Instructi in charitate*. Potius constructi, compacti, seu conglutinati in charitate. Etenim summa consolatio est fratrum in Christo compactorum, cum audiunt prouentum fidei, & Christi gloriam crescere. Hac experientia recreatus Propheta. Ecce quàm bonum, ait: & quàm iucundum habitare fratres in vnum. *Et in omnes diuitias plenitudinis intellectus*, Vox, *ωλοο φειας*, quam interpres reddit, plenitudinis, significat certam notitiam ac persuasionem absque vlla dubitatione in intellectu. *In agnitionem mysterij Dei Patris, & Christi Iesu*. Græcè legitur, *et Patris, et Christi*. In his duabus personis proculdubio cõsistit notitia totius mysterij: quoniam consequenter vtriusque Spiritus subintelligitur. Immo vel in solo Christo, cum dicat ille. Qui videt me, videt & Patrem meum. Et hoc ipsum magis declarat Apostolus, dicens, *In quo*, nimirum Christo, *sunt omnes thesauri sapientiæ & scientiæ absconditi*. Maxima certè est scientia nosse Christum, utpote in quo abscondita sit tota Patris sapientia, omniumque notitia scitu desiderabilia ac periucunda: quæ enarrare longa esset historia, nec nostræ facultatis.

*Hoc autem dico*. Perpèdens Apostolus humanam miseriā: & nisi verè ac perfectè radicans sit in Christo, posse facile hominem per tentationes, & tedium aduersus exercitium bonæ vitæ, & per falsos suasores seduci ac decidere, sollicitudinè suam, & sollicitudinis quam de eis habebat, explicat rationem, dicens: *Hoc autem dico, ut nemo vos decipiat in sublimitate sermonum*. Græca vox, *ωλοο φειας*, vna est quæ significat sermonis (ut ita dicam) persuasibilitatem. Sed regnū Dei non est in sermone, sed in virtute & veritate quæ penetrat cor, non quæ aures demulcet. Omnes fermè heresiarchæ diserto sermone & eloquētia valuerunt. Adiuuatur enim (quod multi non credunt) à diabolo, qui rhetor est & sophista egregius. Tales ille nobis hac tempestate peperit. Ne autè videretur B. Paulus sollicitari frustra, ait: *Nā etsi corpore absens sum: sed spiritu vobiscum sum, &c.* sollicitudine & affectu dilectionis. Notet quibus cura animarum cõmissa est, & potissimum mercenarij qui corpore quidem præsentēs plerumque sunt ut emungant crumenas, non ut emendent conscientias. Charitate autè longissimè recedunt, non quidem mutando locum, sed subtrahendo solatium. At non sic Apostolus, qui etsi spiritu cum gaudio videret ordinem & firmamentum fidei illorum, non tamen ita constabilitum, ut non prospiceret imminere à falsis doctoribus periculum.



Hortatur itaque ut firmi perstare velint.

*Sicut ergo accepistis Christum Dominum, id est, quod ipse est Dominus, qui proprio sanguine nos acqui- fuit, & à dominatu Tyranni crudelissimi eripuit, in hoc ambulate, proficiendo assidue per opera bona, radicati & superedificati. Melius Græcè, radica- mini & superedificamini in ipso, & confirmamini in fide, sicut didicistis, siue edocti estis. Opera bona sunt quæ hanc radicationem & superedificationem & confirmationem fidei operantur, sicut Apосто- lorum Princeps ait: Satagite ut per bona opera ve- stra certam, seu firmam, vocationem & electionem vestram faciatis. Est autem notandum cœlitus par- ticulari dono Apostolum fuisse peditum, quo pro- pheticè preuidebat quo in statu ecclesiæ versarentur. Curam enim de illis habebat, nec ubique præ- sens corpore esse poterat. Abundantes in illo. Græ- cè, in illa, videlicet fide, & emendatius. Abundat autem in fide, qui per dilectionem operatur, in gra- tiarum actione. Hæc maximè necessaria est. Quid ma- gis debitum quam grata memoria? Quid viuacius ut conferrentur & augeantur dona? Alioqui & quæ data sunt, meritò auferuntur.*

Videte ne quis vos decipiat per philo- sophiam & inanem fallaciam, secundum traditionem hominum, secundum ele- menta mûdi, & non secundum Christum. Quia in ipso inhabitat omnis plenitudo diuinitatis corporaliter: & estis in illo re- pleti, qui est caput omnis principatus & potestatis: in quo & circuncisi estis cir- cuncisione non manu facta in expolia- tione corporis carnis, sed in circuncisione Christi, consepulti ei in baptismo: in quo & resurrexistis per fidem operationis Dei, qui suscitauit illum à mortuis. Et vos cū mortui essetis in delictis & præputio car- nis vestræ, conuiuificauit cum illo, donans vobis omnia delicta, delens quod aduer- sus nos erat chirographum decreti, quod erat contrarium nobis. Et ipsum tulit de medio, affigens illud cruci: & expolians principatus & potestates, traduxit con- fidenter palam, triumphans illos in se- metipso.

*Videte ne quis vos decipiat, &c.* Postquam monuit ne se per eloquentiam & persuasibiles sermones seduci paterentur: Nunc rursus monet caueant ne decipiantur, aut ne captiui & præda fiant per laqueos philosophiæ, & verba ad fallendum composita, se- cundum traditionem hominum. Erant philosophorum traditiones, quæ in Græciæ gymnasiis regnabant, & obstabant fidei nostræ. Verbi gratia: Ex nihilo nihil: in nihilum nil posse reuerti. Aut: A priuatione ad habitum non est regressio. Aut: Accidentis esse est inesse, & alia huiusmodi. Ex quibus nisi sobriè intelligantur, fidei nostræ tolluntur fundamē- ta. Ex prima enim tollitur mundi creatio: Ex secun- da negantur miracula multa, & ipsa resurrectio mortuorum. Ex tertia, sacrosanctum Altaris sacra- mentum. Illæ igitur dignitates aut falsæ sunt, & non

dignitates: aut sunt secundum causas naturales ad mittendæ. Nulla enim, præter Deum, effectrix cau- sa potest quicquam generare aut creare ex nihilo, hoc est, non præsupposito subiecto, & per modum generationis. Nec potest esse ex naturæ potentia resurrectio mortuorum, nec visus restitutio, nec accidens sine subiecto. At Omnipotenti Deo hæc esse impossibilia, nec vlla est ratio vel apparens. Quare ex qua die cœpi iis studiis vacare, non va- lui satis demirari nonnullos philosophos, qui ex philosophia se aliter esse persuasos confitebantur, non minus ignorantiam, quam perfidiam præ se ferentes. Contra hos ergo Apostolus hoc in loco hortatur, & veram tangit eorum erroris causam, qui scilicet à traditione hominum sumunt falsa il- la & inania principia.

Quod si quis obiiceret: Illæ hominum traditio- nes nonne à sapientibus ratione constitutæ sunt ut essent euidentiores? Respondet Doctor noster, il- las traditiones esse secundum elementa mundi, id est, acceptæ sunt ab elementis mundi, ab ordine & cau- sis quæ conspiciebantur in mundo. Cum enim vi- derent nihil produci in esse non prius existente ma- teria, dixerunt absolutè mundum non potuisse pro- duci, sed fuisse ab æterno. Cumque nullum pariter vidissent ad habitum ab ipsa priuatione regressum, simpliciter id fieri posse inficiebatur. Similiter dū contemplati fuissent proprium esse accidentis in- esse, crediderunt hoc venire in eius rationem, & de essentia eius esse. Sed non ita est. Aliud est enim ac- cidens, & aliud substantia. Enimvero licet accides ob imbecillitatem sui esse eius sit naturæ, ut non queat naturaliter per se consistere: nonne qui de- dit esse cunctis, sua virtute poterit etiam inualida substantiare? Et qui est Dominus ordinis & causarum nunquid alligauit sibi manus, quo minus va- leat præter illum ordinem, & præter illas causas o- perari? Itaque manifesta est philosophorum falla- cia qui ex his elementis constituunt sibi principia quæ iuuant quidem ad intelligentiam virium na- turæ, sed non aduersus omnipotentiam, quæ non inde accipienda est, sed ab altiori & longè perfe- ctiori principio, nimirum à Christo. Vnde ait:

*Secundum Christum.* Est autem istud secundum Christum: Non esse impossibile apud Deum om- ne verbum: Et illum esse fontem & initium om- nium existentium, & vitam omnium viventium, & resurrectionem cunctorum morientium. Nec tantum Christo omnia esse possibilia, sed & omni in illum credenti. Hæc autem verissima esse non verbo nudo pronunciauit, sed experimento & re ipsa declarauit, cæcos illuminans, suscitans mor- tuos & seipsum: & alia innumera nedum faciens ipse, quin etiam dans aliis eadē & maiora facien- di potestatem.

Ex hoc loco insipienter intellecto acceperunt quidam stulti & insipientes homines ansam ad er- rorem. Damnarunt enim propterea scientias & ar- tes quæ naturali lumine constantur: quoniam hinc dānata ab Apostolo philosophia videtur. Et non aduertunt imprudētes, quānam philosophia dam- netur. Neque enim vera philosophia ab Apostolo damnatur: sed ea quæ per hominum placita & tra- ditiones conflata est, quæ aduersatur Deo, nec vlla ratione naturali vera & efficaci consistit. Alioqui lu-

*In Philoso- phos malos & proter- uos.*

*Contra dā- nantes scien- tias sacula- res.*



men lumini non aduersatur: imò fauet, imò præsupponitur. Si carceremus naturali lumine, quo pacto adiici posset supernaturale? Ipsemet Apostolus doctor noster plerumque naturalibus viuitur rationibus, quæ valent apud homines ad ea persuadenda, quæ sunt super ordinem ipsius naturæ.

Detorquent verò hæretici (quò genere hominum nihil captiosius magisque subdolum fingi potest) & hunc locum contra ecclesiastica instituta, quæ quasi traditiones hominum reiiciunt. Quidam ex illis hoc in loco, ita scribit: Hoc autem philosophiæ genus sequebantur Colossenses pseudoapostoli, partim circumcisionem, sacrificia, & legalia vrgentes, quasi ad iustificationem & veram sapientiam parandam Christus solus inefficax sit. Hodie quoque videre est quanta supellectile quidam doceant opus esse ad consequendam vitam beatam. Nec sine probitatis specie, sine rationibus: Adde & sine scripturarum locis, sed detortis, id faciunt. Alius enim vires liberi arbitrij prædicat, alius opera meritoria & satisfactoria iactat, alius monachus regulas, easque varias & seueras laudat, alius Diuorum, Missarum, & indulgentiarum largissimas gratias amplexandas suadet. Perrarò fit mētio Christi & expiationis eius. Scriptæ sunt de his amplissima disputationes. Cæterum damnatur hîc omnia à Paulo. Philosophica enim sunt, hoc est, inania ex hominum constitutione prolata, quæ & circa externa versantur, & à Christo abducunt: Hæc illius beluæ verba.

At quàm impiè, ne dicam solummodo falsò & fatuè, vel puero per facile est videre. Quid enim stultius quàm dicere ex philosophia venisse Monachatum, & Missas, & indulgentias, & Diuorum inuocationes? Quid magis falsum, quàm esse traditiones humanas, cum ex ipso euangelij fonte hauriantur? Quid item magis impium, quàm asseuerare per hæc nos abduci à Christo, quibus efficitur ut illi arctissime adhærescamus? Quid denique tam calumniosum quàm nullam in his Christi fieri mentionem obicere, cum vbique & in omnibus ecclesiæ orationibus & cæremoniis nomen ipsius Christi passim (ut par est) honorificè exprimitur, & adoretur, & imploretur? O impudentiam singularem. Et quid est aliud Missa, quàm oblatio & sacrificium, & illius sacrificij Christi & expiationis memoria? Indulgentiæ ipsæ quid sunt, nisi dispensatio meritorum Christi, ac Sanctorum? Et quid Monachatus, nisi sequela Christi, & euangelicæ vitæ ac puritatis suæcus, & perfectionis iustitiæ ad imitandum Christum professio? Quid ergo garrir imò blasphemat hic infelix hæreticus, aïens nullam in his fieri Christi mentionem? Et quod in hûc nebulonem dico, in alios eiusdem farinæ dico qui hæc audent vituperare, & tantis blasphemis damnare. Sed ad rê nostram, ne longius digrediamur.

Quia ergo dixerat Apostolus non debere nos secundum elementa mundi inquirere scientiã, sed secundum Christum, addidit: *Quia in ipso inhabitat omnis plenitudo diuinitatis corporaliter.* Mirus & inauditus loquendi modus: quoniam & res ipsa, quæ explicanda erat, mira est super omne miraculum & inauditum. Primum, quòd in Christo videlicet inhabitet diuinitas. Non enim consuetum est dici vlla in re secundum naturam ipsius inhabitare Deum,

aut deitatem. Esse quidem per virtutem, aut potentiam in omni re dicimus. Inhabitare autem nõ est vñtutus scripturæ mos, nisi in his tantum qui templa Dei constituti sunt: ut in Apoc. Ecce tabernaculum Dei cum hominibus, & habitabit cum eis. Et ad Corinthios ex testimoniis scripturarum ait: Dicit Deus: Quoniam inhabitò in illis, & in ambulo inter illos, & ero illorum Deus, &c. At in nullo dicitur deitatis plenitudo inhabitare, nisi de vno Christo. Licet enim de quibusdam dicatur, ipsos esse Deo plenos, plenitudinem tamen Dei esse in illis non legimus. Et quod summum est, ait: *corporaliter*, hoc est, secundum carnem. Nam istud propter vñionem illam naturarum singularissimum Christi est: quia Verbum caro factum est, & ipse habitauit inter nos.

Ex hoc loco accipiebat Nestorius duas in Christo personas, ita formans argumentum: Si deitas inhabitat in Christo, iam aliam oportet esse hypostasim Dei inhabitantis: aliam eius quod inhabitatur, corporis. Sed longè fallebatur. Nam & anima nostra in corpore inhabitare dicitur, nec tamen propriam habet personam: sed vna est eadem persona corporis & animæ. Præterea quod ait Apostolus deitatem corporaliter inhabitare (ut S. Doctores animaduertunt) satis innuit modum illius diuinitatis quæ est participata à corpore: hoc est enim quod ait, corporaliter. Non propterea desit esse deitas, neque confusio vlla seu commixtio facta per hoc intelligi potest, quòd dixit inhabitare. Qui enim inhabitat, non confunditur, nec admiscetur rei quam habitat. Verum tanta res nec sic idoneè explicatur. Nouum est quoddam quod fecit Dominus super terram, dignum potius veneratione atque admiratione, quàm anxia & curiosa conquisitione.

*Et estis in illo repleti, qui est caput omnis principatus & potestatis.* Vos igitur qui estis repleti in illo qui est caput omnium, etiam Angelorum, quasi eius membra, per influxum Spiritus sancti, non oportet de recta via deflectere, & dare aures perfidis ac deceptoribus, & recedere à capite. Influxus vitæ confestim cessat, vbi membra non manent sub capite, sed abscinduntur, aut segregant semetipsa. Quoniã verò à pseudoapostolis prædicabatur circumcisio carnis, quæ prædicatio non leuem auctoritatem propter Abraham & propter Moysen nanciscabatur: ideo B. Paulus rei veritatem declarans, ne tertio modo decipiantur, subdit: *In quo & circumcisi estis.* Tria tunc erant quæ Christianæ veritati aduersabatur. Primum, sublimitas seu persuasibilitas sermonis. Secundum, pronunciata philosophorum. Tertium, lex illa Moyses, & illud peculiariter quod attinebat ad cæremonias, & ad illam primam circumcisionis cæremoniam, quæ non erat ex Moysè, sed ex Patribus. Prioribus duobus Theologus tanquam præoccupans quod quidam interrogabant, & simul respondens, videtur eos interrogare: Quid volunt isti à nobis, nonne ut circumcidamini? At iam circumcisi estis. Quòd si rogant, quo pacto? Respondet, in Christo. Nec adhuc intelligunt multi quid est esse circumcisum in Christo, imò nec quid sit esse circumcisum. Sed cum nihil aliud sit circumcisio, nisi præputij abiectio per cultum petri-

Apoc. 21.

2. Cor. 6.

Contra Nestorium.

Quæ ad inuersionem aduersantur Christo.



hum, quid sit præputium non intellexerimus, nec quid sit ipsa circumcisio intelligemus.

Est ergo præputium secundum carnem. Et est præputium secundum spiritum. Et secundum carnem præputium quid sit, notum est: sed parum curat hanc circumcisiōe Deus. Est igitur præputium secundum spiritualem intelligētiā obturatio aurium, quæ aures sunt & cordis & corporis. Qui ergo ad mandata Dei aures habent per affectum carnis obductas, obtusas, & obturatas, quales sumus natura omnes propter peccatum, & propter illam primæ iustitiæ carentiam, recte in scripturis vocatur præputiati ac præputium. Quapropter carnalēs Iudæos obiurgabat Moyses, & Prophetæ, & noissimè B. Stephanus, qui incircuncisi erant corde & auribus. Ergo verè circūcisi spiritu ij sunt, quibus circumcisum est cor, id est, abiecta carnalis affectio: quæ non potest à nobis auferri aut præscindi, nisi auferatur peccatum quod obstat nobis: & restitatur gratia & iustitia Dei, qua iustificemur coram ipso. Hoc autem opus auferendi peccatum iustitiæque restituendi, solius Dei est, qui per Christum Dominum in professione baptismi istud efficit, in quo morimur & nos cum illo ipsi peccato, & consepelimur cum illo, & resurgimus, & renouamur per iustitiā cœlitus nobis collatam ut viuamus Deo. Sic igitur circūcisi in Christo sumus & inuenimur abiecta carnali cordis concupiscentia grati Deo. Et licet fomes adhuc in carne remaneat, charitas tamen est infusa menti, per quā condelectamur in lege Dei, abiecto mentis per gladiū petrinum præputio. Hæc est prædicatio euangelica, quæ fide suscepta, & mox infusa charitate amputat carnis affectiones, & purificat corda. Vnde Dominus dixit: Vos mundi estis propter sermonem meum, videlicet fidē receptum atque admixtum. Hæc igitur erat circumcisio spiritus quæ placebat Deo, sine qua carnalis illa circumcisio nihil proderat. Hæc autem sine illa semper valuit. Hæc circumcisiōe circūcisos fuisse Colossenses dixit Apostolus, quæ erat in Christo non in Moysē. Nā quæ erat Moysēs, ut Moysēs, carnalis erat, & carnalium Iudæorum. Hæc autem Christi, spiritualis erat in corde, ut confestim amplius declarat, dicens:

*Circumcisiōne non manufacta in expoliatiōe corporis, &c.* id est, ad hunc effectum expoliādi corpus peccatorum carnis. Vocat Apostolus carnem ipsū hominem qui inuenitur filius veteris Adæ præuaricatoris, dicente Domino: Qui natus est ex carne caro est. Nec ab re est articulus Græcus, quo certa caro significatur, quæ quondam fructificabat morti. Vocat item corpus peccatorum, quod alibi corpus peccati, quo significantur vires humanæ, quæ simul collectæ ruunt concordēs in varias concupiscentias. At huiusmodi viribus expoliatur homo per hanc circumcisiōnem recedente peccato, & adueniente iustitia: quoniam nec ea quæ relinquitur ad meritum in carne concupiscentia, dominatur menti, ut testatur Apostolus, si ambulemus secundum spiritum & legem mentis. Sed in circumcisiōne Christi. Græca lectio omninò germanior absque, sed, ut stet appositivè, & declaratur circumcisio nō manufacta, quæ est circumcisio Christi, hoc est, quæ Christus operatus est. Nisi fortè velimus dicere

& melius, Christum ipsum fuisse aliquo modo sic circumcisum, cuius circumcisiōe nobis est hæc circumcisio comparata. Quid ni dicemus circūcisum fuisse in morte sua, cum & ipse dixerit se eo pacto baptizandum? Iam enim caro illius facta est quodammodo caro peccati, cum reatum peccatorum nostrorum in se transtulerit, quam oportuit excidi, ut veniret caro altera incorruptibilis & vitæ sempiternæ. In illa ergo circumcisiōe Christi, quādo mortua est caro illa, circūcidimur & nos cum baptizamur: quoniam morimur in baptismo cum illo, & sepelimur ut resurgamus ad veram vitam.

*Consepulti ei in baptismo, in quo & resurrexistis.* Vide totum mysterium, & admirandam circumcisiōnem. Ut enim illud Christi corpus mortuum fuit propter peccatum, sic & corpus peccati mori dicitur in nobis: quia secundum mentem vita eius interit, solum apparet in carne: quæ quasi cadauer ne graue corā Deo interi oleat, cōdiēda est aromatis & sepelienda, ut iā non appareat fœtida ante illum ob peccatum quod in illa residet. Conditur verò deprecationibus & pœnitentia, cōfessione, cōtitione, lachrymis, & aliis macerationibus, quæ veluti atomata conseruant à putore. Operitur & sepelitur insuper charitatis in proximum operibus. Quemadmodum autem & Christus post mortem resurrexit, ita & nos in baptismo resurgimus, & renouamur, ut dictum est. Addit hoc totū fieri, per fidem operationis Dei, qui suscitauit eum à mortuis. Credimus Christum mortuum & sepultum, quod significatur illa sub aquis immersione quæ fit in baptismo. Resurrexisse item tertia die: quod etiam significatur per emersionem ex aquis. Debemus ergo credere illud idem spiritualiter in nobis fieri per baptismum. Peccato enim morimur, & carnis cadauer quod remanet, conditur & sepelitur, & nos resurgimus in nouam vitam, ut vltra non seruiamus peccato.

*Et vos cū mortui essetis in delictis, & præputio carnis vestra, conuiuificauit cum illo.* Applicat doctrinā ipsi facto, ostendens totum quod prædixit, fuisse in eis completum. Ponit primum quomodo erant in delictis mortui & in præputio carnis, qui nunquam fuerant spiritualiter circūcisi. Manebant ergo in morte carentes grātia Dei. Sed Deus conuiuificauit eos cum Christo per baptismum quasi per circumcisiōnem. *Donans vobis omnia delicta.* Græci codices habent, donās nobis, Sed minus apertè cum superioribus cohereret. Nam sermo de illis & eorum circūcisiōe spirituali institutus erat, per quā volebat ostendere donata esse delicta. Dicendo autem, nobis, qui sermo pertinere ad Iudæos tantum videtur, non cōgrueret: Nisi fortè referatur ad omnes tam Gentiles, quā Iudæos nullo facto discrimine, ut quæ sequuntur ad Iudæos tantum restringantur, sicut expositores conuenire videntur, Donauit cuncta delicta nobis, id est, Iudæis & Gentilibus.

*Delens quod aduersus nos erat chirographum decreti.* Specialiter aduersus Iudæos. Græcè legitur, decretis. Sed quodnam erat hoc chirographum illis aduersarium? Et quid sibi vult quod additur, decretis? Sēsus quidem videtur clarus. Loquitur enim de lege illa, quæ ad illam partem quæ in decretis consistebat. Porro decreta vocat propriè, quæ ex placito de

Nota



Exod. 24.

cernentis fiunt, & quorum transgressio peccatum sit, ut pote non quia alioqui de se illa sint peccata, sed quia decreto erant interdicta, quo sublato fiebant licita. Græcè enim vocantur dogmata eiusmodi scita aut placita, & interdicta per sapientes, à δοναῖν, quod opinari Græcè & dogmatizare ac decernere est. Loquitur ergo de lege Moyses ea parte, qua diceretur lex positiva Scholasticis, circa quæ plurimæ erant transgressiones Iudæorum, ac propterea chirographum stabat aduersus illos ratum & validum. Erat enim scriptura legis quasi chirographum: quandoquidem ambæ partes promiserant seruare cuncta in lege contenta. Audierunt enim Iudæi, & ultro ac spontanei receperunt dicentes: Omnia faciemus. Et si quid omitterent, subdiderunt se maledicto legis miseri, quas haberent vires ad exequendum ignari. Hoc ergo chirographum quod inueniebatur aduersum ipsos Iudæos, qui ut transgressores decretorum continebantur sub maledicto, & ipsa simul decreta deleuit Dominus, & ipsum chirographum, tulit de medio affigens illud cruci, &c.

Quid Dem  
cum Adā  
pepigit.

Ne quid autem dissimilem, licet hanc intelligentiam non improbem, tamen tanquam verius magis probo ut loquatur de chirographo & decretis seu placitis, quæ ab initio cum Adam patre nostro & consequenter nobiscum eius filiis decreuit. Decreuit enim Dominus: Ne comedes de fructibus illius arboris. Quandoquæque enim comederis, morieris. Hæc erant decreta quæ chirographo illo comprehensa sunt, quæ scripsit Deus in eorum conscientiis. Huiusmodi ergo chirographum erat aduersum nos & Gentiles & Iudæos: quia omnes commedimus in Adam patre nostro, & rei inueniebamur mortis. Et hoc ipse Dominus abscidit de medio & affixit cruci, qui in se solutionem eius debiti recepit, & cruce persoluit, ut cum sua carne crucifixum maneret & mortuum: & nos vitam resumeremus per illius resurrectionem. Hoc fecit Iesus, & consequenter expoliavit principatus, & ab eis prædam tulit, nimirum nos homines, qui sub eorum premebamur tyrannide, & traduxit illos confidenter palam, hoc est, ostendit eos palam superatos summa confidentia, eaque libertate qua victores facere solent hostibus deuictis, Triumphans illos in semetipso, id est, quia semel ipsum Malignum vicit & superauit, in semetipso triumphare eos. Nam dum instigante diabolo irritaretur: Si filius Dei es, descende de cruce. Salua te ipsum, qui alios saluos facis. Noluit descendere, noluit saluare se ipsum: sed expectauit salutem à Deo, & sic triumphauit de omnibus, & abstulit prædam ab inimicis. Hic sensus placere & recipi debet, quo non est opus restringere hæc Apostoli verba ad Iudæos tantum. Potius enim loquebatur ad Gentes B. Paulus, quarum erat præstitutus doctor: imò verò in quorum gratiam præsens epistola & quæcunque in ea continentur, scribuntur.

Nemo ergo vos iudicet in cibo, aut in potu, aut in parte diei festi, aut neomeniæ, aut sabbatorum, quæ sunt umbra futurorum, corpus autem Christi. Nemo vos seducat volens in humilitate & religione Angelorum, quæ non vidit ambulans,

frustrà inflatus sensu carnis suæ: & non tenens caput, ex quo totum corpus per nexus & coniunctiones subministratum & constructum crescit in augmentum Dei. Si ergo mortui estis cum Christo ab elementis huius mundi, quid adhuc tãquam viuentes in mundo decernitis? Ne tetigeris, neque gustaueris, neque contrectaueris: quæ sunt omnia in interitu ipso vultu secundum præcepta & doctrinas hominum: quæ sunt rationem quidem habentia sapientiæ in superstitione & humilitate: & non ad parcendum corpori, non in honore aliquo ad saturitatem carnis.

Concludit, postquam sunt in Christo spiritualiter circumcisi, & in illo renouati ac perfecti sublato antiquo peccato & cæteris omnibus, eos non debere à Iudæis iudicari, id est, damnari si obseruatias legales non receperint. Nemo ergo (inquit vos in dicit in cibo, aut in potu. Lex enim erat quæ prohibebat multos & varios cibos: Et potum qui ex vase carente operculo sumebatur. Aut in parte diei festi, id est, in ea parte quæ ad obseruantiam dierum festorum attinebat. Aut neomenia, id est, festum nouæ lune, in qua erat mensium eorum exordium. Iubeantur enim certa illis diebus sacrificia. Aut sabbatorum. Erant sabbata dierum, mensium, & annorum. Erant & festa alia, quæ sabbatorum appellatione veniebant: quia habebant septem dies feriatis. Quæ sunt umbra futurorum, corpus autem Christi. Hic redditur ratio quamobrem non sint hæc vltèrius obseruanda, nimirum quia erant umbra futurorum. Corpus autem erat Christi, subaudi corpus: ut sit sensus. Illæ obseruantia erant umbra, cuius umbra corpus, erat corpus Christi quod est ecclesia. Qui ergo tenere potest corpus, nonne imprudenter umbram & vanè sectaretur? In epistola ad Hebræos dixit umbram futurorum bonorum, nempe cælestium, quorum interim nos qui sumus in Christo habemus aliquem gustum atque imaginem, non umbram, quæ est remotissima à veritate perfecti corporis, cuius est umbra. Sed hæc latiore sermonem requirunt, ut ipsimet exemplis ob oculos ponerentur atque illustrarentur: quod in illa quæ ad Hebræos me facturum, iuuante Deo, confido.

Nemo vos seducat volens, &c. Vult nunc Apostolus remouere argumenta iudaica, quæ fieri poterant ab ipsius legis autoritate, quæ ministrata est per Angelos: ait ergo: Nemo vos seducat volens, &c. Græcè significantius, Nemo vos brauiο priuet, Vi de ut propriè cuncta & appositè. De facundia & persuasibilitate sermonis dixit: Videte ne quis vos seducat, scilicet paralogismis, quibus Rhetores vtuntur. De philosophia verò dixit: Ne deprædentur. Est enim quodammodo prædari fidei addictos, quum nomine sapientiæ quasi per autoritatem trahebant homines ad suas sectas aientes: Hoc eni cit Aristoteles argumentis: hoc Plato. Sed Dominus testatur, Quot quot ante se venerunt, fures fuisset & latrones. Nunc de his qui ad Moysen reducere tentabant, ait quod à brauiο abducebant, tan-

De sabbatis  
Iudæorum.

Hebr. 10.



quam seducendo à cursu, in humilitate & religione Angelorum, quæ non vidit ambulans, &c. Difficilis locus hic: Pro cuius intellectu exemplum tenere memoria debemus, quo Apostolus ad Gal. vsus est, Quanto tempore heres paruulus est, nihil illi differre à seruo, sed oportere sub tutela & cura, & pædago humiliari. Et ideo datæ sunt priscæ obseruantia Angelorum ministerio illi populo, quibus supra modum premebatur. Erant enim onera seruilia imposita vsque ad tempus. Sensus ergo & ordo literæ hic videtur: Nemo igitur vos abducatur à cursu & cursus præmio volens, ambulans in humilitate, &c. id est, volenter (vt ita dicam) & spon- te sua nemine cogente, ambulans in humilitate, hoc est, non digne Deo, non ingenuè in operibus viuus secundum legem perfectam libertatis: sed in illa depressione data illi populo puero, & in religione seu superstitione Angelorū. Vox enim Græca vtrunque significationem admittit. Erat enim legalium obseruantia iam olim pro tempore religio: deinde facta est superstitio. Nam vt religio esset, efficiebat Angelorum pro tempore autoritas. Per Angelos enim inuenta tueri & tradita Moysi illa legalia vsque ad tempus. Quod verò post transierit in superstitionem, temporis progressus in causa fuit, quando iam puer adoleuerat, & factus vir aliam vitam, alios mores, ac propterea aliam legem perfectionis ac libertatis depolicebat. Ideo addit hunc, qui volens ambulabat in ea humilitate ac religione retinens antiquatos ritus, non ea vidisse. Quid est quod non videbat, nisi suam depressionem ac superstitionem? Et quare non videbat, nisi quæ erat frustra inflatus sensu carnis suæ? quoniam vt ludæus tenebatur affectione carnis, sed frustra: quoniam absque vtilitate vlla & in vacuum, quin potius deprimebantur ludæi. Sic accidit nonnullis, non dico omnibus, non dico multis (sunt enim multi qui persuasi sunt) sed nonnullis ex fratribus meis, quos diligo & obseruo in Domino, qui freti ordinis gloria propter Patres, mordicus volunt sustinere contra omnium ecclesiarum morem & sensum in ritu & cultu Dei declaratum, purissimam Dei Matrem de facto veteri subiaccuisse delicto: & sub ira Dei, & dominatu diaboli (quod horreo vel cogitare) saltem aliquo temporis momento mancipatam fuisse. Vtinam non & de ipsis hac in parte verè dici posset frustra eos inflatos sensu carnis suæ, & quod est longè deterius ac perniciosius, Non tenentes caput, ex quo totum corpus per nexus, &c.

Nō me tamē latet quod hic ait Apostolus, Non tenentes caput, posse duobus modis exponi. Et primò quidem ad rem præpositam, significat illos, quisquis is erat siue vnus, siue plures, nō tenere verum caput. Ex quo totum corpus per nexus & conjunctiones subministratū & cōstructum, siue compactū crescit in augmentum Dei. Illi enim à Christo redibant ad Moysen. Et Moyses ipse mittebat ad Iesum. Qui ergo redibant ad illum post terram repromissionis adeptam, inueniebant Moysen mortuum: & ita vtroque & Iesu & Moysi inueniebantur destituti. Quapropter non poterat esse in corpore Christi. Qui enim non tenet caput, non est mēbrum, nec illius particeps influxus, quo membra inuicem necantur & coalescunt, vt crescat corpus vsque in augmentum Dei, id est, argumentum

perfectum conueniens corpori Dei, Christo mystico. Alia expositio est, quod non tenebant caput ecclesiæ illi pseudoapostoli, cum recederet ea parte ab Apostolica prædicatione: vnde quæ fidei erat discernere, & obseruare necesse erat. Ipsi enim erant fundamenta, & in eis Petrus erat loco Christi: à quo qui recedit, sciat se cum Christo nō esse. At hoc non placet hæreticis, quāobrem verò non placet, nisi quia hæretici sunt?

Si ergo mortui estis cū Christo ab elementis huius mundi, quid adhuc tanquam viuentes in mundo decernitis. Græcè, dogmatizimini, hoc est, decretis implicamini, nempe illis, ne tetigeris, ne cōtrectaueris: de quibus in lege moyses diffusè præcipitur in Exod. Leuiti. & Num. & Deut. quæ erant elementa mundi huius, id est, erant priora quibus instituēdi erant qui adhuc manebant in mundo, vt adducerentur ad Christum, & tollerentur de mundo: quoniam erant conuenientia adhuc viuētibz in hoc mundo. At verò iis qui resurrexerunt cum Christo, qui mortui iam mundo inueniuntur non conueniunt. Nam decreta mundi non congruunt filiis Dei iam adultis.

Quæ sunt omnia in interitu ipso vsu. Rectius Græcè, ipso abusu, Dicit abulum tales obseruantias, propterea quia non sustentabantur autoritate Dei. Iam enim lex cessauerat & ipse Moyses. Sustentabantur autem tunc sola hominum præceptione ac doctrina. cum ita vellent principes Synagagarum. Pergit de his. Quæ sunt (inquit) rationem, aut sermonem, & speciē, habentia sapientiæ in superstitione, Græca vox non est eadem cum illa, quam paulo ante interpret transtulit religionem, tamen Caicranus aliter dicat. Superius enim legitur, θρησκεία, hic autem ἰδιόθρησκεία, & significat voluntariam religionem seu cultum, quæ superstitio est. Aiunt B. Augustinus & Thomas omnem ritum colendi Deum, qui à Deo non est, nec à Spiritu sancto per ecclesiam traditus, sed arbitrio & voluntate hominum inuentus superstitionem esse. Quæ in re perfectò multum, vt mihi videtur, errant illi, ad quos hæc animaduersio attinebat permittentes serpere cultus in ecclesias citra cognitionem & probationem. Speciem igitur habebat sapientiæ quod voluntariè suscipiebatur vt cultus ac religio. Tales Essæorum erant (vt existimo) & fortè Brachmanarum, & Pythagoræorum, & huiusmodi hæreticorum sectæ, quæ asperum quendam vitæ ritum & religionis propria voluntate sibi præscripserunt propter humilitatem, aut animi deiectionem: quia seipsos deprimebant, & in seruitutem sine causa redigebant, vt aliquid præ aliis in communi vitæ cursu remanentibus admirandum facere viderentur. Hoc enim est, quod B. Paulus in hoc loco ait: Et humilitate: Adiecit,

Et non ad parcendum corpori: Difficile fuit latino reddere sensum Græcæ vocis. Significat autem ad verbum in imparcentia corporis. Vulgus enim admirari eos solet, à quibus non parcitur corpori: sed seuera vita affligitur. Vnde & idolatræ sacerdotes cultris & lanceolis incidebant carnes suas, & perfundebantur sanguine, vt legitur in libro Regum. Non in honore aliquo ad saturitatem carnis. Dicit religionem illam & cultum fuisse in non parcendo corpori, vt pote cui nihil honoris deferrent ad



saturitatem carnis, sed magis affigerent: & ea in re ostentabant se religiosos ac pios, qui se ad illa demittebant humiliantes. Verum quia importunè propria voluntate faciebant, & ut pertinentia ad religionem, quæ ulterius pertinere non poterant, iccirco frustra fiebant: imò in interitum adducebant obseruatores.

Hic vnus est excommunibus locis vbi hæretici turgide spaciuntur, & suo ore impio blasphemant Romanam ecclesiam, & instituta Monachorum, ieiunia, delectus ciborum, aliaque corporis incòmoda & salutare afflictiones quæ indicuntur ab ecclesia, aut sponte assumuntur, quæ à B. Paulo dā nari in Christi lege eis vñr. Quidam illorum Gygis in hunc modum scripsit: Quid verò, amice lector? An non in mentem veniunt tibi leges Pontificiæ, nugæ Romanenses, & præscriptiones monachorum? Nec aqua aquæ, nec lacti lac, crede mihi, vsquā similius. Doctores, præceptiones, & præceptionum finis vtriusque partis congruunt per omnia. Sed audi nunc quomodo confutentur ab Apostolo. Principia illa, inquit, omnia ipso pereūt abusu. Agit autem de cibo & potu, quæ vsu consumuntur, & in latrinam excernuntur. Nam iis propriè dicimur abuti, quæ vsu absumuntur. Videtur autem alluisse ad illa Domini verba: Non quod ingreditur in os impurat hominem, sed quod egreditur ex ore, hoc impurū reddit hominē. Nā quicquid ingreditur in os, in aluum abit & in secessum eiicitur. At ea quæ proficiuntur ex ore, ex ipso corde egrediuntur, & illa impurum reddunt hominē. Confutantur his non modo Iudæi epulas sacras iactantes, & lege Dei præscribente impura quedam in cibum non admittentes, sed titulo tenus etiam Christiani, qui & dierum & ciborum discrimine onerantur colla fidelium. Deinde illa, inquit, aliud non sunt quàm præcepta & doctrinæ hominum. At de iis scribitur ex Iſaia Matth. 15. Frustrā me colunt docentes doctrinas præcepta hominum, hæc iste versutus deceptor, & alia eiusmodi plura effutens, quibus manifestè ieiunia, & macerationem carnis, ut res superstitionis impie ac proteruè per hanc Apostolicam doctrinam vituperat homo inimicus crucis Christi, & cui Deus venter est, quasi falsam, fallacem, pestiferā, periculosa. Est enim plausibilis carni sermo, qui non dissimilius gratus est, ac manus & ungues qui scabiosorum hominū prurientem locum attingunt & scalpunt.

Ut rem igitur luce reddamus clariorem, rogemus istos consueque acres carnis & ventris patronos. Si afflictio corporis & abstinencia, si luctus reprobatur in statu christiano: Quid iudicij, quæ sapientia, imò quæ aduersus Christi meritum contumelia Magnus ille Ioannes Baptista venit vestitus pilis camelorū, neque comedens neque bibens? Et non sola tantum voce, sed toto tenore vitæ in deserto agens & prædicans penitentiam? Quid est quod ipse Christus ieiunauit quadraginta dies nihil comedens, & omnem vitam exegit luctuosa? Cur prædixit de discipulis suis, venturum tempus quum auferretur ab eis Sponsus, & tunc, ait, ieiunabunt? Cur non respondit calumniantibus illis, hunc in modum ieiunia discipulis meis non indico, propterea quod ea obseruare, & ciborum habere delectū saperet superstitione? Quid est quod

ipse B. Paulus inter glorias suas, etiam hunc luctū ponit, qui in vigiliis & ieiuniis multis vitam ducebat? Quum gratiæ de cælo in nouo & veteri testamento implorabantur, indicebantur ieiunia, & orationibus iungebantur, ut in Act. Apostolorum patet. Quid est quod ait Dominus summa Veritas esse genus dæmoniorum quod non poterat eiici, nisi in ieiunio & oratione? Nunquid hæc sunt cōmenta Romanensium, aut instituta Monachorū? Dicent fortasse nō se vituperare ieiunia: sed quod indicantur, quod præcipiantur, quod pierati ac religioni admisceantur & preferantur, denique quod illis præmia statuuntur æterna. Verum audiant, si possunt, Christi vocem. Ipse dixit: Beati qui lugent: quoniam ipsi consolabuntur, & : Vā vobis qui ridetis: quoniam flebitis. Ecce quomodo beatificat luctum, qui in ieiuniis & carnis maceratione præcipue consistit.

B. Ignatius B. Ioannis Euangelistæ discipulus, ab Apostolis indictam fuisse quadragesimam con testatur. Hanc antiqui omnes ut certam traditionem ab illis susceperunt & comprobarunt, clarissima in quā & doctissima ecclesiæ lumina (ne à simplicibus & idiotis recepta hæretici calumnientur) B. Amb. Hier. August. & alij non solum Rom. ecclesiæ sacratissimi Antistites, quos isti dedecoris gratia Romanenses appellant, verum etiam alij aliarum ecclesiarum Episcopi ac doctores, quorum sempiterna laus fulget in ecclesia. Quod si ad pietatem nulla ratione attinent ieiunia, cur tanto consensu indicuntur ac prædicantur, si nullum accipiunt à Deo præmium? Cur illa beatificat ipse Dominus? Cur Sancti omnes quod doctiores ac sanctiores, his affligere durius corpora sua studuerūt, si nihil inde expectabant præmij? Et cur dixit summa Veritas: Quum ieiunatis, nolite fieri sicut hypocritæ tristes. Exterminat enim facies suas ut appareant hominibus ieiunantes. Amen dico vobis receperunt mercedem suam. Tu autem quum ieiunas, unge caput tuum, & faciem tuam laua, ne videaris hominibus ieiunans, sed Patri qui est in abscondito: & Pater tuus qui videt in abscondito reddet tibi. Ecce quomodo apertissime ieiunium nedum non suffert, sed nondum instituti, iam ieiunij, quo obseruari debeat, docet. Et Pater, inquit, reddet tibi mercedem tuam in cælis: quemadmodum hypocritæ suam receperunt in terris.

Et cum hæc eousque clara sint, non verentur tamen isti hominum impudentissimi ieiunia sancta improbare. At cur ita docuerint, in promptu est ratio, nimirum ut numerosiores ad se & promptiores discipulos attraherent, quibus grata erat futura huiusmodi prædicatio. Erant quidem illi iam dudum parati. Sed sese ad talis cantilenæ numeros, quum deesset qui lyram pulsaret, honestè mouere non audebant. Suscitauit, permittente Deo, diabolus istos tibicines, & ad primum sonum saltare apertè, qui intus gestiebant, & tripudiare cepērunt. Mihi venit in mentem quod sapiēs vir quidam dicebat in istos hæresarchas solebat, esse videlicet eos veluti porcarios, qui sub queru animaduertentes porcorum famelicorum gregem, arborem conscenderunt, & glandes egregiè excusserunt. Cepit grex comedere & hibernere, & sanctorum vitam per ieiunia actam pedibus conculcare. O cæcam aram,

Pro delectu  
ciborum  
ieiunij, in  
hæreticos.

Marc. 2.

Proquad  
gesima.

2. Cor. 6.  
et.

Marc. 9.

Matth. 5.



*Apo. 18.* rem, & Christiani luctus ignaram. Isti in perpetuis nuptiis ablato Spōso viuere volunt: nec ecclesiam esse interim viduam volunt recognoscere. Audi quid dicat in Apoc. Dilectus: Quantum glorificauit se, & in deliciis fuit, tantum date ei tormentum & luctum: quia in corde suo dicit: Sede regina, & vidua non sum, & luctum non videbo. Ideo in vna die veniet plagæ eius, mors & luctus, & fames, & igne comburetur: quia fortis est Deus qui iudicabit illam.

*2 Tim. 14.* Dicet verò aliquis: At quomodo soluis quæ ab Isaia, & Paulo, imò & ab ipso Christo afferuntur? Frustrà me colunt docentes doctrinas & mandata hominum, &: Non quod intrat in os coinquinat hominem, &: Spiritus manifestè dicit, &c. &: Omnia munda mundis. &: Nihil reiiciendum quod cum gratiarū actione percipitur: & quæ huiusmodi sunt. Respondimus iam abundè alibi. Nunc igitur rem paucis perstringendo dicimus, verè in cibis quatenus ad pietatem spectat, nullam esse differentiam, quatenus ad immundiciam atque mundiciam: quoniam omnia munda mundis. Et omnis creatura Dei bona est: nec cibus ipse per se potest animam inquinare. Qui aliam tuetur sententiam, à B. Paulo & ecclesia, & ipso deniq; Domino damnatur. Neque verò Monachi ac pij viri hac superstitione irretiuntur. Ieiunia ipsa, nisi reprehendenda indiscretionem, seu temerè fuerint assumpta, quis potest nisi impius improbare? Sola ipsius Saluatoris vita, Apostolorum, & Sanctorum prorsus omnium, an non pro legitima & viua scripturarum interpretatione suscipienda est? Quis vnquam Sanctus nominari potest, qui ieiunia nō coluerit? Sed hæc, vt diximus, nimis clara sunt. Vbi deest voluntas, nulla facilitas.

*2 Tim. 1.* Porro quid Apostolus persuadere velit, minime est obscurum. Vituperat enim Iudaicas illas tam multiplices, quàm eo tempore inutiles obseruantias: quas suadebant subdoli Iudæi etiam tum necessarias, nec per legem euangelij antiquatas. Has, inquam, merito vituperat atque damnat. At quæ ecclesia sancta Spiritu sancto instructa, & S. Patres in regulis, comprobante ecclesia, suis Monachis præscripserunt, non inter hæc computanda sunt, neque sunt (vt iste fascinator calumniatur) similia. Sed ipsemet vt aqua aquæ, & lacti lac: sic est cæterorum hæreticorū atque schismaticorum simillimus, qui dimittunt legem Matris, ne addatur, sed contra vt auferatur à capite gratia, & torques à collo. Vt iam nihil restare videatur, quàm pro torque honorifico funem eis & laqueum nectat diabolus, quò strangulentur profligati homines, nisi mox (si fieri potest) respiciant. Non me quidem later quæ inconstanter postmodo, ne hac in parte priscis philosophis inferiores existimari possint, iactitent, dum ficto ac simulato animo addunt: Non damnamus moderata ieiunia, &c. Interim sermonem protinus corrigentes, hoc est, ea ad pietatem nihil promouere, nec ad auctiorem iustificationem, nec ad vlla apud Deum præmia: quin esse Deū colere in doctrinis hominum. Nonne perspicis, lector, & dolum persentis? An non est aperte tollere ieiuniorum vim & obleruantiam, eo pacto dogmatizare? At scriptura sancta, & sancta mater ecclesia, & Sancti omnes lon-

gè aliter docent, qui ieiuniis sua præmia statunt & laudem apud Deum. Nonne ecclesia canit in sacrosancto quadragesimæ tempore, & extollit tanto encomio ieiunij fructus, æternis: Qui corporali ieiunio vitia comprimis, mentem eleuas, virtutem largiris & præmia per Christum dominum nostrum. Hoc vnicum testimoniū omnes pias mentes armare deberet ad execrandos istos epulones, qui verè caro & sanguis dici possunt, ventris patroni & serui carnis. At qui seminat in carne, de carne metet corruptionem. Nam pari semine surgit messis. Nec possunt aliter loqui, quam viuant qui hypocritæ videri nolunt. Et tamen non desunt inter eos vafri homines, qui simulant temperantiæ sibi placere (vt diximus) virtutem nullo præcepto astrictam. Sed hi pauci sunt, & quibus fortasse ad æquales haustus per corporis infirmiorum constitutionem respondere non licet. Non equidem mirum si loquantur tam vehementer pugnantia. Quis enim in tantis mendaciis valeat sibi constare?

## CAP. III.

**I**GITUR si consurrexistis cū Christo, quæ sursum sunt querite, vbi Christus est in dextera Dei sedens. Quæ sursum sunt sapite, non quæ super terram. Mortui enim estis, & vita vestra abscondita est cū Christo in Deo. Cū autem Christus apparuerit vita vestra, tunc & vos apparebitis cum ipso in gloria. Mortificate ergo membra vestra quæ sunt super terram, fornicationē, immundiciam, libidinem, concupiscētiā malam, & auaritiā, quæ est simulachrorum seruitus: propter quæ venit ira Dei super filios incredulitatis: in quibus ambulastis aliquādo cū viueretis in illis. Nunc autem deponite & vos omnia, iram, indignationem, malitiā, blasphemiam, turpem sermonem de ore vestro. Nolite mentiri inuicem, expoliantes vos veterem hominem, cum actibus suis: & induentes nouum eum qui renouatur in agnitionem, secundum imaginem eius qui creauit illum. Vbi non est masculus & femina, Gentilis & Iudæus, Circuncisio & Præputium, Barbarus & Scytha, seruus & liber: sed omnia & in omnibus Christus.

**V**lt tandem concludere rem totam Apostolus, & statum Christiani hominis ostendere: quod est resurrexisse cum Christo. Ex quo datur quadragesima, quibus ille suscitatus in terra mansit, dierum spatium, viuens vita immortalis: eosque de regno Dei erudiendis discipulis transegit. Ita & nos qui per illius mortem vitam gratiæ recuperauimus, debemus Deo immortaliter viuere, quod est inculpate & sine crimine, expectantes



pariter post actos quadraginta dies (hic est terminus vitæ huius) beatam perfectæ nostræ resurrectionis possessionem per consensum cælorum. Nihil nobis aliud requirendum superest, qui mortui sumus mundo, & resurreximus cum Domino, nisi ut in posterum Deo viuamus, & non mundo cui sumus mortui. Non enim fas est ad ea quæ retro sunt aspicere, sed ad ea quæ antè, ut ad brauium perueniamus æternæ salutis, certantibus legitime propositum.

*Quæ sursum sunt querite, ubi Christus est in dextera Dei sedens.* Sed quo modo quærentur quæ sursum sunt? An sola fide ut hæretici docent, qui & decipi sunt, & alios quoque decipiunt? Nihil minus. Per opera hoc fieri, & per sanctam in illis perseuerantiam clamat vniuersa scriptura, quemadmodum toties declarauimus. Qui reddet unicuique, ait Apostolus, secundum opera sua. His quidem qui per patientiam boni operis gloriam, & honorem, & incorruptionem quærent, vitam æternam. *Quæ sursum sunt sapite.* O magnum, salutarum, & beatificans verbum, sapite, inquit, *quæ sursum sunt.* Ac si dixerit, gustando probate. Sed quomodo degustantur, cum sursum sint? Et qua ratione probari possunt, cum nec viderit oculus unquam, nec auris audierit, nec in cor hominis ascenderint, quæ præparauit Deus diligentibus se? Audi modum: Degustatur interim in ipsa arrha, quam bonus est Deus rectis corde. Non enim dimisit nos omnino pignoris expertes, imò arrha bonis ad stabiliendam promissionem. Et in hoc est prægustatio: Alioqui nullo cælesti dulciario, ut ita dicam, allesti crustulo quis operaretur, cum simus natura mali & laborum fugitantes? Ecquis ærumnas huius erumnosæ vitæ posset non succumbens tolerare? *Non quæ super terram.* Hoc certissimum est nostræ gratiæ signum, dum in nobis amorem sentimus cælestium, & terrenorum contemptum in veritate, ut non decipiat nos latens illa gloriæ cupido. Quod si quis roget: Si non quæramus terrena nos, qui terreni sumus, quomodo possumus viuere? Respondit iamdudum humana huic timiditati Dominus: *Primum quærite regnum Dei,* ait, & iustitiam eius: & hæc omnia adiicientur vobis. Quicumque enim verè regnum Dei quærit, consequenter & ista quæ sunt vitæ necessaria quærit, sine quorū administraculis cōficere iter nostræ peregrinationis minime possemus.

*Mortui enim estis.* De morte non secundum carnalem intelligentiam loquitur, sed iuxta spiritualem: quæ quidem morte mundo morimur, & his omnibus quæ sunt mundi huius, concupiscentiæ scilicet carnis, oculorum, & superbiæ vitæ, quæ non sunt ex Patre. *Et vita vestra abscondita est cum Christo in Deo,* id est, vita gloriæ quæ vestra est, sed tantisper vobis seruatur abscondita in Deo cum Filio, qui & ipse absconditus est vobis, qui ambulatis in enigmate, ut post fruamini faciem ad faciem. *Cum autem Christus apparuerit vita vestra, tunc & vos apparebitis cum ipso in gloria.* Dicit absconditum nunc esse nobis. Saluatorem nostrum secundum visionem perfectam & comprehensionem. Videtur tamen aliquatenus fidei oculo in lumine gratiæ. Cū ergo ille manifestatus fuerit, tunc & nos cum illo manifestabimur in gloria: siquidē lux erimus. Om-

ne enim quod manifestatur, lux est. Et sicut cogniti sumus, cognoscemus.

*Mortificate ergo membra vestra quæ sunt super terram, &c.* Sunt intellectus & mentis organa, id est, partis animæ superioris, quam interiorem hominem vocat Apostolus. Et secundum hæc iam nos oportet esse mortuos, ut non sit opus illa mortificare. Sunt præterea alia nostra mēbra super terram, hoc est, organa corporis & exterioris hominis. Ista autem nec dum sunt mortua: sed necesse est ea mortificari assidue ne reuiuiscant, & trahant in suas libidines partem superiorem, & fiant iuxta sententiam Domini, nouissima hominis prioribus deteriora. Quæstionem sibi proponit hoc in loco dulcissimus ille & christianæ eloquentiæ princeps B. Chrysostomus, quam pulcherrimo & accommodatissimo exemplo diluit, cuius verba hæc sunt. Mortificate, inquit Apostolus, mēbra vestra terrestria. Quid dicis? Non dixisti: Quoniam sepulti estis: quoniam circumcisi estis, quoniam exuistis corpus peccatorum carnis? Quomodo ergo rursus dicis, Mortificate? Non ludis? non aliter loqueris quam si adhuc ista in nobis essent? Non est sibi ipsi contraria ista loquutio. Sed quemadmodum si quis statuam antea squalidam iam expurgatam: imò denuo quæ excussam splendidamque exhibens, dicat qui dem extersam esse ac sublatam rubiginem: Admoneat verò rursus ut diligenter tollatur rubigo, non is sibi ipsi contradicit. Neque enim abstersam iam rubiginem, sed eam quæ postea rursus accedit auferre hortatur. Ita & Paulus hic non priorem mortificationem dicit, neque priores fornicationes: sed eas quæ postea succedunt.

Non satis esse domum habere vacantem, scopis mundatam & ornatam testatur Dominus: sed castiganda est caro vigiliis, ieiuniis, orationibus, ut viuat Spiritus & negocietur donec redeat Rex, & ponat rationem cum seruis suis. Alioqui orio & torpore solius fidei stertere volentes, finit Deus in potestatem carnis & membrorum iterum captiuos redire, ut dæmones ibi habitent ea instigantes. quæ turpe est & dicere. Quicumque enim subterfugit in vinea Domini laborare, necessario incidit in manus satanæ, qui instruit ut in bonis ducat dies suos: & in puncto ad inferna descendit infelix, ait scriptura. Ob eam causam hortatur Colossenses ne carnem caput erigere sinant, quæ operaretur flagitia more eorum qui minime curant mortificationem, & ait:

*Fornicationem, immunditiam, libidinem, &c.* Hæc facinora vocat membra: quoniam per organa corporis in exteriori homine admittuntur. Quod nos legimus, *libidinem*, Græcè legitur, *πάθος*, dictio generica ad omnes animæ passionem, quas necesse est reprimere ac mortificare, ne prorūpent in concupiscentiam malam. Deinceps notandum, quomodo auaritiā vocat seruitutem, id est, cultum idolorum. Verè etenim qui auaritiæ & quæstui sunt, toti dediti, constituerunt sibi pro Deo argentum & aurum, ita ut cælestes diuitias nullas iam esse credant, quo efficitur ut vltro vendant animas suas ad lucra per fas & nefas irruentes. Auaro, inquit Sapiens, nihil scelestius. At propter hæc venit ira Dei super filios incredulitatis. Loquitur hic de ira Dei, quam sæpenumero ostendit in hac vita

Rom. 2.

1. Cor. 2.

Matt. 6.

1. Ioan. 2.

Matt. 12.

Luc. 19.

Job 21.



& exercet. *In quibus ambulastis, &c.* Hæc illis in memoriam reuocat Apostolus, vt recognoscant prioris vitæ indignos errores, & grati sint ob acceptam euangelicam puritatis lucem: & vt item omni vigilantia caueant redire ad volutabrum luti. *Nunc autem deponite & vos omnia, iram, &c.* Lectorem alias admonuimus, apud B. Paulum visitatum esse aduerbium, *Nunc*, ad significandum gratiæ tempus & noui status, in quem euecti debent abs se ea omnia vitia abdicare quæ commemorat, iram, indignationem, & reliquas animi labes & peccata. *Nolite mentiri inuicem.* Mendacium omne, sed potissimum fraudulentum aduersus proximum vetat. *Expoliantes*, verius, *cum exueritis*, nimirum in Baptismatis sacramento, *veterem hominem*, vt sit sensus: Hoc omnino à vobis fieri debere conuenit in hac noua professione, postquam exuistis veterem hominem mendacem illum quidem, & ad peccata & fraudes instigantem.

*Et induentes nouum, &c.* De interiori homine loquitur, qui per aduenientem Dei gratiam in nouum mutatur, & ad optima quæque deprecatur. Totum hoc mysterium agnoscitur in baptismo, in quo Dei, vt par est, acquiritur cognitio. Nam cognoscere veluti cognouerunt philosophi, non est verè & absolute cognoscere. Vnde appellat renouari hominem in agnitionem Dei secundum imaginem eius, à quo est conditus: quoniam homo in baptismo recuperat amissam per peccatum Dei imaginem, & assimilis Deo redditur, vt possit etiam illum tanquam Creatorem ac Glorificatorem agnoscere. Ab hac verò cognitione nullus penitus, nisi propria culpa, excluditur. Christus enim non intra ciuitatis muros pati voluit, sed extra: ad quem nullo discrimine facto possent accedere Gætilis & Iudæus, mas & femina, seruus & liber. Cum enim comuni omnium carne vestiri dignatus sit, quis aufit communem omnium causam ab eo negare suspectam? Ipse est omnia in omnibus, vt in quo omnis creatura quodammodo consideretur.

Induite vos ergo sicut electi Dei, sancti & dilecti, viscera misericordiae, benignitatem, humilitatem, modestiam, patientiam, supportantes inuicem: & donantes vobismetipsis si quis aduersus aliquem habet querelam. Sicut & Dominus donauit vobis, ita & vos. Super omnia autem hæc, charitatem habete, quod est vinculum perfectionis. Et pax Christi exultet in cordibus vestris: in qua & vocati estis in vno corpore: & grati estote. Verbum Christi habitet in vobis abundanter in omni sapientia docetes & commoneantes vosmetipsos, in psalmis, hymnis & canticis spiritualibus, in gratia cantantes in cordibus vestris Deo. Omne quodcunque facitis in verbo aut in opere, omnia in nomine Domini nostri Iesu Christi gratias agentes Deo & Patri per ipsum.

*Induite ergo vos sicut electi Dei, &c.* Præsentis con-

textus verba non tam expositionem, quam seriam operationem requirunt, vt ita viuamus mutuas inuicem offensas condonantes: quia is qui nobis præcipit ita esse faciendum, longè grauiora nobis & prius relaxauit debita. In cuius gratiam postulatis si dimittere fratribus nostris noluerimus: neque Pater cælestis dimittet nobis.

*Super omnia autem hæc charitatem habete.* Græcè consideratur verbum, *habete*, Referunt fortassis sententiam alias mutilam ad superius verbum, induite. Nostræ atatis hæretici fidem super omnia extollunt. At B. Paulus vt hinc perspicue vides, & ad Cor. longè vberius, charitatem ipsam cæteras omnes virtutes anteire docet. Isti tamen se Paulinos sumpsisse sensus gloriantur scioli. *Quod est vinculum perfectionis.* Propriissime vocat charitatē vinculum perfectionis: quoniam illa est quæ nos colligat, vt vnum conficiat perfectum corpus sub primario Capite. Quemadmodum enim in naui etiam si magna sint instrumēta & varia, nisi subligacula adfuerint, nihil profunt: & pariter in domorū edificis, si desint colligationes ac contignationes: & vt in ipso corpore humano etiam si magna sint & durissima ossa, si vincula nequaquam adfuerint & compagine, nihil proderunt. Ita quæcūque rectè facta quis habuerit, inania erūt omnia nisi sit, qua colligantur, regina virtutum charitas. Peribunt omnia nisi fuerint cum charitate coniuncta. Si charitatem non habuero, inquit, nihil mihi prodest. *I. Cor. II.* Charitas est quæ constringit & complectitur omnia. Mouet me verò aliquantulum, cur dixerit, *super omnia autem hæc.* Videtur enim comparare charitatem cum magnis ipsius charitatis operibus, quæ sunt pati, compati, benignitate vti. Nonne & ipsa met charitas patiens est, benigna est, omnia sufficiens, omnia condonans? Dicamus igitur per hæc verba intelligi proprium charitatis actum, quem Theologi actum à charitate ipsa elicited nomina rent: quod est verissimum.

*Et pax Christi exultet:* Græcè: *& pax Dei palmam obtineat in cordibus vestris.* Fructus spiritus ad Gal. *Gal. 5.* ait esse charitatem, gaudium, pacem, &c. Ex charitate enim gignitur gaudium: quoniam dum quod amatur, possidetur, mox excitatur in corde gaudium. Hinc pax, id est, quies cordis & tranquillitas. Alia enim non queritur vltius ab eo qui pacem habet: quoniam pax palmam tenet. Hæc rationem ponderent ij qui gratiæ negant possibilem certitudinem, an possint cum incertitudine pacem constituere, *in qua*, nimirum pace, *& vocati estis in vno corpore.* Non hoc vult tantum Deus, vt quilibet secum pacem habeat, sed & insuper in toto corpore ecclesiæ tranquillum esse statum præcipit, & mutuam animorum concordiam & morum. In hoc enim vocati sumus. In pace autem, ait alio in loco, vocauit nos Deus. *Et grati estote.* Quoniam eruti de potestate tenebrarum & sceditate vitiorum, estis in filios Dei translati, & ad possidendum vna cum ipso Vnigenito felicissimum ac sempiternum regnum. O verbum opportunè dictum, & semper in corde ruminandum. Vnusquisque attendat diligenter & cogitet, quàm sit erga Deum ob accepta tanta beneficia gratus, Qui si verbotenus, consideret num imitator illius sit Pharisei, qui gratias verbis agens arbitrabatur se omnem absol-

*Luc. 18.*



uisse iustitiam : seq; præ cæteris hominibus pium, religiosum, innocentem iudicabat.

*Verbum Christi habet in vobis abundanter*, id est, euangelium & doctrina Redemptoris radices agat in vestris cordibus cum omni plenitudine tam amabilis notitiæ, quæ viam ad fruitionem diuinæ visionis sternit, *in omni sapientia*, qua vestra omnia ad verum finem recto ordine dirigatis, hoc est, ad charitatem quæ est legis consummatio & præceptorum quorumcunq; de corde puro, & conscientia bona, & fide non ficta. *Docentes & commonentes vosmetipsos in psalmis, hymnis, &c.* Antiquitus etiam canebant Christiani, & horas cultui diuino conuenientes obseruabant, & choros alternos in Dei Patris & Filij & vtriusque Spiritus laudem & gloriâ. Et ea in psalmodia mirificas spiritus cõsolationes populus Christianus sentiebat. Suggestebantur enim tum interpretationes variorum in scriptura abditorum mysteriorum, quibus & fides roburtior, & charitas ardentior reddebatur, & spes inualecebat modis incredibilibus. Valet item plurimum si quando ingruunt in ecclesiam tyrannorum, seu hæreticorum crudeles persequutiones. Quo vsus est remedio grauissimus ille & intrepidus Antistes Ambrosius, vt populum suum Arrianorum infestationibus pressum retineret in officio. Instituit enim, vt B. Augustinus in confess. lib. testatur, hymnos pio cantu in communi societate ecclesiæ decantandos, quibus piorum afflictorum animi tantis molestiis mirum in modum releuabantur. At quanta cantus indignitas in quasdam ecclesias, & eas quidem primarias sensim inualuerit, dissimulare (fateor) non possum. Vbi multorum nedum gratæ Deo sunt voces, sed vehementer displicent. Labiis solis honoratur Deus: imò verò nec labiis quidem (quod vel in tanta re saltem obseruarent) quoniam quid canant, nequaquam exprimunt. Memini me iam hac de re antea scripsisse. At sapius sunt ista inculcanda vt penetrent tandem aliquando eorum, ad quos eiusmodi animaduersio pertinet, aures: & zelum pro domo Dei, qui cum res agitur, concipiant.

NOTA.

Eph. 5.

*Omne quodcunque facitis, seu feceritis, in verbo, aut in opere: omnia in nomine Iesu Christi, &c.* Hoc præceptum datur omnibus fidem euangelicam suscipientibus, vt cuncta dicta & facta ad Dei gloriam referant. Peccant igitur si secus fecerint: quoniam vita Christiani hominis iam non ea esse debet quæ ludicris, iocis, & otiosis verbis effluere debeat. Serui enim sumus pretio tanto redempti, vt promptissime teneamur & exactissime Redemptoris voluntatem exequi. Portate Deum, inquit alibi, & glorificate in corpore vestro. Nam cū assiduus illius augeamur muneribus & beneficiis, & sine quo esse non possumus, nunquid alienum videri potest, si assiduè gratias agere, & pro modulo nostro referre obligatos nos esse iudicemus? Attamè hæc non actualiter omnique momento ob imbecillitatem mentis ac naturæ nostræ requiruntur: sed habitualiter, & vt meliores Theologi docent, virtualiter, vt nulla sit actio nostra, quam non velimus tendere in gloriam Dei & Saluatoris nostri.

1. Cor. 6.

Habet tamen hæc doctrina aliquot ei repugantes Scholasticos, inter quos extant non leues disputationes, quid statuendum tandem sit. Caieta-

nus hîc negat esse peccatū homini in mortali peccato existenti, si hoc non seruauerit: tantum carere illum merito operis cõcludit: Ne sit melioris conditionis infidelis qui aliqua faciens virtutum opera, qualia sunt reddere depositum, honorare parentes, non peccat. Ex quo sequi videtur, solos hoc præcepto concludi, qui in gratia existant, vt si non impleant, peccare censeantur. Ergo melioris conditionis erit infidelis, quàm in gratia constitutus: quod est absurdissimum. Quod si nec peccatum est existenti in gratia, si secus ac monet Apostolus faciat, ruit B. Thomæ doctrina, qui nullum admittit medium in homine in ratione operis, inter meritum & demeritorium. Quocirca nonnullos existimo minus theologicè hac de re, minusque ad canones scripturarum esse loquutos. Nam pro absurdo illud tenent, cuius oppositum verè, legem Dei meditâtib; videbitur absurdum. Si enim grati esse iubemur: quonam pacto is verè gratus esse poterit, qui non omnes suas vires omni momento saltem virtualiter, vt diximus, intendat in Dei gloriam? Alioqui declaretur nobis præceptum illud: Diliges Dominum Deum tuum ex toto corde tuo, ex tota mente tua, ex tota anima tua, & fortitudine tua, & viribus tuis. Hæc omnia ab Euangelistis inculcantur. Sed hæc quæstio peculiarem tractatum postularer.

Mulieres, subditæ estote viris, sicut oportet, in Domino. Viri, diligite vxores vestras: & nolite amari esse ad illas. Filij, obedite parētib; per omnia: hoc enim placitū est in Domino. Patres, nolite ad iracundiam prouocare filios vestros, vt non pusillo animo fiant. Serui, obedite per omnia dominis carnalibus, nō ad oculū seruientes, quasi hominibus placentes: sed in simplicitate cordis timentes Deum. Quodcūque facitis, ex animo operamini sicut Domino, & non hominibus, scientes quod à Domino accipietis retributionē hæreditatis. Domino Christo seruite. Qui enim iniuriam facit, recipiet id quod iniquè gessit: & non est per sonarum acceptio apud Deum.

*Mulieres, subditæ estote viris, &c.* Hæc fermè omnia ad Ephesios iā exposita sunt. Vbi legimus hoc in loco, *Patres, nolite ad iracundiam*, Græca lectio non habet, *ad iracundiam*, sed potius, ad indignationem. Et quod sequitur, *vt non pusillo animo fiant*. Græcè, ne tristitia animo concidant, aut, ne animū despondeant. Interpres tamen à germano sensu non recedit. Quod itè legimus de seruis, *Dominò Christo seruite*, longè melius Græcè, Dominò enim Christo seruitis: & iungitur superiori præcepto. Vbi perpetuo contra hæreticos notandum, mercedem hîc & retributionē hæreditatis seruis obedientibus promitti. Denique quod legimus, *Qui enim iniuriam facit*. Verius Græcè: *Qui autem iniustitiam facit, &c.* Pleriq; illud ad dominos referunt. Mihi autem ad seruos verius referendum videtur. Est enim clarum quomodo post hæc verba, sermo de dominis



subsequitur: Vt sit sensus, seruos dominis non obediētes iniustitiam facere. Et ob eam causam recepturi sunt quæcunque egerint: nec seruitutis conditione, vel paupertatis pretextu, & fortè etiā dominorum tyrannide excusabuntur. Nam Deus in iudicio personam non accipit.

## CAP. II. III.

**D**OMINI, quod iustum est & æquū, seruis præstate, scientes quòd & vos Dominū habetis in cælo. Orationi instante, vigilantes in ea in gratiarum actione: orantes simul & pro nobis, vt Deus aperiat nobis ostiū sermonis ad loquendum mysterium Christi (propter quod etiam vinctus sum) vt manifestem illud ita vt oportet me loqui. In sapientia ambulate ad eos qui foris sunt, tempus redimētes. Sermo vester semper in gratia sale sit conditus, vt sciatis quomodo oporteat vos vnicuique respondere.

**D**omini, quod iustum est & æquū seruis præstate. Hæc potius cum superioribus iungi conueniret. Porro æquū est, & ita diuina iustitia exigit, vt seruis suppeditentur quæ sunt illorum conditioni necessaria, vt cibus & vestimenta, quo possint sua implere officia. Attentè enim debent, qui illorum sunt domini, cogitare sese non ita absolutos esse Dominos, vt nullum recognoscant longè excellentiorem & supremum Dominum qui est in cælo. Sed pauci sunt admodum qui hoc apprehendant: & propterea cum tanto fastu plerique imperant, ac si homines à Deo eorum pedibus traherentur conculcandi. At hoc in seruos exercere est iniquitas. O quàm tremendam tales visuri sunt statum atque conditionis, cursu vitæ peracto, commutationem, dum multi serui & abiecti homines computabuntur inter filios Dei, modo patienter tolerauerint & cum gratiarum actione temporariam seruitutem, vitiorum minime facti serui, sed dominis cum omni fidelitate reddentes suas operas debitas. Propterea addidit sapientissimè Apostolus, *Dominis carnalibus*, Quasi diceret: In his quæ ad corporis officia pertinent. In his enim quæ ad Deum & Ecclesiam pertinent, liber est animus: nec sunt tunc obedire obligati, quando aliquid contra Deum & Ecclesiam præciperetur. Contra autem, qui generis splendore & opibus ac potentia excellunt, non raro (de malis loquor) sunt vitiorum serui, qui tumidi atque inflati legem Dei & timorem obliuiscuntur, & traduntur illi qui princeps est super omnes filios superbix, vt sint eius, cui inseruierunt, in æternis suppliciis socij. Quod ab omnibus in sublimitate constitutis auertere dignetur Rex pacificus qui non venit ministrari, sed ministrare.

*Orationi instate, vigilantes in ea in gratiarum actione.* Hæc omnia iam sunt à nobis in superioribus epistolis explicata. Restaret vt quæ clarè patefacta sunt, ea factis & operibus nos scire declararemus. Nam scienti bonum & non facienti, peccatum est illi. Vera enim proborum morum scientia ea est

quæ in actione consistit, non in nuda & mera cognitione. In his autè perspicuè cernitur, quàm multi sint qui deficiāt in multis, dum minime cōplent ipso opere, quæ intellectu intelligunt. Illud præter ea rursus animaduertendum, quòd etsi cum omnibus sapiēter & ad proximi ædificationem sit incedendum, potissimum tamen, *ad eos qui foris sunt*, debet diffundi vitæ Christianæ sanctus odor, nimirū ad eos qui sunt extra fidem, vt nostram cōsiderantes sapientiam relictā illā, quam sequuntur, insipientia ad verum omnium Deum, & Redēptorem nostrum Iesum Christum conuertantur & viuant.

Qua in re oblatum tempus, id est, occasione atque opportunitatem vel pretio redimēdam hortatur, ne nobis elabatur è manibus, hoc est, aliquo dispendio captandum sermonem etiam gratiosum & sale conditum (quod indicat prudentem esse & discretum oportere) quo satisfacere vnicuique valeamus de fidei nostræ professione sciscitanti. Vult enim Apostolus ita eos instituere, vt per efficaciam actionum, & sapientiam sermonis ita se gerant, vt omnibus clarum dent testimonium sese illius esse discipulos, qui cœpit facere & docere: & hoc exemplum omnibus sequuturis reliquit.

Att. I.

Quæ circa me sunt, omnia vobis nota faciet Tychicus charissimus frater & fidelis minister, & conseruus in Domino: quem misi ad vos ad hoc ipsum, vt cognoscat quæ circa vos sunt, & cōsoletur corda vestra, cū Onesimo charissimo & fidei fratre, qui ex vobis est: qui omnia quæ hîc aguntur nota facient vobis. Salutat vos Aristarchus cōcaptiuus meus, & Marcus consobrinus Barnabæ (de quo accepistis mādāta, si venerit ad vos, suscipite illū) & Iesus qui dicitur Iustus: qui sunt ex circumcisione: hi soli sunt adiutores mei in regno Dei, qui mihi fuerunt solatio.

*Quæ circa me sunt, &c.* Nihil est in his verbis difficultatis. Nisi ipsa fortè nomina contineāt aliquid arcani. Nam epistolam per Tychicum & Onesimum fuisse missam manifestum est. Vtrunque autem illis commendat, ostendens Tychicum corda illorum præsentī sermone recreaturum, qui fidelis erat minister & conseruus in promouendo euangelio. Eadem propemodum ad literam scribuntur in epistola ad Ephesios. Onesimum insuper addidit, & vnum ex illis, hoc est, Colossensem indicat. Dignum autem consideratione videtur, quanto affectu de eodem loquatur Apostolus, quem testificatur sibi charissimū, & fidelem fratrem. In cuius gratiam peculiarem scripsit ad Philemonē epistolam paterni amoris plenissimā, licet herum aliquando offendisset. Vt perpendamus quàm sit ingens Dei erga lapsos homines beneficiū, quum ad pœnitentiam & meliorem frugem reuocandi, perducuntur ad viros pietate ac discretionē præditos. Hūc posuit in vinculis lucratus est Apostolus, & ita conuertit vt de fugitiuo & fraudulento seruo in sequacē & fidelissimum nō iam hominis, sed Christi vtilem seruum conuerterit. Et ob eam fortassis



Rom. 5.

causam efficaciori testimonio Colossensibus commendat, ne vlla prorsus prioris erroris suspitio in eorum mētibus de Onesimo resideret. Hæc enim est admirabilis euangelicæ virtutis præstantia, vt multi publicani & peccatores præcedant in regno eos, qui ita peccatis non videntur onusti. Nam qui syncrè conuertuntur ad Dominum, vbi abundauit delictum, superabundat & gratia.

Salutat vos Epaphras qui ex vobis est, seruus Christi Iesu, semper sollicitus pro vobis in orationibus, vt steteris perfecti, & pleni in omni volūtate Dei. Testimoniū enim illi perhibeo, quod habet multum laborē pro vobis, & pro iis qui sunt Laodiceæ, & qui Hierapoli. Salutat vos Lucas medicus charissimus, & Demas. Salutate fratres qui sunt Laodiceæ, & Nympham, & quæ in domo eius est, Ecclesiam. Et cum lecta fuerit apud vos epistola hæc, facite vt & in Laodicensium Ecclesia legatur: & ea quæ Laodicensium est, vt vobis legatur. Et dicite Archipo: Vide ministerium quod accepisti in Domino, vt illud impleas. Salutatio, mea manu Pauli. Memores estote vinculorum meorum. Gratia Domini nostri Iesu Christi vobiscum. Amen.

*Salutat vos Aristarchus, &c.* Quemadmodum in omni fermè epistola, ita hîc quoque salutationes inseruntur. Primum ipsius Aristarchi qui simul erat cum Apostolo cōcaptiuus, vir è Thessalonica, quem interpretari possumus, optimū principem, Marcum adiungit expolitum ac tersum per tentationes à rubigine. Hic consobrinus est Barnabæ, qui filius consolationis dicitur: de quo ait eos accepisse mandata. Anceps verò sensus est, num de Barnaba hoc dicatur, an verò de ipso Marco potius. Sed nec magni refert hæc scire. Hunc Marcum expositores esse illum putant, cuius causa tam acris orta fuerat quondam inter B. Paulum & Barnabam contentio, vt separarentur inuicem. At postea reconciliatum cum Apostolo fuisse, hic locus perspicuè probat. Verissimile est enim eundē cum Barnaba maiorem animi fortitudinem cōparauisse, & fortiorem ad subeūda persecutionum pericula euasisse, qui aliquādo formidolosior, teste B. Luca, extiterat & declinauerat. Quapropter Colossenses rogat, si quando veniret ad illos, velint illū cum omni in charitate in Domino excipere.

*Addit, & Iesus qui dicitur iustus.* Non est vsquequaque certum an sit ille Ioseph, seu Ioses, qui ad sortiēdum ludæ proditoris locum fuit ab Apostolis cum Matthea compositus. Non defuerunt qui hunc fuisse Gentilem existimarūt. Verum nomen ipsum manifestè Hebraicū reclamation. *Qui mihi fuerunt solatio.* Hos solos sibi solatio fuisse & secū opatores significat. Mirabile est sanè, quomodo relinquit Deus interdū suos omni ferè humano auxilio destitutos, vt discant veram humilitatē: & ne in tantis aliis herōicis operibus & miraculorū virtutibus, eleuentur, sed humiliantur, quando opus

est, coram Deo & hominibus. Epaphram adiungit consolatorem, cuius & ab initio epistolæ meminerat, quem ait esse Colossensem & vt Onesimū. Ad dit autē quā solebat esse pro illis in orationibus & suspiriis sollicitus. Nam & natura comparatum est, vt ipsius amor patriæ & ciuium ad maiorem curam vrgeat, vt (cæteris paribus) diligentius erga eorum salutem procurandā nos geramus, qui sunt nobis eiusmodi necessitudine coniuncti. Accedebat ad hunc Epaphræ affectum memoria prædicationis suæ, qua Colossenses instruxerat, ne à recta veritatis viā per saltos prophetas, qui nusquam de sunt, abducerentur, & sic in vanum currensset. Vbi cōcionatoribus datur exemplum, non deserendos populos quibus verbum Dei ministrauerint, sed orationibus assiduis fouendos, etiam si sermonis cursus interim sit intermissus.

*Qui sunt Laodiceæ & Hierapoli.* Has ciuitates Colossæ fuisse finitimas ostendit. Salutem quoque illis nomine Lucæ medici charissimi dicit, qui fuit Euangelista, comes B. Pauli indiuiduus. Postremo loco ponit salutem Demam, qui postea diligens licentiosorem sæculi vitam ab Apostolo defecit, quemadmodum ad Tim. conqueritur. Non est satis rectam semel viam ingressum esse, sed cogitandum quot structæ sint ab hostibus mundo, carne & dæmonibus insidiæ, quibus irretitur homo qui cum timore ac tremore salutem suam paulatim negligit operari. Certamus enim nō pro leuibus qui buldam rebus, sed pro ea corona quam maligni vident, & tantopere inuident.

*Salutate fratres qui sunt Laodiceæ: & Nympham, & quæ in domo eius est, ecclesiam.* De hac Nympha nullam legimus alio scripturæ loco factam mentionem. Sed hæc tam honorifica salutatio illam satis superque celebrem reddit, quam religiosam fuisse & honestissimam aliquam matronā accipere debemus, cum & illius domum ac familiam nomine ecclesiæ donet B. Paulus, hoc est, Christianis operibus deditam. Nam & mulierēs ipsæ Christum Dominum & Apostolos facultatibus suis plurimum iuuerunt. *Et cum lecta fuerit, &c.* Illud omnino non suppressendum silentio, epistolas B. Pauli non ad solas, quibus nominatim mittebātur, ecclesias pertinere, sed passim ad omnes: quoniam mores similes vbique esse debent. Quocirca iubet mitti epistolam hanc & legi in ecclesia Laodicensi. Erat autem & alia ex Laodicea, quam vice versā legendam ecclesiæ Colossensium mandat. Quidam putarunt esse quoque ad Laodicenses epistolam, qua nos caremus. Vnam Iacobus Stapulensis curauit in lucem edi. Ego verò notham & suppositam arbitror. Neque enim reuera hîc citat Apostolus epistolam à se ad illos scriptam, sed, ex eo loco, vt Græca lectio porrigit. Vbi non legitur, *Et ea quæ Laodicensium est, quin potius, ea quæ Laodiceæ & vos quoque legite.* Quamobrem aliam epistolam insinuat. Fortè priorem (vt quibusdam placet) ad Timotheum. *Et dicite Archippo, &c.* Optima admonitio, vt scilicet ministeriū (non mysterium) impleat. Crediderim de sacerdotio intelligēdum, vel diaconatu, seu etiam de prædicatione. Non enim patefecit quale ministeriū illud esset. Sed ordinabatur tunc magno cū delectu in ecclesia, nemini citò manus imponentes. Inde turpem cernimus hodierno



die ecclesie faciē, maculis & rugis aspersam, postquam ad sacros ordines irruerunt numerosi & ignari homines citra delectum admissi, qui nedum ministerium per sacerdotij gradum quærunt: sed

contrā, ut vitam otio & torpore & crapulis commodius transigere possint. Domine Iesu miserere nobis & illis.

Amen.

## ARGVMENTVM IN EPISTOLAM B. PAVLI APOSTOLI AD THESSALONICENSES.

**A**postolus hanc ad Thessalonicenses epistolam ex Athenis scripsit, quemadmodum patebit inferius, & longè antè (ut visum est multis) quàm superiorem ad Colossenses scripsisset, & per Tychicum diaconū, & Onesimum acholytum misit. Thessalonica ciuitas erat Macedonia, ad quam reuelatione cœlitus facta, missus fuit Apostolus, ut Euangelium prædicaret. Magnum prædicationis fructum, sicut & ubique locorum & Gentium, apud eos fecit, ita ut fidei & probitatis soliditate cæteras superarent Ecclesias. Perseuerarunt enim in ipsa Euangelij recepta doctrina etiam acerbis persecutionibus afflicti: nec vllō pacto pseudoapostolos audire voluerūt. Hos igitur collaudat, & ad maiorem adhuc bonorum operum faciendum progressum cohortatur. Remouet insuper quorūdam immodicum erga suos mortuos luctum, ea tradens quæ ad resurrectionis spem exigunt. Tum post reprehensam hominum otiosorum & laborare recusantium vitam, subiungit egregias ac salutares sententias, quibus eos in via Dei cautos redat atque instructos.

## COMMENTARIA IN EANDEM EPISTOLAM B. PAVLI AD THESSALONICENSES.

\*



**PAVLVS** & Siluanus & Timotheus ecclesie Thessalonicensium in Deo Patre nostro, & Domino Iesu Christo gratia vobis & pax.

Gratias agimus Deo semper pro omnibus vobis, memoriam vestri facientes in orationibus nostris sine intermissione, memores operis fidei vestræ, & laboris, & charitatis, & sustinentiæ spei domini nostri Iesu Christi ante Deum & Patrem nostrum.



**Q**UAE ad salutationem pertinent, copiose sunt iam aliis locis expostica. Suppressi autem apostolatus rationem esse existimo, quod ad eos scriberet, qui promptissimè obsequeretur monitis, ut iam non tam opus esset auctoritatem proponere, quàm humilitatē apponere. Vbi enim non delinquimus, pares omnes hac in parte sumus. Assumit socios Timotheum & Siluanū quasi epistolæ coadiutores, ad magnam nostram eruditionem, qui si quid sapimus vel operemur, nedum socios admittimus gloriæ nostræ, sed imminui eam arbitramur, si extra nos solos deduceretur. Magna profectò & rara virtus est, ut magna licet opereris magnum te nescias: & manifestam omnibus, tuam te solum latere sanctitatem. Hoc præstat charitas quæ non quærit quæ sua sunt, sed facit omnia communia. Porro sunt qui tradunt Siluanum hunc esse, qui Silas dictus est in Act. Apost. At cum de scripturis eundem fuisse non euincatur, non admodum refert. Quicumque is fuerit, magnus vir certè fuit, cum illum sibi scribenti adiungat Apostolus. In latinis codicibus post illa ver-

ba. Gratia vobis & pax, desunt hæc subsequencia, à Deo Patre nostro & Domino Iesu Christo, quæ passim in Græcis exemplaribus habentur.

Gratias agimus Deo semper pro omnibus vobis, &c.

Agratiarum actione de more incipit. Homo verè Deo gratus, perpetuò beneficiorum memoriam acceptorum in animo versat. Discamus & nos in reddendis gratiis non esse tardos & segnes, non solum pro beneficiis quæ nos ipsi accepimus, sed & quæ toti humano generi contulit Deus Pater, pro omnibus vobis, ait Apostolus. Hoc monebat sapiens: Diligenter, inquit: Considera quæ apponuntur tibi, ut nulla videlicet Dei dona debita gratiarum actione frustrentur non præterita, non præsentia, non promissa, non grandia, non mediocria, non pusilla. Iubemur enim colligere fragmenta ne pereant, id est, nec minima beneficia obliuisci. Ingratitudo, ait deuotus pater Bernardus, inimica est animæ, exinanio meritorum, virtutum dispersio, beneficiorum perditio. Ingratitudo ventus vrens, siccans sibi fontem pietatis, rorem misericordiæ, fluentia gratiæ. Multi quidem numerari possunt, qui vel importunissimè quæ sibi deesse sentiunt, postulant: sed rarissimi qui dignas de acceptis donis gratias agant. Clamabant illi decem leprosi, & omnes sani facti sunt: Vnus tamen solus rediit gloriam Deo daturus. Fœlix qui ad singula gratiæ dona ad eum redit, in quo omnis gratiarū plenitudo consistit, cui dum nos pro acceptis non ingratos exhibemus, locum Largitori gratiæ damus, ut maiora adhuc mereamur accipere. Illi autem facillimè à Deo obrinent, qui non iam vilitatem propriam sectantur: sed salutem aliorum, & euangelicæ veritatis incrementum sollicitè studēt promouere, præsertim apud eos qui persequutiones propter euangelium patiuntur, & sustinēt immoti: quales erant strenui isti Thessalonicenses.

Memores, inquit, operis fidei vestræ & laboris & charitatis, & sustinentiæ spei, &c. Considera ut distin-

Luc. 17.

B. Bernardus.



Et enumerat virtutes Theſſalonicenſium, ad magnam eorum conſolationem & laudem. Tolerabant verò hæc omnia ob ſpem in Chriſto Ieſu ante Patrem reſoſitari, ſperantes ſe ſua ipſorum ſubſtinentia illum tandem lucratuſos & comprehenſuros, iuxta euangelium illis prædicatum, & rectiſſimè ab eis intellectum: quoniam per multas tribulationes perueniendum eſt, non per otioſam fidem, in regnum cælorum.

ſcientes, fratres dilecti à Deo electio nem veſtram, quia Euangelium noſtrum non fuit ad vos in ſermone tantum, ſed & in virtute, & in Spiritu ſancto, & in plenitudine multa, ſicut ſcitis quales fuerimus in vobis propter vos. Et vos imitatores noſtri facti eſtis & Domini, excipientes verbum in tribulatione multa, cum gaudio Spiritus ſancti, ita vt facti ſitis forma omnibus credentibus in Macedonia & in Achaia. A vobis enim diffamatus eſt ſermo Domini, non ſolum in Macedonia & in Achaia, ſed in omni loco fides veſtra quæ eſt ad Deum, profecta eſt: ita vt non ſit nobis neceſſe quicquam loqui. Ipſi enim de nobis annuntiant qualem introitum habuerimus ad vos: & quomodo cõuerſi eſtis ad Deum à ſimulachris, ſeruire Deo viuo & vero, & expectare Filium eius de cælis (quem ſuſcitauit ex mortuis) Ieſum, qui eripuit nos ab ira ventura.

*ſcientes, fratres dilecti, à Deo electionem veſtrā, &c.* Primùm ait ſe ſcire eorum electionem. Non intelligas illam prædeſtinationis electionem: ſed fuiſſe illos peculiariter ad hoc electos vt audirent verbum euangelij, ſicut narrat hiſtoria Act. 16. Nam cum vellent Bithyniam proficiſci, non permisit eos ire Spiritus. Vt autem viſum vidit, ſtatim (inquit B. Lucas) queſiui⁹ proficiſci in Macedonia certi facti quòd vocaſſet nos Deus euangelizare eis. Affert autem pro illius electionis argumento efficaciam multam ſuæ prædicationis: quoniam euangelium illis non per ſermonem ſolū perſuaſit ſed etiam in virtute, ſeu potentia ſignorum, & in Spiritu ſancto, qui mouebat linguam, & aperiebat aures audientium. Vnde plenitudo certitudinis multa. Id enim Græcè, πληροφ ορίαν ολλν, ſonat. Poſſumus & illud, in ſpiritu ſancto, ita intelligere, vt miraculoſè Spiritus deſcenderet ſuper eos, ſicut à principio. Quod ergo ait: in plenitudine multa, ſignificat plenitudinem certitudinis ad confirmandam omninò veram eſſe B. Pauli prædicationem, cui tot ac tanta teſtimonia atteſtabantur. Sed illud ſuper omnia quod in corde proprio ſentiebant: ait,

*ſicut ſcitis quales fuerimus in vobis*, id eſt, inter vos. Sed hoc non propter me, ſed propter vos, in ſalutem veſtram. Hic nempe erat totius prædicationis finis, non Pauli gloria, ſed Dei honor & animarum ſalus. Et commemorans profectum ipſum ſtatim: *Et vos* (inquit) *imitatores noſtri facti eſtis, &c.* Mirabile eſt excipere hoc verbum, & cum verbo ſimul

tribulationem: Cum tribulatione autem in ſuper & gaudium aduenire. Et ne fallatur hæreticus, qui deceptus putat ſe veritatem amplecti cum gaudio declarauit hîc Apoſtolus quale ſit piorum gaudiū nimirum gaudium Spiritus ſancti, quod procedit ex illa plenitudine certitudinis. *Ita vt forma facti ſitis omnibus, &c.* Magnā eorum laudē his verbis perſtringit, qui tam citò, & ſerè eodem tempore diſcipuli extiterint ac ſimul magiſtri. Vnde clarè collitur paratiſſimos eos antea fuiſſe ad recipiendam veritatem, ſi illis prædicaretur: de quibus teſtatur ſcriptura, ſuſcepiffe eos verbum cum omni auiditate, ita vt vicinas ciuitates & loca admiraretur tam repentinam mutationem, & æmularentur ad imitandum eorum prouocati exemplo, qui nullis perſecutionibus à fidei conſtantia recederent.

*Ita vt non ſit neceſſe nobis quicquam loqui.* Et ideo non ſe vocauit Apoſtolum, ſed quaſi vnum ex illis parem: Vt intelligant Præpoſiti dari nonnuncquam tempus & locum non oſtendi authoritatem. Caietanus docet in his tantū duabus ad Theſſalonicenſes epistoſis omiſſam in ſalutatione mentionem apoſtolatus, idque feciſſe propter ſocios quos ſibi adiungit, Timotheum & Siluanum, ne videretur ſe illis præferre, Sed vtrunque meritò non placet. Nō enim primùm aduertit quòd & ad Philippenſes ſcribens non ſe vocauit Apoſtolum. Et tamen ſcribens ad Corinthios & Colofſenſes adiungens ſibi Soſthenem & Timotheum, vocat ſe Apoſtolum. Et ſimiliter in ambabus quas ad ipſum Timotheum. Quare inſtantiis facile perimitur id commenti, vt antea indicauimus. Reliqua non egent expoſitione. Solum animaduertendum id quod poſtrema linea in latinis legitur, *Ieſum, qui eripuit nos*, Græcè melius in præſenti ſcribitur, eripit, vt intelligamus effectum crucis ad redemptionem noſtram eſſe aſſiduū, & ſemper fuiſſe ab initio mundi, & ad finem vſque futurum. Notandum item quod ait, eripit nos ab ira ventura, continere ſubintellectam conditionem, ſi perſeuerauerimus ambulantes in luce, & ſecundū ſpiritu, non ſecundum carnem, in bonis operibus & via mandatorum Dei. Alioqui veniet tremenda ira, quando dicitur: Nefcio vos, diſcedite à me operarij iniquitatis.

*cap. II.*

**N**AM & ipſi ſcitis, fratres, introitum noſtrū ad vos, quia non inanis fuit: ſed antè paſſi multa, & contumeliis affecti (ſicut ſcitis) in Philippiſ, fiducia habuimus in Deo noſtro, loqui ad vos Euangelium Dei, in multa ſolicitudine. Exhortatio enim noſtra non de errore, neque de immunditia, neque in dolo: ſed ſicut probati ſumus à Deo, vt crederetur nobis Euangelium, ita loquimur, non quaſi hominibus placentes, ſed Deo qui probat corda noſtra. Neque enim aliquando fuimus in ſermone adulationis, ſicut ſcitis: neque in occasione auaritiæ, Deus teſtis eſt: nec quærentes ab hominibus gloria,

*Patipof-  
ſunt hereti-  
ci ſed nō in  
ſpiritu ſan-  
cto.*

*Luc. 13.*



neque à vobis, neque ab aliis: cum possemus vobis oneri esse, ut Christi Apostoli: sed facti sumus paruuli in medio vestrum, tamquam si nutrix foueat filios suos: ita desiderantes vos, cupidè volebamus tradere vobis non solum Euangelium Dei, sed etiam animas nostras: quoniam charissimi nobis facti estis.

**N**am et ipsi scitis, fratres, introitum nostrum ad vos, &c. Reuocat illis in memoriam hoc in loco historiam quæ Act. cap. 16. enarratur & 17. ne obliuiscantur mirabilium quæ acciderunt, & quo pacto è mediis passionibus crepti illicò se nouis certaminibus exposuerunt, ut prædicaret eis verbum. Nā quod legitur, *in multa solitudine*, melius redditū fuisset, in multo certamine. Inde probat prædicationem suam non de errore, nō de immunditia, non in dolo factam. Hæc enim tria potissimum sunt, quæ dedecent præconem verbi Dei. Primum decipi intellectu, & non habere veritatis & eorum quæ sunt prædicanda certam plenitudinem. Alterum, etsi veritas, adsit, eam tamen inquire veritatem per affectum temporalium: ut cum prædicatur amore pecuniæ, aut inanis gloriæ. Hæc est enim immunditia, & abominandum simonia cum scelus. Tertium est, quum delectatur homo animas decipere & lucrari sibi: quod est immane & omnino diabolicum. Audi B. Paulum quàm ab iis vitiis abfuerit remotissimus.

*Sed sicut probati sumus à Deo ut crederetur nobis Euangelium ita loquimur.* Mirum videri posset, quomodo dicat se à Deo probatum, antequam tamen prædicaret. Nam in scripturis tum demum probari aliquis à Deo dicitur, quum ipso opere se declarat. Verum attende. Non se absolute probatum fuisse ait, sed probatum hac in re, ut crederetur illi dispensatio & prædicatio euangelij. Vidit enim Dominus Deus sinceram illam Pauli conuersionem, & cor purificatum & ardens amore Christi & zelo. Et in hoc ante Deum probatus fuit ut idoneus ad prædicandum: quod & præstitit, & non fefellit hæc primam Dei (ut ita improprie ac inepte de diuinis loquamur) deprecationem, qui proprie aliter non possumus, ita loquimur, Modestix gratia, nec sine veritate Siluanum & Timotheum sibi adiungit in officio prædicationis socios. *Non quasi placentes hominibus, sed Deo qui probat corda nostra.* Probat autem Deus corda, cum per varias tentationes, quasi aurum per fornacem explorans, facit ut innotescant nobis qualia sint. Videat, quæso, hunc & alios multos huiusmodi locos, qui dubitant an B. Paulus certus esset innocentix & gratix suæ, hærentes soli vni loco ubi dixit: Nō in hoc iustificatus sum. Probat autem superiora, Primum quod non dolo prædicauerit: quoniam non est adulatus illis. Tum quod non immundè, id est, prætextu avaritiæ. Cui rei asserendæ Deum sibi testem adhibet. Nam verum abdita sit intus cupiditas, aliter probari non potest, cum hominibus non pateant cordis arcana, quæ solus Deus scrutatur. Tertio, quod non appetit gloriæ euidēs est: quia nec se gesserunt ut Apostoli Christi, qui iure potuissent exigere ad victum necessaria: sed nihil ab eis, neque ab aliis, ne

eos grauarent, victus gratia quæsiuerunt: ut viderent omnes quàm purè annuntiarent euangelium. Cuius rei gratia peculiarem à Deo expectabant & auctiorem mercedem, ut ad Corinth. ipsemet explanat.

*Sed facti sumus paruuli.* Græcè *ἡμεῖς*, id est, placidi, & lenes. Interpres verò fortè legit, *παιδίσκοι*, id est, paruuli: quanquam & superior dictio significet etiam paruulos: sed aptior est illa prior significatio, & expressior ad mentem Apostoli. Quomodo ergo gloriæ popularis auram captare existimari poterant, qui se eorum contemptibiles abiecta grauitate præbebant? Ob eam causam epistolæ ipsius se ueriores quibusdam post expertam tantam charitatis (ut ita dicam) demissionem videbatur. Quæ perfecta abutebantur subdoli fratres, ut inde auctoritati & nomini illius detraherent, quemadmodum ad Cor. conquestus est. Tanta est enim humana imbecillitas, & ad capiendā verā charitatis præcepta tarditas, ut rudes homines facilius eos sequantur, admirentur, seque illis in prædam dedant, qui vel orationis fucato sermone, vel propositis rebus curiosis & ad salutem nihil iuuantibus prædicant, & cum graui apparatu incedunt. Vide autē quàm suauiter & appositè vtatur similitudine Apostolus.

*Tanquam si nutrix foueat filios.* Quanta nutrices & matres tolerēt interim dum incrementa expectant puerorum, nemini est obscurum: ut nō quoslibet cibos præbere, quin & teneriores adhuc præmanfos inferere in os cogatur, puerorum moribus inservire, risum effingere & gemitum, & quæque grauitatis spernere. Ita se gerebat Apostolus in cursu euangelico: Lac potum dedi vobis, ait quibusdam, non escam: nondum enim poteratis. Erant perfectè Thessalonicenses renati, sed teneri adhuc, non consummati. Amat mater paruulum nutrire: sed eum non amat paruulum remanere, ait B. Augustinus. In sinu tenet, manibus fouet, blanditiis consolatur, lacte nutrit. Omnia facit paruulo, sed optat ut crescat, ne semper talia faciat. Quid bone lector credis in istiusmodi locis dici à nostris nouis sapientibus, qui mox ubi aliquem nacti sunt discipulum, ei nullo præeunte magistro sacras literas obtrudunt: non iis solum qui Latinam linguam tenent, sed passim toti imperitæ multitudini, ut ne minem habeant paruulum. Nullus inter eos reperitur qui duos & prægrandes & peracutos non miserit dentes ad solidum cibum vorandum. Pistor, caupones, lanij, cetarij, tonsores, fabri, publicani & meretrices ad tractandas sacras literas sunt per istos sapientes idonei. In hæc iustam querimoniam venit olim ardens ille defensor fidei sanctissimus Hieronymus. Quid si nunc reuiuisceret, & ira auctum numerum cerneret? Considerate, quæso, populi quem in corpore mystico locum tenetis, & vos more bene natorum puerorum à patribus institui sinatis. Nisi efficiamini (inquit summa Veritas) sicut paruuli, non intrabitis in regnum cælorum. Audite quid B. Augustinus de suis temporibus testetur, quomodo non sunt omnia populis referenda, sed tantum pro illorum captu & utilitate ad salutem: ait. Hoc à magnis & spiritualibus viris ecclesiæ catholice alūnis video cautissimè prouideri, ne quid populariter agant, quod nondum esse temporis ut eum populo agatur, intelligunt.

1. Cor. 9.

Hæreticorum  
erga popu-  
los licentia

Matth. 18.

B. Aug. in  
lib. De ve-  
ra religio-  
ne:



Alimenta lactea largè auidis infirmioribus pluribus atque instantèr infundunt: validioribus autè cibis cum sapientibus paucis vescuntur. Sapientià enim loquuntur inter perfectos: carnalibus autem & animalibus, & quamvis nouis hominibus, adhuc tamen paruulis, nonnulla obtegunt, sed nulla mentiuntur. Non enim vanis honoribus suis consulunt & inanibus laudibus, sed vtilitati eorum cū quibus societatem vitæ huius inire meruerūt, &c. At nunc sacri libri in popinis & officinis, hæreticorum licentia, manibus omnium teruntur, verius pedibus conculcantur. Hæc obiter dicta sint propter malitiam temporum, quando perijt vera & christianis populis ac filiis ecclesiæ matris digna simplicitas, regnat vbique arrogantia.

*Volebamus tradere vobis non solum Euangelium Dei, sed etiam animas nostras.* O charitas sancta, quantas vires in eorum cordibus, qui abs te possidentur, habes. Nullum potest maius vero euangelicæ gratiæ prædicatori adesse gaudium, & eis qui bene præfunt, quàm dum animaduertūt sibi commissas plebes rectam veritatis viam cum fructibus bonorū operum, ad in Deum pietatis citra offendiculum tenere. Hoc & de se testabatur Dilectus. Maiorem horum, ait, non habeo gratiam, quam vt audiam filios meos in veritate ambulare. Contra autem, supra modum affliguntur Sancti, quum eorum ruinam vident & corruptionem cum fidei, tum proborum morum. Propterea Moses de libro viuentium deleri, & Apostolus anathema fieri optabāt. Quàm optarem & ego vt Antistites omnes, & verbi diuini cōcionatores hæc quotidiana ruminatio ne tererent, seque ipsos seriò probarent, num tales sibi videantur, qualem se eis Apostolus in exemplum proponit, vt non dubitent animam propriā pro animabus impendere. Si quis ita se paratum sentiat, gaudeat & exultet in Domino. *Qui* secus, saltem caueat ne errore feratur & ignorantia, ductus humanæ gloriæ cupiditate atque immūditia. Quibus vitiis si tenetur implicatus, maturè cogitet quo suffundendus est pudore, quando coram Deo & Angelis eius minimus censebitur in regno cœlorum.

Memores enim estis, fratres, laboris nostri & fatigationis, nocte & die operantes, ne quem vestrū grauaremus, prædicauimus in vobis Euāgelium Dei. Vos testes estis & Deus, quàm sanctè, & iustè, & sine querela vobis qui credidistis, affuimus: sicut scitis qualiter vnumquemque vestrum, sicut pater filios suos, deprecantes vos, & consolantes, testificati sumus vt ambularetis dignè Deo, qui vocauit vos in suum regnum & gloriam.

*Memores enim estis, fratres, laboris, &c.* Clarus textus: Solum vitium & mendum in scriptura notandum est. Vbi enim legimus, *Nocte & die*, scribendum est, *Nocte autem & die*, vt appareat superioris dicti ratio, videlicet quod non fuerit illis sumptui nec oneri. Et præterea vbi legitur, *Qui credidistis*, scribendum est, *Qui creditis*. Similiter quod legitur, *Qui vocauit*, legendum est, *Qui vocat*, temporis præsentis, non elapsi. Nā vocatio Dei assidua est. Nec

tamen prætereunda est admonitio illa aliis in epistolis inserta: Vt ambulant dignè Deo, aduersus eorum errorem qui falsò putant non posse hominem ea agere quæ conueniunt statui nostro, digna Deo, & quæ placeant illi vt respiciat & remuneret. Non quasi sint condignæ passionibus comparata: ad solam mercedem, cum merces sit æterna, passionibus verò momentaneis: sed quoniam sunt tales secundum vigorem & pactum Dei, vt queant maiestatem inclinare diuinam ad remunerandum dignè se & nobis, quos filios fecit: si modo vt eius filij obedierimus illi & Christo Filio eius, quæ nobis Dominum & fratrem constituit, vt Dei simus hæredes, Christi autem cohæredes.

Ideo & nos gratias agimus Deo, sine intermissione: quoniam cū accepissetis à nobis verbum auditus Dei, accepistis illud non vt verbum hominum: sed (sicut est verè) verbum Dei, qui operatur in vobis qui credidistis. Vos enim imitatores facti estis; fratres, Ecclesiarum Dei, quæ sunt in Iudæa in Christo Iesu: quia eadem passi estis & vos à contribulibus vestris, sicut & ipsi à Iudæis, qui & Dominum occiderunt Iesum, & Prophetas: & nos persequuti sunt, & Deo non placēt; & omnibus hominibus aduersantur, prohibentes nos Gentibus loqui, vt salui fiant, vt impleant peccata sua semper. Peruenit enim ira Dei super illos usque in finem.

*Ideo & nos gratias agimus Deo sine intermissione, &c.* Nec opus hic est expositione. Solum noetur, illos accepisse à B. Paulo euangelium vt Dei non vt hominis verbum, sicut verè erat. Et in hoc Deū esse cooperatum, non solum in Paulo dicente & prædicante, sed etiam in illis audientibus & accipientibus. Vnde ait, *Qui & operatur in vobis qui creditis*: sic enim Græca lectio habet, & hoc in Pelagianos. Aduertendum item peculiariter laudari Thessalonicensium ecclesiam, vt qui imitati essent ecclesias Dei in Iudæa. Quo in loco ego puto (licet id non clarè exprimat) multos Thessalonicensium semetipsos expoluisse proprietate omnium bonorum, & vitam regularem propter Christum professos: quemadmodū ab initio fecit ecclesia in Iudæa, vt in Act. Apostolorum legitur. Quotquot enim possessores agrorum aut domorum erant, vendentes afferebant pretia eorum quæ vendebant, & ponebant ante pedes Apostolorum. Vbi memorabile est iudicium in eos qui de pretio fraudare tentarunt, in quos, repentina Dei vltio manifestata est. Decuit enim vt forma perfectæ euangelicæ vitæ ibi primū institueretur, vnde primò egressum est verbum, vt fuerat in prophetis prædictum: Ex Sion exhibit lex, & verbum Domini de Ierusalem: quia salus ex Iudæis est.

Quo magis mirādum, qua fronte hæretici, qui se inniti scripturarum testimoniis tanta ostentatione iactant, hoc vitæ genus adeo impudenter audiant detestari. Comparat verò illos B. Paulus manifestè cum fidelibus veris Iudæis, quantum atti-

Ioan. ep. 3.

Nota.

Act. 4.



De reproba-  
tione.  
net ad persecutiones à contribulibus illatas. Vbi & notandum quod ait peruenisse in Iudæos iram Dei usque in finem, id est, usque ad perfectum & consummationem, ut intelligantur illi persecutores reprobati omnino à Deo. Hoc est enim in eos peruenisse iram Dei usque in finem. Intellige autem reprobationem non perinde esse atque predestinationem. Hec enim sine vllis prorsus meritis: illa verò non sine propriis demeritis. Manet autem similiter ira Dei in eorum filios usque in finem, id est, usque in vltima mundi sæcula, quando conuertentur ad Deum, & auferetur velamen, postquam efferverit ira eius: quæ eò debet esse diuturnior, quò criminis aduersus Redemptorem admissi culpa fuit grauior.

Nos autem, fratres, desolati à vobis ad tempus horæ, aspectu, non corde: abundantius festinauimus faciem vestram videre cum multo desiderio: quoniam volumus venire ad vos, ego quidem Paulus, & semel & iterum, sed impediuit nos satanas. Quæ est enim nostra spes, aut gaudium, aut corona gloriæ? Nonne vos ante Dominum nostrum Iesum Christum estis in aduentu eius? Vos enim estis gloria nostra & gaudium.

*Nos autem fratres desolari.* Interpres noster vertere elegantius potuisset, *orbati*, Vbi assiduum ostendit affectum quo erga illos totus accendebatur, ita ut cum maximo desiderio tentauerit iterum atque iterum ad illos redire, hoc est, quod latine dicitur, *festinauimus*, Sed aptius dicendum erat, *studuimus*, seu conati sumus. Cur autem proficisci non potuerit, causam assignat, *Sed impediuit nos satanas*. Vide admirabilem Dei providentiam, quomodo per mittitur satanas interdum impedire cogitationes sanctorum, nec propterea impediri voluntatem Dei, nec profectum euangelij. Decipitur enim sæpe infelix satanas dum & obtinet quod ipse vult: quoniam & totum in caput eius reuoluitur. Non sine causa quodam in loco agebat, non esse sibi aduersus carnem & sanguinem colluctationem: sed aduersus principes tenebrarum & nequitiae, cursum prædicationis euangelicæ toto furore percitos interrumpere laborantes. Denique quod dixit, *Nonne vos*, Rectius, *nonne & vos?* Ut & alias simul ecclesias includeret, quas ipse Christo acquisiuit. Tunc enim in aduentu Domini apparebit: & magnum ex Thessalonicensium procurata salute & parta, gaudium, & corona, & gloria B. Paulo, quasi tunc triumphanti. erit coram Angelis & hominibus. Nam & ipse triumphas & triumphati, & spectatores triumphi gaudebunt, & gloriam Deo decantabunt in sempiterna felicitate collocati, vbi iam non erit amplius neque luctus, neque dolor, sed nec vllus ætus: quoniam priora transierunt, quorum memoria maximam iucunditatem afferet per tanta pericula euasisse ad portum tranquillitatis æternæ deuictis mundo, carne, & dæmonibus per gratiam Redemptoris.

**P**ROPTER quod non sustinentes amplius, placuit nobis remanere Athenis solis: & missimus Timotheum fratrem nostrum, & ministrum Dei in Euangelio Christi ad confirmandos vos, & exhortandos pro fide vestra, ut nemo moueatur in tribulationibus istis. Ipsi enim scitis quòd in hoc positi sumus. Nā & cum apud vos essemus, prædicebamus vobis passuros nos tribulationes, sicut & factum est, & scitis. Propterea & ego amplius non sustinens, misi ad cognoscendam fidem vestram, ne fortè tentauerit vos is qui tentat, & inanis fiat labor noster.

*Propter quod non sustinentes amplius, &c.* Ostendit crebrò Apostolus suum timore & amore (ut verè amantibus accidere solet) permistum desiderium, qui illis potius quàm sibi ipsi consultum volens, maluit consortio priuari clarissimi fratris, nempe Timothei, ut eius præsentia Thessalonicenses confirmarentur in fide, nullisque tentationum, seu persecutionum procellis ab eo qui tentat mouerentur. Nam & eosdem iam inde ab initio commonefecerat: & persecutiones futuras longè antè prædixerat, ne cum excitarentur, quicquam eis nouum appareret. Hac enim prima instructione muniendi sunt, quicumque dant christianæ militiæ nomen, Fili, ait Sapiens, accedens ad seruitutem Dei, sta in iustitia & in timore Dei, & præpara animam tuam ad tentationem. Data est regula neminem prorsus excludens: Omnes qui pie volunt viuere in Christo Iesu persecutionem patientur. *Ne fortè tentauerit vos is qui tentat.* Satanam antiquum serpentem intelligit humanum genus capitali & veteri odio prosequentem, ad fallendas nedum incautas animas ac præcipitandas instructum, quin & sanctos homines interdum: ut maximo sit timore opus ad eludendas eius astutias. Neque enim est potestas super terram quæ valeat ei comparari. Perambulat terram, & circuit querens quem deuoret. Sed fide illi resistitur: & per veram humilitatem prosternitur superbus ac vincitur. Perpende autem tropum dicendi, & quo appelletur nomine ab Apostolo, is qui tentat. Propria etenim diaboli est ardentare, quam multis sæculis exercere non cessat, & semper ad ruinam nostram. Huius Maligni cogitationes minime ignorabat Apostolus, propterea tanta solitudine tenebatur, ne aliquas oues fur raperet, & mactaret.

Verum huiusmodi locis abuntuntur hæretici ad leniendas persecutiones, si quando in eas inciderint, quas & plerunque iri suscitatas (quod quidem videre est per facile) prænuntiant, mentitoque persecutionum verarum nomine vestiunt. At latissime patet inter persecutiones, & animaduersiones discrimen. Illæ enim aduersus iustos homines ac pios Dei seruos iniustæ sunt, & crudelitatis plenissimæ per tyrannos contra veritatem. Insonantes autem & gregem Domini contaminantes hæreticos, animaduersiones piæ sunt, iustæ & à sancto zelo veritatis, qui Deo est gratissimus, profe-

Eccl. 2.

2. Tim. 3.

Iob 1. &amp;

41.



De perfec-  
tionibus  
quas hereti-  
ci patiuntur.

B. Bern. in  
cat. ser. 66.

Atque. Alioqui & grassatores viarum ac latrones, & quilibet flagitiosi homines, cum huiusmodi hereticis sese in persecutionibus, quas merito patiuntur, solari possent, si causam pro arbitrio fingere liceret. Patiuntur itaque ob apostasias haeretici, & velut perturbatores tranquillitatis catholicae ecclesiae, in qua vivere superbi nolunt. Placuit & verba deuoti & coelitus docti patris Bernardi adiungere, quibus eleganter ostendit quam fatilis sit ista tergiuersatio. Exorti sunt enim eo tempore quidam infami homines, in quos populus perspecta illorum atque cognita impietate irruens truncavit: subsequuntur haec verba Sancti Abbatis & ea (qui non credunt) notent: Mirabantur aliqui quod non modo patienter, sed & laeti, ut videbatur, ducerentur ad mortem. Sed qui minus aduertunt quanta sit potestas diaboli non modo in corpora hominum sed etiam in corda, quae semel permissus possederit. Nonne plus est sibi met hominem iniicere manus, quam id libenter ab alio sustinere? Hoc autem in multis potuisse diabolum frequenter experti sumus, qui seipsos aut submerserunt, aut suspende-runt. Nihil ergo simile habent constantia Martyrum, & pertinacia horum: quia mortis contemptum in illis pietas, in istis cordis duritia operatur. haec ille. Et verè mundus ignorat quanta Deus permittat ob peccata vulgi, ut quodam filios & filias immolauerint aliqui demoniis.

Nunc autem veniente Timotheo ad nos à vobis, & annuntiante nobis fidem & charitatem vestram, & quia memoriam nostri habetis bonam semper, desiderantes nos videre, sicut & nos quoque vos: ideo consolati sumus, fratres, in vobis in omni necessitate & tribulatione nostra per fidem vestram: quoniam nunc viuimus, si vos statis in Domino. Quam enim gratiarum actionem possumus Deo retribuere pro vobis in omni gaudio, quo gaudemus propter vos ante Deum nostrum, nocte ac die abundantius orantes, ut videamus faciem vestram, & cōpleamus ea quae desunt fidei vestrae. Ipse autem Deus & Pater noster, & Dominus Iesus Christus dirigat viam nostram ad vos. Vos autem Dominus multiplicet, & abundare faciat charitatem vestram in inuicem & in omnes: quemadmodum & nos in vobis ad confirmanda corda vestra sine querela in sanctitate ante Deum & Patrem nostrum, in aduentu Domini nostri Iesu Christi, cum omnibus Sanctis eius. Amen.

Nunc autem veniente Timotheo ad nos à vobis, &c. Singulares indicat Apostolus & admirabiles in illos charitatis affectus: qui digniores consideratione sunt & imitatione, quam vlla alia expositione. Hos autem nemo ante capere rectè potest, nisi & ipse toto corde passus amando fuerit. Veram ille quidem experiretur sententiam, qua dicitur: Anima plus est ubi amat, quam ubi animat. Langue-

bat Apostolus, non vivebat, quandiu ignarus erat quo in statu res eorum essent. Ob eam causam adiunxit: Quoniam nos viuimus, si vos statis in Domino. quasi diceret: Siquis mihi nuntiaretur vester lapsus, & à sancto edificio ruina, omni morte acerbius me cruciaret. Propterea nullum tempus intermitto neque diurnum neque nocturnum, quo de vobis non cogitem, quo vos suspiriis ad Deum & orationibus non iuuem, ne quando Malignus gloriatur & dicat: Praualui aduersus vos.

Ipse autem Deus & Pater noster, & dominus Iesus Christus dirigat, &c. Erumpit tandem in optimas preces quae diluciditatem per se, & efficacissimam insuper vim continent ad euertendam falsam illam, & Dei gratiae inimicam eorum doctrinam, qui dum turpiter vivere volunt ipsi, & peccatorum sordibus sordescere perpetuis, negant quoniam posse inculpate vivere. Ut frustra Apostolum velint monuisse, & orationibus apud Deum, postulauisse, ut Thessalonicensium charitas abundaret in dies, & corda illorum confirmarentur ante Deum sine querela, hoc est, ut nihil super sit damnatione, dignum, quando venturus est Dominus cum Sanctis suis ad iudicandum. Nam Sancti ipsi nedum iudicabuntur, sed cum summo Iudice ad iudicandos alios affidebunt. Sicut scriptum est: Iudicabunt sancti nationes. Hoc sequentibus se pollicitus est Dominus aiens: Amen dico vobis quod vos qui reliquistis omnia, & sequuti estis me, sedebitis super sedes duodecim iudicantes duodecim tribus Israel.

#### CAP. II. III.

**D**E cetero ergo fratres, rogamus vos, & obsecramus in Domino Iesu, ut quemadmodum accepistis à nobis quomodo oporteat vos ambulare, & placere Deo, sic & ambuletis, ut abundetis magis. Scitis enim quae praecepta dederim vobis per Dominum Iesum. Haec est autem voluntas Dei, sanctificatio vestra: ut abstineatis vos à fornicatione, ut sciat unusquisque vestrum vas suum possidere in sanctificatione & honore: non in passionis desiderij, sicut & Gentes quae ignorant Deum. Et nequis supergrediatur, neque circūueniat in negotio fratrem suum: quoniam vindex est Dominus de iis omnibus, sicut praediximus vobis, & testificati sumus. Non enim vocauit nos Deus in immunditiam, sed in sanctificationem. Itaque qui haec spernit, non hominem spernit, sed Deum: qui etiam dedit Spiritum suum sanctum in nobis.

**D**E cetero ergo, fratres, rogamus vos, &c. Hic incipit Beatus Paulus ea tractare quae ad morum sanctorum instructionem spectant, rogans eos ut velint eam viuendi formam tenere, quam praesens illis tradiderat, nimirum ut in hac peregrinatione sedem stabilem perpetua memoria apprehenderent non esse figendam: sed eos ambulare



*Ap. 11.* bulare alacriter oportere in via mandatorum Dei, ut meritum magnitudine copiosius & numero abundarent. Idem præceptum dat in Apoc. Dilctus: Qui iustus est, iustificetur adhuc. Sic Deo grati sumus, præmiumque ac laudem ab eo pro benefactis cumulatissime referimus.

*Luc. 10.* Scitis enim quæ præcepta dederim vobis per dominum Iesum. Aut potius, dederimus, ac si, dixerit: Quæ vobis præcipimus, ea in autoritate quam dedit nobis Dominus, præcepimus, quoniam dixit: Qui vos audit, me audit: & qui vos spernit, me spernit. Nec pro arbitratu hæc præcepta damus, quasi non sint cum diuina voluntate coherentia. *Hæc est autem voluntas Dei sanctificatio vestra*, id est, munditia & puritas corporis & animi, quæ acquiritur & conseruatur obseruata hac conditione, ut abstineatis vos à fornicatione. Hoc in errore versabatur Gentiles, ut simplicem fornicationem sibi persuaderet nullam habere peccati rationem, sed culpa vacare. Hunc perniciosum errorem voluit tollere Apostolus, quo Deus offenditur, cuius voluntas est, *ut sciat unusquisque vestrum vas suum possidere in sanctificatione & honore*. Ecce quomodo corpus nostrum veluti vas quoddam considerandum est, in quo collocatur animus & includitur, cuius est cœlestis origo. Præsertim autem postquam in baptismo ab omnibus sordibus purgatus, est mundus effectus, à nouo carnis inquinamento abhorreere tenetur. Dicere cum Sponsa in Cant. debet aduersus omnem immundam cogitationem: Expoliaui me tunica mea, quomodo induar illa? Inquinantur verò quando distrahitur homo, & alienum fit incipium. At hoc potissimum per fornicationis vitium admittitur. At ne sciris (volens à tanta turpitudine auertere Corinthios Apostolus) nescitis, inquam, quoniam qui adheret meretrici, unum corpus efficitur? Fugite fornicationem, qua corpus redditur meretrici obnoxium, & dedecore tanto afficitur: quod tamen possident cum omni sanctificatione & honore propter ipsum animam, in quo inhabitare, si purus fuerit, Spiritus sanctus dignatur, & addit:

*Non in passione desiderij, seu concupiscentiæ, quæ si permittatur exire foras, operatur mortem sempiternam.* Itaque possidetur vas animi, nempe ipsum corpus cum honore dum in libertate (sub imperio tamen rationis & spiritus) manet, nec finitur obligari alteri non legitimo membro: quæ quidem obligatio per fornicationem contraheretur. Hanc ad Corint. ca. 6. vberius explicauimus. *Sicut & Gentes quæ ignorant Deum.* Hoc laborabant vitio passim Gentes, non existimantes illud peccatum esse, quod vere peccatum erat apud Deum. Sed in tenebris ambulantes, videre non poterant euangelicæ puritatis splendorem. Non enim considerabant nos esse Dei templum, & Spiritus sancti domiciliū. At ipse absolutissimæ munditiæ Spiritus habitare non potest nisi templum sanctificatum ac mundum. Animus autem quomodo mundus dici potest, si corpus immundum habet? Sermo præsens de spirituali non de corporali munditia institutus est. Nam corpus tersum atque nitidum, sordido existente animo atque vitioso, nihil penitus prodest.

*Et ne quis supergrediatur, neque circumueniat in negotio fratrem suum.* Non desunt qui hoc præceptum

ad solum restringant adulterium. At reuera omne prorsus iniustitiam prohibet, quæ vel potentia exercetur, seu oppressione (hoc enim supergredi est) Aut etiam dolo, & tunc circumuenire dicitur is qui ita se gerit fraudulenter. *Quoniam vindex est Dominus de his omnibus, sicut prædiximus vobis, & testificati sumus.* Quoniam non facile superbi homines, & auari negotiatores ab animi elatione, & quæstus auiditate auelluntur, nisi ostenso diuinæ ultionis flagello, quo veluti canes ad cadauera alligati ab huiusmodi ingluvie abigantur, tremendam exprefit Apostolus sententiā, ut qui amore iustitiæ proximum iniuria afficere non oderunt, supplicij saltem metu deterreantur: quoniam vindicem Deum ostendit, & illum quidem seuerum in eos futurum, qui ante moniti respicere tamen noluerint. *Horrendum est enim incidere in manus Dei viuentis*, ob summam eius & inflexibilem tunc æquitatem, qua de omnibus iudicaturus est, ut nedum fraudes & grauiora quæque peccata damnet, sed nec verbum otiosum impunitate donabit. Nec cuiquam patere poterit euadendi locus, cum sit ille supremus Dominus & solus. Nec vllam afferre licebit honestam sese excusandi rationem. Ipsemet primum commonefecit, & per Apostolos ac prædicatores prædictum nobis insuper fuit: qui hanc benignam Dei erga mentis nostræ integritatem ac sanctificationem esse testificati sunt, & non verbis nudis, sed signis atque virtutibus omnique necessaria miraculorum ostensione ita comprobant, ut nullus eis nisi impius refragari potuerit. Nam vel ipsa naturalis ratio, cessantibus miraculis, hanc prædicationem vltro amplecti debuit: quanto magis confirmatam miraculis?

*Non enim, inquit, vocauit nos Deus in immunditiam.* Quid hoc amabilius, & præstantiæ naturæ nostræ magis consentaneum, ut semper ad altiora aspiremus, & iam Dei ciues effecti incipiamus eam comparare & augere munditiam, quam post in cœlis adipiscemur ab omni parte perfectissimam? Ad hanc vocauit nos Deus, non in immunditiam: ad quam impellit Spiritus immundus, instigans homines ut passionibus carnis & desideria sequantur, quæ animum & corpus impurum reddunt. Deus autem sanctus ipse vult ut nos quoque, si eius filij esse volumus, sancti simus? Sancti estote, ait, quoniam ego sanctus sum Dominus Deus vester. Sanctus ille quid est in seipso & per seipsum, qui non habet quicquam aliunde purius, per quod possit sanctificari. Nos contra immundi per nos ipsos sumus, nec possumus aliter quam per illud omnis sanctitatis fontem, & illius munere sanctificari: quod fit per amorem cœlestium non terrenorum, quibus opprimitur potius spiritus quam iuuatur. Nam cui promissa sunt diuina, eidem vilescere debet quæcunque fluxa atque caduca. Cōcludit itaque Apostolus qua reuerentia excipienda sint hæc, & qua autoritate innituntur: quoniam Christi ipsius doctrinam referunt qui Deus est verus, & ita censuit. Qui si ita non expressis verbis docuisset, non minoris propterea essent authoritatis apostolica verba: & qui ea sperneret, non hominem sperneret, sed Deum. Cur ita? Audi perspicuam rationem:

*Qui dedit Spiritum suum sanctum in nobis, id est, auctoritatem præcipiendi ad ecclesiæ ædificationem,*

Hebr. 10.

Matt. 12.

Leuit. 19.



Luc. 10.

Pro tradi-  
tionibus  
maiorum.

Quocirca Dominus: Qui vos spernit, inquit, me spernit. Ego enim ipse sum qui misi Spiritum sanctum in vos. In hunc modum: Qui me spernit, non me spernit, sed illum qui me mittit. Huius sententiae pōdus aliquot ex Christianis non pōderant, quantum sit fidei & reuerentiae his tribuendum, quos Dominus in ecclesia superiores constituit, & aliorum doctores. Hæretici autē omnes artificio satanę semper hoc primū in introducendis hæresibus moliti sunt, ut traditiones, & Prælatorū præcepta spernerent ipsi, tum populis tanquā doctrinas hominū & mandata spernenda pariter persuaderent. Quo iacto fundamento turrim babylonicam altissimā & superbissimā fastigia erigere potuerunt. Nam sublata traditionū autoritate quid certi inter Christianos potest remanere? Nonne ecclesia ipsa diuturno tempore vixit solis traditionibus Apostolorum & Seniorum? Euangelia siquidem aliquot post Domini ascensionem annos conscripta fuere, & variis temporibus, diuersisque locis. Nec ullam nos habemus scripturā nisi per traditiones, quas qui negat, omnes scripturas in dubiū vertit. Nolunt intelligere prauī homines quam tradebāt conuersis ad fidem populis regulā Apostoli. Num ut contemnerentur quæ à maioribus tradebantur, tāquam nullius essent authoritatis, sed ut ad euangelia confugerent? At nondum scripta erant euangelia ut diximus, ab initio. Ad veterem scripturam isti non remittunt suos discipulos, qui eam volunt ad solos Iudæos pertinere. Audi igitur pie lector, quid pro re solida tandem ciuitates lustrantes ipse B. Paulus & socij commendabant: ait scriptura,

Act. 16.

Cum autem pertransirent ciuitates, tradebant eis custodire dogmata quæ erant decreta ab Apostolis & senioribus, qui erāt Ierosolimis. Ecce doctrina primitiue ecclesię, ad quam tamē isti impudentes non verentur nos aliquando prouocare contra traditiones ecclesiasticas & decreta: quarum meliorem partem inde ad nos profectam defendimus. Eas autem omnes floccifaciunt, & mandata hominum vocant. Hanc tergiuersationem prauit Apostolus in spiritu, & hæretico respondet: Qui hæc spernis, non homines, sed Deum, cuius Spiritus datus est Apostolis & eorum successoribus ad regendam ecclesiam in rectitudine veræ fidei, & sanctorum morum vsque ad consummationem sæculi. Quorum vitam si contingat cum doctrina sana aliquando pugnare, minime te, quod minus obedire tenearis, excusat. Tibi ab ipso meto Domino occursum est, omnia vitia proponente quæ à reddenda Prælatis obedientia liberare videbantur. Addidit enim clarissimis verbis: Quæcunque ergo dixerint vobis, seruare & facite. Scio enim eorum plerosque docere, & non facere. Nota hæc hæretice, & bona confusione, ne vltius sis hæreticus, confundere. Non me fugit in quibusdam codicibus legi, *qui dedit Spiritum suum sanctum in vos*, non, *in nobis*, & in eundem sensum exponi potest: ac si dixerit: Qui dedit ad hunc finem nobis Spiritum, *in vos*, id est, erga vos ut vestrum in fide progressum procuraremus, & in spe atque charitate ad acquisitionem regni cœlestis.

Matt. 23.

De charitate autem fraternitatis non necesse habuimus scribere vobis: ipsi enim

vos à Deo didicistis, ut diligatis inuicem. Etenim illud facitis in omnes fratres in vniuersa Macedonia. Rogamus autē vos, fratres, ut abūdetis magis: & operam detis ut quieti sitis, & ut vestrum negotium agatis, & operemini manibus vestris sicut præcepimus vobis: & ut honestē ambuletis ad eos qui foris sunt, & nullius aliquid desideretis.

*De charitate autem fraternitatis, non necesse habemus scribere vobis.* Magna præceptoris felicitas, promptos habere, & obtemperantes discipulos. Cum essent sponte sua propensi Thessalonicenses ad proximorum dilectionem fouendam, testatur superuacaneum esse hac de re habere sermonem, quoniam ipsi iam à Deo hoc didicerant tum verbo atque Christi exemplo, tum interna per Spiritum infusa charitate, quam re ipsa declarabant in vniuersa Macedonia. Pergit tamen Apostolus, nec hortari desistit ut in dies fiat semper aliqua maioris lucris accessio, non ignorans eum qui inceperit & perseverauerit vsque in finem, non autem qui tantum inceperit, coronatum iri.

Adiungit & alia præcepta cum salutaria, tum etiam ad retinendam mutuam animorum concordiam & voluntatum apprimē necessaria, *ut quieti sitis*, nullas concitantes rixas inter fratres, nec quicquā mouentes, quo susurrations inter vos & murmurationes exoriantur. Ad quod præstandum vtilissimum est documentum istud: *Et ut vestrum negotium agatis, & operemini manibus vestris*, hoc est, ne vos interferatis alienis rebus, nec curiosē ea scrutemini quæ ad vos nihil pertinet: sed vnusquisque sibi attendat, solummodo proximum iuuare consilio & facultatibus sit paratus, si quādo charitas postulauerit. Sunt enim plerique ita curiosi ut nihil à quoquā dici aut fieri possit, quod anxie rescire non studeant, seipsos interim & sua perniciosē negligētes.

Quod verò ait, *operemini manibus vestris*, tanē intelligendum est ob inueteratum hæreticorū in ecclesiasticos viros, & religiosos Patres odium. Neque enim hoc præceptum datur omnibus. Nam digniores qui curam multitudinis, & sacramentorum ministrātorum habebant, ad hunc manuum laborem exercēdum minime erant obligati. Nam his fructuosior laborandi ratio, & item nunc Religiosis viris, præsertim doctoribus & prædicatoribus relinquitur, in studiis, orationibus, & aliis spiritus exercitiis, quæ corporalibus præferēda sunt.

*Et ut honestē ambuletis ad eos qui foris sunt.* Non enim vno tantum modo fideles Gentibus prædicant: Compositio proborum morum, hoc est, honestas amabilis quæ lucem præfert hominibus, loco est viuī & efficacis sermonis ad alliciēdum spectantes ad piam æmulationē. Hac vna plus ab initio profecerunt Patres nostri, & omnes nouæ vitę institutores, quā sermonis apparatu. Facilius siquidem legitur in ipso vultu atque conspectu hominum & vitę integritate, quā in solis libris mortuarum cartarum, & prædicationum. Illi poterant verē proferre, & populi sentire: Christi bonus odor sumus. At nunc vtiā multi non inficerent gratum odorem Patrum, turpioris vitæ odore: &



quæ Patres tanto labore construxerunt, malo exemplo degeneres filij non destruerent.

*Et nullius aliquid desideretis.* Vltimum præceptum ponit vt nihil concupiscant rerum alienarum, sed sit vnusquisque propriis contentus. Qui manibus laborare tenetur, & non laborat, mox incipit con templari aliorum vitam & inuidere, & perpetuo submurmurare. In desiderijs est omnis piger. Desideria autem ipsa, ait scriptura, occidit pigrum: noluerunt enim manus eius quicquam operari. Tota die concupiscit & desiderat: qui autem iustus est tribuet & non cessabit. Omnium malorū radicem esse cupiditatem alibi docet, quæ mergit homines in interitum. Et vtinam non regnaret hodie apud eos qui paupertatis statum profitentur, quod tantò vehementius est abominandum. Nam quam latè in reliquos vulgi homines serpat, nemini est ob scurum: vt vel cuiusdā dictum sit verissimum: Fertior seges est alieno semper in agro. Vicinumque pecus grandius vber habet. Vix vnum videas qui sit sua sorte contentus.

Nolumus autē vos ignorare, fratres, de dormientibus, vt non contristemini sicut & cæteri qui spem non habent. Si enim credimus quòd Iesus mortuus est, & resurrexit, ita & Deus eos qui dormiunt per Iesum, adducet cum eo. Hoc enim vobis dicimus in verbo Domini: quia nos qui viuimus, qui residui sumus in aduentum Domini, non præueniemus eos qui dormierunt. Quoniam ipse Dominus in iussu & in voce Archægeli, & in tuba Dei descendet de cælo: & mortui qui in Christo sunt, resurgēt primi. Dein de nos qui viuimus, qui relinquimur, simul rapiemur cum illis in nubibus obuiam Christo in aera: & sic semper cum Domino erimus. Itaque cōsolamini inuicem in verbis istis.

*Nolumus autem vos ignorare, fratres, de dormientibus, &c.* Aggreditur nunc Apostolus eum lenite dolo rem qui ob amicorum mortem & necessariorum ita cōmunis esse solet, vt rarissime reperias, quem grauius talis casus nō angat. Testis esse potest vel vnus ille grauissimus Antistes Ambrosius, qui acerbo luctu prosequeretur sublātos de medio sanctos viros, non quidem de eorum fœlicitate dubitans, quibus congratulabatur, sed considerans quā sit difficile, qui dignè in defunctorum locum succedant, inuenire. Laboratum est autem ab initio non parum ab Apostolis, quòd articulum resurrectionis futuræ per necessarium firmiter in cordibus Gentilium stabilirent, potissimum apud philosophos Græciæ, qui suis à natura ductis principiis id fieri non posse asseriebant, non apprehendentes summam Omnipotentis Dei potentiam, qui naturæ legibus non est alligatus. Itaque agit de resurrectione futura, & ipsius resurrectionis ordine. Locus sanè subobscurus, & in quem nonnulli impigerunt. Pro cuius veriore intelligentia, videtur supponere Apostolus aliquot maiores in ecclesia de-

sideratos, qui propter confessionem Christi vitam martyrio finiebant. Admonet ergo primum mortuos Thessalonicenses, aientis:

*Vt non contristemini sicut & cæteri qui spem non habent.* Quia non erant existimandi mortui, sed tantum dormientes. Eo enim vtitur scriptura vocabulo ad magnam nostram consolationem. Quasi nihil sit discriminis inter nostrā qui viuimus, & beatorum dormitionem, nisi quòd nostra breuior, & assidue reperita familiarior: illa autem beatorum nulla interruptione diuturnior, qui tandem facilius excitabūtur à Christo de sepulchro quam nos expergiscamur à nostro quotidiano somno. Quare non est sapientis tristitia affici ex sana, quieta, & secunda dormitione. *Sicut cæteri qui spem non habent.* Non prohibet absolutè omnem luctum, sed eorum qui spem non habent resurrectionis & incorruptionis perpetuæ. Non vetat humanam pietatem & aliquod carnis desiderium, quo antiqui Patriarchæ, & Sancti in noua lege præditi fuerūt. Nam B. Stephanum sepelientes viri timorati fecerunt magnum planctum super eum. Et ipse Dominus ad suscitandum Lazarum amicum inuitatus lachrymatus est. Non enim culpatur affectus, nisi cum excedit modum, sed causa. Ille nimirum est naturæ, hæc vanitas & peccatum, vbi plorantur damna rerum, carnis commoda, & gloriæ inanis iactura. Et verè plorandi sunt, qui ita plorant. At sanctis altera causa dissimilisque intentio. Ademptum siquidem dolent in iis quæ Dei sunt & ecclesiæ, fidele auxilium, & salutare consilium. Videat qui velit piissimā B. Bernardi querimoniam, fratris obitum lugentis in Cant. serm. 26. Nam & quidam dogmatizarunt non esse vlllo pacto Christianis licitum, fletu mortuos prosequi.

Notandum autem ab Apostolo non esse dictum, *sicut & cæteri qui fidem, sed, qui spem non habent.* Quoniam non satis est nudam habere fidem vt tollatur tristitia: sed spes ipsa est omnino necessaria, quæ perducit in interiora velaminis. Hæc est enim spes vera & perfecta quæ non confundit. Et cur non debeamus affligi probat exemplo Capitis proposito, & ait: *Si enim credimus quòd Iesus mortuus est & resurrexit, &c.* Sensus est & ratio manifesta, Quòd si Dominus noster mortuus est & resurrexit (quia scilicet Deus suscitauit eum à mortuis) ita & ipse Deus eos qui dormierūt *per Iesum*, hoc est, propter Iesum; aut cum Iesu & in illo, *adducet cum eo*, id est, proferet suscitatos similiter cum illo. Potest & quod ait, *per Iesum*, cum inferioribus coniungi, vt significet quòd per Iesum adducet eos cum ipso: quia Iesus erit causa & ratio suscitationis ipsorū. Sed prior sensus germanior: & clarè videtur habere sermonem Apostolus de Martyribus, qui pro nomine Christi mortis supplicijs plecebantur, qui bus orbat Thessalonicenses tristitia & dolore agebantur.

*Hoc enim vobis dicimus in verbo Domini.* Dominus enim istud reuelauit, vt nō sit tam verbum hoc B. Pauli referentis, quàm ipsius Christi prædicentis, *Quòd nos qui viuimus: qui residui sumus in aduentu Domini, &c.* Crediderunt nonnulli vt Caietanus & Erasmus, Dominum, quum ad iudicium venier, inuenturū multos qui nullā mortē ante gustauerint, nec sint omnino gustaturi, sed mox immutandi:

Lugere mortuos licitum.

Act. 8.

Ioan. 11.

Articulus resurrectio vbi admodum necessarium.



Hebr. 9.

Omnes ho-  
mines mo-  
ruiros.

qui sic rapiuntur obuiam Christo in aera. At eiusmodi cōmentum repugnat Dei statuto, Omnibus hominibus esse moriendum, & tum demum iudicium. Prostat & innumera alia scripturarum loca, quæ omnes penitus de facto morituros testantur. Occurrunt insuper magna inde absurda, quæ hanc opinionem efficaciter refellunt: de quibus latius in nostro quodam opusculo disputauimus.

Nunc quantum ad præsentem locum spectat, satis mirari non possum, quomodo quidam sibi persuadere potuerunt, hæc verba *Nos qui uiuimus, qui residui sumus, &c.* ad eos referenda, quos putant uiuos in aduentu Domini reperiendos, cum citra ullam prorsus hæsitacionem tenendum sit B. Paulum vitam martyrio finiuisse: & similiter qui tum cum illo uiuebant esse mortuos. Pronomen verò illud, *Nos*, cum sibi coherente verbo, *qui uiuimus*, ad ipsum tempus referri oportet, quo uita cursum tenebat Apostolus. Nam uelle illud eouſque contorquere, ut nec ipsum Apostolū, nec eorum qui tum uia uiuebant, quenquam includat, non est exponere, sed expungere ac destruere literæ sensum, idque nulla prorsus ratione cogere & exemplo. Neque habere potest quicquam momenti, si quis afferat ea in expectatione fuisse Apostolū, ut diem Domini vicinum & instare in ianuis arbitraretur: qualis erat quorundam tunc metus falsò id (teste ipsomet Apostolo) existimantium, qui huius erroris tollendi gratia alteram scripsit epistolam, hortatus ne quis cōmoueretur quasi immineret dies Domini. Præterea, Si de his loquebatur qui in aduentu Domini uiuent, ut isti arbitrantur, Quomodo seipsum inter eos reponit qui tunc uiui erunt, dicens, *Nos qui uiuimus*, cum sui corporis solutionem propinquam esse non ignoraret? Hoc claris verbis ad Timor. expressit: Ego enim iam delibor, ait, & tēpus meæ resolutionis instat. Iudicij diem non fuisse tunc propinquum, dies qui post utq; ad nostram ætatē fluxerunt, nimis apertè patefaciūt. Quæ rogo extitisset diuinæ prouidentię ratio post fūsum Redēptoris sanguinem, ante destruere mundum, quam mūdo (pro quo tam pretiolus sanguis datus est) esset ferè inchoatum prædicari hoc nouum testamentum? At propheta aliter vaticinati sunt. Operatus est salutem in medio terræ. &: In medio annorum, uiuificā illud.

Psal. 73.

Abac. 3.

Pro ordine  
resurgen-  
tium.

Psal. 1.

Notādum  
diligenter.

Quocirca huius loci uerior paulò diligentius est sentus perquirendus. De resurrectione enim piorum, & eius ordine tradenda erat doctrina & aperiendum mysterium. Primò igitur testatur se in uerbō Domini loqui. Quod autem loquutus est, erat istud, *Nos qui uiuimus; qui residui sumus in aduentu Domini*: Quorum uerborum sensum ut assequi ualeamus, sciendum est, resurrectionem omnium quantum ad carnem iterum assumendam, fore vniuersalem. Quantū autem ad plenitudinem gloriæ erit iustorum tantum: & de hac nunc agitur. Seiūgitur enim in sacris literis iustorū, ab ea quæ impiorum erit, resurrectio. Hoc habetur disertè in psalmo: Non resurgunt impij in iudicio, neque peccatores in consilio iustorum. Porro resurrectio iustorum suum obtinebit ordinē. Primi enim resurgent Sancti resurrectione perfectæ ante inchoatum iudicium: & cum Christo summo Iudice, & beatissima uirgine inuenientur in aere, utpote qui dudum

in hac mortali uita iudicium suum pertulerūt, quale & Christus, per fornacem tribulationum & per sequutionum. Quapropter apparebūt cum illo in gloria ad iudicandum segregati ab aliis, qui relinquuntur sub iudicio uiuentes, nimirum communi uita gratiæ. Hi sunt in quorum numero se Apostolus præ humilitate ac modestia constituit: & de eiusmodi ait non præuētuos Sanctos illos qui dormierunt. *Quoniam ipse Dominus in iussu & uoce Archangeli, qui futurus creditur Michael princeps celestis militiæ, & in tuba Dei.* Ipse etenim tuba Dei erit, qui descendet de cælo. *Et mortui qui in Christo sunt resurgent primi*, id est, qui peculiariter in Christo pro Christo mortui sunt. Illi Sancti qui non sunt in iudicio sistēdi, sed iudicaturi cum ipso Domino. Illi primi dignitate & meritis, primi resurgent, & habebunt stolam suam, inuenienturque cum illo in nubibus. Neque enim de cælo cum corpore, sed adueniente Christo confestim suum corpus assumentes, dote resurrectionis fulgebunt, & in aere assistent illi uelut Sponsa Sponso. Hoc prædixit Apostolis suis apud B. Matth. in parabola uirginum, quæ exeunt obuiam Sponso & Sponsæ. Prosequitur ipsum explicare ordinem, & ait:

*Deinde nos qui uiuimus*, id est, qui uita gratiæ sustētamur, relictī tamen in illum aduētum scilicet iudicandi ac discernendi ab iniustis, sicut oues ab hædis: *Simul cum illis rapiemur in nubibus*, i. rapiemur obuiam Christo in nubibus simul cū illis insignibus Sanctis. *Et sic semper cum Domino erimus*, qui ascēdet finito iudicio in cælum, & nos simul cum illo, ubi manebimus in perpetuum ad glorificandū Deum, laudandum, & gratias illi agendum in summa & inenarrabili lætitia & gaudio immenso cum omnibus beatorum Spirituum supernis choris.

Itaque consolamini inuicem in uerbis istis. Verè nulla potest esse maior, Apostole sancte, consolatio hac in fragili ac miserabili uita, quàm quæ de resurrectionis futuræ spe percipitur. Hæc qui uel non credunt, uel non sentiūt, uerè infeliciores sunt omnibus hominibus, & peioris quàm pecudes cōditionis. Qui uerò credūt, & per exercitium bonorum operum certiorē adhuc sibi facere assiduē contendunt: quicquid diuitiarum, quicquid deliciarum, honoris, fauoris, eruditionis in hoc mūdo uel gratiæ, uel labore haberi potest, tanti ea omnia faciūt, quanti æquus æstimator Apostolus æstimāda censuit. Omnia, inquit, detrimentum feci, & arbitror ut stercora, quò Christum lucrificā. Ob eam causam uani filij hominum, & duri corde ac tardi ad credendum, resurrectionem non cōsiderantes, sed diligentes hæc stercora miseri, & tanto amore amplexantes, ut regnum cælorum illis promissum uirtutē vendant, & stercora pro pretio accipiant. Accidit hæc cœcitas iis qui de resurrectione non cogitant, ad quam per mortem itur: cuius nomen ita quibuldam est inuisum, ut eo uel memorato horreant. Viris autem Dei seruitio deditis lōgè secus, quibus nulla gratior læticio, nullum potest latius nūtrium quàm resurrectionis dari, quo se inuicem consolentur, quo leuius ferant multiplices huius uitæ arumnas, expectantes beatā spem per aduentum Saluatoris Regis regum & Domini dominantium. Hæc mihi ueriora ad huius loci intelligentiam uita sunt & planiora. Si quibus minus

Matth. 25.

Pro confolatione p-  
delium.

Phil. 3.



forte placebunt, proferant meliora, & quæ saltem non ineptè defendi possint. Tantū ab eis peto ne nostra velint, quia nostra sunt, repudiare: sed poti⁹ reminiscantur, si vera sunt, nostra non esse, sed spiritus Dei. Sin autem falsa deprehēsa fuerint, nec nō stra esse volo, qui veritatem in omnibus valere & regnare semper desidero, cui cedat omnis pernicioſa opinionum & propriæ laudis defensio.

CAP. V.

**D**E temporibus autem & momentis, fratres, non indigetis, vt scribamus vobis. Ipsi enim diligenter scitis, quia dies Domini, sicut fur in nocte, ita veniet. Cū enim dixerint, Pax & securitas, tunc repentinus eis superueniet interitus, sicut dolor in vtero habentis, & non effugient. Vos autem, fratres, non estis in tenebris, vt vos dies ille tanquam fur comprehendat. Omnes enim vos filij lucis estis, & filij diei: non sumus noctis neque tenebrarum. Igitur non dormiamus, sicut & cæteri: sed vigilemus & sobrij simus. Qui enim dormiunt, nocte dormiunt: & qui ebrij sunt, nocte ebrij sunt. Nos autem qui diei sumus, sobrij simus, induti lorica m fidei & charitatis, & galeam spem salutis: quoniam non posuit nos Deus in iram, sed in acquisitionem salutis per Dominum nostrum Iesum Christum, qui mortuus est pro nobis, vt siue vigilemus, siue dormiamus, simul cum illo viuamus. Propter quod cōsolamini inuicē, & ædificate alterutrum, sicut & facitis.

**D**E temporibus autem & momentis, fratres, non indigetis, &c. Tempora & temporum momenta intelligit qualitates ipsas & occasiones, vel opportunitates, quando videt Deus bonum esse & aptum vt illud vel illud, illo potius tempore vel alio eueniat, aut fieri debeat. exēpli causa: Decreuit clemētissimus Pater mittere ad nos Filium suum Vni genitum: sed distulit tandiu, donec multa fluērent sæcula, vt pote idonea obseruans tempora atq; momenta mittendi. Sic antiquitus statuerat dare terram Chanaam Iudæis: sed in certum quoddā tempus reiecit, quādo. ſ. (vt scriptura ipsa testatur) complerē essent iniquitates terram illam incolētium. Et ita in reliquis sapientissimus rerum Moderator se gerit, quæ ad illius summam prouidentiam attinent, suō quæque tempore, facienda asseruans.

Nunc ergo de tempore tractans Apostolus, & illa Dominici aduentus opportunitate, primū fateretur eos tales esse sicq; edoctos, vt nullam hac in parte deberent aliunde instructionem efflagitare. *Ipsi enim diligenter*, inquit, seu potius, exactè, *scitis*, quia dies Domini comprehensurus est impios, *sicut fur in nocte*, quando solent profundiorē homines somnum capere, *ita veniet*, nimirum repentinus atque improuſus & præter expectationem: nō

verò cum vterius non venturus expectabitur, teste Apostolorum Principe. Sicut in diebus Noe 2. Petr. 3. quando fabricabatur arca, cum pacem putabunt vitiosi homines stabilitam ac securam, tum potissimum ruent in interitum, *sicut dolor in vtero habentis, & non effugiet*. Mulier enim partus oppressa doloribus nullum potest eodē vitandi locum reperire, quos secum quocūque se verrat vel fugiat, perpetuos fert & inseparabiles comites. Ecce quāta hinc doctrina capi potest & debet, vt cum maximo timore ac tremore enitāmur nostram salutem in vigiliis bonorum operum perquirere, non autem in tenebris peccatorum & nocte dormire: ne mors quæ tanquam fur adoritur, incautos nos comprehendat cum lampadibus quidem, sed oleo misericordiæ & flamma charitatis vacuis. Et quoniam hic sermo ob imbecillitatem multorum nescio quid terroris porrigere videbatur, temperauit sapienter Apostolus, & protinus consolari Thessalonicenses studuit, subiungens:

*Vos autem, fratres, non estis in tenebris, vt vos dies ille tanquam fur comprehendat*, nimirum in nocte. Temperauit, inquam, sermonem alioqui per se tremoris plenum: & eos cōsolatur ne horreant mortem more eorum qui in tenebris peccatorum versantes lucem oderunt. *Omnes enim vos*, inquit, *filij lucis estis, & filij diei*, non noctis neque tenebrarū. Qui sunt sine Christo, ij verè & propriè sunt tenebrarum filij, qui nesciunt viam per quam ad beatam patriam sit ambulandum. Ipse enim est via, veritas, & vita, cuius lumine lumen videmus in via. *Igitur non dormiamus*. Concludit non esse dormiēdum negligentia & torpore bonorū operum, tanquam ij qui non considerant, nec expectant Domini aduentum. Et tales comprehenduntur tanquam à fure de improuſo. *Sicut & cæteri*, quibus non illuxit sol iustitiæ Christus. *Sed vigilemus*. Ad hanc vigilantiam tantopere in euangelio hortatus est ipsemet Dominus, innuens cordis præparationem & considerationē in ambulando inoffenso pede ad normam mandatorum Dei, progredientes de virtute in virtutem. *Et sobrij simus*. Per sobrietatem intelligit temperantiam, ne occupemur in crapulis & ebrietate, quæ somnum inducunt, & mentem sanctis cogitationibus & exercitio orandi spoliāt.

*Qui enim dormiunt, nocte dormiunt*. Ac si dicere velit expressius: Obseruari istud à filiis huius sæculi solitum est, vt ad eorum prudentiam tempus nocturnum eligāt crapulæ & ebrietati aptum & dormitioni. *Nos autē qui diei sumus, sobrij simus*. At nos, inquit, in luce clara positos opus est ab his omnibus ebrietatū, crapularum, & dormitionum tenebris ac sordibus esse remotissimos, ne quibus dies illuxit, stolidiores simus & imprudētiore filijs sæculi, qui saltem hoc obseruant, vt nocte dormiant, non autem interdiu. Alioqui tenebrarum filij erimus & noctis, peruertentes rectum ordinē, diem mutant in noctem, tanto abusi lucis beneficio, quo nos Christus donauit. Possumus enim quantumuis filij lucis simus, per socordiam nostrā dormire in clara die. Modū igitur vigilantix & sobrietatis conseruandæ adiicit: *Induti lorica m fidei & charitatis, & galeam spem salutis*. Sunt quædam ignea diaboli tela quæ ad cor perueniunt, vt tentationes de prouidentia Dei, quasi nostra non curet: qui-



bus patientiæ exēplar Iob per amicos adoriri tentauit diabolus. Et his resistendum est & occurrendum lorica fidei, in eius obsequium captiuādo intellectum. Sunt & aduersus charitatem fraternam multi impetus, qui hominem extimulant ad vlciscendum, ad maledicendum, ad detrahendum, ad contumelias & iniurias inferendas, & varia detrimenta. Et his occurrendum est lorica charitatis, quæ patiens est, benigna est, nec irritatur, nec perperam agit malum malo reddens.

Verum cum multi ac repetiti crebrò veniant ietus, quibus animus hominis christiani vehementer opprimitur, & succumbit, nisi adsit præsto galea excipiens, quæ est spes salutis. Ideo hanc Apostolus assumendam hortatur, qua protegemur considerantes hæc temporaria esse quæ patimur: quæ autem expectamus æterna. Hæc verò seruāda sunt per vigilantiam & sobrietatem, quæ duo maxime illustrem reddūt militem gloriæ veræ apud Deum & præmij cupidum.

*Quoniam non posuit nos Deus in iram, sed in acquisitionem salutis.* Optima ratione ostendit, cur debeamus in luce virtutum omniū ambulare: quoniam nos ij non sumus, in quos velit Deus iræ suæ testimonium manifestare, quemadmodum in Pharaone & Aegyptiis quondam prouocatus declarauit. Post multam enim ac diurnam tolerantiam ac subistentiam Deus, tanquā crapulatus à vino obstinatorum hominum, solet euigilare, & eos euomere de ore suo, tanquam nauicam patiens, quo tropo scripturæ ipsæ loquuntur. Acquisitio autem salutis, in qua nos Deus per Saluatorem posuit, consistit vt siue vigilemus, siue dormiamus, viuamus sub Capite: & loquitur de vita gratiæ, quæ ducit ad vitam gloriæ. *Propter quod consolamini, seu potius, exhortamini inuicem, & edificate alterutrum.* Quoniam mandauit Dominus vnicuique de proximo suo. Et qui turpiter viuit, destruit malo suo exemplo rectè viuentium ædificium. Hoc etiam idiotis est inculcandum, qui tanta audacia mala Prælatorum exempla reprehendunt. Quasi verò & ipsi non sint in suo gradu ad spargendum inuicem christianæ vitæ suam odorem obligati. Equidem dum præsentem rerum statum considero, Deus iustissimè propter peccata populi regnare sinit hypocritas. Quem enim loqui audias ex plebeis nedum non exhortantem proximum & ædificantem, sed blasphemis, maledicentis, spurcis verbis ita conspurcantem, vt mirandum sit quomodo terra se non aperiat, & viuentes absorbeat. Sed quod differtur (nisi respiciant) non aufertur. Non ita Thessalonicenses, de quibus ait Apostolus, *sicut & facitis*, Sed perseverantia vsque in finem opus est.

Rogamus autem vos, fratres, vt noueritis eos qui laborant inter vos, & præsent vobis in Domino, & monent vos: vt habeatis illos abundantius in charitate propter opus illorum: & pacem habete cum eis. Rogamus autem vos, fratres, corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo alicui reddat: sed semper quod bo-

num est, sectamini in inuicem, & in omnes. Semper gaudete, sine intermissione orate, in omnibus gratias agite. Hæc est enim voluntas Dei in Christo Iesu in omnibus vobis. Spiritū nolite extinguere. Prophetias nolite spernere. Omnia autem probate: quod bonū est, tenete. Ab omni specie mala abstinete vos.

*Rogamus autem vos, fratres, vt noueritis, &c.* Quoniam in ea congregatione suo ordine rectè disposita aderāt superiores atque subditi, subditos ipsos primum monet & obsecrat aiens: *Vt noueritis eos, notitia videlicet dilectionis, reuerentiæ, & subsidij, qui laborant inter vos, & præsent vobis in Domino.* Magnum est & arduum munus non simpliciter quidē præesse, sed præesse in Domino. Qui enim ira præest, seruit & ministrat: non torpet otio, non querit quæ sua sunt, sed quæ Domini sui ad salutem animarum per admonitiones, consolationes, & cetera eiusmodi opportuna officia. Et qui ita se gerunt vult Apostolus illis maiorem, vt dignum est & æquum, exhiberi honorem. *Vt habeatis illos, inquit, abundantius in charitate.* Aut ad veritatem Græcæ lectionis, *in magno pretio per charitatem:* quia charitas suum habet debitum pro varietate personarum ordinem. *Propter opus eorum.* Equidem dignum est omni laude & dilectione opus, quum vigilanter incumbunt in salutem vestram, dirigētes vos ad veras & nunquam perituras cœlestes diuitias. *Et pacem habete cum eis.* Alij, inter quos B. Ambrosius, legunt, *pacem habete inter vos.* Si primam sequeris lectionem, salubre capitur inde documētum. Non enim citra magnum discrimen subditus litem cum superiore suo intendit, cui durum est contra stimulum calcitrare. Longè prudentius esset, & hoc cōsiliū omnibus semper darem fidele & securum, vt qui desiderat Prælato dominari, eidem obtemperet & pareat, & laudem consequetur ab illo. Neque verò mihi quisquam ita consulenti respondeat, arduum hoc esse & supra vires aliquādo. Non est, inquam, difficile prudenti ac pio Christiano, qui in Prælato Christum ipsum recognoscere nouit, & illum in Prælato colere & venerari.

*Rogamus autem vos, fratres, corripite inquietos.* Postquam subditos est alocutus, nunc ad Prælatos se conuertit, ne suo muneri deesse velint, quorum est diligentem dare operam vt omnia tranquillè inter infirmiores agantur. Græcè legitur, *Admonete inordinatos*, seu incōpositos *ἐκτάτους*. Et hi verè sunt inquieti, qui nec ipsi in suo ordine stabiles possunt persistere, nec alios quieto animo viuere patiuntur, semper aliquid exuscitantes ad pacem inturbandam. *Consolamini pusillanimes.* Hi sunt qui quasi desperant se posse proficere ob summam illam perfectionem, quæ in nouo statu à nobis requiritur: præsertim dum sæuient persecutiones in ipsis iaciendis ecclesiæ fundamentis, vbi laboriosius fuit insudandum: nec sunt omnes ad quolibet toleranda accincti. Nam & Apostolus se solum fuisse quodam tempore relictum testatus est ad Timotheum scribens. *Suscipite*, seu subleuate, *infirmos*, qui temptationibus franguntur. *Patientes estote ad omnes.* Græcè, longanimes, hoc est, non

*Psal. 77.*

*Ecclesi. 17.*

2. Tim. 4.



prompti ad extrudendos delinquentes, ubi non est evidens ad peccata cumulanda coniectura. Talis enim est erga vos Deus, patiens, longanimis, & multum misericors. Hortationibus potius iuuate & orationibus ut conuertantur, & lucremini fratrum vestrorum pereuntes animas.

*Videte ne quis malum pro malo alicui reddat*, ut Christus imitemini qui, ut ait B. Petrus, cum malediceretur, non maledicebat: cum pareretur, non comminabatur. Vult enim nos esse non amplius imperfectioris legis discipulos, quæ dentem pro dente, oculum pro oculo erui tolerabat. Vos autem non sic, sed semper quod perfectius est sectamini non inter vos solos in charitate recte ambulantes, sed & si inimici vestri esuriunt, præbere illis ad manducandum, & si sitiant, potum: ut voluntatem Patris vestri in primis exequamini, & ut vestros inimicos hac vestra pietate conuertatis infideliores amicos, quam si nunquam fuissent à vobis alienati reddentes bonum pro malo. *In omnibus gratias agite.* In prosperis & aduersis, lætis & tristibus, penuria & abundantia, sani & ægri, morientes & viuentes.

*Spiritum nolite extinguere.* Hoc accuratius est discutendum. Plerique in hac sententia fidentes, sed perperam eam intelligentes, in grauissimos lapsi sunt errores, & in hodiernum etiam diem labuntur. Attende lector, & certò teneas non eadē omnibus à Spiritu sancto inspirari: sed (quemadmodum alibi docuit Apostolus) pro varietate membrorum mystici corporis sua munera partitur & donat. Hoc & in rerum natura videmus: Quidam ad medicinam, alij ad mathematicas disciplinas, alij ad poesin sunt dispositi, alij ad picturam, alij ad architecturam nati esse videntur: & ita in reliquis naturalibus dispositionibus, ut quidam dixerit. Tu nihil inuita facies dicere Minerua. Hinc crebrò usurpata ab illo Oratore sententia. Si naturam duce sequeremur, nunquam aberraremus, sanè tamen intellecta. Sic accidit in spiritualibus: Reperiuntur enim quostanto ardore ad abstinentiam accendit Spiritus, ut in ea virtute mirum & singularem in modum præ aliis excellent. Alij ad orationis assiduitatem: nonnulli sunt silentij tenacissimi obseruatores. Alij zelo charitatis erga proximum feruntur: & idem de aliis peculiaribus charitatis muneribus, ad arbitrium Spiritus sancti distributis, sentiendum.

Horum omnium Spiritus primùm est diligenter examinandus an sit verè bonus, minimèque fallax: quandoquidem simia illa satan transfiguratur in angelum lucis, & inter filios Dei adest, sed ad tetrandum. Probatur verò spiritus maxime per humilitatem & charitatem, & promptam superioribus in ecclesia parendi submissionem. Si bonus deprehenditur spiritus, non debet à prælato extingui, sed liber relinquendus ad vocationem illam sequendam, si nihil appareat reprehendendæ nouitatis. Et hinc certè loquitur Apostolus ad congregationes Regularium, quæ iam Thessalonice erant institutæ, ut superius monuimus. Nam hæc præcepta viris consilia euangelica amplexantibus conuenire propriissimè videntur, quibus penè solis sunt accomodanda. Addit: *Prophetias nolite spernere.* Erant inter primos Christianos prophetæ, qui ad ædificationem ecclesiæ scripturas interpretaban-

tur, & de scripturis arcana ad fidem corroborandam referabant. At nostris sæculis immodica quorundam curiositas fenestram pseudoprophetis aperuit. qui euentus siue præliorum siue fortunarum in gratiam principum, aut ad fouendas sectas prædicere tam imprudenter, quàm falsò non reformidantes, sese primùm, & qui illis præbuerunt aures, erroribus inuoluerunt. In his enim comperta sunt nostra ætate multa & perniciofa mendacia. Hoc præuidebat Apostolus, & ideo providebat, qui ut falsa à veris citra detrimentum vllum seiungerentur, prudentissimè addidit:

*Omnia autem probate: quod bonum est tenete.* Et istud Prælati scribitur, ne extinguant bonos & probatos spiritus, nec respuant veras prophetias, sed suspectas tantùm & falsas deprehensas. Debent enim maturè omnia, antequam radices agant, & exactè probare. Quapropter non est cur inflentur si qui sese tales arbitrantur. Sunt enim & ipsi sub legibus constituti, ut probati possint: quoniam spiritus prophetarum prophetis subiecti sunt. Modus autem probandi est, si non aduersentur scripturis primùm, si illis contentiant: si cum traditis per ecclesiam, & ritu perpetuo obseruatis consentanea sint si nihil scandali concitent, nec sectas nouas pariant & schismata. Si curiosa non loquantur & vana, quæ nullam ædificationem proximi promoueant. Si moniti, saltem primario Prælati acquiescant vel loquendo, vel silendo cum reuerentia & humilitate folia ineptarum excusationum minime proferentes. Veniunt enim considerandæ eorum personæ qui se huiusmodi spiritibus & prophetis afflatos profitentur. Tentendi cum magna dexteritate cuius deuotionis, humilitatis, obedienciæ, vtilitatis, intentionis existant. Nam hæc & quæ sunt eius generis, non obcurè probare solent & prophetas, & prophetarum prophetias, & ipsos denique spiritus latentes.

Verum non est omnium hæc probatio, sed Episcoporum, vel insignium Sanctorum, qui norunt artem capiendi vulpeculas. Qua in parte hodie peccatur grauiter. Omnes enim volunt spiritus probare & iudicare, & qui plerunque proficiendi in viâ spiritus strictiorem nondum miserunt pedem.

*Ab omni specie mala abstinete vos*, id est, ab omni opere mali alicuius colorem habente. Et hoc propter pusillorum scandalum, cuius remouendi causa Apostolus, & ipsemet Saluator grauib. verbis vsi sunt. Nunc autem verè possumus & iure toto corde exclamare. Væ mundo à scandalis. Væ nobis Prælati, nisi citò resipiscamus. Potentes nonne potenter tormenta patientur? Qui enim obliuiscimur tenemur planam populis, qui sunt veluti in corpore pedes, sternere viam, quodnam iudicium quam sententiâ laturi sumus, qui scrupulis & sententiis eam replemus malo deterioris vitæ exemplo? Væ iterum mundo & nobis à scandalis. Expediret suspendi molam asinariam, iuxta verbum Domini, & demergi in profundum maris, quàm scandalizare vnum de pusillis qui credunt in eum. Vbi diligenter notandum quam strictè restringat Apostolus hoc præceptum. Non enim ab ipsis patentibus flagitiis & peccatis iubet abstinendum, sed ab omni specie (inquit) mali, qua infirma proximi conscientia lædi potest. Et reuera hoc charitas postulat.

Modus probationum spirituum.

Doctrina ad cognoscendum spiritum.

Notandum diligenter.

sap. 6.



vt eiusdem corporis membrum cum membro nedum nocere, sed contrā sollicitē, vt proficit, debeat studere. O quā copiosam nobis hic locus materiam suppedicaret in omnes omnium ordinū gradus exclamandi. Sed præter institutum esset, & fortassis intempestiuum. Qui sapiūt, his pauca innuisse satis est. Qui in viam Gentium ambulare statuerūt, nulla eos mouet salutaris exhortatio: Nec sunt ante porcos mittendæ margaritæ.

Ipse autem Deus pacis sanctificet vos per omnia: vt integer spiritus vester, & anima, & corpus sine querela in aduentu Domini nostri Iesu Christi seruetur. Fidelis est qui vocauit vos, qui etiam faciet. Fratres, orate pro nobis. Salutate fratres omnes in osculo sancto. Adiuro vos per Dominum, vt legatur epistola hæc omnibus Sanctis fratribus. Gratia domini nostri Iesu Christi vobiscum. Amen.

*Ipse autem Deus pacis.* Deum pacis vocat, vt dilectorem pacis & authorem. Per Christum enim pacificata sunt omnia, non leui aliquo pretio, sed fusso sanguine ipsius Agni immaculati, quo sedata est ira Patris antiqua aduersus nos. Nunc precatur authorem pacis, vt sanctificet illos per omnia, perfectē scilicet & ab omni parte, *Vt integer spiritus vester, & anima & corpus, &c.* Per spiritus integritatem, intellige eius perfectionem quæ est à gratia Domini, per quam perficitur. Doctē autem distinxit spiritum ab anima, tametsi vnicus sit in homine spiritus à Deo inspiratus, qui ad superiora ref-

piciens, dicitur spiritus. Quatenus verò informat corpus & animat, dicitur anima. Precatur ergo seruari spiritus integritatem: & similiter vt anima & corpus ea puritate in aduentu Domini custodiantur, vt nihil prorsus querelæ ad condemnationem illis supersit.

*Fidelis Deus qui vocauit vos, qui etiam faciet.* Ne desponderent animum, apprehendentes tantam ab homine, in corrupta hac carne posito, comparari perfectionem nequaquam posse: hūc anxium adimit illis metum à bonitate ipsius Dei in promissis fidelissimi. Non enim talis est clementissimus ille & optimus Pater, vt postquam vocauerit, desertū hominem patiatur: sed quē inchoauit ad exitum vique & consummationem perducit. Nam adiuuat ipse quæ nos facimus, sine cuius auxilio vt nulla, ita cum illo possumus omnia. Cætera clara per se sunt, & iam alias exposita. Notanda tantum hæc in hæreticos, sententia, qui in die iudicii posse inueniri mundū quenquam inficiantur. *Adiuro vos per Dominum.* Vide quomodo adiurat eos, proculdubio Maiores: & quomodo qui poterat præcipere potuit & adiurare, cum res possit cadere sub præcepto ad ædificationem. Alioqui non est temere & promptē vsurpanda adiuratio. *Gratia domini nostri Iesu Christi vobiscum.* A gratia inceptit, & à gratia pro more desinit: quam & nobis donare dignetur per Spiritum suum sanctum dulcissimus

Redemptor noster Iesus Christus, cum Patre & eodem Spiritu honor & gloria, & gratiarum actio semper.

Amen.

## ARGVMENTVM IN POSTERIOREM

EPISTOLAM B. PAVLI APOSTOLI AD  
THESSALONICENSES.

**T**urbatos occasione superioris epistolæ Thessalonicenses intelligens Apostolus, qui illius verba minus recte interpretati, crediderant postremum iudicii diem itā iam imminere, studuit mox altera epistola hunc eis errorem & metum inde conceptum adimere. Primum fidem illorum & insignem charitatem commendat, qui nullis persecutionibus cederent. Tum suauiter hortatur vt metum illum depellant, insinuans quæ per ministerium Antichristi prius euenire debeant, quā immineat dies Domini. Postremo obseruari traditiones, & quosdam otiose viuentes & curiose vitari mandat, sanctis precationibus claudens epistolam, ab Athenis per eosdem, quibus priorem, Tychicum & Onesimum, vt volunt, missam.

## COMMENTARIA IN EANDEM

EPISTOLAM B. PAVLI AD  
THESSALONICENSES.



**P**AVLVS & Syluanus & Timotheus, Ecclesiæ Thessalonicensium, in Deo patre nostro & domino Iesu Christo, gratia vobis & pax à Deo patre nostro & domino Iesu Christo.

**E**Adem cum superiore salutatio, nulla sui Apostolatus mentione facta. *Paulus & Syluanus,*

*&c.* Syluanum Timotheo anteponit, vt maiorem natu, & qui prior fuerat ad Christi fidem conuersus, quique etiam apud Thessalonicenses verbum Dei prædicauerat. Ambos autem con salutantes adiungit, & epistolæ scriptæ socios, ad maiorem auctoritatem & consolationem. Magnum enim congregationibus Sanctorum gaudium, potissimum afflictis, afferri solet, dum se à Maioribus amari, siue curam in Domino suscipi intelligunt. Reliqua salutationis sunt prorsus eadem cum superioribus. Hic tantum expressè additur, à Deo Patre no-



*stro, & domino Iesu Christo*, quod in prima apud Latinos quosdam codices supprimitur. Gratiam illis precatur & pacem. Nam absque gratia nihil boni possemus. Pax autem ipsa est pernecessaria ad cōseruandam cum priuatam, tum publicam concordiam, & tranquillum rerum omnium statum. Hāc discedens Dominus tanquam firmissimam charitatis custodiam reliquit Discipulis. Pacem meam do vobis: pacem relinquo vobis. Et iam inde ab initio prædicationum eos beatificauit, qui studio se pacem amarent & colerent. Beati pacifici: quoniam filij Dei vocabuntur. Non enim potest Deus author esse dissensionis, sed pacis, ut alibi Apostolus testatur. Et Propheta: Factus est in pace locus eius. Quandiu inter Christianos regnauit & regnat gratia & pax, tādū fidei integritas, & sanctorum operum splendor apparuit. Vbi voluntatum soluitur colligatio, & gratia perit, & interturbantur omnia. Quanto studio conantur fauores principum & gratiam sibi conciliare multi, quæ tamē suborta aliqua subindignatiuncula amitti potest. Dei autem obtinere gratiam quis perquirat, quæ vna sola cor hominis quietum reddere potest: Hāc itaque Apostolus tam sedulū, quibus scribebat: optauit: non opes, nō honores, non delicias, & quæ huiusmodi sunt, sed gratiam à Deo Patre & Filio per Spiritum donatam, qua efficitur ut omnia nostra opera sint grata & digna retributione inconspectu illius, velint nolint bonorum operum osiores noui hæretici.

Gratias agere debemus semper Deo pro vobis, fratres, ita ut dignum est: quoniam supercrevit fides vestra, & abundat charitas vniuscuiusque vestrum in inuicem: ita ut & nos ipsi in vobis gloriemur in Ecclesiis Dei pro patientia vestra, & fide, in omnibus persecutionibus vestris, & tribulationibus, quas sustinetis in exemplum iusti iudicii Dei, ut digni habeamini in regno Dei, pro quo & patimini. Si tamen iustum est apud Deum retribuere tribulationem iis qui vos tribulant: & vobis qui tribulamini, requiem nobiscum in reuelatione Domini Iesu de cælo cū Angelis virtutis eius in flāma ignis, dantis vindictam iis qui nō nouerūt Deum, & qui non obediunt Euangelio Domini nostri Iesu Christi: qui pœnas dabunt in interitu æternas à facie Domini, & à gloria virtutis eius, cū venerit glorificari in Sanctis suis, & admirabilis fieri in omnibus qui crediderunt, quia creditū est testimonium nostrum super vos in die illo. In quo etiam oramus semper pro vobis, ut dignetur vos vocatione sua Deus & impleat omnem voluntatem bonitatis suæ, & opus fidei in virtute, ut clarificetur nomen Domini nostri Iesu Christi in vobis, & vos in illo secundum gra-

tiam Dei nostri, & Domini Iesu Christi.

*Gratias agere debemus, &c.* Alibi, Gratias agimus, inquit. Hic etiam agnoscit debitum agendarum gratiarum propter magnum fidei illorum augmentū, & illam fraternæ charitatis abundantiam, quam inuicem omnes exhibebant: quæ ita redundabat in gloriam ipsius Apostoli, ut huius rei gratia gloriaretur apud ecclesias Dei de illorum patientia & fide, ob persecutiones ac tribulationes, quas viriliter & inuictis animis sustinebant: addit, *In exemplum iusti iudicii Dei*. Græci codices non habent, in, sed absolute, exemplum, Videtur nanque appositivè adiectum, & significat ostensionem, tanquam si dixerit: In vobis tanquam in speculo & exemplo apparebit clara Dei iustitia & manifestatio, quod iuste habebimini digni regno Dei. Sic Græcè legitur, regno Dei. Et non, *in regno Dei: pro quo*, nimirū obtinendo, *patimini*. Ecce contra hæreticos, qui nolunt nos quicquam aut agere, aut pati pro regno Dei: sed sola sua fide omnia sibi vsurpant, nec per violentiam & crucem placet cœleste regnum penetrare. At regnum cœlorum à diebus Ioannis Baptistæ (ait Dominus) vim patitur, & violenti rapiunt illud: Nam & qui non baiulat crucem, non dicit, meam, sed suam: & istud quotidie, non potest esse meus discipulus: Pro quo & patimini, ait hic Apostolus. Non sumus nescij in quem sentum possent detorquere, quasi per hoc significetur non quidē cœleste regnum Dei ut est præmium, sed ut est res de qua disceptetur aliis negantibus esse: illis verò concedentibus ad sustinendum illud, id est, Christum, vel ipsam ecclesiam, quæ dicitur regnū Dei. Verū ex ea quæ sequitur additione omnino confodiuntur scripturarum deprauatores: ait,

*Si tamen, potius, siquidem iustum est apud Deum retribuere tribulationem iis qui vos tribulant: & vobis qui tribulamini, requiem nobiscum.* Dicit nobiscum Apostolos ipsos intelligēs, & Maiores in ecclesia: quia Apostoli sicut primi fuerunt in passionibus, sic & in beata requie. Nos verò alij cum illis in nostro gradu & ordine. Ecce quomodo secundum iustitiam vult Deus esse huiusmodi retributiones. Nā si iuste retribuatur iis qui male, & contra præceptū suum faciunt: cur non etiam iuste iis qui seruauerint mandata, cum sint eius filij, retribuatur? Nonne diuinā clementia longē est ad reddendum pro bono bonum, quàm pro malo malum propensior? Quoniam verò hæc iustitia non exercetur in terris, addit: *In reuelatione Domini Iesu de cælo*, videlicet quando veniet de cælo descendens, & reuelabitur omni carni, id est, iniquis & peccatoribus, cū Angelis, Omnes enim Angeli veniēt cum illo, virtutis eius, Vocat Angelos virtutis, siue potētie eius, propterea quod ipse per Angelos grandia & incredibilis potētie facta operatur, *In flamma ignis*, Græcè legitur, *ἐν πυρὶ φλόγος*, In igne flammæ. Veniet enim primò ignis de cælo, quo conflagrabit vniuersa. Hoc scriptū est in psalmo: Ignis ante ipsum præcedet, & inflamabit in circuitu inimicos eius, dantis vindictam. Aduertendum est hoc participiū, dantis, debere ad Iesum necessariò referri, non ad flammam ignis. Ipse enim Iesus vindicabit in eos, qui non nouerunt Deum, quem noluerunt efficaciter prædicatum noscere. Dilexerunt enim magis tenebras quàm lucem, ut licentiosius peccare possent.

Matth. 11.

Luc. 9.

Psalm. 69.



*Et qui non obediunt euangelio domini nostri Iesu Christi: quia etsi nouerint quidam Deum, & confiteantur verbis: factis tamen negarunt. Qui penas dabunt in interitum aeternum.* Hæc est omnium summa poenatum, mors aeterna: quæ declaratur per id quod sequitur, à facie Domini, & à gloria virtutis eius. Ipsi in aeternum priuati facie Dei, & gloria virtutis eius aeternum consequenter ferent interitum. Cum venerit glorificari in sanctis suis, id est, quando veniet & glorificabit sanctos suos: quod erit glorificari illum in eis. *Et admirabilis fieri in eis qui crediderunt.* Non Iudæis tantum, sed indistinctè his qui crediderunt. Quid mirabilius quàm pro fide, & tam momentaneo agone tantam gloriam & illam aeternam ab ipso Domino referre?

*Quia creditum est testimonium nostrum super vos in die illo.* Testimonium Apostolorum erat quidem rerum præteritarum, sed in quibus continebantur etiam futura. Testificabantur enim Christum venisse, & mortuum esse ad delenda peccata nostra, & resurrexisse ad iustificationem nostram, quam vult impleri: ut sic perfecta fiat per gloriam corporis & animæ resurrectio in die illa credentibus & obtemperantibus euangelio.

Quia igitur hoc primum creditum est, & fidelis est Deus, quin illud sua die reddat, nullo pacto est dubitandum. *In quo.* Nam refertur ad, *die*, Nam Græcè habetur, in quod, id est, in quem, siue in hunc euentum gloriæ sempiternæ, etiam oramus semper pro vobis, ut dignetur vos vocatione sua Deus noster. Abundat in latinis, sua, & loquitur de vocatione ad gloriam. Est enim Dei duplex vocatio, ad meritum scilicet & ad præmium: sed primum ad agonem & brauium.

*Ut impleat omnem voluntatem bonitatis suæ,* id est, illud beneplacitum quod præcedit quum vocat ad gratiam, impleat vocando ad gloriam: *Et opus fidei in virtute.* Opus fidei est perfectio iustitiæ: quoniã per fidem (viam tamē, nam de hac semper est sermo, cum tales effectus illi tribuuntur) per fidem, inquam, fortes sumus ad sustinenda omnia nobis intentata tormenta, & perseverandum usque in finem ad promerendam coronam.

*Ut clarificetur nomen Domini nostri Iesu Christi in vobis, & vos in illo.* Audiat hoc hæreticus quomodo nomen Iesu clarificatur in nobis: & nos item clarificamur in illo. Clarificamus enim nos Christum, dum sustinemus pro illo. Et ipse nos clarificat, cum præmio afficit. Nec id solum, sed etiam cum & illud in nobis operatur per auxilium gratiæ suæ, ut possimus sustinere. Hoc dedita opera prudens addo propter quosdam sapientiores, qui tanquam blasphemiam accipiunt, cum audiunt nos: dicentes clarificari Christum per nos: quasi hoc non apertissime fateantur scripturæ. Quem si nos clarificamus, quid est miraculi si nos quoque ipse clarificet? Vt verbo, clarificet, pro glorificet, cum eandem significationem habeat, & eo interpret sit usus. Scimus autem & libetèr prædicamus omnia redire in gloriam Dei & Christi: quia istud etiam ipsum quod glorificamus Deum (sicut semper confitemur) per gratiam Dei & Christi contingit. Vnde adiecit B. Paulus *secundum gratiam Dei & Domini nostri Iesu Christi:* quæ est velut condimentum, quo grata sunt gustui Patris, quæ operamur.

Sanat enim gratia voluntatem, ut sanata perficiat legem, & perfecta lex ducat ad requiem.

CAP. II.



**R**OGAMVS autē vos, fratres, per aduentum Domini nostri Iesu Christi, & nostræ congregationis in ipsum, ut non cito moueamini à vestro sensu: neque terreamini neque per spiritum, neque per sermonem, neque per epistolam tanquā per nos missam, quasi instet dies Domini. Nequis vos seducat vlllo modo: quoniam nisi venerit discessio primum, & reuelatus fuerit homo peccati, filius perditionis, qui aduersatur & extollitur supra omne quod dicitur Deus, aut quod colitur, ita ut in tēplo Dei sedeat ostendens se tanquam sit Deus.

*Rogamus autem vos fratres per aduentum domini nostri Iesu Christi.* Dignus est hic locus qui abundè tractari debeat, ut caueamus errores tam hæreticorum, quàm aliorum. Nec enim possumus negare quin hac parte sit à multis erratum. Primum igitur sciendum est, iam tempore B. Pauli de aduentu Domini tumorem fuisse sparsum, quasi instaret essetque in ianuis. Et hoc asserbatur à nonnullis tanquam ab ipso Apostolo prænuntiatum. Illud porrigi in superiore epistola non sanè intellecta videbatur, cum scripsisset: Deinde nos qui viuimus, qui relinquimur in aduentu Domini, nō præueniemus eos qui dormierunt, sed simul rapiemur Christo in æra, &c. Verum B. Paulus hoc in loco negat vtrumque, videlicet nec se illud significare voluisse, neque verum esse, quod instaret ille aduentus Domini. Quamobrem rogat illos per ipsummet Domini aduentum, & per ipsam eorum congregationem, in qua se collocare non dedignatur, quæ ordinata erat in ipsum scilicet aduentum. Non enim est legendū, *Et nostræ congregationis*, sicut habet vulgata editio sed sicut Græca fert lectio, *Et nostrā congregationem.* Rogat inquam illos, ne tā cito moueātur à suo sensu, id est, à sua ipsoꝝ priore deputatione & sententia, quæ erat nō instare tunc tēpora Antichristi & iudicii supremi: quoniam oportebat prius vocari & venire omnes Gentes ad euangelium, ac deinde Iudæos. Et tamen tunc initium erat euangelij Dei, & primus (ut ita dicam) vltimæ ætatis dies. Vix dū enim erant tunc eiekti Iudæi & reprobati.

Itaque aliud est esse in vltima ætate, quæ aliquādo designatur per nouissimos dies, aliquando per fines sæculi, aliquando per nouissimam horam. Aliud autem instare diem illius magni aduentus. Scribebat Dilectus: Filioli nouissima hora est. Sed longa nobis hæc hora est: hora tamen est in conspectu Dei, apud quē omne tempus vnus est dies, imò vnum momentum. Quocirca ne decipiamur animaduertendum. Metiri liquidem necesse est longitudinem ac breuitatem temporis alia mensura quàm nostra. Dicitur iam olim de diabolo, superesse illi tempus perbreue, scilicet ad præliandum aduersus ecclesiam: & iccirco laborat assidue ut emat tēpus. Dixit & B. Paulus: Nos sumus in quos

De tempore aduentus Domini.

1. Ioan. 2.

Apo. 12.

1. Cor. 10.



Luc. 21.  
Marc. 13.  
fines sæculorum deueniunt. Et tamen sunt elapsi iam mille & quingenti anni, ex quo ista (quibus poterat videri instare diem) dicta sunt. Nam & Dominus interdum ita loqui videtur, perinde ac si in illum diem mansuri essent Apostoli, ut cum dicebat: Attendite ne superueniat in vos repentina dies illa. Et iterum: Cum videritis hæc fieri, scitote quod in proximo sit in hostiis. Hæc & alia quædam in parabolis ab ipso Domino dicta, videbantur indicare tempore Apostolorum venturam illam extremam diem. At hoc falsum esse manifestum est: & ideo procul abest à vero scripturarum sensu. Quo in loco etiam cautè plura obseruanda sunt: quoniam Dominus admirando quodammodo contextit hanc de illa prophetiam die, admiscens excidium Ierusalem: & alia de industria ac summa sua sapientia ita inuoluens, ut sit maximè difficile rerum ordinem capere.

Luc. 21.  
Illud ergo aduertendum est primò, quæ de aduentu illo generali dicuntur, habere analogiam quandam ad aduentum cuiusque particularem, ita ut ferè omni die ac tempore multa proportionabiliter verificentur in particulari aduentu, quæ de vniuersali principaliter dicuntur. Etenim præcepta illa, ut attenderent ne grauarentur crapula & ebrietate, ne superueniret in eos repentina illa dies etiam ad Apostolos pertinebant: quia illa extrema dies comprehendet omnes, qui non studuerint in hac vita ad illum aduentum inueniri parati. Dominus noster sapientissime ad maximam nostram vtilitatem voluit ob eam causam nobis ignotum esse certum aduentus illius diem, ut simus semper: non secus parati ac si quauis hora possit accidere: sicut verum est in particulari cuiusque iudicio. Nam qui in hoc particulari aduentu deprehenditur imparatus, etià in illo generali offendet. Itaque hæc duo iudicia, videlicet particulare cuiusque, & vniuersale, cum misceantur aliquando in prophetiis illis Domini dictis & scripturis, ut iuxta literam quædam de vno, quædam de altero, quædam verò de vtroque verificentur, non est facile nisi cœlesti reuelatione, istorum in volucris contentam intelligentiam explicare.

Mat. 13.  
Mat. 23.  
Præterea, sciendum, esse non pauca in Euangelistis, quæ Apostolis quidem seu discipulis videntur dicta, nec tamè in eis completur eorum dictorum veritas: sed in personis discipulorum intellecti sunt posteri, & posterorum filij. Quamobrem ipse apud B. Marcum ait, Quod vobis dico, omnibus dico, vigilate. Nihil igitur est absurdi quædam dicta suam consequi in Apostolis veritatè: & quædam in cæteris, qui in illorum persona intelligebantur. Sic B. Paulus ad Cor. & ad Thessalon. & ad alias ecclesias scribens, indefinitè & absque alia nota ad eos sermonem dirigit, & multa aut laudans, vel accusans, aut præcipiens interponit, quæ non ad omnes pertinebant: sed modo ad maiores, modo ad minores, interdum etiam ad certos quosdā ac peculiare. Ecce etiam Dominus cum ad Scribas & Phariseos sermonem verteret, qui tum præfentes aderant: Væ vobis, inquit, genimina viperarum. Ecce ego mitto ad vos prophetas, & sapientes & scribas, & ex illis occidetis, &c. ut veniat super vos omnis sanguis iustus qui effusus est super terram, à sanguine Habel iusti vsque ad sanguinè

Zachariæ filij Barachia, quem occidistis inter templum & altare. Certè illi qui tunc vivebant, non occiderunt illum filium Barachia: Sed Dominus in illis intelligebat omnes similes, quos quasi vnâ generationem designat. Quare contestim ait: Venient hæc omnia super generationem istam: Ierusalem, Ierusalem quæ occidis prophetas.

Conclusio igitur prima secundum Apostolum est, Quod nec ipse vnquam scripserat, neque vnquam dixerat instare tunc diem aduentus Domini: sed nec id verum esse. Manifestè enim ait, quod non instabat, cum non venissent ea signa, quæ præcurrere aduentum illum oportebat. Nam & Dominus in suis verbis ostendebat non instare illum diem rectè considerantibus, qui dum signa multa præcedentia aduentum describeret, dixit: Videte ne turbemini. Oportet enim hæc fieri, sed nondum est finis. Consurget enim gens in gentem: & regnū in regnum: & erunt pestilentia & fames & terremotus per loca. Hæc autem omnia initia sunt dolorum, &c. Vide ut diligentèr cavit ne errarem, finem ad esse credentes quando nō esset finis: imò esset initium malorum. Bella, & pestilentia, & fames, & terremotus fuerunt assidue præteritis sæculis, & nostra præfenti ætate etiam imminet. Ad do & de pseudopropheta qui surrexerunt, & falsis fratribus alium Christum prædicantibus, qui & nunc videntur inualuisse. Nondum tamen patuerunt ea alia signa quæ oportet præcedere, ut cōiectemus in ianuis esse aduentum Christi.

Quare non solum falsi sunt tempore Apostolorum qui tum viuentes id purabant, verum etiam qui postmodo successerunt. Multi enim & hi quidem magni viri cernentes prælia, pestilentias, fames, terremotus, excidia urbium multa, multos itè pseudoprophetas, in eam opinionem venerunt, ut iminere aduentum Domini dicerent. Memini me legisse B. Cyprianum in epistola ad Demetrianū ita sentiētem: Nescio an & alibi hac de re scripserit. Est & Magni & sanctissimi Pontificis Gregorij homilia manifesta, qui diebus suis venturū postremum diem expectabat Legi & B. Bernardum hoc ipsum à signis eiusmodi existimantem. Venit denique B. Vincētius ordinis nostri, qui & prædicauit diem iudicij imminentem: & (ut fertur) epistolam circa hoc de Antichristo iam nato conscripsit. Quem fuisse falsum B. Antoninus noster Archiepiscopus Florentinus non diffidetur. Ego autem vix possum persuaderi de viro Dei, ut ea scripserit quasi in verbo Domini. Attamen falsos fuisse ex nostris nonnullos perspectis iis sæculi flagellis & præssuris, haud dubium est.

Venerunt tamen mulieres sanctæ, & nonnulli etiam viri sancti qui econuersò reformationem ecclesiæ, & conuersionem paganorum ad Christum futuram vaticinati sunt: quorum ego traditionem hac parte amplector non inuitus tanquam verisimiliorem, & scripturis sanctis magis quadrātem, Neque imminere nunc illum diem aduentus Domini puto: quoniam hæcenus minime signa illa ostensa sunt, quæ illum esse in ianuis confirmant, ut paulò post ex parte dicem. Nec oportet nos esse anxios & sollicitos quò præsciamus certum illū diem, quem scire nec datum esse Angelis dixit Dominus, nec Filio hominis: Non quod Dominus

Luc. 22:

Decepit multos iudicij dies.

Marc. 13.



illum nesciret, sed nesciebat ad reuelandum. Itaque non debemus esse ea de re curiosi, nec citò mori ob cuiuscunque sermonem.

Redeo ad Apostolum, ait enim ipse: *Vt non citò moueamini à vestro sensu*, hoc est, à recta sententia quam à nobis accepistis: sed stabiles persistite, & non imitemini eos qui leuitate ad omnem doctrinam nouam ventum circumferuntur. *Nec terreamini*, siue turbemini, *neque per spiritum, neque per sermonem, neque per epistolam quasi per nos missam, quasi infset dies Domini.* Quod ait, neque per spiritum, videtur subnotare cuiuspiam spiritum, qui nō poterat esse spiritus verax, dicens falsa. Quod verò ait de sermone & epistola, pertinet ad sermonem suum priuatim. Verisimile enim fit, de huiusmodi Apostolū sapius fuisse interrogatum, & ita responsa dedisse vt extenderentur eius verba, aut aliter acciperentur quàm ipse vellet, aut etiam exprefferit verbis, sicut de epistola factum est. *Ne quis vos seducat vllò modo.* Grauis illa est seductio, quæ tantam vim obtinet, vt per illam fidei sinceritati derogetur. Si de B. Paulo impressa fuisset in mentibus hominum constans opinio & vulgatus rumor, dixisse illum instare tempus aduentus Domini, cum postmodò id verum non appareret, nonne magnum præiudiciū fiebat euangelicæ eius prædicationi? Iccirco diligenter cauit ne quid latius serperet. Nec enim parum obfuerunt multis nonnulli, qui quasi ex reuelatione acceptum prædicauerunt, alij etiam scripserunt instare reformationem ecclesiæ, & ipsum paratum esse Pontificem sanctum à Deo electum qui natus erat & grandiusculus. Et tamen sunt ab ea talis vaticiniij pronuntiatione exacti tot anni, vt facile possimus concludere, falsos illos fuisse. Ipsum certè vaticinium falsum, vnde multi scandalizantur, & pertinaciores ad credenda vera semel delusi redduntur, vt sit vndique metuendum periculum. Et ideo nolebat vt crederent eis, à quibus audiebāt instare diem Domini: ne fortè cum transiret tempus quo eum crediderant esse venturum, & venisse non cernerent, etiam cetera fallaciter sibi promitti arbitrantes, de ipsa mercede fidei desperarent. Non ergo ille diligit aduentum Domini qui eum asserit propinquare: nec ille qui asserit non propinquare. Sed ille qui cum siue propè siue lōgè sit, sinceritate fidei, firmitate spei, ardore charitatis expectat. In quo epim quenque inueniēt suus nouissimus dies: in hoc eum comprehendet mūdi nouissimus dies: quoniam qualis in die isto quisque moritur, talis in die illo iudicatur. Prosequens Apostolus vt ostenderet nondum instare tunc aduentum ipsum, ait:

*Quoniam nisi venerit discessio primum.* Ecce notabile signum præcedens aduentum Christi, nimirū insignis quadam discessio. Græca vox est, *Apostasia*, quæ significat rebellionem ab obedientia, siue à statu & professione aliqua religionis & fidei. Non pauci locum hunc intellexerunt de rebellionē Gentium à Romano imperio. Alij de rebellionē multarum ecclesiarum ab Episcopo Romano. Nonnulli ad multitudinem populorum à fide recedentium applicarunt, rati à Domino istam significationem quando dixit: Putas quando venerit Filius hominis, inueniet fidē in terra? Ego verò etsi priorem expositionem non reprobem, potius tamen

probo duas alias quæ se mutuo consequuntur. Quæuis autem non sine gemitu videamus multas ecclesias nostris temporibus ab obedientia sūmi Pontificis defecisse: non ita tamen desperanda res est, vt non sit spes aliqua futura resipiscentiæ breui conficiendæ, si causæ erroris & occasiones tollerētur, hoc est, pernicioſa dogmata in fide: & nos & illi prauos nostros mores in melius immutaremus: potissimum si qui debent lux esse mundi, mundo prælucere. Et fortassis non est plena illa Apostasia de qua B. Paulus hoc in loco. Non enim solum negabitur in terris Christi Vicarius, sed & ipsemet Christus apertè. Nā ideo reiicietur Vicarius: quia & ipse primarius Dominus, cuius ille vices gerit, non recipietur. Neque id satis illis erit, sed & insuper ita apostatabunt à Christo, vt recipiant aduersarium eius Antichristum Satanæ primogenitum. Et tunc erit perfecta Apostasia & illud signum, quod hic Apostolus ostendit nobis. Vnde subdit:

*Et reuelatus fuerit homo peccati, filius perditionis.* Vocat hominem peccati eum, qui totus peccatorum plenus futurus sit. Aut potius qui summo peccato insigniter tenebitur: quod est aduersari Christo ac Deo summa superbia. Vocat & filiū perditionis, sicut Dominus Iudam quodā singulari modo nuncupauit: eximio nanque modo talis erit, qui tantum audebit. Vide quàm egregiè describitur: *Qui aduersatur*, inquit. Exurget enim in Christum directo & palam, & non sicut alij qui saltem verbo Christum fatentur, & nomen illius creberrimè inculcant, seque illius prædicare doctrinā simulant. *Et extollitur supra omne quod dicitur Deus, aut quod colitur.* Græcè habetur, *super omnem qui dicitur Deus.* Tres sunt solummodo personæ quæ dicuntur Deus & sunt verè Deus, quas ille negabit, & se constituet super illas: tantaque dementia homines deprauati existent, vt eum tanquam Deum colant, & habeant super omne quod verè dignum est cultu. Hoc apertè declarat, Apostolus. *Ita vt in templo Dei sedeat ostendens se tanquam sit Deus.* Græcè ostendens se, quod sit Deus. Et est quidem loquēdi tropus, quem fugere studuit noster interpretes. Non enim re vera ipse ostendet se Deum (quia quod verè non est, esse ostendi non potest) sed significatur quod ille sibi usurpabit cultum diuinum, iubens se adorari & coli tanquam sit Deus in templo Dei. Non exprimitur autem quodnam & vbi templū sit illud futurum, in quo cultum ipse sibi curabit exhiberi. Putant aliqui hoc in Ierusalem fore, postquam erit restituta illa ciuitas. Alij per templum Dei mētes hominum intelligunt. Alij simpliciter aut indefinitè, vt verificetur de quolibet templo. Hic breuiter totus sermo mutilus est & subobscurus, quo subintelligitur aduentus Domini non adfuturus, antequam præcurrerint signa in euangelio, & ab Apostolo indicata, & tandem exoriantur ista insignis apostasia, & manifestatio Antichristi.

Prodierunt è sepulchris nostro tempore heresiarchæ, & veri Antichristi præcursores, qui cum non auint palam negare Christum (quod reseruat tanquam proprium Antichristo eorum prætorum) ipsi tamen Vicarium eius negant: & ingenti blasphemia ac perfidia illum esse verum Antichristum, de quo hoc in loco narrat Apostolus, videlicet quod sedeat in templo Dei, & velit coli vt Deus,

De reuelationibus falsis.

B. Augu.

Luc. 18.

In hereticis blasphemiam contra Vicarium Christi.



Deus, non horrescunt dogmatizare: quod est tam aperte falsum, quam apertissime sunt isti Apostatae ac prauaricatores. Perpetua enim & continua successione ab ipso Christo capite, à B. Petro eius Vicario primo hanc sedem obrinēt. Hoc vniuersa semper ecclesia prädicauit, & defendit veros esse B. Petri successores. Et ipsimet nedum Christū non negant, sed supplices adorant, & adorandum confitentur & præcipiunt vt Deum verum. Et quicquid sibi exhibetur honoris, Christo exhiberi in suis personis recognoscūt. Neque nos Catholici honores eis exhibemus diuinos, sed eum cultum quo veneramur in quibus est aliquid diuinum, diuinitusque sanctificatum. Quid autem in ordinibus sacris sublimius ipso summo Sacerdote cogitari potest, q̃ sanctificatus loco Christi eminet in terris? Quòd si in huiusmodi venerationibus fortassis fines trāsierint aliqui, quid ad rem istud facit? An nō exceditur in pane comedēdo, bibendo vino, in coniugio, in videndo, in reliquis animi & corporis partibus? Nullus igitur conficiatur panis, vites euellantur, eruantur oculi, & reliqua omnia quibus adesse malus vltus potest. Puerilia sunt ista argumenta. Corrīgatur praua: seruetur illæsa iurisdicctio. At isti nihil aliud moluntur calūniando, quam vt minus odio so prætextu potestatis summi Præsulis funditus euerterēt. Vnus futurus est iuxta Apostoli doctrinam Antichristus. Hæretici innumeros pariunt. Nā exorto Luthero qui sedē apostolicam regūt, omnes sunt eius sentētia (quam discipuli sequuntur) Antichristi. Ars est Luciferi vt qui verē sunt, impudentius se esse negent, calūniosum nomen in alios reiciētes. Itaq; tot Antichristi fuerunt quot pōtiffices: & ex istis Pōtifficibus (quos fuisse Antichristos vōlunt) pro Christo tamē, cui Antichristus aduersari debet, sanguinē multi funderūt, & iam regnū Antichristi durauit per sæcula, & quidē in pace. Christi autem regnum interīm nusquam apparuit, nisi q̃ modo tandem resurrexit in illis. O execrandā impietate, & eorum qui hos nebulones sectantur, incredibilē vecordiam. Sed redeamus ad Apostolū.

Num retinetis quòd cū adhuc essem apud vos, hæc dicebam vobis? Et nunc quid detineat, scitis: vt reueletur in suo tēpore. Nam mysteriū iam operatur iniquitatis: tātūm vt qui tenet nūc, teneat donec de medio fiat. Et tūc reuelabitur ille iniquus, quem Dominus Iesus interficiet Spiritu oris sui: & destruet illustratione aduentus sui eum, cuius est aduentus secundū operationem satanæ in omni virtute, & signis, & prodigiis mendacibus, & in omni seductione iniquitatis iis qui pereunt, eò quòd charitatem veritatis non receperunt, vt salui fierent. Ideo mittet illis Deus operationem erroris, vt credant mendacio: vt iudicentur omnes qui non crediderūt veritati, sed consenserunt iniquitati.

Quod ait Latinus interpres, *Num retinetis*, Græcè legitur, *num meministis*, & idem significatur. Porro

sensus est apertus. Nam ea de re iam sermonē cum illis prælens communicauerat Apostolus, & arcum detexerat. *Et nunc quid detineat, scitis: vt reueletur in suo tempore.* Huius loci verba multis visa sunt obcuriora, ita vt B. Augustinus ingenuē quodam in loco fateatur se non intelligere. Quod fuit ingenui viri, inanem suam gloriā fallaci scientiæ ostensione non quarentis. Ego illū imitatus, fateor quod me nescire. Occurrit mihi aliquando quædam noua intelligentia, eius tamen generis quæ mihi ipsi non satisfaciāt. Itaque cum in ea conuiescere non possim, nec in aliis aliorum expositionibus quas legi, non libet recitare. Satiùs longē existimō me nescire citra pudorem confiteri, quam quicquam proferre audacius à sinceritate & ipsa veritate sanctissima alienum. *Nam mysterium iam operatur iniquitatis.* Durum videri potest istud, de eo qui non sit in rerum natura dici, quod mysterium iam operetur iniquitatis. Quapropter crediderim ista quæ de Antichristo prædicuntur, pertinere ad satanā: qui ita totum possidebit cor & corpus illius, vt quodam modo vnum cum Antichristo efficiatur: quemadmodum & qui adheret Domino vnus spiritus est. Ipse ergo satanas iam tunc inceperat in multis Antichristis id operari, quod insigniter perficiet tandem in illo insigni Antichristo.

*Tantum qui tenet, teneat.* In Græcis non legitur, *teneat*, sed putauit interpretes esse subaudiendum, nec immeritò, *donec de medio fiat*, siue tollatur. Exponat cui datum fuerit. Verē fateor esse profundum mysterium, in quod penetrare non possum. Et nisi reuelatione, non putarem cuique esse peruiū. *Et tunc reuelabitur ille iniquus, quem Dominus Iesus interficiet spiritu oris sui.* Erit ergo interfectio Antichristi miraculosa, de qua Isaias & Daniel: ille dixit de Domino: Et spiritu labiorum suorum interficiet impium. Daniel autē ita de illo impio vaticinatus est: Et post regnum eorum cum creuerint iniquitates, confurget rex impudēs facie, & intelligens propositiones, & roborabitur fortitudo eius, sed non in viribus suis: & suprā quā credi potest vniuersa vastabit, & prosperabitur & faciet. Et interficiet robustos, & populum sanctorum secundū voluntatem suam: & dirigetur dolus in manu eius, & cor suum magnificabit, & in copia rerum omnium occidet plurimos. Contra Principem principū confurget, & sine manu conteretur. hæc ille propheta.

*Et destruet illustratione aduentus sui, &c.* Hoc pertinere ad eius sectatores arbitror, in quibus illud regnum destruetur, cū venerit postmodo Dominus. Non enim continuo post mortem Antichristi erit aduentus Domini: sed præcedent aliqui, aduentum illius iustis ac sanctis indicantes, & iis item qui ab Antichristo & mēbris illius decepti fuerint, si fortē peccatum recognoscere, & per pœnitentiā redire ad salutis viam velint. *Cuius est aduentus secundū operationem satanæ in omni virtute*, siue potētia, nimirum satanæ: cuius quidē magna est & tanta potētia, si permittatur à Deo, vt nulla alia (teste B. Iob) *Iob 41:* valeat ei comparari. Et Dilectus inter alia, de hac potestate ait. Et data est illi potestas in omnem tribum & populum, & linguam, & gentem: & adorauerunt eam omnes qui inhabitabant terrā. Et fecit signa magna, vt etiā faceret ignem de cœlo descendere in terrā in conspectu hominū. Et seduxit ha-

Isa. 11:

Dan. 8:

Iob 41:

Apo. 13:



bitantes in terra propter signa quæ data sunt illi facere in conspectu bestiarum. Hoc idem Apostolus ait, licet compendiosius. *Et signis & prodigiis mendacibus.* De his, inquã, signis videtur loqui B. Ioannes. Vocat signa & prodigia mendacia, vel quia erunt præstigia, & apparebunt coram hominibus esse talia, qualia verè non erunt. Aut mendacia dicuntur: quoniam etsi ipsa vera futura sint, tamen falsum erit id quod persuadebunt, & ad quod persuadendum inducta fuerint. Sicut falsum conficitur argumentum, quod etsi constet ex veris, ex eo tamen falsum concluditur.

Erunt ergo illa signa & prodigia non excedentia virtutem creatam, ita ut operentur omnem seductionem iniquitatis, id est, ducentem ad iniquitatem, *sed in iis qui pereunt.* B. Paulus alibi similiter dicit oportum esse euangelium, sed in his qui pereunt, id est, in iis qui ita se aptarunt, ut irritatus post longam sustinentiam Deus, tandem concurrat ad eorum interitum, utpote qui volunt omnino perire. Hi sunt quos in reprobam sensum mittit, non solum deferendo (quod satis esset ad interitum) sed etiam per oblatas occasiones excitando, ne rectè agant. Qui enim dum poterant, noluerunt, nonne æquum est ut nec possint etiã si quando velint, aut etiam velle vnquam non possint? In hunc modum diabolus homine consentiente operatur omnem seductionem, hoc est, perfectam seductionem, quæ tunc est, cum nullus relinquitur penitentiæ locus: propter quod ait scriptura: Considera opera Dei, siue opus Dei, quod nemo corrigere potest, siue emendare & recôcinnare, quem ille despexerit, seu (ut quidam Hebræam vocem interpretatur) quem ille deprauauerit. Et huius despectionis datur ratio manifesta, quæ non est antiqua reprobatio in massa, sed ob nouum crimen: audi Apostolum,

*Eo quod charitatem veritatis non receperunt ut salui fierent.* Grauis est hæc sententia, ac si dixerit: Non dilexerunt illi propriam salutem, recipientes cum dilectione veritatem, quæ ad æternam salutem conducebat. Quid ergo facias illi qui suam salutem non vult, nisi ut ne habeat etiam adiuues? Diligenter autem aduerte quod ait: Non receperunt dilectionem veritatis, ac si expressius dixerit, quod ea dilectio illis à Deo oblata fuit. Nam quamuis natura impressum habeamus instinctum diligendi in vniuersum veritatē, non tamen illam vel illam veritatem in particulari, nisi obiiciatur nobis & suadeatur ut bonum nostrum salutare. Quod cum fecerit Dominus per se ipsum, & per suos Apostolos prædicando euangelium per signa & prodigia vera: qui illud noluerunt recipere, nulla eis prorsus relinquitur iusta querimonia, si nō solum Deus permittat, sed insuper quibusdam occultis modis quos ignoramus, immittat ut facilius mendacium suscipiant. Hoc est enim quod subdit:

*Et ideo mittet eis Deus operationem erroris.* Græcè, *ὁ δὲ θεὸς*, id est, vim quandam efficacem ad errandum, ut credant mendacio, quoniam nullo negotio persuadentur à diabolo fallaci & Antichristo, qui tamen ipsi certi erunt falsitatis. *Ut iudicentur omnes qui non crediderunt veritati, sed consenserunt iniquitati.* Hic est finis quem peccatum eorum consequitur, nempe damnationis supplicium, quam sibi quesierunt ipsi nolentes prædicatæ & probatæ credere veritati, sed

potius consentire iniquitati, siue iniustitiæ: vnde gloriatio Dei in sua iustitia. Iniquitas enim siue iniustitia, quam ipsi ut potiore spote sua elegerunt complacentes sibi in illis, ut Græca vox sonat, fuit ratio ne crederent perspicuæ veritati. Alioqui veritas, utpote per se amabilis, ab omnibus semper reciperetur, nisi prauitate affectus corrumpetur intellectus, cuius obiectum est verum ipsum, quem admodum voluntas pro obiecto bonum habet. Quocirca instantissimè à Christianis orandus est Dominus, ut intellectum illustrare, & affectu prauo voluntatem purgare dignetur, ne verum nobis ostensum per præposteram voluntatis affectionem respuamus. Nam rectè apprehensa veritas mirabiles in nobis amores excitabit diuinæ sapientiæ ad mandata promptè exequenda.

Nos autē debemus gratias agere Deo semper pro vobis, fratres dilecti à Deo, quod elegerit nos Deus primitias in salutem in sanctificatione spiritus, & in fide veritatis. Ad quod & vocauit vos per Euangelium nostrum in acquisitionem gloriæ Domini nostri Iesu Christi. Itaque, fratres, stete: & tenete traditiones quas didicistis siue per sermonem, siue per epistolam nostram. Ipse autem Dominus noster Iesus Christus & Deus & Pater noster qui dilexit nos, & dedit consolationem æternam, & spem bonam in gratia, exhortetur corda vestra, & confirmet in omni opere & sermone bono.

*Nos autem debemus gratias agere, &c.* Concludit Apostolus educens ex superioribus debitum gratiarum actionis, pro illa electione de qua ab initio. Græcè legitur, *Quod elegerit vos Deus ab initio in salutem.* Nam ferè primi fuerunt ex Gentibus quibus prædicatum est, reiectis aliis à manifesta reuelatione. Narrat autem effectum electionis: *In sanctificatione spiritus*, quia mēs per infusam charitatem sanctificatur, *Et in fide veritatis.* Per fidem enim venit purificatio illa spiritus nostri: quia per illam venit charitas, quæ est integra iustitia. *In qua*, melius Græcè, *in quod*, ut vniuersum bonum cōplectatur, *vocauit vos Deus per euangelium nostrum*, id est, per nostram euangelij Dei prædicationem. Vocat euangelium suum: quia sibi creditum, ut promulgaret illud mundo. *In acquisitione gloriæ domini nostri Iesu Christi.* Hic finis postremus, glorificatio nostra in cælis, quæ consistet in reddenda Redemptori nostro gloria & Patri clemētissimo in perpetuum, fruendo sanctæ Trinitatis visione læticia inenarrabili.

Verum postquam de temporibus & momentis aduentus Domini, & aduentus Antichristi nonnulla superius sunt disputata: pauca volo ad instructionem nostram breuiter perstringere ac cōcludere. Primum sit, Otiosum nobis esse ea velle scire tempora & momenta quæ huiuscemodi sunt. Ratio autem clara est: quoniam hæc posuit Deus in sua potestate, nec voluit scire Angelos suos, nec ipsummet (ut testatur in euangelio) Filium, ad hunc videlicet effectum ut reuelaret nobis: ita ut nec interrogantibus discipulis, qui communi hoc intelligēdi



desiderio tenebantur, voluerit hoc eis mysterium referare. Qui ergo sumus nos qui id velimus scire velit nolit Dominus, qui iam per obturata Apostolorum hac in questione ora, nobis multo magis domine silentium imposuit? Tum verò quia nec prodest quicquam illud scire. Satis est enim scire omnino futurum. At quo vel tempore vel loco nihil ad nos (si seruemus præceptum B. Pauli & Domini) perterrefaciendos. Hoc enim pertinet ad nos, ne improuisi ab illo cōprehendamus. Nam si præceptum Domini seruauerimus, nō obruet nos improuisos. Hoc est autem præceptum vt vigilemus, & expectemus illum perinde obseruantes, ac si omni horarum momento esset adfuturus. Oportet enim manifestari omnes in eo magno aduentu etiā in corpore: quia omnes resurgemus. Sed alios offendet clam in nocte velut fur: alios in die. Eos qui dum fuerunt in hac vita, & non vigilarunt, offendet ex improviso tanquam fur nocturno tempore veniens. Nam si primus aduentus fuit improuisus & in nocte, etiam secundus qui veniet, erit improuisus & in nocte ac tenebris. Improvisum dico respectu temporis huius, quando præuisum oportuit & prouisum in die, & ita obseruare ne veluti fur comprehenderet nos in nocte. Quod si vigila uerimus, & erimus filij lucis, quancumque uenerit aduentus ille, nunquam improuisus veniet: sed expectatus & desideratus, & non quasi fur in nocte. Et tunc bene nobis erit. Hoc est ergo & Domini, & B. Pauli in superiore epistola præceptum: quod si seruemus, nihil oberit illius certæ diei ignorasse momentum, quin proderit potius: quoniam fides de eo & expectatio reddet nos cautiore & vigilantiores: & ita non comprehendet nos vt fur dormientes solet.

Alterum est quod debemus prudentissimè considerare, ne ab iis seducamur, qui instare illam nouissimam diem falsò prædicant: sicut nunc quidam hæreticorum faciunt (quod ex parte prediximus) non attendentes ad signa quæ præcurrere debent: imo illa peruerterentes. Mihi ergo uerius uideretur, longè nos adhuc ab illa die abesse. Non enim completus apparet numerus Sanctorum, & tempus status gratiæ. Quod certè nimis breue & coarctatum esset præ eo tempore quod præcessit aduentum gratiæ primum. Secundò, Non uidemus adhuc plenitudinem Gentium intrasse, & prædicatum esse euangelium in uniuerso mundo. Tertiò, Necdum uidemus discessionem illam & insignem apostasiam, quam Apostolus hîc prædicat. Quartò, Nec uidemus conuersionem Iudæorum, quæ debet omnino præcedere, & recuperationem ciuitatis sanctæ Ierusalem. Quintò, Nec dum uidemus nostro tēpore illa signa quæ prædicta sunt, à pseudopphetis patranda de cœlo, vt in errorem inducantur, si fieri possit, etiam electi. Hactenus Dei bonitas & clementia hoc nondum permisit. Nullus enim recentium hæreticorum miraculum ullum edidit. Nam violare fidem Deo datam, & sacrilegas inire nuptias, non sunt signa cœlestia, sed carnis opera, quæ vel canes patrare solent, & vorare & bibere. Nec uetustior ille Aper de sylua Mahumetes, vt ipsemet testatur, uenit in signis & prodigiis. Sextò, Nec illud quod B. Petrus præmonuit apparet, ait enim: Venient in nouissimis diebus il-

lusores, iuxta proprias concupiscentias ambulantes, dicentes: Vbi est promissio, aut aduentus eius? Ex quo enim Patres dormierunt, omnia sic perseverauerant ab initio creaturæ, &c. Reperientur ergo tunc negantes hunc articulum fidei, uidelicet Christi aduentum, & consequenter uerba Christi, & Christum ipsum: & ita uerè & apparenter erunt multi Antichristi. Hoc autem de his qui nunc sunt non uidemus. Neque enim insusurrant isti in aures vulgi, Pax & securitas, tãquam qui negent uenturum Christum. Impudèter quidem dicunt, Pax & securitas, postquam se ab ecclesia segregantes, vt filios Dei & prædestinatos sola fide aiunt Christi iustitiam, & merita eius se certò apprehendere, & irreuocabiler obtinere: ita vt iam non pertineat ad eos cum timore ac tremore salutem suam operari, sed uehiculo fidei in cœlum ferri: vel in infernum potius præcipitari. Sed ad doctorem nostrum nunc redeunt, rem nostram suo cursu prosequamur.

Itaque, fratres, state. Stare ergo illos iubet, uidelicet in his quæ didicerunt: & tenere traditiones quas receperunt, siue per sermonem, siue per epistolam. Hîc locus destruit manifestè hæreticorum dogma, qui negant aliquid esse seruandū, quod non præcipiatur in scripturis sanctis. Ac propterea derogant (vt sæpius dicendum est) traditionibus quorūcunque, non solum contra communem sanctorum sententiam, & uniuersæ ecclesiæ sanctæ: uerum etiam passim contra doctrinam Apostolicam. Ecce Apostolus nihil discriminis statuit inter traditiones uerbo relictas, & literis mandatas. Nec enim dicendæ sunt hæ traditiones hominum, & præcepta hominum, sed Dei & Spiritus sancti. Hoc autem quod à me hîc dicitur, intelligi de his traditionibus uolo, quæ ad fidem & cultum Dei attinent: à quibus diuina prouidentia non permittit errorem in ecclesiam prouenire, cum ipsemet Dominus talia de cernendi potestatem dederit.

Addo, ita necessarias esse traditiones, vt sine traditionibus inordinatè & incōpositè in multis ambularemus. Imo nec ipsimet hæretici qui nouas ecclesias erigunt, ualent suos sine traditionibus continere. Vbi primum enim (uide peruersitatem pie lector) ab ecclesia deficiunt, quò suam euangelij prædicandi doctrinam tueantur, mox aliquibus nouis traditionibus introductis, imperitam multitudinem uinciunt, ne illis elabatur è manibus: Vt iam sint apud illos numerosiores traditiones, quàm uerbis Gentium. Ea siquidem docent principia, quæ sine constitutionibus ac præceptis nequeunt consistere: sed à dæmone excogitata. At Redemptor noster ac Dominus dixit post resurrectionem multis se communicaturum Apostolis, quæ non poterat tunc portare. Nec post ullo loco scripta sunt.

Porro illud omnino quàm ridiculum, dum sic argumentantur, & captiosè interrogant: Nonne in scripturis madata sunt nobis omnia necessaria ad salutem? Si negauerimus: Ergo, inferunt, defectiue sunt scripturæ. Si abnuerimus: Superflue ergo, aiunt, sunt traditiones, & alia hominum præcepta. Et nos respondemus, Mandata esse nobis omnia necessaria ad salutem, nec tamen redundant traditiones Pontificum: quia & ipsæ mandantur in scripturis. Continetur namque, teste Apostolo, in scripturis vt

Contra hæreticos.

In hæreticos solas scripturas admittentes.



Luc. 10.

seruemus traditiones. Et Christus dixit: Qui vos audit, me audit. Isti sunt propriè qui nolūt audire. Non erat dignum vt minutiora quæ cultum diuinum exornant, & quæ temporis progressu erant vel augenda, vel minuenda, & in melius immutanda, & quæ cotidiano etiam vſu obseruantur, in sacris literis scriberentur. Istud olim factum est per Moſen, quando neceſſe erat illum rudiorẽ populum quafi puerum regi ministerio pædagogi, & in elementis erudiri. At quando factus est vir populus Dei per sapientiam, non oportuit postmodo vt erudiretur à pædagogo. Ipse enim in huiusmodi, Spiritu sancto doctore, fuit sufficiens sibi, nec vinculis coercendus, sequitur:

Rom. 8.

*Ipse autem dominus noster Iesus Christus, & Deus & Pater noster qui dilexit nos. Quod ait, dilexit nos, primum ad ipsos Apostolos pertinere arbitror. Vnde ait: Et dedit consolationem æternam, quæ nunquā deficiet, cuius certus erat. Certus sum (inquit alibi) q̃ neque mors, neque vita, neque Angeli, neque Principatus, &c. poterit nos separare à charitate Dei quæ est in Christo Iesu domino nostro. Et spem bonam in gratia, non in humanis nostris viribus. Spes enim innititur in operibus, non quasi ex solis viribus nostris procedentibus, sed ex gratia & auxilio Dei, quod nemini denegatur volenti. Exhortetur corda vestra, siue cõsoletur. Et confirmet in omni sermone & opere bono. Ecce quomodo per orationes & opera bona potest Deus, & hoc facit seruis suis multis gratia sua bene vtentibus, confirmare illos ne tandem cadent: idque variis modis, tum auferendo tentationes, tum auxilia præstado vt eas superent, & faciant cum tentatione prouentum. Sermonem cum opere coniungit. Nam qualis quisque est in vita, talis & in sermone: & econtrario, nisi adsit illa hypocritarum ambitio, qui vt honorẽ sibi conquirant aliter loquuntur foris, quàm viuunt domi: nisi fortè deprehensos se iri metuant.*

## CAP. III.

**D**E cætero, fratres, orate pro nobis, vt sermo Dei currat, & clarificetur, sicut & apud vos: & vt liberemur ab importunis & malis hominibus. Non enim omnium est fides. Fidelis autem Dominus est, qui confirmabit vos, & custodiet à malo. Confidimus autem de vobis, fratres, in Domino, quoniam quæ præcipimus & facitis, & facietis. Dominus autẽ dirigat corda vestra in charitate Dei, & patientia Christi.

**D**E cætero, fratres, orate pro nobis, &c. Orari petit in sui gratiã Apostolus pro se, vt sermo Dei currat, hoc est, extẽdatur, & liberetur ipse cum suis ab importunis & malis hominibus. De Iudæis intelligendum puto, qui illum vbique acerbis odiis perſequebantur. Non enim omnium est fides. Hic videtur eorum opinioni attestari, qui aiunt Deũ non yelle omnes homines saluos facere. Si enĩ sine fide hoc esse non potest: Fides autem est donum Dei, quod non datur omnibus. Nõ ergo vult omnes fieri saluos. Ita argumentum conficiunt. Et nos responde-

mus, Deũ quidem velle omnibus salutem, qui illã tamen non respuerint, nec indignos se villo modo constituerint. Quod ergo non sit omniũ fides, id accidit propter præcedentia demerita. Quidam enim (vt iam diximus) ita elati sunt ac superbiunt, & fastidiunt dona cœlestia, vt quandoque nec dignetur Deus illis offerre. Ipsemet enim primus legem à se datam obseruat, vt non det sanctum canibus: nec mittat margaritas ante porcos, ne eas pedibus conculcent. Ad fidem enim recipiendam & conseruandam maxima animi humilitate opus est, non disquisitione. Superbus autem animus nihil sapit, nec sese tanquam paruulum summittere, quatenus fiat sapiens, dignatur. Et tamen hæc est sola verè sapientiæ adipiscendæ regula.

*Fidelis autem Deus est, qui cõfirmabit vos. Fides Dei est qua quod promissit facit, & quod cœpit perficit, nisi fortè nos ipsi obſistamus: idque in promissis cõsistit, ideo ait, Confirmabit vos, videlicet in bono aliquando, & custodiet à malo, Græcè ἐν τῷ καλῷ: quod ad diabolum optari potest, quemadmodum & illud in oratione Dominica: Sed libera nos à malo. Confidimus autem de vobis, &c. confidimus ait, id est, persuasum habemus hoc de vobis, in Domino, ac si dixerit: Hæc persuasio mea de vobis fundata est in Domino, qui adiuuabit vos: quod quæ præcipimus vobis & facitis, & facietis. Ecce præcipiebat Apostolus quæ non inueniebantur expressa in scripturis. Alioquin quid ea oporteret nouo præcepto præcipere, quæ Dominus ipse expressè mandasset? Dominus autem dirigat corda vestra in charitate Dei, & patientia Christi. Melius Græcè in charitatem Dei, & in expectationem Christi. Expectare Christum est bene operari, vigilare secundum sensum spiritus, non corporis. Expecta Dominum (monebat Psalmista) viriliter age, confortetur cor tuum, & sustine Dominum. Non enim descendendum est de cruce vsque ad finem.*

Denũtiamus autẽ vobis, fratres in nomine Domini nostri Iesu Christi, vt subtrahatis vos ab omni fratre ambulante inordinatè, & non secundũ traditionem quam acceperunt à nobis. Ipsi enim scitis quẽadmodum oporteat imitari nos: quoniam nõ inquieti fuimus inter vos, neque gratis panem manducauimus ab aliquo: sed in labore & in fatigatione nocte & die operãtes, ne quem vestrum grauaremus. Non quasi nõ habuerimus potestatem: sed vt nosmetipsos formam daremus vobis ad imitandum nos. Nam & cùm essemus apud vos, hoc denuntiabamus vobis: quoniam si quis non vult operari, nec manducet.

*Denũtiamus autẽ vobis, fratres, &c. Quod legimus, denũtiamus, melius legeretur, præcipimus, Et quoniã hæc potestatem habebat à Christo, adiecit, In nomine Domini nostri Iesu Christi, tanquam Christus ipse per illum præcipiat, ne cuiquam hoc præceptũ declinare licitum esset. Vt subtrahatis vos ab omni fratre ambulante inordinatè, & non secundum ordinationem quam acceperunt à nobis. Vide quãti faciat non serquare*

Mat. 7.

Psalm. 136.

Pro traditionibus apostolicis.



traditiones apostolicas, & ordinem ab eis præscriptum. Interdicebatur enim conuersatio cum illo, & computabatur non iam inter fratres, sed inter eos qui foris sunt. *Ipsi enim scitis quemadmodum oporteat imitari nos.* Locus hic, ad quem Prælati respicere debet, ut vereantur ea imperare quæ ipsi non faciant: sed primi faciant, ut cum fiducia valeant docere ac imperare. Ita enim fiet ut ij quibus præcipiunt, libentius adducantur ad obtemperandum, qui potius videbuntur imitari, quam parere. Alias verificabitur in eos dictum Domini: Dicunt & non faciunt. Alligant onera graua & importabilia in humeros hominum, digito autem suo nolunt ea mouere.

Matt. 23.

Commendat ergo Apostolus seipsum huius rei nomine, & collaborantes secum, qui non inquieti inter eos nec apud quosquam, siue inordinati, vixerunt, *neque otiosi & gratis panem manducauimus ab aliquo: sed in labore & fatione, nocte ac die operantes, &c.* Ex hoc loco quidam garruli & mundi cēsores captant occasionem (ut iam attigimus) damnandi fratres mendicantes, & eorum statum, qui panem ab aliis petunt, & mendicando viuunt, cum iuxta regulam Apostoli deberent laborando sibi victum querere, & alios non grauare. Mitto quàm conuictiose agant & hostiliter, sed iniquè omnino dum statum vituperant. Quem locum aduersus huiusmodi blaterones egregiè tractarunt duo viri magni, & sanctitate & doctrina cōspicui, B. Thomas noster Aquinas, & B. Bonauentura. Neque propterea defendimus auariciam quæstus immodicam, & quandam procacitatem, non auariciam, non otium, non superuacua ornamenta, & ædificia, quæ non iam pauperum videri possunt tabernacula, sed regum palatia. Fateor esse & in nostris abusus: sed status huius vitæ est propriè peculiariū Domini discipulorum. Nunc ad Apostolum dicendum est, ab ipso non præcipi ut laborarent manibus omnes Christiani: nec se quidem ipsum ad hoc teneri fatetur. Contrarium potius ex sequentibus verbis clarissimè docet, cum dicat:

Defenditur status mendicantium.

*Non quasi non habuerimus potestatem, videlicet grauari vos, & non laborandi manibus.* Nam certum est de B. Petro & aliis, quomodo sustentabantur de euangelio, ut Dominus ordinauerat. B. autem Paulus satius arbitratus est, tanquam supererogator magnificus, abstinere ab illa facultate ad vberiorē præmij rationem: tum quo auferret occasionem iis qui occasionem queritabant, & ut æmulos & pseudoapostolos sic vrgeret. Neque propterea gratis comedit panem quicumque manibus non laborat. Vacat enim aliis operibus quibus indiget mundus, & quæ sunt etiam nobiliora, & ad salutem magis conducibilia. Ministrare enim verbum, & sacramenta, instare laudibus & orationibus, & sanctis studiis magnum est opus, & prope modum angelicum.

*Nam & cum essemus apud vos, hoc denuntiabamus vobis, præcipiebamus potius, ut superius, Quod si quis non vult operari, non manducet.* Hoc præceptum ab initio datum est à Domino generi nostro, ut in sudore vultus vesceretur homo pane suo. Iustum præceptum omnino, cui & beatitudo assignatur, iuxta illud: Labores manuum tuarum quia manducabis, beatus es, & bene tibi erit. Quare & e contrario, otium peccatum est, utpote aduersus Dei legem præscriptam.

Psal. 127.

Sed non continuo quis dicetur non operari, qui non ipsis manibus labore, ut dixi. Est autem valdè credibile alloquutum eos fuisse Apostolum, qui regulam vitæ progressi erant, ut simul habitabant: quos oportebat manibus laborare, cum ob persecutiones & nouæ religionis odium non facile aliter sibi possent prouidere. Notandum tamen quàm circumspectè dixerit, *Siquis non vult operari, non autem, si quis non operatur, non omnino requirens factum ipsum, sed promptam, quando necesse esset, voluntatem.* Quid enim si quis non valeat operari?

Audiuius enim inter vos quosdam ambulantes inquietè, nihil operantes, sed curiosè agentes. Iis autem qui eiusmodi sunt, denuntiamus, & obsecramus in Domino Iesu, ut cum silentio operantes, suum panem manducant. Vos autem, fratres, nolite deficere benefacientes. Quod si quis non obedit verbo nostro per epistolam, hunc notate: & ne commisceamini cum illo, ut confundatur. Et nolite quasi inimicum existimare: sed corripite ut fratrem. Ipse autem Deus pacis det vobis pacem sempiternam in omni loco. Dominus sit cum omnibus vobis. Salutatio, mea manu Pauli: quod est signum in omni epistola: Ita scribo. Gratia Domini nostri Iesu Christi cum omnibus vobis. Amen.

*Audiuius enim inter vos quosdam ambulantes inquietè, siue inordinate, non manentes sub ordine præstituto, Nihil operantes, Et tamen corpore ad operandum sunt robusti, nec melioribus studiis occupati. Et ideo omnino otiosi: quod est prorsus vituperabile, sed curiosè agentes.* Qui enim otiosi sunt, eosdem curiosos esse oportet, id est, ea curare quæ nullo pacto ad rem pertinent, & superfluo se ingerere atque inaniter in aliena negotia. Multam enim malitiam docuit otiositas, quæ non solum à Sanctis verita fuit, sed & philosophi eam & poetæ semper vituperarunt. Sanctissime igitur hortabatur B. Hiero. Facito, inquit, semper aliquid, quo te diabolus inueniat occupatum. Singulare enim remedium est aduersus suggestiones dæmonis, ita bonas horas sanctis operibus collocare, ut nedum redunder, sed desit tempus ad satisfactionem præscriptorum vel studiorum, orationum, & aliorum tum corporis tum animi exercitiorum. Quotus verò & quantus sit hodie eorum numerus qui otia sectantur, & laborare oderunt, utinam non plus satis pateret. Nam & verterunt aliqui vituperio, si viderentur honestis alioqui studiis esse occupati. Mallunt, & honorificum falsa persuasione iudicant, perpetuo otio dies ad salutem concessos cōsumere, & rebus nouis audiendis & spargendis toros accommodare. Missos eos facio qui ludis, iocis scurrilibus, & crapulis vacant, & omni libidinum generi. Nam istorum peccata manifesta sunt præcedentia, ut ait Apostolus ad iudicium. Nec tolerandi essent histiones (si Christianè viuere vellemus) & mimi, atque circumforani nebulones, qui otia otiosorum

Ecclesi. 33.

In otiosos &amp; vagos homines.

1. Tim. 5.



hominum in publicis plateis alunt mēdaciis & fouent: potissimum autem festis diebus. Sunt tales à dæmone missi, vt tempore vel sacrarum concionum, vel Missarum solemnium, suos quoq; habeat, qui dum seminatur veritatis verbum, spargat & ipse suum mēdaciū omnium & otiosorum verborum. Nam lingua istorum nihil præter mendacia & scommata nouit. Nec mihi quisquam tanquam plus equo seueriori in gratiam multitudinis repugnet. Illum enim ad Apostolum mox remitto, qui tam expressè, & adhibito Christi nomine otiosam vitam prohibet, subiungens:

*His autē qui huiusmodi sunt, precipimus, & obsecramus in Domino Iesu. Gracè per dominū Iesum Christum, vt cum silentio, siue quierē potius, panem suum manducent. Dicit, suum, id est, labore suo partū. Hic enim verē dicitur suus, i. ipsorum qui eum sibi labore compararunt. Ceteri non suum, sed alienum comedūt. Vos autem, fratres, nolite deficere, seu delassari, benefacientes. Haud dubium qui in conuersatione & familia accidat, vt quum vidēt alij alios otiosos, tædeat & ipsos (quod ad se spectat) proficere ac quodam modo benefacere. Nam ipsi prospecto aliorum ocio delassantur, & minus libet captos labores sufferunt. Hoc prohibet Apostolus.*

*Quod si quis non obedit verbo nostro per epistolā, hunc notate: senlus est: Si quis nō obederit præceptis nostris, & quæ per epistolā hanc conscripsimus, hunc*

notate, videlicet sententia Anathematis. *Et non commisceamini cum illo. Hoc propriè in excōmunicatos seruatur, vt confundatur, Hic finis excōmunicationis, confusio salutis, vt excuriatur inde ob peccatum pœnitentia. Et nolite quasi inimicū existimare: sed corripite, seu admonete, vt fratrem. Sic enim deberet per charitatē fieri, vt denuo in Christo lapsi instaurarētur. Caietanus hoc in loco putat non fuisse veram excommunicationem, sed eam tantum quæ videntur Regulares seu claustrales. Sed valido non vitur argumento, vt alibi in Ann. scripsimus.*

*Deus autem pacis, videlicet author & amator, det vobis pacem sempiternam in omni loco (Gracè) semper eodem modo, id est, sempiternam ac perfectam. Est enim inchoata pax quæ ex fide est, sed nondum perfecta pax. Erit autem pax in cœlis consummata ex visione. Et hanc & illam simul precatur illis Apostolus. Cetera clara sunt. Alibi notauī inefficax argumentum Caietani, qui ex eo quod in calce hic ait Apostolus, Quod est signū in omni epistola, ita scribo, &c. colligit epistolam ad Colossenses esse mutilam, quasi careat isto signo: quod manifestissimè est falsum. Neque tamen hanc subscriptionem in omni epistola seruauit ad literam. Sed hæc & quæ eiusmodi sunt, indigna videntur de quibus scrupulosius disputetur.*

BENEDICTVS DEVS.

## ARGVMENTVM IN PRIOREM EPISTOLAM

B. PAULI APOSTOLI AD TIMOTHEVM.

**B**Eatus Paulus Ecclesiarum omnium curam, vt ipsemet testatur, gerens, earumque progressum solite procurans, Timotheum Lyfrensem, patre Gentili, matre Hebræa natum, ob raras animi virtutes quibus præditus erat, vnicè dilexit. Hic ab adolescentia diligentem sacris literis operam dederat, & eruditionem cum vitæ probitate coniunxerat, ita vt omnium testimonio commendaretur. Quo factum est, vt Ephesiorum Episcopus ab Apostolo crearetur, & licet admodum etate iuuenis, prudentia tamen & maturitate morū plurimos senes anteibat. Ad illum igitur Ephesi relictum, scripsit præsentē Epistolā B. Paulus. Vbi primum iubet vt quosdam inanum questionū exuscitatores, & veteris legis noxios defensores audacter coarguat. Tum orationes pro omnibus siue disceptationibus fieri, verecundū mulieribus ornatū præscribens, hortatur. Quales esse Episcopi debeant, ac diaconi, ceterique Ecclesiæ ministri docet. Peculiares quarundam heresum futuros authores prædicit. Timotheo pietatis ante omnia studiū cōmendat, ostendens quæ æquitate erga singulos hominum status se gerere debeat. Iuniores viduæ fugiendas: qui bene præsumt, cumulationi honore prosequendos, monet: caueat autem ne quosuis ad sacros ordines facile admittat. Postremo, seruos fideles infidelibus dominis debitas vult reddi cum omni honore operas. Avaritiā deinceps detestatus, & diuites ad cōparandas cœlestes diuitias hortatus, Timotheo præcipit sese vt diligenter custodiat, vana nouitates & falsas scientias omnino declinet. Epistola profecto doctrinæ pernecessariæ plena, & quam Prælati (ad quos potissimum spectat) memorie mandare, & factō ipso implere deberent.

## COMMENTARIA IN EANDEM EPISTOLAM B. PAULI AD TIMOTHEVM.



**P**AULVS Apostolus Iesu Christi, secūdū imperiū Dei saluatoris nostri, & Christi Iesu spei nostræ, Timotheo dilecto filio in fide, gratia, & misericordia, & pax

à Deo patre, & Christo Iesu dño nostro. **P**AULVS Apostolus Iesu Christi secundum imperium Dei, &c. Hactenus seipsum de more notum reddit in titulo epistolæ, à nomine & officio apostolatus. Et secundum imperiū Dei dicit hoc fuisse & domini Iesu Christi: quod alias per voluntatē dixit: quia ipse dñs Iesus verus Deus



47.26. & Dei filius hoc illi sub præcepto iniūxit, quemadmodum ipsemet in Act. Apostol. recitat, qui postquam prostrauisset illum, dixit ei: Ad hoc apparui tibi, vt te constituam ministrum & testem eorum quæ vidisti, & eorum in quibus apparebo tibi, eripiens te de populo & Gentibus, in quas nunc ego mitto te aperire oculos eorum, vt conuertantur de tenebris ad lucem, & de potestate satanæ ad Deū, vt accipiant remissionem peccatorum, & sortem inter sanctos per fidem quæ est in me: hæc tibi. Et alio loco eandem historiam recitans præceptum sibi factum testatur. Vade, inquit, quoniam ego in nationes longè mittam te. Et Spiritus sanctus iussit vt ille & Barnabas segregarentur in opus, ad quod eos assumpserat. Non abs re igitur cum hoc esset ei mandatum quodam loco scripsit: Væ mihi si non euangelizauero: necessitas enim mihi incūbit. Quæ enim Christus præcipit, eadem Pater præcipere dicitur. Audi proprium ipsius apud B. Ioan. nem testimonium: Quæ ego loquor, sicut mihi Pater dixit ego loquor. *saluatoris nostri*. Vocat Deum saluatore, siue ipsum Christum, vt frequentius legimus in scripturis: siue Patrem qui est author & fons omnis nostræ salutis. Et *Christi Iesu spei nostræ*. Vocat & Iesum Christum spem nostram, siue quia ipse est ipsamet res quam speramus, videlicet nostra æterna vita, vt alibi scriptum est: Christus in vobis spes gloriæ. Siue quod medium est, per quod habemus accessum in spem istam, vt alibi idē testatur. Adde, quoniam ipsemet sese nobis reliquit veluti symbolum, & certum huius spei vobiscum manentis pignus, & in prouidentia sua & in sacro sancto Eucharistiæ sacramento, vsque ad consummationem sæculi.

*Timotheo dilecto filio in fide*. Hic persona ad quem scribit nomine proprio expresse declaratur. Timotheus enim honorantem Deum, aut honoratum à Deo significat, aut pretiosum Deo.

Vocat & dilectum: Gracè, *ὑγιαινας*, id est, minime fucato, non simulato seu adulterino, sed ingenuò ac germano. Vocat & filium, non qui genuerit illum per baptismum (Nam discipulus erat iam & fidelis priusquam B. Paulo notus esset) sed quia in disciplinam se Apostoli dedit, & illum præceptis alendum suscepit Apostolus, & roborandum in fide & sanctis moribus. Quod egregiè præstitit vterque, Apostolus erudiendo, ille excipiendo, ita vt testetur neminem sibi adfuisse ex omnibus tam vnanimen, qui sincera affectione adiuuandas ecclesias esset accensus. Hunc igitur crebrò corroborendis ad fidem recens conuersis mittebat, ad Corinthios: Ideo misi ad vos (inquit) Timotheū, qui est filius meus charissimus & fidelis in Domino, qui vos commonefaciat vias meas. Ad Philippen ses scribens plurimum illum commendat. Tanto denique honore dignum iudicauit, vt sibi epistolas mittenti adiungeret socium, ad Corinthios, ad Philippen ses ad Colossenses ad vtranque Thessal. ad Philemonem. Magnum certè amoris indicium, & singularis in Timotheo probitatis grauissimum testimonium, & ingens Apostolo gaudiū talem nactum esse discipulum, cuius opera posset omnibus in rebus ad Dei laudem securè vtī. Vide quàm verum illud: Bonum est viro cum portaue- rit iugum ab adolescentia sua. Fuit ergo filius in fi-

de propter alimenta spiritus. Aut dilectus in fide, quia dilectionis fundamētum erat fides, id est, cōmunicatio æternorum, quæ ex fide per dilectionē operante firmiter sperantur.

*Gratia, & misericordia, & pax à Deo Patre, & Christo Iesu Domino nostro*. Verba salutationis consuetæ tantummodo præter solitum hic additur, misericordia, nimirum (vt mihi persuadeo) propter frequentes illius infirmitates, ieiuniis & laborum tolerantia contractas, quibus assidue vexabatur. Vt gratia ad animam, misericordia ad corpus illud imbecillum, pax autem ad vtrumque aptetur. Vocat autem Dominum Iesum & absolute, secundum illud dominium quod habet cum Patre. & Spiritu sancto in omnem creaturā, vt author omnium & concreator. Et item iuxta particulare dominium, quod per redemptionem omnium nostrum in nos hominēs vt homo acquisiuit, quid dedit in pretium sanguinē suum, vt empti simus pretio hoc magno, & non simus nostri, sed eius qui nos redemit.

Sicut rogaui te, vt remaneres Ephesi cum irem in Macedoniam, vt denuntiaret quibusdam ne aliter docerent: neque intenderent fabulis, & genealogiis interminatis, quæ quæstiones præstant magis quàm edificationem Dei quæ est in fide. Finis autem præcepti est charitas de corde puro, & conscientia bona, & fide non ficta. A quibus quidam aberrantes conuersi sunt in vaniloquium, volentes esse legis doctores, non intelligentes neque quæ loquuntur, neque de quibus affirmant. Scimus autem quia bona est lex, si quis ea legitime vtatur: scientes hoc quia lex iusto non est posita, sed iniustis & non subditis, impiis & peccatoribus, sceleratis & contaminatis, patricidis & matricidis, homicidis, fornicariis, masculorū cōcubitoribus, plagiariis, mēdacibus & per iuris, & siquid aliud sanæ doctrinæ aduersatur, quæ est secundum euangelium gloriæ beati Dei, quod creditum est mihi.

*Sicut rogaui te, vt remaneres Ephesi, &c.* Non est absolutus sermo, sed opus est aliquo supplemēto: ac si dixerit: Sicut rogaui te, sic exequere: aut sic, Sicut antea rogaui te, etiam nunc rogo: aut fortè verius, sic etiā præcipio. Nō vtitur autē præcipiendi verbo expresse, volens vt magis ipsemet subintel ligat, quàm expressum audiat. Poterat enim præcipere vt Apostolus. Inde sumant exemplum Prælati, non tanta celeritate recurrendum esse ad præceptum, vbi paratum vident obsequium, & obedientiam subditorum. Gracè tamen quod ait, *προσµένω*, imperatiuè potest intelligi, in quo sensu quidam illud capiunt, vt ista sit constructio. Sicut rogaui te, scilicet manere Ephesi, maneto. Illi enim episcopatus & cura illius ecclesiæ commissa fuit. Credibile verò est Timotheum vt aliquo modo meticolosum (nam eo tempore adolescens erat) excusasse curam illam episcopatus, tanquam suis viribus

ibid. 18.

1. Cor. 9.

Ioan. 12.

Col. 1.

1 Thim. 3.



imparem, & sequi maluisse Apostolum ut discipulus magistrum: quod & cum lachrymis postulasse testatur, ubi scripsit: desideras te videre, memor lachrymarum tuarum. Apostolus ergo rogauit eum, & id vim precepti habuit, ut Ephesi remaneret, ubi iam lucratus erat bonam populi partem, & ecclesiam constituerat: quia par erat ut Episcopus cum suo grege maneret, & una propter regimen & pasturam gregis praesens adesset. In hunc modum & Titum instruxit.

Vtinam ita & nunc seruaretur: sed illud primum ut pastores, ut patres, quales prius antistites crearentur: non mercenarii, non auari, non denique lupi rapaces mitterentur. Nam istiusmodi praesentia nedum necessaria, sed necessaria absentia: qui oues malo exemplo, & plerumque falsa doctrina inficiunt. Istud vidimus diebus nostris, ut vnicum sit repurgandae ecclesiae remedium, idoneos eligere & praeficere repurgatores, & non distendere plus nimio serpens malum. Sed de his alias.

*De residentia Episcoporum.*

Mouit autem Caietanus quaestionem, utrum perpetua Episcopi residentia sit de iure diuino. At quaestio huiusmodi facile meo iudicio potest explicari, quam hac occasione seorsum volui alibi tractare. Concluit enim residentiam perpetuam omnino esse de iure diuino; arguens hoc pacto: Cura gregis de iure diuino est. Non potest autem curari grex absque Episcopi residentia & illa perpetua: ergo de iure diuino est residentia. Nos vero illi hanc assumptam minorem minime concedimus. Non enim habet veri euentiam: imò non solum non habet euentiam, sed contra, euentem habet falsitatem, etiam iuxta plurimorum exempla qui non residet, sed per alios gregem suum curant: quos non est credibile contra diuinum ius committere. Diceret foris aliquis: Certè ipsi non rectè faciunt, nec ambulant secundum veritatem Evangelij, quam profitentur. Nam & si Caietanus qui ea scripsit, videlicet residentiam esse de iure diuino, facto ipso non probauit, qui cum esset Episcopus Caietanus, Romae tamen degebat: non propterea infringitur rei veritas, si quis suo muneri deest. Et nos dicimus, curari gregem omnino esse necessarium, & praceptum de iure diuino. Non tamen ita praceptum esse, ut exigatur continua & perpetua Episcopi residentia. Existunt enim plerumque varij casus, quibus non tenetur residere si milles velit Episcopus, ut dum generale celebratur concilium, quemadmodum omnes admittunt. Item cum eius cura alio loco impensa magis facit in rem & vtilitatem vniuersalis ecclesiae. Denique plures possunt excogitari & dari casus, quibus legitime excusaretur à residetia Episcopus, qui tamen in iure diuino non sunt expressi. Quapropter quae huiusmodi sunt oportet à iure canonico determinari, cum non habeant euentiam. Et ob eam causam modus residentiae non potest dici esse de iure diuino sed canonico. Cuius moderationem ipsi summi Pontifices debent praescribere, quibus non liceret si assidue residetia omnino fuerit de iure diuino. Profectò B. Paulus. & si constituerit Episcopum Ephesi Timotheum, plerumque tamen eum ad se accersit, & ad alias ecclesias misit. Videbat enim sic opus esse. Non tamen inficias ire possumus, multum & grauiter hac in re à nobis peccari, qui nulla ido-

nea & necessaria causa longè absumus à gregibus nostris, contra canonum expressa decreta. Quo fit ut euenire conspiciamus innumera mala: inde pernitiosa licentia, & vigor haesum pestilens, & cleri relaxatio, & ignorantia Christi ubique in plebibus. Non negamus, inquam, residentiae obligationem, ne quis sinistrè nostra sententia abutatur. Nā sunt aliqua hominum ingenia ita plerumque callida, ut dum suos errores volunt & peccata defendere, nullum qui eis fauere videatur respuant scriptorem, quem iustis reprehensoribus possint obicere. Clara voce testificamur Episcopos ad residentiam teneri, & grauissimè peccare qui aliter faciunt. Manus tantum summo Praefuli non ligamus, si quādo ad maiorem totius ecclesiae vtilitatem aliquibus viris insignibus uti opportunum iudicaret: qui tamen non sunt leui de causa à suis ouibus euocandi. Nam eos qui vel fauoribus, vel inanibus causis & leuibis dispensationes quasi extorquent, & moras non residendi neunt, quis à peccato excusetur? Nam & si milles probauerimus de iure diuino immediatè non esse, an propterea culpa qui non residet, vacare defenderemus? Ius ipsum & obligationis moderationem qui docemus, obligationi vim suam minime tollimus. Sed haec quaestio latius patet, & fusioribus verbis esset tractanda.

Audi nunc ipsius rei grauitatem ob quam mouit Timotheum Apostolus: quia sicut à bona doctrina salus, ita à mala perniciēs ac pestis proficiscitur. *Ut denuntiares quibusdam, scilicet praecipiendo, ne aliter docerent, aut potius, ne aliud, seu diuersum docerent.* Si tamen legas, ne aliter, nota illud, non solum quē quis docet, ea debet animaduertere, sed quo insuper modo doceat. Non enim eius generis est Christi veritas, quā persuaderi obliquis viis ferat. Nam si quis Vergilij carmina torqueat ad veritatem incarnationis: aut scripturam aliter clarè dicentem ad alium quiddam quantumuis sit verū, hic profectò talis aliter docet quā debet, & male facit. Vnde fabulas remouet primum Apostolus: & de iudaicis fabulis eum loqui puto, ut ad Titum Episcopum Cretensem, expressè scribit: quem similiter iccirco Cretae reliquit, ut & hoc officium coarguendi corrigēdique faceret, imò & durè eos increpandi, qui attenderent iudaicis fabulis, & inuentis hominum. Sūt qui Talmudicas fabulas hīc notatas esse arbitrentur. Porro si legis, ne aliud docerent, dilucidus est sensus. Nam aliud docere, est docere omne quod non conuenit cum doctrina Domini nostri Iesu Christi. *Et genealogis interminatis, Taxat & genealogias quas vocat interminatas.* Neque est existimandum de vllis genealogiis illud loqui, quē in scripturis habentur: sed alias notat iudaicas quas interminatas vocat. hoc est, longas & sine fine, aut non certam & definitam à Spiritu sancto habentes significationem, qualem habent illae omnes quae in scripturis continentur, ut illa B. Matthaei de Christi generatione, nominum series, quae siue personas, siue numerum, siue ipsa nomina spectes & diuisionem, pulchris sunt & admirandis repleta mysteriis. Et similiter sentiendum de illa apud B. Lucam genealogia. Secundae enim sunt mysteriis, quae sobriè quarere & inuestigare non est inutile, nec iniucundum.



Sed non defuerunt qui conceptionem beatissimæ Virginis immaculatam non sunt veriti huiusmodi genealogiis ab Apostolo reprehensis assimilare facere. Et comperi tandem huius dicti primum authorem Erasmus, erga Matrem & Filium parum pium. Non aliud detegam: Hoc satis esse apud Catholicos opinor, qui nouerunt hominem. Laudandus ille tamen in posteriore editione, qui tam curauit amputari blasphemiam suam in Ecclesiam Dei. Ob eam præcipuè causam hæc Iudaica volebat prorsus tolli Apostolus, quia talia sunt: *quæ quæstiones præstant magis quam ædificationem Dei.* Quidam dispensationem legunt, pro ædificationem, falso *διανομίαν*, pro *διανομίαν*, accipientes. Dei autem ædificatio est ecclesia, cuius ita sunt iacta fundamenta, ut ædificium surgere in cælum usque assidue debeat. Sic ad Corinth. dixit: Dei agricolatio quia ipse est qui illam ædificat, iuxta illud, Nisi Dominus ædificauerit domum. Aut quia etiã ad illum ædificatur. Ecclesia enim templum Dei est: ideo per Isaïam prophetam aiebat: Quam domum ædificabitis mihi? Aut quia & ipse Deus ædificetur, ipse nimirum Christus in corpore suo, cum fideles in sanctitate vitæ illi cohererent: sicut & B. Paulus qui busdam dicebat: Iam non estis hospites & aduenæ sed estis ciues sanctorum & domestici Dei, super ædificati super fundamentum Apostolorum & prophetarum ipso summo angulari lapide, &c. Quod si caperent Hebræi, iam intelligerent quod non in conuenienter ipsa Ierusalem mater nostra etiam Tetragrammaton nomine honoratur. Et nomen ciuitatis (ait Ezechiel) ex die illa Tetragrammaton ibi. Et si cõsideratum fuisset, quæstio illa, an liceat dicere, Credo in sanctam ecclesiam, mox euaniuiset. Et an liceret ad hoc nomen adorare. Quis enim nisi infidelis dubitaret, perspicies in illa Deum nostrum & Dominum Iesum Christum? Et attende ad metaphoras scripturarum. Edificatur enim interim ecclesia Dei per lapides viuos, qui sumus nos, quos oportet expolitos esse virtutum operibus, & mutuo coaptari fide & charitate. Ideo dicit, *Quæ est in fide*, ut consensum in vnum & idem intelligamus per Christum Deo inuicem, in vno corpore applicati.

*Finis autem præcepti est charitas.* Apostoli intentio hic est Iudæorum amouere superstitionem, & retundere improbitatem. Quia enim gloriabantur in lege & mandatis per Moysen, vno verbo sapientissime eorum refellit inscitiam: quoniam lex ad charitatem præcessit tanquam ad verum suum finem, ut per legem ad ipsam charitatem perduceremur. Qua ratione & via inquires? Agnoscendo peccatum, agnoscendo nos sub peccato, ut sic Deum supplices imploraremus efflagitantes: Libera nos à corpore mortis huius Benigne Pater, Et ipse tandem moueretur ad sanandum per diffusionem charitatis in corda credentium. Ut ibi superabundaret gratia, ubi prius abundauit delictum: ut per auxilium gratiæ amatores iustitiæ effecti, operemur non ex lege, sed ex fide, id est, non metu, sed amore: non terrenis præmiis, sed cœlestibus ducti: quia fides per dilectionem non per timorem serui operatur. Hæc autem dilectio quæ sic operatur, esse debet de corde puro, & conscientia bona, & fide non ficta. Nulla dilectio præter illam quæ Dei est

habet corporum. Omnis alia sequitur affectum terrenorum bonorum, & alicuius quod minus est corde nostro. Solus Deus maior est corde nostro. Dū ergo reprehendit nos conscientia, Deus in ea reprehensione, qui ibi latebat, apparet & conuincit nos quod maior est corde nostro. Qui enim reprehendit, maior est. Et quare reprehendit nisi ferens indignè nos minoribus mergi & longè vilioribus quam simus ipsi, & illum derelinquimus & mandata eius, querentes cisternas discipatas? *Et conscientia bona.* Hæc enim sequitur ad purum cor, quæ omni thesauro anteponanda est. Et vocat conscientiam notitiam quandam nostri cordis, qui sequitur inditam nobis synderesin, id est, iudicium rectum boni & mali, vnde prouenit nostrarum actionum conscientia. Est enim quoddam in nobis lumen, per quod vel probamus vel improbamus quæ facimus. Quod lumen si tenebris offundatur à corde non purò, id est, à voluntate deprauata, & in tenebras euadat, ipsæ tenebræ quantæ erunt? *Et fide non ficta.* Hoc puto propter Iudæos maximè dictum, qui fidem simulabāt ut à fide multos ex suis infirmos abducerent.

*À quibus quidam aberrantes, &c.* scilicet commendantes Moysen, & opposcentes illum Christo, & non ad scopum ipsorum tendentes & finem. Volentes esse legis doctores. Contra Christi præceptum: Nolite vocari Rabbi. Velle enim vocari peccatum est, cum gloria & honor proprius pro fine queritur, & maximè cum idoneæ partes tanto muneri non respōdent. Hoc declarat in proposito, addēs: *Non intelligentes quæ loquuntur, neque de quibus affirmant.* Aiebant enim seruandam circuncisionem. Putasne intelligebant quæ esset vera circuncisio? Nihil minus. Sic & nūc illis contingit miseris. Negant Trinitatem, & ad comprobandum proferunt. Audi Israel, &c. Putas ne intelligant hoc dictum, quo confodiuntur? Christum venisse negant, quia oportet primum venire Eliam. Putas ne intelligūt quid sit Elias, vnde illud afferunt: Putas item eos scire aduentum Christi?

Apostolus tamen hic eis qui commendabant legem Moyses, & eius legis authorem Deum, à quo non nisi quod bonum est procedere potest, respōdet: *Scimus autem quod bona est lex, si quis ea legitime utatur.* Quemadmodum dicturus est inferius, Nō coronabitur nisi qui legitime certauerit, id est, iuxta ipsius legis tenorem & finem. Ita hic ait: Bona est lex, si quis ea legitime utatur. Consideret autē lector, & perpetua memoria teneat Apostolū de lege Moyses loqui, quæ iustitiam indicabat tantū, non faciebat: non de euāgelica, quæ illam implet. Nam quo in statu inuenirentur Iudæi (non in quo Christiani) quando profluvio ruentis in omnia scelera concupiscentiæ consultum oportuit, ostendit: quibus data est lex ut saltem timore tūc ab exteriori transgressione arcerentur, ut adueniente charitate etiam interius & exterius reformarentur. Neminem enim iustum prisca lex repperit. No uia nemini nisi iusto poni potest. Qui enim Christi fidem non suscipit, extra legem ipsius est. Legitimè itaque uti lege prisca est rationem & finem legis considerare, & sic de illa proficere. Non utitur autem legitime in primis lege quicumque gloriatur in ea sola, & præfert se aliis, tamen si minime

1. Ioan. 3.

Isa. 49.

Matth. 23.

1. Cor. 3.

Esa. 126.

Isa. 66.

Eph. 2.

Ezech. 48.



legem impleat. Sic Christianos quosdā videas gloriari ob baptismum, interim non considerantes quid fecerunt in baptismo, & quid promiserunt. Quis enim tenaciter meminit quomodo renuntiauerit satanae, & omnibus pompis eius? Non ergo lege utitur legitime qui finem legislatoris non videt, qui fuit ut cognosceret homo peccatum, & se peccatorem esse, & impotentem ad legis obseruantiam: ut exinde ad fidem curreret, & gratiam imploraret: & sic per fidem & dilectionem facile ac benigne operaretur, & non per legem, aut per vim legis. Denique lege non utitur legitime, qui solum corticem obseruat, non quod est reconditū intus. Veluti si quis in praelio vteretur pro gladio vagina: aut qui nucis testam pro nucleo ipso interiore comedere vellet.

*Sciens hoc quod lex iusto non est posita.* Hoc ante omnia Iudæis notum esse oportuit, ut legitime illa lege uti possent, id est, eius legis beneficio. Hoc inquam scire oportebat, quod lex præcedit iustitiā. Et non fuit data lex iusto, ut sic operaretur ex lege secundam legem, quod erat illi impossibile facere, sed iniusto, ut sic per eā intelligeret se natura peccatorem; & sub peccato ita pressum, ut operari, quamuis lege cogente, non posset: quia erat lex in lapide scripta, sed indigebat necessario fide & charitate scripta in cordibus carnis. Ut iam non ex lege sit obseruatio eorum quæ sunt in lege, sed ex fide & dilectione. Hæc est maxima differentia inter legem veterem & nouā: quod plerique non animaduertunt, & tamen inde omnia reliqua colliguntur. Illa dicit iustitiam, hæc etiam facit. Lex Domini immaculata conuertens animas. Verum rogabit aliquis, & dicit: Nunquid modo quando iam fides aduenit, superflua est lex? Cui respondemus, Lex quidem ipsa certè est superflua: sed non scriptura legis, & prophetarum oracula, quæ testificantur nobis de Christo, & in illis pariter Christum discimus, & inclusam ibi referamus euangelium, & cum omni gratiarum actione laudamus clementissimi summi Patris miram, quā ibi agnoscimus, prouidentiam. Perpende, quæso, qualem nobis populum illum describat tum, quoniam lex fuit illi per Moysen posita:

*Sciens hoc quod lex non est iusto posita, sed, inquit, iniustus, & non subditus, id est, contumacibus, & qui nolunt subdi. Item, impiis & peccatoribus, sceleratis & contaminatis, seu prophanis, &c.* Illud notandū, ab Erasmo Carrensem, Liram, & B. Thomam reprehendi. Priores illos reprehendit, qui voce hac *Plagiariis*, perperam utantur pro inferentibus plagas, & non rectè, B. Thomam verò quod prudens pretermiserit ipsum verbum, nolens expressè fateri ignorantiam, quam tamen silentio innuit. Hæc censura hominis versuti & parum pij in eos qui adeo de sacris literis benemeriti sunt. O hominem qui festucam videt in alieno oculo, trabem autē & eam lateralem in proprio non videt. Ipse enim statim etiam inter vaniloquia, imo inter impia reponit impius, multas iam olim decimas ab ecclesia sancta sententias, ut est illa: An Spiritus sanctus descendat à Patre & Filio tanquam ab vno principio. Quam sanè in dubium reuocare, quid est aliud quā dubitare an sint vnus Deus, Pater & filius? Et illud item vafre inter quæstiones refert: An papa possit

aliquid statuere, quod pugnet cum doctrina euangelica? Et an possit præcipere Angelis? Quasi verò de his sit apud Theologos disputatio. Hæc de industria profert, ut inuidiam excitet & tumultus. Nec subindignetur mihi quisquam ita de Erasmo loquendi. Multos enim ingenio illo versatili decipit, qui ita venenum infundit legentibus, ut maxima ad cauendum dexteritate sit opus. Nam multitudine librorum, & varietate sententiarum, & caliditate dicendi lectorem ita tenet ancipitem, ut si vnum locum velis coarguere, suppeditetur mox aliter ad defendendum. Neminem hæreticorum inuenias perniciosiorem. Et hoc obiter notent quibus illius nomen gratum est. Nam apertum hoc do testimonium. Qui multum Erasmo delectatur, parum esse Catholicum oportere: & qui audet nisi ad detestandū, in pulpitis nominare, grauiter sunt castigandi. Sed ad rem nostram.

*Et si quid aliud sane doctrina aduersetur.* Dicit conditionaliter, si quid, ut fieri ab his in sermonis excursu solet, qui rem ipsam nolunt exactè & ex proposito tractare, complectique omnia. Sanam autem vocat illam doctrinam, *Quæ est secundum euangelium gloria beati Dei*, id est, quæ est conueniens annuntiationi & promissioni futuræ gloriæ quātum potest, cui non sunt condignæ passionibus huius temporis. Et cum ita se veritas habeat, multi tamē sunt qui quærentur, nobis à Deo data esse præcepta dura. At hi oculo fidei non respiciunt ad premium ipsum, illam gloriam æternam, cuius si essemus veri amatores, præcepta ipsa quæcunque non solum nō dura, sed facilia viderentur. Vocat autē Deū beatū, quoniam istud illi iuxta naturā suā cōuenit: nec pōt cōgruere vlli creaturæ, nec ipsi Angelo. Nulla enim creatura suapte natura est, tātum abest ut sit beata. Vel potius sic expone, *secundū euangelium gloria beati Dei*, id est, Christi qui per passionem beatificatus est cum esset innocens, cui nos conformare debemus ut volumus in patria, ita in via: sicut in gloria, ita in ignominia: sicut in triumpho, ita in praelio & certamine. Illa ergo sana doctrina est quæ conuenit, & dicit vera de ipso fine, & mediis ad finem perducētib. *Quod creditum est mihi.* Creditum seu concreditum euangelium sibi fuisse dicit, id est, eius dispensationem sibi commissam. Aliquid enim cuiuspiam credere, est fidei illius committere tanquam dispensatori.

Gratias ago ei qui me confortauit in Christo Iesu Domino nostro, quia fidelem me existimauit, ponēs in ministerio, qui prius blasphemus fui, & persecutor, & cōtumeliosus: sed misericordiam Dei consecutus sum, quia ignorans feci in incredulitate. Superabundauit autem gratia Domini nostri cum fide & dilectione quæ est in Christo Iesu. Fidelis sermo & omni acceptione dignus, quod Christus Iesus venit in hunc mundum peccatores saluos facere, quorum primus ego sum. Sed ideo misericordiā cōsequutus sum, ut in me primò ostenderet Christus Iesus omnem patientiā ad informationem

psal. 18.

in Erasmo.



eorum qui credituri sunt illi in vitam æternam. Regia autem sæculorum immortalis, inuisibili, soli Deo honor & gloria in sæcula sæculorum. Amen. Hoc præceptum commendo tibi, filij Timothee, secundum præcedentes in te prophetias, vt milites in illis bonam militiam, habens fidem & bonam consciëntiam: quam quidam repellentes, circa fidem naufragauerunt. Ex quibus est Hymeneus & Alexander, quos tradidi satanæ, vt discant non blasphemare.

Perpendens Apostolus magnum esse, & indigere auxilio Dei tantum ministerium, ait: *Et gratiam habeo ei qui me confortauit Christo Iesu*, videlicet vt possem tantum onus subire, & obire perfectè. Dicit autè se conformatum in Christo Iesu, vt habet vulgata lectio, id est, ad Christi gloriam. Vel melius, *Habeo gratiam ei*, scilicet Christo Iesu *qui me confortauit*: Nam Græci codices non habent, in, Verè confortauit Apostolum Dominus, & militem talem effecit, vt ea tolerauerit quæ per se natura longo intervallo non potuisset. Et subdit:

*Qui me existimauit fidelem ponens in ministerio*. Hoc enim ab iconomo seu dispensatore primùm quæritur, vt fidelis inueniatur. Fidelis seruus & prudens quem constituit Dominus super familiam suam, vt det illis in tempore tritici mēsuram. Ab hoc enim exigitur, si quid reliquum habuerit, vt ait B. Paulus, si aliud pro alio impendit, si non tempore opportuno necessitati succurrerit, & sic perierit conseruus sua, vnius socordia.

Illud verò considerandum, cur dixerit de Deo, *Qui fidelem me existimauit*. Cur non ait, sciuit, seu præsciuit fidelem fore, quem fecit fidelem? Nimirum vt noscamus aliquid esse nostrum, & aliquid Dei in omni opere bono. Et quod Dei est, certum esse: quod autem nostrum, incertum propter liberum arbitrium, quod potest contra auxilium Dei, nisi Deus ipse nos ita conuertat, vt nullam nobis renuendi causam, aut rationem, & consequenter potestatem relinquat. Quocirca dixit quòd Deus existimauit, & ob id credidit ei dispensationem. Nam si omne quod facimus ipse penitus faceret, vt nihil sit nostrum, non tam diceretur existimare & putare Deus de nobis bonum, quam certò scire. Quòd si pergas dicere. Nō igitur certò sciebat? Si potest cum existimatione concurrere certa sciëntia, etiam certò sciebat. Si non potest, non certò sciebat. At certò sciebat, quia videbat quæ faciebat Paulus, quando faciebat. Ante autem quàm faceret, pro eo tempore non videbat nec eum facere, nec facturum. Ideo nec certò sciebat, sed tanquam qui probabiliter operatur se habebat respectu futuri. Nam quæ videt contingentia, non vt futura videt, sed vt præsentia secundum tempus quo sunt, non quo futura sunt, vt B. Thomas docet & rectè. O summe Deus quàm excellis captum nostrum, vt loqui te digna de te loquentes non valeamus. Addit autem quæ faciebant ad magnum cumulum gratiarum actionis.

*Qui prius blasphemus fui, &c.* Verbo quidem bla-

phemus erat Christi doctrinam detestans, factò autem persecutor Christi in corpore suo. Hæc est ingens persecutio & absoluta, quam Deus seuerissimè vindicat. Qui vos tangit (inquit ille) tangit pupillam oculi mei, id est, qui tangunt iustum in nomine Iusti, Christianū in nomine Christiani, Prophetam in nomine Prophetæ, prædicatorem in nomine prædicatoris, ista omnia in Dominū admittunt: etiam si in solius serui personam, quatenus tamen talis dominū admittuntur. Et contumeliosus fuit siue violentus in exequutione persecutionis, vt sæpè idem fateretur, & ex historia beati Lucæ propriis in locis in Actis Apostolorum accipitur.

*Sed & misericordiam consequutus sum, quia ignorans feci in incredulitate*. Incredulitatem negatiuè intellige, ne perfidiam existimes. Nondum enim in conscientia exactus erat, & conuictus vt crederet, sicut illi in quos obiciebat Dominus: Nunc videntur, & oderunt me & Patrem meum. Vnde & in cruce orauit pro his qui nescirent quid facerent: non pro his qui dixerunt. Hic est hæres, venite occidamus eum, & nostra erit hæreditas. Ignorantiā autem prætendit vt minuentem vim facinoris, nō vt tollentem omninò, sed vt misericordiam facilius promerentem. Quod tum verum est, quando non fuerit admodum crassa & affectata ignorantia. Alioqui ignorantia cum malitia coniuncta tantum abest vt excuset, vt etiam grauet peccatum. Vt autem rem totam intelligas, cogitare debes in peccato, an & quantum ignorantia tollat de voluntario. Nam & tantum de culpæ pondere auferet. At qui ignorans vult ignorare, aut de ignorantia intus reprehensus negligit scire, iam qui eiusmodi est velut sciens peccat. Non ergo ex toto exculabatur B. Paulus, qui ignorantiam illam habebat non sine culpa ob affectum gentis inordinatum, non satiatus communi in discipulos Domini persecutione, sed abundantius æmulator existens patrum traditionum. Vt autem laudaret superexcellentiā misericordiæ adiecit: *Superabundauit autem gratia Domini, &c.* Verè respectu peccati, & respectu aliorum qui idem peccatum peccauerunt, magna fuit superabundantia hæc misericordiæ erga Paulū: quoniā rarissimum est exemplum, mox de acerrimo hoste facere ministrum fidelissimum & sanctissimum. Et fortè vocat gratiam excellens donum illud sapientiæ suæ, quæ vnà complectitur fidem & dilectionem quæ est in Christo Iesu.

*Fidelis sermo & omni acceptione dignus, quòd Christus Iesus venit in hunc mundum peccatores saluos facere*. Hic incipit, vt mihi videtur, instruere Timotheū in omni munere episcopali. Et cum id maxime ab Episcopo desideretur, vt doctrina pascat populum suum & prædicatione, dignatur primùm ostendere materiam prædicationis, quam debet prædicare Episcopus: & super ea omnem fundare sermonem tanquam fidelem, & omni acceptione dignum. Nam reprobata mala eorum doctrina qui legalia extollebant, conueniens erat vt eam quæ bona esset, introduceret ac monstraret. Vocat autem fidelem sermonem illum qui sit verax, & qui habeat secum multa suæ veritatis testimonia, vt sit fide & omni acceptione dignus. Et iste est, Quod Christus, id est, vnctus oleo cœlestis gratiæ, & Iesus, id est, Saluator, venit in hunc modum, nimirum

Zach. 12.

Ioan. 15.

Matt. 21.

Matth. 14.



de cœlo. Et ob istam causam, peccatores saluos facere, id est, quos peccatores inuenit. Non dicit hos & illos, sed absolutè peccatores: omnes autem eramus tales. Non tamen dicit nouo peccato post acceptam gratiam relabentes: non quòd & hoc opus non fuerit Christi, sed primum venit ad illud præcedens peccatum, quo omnes inuoluebamur, & ad cætera illud consequentia tollenda morte sua: quod & facit medio baptismo. Quæ verò postmodò committimus iam sanati ab illo, viuens aufert. Non enim nisi semel moritur, nec relinquitur vltius talis hostia pro peccato, vt ad Hebr. Deo iuuante explicabimus. Nam postquam mortem subiit, & Patris satisfecit pro nobis, iam constitutus est amicus Dei, & sedens ad dexteram eius. Incircò aufert posteriora peccata, sed per sacramentum pœnitentiæ. Et hoc est Thema prædicationis. O quàm breuè in verbis, sed quàm longum in sensu & fœcundum. Eodè modo Dominus proposuit olim Apostolis Thema breuè, vt populis prædicerent, Pœnitentiam agite: appropinquauit enim regnum cœlorum. Et postmodò in instructionibus cum surrexisset à mortuis, dixit: Prædicate euangelium omni creaturæ. Istud præceptum non seruât, qui aliena & curiosa pro euangelio tradunt: quantò autem illi minus qui euangelium peruertunt, & tamen gloriantur hoc nomine, & se euangelicos impudentissimè vocant? Sed ad rem.

*Quorum primus ego sum.* Vocat se peccatorem Apostolus (vt videtur) non ea tantum considerans tempora, quàm sub lege esset constitutus, cunque ecclesiam Dei zelo immodico percitus affligeret: sed pro eo item tempore quo iustus erat & gratiosus Deo, in memoriam reuocans qualis per se extitisset (vt omnes facere debent) imò quod etiam tunc erat ex se, non illud quod erat per gratiam ex Dei benignitate. Et primum peccatorem se vocat propter excellentiam proprii peccati: & quia certus erat de seipso, & computabat beneficia Dei erga se quibus erat abusus. Aliorū autè peccata (quod est sanctorum proprium) non pòderat. Ideo inter peccatores se primum ponit, longè dissimilis à fastu illius Pharisei qui ad peccatores homines respiciens, cunctis se præferebat, & ab aliorum sceleribus concludebat se iustum. Hunc penè imitantur omnes homines, & qui non facit, iam non est homo, id est, filius Adæ, sed filius Dei, qui veteri homine exuto verenda sua ineptis foliis tegere nequaquam studet. Rarissimum enim licet inuenire, qui si quid virtutis habeat, illam comparatione deteriorum non habeat. Nam si demas vitiosos, demis & qui permisti boni videntur, plurimos. Vera autem virtus à se vna penderet: & peccata sua palam prodere, hoc certè est humillimæ, id est, Paulinæ mentis: qui & aliam rationem finalem scilicet consequutionis misericordiæ declarat, subdens:

*Vt in me primò ostenderet, &c.* Nam illa ratio quam adfert de ignorantia, est quasi mouens Deum ad misericordiam, hæc autem quasi finis: quanquam finis etiam mouens est, & plures concurrunt fines ad eundem effectum. Vnus tamen est vltimùs & summus ipse Deus, & gloria illius, qui omnia propter seipsum operatur. Vnde illi gloria & honor reddendus est: quod semper facit beatus Paulus, vt & mox videbimus.

Potest & verius hic locus intelligi, non vt simpliciter testificetur B. Paulus se peccatorem, & pro eo tempore quo loquebatur: sed quòd inter peccatores qui erant salutem cōsequuti, ipse erat primus, hoc est, præcipuus. Talem enim se existimabat & meritò, quia (vt ipse asseruit) super omnes coartaneos suos expugnauerat ecclesiam Dei, blasphemans, violentus, & spirans plenus minarum & cædis in discipulos Domini.

Non est autem alienum ab hoc loco illud considerare, an hoc atineat ad humilitatis virtutem, si quilibet, quanuis sanctus, existimet se esse deteriorem ac peiorem cunctis hominibus. Leguntur enim virorum Sanctorum testimonia, qui de vita spiritali scripserunt, qui ita faciendum docent. Imò & cuiusdam libellus prostat scribentis, neminem posse eradicare penitus à se superbiæ vitium, nisi credat nō solum se esse peccatorem super omnes homines, sed (sicut verū putat) se esse causam, non occasionem, sed causam omnium delictorū & scelerum quæ commissa sunt etiam à dæmonibus, & à primo homine, & denique ab omnibus hominibus. Nec eorum solum quæ commissa sunt, verum etiam quæ committentur vsque ad diem iudicii. Attamen cum nemo (vt inquit) possit hanc de se existimationem habere, nisi speciali reuelatione Christi, oportet vt homo tantum proficiat, quatenus habere reuelationem mereatur. Hæc autè doctrina non solum per manus tradita est, sed etiam scripto credita & publicata, & suos habet defensores. Neque id solum, sed ne quis eam scriptis reprobet, quidam amici nostri miris modis obstitunt, quia author est eiusdem ordinis. Atsi verè saperemus, nos primi sordes & maculas eluere deberemus, ne quid scilicet in nostris ædibus quod oculos spectatiū posset offedere, reperiretur. Quænam, rogo, potest esse cuiusvis ordinis gloria in tolerandis erroribus & vitiis? O tēpora, ô tenebras ægyptiacis dēsiore. Verum ad quæstionē ipsa redeamus.

Dixit B. August. egregiè, nullo pacto ponendam esse humilitatem in falsitate ac mendacio. Quòd si quis teneatur credere, aut existimare se ceteris esse deteriorem, in plurimis continget opinari mendacium. Impossibile est enim de quolibet verum esse, quòd sit peior cunctis hominibus. Si enim vnus est peior, ceteris, impossibile est reliquos peiorem illo esse peiores.

Sed ista positio cum nec habeat in se vllam apparentiam veritatis, eam tamen possent aliqui adductis exemplis, ne eousque absurda videatur, defendere. Primum exemplo B. Pauli qui se primum ponit inter peccatores, quorū (inquit) primus ego sum, id est, præcipuus sum. Verum ad hoc iam respondimus, qua consideratione id dixerit, cogitationem scilicet ad illud tempus referēs, quum Ecclesiam persequeretur, non secundum quod erat tunc. Id autem pater: quoniam apertè meminit sua peccata præterita, videlicet blasphemias, & persecutionem Ecclesiæ. Et addit se misericordiam consequutum propter ignorantiam, qua præceps ferebatur ad illa flagitia putans se obsequium præstare Deo: quemadmodum de huiusmodi prædixerat Dominus. Zelum enim habebat, sed non moderatum scientia. Et reuera se præcipuum peccatorem dicit non absolutè, sed inter eos qui erant mi-

Heb. 11.

Luc. 24.

Marc. 16.

Luc. 18.

Gal. 1.

Quomodo  
sancti di-  
cant se pri-  
mos pec-  
catores.



1047.15. *fericordiam consecuti. Non enim dubium quin ipse B. Paulus sciret multos persecutionem in Christum & non ex ignorantia suscitasse, sed conscientia praua, sicut testatur Dominus: Quoniam odio persecuti sunt me gratis, inquit. Nec ipsum Paulum latebat peccatum prudenter admissum esse, omnino maius, & longe grauius peccato per ignorantia patrato, & ita maius ut non esset dignum misericordiae. Si autem misericordiam consecutum dicit: quia ignorans fecit in illis incredulitatis tenebris. Non ergo poterat verè existimare se absolute primum inter omnes peccatores pro tempore quo seruiebat Deo, cum nihil sibi conscius esset, sed fidelis esset minister Iesu Christi. Quo verò pacto poterat de se ipso constare ea prædicatio, cum illa existimatione quod esset inter peccatores præcipuus? Esse enim primum inter peccatores, & ita verè sentire, non conuenit cum innocentia.*

2 Cor. 5. *Adducunt etiam alia exempla sanctorum, ut B. Francisci, & B. Catharinae Senensis, qui se prædicabant & asseriebant deteriores cunctis hominibus. Quibus antequam respondeam: Quæro ab his qui hæc nobis proponunt, vtrum quæ illi asseriebant vera essent, an non? Si non vera: Nonne ergo asserere mendacium peccatum est? Docet ergo nos scriptura, ut mentiamur? Si autem non erat mendacium: sed verè illi erant cæteris hominibus peiores, quomodo erant sancti, & innocentes, & sine mortali peccato? Ergo oportet si vera sunt hæc exempla, aliquo intellectu ea prædicata ad veritatem reducere, ut non ita simpliciter intelligantur ut sonant. Ipsi enim spirituales erant, & spiritualiter loquebantur iuxta sensum aliquem spiritus, nobis fortè ignotum. Certè in scripturis Christus nonnumquam pronuntiatur non solum peccator, sed ipsummet peccatum & maledictum. Quod rectè intellectum ad eius gloriam pertinebat, qui in se susceperat omnium peccata luenda, id est, reatum omnium peccatorum. Quid si & hæc sanctorum pronuntiationes hunc sensum, aut aliquem similem recipiant, quorum interdum & dicta & facta sunt potius admiranda quàm imitanda? Quod si huiusmodi existimationes & sensus, proprii sunt sanctorum, ut prædicant, quomodo qui in hunc sensum veniunt non reputabunt se sanctos? & cum tales se reputabunt, quomodo reputabunt se simul esse eximios peccatores? Ego ingenuè fateor me hæc non capere. Non inficior omnem Christianum sollicitè debere conscientiam suam explorare, ac simul Dei dona ac beneficia: & agnoscere etiam si cuncta fecerit quæ debuit facere, se tamen seruum inutilem esse, quia quæ debuit fecit, & nihil inde accreuit Domino suo: & quod ex se est & natura sua malus est, & quicquid boni habet ipse à Deo habet, ut gloriatur in Deo non in se ipso, si tamè queat gloriari. Vel sic, quoniam accidunt in vita communi multæ imperfectiones, multa ingratitudo, multa negligentia, magnus tepor etiam in his qui videntur spirituales. Est item cauendum occultissimum superbiæ vitium, & cogitandum non esse Dei regnum in sermone: quia multi prudenter loquuntur, sed non ut loquuntur sic agunt. Neque propterea de fratribus iudicandum est: suspicari potius bona quàm mala in omni dubio. Prudentes tamen esse admonemur sicut serpentes, & simpli-*

ces sicut columbe, id est, cauentes nobis à decepto-  
ribus, & neminem ipsi decipientes.

1. Reg. 2. *Omnem patientiam, id est, totam siue integram patientiam. Nam omnium peccatorum illud maximum, quod in ipsum Deum directè tendit: vnde ait scriptura, Si peccauerit vir in virum, placari ei potest Deus: si autem peccauerit in Deum, quis orabit pro eo? Et hinc tamen dicit, ad informationem eorum qui credituri sunt illi in vitam æternam. Existimo peculiariter propter perfidos Iudæos hoc esse dictum, quod tacitè illos moneret, ut admirarentur patientiam Dei, & non desperarent quantum ad misericordiam. Facit enim Deus misericordia, & multis facit, non tamen ita copiose. Et B. Paulus certè rarum exemplum ob dona grandia, quæ per paucorum sunt, non ob misericordiâ & indulgentiam solum à peccato, quæ est multorum. Illud omni diligentia curandum, ne prætextu misericordiæ quisquam peccet. Maledictus est omnis qui peccat in spe. Quia verò omnium finis ipse Deus est, in cuius gloriam & honorem omnia dirigi à nobis debent, & nos ita optare debemus, sequitur:*

*Regi autem sæculorum, immortalis, inuisibilis, soli Deo. Est quoddam sæculum æui, & est sæculum temporis. Et adhuc sæculum hoc vnum diuiditur in plures periodos, quæ sæcula multa conficiunt. Quidam enim metiuntur sæculum ceterum annorum spacio. Vnde & carmen sæculare dictum, quo sacrificia centesimo quoque anno fieri solita describebantur. Quidam ad mille annos extendunt: ad triginta alij. In quancunque accipias significationem, sæcula plura constituuntur, quorum omnium Rex est ipse Deus. Nec tamen intelligas per sæcula, nuda tempora: quin ea potius quæ sæculorum clauduntur terminis, ut sunt creaturæ, sic scriptum est: Fide aprata sunt sæcula verbo Dei. Immortalis, Deum* Hebr. 11. *immortalem vocat singulariter: quia solus per se habet immortalitatem, quam nulla creatura verè habet, nec Angeli. Propter quod introducit Deus à Platone in Timæo (ut illius studiosi volūt) ad eos loquens. Vos quidem opera mea natura dissolubilia, &c. non illud quidem ob vllum principium, quod insit intrinsecum, ut sint contraria in eis, aut materia: sed quia non ex se sunt id quod sunt: & nisi Deus assidue teneret, redigerentur in nihilum, quamuis non esset dissolutio in materiam. Inuisibilis, Similiter & inuisibile Deum asserit, non ex se & sui ipsius natura, cum nihil sit lucidius, & consequenter nihil visibilius, sed nobis dicitur inuisibilis, quorum acies oculorum est ad tantam lucem debilissima: sicut sensibile excellens corrumpit infirmum sensum, Additur:*

*Soli Deo, Et quidam codices habent, soli sapienti Deo honor & gloria. Ut sit duplex sensus, Quod soli Deo honor exhibendus, & gloria danda, qui est Rex sæculorum, & immortalis, & inuisibilis & sapiens. Et potest de tota Trinitate intelligi hoc dictum, & verum est. Quæ intelligentia mox quæstionem parit, quomodo soli Deo sit honor & gloria, cum scriptum sit: Gloria hæc est omnibus sanctis eius, & ex aliis eiusmodi sententiis? Respondendo breui, est summa illi gloria & primaria: cæteris autem propter illum & in illo, & ita illi in illis. Quando enim duo sunt, & vnum propter aliud, verius vnum est, ut ait Philosophus.*



1. Tim. 2.  
Rom. VII.

Est verò alius sensus, qui sic aptetur, ut Deum etiam solum immortalem, & inuisibilem, & sapientem intelligamus. Ut alibi dicitur: Qui solus habet immortalitatem. Et ad Rom. Soli sapienti Deo. Et tunc locus alteri datur quæstioni, si de Patre sit fermo, quomodo ipsi soli ista conveniant, & non similiter ceteris personis? Ad quod facilis est responsio. In divinis enim si quid dicitur de una quavis persona, quod & aliis conveniat personis, licet per particulam taxativam illud dicatur, non propterea tamen excludit ceteras eiusdem consortij. Sunt tamen & qui hæc Patri maximè tribuant propter originem: quia ipse solus à seipso, sed non propter ea minus ceteræ personæ Filius scilicet & Spiritus sanctus id habent in semetipsis. Adde rectè dici de quavis persona quod solus sit Deus, ut sit sensus non excludens ceteras à consortio Deitatis, sed solummodo hoc innuens, quod solitariè etiam considerata quælibet persona Deus est: quod est verissimum. Vnde & de Christo dicitur: Tu solus sanctus, hoc est, tu etiam solitariè consideratus, Sanctus es. Honor igitur & gloria soli Deo (supple tu) de tanta misericordiæ abundantia sit, sicut & de quovis bono ad illum gloria referatur. Istud exprime B. Paulus de sibi collata misericordia voluit, & Deo gratias agere immortales, licet in Deum nihil redundet, sed solum in nostrum lucrum omnia cedunt, scriptum est: Omnia flumina mare intrans, & mare non redundat.

Ecclesi. 1.

Hoc præceptum tibi commendo fili Timothee, &c. Præceptum quod commendat filio Timotheo, est huius exhortationis munus, & prædicationis studiū, videlicet quod Iesus venit ad hoc ut saluaret omnes nos. Et ipse quidem id fecit quod in se fuit, si modo fecerimus nos quod est in nobis, addit: *Secundum præcedentes in te prophetias.* Innuit non obscure fuisse aliquid boni prophetice dictū de Timotheo, aut quādo Christianam professus est fidem: aut quando ordinatus est presbiter & Episcopus, sicut inferius dicit. Noli negligere (inquit) gratiā quæ in te est, quæ data est tibi per prophetiā cum impositione manuum presbiterij. Hortatur ergo & præcipit ut in illis prophetiis bonam militiam militet. Nam prophetiæ illæ commendantes eicram atque militiam, exigebant ut re ipsa exerceret ministerium suum. Si enim est vita cuiusvis hominis super terram quædam militia & luctatio, quantum hoc magis locum habere debet in præsidetibus & ducibus? Nam si ignavi sint & animo viles, profligatur mox eorum exercitus. Hi ergo maxime tenentur militare in dæmones, à quibus ante omnes impugnantur. Si enim lupi possunt pastores semel & canes strangulare, quid de ouibus sperandū est? Hoc metuens Apostolus, aiebat: Induite vos armaturam Dei, ut possitis stare aduersus insidias diaboli, &c. Et quia arma maxime sunt fides, & quæ fidem ipsam consequuntur, ideo ait:

Eph. 6.

*Habens fidem, & bonam conscientiam, quam quidam repellentes circa fidem naufragauerunt, &c.* Bona conscientia est quæ pura est, & ut oportet, probata: sed tenebris per sæpe respergitur, ut dixi, ob affectus prauos. Et tunc nonnunquam & ipsa fides periclitatur, & fit naufragium: quia fides est veluti navis quæ omnes fert virtutes substans illis. Ad illam si quidem spes sequitur & dilectio, & virtutum om-

nium societas, quæ has consequuntur, non tamen necessario ad fidem hæc veniunt.

Videat ergo homo Dei ne conscientia ista labefactetur, quod fit quando malum defenditur, aut quod bonum est, quæsitis coloribus arguitur. Probat hoc exemplo duorum quibus id accidit, quia conscientiam non seruarunt bonam. Primus Hymenæus, alter Alexæder, quos tradidit satanæ. Notandum modum magnum & admirabilem puniendi & terribilem, sed non sicut Corinthium, quem tradidit ut spiritus saluus fieret. Sic verò isti traduntur, ut discant non blasphemare, id est, in pœnam peccati, ut incipiant gustare arrham inferni.

Sed dicet quis, Quomodo sic discant non blasphemare? Nunquid traditi satanæ non multo magis blasphemabunt, quando fuerint in potestate eius, qui primus fuit blasphemus, & pater omnium blasphemantium? Nam horum hæc ars erat. Respondetur, Apostolum vsum esse hîc quodam dicendi modo. Homo enim malus dum pœnā subit peccati, dicitur tunc discere non peccare. Quod si dixeris & dæmones ipsos blasphemos esse & docere blasphemias. Respōdeo, Eorum blasphemiam non verè blasphemiam sunt, sed laus Dei. Non enim contra voluntatem Dei hoc agunt, quibus in pœnam hoc datur ut blasphement. Pœna autem à Deo est. Non vacat fortè à mysterio hos duos positos, naufragium à fide fecisse, in quibus significatur omnis modus naufragandi. Et primus quidem Hymenæus, in quo studium significatur concupiscentiæ carnis & mundi. Est enim carmen nuptiale, & Deus nuptiarum Hymenæus. Et rectè convenit illi homini qui dicebat resurrectionem iam esse factam. Comedamus ergo & bibamus (ut aliàs in persona talium obiciebat B. Paulus) cras enim moriemur. Et vide quàm congruè alibi datus est ei, socius Philetus, id est, amabilis. Hîc est qui amat, ut vicissim ametur à mundo. Iste est qui resurrectionem ignorat cum ipso mundo: & illi ardet & applaudit Hymenæus veluti dulci & amabili. Alter est Alexander qui bellatorem significat, & virum ad contentiones & conflictus natum, quique studio aduersandi inflātur propter gloriam: quod & rectè illi congruit. Nam de illo sic ait B. Paulus: *Quoniam valde restitit verbis nostris, quem & tu deuita.* Tales sunt hodie multi qui sese aliis opponunt & ecclesiæ sanctæ Dei, quod videantur esse aliquid, & ita miserandum patiuntur à fide naufragium præcipitati extra arcam, & præcisi à consortio Catholicorum.

Attende  
pietatis  
manifesta  
quia

2. Tim. 4.

## CAP. II.



**O** B S E C R O igitur primum omnium fieri obsecrationes, orationes, postulationes, gratiarum actiones pro omnibus hominibus, pro regibus, & omnibus qui in sublimitate constituti sunt, ut quietam & tranquillā vitam agamus in omni pietate & castitate. Hoc enim bonum est & acceptum coram Salvatore nostro Deo: qui omnes homines vult saluos fieri, & ad agnitionem veritatis venire. Vnus



enim Deus, vnus & mediator Dei & hominum, homo Christus Iesus: qui dedit redemptionem semetipsum pro omnibus: cuius testimonium temporibus suis confirmatum est. In quo positus sum ego prædicator & Apostolus (veritatem dico, non mentior) doctor Gentium in fide & veritate.

**O**bscuro igitur primum omnium fieri obsecrationes, &c. Dum ait, *obscuro igitur*, ostendit hanc instructionem consequi ex dictis. Instruxerat enim de isto prædicationis themate, Quod Christus Iesus venit peccatores saluos facere. At cum saluos minime faciat nos Deus per Christum sine nobis, quos ex mutuo pèdere voluit auxilio, vt vehementius nos amaremus veluti eiusdem corporis membra, eo viuiddiora, quo sunt inter se arctius coniuncta, cum nullum sit quod ab aliis præcisum viuere possit: hinc communem doctrinam tradit Apostolus, quomodo debeant orationes fieri. Est autem necessarium vt velinus, cupiamus, & oremus pro salute nostra: sicut scriptum est, Oportet sine intermissione orare. Et hoc primum & ante omnia reuoca, quæso, in memoriam quid B. Paulus statim ab initio suæ conuersionis egerit, vbi primum ecclesiam ingressus est. Orans certè ab Anania inuenitur, & rapitur: quia semetipsum totum deuouit Domino. Hic ergo & rectè, ante omnia orandum esse docet tanquam fidei receptæ primum officium. Et ad ipsum præsertim Episcopum pertinet, vt primus purissime in hoc exercitium incumbat, vt & aliis qui subduntur, ad idem pariter faciendum, confidentius valeat & efficacius indicare. Orationes enim publicæ quas plurimi in vera charitate vniti fundunt, quasi vnus sunt, & multum valent. Multi enim minimi dum congregantur vnanimis, sunt magni (ait B. Ambrosius) & multorum preces impossibile est contemni. Si pro te rogas tantum, pro te solus roabis. Si autem pro omnibus rogas, omnes pro te ipso vicissim pariter roabunt. Vnde & protinus est de cathenis erutus B. Petrus: quoniam oratio fiebat ab ecclesia ad Deum sine intermissione pro eo. Et Apostolus sperat multorum orationibus eripi de manibus aduersariorum. Est enim gratissimum Deo, qui humilitate nostra delectatur, si quædo exoratur à multis, vt etiam à multis reddantur ei gratiæ. Et licet non videatur aliquando Deus exaudire ad volutatem, exaudit tamen semper ad salutem. Ordinatur ergo obsecrans & adhortans Apostolus, vt fiant orationes videlicet Episcopi prouisione: quoniã sic magis placent quæ Pontificum sunt imperio, & celerius exaudit Dominus.

Vt autem huius instructionis sufficientiam capias: Omnis oratio præteritum respicit, aut futurum. Si præteritum, necessario requiritur vt gratiarum actiones, quæ iam facta beneficia respiciunt, contineat. Nam de omnibus Deo gratias agere debemus, etiam de his quæ nobis mala videntur, vt sunt tribulationes & huiusmodi. Nam hæc sæpe numero meliora sunt & vtiliora, quàm quæ videntur ad nutum nostrum fluere. Et nullum est malum quod non verat in bonum nostrum Deus optimus,

si patienter quæcunque accidunt tolerare parati simus. Si autem respicit oratio futurum, tunc continebit aut depulsionem mali, quod hoc vocabulo, *deprecationis*, significat Apostolus (sic enim Græcè legitur, non obsecrationes, sed deprecationes) aut petitionem alicuius boni & gratiæ siue spiritualis, siue temporalis, ad spirituale tamen bonum ordinatæ: quod generali hoc vocabulo, *Orationes*, complectitur. Et quia omnium est orare, non autem omnium intercedere, adiecit: *Et intercessionibus*, quæ illorum sunt qui maiore gratia valent apud Deum, vt pro aliis non solum orare, verum etiam possint intercedere. Tales erant Moyses, & Samuel, Iob & Daniel, & alij gloriosi viri & insignes Sancti. Et nos habemus Apostolos, & alios sanctos in cælis apud Deum sollicitos pro salute nostra intercessores. Neque assidue defunt in ecclesia Dei amici qui hoc præstare possunt. Sunt & qui hoc debeant ex officio, vt sacerdotes & Episcopi. Et qui etiam ex ipso statu, vt sunt religiosi qui familiaris domum Dei ingrediuntur, Christum ipsum sequentes vt discipuli propinqui & intimi. Nonne pro Chananea & aliis orabant Dominum illi familiares & domestici? Dimitte illam (inquiunt) quia clamat post nos. Sic instruimur & nos facere. O cum quanta sapientia & charitate ordinauit Deus ecclesiã. Hoc tantum superest vt agnoscamus, & obseruemus.

Additur, *pro omnibus hominibus* istas orationes & supplicationes esse faciendas. Et *pro regibus, & omnibus qui in sublimitate constituti sunt*. Hoc specialiter additur tanquam omnino pernecessarium & fructuosum. Nam innumera bona bonis principibus regnantibus proueniunt, & tranquillitas magna in populis, vt liberè possit seruari Dei cultus, & pietas exerceri, & honestè duci vita ab hominibus. Quod si ipsi reges delirent, horum stoliditas redundat in populum, iuxta illud: Quicquid delirant reges plectuntur Achiui. Habemus & in scripturis exempla vel illud de Dauide, quando iussit numerari populum. Et quotidianis abundamus. Cui, rogo, ignotum est, quot & quantas afflictiones, quot angustias, quot cruciatus ob Regum deliria passus est populus Christianus? Et vtinam ærurnarum finis. Sed & hæc mala permittit Deus summa æquitate. Siquidem quid sit orare ignorat vulgus: & si quædo ad publicas orationes & cõmunes conueniunt, non solum Deum sibi placabilem non reddunt, sed contra acerbis irritant, tanta superbia & fastu itur, tanta confusione & strepitu, vt sint publicæ supplicationes iã ferè cõuersæ mulieribus ad ornatum meretricium ostentandum, & viris ad pascendos impudicos oculos & lubricos: vt nusquam maiorem videas superbiam, & frequentiore mulorum & equorum concursum, quàm dũ maiori deuotionis puritate orandus est Deus. Quare B. Paulus veræ pietatis finem prospiciens, ait: *Vt quietam & tranquillam vitam agamus in omni pietate & castitate, siue honestate*. Græcè enim legimus, *σεμνότητα*. Vide ergo quomodo sit faciendæ oratio pro omnibus: singulariter quidem & distinctè pro quolibet, si hoc fieri possit: tum potissimum pro rectoribus populi. Qui enim pro rege orat, etiam pro populo orat, qui aliquo modo in rege est, & cuius salus magna ex parte à regis salute pèdet & religione. Videmus enim corruptis principibus populos labefactari quàm facillimè.

*De intercessionibus Sanctorum.*

*Matth. 15.*

*2. Reg. 24.*



Sed contra hoc dictum, videlicet orandum esse pro omnibus, videtur sacra scriptura reclamare, quæ nonnullos interdum propter insignia peccata ab orationum fructu excludit: imò ne pro eis fiat oratio prohibet. Nam & Dominus Ieremiæ dixit: *Ierem. 7.* Noli orare pro populo hoc, & ne obstitas mihi: *Ibid. 15.* quia non exaudiam te. Et iterum: Si steterint Moyses & Samuel coram me, non est anima mea ad populum istum. Et Dilectus: Est peccatū ad mortem, nō pro eo dico vt oret quis. Christus dixit esse peccatum quod non dimittitur neque in hoc sæculo, neque in futuro. Frustra igitur pro tali peccatore oraretur. Et item ipse Dominus solummodo pro iis qui nesciunt quid faciūt orauit. Apostolus non orat pro Alexandro, sed in eum dicit: Reddat illi Dominus secundum opera eius. Pro quibusdam autem aliis, ait: Non illis imputetur. Est & regula scripturæ: Si vir in virum peccauerit, placari ei potest Deus. Si autem in Dominum peccauerit vir, quis orabit pro eo? B. Petrus nō audet Simoni Magico certam vel pœnitenti & oranti promittere indulgentiā ob eximiam sceleris gravitatem, sed ait: Pœnitentiā age ab hac nequitia tua, & roga Deū, si forrē remittatur tibi hæc cogitatio cordis tui. Et pleraque alia adduci possunt.

Vt igitur huiusmodi sententiis idoneè possimus satisfacere: fateri debemus ad nos qui pondus peccatorum, & illud Dei iudiciū ignoramus, quo iam despexisse quosdam dicitur, attinere vt omnium salutem optemus, & sic pro omnibus orare oportet vt ait Apostolus, quousque pateant nobis quæ in contrariū sunt adducta. Pro omnibus ergo, etiam inimicis orandum est. Est nanque duplex consideranda inimicitia, aut qua parte nos tangit, & dimittere tenemur, quia dimisit nobis Deus cum inimici essemus. Et scriptum est: Dimittite & dimitte-  
*Luc. 6.* tur. Et orare iubemur: Dimitte nobis debita nostra, sicut & nos dimittimus debitoribus nostris: Aut qua parte Deum tangit. Et cum sit Deus ipse generaliter paratus dimittere, nisi (vt dictum est) in quibusdam, quos ignoramus, ideo vult etiam generaliter pro cunctis orari, vt possit congruentius dimittere. Ipse enim sic iussit: Orate pro persecutibus & calumniantibus vos. Non enim volūtatibus eius est mors impij, sed magis vt convertatur & viuat. Non obstant autem quæcunque leguntur vel in psalmis, vel aliis scripturæ locis, vbi videtur sæpe fieri oratio terribilis aduersus inimicos. Intelligendum est enim ea prophetice dicta esse enuntians quod vident fore ipsi propheta: vel ex zelo iustitiæ etiam hoc appetendo, quod iustum esse, & iam certo decreto conspiciunt in iudiciis Dei sancitum. Pro excommunicatis autem priuatim, & priuata oratione licet orare.

Illud magis obstare videtur quo minus pro omnibus sit orandum: quoniam vt habet ratio prædestinationis, non sunt omnes homines ordinati ad salutem, sed plurimi (vt quidam volunt) reprobati. Vt quid igitur pro illis oretur, qui adipisci salutem non valeant, cum non sint ad illam ordinati? Mitto ridicula quorundam commenta dicentium reprobos à Deo posse salutem adipisci: quia scilicet posset, aut potuisset Deus non reprobasse. At nos iam constituimus illum reprobasse: & de reprobo quærimus sic existente, an possit simplici

ter saluus fieri. Alioqui & de iam damnatis & in inferno existentibus verum similiter esset, quod posset, aut potius potuisset Deus non damnaſſe illos. Orandum ergo esset & pro illis: quod est demeritis hominis fateri.

Alij ergo asseuerant ea ratione etiam pro non prædestinatis orandum esse, cum prorsus simus nescij quinam prædestinati sint, & qui reprobati. Nec vana futura est nostra oratio: quādo quidem si illis non proderit, oratibus tamen proderit: iuxta illud, In quamcunque domum intraueritis dicite, Pax huic domui, Et si quidem fuerit domus digna, pax vestra veniet super eam. Sin autem non fuerit digna, pax vestra reuertetur ad vos. At hæc certè repugnant subsequētibz Apostoli verbis: *Hoc enim (ait Apostolus) bonum est & acceptum coram Salvatore nostro Deo, qui vult omnes homines saluos fieri, & ad agnitionem veritatis venire.* Ecce ergo ad quē finem Apostolus docet pro omnibus esse orandū, nimirum: quia vult omnes homines saluos fieri, vt sic omnibus possit prodesse oratio. Non autem dicit: Si non omnes poterunt saluari, oratio vestra reuertetur ad vos. Quamobrē apertus est magnis & acerbis disceptationibus, iis qui se extricare nolunt, locus.

Etenim reperiuntur nonnulli qui adduci non possunt, vt admittere velint hanc Apostoli sententiā vniuersaliter esse veram ad ipsorum verborum integritatem. Obiiciunt quippe: Si Deus (inquiunt) ita simpliciter & absolute vult omnes homines saluos fieri: Ergo omnes homines salui sūt. Quid enim eius potētia resistere posset? Sed non omnes salui sūt: Ergo non vult Deus simpliciter omnes homines saluos fieri. Hoc est argumentum quod tanti faciunt, vt sibi persuaferint insolubile: Quod vehemēter admiratus sum. Itaque hunc locum sic exponūt: Velle Deum omnes homines saluos fieri, id est, Nemo assequitur salutem, nisi quem ipse velit. At hæc glossa violenta est prorsus, quæ nulla ratione aut exemplo fulcitur, si rectè cogitaueris, nec sit cum proteruis agendū. Nec eos iuuat quod afferunt: Omnes in Christo viuificabuntur, intelligentes de vita animæ, ac propterea eo pacto exponentes, hoc est, Nemo viuificabitur nisi per Christum. Sed nec est bona intelligentia hæc, nec loci illius propria. Manifestè enī de resurrectione corporis erat sermo: & vniuersaliter erit verum quod omnes resurgēt. Et illam glossam nullo modo ferre potest litera, quæ similitudinem adhibet: Sicut in Adam omnes moriuntur, ita in Christo omnes viuificabuntur. In Adam autem vniuersaliter omnes morti addicti sumus. Itaque vt stet æqua lanx ex parte Christi, oportet & in illo omnes ad vitam restitui. Equantur enim in contrariis illis vitæ & mortis effectibus Christus & Adam.

Afferunt & alia quædam exempla, quibus istam glossam defendant, quæ sunt à nobis aliās efficaciter confutata: nec est operæpretium denuo repetere. Aliam ergo glossam afferunt ad hunc textum, aiētes: Deus vult omnes homines saluos fieri, hoc est, de omni hominum genere, id est, Iudæis, Græcis, Barbaris, aut maribus, sceminis, adultis, pueris, liberis, seruis, & huiusmodi variis hominum generibus. Sicut dixit Dominus: Decimatis omne olus. Aut sicut dicitur: Omne animal conclusum est in

Matt. 10.

Quomodo  
verum sit  
Velle Deū  
omnes ho-  
mines sal-  
uos fieri.

Luc. 11.



arca, id est, omne genus siue species oleris, & omnis species animalis. Sed nec placet hæc expositio: quia in exemplis genericum nomen distribuitur per vniuersalem notam, & ideo non ineptè distribuitur in suas species. Genus enim primum in species diuiditur. Atqui in proposito sermo est de hominibus, in quos non cadit huiusmodi distributio. Cū enim dicimus, omnes homines, iuxta proprietatem & rigorem sermonis, nullum excludimus. Aut saltem si figurata fuerit locutio, maiorem hominum partem includimus. Quod profecto non esset verum iuxta hanc positionem, qui volunt Dominum Deum velle longè incōparabiliter plures homines in æternum dānare, quā saluos facere.

Est igitur & alia expositio: Deus vult omnes homines saluos fieri, id est, vult vt nos velimus quod omnes homines salui fiant. Sic dicitur Spiritus postulare pro nobis, hoc est, postulare nos facit. At si verū citra passionem amamus, sic exponere non est exponere, sed destruere. Nec est verū quod Deus velit nos velle omnes homines saluos fieri: si verū hoc sit & nobis exploratum (vt volunt) quod ipse non vult omnes fieri saluos. Non enim vult Deus nos velle quicquam contra voluntatem & determinationem suam nobis notam. Explodenda igitur hæc est, cum aliis eiusmodi, expositio.

Vniuersaliter autem contra omnes istas glossas primò istud facit nimirum: Vbi tanta apparet opinionum varietas, potest facile coniectari falsitas. Nam nec ipsi qui has glossas commēti sunt, in suis illis glossis possunt conquiescere. B. Augustinus in epistola ad Vitalem, postquam quasdam attulit ex supradictis, cum animaduertisset minus aptè congruere, adiecit: Vel si quo alio modo potest intelligi, dum modo non obstat scripturæ veritati. Secundo: Quia vanissimo argumēto ad has glossas agglutinandas mouentur. Ab eo enim quod non saluantur omnes, deducunt esse falsum, velle Deum omnes homines saluari: quia Dei voluntas non potest frustrari. Et non considerant aliter atque aliter voluntatem Dei debere accipi. Nam qui peccatū definit esse dictum, factum, cōcupitum contra legem Dei, oportet vt concedat, si sit peccatum, illud fieri contra voluntatem Dei. Nec enim essent peccata, nisi essent contra voluntatem Dei. Fit ergo aliquid, imò fiunt assidue multa, cōtra ipsius Dei voluntatem, quibus prouocatus Deus ultionem exercet, & punit contra suam ipsius volūtatem agentes. Nam si ab initio creaturæ repetere scripturam voluerimus: Primus homo contra volūtatem Dei egit. Cain contra voluntatem Dei fratrem trucidauit. Et ita discurrere per scripturam nullo negotio possumus, vbi omnes qui peccauerunt, aperte contra Dei voluntatem egisse monstrantur. In hoc igitur est multorum deceptio, qui (vt dixi) non aduertunt Dei voluntatem aliter esse atque aliter intelligendam. Est enim voluntas Dei quædam deliberata, quam vocant beneplaciti: & contra hanc nulla vis & potentia quicquam potest, quominus fiat quod Deus fieri vult. Sed est alia Dei quædam voluntas, quæ vult nos non peccare: & ideo mandata ne peccemus. Et consequēter vult nos saluos fieri: sed non immobili ac deliberata voluntate illa, cui resisti non potest. Sed quia ex se præparat omnia ad salutem necessaria, & vnicuique pro tempore

opportuna, vt si velit quisque saluari possit, rectè dicitur, Deum velle nos saluari, si tamen & nos ipsi velimus. Et bonam hanc eius voluntatem agnoscimus, dum vocat ad salutem. Nunquid ergo vocat nolens eis conferre salutem? Absit. Conquereretur ille aduersus Ierusalem quæ salutem vocata recusabat. Quoties volui (inquit) congregare filios tuos sicut gallina sub alis, & noluiisti? Et iterum: Deus non vult mortē peccatoris, sed magis vt conuerratur & viuatur. Et Apostolus: Ignoras quod benignitas Dei ad pœnitentiam te adducit? Audi verò in quem reiiciat dānationis integram culpam. Tu autem secundū duritiam tuam & impœnitens cor, thesaurizas tibi iram in die iræ & reuelationis iusti iudicii Dei, &c.

Matt. 23.

Ezech. 16.

Rom. 2.

Adhæc: Quoniam multi autoritate B. Augustini nituntur, ipsemet non constāter illud perpetuo docet: sed longè rectius quibusdam locis scripsit, vt propria disputatione ostendimus. Et omnes alij qui ante B. Augustinum floruerunt in ecclesia, qui que post venerunt, in illum benigniorem sensum intellexerunt. B. Ioannes Damascenus, Chrysostomus, Hieronymus, Thomas hoster, Caieranus etiam, & multi alij graues doctores.

Denique illud me valdè mouet: quoniam hic locus si velimus præcedentia cum subsequētibz aptè cohærere, destruit prorsus hæc ipsorum opinio nem & glossas. Monet etenim pro omnibus hominibus orandum esse: quia hoc est bonum & acceptum coram Deo. Et addit causam: Quia vult omnes homines saluos fieri, & ad agnitionem veritatis venire, &c. Expone modo vt isti volūt, & videbis tunc rationem hanc, cur pro omnibus orādum sit, nihil prorsus habere virium ad hoc probandum. Quin obstat potius ne pro omnibus oremus: quia non omnes possunt fieri salui. Similiter male conueniret quod sequitur, Vnus enim Deus, videlicet omnium, sicut alibi declarat: An Iudæorum tantum Deus? Nonne & Gentium? Imò & Gentium, &c. Non enim est distinctio Iudæi & Græci. Vnus enim Dominus omnium, diues in omnes qui inuocant illum. Et B. Petrus. Non est acceptor persona rum Deus, sed in quacunque gente qui timet Deū, & facit iustitiam, acceptus est illi. Ab vnitate enim Dei colligitur æqua prouidentia super omnia, quæ idem sibi postulant atque exigunt. Quod si hæc ratio non esset valida apud aliquem, cum sit tamen robustissima, adiicitur adhuc & alia.

Rom. 3.

et 10.

Act. 10.

Quia (inquit) Vnus & Mediator Dei & hominum homo Christus Iesus. Nota verba, prudens lector, & quomodo admitti illa intelligentia possit, rogo, se mota affectione diligenter pondera. Vnus (inquit) Mediator Dei & hominum. Non dicit horum hominum, aut illorum, sed hominū: vt omnes hoc indefinito sermone intelligeres. Quod vt expressius ad huc restitificaretur, adiecit, homo Christus Iesus. Ac si dixerit: quia homo fuit, ideo suscepit hominū causam, vt quicunq; sub hac humana appellatione cōprehēditur, vt sit homo salute indigens, etiam habeat sibi prouisum hominē Mediatorem & Saluatorem. Equidem dum hunc verborum cōtextum animaduerto, mihi videtur Apostolus perinde loquutus fuisse, ac si tum negotiū illi ad refellendas istas glossas iam exhibitū fuisset. Vide iterū quid addat, si ante dicta non sint satis ad suadendum. Qui dedit



redemptionem semetipsum pro omnibus, pro omnibus, inquit. Quid poterat dici amplius?

Cuius testimonium temporibus suis confirmatum est. Ne diceret, quomodo dedit se redemptionem pro his qui iam erant defuncti? Ait fuisse testimonium huius rei quando dedit semetipsum temporibus suis: quia semel mortuus est ad exhaurienda omnium peccata. In Apoc. dicitur quod Agnus, id est, Iesus occisus est ab origine mundi, quod propter effectum intelligitur: quia sanguis Christi etiam pro illis valuit qui praecesserunt. Ideo hic dicit temporibus suis datum hoc divinae voluntatis testimonium: quoniam & sanguis ille etiam pro damnatis in inferno effusus fuerat, quanquam illis ob propriam culpam non profuerit, qui sanguinem testamenti conculcaverunt & pollutum duxerunt, non sibi applicare volentes. Poruit enim & eis prodesse, si recipere voluissent hoc amantissimum & certissimum testimonium & pignus.

Quod si quis pergat adversus hanc divinam bonitatem, & dicat: Cur ergo non omnes salvi fiunt, si vult omnes homines salvos fieri? Responsio est in promptu: quia illud vult non absolute, sed si & ipsi velint. Quod si reiiciant oblatum lumen & gratiam, & hanc divinam voluntatem frustrantur: nunquam hoc erit, quia Dominus quod decem fuit suae clementiae ad eorum salutem non praestiterit, sed quia (ut saepius inculcandum est) illi fenestram divino lumini occluserunt. Constatendum tamen est illum non omnibus par auxilium praestare & aequalem gratiam: quia in vno corpore diversa sunt membra, & diversos habent actus. Ob eam causam summa Dei providentia statuit ab initio quos praedilexit & predestinavit, quorum nullus perire (ut qui essent Christi individua membra decreta) debuit. De ceteris autem qui ad eum gradum non sunt euecti, possunt quidem perire ac pereunt multi: & ita persistere, ut persistent non pauci. Quid enim magis alienum, & cum immensa Dei benignitate sic pugnans, & ratione ipsa nobis à natura impressa, quam ita de Deo sentire, ut velit tantam creaturarum ad imaginem & similitudinem suam creaturarum multitudinem ob unius primi parentis crimen in infernum obruere? Hoc ego horrore motus, rem totam particularibus libellis extimulatus sum efficacissimis rationibus pertractare. Et vehementer gavisus sum, cum rescivi non paucos excellenti ingenio, ac probitate insigni praeditos viros nostras rationes mirabili assensu complexos: qui & reuoluentes accuratius libros Antiquorum, suggererunt inter alios, hanc nostram sententiam probari ab Antistite illo, cuius tanta fuit & est adhuc in ecclesia auctoritas, ut non alio nomine quam Theologus vocaretur, nec illius sententias auderet quisquam reprehendere. Hic est ille magnus Gregorius Nazianzenus, qui Caesarij fratris epitaphium scribens, indicat certo se existimare illum in Domino mortuum fuisse, tamen non esset de praelectis ac predestinatis. Istud tamen inde colligebat: quia vir saeculi fuerat & aulicus. Neque propterea esse desperandum tradit, neque illum reprehensione dignum, quod excellentiorem vocationem non habuerit, quae propria erat praedestinatorum. Eius verba in sua lingua haec sunt:

ἐν αἰῶσι μάλιστα. φιλοσοφῶν μὴ γόστῳ μέγιστον ποσὺν Greg. Naz.  
ἢ χαλεπώτατον. καὶ ἐπεὶ πᾶσι τὸ ἐργάσασθαι, ὅτε ἀλλων, ἢ τῶν Nazianzenus  
ὑπὸ τῆς θείας προνοίας μετὰ μετὰ νοίας, ἢ πῶς θεωρημα- contramissam.  
νοιας καλῶς ἔχει δίδωσιν. ὅτε μικρόν δέ, εἰ τις τὸν δούτερον θεω-  
ρηματίας βίον, καλοκαγαθίας μεταποιῶτο. ὅτε πλεῖον λόγον  
ἔχει θεῶν ἢ τῆς αὐτῆς ζωτικῆς, ἢ τῆς κατὰ λαμπρότητος.

Id est, non dignus est reprehensione: Sapientiae enim divinae studere ut est maximum, ita & difficilium. Neque multorum est hic conatus, neque aliorum, quam qui à divina illa magna mète sunt praeuocati, quae pulchrè manum dat his qui praelecti sunt. Non parum autem est, si quis secundam vitam sibi proponens, probitatis sit compos: & maiorem Dei & suae salutis habeat rationem, quam terreni splendoris. Sentis bone lector, huius gloriosissimi doctoris claram pro nostra positione sententiam: Nempe verba clara sunt, unde & alij inter pretes illas voces, Praeuatorum & Praeceptorum, ad praedestinationem referunt, explicatissimè ea voce utentes. Et re vera erat mens veterum Patrum, cui ecclesiae praxis semper est attestata: imò qui ecclesiam ipsam ita sentientem sequebatur. Sed sunt qui gratis pugnare & litigare delectantur, quos ego valere iubeo, & suam frui spinosa opinione.

In quo positus sum ego praedicator & Apostolus, doctor Gentium in fide & veritate. Auxit semper sermonem copiosius. Plus est enim esse Apostolum, quam solum praedictorem. Et plus specialem doctorem Gentium, quam Apostolum simpliciter: quia hoc aliquid speciale & insigne significat. Et hanc praerogativam sanctissimè & opportunè extulit ad Galatas, dum se cum B. Petro comparans, ait ita sibi gratiam subministratam coelitus inter Gentes ad signa & prodigia, sicut Petro in circumcisione. Interposuit autem ad huius rei maiorem confirmationem iurandum, Veritatem dico in Christo non metior: quam in Latinis deest, In Christo, sed bene habet.

At hic ex evangelio dubium occurrit, Nonne B. Paulus videtur contra praeceptum Domini vocare se magistrum & doctorem? Ille enim dixit: Vos autem nolite vocari Rabbi. Sed haec prohibitio in eos intelligi debet locum habere, qui novam doctrinam introducunt, principaliter sibi magistrum arrogant. Apostolus autem omnino dissimilis, qui in fide & veritate praedicabat ea quae acceperat sub summo Magistro Christo, qui magis in eo docebat. Et ipse Christo gloriam dabat ut soli Magistro. Ob eam causam subiecit illa verba, In fide & veritate, Et non sicut illi qui ambiunt gloriam magistrum, & de suo capite loquuntur: quales semper fuerunt, & sunt haeretici nostri temporis. Hi enim sibi arrogant magistrum: quia & propria ingerunt, & à semetipsis, & spiritu mendacii loquuntur.

Volo ergo viros orare in omni loco, leuantes puras manus sine ira & disceptatione. Similiter & mulieres in habitu ornato, cum verecundia & sobrietate ornantes se, non in tortis crinibus, aut auro, aut margaritis, vel veste pretiosa, sed quod decet mulieres promittentes pietatem per opera bona. Mulier in silentio discat cum omni subiectione. Docere autem mulieri non permitto, neque domi-

Gal.

Nolite vocari Rabbi, quem tenetum habet.



nari in virum, sed esse in silentio. Adam enim primus formatus est, deinde Heua. Et Adam nō est seductus: mulier autem seducta in prauaricatione fuit. Saluabitur autem per filiorum generationem, si permanferint in fide, & dilectione, & sanctificatione cum sobrietate.

De loco orationis.

Matth. 6.

Ioan. 4.

27. 3.

*Volo ergo viros orare, &c.* Volo, inquit, hoc est, iubeo vt sic fiat, & in omni loco. At hoc videri posset minus cum verbis Domini conuenire aientis: Domus mea domus orationis vocabitur. Imò & locum magis intimum docet alibi, nempe vt intretur in cubiculum, quo clauso orandus sit Pater cœlestis, Quomodo igitur dicit Apostolus, in omni loco? Respondetur: Vbiunque Deus est, ibi locus aptus orationis est. At ille vbiq̃ue est: ergo vbiq̃ue orari potest. Et nihilofecius decentiam seruādam omnino quis negare potest? Sūt quædam prophana loca, quorum impuritas prohibet ibi orationē, præsertim publicam, fieri. Nā & ipse locus etiam debet esse sanctus & separatus. Reddit autem locū prophanum, si dicatus sit Idolis & falsis diis: aut si esset caupona & prostibulum: aut locus peccato dicatus & turpitudini, & ludis, scenis, nūdinis, &c. Et si enim B. Agnes in lupanari posita orauerit nō obest. Nam sua sanctitate & martyrij iam cæpti merito sanctificauit locum. Cui obscurum est, quomodo Dominus ab initio certum elegerat locum sanctum ad cultum, nempe Ierusalem: quæ ob istā causam dicta est ciuitas sancta. Eo nanque tempore totus mundus idolorum cultura prophanatus erat. Nec tamen ob id solum: sed insuper ob futurorum significationem: quia in ecclesia tantum futurus erat locus orationi, quæ per Ierusalem significabatur. At postquam venit Redemptor, & extra ciuitatem fudit sanguinem, mundata sunt penitus omnia. Et ob eam causam Samaritanam erudiens: Veniet hora (inquit) & nunc est, quando veri adoratores adorabunt Patrem in spiritu & veritate. Deus spiritus est, & qui adoratur in spiritu & veritate oportet adorare. Quare adorare modo in Ierusalem potius quàm alibi, cum sint omnia per Christum sanctificata, superstitionis est. Intrare autem in cubiculum non iubemur propter locū, sed vt fugiamus aspectum vulgi & strepitum, & attemptæ orationis impedimenta, & item propter inaniā gloriam: quæ omnia in priuatis orationibus locum habent. Alioqui templum Dei est publicus orationis locus. Dixit ergo Apostolus, *in omni loco*, ad Iudaicam superstitionem extirpandam, qui nullam vim orationi tribuebant, nisi ei soli quæ Ierosolimis tantum funderetur. Neque tamen sic laxat facultatem hanc B. Baulus, vt cum fieri potest, non sit longè fructuosius, & Deo gratius in tēplis consecratis orare, quam allis locis. Nam oratio ardentius excitatur, & facilius citiusque à Domino exauditur. Quis enim vir pius non moueatur tene rius apud sacrosanctum Eucharistiæ sacramētum supplex orans, quàm si domi resideret à tanto Memoriali remotior? Nonne & Apostoli peculiarem huius exercitij locum habebant? Petrus & Ioannes ascendebant in templum vt orarent, ait scriptura. Et nedum loca, sed & ipsas horas statas obser-

bant. Hæc omnia optimè sunt ab ipsa Matre ecclesiæ ordinata: vtinam ita obseruarent ecclesiæ filij. Melius sanè nobiscum ageretur, & sanctius viveretur.

*Leuantes puras manus*, vt innocentiam intelligas esse comitem orationis. Nam oratio furis, & sacri legi, & adulteri, & talium, quantum valeat si non sit cum pœnitentia, facile est intelligere considerāti an sit iustum vt aliquid impetrare debeat offendens ab offenso, quandiu in offensione persistit: nisi velit ab offensa recedere, & veniam supplex implorare. Addit:

*Sine ira & disceptatione.* Oratio enim pacatum animū exigit erga proximum. Vnde exigit dimissionem: quia non est iustum dimitti velle, & dimittere nolle. In oratione Dominica continetur hac conditione petitio: Dimitte nobis debita nostra, sicut dimittimus debitoribus nostris. Ideo ait, sine ira, id est, sine appetitu vindictæ: & disceptatione. Disceptationem vocat illam in animo alterationem, quam facit qui iniuriam ponderat accusans alterum, seque iustificat: vt accidit in his qui animi indignationem ferunt.

*Similiter & mulieres in habitu ornato, &c.* Apostolus vult similiter mulieres in omni loco orare, congruo tamen (vt dictum est) sed in habitu ornato. Græcè *κοσμίαι*, id est, decenti & mundo. Et hoc pudicè & sobriè, id est, tēperatè, *non in tortis criminibus*, Falluntur qui hoc B. Pauli præceptum putant ad tempus fuisse in primitiua ecclesia: quia tunc mulieres quæ se Christianas profitebantur, huiusmodi lenocinia ad se abdicabant tanquam superflua & vana. Non consideratè dictum est: quia hoc ad exigētiam Christiani status requirebat Apostolus qui exigitur omni tempore. Et hoc magis præcipi debuit isto tēpore, quando non fit, quàm illo quādo (vt ille dicit) hoc sua sponte mulieres faciebāt. Imò aliquid quadam conniuetia relaxari debuit de eo quod fieri decebat, ne seueritate nimia minus alliceretur ad fidem & cultum Dei veri. Nam multa tunc condonabantur ob istam gratiam, vt patet circa matrimonia & cibos: quia adhuc multi erant infirmi in fide, suauiter ablaetandi.

Sed instant aliqui, & B. Cæciliam proferunt in medium, quā aiunt aureas gestasse vestes. Sed quis istud tam facile crediderit? Quis vnquam vestes aureas gestasse legitur? Fortè aliquo modo auratas. Faciebat autem illud inuito animo & nolenti, vt credendum est, & ea adhuc ætate quum sui iuris non esset, cūque tantisper adhuc erat dissimulandum, ne fortè sui vnus occasione tota familia à persecutoribus fidei detrimentum magnum pateretur. Cum dies aduenit martyrij, declarauit quāta delectatione ea omnia ferebat. Addo & illam sanctissimam virginem potius ad primitiuam ecclesiam pertinuisse in recenti illa Gentilium ad fidem conuersione, qui ea norma tractandi erant, quā & Christus discipulos suauissime regebat, nō imponens perfectiora ieiunia, ne assutus veteri pāno nouus rumperet indumentum. Multa tolerantur ab initio, quæ homines sponte sua reiiciūt, vel remissiore vsu disfluūt, vt in noxiis amicitijs & inanibus fieri vult prudentia. Et reuera Apostolus communem ponebat legem mulieribus, non regnis & sublimioribus personis. Tametsi nec illas



ab hac lege (ne sibi falsò & perniciosè blandiatur) excipit, si rectè intelligatur. Præcipit enim mulieribus ea verecundia & honestate indumentorum esse vtendum semper: sed tum potissimum cum ad ecclesias orandi causa se conferunt, quæadmodum B. Chrysostomus docet, qui egregiè reprehendit istam mulierum corruptionem. At hodie (proh dolor) nusquam se ad luxum ac superbiam maiori anxietate ornant, quàm dum se coram Deo offerre (si tamen sit offerre) præparant.

Sed ne videamur seueriores, placuit ipsius beati Ioã. Chrysostomi sanctã in hunc mulierum abusum increpatione afferre, ait: Quid dicis? Deum oratura pergis, & ornamenta aurea circumfers, flavosque crines, & ipsos auro compositos: An saltaturo ad ecclesiam pergis? Nunquid hinc nuptias & lasciuia oblectamenta conquiris? Num vt spectaculum tui præbeas aduenisti? Num tibi nunc instruendus est thalamus? Illuc nempe monilia: illuc ornamenta aurea: illuc ornatus crinium: illuc pretiosa vestis locum aliquando fortassis habeat. At nunc nullo tibi huiusmodi ornatu atque apparatu opus est. Accessisti vt Deum pro peccatis tuis suppliciter depreceris, vt tuis in illis sceleribus veniam cum gemitu ac lachrymis petas. Accessisti vt Dominum tibi propitium facias: quid te ipsam ornari improbo atque inrepestiuo studio contendis? Non est iste supplicis habitus. Quo enim pacto ingemiscere potes ac lachrymas fundere, atque intensissimè (vt decet) orare, quæ eiusmodi ornatu compta procedis? Nam etsi lachrymas fuderis, risum cernentibus huiusmodi lachrymæ mouebunt. Neque enim auro amicta debet incedere, quæ lachrymas pro peccatis profundere intendit. Est enim potius scena quædam atque simulatio, si ex eodem animo ex quo tanta sumptus magnificentia tantaque ambitio prodiit, inde etiam profundum lachrymas viderint. Amputa omnem huiusmodi simulationem: circuncide abs te omnem illum scenæ atque histrionum gestum. Deus profecto non irridetur. Ista mimis & saltatoribus relinquenda sunt. Sobriæ atque ornatae mulieri nihil eiusmodi congruit, cum verecundia, inquit, & pudicitia, Noli igitur eas imitari quæ meretricio feruntur incessu.

Apoc. 3.

Et ita hæc vanitatem persequitur dulcis ille Doctor, & meritò. Nonne prudentiores sunt in sua generatione mendici, inopes, & vulneribus, membrisque mutilationibus affecti homines calamitosi, qui adhibent ad commiserationem mouendam eiusmodi artem, vt ne dum mala contegant, sed importuna voce explicent, quò transeuntium possint opibus iuari. At nos corâ summo Medico Deo ita nos gerim⁹, ac si nulla animæ vulnera, nullas peccatorum sordes haberemus, sed diuites simus: & non videmus nuditatem nostram. Miror sanè prudentiam maritorum qui ab vxoribus sese, quò illis placeant, ornare fingentibus, tam facile seducuntur, non considerantes quod procorum oculi coniiciantur. Neque enim viris cedunt in concupiscendo mulieres. Nam si qui ieiuniis se affligunt & carnem castigant, & orationibus vacant, occasioneque fugiunt, non possunt tamè fugere quin sexus discretionem sentiant, quid de iis iudicandū quæ oleum igni addunt? Qui mihi non credunt, re-

current ad Isaiam, & ponderant quam seuerè Deus immodicum ornatum vlciscatur. Imò verò non erit alienum verba ipsa huc afferre, vt & concionatores, & qui audiunt confessiones non tam facile istud peccatum dissimulent. Etenim si Deus naturalibus ramis filiabus Sion non pepercit, nec ramis quondam oleastri ignoscet, ait Isaias. Et dicit Dominus: Pro eo quòd elatae sunt filiae Sion, & ambulauerunt extento collo: & nutibus oculorum ibant & plaudebant, ambulabant, & pedibus suis composito gradu incedebant: Decaluaabit Dominus verticem filiarum Sion: & Dominus crinem earum nudabit. In die illa auferet Dominus ornatum calceamentorum, & lunulas, & torques, & monilia & armillas, & mitras, & discriminalia, & pericelides, & murenulas, & olfactoriola, & inaures: Et anulos, & gemmas in fronte pendentes, & mutatoria, & palliola, & linteamina & acus: Et specula, & sindones, & vittas & teristra. Vide quam diligenter dignatus est per illum prophetam Dominus exprimere omnem mundum muliebrem, quem ipse auersatur, & seuerè minatur sublatum iri: quòd ad magnam ignominiam satis esse videri poterat. Et tamen non sedatur Deus his ablatis superbiam spoliis, nisi & superbo ornatui succedat maxima turpitudine, addit igitur: Et erit pro suaui odore, foetor: & pro zona, tuniculus: & pro crispanti crine, caluitium: & pro fascia pectorali, cilicium. Pulcherrimi quoque viri tui in gladio cadent: & fortes tui in praelio. Et mœrebunt atque lugebunt eius portæ, & desolata in terra sedebit. Hæc Dominus per prophetam.

Hæc lectio vanis mulierculis est cantanda, & ea omnia quæ veram humilitatem promouent: non autem tradendi sacri libri, non proponendæ de fide & iustificatione, libero arbitrio, prædestinatione quæstiones. Hæc à nobis scribi debent animose, qui tantam regnare videmus vestium pompam & oculorum lasciuiam, vt sint ecclesiæ theatra (bona pace honestarum matronarum sit dictum) procorum & luxuriantium. Nam quas preces fundere, quos gemitus potest, quæ ita pòpòsa pergit & ornata, vt non ad ecclesiam, sed ad nuptias & tripudia videatur inuitata? Longè aliter vixerunt sanctæ mulieres etiam veteris testamenti, quarum exemplo Princeps Apostolorum vitur, vt dulciter honestas mulieres ad sanctam æmulationem alliceret, cuius verba hæc sunt: Similiter & mulieres subditæ sint viris suis: vt & si qui non credunt verbo, per mulierum conuersationem, sine verbo lucrifiant, considerantes in timore castam conuersationem vestram. Quarum non sit extrinsecus capillatura, aut circūdatio auri, aut indumenti vestimentorum cultus: sed qui absconditus est cordis homo in incorruptibilitate quieti & modesti spiritus, qui est in conspectu Dei locuples. Sic enim aliquando & sanctæ mulieres sperantes in Deo ornabant se, subditæ propriis viris, &c. Summus omnium parens Deus noster post lapsum primi parentis nos nostri status commonefecit: & quæ decerent vestes, quibus se exules tegi deberent, docuit: dum vestes pelliceas confecit primis parentibus, statum indicēs mortificationis & luctus à nobis assumendum, non risus & deliciarum, tantarumque vanitatum. Audiamus Apostolum quid requirat à sanctis mu-



licibus post repudiata illa ornatus lenocinia: ait,  
*sed quod decet mulieres promittentes pietatem per opera bona.* At quæ pietas potest esse absq; luctu? Quid autem sine pietate Deo placebit vnquam? Lugere igitur obligamur si Sponsum verè amamus, ei que absenti & nobis sublato fidem seruare velimus illam. Stat post parietem volens interim probare Deus absconditus, quos habet veros amatores, & regio tandem thalamo dignas sponfas, & hoc per opera bona. Nam qui seruât mandata ille est qui diligit, non qui solum credit. Et hic locus contra Lutheranos pietatis opera nihili pendentes, quibus sola fides ad iustificationem suppeditat omnia: ita vt eorum mulieres possint liberè se polire, & indui purpura & bysso. Hæc enim non nocebunt modo fidem teneant. At alia est Apostoli doctrina, Per opera bona, inquit, promittentes pietatem. Vt autem nihil relinquamus intacti, Scimus possum esse apud Scholasticos in controuersiam, Sit ne peccatum mortale mulieribus, quæ se plus quam par sit ornant? Quo vitio omnes fermè implicatur Christiani orbis mulieres. Et si quæ huic vanitati desunt, id non volûtas efficit, sed quia per facultates domesticas non licet. Qui hac de re dubitant, malæ causæ perniciosi mihi videntur patroni. Quotquot enim Sanctorum libros legerim, omnes magno consensu huiusmodi abusus vehementer insectantur, in quibus non vnum peccatum tantum viget, sed plurima: inest superfluitas, vanitas, impudicitia, inanis gloria, libidinis incentiuum, contemptus proximi, interitus pauperum, pessimum à matribus ad filias, & ad filiarum filias transfusum exemplum. Inde excrescunt in immensum dotes, vt multis parentibus repentè canos & rugas ante legitimam caniciem hæc cogitatio acceleret. Nam vicinorum æmulatione dum nullus ab alio patitur se superari, multas (alioqui mediocriter fundatas) familias vidimus corruisse.

*Mulier in silentio discat cum omni subiectione, &c.* Lingua, & qui per linguam habetur sermo, praeceptum est doctrinæ instrumentum. Qui igitur preest, dicere debet, & docere. Qui verò subditus est, audire, discere, & silere. Mulier ipsa subdita est viro: discat ergo in silentio, nimirum in humilitate. Sic scripturæ hac voce vtuntur. Et in omni subiectione. Nulla enim ratione permittitur ei docere, aut dominari, siue auctoritatem sibi præsumere, in virum. Hic locus manifestè de coniugata intelligitur. In eundem sensum quo aliàs legitur: Mulieres in ecclesiis taceat: non enim permittitur eis loqui, sed subditas esse, sicut & lex dicit. Obiter tamen aduertendum (ne cuiquam fiat iniuria) Et si nullo modo sit cuiusquam mulieris officium docere, si qua tamen mulier singulari Dei gratia esset dotata (Deus quippe est omni lege solutus) quæ hoc præstare, quando opportunum videretur, valeret, minime esset impedienda, præsertim prophetiæ donum habens, quin liberè loqui ei licitum esset sicut de Oldam legitur & Dabora quæ iudicabat populum Israel, quemadmodum in libro Iudicum clarè habetur. Nonne & Apostolus ipse monet, si cui fuerit reuelatum, prior taceat?

Scimus enim gloriosam illam, & vnam ex Christi sponis charissimam sponam B. Catharinam Senensem docuisse olim, & conciones magna cū lau-

de in etiam publico summi Pontificis consistorio habuisse. Hæc tamen non sibi vsurpauit tanquam ex officio ad se pertinerent: sed cum bona venia ipsius Christi Vicarij, qui optimè in illa recognoscebat verum inesse Dei Spiritum, & charitatis ardorem ad ædificationem ecclesiæ datum in illis turbulentis temporibus, quando schisma vigeat. Et Deus optimus & sapientissimus eligere solet infirma, mundi, vt fortia quæque confundat. Ista tamen sunt rarissima, & quæ in exemplum trahi minime conuenit. Vnum illud immaculatæ Dei Matris exemplum plus quàm satis omnibus mulieribus esse debet, quæ cum omni sapientia, doctrina, prophetiarum donis cumulatissimè esset (vt pietas Filij erga Matrem postulabat) dotata, nusquam tamen in Euangelistis legitur in ecclesia docuisse, hoc tantum, Maria autem conseruabat omnia hæc conferens in corde suo. Non tamen est vltio modo dubitandum, quin & ipsi Apostoli & Euangelistæ multa didicerint ab ista primaria Spona, quæ eisdem reuelauit de toto incarnationis mysterio, quæ Deus per illam tanquam fidelissimam testem manifestari voluit. Quis enim Filij amator non fuisset delectatus omni hora pendere à Matris Dei vberibus, & audire illam quæ Angelos (vt sancti docent) vincit puritate & sapientia & gratia?

*Adam enim primus formatus est, deinde Heua. Et Adam non est seductus.* Hic ab Apostolo adiungitur ratio, cur potius in silentio discere, quàm publicè docere teneatur, nimirum à primo antiquo peccato, quando se permisit à serpente seduci. Semel enim loqui voluit, & omnia peruerit. A muliere (inquit scriptura) initium peccati, & per illam omnes morimur. Vir quidem ipse non fuit seductus, cuius dignitatè inde probat, quia scilicet primus formatus est, deinceps mulier. Argumentatur autem merita pœna plecti mulierem, quæ tanta leuitate à dæmone victa est, cui nimium faciles præbuit aures. Virum autem non est ausus adoriri callidus, ne repulsam pateretur, & victoriam optatā amitteret. Itaque mulier quæ perniciosissimè docuit, debuit à viro discere, ne vltius tanquam vana de stultis mulieribus, vt B. Iob vxori obiecit, loqueretur.

Porro contra vtramque rationem occurrere, potest huiusmodi quæstio: Colligere nanque aliquā inde dignitatem, quod prius aliquid creatum sit, non videtur admodum efficax & vrgens argumentum. Nōne ipse homo formatus est post reliquas creaturas & omnia animātia, quibus tamen dignitate longè antecellit? Dicimus igitur aduertendum esse, dici aliquid primum duplici consideratione, intentione scilicet & tempore. Quod intentione primum est, dignitate quoque primū est. At quod primum tempore, non semper: Sed ita demum, si clarè pateat non esse creatum propter illud quod subsequitur. Exemplo illustremus: Creati sunt prius elementa, & animātia rationis expertia, quàm homo. Clarissimum autem est propter hominem esse se condita, vt inueniret homo ea parata, in quibus consisteret, & quibus præset. Scriptum est enim Faciamus hominem vt præsit. Prius itaque oportebat esse & locum vbi conderetur, & terram ex qua & cætera quibus præset. At in his quæ videri pos-

Eccl. 25.

Quomodo  
ab origine  
reileceat di-  
gnitatem  
colligere.

1. Cor. 14.

1. Cor. 14.

1. Cor. 14.

De B. Catharina Senensi.



sent non habere hunc ordinem, quodcunque primò creatum fuit, dignius fuit. Primò enim creati sunt Angeli quàm homines: & prius cœlum quàm terra: primùm sol, quàm luminaria cœtera: & primò vir quàm mulier. Quin & illud obserua, mulierem ex viro tanquam ex principio productam. Quodcunque autem ex alio est, si vnus sint speciei, auctoritate quadam & originis prerogatiua exceditur, præsertim si qua alia ratione differant. Hoc Apostolus alibi ponderauit: Non enim vir ex muliere, ait, sed mulier ex viro. Neque vir propter mulierem creatus est, sed econuersò, mulier propter virum. Vnde consentaneum optimo ordini, vt virum pro capite recognoscat mulier, quemadmodum & vir pro capite Christum venerari debet.

1. Cor. II.

2. Cor. I. I.

Gen. 3.

Secundò, Mulierem fuisse seductam, non autem virum quomodo à scriptura probabimus? Apparet enim quòd vir comedit sicut & mulier, licet illa prior. Satis esse hoc testimonium Apostoli debet: qui & alibi dixit: Timeo ne sicut serpens Heuam seduxit astutia sua, &c. quāquam de seductione mulieris constat in scriptura, quæ docet Heuā ad suasionem serpentis quieuisse: & ipsamet se coram Deo excusans fatetur se fuisse seductam, aiēs: Serpens decepit me, & comedi. Adam verò non ita respondit, sed in mulierem culpam reiecit, imò in ipsum Deum infelix: Mulier, inquit, quam dedisti mihi sociam, dedit mihi, & comedi. Satis ergo colligitur de scriptura seductio mulieris, & nō viri. Verum vltius quæret aliquis: Nam hoc ipso posito, non patet adhuc iure propterea colligi debitam mulieris ad virum subiectionem. Seductio enim, quæ errorem parit & ignorantiam, peccatum solet nedum grauius exaggerare, sed extenuare potius, & plurimum ad misericordiam offensi animum flectere. Nonne Apostolus fatetur sibi ignotum fuisse propter ignorantiam? Itaque vir ipse vel ex hoc potius sub muliere constitui debebat, à qua erat superatus: sicut ambo sunt sub diabolo constituti: quoniam ab eo superati sunt. Respondemus, seductionem illam magis culpabilem in illius perfectione status extitisse, vt quæ à maiore concupiscentiæ affectu, & sui ipsius amore erupit. Vnde ortus est præcepti diuini contemptus: imò & verbo diuino perfidia derogatum est. Nam dicenti Domino: Quando cunque comedetis, moriemini, non credidit summæ veritati. Credidit autem diabolo serpenti mendaciorum patri contra Dei sententiam dicenti: Nequaquam moriemini. Vir autem velut qui febre æstuat, amore vxoris pellicientis comedit penè inuitus. Certò enim sciebat hanc præcepti præuaricationem dupliciter Deo: & culpæ huius ream stultissimè vxorem constituebat, vt postmodo expressit. Decuit igitur vt mulier ei subderetur, à quo se auertendo peccauit. Fateor quidem secundum peccati meritum debuisse virum ob insignem stoliditatem subdi mulieri, cui paruit. Sed hoc si non instaurasset eos Deus, peccatum dimittens in Christo, & nouum statum merèdi non præparasset, in quo oportebat rem reducere ad conuenientem ordinem. Decet autem & bonum est, vt mulier subdatur viro. Propterea dum nouum pactum statuere voluit, hoc dictum est in illam: Sub viri potestate eris, & ipse dominabitur tui. Quod igitur prius in antiquo pa-

cto ob viri dignitatem (licet longè fuisset minus: quia socia erat verius quàm subiecta viro mulier) auctum postea fuit ob suam specialem culpam, & facta est subdita, non tamen admodum ancillæ, quæ vt iumentum quodam modo seruit. At vxor ad opera carnis, & domus erectionem, & gubernationem domesticorum seruire debet viro, & ad imperium eius ministrare illi & domui. Sic & in spiritualibus: vir ita in ecclesia debet à prædicatore ad discere, vt potis sit & mulierem docere domi.

Nunc velim mihi respondeant qui volunt omnes posse scire & docere scripturas. Manifeste exclusam hinc vides mulierem, quæ tenetur sub viro discere. Dicer quispiam: At in Christo non est masculus neque fœmina. Vnde videtur omnis differentia sufferri. Respondetur paucis, istud nimirum quantum ad finem verum esse, quia neque masculus fœminæ præponitur, quin possit & illa ad felicitatem in Christo contendere: interim tamen quilibet in suo ordine & statu, donec illa veniat dies quando neque nubent neque nubentur. Et vt dixeris: Si Deus per Christum illi peccato pepercit, cur adhuc ea pœna mulierem plectit ne subiaceat viro? Neque enim ita sancitum est vt satisfaciatur peccato, quod satisfactione Christi sublatum est, sed vt mereretur in ea subiectione per humilitatem & taciturnitatem, quæ per animi elationem, & lubricam linguam lapsa est: quia & in Christo non sine merito quisquam obtinere potest palmam: ideo sequitur:

*Saluabitur autem per filiorum generationem.* Verum mox oritur dubium: quoniam videtur hinc virgo & sterilis mulier à salute præscindi, cum dicat mulierem fore saluam per filiorum generationem. Imo virgo potius ab hac sententia libera esse declaratur. Nam beatus Paulus manifestè de his quæ coniugio iunctæ sunt, loquitur. Vnde non excludit alias à salute, quæ meliorem vitam elegerunt, vt sint sanctæ mente & corpore, & totæ seruiant Deo. Sterilis autem quæ non parit, affectu saltem meretur: & quia se re ipsa subdit viro, vt generet Deo quantum in se est. Verum addit: *si permanserint in fide, & dilectione & sanctificatione cum sobrietate.* Quidam hoc referunt ad filios. Alij ad mulierem & virum. Sed nunquid pendet mulieris salus ex viri fide, aut filiorum? B. Augustinus mysticè exponit, per filiorum generationem, id est, per opera bona. Ego verò existimo Apostolum de ipsa muliere loqui, quæ saluabitur si tamen permālerint, videlicet ipsæ mulieres. Nec est locutio incongrua: quia ibi vox illa, Mulier, vice collectiui nominis est, sub quo plura indiuidua continentur. Sic enim dicitur, Turba ruunt. Nec est nouum Apostolo transire (non absque causa tamen) de numero in numerum figuratim. Sic & aliàs dixit, Instaurate huiusmodi in spiritu lenitatis, considerans teipsum ne & tu teteris. Vt quilibet sibi vni dictum acciperet.

Sed alia quæstio est: Quomodo veniat illi salus per filiorum generationem, quod opus est naturale? Respondendum: quia in huiusmodi multa patitur, in vtero, in pariendo, in educatione. Quæ omnia ad meritum & ad salutem illi proueniunt, si tamen in fide faciat: Alioqui quod non est fide, immundum est, *Et dilectione*, Fidei solet communiter adiungere dilectionem. Nā fides per dilectionem

Quomodo  
mulieres  
discere de-  
bent.

Gal. 6.



operatur, Et sanctificatione; Addit & sanctificationem, id est, munditiam quandam quæ ex fide est, ut sint apte ad producendum Dei seruicio liberos. Nā filij ex huiusmodi sanctificatione mundi sunt. Cōtrā autem infidelium filios ob paternas sordes esse immundos testatur ad Corinth. Addit, *Cum sobrietate*, id est, moderatione in ornatu & moribus, de quibus supra copiose egimus.

## CAP. III.

**F**IDELIS sermo. Siquis episcopatū desiderat, bonum opus desiderat. Oportet enim Episcopum irreprehensibilem esse, vnus vxoris virū, sobrium, prudentem, ornatum, pudicum, hospitalem, doctorem, non vinolentum, nō percussorem: sed modestum, nō litigiosum, non cupidum: sed suæ domui bene præpositum, filios habentem subditos cum omni castitate. Siquis autem domui suæ præesse nescit, quomodo Ecclesiæ Dei diligentiam habebit? Non neophytum, ne in superbiam elatus, in iudicium incidat diaboli. Oportet autem illum & testimonium habere bonū ab iis qui foris sunt, ut non in opprobriū incidat & laqueum diaboli. Diaconos similiter pudicos, non bilingues, non multo vino deditos, non turpe lucrum sectantes: habentes mysterium fidei in conscientia pura. Et hi autem probentur primū: & sic ministrent nullum crimen habentes.

**F**idelis sermo. Hoc deberet aptari superioribus, & ita aptēdum esse docet B. Chrysostomus. Hæc enim materia digna est quæ persuaderi omnibus tanquam verax & fidelis debeat. Quoniam verò ecclesia Episcopis indigebat, quos iam creati Episcopi eligebāt ipsi, vel si erant à plebe electi confirmabant, quales saltem deberent eligi nunc declarat aiens: *Si quis episcopatum desiderat, bonus opus desiderat.* Opus, inquit, bonum: quod est superintendendi & regendi alios. Ex hoc concludit quidam episcopatū desiderare ex proprio genere nullum esse peccatum: quia est desiderare præclarum opus. Hoc est enim superintendere. Sed aliud est (inquit) desiderare gradum, honorem, prouētum, & huiusmodi. Nihil siquidem horum est opus, ne dum ut sit opus bonum. Sed mirandum est, si hæc debite consequantur opus, & mihi liceat primū desiderare, id est, opus, cur non & secundum, vide licet honorem, prouētum, & alia huiusmodi consequenter tamen? Nec verum est quod desiderare opus bonum ex officio, ut significat ista vox, episcopatus, sit licitum: quia aliud est esse desiderium boni, aliud est esse desiderium bonum. Nam desiderium bonum non potest esse peccatum. Desiderium autem boni sæpe est peccatum, cum bonum illud quod desideras, non bene desideras, non pie, non prudenter. Angelus ille, & primi parētes desiderarunt quidem bonum aliquod appetentes nescio

quid diuinum, sed non bene. Consideranda est autem hoc in loco intentio Apostoli, utrū ne hoc dixerit ad animandum homines ad hoc desiderium, quod quidam putant: quia tunc erant pauci Christiani qui vellent præesse. An potius ad deterrendum, ut pote qui ostendat episcopatum esse quidē præclarum opus, sed non leuiter à quouis expectandum, declarans munia eius: quod verius existimo. Voluit ergo docere eos qui hoc desiderio accenduntur, ut diligenter ponderent quāta ad hoc munus pro dignitate obeundum exigantur. Verūm multi nunc sunt, qui ut in prouerbium veni, iam non episcopatus desiderāt opus, sed opes. Et ideo quæ subdit Apostolus nihil curant. Sed curabit Deus ipse, & flagellis durissimis & sempiternis onerabit ambitiosos.

*Oportet igitur Episcopum irreprehensibilem esse.* Dicit oportet, ut quæ valde necessaria sunt tradat, sine quibus vix dici Episcopus valeat, & non ea quæ omnifariam eum ornarent. Ait, igitur, id est, ex eo quod habet Episcopus id curæ atque operis scilicet intendendi alios, oportet eum esse primū irreprehensibilem. Nam hoc maxime decet, ut qui præpositus est ad reprehendendū alios, ipse irreprehensibilis sit. Dominus enim dixit: *Eiice prius trabem de oculo tuo, &c.* Quo in loco reprehēditur (ut alij intelligūt) qui in aliis minora reprehendit, cum ipse maioribus obnoxius teneatur. Aut fortē sic loquitur de eodem peccato Dominus, ut declaret idem peccatum quod est festuca subdito, esse trabem Prælato, in quem omnes omnium oculi cōiiciuntur, & quem pro speculo & exemplo suspicere debeat plebs. Et verē ita est: quia gradus altior & exempla mirum in modum peccatum exaggerant. Illud tamen notandum, satis irreprehensibile eum dici qui non habeat crimina, & vitia notatio ni patentia. Nam humanis quibusdam imperfectionibus quis tam spiritualis inueniri possit, qui eis careat?

*Vnius vxoris virum.* Non iubet sic re ipsa esse, ita ut non possit esse Episcopus, nisi habeat vnā vxorē, vel habuerit: sed hoc requirit, ut ille qui fuit maritus, non plurium, sed vnus fuerit. Neque de vxore quam tunc habeat, cum sit Episcopus: sed quam habuit ante episcopatum loquitur, ut quidam volunt. Potest tamen etiam de habente vxore in episcopatu loqui. Nam B. Dionysius cū Damari vxore baptizatus est. Sed persuasissimum habeo nullam cum ea prorsus commixtionem post episcopatum habuisse. Nec in lege Christiana cuiquam licitum vnquam fuit, duabus eodem tempore copulari: nisi fortē Iudæis ad cordis duritiam & ad tempus, ut ait B. Chrysostomus. Et propter Iudæos id fortē dictum est, quod saltem digami arceantur ab episcopatu. Verūm hæc licentia statim sublata est, adulta ecclesia. Syricius Papa in Iouinianum in hunc modum interpretatus est hunc locum, ut digamia intelligatur prohibita esse Episcopis, non eodem tempore (quoniam hoc nulli licebat) sed successiue. Sic & B. Hieronymus & alij multi existimarunt: & ipse vñs huic interpretationi semper fauit, quemadmodum & ratio ipsa, & tanti muneris recte obeundi decencia per se iure optimo ut dignè tractaretur postulabat.

Sed hīc quæritur ratio huiusmodi apostolici sta



tuti. Et quid si ante baptismū habuerit quis duas uxores, an poterit Episcopus fieri? Hoc maximè defendit B. Hieronymus, & contrā dicentes tanquam hæreticos vehementer impugnat. Beat. Augustinus, cui consentit ecclesia per decreta, contra hanc sententiam concludit. Et ita ratio est: quia licet peccatum tollat baptismus, non tamen tollit factum, unde habentur signa quæ obstant sacerdotio. Digamia enim non gratia peccati, sed signi potius impedit episcopatum & sacros ordines. Nam matrimonium significat copulam Christi, quæ est vnius cum vna. In eo vero qui fuit digamus, hoc signum propter incontinentiam contaminatū est: quoniam duabus coniūctus fuit, aut vni quæ duobus: quem obrem irregularis factus est. Hanc ego rationem non improbo. Illa tamen longè fortior mihi videtur: quia non est habendus bonus spiritalis sponsus, qui non seruauit in carnali decetiam, & signum maculauit repetitis secundis nuptiis: quod vitium post baptismum etiam manet. Non enim tollitur talis indecentia, quæ sequitur personam ipso baptismo. Nā secundæ nuptiæ vel apud ipsas quoque Gentes odiosè fuerunt semper. Lege paganos auctores, & B. Hieronymum in Iovinianum. Sed quidam irreligiosi irridēt huiusmodi irregularitates, & nihil æstimant, ignorantes sacramenta & speciosam ecclesiæ faciem, quæ requiritur in oculis Dei & Angelorum: vt omnia inueniantur compositè & ornatè se habentia. Potest tamen in huiusmodi Pontifex dispensare, & facilius cum subdiaconis & diaconis. Non enim est ius diuinum quod Apostoli ordinatur, vt nequeat illud Pontifex ex magna causa mutare. Sed longè aliud est (meo iudicio) Pontificem dispensare posse: Aliud hoc totum tollere. Non enim posset hoc postremum. Dispensare autem & in quibusdā, quæ diuini iuris sunt, non putarem Pontificem prohiberi. Nam vt ait B. Thom. maximè interest etiam inter ea quæ sunt diuini iuris. Quædam sunt quæ tanquam principia oportet esse immutabilia, vt non recipiant vllam dispensationem: quoniam nō possunt vlla de causa reddi bona & toleranda. At quæ à principiis distant, & ex circumstantiis possunt vel honestate permitti, vel tolerari: hæc sunt quæ recipiunt dispensationem. Proferamus exemplum istud: Non esse honorandos parentes, contra legem quasi cōtra principium pugnat. Et hinc venit vt inter parentes & liberos non valeat vllū esse matrimonium. Hoc autem extenditur pariter ad alias personas consanguineas. Sed existere causas possunt & circumstantiæ, quæ reddent in his personis coniugij dispensationem rationabilem. At inter liberos & parentes, quæ causa aut quæ ratio potest esse satis, vt naturalis & abominabilis turpitudine honestè regatur?

*Sobrium.* Græcè *νηφάλειος*, id est, vigilans, vt quidā volunt. Hæc affinia sunt. Ex sobrietate enim & abstinentia alitur vigilia, *Prudentem*, siue temperatū, seu modestum, aut frugi, *Ornatum*, decetī quadam morum munditia, non sericis aut pomposis vestibus & suppellectilibus. B. Augustinus dicere solebat: Fateor de pretiosa veste erubescere, quæ cum datur, vendo eam: vt quoniam vestis communis esse non potest, pretiū sit commune. *Hospitalis*. Hoc maxime Episcoporum esse debet, vt colligant pe-

regregrinos & paup̄es sanctos Dei. Sic enim à principio faciebant: quod est eorum proprium qui excellentiorem profitentur charitatem. Est virtus tanta & consue Deo grata, vt mereatur Angelorum commercium, teste ipso Apostolo ad Hebræos, *Doctorem*, qui sciat docere, non qui indigeat discere: sed qui actu doceat plebeculā suā, *Nō vinolentum*. Quis autem nunc qui vino non studeat? *Non percussorem*. Hoc enim valdè indecens Episcopo, si corporalem percussorem intelligeres. At reuera, vt B. Hieronymus & Chrysostomus annotarunt, de linguaci loquitur, qui lingua percutit: quo sensu Flaccus, Metuentis patrū verbera lingua. Eandē vim habet inferius posita instructionem, vbi ait: Seniore ne increpaueris, id est, ne verborū plagis percutias. *Non turpis lucris cupidum*, Turpe lucrum quod ex mercimoniis fit, quantō magis ex vsura? Nihil enim cupido Episcopo & negociatore turpius, *Sed mitem*, id est, æquum benignum, *non litigiosum*, *μακροχρ.* id est, non pugnacem: idque similiter de verbis intelligo vt superius, per quæ pugnamus, *Non auarum*, quia auaritia ex opposito contradicit diuitiarum cœlestium desiderio. *Sed suæ domui bene prepositum*, aut rectius, præidentem, *Filios habentem subditos cum omni castitate*, *σεμνότητος*, id est, verecundia, pudicitia, & ingenuis moribus.

*Si quis autem domui suæ, &c.* Solida ratio & familiaris, ducta à minori ad maius. Nam qui in modico fidelis non est, nec in magno erit. *Non Neophytum*, id est, nouam plantam recens baptizatam, vt aliqui volunt. Sed extēdi meritō potest ad eos qui citō, & non per gradus euehuntur ad tantum fastigium. Et rationem profert imminentis ruinæ. *Ne in superbiam elatus in iudicium incidat diaboli*, id est, in illud iudicium in quod cecidit diabolus, vt sic meritō iudicaretur ad casum in profundum inferni: quia ascendere præsumpsit in excelsum, & super astra Dei. Hoc enim iudicium est in superbos, vt præcipitentur in profundum. *Oportet autem & illū testimonium habere bonum ab iis qui foris sunt.* Qui ad alios regendos præponitur, illum oportet esse bonæ existimationis, etiam apud infideles. Hi enim foris esse dicuntur: quia extra ecclesiam sunt. Qui non est in bona apud vulgus opinione, non potest reuerenter obseruari à sua plebe. Qui autem non videt plebis, cui præest, erga se obseruantiam, paterno affectu posito mouetur odio aduersus illam apud quā se conspicit opprobrium esse. Hinc necitur laqueus à diabolo, quo strangulatur miser, non ferens in sua se dignitate contemni. Non enim potest facile charitatē exercere, nec spirituale in eos imperium, à quibus spernitur: qui tamen hunc sibi finem præstituerat ambitione irrepens ad episcopatum, vt à populo veneraretur, à quo sine excidens, in funem incidit suspendij nondum quidem corpore sed animo. O quanti hodie. Sed tempus me deficeret: & tales ipso silentio possunt facillimè intelligere, quamam iustissimo zelo in vtrofque scribi possent & qui ambiunt, & qui eligunt. Vix dum sunt nati, & iam sunt Episcopi. Pro pudor & dolor. Sed reprimamus iam nostrum sermonem.

*Diaconos similiter pudicos.* *σεμνους*, id est, reuerentes & moribus ingenuis. Quidam verterunt, compositos. Quoniam autem penes Episcopos Diaconi esse



esse debebant, qui sic per gradus ascenderēt ad ministerium Dei, vt ex diaconis fierēt & ipsi aliquando presbyteri atque Episcopi, ideo de illis persequitur, quos primum vult esse bene moratos, *Non bilingues*. Quoniam inter Episcopum & ecclesiam medius interueniebat diaconus, ob id prohibet istam sermonis duplicitem, ne scādalum pareret. Omnino autem, vt ignominiosum est esse bilinguem: ita pulchrum & amabile veracē esse atque constantem, *Non multo vino deditos: non turpe luctum sectantes*. Vinum non prohibet nisi multum: & id quod semper est turpe id maximē prohibet, videlicet vino deditum esse. *Habētes mysterium fidei in conscientia pura*. Mysterium fidei est calix Domini, cuius erant dispensatores. Miror hactenus nullum aduertisse hunc sensum vt sic exponeret, cum tamen hęc verba habeamus in consecratione calicis: imò cum id nos quasi dictum à Domino enarremus, dicētes: Hic est calix sanguinis mei noui testamenti, mysterium fidei, &c. Innocentius Pontifex cum olim responderet hæreticis, qui oppugnabant ritum consecrationis, arguentes ecclesiam in eo vti verbis quasi à Domino dictis, quæ tamen dixisse illum nusquam legimus, vt sunt hæc, Mysterium fidei, Rectē dixit ea ex Apostolica traditione accepta esse. Quod verò adiecit, licet in sacris literis nō legatur, non valdē mirum. Non enim meminit huius loci, vbi ea verba scripsit Apostolus, proculdubio de hoc mysterio loquens, cuius mādabatur Diaconis dispensatio: quos persanctē instituit vt illud tam venerabile sacramentum cuius sunt dispensatores, habeant in conscientia pura non solum fide, sed etiam opere, & voluntate: quia ministrare cum peccato sacrilegium est. *Et ij quidem probentur primum*, id est, probati prius & inuenti nullius esse criminis accusabiles, ad ministerium ordinentur. Quod vtinam nostris temporibus seruarietur. In his profecto exigitur maxima & pernecessaria reformatio & cura, si ecclesiæ sanctæ restitutū nitorem & decus videre cupimus. Non omittam hoc in loco Caietanum ita commentari, vt dicat Diaconos hos, de quibus Apostolus, nō fuisse Diaconos ordinis ecclesiastici quales sunt hodie, sed ordinatos ad ministrandū mensis conuenientiam in ecclesia. Quod est absurdum dictū, & contra omnes interpretes, & nulla ratione cogente literis mandatū. De qua re tamen in annotationibus nostris aduersus eius commentaria satis disseruimus, ad quæ lectorem remittendum esse, breuitati studentes, duximus.

Mulieres similiter pudicas, non detrahētes, sobrias, fideles in omnibus. Diacones sint vnus vxoris viri, qui filiis suis bene præsint, & suis domibus. Qui enim bene ministrauerint, gradum bonum sibi acquirunt, & multam fiduciam in fide quæ est in Christo Iesu. Hęc tibi scribo fili Timothee, sperans me ad te venire citò. Si autem tardauero: vt scias quomodo oporteat te in domo Dei conuersari, quæ est Ecclesia Dei viui, columna & firmamentum veritatis. Et manifestē ma-

gnum est pietatis sacramētum, quod manifestatum est in carne, iustificatū est in spiritu, apparuit Angelis, prædicatum est Gentibus, creditum est in mundo, assumptum est in gloria.

*Mulieres similiter pudicas, &c.* seu verecundas, bonorum morū plenas. Et loquitur de vxoribus Episcoporum & Diaconorum, quæ & aliquid ministerij habebant in ecclesiis, non alieni ab illo sexu: & vocabantur presbyteræ & Diaconissæ: de quibus sit etiam in canonibus mētio. Et has similiter vult esse, *et mōrē*, id est, moribus bene compositas. *Non detrahētes*. Proprium est mulierum, dum otiosæ sunt, detrahendi iis aut illis nullum finem facere: quod valdē displicet Deo. Quare nominatim & primò hoc prohibetur, *sobrias*, seu vigilantes. *Fideles in omnibus*, id est, non deceptrices, sed veraces.

*Diaconi sint vnus vxoris viri, &c.* quēadmodum & de Episcopis dictum est. Ex Diaconis enim creabantur persæpe Episcopi & sacerdotes.

*Qui enim bene ministrauerint, &c.* Hic locus pōderandus, vt sit loco stimuli ad recte ministrandū nobis adhibiti, si velimus fructum talem non temerē sperare, magnæ scilicet fiduciæ apud Deum ex fide & in Christo Iesu. Nam sicut coram rege seruiens & bene ministrās, quandam familiarem fiduciam nanciscitur etiam petēdi pro aliis: sic & bene ministrans corā Domino sancta ministeria, non solum pro se, sed & pro aliis quæ postulauerit facillime obtinebit. Qui autē male ministrauerint, quid nisi vā æternum expectare possunt? *Hęc tibi scribo fili Timothee, sperans, &c.* Clara sunt verba. Illud diligenter notandum domum Dei viui, esse ecclesiam. Viuum ergo quoddam ecclesiam oportet esse. Viuitur autem ex fide & grātia. Et hæc est columna & basis veritatis. Vbi sunt modo hæretici & schismatici, qui tanta impudentia asseuerant penes seipsose esse veritatem? Nūquid ipsi sunt in ecclesia, aut incæpit verbum ab ipsis, vt sint ipsi fundamentū ecclesiæ? Ergo antea nō erat ecclesia Dei? Verūm quis credat istis impostoribus, nisi qui prouidentia Dei perfidē neget, & simul credat ante eos derelictum fuisse mundum à Deo, & Deum illorum tantum fuisse, Deum atque eorum qui illos sectantur? An Deus tot Martyres, tot insignes Sāctos pietate & doctrina pari illustres, qui nulli rei nisi diuinæ voluntati implendæ studebāt, passus est obuolui tot tenebris, vt nescirent vbi esset fundamentum ecclesiæ: istis verò excucullatis reuelare voluerit? Sed nimis supina est hæc ignorantia, prosequamur.

*Et manifestē magnum est pietatis sacramentum, Deus manifestatus est in carne, iustificatus est in spiritu, apparuit Angelis, prædicatus est in mundo, assumptus est in gloria.* Existimo hoc dixisse vt Episcoporum & Diaconorum officium, quod erat ministrandi verbum & sacramentum, honoraret propter mysterij, cui seruebant, excellentiam, & iam patentem. Vnde ait: *Et manifestē ἐμολογούμενος*, id est, confessi: quia iam publica confessione credebant totū hoc mysterium, videlicet, *Deus manifestatus est in carne, &c.* Et vocat mysteriū: quia in hoc omnis noster cultus fundatur erga Deum & obsequiū, propter immensam eius benignitatem, qua vsus est erga nos. Et primum (quod est maximum) Deum fuisse



2. Cor. 4.

manifestatum nobis in carne. Manifestatum autem fuit per admiranda signa, & verā doctrinam, & vitam innocentissimē actam. Quid potuit homini præstantius dari? Oportet enim hæc tria concurrere ad clarificandum prophetam, & ad ea probāda de quibus testetur, nempe signa, doctrinam & vitam. Sed videtur non aptē dictum, *manifestatus est in carne*, cum potius per carnem fuerit Deus absconditus. Fatemur de eodem vtrumque, diuersis tamen respectibus. Apostolus dicit de euangelio: Quod si opertum est, ait, euāgelium, in iis qui pereunt est opertum, in quibus Deus huius sæculi excœcauit mentes infidelium, vt non fulgeat illis illuminatio euangelij, &c. Ergo per carnem occultabatur: per signa autem & doctrinā & vitam manifestata est in ipsa carne diuina virtus, ac propter ea Deus: sed iis qui oculum habebant. Iustificatum autem vocat illū: quia fidelis in omnibus viis suis. Aut iustificatum à peccato, *In spiritu*: quia Spiritus suscitans illum ostendit non fuisse propria sua culpa peccatorem, sed assumpsisse peccata nostra & diluisse, & ita nunc merito iustificatum in spiritu, qui fecit voluntatem Patris satisfaciens pro nobis in carne quam similem nostræ accepit, vt obedientia sua faceret illam gloriosam. Quamduū enim in carne vixit, habitus est vt peccator & ab omnibus, & à Deo. Verū aliter atque aliter. Sic & coram hominibus & Deo tandem iustificatus est in spiritu illius sanctificationis & virtutis, qua potuit seipsum excitare.

*Apparuit Angelis*, qui certē illum antea multo tēpore desiderarunt. Apparuit autem illis primū in vtero, & quidem visione clarissima. Ideo dicitur Græcè, *ἐφ' ὃν*, id est, visus aut conspectus est. Et primō quidem in vtero Virginis. Nam hoc sanctissimum fœdus Gabriele nuntio & mediatore conciliatum est: & statim aduolarunt omnes illa beati Spiritus & adorarunt. Et postmodo comitati sunt semper à natiuitate vsq; ad mortem, quādo confortari dignatus est ab Angelo, tanquam afflictus & indigens. O Deus optime, quō in gratiā nostræ salutis te ipsum deduxisti? Viderunt autē Angeli cuncta, imo & cooperati sunt in omnibus his. Gratiās Deo & illis. *Creditus est mundo*, id est, fide susceptus ab hominibus huius mundi, & maiori parte. *Assumptus est in gloria*. Iā enim sedet à dextris Dei gloriosus. Hic admonendum, antiquam lectionem diuersam esse, vt hæc omnia de mysterio dicta sint. Sed quomodo dixerit quis iustificatum mysteriū, nisi per mysterium illud intelligat, quod erat in ipso inclusum, videlicet Deus ipse in carne absconditus? Hæretici ergo vt est illis in consuetudine positum, deprauarūt hunc locum: quoniam manifestē Christus, Deus prædicabatur: quāquam sagacibus Erasmi naribus (vt ipse inquit) aliud suboluit, videlicet corruptū hunc locum à Catholicis fuisse aduersus hæreticos. Iam enim Arrianorū patronum se constituerat veterator.

CAP. IIII.



**S**PIRITVS autem manifestē dicit, quia in nouissimis tēporibus discedent quidam à fide, attendentes spiritibus erroris & doctrinis demonio

rum, in hypocrisis loquētium mēdatum, & cauteriatam habētium suam conscientiam, prohibentium nubere, abstinere à cibis quos Deus creauit ad percipiēdum cum gratiarū actione fidelibus, & iis qui cognouerūt veritatē. Quod omnis creatura Dei bona est, & nihil reiiciendum quod cum gratiarum actione percipitur. Sanctificatur enim per verbū Dei & orationem.

*Spiritus autem manifestē dicit, &c.* Hoc in loco Apostolus prædixit apertē futuram hæresin Manichæorum & Ticianorū, quæ latē peruagata est, & qua multi sunt obuoluti, vt sic prouideret futuris temporibus. *Spiritus autem* (ait) *manifestē*, aut potius præscriptē ad verbum, Græcè *ἐν τῷ*. Hoc autem addidit: quia plerumque non est ita manifesta reuelatio, quæ sit sanctis. Et nouissima tempora vocat tempora gratiæ, & nostra hæc quando iam fides viget, & creditus est in mundo Christus. Græcè tamen posteriora, aut sequentia tempora significantur: ac si dixerit, In procedentibus, seu sequentibus temporibus, *discedent quidam à fide*. Certi hæretici designantur, qui nouam sectam condituri erant, exclusi ac suasi à spiritibus erroris & seductoribus, id est, in errorem pellicientibus. Sunt enim dispersa aduersus ecclesiam spirituum immundorū officia, vt quidam omnium malignissimi & ad decipiendum selecti, omnem suam artem ac neruos intendunt ad immitrendos (Deo permitrente) errores: idque propter homines qui decipi amant & querunt, vt pote rerum nouarum cupidi, studiosē perquirentes huiusmodi nebulones palpantes, ac propria libidine diuinantes: iuxta illud, Dicite nobis placentia. Quamobrem Deus soluit habenas spiritibus erroris: sicut docet historia de Achab, qui cū decerneret cum Iosaphat rege Iuda, & iret aduersus regem Syriæ ad recuperandam terram Ramoth Galaad, & cum admoneretur cōsulere Dominum circa bellum, congregauit circiter quadringentos prophetas, qui omnes annuerunt ad mentem illius, Solus Micheas contra dicens, & veritatem ex oraculo prædicens percutitur. Vocat autem doctrinas dæmoniorū, id est, miserorum & infeliciū diuinorum & prophetarum, id est, eorum qui se ipsos magnos iactitant, & Deo amicos simulant illius sciens volūtatem. Quid enim aliud fuit Manichæus quā dæmonium, qui se sapientem & Christi Apostolum prædicabat? Talis Arius & ceteri hæresiarchæ. Potest dici doctrina dæmoniorum, quam ipsi dæmones occultē docent. Quantam enim verborum copiam, & facilitatem in scribendo subministret Spiritus nequam iis, quibus veluti instrumentis vitur contra Christum & ecclesiam, si fusius persequeremur, vereor ne minus nobis fidei tribuerent sapientes mundi: & istud tamen apud viros spirituales est persuasissimum. Vnde mox tantam librorum spargi farraginem cernas, & tam breui temporis spatio, vt celerius ferē scribantur, quā vel legi possint. Et istud (quod mirandum est) inter pocula & amplexus sacrilegos & curam familiæ. De Luthero testificati sunt viri fide dignissimi, sæpius de lecto hominē surrexisse



à dæmone expurgatum, vt vel in summū Pontificem inueheretur, vel doctrinā pestiferam euomeret. Quid viros graues profero? Imo dialogum conscripsit, vbi Cacodæmonem ipsemet sibi familiariter notum secum colloquutorē adhibet. Quis Erasimum credat tanta literis mādare potuisse, nisi à subtilissimo quodā spiritu adiutus fuisset, qui delectatus est ingenium comperisse gloriæ audum, per quod velut per fistulam quādam instillaret laterale venenum, sed partim eruditione, partim facetiis, partim scommatibus ita cōtectum, vt catholicus, hæreticus: Christianus, Christi clācularius hostis: pietatis studiosus, impius videri possit. Sed frustra iacitur rete ante oculos pennatorum. Vide quā graphicè hoc genus simiarū depingat Apostolus, aiens: *In hypocrisi loquentium mendacium*, hoc est, simulatē, qui personam exterius induūt proborum virorum, & colentium Deum per quasdam abstinentias patentes, aut dulces sermones in facie pietatem ostendentes, quibus facile irretitur imperita multitudo. Abstinebant enim Manichæi à vino & carnibus. Sed admodum astutē & fectē: quia loco carniū cibaria delicata & pretiosa carpebant. Et ita loco vini, mulso & sicera, & careno passio, & expresso nonnullis pomis succo recreabantur. Dabat autē illa hypocrisis fidem verbo mendacij, qui videbātur religione magna à communi hominum victu abhorrere. Quare additur:

*Cauteriatam habentes suam conscientia*, id est, affectu gloriæ, siue cuiusuis alterius rei cupidine tanquam cauterio & stigmate quodam inultam atque notatam, vt per hoc cauteriū imprimatur mortificatio illius luminis, quo ipsa cōscientia videbat: tāquam si oculus ferro candenti inureres. Potest simul intelligi cauteriatam cōscientiam esse illā quam diabolus possidet, & in signū firmissimæ possessionis cauterio proteritiæ & obstinationis obsignat. *Prohibentes nubere*. Hoc primum stultitiæ commētum. Nam absolute vituperabant matrimonium velut rem immundam, & à Deo non bono præceptam.

*Et abstinere à cibis quos Deus creauit, &c.* Nam ipsi quosdam cibos similiter vt rem immundam abominabantur, propter quasdam eorum confictas de membro Dei fabulas, quod per omnia ingrediebatur purgans omnia. Ego hoc de me vno fateor, qui cum horū stultitias legerim pluries, nunquam tamen valui memoriæ commendare. Imò vix capere propter immanem eorum insaniam, & ambages, & longas fabulationes nullis humanis inuentis similes: vt sim admiratus quomodo potuerint ipsi vel ea cogitare, vel aliis persuadere. Sed vehementius adhuc & miror & stupeo, qui fieri potuerit vt B. Augustinus tam excellenti ingenio dotatus & claro, potuerit toros nouem annos (vt ipsemet testis est) illis tenebris detineri. O miserum, ô dementem & tenebrosū hominem, quem tu Domine Deus dereliqueris, nec illuminaueris tua luce veritatis.

*Quos Deus creauit ad percipiendum fidelibus*. Aduerte bone lector, quod fidelibus creati sunt cibi. Nō ergo infidelibus, quibus omnia sunt immunda, eo quod ipsi immundi sunt & indigni hac vita, quā malè vtuntur aduersus Creatorem suum. Et tamen Deus summa sua bonitate permittit illis vt iis vescantur, qui pluit super bonos & malos, vt vel sic

ostendat diuitias bonitatis suæ, & iustificetur ipse cum postmodo iudicabit. Immunditia autem ciborum nō est à natura, sed à peccato vel libidine propter prohibitionem. Non enim (vt exemplo hæc fiant dilucidiora) immundus erat secundū sui naturam ille cibus paradisi veritus, ad inquinādum animā: & tamen ex eius esu immundi facti sumus omnes. Nam ipse quidem per seipsum nō inquinauit animam, sed homo à prauitate sua & præuicatione edēs inquinatus est. Igitur ex eo quod exiuit de corde contumaci, & inobediente, non ex eo quod intrauit in ventrem inquinatus est. Ecce etiam Dominus prohibuit Iudæis multa ciborū genera, quod eos tunc abstinentiam doceret ac temperatiā, & inde tanquam in figura intelligerēt vitia à quibus erat abstinēdum: & vitiosos qui vitandi essent, tanquam corruptores aliorum. Nam sola ruminantia & fissas habentia ungulas de terrestribus animalibus erant in cibum permissa. Id autem quam obrem, nisi vt vel ex ea obseruantia doctrinam fidei atque morum acquirerent: Ruminatio quippe meditationem doctrinæ significat. Fissæ verò ungulæ discretionem boni à malo in moribus. Item quod uis aliud genus ciborum prohibitum, significabat aliquod peccatorum genus vitandum. Nam per vitatos porcos quid aliud convenientius quā lutilentos quosdam fugiendos homines, qui vt sues male olente cœno, ita isti obscœnis voluptatibus carnis volutantur? Per pisces autem qui squamas & pennulas habent, significatur corporis & animi puritas. Contra autem, si non haberent squamas & pennulas. Et similiter dicēdum de auibus: sicut viderunt acuti diuinæ legis scrutatores. Verum quoniam istæ figuræ & significationes atque doctrinæ cessarunt post aduentum Domini, quo tempore populus iam è pueritia debuit exire, & circò significatione à cibis amputata, simul & immunditia sublata fuit: quoniam vt eleganter ait B. Augustinus, immunditia illa non erat naturalis, sed à significatione, Verbi gratia, In istis duabus dictionibus, *Bonum & malum*, si ex seipsis vt nudæ voces seclusa significatione considerentur, non plus malitiæ est in vna quā in altera. Nam si barbarus qui nō intelligit, proferri audierit, nihilo acerbius commouebitur si ei dicas: Tu es malus, quā si dixeris: Tu es bonus. Qui si vim significationem que vocis intelligat, continuo turbabitur: non quidem à voce tanquam mala de se, sed propter significationem. Sublata igitur significatione in cibis, nihil inest in eis immundum, quodque animam reddat immundam. Itaque fidelibus, & iis qui iam cognouerunt veritatem istam, *Quod omnis creatura Dei bona est*, & nihil reiiciendum quod cum gratiarum actione percipitur, nulli cibi immundi esse possunt: quoniam sanctificatur. i. mundificantur ab illa immunditia priore, quæ ex peccato processit antiquo. Sanctificantur autem per verbum & intercessionem. Oratio enim intercessionis mūdificationem hanc facit: quoniam commemoratur verbum Dei Christus qui cuncta mūdificauit, sicut dictum est B. Petro. *Quod Deus purificauit, tu ne dixeris commune*, vt habetur in Act. cap. 10.

Quocirca diligenter est aduertendum: Homini in Adam peccatori omnia remanere immunda, & ipse immundus à seipso est, non à cibo. per inobe-



Pro conse-  
cratione  
mensæ.

dientiam suam. Et cum ipse factus fuit immūsus, omnis creatura cum illo facta est immunda. Male dicta nāque fuit à Domino terra in opere suo, seu propter illū: quæ maledictio sublata est per Christum, modo applicetur nobis eius benedictio, & similiter cibis illis ex maledicta terra productis. Hæc non intelligunt idiotæ: dicam quid amplius, imo nec aliquot prælati, & maior pars Dominorū huius sæculi, qui absque vlla inuocatione nominis Christi & Dei, more brutorum animantium ad implendum ventrem accumbunt: qui abusus in Christianitate magnus est, & emendatione dignus. Apostolus igitur vult sanctificari cibos per orationem, alioqui immūdi sunt. Hoc debet serio populis prædicari. Non ab re ab Euangelistis in cœna Domini expressa de ipsa gratiarū actione fit mentio, & quomodo post hymnū dictum surrexerunt discipuli. Hæc ergo fuit doctrina & traditio Domini quam obseruare omnes tenentur, qui esse grati tantis beneficiis volunt.

Hæc proponens fratribus, bonus eris minister Christi Iesu, enutritus verbis fidei & bonæ doctrinæ quam assequutus es. Ineptas autem & aniles fabulas deuota. Exerce autem te ipsum ad pietatem. Nā corporalis exercitatio ad modicum utilis est: pietas autē ad omnia utilis est, promissionem habens vitæ quæ nūc est, & futuræ. Fidelis sermo, & omni acceptione dignus. In hoc enim laboramus, & maledicimur, quia speramus in Deum viuum, qui est Saluator omnium hominum, maximè fidelium. Præcipe hæc & doce. Nemo adolescentiam tuam contemnat, sed exemplum esto fidelium in verbo, in conuersatione, in charitate, in fide, in castitate. Dum venio attende lectioni, exhortationi, doctrinæ. Noli negligere gratiā quæ in te est, quæ data est tibi per prophetiam cum impositione manuum presbyterij. Hæc meditare, in his esto, vt profectus tuus manifestus sit omnibus. Attende enim tibi & doctrinæ: insta in illis. Hoc enim faciens, & te ipsum saluum facies, & eos qui te audiunt.

Hæc proponens fratribus. Ministerium enim primum in docendo consistit. Bonus ergo est ille minister qui hæc fratribus proponit. Fratres autem vocat omnes fideles. Et ob hanc gratiam dixit hæc esse prædicanda populis, vt recognoscant tanta Dei beneficia, nec pateant illusionibus hypocritarum & hæreticorum. Animaduertat prudens lector, quā calumniosè hoc loco abutantur hæretici recentiores, quibus vitur malignus ad impugnandā sanam doctrinam. Si hac non successit, ait intra se, alia progrediamur via. Per Manichæos olim conatus est matrimonium & thorum immaculatū damnare, quod scilicet omnia fornicationibus, adulteriis, & aliis nephandis concubitus operibus replet. Extirpata est hæresis eiusmodi, suscitauit istos

econtrario in aures populi sibilantes crescendum esse & multiplicandum, & vitam cœlibem dānam: & ita insurgunt aduersus ecclesiam, tanquam illa committat in hanc Apostolicam doctrinam, dum commendat virginitatem, & probat statum cœlibem eunuchorum qui castrauerunt se propter regnum Dei: & abstinentiæ gratia & Christiani luctus certos cibos sponte sua sibi interdicit. Non enim ecclesia propterea prohibet matrimonium, dum præfert virginitatem & cœlibatum. Nec docet vltos esse cibos suapte natura immundos, sicut hæretici illi dicebant, quos ipsemet ecclesia damnauit: sed quia se viduam agnoscit, luctus tempus ablato sibi Sponso obleruat. Magna est profectò nouorum hæreticorum impudentia, qui cum sciāt se non noua afferre, sed ea quæ sunt à patribus olim & doctoribus sanctis prorsus cōfutata, & iam verustate putrida, audent tamen meretricia fronte (vt solent) eadem nobis obtrudere, vt abducant miseras & carnales plebes ab ecclesiæ vnitatem ad vanitatem.

*Prophanas autem & aniles fabulas deuota:* scilicet vt nec eas doceas, nec scias quidem. Erant in prōptu Iudaicæ quædam fabulæ, de quibus puto eum sensisse. Erant & paganorum, quæ vitam non supra modum auctæ essent hodierno die, quin flammis exusta omnes. De his autem rectè dicitur, prophanas esse ac vitandas. Quædam etiam aniles sunt & delirarum muliercularum, & fortè ne has immisceret sermonibus suis mandat, ac si dicat: Nihil doceas à solida veritate alienum.

*Exerce autem te ipsum ad pietatem.* Nam corporalis exercitatio ad modicum utilis est, &c. Pietatem vocat (vt existimo) omne opus misericordiæ impesum proximo propter Deum Patrem, & Iesum Christum, qui petit sibi ministrari in fratribus. Corporale autem exercitiū ad quæstum spectat, cum homo corpore se exercet laborando vt victum quareret. Et ideo ait hoc ad modicum esse vtile: quoniā ad rem temporalem duntaxat. Non me latet hunc locum torqueri à nonnullis contra præceptū ieiunij, quasi ad modicum sit vtile: sed hanc intelligentiā merito Theophylactus reprobatur: imò ante illum B. Chrysostomus, cuius verba hæc sunt: Quidam hoc Apostolum dixisse de ieiunio aiunt, sed profecto errant. Neque enim est corporalis exercitatio ieiunium, sed spiritalis. Scio & per corporalem exercitationem ab aliis intellectū corporis exercitum ad sanitatem aut vegetationem. At hæc non erat à B. Paulo tradenda instructio, sed à medicis. In ea itaque sum sententia, vt voluerit instruere Timotheum, quem iam docuerat operari propriis manibus, & laborare ad victū, hoc non esse præponendum pietatis exercitio: quoniam in isto est exigua, in pietate autem maxima utilitas ad cœleste præmium reponitur. Vnde ait:

*Pietas autem ad omnia,* id est, non solum ad temporalia, sed & multo magis ad comparanda cœlestia, vt quæ promissionem consequatur à Deo vitæ vtriusque. Illud enim præceptū: Honora parentes; in quo concluditur omne opus misericordiæ & pietatis in veritate, si rectè & plenè intelligatur, habet promissionem carnalis vitæ, iuxta corticem literæ Exodi 20. vbi legis: Honora patrem tuum, & matrem tuam; vt sis longæuus super terram,



&c. Habet & aliam promissionem spiritualis vitæ iuxta spiritum, in lege secunda Deut. 5. vbi legitur: Honora patrem tuum, & matrem tuam, sicut præcepit tibi Dominus Deus tuus, vt longo tempore viuas, & bene sit tibi in terra, quā Dominus Deus tuus daturus est tibi. Hic vtraque est promissio bene intelligenti.

*Fidelis sermo & omni acceptione dignus*, videlicet de pietate: & eam extollit. Nam pietas est quæ fecit Christum meritò charissimum Patri vt exaudiretur. Pietas est, quæ si exerceatur in Christo, dabit nobis vitam, & non fides tantum, vt stulti & iniqui garrunt. Nam B. Paulus ait se in ea laborare, *In hoc enim laboramus & maledicimur*, Magnū est, subeuntes piæ actionis laborē nedum agnosci, sed contra maledictis exponi. At quid ita Paule? *Quia speramus* (inquit) *in Deum viuum, qui est saluator omnium hominum maximè fidelium*. Ac si expressius dixerit: Non est sita nostra spes in presentibus, sed eam fiximus in Deum viuum, qui habet vitam in semetipso, & cuius est viuificare. Addit Saluatorem omnium hominum, quantum ex se est, vt qui omnibus remedium comparauerit ad salutem. Sed quia ij soli possunt, qui erunt fideles, & exercuerint pietatem, ideo ait: *Et maximè fidelium*. Locus certus contra quorundam prædicationē crudelem, qui volunt Christum non venisse ad omnium comparandam salutem, sed certorum & prædestinatorum tantum, quos ipsi eligunt, id est, seipso, & qui ea credunt quæ ipsi docent: vt ipsi, non Deus, creent electos.

Non hinc tamē omittam B. Ambrosij expositionem, qui ita liberaliter hunc locum exponit, vt multi valeant admirari, non obscure volens salutem posse obtinere etiam infideles. Hæc enim sunt eius verba: Elaboratum est enim quantum Dominus adiuuit, vt non solum in nouissimis diebus, sed etiam in cunctis retrò sæculis probaretur, gratiam Dei omnibus hominibus affuisse prouidentia qui dem pari, & bonitate generali, sed multimodo opere diuersaque mensura. Quoniam siue occultè, siue manifestè, ipse est (vt Apostolus ait) Saluator omnium hominum, maximè fidelium. Quæ sententia subtilissimæ breuitatis & validissimi roboris, si tranquillo cōsideretur intuitu, totam hanc (de qua egimus) controuersiam dirimit. Dicendo enim, Qui est saluator omnium hominum, confirmauit bonitatem Dei super omnes homines esse generalem. Adiciendo autem, maximè fidelium, ostendit esse partem generis humani, quæ merito fidei diuinitus inspirata ad summam atque æternam salutem specialibus beneficiis prouehatur. Quod vtrique nulla iniquitate agitur iustissimi & misericordissimi Dei, cuius iudicium in his dispensationibus non cū arrogantia discutiendum, sed cum tremore laudandum est. Siquidem in ipsis quoque fidelium populis, quod iam superius ostensum est, non eadē omnibus nec paria conferantur, & ante illa humanorum pondera meritorum, dissimillima diuinorum mensura & munerum. Si enim de parentum carnalium iudiciis conqueri non audemus, cum aliquos filios suos ante vlla morum examina, ante aliqua pietatis obsequia indulgentiore amplectuntur affectu. In dominis quoque erga famulos libera est dispositio: nec iuste à quoq; reprehenditur qui de vnius conditionis familia quosdam sibi, quos beni-

gnius honestaret, & quos liberius erudiret eligit. Nūquid de summi Patris & veri Domini beneuolentissima æquitate caudandum est, quod in magna domo eius innumeris differentiis vniuersa variantur? Cumq; nemo aliquid boni habeat quod non ille donauerit, non omnes tamen iidē virtutibus micant, aut eadem charismatum dote ditantur. Nec possumus hanc diuersitatem graduum causis aptare meritorum, cū totius boni meriti principalis causa sit gratia, de cuius opibus sumitur, quicquid in singulis probabile reperitur. Sicut ergo de iis quæ intra ecclesiā multiformiter Spiritus sanctus operatur, impium est vllam querelam corde cōcipere: ita etiam de illa prouidentia quæ infidelibus præstet, nullatenus murmurandum est. Quoniam & iustus & bonus arbiter nec volūtatis iniquæ est, nec discretionis incertæ: vt sub immensa omnipotentis Dei misericordia absque iustitia putemus q̄ quisquā pereat, qui perire non debeat. Nulla pars mundi ab euangelio vacat Christi. Et licet illa generalis vocatio non quiescat, tamen etiam ista specialis iam vniuersis est, & facta communis. Ex omni gente, ex omni cōditione adaptantur quotidie millia senum, millia iuuenum, millia paruulorum. Et effectibus gratiæ Christianæ etiā ipsa, quibus mundus atteritur, arma famulantur.

Hæc B. Ambrosij admirabilis sententia, quæ illud clarè videtur porrigere, quod primo auditu videtur nescio quid horroris, propter loca quædam scripturæ sanctæ, continere. Et tamen si ad immensam Dei clementiam (qui omnium est Creator) resperxerimus, non temerè est explodenda. Dico horribile propter scripturas: quoniam scriptum est: Sine fide impossibile est placere Deo. Hæc autē doctrina videtur ad infidelium quoque salutem extendi. Qui igitur ad clementiam Dei (vt oportet) spectare voluerint, non debēt hanc opinionem reiicere, sed considerare subtiliter & intelligere: nec eam prius (quod est arrogantium & superbiorum, vel etiam sciorum quorundam hominum) carpere quàm capere. Nos per hanc nullo pacto infidelibus salutis possibilitatem concedimus, sed non fidelibus. Datur enim inter fideles & infideles medium, videlicet nō fideles. Omnis infidelis est non fidelis: sed non ecōuerso, omnis non fidelis est infidelis. Declarentur hæc apertius. Dicebat Dominus: Si non venissem & locutus es nō fuisset, peccatum non haberet, scilicet infidelitatis, & ita non fuissent infideles: sed nec fideles quidem, quod de fide plena de Christo intelligitur. Nec propterea defendimus posse aliquem sine fide ingredi regnū cœlorum. Nam sic apertissime contra B. Pauli doctrinam doceremus, sed quod sine explicita fide de Christo non sit impossibile: quemadmodum nec olim erat impossibile, vt eleganter docet B. Thomas. Et satis erāt duo ij articuli, quos Apostolus vt necessarios ibidem declarat, si suscipiantur, nimirum. Quod Deus est, & quod inquirentibus se remunerator sit: satis inquam sunt iis tamen solis, quibus alij non fuerunt reuelati & cogniti. Ista interpoluisse non mihi visum est alienum, vt prudēs lector possit hæc omnia quieto animo secum considerare: nec vllum patiat scandalum vel ab vna vel ab altera opinione. Quod est certissimum semper teneat, videlicet: Sine fide impossibile esse

Hebr. 11.

Ioan. 15.

Hebr. 11.



quenquam placere Deo: Et Deum ipsum velle ex parte sua omnes homines saluos fieri, & illius benignam prouidentiam non esse erga omnes æqualem. Et si enim omnes de eius bonitate participet, alij tamen plus, & alij minus absque vlla iniquitate, qui nulli obligatur, & nulla sub lege tenetur. Et tamē ita facit vt omnes obligatos sibi reddat: quia omnibus idoneē prouidet ad salutem, neminem penitus deserens. *Præcipe hæc & doce.* Præcipere pos sunt multi, & cum fastu magno præcipiunt: sed legitime præcipere atque docere nequaquā qui non didicerunt, possunt.

*Nemo adolescentiam tuam contemnat*, seu iuuentutem. Noli quicquam agere quo te contemnendum præbeas & ridiculum, quasi iuuenem, ac si dicat: Ostēde te moribus & grauitate maturū ac senem. Ad illum enim præceptū hoc dirigit, non ad alios: ynde sequitur: *Sed esto exemplum fidelium, &c.* Maxima est cacophonia, quando pugnat cum sermone bono improba vita. Fit enim sermo tunc contemptibilis, & insuper blasphematur Dominus. Sicut & quando sermo est malus & vita bona, saltem apparens. Siquidem fieri nulla ratione potest, vt sit verē bona vita cum sermone malo: quia sermo ex corde prodit. Scita est illa B. Gregorij sentētia: Cuius vita despicitur, quid iā restat nisi vt illius prædicatio contemnatur? Itaque simul debent ista duo coniūgi. Et ait primò, *in verbo*, aut potius sermone. Nam qui verbo non offendit, hic perfectus est, *in cōuersatione*. Magna laus est & digna omni præmio, cōuersari sanctē cum hominibus, *in charitate*, Charitas sola istud efficit: charitas enim neminem lædit, non queritur, non irascitur, non est procax, omnia suffert, omnia sustinet. Et hæc sunt amabilia quæ sociētatē mirē conseruant, *in spiritu*, homo enim spiritualis semper quæ sunt Spiritus tractās, de sæcularibus non se implicat, *in fide*, quoniā multum prodest exemplum fidei. Qui enim videt hominem firmum, & nullo modo in fide nutantem, & ipse ad credendum inducitur, *in castitate*, aut potius puritate. Hæc est munditia quædam cordis & animi simplicitas. Quare stultē quidam & mendaciter dixit: Lasciuia est nobis pagina, vita proba. Et alius similiter dixit: Castum decet esse poetam, nō tamen eius vērsculos. Quæ vt redolent argutias pueriles ita hæc omnia manifestā falsitatem continent. Dominus enim nos docet hominē de thesauro suo bono proferre bona, nō mala: non impudica, & lasciuiarum plena, & scurrilia.

*Dum venio attende lectioni, exhortationi, doctrina, &c.* Tria hæc se mutuo comitantur, lectio, exhortatio, doctrina. Ex lectione efficitur vt valeamus exhortari & docere. Et hoc contra multos qui tentantes Deum negligunt lectionem, putātes de improviso Spiritum sanctum iri succursum. Succurrit quidem Spiritus & valdē, si nos tamen nostris partibus non defuerimus. Non enim miraculo decet ea fieri, quæ in nostra sita sunt potestate. Quod verò legimus: Nolite cogitare quomodo, aut quid loquamini, &c. locum habet in summis viris, & extremis periculis, quum iam humana sapientia ac vires nihil iuuant.

*Noli negligere gratiam quæ in te est, &c.* Quidam se stultē arbitrantur esse innocētes, si non quidpiam committant sceleris: & non vident quantum est

mali omittere gratiam Dei: vt si sacerdos non sacrificet, si prædicator non prædicet, si Episcopus non intendat, cui hoc ex officio incumbit, si religiosus progredi in via Dei nō curet. Hoc est enim negligere gratiam iam à Deo acceptā. Timotheus autem acceperat eam gratiam episcopatus per prophetiam cum impositione manuum presbyterij. Nam plures presbyteri, id est, Episcopi consecraverunt eum, vt mos est. Et B. Paulus fuit vnus, sicut expressē dicit sequenti epistola.

*Hæc meditare*, aut potius ista exerce, *In his esto*, hoc est, totum his reipsum impende. Quod verò sequitur, *vt perfectus tuus manifestus sit omnibus*, consecutiue intelligēdum est. Non enim suadet vt ob hoc faciat, vt manifestetur: sed vt illud faciat, ex quo hoc sequatur in laudem Dei. Sicut Christus dixit: Sic luceat lux vestra coram hominibus, vt videant opera vestra bona, & glorificent Patrem vestrum qui in cælis est, &c. Gracē enim legitur, *vt perfectus tuus manifestus sit in omnibus*. Quemadmodum enim signum sciētis est posse docere: ita virtus Magistri patet in discipulis. Et hæc est Episcopi gloria, videlicet sanctitas sibi commissi populi, & pax in Christo. *Attende enim tibi & doctrina, &c.* Vide (quæso) lector, quā instanter Apostolus monet, vt ista omni studio ac sollicitudine cures. Loco nō ita remoto dixerat: Hæc proponens fratribus bonus eris minister Christi Iesu. Tum adiecit: *Præcipe hæc & doce.* Item sub hæc: Attende lectioni & doctrinæ. Tū addit: *Hæc meditare, in his esto.* Denique in hoc claudit, *Insta in illis*, non in altero tantum. Sunt non pauci qui ita attendunt soli lectioni vt se ipsos deserant omnem sui curam abiicientes. Quibus quid stultius dici aut fingi potest? Ediuerso reperiuntur qui sibi solis volunt sine lectione attendere. Et tales sæpenumero errant: quia nesciunt quid sit hominem verē spiritualem esse. Porro alios quosdam videas vt rursus sapienter coniungere. Sed isti valdē rari sunt: ideo & maiorem commendationem merentur. Vide igitur in illa ecclesia primitiuorum quando Spiritus erat in summo, quomodo etiā viri magni, qualis erat Timotheus, vt ad hoc scripturarum studium omnino intenderent, ab Apostolo inuitabantur: Alioqui è cælo operteret assiduē doctrinā expectare, ac valdē perfectum esse, quod paucorum est, vt B. Ioannis Baptista, & Apostolorum quibus dictum fuit: Cum steteritis ante reges & præsidēs nolite cogitare quid aut quomodo loquamini: dabitur enim vobis in illa hora quid loquamini. Quæ prudēt sunt intelligenda. Ita enim poscebat necessitas, & conditio personarum quæ mittebantur ad euāgelium prædicandum. Imo summa Dei virtus & potentia, quæ in hominibus ignaris & imbecillioribus eo excellentius reluceret, quo illi in seipsum confiderari abiectiores erant. Quæ, rogo, prudentia extiteret, ab initio ipsius Alphabeti instituere piscatores & rudes homines, iamque ætate prouectos? Certē vel plures anni abiissent antequā Petrus legendi promptitudinem cōparare potuisset. Quando igitur ad subtiles legis quæstiones intelligēdas & explicandas peruenisset? Qui igitur cōtra carnis prudentiam tales elegit, secundum suam summam sapientiam nullo alio doctore à seipso doctos reddidit. Hæc fuerunt illorum propria, non omnium.

Iaco. 3.

Matt. 11.



Vide perspicue quomodo B. Paulus Timotheum hortatur vt diligenter studiis attendat, neque alia via Spiritum expectet. Adiuuabit quidē Spiritus, sine quo nulla vera eruditio acquiri potest, sed nostrum laborem iuuabit, nō fouebit inertiā. Sunt ergo copulanda hæc duo, videlicet attendere sibi, & doctrinæ, quorum fructum indicat, aiens: *Hoc enim faciens, & teipsum saluum facies, & eos qui te audiunt.* Te, inquit, saluabis si tibi attenderis: & eos qui te audiunt, si doctrinæ, qua illos pascere valeas, dederis operam. Qui enim aliis præficitur, vitæ suæ tenorem sic temperare debet, vt dum salutis suæ consulit, communem ouium non deferat: & item communem, omnium sibi creditorum salutis curam sic suscipiat, vt suæ quoque promouendę meminerit. Quæ duo Prælati implere sibi attendens, & doctrinæ. Istud est facere & docere, vt tandem vberimum sui laboris fructum percipiat in regno cælorum, vbi qui fecerit & docuerit, iuxta pollicitationem Domini, magnus vocabitur.

CAP. V.

**S**ENIOREM ne increpaueris, sed obsecra vt patrem: iuuenes, vt fratres: anus, vt matres: iuuenulas, vt sorores, in omni castitate. Viduas honora, quæ verè viduæ sunt. Siqua autem vidua filios aut nepotes habet, discat primū domum suam regere, & mutuā vicem reddere parentibus. Hoc enim acceptum est coram Deo. Quæ autem verè vidua est & desolata, speret in Deum, & instet obsecrationibus & orationibus nocte & die. Nam quæ in deliciis est, viuens mortua est. Et hoc præcipe, vt irreprehensibiles sint. Siquis autem suorum, & maximè domesticorum curam non habet, fidem negauit, & est infideli deterior.

**E**xplicat nunc Apostolus qua moderatione se se erga varios hominum status gerere debeat Timotheus, ne salutaris doctrina alieno vel tempore vel modo tradita suum finem non consequatur. Neque enim sunt omnes eodē genere sermonis ad virtutes sectandas, vel ad peccatorum satisfactionem alliciendi. Ait igitur primū:

*Seniorem ne increpaueris*, Græcè, *ἐπιλαίῃς*, id est, ne plagis affeceris. Haud dubium quin verborum plagas (vt iam præmonuimus) intelligere oporteat, *Seniorem*, seu presbyterum. Presbyter nomen est & ætatis & dignitatis. Hic videtur ad ætatem referendum, vt possit aptè cum sequentibus coherere, dum ait, *iuenes vt fratres*, Senectus ipsa etiam apud paganos, semper æstimata est digna quam reuerentur natu minores: quoniam in antiquis, ait B. Iob, sapientia, & in multo tempore prudentia.

*Iuuenulas* (seu iuniores) vt sorores in omni castitate, seu puritate, vt nec ipse oculus, nec gestus, nec verbum quicquam indicet aliud, quàm puritatem quandam angelicam, & eius violandæ horrorem. Pudicitia enim virtus est non solum impetum libidinis coercens, sed & signa cohibens.

*Viduas honora quæ verè viduæ sunt*. Honorem intelligit qui cum subsidio bonorū terrenorum impenditur. Honoris autē & mercedis ista est differentia, vt omnis honor sit honorabile debitum, quod redditur nō habita ratione operis & laboris, sed potius inspecta ipsius personæ dignitate. Merces verò operi & labori ex ipsa iustitia redditur. Vnde honoraria vocantur quæ sublimibus viris tribuuntur ob ea opera quæ non cadunt sub æstimationē more mercenariorum. Cum igitur magnus olim fidelium esset concursus, opus fuit vberioribus charitatis officiis abundare, quæ inter se à conditione status seruare ordinem debent. Erat autem olim status in coniugatis, viduis, & virginibus. Porro viduarum ac virginum status, cum ad eius puritatem natura non euehat, voto ab institutione Christi & præstantiæ euangelicæ instituebatur: nec absque voto admittebatur talis status. Bona autem ecclesiæ in huiusmodi personas desolatas & inopes distribuebantur. De his ergo sermonem habet Apostolus, quibus vult honorem exhiberi. Sed primum vult eas esse verè viduas, quod est, illum statum voto esse professas, & ad tenorem illius viuētes. Non enim verè vidua censeri illa debet, quæ non certò deliberauerit abstinere à secundis nuptiis. Sicut non est verè virgo sine virginitatis voto.

*Si quæ autē vidua filios, aut nepotes habet, discat*, &c. Quidam pro, discat, reposuerunt, discant, illud referentes ad liberos, vt sit sensus: Vidua quæ habet liberos non facile est admittenda in ecclesiæ ministerium nisi primum liberi sciant regere domū, & vicem reddere parentibus. Loquebatur ergo de votis quæ sanciebantur in facie ecclesiæ (vt dixi) quæ faciebant mutationem status. Hæc enim vota non admittebantur passim, nec omnium prorsus. Vnde nec talis vidua recipiebatur, quæ poterat permanere domi cū liberis in viduitate, & ab iis sustentari, ne grauaretur ecclesia. Et hoc liberi eius debent scire ipso facto, mutuā scilicet vicem parentibus esse reddendam. Sed melius, discat, vt B. Ambr. & Chrys. legunt. Nam sic mutuam vicem reddunt dum nutriti nutriunt, & mutuam vicem reddunt vel parentibus, vel parentum filiis.

*Hoc enim acceptum est coram Deo*. Acceptum, pro acceptius. Hebraicè enim comparatiuus pro positio ponitur. Melius ergo erat talibus viduis permanere domi & familiam regere, quam seruire ecclesiæ. In huiusmodi autē solent decipi viduæ, quæ discretionem Spiritus non habent.

*Quæ autem verè vidua est & desolata*, &c. Ecce qualis est vera vidua, nimirum tota mancipata Deo, & ab eo sperans omnia, etiam annonam, sicut ab Imperatore milites expediti. Nam bona que sunt ecclesiæ & Dei, quibus seruiret nisi huiusmodi personis: *Quæ in deliciis est, viuens mortua est*. Vidua illa in deliciis esse dicitur, quæ non seruat luctū perpetuū sed mundi blanditias adhuc sequitur. Hæc veram vitam ignorat: & viuens corpore, mortua est spiritu & anima. Et hoc præcipe vt irreprehensibiles sint. Reprehensio est de aliquo indecente: quod variè sumitur in multis propter statum. Sunt enim quædam indecentia senibus: iuuenibus autem non ita. Et sic in reliquis.

*Si quæ autem suorum, & maxime domesticorum cu-*

Honoris  
& mercedis  
differentia.

Matth. 5.

Iob 12.



ram non habet, fidem negavit, &c. Mirabile istud est visum quibusdam, quod talis fidem iccirco negauerit, quia nō agat curam suorū: imō etiam quod maius sit & grauius peccatū suos negligere, quā derogare Deo fidem, quod est infidelium. Respondetur: Illa satis fidē dicitur factis negare, quā contra fidei iussa aliquid agit: maximē verō si quē agit pratendat ex fide esse, velut presenti loco (nī fallor) necesse est intelligere. Ea parte autem est infidelis deterior: quādoquidem infidelis, quatenus talis, non violat iura naturæ. At qui talia agit, contra naturæ instinctum agit.

Vidua deligatur non minus sexaginta annorum, quæ fuerit vnus viri vxor, in operibus bonis testimonium habens, si filios educauit, si hospitio recepit, si Sāctorum pedes lauit, si tribulationem patriētibus subministravit, si omne opus bonū subsecuta est. Adolescentiores autem viduas deuira. Cū enim luxuriatæ fuerint in Christo, nubere volunt, habentes damnationem, quia primam fidem irritam fecerunt. Simul autem & otiosæ discunt circuire domos, non solum otiosæ, sed & verbosæ, & curiosæ, loquentes quæ non oportet. Volo ergo iuniores nubere, filios procreare, matres familias esse, nullam occasionem dare aduersario maledicti gratia. Iam enim quædam conuersæ sunt retrō post satanam. Siquis fidelis habet viduas, subministret illis, vt non grauetur Ecclesia, vt iis quæ verē viduæ sunt, sufficiat.

Quæ exigā  
tur in Verē  
viduis.

Vidua deligatur non minus sexaginta annorum, &c. Considera quænam sint ea quæ in vidua oporteat concurrere, prius quā ad vidualem statum valeat admitti. Tria hic à Beato Apostolo exiguntur, vt solidē persistere in ea vocatione & statu possit. Primum est ætas, quæ est annorum sexaginta. Nam tunc ætas deferbuit. Secundum, Quod fuerit vnus viri vxor. Nam quæ plurium fuerit, irregularis (quo ad hoc attinet) efficitur. Sed cur nō in viro religionem profitente idem attenditur? De bere attendi crederem, non propter signum vllū, sed propter indecentiam: quanquam non ita vt in fœminis. Sēper enim in mulieribus magis quā in viris notatur impudicitia, & digamia. Et propriē viduitas est fœminarum, non virorum: qui non ita vxoribus indigent, vt propterea dicantur vidui, sicut fœminæ viris. Vnde & propter signum in mulieribus hoc consideratum est ab Apostolo. Nam ecclesiam per viduam significari manifestē in scriptura constat. Significatur enim ecclesia in Anna vidua quæ obsecrationibus, & ieiuniis nocte & die vitam ducebat. In alia item vidua, cuius vnicū filium Iesus à mortuis excitauit. Significata est & quondam in illa, ad quam missus est Helias vt ab ea famem fugaret. Et de his meriō solus B. Lucas meminit, ad quem maxime pertinuit Sponsū mortuum exhibere Christum, hostiam nostram. Item & in illa pauperula vidua significatur, quæ misit

Luc. 2.

Ibid. 7.

4. Reg. 4.

Luc. 21.

duo ara in gazophylacium, id est, quicquid habuit & temporalis & spiritualis boni tribuit Christo, non inflata more pharisaico de propria iustitia, sed se pauperulam respiciens. Huius meminit & B. Marcus. Tertium quod exigitur est, vt habet bonum testimonium non in fide tantum, sed & in operibus bonis. Quæ sint autem hæc bona opera declarat:

Si filios educauit. Nam paruulorum educatio est propriē mulierum: nec cibum tantum præbere corporis, sed & integritate sanctorum morum mentem instituere debet & timore Domini. Sic enim deberent parentes pro conditione status viuere, vt semper verius essent patres mētis, quā carnis.

Si hospitio recepit, scilicet pauperes & aduenas, fideles tamen. Si sanctorum pedes lauit. Hoc erat vetustissimi moris. Obseruatur in hodiernum diē apud religiones reformatas, vbi primum ex itinere recipiuntur hospites. Si tribulationem patientibus subministravit. Hoc valdē necessarium, & pertinet ad misericordiae opera. Nudus fui, ait Dominus, & cooperuistis me. In carcere, & visitastis. Eruiui, & paupers, &c. Si omne opus bonum, id est, charitatis & officij prosequuta est.

Adolescentiores autem viduas deuira. Cum enim luxuriatæ fuerint, &c. Quasdam fugiendas præcipit viduas, propter earum insolentiam & instabile ingenium. Erant enim aliquæ pauperes, quæ rerum penuria pressæ, cibi gratia profitebantur. At cum pabulum accepissent, & carni vires suas restituisent, tentationibus illius resistere nolentes recalcitrabant. Nam frāni impatientes, iugum Iesu Christi abiiciebant, & nuptiarum expertas delicias repetebant, De iis dicitur:

Habentes damnationem, quia primam fidem irritam fecerunt, id est, promissionem qua Deo promiserāt se contentas esse primis nuptiis, nec ad secundas redire velle. Et hoc dicitur prima fides, scilicet quam post viri obitum voto astrinxerāt. Et hic locus aduersus hereticos potentissimus, qui negant in scripturis haberi vota. Et itē aduersus eos qui parisi meriti esse docere audent, & non minus gratum & acceptum quod sit citra notū, quā quod voto promissum & solutum: quod est contra euentissimam rationem. Qui enim vouet & reddit, est (vt dicitur) veluti qui ipsam integram arborem cum fructibus donat. Qui autem sponte sua absque voto reddit, fructus quidem donat, sed arborem arborisque possessionem sibi retinet. Simul autem & otiosæ discunt circuire domos, &c. Harum iuuecularum viduarū mores non bonos describit, quæ discunt simul otiosæ circuire domos, videlicet officij prætextu & visitationis, non negotij causa & officij necessarij, sed nugandi gratia. Otium enim negotium parere debet, sed tale negotium quod ad rem pertineat: alioqui otium est non negotiū. Vnde ait, non solum otiosæ, sed & verbosæ, aut potius nugaces & curiosæ. Peccatum magnū & plurimorum etiam virorum, ad cognoscenda aliena facta promptissimorum, & ad vitam propriā rectē traducendam negligentissimorum. Nullum enim certum habent scopum & finem sibi propositum, ad quem dirigant omnem suam vitam, cogitationes verba & facta. Ideo isti loquuntur quæ non oportet, id est, quæ non faciunt ad rem, & dissipati sunt

Matth. 23.

Pro vitiis  
contra hereticos.



nec vniti, non intelligentes illam Domini sententiam: Porro vnum est necessarium, hoc est, vt vnatur quæ sunt in nobis animæ potētiæ, videlicet ad diligendum, & puro corde seruendum Deo, per dilectionem cuncta ad illam ordinando.

*Volo ergo iuniores nubere.* Quia non sunt idoneæ, quæ in tam sublimi statu cœlibatus proficiant. Et hoc ex consilio, non autem secundum imperium: alioqui intellige de iunioribus non solū ætate, sed & moribus. At si in ætate non ita prouecta appareat senilis prudentia, & mores integri, nō est estimanda ea mens Apostoli, vt repellere eas veller ab hoc sancto proposito. Multa sunt quæ lege vniuersali non possunt comprehendi, sed indigent iusticia. Meminerit fortē aliquis verborum Apostoli superius ad Corinth. & obiiciet: Cur igitur ita loquitur? Dico autem non nuptis & viduis, bonum est illis si sic permanserint sicut & ego. Et in fine sic concludit: Beatior erit si sic permanserit, secundum meum consilium. Hoc autem in loco videtur potius ad contrahendas nuptias consulere. Sed hoc adolescētiis, & de quibus non est pudicitia ob iuuentutem securitas, & semel gustatas carnis illecebras. At hoc ad virgines trahi nec potest, nec debet: alioqui esset dānare omnem Christianorum consuetudinem rectissimam, & probatissimam à sanctis viris. Quod tamen Caietanus non est veritus, vt in annotationibus nostris ostēdimus. Illud iam sapius attigimus, quod mirum in modum fuit semper in consideratione, videlicet vt prospiceretur famæ, & nulla daretur iusta occasio, saltem probabilis, maledicis. Accipiebāt enim occasionem plerique ex eo quod quædam cōuerse erant, & deflexerant retrō post satanam. Qui enim apostatat à Christo, necessariō sequitur apostatarum principem satanam: quod iam nunc multi pro ludo habent. Sed breui sunt lusinge. Fuit semper & erit in omni statu corruptio: nec propterea deferenda sunt castra Dei, si qui perfidi milites ab his ad hostilia deficiunt. Et in Christi collegio omnium optimo & perfectissimo inuentus est vnus omnium pessimus. B. Augustinus & omnes sancti animaduenerunt quæcunque poterant in contrarium ab iis adduci, qui vt turpiter agant, peccantiū exemplis se vestiunt. Conuersæ sunt quædam viduæ retrō post satanam. Non sunt igitur seruanda vota? Imo immutanda est fallax cōclusio. Sunt ergo seruanda, nec abeundum post satanam. Sed B. Augustini verba postquam isti fingunt se illius auctoritatem non detrectare, afferamus. Nemo vos fallat. Si non vultis falli & vultis amare, fratres, scitote omnem professionem in ecclesia habere fictos. Non dixi omnem hominem esse fictum, sed omnem professionem habere fictas personas. Sūt Christiani mali: sed sunt & boni. Quasi plures malos vides: quia paleæ sunt, nec te ad granum peruenire permittunt. Sunt ibi & grana: accede, tenta, excute, adhibe oris iudicium, inuenis moniales in disciplinatas. Nunquid ideo sanctimonium reprehendendum est? Multæ non stant in domibus suis: circumeunt domos alienas curiosè agentes, loquētes quæ nō oportet, superba, lingua, ebriosæ. Sed si virgines sunt, quid prodest integra caro mente corrupta? Melius est humile coniugium, quàm superba virginitas. Si enim nuberet, non haberet no-

men vnde extolleretur, & haberet fructum quo regeretur. Sed nunquid propter virgines malas damnatur sumus & sanctas corpore & spiritu? Aut propter istas laudabiles, etiam illas improbandas laudare cogemur? Vtique vnus assumetur, & alter relinquetur.

Qui bene præsunt presbyteri, duplici honore digni habeantur: maximè qui laborant in verbo & doctrina. Dicit enim scriptura. Nō alligabis os boui trituranti. Et dignus est operarius mercede sua. Aduersus presbyterū accusationem noli recipere, nisi sub duobus aut tribus testibus. Peccantes, coram hominibus argue, vt & ceteri timorem habeant. Testor coram Deo & Christo Iesu, & electis Angelis, vt hæc custodias sine præiudicio nihil faciens in alterā partem declinando. Manus citò nemini imposueris, neque communicaues peccatis alienis. Te ipsum castum custodi. Noli adhuc aquam bibere: sed modico vino vtere propter stomachum tuum, & frequentes tuas infirmitates. Quorundam hominum peccata manifesta sunt, præcedentia ad iudicium: quorūdam autem & subsequuntur. Similiter & facta bona manifesta sunt: & quæ aliter se habēt, abscondi nō possunt.

*Qui bene præsunt presbyteri, &c.* Presbyteros hoc in loco manifestè sacerdotes & Episcopos vocat, quos præesse supponit. Et honorem duplicem intelligit, qui est reuerentiæ & subsidij: quoniā mente & corpore laborant. Vt sapiēs igitur dignus est honore. Vt verò docens & vilitatem afferens, meretur vt non militet suis stipendiis.

Possumus insuper dicere duplicem honorem, alterum qui est ab hominibus, & alterum qui erit à Deo, quando dicit: Euge serue bone & fidelis intra in gaudium Domini tui. Illud hīc notandum, presbyteros vocari Episcopos, & eos quidem qui bene præsunt. Quod si roges: Nūquid ergo iis qui non bene præsunt, debentur decimæ & fructus ecclesiarum, & alij honores? Apostolus eos qui bene præsunt dignos esse docet. Tibi non licet iudicare an ille bene præsit, an secus. Et ob eā causam perinde dare teneris ac si bene præsit. Si instes: Res ipsa, inquiens, per se nota est & omnibus evidens. Vides enim non iam dispensatorem, sed dissipatorem rerum ecclesiasticarum, scortatorem, cōcubinarum educatorem & cinædorum, canum: unde fraudantur bonis ecclesiæ pauperes, & ipsius ecclesiæ ornamenta lacera, parietes, tecta, & omnis diuinus cultus pessum eunt. Mores Episcopi sequitur clerus, licentia vitiorum impunitate donatur, & quæ sunt eius generis innumera. Vera hæc esse minime inficiamur, ne dicamus malum bonū, & bonum malum, iisdemque tenebris inuoluamur. Verum quid hīc agas? Nunquid tu lucri quicquam ex alieno peccato facere debes? Nō tibi propterea permittitur, te vt ab obligatione soluas, & dispensatorem te ipsum constituas, etiam si mille

Nota

Matt. 24

1. Cor. 7.

Extr. 7.  
2. al. 99.



Matth. 18.

egenos inder, asceres? Quis dubitat hunc indignū honore suo? Sed cum reuerentia & honestis modis debet, qui eiusmodi est, admoneri. Qui si correptionem non admittit, in promptu habemus quid agendum sit. Dominus ipse regulam dedit: Dic (inquit) ecclesiæ. Adire enim oportet superiorem, ad quem spectat hæc animaduersio. Tum manus laui sti, & quæ tuarum sunt partium implens, non obrit ad meritum quoruncunque superiorum improbitas. Deus propter peccata populi multa finit irrepere ad punitionem malorum, & ad probationem bonorum. Secus est si hæretica doceret, quo tempore neminem oportet esse patientem. Temporalium dissipatio non tanti faciēda est, ut te ab unitate separet ecclesiæ. Obseruatum est enim breui tempore tales regnare solere, quos vel gula aufert de medio, vel gladius, & secreta diuinæ iustitiæ ultio.

2. Cor. 9.

Afferat autem Apostolus scripturam veteram ad probandum laborantibus dādā mercedem, quæ ait: *Non alligabis os boni trituranti*, Ibi legitur: Non ligabis os bouis triturantis in area fruges tuas. Et ne de boue crasso illo animali putes hoc præcitè debere intelligi, ipsemet Apostolus alibi proprium sensum aperit aīes: Nunquid de bobus cura Deo? Nunquid propter nos potius hæc dicit? Nam propter nos hæc scripta sunt: quoniā debet in spe qui arat arare: & qui triturat in spe fructus præcipiendi. Sed vide congruentiam. Bouem vocat triturantem fruges in area, id est, doctorem scripturas tementem & discutientem in ecclesia. Nam scripturæ frumentum continent absconditum sub rudibus verbis, quasi sub spicis & paleis contectum, ut iis sepositis nudum granum excipiat & conficiatur animæ panis. Ferit autem bos pedibus fortiter: quoniā conatus illi affectūque laboriosi, quibus insudant in scripturis doctores, de spicis exire triticum bonum faciunt. Ad hunc laborem excitabat Apostolus. Hæc meditare, in his esto. Attende tibi & lectioni, insta in illis. Quid est hoc aliud, nisi dicere: Fige pedes tuos, & neruos omnes intēde? Adiecit & aliam scripturam noui testamenti, *Dignus est operarius mercede sua*, Aperta est hæc, quā ipsa humana ratio per se suadet. Illa vetus ex ipsa similitudine qua vestitur, habet nescio quid maioris delectationis: licet idem in vtraque contineatur sensus. Operarium vocat hominē in agro Domini laborantem, cui etiam duplex honor assignatur pro mercede.

Sed hic magna exoritur quæstio: Nunquid hæc liceat exigere, & super huiusmodi pacisci? Et quo modo mercedis nomine huiusmodi honor vocari valeat, cum pro spiritali non sit digna atque congrua merces temporalis, sed ipsum mercedis nomen simoniam constituere videatur? Verūm hæc de re super ea quæ ad Corinthios, satis videor mihi disseruisse, & libello item particulari de simonia. Longus autem sermo exigeretur ad hæc componenda, & satisfaciendum docto & pio lectori. Prosequamur igitur.

*Aduersus presbyterum noli accusationem recipere nisi sub duobus, aut tribus testibus.* Sed hoc quod accusatio non admittatur nisi duobus aut tribus testibus suffulta fuerit, videtur non solum in presbyteros, verūm etiam in omnes regulariter legitimū ef-

se. Quidam propterea notant, quod ait, recipere, ut hoc sit specialis in presbyteri gratiam prærogatiua, ut non recipiatur accusatio, nisi prius idonei testes appareant: in aliis verò recipiatur, sed nullū habeat effectum, nisi dum testimonium liquet. Mihi hoc commentum non quadrat. Sunt ergo codices in quibus hæc exceptio non ponitur, sed simpliciter prohibetur accipere accusationem in presbyterum, siue Episcopum, tanquam vnam de grauioribus causis. Et hoc puto verum ex Cap. Maiores de Bap. Ita ut inter apostolica decreta, hoc memoretur inter causas ad sedem apostolicam referuandas, videlicet Episcopi accusatio. Quod si hic non loquatur de Episcopo, sed de simplici sacerdote, adhuc nō est mirum, si hoc fortè Apostolus voluit prohibere propter adolescentiam Timothei, sed sibi cognoscendam referuare. Vel etiam ut ab accusando deterreret quosdam improbos homines, quorum fuit semper in sacerdotes Dei odium ne tam facile pateret & passim omnibus accusatoribus locus. Placet ergo ut hic locus legatur absque illo adiuncto, Nisi sub duobus, aut tribus testibus, ad quæstiones tollendas.

Peccantes, subintellige, in manifesto, coram omnibus argue, Et hoc ad presbyteros pertinere potest, ut & ceteri timorem habeant, Nam vnus correptio est admonitio atque exemplum multorum. Testor coram Deo, & Christo Iesu, & electis Angelis. Vel hoc de omnibus Angelis dixit, quos electos dicere possumus præ iis, qui ceciderunt: Vel (quod magis placet) de certis illis septem Spiritibus qui ante Deū astant, ut testatur Dilectus, inter quos primi sunt Michael, Gabriel, Raphael: aliorum quatuor nomina certò è scripturis non habemus. *Ut hæc custodias sine preiudicio*, id est, sine præcipitatione tumultuaria, declinando ad dexteram vel ad sinistram.

Manum citò nemini imposueris, videlicet in ordinibus conferendis. In Diaconis, & Sacerdotibus, & Episcopis manus impositio seruabatur, & seruatur adhuc, ut patet Act. 6. & alibi. Etiam illa gratia Spiritus sancti, quæ tunc sensibilibus veniebat, per manuum impositionem dabatur, ut patet in eo libro. c. 8. & 9. & alibi. Ergo quoties vel ordine, vel extra ordinem venire oportebat gratiā ad aliorum illuminationem, purgationem, perfectionem, inter cetera solemnia hoc seruabatur, videlicet manuum impositio, ut virtus Dei per ministro rum manus in eos videretur quodam modo effundi. Hæc ergo manuum impositio non citò erat imponenda, sed cum sale & pondere. At nunc, o bone Deus, quid sit? Hic nec verbis quæ deficerent, nec exclamationibus quæ fortè non iuuarent abundabimus. Satis superque sit denuntiare quod venturum est. Væ illis & qui imponunt: Væ illis & quibus imponitur. Inde enim totius Christiani orbis venit corruptio, & religionis nostræ contemptus. Nam si sal fatuum, quid erit terræ? Si quaritur ecclesiæ reformatio, in hoc certè maxima & potior reformationis pars consistit.

*Neque communicaueris peccatis alienis.* Quod facile episcopus facit, dum tolerat minime toleranda, dū non corripit corripienda, dum vituperanda non vituperat, dum non probanda probat siue hominē, siue rem, siue quemlibet actum: & præcipue si malam doctrinam non corripiat, si cū hæreticis com-



municet, & cum infamibus & peccatoribus conuerfetur, nifi fortè vt dominus ad correctionem, & præfentibus viris grauibz & minimè suspectis.

*Teipsum castum custodi*, ab omni malo & peccato, & contaminatione tam mentis quàm corporis. *Noli post hæc aquam bibere, &c.* Hic apparet abstinētiā non prohiberi à cibis, nifi quando est nimis aduersa letitudine, & propter infirmitatē, quæ per se patienter tolerata, latis est magnus luctus.

*Quorundam hominum peccata manifesta sunt præcedentia ad iudicium, &c.* Hic Apostolus notitiā vti lem tradit, quæ sciamus circa homines iudiciū rectum. Nam tunc rectè iudicamus, cum iuxta notitiā illam procedimus, quæ à nobis haberi potest. Diuiduntur enim homines in bonos & malos. Et mali quidem, aut sunt in manifesto eousque mali, vt ante iudiciū sint manifesti: aut oportet eos per iudicium manifestari. Similiter & boni, aut sunt a deo boni vt manifesti sint & probati coram oculis ecclesiæ aut adhuc latent. Quod si tales fuerint, non poterunt sua die latere. Ergo de manifestè malis, & manifestè bonis loquitur: quoniam illi latere ob insignia flagitia & scelera, & hi tanquam lucernæ abscondi ob splendorem virtutum non possunt. Vt igitur est manifesta notitia, ita est regula vt illi videntur, hi autem cum veneratione suscipiuntur. De aliis verò qui nec se per manifestam malitiam publicè ostendunt, nec per opera charitatis præclara sui certam notitiā exhibuerunt, expectandum est verum iudicium: quia nihil occultum quod non oporteat aliquando reuelari.

CAP. VI.

**Q**UICUNQUE sunt sub iugo serui, dominos suos omni honore dignos arbitrentur, ne nomen Domini & doctrina blasphemetur. Qui autem fideles habent dominos, non contēnant quia fratres sunt: sed magis seruiant, quia fideles sunt, & dilecti, qui beneficij participes sunt. Hæc doce, & exhortare. Siquis aliter docet, & non acquiescit sanis sermonibus Domini nostri Iesu Christi, & ei quæ secundum pietatem est doctrinæ, superbus est nihil sciens: sed lāguens circa quæstiones & pugnas verborum, ex quibus oriuntur inuidiæ, contentiones, blasphemix, suspiciones malæ, cōflictationes hominum mēte corruptorum, & qui veritate priuati sunt, existimantium quæstum esse pietatem. Est autē quæstus magnus, pietas cum sufficientia. Nihil enim intulimus in hūc mūdum: haud dubium quia nec auferre quid possumus. Habentes autem alimenta, & quibus tegamur, iis contenti simus. Nam qui volunt diuites fieri, incidunt in tentationem & in laqueum diaboli, & desideria multa inutilia & nociua, quæ mergūt homines in interitum & perditionem. Radix enim o-

mnium malorū est cupiditas: quam quidam appetentes errauerunt à fide, & inseruerunt se doloribus multis.

**Q**UICUNQUE sunt sub iugo serui, &c. Vide quā occasionem accipiebāt ad seditionē homines secundū carnē prudētes. Prædicabatur ab Apost. & aliis fidelibus prædicatoribus Christi legē esse legē libertatis. Accidebat ergo vt qui antea serui erant, post datum Christianæ religioni nomen, indignū censerent si vltius sub iugo scilicet infidelium dominorum remanerent. Nam cum simpliciter libertas opponatur seruituti, putabant carnalē seruitutem repugnare Christianæ libertati, non intellēgentes libertatem in quam per Christum vocati erant: & quod tali libertati hæc humana seruitus, aut potius seruitium non repugnat. Non est enim Deus noster, dissensionis Deus, sed pacis. Quare per hæc dissidia dabatur occasio blasphemandi Christianum nomen & doctrinam apud infideles qui tanquam hoc esset secundum Christi doctrinam accipiebant, & murmurabant. Huiusmodi ergo seruis dicitur, vt arbitrentur dominos suos omni honore dignos. Non dicit arbitretur ita pro certo censes, si fortè iniqui fuerint & maligni, & digni omni malo, sed ait, Arbitrentur, hoc est, sic se gerant erga illos tanquam si tales essent, quia tales decet esse seruos, vt respiciant dominos suos vt dominos, id est, vt omni honore dignos esse etsi non sint. Ita quidam dixit de mulieribus, quibus debet videri vir proprius pulchrior omnibus, sapientior omnibus: quod non est aliud quàm contentas illo esse debere.

Rursum etiam videbatur inconueniens, mancipium Christianum esse sub Christiano aliquo & fidei domino: quod tamen similiter non est verū. Quapropter subiicit Apostolus noster, *Qui autem fideles habent Dominos, &c.* Dominus noster non solum quæ sunt iuris naturalis, verum etiam quæ iuris Gentium sunt non tollit lege sua euangelica. Nam seruitus de qua loquitur, quæ custodiri vult, non secundum naturam est, quæ facit omnes liberos. Nō enim est illa seruitus de qua Philosophus in politicis, qui ait naturā minus sapientes, magnis sapiētium seruos esse. Sed aliud est despotica hæc dominatio, de qua hic loquitur Apostolus. Merē enim iuris Gentium est hæc seruitus: nec tamen contra naturalem rationem. Nam cum tripliciter seruus quispiam fiat, aut bello captus, aut vernaculus, aut si se vendiderit cum conditione pretij participandi. Hæc omnia videntur non sine ratione: quia & bellum supposita legitima causa iustū est: Ergo & quod sequitur ex iure belli. Hæc autem est radix seruitutis, & captiuorum, & vernaculorum. Non est enim absurdum posito inconuenienti cōtra legem sequi aliud, sed legitimè. Verbi gratia, Quod sit bellum, est ex iniustitia aliquius partis, quod est inconueniens. Hoc autem posito multa conuenienter sequuntur, quæ alioqui simpliciter & absolutè considerata essent supra modum inconuenientia. Contingit enim sæpenumero vt sapientiores, serui sint dementiorum. Et tamen hæc iure postmodo contingunt supposita aliqua iniuria.

Hæc doce & exhortare, propter publicam videlicet pacem. Sed hæc noui & miseri hæretici non vi-

Triplex genus seruitutis.



derunt decertantes, & in ferrum pro serua & infana libertate ruentes. Non est enim vera libertas omnium segregare se à pastoribus.

*Siquis aliter docet, &c.* Vocat sanos Domini sermones, quia veritate pleni sunt, cui omnia consonant. Infirmi autem sermones sunt quos mendacium facit, & inualidos & reprobos. Vocat & doctrinam secundum pietatem non solum quæ est religiosa, sed quæ nullam occasionem contra ipsam religionem & pietatem præbet. At dare occasionem blasphemiarum, non id habet ut sit secundum pietatem: quod tamen ex eo procederet, si quis doceret in lege Christi iura Gentium violari, ut nullus Christianus homo seruus esse possit. Quisquis autem talis est, ut id, aut quid simile doceat, superbus est, seu superbiuit & nihil sciens, ait Apostolus: Multi videntur docti & non sunt reuera. Credo ego in rebus theologicis, quicumque contra Christum & eius sanam doctrinam loquitur, aut non ex animo loquitur, aut si ex animo loquatur, nihil scit: quia errat circa fundamenta. B. autem Apostolus ait quod homo huiusmodi languet circa quæstiones & pugnas verborum, id est, sequitur verba magis quam rem: verbis magis quam rationi attendit. Et hoc est languere, non substinere in nervis & fundamentis fidei. Verbi gratia: scriptum est, Oportet semper orare: hinc Eucharistia hæretici occasionem sui erroris superbè sumpturunt, mordicus defendentes semper esse orandum. Alibi de Ioseph & sanctissima Virgine dicitur, Antequam conuenirēt. Et non cognoscebat eā, hinc Heluidiani. Alibi: Omnia munda mundis. Et omnis creatura Dei bona est. Et nihil reiiciendum est, &c. Hinc Iovinianus. Et ita de hæreticis antiquis. Sic & nunc neoterici: quia legunt de fide multa, quod illa iustificat & non legis opera, solam fidem commendant, ita ut reuera excludant & charitatem & opera: quanquā hoc ipsi negent, quia secum constare non possunt. Nā Christi promissionem factam credenti, non operanti dicunt: imo credenti & non operanti, cum tamen tam clarè redditurum se pronuntiet Christus unicuique iuxta opera sua. Ex his autem quæstionibus & verborum pugnis oriri ait Apostolus inuidias, contentiones (Græcè legitur in singulari inuidia, contētio) blasphemias, suspiciones malas, conflictationes hominum mente corruptorum. Vocat homines mente corruptos, qui descendunt in hæc vitia repugnante conscientia, & accipiente cauterium. Dominus enim permittit tunc obsecrari lumen, & venire regnum tenebrarum: vnde veritate priuantur & errant. Adiecit:

*Existimantium quæstum esse pietatem.* Hinc etiam nata est peruersa hominis doctrina dicentis ipsum dominum nunquam docuisse quæstum, nunquam ordinauisse religiosi ut quærent, & medicarent, & ita viverent de alieno. Et hoc, quia non est res pietatis. Et verè quæstus non potest dici pietas in veritate, aut pietatis res, quia verbum, Quæstus, significat aliquid auaritiæ, & quod supra necessitatem quaritur: hoc enim est quæstus, qui non est pietas, neque sub pietate. *Est autem quæstus magnus pietas cum sufficientia.* Ostendit quisnam sit verus quæstus, scilicet pietas, cui debetur cælum, nimirum ipsa religio, qua homo Deum honorat, & colit per charitatem & obsequia quælibet. Hic enim

quæstus est longè vberimus. Sed quoniam opus est viuere (nō enim omnes exercere possumus pietatis opera absque victu) ideo adiecit comitē pietatis sufficientiam. Quid est sufficientia, nisi tantum quantum sufficit, & non vltra quicquam? Ergo quod hanc excedit sufficientiam, quæstus est, & non pietas, & pietatem violat. Quod verò nō excedit, cum pietate est, imò ex pietate est: sic enim dicitur pietas, & non est quæstus. Et cum id quod sufficiens est, habetur per humilitatem & abiectiōnem mendicitatis, certè magis ex pietate est, cum hoc sit humilitatis, quando homo propter Deum, se subiicit huic sorti vilissimæ, quæ est ex mendicato viuere. Postremò ridiculum est quod cōcedit Caietanus posse quidem alium pro alio mendicare, pro se ipso autem non posse. Nam si mendicatio malum est propter rapinam, quantò magis prohibenda ne pro alio fiat? Et si bonum est propter humiliationem, quantò id etiam melius pro se agatur? Et præter hæc: Quid quæso interest, ut quid fiat per se, an per alium, modò idem resulter vel boni vel mali ex facto? Si enim solus quæstus attenditur, & tanquam non ex pietate proficiens vituperatur, semper vituperio dignus erit. Sed nō opus immorari in his, quæ manifestè contra ipsam pietatem pugnant.

*Abstine te ipsum à talibus.* Hoc in Græcis legitur: interpositum tamen est ante hanc sententiam, *Est autem quæstus, &c.* Et significat quod alibi interpret expressit, Deuita eos qui huiusmodi sunt, ut etiam deuitentur ab aliis velut impij. Non enim tolerantur di sunt qui contra veritatem legis fidei docent. Et quos deuitat episcopus, suo facto signat vitandos quoque esse ab ipsa plebe. Quid ergo mereretur inferi Episcopi qui communicant & conuersantur cum hæreticis: imò ipsi hæretici sunt, hoc est, lupi quibus credite sunt oues Christi? *Nihil enim intulimus in hunc mundum, &c.* Alius idem dixit: Nudus egressus sum de utero matris meæ, & nudus reuertar illuc. Hoc verbo significans non esse naturale intendere bonis quæ nec nobis natura insunt, nec nos hinc abeuntes comitantur. Quid igitur frustra laboramus & congregamus, ignorantes quibus congregemus? Thesaurizar, inquit propheta, & ignorat cui congregabit ea. Longè esset satius relinquere liberos & affines aliqua penuria laborantes, quàm diuitiis affluentes. Intrāt in labores aliorum, qui cum non sint experti quanto sudore acquirantur facultates, conuiujs, luxurijs & aleis breui tempore consumunt omnia. Quibus si relictæ fuisset à parentibus sollicitudo victus quaritandi, fortè nec ista amisissent, nec æterna. *Habentes autem alimenta, &c.* & meritò. Quicquid enim amplius est, superfluum est. O vani filij hominum & duri corde qui tanti faciunt vestium apparatus. At proprio nomine non dignatus est Apostolus, sed quibus tegamur, ait: Verè satis est vel vilibus carnem tegi mox terram futuram, & vermium escam.

*Nam qui volunt diuites fieri.* Volētes ditari notat, non qui diuites sunt, sed qui hūc animi nervos tēdūt, *Incidunt in tentationē & in laqueū diaboli.* Tēratio non mala est, nisi in eam nostra culpa incidamus, & imparati inueniamur ad resistendum: alio qui bona est & magni meriti tēratio. Nam qui nō est tentatus quid scit? Ipse igitur homo est qui sua culpa

Luc. 18.

Job 1.

Ecl. 34.



culpa dat locum tentationibus otio torpens, vel negotio malo deditus: vt si quis curiosè agat, nec ea curet quę suarum sunt partium. Diabolus enim diligenter obseruat nos, & cum non inuenit hominem occupatum in operibus bonis, aggreditur & obruit. Item si in tribulationibus constitutus non deprecatur, intrat facile in tentationem. Ideo dixit Dominus in tempore persecutionis magnę: Orate, vigilate, ne intretis in tentationem. Si etiam in prosperis non agit gratias, nec se tãto magis humiliat, incidit in tentationem superbix, elationis, & huiusmodi. Si habet scandalum ab oculo & non fugit, & non amputat sibi oculum, & ita manum, & ita pedem, & si quid aliud quod obstat veritati, intrat in tentationem. Sic homo qui vult fieri diues intrat in tentationem furandi, rapiendi, iniuste agendi, aduocatione, procuratione, mercimoniis, autoritate & potestate tyrannica: Vnde sequuntur mendacia, periuria, fraudes, iniurię, violentia, quibus omnibus homo dat locum volens fieri diues. Id verò quamobrem? Quia id vult quod nocet, quod est plenum insidiis & laqueis. Vnde sequitur, & in laqueum diaboli. Hic enim laqueos strictos tēdit, quibus ita comprehendit pedes vt nequeant abire, aut collum vt strangulentur, & desideria multa, inutilia, & nocua. Certè homo, qui ad diuitiarum cumulum tendit, incipit habere oculum ad domum proximi sui, aut ad vineam, aut ad oliueta & agros, & vult illos siue vi seu iniuria, aiens intra se: Vnde habeas quærit nemo, sed oportet habere. Tu verò audi quam seuerè in eos propheta inuehatur: Væ qui coniungitis domum ad domum, & agro agrum copulatis vsque ad terminum loci. Nunquid habitabitis vos soli in medio terræ? Memento Iezabel quæ significat insulam sterquilinię: aut væ sterquilinio. Verè enim sterquilinium est diuitiarum cupido, quod per Iezabel significatur, quæ suadet Achab malum contra Dominum: lege libros Regum. Dicit autem, desideria multa, quia: Crescit amor numi, quantum ipsa pecunia crescit. Dicit, inutilia, quia quod superfluum est, inutile est. In Græcis tamen legitur, & vana, id est, irrationabilia. Nam ratio repugnat vt ea quæ sub nobis sunt, nobis imperent. Dicit, & noxia, quæ etiam quoad mundum ferunt secum difficultates, labores, anxietates, lites, inuidias, & innumera mala, quæ mergunt hominem in interitum & perditionem. Vide quàm aptè dicat, mergunt. Dominus dixit: Et suffocant verbum. Sicut enim suffocant veritatem verbi, ita & homines mergunt, vt non valeant euadere propter ipsum peccatorum pondus quod secum ferunt, & affectus terrenos: quia curuatus est homo, nec potest sursum conspiciere. Aurum est materia laborum, periculum possidentium, virtutum exilium. Aurum malus dominus, proditor seruus. Aurum plus cruciat apud quem copiosius fuerit. Insidiæ sunt in diuitiarum amplitudine, insidiæ in paupertatis cupidæ angustis. Illæ eleuant ad superbiam: hæ incitant ad querelam. Laqueus sunt in securitate, laqueus in timore. Nec interest vtrum animus, qui terreno tenetur affectu, gaudiis occupetur an curis, cum par morbus sit vel sub vna delectatione languere, vel sub anxia sollicitudine laborare. Auri cultus securitatem non habet, nescit quietem: &

cui deest securitas, quomodo potest adesse quies? Hæc melius norunt qui diuitias perditè amant. Et licet sentiant verum esse quod Apostolus subiunxit, non tamen hanc pestem fugere volunt. Radix enim (inquit) omnium malorum est cupiditas. Facile enim esset vim huius radices videre, si consideraremus in multa exempla, & quomodo multi eam cupiditatem appetentes, id est, ea quæ ista cupiditas monstrat corruerunt. Sic & spes pro rebus speratis, & cupiditas pro rebus concupitis, accipitur. Errauerunt a fide, & inseruerunt se doloribus multis. Non opus est ad hoc probandum multis historiis. Assidue enim hoc in humana vita contemplari licet, & ante ipsos oculos exempla conspiciere: quamobrem velut rem pestiferam & perniciosissimam vult à Timotheo vitari. Est enim in Episcopo præcipuè execranda.

Tu autem, ô homo Dei, hæc fuge: secta re verò iustitiam, pietatem, fidem, charitatem, patientiam, mansuetudinem. Certa bonum certamen: apprehende vitam æternam in qua vocatus es, & confessus bonam confessionem coram multis testibus. Præcipio tibi coram Deo qui viuificat omnia: & Christo Iesu, qui testimonium reddidit sub Pontio Pilato, bonam confessionem, vt serues mandatum sine macula irreprehensibile vsque in aduentum Domini nostri Iesu Christi: quæ suis temporibus ostendet beatus & solus potēs, Rex regum, & Dominus dominantium, qui solus habet immortalitatē, & lucem inhabitat inaccessibile, quem nullus hominum vidit, sed nec videre potest: cui honor & imperiū sempiternum. Amen. Diuitibus huius sæculi præcipe, non sublimē sapere, neque sperare in incerto diuitiarum: sed in Deo viuo (qui præstat nobis omnia abundè ad fruendum) bene agere, diuites fieri in bonis operibus, facile tribuere, communicare, thesaurizare sibi fundamentum bonum in futurum, vt apprehendant veram vitam. O Timothee, depositum custodi, deuitans prophanas vocum nouitates, & oppositiones falsi nominis scientiæ, quam quidam promittentes, circa fidem exciderunt. Gratia tecum. Amen.

Tu autem, ô homo Dei, hæc fuge, ab iis longissimè recede. Certè homo Dei non potest esse in iis quæ à Deo multum distrahunt: quale est avaritiæ peccatum, quo si mens semel infecta fuerit, ita grauem reddere solet, vt ad sublimia appetenda attolli non possit. Vnde quidam rectè: Nihil tam angusti animi quàm amare pecuniam. Quanto igitur pudore suffundi debent inter alios quidē prælati, quos hæc teterrima cupiditas ita possidet, vt sæculi hominibus auidius congerendis numis inhiant? Et tamen fugienda sunt hæc omnia, & ad



veras diuitias aspirandum, quas ostendit Apostolus, addens: *sectare vero iustitiam, &c.* Notæ sunt virtutes quas enumerat, & alibi explanatæ. Fidei certamē dicitur omnis conatus & pugna quæ propter cœlestia suscipitur, *Apprehēde vitam æternam*, id est, regnum cœlorum quod vim patitur, & à violentis rapitur, non à desidiis & tepidis, *in quam & vocatus es, & confessus bonam confessionem*, Melius, bonam professionem. Ego puto Timotheum renuntiasse omnibus bonis mundi huius solemniter. Id enim fiebat à plurimis, vt de huiusmodi confessione, seu professione loquatur hîc Apostolus. Aut fortè episcopalem professionem dicit: *Præcipio tibi coram Deo, qui viuificat omnia*, id est, cuius est viuificare omnia, cum sit ipse vita; Et viuificat quæ digna sunt vita, & Christo Iesu qui testimonium reddidit sub Pontio Pilato, &c. Testimonium profecto reddidit veritati, quod ipse confessus est verbo primum, dum Pilato interroganti respondens, ait: Ego in hoc natus sum, & ad hoc veni in mundum, vt testimonium perhibeam veritati. Et factum, dum ob veritatis prædicationem mortem est acerbissimam perpeffus, & mortem crucis. Vnde Iudæos increpabat: Si veritatem dico vobis, quare nō creditis mihi? *Vt serues mandatum*: Fortè mandatum prædicationis intelligit, quod accepit in episcopatus professione, quod omnino seruandum est. Aut absolutè mandatum vocat omne quod Christo tenemur seruare. Nam mandatum nostrum Christus est, & charitas, vt diligamus nos inuicē, sicut ipse dilexit nos, *sine macula in reprehensibile*, seruat autem mandatum hoc sine macula irreprehensibile, qui & pietatē in Deum, & iustitiam in proximum, & moderationem in seipso custodit, *usque in aduentum Domini*, siue apparitione, quando tibi apparebit iudex. Nam perseverantiam desiderat Apostolus, & opportunè quidem ac merito. Opus enim erat maxima animi magnitudine vt posset Timotheus ætate iuuenis, & fortassis natura meticulosior, in illa ciuitate intrepidè euangelicam fidem tueri, vbi tot erant inuidi & maligni homines, qui vel auaritiæ dediti, vel falsorum Deorum cultum acerrimè defendentes, negotium facessere Præsuli non desistebant. Nam legitur in Act. quantam seditionem concitauerint artifices ob sublatum quæstum, qui ex templo magnæ Diæ proveniebat. Et licet sedata fuerint post omnia: non propterea dormit antiquus hostis, quin nouas semper moliatur insidias, præsertim cum animaduertit regnare inculpatæ vitæ superiorem. Propterea adhibet hîc Apostolus ad Timotheum tantam adiurationis efficaciam, vt intelligens rei gravitatem & obligationem non torpeat: & item proposito apud Deum æterno præmio, laboris & periculorum magnitudinem maiori alacritate subeat. Non enim deerit promissis Deus, qui & hîc adiuuabit, & in futura vita coronabit. Et hinc potest elici, quod Dominus Iesus apparebit vnicuique, cum non erit amplius tempus operandi, & seruandi mandatum, *quem suis temporibus ostenderit*. Christum ostendendum à Patre dicit. Et hoc suis temporibus, id est, quando opportunum erit in oculis suis, tunc apparebit. *Beatus & solus potens*. Honorat autem Patris autoritatem: quia ab ipso procedunt omnia, & ipsemet Filius & eius confessio,

& quicquid est habet authorem Patrem. Ipse enim Pater dixit: Et clarificaui, & iterum clarificabo. Clarificauit enim iam illum in persona eius. Clarificabit præterea in toto corpore suo quod est ecclesia, dum præmio bonos afficiet, malos autem male perdet. Vocat & beatum: vt cui naturaliter & per se competat beatitudo. Vocat solum potentem, vt superius dictum est. *Rex regum, & Dominus dominantium*. Vocat Regem regnantium, & Dominum dominantium: quia ipse est rex verus & dominus, qui à nullo regitur, & sine quo nullus regit. Nam per illum regit & dominatur quicumque regit & dominatur, vt scriptum est: Per me reges regnant: & conditores legum iusta decernunt. *Qui solus habet immortalitatem & lucem habitat inaccessibilem*: quam & nos per gratiam habituri sumus. Ille solus habere dicitur immortalitatem: quia ex seipso habet, non aliunde: Et lucem habitare inaccessibilem, quia nullus ad eam suis viribus potest accedere. Nam quum accedemus, assumemur & trahemur ab illo, non nostris viribus, sed illius muneribus. *Quem nullus hominum vidit*. Qui enim vidit, iam non est homo, sed supra hominem, sed nec videre potest, quia hoc repugnat homini in conditione humana existenti. Illi igitur merito reddendus est ab omni creatura honor & imperium sempiternum. Amen.

*Diuitibus huius sæculi præcipe, non sublime sapere*. Superius admonuit ac deterruit volentes fieri diuites. Nunc opportunissimum præceptum diuitibus huius sæculi adiungit, primum, *non sublime sapere*, id est, non alia meditari ad dominationem & superbiam vitæ. Nam diuites per diuitias suas discernuntur ab aliis: & quibus sunt numi in arca, facillime tales instantur, & reliquos spernunt: & generosus est animus qui inter diuitias morbo superbiæ non laborat. Contra quos vehementer exclamat, & merito B. Iacobus: quoniam iudicium hoc malum est & contra Deum, qui potius elegit pauperes. Non enim ex terrena substantia homo est æstimandus, sed animi virtutibus. Addit: *Neque sperare in incerto diuitiarum*. Vocat diuitiarum incertum eleganter: quia non sunt stabiles. Modo enim ad hunc, modo ad alterum deuoluntur, *sed in Deo uiuo*, in quo, & à quo est verum bonum sperandum, qui præstat nobis omnia abunde ad fruendum, id est, qui omnia nobis abundè præstat quæ faciunt ad sclicitatem, qua sola fruimur, *bene agere*, Græcè legitur, *& videri*, id est, operari bonum. Et hoc iungitur cum eo quod prædictum erat: Præcipe diuitibus, inter quæ & hoc est, bonum scilicet operari, nimirum vitam æternam, quam bonis operibus nobis operamur: vnde adiungit, *diuites fieri in operibus bonis*. Non in sola fide, in qua non consistunt diuitiæ integræ, *Facile tribuere*, Hilarem enim datorem diligit Deus, *communicare*, Propriissimè dictum. Nam reuera nihil est cuiquam proprium, sed communia omnia putanda sunt vero Christiano.

*Thesauri facere sibi fundamentum bonum in futurum*, æternam vitam, vt habent nonnulli Græci codices. Christus ipse Dominus noster est qui postulat, quasi ita diuitibus loquens: Da mihi ex iis quæ prior tibi dedi. De meo quæro: da, & redde. Habuisti me largitorem, fac me debitorem, habea te sceneratorum. Temporalia mihi das, æterna tibi

Ioan. 18.

Ibid. 8.

Act. 19.

Pro. 8.

Iaco. 5.

Ex B. An. gusino.



restituam. Si vis esse mercator optimus, scenerator egregius, da quod non potes retinere, ut recipias, quod iam non poteris amittere. Da modicum, ut recipias centuplum. Da temporalem possessionem, ut accipias hereditatem eternam. Hoc est thesaurizare sibi fundamentum bonum in futurum. Nam quæ maior stultitia excogitari potest, quam illic diuitias suas relinquere, unde mox exiturus es: & illuc non præmittere, ubi perpetuo mansurus es? Ergo substantiam tuam colloca, ubi patriam sempiternam habes. Et hic locus penitus iugular hereticos, qui tanta impudentia contra omnes passim scripturas non veretur negare vitam eternam bonis operibus reddi.

O *Timothee*, depositum custodi, id est, talentum quod tibi creditum est, ut reddas de eo rationem. Aut forte depositum vocat donum iustitiæ, quod exercere debemus ut fructificet Deo, *Deuitans* pharnas vocum nouitates, seu vanitates. Nam Græci codices hac in parte variat. Et certe in nouitate vocum circa theologiam est sæpe scandalum, & perniciofa contentio. Quare & loquendi modus ab hereticis nouis introductus de imputata iustitia, de historica fide, cum sint nouæ voces & prophane, quibus sacri Theologi nusquam vtuntur, vitandæ omnino sunt, atque reprobandæ. Addit: *Et oppositiones falsi nominis scientiæ*, seu falso nominatas scientias. Erant qui scientiam quandam profitebantur, quam opponebant in Christum. Putant verò quidam Apostolum de Cabalistica loqui. Nam alia


non occurrit quæ falsum nomen haberet scientiæ, & militet in Christum, *quam quidem promittentes* (seu profitentes) *errauerunt à fide*. Facile erratur à veritate fidei, sequendo falsam scientiam. Proposuit olim Ioan. Picus Comes Mirandulanus inter plurimas conclusiones, quas exercitij gratia disputandas in vniuersitatibus publicauit, hanc à Criticis subnotatam. Nulla est scientia quæ nos magis certificet de diuinitate Christi, quàm Magia & Cabala. Quæ conclusio iam multis modis ut falsa & scandalosa ac reprobabilis, à doctis doctè est reprobata, etiam post eiusdem viri Apologiam, ita ut non sit opus amplius disputare. Illud tamen vehementer sano iudicio illi obstat, quod nullus Apostolorum, nullus doctorum quos commendat ecclesia, hanc nobis scientiam vel tradidit, vel commendauit, vel quicquam de illa innuit: ut sit mirabile, si esset ad tantam notitiam adeo utilis, fuisse silentio sepultam. Quare curiosè & non satis sobriè ab illo viro alioqui literato, & admirabiliter pro ætate perito, hæc & alia quædam iuuenili ardore prolata sunt. Quin etiam (ut ipsius Nepos testatur in suis libris) ipsemet Picus hanc conclusionem damnauit postmodo saniore ac meliore iudicio. Quæ in re dignus est egregia laude. Nā pauci sunt qui velint à semel positis resiliere & recantare. *Gratia tecum*. Hæc salutatio creditur manu ipsius B. Pauli. Benedictus Deus semper. Amen.

## ARGVMENTVM IN POSTERIOREM EPISTOLAM B. PAULI APOSTOLI AD

TIMOTHEVM.

**R**omæ vinculus catenis Apostolus redire ad Timotheum, ut sperauerat, non potuit. Alteram igitur scripsit epistolam qua illum ad se accersuit, cum esset imminentis suæ passionis certus. Ostendit primum tenerum erga charissimum discipulum affectum, rogans ne vllis frangatur aduersis rebus, quin potius paret se veluti strenuus Christi miles ad coronam martirio obtinendam. Vitanda omnino vaniloquia & stultas questiones, sed ante omnia hereticos, iubet. Conditionem futurorum temporum prædicit: quare hortatur ut sana prædicatione opportunè seu importunè instet, & falsis fratribus hominum libidini & aurium pruritui inseruientibus resistat. Persecutionum suarum meminit tantarum, ut ab omnibus derelictus fuerit: sed non ab ipso Deo, à quo de Neronis manibus est ereptus. Ut igitur se mox det in viam, mandat: salutationibus vtrò citroque adhibitis epistolam tandem concludens.

## COMMENTARIA IN EANDEM EPISTOLAM B. PAULI AD TIMOTHEVM.



**PAVLVS** Apostolus Iesu Christi per voluntatem Dei, secundum promissionem vite quæ est in Christo Iesu, Timotheo charissimo filio, gratia & misericordia, & pax à Deo Patre nostro, & Christo Iesu Domino nostro.



**APOSTOLVM** se creatum testatur non propria electione & arbitrio, sed, per voluntatem Dei, Elegit enim Deus quos voluit, & per Spiritum suum sanctum quos ad tanti muneris functionem elegit, omni gratiarum genere opportunatim dignos fecit & repleuit. Spiritus enim liberè sua dona prout vult, citra cuiusquam iniuriam, distribuit. *Secundum promissionem vite quæ est in Christo Iesu*. In hoc enim Apostolus est institutus, ut hanc felicissimam vitam, & illius certamini



promissionem in vniuersum mundum spargeret, quæ nobis in Christo Iesu credentibus, & eius mandata exsequentibus reposita est, interim abscondita, reuelanda cum apparuerit in gloria. *Timotheo charissimo filio.* Vide quanta dulcedine amplexabatur suum Timotheum B. Paulus: erat iuuenis, erat discipulus, erat ab illo consecratus, & tamen videtur omnium obliuisci, sola materna viscera offerens, *charissimo filio*, inquit. Magna sanè Maioribus nostri temporis instructio, ne tot actantis titulis ita saluari delectentur, ut post vereantur verbum emitte re, quod minus grauitatem maiestatemque redeat. Nam dulcis ille & charitate conditus Maiorū ac Seniorum sermo, mirum in modum acuit ingenuos adolescentium animos ad veram laudem, & ad grauiora quæcunque subeunda pericula. Hoc vnum verbū satis (ut ego arbitror) Timotheo fuit, ut ei excuterentur lachrymæ: & ut leuius ferret labores, & sibi demandatam tantam in illa ætate Ephesiorum curam, cum legeret insigne Apostolici erga se amoris eousque charum testimonium, fundati in Christo Iesu, nō in rebus fluxis & breui perituris. Magnum laborantibus solatium, nosse suas operas sub illo Domino reddi, qui quod promissit præstat cum mensura coagitata, conferta, superfluente in sinum eorum, qui in illius gratiam strenuè in militia se vsque ad finem gesserint.

Iuc. 2.2.

Gratias ago Deo meo, cui seruo à progenitoribus meis in conscientia pura, quod sine intermissione habeam tui memoriā in orationibus meis, nocte ac die desiderans te videre, memor lachrymarum tuarum, ut gaudio implear, recordationem accipiens eius fidei quæ est in te non ficta, quæ & habitauit primū in auiā tua Loide, & matre tua Eunice, certus sum autem quod & in te. Propter quam causam admoneo te ut resuscites gratiam Dei, quæ est in te per impositionem manuum mearum. Non enim dedit nobis Deus Spiritū timoris: sed virtutis, & dilectionis, & sobrietatis.

*Gratias ago Deo meo, cui seruo à progenitoribus meis, &c.* De more B. Pauli est semp gratias agere: quia semper nouis à Deo & cumulatoribus beneficiis experiebatur se à Deo augeri. Vocat & peculiari ter Deum suum, ad eam intelligētiā quam superioribus epistolis, potissimum ad Rom. attulimus. In Græcis tamen desideratur, *meo*, Adiungit modū quo seruiebat, nimirum, *in conscientia pura*, id est, non maculata per propriam aliquam affectionem malam. Et nihilominus sunt qui putant B. Paulum ignorasse suam innocentiam. Dicit à primogenitoribus, id est (ut ego puto) ab ea die qua genitus fuit in Christo, licet aliqui aliter dicant. Et materiam gratiarum actionis exponens, ait: *Quod sine intermissione habeam tui memoriā, &c.* Et hoc maxime notandum, quomodo gratias agebat ob illam Timothei memoriā, quæ dum orationibus vacabat, redibat illi in mentem, ex qua colligebat benignum Dei erga Timothei salutem beneplacitum. Frustra siquidem non fiebat, ut orans semper illius memo-

riam haberet, Deo sic ordinante & certo volente salutem dare, addit: *Nocte & die*, quod potest ante & superiori dicto, aut ei quod sequitur, sed aptius superioribus. *Desiderans te videre, &c.* Desiderium videndi cum exprimit magnum ut gaudio imple retur, eo quod memor esset lachrymarum ipsius, videlicet quando diuisi sunt corpore: & quod recordaretur eius fidei quæ erat in illo sincera, sicut fuerat in auiā Loide, & in matre Eunice, cuius rei certam habebat persuasionem. Fœlix Timotheus tantum patronum apud Deum nactus, quantus erat B. Paulus, cuius precibus quid poruisset diuina bonitas denegare? In magna item fœlicitatis parte debent reponere liberi, si piis ac probis sint nati parentibus. Deus enim in gratiam parentum multa filiis pecuniaria dona largitur, quæ ob vitiosos retinere solet. Vnde toties scriptura meminit, propter Abraham, propter Iacob, propter David. Hoc carnales patres non cōsiderant, mirum in modum anxij ut relinquant multam filiis per fas & nefas supellectilem: quantum verò vel ipsi in Dei timore, vel filij proficiant, nulla cura. Satis est ad vanitates & luxum mundanum omni conatu & cogitationibus contendere, postpositis quæ ad pietatem, & veram fidei & charitatis integritatem pertinent. Inde oriri videmus corruptionem ciuitatum, quando periit paterna erga filios institutio, & matrum ad filias pudicitia exemplum. Vide quantū Timotheo cōtulerit auiam habuisse & matrem fide non ficta prædita. Tam breui tempore cura parentum profecit, ut mereretur adolescens prouchi ad tantam dignitatē, & tam arduam prouinciā regendi Ephesianam ecclesiam: & tum demum post varios labores, & singularem abstinentiæ obseruantiam, ad cœleste regnum per martyrium fœlicissimè conscendere. Sequitur:

*Propter quam causam, &c.* Admonet ne donū Dei sopitum & otiosum teneat, sed & exuscitet & exerceat. Græcè enim legitur, ἀναζωοποιέω. Et rationem profert: *Non enim dedit nobis Deus spiritum timiditatis (sive ignauia) sed virtutis, & dilectionis, & sobrietatis.* Potentiam seu virtutem dixit. Græcè enim legimus δυνάμεις, ut potestatem intelligas operandi datam à Deo. Et dilectionem adiunxit, ut in actum illam potentiam adduceremus: quoniam qui diligit operatur. Charitas enim otiosa esse non potest, sed semper quærit aliquid agere quod sit gratum dilecto. Adiecit, & *sobrietatis*, ut etiam excessum prohiberet, ne quid supra mensurā fidei audeamus. Sunt enim qui tendunt quod non pertingunt, qui plus sapere volūt quàm oporteat sapere, & non sapere ad sobrietatem. Si pro suis viribus infans alatur, fiet ut crescendo plus capiat. Si autem vires sui captus excedere voluerit, deficiet antequā crescat. At sobrietas temperat omnia, ne quid nimis.

Noli itaque erubescere testimonium Domini nostri, neque me vincitū eius: sed collabora Euangelio secundum virtutem Dei qui nos liberauit, & vocauit vocatione sua sancta, non secundum opera nostra: sed secundum propositum suum & gratiam, quæ data est nobis in Christo Iesu, ante tēpora sæcularia. Ma-



nifestata est autem nunc per illuminatio-  
nē Saluatoris nostri Iesu Christi, qui de-  
struxit quidem mortem, illuminauit au-  
tem vitam & incorruptionem per Euan-  
gelium: in quo positus sum ego prædica-  
tor & Apostolus, & magister Gentium.  
Ob quam causam etiam hæc patior: sed  
non confundor. Scio enim cui credidi, &  
certus sum, quia potens est depositum  
meum seruare in illū diem. Formam ha-  
be sanorum verborum quæ à me audisti  
in fide, & in dilectione in Christo Iesu.  
Bonum depositum custodi per Spiritum  
sanctum qui habitat in nobis. Scis enim  
hoc, quod auersi sunt à me omnes qui in  
Asia sunt: ex quib⁹ est Phygellus & Her-  
mogenes. Det misericordiam Dominus  
Onesiphori domui: quia sæpè me refrige-  
rauit, & catenam meam non erubuit: sed  
cū Romam venisset, sollicitè me quæsi-  
uit, & inuenit. Det illi Dominus inueni-  
re misericordiam à Domino in illa die.  
Et quanta Ephesi ministravit mihi, tu  
melius nosti.

*Noli itaque erubescere testimoniū Domini nostri, neque  
me vinculum eius, &c.* Admonet igitur ne erubescat  
testimonium Domini Iesu, id est, ne vereatur testi-  
ficari de veritate crucis, videlicet patiendo oppro-  
bria, infamiā, & omnem crucem, vbi opus fuerit.  
Et vt simul testificetur de Apostolo, catenis pro-  
pter Christum constricto: sed vt simul cum illo la-  
boret in euangelio, videlicet, prædicādo verbo, &  
patientia, & virtute simul testificādo eius veritati,  
iuxta potentiam sibi à Deo datam, qui saluos eos  
fecit, & vocauit non quauis vocatione, sed illa san-  
cta, id est, mūda & firma: non communi aliorum,  
sed quadam speciali vocatione qua vocātur electi.  
Et ne credat quisquam hoc propter præcedentia  
opera contigisse, id Apostolus excludit, dicens:

*Non secundum opera nostra, sed secundum propositum  
suum & gratiam, quæ data est nobis in Christo Iesu ante  
tempora sæcularia, i. ante mundi constitutionē. Et in  
Christo Iesu sublimiter: quia in Christo quidā ex-  
cellenter aptati sunt & prædestinati, vt essent con-  
formes illi in gloria. Tēpora ergo sæcularia vocat  
tempora huius sæculi, quæ cœperunt à primo die  
quando facta est lux, & motus cœlorum incēpit.  
Sæcula enim erāt antè non sæcularia, sed intelli-  
gibilia. Erat enim æuum tantū cum essent Angeli, &  
cœlum illorū: sicut & nos alibi suo loco declarau-  
mus. Et tunc etiam promisit illis Deus sese daturū  
nobis, vt ad Titū scribit, dicens de vita æterna Chri-  
sto Iesu, quod promisit illam Deus ante tēpora sæ-  
cularia. Si enim promisit, certè alicui aut aliquib⁹  
promisit. Sed ante hæc tēpora non erant nisi Ange-  
li: illis ergo promisit. Manifestata est autem nunc per  
illuminationē (sive apparitionem) saluatoris nostri Ie-  
su Christi, qui destruxit quidem mortem, &c. Vtrāque  
mortē destruxit Christus in meritis. Nam corpora-  
lis quidem mors destruetur nouissime in effectu*

per resurrectionem vniuersalē. Porro mors animæ  
iam destructa est: quoniā recipientibus euangelium  
dedit vitā, & illā illuminauit, vt appareret ex cruce  
sua, & resurrectione; & ceteris fidei nostrę mysteriis.

*Ob quam causam etiam hæc patior, sed non confundor.  
Scis enim cui credidi, &c.* Ob euangelium pati se asse-  
rit, sed minime confundi: quia nouit cui credidit,  
id est, cui commisit seipsum & sua, id est, corpus &  
animam velut in depositum, vt aliquando recipiat  
sibi, id est, ad fruendum voluntate sua: iuxta quod  
scriptum est: Qui perdiderit animā suam propter  
me, inueniet eam. *Formam habe sanorum verborum,* Ioan. 12.  
*&c.* In mysteriis fidei non solum considerandum  
est quid dicas, verum etiam quomodo dicas, vt ver-  
ba sint ordinata & sana in fide & dilectione in  
Christo Iesu: quia in illo omnia radices agunt, vt  
coalescant. *Bonum depositum custodi, &c.* Talēta Dei  
nobis credita exercere debemus, ne amittātur. Ser-  
uanda sunt enim non secus ac depositum quod est  
à nobis custodiendum, vt suo tempore repenti  
Deo reddatur, idque cum scēnore. Custodimus au-  
tem hoc depositum (vt dictum est) exercēdo illud  
per opera bona. Bonum ergo depositū vocat gra-  
tiam & dona quæ per Spiritum sanctum sunt nobis  
collata, habitantem in nobis: quod bonis ope-  
ribus seruat, augetur, & perficitur, iuxta quod  
scriptum est: Omni habenti, id est, bene vtenti da-  
bitur & abundabit. Contra autem habenti & non  
exercēti eueniet, à quo auferetur quod videbatur  
habere, postquam neglexit augere. *Luc. 19.*

*Scis hoc quod auersi sunt, &c.* Phygellus fugitiuum  
significat. Hermogenes, mercurij genitum, id est,  
loquacem, mendacem, vt mercimoniis intentum,  
aut facundiā: vt sit illi virtus magis in sermone,  
quàm in opere. Hi sunt qui doctrinæ B. Pauli ob-  
stant, & ab illa auertunt seipsos, primū fugitiui  
qui ab ecclesia fugiunt, & relinquunt baptismi vo-  
tum: aut etiam vota insuper quæ vouerunt, Deo vi-  
tam regularem profitentes, & se castrates propter  
verbum Dei & regnum, ac deinde facti apostatæ,  
quorum numerus hodie vix numerari potest. Et v-  
tinam omnes ficti abirēt, qui alios inficiunt simul  
versantes, & ita perniciosius contaminantes. Satis  
est enim vnus scabies ad corrumpeudum totum  
ouile. Vel si non inficiunt, molestia tamen multa  
superiores afficiūt, quibus plus exhibet negotij cu-  
stodia vnus, quàm totius rectē viuētis societatis  
gubernatio. Propterea Apostolus ad Gal. perpen-  
dens quorūdam nequitiam & plurimum dolens,  
tanto spiritu aiebat: Vtinam & abscindantur qui  
vos conturbant. Si enim abscisi essent à radice, no-  
xios humores non transfunderēt in teneriores ra-  
musculos per mala vitæ exēpla, & peiora doctrine  
falsæ dogmata. Nulli enim sunt inter omnes cau-  
tius obseruādi, quàm ij qui sub Christi pallio ope-  
rationes satanæ exercent. Nā & satanas versipellis  
non vna tantum arte quieto atq; tranquillo bono-  
rum & piorum statui insidiatur. Circuit vndique,  
nec est locus vbi decipulas non tendat ad ruinam  
nostram. Cum quo omnes heretici semper fœdus  
inierunt, vt sæculo potiantur isto, & sanctos homi-  
nes affligant. Et tales conqueritur Apostolus fuisse  
à sua societate auersos. *Det misericordiam Deus O-  
nesiphori domui, &c.* Vide vt hoc in loco Apostolus  
docet quid deceat seruos Dei, qui amore Christi



Matt. 5.

hospicio recipiuntur, videlicet implorare pro eis misericordiam illam Domini, & beatitudinis promissionem. Beati misericordes: quoniam ipsi misericordiam consequentur. Sic facit B. Paulus, qui non solum pro eo id rogat, sed pro tota eius domo, à qua benignè fuerat tractatus. Ingens illius Onesiphori laus, & magnum apud Deum meritum, qui suis facultatibus, & corporis presentia animi Apostoli refocillauit, non erubescens crucis ignominiam: sed anxie inuestigauit Romæ vbinam Apostolus esset, & tanto amore inuisit & recreauit.

CAP. II.



V ergo fili mi, confortare in gratia quæ est in Christo Iesu: & quæ audisti à me per multos testes, hæc commenda fidelibus hominibus, qui idonei erunt & alios docere. Labora sicut bonus miles Christi Iesu. Nemo militans Deo, implicat se negotiis secularibus, ut ei placeat cui se probauit. Nam & qui certat in agone, non coronabitur nisi legitimè certauerit. Laborantem agricolam oportet primum de fructibus accipere. Intellige quæ dico: dabit enim tibi Dominus in omnibus intellectum. Memor esto Dominum Iesum Christum resurrexisse à mortuis ex semine David, secundum Euangelium meum, in quo laboro usque ad vincula, quasi male operans: sed verbum Dei non est alligatum. Ideo omnia sustineo propter electos, ut & ipsi salutem consequantur, quæ est in Christo Iesu, cum gloria cœlesti.

**T** ergo fili mi confortare, seu inualesce. Hortatur ut fiat robustior in gratia: quod potissimum fit, dum qui gratiam à Domino accepit, non sinit languescere, sed excolit sollicitè ad maius semper incrementum. Gratiam in Christo Iesu esse sitam frequenter commemorat, ne nos in nobis ipsis gloriemur, sed recognoscamus fontem, unde hauserimus quicquid in nobis est virtutis. Subdit, per multos testes, audiuisse illum quæ erant Dei: quoniam quæ Apostolus dicebat, multis testibus comprobabat, videlicet patientia & tolerantia passionum, vita bona & sancta, item signis atque doctrinis. Hæc commenda fidelibus hominibus qui idonei, &c. Iubet commendari doctrinam, fidelibus, id est, iis qui rem Domini fideliter acturi sunt, iuxta illud: Fidelis seruus & prudens. Hoc enim benigna Dei fit prouidentia, ut nonnulli discant non solum propter se, sed ad aliorum quoque doctrinam. Labora sicut bonus miles Christi Iesu. Militia est vita hominis super terram, præsertim eorum qui ut aliis intendunt, & ab hostium incursum protegant, electi sunt. Oportet igitur bonos esse & strenuos milites, qui non simplices sunt milites, sed & militum & totius exercitus duces, & id aduersus infensissimos hostes. Fortium itaque militum est variis affligi laboribus, & innumera mala sufferre ac pati. Item instantè incumbere iis quæ ad militiam atti-

nent & ad victoriam, abiecta omni cura circa corporis & vitæ anxias necessitates, ideo ait:

*Nemo militans Deo*: Ita legitur in vulgata editione. At emendatius in Græcis simpliciter & absolute legitur, *Nemo militans*, ac si dixerit. Si miles huius sæculi istud obseruat, ne se implicet negotiis secularibus, ut ei placeat qui delectum ipsius habuit, id est, Imperatori suo ac duci, quanto id magis cauere debet miles summi Imperatoris Dei? Adiecit & aliam similitudinem in agone certantis. Nam & qui certat in agone non coronabitur, &c. Ut enim propositam coronam obtineat, legitimam oportet præcedere concertationem, id est, eam quæ est iuxta pacti conditiones. Non satis enim est certasse, nisi secundum indictas & præscriptas leges certatum sit. Addit & aliam similitudinem: Laborantem agricolam oportet primum, de fructibus accipere. Sensus est: Oportet agricolam percipere de fructibus, laborantem tamen primum, id est, si modo prius laborauerit, ut sit in spe labor, & labor præcedat fructuum collectionem. Non melius aliter intelligere. Sed si parumper subtilius aduertatur, illorum sensus est parum illustris, nec ad propositas comparationes & accommodationem satisfacit. Et Græca lectio huic nostro verius astipulatur.

*Intellige quæ dico: dabit enim tibi Dominus*. In Græcis non legitur, dabit, sed, det. Modus tamen est loquendi quasi propheticus. Imperat enim ut intelligat, ac simul prænuntiat ita fore, ut daturus sit illi Deus intellectum. Non enim est precari ut det (licet hoc Græca lectio innuat potius) sed hoc omnino futurum probatur ex desiderio, atque prædicatur. Rectè igitur vertit interpret noster, dicens, *Dabit enim tibi Dominus*, & non, det. Nam hic præcandi modus fauorem potius atque expressionem continet in futurum inclinantem.

*Memor esto Dominum Iesum Christum resurrexisse à mortuis*. Articulum fidei nostræ valde necessarium, & quem tunc Hymenæus & alij impugnabant, confirmat de resurrectione Christi: unde omnium resurrectio probatur, secundum euangelium meum. Vocat euangelium suum iam comprobatum ab Apostolis ut verum. Erant autem & alij qui suum habebant euangelium, sed falsum. Nam plura tunc euangelia prædicabantur, cum tamen vnicum esset: sic & modo faciunt noui Euangelistæ. Ex semine David, Inducit Iesum natum secundum carnem, ut astruat resurrectionem eius possibilem ea parte qua homo erat. Dicit se laborare in hoc euangelio: quia de huius resurrectionis prædicatione ipse criminationem patiebatur à Iudæis & Gentibus. Et laborare pro affligi assidue ponit. Et quod legimus, *Quasi male operans*, Græcè significantius, *non otiosus*, id est, scelestus & facinorosus. Sed quantumuis esset catenis vinctus, linguam tamen solutam possidebat ad promouendum euangelium.

*sed verbum Dei non est alligatum*. Quidam stulti ad præsumptionem suam tutandam detorquunt istud Apostoli dictum, omnino volentes (etiam si missi non fuerint) prædicare tamen, in suam perniciem hoc loco abutentes, quod verbum Dei non est alligatum, nescientes non esse verbum Dei, quod per ora impia & prophana, & contumacia profertur. Omnia enim ordinate fieri debent in ecclesia, ut ait Apo-

Luc. 12.



1. Cor. 14.  
Lnc. 4.

stolus. Et Christus silentium imposuit diabolo, ne loqueretur verbum Dei. Quis vnquam legatione fungi pro Rege auderet sine magno scelere & grauissima punitione, si ab eo missus non fuerit? Eleganter autem dixit Apostolus verbum Dei non esse alligatum ex parte sui ipsius, cui data fuit ab initio prædicandi autoritas, cum tamen ipse esset alligatus: vt in hoc Dei operationem agnoscere-mus, intendentis ad aliorum fructum, & maius ad huc prædicationis eius testimonium, cui ipsa etiã B. Pauli vincula attestabantur. Nam fortius est verbum quod prædicatur in vinculis, & vsque ad extremum vitæ spiritum. Si igitur consideretur huius loci germanus sensus, nec apparenter quidem fauer iis, qui propria autoritate sibi arrogant prædicandi officium.

Ideo omnia sustineo propter electos, &c. Apostolus non iam pro se tantum laborare, sed etiam propter electos se id facere testatur, & eorum salutem quæ est in Christo cum omnium beatorum communionem. Et vocat electos illos, quos segregare Deus dignabatur à iam reprobis, qui se ipsos euangelio indignos constituiebant: quales erant Iudæi, & plerique ex Gentibus, de quibus iam actum erat, & Dominus ipse iudicarat eos indignos notitia veritatis propter ipsorum superbiam & contemptum. Non ergo per electos hoc in loco intelligit prædestinatos, vt & alibi superius annotauimus.

Fidelis sermo. Nam si commortui sumus, & conuiuemus: si sustinebimus, & conregnabimus: si negauerimus, & ille negabit nos: si non credimus, ille fidelis permanet, negare se ipsum non potest. Hæc commune, testificans coram Domino. Noli contedere verbis: ad nihil enim vtile est, nisi ad subuersionem audientium. Sollicitè autem cura te ipsum probabilem exhibere Deo, operarium incōfusibilem, rectè tractantem verbum veritatis. Prophana autem & vaniloquia deuota. Multum enim proficiunt ad impietatem: & sermo eorum vt cancer serpit: ex quibus est Hymenæus & Philetus, qui à veritate exciderunt, dicentes resurrectionem esse iam factam, & subuerterunt quorundam fidem. Sed firmum fundamentum Dei stat, habēs signaculum hoc, Cognouit Dominus qui sunt sui: & discedat ab iniquitate omnis qui inuocat nomē Domini. In magna autem domo nō solum sunt vasa aurea & argentea, sed & lignea & fictilia: & quædam quidem in honorem, quædam autem in cōtumeliam. Si quis ergo emūdauit se ab istis, erit vas in honorē sanctificatum, & vtile Domino, ad omne opus bonum paratum.

Fidelis sermo, Nam si cum mortui sumus, & conuiuemus, &c. Verissimus sermo, & omni fide dignus, vt si commoriamur cum Christo, videlicet morientes peccato, sicut illud corpus ipsius mortuum

est semel peccato, etiam conuiuemus cum illo. Et si vnā cum illo patiemur, cum illo quoque conregnabimus. Et si negauerimus eum, & ipse negabit nos, iuxta conditionem à se expressam. Qui me erubuerit & sermones meos coram hominibus, & hunc Filius hominis erubescet cum venerit in maiestate sua, & Patris, & sanctorum Angelorum. In hoc autem est differentia: quia si non credimus, ille erit fidelis in verbis suis, qui non potest se ipsum negare. Negaret autem se ipsum si verax non esset. Est enim ipsamet Veritas quæ non fallit. Reddet ergo quæ promisit incredulis. *Hæc commune testificans coram Domino*, videlicet verbo, tanquam maximè vtilia testificans, id est, communiens confirmando vita & moribus, & omni alio testimonio non apparenti coram hominibus tantum, sed coram Deo. *Noli contendere verbis, &c.* Conteditur verbis, quando dicacitatibus & conuitiis tota res agitur, in quibus nulla est prorsus utilitas. Nedum enim altercationibus apparet & elucescit veritas: sed contra, magis inuoluitur, & plerumque amittitur cum graui audientium scandalo. Quocirca prudenter docent, qui cum hereticis verborum apparatu & copia semper supereffluentibus, publicè vetant suscipi disputationes. Nam imperita multitudo facillime decipitur, quæ rationum momenta apprehendere non valens, vbi maiorem verborum multitudinem animaduertit, & linguæ volubilitatem admiratur, & victoriam clamori tribuit non veritati. At inter seruos Dei nulla vigere debet contentio & pugna verborum, sed sententiarum difficultas modesta ad inuestigandam veritatem collatio. Vt semper quæratur veritas, non laus propria.

Sollicitè autem cura te ipsum probabilem exhibere Deo, &c. Homo probatus Deo, magnum quid est? Probari hominem ab hominibus etiam difficile est. Prauum enim (vt ait propheta) est cor hominis & inscrutabile, & quis cognoscerit illud? Sed non est vera probatio ab hominibus: quia iudicium hominum sæpe mendax est, & de occultis non iudicat. Operarius incōfusibilis ille est, qui nihil quod merito offendar, profert siue falsum, siue importunè dictum & non commodè, sed verè omnia, & tempestiuè, & prudenter. Secare autem verbum euangelicæ veritatis nihil est aliud quam rectè frangere, ac diuisim porrigere. Nam pani assimilatur verbum Dei, quod frangi & diuidi, seu secari à tractatore oportet, vt sic manducari valeat. Scriptum est enim: Paruuli petierunt panem, & non erat qui frangeret eis.

Prophana autem & vaniloquia deuota, &c. aut prescinde. Rescindenda vaniloquia admonet, quæ præsertim sunt prophana. Corruptunt enim mentem & mores colloquia mala, & proficiunt ad impietatem: quia sermo talium est veluti cancer, qui grassatur & serpit in carnem corrodingo assidue. Sūt autem carnales homines multi, qui sunt quasi horum colloquiorum pabulum, & deuorantur ab impietate. Ex quibus est Hymenæus & Philetus. Hymenæum nominat & Philetum admodum opportunè ex nominibus. Prior significat Deum nuptiarum, commendans crapulam, & nuptias, & impudicitias. Alter significat amabilem, id est, mundanum. Mundanus siquidem est ipsi mundo amabilis. At eos qui piè volunt viuere in Christo, odiosos esse

Lnc. 9.

Ierem. 17.

Ibid. c. 1.



mundo oportet, & ab illo pati persecutionem, per quam meliorem sperant resurrectionem. Illis autem qui diligunt mundum & carnem, iam facta est resurrectio, qui nihil sperant de vita futura. Et in has tenebras inducit diabolus primum quos à fide catholica per superbiam separat. Hoc tamen ea astutia, ut qui nihil iam credunt, de futura tamē vita impudentius loquantur. Norūt enim viri prudentes, & qui Lutheranorum hæresiarchas scrutati sunt diligentius, eos immortalitatem animæ nō credere, tametsi astutissimē hoc in scriptis supprimant, ne reliquis dogmatibus ob manifestam falsitatem officiat. Inde venerationum Sanctorum repudiant, & quæcunque faciūt ad societatem vitæ cœlestis. Vnde Christi nomen inculcant, quod suam impietatem honestius tegant, ostēdentes se capitis defensores. Sed & ipsum corde negarunt, & foris negant operibus. Qui mores hæreticorū norunt, meam sententiam libenter recognoscent veram. Nam & si Deus excœcauit quosdam sui populi ludæos ob perfidiam: putamus illum in istos orbis Christiani perturbatores, & tot scelerum in Christum, & Matrē, & sanctos omnes & blasphemiarum authores persistere in lumine aliquo futuræ vitæ? Et subuersi sunt ipsi, & fidem penitus amiserunt, & aliorum fidem sequentium corrumpunt. Quid enim rectē intellecta aliud sonat hæreticorum prædicatio, quàm & illorum in quos Apostolus: Comedamus & bibamus: cras enim moriemur? Hanc persuasionem facere mirificē conatur Malignus. Tum vitur homine ad quæcunque impia euomenda, & ad eligēdum pro paradiso istud sæculum. Et tales suo pessimo exemplo, ut ait Apostolus, fidem nonnullorum subuertunt.

*Sed firmum Dei fundamentum stat, &c.* Ne terre-retur Timotheus, tanquā posset ecclesiæ fides deficere, primò asserit fundamentum Dei firmum esse id est, eos qui sunt verē electionis vasa omnino nō posse subuerri. *Habens hoc signaculum, Cognouit Dominus*, id est, dilexit eos, qui sunt sui. Ista electionis vasa, sunt peculiariter adoptata à Domino, qui nouit illa notitia singularis gratiæ & dilectionis, ut subuerri nequeant. At cum non omnes tales sint, additur: *Et discedat ab iniquitate omnis qui inuocat nomen Domini &c.* ac si dixerit: Nouit aliquos Deus, qui stabunt omnino: cæteros relinquit in manu sui liberi arbitrij, ut saluari possint, si velint, licet non tantis præsidij muniti. Timeant ergo & caueant, ne libertate abutantur ad extremam ruinā sibi malis operibus accersendam. *Et discedat ab iniquitate omnis qui inuocat nomen Domini*, id est, Omnis qui se Christianum profiteretur, caueat ne suum locum deferat, & coronam propositam amittat, sicque veniat in iudicium quod tunc fiet. Non veniet autem si discesserit ab iniquitate, & mandato rum viam alacriter cucurrerit. Et ne quis Deū tanquam acceptorem personarum in hoc argueret, quod alios quosdam tam impensē diligit, alios vero non pari amore prosequatur, adiecit:

*In magna autem domo non solum sunt vasa aurea, & argentea, &c.* Ostendit appositissima admodum similitudine amabilem Dei ordinem. Quemadmodum enim pulchrum est & honorificum in domibus regum & principum esse vasa nō omnia vnius generis & pretij, ita in ecclesia varios esse hominū

gradum pulchrum est, & conueniens, & amplitudinem atque splendorem cœlestis Regis demonstrans. Nam in magna domo non omnia vasa sunt argentea, & aurea: sed & nonnulla, quin potius numerosiora, sunt lignea & fictilia propter varios usus: & omnia tamen bona sunt. Ita & in domo Domini Dei hanc ipsam copiam & varietatem saluā-dorum esse requirebatur decentissimē. Itaque si nullo iure licet ut lutum figulo dicat: Quare me fecisti sic? Qua id ratione ausit homo in rebus optimē & sapientissimē dispositis contra Deū? Quodcunque enim facit Deus, bonum est: quamuis nō æquali bonitate sint omnia, sed vnum melius altero. Nonne iniquissima eius esset querela, qui nihil esse vellet minus bonū altero, sed æquē in vniuerso bona omnia? At iam desineret esse illud vniuersum, quod non compleretur omnibus bonis, & istis graduum varietatibus. Sed illud quod additur ponderandum, *Et quedam quidem in honorem: quedam autem in contumeliam*, Molestum sanē si ita applicetur, ut intelligas Deum ab initio absque vllō demerito fecisse vas aliquod in contumeliam. Absit hoc à diuina bonitate. Est igitur intelligēdum omnino, ut istud potius tum faciat Deus, nimirū postquam aliquis se talem reddidit contra ipsius voluntatem peccatis inuolutus, & diabolo tentatori succumbens, & carni, id est, vas contumelia dignum. Tum demum, inquam, post diuturnam sustinentiam vitur ad hoc bonum, ut ostendat in illo iustitiam suam, qui iam promeruit suo proprio peccato & duritia. Poterat enim facere se vas honoris si voluisset. Vide quā mirificē textus iste insequens pro hac veritate quam nos defendimus, faciat: subdit,

*Si quis ergo emundauerit se ab istis, erit vas in honorem sanctificatum, &c.* Clare ostendit in potestate nostra id esse si velimus, videlicet mundare nos ab inquinamentis (quibus efficimur vasa contumeliæ) iuuante Dei auxilio, qui stat ad ostium & pulsat, ut auertatur impius ab impietate sua, & viuat. Alioqui quomodo dixisset: Si emundauerit, si nequeat se emundare? Sed cum sine gratia non possit, certò indicatur Deum nemini subtrahere gratiā, nisi tantum nolenti. Et sicut hinc de isto sumitur, si emundauerit se ab illis inquinamentis futurum illum vas Domino vtile & in honorem: ita & e converso pariter hinc sumitur, si quis contra fecerit, id est, se non emundauerit, fiet vas contumeliæ. In potestate igitur eius erit alterum è duobus euenturum. Dicimus, inquam, de salute quod in potestate eius sit, cum gratiā tamen & auxilio Dei. Sic enim data est nobis potestas filios Dei fieri. Quo in loco iugulantur Lutherani, & quicumque absque demerito introducunt æternam reprobationem.

Iuuenilia autem desideria fuge: se stare verò iustitiam, fidem, spem, & charitatem, & pacem cum iis qui inuocant Dominum de corde puro. Stultas autem & sine disciplina quæstiones deuota, sciens quia generant lites. Seruum autem Domini non oportet litigare: sed mansuetum esse ad omnes, docibilem, patientem, cum modestia corripientem eos qui resi-

Nullū vas contumeliæ, nisi propria culpa.



stūt veritati: nequādo Deus det illis pœnitentiam ad cognoscendam veritatem, & respiscant à diaboli laqueis, à quo captiui tenentur ad ipsius voluntatem.

*Iuuenilia autem desideria fuge, &c.* Varia sunt iuvenū desideria, venari, piscari, aucupari, variis recreari ludis, iocis, cauillis, & huiusmodi. Sed hæc omninò fugienda sunt homini Dei, & ei potissimum qui alios pascere vitæ maturitate, & alimentis sacre doctrinæ tenetur ad æternam vitam consequendam. Vnde ea quæ sunt sectanda opponens, subdit: *sectare verò iustitiam, fidem, spem, &c.* Quæ sunt virtutes omnes Deo gratissimæ, & quibus vult præ aliis Prælatos esse ornatos, vt luceat eorum vita coram hominibus ad glorificandum Deum. At hodie quot numerari possent, qui potius sequuntur quæ mox vetat Apostolus dum ait:

*Stultas autem & sine disciplina quæstiones deuota, &c.* Stultas vocat quæstiones quæ non procedunt ex principiis fidei, vt si quis negans resurrectionem, quærat cuius erit vxor in cœlis, quæ pluribus in hac vita nupserit: qua vsi sunt captione Sadducæi putantes se Christo illusuros. Aut qui quærit illud monstrari sibi quod difficile potest capi: quales illi Iudæi qui submurmurabant, obiiicientes: Quomodo potest nobis dare carnem suam ad manducandum? Et qui nunc dicunt: Quomodo in sacrosancto Eucharistiæ sacramento sit realiter corpus Christi, & in qualibet sacramenti particula. Et quo pacto fiat illa transubstantiatio. Item, quomodo resurgunt mortui. Sunt & quædam sine disciplina quæstiones à re seria alienæ, & multa huius generis quæ vitare Christianus debet. *Sciens quia generat lites*, seu pugnas aut rixas. *seruum autem Domini non oportet litigare, sed mansuetum esse ad omnes, &c.* etiam contumeliosos. Quod verò addit, *docilem*, intellige doctorem seu paratum promptumque ad docendum, *patientem*, mansuetudine, aut potius tolerantem mala. Græcè enim *ἀνεγκύλιον*. *Corripientem eos qui resistunt veritati*. Hic aduertendum valdè in quod se periculum coniiciunt, qui non horrent veritati resistere ignari an fortè Deus det illis pœnitentiā. Nam de peccatis aliis videtur certa pœnitentia oblata à Deo multis modis. At iis qui sese illi opponunt, & veritati perspicuæ, cum iam sint permissi diaboli laqueis & voluntati, plerunque negatur remedium pœnitentiæ. Caueant ergo qui hæc audiunt. Deus tamen qui scrutatur corda, videt qui digni & qui indigni misericordia fuerint, & quæ sit ignorantia quæ excuset. Nam affectata ignorantia est omnium periculosissima. Sūt enim in quos locum habet illa prophetæ increpatio. Noluit intelligere vt bene ageret.

## CAP. III.

**M**O C autem scito, quia in nouissimis diebus instabunt tempora periculosa: & erunt homines seipsos amantes, cupidi, elati, superbi, blasphemii, parentibus non obediētes, ingrati, scelesti, sine affectione, sine pace, criminales, incontinentes, immites, sine benignitate, prodi-

tores, proterui, tumidi, & voluptatum amatores magis quàm Dei, habentes speciem quidem pietatis, virtutem autem eius abnegantes. Et hos deuota. Ex his enim sunt qui penetrant domos, & captiuas ducūt mulierculas oneratas peccatis, quæ ducuntur variis desideriis, semper discētes, & nunquam ad scientiam veritatis peruenientes. Quemadmodum autem Iannes & Mábres restiterunt Moyse, ita & hi resistūt veritati, homines corrupti mēte, reprobi circa fidem: sed ultra non proficiunt. Insipientia enim eorum manifesta erit in omnibus, sicut & illorum fuit.

**H**O C autem scito, quia in nouissimis diebus, &c. Prophetico spiritu quid futurum esset nouissimis temporibus, in quibus nos versamur, prædicit Timotheo. Et primum aperit forè tempora admodum periculosa: quæ cerè hodierno die (si vnquā antea) regnāt. Inualefcit enim eousque hominum malitia, & potestas malignorum spirituum, quæ impunè peruagari permittitur, vt iratum esse Deū & omnia dissimulantem videamus, donec vitia in immensum crescant, flagellum interrim conficiētem ultionem ad iram. *Erunt homines seipsos amantes*. Hoc proprium est amantium seipsos, propter seipsos tantum agere quæcunque agāt, nulla in re ad Deum respicientes, aut proximum. Sic propriè accipitur seipsum amare, videlicet prætermisso Deo & proximo finem omnium seipsum constituere: quod est vera radix omnium malorum, & regni diaboli, qui tali amore ardens perdidit seipsum. Nam in hoc primum fundatur cupiditas & auaritia. Vnde ait, cupidi, scilicet pecuniæ. Deinde, elati, vide vt suo cursu cōsequitur superbia & blasphemia, & parentum inobediētia, & ingratitude erga beneficia, & impietas in Deum & parentes. Quod interpretes noster significauit ea voce, *σεβησθη*, Græcè legimus *ἀνόμοιοι*, id est, impij. Sic & omnis sui amator est absque affectione ad suos & domesticos, & redditur infideli deterior. Et ad alios extraneos sine fœdere, aut quia non contrahit cū fœdus: vel si contrahit, contractum frangit. Sunt incontinentes quia in nullo vel dicto vel facto temperatè agunt, sed incontinētè omnia & immodestè. Sunt crudeles, sunt amicis non boni, sed proditores. Sunt effusi, id est, temerarij, præcipites, amantes voluptatum carnis obscenarum. Nam in multis ipsius animi perturbationibus hac via recreationem quærunt, indulgentes lasciuia carnis, fugientes quæ sunt à Deo, veras consolationes, vel ex ipsa pœnitentia peccatorum & lachrymis, quæ cum excitantur à Spiritu, verè sunt dulces.

*Habentes quidem speciem pietatis*, quia profitentur Christianitatem, aut fortè regularem vitam, & sacerdotium, & quoduis ministerium in cultu diuino. *Virtutem autem eius abnegantes*. Quæ vis seu virtus est in operibus, non in signis. Hos igitur deuota iubet Apostolus. Sed videtur hic tēpore Timothei iam extitisse illa tempora nouissima, quæ tamen prædicebat Apostolus futura: alioqui quomo-



do præcipit illi ut huiusmodi homines deuiter, qui nondum erant in lucem editi: Itaque Apostoli prophetiam sic interpretari debemus, ut in temporibus nouissimis dicat futuros in vniuerso tales, quales suo tempore nonnulli iam reperiiebantur, veluti semen & fomentum futurorū. Nam si tales tunc reperiiebantur cum fides purior traderetur & cresceret, essetque in feruore multo, omnino credibilis est futuros in nouissimis temporibus deteriores & numero auctiores, in quibus nos inuenimur. Nullum tempus vnquam caruit, aut carebit huiusmodi flagitiis: licet in vltimis diebus longè execrabiliora expectanda sint, quando Filius hominis veniens nihil fidei inueniet in terra.

Luc. 18.

*Ex his enim sunt qui penetrant domos, &c.* Illud quod ait, qui penetrant domos, mirè exprimit eorum curiositatem, qui vsque ad secretissima & interna muliercularum explorant, ut captiuas habeant illas, iam in occulta eorum peccata penetrantes, & correctio nem minime quærentes: quin potius fouētes peccata, ut arctiori vinculo sibi retinerent obnoxias. *Et captiuas ducunt mulierculas oneratas peccatis.* Et ut earum instabilitatem ostendat, subdit: *Quæ ducuntur variis desideriis*, scilicet ad diuersa habentes distractum animum, ut si velint nequeant ea discere quæ sunt veræ fidei, & bonorum morum, nec peruenire ad agnitionem veritatis. *Semper discētes, & nunquam ad scientiam veritatis peruenientes.* Et hoc multis nedom mulieribus, sed & viris contingit nostri sæculi, qui volunt simul vina gustare & sacras literas: probare numos simul & fidei dogmata: sectari honores, & verbotenus contemptum gloriæ prædicare: collaudare præclara Christi & sanctorum gesta atque certamina, & interim mundi pacem mirum in modum diligere ac studiose sectari.

*Quemadmodum autem Iannes & Mambres resistunt Moysi, ita & hi resistunt veritati, &c.* AEquat tales impostores antiquis illis Magis Pharaonis, qui suis magicis artibus vehementer resistunt Moysi, quorum hic nomina exprimit, licet in canonicis scripturis alias non habeantur expressa. Vnde quidam impij occasionem acceperunt hanc epistolam calumniandi, quasi non esset B. Pauli qui ex apocryphis aliquid afferat. Quasi verò quæcūque habentur in apocryphis, continuò iudicanda sint apocrypha & respuenda. Stulta omnino huiusmodi ratio, & eorum qui parum sunt versati in regulis intelligendi scripturas. *Homines mente corrupti:* Vocat mente corruptos, quibus lux quæ erat in illis, obtenebrata est. Nam tunc ipsæ tenebræ quæ tæ? *Reprobi circa fidem,* Vocat & reprobos circa fidē: quoniam non consentiebant cum Apostolis & ecclesia. *Sed ultra non proficient, &c.* Istud non videtur ad tempus referri, sed ad personas, ut sit sensus: Quod solum mulierculas & imperitos decipient, & non proficient ultra. Nam mulierculis quidam sunt admodum similes, quos & hac nota Apostolus vult intelligi. Qui enim ab iis seducuntur, iam non cum viris, sed cum mulierculis sunt componendi. Quo ad seipsos ergo, & huiusmodi mulierculas proficient semper in peius errantes, & in errorem mittentes (ut inferius dicet) non autem apud sapientes, qui facile agnoscunt eorum insipientiam. Sic & Magorum illorum nota fuit ludifica-

tio, qui defecerunt in quarto signo, dum confessi sunt digitum Dei ibi esse. At quærenda est similitudo: quoniam isti deficiunt sicut illi in tertia plaga, & quarto signo. Vbi notandum est, posse quædā ab improbis fieri quæ videntur mira, & miracula, ut non sit facile interdum iudicare de spiritibus. Nam Simoni Mago auscultabant à maximo usque ad minimum omnes ciuitatis Samariæ, ut testatur scriptura, dicentes: Hic, est virtus Dei quæ dicitur magna. Attendebant autem eum propterea quod multo tempore dementasset eos. Idcirco dedit ecclesiæ Deus donum discretionis spirituum, ne fallerentur nisi falli volentes. Non enim decipiunt nisi aut superbos, qui sibi arrogat quod non sunt: aut desiderijs carnalibus deditos & implicatos, qui libenter audiunt quicquid lasciuie faciunt: aut curiosos qui terrena sapiunt, & spiritualia terreno oculo inquirunt.

At. 8.

Tu autem assequutus es meā doctrinam, institutionem, propositum, fidem, longanimitatem, dilectionē, patientiam, persecutiones, passionēs: qualia mihi facta sunt Anthiochiæ, Iconij, Lystris, quales persecutiones sustinui: & ex omnibus eripuit me Dominus. Et omnes qui piè volunt viuere in Christo Iesu persecutionem patientur. Mali autem homines & seductores proficient in peius, errantes & in errorem mittentes. Tu verò per mane in iis quæ didicisti, & credita sunt tibi, sciens à quo didiceris, & quod ab infantia sacras literas nosti, quæ te possunt instruere ad salutē, per fidem quæ est in Christo Iesu. Omnis scriptura diuinitus inspirata, utilis est ad docendū, ad arguendum, ad corripiendum, ad erudiendum in iustitia, ut perfectus sit homo Dei, ad omne opus bonum instructus.

*Tu autem assequutus es meam doctrinam.* Ostendit Apostolus Timotheo omnem adesse iustam vitandam malos illos & malignos causam, & longissime sanctis moribus ab illis dissidendi, ut qui assequutus, vel affectatus esset doctrinam veram, quoad intellectum, & ipsam institutionem, quoad mores, & ipsum propositum habens finem, quod est tendendum, ad quod dirigitur omnis institutio & doctrina: neque vilo pacto declinandum est ad dextram, vel ad sinistram. Similiter fidem, id est, fiduciam, quæ regit propositum ipsum quanquam arduum: & patit longanimitatē, quæ habet secū dilectionem patientem patientiam & tolerantiam persecutionum & passionum, sicut de se commemorat Apostolus ipse non ad propriam gloriam, sed ad aliorum exemplum, ut illos instituere & animaret. Legitur enim in Act. Apostolorum de huiusmodi persecutionibus, quas passus est in locis hic memoratis. Et dicit, *Anthiochiæ*, non eam significans quæ est in Syria, sed in Psidia. *Et ex omnibus eripuit me Dominus.* Ne quis animum despondeat, dum ad persecutiones tolerandas inuitatur, memorat auxilium Dei, quo ereptus ab illis fuit,



vt animentur alij ad sustinendum, cum videant Deum tandem liberatorem, atque etiam si opus, vindicem. Illud etiam addit quod magnum est iniuste patientibus solarium: *Et omnes qui pie vivere volunt in Christo Iesu persecutionem patientur.* Hoc imprimendum est cordi, & inculcandum cunctis qui recta incedunt ambulantes ad euangelicam regulam, ne delassentur, sed viriliter pergant, confortentur in Domino, & premia eterna prae oculis semper habeant. Nullus seruus Christi sine persecutionibus est. Quod si quis nondum est ullam perpeffus, nondum coepit esse Christianus. Neque enim si quando diabolus per reges non sauit, & principum dissidia & tyrannorum, desinunt persecutionum occasiones, quibus veri Christiani homines affliguntur. Si mortuus est diabolus, mortuae sunt persecutiones. Si autem ille aduersarius noster viuit unde non tetationes suggerit? Unde non sauit? Unde non minas, & scandala non procurat? O si incipias pie vivere, verum esse certo probabis quod hic ait Apostolus: Omnes qui pie volunt viuere in Christo, passuros persecutionem. Pugnandum est cum infidelibus, cum haeticis, cum falsis Christianis turpis vitae exemplo alios corrumpentibus. Pugnandum est cum carne propria & illecebris eius, cum domesticis, cum mundo, & (quod omnium maximum est & periculosissimum) cum diabolo mille nocendi artibus instructissimo. Vbiq; pugnatur adhuc, praesertim in ipso conuersionis initio. Sed vide quam prouide Apostolus praemissit se liberatum auxilio Domini, vt & nos nedum deiciamur animo, sed erigamur potius. Nam ubi primum dicitur: Expecta tentationes huius saeculi, mox additur: Sed de omnibus eruet te Dominus, & faciet cum tentatione prouentum.

*Mali autem homines & seductores proficient, &c.* Intellige malos homines proficere semper in peius, nimirum circa seipsos, & discipulos illis dignos, id est, mulierculas ipsas, & homines in specie virorum muliercularum simillimis mentibus praeditos & leuitate. Tu vero permane in iis quae didicisti. Monet ergo illum ad permanendum in iis quae didicit, non solum vt sciret sibi, sed etiam aliis, & credita sunt tibi, scilicet vt valeas effundere in alios & impartiri, *Sciens a quo didicisti*, Magnum est talem natum esse praecceptorem, ex quo hauritur doctrinae certitudo, *Et quod ab infantia sacras literas nosti*. Adiecit & probationem propter scientiam scripturarum, quas ipse Timotheus ab infantia didicerat, unde poterat comprobare doctrinam veram, & in illa confirmari.

*Quae te possunt instruere.* Graece legitur, *οὐκ ἐπίστας*, id est, sapientem reddere. Haec est enim vera sapientia homini, scilicet propriae salutis eruditio, & sapientia notitia, quae eruditionem illam cum gustu probat. Et hanc qui norunt, beati habentur: quoniam tenent arrham beatitudinis suae. Cum autem non satis sit ad salutis instructionem, versatum esse in sacris literis ( siquidem & Iudaei huiusmodi studio dant operam, & tamen minimè proficiunt) opportunè, adiecit per fidem, quod valde considerandum est tamquam proprium scripturam, vt syncerè praestanti fidem se faciles praebeant, quantum fas est, & familiares ad cognitionem sui. At perfido & nolen- ti ecclesiae acquiescere, nulla est alia scriptura quae

tot habeat laqueos & offensiones, quot habet sacra & diuina, quae reuelatur paruulis. Propterea aiebat Dominus: Vobis datum est nosse mysterium regni caelorum: ceteris autem loquebatur in parabolis. *Quae est in Christo Iesu*, vt sit sensus: In Christo Iesu continetur quicquid nobis credendum est, sicut alibi declarauit. Fides enim apud B. Paulum, pro re de qua est fides, sicut spes pro re quae speratur, poni frequentissime solet.

*Omnis scriptura diuinitus inspirata, &c.* Duo hic de scriptura notanda sunt, primò quod illa à Spiritu sancto est vt authore, qui inspirauit eam prophetis, vt non possit, inesse quicquam vel falsum, vel quauis ratione reprehensibile, contra mundi sapientes. Hoc abundè in libr. cui titulum dedimus, Clauis ad intelligendas scripturas, persuasimus. Et illud praeterea notandum quomodo Apostolus non dignatur hoc nomine scripturae, ullam aliam scripturam quae non sit sacra: unde ait simpliciter, omnem scripturam diuinitus esse inspiratam, atque ob eam causam vtilem: quoniam scriptum est, Ego Dominus docens te utilia. Vnde secundo loco mirifice explicat quatuor scripturae utilitates. Prima est quia docet. Secunda quia arguit. Haec duae pertinent ad eos qui profiteri volunt se aliquid sapere. Si enim velint humiliari & doceri, contingeret eis per scripturae doctrinam quod Sapiens protulit verissime, & necessario. Audiens sapiens sapientior erit. Et sic veniet prima utilitas. Sin autem non velint humiliari, sed rationibus agere & contendere: tunc scriptura subministrat argumenta etiam ad conuincendum. Et haec est secunda utilitas.

Verum quia est aliquod genus hominum ineruditum & imperitum, in hos quoque potest prodesse scriptura. Nam si fuerint arrogantes, poterunt corripri. Sin verò cupientes euangelizari, facile erudientur: quoniam docilitas Christiani non tam ab ingenio bono, quam ab humili fide, & obsequio scripturarum prouenit. *Vt perfectus sit homo Dei in iustitia, ad omne opus bonum instructus.* Ecce finis totius scripturae, vt sit homo Dei perfectus in iustitia, ad omne opus bonum instructus. Quid afferri posset his verbis clarius & fortius contra istos, qui tantoperè aduersantur bonis operibus, solam extollentes fidem? Nonne finis fidei sunt opera, quae hominem perfectum reddunt, ac per hoc placentem & gratum Deo? Sed haec iam trita sunt, & id quidem occasione haeticorum, qui excitarunt pias mentes in re necessaria defendenda iam ita instructas, vt vel pueri nunc diluere obiectiones eorum possint. Imò & venturum tempus confido, quando vehementer mirabuntur docti, extare potuisse vnquam tantam hominum impudentiam, qui negare bonorum operum apud Deum praemia non sint veriti, postquam viderint loca scripturarum paulò obscuriora beneficio scriptorū sic illustrata, vt nihil scrupuli relictum sit. Porro aduertendum, esse quandam iustitiae in hac vita perfectionem, ad quam peruenire possumus & debemus, licet non sit illa perfectio patriae: nec illa perfectio quae exacta fuisset in statu innocentiae. Haec quoniam Lutherani non distinguunt, nec nouerunt discernere peccata venialia à mortalibus, sit vt non intelligat per venialia non amitti iustitiam Dei, siue charitatem & gratiam. Itaque ipsi confusè loquuntur, &

Matth. 13.

Isa. 48.

Prov. 1.

Pro iustitia bonorum operum.



falluntur, & alios fallunt.

CAP. II. III.



**T**ESTIFICOR corā Deo & Iesu Christo, qui iudicaturus est viuos & mortuos per aduentum ipsius, & regnum eius, predica verbū, in sta opportune, importune: argue, obsecra, increpa in omni patientia & doctrina. Erit enim tempus cum sanam doctrinam non sustinebunt: sed ad sua desideria coaceruabūt sibi magistros prurientes auribus: & à veritate quidem auditum auertēt, ad fabulas autem conuertentur. Tu verò vigila, in omnibus labora, opus fac Euangelistæ, ministerium tuum imple, sobrius esto. Ego enim iam delibor, & tempus resolutionis meæ instat. Bonum certamen certavi, cursum cōsummaui, fidem seruauī: in reliquo, reposita est mihi corona iustitiæ, quam reddet mihi Dominus in illa die iustus iudex: non solū autem mihi, sed & iis qui diligunt aduentum eius.

**T**estificor coram Deo & Christo Iesu, &c. Hæc pendunt à superioribus, quasi expressius diceret: Ob eam causam, quia futuri erant hæretici, & scripturæ sanctæ tantam vim habēt, & facultatem ad docendum, ad arguendum, ad corripiendum, & ipse Timotheus per illas esse poterat, & per magistrum suum B. Paulum egregiè instructus, ob eam causam, inquam, testificatur coram Deo, &c. Et est quædam abiuratio, vt ipsemet Timotheus per se prædicaret verbum fidei, quod erat Episcopi munus. Idque vult cum magna instantia fieri: non opportunè tantum, id est, cum sese occasio & opportunitas offert: verū & importunè, hoc est, cum non adest ex parte audientium promptitudo. At huic monitioni videtur illa reclamare Sapientis Eccle. 32. sententia aientis: Vbi non est auditus, non effundas sermonem. Quæ intelligenda est cum homines prorsus audire recusant, qui iam effecti sunt re probi. Argue contradicentes, increpa irrisores, obsecra infirmos in omni patientia & doctrina. Sunt sapientes qui docent: sed dum animaduertunt se immerito derideri, mox subirascuntur, nec sunt potentes vt vel patientia frangant animos irrisorum, quādo res poscit absque Dei contumelia. Ideo nullū faciunt fructum in terra contumaci, quæ sola vincitur (si quando tamen vinci potest) docentis mansuetudine ac patientia. Ira enim molli responsione frangitur, vt Sapiens optime docet.

Pro. 15.

Erit enim tempus, Prophetia est, quam modo in oculis nostris impleri conspiciamus, quum sanam doctrinam non sustinebunt, Quænam est sana doctrina quam non sustinebunt? Certè hæc: Quod operibus in gratia factis perficimus iustificationem: Quod vita æterna bonis operibus redditur: Quod peccator indiget sacramento penitentiae, vt sit cōtritus, vt cōfiteatur, vt satisfaciatur. Hæc & huiusmodi alia quæ sunt sanæ doctrinæ, quia saluant animam, iam nequeunt sustinere qui sunt seducti: &

ideo de his dicitur. *Sed ad sua desideria*, quæ sunt cōcupiscentiæ prauæ & effrænæ, quæ nolunt subiici legi Dei, sed licentiosam vitam amant, *coaceruabunt sibi magistros prurientes auribus*, hoc est: illi quibus voluptas titillat pruritum aurium, & vellent audire placentia: illi, inquam, sunt quos Apostolus vidit coaceruantes sibi magistros. Quod si vnquam apparuit, ad cumulum certè nostra ætate manifestè apparet. Nam quantam nobis magistrorum colluuiem peperit exorta tempestas per Martinum Lutherum & Erasimum? Exurge bone Deus & misericors, & dissipentur inimici tui, & sponsa tuæ ecclesiæ sanctæ: quia magistri sunt docentes quæ carni placent & sanguini. Equidem non tam verbis hîc quàm lachrymis opus est, si quid zeli habemus. Nec tam expositionem, quàm animaduersionem prophetia Apostoli efflagitat, vt extirpentur tot perniciosorum dogmatum magistri, præcipue qui se pios fingunt & non sunt. Ignorant enim miserè quàm sapienter eos frater Domini admonuerat dicens: Nolite fieri plures magistri, sciētes quoniam maius iudicium accipitis. 1ac. 3.

*Et à veritate quidem auditum auertent.* Ecce, si quis frequentem auditorum concursum desiderat, affectat sermonem hæreticum pro carnis libertate, & implebitur ecclesia, & omnis locus vbi talis habitur concio. Quis hoc nesciat? Neque enim isti discipulos sibi & sectatores parat doctrinæ suæ veritate, & rationum momētis, sed calumniarum in ecclesiam & Prælatos multitudine & magnitudine iam factos & persuasos solummodo confirmat atque corroborant. *Ad fabulas autem conuertentur.* Fabula hîc pro quouis fallaci cōmento ab ipsa veritate alieno capitur.

*Tu verò vigila.* Videtur hic sermo peculiari ter dirigi ad illum Timotheum: sed Spiritus Dei qui semper loquitur, & habet ante oculos omne tempus, in Timotheo illo cunctos alloquitur, qui Dei honorē suo proprio præponunt. Hoc enim significat Timotheus, id est, honorans Deum. Ait ergo, Tu verò vigila, siue esto sobrius in omnibus. Græcè enim, *νῆψε*, quod est vigila, & sobrius esto: Quamquam de sobrietate postmodo dicunt latini codices, quod in Græcis desideratur.

*In omnibus labora*, Græcè significantius *καταπορεύου*, hoc est, mala patere, & dura in malis & afflictionibus. Nam hæc est via ad saluandum seipsum & alios. *Opus fac Euangelistæ* predicando euangeliū. Opus enim huiusmodi est durare in confessione & prædicatione veritatis, nec opprimi persecutionibus, nec aura populari extolli. Vnde & hoc idē aliis verbis significat, vt ista sermonis repetitione ostendat quam erat illi cordi euangelica prædicatione, & hæreticorum expugnatio, ait:

*Ministerium tuum imple*: quodnam est illud ministerium quod ait, nisi Euangelistæ? Quod est Episcopi munus, nisi prædicare? Quors verò est hodie eorum numerus qui impleant? Hoc autem impletur, dum verbo veritatis consonat tenor vitæ. Græcè legitur, *καταπορεύου*, id est, redde hoc certum & persuasum, te scilicet Dei esse ministrū. Istud tunc persuadebis, quando ostendēs te nolle hîc habere mercedem, sed expectare ab eo qui tibi illud mandauit.

*Ego enim iam delibor.* Græcè, *συνδουλεύω*, id est, immolator.



inolor. Et est vox quę (teste B. Chrysostomo) significat perfectam hostiam, quę tota absorbetur, & tempus meę resolutionis instat. Hoc ex reuelatione acceperat. *Bonum certamen certavi.* Gręcę significanter *ἡ ἀγωνία ἡ ἐν ἡμῖν*, quod est certum quoddam, & pręclarum certamen. Et verę tale fuit illud B. Pauli, quod & Angeli spectauerunt cum gaudio, *cursum consummaui*, id est, absolui & perfecti. Est enim vita nostra quę agō, quo pro corona certatur: & quęsi cursus, quo curritur pro brauiō. *Fide seruauit*, Non loquitur hęc de fidei veritate, sed de fidelitate quę exigebatur in dispensatore, vt ipse aiebat: A dispensatore queritur vt sit fidelis. *In reliquo*, seu cęterum, aut: quod superest. Ac si dicat: Post hęc facta non aliud restat, nisi quod *reposita est mihi corona iustitię*. Hic locus manifestę infrigit hęreticos, & detestanda eorum dogmata, qui negant hominem posse mandatis Dei ita obtemperare, vt mereatur coronam. Hic distinctę Apostolus de seipso longę aliter testatur. Nam & certasse bonum certamen, & perfecisse cursum, & fidelem fuisse dispensatorem, & perstitisse vsque in finem asseuerat. Quod non valuisset dicere, si conscientia illum redarguisset de peccato lethali. Expugnantur etiam negantes merita: & asserentes coronam paradisi non reddi operibus bonis, cum vocetur corona iustitię, & non tantum corona gratię, seu misericordię. Licet & hoc quoque dici possit: quoniam radix huius iustitię a gratia est & misericordia. Non enim meruisset Apostolus coronam iustitię, nisi (vt eleganter ait D. Augustinus) prius fuisset a peccato ereptus, & iustificatus ex gratia. Est igitur corona iustitię quę datur iusto, & propter iustitię opera. Iustus autem quilibet effectus est per gratiam & misericordiam, ita vt semper vincat gratia & misericordia, cum ex illa procedat iustitia, per quam veniunt & opera & merita. Vnde sequitur:

*Quam reddet mihi Dominus in illa die iustus iudex.* Non autem redderet illi Dominus iustus iudex quęsi debitam, ad vim illius verbi (*reddet*) nisi prius illum iustificasset misericors Pater, non ex debito, sed ex misericordia: ita vt non ex iustitia, sed ex mera gratia veniat prima iustificatio. Ex iustitia vero iam gratis accepta venit debitum pręmij & illius redditio, quę tamen ad gratiam pertinet (vt dictum est) ex radice. Ipsa enim gratia qua iusta voluntas informatur, per quam voluntatem opera fiunt, est radix meriti. Hęc ita se habere ad veritatem norunt omnes pii: & ego quidem non dubito, inter hęreticos inueniri qui ita quoque intelligunt, & aliter intelligi non debere sciunt: sed vt custodiant semel emissum dogma, ex pertinacia illud defendere, non ab ignorantia student. Quod autem dicit Apostolus, *in illa die*, ad extremum magni iudicij diem videtur aspicere. Nam de perfecto pręmio loquitur, quādo anima cum corpore proprio potietur perfectę beatitudine. Non quod interim anima corpore exuta careat Dei visione, quę statim potitur, nisi indigeat aliqua purgatione, sed quod solius animę beatitudo non est totius compositi, & per hoc non est interim absolutę Pauli. At Paulus hęc de sua corona loquitur, quę sibi Paulo, non ipsius tantum animę debebat, *Non solum autem mihi, sed & iis qui diligunt aduentum eius*, id est, iis qui bene sperant. Bene autem sperant, qui

bene & perseueranter operantur. Et tales verę diligunt aduentum eius, diligentes suum bonū quod est in Domino, & a Domino in illo aduentu, quando veniet retributurus vnique secundum opera sua prout gessit in corpore, siue bonum, siue malum, vt aliās docuit. 2. Cor. 5.

Festina ad me venire citō. Demas enim me reliquit, diligens hoc sæculum, & abiit Thessalonicam, Crescens in Galatiam, Titus in Dalmatiam, Lucas est mecum solus. Marcum assume, & adduc tecum: est enim mihi vtilis in ministerio. Tychicum autę misi Ephesum. Penulam quam reliqui Troade apud Carpum, veniens affer tecum, & libros, maximę autem mēbranas. Alexander erarius multa mala mihi ostendit: reddet illi Dominus secundum opera eius, quem & tu deuota: valde enim restitit verbis nostris. In prima mea defensione nemo mihi affuit, sed omnes me dereliquerunt: non illis imputetur. Dominus autem mihi adstitit, & confortauit me, vt per me prædicatio impleatur, & audiant omnes Gentes: & liberatus sum de ore leonis. Liberauit me Dominus ab omni opere malo: & saluum faciet in regnum suum cœleste: cui gloria in sæcula sæculorum. Amen. Saluta Priscillam & Aquillam, & Onesiphoridum. Erastus remansit Corinthi: Trophimum autem reliqui infirmum Mileti. Festina ante hyemem venire. Salutante Eubulus & Pudens & Linus & Claudia, & fratres omnes. Dominus Iesus Christus cum spiritu tuo. Gratia vobiscum. Amen.

*Festina ad me venire citō, &c.* Ex hoc loco accipitur, Episcopos non ita alligari suę ecclesię personaliter, quin eis aliquando sit licitum ex grauioribus causis euocari, ad tempus per alios inseruire, vt & ipsi interim quę sunt maioris muneris implere possint ad superioris imperiū. Sed nulla alia excusatione sese a culpa tutari valēt, nisi hęc duo coniungantur, nimirum & quod superior euocet: & quod maior & publica vtilitas inde acquiratur. Ita que videat quisque ne seipsum decipiat. Nā Deum ipsum fallere non possunt, apud quem excusationum sterilia folia non valent, quin potius peccatum produnt, non contegunt. *Demas enim me dereliquit.* Ecce necessitas. Destitutus B. Paulus indigebat sociis ad opera maxima, & iam derelictus erat a quibusdam, inter quos erat iste Demas nomine, diligens hoc sæculum. Cōuenit nomen. Nam Demas idē est quod popularis, vel plebeius. Vox est Gręca quę potest etiam significare pinguedinem, & vinculū. Nam plebei sunt, & vinculo huius mundi irretiti, qui commutant apostolicam veritatem cum pinguedine terrę, Esau prophani imitatores, qui pro vili lenticulę ossa supernę ciuitatis hęc.



reditatem vendunt. Significat & molles, qui in medio cursu fracti difficultate itineris redeunt ad propria. Istius enim meminit alio loco Apostolus qui bene currebat, sed non perstitit. Vbi ad doctrinam nostram considerandum, constantia magna opus esse in via Dei, maxime quando persecutiones in gruunt. *Et abiit Thessalonica.* Ciuitas est Macedonie, & significat positionem alterius victoriae, & id quidem mirum in modum quadrat. Tales enim minime persistunt in primo agone, sed constituunt sibi præmia mundi pro suis laboribus. *Crescens in Galatiam.* Potest mystice significare hominem, qui cum cresceret, & iam solido cibo vesci deberet, ad lac tamen quod est paruulorum, reuertitur. Et ij sunt qui in tentationibus magnis & periculis durare nequeunt.

*Titus in Dalmatiam.* Titus honorabilem significat. Et Dalmatia lampadem frustratoriam; aut fulgur vanitatis. Vnde significantur qui honorem huius mundi amantes, quasi vanam quandam & inutilem lampadem sequuntur, quæ ut fulgur subita celeritate transit, & mox euanescit.

*Lucas est mecum solus.* Magnus & fidus socius Lucas, qui B. Paulo etiam vinculis alligato assistit, ut merito & cum magna illius laude appellatus sit tanti Apostoli comes indiuiduus. Significat enim lucem veritatis, qua firmatur homo & non vagatur, sed fixus manet suspiciens cælum, & benignam Dei voluntatem, quæ non deserit sperantes in se. *Marcum assume, & adduc tecum: Est enim mihi utilis in ministerio.* Hic est ille Marcus propter quem nata fuerat contentio inter B. Paulum & Barnabam, ut haberetur in Act. Marcus autem significat tersum & politum. Et tali socio egebat Apostolus: quoniam in persecutionibus perpolitur Dei seruus, & tersus redditur. Et verè per illam tentationem ab initio politus est, ex qua tantum profecit, ut qui antea subterfugebat, esset postea inter primos, quorum ministeria requirebat Apostolus. *Tychicum autem misi Ephesum.* Per Tychicum fortunæ amatorem & amicum intelligit. Hunc vir fortis emittit Ephesum in sua scilicet desideria. Nam qui fortunam diligit, & quo illa ducit sequitur, seruire Christo qui talia damnat, non potest.

*Penulam quam reliqui Troade apud Carpum, &c.* Penula genus est vestis densæ ac vilis, qua loco pallij ad repellendam pluuiæ iniuriam & frigoris vtuntur viatores. Vbi considera miram Apostoli sollicitudinem erga Discipulum. Hoc significare voluit futuram Timotheo magno vsui in ipso itinere. Mystice quoque eleganter significat oportere virum herentem ei qui persecutionem patitur, armari, ne imbris tribulationum cedat. De illo Carpo facit mentionem honorificam B. Dionysius Areopagita epist. 8. Cum aliquando, ait, in Cretam venissem, sanctus Carpus me hospitio suscepit, vir si quis alius ob eximiam mentis mundiciam ad Dei speculationem aptissimus. *Et libros, maxime autem membranas.* Verè libri sancti ad consolationem faciunt: quia omnia quæ scripta sunt, ad nostram doctrinam scripta sunt, ut per patientiam & consolationem scripturarum spem habeamus. Quare summus Sacerdos, & seniores, & reliquus Iudæorum populus ad Spartiatas scribentes, dixerunt in epistola: Nos enim cum nullo horum indigeremus, habentes sanctos

libros in manibus nostris, &c. Quod verò ait, *Maxime autem membranas*, particularia quædam scripta significat, in quibus ea continebantur quæ ad rem magis faciebant. Et mystice significat scripta quæ in corio mortuo exarata sunt, quod corium mortuum nostra est conscientia, quæ poenitentiae baptismum recepit, & luctum Christianum toto vitæ huius tempore profiteri debet.

*Alexander ærarius multa mala mihi ostendit.* Non dixit, intulit, sed, ostendit, quia qui libenter excipit persecutiones, non mala, sed bona excipit: quanquam ex parte inferentis mala sint. Ærarium autem vocat, quia erat faber æris, ut Græca vox ostendit. Et in eo significatur mundi huius fortitudo, quæ fidei aduersatur. Isti statuas sibi fabricant, quæ contra Deum stare nullo pacto possunt. *Reddat illi Dominus secundum opera eius.* Volunt plures interpretes hoc dictum enūciatiuum esse futuri temporis, & ideo legunt, *reddet.* Græcè tamē legitur, *ἀποδοῦναι*, hoc est, reddat. Quæ vox non est tam optantis, quam permittentis, & concordantis cum diuina sententia, quæ iam habet istiusmodi homines veritati resistentes pro reprobis. Vnde addit: *quem & tu deuira*, ut pestem, & venenum latiferum omnino detestandum. Nam tales illi sunt: quanquam addit aliam causam, dicens: *Valde enim restitit verbis nostris*, & consequenter ipsi Christo, eiusque sanctissimæ veritati. Hinc ingens capitur doctrina, si quando viri magni, & pro veritate catholica laborantes intelligant sibi vel clanculum, vel palam à nescio quibus sordidis hominibus & ignaris obfisti. Magna sanæ & grauis ob rei indignitatem tentatio, dum configendum est cum sartoribus, & fabris, & tonsoribus: quemadmodum nobis nunc per Lutheranorum laxatas populis habenas contigit, sed verius per diabolum operationum diuinarum æmulum. Animaduertit summa Dei sapientia electos rudes & ignaros homines ad euangelium prædicandum, & sanguine defendendum, ut esset illustrior Dei virtus & maiestas. Ipse quoque liuidus suscitavit istos opifices, & tabernarios, & qui vix norunt, quot sunt (ut dici solet) in manu digiti numerare, ut negotium facessant ecclesie, & Prelatis atque insignibus concionatoribus tanta ignorantia ac temeritate obstant. Sed hoc B. Pauli exemplum ad maximum nostrum solatium positum est, ut non miremur artem diaboli, sed prouidentiam Dei ad lucrum nostrum. Sunt enim isti veluti folles, quibus vititur Deus in fornace ecclesiæ, ubi probantur electi, ut aurum redatur purissimum. Nam si hanc tam indignam tentationem illius artificis in B. Paulum permisit, quid in nos expectandum est?

*In prima mea defensione nemo mihi adfuit, sed omnes me dereliquerunt.* Loquitur de prima sua apud Cæsarem defensione; apud quem tanquam seductor fuit accusatus: licet ea de re non constet clara historia in sacris literis. *Non illis imputetur.* Hinc apparet aliud fuisse peccatum horum, qui eum dereliquerunt propter infirmitatem, & aliud Alexandri, qui ut perfidus dedita opera restitit verbis Apostoli. Pro illis enim orat ne eis imputetur hoc peccatum, de hoc verò ait: *Reddat illi Dominus iuxta opera eius.* Dominus autem mihi assistit, & confortauit me, hoc est, Deus pius & misericors tuum demum consuevit adiuuare suos fortiter, cum ab aliis sine auxilio

Rom. 16.

1. Mac. 12.



derelinquuntur, ut per me prædicatio impleatur. Loquitur de prima prædicatione enunciationis euangelij, quæ debuit primò fieri ad vniuersas Gentes. Et liberatus sum de ore leonis. Neronem innuit, qui erat ferocia summa crudelis, quasi hominum deuorator, & præcipue piorum Christianorum.

*Liberavit me Dominus ab omni opere malo.* In magna miseria & persecutione difficillimum est se continere à peccato. Et tamen Apostolus ab omni opere malo dicit se fuisse liberatum à Deo, non in quod incurrit, sed ne illud cõmitteret adiutus. *Et saluum faciet in regnum suum cœleste.* Ita loquitur ex multa fiducia de misericordiâ Dei concepta: quam & certam sperare possunt, qui persecutionem patiuntur propter iustitiam: & item quia propinquus erat excessus eius, cui gloria in sæcula sæculorum, Amen. More suo de omnibus suis bonis reddit gloriam Deo per, Amen, id est, per Iesum Christum Redemptorem.

*salutat Priscillam & Aquillam.* Hi erant coniuges & Iudæi, ut est in Act. cap. 18. qui pro anima Apostoli (ut ad Rom. testatur) ceruices suas supposuerunt. Hos igitur meritò iubet primos salutari, qui & ipsi erant Gētis Iudææ, & verè Iudæorum Christiani. Nam & familiares fuerant aliquando eodem tecto & mensa viuentes, maxime cum essent eiusdem artis, quæ dicitur scenofactoria. Et Onesiphori domum. Hunc Onesiphorum honorificè superius iam nominauit. cap. 1. cuius facultatibus

fuerat sæpe recreatus, & ab illo Romæ diligenter inuestigatus & visitatus, *Erastus remansit Corinthi.* Erastus amabilem significat, quem Corinthi remansisse indicat. Corinthus vox est quæ significat locum scortationis ac lenocinij: nec absque significatione dicitur. Subnotantur enim qui amari declarant, & scorta fiunt. *Trophimum autem reliqui infirmum Mileti.* Trophimum significat educatum, seu nutritum. Qui enim vel plus, vel minus nutrire corpus student, facile infirmantur. *Festina ante hyemem venire,* id est, antequam cor frigidum fiat. *Salutant te Eubulus, bonus consiliator, & Pudens,* quidam legunt: Prudens: sed Græca lectio habet, *Εὐδελος*, pro Pudēs, ut intelligatur pudor sanctus qui adest omnibus Deum metuentibus. Et *Linus, & Claudia, & fratres omnes.* Linus est rete & vinculu: sed rete Christi & charitatis. Et Claudia à claudendo, ut significaretur claudendam esse portam cordis omnibus rebus à Iesu Christo alienis, ut solum qui fratres sunt admittantur. Hunc Linum puto illum fuisse qui Petro in pontificatu successit. *Dominus Iesus Christus cum spiritu tuo. Gratia vobiscum, Amen:* ac si dixerit, Spiritus Domini nostri Iesu Christi sit cum spiritu tuo, qui in omnibus & prosperis & aduersis te dirigat & illæsum seruet in via mandatorum suorum, ut tandem percipere possis æternam vitæ incorruptibilis coronam: quam nobis omnibus largiri dignetur qui cum Patre & Filio regnat in sæculis sempiternis. Amen.

## ARGVMENTVM IN EPISTOLAM B. PAULI APOSTOLI AD TITVM.

**TITVM** Cretensibus à se præfectum Archiepiscopum instruit Apostolus de iis quæ ad eius officium pertinent. Ostendit quales Ecclesiæ ministros ordinare debeat, qui & possint seductoribus, potissimum quibusdam proteruis, Iudæis resistere, & durè increpare. Proponit exhortationes vnicuique hominum statui proprias, ut omnes gratiæ Saluatoris respondentes efficiantur vnus populus Deo, per bonorum operum studium, gratus & acceptus. Magistratibus ipsis obtemperandum præcipit. Hereticos insuper omnino tanquam putrida membra fugiendos, & stultas legis genealogias. Postremò mandat ut veniente Tychico, properet ad se Nicopolim, hortatus iterum ut sollicitè fideles bonis operibus studeant abundare. Epistolæ superscriptio in hunc modum Gracè habetur: *Ad Titum Ecclesiæ Cretensium primum delectum Episcopum, scripta Nicopoli Macedonia.*

## COMMENTARIA IN EANDEM EPISTOLAM B. PAULI AD TITVM.



**PAVLVS** seruus Dei, Apostolus autem Iesu Christi, secundum fidem electorum Dei, & agnitionem veritatis, quæ secundum pietatem est in sp̃e vitæ æternæ, quam promissit qui non mentitur Deus, ante tempora secularia. Manifestauit autem temporibus suis verbum suum in prædicatione quæ credita est mihi, secundum præceptū Saluatoris nostri Dei: Tito dilecto filio secundum communem fidem,

gratia & pax à Deo Patre, & Christo Iesu Salvatore nostro.



**VOCAT** se prius seruū Dei in hoc salutationis principio, quàm Apostolum, ut iustum erat. Deus enim Dominus est omnium, cui omnia seruire iuxta suam cõditionem debent. Homo ergo volūtariè seruire tenetur: & hoc seruitium libertas est illi vera & amabilis. Qui enim bona libertate promptè seruit Deo, liber est ab omni creatura: alioqui multipliciter seruit & ignominiosè. *Apostolus autem Iesu Christi.* Declarat peculiare quoddam suum erga Deum seruitium, nimirum in munere apostolatus: ita ut tanquam Apostolus hanc epistolam se scribere insinuet, quo



gravior vigeat in præceptis & maior autoritas: *secundum fidem electorum Dei, & agnitionem veritatis.* Et si alij prædicatores aliquo modo vocari possent Apostoli: ipse tamen asserit se Apostolum secundum fidem electorum Dei, id est, eum cui Deus impartiuit talem fidem, & eam veritatis agnitionem, quæ dari solet electis. Hæc siquidem longo intervallo excedit communem reliquorum Christianorum gratiam. Sicut enim non est omnia fides: ita nec eorum qui sunt fideles, est æqualis fides. Electi illi præcipui (quales erant Apostoli) ut æquum erat, & ut ipsum Apostolatus munus poscebat, longè alios in lumine & mensura fidei, & in cognitione veritatis præcellabant. Voluit ergo Apostolus hoc primum proponere Titò, ut intelligeret ea præcepta quæ scribebat, non ab homine quasi à fratre, sed ab insigni Apostolo proficisci, ut magis intenderet diligentiùsque seruaret: & quæ etiam posset obiiicere duris illis è circumcisione Iudeis, & pigris quibusdam Cretensisibus, ne possent sancta veritatis madata spernere. Declarat autem quodnam genus veritatis esset, ad quam prædicandam erat constitutus & electus à Deo Apostolus, & ait:

*Quæ secundum pietatem est in spem vitæ æternæ.* Pietas virtus est ex charitate procedens, qua inclinamur ad honorandum & colendum Deum, non solum ut Creatorem & Dominum, sed ut Patrem, reddendo quæ illi à nobis debentur pietatis, obsequij, cultus, honoris officia: & quæ illi impendere non valemus (ipse enim bonorum nostrorum non indiget) impendamus, ut iubet, proximo: & perinde ac si sibi impensum fuerit, accipiet. Fides ergo Apostoli consistebat in agnitione huius veritatis, quæ habebat præceptum pietatis cum promissione. Vnde concipiebatur spes vitæ æternæ, quæ promittebatur pio & pietatem exercenti. Vnde rectè sequitur: *Quam promissit qui non mentitur Deus.* Ipse enim verax est, & non (sicut homo) mendax. Deus ipse non solum non mentitur, sed nec potest mentiri, qui summa est Veritas. Quid est enim mentiri, nisi aliquid proferendo significare, quod non ita se habeat? Deus autem nihil profert nisi vnum Verbum, quo seipsum exprimit, qui summa est Veritas. Per illud Verbum facta sunt omnia, quæ & ipsa veritatem habent, quatenus ab ea prima Veritate procedunt.

*Ante tempora sæcularia.* Quæstio hoc in loco exoritur, quo pacto verum fiat, Deum promississe hanc æternam vitam ante tempora sæcularia. Et primò, Quæ (rogo) est hæc æterna vita? Audi ipsum mer, *Ioan. 17.* qui interrogas, tibi respondentem: Hæc autem est, inquit, vita æterna, ut cognoscant te solum Deum, & quem misisti Iesum Christum. Visio ergo Dei & Iesu Christi est nobis vita æterna: & hanc restatur esse promissam ante tempora sæcularia. Sed cui, aut quibus promissa fuit ante tempora sæcularia, cum nulla adhuc extaret creatura? Dicunt aliqui Deum sibi ipsi promississe. At certè inter promissorem, & eum cui promittitur, debet cogitari personarum differentia, ut Iurisconsulti volunt. Si enim Deus est qui promittit, omnes persone promittunt Pater & Filii & Spiritus sanctus. Quomodo ergo eadem personæ erunt & promittentes, & quibus promittatur? Aliud ergo voluit Apostolus si-

gnificare, nimirum (ut ego credo, imò de quo etiam dubitare non valeo) quòd Deus Pater qui ab æterno cogitavit cōdere creaturam, decreuit illam honorare per Filium suum per mysterium nuptiarum, & illam sanctissimam diuinæ & humanæ creaturæ in Verbo coniunctionem. Condidit ergo prius Angelos cum eorum cœlo & paradiso: idque fuit ante omne tempus. Non enim erat dies & mane, nec motus ullus, cum visibilis hîc mundus nondum creatus esset. Tunc suum hoc cōsiliū futurarum nuptiarum reuelauit Deus Angelis, & promissit suo tempore se id facturum. Receperunt plurimi Angelorum & libenter, & nostrum genus vehementer cœperunt diligere atque expetere nobilitandum tanto Sponso ac Capite. Contra verò Lucifer ille superbus cum multis inuidere, contradicere, & ut iniquum Dei consiliū, ac talem deliberationem cœpit arguere. Hoc volebant veteres Patres cum tradiderunt diabolum propter inuidiam, qua in hominem vrebatur, cecidisse de cœlo, & huius rei gratia pugnam illam factam in cœlis, de qua B. Ioannes in Apocalypsi. Sed nos proprio tractatu vberius hac de re disseruimus. *Diligenter notanda.*

*Manifestauit autem temporibus suis,* conuenientibus scilicet ac præstitutis. Manifestauit autè illam vitam æternam, *Verbum suum,* apposituè. Verbum enim summi Patris vita nostra æterna est. *In prædicatione,* id est, per prædicationem, *Quæ credita est mihi,* Commissa fuit prædictio B. Paulo magna ex parte, præsertim ad Gentes, *secundum præceptum saluatoris nostri Dei.* Hoc enim præcepit illi Christus Saluator noster, ut sapius iam explicauimus, ut non immerito dixerit, *Væ enim mihi est si non euangelizauero, Tito Dilecto filio secundum communem fidem,* Potes exponere quod ait, *secundum communem fidem,* ut determinet filiationem: perinde ac si dixerit, *Voce te filium meum:* quia per euangelium te genui communicans tibi fidem, qua quisque quasi noua generatione nascitur Deo. Vel, ut determinet dilectionis qualitatem ac si dixerit: *Dilectum te voco secundum communem fidem:* quoniam dilectio mea fundatur in communicatione æternorum bonorum, quæ ipsa fides nobis ostendit. *Gratia & pax, &c.* In Græcis legitur, *Gratia, misericordia & pax.* Notandum, quomodo hîc ad Titum, & superius ad Timotheum scribens, salutem imprecando misericordiam: quod in alijs epistolis non legimus. Et fortè ob eam causam, quoniam ij qui præfecti sunt alijs, digni sunt præ alijs commiseratione, & indigentes misericordia ob pòdus grauissimum quod sustinent: & beati illi qui minime succumbunt. Succumbunt autem omnes qui misericordiam Dei, & auxilium supplices non implorant assidue. Est enim nimis tremendum officium, curam suscipere animarum.

Huius rei gratia reliqui te Crætæ, ut ea quæ desunt, corrigas, & constituas per ciuitates presbyteros, sicut & ego disposui tibi. Siquis sine crimine est, vnus uxoris vir, filios habens fideles, non in accusatione luxuriæ, aut non subditos. Oportet enim Episcopum sine crimine esse, sicut Dei dispensatorem: non super-



Nihil autem obstat quod ex B. Petri epistola accipiunt heretici, vt hoc peruerfum dogma statuât, vbi ait: Vos autem genus electum, regale sacerdotium, gens sancta, populus acquisitionis, &c. Ecce,

Арс. 10

De sacerdo  
tali & epi-  
scopali in-  
risdictione.



& à multis casib<sup>9</sup> absoluit, & quæ huiusmodi sunt. Pergit autem Apostolus conditiones illius declarans, qui sit ad episcopatum promouendus. Primum ut sit, *sine crimine*, Non dixit sine peccato, sed *sine crimine*, quod scilicet meritò venire possit in iudicium: *Unius uxoris vir*, propter sacramenti sanctitatem, non in nuptiarum reprehensionem. Sicut si fœmina etiã si catechumena fuerit viriata, non potest post baptismum inter Dei virgines consecrari, ita non absurdè visum est, eum qui excessit vxorum numerum singularem, non peccatum aliquod cõmisisse, sed normam quandam sacramenti amisisse, non ad vitæ bonæ meritum, sed ad ordinationis ecclesiasticæ signaculum. Hoc explicatum est superius ad Timotheum, *Filios habens fideles*, Quia turpe iudicatur in Episcopo vel habuisse plures vxores, vel etiam non habere filios fideles. Quomodo enim fiet credibile, posse alios ab eo in fide instrui, qui proprios secundum carnem filios non instruxerit? *Non in accusatione luxuriæ*, Luxus filiorum patrem reddit incapacem episcopatus, & merito: quia dilapidare bona ecclesiæ facile possent, & ita pauperes Christi defraudari contingeret. Quod etiam nunc (heu heu) nimis nostris oculis perspicimus, *aut non subditos*, Qui enim suam familiam rectè non potest regere, quomodo ecclesiæ Dei regere poterit? *Oportet enim Episcopum sine crimine esse*, Ecce, quem vocauit presbyterum, nunc vocat Episcopum, quem esse oportet ab omni crimine immunem, *sicut Dei dispensatorem*, à quo exigitur fidelitas in dispensatione verbi, & sacramento rum. Hanc autem fidelitatem præstare non potest homo criminofus, *Non superbum*, alij interpretatur Græcam vocem, non præfractum, vel proteruum, *Non iracundum*, Non omnis qui aliquãdo irascitur, iracundus est: sed qui facile & frequenter exardescit in iram, ille propriè iracundus dicendus est. *Non vinolentum*, id est, vini amantem, seu vinosum, *non percussorem*, Credo Apostolum (ut alibi declarauimus) linguam maledicã, qua percutitur proximus conuitiis & maledictis, voluisse hoc loquendi genere notare. Alioqui illud facinus nimis erat insolentiæ, nec erat memorandum. *Non turpis lucri cupidum*, Potest duobus modis intelligi. Primo, ut lucrum illud demum quod turpe est deuiter: quale est lucrum per vsuras quæsitum, aut quodcunque aliud illicitum ac cunctis prohibitum. Altero modo potest intelligi, ut cuiusuis lucri pecuniarij cupiditatem prohibeat: quoniam & hoc Episcopo turpe est mercatorem esse, & rebus ad lucrum spectantibus animum intendere, qui totus debet in spiritualibus occupari. Qua enim prædicationis fiducia posset mundi homines hanc in partem lucrandi ruentes retrahere, si in idem præcipitium laberetur? Nonne vel pueri obiicerent sententiã illam: Turpe est doctori cum culpa redarguit ipsum? Virum sanè catholicum (ait magnus ille Leo Pontifex) & præcipuè Domini sacerdotem, sicut nullo implicari errore, ita nulla oportet cupiditate violari. Mens enim pecuniæ auida, nec abstinere nouit à veritatis, nec gaudere concessis, nec pietati adhibere consensum. Cui cupiditas dominatur, quo pacto conditionem subsequenter exequi studuerit, qui nedum largiri propria, sed & aliena sibi usurpare contèdit? Non igitur lucri cupidum oportet

esse Episcopum, *sed hospitalem*, Hospitalitatem omnibus scriptura, & frequenter Apostolus plurimum commendat: in Episcopo autem est necessaria, ne viri religiosi ac pij honesto hospitio carentes, necessitate cogantur diuertere ad tabernas & stabularios, vbi sunt plena spurcitiarum omnia & impudiciæ. Si enim regulares decetissime habent monasteria propria quo diuertat, nec citra iustam reprehensionem licet eis publica adire hospitia, cur non & reliqui Prælati ecclesiastici pariter habebunt pro suo hospitio Episcopi domum, ne cogatur ipse Episcopus peregrinus in ciuitatibus, vbi sit episcopalis domus, diuertere ad hospitia mercenaria, & plerunque impudica? O quàm refriguit charitas. Possent fortè Episcopi pauperes se excusare: verum nescio an Deus exculationem prober. Si enim diues esset Episcopus bonis moribus & fama, certè pauper in bonis Deo prouidete esse non posset. Et ideo absolutè dixit Apostolus, *sed hospitalem*, non distinguens esset ne diues an pauper. Imò verò quas existimamus tum adfuisse Episcopis diuitias & fructus annuos, quando ista præcepta dabat Apostolus? Nullus esset tam ferreus in ciuitate, qui si pastorem suum bonis operibus lucere videret, non inflammaretur ad iuuandum. Recolamus quid B. Ambrosius de suis testetur temporibus. Vbi enim populus considerabat bona ecclesiæ in pauperes tanta cura ac pietate à Prælatibus dispensari, ad eosdem suas ipsi elemosynas deferabant, ut per manus illorum fidelius distribuarentur, tanquam qui inopiam afflictorum diligentius nouissent. Scio plerofque sacerdotes (ait grauissimus ille Antistes) quò plus cõtulerunt, plus abundasse: quoniam quicumque bonum operarium videret, ipsi confert quod suo officio dispenseret, securus quod ad pauperem sua perueniet misericordia. Nemo enim vult nisi pauperi suam proficere collationem. Nam si quem aut immoderatum, aut nimis tenacem dispensatorem viderit, vtrunque despiciet, si aut superfluis erogationibus dissipet alieni fructus laboris, aut recondat sacculis: hæc ille Sanctus, & verè.

*Benignum*, Græca vox significat amatorem probitatis. *Sobrium*, id est, moderatum circa seipsum: quod pertinet ad cohibendum luxum & lasciuiam in pompa, & supellectili, & vestitu, & quæ sunt Cereris, Bacchi, & Veneris irritamenta. *Iustum*, erga alios, ut reddat & distribuatur cunctis, & unicuique quod suum est. *Sanctum*, id est, pium erga Deum, *Continentem*, seu fortem ad continendum, & temperatè viuendum. Magna enim fortitudine opus est ad vincendum seipsum, & concupiscências suas. *Amplectentem eum*, qui secundum doctrinam est, *fidelem sermonem*. Sensus est, ut sit tenax eius sermonis custos qui est fidelis, & secundum rectam doctrinam: quam arbitror ab illo certam significari per articulum, illam nimirum doctrinam, quam Christus & eius Apostoli tradiderunt, ita ut nolit Episcopum ab ea doctrina habere differentem sermonem. Hoc enim esset omnino peruersum. *Ut potens sit exhortari in doctrina sana*, & eos qui contradicunt arguere. Hæc duo ad Episcopum pertinent, docere sci licet atque exhortari secundum sanam doctrinam, quæ ad mentis sanitatem perducit. Et præterea (quod ferè equè est necessarium) eos qui contradi-

B. Ambrosius.  
li. 2. off.  
ca. 16.



cunt reuincere. Alioqui vnus ædificans, & alter destruens, quæ utilitas nisi labor? ait Sapiens. Huius rei necessitatem affert, subiungens:

Sunt enim multi etiam inobediētes, vaniloqui, & seductores, maximè qui de Circumcisione sunt, quos oportet redargui: qui vniuersas domos subuertunt, docentes quæ non oportet turpis lucri gratia. Dixit quidam ex illis proprius ipsorum propheta: Cretenſes semper mendaces, malæ bestię, ventres pigri. Testimonium hoc verū est. Quam ob causam increpa illos durè, vt sani sint in fide: non attendentes Iudaicis fabulis, & mandatis hominum auersantium se à veritate. Omnia munda mundis: coinquinatis autem & infidelibus nihil est mundum: sed inquinatæ sunt eorum & mens, & conscientia. Conſitentur se nosse Deum, factis autem negāt, cū sint abominati, & incredibiles, & ad omne opus bonum reprobi.

*Sunt enim multi inobedientes.* Græca vox significat intractabiles & eos qui in ordinem redigi nō possunt, vaniloqui, id est, ea loquentes quæ ad fidem veramque salutem non promouent, & finem bonum, seductores, Græcè significantur illi qui seducunt mentem (vt ita dixerimus) dementando, & à veritate ipsa abducendo, *Maximè qui sunt ex circumcisione.* Iudæos pseudoprophetas, aut pseudoapostolos notat, quos oportet redargui, id est, quibus oportet os obturare, vt Græca vox innuit. Hoc autem fit doctrina primum: deinde si non acquiescant, auctoritate apostolica.

*Qui vniuersas domos subuertunt, docentes quæ nō oportet,* scilicet familiari & priuata doctrina non publicè, imitatores illius qui clanculum consuevit fereze zizania. Non enim publicè audent, quandoquidem lucem qui male agunt, fugere solent. Docēbant autem quæ non oportebat, de lege videlicet, quæ iam antiquata erant. At in doctrina Christi sacrilegium est ea admiscere quæ non oportet. Quæcunque autem vana sunt, si in cultu Dei habeantur vt necessaria, noxia sunt. Et omnino superstitiosum est quicquid agitur cū eo, non ex illius regula, & ecclesiæ eius sanctæ.

*Turpis lucri gratia,* Hoc etiam addit ad impietatem: quoniam nefas erat venditare scientiam diuinorum. Vnde turpe est omne lucrum quod exigitur quasi merces doctrinæ. Sapienter quidam Iuriscōsultus de ciuili sapientia dixit: Non esse illam pretio numario æstimandam, ac dehonestandam.

*Dixit quidam ex illis proprius ipsorum propheta.* Epimenidem intelligit, qui fuit paganus vates. Vocat autem quendam ex illis. Erat enim Cretenſis ille poeta: ita vt nō ad Iudæos specialiter pertineat hic sermo, nisi fortè & ille Epimenides fuerit ex stirpe ac genere Iudæus, quod non constat apertius. Et præterea hic vt Cretenſis ab Apostolo citatur, non vt Iudæus: & in ipsos Cretenſes vaticinatur, nō in Iudæos. Appellat & proprium ipsorum pro-

phetam. Proprium ait: quia eius gētis erat. Aut melius dicit Epimenidem fuisse proprium vatem ipsorum, non generaliter Cretenſium, sed eorū Cretenſium qui talia faciebant. Ita vt velit esse verum Epimenidis vaticinium quasi prophetiam, in illis Cretenſibus qui tales erant, quales ipse superius designauit. Tria autem in Cretenſes obiicit. Primum, eos esse mendaces: & ideo vaniloqui & loquentes quæ non oporteat. Secundum, malas bestias: & ob eam causam seductores mentium, atque animarum interfectores. Tertium, ventres pigros: ex quo reddebantur otiosi, & sic malis artibus cibum quærere coacti per linguam mendacē & adulantem, vt gnatonum more possent ventri satisfacere.

Sunt qui mirantur primum, cur B. Paulus in auctoritatem euexerit poetam ethnicum quasi prophetam. Nec intelligunt (quod tamen facile erat) non poetam, sed illud dictum poetæ hoc in loco probari. Quid enim prohibet mendaces poetas aliquando prædicare quod verum est? Nonne & demones aliquando vera loquuntur? Memini etiam quendam virum magnum & ecclesiasticum, qui illud potius admirabatur, quomodo tantus Apostolus tanto vituperio vniuersam illam prouinciam tāta ignominia nota inuſſerit. Aiebat enim sibi nō videri esse viri prudentis, vniuersaliter taxare aliquam nationem, ac illius vniuersæ gentis animos propterea in se acerbius concitare. Verū B. Paulum excusare primum potest ipsa rei clara veritas. Deinde, non fuit eius sententiæ author, sed poetā illiusmet gentis profert: quanquam illud dictum quasi vaticinium videatur probare. Tertio, quia scribebat Apostolus ad priuatum virum. Multa enim priuatim prudenter dicuntur & scribuntur, quæ minus prudenter in aures vulgi publicè dicerentur. Et quanuis publicata postmodo fuerit hæc epistola, hoc tamen tum non intendebat Apostolus. Quarto, si cōcideretur quid Apostolus dixerit, videtur potius mitigasse dictū illius poetæ in Cretenſes, dum quasi prophetiam accipit, quæ ad illud tempus & ad illos seductores respiciebat. Denique ipsa B. Pauli auctoritas excusat, qui tanquam Apostolus Dei loquebatur, nec animo conuiciandi, sed potius vt emendarentur, nec iis humanis (vt ita dicam) respectibus astringebatur. Est item verus saltem spiritualis sensus de Cretenſibus, in quibus carnales homines significantur, vt vox ipsa sonat. Qui autem carnales sunt, & vêtres pigri sunt, & malæ bestię, & facile mentiuntur. Si quis ab his conditionibus immunis fuerit, nec erit Cretenſis secundum Spiritum, sed eò maiori laude dignus, quò in medio bestiarum apparet homo ratione se & iudicio gubernans.

*Quam ob causam increpa illos durè.* Merentur proſectò duram increpationem, qui non sunt sani in fide, id est, non sanè sentiunt de his quæ sunt fidei: quantò verò magis etiam qui alios peruertunt per inanes hominum traditiones? Increpare autem iubet ad hunc finem, *Vt sani sint in fide* Hic ergo finis increpationis, videlicet sanitas fidei, vt eam rectā & sanam sequantur: non solum in illis, verum ne etiam alij corrumpantur. Vnde & pergit:

*Non attendentes Iudaicis fabulis.* Nam vel tunc erat doctrina illa pessima quam vocant Thalmut, fa-

Quam auctoritatem  
paganis  
scriptis det  
Apostolus



bulis scatens non quibuscunque, sed iudaicis: non solum mendacibus, verum etiam & superstitiosis & ridiculis. Addit, *Et mandatis hominum auersentium se à veritate*, Græcè auersantium se, & odiētium veritatem, illam nimirum quæ erat in Christiana lege. Et quia de cibus magna vigeat quæstio sub prætextu decretorum Moyses, adiecit:

*Omnia munda mundis.* Hæc Apostolica sententia ratione summa nititur: quoniam rerum munditia vel immunditia non ex ipsarum rerum natura est, ut putabant impij. Omne enim à Deo creatum bonum est & mundum. Itaque non quia aliquid sit immundum, si illud edamus, coinquinamur. Sed cum accadat hominem esse immundum propter peccatum, iccirco & omnia illi fiunt immunda. Quia enim in primo homine omnes peccauimus, ideo immunda facta sunt nobis omnia, ut potè quæ non seruiant, nec prosint ad seruitium Dei, cum nos, quibus ista seruire debebant, à Deo essemus alieni. Igitur immunda nobiscum facta sunt, quamdudum permansuri eramus immundi. Tandiu autem erat illud futurum, quandiu peccatum regnaret. Postquam verò Dominus Iesus sua cruce delcuit peccatum, & ita mundificauit nos quicumque in illud ingressi sumus, iccirco nobis facta sunt munda omnia. Doctè igitur dixit omnia esse munda mundis per Christum redditis.

*Coinquinatis autem & infidelibus nihil est mundum*, id est, non ea solum quæ tanquam immunda reputantur à Iudæis, sed etiam quæ munda esse existimant, immunda sunt: quia immundus est factus homo coram Deo: nec iustè, nec dignè, nec munde potest comedere, aut quicquam agere donec talis perstiterit. Nulla enim decetia patitur, ut qui summo bono ingratus fuerit, vescatur illius bonis. Quod si facit, non iustè facit.

*Sed inquinata sunt eorum & mens & conscientia.* Inquinatur mens errore cum obfirmatur, & non est parata informari luce veritatis. Et conscientia inquinatur, quando contra rectæ rationis instinctum agit. *Confitentur se nosse Deum*, Ore scilicet & fortè scriptis, sicut nunc heretici faciunt, qui assidue Christum ingeminant: *Factis autem negant*, quia docent contraria veritati, & ipsimet Christo, & licentiosam viuendi viam sine villo Christiano luctu sternunt hominibus. Sed minime illud mirum. Quis enim eousque malus qui non velit bona loqui? At ubi opera loquuntur, non est requirendus elegans verborum apparatus. Nonne hypocritæ illi & Pharisei quos Dominus durè coarguit, Mosaicæ legis tam acres se profitebantur defensores, ut vel ferre non possent debiles, & claudos, & cæcos ad Christum sabbati die accedentes? Et tamen nullus eorum legem implebat: verbis & exteriori cultu tantum Mosen confitebantur, factis negabant. Si discutiamus omnes hæreses, teste B. Augustino, inuenimus eas negare Christum. Etiam omnes mali Christiani verbis confitentur Christum, sed factis negant. Nolite, inquit, esse de fide sola securi. Adiungite fidei rectæ vitam rectam, ut Christum cōfiteamini in carne verissem & verbis vera dicendo, & factis bene viuendo. Nam si confiteamini verbis, & factis negatis, fides talium morum propè est fides dæmoniorum. Et isti tamen hanc fidem prædicant, *Cum sint abominati, & incredibiles*, Melius a-

bominabiles & increduli, *Et ad omne opus bonum reprobi*, Ita ut nihil queat operari quod verè bonum sit, & Deo gratum,

Reperiuntur tamen aliqui sustinentes, posse hominem prauum & infidelem ex se, & solummodo generali illo diuino influxu qui est omnis creaturæ, operari aliqua bona moraliter. Quibus dū hic locus, & aliæ scripturarum sententiæ obiciuntur, quæ oppositum non obscurè videntur porrigere: Respondent loqui scripturas de eo opere bono quod est meritorium, ut potè à Dei gratia proficiscens. Ego verò demiror, nec video quo pacto infidelis & prauus possit opus vllum operari verè bonum etiam morale, cum nullum eorum opus habere valeat circumstantiam illam maximam, ut fiat amore ipsius Dei: quod & lex naturalis requirit, non solum lex gratiæ. Isti autem bonum esse morale opinantur, quod est bonum ex genere (ut verbis Scholasticorum utar) sed decipiuntur. Si enim inquinata est mens istorum & conscientia, quid inde, quæso, boni moralis produci potest?

## CAP. II.

**T**V autem loquere quæ decet sanam doctrinā. Senes ut sobrij sint, pudici, prudētes, fani in fide, in dilectione, in patientia. Anus similiter, in habitu sancto, non criminatrices, non multo vino seruientes, bene docentes, ut prudēciam doceant. Adolescentulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis, ut non blasphemetur verbū Dei. Iuuenes similiter hortare ut sobrij sint. In omnibus teipsum præbe exemplum bonorum operum, in doctrina, in integritate, in grauitate: verbum sanum, irreprehensibile, ut is qui ex aduerso est vereatur, nihil habēs malum dicere de nobis. Seruos dominis suis subditos esse, in omnibus placētes, non contradicentes, non fraudulentos, sed in omnibus fidem bonam ostendentes, ut doctrinam Saluatoris nostri Dei ornent in omnibus.

**T**V autem loquere quæ decet sanam doctrinam, &c. Eorum quæ à Tito tradenda sunt populis, generaliter primum ostendit, nimirum ut repudiata omni fallā doctrina, sanā docere studeat, per quā fides firmatur, & per dilectionem operatur ad consequēda cœlestia præmia. Tum ad particularia descendit, subdens ea quæ sunt sanæ doctrinæ. Specia liter autem quod sequitur: Senes ut sobrij sint. Nihil enim turpius senectute quæ delectationibus corporis est adhuc dedita, cum in ea ætate vigere debeat sapientiæ amor, & rerum fluxarum contemptus, & sensuum mortificatio: ut sint verè sobrij seu vigilantes, & quod ad exitum vitæ sunt viciniore, eo sint ad palmam arripiendam audiores, Pudici, seu graues, prudentes, seu modesti, ut & eorum



exemplo possint iuuenes proficere, *sani in fide, in dilectione, in patientia*. Ille non est sanus in fide, qui non innititur solido fundamēto, sed nutat: Et istud maxime reprehensione dignum in senibus qui progressu temporis egisse radices debuerant, & non fluctuare ad omnem doctrinæ ventum. Similiter in dilectione infirmus est, qui leuiter amare nouit. Hinc venit ut sæpe non tolerantur patienter quæ accidunt mala. *Annus similiter in habitu sancto*, conueniente pietati ac religioni, & illi ætati iam decrepitæ, non criminatrices, quod est ferè mulierum proprium, maxime verularum, quæ sunt curiosæ in alienis moribus explorandis, & taxandis.

*Non multo vino seruientes*. Opportunè admodum posita est hæc cautio. Nam illa ætas vini est appetentior: & quemadmodum pueri lacte, ita senes vi no delectantur, & facilius in ebrietatem labuntur in magnum ætatis dedecus, ubi amittitur grauitas & personæ autoritas, ne errores iuniorum emendare iam audeant, cum tamen deberent esse omnium virtutum exempla tum viuendo, tum docendo. Vide quid requiritur ab eis Apostolus ad iuniorum utilitatem, ait:

*Bene docentes*, potius bonæ docentes & honestæ, ut prudentiam doceant adolescentulas, Græcè ut possint reddere modestas adolescentulas, vxores discen-tes ab earum verbo & exemplo, ut viros suos amēt, &c. Hæc sunt quæ anus adolescentulas docere debent. Nam si semel viros suos minus amare ceperint, extimulantur in noua concupiscentiæ desideria, & non rarè violatur matrimonij fides, & quotidianis iurgiis tota repletur domus. At B. Paulus eas vult esse prudentes, castas, & domus curam habentes, ut sint adiutorio viris & solatio, non autè molestiæ & afflictioni, ut non blasphemetur verbum Dei. Verè à malis Christianorum moribus, & præsertim sacerdotum, & religiosorum accidit ut blasphemetur euangelium Dei, & doctrina sana ab infidelibus & hæreticis. Hæc autem occasionem præbere his qui foris sunt, displicet vehementer Deo. De qua re etiam per prophetas conqueritur, ut alibi ipsemet Apostolus docuit. *Iuuenes similiter hortare ut sobrii sint*, siue continentes & modesti. Nam vicina est lapsibus iuuentus, quæ variarum æstu cupiditatum ob ebullientem ætatem inflammatur. Honor autem adolescentium est (teste B. Ambrosio) timorem Dei habere, parentibus deferre, honorem habere senioribus, castitatem tueri, humilitatem non aspernari, diligere clementiam & verecundiam, quæ ornamenta sunt iuuenilis ætatis.

*In omnibus te ipsum præbe exemplum bonorum operum*, &c. Interponit Apostolus quod maxime est necessarium ei qui præest, & alios monet, ut in omnibus præstet se exemplum. Efficacius nāque mouere solent rectè facta, quàm verba. Omnes enim ferè loqui possunt, sed secundum virtutem operari perpaucorum est. Vnde quasi hoc declarans, subiunxit, in doctrina, in integritate, ut non corrumpatur docens, neque præmio, neque metu moueatur quominus vera doceat: nec sit leuitas in operatione, sed constans quædam sancta & veneranda grauitas, verbum sanum & irreprehensibile. Ut qui euangelio contradicere paratus est, vereatur & pudore confundatur, nihil habens malum dicere de nobis, nec in vita nec in doctrina. Admiseret seipsum: quo-

niam doctrina discipuli est doctrina magistri. Et si vnus eorum vituperetur, etiam in alterum redundat vituperium. *Servos dominis suis*, &c. hæc iam alibi exposita sunt. *Ut doctrinam saluatoris nostri Dei ornent in omnibus*. Vide quomodo ornatur doctrina Christi, cum ostenditur pacifica, & consentiens etiam cum legibus Gentium salua pietate. Ornatur etiam tunc cum id quod ore asseritur, factis confirmatur, ut per eam nulli fiat iniuria, sed reddatur vnicuique ab vnoquoque quod suum est, siue à seruo, siue à libero, iuvene & sene.

Apparuit enim gratia Dei Saluatoris nostri omnibus hominibus, erudiēs nos, ut abnegantes impietatem, & sæcularia desideria, sobriè, & iustè, & piè viuamus in hoc sæculo, expectantes beatam spem & aduentum gloriæ magni Dei & Saluatoris nostri Iesu Christi, qui dedit semet ipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Hæc loquere, & exhortare, & argue cum omni imperio. Nemo te contemnat.

*Apparuit enim gratia Dei saluatoris nostri*, &c. Graue quidem videri poterat, & propemodum æquum, ut qui in Christo essent per gratiam constituti, reciperent libertatem. Occurrit igitur B. Paulus, oppositum docens, & exponēs ipsum statum, in què per gratiam Christi euectus est homo, non ad tollendam carnis seruitutem, quæ nihil ad salutem officit, sed ad veram spiritus libertatem, quæ sola valet, & ait: *Apparuit enim gratia saluatoris nostri*, &c. Salutifera legitur in Græcis, *omnibus hominibus*, ut nulli prorsus excipiantur cuiusvis conditionis & status, siue serui sint, siue liberi. Sed hoc videtur falsum: quia multis hominibus non illuxit euangelium Christi, ut testatur ipsemet Apostolus. Facilis solutio: Apparet omnibus hominibus, sed non illuxit iis qui suis peccatorum tenebris delectati, se indignos tam amabili luce reddiderunt. Gratia autem Dei quæ apparuit, est donum illud quod nobis gratiosè largitus est, quo grati facti sumus ipsi Deo. Et ut eius gratiæ efficaciam singularem agnoscas, addit:

*Erudiens nos, ut abnegantes impietatem & secularia desideria*. Quoniam gratia hæc non venit absque lumine & doctrina, per illam ad hunc finem erudimur, ut abnegantes impietatem, seu potius abnegata impietate, & sæcularibus concupiscentiis sobriè viuamus. Quæ autem est impietas, nisi relinquere verum Deum & Patrem omnium, & hærere satanæ & pompis eius? At hoc est primum in Christiana vitæ eruditione, quod & in sancto baptismi sacramento detestamur. Abrenuntiamus enim conceptis verbis satanæ, quod est abnegare impietatem: & omnibus operibus eius, & omnibus pompis eius: quod est abnegare sæcularia desideria, id est, cupiditates, quas facile excitant obiecta huius mundi. Hoc ergo facit gratia suo lumine, ut abnegemus primum impietatem, ac simul mundanas concupiscentias, & conuertamur ad Domi-

2. Cor. 4.

Rom. 2.



est persuasus ipse, quonam modo poterit aliis suadere? Debet enim tractator diuinarum scripturarum, doctor fidei, ac debellator erroris, & bona docere, & mala dedocere, & hoc opere & sermone conciliare aduersos, remissos erigere, nescientibus quid expectare debeant, intimare. Non minoris liquidem est pietatis tradere animo sapientiam, quam ventri escam. Et ubi adest vera & clara cognitio, acriores adhibentur ad operandum stimuli. Quemadmodum & viatoribus vsu venire solet. Illi enim longè maturius & facilius, quò tendunt, perueniunt, quibus sunt notæ viæ, quàm ij qui in biuiis & triuiis ob inscientiam coguntur hæsitare, & quos habent obuios semper de recto itinere interrogare. Qui enim optimè nouit, est veluti qui clara luce ambulat: qui autem tenetur ignorantia, in nocte ambulat, & crebrò offendit. Est igitur admodum necessarium vt ipse dux itineris firmus sit in fide & notitia omnis veritatis, vt alios securè possit deducere, & ad sancta opera accendere, ait Apostolus, *Vt curent bonis operibus præesse qui credunt Deo*. Auditis ne, obsecro Lutherani, quæ hic ait Apostolus? Num postquam crediderint, fidem satis sibi esse credat, & opera negligant?

In hereticos.

Nunquam hæc loca citant, nisi ad ea corrumpeunda. Ait igitur vt qui crediderint Deo, curent bonis operibus præesse. Quid est præesse bonis operibus, nisi liberaliter seu Christiana libertate operari bona, ex bona voluntate, non ex metu & ad oculum? Hic verè est dominus suorum operum, & illis præest. *Hæc sunt bona & utilia hominibus*. Verè bona sunt & utilia, quæ stabiliunt hominem strenuè operantem, vt non solum extremum iudicii diem non horreat, sed auidè expectet: velut agricola messem post hyemem & agriculturæ labores desiderans, vt colligat manipulos cum lætitiæ & exultatione. Et non illud quod isti obtrudunt desideribus hominibus, si tantum credideritis, apprehendistis iustitiam Christi, & vestra est perimputationem, & quicquid sit de operibus salui eritis.

*Stultas autem quæstiones, & genealogias, & contentiones, & pugnas legis deuita: sunt enim inutiles & vanæ.* Hæc in priore ad Timotheum iam exposita sunt. Vbi & annotauimus quàm ineptè & subdolè Erasmus insultat, admiscens inter stultas quæstiones nonnulla quæ decisa sunt, & ad fidem attinent: præter ea quæ etiam calumniosè cõmentus est in sacros doctores. Caueat sibi pius lector, ne forrè, pfit Erasmus artificium, quo solet quædam vera falsis immiscere. Eo enim artificio id egit, vt simul falsa prætextu verorum recipiantur, tanquam aureo poculo venenum porrigens. Nam tale est opus diaboli ad fallendum, à quo instruuntur isti præcursores Antichristi, homines reprobi circa fidem, vera falsis permiscentes, vt facilius seducere possint. Venena enim non dantur nisi melle circumlita, vt testatur B. Ambrosius: & vitia non decipiunt nisi sub specie vmbraque virtutum.

Erasmus.

*Hæreticum hominem post primam & secundam correctionem, deuita.* Necessarium hic præceptum tradit Apostolus, & efficacem assignat præcepti rationem. Præceptum est, vt homo hæreticus post primam & secundam correctionem, siue admonitionem deuitetur. Videndum est diligenter primum.

cui hoc præceptum fiat, & quæ de re. Præcipit nimirum Apostolus Tito, nõ vt homini priuato, sed vt Episcopo: ita vt in persona Titi omnis Episcopus intelligatur, qui hoc præceptum Apostolica auctoritate factum intelligat quoque ad se pertinere. Non ergo priuatorum admonitio siue correctio valere tantum debet, vt propterea etiam hæreticus homo deuitandus sit, si fortè post factam à priuatis correctionem non se velit mutare: sed hoc tantum, si ad correctionem episcopalem in errore obfirmetur animus & obdurescat. Præcipitur ergo omnibus Episcopis vt admoneant, & correctione fraterna compellare hæreticum hominem curet, vt mox resipiscat, & errorem suum agnoscat, atque ecclesiæ sanctæ cum reliquis membris consentiat, neque velit plus solus ipse sapere quam Apostoli, quæ cõcilia, quæ sancti Patres, quàm perpetuus ecclesiæ consensus & vsus, post sepultas iam tot hæreses, & infelici exitu cum suis authoribus in infernum præcipitatas. Quod si quædam minus intelligat, aut capax ad ea intelligenda non sit (neque enim peribit, si non nouerit omnia) vtatur saluberrimo Apostoli consilio & securo, plus semper ecclesiæ quàm proprio iudicio credes, quæ est columna & firmamentum veritatis, captiuans, si oporteat intellectum suum in obsequium fidei. Hoc primum continetur tacitè sub hoc correctionis præcepto.

At quisnam sit hæreticus homo qui debeat admoneri considerandum. Hæreticus homo est, qui errore pernicioso tenetur implicatus, non credens aliquem articulum ab vniuersa ecclesia receptum atque probatum, & mandatum cunctis expresse vt recipiatur: vel si etiam aliquem articulum pertinaciter recipiat & credat, qui expresse reprobatus sit ab ipsa ecclesia. Hic tamen hæreticus dicitur materialiter. Formaliter autem is erit hereticus, qui articulum non recipit, quem tamen planè nouit esse inter eos quos recipit ecclesia, & mandat esse recipiendum: Et similiter quem recipit, nouit esse ab ecclesia reprobatum. Loquitur autem Apostolus de hæretico materialiter in cõspectu ecclesiæ. Hic enim est primo admonendus, seu verè & formaliter hæreticus existat, siue non. De manifestis siquidem ipsa ecclesia iudicat, non autem de internis & occultis. Siquis autem expresse profiteretur se contra ecclesiam sentire ac dogmatizare, nulla iam dignus esset admonitione seu correctione, sed durissima potius increpatione, & à reliquis membris abiectione. Etenim iam esset à semetipso separatus: & hæreticum eum velle, qui insanabiliter egrotat, curare, extremæ esset dementia: imò non sine aliquo contagionis periculo tentaretur ista correctio. Sunt enim longè paratiores ad submergendum adiuuare studentes, quam ipsi ad emergendum. Resecanda protinus putride carnes (vt sapientissimè fidei defensor Hieronymus monebat) & scabiosa ouis ab ouili extrudenda, ne tota corporis massa ardeat & putrescat, & totum corrumptur ouile, & miserè pereat. Notum est quatum obfuerit somnolentia in Arium, qui in Alexandria fuit vna scintilla: sed quia non statim oppressus est, totum orbem eius flamma populata est. Ita accidit inclytæ Germanicæ nationi, quam Aper ille ferus de sylua vastauit: qui si mox abscissus fuisset, non



non tot peperisset viperas & basiliscos, quibus per hosce triginta annos ludificata est, ad magnū malorum spirituum gaudium, & ingētem eorum, quos Deus in illis partibus sibi seruauit, luctum & gemitum. Sunt enim non pauci qui non curauerunt genua sua ante Baal, sed fidei constantia, & scriptis piē & doctē, istis nebulonibus restiterunt. Neminem verò inter eos esse puto, siue agricola sit, seu ciuis, qui non requirat priorum temporum statum, quando regnabat fides catholica, & cultus diuinus cum reliquis ecclesiis catholicis consentiens. Putabant per Martinum nouam lucem ab initio exortam. At nunc nisi iam in sordibus fordescege perpetuo delectentur, cum dolore fateri coguntur, de clarissima & amabili luce in tenebras densissimas se esse præcipitados. Istud in libr. de confid. temporum abundē ostendimus.

Dicimus igitur de hæretico contra ecclesiam aperto Marte (quod aiunt) dogmatizante, nullam aliam mereri correctionem, sed solam abscissionem, vt fugiatur ab omnibus tanquam anathema & maledictum. At si quis errore pernicioso captus atque implicatus deprehenditur, debet cum omni cura ab Episcopo admoneri, vt ad rectam viam redire festinet, & diaboli laqueos excutiat: cuius admonitionem atque salutarium consilium si recipiat, bene sese res habet. Siquidem spes magna fructus apparet ad resipiscendum, & recuperandam animam in præcipitium ruētē. Quod si obstinato animo & diabolica pertinacia se in suo errore obfirmauerit, superioris monitionem contemnens, talem debet Episcopus omnino deuotare tanquam pestem, & lepram incurabilem. Græca enim vox, *καταλείψω*, significat reiice, expelle, abdica, deuota. Et istud proprium est Episcopi, nimirum excommunicare, & segregare morbidam ouem à communi reliquarum ouium minime infectarum consortio. Nam rectus in ecclesia ordo, & mira Dei prouidentia requirit, vt quem Episcopus ipse deuotat, etiam reliqui omnes eius sententiam comprobantes, & auctoritatem citra aliam discussionem sequuti, deuotare teneantur. Alioqui Deus ipse irascitur, & tradit repugnantes Maiorum mandato, in eosdem laqueos diaboli, quibus astricti tenentur hæretici.

Porro non est hîc prætermittendum quid illi ad hunc locum Apostoli afferunt. Nam omnes hæretici cum veteres, tum & recentiores magnopere aduersum nos eo abutuntur sub prætextu cuiusdam pietatis & commiserationis. Constanter enim negant, hæreticos, hoc est seipsos, pœna ignis (qua norunt hæreses promptius quàm verbis extinguī) seu quouis alio supplicio debere puniri. Ecce, inquiunt, Paulus nullam aliam exigit seueriorem pœnam, quàm eiectionis & abdicationis à reliquo fidelium consortio. At vos crudeles, & crudeliter agentes, igni nos & flammis traditis conflagrandos. Astutē id quidem, & ad prudentiam carnis hoc ab eis dicitur. Defensores nanque sunt causæ propriæ, & mirum cur non sint adhuc hac in parte longē instructiores. Sed hæc excusatio est omnino indocta, quæ ad mentem Apostoli nihil habet prorsus virium, nisi apud eos solos qui eiusdem sunt carnis, quique volunt non cum viris Catholicis sapere, sed cum hæreticis desipe-

re. Erasmus quodam in loco Luthëranis erroribus, quemadmodum & in plerisque aliis facere solitus est, fauere studens, recitat cuiusdam Magistri nostri (sic ad contemptum appellat) interpretationem, qui ex his apostolicis verbis probare voluit pœna capitali plectendos hæreticos: quoniam iubebat hominem de vita. Legebat enim diuisam syllabam, *de*, in hunc modum, de vitâ, vt verbum in nomen commutaret, suppleretque aliud verbum, puta, *tolle*, vt esset sensus: Tolle hominem hæreticum de hac vita. Ego verò qui sæpenumero Erasmus mendacem & scismaticum deprehendi, arbitror illius esse peculiare commentum, & fictam calumniam, quò in ceteros Theologos odium atque inuidiam concitaret, quibus ille fuit mirum in modum insensus. Et congruē id quidem: Nam & Theologi meliores, & Theologorum vniuersitates celebriores, & omnes viri pietatis amantes vnum Erasmus, & eius lucubrationes tam multas quàm pestilentiores, præ aliis ob insignem hypocrisim & perfidiâ maiori odio prosequendas censuerunt. Vide, quæso, bonè lector, hominis astum. Voluit legentibus hanc vnus Magistri ineptam expositionem quasi puluerem in oculos iniicere, ne vera apostolici sensus intelligentia à Theologis peteretur, quasi diceret: Ab vnus incitia discite omnes. Poterat enim & debebat, si catholicus esse & videri cupiebat, partes iuare Catholicorum aduersus hæreticorum pestes decertantium, & non clanculum & apertè impugnare, potissimum hoc infelici sæculo, quando cernebat vtrinque instructas acies. Quis enim dux sagacior toleraret vnquam militem mox ab vno exercitu ad alterum, & ab altero ad priorem transfugientem? At hoc Erasmi est proprium: ita vt ab initio hæsitauerint aliqui, vtri parti astaret. Sed tandem deprehensa est vulpeculæ astutia, & sic deprehensa, vt quem respuerunt Catholici, nec in suum numerum velint referre Luthërani. Hac tamen arte putabat sibi paratum iri gloriosum nomen, qui dissidentium partium esset amabilis conciliator: quasi verò lux cum tenebris, & mendacium possit cum ipsa veritate conuenire. Sed ad rem nostram.

Quid si daremus hoc Erasmo de illo Magistro verum fuisse, nūquid propterea tales ineptias probaremus? Dicimus ergo iuxta veram theologiā, non esse ex lege euangelij, vt quisquam pœna capitali plectatur. Adiungimus verò minime sequi, si non sit ex lege euangelica, vt protinus contra euangelium esse censeretur debeat. Dominus enim ac Redemptor noster iuxta euangelium suum ad excommunicationem vsque & non vltius aduersus quoscumque delinquentes procedi voluit. Hoc idem faciendum monet hîc Apostolus.

Sed miseri & imperiti hæretici hanc sententiā, sicut & innumeras omnes alias, quibus hæreses extirpantur, deprauant. Sibi enim persuaserunt, quodcumque non est ex euangelio, prorsus esse superstitiosum, minimeque licitum. Quod si ita se res haberet, non solum hæreticos in corpus punire non liceret, sed nec vllos prorsus alios flagitiosos homines, latrones, viarū grassatores, incendiarios, & ceteros huiusmodi scelestos homines: quandoquidem nullo in loco apud Euangelistas hoc

Erasmi  
dolum.



*Euāgelium  
civiles leges  
non tollit,  
sed probat.*

legitur expressum. Et non aduertunt, seu potius animaduertere nolunt, tantum abesse ab euāgelio, vñ ciuiliū legum vim atque exequutionem tollat, vt contra omnino probet atque commendat. Cum ergo hæreticus sit publicæ tranquillitatis seditionosus perturbator, & longè deterior quam alij criminosi homines, meritisimè ciuili potestati, ciuiliūq; legum animaduersioni subiacer & punitiōi. Ipsa quidem causæ cognitio de hæresi ad solos Ecclesiasticos spectat: quoniam de fidei veritate cognoscere non est sēcularis iudiciij, cui suum est assignatum tribunal, & quā longè progredi debeat, terminus præscriptus.

Haecenus B. Pauli præceptum tractauimus: nūc restat vt ipsius simul præcepti rationem accuratius quoque perpendamus. Videri nanque prima facie posset sententiæ euangelicæ minus consentanea præsens hæc ratio: quia Christus Dominus noster præcepit Petro, quoties peccātibus esset ignoscendum requirenti, vt non semel aut bis parceret, vel tertio & septies, sed vsque septuagies septies inquit: quod exponitur perinde esse ac si clarè dixisset, toties quoties quis peccauerit. Verū per uia est ad huiusmodi obiectionē satisfactio. Primum quidem, quoniam constat Dominum illo in loco de remissione peccatorum esse loquutum, quæ fieri solet & debet in sacramento pœnitentiæ. Tum etiam de remissione ipsius iniuriæ & offensæ aduersus quempiam priuatū admittæ. Data est enim lex æqua & iusta, vt si nobis à Patre cœlesti velimus, quoties peccamus, ignosci: ignoscamus & fratres (quoties postulauerit) in nos delinquenti. At in punitiōe hæreticorum longè dissimilis est ratio. Nam animaduersores ad cōmunem omnium utilitatem respiciunt & salutem, ne morbida ouis & pestilens sua vnus contagione cæteros inficiat & perdat. Quocirca huius præcepti rationem reddēs Apostolus, cur scilicet vitandus sit homo hæreticus, subdit:

*Sciens quia subuersus est qui eiusmodi est, videlicet qui nec vna, nec altera Episcopali monitione respuit, subuersus est, seu euersus. Quid autem aliud est euersum esse, nisi auulsum ab ipsa radice Christo? Vt iam nihil spiritualis in eum influxus, nihil donorum deriuat, sed est palme aridus soli incendio destinatus. Fidem enim amisit summotus per seipsum à solido fundamento, & in peccato maximo affiduè viuens. Quisnā autem huius ruinæ extiterit author, aperit: Et delinquit, cum sit proprio iudicio condemnatus, Græcè, Et peccat per seipsum damnatus. Si enim sese contra ecclesiā obfirmavit, vt nolit eius salutiferis monitionibus credere, causam sibi ipse cur ab eadē ecclesiā separetur, inde accersit, quod credere noluit ecclesiæ, dum spōte proprioque iudicio peccatum tale admisit, & in eo obstinatus persistit, propter quod necessario cogitur ecclesiā iudiciū illud ab illomet aduersus seipsum factum comprobare. Ecclesiā siquidem iudicat illum esse extra cōmunem fidelium Catholicorum societatem. Hoc similiter ipse suo peccato facit. Quia etenim ratione potest verè dicere, se in ecclesiæ gremio esse, qui fidem ipsius ecclesiæ minimè sequitur? Quicumque in vno articulo peccat non credendo, in omnes peccare cōuincitur: quoniam qui vnum asserit esse credendum & tradit, reliquos*

pariter omnes credendos asseruit & tradidit. Et licet sibi videatur alios credere, eos tamen in veritate & ex fide diuina non credit. Nam si vnum crederet ex fide, omnes similiter crederet: quoniam ecclesiā sese subderet, quæ Spiritu sancto ductore citra vllum penitus errorem in recta fide regitur. Quia enim nobis dicit ecclesiā, ideo credimus: cuius iudiciū accipimus tanquam Dei iudiciū. Quod si in vno spernitur articulo, in reliquis quoque spernitur articulis, quos tradit recipiendos, cū par sit & æqualis in omnibus credendi ratio.

Crediderim insuper vnunquēque eorum qui ab ecclesiā per infidelitatem recedunt, si semel atque iterum fuerit admonitus, nec acquieuerit, hoc ipso pertinacem effici, & intus conscientia tactum damnare semetipsum: quemadmodum proditori Iudæeuenit, qui post admissum summū omnium crimen dixit: Peccaui tradens sanguinem iustum, & venditionis pretium ad emptores nefarios retulit. Vnde & in eam cogitationem veniunt perdiri isti & insignes peccatores, quæ agitur est ille pessimus fraticida Cain ab initio, dū vltice conscientia flamma in illam desperationis vocem erupit: Maior est iniquitas mea, quā vt veniam merear. Et item vsurpant isti tacitis in corde sermonibus, Vna salus victis nullam sperare salutem. Iacta est alea. Ad restim res rediit. Et ita iustissima Dei permissione traduntur satanæ, quem elegerunt relicta vera salutis via, deficientes ab ecclesiā sancta, quæ est columna & firmamētum veritatis, extra quam non est salus, sed aeterna damnatio.

Hæc autem potissimum de ipsis hæresiarchis, id est, hæresum authoribus dicimus. Nam hi iuxta ipsius vim vocis atque significationē propriè sunt hæretici, qui opinionem certam præter alios sibi eligunt, & eam mordicus tenent ac defendunt, nec patiuntur vllis rationibus se ab illa auelli. Alij potius talium hæresiarcharum sequaces appellandi sunt. eiused tamen criminis participes. Etenim hæretici quoque illi dicuntur, quibus hæresis placet, cū perinde probent & ea delectentur, ac si ipsi inuenissent: quoniam ita superbè hæresiarchis hærendo ac fouendo eam faciunt propriam. Vt igitur rem totam concludamus: nemini dubiū esse debet, iustissimè fieri à magistratibus ciuiliū legum, qui non sine causa gladium portant, dū capitali supplicio plectunt huiusmodi fontes homines, longè perniciosiores aduersum tranquillū reumpub. statū, quā vllum aliud genus maleficorum, siue grassatorum, siue homicidarum, incēdiariorū, falsariorum, & reliquorum facinorosorum, quos nulla reprehensione, imò cum maxima laude, de medio pro qualitate criminis tollūt. Nam si hi quorum manus solam corporum vitam, seu facultates inuadunt, merentur (ipsa iustitia ita exigēte) mortis supplicii: quā ratione effugere debent obstinati hæretici, qui & plerūque in corpus & bona externa insurgūt. ipsas autē ouium Christi animas semper petunt, vt mactent & perdant: iam enim scriptura hominis vocabulo istos non dignatur, sed vel infirmatum contagiosarum, quales sunt lepra, cancer: vel ferarum nomine. Appellātur enim vulpeculæ, rabidi canes, lupi rapaces, viperæ, serpentes reguli, aspides, basilisci, & præterea, inimici crucis Christi, satanæ ministri, Antichristi.

*Gen. 4.*

*Qui sunt  
proprie hæ-  
retici.*

*Hæretici  
ipse igni  
traduntur.*

*Quibus no-  
minibus  
hæreticos  
vocet scri-  
ptura.*

*Matt. 18.*

*Ibid. 6.*



Siquis enim piè velit calamitates reuocare in memoriam, quas pia mater ecclesia per hæc Luciferi instrumēta perpeſſa eſt, non ſolum ignem non iudicabit grauē eſſe in hæreticos perfidos pœnam, ſed leuem & benignam habita ratione dānorum, in quæ incurrunt regna, prouinciæ, nationes, ciuitates, vbi impunè hoc malum graſſatur. Neque ſolum terrā inficiunt, ſed & in cœlum blaſphemum os erigētes, nec ipſi Chriſto Redemptori, nec ſanctiſſimæ Virgini Matri parcunt, Sanctos ſpernunt omnes, ſacramenta eccleſiæ conculcant : & quid ſcleris non admittitur per huiusmodi verè peſtes ac faces orbis? Hæc à nobis dicta ſint ex zelo, & ob neceſſitatem, in qua cernimus conſtitutam eccleſiam. Sunt enim aliqui paulo frigidiores, qui mites videri volunt: nec apprehendunt eorum malignitatem, qui nihil aliud moliuntur, quàm euerte re hierarchiam eccleſiaſticā tanta ſapientia, ſi eam (vt par eſſet) excoleremus, à Deo diſpoſitam.

Nec erit alienum, dum pericula ex hæreticorum peſtilentibus cisternis manantia detegimus, duo hominum genera ſolicite admonere. Reperiuntur quippe non pauci qui libros iſtorum, etiam cum grauiffima anathematis cēſura vetitos, legere non reformidant, quaſi fiat eis iniuria, priuēturque aliquo beneficio magno, quibus hæc legēdi facultas interdicitur. Iſti iuſta Dei ſententia permittuntur ob ſuperbiam & præſumptionem iuſdem inuolui erroribus, qui Maioribus obſequi nolunt, nec credunt ineſſe tantum veneni, quantū eis prædicitur: ex quo fit vt illud ſenſim bibant, & pereant. Qui amat periculum, incidet in illud, & iterum: Quis miſerebitur incantatori, ſi mordeatur à ſerpente? Nam primū ſermonis facundiam admirari incipiunt, tum ſentētiās ſcripturarum productas, quas dum vel explicare, vel conciliare nequeunt, arbitrantur ab hæreticis non perperam intelligi. Quod ſi pateat ſemel (quemadmodum in Hæua accidit) Serpenti aditus ad extorquendum primum cōſenſum, poſt probatum vnum & alterum locum, ſollet & author placere & commendabilis reddi, poſſimum apud ſæculi ſapientes, qui & Epiſcopos, & Clerum, & Monachos leuiſſimo amore proſequuntur. Tum grata eſt prædicatio, quæ ſordidas conſcientias liberat ab obligatione cōſtēdi peccata, ieiunia tollit, opēribus ſalutem comparari negat, ſed fidei omnia tribuit. Si nullū aliud eſſet periculum (quod tamen ineſt maximum & lethale) duritia illa non obtēperandi eccleſiæ, prouocat Deū vt dignam exerceat in eos punitionem, qui nolūt effici paruuli, & veri filij Matris eccleſiæ, quæ ī tot vafis, quot ſunt hæreticorum libri, animaduertit infulum venenum, & pia pro filiorum ſalute ac ſolicita prohibet, ne quis haurire inde audeat. Itaque ſiquis ſecus agat, quid mirū ſi mordeatur à ſerpentibus? Miſſos facio eos qui domi & libros aſſeruant, & viuos quosdam Lutheraniculos alunt, qui portabunt duriffimum iudicium quicunq; ſint illi.

Sunt & alij boni quidem viri & Catholici, qui mira auiditate tenentur videre quid ab iſtis beluis dicatur, ne ſint, quando res ita poſceret, ad reſpondendum illorū obiectionibus minus parati: & inſtantiſſimè ſolicitant fieri ſibi legēdi poteſtatem. Ego certè arbitror fallax eſſe tale deſiderium, & pleriq; noxium. Non enim eſt omniū de latebro-

ſis, vt B. Hieronymus ait, hæreticorum libris, quaſi de foueis ſerpētes extrahere. Si doctrinam quaras, nihil inuenies quod à noſtris non ſint ſuffurati, ſed aliis verbis quaſi veſtibulis ira ornamant, vt noſtrorum eſſe vix recognoscatur. Si demas cōiugia, maledicentiarum colluuiem, mendaciorū, calumniarum atque blaſphemiarum monſtra, quod reliquum erit, ferè nihil erit. Quantò ſatius ſacris noſtris doctoribus integras horas tribuere, qui ſanū porrigūt cibum, & animæ potum fidelem, qui nec elegantia dicendi vllis hæreticis cedunt, & apud quos inuenitur quicquid facit ad reſellēda omnia iſtorum dogmata peſtifera. Vel ſaltem legant Catholicos, qui antidotum cum veneno appoſuerūt. Alioqui Deus curioſos animos, & pernicioſorum ciborum importunos exactores in infirmitatem ſinit prolabi. Hoc vnum vera laude dignum eſſet, ſi quem audias aliam doctrinam auferentem, & ſanas Chriſti oues labefactare laborantem, deferre, accuſare, perſequi citra vllam commiſerationem, vbi admonitus non ceſſat peruertere vias Domini rectas. Ad hoc pietatis ſtudium hortabatur populū verè magnus ille Leo Papa aduerſus Manichæos ſuo tempore vigentes. Vt autem in omnibus (inquit) dilectiſſimi, placeat Domino veſtra deuotio, etiam ad hanc vos hortamur induſtriam, vt Manichæos vbicunq; latentes veſtris præbyteris publicetis. Magna eſt enim pietas prodere latebras impiorum, & ipſum in eis, cui ſeruiunt, diabolū debellare. Contra iſtos omnem terrarum orbem, & totam vbique eccleſiam licet fidei arma arripere. Cauendi ſunt ne cuiquam noceant: prodendi ſunt, ne in aliqua ciuitatis noſtrę parte conſiſtant. Vobis, dilectiſſimi, ante tribunal Domini proderit quod indicimus, quod rogamus. hæc ille: Proſequamur iam Apoſtoli verba.

Cum miſero ad te Arteman, aut Tychicum, feſtina venire ad me Nicopolim. Hic conſidera, quomodo Titus, quē omnes interpretes volunt fuiſſe Cretenſium Epiſcopum, auocatur à reſidētia per ſuperioris mandatum. Poterat enim integra conſcientia, poſtquā neceſſaria eo in loco ordinauerat, ad tempus abeſſe ad inferuēdum aliis rebus vniuerſalem eccleſiam concernentibus accerſitus (vt diximus) ſuperioris mandato. Nullus tamen, obſecro, exiſtimate hoc à me dictum ea ratione veli, vt ſtudeam malæ non reſidentium Epiſcoporum cauſę patrocinium ſuſcipere, quod iam ſuperius ad Timotheum à me reieci, propterea quod libello edito conſcripſi, reſidentię modum iure diuino minime eſſe de terminatū, ſed relictum ab ipſa eccleſia moderandum. Neque enim inficiatus ſum, nec vnquam negabo, ouium curam eſſe de iure diuino debitā à paſtore: quam ſi non præſtat reſidendo, dum tenetur reſidere, ſeueriſſimè requiretur ſanguis ouium de manu eius. Solum dixi dari poſſe caſus aliquos, & contingere, quibus excuſabitur à reſidētia Epiſcopus: cuius rei arbitriū penes Pontificem ſummum eſſe reſpoſitum explicaui. Non enim tam arcto vinculo ſunt vni eccleſiæ alligati Epiſcopi, vt ab vniuerſali eccleſia eximātur. Itaq; modus hic reſidentię ſub prudētia & determinatione eccleſiæ relinquitur. Si cui placet rem vberius explicatam videre, legat libellum noſtrū, De neceſſaria Epiſcoporum reſidentia. Hoc tamen obiter iterum iterūque

Hæreticos  
detegere,  
pietas eſt.



commemoro, interitum ecclesiarum venire à prelati non residentibus: sed quos in primis probos esse, & doctos, & verè catholicos esse oporteat, alioqui vndique pericula.

*Zenam legisperitum.* Hic Iudæus natione fuisse creditur, qui ante adeptum baptisimi sacramentū erat in numero legisperitorū apud Iudæos. *Et Apollo.* Hic quoque Iudæus erat vir magnus & celebris, & in scripturis exercitissimus, miraq; valens facundia. Nam hunc plurimum commendat B. Lucas in Act. qui profectus Achaia contulit multum iis qui crediderant. Vehementer enim Iudæos reuincebat publicè, ostendens per scripturas esse Christum Iesum, *solicite pramitte*, aut deducito honoris gratia, *ut nihil illis desit*: Nam digni erāt quos nedum aduenientes honorificè Titus exciperet, sed ut abeuntes quoque, & ad B. Paulum præcurrentes pari reuerentia dimitterentur, & prouideret quoad fieri poterat, ne quid illis in via vel viatici, vel societatis deesset. Erant enim isti ex numero laborantium verbo & doctrina, quos duplici honore dignos volebat Apostolus. Confert enim non parum ad euāgelicam prædicationem promouendam, animandōsque ministros, vbi apparet fidelium erga illos pietas, & præsertim dum ab Episcopis honorificè tractantur.

*Discant autem & nostri*, id est, qui ad fidem sunt ex Gentibus conuersi. Nostri, ait: quoniam Apostolus erat Gentium, quemadmodum & B. Petrus

circumcisionis: vterque sancta æmulatione partem sibi commissam prosequens. Vnde ait quid ab eis requiratur, nimirum, *bonis operibus preesse ad usus necessarios*. Vbi videtur exhortari suos, ne piis operum studiis sese patiantur à Iudæis superari. Ut quemadmodum Iudæi fideles apparebant mirum in modum solliciti ut inter se conuenirent, & egentes atque afflictionibus pressos eleemosynis, & aliis solatiis iuuarent. Ad eundem modum animarentur fideles ex Gentibus, ut & ipsi sedulo erga suos afficerentur, & facultatibus succurrerent, propter vsum necessarios. Magnus enim & suauissimus odor vel apud infideles spargitur, dū charitas inter Christianos promptè exercetur.

*Ut non sint infructuosi.* Otium nullo modo probare poterat Apostolus, sicut nec probari potest: quoniam à Sapiente nouerat scriptum: Multam malitiam docuit otiositas. Propterea tam sæpè ad bona opera extimulat, ne infructuosa arbor frustra terram occupans succidatur, & in ignem mittatur ad comburendum. Non enim dormientibus prouenit regnum cælorum: nec otio & desidia torpentibus beatitudo æternitatis redditur, sed iis qui bonum certamen certant, cursum alacriter percurrunt. Et qui non curauerit bonis operibus præ-

esse in hoc sæculo, egestate replebitur in futuro. Reliqua epistolæ per se clara sunt. Gratia Dei cum omnibus nobis. Amen.

Ecl. 33.

## COMMENTARIA IN EPISTOLAM B. PAULI AD PHILEMONEM.



**P**AVLVS vinctus Christi Iesu, & Timotheus frater, Philemoni dilecto & adiutori nostro, & Appiæ sorori charissimæ, & Archippo comilitoni nostro, & Ecclesiæ quæ in domo tua est: gratia vobis & pax à Deo Patre nostro, & Domino Iesu Christo.

**P**AVLVS hanc ab vrbe Roma scripsit epistolā cum esset vinctus pro Christo prima professione, quādo appellauit ad Cæsarem: quo tempore secum habebat Timotheū, & Deum illum, qui post defecit ab ea sanctissima societate, diligēs (ut ipsius Apostoli verbis utar) hoc sæculū. Familiaris & priuata pro Onesimo seruo ad Philemonem illius dominū epistola, quem remittebat cum præsentī epistola, & insuper cum illa quæ ad Colossenses, sicut scholia Græca fidem faciunt, ut eundem reciperet Philemon sui gratia, tametsi quondam fraudulenter egisset, seseque clam subduxisset. Romæ autem ab Apostolo ad meliorem frugem reuocatus, & ad Christi fidem cōuersus, tanta commutatione facta, ut referri merito in eorum numerum possit, de quibus Dominus aiebat: Amen dico vobis, quoniam multi peccatores & meretrices præcedent vos in regnum Dei. Tales

enim emundati, redduntur veluti vasa vtilia (ut Apostolus testatur) sanctificata, & ad omne opus bonū parata. Siquidem nullus, siue seruus, siue liber, barbarus aut Scythæ, vir seu fœmina, excluditur à regno Dei, modo velit sincère pœnitere, & præceptis euāgelicis obtemperare. Peculiaris autem fuit diuinæ prouidentię erga Onesimum istum fauor, qui perductus est ad tantum Apostolum institutus in recta via inseruiendi vero Domino, cuius seruitium reddit hominem liberrimum, & quietissimum: ut tantò sit quisque liberior, quo fuerit arctius Dei seruitio mancipatus. Hoc est illud vnum necessarium, quod nunquam auferetur. Nam & in fœlici patria seruiemus illi, sed cum lætitia inenarrabili & exultatione, omni malorum timore sublato. Sicut & Angelorū millia millium illi assistunt, & decies centena millia ministrant ei. Commendata, inquam, est & Apostolico spiritu digna epistola, affectibus misericordiæ & singularis cuiusdam charitatis eousq; referta, ut mirum sit, si quid ad extorquendum quod volebat, ne dicam ad persuadendum, addi potuisset. Omnia enim affert quæ vel hominem ferreum emollire poterant, nedum Philemonem pium virum, & charitatis operibus deditum, cuius domus non tam domus honorati ciuis, quàm portus & refugium pauperum erat. Nam & hanc vocat honorifico ecclesiæ nomine Apostolus.

*Et Timotheus frater*, In salutatione adiungit dilectum suum Timotheum consalutantem: quemadmodum & in plerisque aliis obseruauit. Et licet ad

2. Tim. 2.

Matt. 21.



Col. 4. vnum solum Philemonem sermo pertineat, nō est tamen alienum, si & aliis quibusdam in ipso exordio salutē dicat, & Dei gratiam precetur. Nam Appiam illam expositores aiunt fuisse Philemonis uxorem, & Archippum eorum filium, & præterea Colossensem Episcopum, quibus scribens Apostolus mandauit, vt Archippo dicerent: Vide mini steriū quod accepisti à Domino, vt illud impleas. Et hoc in loco eundem vocat cōmilitonem: quod ad persuasionem facit, cum illum inter Episcopos annumeret. Vocat & Appiam charissimam, nempe in Domino. Sumus enim in Christo omnes fratres, qui debemus mutuā nobis ipsis & synceram dilectionem. Vniuersam denique domum appellat honorifico illo nomine, *ecclesia*, Philemonem etiam Colossensem fuisse non opinor dubitandū, virum honoratum & locupletem, sed rectē facultates sibi à Deo datas dispensantem: non in mimos & saltatores, & profusas epulas, & luxum atque fastum sæculi profundentem: sed in pios Christi pauperum vsus & afflictorū. Vtinam & hunc imitarentur nostræ ætatis viri diuitiarum, qui tanto sudore contēdunt sibi in hac fallaci vita thesaurizare, & domos domibus, agris agros, numis numos addere, ad fouēdam filiorum atque heredum inertiam & superbiam. At vbi dormierint, excitati somno, nihil inuenient in manibus suis, qui neglexerunt thesaurizare sibi, non in præsens, sed in futurum veram vitam. Et tamen nulla relinquitur tutior diuitibus ad salutē via, quā pauperes Christi eleemosynarū subsidiis iuuando, quas non tam istis porrigunt, quā Christo quod suum est reddunt, qui sese in pauperum personis constituit. Et ita quodam modo in terris adhuc remāsit, quod omnem prorsus adimeret excusationem diuitibus, & facilitatem præberet veram salutē, & nonquam perituras diuitias acquirēdi. Vult enim seipsum in pauperibus, infirmis, famelicis, incarceratis, peregrinis respici, non cōditionem illorū attendi. Quā diu, ait, vni ex his fecistis, mihi fecistis. Hæc sunt crebrō inculcanda & passim: quia ubiq; regnat avaritia, & quēdam in pauperes crudelitas. Quosdam etenim videas tanto supercilio istas terrenas diuitias possidere, ac si vel eas creassent, vel nunquam essent relicturi. In quos placuit adducere iustissimam Magni illius Basilij increpationem. Dic mihi, inquit, quæ tua? Vnde ea sumens in vitam intulisti? Sicut qui præueniens ad spectaculum prohiberet aduenientes, vsurpando sibi quæ ad communem usum disponuntur. Similes sunt diuites, qui communia quæ præoccupauerunt, æstimant esse sua. Si enim quilibet suæ necessitatis sufficientiam recipiens, relinqueret superfluum indigenti, iam nec diues esset nec pauper. Cæterum si fateris ea tibi diuinitus prouenisse, an iniustus est Deus inæqualiter nobis ipsas rerum facultates distribuens? Cur tu abundas, ille verō mendicat, nisi vt tu bonę dispensationis merita consequaris, ille verō patientiæ brauiis decoretur? At tu nōne spoliator es, quæ dispensanda suscepisti, propria reputādo? Est panis famelici quem tu tenes: nudi tunica, quam in conclauis conseruas: discalceati calceus, qui penes te marcescit: indigentis argentum, quod possides inhumatum. Quocirca tot furaris, quot dare vales, & non das. Quod si hæc meritō in sæculares obii-

ciuntur, quid cogitare debent Prælati, quos esse decet tēplum Spiritus sancti, & familiam totam esse ecclesiam? Surget in iudicio Philemon iste vir sæcularis, & condemnabit nos: qui domum suā conuerterat in ecclesiam, & illam sanctissimē regebat, visceribus Sanctorum patentem.

Gratias ago Deo meo semper memoriam vestri faciens in orationibus meis, audiēs charitatem tuam, & fidem quam habes in Domino Iesu, & in omnes Sanctos: vt communicatio fidei tuæ euident fiat in agnitione omnis operis boni in Iesu Christo. Gaudium enim magnum habui, & cōsolationem in charitate tua: quia viscera Sanctorū requieuerunt per te frater. Propter quod multā fiduciam habens in Christo Iesu imperandi tibi quod ad rem pertinet: propter charitatem magis obsecro, cū sis talis vt Paulus senex, nunc autem & victus Iesu Christi: obsecro te pro meo filio, quem genui in vinculis, Onesimo, qui tibi aliquando inutilis fuit, nunc autem & mihi & tibi utilis, quem remisi tibi. Tu autem illum vt mea viscera suscipe: quem ego volueram mecum detinere, vt pro te mihi ministraret in vinculis Euangelij. Si ne consilio autem tuo nihil volui facere, vt ne velut ex necessitate bonum tuum esset, sed voluntarium.

Gratias ago Deo meo, &c. Volens impetrare à Philemone gratiā pro Onesimo ipsius seruo, prudenter beneuolētiā prius sibi conciliare sancto quodam artificio studet, cum laudādo illius pietatem, tum declarando suam perpetuam erga illum charitatem. Ait ergo primū se Deo gratias agere. Nam gratus animus semper cogitat quæ beneficia acceperit, & pro acceptis assiduas agit gratias Creatori: & ita meretur vberiora adhuc accipere. Et cum vera charitas faciat omnia communia, excitans de bono alterius gaudium, Apostolus reponerat inter beneficia tam bene institutam Philemonis mentem, qui spargebat suauissimum bonorum operū odorem, ita vt dum orationes ad Deū offerret, semper memoriam illius faceret, cuius audiebat tātam charitatem & fidem ad Christum Iesum. Sic Gracē legitur emendatius, & ita re vera est legendum. Et in omnes sanctos, Vide quid de Philemone dicat, quomodo habebat dilectionem & fidem ad Iesum Christum. At non pari & æquali deuotione. In Sanctos enim propter Dominum: & in ipsum Dominum propter semetipsum, qui verē Deus erat.

Mera nanque est hæreticorum calumnia, idololatriæ nos insinulātium, qui Sanctos colimus, qui bus & fidimus, & beneficia ab eisdem poscimus. Mera, inquam, calumnia ex diabolico inuidiæ fonte manans. Nos enim minime eodē cultu eos, quod Deum ipsum, colimus: sed illis in suo debito gradu sapienter fidimus, tāquam amicis & dilectis Christi.



Inc. 19.

sto, quem sunt per strictiorem Crucis viam in hac vita imitati, ut iuxta illius pollicitationem, conformes fierent in futura. Et hos se honorificaturum promissit constituendos super populos, nationes, & ciuitates. Quid igitur iniurium, si tam chara Saluatoris veneremur membra, tanquam dilectis Sanctis fidamus, qui facilius quam nos, ipsi valeant impetrare quæ cupimus? Si auxilium potuerunt viri Deo chari præstare in terris, nonne poterunt longè potentius præstare in cælis ante faciem Domini sui: ait deuotus Bernardus. Nam si dum adhuc viuerent miserti sunt peccatoribus, & pro eis orarunt: Nunc tantò amplius, quantò verius agnoscunt miseras nostras, interpellant Patrem pro nobis. Illa enim felix & beata patria Sanctorum charitatem non mutauit nec minuit, sed cumulatius auxit. Imò potius permouentur viscera pietatis & misericordiæ, cum ante fontem misericordiæ afflât. Summopere igitur quicquid isti impostores, & elatione diabolica tumidi vociferentur, à nobis imploranda sunt Sanctorum suffragia, ut quod possibilitas nostra non obtinet, eorum nobis intercessionem & meritum à Patre cælesti clementissimo & optimo donetur.

Nec propterea arbitramur (ut isti calūniöse obiciunt) esse Sanctos Redemptore nostro clementiores, & ad misericordiam propensiores: sed summam Dei prouidentiam ut non ignoramus, sic & veneramur & amplectimur, qui vna & eadem opera voluit præstare misericordiam, & eo modo præstare, ut sanctis suis reddat quem meruerunt (gratia tamen illius & benignitate) iustitiæ & gratiæ fructum, volens per illos ad eorum laudem exercere misericordiam: & item deprimere colla sublimiū & superborum hominum, ut vereantur ita immediate ad Deum ipsum aduolare, nisi prius per istos interiectos gradus. Alioqui Redemptor noster quatenus homo, nunquid misericordiæ abundantia & promptitudine Deum superat? Absit. Et tamen nobis illum hominem prouidit Deus Mediatorem, per quem haberemus ad illum accessum.

Quid est causæ, imò quid non inest malitiæ in istis hæreticis, qui nullam vnquam faciunt mentionem verbi Domini amicos Iob increpantis, quos ad eundem remisit, ut sacrificia offerrent in gratiam Iob suscipienda, quibus pollicetur se ipsius orationibus iri placatur? At nos proferamus tam inexpugnabile testimonium, postquam isti callidè suppressunt, ait scriptura: Postquam autem loquutus est Dominus verba hæc, dixit ad Eliphaz Themanitæ. Iratus est furor meus in te, & in duos amicos tuos: quoniam non estis loquuti coram me rectum, sicut seruus meus Iob. Sumite ergo vobis septem tauros, & septem arietes, & ite ad seruum meum Iob, & offerre holocaustum pro vobis. Iob autem seruus meus orabit pro vobis: faciem eius suscipiā ut non imputetur vobis stultitia. Neque enim loquuti estis coram me rectum, sicut seruus meus Iob. Abierunt ergo Eliphaz Themanites, & Baldad Suhites, & Sophar Naamathites, & fecerunt sicut loquutus fuerat Dominus ad eos: & suscepit Dominus faciem Iob. Dominus quoque conuersus est ad penitentiam Iob, cum oraret ille pro amicis suis. hæc ibi. Nunquid ergo Iob erat Deo benignior & clementior, ut opus fuerit eius intercessione? Absit:

Sed voluit post tam insignem admirabilis tolerantia ac patientia victoriam suam honorare militem. Pleni itaque sunt isti nebulones calumniis & ignorantia, qui talia audent contra ecclesiam euomere, & sanctos omnes.

Ut communicatio fidei tuæ euident fiat, Græcè legitur, *ἡμεῖς ὑποκατάσταται*, id est, efficax fiat, in agnitione omnis boni. Desiderantur hæc subsequenda verba in Latinis codicibus, nempe, *quod est in vobis in Christum Iesum*, Sensus autem horum verborum hic esse videtur: Orationes meæ in hunc finem tendunt, ut communicatio fidei tuæ, qua nobiscum communicas, euident fiat, seu efficax per fructus eius, qui sunt bona opera. Tum enim fides apparet & est euident, quum ex operibus ostenditur. Tum est efficax, quum per charitatem operatur. In agnitione omnis boni quod est in vobis, siue ut alia lectio habet, & fortè verior, *quod est in nobis*, videlicet, Christianis, in Christum Iesum, hoc est, in Christi Iesu gloriam, ut hoc odore alij attrahantur. Nam ex famulorum moribus relictet Patrifamil. disciplina & probitas, quæ rectè factis incumbens & sanctis operibus, trahit in admirationem spectantes, & ad imitationem plerumque pertrahit. Vnde scriptura nobis stuporem exprimit reginæ Sabæ, quæ tanto encomio & Salomonem, & Salomoni ministrantes extulit. Non secus accidit ex probis Christianorum & honestis moribus, quibus efficitur ut & ipsi infideles Deum laudare compellantur, cuius seruos ac domesticos animaduertunt tantis virtutum dotibus ornatos.

Gaudium enim magnum habui, In Græcis loco, *gaudij*, legimus, *gratiam*. Potior tamen videtur lectio Latina, quæ habet, *gaudium*, Et facillimè potuit lapsus irrepere ob maximam Græcarum dictionum affinitatem, vna litera commutata, nimirum pro *χαρᾶ* legere *χαρί*. Præterea melius diceretur, *habemus*, quam, *habui*. Et consolationem in charitate tua, seu super charitate siue dilectione. Quæ autem fuerit illius tanti gaudij & consolationis causa explicat, subiungens: *Quia viscera Sanctorum requieuerunt*, seu refocillata sunt, per te frater, Eleemosynas illas pias significat, quas Philemon prompto animo in Sanctos largiebatur.

Propter quod multam fiduciam habens in Christo Iesu imperandi tibi: Sensus per se clarus. Afferat sibi datam per hæc dilectionis opera quæ Philemon exercebat, fiduciam plurimam non absolutè quidem illi imperandi, sed in Christo Iesu, quod ad rem magis attinet. Græcam lectionem, *ἡμεῖς ὑποκατάσταται*, alij interpretantur, quod conuenit, aut, quod oportebat, & quod erat eius officij. Et tamen maluit propter dilectionem obsecrare illum. Charitatis nanque est maxime proprium, refugere ab omni parte vsum imperandi, & merito. Nam qui verè diligit, non libenter imperat, sed potius rogat. Et ipsa quidem est in promptu ratio. Quid enim, rogo, opus est diligenti præcipere, qui sponte omnia facturum est? Videtur ergo charitatem Philemonis intelligere, & illam vehementius adhuc rogando accédere, quam si fuisset aliquo vsus imperio. Vnde adiecit:

Cum sis talis ut Paulus senex, Melius, cum sis talis, quasi dicat modestius. Sum & ego ipse pariter dignus, cui propter charitatem aliquid concedi debeat. Declarat autem seipsum à nomine, qualis sit,

2. PAR. 9.

In hæreticos.

Iob 42.



Paulus, id est, humilis & modicus. Tum ab ætate, senex, annos attingens sexaginta, aut eò amplius. Annus quippe certus de scripturis determinari nō potest. Deinde à labore, vinctus, non vilius meæ culpæ causa, sed in gratiam summi omnium imperatoris Christi. Per hæc igitur omnia, prætermis- sis aliis honorificis titulis, & auctoritatem ostentantibus, *obsecro te pro meo filio, quem genui in vinculis, Onesimo*, Apud viros modestos, & charitatem profi- tentes plus momenti humilis petitio, quàm quod- uis aliud imperium. Nam & plerunque flectit hu- militas, quem nec potentia superare potuit, nec ra- tio. Vocat autem filium suum, quò facilius exora- ret: cum patris pro filio preces debeant esse multò efficaciores & æquiores, vt promptius exaudian- tur. Erat verò filius in Christo: quia illum genuer- rat positus in vinculis per orationes, & prædicatio- nem euangelicam. Verbum enim Dei non erat al- ligatum. Vt hîc admirari conueniat inuictum Ap- ostoli animum, & flagrans desiderium, qui nullo vnquam tempore neque loco, solutus vel vinctus desiste- bat, quin aliquas semper animas velut gra- num colligeret, & inferret in horreū Domini sui.

Videtur autem peculiari quodam affectu com- plecti suum Onesimum, vt quem in senectute ge- nuerat, exemplo illius quondam magni patriar- chæ Iacob, qui (teste scriptura) teneriori amore su- per omnes reliquos filios, prosequabatur Ioseph, eo quòd in senectute genuisset eum. Vnde & B. Ambrosius ad suos dicere solebat: Nō minus vos diligo, quos genui ex euangelio, quàm si suscepis- sem coniugio: quoniam gratia vehementior est ad diligendum, quàm natura. Ne autem posset exci- pere Philemō, & iustè obicere suum esse seruum Onesimum, & grauiter deliquisse, qui & fugitiuus fuerat & contumax, & fortasse furti (vt plerique volunt) reus, sicque nulla ratione dignus qui tanta facilitate atque indulgentia recipi mereretur, præ- occupat id miro artificio Apostolus, non factum quidem excusans, sed leni illud verbo mitigans, & ait:

*Qui tibi aliquando inutilis fuit: nunc autem & mihi & tibi utilis.* Vide quanto scœnore compen- sat pristinam inutilitatem. Vni tantum prius utilis erat, cui postmodum inutilis factus est. At tunc non iā vni solummodo & alteri redditus est utilis, sed & pluribus. Vbi tacitè alludit & gratiōse ad ipsam- met vocem. Onesimus enim id est quod utilis. Ve- rū pro Onesimo restituit Apostolus *in xpo*, quod est plusquam utilis. Significat enim vtilem, com- modum, placidum, probum, beneuolum: vt nullo pacto repudiandus sit seruus egregia illa conuer- sione ad longè meliorem frugem commutatus.

*Quem remisisti tibi*, Cupiebat Apostolus opera il- lius, qua necessario indigebat, diutius adhuc vti: & nihilosecius ad herum proprium optima ratione remisit, tanquam nouum in Christo militem, non iam illum seruum inutilem, vt vel loco pretiosi mu- neris exciperetur, quem gratia Dei fratrem reddi- derat, qui sine iniuria Redemptoris sperni nō pos- set, potissimū data pro illo fide à rāto ipsius Chri- sti Apostolo. Vnde subiunxit:

*Tu autem illum, vt mea viscera suscipe*, Teneritudi- nem rarissimi in illum sui amoris declarat, quasi commendans sui quoddam cōsue- tum intimum, vt

profundius penetrari non possit. Nullam certè a- liam hic locus veriore expositionem exigit, quā vt mandetur memoria, & excerceatur opere. Di- dicerūt enim veri Saluatoris nostri imitatores nō lingua tantum & verbo diligere, sed opere & veri- tate: Et eos quasi maiori cura fouere, quibus igno- bilior conditio obstare posset, qualis erat iste On- esimus. Nam & ignobilia nostra (vt alibi resta- 1. Cor. 2: tur) abundantiore circudamus honore: quoniam in Christo Iesu ille verè est nobilis, qui illius vo- luntati obtemperat: & contrā, qui illum contem- nunt quantumuis auro fulgeant & potestate in sæ- culo, sunt verè ignobiles, vt nos scriptura sancta 1. Reg. 2: docet.

*Quem ego volueram mecum detinere, &c.* Quam prū- denter egerit Apostolus, & quàm sapienter loqua- tur, consideremus. Volueram, inquit, eum deſine- re, vt mihi ministraret in vinculis euangelij. Hoc dixit vt exprimeret ministerij dignitatem, & quā- ti erat meriti inseruire Apostolo in vinculis non quibuscunque, sed in eum ob prædicationem euā- gelij & defensionē iniectis. Huiusmodi enim vin- cula maximam pariunt ea sustinenti gloriam, tan- tum abest vt sint dedecori vel pudori: quin etiam sunt beatis illis Spiritibus admirationi, dum spe- ctant tam ardua à strenuis Christi militibus, & tā- tos labores in carne fragili tolerari. Et non dixit simpliciter, vt mihi ministraret, sed addidit, pro te, vt ipse Philemon intelligeret se nullo ex absentia serui sui fructu frustratum, si penes se retinere vo- luisset B. Paulus, qui vicem Domini ministrando suppleret, quò posset præmium suæ pietatis apud Deum expectare. Sed vide generosum animum.

*Sine consilio autem tuo, siue potius sententia, nihil volui facere, ne velut ex necessitate, &c.* Quasi diceret: Nolo à quoquam beneficium vllum quantumuis mihi pernecessarium conferri, nisi illud demum quod spontanea voluntate & hylari animo profi- scitur. Quod mihi abs te venturum non dubito, qui tanto affectu soles Sanctorum viscera reficere ac recreare.

Forſitan enim ideo discessit ad horam à te, vt in æternum illum reciperes, iam non vt seruū: sed pro seruo charissimum fratrem, maximè mihi. Quantò autem ma- gis tibi & in carne, & in Domino? Si er- go habes me socium, suscipe illum sicut me. Si autem aliquid nocuit tibi, aut de- bet, hoc mihi imputa. Ego Paulus scripsi mea manu. Ego reddam: vt non dicam tibi quòd & teipsum mihi debes. Ita fra- ter ego te fruar in Domino: refice visce- ra mea in Christo. Cōfidens in obedi- entia tua scripsi tibi, sciens quoniam & su- per id quod dico, facies. Simul & para mi- hi hospitium. Nam spero per orationes ve- stras donari me vobis. Salutat te Epa- phras cōcaptiuus meus in Christo Iesu, Marcus, Aristarchus, Demas, & Lucas ad iutores mei. Gratia Domini nostri Iesu Christi cum spiritu vestro. Amen.



*Forſitan enim ideo diſceſſit ad horam, &c.* Ad mitigādam ex fuga ſerui conceptam iram, B. Paulus admiscere tacite videtur diuinam prouidentiam, ante cuius conſpectum nihil agitur caſu. Noli igitur, inquit, ſubindignari, ſi à te ſeruus iſte tuus receſſerit: quandoquidem receſſit ad horam, id eſt, ad breuiſſimum temporis interuallum. Neque ut recederet hoc factum eſt, ſi ad Dei prouidentiam attendere voluerimus, ſed ut in æternū illum reciperes. Qui enim paulò antè nutabat inſtabilis, nunc ſolidus permanebit & firmus. Quocirca recipies eundē, iam non ut ſeruum, ſed pro ſeruo chariſſimum fratrem, Græcè, ſed ſupra ſeruum, dilectum fratrem, id eſt, Chriſtianum. Fratres enim tum appellabātur, qui nunc Chriſtiani vocantur. Et ita ſe gerere deberēt Domini erga ſeruos fideles, poſſimum quando probi ſunt. Et ſi fortè ſtatus non patitur, ne contemnantur ex illa humilitate, in præparatione ſaltem animi & ſyncero coram Deo affectu facere debent.

*Maximè mihi: quanto autè magis tibi & in carne, & in Domino?* Sēſus eſt: Maximè quidem mihi ipſi eſt frater dilectus, quantumuis illum in Chriſto per euangelium genuerim, cui pater potius eſſe deberem: quanto ergo magis (ſupple) iuſtum eſt ut tibi ſit frater? Nam & coniunctus es illi carne, cum ſitis ambo Gentiles, & eiſdem patriæ. Et in Domino eſtis pariter coniuncti, cum ambos vos ego per euangelium genuerim. Patet enim ex epiſtola ad Coloffenſes, Oneſimum fuiſſe Coloffenſem: & ſimiliter Philemonem fuiſſe exiſtimo, ut iam ſuperius dictum eſt.

*Si ergo habes me conſortem:* Quanta ſummiſſione loquitur Apoſtolus: quaſi dixerit apertius, Non quæro quæ poſſem meo iure exigere, ut me ſcilicet veluti patrem contempleris, ſed hoc tantum peto, ut conſortem me tecum, & eiſdem hæreditatis designatum hæredem intueri in Chriſto velis. *ſuſcipe illum ſicut me*, quia factus eſt iam mihi alter ego. O charitas quantum ardoris habes. Quid potuiſſet dici viuacius ad permouendum? Neque hoc tamen illi ſatis: nam perpende quanto ſtudio atque industria ruruſ occurrat omnibus, quæ afferri poterant, rationibus. Nam breui concluſione in ſe transfert quodcunque ſerui debitum. Et verè ita decebat tantum Apoſtolum, ut omnem impleret iuſtitiam, aliena debita ſibi propria faciente: ait, *ſi autem aliquid nocuit tibi, aut debet: hoc mihi imputa. Ego Paulus ſcripſi mea manu.* Et hoc addidit tanquam fideliffimum teſtimonium, quo declararet iſtam gratiæ reconciliationem ſibi eſſe mirum in modū cordi, ita ut omnia damna paratus ſit reſarcire. *Ego reddam.* At quomodo poterat reddere, qui nihil habebat? Vtinam tantundē haberem, ſi tamen optare fas eſt. Non eſt enim dubitandum quin Philemō optimè intellexerit, qua ſe obligatione aſtringebat B. Paulus. Pollicebatur quippe pro temporaliſ bona ſpiritualia, quæ citra comparationem antecellunt temporalia. Et illis refertus erat Apoſto

lus. *Ut non dicam tibi quod & teipſum mihi debes*, quæ per euangelium genui, & de periculofa ſeruitute eripui. Quidam hinc frigido argumento colligunt Philemonem minimè fuiſſe patriā Coloffenſem: quoniam Apoſtolus nō fuerat in ea ciuitate, ut potuiſſet ad fidem Chriſti illum conuertere. Quaſi verò neceſſe fuerit virum Coloffenſem perpetuò ibi degiſſe, & nulla alia in ciuitate aliquando vitæ curſum tenuiſſe. Sed hæ quæſtiones eiſ ſunt generis, quæ ad rem nihil faciant. *Ita frater ego te fruor in Domino: reſice viſcera mea in Chriſto*, Viſcera hîc intelligit Oneſimum, quem remittebat, & tanquam ſe ipſum commendabat, ſibi vni impenſum ferens, quicquid Oneſimo faceret: & hac ratione cupiebat illo frui in Domino.

*Conſidens in obedientia tua ſcripſi tibi.* Quo pacto nunc obedientia fieri poſtulat, qui paulò antè negauerat ſe imperare velle, ſed ſolū obſecrare? Verū oſtendit tacite in tam efficaci obſecratione iuſſionem quoque & imperium contineri. Ut autem expreſſum ipſe nolebat imperiū, ſed amicam quādam obſecrationem, ſic cōfidebat in eam partem à Philemone acceptam iri, ut non quaſi obſecrationem interpretaretur, ſed verum præceptum, cui eò obſequeretur promptius, quò amabiliorem Superioris præ ſe ferebat charitatē atq; modeſtiam. Maiorum etenim monita vim imperij apud veros obedientes obtinent, qui non amant flagellis ſemper virgeri & ſtimulis, ſed nutibus & verbis ſimplicibus. Duræ cervicis eſt nihil velle, niſi adhibito mandato, agere. Vnde ait: *ſciens quoniam & ſuper id quod dico, facies.* Neque hîc imperādī verbo vitur, ſed, *dico*, oſtendens ſe nequaquam dubitare quin ſit obtemperaturus. *ſimul & para mihi hoſpitium.* O ſœlicem quem tantus hoſpes inuitat. Hoc magnā habuit vim ne Philemon reſiſtere poſſet precibus. Multa ſiquidem abſentibus negari poſſunt, quæ præſentibus neceſſariò conceduntur. Voluit iniicere metum quēdam ſanctum, ut ſi per literas non impetrauiſſet, futurum ut præſenti ſermone coargueret paulò duriorem animum: quaſi dicat, Ita te præpara, ut me hoſpitē lætum excipias, non autem reprehenſorem iuſtum experiare. *Nam ſpero per orationes veſtras donari me vobis.* Quemadmodum & factum eſt: ſed peragratis prius variis regionibus. Et tum demum Romam rediit, vbi beatiſſimum vitæ curſum martyrio abſoluit. *ſalutat te Epaphras concaptiuus meus in Chriſto Ieſu.* Hic Epaphras Coloffenſis erat, quem illa ciuitas doctorem fidei habuit, ut in ea epiſtola conſtat: ſed eo tempore vnà cum Apoſtolo captiuus Romæ aſſeruabatur. Cætera clara ſunt: Tota epiſtola ad ſolū Philemonem dirigitur. Salutatio tantum, & optima illa precatio quæ poſtremo loco ſolet adiungi, ad alios in ſalutatione expreſſos attinet, quæ eſt, *Gratia Domini noſtri Ieſu Chriſti cum ſpiritu veſtro. Amen.*

BENEDICTVS DEVS,



# PRÆFATIO IN EPISTOLAM B. PAULI APOSTOLI AD HEBRÆOS.



VIDAM hæreticorum olim, quemadmodum B. Hieronymus in argumento epistolæ ad Titum testatur, suadere conati sunt hanc ad Hebræos epistolam non esse B. Pauli Apostoli. Quos & quidam ex nostris hac infœlici tempestate sectati sunt. Duo autem præcipue afferebant, quæ facere suasionem videbantur. Primum, quod huic epistolæ nō est nomen authoris præscriptum. Alterum, quoniam stylus huius non conuenit cum cæterarum epistolarum stylo. Sed primum eleganter B. Hieronymi responso retunditur. Nam si ob hoc non est B. Pauli, quia eius nomine non inscribitur, nec vllius pariter erit: quia nullius habet nomen præscriptum. Quod verò sit potius credenda B. Pauli, vel hoc ipsum facit, quod cum esset Hebræis infensus, noluit præfixione odiosi sui apud eos nominis vtilitatem excludere lectionis. Quod verò addebant, non conuenire hanc epistolam eloquio & stylo cum cæteris, & esse longè illis superiorem, ob id esse, quia hanc solam B. Paulus lingua hebraica scripsit, nimirum propria: cæteras verò Græca. Vnde non mirum si hæc eloquio præstat: quanquam si stylum expendimus, cuius erit stylo similis? Aiunt, Clementis. Parcat illis Deus, cum nec stylus, nec reliquorum quicquam illi conueniat. Nam & huius epistolæ author se genere Hebræum esse (vt suis locis annotabimus) quàm manifestissimè insinuauit. Sunt verò tot, tantæque authoritates & Pontificum, & grauissimorum authorum, taliæque argumenta, eam B. Pauli esse asseuerantia, vt vehementissimè sim miratus, quam fronte quisquam audere potuerit (qui Christianus videri volebat) aduersus tanta præiudicia quicquam comminisci. De qua re & in Caietanū, & alio proprio libello copiosè scripsi, vbi multa concilia, & decreta Pontificum, & tot patrum, & Sanctorum testimonia produxi, præter diuturnum omnium ecclesiarum vsum, vt qui contra tantam nubem testium velit contendere, haud dubium proterui, & contumacis, atque hæretici animi seipsum perspicuè prodiderit, & sic indignum cum quo disputetur.

Quæri autem maiori cum ratione posset, cur hæc epistola grauitate sententiarum & tanta doctrina referta, postremum tamen nacta sit in ordine locum. Huic quæstioni iam respondimus in ea quæ ad Rom. Spreuerunt enim Hebræi apostolicam, & præsertim B. Pauli, prædicationem. Et ideo tanquam spreti à Deo vt interim cedant Gentibus, æquum fuit & iustum eos postremum obtinere locum, sicut & postremo tandem tempore venient, quum intrauerit plenitudo Gentium: ita vt Apostolus Philemonem priuatum hominem ipsis prætulerit, quemadmodum fuerunt digni. Quia ergo in nouissimis conuertuntur, nouissimum hic eos locum tenere oportuit. Et tunc agnoscent B. Paulum veracem, & diligenter suo officio ac munere pro nouissimis, qui tunc inuenientur, fuisse functum.

## EPISTOLÆ ARGUMENTVM.

CONGRUENTISSIMÈ hæc epistola, & opportunissimè ostendit Apostolus Hebræis eminentiā Christi præ Angelis & Moise: ac propterea eminentiam Euangelicæ gratiæ præ lege, siue testamenti noui præ veteris: & eminentiam sacerdotij Christi, præ sacerdotio Leuitico, quod mādatur in lege. Et hinc docet superuenientem legis inutilitatem, & sacerdotij antiqui, & idcirco eius cessationem, ut potè quæ legitime functa erat suo officio, adueniente vtilitate ac sempiternitate noui testamenti, & euangelij æterni. Et iis patefactis hortatur eos ad fidem, vt fundamentum totius ædificij, & ad opera charitatis cum tolerantia passionum in spe mercedis magnæ, & immortalis.

## COMMENTARIA IN EANDEM

EPISTOLAM BEATI PAULI AD  
HEBRÆOS.



VLTI FAR I AM, multisque modis olim Deus loquens Patribus in Prophetis, nouissimè diebus istis loquutus est nobis in Filio, quæ constituit heredem vniuersorū, per quem fecit & sæcula. Qui cum sit splendor gloriæ, & figura substantiæ eius, portansque omnia verbo virtutis suæ, purgationē peccatorum faciens, sedet ad dexterā maiestatis in excelsis, tanto melior Angelis effectus, quanto differentius præ illis nomen hæreditauit. Cui

enim dixit aliquando Angelorum, Filius meus es tu, ego hodie genui te? Et rursum: Ego ero illi in patrem, & ipse erit mihi in filium? Et cum iterum introducit Primogenitum in orbem terræ, dicit: Et adorent eum omnes Angeli Dei. Et ad Angelos quidem dicit: Qui facit Angelos suos spiritus: & ministros suos, flammam ignis. Ad Filium autem: Thronus tuus Deus in sæculum sæculi: virga æquitatis, virga regni tui. Dilexisti iustitiam, & odisti iniquitatē: propterea vnxit te Deus, Deus tuus oleo exultationis præ participibus tuis. Et, Tu in principio Do



mine terram fundasti: & opera manuum tuarum sunt cœli. Ipsi peribūt, tu autem permanebis: & omnes vt vestimentum veterascent. Et velut amictum mutabis eos, & mutabuntur: tu autem idem ipse es, & anni tui non deficient. Ad quem autem Angelorum dixit aliquando: Sede à dextris meis, quoadusque ponam inimicos tuos scabellū pedum tuorū? Nonne omnes sunt administratorij spiritus, in ministerium missi propter eos qui hereditatem capiunt salutis?



*Multifariam, &c.* Elegans profectō & magnificum doctoris nostri B. Pauli pro Iesu Christo, & pro humano genere exordium. Ad cuius euidentiam illud est præmittendum, quo modo Deus Pater optimus & clementissimus ab initio gratiose, ac de benigna providentia sua dignatus est condere hominem, & multis eundem honestate donis, atque in spem æternę glorię eue here per eximium excellentis suę gratiæ donum, & in gratiam Filij sui domini nostri Iesu Christi, quem prædestinavit in gloriam nostram, vt in illo confisteremus, & viveremus in æternum omnes, qui inueniremur fuisse dicto obediētes, & obtemperantes Dei mandato. Quæ cuncta dona in patre nostro Adam fuere posita, deriuanda quoque in nos postea, si mansisset ille in accepta iustitia. Non mansit autem, sed præuaticatus est, & (heu) cecidimus sicut folia vniuersi.

Verum non continuit in ira sua misericordias suas Deus, sed cogitans cogitationes pacis, & non afflictionis, & volens instaurare diruta & collapsa decreuit dare nobis vnigenitum Filium suum Redemptorem, ac Mediatorem ad reconciliationem & suo tempore illum ad nos mittere, qui istud opus perficeret. Hoc autem magnum & clementissimum animi sui consilium decreuit manifestare hominibus, sine cuius notitia, & susceptione per fidem, non poterat nobis obuenire salus. Et ob eā causam eloquutus est Deus ab initio de huiusmodi redemptione, & reconciliatione ad præparandos nos, vt suo tēpore venientem dignē illum susciperemus. Hoc autē potissimum cum priscis Hebræorum patribus fecit ab Adam vsque ad ipsum Christum. Quod in primis manifestat Apostolus his verbis:

Multifariam, Græcè, πολλοῖς, id est, multocius, seu per multas partes. Et potest referri tum ad tēpus, tum ad rem quam eloquutus est Deus. Si ad tēpus ipsum voluerimus referre, intelligimus Deum variis, ac tanquam particularim diuisi tēporibus quasi mundi ætatibus, significauisse nobis de sua benigna erga nos voluntate, qui incepit in Adam, Habel, Seth, & Henoch vsque ad Noe: & deinceps in Abraham, & in Mose, & David, cæterisque prophetis vsque ad Ioannem magnum illum Præcursores. Si verò intelligamus, Multifariam, referentes ad rem ipsam (nam & hoc modo potest intelligi) sensus erit, à Domino Deo admirandum hoc & iam grande mysterium, quod multa continet, fuisse per partes reuelatum. Non enim omnia singu-

lis reuelauit. Alius nanque particularia quædam vidit de conceptu Virginis: Alius de ortu ipsius Christi Saluatoris: Alius de fuga in Aegyptum, de cruce & illius passione: Alius de miraculis, & resurrectione. Imò etsi fortè quidam de multis simul informati fuerit, attamen alij quædam particularia limpidius perspexerūt. Dixit enim Dominus Moysi de patribus: Nomen meum Adonai non indicauit eis.

*Multisque modis*, Non enim vno modo (vt ipse testatur) alloquebatur prophetas, sed aliquos per in somnia, ac phantasmatum, & visiones, & per ænigmata, & figuras: alios per sensibiles voces, & angelicas apparitiones claras: alios per intelligibiles species, & si quis alius fuerit diuina mysteria reuelandi modus, quem nouit ipse. Quoniam verò etiam diaboli erat per somnia & fantasiam decipere, sciēdum est veros prophetas fuisse internē de veritate somniorum ac signorum plenē instructos, & certiores redditos modis Deo & Angelis eius cognitis. Olim, id est, ab Adam vsque ad Christi aduentum, *Loquutus est Patribus*, Patrum appellatione veniunt maiores eiusdem Gentis. Et quia in hebraica Gente hoc verificabatur, hic author tacitē innuit se Hebræum esse: & captat beneuolentiam cōmemorando ipsorum dignitatem, quam habebāt propter Patres suos, cū quibus tam particulare habebat commercium Deus, vt dignaretur eos sic al loqui, & de seipso, ac de ipsorum salute docere.

Vndē idem Apostolus ad Rom. multò amplius datum esse Iudæis, quàm Gentibus ait, vel hoc vno solo, quod eis credita sunt eloquia Dei. Quare & in Psalmo gloriabantur dicentes: Non fecit taliter omni nationi, id est, nulli nationi, & alibi: Non est alia natio tam grandis, quę habeat Deos appropinquantes sibi, sicut Dominus Deus noster adest cunctis obseruationibus nostris. Simul etiam eorum animos hoc tanto beneficio excitat ad gratitudinem, præsertim cum ad cumulum beneficiæ erga illos, Deus sit non solum per prophetas loquutus illis, verum etiam per proprium Filium. Vndē sequitur: *Nouissimè autem*. Ecce, totum præsentis sæculi tempus partitur in duas partes designatas per, Olim & Nouissimè, vt per id quod ait, Olim, intelligatur totum tempus ab origine mundi elapsū vsque ad sanctissimum præcursores Ioannem, qui fuit quasi horizon determinans à prioribus temporibus posteriora, sicut ait Dominus: Lex & propheta vsque ad Ioannem. Tempora ergo posteriora, quę à B. Ioanne & ipso Christo fluxerunt, & fluent, nouissima vocantur, & nouissimi dies, imò & nouissima hora: quia hoc residuum annorum vna est ætas, videlicet mundi senectus, quę quandiu sit duratura, nescitur. Decepti sunt enim non pauci hæcenus à nonnullis sæculis, qui putarunt instare diem Domini, cum in scripturis legerent aduenisse nouissimos dies, parum considerantes ætatem vltimam (sicut egregiè docet B. Thomas) quę est senectus, posse æquare annorum numero omnes præcedentium ætatum dies elapso, sicut accidit aliquando in homine. Ego vltèrius arbitror etiam nos esse nescios, quantum iam durauerit mundus. Siquidem Hebræi nobiscū hæc in re minime cōsentiant: & item nostri inter se discrepant. Nos enim multò plures annos ponimus.

De prouidentia Dei erga hominem.

Isa. 64.

Jerem. 29.

Exod. 6.

Author huius epistolæ Hebræus in hæreticis.

Rom. 3.

Psalm. 147.

Deut. 4.

Matth. 11.

Incertum quod fuerint anni à creatione



B. Cyprianus sex millia annorum (inquit) plenè complètur ex quo diabolus hominem impugnatur. Idem B. Hieronymus super ea quæ ad Titum inscribitur. Ego verò certo scio esse & incomputandis annis ex ipsa serie generationū nonnullam deceptionem: de qua re alibi.

Si ergo quantum durauerit mundus, nescimus (nam & scriptura dicit: Dies sæculi quis enumerauit? quod videtur ad præteritū referri: de futuro enim quis enumeret quod nondum est?) quantum minus cōiectare possumus futurorum dierum numerum? Qua in re plurimi falsi sunt, etiam magni & sancti viri, vt ad Thessal. docuimus. Sed non ea certò se rescire, sed opinari aiebant, vt non sit mirum si falsi fuerunt opinione. Aliud esset si certò affirmassent, & quasi ex reuelatione prophetiam.

In diebus istis. Declarat quod dixerat nouissimè, hoc est, in illis diebus quando cœpit nouissima ætas, & sæculum nouum & valde fœlix illustratum præsentia tanti Solis. Loquutus est nobis in Filio. Air, nobis, manifestè ponens se in numero Gentis, & illius Gentis, ad quam vnā Dominus venit. Non sum, inquit, missus nisi ad oues quæ perierunt domus Israel. Et ait, Loquutus est in Filio, id est, per Filium, nō iam per homines prophetas, sed per os Filij sui, sicut & ipse testatus est voce elapsa de cœlis in nube: Hic est filius meus dilectus, in quo mihi bene cōplacui: ipsum audite. Est autem hic tropus hebraicus & frequens, vt, In, loco, Per, accipitur, vt cū dicitur: Omnia in sapientia fecisti. Et, In manu potenti, & brachiō excelsō. Et hoc est aliud argumentum, quo suadetur istius epistolæ auctorem fuisse Hebræum, qui tropis illius linguæ propriis vititur. Est item cōsequens, & omnino verisimile hebraicè illum scripsisse, vt qui Hebræus esset, & ad Hebræos scriberet: licet nouitij dæmonum Apostoli sola propriæ præsumptionis auctoritate freti, aliter blaterent. Notandum autem B. Paulum more scripturæ ad significandum verum & naturalem Filium Christum, qui singulari modo est Filius, singulari vsum numero dixisse, In Filio. Nam vt idē alio loco testatur, etsi sint dij multi, & domini multi, vnus tamen verè & excellēter est Deus, & Dominus Iesus Christus. Potest insuper quod ait, In Filio, esse nomen proprium, ad significandam illam secundam personam, quæ in diuinis proprio nomine Filius dicitur, sicut prima dicitur Pater. Et hoc notandum, quod cū dixit, In Filio, Deū esse loquutum, non dixit: Multifariam, multisque modis, quoniam vno tantummodo, videlicet apertè & palam, in signis & prodigiis manifestis, in auctoritate multa, ac potestate. Aiebat enim: Audistis quia dictum est. Ego autem dico vobis, &c. Et alius Euangelista de illo: Sermo eius erat in potestate, inquit. Vt ergo ostenderet & differentiam temporum & loquutionum Dei, quæ antea facta sunt per prophetas, & postea per Filium, excellentiam Filij præ aliis subindicauit, dicens:

Quem constituit hæredem vniuersorum. Si hæres vniuersorum ergo Dominus ergo Vnigenitus: alio qui non vniuersorum esset hæres constitutus, sed ex parte. Dicit aliquis: Cur ergo alibi ipse Apostolus nos Christi cohæredes appellat? Qui enim habet cohæredem, non est Dominus in solidum, nec

hæres vniuersorum, vt dicerent Iurisperiti. Nos autem dicimus, solum ipsum Dominum Iesum factum esse hæredem vniuersorum, id est, totius mundi: quia ipse solus lucratus est illum iam perditum per peccatum, propter quod ipse solus dicitur illū hæreditasse. Vnde illi dicitur: Postula à me, & dabo tibi Gentes hæreditatem tuam, & possessionē tuam terminos terræ. Et in hoc lucro vt neminem habet adiutorem, ita nec cohæredem: nisi quod Mater eius fortissima mulierū (quia in hoc illi cōoperata est) nonnullum sibi conuenientem locum vendicat. Vnde & ipsa Domina meritò vocatur: quod nolunt qui sunt ex semine Serpentis. Sed est alia hæreditas, nimirum beatitudo cœli, & acquisitio æternæ gloriæ. Et in hac nos dicimur cohæredes Christi, eò quod cum illo fruemur Deo, vidētes illum facie ad faciem. Et tamen hanc beatitudinem & gloriam illi referimus acceptam, vt ipse sit verè hæres etiam nostræ gloriæ, qui nobis eam promeruit, & illi donatur in nobis. Et hoc modo ipse est etiam hæres vniuersorum: quoniam quæcunque nos vel habemus, vel habituri sumus vt hæredes Dei, per ipsum acquisitum est, & propter ipsum nobis donatum.

Ergo differentia magna est inter alios prophetas & Filium consideranda, tam etsi ipsi quoque prophetæ dicantur filij, & ipse Christus dicatur propheta. Nam de his ad quos factus est sermo Dei, dicitur: Ego dixi dij estis, & filij Excelsi omnes. Et de Christo est Samaritanæ professio, & cæci nati, & aliorum, quod propheta esset. Et tamē Christus iis nominibus à prophetis distinguitur. Illi enim erant prophetæ, & ipse Filius est. Et verè sic distinguitur: quia ipse est Filius (vt iam dictum est) naturalis, vnigenitus, verus Deus: licet hoc ipsum quod esset natura filius, ea parte qua homo erat per gratiam esset assequutus: dico per gratiam vnionis singularem. Et ideo de nullo alio filio Adam dici potest, eum esse isto modo filium: sed omnes filij sumus per adoptionem tantum ex dono gratiæ superadditæ. Cum ergo sit collatio & cōparatio prophetarum cum ipso vero Filio, non appellantur illi filij, sed serui. Ipse autem Filius dicitur. Istud expressè in parabola vineæ habetur, vbi legimus misisse Patrem familias primū seruos, deinde filiū suum. Porro minime conuenire illum Filium vocari prophetam, tanquam vnum de grege illorum certissimum est: quia ipse longè excessit in ratione prophetiæ omnes prophetas, vt non deputeretur in eo ordine & gradu cū illis, sed superemineat supra modum. Vnde sicut singulariter Filius dicitur, ita & singulariter Propheta. Et hæc fuit professio Samaritanæ, & cæci nati. Ambo enim prophetam illum dixere absolutè. Nam vnum singulariter prophetam expectabat illa gens: & hic erat Messias. In hoc autem erat singularis propheta: quia cum propheta dicatur videns, ipse summo & excellentissimo modo ea videbat quæ erant in arcanis Patris: quia videbat ipsum sicut est, & ab ipso audiebat immediatè, & accipiebat dignus veras (vt ita dicam) audire & reddere voces. Vnde Baptista dixit, Deum nemo vidit vnquam. Vnigenitus Dei filius qui est in sinu Patris, ipse enarrauit. Et ipsemet: Ego quod audio apud Patrem loquor. Quod de nullo mortalium fas est dicere. Idcirco summus

Psal. 2.

Differentia immensa inter Dominum &amp; ceteros prophetas. Psal. 81. Io. 4. &amp; 9.

Matth. 21.

Ioan. 2.

Ibid. 8.



fuit & eximius omnium prophetarum, & non dignus in eorū numerum agregari, qui per somnia, & visus, & Angelorū illustrationes, & si qui sunt alij modi hominibus conuenientes, oracula accipiebant. Præterea alij de Christo ipso venturō prophetæ fuerunt: at ipse Christus semetipsum enarrauit, & palam, oculos tamen habentibus.

Itaque iam sit hoc expositum, ipsum Dominum Iesum non secundum quod erat Deus, fuisse constitutum hæredem à Patre, sic enim ab æterno fuit Dominus cum Patre, & non via successione: nec illud quod esset Filius, etiam per gratiam vnionis hæreditario iure accepit. Nam hæreditas est quid extrinsecum extra substantiam illius qui heres est, quod illi superadiungitur. Ergo hæreditatis nomine vniuersum Dei patrimonium, quod est extra ipsum Deum, intelligitur scilicet hic mundus. & omnis creatura, quæ subiecta fuit Christo, & illi hereditario nomine acquisita, quanquam non sine lachrymis, & sudore, & sanguine: quoniam ita fuit disposita paterno testamento. Viderunt autem & considerant Agricola illum, & hoc nomine agnouerunt dicentes: Hic est heres. Et repleti tamē insipientia dixerūt: Occidamus illum, videlicet nepotiatur hereditate, ignorantes miseri, quod illo pacto ipse sibi vendicabat hereditatem, qui nō pepercit animæ suæ, vt obediret Patri (sicut ait Isaias) ad redimendum genus humanum.

*Dubitatio.* Dubitabit aliquis: Si Iesus filius Dei erat, nonne ipso iure ad eum pertinebat hereditas, absque eo quod Pater instituerit illum heredē, & ipse postularer sibi hereditatem: & multo magis absque eo quod pateretur, & sic illam sibi acquireret? Respōdeo: Verē sic erat, & sic fuisset si mundus non peccasset. Nam ipse venisset sua die gloriosus tanquā Vnigenitus ad hereditatem suam, id est, filios hominum, ad adducendum illos in gloriam, gradiens in decore, & potēs in multitudine fortitudinis suæ ex omni parte. Verū quia intercessit peccatum, oportuit mutari conditionem eius. Sic enim Deus dilexit mundum, vt Filium suum Vnigenitum daret, hoc est, iuberet eum se abstinere à gloria sua, & ab hereditate sua: vt sic exsolueret debita nostra, & sic ipse admitteretur ad iura sua, & obtineret obedientia hereditatem. Quare quæ iure filiationis illi debebatur, cœpit ei deberi iure acquisitionis: vnde & nos à B. Petro populus acquisitionis dicimur. Sic enim illi fuit dispositum à Deo regnum, vt interim hæres esset institutus ac designatus, sub conditione tamen, cum obedientiam perficeret: adeo vt tunc videatur accepisse diuinitatē suam quando perfecto munere redemptionis nostræ instauratus est ipse, & dignas Vnigenito vestes accepit. Tunc enim visus est induere diuinitatem, cum induit vestes gloriosas, & Deo dignas. Ideo illi post absolutum redemptionis nostræ munus, dictum est: Dignus est agnus qui occisus est, accipere virtutem, & diuinitatem, &c. Nam tunc quodammodo etiā genitus à Patre dicitur, vt paulo post videbimus. Illa enim prior generatio, qua genitus fuit in infirmitate, corruptibilis, & mortalis, tanquam illo indigna & mox dissoluenda, non computatur quasi generatio Dei, quæ solum infer viuit peccato, & à peccato talis processit, quanquā sine peccato, sicut declaratum est. Ne quis autem

miraretur vnum hominem fuisse adeo sublimatū, vt fuerit hæres vniuersorum, mox ad hanc admirationem tollendam adiecit Apostolus:

*Per quem fecit & sæcula.* Ac si expressius dixerit: Quid miraris hunc fuisse constitutum hæredem vniuersorum, cum hic sit ille per quem etiam fecit sæcula ipsa? quoniam Christus verbum est illud æternum, per quod omnia Pater operatur, & nihil non cum illo, aut per illum producit, nisi ipsummet Filium, quem generat solus. Reliqua omnis creatura (mitto hīc Spiritum sanctum qui cum illis operatur) per ipsum verbum facta est. Quod ergo hīc dicit, Sæcula, significauit vniuersam creaturam quæ sæculis continetur, & quodammodo quasi certis durationibus comprehenditur. Et forte dixit, Sæcula, vt non solum tempus significaret, sed etiam æuum. Nam neque tempus, nec æuum æternum est: sed cum suis creaturis sunt concreatæ, sicut distinctē declaro loco suo. Sed quidam aiūt hīc dici sæcula facta per ipsum, vt intelligeremus tempus non esse æternum, quemadmodum plerique ex philosophis existimant: quod non admodum placet. Non enim erat opus mentionem particulariter facere de tēpore, an fuerit creatū, cum si non erat vlla creatura permanens, non poterat fingi fuisse tempus, quod accessorium est creaturæ, & absque motu non potest intelligi. Ergo sæculorum appellatione magis veniunt creaturæ, quæ sæculis, id est, æuo, aut tempore cōtinentur, quam ipsum tempus, more scripturæ. Sic enim dicitur quod Demas dilexit hoc sæculum, id est, creaturas huius sæculi: & quod Deus iudicabit sæculum per ignem. Et nota conuenientiam: quia per illum decens fuit sæcula instaurari, per quem facta sunt prius & condita ab initio.

Verū istud forsitan ac meritō mouebit aliquē, quo pacto dici potuit Christus hæres Patris, si propriē hīc agitur de hereditate quæ venit ex testamento. Oportet enim vel ipso Apostolo teste, ad hoc vt firmum sit testamentum, intercedere mortem testatoris: sed Pater non moritur: Quomodo ergo ad Filium iure hæreditario venit hereditas? Respondeo, Multa dici in scripturis sanctis metaphorice, nec ita propriē: quemadmodum & in humanis solet accidere. Pro huius autē quæstionis intellectu, primò illud cōstare debet, Deum Patrem ideo esse omnium Deum, quia est ipse qui creauit cuncta: sed non minus est Dominus Filius, & amborum Spiritus, quoniam & ipsi cum Deo Patre creantur. Itaque Christus qua parte erat Deus, id est, secundum diuinam naturam non iure hæreditario siue successione, habet omnium dominium, sed qua parte fuit homo. Hoc autem dominium non semper habuit, quia quo tempore venit ministrare, & non ministrari, abiectus & miser, ipse potius subiectus fuit omnibus, quā habere sibi subiecta omnia. Imò propter hoc meruit subiecta sibi habere omnia, quia ipse prius ex volūrate Dei omnibus se subiecit, & interim quāsi condito testamento à Patre, illi sic hereditatem procurante, fuit institutus heres vniuersorū, vt ipse Filius postmodò suo officio & munere functus acciperet hereditatem vt suam, quasi defuncto Patre, qui omne iudiciū dedit Filio: & sic Patris loco illud pēn de tenet ac si mortuus esset Pater, qui quodammodo

*Quomodo  
hæres Do-  
minus.*

*Matth. 21.*

*Dubitatio.*

*Nota.*

*1. Pet. 2.*

*Apoca. 3.*

*Authoris  
com. Gene-  
seos.*

*2. Tim. 4.*

*Quomodo  
hæres Pa-  
tris Chri-  
sti ex te-  
stamento  
vniuersi Pa-  
tris.*



videtur mortuus filio moriente, quo excitato dicitur vivere in illo, cui commisit omnia. Non ergo hæc ita sunt accipienda ut in nobis mortalibus. Nā in nobis, reuera qui succedit alteri ita est dominus, ut ille cui successerit, nō sit amplius dominus. At Deus non potest desinere Dominus esse, & tamen cum associauerit sibi Filium, quem dominij sui fecit participem, & iura administrationis ei dedit, interim similiter ipse videtur filere ac cessare, & tāquam habere ipsum quasi successorem & hæredem. Veluti si quis pater in vita cōmitteret filio ut omnia gereret ad libitū se silente, iam diceretur hæredem habere, & successorem in vita, donec finiatur administratio. Sic & Christus qui aliquādo ei restituet regnum, quando non erit necessaria administratio hæc, sed apparebit ipse Pater Dominus, omnia in omnibus. Nō enim erimus in via, & militia, sed in patria: & apparebit nobis manifestè omnipotens Pater, & cessabit doctrina: quia verè tunc à maiore ad minorem omnes cognoscēt Dominum, & cognoscantur à Domino: & sicut cognoscuntur, ita & ipsi cognoscent.

Ex hoc loco manifestè apparet, quod Christus est Deus, per quem sæcula facta esse dicuntur. Nam ex hoc palam fit, fuisse illū ante sæcula, per quem facta sunt sæcula. Sed quis ante sæcula, nisi Deus? Et quis potest cum Deo componi ad faciendum sæcula, nisi qui & ipse fuerit Deus, qui & hoc de se restatur: Cum eo eram cuncta componens? Et ideo hic Filius dicitur Ars, & Sapientia Patris, per quem operatur: ita ut quæcunque operatur Pater, operetur similiter & Filius cum illo, ut ipse dixit. Et hoc etiam latius ostēdens Apostolus & doctor noster, ait:

*Qui cum sit splendor gloriæ, & character substantiæ eius.* Ut hunc Filium esse Deum alio quoque modo, non ab effectu creationis tantum ostenderet, sed à natura ipsa, hæc verba adiecit. De persona enim illa quæ Filius est, rectè dicitur, illū esse splendorem gloriæ, id est, refulgentiam paternæ lucis. In libro Sapientiæ appellatur candor lucis æternæ, & speculum sine macula: quia in eo relucet omnis gloria Patris & refulget. Hoc autem de nulla alia creatura fas est dicere. Nam si creatura illustraretur à diuina gloria, secundum hunc statum quidem obtenebraretur, & opprimeretur potius ab ipsa Maiestatis gloria. At in futuro statu erit quidem fortis ad recipiendam diuinæ lucis virtutem, pro suo modo tamen. Non enim diuinam prorsus gloriam in se ita recipiet vlla creatura, ut in ea splendere & refulgere possit suscepta ipsa diuina gloria, sed quædam erit participatio pro captu cuiusque creaturæ gloria illustrata. Quocirca si quis videret animam beatam, non esset propterea beatus: quia non videret lucem illam quæ beatum efficit. Solus Filius totam in se paternam lucem recipit, ut sit expressa & perfecta imago illius diuinæ substantiæ, referens illam, ut sit per illam Patri perfectè similis.

Quo in loco istud aduertere debemus: Licet ex hoc B. Pauli dicto plures in diuinis hypostases poni videantur: quia si Filius est character paternæ hypostasis, & character ipse similiter hypostasis est, sic verè dici possent tres hypostases, Pater & Filius & Spiritus sanctus. Tamen quia Ariani per

has voces non solum volebant distinguere personas ab inuicem, sed etiam naturam siue substantiā: ideo à Catholicis hic dicendi modus tanquam suspectus meritò reiectus fuit, de quo D. Hieronymus Damasum Papam cōsultuit. Propter hereticos enim vel quæ sensum habent bonum à communi sermone reiiciuntur, si in malum detorqueantur. Et illud insuper nota: quia nescio quomodo Spiritus sanctus dici posset character hypostasus (ut Caietanus ait) quia procedit à Patre & Filio. Primò enī iuxta doctrinam B. Thomæ, non propriè dicitur Spiritus sanctus character, siue imago. Hoc enim singulariter Filio competit in diuinis, ut scriptura testatur. Secundò, quoniam non procedit à Patre & Filio ut sunt duo, vel duæ hypostases: sed ut sunt vnum principium. Ideo nec facile admittitur, esse duos spiratores, sed duos spirantes. Cum igitur istæ nouæ loquutiones in scripturis non probentur, & à doctoribus sacris non recipiantur, periculose introducuntur. Hoc si quis alius dixisset minoris auctoritatis, silentio obuolui potuisset. At in Caietano non est dissimulandum, ut caueant qui illius doctrinæ sunt dediti, ne in perniciosos imprudenter labantur errores.

*Portansque omnia verbo virtutis suæ.* Portans inquit, cum ipse sustineat & regat, seu moderetur omnia scilicet quæ simul cum Patre condidit verbo virtutis suæ, seu potentia, aut potius omnipotentia suæ. Nisi enim sua virtute cuncta portaret, protinus & dilaberentur, & mox soluerentur in nihilum. Hoc tamen verbum quo portare dicitur omnia, cum non natura, sed voluntariè proferatur, commune est toti Trinitati. Sicut enim Pater volens dicit, ut quid fiat ab extra, & fit quod dicit propter omnipotentiam suam, quæ est in verbo voluntatis suæ, ita ipse Filius Patri internus eodem verbo dicit, ut quid fiat ab extra, & fit quod dicit propter omnipotentiam eiusdem verbi, quod simul profert etiam ipse Spiritus sanctus.

Vbi considerandum diligenter, ipsum dicere Dei internè esse, non ab impulsu voluntatis. Licet enim dicat volens, non tamen per voluntatem dicit. Et si hoc dicto perfecto, & à toto diuinæ potentia conatu procedente, sempiternum generat Pater & exprimit Verbum, quod est Filius: & hoc solius est Patris, videlicet sic dicere ut generet. Tum ipse Pater iam Filio æternaliter genito, simul cum illo per voluntatem spirans internè & toto conatu, reddit sibi Spiritum sanctum aliam personam: & ita iam sunt tres personæ, in quibus adhuc est potestas dicendi ut producant ab extra, non internè, quod semel est factum & expletum: quia totam æternitatem illa expressio complexa est.

Quod ergo ita dicitur, ut aliquid exprimat & producat, seu emittatur foras, ab omnibus personis dicitur, idque per voluntatem tribus communem. Nam eadem est voluntas per quam dicunt: & idem verbum quo dicunt. Hoc ergo communi verbo, quod est vniuscuiusque personæ in solidum, ipse Filius portat omnia, dum cuncta conseruat, & omnibus suam tribuit virtutem & operationem. Nam eiusdem est conseruare, cuius fuit creare: & eodem modo conseruat quæ creauit, nimirum verbo. Ecce ergo radix paternæ

Notatur  
Caietanus.

Dicere Dei,  
Variis esse.



dispositionis & ratio, cur hunc hominem heredem suum constituerit, nimirum quia ipse idem Deus erat de Deo, lumen de lumine, verbum æternum cōceptum atque expressum de mente illa æterna, subsistens, & subsistentiam primam referens tanquam imago expressa paternæ substantiæ, per quem & facta sunt, & portantur, & reguntur sæcula. Quid poterat altius dicere, ut ostenderet illum per omnia similem & æqualem Deo Patri? Similitudo enim in caractere & refulgētia paternæ gloriæ agnoscitur: æqualitas verò in potestate creandi, & sustinendi, regendique creata. Quare meritis illi homini, quādo talis erat, & tantus per gratiam, etiam per gratiam communicatum fuit (quasi hæreditas) paternum dominium vniuersorum.

Et ne quis diceret: Qua igitur de causa non habuit statim ab initio, cum venit in hunc mundum hæreditatem istam, sed solum designatus est hæres? Huic tacitæ objectioni respondens Apostolus, rationem huius facti interposuit subiungens: *Purgatione peccatorum* (Græcè additur, per semetipsum) *facta, sedet ad dexteram maiestatis in excelsis*, ac si dixisset apertius: Arduum interim negotium habuit, quod non compatiēbatur secum hanc dignitatem, & potestatem: imò exigebat, ut interim deponeretur ab illo dominio suo, quantumvis ad illum iure ipso citra vllum aliud testamentum pertineret, donec expleret hoc pernecessarium nostræ redemptionis opus. Rectè ergo dicitur per semetipsum fecisse peccatorum nostrorum purgationem. Hac etiam via obtinuit quod alioqui ei debitum erat, imò quod & illo opere acquisiuit: ut duplici iure illud habeat. Et istud est sedere ad dexteram in excelsis.

Nec est verum quod hinc ait Caietanus, nōdum accepisse Christum potestatem omnium ut exequatur, sed eorum tantum quæ in cœlis sunt. Propter quod (inquit ille) dicit Apostolus, quod sedet ad dexteram Dei in excelsis, & non dixit in terra. Hoc enim est contra ipsum Domini verbum post resurrectionem aientis: Data est mihi omnis potestas in cœlo & in terra. Ad quid, rogo, data esset potestas, si non simul datum fuisset ei exequi? Imò hæc fuit eius hæreditas, vniuersorum scilicet, ut ait Apostolus. Cum autem vniuersum dicitur, nihil excluditur: ergo etiam executio concluditur. Licet autem multi existant qui non credunt evangelio: & item multi Christo non subdantur præuaricantes præcepta, non tamen eximuntur propterea à potestate eius & regimine. Daturi sunt enim ei meritas poenas suo tempore, & non effugient. Nam & in iudicio reprobi non subdantur illi per voluntatem. Imò amplius quid addo, hoc dominium (de quo nunc loquimur) pertinet ad gubernationem ecclesiæ militantis, cessaturum post iudicium. Et hoc voluit ad Corinth. Apostolus dum ait de Christo: Cum restitueret regnum Deo & Patri, tanquam qui iam consummauerit omne negotium. Ita enim oportet eum regnare, donec sub pedibus eius posuerit inimicos suos: sicut latius à nobis declaratum est in ea epistola. Nec obstat illud Angeli verbum dicentis, Et regnabit in domo Iacob in æternum, & regni eius non erit finis. Potest quippe facillè intelligi, quod non erit huius regni finis in hoc sæculo. Sic dicitur sacerdo-

tium eius in æternū, cui sacerdotio etiam regnum coniunctum fuit: & tamen in cœlis non vltra erit officium illius sacerdotij.

Tanto melior Angelis effectus, quanto differentius præ illis nomen hæreditauit. Hic Apostolus ob istam gratiam cōparat Angelis ipsum Dominum, & in comparatione eminentiam, & incomparabilem eminentiam ostēdit à nomine quod hæreditauit. Hoc autem nomen est Filius. Ait ergo: Ipse Filius effectus est tanto melior, seu præstantior Angelis, quanto differentius, & præstantius nomen hæreditauit, ut Filius diceretur. Quo in loco in memoriam reuoca quæ paulò ante diximus, quomodo non videtur Filij nomen (videlicet cum effectu) accepisse, antequam hæreditatem consequeretur, ut esset hæres omnium: quod fuit in resurrectione. Et certè secundum primam sanctificationem, per quam facta est vnio naturarum in diuina hypostasi, verè Iesus ab initio & in primo conceptionis suæ instanti erat Filius Dei, & Deus. Quia tamē perfectam, & Filio Dei conueniētem gloriam non habuit quantum ad corpus, quousque tandem cōsummatum est per passionem & resurrectionē, cum antea corpus haberet ignobile & corruptibile, & ipse omni ex parte tērationibus subiectus esset, infirmus carne, moriens & lugens propter sponfam. Ideo non in sua perfectione Filius Dei dici poterat, nec super Angelos omnino gloriari, qui & illis aliquo modo (teste B. Dionysio) quantum ad regimen in hac vita mortali subiectus fuit, & indiguit à quodam illorum cōfortari in tædio, & agone suo, ut testatur Evangelista. Quid mirum cum & Matri suæ subditus fuerit, & nutritio suo Ioseph? Cum verò à mortuis resurrexit, & accepit gloriam suam sanctificationis perfectæ, tunc & diuinitatem visus est accepisse, & Dei formam, & (ut ita dicam) filiationē. Nam tunc à Patre genitum fuisse, & sic filium factum, & sic hoc diuinum nomen hæreditasse dicunt scripturæ, ut ipse Apostolus docuit, & alij Apostoli illo psalmi testimonio: Ego hodie genui te, sicut iā diximus, & suo loco post videbimus.

Cui enim dixit aliquando Angelorum Filius meus es tu, Ego hodie genui te? Hoc scripturæ loco intēdit probare Apostolus quæ induxerat de præstantissimo nomine, Filius, quod hæreditauit, nulli prorsus Angelorum donatū. Et ea ratione probat: quoniam in scripturis nusquam inuenitur quicquam Angelorum hoc dictum. Verum istud quidem argumentum satis debile prima facie videtur: imò hæreticorum proprium, qui nihil prorsus volūt admittere, quod non à scripturis probetur. At tu pie lector claram agnosce differentiam: Hæretici ipsi ita volunt omnia expressa esse in scripturis, ut quæ ex illis colliguntur, vehemētissima argumenta non suscipiant, sed respuant. Et præterea, hæretici etiam illa negant, & de iis contendunt, quæ sancta tradit ac recipit Ecclesia: & consequenter quæ à Spiritu sancto fuerunt inducta, quanquam in scripturis non reperirentur. Quis enim scripturas tradidit nisi Spiritus sanctus? Cum hoc igitur ex scripturis acceperimus, ductore Spiritu sancto ita regi ecclesiam in quibusdam ut errare non possit, ubi quid in ecclesia traditum ac receptum videmus ad fidem pertinēs, & Dei cultum, omnes silere debemus, & cum veneratione suscipere, tametsi

Matth. 28.

1. Cor. 15.

Luc. 1.

Pro traditionibus  
& observationibus in  
ecclesia, contra hæreticos.



Nota dili-  
genter.

non euidenter appareat in scripturis: sicut veri Catholicus semper fecerunt. Tertio tandem dicimus ad rem nostram, argumentum hoc, Non habetur in scripturis, ergo non est, tunc rectum esse, & vim suam obtinere, quando illud quod negatur in scripturis haberi, tale est ac tātum, ut dignum esset ibi haberi si verum esset: quemadmodum in re posita accidit. Si enim tanta esset eminentia alicuius Angeli, ut verè filius Dei vocaretur & esset, minime debuerat in scripturis taceri, ne suus illi debitus honos à mortalibus denegaretur, sed tribueretur. Quā ob rem rectè arguitur non esse: quoniam si esset, omnino commendatum fuisset scripturis, aut saltem aliquo modo in ecclesia receptū, quam Spiritus sanctus tanta sapientia regit, & omnia in illa sic moderatur, ut nihil velit omnino ad consolationem fidelium deesse, nedum in necessariis magnis mysteris, sed etiam in iis quæ ad cultum diuinum illustrandum atq; augendum pertinet. Quanta enim videmus progressu & beneficio temporis in ecclesia acquisita, quæ tamen si conferatur cum ea dignitate talis Angeli (si is fuisset) minima videri possint? Non igitur sit vlla ratio (ut diximus) credibile, Deum nos ea cognitione carere voluisse, quæ erat se digna, & nobis vtilissima, ut nosceremus præfectum cœlestis exercitus ducem, & veneraremur, & illius opem imploraremur.

Iob 1.

Psal. 81.

Matt. 6.

Verum hinc denuo obiicit aliquis de Angelis, quos in scriptura habemus apud Iob, filios Dei appellatos. Quomodo ergo hoc in loco dicitur, nulum eorum ita vocatum esse, cum nedum eorum aliquis, verum etiā omnes filij Dei sint dicti? Imò & hoc de hominibus habemus: Ego dixi dii estis, & filij Excelsi omnes. Et ipse Dominus docet nos, ut orantes dicamus: Pater noster qui es in cœlis, &c. Ad quæ omnia responderetur, subtiliter loquutum esse Apostolū, ac si expressius dixisset: Quamquam & multi Domini, & dii multi sint, & sic in scripturis vocentur propter adoptionem & participationem gratiæ, attamen ille singulariter vnicus est & verus Filius propter eminentem, singularem, & consummatam sanctificationem. Ideo nuli Angelorum singulariter datum fuit hoc nomen, ut Filius diceretur: nec vllus singulariter sic vocatus à Deo Patre in scripturis legitur.

Imò verò cum audimus dictum singulariter vni, Filius meus es tu, iam nisi hebetes prorsus simus, facile accipimus non de communi filiatione hoc dictum fuisse: quoniā aliquid singulare huiusmodi sermo significat, ad singularem personam singulariter directus. Nam in eo psalmo iuxta Hebraicam veritatem sic legitur: Narrabo statutū, siue decretum. Sunt enim verba Filij volentis Dei cōsiliū, & prædestinationem, siue statutum aut decretum de seipso manifestare. Et exprimens decretum illud, ait: Dominus dixit ad me, non ad alium quemquam, sed ad me singulariter. Filius meus es tu: ego hodie genui te. Hodie (inquit) eam diem singulariter significans, quam fecit Dominus, quando Filiū suum Spiritu sancto perfectè genuit. Genuit autē eam quodā modo, cum eundem suscitauit, & illi gloriā suā restituit, gloriā quasi Vnigeniti, & sic apparuit quomodo erat Filius Dei verus.

Quod ergo dixit, *hodie*, significat illum Dominicum diem, quando à mortuis surrexit Dominus:

qui dies sanctificatus est nobis, & merito illum in hoc toto mortali nostro sæculo celebramus. Est enim illud, *hodie*, de quo in alio psalmo: Hodie si vocem eius audieritis, nolite obdurare corda vestra. Est inquam illud, *hodie*, in quo ipse intrauit in requiem suam, ut eam nobis daret similiter laborantibus & sudantibus, ut qui boni æmulatores fuerimus, quò in nobis compleatur sanctificatio, sicut in illo, *hodie*, decretum illud, & prædestinatio Patris de Filio, quam ipsemet enarrauit, cōpleta fuit. Tum enim (ut sæpe diximus) accepit dona quæ erant Vnigeniti propria, & sic fuit consummatus. Hunc locum nobis ad istum sensum exposuit ipsemet Apostolus in Actis Apost. dicens: Et nos vobis annuntiamus eam, quæ ad Patres nostros facta est, repromissionem: quoniam hæc Deus adimpleuit filiis eorum resuscitās Iesum, sicut & in psalmo secundo scriptum est: Filius meus es tu, ego hodie genui te. Vide quā manifestè hunc locum ad resurrectionem, quæ est quædam generatio, aptauit Apostolus. Nam & nos regenerari tunc dicemur cum resurgemus, ut ait Dominus: In regeneratione cum venerit filius hominis, &c. Et eorum verborum sensus est, quasi manifestius dixerit Pater: Hactenus non apparuisti Filius, nec vsque adhuc Angeli mei viderunt in te speciem Filij gloriosam qua ad tempus caruisti, & ego te illa priuavi volentem & obedientem, tuis te ac tantis spoliāns dotibus tanto Filio conuenientibus, ut fratrum redemptionem impleres: at ego hodie genui te. Hodie, inquam, qui est dies requietionis meæ & tuæ ab opere mundi nouo quod patrauimus, non iam condendo, quem olim condidimus, sed restituendo, & reparando quod erat collapsum. Hodie ergo cū excitaris à mortuis, genui te: ut sis Primogenitus in multis fratribus, & primitiæ resurrectionis, quæ est quædam generatio. Etenim illud nunc verè sit perfectè, quod dum in terris agere, de te sum testificatus in nube. Hic est Filius meus dilectus, in quo bene mihi complacui. Ea enim quæ perdita erant, mihi omnia tua opera sunt restituta. Et quod tuum erat, tuæ obedientiæ proprio merito conqui-  
sisti, ut & tibi duplici iure restituatur gloria tua. Postula igitur à me, & dabo tibi Gentes hereditatem tuam.

Act. 13.

Matt. 17.

Et rursum: Ego ero illi in Patrem, & ipse erit mihi in Filium. Caietanus ex hoc loco authorem huius epistolæ ausus est reprehendere: vnde & simul colligit non fuisse B. Paulum, qui locum illum de Salomone loquentem torqueat, siue trahat ad Christū. Cuius audacia in reprehendendo tantum, & tantæ epistolæ authorem, quā sit reprehensibilis viderint alij. Quā verò indoctè reprehenderit, facile est demonstrare. Verus enim & eximius huius loci sensus de Christo est, qui in Salomone illo intelligitur. Nam Christus verus rex, & verus Salomon, id est, rex pacificus fuit, & non ille, in cuius persona hæc dicebatur, quæ persona alium significabat. Nam quomodo illi Salomoni poterāt quæ ibidem subiiciebantur, ad literam conuenire? Dicitur enim ipsi Dauid à Domino: Cumque completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnū eius. Ipse edificabit domum nomini meo, & stabiliam thronū regni eius

2. Reg. 17.

Q ij

Pro intellectu  
supra psalmi  
secundū.Quid signi-  
ficat, hodie,  
die, in scri-  
pturis.



usque in sempiternum. Et ego ero illi in Patrem; & ipse erit mihi in Filium.

Quomodo, inquam, conueniunt hæc Salomoni, qui suscitatus est in diebus David, & egressus erat de utero eius? Pollicitatio autem Domini implenda post obitum Davidis exprimitur: Et cum dormieris, inquit. Et quomodo item conuenit Salomoni quod sequitur: Stabiliam thronum regni eius usque in sempiternum? Hæc vni & soli Christo conueniunt, teste Archangelo Gabriele, qui Beatiſſimæ Virgini dixit: Et dabit ei Dominus Deus sedem David Patris eius: & regnabit in domo Iacob in æternum, & regni eius non erit finis. Vide ut per sedem David intellexit Angelus id, & nuntiavit, quod illis verbis promissum fuit ipsi David, id est, illud quod in eius sede, & regno figuraliter intelligebatur. Erat enim typus regni Christi: & in hunc modum intelliguntur scripturæ. Non enim Salomon ædificauit domum Deo, sicut testatur Prophetæ: Quam domum ædificabitis mihi? Adhuc & nos ita sumus pueri necdum ablactati, ut putemus Deum in manufactis templis habitare: Hunc errorem Atheniensibus sufferre voluit beatus Apostolus: Deus, inquit, qui fecit mundum & omnia quæ in eo sunt, hic cœli & terræ cum sit Dominus, non in manufactis templis habitat, &c. Christus ipse ædificauit Deo veram domum, ecclesiam suam. Nos enim regenerati, verum & viuum Dei templum & dicimur & sumus.

Sed rogabunt: Nunquid illud Christo attribui potest, quod subditur in Salomonem: Si iniquè aliquid gesserit, arguam eum in virga virorum? Christus enim nec peccauit vnquā, sed nec peccare poterat. Imò & hoc inquirere, & solutionē ignorare; nihil est aliud, quàm se prorsus imperitum in scripturis ostendere. Satis nanque & hoc competit in Christum, quem debemus mysticum cogitare, & in quo vniuersa contineatur ecclesia, quæ est corpus eius: & tamen per eum paritur delinquentibus in illo existentibus. Vnde statim sequitur: Misericordiā autem meam non auferā ab eo, &c. Quod ut intelligeremus, ipse David in Psal. hoc idem oraculum enuntians, in hunc modū introducit Deum tanquam de se loquentem, in quo tamen Christus intelligitur. Ipse inuocabit me: Pater meus es tu, Deus meus susceptor salutis meæ. Et ego Primogenitū ponam illum excelsū præ regibus terræ. In æternum seruabo illi misericordiam meam: & testamentum meum fidele ipsi. Et ponam in sæculum sæculi semen eius, & thronum eius sicut dies cœli. Si autem dereliquerint filij eius legem meam, & in iudiciis meis non ambulauerint. Si iustitias meas prophanauerint, & mandata mea non custodierint: visitabo in virga iniquitates eorum, & in verberibus peccata eorum. Misericordiam autem meam non dispergam ab eo, neque nocebo in veritate mea, &c. Vbi vides quod in libris Regū dicitur, Si iniquè aliquid gesserit arguam eum. In eo psalmo, quatenus hoc refertur ad Christum, exponitur sic, Si dereliquerint filij eius legem meam, &c. Et in reliquis idem prorsus est oraculum, ut videre licet: quia promittitur ipsi David Christus, & regnum eius in æternum (ut ipse Angelus Gabriel declarauit) quàm manifestissimè.

Quamobrem facere non possum quin ægrè fe-

ram & doleam, huiusmodi argumenta quæ non sunt noua, sed olim ab hæreticis nobis obiecta, iterum excitari à nostris. Sic & Iulianus apostata arguit in B. Matthæum ex eo loco, ubi enarrat Christum eiectum fuisse in Ægyptum per Herodem, ut adimpleretur quod dictum est à Domino per prophetam dicentem: Ex Ægypto vocaui filium meum. Nam eum locum ad literam loqui de populo Israel, & non de Christo contendit. Et non vidit infelix in eo Christum, & qui sunt in Christo intelligendos esse mysticè, & iuxta verum sensum & principalem. Non secus autem in proposito. Totum enim quod ibi de Salomone legitur, applicatur ad Christum, iuxta intellectum Spiritus, qui vsus est illa persona; & illo nomine Salomon tanquam quodam tenui velamine & inuolucro, ut intus Christus abditus, & corpus eius ecclesia sancta Dei, à fidelibus & beatis oculis mira cum voluptate cerneretur. Et rectè dixit:

*Ego ero illi in Patrem, &c.* Verba sunt promissionis ista pro eo tempore, quo introducitur primum à Patre in orbem terræ, qui ad mysterium redemptionis respiciebat: ut tum demum eiusmodi impleretur promissio, cum perfectum illud redderet opus, quod mandatum ei fuit ut faceret. Nam antea cum non fuerit quodam modo Deus, sed minoratus ab illo, non habuit illum in Filium, quem dereliquit vsque ad mortem velut peccatorem. Neque Christus ipse ausus est uti iure filiationis, ut exoraret eum pro sua salute: sed quasi peccator & reus delicti patienter subiit furorem Patris velut extranei & hostis, quo eum nobis placatum tanta patientia redderet.

*Et cum iterum introduxit Primogenitum in orbem terræ, &c.* Dum ergo dicit, *Et cum iterum*, significat eundem bis introductum esse in orbem terræ: Primum ut peccato satisfactorius, & quasi vnus ex nobis, qui posset super se ponere iniquitates omnium nostrum, ut illas deleteret in carne sua. Sic enim deiecit ut ille fieret sicut vnus ex nobis, accipiens formam serui cum Deus esset, & in forma Dei, iuxta prædestinationem suam: quia primus noster pater in eo peccauit, qui malo suo & nostro damno concupiuit fieri quasi vnus ex diis, quemadmodum Dominus merito exprobrauit ei: Ecce Adam quasi vnus ex nobis factus est, &c. Considera, pie lector, antidotum.

Primo, vetus Adā fieri voluit quasi vnus ex diis, & ita peccauit, & factus est caro peccati: & in illo constituti sumus omnes peccatores. Venit vnus ex diis veris, & ipse verus Dei Filius, & factus est quasi vnus ex nobis, non caro peccati, sed similis carni peccati propter passionem & miseras vitæ huius, & sanctificauit nos in seipso delens peccatum, & iustificans nos. Sic enim factus est ille redemptio nostra, & sanctificatio nostra. Secundò ergo post consummatum hoc opus introducitur tanquam verus Filius, sicut reuera erat, & Vnigenitus in decore, & fortitudine: qui & paratus accinctusque est ad iudicium, ut appareat illa persona vnus ex Tribus, cui regnum & iudicium est demandatum. Vnde Psal. 96. & 98. de Psalmista: Dominus regnauit, exultet terra, lætentur insulæ multæ. Et iterum: Dominus regnauit, decorem indutus est: indutus est Dominus fortitudinem, & præcinxit se.

Luc. 1.

Isa. 54.

Act. 17.

Questio.

Solutio.

Psal. 88.

Gen. 3.

Christi ad peccatum Adæ antidotum.

1. Cor. 1.

Psal. 96. &amp; 98.



Aliæ huiusmodi sententiæ leguntur in scripturis, quæ nobis Christum repræsentant in gloria sua ac cinctum ad iudiciū, quando curuabitur ante illum omne genu, & omnes Angeli eius adorabunt eum. In Hebræis tamē non legitur, *Angeli eius*, sed simpliciter, *omnes Elohim*, Apostolus dicit, *omnes Angeli Dei*, ut ostenderet de quibus Angelis loqueretur psalmus: quoniam non de Angelis satanæ, sed Dei. Angeli enim satanæ subiiciuntur velint nolint, non autem adorabunt. Nam minus essent miseri, si adorare possent: sed retrorsum cadent, & ruent in combustionem sempiternam. Vocauit, *Primogenitum*, quoniam ipse prior resurrexit perfecta resurrectione: ut & Primogenitus & primitiæ mortuorum resurgentium sit, & iure optimo dicatur.

Et ad Angelos quidem dicit, scilicet scriptura, non Pater: *Qui facit Angelos suos spiritus, & ministros suos flammam ignis*. Ecce in quo est dignitas Angelorum, qui licet sint spiritus, eos tamen facit Angelos, id est, nuntios suos. Et cum sint flamma ignis (quibus verbis natura & vis illorum maximè actiua significatur) facit suos ministros. Sed dignior est qui recumbit, quam qui ministrat. Recumbit autē Christus in dextera Patris, & illi assistunt ministrantes. Legimus enim vel statim ab initio post peccatum, fuisse iussu Dei ad locum paradisi Angelum Cherubim collocatum, & flammæ gladium atque versatilem. Per quæ opinor eorum virtutem intelligi fortè atque agilem in hanc materiam nostram corpoream. Puto insuper significari naturam illorum spirituales valdè similem diuinæ naturæ, & ex qua ipsi producti sunt quodam modo, sicut ex igne flamma. Non tamen qui ex substantia Dei processerint, sicut ipse Filius ex substantia Dei processit: sed ad ideam nobiliorem quàm nos alij homines sunt formati. Eorum igitur dignitas quantum ad nos attinet, finitur in ministerio: per illos enim dirigimur in salutem. Nec tamen sunt propterea nostri domini: aut tali suo ministerio id merentur, ut acquirant super nos dominiū. Nam nos erimus cum illis velut socij & conciuēs in paradiso. Illud ergo proprium Filij fuit, scilicet exaltari ut recumberet, qui humiliavit semetipsum ut ministraret. Vnde opportunè sequitur:

Ad Filium autem (inquit, videlicet scriptura) *Thronus tuus, Deus, in sæculum sæculi*, & sic construitur. O Deus, thronus tuus est in sæculum sæculi, id est, sempiternus. Minime dubium est in hoc veteris scripturæ loco Christum vocari Deum. *Virga æquitatis, virga regni tui*, Per virgam, seu sceptrum æquitatis, regalem intellige potestatem atq; iudicium, quo & in malos infertur vindicta, & bonis redditur præmium: hoc enim habet æquitas. Vnde rectè ipsemet ad Thessalonicenses ait se gloriari in illis de patientia eorum & fide in omnibus persecutionibus, & tribulationibus, quas sustinebant ad exemplum iusti iudicij Dei, ut digni haberentur in regno Dei, &c. Tunc enim in ea virga tandem maximè apparebit hæc æquitas, cum ipse veniet per semetipsum iudicaturus, & redditurus unicuique iuxta opera sua prout gessit in corpore bonum vel malum.

Dilexisti iustitiam, & odisti iniquitatem. Si iustitiæ est tribuere ius suum unicuique: & maximè quæ ipsi Deo debentur honor, & gloria, & gratiarum a-

ctio: Et ex aduerso, iniquitatis est contra facere. Illud quidem Christus eminentissimè fecit, qui dilexit iustitiam tribuendo Patri suo honorem, & gloriam in omnibus & obediendo illi: qui consequenter summo odio habuit iniquitatem, quando videbat inhonorari Dominū Deum suum, & propter hoc etiam exaltari meruit ad regiam coronam.

Propterea vnxit te Deus, Deus tuus oleo exultationis.

Quid est vngi? Idē enim est Christus quod vnctus. Itaq; cum ad ipsos reges pertineret vnctio, ob eā causam significatur, vnctū illum fuisse in Regem, ut esset Rex noster. Ita construatur litera. Propter ea o Deus (manifestè Christū Deum vocat) Deus tuus Pater vnxit te per Spiritū suum sanctum: vnxit autem oleo. Sed quidnam est hoc oleum? Declarat exultationis oleum esse & gaudij. De quanam re? De bello, de victoria, de triumpho in diabolum, in mundum, in carnem, in mortem, de spoliis ereptione à manu hostis, de inferorum tractione, de apertione cælorum, de ingressu cum triumpho in gloriam. Et benè dicit, *Præ participibus tuis*, seu præ confortibus tuis, hoc est, ante omnes qui de tuo Spiritu ac donis participarunt. Nam alij omnes longè post eum, & ex eo, eiusque plenitudine & exundantia acceperunt, ut ait Præcursor magnus Ioannes Baptista.

Christus  
vocatur  
Deus.

Ioan. 1.

Et tu in principio Domine terram fundasti. Hæc verba ad Christum pertinere, & de Christo dici tradit Apostolus. Quo in loco illa coniunctio, *Et*, est nota consequentiæ, & accipitur pro, *quia*, ut sit sensus. Merito tu vnctus es, & super omnia constitutus: quia tu ab initio Domine, terram fundasti. Et propriè dictum est, *fundasti terram*, videlicet ut staret, & non inclinaretur in sæculum, sed super eam cætera stabilirentur. Et hoc in principio factum dicit, videlicet in principio temporis, quando fuit lux: tunc omnia elementa facta sunt ex illa prima inuisa materia.

Hoc explicat  
factus  
Author  
in cō. Gen.

Et opera manuum tuarum sunt cæli. Per manus Dei, potentia ipsius quæ ad praxim redacta est, significatur. In manib; enim residet artis exequutio, quæ sunt propria operationum instrumenta.

Ipsi peribunt, tu autem permanebis: & omnes ut vestimentum veterascunt. Quomodo peribunt cæli? Dicunt plerique quantum ad motum localem.

At hoc non est perire, neque veterascere, quod ad interitū tendit, ut ait Apostolus inferius: Quod veterascit, prope interitum est. Præterea B. Petrus epist. 2. cap. 3. de cælis hoc testimonium reliquit: Adueniet dies Domini ut fur, in quo cæli magno impetu transiunt: elementa verò calore soluentur. Terra autem, & quæ in ipsa sunt opera exurentur.

De dissolu-  
tione celo-  
rum, & ter-  
re combus-  
tione.

Cum igitur hæc omnia dissoluenda sint, quales oportet vos esse in sanctis conuersationibus, & pietatibus, accelerantes aduentum diei Domini, per quem cæli ardentes soluentur, & elementa ignis ardore tabescent? Nouos verò cælos, & nouam terram iuxta promissum ipsius expectamus, in quibus iustitia habitat. Adhæc, Dilectus in Apoc. Vidi nouum cælum, & terram nouam. Primum enim cælū, & prima terra abiit. Et Isaias: Ecce ego creo cælos nouos, & terram nouam. Et ipsemet Dominus noster, Cælum & terra transibunt, verba autem mea non transibunt. Ex his ergo scripturarum testimoniis, nisi prorsus velimus verbis

Apoc. 2.

Isa. 65.

Matth. 24.



Quis calo-  
rum vsus  
post indi-  
cium.

vim afferre, cogimur fateri futuram verè aliquam magnam cœlorum alterationē per ignem, & non tantum solam motus cessationem: per quam alterationem noui quodammodo fundentur cœli, & longè fient pulchriores, quàm nunc existât. Quòd si roges: In quem tandem vsus? Hoc certè diuturniore eget inquisitione, aut verius species reuelatione. Nisi verò piè dicere velimus, futuros esse quosdam homines super hanc nouam & amœnissimam terram, qui nec cœlo, nec inferno digni inueniuntur: quemadmodum quidam non absq; magnis rationibus tradunt, & ego quidem recepi, & credo non inuitus.

Et velut amictum mutabis eos (seu circumuolues) & mutabuntur, Non potest hoc de solo motu locali intelligi. Non enim verè mutari, nec alia fieri vlla res dicitur, ea solummodo ratione quòd cesset à motu. Græcè ἡμῶν, id est, volues.

Tu autem idem ipse es, Christus post vitæ mortalis cursum iam idem manet, & omnino manebit, nō amplius passurus vllam corruptionem, aut mutationem. Vnde & sequitur: Et anni tui non deficient, Per annos istos metaphoricè perpetua eius duratio intelligitur. Et de illo loquitur secundum eam partem qua homo erat: quia etiam sic nō amplius subiectus est morti vel vlli mutationi, sed in sua carne immortalis iudicaturus omnia, qui perfectè fuit sanctificatus à Patre, vt perpetuo esset gloriosus. Quanquam & ab initio caro illa corruptioni obnoxia & mortalitati, speciali priuilegio sic sustētata est, vt nullam videret corruptionem. Intelligo autē cum illis carne etiam illam Benedictæ Matris carnē: Ipsi enim erant vna caro. Nimis quippe duri sunt & increduli, quicunque de Matris Dei perfectæ glorificatione adhuc dubitant, post testimonia tanta, & tot doctorum, & communem sanctæ ecclesiæ sensum, ac spiritum piorum.

Ad quem autem Angelorum dixit aliquando: Sede à dextris meis, &c. Non ergo sedent Angeli à dextris Domini in potestate super omnia, sicut Christus, cui datum est regimen totius ecclesiæ sanctæ. Neque sancti Angeli dominantur ecclesiæ, sed ministrant ad nutum ipsius Domini nostri. Hæc autem sessio erit vsque ad tempus postremi iudicij, quando restituet Iesus regnum Deo Patri, vt aliās testatur Apostolus, & iam ex parte diximus. Obiciet forte aliquis & dicet, alios quoque homines eandem dignitatem & potestatem habituros. Nam B. Paulus ait: Et confuscitauit nos, & consedere fecit in cœlestibus.

Verum facilis est obiectionis huius dilutio. Alter est enim Christi gradus, alter cæterorum: quos vt manifestissime Apostolus ostenderet, in illa ad Ephe. epistola in hunc modum scripsit: Non cesso gratias agens pro vobis, memoriam vestri faciens in orationibus meis, vt Deus (domini nostri Iesu Christi Pater) gloriæ det vobis spiritū sapientiæ & reuelationis in agnitionē eius, illuminatos oculos mentis vestræ, vt sciatis quæ sit spes vocationis eius, & quæ diuitiæ gloriæ hæreditatis eius in sanctis. Vide reliqua vsque ad finem primi capituli, vbi multifariam, multisque modis animaduertere potes eminētiam Iesu per fortissimam Dei operationē, qui suscitauit eum à mortuis, & gloriosum constituit & potentem supra omnem principatum, &

potestatem, & dominationē. Ecce igitur quot nomenclaturis (vt ita dicam) extollit eum, vt agnoscamus quæcunque talia dicuntur de aliis, non cum ea eminentia debere intelligi. Sumus quidē filij Dei, sumus dij, dicimur lux, & huiusmodi multa: sed longo post illum intervallo. Hæc singulariter, & eminenter, & principaliter de illo dicuntur: de nobis autem gradatim & posterius, & participatione propter illum. Quamobrem neq; Angelorum est hæc dignitas interim, vt subiiciantur eis inimici eorum diabolus, mundus, peccatum, mors, sed soli Christo. Vnde subdit de ipsis Angelis:

Nonne omnes sunt administratorij spiritus, &c. Ecce quomodo Angeli nihil habēt in nos potestatis & dignitatis, nisi vt ministrēt nobis, id est, iis quibus salus est disposita in hæreditatem. Porro aduertendum, non deesse qui per hos volunt tantum prædestinatos esse intelligendos, vt propter illos solos administrarent. Nos autem & de aliis quoq; præter prædestinatos, dicimus obuenire omnibus posse hæreditatem. Ministri nanque salutis sunt facti Angeli propter omnes, etiam eos qui re ipsa non capient: modo ad hoc ordinati fuerint, & propria culpa non exciderint. Omnes enim ordinati sunt in Christo, nisi nouo peccato mereantur ab eius prouidentia subtrahi. Et propterea B. Thomas rectè, & cōmunis schola, & antiqua Patrum traditio docet, vnicuique hominum datum esse Angelum custodem, qui adiuvet ad æternam salutem.

Illud nunc in quæstionem venit: Quomodo dicat omnes spiritus missos, cum de solis quinq; ordinibus inferioribus mittantur, vt quidam volunt. At ea consideratione dicuntur omnes mitti, quoniam qui adueniunt, ab aliis superioribus mittuntur, vt de illo Seraphim ad Isaiam misso habemus, ex B. Dionysio.

Nec tamen est inconueniēs, si illi summi Angeli in summis diuinarum operationum tractatibus etiam ipsimet proprii mittantur, vt (quod scilicet faustumque mihi obsecro sit) de Gabriele, quem inferiari vnū de summis nefas esse arbitror, qui venit in propria persona ad annuntiandum summum euāgelium immaculatæ Virgini: quo mysterio nullum maius potuit excogitari, vt vel illius annūciandi celsitudo potuerit à maximis Angelorum desiderari, & (si fieri posset) etiam ambitiose, & inuidia quadam sancta æmulari atque sollicitari.

Non possum igitur in eorum conueniente sententiam, qui Angelum Gabrielem in secundo ordine tertiæ hierarchiæ collocant. Idem & de Michael censendum, quem omnino primum omnium Angelorum natura, & gratia existimo. Sic enim ab ecclesia ferè expressim in cultu ipso diuino traditur. Inuocatur enim primus post Beatissimam Virginē in litanis. Secundus verò ipse Gabriel, post quem sequitur Raphael. Hos autem tres esse opinor primarios principes ante omnes Angelos, postquam nobis colendos nominatim tradidit ecclesia, quæ in huiusmodi à Spiritu sancto nullo prorsus errore dirigitur. Et reuera nullo pacto est rationi consentaneum, si essent alij superiores, quin Deus non reuelasset, vt ipsi prius nominatim colerentur: præsertim postquam reuelauit Filiū suum. Imo & credo istos Angelos Michael, Gabriel, Raphael, tres esse de illis septem, quos B. Ioannes in sua Apoc.

Priuegiū  
carnis Chri-  
sti, & Ma-  
tris.

1. Cor. 15.

Ephe. 2.

De missio-  
ne Angelo-  
rum, & di-  
ginitate  
eorum.

Gabriel v-  
nus ex pri-  
mis Principi-  
bus.

Apoc. 1.



Tho. 12.  
Luc. 1.  
septem Spiritus vocat, & præcipuos testatur, vtpote qui proprius assistant in circu throni Dei. Certe Raphael dixit Thobia: Ego sum Raphael Angelus, vnus ex septem qui astamus ante Dominum. Et Beatissimus Gabriel: Ego, inquit, sum Gabriel, qui asto ante Deum, peculiarem quandam proculdubio assistentiam innuens: alioqui nihil dixisset. Sed Raphaelis verba clara sunt. Vnde interpretes demiror, qui extraneè exponunt, & literam gratis destruunt.

## CAP. II.

**P**ROPTEREA abundantius oportet obseruare nos ea quæ audiuius, ne fortè pereffluamus. Si enim qui per Angelos dictus est sermo, factus est firmus, & omnis præuaricatio & inobedientia accepit iustam mercedis retributionem: quomodo nos effugiemus, si tantam neglexerimus salutem? Quæ cum initium accepisset enarrari per Dominum, ab eis qui audierunt, in nos confirmata est, contestante Deo signis, & portētis, & variis virtutibus, & Spiritus sancti distributionibus secundum suam voluntatem. Non enim Angelis subiecit Deus orbem terræ futurum, de quo loquimur. Testatus est autem in quodam loco quis dicens: Quid est homo quod memor es eius: aut filius hominis, quoniam visitas eum? Minuisti eum paulominus ab Angelis: gloria & honore coronasti eum, & constituiisti eum super opera manuum tuarum. Omnia subiecisti sub pedibus eius. In eo enim quod omnia ei subiecit, nihil dimisit non subiectum ei. Nunc autē necdum videmus omnia subiecta ei.

**P**ropterea abundantius oportet obseruare nos ea quæ audiuius. B. Paulus cum eminentiam testamenti noui & sancti ex industria declarauerit ab eius authore Christo, quem cœpit conferre cū Angelis, & ostendere longè esse præstantiorem: nūc explicat finem ipsum ad quem intendebar. Voluit enim Hebræos ita erudire, vt longè magis etiam attendere deberent ad hoc testamentum, propter ipsius authoris excellentiam, & eius obseruare verba & præcepta, quàm sermonem Angelorum, per quos data fuit lex in manu mediatoris Moyses. Qua in re si aliter facerent, subindicare eis magnū periculum studuit, addens: Ne fortè pereffluamus aut perfluamus, id est, ne veluti aqua dilabamur nō manentes in Christo solidi. Et in hunc modum à maiori ad minus argumentatur:

Si enim qui per Angelos dictus est sermo, factus est firmus, quoniam Dominus Deus nihil eius legis prætermisit absque implemento veritatis abire, siue illud spectaret ad promissiones, siue comminationes contineret, ita quod omnis præuaricatio accepit iustam mercedis retributionem, &c. Vide quo modo nūc confert præuaricationem cum præuaricatione, nō

solum respectu authoris promissionum, verum etiam respectu ipsarummet promissionum. Nam in veteri testamento fuit promissio terræ illius: quā promissionem qui spreuerunt per incredulitatem, meritò illam amiserunt. Ob id enim sic exacerbatus est Dominus vt non sit eis relictus pœnitentiæ locus: quæ latè patēt Nume. xij. & xiiij. Nam quicumque murmurant, & noluerunt ascendere in terram illam, mortui sunt & prostrati in deserto, nec introierunt: imo ducti pœnitentia, & volētes postmodo ascendere, ne ascenderent sunt prohibiti. Cum ergo in nouo testamento contineatur regni cœlorum promissio, æterna salus, & vita fœlicissima, nonne multò magis merentur qui illam spernunt, vt & ipsi amittant, & spernantur, & rideantur, & subfannētur? Id proculdubio est æquissimum. Ideo ait: Quomodo effugiemus, si nos tantam neglexerimus, & tanto pretio sanguinis Iesu nobis comparatam & oblatam salutem? At ne alii qui dicere possent: Nos minimè audiuius prædicationem Domini ad huius salutis beneficiū participandum nos vocantis, Apostolus respondens occurrat:

Quæ cum initium accepisset enarrari per Dominum, &c. id est, cum non ab Angelis inchoata sit enarrari ista salus, sed à Domino, cuius ore cōfirmata est, & postmodo ab eis qui loquentem illum audierunt tradita, & communicata nobis.

Quod si fortè obiicias: At vnde mihi constare istud potest, illos ex ore Domini enarrauisse? Respondet inde certissime sciri posse: quoniam Dominus Deus contestatus est eorum sermoni, signis, & portētis: ita vt rectè possimus & verè dicere etiam nos audisse eundem loquentem, qui verbis & doctrinæ Apostolicæ testimonium de cœlo dabat. Quo in loco aduerte: Si vetus testamentum ministratum est in signis per Moysen, multò magis decuisse ministrari testamentum nouum in omni virtutum & signorum ostensione. Nam ipse Dominus ea se fecisse, quæ antea nemo alius vnquam fecit, testatus est. Et de Apostolis quid putandum est, cum dixerit illis Dominus. Amen amen dico vobis, qui credit in me, quæ ego facio & ipse faciet, & maiora his faciet. In Actis Apostolorum varia signa, & portenta narrantur, quæ Apostoli & alij faciebant, vnde sermo eorum confirmabatur.

Porro dubium hīc oritur, Quonā pacto B. Paulus se inter eos ponere voluerit qui non à Domino euangelium acceperint, sed ab iis qui audierūt ab eo, cum tamē ipse in principio epistolæ ad Gal. tanto spiritu dicat se neque ab homine, neque per hominem didicisse, sed per Iesum Christum, &c. Caietanus ista coniectura, imo argumento super omnem coniecturam (vt ipse ait) adductus est, vt hanc epistolam indubie crederet nō fuisse à B. Paulo scriptam. Ad hoc autem responder Theophylactus, B. Paulum humilitatis gratia sic loquutum, qui seipsum quodam modo cū aliis de vulgo admiscere non dedignatur, cum non esset hic locus de seipso enarrandi, ad Hebræos præsertim scribens, ne excitaret quorundam aduersum se inuidiam. Neque hæc sic dicuntur mendaciter, quoniā charitas facit omnia communia. Licet ira absque scrupulo dici posset, appositius tamen, & iuxta B.

Ioan. 15.

Ibid. 14.

Caietanus.

Theophylactus.



Pauli verba congruentius dici arbitror, non eam esse Apostoli hoc in loco mentem, ut significare voluerit se esse edoctum ab iis qui à Domino audierunt (hoc enim fuisset falsum) sed ait in se confirmatam fuisse salutē per eos qui audierunt: quod verum fuit. In primis enim ut confirmationē suā salutis acciperet, ad Ananiam ire iussus est, vnum ex discipulis Domini: quem ipse Dominus de Paulo admonuerat, & ab eo audiuit quid vellet Dominus, & ab eo baptismum simul recepit & visum, ut B. Lucas testatur. Ecce signa & portenta. Quāquam non omnia, sed ex innumerabilibus pauca enarrat nobis scriptura: quā tamen abundē sunt satis, ut locum viro prudenti faciant ad coniectanda alia longē maiora & excellentiora.

*Non enim Angelis subiecit Deus orbem terræ futurū, de quo loquimur.* Apostolus probans Christi excellē-

*De futuro orbe.*

tiam prae Angelis (quoniam Angelis non subiecit orbem terræ futurum) dicit orbem terræ futurum respectu prioris orbis terræ, non quasi in substantia sint plures mundi, & orbis terræ, ut fatui quidam suspicati sunt, sed respectu conditionis. Nam prior mundus, seu prior orbis, intelligitur respectu primi pacti violati, cuius mundi princeps inuebatur diabolus. Futurus autem mundus intelligitur posterior, qui restitutus est in gratiā, ereptus de manu diaboli, & conciliatus Deo, quārum fuit in Christo, cuius orbis pater dicitur ipse Christus. Nam & Isaias vocat illum patrem futuri sæculi, & pacis principem. Hic orbis terræ traditus est Christo & subiectus, ut quem redemit de manu diaboli, & lucratus est. Et primò quidē traditus illi fuit, ut redimeret. Hoc ipsemet antequam pateretur te status est, dicens: Omnia mihi tradita sunt à Patre meo. Et, Nemo nouit Filium, nisi Pater: neque Patrem quis nouit, nisi Filius, & cui voluerit Filius reuelare. Venite ad me omnes qui laboratis, &c.

Ecce quomodo omnia illi tunc erant tradita, ut delicta ad redimendum ac saluandum. At postmodò ubi iam ea redemit, data sunt illi omnia ut hæreditaret. Quam ob causam dictum est illi: Postula à me, & dabo tibi Gentes hæreditatem tuam. Et ipsemet post resurrectionem ait: Data est mihi omnis potestas & in cælo, & in terra. Itaque alius orbis meritò is dicitur, qui alium Patrem, & alium Dominū habet. Primi orbis pater erat primus Adam: secundi secundus Adam Christus. Primi orbis princeps diabolus, qui primum patrem superauit. Secundi orbis princeps Dominus Christus, qui diabolū victoriam insigni vicit, & ab eo prædam eripuit. Vnde & ipsemet testatus est: Nunc iudicium est mundi, nunc princeps huius mundi eiicitur foras, ab illo scilicet fortiore qui superuenit, & eripuit vniuersa arma eius in quibus confidebat, & spolia eius distribuit. Et istud est quod superius dixit, fuisse hæredem vniuersorum constitutum. Quare opportunè subdit: *De quo loquimur.* Nam de hoc orbe est sermo, cuius & Dominus & Pater factus est Christus Redemptor omnium ac Saluator. Aliud quoque scripturę profert testimoniū, aiens:

*Testatus est autem quodam in loco quis, dicens.* Confirmat autoritate ipsius scripturę quæ de orbe futuro dixerat, qui Filio subiectus est, vnde ait:

*Testatus est autem quodam in loco quis,* Mirum videtur cur nominatim non citauerit librum Psalmi.

rum, sed indefinitè dicit, quodam in loco. Nec itē nominauerit authorē psalmi, sed ait, quis, seu quidam. Nonnulli ea ratione factum existimant, quoniam loquebatur cum doctis, quibus peruia sunt scripturarum loca, potissimum psalmodi, qui omnium fermè teruntur manibus.

Alij autem dicunt, ut ostenderet nihil referre in scriptura quis, aut qualis sit scriptor, cum primarius scripturæ author sit Spiritus sanctus. Hanc rationem affert D. Gregorius, & rectè, de libro Iob: quicquid dixerit Caietanus, qui aliter circa præsentem epistolam docuit, inferens consequi, si nesciatur esse B. Pauli, eam non esse canonicam. Cuius errorem cum plerisque alijs nos alibi (ut illa nimia audacia merebatur) confutauimus. Sed ad rem nostram.

*D. Gregorius.*

Fortè igitur nec authorem, nec locum scripturę quem citat, & vnde testimonium sumit voluit nominare Apostolus, ut excusationem mihi ac mei similibus in hoc cōpararet, qui magis rem & sententias, quàm loca ipsa, & authorum expressa nomina plerunque solemus attendere. Alius quidā exponit, B. Paulum ita loquutum, ut innueret Angelum ipsi Davidi reuelantem: quia David ex reuelatione loquebatur: ac si dixerit. Quidam Angelus dixit, illud scilicet quod David ab Angelo reuelatum expressit: qui sensus nequaquam displicet. Quicquid itādem sit, locus è psalmo notus est, & psalmus est David. Nam Christus ex eodē psalmo illud adduxit: Ex ore infantium, & lactantium perfecisti laudem, citans David. Sed longē præstat locum ipsum intelligere & sensum Spiritus, quàm his quæstiunculis implicari. Ait ergo Plaltes egregius:

*Quid est homo quod memor es eius?* Digna sanè de ipso homine admiratio, cum sit inter spirituales creaturas quatenus mēte pollet, in vltimo gradu. Quatenus autem caro, nihil est aliud quam belua: & eò etiam deterior, quo caro naturaliter superiore partem ad se inclinat. Vnde pronus redditur homo ad malum ab adolescentia sua. Nam scienti bonum subito lis exoritur: & quod non vult, cogitur operari malum, utpote cui in tali statu caro dominatur. Qui si ignoret bonum, & ipsa lux tenebræ sint, in ipsum profectò malum præcipitanter fertur. Cum ergo sit homo talis naturę, idque sua propria culpa & delicto, non videbatur diuinæ Maiestatis esse, ut aliquam Deus curam atque sollicitudinem vltius de illo susceperet, nec amplius post delictum illud & summam ingratitudinem recorderetur eius, cum multo tempore videretur traditus obliuioni. At cum misit Filium suum, tunc verè recordatus est, ut ait Zacharias: Et memorari testamenti sui sancti Et Beatissima Virgo: Recordatus misericordiæ suæ. Et apud Isaiam: Nunquid obliuisci potest mulier infantem suum, ut non misereatur filio vteri sui? Et si illa oblita fuerit: ego tamen non obliuiscar tui. Id ergo cum in spiritu cerneret propheta, admiratur, & ait:

*Miseria calamitas hominis.*

*Quid est homo quod memor es eius?* Et addit: *Et Filius hominis quoniam reputas eum?* Hunc hominis filium vocat Iesum. Vbi videtur esse admiratio de Christo, qui sic esset Filius Dei dilectus. Dicunt ergo aliqui, fuisse in hoc admirationem quomodo filius hominis ita esset vñtatus à Deo, ut fieret Filius Dei

*Luc. 2.*

*Isa. 49.*

*Locus psalmi difficilis.*



& Deus, per beneficium incarnationis. Sed hoc non placet: quandoquidem per Filium hominis intelligitur ipse Christus, & sic iam Deus incarnatus. Quare super eum non cadit hæc visitatio per incarnationem, quæ in ipso iam præsupponitur. Melius est ergo ut intelligatur de visitatione, qua ipse indiguit, scilicet ut visitaretur à Deo in miseriis & necessitatibus, & eriperetur tandem à morte. Quam obrem nō in hoc erat admiratio, videlicet ut postquam talis esset, visitaretur à Deo: sed in hoc quod talis existens, cō redactus esset ut indigeret huiusmodi visitatione. Nam Christus ita debuit esse à principio, ut non opus esset ei visitari. Filius autē hominis singulariter esse dicitur, non (ut putauit quidam) quoniam natus erat ex sola Matre, non habens Patrem, & sic ex homine, non ex hominibus: ad differentiam eorum qui in scripturis dicuntur filij hominum. Nam & alij in scripturis, iuxta hebræam veritatem, dicuntur filii hominis, & non hominum. Siquidem, Filij Adam, singulari numero, non plurali in hebræis codicibus legitur. Nec perperam interpretatum est, Filij hominum, quia in Adā mas & fœmina intelligitur. Præterea, Christus filius τὸν υἱὸν πατρὸς, legitur in Græcis: quod significat hominem patrem (ut articulus perspicue indicat) non fœminam. Dico igitur potius in eum sensum esse intelligendum, ut quemadmodum Christus est filius Dei modo quodam singulari, non aliorum cōmuni: & idē singulariter filius Dei vocatur, ut singularis indicetur filiatio: alij autem plurali numero filij Dei, ut cōmunis generatio significetur: Sic, inquam, & ipse singulariter Filius hominis vocatur, ut cogitetur singularis modus filiationis. Non enim ex vi feminis conceptus fuit, sed de Spiritu sancto. Neque carnem accepit peccati, sed similem carni peccati innocentissimus, & idoneus ad expiandum peccatum. Prosequitur ergo tāquā huic respondens admirationi Apostolus:

*Minuisti eum paulominus ab Angelis.* Hic primū quæri solet, Quonam modo Christus paulominus est ab ipsis Angelis imminutus? Si respondeamus, natura: quoniam secundum naturam humanā paulo inferior est Angelis, cū natura humana sit contigua superiori naturæ, quæ est Angelica. Contra hanc intelligentiam occurrunt duo: Primum est, Non videri ob istam causam propriè dici de Christo esse illum ab Angelis imminutum. Non enim imminutus, seu minoratus quis verè dici ideo debet, quia eius conditio minor sit quam altera natura: sed tum demum, si ab eius natura, & conditione aliquid sit subtractum. Aliud quod occurrit, istud est: Licet hoc concedamus, intellectum humanum paululum à natura cæterorum intellectuū spiritualium declinare, quid sentiendum secundum carnis passionem? Etenim non solum parum, sed valde multum declinat homo à conditione Angelorum. Homo autem non est solum intellectus siue anima intellectiua, sed etiam caro. Vnde & caro dicitur. & dicimus: Verbum caro factum est. Ergo secundum hanc partem, quam potissimum venire in considerationem oportuit, cum mirum in modum attrahat ad se animam indignis rebus ob plurimas ipsius carnis necessitates mancipandam non modico minor Angelis dici potest homo, sed admodum minor.

Mitto non esse apud scripturas vsitatum, neque secundum sapientiam Spiritus, ut doceant nos naturales rerum conditiones: quānam scilicet maior sit, quæ minor: quin potius dignitates personales. Quamobrem hæc expositio mihi iam quadrare nullo pacto potest.

Sunt pleræque aliorum diuersæ expositiones qui aliter & variè hunc locum interpretantur. Ego verò in qua nunc intelligentia magis cōquiescam, breuiter absoluam. Puto enim propriè Christum minoratum, seu minutum dici ab Angelis respectu suæ dignitatis, à qua minoratus fuit. Dignitatis dico, quæ illi debebatur cū esset Filius Dei. Cuius rei gratia debuit gloria & omni honore statim à principio coronari. Verū cū opus redemptionis nostræ necessariò efflagitaret, ut ad modicum differretur debita illi hæc gloria sua, interim minoratus, siue imminutus, & exinanitus inuentus est, utpote accepta serui forma, qui in decretis diuinis futurus erat in forma Dei speciosus, sicut Unigenitus summi Patris. Itaque dispensatione quadam hoc illi accidit, ut sic minoratus existeret: sed istud quidem ad modicum (videlicet) tempus. Et hoc non obscure dicitur Græca lectione, *λεῦγον*, id est quiddam modicum: quod cum & ad tempus ipsum referri possit (ut eruditi, qui Græcam linguam norunt, non ignorant) nos etiam ad tempus libenter referimus: & omnia plane & citra vllum scrupulum incedunt. Nam si illud, in quo fuit minor Angelis, consideretur, id certè magnum, non paruum fuit. Attamen ipsum integrum malum, habitata temporis modici & brevis ratione quo durauit, parum fuisse censerī potest.

Est autem alia lectio, quæ habet, Paulominus à Deo, quoniam, Elohim, Deum significat. Quare multæ & acres concitatæ sunt turbæ, & rumores. Exclamauit enim valde ob istam causam Iacobus Faber, contendens mala consuetudine in templis fieri, quæ aliam lectionem obseruant, videlicet: Minoratum ab Angelis, & non potius, à Deo. Contra hunc Erasmus multis agit. Caietanus Fabro potius adhæret, postquam B. Hieronymus in eum modum vertisse legitur, videlicet à Deo, non ab Angelis. Nos verò ut nec hanc lectionem abiicimus: ita nec priorē, quæ B. Lucæ autoritate fulcitur, ducimus prætermittendam, qui fermè ab omnibus hanc epistolam in Græcum sermonem vertisse creditur. Et, Elohim, vox hebræa sæpe Angelos, & eximias quasdam personas significat. Non tamen rem absconam, & hæreticam sequimur, quā commentus est Caietanus, videlicet Christū ideo esse imminutum à Deo, quia fuerit Deus personaliter, non natura, siue essentialiter. Hanc positionē ut execrādam meritò reiciamus. Quomodo enim qui Deus est personaliter, non sit natura, siue essentialiter Deus? Et quomodo qui minor est Deo, potest dici paulo minus minoratus ab illo, cū quodcunque sit minus Deo, in immensum sit illo minus? Noua hæc sunt, prophana, & vel primo auditu absurda.

Dicimus ergo Christum à Deo, id est, à diuina, & sua cōditione minoratum secundum naturam humanam, paruo tempore, id est, eo tempore quo mansit in terris absque gloria sua, ut perficeret redemptionem nostram. Nam dum esset mortalis,

*Quomodo  
Christus  
minoratus  
ab Ange-  
lis.*

*Iacobus fa-  
ber.*

*Erasmus.  
Caietanus.*

*Caietani  
grauissi-  
mus error.*

*Quomodo  
filius homi-  
nis dicatur  
Christus.*

*Difficilis lo-  
cus exponi-  
tur.*



Isaia pul-  
chrum ora-  
culum.

& corruptibilis, & patiens infirmitates hominum diuinitati suæ atque maiestati incōgruas atque indecētes, videbatur à sua Deitate minoratus: sed ad modicum, quia pro modico tēpore. Hunc sensum nobis & aperit, & probat scriptura apud Isaia c. 54. ubi legimus: Ad punctum in modico dereliqui te, & in miserationibus magnis congregabo te. In momento indignationis abscondi faciem meam paumper à te, & in misericordia sempiterna miscratus sum tui, dicit Dominus Redemptor tuus. Et quanquam de membris ibi loqui Prophetam obicere valeas, si tamen idem de ipso Capite intelligamus, quod ad modicum derelictum est spinosum, nihil repugnabit. Imo nos ad ipsum Caput conformati in hoc ipso sumus. Nam paulopost vera sunt facta de Christo ea quæ subsequuntur:

Psal. 96.

*Gloria & honore coronasti eum.* Hæc, inquam, vera post resurrectionem facta sunt: quo tempore coronatus est gloria. Intrauit enim in gloriam suam dotes corporis recipiens. Tūc honorem verum & perfectum accepit ab Angelis, super quos exaltatus, ab eisdem adoratus est, sicut præscriptum erat: Adorent eum omnes Angeli Dei. Tunc & constitutus est super omnia & tanquam Domino subiecta sunt ei omnia, qui accepit quodammodo diuinitatem suam, ea omnia recipiens quæ diuinitati conueniebant. Hoc autem erat tandem (vt sæpius dicendum est) gloria corporis, sine qua videbatur nō Deus, sed quasi vnus ex nobis. Item accepit potestatem, omnium, quos sibi propterea meruit habere subditos: quoniam ipse cum esset natura super omnes, semetipsum subiecit omnibus. Pari similitudine diceremus illum non esse Regem, qui vestibibus non indueretur regalibus: nec vteretur regia potestate vt præficeret, quin potius subderetur, videlicet mundi regimini, & carnis miseriis, & diaboli tentationibus, & mortis stimulis & imperio. Atqui omnia hæc longissimè abesse debebant ab eo decore & splendore, qui tantæ (quanta est diuina) conueniebat maiestati: Nam regia dignitas sic imminuitur.

*In eo enim quod omnia ei subiecit, nihil dimisit non subiectum ei.* His verbis B. Paulus Apostolus doctor noster probare voluit, ipsos Angelos Christi imperio ac ditioni fuisse subiectos, cum dicat nihil dimissum non ei subiectum. Ad Corinthios autem hoc declarans ait, cum autem dicat: Omnia subiecta sunt ei, sine dubio præter eum qui subiecit ei omnia. Nam Pater non subiecit semetipsum illi. Hoc enim nimis est absorum vel audire.

1. Cor. 15.

Quid iam  
Christo, &  
quid non-  
dum subie-  
ctum.

*Nunc autem necdum videmus omnia subiecta ei.* Verè subiiciuntur ei cœlestia, & inferna. Cœlestia enim & inferna parent ad nutum & tremunt: aliter tamen lōgè atque aliter. Illa enim amore & reuerentia: hæc verò cum horrore, & insania. Sed restare adhuc videtur aliquid nondum plenè ei subiectum, homo videlicet terrestis, qui non seruat eius mandata, & tamen viuit, & prosperatur in via sua faciens iniquitates. At talis non euadet tandem quin sit daturus illi suo tempore pœnas, quem sic oportet regere suauiter ecclesiam & sapienter. Nō dum enim adest tempus, quo sunt auferenda zizania: ne fortè, vt ipsemet præmonuit, eradicetur simul & triticum. Aduuat enim plerunque malorū hominum improbitas viros bonos ad perfectio-

nem, qui tanquam aurum per ignem examinantur atque probantur. Nondum insuper (cum minime in filiis præuaricatoris fieri conueniret) eradicatum est prorsus in nobis peccatum, id est, concupiscentia illa ad malum alliciens. Nec item adhuc ei subiecta est mors ipsa, quæ videtur assidue potestatem suā in nos exercere. Sed veniet tempus, quū videbimus hæc omnia subiici ei, quando curuabitur ante illum omne genu. Vt autem intelligamus hæc fore quæ non videmus, arguit per ea quæ perfecta esse & impleta videmus. Vnde sequitur:

Eum autem qui modico quàm Angeli minoratus est, videmus Iesum propter passionem mortis gloria & honore coronatum, vt gratia Dei pro omnibus gustaret mortem. Decebat enim eum propter quem omnia, & per quæ omnia, qui multos filios in gloriā adduxerat, authorem salutis eorum per passionem consummari. Qui enim sanctificat, & qui sanctificatur, ex vno omnes. Propter quā causam non confunditur fratres eos vocare, dicens: Nuntiabo nomen tuum fratribus meis: in medio Ecclesiæ laudabo te. Et iterum: Ego ero fidēs in eum. Et iterum: Ecce ego & pueri mei, quos dedit mihi Deus. Quia ergo pueri cōmunicauerunt carni & sanguini, & ipse similiter participauit eisdem, vt per mortem destrueret eum qui habebat mortis imperiū, id est, Diabolum, & liberaret eos qui timore mortis per totam vitam obnoxij erant seruituti. Nusquā enim Angelos apprehendit, sed semen Abraham apprehendit. Vnde debuit per omnia fratribus similari, vt misericors fieret, & fidelis Pontifex ad Deum, vt repropitiaret delicta populi. In eo enim in quo passus est ipse & tentatus, potens est & eis qui tentantur, auxiliari.

*Eum autem qui modico quàm Angeli minoratus est, &c.* Hoc igitur est quod videmus, Iesum, id est, Saluatorem illum verum qui salutem mundo attulit, quique minoratus fuit paululum ab Angelis propter passionem mortis acerbissimæ decoratū omni gloria. Propterea enim in hanc horam venit vt pateretur: & ob eā causam minoratus est (*δεαχόν*) ab eis, vt paulo antè explicauimus. Nam passio illius cum ipso vite incepit exordio: sicuti & nobis quoque accidit, qui vbi primum nascimur, statim mori incipim⁹. Videmus, inquit, eū Iesum gloria & honore coronatū. Istud enim in sua resurrectione apparuit, quā resurrexit gloriosus, nō omnino ultèrius moriturus: quæ viderūt Apost. & multi discipuli & fratru. Visus est enim plusquā quingētis fratribus simul (vt alibi B. Paulus testatur) quem & ipse quoque postmodo vidit. Sed toti mundo postea apparuit in prodigiis, portentis, & signis, & (vt hic dicitur) variis Spiritus sancti distributionibus.

1. Cor. 15.

Possumus & aliter interpretari, & sic textum a-

Matth. 13.



ptare ut istud, *propter passionem mortis*, cum sequentibus in hunc sensum coniungatur, fuisse illum scilicet propter passionem mortis honore coronatum & gloria: quoniam per hoc quod est passus Iesus, id est, Saluator & Redemptor noster, illa honoris & gloria corona donatus est. Quapropter merito de hoc vno dicitur, datum illi esse nomen quod est super omne nomen, in quo omne genu flecti oporteat. Et ob eam causam fortissimo Spiritus sancti decreto fuit in cruce superscriptum, nec postulantibus tamen invidis & vrgentibus, circumscriptum, *Iesus Nazarenus Rex Iudeorum*: quo tempore maximè ei convenit. Averte autem: Licet de Christo homine dicatur propter communicationem idiomatum, id est, proprietatum ratione unitatis personæ, esse per ipsum facta omnia, hoc tamen secundum diuinam naturam intelligendum, non modo vltimo secundum humanam, cum non esset ille homo tunc, qui quantumvis fuisset, quatenus sic, non fuisset Creator. At in ipsius mundi instaurazione hoc illi convenit etiam secundum humanam naturam, ut dicatur Pater per ipsum Redemptor, imò & ipse Saluator, atque Redemptor per seipsum, qui sanguinem proprium fundendum dedit, & carnem in mortem pro mundi vita. Qua in re acquisiuit sibi gloriam & honorem, quem aliter non habuisset quatenus homo, nisi passus fuisset. cum minime fuisset Redemptor. Quo factum est ut duplici nos iure habeat subditos. Primo quatenus est Deus: quia creator, & glorificator. Tum quatenus homo: quia mediator, instaurator, & acquiritor nostri, tanquam strenuus pugnator in bello, victor, & magnificus triumphator. Rectè itaque adiicitur causa, quamobrem fuerit ab ipsis Angelis pro modico tempore minoratus, nimirum ista subsequens:

*Ut gratia Dei pro omnibus*, siue pro Vniuerso, ut Græca vox indicat, *gustaret mortem*; Et hinc accipe, Vniuersi appellatione, visibilem hunc mundum, qui est homo: cuius gratia cætera omnia facta sunt. Ut ergo gustaret mortem pro nobis, sic minoratus est, idque gratia Dei. Vel quia Deus non necessario, sed graciosè illud ita ordinauit, scilicet in gratiam nostri. Imò & in gratiam Filij sui, cui celsit in maximam gloriam, ut quæ suo iure possideret, adhuc ampliori iure eadè possideat. Et nihilo secius totum pertinet ad Patris gloriam, qui sic ordinauit cum Filio & Spiritu sancto. Vel dicamus illum Dei gratia mortem gustasse: quoniam ipse Dominus qui gustauit mortem, Dei gratia principaliter gustauit, & fecit. Hoc enim sponte elegit, primum quidem ut obediret Patri: deinde ut illo pacto sibi gloriam suo conflictu & victoria acquireret saluando nos: in quo fuit excellens gloria & honor, quæ ad alium neminem peruenire voluit. Honorem meum (inquit) nemini dabo. Et Isaias in persona Domini rogatus. Quem mittam? respondit: Ecce ego, mitte me. Sic ergo Dominus gratia & feruenti charitate plenus, libentissimè suscepit hoc paternum mandatum. Et quomodo coarctabatur donec perficeret illud? Diligenter autem hinc considera, quomodo Christus non gustauit mortem pro quibusdam certis tantummodo, sed pro vniuerso. Et prosequitur Apostolus, ut hac in re decentiam manifestaret:

*Decebat enim eum propter quem omnia*, &c. Græcè legitur, *consummare, non consummari*: quanquam & aliter lectum fuerit antiquitus. Testatur hoc aliqui Græcorum, qui hunc locum sic citarunt, inter quos B. Alexander in Arium, ut habetur in historia tripartita. Sensus ergo iuxta nostram literam est: *decebat consummari*, id est, perfici mediantibus passionibus, eum, nempe Christum, propter quem fecit omnia, & per quem sunt omnia. Ratio ergo huius decentiæ est hæc: quia per illum erant omnia, & propter eum erant condita: quæ cum essent perditæ, per illum instaurari debuerunt. *Qui multos filios in gloriam adduxerat*. De ipsis Angelis loqui Apostolum existimo, quibus & pactum de Christo causa fuit salutis: sicut proprio tractatu enarraui. Locus sane considerandus omnino, velut sermo fidelis & omni acceptione dignus. Nondum ergo plena erat ciuitas magna Ierusalem ciuibus suis, cum cecidissent homines in ruina illius primi parentis, ut non esset perfectus Christus omnium caput, non habens perfectionem sui corporis, & membrorum: Cecidimus enim (teste Isaias propheta) ut folia vniuersi.

Potest tamen intelligi de prædestinatis quibusdam, qui cum Christo, post eum tamen, à Deo Patre electi sunt, quos ipse Filius adduceret in gloriam. Nam Græcè reuera non legitur adduxerat, temporis elapsi, sed adduceret. Sic enim legitur: *τοὺς τοὺς τὸν ἑαυτὸν ἀγάσους*. Hæc igitur erat decentia. Cum secum quosdam ex prædestinatis deberet adducere, nec posset id agere iustè cum essent peccatores: iccirco oportuit eum qui esset eorum salutis author, sic perfici, ut pro illis qui soluendo non essent, & tamen erant debitores, ipse qui nihil prorsus debebat, & poterat abundantissime satisfacere, omnia exsolueret: quemadmodum & fecit. Nā in hoc consummatio totius iustitiæ consistit. Quæ expositio mirificè quadrat si legatur, consummari. Sin autem legitur, consummare, potest sic defendi lectio, ut quod ait, *Decebat enim*, stet absolute, quasi dicat. Hoc decens erat nimirum quod sequitur, *Eum propter quem omnia*, & per quæ omnia, qui multos filios in gloriam adduceret, eum, inquam, authorē salutis eorum, *consummare*, id est, perficere (subintellige) hoc ipsum opus, sicut & fecit moriens, & absolutum esse opus, testificans, quum ipse dixit: Consummatum est. Vel hæc sunt ad Patrem referenda ad quem spectabat consummare Filium suum. Quævis harum expositionum vera est, & vix sensu inter se differre videntur.

*Qui enim sanctificat, & qui sanctificantur ex vno omnes*. Explicatur huius decentiæ ratio: quia Christus sanctificans cum ipsis qui sanctificantur arctissimam habet cognationem, quæ cogebat eis esse succurrendum. Omnes quippe tam ille, quàm & nos alij, ex vno prodiiimus, id est, ex Adā. Et licet nullo pacto communicauerit peccato Christus, cōmunicauit tamē ipsi carni: & ideo idoneus fuit minister, qui meritorie pro nobis pateretur. Nam patitur ex peccato proprio non est meritorium, ut ait: B. Petrus. In hoc enim meruit, dum iniuste est passus. Potest etiam dici, nos omnes ex vno Deo esse, id est, Christum sanctificantem, & nos sanctificatos, cum: & ipse quoque fuerit à Deo sanctificatus. Nam & in terris positus dicebat se ex Deo

Locus diffinitus.

Isa. 64.

1. Pet. 2.

Isaias 42.  
Ibi. 6.

Luc. 12.



*Ioan. 8.* esse, & de sursum, & à Patre sanctificatum. Aposto-  
*1. Cor. 15.* lus vocat eum alibi celestem hominem, tanquam  
 de cœlo venientem. Nos etiam tales sumus dum  
 sanctificamur: quia desuper nascimur similiter ex  
 Deo per Spiritum sanctum, quemadmodum ipse  
*Ioan. 3.* Christus Nicodemum docuit. Vnde aliquo modo  
 Deus fit Pater communis, ut sit & Christi, & no-  
*ibid. 20.* ster. Ascendo (inquit) ad Patrem meum, & Patrem  
 vestrum: licet longè ille nobis præstet ob gradum  
 sanctificationis excellentissimum, qui tantus est ut  
 valeat & ipse sanctificare alios. Quapropter aiebat  
*ibid. 10.* increpans Iudeos: Si ad quos sermo Dei factus est,  
 deos dicit scriptura, quem Pater sanctificauit: scilicet  
 singulariter per vnionis gratiam, & misit in  
 mundum, ad sanctificandum alios, vos dicitis eum  
 blasphemare? Possumus (quod & fortius est, ac ve-  
 rius, & mihi plenius satisfacit) vtranque intelligē-  
 tiam simul copulare, & vnā efficere. Ex vno enim  
 primum sumus omnes, videlicet ex Deo Patre:  
 & adhuc ex homine vno omnes, nimirum ex  
 Adam patre, ex quo prodiimus eiusdem carnis cū  
 Christo, excepto peccato: ut ex ista cognatione  
 quoquo versum accipiatur, rectè sumatur decentia  
 passionis eius propter fratres suos, quos deferi &  
 periri non decuit.

*Non enim confunditur*, id est, non eum pudet, aut  
 non erubescit, fratres illos vocare, dicens: *Nuntiabo no-*  
*men tuum fratribus meis.* Christus loquitur per Pro-  
 phetam prædicans quod futurum erat, & nos fac-  
 tum videmus. Ipse enim illud nomen Dei Patris  
 annuntiavit discipulis suis: quos ob eam gratiam  
 fratres vocat, cū ex vno Deo (ut iā explicauimus)  
 & ex vno homine omnes simus: ut quos iam fra-  
 tres secundum carnem habebat, eosdem similiter  
 secundum spiritum fratres efficeret, & ita absolu-  
 tē & perfectē fratres. Vnde & B. Magdalene dixit,  
*Ioan. 20.* Vade dic fratribus meis: Et illo modo, *In medio Ec-*  
*clesia*, id est, in conspicuis ecclesie sue laudauit Pa-  
 trem gratias illi agens, & ita honorem illi tribuens,  
 ut ipse dignus esset in omnibus exaudiri pro hac  
 sua in Patrem reuerentia, seu pietate. Vocat autem  
 ecclesiam, ut illam spiritualem coniunctionem in-  
 telligeremus, de qua alibi: Viri diligite vxores ve-  
 stras, sicut & Christus dilexit ecclesiam, & semet-  
 ipsum exposuit pro ea. Et paulò post: Sic viri debēt  
 diligere vxores suas, ut sua ipsorum corpora. Qui  
 suam vxorem diligit, seipsum diligit. Tū conclusit:  
 Mysteriorum hoc magnum est: ego dico in Christū  
 & in ecclesiam. Sequitur:

*Et rursum: Ego ero fides in eum.* Ista sunt Christi ver-  
 ba, pro nobis apud Patrem interpellantis & signi-  
 ficantis quanta ageret fiducia in nostrum benefi-  
 cium, minimè metuens pati repulsam, utpote no-  
 bis ea ratione consultum volens, ut suam pariter  
 causam procuraret, cui non poterat negari quic-  
 quam.

Etenim tanta eramus cū illo coniunctione colli-  
 gati, ut dum pro nobis peteret, tota fide excitare-  
 tur tanquam pro seipso: ac si diceret, Mihi hoc præ-  
 sta, ô Pater: quia ego, & illa pro qua rogo ecclesia,  
 vnus mecū est spiritus, & vna caro ex ossibus meis  
 & carne mea. Perpēde fiduciam, & agnosce illam  
*Ioan. 17.* qua in oratione vsus est. Pater, inquit, quos dedisti  
 mihi, volo ut vbi sum ego, & illi sint mecum. Volo,  
 inquit. Cuius (rogo) est hæc oratio quæ dicit,

Volo, nisi fiducialiter agentis, & ob summam gra-  
 tiam certò, quod velit obtinere, valentis? In hanc  
 ergo fiduciam ipse pro nobis venit cum inimici ef-  
 femus. Sciendum tamen, à quibusdam existimatū,  
 hæc verba fuisse olim per Isaiam pronunciata in  
 eo Cant. Confitebor tibi Domine, quoniam ira-  
 tus es mihi, conuersus est furor tuus, & consolatus  
 es me. Ecce Deus saluator meus, fiducialiter agam  
 & non timebo. Si igitur hic locus citetur à B. Pau-  
 lo, videntur verba esse Christi, ut exponuntur com-  
 munitè. Et Theophylactus quidem audacter ne-  
 gat esse alterius verba, quam ipsius Christi. Et ra-  
 men in ipso Cantico quasi alicuius fidelis verba  
 proferuntur, sicut B. Hieronymus illud enarrās ex-  
 ponit, & benè. Ego verò puto ab Apostolo hūc lo-  
 cum afferri, quò & hīc agnoscat ipse coniunctio  
 quæ nobis intercedit cum Christo. Qui enim Chri-  
 sti sunt, tales maximopere fidunt in ipso & auda-  
 cter, quem veluti Sponsum recognoscūt qui cum  
 possint fiducialiter agere, & nulla in re iusta time-  
 re. Quid enim negare valeat dulcissimus Sponsus  
 dilectissimæ suæ sponsæ?

*Et iterū: Ecce ego & pueri mei, quos dedit mihi Deus.*  
 Hæc item sunt verba Christi, qui se quasi Patrem  
 dicit eorum qui dati sunt illi à Deo, quos faceret  
 saluos. Nam & sponsa illa prima Heua de ipso A-  
 dam, ut de quodam Patre, processit. Sic & nos si-  
 mili forma genuit de costa sua Christus. Et bene  
 pueros vocat, id est, filios, & adhuc quasi recēs na-  
 tos. Eodem nomine vocauit eos post resurrectionem  
 suam, dicens: Pueri, habetis hīc pulmentum?  
*Ioan. 21.* Oportet enim nos omnes coram Deo fieri noua  
 natiuitate pueros, ut simus veri Israelitæ sine dolo.  
 Ad quam nouæ generationis formam ac puritatē  
 respiciens B. Petrus, hortabatur: Quasi modo geni-  
 ti infantes lac rationabile & sine dolo concupisci-  
 te, ut in ipso crescatis in salutem. Ait autem, *Quos de-*  
*dit mihi Deus*, Deus Pater dedit quosdā præcipuos  
 Christo ut fratres, & amicos peculiare, quibus  
 omnino salutem cōpararet, & per eos faceret sal-  
 uos alios multos. De ipsis sic electis & ei datis, ip-  
 semet dixit: Manifestaui nomen tuum hominibus,  
 quos dedisti mihi de mundo. Tui erant: quia ab i-  
 nitio elegisti eos, non quidem de massa perditionis  
 (ut quidam volunt) sed de massa creationis. Cū  
 enim & ipsi quoque iam perditī essent, oportuit  
 eos redimi. Ideo & mihi dedisti, ut scilicet redime-  
 rem & saluarem, docens eos peculiari modo (quē  
 admodum & feci) qui & sermonem meum serua-  
 uerunt. Et inferius: Quos dedisti mihi, ego custo-  
 diui: & nemo ex eis periit, nisi filius perditionis, ut  
 scriptura impleteretur. Noluit enim Deus omnes eo-  
 dem modo per omnipotentiam seruare, sicut eos  
 de quibus ait: Nemo rapiet eos de manu mea.

*Quia ergo pueri communicauerunt carni & sanguini.*  
 Quid est caro & sanguis, nisi homo corruptus ip-  
 se Adam in quo omnes natura sumus? Huic parti-  
 cipauerunt pueri Christi, etiam qui prædestinati erant  
 ante mundi constitutionem cum Christo, & in ip-  
 so. Ceciderunt enim omnes, & facti sunt caro &  
 sanguis, in peccato communicantes, sed ut per le-  
 sum Christum resurgerent, & eneherentur in cœ-  
 lum. Ideo subiunxit, *Et ipse similiter participauit eis-*  
*dē.* Verè & circūspectè ait, participauit illis, non  
 autem, communicauit carni & sanguini, qui nullo  
 modo

Isa. 12.

Theophylactus.

B. Hieronymus.

Ioan. 21.

1. Pet. 2.

Ioan. 17.



modo fuit ipse peccator. Non enim carnem peccati accepit, sed solum pœnas ob peccatum incurfas, & per eum luendas. Quocirca naturam humanam cum sua corruptione accepit, vnâ cum miferiis ipsam naturam consequentibus, sine peccato tamen, vt dictum est. Sic autem factum oportuit, ob eam rationem quam subdit Apostolus, aiens:

De victo-  
ria Christi  
aduersus  
diabolum.

*Vt per mortem destrueret illum, qui habebat mortis imperium, id est, diabolum.* Agnosce diuinum consilium, & summam Dei atque benignam providentiam, & quam deceter aptauerit omnia. Diabolus vicerat hominem, & consequenter princeps eius, quem superauit in campo, factus erat. Vnde factus est etiam omnium pœnarum dominus, quæ merito debebatur illi peccato: inter quas erat mors, imò ipsa sola, quæ cæteræ pœnæ cōsequebantur: si de vtraque morte, sicut oportet intelligi, carnali & spiritali intellexerimus. Itaque habebat & mortis imperium. Sed venit Christus vt cum diabolo pugnaret, & vinceret eum: & sic illū, & omne illius imperium destrueret. Et considera, quæso, extremam tandem pugnam. Diabolus Christum ad mortem pellexit, excitans membra sua in illum furiosissimè. Christus excepit hoc mortis iaculum, & gustauit illud. Quare in diabolo inuēta est iniquitas, qui voluit illum tanquam mortis reum morti subiicere (quemadmodum exclamauerunt eius organa: Reus est mortis) At nullam Christus merebatur mortem, nedum illam ignominiosam. In Christo ergo inuenta est iustitia, qui Deo pròptissimè obtemperauit, nō declinans hoc inimici iaculum. Quamobrem ad mortem per diaboli consilium, & ad iniustissimam mortem adactus, dum illā grātanter, & libenter excepit propter gloriam Patris, cui sic honorem suum per inobedientiam à nobis illi sublatum, per obedientiam restitueret, & hoc facto soluens nostrum debitum nos liberaret à diabolo & morte: merito ipsum diabolum, id est, eius dominatum destruxit, eripiēs ab eo omne ius mortis & imperium, & in seipsum transferens.

*Et liberaret eos qui timore mortis per totam vitam obnoxij erant seruituti.* Verè homo moriturus seruus est ipsius mortis, id est, in conditione seruili, quæ timorem parit. Semper enim expauescit ac refugit mortem, vt iniquam dominam: & tamen ab ea flagellatur assidue. Nec potest vllus homo ab hoc seruitio eripi: nec est vllus vnquam ereptus, nisi per Iesum Christum ob certam meliorum bonorum expectationem, & fidei scientiam, qua nouit inimicam tandem destructam iri mortē. Et hinc certum licet colligere indicium, homines plus nimio mortem secundum partem superiorem horrētes, nōdū eos esse sub Christo, sed adhuc sub diabolo. Vis igitur mortē non pertimescere? Esto sub Christo, & liberaberis: non quidem vt secundum carnem minime doleas, sed ne metuas secundum spiritum. Eris autem sub Christo, si manseris in eo. Manebis verò, si quæ ille mādauit, implorato eius auxilio perfeceris. Sed quotusquisque inueniri poterit qui hæc audiat? Numerosiores etenim sunt, qui amore sæculi huius implicantur.

*Nusquam enim Angelos apprehendit sed semen Abraham apprehendit.* Audi primum quid dicat, deinde ad quid dixerit. Dicit ergo: Ipse Christus, diuinum Verbum, secunda illa Persona, nusquam, id est, in nullo

scripturarum loco, apprehendit, id est, assumit, Angelos. Est enim præsentis temporis, apprehendit, vt ex Græco verbo *παραλαμβάνει*, clarè patet. Sensus itaque est, In nullo scripturæ loco habetur, diuinum Verbum apprehendisse, seu assumpsisse Angelos, id est, vllum Angelorum, aut cuiusuis Angeli naturam, illam scilicet vniens cum sua natura diuina in semetipso, tanquam insititio admirabili, & peritissimi ac maximi artificis: Vnde & ipse meritò admirabilis vocatur. *Sed semen Abraham.* Hoc ipsum passim inuenitur in scripturis, quomodo apprehenderit, seu assumpsit semen Abraham.

Verum quæri potest, cur hic non dixit, Apprehendit homines, vt etiam intelligeremus humanam naturam, sicut supra dixit, Apprehendit Angelos? Respondemus, vnā esse speciem tantum hanc naturam humanam: Angelorum autem cum plures sint species, declarari oportuit, illū non apprehendisse vllam Angelorum speciem. Si enim vna tantum species esset Angelorum, dixisset: Non apprehendit Angelū. Si ita se res habet, inquires, cur ergo non dixit, Sed hominem apprehendit, qui potius dixit, semen Abraham? Et nos itidem respondemus, Idem esse per semen Abraham, quod per hominem, intelligendum. Significat enim illum hominem assumptum. Cum autem semen nō dicat personam (nō enim Verbum assumpsit personam hominis) ideo quod assumpsit, ita expressit dicens ab eo semen Abraham apprehensum. Porro vt significaret Hebræis maximum Dei erga illos donum, & summam gratiam, prærogatiuamq; singularem, quo magis viros bonos ad gratiam tanti beneficii memoriam inflāmaret, & malos atque ingratos homines ad iustam confusionem induceret: declarauit illud semen esse Abraham, id est, ab Abraham per carnis venisse propaginē, cui fuit repromissum, & cuius ipsi Iudæi secundum carnem erant filij. Vocatur autem semen Christus, vt in quo inesset virtus propagandi secundum plenitudinem Spiritus. In eo verò quod ait: *Non apprehendit Angelos*, prærogatiuā nostræ naturæ præstantissimam præ illis commendat, quatenus nos vehemētius prouocaret ad amorem, quos in tanto dono tantis (quanti sunt Angeli) prætulit creaturis. Egregiè ergo sequitur:

*Vnde, seu quare, aut quocirca, debuit per omnia fratribus assimilari.* Dictum istud, per omnia, minime includit peccatū, quod nihil est, sed boni tantum est priuatio. Fratribus etenim factus est similis quoad naturam secundum mala pœnæ: quandoquidem de eisdem humanæ conditionis pœnis & erumnis præter delictum participauit, & præter errorem atque insipientiam, quæ ad hoc redēptionis opus nedū conducebant, sed contra illi potius aduersabantur. Non enim valuisse litare pro nobis peccator existens, quantascunq; sustulisset pœnas. Sed oportuit vt talem carnem passibilemsumeret, vt fieret misericors, id est, misericorditer erga nos afficeretur, & sic pro nobis ad sustinendū induceretur, Et simul fieret fidelis Pontifex ad Deū i. fidelis expiator pro nobis, causam nostrā agens corā Deo, semetipsum sacrificās pro nobis. Vt repropitiaret delicta populi. Hic videtur de populo Iudæorum particulariter loqui, pro quo primum ac peculiarius venit, sicut ipse dixit: Non veni nisi ad oues quæ perierunt domus Israel. Aut verius de certo loquitur populo. i. de iis

Nota hæc  
subtilia,  
& pulchra

Matt. 15.



qui suam ipsorum salutem non neglexerint. Dicit autem repropitiari peccata, non quasi peccata vllam mereantur repropitiationē, aut fiat eorum repropitiatio: sed potius deletio, vt sic Deo repropitiaretur homo peccato extincto. Et illum vocat, *fidelem Pontificem*, qui fidē in eo opere fideliter implendo seruauit Deo Patri, ad quod illum misit. Quem admodum enim Moses dicitur fidelis in suo ministerio: ita & Christus, vt mox visuri sumus: si modo componenda sunt cum paruis maxima.

*In eo enim in quo passus est & tentatus, potens est & his, qui tentantur auxiliari.* Dices: Ecquid inde nobis commodi, quidue vtilitatis est nostræ, si Christus ipse passus fuerit, ac tētatus? Multum per omnem modum. Ex hoc enim factus est misericors ad cōpatiendum, & promptus ad auxiliandum sua gratia, cum perspectas atque cognitās habeat nostras tentationes, multiplicesque miseras. Similiter & ij qui nihil sunt malorum experti, tum demū cum perpetiuntur, facto periculo verē discūt misereri, ac succurrere sociis. Hic locus patere posset quæstionibus, quasnam tentationes passus fuerit Christus Dominus & Redemptor noster: & quomodo misericors factus est à tentationibus illis. Nunquid potest esse aliquis Deo ipso magis misericors? An verò redditur misericors ipse Deus expertus miseras? Absit. Quo in loco fatendum est, etsi multa sint quæ misericordiam inducere soleant, prima tamen est, & magna prouocandæ commiserationis causa, ipsius miseræ notitia. Si enim dolere quēpiam sim nescius, non miserebor dolentis. Nos ergo notitiam miseriarum efficacius sensu & experientia, quàm ratione acquirimus. Non enim facile sine experientiis in nobis ipsis, rerum naturas, & conuenientia quæque ac repugnantia apprehendimus, vnde & lætitia, & dolor suam ducunt originem. Itaque per huiusmodi experientias à nobis est comparanda notitia. At Deus rerum naturæ conditor (licet non experiatur dolores nostros) omnia tamē magis nouit, quàm nos ipsi. Scit enim perfectissime quantū à naturæ conuenientia quodlibet distet, qui ipsius naturæ est author. Vnde ipsas rerum existentias quæ ex ipso fluunt, & consequenter defectus, ad lineam & ad minutum perspicit: ideoque potest misereri valdē, absque passione tamen. Verū decuit Christum vt hominem, per dolorum experientiam viscera misericordiæ sibi parere, vt & ipse quatenus homo erga nos afficeretur viuacius, utpote qui experientia ipsa sensisset quæ nos, & quàm acerba mala circūstent, & (nisi adiuuet) premunt, & opprimunt: & ista via etiam magis apud Patrem meruit.

## CAP. III.



VNDE fratres sancti, vocationis cœlestis participes, cōsiderate Apostolum & Pontificem confessionis nostræ Iesum, qui fidelis est ei qui fecit illum: sicut & Moyses in omni domo eius. Amplioris enim gloriæ iste præ Moyse dignus est habitus, quantò ampliorem honorem habet domus qui fabricauit illam. Omnis nanque domus fabricatur ab

aliquo, qui autē omnia creauit: Deus est. Et Moyses quidem fidelis erat in tota domo eius tanquam famulus, in testimonium eorum quæ dicenda erant. Christus verò tanquam filius in domo sua: quæ domus, sumus nos, si fiduciam & gloriam spei vsque ad finem, firmam retineamus.

VNDE fratres sancti. Primū fratres vocat Hebræos: nam sic se mutuò vocabant Iudæi. Fratribus enim vocabulum ex etymo Græcanico cōiunctionem sonat, & contubernium. Nam Græcē cōuenticulum, vel sodalitiū significat. Et cū omnis coniunctio vel carne conciliatē sit vel spiritu, efficitur vt & fratres appellentur iuxta duplicem hanc considerationem. Vtroque ergo intellectu erant. B. Paulo fratres Hebræi, & iuxta carnem, cum ipse ex Hebræis esset: & iuxta spiritum, quos eiusdem religionis vinculum erga Deum colligabat. Sanctos item vocat, hoc est, mundos. Sanctus enim idem est quod mundus. Respectu autem nostri, id est, Gentium, mundi vocabantur & erant ipsi Hebræi. Vnde reliquas omnes Gentes ab eis vocabantur immundæ, & ita erant, donec venit sanctificator omnium, qui fecit vtraque vnum, vt sanctificaret omnes. Quapropter multò verius de omnibus Christianis sanctis dici potest, eos esse mundos, qui per Agni sanguinem fufum purgati sunt à sorde peccati, vt mundi perseverare possint, nisi iterum inquinauerint semetipsos. Et hunc intellectum habet hæc litera. Interdum tamen sancti appellatio ad eos pertinet, qui firmi sunt, & excellentius mundi, & peculiariter Deo dilecti, vt nō rarò in ipsius scripturis accipimus, veluti cum dicitur: Laudate Dominum in sanctis eius. Et iterum: Mirabilis Deus in sanctis suis. Eminentissime autem Deus ita sanctus est, vt præ illo quodcunque est, sit immundum. Scriptum est enim: Stellæ non sunt mundæ in conspectu eius. Vnde & Seraphin summa veneratione ac stupore ob immensam sanctissimæ Trinitatis mundiciam clamabāt alter ad alterum, Sanctus, Sāctus, Sanctus, Dominus Deus exercituum.

Vocationis cœlestis participes. Dicit participes vocationis. Vocatione enim collecta est Christianorum multitudo, quæ ob eam causam Græca voce vocatur ecclesia, quæ significat collectionem euocatam. Iudæorum erat propriè synagoga, quæ vox non aliud indicat quam cōgregationem: non autem includit vocationem vllam. Hæc autem vocatio dicitur cœlestis, nimirum quæ & de cœlo venit, & quæ est cœlestium bonorū. Nam ad ea expectanda & obtinenda vocamur. Dicit huius vocationis Hebræos esse participes: ne fortè propter multas scripturas, vbi clarissime eorum prædicebatur reprobatio, quæ vel tunc apparebat ex parte, putarent prorsus se, & in vniuersum reprobatos. Neque verò omnes tales erant, sed ij solum qui in eiusmodi excecationē venire sua culpa iā meruerant. Vnde ad Romanos hoc mysteriū aperiēs dixit: Cœcitas ex parte cōtingit in Israel. Vide ergo quot modis, & quā blādē allicit eos, cū fratres vocat, cū sanctos, cū vocationis cœlestis picipes. Et

Fratres Hebræi inuicē dicebātur.

Sanctus quid propriè significet.

Eph. 2.

Nullus præ ipso Deo sanctus.

Iob 25.

Isa. 6.

Rom. 11.



iterum suauiter exhortatur, aiens:

*Aduersus  
inconfide-  
ratos.*

*Considerate Apostolum & Pontificem.* Ex inconsideratione omne malū. Nam primus noster parens Adam, dum minime cōsiderauit quid ageret, non ponens sibi ante oculos mandatum Dei & veritatem, seipsum perdidit, & mundum vniuersum destruxit. Item Esau dum non cōsiderauit quid pro lentis edulio perderet, ad seram atque inutilem poenitentiam se redegit. Similiter & omnis peccator delinquit non considerans: quia nemo ad malum aduertens, illud vnquam admitteret. Qua consideratione permotus deuotissimus & doctissimus Abbas diuus Bernardus scripsit egregium librum ad Eug. Papam de consideratione, non ignorans quantum vel ab ipsis Maioribus hac in parte peccetur. Non desunt tamen etiam aliqui ita profligatæ mentis homines, vt cogitantes ac volentes animum à consideratione auertant. Nolunt quippe intelligere, vt bene agant. Ideo Apostolus noster sedulo monet, *considerate Apostolum*, Hæc vox, *Apostolus*, simpliciter ex sui origine missum significat: sed restricta est ad peculiarem significationem pro certa quadam missione à Deo Patre, vt quippiam eius nomine cum creaturis agatur.

*D. Bernardus.*

*Excellentia  
apostolatus  
Christi.*

*Luc. 19.*

*Ioan. 2.*

At cum varia sint negotia, sunt etiam missiones variae. Nam quædam sunt missiones à Deo Patre immediatè: & quædā mediatè. Christus solus inter homines immediatè missus est à Deo Patre. Ideo sæpissimè mentionem facit se à Deo Patre in mundum esse missum. Et quemadmodum secundum modum missionis dignissima fuit illa missio, ita & officiū ad quod missus est, omnium fuit dignissimum. Etenim missus est vt sibi regnum compararet, & illud lege data instrueret. Post hæc missionem eximiam subsequitur illa Apostolorū missio à Christo. At hi non sunt ad accipiendam spōsam missi, nec ad condendam ei nouam aliquam legem, sicut Christus, sed ad promulgandam illam à Christo iam traditā. Ob istam gratiam dixit sanctissimus Ioannes Baptista, *Qui habet sponsam, Sponsus est.* Amicus autem Sponsi qui stat & audit eum, gaudet propter vocem Sponsi. Ecce igitur missi sunt Apostoli ad promulgandam legem iam conditam. Fuit tamen & istorum egregia præ aliis missio, qui fuerunt ab ipso Christo immediatè missi, & ad ministerium dignissimum, legē scilicet euangelicam promulgandi. Ideoque insigniter, Apostoli, nomine donantur. Aliæ verò missiones, quæ fuere posteriores, & non immediatè à Deo, nec ad euangelium promulgandum, sed iam promulgatum exponendum atque enarrandum, hæc quidem non meruerunt vt hoc, Apostoli, nomine celebres redderentur.

Christus solus fuit Apostolus eminentissimè ad parandam sibi atque erudiendam ecclesiam. Illum ergo optimo iure & Apostolum, & Pontificem confessionis nostræ appellat B. Paulus. Hanc enim confessionem fundauit Pontificatu suo: & Apostolatu, redimens nos vt summus Pontifex à seruitute peccati & Diaboli, & concilians Deo: tum insuper docens nos vt Apostolus veritatē de lege sua, cui & testimonium perhibuit.

*Qui fidelis est ei qui fecit illum, sicut & Moses in tota domo eius.* Zelantibus pro Mose Hebræis vult ostendere Apostolus longè maiore ipso Mose fuisse

Christum. Accipit autem pro Mose testimonium Dei excellius in eius magnam laudem, & commendationem singulare, vt si in eo superetur, nihil iam restrare possit, quod amplius valeat pro illo afferre. Ait ergo: Licet de Moseos fidelitate sit Deus ipse testificatus, quem syncerum in tota domo sua, id est, in synagoga tanquam fidelem famulū prædicat: quia fideliter exequutus est omnia quæcunque illi mandata sunt. Attamen hoc ipsum multò aliter dicitur de Christo, qui & Filius fuit, & vt verus Dominus domus appellatus est, non ipse Moses. Vt autē non citat Apostolus scripturā de Mose, ita nec de Christo: oportet tamen de vtroque subaudiri. Loquebatur nanque ad Hebræos, quos ponebat esse in scripturis eruditos & promptos. Et de Mose quidem testimonium Dei est, Num. cap. 12. De Christo verò sunt multa egregia loca, quæ possemus huic rei cōprobandæ afferre. Specialiter autē vaticinium illud admirandum, quod Moses ipse Deut. 18. in hunc modum tradidit. Prophetam de gente tua, & de fratribus tuis sicut me suscitabit tibi Dominus Deus tuus: ipsum audies, vt petisti à Domino Deo tuo in Horeb, quādo concio congregata est, atque dixisti: Vltrā nō audiam vocem Domini Dei mei, & ignem hunc maximū amplius non videbo, ne moriar. Et ait Dominus mihi: Bene omnia loquuti sunt: Prophetam suscitabo eis de medio fratrum suorum similem tui: & ponam verba mea in ore eius, loqueturque ad eos omnia quæ præcepero illi. Qui autem verba eius que loquetur in nomine meo, audire noluerit, ego vltor existam: hæc ibi. Egregium profectò de Christo Domino ac Redemptore nostro testimonium, ad excutiendum sudorem obtusis auribus perfidorum Iudæorum.

*Christus  
asseritur  
Deus.*

*Egregia  
prophetia  
de Christo.*

Nam quatenus ad rem præsentem attinet, Christum videlicet in tota domo fuisse fidelem, eo probatur testimonio Dei, quādo ait. Loquetur ad eos omnia quæcunque præcepero. Fidelis ergo iudicandus est, qui mādātum illud fideliter expleuerit. Intelligere autem sic oportet, vt loqui nō solum verbo debuerit, verum etiam virtute signorum, & inculpatæ vitæ exemplo, vt esset verè fidelis. Sic fecit Christus, qui cœpit prius facere, tum docere: Sic fecit & B. Paulus imitator Christi egregius, sciens quid à se requireret Deus, scilicet vt esset fidelis. Tales extiterūt cæteri, qui nec vitæ propriæ pepercerunt, vt vel sanguine fuso euangelium probarentur. In eo autem errore quidā versantur, vt se abundè satisfecisse gloriantur si ore tenus bene loquantur, & labiis benedicāt, quanuis pugnent cū sermone mores. Sed hi falso sibi & perniciosè blandiuntur. Hoc certè minime est esse fidelem, sed est eos imitari velle qui simul vt ædificare ceperint, mox destruunt. Nec enim tātum ædificatur verborum, apparatu, quantum destruitur malo exemplo.

*Quis verè  
sit Aposto-  
lus fidelis.*

Ex eo verò loco obiter eliciendum est, finem & antiquationem, prioris testamēti, & ministri eius, qui fuit Moses, fuisse ab Hebræis tandem aliquando expectandam. Si enim satis erat audire Mosen, nunquam designatus fuisset alter propheta, quem audire postmodo oporteret, & eius sub tanta in-

*Isa. 49.*

terminatione custodire mandata.

Quod si dicāt ad Iosue hoc pertinere, ex eo prorsus refelluntur: quoniam de Iosue iam explicitè



Isa. 49.

dictum fuit quid esset ille factururus. Et B. Paulus inferius probat nequaquam eis à Iosue datam fuisse requiem. Sunt autem & aliæ multæ scripturarum sententiæ, quibus passim ostenditur Christus fidelis, & ex fructu omnium Gentium, multiplicatio benedictionum eius. Vnde & per Isaiam Dominus: Parum est, ut sis mihi seruus ad suscitandas tribus Iacob, & sœces Israel conuertendas. Dedi te in lucem Gentium, ut sis salus mea usque ad extremum terræ. Ut autem perspicua & lata agnoscat inter ministrum Moysen, & ministrum Christum differentia, adiecit:

*Amplior enim gloria iste præ Mose dignus est habitus, &c.* Hic manifestè Moyses inter eos, ponitur, qui connumerantur cum iis qui sunt in domo, quasi vnus ex familia. At ipse Christus est ille qui ædificauit domum. Et si quidem intelligamus de prima ædificatione, quæ fuit rerum creatio, & perfectus rerum creaturarum ornatus, vera est hæc sententia, à Christo eam domum esse fabricatam. Deus etenim est, & Patris Verbum, per quod facta sunt omnia. Si autem de redemptione eius domus per sanguinem, & de noua ipsius constitutione, haud dubium quin Dominus ipse Christus Iesus etiam qua parte fuit homo, generator fuerit ecclesiæ, redimens eam proprio sanguine, & suis infinitis meritis obtinens illi sanctificationis spiritum. Quare omnifariam factus est ipse Dominus domus Dei, & ut fabricator ab initio, & iterum ut constitutor & restitutor eiusdem post ruinam. Quando ergo honorabilior est Dominus domus, quam ipsa domus: tantò Christus præstat ipsi Mose, qui inuenitur vnus de domo non fabricator, sed cum ceteris fabricatus. Iterum pergit arguere, vberius adhuc hæc declarans, & veluti rem constantem sumit sequentem propositionem.

*Omnis nanque domus fabricatur ab aliquo:* Verissima est hæc propositio, & nemini non nota. Domus enim cum sit res artis, non sua sponte, aut casu, vel natura sit seu nascitur, sed ut fabricatorem habeat, est necesse. Porro ista domus de qua loquimur, domus Dei est, de qua scriptum est: Domum tuam decet sanctitudo. Hanc autem domum, cum ex viuis constet lapidibus, hoc est, hominibus sanctificatis, non potuit alius eam fabricare, nisi ipsemet Deus. Eiusmodi siquidem opus non est nisi Dei creatoris. Vnde & hoc sumit B. Paulus, ut concludat Christum esse Deum. Ait enim, *Qui autem omnia creauit, Deus est:* ut similiter & is Deus intelligatur, qui fuit domus Dei fabricator Christus Iesus.

In Hebræos.

O miseros Hebræos, qui in suo templo gloriabantur ex mortuis constructo lapidibus, tanto zelo accensi pro illo ne destrueretur: & interim ipsi, quantum ex seipsis erat, destruebant verum Dei ueritatem templum. Sed quid ait Dominus per seruos suos scribas, & prophetas, & Apostolos, quos noluerunt increduli & duræ cervicis audire? Numquid Salomon ædificauit domum, ille scilicet Salomon filius Dauid, qui dementatus fuit à mulieribus alienigenis? Absit. Excelsus enim non in manufactis habitat. Cælum enim mihi, ait, sedes est, & terra scabellum pedum meorum. Quæ est ista domus quam ædificabitis mihi? Et quis est iste locus requietionis mee? Omnia hæc manus mea fecit, & facta sunt vniuersa ista. Ad quem autem respiciam

nisi ad pauperculum, & contritum, & trementem sermones meos? Quis autem iste, nisi Iesus Christus mitis & humilis corde? Et ipse quidem Dominus de templo isto, cuius reedificandi nullam ulterius curam gerit, admirantibus discipulis, atque rogantibus: Magister, aspice quales lapides, & quales structuræ? ea paruipendens respondit: Videtis has omnes magnas ædificationes? Non relinquetur lapis super lapidem qui non destruat, & sine ulla spe iterum restituendi.

De templo autem suo vero, ad cuius similitudinem & nos reparandi sumus, quid ipse dicat audi: Soluite, ait: templum hoc, & in tribus diebus excitabo illud. Utinam verò nunc non vigeret humanus ille spiritus & carnalis in multis, qui plerumque æquo sunt de templis mortuis, & structuris lapideis solliciti. Putant se honorare Deum, quando vastiora fecerint & pulchriora templa, quæ ut perficiantur sæculum exigunt, cum interim cor eorum quàm longissimè absit à vero templo. Nam ipsi templum Dei verum, quod erat ipsum eorum cor carneum, sua duritia & frigiditate verterunt in lapideum. Et perniciosum hoc exemplum aliis reliquerunt imitandum. O bone Deus miserere aliquando cæcitatibus nostræ. Non desunt tamē qui spiritu pollent, & iudicare possunt de omnibus, utpote spirituales, sicut ait Apostolus noster ad Corinthios, Prosequamur:

*Et Moyses quidem fidelis erat in tota domo eius tanquam famulus.* Non intelligas, eius, id est, ipsius Moyses, sed Dei. Nam & synagoga illa in qua concludebatur Ecclesia, opus Dei & domus Dei erat: quia à Domino composita, & disposita per Angelos. Ipse autem Moyses erat seruus Dei, & famulus in ea domo. Ipsemet hoc cōfiteretur iis verbis: Cur afflixisti seruum tuum? Quare non inuenio gratiam coram te? Et cur imposuisti pondus vniuersi populi huius super me? Nunquid ego concepī omnē hanc multitudinem, vel genui eam, ut dicas mihi: Porta eos in sinu tuo, sicut portare solet nutrix infantulum, & defer in terram, pro qua iurasti patribus eorū: Vnde mihi carnes ut deum tantæ multitudini? Flent contra me dicentes: Da nobis carnes, ut comedamus. Nō possum solus sustinere omnem hunc populum: quia grauis est mihi. Sin aliter tibi videtur, obsecro ut interficias me, & inueniā gratiam in oculis tuis, ne tantis afficiar malis: hæc ille. Ecce quàm clarè confiteatur se non esse genitorem illius populi, & succumbere in eius regimine, & gubernatione.

Et ne quis fortè dicere posset: Ad quem ergo finem præcessit Moyses? Occurrit obiectioni Apostolus, & ait: *In testimonium eorum quæ dicenda erant.* Itaque velut pædagogus quidam fuit Moyses erudiens, & ad Christum tanquam ad verum doctorem mittens. Nam Christi gratia testificata est à lege & prophetis, ut ipsemet Apostolus ad Romanos docet. *Christus verò tanquam filius in domo sua.* Si filius, ergo Dominus. Et addidit: *In domo sua,* Ipse videlicet Christi, quæ non est synagoga tantum, sed est ecclesia vnde quaque collecta, *Quæ domus inquit sumus nos, Qui, Nos, nisi Christiani?* Sponsa enim sumus illius de carne eius, & ossibus eius rege nerati in spe viuam. Sed audi (quicumque legis) quid sequatur, & time: *Si fiduciam & gloriationē spei.* (Sic enim rectius legitur in Græcis) *usque in finē firmam retineamus,* Exorti sunt enim & hac tēpestate noui

Mar. 13.

Ioan. 2.

Nota.

1. Cor. 2.

Num. 11.

Rom. 3.

Ephe. 5.

Psal. 92.

Isa. 66.



*In hæreti-*  
*cos.* hæretici fiduciarij, & qui valdè gloriâtur in Deum de spiritu quodam Christiano, quo pollent (vt ipsi aiunt) perinde gloriantes quasi iam possideant, sintque prorsus ita securi, vt nec valeant amittere. Et tamen Doctor noster sub cōditione nobis hoc concedit: Si nimirū retinuerimus ipsam fiduciam, & gloriationem spei firmam vsque in finem. Istud autem per passiones, & opera bona in fide comparatur, & non per præsumptam arrogatiam, quam ipsi fiduciam vocant abiectis bonis operibus, aut sine bonorum operum adminiculo: quibus tamen innititur vera spes, vt alibi probatum est. Decidere ergo ab hac spe possumus vel si à fide recedimus, vel si ab operibus charitatis cessamus, sine quibus nullus videbit Deum. Nullus, inquam, eorum scilicet qui valuerunt operari per vsum proprii ac liberi arbitrij. Nostri itaque est retinere hanc spem, quæ innititur diuino auxilio, quod nulli deest, nisi iis qui primum sibi ipsis defunt.

Quapropter sicut dicit Spiritus sanctus: Hodie si vocem eius audieritis, nolite obdurare corda vestra, sicut in exacerbatione secundum diem tentationis in deserto. Vbi tentauerunt me patres vestri: probauerunt & viderunt opera mea quadraginta annis. Propter quod infensus fui generationi huic & dixi: Semper hi errant corde. Ipsi autem non cognouerunt vias meas: quibus iuraui in ira mea, Si introibunt in requiem meam.

Videte, fratres, ne fortè sit in aliquo vestrum cor malum incredulitatis discendendi à Deo viuo: Sed adhortamini vosmetipsos per singulos dies, donec Hodie cognominatur, vt nō obduretur quis ex vobis fallacia peccati.

*Quapropter, &c.* Ostensa eminentia legis gratiæ & sermonis Christi præ lege Moseos & literis eius, venit in exhortationis sermonem, non propria verba proponens, sed Spiritus sancti & ait, *Hodie si vocem, &c.* Illud ante omnia primum est aduertendū hæc verba non esse Moseos neq; Pauli, neq; Angelorū: sed Spiritus sancti verba, qui testificatur Christo non solum in signis & prodigiis, verum etiam in cōscientiis nostris, quod filij Dei facti sumus: & ipse nos exhortatur dicēs: *Hodie si vocem eius audieritis*, Per istud, *Hodie*, designat nobis certum quoddam tēpus sanctificatum ad seruiendum Deo, tãquam in eo ipso die requieuerit ab operibus suis: vt nos similiter operaremur, & inueniremus inde requiē ab operibus nostris. Hæc enim est illa dies quam fecit Dominus ad exultationē & lætitiā nostram, in qua resurrexit Christus, in qua & effecit vt nos quoque resurgeremus à peccatis nostris, ad ambulandum in vita noua & incorrupta sicut ille non amplius moriturus resurrexit.

Hæc est dies, cuius operatio & efficacia durat vsque in finem sæculi huius. Nam de hac die Dominus se in exemplum proponens, aiebat: Operamini dum dies est: veniet nox quando nemo poterit operari. Dum lucem habetis, ambulate in luce

vt filij lucis sitis. De hac Isaias Propheta: Ecce hūc tempus acceptabile: ecce nunc dies salutis. Ab hac ergo die cognominatū est totum tempus vitæ nostræ: quoniam in ea nouus est acquisitionis status, & resurrectionis, & expectatio Dei, vt interim videat & probet eos, qui merebūtur rectè factis consequi salutem. Et contrā, vt eos qui recusauerint, pro meritis iustè ab se reiciat. Quisquis audit, attendat diligētissime: Nam qui non audit, nō illud requiretur ab eo quod non audierit. Qui autē audit loquentē Christum (ipse enim semper ad persuasionem loquitur) nō debet obdurare cor suum, videlicet vt nolit credere: At istud erat Iudæorum proprium. Propterea ad eosdem loquitur particulariter Spiritus sanctus, & insuper ad quamecūque aliam huic similem generationē, quæ fuerit duræ ceruicis, & difficilis ad hauriendum & recipiendū sermonem fidei, quod à durezza cordis contingit, hoc est, à volūtate prauè affecta per hæc bona huius mūdij, & illecebras carnis. Vnde fit obduratio, & ex tali obduratione magna Dei concitatur indignatio, & tandem incurritur ignis æternus.

*Nolite obdurare corda vestra, sicut in exacerbatione, &c.* Hic meminisse debemus, quomodo alibi dixerit Apostolus, quæ contigerunt illis ambulanti-bus in deserto, ea omnia fuisse à Domino Deo ad doctrinam nostram ordinata, & cōmonitionem. Illud verò omninò pertimescendum: quoniam & multis aptata sunt tãquam figura futurorum, quæ Deus in sua præscientia vidit. Fuerunt enim multis calamitati atque miserādo exitio, qui prostrati sunt in deserto. Quocirca admonet instanter Apostolus vt sibi caueant, *Nolite obdurare corda vestra, sicut in exacerbatione*, siue irritatione, aut cōtradictione, vel cōtentione, aut disceptatione. Sic enim variè interpretantur varij interpretes. Sed idem est sensus. Et addit:

*Secundum diem tentationis in deserto*, Iuxta Hebraicam literam legitur, *sicut in die tentationis in deserto*, Quidam ex nouis tam sine causa, quàm audacter, vel ob hanc rationem contendunt hanc epistolam non esse B. Pauli, qui non afferat scripturā ad Hebraicam veritatē. Quasi verò non sit frequens Apostolo iuxta Septuaginta producere scripturarū testimonia: & quasi officiat vero sensui scripturæ legere, *Secundum*, loco, *sicut*, Verè non sunt hæc digna quæ nos debeant remorari.

Est autem historia manifesta de contradictionibus illis Choræ, & Dathan, & Abiron. Denique tota illius populi peregrinatio, nō aliud fuit quàm tēratio Dei. Non enim crediderunt verbis eius: & sic tētabant, vt ostēderet tātus ne esset, qui hæc cognosceret, & posset vlciſci. Quod magno cum suo ipſorū malo experti sunt. *Probauerunt & viderunt opera mea*: Probauerunt certè ipsum Dominum, & experientia cognouerunt eum esse potentē, idque quadraginta annis. Hic enim punctus est figēdus, iuxta lectiōnē Græcā: quod & si potest quidē defendi, tamē melius est vt iunguntur quod ait, *Quadrageſima annis*, cū sequētib; sicut & ipſemet Apostolus declarat inferius dicēs: Quibus autē infensus est quadraginta annis: & sic etiā habet Hebraica lectio. Vnde sequitur: *Quadrageſima annis propter quod infensus fui generationi illi*, Dicitur quis infensus alteri, quādo capit ex illius iniuriis molestiā & in



Duplex error in homine.

odium acceditur ac vindictam. Et dixi: Semper hi errant corde. Est error mentis, qui à solo procedit intellectu male ratiocinanti, qui licet sit malum quoddam, & infirmitas animi, non tamen imputatur ad culpam. Sed est alius error, qui est error cordis, qui procedit à voluntate prohibente ne consensum intellectus præbet veritati persuasæ. Et hic merito est imputabilis error, quo tenebatur ille populus: sicut sapenmerò Dominus Deus per Moysen conueritur, & populo exprobrat, ut qui duræ cervicis esset, & incircuncitus corde & auribus. Est & alia interpretatio quæ habet, *Quadraginta annis proximus fui generationi huic*, Et idem sensus elicitur. Deus enim sit nobis proximus, dum aliquo modo inclinatur ut curet de nobis, siue benefaciendo, siue puniendo, quemadmodum hic intelligitur. *Ipsi autem non cognouerunt vias meas*, Quæ sunt misericordia, & veritas. O quot falluntur misericordia Dei & longanimitate, diu expectantis peccatores ad penitentiam? Ipsi autem non conuertuntur, sibi persuadentes Deum non videre, neque curare, qui non statim ubi deliquerunt, punit illos: & ita non cognoscunt viam misericordiam. Quapropter Deus illis misericordia sua abutentibus, eam conuertit in iram & damnationem, & ostendit se veracem inferens mala, quæ in incredulos & cõtumaces comminatur. Ut semper sit victrix misericordia in iudicio. Qui enim iniuriam facit oblata sibi misericordiam illam recusans, merito illa indignum se constituit. Et dum talis punitur, iniuria aduersus misericordiam illam facta vindicatur.

*Quibus iuravi in ira mea: Si introibunt in requiem meam*, Græcè legitur, *Sicut iuravi*, Sed melius, *Quibus iuravi*, Additur hic articulus, quo significatur certa quædam & magna, id est, illa Domini extrema ira, *Si introibunt in requiem meam*, Irati sermo est hic, qui mutilus esse solet, & subaudiri aliquid oportet, ac si dixerit: Si hoc erit ut intraret in requiem meam, dicant (supple) me non esse Deum.

Requiem autem suam vocat beatitudinem quam ipse fruitur, cuius participes facit obtemperantes sibi. Obdurantes autem corda auditui evangelij facit expertes. Ea verò æterna requie priuari, summum est malum. Quod indocti & inconsiderati homines non apprehendunt. Quin & stultè aiunt quidam: Si non est aliud malum in inferno, quam priuari visione Dei, nihil curamus.

*Videte fratres ne quando sit in aliquo vestrum, &c.* Magna hæc verba sunt, & Hebræis conuenientia, qui difficilè veniunt ad Christum. Et si qui veniunt, faciliè admodum recedunt, vixque permanent. Idcirco primum admonet, ne sit in eis cor malum in credulitatis, ut propterea discedant à Deo vivo. Commemorat autem Deum vivum, ut significet & potentiam Dei, & vigilantiam. Sentit enim offensas qui vivit. Et cum ipse solus eminenter vivat, in manu illius est vita nostra, & mors. Ipse mortificat, & vivificat, deducit ad inferos, & reducit.

*Sed adhortamini vosmetipsos per singulos dies, donec Hodie cognominatur*, Græcè legitur, *ὁρᾶτε*, id est, vocatur. Hoc autem est in toto vitæ nostræ cursu. Quamdudum enim sumus in hac via constituti, viget nobis illud hodie Dominicæ resurrectionis. Hic dies est sponsor salutis nostræ, & perfectæ resurrectionis futuræ. Resurrectio siquidem Christi

quasi sponsor est prioris resurrectionis, quæ est à dominatu peccati, si fide recipimus illius resurrectionem. Et proinde resurrectio à peccatis, quæ est hic per gratiam Dei, & charitatem infusam in cordibus nostris, est quasi sponsor futuræ resurrectionis perfectæ & æternæ. Et multum quidem profunt exhortationes, quæ de his rebus sunt inuicem & assidue. Sed ubi iam hoc servatur? O nos miseros, qui Prælati dicimur ac pastores non exhortantes, sed exhortationibus indigentes. Et vti nam earum capaces: ne verum in plerisque sit verbum Domini, Si sal infatuatum fuerit, in quo salietur? *Ut non obduretur quis ex vobis fallacia peccati*, id est, concupiscentiæ malæ. Concupiscentiam enim quæ nobis inest natura, more suo vocat peccatum, utpote quæ à peccato venit, & ad peccatum exultat & impellit. Malam itaque iure appellat eam, quæ fallit, & à veris bonis abducit, à gratia scilicet, & tandem à gloria Dei. Omnis enim qui peccat, errat: quia male ratiocinatur: Sed in primis obduratio excidere facit hominem à fidei veritate.

Participes enim Christi effecti sumus, si tamen initium substantiæ eius usque ad finem firmum retineamus, dum dicitur: Hodie si vocem eius audieritis, nolite obdurare corda vestra, quemadmodum in illa exacerbatione. Quidam enim audientes, exacerbaverunt: sed non universi qui perfecti sunt ab Ægypto per Moysen. Quibus autem infensus est quadraginta annis? Nonne illis qui peccaverunt, quorum cadauera prostrata sunt in deserto? Quibus autem iuravit non introire in requiem ipsius, nisi illis qui increduli fuerunt? Et videmus quia non potuerunt introire in requiem ipsius propter incredulitatem.

*Participes enim Christi effecti, &c.* Vult nunc probare Apostolus, magnum initiatis periculum esse in retrocedendo, idque ex typo & exemplo Patrû, qui licet ex Ægypto vocati essent, & baptizati per fidem in transitu maris rubri, ad terram tamen illam promissionis non pervenerunt. Et interim tacitam præoccupat obiectionem, ne quis diceret: Nonne qui initiatus est in Christo, nascitur continuo salutem, sicut ait ipsemet? Salvi (inquit) facti estis per lauachrum regenerationis & renouationis Spiritus sancti. Respondet, inquam, huic questioni, confirmans verè nos factos esse Christi participes, hac tamen adhibita conditione: *Si tamen (ait) initium substantiæ eius usque ad finem firmum retineamus, dum dicitur: Hodie si vocem eius audieritis*, ac si expressius dixerit: Spe interim salvi facti sumus per fidem, qua iniciamur in Christo, qui gratiam infundit & charitatem, siue iustitiam in corde nostro. Verum oportet hoc initium substantiæ eius retinere usque in finem. At quodnam est initium istud substantiæ eius? Græcè legitur, *hypothesis*, quæ vox significat fidem. Eodem quippe vocabulo ipse Apostolus declarat nobis fidem inferius, aiens: Est autem fides hypothesis, seu substantia, id est, susceptio sperandarum rerum. Nam fide recipimus, & assentimur promissionibus Dei circa ea bona

Et patientia Dei multum decipitur.

Deut. 32.



quæ non videntur, sed sperantur, & æterna sunt nõ circa temporalia quæ cernuntur oculis.

Per hanc ergo fidem, id est, diuinæ promissionis susceptionem, initiamur in Christo, id est, accipimus donū gratiæ & iustitiæ, & charitatis, quod vnum est, vt certò credo, etiam ex B. Augustini doctrina, vt alibi ostendi fusioribus verbis. Cum autem à nobis susceptum hoc initium non sit quid perfectum (propterea enim initium vocat Apostolus: & B. Augustinus vocauit inchoatam iustitiam) ideo necesse est vt assidue augeatur, & crescat in dies, donec ad perfectum tandem veniat. Et sic oportet retinere firmum hoc initium, donec dicitur Hodie, si id velimus quod interim habemus in spe, re ipsa integrum possidere securè, nullo vnquam amittendi metu. Cantatur autem hoc Hodie, in tota hac vita nostra mortali, Nec sine sancti Spiritus nutu omnium prorsus ecclesiarum cõsuetudo inualuit, vt in matutinis officiis intonetur (vt ita dicam) hic psalmus quasi inuitatorium. Est enī vox Spiritus sancti, cui omnino est auscultandum præsertim cum nobis scripturæ testimonio ostendat Apostolus, quid fecerit illis, qui non paruerunt vocibus Angelorum: *Quemadmodum in illa exacerbatione*, quando tanta illa cordis duriā & rebellione maiores eorum irritauerunt Spiritum Dei, & grauem illius manum sunt (vt merebantur) experti.

*Quidam enim audientes, exacerbauerunt*, scilicet Dominum ob duriā cordis, & incredulitatem. Et subdit, *sed non vniuersi qui profecti sunt ex Aegypto per Moysen*, id est, non illi penitus omnes ad iracundiam Deum prouocarunt, qui ex Aegypto sunt profecti: quoniam eorum aliquot non exacerbauerunt. Possumus item intelligere, non eos omnes qui ex Aegypto per Moysen ingressi sunt in desertū ingressos in terram promissionis. Vbi notandum est, quod ex omnibus simpliciter qui erant de populo illo, parseducta est de Aegypto, & pars in deserto nata est: Quæ ex Aegyptoeducta est, ea non venit in terram promissionis, sed vniuersa interiit in ipso deserto, præter Iosue, & Caleb. Horum autem aliqui partim sua morte decesserunt: partim verò ultore Deo, aut peste, aut gladio, siue à Mose, siue ab hostibus prostrati sunt. Quosdam etiam absorbit terra viuos, & deuorauit dehiscens. His autem malis obrutifunt illi, qui peccauerunt resistentes Deo, & Moyfi. Illis ergo infensus fuit Deus, & cæteris qui murmurauerunt tentantes eum, cum essent increduli. Rectè igitur concludit Apostolus. *Quibus autem infensus est quadraginta annis? None illis qui peccauerunt?* Ecce manifesta causa exitij eorum, & Dei in eos odij: quia scilicet peccauerunt, non autem quoniā non essent prædestinati. *Quorum cadauera prostrata sunt in deserto.* Tria est historia, *Quibus autem iurauit non intrare in requiē ipsius, nisi illis qui increduli fuerunt?* Et videmus quia nõ potuerunt introire propter incredulitatē. Iterū animaduerte verā causam fuisse incredulitatē. Quāobrē nõ solum nõ introierunt, sed nec introire (iusta Dei ultione) potuerunt.

## CAP. IIII.

**T**IMEAMVS ergo, ne fortè relicta pollicitatione introeundi in requiem eius, existimetur aliquis ex nobis

deesse. Etenim & nobis nuntiatum est, quemadmodum & illis. Sed non profuit illis sermo auditus nõ admixtus fidei ex iis quæ audierunt. Ingrediemur enim in requiem eius qui credidimus, quæadmodum dixit: Sicut iurauī in ira mea: Si introibūt in requiem meam: & quidem operibus ab institutione mundi perfectis. Dixit enim quodam loco de die septima sic: Et requieuit Deus die septima ab omnibus operibus suis. Et in isto rursum: Si introibūt in requiē meam. Quoniam ergo superest introire quosdam in illam, & ij quibus prioribus annuntiatum est, non introierunt propter incredulitatem, iterum terminat diem quendam, hodie, in David dicendo, post tantum temporis, sicut supra dictū est: Hodie si vocem eius audieritis, nolite obdurare corda vestra. Nam si eis Iesus requiē præstitisset, nūquam de alia loqueretur posthac die. Itaque relinquitur sabbatismus populo Dei. Qui enim ingressus est in requiem eius, etiā ipse requieuit ab operibus suis, sicut & à suis Deus.

**T**imeamus ergo, &c. Exhortatur Hebræos suos Apostolus ad timorem, vt caueant ne aliquando inueniantur amissis pollicitationem diuinam, quæ est de introitu in verā requiē. Itaque in manu eorū positū hoc esse declarat, utrū ē duobus malis, vel tenere pollicitationē vel eandē relinquere. Contra fatuos quosdā dictū sit, qui negāt liberū in homine arbitrium, & merita ac demerita. Aut in eos etiam qui fatuum constituunt, quod fermè tantumdem est. Ait, Timeamus, Modus blādus & humilis exhortandi, quando is qui exhortantis personam suscipit, seipsum inter eos reponit, quibus exhortatione opus est. Quamobrem modestè dixit, Timeamus, & non dixit, Timeate. Ne fortè, potius, ne quando, relicta pollicitatione introeundi, in requiem eius, existimetur aliquis deesse, id est, ne cum numerabuntur qui dederunt nomen, & intrarunt in viam & cursum, inueniatur aliquis ex nobis deesse, & in postremis constitutus, ita vt nihil habebat iuris ad brauium, quod est requies illa fœlicissima ac sempiterna. Vrget iterum exemplo illo ac typo, & addit:

*Etenim & nobis annuntiatum est quemadmodum & illis*, Ecce quomodo ea exequitur quæ attinent ad initium. Illis annuntiatum fuit, & nobis etiam annuntiatum est. Illis quidem de bona erga illos voluntate, & promissione illius terræ. Nobis autem annūtiatum est de melioribus bonis in verā viuendum terra reconditis. Sed non profuit illis sermo auditus, &c. Ab euentu periculum ostendit: quoniam sermo auditus illis nequaquam profuit. Et cū narratione huius infœlicis euentus, exponit causam: quia scilicet sermo non fuit admixtus fide. Ex quo constat ista conclusio: Increduli non ingredientur in requiem Dei, sicut & illi increduli non intra-



uerunt in terram illam prioris promissionis, sed prostrati fuerunt in deserto. Et huic opposita sequitur melior conclusio, quam ipsemet Apostolus ex primitiis:

*Ingrediemur enim in requiem qui credidimus*, Nos, inquit, qui credidimus, ingrediemur (vt subintelligas) & non illi qui non crediderint. Est enim expressum aduersus tales Dei iusiurandum. *Sicut scriptum est: si introibunt in requiem meam*, Hoc iure iurādo sine vlla pœnitentiā esse intelligitur, & firmissima est hæc Dei sententiā: Non intraturos istos in cœlestem requiem. Contra stultos, qui omnes aliquando salutem cōsequuturos dogmatizant. Ex hoc autem Apostoli loco, cum declarauerit Spiritum sanctū esse illum qui in eo Psalmo loquitur: Hodie si vocē eius, nimirū Christi audieritis, &c. Satis apertē aduersus hæreticos probatur Spiritus sanctus Deus.

*Et quidē operibus à constitutione mundi perfectis, &c.* Vult hoc in loco B. Paulus declarare, quidnā per requiē suā intelligat Spiritus sanctus. Equidem non aliud quā illam requiē, de qua Moses testatus est in principio Genesios, quando perfectis à constitutione mundi operibus, ait: Et requieuit die septimo ab omnibus operibus suis. Pro cuius loci pleniorē declaratione notandum est mentiq; omnino figendum quod subiicimus, Deum in sua maiestate perfectissime & plenissime beatum, cū facere creaturam cogitauit & fecit, existimari posse quodammodo semetipsum à dignitate deiecisse, qui non sibi, sed nobis qui nihil præ illo sumus, operatus fuerit, & quasi laborauerit. Nam illo scripturæ testimonio, quo requieuisse illum die septima ab operibus dicitur, antea laborauisse videtur. Sed non sic accipiendum est, quasi ipse verē aliquid laboris subierit: propter nos ista dicuntur, qui eius naturæ sumus, vt cum non nobis, sed aliis operamur, laboremus, hoc est, laborem sentimus. Sic Deus condens vniuersa, & in quem nulla redundabat inde vtilitas, quodammodo laborasse, & à sua quiete apud scripturas dicitur diuertisse.

Quapropter & nos secundum gratitudinis iura, perinde debemus hæc diuina opera accipere, ac si verē pro nobis laborasset, à sua propter nos quiete distractus illis sex diebus, quando è mediis tenebris lucem eduxit, & constituit cœlos, & fundauit terram, & extendit firmamētum diuidens inferiora à superioribus, & segregauit aquas ab arida, & fecit germinare terram, & constituit luminaria in cœlis, & iussit vt producerentur ex aquis & de terra animantia, pisces maris, volucres cœli, bestię terrę, iumenta, & pecora. Et denique plasmavit hominem, cuius causa cætera fecerat. Deus ergo qui hæc omnia sex diebus operatus est, & die septima quieuit, obligauit nos gratitudinis obligatione, vt similiter operaremur, videlicet sex diebus, vt deinceps possemus iure accipere requiem ad similitudinem suā. Per hos autem sex dies intelligere nos oportet vniuersum sæculi tempus, quod sex ætatibus distribuitur, infantia, pueritia, adolescentia, iuuentute, virilitate, & tandem senectute. In hac igitur vita laborare debemus colligentes nobis manna, vſquequo veniat sabbatum illud, quando nemo poterit iam vſterius quicquam colligere, vt est illo loco in figura Mannæ significatum.

Et hæc fuit prima & perpetua lex, & obligatio creaturæ secundum gratitudinis naturalissimam legē. Sicut enim Dominus laborauit pro nobis sex diebus, suę dignitati non parcens propter bonitatem suā: vt sic postmodo intraret in requiē suā: Ita & nos eius amore, vt simus grati, similiter facere debemus. Prius laborare propter illum oportet, ac deinde quiescere, vt ille primus ad exēplum nostrum fecit. Et hoc eo lubentius ac promptius, quod quicquid nos in eius gratiā & propter illum agimus, totum id ad nos ipsos redit, & cum fœnore magno. Bonorum enim nostrorum ille non indiget. Imo propter nimiam abundantiam incapax est augmētī bonorum, cum sit ipse summum bonum.

Hoc igitur præmissō: Videamus nunc quomodo Apostolus duo scripturæ loca, vt hoc agnosceremus, inducat. Primus est ex Genesi, quod à constitutione mundi requieuit Dominus ab omnibus operibus suis, id est, postquam omnia perfecit, requieuit, ac si dixerit: Expleto hoc munere creandi, reuersus est quodam modo ad seipsum & ad suam beatitudinem, vt seipso frueretur, relinquens interim nobis legem vt quilibet similiter operaretur, quod posset intrare in illud gaudium, & illam requiem. Cumque huius rei initium sit fides, ob causam non potest in hoc pactum intrare nisi fidelis. Et ad hoc inducitur alius locus ex psalmo. *Si introibunt in requiem meam*, Quo de loco primū accipimus, quod aliqua requies manet quoddam, idque ad similitudinem Dei. Hi autem sunt, qui operati fuerint: sicut Dominus Deus post opera cōdita legitur quieuisse. Deinde iusiurandum habemus aduersus incredulos & peccatores, qui non intrabunt in requiem Domini. Non enim possunt esse veri operatores, qui non sunt fideles. Vide igitur vt suis verbis Apostolus ipse egregiē hæc declarat, eliciens quæ dicta sunt, & ait:

*Quoniam ergo superest introire quosdam in illam*, nimirum requiem. Dicit, Superest, quoniam non erat consummatum pactū in anterioribus illis qui fuerunt sub veteri testamento, & sub die septima. Superuenire enim oportebat nouum testamētum quod alteram sibi diem vendicauit, qua requieuit Dominus ab operibus suis. Et hæc fuit dies Dominica, dies octaua, dies resurrectionis, qua recreatus est homo. Superest introire quosdam. Ait, quosdā, non certos designans, sed illos qui pendent ex cōditione, si crediderint, si laborauerint, & operati fuerint, vt sic similiter valeant obtinere requiem. Vbi satis indicat posse mereri hominem introitū in illam requiē, & item posse demereri. Quo fit vt omnes qui supersunt, & possunt ingredi, debeant diligenter attendere ad priores qui non introierunt, & cognoscere quamobrem non introierint: & ne similiter illis contingat fieri alieno periculo cauti, & suæ salutis vigilantissimi cultores.

Et ij quibus prioribus annuntiatum est non introierunt propter incredulitatem. Hic taxat anteriores Iudæos incredulos non solum verbis Dei de spe futurorum, sed etiam literis Moyses, quæ spem terrenorum complectebatur. Excludi itaque meruerunt nō solum à terra illa promissionis terrena, verum etiam à cœlesti terra viuientium, quæ in illa terrena tanquam in vmbra significabatur & figura, &

Spiritus  
sanctus pro  
batur Deus

Locus intel  
lectu diffi  
cilis & pul  
cher.

Nota de  
mandato  
sabbati.

Pro operi  
bus bonis.



annūciabatur illis per Moſen & prophetas. Cum igitur ita ſeſe res habuerit, iterum terminat diē *quen-*  
*Nota.* *dam, Hodie in Dauid, &c.* Non iam ſeptimum diem  
 ſed octauum, id eſt, non iam priſcum diem quan-  
 do requieuit ab operibus creationis, illum videli-  
 cet ſeptimum diem ſabbati: quoniam illum diem  
 violauimus omnes, & deſtruximus opera Dei. Sed  
 alium diem Dominicum, in quo ceſſauit rurfus ab  
 operibus ſuis Deus & Redemptor noſter. Non di-  
 co ab operibus creationis, ſed reparationis & in-  
 ſtaurationis, vt in hoc die de vtroque beneficio  
 lauderetur, ſcilicet creationis & reparationis. Nam  
 & de ſabbato hīc dies participat: & hoc fecit de-  
 nudē Deus per Chriſtum. Quod enim creatum er-  
 rat, inſtauratum fuit, vt in inſtauratione creatio in-  
 telligatur.

Vt igitur ceſſauit ab operibus inſtaurationis hu-  
 ius Dominus, reliquit ſimiliter nobis aliud ſabbat-  
 iſmum, id eſt, legem operandi ſex diebus, ſicut di-  
 ctum eſt, vt & nos pariter poſſemus quieſcere ab  
 operibus noſtris, & intrare in eius requiem per ve-  
 rum Ieſum noſtrum, non illum Naue. Requie au-  
 tem eam dicimus, in quam ipſe cum Patre operan-  
 do intrauit. Hęc eſt ſumma & ſine otio otioſa bea-  
 titudo. Et nota quomodo hanc diem terminauit  
 propheticē in Dauid, dicendo poſt tantum tempo-  
 ris, ſicut ſupra dictum eſt:

*Hodie ſi vocem eius audieritis, &c.* Quo in loco pro-  
 hibet B. Paulus falſam Iudæorum opinationem, ſi  
 fortē putaffent ſe requiem promiſſam conſequu-  
 tos à terra illa promiſſionis, in quam iam intraue-  
 rant. Ne enim eo ſenſu debeat intelligi prohibet  
 ſtatus temporis: quoniam Dauid qui illud prophe-  
 ticē admonuit pro futuro tempore, regnauit mul-  
 tos annos poſt adeptam iam illam terram promiſ-  
 ſionis excuſos. Fruſtra omnino ad illam cohorta-  
 retur adipiſcendā, ſi iam requiem Hebræi veteres  
 in ea terra inueniſſent. O miſeros prorsus & excœ-  
 catos Iudæos, qui requiem quærunť, & non inue-  
 niunt, nec ſunt quidem vbi eam perquirunt, in-  
 uenturi. Vnde egregiē ſubdit:

*Nam ſi eis Ieſus requiem præſtiſſet, &c.* Argumen-  
 tum ita conficito. Quicumque finem aſſequitur, in  
 eo quieſcit, nec quærit vltra requiē. Non ergo poſt  
 ingreſſum illum in terram promiſſionis per Ioſue  
 factum, prædicaretur alia requies alterius diei, ſi  
 finem & requiem fuiſſent adepti. Sed prædicatur  
 alia requies per Dauid prophetam: ex quo ſequi-  
 tur id quod concludit Apoſtolus, aiens:

*Itaque relinquitur ſabbatiſmus populo Dei, id eſt, re-*  
 linquitur via ad ſabbatum celebrandum, quod eſt  
 ad requieſcendum, nec vltra operandum, quæ re-  
 quies eſt poſt opera. Opera igitur requiem nobis  
 illam parant, iuxta hanc poſitam legem, vt qui in-  
 greſſus eſt in requiem, ceſſet ab operibus ſuis, quē  
 admodum à ſuis ceſſauit Deus. At cum poſt ingreſ-  
 ſum in eam terram prædicaretur adhuc promiſſio  
 requiei, ad quam hortabatur propheta ne obdura-  
 rent corda ſua: hinc ſatis ſuperelle patet aliam ve-  
 ram requiem, quam per opera bona oportet lucra-  
 ri, & in eam intrare quæ eſt operum præmium.  
 Quod accuratē eſt norandum contra nouos & mi-  
 ſeros noſtræ ætatis hæreticos, qui negant ex operi-  
 bus cōtingere requiem, ſed ſolum ex fide. At fidei  
 finis ſunt ipſa opera bona: & finis operū, requies:

& illius requiei, Deus.

Festinemus ergo ingredi in illam re-  
 quiem: vt ne in idipſum quis incidat in-  
 credulitatis exemplum. Viuus eſt enim  
 ſermo Dei & efficax, & penetrabilior o-  
 mni gladio ancipiti, & pertingens vſque  
 ad diuiſionem animæ ac ſpiritus, compa-  
 gum quoque ac medullarum: & diſcre-  
 tor cogitationum & intentionum cor-  
 dis. Et non eſt vlla creatura inuiſibilis in  
 conſpectu eius. Omnia autem nuda & a-  
 perta ſunt oculis eius, ad quem nobis ſer-  
 mo. Habentes ergo Pōtificem magnum  
 qui penetrauit cœlos Ieſum Filium Dei,  
 teneamus ſpei noſtræ confeſſionē. Non  
 enim habemus Pontificem qui non poſ-  
 ſit compati infirmitatibus noſtris: tenta-  
 tum autem per omnia pro ſimilitudine  
 abſque peccato. Adeamus ergo cum fidu-  
 cia ad thronum gratiæ eius, vt miſericor-  
 diam conſequamur, & gratiam inuenia-  
 mus in auxilio opportuno.

*Festinemus ergo ingredi, &c.* Hīc auget exhortatio-  
 nem Apoſtolus. Ille enim verē feſtinat, qui alio  
 non diuertit, nec moratur in via: ſed directo inten-  
 dit & aſſiduē ad terminum, *Festinemus ergo*, ait, hoc  
 eſt, abſque mora vlla & interruptione magno ſtu-  
 dio & aſſiduē contendamus per opera charitatis,  
*ingredi in illam requiem*, quæ eſt vera requies. *Vt ne*  
*quis incidat in idem incredulitatis exemplum*, id eſt, ne  
 ſicut veteres illi duræ ceruicis, & Aegypti amato-  
 res, puniti ſunt ī deſerto illo: ita iuſtē puniatur qui  
 tale ſequitur exemplum. Et ne quis dicere poſſet:  
 Illud tunc quidem cōtingit antiquis illis Hebræis,  
 & iam impleta eſt ſcriptura in his qui præceſſe-  
 runt, Anteuertit hanc tergiuerſationem B. Paulus,  
 dicens:

*Viuus eſt enim ſermo Dei, & efficax.* Significat au-  
 tem ſermonem Dei (qui eſt lex noſtra, & eſt ipſe  
 Chriſtus ſpiritu ſuo loquens ore & opere) nū-  
 quam mori, ſed perpetuē viuere, vt aſſiduē impe-  
 rer, & non olim tantum. Chriſtus enim heri & ho-  
 die, & in ſæculum. Et ſicut viuut ad imperandum  
 ſic viuens eſt ad indicandum. Propterea incredu-  
 lis comminabatur, aiens: Qui ſpernit me, & non ac-  
 cipit verba mea, habet qui iudicet eum. Sermo  
 quem loquutus ſum, ille iudicabit eum in nouiſſi-  
 mo die. Meritō inquam iudicabit, cum ſit ſermo  
 viuus & efficax, & potentiam ad ſuadendum ha-  
 bens, & poteſtatem ad iudicandum. Scriptum eſt  
 enim de illo: Sermo illius poteſtate plenus eſt. Et  
 item Euāgelista, Sermo erat in poteſtate. Quapro-  
 pter & Iſaias: Verbū quod egredietur de ore meo  
 non reuertetur ad me vacuum, ſed faciet quæcun-  
 q; volui, & proſperabitur in his ad quæ miſi illud.

*Et penetrabilior omni gladio ancipiti*, ſiue bicipiti.  
 Aſſimilem docet ea ratione ſermonem Dei gladio  
 bicipiti, quādoquidem altero duorum modorum  
 penetrat, vel via miſericordiæ dum inuitat, & eam  
 pollicetur: vel via veritatis ac iudicij, dum vel præ-  
 miis afficit, vel ſuppliciis. Fieri ſiquidem non po-

Ioan. 12.

Ecc. 8.

Luc. 4.

Iſa. 55.



Apor. 1.

C. 19.

Act. 9.

test, vt possit euadere quisquam alteram istarum duarum viarum, quin in eum penetret gladius Domini. In Apocalypsi de illo dicitur: Et de ore eius gladius vtraque parte acurus exibat. Mirabitur fortassis aliquis, cur vocetur gladius sermo Dei incedens per viam misericordiae. Hoc ipse B. Paulus expertus fuit, quando prostratus dedit manus dicēs: Domine, quid me vis facere? Magnas quidē vires habet hęc prima misericordiae Dei via in eos qui non desperant, sed eam supplices implorant.

*Et pertingens vsque ad diuisionem animae & spiritus.* Vna & eadem res est anima, & spiritus: & tamen diuersis rationibus perinde consideratur ac si duae res essent. Nam anima dicitur ea consideratione: quoniam officium facit animandi corpus, & illi afficitur. Quae si disiungitur à corpore, vt sanctioris amoris vinculo iungatur Deo, spiritus dicitur. Sermo autem Dei hanc separationem facit, dum hominem ex animali efficit spiritualement, osorem terrenorum, & amatorem cœlestium, qui noscat tamē quae sunt Caesaris, Caesari, & quae sunt Dei Deo reddere. Necessē enim est ratione compescere atque regere vires partis sensitiuae, id est, regere ac domare carnem, cui nec nimia laxetur, indulgentia: nec tristitia atque asperitate interficiatur immoderata.

*Compagum quoque & medullarum.* Per compages (vt mihi videtur) variae in nobis significantur affectiones, quarum vna pendet ex altera. Verbi gratia: Pater tenerē diligit Filium. Huic amorī & affectioni protinus adiungitur cupido habendi, vt illi relinquat bona sua. Ex hoc & variae sequuntur affectiones cogitationū, & varia consilia vel decipendi, vel fraudandi proximum. Et has omnes velut compages nouit, & ad harum diuisionem pertipit ceciter sermo Dei potentissimus est, qui velut gladius acutus possit ista soluere. Dixit enim per Itaiam Dominus: Dissolue colligationes impietatis: solue fasciculos deprimentes. Penetrat quoque ad medulas vsque, quantumuis ossibus includantur, vt eas inspiciat & scrutetur ad accusandum, vel probandū. Per ossa appositissime intelligimus virtutes. Medullae verò ossium sunt ipsae intentiones finis. Reperietur aliquis (vt à nobis hominibus cerri potest) cōtinens, & misericors, & in alia praestati virtutis imagine probus apparēs: attamē non & verē & coram Deo virtute praeditus, propter occultam medullam, id est, sinistram & malam intentionem, vel vanae & inanis gloriae, vel cuiuscunque ambitionis. Plerumque enim existunt quidam luforibus callidis non dissimiles, qui primum de industria quarundam faciunt rerum propriarum iacturam, quā veluti esca alliciant, vt post longē maiora lucrentur. Tales eos existimare licet, quicumque largitione aliqua summas facultatum sibi parare copias, & opes, atque honores moluntur: quod ipse finis clarē ostendit. Possēmus istud quā plurimis illustrare exemplis: sed praestat vt qui legit, si se videt argui & manifestari, respiscat. Has enim cogitationes, atque obliquas intentiones & penetrat sermo Dei, & recto iudicio discernit. Vnde ait: *Et discretor cogitationum & intentionum cordis*, seu iudex: Gracē nemo. Et significat eum qui iudicium proferre valeat, & vindictam exercere, vt merito sit metuendus.

Isa. 58.

*Et non est vlla creatura inuisibilis in conspectu eius.* In negātes c. Sensus planus est, & contra eorum demeritiam, qui putarunt Deum ad singularia non pertinere, sed solam habere vniuersaliū cognitionem. In quos & Psaltes egregius obieciēbat: Intelligite insipientes in populo, & stulti aliquando sapite. Qui plantauit aurem non audiet? Aut qui finxit oculum, non considerat? Qui corripit Gentes non arguet, qui docet hominem scientiam? Dominus nouit cogitationes hominum. *Omnia autem nuda sunt & aperta oculis eius.* Cum igitur sermo Dei sit plenus oculis quasi Sol lucidissimus, qui & illuminat cuncta: & cum ad Deum sit nobis sermo habendus, id est, ita sit illi reddēda nostrorum factorum ratio, vt nequeamus negando effugere (Hoc est enim quod subiunxit: *Ad quem nobis sermo*, siue ratio, causa, siue negotium cum illo agendum qui videt, & falli non potest) Profecto debemus potius aliam veritatis viā recipere, & festinare ad requietis ingressum per opera bona, à quibus post toleratos labores feriamur, & perpetua requie fruamur. Ita se gessit ab initio post creationem Deus, & Christus post recreationem, qui huiusmodi exemplum nobis dedit iam ingressus per obseruantiam paterni mandati in aeternam requiem suam.

*Labentes ergo Pontificem magnum.* Hoc in loco incipit indicare efficaciam sacrificij nouae legis, & illud summo opere praeter illo antiquo extollere, ostendens magnis rationibus quanta inter vtrumque cōstituenda sit differentia. Postquam ergo horatus est Hebraeos vt contenderent, ac festinarent intrare in eam requiem retinentes inuiolatam fidem: Ne ipsi hanc rem impossibilem existimarent, propter peccata assidua quae per infirmitatem carnis nostrae committimus, subiicit habere nos Pontificem magnum non iam in terris, vbi sunt alij, sed in caelis, qui scilicet propositus est populo ad imitandum, & datus primò fuit ad conciliandum in tempore carnis suae: & nunc ingressus est caelos, vt tanquam Aduocatus interpellat pro nobis ad iuuandum. Vnde ait:

*Qui penetravit caelos*, nimirum per merita humilitationis ac passionis suae, *Iesum Filium Dei*, Duo hic magna coniungit, vt spem inde magnam in nobis generet. Primò, Iesum, Idem enim est Iesus quod Saluator ex re ipsa: quia saluos nos fecit, & perpetuò potest saluos facere. Quòd si non valeat ad suadendum ex nomine, illud certē valere debet ex re. Est enim Filius Dei, valens apud Patrem gratia, qui & sedet à dextris eius. Quocirca concludit: *Teneamus spei nostrae confessionem*, siue professionē. Appellatur professio spei, quae est professio fidei. Et enim fides nostra de his est quae sperantur: nec enī sperari possent, nisi crederentur. Quae autem sperantur, aeterna sunt, sed & ardua: quoniam soli ad illa pertingunt, qui cum violentia, cum multo labore ac difficultate quasi rapuerint, praesertim in tanta carnis, qua circūdamur, infirmitate. Cum ergo potuisset quis dicere, imò hodie inueniantur nō pauci qui proferant (Heretici autem aperte assenerāt), aientes: Dura sunt Dei praecepta quae sunt spiritua- lia, nec à nobis impleri possunt in his carnis infirmitatibus. His querimoniis occurrit Apostolus, tanquam respondens imbecillitati nostrae, nosque.

In negātes  
providētia  
Dei circa  
particula-  
ria.  
Psal. 93.



consolans, & ait: *Non enim habemus Pontificem qui nō possit compati infirmitatibus nostris.* Si autem compatitur, etiā succurrit. Nemo enim verē compatitur, qui & idem (modo possit) non succurrat patienti.

Quod autem nobis prospicere talis tantusque Pontifex possit, nullo pacto est dubitandum, cum sit & Iesus, & Filius Dei. Quod verō compatiatur, abundē probat. Ipse nanque testatus est se infirmitates nostras, præter peccatū, sua sponte suscepisse. Audi qualem nobis proponat Pontificem Apostolus, subiungit enim: *Tentatum autem per omnia secundum similitudinem.* Fuit similis nobis, mortalis & passibilis, qui & passus est æstus, frigus, fames, sitis, labores, dolores, & quæ huiusmodi sunt, *absque peccato tamen*, id est, absque concupiscentia mala, quam B. Paulus appellare solet peccatum, qua tentaretur. Non enim habuit illam legem in membris suis repugnantē legi mentis suæ, quam nos alij habemus. Siquidem tanta pollebat gratia, ut in carnem redundaret ad plenissimam hac parte illius sanctificationem. Ipse, inquam, tentatus, & per omnia nobis (excepto peccato) factus similis succurrit tentatis, prohibens ne supra vires tentetur quisquam: quin etiam ad adiuvantem, ut faciāt, qui tentantur, cum ipsa tentatione prouentum. At cū minime sit æquum ut ille nobis succurrat, nisi & nos instanter imploremus eius auxiliū, recognoscentes & humiliter indigentiam nostram, & confidentes fideliter benignitatem suā, iccirco addit:

*Adeamus ergo cum fiducia ad thronum gratiæ eius* (Græcè desideratur, eius) *ut misericordiam consequamur.* Duplex est Dei misericordia. Vna est quæ nō debetur: qualis est illa quæ confertur in peccatorem, & antea nondum vnquam iustificatum. Est & altera quæ debetur propter promissionem. Et hæc iustis debetur, & misericordiam facientibus, & implorantibus eam: de qua hīc loquitur Apostolus. Vnde non semper opponitur iustitia misericordiæ, sed conueniunt.

*Et gratiam inueniamus in auxilio opportuno.* Ad Græcam lectionē legeretur emēdatus, & melius. *Ad auxilium opportunum*, id est, ut inueniamus in nobis inesse gratiam auxilium in tempore promerentē. Tunc enim impetratur auxilium, quando petitur ab homine qui est in gratia. Nam habitualis & in hærens gratia non est satis ad superandas tentationes, nisi adiungatur assiduum auxilium: quod tunc demū adiungitur, quando suppliciter imploratur.

## CAP. V.



**M**NIS nanque Pōtifex ex hominibus assumptus, pro hominibus cōstituitur in iis quæ sunt ad Deum ut offerat dona & sacrificia pro peccatis. Qui condolare possit iis qui ignorant & errant: quoniam & ipse circumdatus est infirmitate. Et propterea debet quemadmodum pro populo, ita etiam & pro semetipso offerre pro peccatis. Nec quisquam sumit sibi honorē: sed qui vocatur à Deo, quemadmodum & Aaron. Sic & Christus non semetipsum clarifica-

uit ut Pontifex fieret, sed qui locutus est ad eum: *Filius meus es tu, ego hodie genui te.* Quemadmodum & in alio loco dicit: *Tu es Sacerdos in æternum secundum ordinē Melchisedech.* Qui in diebus carnis suæ, preces supplicationēsq; ad eum qui possit illum saluum facere à morte, cum clamore valido & lachrymis offerens, exauditus est pro sua reuerentia.

**A**D confirmanda superiora B. Paulus doctē & opportunē conditiones ipsius Pontificis declarat, aiens: *Omnis nanque Pontifex ex hominibus assumptus, &c.* Prima ergo cōditio est, ut sit homo: secunda autem, ut ex hominibus assumatur, id est, electione & vocatione erigatur, & ordinetur ad pontificatus officium, hoc est, ut sit mediator apud Deum. Et tertia est, ut pro hominibus constitutur, id est, hominum in se causam transferat, & pro illis agat. Conuenientissimum enim fuit ut pro hominibus ageret non extraneus, sed verus homo, aliquis, qui esset os nostrum, & caro nostra. Nam id Pontifex est quod homo, & summus sacerdos, qui, *in iis*, seu circa ea debet intendere & se exercere, *quæ sunt ad Deum*, id est, in his quæ inter Deum & hominem componenda sunt, quorum ipse mediator intercedat & conciliator. *Ut offerat dona & sacrificia pro peccatis.* Cum igitur tale sit Pontificis munus: ut eo perfectē defungatur sub infert quæ tale munus obeunti conueniunt, *qui condolare possit, &c.* Cum, inquam, sit pontificis proprium munus mediatorem & intercessorem agere, ita ut oporteat eum pro quibus intercedit, iisdem misereri: idonee tunc illud faciet, cum fuerit & ipse aliquando miseris, & variis tērationibus circūdatus, sicut iam expositum est superius.

*Nec quisquam sumit sibi honorem, &c.* Nunc tradit rectam sacerdotis institutionem. Venire enim primum debet à Deo, non per miserrimam illam ambitionem, quæ nunc vbique grassatur, & arrogantiam: sed per vocationem, cui debet humiliter & solo charitatis intuitu, is qui vocatur, obtemperare. Talis fuit Aaron. Quo in loco habes sacerdotij gradum inter reliquos esse honorabiliorem. Sed fœdarunt quodammodo illum turba eorum plurma, qui vel ambitiose vsurpāt, vel indignē trāctāt. Hæc autem dicit Apostolus, ut Christum collaudaret tanquam Pontificem perfectum à Deo institutum, & iam omnes prædictas conditiones habentem. Vnde ait: *Sic & Christus non semetipsum clarificauit*, ut mereretur æternum pontificatum. De eo enim pontificatu loquitur, qui est gloriosus & æternus, utpote testamenti noui & æterni ad expianda peccata, quæ sub hoc testamento nouo admittuntur. Non, inquam, seipsum clarificauit pontificatum ambiens, sed à Patre accepit: quia & ipse prius acquisiuit. Porro aduertendum, sermonem hīc esse de Christo secundum eam partem, quæ indiget clarificatione, & secundum quod homo. Alioqui qua parte Deus erat, ab æterno semper gloriosus cum Patre fuit, nec vlla noua glorificatione egere potuit.

*Sed qui loquutus est ad eum: Filius meus es tu.* Ille igitur qui loquutus est ad eum, nimirum Pater. Es

Nota.

Assiduum  
Dei auxi-  
lium neces-  
sarium.



qui dixit ei: Filius meus es tu, secundum veritatem & naturam, ille clarificauit eum, *Ego hodie genui te*. Per, hodie, vt iam declarauimus, intellexit diem clarificationis, qui fuit dies Resurrectionis eius, quæ fuit quædam generatio secundum carnem. Per hanc enim apparuit esse Filius Dei verus, cum tunc induerit fortitudinem, & decorem. Quamobrem videtur illum quodam modo tunc genuisse, cum ei gloriam Vnigenito dignam donauit. Sed quid hoc facit ad sacerdotium Christi? Vt scilicet probetur, quomodo non semetipsum clarificauit vt pontifex fieret. Imo hoc ipso quod accepit eum vt Filium apud se, & à dextris suis clarificauit, constituens æternum nobis Pontificem, vt non habeat opus nouas offerre hostias: quoniam semel vnā obtulit, quæ ante oculos summi Patris in æternum durat. Et hæc est clarificatio illa, quam paulò ante obitum rogabat à Patre, qui respondit: Et clarificauit, & iterum clarificabo. Clarificauit quidem primum ostendendo per opera te esse à me missum in mundum, vt illum saluum facias. Clarificabo item, vt postquam hoc munus expleueris, sedeas ad dexteram meam, manens pro restituto mundo Pontifex in æternum, id est, vsque ad iudicium æternū. Prosequitur Apostolus:

*Quemadmodum & in alia loco dixit: Tu es sacerdos in æternum secundum ordinē Melchisedech.* De ipso Christo hæc verba esse dicta nemo dubitat. Et sunt verba ipsius Patris ad Filium extollentis sacerdotium ipsius nouum. Et hac ratione primum commendat, quod fuerit verus sacerdos in æternum. Non enim conueniebat duos esse sacerdotes in æternū, quorum vnus non dependeret ab altero: nec ritus diuersos, & diuersas offerri hostias oportuit. Christus autem cum sit sacerdos in æternum, est sacerdos non secundum ordinem Leuiticum, sed secundum ordinem Melchisedech sacerdotis, qui fuit figura Saluatoris nostri benedicti. Sacrificauit enim & obtulit panem & vinum: quæ duo significarunt carnem illius & sanguinem. Nam & in his duobus panis & vini speciebus ipse Dominus instituit hoc eximium & magnificentissimum sacrificium & sacramentum: sicut dudum in Melchisedech sacrificio designauerat. In hoc enim sacrificio panis & vini, in quo caro & sanguis distinctè significatur, repræsentatur illa semel facta in cruce oblatio, vbi separatus est sanguis à corpore.

*Caietani error non ferendus.*

Quamobrem detestanda est omnino illa Caietani doctrina, negantis sacrificium fuisse illā Melchisedech oblationem, quam fecit panis & vini. Nam & Lutheri prius fuit hoc commentum, qui negat sacrificium in ecclesia Christi. Quod ego tunc cum in Caietanum Annotationes conscripsi, ignorabam. Porro hoc inter Lutherum & Caietanum in re proposita interest. Lutherus quippe coactus erat negare figuram illius sacrificij, cum negaret veritatem ipsius. Caietanus verò qui sacrificium fatebatur, quo spiritu inductus est vt figuram eius negauerit, quæ manifestè fuit in Melchisedech? Nonne hanc declarat manifestè Apostolus? Sed qualis, rogo, fuisse figura in Melchisedech, nisi obtulisset panem & vinum? Itaque vtrunque acriter percutit hic psalmi locus. Nullus enim potest docere quonam pacto esset Christus sacerdos secundum ordinem Melchisedech, cuius ritum vel or-

dinem aliunde non possumus accipere, aut coniectare, quàm ex eo quod panem ille & vinum sacrificauit, & obtulit. In eum modum Christus fecit in die cænæ, in illo Melchisedech tanquam in figura designatus.

Hæc doctrina adeo clara est, & eousque ex antiqua traditione fidelibus persuasa, vt indignissimum sit eam in contentionem adducere, aut in vllā dubitationem propter hos factiosos, & nouitatum sectatores, & ipsos hæresum excitatores, & fautores perfidorum Rabbiorum ad obscuranda Christi mysteria. Et tamen nonnulli eorum vi veritatis coacti, sincerè locum illum sicut nos exposuere. Nam Rabbi Samuel, quem citat Rabbi Mose Hadasan, sic ait. Hic Melchisedech mysteria sacrificij tradidit: Erat enim ipse sacrificans Deo Patri sancto & benedicto panem & vinum, sicut dictum est ibidē. Et ipse erat sacerdos Dei altissimi: hæc ille. Et Rabbi Pinhas filius Iair longè clarius ac latius. Tempore (inquit) Messie cuncta sacrificia cessabunt. Sacrificium autem panis & vini nunquam cessabit, sicut dictum est Gen. 14. Et Melchisedech rex Salē excepit panem & vinum: Melchisedech (inquit) hoc est, rex Messias. Dicitur autem Melchisedech, id est, rex, quoniam rex est totius mundi: porro Sedech est iustitia. Et ipse mittere iustitiam suā, & pacem super vniuersum orbem. Et postea subdit: Rex Salem, hoc est, Ierusalem superne excepit panem, hoc est, separabit à cessatione sacrificiorum sacrificium panis & vini, vt dictum est psalmo 109. Tu es sacerdos in æternum secundum ordinem Melchisedech. Hæc ille Rabbi, sicut citat doctus ille & sanctus Martyr Episcopus Rossensis, qui nostra ætate pro ecclesiastica veritate sanguinem suum intrepidè fudit. Affertur præterea & ex antiquis Rabbi Iohai, qui vixit ante aduentum Christi. Hic dicit sacrificium panis & vini nunquam cessaturum, ex libro Iudicum cap. 9. vbi legitur à vite pronuntiatum: Nunquid possum deferere vinum meum, quod lætificat Deum & homines? Nam de nostro communi vino quomodo potest intelligi, Deum illo & homines lætificari? Itaque de sacrificio vini intelligitur. De sacrificio autē panis affert ex psalmo. 72. & ait: Placenta frumenti in terra in capite montium: hæc ex illo. B. Hieronymus dixit, memorabile triticum: Et verè memorabile, in quo memoriam constituit mirabilium suorum Dominus nostrer. Et additur pro hoc Chaldaica translatio in hunc modum: Erit Corban, id est, sacrificium frumenti in terra in capite montium ecclesiæ. Per montes autem sacerdotes intelligi, consentaneum est veritati.

Ostensus est & mihi admirabilis locus in Ionathæ paraphrasi super Iob, cuius auctoritatem Hebræi summo consensu recipiunt. Etenim cap. 2. vbi legitur: Igitur audientes tres amici Iob omne malum quod accidisset ei, venerunt singuli, &c. Loco horum verborum Chaldaica illa paraphrasis, non absque prophetico spiritu sic habet. Et audierunt tres socij Iob omne malum quod venisset ei, cum vidissent arbores viridiorum ipsorum siccas, & panem pastus eorum conuersum in carnem viuā, & vinum potus eorum conuersum in sanguinem. Et venerunt vnusquisque à loco suo, & propter hoc meritum liberati sunt à loco sibi preparato in-

*Testimonia Rabbiorum pro sacrificio Melchisedech.*

*Ioannes Episcopus Rossensis Martyr.*

*B. Hieron.*



inferno: hæc ibi. Quæ certè hoc mysterium, quod veneramur, respiciunt: nec aliud possumus comminisci, quod sensum vllum reddat. Sed hæc obiter, & propter hæreticos. Pergamus iam ad reliqua de efficacia pontificatus Christi.

*Qui in diebus carnis suæ*, id est, quādo erat in carne: quæ cōueniebat Pontifici, mortali videlicet & corruptibili. Nunc autem iam non est in carne mortalis pōtificis, sed in carne Dei, quæ non vltius carnis appellatione venit, cum dicat Apostolus: *Caro & sanguis non possidebunt regnum Dei. Preces, supplicationesq; ad eum qui possit illū saluū facere, &c.* Mirificus est hic locus, in quo probatur Christum eō nostri causa fuisse redactum, vt necesse ei fuerit implorare auxilium à Deo, idque cum clamore valido, & cum lachrymis. Igitur quæ prius illi iure debebantur tanquam Filio, postmodo debita sunt & reddita humilitatis suæ & abiectionis merito. Quoniam gloriæ suæ iam ipse propter nos renunciauerat, qui posuit se in manu Dei, dans iudicium Patri in omnibus. Hæc nisi diligenter attendimus, ignoramus mysteria, & facile aberramus. Clamauit autem valdè (sic enim testatur B. Lucas) Et clamans voce magna Iesus, ait: Pater, In manus tuas commendo spiritum meum.

Quod autem illachrymatus fuerit in cruce, non expressè legitur in euangelio. Aliàs dum Lazarum suscitauit apud B. Ioannē, lachrymatus est. Et cum restituit linguam muto, apud B. Marcum legitur ingemuisse. Item videns ciuitatem fleuit, vt B. Lucas tradit. Sed & in cruce, etiam si nobis Apostolus non expressisset, omnino credibile est illum illachrymassè, in qua & summum doloris est perpassus, & summum charitatis exhibuit.

*Exauditus est pro sua reuerentia*, id est, pro religione ac pietate suā, quam habuit erga Patrem, omnia remittens in manus eius, & spiritum suum, & seipsum totū per omnia ineffabili deuotione subdens, nec audens quidem postulare vt debitum, quod sibi deberi nouerat: quoniam ex gratia debebatur. Et isti merentur exaudiri, qui non ponderāt sua merita, sicut non ponderauit Dominus, sed omnia semper æstimant esse Dei tanquam gratis data: quoniam omne debitum Dei erga nos oritur à gratia. Nec propterea negātur merita, sed astruuntur, dum radix meritorum cum gratiarum actione recognoscitur.

Et quidem cum esset Filius Dei, didicit ex iis quæ passus est obedientiam: & cōsummatum factus est omnibus obtemperatibus sibi causa salutis æternæ, appellatus à Deo Pōtifex iuxta ordinem Melchisedech. De quo nobis grādis sermo & ininterpretabilis ad dicendum: quoniam imbecilles facti estis ad audiendum. Etenim cum deberetis magistri esse propter tempus, rursum indigetis vt vos doceamini quæ sint elementa exordij sermonis Dei: & facti estis quibus lacte opus sit, nō solido cibo. Omnis enim qui lactis est particeps, expertus est sermonis iustitiæ: paruulus enim est. Perfectorū autem est so-

lidus cibus, eorum qui pro ipsa consuetudine exercitatos habent sensus ad discretionem boni ac mali.

*Et quidem cum esset Filius Dei, &c.* Commendat hanc eximiā Christi pietatem, eō quod esset Filius. Gracè non legitur, *Dei*, sed simpliciter, *Filius*, quod est nomen proprium in diuinis personæ secundæ. Didicit ex his quæ passus est obedientiam, id est, non solum erat obedire paratus, sed facto ipso obediens fuit vsque ad passionem crucis. Optimus & elegans hic dicendi modus, vt ille qui aliqua ex causa pœnas incurrit, discere dicatur quidnā sit illud, propter quod patitur. Christus passus est propter obedientiam. Obedientiam ergo didicit. B. Paulus quosdam blasphemos tradidit satanæ, vt si possent, eo supplicio discerent non blasphemare. Eo siquidem experimento discere debebant, quid eis profuerat blasphemasse. Didicit ergo Dominus obedientiam istam non intelligendo tantum, sed per multas afflictiones obediendo. O veram Redemptoris nostri & salutarem hanc doctrinam, veris illius discipulis syncerè æmulandam.

*Et consummatum*, id est, perfectus propter talem obedientiam. Omnia quippe traxit ad seipsum, & iure acquisitionis ita obtinuit, vt omnes teneantur illi obedire, & obediendo similiter salutem obtinere. Nam ea conditione disposuit ille nobis regnum, ad quam fuerat sibi ipsi à Patre dispositum. *Factus est omnibus*, inquit, *obtemperantibus sibi, causa salutis æternæ, &c.* Non ergo solum credentibus, vt fallaces hæretici docent, sed obtemperantibus mandatis eius. Porro multa alia Apostolus, vt ipsemet declarat, habebat scitu dignissima, quæ ad huius loci intellectum apprimè pertinebant. Ea tamen se non aperire insinuat, propter eorum indocilitatem. *De quo nobis* (inquit) *grandis sermo, & ininterpretabilis ad dicendum, &c.* De hoc Christi pontificatu copiosus erat ei sermo habendus, sed qui tum non esset ad dicendum interpretabilis: quoniam illi rudēs erant & tardi & imbecilles ad audiendū. Maximas sanè cogitur verus doctor denotare molestias, quando auditor non potest alioqui salutarem doctrinam capere. Tunc enim debet continere sermonem, & eo præsertim tempore, quando discipulus nedum non proficit audiendo, sed contra redditur potius indocilior. Eius rei tunc in sermonibus Dei apparet indicium, quando in exercitio non constat is profectus, qui debuit. Vide quā idoneam afferat Apostolus noster sui silentij rationem.

*Etenim cum deberetis esse magistri propter tempus, rursum indigetis vt vos doceamini, &c.* Sermones Dei sunt sermones spiritus & vitæ, sermones veræ iustitiæ, id est, illi dono iustitiæ conuenientes & charitatis, quam nobis Deus cœlitus infundit. Exordium autem horum sermonum ob eam causam erat nobis ad intelligendum valdè difficile: quoniam homines non erant dociles repugnante mentis & intellectus obtusione, & velut obstaculo, lapidei cordis duritia impediēte, in quibus vitiis omnes nascimur. Vnde incircuncisi sumus natura & corde & auribus. Oportuit igitur Deū ipsum clementissimum & sapientissimū, qui trahit omnia suauiter, præmittere quædam tāquam elementa, id est,



principia, & quodam modo alphabetum per pēda-  
gogum enunciantum, ut erudiemur, faciliusque  
ea caperemus quæ discenda nobis erant à doctore  
Christo, de quibus mox dicitur sequenti cap. Illud  
ergo hic accuratè notandum est, illum qui in noti-  
tia diuinorum non proficit, deficere. Et qui debet  
esse Magistri, & non sunt, ij minus sunt idonei,  
quam qui primum rudes & imperiti inueniuntur  
discipuli. Quapropter hoc exprobrat in Hebræos  
Apostolus tanquam vehementer absurdum, om-  
ninoque, & ait:

*Et facti estis quibus lacte opus sit, & non solido cibo.*  
Pondera verba: *Et facti estis*, inquit, tanquam si di-  
ceret: *Vestra hoc factum est* socordia, qui non pro-  
fecistis in elementis, nec voluistis ablacari in I-  
saac, ut postmodo fieri possentis hostia, & holocau-  
stum bene placens Deo: quoniam in Isaac est pro-  
missum semen. Notet lector ablactationem hanc,  
quæ illum significat perfectum progressum, quem  
debuērāt iam fecisse Iudæi, & non fecerunt. Quin  
potius relicto vero filio sunt Ismaelem imitati, qui  
persequutus est Isaac, ubi animaduertit illum cre-  
scere, & exosum habuit grande ablactationis con-  
uiuium. Tales fuerunt Iudæi videntes vocationem  
Gentium, & tam promptum ad fidem euāgelicam  
concursum. Quam rem ipsi per inuidiā vehemen-  
ter odunt, non intelligentes creaturas Dei nos  
esse, æternæ vitæ, quemadmodum & illi, capaces.  
Huius inuidiæ clarissimum habemus in actis Apo-  
stolicis exemplum, quando accersitus à Cornelio  
Centurione B. Petrus, eundem baptizauit. Qua re  
cognita Iudæi illum durè increparūt, aientes: *Qua-  
re intraſti ad viros præputium habentes?* Quibus  
ille benignè facti sui rationem reddere volens, or-  
dine recitauit integræ perfectionis historiam, quo-  
modo sibi oranti ostēsum est linteum animalibus  
mundis & immundis refertum, & mandatum ut  
occideret & mādicaret. At ipsemet primò exhor-  
ruit. Tum audita Dei sententia, qua restificabatur  
à se omnia sanctificata, admirans & Deū laudans,  
ait: In veritate cōperio quòd non est acceptor per-  
sonarum Deus, sed in omni Gente qui timet illum  
acceptus est illi, &c.

*Omnis enim qui lactis est particeps, expers est sermonis  
iustitiæ.* Hic sermo iustitiæ, sermo Dei est. Hic soli-  
dus est cibus, nec porrigendus est homini lacte ad  
huc indigenti. Quicumque enim huiusmodi sunt,  
expertes sunt sermonum Dei, & excusant se ne faci-  
at eis verbū Dominus: quia paruuli sunt, & non  
possunt portare. In eo statu discipuli Domini ali-  
quando inueniebantur, qui nondum poterant eo  
tempore quædam portare, sed tum demum quan-  
do cœlitus aduenit Spiritus. Ipsi enim tunc erāt in  
via Dei adhuc paruuli. *Perfectorum autem est solidus  
cibus.* Cum multipliciter & variis rationibus confi-  
deranda sit perfectio, ob eam causam ne quis con-  
fundatur, oportet prudēter distinguere. Hic enim  
respectu statuum & legum cōsideratur ipsa perfe-  
ctio. Quātum ad Iudæos spectat, nemo per legem  
constituebatur in statu perfecto. Nā qui in eo sta-  
tu semper manebant, erant semper pueri, & lactis  
participes, & non sermonis iustitiæ illius quæ erat  
in Deum, & æternorum bonorum. Ideo neminem  
ad perfectum adduxit lex Moſeos, id est, ad eam iu-  
stitiæ perfectionem, cui debetur vita æterna. Qui-

cumque autem venit à Iudaismo ad Christianismū,  
& potest dicere, Recedāt vetera, noua sint omnia,  
hic adipiscitur statum perfectum respectu prioris  
status. Licet & in eo statu sit primum velut noua  
& tenera planta recens, quæ possit proficere, & de-  
beat ad perfectum venire. In eo enim primo statu  
pueri sumus incipientes, ac deinde proficimus, &  
tum euehimur ad perfectum: ita ut nisi Deus ex sin-  
gulari priuilegio in quibusdam perfectionem ac-  
celeret, opus sit etiam alio aliquo lacte, donec qui-  
libet huius status particeps factus, crescat & perfici-  
atur, & sit capax sermonis sapientiæ. Et secundum  
hunc intellectum scripsit ad Corinthios, eatenus  
se illis non esse loquutum quasi spiritualibus, sed  
quasi paruulis & carnalibus. Lac (inquit) dedi vo-  
bis, non escam. Non enim poteratis, sed nec adhuc  
potestis. Et tamen lac illud comparatione eorum  
quæ traduntur in statu Iudaico, poterat dici soli-  
dus cibus: erat enim prædicatio Christi crucifixi.  
Declarat autē hoc in loco qui sint perfecti, & quo-  
rum sit iste solidus cibus.

*Qui pro ipsa consuetudine.* Græcè melius, *διὰ τὴν ἔξω,*  
id est, per habitum. Non autem intelligas habitum  
acquisitum, sed infusum: illud nimirum charitatis  
& iustitiæ donum, qui est supernaturalis habitus,  
& per illum habemus discretionē, ut sapienter bo-  
num à malo diiudicare valeamus. Hac discretionē  
necessario indigent quorundam superstitiosa inge-  
nia, qui plerunque in eo bonum & malum sum-  
mum collocant, in quo reuera non est ponendum:  
& ecōtrario in quo verè consistit non considerāt.  
Nonnullos enim videas pharisaico fermento ita  
compactos, ut verè deprehendantur excolare culi-  
cem, & deglutire camelum, dum plus aquo obser-  
uantias quasdam mordicus tenent: in fratrem au-  
tem misericordiā non impendunt, quos in ea par-  
te vel leuiter reprehendit conscientia, vel plerunq;  
omnino non reprehēdit. Excusant enim protinus,  
qui putant se moueri zelo. At hi sensum misericor-  
diæ non habent, qui nesciunt quam vim illud con-  
tineat: Misericordiam volo, & non sacrificiū. Nec  
verò ista dicūt in aliquod decoris, & regularium  
obseruantiarum detrimentum, quasi despiciendæ  
sint, aut vlllo pacto omittendæ: sed ad eam cautio-  
nem atq; prouisionem, ut quæ sunt charitatis pro-  
pria (quemadmodum par est) semper anteponan-  
tur, & omnino seruentur. Hoc sanè non perpende-  
bant Iudæi, qui more puerorum ad literas Moſeos  
attendebant impensius, quàm ad sermonem iusti-  
tiæ, more perfectorum. Quapropter nec poterant  
ablactari, hec viam pacis agnoscere, quæ est à cha-  
ritate infusa. Hæc enim est vinculum perfectionis  
quæ desuper venit, & propter Christū, & non nisi  
credentibus in illum. Istud vehementissimè cupie-  
bat Apostolus Hebræis perspectum esse, & certis-  
simè ante omnia persuasum.

## CAP. VI.



Quapropter intermittētes in-  
choationis Christi sermonē,  
ad perfectionē feramur, non  
rursus iacentes fundamen-  
tum pœnitentiæ ab operibus  
mortuis, & fidei ad Deum, baptismatum

Act. 10.

Perfectio  
multiplex  
ob varios  
status.

Notet qui  
minora ma-  
ioribus an-  
teponunt.

Mat. 9.



doctrinæ, impositionis quoque manuum, ac resurrectionis mortuorum, & iudicii æterni. Et hæc faciemus, si quidem permiserit Deus. Impossibile enim est eos qui semel sunt illuminati, gustauerunt etiam donum cœleste, & participes facti sunt Spiritus sancti: gustauerunt nihilominus bonum Dei verbum, virtutisque sæculi venturi, & prolapsi sunt, rursus renouari ad poenitentiam, rursus crucifigentes sibi metipsis Filium Dei, & ostentui habentes. Terra enim sæpe venientem super se bibens imbrem, & germinas herbam opportunam illis à quibus colitur, accipit benedictionem à Deo. Proferens autem spinas ac tribulos, reproba est & maledicto proxima: cuius consummatio in combustionem.

**P**ostquam Doctor noster dulciter, & cum tanta sui erga eorum salutem desiderij ostensione, Hebræos increpauit, qui pueris similes insisterent in elementis & rudimentis primis, minus idonei ad percipiendum iustitiæ sermonem, eosdem nunc subleuare volens, & ad fortiora erigere, ait: *Quapropter*, id est, quia iam præterierunt infantie ac pueritiæ tempora, *intermittentes*, aut potius omittentes, *inchoationis Christi sermonem*, id est, omittentes illum sermonem, qui est quodam modo (vt ita dicamus) inchoatiuus, & manu ductiuius ad Christum, & est sermo in literis Moyses. *Ad perfectionem feramur*, id est, ad solidum cibum. Hic est sermo charitatis. Lex enim Dei est charitas, quæ vt B. Augustinus eleganter docet, data est vt gratia quæreretur. Gratia autem data est vt lex impleretur, vt & impleta lex coronam cœlestis regni mereretur. Itaque exorta euangelij luce indignum est prorsus in tenebris antiquæ legis velle iterum ambulare, *Non rursus iacentes fundamentum poenitentiae ab operibus mortuis, &c.* Quod ait, *Non rursus*, declarat iam fundamentum hoc iactum fuisse, ita vt iam illos oportet in posterum ad superædificationem intèdere.

Vt autem huiusce rei intelligentiam possimus consequi clariorem, operæ pretium est totum Christianum ædificium exactè intueri. Et primum quidem est in poenitentia, quam Græci *μετάνοια* vocant, videlicet vt tædeat hominem, ac poeniteat eum vitæ suæ prioris, quæ non tam est vita dicenda, quàm mors. Hæc poenitentia quam primum exigit à nobis Dominus existentibus adhuc inimicis, ab operibus mortuis elicitur: quoniam opera hominis iniusti, & in ipsa iniustitia manentis, cuncta sunt coram Deo mortua, vtpote non facta in illo, vnde est spiritus vitæ: & ideo non sunt vitæ æternæ meritoria, neque gratiæ, vi suæ: quia nō sunt adhuc facta in Deo. Ista opera mortua, quæ sunt poenitentiae (ad eliciendam illam) fundamentum, significata sunt in Exodo, quando filij Israel onerabantur à Pharaone in operibus duris luti & laterum, & in paleis: in quibus operibus seruiebāt Pharaoni.

Vbi primum hanc miseriam pernouerunt filij

Israel, tunc cœpit eos talium operum tædere ac poenitere, exosamque habere Aegyptum: & cœperunt animum ad libertatem excitare, & meditari peregrinationem ad promissionis terram. Hic sermo fuit umbraticus, & inchoatiuus Christi. Nam in illis operibus, quæ dici possunt mortua (quia nullam conferebant Hebræis vtilitatem) significata sunt omnia hominum eorum opera, qui sunt in humana miseria obligati Aegypto, hoc est, mundo sub Pharaone antiquo principe mundi, & tyranno diabolo.

Hortatur ergo Apostolus, vt minimè vltius illa opera considerentur, quæ mortua erant. Solùm enim ad vitam temporalem spectabant. Sed quæ in illis significantur cuncta opera existentium sine Christo, quæ verè mortua sunt ad spirituale lumen: hæc, inquam, debent considerari. Non consideretur illa Aegypti terra, sed in illa hic mundus in maligno positus, & sub tyrannide principis diaboli veri Pharaonis, qui in illo figuratus est Pharaone. Igitur omittamus considerationem illorum operum, nisi quatenus in ea est quoddam fundamentum ad eliciendam veram poenitentiam, quam Christus prædicauit, fidei subsequaturæ præuiam.

*Non rursus iacentes fundamentum fidei ad Deum.* Nam hoc fidei fundamentum iam olim iactum est. Postquàm enim populus ille audiuit Moysen & Aaron, & vidit verba signorum, dicitur tum credidisse quod Dominus respexerit afflictionem ipsorum, & pronus adorasse. Hoc idem rursus post exitum de Aegypto narratur in transitu maris rubri. Crediderunt (ait scriptura) Deo, & Moysi seruo eius, per quem Deus ipse promisit illam terram. Hæc illorum fides fuit quædam inchoatio, & tãquam manu ductio ad fidem Christi, & verorum bonorum: quæ fides est ad Deum. i. respicit Deum promissorem non vllius terræ mudi huius, sed suipsius: quemadmodum est Abraham pollicitus. Ego protectorem tuum sum, & merces tua magna nimis. Idem est ergo promissor, & res promissa videlicet ipse Deus.

Quoniam verò hæc fidei professio fit in baptismo aquæ, quod est signum fidei: & adhuc in baptismo ignis, id est, tribulationum & passionum, ob istam causam etiam fuerunt horum baptismatum elementa in lege illa. Nam primum baptismum fuit in nube & mari rubro, vbi se Deus protectorem ostendit media nube, & liberatorem illius populi per baptismum maris sub Mose, homines ad Christum inducente. Sed venit Iosue, & alio baptismo Iordanis baptizauit. Qui baptismus (ni fallor) significauit baptismum Spiritus sancti, quo fuerunt Apostoli baptizati. Sic enim prædixerat eis Dominus, dicens: Vos autem baptizabimini Spiritu sancto non post multos hos dies. Nec est reuera alius hic baptismus, sed est prioris baptismi per crucis imitationem consummatio, atque perfectio.

Elementa ergo horum baptismorum quæ fecit Dominus, sunt illæ figuræ, quas in transitu rubri maris & Iordanis Dominus illis veluti pueris depinxit. Vnde & fundamenta similiter iecit doctrinæ de Christo in doctrinis illis, per quas admonebatur maiores vt docerēt populum illum, & filios suos. Traditur enim doctrina in primis de Phasæ, qua cōmonefunt ipsi patres vt filios suos erudiāt,



& eis dicant: Hoc est quod mihi fecit Dominus, quando egressus sum de Ægypto, &c. In hac doctrina tanquam in figura accipitur catechismus de Christo, & similiter de aliis festis. Et in doctrina de redemptione primogenitorum, & in doctrina de Manna, & de aliis beneficiis carnalibus, quæ Deus in populum illum contulit, spiritualia significata sunt beneficia, quæ nobis per Christum Redemptorem nostrum ac Dominum largitus est.

Erant & elementa impositionis manuum, id est, sacri ordinis, qui consistit in sacerdotibus & ministris altaris: per quæ elementa sacer ipse ordo futurus in Christo significabatur. Hic ordo primum significatus fuit in sacerdotio Aaron & filiorum eius, sicut legitur Exod. cap. 29. Erant & elementa resurrectionis mortuorum in his quos suscitauit Elias, & Elisæus. Denique elementa iudicii æterni accipiuntur ab historia diluij, & ab incendio sulphureo quinque ciuitatum Sodomæ, Gomorrhæ, & reliquarum: & à ruina Ierico, & huiusmodi aliis, quæ Dei sempiternum iudicium prædicerent. Hæc igitur cuncta, quæ veluti pueris elementa data erant ad agnitionem veræ poenitentiae, & fidei, & baptismatum, & doctrinæ, & impositionis manuum, & resurrectionis, & iudicii æterni, suadebat Apostolus missa esse facienda: proficiendum autem in ipsa vera poenitentia, & vera fide, & veris baptismatibus, & doctrina Christi, & Spiritus sancti charismatibus, & spe resurrectionis, ac iudicii æterni veri, in quibus omnibus serio exerceretur. Illa quippe elementa iam non ad aliū vsum sunt nobis hoc tempore vtilia, nisi ad probandam veritatem. Quo fit ut si quis adhuc in illis manere velit, seruus efficiatur, & iniuriam facit iubileo, non perueniens ad libertatem Christianam, sed perpetuo pendens à lacte matris, in quo verus Agnus non coquitur. Est igitur hic sermo suavior Hebraeis ad perfectionem Christianam, quo ostenderent se iam veros progressus in lege fecisse, veluti sub pædago ad Christum ducente, & ea quæ puerorum erant propria omisisse, quæ erant figuræ & vmbra: ea autem quæ vera sunt contemplari.

Exod. 23.

Verum cum nequaquam ignoraret Apostolus, fuisse quosdam iam incapaces suasionis (ingressi enim in Christum apostatabant aliqui) ideo addit: *Et hoc faciemus*, id est, teremur in hanc perfectionem, si quidem permisit Deus, satis innuens hanc facultatem quibusdam minime à Deo ipso dari. Durum sanè verbum videri potest, sed tamen rationi consentaneum. Non enim est via ordinaria illis ad resipiscendum patefacta, qui semel acceperunt lumen veritatis, & tamen in eo propter malitiā voluntatis eorum non profecerunt. Propterea tremendam hanc mirum in modum sententiam subdit Apostolus:

Nota.

*Impossibile est enim eos qui semel sunt illuminati, &c.* Hunc locum sic exponunt quidam, ut, impossibile, positum sit pro valde difficile. Alij volunt absolute omnino esse impossibile, aptantes hunc locum ad baptismum, ut sit sensus: Post acceptam in baptismo gratiā & dona, si quis prolapsus fuerit, non superest ei ulterius alius baptismus, quo iterum in poenitentia renouari possit. Non tamen per hoc negatur poenitentiae remedium, appositè secunda post naufragium tabula appellatum. Qui sensus

mihi aliquādo placuit. Nam sermonem de baptismo haberi ab Apostolo inde elici videretur, ubi ait: *Rursum crucifigentes sibi metipsos Filium Dei, &c.* In baptismo enim vnusquisque crucifigit sibi Christum. Quod si in vno eodemque homine plusquam semel fuerit, profecto non aliud esset, nisi profiteri Christum non semel, sed pluries esse mortuum. Renouatio igitur quæ per baptismum fit, non nisi semel potest fieri, ne adsit in professione mendaciū hoc, Christum scilicet pluries esse crucifixum. Et præterea ne cōtumelia inferatur in ipsum Dominum iam cum Patre viuentem, si toties exigatur ab illo pro nobis, & reperatur ea perfecta satisfactio, quæ fit in baptismo virtute passionis eius, ad exolendum penitus omne peccatorum nostrorum debitum cum ipsius culpæ, tum & poenæ.

Locus difficilis.

Ego verò attentius tandem hanc admirandam Apostoli sententiam considerans, etsi priorem sensum minime reprobem, censui tamen alium quem nunc explicabo, esse germanum, & apostolica doctrina dignum: nam in eo superior quoque includitur. Quem ut melius capiamus, primum considerare debemus sapientissimum Patrem providentia sua etsi attingat à fine ad finem fortiter, disponere tamen omnia suauiter. Ordinauit enim certas ordinarias vias, & certos progressus homini ad salutem, ut quasi per gradus (& ut ita dicamus) paulatim proficiens, de imperfecto feratur ad perfectum. Huius rei gratia ante aduētum Domini permisit homines viuere sub elementis mundi huius. Populo autem Hebræo legem tanquam pædagogum dedit, quo duceretur ad Christum, habens populum illum tanquam puerum. At post Christi aduentum omnes effecit dociles Deo: non solos Iudeos, qui iam facti erant dociles per legem, verum & ipsos Gētiles: quoniam erant & ipsi faciles qui admitterent prædicationem poenitentiae, & catechismum de Christo.

Hortatur itaque Hebræos, qui debuerant exactius propter legem profecisse, & iam de pueritia propter plenitudinem temporis exiisse, ut ad perfectionem perducerentur, si modo Deus permiserit. Cōtestatur autem eis, quod si illi qui semel venerunt ad Christum, & vsque adeo in euangelio profecerunt, ut de veritate illuminati gustauerint illud gratiæ, & charitatis Dei cœleste donum, & per hoc participes facti sunt Spiritus sancti, qui Deus est & charitas, cuius donum illud est quædam participatio: & gustauerunt iam bonum Dei verbum, quod est promissio futurorum bonorum: & virtutes, siue potentias futuri sæculi: quoniam acceperunt hinc arrham futuræ gloriæ in futuro sæculo manifestandæ. Si, inquam, tales postea prolapsi fuerint, id est, ab his donis deciderint, ita ut etiam fidem amiserint (sic hoc in loco prolapsionem intelligo) impossibile est eos renouari ad poenitentiam, id est, impossibile est redire talem hominem ad priorem dispositionem ac statum, in quo erat prius, & in quo inuenitur homo rudis & nouus, qui primordiis eger illius sermonis qui de resipiscencia tractat. Nam qui in hoc statu est, docilis est Deo, & duci ad poenitentiam & fidem potest. At postquā inde ventum est in hæc dona Spiritus, & ab his donis iam in Christum ingressus homo relapsus, & præuicator inuentus in illo,



non amplius in eum redit statum, in quo inueniebatur, quando nihil de Christo cognouerat. Quocirca simpliciter verum sit, impossibile esse hunc hominem renouari ad poenitentiam, scilicet ut perinde sit, ac si rudis & nouus omnino esset, & ita docilis Deo.

Est autem ratio huius evidens: quia talis posuit seipsum in eorum statum qui doceri amplius nequeunt. Docibilitas autem à Deo est. Si quis igitur aetate puer est, conuenit ei lac, ut inde transeat ad solidum cibum. Postquam verò factus est vir, turpe est omnino ac praposterum à solido cibo redire ad lac, ut iterum inde sit ad solidum cibum traducendus. Sic agit Dominus Deus: Postquam enim è puero quispiam ita excessit, ut donum gratiae gustauerit, si inde volutariè exciderit, Deum tædet, & indignatur: nec remedium illi ordinarium parat. Et iccirco non est in eo situm, ut per baptismum valeat iterum emundari. Effet enim istud rursus sibi crucifigere Christum & habere ostentui.

Via etiam sacramenti poenitentiae, quae est secunda (ut dicitur) tabula, iis prodesse non potest qui exciderunt à fide, nisi prius in fidem redeant & instaurentur, ac proinde misericordiam requirant. Verum hoc non facile iis permittit Deus qui humilissimi sunt, qui post agnitam veritatem spreto mandato conuersi sunt retrorsum. Indignatur enim Deus & merito, quando animaduertit se frustra oleum (quod aiunt) & operam nostri gratia perdidisse, cum retrocedimur.

2. Petr. 2. Quapropter hortabatur Corinth. Apostolus, ne in vanum esse sinerent, id est, otiosam gratiam iam acceptam. Et ad Galatas: Timeo (inquit) ne frustra laborauerim in vobis. Non enim sic commouetur, nec tanta seueritate indignatur in eos Deus qui foris sunt, & nunquam accesserunt, quanta in eos qui iam familiares & domestici facti, foras egrediuntur. Nec ita vehementer in illos qui non audierunt, aut non admiserunt sermonem prouocatur, quam in eos qui & audiuerunt & gustauerunt, & nihilominus auersi sunt relinquētes veritatem iam gustatam. Ad istud etiam videtur B. Petrus respexisse, vbi dicit: Si enim refugientes coinquinationes mundi in cognitione Domini nostri, & Saluatoris Iesu Christi, iis rursus implicati superantur, facta sunt eis posteriora deteriora prioribus. Melius enim erat illis non cognoscere viam iustitiae, quam post agnitionem retrorsum conuertere ab eo, quod illis traditum est, sancto mandato. Contingit enim eis illud veri prouerbij, Canis reuersus ad suum vomitum: & sus lota in volutabro lutu: hæc B. Petrus. Et Doctor noster subiungit:

2. Cor. 6. Gal. 4. Terra enim saepe venientem super se bibens imbrē, &c. Terra cor nostrum est, quod tunc bibit imbrē super se venientē, quum caelestium suscipit pluias veritatum. Quod si inde non proficit, ut germinet herbam opportunā iis à quibus colitur, qui sunt prappositi & pastores animarum, iam censetur reproba, & maledicto proxima. Generatio autē herbarum opportunarum, est productio fructus charitatis, qui sunt variae bonarum actionum species, sicut sunt & herbarum variae species. Talis igitur terra inobediens cultori, proxima est maledicto, & eius consummatio est in praparatam mox combustionem.

2. Petr. 2. Confidimus autem de vobis dilectissimi mi meliora & viciniore salutis: tamen si ita loquimur. Non enim iniustus Deus, ut obliuiscatur operis vestri & dilectionis quam ostendistis in nomine ipsius, qui ministrastis Sanctis & ministratis. Cupimus autem vnunquenque vestrum eandem ostentare sollicitudinem ad expletionem spei, vsque in finem: ut non segnes efficiamini, verum imitatores eorum qui fide & patientia hereditabunt promissiones. Abrahæ nanque promittens Deus (quoniam neminem habuit per quem iuraret maiorem) iurauit per semetipsum, dicēs: Nisi benedicens benedicam te, & multiplicans multiplicabo te. Et sic lōganimitē ferens, adeptus est repromissionem. Homines enim per maiorem se iurant: & omnis controuersiae eorū finis, ad confirmationem, est iuramentum. In quo abundantius volens Deus ostendere pollicitationes heredibus immobilitatē consilij sui: interposuit iusiurandum: ut per duas res immobiles, quibus impossibile est mentiri Deum, fortissimum solatium habeamus, qui confugimus ad tenendam propositam spem, quam sicut anchoram habemus animae tutam ac firmam, & incedentem vsque ad interiora velaminis, vbi prapcursor pro nobis introiit Iesus, secundum ordinem Melchisedech, Pontifex factus in æternum.

Miro charitatis artificij, ne quod ex se ita erat, ut declarauerat, posset quenquam in desperationē cōiicere, priorem sermonem temperat, & ait: *Confidimus autem de vobis, dilectissimi, meliora & viciniore salutis*, hoc est, id confidimus de vobis, per quod appropinquamus salutis. Hoc autem est permanere, ac proficere in fide & dilectione Dei, *tamen si ita loquimur*, ac si dixerit: Et si me charitas ita loqui cogat, quæ plena timoris, sollicita semper est pro filiis & fratribus, attamen non sum deiectus spe, quin existimem meliora de vobis. Et rationem subdit sperandi meliora:

*Non enim iniustus est Deus ut obliuiscatur operis vestri, &c.* Ex his verbis clarè colligitur, laboratibus esse mercedem operis à Deo, & ipsum Deum obligatum esse retribuere pro benefactis, postquam ita nobiscum pactiones iniit. Nam in hūc modum arguit B. Paulus, ut hoc probet. Si hoc non faceret Deus, esset iniustus. Non est autem iniustus: Ergo rectè operantibus retribuit.

Verum contraria videtur illa Domini sententia in euangelio discipulos etudiantis: Cum feceritis hæc omnia, dicite: Serui inutiles sumus. Quæ enim debuimus facere, fecimus. Quid igitur ei debetur, qui quod debuit fecit, & nihil contulit utilitatis Domino suo? Quæ dubitatio nullo negotio soluitur: Si considerentur opera ipsa quid prosint



Deo, ut pro his reneatur retribuere: Item si conditione nostram & obligationem respectu eius consideremus, qua tenemur rependere illi quicquid habemus, à quo omne bonum nostrum manat, & illud ipse operatur in nobis. Si, inquam, hæc considerauerimus, nulla profectò potest inueniri debiti ratio. Sed si ad eius benignissimam voluntatē & dona respiciamus, quibus eousque sumus eleuari ut simus aliqua eius portio (nam per hæc dona nos erexit in dignitatem filiorum, & amicorū, & ciuiū paradisi, ut aliquo modo potuerimus venire in commercium cum illo, & aliquod iustum præstendere) ipse sua propria lege, quæ est illius voluntas, inuenitur nobis obligatus, aut sibi ipsi potius in nobis, à qua voluntate non potest recedere: alioqui recederet à semetipso, cuius voluntas nihil aliud est quam ipsemet. Hoc voluit alibi Apostolus, ubi ait: Seipsum negare non potest.

2. Tim. 2.

Ecce igitur unde oritur obligatio Dei nobiscū, & aliqua iustitiæ ratio: non perinde tamen atque in hominibus interuenire solet, in quibus ille creditor est qui primò dedit, & debitor qui accepit. Deus autem & hoc dedit ut debitor fieret, & sese alligauit, ut ipsemet qui accepit, etiam esset creditor. Quomobrem hæretici omnino qui hanc Dei iustitiam superbe negant, præsentī Apostoli testimonio confodiuntur. Opus enim laboris & dilectionis habet à Deo præmium, modo fiat Christi nomine in eius gratiā & gloriam; qui illud ipsum quod fratri intuitu eius impendimus, ipse tãquam sibi impensum recipit, & fert acceptum. Singularia enim dilectionis opera commemorat Apostolus, quibus ministrauerant sanctis, & adhuc ministrabant. Et Dominus & Redemptor noster tantā facta sibi ipsi, & in se vnū collata acceptabat.

Verum cum aliqui delassari, ac paulatim (ut nō raro accidit) deficere inciperent, & fortè propter acerbas tribulationes, & angustias magnas quæ tunc Christianis infligebantur, ad continēdos eos, ut in officiis iam inceptis perduraret inuicti, adiecit: *Cupimus aut vnunquenque vestrum eandē ostendere sollicitudinem*, Non illum, aut illum, sed vnunquenque cupimus ostendere sollicitudinem, siue diligentiam & studium bene faciendi, *ad expletionem spei usque in finem*, Hoc in loco vide lector, quomodo ille qui est in Christo, & spem habet futurorum bonorum, quandiu est in via tenetur semper operari, & proficere ad expletionē spei. Ut enim nondum habet salutem in re, sed in spe quandiu est in tabernaculo corporis huius: ita nec habet in spe perfectā & plena quādiu hīc manet. Impletur ipsa salus post bonorum perfectionem operum. Plena ergo tū erit spes, cum vsque in finem perseuerasse patebit: perseuerantiæ enim est & non solius inchoationis. Istud vehementer desiderabat in eis Apostolus, nimirum ut in finem vsque operando, mentem fideliter excolerent per charitatem, longanimiter expectantes aduentum Domini. Et hic vnus est locus, inter plerosque alios in hac epistola, quos B. Petrus cōmemorat, aīēs: Propter quod charissimi hæc expectantes, satagite immaculati & inuiolati inueniri in pace, & Domini nostri longanimitatem arbitramini salutem, sicut & charissimus frater noster Paulus secundum datam sibi sapientiam scripsit vobis, &c.

2. Pet. 3.

*Ut non segnes efficiamini: verum imitatores eorum qui fide & patientia hereditabunt promissiones, &c.* Corrigendus omnino est hic locus ex Græcis codicibus, ubi non legitur, *hereditabunt*, futuri temporis, sed, *hereditant*, aut potius hereditate accipiūt promissiones. Magno sunt profectò nobis adiuumento maiorum exempla, & ad difficultium rerum tolerantiam inirum in modū conferunt. Dum enim attendimus ad scēlicem eorum exitum qui multa passi sunt, & à passionibus eximiam retulerunt mercedem, nullo modo cum ipsis passionibus ob sui magnitudinem conferendam (quoniam incōparabili excessu maior est merces, quàm labores) longè animosiores & fortiores euadimus. Labores autem ipsi atque dolores redduntur nobis leuiiores, & multis etiam dulces. Porro hīc notandū in Lutheranos, non dictum esse ab Apostolo, fide tantum Patres hereditatem consequutos, sed fide (ait) & patientia, quæ patientia erat in beneficentia, & tolerantia passionum & tribulationum pro Christi nomine, habēs interim obedientiam mandatorum Dei.

In hæreticos.

*Abraham namque promittens Deus, &c.* Vide quomodo adducit insigne Abraham exemplum ostensæ insignis erga Deum charitatis in rarissima illa obedientiæ promptitudine, cum obtulit Isaac filium suum in altari. Post quod factum habuit cōfirmationem promissionum perfectam, quā ostendit Dominus iureiurando. Vnde subtiliter B. Paulus & efficaciter protinus, subdit:

*Quoniam neminem habuit per quem iuraret maiorem, iurauit per semetipsum dicens, &c.* Est igitur sensus: Licet antequam hoc summum obedientiæ opus, in quo est tentatus à Deo, ut proferret extremū charitatis suæ, iam illi promississet Deus, illa tamē non fuisset stabilis promissio, nisi Abraham obediēter perseuerasset. Non quasi mutetur Deus, aut quasi non sit fidelis: sed quia promissio illa cōditionem includebat operum, ac perseuerantiæ in obedientia. Fuerat enim illi dictum à Domino: *Ambula coram me, & esto perfectus*. Non enim qui inceperit, sed qui perseuerauerit vsque in finē, hic saluus erit: ut Dominus ipse testatur.

Gen. 17.

Quantumuis enim esset Abraham fide iustificatus, nōdum tamen erat plena illa fides: sed implenda erat operibus bonis, & obedientia mandatorū Dei. At postquam tanta obedientia impleta est, iterum habet promissionem solidam ac stabilem, nimirum iureiurando vallatam, ac roboratam. Tunc demum confirmatus est ille, & amicus Dei appellatus, ut B. Iacobus testatur, & repromissum est ei. Signum autem stabilitatis promissionum Dei, est iuramentū: quo fit ut agnoscamus nullo pacto posse illud irritari, quod iureiurando est cōfirmatum. Ea quæ ante iusiurandum sunt promissa, infirmari quidem possunt, cum habeant (sicut diximus) operum & obedientiæ conditionem, quæ si non seruetur, euacuatur promissio. Potest autem dum non est adhuc confirmatus homo à Deo ne possit à gratia excidere, conditio illa deficere.

Iac. 2.

Quoniam verò videri poterat iuramentum non pertinere ad Deum (nam qui iurat, per maiorem se iurat: Deo autem nihil est maius) huic argumēto occurrens Apostolus, docet iuramentum Dei non esse iuramento hominum simile. Neque propter-



ea consequitur, ut non sit iuramentum: quoniam ut sit iuramentum, exigitur ut is qui iurat, attestetur eum qui est ineffabilis veritatis. Cum hoc faciat per semetipsum iurans Deus, eius tantò est fortius iuramentum, quantò ipse non potest negare seipsum, qui est ipsa veritas. Homo autè potest negare Deum, cum sit ipse mendax. Nisi fortè & illud dicamus, quòd & homo, cum est infidelis & fœdifragus, confitetur seipsum. Addit formam iurisiurandi.

*Nisi benedicens benedicam te, siue benedixero, & multiplicans multiplicauero te.* Supplendum hîc est tale aliquid. Nisi hoc fecero, non ero Deus: quod est summum impossibile. *Et sic longanimiter ferens adeptus est repromissionem.* Et hoc exemplum de Abraham in Lutheranos, quem à longamini tolerantia, non à sola fide (ut aiunt illi) adeptum repromissionem tradit Apostolus.

*Homines enim per maiorem se iurant.* Quoniam per illum facienda est assertio & contestatio, qui mentiri non potest, qualis est Deus. Declarat autè vim & religionem iurisiurandi, cuius efficacia est reddere illud cõfirmatum, quod erat infirmiter suatum. Nā ubi adest semiplena probatio, adhibito iurisiurandi testimonio confirmatur, quemadmodum iura dicunt. Vnde ait:

*Et omnis controuersia eorum finis ad confirmationem est iuramentum.* Non ait simpliciter omnis controuersia finem esse iuramentum, sed ad confirmationem: & intelligitur, quando iam est aliquo modo suatum in causa, sed non plènè. Solet enim ad confirmationem requiri iurandum: & illud satis est ad causæ decisionem. *In quo abundantius volens ostendere Deus, &c.* Vult his verbis docere Apostolus: Licet Deus vel si non iurasset, fuisset verax: ex abundanti tamen propter nos qui sumus mali, interposuit iuramentum veluti signum designatis hæredibus immutabilis consilij volūtatis suæ. *Ut per duas res immobiles,* quarum altera est promissio, altera est iuramentum, *in quibus impossibile est mentiri Deum.* Non enim quia iurat Deus magis est verax, quàm si promitteret simpliciter quod omnino facere de liberauit. Sed (ut diximus) iuramentum est pro signo absolutæ illius voluntatis à nulla prorsus conditione pendens. Sic promissum est sacerdotium Christi iuramento, dicente propheta: Iurauit Dominus, & non pœnitebit eum, tu es sacerdos in æternum, &c.

Dicit ergo Deum ob eam causam iuramento cõfirmasse promissionem, *ut fortissimum solatiū habeamus.* Solatium enim aliquod patientibus tribulationem, est necessarium in hac fragili vita nostra. Declarat autem quorum verè sit hoc solatium, subdens: *Qui confugimus ad tenendam propositam spem.* Illi propositam tenent spem, qui bona operâtes perseuerant in patientia, *quam sicut anchoram habemus animæ tutam, & firmam.* Proponit nobis Apostolus animam esse quasi nauem, quæ in hoc mari magno & spaciofo iactari potest fluctibus, & plerunque mergi: quæ firmari solet anchora, ne irruentibus cedat fluctibus, qui sunt tentationes in naufragium impellentes. Anchora autem huius nauis, id est, animæ, spes est quæ nullis tempestatum procelis finit illam hæc aut illâc temerè ferri aut iactari, ne obruatur, cum tuta sit & firmâ. Et nihilominus

ait: *Et incedentem vsque ad interiora velaminis.* Est, inquam, tuta & firma hæc anchora, quæ non patitur animam cedere fluctibus, ut illam tandem ducat ad portum, quem per interiora velaminis significauit, hoc est, sancta sanctorum, vera illa sancta quæ sunt in Paradiso Dei, ubi absque vllò velamine apparebit Sanctus sanctorum omnibus sanctis suis, felicitas & beatitudo nostra. Vnde sequitur:

*Vbi præcursor pro nobis introiuit Iesus.* Nunquid verò & pro se quoque non introiuit? Equidem & pro se, imò primum pro se: quia ipse indiguit introire, cui propter nos suborta est hæc indigentia. Ut enī nos introire possemus, ipse exiuit à Patre, ut ita de mum reuerteretur ad Patrem, & intraret in sancta cœlestia, si prius pararet nobis aditum post se introeundi. Ego vado (inquit) parare vobis locum. Hoc præstitit explens honorificentissimè munus pontificatus sui, dum semetipsum obrulit hostiam Deo Patri in odorem suauitatis. *Secundum ordinem Melchisedech Pontifex factus in æternum.* Animaduertendum est hîc: Licet in eo munere offerendi hostiam semetipsum Deo, Christus exercuerit sacerdotium suum dum in terris ageret, non propterea desiit postmodo esse pontifex. Sed ex quo resurrexit, factus est à Deo sacerdos in æternum: quoniā vna illa hostia semel oblata, in æternum placauit Deum, tanquam si statim ab initio mundi inchoatum, ad finem vsque durasset illud sacrificium. Nā coram Deo secundum acceptionem tale fuit. Et ipse nunc in cœlis etiam Sacerdos manens ex merito factæ oblationis (cuius tamen est iugis memoria in terra per ministros suos) non cessat interpellare pro nobis ut Pontifex: & ut aduocatus ac patronus pro nostris causis assistere dicitur, ut scripturæ sanctæ loquuntur. Sed de his in sequentibus dabitur vberior dicendi locus.

## CAP. VII.



IC enim Melchisedech rex Salem, sacerdos Dei summi, qui obuiauit Abraham regresso à cæde regum, & benedixit ei, cui & decimas omnium diuinit Abraham: primum quidem qui interpretatur rex iustitiæ, deinde autem & rex Salem, quod est rex pacis, sine patre, sine matre, sine genealogia, neque initium dierum neque finem vitæ habens: assimilat autem Filio Dei, manet sacerdos in perpetuum. Intuemini autem quātus sit hic, cui & decimas dedit de præcipuis Abraham patriarcha. Et quidem de filiis Leui sacerdotium accipientes, mādātum habent decimas sumere à populo secundum legem, id est, à fratribus suis: quam & ipsi exierint de lumbis Abraham. Cuius autè generatio non annumeratur in eis, decimas sumpsit ab Abraham, & hunc qui habebat repromissiones, benedixit. Sine vlla autem contradictione, quod minus est à meliore benedicatur.

Ioan. 14.

Quo Christus sit sacerdos in æternum.

In hæreticos.

Psalm. 109.



**H**ic enim Melchisedech rex Salem, sacerdos Dei summi, &c. Volens extollere Doctor noster sacerdotium Christi præ Levitico ad instructionem Hebræorum, qui non poterant ab lactari ab illa lege, & sacrificio veteri, multis modis probat solum Christi sacerdotium esse verum ad expianda peccata coram Deo: & econuerso illud Leviticum inutile: Et primùm quidem à persona ipsius Melchisedech, in quo antiquitus figuratum fuit, & circumstantiis eius.

Jerem. 23.

Et primò quidem à nomine, quod significat regem. Idem enim est, Melchi, quòd rex. Rex autem noster Christus fuit. Nec regem tantum significat, sed regem iustitiæ, sicut scriptum est in prophetis: Regnabit Rex, & sapiens erit, & faciet iudicium, & iustitiam in terra. Dicitur autem Rex iustitiæ, non qui sit in se vno tantum iustus, sed & per quē alij omnes efficiantur iusti, quicumque iusti sunt. Ipse est enim iustitia nostra, hoc est, author iustitiæ nostræ. Et hoc opus fuit summi Pōtificis: quoniam ad introducendam in nos iustitiam, requirebatur primò satisfactio pro peccato, & Dei irati pacatio, & adhuc ut valeret ipse gratia ad reconciliandum & instaurandum nos in amicitia. At hæc tanta officia ad alium neminem poterant pertinere, quàm ad Filium Dei Iesum Christum Pontificē summum, ut merito dictus sit Rex omnis iustitiæ.

Eph. 2.

Secundò, idem colligitur à loco cuius ipse rex erat, nimirum Salem: quæ vox significat pacem. Sicut ergo erat Rex iustitiæ, ita & Rex pacis: quia pacificauit quæ in cælis & quæ in terra, & fecit omnia vnum, modo inter se conuenire vellent.

Tertiò, colligitur ex officio: quoniam ipse appellatus est sacerdos Dei altissimi, id est, Dei Patris, cui propter autoritatem & maiestatem originis conuenit altitudo. Sed quis accedet ad thronum Altissimi, sicut decet summum Pontificem, nisi qui fuerit Filius Dei?

Quartò, ex eo colligitur: quoniam absque patre, & matre, & sine genealogia inuenitur in scripturis: neque initium dierum habens, neque finem, ut per hoc sit Filij Dei altissimi typus. Non ita intelligendum tamen, quasi non habuerit Christus Patrem, aut Matrem. Vtrūque habuit, quanquam non aliorum more, qui & prior fuit Matre sua, & à diebus æternitatis ipse processit æternus à Patre, ut propterea possit esse Sacerdos in æternum. Sed voluit indicare Apostolus, aptè Melchisedech fuisse typum Christi, eò quòd introducit sine patre & matre, & sine genealogia, tanquam nec initium dierum habens nec finem, ut meritò illum scripturæ Filio Dei assimilem exhibeant, de quo scriptum est: Et egressus eius ab initio à diebus æternitatis.

Mich. 5.

Quintò, colligitur ex illo facto, quod per illum contigit Abraham. Obuiavit enim Abraham reuertenti à cæde Regum. Quo in loco cogitandum est, quòd Dominus volens iustificare Abraham, & constituere illum patrem multarum Gētiū, ut in eum nos alij omnes tanquam in clarissimum speculū, & minimè fallax exemplum inspiceremus, iussit primùm ut egrederetur de terra sua & cognatione, & de domo patris sui, & veniret in terrā illam quam erat ei ostensurus. Ille Domino obsequutus profectus est tanquam peregrinus in terram Chanaan sibi à Domino promissam: ac deinde descen-

dit in Ægyptum, & peregrinatus est ibi, quia factus erat in terra. Vbi & illibatissimè seruatus est Dei protectione singulari cum coniuge Sara. Inde egressus venit in australem plagam, factus diues & opulentissimus multa substantia, & suppellectili: & separatus à Lot nepote habitauit in terra Chanaan peregrinus, vbi & rursum accepit terrā illius repromissionem. Tunc mouit tabernaculum suum, & venit iuxta conuallem Mambra in Hebron, vbi Adam sepultus fuisse creditur. Ac deinde cum iniissent pugnam quatuor reges aduersus quinque & obtinuissent, captiuūque abduxissent Lot: ipse cum expeditis vernaculis expugnauit illos quatuor reges, & recuperauit Lot nepotē, & omnem substantiam eius. Et tunc obuiavit illi Melchisedech rex Salem, cū ipse Abraham reuertetur à cæde quatuor regum. Quæ quidem omnia, si per se singula quid significant, intelligerentur, nobis proculdubio magnam atque illustrem redderent doctrinam.

Nota.

Vt autem mihi videtur, in Abraham hætenus significata est prima doctrina, quam ad iustificatio nem suscipiendā desiderat à nobis Dominus, quæ est ut egrediamur primùm de terra nostra, & patris nostri, hoc est, ut pœniteat nos naturalis conditionis, in qua omnes nascimur filij iræ, & ingrediamur in terram nouam: primò tamen accipendam tanquam in peregrinatione, & deinde tanquam in possessione. Hæc terra Christus est & ecclesia, in quam primò ingredimur velut peregrini per fidem, ut exinde proficientes, illam possideamus apprehēdentes in visione aperta. Fuit tamen aliqua prius ineunda illi pugna cum quatuor regibus, qui superant quinque. Quatuor isti reges significant quatuor præcipuos hostes, quos habet homo vadens ad Christum. Et primus quidem est propriæ carnis dilectio, sub cuius seruitute nascimur. Huic adiungitur Amraphel rex Sennaar, in quo intelligo amorem sæculi huius, cui hæret rex Arioch, rex Eleazar, in quo saturitatem atque ebrietatem perspicio. Quartus hostis Thadal rex Gentium. Hic mihi significare videtur dominandi libidinem, quæ longè abest à spiritu Christi.

Eph. 2.

Hos quatuor reges superauit Abraham in sua peregrinatione, ut etiam meruerit eripere Lot nepotem suum, qui inter alios ductus erat captiuus. Lot enim significat inuolutum & colligatum, quales sunt qui amore terrenorum, & sollicitudinibus huius mundi inuoluuntur, ne valeant expeditè sequi Iesum. Horum aliqui per Lot significati, liberantur gratia & opera perfectorum, sicut patet in Abraham. Opportunè autem obuiavit illi Melchisedech, scilicet postquam triumphauit de illis quatuor regibus, à cæde illorum reuersus. Porro eiusmodi obuiatio fuit admonitio quadam, ut agnosceret per quem victor extiterat, & ei gloriam daret, & non sibi ipsi. Quod & fecit Abraham reddēdo gloriam Dei Filio, quē venturum Pontificem in illo Melchisedech sibi obuiante recognouit.

Sequitur ergo sextum signum, vnde colligitur hoc sacramentum. Id autem est benedictio. Benedictus enim fuit Abraham à Melchisedech, cum tamē & ipse Abraham esset sacerdos, & ille qui tantam acceperat repromissionem.

Extra controuersiam verò positum est, mino-

Modus quo  
Deus vo-  
luit iusti-  
ficare Abra-  
ham.



rem debere à maiore benedici. Sed si seorsim considerentur personæ quantum ad personalem gratiam, quis dicere auit hominem illum Melchisedech maiorem fuisse ipso Abraham, quem Dominus patrem omnium Gentium constituit? Itaque Melchisedech ratione illius sacerdotij, in quo gerebat personam Christi, maior declaratus est à scriptura, qui benedicendo tantum Patriarcham, in eo munere maiorem sese ostendit: quia maioris personam sustinebat.

Videtur tamen hæc sententia qua dicitur, Minorem à maiore benedici, instatiam posse perimi. Nos enim nonne benedicimus Deum? Quis autem Deo maior? Præterea, Simeon ille iustus, nonne benedixit Christo? Respondemus ad primam objectionem, Aliud genus benedictionis esse quo nos Deum, seu Deo potius benedicimus. Nostra enim in illud benedictio est potius quædam beneficiorum confessio, & gratiarum actio. Benedictio autem qua Deus benedicit nos, est beneficiorum collatio. Et enim benedicere Dei est benefacere. Talis est benedictio sacerdotum, qui loco Dei benediciunt. Ideoque inter sacerdotes turpe est & præposterum, maiori minorem benedicere. Simeon autem sacerdos cum Dei Patris personam gereret, maior homine & infante Christo, & Matre eius in ea re fuisse debet existimari.

Septimum signum fuit, quoniam ipse Melchisedech etiã accepit decimas de optimis, seu de præcipuis ac primitiuis ab Abraham. Qui enim decimas accipit, sacerdos est. Qui autem dat, confitetur se non esse sacerdotem, cuius est potius accipere. Et ut videas argumenti vim: Apostolus vult ut ipsum Abraham consideres quando decimas dedit Melchisedech, non pro se tantum, sed pro omnibus filiis quos in lumbis habebat, dedisse: quoniã ut pater illius Gentis benedictus fuit à Deo. Erat enim tunc Abram, non Abraham. Omnes igitur filij eius fuerunt decimati in illo: & ille Melchisedech decimas accepit, qui non est annumeratus in genealogia, seu generatione ipsorum.

Quodd si quis dixerit: Etiam Leui decimas accipiebat. Respondemus: Sed à quibus accipiebat? Nonne à fratribus, & ut ex vi legis Mosæicæ? Fratres autem ipsius Leui iam (ut ita dicamus) erant decimati in ipso Abraham, ita ut reddiderint & ipsi per patrem decimas Melchisedech. Quodd ergo reddiderint fratres decimas etiam Leui, non arguitur Leui sacerdotium esse maius, sed contra potius esse minus, cum per Abraham patrem & ipse Leui, & fratres eius decimas persolverint Melchisedech æterno sacerdoti. Non enim Leui fuit maior patre suo Abraham. Nec dici potest, Leuiticum illud sacerdotium subintravisse, ut cessaret illud Melchisedech. Occurrens enim Apostolus, declaravit Melchisedech esse vitæ insolubilis Pontificem. Leuiticum igitur sacerdotium subintravit post promissionem, non ad abrogandum illud Melchisedech, sed ad roborandum potius & illustrius reddendum. Lex eo modo post promissionem patri nostro Abraham factam subintravit, non ut euacuaret promissionem, sed ut legis inutilitate cognita clarior fieret promissio. Erat enim sacerdotium Leuiticum non secus ac ipsæ legis promissiones, videlicet non spirituale, sed carnale sacrificium: non ex ore Al-

tissimi, sed per os Moseos secundum mandatum carnale, ut videbimus, & (Deo dante) latius declarabimus.

Et hic quidem decimas morientes homines accipiunt: ibi autem contestatur, quia viuit. Et (ut ita dictum sit) per Abraham, & Leui qui decimas accepit, decimatus est. Adhuc enim in lumbis patris erat, quando obuiavit ei Melchisedech. Si ergo consummatio per sacerdotium Leuiticum erat (populus enim sub ipso legem accepit) quid adhuc necessarium fuit secundum ordinem Melchisedech alium surgere sacerdotem, & non secundum ordinem Aaron dici? Translato enim sacerdotio, necesse est ut & legis translatio fiat. In quo enim hæc dicuntur, de alia tribu est: de qua nullus altario præsto fuit. Manifestum est enim quodd ex Iuda ortus sit Dominus noster: in qua tribu nihil de sacerdotibus Moyse locutus est. Et amplius adhuc manifestum est, si secundum similitudinem Melchisedech exurgat alius sacerdos, qui non secundum legem mandati carnalis factus est, sed secundum virtutem vitæ insolubilis. Contestatur enim: Quoniam tu es sacerdos in æternum secundum ordinem Melchisedech. Reprobatio quidem sit præcedentis mandati, propter infirmitatem eius & inutilitatem. Nihil enim ad perfectum adduxit lex: introductio verò melioris spei, per quam proximamus ad Deum. Et quantum est non sine iureiurando (alii quidem sine iureiurando sacerdotes facti sunt: hic autem cum iureiurando per eum qui dixit ad illum: Iuravit Dominus, & non poenitebit eum, tu es sacerdos in æternum) in tantum melioris testamenti sponsor factus est Iesus.

Roborat rationem iam datam pro sacerdotio Christi præ Leuitico, & ait: *Et hic quidem*, id est, in Leuitico sacerdotio, *decimas morientes homines accipiunt*, id est, qui moriebantur sacerdotes decimas accipiebant: *Ibi autem*, videlicet in eo sacerdotio Melchisedech, *contestatur*, scriptura sancta, *quia viuit*. Dicitur enim: Tu es sacerdos in æternum. Et re vera oportet eum qui dat vitam suo sacerdotio & hostiæ, esse viventem. Hic est enim verus Melchisedech, qui & dixit: Filius quos vult viuificat. Sequitur:

*Et (ut ita dictum sit) per Abraham & Leui qui decimas accepit, &c.* Amplius persuadet Leuiticum sacerdotium indignum esse sacerdotio Christi: quoniam cum decimaretur Abraham, & ipse Leui decimatus fuit, qui intelligebatur in lumbis eius. Qui ergo decimatus est, minor est illo qui decimas illas accepit. Vnde ait: *Adhuc enim in lumbis patris erat*

Ioan. 5.

Minorem  
à maiore  
benedici,  
quomodo  
intelligatur.



Nota, &  
cape.

quando obuiavit ei Melchisedech. Ostendit Leui ex eo fuisse decimatum, quod decimatus est Abraham ut illius pater, in cuius lumbis tunc esse censebatur. Cogitandum est enim quod cum Abraham iam decretus esset pater futuri Iudeorum populi secundum carnem, decuit ut ille populus expiaretur, quod idoneus fieret qui populus Dei peculiaris esset, etiam quantum ad carnalia. Et hoc non valuit esse nisi per Pontificem Christum, & sacrificium eius. Et ideo decuit ut daret decimas vero Pontifici, qui significatus est in Melchisedech, unde accepit expiationem: quod & fecit per ipsum Abraham patrem. Quod si populus qui venit ex lumbis Abraham expiatus est, & decimas dedit, & in illo populo concludabatur etiam Leui, planè sequitur & ipsum Leui quoque fuisse in patre suo Abraham decimatum.

Sed nunquid similiter non erat in lumbis patris sui Abraham Christus, cuius dicitur filius? Cur ergo non & ipse dicitur decimatus?

Ioan. 7.

Respondetur: Non eo modo Christus erat in lumbis Abraham, quo Leui, videlicet ex vi seminis. Quapropter ipse dicebat: Antequam Abraham fieret, ego sum. Imò ob hoc ipsum decimatur Abraham à Melchisedech, ut in eo Christus agnosceretur Pontifex, cui ab omnibus decimæ debentur. Per illud enim sacrificium aptatus est Abraham, ut esset pater illius Gentis, quæ digna esset & lege, & sacrificio illo ad tempus honorari, & vocari populus Dei. Et huc respicit illa benedictio Melchisedech, cum dixit: Benedictus Abram Deo excelso, qui creauit cælum & terram, &c. Et tunc dedit ei decimas Abraham, etiam pro Leui, quem habebat in lumbis, ut eius sacerdotium sanctificaretur. Hanc doctrinam subtiliter nobis indicauit Apostolus, dum Leui decimatū declarat. Et notandum est diligenter quod ait: *Adhuc erat in lumbis Abraham, quando obuiavit ei Melchisedech.* Ac si dixerit, aliquando tandem fore decidendum de lumbis eius: quod certè fuit, quando Abraham factus est pater multarum Gentium, & apparuit verus sacerdos Melchisedech, & æquari sunt omnes Iudæi & Gentes, facti filij Abraham omnes qui credimus, & ingredi mur per iustitiam fidei. Ob eam causam dictū est illi: Nec ultra vocaberis Abram, videlicet ut sis pater vnus populi tantum: sed vocaberis Abraham: quia patrem multarum Gentium constitui te. Ille igitur populus ex eo cessauit in suis prærogatiuis, nimirum cessante lege, ac sacerdotio.

Gen. 14.

Nota.

Gen. 17.

Si ergo consummatio per sacerdotium Leuiticum erat, &c. Sensus est, Si perfectio sacerdotij, quæ consistit in potentia expiationis peccatorum, & consequenter in effectu reconciliationis usque ad perfectam gloriam, erat per sacerdotium Leuiticum (nam populus ille sub eo sacerdotio legem accepit) perfectio non erat necessarium surgere aliud sacerdotium, vel alium sacerdotem secundum ordinem Melchisedech. Nam si fortè sacerdos aliquis certus desiderabatur, debuit esse secundum ordinem Aaron, qui fuit primus pontifex Leuitici sacerdotij, si hoc genus sacerdotij fuisset perfectum. Quia ergo non erat perfectum, nec lex ipsa Moyses, ut erat Moyses, perfecta erat, quæ sub illo sacerdotio lata fuit. Nam lex quælibet sub sacerdotio aliquo esse debet: quoniam sacerdotio primum expiatur

Nota, &  
cape.

populus, ut sit legis capax: deinde transgressionem legis eodem sacerdotio expiantur. Quatenus ergo lex illa erat lex Dei, hoc est, ea parte qua præcipiebatur moralia communia quæ pertinebant ad Deum & proximum, nullo modo expiationes habebat, ut primò faceret populum peculiarem Deo, & capacem vitæ æternæ, ac deinde posset auferre peccata. Impossibile enim est vitulorum, aut hircorum sanguine expiari delicta, contra legem Dei commissæ. Illæ irregularitates carnis tantummodo eo sacerdotio expiebantur, quæ à lege Moyses veniebant, & ad caeremonias atque iudicia spectabant. Apparuit ergo verum Christi sacerdotium & perfectum ab illa oblatione, quam fecit sui sanguinis, quo redempti sumus omnes. Et sanctificatus est populus eius peculiaris & sacratus. Tunc sacerdotium exortum est æternum & sanctum, quo etiam deleri valeant nouæ transgressionem: quo adueniente, & tanquam illo antiquo in hoc ipsum nouum translato, etiam translatio legis fieri debuit. Dico legis de sacerdotio loquentis, & de iis quæ ad sacerdotium pertinerent. Ista namque connexa sunt, lex videlicet & sacerdotium. Et hoc est quod ait Beatus Paulus:

*Translato enim sacerdotio, necesse est ut & legis translatio fiat.* Quemadmodum inutile erat illud sacrificium ad expianda peccata, sic & inefficax erat lex illi sacerdotio annexa, ad constituendam veram iustitiam. Quod verò esset transferendum sacerdotium, ex autoritate iam adducta probare volens, adiecit: *In quo enim (vel in quem) hæc dicuntur, scilicet quæ de Melchisedech dicta sunt, quæ referuntur ad Christum.* Ipse enim verus est sacerdos in æternum, de alia tribu est, id est, de tribu Iuda, de qua nullus altario præstò fuit. Samuel enim de tribu Leui fuit, ut patet primo Paral. 6. etsi quidam aliter dicant, quauis non fuerit de filiis Aarō. Dicit autem neminè fuisse de tribu Iuda præstò altario legitime, & ex officio: licet potuerit aliquis id sibi usurpare, sicut scriptum est de rege Osia, qui tamen ob hoc ipsum lepra fuit percussus usque ad mortem, ut intelligat laici, qui sibi usurpant munia sacerdotum, quantum hoc displiceat summo Deo, & Christo eius.

Manifestum est autem quod ex tribu Iuda ortus sit Dominus noster, &c. Dicit hoc manifestum esse: quoniam ut res certa & constans habebatur. Nam & Ioseph, & beatissima Virgo fuerunt de tribu Iuda. Nec est quouis modo concedendum (tamen si aliquando D. Augustinus importunitati aduersariorum hoc dederit) B. Virginem fuisse de tribu Leui ex paterna radice. Non enim posset verè dici Christus de tribu Iuda secundum carnem, & filius David: quoniam non matris, sed patris familiam & tribum in hoc sequitur vnusquisque. Non autem venit Dominus de Ioseph secundum carnem, sed solum de sanctissima Virgine: quæ si concederetur fuisse de tribu Leui, ut necesse est concedi, si pater eius fuit de tribu Leui, etiam Christus secundum carnem de tribu Leui fuisset. Apostolus contra tamen testatur hoc in loco: imò velut omnino manifestum ponit Christum fuisse de tribu Iuda. Puto tamen Annam fuisse de tribu Leui, ut docent quædam historia: quanuis ex apocryphis quidam scripserint, & illam pariter de tribu Iuda fuisse. Potius decebat ipsum ex utraque tribu venire. Quic-

Contra d.  
rogantes  
sibi munia  
sacerdotum  
lia.



quid istud sit, oportet hoc constituere; Christum secundum carnem fuisse ex tribu Iuda, aut negare apertum hoc Apostoli testimonium.

*In qua tribu nihil de sacerdotibus Moyses loquutus est.* Itaque concluditur, non potuisse Christum esse sacerdotem secundum ordinem Aaron & ex mandato illius, sed secundum ordinem Melchisedech. Unde & manifestum fit, non solum probari hoc sacerdotium, sed insuper hoc veniente reprobari illud prius, tanquam inutile & inefficax, & cui sociata erat lex mandati carnalis, quæ nullum ad perfectum adducebat. Inde maximè educitur, quoniam istud nouum sacerdotium hac speciali nota signatum est, videlicet ut sit æternum: quoniam vitæ insolubilis est summus huius Sacerdos. Ergo illo ad ueniente debuit aliud sacerdotium cessare. Nō enim duo poterant esse sacerdotia, nec plures sacerdotes diuersi ordinis. Nam si vnus satis erat, alter superfluus reddebatur. Si autem neuter eorū erat idoneus, desideratus fuisset alius. Neque dici potest ambos simul potuisse sufficere, cum inter se non conuenirent. Etenim alterum eorum hoc habebat proprium, ut diceretur æternum: ut de altero cenferi valeat non esse æternum. Quapropter oportebat omnino dissolui & cessare: quia per illud non fiebat nostri cum Deo conciliatio. Et hoc suis verbis exponens Apostolus, ait:

*Et amplius adhuc manifestum est: Si secundum Melchisedech exurgat alius sacerdos, qui scilicet sit rex iustitiæ, & rex pacis, qui non secundum legem mandati carnalis, &c.* Ponit differentiam inter sacerdotem veteris legis, & sacerdotem nouæ legis. Illi fiebant sacerdotes secundum legem illam, quæ mandabat tantum vni carni, & vni populo ad tempus, cuius legis finis erat carnale bonum, & ideo terminandum. Nam & ipsi sacerdotes non diu manebant, sed assidue moriebantur. At noster nouæ legis Sacerdos, factus est Sacerdos secundum virtutem vitæ insolubilis.

*Contestatur enim: Quoniam tu es Sacerdos in æternū, &c.* Hinc probat Apostolus perpetuitatem sacerdotij Christi, & ex dictis cōcludit: Cū hæc ita se habeant, Reprobatio quidem sit præcedentis mandati propter infirmitatem eius & inutilitatem, quantum pertinet ad legem sacerdotij cæremonialem, & tandem quantum pertinet ad legem Moseos, ut erat ipsius Moseos & non Dei, apta illi populo soli, & non omnibus Gentibus. Porro cū dixisset inutilitatem & infirmitatem legis illius, declarat qua in re erat inutilitas, ne quis falsus illam prorsus inutilem putaret, & ait:

*Nihil enim ad perfectum adduxit lex, hoc est, lex illa quantum ad ea spiritualia quæ iubebat, quibus solummodo homo perficitur, non promouebat, ob ea impedimenta quæ inueniebat in homine, quem carnalem & contumacem, & sibi contumaciter repugnantem experiebatur. Nec enim aliud poterat, cum esset natura iniustus, & sui plusquam Dei amator. Quantum verò ad promissiones pertinet, quas promittebat merè carnales, nec sic adducebat ad perfectum. Similiter quantum ad suas per illud sacerdotium expiationes & iustificationes, non liberabat à peccatis, neque iustificabat, nisi carnaliter ab irregularitatibus quibusdam: & illud item coram hominibus, non coram Deo.*

Quamobrem oportuit alteram venire legem omnino perfectam, & sacrificium perfectū, & ab omni parte absolutum.

*Introductio verò melioris spei.* Postquam fit igitur præcedentis mandati reprobatio, fit consequenter inductio melioris spei, qua speramus æterna, non vltius carnalia & temporalia, *per quam proximamus ad Deum*, ut per fidem habeamus ingressum in Christum viatorem, & sic accessum (ut alibi ait Doctor noster) ad ambulandum cum illo ad patriam, & ad Deum Patrem. Per spem verò assidue appropinquamus illi, incedentes in operibus bonis ex charitate, ut tandem mereamur coniunctionem, perfectionem, & amplexum æternum. In illa enim coniunctione consistit vita perpetua, quæ nunquam excidit. Constructio autem huius literæ sic ordinatur, *Et amplius adhuc manifestum est*, id videlicet, quod, *si secundum ordinem Melchisedech exurgit alius sacerdos, &c. fit præcedentis mandati reprobatio: introductio verò melioris spei, &c.* Reliqua adiicitur tur ad corroborationem huius argumenti, & plenior probationem.

Hoc in loco illud subnotandum est, ortas olim nonnullas de Melchisedech hæreses, propter verba Apostoli perperam (ut hæretici solent) intellecta. Quidam enim dixerunt ipsum fuisse Angelum Dei. Alij verò Spiritum sanctū. Nonnulli animam Christi, vel eius Spiritum. Nouissimè autem diebus istis venit quidam manifestè à satana ludificatus, qui nescio quæ circa hoc commentus est. Sed nulla ratione decet nos propter fatuos, & dæmoniis auscultantes, esse sollicitos.

Certissimum est ecclesiæ, Melchisedech illum fuisse hominem, & regem Salem, ut ait scriptura: & non secus quàm alij, ex patre & matre genitū. Non est autem istud in scriptura apertum, ut daretur locus intelligentiæ mysterij.

Quod autem fuerit Sem filius Noe, ut Iudæi tradunt, mihi quidem minimè redditur probabile: neque certa extat huius rei traditio. Et inutile est ea quæ huiusmodi sunt anxie perquirere.

*Et quantum est non sine iureiurando, &c.* Ponderat Doctor noster modum ipsum, quo Christus factus est sacerdos: ut tantò sit excelsior sacerdos, quantò ex sublimiore modo ad absolutam omnino firmitatem accipitur. Etenim ipse iureiurando constitutus est, in quo est signum indissolubilitatis, quodque seridè & constanter facta sit illi promissio. At istud nusquam in sacerdote illo Leuitico factum reperies. Quapropter, *in tantum melioris testamenti sponsor factus est Iesus*. Vbi notandum, quomodo & qui sacerdos & qui pontifex dicitur, cum sit mediator, etiam sponsor dici potest in sanguine. Nam & ipse spondet & promittit, quod à Deo obtinuit per sanguinem. Et hoc in Iesu maximè verum fit, qui sanguinem proprium effudit, & per illum omnia obtinuit, redimens quod erat captiuū, & illud conuertens in acquisitionem & lucrum suū. Sed ipse interim statuit & reliquit vnunquēque liberum, & in potestate sui arbitrij, dans rursum legem vitæ, & futura bona promittens. Quicumque igitur receperit legem & custodierit, bene est habiturus: qui verò secus, pœnas suæ impietatis, & impudentiæ pro merito luet.

Huius autem literæ sic ordinetur constructio, *In*

Eph. 2.

Errores de  
persona  
Melchise-  
dech.

Quomodo  
neminem  
ad perfe-  
ctionem ad-  
ducebat  
lex.



*tantum melioris testamenti sponsor factus est Iesus, quantum est quod non sine iureiurando factus est sacerdos.* Nam alij sine iureiurando creati sunt, ut metui possit de solutione ac cessatione illius sacerdotij. Ipse autem cum iureiurando, per illum qui dixit ad eum, hoc est, iusiurandum fuit per illum qui dixit ad eum, *Iuravit Dominus & non penitebit eum, &c.* Hic Dominus, fuit Pater: qui per seipsum iurat, neminem habens maiorem per quem iuret. Illius ergo sunt hæc verba (*Iuravit Dominus*) de se tanquam de tertia persona loquētis. Si quis malit, quod mihi non satis placet, esse verba ipsius David: verba illa Apostoli sic debent exponi, *Cum iureiurando*, quod videlicet iusiurandum testificatum est, per illum, nempe David, qui dixit ad eum (*Christum*) *Iuravit Dominus, &c.*

Et alij quidem plures facti sunt sacerdotes, ideo quod morte prohiberentur permanere. Hic autem eo quod maneat in æternum, sempiternum habet sacerdotium. Vnde & saluare in perpetuum potest accedens per semetipsum ad Deum, semper viuens ad interpellandum pro nobis. Talis. n. decebat ut nobis esset Pontifex, sanctus, innocēs, impollutus, segregatus à peccatoribus, & excelsior cœlis factus. Qui non habet necessitatem quotidie (quemadmodum sacerdotes) prius pro suis delictis hostias offerre, deinde pro populi. Hoc enim fecit semel se offerendo. Lex enim homines cōstituit sacerdotes infirmitatem habentes: sermo autem iurificandi qui post legem est, Filium in æternum perfectum.

*Et alij quidem plures, &c.* Pergit Apostolus declarans adhuc vberius inualiditatem, ac instabilitatem illius merito antiquati sacerdotij quandoquidem eorum in quolibet finiebatur morte. Moriebantur enim illi, & vna cum illis peribat ipsorum sacerdotium, utpote qui non valerent vltius sacrificare. Vbi proculdubio loquitur de summis sacerdotibus qui moriebantur, & oportebat alterum alteri esse successorem. At Pontifex noster Dominus Iesus cum maneat in æternum, etiam sempiternum habet sacerdotium, nec ullus est illi successor. De eo enim dictum est: Tu es sacerdos in æternum, ut concludatur æternum habere sacerdotium: quod manifestè inde colligit Apostolus, & addit: *Vnde & saluare in perpetuum potest.* Græca vox, *καταρτίζει*, significat perfectè, plenè: ergo in perpetuum. Non enim plenè ac perfectè, si non omni tempore & ubi sit opus, scaturiente semper peccato, non saluet. Potest ergo Christus omni tempore saluos facere, *accedentes per ipsum ad Deum.* Hæc est vera lectio, accedentes, non accedens. Christus enim qui cum Deo est, & est ipsemet Deus, non conuenienter dicitur nunc accedere ad Deum. Etiam illud aduerte, Christum suo sacrificio non saluare, nisi solos ad Deum accedentes, quod fit per fidem: & manentes in ipso, per obseruantiam mandatorum, sicut ipsemet ait: Si præcepta mea seruaueritis, manebitis in dilectione mea. Potest ergo tales

saluare talis ac tantus Pontifex Christus Iesus, & re vera saluat.

*Semper viuens ad interpellandum pro ipsis.* Nisi assisteret Dominus noster ante Patris conspectum, vel iustos homines redderent Patri odiosos quotidiana peccata, sine quibus hæc vita non traducitur. At ipse viuens ea diluit interpellando probis, & pretiosissimum suum sanguinem obiciendo, ut non imputentur nobis ad iram. Nam si iniquitates obseruaret Dominus, nec esset apud ipsum propitiatio nostra, quis posset sustinere? Sed in Christo cuncta nobis condonantur, nisi charitatis donum turpissima transgressione amiserimus. Hoc in loco iterum animaduertendum est, cum Dominus post iudicium factum restituerit regnum Deo Patri, non vltius futurum illum Pontificem: nec assisteret ad interpellandum pro nobis: nec tunc erit ullum sacerdotium, quo nec opus erit, cum nulla sit futura transgressio, sed perpetua gratiarum actio, & sempiterna beatitudo. Itaque sacerdotium sempiternum, cuius hic meminit Apostolus, intelligi debet donec sæcula hic viuentium mortali vita durabunt, & salute homines indigebunt.

*Talis enim decebat ut nobis esset Pontifex, sanctus.* Græcè *ἅγιος*, vox quæ significat pium, mundum, sanctum, castum & reuerentem Dei:

*Innocens, impollutus, segregatus à peccatoribus, & excelsior cœlis factus.* Cœlorum appellatione hic omnino arbitror ipsos Angelos intelligendos. Loquitur enim Apostolus (quod diligenter obseruandum est) de sacerdotio illo quod Christus adeptus est, pertinens ad nouum testamentum, quando iam non vita mortali viuunt, sed beata in cœlis. Ideo dixit, *Talis decebat ut esset nobis Pontifex.* Ut eos notaret qui iam facti sunt participes noui testamenti, addidit, nobis. Hos enim decuit habere talem Pontificem, sanctum, pium, innocentem omnino, & impollutum, penitusque à peccatoribus segregatum, non iam qualis vixit in terris, quando cum peccatoribus conuersabatur, manducabat & bibebat. Quocirca dulcissimè discipulos suos solabatur: Expedit vobis, inquit, ut ego vadam. Loquitur ergo manifestè B. Paulus de Sacerdote Christo in cœlis existente. Nam hunc talē habere nos decet, per quem sumus filij Dei.

*Qui non habet necessitatem quotidie, quemadmodum illi sacerdotes, prius pro suis delictis offerre hostias, deinde pro populi.* Erat ex antiqua secundum legem obseruatione, ut offerrent sacerdotes pro suis propriis, & pro populi peccatis. Hoc enim Dominum semel fecisse, dum esset in hac vita mortali, testatur Apostolus. At quid est istud, rogo, quod ait Dominum fecisse, semel? Nunquid ad hoc totum quod supradictum est refertur, quasi & ipse Christus semel obtulerit pro suis peccatis, deinde pro peccatis populi, quemadmodum verba ipsa porrigere prima facie videntur? Exhorrent ab hac intelligentia expositores nostri. Quomodo enim qui peccatum non fecit, nec dolus inuentus est in ore eius, potuit pro suis peccatis offerre, quæ nulla erant? Mihi autem videtur posse nos locum hunc planè intelligere, ut hoc totum fecerit Dominus aliquo pacto, ut pro peccatis suis, non quidem à se commisis, obtulerit: sed quia illud commune omnium humani generis antiquum peccatum, & quæcunque

Nota.

Ioan. 16.

I. Pet. 2.



Psalm. 21.

que inde oborta sunt, super seipsum posuit, & sua (quò ea abstergeret) fecit. In illius persona dixit Propheta: Longè à salute mea verba delictorum meorum. Et iterum alio loco dicebat: Deus tu scis insipientiam meam: & delicta mea à te non sunt abscondita. Non erubescant in me qui expectant te Domine, domine virtutum, &c.

Isa. 53.

Et in psalmis frequenter se peccatorem modo illo, quo diximus, confiterur. Itaque peccatum commune, in quo virtute continebantur innumera peccata, proprium fecit, & pro hoc obtulit: atque amplius pro peccato populi sui, nempe illius Iudaici peculiariter & obtulit & orauit. Hoc prouidens Isaias, aiebat: Propter scelus populi mei percussisti eum.

Potest, & fortè verius, ad peccata quoque nostra referri, quæ post primam iustificationem contrahimus facti populus Dei. Non enim quæ nos post baptismum admisimus peccata, illius dicuntur, sed populi sui, pro quibus etiam obtulit semetipsum Dominus ià iustificatus à suis, vnde & diuersimode expiantur. Intellige prudens lector, quæ dico: quoniam in hoc turpiter decipiuntur, qui more immundorum animalium non distinguunt peccata quæ Christus penitus expiat in baptismo, quæ fecit sua: & ea quæ dicuntur populi peccata post reconciliationem admissa, pro quibus etiam passus est, sed quasi pro nostris, non absolutè pro suis: vt & nos qui post acceptam gratiā peccauimus, aliquo modo satisfaciamus.

Concludens igitur B. Paulus inualiditatem sacrificij antiqui, docet à lege cōstitui sacerdotes homines infirmitatem habentes, & continua immolatione indigentes, vt pote qui continuè peccent: *Sermo autem iurandi*: hoc est, sermo Dei iurantis, & constituentis sacerdotem suum Christum, qui sermo post legem, id est, post cessationem legis, & consequenter post abolitionem sacerdotij antiqui, vt patet ex ipso psalmo: Dixit Dominus Domino meo, sede à dextris meis. Hoc enim ei dictum est, postquam mortuus est, & resurrexit à mortuis: & iccirco post legem Moyses, quæ iam affixa cruci, erat sublata de medio. Ille, inquam, sermo iurandi constituit, *Filium*, nimirum ipsum Christum sacerdotē, *in æternum*. Et illum quidem, *perfectum*, quia placuit, & acceptum fuit eius sacrificium vt valeat saluare: quæ duo deerant in Leuitico sacerdotio. Illi enim Pontifices semper sacrificantes ostendebant se non esse perfectos, quibus opus esset assidue offerre. Christus autem vna oblatione perfectus est.

Verum hinc arripuit occasionem infelix apostata Lutherus prodigiosissimæ suæ blasphemix, qui sacrificium noui testamenti negauit: ac propterea ordinem sacerdotij nullum esse in ecclesia Christi asseruit, quia Christus vna oblatione sanctificauit omnes. Sed nunc supersedebimus, postquam futurus est proprius inferius hac de re differendi locus. Hoc interim solum consideretur ex claris Apostoli verbis, Christum dici Sacerdotem & Pontificem, & à Deo post legem constitutum, id est, postquam translata est illa lex, & cessit nouæ legi. De sacrificio ergo nouæ legis & sacerdote loquitur B. Paulus, qui cōstitutus est in cælis. Hunc siquidem honorem ipse meruit & sibi acquisiuit,

vt sit sacerdos vitæ insolubilis. Sacerdos etiam secundum ordinem Melchisedech, id est, cuius sacrificij oblatio, panis est & vinum. Hoc teneamus inconcussum fundamentum, nec permitamus quouis modo nobis eripi: quoniam huius doctrinæ est principium verissimum, & manifestis scripturis innixum. Nihil quippe aliud agit hîc B. Paulus, nisi vt in figura oblationis Melchisedech doceat perpetuam panis & vini oblationem esse statutam. Quod si retinemus, certò videbimus ex his ipsis locis expugnari hæreticos, quibus ipsi contra nos malitiosè abutuntur. Neque verò est mirandum si tanta impudentia negent, & sacramentum conculcēt isti nebulones. Nouit enim diabolus antiquus hostis, qui istorum ministerio vitur, quantum utilitatis inest in frequenti & bene administrato sacerdotij mysterio, per quod nobis placatur ipse Deus offensus, & gratiam largitur ad ambulandum inoffenso pede in viam mandatorum eius. Nam si tollas sacerdotium de ecclesia, perinde est ac si solem de mundo tolleres. Sed vt diximus paulo post istorum argumenta fusius (Deo largiente) inferius refellemus.

## CAP. VIII.



Capitulum autē super ea quæ dicuntur, Talē habemus Pontificem, qui cōsedit in dextera sedis magnitudinis in cælis, sanctorum minister, & tabernaculi veri quod fixit Deus, & non homo. Omnis enim Pontifex ad offerendum munera & hostias constituitur. Vnde necesse est & hūc habere aliquid quod offerat. Si ergo esset super terrā, nec esset sacerdos: cum essent qui offerrent secundum legem munera, qui exemplari & vmbre deseruiunt cœlestium, sicut respōsum est Moyse cum consummaret tabernaculum. Vide (inquit) omnia facito secundum exemplar quod tibi ostensum est in monte.

*Capitulum, &c.* Hoc, inquit, est summa eorum quæ dicta sunt, *Talem habemus Pontificē, qui cōsedit*, id est, qui sedem iam obtinuit, *in dextera sedis magnitudinis*, siue maiestatis, *in cælis*, ibi enim est noui testamenti sacerdos & pontifex, *sanctorum minister*. Quod ait, *sanctorū*, potest duobus modis accipi. Primo vt significantur ij, quibus ministraret à Pontifice. Vel secundo res ipsæ qui ministrantur. Certè minimè dubium est quin Christus minister Dei fuerit, & sit nunc in cælis ministrans illi Sāctos in tabernaculo vero, quod est ecclesia, sanctificans illam, & emūdans lauacro vitæ inuisibili per dona Spiritus. Hoc autem tabernaculum non fixit homo, sed Deus. Fundamentum enim eius Christus est, & primores in Christo qui perire non possunt: Et ideo ait fixum ita esse tabernaculū, vt nulla manus queat euellere. Hanc doctrinæ summam hoc pacto probat, dum nobis ostendit vbinam habeamus nunc verum nostrum Sacerdotem, nimirum in cælis, & non in terris.

*Omnis enim pontifex ad offerendum munera, &c.* Vt probet (inquam) nobis esse Christum sacerdotem



cœlestem, sumit ante omnia quod per se manifestum est, nimirum oportere vniuersaliter omnem sacerdotem offerre munera, & hostias. Oportet igitur ipsum Christum, cum sit sacerdos, similiter offerre, & consequenter habere quod offerat. *Si ergo esset super terram*, id scilicet quod offerret: si illud esset quid terrenum, profecto nec ipse esset sacerdos, quandoquidem adessent alij sacerdotes qui offerrent munera, & hostias illas quæ essent super terram. Et hoc faciebant secundum legem. Christus autem non erat vnus ex iis, cum non esset ex ea tribu, & sic erat nouus sacerdos. Ad quid autem nouus sacerdos etiam ipse ad offerenda munera super terram existentia? Neque enim ad eadem prorsus munera, nimirum terrena & carnalia offerenda constituendus erat nouus sacerdos.

Vel potest exponi de Christo, *Si ergo esset super terram*, nimirum ipse Christus, non esset sacerdos. Essent enim & super terrâ alij sacerdotes, qui secundum legem offerrent. Non simpliciter affirmat fuisse sacerdotes tunc offerentes secundum legem, sed illud probat, si ipse Christus sacerdos esset in terris, essent quoque sacerdotes Leuitici offerentes munera: & ita Christus non esset sacerdos. Hoc, inquam, probat, sed subtiliter ex tacita quadâ propositione, quæ huiusmodi est: Nō cessat figura donec veritas ipsa veniat: cui si adiunxeris, sacerdotium illud carnale figuram fuisse cœlestis sacerdotij, cuius sacerdos inueniretur in cœlis, hinc planè sequitur, nō potuisse illud Leuiticum sacerdotium cessare, nisi veniret ille cœlestis sacerdos, qui erat veritas. Patet ergo istud, si non erat alius sacerdos præterquam Leuitici generis: quia (vt dictum est) figura non cessat, quamdudum ipsius rei veritas non veniat.

Fuisse autem illud sacerdotium figuram veri & cœlestis sacerdotij, probat testimonio scripturæ. vnde ait: *Cum essent qui offerrent secundum legem munera, qui exemplari & umbra deseruiunt cœlestium*. Sensus est: Illi sacerdotes deseruiiebāt illis ministerijs, quæ erant exemplaria, id est, figuræ atque vmbre cœlestiū, id est, à veris ac cœlestibus acceptæ, quæ erant futura: ita vt munera & oblationes quæ sunt noui sacerdotij, oporteat esse non terrena, sed cœlestia, sicut sunt verè. His enim delectatur Deus & placatur. Vnde Eucharistie hostia non terrenus panis est, sed cœlestis: & oblationes sunt corda nostra, quæ vouemus & offerimus ipsi Deo, quæ merito quum gratia Dei decorata sunt, cœlestia dicuntur. Idque probat subiungens: *sicut responsum est Moysi cum consummaret tabernaculum* (seu consummaturus esset): *Vide, inquit, omnia facio secundum exemplar quod tibi ostensum est in monte*: Hoc habetur Exo. 25. in fine cap. Hic tamen Apostolus non dicit exemplar, sed typum. Ille autem typus ostensus Moysi erat forma cœlestium, ad quam aptare illa terrena & carnalia iubebatur. Quandiu ergo non apparebant cœlestia eorum exemplaria, ea quæ ab illis cœlestibus ad verum sunt expressa, non poterant cessare. Sed quia venerunt cœlestia, ideo illa cessarūt exemplaria, & vmbre.

Nunc autem melius sortitus est ministerium, quātò & melioris testamēti Mediator est, quod in melioribus repromis-

sionibus sancitum est. Nam si illud prius culpa vacasset, non vtique secundi locus inquireretur. Vituperans enim eos dicit: Ecce dies veniēt, dicit Dominus: Et consummabo super domum Israel, & super domum Iuda testamētum nouum, non secundum testamentum quod feci patribus eorum, in die qua apprehēdi manum eorum, vt educerem illos de terra Ægypti: quoniam ipsi non permanserunt in testamento meo, & ego neglexi eos, dicit Dominus. Quia hoc est testamentum quod disponam domui Israel post dies illos, dicit Dominus: Dabo leges meas in mente eorum, & in corde eorum superscribam eas, & ero eis in Deum, & ipsi erunt mihi in Filium. Et non docebit vnusquisque proximum suum, & vnusquisque fratrem suum, dicens: Cognosce Dominum: quoniam omnes scient me à minore vsq; ad maiorem: quia propitius ero iniquitatibus eorum, & peccatorum eorum iam non memorabor. Dicēdo autem nouum, veterauit prius. Quod autem antiquatur & senescit, prope interitum est.

*Nunc autem melius sortitus est ministerium*. Ipse verus sacerdos Christus melius ministerium sortitus est offerendi meliora. *quod & melioris testamenti Mediator est, quod in melioribus repromissionibus sancitum est*. Legitur & in veteri & in noua scriptura esse nouum quoddam Dei testamentum. Quod si nouum, necessario ergo supponitur vetus. Siquidem nouum dici, nisi respectu ipsius veteris nequaquam potest.

Nunc operæpretium videretur intelligere quid sit illud vetus testamētum, & quid nouum, & quæ ratione his nominibus vocata sunt. Item quid interest inter vetus, & nouum: & quò rēderet quod libet eorum: quæ in vno quoque inesset utilitas, & quæ circumstant. Sciendum igitur, Quæcunque Deus egit vnquam cum homine, pactis ea & testamentis egisse. Nam vtroque vocabulo, vt idem significemus, vtimur. Est autem vnica vox Hebraica, Berith, quæ ad vtrūque accommodatur. A principio nanque pactum Deus cum homine fecit, & legem charitatis illi dedit. Adiecit & speciale mandatum, ne ederet de fructu cuiusdam ligni: qui si secus faceret, perirer omnino ipse, & vniuersa eius posteritas. Præuaticatus est autem homo ille, & inuētus est fructu pacti destitutus, nullum habens ius in Deum: quin etiam redditus est illi obnoxius in æternū. Illud pactum potest dici vetus pactum, non tamen propriè testamentum. Non enim sic erat dispositum, vt vigore suum morte intercedente, aut sanguinis effusione acciperet.

Optimus autem & clementissimus Deus noster irritum factum prius pactum insigni illa præuicatione considerans, constituit iterum pactum & testamentum reiecto priore pacto, quod fuit per

Pro intelligētia, quid sit vetus, & quid nouum testamentū.



nos irritum factum. Et illud iterū sanciuir in Christo venturo, & eius morte & sanguine. Et hoc pactum siue testamentum, quod etiam pactum est, cum sint in illo promissiones, non incongruè dicitur nouum testamentum respectu illius pacti veteris ab initio: quia illi priori iam violato hoc nouū succcessit. Etenim testamentum istud non est aliud quā lex renouatæ gratiæ, & in Christo instauratæ, qui secundum carnis infirmitatem mortuus est & sepultus, & secundum potentiam Spiritus ter-tia die resurrexit. In hac autem lege gratiæ continetur promissio ipsius æternæ vitæ.

Hoc autem testamentum quod fecit Deus nobiscum, nō factū est Adē statim ab initio post peccatum, & aliis patriarchis vsque ad Abraham. In Abraham verò etiam quodāmodo innouatum, & singularia quædam adiecta, scilicet Christum esse de lumbis eius proditurum: & ipse Abraham futurus designatur pater non vnius tantum illius gentis Hebræorum secundum carnem, verum etiam multarum gentium secundū exemplum fidei: quia credidit ipse Deo fide insigni, & accepit circumcisionem signaculum fidei. Istud testamentum cum Abraham factum, non potest dici vetus testamentum. Nunquā enim cessauit, quantumuis signum illud circumcisionis cessauerit: quod propriè pactum non erat, sed signum pacti. In ipsis scripturis verus testamentum specialiter illud dicitur, quod per Moysen sancitum fuit cum populo illo. Et hoc fuit lex illa cum suis carnalium bonorum promissionibus, quæ promisit Deus illi populo in manu Moysi, sicut manifestum est Exod. cap. 24. vbi habetur, quomodo venit Moyses, & narrauit populo omnia verba Domini, & iudicia: & omnis populus respondit vna voce. Omnia verba Domini, quæ loquutus est, faciemus. Scripsit ergo Moyses omnes sermones Domini, & ædificauit altare, & immolauerunt filij Israel victimas pacificas, & obtulerunt holocausta. Moyses autem tulit dimidiam partem sanguinis, & misit in cratēras, & residuum misit super altare, & legit volumen fœderis (siue testamenti) audiente populo, qui omnes iterum dixerunt: Omnia quæ loquutus est Dominus, faciemus: & erimus obedientes. Ille verò sumptum sanguinem resperxit in populum & ait: Hic est sanguis fœderis (siue testamenti) quod pepigit Dominus vobiscum super cunctis sermonibus iis, id est, Hic est sanguis quo confirmatur pactum initum inter vos & illum. Hoc testamentum est illud, quod hīc vocat vetus testamentum B. Paulus, respectu noui.

At hīc rogabit aliquis, & dicet: Cum viderimus testamentum nouum ante hoc vetus esse constitutum (quia ab initio post peccatum dicimus fuisse illud nouum ordinatum à Deo) cur illud, quæso, quod per Moysen postmodo sancitum fuit, dicitur vetus, ac non potius nouum? Respondeo cogitandum omnino, legem quidem non esse ex fide, vt egregiè docet Apostolus, sed ante fidem. At lex noua ex fide est. Et ideo illa lex vetus cum præcederet fidem, etiam legem nouam præcessit, quæ est ex fide, non quidem tempore secundum se, sed secundum illius applicationem. Nam finis legis fuit charitas: finis illius testamenti veteris, testamentum nouum. Cuique hominum, natura ipsa, poste-

rior est lex fidei, quæ est noua, quā lex naturæ, siue Moyses, sub quibus legibus omnes gentes custodiebātur: licet illa lex Moyses solummodo conueniret Hebræis.

Potest etiam dici, testamentum nouum debere spectari à tēpore non quo ordinatum fuit, sed quo exhibitum atque manifestatū, & firmatum à morte testatoris. Vtraque solutio vera est, & simul amplectenda, vt respectu duarum causarū dicatur nouum. Differt autem istud nouum testamentum à veteri in multis. Nunc dicemus tantum de promissionibus, quæ in solis carnalibus & terrenis bonis consistebant: non absolutè tamen, sed madata, & iudicia, & ceremonias illius legis custodiētibus repromissa. Hīc autem repromittitur cœlestis & æterna vita. Ideo verè dictum est, Christum tantò melius sortitum esse ministerium quā Moysen & Aaron, quantò melioris, seu præstātoris testamenti Mediator est, quod quidem testamentum in melioribus repromissionibus sancitum est.

*Nam si illud prius culpa vacasset, non utique secundi locus inquireretur.* Manichæi Deū veteris testamenti vituperantes, suæ blasphemiæ ansam ab Apostoli verbis accipiebant, qui diceret non vacare culpa illud testamentum primum, quod vetus dicitur. Sancti verò doctores dicūt, iccirco non vacasse culpa, propterea quod imperfectum erat illud testamentum. Mihi sanè hic verus esse Apostoli sensus videtur, vt docere velit, illud testamentum ob eam causam culpa non vacasse: quia qui sub illo erant, non sine culpa erant. Illud enim testamentum culpa nedū non auferebat, sed nec auferre poterat: quin & eam augebat. At nouum testamentum prorsus omne peccatum sustulit. Quicunque enim erant sub illo testamento, sub ira Dei erant & sub maledicto, nisi essent liberati per nouum adueniens: & ideo cessit primum secundo testamento. Verè ergo ait: *Nam si illud primum culpa vacasset, non utique secundi locus inquireretur.* Et benè sequitur:

*Vituperans enim eos, dicit: Hanc sententiā non notauit Manichæus, quomodo B. Paulus asserit scripturam vituperare non ipsum authorem testamenti, nec ipsum quidem testamentum, sed eos qui sub illo inueniebantur.* Sic illa lex ab eo dicitur infirma, non ex se ipsa, sed quæ infirmis data non operabatur effectum. Sic testamentum illud rectè dicitur non vacare culpa, cum ij qui sub eo erant, assidue peccatores inuenirentur. Itaq; opus fuit nouo ad implendam iustitiam. Appositè, ergo scripturam profert, aiens:

*Eccē dies veniunt, dicit Dominus: & consummabo super domum Israel, & domum Iuda.* Nota verbum, *Consummabo*, vt significetur prius quidē fuisse hoc nouum testamentum ordinatum, & ptomissum, sed non consummatum. Morte enim testatoris fit ipsa consummatio. *Testamentum nouum*, Aliud ergo erat ab illo veteri consummandum super domum Israel, & super domum Iuda. Hæ ambæ domus totum Iudaicum illum populum complectebantur, cui credita erant eloquia Dei: & noui testamenti primitias à Deo acceperāt. Vt autem omnino hoc testamentum diuideret à veteri, & ab eo minime pendere ostenderet, addit:

*Non secundum testamentum quod feci patribus eorum in die, qua apprehēdi, &c.* Indicat illū diem transitus,



& agni paschalis, quando fuit exordium veteris illius testamenti & sacrificij. Sed hoc testamentum nouum nihil ex illo habet consequentiæ, quin potius illud fuit huius figura.

*Quoniam ipsi non permanserunt in testamento meo,* Hæc est ratio, cur necesse fuerit nouum exhibere testamentum, & consummare per perfectionem gratiæ: quia ipsi, inquit, non permanserunt in testamento meo, & ideo eorum testamentum non vacabat culpa. Propterea subsequuta est iusta Domini indignatio, *Et ego* (inquit) *neglexi eos*, qui non poterant in eo testamento proficere. In citato tamen loco apud Ieremiam legimus: Et ego dominatus sum eorum. Sensus prophætæ accepit Apostolus, non verba. Dominus enim qui paciscitur nobiscum, in eo quod paciscitur, quodammodo æquat seipsum nobis, quibuscum immensa sua bonitate dignatur habere commercium. Quod si nos irritum pactum facimus, ipse tanquam victor dominationem in nos accipit.

Et ita ferè contingit in hominibus. Duorum enim qui paciscuntur, dominus alterius quodammodo is efficitur, qui seruat pactum altero irritum faciente. Et consequenter accedit, ut qui dominatur negligat seu spernat, tanquam consequutus potestatem in alterum. Et dum facit misericordiam, tanto magis gloriosum se exhibet. Sic fecit Dominus, qui ita spreuit populum suum, ut tamè ubi superabundauit delictum (teste Apostolo) etiam superabundauerit gratia.

*Quia hoc est testamētum, quod disponam domui Israel,* &c. Vide quantum differat à priore testamento. Illud in tabulis foris erat scriptum: hoc verò intus in corde & mente superscriptum, ut secundum interio rem hominem condelectetur quilibet legi Dei: & amore, non timore impleat ardua legis mandata. Digito enim Dei scripta est lex in quolibet qui iustificatur. Hoc non vident, nec pōderant Lutherani: imò suis inscitæ tenebris inuoluti, & vita licentiosa delectati, pōderare nolunt. Et omnes alij qui cunq; negant inesse nobis possibilitatem implēde legis. *Et ero eis in Deum, & ipsi erunt mihi in populum.* Hæc dictio, Deus, in scripturis relatiue accipitur ad creaturam rationalem, ut Deus sit alicuius creaturæ Deus. Significat autem non solum creationē, sed specialem quandam in eos prouidentiam, quorum Deus dicitur. Ut si dicatur, Deus Pauli, Deus Abraham, Isaac, & Iacob, Deus Danielis. Sic & Deus eorum dicitur, qui in illum credunt, & quos signauit arrhabone Spiritus sancti. Sic est Deus peculiari ter Christianorum, qui tamè verè Christiani sunt, & qui non perdidērunt semel adeptam gratiam.

*Et non docebit vnusquisque proximum suum, & vnusquisque fratrem suum, dicens: Cognosce Dominum.* Hoc plenam suam cōsequi in terris veritatem Doctores negant, sed expectandam esse verificationem in cœlis. Et tamen aliquo modo est verificatio in terris, in his qui habent Christum in cordibus suis. Non enim ignorant illum etiam in se habitantem, nisi reprobj sint. Nonne B. Paulus indignatus quosdam increpabat, aiens: An non cognoscitis vosmetipsos, quod Iesus Christus in vobis est: nisi fortè reprobj estis. Hoc idem videtur prophetaisse Isaias ubi dixit: Quia repleta est terra scientia Domini, sicut aquæ maris operiētis. Et Domi-

nus dixit de illis primitiis Spiritus: Qui credit in me, sicut dicit scriptura, flumina de vētre eius fluēt aquæ viuæ. De sapientia & scientia diuinorum loquitur. Hoc autem (ait Euangelistā) dixit de Spiritu, quem accepturi erant credentes in eum. Itaque nō hic simpliciter asseuerat omnes cognitores Dominum, nimirum Iesum Christum, sed omnes qui computabuntur in partem populi sui, in quorum cordibus superscriptum fuerit opus legis, & Christus Iesus. Hi sunt verè proximi, & fratres inter se: & hi omnes cognoscunt Deum interno fidei oculo, licet nondum perfectè.

*Quoniam omnes noscent me à minore inter eos vsq; ad maiorem.* Et rationem adiiciens, ait: *Quia propitius ero iniquitatibus eorum, & peccatorum eorum iam nō memorabor:* Attēde lector. Quid est, rogo, quod faciat longè Deum à nobis abesse, nisi peccata nostra, & iniquitates nostræ, ut ait Isaias? Iniquitates vestræ diuiserunt inter vos, & Deum vestrum: & peccata vestra absconderunt faciem eius à vobis. Doctè tandem concludens Apostolus, ait: *Dicendo autem nouum, veterauit prius.* Pulchra admodum consideratio. Nouū dicitur respectu veteris. Cum ergo promittitur nouum, necesse est ut vetus, quod ei opponitur, veterascat. *Quod autem antiquatur & senescit, prope interitū est*, ut sit necesse succedere illi nouum. Hæc de præsentī capitulo à nobis dicta sint.

Verum Caietanus contra duo illa, quæ erant & sunt in ecclesia catholica persuasissima, videlicet authorem huius epistolæ esse B. Paulum Apostolum, & quod Hebraicè fuerit scripta, iis rationibus insurgit. Quod enim non Paulus, argumento est: quoniam quisquis ille sit, abutitur vocabulo Hebræo, quo vult significari testamētum, cum potius fœdus & pactum significet. Secundo, Græcè esse scriptam indicat: quia scripturam veterē citat iuxta interpretationem Septuaginta. Quis, obsecro, non vehementer miretur hominem Græcæ linguæ non peritum, tam audacter pronūciare de vocum significatione, & tam securè, contra eruditissimorum virorum perpetuum cōsensum? At paulo post hac de re erit sermo.

Quod verò in hac epistola, quæ legitur Græca lingua, producat aliquis scripturæ veteris locus iuxta Septuaginta interpretationem, quid, quæso, argumēti (si verum amamus) porrigit, eam primò Hebraicè non fuisse scriptā? Quid enim si Græcus B. Pauli interpres, qui propter linguæ Hebraicæ imperitos in Græcam vertit, illum Ieremiæ locū Hebraicè à B. Paulo citatum, ipse iuxta LXX traduxit, ad eos potissimum scribens, qui non nisi illam tunc habebant editionem autoritate celebrem? Nec enim rationabiliter aliter facere poterat. Vide ergo iam prudens lector, quanta consideratione ac iudicio legenda sint huius viri scripta.

CAP. IX.

**H**ABVIT quidē & prius iustificationes culturæ, & sanctū sæculare. Tabernaculum enim factum est primum, in quo erant cadelabra, & mensa, & propositio panum, quæ dicitur sancta. Post velamentum autem secundum, tabernaculum

Ierem. 31.

Rom. 5.

Contra negantes possibilitatem implendæ legis.

2. Cor. 13.

Isa. 11.

Ioan. 7.

Isa. 59.

Caietanus.



quod dicitur sancta sanctorum, aureum habens thuribulum, & arcam testamenti circumtectam ex omni parte auro, in qua urna aurea habens manna, & virga Aaron quæ fronderat, & tabulæ testamenti: superque eam erant Cherubin gloriæ obumbrantia propitiatoriū: de quibus non est modo dicendum per singula. His verò ita compositis, in priori quidem tabernaculo semper introibant sacerdotes sacrificiorum officia consummantes. In secundo autem, semel in anno solus Pontifex non sine sanguine, quem offerret pro sua & populi ignorantia: hoc significante Spiritu sancto, nōdum propalatam esse sanctorum viam, adhuc priore tabernaculo habente statum. Quæ parabola est temporis instātis: iuxta quam munera & hostiæ offeruntur, quæ non possunt iuxta conscientiam perfectum facere seruientē: solūmodo in cibis, & in potibus, & in variis baptisimatibus, & iustitiis carnis, vſque ad tempus correctionis impositis.

**B.** Paulus ostendere volens illud verus sacerdotium non omnino fuisse inutile, sed exemplar veri, ita ut per illa carnalia intelligentur spiritualia ac cœlestia, incipit ea pertractare de testamento illo, quæ ad sacerdotium attinent, & ait: *Habuit quidem igitur & primum iustificationes cultura, & sanctum* (seu mādatum) *seculare.* Quod ait, *habuit*, significat tūc iam non amplius habere: nouo enim subintrante interierat. Habebat autem primum testamentum, *iustificationes cultura*, hoc est, suos iustificandi modos, quibus redderentur idonei ad illum cultum per caeremonias, quæ scribuntur in lege. Habebat & sanctum sæculare. Significat locum ubi fiebant sacrificia. Et vocat, *sanctum sæculare*, ut differat à sancto spiritali & æterno, non manufacto, in quo nunc sacrificamus verè, hoc est, tabernaculum, quod fixit Deus. Illud autem tabernaculū sæculare in hunc modum se habebat:

*Tabernaculum enim factum est primum, &c.* Designans tabernaculum, & illud in duo diuidens, reuocat Hebræis in memoriam, quomodo in primo quidem erant candelabra, & mensa, & propositio panum, quæ vocatur sancta. Vbi quod ait, *vocatur sancta*, potest intelligi de propositione illa panum, & de ipso tabernaculo, id est, de hac prima pte tabernaculi: quod verius videtur. Et hæc prima pars tabernaculi censebatur vſque ad velum secundum, post quod velum erat tabernaculum quod dicitur sancta. sanctorum, habens thuribulum aureum, & arcam testamenti circumtectam auro omni ex parte, in qua erat urna aurea habens manna, & virga Aaron quæ fronderat, &c. Hic primum aduersus authorem huius epistolæ ex Caietano elicitor argumentum: quoniam in nullo habetur scripturæ loco thuribulum aureum fuisse in sancta sanctorum, nec urnam in arca quæ haberet manna, & virgam illam Aaron. Imò verò tantum abest ut hoc

sit in scripturis, ut etiam oppositum legatur, nimirum 3. Reg. 8. ubi habetur, in arca non esse reperiunt nisi tabulas testamenti. Quare, inquit, iste textus ut sonat, manifestè contradicit sacræ scripturæ. Nam sonat absque vlla differentia modi, hæc tria esse in arca: quod perinde est, ac si dixisset hæc tria esse intus in arca. Et addit: Fortè tamen authorem huius epistolæ fefellit intelligentia scripturæ Exo. 16. de phiala manæ: & Num. 17. de virga quæ fronderat. Mandatur enim de his ut seruentur coram testimonio Domini. Ex his enim fortè credidit hæc in arca seruari, &c. hæc ille.

Sic ergo agit hic homo cū huius epistolæ authore, non solum perinde ac si non fuerit B. Paulus Apostolus, sed quasi fuerit homo scripturarū imperitus. Porro qua illud confidētia contra sensum omnium ecclesiarum ausus fuerit, alij censeant. Istud apud doctos certum prorsus, ineptè atq; inefficaciter illum hac in re argumētatum esse. Et primum, de thuribulo aureo nō haberi in scripturis illud in sancta sanctorū fuisse, quā futilē est? Nonne potuit alibi decentius, & promptius collocari, ut præmanibus ad vſum legitimū mox adesset? Præterea, quis est hic tam rigidus exactor, qui legem B. Pauli præfigat, ne quid enūtiat non expressum in scripturis? Lapsus est igitur in errorem, quum dixit: Quemadmodum Iannes & Mambres reſtiterunt Moysi, &c. Hoc enim non habetur in scripturis. 2. Tim. 3.

Quod verò Manna dicatur iussu Domini seruatum coram testimonio, quid repugnat ei quod dicitur seruatum in arca, cum ipsa esset arca testimonij? Et similiter de virga Aaron sentiendum.

Porro illud 3. Reg. 8. Non fuisse in arca nisi tabulas testamenti: nunquid iccirco probatur nūquam ibi aliud fuisse, quā illas tabulas? Vide pie lector, quā inconsideratè hæc iactauerit tantus vir, in re tantæ considerationis & momenti. Verum nos de his latius in Annotationibus in illum, ad quas lectorem remittimus.

*His verò ita compositis, in priori quidem tabernaculo semper introibant sacerdotes.* Ad rem propositam reuertens Apostolus, ponit (quod pertinet ad mysteria) differentiam inter primum & secundum tabernaculum. In illud primum intrabant sacerdotes sacrificia consummantes. In secundum autem tabernaculum introibat semel in anno solus Pontifex, nec sine sanguine, quem offerebat pro se, & pro populi ignorantis. Ex hac autem proposita historia eliciens Apostolus allegoriam, ait per ea mysteria fuisse à Spiritu sancto significatum, nondum propalatam esse sanctorum viam, adhuc priore tabernaculo habentem statum. Erat ergo sanctorum via iam præparata, nimirum Christus qui dixit: Ego sum via, veritas, & vita. Sed eo indicio nōdum propalata: quia scilicet non erat ingressus in sancta sanctorum, hoc est, in vera sancta cœlestia. Adhuc enim velū stabat, & non erat scissum, sicut postea fuit à summo vſque deorsum. Solum Pontifex semel in anno ibi, nec sine sanguine pro se offerebat, & pro populi ignorantis: quoniam adhuc sub velo latebant vera cœlestia. At propalata via & nota facta, non oportet pro his ignorantis rogare (ut dictū est supra) quoniam omnes cognoscant me à maiore vſq; ad minorem, dicit Dominus. Stabat ergo sanctū sæculare. & quandiu stabat, sanctū

*Ioan. 14.*



illud sanctorum cœleste non apparebat.

*Quæ parabola est temporis instantis.* Applicat similitudinē, & ait: *Quæ parabola*, id est, similitudo, est instantis temporis, & ad illud tempus quod tunc instabat referenda, cum clausa erant sancta sanctorum, & velo testæ: & ideo stabat tabernaculum primum sanctum sæculare. Hoc autem probat per id quod sequitur: *iuxta quam* (Græcè, iuxta quod, scilicet tempus) *munera & hostiæ offeruntur, quæ non possunt iuxta conscientiam*, id est, intrinsecus, *perfectum facere seruientem*, id est, cultum patriæ exhibentem. Nam quæ offerebantur non erant spiritualia, nec spiritualia cōtinebant. Vnde rectè ostendit in quibus confisterent, *solummodo in cibis, & potibus, & in variis baptismatibus, & institutis carnis*, quæ solum iustificabant coram oculis hominum ad illud ministerium carnale, ut ritè fieret.

Ioan. 3.

Vbi & nota illud, *solummodo in cibis*, ne quis deceptus talia esse & sacramenta nostra arbitretur, ut est aquæ sacramentum, & alia quæ habent materiam terrenam. Adest enim vis spiritualis ibi coniuncta. Vnde Dominus dixit: Nisi quis baptizatus fuerit ex aqua & Spiritu sancto, ac si dixerit: Ex Spiritu sancto per aquam, aut media aqua. In cibo autem & potu sacrosanctæ Eucharistiæ, est ipsius corporis Christi substantia vera, & sanguis, unde trahimus spiritum salutis nostræ: quod superbi homines non credunt, & qui gloriantur in sua sapientia. Nec illud considerare volunt miseri: Si nihil aliud esset mystica benedictio in altari, quàm panis communis, & vinum commune, nihil prorsus differremus ab illo prisco sacerdotio, quod in huiusmodi cibis & potibus constabat: & ita nouus sub titulo Christianismi adductus esset Iudaismus: quod est omnino horribile, atque intolerabile. O infelicissimos hominum, qui contra suam ipsorum vitam certant, ac veram salutem.

Illæ autem carnis iustitiæ erant impositæ non ab re, nec inutiliter: sed ut cōtineretur ille populus in officio, & cādidaretur ad Christum. Quamobrem fuisse impositas vsque ad tempus correctionis docet. Mirificè autem expressit B. Paulus quid significare volebat ex verbo, *correctionis*, Græcè *διόρθωσις*. Significat enim propriè quandam erectionē (iuxta Budæū) quando quis lapsus ab unda aliquid apprehendit, quo se possit erigere. Talis erat Christus, sine quo nutabant Iudæi: quem qui apprehendit, & eius mandata custodit securè in eo innititur.

Christus autem assistēs Pontifex futurorum bonorum, perāplius & perfectius tabernaculū non manufactum, id est, non huius creationis, neque per sanguinem hircorum, aut vitulorum: sed per proprium sanguinem introiuit semel in sancta, æterna redemptione inuēta. Si enim sanguis hircorum, & taurorum, & cinis vitulæ aspersus inquinatos sanctificat ad emundationem carnis: quātò magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad seruiendum Deo viuenti: Et ideo

noui testamenti Mediator est, ut morte intercedēte, in redēptionem earum prauaricationum quæ erant sub priori testamento, repromissionē accipiant qui vocati sunt, æternæ hereditatis.

*Christus autem assistens Pontifex futurorum bonorum perāplius ac perfectius tabernaculum non manufactum, id est, nō huius creationis, &c.* Ecce (inquit) in quo est correctio nostra, & iuuamen: quoniam adest Pontifex, id est, Sacerdos summus, & Mediator noster ante Deum, non is qui debeat ulterius orare pro talibus populi ignorantibus, quæ erant infantium & puerorū. Ipse enim notitiam aperuit veritatis. Venit & ipse in tabernaculum suum, ut per illud introiret in sancta sanctorū. Sed illud tabernaculum in quod ipse venit, erat, *amplius*, siue maius: quia cōtinebat non vnus populi Gentem, sed omnium populorū. Erat & *perfectius*, quia non erat *huius creationis*, id est, manu hominum constructum, sed manu summi opificis Dei fabricatum.

Quærūt: Quodnam erat hoc tabernaculum tam amplum, tam perfectum, per quod transiuit Iesus? Quidam cœlum esse aiunt: nolo hīc contendere. Non placet tamen hæc responsio. Erat enim in terris Dominus, quādo hoc opus fecit & ministeriū: necdum penetrarat cœlos. Nisi fortè in ipsa causa effectum cōsideres, sicut ille dicebat: Ego vado ad Patrem. Sed huic intelligentiæ multa reclamant: quoniam per illud prius tabernaculum non significabatur cœlum, locus beatorum. Dicūt ergo alij hoc tabernaculum, per quod trāsīuit Christus, esse ecclesiam. Verūm quomodo ecclesiam, cum præter ipsum non inueniretur aliquis iustus? Nūquid, obsecro, existimare potes esse ecclesiam sine Spiritu sancto? Et nunquid Spiritus sanctus in vlla habirat anima non sanctificata? Ibat autem Christus ad sanctificandum omnes, & (te concedente) inuenit tabernaculum sanctificatum, per quod incedit, id est, ecclesiam iam conditam, & perfectè sanctificatam, ad quam tamen renouandam atque sanctificandam pergebat.

Cuperem sanè hoc in loco dari mihi homines & ingenio perspicaces, & animo benignos atque faciles ad cedendum veritati, cum sese patefacit. Scio enim (loquor cum dolore) de his qui sectis se addixerunt, esse plerosque qui claudūt aures, cum quippiam proponitur, quod eorum semel receptæ doctrinæ aduersetur. Non aliam verò ob causam defendunt, nisi quemadmodum Pythagoræi solebant. Ipse dixit, Dicam tamen, quantumuis sint repugnaturi, quod verum esse conspicio. Tabernaculum illud per quod Dominus incessit, ut intraret in sancta sanctorum, fuisse vnicam illam priamam Sponsam suam, in qua sustinebatur: quoniam illa sola præseruata fuit à culpa, super quam Sponsus liberè posset incedere, ac per suum sanguinem fracto suo mortalis carnis à summo vsque deorsum velo, intrare in sancta sanctorum, id est, in Tabernaculum illud non manufactum. Igitur beatissima illa Virgo virginum fuit primum illud Tabernaculum, de quo Propheta lōgè antè in spiritu vaticinatus est: Sanctificauit Tabernaculum suum Altissimus.

Quomodo autem intrauerit in hoc Tabernacu-

De gloria  
sæ Virginitatis.



lum Christus Pontifex noster, secundum intelligentiam carnalem promptum est capere: sed hoc nihil est ad ingressum secundum spiritum. Oporteret enim plurimum spiritualem esse hominem, ut modum queat contemplari, quo summus Pontifex noster in corde B. Virginis inhabitabat, & libere incedebat. Quomodo item per illud tadem exiens ille ex humanis, velo suæ carnis discisso (quæ res communis utriusque fuit) per sanguinem suum, non vitulorum, neque hircorum, semel intrauit in sancta cœlestia, æterna redemptione inuenta. Acquisiuit enim eam sanguine suo. Probare autem volens Apostolus per suum sanguinem Christum nostram nobis obtinuisse redemptionem & veram salutem, argumentatur in hunc modum:

*Si enim sanguis hircorum, & taurorum, & cinis vitulae aspersus inquinatos sanctificat ad emundationem carnis, &c.* Ritus illum expiationis memorat, de quo Leuit. cap. 16. Et vocat emundationem carnis, illam restitutionem ad cultum, quam crebro amittebatur per transgressiones decretorum legis, ut vel si tetigisset quis cadauer, & alia huiusmodi multa, quibus efficiebantur irregulares. Si ergo sanguis ille vilissimus hircorum, & taurorum, & ille cinis aspersus tantum poterant, *Quanto magis sanguis Christi qui per Spiritum sanctum semetipsum obtulit immaculatum Deo, emundabit conscientias nostras ab operibus ad seruendum Deo viuenti?* Clarum est hoc argumentum, ut propositum probetur. Illud tamen declarare oportet, quid sibi vult quod ait, Christum obtulisse per Spiritum sanctum, seu per Spiritum æternum ut habent modo Græci codices: licet facilis potuerit esse lapsus in Græcis. Obtulit absque dubio Christus semetipsum quatenus erat homo, motus à Spiritu sancto internè illum ad eam obedientiam excitante. Erat enim amor diuinus, qui ad heroicum illud opus, & supra modum arduum adduxit. Et iccirco meruit redemptionem æternam.

Hic notandum est quantum inter sit rescire unde procedunt opera, & à quo principio, ut sint bona & meritoria. Idem enim opus si ex charitate fiat, bonum erit. Quod alioqui non erit bonum, sed peccatum. Quæ item sint opera mortua videndum est. Et proculdubio opera mortua, peccata sunt: quia occidunt animam. Et quæcunque ex charitate non fiunt, mortua sunt: quia vitam non habent, & hæc coinquinant conscientiam. Nam omnes debent operari opera ex charitate, quicumque charitatem habent, aut habere tenentur. Christus ergo emundat ab operibus mortuis conscientiam auferendo inde maculas, quas ab ipsis operibus mortuis contraxit ipsa conscientia. Emundationis autem hic est finis, ut seruiamus Deo qui viuunt, & est Deus omnium verè viuientium, per opera bona, & viuam.

*Et ideo noui testamenti Mediator est, &c.* Concludit Apostolus, Cum Dominus noster, per mortem suam abstulerit omnes præuaricationes quæ erant sub priori testamento, in quibus continebatur in primis originale peccatum, & alia quæ inde scaturiebant actualia sine numero, meruisse illum ut fieret noui testamenti Mediator ut quicumque sunt ad nouum gratiæ testamentum vocati, accipiant repromissionem æternæ hereditatis. Non quasi omnes illi qui sunt vocati, accipiant: sed qui vocati permanserint in sua vocatione. Sic verè intelligendum est: Ne-

que enim soli prædestinati manent, ut falso putat vulgus. Et nos alibi abundè scripsimus, & perspicue ostendimus, quàm irrationabiliter multi aliter opinati sunt, & aduersus scripturas in vero sensu intellectas.

Hoc in loco diligenter notandum est, facta repromissionis mentione, pacti quoque mentionem includi. Nam omnis promissio pactum est, & fœdus etiam dicitur: præsertim cum est promissio pacifica. Et cum similiter fiat mentio hereditatis, idem quod est pactum, vocatur etiam testamentum, ita ut non sit impossibile conuenire simul, ut idem & pactum sit & testamentum, cum videlicet promittitur hereditas, & iureiurando firmatur promissio, ut iurisperiti statuunt. Quamobrem turpiter, & in hunc errorem perniciosè lapsus est Caietanus (sic loquor ob rei, de qua agitur, periculum grauissimum) qui ausus est & hoc in loco reprehendere huius auctorem epistolæ (certè beat. Paulum) veluti qui abusus fuerit hoc vocabulo hebræo, illud ad significandum testamentum sub ratione testamenti detorquens, cum significet pactum: iam accipiens quasi rem impossibilem, hereditatem posse venire in promissionem. Vnde non est veritus dicere, non paruum hinc sumi argumentum, scriptam fuisse Græcè hanc epistolam, quam nec Paulus vnquam vidit: perinde ac si dixerit, Si Paulus eam vidisset, utique reprobasset. O dictum audax, ut parè loquar. Expugnatur autem manifestè (ut aliàs dixi) per ipsummet B. Paulum ad Romanos, & ad Galatas scribentem, ubi absque dubio vocat testamentum sub ratione testamenti, cum adiciat hereditatem: de qua non nisi per testamentum disponitur. Et ut appareat complere rationem testamenti, ipsa rei veritas manifestat: quoniam nisi mors intercedat testatoris, non habet executionem testamentum, ut possit obtineri hereditas. Ita ergo oportuit esse, in proposito. Vnde protinus ratione subiūxit, & ait:

Vbi enim testamentum est, mors necesse est intercedat testatoris. Testamentum enim in mortuis confirmatum est. Alioquin nondum valet, dum viuunt qui testatus est. Vnde nec primum quidem sine sanguine dedicatum est. Lecto enim omni mandato legis à Moyse vniuerso populo, accipiens sanguinem vitulorum & hircorum cum aqua, & lana coccinea, & hyssopo, ipsum quoque librum, & omnem populum aspersit, dicens: Hic sanguis testamenti, quod mandauit ad vos Deus. Etiam tabernaculum, & omnia vasa ministerij sanguine similiter aspersit. Et omnia penè in sanguine secundum legem mundantur: & sine sanguinis effusione non fit remissio.

*Vbi enim testamentum est, mors necesse est intercedat testatoris, &c.* Vide quomodo probat rationem testamenti B. Paulus, & Christum ipsum testatorem. Ipse fuit qui promissit Abraham, & pacto obligauit illi hereditatem. Oportuit igitur illum mori, ea tamen parte qua homo erat, ut nos illius heredita-



te frueremur & bonis. Neque debet homo ita desipere, ut hæc quæ nobis de Deo dicuntur, convenientia sint penitus in Deo, sicut in nobis solet accidere. Ecce testatur paterfamilias. & Deum etiam fecisse dicimus testamentum. Sed paterfamilias. dum moritur, non acquirit sibi quicquam, nec acquirit hæreditibus bona hæreditaria. Christus autem ea morte utrunque acquisivit, videlicet hæreditatem sibi, & nobis. Præterea, ipsemet Christus qui est testator, est etiam hæreditas nostra: quod non contingit in aliis testatoribus. Sic pacta quæ inire dignatur nobiscum Deus & fœdera, similitudinem cum pactis habet, quæ nos homines inter nos contrahimus. Sed non eodem prorsus modo: quoniam Deus vera non potest seipsum nobis obligare, ut sit propriè obligatio. Homo autem homini obligatur, utpote qui habet superiorem legem obligantem. At Deus ipse neminem habet superiorem: & ideo dicitur potius ille debere sibi, quam nobis: & illud nullo ligamine, nisi nuda & mera sua voluntate. Nos autem vel inuiti ligamur pactis. Quæ igitur dicuntur de Deo & nobis, nequaquam sunt vniuocæ, penitusque iuxta eandem rationem æqualiter accipienda.

*Testamentum enim in mortuis confirmatum est: alioqui nondum valet, &c.* Istud item nota, confirmatum fuisse testamentum morte, minimè esse illi doctrinæ oppositum, quam tradidit scribens ad Galatas, confirmatum scilicet fuisse iureiurando ante mortem. Siquidem confirmatio illa fuit, ut ostendetur testamentum non posse immutari, quod iureiurando confirmatum fuit: non autem ita ut posset adiri hæreditas. Nam confirmationem fecit postea Christi mors. Nisi enim granum frumenti mortuum fuisset, ipsum solum mansisset. Sed nos illius morte erecti sumus, & obtrinuimus hæreditatem. Cœpit autem ille mori, & bonis suis propter nos priuari à primo suæ deiectionis & exinanitionis illius momento, videlicet quum incarnatus est. Testatus autem fuit antea, habens bona immensa quæ morte amisit, ut nos admitteremur ad illa. Quomodo ergo negare potest Caietanus non esse testamentum illud, ad cuius confirmationem necessaria fuit mors, & particularis illa mors per sanguinis effusionem, quæ & in figura veteris testamenti fuit designata? Quamobrem rectè ait Doctor noster, *Vnde nec primum quidem, scilicet testamentum, sine sanguine dedicatum est. Lecto enim omni mandato legis, &c.* Ecce quomodo ad similitudinem veri tabernaculi, & veri Pontificis omnia peragebantur: nec fiebat remissio illarum culparum, ut (quantum ad cultum) sanctificarentur, nisi per sanguinem.

Neceffe est ergo exemplaria quidem cœlestium, his mundari: ipsa autem cœlestia melioribus hostiis, quam istis. Non enim in manufacta sancta Iesus introiuit exemplaria verorum: sed in ipsum cœlum, ut appareat nunc vultui Dei pro nobis. Neque ut sæpe offerat semetipsum, quæadmodum pontifex intrat in sancta per singulos annos in sanguine alieno. Alioqui oportebat eum frequenter pati ab origine mundi. Nunc autem semel in con-

summationem sæculorum, ad destitutionem peccati, per hostiam suam apparuit. Et quemadmodum statutum est hominibus semel mori, post hoc autem iudicium: sic & Christus semel oblatus est ad multorum exhaurienda peccata. Secundò si ne peccato apparebit omnibus expectantibus se in salutem.

*Neceffe est ergo, &c.* Sensus Apostoli est: Cum illa antiqua essent exemplaria cœlestium, quæ in nouo testamento sanctificata sunt, necesse fuit ea illis sanguinibus emundari, id est, sanguine brutorum animantium. Nefas quippe erat hominum sanguine fieri illorum purgationem: sicut faciebant Gentiles sacrificantes idolis. Vbi & nos ingenuè fateamur, etiam Tabernaculum ipsum indiguissse sanguine. Redempta enim fuit & ipsa B. virgo: imò primum ipsa, & summopere, ac summo & singularissimo modo redempta fuit sanguine Christi per præseruationem. Hunc modum Filio & Matre dignissimum quidam nolunt recipere: sed & hoc illis aliquando, & citò (ut credo) reuelabit Deus, puritatis Sponsæ defensor.

Cum igitur antiqua illa terrena exemplaria cœlestium mundata sint illis hostiis, decuit, quin etiam omnino necesse fuit, ipsa cœlestia multò melioribus emundari, videlicet hostiis: plurali numero loquitur. Non enim vna fuit hostia tantum. Necesse fuit esse illi adiutorium simile sibi. Et præterea per Christi hostiam multæ hostiæ membrorum eius sanctificatæ sunt: contra istos miseros hæreticos. Vna quidem fuit hostia principalis, & in cuius virtute ceteræ sunt acceptæ: sed illa primum quæ fuit penitus immaculata, atque illi quoad fieri potuit, coniunctissima. Verum hac de re aliquando fortè dabitur spaciosior pro dignitate materiæ, dicendi locus.

*Non enim in manufacta sancta Iesus introiuit exemplaria verorum, &c.* Sensus clarus est, ac si dixisset: Ad intrandum in illa sancta sanctorum manufacta, satis erat ille hircorum & vitulorum sanguis. Ad intrandum verò in ipsum cœlum, ut appareat nunc pro nobis vultui Dei, decuit permulto meliorem, nimirum per cœlestem sanguinem fieri, quod omnes sanctificaremur ad cœli lucrum, patefacta sanctorum via. Addit vnam dissimilitudinem in figura: quoniam non fuit opus Christum semet ipsum pluries offerre, sicut solebat Pontifex qui singulis annis intrabat in sancta, idque alieno sanguine. Alioqui oportuisset Christum ab origine mundi frequenter pati, hoc est, omni anno ad redimendum mundum in omni ætate. At istud procul omni dubio fuisset absurdissimum supra omnem modum.

*Nunc autem semel in consummationem sæculorum ad destitutionem peccati, &c.* Potest hoc duobus modis intelligi. Primò, venisse Christum in ultimo tempore sæculorum: vel venisse ad consummationem, id est, perfectionem sæculorum omnium, quæ per ipsum perficerentur. Nam illius passio, seu passionum merita retrahuntur, ut prosint etiam præcedentibus sæculis. Destitutio siquidem peccati facta est: in illa carnis suæ destitutione: & sic per ho

Gal. 3.

Ioan. 12.

De compas  
sione d. v. r  
gi. & de  
martyri  
bus.



stiam suam, siue per immolationem sui ipsius, apparuit ante Deum Redemptor & propitiator pro nobis.

*Et quemadmodum, Ponitur hoc in loco, Et, pro, quia, statutum est hominibus semel mori, contra illos qui putant aliquos hominum non morituros. Dictum est enim omnibus in persona primi parentis Adæ: In sudore vultus tui vesceris pane tuo, donec reuertaris in terram de qua sumptus es: quia pulvis es, & in puluerem reuerteris, Et post hoc iudiciū, id est, postquam omnes mortui fuerint & resurrexerint, erit iudicium. Non enim iudicium ante resurrectionem, & consequenter ante conflagrationem mundi, sicut scriptum est: Ignis ante ipsum præcedet. Quomodo ergo poterunt aliqui salui esse ab illo igne? Sic & Christus semel oblatus est, ac si dixerit: Nulla ratione conueniebat Christum sæpius mori, si statutum fuit omnibus semel mori: sed illa Christi mors suscepta est à Deo, ad exhaurienda peccata, non vnius, sed multorum. Certè omnium, quantum attinuit ad voluntatem Dei. Multorum autem & non omnium: quia non omnes recipere voluerunt. Multi tamen receperunt, & non solum illi pauci electi. Quapropter Dominus de suo sanguine breui moriturus dicebat: Qui pro vobis, qui scilicet electi estis: & pro multis, qui in secunda classe relinquuntur: effundetur, siue potius effunditur. Assidue etenim secundum effectum ipsum funditur.*

*Secundo sine peccato apparebit omnibus expectantibus se in salutem: Secundo, inquit, apparebit sine peccato. Primo igitur apparuit cum peccato, non cuius ille commissi author extiterit (quod vel cogitare blasphemiam est) sed quod nos commisimus, & ipse in se suscepit luendum: ut possint confidere peccatores interim usque ad illud tempus, quandiu durabit tabernaculum hoc suum, scilicet militantis ecclesiæ. Nam secundo aduentu sine peccato apparebit, omnibus expectantibus se, id est, illis quos à peccato mundos inuenerit, & quasi expectantes Dominum suum, quando reuertatur à nuptiis. Nō enim tunc veniet humilis & mansuetus, vir dolorum & sciens infirmitatem: sed in potestate & gloria. Nec iam ad se vocabit peccatores, sed solos iustos. Illos eiiciet foras, qui in tēpore accepto spreuerunt eum. Nolo & hoc in loco nescire lectorē hæreticos etiam hinc eruere argumenta, quibus possint destruere sacrificium, & sacerdotium nouæ legis. Et tamē inde absque dubio vllō comprobatur. At hoc seruabimus sequenti capite pertractandum.*

## CAP. X.

**V**MBRA M enim habēs lex futurorum bonorum nō ipsam imaginem rerū: per singulos annos eisdem ipsis hostiis, quas offerunt indefinēter, nunquā potest accedētes perfectos facere. Alioqui cessassent offerri, ideo quod nullam haberent ultra consciētiam peccati, cultores semel mundati. Sed in ipsis cōmemoratio peccatorum per singulos annos fit. Impossibile enim est, sanguine

taurorum & hircorū auferri peccata. Ideo ingrediens mūdum dicit: Hostiam & oblationem noluiisti, corpus autem aptasti mihi. Holocaustomata & pro peccato non tibi placuerunt. Tunc dixi: Ecce venio. In capite libri scriptum est de me, ut faciā. Deus volūtātē tuā. Superius dicēs: Quia hostias, & oblationes, & holocaustomata, & pro peccato noluiisti, nec placita sunt tibi, quæ secundum legem offeruntur, tunc dixi: Ecce venio, ut faciam Deus volūtatem tuam. Aufert primum, ut sequens statuatur. In qua voluntate sanctificati sumus, per oblationem corporis Iesu Christi semel. Et omnis quidem sacerdos præstō est quotidie ministrans, & eadē sæpe offerens hostias, quæ non possunt auferre peccata. Hic autem, vnā pro peccatis offerens hostiā, in sempiternum sedet in dextra Dei: de cætero expectans donec ponantur inimici eius scabellum pedum eius. Vna enim oblatione cōsummauit in sempiternum sanctificatos. Cōtestatur autem nos & Spiritus sanctus. Postquā enim dixit: Hoc autem testamentum quod testabor ad illos post dies illos, dicit Dominus: Dabo leges meas in cordibus eorum, & in mentibus eorum superscribam eas: & peccatorum, & iniquitatū eorum iam non recordabor amplius. Vbi autem horum remissio, iam non est oblatio pro peccato.

**V**MBRA M enim habens lex futurorum bonorum, &c. Volens iterū suadere Apostolus inutilitatem illius sacrificij ac testamenti veteris: Primum sibi sumit legem illam in suis decretis & promissionibus, fuisse quodammodo vmbra futurorum bonorum, quæ non habebat imaginem rerum. Plurimum enim interest inter vmbra & imaginem. Per vmbra non redditur similitudo corporis, cuius est vmbra. At per imaginem bene repræsentatur id cuius imago est. Nūc videre oportet, quænam erant in lege habentia vmbra futurorū bonorum. Verū quænam, rogo, sunt illa quæ vocat futura bona? Respondeo. Christus cum Sanctissima Virgine Matre, & Sanctis eius, & vniuersa ecclesia Dei, quorum vmbra habebat lex, & non imaginem. Illa enim significabantur in terra Hebræis promissa, & in tabernaculis, & vasis, & candelabris, & mensa, & propitiatorio, & arca, & vna, & virga, & hostiis, & cūctis oblationibus. Hæc & alia innumera erāt vmbra sola verorum, & non vera imago: quoniā non poterant (ut ita dicamus) res veras effigiare. Ideo lex per has vmbas accedentes, perficere coram Deo non poterat. Per vmbam enim nunquam assequimur corpus.

*Per singulos annos eisdem ipsis hostiis, quas offerunt indefinēter, &c. Probat autem hoc à rei euidētia, Nam Pontifices illi singulis annis offerebāt indefi-*

Omnes homines gustabunt mortem.

Esai. 96.

Marc. 14.



Locus val-  
de diffici-  
lis.

Qui vis pe-  
netrare sen-  
sum Apo-  
stoli, aduer-  
se.

nenter easdem hostias. Qui si ad perfectionem venissent, cessassent aliquando sacrificare: ideo quod nullam haberent ultra conscientiam peccati cultores semel mandati. Conspiciebantur autem non cessare. Non igitur perfecti erant, nec perfici eo modo poterant. Ut autem perfecte huc Apostoli locum intelligere possimus (habet enim difficultatem non modicam, nec vllum legi qui mihi satisfecerit) dicam quod mihi visum est citra scrupulum planissimo sensu procedere.

Oportet primum cogitare (vt aliàs scripsimus) omnes homines ab initio fuisse vno peccato obnoxios, nimirum antiquo illo originali, quod quidem multa & innumerabilia peccata, quæ inde manabant, consequebantur: nec vllus poterat sanari à propriis peccatis, nisi ab illo peccato sanaretur. Qui autem ab eo peccato sanatus esset, etiam ab aliis inueniretur sanatus, quæcunque ante illam sanationem commisisset. Non enim poterat ab illo sanari, quin ab omnibus sanaretur. Hæc autem quæ dico non ignorabantur in ea primitiua ecclesia, cū scrutarentur scripturas, & recens vigeret Apostolorum doctrina: nam erant principia fidei. Quærebatur ergo destructio illius peccati, & aliorum ex illo venientium. Videamus nunc quo sacerdotio expiatum fuerit, & quo sacrificio: vtrum Leuitico, an eius potius qui fuit de Tribu Iuda. Certè nō Leuitico. Idque probatur: quoniam si hoc factum fuit, aut per Pontifices fuit, aut per minores sacerdotes: non per illos, neque per istos. Ergo, &c.

Quod minimè per Pontifices, luce clarius patet. Etenim illi per singulos annos offerebant easdem hostias pro se, & pro populi ignorantibus: & hoc iubebantur facere ex lege. Non ergo auferebant hoc peccatum: nec veniebat scientia de Deo, quam profitebantur tunc se ignorare. Alioqui cessassent offerre, postquam illud peccatum erat peccatum nature, vt semel sublatum nō posset redire. Hoc à nobis dicitur prius, ne quis obiiciat: Offerebant assidue pro nouis peccatis quæ comittebantur, nec cessabant committi. Nam sublatis prioribus, oportebat pro aduenientibus sacrificari. Hoc, inquam, dici nō potest: quia pro illis quæ comittebantur quotidie, non poterat fieri expiatio, nisi sublatum fuisset illud originale. Si quis autem inuentus fuisset potens ad tollendum illud, & de facto sustulisset, etiam cætera præterita simul deleuisset, & perfectus fuisset: & ita cessasset offerre easdem hostias. Necesse quippe erat nouum pactum, seu testamentum introduci, cum satisfactum fuisset Deo pro primo testamento: quod dum diceretur vetus, manifestè nouum esse introducendum innuebat. Nouo autem testamento succedere, consequenter oportebat Leuiticum illud sacerdotium omnino cessare, quod solum vigeat stante adhuc veteri testamento, cuius præuaricationes manebant. Donec enim non cessarent obliteratæ & deletæ præuaricationes primi testamenti, necesse erat durare illud sacerdotium. Durasset autem in æternum, si expectatum fuisset vt per illud auferrentur peccata. Nam assidua commemoratio fiebat peccatorum in illis oblationibus. Non ergo tollebantur, nec per illas hostias corda mundabantur. Et verè impossibile erat sanguine illo hircorum, & taurorū (vt docet Apostolus) auferri peccata.

ideo ingrediens mundum dicit. Reiciit Apostolus hostias præcedētis sacrificij autoritate verbi Christi ad Patrem, qui ob istam causam à Propheta introducit venire in mundum, id est, ob inutilitatem hostiarum ad remittēda peccata. Verba enim Christi sunt hæc, *Hostiam & oblationem nolui: corpus autem aptasti mihi.* Nos legimus, *aures autem perfecisti mihi.* Iuxta veritatem autem Hebraicam, *Aures autem perfodisti mihi.* Et fortè loco, *perfodisti*, suppositum est, *perfecisti*, sed omnia eundem sensum reddunt, qui est: *Aptasti me per corpus quod accepi ad obedientiam, vt possem mereri obediendo.* Auribus enim excipimus præcepta, & cū perforatæ sunt, perfectè audiūt. Alludit autem ad mancipia, quæ quum nolebant frui beneficio iubei, sed seruire semper, his aures perforabantur. Talem se Dominus descripsit propter voluntariā obedientiam vsque ad mortem, mortem autem crucis.

*Holocausta & pro peccato non tibi placuerunt.* Quod Apostolus ait, *Et pro peccato*, significat particulare sacrificium, quod dicebatur pro peccato. Non ergo intelligendum est absolute, non tibi placuerunt: sed non tibi placuerunt ad liberandum (sicut expectabatur, & oportebat) mundum à peccato, quo cuncti tenebantur. Alioqui nihil stante illo peccato actum fuisset. *Tunc dixi: Ecce venio*, id est, carnem accipio ad obediendum. Vnde bene sequitur, *Vt faciam Deus voluntatem tuam.* Et interposuit, *In capite libri scriptum est de me.* Hebræi legunt, *In volumine*, siue in pagina libri. Sed authore eodē Spiritu sancto conuenientissimè interpretati sunt sancti Dei homines, *In capite libri.* Quod enim est in capite libri, in volumine est. Verum id maxime ad rem spectat, non solum significare de illo scriptum esse, sed locum vbi scriptum est. Quapropter dicitur in ipso voluminis principio: vt intelligeremus in eo capite libri scriptum esse, vt quemadmodum per ipsum condita erant omnia, ita omnia per eundem essent instauranda: quod verissimum est, vt & illo in loco Genesis in nostris commentariis latius hac de re scripsimus.

Perdocte autem argumentatur ex his verbis Apostolus, vt probet primum Leuiticū sacerdotium debuisse cessare, & statui secundum & nouum in Christo: quia pauld superius iam dixerat: *Hostias & oblationes & holocausta & pro peccato nolui.* Quibus vocibus concluduntur cuncta quæ sacrificabantur ad expiationē peccati. Et statim ait: *Ecce venio vt faciam voluntatem tuam*, hoc est, vt melius testamentum constituam ad veram animarum sanctificationem. *In qua voluntate sanctificati sumus*, vt scriptum est. Hæc est enim voluntas Dei, quam scilicet ad effectū redexit Christus, sanctificatio nostra. Redexit autem ad effectū per oblationem corporis sui semel, non continuè, nō pluries, vt faciebant alij minores sacerdotes: ne quis fortè diceret: Si summus Pontifex ipse non tollebat peccata, saltem hoc agebant minores sacerdotes: nam de iis protinus subiunxit:

*Et omnis quidē sacerdos præsto est quotidie ministras, & easdem sæpe offerens hostias, &c.* Bis enim in die, mane & vespere agnus offerebatur, sed frustra omnia: quia non poterant nec ipsa sanctitate, nec hostiarum illarum virtute auferre peccata. *Hic autem*, id est, Dominus noster Iesus Christus, *vna pro pec-*

1. Thess. 4.



*catas offerens hostiam, in sempiternum sedet in dextera Dei,* sensus est: Postquam ipse obtulit vnam pro peccatis hostiam, tum acquisiuit sibi sempiternam cum Deo amicitiam, vt iam sedeat à dextris eius in potestate. Sunt qui illud, in sempiternum, referant ad oblationem, siue oblationis efficaciam: perinde ac si dicere voluerit: Obtulit hostiam sempiternae efficaciae: quod & verum est. *De cetero expectans vt ponantur inimici eius scabellum pedum eius.* Interim sedet, id est, quiescit in dextera Dei, à quo absolutam accepit omnem omnium potestatem, quam tamē non exercet in omnes, sed expectat donec ponantur inimici eius, id est, homines impij, haeretici, & Antichristi, scabellum pedum eius.

*Vna enim oblatione consummavit in sempiternum sanctificatos,* Graecè, eos qui sanctificati, id est, qui suae sanctificationis fructum non spernunt, hos consummavit & perfectos fecit, vt non sit vltterius opus alia per ipsum oblationem. Et hic est locus praecipuus, in quo inhiuntur noui haeretici ad negandum sacrificium noui testamenti, praeter alia argumenta quae ex dictis ipsius Apostoli sumuntur. Vt igitur plenius haec pertractentur, resumam primū eorum argutias, tum eandem mox retundam.

Si vna illa (inquiūt) oblatione sanctificatos perfecit Dominus in sempiternum, quid vos nouas oblationes inquiritis? Nonne in iniuriam illius fit, quasi illa non satisfecerit? Deinde, Si Pontifex noster est in caelis vnus assidue interpellans pro nobis, quomodo non vacant qui sunt in terris sacerdotes? Terriò, Si pluralitas sacerdotum antiquorū reprobatur à Paulo propter infirmitatē, vnde hic vobis tam magnus sacerdotum prouentus? Quartò, Si inter legem veterem quae constituit sacerdotes, & legem nouam quae dicitur sermo iurifurandi hoc interest, quod lex illa quidem constituit homines sacerdotes infirmitatem habentes & morti obnoxios: quomodo vos noui testamenti sacerdotes estis, cum similiter moriamini? Quintò, Sicut illi sacerdotes spreti sunt à Paulo, eò quod semper pro se orabant, & pro populo, vt inde collegerit eos nunquam litasse, atque ad perfectum peruenisse: quid obstat, quin hoc similiter dicatur de vobis, qui itidē idipsum facitis non cessantes ex mandato sacrificare pro vobis, & populo Dei? Sextò denique, Verba haec sunt aperta Pauli aientis: Vbi peccatorum remissio, iam non est oblatio pro peccato. Est autem omnium peccatorū per illam oblationem remissio, vnde igitur vestrae oblationes?

Nos autē iis omnibus respondentes, ordine tamen retrogrado procedemus. Ad sextum ergo quando obiciunt: Vbi est peccatorum remissio, iam non est oblatio pro peccato. Respondeo loqui Apostolum de peccatis quae erant sub primo testamento, quale erat originale, & quae inde manabant: sicut declaratum est superius. Ob eam causam dixit B. Paulus: Vbi est horū remissio, horum inquit, de quibus videlicet dixerat per Ieremiam Dominus: Dabo leges meas in cordibus eorum: & peccatorum eorum, & iniquitatum (proculdubio praeteritarum, non autem earum quas post inscriptas leges in cordibus commiserint) non recordabor. Itaque necesse est manere sacrificium pro culpis, quae sub nouo testamento admittuntur post veterum remissionem peccatorum, & acceptam gra-

tiam, vt probabitur.

Ad quintum, Dicimus meritiò ab Apostolo spretos esse priores sacerdotes tanquam non litantes, & semper sacrificantes: quādoquidem semper orabant, & eandem offerebāt hostias pro suo proprio, & populi peccato. Sed non propterea spernendi sumus nos noui sacrificij sacerdotes & ministri. Non enim idem facimus, qui (vt paulò antè dictū est) pro alio genere peccati sacrificamus, & assidue pro nouis peccatis quae à nobis committuntur. Illi pro illo peccato nimirum originali: quod si sublatum semel fuisset, non redibat vltterius. Quamobrem non oportebat eo semel sublato, amplius pro illo sacrificare. At nos, quoniam pro assiduis peccatis quae in dies committuntur, offerimus sacrificiū, nihil prohibet, imo etiam necesse est assidue sacrificare, ac simul assidue litare: vt quae assidue admittuntur, assiduo sacrificio expientur. Nō enim pro eisdem peccatis semper à nobis offertur sacrificium.

Ad quartum, Dicimus sacerdotium primum nō habuisse vnum summum sacerdotem qui semper viueret, ac per hoc in quo consisteret ipsum sacerdotium: sed omnes etiam summi sacerdotes erant infirmi, mortique obnoxij. At sacerdotium nostrū in summo illo Sacerdote fundatur, qui est vitę insolubilis. Quare perspicua est differentia inter sacerdotium veteris legis, & nouae: quia perennitas sacerdotij nostri & vigor sustentatur in Christo Iesu Redemptore nostro, qui est Sacerdos in aeternum. Nos enim sub illo Sacerdote sumus, vt eius ministri. Ille est summus Pastor, & nos loco eius pastores.

Ad tertium, Similiter dicimus nihil prorsus esse absurdi, sub Christo Sacerdote qui viuit, multos inueniri sacerdotes morti obnoxios. Satis est enim illum Sacerdotem principē semper viuere: quod non fuit in illo antiquo sacerdotio.

Ad secundum, Dicimus non vacare propterea sacerdotes qui sunt in terris, quod ille coram Deo in caelis assistat, & interpellat pro nobis. Verum hīc opus attentione multa, & illud reuocandum in memoriam quod saepe diximus & saepius propter istos haereticos repetendum est, videlicet Christū per vnam illam suam oblationem non desisse sacerdotem esse: imo per illam acquisiuisse sacerdotium, vt illud Leuiticū in aliud trāferretur, quod est noui testamenti sacerdotium. Sacerdotium autem hoc, quemadmodum & illud Leuiticum, omnino habere debet & Sacerdotem summum qui intret in sancta sanctorum: & alios plures minores, qui maneant inferius in sancta, & quotidie sacrificent. Eam enim formam constituit Dominus Deus ad exemplum veri tabernaculi obseruandā: in quo etiam oportuit esse sancta, vbi quoque celebraretur, & offerrentur hostiae. Et item esse sancta sanctorum in caelis, quod iam est ingressus summus noster Pontifex medio proprio sanguine, vnicā illa oblatione: qua factum est vt pro praecedentibus culpis, quae erant sub priore testamento, litatum sit: & vt pro nouis quae sub nouo emergerent, sit translatum illud sacerdotium veros inutile, & statutum nouum pro iis culpis luendis, quae assidue iterantur in nouo testamento. Nota, haeretice, quod ait Paulus, Translatum sacerdotium per

*Notet haereticus.*



Christi sanguinem, non extinctum. Tu autem omnino vis extinctum, cum vis cessare omnem oblationem. Et vide: Quemadmodum sacerdos ille summus veteris testamenti, postquam intrasset in sancta sanctorum semel in anno, non amplius per se ipsum hostiam offerebat manens tamen sacerdos, licet inferiores sacerdotes non cessarent quotidie offerre agnum, & varias hostias, quæ omnes hanc unam nostram significabant: Ita Christus semel ingressus per suum sanguinem in sancta sanctorum cœlestia, retinens æternum sacerdotium permittit, imò vult & iubet à nobis minoribus in hoc inferiore suæ sanctæ ecclesiæ tabernaculo offerri hostiam illam viuam immaculatam, quam ipse sua omnipotentia fecit, & ordinauit nobis ut faceremus, quæ est secundum ordinem Melchisedech non communis panis, & vinum commune, sed sub specie communis panis & vini corpus suum, & sanguis, id est, panis verus, viuus, cœlestis: & vinum cœleste, ambrosia & nectar nostrum, cibus & potus Deorum, id est, cœlestium ac beatorum prorsus omnium spirituum.

Ecce quam aptè quadrant omnia. Habemus enim sanguinem & verum sanguinem, quem offerimus ad placandum Deum pro nouis culpis: quia sine sanguine non fit remissio, cuius effusio semel facta semper prodesse debet, modo iugiter offeratur. Nec solum pro iis culpis quæ admittuntur, verum etiam pro gratiarum actione & laude, quam debemus Deo. Nec solum ad eluenda peccata iam admissa, verum etiam ad impetranda beneficia, & ne amittantur. Quotiens nanque offerimus, toties ille sanguis ante aspectum Dei effunditur, hoc est, toties illius effusionis efficaciam præstat: quia cum memoratur illa effusio (facimus enim in memoriâ eius) quodammodo renouatur. Sic enim sapientissimè instituit Dominus. Oportet enim ut proficit illud sacrificium, applicari nobis. Applicatur autem respectu præcedentium culparum, quæ sunt sub veteri testamento, per baptismum. Respectu autem nouarum per sacrificium hoc nouum, & per alia sacramenta, quæ absque hoc sacrificio non proficerent: sicut nec absque illo Christi sacrificio prodesset baptismus. Non est ergo cōfectum sacrificium nostrum, sed verum & ordinatum à Christo ipso in cœna. Ipse enim primus & verus Melchisedech postquam primum animo & voto obtulit seipsum Deo, & vidit Deum oblationem accepisse, & per eam oblationem se acquisisse sacerdotium æternum, ordinauit & obtulit tunc panem & vinum, corpus & sanguinem suum incruentum sacrificium, & dedit potestatem nobis idem faciendi & offerendi in nouo testamento iam veteribus culpis delictis. Nec solum nobis id faciendi potestatem dedit, verum etiam ut re ipsa faceremus, mandauit. Ecce igitur quomodo non vacant noui testamenti sacerdotes, sed & ad eum finem sunt necessarij, ut sit & maneat sacerdotium in æternum, videlicet in hoc testamento æterno pro nouis culpis. Æternorum dico: quia nunquam mutabitur, & tandiu durabit, quandiu sunt mundi huius sæcula perdurata. Nec est verum, nostram ministrationem non aliud esse quam commemorationem illius sacrificij & oblationis Christi: ut videntur quidam indocte dicere. Alioqui quilibet esset sacerdos, qui hæc

posset facere commemorationem. Quis autem non posset? Nihil autem est in ratione veri sacrificij, quod non sit in isto nostro. Quatuor enim sunt quæ in sacrificio considerantur: Sacerdos offerens. Deus, cui offertur. Hostia & oblatio quæ offertur. Denique causa ipsa oblationis. Circa sacerdotem, haud dubium (cum sacerdotium in ecclesia sit ordo summi ac dignissimi honoris) à Deo ordinatum fuisse: contra quod temulentè blaterant noui dogmatistæ.

Cum enim præcepit Dominus Apostolis suis dicens: Hoc facite in meam commemorationem, tunc illis sacrificandi potestatem dedit, sicut persuasissimum est vniuersæ ecclesiæ. Nec propter hos nouitios doctores ullo pacto reuocanda sunt in dubium. Nemo enim sibi assumit honorē, sed qui vocatus est ut Aaron. B. Petrus clarè hunc ordinē designauit in ecclesia, cum regale sacerdotium in ea constitutum dixit. Nam si in primo testamento fuit hic honorabilis ordo secundum carnē, quando magis esse debuit secundum spiritum in secundo? An non dixit B. Paulus translatum esse sacerdotium, ad exemplum nostri sacerdotij constitutum, iuxta mandatum Moysi à Deo? Certe si in eo sacerdotes erant, etiam in hoc oportebat non deesse. Alioqui quodnam (rogo) exemplum illud fuisset?

Præterea, Nonne B. Paulus mandabat ordinari presbyteros & Episcopos, ut perpetuo consuetum fuit in ecclesia sancta Dei? Quid autem illi erant, si sacerdotes non erant? Quod verò ut Magistratibus blandiretur, Lutherus dogmatizauit: Omnes Christianos parē habere & æqualem potestatem in verbo & sacramento, non autem exercitiū (nam hoc pendere ab electione per Magistratus laicos docuit) ita est stultum, ut nullum prorsus mereatur responsum. Sunt enim quædam adeo per se falsa, & ridicula, ut vel primo auditu, nisi pernicioosa essent, silentio præteriri deberent. Verum propter infirmos & rudes, ne quis decipiatur, redargui ea oportet: ne illi sapere videri possint.

Sunt igitur sacerdotes in ecclesia Christi: & est ordo ipse sacerdotalis ab ipso institutus ad sacrificandum. Porro ipse Deus est, cui nos sacrificia offerimus. Nam soli Deo sacrificium debetur. Est item & hostia quæ offertur, quam nobis præparauit ipse ut offerremus, nempe corpus & sanguis Domini nostri Iesu: quia sine sanguine non fit remissio. Hanc hostiam nos facimus, & offerimus. Sacerdotis enim non solum est offerre, verum etiam facere sacrificium. Facimus ergo & nos illud. Nam cum verba Christi proferimus, continuo ad est sub speciebus panis, corpus: & similiter sub speciebus vini, sanguis: quæ offerimus. Et hæc est hostia viuua, quæ summo Deo placet.

Dices fortassis: At nulla est sanguinis effusio in nostro sacrificio, quæ tamen videtur exigi. Et nos dicimus: Imò iam declarauimus esse etiam effusionem sanguinis secundum commemorationem & efficaciam. Vnde sicut Christus antequam effunderetur sanguis, dixit: Qui pro vobis effunditur (ut habet vera Græca lectio) ut indicaret illum omni momento effundi: ita & post effusionem, quoties eam effusionem commemoramus, in Dei conspectu quodammodo renouamus, cum ante oculos Dei illa effusio pro omni tempore respiciatur ut præ-



præfens. Habes iam Catholice lector, offerentem sacerdotem legitimum. Habes & cui offertur, & quod fit vt offeratur. Nunc insuper veras accipere necessariz oblationis causas.

Sciendū est, Sacrificium reddi Deo, iuris esse naturalis. Ratione enim naturali deprehensa est obligatio sacrificij. Sacrificium enim est exterior quædam protestatio interioris deuotionis ac fidei, quæ in Deum respicit. Deuotio quippe nihil aliud est, quam actus quidam interior volūtatis, quo homo subdit se sponte ac summisse Deo vt Domino, vt Creatori, vt Seruatori, vt ei quo indiget omni momento, & à quo recipit beneficia, quicquid ipse est, & quicquid habet. Hanc interiorem deuotionem debet homo etiam per signa exteriora proferre ac profiteri, vt per sensibiles res declaret, & offerat hunc animum suum. Hæc est propria hominis conditio, manifestare interna per externa.

Quod si rursus peccauerit homo in Deum, contra eius mandata faciens, superadditur etiam ratio sacrificij. Nam pro beneficiis acceptis est sacrificium laudis, & gratiarum actionis. Pro impetrandis autem est etiam sacrificium deuotionis. At pro redimendo vel se, vel alios à peccatis, oportuit quoque esse particulare sacrificium.

Cum igitur iste sacrificij causa absque dubio vigeant in nouo testamento, hoc vnum ordinatum est nobis sacrificium corporis & sanguinis Christi incruentum, vt sit satis pro omnibus causis, id est, ad laudem, & gratiarum actiones exhibendas Deo, & ad noua beneficia impetranda, & ad deletionem recentium peccatorum: quam vim tamen habet ab illa vnica oblatione per Christum facta, quæ in his nostris oblationibus recolitur. Nā sicut nos oportet pro nobis, & inuicem pro toto corpore ecclesiæ orare (quāuis pro nobis omnibus Christus orauerit) ita oportet & nos pro nobis sacrificare, quanquam Christus pro nobis & pro toto mūdo sacrificauerit: quia sic applicamus nobis illius & orationem & sacrificium. Falluntur ergo supramo dum hæretici, qui sacrificiū negant. Nec solum id contra scripturas inficiuntur, & cōtra morem ecclesiæ: verum etiam contra naturalem rationē, cui & omnium gentium ritus ab initio mundi in hodiernum diem astipulatur: vt vel sint isti ipso Cain longè deteriores. Neque enim ille sacrificij debitum, quod natura ipsa docebat, negauit: sed solum fidei sacrificium non admisit. Isti autem dementes homines simul & fidem, ac ipsam naturā negant.

Sed hætenus aduersus illos. Ad Apostolum nostrum iam redeamus.

Habentes itaque, fratres, fiduciam in introitu sanctorum in sanguine Christi, quam initiauit nobis viam nouam, & viuentem per velamen, id est, carnē suam: & Sacerdotem magnum super domum Dei: accedamus cum vero corde in plenitudine fidei, aspersi corda à cōscientia mala, & abluti corpus aqua mūda, teneamus spei nostræ confessionem indeclinabilem (Fidelis enim est qui repromisit) Et cōsideremus inuicem in prouocatio-

nem charitatis, & bonorum operum: nō deferentes collectionem nostram, sicut consuetudinis est quibusdam, sed consolantes, tantò magis, quantò videritis appropinquantem diem.

*Habentes itaque.* Quia nemo potest assequi fiduciam intrandi in sancta sanctorum, nisi eo modo quo Christus intrauit. Intrauit enim ipse prius in sancta: quia dignatus est humiliari, & quasi vnus nostrum versari nobiscum ministrans, vt inde in sancta sanctorum, id est, in sancta cœlestia penetraret. Cum igitur dicat Apostolus: *Habentes itaque fratres, fiduciam in introitu sanctorum*, ostendit se ad eos sermonem dirigere, qui iam profitebatur in ecclesia fidem Christi, vnde venit spes aedificandi superna, eo quod Christus viam nobis, *initiauit*, seu inno-uauit, *nouam & viuentem viam*, quam calcavit ipse primus. Hæc est via crucis, de qua apud B. Ioannē *Ioan. I. 4.* dixit: Et quod ego vado scitis, & viam scitis.

Et vt melius declararet Apostolus, dixit hanc viam esse factam, *per velamen, hoc est, per carnē suam*, cuius liuore sanati sumus. Sic & nos oportet transire per humilitatem & passionē carnis. Dixit hæc *I. Cor. I.* esse viam nouam, & verè à nemine antea excogitam. Quia enim non cognouit mundus per sapientiam Deum, placuit Deo per stultitiā crucis saluos facere credentes. Vocauit & viam viuentem, vtpote in qua est vita Spiritus, & ad vitam etiam ducit meliorem. Cum igitur habeamus hanc viam: & *Sacerdotem magnum super domum Dei*, qui potest & vult nos adiuuare: & magnus est, quoniā est præpositus totius domus Dei, quæ est ecclesia, super omnes Cherubim & Seraphim. Postquā ergo præsto est nobis tanta facultas & tāta petendi fiducia:

*Accedamus*, ad ipsa cœlestia regna, *cum vero corde*, non ficto & simulato, *in plenitudine fidei*. Plenitudinem fidei vocat, quæ certitudinem & persuasionem ita affert, vt nullus hæsitatiōi relinquatur locus. Id autem verè est cum purificatum est cor. Fieri enim vix potest vt sit plena fides in corde impuro. Ideo ait: *Aspersi corda à cōscientia mala*. Alludit ad asperisionem factam per Moysen: quoniam aspersit populum cinere intincto sanguine. Quæ quidem asperio significauit purificationem cōscientiæ per pœnitentiam, & vim pœnitentiæ purificatis corda per sanguinem Christi. *Et abluti corpus aqua mūda*. Hoc fit per baptismum. *Teneamus spei nostræ confessionem indeclinabilem*. Hanc euangelij salutarem parrem præscindunt nostræ ætatis hæretici: & non intelligunt quid sit teneri spei confessionem absque declinatione. Quid enim est aliud, quàm insistere atq; inniti bonis operibus, vt tandem accipiamus promissionem, & intremus in sancta sanctorum cœlestia? Audi quid addat Apostolus:

*Fidelis enim est qui repromisit*. Vtinā & nos quoque fideles essemus, præstantes ea quæ promissimus. Inuitat autē eos, vt mutuis inter se acceptis & datis bonis exemplis proficiant. *Et cōsideremus inuicem in prouocationem charitatis, & bonorum operum*. His enim spes alitur, & ipsa ducit nos ad interiora velaminis. Isti autem noui speculatores, vt fidem nudam, ita & spem & fiduciam nudam considerant. Quo fit vt falsi & fallentes, promissionē ex



Matth. 11.

sola fide firmam esse carnalibus hominibus obtundant. At perspicue illos hic Apostolicus sermo reuincit. Spes enim arduorum est, & innititur in ea vi, de qua Dominus: Regnum cœlorum (inquit) vim patitur, & violenti rapiunt illud. Cum autem nullo modo oporteat segregare se à castris Dei, quod tamen plerique ex Iudæis faciebant: & hæcenus ferè semper fecerunt (pauci enim sincero corde ducuntur) addidit:

*Non deserentes collectionem, seu cōgregationem, nostram, sicut consuetudinis est quibusdā. Circūspecte ait, Quibusdā, quoniam non omnes tales erant, sed consolantes inuicem, perseverando, & alter alterum quadam æmulatione sancta hortando; & tanto magis, quanto videtis appropinquantem diem. Diē insinuat tribulationis, & audiendæ nouissimæ sententiæ siue ad felicitatem æternam, siue ad cruciatus nullo fine finiendos: qui dies propinquus est vnicuique. Nos tamē cōsulq; stupidi sumus & amētes, vt vix vllus de tāto exitu serio meditetur, quē verē oportet omni momento meditari. Quām sapienter optabat propheta, vtinam saperent, & intelligerent, ac nouissima prouiderent. Dormientibus enim venturus est velut fur nocturnus, & non effugient, vt alibi docet Apostolus.*

Dent. 3.

Voluntariē enim peccantibus nobis post acceptam notitiā veritatis, iam non relinquitur pro peccatis hostia: terribilis autem quædā expectatio iudicij, & ignis æmulatio, quæ consumptura est aduersarios. Irritam quis faciens legem Moyfi sine vlla miseratione, duobus vel tribus testibus moritur. Quantō magis putatis deteriora mereri supplicia, qui Filiū Dei conculcauerit, & sanguinem testamenti pollutum duxerit, in quo sanctificatus est, & Spiritui gratiæ contumeliam fecerit? Scimus enim eum qui dixit, Mihi vindictam: ego retribuā. Et iterū: Quia iudicabit Dominus populum suum. Horrendum est incidere in manus Dei viuentis.

Rememoramini autem pristinos dies, in quibus illuminati magnum certamen sustinuistis passionum, & in altero quidem opprobriis & tribulationibus spectaculum facti: in altero autem socij taliter conuersantium effecti. Nam & vinctis compassi estis: & rapinam bonorum vestrorum cū gaudio suscepistis, cognoscētes vos habere meliorem & manentē substantiam. Nolite itaque amittere cōfidentiam vestram, quæ magnam habet remunerationē. Patiētia enim vobis necessaria est, vt voluntatem Dei faciētes, reportetis promissionem. Adhuc enim modicū aliquantulumque, qui venturus est, veniet, & non tardabit: Iustus autem meus ex fide viuuit. Quod si subtraxerit

se, non placebit animę meę. Nos autē nō sumus subtractionis filij in perditionem: sed fidei, in acquisitionem animæ.

*Voluntariē enim peccantibus nobis, &c. Etia hic lo-* *In hareticos.*

cus vehementer percutit aduersarios. Nam hinc apparet quod pro peccatis sub nouo testamento post acceptā salutaris hostiæ in baptismo efficaciam commissis, nō habemus pro peccato hostiam illam, quam Christus obtulit pro peccato mundi, & pro delictis baptismum præcedentibus. Non enim nisi semel ille mortuus est: & ideo semel dūtaxat hostia illa ad hunc effectum applicatur. Non tamen excluditur alia via remissionis quæ fit per penitentiam, Christo in cœlis assistente & interpellante pro nobis, modo & nos satisfaciamus penis debitis, luētes pro merito admissorū. Notandū tamē, Apostolū hic specialiter aduersus eos de certo peccato voluntario loqui voluisse, quo ab ecclesia recedebāt: de quo iā superius diximus ca. 6.

*Terribilis autem quadam expectatio iudicij, & ignis æmulatio* (subaudi manet). Vocat ob eam causam ignis æmulationē: quia in illo igne apparebit zelus Domini corripientis ac dicentis: Tu nō curasti me cum vocarem, sed despexisti: Ecce nec ego te curo, sed rideo & subsanno. Tu spreuisti delectari in me Domino Deo tuo, & vero bono, & post concupiscentias & voluptates tuas cucurristi. Et ecce ego delector in Sponsa mea, quæ & ipsa oblectatur mecum in cubili, delitiis affluens, & gaudio fruitura sempiterno. Hæc est illa ignis æmulatio, quæ & Isaias his verbis eleganter expressit, dicens: Pro eo quod vocaui, & non respondistis mihi: loquutus sum, & non audistis: & faciebatis malum in oculis meis, & quæ nolui elegistis: Propter hoc, hæc dicit Dominus Deus: Ecce serui mei comedent, & vos esuriētis. Ecce serui mei bibent, & vos sitietis. Ecce serui mei lætabuntur, & vos confundemini. Ecce serui mei laudabunt præ exultatione cordis: & vos clamabitis præ dolore cordis, & præ contritione spiritus vlulabitis: hæc ille. Vnde meritō subiungit de hac æmulatione:

*Quæ consumptura est aduersarios.* Re vera Apostolus de igne loquitur, qui deuoraturus est aduersarios. Sed hic ignis suam vim in æmulatione exercet. Proinde hæc veritatē quam impij fiocificiūt, suadet his verbis, *Irritam quis faciens legem Moyfi, &c.* Ita enim mandabatur, vt sine vlla misericordia occiderentur, qui non obediebant, probato solum crimine per duos aut tres testes. *Quanto magis putatis deteriora mereri supplicia, qui Filium Dei conculcauerit?* Si merebitur, ergo quod merebitur accipiet à Deo iusto. Porro conculcare Filium Dei, est gratis eum existimare mortuum, tanquam Pater damnationem & mortem eius contempserit: & non potius (sicut verum est) ad lucrum animarum nostrarum tantum scelus patrari permiserit.

*Et sanguinem testamenti pollutum duxerit.* Sanguis Christi dicitur sanguis testamenti: quoniam per illum sanguinem sanctificatum est nouum fœdus. Si ergo sanctificauit testamentum nouum, & nos etiā simul, ipse profecto sanguis sanctissimus est. Quicumque ergo rursus præuicator est, illum sanguinem quasi profanum accipit & peccato cōtaminatum, qualis est reliquorū natura hominū:

Isa. 65.



quod est negare omnino Filiū Dei, & Patrem ipsum. Qui enim negat Filiū, negat & Patrem: & ideo Spiritui gratiæ contumeliam facit. Neque enim maior potest esse Spiritui sancto cōtumelia, quàm eius gratiam, qua salui simus, abiicere. Respuit autem quicumque authorē gratiæ, quam proprio sanguine in cruce acquisiuit fuso nobis contemnit.

*Scimus enim eum qui dixit: Mihi vindictam, seu, vindicta (subaudi seruatur) & ego retribuam. Et iterum: Iudicabit Dominus populum suum.* Iudicabit autem in iustitia & veritate citra personarum acceptionem vllam. *Horrendum est incidere in manus Dei viuentis.* Hæc verba, vt alia Apostoli pleraque, fixam potius considerationem, quàm expositionem efflagitant. Legimus tamen de Dauid, quomodo elegerit potius incidere in manus Dei quàm hominum. Multa enim (inquit) misericordiæ Dei sunt. Contra verò de Susanna habemus, quæ maluit subire opprobrium hominū, quam incurrere in offensam Dei. Et nihilofecius verum vbique loquitur scriptura. In præsentī quidem tempore melius est incidere in manus hominum, quàm peccare: & hoc dixit Susanna. Et tamen melius est incidere in manus Dei quàm hominum in hoc tempore: quia misericordiæ Dei multa sunt. Et hoc dixit Dauid. At verò in die illa iræ & vindictæ, horrendum est incidere in manus Dei viuentis, & hoc est quod declarat hīc Apostolus noster.

*Rememoramini autem pristinos dies, in quibus illuminati magnum certamen sustinuisistis passionum:* Huiusmodi loci, quibus vtitur B. Paulus ad persuadendam operarum perseuerantiā, optimi sunt & efficaces esse debent, ne quod magnis sudoribus iam elaboratum est, animi languore perdat: præsertim si & multum laboratum sit, & parum restet, & merces præsto sit, eaque multa nimis: quæ omnia diligenter recenset, aiens: *Rememoramini autem pristinos dies, in quibus illuminati, per fidē, quæ ostendit coronam æternam, magnum certamen sustinuisistis passionum.* Harum passionum certamen in duobus consistebat, quæ subdit, *Et in altero quidem opprobriis & tribulationibus spectaculum facti, ac si expressius dixerit: Partim quidem in hoc, quod spectaculum facti estis mūdo propter opprobria & passiones: partim verò quoniam cōsortes & socij facti estis eorum qui similiter cōuersantur, hoc est, qui ob easdem ipsas causas patiuntur, exponuntque se ludibriis, vt sint & ipsi spectaculum mūdo, & quasi peripsema.* Hi erant Apostoli: & propterea infamia maiore afficiebantur qui illis hærebant, & benefaciebant.

*Nam & vinculis (inquit) compaſsi estis.* In Græcis legitur, *Nam & vinculis meis compaſsi estis*, credo tamen veriore esse Latinam lectionem. *Et rapinam bonorum vestrorum.* Multabant fortè bonis iudicia li sententia Iudæi suos, qui Christo seruiebant: quod erat rapere. Aut fortè etiam nullo expectato iudicio rapiebāt. Hoc indignum facinus nostro tempore à Lutheranis est admissum in bona ecclesiarum & monasteriorum. *Cum gaudio suscepistis, cuius rei manifestam hanc rationem adducit, cognoscentes vos habere meliorem & manentem, non mutabilem & ad tēpus: sed in cœlis, non in terris, substantiam, quod est omne bonum: sicut dixit Dominus Moysi: Ego ostendam omne bonum tibi.*

*Nolite itaque amittere, melius Græcè, Itaque ne ab-*

*iciatis confidentiam vestram, quæ magnam habet remunerationem.* Concludit ex dictis, & intendit iterum eosdem ad perseuerantiā exhortari & animare. Hoc autem in loco tam clarè confunduntur hæretici, qui negant remunerationē operum, & prohibent nos ad eam respicere, & solam suā confidentiam in fide statuunt, non etiam in operibus, vt nihil clarius dici possit. *Patientia enim vobis necessaria est.* Audiat igitur hæreticus nō solam fidem apprehendere regnum, sed perseuerantem patientiā, seu tolerantiam passionum in operibus bonis, esse necessariam ad consequutionē mercedis æternæ. Vnde ait, *Vt voluntatem Dei facientes, reportetis promissionem, hoc est, re ipsam perseuerantibus promissam.*

*Adhuc modicum aliquantulumque qui venturus est veniet, & non tardabit:* Verba sunt Abacuc prophetæ, quæ affert Apostolus, vt ostendat Dominū cito esse venturū. Si de particulari aduentu ea intelligere voluerimus, quo Dominus iudicat animas hinc exeuntes, nemini est obscurū quàm & citius & frequens omnibus horis veniat. Parū enim viuimus: & citò nimis ante Dominum iudicādī assistimus. Verum si de aduentu qui ad vniuersale iudiciū spectat, haberetur sermo: dubitari posset, quo pacto dicatur citò fore. Sed & ille citò erit: quia iam nouissimi dies aduenerunt, i. nouissima ætas, quæ aliam non habet subsequentem post se ætatem tamen ceteris ætatibus ista sit grandiuscula.

*Iustus autem meus ex fide viuet, hoc est, ille viuet, qui ex fide factus iustus, fuerit operatus iustitiam.* Hic enim verè est iustus, vt ait Dilectus: *Qui facit iustitiam iustus est: Quod si subtraxerit se, videlicet à fide & opere, non placebit anima mea, seu (vt Græca sonant) non sibi complacebit anima mea in illo: quod idem est. Nos autem non sumus subtractionis filij in perditionem, sed fidei, scilicet filij, in acquisitionem anime.* Sicut enim infidelitas ad perditionem anime perducit, ita fides ad lucrum eius. Piget hīc referre quæ Caietanus ex hoc Abacuc loco citato ab Apostolo, cōmentus est, vt probaret huius epistolæ authorē non fuisse B. Paulū. Adeo enim futilia sunt, vt non sint digna recēferi. Propter eos tamen qui illi nimis tribuunt, nimiumque mirantur, in Annotationibus nostris in illū circa hanc partem me abundè satisfecisse arbitror.

## CAP. XI.



**S**T autem fides sperandarum substantia rerum, argumentum non apparētium. In hac enim testimonium consecuti sunt senes. Fide, intelligimus aptata esse sæcula verbo Dei, vt ex inuisibilibus visibilia fierent. Fide, plurimam hostiam Abel quam Cain obtulit Deo, per quam testimonium consequutus est esse iustus, testimonium perhibente muneribus eius Deo, & per illam defunctus adhuc loquitur. Fide, Enoch translatus est ne videret mortem, & non inueniebatur: quia transtulit illum Dominus. Ante translationem enim testimonium



habuit placuisse Deo. Sine fide autē impossibile est placere Deo. Credere enim oportet accedentem ad Deū quia est, & inquirentibus se remunerator sit.

*EST autem fides sperandarum substantia rerum, &c.*

*Amplificatio  
dei declaratio.*

Proponit nobis Apostolus descriptionem fidei secundum quod à Theologis cōsideranda est. Pro cuius rei ampliore declaratione sciendum est, hoc nomine, Fides, communiter nos uti solere ad significandum actum intellectus suscipientis aliquid, & alicui dicto vel pronuntiato assentientis, tanquam vero: quē actum vocamus credere, & re vera propriē supponit aliquem dicentem. Differt autem hic actus fidei ab actu, qui dicitur intellectus: ut intellectus restringitur ad vnā ex quinque intellectualibus virtutibus, de quibus agit Philosophus in Ethicis. Differt, inquam, actus fidei ab actu illo intellectus hac ratione: Nam ille actus est principiorum quæ non creduntur, sed sciuntur, imō magis quā sciuntur: quæ autē creduntur nō verē sciuntur. Et ideo actus fidei similiter differt ab actu scientiæ: quia scientia venit à principiis notis & nobis euentissimis: vnde etiam gignitur euidens conclusionum notitia. Tamen Philosophus largē accipiēdo hanc vocē, *Fidei*, quandoque extendat ut significet conclusionis euidens assensum factæ per syllogismum. Sed nos in vera Theologia non ita loquimur de fide.

Differt igitur & actu sapientiæ, secundū quod accipit Philosophus sapientiam. Nam & actus sapientiæ euentiam habet. Differt & ab actu prudentiæ & artis: quia fides non est ratio agibilem, aut factibilem. Denique differt ab opinione: quia opinio excludit certitudinem, non autem fides. Et præterea opinio est assensus vnus partis contradictionis cum formidine alterius. Fides autem dicit adhesionem absque formidine. Differt item fides sic largē accepta, à superioribus quinq;: quoniā fidei quidē subesse falsum potest, illis autē minime. Ideo fides cōmuniter sic accepta nō est virtus.

Nos verō qui de fide Theologica loquimur, quæ est virtus, debemus fidem hanc nostram à communiter accepta fide distinguere. Tria sunt autem quæ illam separant. Primum, est ipse dicens. Secundum, est id quod dicitur. Tertium, est internum lumen, quo assentimus. Fides ergo nostra solum Deum dicentem, cui assentimur, non hominem respicit. Nec qualitercunque dicentem, sed promittentem. Nec qualiacunque promittentem, sed cœlestia & æterna, non temporalia & terrena. Promittentem autem non purē (ut falso hæretici docent) sed sub cōditione bonorum operum. Denique suæ promissioni ita testificantem, ut assensum fidei generet eorum quæ non videntur. Hęc omnia includit Apostolus in hac sua fidei descriptione. Primum ergo quod ait: *Fides est substantia*, non ut Logici substantiam dicunt, ipse accipit. Græcē enim legitur, *ὑπόστασις*, hoc est, basis quædam & fundamentum, cuius est suscipere. Intellectus enim exit in actum suscipiens obiectum: non autem quemadmodum ipsa voluntas, quæ ecōtrario in obiectū fertur. Est ergo fides susceptio quædam, seu basis, qua suscipiuntur per assensum ea quæ sperantur. Sperantur autem ea quæ non vidē-

tur, & sunt æterna. Æterna autem & quæ nō vidētur, quomodo sperari possunt, nisi essent ab ipso Deo promissa, cum sint in manu eius? Et sic habes quodd fides innititur promissioni diuinæ. Creditur enim Deo dicenti, ac vera bona promittenti.

Quod si promissa essent purē, & nulla conditione operum adiecta, iam non sperarentur: quia eorum assequutio non esset ardua. Spes autē arduorum est, id est, eorum quæ cum labore & difficultate quærentur & acquiruntur, & obtinentur.

*Argumentum non apparentium.* Hic significat fidē ipsam non illud solum quod credit, respicere: sed & insuper secum habere ipsam rationem credendi. Videt enim ea quæ credit esse credibilia, nō autem euentia: quia ipsa per se non apparent. Itcirco dixit, *Argumentum non apparentium*. Quo in loco videndum esset perspicuē, in quod tandē principium resoluatur hæc nostra credendi ratio. Dicimus enim, credo, quia Deus reuelat. At vnde scio Deum reuelare? Hoc enim aut est euidens, videlicet Deum reuelare: aut est similiter creditum. Certe cōmuniter hoc non est euidens: credo igitur Deum reuelare. Sed vnde hoc credo, nisi aliquid habeam argumentum, quo ita esse persuadeat? At hoc argumentum ex his concluditur quæ certo videmus, ut sunt miracula, ut est ecclesia ipsa proponens articulos credendos, ut est testimonium scripturarum, ut oracula prophetarum, ut vita recta credentium, & per charitatem operantium: & alia plurima, vnde colligitur, Deo monstrante intus, hoc argumentum. Ex his enim quæ apparent, colligimus non apparentium veritatem, atque idē credulitatem & fidem. Et hoc dicimus de fide omnium communi. Vidimus enim Deū duobus modis prospexisse hominibus, ut fidem eorum extorqueret. Primo quidem proponendo credenda, id est, quæ prædicatione exteriori prophetarum & Apostolorum. Secundo verō, ostendendo illa credibilia, dans eis qui proponunt potestatem signorū, quæ nemo potest facere nisi solus Deus. Vnde Dominus ut Iudæorum omnium ora obturaret, dixit: Si non venissem, & eis loquutus non fuisset, peccatum non haberent. Hoc ad eos qui in scripturis versabantur. Et mox: Si non venissem, & opera non fecissem quæ nemo alius fecit, peccatum non haberent: ad eos qui persuaderi debent editis miraculis & probitate vitæ ostensa. Nunc autem & viderunt, & oderūt & me, & Patrem meū. Propterea alio loco dicebat: Si non facio opera Patris mei, nolite credere mihi. Si autem facio, & si mihi non vultis credere, operibus credite. Et ille qui iam videbat dixit: In hoc est mirabile quia vos nescitis vnde sit, & aperuit oculos meos. Et ipse semet iterum: Ego habeo testimonium maius Ioanne. Opera quæ dedit mihi Pater ut perficiam, ea ipsa opera quæ ego facio testimonium perhibent de me: quia Pater misit me. Et ibidem de scripturarum testimonio: Scrutamini (inquit) scripturas, quæ testimonium perhibent de me. Scripturæ enim probant iis qui recipiunt illas, & qui iam conuicti sunt ad recipiendum: quoniam & ipsæ probatæ sunt, cum à iam probatis autoribus, tum in primis ab ecclesiæ pronūciatione & canone, aut cōmuni omnium consensu. Ipsiū verō ecclesiæ autoritas iā certa est cōstitutura verba Dei,

*Nota.*

*Ioan. 15.*

*Ibid. 10.*

*& 9.*

*Ibid. 5.*



& euangelico testimonio, unde conuinci debet intellectus Christiani hominis ad credendum quæ sunt fidei, dum ab ecclesia proponuntur. Nec indiget (vt sit idoneum testimonium) nouis miraculis: nec oportet iam vt ante oculos omnium fiant. Nam qui non credunt scripturis, neque miraculis crederet: quoniam scripturæ sunt miraculis probatæ. Et ecclesiæ Dei autoritas etiam miraculis comprobata est. Et quod est grande (cuique refragari nihil potest) testimonium, sanguine Christi & tot sanctorum Martyrum confirmata est fides nostra. Præsupponit ergo fides nostra horum notitiam euidentem de ecclesia, de miraculis, de scripturis, de Martyrum confessione, de consensu sanctorum Patrum, ex quibus omnibus illud apparet Deum dixisse: cui rei lumen interius postmodum astipulatur, & confirmat assensum.

Nec obstat quicquam, si pueri & rustici, atque idiota non habent huiusmodi notitias distinctas. Nam eorum fides, quo ad hoc, infirma est, & in fide maiorum perficitur, in qua & ipsi innituntur: & confusæ atque implicite habet hæc omnia, dum in iis quiescunt quæ audiunt dicere ecclesiam, ac præcipere. Et hæc satis nunc de fidei descriptione.

In hac enim (seu) per hanc enim, nimirum fidem, testimonium consecuti sunt senes, hoc est, commendati sunt à Deo in operibus suis. Et in encomium fidei veniens, incipit. *Fide intelligimus aptata esse sæcula verbo Dei, vt ex inuisibilibus visibilia fierent.* Hic locus plures patitur expositiones. Prima est communis, quæ docet per ipsam fidem nos intelligere aptata esse sæcula, id est, hunc mundum esse creatum, *verbo Dei*, id est, per verbum Dei: quoniam ipse dixit, & facta sunt, mandauit & creata sunt. Et tunc ex inuisibilibus facta sunt visibilia: quia primò erat ille chaos, illa prima materia inanis, & vacua formis & speciebus suis. Dixit autem Dominus: Fiat lux, & facta est lux. Sic dixit: Fiat firmamentum, &c. Et tandem: Faciamus hominem ad imaginem, & similitudinem nostram.

Hæc igitur ita fuisse, quæ nos oculis non prospeximus, fide accipimus, & credentes intelligimus teste Mose, & cæteris Prophetis, & ipso Christo confirmante nobis.

Placet hic sensus. Verum alius mihi potius quadrat. Vt per, *sæcula*, ipsos homines intelligam, qui sæculis continentur. Hi sunt enim *Verbo Dei* aptati: quia Verbum factum est caro, vt diuini consortij caro capax fieret. Et hoc est aptari *sæcula Verbo Dei*: quod fide intelligimus. Aut etiam quod magis adhuc probò in encomiū fidei, sensus est: Nos intelligimus esse aptata *sæcula verbo Dei* fide, id est, per fidem. Hoc enim meruit fides. Fides inquam, illius cui dictum fuit: Et beata quæ credidisti: quoniam perficientur quæ dicta sunt tibi à Domino. Quid autem fuit ei dictū, nisi quod eo pacto aptabantur *sæcula Verbo Dei*, vt ex inuisibilibus fieret visibilia? Inuisibile erat Verbum Dei per se: carnem accepit, & factum est visibile, vt dixerit: Qui videt me, videt & Patrem meum. Illa ergo fides B. Virginis aptauit, *sæcula*, id est, nos omnes, *Verbo Dei*, quia per illam fidem ipse se aptauit nobis.

*Fide plurimā hostiam Abel quàm Cain obtulit Deo, &c.* Recordare scripturæ, & considera quomodo & Cain & Abel fratres sacrificarunt. Et quod Do-

minus respexit ad Abel, & ad munera ei. Ad Cain verò, & ad eius munera non respexit. Quid ita? Ecce B. Paulus rationem explicat: Ille Abel iustus in Agni fide sacrificauit. Cain verò absque hac fide, vt nō potuerit placere Deo. Nō enim ipsum Cain qui sacrificauit, quique de frugibus terræ obtulit, absque vlla omnino fide credibile est fecisse. Sed Agni conciliatoris nostri fidem non habuit: ideò quæ nec ipse, nec eius oblatio placere potuit. Quæ res cognita est in differentia munerum. Noster enim de gregibus ouium, & adipibus eorum obtulit, significans in hoc genere hostiæ se cultum præbere Deo non vt Creatori tantū, sed etiam vt Redemptori, mactans agnum seu agnos, vel ouem, fide proculdubio futurum Christi sacrificium cernens. Cain verò in iis quæ obtulit de frugibus terræ, professus est quidem Deum creatorem, non autem agnouit Redemptorem. Quamobrem non valuit per oblationem suam expiare peccatum. Bene ergo dicitur de Abel, *plurimam*, id est, pleniorē vel ampliorem, *obtulit hostiam*, quoniam pro peccato, & hoc fide. Et additur:

*Per quam, scilicet hostiam fide oblatam, testimonium consequutus est esse iustus*, id est, iam fide iustificatus per donum Dei. Vnde Dominus: Vt veniat, inquit, super nos omnis sanguis iustus, qui effusus est à sanguine Abel iusti. Id verò quo pacto, adiungit: *Testimonium perhibente de muneribus eius Deo.* Ex traditionibus priscorum acceptum est & creditū, per ignem de cælo venientem & absorbentem hostiam Abel, Deum indicasse quàm acceptabile sibi fuisset sacrificium eius.

*Et per illam defunctus adhuc loquitur.* Per illam fidem, aut per illam hostiam oblatam loquitur ipse etiam defunctus, sicut dixit Dominus: Vox sanguinis fratris tui Abel clamat ad me de terra. Sed B. Paulus dixit, *adhuc loquitur*, Quid loquitur? Nisi quod testimoniū perhibet veritati sanguinis Christi in sanguine suo? Primum enim fuit exemplum Martyrum, & typus Christi benedicti in cruce immolandi.

*Fide Enoch translatus est ne videret mortem.* Translatum in illum paradysum terrestrem credimus, vnde fuit Adam eiectus: vt legitur in libro Ecclesiastici. Et hoc ne videret mortem vsque in diem aduentus Domini. Creditur enim tunc futurus testis Christo, in illis magnis persecutionibus, quas suscitabit Antichristus. Vnde idem Ecclesiasticus ait: Enoch placuit Deo, & translatus est in exemplum pœnitentiæ generationibus, vt det Gentibus sapiētiam. Hanc autem illius translationem fide factam fuisse declarat Apostolus: quia credidit Deo dicenti, nō gustaturū illum mortem donec veniret. Hoc etiam dixit de Dilecto discipulo, vt mihi vi scripturam iam persuasum est. Licet quidem addicti se etis contradicant: nihil tamen aliud quod opponant argumentis & rationibus habentes, nisi more solito & Pythagorico, Ipse dixit, minus confiderant eorum authores in quibus innituntur, tanto perere nobis nequaquam aduersaturos: quin potius pacificè auditis nobis, nō solum nos in nostra sententia cum sua pace & gratia manere pmitteret, verum etiam (quod magis credo) ipsi in nostram sententiam descenderent, cui & veteres viri magni manifestè attestatur. Hæc propterea diximus:

*Differentia inter Cain sacrificium & Abel.*

*Matt. 23.*

*Gen. 4.*

*Eccl. 4. 4.*

*De morte B. Ioann. Euang.*

*Nota expositiones.*

*Luc. 1.*

*Ioan. 14.*



quoniam magister quidam eo solum quod hoc dictum non deprehenderat in scholasticorum disputationibus, reprehendit ut dogma non solum falsum, verum etiam damnable. Et hi sunt qui gloriantur de magisterio & clauis scientiarum. Sed si res illis aliquando sit cum iis qui habeant sensum, & manum ferulam iam dudum subdlexerint, mirum quam mox frigescent, & frangantur.

Quæritus fuit Enoch, & non inueniebatur: quia Deus transtulit eum, *Ante translationem enim testimonium habuit placuisse Deo*, id est, antequam ipse transferretur, testimonium proculdubio habuit à Deo, quod illi placuerit. Hoc verò testimonium non fuit scripturæ, quæ tunc nondum erat, sed per Angelos. Bene testatur nobis antiqua scriptura quomodo ipse placuerit Deo. Ait enim de illo quod ambulauerit cum Deo tredecim sexaginta quinque annis postquam genuit Mathusalam. Ambulare autem cum Deo, est obedire illi, & esse Dei amicum. In illa autem ambulatione testificatus est illi Deus quod placeret sibi: ergo erat fidelis. Hoc probat ista sententia Apostolus.

*Sine fide autem impossibile est placere Deo*, scilicet ita ut sit quis eius amicus. Alioqui placet Deo omnis creatura, ut est ab ipso creata, & ad fines diuersos ordinata. Placere ergo interdum & infideles, quos eligit, ut conuertat & ad se trahat. Nam ad hunc finem placent. At quandiu manent in infidelitate, non sunt eius amici: sed potius hac parte displicent, ut potè infideles. Verum illi vehementius displicent, in quos non conuertit oculos misericordiarum suarum, ut conuertantur & viuant.

*Credere enim oportet accedentem ad Deum, quia est: & inquirentibus se remunerator sit.* Hinc illa quæstio, an fides eorum sit, quorum non est euidentia. De Deo autem quod sit, euidentia est: quia probatur syllogisticè ab effectibus. Quomodo igitur ponit hic Apostolus tanquam articulum fidei?

Respondeo primum, me non existimare cuncta quæ naturali ratione deprehendi possunt, eximi à lumine fidei: ea præsertim quæ non secundum se cognoscuntur, sed per effectus suos. Non enim propriè euidentiam habent, nec propriè eorum dicitur scientia. Si quidē scire propriè est rem per causam cognoscere. Nihil ergo prohibet me credere ex fidei lumine Deum esse, & nihilominus idem scire per effectus. Fides enim excludit visionem, non autem naturalem aliquam demonstrationem, præsertim quæ est à posteriori. Non enim per hanc res ipsa demonstrata conspicitur re vera, sed potius suadetur.

Deinde animaduertendum, ut iam alibi diximus, & B. Thomas noster eleganter docet: Cum scripturæ Deum esse commemorant, non solum intelligi volunt ipsum esse quandam summam rem, sed etiam habere curam orbis terrarum, & omnium quæ sunt in cælis, & sub illis. Hoc autē tametsi naturali ratione suaderi valeat, ut qui animo benigno fuerint, vix queant aliud cogitare: non tamen ita aperte demonstratur, ut non firmiter habeatur ex lumine fidei, quam ex demonstratione qualibet. Quamobrem indignum esset, ut qualemcumque demonstrationem huius rei acquirens, amitteret eius rei fidem, quæ proculdubio longè maiorem habet firmitatem. Quod ergo dici solet, per scientiam excludi fidem, verum est de ea fide quæ humana est, non

autem de ea fide quæ est ex Deo. Idem de scientia, quæ propriè sit scientia, dicendum.

Hic ergo primus est articulus fidei, quem accedentem ad Deum oportet recipere, videlicet esse Deum, id est, esse unam primam omnium causam, creatorem & gubernatorem orbis terrarum.

Et deinde eundem esse remuneratorem eorum qui inquirent eum. Inquiretur autem Deus per opera bona, & per obedientiam mandatorum eius, quæ lex ipsa naturæ etiam dicitur: sicut dixit idem Apostolus ad Rom. Cum enim Gentes quæ legem non habent, naturaliter quæ legis sunt faciunt, ipsi sibi sunt lex, qui ostendunt opus legis scriptum in cordibus suis, &c. quemadmodum & nos eo in loco exposuimus. Angeli insuper interioribus inspirationibus erudiunt. Quoniam verò manifestè apparet non esse remunerationem viris bonis in hoc mundo repositam: neque item retributionem malis & improbis reddi, necesse est intelligere hunc articulum de remuneratione post hanc vitam. Et hoc est quod cadit sub fide, quæ est susceptio sperandarum rerum, & argumentum non apparentium. Hoc idem Isaias propheta dixit: A sæculo non audierunt, neque auribus perceperunt: oculus non vidit Deus absque te, quæ præparasti expectantibus te.

Hic autem præsens Apostoli locus, si diligenter consideretur, potest è multorum cordibus magnam sollicitudinem ac perturbationem excutere, & pungentium spinarum aculeos euellere. Dura enim videri reuera posset exactio fidei, si ea omnino quæ vulgo exigi creditur, ad eum rigorem exigeretur. Quia enim scriptum est. Non est aliud datum nomen sub cælo, in quo nos oporteat saluos fieri: & in nullo alio esse salutem, præterquam in Christo. Putarunt nonnulli sine explicita de Christo fide neminem potuisse unquam saluari. Verum huius rei gratia B. Paulus hic duos tantum articulos fidei ponit omni tempore ad salutem necessarios (quos declarabimus) ut explicitè credantur. Alios autem quatenus reuelati fuerint, & legitime cuique constiterit esse reuelatos, suscipere quisque tenetur. Nunquam enim cuiquam reclusa fuit via salutis à Deo. Nam duos priores articulos quodammodo interius naturale lumen prædicat, & Angelorum suggestiones reuelant. Quare minime dubium esse debet, antequam veniret reuelatio de Christi incarnatione, & sanctissima Trinitate, & aliis diuinis mysteriis, quæ ipse Dominus nobis, & Apostolica doctrina manifestauit, illos duos articulos fuisse satis, ut quis haberet accessum ad Deum per gratiam, ut sic posset operari, & superare peccatum ad salutem.

At maius dubium est: An scilicet post manifestatam mundo gratiam, omnes penitus salute fruerentur, quicumque per aquam baptismi non fuerint regenerati. Hoc enim omnino verum esse videtur, si verba Christi (ut ipso quidē primo aspectu porrigunt) consideremus. Verum plura sunt, quæ si diligenter accuratèque perpendantur, magni admodum sunt momenti, ut cauere vnusquisque diligenter debeat, ne tam cito ferat (ne dicam præcipitare velit) sententiam. Multi enim, etiam post prædicationem Apostolicam extiterunt, qui nunquam quicquam de Christo audierunt. Alij item, & ij qui dem propemodum innumerabiles, quibus non constitit de veritate fidei nostræ, quam si idonee

Gen. 5.

Rom. 2.

Isa. 64.

Act. 4.

Nota diligenter &amp; quiesces.



nouissent, libenter eam erant & cum magna gratiarum actione suscepturi. Illud verò quod dicitur: Si tale esset quorundam desiderium, mitteret Angelum Dominus instructorem, sicut misit Cornelio: est hoc quidem diuinare. Mitto, iam Cornelium ante fidem de Christo acceptam, placuisse Deo, utpotè qui religiosus & timens Deum describatur, cuius orationes & eleemosynæ erant acceptæ. Facile quoque responderetur illi sententiæ Domini de baptisate. Sed cum ipsius rei magnitudo & grauitas longiorem & peculiarem sermonem mihi desiderare visa esset, latius eam particulari tractatu explicare volui. Hunc si videro desiderari ab amantibus veritatem, etiam proferam, & doctorum examini subiiciam, semper me ipsum subiiciens ecclesiæ sanctæ catholicæ iudicio, & doctorum: non tamen possum omnium, & præsertim quorundam sciorum qui sibi censuram audacissimè arrogant, & faciunt sua autoritate quæcunque non audierunt, aut non legerunt hæretica: temerè insuper quæ non intelligant, reprobantes.

Fide, Noe responso accepto de iis quæ adhuc non videbantur, metuens aptauit arcam in salutem domus suæ, per quam damnauit mundum: & iustitiæ quæ per fidem est, hæres est institut<sup>9</sup>. Fide, qui vocatur Abraham, obediuit in locum exire quem accepturus erat in hæreditatem, & exiit nesciens quò iret. Fide, demoratus est in terra repromissionis tanquam in aliena, in casulis habitando cum Isaac & Iacob cohæredibus repromissionis eiusdem. Expectabat enim fundamenta habentem ciuitatem, cuius artifex & conditor Deus. Fide, & ipsa Sara sterilis virtutem in conceptione seminis accepit, etiã præter tempus ætatis: quoniam fidelem credidit esse eum qui repromiserat. Propter quod & ab vno orti sunt (& hoc e mortuo) tanquam sydera cœli in multitudinem: & sicut arena quæ est ad oram maris innumerabilis.

Fide, Noe responso accepto, &c. Historia nota est Gen. c. 5. vsque ad. 10. Scripsit autem Iosephus Adam prædixisse, mundi vastationem semel atque iterum fore. Primò per aquas diluuij: secundò per ignem in vltimis diebus. Quam prophetiam Noe fide amplexus, respòsum habuit à Deo, id est, meruit habere respòsum à Deo sic fore: & electus est, ut construeret arcam in salutem suæ domus. Et metuens paruit, & per illam arcam, damnauit mundum, hoc est, damnabilem ostendit: quoniam omnes increduli erant, & spernebant eum. Idè non venerunt in requiem cum Noe: & ipse hæres factus est iustitiæ, quæ est per fidem vnde requies. Hæc est gratia & charitas, quam fide sibi quæsiuit, & possedit.

Fide qui vocatur Abraham, &c. Innuat tempus quando vocabatur Abram. Nota est historia Ge. 12. & 13. Laudatur ergo de fide primò: quia durū est sedes proprias relinquere, & incertas per tot

discrimina inquirere. Fide, demoratus est in terra repromissionis, &c. Et hoc patet ex Genesi: & cōmendabiliorem eius fidem facit, cui cum esset terra illa in hæreditatem promissa, habitauit tamē in ea tanquam aduena, in casulis, id est, in tentoriis, etiã cum Isaac & Iacob, cum essent promissionis cohæredes: quia oculo fidei multò præstantiorem terram expectabat. Vnde ait: Expectabat enim fundamenta habentem ciuitatem, cuius artifex & conditor Deus. Hæc ciuitas est Ierusalem cœlestis, quæ ininitur suis fundamentis solidis Christo primū, deinde patriarchis, prophetis, Apostolis. Hæc erat illa terra promissionis, quam etiam prius debebat colere, & inhabitare vt aduena, ac deinde in patriam ac possessionem sempiternā accipere.

Fide, & ipsa Sara sterilis, &c. Etiam nota est historia Gen. 12. 18. & 21. Solum illud notandum quòd ibi dicitur, Saram risisse quasi incredulam. Hic verò commendatur de fide: sed risit illa præ gaudio, & de re incredibili, quam se facturū Deus promittebat. Non enim quasi verè incredula risit, sed vt admirans, & quæ credebatur fide, quasi nō credens. Tale quid de Discipulis apud Beatum Lucam legitur, cum apparuit eis denuò Iesus, & præbuit se palpandum, qui describuntur adhuc quasi non credentes præ gaudio, & mirantes. In huiusmodi autem nouitatibus, nescio quo pacto fit vt credens non credat, & variæ & contrariæ affectiones consurgant. Non sit ergo dubium quin sancta illa matrona Sara crediderit, cum id clarè testetur Apostolus: attamen sensisse motum aliquem in animo de rei nouitate, & impossibilitate naturæ, vt aliquantulum & dulciter reprehendi mereretur à Domino.

Luc. 24.

Iuxta fidem defuncti sunt omnes isti non acceptis repromissionibus, sed à lōge eas aspicientes & salutantes, & confidentes, quia peregrini & hospites sunt super terram. Qui enim hoc dicunt, significant se patriam inquirere. Et si quidem ipsius meminissent, de qua exierunt, habebant vtique tempus reuertendi. Nūc autem meliorem appetunt, id est, cœlestem: idè non confunditur Deus, vocari Deus eorum. Parauit enim illis ciuitatem. Fide, obtulit Abraham Isaac cum tentaretur, & vnigenitum offerebat, in quo suscepit repromissiones (ad quē dictum est: quia in Isaac vocabitur tibi semen) arbitrans quia & à mortuis suscitare potens est Deus. Vnde eum & in parabolā accepit. Fide, & de futuris benedixit Isaac, Iacob, & Esau. Fide, Iacob moriens singulos filiorum Ioseph benedixit, & adorauit fastigium virgæ eius. Fide, Ioseph moriens de profectione filiorum Israel memoratus est, & de ossibus suis mandauit. Fide, Moyses natus, occultatus est mensibus tribus à parentibus suis, eo quòd vidissent elegātem infan-



tem, & non timuerunt Regis edictum. Fide, Moyses grandis factus negavit se esse filium filiae Pharaonis, magis eligens affligi cum populo Dei, quàm temporalis peccati habere iucunditatem: maiores diuitias aestimans thesauro Ægyptiorum improprium Christi. Aspiciebat enim in remunerationem. Fide, reliquit Ægyptum non veritus animositatem Regis. Inuisibilem enim tanquam vidēs substituit. Fide, celebrauit Pascha, & sanguinis effusione: ne qui vastabat primitiua, tangeret eos. Fide transierunt mare rubrum tanquam per aridam terram: quod experti Ægyptij deuorati sunt. Fide, muri Iericho corruerunt, circuitu dierum septem. Fide, Rahab meretrix non perit cum incredulis, excipiens exploratores cum pace.

*Iuxta fidem defuncti sunt omnes isti non acceptis reprobationibus.* Ostendit quomodo illi fuerunt exempla fidei, videlicet Abraham, Isaac, & Iacob. Et qui illos sequuti sunt fide: quoniam dum vixerunt, non acceperunt promissiones. Nequaquam quidem est hæsitandum fuisse illis repromissa & bona terræ, & bona cæli, quæ pariter hinc viuentes non obtinuerunt, sed per fidem longè aspexerunt. *Et credentes, & salutantes, & confitentes quia peregrini & hospites sunt super terram,* sensus est: Crediderunt quidem illis promissionibus, & salutauerunt eas alògè, tanquam ea non ad se spectantes, quæ attinebant ad bona terræ: similiter quæ erant cælestia, quorum propriè est fides, non erant propè. Confessi enim sunt se esse peregrinos & hospites super terram. Confessionem autem hanc faciebant ipsis factis, habitantes in tabernaculis & tentoriis, sicut ait scriptura: Iacob autem Pharaoni dixit, Dies peregrinationis vitæ meæ centum triginta annorum sunt, pauci & mali. Et moriens dixit, Salutare tuum expectabo Domine. Significabāt ergo sua illa peregrinatione se patriam inquirere, non autem illā vnde exierant. Alioqui reuersi illuc aliquādo fuissent, cum liberum eis reuertendi tempus non fuisset denegatum.

*Nunc autem meliorem appetunt.* Quod ait, *Nunc*, non videtur posse significare tempus illud præsens, quum loquebatur Apostolus: sed aptum esse ad illud tempus tunc præsens, quando confitebantur se peregrinos. Id enim erat quia meliorem appetebant patriam: & nunc etiam appetunt secundum corpus, & si secundum animam sint beati. Sed est illis adhuc expectatio propter corpus.

*Ideo non confunditur Deus, vocari Deus eorum,* Deus Abraham, Deus Isaac, Deus Iacob. Deus autem non est Deus mortuorum, sed viuorum, & eorum qui habent ius ciuitatis in terra viuentium. Viuunt ergo illi in spe, nondum tamen sunt perfecti anima & corpore, sed animæ illorum tantum. Deus enim parauit eis ciuitatem æternam. Hūc sensum videns David in spiritu, dixit: Quoniam ego adueni sum apud te & peregrinus, sicut omnes patres

mei. Remitte mihi ut refrigerer priusquam abeam, *Ibid. 19.* & amplius non ero. Et alibi deplorat duram ipsius peregrinationis conditionem. Heu mihi, inquit, *Ibid. 26.* quia incolatus meus prolongatus est, &c. cum tamē ille esset Rex in terra promissa & adepta. Vnde & spe melioris regni se sustinens, aiebat: Credo videre bona Domini in terra viuentium. Hæc enim terra in qua viuimus, non viuentium, sed mortuorum terra est.

*Fide, obtulit Abraham Isaac cum tentaretur, &c.* Clara historia. Illud notandum de fide Abraham, qui tamen si in Isaac sciret esse promissum sibi semen, videlicet Christum semen verum, occidere tamen promptissimè filium suum Isaac non distulit, simpliciter obediens Deo. Fide enim tenebat quod posset eum Dominus suscitare à mortuis, & cogitans quod esset eum suscitaturus.

*Vnde eum & in parabola accepit:* sensus est, quod Abraham propter hanc fidem, qua credidit eum posse suscitari à Deo, accepit eum, seu, ut græca vox sonat, *recepit*, siue, *recuperavit eum*, quasi suscitatum à morte. Ideo Apostolus hoc in loco ait, *Accepit eum in parabola*, id est, in similitudine suscitationis à mortuis, quam credidit. Nam considerato diuino mādato, & obedientia Abraham, pro occiso habendus erat Isaac. Reuocatio ergo mandati illius nihil aliud fuit, quam suscitatio ex mortuis: quàm suscitationem promeruit ex fide, & illa fide qua credidit Deum potentem suscitare.

Hic mihi videtur purus literæ sensus: quia sicut credidit, ita accepit. Alij dicunt: Abraham eum accepisse in similitudine, scilicet Christi. Isaac enim fuit figura Christi à Deo in cruce oblatus, qui cum videri posset immolatus, non ille fuit, sed caro eius, quæ per arietem illum significata est, quem vidit Abraham inter vepres hærentem cornibus. Hæc expositio, si cui magis placeat, ea liberè per me fruat, non contendo: mihi prior longè probabilior videtur.

*Fide, & de futuris benedixit Isaac.* Historia itè clara & nota est. Illud tamen considerandum, illam benedictionem Isaac fuisse de futuris, quæ reuelatione diuina acceperat. Quamobrem fide meruit ut haberet eius benedictio efficaciam: quoniam paternam distributione media suam quisque benedictionem accepturus erat.

*Fide, Iacob moriens singulos filiorum Ioseph benedixit,* scilicet Effraim & Manasse: & ampliore benedictione minorem, *Et adorauit fastigium virgæ eius,* Verius iuxta græcam lectionem, Adorauit ad fastigium virgæ eius: sic Septuaginta interpretati sunt, aut ex traditionibus verissimis adiecerunt, sicut & alia pleraque. Legimus tamen in Genesi: Adorauit Israel Dominum conuersus ad lætuli caput. Alij iuxta hebraicam literam: Inclinauit (seu incuruaui) se ergo Israel versus caput læti, siue ad caput læti. Hæc tam varia lectio turbat nonnullos. Sed quid prohibet ad caput lætuli fuisse virgam illam Ioseph, ad cuius summitatē vertit suam adorationem Iacob? Multa enim tum habebāt ex traditionibus antiquis, quæ scripturæ sanctæ non expresserunt. Nec enim prorsus erat necessarium singula patriarcharum gesta literis mandare, ut patet in hac ipsa narratione. Et hinc obiter notabis Catholice lector, contra hos nouos hæresum suscitato-

Expositio-  
nem hanc  
considera.

Gen. 47.  
& 49.

Gen. 47.

Marc. 12.

Psal. 38.



res, quomodo expresse ponatur Iacob adorasse ad fastigium virgæ Ioseph: quia repræsentabat Christum. Cur igitur displicet tantopere istis adoratio ad imagines? Verè superspiciosi sunt, & fingentes ibi timorem, vbi non est timor. Imo non fingentes timorem, sed meram superbiam profitentes vani homines, qui mēbris tanti Capitis à Capite honorem, & nos iuuandi potestatem illis datam recognoscere nolunt.

*Fide, Ioseph moriens de profectione filiorum Israel memoratus est, &c.* Et hæc historia legitur in libro Geneſeos, cap. vltimo sub finem.

*Fide, Moses natus, occultatus est mensibus tribus, &c.* Credibile est patrem, aut matrem Moseos habuisse diuinitus de infante aliquod oraculū, vt verum sit eum sic fuisse seruatum propter fidem. Nec mirum est veterem scripturā minime hoc clavis verbis expressisse, cum nec eius quod sequēti loco adiecit Apostolus, eadem scriptura vsquam meminerit, nimirum:

*Fide, Moses grandis factus negauit se esse filium filia Pharaonis, &c.* Sēsus est iuxta Græcam lectionem: Hic Moses grandis factus, seu magnus. Potest siquidem vtrunque significare, nimirum tam facultatum, quàm ætatis magnitudinē. Erat quippe magnus, vt quem putabant omnes filiū filia Pharaonis. Illa enim nutriuērat eum vt suum, & pro filio habebat. Erat insuper cordatus, & (vt declarauit B. Stephanus) eruditus in omni sapientia Aegyptiorum. Hic tamen cum talis ac tantus esset, elegit magis affligi cum populo Dei, & sustinere improprium Christi, hoc est, improprium acceptum propter Christum, & illi simile quod ipse propter nos suscepit. Affligebatur enim ille populus propter patrios ritus, qui aduersabantur ritibus Aegyptiorum. Itaque propter Christum patiebantur. Nam illa eorum religio erat quædam ad Christum inchoatio, quem sciebant illi proditum ex semine Israel, & Iuda, & expectabant. *Aspiciebat enim in remunerationem.* Audiant (si aures habent) pertinaces hæretici, qui negant remunerationem operum: & abominantur eos qui operantur aspicientes ad remunerationem. Quid potest aduersus illos clarius pronuntiari? Nullus hic relinquitur prorsus, quantumvis versutus & callidis hominibus, tergierandi locus.

*Fide, reliquit Aegyptum non veritus animositatem Regis.* Non loquitur de primo eius exitu de Aegypto. Fuga enim fuit ille exitus, dum Regem meruit qui volebat eum occidere. Sed loquitur de exitu secundo per mare rubrum cum filiis Israel, ad quem paulo ante Pharo dure loquutus: Recede à me, inquit, & caue ne vltra videas faciem meam. Quo cunque die apparueris mihi, moriēris. Respondit Moyses, Ita fiat vt loquutus es: non videbo vltra faciem tuam. *Inuisibilem enim, nempe Deum, tãquam videns, id est, perinde ac si eum videret, sustinuit, id est, expectauit defensorem, & vltorem, & protectorem.*

*Fide, celebravit pascha, & sanguinis effusionem.* Celebrare pascha est solenni ritu transitum preparare: quod factū fuit per sanguinis Agni effusionem: Ne qui vastabat primitiua, tangeret eos. Nota est ex libro Exodi cap. 12. historia, iusserat Deus vt superliminaria domorum, & postes aspergerent sangui-

ne illo Agni: quia Angelus qui percussurus erat primogenita Aegypti, illis tãtum domibus parceret, quæ signatæ essent illo sanguine.

*Fide, transierunt mare rubrum, &c.* Nulli iam non nota est historia. *Fide, muri Ierico corruerunt, &c.* Hoc habetur Iosue cap. 6.

*Fide, Rahab meretrix non periit cum incredulis, &c.* Meretricem hîc appellat mulierem illam manifestè Apostolus: & item B. Iacobus in sua epistola. Cauponam verò appellat scriptura vetus, iuxta vocem Hebraicam. Sed in promptu est ratio: quoniam eiusmodi mulieres sunt ferè omnes meretrices. Familiaris est pariter historia ex eodem Iosue libro cap. 2. & 6. Meruit autem hæc mulier honorari in genealogia Domini. Prius enim iustificata fuit per fidem: ac deinde bonum opus erga Iosue nuntios ad explorandam terram missos operans, accepit retributionem: quo factum est vt non perierit cum incredulis.

Et quid adhuc dicā? Deficiet enim me tempus errantem de Gedeon, Barach, Sampson, Iepte, David, Samuel, & Prophetis: qui per fidem vicerunt regna, operati sunt iustitiam, adepti sunt repromissiones, obturauerunt ora leonum, extinxerunt impetum ignis. Effugarunt aciem gladij: cōualuerunt de infirmitate: fortes facti sunt in bello. Castra verterunt exterorum, acceperunt mulieres de resurrectione mortuos suos. Alij autem distenti sunt, non suscipientes redemptionem, vt meliorem inuenirēt resurrectionem. Alij verò ludibria & verbera experti, insuper & vīcula, & carceres: lapidati sunt, secti sunt, tentati sunt, in occisione gladij mortui sunt. Circuierunt in melotis, in pellibus caprinis, egentes, angustiat, afflicti, quibus dignus non erat mundus: in solitudinibus errantes, in montibus, & speluncis, & in cauernis terræ. Et hi omnes testimonio fidei probati, non acceperunt repromissionem, Deo pro nobis melius aliquid prouidente, vt non sine nobis consummarentur.

*Et quid adhuc dicam? Deficiet enim me tempus, &c.* Hac parte cum nimis longa futura erat omnium gestorum enarratio, summatim enarrat Apostolus plures eius Israelitici populi saluatores, à magnis atq; imminentibus periculis ab illis viris ereptos, & hoc fide. Memorat autem non omnes, nec temporum seruat ordinem, sed tanquam qui aliud agat, & quasi obiter, & apud eos qui tenent historiarum cognitionem. Nota autem erant gesta Gedeonis, & cæterorum in libro Iudicum memorata. De iis ergo ait primum, qui per fidem vicerunt regna, vt patet à Iosue vsque ad Salomonem. *Operati sunt iustitiam.* Nemo enim potest operari iustitiam absque fide: quia iustitia ex fide est. *Adepti sunt repromissiones, temporalium ac spiritaliū bonorum. Obturauerunt ora leonum.* Hoc certè de Daniele sin-



*Dan. 14.* gulariter legitur bis factū, qui fide obturavit ora leonum, ne cum tamē eousque famelici essent, deuoratēt eum. Quanquam & de Samsonē legitur, qui dilacerauit leonem. Et Dauid ipse de se testatur, quod suffocauit vrsū & leonem.

*1. Reg. 17.* Verū hoc magis ad Daniele spectare videtur, quia nulla vi aduersus illos congressus est, sed fide solū. Vnde & scriptura ipsa hoc testatur factum, quia crediderunt Deo suo: quemadmodum in eo Danielis lib. habetur, capite sexto.

*Libros anti- quos cano- nizat A- postolus ex- tra canonē Iudaorum.* Extinxerūt impetum ignis. Hoc verum factum est per Moysen, Num. 11. & per Aaron, Num. 17. & per tres pueros coniectos in fornacem ignis. Vnde & illa historia canonizatur hīc ab Apostolo. *Effugaverunt aciem gladij.* Hoc frequentissimū fuit, & multis modis. *Conualuerunt de infirmitate*, vt Ezechias, & Iob, & alij plures. *Fortes facti sunt in bello.* Exempla sunt plurima, vsque ad nouissima Machabæorum. *Castra verterunt exterorum.* Hoc item frequentissime factum est. *Acceperūt mulieres de resurrectione mortuos suos.* Quod patet per Eliam & Eliseum, 3. Reg. 13. & 4. Reg. 4.

*Alij autem dissemi sunt, &c.* Hoc absque dubio de septem fratribus Machabæis, & matre dicitur. Et sic illæ historiæ Machabæorum canonizantur.

*Non suscipientes redemptionem, vt meliorem inuenirēt resurrectionem.* Lege egregiam illam historiā, & videbis quomodo omnes ad illam meliorem resurrectionem que futura erat in cœlis, anhelabant cōstanti certitudine fidei.

*Alij verō ludibria, & verbera experti, vt Ieremias & Micheas, in super & vincula, & carceres.* De iisdem id constat Ieremiæ 32. & 37. & 3. Reg. 22. *Lapidati sunt.* Hoc creditur de Ieremia, sed & de Zacharia filio Ioiadæ. 2. Par. 24. *Secuti sunt.* Ad Isaiā hoc pertinet ex traditionibus Hebræorum. *Tentati sunt, vt Iob, & Abraham, & alij multi.* In occasione gladij mortui sunt. Saul octogintaquinque sacerdotes iniuste trucidauit propter Dauid. Multos etiam prophetas Domini iussit interfici Iezabel, 3. Reg. 18. Manasses autem rex impleuit Ierusalem sanguine iustorum. *Circuierunt in melotis*, id est, ouinis pelli- bus & caprinis, egentes, angustiati, afflicti. Talis fuit Elias & B. Ioannes Baptista, & (vt credibile est) nonnulli alij imitatores. *Quibus dignus non erat mū- dus.* Et verē non erat dignus mundus iis, qui supe- rarunt cuncta eius blandimenta, & omnem fortunam, & superciliū, vt nec secundis inflarentur, nec frangerentur aduersis. His iam cœlū meritō debe- batur, qui terrā cōculcauerant: *In solitudinibus erran- tes*, id est, sine propria ac certa sede, *in speluncis & cauernis terræ:* Lege de ipso Elia historias, & de pro- phetis quos abscondit Abdias in spelūcis, 3. Reg. 18.

*Locus dif- ficilis.*

*Et ij omnes testimonio fidei probati, non acceperunt re- promissionem.* Hic locus de acceptione repromissio- num perobscurus est & difficilis. Superius enim dixit: Iuxta fidem defuncti sunt omnes isti nō ac- ceptis repromissionibus. Et tamen cap. 6. dixit de Abraham, quod adeptus est repromissionem. Et hoc ipso cap. generaliter dicitur, quod adepti sunt repromissiones. Et nunc rursus ait: Hi omnes testi- monio fidei probati, non acceperūt repromissio- nem. Quare necesse est omnino varias separare promissiones. Erant enim promissiones tempo- raliū: & erant promissiones spiritualium. De

temporalibus autem etiam distinguendum: & si- militer de spiritualibus. Abraham enim & Isaac, & Iacob, varias habuerūt promissiones etiā tem- poraliū bonorum, nimirū de propagatione se- minis. De Christo nascituro ex illa Gēte: Item de terra Chanaam. Has promissiones in vita non ac- ceperunt: peregrini enim fuerunt super terram. Et de promissis, præter conceptum Saræ, nihil ferē viuentes obtinuerunt. Quapropter de illis specia- liter dicitur: Iuxta fidem defuncti sunt omnes isti non acceptis promissionibus. Vt sit sensus, omnes sic mortuos fuisse, vt adhuc retinerent fidem eius quod sua die accepturi essent: quod postmodo ve- rum fuit. Si enim viuentes accepissent, non essent defuncti in fide. Quodcūque enim habetur & pos- fideretur, illud iam non cteditur.

Cum ergo dicitur de Abraham cap. 6. adeptum illum fuisse promissionem, nō est referendum ad tempus ante ipsius mortem, sed postquam mor- tuus est. Vnde Domin⁹ ait: Abraham pater vester exultauit vt videret diem meum: vidit, & gauisus est. Ad illud verō in hoc cap. de sanctis, quos asse- uerat adeptos repromissiones, oportet intelligere de certis promissionibus, quarum tempus iam aduenerat, siue temporalium bonorum intelligas, siue spiritualium. Quod verō hīc dicit, Non acce- perunt repromissionem, ad certam & singularem repromissionem est referendum. Et sine dubio ad illam insignem, quæ complectitur omne bo- num, & quæ nos perficit. Hanc nulli obtine- runt: quia nondum sunt consummati. Licet enim iam obtinuerint beatitudinem animarum: corpus tamen iacet adhuc in terra sepulchrum, donec iterū per resurrectionem ipsi animæ restituantur. Hactenus absque scrupulo procedit litera. Sequitur au- tem quiddam difficile.

*Deo pro nobis, seu de nobis, melius aliquid prouidēte.* Sed quid est istud quod Deus de nobis prouidit melius? Nōne ipsa consummatio ac perfectio bea- titudinis? At hanc nō tantū nobis prouidit Deus, sed & ipsis. Si dicas aptandum esse cum eo, vt non sine nobis consummarentur: Verum quid boni nobis euenit, si eo temporis spatio non sint consumma- ti ante nos? Dicit aliquis cum Apostolo, Non ac- cepisse illos repromissionem, pro illo tēpore quo sunt defuncti, intelligendū esse: & ita aliquid me- lius prouidit nobis Deus. Dum enim, ait, nobis, eos designat, qui sunt in statu noui testamēti. Istud ve- rō melius, est adeptio beatitudinis, quæ obuenit nobis confestim post mortem, ne teneamur expe- ctare, sicut priores, vt perficiamur. Ipsi enim sine nobis perfici non valuerunt.

Sed hic sensus non caret suis scrupulis. Quod e- nim ait, *Vt non sine nobis consummarentur*, videtur re- spicere ad perfectam corporum consummationē: Nisi dicas, propter spem resurrectionis certā, ha- bendos esse vt consummatos, qui iam prima sto- la potiuntur, securi de reliqua. Aut melius: Nō ac- ceperunt talem beatitudinis repromissionem. Si enim accepissent animæ beatitudinem ante euan- gelij tempus, debuissent consummari ante nos. Vt enim non expectassent mortem Domini ad con- summationem beatitudinis animæ (quæ tamē est conueniens omnibus terminus repromissionis) ita nec debuissent expectare mortem omnium ad

*Ioan. 8.*

*Locus dif- ficilis val- de.*



consummationem gloriæ corporis. Melius ergo contingit nobis, qui mox post mortem beatificamur in anima, postquam sumus in tempore gratiæ peracta redemptione prima. Et hæc opportuit omnes expectare per Christum resurgentem, ne quis intraret in sancta sanctorum ante summum Pontificem, qui viam strauit.

CAP. XII.



Deoque & nos tantā habentes impositam nubē testiū: deponentes omne pondus, & circumstans nos peccatū, per patientiam curramus ad propositum nobis certamen, aspicientes in authorem fidei, & cōsummatorem Iesum, qui proposito sibi gaudio sustinuit crucem confusione contempta, atque in dextera sedis Dei sedet. Recogitate enim eum qui talem sustinuit à peccatoribus aduersum semetipsum contradictionē: vt ne fatigemini animis vestris deficientes. Nondum enim vsque ad sanguinem restitistis, aduersus peccatum repugnantes: & obliuiscitis consolationis quæ vobis tanquam filiis loquitur, dicēs: Fili mi, noli negligere disciplinam Domini: neque fatigeris dum ab eo argueris. Quem enim diligit Dominus, castigat: flagellat autem omnem filium quem recipit. In disciplina perseuerate. Tanquam filiis vobis offert se Deus. Quis enim filius, quem non corripit pater? Quod si extra disciplinam estis, cuius participes facti sunt omnes, ergo adulteri, & nō filij estis. Deinde patres quidem carnis nostræ eruditores habuimus, & reuerbamur eos: nū multo magis obtemperabimus Patri spiritali, & viuemus? Et illi quidem in tempore paucorum dierum secundum voluntatem suam erudiebant nos: hic autem ad id quod vtile est, in recipiendo sanctificationem eius. Omnis autem disciplina in præsenti quidem videtur non esse gaudij, sed mœroris: postea autem fructum pacatissimum exercitatis per eam reddet iustitiæ.

**I** Deoque, &c. Exemplis patrū hebraicæ gentis exhortatur illos, vt & fidem cum bonorum operū perseuerantia retineant. *Tantam habentes circumpositam nubem testium.* Maiorum turbam vocat nubē testium, quasi ex multis in vnum flatibus condensatam. Nubes enim de terra producit, & eleuatur vt iterum pluat in terram. Tales sunt sancti viri qui pluūt nobis doctrinam verbo & exemplo, vt nos ad desideria supernorum eleuent.

Ait, Circumpositam, vt designet nos non posse fugere eius aspectum quoquo vertamur. *Deponentes omne pondus*, vt valeamus & nos effici nubes

conscendentes ad cœlestium desideria. *Et circumstans nos peccatum.* Peccatū vocat suo more concupiscentiam innatam in carne, quæ magnopere circumstat. Deponitur autem per acquisitionem gratiæ & iustitiæ. Quāto nanque est quis iustior, tantò eius concupiscentia tenuior. *Per patientiam curramus, &c.* Non cessantes ab operibus bonis: quod expedite faciendo, quodammodo currimus. Etenim in ipso cursu habemus obuiā tentatorem, multis modis à cursu auertere nitentem. Quis autem nisi pōdus deponat, valeat in via currere?

*Aspicientes in Authorem fidei & cōsummatorem Iesum*, hoc est, in eum qui vt incept, ita perficiet. Ipse enim author, siue inchoator est fidei: quoniā vt credamus, ille in nobis operatur. Et item consummator eiusdem fidei: quia dat non solum vt credamus, verum etiam vt pro illo patiamur, quod est in certamine currere. Sic vere perficitur fides & iustificatio ad meritum prāmiorum. Idem alibi: Vobis datum est pro Christo non solum vt credatis in eum, verum etiam vt pro illo patiamini.

*Qui pro proposito sibi gaudio sustinuit crucem, &c.* Dupplex est sensus. Prior, Ipsemet proposuit sibi, aut Deus proposuit illi gaudium, si illud mallet. Ille autem loco gaudij sibi propositi, elegit & sustinuit crucem. Huic autem intelligentiæ videtur astipulari græca lectio que habet, *ὃς ἑντὶ τῆς πορνείᾳς ἑντὶ τῆς χάριτος, &c.* Est tamen alia intelligentia & vera & efficax contra hæreticos, qui nolunt operantem respicere ad coronam sibi propositam, &c.

*Recogitate enim eum*, qualis & quantus erat, cum esset filius Dei, quā innocens, imò quā benemeritus, & plenus benefactis. *Qui talem sustinuit à peccatoribus aduersus semetipsum contradictionem*, id est, quā crudelem, quā immanē: & à quibus, nempe iustus ab iniustis, & insigniter peccantibus. Hic item locus potius cōsideratione dignus est ad fructum, quā expositione ad intelligendum. *Vt ne fatigemini animis vestris deficientes*, quia memoria Christi est plenissima in afflictionib⁹ homini credenti consolatio. Siquidem est lignum illud quod aquas amarissimas dulces efficit. Itaque habetis summum præsidium, ne vlla prorsus fatigatione deficere debeatis.

*Nondum enim vsque ad sanguinem restitistis aduersus peccatum repugnantes, &c.* Magnum est amittere bona, & substantias vestras terrenas & facultates: quod tamen æquo animo tulistis. Sed longè magis arduum resistere vsque ad sanguinem aduersus peccatum repugnātes. Istud vos necdum fecistis. *Et obliuiscitis consolationis quæ vobis tāquam filiis loquitur, &c.* Erant enim plerique eorum qui iam victi dabāt manus: & sic in defectionis crimen venientes, fidem violabant, immemores diuinæ exhortationis, & consolationis sapiētiae Dei, quæ illis tanquam filiis loquebatur: *Fili mi, noli negligere disciplinam Domini, &c.* Prouerb. 3. Disciplinam Domini pro castigatione accipit, quā non vult negligi, nec sperni, sed libenti animo accipi, & non defatigari, aut lassari hominem cum à Deo arguitur. Quid enim est aliud in hoc mundo affligi, nisi castigari & emendari, modo sumus filij? Hoc clarè ipsemet Apostolus exprimit, aiens:

*Quem enim diligit Dominus, castigat: flagellat autem omnem filium quem recipit, &c.* Videtur plus esse fla-

Phil. II



gellare, quàm castigare. Christus flagella tulit propter peccata nostra: & ideo receptus fuit à Patre in excelsum thronū. Itaque & eos qui magis Christo appropinquāt, decet etiam magis flagellari & propter se, & propter alios simili modo, vt confor mes illi fiant. *In disciplina perseuerate.* Græca lectio hoc sonat, si disciplinam seu castigationem sustinetis, *tanquam filius vobis offert se Deus*, paternum scilicet officium faciens. Quare obseruandus est & colendus: & deosculanda insuper manus etiam flagellantis. *Quis enim filius quem non corripit pater?* Certè nullus, nisi qui nihil peccet. At quotuisque qui in nullo offendat, vt sic nullam mereatur castigationē? *Quod si extra disciplinam estis, &c.* Notanda sunt hæc, & firmissimè cordi figenda. Homo enim extra disciplinam, id est, non accipiens pro disciplina quæ sibi cōtingunt aduersa, iam non vt filius reputatur, cui seruetur hæreditas: sed vt adulterinus, vel spurius ad diabolū pertinens.

*Deinde, Patres quidem carnis nostræ eruditores habuimus, &c.* Optimè ab eo quod minus est argumentatur comparatione dignioris. Si enim homo patrem secundum carnem reueretur, & ita faciendum esse natura ipsa docet: & hæc reuerētia habet promissionem vitæ: nonne multò magis obtemperare debemus Patri spirituum, vt verè viuamus? Patrem spirituum vocat Deum: quia per dona spiritualia quæ infundit, pater noster est. Spiritus enim est Deus: & quicumque adhæret Deo, vnus spiritus est, id est, vnitur illi per spiritum qui est amor. *Et illi quidem in tempore paucorum dierum, &c.* Optima item est eiusmodi suasio, & per se omnibus perspicua: quoniam patres carnis paucis diebus nos erudiunt, idque ad suam ipsorum voluntatem. Sæpè etiam inutiliter, & cum magna filiorum iactura. At illa Dei castigatio sanctificationem nobis parit. Sic enim sanctificamur dum erudimur à Domino, & probamur igne tribulationum.

*Omnis autem disciplina in presenti quidem, &c.* Nul lum omittit locum ad suadendam perseuerantiam Apostolus. Omnem castigationem in presenti quidem testatur nō videri esse gaudij, sed potius mœoris. Noluit absolutè dicere non esse gaudij, sed, *non videtur*, quoniam in his qui sapiunt, & qui spiritu feruent, etiam gaudij est. Nam prospiciunt & futura, non quæ sunt præsentia tantum: quia in eis vident fructum oriri iustitiæ, qui est vitæ æternæ fructus pacatissimus, & plenus pace & iucunditate. Reddet autem hūc fructum Deus Pater iis qui fuerint exercitati per ipsam disciplinam.

Propter quod remissas manus, & soluta genua erigite, & gressus rectos facite pedibus vestris: vt non claudicans quis erret, magis autem sanetur. Pacem sequimini cum omnibus, & sanctimoniam, sine qua nemo videbit Deum. Contēplantes ne quis desit gratiæ Dei: ne qua radix amaritudinis sursum germinans impediat, & per illam inquinentur multi. Ne quis fornicator, aut prophanus vt Esau, qui propter vnam escam vendidit primitiua sua. Scitote enim quoniam & post-

ea cupiens hæreditare benedictionem, reprobatus est. Non enim inuenit pœnitentiæ locum, quanquam cum lachrymis inquisisset eam.

*Propter quod remissas manus, &c. soluta genua erigite,* hoc est, Cum ex parua, & brevis temporis tristitia tantus oriatur fructus, erigite remissas manus, id est, vires resumite ad opera bona. Et erigite genua soluta: quia nec poterunt operari manus, nisi & genua roborentur & erigantur, per quæ significatur fortitudo & animositas, quam fides & spes excitant & confirmant. *Et gressus rectos facite pedibus vestris.* Sunt enim qui ambulant quidem, sed non rectè ambobus gradiuntur pedibus: quoniam altero claudicāt. In quibus ij fortè significātur, qui quod rectum est agunt, sed intentione non recta vel pura, sed ob inanem gloriam, aut aliquod cōmodum temporale. Credo tamen voluisse Apostolū mone re Hebræos, ne, quod erat multorū, in vtrang; partem claudicaret, partim scilicet Christum, partim verò Mosen recipientes, idque propter carnis affectionem. Istud insinuat dum ait: *Vt non claudicans quis erret*, seu, Ne quod claudū est aberrer, hoc est, abducatur à via. *Sed magis sanetur*, cō quod mala animi affectio quidam animi morbus est.

*Pacem sequimini cum omnibus.* Ad Gentes videtur aspicere, & eis hac exhortatione prospectū velle, cū quibus male cohærebant Iudæi. Aspernebantur enim eas, & ingratis oculis intuebantur, non considerantes in Christo reddita esse omnia munda. *Et sanctimoniam*, id est, cordis munditiam & puritatem, *sine qua nemo videbit Deum*. Ipse enim dixit: Beati mundo corde: quoniam ipsi Deum videbunt. Et alibi: Nihil coinquinatum intrabit in illud.

*Contēplantes ne quis desit gratiæ Dei*, siue: Ne quis destituatur à gratia Dei. Potest ergo quis destitui à gratia: contra quod quidam stultè dogmatizant. Est item in manu nostra postquam accepimus gratiam, retinere illam, ac non destitui: nisi velint negare clarissimam Apostoli exhortationem hanc, *contēplantes* (inquit) *ne quis desit gratiæ Dei*. Vbi est igitur illa æterna reprobatio ex parte Dei ante peccatum, quam isti prædicant?

*Ne qua radix amaritudinis.* Radix omnis amaritudinis est superbia vitæ: ex qua oriuntur inuidia, & odium, & ira, quæ omnia ascendendo & pullulando (vt ita dicam) amarificant cor, & per illa impeditur gratia Dei, vnde & inquinantur multi. Hinc enim excitamenta sectarū, & ex ipsis sectis iniuriæ, similitates, detractiones & innumera mala.

*Ne quis fornicator, aut prophanus, vt Esau.* Hic contra voluntatem patris & matris concubuit cum vxoribus idololatriis: & ideo fornicator dici potuit. Et similiter prophanus: quia rem sacram, nempe matrimonium fœdauit. Sed & hac in re prophanus, quam exprimit B. Paulus, *qui propter vnā escam vendidit primogenita sua*. Ius autem primogenituræ erat quid sacrum & (vt traditione acceptum est) in eo sacerdotium continebatur. Primogeniti enim ante legem datam erant sacerdotes. Quamobrem dicitur Num. cap. 3. Ego tuli Leuitas à filiis Israel pro omni primogenito qui aperit vuluam in filiis Israel. Habebat & alias prærogatiuas primogenitura, de quibus non est hîc dicendi locus. Mirto quæ-

Matth. 5.

Contra ha  
reticos.



quaestionem, quoniam pacto vendi poterant, aut etiam emi iura primogeniturae absque simoniaca lae. Et quomodo non fuerit iniquitas in Iacob, tam vili pretio emere. Hæc enim non videtur alio modo solui posse, nisi facta omnia fuisse Deo sic volente ac disponente, ut omnino ius primogeniturae ad Iacob pertineret, non solum ordinatione diuina, verum etiam facto, & consensu eius qui ius habebat in ea. Et quia omnia in figuram contingebant illis, addit Apostolus:

*Scitote enim quod & postea cupiens hereditare benedictionem, reprobatus est.* Hoc totum patet Gen. cap. 25. & 27. *Non enim inuenit penitentia locum.* De fructuosa penitentia est sermo, alioqui satis penituit, & eiulatu magno fleuit, ut testatur scriptura. Et hic B. Paulus citat, aiens: *Quamquam cum lachrymis inquisisset eam.* Qui negarunt penitentiam transgressoribus, mouebantur ex hoc particulari concludentes vniuersale. Et certe concluditur verè de iis qui propria culpa reprobari mererentur, quorum typum gerebat Esau, postquam despexit primogenituram: sed non continuo reprobari quisque, ut mox transgreditur. Apostolus ergo hoc exemplum producit de Esau Hebræis ut caueant, & aperte intelligerent Esau typum Iudæorum in eo mysterio gessisse, qui amiserunt similiter primogenituram suam propter incredulitatem.

Non enim accessistis ad tractabilem & accessibilem ignem, & turbinem, & caliginem, & procellam, & tubæ sonum, & vocem verborum (quam qui audierunt excusauerunt se, ne eis fieret verbum. Non enim portabant quod dicebatur: Et si bestia tetigerit montem, lapidabitur. Et ita terribile erat, quod videbatur. Moyses dixit: Exterritus sum & tremebundus) sed accessistis ad Sion montem, & ciuitatem Dei viuentis Ierusalem cœlestem, & multorum millium Angelorum frequentiam, & Ecclesiam primitiuorum, qui conscripti sunt in cœlis, & iudicem omnium Deum, & spiritus iustorum perfectorum, & testamenti noui mediatorem Iesum, & sanguinis asperisionem melius loquentem quam Abel. Videte ne recusatis loquentem. Si enim illi non effugerunt, recusantes eum qui super terram loquebatur: multo magis nos, qui de cœlis loquentem nobis auertimus. Cuius vox mouit terram nunc: nunc autem repromittit, dicens: Adhuc semel: & ego mouebo non solum terram, sed & cœlum. Quod autem adhuc semel dicit: declarat mobilia translationem tanquam factorum, ut maneat ea quæ sunt immobilia. Itaque regnum immobile suscipientes, habemus gratiam: per quam seruiamus placentes Deo cum metu & reuerentia. Etenim Deus noster, ignis consumens est.

*Non enim accessistis ad tractabilem montem, &c.* Hoc in loco B. Paulus ne sibi à rigiditate Dei metuant, & de auxilio diuino desperent, incipit ostendere quæ & quanta sit eius protectio erga suos in statu gratiæ & noui testamenti, præ his qui sub antiquo testamento erant, & ait: *Non enim accessistis ad tractabilem montem*, id est, montem qui calcari pedibus possit: qualis fuit ille mons Sinai, ubi vetus testamentum datum est. Vocat montem tractabilem, ut extenuet dignitatem legis illius si confertur cum lege gratiæ: quemadmodum ad extenuandum templa manufacta, hoc singulariter affertur, quod erant manufacta. Deus autem non habitabat in templis manufactis. Similiter nec in huiusmodi montibus tractabilibus erat Dei domiciliū. Lex enim gratiæ è monte sancto, qui est Christus, prodit: sicut ipse est verum Dei templum, in quo habitat plenitudo diuinitatis corporaliter. *Et accessum ignem.* In scriptura veteri leguntur facta tonitrua & fulgura: in quo significabatur effectus legis, quæ dum dura ceruice hominibus præciperet, excitabat concupiscentiæ ardorem ad mortem. *Et turbinem & caliginem, &c.* Significat autem turbo anxietatem illam conscientiæ & perturbationem, quæ post admissionem peccati per conscientiam præuaricationis irruit. Caligo verò significat diuinorum ignorantiam, in qua erant adhuc existentes sub lege. Procella etiam quæ ventis & imbris conflatur, non est aliud quam significatio iræ Dei, propter multitudinem præuaricationum quæ ex lege veniebant. Denique sonus tubæ, & voces Dei legislatoris terribiles, legem timoris ostentabant.

*Et ita terribile erat quod videbatur*, seu quod apparerebat (supple tu) ut excusarent se filij Israel, dicentes: Loquere tu nobis, & audiemus. Non loquatur nobis Dominus, ne forte moriamur: hæc illi. *Moses dixit: Exterritus sum & tremebundus.* Attamen nusquam in scriptura clarè apparet hoc dixisse Moysen: solum testatur scriptura in signo illo virgæ cum in serpentem versa est, Moysen fugisse, proculdubio rei nouitate perterritum. Credibile est autem Moysen in illo motis ardore, & fumo, & tonitruis, & fulguribus, & caligine, & aliis terribilibus signis etiam expauisse & contremuisse, tametsi post modo admoneret populum ne timeretur: *sed accessistis ad Sion montem.* Hæc est arx fortissima vrbis Ierusalem Maria Virgo semper benedicta cum electis Sanctis. *Et ciuitatem Dei viuentis Ierusalem cœlestem.* Hæc est ecclesia Dei, & multorum millium Angelorum frequentiam, qui custodiunt hanc urbem. *Et ecclesiam primogenitorum, qui conscripti sunt in cœlis.* De Apostolis loquitur, & magnis discipulis Christi, quorum nomina scripta erant in cœlis. *Et iudicem omnium Deum.* Hic est Christus qui retribuet sua die. *Et spiritus iustorum perfectorum*, quicunque præter maiores erant. *Et testamenti noui mediatorem Iesum.* Nouum testamentum præfertur veteri: quia in eo remissio est peccatorum, promissio æternæ vitæ benè operantibus, & facultas datur rectè operandi. Ait Iesum, qui dicitur saluator. Hic venit è cœlo ad saluandum, non sicut Moyses qui eductus est ex aquis, tanquam indigus redemptionis. *Et sanguinis asperisionem*, siue sanguinem asperisionis, meliorem loquentem quam Abel. Nam sanguis Abel vindictam, Christi verò sanguis misericordiam clamat.



mantur extra castra. Propter quod & Iesus, ut sanctificaret per suum sanguinem populum, extra portam passus est. Exeamus igitur ad eum extra castra, improprium eius portantes. Non enim habemus hic manentem ciuitatē: sed futurā inquirimus. Per ipsum ergo offeramus hostiā laudis semper Deo, id est, fructum labiorum confitentium nomini eius.

Contra Iudaeorum caeremonias.

*Doctrinis variis, &c.* Doctrinā varietatem reprobatur in primis Apostolus. Et significat doctrinas varij generis, quæ conuenire non possunt: qualis est doctrina fidei cum doctrina legis. Sic est doctrina quælibet, quæ cum Christiana non conuenit, neque cum illa seruari potest. Adiecit, & peregrinis, id est, quas ignorat ecclesia Christi, nolite adduci, id est, nolite hanc illā circumferri. *Optimum est enim gratia stabilire cor, non escis, &c.* Manifestè Hebræorum caeremonias taxat, quæ in escis & potibus potissimum consistebant. De sacrificatis enim edebant, quæ tamen non proderant eis: quoniam per eas escas carnales non stabiliebatur cor in bonum. Stabilitur autem in gratia Dei, id est, charitate per cibum sanctū, & veram & cœlestem escam. Et hoc est optimum: quia finis legis est Christus. *Habemus altare, &c.* Probat hac ratione non posse tolerari doctrinam legis (tanquam iam antiquatā) cum doctrina gratiæ. Habemus enim altare nos Christiani, de quo non habent potestatem edendi, qui deseruiūt tabernaculo. Hoc altare est extra portam, non conclusum in tēplo siue tabernaculo: in quo altari fit vera expiatio per corpus & sanguinē Christi, & de quo iis edere nullo pacto est licitū, qui adhuc deseruiunt tabernaculo, id est, qui manent in legalibus. Quod probatur: *Quorum enim animalium infertur sanguis pro peccato in sancta per Pontificem, horum corpora cremantur extra castra*, ita ut qui tabernaculo deseruiunt non valeant inde quicquā fumere. Hinc à typo illo datur intelligi, non posse ab his qui adhuc manent in Iudaicis ritibus, Christum nostrum tractari, sed eorum carnali comestioni minus esse idoneum. Siquidem eius sanguis illatus est in sancta, & eius corpus crucifixum extra castra, id est, absorptum igne Spiritus sancti velut holocaustum acceptabilissimum Deo. Aliter igitur manducari debet, nempe spiritali manducatione per fidem & charitatem à cunctis Gentibus, Græcis & Iudæis. Nam ipse Iesus qui figuram veritate sustulit, corpus suum extra portam tradidit occidendum sub dio, ut ostenderet se non in ciuitate pati quasi pro illo populo tantum, sed pro vniuerso mūdo, ut sanctificaret populum suum ex omni Gēte collectum, per asperisionem sanguinis, quem intulit in sancta sanctorum cœlestia, non terrena in redemptionem nostri.

*Exeamus igitur ad eum extra castra.* Loquitur Hebræus ad Hebræos, & ait: O Hebræi, si volumus expiationem tanti sacrificij consequi, exeamus extra castra, id est, agnoscamus Deū non esse Iudæorum tantum Deum, sed & Gentium: & non curemus hoc opprobrium, sed improprium eius portantes. Nam & ipse exiuit extra castra, quæ vos extra synagogam eieciistis. *Non enim habemus hic ciuitatem permanen-*

*tem, sed futurum inquirimus.* Ecce Ierusalem perdidit, sicut & ipsimet coniecerunt dicentes: Veniet Romani, & tollent locum nostrum & Gentem. Itaque nec ciuitatem hīc vllam habet, neque spem futura: & non sunt extra castra. Nam in castris manent cogitatione saltem & auiditate, pleni amore carnali, & secundum carnem expectantes Christum. *Per ipsum autem offeramus hostiam laudis semper Deo.* Sicut & Christus obtulit seipsum, confessionē & laudem deferēs Deo: ita & nos offeramus semper hanc hostiam laudis. Sed per ipsum, id est, ipso offerente illam in nobis: quia quicquid ex nobis gratum est Deo, per ipsum oportet quasi signari, & offerri. Hæc autem laudis hostia offerenda est ab hominibus: quia est fructus laborum nostrorum confitentium eius nomini. Et secundum hoc omnes sumus sacerdotes æqualiter. Sed non secundum quod nos facimus in altari hostiam. Ad hoc enim oportet ordinari certos, & accipere potestatem faciendi legitimam.

Benificentiæ autem & communicatio nis nolite obliuisci. Talibus enim hostiis promeretur Deus. Obedite præpositis vestris & subiaceat eis. Ipsi enim peruigilāt quasi rationem pro animabus vestris reddituri, ut cum gaudio hoc faciant, & non gemētes. Hoc enim non expedit vobis. Orate pro nobis. Confidimus enim quia bonam conscientiam habemus: in omnibus bene volentes conuersari. Amplius autem deprecor vos hoc facere, quo celerius restituar vobis. Deus autem pacis qui eduxit de mortuis Pastorem magnum ouium in sanguine testamēti æterni, Dominum nostrum Iesum Christum, aptet vos in omni bono, ut faciatis eius voluntatem: faciens in vobis quod placeat coram se per Iesum Christum, cui est gloria in sæcula sæculorū. Amen. Rogo autem vos fratres, ut sufferatis verbum solatii. Etenim per paucis scripsi vobis. Cognoscite fratrem nostrū Timotheum dimissum, cum quo (si celerius venerit) videbo vos. Salutate omnes Præpositos vestros: & omnes sanctos. Salutant vos de Italia fratres. Gratia cū omnibus vobis. Amen.

*Benificentiæ, &c.* Exhortationem prosequitur. Ne obliuiscamini beneficentiæ, & communicatio nis, siue communionis. *Talibus enim hostiis promeretur, seu pacatur, vel conciliatur Deus.* Videant Lutherani qui negāt satisfactionem & merita ad abluenda peccata. *Obedite præpositis vestris.* Et hīc quoque videant qua stultitia negent hierarchiam in ecclesiā Dei, & iurisdictionē. *Ipsi enim peruigilant quasi rationē pro animabus vestris reddituri.* Hæc Episcopi & præpositi cōsiderent, num tales sint, ut cum gaudio hoc faciant, & non gemētes. *Peruigilat bonus pastor cū gaudio, cū videt ouiculas bene pascētes, & contineri sub ouili.* Secus verò si inueniat cōtumaces & deuias, tunc gemens hoc facit qui non videt sue

Ioan. II.

In hereticos.

Nolite prælati, notent subditi.



vigiliæ fructum, & cogitur nolens vti virga cum gemitu. *Hoc enim non expedit vobis.* Et verè non expedit: quandoquidem si illi ad tempus ob vestram contumaciam gemunt, vos in æternum flebitis.

Nam salus ouiculæ est, sub cura manere pastoris. *Orate pro nobis*: Etiam pro sanctis qui sunt in terra orandū est à populo, vt magis ac magis proficiant. *Confidimus enim*. Cum esset Hebræis inuisus propter gentes, voluit ostendere suum quoque erga illos affectum, quasi diceret: Non vos conturbet si videor pro gentibus zelare: nam & vos mihi charissimi estis. Confidimus enim, *quod habemus bonā conscientiam in omnibus*, id est, inter omnes, *benevolentes conuersari*. Quidam legunt, *Quod habetis bonam conscientiam*, quæ etiam lectio non displicet, in eum sensum: Confidimus vobis, quibus non sim odiosus, sed bonam habeatis conscientiam, vt cum omnibus velitis habere pacem & conuersationē charitatis vinculo colligatam.

*Amplius autem, &c.* Abundantius hoc fieri obsecrat, id est, orari quod celerius restitueretur ipsis. Ex quibus verbis rectè collegit Caietanus auctorem huius epistolæ Hebræum fuisse, & consequenter non fuisse Clementē: cuius tamen oppositum alibi putat. Neque Lucam, qui fuit Syrus natione, non Hebræus. Et tamen (quod mirandum est) negat fuisse B. Paulum, hanc afferens rationē, nō potuisse desiderare Paulū se illis restitui, qui ad euadendum eorum manus appellauerat Cæsarem. Et non animaduertit, quomodo iam eorum potestatem appellatione ipsa & iurisdictionem euaserat. Vnde tutò poterat redire, & cauere sibi ab insidiis. Neque verò ad eos scribit, qui persecutionis auctores extiterant, sed ad eos qui adhuc nomine Christiano censebantur. Sed iam frustrā hac de re disputatur, cum is non sit Catholicus habendus, qui hanc epistolam neger esse B. Pauli Apostoli,

propter tantam nubem tēstium, Conciliorum, Pōtificum, Doctorum illam comprobantium.

*Deus autem pacis, &c.* Verba clara sunt, & sensus ipse perspicuus. Deus est author pacis, in cuius manu sunt pax & bellum: pace tamē potius nunc delectatur, vt quod ex se est, sit Deus pacis, & non vltionis & dissensionis, siue perturbationis. Pacificaturus autem omnia eduxit de mortuis Pastorem summum omnium. Qui enim prius erat vltionum Deus factus est Deus pacis, in sanguine testamenti æterni. Per sanguinem quippe Filij pacificatus nobis est Deus. Hunc igitur Deum implorat, vt aptet, seu perficiat eos in omni opere bono. Ecce quomodo sit homo perfectus, nimirum bene operans per gratiam Dei. *Faciens in vobis* (ait) *quod placeat coram se per Iesum Christum*. Deus operatur in vobis & velle vestrum, & perficere pro bona voluntate: at tamen non sine vobis. Rogat deinde vt susceperant verbum solatij, seu exhortationis. Consolatur eos quod perpauca scripserit præ iis fortassis quæ requirebat & materia, & opportunitas.

*Pro perfectione iustitie per opera.*

*Cognoscite fratrem nostrum Timotheum dimissum, cui quo si celerius venerit, videbo vos.* Hic vnus locus cunctis ad persuasionem deberet esse satis, hanc epistolam esse Apostoli Pauli, cuius discipulus fuit Timotheus, vt posset eum mittere ac dimittere, sicut hic dicitur, & sicut consuevit aliās. Nec obstat Caietani responsio, quod & Clemens poterat eum mittere, sicut & misit B. Dionysium ad Gallos. Nam paulò antè conclusit ipsemer, Clementem non fuisse istius epistolæ auctorem, cum ipse auctor esset Hebræus. Reliqua ad salutationem spectantia clara sunt. Hoc solum inde elicitur, fuisse hanc epistolam ex Italia missam.

BENEDICTVS DEVS.

## AVTHORIS IN SEPTEM EPISTOLAS CANONICAS PRÆFATIO.

**T**EMPORIS corruptissimi, in quo nunc versamur, miserāda conditio postulat, vt antiquam expositionem septem epistolarum canonicarum aggrediamur, quæ sunt quatuor Apostolorum, Iacobi videlicet, Petri, Ioannis, & Iudæ, nonnullæ sint necessariò quæstionculæ præmittendæ, ac resoluendæ. In primis de hac prima epistola (propter novos magistros) an verè sit canonica, & certò ad scripturas sanctas pertineat. Deinde de eius auctore. Tertio, de ordine: cur hæc præcedat reliquas. Quarto, An in ipso epistolarum numero aliquid contineatur mysterij. Et de primo quidem, Caietanus non putauit esse canonicam, eò quod non videatur eius auctor fuisse Apostolus. Solis autem Apostolis data fuit (inquit ille) potestas condendi scripturas: & nihil scripturarum vult esse canonicum, quod non sit vel ab ipsis Apostolis scriptum, vel ab eis approbatum. Verum huiusmodi opinio, & tota ratiocinatio falsa est & periculosa. Non enim quicquid scribebat quispiam ex Apostolorum numero, cōtinuò erat scriptura sancta, nisi prius legitime probatum esset ab ecclesia. Et contrā, Nō quod ab Apostolo non sit scriptū, aut saltem non probatum, continuò non erit canonicum: si modo ecclesia illud probauerit ac canonicum fecerit. Deinde, omninò falsum, huius auctorem epistolæ non fuisse Apostolum, cui & nomen egregiè conuenit, Iacobus. Hic fuit filius Alphæi & Mariæ coniugis eius. Vnde ipse dicitur apud Euangelistas, Iacobus Alphæi, & mater eius appellata est Maria Iacobi. Mar. 16. & Lucæ 24. Vocatus est & Iacobus minor, vt ab alio Iacobo distingueretur, qui dictus est maior, filius Zebedæi, frater Ioannis: quos Dominus tonitruum filios vocauit. Hæc à nobis abundè alibi explicata sunt ac probata: quæ debent haberi tanquam principia & dignitates. Sed propter hæreticos, nouorum dogmatum fautores, oportuit iterum nos ad hæc demittere. Lutherus enim cœpit epistolam negare canonicam: & vt illam ore illo suo spurco ac maledicentiæ pleno conspurcasset, vocauit stramineam. Non ob aliud, nisi quia & eius de iustificatione dogma efficacissimè & clarissimè prostermit: & ipsum hæreticum suis coloribus ad viuum eleganter depingit, & quasi ostentum exhibet omni populo spectandum. Erasmus autem, quis



Iacobus hic esset, & an Apostolus, in dubium reuocat: qui & quatuor Iacobos pro duobus comminiscitur: Ecce lucra quæ deferunt in ecclesiam. Caietanus ideo non putauit eum Apostolum: quia non se vocauit Apostolum, sed solummodo seruum Iesu Christi. Quæ ratio si quid valeret, nec erit vlla epistola Ioannis Apostoli: quia nusquam seipsum in eis vocat Apostolum. O miseram ac deplorandam nostrorum temporum conditionem, cum liceat ista impunè cuique effutire: & de scripturis ipsis sanctis, quæ sunt fidei nostræ principia, periclitari. Fortè non se Apostolum nominauit: quia non vt Apostolus, sed vt Episcopus scripsit ad suos: & vt cederet ipsi Petro apostolatam, ne quasi Apostolus præcedere eum videretur. Nullus enim eorum qui scripserunt epistolas, ausi sunt se vocare Apostolos præter B. Petrum & B. Paulum: quod erat diligenter considerandum.

Viuat igitur veritas, & omnis plantatio quam non plantauit Pater cœlestis eradicetur. Sic ergo epistola canonica, sicut omnes sancti Dei, & veteres nobilissimi doctores, & catholici Pontifices pro canonica receperunt: & ipsa decreta Pontificum, & sacrosancta concilia confirmarunt. Sic & author eius Frater Domini Iacobus Alphæi, seu Iacobus minor, qui cognominatus est Iustus, sicut & Ioseph frater eius. De hoc Iacobo scripsit admiranda Iosephus Iudæus. Huic apparuit post resurrectionem Christus. Hic factus est primus Episcopus Ierosolimitanus, dignus qui scriberet ad suos, & cuius doctrina ab omnibus audiat. Est enim vt & ipsum nomen innuit, Iacobus, supplantator vitiorum, & mundi, & carnis & dæmonis: cuius fuit primum, ad exemplum summi Magistri, facere: deinde docere. Occurrit tamen non inutilis quæstio: Cur hæc inter canonicas prima in ordine habeatur. Minus quippe potest æquum videri, vt præferatur & B. Petro & Ioanni Dilecto, quos citra controuersiam prætulit ipse Dominus. Cui quæstioni responderetur: Scriptoris dignitatem non efficere vt præcedere scriptura debeat, sed ipsa doctrinæ ratio hanc prærogatiuam meretur. Debuit enim primò Euangelium prædicari Hebræis: & similiter apostolica tradi doctrina. Eligi ergo ille debuit peculiaris doctor illius Gentis, qui fuit primus illorum peculiaris Episcopus. Et hæc est ratio quamobrem ille B. Petro & cæteris hac in parte præponitur. Numerus autem harum epistolarum, quæ sunt septem, cōuenit numero, quo gaudet Spiritus sanctus. Sunt enim illæ septem sportæ, quas de fragmentis panum, quos Dominus multiplicauit, ipsi eius discipuli collegerunt, in quibus continetur perfectæ euangelicæ legis instructio. Fuerunt autem quatuor earum scriptores: vt & hic numerus, quo Christianæ legis firmitas ac stabilitas significatur, attenderetur. Neque verò ignoramus aliquot reperiri derisores, qui hæc tanquam hominum commenta fastidiant: sed margaritæ non offeruntur porcis.

### ARGVMENTVM EPISTOLÆ.

**H**IVS epistolæ argumentum, est instructio ad exercitium sanctarum virtutum, & vitiorum expulsionem. Creditur autem vel ipsomet teste B. Augustino, ob eam ipsam causam fuisse à Fratre Domini conscripta: quoniam orta erat illa hæresis, fidem scilicet absque operibus satis esse ad salutem docens, quemadmodum quibusdam videbatur B. Paulus (perperam illum intelligentibus) in suis epistolis docuisse. Quæ hæresis iam sepulta, nostro tempore iterum à nouis magistris suscitata est. Sed à fratre Domini ita explicatissime confutatur, vt facilius sit eis epistolam negare, quam posse vlla tergiversatione sententiam aduersus illos apertissimam eludere.

### COMMENTARIA IN EPISTOLAM

B. IACOBI APOSTOLI ET FRAT-  
TRIS DOMINI.



**I**ACOBVS Dei, & Domini nostri Iesu Christi seruus: duodecim tribubus quæ sunt in dispersione, salutē. Omne gaudium existimate fratres mei, cum in tentationes varias incideritis: scientes quod probatio fidei vestræ patientiam operatur. Patientia autem opus perfectum habet: vt sitis perfecti & integri, in nullo deficientes. Siquis autem vestrum indiget sapientia, postulet à Deo, qui dat omnibus affluenter, & non improperat: & dabitur ei. Postulet autem in fide, nihil hæsitans.

Qui enim hæsitat, similis est fluctui maris, qui à vento mouetur & circumfertur. Non ergo existimet homo ille quod accipiat aliquid à Domino. Vir duplex animo inconstans est in omnibus viis suis.

**D**ESPEXIT hanc salutationē Caietanus his verbis: Salutatio hæc posita tam pura est, vt nulli salutationi cuiuscunque alterius apostolicæ epistolæ conformis sit. Nam nihil Dei, nihil Iesu Christi, nihil gratiæ, nihilque pacis sonat: sed prophano more, salutem: hæc ille. Quibus, obsecro, quid poterat dici (vt parè loquar) subtilius? Primum ait in ea salutatione nihil esse Dei, nihil Iesu Christi: tanquam non in ipsis primis verbis Deus & Iesus Christus nominetur, cuius se seruum profitetur.



Deinde prophānū salutationis morem vocat, dicere, *salutem*, tāquam non hoc more vñ sint Apostoli & Seniores, quum scripserunt ad gētes in hęc verba: Apostoli & Seniores iis q̄ sunt Antiochiā, & Syriā, & Ciliciā, fratribus ex gentibus, Salutē. Quid autem est Iesus, nisi salus? Qui igitur salutē adprecatur, nō nisi Iesum, qui vera est salus, adprecatur. Non igitur erat prophānum eo pacto salutare: sed hoc erat prophānum, veram scilicet salutem non intelligere. Quod vero hęc salutio nō sit ceteris conformis, vt illis B. Pauli & Petri: quid mirum? An rogo, necesse est modum ac stylū omnium aūthorum vñum prorsus & eūdem esse? Verū stulti est & parum sapientis hominis, velle in his nugis vltcrius immorari. Venio ad expositionem ipsi⁹ literā, vt iam nobis loquatur & prodeat frater Domini, supplantator vitiorum strenuus.

*Iacobus Dei & Domini nostri Iesu Christi seruus, &c.* Vocat se seruū Dei & Iesu Christi, iuxta illud: Cū feceritis hęc omnia, dicite: Serui inutiles sumus. Hoc enim perfecti hominis est, primū cōsiderare & profiteri quid ipse debeat Deo, & post hanc cōsiderationem gloriari de donis. Quod autem ait, *Dei & Domini nostri Iesu Christi*, potest & cōiunctim sic intelligi, vt intelligatur Iesus Christus Deus & Dominus: quod absque dubio est. Potest tamen etiam intelligi disiunctim, vt Patrē vocet Deum & Iesum Christum Dominū. Et quia vtraque expositio vera est, vtraq; simul est amplectenda, vt a scripturā Spiritu intenta.

*Duodecim tribubus quæ sunt in dispersione, salutem.* Erant etiam ante nouissimā Iudæorum euerisionem reliquæ dispersæ ab Assyriis, & Babyloniis, & aliis gentibus, quæ nunquam reuersæ erant in terram Iudæam. Et ad has scribit quæ receperant nomē Domini Iesu cum fide: vnde & fratres suos vocat. Et quoniam erant inter gentes, gētiū more salutat, vt veram salutem intelligerent, quæ est in vero Redemptore.

*Omne gaudium existimate, &c.* Opportuna instructio. Vrgēbatur enim Christiani in primo illō feruore spiritus & prædicatione fidei, multis & variis tentationibus, egestate & exilio, & aliis tribulationibus, & mortis denique supplicio. Quamobrem oportebat eos cōsolari, & fortes reddere, vt interno gaudio externarū persequutiones minuerentur. Est enim sermo de vero, nō de falso gaudio. Quod igitur legimus, *omne gaudium*, meo iudicio potius integrum, seu perfectum gaudium reddere debebat Interpres. Perfectū autem gaudium est quod ex coniunctione cum Deo procedit, quando assimilabimur ei perfectē. Hoc autem perfectū gaudium erit in alia vita: nam in præsentī haberi non potest. Quomodo ergo vult hoc in loco B. Iacobus, nos existimate esse hīc perfectum gaudium, & hoc quidem in ipsis tantationibus, quæ tristitiam potius quā gaudium afferunt? In promptu est responsio: Si perfectum gaudium absolutē intelligamus, verē nō est in hac vita. At si status ipse cōsideretur in quo sumus, certē non est expers gaudij. Nec deest etiam huic gaudio sua perfectio secundum statum ipsum: qui status est veluti peregrinorum, & operantium, & concertantium. Peregrini enim in via gaudent: quia tendunt in patriam. Et quanto magis de via ambulādo, aut cur-

rendo absumpserint, & patriæ vicinior appropinquauerint, tantō magis gaudent. Cum autem se ad fores ciuitatis peruenerint, expletur gaudium peregrini ac perficitur. Idem contingit operantibus, cum ferē adesse operarum & laborum finem perpendunt. Idem certantibus qui conualuere in prælio, & iā sunt proximi victoriæ. Talis est Christianus cū in varias inciderit tētationes: ibi enim probatur, & tendit ad finem cursus, & finem laboris, & finem certaminis.

*Cum incideritis*, sapientissimē dictum est: Ne quis scilicet ausit sibi tentationes accersere, & pericula: vt faciunt qui ea de seipsis præsumunt, quæ in ipsis tamen nō insunt. At cū incidunt in tentationes absque sua ipsorum culpa, tunc adest prōculdubio fauor Dei, qui non permittit hominē tentari supra vires & modum, sed facit etiam cum tentatione prouentum. Hoc autem ij qui luctantur sentiētes, gaudio afficiūtur perfectō: quia in illis afflictionibus certi redduntur futuri præmij. Sentiūt enim in seipsis Deum præsentem, atque adiuuantem, & adhortantem, & dicentem interius, Noli timere: salus tua ego sum: Sufficit tibi gratia mea. Nā virtus in infirmitate perficitur. Hoc diuinum solatiū si non adesset, quo pacto durare posset suapte natura infirmus homo & imbecillus in maximis tribulationibus? Et quomodo posset interno illo & perfectō gaudio in via repleti & recreari, & cum Apostolo exclamare: Benedictus Deus & Pater Domini nostri Iesu Christi, Pater misericordiarum, & Deus perfectæ consolationis? Sed cum hęc notitia non sit omnium, ob eam causam plurimi qui ignorant huiusmodi tentationes, aut non viriliter agunt in eis positi, non sunt certi de gratia Dei in semetipsis, ac propterea illam certitudinem facile negant in aliis esse possibilem. At hoc iniquum est. Aut enim oportet negare hīc B. Iacobi dictum, qui omne gaudium, hoc est, perfectum gaudium ponit in iis qui viriliter agunt: aut eam certitudinē confiteri. Qui enim fluctuat hæsitas de gratia Dei, quomodo verum & perfectum potest habere gaudium? Sed quia tentatio facit prouentum (per eam enim probatur homo) ideo spem præmij concipit certam, quæ non confundit: quia charitas Dei sentitur in corda, quæ, vt ait deuotus pater Bernardus, certitudinem infundit. Qui autem non est tētatus, ait Scriptura, quid scit? videlicet de excellentia bonitatis & charitatis Dei, quam solummodo in tribulationibus eximiam experimur. Quanto enim magis abundant tribulationes, teste B. Paulo, tanto magis internæ ac diuinæ consolationes excrescunt. Et Psalmista: Secundum multitudinem dolorum meorum in corde meo, cōsolationes tuæ lātificauerunt animam meam. Vnde subiicitur:

*Scientes quod probatio fidei vestra*, hoc est, tentatio ipsa & tribulatio, vnde probatis fidem vestram esse viam, & non mortuam, *patientiam operatur*, velut eius materia. Non enim potest is esse patiens, qui nulla affligitur tribulatione. Quoniam vero multi incipiunt quidem pati, sed non perdurant in patientia, ideo ait: *Patientia autem opus perfectū habet*. Sic in græcis legitur, *Habeat, non, Habet*. Perficitur autem opus patientiæ ipso fine, vt sit propter Christum & propter Christianam iustitiam. Alioqui, si tanquam scelerosi patimur, & non libenter

1. Cor. 10.

Psal. 34.

2. Cor. 12.

Ibid. 1.

2. Cor. 1.

Psal. 39.



amore iustitiæ, quod potest gaudium parere? Potest etiam intelligi opus patientiæ tum demum esse perfectum, cum adiungitur perseverantia usque in finem: quia perseverantiæ præmium redditur. *Ut sitis perfecti & integri, in nullo deficientes*, scilicet cum sitis præsentandi ante tremendum tribunal iusti Iudicis, oportet vos esse perfectos & integros, hoc est, incorruptos à macula peccati. Istud præstat ipsa patientia, qua homo dominus omnium, etiam suipius efficitur: & hoc est perfectum opus.

**LUC. 21.** In patientia vestra, aiebat Dominus, possidebitis animas vestras. Ecce ergo quomodo B. Iacobus hic supponit posse nos in viâ termino reperiri perfectos omnino, & sine defectu vlllo ad obtinendam coronam, sicut & B. Petrus & Paulus testati sunt. Vbi ergo sunt noui hæretici qui hoc non verentur pernegare, & in homine semper ita peccatum constituunt, ut in quouis articulo debeat de sua salute dubitare? Aliud est si rigorem stricti Iudicis prædicarent: sed misericordia se admiscet iusto iudicio, ut omnis timor abiiciatur, qui non est in charitate perfecta.

*Si quis autem vestrum indiget sapientia, &c.* Est sapientia quædam theologica, quam vocauit beatus Bernardus sapidam & affectiuam, non solum speculatiuam scientiam. Per hanc sapientiam sciimus vnde sumus, & quo tendimus, id est, quo tendere debemus, & qua via illuc peruenire. Sunt enim qui hæc omnia profitentur se scire, & pulchro admodum verborum apparatu declarant & prædicant, nos scilicet à Deo esse, & ad Deum tendere debere, & per viam tribulationum esse quidem incedendum. At hæc meditantur & loquuntur, non afficiuntur: nec ipso affectu probant quæ ipsi dicunt, & adeo disertè docent. Hi sunt ergo qui verè indigēt sapientia, qua nimirum sapienter sciunt. Hei misero mihi: quam vereor ne & hoc mihi desit, quod verè in multis requiro. Quid ergo faciendum? Ecce nos docet Frater Domini. Si quis huiusmodi sapientia indiget, postulet à Deo: quia non humanitus contingit, sed cœlitus venit. Hoc notent Pelagiani, qui naturæ & liberi arbitrij vires absque gratia extollunt. Hoc considerent & fideles negligentes, qui cuncta volunt sibi à Patre donari absque suo vlllo facto. Vult autem Deus postulari oratione, ut ipse sapientiæ perfectum donum conuenienti modo largiatur. Et ne quis dicat: Qui scio an sim illud postulando impetraturus? Adiecit:

**Nota.** *Qui dat omnibus affluenter.* Nota verbum, *omnibus*, ut intelligas non illis tantum, aut illis qui sunt prædestinati (quemadmodum voluit hæretici) sed omnibus nullo facto discrimine, modo postulet. Nec solum dat omnibus, sed & *affluenter* dat. Græcè *ἐκλάσκει*, id est, simpliciter, non ut aliquid hac de re ad se redeat & lucretur: sicut est proprium hominum miserorum & avarorum. *Et non impropere*, id est, non exprobrat, nisi in ingratos: sed ita nobis donat, qua si debeat. *Postulet autem in fide, &c.* Ille postulat in fide, qui promissis Dei innititur. Deus autem promittit se illis daturum hunc sapientiæ spiritum, qui peterent cum fide. Dixit enim Dominus noster Christus Iesus ore suo: Si vos cum sitis mali, bona dona vestris: quanto magis Pater vester cœlestis dabit spiritum bonum petentibus se? **Luc. 11.**

*hil hæsitans.* Nam qui hæsitat, diffidentiam de verbis Dei ostendit, quasi aut nolit qui optimus est & promittit: aut non possit, qui est omnipotēs, & cui nihil inde perit.

*Qui enim hæsitat, similis est fluctui maris, &c.* Homo hæsitans eleganter fluctui maris comparatur, qui ab omni vento mouetur & circumfertur hæc illac, ita ut hac sua inconstantia nihil agat tandem, & frangatur. Et ideo multi fideles videntur, & non sunt: quia eorum fides non venit desuper, sed ab impulsu aliquo carnali. Credunt enim & sequuntur Christum, non quia viderunt miracula: sed quia explet & saturat illos panibus, ut ipse quibuscum dixit: Amen Amen dico vobis queritis me non quia vidistis signa, sed quia manducastis ex panibus, & saturati estis. Quod si ventus vergeat in aliam partem, id est, tentationes superueniant, facile titubant, & franguntur, & blasphemant. Nos igitur petamus spiritum bonum, nihil hæsitantes neque ex parte Dei, neque ex parte nostri: nisi nos reprehendat conscientia. Quod si reprehendit, emendemus nosmetipsos, & reuertamur ad Dominum, quoniam valde misericors est, & proclius multum ad ignoscendum, & nouum spiritum dandum.

*Non ergo existimet homo ille quod accipiat aliquid à Domino.* Absque dubio qui tales sunt hæsitantes, hoc pacto nihil poterunt impetrare: quia Deo detrahunt vel de eius fide, vel de eius potentia. Facit hic locus plurimum pro certitudine gratiæ. *Qui enim incertus est, non poterit merito non hæsitare.* *Vir duplex animo inconstans est in omnibus viis suis.* Ille est animo duplex, qui in duo distrahitur. Porro vnum est necessarium. Vult ille homo cœlestia simul & terrena, & geminis sedere sellis, duobusque dominis seruire. At hoc nequaquam fieri potest: quoniam sæpe opponuntur, & sapius superat qui deterior est. Caueant ergo sibi multi qui subiipsis fortè videntur pii, & interim alienum sequuntur: dum alij quidem metu terrentur, & consentiunt cum tyrannis contra iustitiam, nec audent asserere malum quod est malum, & bonum quod est bonum, sed adulantur potius & palpant. Audiant quid loquitur Spiritus, potissimum illi qui audiunt confessiones Principum. Alij vero prosperitate franguntur & fortunis, dum volunt hæc bona sua, ac simul vellent & cœlestia: quod fieri non posse historia Lazari & Epulonis satis ostendit. **LUC. 16.**

Glorietur autem frater humilis in exaltatione sua: diues autem in humilitate sua: quoniam sicut flos sceni transibit. Exortus enim est Sol cum ardore, & arefecit scenum, & flos eius decidit, & decor vultus eius deperiit: ita & diues in itineribus suis marcescet. Beatus vir qui suffert tentationem: quoniam cum probatus fuerit, accipiet coronam vitæ, quam repromissit Deus diligentibus se. Nemo cum tentatur, dicat quoniam à Deo tentatur. Deus enim intentator malorum est: ipse autem neminem tentat. Vnusquisque vero tentatur à concupiscentia sua abstractus & illectus. Deinde concupiscē-



tia, cum conceperit, parit peccatum. Peccatum verò cum consummatum fuerit, generat mortem. Nolite itaque errare fratres mei dilectissimi.

*Glorietur autem frater humilis, &c.* Cum duo sint mala in hoc mundo præcipua, quæ reddunt hominem animo duplicem, videlicet aduersa, & prospera, quibus modo hûc, modo illûc circumferimur, ideo Frater Domini ad comparandam constantiâ & confirmandam, primò alloquitur pauperem & humilem in hoc mundo, exhortans ut non solum non tristeretur de humilitate sua ac paupertate, sed contrà ut gloriaretur potius de sua exaltatione, quâ in illa humilitate ac paupertate gestat absconditâ: quoniam Deus est qui exaltat humiles, & pauperes beatificat. Sic econuerso iubet diuiti non latârî de diuitiis, sed gloriari de sua humilitate, aut potius humiliatione ac deiectione, quando ita est diues ut non apponat cor in diuitiis suis, à quibus si fortassis cadat, nihil se amisisse existimet, sed cum

*Iob. 1.* Iob dicat, Dominus dedit, Dominus abstulit: sicut Domino placuit, ita factum est. Sit nomen Domini benedictû. Et B. Paulû sapientissime admonentem reuocet in memoriam: Nihil intulimus in hunc mundum: haud dubium quod nec auferre quid possumus. Hoc nobis dedit exemplum Dominus, qui cum esset diues, egenus factus est nostri gratia, ut nos diuites efficeremur in illo.

*1. Timo. 6.* Nemo cum tentatur, dicat quoniam à Deo tentatur, &c. Tentatio est excitatio quædam experimenti, ut quid quale sit, cognoscatur. Est autem duplex tentatio, quædam in malum tendens: quædam verò in bonum. Tentat Diabolus, tentat & suo modo Deus. Diabolus semper tentat in malum nostrum: Deus verò contrà semper in bonum. Neminem quippe tentat ad malum (exempli causa) ad furtum vel adulterium, ad homicidiû, aut quid huiusmodi. Ideo vetat Deum malæ tentationis incusari. *Nemo dicat quum tentatur, &c.* Hoc enim esset facere Deû authorem mali: quod dogma Manichæus excogitauit. Et nunc illud Luthæranû in suam perniciem amplectuntur. Deus ergo neminem tentat ad malum, sed ad bonum. Ad hunc finem tentauit Abraham, ut eius obedientiam videret, non parricidium.

Reddit autem rationem, cur diues non debet in suis diuitiis gloriari, sed in illa sua animi humiliatione: quoniam diues, quatenus diues & bonis mundi eius opulentus, sicut flos fœni transibit. Non enim sequuntur nos in aliam vitam istæ diuitiæ, sed vnusquisque dum hinc recedit, eas relinquit. Exoritur Sol cum suo ardore super tænum, & fit aridum fœnû, & flos eius decedit. Sic diues ad ardorem Solis expoliatus inuenitur omni suo decore pristini sui aspectus. Hic Sol est Christus quando veniet in sua potentia cum fœnore iustitiæ: tunc nullus erit horum bonorum huius mundi diues. Nisi igitur adfuerit animus humilis & deiectus, qui adhæreat Verbo Dei quod manet in æternû, inuenietur emarcuisse. Propterea subiunxit: *Ita diues in itineribus suis emarcescet.* Itinera diuitis sunt eius desideria per quæ ambulat, intra se dicens: Ego emam villam illam, & domum meâ dilatabo. Supellestem insuper splendidiorem comparabo mihi: abundabo argento & auro, & gemmis pretiosis. Omnes mihi honorem deferent & magnificabunt: & sibi metuent omnes inimici ab opulentiâ mea. Verum in his itineribus marcescet diues, & dicetur illi: Stulte, hac nocte repetent abs te animam tuam. Ea autem quæ parasti, cuius erunt?

*Beatus vir qui suffert tentationem, &c.* Quia autem omnes natura desiderant beatitudinē, quæ in hoc mundo comparari non potest, sed est in alio, & ipsa est donum Dei, sicut credibile esse dixit vel ipse Philosophus: & hoc donum Dei non datur nisi certantibus ac superantibus, iuxta illud: Vincenti dabo mannâ absconditam, & Non coronabitur nisi qui legitime certauerit. Postquam dixit marcescere diuitem in suis itineribus, nunc beatum qui non marcescat in via, declarat. Beatum tamen interim in spe non falsâ, sed certa. At ergo:

*Beatus vir qui suffert tentationem, scilicet per patientiam quæ habeat opus perfectum.* Et ratio beatitudinis est: quia quod nunc habet in spe, consequetur in re, *quum probatus fuerit.* Probatum autem homo à Deo post fortiter toleratos labores, & laudatur & honoratur: quia accipit ab eo coronam vitam, id est, coronam quæ nihil aliud est quàm summa illa & plena inenarrabilis lætitiæ operatio in videndo Deum, & Dominum nostrû Iesum Christum, in quo sunt omnes thesauri sapientiæ & sciëntiæ Dei absconditi. Et ne quis dicere posset: Quis vnquam vidit coronam hanc? Responderet, *Quam re-promissit Deus diligentibus se:* fidelis autem Deus qui non potest negare seipsum. Certissimè enim quæ promittit, sua die reddit.

2. Col

*Nemo cum tentatur, dicat quoniam à Deo tentatur, &c.* Tentatio est excitatio quædam experimenti, ut quid quale sit, cognoscatur. Est autem duplex tentatio, quædam in malum tendens: quædam verò in bonum. Tentat Diabolus, tentat & suo modo Deus. Diabolus semper tentat in malum nostrum: Deus verò contrà semper in bonum. Neminem quippe tentat ad malum (exempli causa) ad furtum vel adulterium, ad homicidiû, aut quid huiusmodi. Ideo vetat Deum malæ tentationis incusari. *Nemo dicat quum tentatur, &c.* Hoc enim esset facere Deû authorem mali: quod dogma Manichæus excogitauit. Et nunc illud Luthæranû in suam perniciem amplectuntur. Deus ergo neminem tentat ad malum, sed ad bonum. Ad hunc finem tentauit Abraham, ut eius obedientiam videret, non parricidium.

*Vnusquisque verò tentatur à concupiscentia sua abstractus atque illectus.* Cōcupiscentia est veluti quædam pellex extimulans virum, id est, rationē ad ea quæ sunt carnis. Hæc nobis reliquit deus, ut memores essemus antiqui delicti, & pugnaremus cum illa ad victoriam: Ad hoc enim nobis illâ reliquit, non cui consentiamus ad peccandû, sed cui resistamus ad obediendû Deo. Cōcupiscentia ergo, quæ est fomes ille in carne, cum illi quod amat obicitur, cōfestim in illud præceps fertur, & cōcipit peccatum ex cōplacencia obiecti, & (quod ad se pertinet) parit illud, quod ipsa actu vellet cōsummare, sed sola non potest. Peccatû ergo non consummatum, nisi superior pars, quæ est ratio, cōsensum præbeat: tunc enim cōsummatum peccatû, & parit mortem: Mortem autem animæ: quoniam meretur destitui gratia ab ipso Deo, cui non obtinuerat. Et rectè dixit ipsam concupiscentiâ esse quæ tentat, etsi Diabolus tentet: quoniam per ipsam concupiscentiam Diabolus tentat, & per illam penetrat omnis tentatio ad cor hominis, & liberum arbitrium trahere ad suas partes nititur. Magna igitur ab initio tentationis adhibenda est custodia, ne serpens tortuosus clanculum irrepat, & totum interiorem hominem post inficiat. Dum paruus est hostis, (aiebat sapientissimè B. Hieronymus) interfice, ut illius nequitia elidatur in semine. Nam vita nostra in hac peregrinatione nō potest esse sine tentatione: quia per tentationem surgit noster profectus. Neque enim quisquam qualis sit sibi innotescit, nisi tum demum quum tentatur. Nec vllus potest illustrem expectare coronam, nisi vicerit.

Vincere autem quo modo is potest, cui hostes

*2. Cor. 2.*  
*2. Timo. 4.*



& tentationes defuerint: Tantum permittitur ipse diabolus tentare, quantum nobis prodest ut exerceamur ut probemur: ut qui nos ipsos nostrasque vires ignoramus, in tērationibus sentiamus, & recognoscamus si nihil ex nobis possumus, omnia tamen cum illo qui nos confortat, posse. Nam cū ad nos respicimus, ardua sunt & insuperabilia vāfra hostis antiqui tentamenta, mundi & carnis blandimenta. Si autem ad Christum ducem & adiutorem nostrum, umbra sunt & ludus certaminis. Concludit ergo. *Nolite itaque errare fratres mei dilectissimi.* Errat quicumque Deo, aut Diabolo, aut carni, aut cuilibet alij quā sibi culpam ascribit. Hoc docuit paucis verbis B. Chrysostomus tractans illud (Mitte te deorsum) Non impulit, inquit, non tetigit, sed tantū dixit: Mitte te deorsum, ut intelligamus eum qui obedit Diabolo, seipsum deponere. Diabolus enim suggerere potest, cogere non potest. Et tamen illud omnes facimus ex natura prava, veluti filii Adā & Heuē, quorum altera cui mandatum transgressa fuisset, à Domino Gen. 3. Deo interrogata, promptissime respondit: Serpēs me decepit. Alter verò; Mulier quam dedisti mihi sociam dedit mihi de ligno, & comedi. Mulier in serpente, vir in mulierem, mox peccatum reiecit. Quin in ipsummet Deum sub tacito quodam sensu. Quam dedisti mihi, inquit, quasi dicere propemodum voluerit: Nisi tu mihi eam dedisses, peccatum istud non admissem. O quā nobis tenacem infudit huius, hæreditatis viscum infelix pater. Fecit enim ante prolatam iustæ accusationis reprehensionem nostra præcurrit excusatio: & qui hac in parte non errat, verè exuerunt veterem hominem cum actibus suis. Non declines, orat Propheta, cor meum in verba malitiæ, ad excusandas excusationes in peccatis.

Omne datum optimum, & omne donum perfectum desursum est, descendēs à Patre luminum, apud quē non est transmutatio, nec vicissitudinis obumbratio. Voluntariē enim genuit nos verbo veritatis, ut simus initium aliquod creaturæ eius. Scitis fratres mei dilectissimi. Sit autem omnis homo velox ad audiendum, tardus ad loquendum, & tardus ad iram. Ira enim viri, iustitiam Dei non operatur. Propter quod abicientes omnem immunditiam & abundantiam malitiæ, in mansuetudine suscipite institutum verbum, quod potest saluare animas vestras.

Omne datum optimum, Græca lectio sonat: omnis bona donatio, & omne donum perfectum. Dona perfecta esse illa credo, quibus nos uti malè non possumus: ut est fides, spes, charitas. Aliis autem multis donis malè uti possumus. Voluit, ut existimo, docere nos B. Iacobus, ut Deus non est tentator malorum, ita ipse solus est largitor bonorum, ad quem debemus summa fide respicere, & ab eo petere summa fiducia, & non nobis ipsis arrogare.

104.3. Hoc docuit magnus ille B. Ioannes Baptista: Non potest homo accipere quicquam, nisi fuerit ei da-

tum de cœlo. *Pater luminum.* Appellatur autem Pater luminum, quia est author omnis lucis per quā videmus. Est enim lumen naturale ipse intellectus noster, quo multa capimus, & apprehendētes discernimus res ipsas, & rerum causas. Est & lumen gratiæ, id est, idem intellectus informatus fide & charitate, quo altiora contemplari possumus; ad quæ sensus non potest ascendere. Erit tandem & lumen gloriæ, quo, replebimur ad perfruendam fœlicitatem perfectam.

*Apud quem non est transmutatio.* Ne quis obiicere potuisset: Hic quidem Pater est luminum, sed potest mutari, ut aliquando luceat, aliquando vero nō illuceat. Absit, inquit. Apud illum enim nulla est transmutatio, ut modo luceat, modo non luceat: sicut in nobis accidit, qui non assidue operamur, sed oportet quandoque quiescere ab opere. Et quod modo nobis apparet rectum, post modo iudicamus obliquum, & iis vicissitudinibus laboramus. Nulla apud illum transmutatio est. *Neque vicissitudinis,* siue conuersionis, obumbratio. Videtur ad lumen mundi huius alludere, & Solem, qui quadam vicissitudine ac sui ipsius conuersione recedens à nobis, relinquit umbras. Est autem clarum de ipso Deo, nullam esse apud illum transmutationem, sed apud nos. Ego Deus, inquit, & non mutor. Qui si fortè hodie quenquam illuminet, non cras, non inde est quasi ipse mutetur, sed nos. Dicitur tamen in quibusdam scripturæ locis mutari Deus, & poenitere, non ut ita sit, sed ut nos qui aliter intelligere non possumus, sic saltem intelligamus.

*Voluntariē enim genuit vos verbo veritatis.* Quoniam de donis dixerat, quæ descendunt à Patre luminum, & immutabiliter ex parte sua (Sine poenitentia enim sunt vocatio Dei & dona) ne quis mireretur, adiungit causam: quoniam, voluntariē, seu volens, non natura nos genuit, id est, filios sibi fecit, ut simus initium aliquod siue primitiæ quædam creaturarum eius, sic habet lectio græca: & rectius meo iudicio. Et videtur hīc loqui de se & aliis Apostolis, qui à Christo selecti fuerant tanquam primitiæ, ut ab ipsis lex diffunderetur in omnem creaturam. Sic enim dixit eis: Euntes in mūdum vniuersum prædicate euangelium omni creaturæ. Et ipsi tanquam primitiæ fuerunt oblati Deo, respectu cæterorum qui adiecti sunt. Modus autem quo geniti fuerunt declarat: *Verbo veritatis.* Hic est Christus, & mandatum eius. Ipse enim fide receptus in corde Apostolorum, nouam in eis generationem constituit, ut essent adoptione filij Dei, & cohæredes Vnigeniti.

Scitis fratres mei dilectissimi. Gracè rectius. Itaque fratres mei dilecti, sit autē omnis homo velox ad audiendum, &c. Verisimile est in cunabilis illis ecclesiæ, viguisse spiritum emulationis, ut ferè omnes appeterent magis ecclesiasticum & apostolicum, vnde incendebantur iræ, rixæ, contentiones. Ideo hanc ambitionem volens Frater Domini funditus tollere: quoniam Deus ipse est qui eligit quos vult ad apostolatū, & nemo potest sibi arrogare quicquam, suadet ut omnes sint veloces ad audiendum, tardi autem ad proferendum sermonem, velintq; esse potius humiles, & boni discipuli, quā superbi atque indocti magistri. Addit etiam ut sint

Malach. 3.

Rom. 12.

Matth. 23.



tardi ad iram: quoniā in illis disceptationibus impossibile erat non excitari alterum aduersus alterū ad iram, & indignationem inuicem, præsertim Iudæos aduersus Gentes. Tales sunt disputationes quorundam Magistrorum, qui addicuntur sectis.

*Ira enim viri, iustitiam Dei non operatur.* Verè ira nō potest operari iustitiam Dei, quæ est proximum diligere sicut semetipsum, imò etiam portare onus proximi, & in seipso punire aliena peccata. Hoc autem quo pacto faciet qui in proximum irascitur? *Propter quod abiicientes omnem immunditiam & abundantiam malitiæ, in mansuetudine suscipite insitum verbum.* Radix vnde ira nascitur, est immunditia cordis, qua significatur omne prauum desiderium siue pecuniarum, siue honoris, quo labefactatur anima & inquinatur, atque ex eo inclinatur ad iram, quum per aliquem fit, quominus voti compotes efficiamur. Vult etiam abiici abundantiam malitiæ, aut potius nequitie. Gracè enim *gentiæ* legitur, & significat potius socordiam quandam, & ociosam segnitiam, & tedium boni operis. Vnde fact<sup>9</sup> est huic prouerbio locus: Qui vacat otio, malè cogitat. His igitur abiectis, monet vt in mansuetudine, non in ira, suscipiant insitum verbum, id est, euangelium, quod quasi semen coalescit in cordibus. Non enim potest homo ex seipso, & naturæ viribus producere fructus spiritus, sed oportet ibi feri semen Dei, hoc est, verbum eius, quod potest saluas facere animas nostras.

Estote autem factores verbi, & nō auditores tantum, fallentes vosmetipsos. Quia si quis auditor est verbi, & nō factor: hic comparabitur viro consideranti vultum natiuitatis suæ in speculo. Cōsiderauit enim se & abiit, & statim oblitus est qualis fuerit. Qui autem perspexerit in lege perfectæ libertatis, & permanferit in ea, nō auditor obliuiosus factus, sed factor operis, hic beatus in facto suo erit. Si quis autem putat se religiosum esse se, non refrænans linguam suam, sed seducens cor suum, huius vana est religio. Religio munda & immaculata apud Deū & Patrem, hæc est: Visitare pupillos & viduas in tribulatione eorum, & immaculatum se custodire ab hoc sæculo.

*Estote autem imitatores verbi, & non auditores tantum, &c.* Homo dicitur factor verbi, quum opere complet quod est præceptum. Non solum autem non prodest audiuisse verbum, & non fecisse, vt etiam plurimum noceat. Quapropter Dominus aiebat: Qui sciuerit voluntatem Domini, & nō fecerit, vapulabit multis. Et B. Petrus: Melius erat illis non cognouisse viam iustitiæ, quàm post agnitionem retrorsum conuerti ab eo, quod illis traditum est, sancto mandato. Ideo hic addidit Frater Domini: *Fallentes vosmetipsos.* Fallit seipsum, qui putat sufficere audisse veritatem, & inter Christianos connumerari. Verum, quot sunt Christiani in litera, non in spiritu?

*Quia si quis auditor est verbi, & non factor, comparabitur viro, &c.* Pulchra est hæc similitudo. Verbum

enim Dei comparatur speculo, quod reddit effigiem spectatoris ipsi spectanti, sicut ipse se habet suapte natura. Tota enim scriptura, quæ est verbū Dei, hominis naturalem miseriam vbique depingit, & totum hominem exprimit miserum & infelicem: nec solum faciem eius deturpatam, sed intus & extrā calamitosum atque corruptum. Quam rem si homo audiens aspexerit, ac viderit tāquam in speculo semetipsum indigentem assidua ac diligenti cura atque emundatione, & tamen postmodò abierit alius quidem ad nuptias, alius ad spectacula, alius in villam suam, alius ad negotiationem suam: ac propterea non curauerit quæ sunt turpia & incompressa in seipso emendare & corrigere, iam obliuiscitur eius quod erat. Istud autem est obliuisci sui, & abusum esse speculo, quod est aptū ad ostendendum quæ sunt indecentia & distorta, & quæ non conueniant humanæ & integræ formæ, vt corrigantur & emendentur assidue, sicut oportet. Porro si quis suipsum obliuiscitur, quis (obsecro) recordabitur eius?

*Qui autem perspexerit in legem perfectā libertatis, &c.* Sic habet græca lectio: Lex perfecta libertatis est lex Christi, quæ dicitur lex fidei, lex charitatis & gratiæ, lex Spiritus vitæ. Dicitur perfecta: quoniam quæ perfectionis sunt mandata, vt assimilēmur Patri Deo, & Filio eius Christo. Dicitur libertatis: quia voluntariam & hilarem obedientiam nō solum exigit, sed etiam facit. Non enim est lex externa in tabulis vt illa Moseos, sed interna in cordibus, sicut promiserat in prophetis. Vnde scriptū est: Dabo legem meam in visceribus eorum, & in corde eorum scribam eam, &c. Quod ergo nō satis sit perspexisse in illam, nisi hæc contemplatio dureret, ostendit dicens: *Et permanferit in ea*, nimirum operando bona, & cauendo à malo. *Non auditor obliuiosus factus, sed factor operis.* Sicenim permanemus in Christo, & ipse in nobis. *Hic beatus in facto suo erit.* Audiant Lutherani, qui in fide sola beatitudinem futuram constituunt. Ecce in quo illam cōstituit Frater Domini: In facto suo, inquit, beatus erit, hoc est per operam suam. Manet enim operati sua merces. Tota hæc epistola de industria videtur facta fuisse contra hanc istorum hæresim, quæ extollens fidem destruit opera: nec accipiunt distinctionem, quæ cuncta eleganter componuntur, ne sit inter duos Apostolos B. Paulum & Iacobū *Nota.* vlla dissensio, sed magnus consensus. Nonne & ipsummet cum istis discipulis habemus Magistrū *Mat. 7.* clarissime prædicantem, & dicentem: Omnis qui audit verba mea hæc, & nō facit ea: similis erit viro stulto qui ædificauit domum suam super arenā: & descendit pluuia, & venerunt flumina, & flauerunt venti, & irruerunt in domum illam, & cecidit, & fuit ruina illius magna. Hæc verus Legislator & magister. Vnde & alibi: *Quinitho beati qui* *Luc. 11.* *audiunt verbum Dei, & faciūt illud.* O miseri qui seducuntur tam perditè, & seducunt aduersum tāta tamque clara testimonia.

*Si quis autem putat, &c.* Gracè additur, *inter vos*, vt legamus: *Si quis autem putat se inter vos esse religiosum.* Religiosus verè est omnis Christianus qui piè viuunt. Sed & inter Christianos qui maiora opera pietatis profitentur, quales sunt qui renuntia-



et iore obedientia sequuntur, quodā peculiari modo religiosi dicuntur, & possunt religione non im merito gloriari, si tamen eam observent: ne tantū de nomine gloriantur. De his videtur hīc loqui B. Iacobus cum dicat: *Si quis putat inter vos, &c.* Et verē ad eos conuenit egregiē hāc admonitio: quoniam inueniuntur plerique prætēxtu pietatis loquaces, & domos viduarum penetrantes, & multa blaterantes quæ ad rem non pertinent. Isti nō seruantes domi silentium, nec diligēter orationis pabulum, sed hoc pacto vagantes multa cum penuria spiritus nō possunt nisi grauiter peccare in suo multiloquio vel detrahendo, vel murmurando, vel iocando, vel explorando curiosē quæ sunt extranea, & ad rem non promouent. O quot sunt eiusmodi. Audiant ergo, & attendant ad Fratrem Domini dicentem, qui non refranant linguam, eos esse qui seducunt cor suum, vt non possint intendere his quæ oporteret. Et ideo vana redditur eorum in cultu externo religio.

*Religio autem munda & immaculata, &c.* Oſtendit quæ sit vera religio, quam vocat mundam & immaculatam. Consistit enim in visitatione miserrorum, vt sunt pupilli, & viduæ: sed quum tribulatur, ne videatur prohibere rem piā, sub cuius prætēxtu sæpe fallimur non cognoscentes opportunitates. Verū id quod sequitur salua reddit omnia: adiecit enim, *Et immaculatum se custodire ab hoc saculo*, siue ab hoc mundo: quod certē fit quando ab operibus carnis abstinemus, & à concupiscentia oculorum, & superbia vitæ: contra quæ sunt inducta vota monastica per Christum totius puritatis authorem & amatorem. Vnde in Apoc. dicuntur illum sequi quocūque ierit ij qui cum mulieribus nō sunt coinquinati. Virgines enim sunt, amicti stolis candidissimis ipsam animi & corporis munditiam significantibus. Et B. Paulus saluberrimum virginibus dabat consilium, nuptias quidē non improbens, sed præstantiorem statum æmulandum proponens, vt liberæ à seruitute coniugij Christo spōso cœlesti inferuient sanctę & corpore & spiritu: contra nouos carnalium operationū patronos, quibus nihil placet nisi cum carne coniunctum, & ventri amicū & gratum.

## CAP. II.

**F**RATRES mei, nolite in personarū acceptione habere fidem Domini nostri Iesu Christi gloriæ. Etenim si introierit in cōuentū vestrum vir aureū anulum habens, in veste candida: introierit autē & pauper in sordido habitu, & intendatis in eum qui indutus est veste præclara & dixeritis ei: Tu sede hic bene: pauperi autē dicatis: Tu sta illic, aut: Sede sub scabello pedum meorum: nōne iudicatis apud vosmetipsos, & facti estis iudices cogitationum iniquarum? Audite fratres mei dilectissimi: Nōne Deus elegit pauperes in hoc mundo, diuites in fide, & hæredes regni quod repromisit

Deus diligētibus se? Vos autem exhonoraſtis pauperem. Nōne diuites per potentiam opprimunt vos & ipsi trahunt vos ad iudicia? Nōne ipsi blasphemant bonum nomen quod inuocatum est super vos? Si tamen legem perficitis regalem secundum scripturas, Diliges proximum tuum sicut teipsum, benefacitis. Si autem personam accipitis, peccatum operamini, redarguti à lege quasi transgressores. Quicumque autem totam legem seruauerit, offendant autem in vno, factus est omnium reus. Qui enim dixit: Non mœchaberis, dixit &: Non occides. Quod si non mœchaberis, occides autē: factus es transgressor legis.

**F**RATRES mei, nolite in acceptione personarum, &c. Est, vt mihi videtur, hoc peccatum commune plurimorum, qui male iudicāt de personis. Et sensus est: Fides Domini nostri Iesu Christi, qui est gloria nostra, non habet hanc acceptionē personarum, quæ educitur vel à gēte, vel à natalibus, vel à diuitiis, vel à disciplinis & sapientia hominum: quia infirma mundi & ignobilia, & stulta elegit Deus, vt ostenderet non in iis consistere veram fœlicitatem. Reprehenduntur ergo qui humilia despiciunt: quoniam peccant iudicantes secundum mundum, & secundum cogitationes hominū iniquas. Facti sunt enim iudices illarum cogitationū, id est, probantes & proferentes eam sententiam, quam illæ cogitationes concludunt. Vt ergo reprobet hoc iudiciū, inducit Sapientiam Dei, qui elegit pauperes in hoc mundo, qui diuites facti sunt: quoniam designati sunt hæredes regni, quod repromisit Deus diligentibus se citra personarum vllam acceptionem. Vnde rectē exprobrat in eos:

*Vos autem exhonoraſtis pauperem*, quod fuit exhonore Christum ipsum, qui est in vobis. Oſtendit alia via iniquitatem hanc acceptionis personarum, quæ fit à diuitibus mundi dicens: Nōne diuites per potentiam opprimunt vos? Et si semper hoc sit vt diuites opprimant pauperes: tamen tunc ob Christi legem magis patebat. Nam & ad iudicia siue ad tribunalia trahebantur, vt abnegarent Iesu Christi fidem. Nōne ipsi blasphemant bonum nomen, &c. Hoc bonum nomen est Iesus, quod illi diuites huius sæculi perdite blasphemabant, vt pote suorum flagitiorum reprehensorem. Hoc est nomen quod inuocatur assiduē ab ecclesia sancta super fideles. Si tamen legem perficitis regalem, &c. Sunt qui per legem regalem hīc intelligant legem regiam, quæ iubeat in magistratu constitutos esse honorandos. Sed hoc abesse ab apostolico sensu nō dubito. Loquitur autem de lege Christi: Diliges proximum tuum sicut teipsum, quæ tunc perficitur, quum ad omnes ipsa dilectio extenditur, etiam inimicos. Est ergo sensus: Si vos diligentis diuites simul ac pauperes, non habentes acceptionem personarum propter diuitias & paupertatem, bene facitis. At si personā accipitis (eo modo quo dictum est) tunc peccatis, & redarguimini ab ipsa

Apoc. 14.

1. Cor. 7.

1. Cor. 1.



ab ipsa lege Christi, quæ istam detestatur personarum acceptionem: & ob hoc estis transgressores legis. *Quicumque autem totam legem seruauerit, offendat autem in vno*, id est, vel vna eius particula excepta, quod certè non est totam legem seruare; *factus est omnium reus*, quoniam nihil dicitur seruasse. Et verè hoc dicitur. Quæ enim seruauit non puro Christi amore seruauit: alioqui & illud seruasset. *Qui enim dixit: Non mæchaberis, dixit &: Non occides. Quod si non mæchaberis, occides autem, factus es transgressor legis*. Mæchatus enim etiam fuisse non habens respectum ad legem, neque ad legis authorem, si eadem commoditas & concupiscentia te allicuisset. Itaque perinde haberis, ac si nõ fecisses vllam partem legis. Et ideo absolute ac simpliciter vt transgressor legis haberis: quia vnus est legislator qui offenditur. Non tamen propterea punieris de cæteris præceptis quæ seruasti, tanquam si transgressus fuisses. Hoc enim iniquum omnino: sed nõ afficeris premio quasi legem ea parte seruaueris. Non enim seruasti vt debuisti, obseruans legislatorem. Hoc clarè apparet ex illo vno quod non seruasti, ipsum legislatorem contemnans.

Sic loquimini, & sic facite, sicut per legem libertatis incipientes iudicari. Iudicium enim sine misericordia illi qui non facit misericordiam. Superexultat autem misericordia iudiciũ. Quid proderit fratres mei, si fidem quis dicat se habere, opera autem non habeat? Nunquid poterit fides saluare eum? Si autem frater, aut soror nudi sint, & indigeant victu quotidiano: dicat autem aliquis ex vobis illis: *Ite in pace: calefacimini, & saturamini: non dederitis autem eis quæ necessaria sunt corpori: quid proderit?* Sic & fides, si non habeat opera, mortua est in semet ipsa. Sed dicet quis: Tu fidem habes, & ego opera habeo. Ostende mihi fidem tuam sine operibus: & ego ostendam tibi ex operibus fidem meam. Tu credis quod vnus est Deus: bene facis. Et Dæmones credunt, & contremiscunt. Vis autem scire ô homo inanis, quoniam fides sine operibus mortua est? Abraham pater noster nonne ex operibus iustificatus est, offerens Isaac filium suum super altare? Vides quoniam fides cooperabatur operibus illius: & ex operibus fides consummata est? Et suppleta est scriptura dicens: Credidit Abraham Deo, & reputatum est illi ad iustitiam, & amicus Dei appellatus est. Videris quoniam ex operibus iustificatur homo, & non ex fide tantum? Similiter & Rahab meretrix, nonne ex operibus iustificata est suscipiens nuntios, & alia via eiciens? Sicut

enim corpus sine spiritu mortuum est: ita & fides sine operibus mortua est.

*Sic loquimini, & sic facite sicut per legem libertatis incipientes iudicari*. Magnum & pernecessarium hoc apostolicum documentum. Sed opus est intelligentia ac simul consideratione, ne frustra nobis datum sit. Qui enim admonitione egent, sæpe terrore magis admonentur, & ratione vincuntur, quàm hortatione animentur. Est autem admonitio, vt sic loquamur & sic operemur, tanquam incipientes iudicari, aut tanquam iudicandi per legem libertatis. Etenim illi qui non implent sermonem (quemadmodum testatur Dominus) per ipsum met sermonem cõdemnabuntur. Qui spernit me, inquit, & non accipit verba mea, habet qui iudicet eum. Sermo quem loquutus sum, ille iudicabit eum in nouissimo die. Ille idem sermo exibat de ore eius, & commemorabit ingratitude, auferetque omnem prorsus excusationem. Omnis enim transgressionis excusatio, est vel ab ignoracione præcepti: vel à præcepti iniquitate: vel tandè ab impossibilitate implendi. Lex ipsa libertatis sum mouet omnes has excusationes. Iam enim tibi lex publicata est: imò in corde tuo scripta à Deo, vt proximum tuum, qui est Christus, diligas. Te prior ille dilexit, & sanguinis sui pretio: quum esses illi inimicus, redemit: & consequenter vt diligas omnem hominem qui est in Christo madauit. Omnis enim homo factus est proximus tuus per Christum, vt ipse dicturus sit: Quodcunque fecistis vni ex minimis meis, mihi fecistis, siue bonum ad mercedem, siue malum ad vindictam. Ecce igitur iam nosti legem, & factus es capax voluntatis diuinæ. Non potes ergo vllam prætereignare ignorantiam: & multò minus arguere legem iniquitatis, si quod fecit Christus tibi inimico ad tuam salutem, requirit à te vt hoc sibi facias amico. Potissimum autem cum ille non ad suam, sed ad tuam istud requirat beatitudinem & salutem. De ingratitude igitur ingenti mereris condemnari non obediens tam æquo & iusto præcepto, qui redamare spernis tu prius amatus. At quàm amatus bone Deus? Testis est sanguis & crux.

Nulla denique erit excusatio dicentis: Non possum. Quid enim impossibile posito in lege libertatis, quæ est lex charitatis? Homini ià libero à dominatu Diaboli & peccati, & illius auxilium habenti qui dixit: Confidite, ego vici mundum, quid potest obstare ne fiat perfectus in charitate, si sibi attendat, & ambulet sollicitè & confidenter cum Deo suo, orans assidue pro auxilio opportuno, & cum timore ac tremore festinans ad propositum sibi brauium vocationis suæ? Non sunt impossibilia mandata Dei, vt hæretici blasphemant. Imò vt Dilectus & verax Christi discipulus dixit, nec grauius sunt. Dixit enim ille qui mentiri non potest: Iugum meum suauis est, & onus meum leue. Vbi ergo impossibilitas, ô prophani? Certè vobis redditur impossibile, quod impossibile iudicatis: & condemnatis Deum ipso dicto tanquam iniquum, qui iugum crudele & impossibile, & onus graue & intolerabile imposuerit ceruicibus filiorum per euangelium re-

Ioan. 12.

Matth. 25.

Ioan. 16.

1. Ioan. 5.

Matth. 11.



natorum. Sed mox ipse eius sermo condemnabit vos ipsa lex libertatis, quam blasphematis & repulistis, sententiam feret super capita vestra. Quilibet sibi metuat ab autoritate tantæ legis iudiciū tanto acerbius ferentis, quāto etiam iustius. Quid enim aliud feceris homini tam ingrato tanto benefactori Deo, ac tam immenso beneficio? Lex igitur tam dulcis & suavis, tantum præmium secum ferens, iure optimo vertetur in amaritudinem & vindictam inenarrabilem. Væ tibi qui spernis: quoniam & tu (vt per Isaiam comminatur Dominus) sperneris.

Isa. 33.

*Iudicium enim sine misericordia illi qui non fecerit misericordiam. Et meritò, & æquissima sententia: quia ipse prius accepit misericordiam. Superexultat autē, melius, Et gloriatur misericordia de iudicio, aut super iudicio. Vt sit sensus verus & elegās, quòd etsi quis accipiat sine misericordia iudicium, de hoc iudicio gloriatur misericordia, quæ in sui fauorem gaudeat esse iudicatum. Non enim ob aliud ille damnatus est, nisi quia non fecit misericordiam. Ecce igitur gloriatio misericordiæ, à qua omne iudicium dirigitur & temperatur. Qui scilicet misericordiā fecerit, misericordiam recipiet: qui verò non fecerit, & hic misericordiam spreuerit, in gratiam misericordiæ ab ipsa misericordia repellatur. Superat ergo semper misericordia in iudicio, pro qua semper iudicatur.*

*Quid proderit fratres mei, &c.* Manifestum testimonium, salutem nostram à sola fide absque operibus non procedere. Et loquitur de salute quæ est præmium, & interim habetur in spe & in arrha: non autem adhuc in re & plenè.

*Et autem frater & soror, &c.* De Christianis est sermo qui sunt verè, iuxta theologiam scripturæ, fratres & sorores. Est autem exemplum clarum. Rogat ergo, *Quid proderit?* Duplex hinc potest elici sensus. Primus, vt id quod ait, *Quid proderit*, respiciat indigentes cibo & potu, & hospitio: quia re vera dicere illis: Ite in pace, calefiatis, & saturemini, nihil eis prodest. Est & alter sensus, vt respiciat ipsum hominem immisericordem: ac si expressè dixisset, *Quid proderit illi homini dedisse verba, pro eo quod dari debuit auxilio?* Videtur tamen prima expositio verior: quauis ex eo quòd non profuit illis, quibus nihil dedit, consequens fuerit vt nec sibi profuerit, qui cælestem mercedem amisit. O nos fatui homines, qui pro terra possemus cælum nobis comparare, & perinde ac si esset inutilis hæc cōmutatio, hæsitamus adhuc. Quid, quæso, istud est, nisi minimè fidem viuere in nobis? Ideo ait: *sic & fides si non habeat opera, mortua est in semetipsa*, siue, per se, hoc est, sola nihil fructus facit, sed est prorsus velut arbor arida, & absque oleo lampas. *Sed dicet quis, &c.* Hoc est, si tu fidelē te esse dixeris, arguet te aliquis & dicet: *Tu fidem habes*, id est, tu fidem ais te habere: *Et ego opera habeo. Ostende igitur mihi fidem tuam absque operibus.* Quod certè non potes. *Et ego ostendam tibi, Quod certè potero, Ex operibus fidem meam.* Opera igitur ostendunt fidem. Verum hoc argumentum ad rem propositam videtur inane: quia dicet aliquis: Et si homini quidem non valeo ostendere fidem absque operibus: Deus tamē ipse fidem meam absque illis videbit. Sed huic homini sic errorem suū regere conanti egregiè respōdetur:

Fides ipsa quæ est donum Dei, est veluti arbor quæ habet mandatum operum ab ipso Deo: vt tunc legitime coronari mereatur, quando cum suis fructibus ostenditur, quæ sunt opera. Quòd si arbor sine fructibus appareat coram Domino, tantò magis ille indignabitur, & coarguet. Iners & piger colone, cur nō excoluisti & exercuisti arborem, vt redderet mihi debitos fructus? Quid ego de te faciam, nisi vt succidam à terra, & tradam igni? Non desunt tamen aliquot Lutherani, qui vt suam positionem ex hoc loco sustineant, fidem quæ est, sine operibus, non esse verè fidem, aut verā fidem, ex eo dicto nituntur probare, quo quis postulat vt sibi ostendat alius sine operibus fidem suam: ac si per hoc quòd non valeat ostendere non habēs opera, concludere B. Iacobus voluerit, quòd nec fidem habeat, quam se tamen habere putat.

Luc. 13.

Verum hæc opinio contra sanctos doctores est, & contra manifestas acutis theologis rationes: denique contra recentem Tridentinæ Synodi determinationem. Tamen non me fugiat sanctos Patres nonnunquam vfos esse hoc modo loquendi, dicentes illam non esse veram fidem quæ opera non habeat. Sed non in hanc significationem, tanquam non impleat rationem fidei, sed tanquam non pariens fidei effectus. Sicut dicerentur nō veri homines, qui ratione abuterentur: nec veri Episcopi & pastores, qui oues non pascerent: nec veri sacerdotes, qui non sacrificent, aut non (vt oportet) sacrificent. Vnde illud dictum: Multi sacerdotes, & pauci sacerdotes. Aliter autem existimare, error est perniciosus. *Tu credis quia vnus est Deus: bene facis.* Credere vnum esse Deum, non parum est: quoniam qui hoc credit, iuxta theologicum intellectum, etiam credit illum creatorem omnium, & providentiam & curam de omnibus habentem. Bene ergo facis hoc credens: verum hoc non satis est ad salutem si nihil addatur, nec fides hæc perficiatur obedientia: quin etiam obeat plurimū. Nam & ipsi Dæmones credunt, & contremiscunt: quia illa veritate turbantur, cui perpetuò maledicunt.

Est autem quædam quæstio: An ipsi Dæmones donum illud fidei amiserint, quod verisimile est eos ab initio habuisse. B. Thomas noster opinatur Dæmones illud quidem ab initio habuisse, sed cū ceciderunt amisisse. Quod autem hic dicitur: *Credunt & contremiscunt*, verum esse, non qui ex habitu diuini doni eliciant actum credendi, sed ex intellectus perspicacia: quia vident opera Dei. Contrā autem videtur sentire ac docere alio loco, vbi etiā homines qui damnati sunt, fatetur retinere habitum fidei informis: quoniam & ipsi Dæmones credunt. Caietanus nititur conciliare hanc doctrinam quæ secum pugnare videtur. Num aliis satisfaciat, an secus, nescio: mihi cettè ipsi non satisfacit. Quicquid sit de mente B. Thomæ, nullum videtur absurdum, confiteri in dæmonibus hoc donum in ipsorum malum. Etenim quantò ipsi magis cognoscunt Dei optimam providentiam, tantò torquentur acerbius, dum aduersum se vident illam rigidam (iustam tamen) erga nos autem dulcem ac benignam.

B. Th. 2. 2.  
q. 1. art. 2.

q. 1. 8. art. 3.

*Vis autem scire o homo inanis, &c.* Profectò si oculis corporis vidisset Lutherum & sectatores, non poterat conuenientius dirigere hūc sermonem in



eos, & quemlibet eorum. Vocat enim in primis illum congruo nomine, dicens: *O homo inanis*, qui scētāris inania, inanem fidem commendans, & sperans ex illa: *Vis scire*, tanquam metuat ne, qui eiusmodi erroribus inuoluitur, scire velit. Tales sunt superbi heretici, qui nolunt discere ut sciant: & ob eam causam vocant stramineam hanc epistolam: quæ si verè talis esset, non respuerent illam ipsi beatiā iam effecti, quarum cibus conueniēs stramen est. Verum quia erat aurea, despiciunt. Pone ante bestiam aurum, & stramen: cui dubium illam auro despecto ad stramen conuertendam? Vis ergo scire, inquit, *O homo inanis*: *Quod fides sine operibus otiosa est*. In græcis quæ nunc circumferuntur, legimus: *Mortua est*, nec multum refert. Quanquam si legitur, *Otiosa*, iam probatur esse: quia quod otiosum esse dicitur, etiam proculdubio præsupponitur. *Abraham pater noster nonne ex operibus iustificatus est, &c.* Vide quomodo & ipse doctè, sicut & Bea. Paulus in primis exēplo Abraham, qui fuit plenissimum iustificationis & absolutissimum exemplum, id probat quod intendit, videlicet Abraham fuisse iustificatum non ex fide tantum, sed ex operibus: & illud insigne obedientiæ opus proponit, cum obtulit filium suum super altare: ex quo illum iustificatum asserit. Verum contra hoc è diametro

Rom. 4.

B. Paulus ad Romanos docere videtur, aiens: Si Abraham ex operibus iustificatus est, habet gloriā, sed non apud Deum. Sed si candido oculo & fidei, quod docent hi duo Apostoli consideretur, summa in illis agnosceretur cōcordia. Primum haud dubium, omnes qui extra fidem sunt, & consequenter sine Christo & Deo in terris, sicut omnes nascimur & adulescimus, nisi modo nobis à Deo præscripto ingrediamur in Christum, iniustos inueniri: ita ut oporteat ad iustificationē hanc ingredi in ipsum Christum, ut iusti & filij Dei inueniamur. Hoc autem quo pacto fiat, si querimus à B. Paulo, Vtrum ex operibus? ipse audacter respondet: Nequaquam. Quare? Quia Abraham qui est typus iustificationum, non est ab initio iustificatus ex operibus, sed ex fide tantum. Vnde hoc probas? Quoniam scriptura dicit: *Credidit Abraham Deo, & reputatum est illi ad iustitiam*. Quo loco primum apparet fuisse illum ex fide iustificatū. Dicitur enim: *Credidit Abraham Deo*. Deinde, quod non ex operibus: quoniam si ex operibus, non dixisset scriptura, *Et reputatum est illi ad iustitiam*. Quod enim imputatur ad iustitiam, non debitum, sed gratiam significat: opera autem si considerantur, non innuntantur in gratia sed in debito. Hoc ex B. Paulo ad Romanos.

Nunc quid Frater Domini dicat videamus. Sed non poteris intelligere, nisi prius animaduertas quid hactenus ille docere instituerit. Non enim aliud, nisi quod homini iam ingressō in Christum, & per fidem iustificato sine præcedentibus operibus, sicut docuerat B. Paulus, non satis est retinere fidem otiosā ad implendam iustificationem, & consequenter ad comparandam salutem. Hoc ex typo Abraham æquē ipse demonstrat, qui postquam iustificatus est à peccato, ac de eo dictū est: *Credidit Abraham Deo, & reputatum est illi ad iustitiam*, accepit mandatum à Deo immolandi filium Isaac. In quo opere perfectè iustificatus est, id

est ad meritum vitæ æternæ: quoniam opus illud ex fide operatus est: Nam prima hæc iustificatio quæ profuit ei ad ingrediendum in Christum ad militiam, non profuisset ei ad assequutionem coronæ, nisi impleta fuisset per opera, & mandatorum obedientiam. Propter quod ait:

*Vides quod fides cooperabatur operibus illius, & ex operibus fides consummata est*, id est, perfecta, & placēs Deo: quia non sterilis, sed fructuosa. Et suppleta est scriptura dicēs: *Credidit Abraham Deo, &c.* Quia impleta ex illo opere fuit fides, ideo dicitur impleta scriptura, quæ iustificationem Abraham testificata est. Prima namque iustificatio quæ ex sola fide processit, non erat plena: quia erat potius iustificatio ad ingressum militiæ, ut posset legitime decertare & mereri, quàm ad præmij assequutionem, quod redditur operibus ex fide factis. Quare ut paucis rem perstringam, B. Paulus opera iniusti hominis præcedentia fidem & baptismum, inutilia & vana esse docet ad primam iustificationem, ut quis ingreditur in Christum: ad quod Abraham exemplū adduxit. Frater autem Domini opera iam iustificati ac fidelis prodesse ad iustificationem asserit, ut sit perfecta ad præmium obtinendum: quod pariter ab eiusdem Abraham exemplo conuincit. Vnde ait, quomodo post illud factum, & *amicus Dei appellatus est*. Hoc expressè apud Iudith habetur c. 8. Nunquid verò antea non erat amicus? Erat quidē, sed non perfectus: quia nec plenè iustificatus ad præmium, sed tantum ad certamen.

Lutherani autem non distinguunt opera ante fidem & primam iustificationem, ab operibus quæ ex fide sequuntur. Nec item inter primam, & quodammodo inchoatam iustitiam, à secunda perfecta. Denique neque inter iustificationem quæ introducit ad certamen, & illam quæ introducit ad victoriam. Nam de prima B. Paulus in citatis locis loquitur, Frater autem Domini hinc de secunda: quanquam & ipse B. Paulus de hac secunda in omnibus suis epistolis passim docet, sicut suis locis annotauimus. Primæ autē iustificationis fructus sunt opera meritoria: Secundæ corona & præmium. Concluditur ergo ad ræcentem vtriusque Apostoli, perfecta iustificatione Abraham ex operibus iustificatum fuisse.

*Similiter & Rahab meretrix*. Hæc mulier prius audiuerat admirabilia quæ Deus fecerat in gratiam illius populi Israelitici, & credidit. Porro fide iustificata, ut iustificationem impleveret excepit nuntios exercitus Dei, & astutè emisit eos securos, nihil verita periculum vitæ & bonorum suorum, ut placeret Deo. Ista historia clarè apparet in libro Ioseph sue cap. 2. Hic est locus, ubi Lutherani lethaliter iugulatur, qui totum quod est iustificationis, fidei tribuunt: cum hinc clarè dicatur ex operibus venire iustificationem. Nec tamen nos latet quam illi expositionem, aut potius destructionem ad hanc apostolicam sententiam afferant. Quod enim hinc dicitur: *Videte quod ex operibus iustificatur homo, & non ex fide tantum*, sic exponunt, ut sit sensus, quod ipsa opera ut fructus fidei, ipsam indicant iustificationē. Idem quippe est illis iustificari, quod est ostendi iustificatum, ut iustificatio ex fide sit: fidei autem & iustificationis probatio, atque ostensio ex operibus. At hoc non est exponere, sed torquere.



Illa enim erat hîc Fratris Domini manifesta intentio, non vt indicaret quomodo iustificatio compararetur, sed ne ad iustificationem perfectâ, quæ promouet ad salutem, vllus existimaret solam fidem sufficere, & sibi per illam blandiretur. Oporteret siquidem impleri, seu consummari fidem per opera. Quo in loco illud tanquam manifestû supponit, posse quidem esse fidem secundum sui substantiam ac perfectam rationem absque operibus, sed non prodesse: quemadmodum arbor quæ est absque fructibus arida. Alio ipsemet claro exemplo manifestat, dicens:

*Sicut enim corpus sine spiritu mortuum est: ita & fides sine operibus mortua est.* Mouebit aliquis quæstionem: Quo pacto potest esse vera fides quæ non sit formata, cum forma det esse rei? Scholastici enim fatentur absque charitate fidem esse informem. Et præterea: si fides eiusmodi informis mortua est, quo modo verè erit fides? Siquidem homo mortuus, non est homo. Nos autem dicimus, non comparasse B. Iacobum fidem mortuam homini mortuo, vt inde elici posset, vt homo mortuus non est homo, ita fidem mortuam non esse fidem: sed comparasse illam corpori mortuo, quod etsi mortuum sit, manet tamen corpus. Neque verò cum dicitur fides informis, putandum est ita dici, quasi fides vel substantia fidei indigeat ad sui essentiam charitate, & per illam quasi forma perficiatur. Distinguit enim reipsa fides à charitate, vt neutra sit alterius pars. Vnde à B. Paulo dicitur: Nunc autem manent fides, spes, charitas, tria hæc. Dicens, tria hæc, declarat, esse tria distincta dona, id est, aliud ab alio separatum. Fides ergo hominis semel iustificati, qui per crimen amisit gratiam, & consequenter non potest opera bona producere, dicitur informis, non quidem secundum sui intrinsecam rationem, sed respectu effectuum qui prodeunt ab ea fide. Huius autem opera ob eam causam verè dicuntur mortua: quia non est in illis bonus & viuus charitatis spiritus.

1. Cor. 13.

## CAP. III.



**N**OLITE plures magistri fieri fratres mei, scientes quoniam maius iudicium sumitis. In multis enim offendimus omnes. Siquis in verbo non offendit: hic perfectus est vir, potens etiam freno circūducere totum corpus. Si autem equis freno in ora mittimus ad consentiendum nobis, omne corpus illorum circumferimus. Et ecce, naues cum magnæ sint, & à ventis validis minentur: circumferuntur à modico gubernaculo vbi imperus dirigentis voluerit. Ita & lingua modicum quidem membrum est, & magna exaltat. Ecce quātus ignis quā magnam syluam incendit? Et lingua ignis est, vniuersitas iniquitatis. Lingua constituitur in membris nostris, quæ maculat totum corpus: & inflamat rotam nati-

uitatis nostræ inflammata à gehenna. Omnis enim natura bestiarum, & volucrum, & serpentium, & cetorum domantur, & domita sunt à natura humana. Linguam autem nullus hominum domare potest, inquietum malum, plena veneno mortifero. In ipsa benedicimus Deum & Patrem: & in ipsa maledicimus homines; qui ad imaginem & similitudinem Dei facti sunt. Ex ipso ore procedit benedictio & maledictio. Non oportet, fratres mei, hæc ita fieri. Nunquid fons de eodem foramine emanat dulcem & amarā aquā? Nunquid potest, fratres mei, ficus vvas facere: aut vitis ficus? Sic neque salsa, dulcem potest facere aquam.

**N**olite plures magistri fieri, fratres mei, &c. Primū prohibet exundantiam magistrorum, & ambitionem illam qua vellemus omnes esse magistri. Dominus noster etiam veruit: Nolite vocari. Rabbi. Vnus enim est Magister vester. Existimo tamen Fratrem Domini quiddam aliud hoc in loco nobis insinuare voluisse. Non solum enim miseram illam verat ambitionem in appetendo magisterij cathedram, verum etiam pluralitatem magistrorum, in hunc scilicet sensum, ne in diuersas sectas ac doctrinas scindantur. Nam minimè tum videntur plures magistri, quādo sub vno & eodem summo & primario magistro, qui est Christus, in ecclesia sua sese continentes, vnum & idē docent. Et hunc sensum non obscurè voluit declarare Dominus, quādo ait: Nolite vocari Rabbi, id est, principales magistri: quia vnus est Magister vester. Non ergo improbatur ne sint magistri & doctores in ecclesia. Imò hunc fuisse constitutum gradum à Christo testatur B. Paulus ad Corinth. scribens & ad Ephesios: Et ipse dedit quosdam quidem (inquit) Apostolos, doctores, &c. sed veratur ne quis sibi vsurper (vt ita dicamus) principalitatem magisterij introducendo noua dogmata, & sectas nouas. Qua in re si quādo peccatum est: nunc quammaxime & turpissime peccatur.

Mat. 23.

Nam quantum, quæso, magistrorum prouentum hæc infelix tempestas, & Aquilo nobis attulit? In numerabiles certè sunt: & quisque eorum aliquid semper affert ignotum Ecclesiæ: imò ab ipsa ecclesia iandudū explosum. Quanta enim & quā peruersa de peccato originali, de libero arbitrio, de iustificatione, de prædestinatione, de sacramento altaris & sacrificio, contra spiritum ecclesiæ protulerunt Lutherus, Oecolampadius, Zuinglius, Bucerus, Calvinus, & aliæ innumera pestes & orbis terrarum faces? Quanta contra vota monastica, imò euangelica: contra luctum Christianum: contra gratiam & efficaciam sacramentorum: & in cunctis ferè articulis, quos ecclesia Dei vt certos, vt iā decisos, ab ipsis ecclesiæ incunabulis in hunc præsentem diem & habebat & obseruat, peregrina & peruersa dogmata ad confundendum ecclesiam intrudere conati sunt?

Eph. 14.  
1. Cor. 12.

His ergo mēitō, si optimo consilio obtemperare voluissent, dicebatur: Nolite plures magistri



fieri. Sed noluerunt superbi homines & ambitione tumidi, audire. Quin potius cum hoc apostolico sermone se acriter corripī perſenſiſſent, abrogarunt illi auctoritatem, dicentes eſſe ſtramineam hāc epiſtolam. Verè non ſtraminea, ſed erat & eſt ferrea aduerſus illos epiſtola, quibus prædixerat: *ſcientes quoniam maior iudicium ſumitis*, id eſt, grauiorem damnationem in voſmetipſos prouocatis: quoniam non ſolum errant magiſtri, verum etiam alios in errorem mittunt. Nec ſolū quia errant, ſed quia etiam errare inquirunt. Deus enim huiusmodi ambitioſos odit, & ab eis lumen ſuum retrahit. Imò verò & ſpiritu inſuper erroris in eos immittit, vt teneantur à Satana, & ducantur ad eius voluntatem.

Audiant & noſtri, qui etſi maneant in eccleſia, attamen nimis ambitioſè appetunt magiſterij cathedras. Non enim deſunt qui & volunt vocari ab hominibus Rabbi, & ſectas colunt & nutriunt. Quicquid verò vel B. Thomas, aut Scotus, aut quis alius, cuius doctrinæ ſeſe addixerint, protulerit, vt verbum ſcripturæ volunt omnino defendere. Vnde etiam in huiusmodi zelus viger, & contentiones, & ſimultates, & tacita ſchiſmata, quæ maxime perturbant eccleſiam Dei. Ideo huius tam grandis mali authores maius ſibi & durius iudicium ſumunt.

*In multis enim offendimus omnes.* Loquitur hic manifeſtè de his qui in magiſterio ſunt, quos in multis offendere ait. Quis enim adeò ſœlix ſiue in ſcriptis, ſiue in ſermonibus, qui non offenderit? Qui hoc negat, indoctus eſt & proteruus. Quapropter cautè ſunt & cum iudicio omnia legenda eccleſiaſticorum ſcripta, etiam eorum qui meritò laudem meruerunt in eccleſia & gloriam. Dixi cautè & cū iudicio legenda, ab his tamen qui pollent iudicio. Non eſt enim omnium iudicare. Bene iſtud nouerat ille Afer & acutiſſimus doctor B. Auguſtinus, qui cum ſibiipſi non crederet, nec item facile aliis quantavis doctrina & ſanctitate pollentibus credebatur, niſi ratione irrefragabili: aut in primis ipſius ſacræ ſcripturæ auctoritate freti loquerentur.

*Si quis in verbo non offendat, hic perfectus eſt vir.* Sed quis iſte? & laudabimus eum. De B. Ioanne Baptiſta canimus, Antra illum deſerti à teneris annis petiſſe, ne leui ſaltem maculare vitā fame poſſet. B. Auguſtinus Tullium taxat, qui in magnam cuiusdam Romani ſapientis viri gloriā ſcripſit, Nul- lum ab eo emiſſum verbum, quod reuocari vellet. Nam ſi in ea ſententia erat, vt putaret omnia ſapientem illum tam rectè eſſe loquutum, vt nullum protulerit verbum reuocatione dignum, vehementer errabat. Hoc enim, inquit B. Auguſtinus, eorū duntaxat eſt proprium, qui à ſpiritu ſancto acti locuti ſunt. Ceteros autem omnes ſcriptores, & quosuis ſapientes huic inſœlicitati eſſe ſubiectos, vt ſæpe vel ſcribentes, vel loquentes offendant. Qui igitur magiſterium ambiunt & affectant, id profiteri videntur quod nullus eſt, videlicet ſe minime offenſuros. Quo fit vt cū præſtare nequeant, tanto magis reos & contempnibiles ſe conſtituāt. Auferatur igitur hæc ambitio ab omnibus, ſed præcipuè ab iis qui peculiariter de religione gloriantur. *Potens etiam freno circumducere totum corpus*, quia eum qui non offendit, oportet eſſe perfectum vi-

rum, & potentem freno circumducere totum corpus. Vocat hic, *corpus*, omnes animæ potentias, & habitus, & paſſiones, quæ ordinatè ſe habent, & quoddam veluti corpus efficiunt in homine. Vir ergo perfectus iſt eſt, qui poteſt eas regere & moderari prudenter ac ſapienter, vt in nullo à recta rationis via deſſectat.

*Si autem equis freno in ora mittimus*, &c. Maniſteſta eſt ſimilitudo. Significat autem hoc corpus animæ aliàs propter varias affectiones diſtractum iri ſuapte natura hāc & illā: & quò duceret illa vel illa affectio. Ob eam cauſam neceſſariū eſt vt quodam coerceatur freno. Sic cum equis & mulis, in quibus non eſt intellectus, agere ſolemus, quò integrum corpus obediāt, & rectā ducatur & incedat, *Ecce naues cum magna ſint*, &c. Aliam adhibet ſimilitudinem, qua idem oſtenditur. Nauiſ enim cū vnum quodam modo corpus ſit, & extrinſecus agitur à ventis, modico tamen gubernaculo dirigitur ad voluntatem dirigentis. Nam eò rota nauiſ tendit, quò per gubernaculum illud inuenitur directā: ſed & gubernaculum ipſum gubernatore indiget. Ita & lingua modicū quidem membrum. Talis eſt lingua in corpore noſtro, quæ veluti gubernaculum modicum quidem eſt membrū: ſed quò illa pergit, illuc totū corpus ſecum trahit. *Et magna exultat*, id eſt, magna iactat vt potè magniloqua. Eiufmodi eſſe linguam hæreticorū clarè perſpicimus, contra quos Pſalmiſta ait: *Disperdat Deus omnia labia dolosa & linguam magniloquam.* Qui dixerunt, Linguam noſtram magnificabimus: labia noſtra à nobis ſunt, quis noſter Dominus eſt? Sed exurget Dominus.

Pſal. II.

*Ecce quantus ignis quam magnam ſyluam ſuccendit.* Sensus eſt, paruū quidem quantitate ignem poſſe vaſtam ſyluam incendere. Talis fuit Arii lingua, quæ quaſi ignis ſcintilla ab initio, graſſari permiſſa vniuerſum orbem accendit. Talis extitit & lingua Manichæi, qui ſe iactabat apoſtolum Chriſti. Talis Donati, & cæterorum incendiariorum. Talem noſtra ætas experta eſt ſuneſtam Lutheri linguam & ſectatorum, qui multas ſeduxere prouincias. *Et lingua, ignis eſt, vniuerſitas iniquitatis.* Inde enim mala omnia, & peſſima peccata, blaſphemia in Deum, mendacia dolosa in proximum. Detractiones, ſuſurrations, murmurations, rixæ, contentiones, conuitia, maledicta, contumeliæ, calumniæ, periuria: denique mundus quidam & vniuerſitas iniquitatis.

*Lingua conſtituitur in membris noſtris, quæ maculat totum corpus*, &c. Inter organa corporis lingua eſt, & illa quidem maculat totum corpus: de corpore animæ, vt diximus, intelligit. Sed quo modo maculat ipſa corpus reliquum, cū ex affectionibus iam maculatis procedat omne vitium linguæ? Reſponderetur: Cum teſtis ſit ipſa lingua macularū animæ, & paſſionum maculatarum, dicitur ob hoc maculare: quia maculas oſtentat, & illas inſuper auget. Fit enim vt dum quippiam mali foris exprimitur, id quod eſt intus etiam augeatur, vt ſemper aliqua ad peccatum fiat acceſſio. Siquidem habitus ab operationibus creſcunt, & faciliores redduntur ad operandum iterum & propenſiores.

*Et inflammat rotam natiuitatis noſtræ inflammat à gehenna.* Rota natiuitatis noſtræ eſt curſus vitæ, qui



quasi rota gyris circumuoluitur. Appellauit egregie rotam natiuitatis, ut inde intelligas vanitatem curarum, quas nobis ipsa affert natura, ut omnia mundi huius sint vanitas & afflictio spiritus. Hæc igitur lingua, unde est expressio affectionum nostrarum, inflammat hunc nostrum vitæ cursum, igne videlicet ambitionis, inuidie, & omnium prauarum concupiscentiarum, ex quibus odia, inimicitia, peruersæ doctrinæ & sectæ. Sed ipsa lingua hæc adiiciens flammam corpori, & vitæ cursui, inflammata ipsa est à gehēna, id est, ab igne gehēnæ. Hic est ignis qui naturaliter consequitur naturam nostram prauam, & incendit assidue cor nostrum cupiditatibus, ac libidinibus mundi huius.

*Omnis enim natura bestiarum, &c.* Quod in quibusdam latinis codicibus legitur corruptè, *ceterorum*, Interpretem vertisse, *ceterorum*, non debet esse cuiquam dubium. Sunt enim cetera animalia marina. Sensus est clarus: Mirum tamen videtur quomodo dicat nullum hominum non solum non domuisse, sed nec domare posse linguam suam. Hanc difficultatem eleganter declarat Diuus Augustinus aiens hominem ipsum, ut homo est, & praua sua natura constitutus, domare linguam suam non posse. At quod fieri natura non potest, dono gratiæ efficitur. Aliàs non dixisset superius: Qui existimat se religiosum, non refrænans linguam suam, &c. Vbi permittit domari posse, imò domandam esse iubet. Nec stultè dicamus præcipere illum impossibilia. Est igitur lingua, *malum inquietum*, ex se ipsa, aut incoercibile, ut græca vox sonat, *plena veneno mortifero*, quo occidit homo proximum suum. Legitur enim: Venenum aspidum sub labiis eorum: & lingua eorum gladius acutus & os amaritudine plenum.

*Psal. 13.*

*In ipsa benedicimus Deum & Patrē, &c.* Digna hæc prorsus sunt quæ sedulo animaduertantur: ut qui se conscium perferunt, protinus respiscant, & emendet cor suum. Etenim Frater Domini rem summè peruersam proponit, videlicet quosdam esse qui religiosi sibi ac pii videntur, cum benedicant Deum & Patrem, utpote habentes in ore psalmos, & canticæ, & diuinas laudes: sed alia parte maledicunt homines, qui ad imaginem & similitudinem Dei facti sunt. Quomodo autem id constare potest, ut ex eodē ore procedat benedictio & maledictio? Diceret fortassis aliquis: Quid obstat quominus, id queat fieri? Siquidem nos eodem ore benedicimus amicis, & inimicis maledicimus. Benedicimus homini, & maledicimus Diabolo. Verum audiat quisquis is est: Qui maledicit hominem qui ad imaginem Dei factus est, etiam ipsum factorem maledicit. Non potest artificis opus quicquam vituperare, quin simul artificem ipsum vituperet.

Sed iterum dicit quis: Non vitupero ego hominem quatenus homo, & opus Dei est: sed quatenus detrimentum mihi & iniuriam intulit, & qua parte improbus est. Bene, si solum hominis vitium oderis, quod ex Deo non est. At hic erratur quàm sapissimè, quum tibi videris non hominem odio habere, sed vitium. Tu tamen indignatione & ira accenderis in hominem, & non potius misericordia prouocaris. Si enim re vera odisses vitia, non hominē: vitique misereri hominis vitiosi stunderes,

& adhiberes quæcunque remedia posses, fraternā correctionem, dulcem adhortationem, & quoduis auxilium opportunum. Ad preces item & lacrymas, & quæ huiusmodi sunt recurreres, quæ ad fratrem tuum lucrandum esse omnino procuranda, ipse Dominus te docuit exemplo & verbo.

Idcirco non est, mi frater, cur tibi ipsi ea spe blandiaris quod psalmos cātes, & oppleas os hymnis, & alleluia: si alia ex parte de Præfato submurmuras, quem indiscretum, quem negligentem, quem personarum acceptorem iudicas. De fratre præterea detrahis, & susurras, & maledicis, & calumniaris, & occulta detegis: & quæ recta sanari poterāt, prodendo exulceras grauius. Hoc certè non est benedicere & laudare Deum, sed potius illū in opere suo vituperare. Omnes enim sumus opus Dei & Christi, creati ab illo, & recreati & redempti tam pretioso immaculatissimi Agni sanguine. Quem mihi dabis qui ista cogitet, ut deberet unusquisque; verè cogitare, id est, ut opere compleat? Domine Iesu infunde mihi & cunctis optantibus & petentibus, hūc bonum Spiritum, ut audiamus Fratrem tuum, qui ut à te instructus, sic & nos instruēs, ait:

*Non oportet fratres mei, hæc ita fieri.* Quoniā si nos ita gereremus, non esset istud benedicere Patrem. *Nunquid fons de eodem foramine emanat dulcem & amarum aquam? Nunquid potest, fratres mei, ficus vnas facere, aut vitis ficus? Sic neque salsa, dulcem potest facere aquam.* Hæc exempla sunt posita ut discas, mi bone frater, quum tibi videris benedicere Deum, re vera non benedicis, ut te oporteret benedicere, videlicet ex charitatis fonte, à quo simul & maledictio & benedictio non potest procedere. Patet autem tum procedere inde maledictionē Dei, quando eius operi maledicis, quod ad eius imaginem factum est, & super quod nomen Domini est inuocatum. Si enim inde procedit maledictio, sequitur fontem ipsum habere amaritudinis originem. Itaque non est possibile simul cum amara dulcem trahere aquam. Ad eundem modum nec ficus potest vnas producere: nec vitis ficus. Aut potius dicamus, ut habet græca lectio: Nec ficus oleas, quæ amaritudinem aliquem habet: ficus autem dulces sunt. Sic ex quo foramine producit aqua salsa, non potest ex eodem dulcis manare. O quotus eorum qui falluntur numerus, qui dum habeant cor plenum amore mundi, putant quibusdam suis preculis, quas assidue submurmurant, placere Deo, & peccata sua sub hac hypocrisis coram illo tegi. Sed in hos competit illud: Hic populus labiis quidem me honorare videtur: cor autem eorum longe est à me.

*Nota.*

*Isa. 29.*

Quis sapiēs & disciplinatus inter vos? Ostendat ex bona conuersatione operationem suam in mansuetudine sapientiæ. Quod si zelum amarum habetis, & contētionēs sint in cordibus vestris: nolite gloriari, & mendaces esse aduersus veritatem. Non est enim ista sapiētia de sursum descēdens à Patre luminum: sed terrena, animalis, diabolica. Vbi enim zelus & contentio, ibi inconstantia, & omne opus prauum. Quæ autem desur-



sum est: deinde pacifica, modesta suadibilis, bonis consentiens, plena misericordia, & fructibus bonis. Fructus autem iustitię in pace seminatur, facientibus pacem.

*Quis sapiens & disciplinatus inter vos, &c.* Magna est illius hominis virtus qui in humana conuersatione non offendit, cui rei præstandæ exigitur in primis mansuetudo. Ad se ergo vocat hominē qui sibi sapiens videatur & sciens, & huic ait: Non est vera scientia & sapientia tua, nisi illa bene vtaris conuersando. Homo enim tunc verē scit & est sapiens, cum fratrem in sua infirmitate constitutum patienter tolerat, consentiens illi quatenus licet, salua fide & charitatis præcepto, vt sic omnibus omnia fiat, quo omnes, ad imitationem illius magni Apostoli, lucrifaciat.

1. Cor. 9.

*Quod si Zelum amarum habetis, & contentiones, &c.* Aemulationes, & ambitiones, & indignationes, potissimum taxat quæ sunt in Clero. Excitantur nanque acres contentiones, quarum occasione animantur mundi homines iam ex se parum erga ecclesiasticos affecti, ad oppugnandas catholicas veritates. Vnde enim Arius factus est satan, nisi quia ad Episcopatum quem ambiebat, non est ascitus? Sic habes in historiis de aliis multis antiquis. Sed diabolus nostris temporibus id tanto impetu procurauit, vt iam minimè sit necesse nobis antiqua repetere exempla: ad ostendendum recentibus abundamus. Hoc enim morbo fertur lapsus Lutherus: eodem Erasmus: sic Bucerus: & ille noster infelix Ochinus. Vnde, quæso, nisi (vt ferè nouit omnis populus) ab ambitione? quia mansuetudo sapietia præsto illis non fuit. Noui ego etiam plures, sed leuioris armaturæ Lutheranunculos, & ignobiles milites, qui dum in Dei ecclesia locū obtinere non valerent, subito apostatas sese ac desertores constituerunt: & gloriantur in mendacio & cōtra veritatem, quam paulò antè nobiscum tenebant. Hic certè Fratris Domini sermo mirificè Lutherum, & eiusdem farinae fermento compactos homines suis coloribus nobis depingit, qualis sit eorum sapientia ponens in conspectu, dum ait:

*Non est enim ista sapientia desursum descendens à Patre luminum* Pater luminum, Deus est pacis, & non seditionis & contentionis. Ideo est terrena, animalis, diabolica: quia ex mundo est & vitio mundi, id est, concupiscentia carnis: & ex superbia vitæ, quæ à diabolo est. *Vbi est enim Zelus & contentio, ibi inconstantia, & omne opus prauum.* Quid inconstantius istis miseris? Lutherus modo pro plebe & rusticis contra principes: tum econuerso pro principibus contra rusticos & plebeios: modo de Romana ecclesia & eius autoritate doctè & verè: modo esse Antichristi sedem dogmatizauit. Item de lege & præceptis quàm variè: Tum de purgatorio, & aliis multis articulis, modo vnum, modo aliud, vnde verè babylonicam captiuitatem coegerit, & linguarum confusionem. O Germaniæ principes. Nonne ego ab initio vociferatus sum? Nonne admonui? Et nunquid ob peccata nostra ruendum vobis erat in præcipitium & foueam errorum cum semine illo nequam? Sequitur enim ad has impias hæreses omne opus prauum, spoliatio ecclesiarum, impudicitia sacrilega, vastationes regnorum, diuini cul-

tus extinctio: denique homines sine Deo, quos Dei spiritus deseruit, & tradidit immundis spiritibus modo seducendos, paulò post in æternum pro iustis meritis cruciandos.

Nunc eregione videamus, quanam sit sapientia quæ desursum est. Primum quidem inquit, *Pudica*: Audite sacrilegi & libidinosi, qui accessistis ad filias hominū cum filij Dei essetis, & violastis sponsas Christi. Putatis hoc, ô filij adulteri, tantum scelus latere Christū, cum non solum oculos plenos habeatis adulterio, verum & manus? O stulti & amentes prorsus homines, qui hæc ante oculos videntes, vos nihilominus sectantur. O cœcitate.

*Deinde pacifica.* Sed dicit quis: Quomodo ergo Rex pacis Christus dixit: Non veni mittere pacem in terram, sed gladium? Respondemus duplicem esse concordiam, & ad malum & ad bonum. Et ita duplex est pax. Illam quæ ad malū tendit, odit Deus: & aduersus illam stricturus gladium venit, vt meliorem induceret pacem. Venit ille tempore Cæsaris Augusti, quando cuncta erant in pace: & verū erat quod post verbis expressit: Cum fortis armatus custodit atrium suum, in pace sunt omnia quæ possidet. Illa pace tunc fruebatur mundus in maligno positus, quæ Deo non placebat. Nam fortis armatus diabolus vbique regnabat: & ferè nullus erat Dei cultus. Itaque non placuit Deo huiusmodi pax: ideo misit Christum ad illam destruendam.

Matt. 10.

Hoc autem fieri non poterat, nisi medio gladio, quod fuit verbum Dei, id est, apostolica prædicatione. Cum igitur aduersus hanc falsi isti noui propheta doceant & prædicent, & vniuersum orbem propterea misceant & conturbent, hoc non à sapientia Spiritus faciunt, sed à sapientia satanæ, tanquam conturbatores veræ pacis. Scimus quidem ipsos vt veros hypocritas, quasi imitatores Christi, illud sibi vsurpare vt dicant se nolle mittere pacem in terram, sed gladium. Verum oportebat eos ostendere, quomodo veram pacem diligerent. Serere enim falsa & peruersa dogmata, non erat eorum qui verè diligunt Christi pacem. Nec quia de abusiis conqueruntur, quos (nisi fuerimus impudentes) negare non possumus, ideo ad illos attingebat inquirere, qui sunt merè abusi quāti quanti sunt: & iam remedium datum erat eis in promptu à doctrina Christi: Quæ dicunt facite, quæ autem faciunt nolite facere.

Luc. 11.

Matt. 23.

*Modesta est.* Lege horum magistrorum blasphemias, & Lutheri maledicta in factos viros, & Christi martyres, & ibi nullo negotio cernes quam modestia præditus fuerit. Et cum hæc tam latè pateant, adhuc ne possunt dubitare stulti de eius spiritu vnde sit, & quo tendat? *Suadibilis*, id est, facilis vt velit audire veritatem. Amator enim veritatis facile ac libenter illam audit & amplectitur. Isti verò vt surdæ aspides ad vocem incantantium sapienter obturant aures, ne verbum salutis admittant. Iam enim sua proteruita fecerunt sibi ipsis præiudicium. *Plena misericordia, & fructibus bonis.* Qui autem minus misericordes quam isti, qui innumerabiles animas secum trahunt ad inferos? Qui verò sibi non parcat, quomodo aliis parcat? *Iudicans sine simulatione.* Sapientis & spiritualis hominis est rectè iudicare, & absque simulatione. Bonum enim pronūtiat esse bonum, & malum pronūtiat esse malum, nulli



adulans, nulli blandiens. Domine Iesu obsecro sta tue hoc firmum in corde meo. Græca tamen lectio habet, *Nihil diiudicans, nihil simulans, Quæ lectio inconstantiam remouet, & hypocrisis à vera sapientia.*

*Fructus autem iustitiæ in pace seminatur facientibus pacem.* Verbum Dei est semen quod seminatur, unde emanant fructus Spiritus. Illud autem semen seminatur in pace: quia satores iustitiæ volunt pacem his qui audiunt. Imò euangelium pacis prædicant: & in his verè coalescit qui pacem diligunt, & illam faciunt, ipsum verbum semen pacis recipientes in semetipsis. An non verà assignaui rationem cur hæc epistola non placet hæreticis? nimirum quæ illos nobis quasi in speculo mundo repræsentat.

CAP. IIII.



**V**NDE bella & lites in vobis? Nonne ex concupiscentiis vestris, quæ militant in membris vestris? Concupiscitis, & non habetis. Occiditis, & zelatis, & non potestis adipisci. Litigatis, & belligeratis, & non habetis: propterea quod non postulatis. Petitis, & non accipitis, eò quod male peratis, ut in concupiscentiis vestris insumatis.

**V**Nde bella & lites in vobis, &c. B. Iacobus Apostolus volens radicem malorum indicare, ut securi amputaretur: originem bellorum ac litium omnium, quibus illi ad quos scribebat tenebatur, à suis ipsorum concupiscentiis asserit proficisci, quæ militant in membris nostris, id est, in organis externis quæ mouentur ad explendas cupiditates illas, seu voluptates atque libidines. *Concupiscitis, & non habetis*, siue quia quod concupiscitis non obtinetis: siue quia etiam si obtineatis, non implet vos, ut dici etiam possitis non habere. *Occiditis & Zelatis*. Aliqui Græci codices habent, *Inuidetis & Zelatis*. Si legimus, *Occiditis*, de occisione quæ animo fiat intelligendum est: sicut scriptum est: Qui odit fratrem suum, homicida est. Ex eo igitur quod non implet homo prauus, qui odio habet proximum, suam malam voluntatem in eum, rumpitur zelans ob inuidiā: quoniam non potest assequi id quod ille.

*Litigatis & belligeratis*. Ad quid autem hoc nisi ut habeatis? Et tamen non habetis: quia etiam nec vlla lite, nec ipsa victoria contenti estis. Hoc verò quamobrem, nisi quia non postulatis? Quid est non postulatis? Nisi quietem vestram & commoda vestra vultis vestra opera inquirere & adipisci, quæ postulanda erant à Deo, *Petitis, & non accipitis*, eò quod male petatis. Non est mirum si quis à Deo petens non accipiat: quoniam ut quis accipiat, oportet ut non male petat. Male autem petit, qui malum finem respicit. Vnde ait: *Ut in concupiscentiis vestris insumatis*. At Deus fomentum non vult præbere libidini, & vitiosorum hominum alendæ turpitudini.

Adulteri, nescitis quia amicitia huius mundi inimica est Dei? Quicumque ergo voluerit amicus esse sæculi huius, inimicus Dei constituitur. An putatis quia ina-

niter scriptura dicat: Ad inuidiam concupiscit spiritus qui habitat in vobis? Maiorem autem dat gratiam. Propter quod dicit: Deus superbis resistit, humilibus autem dat gratiā. Subditi ergo estote Deo. Resistite autem diabolo, & fugiet à vobis. Appropriate Deo, & appropinquabit vobis. Emundate manus peccatores: & purificate corda duplices animo. Miseri estote & lugete, & plorate. Ritus vester in luctum conuertatur, & gaudiū in moerorem. Humiliamini in conspectu Domini, & exaltabit vos.

*Adulteri, nescitis, quia amicitia, &c.* Vocat adulteros tam mares quam fœminas, eos qui relicto Christo Sponso & eius paupertate, hærent huic mundo, tanquam adulter amicæ quam deperit. At nescitis (ait) amicitiam huius mundi esse Dei inimicam? Vnde rectè sequitur, illum qui vult esse amicus mundi, inimicum Dei constitui. *An putatis quod inaniter scriptura dicat: Ad inuidiam concupiscit spiritus qui habitat in vobis?* Sensus est, quod amor Dei erga nos est tanquam amor zelotypi. Sic enim sæpè vocant Deū scripturæ. Imò Spiritus verè Deus, aiens: Ego sum Deus zelotes, id est, more alicuius sponsi qui metuit sibi à sponsa, ne se abiecto alium recipiat & amplexetur adulterum. Hæc autem spō si concupiscentia quæ est ad inuidiam, id est, ad æmulationem & zelum, hoc primum operatur in eo, ut si deprehendat sponsam suæ fidei violatricem, indignetur incredibili modo, & similiter auertat se ab illa, & in aliam totum suum conuertat amorem, & cuncta dona: ut illa hanc commutationem factam videns, miris modis excrucietur, ac frustra poeniteat facti. Hoc est quod ait:

*Maiorem autem dat gratiam*, videlicet alteri sponsæ, ut id perspicuus quæ fœdifraga fuit, immenso dolore perpetuò crucietur ac dirumpatur. Nō frustra ergo, nec ab re talis nobis Spiritus Dei describitur tanquam zelo correptus, atque in illas animas succensus, in quibus prius habitauit, & inde expulsus est. Ideo rectè legimus, *Qui habitauit in vobis*. Supponit enim Deum fuisse de habitatione sua expulsū, & ob hoc irritatum zelo. Et cum istud non possit esse absque superbia illius animæ, quæ prior superbè contempsit Deum habitatorem & sponsum, ait:

*Propter quod dicit: Deus superbis resistit, humilibus autem dat gratiam.* Locus in prouerb. 3. cap. ubi habetur: Ipse deludet illusores: & māsuetis dabit gratiam. Qui sunt autem illusores, nisi qui promissa fregerunt? Hoc autem qua radice oritur, nisi à contemptu Dei & superbia? Et quid est dicere, illud et, nisi pari modo erit ipse superbus & contēptor, & tunc apparebit quis erit victor? Bene enim de illo scriptum est: Cum sancto, sanctus eris: & cum viro innocente, innocens eris: & cum peruerso, peruerteris. Hoc idem est quod resistere superbis & peruersis iustissima peruersione ac superbia. *Subditi ergo estote Deo*: Quoniam videlicet nolentibus subiaci, & resistentibus ipse resistit. Cum igitur non sit resistendum Deo, consequens est ut

1. Ioan. 3.

Exod. 20.

Psalm. 17.



resistamus diabolo. Et ne quis dicat, quomodo possumus diabolo resistere? Effectum resistentiæ subdit, dicens, *Resistite diabolo, & fugiet à vobis*: Resistimus autem dum minime astutiis eius cōsentimus, & subiiciendo nos Deo. Dēmonū quidem est mala suggerere, nostrum autem est non consentire. Quoties eis resistimus (teste deuoto abbate Bernardo) toties eos superamus. Angelos letificamus, Deum honoramus, qui visitat vt pugnemus, adiuvat vt vincamus, consolidat ne deficiamus. In primis conflictibus grauis & propemodum videtur hostis insuperabilis. Sed si quis fortiter primum impetum sustinuerit, in secundo inueniet cum inferiore. Quāto enim plus percussus fuerit superbus ille antiquus hostis, magis elanguescit ac deficit. Resistendum igitur est forti animo, & concepta firma de Dei auxilio fiducia, qui neminem permittit supra vires tentari. Vult enim Malignus semper nobis nocere, sed nō potest: quia potestas ista est sub potestate. Alioqui si tantum, quantum expetit, nocere posset, nullus, vt ait B. Augustinus, iustorum remaneret. *Appropinquate Deo, & appropinquabit vobis*. Homo appropinquat Deo per fidē viuam. Verūm nisi ipse vocet, & adiuuet porrigēs manū, quis poterit appropinquare? Ipse ergo itat ad ostium & pulsat: nisi descendas & aperiās, non appropinquabit tibi. Quod si aperueris, ipse intrat & cœnat tecum. O beati illi & plusquam fœlices qui appropinquant. *Emundate manus peccatores*, Emundare manus, est maculas abstergere, & sordes operum malorum, quæ externis actibus consummauimus. Hæc emundatio fit per pœnitentiam & satisfactionem.

*Et purificate corda duplices animo*, hoc est, qui Deo & mammonæ simul seruire præsumitis, & geminas occupare sellas in via, vnde animus fit impurus. Purificate ergo, inquit, corda vestra abiiciendo amorem mundanorum, qui cōspurcat animā. Modum autem quo hæc fiant demonstrat, dicens, *Miseri estote*, hoc est, inducite in animum, oportere eos qui piē vivere volunt in Christo in hoc mundo, sustinere afflictiones, & misērias: & iccirco debetis inclinare animum ad patiendum, & tolerandam vestram crucem vsque in finem, & sic esse miseros: quia per hoc efficiimini beati. Et verē magnā habemus & promptam (si considerare vellemus) deplorandæ nostræ misēriæ materiam, quam tamē nobis Deus in nouo statu ad occasionem meriti conuertit. Quid enim est homo natus de muliere, breui viuens tempore? In sordibus generamur, in tenebris confouemur, in doloribus parturi mur: ante exitum miseras oneramus matres, in exitu more vipereo laceramus. Mirum quod ipsi non laceramur. Primam vocem ploratus edimus. Merito quidem, vt pote vallem plorationis ingressi, vt nobis illud S. Iob ex omni parte possit aprari: Multis repletur miseriis, multis & multiplicibus, inquam, miseriis corporis, miseriis cordis, miseriis dum dormit, miseriis dum vigilat, miseriis quocunque se vertit. *Et lugete, & plorate*, Tanquam sponsæ illæ viduæ quæ suum ab oculis suis viderunt sibi sublatum sponsum. Veræ quippe viduæ nihil agunt, nihil curant, nihil somniant, nisi quo tandem modo queant iterum videre spōsum, & in thalamum intrare cum illo. Abstinent interim à cibo, vestes

induunt lugubres, & assiduē plorant expectando dolenter ac dicendo, Quando veniet? Quando videbo eum? Animam meam, vitam meam, &c. Alibi latius Christianum luctum & ploratum declarauimus.

*Risus vester in luctum conuertatur, & gaudium in mœrorem*. Hic est Christianus status, vt à risu fletus, à fletu risus comparetur. Et similiter à gaudio mœror, & à mœrore gaudium, iuxta Christi legē & verbo traditam, & in seipso completam, vt quilibet eam possit legere in Crucifixo. Itaque suos hortatur Frater Domini, vt apprehendant conditionem luctus & mœroris, repudiato & abiecto risu & gaudio, vt in risum & gaudium sempiternum perueniant. Sic fecit Christus, qui ob propositum sibi gaudiū sustinuit crucem, vt ait B. Paulus ad Hebræos. *Humiliamini in conspectu Domini, & exaltabit vos* Dominus enim ipse hanc legem posuit, quā & suo factō sacrauit, humiliās semetipsum, & factus obediens vsque ad mortē, mortem autē crucis. Propter quod & Deus exaltauit illum, & dedit illi nomen quod est super omne nomē, vt in nomine Iesu omne genu flectatur cœlestiū, terrestriū & infernorum, Et omnis lingua cōfiteatur, quia Dominus noster Iesus Christus in gloria est Dei Patris. Si hoc fecit ille tantus Filius, & propter nos: quid nos vermiculi debemus facere? Etsi ergo sumus filij Dei, ac per hoc in magnā electi dignitatem, debemus tamē quo perfectū ius adoptionis, hoc est, hæreditatem filiorum assequamur, debemus inquam, cum filiis Dei & in Domino gloriari, si tāquam peripsēma ab hominibus in hoc mundo habeamur, vt cum venerit dies segregationis, audiamus dici ab improbis ad laudem nostram: Ecce hi sunt quos aliquādo habuimus in derisum, & in similitudinem improprij. Nos insensati vitam illorum existimabamus insaniam, & finem illorum sine honore. Ecce quomodo cōputati sunt inter filios Dei, & inter Sanctos fors illorum est. Itaque concludamus & consolemur nos in verbo Domini: Qui se humiliat, exaltabitur: & qui se exaltat, humiliabitur. Superbia enim & animi elatio paradisi nobis ianuā clausit. Humilitas autem clauēs fabricata est, quibus nobis iterum pateat aditus, si humiles esse in veritate studuerimus. Discite à me (inquit sapientissimus Magister) quia mitis sum & humilis corde. Et sanctissima illius mater virgo perpetua Maria, cum esset omnium virtutū hortus, & sacrarium Spiritus sancti, solius tamen meminit humilitatis exultans in Spiritu, & Deum in suis donis glorificans. Quia respexit (ait) humilitatem ancillæ suæ: ecce ex hoc beatam me dicent omnes generationes. Quicquid superbia perdidit, humilitas sancta recuperauit. Et verē omnium virtutum est custos potentissima humilitas. Nā Deus humilia semper respicit, & alta à longē cognoscit. Vbi vera humilitas, nulla regnat detractio. Quapropter post datum saluberrimū hoc præceptum rectē subdidit:

Nolite detrahēre alterutrum fratres mei. Qui detrahit fratri, aut qui iudicat fratrem suum, detrahit legi, & iudicat legem. Si autem iudicas legem, non es factor legis, sed iudex. Vnus est enim Le-

Apo. 3.

Ex D. Bernardo.

Hebr. 15.

Philipp. 2.

Sap. 5.

Luc. 18.



gissator & Iudex qui potest perdere & liberare. Tu autem quis es qui iudicas proximum tuum? Ecce nunc qui dicitis: Hodie, aut crastino ibimus in illam ciuitatē, & faciemus ibi quidem annum, & mercabimur, & lucrum faciemus: qui ignoratis quid erit in crastino. Quæ est enim vita vestra? Vapor est ad modicum parens, & deinceps exterminabitur, pro eo ut dicatis: Si Dominus voluerit: & si vixerimus, faciemus hoc, aut illud. Nunc autem exultastis in superbiis vestris. Omnis exultatio talis maligna est. Scienti igitur bonum facere, & non facienti, peccatum est illi.

*Nolite detrahare alterutrum, &c.* Hic inuehitur contra vitium detractionis, quod est violare famam absentis per obiectionem criminis, aut extenuationem virtutis. Hoc peccatum grauissimum est, à superbiæ & inuidiæ fonte manas, quæ sunt maxima crimina. Seuerè à scripturis passim vituperatum esse huiusmodi detractionis liuorem legimus: & tamen eousque frequens est in hominibus, etiam in his qui videntur pij ac religiosi, ut vix sit vllum peccatum crebrius repetitum. Sed operiunt illud saepe quibusdam prætexitibus. Huiusmodi genus hominum optimè nouerat formandorum morum pater egregius D. Bernardus, qui aiebat: Detractores autem quodam simulatæ verecundiæ fūco conceptam malitiam, quam retinere non possunt, adumbrare conantur. Videas à detractore alta pramitti suspiria: sicque cum quadam grauitate & tarditate, vultu mæsto, demissis superciliis, & voce plangenti egredi maledictionem, & quidem tanto persuasibiliorem, quāto creditur ab his, qui audiunt, corde non inuido, sed magis condoleri affectu quā malitiosè proferri. Doleo, inquit, vehementer pro eo quod diligo eum satis, & nunquā potui de hac re corrigere eum: & aliās mihi quidem bene compertum fuerat de eo istud, sed per me nūquam innotuisset. At quoniam per alterum patefacta res est, veritatē negare non possum, re vera ita est. Nūquid non vipera est lingua detractoris ferocissima: planè nimirum, quæ tam lethaliter inficiat flatu vno. Nunquid non lancea est lingua ista? Profecto acutissima. hæc ille.

*Aut qui iudicat fratrem suum, &c.* Admiscet etiam aliud crimen coniunctum detractioni, quod est in dicare fratrem. Non autem de quacunque detractione, & quocunque iudicio loqui videtur, sed de ea detractione qua includitur detractio, & iudiciū aduersus dictum legis. Verbi gratia: Qui iudicat hominem, quem viderit spreuissē mundum, adiisse heremum, aut monasterium: & illum propterea stultitiæ insinuat, aut vitio cerebri laborasse, qui hanc status mutationem elegerit. Sic enim dicere solent & mundus, & qui secundū carnem sapiunt. Siquis item facultates suas distribuat in cibos pauperum: aut aliud quoduis tandem egregiū & Christianum opus aggrediatur, quod mundo appareat infania. Qui, inquā, fratrem ob ista facta spernit, eique detrahit, sicuti plerunque (ut diximus) solet

fieri. certè hic non iam humanum crimen committit, sed satanicum. Manifestè enim detrahit legi, & iudicat legem, in eandem blasphemus. Hic verus est B. Iacobi sensus, qui cum superioribus appositè admodum coheret & declaratur. Postquam enim suasisit luctum & ploratum, & humiliationem crucis, quæ omnia apud homines animales sunt stultitia, & ita iudicantur, ut per hoc detrahat hominibus simul ac legi, ideo dixit: *Nolite detrahare, &c.* id est, nolite superbè & arroganter dicere malum quod lex commendat ut bonum: & e converso, bonum illud astimare quod lex vituperat tanquam malum. Rectè ergo dicit:

*Qui detrahit fratri, aut qui iudicat fratrem suum, detrahit legi, & iudicat legem,* id est, damnat legem, & facit se lege ipsa & Legislatore superiore. Et ita iam non est factor ipsius legis, sed Iudex potius: quod est proprium satanæ.

*Vnus enim est legislator & Iudex, qui potest perdere & liberare, &c.* Hic est Christus Iesus Deus & Dominus noster ac Redemptor. Et tamen audet fax illa orbis terrarum Lutherus negare Christum esse legislatorem: quod nō minus habet infantiæ, quā falsitatis.

*Tu autem quis es qui iudicas proximum tuum?* Verè cum simus omnes fratres, non est iurisdictio penes quemlibet iudicandi fratrem suum. Loquitur autem non de iudiciis secularibus, quæ à terrena potestate, quam probat Deus, veniunt: sed de iudiciis priuatorum priuatis, quæ pertinent ad ea quæ sunt diuinæ legis, non in præsentī tempore discutienda, sed quando cuncta erunt manifesta. Tunc enim poterimus liberè iudicare probationis iudicio & comparationis. Sic Sancti iudicabunt nationes, ut testatur scriptura, & dominabuntur populis.

*Ecce nunc qui dicitis: Hodie, aut crastino ibimus in illam ciuitatem, &c.* Vult arrogantiam nostram patefacere Apostolus, & magnam inconsiderationem, qui cum ante pedes habeamus mortem, nescientes horam assidue & omni momento imminentem, nihil tamen minus consideremus. Quapropter absque vlla mortis cogitatione, & citra vllum pactum cum Deo, quasi securi dicimus, *Hodie, aut crastino, &c.* Et hoc, inquam, absq; conditione proferimus, quæ tamen semper adhiberi deberet, puta, si dabit Deus: si viuere sua bonitate nos permiserit, &c. Nec dicat hīc mihi Iurisconsultus aliquis ex sua regula, cum hæc conditiones tacitè subintelligantur, eisdē frustra exprimi. Aiunt enim: Expressio eorum quæ tacitè insunt, nihil operatur. At longè aliter sese res habet in proposito. Multum quippe expressa conditio operatur: quia cogitare de morte imminente multarum inanum operationum turba & anxietate nos liberat ob metū mortis venturi iudicii. Abiicit auaritiā, & omnem concupiscentiam oculorum. Non inhiat lucris malis: conuertitur ad thesaurizationem æternorum, & cum B. Iacobo Apostolo consentit, & ad se reuersus ait: *Quæ est vita mea?* Nonne vapor est ad modicum parens? Et clamat cum vero Ecclesiaste toto corde: O vanitas vanitatum, & omnia vanitas. Et cum eodem iam conuersus, conuertit se ad diuites huius mundi, qui posuerunt spem in his bonis, & illos increpans, ait:

*Nunc autem exultatis* (siue gloriāmini) *in superbiis*

Bern. super  
can. Jer. 2.4.

Sap. 3.

Regula in-  
ris.

Ecd. 1.



*vestris*. Omnis enim diues, id est, in diuitiis fidens, superbus est. *Omnis exultatio talis*, siue gloriatio, *maligna est*. Et verè maligna: quia coniuncta perfidiæ. Et verè maligna: quia est radix superbiæ, & contemptus proximorum. Inde enim exoriuntur contumeliæ, conuitia, & omnis maledicentia, & supergressio in proximum suum, nihili facientes dictum Domini: Qui dixerit fratri suo, Fatue, reus erit gehénæ ignis. Nihili faciunt autem, quia non noverunt neque seipfos, neque Deum omnium creatorem & redemptorem: neque videntur vera regula ad metiendum se, & comparandum aliis semetipfos. Vera enim regula non est abundantia terrenorum, sed cælestium virtutum. Concludit tandem: *Scienti igitur bonum facere, & non facienti, peccatum est illi*. Christianos alloquebatur, qui hæc sciebant, aut saltem scire debebant. Nam pro scientibus eos habet scriptura, qui culpa sua nesciant, quæ scire tamen debebant.

## CAP. V.



**AGITE** nunc diuites: plorate ululantes in miseriis vestris, quæ aduenient vobis. Diuitiæ vestræ putrefactæ sunt: & vestimenta vestra à tineis comesta sunt. Aurum & argentum vestrum æruginavit: & ærugo eorum in testimonium vobis erit, & manducabit carnes vestras sicut ignis. Thesaurizastis vobis iram in nouissimis diebus. Ecce merces operariorum, qui messuerunt regiones vestras, quæ fraudata est à vobis, clamat: & clamor eorum in aures Domini Sabbaoth introiuit. Epulati estis super terram: & in luxuriis enutristis corda vestra in die occisionis. Addixistis, & occidistis iustum, & non restitistis vobis.

*Agite nunc diuites, plorate ululantes, &c.* Inuehitur Frater Domini apostolico spiritu aduersus diuites, & ut iustus consentit cum sententia Domini in iurias vindicantis. Scriptum est enim: *Lætabitur iustus cum viderit vindictam*: manus suas lauabit in sanguine peccatoris. Tanquam illam præuidens: *Agite nunc* (inquit) quia iudicium super vos iam vi deo præfens. Cum enim vita vestra nihil fuerit quam risus, meritò ploratus succedit risui. Plorate, inquam, & ululate in miseriis vestris sempiternis, quibus nihil misereor. Non enim est locus misericordiæ, ubi diès aduenit iusti iudicij. *Diuitiæ vestræ putrefactæ sunt*, quæ iam nihil prorsus vobis prouiderunt. Tempore iudicij omnia velut à tineis & æruginis comesta, consumpta erunt. Quamobrem ipsa argenti vestri ærugo testificabitur contra vos, quibus dictum fuerat à summo veritatis Magistro: *Nolite thesaurizare vobis thesauros in terra, ubi ærugo & tinea demolitur, &c.* Et noluitis consilium salutiferum audire. Meritò igitur ipsa vobis prophetata ærugo testimonium afferet veritati contra vos: & iustificata est sapientia Dei ab illa. *Et manducabit carnes vestras sicut ignis*. Inde enim cruciatus erit in anima & corpore vestro nudo & afflicto. *Thesaurizastis*

*vobis iram in nouissimis diebus*, hoc est, in sempiternum: quoniam nouissimi dies erunt absque fine. *Ecce merces operariorum qui messuerunt, &c.* Hic diuitum peccata commemorat, inter quæ illud est frequens, defraudare operarios mercede sua: quæ defraudatio est clamor ad Deum qui audit, & indignatur, & parat vindictam. Hac de re frequenter admonet scriptura antiqua, ne defraudentur mercenarii suo labore ac sudore, & ne merces eorum procrastinetur. Nam ipse Dominus respicit pauperes, qui & ipse fuit pauper, & vindicat illos terribiliter. *Epulati estis super terram*. Vide quomodo illos alloquitur tanquam sustinentes iudicium. Vbi & aliud peccatum diuitum commemorat, quod est epulari siue deliciari, & lasciuire, & omnem diem habere festiuium in comestationibus & impudiciis. *In die occisionis addixistis, & occidistis iustum*. Hic locus factus est paulò obscurior (meo iudicio) quia omissa est vna dictio quæ est in Græcis. Cōiungitur enim cum superiori hoc dicto, *In die occisionis*, & debet sic intelligi: *Epulati estis super terram, & lasciuistis in deliciis, & enutristis corda vestra, sicut in die occisionis addixistis, seu condemnastis, & occidistis iustum*. De Christo loquitur, quem in die Paschæ cōdemnarunt, & occiderunt iustum: & ipsi festiuium diem egerunt & sæcularem. Ad eum modum faciunt & nunc, & hactenus semper fecerunt diuites & tyranni, qui dum Christum in suis seruis persequuntur, ipsi interim tripudiant. Talis fuit Herodes, quando iussit amputari caput sancti Ioannis Baptistæ. Ipse autem iustus noster Christus non recessit. Oblatus enim est quia voluit.

Patientes igitur estote, fratres, usque ad aduentum Domini. Ecce, agricola expectat pretiosum fructum terræ, patienter ferens donec accipiat temporaneum & serotinum. Patientes igitur estote & vos & confirmate corda vestra: quoniam aduentus Domini appropinquabit. Nolite ingemiscere, fratres, in alterutrum, ut nō iudicemini. Ecce iudex ante ianuam assistit. Exemplum accipite, fratres, exitus mali, & longanimitatis, & laboris, & patientiæ, prophetas qui loquuti sunt in nomine Domini. Ecce beatificamus eos qui sustinuerunt. Sufferentiam Iob audistis: & finem Domini vidistis. Quoniam misericors Dominus est, & miserator. Ante omnia autem, fratres mei, nolite iurare neque per cælum, neque per terram, neque aliud quodcunque iuramentum. Sit autem sermo vester, Est, Est: Non, Non: ut non sub iudicio decidatis.

*Patientes igitur estote, fratres, &c.* Bene hortatur ut ad exemplum iusti, id est, Christi, sint patientes & longanimes, qui quum malediceretur, non maledicebat: quum pateretur, non comminabatur: tradidit autem iudicanti se iniuste. Hæc est regia via ad Christum: ideo dicitur: *Usque ad aduentum Domini*. Parua enim est mora: nam citò veniet, & nō tardabit, *Ecce agricola, &c.* clarus est sensus: Si hoc fa-



ciunt homines pro terreno & paruo lucro, quid facere nos debemus pro immenso & æterno? Iccirco denuo exhortatur: *Patientes igitur estote & vos, & confirmate corda vestra, nempe fide, & spe, & charitatis operibus. Quoniam aduentus Domini appropinquabit. Iam enim est in foribus. Nolite ingemiscere, fratres, in alterutrum, aut aduersus inuicem, id est (ut mihi videtur) nolite gemitum vestrum rejicere in alios. Sunt enim qui ex eo quod tribulantur, etiam tribulant alios. Et quæ damna à potentioribus patiuntur, eadem in alios referunt: vnde iudicium sumunt. Nec excusantur quantumuis ipsi iniuste afflicti sint. O quot exemplis posset hoc præceptum illustrari, contra quod multi committunt. Ecce index ante ianuam assistit. Heu nimis verum est: sed per paucos sunt qui serio, ut oporteret, considerent. Imminet assidue mors omnibus parata, & plurimis tamen est impronisa. Exemplum accipite fratres, &c. Ecce scripturam Iob ut canonicam accipit. Summa doctrinæ est, ut simus sapientes: quod tunc erit, si finem respexerimus, quem pro regula actionum nostrarum propositum semper ante oculos habeamus. Nota est historia B. Iob, qui cum tanta passus fuerit, recepit bona duplo auctiora quam quæ habebat prius: quoniam valde misericors est Dominus animo, & miserator facto.*

*Ante omnia autem, fratres mei, nolite iurare, &c. cat.* Hic prohibet iusiurandum, non ut quidam decepti existimant, quasi non liceat interdum iurare: sed ut remoueat facilis assuetudo iurandi. Præterea, ne quis existimet non esse iuramentum per cælum iurare & terram: quasi liceat per creaturas iurare, & fallere absque periurio. Postquam enim venit Christus, & sanguine suo purgavit mundum, sacrata sunt omnia. *Sit autem sermo vester, Est, Est, &c. cat.* id est, ut quod est in re secundum affirmationem, simpliciter dicatur, *Est*: quod verò secundum negationem, dicatur, *Non est*. Præceptum est ab ipso met Dominò in euangelio expressum. *Ut non sub iudicio decidatis.* Græcè in hypocrisin, id est, simulationem. Simulatores enim fallaces sunt & mendaces. Mendax autem omnis hypocrita: quia contra id quod in corde tenet, enunciat: alius intus, alius foris. At istud omnino est contra naturam: quoniam lingua data est ad exprimendos cordis conceptus ea veritate, qua intus probantur.

Matt. 5.

Tristatur autem aliquis vestrum? oret. *Æquo animo est: psallat.* Infirmatur quis in vobis? inducat presbyteros ecclesiæ, & orent super eum, vngentes eum oleo in nomine Domini: & oratio fidei saluabit infirmum, & alleuiabit eum Dominus: & si in peccatis sit, remittentur ei. Cōfitemini ergo alterutrum peccata vestra: & orate pro inuicem ut saluemini. Multum enim valet deprecatio iusti assidue. Elias homo erat similis nobis passibilis: & oratione orauit ut non plueret super terram, & non pluit annos tres, & menses sex. Et rursum orauit, & cælum dedit pluuiam, & terra dedit fructum suum. Fratres mei, si quis ex vobis errauerit à veri-

tate, & conuerterit quis eum, scire debet quoniam qui conueriti fecerit peccatorem ab errore viæ suæ, saluabit animam eius à morte, & operiet multitudinem peccatorum.

*Tristatur autem aliquis vestrum, &c. Videbat B. Iacobus Apostolus inter cætera mala quæ abstrahunt à continuatione boni operis, esse tristitiam: ideo remedium ad eam auferendam proponit, nimirum orationem. Verè nihil est omnino quod lætorem reddat & alacriorem animum, quam oratio. Illud tamen hic obstat quod ait: *Æquo animo.* Quomodo enim qui in tristitia est constitutus, æquo animo orare poterit, aut psallere? Animaduertat igitur prudens lector, re vera vitiatam esse literam, & male hoc in loco punctis distinctam. Sic enim debet ordinari: *Tristatur quis in vobis? oret.* Et hic sit punctus. Tum sequitur: *Æquo animo est quis? psallat:* ut sic oratione tristitia pellatur: æquanimis autem cantu & psalmis, id est, laudibus & gratiarum actionibus, ne in gaudium sæculare effluat, modere tur & iustificetur.*

Dominus Iesus in agonia tristis factus vsque ad mortem orabat, & pernoctabat in oratione: & iussit ut discipuli orarent, ne absorberentur tristitia, & tentationibus desperantes succumberent. Hoc est remedium tristitiæ, obuiam prodire, & fugare illam oratione, per quam lætitia spiritualis accersitur, & consolationes internæ, quas in norunt qui experiuntur. Itaque dum quis lætus est, psallat & gratias agat, & laudes referat Deo, omne bonum illi ascribens semper.

*Infirmatur quis in vobis, &c. Ex hoc loco collegunt Sancti Doctores, & rectè, sacramentum extremæ vñctionis, quod vniuersa semper probauit Ecclesia. Et non solum esse hoc sacramentum, verum etiam hoc in loco ab ipso fratre Domini commemorari, sicut planè testatur Innocentius tertius, cap. 1. De sacra vñctione. Et Innocentius primus multò antea id expresserat in suo decreto. Quia & preces ecclesiarum solennes, quæ in ritu huius sacramenti præmittuntur, hoc clarè probant. Ita enim oratur: Deus qui per Apostolum tuum Iacobum loquutus es dicens: Infirmatur quis in vobis, inducat presbyteros ecclesiæ, & orent super eum, vngentes eum oleo sancto in nomine Domini, & oratio fidei saluabit infirmum, & alleuiabit eum Dominus: & si in peccatis sit, dimittetur ei, &c. Non afferam innumeras omnium veterum doctorum pro hac veritate sententias. Qui enim non credit vniuersali ecclesiæ, & cōciliis, cui credet? Quod si nulla esset alia mentio huius sacramenti in euangelio, satis est verè Catholicis præsens B. Iacobi testimoniū promulgantis illud tãquam Apostolus Christi, non autem instituentis. Neque enim est cuiusquam Apostoli vñctum instituire sacramentum, sed Christi solius, ex quo & per quem gratia ipsa sacramentorum venit. Sunt tamen qui volunt hoc sacramentum apud B. Marcum commemorari, vbi legim⁹ discipulos cum illos Dominus misisset ad prædicandum, vñxisse infirmos oleo, & per illam vñctionem sanitatē corporis esse assequutos. Mihi tamè (ut ingenuè quod sentio loquar) videtur non verè illud fuisse sacramentum, quod Apostoli tunc faciebant, cum ipsi non-*

De sacramento extremæ vñctionis.



nondum essent sacerdotes, nec idonei sacramento ministri, nisi Baptismi, qui non requirit ministrum presbyterum, propter necessitatem. Præterea, non ostenditur ibi ritus & forma sacramenti, nec vlla preces, nec vllus alius sacramenti effectus, præter corporis sanitatem. Non me later potuisse Dominum Iesum facere ministros huius sacramenti etiam non sacerdotes. At non quodcumque poterat, faciebat: sed quod decebat. Credo tamen fuisse illud tanquam præparatorium quoddam huius sacramenti, quod nobis planè exprimit frater Domini. Hoc si dicimus, non minus probatur huius sacramenti veritas. Si enim præparatoria fuit illa vñctio ad sacramentum, quod ad minimum necesse est fateri, ergo oportuit subsequi sacramentum ipsum: alioqui frustra erat præparatio rei non subsequutura.

Sic præparatus fuit & baptisimus Christi per baptismum præcursoris Ioannis: & ipsa sacramentalis confessio per eundem sanctissimum Ioannem simili modo. Verum diaboli captivus Lutherus in libro de captivitate Babylonica, & eius sectatores insurgunt contra huius sacramenti, quo Ecclesia Dei vititur, veritatem: quibus etiam Caietanum fauisse vehemèter dolui, qui eorum rationes, quibus moti sunt ut hunc locum B. Iacobi non attinere ad sacramentum suaderent, tanquam vrgentes ac validas comprobavit. Aiunt enim primum:

Obiectio-  
nes contra  
sacramen-  
ti extrema  
vñctionis.

Sacramentum hoc institutum est pro ægrotantibus ad mortem: tunc enim confertur, quum iudicio medicorum desperata est salus ægroti: vnde etiam vñctio extrema appellatur. Iacobus autè non hoc observari mandat, sed ait solum: Siquis in vobis infirmatur, non autè: Siquis infirmatur ad mortem. Præterea, sacramentum per vnum presbyterum datur: hic verò plures presbyteri iubentur ad duci ut oleo vngant.

Tertiò, ponitur solus effectus salutis corporalis, cum quo non stat effectus proprius huius sacramenti, qui est mundare omnino à peccatis, ut hinc recedat anima à peccatis prorsus purgata, & continuo evolet in paradysum. Nam si sanatur homo corpore per eam vñctionem, non dabitur ei continuo in paradysum evolare: & ita erit effectus contra effectum. Quartò dicitur. Et oratio fidei sanabit infirmum: Non ergo sacramenti virtus. Denique ait: Quod si in peccatis fuerit infirmus, remittentur ei: ut conditionalis sit ista remissio peccatorum, & quasi accessoria, & non principalis. At, inquit Caietanus, sacramentum vñctionis directè, ut forma sonat, tendit ad remissionem peccatorum. Et præter hæc, quærenda esset ratio ponendi hoc sacramentum, ne videatur superfluum. Etenim ad remissionem peccatorum satis videtur esse pœnitentia, & Eucharistia, quæ venialia peccata absorbent.

Quoniam verò hæc rationes infirmis ac parum cautis aliquid negotij facere possent, à nobis sunt resoluendæ. Sed oportet lectorem scire, quod ab initio in primitiva illa ecclesia ad statuedam evangelij veritatem multa fiebant & contingebant etiam in sacramentorum collatione, quæ nunc non fiunt, neque contingunt. Eo nanque tempore manifestè per manuum impositionem presbyterorum sensibiliter veniebat Spiritus sanctus: quod nunc non videmus. Id autem quamobrem, nisi

quia necesse tunc erat ostendere signo admirando ac sensibili exterius, id quod invisibiliter Deus operabatur interius? Haud aliter factum fuit in hoc extremæ vñctionis sacramento, videlicet ut homines per sanationem corporis, quam Deus operabatur per orationem presbyterorum, facile crederent per eius sacramenti virtutem etiam restitui perfectam animæ sanitatem. Et ob eam causam Apostoli ab initio oleo vsi sunt vngentes infirmos, ut ad huius sacramenti fidem animos præpararent, restituendo corpoream sanitatem. Itaque ipsa corporis sanitas non est proprius & per se effectus huius sacramenti, sed per accidens, & subintellecta hac conditione, videlicet si placuerit Deo sanare. Porro de huius sacramenti vero effectû, mox dicitur.

Quod autem dicat Apostolus: *Infirmatur quis in vobis, & non adiciat, ad mortem: non debet quencquam mouere.* Non enim omnia explicitè erant declaranda, quæ assidue tradebantur per manus, & ipsa consuetudine atque vsu assiduo declarabantur. Etiam dici potest: In primitiva illa ecclesia, quia sanabantur frequenter in corpore, non expectabatur extremus ille infirmitatis articulus. At cum fundata est non indigens vltius iis miraculis ecclesia, suo tempori collatio huius sacramenti redita est. Vnde meritò vocata est extrema vñctio. Nonnulli tamen propterea vocari extremam vñctionem putant: quia illam præcedunt aliæ vñctiones aliorum sacramentorum, nempe baptismi & confirmationis. Mihi longè magis placet eam ob causam extremam dici vñctionem: quia quum laborat infirmus in extremis datur. Non tamen expectandum est momentum exhalationis animæ, in quo errore passim versantur Christiani ferè omnes, quibus confertur istud sacramentum semimortuis. At suscipiendum esset integris mente & sensibus. Nec propterea quia fortassis conualescat infirmus, & possit iterari, minus dici debet extrema vñctio: quoniam satis est iuxta medicorum sententiam, instans imminere mortis periculum.

Quod verò iubeat non vnum, sed plures adduci presbyteros ad infirmum, solennitatis est, non necessitatis. Nam & apud regulares id servatur, ut omnes interfint & orent. Et hic modus in primitiva ecclesia servabatur, cum nondum esset latè propagata. Nec prohibet vno vngente rectè dici etiam alios vnxisse qui interfuerunt, & responderunt, Amen, super vñctione. Et iam confessi sumus effectum huius sacramenti proprium non esse corporis sanationem, nisi id Deo ita volente expediat. Et licet hoc obtineat oratio fidei: attamen & ipsi sacramento attribuitur, cuius forma sunt preces presbyterorum.

Nec quia dicat conditionaliter: *Et si in peccatis fuerit, remittentur ei*, quicquam facit quo minus hic sit effectus principalis sacramenti, sed eo pacto quo statim declarabimus. Conditionis autem illius, quæ suapte natura inest, expressio nihil operatur. Certum est enim ei peccata remitti minime posse, qui in peccatis non fuerit. Quare friuola demonstratur esse cuncta, & calumniarum plena, quæ à novis magistris adducuntur.

Ad illud verò, superfluum esse hoc sacramentum: quia confessionis sacramentum, pœnitentiæ & Eu-



charistia valent ad remissionem peccatorum: Respondetur iuxta B. Thomae doctrinam, quae mihi semper placuit, principalem huius sacramenti effectum esse plenam ac perfectam liberationem ac sanitatem ab infirmitate quae semper est in homine, ut non perfecte sit habilis ad omnia bona opera. Vnde & ipsa caro suapte natura semper gerit malum suum in se: & inde mens debilitatur per carnem, & infirmatur. Ab hac autem debilitate & infirmitate, quae Deo odiosa est, non omnino liberatur homo per sacramentum poenitentiae, aut Eucharistiae, sed per hoc proprium sacramentum. Redditur enim homo mente & corpore expeditus ad ultimum pascha celebrandum, & ad emigrationem in patriam: cui si nihil grauioris debiti iam obstat à peccatis antiquis, quodcumque ad illam debilitatem attinet, per hoc sacramentum fit sanatum. Ad quod etiam fortassis proficiebat unctio, qua utebantur (teste B. Dionysio) Apostoli, ungentes corpora defunctorum: ut propterea corpora sic uncta oleo, quodam modo aptata essent ad resurrectionem. Quod ergo dixit B. Iacobus: *Et si in peccatis fuerit, remittentur ei*, loquitur de actualibus peccatis, quae etiam verè remittuntur si deuotè hoc sacramentum recipiatur, nec ullus ponatur obex: sicut & alia sacramenta hunc effectum operantur. Sed re vera non est proprius hic effectus sacramenti huius, sed ille ipse quem paulo ante diximus.

Est igitur verè hæc sacra unctio sacramentum: & rectè dicitur extremae unctionis: neque enim nisi laborantibus ad mortem dari debet, ut Cœcilium Florentinum docet. Porro eius materia est oleum benedictum: & eius minister, siue ministri legitimi, sacerdos aut sacerdotes: & eius forma precationes, iuxta ritum sanctae Romanae ecclesiae: quamquam aliqua ecclesia alia verba habeant, quae non sunt temerè respuenda. Satiùs tamen esset vnam esse formam omnium ecclesiarum, cum nullam videamus huius variationis vtilitatem. Est autem & hoc sacramentum reiterabile per accidens, si fortè sanetur infirmus: quoniam antiqua illa debilitas mentis manet manente corpore, & donec soluatùr omnino à corpore mortis huius.

*Confitemini ergo alterutrum peccata vestra*, &c. Græca lectio multo verior, non habet, *Ergo*, nec aptè quidem inseritur: quia hoc præceptum non rectè educitur ex superius dictis: sed alloquitur generaliter omnes, ut inuicè confiteantur peccata. Negat Caietanus & hæretici. hinc loqui B. Iacobum de sacramentali confessione, eò quod dicat, *Confitemini inuicè*. Non autem fit inuicem confessio sacramentalis: quia non omnes sunt sacerdotes. Loquitur ergo hic Apostolus (ait ille) de confessione illa qua mutuo cōfitemur nos esse peccatores: & de confessione mutua errorum pro mutua recōciliatione, & petimus orari pro nobis. Verum, meo iudicio, non est hic sensus illustris, nec dignus apostolico spiritu. Huiusmodi enim inuicem cōfessio, ut confiteamur in genere nos esse peccatores, superflua est. Nā vel nobis tacentibus res ipsa per se abundè clamat. De erratis verò nostris qui offendimus, non satis inuicem est cōfiteri. Nam sæpenumero requiritur & satisfactio, si vel fama læsa est, vel quouis modo persona. Nihil autem prohibet intelligi de confessione sacramentali id quod dixit, *alterutrum*,

seu inuicem: quoniam hoc intelligendum erat iuxta subiectam materiā, & seruatō ordine. In huiusmodi quippe generalibus sermonibus ita est aptanda intelligentia, ut nihil absurdi sequatur. Sic etiā poterat dicere: *Sacrificate pro inuicem*, ut ad eos qui sacrificandi potestatem habeat, aptetur sermo. Perfecto nimis friuola sunt eiusmodi commenta, & gratis meditata: non ferenda certè in his qui sentium ecclesiae iuuare, non aduersariōrum tenebantur. Quid enim periculi erat intelligere B. Iacobum loqui de sacramentali cōfessione, cum iam ipsa esset instituta à Christo, & iam cœpta esset obseruari, ut nemo (si velit esse Catholicus) debeat ambigere?

*Et orate pro inuicè, ut saluemini*. Bene dixit B. Ambrosius quodā in loco: Si pro te rogās tantum, pro te solus rogabis: si autem pro omnibus rogabis, omnes pro te rogabunt. Et ratio est, quia non meretur aliorum orationes pro se: & ideo solus inuenitur orare. Et cū Dominus duos vel tres cōuenire velit in nomine suo, & hos promittit se auditurū: planè consequitur eum qui solus orat, non audiri. *Multū enim valet deprecatō iusti assidua*. Si quis verè est iustus, non solummodo pro se orat, sed & pro aliis quoque deprecatur. Deprecatō enim propriè est quæ malum orat à se auerti. Iustus autē malum proximi ut suum proprium considerat, recognoscens cōmunebrum vnius & eiusdem corporis. Orationis autem commendatur assiduitas: quia maiestas Domini & beneficiorum largitas talem requirit.

*Elias homo erat similis*, &c. Animat ad orationem magno illius excellentis prophete Eliæ exēplo, qui rem magnam petiit orando bis, atq; obtinuit: primum ne plueret, secundò ut plueret. nota est historia. Et ne quis diceret: Magnus erat ille vir Elias, ideo obtinuit, cū quo nos minimè cōferendi sumus. Respondet, fuisse Eliam illum hominē, sicut nos sumus, & similibus (ut Græca vox *ὁμοιωπαθής*, sonat) afflictionibus obnoxii. Non tamē propterea voluit dicere, tantū habere momenti apud Deum cuiuslibet iusti orationē: sed ne ullus debeat se adeo demittere, ut desperet se posse pro suo gradu Deū exorare, cum petierit deuotè, & quæ sint opportuna: quoniam Dominus promisit omnibus iusta petentibus & iustis, se postulata esse omnino largiturū.

*Fratres mei, si quis errauerit ex vobis*, &c. Magnum sanè est hoc præceptū, & omni acceptione dignissimum, cum sit adeo honorabile, & tantam afferat vtilitatem, & merito. Sed nullus potest intelligere, nisi qui animæ humanæ dignitatē consideret. Hæc item nemo potest considerare, nisi qui cogitet pretij quo redempta est, excellentiam: hic est sanguis Christi. Magnum ergo & honorabile opus facit, qui aberratē à veritate animam ad veritatem, ne perdatùr, reduxerit. Vnde & meretur operiri sibi multitudinem peccatorū, quod charitati debetur. Reducit autem homo aberratē à veritate, illum maximè qui sanam doctrinam non retinet: & secundò qui etsi sanam retineat doctrinam, secundum illam tamen non ambulat, sed veritatem Dei in iniustitia detinet. Quisquis igitur præceptū hoc audit tanti Apostoli, accingatur, animetur, ut rem hanc magnam efficiat, ut ipse saluus fiat. Nec enim deest hodie materia, cum plenus sit mūdus hæresibus & scandalis: quæ multifariam in bonum vertuntur electis & iustis.



ARGVMENTVM IN PRIOREM EPI-  
STOLAM B. PETRI APOSTOLI.

**B**EATISSIMVS Apostolorum princeps Petrus, & peculiaris Circuncisorum Apostolus, exhortatorium scribit epistolam Iudæo-christianis per Asiam dispersis, vt eos in suscepta euāgelij veritate, & afflictionum tolerantia confirmet. Primum quidem gratias agit Patri, qui per Christum nos ad æternam fœlicitatem vocauit, modo redemptionis nostræ agnito pretio priores concupiscentias repudiemus, & instar puerorum purum euāgelij lac in omni simplicitate concupiscamus. Deinde dignitatem Christianorum ostendit, inter quos Deus verum & regale sacerdotium constituit. Propterea obsecrat vt moribus inculpatis apud Infideles vitæ cursum teneāt, omnibus honorem, & officia cuique debita reddentes: iniurias verò immeritò exemplo Christi patienter ferant. Viros ac mulieres sui officij pro conditione personæ commonefacit: & passim omnes, qui neminem prorsus rectè agendo timere debeant. Figuram baptismi in quo renouamur, arcam Noe proponit, ne vltius veteribus delictis, sed orationibus, & charitatis, maxime erga hospites, operibus vacare velint. Postremò hortatur in pastoralis statu existētes, vt gregi diligenter ac spontaneè provideant: quibus vult iuniores cum omni humilitate esse subditos. Quæ omnia vt præstare possint, ad sobrietatem atque vigilantiam eos animat, ad resistendum rugienti leoni Diabolo ad nostram perniciem semper vigilant. Epistolam Romæ (vt volunt) scriptam per Syllanum misit.

COMMENTARIA IN EANDEM EPI-  
STOLAM B. PETRI APOSTOLI.



**P**ETRVS Apostolus Iesu Christi, Electis aduenis dispersionis Ponti, Galatiæ, Cappadociæ, Asiæ, & Bithyniæ, secundum præsciētiam Dei Patris, in sanctificationem Spiritus, in obedientiam & asperisionem sanguinis Iesu Christi, Gratia vobis & pax multiplicetur.



**H**ÆC salutatio de more primò notam facit personam scribētis, vt auctoritatem ipsius ostendat, tum à nomine proprio, tum ab officio. Nomen enim proprium, *Petrus*, ab ipso Christo impositum, tanquam qui designatus erat caput & stabile fundamentum ecclesiæ, sic enim illi dictum fuit: Tu es Simon filius Iona: tu vocaberis Petrus. Et iterum iuxta nomen hoc sibi inditum, dictum est illi: Tu es Petrus, & super hanc petram ædificabo ecclesiam meam &c. Indicat etiam seipsum ab officio, *Apostolus Iesu Christi*, tanquam ab eo missus ad publicandum euāgelium. Hoc erat apostolatus officium, vt sæpius dixi. Et tanquā Apostolus circuncisionis specialiter scripsit ad eos qui erant Iudæi. B. Iacobus hoc meritò concessit B. Petro ad eosdem scribens, qui noluit se insinuare eorum Apostolum, cum tamca esset specialis eorum Episcopus.

*Electis aduenis, dispersionis.* Hic indicat personas ad quas scripsit, non ex proprio certo nomine, cum essent plurimæ, sed quibusdam notis indicantibus. Vocat enim primum aduenas Ponti, Galatiæ, &c. Iudæos ergo proculdubio intelligit, non autem vt quidam volunt, Gentiles profelytos: sed verè Iudæos, qui ex antiqua dispersione in locis illis habi-

tabant vt aduenæ, non vt ciues. Tales deberemus esse nos omnes animo & cogitatione, & vt aduenas & peregrinos in hoc mūdo nos æstimare: cum nō habeamus hic ciuitatem permanentem, sed futuram inquiramus. Qui si tales fuerimus, B. Petrus Papa & summus Pontifex & Apostolus Christi ad nos peculiariter scribit, & vocat electos.

Vt autem clariorem possimus intelligentiam consequi: attentè considerandum est vocem hanc, *Electus*, vno modo, & non vno modo sumi in scripturis. Dico vno modo generaliter. Electus enim is dicitur, qui ex pluribus, reiectis aliis, ad aliquid eligitur, id est, ad aliquā functionem, siue ad aliquē finem. Porro cum plures sint & diuersæ functiones, fines item varij ad quos aliqui eligi possunt: ob eam considerationem non vno modo (vt dixi) sumitur electio, sed diuerso & vario, pro diuersitate finium ac varietate. Hæc autem diuersitas vel ab ipsa materia, de qua est sermo declaratur: vel aliquo modo ex ipsis verbis. Primò igitur electi illi dicuntur, quos dicimus etiam prædestinatos. Et hi sunt eminenter electi: quoniam ad finem vltimū sunt præciti, hoc est, præ aliis dilecti & absoluta voluntate ad æternam gloriam ordinati. De his enim dicit Dominus: Vt in errorem, si fieri potest, inducātur etiam electi. Et iterum eodem loco: Sed propter electos breuiabuntur illi dies. Et B. Paulus ad Ephesios ait: Sicut elegit nos in ipso ante constitutionem mundi.

Verū interueniunt & aliæ Dei electiones, non tamē ad illum sublimem finem, nec pari modo: quamuis vniuersaliter ad illum finem tendant. Exempli gratia: Ipse Dominus dixit: Nonne vos duodecim elegi, & vnus vestrū Diabolus est? Hoc certè non intelligitur de superiore electione, videlicet ad æternam vitam, à qua impossibile est eum excidere, qui ad illam ea firma deliberatione electus fuerit. De electione igitur ad Apostolatū intelligēdus est ille sermo, quæ cōplectebatur etiā



Iudam prodirorem, qui iam diabolus erat effectus. Quantum igitur ad priorem electionem attinet, ut significaret exclusum esse Iudam, dixit aliquando: Non de omnibus vobis dico: scio enim quos elegi. Cum igitur hic vocet electos aduenas, cumque ad aliquid electos oporteat intelligere: in ea quidem sui sententia ut electos eos vocet, non qui dem primo electionis genere, cuius notitia est solius Dei, sed de electione ad audiendum euangelium Christi, quæ magni omnino erat facienda. Nam nedum omnes digni erant, sed contra multi indigni. Quapropter prohibebatur B. Paulus loqui verbum in Asia: & à Bithynia etiam amotus est ne ibi prædicaret. Electi autem fuerunt Thessalonicenses & Philippenses ad salutarem fidei auditum. Hæc ratione B. Paulus statim à principio epistolæ quæ ad eos scripsit, hanc electionem commemorat, dicens: Scientes fratres dilecti à Deo vestram electionem, &c. Non enim aliam electionem sciebant, nisi illam ad audiendum Dei sermonem: qua in re fuerunt priores multis aliis populis.

Ad rem igitur nostram redeunt, credimus B. Petrum de hac electione, quæ nota esse poterat, loquutum esse, non de illa quæ abscondita est. Non enim fit veri simile cunctos, ad quos loquebantur, fuisse prædestinatos. Ponti, Galatiæ, &c. Notæ sunt huiusmodi prouinciæ, & in eis B. Petrum prædicasse non est dubium, quod B. Hieronimus admonet. Istud attentius ponderandum, vehementerque deplorandum, ubi olim regnabat fides Redemptoris, nunc omnino exulare. Metuedum quippe est ne & Sol veritatis à nostris oris tandem recedat, quas hæresibus implet semen serpentis Diaboli vna parte: & ex altera flagitiorum & peccatorum omnium turpitudine & impunitate. Attamen cum Christus non absque habitatione quiescere possit, aliud cursum verteret radiorum, & inueniet mansionem suam, postquam sic illum ingrati, qui delectamur tenebris, à nobis expellimus. O miseris prorsus qui sine Iesu sunt, aut erunt: quoniam sine salute. O felices qui eliguntur denuo, & similes his electis Domino seruiunt.

*Secundum præscientiam Dei Patris.* Præscientia in scripturis in bonam partem accipitur. Idem est enim præscire, quod præ aliis diligere: ita ut electos eos vocet secundum præscientiam, non qui prius dilexerint, & mererentur: sed quia mera Dei dilectione segregati sunt, & præ aliis electi ad auditum euangelij. Et ut finem auditus intelligerent, ad quæ ordinabatur illa electio, subdit, *In sanctificatione spiritus.* Sanctificatio spiritus est illa prima iustificatio, quæ per fidem viuam purificat corda. Sic enim spiritu dicimur renasci: quia Spiritui sancto tribuitur viuificatio, quemadmodum & cuncta dona spiritualia. Vel sanctificationem spiritus intelligit: quoniam ipse spiritus noster est qui sanctificatur. Unde Dominus: Qui natus est ex Spiritu, spiritus est. Fit autem hæc sanctificatio per aquam. Sed abluti estis, inquit Apostolus, sed sanctificati estis, hoc est, à priore immunditia, quæ nos omnes tenebat infectos, absterfi per donum Spiritus animas vestras mundificantis. Et si quis insuper quærat finem huius nostræ sanctificationis ipse perspicue ostendit.

*In obedientiam & asperionem sanguinis Iesu Christi:*

Absq; illa sanctificatione priore nemo poterat obedire præcepto charitatis. Lex enim charitatis non erat in cordibus immundis. Postquam autem mundi facti sumus, & scripta lex est in cordibus nostris facile charitati obedimus: præsertim cum assidue illo aspergamur sanguine, ut quod reliquiarum est immunditiæ & peccati propter carnis concupiscentiam assiduam, etiam assidue ea purgetur & abiiciatur per hanc asperionem. Hanc & vidit post peccatum rex ille, quem prosperitas & otium ad scelus pertraxit, & illam implorabat, aicens: Asperges me Domine hyssopo, & mundabor. Hanc asperionem sub figura nobis representauit Moyses, cum accepit sanguinem hircorum & vitulorum, cum aqua & lana coccinea, & hyssopo: & asperxit populum, dicens: Hic sanguis testamenti, &c. Sic & nos habemus verum sanguinem noui testamenti, quo assidue emundamur ab effluentibus quotidianis nois culparum maculis.

*Gratia vobis & pax multiplicetur.* Hæc est saluatio, qua explicatur desiderium plenioris gratiæ. Gratia enim tametsi qualitas sit quædam supernaturalis, potest tamen intendi, ac remitti. Gratia enim appellatione frequentissime donum illud intelligitur, de quo disputant Scholastici, an sit idem quod charitas. Quod mihi quidem longè probabilius esse videtur, ut aliàs dixi. Similiter pacem illis optat multiplicari, id est, augeri ac perfici, quæ sequitur ad charitatem, & est fructus ipsius spiritus. Pace enim comparata quiescit anima sponsa, & ait: Inueni quem diligit anima mea: tenui eum, nec dimittam. Hæc est pax quæ exuperat omnem sensum, & quæ mundus dare non potest. Sed qui accipiunt, sciunt, & certi sunt: licet quidam incertitudinem gratiæ beatificent, ut noua nobis beatitudo prædicetur, & hoc nobis lucrum apponant, & addat super euangelium. Dominus Deus ostendat eis seipsum, ut certi sint, & in seipsis experiantur quod negant.

Benedictus Deus, & pater Domini nostri Iesu Christi, qui secundum misericordiam suam magnam regenerauit nos in spem viuam, per resurrectionem Iesu Christi ex mortuis, in hereditatem incorruptibilem, & incontaminatam, & immarcescibilem conseruatam in cælis in vobis, qui in virtute Dei custodimini per fidem in salutem, paratam reuelari in tempore nouissimo: in quo exultabitis, modicum nunc, si oportet, contristari in variis tentationibus: ut probatio vestræ fidei multò pretiosior auro (quod per ignem probatur) inueniatur in laudem & gloriam & honorem in reuelatione Iesu Christi, quem cum non videritis, diligitis: in quem nunc quoque non videntes creditis: credentes autem exultatis lætitia inenarrabili & glorificata, reportantes finem fidei vestræ, salutem animarum vestrarum.

*Benedictus Deus.* Hic incipit epistola. Hæc vox, *Benedictus*, cum in Deum dirigitur, vox est laudis,



& gratiarum actionis. Vocat autem illum Deum & patrem Domini nostri Iesu Christi. Etsi enim sit pater omnium, & Deus omnium: insigniter tamen atque eminenter & singulariter est Deus, & est pater Iesu Christi. Deus quidem illius propter eminentem spiritus gratiam, quam ei absque mensura donauit: pater autem propter gratiam ineffabilis vnionis naturarum in aeterna hypostasi soli Christo datam. Quare distinctè Dominus, vt & elegantissimè B. Augustinus aduertit, dixit: Ascendo ad patrem meum, & patrem vestrum: Deum meum, & Deum vestrum, ac si expressè dixisset: patrem meum & Deum meum, non eo modo quo est pater vester: sed primò ac maximè & singulariter meus est Deus & pater: vester autè propter me, qui in sititij estis & incorporati in me.

*Qui secundum misericordiam suam magnam, &c.* Sūt multæ Domini misericordiæ, sed illa ante omnes est magna, qua nos transfert à morte ad vitam: illam implorabat qui clamabat: Miserere mei Deus secundum magnam misericordiam tuam, ideo ait: *Regenerauit nos*, id est, iterum generauit generatione spiritali. Primò enim genuit nos in Adam, qui & ipse in Christo genitus fuit. Sed cum in eo mortui essemus propter peccatum, oportuit nos transferri in Christum, & in illo iterum generari per aquam, in quo beneficio summa Dei relucet erga nos misericordia. Regeneratio autem ista est, *in spe viuam*: quoniam nondum re ipsa obtemus filiorum hereditatem: siquidem nec ipse Adam in statu incorrupto positus, illam obtinebat. Quantum igitur ad spem attinet, in eandem reuiximus, & ad hoc regenerati sumus, vt eam teneamus vsque in finem. Dicit autem spem viuam, quam scilicet bona opera comitantur. Aliàs qui peccator est, & in peccatis sordescere non desistit, quid sperare potest, nisi aeternam mortem, nedum vitam beatam? Spes enim quam scriptura commendat, in sanctis ipsius charitatis operibus, & obedientia mandatorum innitur.

*Per resurrectionem Iesu Christi.* Hanc spem nobis illius resurrectio, quæ fuit in nouam vitam, obtinuit. Si enim non resurrexit Christus, ait B. Paulus, inanis est fides nostra. Surrexit igitur Christus & viuit, qui mortuus est propter delicta nostra, & resurrexit propter iustificationem nostram. Et hoc voluit docere B. Petrus dum ait, *in spem viuam*, scilicet vt iustificati interim operemur, sperantes nos tandem perfici in patria, qui nunc peregrinamur in via, *In hereditatem incorruptibilem, &c.* Illa aeterna hereditas his tribus decoratur prærogatiuis: Primò, n. est incorruptibilis, vt quæ nunquā amitteretur. Tum est incontaminata: quia nihil habet admixtum mali, aut artis alieni. Terriò est & immarcescibilis: quādoquidē nullo situ, aut carie, seu arugine vllam vnquam contrahet spurcitiam, aut putredinem. *Conseruatam in caelis*, id est, tantisper absconditam, seruata tamen, *in vobis*, aut potius erga vos, id est paratam pro vobis, *Qui in virtute Dei custodimini per fidem*. Vt nemo potest sua virtute renasci, ita nemo sua virtute se renatū cōseruare potest. Ipsa Dei virtus est quæ vos, licet non sine vobis, conseruat per fidē illam quæ viuens operatur per charitatem. Custodimini ergo vos in hac spe per fidē ad acquisitionem salutis perfectæ. Hoc est quod subiunxit:

*In salutem paratam reuelari in tempore nouissimo*, quando adueniet Dominus. Interim tamen quilibet qui ex hac vita decedit in Domino, gustat eam secundum spiritum, non secundū corpus, ideo non est perfecta felicitas: *In quo exultatis modicum nunc si oportet contristari in variis tērationibus*. Audi hæretice qui omnia super ipsū Christū imponis onera: & non vides etiam in Christo innocentes oportere contristari, hoc est, affligi & participes esse crucis, & variarum tentationum, licet momentanearum, si volumus esse gaudij cum illo sempiterni & exultationis participes. Hæc est lex Redemptoris, quā claris verbis tulit: Et ego dispono vobis, sicut disposuit mihi pater meus regnum, &c.

Luc. 22.

*Vt probatio vestre fidei multo pretiosior auro* (quod per ignem probatur) inueniatur in laudem, & gloriam, & honorem in reuelatione Iesu Christi. Auro quod per ignem probatur, comparatur fides nostra, si fuerit similiter examinata & explorata per ignem. Auro autem aptissimè comparatur: quia hoc genus metalli ceteris est pretiosius. Verum cum minimè ignoretur quā longa esset inter fidem probatam, & aurum probatum distantia, addit: *multo pretiosior auro*. Aurum enim vilis est creatura, & rubra quædam terra, sola hominum æstimatione ac lege pretio æstimatum. At fides spirituale metallum est cui nihil eorum quæ videntur comparari possit. Quamobrem de re incomparabili nihil amplius est dicendum. Sensus est ergo, Ad eum finem à Domino Deo patre clementissimo permitti afflictiones in seruos suos insurgere, vt probetur eorum fides, vt probata reddatur promptior, & illustrior inueniatur in laudem, & honorem, & gloriam in aduentu Dei. Quo tempore qui resisterint, & superauerint, & victores euaserint aduersus diabolū, mundum, & carnem, mirificè commendabuntur & laudabuntur ab ipso Deo, & Angelis eius, & honorificabuntur, & erunt vera gloria conspicui, quæ erit à Deo, & à cunctis dilectoribus veritatis. Ita patrem facturum pollicitus est Dominus viro huiusmodi, vbi ait: Honorificabit eum pater meus, qui in cælis est.

Ioan. 12.

Videre licet inter Christianos numerosam quorundam socordiam hominum turbam, qui regnū cælorum lucrari vellent in croceis & deliciis, & sine vlllo prorsus certamine ac pugna more ignauiorum atque effeminatorum militum. Sed reuera nō tam pulchrū esset, neque eousque optabile, quā dū illud nostra aliqua virtute meremur, vt rectè docet B. Thomas: & ipsa summa Dei Providentia sapientissimè disposuit. Nam & propter passionem, & mortis toleratū supplicium, Redemptor noster & dux præstantissimus Christus gloriosior redditus est & honoratior, qui sua virtute & prælio, vt sæpe testatur Apostolus, aperuit sibi cælum. Neque verò si & nos aliqua nostra virtute obtineamus coronam, propterea (vt noui illusores calumniantur) extenuatur gloria Christi: quin sublimior potius & magnificentior prædicatur. Nos enim verè & ingenuè confitemur omnem nostram virtutem, quæ hostes tam infensos superamus, mūdum, carnem, diabolū, ab illo esse.

*Quem cum non videritis, oculo corporis, diligitis, dilectione à Deo donata. In quem nunc quoque non videtis creditis.* Christum ipsi quidem non viderāt,



utpote qui ab oculis mortalium iam sese in cælum recepissent: credebant, tamen in eum, in quem suæ fiduciæ spem certam proiciebant. *Credentes autem exultatis lætitia inenarrabili, & glorificata.* Audiant hæc verba quicumque certitudinem gratiæ inficiantur, quo nimirum pacto cum incertitudine queat hanc exultationem, & inenarrabilem & glorificatam lætitiā coniungere, quam profecto, ut verè ait Caietanus, nemo nouit nisi qui accipit. Vocat autem meritò glorificatam lætitiā: quoniam artha quædam est, & inchoatio gloriæ, præcipuè in perfectis. *Reportantes fructum fidei vestræ, salutem animarum vestrarum.* Hic est eximius & integer fructus,

Mat. 16. alioqui quid prodest homini si vniuersum mundum lucretur, animæ verò suæ detrimentum patiatur? Egregiè autem dicit fructum fidei: quia fides est radix omnium bonorum operum ex quibus meremur præmium. Sine fide enim impossibile est placere Deo. Ipsa est ianua per quam ingredimur in vineam ad laborandum, & tum ad præcipiendum præmium.

De qua salute exquisierunt atque scrutati sunt prophætæ, qui de futura in vobis gratia prophetauerunt, scrutantes in quod, vel quale tempus significaret in eis Spiritus Christi, prænuntians eas, quæ in Christo sunt, passionibus, & posteriores glorias: quibus reuelatum est quòd non sibi metipsis, vobis autem ministrabāt ea, quæ nunc nuntiata sunt vobis per eos qui euangelizauerunt vobis, Spiritu sancto misso de cælo: in quæ desiderant Angeli prospicere.

De qua salute exquisierunt, &c. Sensus satis clarus est. In omnibus prophetis annuntiatus apparet quidam salutis dies per Messiam, qui erat promissus in lege: sed ipsi prophætæ, utpote proprio spiritu coniectantes, expectabant suis oculis illum videre. Vnde Dominus: Multi reges & prophætæ voluerunt videre quæ vos videtis, & non viderunt: & per illum promissam gratiam & salutem, præcedentibus tamen prius passionibus & victoriis, per quas triumpho gloriose venirent. Et cū scrutarentur, & à Spiritu postularent, in quod & quale tempus hæc inciderent, reuelatione acceperunt quomodo non sibi ipsis ea ministrabant, sed posteris. Per euangelicam quippe & apostolicam prædicationem per Spiritum de cælo missum instructam hæc mysteria patefieri debebant. *In quæ (sic legitur in quibusdam latinis codicibus) desiderant Angeli prospicere.* Et de Spiritu sancto videtur esse sermo, in quem prospicere, dici possint Angeli desiderare. Verùm Græcè emendatius, in quæ, legimus, non, in quem, ut afflictiones & glorias quæ per euangelium veniunt significaret. Nam & Angelis facti sunt spectaculum athletæ Christi quum decertabant, & diaboli munitiones expugnabant, ut B. Paulus testatur: Spectaculū facti sumus Deo, & Angelis, & hominibus.

Propter quòd succincti lumbos mētis vestræ, sobrii perfecte sperate in eā, quæ offertur vobis, gratiam in reuelatione Ie-

su Christi, quasi filij obedientiæ: non con-figurati prioribus ignorantia vestra desideris, sed secundū eum qui vocauit vos, sanctum: ut & ipsi in omni conuersatione sancti sitis. Quoniam scriptum est: Sancti eritis, quoniam ego sanctus sum. Et si patrem inuocatis eum, qui sine acceptione personarum iudicat secundum vniuscuiusque opus: in timore, incolatus vestri tempore, conuersamini.

Postquam præmisit futuram gloriam, quæ cum non veniat absque certamine, ad ipsum certamen vehementer hortatur, & ait, *Propter quòd succincti lumbos mētis vestræ.* Ut corpus, sic etiam animus & mēs lumbos suos habet, in quibus naturalis concupiscentia intelligitur, quæ studet, nisi vinciat, place re carni. Itaque concupiscentia hæc debet quasi cingulo quodam arcto præcingi atque coerceri. Cingulum verò iustitia est, & veritas fidei, quæ prohibet ne vllus prodeat à mente consensus aduersus legem Dei. Hæc sunt arma nostra, nimirum iustitia & fides, quibus succingimus lumbos, & sobrii atque temperati sumus, respectu eorum quæ sunt carnis.

*Sobrii (inquit) perfecte sperate:* Contra vanam eorum spem qui libidinibus fræna laxantes, virtutum tamen præmia sperare audent. In quorum ore semper obambulat ad dissimulanda peccata iste sermo: Christus super se, aiunt, posuit omnia crimina nostra. *In eam quæ offertur vobis gratiam.* Si à Deo offertur, credibile est ut omnino illam dare velit. Offert autem etiam non prædestinatis: at nunquid eo animo, ut minimè illam dare velit, sed eos potius illudere? Id vel cogitare horrendum est, quòd tamen asseuerat quidam, sed parum piè ac sobriè.

*Quasi filij obedientiæ,* Hebraica phrasis est. Qui enim obedit patri, filius obedientiæ vocatur, quasi per obedientiam suam ius paternæ hæreditatis acquirens. *Non configurati prioribus ignorantia vestra desideris, &c.* Id est, tales qui nō reteratis eos qui paulò antè eratis, cum tenebamini desideris vestra ignorantia: sed quasi alios, qui aliam consequuti estis effigiem, secundum eum, qui vocauit vos, sanctum: Hic est Christus & verè sanctus, quem Pater singulariter sanctificauit.

*Ut & ipsi in omni conuersatione sancti sitis. Quoniam scriptum est: Sancti eritis, quoniam ego sanctus sum.* Hæc ergo sunt Christi verba, & ad hoc ipse sanctificatus est, ut & nos per illum sanctificaremur ad eius imaginem transformati. Portauimus antè imaginem terrestri, portemus & nunc imaginem cœlestis: & liberati ab inimicis nostris, seruamus illi absque timore, in sanctitate & iustitia coram ipso omnibus diebus nostris.

*Et si patrem inuocatis qui sine acceptione personarum iudicat, &c.* Magna est profecto vis in hac hortatione: & sensus clarus est. Si enim, inquit, inuocatis Deum sub hoc nomine, Pater, ut nos Dominica oratio instruit: & ipse iudicat sine acceptione personarum secundū vniuscuiusque opus: Opera enim sunt quibus redditur aut merces, aut supplicium, & ipse hac in re nemini parcit, nec considerat Iudæus ne sit, an Gentilis, cū, inquam, ita sese veritas



habeat, debetis in timore conuersari hoc incolatus vestri tempore, hoc est, dum estis aduenæ & peregrini in hoc mundo. Hic timor à Dei amore descendens, & quem ipse à nobis exigit, primum Dei respicit offensam, quam super omnia odit: & ob eam causam super omnia metuit ne in illam incurrat. Hic proprius est amor non serui, sed liberi & filij. Filius igitur qui patris timet offensam, time- re etiam recta ratione debet quæcunque ex offensa consequi possunt: qualia sunt in primis ipsa hæreditatis priuatio, & gehennæ supplicium. Quocirca maximo cum timore debemus cōuersari in hoc tempore, & ea circumspectione salutem nostram operari, quam nobis saluberrimè B. Paulus præscripsit: Cum timore, inquit, & tremore salutem vestram operamini.

Philip. 2.

Scientes quòd nō corruptibilibus auro, vel argento redempti estis de vana vestra conuersatione paternæ traditionis: sed pretioso sanguine quasi agni immaculati Christi, & incontaminati: præcogniti quidem ante mundi constitutionē, manifestati autem nouissimis temporibus propter vos, qui per ipsum fideles estis in Deo, qui suscitauit eum à mortuis, & dedit ei gloriam, vt fides vestra & spes esset in Deo. Animas vestras castificantes in obedientia charitatis, in fraternitatis amore, simplici ex corde inuicem diligite attentius, renati non ex semine corruptibili, sed incorruptibili per verbū Dei viui & permanentis in æternum. Quia omnis caro vt fœnum: & omnis gloria eius tanquam flos fœni. Exaruit fœnum, & flos eius decidit. Verbum autem Domini manet in æternum. Hoc est autem verbum quod euangelizatū est in vobis.

Scientes quòd non corruptibilibus, &c. Maiorem adhuc adhortationi vim addit. Nam beneficiū quod accipimus, vt eius magnitudo, aut paruitas perno- scatur à tribus solet considerari: Primum quidem est ipsum donum, vtrum pretiosum sit, an vile. Secundum donantis, præ illo qui recipit, excellēs dignitas. Siquidem vel exile donum autoritate ac dignitate personæ donantis magnum æstimari ac pretiosum debet. Tertium quod excellit cuncta, est animus promptus & affectio donantis: quæ tū demum verè pater, quando magno suo cum incō- modo donat. Et istud exprimere voluit hoc in loco Apostolorum Princeps. Non corruptibilibus, &c. Vbi doni primum exponitur magnitudo, quæ fuit Iudæis abstrahi à vana conuersatione paternarum traditionū, quæ consistebant in ceremoniis partim inutilibus, quæ erant legis Moseos neminē ad perfectum adducētis: partim verò in illis noxiis quas ipsi addebant, & Dominus reprehēdit: aut enim erant cōtra legem Dei, aut errores quosdā omnino corrigendos continebant. Igitur ab illa vana conuersatione esse ereptos, & ad veram filiorum Dei adoptionem per euāgelium euectos, & hoc à Deo vero & viuo, maximum est beneficium, vt cogita-

Matth. 15.

ri maius non possit. Porro quod condiuit cuncta & sapidissima fecit, illud est, hanc nimirum redemptionem, & noui status tam digni constitutionem non esse factam medio auro & argento, quæ corruptibilia sunt. Quonam igitur modo? Audi & gratus esto audiens, & tantum donum assidue meditare.

Sed pretioso, inquit, sanguine quasi agni immaculati, &c. Quomodo addidit, Quasi, cum nos apertissime catamus: Ipse enim verus est agnus? Peruia est & facilis ista solutio. Si secundum carnalem sensum accipimus agnum: verè nullus eousque reperietur stolidus, qui nesciat Dominum ipsum non fuisse agnum, sed verum hominem. Dicitur tamen quasi agnus, propter agni proprietates, quæ sunt innocētia & mansuetudo. Nihil enim innocentius agno, & nihil mansuetius. Talis extitit inter homines Redemptor noster. Et eiusmodi considerationē hīc B. Petrus ait, Quasi agni. Idem longè ante Isaias prædixit: Quasi agnus coram tondente se obmutescet. Et Ieremias: Ego quasi agnus māsuetus qui portatur ad victimam. Si autem spiritualem sensum recipimus: Christus dicitur verus agnus tespe- ctu veteris figuræ, quæ in agno illo paschali consideratur, & agnum nostrum repræsentabat verus agnus. Vnde B. Ioannes Baptista: Ecce agnus Dei, ecce qui tollit peccatum mundi. Meritò igitur agnum immaculatum vocat, id est, nulla omnino peccati proprii macula aspersum. Nam & illa vetus figura debuit talis esse, videlicet agnus anniculus, & sine macula. Vocat & incontaminatum, vt quem nulla veteris Adæ labe attigit, sicut nos alios omnes, excepta vna illa Virgine Matte Dei semper immaculata, quæ in ipso continebatur, qui erant vnum os & vna caro, pro dignitate tamen eiusque, & gradu. Et nihilominus propter illam habes sapius in scripturis præceptum oblationis duorum agnorum. Vide si placet Exo. 26. & Num. 28.

Isa. 53.

Ierem. 11.

Ioan. 1.

Præcogniti quidem ante mundi constitutionem. Hanc præcognitionem ego prædilectionem intelligo. Ipse enim fuit ille Filius vnice dilectus, in quo tibi Deus Pater tam bene complacuit, vt omnes quicunque dilecti sunt, in illo, & per illum, & propter illum sint dilecti. Ille ergo in mente Dei occurrit (vt ita dicam) primus.

De prædilectione Christi.

Ante mundi constitutionem, hoc est, antequam iste mundus, reliqua scilicet eorum pars qui adoptandi erant, ordinarentur. Nam nedum post ipsum, sed per ipsum, & in ipso fuerunt ordinati: quemadmodum iam à nobis declaratum est in illa quæ ad Ephe. 1. cap. & adhuc vberius in opusculis De eximia prædestinatione Christi. Manifestati autem in nouissimis temporibus propter vos. Quare potius dixit propter vos, quàm propter nos? Nonne & propter ipsum Petrum, & Apostolos manifestatus est Christus? Cui dubium? Itaque non dixit de se & sui similibus, cum esset res clara satis: sed dixit propter vos, vt se non exclusos esse à salute intelligerent. Hoc idem declarauit B. Paulus, dicens: In quo & vos cum audissetis verbum veritatis, &c. Propter vos qui per ipsum fideles estis in Deo. Per ipsum Christum fideles sunt, quicunque sunt. Nam de illius spiritu accipimus: & ita sumus in Deo, id est, continemur in illo. Qui enim in Christo est, etiam in Deo est, qui suscitauit illū à mortuis, & se-

Eph. 1.



cit gloriosum. *Vt & fides vestra & spes esset in Deo.* Hic fructus resurrectionis eius in nobis: quia ex fide cognoscentes illum vt Caput nostrum à Deo suscitatu, speramus certò & nos, vt eius membra, iri suscitatos ad gloriam sempiternam, salua semper debita proportionem capitis ad sua membra, quam nobis B. Paulus tractans resurrectionis mysterium in epistola ad Corinth. per uia omnibus similitudine declarauit, aiens: Alia claritas Solis: alia claritas Lunæ: & alia claritas stellarum. Stella enim à stella in claritate differt: sic erit & resurrectio mortuorum. Redemptor noster, vt B. Gregorius docet, mortem suscepit, ne mori timeremus. Ostendit resurrectionem, vt nos posse resurgere confidamus. Et hanc spei fiduciam habemus per illum in Deo repositam.

*Animas vestras castificantes, &c.* Græca lectio aliter habet, veluti si eorum statum declarans, dixisset: Qui castificastis animas vestras in obedientiam veritatis per spiritum. Etenim anima non castificata spiritu, id est, non munda per fidem infusam à spiritu, & consequenter à terrenis affectionibus perturbata, non potest ambulare secundum veritatem fidei: quæ veritas tota resoluitur in amorem fratemitatis. Omnes enim in Christo fratres sumus, & ipse hoc summum & vnum præcepit nobis, vt diligamus fratrem, sicut ipse dilexit nos, qui & vitam dedit pro nobis. Hic amor debet esse simplex, vt non propter te ames fratrem, sed propter Deum. Quapropter admonet vt ex corde diligant, non solum verbo & lingua. Et item attentius: quia qui hoc perficit, legem totam impleuit. Qui enim fratrem propter Deum amat, præcipue Deum qui ita præcipit, amat.

*Renati non ex semine corruptibili.* Per hanc dilectionem fratris nostram regenerationem conseruamus: alioqui non diligens fratrem, manet in morte, quemadmodum testatur Dilectus. Hic ostendit qualis sit nostra regeneratio, & natiuitas noua in Christo. Quale autem quidque sit, ab eius origine agnoscitur. Cum ergo semen vnde tales sumus, sit semen incorruptibile, scilicet verbum Dei, etiam ipse fructus erit incorruptibilis, & permanens in æternum. *Quia omnis caro fœnum.* Vocat carnem ipsum hominem, vt est animal, & species quædam animalis. Hic igitur homo fœnum est & corruptibile & marcescibile, & interim cibus bestiarum, id est, immundorum spirituum, donec caro est. Verum cum nimium videretur, hominem absolute fœno comparari: quoniam multi visi sunt in hoc mundo magni & gloriosi ob scientiâ, ob fortitudinem & potentiam regnantes, & orbi dominantes, adiunxit: *Et omnis gloria eius tanquam flos fœni.* Fœnum cum succiditur, exarefcit, & flos ille continuo decidit: & verè ita est. Quàm copiosus ex his verbis sermo homini vel infacundo facile suggereretur ad ponendam ante omnium oculos vanitatem, & hominum quorundam amentiam, qui tanta cupiditate ad opes & honores flagrant, quæ tamen tanta velocitate flaccescunt. Quid ergo, ne pereamus, faciendum, nisi vt maneamus in semine quod est verbum Dei, quod manet in æternum? Nam vt ipsum cœleste est, & tamè factum est caro: ita & nos qui caro sumus in eo manentes, ex eo quasi ex semine cœlesti euademus cœlestes.

## CAP. II.

**E**spondentes igitur omnem malitiam, & omnem dolum, & simulationes & inuidias, & omnes detractiones: sicut modo geniti infantes rationabile & sine dolo laccōcupiscite, vt in eo crescatis in salutem: si tamen gustastis quoniam dulcis est Dominus. Ad quem accedentes lapidem viuum, ab hominibus quidem reprobatur, à Deo autem electum & honorificatum: & ipsi tanquam lapides viuī superædificamini domus spiritualis, sacerdotium sanctum, offerentes spirituales hostias, acceptabiles Deo per Iesum Christum. Propter quod continet scriptura: Ecce pono in Sion lapidem summum angularem, electum, pretiosum: & qui crediderit in eum, non confundetur. Vobis igitur honor credentibus, non credentibus autem, lapis quem reprobauerunt ædificantes, hic factus est in caput anguli: & lapis offensionis, & petra scandali his qui offendunt verbo, nec credunt in quo & positi sunt. Vos autem genus electum, regale sacerdotium, gens sancta, populus acquisitionis, vt virtutes annuntietis eius qui de tenebris vos vocauit in admirabile lumen suū. Qui aliquando non populus Dei, nunc autem populus Dei: Qui non consequuti misericordiâ: nunc autem misericordiam consequuti.

**D**eponentes igitur omnem malitiâ, &c. id est, postquam malitiam deposuistis: iam enim eos dixerat castificatos corde. Sed quoniam qui recentes renati sunt, adhuc sunt imperfecti, & de veteri fermento non nihil retinent, optima ratione illos hortatur vt renouati, iterum atque iterum & assidue renouentur de die in diem, deponendo, *Omnem malitiam*, aut potius nequitiam: quæ significat oriositatem ac tædium, & fastidium operis. *Et omnem dolum*, quo frater decipitur, qui comitem habet simulationem. *Et omnes inuidias.* Ponit plures inuidias: quia plura sunt bona, & temporalia, & spiritualia, quæ respicit qui inuidus est. Non est autem nisi merè stulta ea inuidia, quæ fertur in aliquē propter bona temporalia, cum non sint verè bona. Propter spiritualia autem inuidere, diabolicum est, neque caret perfidia. Si enim verè Sanctorum crederemus communionem, nulla profecto nos caperet inuidia propter ea bona, quorum participes sumus. Cum autem ab inuidiæ fonte detractiones oriantur, ideo addit: *Et omnes detractiones.* De cuius peccati gravitate sæpenumero diximus.

*Sicut modo geniti infantes, rationabile & sine dolo laccōcupiscite.* Habet enim se vita hominis spiritualis ad modū vitæ carnalis. Vtraque indiget nutritione, nec tamè omnis cibus cuiuslibet ætati conuenit. Est enim primus cibus hominū lac: vt cum creue-

1. Cor. 15.

De simplicitate amoris.

Quàm stulta sit inuidia.



rit ætas, dentesque & fauces ad manducandum solidiorem cibum idoneæ factæ fuerint, tunc abla-  
ctetur, & cibus solidior offeratur. Duo igitur cum  
sint vitæ Christianæ cibi: vnus quidē mollis & dul-  
cis, veluti lac: alter verò solidus & amarior, vt sit  
opus dentibus fortioribus. Primus est recenter na-  
tis offerendus, qui consistit in meditatione eorum  
bonorum & quæ in hac via recipimus, & quæ spe-  
ramus in futura. Quo cibo si assidue nutrimur, cre-  
scimus, & efficitur ad alium cibum fortiorem i-  
donei, qui recoditus est in afflictione crucis. & fla-  
gellorum, quæ ij qui perfecti sunt, cupiunt amore  
Dei sufferre, vt fiant similes Verbo Dei: & cum ac-  
cipiunt, interius gaudent. Et si enim homo ille qui  
foris est ingemiscat (non enim aliud potest) qui ta-  
men interior homo est, impingatur & gaudet.  
Lac igitur illud concupiscere non aliud est, quàm  
ex imperfecto ad perfectum tendere, & crescere  
in salutem, id est, ad finem salutis perfectæ, vt fiat  
perfecta ablaclatio.

*Si tamen gustastis quoniam dulcis est Dominus*, id est:  
Si modo lac ipsum vobis placuit, in quo gustatur  
Domini dulcedo & benignitas. Græcè legitur, *si-  
quidem*, quasi hoc affirmetur, videlicet placuisse.  
*Ad quem accedentes lapidem viuum*. Alia metaphora  
eorum dignitatem declarat, per hanc accessionem  
ad euangelium, quæ fit per fidem. Supponit enim  
Christum esse petram, & lapidem viuum (nam sic  
plerumque vocatur in scripturis) & lapidem angu-  
larem, super quem veluti super fundamentum om-  
nes hærentes illi superædificantur: vt fiat ex eis si-  
mul charitatis glutino coniunctis, tãquam domus  
quædam, sed spiritualis. Spiritu quippe compagi-  
natur, & surgit habitatio Dei congrua, qui Spi-  
ritus est. Ille autem lapis vnus, & primarius, & angu-  
latis, vt pote in quem duo populi inclinant, vt in  
angulum, duæ lineæ.

*Ab hominibus quidem reprobatur, à Deo autem ele-  
ctum, &c.* Fuit quidem reprobatus ab hominibus,  
nimirum à Iudæis: sed electus à Deo etiam post il-  
lorum reprobationem. Imò propter eorum reproba-  
tionem electus, vt sederet super omnes Virtutes  
& Potestates ad dexteram Patris, & fieret Sacer-  
dos in æternū. Nec enim debuit hæc noua domus  
carere sacerdotio sancto. Et ita fuit ille honorifica-  
tus, vt quicumque lapides viui per fidem super il-  
lum ædificetur, etiam fiant sacerdotium sanctum:  
*Offerentes spirituales hostias*, hoc est, semetipsos in spi-  
ritu. *Acceptabiles Deo*, non ex se ipsis acceptabiles  
quasi ex se, sed per Iesum Christum Redemptorem  
nostrum.

*Defenditur* Hic insultant hæretici contra sacrificium sacro-  
*aduersus* sanctæ Eucharistiæ, volentes ita quemlibet esse ho-  
*hæreticos sa-* stiam Deo & acceptabilem per illam solam Chri-  
*cificium* sti cruentam oblationem, vt quælibet alia oblatio  
*noui testam-* altaris superuacanea sit. Fuit, aiunt, altare vnum sa-  
*menti.* tis, videlicet ipsa crux in qua immolatus est Domi-  
nus. Sed ignorât miseri, nullam nostram hostiam  
esse acceptabilem Deo, nisi per illam Iesu Christi  
cruentam commendaretur. Nec considerare vo-  
lunt, quomodo illa cruenta non cessauit, sed assi-  
duè præsentatur in conspectu Dei in altari per sa-  
cerdotes, licet non cruentè, sine cuius memoria ac  
repræsentatione (sic enim ordinauit Deus) non au-  
ferrentur peccata, quæ in nouo testamento iugiter

admittuntur. Verùm hac de re & proprio tracta-  
tu, & in epist. ad Hebr. satis scripsimus.

*Propter quod continet scriptura: Ecce pono in Sion lapi-  
dem, &c.* Prophetam citat ipsius sermoni attestan-  
tem, Christum esse lapidem viuum, in quo ceteri  
ædificantur. Græca tamen lectio sic exprimit. *Qua-  
propter & continet in scriptura*. Sensus est huiusmodi:  
Hic lapis cum sit lapis electus & honorificatus, in  
ipsa scriptura continet, siue amplectitur & excel-  
lit. Vox enim Græca, *περιελα*, hoc totum significat,  
continere scilicet & amplecti, & excellere ceteros  
omnes lapides: quos omnes ad se trahit, & conti-  
net. Ait Isaias: Ecce ego mittam in fundamentis  
Sion lapidem, & lapidem probatum, angularem,  
pretiosum, in fundamēto fundatum. *Qui credide-  
rit*, non festinet. Sic enim ibi legimus, Vocat ergo  
illum lapidem non qualecunque, sed lapidem in  
fundamentis Sion, id est, inter fundamēta domus  
& arcis Dei, quæ dicitur Sion: quasi expressè dixe-  
rit vnum inter alios, qui sit summus & primus la-  
pis, fuisse probatum: quia certauit & vicit. Angula-  
rē verò: quia illi duo parietes Iudæi fideles, & Gen-  
tiles adhæserunt incumbentes in eum. Pretiosum  
verò, & sui dignitate & meritissima æstimatione  
Patris fam. quia in illo sibi complacuit. Quod au-  
tem ait: In fundamēto fundatum, eius diuinitatem  
arbitror & personam significari, quæ erat Deus &  
Verbum Dei, super quod omnia condita fundan-  
tur ac sustentantur. Et illa primum humanitas dei-  
cata, per vnionem illam ineffabile in ea persona.  
Quod verò ait Isaias: Et qui crediderit in eū, non  
festinet: & beatus Petrus: *Non confundetur*: vnum  
& eundem sensum reddit. Quid est, rogo, non fe-  
stinet, nisi expectet? Neque enim subito vt accedit  
homo ad hunc lapidem, perfectam consequitur sa-  
lutem, vt putat hæreticus, sed potestatem sibi illam  
operandi obtinet expectando, & spe ambulando.  
Et quia illa spes non confundit, ideo dicitur: Non  
festinet, id est, patiēter ferat. Adhuc enim grandis  
illi superest via: & per multas tribulationes opor-  
tet intrare in regnum Dei. Istud verè est non festi-  
nare: sed expectare absque cōfusione in spe certa,  
& minime confusibili. *Vobis igitur honor credentibus*,  
id est: Hic lapis est vobis, qui fideles estis, honor ve-  
ster & gloria. Ille enim ita est à Deo honorifica-  
tus, vt quicumque illi hærent, etiam honorificen-  
tur. Siquidem per Spiritum viuificantem & con-  
iungentem, vnum quodam modo cum illo reddi-  
mur. Quæ coniunctio maximè apparebit in futu-  
ra glória. *Non credentibus autem*, id est, recusantibus,  
& credere nolentibus. Et ad Iudæos primùm hic  
sermo dirigitur, eorumque principes ac primores.  
*Lapis quem reprobauerunt ædificantes, &c.* Merito qui  
reprobant lapidem, & patrem familiās, & donum  
ipsius domus, reprobabuntur: & ipse lapis se in an-  
gulum ponet, vt omnis populus queat in illum in-  
cumbere. Itaque lapis hic, qui venerat ad omnium  
salutem, inuentus est ad scandalum multis & per-  
ditionem. Vnde dictus est, *Lapis offensionis*, in quem  
plurimi Iudæorum offenderunt: *Et petra scandali*,  
quia de cruce scandalū volentes ac prudentes pro-  
pter suam ipsorum superbiam acceperunt. *His qui  
offenderunt in Verbum*. Ita habet lectio Græca, & me-  
lius. Offenderunt Iudæi in Verbum, id est, in Fi-  
lium, in quem nefariam mortem machinati sunt.

Isa. 28.

Notet hæ-  
reticus.



*Matth. 21.* Hic est hæres, inquit, venite occidamus eum, & nostra erit eius hæreditas.

*Nec credunt, in quo & positi sunt,* id est, & adhuc nolunt credere, cum tamen eorum vita sit per adhæssionem in illo posita. Et hic aduerte, quomodo non erant à Deo reprobati, sed ad vitam ordinati si eam non respuissent, & non dilexissent magis tenebras quam lucem. Porro ad eos qui crediderunt conuertens se Summus Apostolorum, ait:

*Vos autem genus electum:* id est, Ab illis incredulis Dei electione propter vestram fidem segregatum. Non est enim sermo de prima illa electione, quæ est per paucorum. Vnde & Deuter. 26. Electus ille populus, & peculiaris Deo dicitur, quandiu seruet mandata eius. *Regale sacerdotium,* Non dixit regnum sacerdotale, sicut Moyses de illo populo, in quo principale erat regnum, cui accedebat carnale sacerdotium. Nunc in oppositum commutata est res, ut sacerdotium spirituale emineat, & regia carnalis potestas accedat, sicut congruum est: quamuis hæretici fremant. Haud enim dubium, Christum regem fuisse, & sacerdotem, qui bonam confessionem fecit coram Pontio Pilato, dum interrogatus num esset rex, respondit: Tu dicis, quia rex sum ego.

*Ioan. 18.* Declarauerat autem prius regnum suum non esse ex hoc mundo, sed à Deo. Nec regnum esse sæculare, quod habet pro fine suo vel diuitias, vel gloriã mundi, aut quid tale (nam hoc regnum cum illi oblatum esset, fugiens recusauit) sed regnum spirituale, cui pro fine vita æterna asseruatur in patria: interim regnum est tanquam in militia. Per sacerdotium ergo intellige potestatem intercedendi, ac (ut ita dicam) mediandi inter Deum & homines per hostias, & munera, & orationes. Nos autem esse sacerdotium nõ ita stultè intelligimus: quod tamen hæresis Lutherana docet. Sed quod vniuersa populi Christiani congregatio, quæ est Ecclesia, habet in se sacerdotij dignitatē, & vtilitatem. Oportuit enim esse quosdam in ecclesia, & qui sacrificarent, & alios qui sacrificij commoda reciperēt. Sic etiam esse regnum in ecclesia, non quidem ut omnes æquè sint reges: nam prorsus hoc impossibile est. Si enim omnes reges essent, ubi, obsecro, qui regerentur? Ergo regnum est: quia vtrique adsunt, & qui regant scilicet, & qui regantur. Nõ sum necius aliquo modo dici posse quemlibet Christianum regem, cum regat semetipsum, & passionibus imperet. Sic & vnusquisque aliquo modo sacerdos diceretur, qui offerat semetipsum velut hostiam rationabilem. Sed non videtur hic sensus completus, sed potius & verius priore intelligentia accipiendum est, quemadmodum & illud Apocalypsis:

*Apoc. 1.* Fecit nos Deo nostro regnum, & sacerdotes. Ut enim reuera non omnes fecit reges, ita nec omnes sacerdotes: omnes tamē de regni, & sacerdotij bonis & commodis participantes. Sic Romanos vniuersaliter dicere possumus habuisse regnum, senatum, consulatum. Non quasi omnes reges, aut senatores consulēque fuerint: sed cum ad omnes spectarent & regni, & senatus, & consulatus fructus, qui ad commune omnium commodum ordinabatur. Verè igitur Papa noster, in eo quod Papa, est rex loco Christi: sed non ex hoc mundo. Ad regnum & pascendum oues à Christo relictus est ecclesiæ, & præses constitutus, ad finem illum qui est

vita æterna. Non autem ad luxum, non ad pompam, & id genus alia, quæ non solum non ad rem faciunt, sed abducunt. Quæ de re longus haberi sermo posset, sed minus hoc tempore propter scādulum infirmiorum necessarius. Nam perpende, quæ so, mecum malignitatem mundi. Si in summa hac dignitate splendor secularis nõ illuceret, redit pristinum crucis scandalum: quoniam nos apud vulgus hominum reddimur contemptibiles, qui ecclesiasticam dignitatem his ornamentis destitutā venerari nequeunt. Sin hunc splendorem addimus, ab hypocritis increpamur, qui nos terrenis principibus, & Gentium regibus qui tyrannicè dominantur, assimiles vociferantur. Adhiberi certè poterat quoddam temperamentum, ut & occasio auferretur malignis detrahendi, & infirmioribus contemnendi. Quod enim malignis occasiones ingentes ac patentes præbeamus, quis potest nisi sit impudentissimæ frontis inficiari? O Iesu bone emitte Spiritum tuum, & creabuntur. O sanctissimi Petre & Paule, dirigite oculos vestros, & videte, & misere mini. Sed ad rem nostram.

Papa igitur verè est rex, Christi loco, & spiritualis: qui & verbo & exemplo per seipsum, & per alios pascere suum gregē debet. Est & summus Pontifex, mediator post Christum pro omnibus ouibus per hostiam viuentem, ipsum Dominum, in qua hostia etiam semetipsum ita aptare debet, ut ipse hostia (si opus fuerit) pro ouibus suis efficiatur. Hoc exegit Dominus quando tertio dixit Petro: Amas me? Pasce oues meas. Et paulò post: Sequere me. Verum hæc tantum abest ut opere compleamus, ut nec intellectu quidem assequamur. In ea siquidem tempora incidimus, quando iam videntur hæc somniorum esse & cuiusdam deliratio nis similima. *Gens sancta*, id est, mundificata, *Populus acquisitionis*, Quæritus scilicet & redemptus ab hostibus medio sanguinis Agni immaculati pretio: quo satisfactum est diabolo, mundo, & Deo Patri. Diabolo, qui iniuste sitiuit sanguinem illum effundi, & sic inhonorari Deum: Mundo, qui in hoc opere minister extitit diaboli: Patri verò, qui permisit tandem & voluit, & hoc ipsum ordinauit in optimum finem. Nam Filium quidem gloriosiore reddidit, & nos populum acceptabile, & sectatorem bonorum operum sibi acquisiuit.

*Ut virtutes annuncietis eius qui vocauit vos, &c.* Hic sermo ad Iudeos, & primos in ecclesiis attinet. Sūptus est autem ex Isaia. 43. Populum istum formaui mihi, laudem meam narrabit. Nõ enim est omnium pariter annunciare. Quapropter in Ecclesia ut non omnes Apostoli, nec omnes doctores: ita nec omnes reges, aut sacerdotes siue Episcopi. Ali ter quid esset ecclesia nisi turris Babylon restaurata, qualis est apud hæreticos? Et deterior esset, nisi & illi (velit nolit) cõtra sua dogmata ordinē aliquē inter se obseruaret. Vocauit ergo nos Deus & tenebris, *In admirabile lumen suum*, Hic est Christus de lumine, qui dixit: Ego sum lux mudi. Quicunque igitur est sine hac luce, in tenebris versatur & vnde venit nescit, nec quò vadat. Nos autem, Deo semper gratiæ sint, & scimus vnde venimus, & quò vadimus, & viam scimus vnde venimus, & quò vadimus, & viam scimus quam ille prior strauit. Hęc est via regia sanctissimæ crucis. Sed quor

*Ioan. 18.*



mihī iā inter Christianos numerabis qui (vt oportet) eam nouerint, nedum conficiant?

*Qui aliquando non populus Dei, &c.* Hoc testimonium ex Osee prophetia sumitur, cap. 1. quod non solum ad Gentes pertinet, in quem sepsum B. Paulus ad Romanos adduxit, sed vniuersaliter ad omnes, etiam Iudæos. Testis est hoc in loco B. Petrus. Erant enim & Iudæi eo tempore sine Christo in quem non credebant, & sic nō erant populus Dei verus. Postremo verò quum multi post ascensionē Domini prædicatione Apostolorum cōuersi sunt, & præcipue prædicatione ipsius B. Petri, ideo pertinuerunt ad populum acquisitionis, cuius tamen prius non erant.

Charissimi, obsecro vos tanquam aduenas & peregrinos, abstinere vos à carnalibus desideriis quæ militant aduersus animam: conuersationem vestram inrer Gentes habentes bonam, vt in eo quòd detrectant de vobis tanquam de malefactoribus, ex bonis operibus vos considerantes, glorificent Deum in die visitationis. Subiecti igitur estote omni humanæ creaturæ propter Dominum, siue regi, quasi præcellenti: siue ducibus, tanquam ab eo missis ad vindictam malefactorū, laudem verò bonorum. Quia sic est volūtas Dei, vt benefacientes obmutescere faciatis imprudentium hominum ignorantiam. Quasi liberi, & non quasi velamen habentes malitiæ, libertatē: sed sicut serui Dei. Omnes honorate. Fraternitatem diligite. Deum timete. Regem honorificate. Serui subditi estote in omni timore dominis, non tantum bonis & modestis: sed etiam dyscolis. Hæc est enim gratia, si propter Dei conscientiam sustinet quis tristitias, patiens iniustē. Quæ enim est gratia si peccantes, & colaphizati sufferitis? Sed si bene facientes, patienter sustinetis: hæc est gratia apud Deum. In hoc enim vocati estis. Quia & Christus passus est pro nobis, vobis relinquens exemplū vt sequamini vestigia eius. Qui peccatum non fecit: nec inuentus est dolus in ore eius. Qui cum malediceretur, non maledicebat: cum pateretur, non comminabatur. Tradebat autem iudicanti se iniustē: qui peccata nostra ipse pertulit in corpore suo super lignū, vt peccatis mortui, iustitiæ viuamus: cuius liuore sanati estis. Eratis enim sicut oues errantes: sed conuersi estis nūc ad Pastorem & Episcopum animarum vestrarum.

*Charissimi, obsecro vos, &c.* Charissimos vocat (Græcè dilectos) & illos obsecrat vt tanquam aduenæ & peregrini abstineant à carnalibus deside-

riis, quæ militant aduersus animam, siue spiritum, vt bene conuerterentur inter Gentes. Hoc enim magnum est: quia vitæ sanctæ exempla adificant efficacius, quàm mera verba. Ideo subiicit: *Vt in eo quòd detrectant de vobis*, melius detrahunt, ex bonis operibus considerantes, id est, ex ipsis operibus bonis agnoscentes veritatem, glorificent Deum. Hæc doctrina Dominus instruebat Discipulos, aiens: Sic luceat lux vestra coram hominibus, vt videant opera vestra bona, & glorificent Patrem vestrum qui in cœlis est, *In die visitationis*, Quando visitabuntur à Domino misericorditer in hoc mundo: vel secundum iustitiam in alio, quando dicent: Hi sunt quos aliquādo habuimus in derisum, &c. Totum enim pertinebit ad maximam Dei gloriam.

*Subiecti igitur estote omni humanæ creaturæ propter Dominum.* Hoc præceptum est generale, vt quisque animo sit paratus propter Christum subiici omnibus hominibus. Facto autem reddat vnicuique iuxta decentiam & gradum hominum: *siue regi tanquam præcellenti*: quia rex honore debet alios præcellere: *siue ducibus, tanquam ab eo missis*. Ab eo (suppletu) rege: quia reges mittunt administratores iustitiæ, quos hic B. Petrus Græca voce appellat præfides, potius quàm duces, ad rem propositam, *ad vindictam malefactorum*, id est, eorum qui malefaciunt, *Laudem verò bonorum*, eorum qui benefaciunt: qui vel ea ratione tum habent laudem à rege, cum minimè ad eius tribunal rapiuntur: vt sic appareāt innocentes, *Quia sic est voluntas Dei vt benefacientes, &c.* Sic enim vita Christiana superauit omnem tyrannidem, & obstruxit os iniquorum & imprudentium, nempe his tribus: Benefacere: Mala pati: Lætari. Et hæc fuit voluntas Dei beneplacens ac perfecta. Obsecro Domine Deus, fiat hæc tua voluntas in me: quoniam hoc magnum est donū & per paucorum.

*Quasi liberi, & non quasi velamen malitiæ habentes libertatem.* Hoc verbum directò in nostros hypocritas iaculatur, qui dicunt se in libertatem vocatos, & propterea nolunt subdi. At istud prorsus nō est liberatos esse, & liberos. Qui enim verè sunt liberi, non metuunt hanc seruitutem, quæ animo libero non imperat. Ille verè liber est, qui dum homini propter Deum subditur, re vera nō homini subditur, sed Deo. *Sed sicut serui Dei*, ait B. Petrus, Et subdit, *Omnes honorate*, B. Paulus dixit: Honore inuicē præuenientes. Omnis enim Christianus dignus est honore, tum quia filius Dei est, & cum interim nesciamus quisnam inter nos secundum Deum maior, quilibet debet alium vt se maiorem existimare: Nonne Christus Dominus noster sese exinaniuit, cum tamen verè esset omnium maximus?

*Fraternitatem diligite*, hoc est, fraternam societatem & conuersationem, siue contubernium, *Deum timete*, Timore illo sancto, qui conuenit tantæ maiestati, *Regem honorificate*, Impendendo tributa, & alios honores debitos, non solum subiectionem, quam prædixerat, *Serui subditi estote, &c.* Vult igitur seruos obedire & cum omni timore Dominis suis, id est, pauidè & cum reuerentia, ne illos exacerbent. Et hoc præstari vult non solum bonis & modestis, siue mansuetis, *sed etiam dyscolis*, id est, difficilibus & acerbis, quales sunt multi qui non cogitant se quoque Dominum habere in cœlis, qua

Matth. 5.

Sap. 5.

Rom. 12.



mensura mensi alijs fuerimus, remetiētem nobis. Porro ne quis dicat, quod frequentissimum est in ore multorum, Interim paritur iustus, respondet:

*Hæc est enim gratia*, id est, in hoc versatur iustitia & æquitas, quam Deus loco gratiæ accipiat, id est, ut rem gratam, id quod factum est propter illum, & ita gratias referat pro gratia. In hunc enim sen-

Luc. 6.

Pro certis.  
gratia.

sum accipitur gratia. Vnde dixit Dominus: Si diligitis eos, qui vos diligunt, quæ gratia est vobis? Hæc igitur ait hîc esse gratiam, nimirum, *Si propter Dei conscientiam sustinet quis tristitias patiens iniuste*. Quid est propter Dei conscientiam, nisi propter eius, qui sustinet probra iniuste illata, conscientiam, quæ est sibi nota quod scilicet propter Deum patitur? Hæc conscientia est murus ille æneus, in quo solidissime perstat vir eiusmodi: quoniam habet spōsionem Dei firmissimam in corde suo. Videat hoc & considerent qui incertitudinem gratiæ beatificanc, & conscientias dubias, & consequenter impacatas relinquunt. *Quæ enim est gratia si peccātes & colaphizati suffertis?* Quid potestis, ait, gratiæ expectare pro gratia, si quod æquum est iuste patientes rependitis? *In hoc enim vocati estis*: Nimirum ad patiendum innocentem propter Christum, non propter scelera vestra. Et significās in quo fundata est hæc lex exponit: *Quia & Christus passus est pro nobis, vobis relinquens exemplum, &c.* Hæc est sapientia crucis, quam qui non nouit, nihil nouit. Patet autem omnibus hæc via qui volunt sequi vestigia summi Ducis, *Qui cum malediceretur, &c.* Clara sunt omnia: Illud solum, *Tradebat autem iudicanti se iniuste*, græce aliter habetur, & meo iudicio melius, in hūc modum: *Tradebat autem iudicanti iuste*, id est, causam suam commisit & commendauit Deo iusto iudici, *Qui peccata nostra, &c.* Hæc multis locis leguntur, & iam exposita sunt. Opus nunc esset meditatione ac imitatione, & facto ad implendum, & re ipsa declarandum nos verè esse mortuos peccatis, & iustitiæ viuos. Ille peccatis est mortuus, qui concupiscentiis illectus & attractus, eas quasi mortuus qui dam non sentit, & hic est qui viuunt iustitiæ. *Eratis enim sicut oves errantes: sed conuersi estis ad Pastorem & Episcopum animarum vestrarum*. Hic Episcopus & Pastor verus & summus, vnus est Christus: cæteri verò, etiam ipse B. Petrus, vicarij sunt pastores. Vnde dictū est Petro: *Pasce oves meas, & agnos meos*. Non dixit, oves tuas, & agnos tuos. Nam ipse Dominus, non autem Petrus, pro nobis est crucifixus. Potest tamen aliquo modo dicere & Petrus oves meas, & agnos meos, quatenus vicarius pastor: & habet suam veritatem.

Ioan. 21.

### CAP. III.



Similiter & mulieres subditæ sint viris suis, ut & si qui non credunt verbo, per mulierū conuersationem sine verbo lucrifiant, considerantes in timore castam conuersationem vestram: quarum non sit extrinsecus capillatura, aut circundatio auri, aut indumenti vestimentorū cultus: sed qui absconditus est cordis homo in incorruptibilitate quieti & modesti spiritus, qui est in conspectu

Dei locuples. Sic enim aliquando & sanctæ mulieres sperantes in Deo, ornabant se, subiectæ propriis viris: sicut Sara obediēbat Abraham, Dominum cum vocans: cuius estis filiæ bene facientes, & nō perturbantes vllam perturbationem.

*Similiter & mulieres, &c.* Erant Apostolica præcepta & admonitiones. Primò quidē generales, spectantes ad omnem omnium hominum statum. Postmodo autem patticulares ad priuatos & singulos status. Hactenus dixerat de seruis. Tum ascendit ad mulieres viris coniunctas & Christianas, quas primò vult salua pietate semper sub suis viris, etiam infidelibus esse subiectas. Vnde ait, *ut & si qui non credunt verbo*, id est, euangelicæ prædicationi, *Per mulierum conuersationem, &c.* Vide quantum præstet interdum bona conuersatio, ut quod fieri verbo non potest, infidelium scilicet ad veritatem conuersio, fiat per bonam conuersationem sine verbo, dum considerant ipsam Christianorū cōuersationem sanctam & castam, & timore Dei suffultam. Potest & sic exponi quod, *Lucrifiant considerantes in timore castam conuersationem vestram*, quæ est quoddam tacitum verbum, sed potens & efficax ad excutiendum quendam reuerentiæ timorē ab animis eorum qui nondum perditī sunt. Nā qui ea morum sanctimonia viuunt, nescio quid diuini præ se ferunt, & ostendunt legem Dei in corde suo inscriptam. Hoc de muliere dixerat B. Paulus: Vnde scis mulier si virum saluum facies? nimirum Christiano odore. Hoc de loco fortassis quidam audent defendere congregationem nostris exortam temporibus, in qua promiscuē (ut iam ad Corint. attigimus) viri habitant & mulieres & quæ horreo vel recitare, ut probent quantum spiritualiter profecerint, concubunt simul mas & femina. Confitentur mares etiam sacerdotes peccata sua feminis, & ab eis accipiunt satisfactionis imposita opera. Illius congregationis Domina & Abbatissa, utpote quæ Spiritu sancto (ut aiunt) agitur soluta legibus dicitur, & omnia diiudicat, & ipsa à nemine iudicatur. O tempora infelicia: ô quot Antichristi hodie? B. Bernardus egregiē super Cant. serm. 65. Hoc genus sectæ quæ suo tēpore exoriebatur, infectatus est, & vulpeculas ut bonus canis pastoris, dignis moribus lanauit.

*Quarum non sit extrinsecus capillatura, &c.* Quid obsecro, diceret S. Apostolus nostris temporibus? Verè indulgent nimium prædicatores & sacerdotes, qui hæc non solum acriter non reprehendunt, sed faciliē absoluunt mulieres quæ his ornamentis superfluis & lasciuis incumbunt: vnde multæ criminum occasiones ad libidinum fomenta excitantur. Qua in parte, meo iudicio, multum aberrant qui nescio quibus excusationib⁹, & scholasticis distinctionibus videntur hæc rem componere. Quapropter res in immensum creuit, & proculdubio iram Dei excitauit. Quid est enim adeo immodestum, adeo superfluum, adeo superbum, adeo lasciuum genus & vestimentorum & ornamentorum in capite, & capillatura, & auribus, & collo, & pectore, & cæteris denique membris, quod non sint amplexē nostri temporis mulieres? Interim tamen volunt vocari pudicæ, quæ superant his lasciuis & impu-

De virtute  
bona con-  
uersationis  
faminarij.

1. Cor. 7.

Notandū.

In luxuriam  
vestri mu-  
lietium.



impudicissimis ornâmentis publicas meretrices. Huiusmodi turpissimum abusum iam tractauimus in epistola ad Timotheum, vbi elegantissimam B. Chrysostomi inuectiuâ in has vanissimas mulierculas produximus. Et illam item tremendam Dei comminationem apud Isaiam c. 3. ad quem locum lectorê remitto. Sunt enim efficacissima ad refellendas Caietani cauillationes, qui licentiosior hac in parte fuit, fouere potius quàm extinguere mulierum fomitem conatus.

Cogitent ergo qui tam facilè mulieribus indulgent, siue sint ipsarum viri, stolidiores certè quàm illi: siue sint sacerdotes Dei, quid ipsi respondebunt scripturis hæc tanta seueritate prohibentibus tam manifestè: quoniam hæc externa hominis corruptibilia sunt. Sed homo interior ornandus erat virtutibus. Etenim cum sit secundum animam incorruptibilis, ornamentum ipsum esse decet incorruptibile, virtutibus animi, non corporis vestibus: vt sit etiam per gratiam incorruptibilis. Vnde ait Apostolorum Princeps:

*Sed qui absconditus est cordis homo, &c. Cõstructio huius loci sic ordinanda est, Non sit extrinsecus capillatura, &c. Sed (repetatur illud, sit) sit homo cordis &c.*

**Col. 3.** Huc B. Paulus interiorem hominem vocauit, qui absconditus est, sit, inquam, in incorruptibilitate, manet hic homo incorruptibilis per innocentia: quia peccato corrumpitur. Non quod absolute desinat esse: sed quoniam moritur gratiæ Dei, & priuatur vita spiritus. Sit igitur hic homo cordis in hac incorruptibilitate, *quieti ac modesti spiritus*, non excitator turbarum, sed sine querela in mansuetudine temperatus, *qui est in conspectu Dei locuples*. Talis homo interior his ornamentis virtutum præditus, ostendit in conspectu Dei se locupletem in bonis & sanctis virtutibus & opulentum.

*Sic enim aliquando & sanctæ mulieres sperantes in Deo, &c.* Historiæ sanctæ nobis frequentet proponunt acta & gesta sanctorum maiorum, cum fœminarum, tum etiam virorum: vt hoc & illas & viri & fœminæ in suæ vitæ exempla sumant & vsum. Hic B. Petrus profert sanctas mulieres, quæ illum hominem interiorem in omni mansuetudine ac modestia ostendebant ornatu quem gerebant, dum subiiciebantur suis viris, quemadmodum illis erat in præcepto antiquo mandatum: Sub viri potestate eris. Et Saram profert ex nomine, quæ vocabatur Abraham Dominum suum, non quasi ancilla, sed quasi coniunx, impar tamen habita viri dignitate, qui est caput mulieris. *Cuius estis filia*. Ostendere vult B. Petrus, Vt ipse Abraham propositus erat pater multarum gentium, ad quem imitandum debebant filij se componere: sic & Sara mater facta est exemplum imitationis fœminis: vt similiter beneficiat, & nō sint domus perturbatrices: quod peccatum maximè cauebunt, in ipsa humili subiectione permanentes.

Viri similiter, cohabitantes secundum scientiam, quasi infirmiori vasculo muliebri impartientes honorem, tanquam & coheredibus gratiæ vitæ: vt non impediantur orationes vestræ. In fine autē: omnes vnanimis, compatiētes, fraterni-

tatis amatores, misericordes, modesti, humiles, non reddentes malum pro malo, nec maledictum pro maledicto: sed econtrariò, benedicētes: quia in hoc vocati estis vt benedictionē hæreditate possideatis. Qui enim vult vitam diligere, & dies videre bonos: coerceat linguā suā à malo, & labia eius ne loquantur dolū. Declinet à malo, & faciat bonū: inquirat pacē, & sequatur eā: quia oculi Domini super iustos, & aures eius in preces eorum. Vultus autem Domini super facientes mala.

*Viri similiter cohabitantes secundum scientiam.* Quid est cohabitare secundum scientiam, nisi eam sanctæ vitæ formam, quam scientia dictat esse obseruandam? Et ad eos hoc potissimum pertinet, quorum munus est docere alios ac regere, inter quos numerantur viri, qui debent regere vxores suas. Quamobrem cum sciunt mulierem esse infirmius vasculum, ab hac scientia debent ita esse instructi, vt impartiat illi abundantiorem honorem, ne quid ei desit circumspēctē prouidētes, vt & domus cura, quantum spectat ad muliebria officia, illis liberaliter committatur, tanquam verè matresfam. vt & ipsa mulier recognoscatur domina domus. Vnde addit: *Tanquam & coheredibus gratiæ vitæ*, ac si dixerit, Si & illas simul cum viris dignatur Deus sua gratia, quæ parit vitam & veram vitam, vt in illa gratia sint coheredes, cur dedignabitur vir habere illam in honore vt sociam, & simul dominam domus: cum non sine muliere veniant familiæ & domus? *Vt non impediantur orationes vestræ*. Nihil est quo magis impediantur orationes, quàm mutua animorum perturbatione, quæ si ex domesticis similitudinibus, aut rixis oriatur, acerbior est omnino, & magnopere auertit à Deo. Vbi notandum, quomodo orationes in illa ecclesia primitiua erant assiduæ & communes, non solum eorum qui renuntiabant per omnia, sed Christianorum omnium.

*In fine*, hoc est, in summa, id enim græca lectio magis manifestat. Et reuertitur ad generalē doctrinā ad omnes pertinētem: *Omnes vnanimis*: In qua re cōsistit fortitudo, eā enim vnanimis pacem & concordia retinet, quæ stāte alienæ & extraneæ vires inuadit ad expugnandum inueniuntur: præsertim quod amans hanc vnitatem Dominus dixit: *Matth. 18.* Si duo vel tres congregati fuerint in nomine meo, ibi ego sum in medio eorum. *Compatientes*. Si hoc desit, vnanimis tollitur: quæ contrā si adsit, quomodo non compatiatur membrum membro, si eodē fuerint spiritu colligata? Cum igitur non compatiatur homo, signum certum est vel nexum illum spiritus non adesse: aut si adest, stupidum esse.

*Fraternitatis amatores, misericordes, &c.* Hæc sunt cōnexa. Nam si sit vnitas, compassio est, & fraternitatis amor, & misericordia, siue (vt græca vox sonat) affabilitas. *Modesti*. Modestia est arrogantia contraria & præsumptioni, quæ magnopere lucet, & spectatur, & placet: sed non absque humilitate, quæ non est ambitiosa, nec optat aliis præesse. Vnde addidit, humiles eos esse debere. *Non reddentes malum pro malo, &c.* Iterum Christi legem commemorat, ad quam perficiendam erant vo-



cati, quæ est: Malefacientibus esse benefaciendum, ut verè filij Dei efficerentur, qui oriri facit solem suum super bonos & malos, & pluit gratias super iustos & peccatores: ut quicumque Deo ita præcipienti obtemperauerint, benedicentur, & accipiet veram filiorum & sempiternam hæreditatem.

*Qui enim vult vitam diligere, & dies videre bonos, &c.* Ex verbis psalmi. 33. exhortatur. De vera autè vita est sermo, quam horum obseruantia præcepto rum obtinemus. In vita illa sunt boni dies, non mali: sicut sunt mali dies in vita hac nostra. Vnde B. Paulus, Redimètes, inquit, tempus: quoniam dies mali sunt. Et Dominus: Sufficit diei malitia sua. Quapropter viri boni, & meditatores futurorum bonorum, mirò desiderio incenduntur, & videre cupiunt dies illos bonos, & seruât ea quæ hîc Princeps Apostolorum commemorat. Coercent enim linguas suas à malo, abhorrentes à blasphemia, & detractione, & susurrio, & murmuratione, & turpiloquio, & stultiloquio, & vaniloquio, & multiloquio, in quo non deest peccatum. Prohibent etiam labia ne proferât dolosum ac damnosum mendacium. Declinant denique à malo, & faciunt bonum: in quo consistit integra lex. Inquirunt pacem, & sequuntur eam, quæ est fructus spiritus. Nô potest autem esse pax non habentibus spem futurorû & assiduum oculum ad illa bona æterna.

*Quia oculi Domini super iustos.* Oculos beneuolentiæ suæ dirigit in iustos Dominus, ut protegat: & aures eius in preces eorum, ad exaudiendum illos, *Vultus autem Domini, id est, indignatio & ira, super facientes mala.* Hi sunt qui libenter peccant, & nô tã guntur pœnitentiâ. Isti thesaurizât sibi irâ in die iræ & reuelationis iusti iudicij Dei, cuius longanimitate abutuntur & patiëntia, expectâtis ad pœnitentiâ.

Et quis est qui vobis noceat, si boni æmulatores fueritis? Sed & si quid patimini propter iustitiam, beati. Timorè autem eorum ne timueritis: & nô conturbemini. Dominum autem Christum sanctificate in cordibus vestris, parati semper ad satisfactionem omni poscèti vos rationem de ea, quæ in vobis est, spe, sed cum modestia & timore conscientiam habentes bonam: ut in eo quòd detrahunt vobis, confundantur qui calumniantur vestram bonam in Christo conuersationem. Melius est enim ut bene facientes (si voluntas Dei velit) pati, quàm malè facientes. Quia & Christus semel pro peccatis nostris mortuus est, iustus pro iniustis: ut nos offerret Deo, mortificatos quidem carne, viuificatos autem Spiritu. In quo & his qui in carcere erant spiritibus veniens prædicauit, qui increduli fuerant aliquando, quando expectabant Dei patientiam in diebus Noe, cum fabricaretur arca, in qua pauci, id est, octo animæ saluæ factæ sunt per aquam. Quod & vos nunc similis formæ saluos facit baptisma,

non carnis depositio sordium: sed conscientie bonæ interrogatio in Deum, per resurrectionē Iesu Christi, qui est in dextera Dei, deglutiens mortem, ut vitæ æternæ hæredes efficeremur, profectus in cœlū, subiectis sibi Angelis, & Potestatibus, & Virtutibus.

*Et quis est qui vobis noceat, si boni æmulatores fueritis?* Exemplum Christi & iustorum æmulantes in charismatibus melioribus. Ideo dicit: *Si boni æmulatores fueritis, hoc est, bonarum virtutum.* Ille dixit: Discite à me quia mitis sum & humilis corde. Si tales fuerimus, nullus est qui nobis nocere possit. Omnino illud verissimū, & dignū aureis literis scribi, quod elegatissimo sermone prosequitur Aurelius: Nemo læditur nisi à seipso. *Sed & si quid patimini propter iustitiam, beati.* Non dixit B. Petrus: Nô patiemini, sed: Nemo vobis nocebit. Nam & persequentes vos propter iustitiam nô solum vobis non nocebūt, verum etiã proderunt: nec id solum, quin & beatiores atque illustriores reddent. O beatā illam animam, quæ hoc experitur in semetipsa.

*Timorem autem eorum ne timueritis.* Sensus clarus, ne terrorem timeant quemcunque possent aduersarij incutere. *Et non conturbemini,* Seruū enim Dei decet non conturbari à minis ac terroribus hominum ut declinet à veritate. Iustus (ait scriptura) non conturbabit quicquid ei acciderit.

*Dominum autem Deum sanctificate in cordibus vestris, hoc est, confirmate illum, quod sit per mūditiā.* Quantò enim aliquid est purius & mundius, tantò est etiam fortius. Hoc orat oratio dominica. *Parati semper ad satisfactionem, &c.* Græcè legimus, *apologiam, id est, defensionem.* Hoc potissimum ad Episcopos & Magistros pertinet. Sed nemo legitime ac probè satisfaciet, nisi experientia intus norit, quod verbo foris audiuit. Scientia ergo & sapientia nostra satis est ad satisfaciendum obiectis. Non ita tamen ut ea demōstremus quæ credimus, & speramus: sed qui ostendamus nos non temerè quidem, & sine ratione credere & sperare. Fidei enim certitudinem habemus, qua certitudine nobis aduersantes implerentur & pacarentur, si patienter, & parati suscipere veritatem audirent. Er enim ingenuè cum Samaritanis faterentur: Non iam propter tuam loquelam credimus, sed ipsi vidimus, &c. Quando verò satisfacimus, debemus satisfacere, *Cum modestia & timore.* Primum cū modestia propter illos, ne perturbentur & scandalum capiant potius, si arrogantes fuerimus: tum & cū timore. Quidam accipiunt pro reuerentia erga illos cum quibus congregimur. Ego verò satis pulo illis exhiberi debere modestiam, ut timor Dei in hoc seruetur, si qui aliis satisfacit de spe sua, videat an illam ipse habeat, & quomodo habeat.

Vnde rectè sequitur: *Bonam habentes conscientiam ut in eo, &c.* Satis ergo declaratur quid est cum timore, ne videlicet in eum congruat, quod habetur in psalmis: Peccatori autem dixit Deus, Quare tu enarras iustitias meas, & assumis testamentum meum per os tuum? Potius ergo per modestiam & mansuetudinem ostendant falsam hominum de Christianis persuasionem, quæ tunc

Ephes. 5.  
Matt. 6.

Matt. 11.

B. Chrys.

Prov. 12.

1 Cor. 4.

1 Sal. 42.



erat propter persecutiones, quas Diabolus per suas calumnias, & sua membra excitabat.

*Melius est enim, &c.* Facile est istud intellectu: utinam ita facile factu. Hoc opus, hic labor est: & tamen habemus tantum exemplum, *Quia & Christus semel pro peccatis nostris mortuus est, iustus pro iniustus.* Quod facit ad mysterium, & exemplum. Dico ad exemplum: quia & nos, *semel*, id est in hac vita passuri sumus & morituri in illo. Postmodo verò adepturi gloriam: sicut ille post passionem est adeptus. Dico ad mysterium: quia & nos semel mortui peccatis, & iam excitati ad vitam, debemus discere non ulterius peccare, nec mori.

*Ut nos offerret Deo*, quasi hostias sibi incorporatas, *Mortificatos quidem carne, &c.* Tales sunt hostiæ quas acceptat Deus, viuentes scilicet, non mortuæ, quæ admodum B. Paulus docet: Hostiam viuam, sanctam, Deo placentem, &c. Viuentes, inquam, spiritu, sed carne mortificatos: quia caro aduersus spiritum pugnat. Offert autem Deo nos Christus in baptismo: in eo enim incorporamur in ipsum. In græcis tamen legitur: *Mortificatus & uiuificatus*, & hanc lectionem sequitur B. Augustinus, epistola 99. vt totum referatur ad Christum, qui crucifixus obtulit nos Deo, mortificatus quidem carne per crucem: uiuificatus autem spiritu, postquam solutus est à ditione mortis, quæ iniuste imperium in ipsum exercuit. Quamobrem hinc recedens, spiritum suum Deo Patri commendauit, vt posset victor ac triumphator gloriosus resurgere.

*In quo & his qui in carcere erant, &c.* Obscurus est admodum hic locus, vt testatur B. Augustinus: imò ipsemet locus per se indicat. Caietanus tamen ait B. Petrum clarè dicere, quòd Christus qui in anima descendit ad inferos, prædicauit animabus illorum qui fuerant increduli in diebus Noe. Quæ prædicatio non fuit solummodo sui manifestatio, quòd ipse esset Messias: hæc enim fuit communis omnibus, etiam Dæmoniis. Illa autem de qua hic B. Petrus, fuit peculiaris iis qui in tēpore Noe inueniebantur: & ait fuisse illis fructuosam. Sed quo pacto fuerit, aut esse potuerit fructuosa, non aperit: nec prædicationis tenorē declarat. Quem enim fructum poterant inde colligere, qui increduli fuerant & contumaces? Ait non fuisse illos absque vera fide Dei, licet increduli fuissent Noe. Sed placuerunt Deo, quia confidebant in longanimitate Dei.

Verum hæc commentatio vana est. Qui enim fuerunt increduli Noe, fuerunt etiam increduli Deo, qui per os prophætæ loquebatur, & erat iustus. Nec illis potuit prodesse quòd crederent esse Deum, cum & hoc Dæmones credant: nec expectare Dei longanimitatem persistētes in peccatis, subleuabat eos, cum illa expectatio tēratio Dei esset. Longanimitas enim Dei, pœnitentiam exigit: quā nisi reddimus, longanimitate abutimur. Vnde Apostolus tāto spiritu: An diuitias bonitatis eius, & patientiæ, & longanimitatis contemnis? Ignoras quoniam benignitas Dei ad pœnitētiā te adducit? Secundum autem duritiā tuā, & impœnitens cor, thesaurizas tibi iram in die iræ, & reuelationis iusti iudicij Dei. Præterea, Si iam illi increduli fuerant iudicati per ea quæ egerunt in vita, quem fructum potuit illis noua prædicatio afferre? Igitur B. Augustinus reprobato sensu priore, dixit hanc

Christi prædicationem significare illam quam fecit ante aduentum per prophetas, per quorum os Spiritus Christi prædicabat, & particulariter per os Noe. Et ideo Christus ipse dicitur in Spiritu ad illos venisse & prædicasse: sicut & Ioannes dicitur venisse in Spiritu & virtute Eliæ. Voluit ergo hic B. Petrus ostendere Deum, quòd ex se fuit, nunquam dimisisse mundum absque lege & legis notitia, vt posset postmodo incredulos iure iudicare, & credentes & expectantes Dei longanimitatem saluos facere: quia sine lege nulla est præuaricatio, & ideo nullum iudicium. Hæc expositio plana esset, nisi vnus tantum superesset scrupulus: quoniam hic dicit Christum prædicasse spiritibus. Vix autē in vniuersa scriptura reperias, homines adhuc viuentes vocari spiritus. Sunt ergo qui putarunt esse hic sermonem de Christi prædicatione ad inferos, quando post mortem illuc descendit, & visitauit suos. Hic dicitur allocutus eos qui fuerunt increduli in diebus Noe, & ideo perierunt secundum corpus: & tamen, vt verisimile est, salui facti sunt Dei clementia multi illorum: quia illos pœnituit suæ perfidiæ & malæ actæ vitæ (sicut fecit Latro in cruce) & fidem & simul gratiam acceperunt. Ad hos igitur habuit verbum Domini, vt agnoscerent per quem salutem adepti fuerunt, quòd explicitè cum viuerent non nouerunt, tanquam diceret: Ecce ego, quia nō est aliud nomen sub cœlo datū, per quod cuique contingere possit salus. Hæc expositio pulchra est, & (vt arbitror) continet veritatem. Sed & illi ob stare posset, quòd non videtur illis conuenire quòd sequitur, *Expectantes longanimitatem Dei.* Quoniam enim increduli erant, ideo non curabāt: & ideo non expectabant Dei longanimitatem. Quum verò repentinus venit interitus, non erat iam longanimitas Dei. Et re vera in scripturis, expectare Dei longanimitatem, est iustorum, nō incredulorum. Verum est alia lectio in græcis, legitur enim, Quando semel expectabatur longanimitas Dei, &c. Et possumus intelligere quòd expectabatur nō ab illis incredulis, sed à Noe & filiis: & fortasse nonnullis aliis qui ante irruptionem aquarū mortui sunt cum pietate. B. Augustinus tamen legit: Quando expectabat patientia Dei: cui lectioni græca vox *ὑπομονή* non repugnat, cum sit significationis communis. Longanimitas ergo siue patientia Dei erat, quæ semel, id est, vsque ad præfixū terminum expectabat cōuersionem illorum. Huic ergo intelligentiæ id solum video ob stare: quòd cum hæc prædicatio congrueret multis aliis, qui in eadem causā inueniebantur, mirum videtur quòd de his tantum mentio facta sit, qui fuerunt tempore Noe. Cur enim non ad eos etiam prædicatum fuit, qui perierunt per ignem in Sodoma, & aliis ciuitatibus? Quorum nonnullos pari ratione in tāto discrimine per pœnitentiam fuisse salutem affectos, pium est credere. Fortè respondebitur, satis fuisse proponi illud magnum originalis mundi exemplum propter numerosissimam turbam, vt ex illo Dei iudiciū in cæteris cōiectaremus. Nunc lector acutus consideret, & consulat simul alium locum in sequenti cap. vbi eadem res videtur tractari, & eadem difficultas.

*Quod & vos nunc similis formæ saluos facit baptisma, Quod interpretes vertit, Similis formæ, græca lectio*



habet, & *ἀντίτυπον*, & significat exemplum simile, vel contrariè, vel alioquin oppositè: quia sicut illi octo per aquam salui facti sunt euadentes aquarum impetum ne mergerentur, ita & nos, contrario tamè modo, per contactum aquæ, & per immersionem in aquas baptismatis, quod in arca, id est, in ecclesia suscipitur, salui simus. Sic & *ἀντίτυπον*, id est, similis formæ exemplum per contrarium inspicim<sup>9</sup> in secundo nostro Adam respectu primi. Ille enim per lignum damnauit: noster per lignum à damnatione eripuit. Et hoc est pulchrum & admirandum opus Dei, ut inde veniat obedientibus salus, vnde reprobis veniat exitium, nempe ab aquis, quibus tamen omnes deberemus succumbere. Sed fidei obedientia efficit ne nos attingant in malum, & nos aliis pereuntibus euadamus. *Num carnis depositio sordium, &c.* Sacramentum baptismi signum est eius quod agitur. Non enim aqua illa suscipitur ad eluendas, aut deponendas carnis sordes: sed ut sciamus quæ externè fieri videtur in carne à ministro, illud intus effici in corde à Deo. Quandoquidem salus non est absque illius qui saluatur voluntate. Ideo interrogatio bonæ cōscientiæ erga Deū hanc salutē operatur, quum is qui baptizatur nō fidē & dolo venit ad baptismum, sed bona fide per interrogationem bonæ conscientiæ erga Deū. Sicut patet in ritu & traditione huius sacramenti baptismi.

*Per resurrectionem Iesu Christi.* Per illam enim & nos resurgimus à morte peccati in vitam nouam. Et ne quis dicat: Quomodo hoc facit Iesus Christus? Respondet, per eius merita: quia lucratus est omnia, & iam sedet ad dexteram Patris. Deglutiuit tamē mortem ipse in primis, ut sic illa euicta redderet nos vitæ æternæ hæredes. *Profectus in cælū subiectis sibi Angelis, & Potestatibus, & Virtutibus.* Caietanus habet pro superfluo totū illud: Profectus in cælum, &c. alij solum quæ sequuntur: Subiectis, &c. Et tamen nunc in græcis nouæ editionis omnia leguntur, & optimè manent. Deus enim subiecit illi omnia, & Principatus, & Potestates, & Virtutes, & prorsus omnia siue in cælo, siue in terra. Hoc duntaxat notandum est, cur de Potestatibus & Virtutibus solummodo mentionem faciat. B. enim Paulus declarauit eum etiam cunctum super omnem Potestatem, & Virtutem, & Dominationem, & omne nomen quod nominatur nō solum in hoc sæculo, sed etiam in futuro: ita ut nihil prorsus excipiat, nisi solus qui subiecit ei omnia, ut idem ait. Hæc Angelorum subiectio non est in ipsorum detrimentum, aut vituperium: quia illi de sua subiectione tanto Domino gloriantur, & gaudent.

## CAP. IIII.



Hristo igitur passo in carne, & vos eadem cogitatione arnamini. Quia qui passus est in carne, desit à peccatis, ut iam nō desideris hominum, sed voluntati Dei, quod reliquum est in carne viuat temporis. Sufficit enim præteritum tempus ad voluntatem gētiū consummandam, his qui ambulauerunt in luxuriis, desiderijs, vinolentiis, comef-

sationibus, potationibus, ebrietatibus, & illicitis idolorum cultibus. In quo admirantur non concurrētibus vobis in eandem luxuriæ confusionem blasphemantes: qui reddent rationem ei qui paratus est iudicare viuos & mortuos. Propter hoc enim & mortuis euangelizatum est, ut iudicentur quidem secundum homines in carne: viuant autem secundum Deum in spiritu. Omnium autem finis appropinquauit.

*Christo igitur passo in carne, &c.* Optima similitudine animat eos, qui professi erant mortē peccati in baptismo, tanquam commorientes cū Christo, ut cessarent à peccatis. Sicut enim ipse qui passus est propter peccata, semel est passus ut deinde viuat Deo (ut dixit B. Paulus) ita & nos qui illū induimus, quasi commortui in illo, debemus in vitam nouam venire, nec vltius peccare. *Qui enim passus est, &c.* Ipse nimirum Christus, & consequenter qui in eius morte baptizatus est, desit à peccatis. Dominus & Redemptor desit à peccatis nō suis, sed nostris, quæ tamen super seipsum puniendam imposuit, nolens vltius ea in seipsum suscipere ut & iterum moriatur: cui satis fuit semel mori, & satisfacisse pro peccatis anterioribus. Nam pro no-uis quæ in nouo pacto admittimus, non relinquitur hostia, ut per omnia purget: sed ipse nouus peccator satisfaciet pro se per pœnitentiā, si velit Deo reconciliari. Tamen si quod redierit in gratiam, & possit satisfacere, veniat à merito prioris hostiæ, per quam sanctificat<sup>9</sup> fuit ad hoc ipsum perpetuū. Ego igitur modo quo Christus passus desit à peccatis non imponendo super se noua onera perfoluēda, quod fecit semel: ita & nobis legem statuit, ne in noua rursus peccata incurramus, & violamus mysteriū. Qui si aliter egerimus, non expiabitur hoc nouum crimē absque nostra cruce. Ad hoc enim ipse Dominus peccator pro nobis factus, per mortem carnis desit à peccatis. *Ut iam non desideris hominum: sed voluntate Dei, quod reliquum in carne viuat temporis.* Nam & Christus in carne noua viuens in hoc mundo fuit quadraginta diebus: quo temporis spacio totum vitæ nostræ tempus significatur, quod ab ipso baptismo viuere datur in terris, ut legitime postmodo cælum patere nobis possit.

*Sufficit enim præteritum tempus ad voluntatem gētiū consummandam iis qui ambulauerunt in luxuriis, &c.* Clarus est textus: & nota sunt crimina gentiū. Vocat autem græca vox nedum illicitos, sed nefarios idolorum cultus, in quo admirantur, &c. Verè ita contingit, ut homines carnales qui vidēt spirituales non eadem probare quæ ipsi, imò valdè esse ab iis alienos, admirentur. Græca vox est, *Peregrinantur*: & idem sensus colligitur. Qui enim peregrini sunt, veluti rerū ignari admirantur ea quæ aspiciunt, & sibi noua esse vident. Et quæ secundum suam æstimationē minimè fiunt, absurda esse arbitrantur, & non raro blasphemant, dum veram religionem & cultus sanctos vituperant. Tales erant infideles Iudæi & gentes aduersus Crucifixum. *Qui reddent rationem, &c.* Cum hic dicat Christum ad iudican-

I. Cor. 15.

Ioh. 4.



dos viuos & mortuos esse paratum, colligunt quidam in die iudicii aliquot reperiēdos, ad iudicium nulla prorsus gustata corporis morte sistendos. Quod ego vehemētissimē & sapius reprobaui, & omnino falsum existimo, nec ferēdum. Qui enim iudicabuntur, ea hora qua iudicabuntur erunt viuentes vita animæ. Quod ergo hīc dicit B. Petrus, *Qui paratus est iudicare viuos & mortuos*, referendum est ad tempus hoc nostrum, donec in ecclesia canetur Symbolum. Erūt enim semper viui ac mortui, dum stabit ecclesia militādo, & post omnium mortē erit resurrectio, & statim supremū iudiciū.

*Propter hoc enim, siue, in hoc enim & mortuis euangelizatum est.* Est rursus locus, vbi secundum Caictanum, & alios quosdam, Christus dicitur mortuis euangelizasse. Communiter autem intelligunt de prædicatione ad confusionem impiorum & iniustorum. Nam de fructuosa prædicatione quam Caictanus ponit, neminem me legisse memini sic exponentem. Et (vt verum fatear) verba quæ sequuntur: *Vt iudicentur quidem secundum homines carne, &c.* non video quo pacto aptari commodē queant cui quam expositionū dictarum. B. Augustinus intellexit euangelizatum fuisse mortuis secundum animam, non secundū corpus, id est, impiis & iniustis cum viuerent, in hunc finem vt suscipientes euangelium, iudicentur carne secundum quod erant homines, id est, vt afflictiones & macerationes carnis paterentur: sed viuerent spiritu secundum Deum. Hic gloriosi illius doctoris sensus, quem tamē non absque hæsitacione pronuntiauit, Lector prudens dispiciat. Ego re vera nihil possum confidenter asserere. Et hanc ignorātiā æquo animo fero. Neque enim illius sum ingenij, vt ea falsō velim profiteri me scire, quæ tamen nesciam.

*Omniū autem finis appropinquauit.* Iam enim sumus in nouissimis temporibus, ita vt finis sit propinquus iudicii. Sed hanc propinquitatem nemo potest faciliē determinare.

Estote itaque prudentes, & vigilate in orationibus. Ante omnia autē mutuam in vobismetipsis charitatem continuam habentes: quia charitas operit multitudinem peccatorum. Hospitales inuicem, sine murmuracione. Vnusquisque sicut accepit gratiam, in alterutrum illam administrantes, sicut boni dispensatores multiformis gratiæ Dei. Siquis loquitur, tanquā sermones Dei. Siquis ministrat, tanquam ex virtute quā administrat Deus, vt in omnibus honorificetur Deus per Iesum Christum, cui est gloria & imperiū in sæcula sæculorum, Amen.

Prudentia sub se continet prouidentiam futurorum. Hæc prouidentia vigilas poscit & orationes: quoniam his modis resistitur tētationibus, & non aliter. *Ante omnia autem mutuam, &c.* Hoc enim charitatis charissima præ cæteris æmulandum est, & nullo tempore intermittendum. Ideo dicit charissima, & charitatem quæ non friget, sed opera exhibet, operire multitudinem peccatorum. Vnde ad eos spectat beatitudo illa, quorum testata sunt pec-

cata. *Hospitales inuicem.* Et hoc etiam charitatis est opus. *Sine murmuracione*, id est, sine querela, vt non murmuret qui hospitio recipit. *Vnusquisque sicut accepit gratiam, &c.* Hic ostendit multiformem gratiam, id est, varia esse hominum dona in ecclesia ad ædificationem & conseruationem. Sunt enim qui præsent mirificè operibus charitatis circa temporalia in proximum: alij prædicationibus vel hortationibus, alij à peccatorū confessionibus audiēdis, & quæ huiusmodi sunt ad conseruationem, & incrementū corporis ecclesiæ. Debent igitur hæ gratiæ dispensari secundum inclinationem spiritus. *Si quis loquitur, tanquam sermones Dei*, id est, videat qui theologicè vult rectè loqui de Deo, ita loquatur, vt tanquam Dei verba ab iis qui audiūt existimentur. *Siquis ministrat, tanquam ex virtute, &c.* hoc est, tanquam ex Deo habens hoc donum ministrandi spiritualia, quæ in verbo consistunt, & sacramentis. *Vt in omnibus honorificetur Deus per Iesum Christum, &c.* Clara sunt omnia, Amen: Vox est optantis in Christo, & confirmantis fidem & animum in verbo Dei & operibus charitatis.

Charissimi, nolite peregrinari in seruire, qui ad tentationē vobis fit, quasi noui aliquid vobis contingat: sed cōmunicantes Christi passionibus gaudete, vt & in reuelacione gloriæ eius gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis Dei, & qui est eius spiritus, super vos requiescit. Nemo autē vestrū patiatur vt homicida, aut fur, aut maledicus, aut alienorū appetitor. Si autem vt Christianus, non erubescat. Glorificet autē Deum in isto nomine: quoniā tēpus est vt incipiat iudiciū à domo Dei. Si autem primū à nobis, quis finis eorū qui non credunt Dei euangelio? Et si iustus quidē vix saluabitur, impius & peccator vbi parebunt? Itaq; & hi qui patiuntur secundum volūtatē Dei, fidei Creatori commendent animas suas in benefactis.

*Charissimi, nolite peregrinari, &c.* Admonet Apostolorum Princeps ne in tribulationum feruore alienentur à mente: & quasi rem nouam videntes peregrinentur, id est, admirentur peregrinorum more & alienorum. Hæc enim est recta regula, vt omnes piē in Christo viuentes persequeutionē patiantur, & tribulationem. Quocirca cohortatur vt etiam atq; etiam in illis gaudeant: quia cū Christo participantes amara, possunt meritō & congruenter sperare dulcia. Et istud ipsum subdit: *Vt & in reuelacione gloriæ eius gaudeatis exultantes.* Nihil congruentius quā vt locij passionum sint etiam socij præmiorum, vt ait B. Paulus: *Si exprobramini in nomine Christi beati*, propter spem & eius certitudinem. Iam hoc prædicat in monte Dominus. *Quoniam quod est honoris, &c.* Græcè sic: *Quod est gloria, & Dei spiritus super vos requiescit*, id est, Spiritus ipse in vobis requiescit, qui est Spiritus gloriæ & Dei. Etenim nos diuinæ gloriæ fecit participes,

2. Tim. 3.

2. Cor. 1.



cuius nunc arrham habemus. Sic Spiritus veritatis dicitur: quia veritatem nos docet. An non hoc gloriosum est, & erit etiam longè amplius nobis gloriosum, requiescere in corde nostro tantum hospitem Spiritum sanctum? Quid igitur metuendum est nobis? Si Deus in nobis requiem habet, qui fieri potest ut nos per illum non quiescamus? O spiritus optime veni, & quod ait Apostolus tuus Petrus, fac experiri negantes, ut mutant sententiam.

*Nemo autem vestrum patiatur ut homicida, &c.* Iam hoc dictum erat: si autem ut Christianus, non erubescat. Non est enim de virtute erubescendum, ac sapientia crucis: ne Dominus iure erubescat de nobis tanquam socordibus & ignavis militibus. *Glorificet autem Deum, in isto nomine, id est, huius rei gratia:* quoniam donum est Dei maximum, non solum credere, sed etiam pati propter euangelium, & Christiana nam veritatem defendendam atque illustrandam. Et addit rationem:

*Quoniam tempus est ut incipiat iudicium à domo Dei.* Magna est hæc doctrina, quam ij tantum agnoscunt, qui non seipsos ignorat. Non est enim in terra qui cum omni iustitia sua non peccet, aut peccauerit aliquando. Itaque peccata purgari oportet in hoc tempore, ne seruentur iudicio futuro, quod erit terribile. Qui ergo sunt domestici & dilecti Dei, in hoc tempore ut filij castigantur, & emendantur, & purgantur patiendo ab hominibus iniuste, sicut Christus: & hoc est incipere iudicium à domo Dei. *si autem primum à nobis, qui domestici sumus, & filij dilecti: Quis finis eorum qui non credunt Dei euangelio?* Et satis non credere illi dicuntur, quicumque non obtemperant. *Et si iustus quidem vix saluabitur?* Ex proverbiis Salomonis acceptum est cap. 2. ubi legitur, Si iustus in terra recipit, scilicet castigationem, & hoc est vix saluari, nimirum per tribulationes has, à peccatis, quæ si Dominus rigorose respiceret, non essent condigna illis supplicia. Et ob eam causam si hæc difficultas est in bonis, ut nemo non purgatus hinc tutò recedat, quanto magis impius & peccator tribulabitur in futuro sæculo? Et hoc est quod hic dicitur: *Impius & peccator ubi parebunt?* id est, apparebunt. Quasi dicat, non poterunt confidenter stare ante conspectum maiestatis diuinæ, quam non cessarunt flagitiorum assidua turpitudine offendere.

*Itaque & hi qui patiuntur secundum voluntatem Dei, hoc est, propter euangelium, Commendant animas suas fidei Creatori, sicut fecit ipse Dominus noster, dicens: In manus tuas commendo spiritum meum.* Græcè hic legimus, *Tanquam fidei.* Depositum enim apud fidelem tutò conseruatur. Vnde & B. Paulus: Scio cui credidi, & certus sum quod potens est seruare depositum meum in illum diem, &c. Ac si dixerit: Scio illum esse fidelem, cui sine periculo depositum committitur.

C A P. V.



Eniores ergo qui in vobis sunt, obsecro cōsenior & testis Christi passionum, qui & eius quæ in futuro reuelanda est, gloriæ communicator: Pascite qui in vobis est, gregem Dei, prouidentes

non coactè, sed spontaneè secundum Deum: neque turpis lucri gratia, sed voluntariè: neque ut dominantes in cleris, sed forma facti gregis ex animo. Et cum apparuerit Princeps pastorum percipietis immarcescibilem gloriæ coronam.

*Eniores ergo qui in vobis, &c.* B. Petrus Apostolus Sac summus Pontifex verbo Iesu Christi, cōuertens sermonem suum ad seniores (græcè presbyteros) qui erant Episcopi tunc, & præpositi animabus curandis, mansuetè illos admoner obsecrādo: & se compresbyterum vocat, & non tanquam exercens potestatem cum austeritate atque imperio. Quod debuit exemplum esse successoribus. Vide ut concordat Apostolica doctrina. B. Paulus etiam admonuit Timotheum, dicēs: Senioremem ne increpaueris, sed obsecra ut patrem. At cum Episcopi pueri sunt & ætate & moribus, nunquid ut seniores accipiendi sunt? O Iesu Christe veni, & vide, & respice vineam tuam de cælo. Vocat etiā B. Petrus se testem passionum Christi, & confortem gloriæ reuelandæ: quia ad illam vocatus erat, & suā egregiam electionem non ignorabat. Sciebat enim Christum orasse ne vnquam deficeret fides eius: & amplius reuelatam sibi mortem, qua glorificaturus esset ipsum Iesum. Quidam hoc cōsortium gloriæ referunt ad visionem quam vidit in morte. Sed non ita aprè quadrat. Illud enim non fuit propriè communicare gloriæ & cōsors eius fieri, cum ipse ibi non fuerit glorificatus.

*Pascite qui in vobis est gregem Dei, quem Christus sanguine acquisiuit.* Ex hoc autem sermone apparet Presbyterorum appellatione, Episcopos ab eo significatos, quibus demandata erat certi gregis cura. *Providentes, id est, inspicientes & intendentes.* Græca vox *προνοώ* ut intelligat Episcopi quid ad eos pertineat, nimirum intendere ac vigilare super gregem suum, ut sit saluus à bestiis, *Non coactè sed spontaneè secundum Deum.* Quod nos legimus, *secundum Deum*, in græcis codicibus desideratur, nec admodum refert. Scimus enim à Domino Deo hilarem & spontaneum seruum diligere. *Neque turpis lucri gratia, sed promptè.* At nunc (salua mihi sit semper bonorum Episcoporum gratia) plurimi apparēt, apud quos solum nomen, non vis & virtus Episcopi retinetur. Solum vigilantissimè quæritur quanti sint fructus ouium, non autem salus illarum.

*Neque ut dominantes in cleris, id est, in eos qui in sortem Domini vocati sunt ad seruiendum altari.* O quot Episcopi etiam sua austeritate & dominatione dederunt occasiones exemptionibus, & privilegijs multis, ita ut abusus abusus pariat & abyssus abyssum. *Sed forma facti gregis.* Hoc in primis requiritur, ut pastor sit exemplum gregi suo. *Et cum apparuerit princeps pastorum, &c.* Si qui paruerint B. Petro, & bene se gesserint erga clerum, magnam gloriæ coronam recipient. Quid in illos qui cōtra fecerint? O confusionem horribilem.

Similiter adolescentes subditi estote senioribus. Omnes autem inuicem humilitatē insinuate: Quia Deus superbis resistit, humilibus autē dat gratiā. Humi-

Exemplum  
Petri pro  
successoribus

1. Tim. 6.

Que sunt  
Episcoporum  
munia.



liamini igitur sub potenti manu Dei, ut vos exaltet in tempore visitationis. Omnem sollicitudinem vestram proicientes in eum: quoniam ipsi cura est de vobis. Sobrii estote, & vigilare: quia aduersarius vester diabolus tanquam leo rugiens circumcui quærens quem deuoret: cui resistite fortes in fide, scientes eandem passionem ei quæ in mundo est, vestræ fraternitati fieri. Deus autem omnis gratiæ, qui vocauit nos in æternam suam gloriam in Christo Iesu, modicum passos, ipse perficiet, confirmabit, solidabitque. Ipsi gloria & imperium in sæcula sæculorum. Amen.

*similiter adolescentes:* Quod ait, similiter, non significat aliam similitudinem, sed quandam congruentiam. Ut enim rectores sunt monendi ad regendum cum dilectione, quorum regimen si Christianum fuerit, species quædam est subiectionis: Ita & qui reguntur iuniores, subditos senioribus regentibus esse oportet. *Omnes autem inuicem subiecti.* Dilectio vera hoc efficit, ut maior inferiori ministret. *Quia Deus superbis resistit, &c.* Hanc rationem qui intelligit, quomodo renuet humiliari Deo? *Huiliamini igitur, &c.* Est firmissima illa promissio: Qui se humiliat, exaltabitur. *omnem sollicitudinem vestram proicientes in eum: quia ipsi cura est de vobis:* Hoc ille dicebat: Omnes capilli capitis vestri numerati sunt. Hanc verò sollicitudinem circa ea quæ corpori necessaria sunt, vult proici in eum, non ita tamen ut quod prudentia humana requirit penitus abiiciatur: sed solummodo illa anxietas & sollicitudo, quæ peruertit studia nostra, contra præceptum Domini, dicentis: Primum quærite regnum Dei & iustitiam eius, & hæc omnia adiicientur vobis.

*Sobrii estote & vigilare.* Sobrietatis vocabulo apud scripturas, id quod Philosophi temperantiam dicunt, intelligitur. Vigilare autem est attendere, & cauere. *Quia aduersarius vester diabolus, &c.* Sunt qui non credunt diabolos esse: quod certe est illis gratissimum. Tantò enim minus cauent ab eorumdem insidiis, quas tendi nusquam opinantur. Et ipsi quidem diaboli astutissimi quantum valent, se abscondunt ab eis, ut in ea falsa persuasionem permaneant verè laqueis periculosissimis irreti. Hoc enim solum ad eorum ruinam, quam cupiunt & curant ipsi dæmones, satis esse perspicunt: quin & in rus suggerunt rationes sophisticas quominus credant, ut cum videant arreptitios, & quædam ab his fieri admiranda, illa tribuant melancholiæ, aut mestruis. Et si quos effectus videant altiores, ad quos illiusmodi causæ non sufficiunt, ad stellarum influxus referunt, ignorantes sua proteruia multos causarum effectus, qui excedunt omnem vim influentium syderum. Sed ipsimet diaboli sunt à quibus isti illuduntur, & tenentur ad eorum voluntatem.

Hæc est hæresis antiqua Sadducæorum, cum tamen omnes sectæ quæ religionem aliquam professæ sunt, esse dæmones asseruerint. Ipsi sunt acres ad

uersarij nostri, & præcipue princeps eorum Lucifer inuidus, qui assidue circuit quasi venator & leorugiens, quærens quem deuoret: cui fortiter resistendum est in fide.

*Scientes eandem passionem, siue easdem passiones, ei quæ in mundo est, vestræ fraternitati fieri, aut potius consummari, vel perfici.* Sensus est: Scire debetis, in vobis eas perfici & consummari passiones, quas Dominus requirit à corpore suo, quod est ecclesia. Vos eadem patimini quæ omnes Sancti in vniuerso mundo. Sic dixit & B. Paulus ad Colossenses: Adimpleo, hoc est, perficio, ea quæ desunt passionum Christi in carne mea, pro corpore eius, quod est ecclesia.

*Deus autem omnis gratiæ, &c.* Seu potius, integræ ac perfectæ gratiæ, modicum passos: Verè modicum est: quia & tempus modicum, & modicæ passiones, si conferantur ad æternum gloriæ pondus.

Per Syluanum fidelem fratrem vobis, ut arbitror, breuiter scripsi, obsecrans & contestans hæc esse veram gratiam Dei, in qua statis. Salutat vos ecclesia quæ est in Babylone, coelecta: & Marcus filius meus. Salutate inuicem in osculo sancto. Gratia vobis omnibus qui estis in Christo Iesu. Amen.

Hæc clara sunt: solū illud quod ait, *salutat vos ecclesia quæ est in Babylone coelecta*, aliter atque aliter à diuersis accipitur. Ego verò cum B. Hieronymo sentio, ut per hanc Babylonem ad literam intelligamus Romam per quædam metaphoram. Ibi enim erat Marcus Euangelista, quem meminit salutantem. Siquidem Babylon confusionem sonat. Talis erat eo tempore Roma: vtinam non etiam nunc magna ex parte. Quæ si pergar, vehementer equidem metuo, ne quandoque Deus ostendat iram suam in illam. Vereor certe ne dilectus discipulus de illa propheteret, vbi ait: Cecidit, cecidit Babilō illa magna, quæ à vino iræ fornicationis suæ potauit omnes Gentes: & reges terræ cum illa fornicati sunt. Legat qui volet reliqua, & paulò attētius perpendat, num conueniant tantæ bestiæ. Mihi quidē videtur: & verè maxima est Dei erga illam patientia. Nisi hæc sit maior ira, iram ipsam differre. Sed bona nonnullorum opera iudicium diuinum tardant, quam moram grauitas supplicij compensabit. Domine Iesu miserere, & veni tandem, & vide, & visita vineam tuam, quam tanto pretio redemisti. Illud consultò hæc præteribo quod menti tamen occurrerat, aliquid in eos differere qui negarunt, aut etiam negant, B. Petrum vnquam Romæ fuisse. Verū satius est vel Philosophum audire prohibentem in quemuis proferentem sermonem & effutientem, nos esse debere sollicitos.

*Salutate inuicem in osculo sancto.* Est osculum carnale, signum amoris carnalis. Est osculum hypocritarum, quod præ se fert amorem, sed simulatum ac fictum: tale fuit illud Iudæ quo Filium Dei tradidit. Est verò osculum sanctum spirituale, id est, munda simul ac firmæ dilectionis. Et hoc osculo

salutare nos inuicem Princeps Apostolorum iubet.

Luc. 18.

Matt. 10.

Ibid. 6.

In eos qui negant esse spiritus.

Apoc. 14.



# ARGVMENTVM IN POSTERIOREM EPI- STOLAM B. PETRI APOSTOLI.

**S**ecundam scripsit epistolam ad eosdem B. Petrus, vt confirmaret quæ in priore tradiderat. Maximâ illorum dignitatem ostendit, qui erant diuinæ naturæ consortes per dona spiritus effecti. Vult autē hanc electionem firmam per bona opera assidue reddi. Meminit sui imminētis obitus, & item dominicæ transfigurationis, eos laudans, qui literarum sacrarū studiis vacabant. Peruersa hæreticorū ingenia ad vium depingit, & simul parata illis supplicia, vt tales omnino execrentur: quin potius bonis operibus incumbentes, vereantur more canum redire ad vitæ prioris vomitum. Præmunit tandem aduersus impostores impij de aduentus dominici die docentes. Vbi testimonium illud egregium reliquit, & B. Pauli verba, & alias scripturas ab hæreticis deprauari. Ad stabilitatem igitur & patientiam exhortatur, vt crescant in gratia & cognitione Redemptoris, quò tandem possint sempiternam felicitatē consequi.

## COMMENTARIA IN POSTERIOREM EPI- STOLAM B. PETRI APOSTOLI.

**S**IMON Petrus seruus & Apostolus Iesu Christi iis qui cœqualem nobiscum sortiti sunt fidē in iustitia Dei nostri & Saluatoris Iesu Christi, gratia vobis & pax adimpleatur in cognitione Dei & Christi Iesu domini nostri: quomodo omnia nobis diuinę virtutis suę, quæ ad vitam & pietatem donata sunt, per cognitionem eius qui vocauit nos propria gloria & virtute, per quę maxima & pretiosa nobis promissa donauit: vt per hoc efficiamini diuinæ consortes naturæ, fugientes eius quæ in mundo est, concupiscentiæ corruptionem.

**M**AN Cepistolam non solum ad Hebræos, verum etiam ad Gentes illū misisse, ipse titulus clarē ostendit, dum ait: *Iis qui cœqualem nobiscum sortiti sunt fidem in iustitia*, hoc est, per iustitiam, Dei nostri & Saluatoris Iesu Christi. Absque dubio eandem personam vocat & Deum, & Saluatorem, per cuius iustitiā & nos iustificari sumus. Ipse nanque sua iustitia meruit, vt & nos per donum iustitiæ iustificaremur. Illud autem infundit in cordibus nostris, quo formaliter iusti sumus. Hoc in nobis donum oderunt diaboli: & propterea tanta rabie nobis inuident, non ignorantes per illud nos placere Deo vt filios dilectos. Quapropter instruunt suos discipulos novos nostræ ætatis magistros, vt mitis modis aut omnino negent, aut saltem extenuent atque eleuent hoc tam excellens donum.

Gratia vobis, & pax, &c. Iam multis in locis exposita sunt à nobis huiusmodi verba salutationis. Hic tamen additur quomodo gratia & pax adimpleatur: nimirum, in cognitione, siue agnitione, Dei & Christi Iesu domini nostri. Et circa quod versetur cognitio hæc, addit: *Quomodo omnia nobis diuinę virtutis suę, &c.* Huiusmodi igitur est agnitio: quòd miro modo omnia diuinæ suę virtutis, siue potentia, quæ ad vitam faciunt & pietatem, donauit nobis per agnitionem, eius. i. Iesu Christi, qui fuit ac-

quisitor omnium donorum. *Qui vocauit nos propria gloria & virtute*: aut per gloriam & virtutem, quod perinde est. Hæc vox, *Virtus*, moraliter hoc in loco accipitur, vt contra vitiū distinguitur. Illa ergo absoluta Christi iustitia, quæ est integra & perfecta virtus, qua conuersatus est in terra: & eius gloria, quam viderunt discipuli & ante resurrectionem, & post in corpore eius: & item insignia miracula quæ diuinam eius potentiam manifestabant, vocauit ipsos Apostolos, & per illos etiā alios multos: *Per quæ maxima & pretiosa nobis promissa donauit*. Erat enim promissa lex gratiæ & iustitiæ sempiterna, quæ continet ineffabilia dona. Hæc ipsemet declarare volens subdidit: *Vt per hoc efficiamini diuinæ consortes naturæ*. Quid rogo, maius potest & præstantius excogitari, quàm ex animalibus terrę euadere in cœlestes spiritus, tanquam Angelos Dei ex parte, scilicet secundum interiorem hominem? Et hoc in terra: in cœlis autem complebitur hoc munus, vt non ex parte contingat, sed perfectè & in perfectio, hoc est, anima & corpore: si modo eius primitias seruauerimus: *Fugientes eius, quæ in mundo est, concupiscentia corruptionem*. Hinc edoctus Leo ille primus Pontifex summus, vehementi ac spiritali rugitu in eam admirandam & maiestatis cuiusdam plenam exclamationem prorupit: Agnosce (inquit) ô Christiane dignitatem tuam: & diuinæ confors factus nature, noli in veterem vilitatem degeneri conuersatione redire. Memento cuius capitis, & cuius sis corporis mēbrum. Reminiscere quòd erutus de potestate tenebrarum trāsatus es in Dei lumen & regnum. Et quod excurrit.

Vos autem curam omnem subinferentes, ministrare in fide vestra virtutem: in virtute autem scientiam: in scientia autem abstinentiam: in abstinentia autem patientiam: in patientia autem pietatem: in pietate autem amorem fraternitatis: in amore autem fraternitatis, charitatē. Hæc enim si vobiscum adsint, & superēt: non vacuos, nec sine fructu vos cōstituēt in domini nostri Iesu Christi cognitione. Cui enim non præstō sunt hæc, cæcus est, & manu tentans, obliuionem accipiēs purgationis veterum suorum delictorū.

Leo Papa  
ser. i. de  
Nat. Domi-  
ni.



Quapropter, fratres, magis satagite ut per bona opera certam vestram vocationem & electionem faciatis: hæc enim facientes non peccabitis aliquando. Sic enim abundanter ministrabitur vobis introitus in æternum regnum Domini, & Saluatoris nostri Iesu Christi.

Quia enim potest frustra accipi gratia, nisi per bona opera retineatur: ideo ad illa primum eos hortatur, & ait: *Vos autem curam omnem subinferentes, ministrare in fide virtutem, &c.* Græca lectio habet, *In hoc ipsum*, id est, ut hoc diuinæ naturæ cōsortium vobis seruetur & adimpleatur, curam omnem conferentes ministrare, *In fide vestra virtutem*, i. ut abundet iustitia vestra dignis suis fructibus, qui sunt opera bona. *In veritate autem scientiam*. Etenim sine scientia quæ circumstantias nouit, ubi, quomodo, quando, & reliqua, non potest recte virtus vlla exerceri. *In scientia autem abstinentiam*. Græcè melius, *Temperantiam* ut lumitur à Marco Tullio: quæ est quidam modus, unde decor & pulchritudo in omni externa actione resplendet: qui modus ab ipsa scientia indicatur. *In temperantia autem patientiam*. Nemo enim temperatè vnquam viuet, nisi sit patient, qui propter aduersa non frangatur. *In patientia autem pietatem*: Quæ tum demum verè nobis inest, cum propter Deū patimur, & inimicos etiam diligimus, nihil vindictæ cogitantes in eos. unde istud declarans subdit: *In pietate autem amorem fraternitatis*: *In amore autem fraternitatis charitatē*. Sed quid est amor fraternitatis, nisi charitas? Voluit fortassis hoc in loco admonere, ne ille amor fraternitatis sit carnis: aut fortè ut quod exterius fit, ex charitate fiat, quæ non quarit quæ sua sunt, nō ad commodum proprium aspirans: sicut multi faciunt ambitioni, quod capient prælaturas, & officia inter fratres.

*Hæc enim si vobiscum adsint & superent*, id est, superabundent: *Non vacuos, &c.* Senius clarus est. Facto hic opus esset, non meris & nudis verbis. Ecce igitur o Lutherani clarissimum pro bonis operibus testimonium, quod ea nos in die visitationis saluant, *Cui enim non præsto sunt hæc, cæcus est, & manu tentans*. Perinde ac si aperit dicat: *Quicumque est absque fide, quæ fundamentum est virtutum omnium, aut sine ipsius fidei exercitio per opera virtutum, est veluti cæcus qui nescit quod vadat: & tanquam manu tērans, qui offendit in via. Obluionem accipiens purgationis veterum suorum delictorum*. Si enim esset vobis memor quomodo purgatus erat à peccatis per baptismum, non iterum se immerisset in illis. Hic item locus, unde notitia gratiæ probatur. Qui enim obliuiscitur se fuisse à peccatis purgatum (quod fit per gratiæ acceptionem) iam hoc prius sciuit. Nemo quippe obliuisci eius dicitur, quod nunquam sciuerit.

Quapropter, fratres, magis satagite ut per bona opera certam (i. e. firmam) vestram vocationem & electionem faciatis. Si vatio nō est certa neque electio, quid est quod communiter aiunt certam esse salutem electorum seu prædestinatorum, & certum esse numerum secundum materiam? Verè hinc necessariò, meo iudicio, dicendū est non omnes eiusdem pon-

deris vocationes & electiones esse. Itaque sermo hic non de illis prædestinatis est intelligendus. Vnde enim sciebat B. Petrus illos, ad quos scribebat, esse prædestinatos? Quod si illud sciisset, non intererat illis reuelare. Est igitur facultatis nostre cōfirmare, & certam facere vocationem & electionem nostram, per quam de multa hominum turba sumus erepti, & electi ad notitiam fidei & Christi Redemptoris, quauis in numero prædestinatorum nō simus, ut par est nos credere, ne vnā simus arrogantes & amentes. Declarat autem ipsam electionis retinendæ firmitatem, & ait:

*Hæc enim facientes non peccabitis aliquando*. Potest ergo esse homo sine peccato: & ab operibus bonis & assiduis procedit confirmatio in iustitia. Quod verò editio nostra habet, *Non peccabitis*, Græcè habet. *Non labemini*, seu, nō cadetis à gratia: quoniam Deus supponet manum suam.

*Sic enim abundanter ministrabitur vobis introitus in æternum regnum, &c.* Quoniam Dominus implebit cor latitia, & fortitudine, & ardenti desiderio veræ gloriæ, ita ut sit nostrum per opera bona accedere ad gratiam prædestinatorum, etsi non simus in eo numero.

Propter quod incipiā vos semper commone de his, & quidem scientes & confirmatos vos in præsentī veritate. Iustū autem arbitror quandiu sum in hoc tabernaculo, suscitare vos in commonitione, certus quod velox est depositio tabernaculi mei, secundum quod & Dominus noster Iesus Christus significauit mihi. Dabo autem operam & frequenter habere vos post obitum meum, ut horum memoriam faciatis. Non enim doctas fabulas sequuti, notam facimus vobis Domini nostri Iesu Christi virtutem & præsentiam: sed speculatores facti illius magnitudinis. Accipiens enim à Deo Patre honorem & gloriam, voce delapsa ad eum huiusmodi à magnifica gloriā: Hic est Filius meus dilectus, in quo mihi complacui, ipsum audite. Et hanc vocem nos audiuius de cœlo allatam, cum essemus cum ipso in monte sancto. Et habemus firmiorem propheticum sermonem, cui bene facitis attendentes quasi lucernæ lucenti in caliginoso loco, donec dies illustret, & Lucifer oriatur in cordibus vestris. Hoc primum intelligentes, quod omnis prophetia scripturæ propria interpretatione non fit. Non enim voluntate humana allata est aliquando prophetia: sed Spiritu sancto inspirati loquuti sunt sancti Dei homines.

Propter quod incipiam: Melius, non ero negligens, vos semper commone de his, & quidem (potius, quam) scientes & confirmatos vos in præsentī veritate. Sed ne dicant: Si putas nos scire, & in hac veritate

Non prædestinatis certa electio-  
ne posse saluari.



confirmatos esse, cur ergo operam perdis hortando? Responder: *Iustum autem, &c.* sensus est, Esto sciat, & confirmati sitis: attamen iustum est ut ego dum in hac vita sum circumdatus hoc tabernaculo corporis, officium meum impleam commendo. Nam sic etiam magis atque magis excitatur vestra virtus & crevit. *Certus quod velox est depositio tabernaculi mei, &c.* Sæpenumero Sanctis viris reuelat Dominus diem exitus eorum. *Dabo autem operam & frequenter* (siue iugiter) *habere vos post obitum meum, ut horum memoriam faciatis.* Hic locus ambiguum habet sensum: non enim eoultque satis patet, utrum ipse dicat se omnem daturum operam ut habeat illos (supple tu) commendatos post suum obitum, ut meminerint harum admonitionum. An verò quod dabit operam in hac vita sic eos ad bonum sollicitando, ut ipsi post eius obitum meminerint. Prior quidem sensus plurimum faceret aduersus novos hæreticos, qui negant Sanctos in patria cœlesti collocatos habere ullam curam, aut notitiam nostri. Quicquid sit de ipso proprio Apostoli sensu, neutra intelligentia veritate caret.

*Non enim doctas fabulas sequuntur, &c.* Græca vox, *στοογμῖνοις μύθοις*, significat commentitias & callidas, atque arte cōpositas fabulas, quales sunt Poetarum illæ & Rhetorum, aut sapientium mundi, *Virtutem & præsentiam*, id est, aduentum, *Sed speculatores facti illius magnitudinis.* Græca lectio cogit nos ut sic ordinemus: *Speculatores facti magnitudinis illius* nempe Christi. *Accipiens enim à Deo Patre*, non à se metipso, qui erat sub præcepto exinanitionis, *Honorem & gloriam voce delapsa, &c.* Locus clarus, & historia ex euangelio nota. Consideret autem hoc in loco acutus lector, quod Erasmus præterit, qui posuit in dubitationem, esset ne hæc epistola B. Petri Apostoli, cum tamen non neget esse canonicā. Si enim hæc epistola non est B. Petri Apostolorum principis, est proculdubio cuiusdam nebulonis ac impostoris, qui mentiatur se vidisse gloriam Christi in monte sancto. Certum est enim hanc epistolam neque Iacobi, neque Ioannis esse, & in ipso titulo, Petri nomen ascribitur. Sed ut videantur perspicaciores, stylum huius epistolæ non convenire cum stylo prioris, quam pro certo habent esse Petri, pro ratione afferunt. Quæ si daretur, non adeo tamen validum est à styli varietate argumentum. Nam idem homo non semper eundem seruat stylum: quin & ipsemet Erasmus ab humaniorum litterarum præcipuis professoribus iudicatur admodum varius, & nusquam ferè æquabilem seruare stylum orationis. Equidem (ut de me fatear) sæpenumero dum quædam nostra relego, & cū careis à me post exaratis confero, vix à me profecta recognosco. Præterea inter has duas B. Petri epistolas non perspicio sanè illam styli diuersitatem, quam isti obiciunt: quin mihi prorsus idem esse videtur. Sed isti nodum vel in scirpo queritare delectantur.

*Et habemus firmiorem propheticum sermonem.* B. Petrus ea quæ vidit, & quorum erat certissimus, adduxit ad eorum, quibus scribebat, confirmandam fidem. Considerauit autem quæ tum proponebat apud Iudæos non esse tantæ firmitatis, quantæ erant veteres scripturæ sanctæ. Nam tempore diuturno à synagoga probatæ erant, & ab ecclesia re-

ceptæ, & perfectæ autoritatis robore cōfirmatæ. Itaque obiecit illis propheticum ipsum sermonem ubi ferè passim contemplari licet Christum. Ob eā causam laudat eos qui attendebant scripturarum sanctarum studio, *Cui bene facitis attendentes, quasi lucerna, &c.* Et verè ipsæ sunt quasi lucerna quædam lucens in caliginoso huius vitæ loco. Cor enim nostrum quandudum hanc ærumnosam agimus in terris vitam, ex se tenebrosum est, & oppletum dēsa caligine. Ignorat quippe homo & vnde veniat, & quò tendat, & qua sit incedendum via. Scriptura ergo sancta admixta fide, est cordi nostro tanquam lucerna quædam quæ præluet nobis, & ostēdit quæ supra sensum sunt. Hoc Propheta scriptum reliquit: *Lucerna, inquit, pedibus meis verbum tuum, & lumen semitis meis.*

*Donec illucescat dies*, id est, donec appareat nobis gloria Christi. Non amplius ita obscure & quasi in caligine & sub nube: sed ipse, *Lucifer*, verus Christus. *Oriatur in cordibus nostris*: Tunc enim non erit opus ista lucerna, ubi nulla est nox futura, neque umbra, neque nubes, neque caligo: sed immēsa claritas & æterna dies. *Hoc primum intelligētes*, quod omnis prophetia scripturæ, &c. Bene & vigilanter dixit, *Hoc primum intelligentes*, Quod tamen non tam difficile est intellectu, quàm dignū obseruātia. Plurimi enim qui hoc obseruare vel nolūt, vel negligūt, impingunt periculossimè. Quid est igitur istud quod non obseruatur? nempe, *Quod omnis prophetia scripturæ*: Vocat prophetiam, intelligentiam spiritualem, quæ mediis scripturis hauritur, *Propria interpretatione non fit*, id est, Non fit ab humano lumine, sed diuino: quoniam non tractat quæ conueniunt homini, ut homo est, sed quæ illi cōueniunt supra hominem eleuato. Vnde Apostolus & Doctor gē-

*Non enim humana voluntate allata est aliquādo prophetia*, id est, ipsa scriptura prophetica nō ex hominum cōmento venit, *Sed spiritu sancto inspirati loquuti sunt sancti Dei homines*, Vt hinc cōficiatur celebris illa, & vera, & rationalis conclusio: Quo spiritu scripturæ sunt inspiratæ, eodē eas interpretari oportet. Quapropter rectè cōsequitur: Penes superbos & arrogantes, & cōtumaces in ecclesiā (quia hoc spiritu carēt) veram scripturarum interpretationem adesse nullo pacto posse. Solum quidē peruersum habere possunt, & qui ad literā atque historiā pertineat: ad fructū autem vllū spiritus nequaquā. Hoc aduersus novos hos magistros dicimus, ut sibi caueant, qui parati sunt scrutari scripturās. Quorum hodie magnus est numerus. Et item in eorum gratiā qui falsa persuasionē, in libris hæreticorum reſiderē putāt illustres aliquos sensus. Nam si quid in est, à nostris suffurati sunt. In animam enim malignam an querendus est sapientiæ Spiritus?

## CAP. II.



Verunt vero & pseudopropheta in populo: sicut & in vobis erunt magistri mēdaces, qui introducent sectas

Erasmus  
notatur.

A varietate  
styli non  
cōfiscitur ar  
gumentum  
efficax.

Psal. 118.

Rom. 8.

De cōueniē  
ti scriptura  
rū interpre  
tatione.



perditionis: & eum qui emit eos, Dominum negant, superducentes sibi celerem perditionem: & multi sequentur eorum luxurias, per quos via veritatis blasphemabitur, & in avaritia fictis verbis de vobis negotiabuntur. Quibus iudicium iam olim non cessat, & perditio eorum non dormitat. Si enim Deus Angelis peccantibus non pepercit, sed rudentibus inferni detractos in tartarum tradidit cruciandos in iudiciū referuari: & originali mundo non pepercit, sed octauum Noe iustitiæ præconem custodiuit, diluuium mundo impiorum inducens: & ciuitates Sodomorum & Gomorrhæorū in cinerem redigēs, euersione damnavit, exemplum eorum qui impiè acturi sunt ponens: & iustum Lot oppressum à nefandorum iniuria, ac luxuriosa conuersatione eripuit: Aspectu enim & auditu iustus erat, habitās apud eos qui de die in diem animam iustam iniquis operibus cruciabant.

**P**ostquā superius eos admonuit quomodo sunt intelligendæ scripturæ: nunc in eos qui eas peruerterunt, & quæ pseudoprophetas declararūt, & in illorum sectatores sermonem intendit. Pōnit autē nobis ita graphicè ante oculos nostræ huius infœlicis tempestatis hæreticos (quos proculdubio certa reuelatione vidit in spiritu) vt nihil possit congruentius excogitari. Ait ergo: *Fuerunt verò & pseudopropheta in populo.* Patet in veteribus historiis vsque ad Christum Dominum nostrum, nunquam hunc zizaniorum spiritum defuisse in agro Domini. Contule libros Regum, & inde facile nosces multos fuisse pseudoprophetas, quibuscum Elias contendit, Micheas, Isaias, Ieremias & alij prophetæ.

*Sicut & in vobis erunt magistri mendaces.* Hæc est prophetia, cuius veritatem cuncta sæcula venientia viderunt. *Qui introducent sectas perditionis.* Res est plusquam per se clara, vt non debeat quisquā scandalizari, cum hoc ipsum fuisse cernamus in omni sæculo, ac præterea prophetarum. *Et eum qui emit eos Dominum negantes.* Non enim conuenit legere, *Negant*, cum de futuro esset sermo, sed negātes potius: *superinducētes sibi celerem perditionem.* Siquidem amissa fide, citra vllum penitus impedimentū precipites feruntur ad interitum, Deo ipso iustissima sententia deferente. *Et multi sequentur eorum luxurias:* Gracè potius, exilia ac perditiones. Sed & vtraque lectio verum sensum porrigit, *Per quos via veritatis blasphemabitur.* Vita horum & scandala quæ videmus, vice commentariorum sunt ad huius Apostolicæ veritatis prophetiam. Omnia sanè luce clarius vera esse hoc tempore videntur per horum pseudomagistrorum vitam, & vipeream linguam, qui nunquam cessarunt, nec hodie adhuc cessant vias Domini rectas pestilēti doctrina pervertere. Quo efficitur vt blasphemetur (heu) Christianæ professionis religio. Apostolicæ enim atque ecclesiasticæ traditiones propter horum mendacia, &

peregrinas doctrinas deferuntur: vnde & multi peregrinantur, & blasphemant viam veritatis, quæ est in ecclesia Dei, ab his fallorum magistrorum mendaciis ludificari.

*Et in avaritia fictis de vobis verbis negotiabuntur.* Istud spolia ecclesiarum ostendunt in regnis schismaticis per horum doctrinam, qua cauponantur. Non negamus vigere & avaritiam in quibusdam ecclesiæ Dei ministris. Sed hæc & alia vitia nostra, à nobis tamen non excusantur: non habent prætextum fictis verbis, ita vt veritas dogmatum pereat, sicut est apud hæreticos qui quod malum est, bonum dicunt. *Quibus iudicium iam olim non cessat.* Cum enim defecerint à fide, & iam sint subuersi, iudicati sunt: & eos Dominus sustinet vt impleant perfidiæ suæ tempora, & contra illos ipse glorificetur, cum ponet eos scabellum pedum suorum. *Et perditio eorum non dormitat,* quoniam assidue proficiunt in deterius. Sic enim oportet vt temper tendant deorsum: & quanto profundius, tanto celerius instar lapidis in putei profundum proiecti.

*Si enim Deus Angelis peccantibus non pepercit, &c.* Multa de Angelorum casu & statu dicenda essent, & de ipsius ruinæ causa. Verum nō defunt aliquot ex amicis nostris (vt non rarò diximus, & frequenter repetere non est alienum) qui sectis addicti, & in eorum scholis perpetuò versati, & iccirco nescientes scripturas: & dicta, traditionēque patrum non obseruantes, cum ea audiunt quæ in scholasticis nequaquam legerunt, peregrinantur. Qui enim aliter possunt, cum in Logicis & Physicis, & Metaphysicis, & eiusmodi quæstionibus multis penè in utilibus, integram ætatem conterant? Qui audit intelligat, & ad meliora studia animum transferat. Isti igitur vbi primum quædā audiunt à suis (vt iam dixi) Magistris minime tradita, continuo vt erronea & hæretica, sua magistrali, hoc est, superbissima & præsumptuosissima censura damnāt. At hoc omnino est iniquissimum: nec à B. Thoma, neque ab alio Christiano authore, & doctrina simul & modestia pollente, talem regulam didicerūt. Proferamus itaque nos aliqua de Angelis ad eorum si recipiant, instructionem: aut saltem vt ipsi cessent, si fieri potest, maledicere, & gratis insectari.

Fuit à prisca temporibus opinio, imò (vt ego existimo) antiqua huiusmodi traditio: Peccatum Angeli fuisse inuidiam. Non quidem inuidiam, qua Deo inuiderit (hoc enim stultum est opinari, cum inuidia non sit inter adeo dispares, & quorum alter in immensum excedat alterum), sed qua inuidit homini. Hanc sententiam fuisse antiquorum, hætenus mihi vt rem cōpertam sumo. Nam postmodo etiā testimoniis Patrū inferius ostendam me vera dixisse, quibus & ipsæ scripturæ mirificè attestantur.

Nunc me conuerto ad sectatores. Quid hîc, rogo, opponere potestis vos, qui ex hac doctrina scādalum patimini? Num hoc vobis impossibile esse videtur? An non verisimile, nedum nō absurdum? Num ab ecclesia illa in parte, vel in cōciliis, vel in decretis reprobatur? Tacent: Nihil habent aliud quod respōdeant, nisi fortè obiciant nec à B. Thoma, aut à Scoto, ceterisque Scholasticis, hanc de Angelis historiam nusquam commemoratam. Porro aliam ipsi proferunt Angelorum prolapsionis cau-

*Historia de casu Luciferi & Angelorum eius.*

*Attende lector quā graphicè designantur noui hæretici.*



fam. Quam rogo: Superbiam illam, inquit, qua excitatus Lucifer appetit æqualitatem ac similitudinem Dei. Nam & eiusmodi opinio ex antiqua traditione profecta est: & cunctis iam ecclesiis persuasa. Et nos pariter cum illis hanc fuisse causam asseueramus. Verum istud insuper interesse declaramus. Nos enim hæc ita simul concordamus, ut omnia sibi inuicem consonent. Illi contra, dum suam causam defendunt, & nostram non considerant: nec quicquam firmum statuunt, nec secum concordant. Aliud enim Scotus, aliud B. Thomas docet: & perpetuæ circa hoc vigent inter eos controuersiarum lites. Quid igitur est causæ cur non explicita sententia magis placere vobis omnino debeat?

Dicimus Dominum Deum, antequam hunc mundum nostrum constituisset, creasse Angelos, & in cælo illo summo, quod empyreum vocant, collocasse. Et illis aliquando ostendisse voluntatis suæ beneplacitum ac decretum de humano genere condendo, & de incarnatione Filij, & sublimatione nostri generis ad illud regnum. Adiecit autem illis præceptum, ut ipsi omnes illum Deum hominem adorarent, & in Deum suum, & authorem gloriæ ipsorum reciperent. Ille autem Lucifer hoc videns, & inflatus superbia, inuidit (nunquid vnquam erit inuidia absque superbia?) atque ideo præceptum illud spreuit: & quod decretum erat de Christo, sibi ipsi appetiuit, ut in persona Dei sua natura, id est, angelica cum diuina coniungeretur. Id enim cernebat nedum possibile: sed etiam (ut prima facie videri poterat) longè decentius apparebat. Ecce causa ruinæ. Nunc perpende (quæso) lector & veritatis amator, ut huic veritati omnia consonant. Hic primum vides animi motum, superbiam: quia suam concupiuit excellentiam inordinate. Hic cernis inuidiam, & ad inuidiam non paruum stimulum, propter Christum. Alioqui sine Christo quid fuisset nos, in quos potuisset in tanto Angelo adesse tanta ratio inuidendi? Hic item vides, quomodo æqualitatem Dei per illam vnionem sibi appetiuit. Hic demum vides præceptum Dei, cui ille noluit obedire. Erat autem conueniens (ut eleganter ait Caicatanus) ut quemadmodum homo ab initio habuit positum præceptum, per cuius obedientiam mereretur conseruare sua dona, & regni gloriam adipisci: ita similiter & Angeli ipsi aliquid similiter eiusmodi præceptum habuerint, ut ab eo tentarentur. Quid autem fingi potest congruentius atque fortius ad probandam ipsorum subiectionem, & debitam Deo omnium Creatori humilitatem?

Dicit mihi aliquis: Vbi hoc de scripturis accipis? Nunquid aliquid nostro arbitratu possumus nos quauis verisimile fingere, & quasi dogma ecclesiasticum obtrudere? Respondeo: Creditur in primis à multis piis, esse hoc cœlitus reuelatum seruis Dei. Sed cum non sit omnium fides, & illud proverbiorum obiectionem: Qui cito credit, levis est corde. Nos anteuertimus obiectionem eiusmodi, & negamus citò nos credere, cum illud credimus, cui ipsæ scripturæ, & Patres, denique & ipsa lux veritatis multis modis & ex omni parte apprimè consonat.

Apoc. 12. Primum, legimus in Apoc. signum magnum apparuisse in cælo, ubi erat & diabolus, qui vidit mu-

liorem quæ cruciabatur ut pareret Christum: & ipse Draco describitur inuidus, & intentus ad occidendum ipsum sibi ostesum adhuc existenti in cælo. Ideo Dominus de illo increpans Iudæos dixit: *Ioan. 8.* Vos ex patre diabolo estis, & desideria patris vestri vultis facere. Ille (nota prudens lector) ille, inquit, erat homicida ab initio, & in veritate non stetit, &c. Ecce illa diaboli voluntas plena odio ac liuore in Christum, & consequenter in genus nostrum. Idem in illo Apoc. loco dicitur, quod volebat filium deuorare, quem videbat recturum omnes Gentes. Et hinc magnum in cælo illud prælium: quoniam Angeli obedientes defenderunt in cœlis veritatem Dei, & decretum iustum & sanctum. Lucifer autem traxit ad cōtumaciam secum tertiam partem stellarum cœli: & inde tandem absque pœnitentia eiectus est cum omnibus sectatoribus suis. Tum audita est vox illa grandis in cælo & victoriosa, dicēs: Nunc facta est salus, & virtus, & regnum Dei nostri, & potestas Christi eius: quia proiectus est accusator fratrum nostrorum, qui accusabat eos in conspectu Dei nostri die ac nocte. Hæc de illo vox Angelorum bonorum, peccatum Luciferi manifestantium, cum adhuc esset in cœlis: quæ non possunt quouis modo aliud prætendere, nisi ibi fuisse factum diabolium, id est, calumniam: qui liuore percitus, nostrum genus coram Deo vituperabat, utpote tanto dono indignum.

Et quid, obsecro, aliud intelligebat Isaias cum dixit: *Isa. 14.* Quomodo cecidisti de cælo Lucifer qui mane oriebaris? Corruisti in terram qui vulnerabas (aut debilitabas) Gentes, nimirum vilificando nos, & naturam nostram coram Deo. Ecce illa inuidia aduersus Christum, & genus nostrum. Qui dicebat in corde suo: In cœlum conscendam. Hinc apparet ille appetitus diuinæ autoritatis & dignitatis. Velle enim cum in summo cælo esset, in cœlum conscendere, quid est aliud quam altius cœlorum genus non creatum suspicere? Vnde profectus ille propheta: Super astra Dei exaltabo solium meum. Vide ut etiam super Angelos dominium appetebat, quod solius erat Dei. Et quid cuperet declarare: Sedebo in monte testamenti, in lateribus Aquilonis: similis ero Altissimo. Hæc cōditiones sunt Christi, qui verè sedit ut Doctor & Dominus in monte testamenti: quo significatur cœleste regnum cum quo constituit pactum, & ibi latera Aquilonis inueniuntur. Quapropter in psalmis dicitur: *Psalm. 47.* Mons Sion latera Aquilonis, ciuitas regis magni. Per latera Aquilonis (ni fallor) intelliguntur creaturæ suapte natura frigidae, quæ constituuntur in regno Dei quasi duo latera, nimirum Angelorum & hominum. Et in medio eorum Rex sedens in solio similis Altissimo. Ponderetur, quæso, hæc verba, & alia quæ longum nimis esset exponere. Iudicabit sanè pius lector, non esse absque scripturarum testimonio quæ de statu Angelorum & lapsu proposuimus.

Quod si veteres Patres consulimus, iam alibi dixi B. Basilium & Cyprianum id pro re constanti habuisse, propter inuidiam scilicet in homines eiectum fuisse de cælo diabolum. Hæc sunt magni Basilij verba in sermone De inuidia: Quid principium illud malorum omnium dæmonem in inimicitias cum humano genere impulit? Nempe inuidia, ob quam Dei hostis manifestè deprehensus est. *B.*



B. Cyprian.

B. item Cyprianus in sermone de zelo & liuore: Facilius, ait, tam perniciosum liuoris malum à nobis vitabitur, si eiusdem mali origo, & magnitudo noscatur. Hinc diabolus inter initia statim mudi, & periit primus, & perdidit. Ille angelica maiestate subnixus: ille Deo acceptus & charus, postquam hominem ad imaginem Dei factum conspexit, in zelum maleuolo liuore prorupit, non prius alterum decipiens instinctu zeli, quam ipse ante zelo deiectus: caprius, antequam capiens: perditus, antequam perdens: dum stimulante liuore homini gratiam datæ immortalitatis eripit, ipse quoque id quod prius fuerat, amisit. Quale malum est, fratres charissimi, quo Angelus cecidit, quo circumueniri & subueri alta illa & præclara sublimitas potuit, quo deceptus est, qui decipit? Hæc ibi gloriosus ille Martyr.

B. Bern. in  
can. ser. 17.

B. quoq; Bernardus rem apertius declarans, tanquam si illud vidisset in Spiritu, dixit: Putasne Lucifer qui mane oriebatur, sed præproperè eleuabatur, antequam verteretur in tenebras, generi nostro inuiderit? Et ipse olei effusionem, & per seipsum iam tunc indignabundus mustitaret, dicens intra se quodam modo: Vt quid perditio hæc? Hoc ego non assero dicere Spiritum, sed nec contradicere dico: Nescio enim. Potuit autem contingere (si tamen incredibile non putetur) plenum sapientia & decore, homines præscire potuisse futuros: etiam & profecturos in parem gloriam. Sed si præsciuit, in Verbo Dei vidit, & in liuore suo inuidit: & molitus est habere subiectos, socios dedignatus. Inferiores sunt (inquit) inferioresque natura. Non decet esse conciuēs, nec æquales nobis in gloria. An fortè prodit impiam hanc eius machinationem illa præsumpta ascensio, fessioque, significans magisterium? Ascendam (inquit) super montem excelsum, & sedebo in lateribus Aquilonis. quò Altissimi perinde quādam similitudinem obtineret, si quemadmodum ipse super Cherubin sedens gubernat omnem angelicam creaturam: ita etiam ipse altus federet, regeretque genus humanum. Iniquitatem meditatus est, in cubili suo, &c. Hæc illo in loco deuotus Abbas Bernardus.

Neque verò latuit B. Thomam nostrum hæc tanti Abbatis doctrina: quam etsi non sit ausus sequi pro suo timore (cum nondum esset ita celebris hæc opinio, & plausibilis multis, quemadmodum esse nostris diebus experimur) attamen nec est ausus pro sua prudētia reprobare. Nunc autem cum multi viri pii ac docti, quasi vno spiritu iam hoc totis præcordiis amplectentur: quid, obsecro, bonæ causæ fingi potest, contra scripturæ spiritum se se opponere?

Erat autem & maximè illa ratio ponderanda, quam ex Caierano iam attulimus: Dignum omnino & æquum fuisse vt Angeli ad gloriam ex aliquo obedientiæ merito promouerentur, non cuiuscunque præcepti, sed excedentis præcepta naturæ. Quandoquidem & ipsa gloria, ad quam vocabantur, naturæ limites excedebat. Hactenus de eorum ruina à nobis dictum sit. Superest nunc breuiter de illorum pœnis statuere. Ecce beatus Petrus ait, quòd Deus Angelis, qui peccauerunt, non pepercit, sed rudentibus (seu catenis) inferni (siue) caliginis detractos in tartarum, de summo cœlo in ima

& profunda inferni, tradidit in iudicium reservari. Hoc terribile iudicium Iudas Apostolus frater B. Iacobi, in sua epistola penè ad literam scripsit: ex quibus duo manifesta sunt. Alterum, esse illorum exilium terribile ac tremendum, qui de summo cœlo eiectione, in profunda inferorum detrusi sunt. Alterum verò, nondum esse perfectum in eos iudicium: sed reservatur in illum postremum diem, quando mundus vniuersus iudicabitur. Non erit tamen iudicium discussionis aduersum dæmones. Iam enim ipsi suæ damnationis certi sunt. Hoc solum addetur, vt luant pœnas longè acerbiores pro omni peccato, cui causam ipsi, aut occasionem tentando homines præbuerint. Tunc enim finis imponetur tentationibus, quibus inferendis nunc infelices lætantur: etsi nouerint expectandum sibi propterea grauius iudicium. Quapropter vellent sic manere perpetuò: & pleni rabie atque indignatione & furore assidue quærunt prædas. Ob eam causam conquerebantur, dicentes: Venisti ante tempus perdere nos. Et Dilectus: Væ terræ & mari, quia descender diabolus ad vos habens iram magnam, sciens quòd modicum tempus habet.

Matth. 8.  
Apoc. 12.

Verum restat adhuc scrupulus. Dicuntur enim hanc regionem aeris nunc incolere, vt plena sit dæmoniis. Et propterea legio illa orabat ad Dominum, ne illos mittere vellent in abyssum. Hic autem apertè dicuntur iam fuisse in tartarum detrusi. Dicendum est ergo, hanc aeris & terrarum regionem illis esse inferni loco & caliginis, vbi magna illorum pars errat. Vicissitudines tamen habet, vt modo in abyssum truantur, modo super terram permittantur ad tentandum nos: sicut de scripturis accipitur. Sunt & quædam loca, sicut & ego certa experientia deprehendi, vbi dæmones sese apertius ostentant: quos in pœnam ibi puto alligari. Veniet tandem vltima dies, quando omnes in tenebras vltimas proiciantur, carceribus perpetuis derinenti, & æterno igne cruciandi, quem diem incredibiliter infelices illi spiritus perhorrescunt.

Et originali mundo non pepercit. Vocat originalem mundum ipsa prima incunabula mundi vsque ad Noc. sed octauum Noe iustitiæ preconem custodivit, &c. Nisi aliqua sit historia, quam non habemus, declarans quomodo fuerit Noe octauus præco iustitiæ, & qui fuerint alij septem superiores, vt videtur ipsa literæ vera significatio exposcere, oportebit dicere illum vocatum esse octauum non respectu præconij, sed respectu salutis: quia cum illo septem animæ in arca salutem, submeis aliis omnibus, adeptæ sunt.

Et ciuitates Sodomorum, &c. Nota historia Gen. cap. 19. Notandum est testimonium grande in maximam ipsius Lot gloriam, qui inter tot iniquos ac pessimos homines sese continebat in iustitia: & quod adhuc amplius erat, talis apparebat ipsis impiis & flagitiosis, vt non malè audiret, sed velut quoddam luminare in tenebris illuceret cunctis. Denique quod arduum fuit & admirandæ celsitudinis virtutis, ante oculos habens assidue mala illorum opera, non solum non corrupebatur aut imitando, vel æmulando, verum etiam cruciabatur animo. Hoc certè ad exemplum nostrum opportunè proponitur, vt sciamus inter varias aspidum



species, & scorpiones illibate conuersari, & cum feris bestiis & reptilibus sanctè & iustè conuersatione integra atque innoxia viuere. Aduertendum hîc est, nondum apparere perfectum ex ipsis verbis sensum: sed tanquam ab homine qui auditori, aut lectori relinquit vt ex superioribus dictis facile reliquū colligat. Erat igitur hic sensus: Si Deus Angelis non pepercit, nec originali mundo, nec ciuitatibus & regnis, ita nec parceret istis illusoribus & sectarum authoribus, etsi interim propter peccata populorū minus videatur attendere. Sed non est Dei longanimitas negligenda. Nam tantò districtiorem in iudicio iustitia est exacturus, quanto longiorem ante iudicium patientiam prorogauit, vt rectè ait Magnus Gregorius.

Nouit Dominus pios de tētatione eripere: iniquos verò in diem iudicij referuare cruciandos. Magis autem eos qui post carnem in concupiscentia immunditiæ ambulant, dominationem contemnant, audaces, sibi placentes: sectas non metuunt introducere, blasphemantes. Vbi Angeli fortitudine & virtute cum sint maiores, non portant aduersum se execrabile iudicium. Hi verò velut irrationabilia pecora naturaliter in captiōnem & perniciem: in his quæ ignorant blasphemantes in corruptione sua peribunt, percipientes mercedem iniustitiæ, voluptatem existimantes diei delicias, coinquinationes & maculæ: deliciis affluentes, in conuiujs suis luxuriantes vobiscum, oculos habentes plenos adulterij, & incessabilis delicti, pellicientes animas instabiles: cor exercitatum auaritia habentes, maledictionis filij: derelinquentes rectam viam errauerūt, sequuti viam Balaam ex Bosor, qui mercedem iniquitatis amauit: correptionem verò habuit suæ vesaniæ, subiugale mutum animal, in hominis voce loquēs prohibuit prophetæ insipientiam. Hi sunt fontes sine aqua, & nebula turbinibus exagitata, quibus caligo tenebrarū reseruatur. Superba enim vanitatis loquentes, pelliciūt in desiderijs carnis luxuriæ eos qui paululū effugiunt, qui in errore cōuersantur: libertatē illis promittentes, cum ipsi serui sint corruptionis. A quo enim quis superatus est, huius & seruus est. Si enim refugientes coinquinationes mundi in cognitione Domini nostri & saluatoris Iesu Christi, his rursus implicari superantur: facta sunt eis posteriora deteriora prioribus. Melius enim erat illis non cognoscere viam iustitiæ, quàm post agnitionē retrorsum conuerti ab eo, quod illis traditū est,

sancto mandato. Cōtingit enim eis illud veri prouerbij: Canis reuersus ad suum vomitum: &, Sus lota in volutabro luti.

*Nouit Dominus pios de tētatione eripere, &c.* Verè spem nostram mirificè fouet & nutrit scripturarum sanctarum lectio, si cum fide illis hærentes, exempla maiorum ad vitæ nostræ salutarem fructum nobis conuerteremus. Magna enim fuit illa liberatio Lot à tanto incendio, & omnium aliorum qui tētationibus, saltem animo, non succubuerunt, vt meliorem inuenirent resurrectionem.

Prodest etiam ad eos respicere, quorum & vitæ præsentis exitus omnium calamitatū parit ortum nunquam finiendum. Quales fuerunt propter iniquitates eorum Sodomitæ illi & Gomorræi, qui eorum typum gerunt, qui cruciandi seruantur semper piternis flammis. *Magis autem, aut potius, Maxime autem eos qui post carnem in concupiscentia immunditiæ ambulant, &c.* Hic vides tanquam in speculo fidelissimo & terribissimo representari nouos nostræ ætatis hæresiarchas, quos maxime pœnæ manent, & meritò. Magnis etenim ac summis criminibus & sceleribus onerantur isti animarum corruptores.

Primum scelus quod in illis dominatur, concupiscentia est carnis ad immundiciam. Ipsi tanquam serui illius facti, non quidem per vllam, ignorantiam, nō per præoccupationem & surreptionem, sed scientes & volentes libenter eius dominationi succubunt. Et hoc propriè est post carnem ambulare, quasi pedisequos, in concupiscentia. Hîc primum contemplare Lutherum apostatam, qui sacrilegum connubium prior sacrauit, homo sacer & detestandus in æternum. Contemplare & Bucerum simul aliam inferni faciem, qui (nemini hoc mortalium puto contigisse) cum fuerit sacerdos, & professione ac voto monachus, iam trigamus factus est. O verè fascinosos & exæcatos, qui huiusmodi homines non agnoscunt per hæc scelera tam manifesta in porcorum gregem euasisse, qui dicunt immundum, mundum: & sanctum, pollutum: & malum, bonum.

Secundum eorum scelus est, quòd cum carnis concupiscentia illis peruersa ratione dominetur, ipsi tamen, contemnant dominationem, & nolunt subdi potestatibus, quæ sunt à Deo. Vnde vocat eos, *audaces, & sibi placentes*, hoc est, proteruos & suo tantum temerario consilio se regentes.

Tertium scelus est, quòd, *sectas non metuunt introducere, blasphemantes*. Hoc vbique nimis apparet. Græca lectio sic habet, *ἀέρας οὐ τρέμει, βλασφημοῦντες*. Ad verbum, *Glorias non metuunt*, seu non tremunt. Vocat glorias, insignes & gloriosos viros potestate pollentes & autoritate ac doctrina, vt summos Pontifices, & alios Prælatos, & gloriosos Doctores, qui summam in ecclesia Dei sunt gloriā assequeuti. Has ergo glorias non tremunt, seu non metuunt blasphemantes. Nam cum ecclesiasticam hierarchiam respuerint, necesse illis fuit vt eos qui in ea præsunt blasphemarent. Quod oculis nostris perspicimus. Hoc enim est linguæ eorum præcipuum, blasphemare scilicet, & os exitiale ponere in cælum. Hi sunt veri filij Cham maledicti, & satanæ.



*Vbi Angeli fortitudine & virtute cum sint maiores, &c.* De malis Angelis proculdubio loquitur, veluti ea repetens quæ loco non ita remoto dixerat: Si Angelis non pepercit, qui tamen erant maiores & potiores. Vnde sequitur quod multò minus parceret istis, qui cum minores existant, audent nihilo-fecius pugnare cum Deo. Nunc volens eos terrefacere, commemorat nec ipsos Angelos, tamen si essent maiores & longè potentiores, posse tamen ferre iudicium terribile ac tremendam illam Dei sententiam. Adeo acerba est & grandis, quæ lata est contra eorum blasphemiam. Quomodo igitur poterunt isti inferioris nature & infirmioris ferre? O miseros, & infelices. Vbi nunc es Luthere? Vbi tu Zuinglie? Vbi tu Oecolampadi, & vos alie bestie? Certè malletis nō esse, quàm tot ac tantis cruciatibus absq; vlla vllius solatij spe iugiter torqueri. Sed audiamus B. Petrum reliqua prosequentem.

*Hi verò velut irrationalia pecora, &c.* Ostendit quales sunt huiusmodi homunculi Angelis comparati: nimirum tanquam irrationalia pecora, seu bruta animantia, quæ natura ad captionem & sui ipsius perniciem nata esse videntur. *In his quæ ignorant blasphemantes*, hoc est, dum de his quæ ignorat blasphemant, *in corruptione* (seu perniciem) sua peribunt. Videtur enim ignorantia grauius peccatum constituere, cum is qui ignorat, audeat & præsumit etiam de his quæ ignorat iudicare. Istud in causa religionis est grauissimum. Nam si Angeli peccatum grā de peccauerunt, saltem grandes illi erant. At hæc bruta quam dignitatis habent præstantiam, ex qua ad superbiam extrinsecari possunt? Merito ergo peribunt in suis ignorantibus: *Recipientes mercedem iniustitiae*, dignam peccato. Qui nanque ea præsumpserunt scire quæ ignorabant, verè tum demum maximo pudore confundentur, dum omnibus perspectum erit ac manifestum, eos superbe ignorasse, & tamē iactasse cognitionem scientiæ.

*Voluptatem existimantes dei delicias*: Hoc errore in uoluri tenentur miseri hæretici huius temporis. Cum enim simus in die, & perspicuæ lucis tempore, quando iam facti sumus omnes dociles Deo, scientes quid honestum, quidque turpe sit: attamē isti homines existimant voluptatem esse delicias dei, id est, conuenire ei tempori, quando lux apparuit. At B. Paulus hoc vetabat: Nox præcessit, dies autem appropinquauit: abiiciamus ergo (inquit) opera tenebrarum, & induamur arma lucis. Sicut in die honestè ambulemus, non in comestationibus & ebrietatibus, &c. Isti autem diem sibi & aliis verterunt in noctem. Vnde ait: *Coinquinationes & macula*. Vocat eos non coinquinos, aut maculatos, sed ipsalmet coinquinationes & maculas, ad insinuandum, omnes qui illis hærent contaminari ab eisdem & maculari. O quàm verum. *Deliciis affluentes: in conuiuio suis, luxuriâtes vobiscum*, Quod est exercere officium suum coinquinando alios, & maculando mediis conuiuio deliciofis: quæ magnum habent momentum, & viscum tenacissimū continent ad amicitiam carnalem agglutinandam, & assiduè augendam.

*Oculos habentes plenos adulteriis*. In oculis enim primum & vehementer apparēt adulteri hominis indicia. *Et incessabilis delicti*. Hoc venereum opus est delictum verè incessabile, donec exerceri per a-

tem potest. Quod si fortè opere impleri nequit, in corde tamen & appetitu semper ignis ardet: nisi Deus latenti miraculo ac dono cor ipsum purificauerit. Quod sanè vt rarum est, ita & admirandum. Et qui hanc in se incendij vim restinctam sentiunt, Deo assiduas agant gratias. *Pellicientes animas instabiles*, id est, infirmas in fide, ac propterea instabiles ac nutantes. Tales enim ad omnem doctrinæ ventum velut arundines moueri solent, *Cor exercitatum in auaritia habentes*. Necessè est huiusmodi deliciis, & comestationibus, ac obscœnis voluptatibus carnis vacantes, plerumque in auaritiâ rapi, quò valeant suppeditare impensas. Propterea habent cor exercitatum ad dolos, & deceptiones, & rapinas, & vsuras, & alia illicita lucra. Iam enim hæc bruta animantia fecerunt licitas vsuras, quatum tamen moderamen magistratibus sæcularibus astutè illud quidem tribuerunt. Hæc legi apud Bucerum, super Matthæum:

*Maledictionis filij*. Nam sub eorum generatione includuntur, qui subiacebunt æterno maledicto. Est autem phrasis hebraica. *Derelinquentes viam rectam*, quæ est publica & trita, per quam ambulauerunt cum laude & veritate patres nostri: *Errauerunt sequuti viam Balaam ex Bosor*. Quicumque viam rectam deserunt, eisdem oportet errare. Et hi sequuntur viam Balaam, qui mercedem iniquitatis amant: Merces iniquitatis est commodum aliquod temporale, quo à via recta abducuntur. Balaam enim à Balaac rege accepit munera, vt malediceret filiis Israel. Pari iniquitate isti nunc maledicunt ecclesiæ ob mercedem aliquam temporalem, siue libertatem falsam, siue gloriam, seu stipendia & spolia ecclesiarum.

*Corruptionem verò habuit sua vesania*, siue suæ iniquitatis. Declarat autem qualis fuerit illa corruptio: *Subiugale mutum animal in hominis voce loquens*. Hoc fuit asina ipsius Balaam, cui Dominus os aperuit, & loquuta est, & eundem percutientem se increpauit. Nota est historia Num. 22. Significat verò quoddam hominum genus in ecclesia sancta Dei humile & ignarum diuinæ legis: subditum tamen Deo. In his innituntur pseudoprophetae, & ab initio quidem multos huius generis capiunt, & illis insident, quos deducunt in viam maledictionis. Sed Angelus Dei saluos facit eos, vt etiam conterant ad parietem, qui est Christus, pedē insidentis. Longa esset allegoriæ explicatio. Satis est autē innuere sapienti.

*Hi sunt fontes sine aqua, & nebula turbinibus* (seu vento) *exagitata*, Nam se ipsos iactitant, & pollicentur potum dare sitientibus. Sed non habent aquam, id est, sapientiam salutarem. Sūt enim cisternæ dissipatæ, quæ dereliquerunt verum fontem aquæ viuæ Dominum Iesum Christum, tamen si assidue illum habeant in ore. Dicit & esse nebulas turbinibus exagitatas. Nebulae sūt vapores qui constantur ex aquis & terra, & quum turbinibus exagitantur, non euadunt in nubes: & nec in æstu nimio, nec in frigore magno generantur. Illi ergo per has nebulas significantur, qui à sapientia cum terra admixta aliquantulum eleuari ab aliis videntur. Hi sese opponunt splendori Solis, & tenebras exuscitant, cumque iactantur ventis, facili ac citò soluantur & euanescent. Ad eundem modum

*Asina Balaam quos significat.*

*Mirabere-ticorum descriptio. Ier. 2.*



pseudoprophetae turbinibus acti & ventis, tum à conscientia mala, tum etiam nonnunquam à iustis persecutionibus ab ecclesia illatis, non diu durat.

*Quibus caligo tenebrarum reseruat.* Et merito. Nam cum ipsi obliterint quominus aliis illuceret Sol, congrua hoc poena illis infligitur, ut sint perpetuo sub tenebrarum caligine. Quapropter rectissime subditur: *Superba enim vanitatis loquentes.* Cum istae nebulae altius eleuentur, oportet eas superba profundere. Sed cum non sint pregnantes, neque contineant opportunas pluias (non enim praedicant veram ac puram peccatorum poenitentiam) iure in vanitatem soluuntur. *Pellicunt in desideriis carnis lasciuia eos, qui paululum effugerant,* id est, eos qui aliquatulum erant abstracti ab iis lasciuia desideriis, sed nondum firmati fide. *Qui in errore conuersantur,* eiusmodi inescationibus pellicientes alios. Et modum inescationis declarans, subdit: *Libertatem illis promittentes, cum ipsi serui sint corruptionis.* Horum verborum interpretatio est ipsemet Lutherus, & socij: quorum doctrina nullum aliud fundamentum habet, quam libertatis pollicitatione, quae est spurcitiarum velamen. Et si enim spiritum labijs profiteri videantur, nihil tamen praedicant reuera nisi carnem, iam ipsi facti serui corruptionis, id est, serui corruptibilis carnis. Et legem iustam adducens, ut prober iure sibi eam accersisse seruitutem, adiunxit:

*A quo enim quis superatus est, huius & seruus est,* Christianus homo est à Deo in hoc prelio positus, ut per spiritum militet contra carnem, à cuius ditione atque imperio liberatus est per Christum. Si denuò superatur à carne, fit ipsi carni subiectus, ut nequeat se ab eius imperio vindicare, nisi rursus poenitentia recuperet spiritum, & ipsius spiritus libertate. *Si enim refugientes coinquinationes mundi, &c.* Viderur summus Apostolus hoc in loco (meo iudicio) notare singulariter Apostatas illos, qui primum agnouerunt veritatem Dei per cognitionem Christi, & ipsam viam veritatis, quae in vitam ducit aeternam. Vnde iam se alienauerant ab inquinacionibus mundi. Verum postmodo rursus superati sunt à Tentatore: & ita se coniecerunt in statum multò deteriore prior.

*Melius enim erat illis non cognouisse viam veritatis, &c.* B. Paulus ad Hebraeos hoc idem aduersus huiusmodi Apostatas scripsit, qui post receptam baptismi gratiam salutarem rursus prolapsi sunt: quibus voluntarie peccantibus non relinqui vltius hostiam pro peccato docet. Idem Redemptor noster & Dominus declarauerat in parabola illa: Cum spiritus immundus exierit ab homine, &c. Est enim eiusmodi peccatum Apostasia in se adeò grande, ut nulla, aut certe dubia & parua restet salutis spes. Hos iuste euomit Deus de ore suo, in quos appositissime dirigitur illud veri prouerbij: *Canis reuersus ad suum vomitum.* Verè propria in eos qui assidue peccant similitudo, qui cum per confessionis vomitum detestati sint peccata, & priorem vitam murandam esse cognouerint, rursus tamen reuertuntur ad eandem veteris vitae sordes & turpitudinem: quod est vltro appetere ac resorbere quod euomuerant, & *sus lota in volutabro luti.* Aliam pulchram similitudinem addidit. Comparatur enim sui pecudi, quae postquam lota est, confe-

stim reuertitur ad volutabrum luti, in quo volutatur & gaudet. Quare non ab re vocantur porci huiusmodi porci haesiarchae & haeretici, in quos Dominus legionem daemonum, ita sibi licere postulantium, permittit intrare, ut in mari spurcitiarum omnium demergantur.

## CAP. III.



**M**ANC ecce vobis, charissimi, secundam scribo epistolam, in quibus vestram excitato in commonitione syncceram mentem: ut memores sitis eorum, quae praedixi, verborum à sanctis prophetis, & Apostolorum vestrorum praepcepto rum Domini & Saluatoris. Hoc primum scientes, quod venient in nouissimis diebus in deceptione illusores, iuxta proprias concupiscentias ambulantes, dicentes: Vbi est promissio, aut aduentus eius? Ex quo enim patres dormierunt, omnia sic perseuerant ab initio creaturae.

**H**anc ecce vobis, charissimi, secundam scribo epistolam, &c. Quod hic testatur B. Petrus hanc esse secundam epistolam, planè ostendit & priorem pariter sicut & hanc, esse suam: contra hos no-

uitatum sectatores. Ait autè se in his epistolis excitasse per commonitionem suam illorum syncceram mentem. Hinc deberet exemplum inferioris ordinis Praelati sumere, & praedicatores, ut faciant exhortationes suas in spiritu lenitatis & suauitatis, non acerbè cum tanta austeritate & potèria. Considerent & imitentur summum Apostolorum, Christi Vicarium, quàm blandè, & quanto, cum honore illos, ad quos dirigit sermonem suum, hortetur.

*Ut memores sitis* (inquit) *verborum quae praedixi, à sanctis prophetis.* Longè melius & clariùs diceretur, ut fert Graeca lectio: *Ut memores sitis verborum praedicatorum,* id est, eorum quae praedixerunt sancti prophetae: *Et Apostolorum nostrorum.* Melius, *Apostolorum nostrum,* id est, Apostolorum qui sumus nos. *Mandati,* id est, ut memores etiam sitis mandati Apostolorum qui sumus nos, Domini & Saluatoris. Non Apostoli cuiuscunque hominis, sed Domini veri, & veri Saluatoris. Mandatum autem non aliud intelligitur, quàm ipsius dilectionis, ad quod omnia summantur. *Qui enim diligit proximum propter Deum, legem impleuit,* ut B. Paulus docet. Patet autem in priore epistola contineri huiusmodi admonitionem, & praepcepta de prophetis scripturis: ubi studium eorum qui illis incumbabant plurimum, ut & ardentius etiam incumbant, laudat: ad quod adhortatur, quum ait: *Habemus & firmiorem propheticum sermonem, cui bene facitis attendentes, &c.*

*Hoc primum scientes, quod venient in nouissimis diebus in deceptione illusores, &c.* Hae prophetia nondum est impleta: sed potius haecenus error multorum fuit, qui & nunc viger in nonnullis, qui iudicant propè & in ianuis esse diem vltimū aduentus Domini. Et verè in ianuis est, sed non iuxta mēsuram tēporis, qua nos ipsum metimur, secundum quam

Heb. 6.

Luc. 14.

Rom. 13.



mensuram tarda nobis ingrataq; fluunt tempora: sed iuxta mensuram veram, quam nunc ex parte videor mihi attingere iam senior, qui cum retro omnem ætatē meam respicio, cum iam sexaginta sex annos exceſſerim, totum hoc tempus vix ſemihora videtur: in qua tamen plus mœroris ac laboris, quàm gaudij. Et certè ita eſt: & tamen qui inſtare dicunt diem Domini, ſic metiuntur dies & annos, vt eſt communis meſura mortalium: antè tamen quàm veniat ille dies Domini tremendus, venient alij illuſores, & amatores mundi, qui poſt multa iam exacta, & quæ tranſibunt tempora, contra euangelicum Chriſti verbum prædicabunt, & irriſione quadam ac perfidia dicent:

*Vbi eſt promiſſio, & aduentus eius?* Hi erunt Antichriſti præcones, aut præcurſores. *Ex quo enim patres dormierunt, &c.* Ecce ratio vnica perfidorum, quam & Dominus ſua prouidentia aliquando deſtruxit. Attēde pie Lector. De his B. Paulus prophetauit, dicens: Cum enim dicent: Pax & ſecuritas: tunc repentinus eis ſuperueniet interitus. Tunc igitur erit propè, cum putabitur lōgè. Veniet enim vt fur in nocte, quādo homines dormiunt. Quam obrem cum vel nunc dicāt plerique hæreticorum inſtare hunc diem, eos non audio: quāquam & Catholici ſint nonnulli qui in eam opinionem venerunt. Permittitur autem cūctis in his quæ huiuſmodi ſunt, opinari & diſputare. Ego quod ſentio etiā liberè profero. Nondum enim video ſigna illa propinqua. Sed ad rem noſtram. Dixi hos Antichriſtos iam ſuæ hæreſis habuiſſe redargutionem, quam B. Petrus Apoſtolus ſubdidit:

Latet enim eos hoc volētes, quòd cœli erāt prius & terra, de aqua & per aquam conſiſtens Dei verbo: per quæ, ille tunc mundus aqua inundatus periit. Cœli autem qui nunc ſunt, & terra, eodem verbo reſoſiti ſunt, igni reſeruati in diem iudicij, & perditionis impiorum hominū. Vnum verò hoc nō lateat vos, chariſſimi, quòd vnus dies apud Dominū, ſicut mille anni: & mille anni, ſicut dies vnus. Nō tardat Dominus promiſſionem ſuam, ſicut quidam exiſtimant: ſed patienter agit propter vos, nolēs aliquos perire, ſed omnes ad pœnitentiam reuerti. Adueniet autem dies Domini vt fur. Elementa verò calore ſoluentur: terra autem, & quæ in ipſa ſunt opera, exurentur. Cum igitur hæc omnia diſſoluēda ſint: quales oportet vos eſſe in ſanctis conuerſationibus & pietatibus, expectantes & properantes in aduentū diei Domini: per quem cœli ardentes ſoluentur, & elementa ignis ardore tabeſcent? Nouos verò cœlos, & nouam terram, & promiſſa ipſius expectamus: in quibus iuſtitia habitat. Propter quod chariſſimi, hæc expectantes, ſatagite immaculati & inuiolati in-

ueniri in pace: & Domini noſtri lōgānitatem, ſalutem arbitremini. Sicut & chariſſimus frater noſter Paulus ſecundum datam ſibi ſapientiam ſcripſit vobis: ſicut & in omnibus epiſtolis, loquēs in eis de his, in quibus ſunt quædam diſſicilia intellectu: quæ indocti & inſtabiles deprauant, ſicut & cæteras ſcripturas, ad ſuam ipſorum perditionem. Vos igitur, fratres, præſcientes cuſtodite: ne inſipientium errore traduſti excidatis à propria dignitate. Creſcite verò in gratia & cognitione Domini noſtri & ſaluatoris Ieſu Chriſti. Ipſi gloria & nunc, & in diem æternitatis. Amen.

*Latet enim eos hoc volentes, &c.* ſenſus eſt: Ob eam cauſam iſti ea effundūt, quia quod fecit Dominus (vniuerſo terrarum orbe teſte) latet eos. Latet autē, quia ipſi ſcire nolūt. Erant enim hitoriæ hac de re fideles, etiam præter ſcripturas ſanctas, de iuſtitia Dei per diluuium miniſtrata, vt falſiſſimum reddatur eo iſtud dictum: *Omnia ſic perſeuerāt ab initio creature.* Nam totum mundū periſſe, exceptis octo animabus, & his Dei prouidentia per arcā ſeruatis, nō eſt in eodem tenore perſeuerare omnia: ſed eſt illo exēplo perſuadere non proteruis, cum qui valuit verbo ſuo perdere per aquam mundum, poſſe etiam per ignem ſimili modo illum deſtruere. Eſt item metū cuiuslibet incutere, & excitare curam vigilandi his, qui non penitus perſiti ſunt. Hoc autem ne de improviſo ſub illo die cōprehendantur: ſicut ſub illo priore diluuij comprehenſi ſunt, dicentes: Pax & ſecuritas. Comedamus, bibamus, deliciemur, &c. Nam eodē errore multi tenebuntur, quò totus orbis in die Noe tenebatur, vt repētinum incurrāt & ſempiternum interitum. Si ergo illud diluuij exemplū cernerent, quod tamen ſua perfidia ignorare volunt, non blaſphemarent in euangelio: ſed prouidentiam Dei agnoſcerēt & iuſtitiam, in eos maxime qui ſuperbiunt contra verbum ipſius. Illud autem Noe exemplum ſic enariat:

*Quòd cœli erant olim, & terra, de aqua & per aquam conſtituti Dei verbo.* Hoc quo pacto fuerit, oportet agnoſcere de ſcripturis. Quomodo enim cœli facti ſunt ex aqua, cum multo ſuperiores ſint, & non videantur habere talem generationē, vt prius fuerit terra ipſa quā cœli, ex cuius materia potuerint conſtari? Sunt qui dicant hīc cœlorum appellatione intelligi aerem iſtum, & quicquid eſt inferius ſub orbe Lunæ: quod mihi non placet. Nam quòd aer, & ſimiliter ignis qui ſuperior eſt aere, ex aqua proceſſerint, non habet teſtimonium. Solū habemus ſecunda die factum eſſe firmamentum, & per illud aquas inferiores ab aquis ſuperioribus ſeparatas. Et tertia die ſemouentur aquæ à ſuperficie terræ, quæ vniuerſam opetiebant terram. Præterea, nunquam legi cœlorum appellatione numero plurali, ſignificatum eſſe aerem. Dicuntur aues, & volucres cœli, & non cœlorum.

Adde cum legimus: Aquæ quæ ſuper cœlos ſunt, nunquid propriè intelligimus de aquis elementi huius, quod vocatur aqua? equidem non arbitror,



alioqui super quos cœlos hæ aquæ, obsecro, inueniuntur? Placet ergo ut de veris cœlis hoc intelligamus, qui nobis in hoc statu deseruiunt. Nam & ipsi verbo Domini firmati sunt: & spiritu oris eius omnis virtus eorum. Ideo eadem potestate soluentur, ut ait scriptura, qua sunt formati. David dixit: Initio tu Domine terram fundasti, & opera manuum tuarum sunt cœli. Ipsi peribunt, tu autem permanes, &c. Hic ergo huius loci sensus mihi absque ullo scrupulo procedit, ut primum intelligamus cœlos, id est, cœlestes orbis, & terram, ex aqua cōstitutos esse, id est, ex illa materia prima, quæ vocabatur certis formis, quam in principio libri scriptura vocauit aquas & abyssum: ut quemadmodum ex illa aqua conditi sunt, etiam per aquam illam consistent. Verum hoc totum Verbo Dei constitutum est. Ipse enim dicebat: Fiat, & statim factum inueniebatur.

*Per quæ ille tunc mundus aqua inundatus perit, &c.* Difficile est istud quod subdidit. Quo pacto enim per cœlos & terram perit mundus: Si dixisset: Per quod, ut posset referri ad verbum Dei, plana esset & per uia intelligentia. Sed dicens: per quæ, ipsos cœlos & ipsam terram videtur significare voluisse. Inde venit ille cataclismus: quod certè factum fuit verbo Dei. Ipsa enim terra euomuit quantum habuit aquarum ex suis internis fontibus. Et cœlos item verisimile est Dei verbo & virtute aptatos, ut illam alluuium exundantiam in ipso aere gignerent, & inde super terram effluerent: sic mundus per aquam submersus est. Sicut igitur per cœlos & terram mundus à diluuium aquarum perit iussu Dei: ita nō est incredibile ipsos cœlos, & ipsam terram eodem Dei verbo seruari per ignē soluenda in aduentu magni Dei, & in die perditionis impiorum: ut gloria sit diuini Verbi, & non creaturarum, quæ illi tantum seruiunt.

*Num verò hoc non lateat vos charissimi, quod vnus dies, &c.* Hic responder quorūdam argumēto qui, ut superius vidimus, obiciebāt: Vbi est promissio aduentus eius? Ex quo enim patres dormierūt, &c. Cum enim in scripturis prophetetur aduentus tanquam citò futurus, & iam fluxisse numerētur multa sæcula: videri potest malè deputantibus ipsum tempus, mendax hæc prophetia, ut ruat omnis spes scripturarum. Hoc, inquam, præoccupans respondet: Vnum diem apud Dominum esse velut mille annos: & mille annos sicut vnum diem. Quod tantumdem valet ac si dixerit: Hi qui non sunt subiecti tempori, non ita mensurant tempus sicut mortales, qui hac corruptione grauantur: ita ut vnus dies apud Dominum, sit sicut mille anni apud nos: & econuerso, mille anni apud nos, sicut vnus dies apud illum: quod eodem reuoluitur.

Aliter potest hic locus intelligi, apud Dominū non esse istam nostram considerationem temporis: quia idem est apud eum vnus dies, quod mille anni: & mille anni, quod vnus dies, ut non sit eius propriè tardare vel præuenire. Siquidem ea quæ in ipso tempore accidunt cōsiderat, & secundum opportunitates & occasiones procedit in operibus suis, ita ut nulla sit in eo tarditas vel celeritas. Non tardat, inquit, Dominus promissionem suam, sicut quidā existimant: sed patienter agit propter vos, nolens aliquos perire. Vide benignitatē Domini, qui non vult ali-

quæ perire. Apertissimum certè contra illos testimoniū, qui non prædestinatis certam constituunt damnationem. Quòd ergo non tam citò veniat ad vindictam Dominus, non est tardare, sed patienter agere, propter vos. Vos (inquit Apostolorum Princeps) qui credidistis, ut plures saluos faciat. Noller enim, quod in se est, quæquā perire, sed omnes ad pœnitentiam recipere. At quando videbit nullam ferè in terra relictam fidem, tunc eodē consilio abbreviabit illos dies, ne plurimi perdan- tur. Itaque vnus dies tunc apud illum erit sicut anni mille, & ideo abbreviabit. Nūc autem apud eundem anni mille sunt sicut vnus: & ideo videtur tardare. Sed non est dicēda hæc tarditas: quoniam, ut est in proverbio: Sat citò fit, quod rectè fit.

*Adueniet autem dies Domini ut fur, &c.* Iam istud apud B. Paulum expositum est, & satis clarus est sensus, quia non vigilātibz inexpectatus ille dies & improuisus adueniet: *In quo cœli magno impetu transient.* Monui lectorem aliās, nimis coactam esse Scholasticorum expositionem, qui volunt cœlos nihil passuros, sed solum cessaturos à motu. Quod certè his B. Perri verbis, & antiquorum vaticiniis repugnat. Isa. 65. & 66. Quòd verò de cœlis loquatur propriè, & non de aere, patet. Postquā enim dixit: *In quo cœli magno impetu soluentur*, adiecit: *Elementa verò calore soluentur.* Quod ad aërem & aquam pertinere videtur, quæ per ignē soluenda sunt. De terra autem particulariter ait: *Terra autem & quæ in ipsa sunt opera, exurentur:* Tanquam quæ malè seruiuerint ingrato homini, qui & rebellis Deo Creatori suo fuerit: vnde ait:

*Cum igitur hæc omnia dissoluenda sint, quales oportet vos esse, &c.* Hæc meditatione assidua verius essent, quàm interpretatione, ut vel metu saltē illius horrendi iudicij conuersemur rectè, & inculpatis moribus: non autem more serui illius, de quo in parabola dixit Dominus, quòd cœpit in corde suo dicere: Moram facit Dominus, & percutere cœpit seruos & ancillas, & edere ac bibere, & cætera agere, perinde ac si nunquam Dominus esset rediturus. Huic enim aderit in die quem non putat, & in hora quam non sperat. Veniet quippe Dominus eius & de perfidia atque insolentia, & nequitia durius iudicabit eum. Vos ergo in sanctis conuersationibus ac pietatibus debetis permanere expectantes. Vocat pietates opera pietatis. *Et properantes.* Gracè longè melius, *accelerantes aduentum diei Domini.* Vbi hoc nota pie & acute lector, quomodo bona vita accelerat nobis aduentum Domini. Cum primum enim ad maturitatem debitam pomum peruenerit, Dominus non permittit in arbore, sed colligit ut illo vescatur. Hanc veritatem plurimi eorum non considerant, qui non diligunt aduentum eius. Appellat autem diem Domini, siue diem Dei, nimirum Christi, quia tum est iudicis dies, quando non licebit quicquam producere, sed clausus erit processus cuiuslibet. Denuo autem memorat quòd, *cœli ardentes soluentur, & elementa ignis ardore rabscent*, ut non solam à motu cessationem intelligamus.

Illud item hîc est notandum, Cum hæc omnia debeāt præcedere resurrectionem, & postremum iudiciū, male fingi, aut defendi posse reperiendos tunc homines non mortuos, quando Deus iudica-



bit. Quo enim pacto ab illa euadere possunt tanta ignis conflagratione? Non est enim hic fingenda vlla noua arca, quæ vt illa protexit ab aquis, ita hæc possit ab incendio protegere. *Novos autem cælos, & nouam terram.* Sed in quem vsum noua terra, si nullus habitaturus sit in ea? Iccirco congruentissimè creditur à multis, eos qui peccato proprio nõ merebuntur infernum, nec tamen in Christo recepti fuerint per gratiã (quales pueri absque baptismo decedentes) hanc nouam multò pulchriorem terram, puram ab omni inquinamẽto & corruptione, possessuros: vbi perpetuò laudabũt Dominum Deum. De cælis autem nouis illud dicẽdum: quòd longè maiore luce splendebunt, & serenabunt terram propter inhabitantes absque corruptione vlla ac generatione. *Et promissa eius expectamus, in quibus iustitia habitat.* sensus est: Nos in quibus iustitia habitat, aut in quibus promissis expectamus eius promissa: *habitat iustitia*, id est, fides. Sed hæc durissimula interpretatio est. Aliqui ad ipsos cælos referunt: quia in eis habitat iustitia. Mihi prima magis placet. *Propter quod charissimi.* Non potest desinere admonere propter graue & grande periculum. *Satagite, &c.* Ecce quomodo vt rẽ possibilẽ, non autẽ (vt hæretici blaterant) impossibilem ponit, adhortatus vt inueniamur immaculati & inuiolati, sepe irreprehensibiles, *ei*, id est ad eius gloriam, à quo omnes bonæ actiones & iustitiæ nostræ. *In pace*, quia non erit vera pax vlla vnquam impiis. *Et Domini nostri longanimitatem, salutem arbitremini.* Non ait, tardationem aut moram, sed *longanimitatem*: Quæ significat expectationem cum patientia, vt poma colligat matura. Ideo ait salutem vestram esse arbitremini: quia ob salutem vestram ferinetur ira illa extrema. Et hinc interim incipit iudicium à domo Dei, quæ estis vos.

*Sicut & charissimus frater noster Paulus, secundum datam sibi sapientiam scripsit vobis.* Manifestè citat epistolam ad Hebræos peculiariter, cuius epistolæ argumentum hoc penè solum comprehendit, vt ipsi non relinquunt fidem, sicut multi ex eis confueuerant: sed patienter sustineant Dei longanimitatem, quæ illorum veram operatur salutẽ. Vnde cap. 3. ait: Participes sumus Christi, si tamen iniriũ substantiæ eius vsque in finem firmam retineamus, dum dicitur hodie, &c. Et cap. 6. Cupim⁹ vnumquenque vestrum eandem ostentare sollicitudinem ad expletioem spei vsque in finem, vt non segnes efficiamini: verum imitatores eorum qui fide & longanimitate hæreditant promissionẽ, quam Abraham longanimiter ferens adeptus est. Et cap. 10. Nolite amittere confidẽtiam vestram, quæ magnam habet remunerationem. Patientia enim vobis necessaria est, vt voluntatem Dei facientes reportetis promissionem. Adhuc enim modicum aliquantulũque, qui venturus est, veniet & non tardabit. Denique reliquum epistolæ hoc continet, vt perseuerent, & expectent Dominum longanimem longanimiter: quia illã perseuerantiam manet corona sempiterna.

Cum ergo hic summus Põtifex Petrus citet particulariter quandam B. Pauli epistolam, & nõ alia cõgruentius ostendi possit, quàm illa ad Hebræos: profectò argumentum est inuidissimum, verum illius epistolæ authorem esse eundem B. Paulum.

Commẽdat verò illius epistolas à sapientia quam continent, & quam à Deo ille habuit infusam, nõ acquisitam. Porro istud est maximè considerandũ quod adiecit: *In quibus sunt quedam difficilia intellectu.* Notent scioli hæretici, qui sibi faciunt omnia plana, & indoctis & idiotis suadent scripturas sanctas esse claras, nec vllam habere in dogmatibus difficultatem, qua possint ad sensum prauum torqueri. Contra hanc falsam ac perniciosam prorsus persuasionem habemus grauissimum Principis Apostolorum testimonium. Testatur enim esse loca ad intelligẽdum difficilia: *Quæ*, inquit, *indocti & instabiles deprauant, sicut & ceteras scripturas ad suam ipsorum perditionem.* Vnde tanquam falsarij testamẽtorũ Dei grauiter puniẽtur. Si enim falsarij crimen adeo odiosum est, vbi agitur vel de aliqua parua hæreditate terræ, & atrocissimis pœnis punitur: quid suppliciorum non expectabũt isti miseri, qui contaminare non desinunt testamẽta Dei viuẽtis?

Duobus autem nominibus eos egregiè notat, qui deprauant scripturas: Primum quoniam sunt, *indocti*, deinde quòd sunt, *instabiles*: Quæ conditiones profectò conueniunt omnibus prorsus hæreticis. Omnes enim qui errant in lege Domini, indoctos esse oportet: Indoctos, inquam, dicimus, non tamen intelligẽdo de literis sæcularibus. Multi enim, imò penè omnes hæretici pollent doctrina sæcularium literarum: & plerunque sermonis & linguarum, & potissimum rhetoricæ calliditate, quemadmodum nunc videmus manifestè. Sunt ergo indocti doctrina Spiritus, quia superbè & elatè eam scientiam tenent quæ inflat: ac propterea instabiles, qui nulla in re certa etiam, nec inter seipos perstant, modo vnum, modo aliud docentes. Hanc instabilitatem abundè alibi prodidimus. Non ab re autem erit aliquot ex difficilibus illarum epistolarum locis indicare, quos deprauari etiam à nouissimis nostræ ætatis illusoribus in sempiternam eorum perniciem clarissimum est.

Primum, vbi ad primam iustificationem B. Paulus fidem exigit, non opera legis Mosaicæ: Venerunt qui indistinctè, solam fidem putarunt sufficere ad salutem. Et hæc quidem hæresis iam tempore ipsorum Apostolorum incepit, vt B. Augustinus testatur. Item cum videatur gentibus legem faciẽtibus, salutem æternam polliceri: Pelagiani hoc sine gratia Christi posse obtineri dogmatizarunt. Et quia ipse commendabat gratiam Dei, quam dixit abundasse vbi abundauit delictum: Exorti sunt qui inde iniquè colligebant peccandum ergo esse, vt Dei copiosior gratia abundaret: Ferè enim hoc noui hæretici dicunt. Cum verò legem antiquam nouæ comparatam, visus esset quodammodo floccifacere, imò per legem præberi occasionem peccatis: Surrexerunt qui eam negarent esse à Deo vero & bono, sed malum Deum eius esse authorem. Adhuc quoniam dicit omnem hominem subiectum esse peccato: Dixerunt Deum impossibilia præcepisse, & per sacramentum baptismi non esse sublatum peccatum: quod & Lutherani noui hæretici suscitauerunt.

Et quia legem fidei à lege operum distinguit, Separant opera charitatis à lege fidei. Præterea, cum doceat ex lege Moseos nõ esse promissionem, sed ex lege fidei, Isti omnino excludunt opera etiam

*Author in lib. de consideratione temporum.*

*Discursus sententiarum B. Pauli, quas hæretici deprauant. Ex ep. ad Rom.*



ipſius fidei, vt non habeant promiſſionem. Nolūt enim miſeri intelligere, de lege Moſeos habitum fuiſſe ſermone, quæ nō habebat promiſſionem cœleſtium: hoc enim ſeruabatur Chriſto, & ob eā inſciam negant Chriſtum legiſlatorem, omnem legem contemnentes. Item ex eo loco, vbi tradit peccatum intraſſe in mundum per vnum hominē, id eſt, Adam, & hoc videbatur quibuſdam abſurdum, dicente Domino: Filius non portabit iniquitatem patris: Negarūt vim & naturam peccati originalis. Alij verō damnarunt naturam hominis, quaſi ſic illi à Deo ab initio creationis inditam.

Et ruruſum, quoniam dicit malum adhuc nobis ineſſe & peccatum, qui mente ſeruimus legi Dei, carne autem legi peccati: & malum quod carō facit, nos illud non operari: Venerunt qui docerent nihil eſſe peccati ſi homo concupiſcentias: quia intus non conſentit, & ideo nihil damnationis habet. Quæ libenter audit caro, quæ non eſt ſubiecta, nec eſſe poteſt, legi Dei ex ſui natura.

Adhęc quia dixit: Qui ſpiritu aguntur, ij filij Dei ſunt: Cōſtata eſt ſecta quorundam diabolica, qui ſpiritu Dei ſe agi dicunt, in omne tamen malū tendentes. Et quia dixit: Quos præſciuit, hos etiam prædeſtinauit: Dixerunt quidam præſcientiam futuro rum operum bonorum eſſe rationem & cauſam prædeſtinationis. Et contrā: quia re vera à B. Paulo declaratur hæc intelligentia praua & peruerſa: Putarunt quidam ſimiliter non prædeſtinatos, reprobatoſ eſſe à regno Dei abſque vlla priorū de meritorum conſideratione. Quod eſt iniquitatem manifeſtam impingere in Deū. Et quia dixit: Certus ſum quod neque mors neque vita, &c. Nūc volunt hæretici, omnes electoſ eſſe certoſ ſuæ prædeſtinationis & ſalutis per ſolam fidem.

Et quia dixit: Non volentis, neque currentis, ſed miſerentis eſt Dei: Quidam liberum ab homine ſuſtulerunt arbitrium: & conſequenter merita & de merita, vt habet Lutheri doctrina. Et quia dixit: Si ne poenitentia ſunt dona Dei & vocatio: Dixerūt quidam, omnes qui rectē gratiam baptiſmi ſuſceperunt, ſalutem conſequuturoſ, nec poſſe ab ea ex cedere. Et quia dixit quodoſdam indurari à Deo: Dicunt Deum eſſe cauſam peccati, tanquam ipſe in fundat maliciam.

Et quia ſecularibuſ principibuſ præcipit obtē perari. Quidam illiſ tribuerunt etiam ſpiritualium cauſarum cognitionem, & cēſuram, atque iudiciū. Et multi Principes & Magiſtratuſ, illam inique ac ſceleroſe (vt cernimus) filij Luciferi ſibi arrogarūt in ſuam ipſorum perditionem. Et quia delectum ciborum, qui à lege Moſeos præcipiebatur, iam abolita olim per Chriſtum, vt rem merito ſuperſtitioſam repudiabat, Iudæi quidam ipſum deſtruere legem, & Moyſi maledicere calumniabantur. Noui autem hæreſiarchæ ex eadem doctrina libertatem carnis prædicant, & eccleſiaſticas traditiones & conſuetudines violant. Et quia dixit, Bonum eſt non manducare carnem, & non bibere vinū, Manichæi quæ continenter adiuncta erant, diſſimulātes, prohibuerunt uſum carniū, & vini potū tanquam à malo Deo inuentum.

Adhęc, Quia vituperabat eoſ qui ſectas erigere ac fouere moliebantur, dicenteſ: Ego ſum Pau-

li, Ego verò Cephæ, &c. Noui hæretici omnem deuotionem in Sanctoſ reprobarunt, & eorum authoritati plurimum derogarunt. Et quia dicit de Chriſto: Qui factuſ eſt nobiſ iuſtitia & ſanctificatio: Confinxerunt noui Magiſtri imputatam Chriſti iuſtitiam, nihili facienteſ donum Dei inherēſ nobiſ, quo verè & formaliter iuſtificamur. Nō autem ſolūmodo nobiſ imputatur illa iuſtitia Chriſti, ſed per illam (quia ipſe ita meruit) noſ obtinemuſ ipſum verum iuſtitiaſ donum, quo verè iuſti ſumꝰ, & placemuſ Deo operanteſ. Et quia dixit: Fundamentum aliud nemo poteſt ponere, præter id quod poſitum eſt, quod eſt Chriſtuſ Ieſuſ: Hæ ſententiā abutuntur contra B. Petri prærogatiuā, & ſummum Pontificatuſ, Chriſti verbo ſacratū. Et quia dixit, Nihil mihi conſciuſ ſum, ſed non in hoc iuſtificatuſ ſum: Quidam detorquēt, vt velint nec ipſum tantum Apoſtolum fuiſſe certum gratiaſ ſuæ, cum tamen paſſim in omni epiſtola illam prædicet.

Et quia dixit: Propter fornicationem vnꝰquiſ que ſuam vxorem habeat: Et vnaqueque ſuum virum habeat: & Meliuſ eſt nubere quā vri: Volūt nunc ſacerdoſ & monachos ſacrilega inire poſſe coniugia. Et quia dixit, quod manibuſ laborans ipſe ſibi victum querebat, nec poteſtate exigendi, quam concedebat euāgelium, utebatur: ſed & præcipiebat multiſ vt laborarent, & dicebat: Qui non laborat, non manducet: Reprobarunt quidam ſtatū mendicitatiſ propter Deum aſſumptum. Et quia dixit: Omnibuſ omnia factuſ ſum, Iudæiſ tanquam Iudæuſ, &c. Putarunt quidam licere homini diſſimulare Chriſtianitatē, & ipſum quidem negare Chriſtum ore, non tamen corde.

Et quia dixit: Sicut omneſ in Chriſto moriuntur, ira in Chriſto omneſ viuificabuntur: & ad Rō. Quod donum debet excedere peccatuſ: Dixerūt quidam, omneſ homineſ & Angelos aliquando ſalutem adepturoſ. Et quia dixit: Quod reſurget corpus ſpirituale: Dixerunt non hanc carnem, neque hæc eadem oſſa noſtra noſ induturoſ, ſed aliud nouum corpus alteriuſ nature, nempe ſpiritualiſ. Et quia dixit, Secunduſ homo de cœlo cœleſtiſ: Dixerunt quidam, ipſum Chriſtum Redemptorem noſtrum attuliſſe carnem de cœlo.

Adhęc, quia dixit: Si Angeluſ de cœlo euangelizet vobiſ præter id quod noſ vobiſ euangelizaui muſ, anathema ſit: Quidam, vt Lutheruſ & ſocij, ſi biipſi Apoſtolicam authoritatē arroganteſ, & freſci propria interpretatione ſcripturarum, audent hoc idem ſibi uſurpare, vt etiam dicant: Si quiſ aliter quā noſ, prædicauerit, Anathema ſit. Et cum B. Pauluſ ſe reprehendiſſe Petrum teſtetur, Primatuſ iuriſdictionem à Petro Chriſti Vicario ſufferunt. Addunt, Petrum non ambulaviſſe tunc ea in re ſecunduſ veritatē euangelij, ex quo eiuſmodi concluſionem faciunt, Papam circa rem fidei, etiam determinando, errare poſſe. Et quia videtur cæremoniā vituperare: Quidam non aduertenteſ de cæremoniis illiuſ Moſaice legiſ fuiſſe loquutuſ Apoſtolum, omneſ etiam euangelicaſ & eccleſiaſticaſ cæremoniāſ reprobant, Alij ſaltem vt indifferenteſ accipiunt, & propter ſcandaluſ tantuſ obſeruandaſ, pietatē prætendenteſ erga infirmoſ, dolo pleni & hypocriſi. Et quia

Ex prima  
ep. ad Co-  
rinth.

Ex ep. ad  
Gal.



xit, Qui Christi sunt, crucifixerunt carnem suam cum vitiis & concupiscentiis: Quidam qui se profitentur spirituales, vel vt perfectam mortificationem addiscant, & videant quantum profecerint in virtutibus, cum fœminis securè cōuersantur, & (vt audio) dormiunt. Sic enim aiunt se crucifigere carnem, & concupiscentias suas. Securè, inquam, antequàm ipsi viderint.

*Ex ep. ad Ephe.* Et quia dixit dispensationem mysterij, id est, incarnationis verbi Dei, fuisse absconditam à sæculis in Deo, & per ecclesiam innouisse principibus & potestatibus: Dixerunt quidam etiam Angelos illud mysterium latuisse: cum tamen ipsi reuelauerint illud prophetis.

Et quia dixit Christum in similitudinem hominum factum esse, & habitu inuentum vt hominè: Dixerunt quidam, illum non fuisse verum hominem, nec veram humanam carnem habuisse.

Et quia dixit: Quòd Deus operatur in nobis & velle & perficere pro bona voluntate: Quidam nihil penitus libertati arbitrij tribuerunt.

Et quia dixit: Non habens meam iustitiam, quæ ex lege est, sed eam quæ ex fide: Dicunt & ex hoc loco hæretici non esse in nobis fidem vllam inhærentem nobis, quæ sit etiam Dei donum per quod iustificamur coram Deo: sed esse solum iustitiam Christi nobis imputatam.

*Ex ep. ad Col.* Et quia dixit: Videte ne quis vos decipiat per philosophiam: Fuerunt qui damnarunt omnes sæculares disciplinas, & omnem philosophiam & quicquid naturali ratione colligitur.

Et quia dixit: Nemo vos iudicet in cibo & potu, aut in parte diei festi, &c. Sufferunt noui hæretici omnes festiuitates ecclesiasticas, & obseruantias ieiuniorum, & ciborum delectus.

*Ex ep. ad Thef.* Item quia dixit: Nos qui viuimus, qui residui sumus in aduentum Domini: Credidere quidam multos viuos fore in die iudicij, nunquam morituros. Et præterea putarunt temporibus ipsius B. Pauli instare iudicium Dei & aduentum eius: contra quod in alia epistola ipse declarat.

Et quia dixit de Antichristo, quòd in tēplo Dei sedebit, ostendens se tanquam Deum: Noui hæretici scelerose ac satanicè blasphemantes, interpretantur hoc de Rom. Pontifice, & Apostolica sede: cum tamen neque in prodigijs se vllus ostentaue-rit, nec adorari, aut coli se mader tanquam Deum: sed cultum qui Christi Vicario debetur, ad Christi gloriam solum accipiat.

*Ex ep. ad Tim.* Et quia prohibet fabulis & genealogijs interminatis attendere: Quidam odiose ostendentes cuius seminis sunt, detorserunt dictum contra asserentes B. Virginis immaculatam cōceptionem, quasi hoc sit intendere genealogijs interminatis. At cur non etiam insultant contra illius natiuitatem? O serpentinum semen.

Et quia dixit: Lex iusto non est posita: contendunt quidam Christianos non habere legem, cui obligentur.

Et quia dixit, Deum inuisibilem, & quem nemo uidit vnquam, sed nec videre potest: Quidam impij, Apostolum secum pugnare dixerunt: cum ali-

bi dicat, quòd eum videbimus facie ad faciem.

Et quia dixit: Corporalis exercitatio ad modicū utilis est: Hoc dictum ad ieiunia detorquentes, utilitatem ieiuniorum excludunt, & pro nihilo reputarunt.

Et quia vult Episcopum vnus vxoris virum: Iam concedunt hæretici passim suorum Episcoporum & sacerdotum spurcissima coniugia.

Et quia dixit de fœminis viduis iunioribus: Volo eas nubere, filios procreare, &c. Multi his temporibus detraxerunt etiam virginum puellarū sanctissimis votis.

Et quia vocauit Christum characterem diuinæ hypostasis: Hæretici tres hypostasies cōmentī sunt, vt tres substantias traderent & naturas, non solum personas. *Ex ep. ad Hebr.*

Et quia dixit: Impossibile est qui semel illuminati sunt, &c. renouari ad pœnitentiam. Nouatus absolute negauit secundam tabulam post naufragiū, id est, virtutem sacramenti pœnitentiæ.

Et quia dixit, Melchisedech sine patre & matre, & genealogia: Quidam negarunt eum fuisse hominem: sed aut Angelum, aut Spiritum sanctū, &c.

Et quia Christus dicitur vna hostia in perpetuū consummasse sanctificatos: Noui & verè indocti hæretici negarunt noui testamenti sensibile sacrificium.

Et quia nouum testamentum vocauit, quod hæbraicè dicitur, Berith: Reprehēderunt quidam indoctè & imperitè authorem epistolæ ad Hebræos, quòd pro, pacto, dixerit, testamentum. Sunt & alia pleraque, quæ ineptè in illa epistola adnotarunt nouitij magistri, quibus contenderunt non esse B. Pauli. Quæ quàm friuola sint, nec digna vt adducantur, suis locis ostendi.

Et quia dixit de viris sanctis qui in Domino mortui erant, quòd non acceperunt repromissionem, Deo pro nobis aliquid melius providente, ne sine nobis consummarentur: Dixerunt quidam animas sanctorum defunctorum non videre Deum facie ad faciem ante perfectam omnium resurrectionem. Et hæc satis (ni fallor) vt præcipua loca Apostoli, mala interpretatione multorum deprauata fuisse studiosus lector breui compendio accipiat. Non nego plura me præterisse: sed quæ sese obtulerunt euoluenti raptim epistolas, ea sunt. Re deamus ad reliquum epistolæ, *Vos igitur fratres præscientes, &c.* Verba pauca, sed magni ponderis. Et manifestus est sensus, id est, Cum iam præmoniti sitis dere tanti tamque immensi periculi, & æterni damni, *Custodite*, hoc est, curate diligenter, *ne insipientium, vel prophanorum, errore traditi excidatis à propria firmitate.* Vocat firmitatem fundamentum nostræ fidei, quod est Christus firmissima Petra, vt declararet quòd ab ea excidere, culpa est excidentis, non fundamenti ac Petræ, quæ manet in æternum. *Crescite vero in gratia*, Hoc fit oratione & sacrificio, & vsu frequenti sacramentorum, & bonorum operum assuetudine.

BENEDICTVS DEVS.



ARGVMENTVM IN PRIMAM EPISTO-  
LAM CANONICAM B. IOANNIS APO-  
STOLI ET EVANGELISTAE.

**EPISTOLAE** huius argumentum, est comprobatio fidei nostrae. Est etiam nostri dignissimi sta-  
tus, in quo inuenimur renati in Christo, enarratio: licet nondum, donec ille apparuerit, appareat quid  
erimus. Ostendit igitur & à quantis malis simus per illum erepti, & ad quanta bona insuper candidati  
per spem viuam, vt gaudeamus cauētes à malo: & humili confessione recognoscamus delicta nostra, si  
velimus ea per Christi sanguinem assidue emundari. Et ad expletionem sp̄ci vsque in finem, debemus bo-  
num in veritate operari cum charitate & dilectione erga proximum, quem qui diligit, verè censetur  
Deum ipsum diligere. Et contrà, qui non diligit, manet in morte. Mentionem similiter facit Antichri-  
sti, & præcursorum eius, qui Iesum solunt. Tota epistola affectibus amoris plena est, & verè digna Di-  
lecto discipulo.

COMMENTARIA IN EANDEM  
EPISTOLAM BEATI IOANNIS



**Q**UOD fuit ab initio, quod audiuius, quod vidimus oculis nostris, quod perspeximus, & manus nostrae contrectauerunt de Verbo vi-  
tae, & vita manifestata est: & vidimus, & testamur, & annuntiamus vobis, vitam æternam, quæ erat apud Patrem, & appa-  
ruit nobis. Quod vidimus, & audiuius annuntiamus vobis: vt & vos societate habeatis nobiscum, & societas nostra sit cum Patre, & cum filio eius Iesu Christo. Et hæc scribimus vobis vt gaudeatis, & gaudium vestrum sit plenum.



**M**IRVM primo videri posset, cur titulo careat hæc epistola, vt neque mittentis nomen, neque ad quos mittatur, indicauerit. Verum satis ipse sermo suum authorem declarat. Voluit autem Spiritus sanctus nos in scripturarū studio non valde ad hominem scribentem respicere, sed ad seipsum, qui primus est illarum author. Nam homines qui ab illo inspirati scribunt, eo dictante scribunt. Et hac fide omnes scripturæ probatæ ab ecclesia, recipiendæ sunt. Possumus & illud respondere roganti: Cur B. Ioannes non se nominat, neque certos, ad quos scribit, declarat? Quia non tanquam suo nomine scribit, sed omnium Apostolorum: vt suam doctrinam vel hoc ipso esse euangelicam & apostolicam ostendat, non propriam: & illam non certis quibusdam & priuatis ecclesiis, sed omni populo vult communicari. Quamobrem ferè semper pluralis numeri vocibus vtitur, vt apparet in initio, & per totam epistolam. ait ergo:

*Quod fuit ab initio, quod audiuius, quod vidimus, &c.* Constructio satis longa est, parenthesi interposita. Sic autem ordinetur, vt clarius sensus pateat: *Annuntiamus vobis quod fuit* (aut potius) *quod erat ab initio.* Hoc est Verbum Dei, Filius summi Patris, Dominus noster Iesus Christus, de quo ipse magnificè in sui euangelij exordio intonans dixit:

In principio erat Verbum, &c. Dicitur quod erat in initio, scilicet creaturarum, vt non cœperit esse tunc, sed inueniebatur esse. Ecce primum de illo assertum pro eius diuinitate.

*Quod audiuius.* Non dicit se ab aliis de illo audiuisse: sed se, & ceteros Apostolos audiuisse ipsum Verbum, & Filium Dei sua voce loquentem. O felices qui possunt dicere prædicanti de illo. Iam nō propter tuam loquelam credimus, ipsi enim audiuius, & scimus quia hic verè est Saluator mundi. O verè dictū illis à veritate, Multi reges & prophetae cupierunt videre quæ videtis, & audire quæ auditis, & non viderunt, neque audierunt. Sed non debemus turbari, propterea quia illam vocem corporeis auribus non audiuius. Si enim credimus ipse nos Spiritu suo alloquitur, & testatur nobis de semetipso. *Quod vidimus oculis nostris.* Sed nūquid alienis oculis videmus? Verum est emphasis in huiusmodi sermone. Audierunt autem verba eius, verba vitæ æternæ, vt eleganter dixit B. Petrus. Et viderunt acta & gesta vitæ, miracula, & prodigia summa. *Quod perspeximus.* Auget vehementius si gnificationē circa illud quod dixerat (vidimus oculis nostris) addens, *Quod perspeximus*, siue speculati & contemplati sumus, quod facit ipsa mens circa ea quæ porrigit sensus.

LUC. 10.

IOAN. 6.

*Et manus nostræ contrectauerunt de Verbo vitæ.* Et si hic tropus sit loquēdi, vt cum aliquid certò apprehendimus dicamus manu nos atrectasse propter certitudinem ipsius sensus tactus: Attamen etiam re ipsa Dominus se tractandum præbuit & ante mortem, & post resurrectionem suam. Ipse enim palpandum exhibuit carnem suam & ossa, ne putaret eum esse phantasma & spiritum.

LUC. 24.

Appellat autem Verbum vitæ, quia & ipsum vita est, & per illud omnes viuunt, quicūque viuunt. Est autem sermo de vita non quam habent plantæ, & animalia terræ, sed de vita spiritus, quæ in Dei contemplatione & dilectione perficitur. Interponit autem parenthesin huiusmodi.

*Et vita manifestata est.* Obseruauit sæpenumero in scripturis, & præcipue apud B. Ioannem, Et, poni loco, quia, vt sit sensus, Annuntiamus vobis non re confictam, quia vidimus & perspeximus, & manus nostræ contrectauerunt: Nec rem absconditā, quia larè manifestata est per gloriam resurrectionis, nō



*Act. 10.* quidem omni populo (sicut dixit B. Petrus) sed testibus præordinatis à Deo nobis, qui manducauimus & bibimus cum illo postquam resurrexit à mortuis.

*I. Cor. 15.* Apparuit tamen plus quam quingentis fratribus simul. Vnde B. Ioannes qui & audiuit, & specularatus est internè præ multis aliis, denuò addit: *Et vidimus & testamur & annunciamus vobis vitam æternam.* Hæc est Christus dominus noster, in quo

*Col. 2.* inhabitat omnis plenitudo Diuinitatis corporaliter, *Quæ erat apud Patrem, & apparuit nobis:* Nō quasi non sit semper apud Patrem, cum sit in sinu Patris semper, & (vt ita dixerim) eternaliter: Sed quia cum carnem acceperit, per diuina opera apparuit

*Ibid. 5.* nobis, vt qui videt illum, viderit & Patrem suum: Est ergo Christus simpliciter vita ipsa in seipso sibiipso: quia Pater dedit ei vitam habere in semetipso.

*Ioan. 14.* Erit & nihilominus nobis quoque vita æterna, cum cognoscetur à nobis intus & extrà vt Deus, & vt homo. Non enim perfecta nobis esset fœlicitas, si Deum solum contempleremur: quoniam obiectum illud nimis grande non foret proportionatum inferioribus animæ viribus, quas nō nullo modo participes esse oportet fœlicitatis. Humanitas igitur Christi, aut ipse potius Christus, ea parte qua homo, & pater, & frater, & socius noster, cum Matre sua sanctissima, & gloriosa Ecclesia, obiectum erit nostrum ad expletionem fœlicitatis nostræ. O quantum inde gaudium: Quàm inenarrabile solatium: Quod si probè cogitaremus, & fide viuâ conspiceremus: quid tam arduum posset nobis obici, quod non facile redderetur ad expugnandum?

Hoc igitur est quod adiungit & inculcat: Quod vidimus, & audiuius, & testamur vobis: *Vt & vos societatem habeatis nobiscum societas verò nostra cū Patre, & cum Filio eius Iesu Christo.* Declarat in quo statu sita sit vita nostra æterna, nimirum in societate quam habemus cum Deo, & Filio eius, & Sanctis cœlorum.

*Et hæc scribimus vobis vt gaudeatis, &c.* Videbat B. Ioannes fructum spiritus esse gaudium animæ internum: quod illi tantum norunt, qui experiuntur. Et tunc accidit, cum quod diligitur, tenetur ac possidetur: aut certa spes concipitur tenendi ac possidendi. Et quantò magis augetur spes, tantò magis & gaudium crescit, donec plena perfecti boni possessio contingat: quod erit in patria. Iccirco ait: *Vt gaudeatis*, videlicet interim in arrhâ & spe per hanc inchoatam societatem per participationem spiritus. *Et gaudium vestrum sit plenum:* scilicet, in plenitudine præmij & spei. Quanquam in Græcis codicibus non legitur illud, vt gaudeatis: sed bene manet.

Et hæc est annunciatio quam audiuius ab eo, & annunciamus vobis. Quoniam Deus lux est: & tenebræ in eo non sunt vllæ. Si dixerimus quoniam societatem habemus cum eo, & in tenebris ambulamus: mentimur, & veritatem non facimus. Si autem in luce ambulamus, sicut & ipse est in luce: societatem habemus adinuicem, & sanguis Iesu Filij eius

emundat nos ab omni peccato. Si dixerimus quoniam peccatum non habemus: ipsi nos seducimus, & veritas in nobis nō est. Si confiteamur peccata nostra: fidelis est & iustus, vt remittat nobis peccata nostra, & emundet nos ab omni iniquitate. Si dixerimus quoniam non peccauimus: mendacem facimus eum, & verbum eius non est in nobis.

*Et hæc est annunciatio quam audiuius ab eo, &c.* Declarat nunc specialius, summam tamē, in quo consistat annunciatio illa. Et primū ait:

*Quoniam Deus lux est, & tenebræ in eo non sunt vllæ.* Lucem hīc primū non corpoream, sed spirituale debemus intelligere: quia Deus corpus nō est. Et lucem dicimus esse id, quo res aliqua spectatur: Sine luce autem tenebrosa dicuntur omnia, & talia sunt quæ spectari non possunt. De more autem scripturæ est, id vocare lucem, quod lucidum est. Et id quod sine luce est, vocare tenebras. Cum igitur sit hoc in loco sermo de luce spirituali, non corporali: debemus lucis vocabulo apprehendere aliquid spirituale, quod sit lucidum in se, ac propterea spectabile oculis non corporeis, vt diximus, sed mentis. Quodcunque igitur est intelligibile (intelligere enim non aliud est nisi spectare) lucidum esse oportet. Et quātò fuerit magis intelligibile, tantò magis etiam erit lucidum.

Cum igitur Dominus Deus benedictus summè sit intelligibilis, qui summū est Ens, & verum: ideo ipse dicitur summa lux, sed sibiipso. Etenim cur nos minimè illum videamus, non est quod nō sit ipse ex se summè visibilis, sed quoniam oculi nostri non sunt fortes ad tantam lucem sustinendam. Minus enim sunt fortes ad lucem Dei, quàm oculi noctuæ ad lumen Solis. Quando autem lumine gloriæ fortiores redditi fuerint nostræ mentis oculi, tunc videre poterunt. Deus igitur summa lux est, quia summum Ens, summum Verum, summum Bonum. Et quicūque intellectus de eo participat, lux dici possunt, & qui magis, etiā magis: & qui minus, etiā minus. Quia igitur ipse summa est lux, iccirco in eo non sunt vllæ tenebræ, quod de nulla creatura, si illi compareretur, dici potest. Quantum enim deficit creatura ab Entē, & Verō, & Bono, in quo eius claritas & pulchritudo consistit, tantum deficit à luce, & non est spiritualis. Cum igitur nulla, nec ipsa quidem intellectualis creatura, careat aliqua potentialitate, quæ diminit de ente, nulla potest dici ita lux, vt nihil sit penitus tenebrarum in illa. Solus ergo Deus lux vera, id est, perfecta, in qua nullæ prorsus sunt tenebræ. Quod si additur potentialitati ignorantia, error, malitia: intellectus ipse qui his vitiis tenetur, tenebrosus efficitur. Ab his autē Deus summè abest, quia in summo Ente, & summo Verō, & summo Bono non potest vlla vel nescientia, vel error, vel malitia cogitari. Quapropter solus ille lux, & in eo nulla omnino tenebrarū admixtio. Hoc posito, addit:

*Si dixerimus quod societatem habemus cum eo, & in tenebris ambulamus, mentimur & veritatē non facimus.* Sēsus est clarus, Si Deus lux est qui nobis annūtia



2. Cor. 6. tur ut cum eo societatem habeamus, Societas autē nulla potest intercedere tenebris cū luce, sicut res ipsa per se clamat, & B. Paulus: Quæ societas (inquit) luci ad tenebras? Certe cōcluditur, si nos ambulamus in tenebris, id est, in ignorantia, erroribus, & peccatis, & cum hoc dixerimus nobis esse cum eo societatem, nos mentiri & veritatem non facere.

Quid est non facere veritatem? Et quomodo fit ista veritas? Mihi sic dicendum esse videtur: Apud sacras scripturas, quando de veritate loquuntur, veritatem non vno tantum modo esse accipiendā. Et inde certum argumentum colligitur, interdum in illis dici, interdum autem fieri veritatem. Quamobrem necessariō debemus dupliciter veritatem ipsam intelligere. Et vno quidem modo secundum dictum: alio verō modo secundum factum. Primæ veritatis inspectio ac probatio versatur circa congruentiam dicti ad rem quæ dicitur. Si enim congruat, & ita verē se habeat res, quemadmodum ipsa dicitur se habere, tunc adest veritas. Sin autem minus congruat: falsitas apparet & mendacium. Secundæ autem veritatis probatio habetur à congruentia facti ad legem, quæ fieri aliquid imperat. Si enim omnino legi factum ipsum cōgruit (quia fecit homo quod oportuit illum facere, & quō oportuit, & quādo, & propter finē in lege propositum, & secundum alias ipsius legis circumstantias.) Tunc hic homo dicitur fecisse veritatē. Vnde

Ioan. 3. Dominus dixit: Qui facit veritatē, venit ad lucem ut manifestentur opera eius, quia in Deo sunt facta. Ad eundem sensum dicitur quis facere legem.

Porro oportet nunc exponere, quid sit ambulare in luce: quod hoc pacto delatur: Lux est Christus, sicut ipse dixit: Ego sum lux mundi. Qui ergo secundum ipsum ambulat sequendo vestigia eius, ibid. 8. in luce ambulat. Qui sequitur me, inquit, non ambulat in tenebris, sed habebit lumen vitæ. Sequitur autem illum quicumque tendit quod ille, & eandem viam tenet per quam ille ambulauit. Pergit autem homo hanc viam non corporis, sed animi & virtutum gressibus & incessibus, ducendo hanc vitam piē, iustē ac sobriē, ut decet hominem cœlestia meditantem, atque ad illa piis desideriis assidue suspirantem.

Si autem in luce ambulamus, sicut & ipse est in luce, societatem habemus adinuitem, & sanguis Iesu Christi Filij eius emundat nos ab omni peccato. Ut ergo societatem habeamus cū Deo, necesse est ut ambulemus in luce, sicut ipse est in luce, id est, eo modo quo ipse est in luce. Est autem in luce ipse in semetipso existens, qui est vera & summa lux. Vnde dicitur

1. Tim. 6. habitare lucem inaccessibilem. Ita ergo & nos debemus ambulare in illo existentes, qui lux est. Sumus autem in illo tanquam insiti manu Dei, cum illius gratiæ efficiamur participes: & qua eripimur à tenebris, quæ sunt ignorantia, & error, & peccatum. Si ergo vitam hanc sapienter ducimus, scientes quod tendimus, & viam regiam, quæ est via crucis, tenemus: profectō societatem cum ipso Deo habemus, & nos ambulamus in luce, & ipse etiam ambulare nobiscum dicitur, & nos cum illo & coram illo. His enim modis loquitur scriptura, ut intelligam⁹ illud: Si Deus pro nobis quis cōtra nos?

Rom. 8. Vnde & alius: Pone me iuxta te, & cuiusvis manus

pugnet contra me. Et ipse Dominus Deus ait: Ste- isa. 50. mus simul, quis est aduersarius meus? Audiant hec qui negant certitudinem gratiæ: & videant quod pacto suam incertitudinem sustinere valeant his datis, quæ hic tantus Apostolus de illo enarrat, cum quo ambulat Deus: qui & in Deo ambulare dicitur, & esse in luce. Erit ergo in ipsa luce, & hoc tamen non poterit certō cognoscere. An non hoc est facere de luce tenebras, & derogare nostræ fidei? Quid enim prodest esse in luce, & illam lucem in seipso existentem non videre?

Illud autem non absque quæstione est: Quo pacto id verum sit, quod de his adiicitur, qui ambulant in luce, videlicet sanguine Christi, eos ab omni peccato emundari: Si enim ambulant in luce, seruant mandata: Si seruant mandata, non peccāt: Si non peccant, quomodo indigent mundari à peccato? Respondetur: Esse etiam iustorum non præuaricantium, imō seruantium mandata Dei, nonnulla peccata, quæ vitari in hac mortali conditione non possunt. Hæc igitur quæ assidue admittuntur, etiam assidue remittuntur: & sanguis Christi qui assidue per memoriam & effectum effunditur, & offertur in altari, emundat nos ab illis. Et quia Pelagianus aliquis, aut Phariseus hoc non facile admitterent, utpote qui falsō putant nihil se habere vitij in natura, vnde assidue scateant atque erumpant variæ libidines, & ideo posse omnino esse absque vilo peccato in cursu vitæ huius, subdidit Dilectus:

si dixerimus quia peccatum non habemus, nosmetipsos seducimus, & veritas in nobis non est. Peccatum, meo iudicio, hoc in loco non significat actuale peccatum, de quo non potest rectē dici nos illud habere, cum sit actus, & non sit permanens. Et dum orat homo iustus, aut quid boni agit, profectō non dicitur peccare. Est enim Lutherana, & iam ab omnibus piis damnata hæresis: Hominem etiam iustum in quouis actu suo peccare. Cum igitur dentur tempora, in quibus iusti nec venialiter peccēt: absque mendacio possent dicere se illis certis temporibus non peccare, & propterea nec habere vel veniale peccatum, si habere peccatum idem esset quod peccare. Neque item puto debere intelligi de reatu peccati. Scio quidem peccatum ipsum, quod transit, dici posse manere in effectibus suis, & propterea in reatu: ita ut is habere peccatum intelligatur, qui reus est pœnæ peccato commissio de bitæ, qui reatus manet post peccatū donec remittatur. Attamen nec eo sensu sic arbitror posse locū istum commodē intelligi. Nam possunt etiam dari tempora, quando homo nullo teneatur peccati reatu, qui aut per contritionem perfectam, aut per indulgentias, & plurima charitatis opera deletus fuerit.

Restat igitur ut hic locus, quemadmodum & B. Augustinus aliquando scripsit, commodē intelligatur de illo naturæ vitio quod nobis in carne, etiā post baptismum, relinquitur, ut cum illo ad meritum & gloriæ præmiū pugnemus. Illud enim peccatum dicitur, ut rectē idem B. Augustinus declarat: quia de peccato venit, & ad peccatum incitat, ut sapius est à nobis declaratum: ne quis falsus aliter accipiat scripturæ sensum, quàm sit verē accipiendus. Per illud etiam fit, ut nequeamus abstinere à quotidianis peccatis, quæ sunt minima & ferē

Augustinus de peccatis. mer. et rem. lib. 2. cap. 8.

assi-



affidua: Et eiusmodi sunt, quæ assidue in iustificatione, per Christi sanguinem remittuntur. Cum igitur assidue peccemus, præsertim nos qui sumus in communi gratia, si volumus emundationem per sanguinē Iesu Christi obtinere, necesse est ut confiteamur peccata nostra. Audiamus autē quid subiungat ipse Dilectus:

*Si confiteamur peccata nostra, fidelis est & iustus ut remittat nobis peccata nostra, & emundet nos ab omni iniquitate.* Vult Deus si nos velimus illius sanguine peccata nostra deleri, ut illa confiteamur. Non credo hic esse sermonē de mortalibus peccatis, cum Dilectus ipse in eorum numero sese constituat, qui illis teneantur (ut iam conclusimus) ac propterea non de confessione sacramentali, sed de illa potius quam obseruamus assidue, orantes ut ipse dignetur remittere. Hanc confessionem obseruat ubique ecclesia, ut ab Apostolis citra ullam dubitationem traditam ac præceptam, Dominus ergo Deus reliquit nos summa prouidentia sua sub hanc miseram necessitatem secundū carnem, ut non valeamus perfectē satisfacere legi secundū eam perfectionem, quam exigebat pactum primum, & prima lex, quæ data fuit in statu innocentie. In eo quippe statū & naturæ integritate non fuissent peccata, nec quidem venialia. Detrusit, inquam, nos in hanc miseram peccandi seruitutem, ut semper humiles essemus, & recordaremur antiqui status, & ut confiteamur nos ex nobis ipsis & natura nostra esse peccatores, & imperfectos semper. Et verē ita est, si comparemur ad eam primæui status legem, in qua totus homo debebat inueniri compositus, & seruans Deo secundum omnem partem. Hæc igitur nostra confessio ita nos emundat per virtutem sanguinis Christi ab omni peccato, ut ob hoc ipsum habeamur, & simus coram Deo perfecti & integri secundum pactum nouum, per quod valeamus in Christo dicere (modo ambulemus in illius luce, & secundum Spiritum) nunc autem iam non ego operor illud, sed quod in me habitat peccatū, ut ait ad Rom. Apostolus.

Rom. 7.

Quamobrem ne iam habeamus peccata, & ne habentibus imputentur, oportet nos illa confiteri, in quibus ad edomandam superbiam nostram derelicti sumus, quæ ignorantes & inuiti committimus. Qui si hæc nolumus ob superbiam nostram nec confiteri, nec orare ut remittantur iuxta tenorem orationis Dominicæ, proculdubio in temptationem merito à Domino inducimur: & in illa derelicti peccamus, nō iam peccato veniali, sed transgressionem legis, quæ ducit ad mortem. Hic est ergo status in quo nunc conclusi sumus in Christo, videlicet ut tunc perfectē iusti dicamur, & pro talibus meritō habeamur coram Deo, cum nos humiliter ac veraciter imperfectos adhuc esse & peccatores, comparati ad primæuū statum, agnoscimus & confitemur. Tunc enim verē à primo nexu liberati, inuenimur in secundo pacto in Christo, & in vera luce. Ipse autē obligatus inuenitur nobis sua promissione, ut remittat peccata nostra: & quia fidelis est, remittit in effusione sui sanguinis, quæ coram Deo durat. Cūq; iam opus sit iustitiæ, quod debet Deus pater clementissimus filiis suis, ideo dicit Dilectus:

*Fidelis est & iustus.* Non dixit misericors: quia

hæc est iustitia, postquam sumus in illo & in luce, ut confitentes illa peccata, remittantur nobis, & emundemur ab omni iniquitate, siue iniustitia. Hæc vocem pro quouis peccato sacræ literæ accipiunt. Hanc doctrinam tradiderunt omnes sancti, & spirituales homines, B. Hieronymus, Augustinus, Ambrosius, Gregorius, & alij omnes vno spiritu ita confessi sunt: Ut ille tunc verē coram Deo dicatur iustus & perfectus, cum imperfectionem & peccata agnouerit, & ea legitime confessus fuerit. Quia verō poterat aliquis dicere: unde mihi hoc vitium in carne, & unde hæc mihi peccandi necessitas? Si enim ignorans & nolens pecco, iam non est peccatum: aut saltem iniquum, ut mihi imputetur ignorantia & inuito. Respondetur: Tu in hanc conditionem miseram peccato, quod in parente tuo Adam peccasti, te coniecisti, & ideo tibi meritō imputatur. Quod si dixeris: At nunc sum in Christo nouo Adam, non iam in illo veteri Adam:

Respondetur tibi: Bene. Confitere ergo hanc tuā miseriam, & non imputabitur: quia gratia Christi & sanguis assidue te emūdat, ut dictum est. Quod si pergas quisquis es, & dixeris te non peccasse vquam, audi Dilectum te confutantem:

*Si dixerimus quod non peccauimus, mendacem facimus eum, & verbum eius non est in nobis.* Ipse Dominus dixit per prophetas suos: Non est iustus quisquam, non est intelligēs, non est requirens Deum. Et ad Iudæos: Nonne Moyses (inquit) dedit vobis legem, & nemo vestrum facit legem? & Qui facit peccatum, seruus est peccati. Si filius vos liberauerit, verē liberi eritis. Venit princeps mundi huius, & in me non habet quicquam. Et sanctissimus Præcursor Ioannes: Ecce qui tollit peccatum mundi. Vnū autem est peccatum mundi, quod omnes peccauimus. Qui ergo dicit se non peccasse errat, & facit mendacem Deum & Christum: & non habet verbum eius in se, id est, in corde suo receptum fide. Qui enim vnum articulum non credit, nullum credit. Et ratio ipsa est in promptu: quoniam qui vnum dixit, dixit & alium. Neque enim potest Deus mendax esse in vno, & verax in alio.

Psal. 135.

Ioan. 7.

& 8.

CAP. II.

**F**ILIIOLI mei, hæc scribo vobis, ut non peccetis. Sed si quis peccauerit, aduocatum habemus apud Patrem Iesum Christum iustum: & ipse est propitiatio pro peccatis nostris. Non pro nostris autem tantum, sed etiam pro totius mundi. Et in hoc scimus, quoniam cognouimus eum, si mandata eius obseruamus. Qui dicit se nosse Deum, & mandata eius non custodit: mendax est, & in eo veritas non est. Qui autem seruat verbum eius: verē in hoc charitas Dei perfecta est. In hoc scimus quoniam in ipso sumus. Qui dicit se in ipso manere, debet sicut ille ambulauit, & ipse ambulare.

*Filiioli mei, hæc scribo vobis, &c.* Vide acute lector, ut congruit cum superiore sententia. Mandauit enim ne dicerent se non esse in vitio villo,

Cc



quasi non habentes peccatū: & ne dicerent se non peccasse, saltem in parente: sed confiterentur peccata sua, ut sanguis Christi emundaret eos ab omni iniquitate. Nunc quare hoc eis scribat adiungit, dicens: *Filioli mei, hæc scribo vobis, ut non peccetis*, ac si dixerit: Si non fueritis ea confessi quæ præmissi, nimirum vos peccauisse & peccatum habere, proculdubio peccabitis. Merito enim velut ingrati & superbi trademini tentationibus, quibus non poteritis viribus vestris occurrere. Ut igitur non peccetis, hoc præsentaneum est vnicuique remedium, agnoscere in se vitium ex peccato natum, & sedulo cauere, & sine intermissione orare, ne inducamini in tentationē. Verum cum vix, & raro fieri possit ne quis mortaliter quandoq; peccet in hoc vitæ fragilis cursu tot hostibus impugnatus: ne in desperationem mitteret transgredientem, ait:

*Sed & si quis peccauerit, advocatū habemus apud Patrem Iesum Christum iustum.* Notandum diligenter, quomodo dicit hūc nos quidē habere Iesum Christum, sed non ulterius crucifixum quasi peccatorem. Sic etenim illum semel in baptismo habuimus, quemadmodum & semel ipse fuit crucifixus. Sed dicit nos illum habere iustū, ut non totum soluat satisfaciēs omnino pro nobis per sanguinem suū, quod fecit semel in baptismo. Habemus tamen illum advocatum apud Patrem, ut pacificet eum nobis, ostēdens se Pontificem gratiosum apud eum, & Domium omnium constitutum. Vnde apud Patrem: *Ipse est propitiatio pro peccatis nostris*, hoc est, pro peccatis eorum primum, qui erant electi primarij lapides pro fundamentis ecclesiæ. Et ne videri posset docuisse, Christum pro illiusmodi electis tantum esse propitiationem, adiunxit:

*Non pro nobis autem tantum, sed etiam pro totius mundi.* Non solum sufficienter (ut quidam exponunt) quoniam sanguis eius erat suo valore sufficiens ad saluandū omnes: verum etiam efficienter ex parte sua. Noluit enim illam sufficientiā frustra esse: contra quod hæretici blaterant. Vnde ipse indifferenter, ut summus & æternus Pontifex semper viuēs, interpellat pro nobis Patrem, ut saluemur omnes qui obicem non posuerimus oblatæ nobis salutis, & illius alioqui efficacissimæ interpellationi.

*Et in hoc scimus*, inquit. Audiant & pōderent hæc verba defensores incertitudinis gratiæ. Dilectus dicit: *In hoc scimus*. Scire propriē certitudinē notitiæ proculdubio in sui significatione complectitur. Istud B. Tho. docet: & res clara est propter hunc vocis usum. In hoc scimus quod agnouimus eum, si mandata eius obseruamus. Possumus ergo scire quod obseruamus mandata eius, & consequenter quod eius dilectionem habemus, & sumus in gratia. Vnde & Caietanus hoc in loco ita scribit: Et est sermo (inquit) de notitia effectiua, quam efficit fides infusa, quæ per dilectionem operatur. Dicēdo itaq; & in hoc scimus quod cognouimus eum (proculdubio Deum lucem) perinde est ac si dixisset: & in hoc scimus quod ambulamus in luce, si mandata eius obseruamus. Intrēdit siquidem Ioannes ad litteram monstrare signum infallibile internæ lucis diuinæ in nobis esse, si mandata eius seruauerimus. Et propterea dicit, & in hoc scimus, scientia experimentalis. hæc ille, contra eos qui negant certitudinem præsentis gratiæ per infusam fidem.

*Qui dicit se nosse Deum, &c.* Vide ut de plena notitia loquatur, quæ habet secum gustum bonitatis eius. Neque enim esse potest absque charitate, & ideo non est in illis qui non obseruant mandata eius, contra prædicatores solius fidei.

*Qui autem seruat verbum eius*, seu mandatum eius, quia omnia vno verbo dilectionis & mādato concluduntur: *Verè in hoc charitas Dei perfecta est*. Perfectionem charitatis hoc in loco accipit non secundum intensionem, sed extēsiōnem mandatorum: Et non secundum eam perfectionis considerationem, quæ consideratur in consiliis: sicut Dominus illi qui iactauerat se seruasse mandata, dixit: Si vis perfectus esse, vade, vende omnia quæ habes, &c. *In hoc scimus*, id est, per obseruantiam mādatorum, *Quod in ipso sumus*. Possumus ergo seruare mādata: contra blasphemias hæreticos, qui Deū nobis impossibilia præcepisse asserunt, & insuper possumus scire, nos ea quæ nobis præcipiuntur seruare.

*Qui dicit se in ipso manere*, secundum vinculum spiritus, & charitatis (sic enim manemus in ipso,) *Debet sicut ille ambulauit & ipse ambulare*, hoc est, sequi vestigia eius per viam crucis abnegando semetipsum, & propriam voluntatem. Ipse enim est via, veritas, & vita. Sed prius via, quàm vita perfecta. *Qui ergo per eum ambulat ut est via*, perducitur ad illum ut est vita, cum apparuerit gloria eius sempiterna in cœlis.

Charissimi, non mandatū nouum scribo vobis, sed mandatum vetus, quod habuistis ab initio. Mādaturum vetus, est verbum quod audistis. Iterum mādaturum nouum scribo vobis, quod verum est & in ipso, & in vobis: quia tenebræ transierūt, & verum lumen iam lucet. *Qui dicit se in luce esse, & fratrem suum odit*: in tenebris est vsque adhuc. *Qui diligit fratrem suum, in lumine manet*, & scandalum in eo non est. *Qui autem odit fratrem suum, in tenebris est, & in tenebris ambulat, & nescit quod eat*: quia tenebræ obcæcauerunt oculos eius.

Primò ne calumniarentur criminosi, destrui ab Apostolis veterem legem, & nouam introduci, præoccupat B. Ioannes, & ait: *Charissimi, non mandatum nouum scribo vobis, sed mandatum vetus quod habuistis ab initio*, hoc est mandatum dilectionis datum statim ab initio mundi primis nostris parentibus, & in ipsa lege per Moysen commemoratum, & vos ab initio illud habuistis in parentibus vestris, vel in lege. Aut si mauis dicit, *Ab initio*, scilicet vestræ ad Christum cōuersionis. Prima tamen intelligentia magis placet.

*Iterum mandatum nouum scribo vobis, quod verum est & in ipso, & in vobis.* Gracè melius: quod verum est in nobis. Non pugnat hoc quod ait, iterū mandatum nouum scribo vobis, cum superiori dicto, Non mandatum nouum do vobis. Idem namq; diuersis rationibus & vetus dici potest, & nouum. Vetus quidem in sui substantia: quoniam dilectio mandata fuit antea & Dei & proximi. Nouum autem in modo ipso dilectionis erga proximum

Caietanus  
pro cert.  
gratiæ.

Marc. 10.

Ioan. 14.



**Ioan. I. 3.** exercenda. Dixit enim Dominus: Mādatū nouum do vobis, vt diligatis inuicem sicut dilexi vos. Ecce modus dilectionis grādis & admiratione dignus. Vnde quod erat mandatum vetus, fit nouum: quia talis modus dilectionis, vt extenderetur etiam ad inimicum, nondum erat cognitus. Nondum enim velum templi, id est, caro Christi, erat scissum, id est, nondum reuelata Sanctorum via quæ ad omnes. Nam superiores mundi ætates non poterant tūc tale mandatum portare, nec fieri dociles Deo.

Sed quidnam sibi vult istud, videlicet, hoc mandatum esse verum & in Christo, & in nobis? Atten- de lector. Mandatum verum illud est, quod verè mandatur, vt fiat, & impleatur. Lex enim vetus mā dabat, non quidem vt fieret illud, sed teste B. Paulo, vt agnosceretur peccatum per mādatum, quod occasione accepta per ipsum mādatum generabat mortem. Ob eam causam non verum erat manda- tum, quod non habebat finem proprium manda- ti, quatenus extra pronunciatum erat à Mose, & in tabulis scriptum lapideis. Factum est autem verū mandatum in Christo, qui habuit in se virtutē im- plendi illud. Similiter factum est verum mādatū in nobis: quia per gratiam infusam in cordibus no- stris possumus illud implere. Vnde rationem sub- dens, dixit:

*Quia tenebræ transferunt: & verum lumen iam lucet:*  
**Rom. 7.** Tantūdem est atque illud à B. Paulo dictum: Nox præcessit, dies autem appropinquauit: abiiciamus ergo opera tenebrarum, & induamur arma lucis, &c. Hoc totum efficit sapientia crucis in cordibus nostris, quæ non est absque dono dilectionis. Per- git: *Qui dicit se in luce esse, & fratrem suum odit, in tene- bris est vsque adhuc.* Lumen quippe fidei non est lu- men ei, qui secundum illud non ambulat, & nihil ei prodest: *Qui diligit fratrem suum in lumine manet: & scandalum non est in eo,* id est, non offendit vt ca- dat: quia secundum lucem ambulat. Vnde scriptū est: Pax multa diligentibus legem tuam, & non est illis scandalum. Et ipsemet Dominus: *Qui in luce ambulat non offendit.* Quare autem nō offendit? quia diligit. Dilectio enim benigna est, & patiens. Dilectio non æmulatur, non agit perperam: non est ambitiosa, non querit quæ sua sunt, non irrita- tur, non cogitat malum, non gaudet super iniqui- tate, congaudet autem veritati: omnia credit, om- nia sperat, omnia sustinet. Qui ergo sic diligit, qua ex re poterit ipse accipere scandalum? Quod verò qui eiusmodi est, etiam scandalum iniicere alteri non queat, vel ex eo patet: quoniam charitas non agit perperam, sed patiens est, & benigna, & non gaudet super iniquitate. Quare nihil est vnde scan- dalum possit vel præbere, vel recipere.

**Psa. 118.** *Qui autem odit fratrem suum, &c.* Clara est senten- tia. Qui enim odio persequitur fratrem, suis iniquis passionibus ducitur: quæ sunt tenebræ à via recta abducētes hominem, cuius occæcauerunt oculos.

**Ioan. 11.** **1. Cor. 13.** Scribo, vobis, filioli: quoniam remit- tuntur vobis peccata propter nomē eius. Scribo vobis, patres: quoniam cognoui- stis eum qui ab initio est. Scribo vobis, a- dolescentes: quoniam vicistis malignum. Scribo vobis, infantes: quoniam cogno-

uistis Patrem. Scripsi vobis, patres: quo- niam cognouistis eum qui est ab initio. Scripsi vobis, adolecentes: quoniam for- tes estis, & verbum Dei manet in vobis, & vicistis Malignum. Nolite diligere mū- dum, neque ea quæ in mūdo sunt. Siquis diligit mundum, nō est charitas Patris in eo: quoniam, Omne quod est in mundo, concupiscentia carnis est, & concupiscen- tia oculorum, & superbia vitæ, quæ non est ex Patre, sed ex mundo est. Et mūdus transit, & cōcupiscentia eius. Qui autem facit voluntatem Dei, manet in æternū.

*Scribo vobis filioli, &c.* Non est putandum secun- dum ætatem dietum eos à B. Ioanne hoc in loco discerni ad quos scripsit, sed secundum vitam spiri- tualem. Alioqui quomodo scriberet ad paruulos & infantes? Sunt ergo in vita spiritali inchoātes, proficientes, ac perfecti. Propterea alij infantes, a- lij adolecentes, & alij viri possunt vocari. Qui in re certè frequens est error. Nā sapenūmō mul- ti qui vix incipiunt, sibi ipsi perfecti vidētur, quos facilè decipit diabolus. Ideo ait ad eos, *Filioli*, qui- bus adhuc lacte est opus, & non solido cibo: vt po- te qui vixdum à pristina consuetudine & peccatis cessastis: *Scribo vobis, quoniam remittuntur vobis pecca- ta*, scilicet quæ continuò admittitis in imperfectio- ne vestra, quæ vos non ita ponderatis qui nōdum nostis Dominum vestrum. Sed hoc, *Per nomē eius*, quod inuocatis: hic est Christus Saluator noster.

*Scribo vobis patres, &c.* Cognitio Christi de qua hīc sermo est (de eo enim dixit quod erat ab ini- tio) est integra sapientia. Includitur enim in illa co- gnitio bonitatis & misericordiæ paternæ, quam ostendit nobis in Christo. Et qui in hac cognitio- ne crescunt secundum illam operantes, hi perfecti sunt, vt possint etiam alios generare, & sibi meri- to patris nomen vindicare. Nam tales verè dicun- tur cognoscere, qui secundum cognitionem ope- rantur: non autem qui scientes torpescunt otiosi, & inutiles in vinea Domini.

*Scribo vobis, adolecentes: quoniam vicistis Malignum*, nimirum diabolum. Qui enim exceßerunt infan- tiam & pueritiam, committuntur tentationibus quas mouet diabolus. Has si superant, meritò pro- ficiunt & crescunt, & vicisse Malignum dicuntur, ipsum diabolum verè malignum: quia omni sua cogitatione, & opera, & conatu tendit in malum ac perditionem nostram.

*Scribo vobis infātes.* Ad eisdē est sermo, quos supe- rius vocauit filiolos. Hic quod est proprium eorū describit, videlicet nosse iam patrem. Sciendū est enim vitam incipientium esse quodam modo sub Patre, qui eos blanditiis, & paternis quibusdā com- plexibus fouet protegens, nec permittens in eos tē- tationes duriores. Postmodo Pater ipse vt crescāt, & vt plenius erudiantur, tradit eos Filio, qui ad- huc sustinet eos penitus ablaetandos. Filius autem cum permanerint socij suarum tentationum (quia nondum antea erant fortes vsque ad extre- ma pericula) dimittit eos aliquantulum sibi ipsi, vt noscant se nihil esse, & nihil posse à semetipsis.



Sed ut quicquid potuerunt, venisse de cœlo, & ab ipso fateantur. Quos ubi ita instituerit ut sint ad has tentationes superandas perfecti, recedit ab eis tandem, & tradit eos fortiori doctrinæ Spiritus sancti, ut eius baptismo baptizati valeant etiam extrema perpeti. Hæc ex euangelio clarè accipiuntur. Subdit igitur Dilectus:

*Quia cognovistis Patrem*, id est, in eo statu estis, ut mox oporteat à Patre venire ad Filium, ut cum illo maiora sustineatis & perfectè erudiimini. Et rursum repetès quæ ad patres scripsit, non addit quicquam, sed ait: *Scripsi vobis patres, quod cognovistis eum qui erat ab initio*, nimirum (sicut est expositum) Christum, quem nosse perfecta est sapientia, & à Spiritu sancto est, sicut ipsemet dixit: In illo die cognoscetis quia ego sum in Patre meo, & vos in me, & ego in vobis. Qui habet madata mea, & servat ea, is est qui diligit me. Qui autem diligit me, diligitur à Patre meo: & ego diligam eum, & manifesta bo ei meipsum. Hæc Dominus, quæ ad perfectos pertinent, qui cognoscunt eum perfectè & manifestè, ea tamen perfectione, quæ convenit huic statui nostro in Christo, qui per fidem ambulamus.

*Scripsi vobis iuvenes*, seu (ut supra dixerat) adolescentem, *quoniam fortes estis*. Aduertendum est, quosdam putasse has repetitiones ad iuvenes, infantes, & senes, esse superfluas & adiectas: quibus ego non contentio, nec ab re factas existimo. Et verbum Dei manet in vobis: sine quo nihil possetis. Et viciis Malignum. Sed non propterea cessandum, quin cautius vigilandum. Opus quippe est perseverantia in finem usque: aliàs qui victus est, iterum vincere posset. Non enim dormit, sed vigilantissimè circuit ut denuo in domum quam possidebat, intrare possit cum spiritibus nequioribus, ut nos in evangelica parabola admonet Dominus, & ideo addit Dilectus:

*Nolite diligere mundum*, id est, habitationem hanc in hoc mundo, ubi non habetis patriam manentem: nec est vobis iam conveniens hæc habitatio, postquam facti estis ciues sanctorum, & domestici Dei. *Neque ea quæ in mundo sunt*. Nam propter ea quæ sunt in mundo diligitur mūdus, id est, hæc habitatio cum omnibus suis commodis ad carnis curam & delicias *Siquis diligit mundum, non est charitas Patris in eo*. Ponderanda omnino sententia. Et verè ita est: quia charitas Patris non est nisi donum Dei, quo ipsum ut Patrem diligimus. Non autem ut patrem diligimus, cuius hereditatem contemnimus, & reculamus promissa bona in cœlis, his terrenis penitus infixi.

*Quoniam omne quod est in mundo, &c.* id est, omne quod bonum in mundo existimatur ab amatoribus mundi (quod est concupiscentia carnis, & concupiscentia oculorum, & superbia vitæ) *non est ex Patre, sed ex mundo*. Versatur enim in tribus, quodcumque in hoc mundo male diligitur:

*Que sint mala ex mundo.*

Aut enim est ad quod aspicit concupiscentia carnis: ut opiparè comedere, bene bibere, lasciuire, & quæ sunt eius generis: Aut id quod oculis placet: ut habere domos amplas, instructas marmore, stutis, picturis, hortis: supellectilem pulchram, splendidam, pretiosam: arcam nummis plenam, argento, auro, gemmis. hæc enim sunt quæ exhilarant oculos nostros: Aut versatur in iis, ad quæ animus e-

latus ac superbus anhelat: ut est præesse ac præcellere ceteris potestate atque imperio. Sed nihil horum est ex Patre, id est, ex spiritu quem dat nobis Pater, secundum quem ab eo geniti sumus in fide & professione nostra, qui renūciamus diabolo, & omnibus pompis eius: & postmodo cuncta, quibus iam solenniter libellum repudij misimus, reperere tamen non perhorrescimus infœlices. Quid ergo accidet iis qui hæc mundi opera diligunt, & spernunt quæ sunt paternæ charitatis? Audiat homo carnalis, animalis, diabolicus: audiat, & nisi in æternum perire velit, mox pœnitentiæ stimulis agitur, ne moriatur, sed viuat.

*Et mūdus transit, &c. concupiscentia eius*. Transit qui dem mundus nobis, à quo nos oportet necessario recedere: & ipse in uniuersum statim transiturus est cremandus igne. Transit ergo & concupiscentia eius, id est, quodcumque in eo videtur concupiscibile: & pariter desiderium peccatorum, id est, diligentium mundum peribit. Ea enim quæ desiderabunt, obtinere non poterunt: & isto pacto eorum desiderium peribit, ut perpetuo frustra desideret. Credis hæc prudens lector, an non credis? Si credis, ostēde te credere in veritate: & quod tibi dico, mihi etiam dico. Si non credis, experiētia tandem tibi ipsa declarabitur, quando non relinquatur vilius fructuosæ pœnitentiæ locus, ut Esau accidit.

*Qui autem facit voluntatem Dei, manet in æternum*. Quia quod secundum Deum concupiuit, æternum est, & in æternū possidebit, ut in eo verificetur: *Desiderium animæ eius tribuisti ei, & volūtatē labiorum eius non fraudasti eum*: Prauenisti eū in benedictionibus dulcedinis, posuisti in capite eius coronam de lapide pretioso. Vitā petiit à te, & tribuisti ei longitudinem dierum in æternum, & in sæculum sæculi. Hoc nobis concedat Dominus.

Filioli nouissima hora est: & sicut audistis, quia Antichristus veniet: & nunc Antichristi multi facti sunt, unde scimus quia nouissima hora est. Ex nobis prodierunt: sed non erant ex nobis. Nam si fuissent ex nobis, permansissent utique nobiscū. Sed ut manifesti sint, quoniam non sunt omnes ex nobis. Sed vos vñctionem habetis à Sancto, & nostis omnia. Non scripsi vobis quasi ignorantibus veritatem, sed quasi scientibus eam: & quoniam omne mendacium ex veritate non est. Quis est mendax, nisi is qui negat quoniam Iesus est Christus? Hic est Antichristus, qui negat Patrem & Filium. Omnis qui negat Filium, nec Patrem habet. Qui confitetur Filium, & Patrem habet. Vos quod audistis ab initio, in vobis permaneat: quia si in vobis manserit quod audistis ab initio, & vos in Filio & Patre manebitis. Et hæc est repromissio, quam ipse pollicitus est nobis, vitam æternam. Hæc scripsi vobis de iis qui seducunt vos. Et vos vñctionem

*Contra eos qui diligunt mundum.*

*Psal. 20.*



quam accepistis ab eo, maneat in vobis. Et non necesse habetis vt aliquis doceat vos: sed sicut vnctio eius docet vos de omnibus, & verum est, & non est mendacium. Et sicut docuit vos, manete in eo. Et nunc, filioli, manete in eo: vt cum apparuerit, habeamus fiduciam, & non confundamur ab eo in aduentu eius. Si scitis quoniam iustus est: scitote quoniam omnis qui facit iustitiam, ex ipso natus est.

*Quid per  
diem, horā,  
& prophē-  
tiam intelli-  
gat Dile-  
ctus.*

*Filioli, nouissima hora est, &c.* Ad incipientes & in fide infirmos est sermo: quoniam ij sunt quibus periculum seductionis imminet, nō iis autem qui iam habent neruos exercitatos ad discretionem boni & mali. Ad hos ergo sermonem conuertens, & volens probare seductionis periculum, ait nouissimam hanc esse diei horam. Significat autem per diem, totum tempus ab initio mundi vsque in finem. Et per horam nouissimam, partem diei postremam, qui secatur in horas duodecim. Et per scripturæ prophetiam apparet hoc esse tempus, quando erit persecutio extrema Antichristi, & præcursorum eius. Vnde & beatissimi Apostoli, Paulus, Iacobus, Ioannes & Iudas in suis epistolis huius persecutionis meminerunt, quæ futura erat, & est aduersus Christum in nouissimis temporibus. Hæc nouissima tempora, horam nouissimam Dilectus hîc appellat: vt in qua audiri iam incipiat Antichristi aduentus propè esse. ait ergo:

*Et sicut audistis quod Antichristus venit, id est, aduentus eius hoc tempore nouissimo præscribitur, & iam in aliis præcursoribus præparatur.*

*Et nunc Antichristi multi sunt.* Venerāt enim iam Apostolorum tempore Simon magus, Hebion & Cerinthus, & alij multi impij hæresiarchæ, qui se opponebant Apostolis, & Christi diuinitatem negabant, & multos fidei nostræ articulos. Vnde sci-  
*mus quia nouissima hora est.* Propter rationem iam dictam. Vbi enim Christi gratia maximè prædicatur, ibi oportet propter inuidiam Diaboli, Antichristos multos inueniri.

*Ex nobis prodierunt, &c.* Manifestè hîc illos Antichristos notat, qui iam Christum erant professi, & per Apostolicam prædicationem geniti erant. Sed non erant ex nobis, id est, non erant inter electos Apostolos. Si enim tales fuissent, nunquam excidissent, propterea subiunxit:

*Si enim fuissent ex nobis, utique permansissent nobiscum, quoniam illa diuina electio non erat exposita casui.* Hoc dixit ne aliqui fortè à fide deficerent, propter tales dissensiones & schismata scandalum accipientes: sed intelligerent esse Dei providentiā in fundamentis domus, quæ non possint corrui. Sed vt manifesti sint quod non sunt omnes ex nobis, hoc est, Dominus Deus permittit huiusmodi ruinam, vt manifestentur ij non esse in eo lapidum numero, quos elegit Dominus pro fundamentis. Quare nemo debet propter hoc scandalizari. Nam & antea fuit prædictum nobis.

*Sed vos vnctionem habetis à sancto, & nostis omnia, id est, Sed vos vnxit Spiritus sanctus, imparties hu-  
ius rei notitiam, vt nullum patiamini ab istis scan-*

dalum, nec seductionē vllam. Hic Spiritus qui vnxit vos, est spiritus veritatis: & illa vnctio qua vncti estis, est participatio gratiæ Christi, cuius ille plenus fuit: & de plenitudine eius omnes accipimus. Vnde oportet vos nosse omnia quæ sunt fidei de Christo, ad salutem ducentia.

*Ioan. 1.*

*Non scripsi vobis quasi ignoratibus, &c.* Et addit quæ ipsi deberent scire, nimirum: omne prorsus mendacium à veritate non esse. Non enim fieri potest vt à veritate profiscatur mendacium: quo fit vt mendacium proferens, non sit edoctus à spiritu veritatis. *Quis est mēdax, nisi is qui negat quoniam Iesus non est Christus?* Negare Iesum illum hominem esse Christum, id est, iustum & sanctificatum, est negare vniuersam fidem nostram. Si enim non est Christus, nō est Pater, nec Filius, neque Spiritus sanctus: qui tres ea voce, Christus, comprehenduntur. Vnde & B. Ambrosius dixit valere baptismum in nomine Christi: quia eo nomine tota Trinitas significatur. Quanquam non sine quæstione illud est de baptismo. Verum est autem quodd eo verbo, & Pater, & Filius, & Spiritus sanctus intelligitur. Christus enim cum sit Filius, etiam cōceptum Patris supponit: & cum idem sit quod vnctus, vnctio autem Spiritui attribuitur, etiam nomine Spiritus sancti comprehenditur, ac propterea tota Trinitas. Qui igitur negat Christum, manifestè est Antichristus.

*Vos quod audistis ab initio, &c.* Hortatur ergo illos, vt in suscepta iam fide ab Apostolis permanent. Et verè hoc est irrefragabile argumētum contra omnes hæreticos: cum ipsi sint qui relinquunt arborem, qui veluti superbi rami seipso ab ea secant. Et hæc est repromissio, &c. Clarus sensus: Vita æterna promittitur nobis, si profecerimus in fide viuā, quæ operatur per charitatem.

*Hæc scripsi vobis de his, &c.* Constructio literæ iuxta grammaticam duriuscula est. Reliqua tamen clara sunt vsque in finem. Et quod legimus, *Maneat in vobis*, melius habet, *Manet*. Illud solum esset videndum, quomodo non necesse haberent doceri, cum ipse nihil aliud videatur facere quàm docere eos? Respondemus: Hæc B. Ioannis epistola potius est commemoratio eorum quæ sciebant, & edocti erant à Spiritu, quàm doctrina. Illud præterea ponderandum contra hæreticos, non sola fide reddi nos securos: vt fiduciam habeamus in aduentu Domini. Neque pura misericordia id præstat, sed tenor bonæ vitæ, ac perseuerantiæ, vt verè illo die non confundamur.

*Si scitis quoniam iustus est, scitote quod & omnis qui facit iustitiam, ex eo natus est.* Sēsus est proculdubio, ni fallor, Si Christus est ille singulariter iustus, quia natura iustus (quod de nullo alio mortalium verè dici potest) scitote etiam omnem hominem, quicumque facit iustitiam, ex ipso natum esse. Quoniam quicumque facit iustitiam, ille iustus est. Et cum non sit ex se iustus, oportet ab alio habuisse vt sit iustus. Quodcunque enim tale est, & non ex se tale est, oportet vt ab eo quod ex se tale est, descendat. Hoc autem dixit ne quis temerè de iustitia gloriatur: sed cuncta tribuat dona Deo. & Christo, & gratias agat & glorificet ipsum omnis gratiæ fontem & largitorem. Ne similis fiat Pharisæo qui gratias quidem agebat, sed gratiæ originem non recognoscebat. Quatuor quippe sunt

*In eos qui  
insipienter  
gloriantur.  
Luc. 18.*



*Arrogan-  
tium qua-  
tuor gene-  
ra.*

*Eccel. 1.*

*Luc. 19.*

*1. Cor. 4.*

vt magnus Gregorius docet) species, quibus omnis arrogantium tumor demonstratur. Primo cū à semetipsis habere se existimant. Tum si datū qui dem sibi cœlitus credunt, sed pro suis meritis hoc se accepisse putant. Tertiò cum iactant se habere quod non habent. Et denique, quādo despectis cæteris & vituperatis, singulariter appetunt habere quod habent. At veræ iustitiæ lex & æquitas postulat, vt vnde flumina exeunt, illuc redeant, vt denuò fluere possint. Nam habenti dabitur, & abundabit. Qui autem ingratus est, sterilis permanebit & aridus. Quid enim habes, aiebat Apostolus, quod non accepisti? Si autē accepisti, quid gloriaris quasi nō acceperis? Hæc in elatos, & sibi fur tim dona Spiritus arrogantes.

*CAP. III.*



**V**IDE TE qualem charitatē dedit nobis Pater, vt filij Dei nominemur, & simus. Propter hoc mundus non nouit nos, quia non nouit eū. Char-

issimi, nunc filij Dei sumus: & nondum apparuit quod erimus. Scimus quoniam quum apparuerit, similes ei erimus: quoniam videbimus eum sicuti est. Et omnis qui habet hanc spem in eo, sanctificat se, sicut & ille sanctus est.

**V**idete, qualem charitatem dedit nobis Pater, &c. Egregia & omnino necessaria est hæc præceptio, vt seria meditatione consideremus dona Dei, quæ & quanta sint, & quanto labore illius ac sudore & pretio nobis quæ sita. Horū autē summum est ipsa charitas, per quod nominamur filij Dei, & verè sumus: non natura tamen sicut est Vni genitus eius Iesus Christus, sed adoptione per gratiam. Cuius rei consideratio multum prodest ad excitandum nos, ne simus tanto beneficio ingrati, quo euecti sumus in consortium Dei, & omnium filiorum eius. Sed quis idoneè de gratitudine repēdenda meditabitur, si perpetuò fuerit de gratia incertus, vt volunt illi qui incertitudinem tutantur? Proculdubio religioni nostræ, si semotis passionibus rem secum pendere velint, non modicum derogant. Ideo Dilectus, aliam nobis tradens doctrinam, dixit: Videte qualem charitatem, &c.

Obiiciet fortè aliquis, non propterea mandari à dilecto, vt quisque particularis homo suam videat charitatem: sed in genere, scilicet vt videat in ter dona Spiritus, in Ecclesia esse charitatem. Verum hunc nequaquam esse sensum Apostoli egregiè probant ea quæ subiunxit. Si enim de hac sola fide, quod in ecclesia sit hoc donū, sentiret: cur istud, rogo, addidisset, *Et nondum apparuit, quid erimus?* Siquidem hoc item notum est nobis fide. Igitur de experientia est sermo, qua nouit quis hinc suam charitatem, nondum tamen eam, quam expectamus in futuro, gloriam sempiternam.

Rursum quæret alius: Quomodo possumus videre in nobis charitatem, cum sit qualitas quædā & habitus animæ, occultum donum? Respondetur: Non per se videri potest, sed per effectus suos in quibus cognoscuntur filij Dei à filiis sæculi: quāuis hoc filij Adæ non agnoscant. Et quidam (vt iā

paulò antè meminimus) qui se Theologos profitentur, audent asserere nullum esse charitatis effectum, quem non possit quoque virtus naturalis in homine producere. Quod certè dogma inimicum est religioni Christianæ: & Christi verbis, & Dilecti eius discipuli doctrinæ repugnare, si diligenter discutiatur, non dubito.

Per hoc igitur præcipuum Dei donum, quod dicitur charitas, filij Dei efficiuntur. Est enim donum quo renascimur, & viuimus coram Deo. Non sola fides, quæ sine hoc dono est mortua, sed amor iste, charitas ista, quæ & gratia dicitur & iustitia Dei in scripturis sanctis, dat vitam nobis. Quid, rogo, est charitas nisi iustitia? Id sæpenu mero B. Augustinus declarat, & vis ipsa vocum demonstrat. Qui enim diligit, legem implet: & hoc ipso quod quis legem implet, iustus est, & iustitiā facit. Mandatum ergo dilectionis est mandatum iustitiæ vt ipsa iustitia ac dilectio vnum sit. Nō me latet, hæc à quibusdā Scholasticorum aliter accipi, qui hæc inuicem distinguunt. Quare nos hac de re in proprio libello, cui titulum fecimus, De iustificatione, copiosius disseruimus.

Propter hoc mundus non nouit nos, &c. Mundus nō nouit hanc dignitatē in nobis, per quæ facti sumus consortes diuinæ naturæ, participantes de spiritu eius ineffabiliter. O si perinde videremus animæ pulchritudinem, quæ hoc tam sublimi dono decorata est & ornata, atque videmus speciem corporis, & ea mirum in modum delectamur, longè profectò magis animi quàm corporis contemplatione lætaremur. Quoniam verò tanta illa sublimitas humanæ menti, quæ illam sensu non potest percipere, est incredibilis, ideo mundus non nouit. Et ratio est: *Quia non nouit eum.* Quem eum? nimirum Patrem, id est, non nouit Deum esse Patrem nostrum: & quomodo sit Pater noster ignorat, & non capit, neque considerat huius excellentissimæ necessitudinis rationem, quæ est Iesus verus Filius, & Verbum caro, Christus vnice dilectus & vnctus, de cuius plenitudine omnes accipimus, in quo cōditi denuò sumus, & ex quo veluti palmites de vite trahimus veram vitam. Porro cum hæc filiorū adoptio sit imperfecta adhuc in hac via, perficitur verò tandem aliquando, si rectè & sanctè vixerimus, in patria (nunc enim videmus quasi per speculum in ænigmatē: tunc videbimus speculantes facie ad faciem) ideo addit:

*Charissimi, nunc filij Dei sumus, & nondum apparuit quid erimus.* Et declarans adiungit: *Scimus quod cum apparuerit, similes ei erimus: quoniam videbimus eū sicuti est.* Ex hoc ipso quod videbimus eum sicuti est, scientiam hanc habemus nos futuros illi similes. Ipse sicuti est non posset à nobis videri, nisi maxime de eius luce participaremus, vt possemus in eū directè obtutum nostrum figere. Sed hæc experientia queunt agnosci potius, quàm vllis humanis verbis declarari.

*Et omnis qui habet hanc spem, &c.* Homo, inquit, qui hanc spem habet: *sanctificat se*, id est, purificat, vt possit legitimè quod sperat, obtinere. Nam soli mundi & puri corde vident Deū. Quomodo autē purificat se homo per hanc spem, nisi vt qui verè illā vitā sperat, huius mūdi ille cebris nō cōtaminetur, sed rectā pergat per opera bona, & perseverantiam

*Contra dog-  
ma Schola-  
sticorū quo-  
rundam.*

*Iustitia  
idem quod  
charitas.*

*1. Ioan. 1.*

*1. Cor. 13.*

*Charitas  
Dei in nos  
Summum  
donum.*

*An quili-  
bet debeat  
suam chari-  
tatem nos-  
se.*

*Quomodo  
possumus  
charitatem  
nostram co-  
gnoscere.*



Ioan. 17.

Notent ha  
retici.

usque in finem? Et hoc est sanctificare seipsum, id est, aptare se ad illam perfectissimam sanctificationem. Sic Christus Dominus noster sanctificauit se metipsum, non à peccato quidem ullo, qui nunquam peccatum nouit, sed à debito satisfaciendi pro nostris per obedientiam crucis. Et hæc notent recentiores hæretici, & discutiant exactius quo pacto se ipsi sanctificare possint, qui nolunt per opera id fieri. Respuunt enim quicquid nos operamur ad salutem. Aiunt autem quò suam falsam doctrinam saltem obtegant, cuncta facere Deum in nobis sine nobis. At nos clarè hîc habemus, quomodo Christianus homo spe seipsum sanctificat. Et sermo est de spe viuâ, quæ habet expectationem & patientiam in operibus bonis, ut sapius est à nobis expositum. Aliam autem spem ab ista vera minimèque fallaci, ignorant scripturæ, & Spiritus sanctus summæ & illibatissimæ veritatis doctor & defensor.

Omnis qui facit peccatum, & iniquitatem facit: & peccatum est iniquitas. Et scitis quia ille apparuit ut peccata nostra tolleretur: & peccatum in eo non est. Omnis qui in eo manet, non peccat. Et omnis qui peccat, non vidit eum, nec cognouit eum. Filioli, nemo vos seducat. Qui facit iustitiam, iustus est: sicut & ille iustus est. Qui facit peccatum, ex Diabolo est: quoniam ab initio Diabolus peccat. In hoc apparuit Filius Dei, ut dissoluat opera Diaboli. Omnis qui natus est ex Deo, peccatum non facit: quoniam semper ipse in eo manet: & non potest peccare, quoniam ex Deo natus est. In hoc manifesti sunt filij Dei, & filij Diaboli. Omnis qui non est iustus, non est ex Deo, & qui non diligit fratrem suum. Quoniam hæc est annunciatio quam audistis ab initio, ut diligatis alterutrum. Non sicut Cain qui ex maligno erat, & occidit fratrem suum. Et propter quod occidit eum? Quoniam opera eius maligna erant: fratris autem eius iusta. Nolite mirari, fratres, si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte. Omnis qui odit fratrem suum homicida est. Et scitis quoniam omnis homicida non habet vitam æternam in se manentem. In hoc cognouimus charitatem Dei: quoniam ille animam suam pro nobis posuit. Et nos debemus pro fratribus animas ponere. Qui habuerit substantiam huius mundi, & viderit fratrem suum necessitatem habere, & clausit viscera sua ab eo: quomodo charitas Dei manet in eo? Filioli mei, non

diligamus verbo, neque lingua: sed opere & veritate.

*Omnis qui facit peccatum, & iniquitatem facit, &c.* Postquam ostendit modum quo quis sanctificatur: nunc è conuerso ostendit, cum qui facit peccatum non posse aptare se ad visionem diuinam. Proponit enim facientem peccatum, eundem & facere iniquitatem: quia peccatum est iniquitas. Deinde, quòd Christus apparuit, id est, venit in carne, ut & peccata nostra tolleretur, & sic nos sanctificaret. Et hoc nos scire per fidem supponit. *Et peccatum in eo non est*, qui nullum omnino peccatum nouit. Non enim peccator valisset peccatum tollere. Et addit: *Omnis qui in eo manet, non peccat*, quia & ipse Christus semel mortuus peccato non dicitur peccare, id est, nostra peccata super se iterum sumere diluenda. Qui ergo iam in illum translatus, & insitus in eo manet, non peccat. Et ideo hic est qui potest eum videre, utpote mundus corde.

*Et omnis qui peccat, nec vidit eum, nec cognouit eum.* Quid est non vidit eum, nec cognouit eum? Nonne multi peccatores viderunt eum, & postmodo prolapsi sunt? Responderetur: Nouisse Deum verè is dicitur, qui dignum eius notitia fructum facit. Si enim Christum verè nouisset, & illa notitia usus esset, nunquam se per iniquitatem & peccatum ab illo segregasset. Notitia ergo illa prior quæ suum non produxit effectum, pro ignoratâ habetur. Possumus (& fortassis non male) dicere quandam esse visionem Dei peculiarem in via erga eos, qui per illam confirmantur in bono Spiritus. namque ita eis datur, ut non sit recessurus. Vnde si quis hæc de Deo visionem habet, ab ea non potest excidere. De illa enim dixit Dominus discipulis suis: Et ego rogabo Patrem & alium Paracletum dabit vobis, ut maneat vobiscum in æternum, Spiritum veritatis quem mundus non potest accipere, id est, illi qui in communi sorte gratiæ viuunt, & salui fiunt, licet penitus non exierint de mundo: vnde & mundi nomine significantur. Mundus enim non videt eum, nec scit eum: cum tales non sint eius visionis ac perfectæ notitiæ capaces. Vos autem cognoscetis eum, quia apud vos manebit & in vobis erit, &c. Ecce ut de hoc spiritu veritatis, quem missurus erat, clarè dicit per eum nosci & sciri Deum, & ita sciri ut non sit huiusmodi cognitio peritura. Talis ergo notitia negatur esse, aut fuisse in homine qui peccat: & hic sensus mihi magis placet. Impeccabilitas enim à perfectâ notitiâ Dei procedit. *Filioli nemo vos seducat: qui facit iustitiam, iustus est*: non qui solummodo credit est iustus. Audiat Lutheranus & qui beatificat imputatam iustitiam. Sed qui facit iustitiam, id est, opera iusta, per quæ iustitia in vobis crescit, & perficitur, hic iustus est: *sicut & ille*, id est Christus, *iustus est*: quia fecit iustitiam obediens Deo. Non sit ergo discipulus supra magistrum, nec seruus supra Dominum suum. *Qui facit peccatum ex Diabolo est*, per imitationem & per suggestionem. *Quoniam ab initio Diabolus peccat*: nec vnquam desit peccare aduersus Christum, nec cessaturus est, quandiu durabit hoc nostrum sæculum. Propterea aduersus Iudæos perfidos & incredulos Dominus & redemptor noster: Vos (inquit) ex patre Diabolo estis, & voluntatem patris ve-

Quid sit  
nosse Deum

Ioan. 14.

In Lutheranos.

Luc. 22.

Ioan. 8.



stri vultis facere. Ille erat homicida ab initio, & in veritate non stetit. *In hoc apparuit filius Dei, ut dissolveret opera diaboli.* Quod fuit opus diaboli, nisi alienare nos à Deo, astu suo & malignitate suggerendo peccata? Hoc autem opus venit Christus ut dissolveret, & reconciliaret nos Deo, & sanctificaret per donum iustitiæ.

*Quo nō peccet, qui natus est ex Deo.* Omnis qui natus est ex Deo, peccatum non facit, quia semen Dei in illo manet, &c. Dicunt quidam hanc sententiam pertinere ad prædestinatos tantum: qui licet peccent, peccatum tamen illis non imputatur, & sic non possunt peccare ut imputetur. Sed hoc minimè placet. Alij aiunt hoc dictum Apostoli habere veritatem, si formaliter intelligatur: ut sit sensus: Omnis qui natus est ex ipso Deo, in quantum talis est, propterea non peccat: quia semen Dei in eo manet, secundum quod ipse natus est. Hoc semen est charitas Dei, quæ non agit quicquam per peram, sed nec potest agere: quia tales filij, ut tales sunt, ipso Dei Spiritu aguntur, cui semper consentiunt, & ideo non peccant. Hic sensus proculdubio verus est.

*De homine interiore & exteriori.* Attamen ut apertius adhuc & vberius explicetur, Debes cogitare acute lector, hominē in Christo reatum, etiam secundum mentem & partem superiorem, in qua est semē & verbum Dei & lux iustitiæ & charitatis, non tanta perfectione tamque absoluta generatum, ut non hæreat adhuc in eo aliquid verustatis propter amorē carnis, & sui ipsius: ita ut in hoc homine sit etiam in parte superiore duplex affectus, & duplex amor. Hic dicitur homo interior, qui etsi natus est ex Deo ut sit filius Dei, non tamen ita perfectē, ut non sit & filius sæculi ex parte. Nam illud semen, quod dicitur etiam fermentum, non perfectē totum hunc hominem fermentat: sed in eo adhuc viget alia affectio, ut sit unus & idem homo quasi duo homines. Secundum semen quod inest ei naturaliter, potens est peccare: quoniam secundum illud non est natus ex Deo. Secundum verò illud semen quod superinfusum est ad extinguendum peccatum & vim eius, non potest peccare. Etenim natus ex Deo habet semen in se manens, nisi alicuius peccati, & propriæ alicuius prævaricationis merito, auferatur. Et hic homo est qui nō peccat, nec potest peccare. Qui ergo peccat alius est, id est, ipse idem, alio tamen semine concretus: iccirco tanquam alius cogitatur. Ille ergo homo interior qui Dei est filius, non peccat, nec potest peccare, quamdudum in illo semen Dei manet, ut superius declaratum est.

*In hoc manifesti sunt filij Dei à filiis diaboli.* Nempe à fructibus diversorum seminum. Ex hoc loco falsum est, quod quidā volunt defendere, scilicet omnes effectus qui à charitate procedunt, posse produci naturaliter. Si enim hoc verum est, nunquam filij Dei à filiis diaboli manifestē cognoscerentur. Dixerat: Qui facit iustitiam iustus est, sicut ille iustus est, id est, Christus: quia iustitiam facit. In hoc ergo manifestus est iustus, si facit iustitiā. Et quia omnis iustus ex Deo est, manifestum fit, omnem qui facit iustitiam, filium Dei esse. In hoc manifestatur filius Dei: quoniam si iustitiam faciat, iustus est, & consequenter ex Deo natus & filius eius. Omnis qui non est iustus, non est ex Deo. Non enim habet Dei semen in se manens. Nam si illud haberet se-

men, appareret in fructibus. Eleganter dixit B. Gregorius: Nunquam amor Dei est otiosus: Operatur enim magna si est: Si autē operari renuerit, amor non est. Necesse est ergo aliud esse in eo semē, qui non operatur, & illud esse ex diabolo, non ex Deo ut sit filius diaboli, non autem Dei.

*Charitas nunquam otiosa.*

Quoniam verò omnis iustitia in dilectione cōprehenditur, addidit: Et qui non diligit fratrem suum, hic non est ex Deo, & propterea non iustus. Idem est enim non diligere proximum, quod est non facere iustitiam. Non facere autem iustitiam, quid est aliud quàm non esse iustum?

*Quoniam hæc est annuntiatio,* Crebrius hoc repetit, & merito: quoniam hæc una dilectionis exequutio totius religionis nostræ summam atque dignitatem in seipsa verè complectitur.

*Non sicut Cain qui ex maligno erat, &c.* Nota est istius fratricidæ Cain historia. Illum autem fuisse ex semine diaboli, qui maxime & propriè dicitur malignus, prodidit ipsum opus quod fecit iuxta diaboli voluntatem, qui fuit homicida ab initio. Occidit enim fratrem suum Abel, virum iustum & Deo charissimum. Et propter quod occidit eum? quoniam opera eius maligna erant, &c. Vide quam afferrat occisionis causam: quia opera Cain erant maligna, & econversò opera fratris bona, ideo occidit eum. Verum cur non dixit potius, quia eius mens erat maligna, & non eius opera? Audi: Nemiui dubium quin per invidiam occiderit illum. Invidia autem oritur ex bono alterius, dum cōparatur proprio. Nam homo qui videt alium aut potentiorē, aut sapientiorē, aut meliorem se (quod certè videt comparando opera alterius operibus suis) in invidiam excitatur. Et invidia parit indignationem, odium, & iram. Ira verò homicidium, & omnem iniuriam. Sed ubi, rogo, vidit Cain opera sua mala, nisi in sacrificio quod obtulit sine fide? Quoniam Deus ad illud non respexit, nec ad munera eius: quo signo clarè significavit nihil sibi esse gratum quod ab eo proficisceretur, ac per hoc omnia eius opera esse mala, utpote quæ venirent à mala radice, id est, à mente & voluntate mala. Et ideo non fuit ex Deo, sed ex diabolo. *Nolite mirari fratres, si odit vos mundus.* Ex superiore doctrina tollitur hæc admiratio: quia odium ex illa dissimilitudine nascitur, quam in operibus intuemur. Opera mundi mala sunt: opera autem iustorum bona. Intuens ergo mundus, id est, ij qui immergi sunt in cupiditatibus mundanorum, sua flagitia & turpia scelera, & cernens lucentia opera proborum ac piorū hominum: ex hac tantæ dissimilitudinis inspectione turbatur, & in odium rapitur, & simul cū ipsa pietate & iustitia contemnit & odit pios & iustos tāquam sibi aduersantes, & in suis bonis operibus illum damnantes. Nam exire ex mundo per novam vitam, quid est aliud quàm damnare mundum, & testimoniū perhibere quod opera eius mala sunt? Hoc planè declaravit Dominus noster de seipso.

*Gen. 4.*

*Cur mundus odit bonos.*

*Nos scimus quoniam translati sumus de morte ad vitam quoniam diligimus fratres.* Vide quàm clarè testatur posse sciri à nobis quod vivimus per gratiam, cū & unde hoc scimus, manifestē exprimitur, nempe à dilectione fratrum. Vbi ergo sunt illi qui negant nos posse implere dilectionis præceptum? Et quid sunt dicturi illi, qui etsi fateantur nos posse il-

*Ioan. 7.*

*Mādatum dilectionis impleri posse.*



lud implere, neminem tamen posse hoc scire absque peculiari reuelatione defendunt? *Qui non diligit, manet in morte: Quia in obedientia legis vita nostra reposita est.* Per dilectionem ergo transferimur in vitam, ad quam erigimur per fidem. Nam omnes in Adam mortui sumus priuati vita. *Omnes qui odit fratrem suum, &c.* Quicumque non diligit, odit: & quicumque odit, homicida est: omnis autem homicida non habet vitam æternam in se manentem, id est, non habet donum charitatis, quod est vita æterna. Ipse enim Christus in anima nostra fide & charitate receptus, est lex nostra scripta in corde nostro: & hæc est vita manens & æterna.

*In hoc cognouimus charitatem Dei, &c.* In græcis nõ legitur, Dei, & notabilior sensus colligitur, qui mihi iste esse videtur: *In hoc cognouimus charitatem*, id est, debitum charitatis ad quod tenemur: quia in illo, id est, in Christo, conspicitur: *Ille enim posuit animam suam pro nobis*: ergo & nos debemus pro illo, hoc certè absque dubio valet. Et cum addideris, ipsum esse per dilectionem & Spiritum suum in omnibus nobis: ergo & nos debemus pro omnibus ponere vitam. Quandoquidem iam nõ tam pro illis ponimus, quàm pro ipso Christo, què in omnibus agnoscimus, iuxta illud: *Quod vni ex minimis meis fecistis, mihi fecistis. Qui habuerit substantiam huius mundi, &c.* Textus est clarus. Illud solum notadũ, quòd eleemosyna in necessitate exigitur: & qui in necessitate nõ porrigit, dicitur claudere viscera sua, id est, teneritudinem illam quam parit misericordia, vt non effundatur in illum pauperẽ. Hoc autem est nõ solum occidisse illum, sed Christum in illo. Quicumque talis est, proculdubio charitas Dei in eo non manet. Nec intelligenda est hæc necessitas ita extrema, vt expectanda sit in paupere exhalatio spiritus: sed vnctio docet hoc. Qui enim verè diligit, citò & maxima cum hilaritate succurrit egenti.

*Filioli mei non diligamus verbo, neque lingua, sed opere & veritate:* Ne cogamur dicere, idem esse diligere verbo, & diligere lingua. Et similiter id esse diligere opere, quod diligere veritate (quia doctrina apostolica reicit synonyma) subtilem arbitror inter hæc differentiam eatenus considerari, vt ille dicatur verbo diligere, qui sermone commendat dilectionis opera, nimirum eleemosynã & huiusmodi: qualis nunc ego sum, & prædicatores, & hortatores. At si qui verbo commendant, opere autem non confirmant, semetipsos condemnant. Quapropter opposuit verbo ipsum opus, & his ait: *Frates mei, non diligamus verbo (supple, tantum) sed opere.* Sunt verò & qui diligunt lingua, proferentes dulcia dilectionis verba, & promittentes: sed fallunt, cum non ex corde expromant: & his dicitur: *Frates mei, nõ diligamus lingua, sed veritate, de corde puro & conscientia bona.* Diligit etiam lingua & nõ veritate, qui solum externo opere facit eleemosynam, sed iactantiæ & inanis gloriæ causa, non solum Christo placere studens.

In hoc cognoscimus quòd ex veritate sumus: & in conspectu eius suadebimus corda nostra. Quoniam si reprehenderit nos cor nostrum: maior est Deus corde nostro, & nouit omnia Charissimi, si cor

nostrum non reprehenderit nos, fiduciã habemus ad Deum. Et quicquid petierimus, accipiemus ab eo: quoniam mandata eius custodimus, & ea quæ sunt placita coram eo, facimus. Et hoc est mandatum eius, vt credamus in nomine Filij eius Iesu Christi: & diligamus alterutrum, sicut dedit mandatũ nobis. Et qui seruat mandata eius, in illo manet, & ipse in eo. Et in hoc scimus quoniam manet in nobis, ex spiritu quem dedit nobis.

*In hoc cognoscimus, quòd ex veritate sumus, &c.* Diligere fratrem opere & veritate, id est, ex veris & intimis præcordiis, est certa nota quòd ex veritate sumus, id est, ex Deo & Christo, qui est veritas. Audiant hæc qui contra gratiæ certitudinem sentiunt, quam tantoperè nobis commendat tantus hic Apostolus noster. Addit enim: *Et in conspectu eius suadebimus corda nostra:* Melius, suadebimus cordibus nostris. Et quid suadebimus cordibus nostris, nisi hoc ipsum quod à fructibus charitatis nouimus? Nimirum quòd ex veritate sumus, & charitas Dei in nobis manet. Fatentur quidem aliquam certitudinem: sed vocant humanam, & fallaciã subiectã. At hic Dilectus ait: *Suadebimus cordibus nostris, & istud in conspectu ipsius Dei.* Nunquid verò in conspectu Dei admittuntur humanæ fallaciæ, & incerti istiusmodi certitudines? O nos miseros qui non scrutamur scripturas, sed cuncta putamus in scholis hauriri posse. Neque putet quisquam maleuolus à me damnari Scholasticos: eos enim omnino probo & defendo, tanquam benemeritos de sapientia, & doctrina, & theologia: sed omnibus in rebus addi modum debere exopto. Sicut enim non omnia tribuenda sunt Patribus: ita nec omnia Scholasticis. Istud præcipuè manifestum reddunt exortæ hæreses, quæ scripturarum autoritate nõ subtilitate & argutiis scholasticis dignè retunduntur. Sed ad rem nostram redeamus. Hæc igitur notitia est fidei notitia, non euentiæ (vt Caietanus hic rectè docet) sed tamen quæ habet certitudinẽ pacantem corda in conspectu Dei.

*Quòd si reprehenderit nos cor nostrum, &c.* Sensus est clarus, Si cor nostrum nos reprehendit, siue damnat per conscientiæ aculeum, certò possumus concludere, coram Deo minimè nos esse innocentes: qui est maior corde nostro, & ipse est qui finxit corda & cordis oculum. Non igitur videbit ille, quod videt oculus cordis mei? Qui finxit ergo oculum, nõ considerat? Certè ipse nouit omnia, qui fecit omnia. Et ideo nouit peccata, quæ deficiunt ab illo rectissimo ordine, quem ipse in nobis constituit.

*Charissimi, si non reprehenderit nos cor nostrum, &c.* Si cor nostrum, legitimè tamen exploratum sicut possumus & debemus, non reprehenderit nos, siue non damnauerit nos, fiduciã habemus ad Deum, Ecce vnde surgit fiducia, quæ est fidei robur, nimirum à conscientia bonorum operum. Et declarans in quo sit hæc fiducia, ait: *Et quicquid petierimus, quod sit rectum & vtile nobis, accipiemus ab eo.* Et rationem huius rei afferens ait: *Quia mandata eius custodimus: & ea quæ sunt placita coram eo facimus.*

Matth. 25.

Diligere  
verbo &  
lingua non  
idem esse.

Psal. 93.



Hanc autem fiduciam præbet nobis ipsa certitudo gratiæ, non autem incertitudo.

*Et hoc est mandatum eius, ut credamus in nomine Filij eius, &c.* id est, ut postquam adepti sumus fidem, perseueremus in illa, & cōfidamus in nomine filij eius Iesu Christi nos promissa æterna recepturos. *Et diligamus inuicem, sicut mandatum dedit nobis.* Hoc est autem eius mandatum Apostolis datum, ut diligant se inuicem, sicut ipse dilexit eos: & hoc mādātum iussit ut alijs prædicarent. *Et qui seruat mādātā eius, in illo manet, & ipse in eo:* aliter non posset seruare. Manet autē seruans mādātā in Christo, sicut palmes in vite: & ille in nobis, sicut vitis in palmitē, qui de influxu suo continuē illi suggerit. *Et in hoc scimus quod ipse manet in nobis, ex spiritu quem dedit nobis.* Ecce vnde veniat illa notitia, quam habemus de eius charitate, nempe à Spiritu Dei qui cōtestatur spiritui nostro (vel cum spiritu nostro) quod sumus eius filij. Cum enim opera Spiritus videmus ex nobis prodire, coniectamus in nobis esse Spiritum Dei. Sed quia hoc nō sufficeret ad plenam notitiam, ipsemet Spiritus nobis datus hanc persuasione nobis intus confirmat.

CAP. IIII.



**C**arissimi, nolite omni spiritui credere, sed probate spiritus si ex Deo sint: quoniam multi pseudoprophetae exierunt in mundum. In hoc cognoscitur spiritus Dei: Omnis spiritus qui confitetur Iesum Christum in carne venisse, ex Deo est: & omnis spiritus qui soluit Iesum, ex Deo non est: & hic est Antichristus, de quo audistis quoniam venit, & nunc iam in mūdo est. Vos ex Deo estis, filioli, & vicistis eos: quoniam maior est qui in vobis est, quā qui in mundo. Ipsi de mundo sunt: ideo de mundo loquuntur, & mundus eos audit. Nos ex Deo sumus. Qui nouit Deum, audit nos: Qui non est ex Deo, non audit nos. In hoc cognoscimus spiritum veritatis, & spiritum erroris.

**C**arissimi, nolite omni spiritui credere, &c. Quoniam euangelicæ veritati plurimum obstant falsi prophetae: & Diabolus sollicitē iam excitat suo spiritu multos, qui tacitē exciderunt à fide, parati ad ferenda zizania in agro Domini: admonuit omnes Dilectus, ut ab huiusmodi sibi cauerent, dicens: *Nolite omni spiritui credere, id est, omni profitenti se spiritum habere veritatis. Sed probate spiritus, utrum ex Deo sint.* Et quia potuisset dicere aliquis: Quomodo possumus hoc probare? Respondet: *In hoc cognoscitur spiritus Dei (siue) In hoc cognoscite spiritum Dei: Omnis spiritus qui confitetur Christum in carne venisse, ex Deo est.* Sed hoc videtur pati instantiam, nam & Pelagiani, & Donatistæ, & alij multi confessi sunt: & nouæ etiam sectæ nunc confitentur Christum venisse in carne, & tamen non sunt ex Deo: quia alijs erroribus perniciosius tenentur. Verū si considerentur verba Dilecti iux-

ta profundiorē sensum, agnoscerem⁹ totam in eis fidem nostram comprehendī: ut quicumque in vno quouis articulo pertinaciter errauerit, non verē cōfiteatur hunc, Christum videlicet, in carne venisse. Qui enim hunc articulum verē credit & confitetur, consequenter & Christum confitetur Deū verum esse, & hominem verum. Agnoscit & in eodem ipsam Trinitatē: quod in eo ipso verbo, Christus, perspicitur. Agnoscit eundem eo ipso quod venit in carne, venisse ut summum Sacerdotem ad saluandum carnem: & consequenter, ut Regem ac Doctorem ad prouidendum cuncta, quæ ad salutem carnis faciunt. Vnde qui illum credit Christū, etiam doctrinam eius euangelicam, & quæcūque ipse vel per seipsum docuit esse credēda, vel mādauit obseruāda: aut per Apostolos, & successiuē per eos qui in ecclesia potestatem & auctoritatem ab ipso per Spiritum sanctum accipiunt, reuerenter ac sincera fide recipit & confitetur. idque non solum corde, sed etiam opere. Hoc est enim verē cōfiteri, ut scriptura ipsa loquitur. Vana quippe est confessio cordis, quam opus ipsum non probat. Quare quicumque in vno quouis articulo fidei recedit, nullum tenet: & non confitetur Christum venisse in carne, quomodo debet confiteri. Vnde rectē sequitur:

*Et omnis spiritus qui soluit Iesum, ex Deo non est.* Sic legimus in Latinis: & veram hanc lectionem existimo, secundum quam & B. Ireneus contra hæreses libro. 3. hunc locum citat, licet in græcis alia sit lectio, quæ tamen eundem sensum habet. Legitur enim: *Et omnis spiritus qui non confitetur Iesum Christum in carne venisse, ex Deo non est.* Verū prior quam probamus, elegantior est & acceptior: ne dignior. Quia enim Christus habet nexum cū superioribus, id est, cum Verbo, & consequenter cum Patre, & consequenter cum Spiritu sancto: quicumque hunc nexum soluit errando à vero circa sanctissimam Trinitatem, ipsum Iesum soluit. Similiter & quicumque nexum quem habet cum inferioribus, id est, cum Matre, cum Angelis, cum hominibus, cum ecclesia, denique cum superis & inferis, aut secundum carnem, aut secundum spiritum, aut secundum potestatem, ille est qui Iesum soluit, & non est ex Deo, sicut latius alibi ostendimus.

*Et hic est Antichristus.* Non ille certus quem expectamus, sed qui spiritu illum referat. Vnde ait: *De quo audistis quoniam venit, & nunc iam in ipso mundo est:* In spiritu, quemadmodum à Domino dictū est Eliam venisse: quia B. Ioannes Baptista venerat, non autem verus ille Elias, sed in spiritu & virtute Eliam priorem referens.

*Vos ex Deo estis filioli, & vicistis eum.* Si legimus, *Eum*, ad ipsum mundum debemus referre, quem vicerunt existentes in Deo. Si verò legimus, *eos*, ad pseudoprophetas & antichristos referendum est. Et ratio victoriæ traditur: *Quoniam maior est*, id est potentior, *qui in vobis est:* Hic enim Deus est: quā qui in mundo: Hic est Diabolus. Nemo igitur excuset se imitator Heuæ matris insipientis, dicens: Serpens me decepit. Nam virtus Dei quæ in te erat, poterat plusquam Diabolus. Ipsi de mundo sunt: ideo de mundo loquuntur, & mundus eos audit. Nota hūc lector reuera omnes satores hæresum esse de hoc

*Omnes hæretici negant Christum in carne venisse.*

*Qui unum articulum non credit, nullum credit.*

*Autoribus lib. Clauis.*

*Matth. 11.*



Ioan. 8.

mundo, id est, amantes mundum, ut testatur egregie B. Augustinus. Nam propter aliquod mundanum mouentur, & mouent turbas. Quia ergo de mundo quem diligunt loquuntur: ipse mundus, id est, mundani homines libenter audiunt eos doctores. *Nos ex Deo sumus, &c.* Hoc iam dixerat Dominus: Qui ex Deo est, verba Dei audit. Et hinc concludit: *In hoc cognoscimus spiritum veritatis, & spiritum erroris:* Verè istud magnum est signum: quādo quidem qualis quisque est, talia sibi cuncta videntur quæ offeruntur. Sic ægroti bonos & salutem afferentes cibos contemnunt, & noxios sapenumero concupiscunt.

Charissimi, diligamus nos inuicem: quia charitas ex Deo est. Et omnis qui diligit, ex Deo natus est, & cognoscit Deū. Qui non diligit, non nouit Deum: quoniam Deus charitas est. In hoc apparuit charitas Dei in nobis: quoniam filiū suū vnigenitum misit Deus in mundum, ut viuamus per eum. In hoc est charitas, nō quasi nos dilexerimus Deum, sed quoniam ipse prior dilexit nos, & misit filiū suū propitiationem pro peccatis nostris. Charissimi, si sic Deus dilexit nos: & nos debemus alterutrum diligere. Deum nemo vidit vnquam. Si diligamus inuicem, Deus in nobis manet, & charitas eius in nobis perfecta est. In hoc cognoscimus quod in eo manemus, & ipse in nobis: quoniam de Spiritu suo dedit nobis: & nos vidimus & testificamur: quoniam Pater misit filium suū Saluatōrē mundi. Quisquis confessus fuerit quoniam Iesus est filius Dei, Deus in eo manet, & ipse in Deo. Et nos cognouimus, & credidimus charitati quā habet Deus in nobis.

Charissimi diligamus nos inuicem. Meritō non potest de alia re Dilectus potius quā de dilectione loqui, vrgens & crebrō eandem inculcās, quō nos prouocet ad æmulandum sanctā æmulatione charitina hoc cunctis aliis sanctius, iucundius, ac pretiosius. In illo enim inuenitur sanguis Christi tanta dilectione pro nobis fusus. Nam audi rationē huius æmulationis, *quia charitas ex Deo est.* Sed nunquid non & ipsa fides ex Deo est, & spes similiter? Nonne & quodcunque aliud donum descendit à Patre luminum? Verè ita est: sed singulari quadam ratione charitas dicitur ex Deo esse, tāquam quid proprium Dei, & naturæ eius. Ipse non est fides, nec spes, nec aliquid donorū huiusmodi, quæ (ab ipso tamen) in nobis sunt. At de illo verè dicitur quod est charitas, & cui secundum hanc virtutem nos maximè assimilamur. Nihil enim tam proprium Dei, quā diligere. Vnde & in hoc assimilamur ipsi Deo, & per hoc in diuinæ naturæ consortium euecti sumus. Propterea opportunè addit Dilectus discipulus:

*Et omnis qui diligit ex Deo natus est, Nimirum ex*

eius charitate: quia voluntate nos genuit & amore. Ut rectè quidam dixerit, Omnium vetustissimū & cunctorum parentem esse amorem. *Et cognoscit Deum, &c.* Verè nullus cognoscit Deū perfectā cognitione, nisi qui diligit. Perfecta quippe cognitio ea est, quam sequitur approbatio. Qui non diligit Deum, quomodo potest verè probare illum esse diligendum? & ob eam causam non nouit eū: quia non ipsum ut diligibilem respicit, cū sit alioqui summè diligibilis. Et si videatur vi rationis cogente nosse hoc in mente, non tamen verè dicit in corde, cū Deus sit ipsamet charitas, quam qui nouit, non potest non diligere. Et ne quis dicat: Quo modo scire de Deo possum, cum ipse habiter lucē inaccessibilem? Respondet:

*In hoc apparuit charitas Dei in nobis: quoniam Filiū suū vnigenitum misit, &c.* Ab illius charitatis effectu ostendit: quoniam Filium suū vnigenitum misit in mundum, ut viuamus per eū. Hoc quod iam apparuit innumeris atque inextinguibilibus testimoniis cōprobatum, declarat quantū sit diligibilis Deus. Quod qui apprehendit fide, intēdens, & considerans quomodo à Deo accipit vitam verā atque æternam & hoc beneficium nobis hoc medio paratum per Vnigeniti crucem & mortem (qua in re sola ostenditur quicquid erat diuini erga nos amoris) profectō impossibile redditur, ut non vice mutua ipsum diligat tanti doni authorem ac largitorem. Quapropter congruentissimè sequitur:

*In hoc est charitas, id est, lex & ratio, quæ charitatē à nobis requirit, in hoc fundatur. Non quasi nos dilexerimus Deum, sed quia ipse prior dilexit nos: & misit Filium suū propitiationem pro peccatis nostris.* Duo itaque, aut potius tria sunt, quæ à nobis exigunt & quasi extorquent dilectionem erga Deum. Primum, quoniam ipse prior dilexit nos. Et si quis quærat: Quid mihi profuit ista dilectio? Respondetur: Profuit ad remissionem peccati, & ad donum veræ vitæ. Denique quærenti: Quo pacto, quomodo? Ex hoc enim maximè elicitur modus charitatis nostræ. Respondet: Quia misit Vnigenitum suū hostiam pro peccato, & fecit illum pro nobis peccatum. Charissimi, si sic Deus dilexit nos: & nos debemus alterutrum diligere. Porius quidem videbatur esse dicendum: Et nos debemus sic illum diligere. Dixit autem: Et nos debemus alterutrum diligere. Et rectè id quidē. Cum enim reddere Deo gratiam & beneficium non possumus, qui bonorū nostrorum non indiget, iccirco voluit munificentissimus Dominus, ut quod ipsi iure reddendum esset, reddamus nobis inuicē. Et ipse quasi sibi redditum pro sua bonitate & iustitia acceptum atque impensum habet.

*Deum nemo vidit vnquam,* Exponitur ratio exacte à nobis charitatis: cur Deus ipse nos diligēs, quærat ut reddamus illi debitam dilectionem, officia charitatis, & beneficia, collocando in fratribus nostris, non in ipso Deo. Ait enim:

*Deum nemo vidit vnquam:* Et quomodo possumus illi benefacere, qui (ut ait B. Paulus) habitat lucē inaccessibilem, quem nemo vidit, nec videre potest? Vnde dictum fuit Moyse, Non videbit me homo, & viuet. Et Ioannes Baptista: Deum nemo vidit vnquam. Vnigenitus qui est in sinu Patris, ipse enarrauit. Quod verò quidam volunt

Charitas  
proprie dici  
tur de Deo.

2. Cor. 5:

1. Tim. 6.

Exod. 33.

Ioan. 1.



& Moſen, & B. Paulum viſiſſe Deum facie ad faciem, eo modo quo in cœlis illum videbimus (ſaluo ita opinantium honore & pace) non puto verum. Nam ſi diligenter ſcripturas perſpicimus, ipſe Moſes, ipſe B. Paulus, ille ſanctiſſimus præcurſor Ioannes Baptiſta, hic noſter Euangelista ſecus reſtantur: tamenſi non ignorem gloſſas, ſed ubi erat non opus. Ad rem igitur noſtram. Voluit oſtendere ipſum Deum à nobis in hoc ſtatu non eſſe ſic diligibilem, vt in eum directè, quem non videmus, valeamus dilectionis noſtræ operas & actiones dirigere, qui ſenſibus ducimur. Quocirca ſubdidit:

*Si diligamus inuicem, Deus in nobis manet.* Ac ſi dixerit: Satis dilexiſti Deum, ſi fratrem diligis opere & veritate, in quo recognoſcitur eſſe Deus. *Et charitas eius in nobis perfecta eſt.* Sēſus eſt: Charitas Dei, quæ eſt illius donum in nobis, perficitur in hoc quod proximos & fratres noſtros diligimus. Poterat enim quis dicere: Si proximum diligis, non propterea ſatiſfecisti: quia in primis oportuit te Deum diligere. Imò, inquit, ſi diligimus fratres, perfecta charitas eius in nobis eſt. Hoc dixerat B. Paulus: Qui diligit proximum, legem impleuit. Qui enim diligit proximum propter Deum, magis diligit ipſum Deum, & certius diligit. Propter quod vnum quodque tale, &c.

Rom. 13.

*In hoc cognoviſimus quod in eo manemus, &c.* Audiāt qui negant certitudinem gratiæ, aiunt: In hoc cognoviſimus quod in eo manemus. Nemo manere in Deo dicitur, niſi qui ab ipſo Deo diligitur, & particeps eſt gratiæ eius: quia de Spiritu ſuo dedit nobis. Hoc idem dixit B. Paulus de ipſo Spiritu qui cum ſit vera lux cōteſtificatur cum ſpiritu noſtro, quod filij Dei ſumus. *Et nos vidimus & teſtificamur, &c.* Hæc fuit annuntiatio Apoſtolica, nec ſine teſtimonio miraculorum quæ ſermonem confirmarunt, iuxta pollicitationem Domini, *Quod Deus Pater miſit Filium ſuum Saluatorem mundi*, Non prædeſtinatorum tantum, ſed totius mundi Saluatorem. Nam & primi illi electi (ad illuſtrem ſcripturarum ſenſum) non dicuntur iam eſſe huius mundi, ſed ſelecti de mundo, vt ipſemet Dominus declarauit. Et B. Paulus: Mihi mundus crucifixus eſt, & ego mundo. *Quiſquis confeſſus fuerit, quoniam Jeſus eſt filius Dei, Deus in eo manet, &c.* Intellige non ſatis eſſe confiteri lingua, ſed oportet inſuper factis confirmare confeſſionem: alioqui vana eſt omnis cōfeſſio oris ſine opere dilectionis.

Ioan. 17.

Gal. 6.

*Et nos cognoviſimus, & credidiſimus charitati quā Deus habet in nobis.* Charitas non eſt aliud quàm amor quidam honeſtus cum beneuolentia & amicitia, vt ſit reciprocus amor, qui fundatur in communicatione alicuius honeſti, in quo ſimul amici lætantur. Charitas ergo Dei erga nos, & noſtra quam nobis erga ſeipſum donauit, talis eſt, id eſt, mutua amicitia fundata ſuper optimo atque immenſo bono, quod eſt ſumma felicitàs & beatitudo patriæ. Hanc ergo Dei charitatem quam ipſe habet erga nos, in nobis cognoviſimus & credimus: quoniam iſta notiſſima non hic habetur niſi per fidem.

Deus charitas eſt: & qui manet in charitate, in Deo manet, & Deus in eo. In hoc perfecta eſt charitas Dei nobiſcum, vt fiduciam habeamus in die iudicij: quia

ſicut ille eſt, & nos ſumus in hoc mundo. Timor non eſt in charitate, ſed perfecta charitas foras mittit timorem: quoniam timor pœnam habet. Qui autem timet, non eſt perfectus in charitate. Nos ergo diligamus Deum: quoniam Deus prior dilexit nos. Si quis dixerit: Quoniam diligo Deum, & fratrem ſuum oderit, mendax eſt. Qui enim non diligit fratrem ſuū, quem videt: Deum quem nō videt, quomodo poteſt diligere? Et hoc mandatum habemus à Deo: vt qui diligit Deum, diligat & fratrem ſuum.

*Deus charitas eſt, &c.* Cum ipſa charitas ſignificet amicitia: amorem, cuius eſt proprium ſe efferre in alterum, ſi conſideretur hic amor in Deo, ipſa certè charitas Deus eſt. Cū igitur Deus ſit charitas, profectò omnes complectitur in quos extendit charitatem ſuam, id eſt, ſeipſum amantem. Qui ergo cōplexus in ea charitate manet, haud dubium quin in eo maneat: non ſimpliciter, ſed in eo qui amat ac diligit, tanquam amicus & pater. Alioqui omnia manent in Deo, cuius voluntate ſunt creata & qua ſeruantur. Sic ergo manemus in eo vt dilecti prius ab eo, & cum mutuo diligētes. Ipſe verò manet in nobis perſeuerans nos diligere. Sed quomodo manet in nobis, niſi per donum Spiritus, quod eſt quoddam creatum, & vocatur charitas, diuinā ſibi vendicans appellationem? Eſt namque participatio quædam diuinitatis, & donum ineffabile, propter quod ſolum (vt ſæpe dicendum eſt) inuadet nobis Dæmon, qui illud ob ſuperbiam amiſit. Et hæc charitas in nobis eſt, per quam nos ipſum Deum diligimus, ſecundum hanc communicationem felicitàs æternæ nobis ab illo prouiſa, & promiſſa, & iam nonnullo modo in hac vita in nobis inchoata.

Scio opinionem Magiſtri ſententiarum falſam omnino, minimèque tenendam, qui charitatē quæ eſt in nobis, vult eſſe ipſum Spiritum ſanctum habitantem in nobis, & mouentem corda noſtra per ſemetipſum. Quæ opinio meritiò ab omnibus exploſa eſt, vt pote contra rationem, & contra ſacras ſcripturas. Contra rationem quidē: quoniam dum ſibi perſuaſit ſe nos honorare atque extollere, inhonorat & deprimit. Si enim Deus ipſe Spiritus mouet nos ad dilectionem, non nos: iam ipſi non ſumus qui diligimus, ſed ipſe Spiritus. Quod ſi dixeris: Imò dum ille te ad diligendum mouet, tu ipſe es qui diligis, ſed per eius motum: nihil dixeris. Siquidem vt quilibet actus hominis ſit verè hominis & perfectus, oportet illum ex ipſo homine liberè ac virtuoſè (vt ita dixerim) procedere, hoc eſt, ex principio aliquo interno & inhærente ipſi homini. Aliter homo ipſe nō eſſet virtuoſus, nec vllo dignus honore.

Quod ergo dicitur, Spiritus ſanctus manet & habitat in nobis, intelligitur per hoc donum, quod eſt quædam illius participatio. Non quod ſit pars Spiritus, ſed quod eſt quoddam ab eo ſpiratū, quo ſit vt nos eius ſimilitudine donati, notiſſiam concipiamus eius cum gaudio, & pace ineffabili, quam

no-



notunt verè quibus crucifixus est mundus, & illi mundo. Qui igitur tales sunt, ipsi in Deo manent, & Deus in eis: & præterea, re ita se habere cognoscunt. De hoc dono, quod sit quoddam creatum in nobis, innumera sunt scripturarum testimonia, quæ in aliis nostris tractatibus abundè recensuimus.

*In hoc perfecta est charitas Dei nobiscum, &c.* Diuina charitatis integer in hac via effectus, in hoc interim suâ perfectionem extendit, non ut possessores simus, sed, ut fiduciam habemus in die iudicii, quando superuestemur. Nō enim antè perfecti sumus ut comprehensores, sed in spe, certa tamē, qua nos perficiendos tunc expectamus. Et ratio est: *quoniā sicut ille est, & nos sumus in hoc mundo.* Hic est sensus: Sicut ille est in hoc mundo, nimirum Christus, ita & nos sumus. Ille autem consideratus ut existens in hoc mundo, secundum externam vestem est in statu meriti, non præmij. Induit autem postmodo decorem & fortitudinem. Sic ei disposuit Deus Pater regnum: & sic nobis illud conuenienter disponit, ne sit discipulus supra magistrum, & seruus supra dominum suum.

Verum, si hic est verus sensus, illud videri posset duriusculum, cur non dixerit: Sicut ille fuit. sed: Sicut ille est. Nunc autem proculdubio est in gloria. Sed attende, quod nō dixit simpliciter, *sicut ille est*, sed, *sicut ille est in hoc mundo*: Est autem ipse in hoc mundo in memoria & exēplo, & in cordibus nostris, tanquam ad imitationem propositus, & versans ob oculos diligentium se, qui se conformant ad illum. Quare doctè dixit, Est: non autem, Fuit: quia ipse sui reliquit nobis exemplum imitandum.

*Timor non est in charitate:* Qui enim diligit Deum, non habet timorem. Quem verò timorem non habet, nisi mundi, & mortis? Caro quidem ipsa potest tremere, & pauescere ad mundi persequutiones, & mortis amaritudines: sed ipse spiritus nequaquam. Solum hunc habet timorem, ne segegetur à Deo: & hic est timor veræ amicitiae. Et hi omnes timores à vera charitate procedunt. Quare qui diligit Deum, non potest timere aduentum Domini, quin potius illum diligit, & assiduis suspiriis efflagitat, habens fiduciam certam sibi per illum aduentum bene futurum, modo permanferit in fide catholica & dilectione.

*Sed perfecta charitas foras mittit timorem.* Est in omnibus quidam naturalis timor mortis, etiam in interiore homine. At si charitas ibi insit perfecta, timorem eiicit foras, ut non sit intus, id est, in homine illo interiore, in quo inhabitat. Quod verò ait de perfecta charitate, fortassis de ea loquitur quæ verè est charitas, & dicitur perfecta, quia non solum ad Deum respicit, sed propter illum etiam ad proximum, vnde & superius dixit: Qui seruat verba eius, verè in hoc est perfecta charitas. Hæc tamen charitas secundum se habet latitudinem, ut quanto sit intensior, tanto etiam magis contraria excludat. Hoc igitur est charitatis proprium, excludere omnem seruilem timorem. Qui autem amat, & se agnoscit amare, quomodo potest timere? Qui autem nō noscit se amare, etsi amet fortassis, semper tamen pauidus timebit. Et hanc rationem quoque velim ab his diligentius pōderari, qui incertitudinem charitatis beatificant, & timorē il-

lum prædicant, quo perpetuo ancipites constituunt simplicium conscientias, cum tamen timorē hunc illiberalem charitas ipsa, ut tam perspicuè testatur Dilectus, excludat. Equidem hoc in loco nō solum ab his requiro scripturarum scientiam, sed ipsam charitatem, cuius est proprium solari fratres, non terrere, pacem afferre, non timorem, lætitiā cordis, non angustiam.

*Quia timor pœnam habet: Qui autem timet, non est perfectus in charitate:* id est, non habet verè charitatem. Aut si magis placet: non habet illam perfectā charitatem, quam Deus à nobis exigit in hac vita mortali, ut prorsus exuamus amorem nostri: & quæ debemus Deo, cui rependere nihil possumus, eius amore & iussu rependamus in proximū nostrum, in quo recognoscitur Caput. Et hæc est conclusio Dilecti aientis:

*Nos ergo diligamus Deum, quoniam ipse prior dilexit nos,* Græcè tamen in hunc modum legitur: Nos diligimus Deum, quoniam ipse prior dilexit nos: Ut ea in re constituatur nostra cum Patre clementissimo ingenuæ & puræ charitatis obligatio. Neque verò inde colligitur, non debere nos eum propter promissa bona diligere, modo illud sit prius, quin potius includitur: quoniam in tanta illius erga nos summa dilectione respicim⁹ dona illa quæ iam habuimus, & quæ habituri sumus. Aliās in turpissimum ingratae memoriæ peccatum incurreremus, qui donatorem donis dissimulatis amaremus quasi in referendo amore pares. Nos enim ij non sumus, qui valeamus accedere & ascendere ad puritatem tanti amoris. Sumus creaturæ, nec possumus illum prius amare, quàm ille nos: aut simul amare, & amoris nostri causam & rationem nō habere, illius scilicet amorem. Solus ipse purissime dilexit nos: non quia nos à principio dilexerimus illum. Verum est tamen Dominum Deum, qui incipit nos diligere non diligentes, nequaquam additurum primæ dilectioni alteram dilectionem, nisi prius ostēderimus nos huius dilectionis bene memores. scriptum est enim: Ego diligentes me diligo. Et Dominus, Siquis diligit me, mandata mea seruabit, & Pater meus diliget eum, & ad eum veniemus, & mansionem apud eum faciemus.

*Siquis dixerit, quoniam diligo Deum, & fratrem suū oderit, mēdax, &c.* Hic locus omnino dignus est cōsideratione. Amor quippe non fertur in re non cognitā. Deus ergo eatenus verè diligitur, quatenus cognoscitur. Cognoscimus autem Deū non in seipso, sed in iis quæ ex ipso sunt, & in quibus quodā modo cernitur. Qui ergo se Deū diligere dixerit, & fratrē suū oderit, mēdax est. Nā si Deum diligeret, illū videret: cūque illū in seipso videre nō posset, videret tamē in fratre suo. Si ergo illū in fratre suo nō videat, nec ipsum Deū videt, ut oportet videre ad dilectionē. Nostra quippe erga illum dilectio fundatur in dilectione sua erga nos: ut illū in quolibet nostrū diligētē intueamur. Ideoque obligauit nos ut alter alterū diligamus, quia ipse per dilectionē suā est in omnib⁹ nobis. Rectè igitur subdit: *Et hoc mādātū habemus, ut qui diligit Deū, diligat & fratrē suū.* In quo. scilicet agnoscitur Deus & eius dilectio, quoniā pro illo Unigenitū dedit, Dedit autē non ad ostendēda quædā leuia dilectionis indicia

*1. Jo. 14.*

*1. Jo. 14.*



Rom. 5.

sed ad ipsam re ipsa pretiosissimi sanguinis effusio-  
nem. Huius excellentissimæ charitatis mentionem  
fecit B. Paulus: Vix enim pro iusto quis moritur.  
Nam pro bono forsitan quis audeat mori. Com-  
mendat autem charitatē suam Deus in nobis, quo-  
niam cum adhuc peccatores essemus, secundum  
tempus Christus pro nobis mortuus est. Et alio lo-  
co: Qui proprio Filio suo non pepercit, sed pro no-  
bis omnibus tradidit illum, &c. Si igitur iubet ut  
illius amore fratrem nostrum diligamus: si non  
paruerimus tam iusto mandato, quid poterimus  
excusationis proferre? Tanquam iniqui, quos o-  
dio Deus habet, iudicabimur ad supplicia sempi-  
terna: quæ dignetur à nobis auertere per donum  
Spiritus, quò nos inuicem verè in illo & propter  
illum diligamus.

Ibid. 8.

## CAP. V.



**M** N I S qui credit quoniam  
Iesus est Christus, ex Deo na-  
tus est. Et omnis qui diligit  
eū qui genuit, diligit & eum  
qui natus est ex eo. In hoc cognoscimus  
quoniā diligimus natos Dei, cum Deum  
diligamus, & mandata eius faciamus.  
Hæc est enim charitas Dei, ut mandata  
eius custodiamus. Et mandata eius gra-  
uia non sunt. Quoniam omne quod na-  
tum est ex Deo, vincit mundum. Et hæc  
est victoria quæ vincit mundum, fides  
nostra. Quis est qui vincit mundum, nisi  
qui credit quoniam Iesus est filius Dei?

**O**mnis qui credit quoniam Iesus est Christus, &c.  
Vult probare superius dictum, quòd omnes  
tenemur diligere fratres, hoc pacto: Iesum est  
se Christum nō est aliud quàm Iesum esse vnctum  
à Spiritu sancto summa vnctione, ut sit ipse primo  
genitus, in quo plenitudo gratiarum concluditur:  
& de cuius plenitudine omnes accipimus. Et qui  
credit hoc, natus est ex Deo. Et cum hic natus sit  
ex Deo, obligatur diligere patrē suum ex quo est:  
nec illum solum, sed quoscūque viderit ex eodem  
patre natos, & ad vitam beatam vocatos.

In hoc cognoscimus quoniam diligimus natos Dei, &c.  
Vide, quæso, quomodo circularis videtur hæc pro-  
batio. Idem frequenter ait, quòd in hoc cognosci-  
mur diligere Deum, si diligamus natos ex Deo, id  
est, fratres nostros. Hic autem videtur oppositum  
dicere: Nempe nos in hoc cognoscere quòd dili-  
gimus natos Dei, si Deum diligamus. Verum aduer-  
te, quòd non hoc solum dicit: Si Deum diligamus,  
sed & præterea mox subiunxit, si mandata eius cu-  
stodimus, in quibus reposita est ipsa fratrum di-  
lectio.

Hæc est enim charitas Dei, siue lex charitatis, ut man-  
data eius custodiamus: Sed ne quis diceret ea esse im-  
possibilia (sicut nunc dicunt blasphemi hæretici)  
Dilectus occurrit, nedum non esse impossibilia,  
vel duriora declarans, sed admodum facilia, aman-  
ti scilicet & volenti. Et mandata eius, inquit, graua  
non sunt. Ne quis autem Pelagianus temerè audeat  
confidens in viribus propriis: ideo ad dexteram &

sinistram se vertens Apostolus noster, exprimit  
rationem unde habemus hanc potentiam seruā-  
di mandata, & ait:

*Quoniam omne quod natū est ex Deo, vincit mundum,*  
quo fit ut valeamus seruare mandata. Et hæc est vi-  
ctoria, id est, inde victoria nostra venit contra mun-  
dum, fides nostra. Et de viuā fide intelligere oportet.  
Verè dixit sanctus doctor Augustinus de hac  
fidei præstantia: Nulla, inquit, maiores diuitiæ,  
nulli thesauri, nulli honores, nulla huius mūdi ma-  
ior est substantia, quàm est fides catholica, quæ pec-  
catores homines saluat, cæcos illuminat, infirmos  
curat, catechumenos baptizat, fideles iustificat,  
pœnitentes reparat, iustos augmētat, Martyres co-  
ronat. Virgines, & viduas, & coniugatas casto pu-  
dore conseruat, clericos ordinat, sacerdotes con-  
secrat, in æterna hæreditate cum sanctis Angelis  
collocat. Si itaque fides victoriam contra mun-  
dum adipiscitur, bellum intercessisse oportet, si-  
ne quo victoria nulla esse potest. Fides igitur no-  
stra vincit mundum, sed exercitata. Nam torpes-  
cens citò languescit, & otiosa crebris tentatur in-  
commodis. Remissas excubias (teste B. Ambro-  
sio) callidus insidiator irrupit. Assuetum autem  
bello virum externa fraus instruit, & ad glorio-  
sam prouehit palmam victoriæ. Pax ergo fidei, cor-  
ruptelæ est materia. Quis enim verè miles si non  
militet, cum vita hominis sit quædam militia su-  
per terram? Nec in pugna spiritali expectanda est  
perfecta omnino victoria, cum sit cum hostibus  
spiritalibus & nunquam morientibus confligen-  
dum. Hæc in Lutheranos appositissimè dirigi pos-  
sunt, qui pacem cum carne & sanguine, & mundo  
inierunt per fidem armis spoliata. At eiusmodi  
fides non est ea quæ vincit mundum: sed fides ve-  
rorum Christianorum, quibus crucifixus est mun-  
dus, & illi mundo. Quis est qui vincit mundum, nisi  
qui credit quòd Iesus est filius Dei? Quicunque enim  
istud credit, omnia quæ eius ore dicta sunt vel man-  
data, credit, & facit per in hærentem charitatem &  
(ut diximus) militantem.

Laus Viua  
fidei ex B.  
Augusti-  
no de Verb.  
Dom.

B. Ambro-  
si in ps. Bea-  
ti im.

Hic est qui venit per aquam & sangui-  
nem Iesus Christus. Non in aqua solum,  
sed in aqua & sanguine. Et Spiritus est  
qui testificatur, quoniam Christus est ve-  
ritas. Quoniam tres sunt qui testimoniū  
dant in cælo: Pater, Verbum, & Spiritus  
sanctus: & hi tres vnum sunt. Et tres sunt  
qui testimonium dant in terra: Spiritus,  
aqua, & sanguis: & hi tres vnum sunt. Si  
testimonium hominum accipimus, testi-  
monium Dei maius est: quoniam testifi-  
catus est de Filio suo. Qui credit in filiū  
Dei, habet testimonium Dei in se. Qui  
non credit Filio, mendacem facit eum:  
quia non credit in testimonium, quod  
testificatus est Deus de Filio suo. Et hoc  
est testimonium, quoniam vitam æter-  
nam dedit nobis Deus: & hæc vita in Fi-  
lio eius est. Qui habet Filium Dei, ha-



bet vitam. Qui non habet Filium Dei, vitam non habet.

*Hic est qui venit per aquam & sanguinem, &c.* De Christo dicitur quod venit per aquam & sanguinem. Venire autem per aquam, est fluctibus maris exponi, id est, tribulationes mundi huius experiri, & per illas tutum incedere. Hoc professus est in primo baptismo, quando baptizatus est aqua. Et hoc reddidit in secundo baptismo, quando crucifixus est, & sanguinem suum fudit, & vitam posuit pro ouibus suis: de quo baptismo ipse dixit: Baptismo habeo baptizari, & quomodo coartor donec perficiatur? Et illud fuit venisse per sanguinem, *Non in aqua solum, sed in aqua & sanguine*, ut perficeret obedientiam sibi à Patre impositam, & tum demum posset alios sanctificare per sanguinem suum: quo etiam modo sanctificata est aqua. Venisse quidem præcurzor sanctissimus Ioannes Baptista se testatur ad baptizandum, sed in aqua tantum.

Sed quomodo non etiam ille in sanguine, cum pro testimonio veritatis sanguinem intrepidè fuderit? Respondetur: Sanguis B. Ioannis Baptiste non emundat nos à peccatis, nec sanctificat aquas sed ipse potius à Christi sanguine sanctificatus fuit. Aqua per se nihil est ad sanctificationem: & sanguis per se itidem nihil est. Sic & caro (ut docuit) ipsemet Dominus nihil prodest: sed virtus illa Spiritus, qui tributus est sanguini ad salutem nostram, valet & prodest vobis. Itaque hoc in loco Christum venisse per aquam & sanguinem, nihil est aliud, quam illum venisse ad emundationem nostram per merita passionis suæ, & mortis crudelissimæ. Inde enim aqua baptismi fluxit ad tollendas anterioris testamènti culpas. Et sanguis insuper exiuit ad emundandum assidue, quæ in nouo testamènto assidue admittuntur delicta, ut iam superius explicatum est. Siquis ista non credit, audiat id quod sequitur:

*Et Spiritus est qui testificatur, quoniam Christus est veritas.* In Græcis legitur: *Quoniam Spiritus est veritas*, ut sit sensus, Spiritus testificatur de his, quoniam ipse est veritas, ad quam pertinet testificari absque fallacia. At germanior est Latina nostra lectio, quæ hanc porrigit intelligentiam, quod Spiritus testificatur Christum esse veritatem. Sed hoc quomodo, quando, ubi? In primis autem, Quid est (rogo) Christum esse veritatem? Ipsemet dixit: Ego sum via, veritas, & vita. Quod enim sit via, per quam intrare & incedere oportet ad salutem, clarum est. Quod item ipse sit vita, id est, finis noster ultimus, etiam clarum est. At quod sit veritas, non ita clarè patère videtur. Sed quoniam veritas, non potest considerari nisi cogitetur & res, & intellectus, & aliqua prolatio (nam in re aliqua prolata versari veritatem, aut falsitatem intelligimus) de illa dicimus quod est vera vel falsa: & ipsum dictum siue prolatum dicimus esse veritatem, aut falsitatem. Modo Christus ut est Deus, cum sit dictum, & prolatum, & Verbum Patris expressum, meritò dicitur veritas: quoniam verè totà Patris substantiam adæquatè exprimit ac perfectè. Verum quoniam de homine Christo agimus, qui missus est à Patre tanquam sermo Patris ut ipsum audiamus: etiam ipse Christus homo dicitur veritas. Est enim sermo Pa-

tris, paternam nobis misericordiam & clementiam exprimens in semetipso, quam vidit in Patre, & audiuit à Patre, & nuntiavit nobis. Quapropter & ipse agens in terris dicebat ad Patrem: Sermo tuus veritas est.

Porro unde hoc scimus? A Spiritu qui testificatur. Sed quomodo? quando? ubi? Respondeo: Præter id quod habemus de Spiritu Apostolis dato, est assiduum in ecclesia testimonium, & in cordibus piorum, quod sit per aquam & sanguinem Iesu Christi. Scimus nos ex euangelio, Christo mortuo, de latere eius perforato aquam exiuisse & sanguinem miraculose ac abundantissime. Quid est hoc, nisi Spiritus testimonium nobis dicentis: Ecce illa aqua munda, per quam veteres eluuntur sordes? Et rursus: Ecce sanguis verus & viuus, per quem assidue delicta emundantur. Vide ut coniunctim habes tria hæc, Spiritum, aquam, & sanguinem. Non enim ab aqua vel à sanguine segregatur Spiritus. Hoc ipsum experitur in semetipso homo iustus & pius, qui per aquam baptismi sentit se mundatum: & per sanguinem Iesu Christi etiam à quotidianis sordibus ablutum & tersum, hoc illi testificante Spiritu in corde.

*Quoniam tres sunt qui testimonium dant in cælo.*

Non eo sensu intelligas, quasi sint tres qui testificantur in cælo: quia in cælo non est opus testibus, ubi clarè omnia videtur. Sed quod tres sunt in cælo qui testimonium dant (nimirum de Christo) Pater, & Filius, & Spiritus sanctus: Testatus est enim Pater pluries de cælo, dicens: Hic est Filius meus dilectus, in quo mihi benè complacui: Ipsum audite. Et iterum quando venit vox de cælo: Et clarificavi, inquit, & iterum clarificabo. Testatus est & Spiritus sanctus veniens in specie columbæ in baptismo. Testatus est & ipsemet sibi, dicens amico Sponsi Ioanni: Sine modo: Sic enim decet nos implere omnem iustitiam. Unde & dixit: Testimonium meum verum est: quia non sum solus, sed ego, & qui misit me Pater. Qui misit me Pater, ipse testimonium perhibet de me. Et hoc dicebat propter opera, quæ dedit illi Pater ut perficeret. Hoc Patris testimonium & Spiritus sancti nunquā defuit in ecclesia, nec est unquā defuturum, quandiu regnabit hoc sæculum. Certum ergo redditur quomodo ij tres Pater, & Verbum, & Spiritus sanctus testantur de Christo adhuc multis modis.

*Et hi tres unum sunt.* Ut validissimum esse horum testimonium declararet, hoc addidit Dilectus. Et si enim testimonium esse plurium oporteat ut sit validum. Illud insuper omnino requirit, ut sint concordēs in idem. Qui autem possunt magis cogitari concordēs, quàm ij qui unum sunt, & consequenter unam prorsus & eandem faciunt attestationem?

*Et tres sunt qui testimoniū dant in terra,* id est, Tres sunt in terra qui testimonium dant: Spiritus primò, quem Filius misit in terra. Ille, inquit, testimoniū perhibebit de me. Et hic est qui cum Spiritu nostro nobis contestatur Iesum esse filium Dei, & nos per illum adoptatos esse à Patre summo. Nam clamat ipse Spiritus, Abba Pater. Aqua item, cuius admirabilem efficaciam sentimus, quoniam in aquæ sacramento delentur antiqua omnia peccata: Et sanguis, hoc est, Martyrum immola-

Dd ij



*Fides Christi sanguine defenditur.*

tiones. Ipsi enim sanguine fuso testificati sunt veritati nostræ fidei. Vnde B. Hieronymus acutè dixit: Si fides nostra vera non esset, nunquam sanguine defenderetur. Sanguine enim fundata est: & sanguine creuit. Porro quod ait: *Et ij tres vnū sunt*, continet difficultatem. In quibusdam codicibus Græcis legitur: *Et ij tres in vnum sunt*, quæ quidem lectio minime quadrat. Illud mirandum, quod cum Aqua, Sanguis, & Spiritus, græcè sint neutri generis, relatiuo tamen masculino concipiuntur. Dicitur hîc: *Et ij tres*, cum iuxta latinâ obseruationem deberet dici: *Et hæc tria*, quod certè non potuit dici, nisi sub iis vòcibus ipsæ personæ intelligerentur, quæ verè vnū sunt. Pater in aqua, Filius in sanguine, Spiritus in sui efficacia, quæ eadem voce significatur. Vnde & superius dictum est quod de Spiritu suo dedit nobis, & hic Spiritus testificatur de illo.

*Si testimonium hominum accipimus, testimonium Dei maius est.* Iustissima est in locordiam hominum reprehensio, qui sanctius fermè omnes obseruât hominū testimonia, quàm Dei: cum tamen Deus ipse ineteriri non possit. Contrà autè, omnis homo mendax, & eatenus veritatis amator & custos, quatenus de Deo ipsius veritatis origine participat. Declarat autem quòdnam fuerit Patris de Filio testimonium, & ait: *Quoniam hoc est testimonium Dei, quod maius est: quoniam testificatus est de Filio suo.* Ià paulò antè explicauimus, quomodo sit testificatus Pater: *Qui credit in Filium Dei, habet testimonium Dei in se: nimirum Spiritū, quem misit Pater in nomine Filij.* Vt & hoc in loco intelligas Spiritum esse Deum: quia hoc testimonium Dei quod renatus habet in se, à Spiritu Dei proficiscitur. *Qui non credit Filio.* Loquitur de incredulitate vitiosa & culpabili, quæ est à praua voluntate, quando quis vel à scripturis persuasus, vel à miraculis, vel ab argumentis, assensum tamen ita obfirmat, vt credere veritati idoneè probatè nolit: quò redditur verum quod sequitur: *Mendacem facit eum, quia non credit in testimonium quod testificatus est Deus de Filio suo.* Nemo autem potest non credere testanti, nisi eum mendacè faciat. *Qui autè Deum mendacè facit, cogitet quanti sit reus criminis.* Verè hoc crimen prorsus aternā meretur damnationem. *Et hoc est testimonium: Quoniam vitam aternam dedit nobis Deus, &c.* Sūma totius testimonij in hoc est, quod dedit nobis vitam aternā, quæ in Filio suo est. i. cōsistit in illo, & per illum quæsitā est nobis. Vnde rectè concluditur, quod qui habet Filiū Dei, vitam habet. Et è conuersò, vera vita caret, qui illū non habet. Habet autè qui in illum credit, & fructus Deo gratos producit. Nam qui non cessant crebrò ingeminare Christū, & in via per quā ambulauit, ambulare negligunt, tales ad patriam felicitatis aternæ post labores promissā, nunquā petuenient. Fidei tanquam fundamento iacto, superaddenda sunt opera veluti lapides viuī, vt surgat perfecta domus spiritalis: aliās exprobratio manet illa: Homo hic cepit edificare, & non potuit consummare. Exēplum dedi vobis (ait ille qui non seducit) vt quemadmodum feci, ita & vos faciatis: feci, ait, non credidi: & faciatis, non vt tantum credaris. Et hæc notent illufores, qui solius fidei vehiculo putant se in cælum rapiendos.

Hæc scribo vobis, vt sciatis quoniā vitam habetis aternam, qui creditis in nomine Filij Dei. Et hæc est fiducia, quā habemus ad Deū: *Quia quodcunque petierimus secundum voluntatem eius, audit nos.* Et scimus quia audit nos quicquid petierimus: scimus quod habemus petitiones quas postulauimus ab eo. Qui scit fratrem suum peccare peccatum non ad mortem, petat: & dabitur ei vita, peccanti non ad mortem. Est peccatum ad mortem: non pro illo dico vt roget quis. Omnis iniquitas peccatū est: & est peccatum ad mortem. Scimus quia omnis qui natus est ex Deo, non peccat: sed generatio Dei cōseruat eum, & Malignus non tangit eum. Scimus quoniā ex Deo sumus, & mundus totus in maligno positus est: & scimus, quoniā Filius Dei venit: & dedit nobis sensum vt cognoscamus verū Deum, & simus in vero Filio eius: Hic est verus Deus, & vita aterna. Filioli custodite vos à simulachris. Amen.

*Hæc scribo (siue scripsi) vobis, vt sciatis quod habetis vitam aternam qui creditis, &c.* Ecce doctrina longè ab iis diuersa, qui certitudinē gratiæ impossibilem prædicant. Apostolus enim & euangelista Ioannes optat vt qui credunt Filio, sciant, id est, persuasum habeant à notitia fidei (sicut hîc rursum Caietanus exponit) se vitam aternam habere. *Et hæc est fiducia quam habemus ad Deum, &c.* Vide quid vltèrius ex hac notitia consequatur, nimirum fiducia ad Patrem. *Quia quodcunque petierimus secundum voluntatem eius, audit nos.* Hæc est doctrina vera de petitionibus iusti hominis, qui in omnibus quæ petit secundū Patris ipsius voluntatem, exauditur. Quod si hanc notitiam non habeat se de numero filiorum esse, quomodo & qualè poterit habere fiduciam? *Et scimus* (emendatius Græcè) *Et si scimus, quod audit nos quicquid petierimus*, etiam consequenter, *scimus quod habemus petitiones quas postulauimus ab eo*, modo sint secundum voluntatem eius, vt prædixit: siquidem hæc semper subintelligenda est conditio. Neque verò quicquā aduersum nos facit, sed pro nobis. Melius est enim pro nobis interdū non exaudiri, quàm aliter: quibus ea ratione melius Pater providentissimus consulit, & circumspicit omnia. Nos autè sæpenumero appetimus quæ noxia sunt, licet salutaria videantur. Nec ipsemet Christus exauditus est, calicem deprecatus à se transferēdum. Nec Apostolo carnis stimulus ter rogati sublatu est: nec propterea quicquā illis de fiduciā suā gratiæ deperit. Medicus sapiens nouit quid salutiferū, quidue cōtrarium potest esse ægroto, quem curat, ad sanitatem, non autem ad infirmam voluntatem. *Qui scit fratrem suum peccare peccatum non ad mortem.* Locus hic difficilis est, præsertim propter quosdam, qui quod non est absurdum, habent pro absurdo, ob vetustam quandam & vulgarem



persuasionem, nullum scilicet dari eousque immane seu diabolicum scelus, quod ex se non sit expiabile. Hic manifestè notatur quoddam certum & insigne peccatum ad mortem appellatum, ut sciamus cætera peccata esse non ad mortem. Et intelligendum est de morte secunda.

Peccatum  
ad mortem  
quid.

Quærendum est igitur primum quòdnam sit istud peccatum ad mortem. Non enim possumus dicere illud esse peccatū ad mortem, quod Theologi passim vocant mortale, id est, dignum morte. Omnis namque inobediētia, siue præuaticatio, aut transgressio diuini cuiuscunq; mandati, est peccatū mortale: qualia sunt furtum, adulterium, homicidium, & alia eiusmodi crimina: & tamen pro his oratur, qui talibus tenentur. Quiddam ergo amplius significat hoc peccatum, quod dicitur peccatum ad mortem. Non potest autem aliud significare, nisi quod Dominus ipse vocauit in Spiritum sanctum, & blasphemiam Spiritus, quæ tum demū adest, cum semota passione scienter homo salutarem veritatem sibi oblatam respuit: quod est spūere in pretiosissima Spiritus dona, & à se tantū hospitem ad vitam sese offerentem, ac materna pietate rogantem expellere & contemnere. Hoc tam insigne peccatum nihil certè habet in se prorsus quod valeat prouocare diuinam misericordiam, quam ita contemnit & repudiat vltro oblatam. Eiusmodi ergo peccatū est, de quo dicit Dilectus illud esse ad mortem, non monens pro eo qui tali peccato tenetur, esse rogandum. Pro aliis verò qui talibus non tenentur vult fieri petitiones, quas & prodesse omnino asseuerat, dum pollicetur vitam peccanti non ad mortem restituendam, hoc est, gratiam per peccatum amissam. Et licet peccatum dicatur ad mortem, nō ideo alligatur diuina manus, quin possit etiam iis qui huiusmodi sunt, vitam restituere. Sed quod est regulare & ex natura rei, his sententiis declaratur.

*Omnis iniquitas peccatum est.* Loquitur de actu iniquitatis, ut quoquo mō violetur equitas & iustitia, peccatum constituatur. *Et est peccatum ad mortem,* Græcè legitur, *Non ad mortem,* Si eo sensu intelligatur, ut omnis iniquitas sit peccatum, & sit peccatū ad mortem, cum superioribus dictis videtur pugnare, nisi aliter atque aliter accipiat id quod dicitur, *ad mortem*, sitque duplex mortale. Alterum, de quo suprà, quod nō habet in se sanitatis recuperandæ potentiam. Alterum verò quod sit medicabile quidem, tamen absque medela adhibita perducatur ad mortem. Secundum hanc significationem possumus intelligere omnem iniquitatem, siue iniustitiam esse peccatum ad mortem. Si verò græca lectio sustineatur, sensus erit: Omnis iniquitas est peccatum, non tamen peccatum ad mortem: quoniam sola quædam iniquitatis species est peccatū

ad mortem. Ex his autem clarè educitur (sicut ex aliis multis scripturis) stultissimam esse Stoicorum hæresin, qui volebant omnia peccata esse æqualia.

*Scimus quòd qui natus est ex Deo non peccat, &c.* Id est, in eo statu est per gratiam constitutus, ut non solum non amet peccatum, quin potius odio prosequatur, & congaudeat veritati. *Sed generatio Dei conseruat eum, & Malignus non tangit eum.* Hoc tum demum est verum, si talis bene utatur datis donis. *Scimus quòd ex Deo sumus:* per generationem ex Spiritu in sacramento. Sed vnde hæc scientia? Caietanus respondet, quòd in Apostolis erat scientia experimentalis: in reliquis verò electis certa fides, contra impugnantes certitudinem gratiæ. *Et mundus totus in maligno positus est,* id est, mundi & carnales homines quiescunt in malignitate, in qua nascuntur. Spiritus enim hominis aduersatur Spiritui Dei. Animaduerrant hæc veritatem, qui naturæ vires extollunt. *Et scimus quòd Filius Dei venit:* Contra Iudæos, qui nondum illum venisse contendunt, *Et dedit nobis sensum ut cognoscamus verum Deum.* In græcis non legitur, *Deum*, sed solummodo, *verum:* sed oportet subintelligere, *ut simus in vero Filio eius,* nempe per Spiritus nexum. *Hic est verus Deus, & vita æterna.* Hic locus funditus prosternit Arianos: quanquam Erasmus impiè ac proteruè inter cæteros, conatus sit etiam hūc locum tam apertum suis malignis ac subdolis interpretationibus obscurare: si modo lux ipsa ferre valeat obscuritatē. Quibus (rogo) verbis clarioribus poterat pro diuinitate Christi dici? manifestè enim de Filio Dei dicitur: *Hic est verus Deus.*

*Filioli, custodite vos à simulachris, Amen.* Impottuni quidam noui hæretici criminantur ecclesiæ catholicæ religionem, qui nos temeraria sententia iudicant idolatras, dum ad imagines Christi, & Virginis, & Sanctorum adoramus, quasi contra Dilecti Apostoli præceptum committamus, qui mandat iis ad quos scribit, ut caueant à cultu simulachrorū. Et non intelligunt, aut veriùs intelligere nolunt maligni (nā solutio ipsa est in promptu) quod B. Ioannes non prohibebat cultum ad sacras Christi, & Martyrum imagines, sed simulachra falsorū Deorum damnabat, & cultum illorum, qui tunc apud gentes vbique vigeat. Hunc esse verum sensum loci huius non ignorant versuti hæretici, qui sic nobiscum vnanimis interpretentur: sed ut conturbent ecclesiam, & videantur esse aliquid, hæc serunt zizanias in agro Domini, freti idiotarū & vulgi crassitie & ignorantia. Parcat illis Deus si possibile est,

& non sit eius generis peccatum illorum, de quo paulo antè audiuius Dilectum non mandare ut pro eo roget quis.

\*



# IN SECVNDAM EPISTOLAM CANO- NICAM B. IOANNIS APOSTOLI

P R A E F A T I O.

**Q**UIDAM hanc, & sequentem epistolam, non esse B. Ioannis Apostoli & Euangelistae, sed cuiusdam Ioannis Theologi & presbyteri, finxerunt: quorum sententia iamdudum à cunctis verè catholicis meritò explosa est. Nam & ipse stylus, & ipsius epistolae doctrina, & Spiritus ipse ecclesiae, quæ sub B. Ioannis Apostoli nomine eam recepit ac probat in conciliis, & pontificiis decretis: denique vnanimis omnium Sanctorum consensus, vanum esse istorum commetum abundè ostendunt. Si enim vno aut altero fallaci argumento permoti scripturas reuocare velimus in dubium, quam, rogo, certam nunc habebimus? Satis, citra ullam aliam disquisitionem esse debet ecclesiae, quæ columna est & firmamentum veritatis, determinatio: ne perpetuò ad omnem nouæ doctrinæ ventum more peritorum & instabilium hominum agitemur. Nam quid continet hæc epistola non dignum Dilecti Spiritu? Hæc ob temporum nostrorum malitiam breuiter dicta sint.

Argumentum ipsius Epistola est congratulatio de suscepta fide, atque adhortatio simul ad mandatum charitatis. Præcipit usuper ut sibi diligentissime à pseudoapostolis & hæreticis seductoribus omnino caueant, ut nec eos dignentur ulla salutatione, ne socij corruptorum hominum efficiantur.

## COMMENTARIA IN EANDEM EPI- STOLAM B. IOANNIS.



**S**ENIOR, Electæ Dominae & natis eius, quos ego diligo in veritate: & non ego solus, sed omnes qui cognouerunt veritatem, propter veritatem quæ permanet in vobis, & vobiscum erit in æternum: Sit vobiscum gratia, misericordia, pax à Deo Patre, & à Christo Iesu filio Patris in veritate, & charitate.



**P**RÆSENS epistola salutationē, quam in priore prætermisit, continet: quia fortè non tanquam epistolam habuit, sed vt ipsius euangelij enarrationem ac testimoniū. Hanc dignatus est ad quandam mulierem dirigere, & natos eius, vt honoretur etiam ille sexus Apostolica dignatione. Illum enim Dominus plurimum honorauit, qui tanta benignitate Samaritanam docuit. Vocat autem se hic seniore, non Apostolum: quoniam familiariter & quasi priuatim, non vt Apostolus, sed vt presbyter, & quasi spiritualis pater instruere illam vnā cum filiis eius volebat. Pari modo B. Paulus ad Philemonem scribēs, nullam ei Apostolatus auctoritatem insinuauit. Non vocat autem se Ioannem ex nomine, quia in tota Asia Presbyteri nomine per quandā excellentiam intelligebatur, & tunc insuper ætate iam admodū prouectus erat. Dicebatur etiam Theologus simpliciter, propter explicatum Verbi æterni mysterium. Hanc rationem non animaduertentes aliqui, putarunt hunc B. Ioannem Apostolum alium fuisse ab eo qui cognominabatur Theologus. Sed quis dignus cognominari Theologus, & eo nomine significari, nisi ipse Dilectus, vt tonitruum si-

lius qui intonuit: In principio erat Verbum? Incipit ergo, & ait: *Senior, Electæ Dominae, & natis eius.* Com mendat verò se hoc nomine Presbyteri. Scriptura enī pluribus locis præcipit audiri & observari verba seniorum, vt pote sapiētium. Vnde Iob: In antiquis sapientia, & in multo tempore prudentia. Et Ecclesiasticus: Ne despicias narrationē presbyterorum sapientium, & in prouerbiis eorum cōuersare. Ab ipsis enim discēs sapientiam, & doctrinam intellectus, & seruire magnatis sine querela. Mulier autē ad quā scribit, hoc nomine, *Electa*, vocabatur, quā ex traditione oriundam è Babylonia accipimus. Vocat autem Dominā, quæ fortè aliquam iurisdictionem habebat. Scribit simul hanc epistolam natis ipsius Electæ, quibus eximium sui erga eos amoris profert testimonium: *Quos (inquit) diligo in veritate*, id est, verè & ex corde diligo, non fictè. Aut, *in veritate*, id est, in Christo, qui est summa & amabilis veritas. Et hæc est vera dilectio, præ qua omnis dilectio falsa est, vt pote instabilis & carnalis.

*Et non ego solus, sed omnes qui cognouerunt veritatem*, nimirum euāgelicam. Fieri enim non potest vt diligentes Christum, non se inuicem in Christo diligant. Quandoquidē vnus Spiritus maximo eos & arctissimo nexu coniūgit. Vnde magno cū gaudio concinūt: Ecce quā bonū & quā iucundū, habitare fratres in vnū. Et illud propriū est charitatis, cōgaudere veritati. Hoc ipse Dilectus explicat, subdens: *Propter veritatē quæ permanet in vobis.* Singulare quoddā donum est accepisse veritatem, sed maius adhuc in illa confirmari, & cum illa in tentationibus hominem immotum persistere. Signum est enim feminis iacti, & in terra bona coalescentis, mōxq; reddituri fructum manentem in æternum.

Porro notandum est, in græca lectione aliter haberi. Legitur enim: *Propter veritatem quæ manet in nobis, & erit nobiscum in æternū*: quæ lectio minimè displicet, quia re vera de solis prædestinatis & iam

Iob 21.

Eccle. 8.

Ioan. 4.



manifestis, quales erant Apostoli, illud dici poterat, mansuram veritatem in æternum, quemadmodum eis prædixerat Dominus: Et ego rogabo Patrem, ait, & alium Paracletum dabit vobis, ut maneat vobiscum, in æternum, spiritum veritatis quem mundus non potest accipere. Et iterum: Cum autem venerit Paracletus, quem ego mittam vobis à Patre, Spiritum veritatis, qui à Patre procedit, &c. Addit & salutationem, aiens: *Sit vobiscum*, id est, maneat, nec unquam recedat à vobis, *gratia*, quam gratis accepistis à Deo, & qua estis illi grati. *Misericordia*: hæc semper gratiam comitatur. Miseretur enim Deus omnium quos diligit, & habet ut filios, quos conspiciat in hac omnium miseria- rum valle multiplicibus ac magnis miseriis & angustiiis vndique circumvallari ac premi: idque, nisi succurrat, multis ac miserandis modis. Sed quia à gratia & misericordia oritur pax in cordibus nostris, qua quiescimus, nec iam aliud querimus nisi tantum cœlestia ac sempiterna vera bona, ideo & annectitur:

*Pax à Deo Patre*. Si Deus pater, quis iam dubita- bit de gratia & misericordia? Non est certe optimi & clementissimi Patris sinere in æternum fluctua- tionem iusto. *Et à Christo Iesu filio Patris in veritate & charitate*. Potest hic locus in hunc modum ordi- nari: Gratia, misericordia, & pax, sit vobiscum in veritate: & sit vera pax, non quam mundus dat per falsa bona, sed quam Dominus dat per vera dona, & per illud præcipuum quod est charitas: in qua qui manet, in Deo manet: Et factus est in pace lo- cus eius. Possunt & hæc verba, *in veritate & chari- tate*, referri ad Filium, ut intelligat omnis fidelis Ie- sum esse filium Patris in veritate: quia persona il- la naturalis est Filius. Nec solum in veritate, ve- rum etiam in charitate, ut vocetur Filius dilectio- nis: quia in illo sibi bene complacuit, & illum uni- cè dilexit, propter quem & in nos alios extendit amorem.

Gauius sum valde, quod inveni de fi- liis tuis ambulantes in veritate, sicut man- datum accepimus à Patre. Et nunc rogo te Domina, non tanquam mādatum no- vum scribens tibi, sed quod habuimus ab initio, ut diligamus alterutrum. Et hæc est charitas, ut ambulemus secundum mandata eius. Hoc est enim mandatum, ut quemadmodum audistis ab initio, in eo ambuletis: quoniam multi seducto- res exierunt in mundum, qui non confi- tentur Iesum Christum venisse in car- nem. Hic est seductor & Antichristus. Vi- dere vosmetipsos, ne perdatis quæ ope- rati estis: sed ut mercedem plenam acci- piatis. Omnis qui recedit, & non perma- net in doctrina Christi, Deum nō habet. Qui permanet in doctrina, hic Patrem & Filium habet. Siquis venit ad vos, & hanc doctrinā non affert: nolite recipere eum in domum, nec, Ave, ei dixeritis. Qui e-

nim dicit illi, Ave, communicat operibus eius malignis. Ecce prædixi vobis: ut in die Domini non confundamini. Plurā habens vobis scribere, nolui per chartam & atramentum. Spero enim me futurum apud vos, & os ad os loqui: ut gaudium vestrum plenum sit. Salutant te filij foro- ris tuæ Electæ.

*Gauius sum valde, &c.* Verè magna lætitia est vi- ris euangelicis, cum discipuli & auditores proficiunt in euangelio. Præsertim verò in illis ecclesiæ cunabulis istud contingebat, quum implebatur re te prædicationis euangelicæ. Non in ea quidem re sola, sed potissimum implebatur gaudium, dum qui crediderant, stabiles in fide permanebant, & ad veritatem euangelij ambulabant: cuiusmodi e- rang ij, de quibus hic Dilectus mentionem hono- rificam facit. *Et nunc te rogo Domina, non tanquā man- datum, &c.* Ecce ut in hoc charitatis mandato præ- cipuè sollicitum se ostendit Dilectus, non tanquam nouo: sed quod ab initio acceptum fuit à Domi- no, & prædicatum ab omnibus Apostolis. Dicit autem ita fuisse mandatum à Patre: quia & Chris- tus quod à Patre acceperat pronunciauit, non à semeripso. vnde & ipse aiebat: Verba quæ ego lo- quor vobis, à meipso non loquor, &c. *Et hæc est charitas, &c.* id est, In hoc consistit & manifestatur charitas, si ambulauerimus secundum eius manda- ta, quæ non sunt aliud quàm dilectio erga Deum & proximum.

*Hoc est enim mandatum*, nimirum ipsius charita- tis, datum quidem non perinde ac vetus lex ad co- gnoscendum peccatum, sed ut faciamus illud: quod nolunt hæretici. Ideo ait Dilectus: *ut quemadmo- dum audistis ab initio, in eo ambuletis*. Lux enim Iesus Christus noster est in eo mandato: vnde qui in il- lo ambulat, non offendit. Ipse enim hanc viam suo exemplo illustravit, & suis vestigiis signavit, ut nul- lus penitus in ea sit error.

*Quoniam multi seductores, &c.* Rationē ponit suæ cohortationis: quia iam multi seductores, exierunt, se manifestantes, in mundum, ad homines mundi, carni deditos (quanquam Græcè legitur, introierunt in mundū, & parum refert) qui negabant Christum venisse in carnem, & fuisse verum hominem. Qui- dam volunt Dilectum hic loqui de secundo aduen- tu, propter dictionem Græcam ἐξ ἑαυτοῦ, quæ vide- tur solummodo futurum significare: sed fallūtur. Significat enim in scripturis sæpenumero illum quem scripturæ proferebant venturum: qui si ve- nit, rectè dicitur venisse. Sic dixit B. Ioannes: Tu es qui venturus es, an alium expectamus? Certum est autem quosdam tunc extitisse, qui negabant Chri- stum venisse in carne, ut patet ex superiore episto- la. *Hic est seductor, & Antichristus*. Mirum quomo- do à numero multitudinis transeat ad singularem, ut de multis dicat: *Hic est seductor*. Nisi dixeris non vacare mysterio, tanquam, si non sint multi qui ita seducant, sed vnus per ora multorū. Hic autem est diabolus, verus, & primus, & maximus Antichri- stus, omnis superbæ ac mendaciæ parens & origo, *Videte vosmetipsos, &c.* Hoc loco iugulantur

Ioan. 14.

Luc. 7.



*Pro mercede operum in hæreticos.*

prorsus hæretici, qui mercedem bonorū operum negant. Hic. n. euidentissimè hortatur ad perseuerantiā bonorū operum, ne alioquī perdant quæ iā operati erāt: & sic plenam mercedē amittant, quæ proculdubio est vita æterna. Sciendum tamen Græcè legi, *Ne perdamus quæ operati sumus, sed ut mercedem plenam accipiamus.* Idem sensus, leniore tamen modo explicatus: vel potius, quia cum quid perdit vnum membrum, id etiam membrum videtur perdidisse. Vnde addit:

*Omnis qui recedit, & non permanet in doctrina Christi, operando videlicet secundum mandata eius, Deum non habet: quia charitatis donum amisit. Qui permanet in doctrina Christi, hic Patrem & Filium habet. Quare non dixit, hic Deum habet, nisi ut declararet sub qua ratione habeat Deum, nempe sub ratione Patris: Inde enim speratur hæreditas, quæ est Filius eius, vita æterna, qui natus est nobis, & datus est nobis, ut simus cohæredes cum illo, & per illū: & in illo videamus Patrem.*

*Isa. 2.*

*Si quis venit ad vos, & hanc doctrinam non affert, &c.* Hic manifestè de falsis doctoribus sermo est, quibus nulla prorsus in re communicandum est. Et ratio clara est: quoniam iam extra Christum sunt, & Antichristi effecti. Ideo nedum sunt recipiendi domi, sed nec salutandi. Alioqui rei efficiuntur qui salutant eos, & prauorum operum socij. Qui enim probat doctorem falsum, probat & opera quæ à falsa illa doctrina procedunt. Exempli gratia: Lutherus Antichristi minister insignis ita docet: Monachi qui vouerunt, possunt contrahere nuptias: & propterea ipse pruritui libidinis iadudum titillatis

succumbēs, monacham in sacrilegam vxorem duxit. Qui ergo eiusmodi doctrinam etsi non probent quidem, sed nisi insuper execrentur, probant & factum Lutheri: & ideo cōmunicant, id est, partem habent in hoc opere nefario & sacrilego. Nā & ipsi idem essent parati facere, si per aliud liceret, aut liberet. At verè omnia opera istorum hæresiarum maligna sunt: quorum (ut ait B. Paulus) inquinata est & mens, & cōscientia, ut sint ad omne opus bonum reprobi. Et hoc cōtra quosdam, qui volunt ab huiusmodi profligatis hominibus posse prouenire opera bona, saltem moraliter. Sed & hi (audeo dicere) non intelligunt quæ loquuntur, neque de quibus affirmant. Meriuntur enim bonitatem operum non à radice vnde proficiūtur, quæ mala est, nec à fine qui similiter malus est. Alioqui & Dæmones aliquid boni facerent moraliter. Verum commodius hac de re alibi, ne à nostro instituto recederemus, vberius disseruimus.

*Tit. 1.*

Quæ supersunt huius epistolæ, clara videntur. Illud exemplo Apostoli est à nobis pariter obseruandum, ne omnia committamus literis propter alienos, ad quorum manus possent literæ peruenire: qua in parte sæpenumero ab improvidis peccatur. Nec illud prætereundum, quod hæc Domina habebat sororem eiusdem nominis, Electam: ut propterea vanum appareat quod quidam commentum sunt, videlicet B. Ioannem scripsisse ad ecclesiam sub hoc nomine, Electa, & ad filios ipsius ecclesiæ.

\*

## COMMENTARIA IN EPISTOLAM TIAM CANONICAM B. IOANNIS APOSTOLI ET EVANGELISTAE.



**SENIOR** Caio charissimo, quem ego diligo in veritate. Charissime, de omnibus orationem facio prosperè te ingredi & valere, sicut prospere agit anima tua. Gaudis sum valde venientibus fratribus, & testimonium perhibentibus veritati tuæ, sicut tu in veritate ambulas. Maiorem horum non habeo gratiam, quā ut audiam filios meos in veritate ambulare. Charissime, fideliter facis quicquid operaris in fratres: & hoc in peregrinos, qui testimonium reddiderunt charitati tuæ in conspectu ecclesiæ: quos bene facis deducens dignè Deo: pro nomine enim ei⁹ profecti sunt, nihil accipientes à gentibus. Nos ergo debemus suscipere huiusmodi, ut cooperatores simus veritatis. Scripsissem forsitan ecclesiæ: sed is qui amat primatum

gerere in eis, Diotrophes, nō recipit nos. Propter hoc si venero, commonebo eius opera quæ facit, verbis malignis garriens in nos. Et quasi non ei ista sufficiant: neque ipse suscipit fratres, & eos qui suscipiunt, prohibet, & de ecclesia eiicit. Charissime, noli imitari malum, sed quod bonum est. Qui benefacit, ex Deo est. Qui malefacit, nō videt Deum. Demetrio testimonium redditur ab omnibus, & ab ipsa veritate. Sed & nos testimonium perhibemus, & nosti quoniam testimonium nostrum verum est. Multa habui tibi scribere sed nolui per atramentū & calamū scribere tibi. Spero autē protinus te videre, & os ad os loquemur. Pax tibi. Salutant te amici. Saluta tu amicos nominatim.



**SENIOR**, Caio charissimo, &c. Quisnā fuerit iste Caius, ille ne Corinthius de quo B. Paulus ad Romanos ultimo, & ad Cor. 10. an quidam alter, non satis est certū. Fuisse autem vi-



rum sanctum, utpote dignum ad quem tantus Apostolus nominatim scriberet, & de quo tam bonum testimonium proferret, nemini debet esse dubium. Epistola tota familiaris admodum, quæ & sensum continet satis clarum. Phrasis ipsa Dilecti propria, quæ tamen non omni prorsus obscuritate carere videtur. Ait ergo:

*De omnibus orationem facio, &c.* Ego potius in hunc modum transtulisse, *Ante omnia* (aut) *præ omnibus*, Græcè enim legitur, *πρὸ πάντων*, orationem facio, siue opto, *ἐυχόμενος*, prospere te ingredi, potius, prospere te agere, & *ἐνδύεσθαι*, nepe corpore, *ὡς ἵνα* prospere agit anima tua: Hactenus verba hæc ad salutationem charitatis plenam pertinent.

*Gaudis sum valde quod inveni de filiis tuis ambulantes in veritate.* Hoc in loco agnoscere licet unam ex conditionibus charitatis in Dilecto mandatam executioni, nimirum: Charitas veritati congaudet. *Maiorem horum non habeo gratiam.* In quibusdā Græcis legitur, gaudium, non gratiam, ob magnam vocum affinitatem *χαίρω*, & *χάρω*. At quantum ad sensum spectat, qui per se clarus est, parū interest. Præcipue ob eā causam gaudebat, quod eius filij, quos per euangelium genuerat, ambulabant in veritate, non fictè.

*Charissime, fideliter facis quicquid operaris in fratres.* Fideliter tum demum facere homo aliquid dicitur, cum ea quæ promittit, seruat. Promittit autem omnis Christianus se benefacturum fratri. Qui igitur hoc facit, fideliter facit. Rursum, qui aliquid facit credens, & in eius promissione confidens & fide, qui illud facienti promissit mercedem, etiā fideliter dicitur facere. Certa verò est fidelitas, quando is qui promissit, non fallit. Talis verè est Deus benedictus, qui ea ratione dicitur fidelis Deus: quoniā quodcumque promittit, nullo prorsus errore perfoluit.

*Et hoc in peregrinos.* Laudat benefactum fratribus, & potissimum peregrinis. Per peregrinos intelligit prædicatores euangelij, qui nullam certam habebant sedem, nec domicilium stabile, sed hæc illac discurrabant, ut sererent verbum. Tales coguntur dura multa perpeti, & illi primi maxime qui religionem omnia gentium idola reprobantem introducere satagebant per veram in Christum fidem & euangelium eius. Vnde & B. Paulus hos labores aliquot in locis commemorans, aiebat quibusdam: Vsq̃ue in hanc horam & esurimus, & sitimus & nudi sumus, & colaphis cedimur, & instabiles sumus, &c.

*Qui testimonium reddiderunt charitati tuæ in conspectu ecclesiæ.* Quale autem testimonium reddiderint illi Caio, aut eius charitati, non declaratur apertius: utrum scilicet hoc testimonium (ut quidam volunt) fuerit, quia testificati sint de charitate ipsius Caii: an verò (& istud verius arbitror) quoniā illi in conspectu ecclesiæ prædicantes, testificati fuerāt se esse veros verbi ministros, & dignos quos amplexaretur Caii charitas. Vnde & addidit: *Quos bene facies deducens digne Deo*, id est, bene & optime illud pium charitatis opus collocabis, si cum omni honore tales prosequutus fueris, & quasi Christi legatos comes antecedens, quod illi pergunt, deduxeris, & quæ itineri conficiendo sunt necessa-

ria suppeditaueris: hoc enim meretur Deus, cuius ipsi legatione funguntur. Propterea circumspectè additum est illud, *digne Deo*: Et rationem protectionis eorum explicauit:

*Pro nomine enim eius perfecti sunt, nihil accipientes à gentibus:* quasi apertius dicere voluerit: Duo sunt quæ omnino hanc abs te charitatem requirunt. Primum est, quoniam rem Dei agunt & procurant, cuius nomini & gloriæ student sic peregrinantes. Alterum, est illorum manifesta indigètia. Nam à Gentibus subuerentur vel quod alioqui sibi iure ipso debitum est, accipere: ne videantur cauponari, & auaritiæ cupiditate laborare. in verbo euangelij. Verisimile ergo est hunc hominem Caium fuisse locupletem, & egregium dispensatorem erga Christianos inopes.

*Nos ergo debemus suscipere huiusmodi, ut simus cooperatores veritatis.* Notent ad tuam consolationem & laudem, & ut ardentius adhuc accendantur ad sanctum opus, qui ministrant ministrantibus Dei verbum, quomodo & ipsi sunt cooperatores tanti ministerij, ex quo recipient eius operis quod adiuuabunt, mercedem à Deo vberimam.

*Scripsissem forsitan ecclesiæ.* Alij legunt, Scripsi ecclesiæ: sed Latina lectio non displicet, cuius sensus est: Forsitan propter hos peregrinos scripsissem ecclesiæ, ad quam pergunt. *Sed is qui amat primatum gerere in eis, Diotrophes, non recipit nos,* ac propterea turbaret. Propter hoc, si venero, commonebo eius opera quæ facit, melius, indicabo. Opera enim non commouentur, sed vel mala ostenduntur, vel bona. Erat autem in Apostolis autoritas tanta ac potestas, ut non raro sibi resistentes diuina plecterent animaduersione: sicut patet in exemplis Ananiæ & Sapphiræ: & in mago illo Elymas Iudeo pseudopropheta: & ite in Corinthio incestuoso, & Hymeneo & Alexandro, quos B. Paulus tradidit Satanæ, ut incuterent aliis reuerendum quendam timorem in iaciendis ecclesiæ fundamentis necessarium: ne vel tam facile defererent fidem: & ut hostes fidei ab exercenda tanta rabie detererentur. *Verbis malignis garruens in nos, &c.* Vocat eius malevolentiam garritum, ut res inualidam & carentem omni ratione significaret. Tales sunt plerique qui detrahunt euangelicam veritatem, nihil præter verborum strepitum afferentes. Hic autem Diotrophes nec recipiebat Apostolos, & alios viros euangelicos: sed & insuper recipi prohibebat. Itaque ne huiusmodi iniquum hominem imitetur, admonet Caium Dilectus, & rationem proferre.

*Qui benefacit, ex Deo est: Qui malefacit, non videt Deum.* Vbi expectabatur ut per antithesin diceret, Qui malefacit, non est ex Deo: huius loco audis, Qui malefacit, non videt Deum. Solet plerunque eo modo loqui Theologus hoster, ut intelligas vno dicto plura contineri. Qui enim ex Deo est, Deum videt. Et nemo videt Deum, nisi qui ex Deo est. Qui ergo male facit, cum is ex Deo non sit, Deum minime videt. Hæc est B. Ioannis theologia, quam mundus non nouit, & tamen est verissima. Qui enim malefacit, caret dilectione per quam dicimur esse ex Deo, cōsortes diuinæ ipsius naturæ. Et quia dilectio non est sine lumine, quo Deus & Pater cognoscitur: quicūque sine dilectione est, ac propter-

Act. 5. 9.  
13.  
1. Cor. 6.  
1. Tim. 1.



Ioan. 14.

rea sine lumine quod secum fert, in tenebris est. Quamobrem non potest videre Deum, eo scilicet modo quo vident eius dilectores: secundum quem ipse dixit: Et vos cognoscetis eum, quia in vobis manebit, & in vobis erit. Est enim cognitio hæc affectiva, quæ non est omnium. *Demetrio testimonium redditur ab omnibus.* Eximium quoddam est ab omnibus habere testimonium: istud præstat rara & præ clara virtus, quæ superat omnem invidiam. Quavis autem hoc testimonium ab omnibus redditum dicatur, non puto tamen esse intelligendum penitus iuxta rigorem verborum, sed iuxta communem & usitatam loquendi consuetudinem, nimirum à plurimis, & illis quidem probis viris, & consequenter ab ipsa veritate. Tales debent esse qui eliguntur in Prælatos ad purgandum, illuminandum, & perficiendum alios: ut ipsi sint prius puri & illuminati, ac bonæ famæ, quorum existimatio præbeat sanctum odorem, pondus, & autoritatē

verbo. Quod si ita se res habet, ut verè habet, quid, obsecro, flagellorum non est expectandum à Deo (erga sponsam suam zelote fortissimo) cum ij promouentur qui nedum non habent tale testimonium ab omnibus, sed contra, malum, ne dicam pessimum, & sunt veluti parietes inalbati? O bone Deus quantum suffers. Succurre iam ecclesiæ: quia venit tempus miserendi eius.

Addit ipse Dilectus etiam suum pro Demetrio illo testimonium, dicens: *Sed & nos testimonium perhibemus: & nos quod testimonium nostrum verum est.* Hæc verba sunt Dilecto discipulo familiaria: sic enim alibi ait: Hic est discipulus ille qui testimonium perhibet de his, & scimus quia verum est testimonium eius.

Ioan. ult.

Cætera clara  
sunt.

BENEDICTVS DEVS.

PRÆFATIO IN EPISTOLAM CANONICAM  
BEATI IUDÆ APOSTOLI.



PRÆSENTEM B. Iudæ epistolam minoris esse autoritatis, quam sint cæteræ scripturæ canonice Caietanus contra ecclesiæ spiritum docuit, cum & decreta Pontificum, & concilia, & Sancti omnes doctores, tam veteres, quam posteriores, in sanctarum scripturarum canone semper eam comprehenderint. Sed quod non parum sum admiratus, motus est Caietanus verbis B. Hieronymi, quæ subdemus: Iudas (inquit) frater Iacobi parvam quidem, quæ de septem canonicis est, epistolam reliquit. Et quia de libro Enoch, qui apocryphus est, in ea assumit testimonium, à plerisque reiicitur. Tamen auctoritatem vetustate iam & usu meruit, & inter sanctas scripturas computatur. Hæc B. Hieronymus. Ex quibus certè non aliud ego elici posse existimo, quam quod hæc epistola sit B. Iudæ Apostoli, sit canonica, & ipsius usus vetustate mereatur inter sanctas computari scripturas, & consequenter irrefragabilem diuinæ scripturæ auctoritatem. Quod autem plerique olim, teste B. Hieronymo, illam reiicerent, hoc nihil ei auctoritatis detrachere, sed potius addere debuit, cum spiritus ecclesiæ præualuerit. Nam quos rogo, putamus fuisse detractores illos: nisi quales temporibus nostris surrexerunt, qui videri esse aliquid moliuntur, & eminere: quod cum obtinere non valeant, si quiescunt: assument spiritum contradictionis. Præterea, oporteret rationes eorum, quibus ad contradicendum mouebantur, considerare: ut cum agnitæ fuerint, futilis omnino, nulliusque ponderis habeatur eorum contradictio, nisi ad confirmandam fortius oppositam eis veritatem, quæ per disceptionem illustrior semper elucet, & firmior redditur. Qua de re suis locis dicetur.

## ARGVMENTVM.

HANC Epistolam B. Iudas scripsit ad Iudæos vocationis, ac dilectionis Dei participes, ne à pseudoprophetis ac seductoribus abducerentur à fide: quos suis lineis & vivis coloribus egregie depingit. Proponit exemplar præteritorum temporum ad deterrendum. Et postremò admonet eos qui fidem receperunt, quo pacto debeant se gerere seque in finem conservare. Pertinet etiam ad futura tempora, quando ij qui invenientur charissimi propter fratres, fidem tandem aliquando recipient. Quapropter ultimum tenet omnium epistolarum locum.



# COMMENTARIA IN EANDEM

EPISTOLAM B. IVD AE  
APOSTOLI.



**VDA S** Iesu Christi  
seruus, frater autē Ia-  
cobi, iis qui sunt in Deo  
Patre dilectis, & Chri-  
sto Iesu conseruatis, &  
vocatis: Misericordia  
vobis, & pax, & chari-  
tas adimpleatur.



**BEATVS** Iudas nō se Apostolum  
vocat, deferens B. Petro, qui potis-  
simū fuit circumcisionis Aposto-  
lus. Vocat autem se seruū Iesu Chri-  
sti quod erat christianā professio-  
nis: & fratrem Iacobi, quasi innuens, vt quemad-  
modum ille Iacobus ad Iudæos secundum proui-  
dentiam Dei ab initio scripsit, veluti ad eos quibus  
primò annunciandum erat euangelium Christi, si  
qui forte inuenirentur supplantatores suæ animo  
sitatis, nolentes statuere suam iustitiam quæ ex le-  
ge est, sed eam quæ est ex fide: Ita B. Iudas nouissi-  
me scribit ad illos qui seruati sunt in prouidentia  
Dei Patris, vt sint cælestis vocationis participes:  
quod præcipue erit in nouissimis temporibus. Ait  
ergo:

*Iis qui sunt in Deo Patre dilectis, & christo Iesu conser-  
uatis, & vocatis, id est, his quos Dei prouidentia non  
reiecit, sed seruauit quos vocaret, vt veniāt ad Chri-  
stum Iesum, Misericordia, &c. Iam huiusmodi salu-  
tatio à nobis sæpenumero exposita est.*

Charissimi omnem sollicitudinem fa-  
ciens scribendi vobis de communi ve-  
stra salute, necesse habui scribere vobis,  
deprecans supercertari semel traditæ san-  
ctis fidei. Subintroierunt enim quidā ho-  
mines (qui olim præscripti sunt in hoc iu-  
diciū) impij, Domini nostri gratiā trās-  
ferentes in luxuriam: & solum domina-  
torem & dominum nostrum Iesum Chri-  
stum negantes. Commonere autem vos  
volo, scientes semel omnia, quòd Iesus  
populum de terra Ægypti saluans, secun-  
do eos qui non crediderunt, perdidit.  
Angelos verò qui non seruauerūt suum  
principatum, sed dereliquerunt suum  
domicilium, in iudiciū magni diei, vin-  
culis æternis sub caligine referuauit. Si-  
cut Sodoma & Gomorrha, & finitimæ ci-  
uitates simili modo exfornicatæ, & ab-  
euntes post carnē alterā, facti sunt exem-  
plum, ignis æterni pœnam sustinentes. Si-  
militer & hi carnem quidem maculant:  
dominationem autem spernunt, maie-  
statem autem blasphemant. Cū Michael  
Archangelus cum Diabolo disputans al-

tericaretur de Moyſi corpore, non est au-  
sus iudiciū inferre blasphemix, sed di-  
xit: Imperet tibi Deus. Hi autem quæ-  
cunque quidem ignorant, blasphemant.  
Quæcūque autem naturaliter, tanquam  
muta animalia, norunt: in his corrup-  
puntur.

*Charissimi, omnem sollicitudinem, &c. Primum nar-  
rat quamobrem hanc scribendi prouinciam sum-  
pserit: fuit enim sollicitudo cōmunis salutis. Quo-  
circa precatur eos vt supercertent, id est, vt certa-  
men defensionis suscipiant secundum fidem San-  
ctis semel traditam, ipsis nimirum Apostolis. Di-  
cit autem semel traditam: quia fides Christi nō est  
in eo, Est, &c, Non: sed in eo, Est, immutabilis & æ-  
terna. Est alia expositio, vt supercertēt sanctis, hoc  
est, pro sanctis certamen assumant.*

*Subintroierunt enim quidam, &c. Hæc ratio est cur  
scripsit epistolam. Quòd verò addit: Qui olim præ-  
scripti sunt in hoc iudiciū: nihil aliud est quàm de-  
clarare, quomodo Dominus Deus ob aliqua eorū  
præcedentia atque insignia scelera, tradidit eos  
in hanc reprobam mentem: & insuper ordinauit  
eorum impietatem ad aliorum probationem ac sa-  
lutem, & ipsorum perditionem.*

*Domini Dei nostri gratiam transferentes in luxuriam,  
&c. id est, Eligentes loco gratiæ Dei, quæ hone-  
stum præcipit, luxuriari per carnem. Et solum domi-  
natorem, &c. id est, Et negantes Iesum Christum,  
qui solus est verus dominator & dominus noster  
in perpetuum.*

*Commonere autem vos volo, &c. Mansuetis verbis  
vitur, aiens velle se commonere illos: scientes semel  
omnia, Græcè emendatius, scientes semel hoc, nimirū,  
quòd Iesus, &c. Græcè melius, quòd Dominus. Non e-  
nim hîc de Iesu Naue loquitur: quoniam per Mo-  
sen de terra Ægypti ereptus est populus ille. Sen-  
sus est ergo, vt meminerint veteris figuræ, quomo-  
do non omnes qui sunt liberati de terra Ægypti,  
salui perpetuò facti sunt. Etenim plurimos, qui  
saluati erant à plagis Ægypti, perdidit postmodo  
Dominus propter ipsorum incredulitatem in de-  
serto. Itaq; illi esse debent figuræ & exempla his,  
qui liberantur à primis culpis per baptismum, qui  
nondum propterea perfectam salutem accipiunt,  
nisi permaneant in vera fide, & obedientia mādā-  
torum. Hoc est primum exemplum, quod ob ocu-  
los illis ponit, vt cum magno timore studeant am-  
bulare.*

*Angelis verò, &c. Ascendit superius ad aliud ex-  
emplum (& hoc pertinet specialiter ad seditiosos)  
volens ostendere Deum nō esse acceptorem per-  
sonarum, ita vt neque pepercerit summis Angelis,  
propria illorum culpa prouocatus. Qui non seruauit  
suum principatum, siue illam præclaram originem &  
domicilium, quod illis erat proprium in cœlis, cū  
sublimis eorum natura longè terrenas creaturas  
excederet. Referuauit ergo illos, in iudiciū magni  
diei, id est, postremi diei qui erit verè magnus. Nā*



sors illa quæ eo die obuenerit, erit sempiterna. Reseruauit, inquam, *vinculis æternis*, id est, ad æterna vincula: non quidem corporalia, cum ipsi corpus non habeant, sed spiritualia. Si ita se gessit aduersus Angelos, cur idem non faciet etiam in superbos homines? *Sicut Sodoma, &c.* Comparat nunc illos seductores, quod attinet ad illorum carnalia vitia, Sodomitis & Gomorrhæis, qui exfornicantes, & alteram carnem sectantes, id est, infandum vitium contra naturam, propositi sunt ad exemplum sustinentes æterni ignis poenam, quæ significata fuit per ignem illum sulphureum sensibilem, quem de cælo pluit Dominus.

*Similiter & hi carnem quidem maculant.* Audite ô Lutherani, ô hypocritæ, qui primum maculastis carnem vestram, & Spiritum sanctum mundi cordis habitatorem. tantum hospitem à suo templo expulistis, volentes admiscere opera carnis cum operibus Spiritus: & dominationem spernitis, qui estis cõtumaces & rebelles iis quos Dominus vobis præposuit. *Et maiestatem*, seu glorias, vt Græcè legitur, blasphematis, dum dicitis Apostolicam sedem, esse Antichristi sedem: quæ vox blasphemia est in Spiritum. Quod enim est prouidentia & bonitatis Dei, ex mera malitia tribuunt Diabolo mortaliom perditissimi. *Cum Michael Archangelus, &c.* Narrat historiam, quæ non legitur in scripturis. Verisimile autem est penes Hebræos multa fuisse scriptis commendata, quæ perierunt. Quod autem minor ob istam causam sit huic epistolæ habenda fides, quia adducit ea quæ minimè inueniuntur in scripturis, perfidia est, & imprudentia. Non enim oportet scripturam à scriptura probari, sed ab ecclesia. Alioqui & B. Paulus produxit ea quæ nulla scriptura cõmemorat: quale est illud de Ianne & Mâbre: & de his quibus apparuit Dominus post resurrectionem: & de egregia illa Domini sententia: Beatius est dare, quàm accipere, &c. Obmutescant igitur quos non pudet propter hæc tam futilia, scripturis sanctis detrahere. Caterum hoc Michaelis Archangeli exẽplo retundit arrogantiam blasphemantium. Si enim aduersus Diabolum disputans, vltus est verborum modestia ille princeps Angelorum Michael: quanta est humana arrogantia contra Dominatorem erigere cornua, & euomere blasphemias, sicut isti perpetuò faciunt miseri?

*Hi autem quæcunque ignorant, blasphemant.* Et verè: quia enim vim sacramentorum, & Dei sapientiam in ecclesia sua & virtutem ignorant: ideo in hæc insurgunt, & blasphemias suis fœdant, si modo fœdari potest à luto purissima lux. *Quæcunque autem naturaliter, &c.* Ea naturaliter possumus nosse sicut muta animalia, quæ subiecta sunt sensibus, & quæ ad hanc vitam pertinent: sed in his est corruptio. Qui igitur quæ sunt mundi huius curat, carnis concupiscentiis instar bruti animalis obuolutus, in iis ipsis corrumpitur.

Ve illis qui in via Cain abierunt: & errore Balaam, mercede effusi sunt: & in contradictione Core perierunt. Hi sunt in epulis suis maculæ, conuiuantes, sine timore, semetipsos pascetes: nubes sine aqua, quæ à ventis circumferuntur: arbores au-

tumnales, infructuosæ, bis mortuæ, eradicatæ: fluctus feri maris, despumantes suas confusiones: sydera errantia, quibus procella tenebrarum seruata est in æternum. Prophetauit autem & de his septimus ab Adam, Enoch, dicens: Ecce venit Dominus in sanctis millibus suis, facere iudicium cõtra omnes, & arguere omnes impios de omnibus operibus impietatis eorum, quibus impiè egerunt: & de omnibus duris quæ loquuti sunt contra eum peccatores impij. Hi sunt murmuratores, querulosi, secundum desideria sua ambulantes: & os eorum loquitur superba, mirantes personas quæstus causa.

Totius huius sermonis interpretatio in hæreticorum recentiorum moribus luce clarius inspicitur. De his enī primò dicitur: *Va his qui in via Cain abierunt.* Hic primus despexit Agnum Dei: & ideo se vicissim despectum cognouit cum omnibus muneribus suis. *Et errore Balaam mercede effusi sunt.* Effunditur ille, qui non se continet in officio ac virtute, sed aliquo falso bono quasi esca allectus, in illud se præcipitat. Talis extitit Balaam, cuius insipientia asina corripuit. *Et in contradictione Core perierunt.* Huiusmodi viros, quos semel perfidia & mercedis amor superauit vt maledicant Israel vero populo Dei, cogit superbia & elatio vt (quemadmodum Core) contradicant principibus ecclesiæ, & cum Petra ipsa contendant. Sed hos in contradictione sua absorbet terra.

*Hi sunt in epulis suis maculæ, conuiuantes.* Est pictor & sculptor nostra ætate egregius, Michael Angelus nomine, qui admirabilis est in exprimendo nuda hominum corpora, & pudenda. Commèdo artem in factò: at factum ipsum vehemenier vitupero ac detestor. Nam hæc membrorum nuditas indecentissimè in aris, & præcipuis Dei sacellis ubique conspicitur. Verum annumeretur & hic cum ceteris multis & magnis abusibus, quibus fœdatur ecclesia Dei sponsa Christi. Quod autem in meum præsentem usum sumere inde volui, istud est, non ea absoluta perfectione ab egregio isto pictore Michaelæ p̄gi nuda corpora, turpia & oblecta (quæ tamè vel natura ipsa in nobis recta esse voluit) quæ noster Apostolus hæreticorum nuda quæque, & pudenda viuo spiritus penicillo nobis expressit, & in ostentum posuit. Primum, sunt in epulis suis maculæ, conuiuantes: (græca lectio habet, in dilectionibus vestris) & sensus est: Libenter conueniunt isti ad conuiuia, quæ olim hoc nomine, *dilectio*, vocabantur: quo nos vel hodie adhuc vtimur, charitatè materno sermone appellantes, dum hoc pacto solemus inuitare amicos. Placet vnà nobiscum facere charitatè? At in iis dilectionibus, quæ sunt eorum epulæ, ipsi sunt maculæ, qui suos ibi errores dum conuiuunt, affatim euomunt: quibus non pauci sæpenumero maculantur. Omnis enim amicitia gaudet quodam mutuo conuictu. Nihil siquidem æquè proprium amicorum, quàm conuiuere: & ob eam rationem huiusmodi conuictus

Quæ auctoritate debeat probari scriptura.  
2. Tim. 3.  
1. Cor. 15.  
Act. 20.

Michael Angelus pictor & sculptor.



charitas olim vocabatur.

*Sine timore.* Alia conditio istorum, qui non cogitant quid sceleris est perdere simplicium animas, pro quibus Christus Iesus animam suam posuit. Ipsi autem contrà, tali cibo pascuntur. unde ait: *Semetipfos pascentes*, sicut diaboli, serpētes, qui terram, hoc est, homines terrenos comedunt. *Nubes sine aqua.* Ipsi seipso è terra eleuāt, vt essent quasi nubes quæ possent effluere, & dare aquam ad fruges terræ. Sed aqua, id est, sapientia salutarī catent: solum errores possunt reddere. Sunt verò nubes, quæ à ventis circumferuntur: quia instabiles modo hāc, modo illāc ad voluntatem satanæ, qui eos laqueis suis irretitos ducit quocunque lubet ad seducendum, ad blasphemandum, & ad opera carnis nefaria, vt nunquam stabile videas hoc hominum genus, à Deo iusta sententia reprobatur.

*Arbores autumnales,* quæ post estatem volunt germinare, vt in hyemē reddant fructus, quod est impossibile. Tales sunt isti qui noua & flaccescentia dogmata spargunt mox peritura. Itaque sunt vera arbores, *infructuose, bis mortuæ*: primum sibi, dein de aliis. Sunt enim inter Christianos qui licet sibi mortui sint, fructum tamē interdum Deo in aliis, in prædicatione, & collatione sacramentorum, & huiusmodi. At arbores istæ quæ sese à reliquo corpore ecclesiæ præsciderunt, omnem vitam perdidērunt. *Fluctus feri maris*, quia intestino agitantur odio in ecclesiam. Quis nescit quas isti assidue spumant blasphemias, & conuicia, quibus verius confunduntur miseri? O quot famosos vidi horū libellos, & Pasquilli Extrasin, & Babylonicas captiuitates. Quid autem sunt hæc, nisi verē illorum confusiones, quas rabie quadam despumant prætextu cuiusdam zeli apparentis? *Sydera errantia*: quia aliquid lucis præ se ferre videntur. Non possent aliter decipere, nisi aliquod lumen redderent. Nonnulla enim vera interserunt innumeris mendaciis de industria, vt sub melle venenum porrigant: sed nec in his permanent. Testis Lutherus, sicut plerique de ipsius libris egregiè patefecerunt. Tales & alij eius sectatores, Oecolampadius, Zuinglius, Calvinus & cæteri nebulones, qui modo ab oriente ad occidentem, modo ad Aquilonem à meridie vagantur, vt meritò errantia dixeris sydera.

*Quibus procella tenebrarum seruata est in æternum.* Audiant qui possunt, & contremiscant. *Prophetauit autem, &c.* Hinc acceperunt scandalum quidam, inter quos Caietanus, cuius verba hæc sunt: Hic est locus, unde Hieronymus refutari dicit à multis hanc epistolam, nec ab re: quoniam etsi citare apocrypha multò magis liceat quàm Poetas, authoritati tamen sacre scripturæ derogat, vt apocrypha prophætia, vt simpliciter & absolutè prophætia, inducatur: quod hīc fieri clarè apparet, dū absolutè dicitur: *Prophetauit autem, &c.* Hæc ille, parum doctè ac piè. Non enim apocrypham prophetiam citauit B. Iudas, sed Apostolis cognitam ac probatam: quæ etsi in libro forsan legeretur apocrypho, non propterea censenda erat apocrypha, quam Apostolus Christi producit vt veram. Quod si tolerabilius est citare apocrypha, quàm poetæ, cur acrius B. Paulum non reprehendit, qui poetæ Epimenidis carmen in Cretenses detorsit?

Sed ad rem. Non est incredibile, Tertuliano teste, librum Enoch in arca seruatum fuisse, & Apostolis notum fuisse. Ait enim ab Hebræis illum librū è medio sublatum: quoniam testabatur de Christo, & de his pseudoprophætis. Hæc autem prophætia, quid habet (rogo) offendiculi, propter quod integra epistola debeat repudiari?

*Ecce, venit Dominus in sanctis millibus suis, &c.* Totum hoc ita verum est apud Christianos, vt non sit fas dubitationem vllam admittere, *Hi sunt murmuratores querulosi, &c.* Pergit adiungere colores horum pseudoprophetarum, qui semper conqueruntur, & grauari se ab ecclesia prætendunt. Inde illa centum grauamina, quæ cum voluerint deuitare, incurrerunt in mille. Non negamus esse qui impo-  
nant onera graua & importabilia, quæ nec ipsi digito velint mouere: sed illud admoneo & desleo, quod omnes quarunt quæ sua sunt, non quæ Iesu Christi. Si enim quærerent quæ Iesu Christi, non prætextu onerum, hæreseon pestem, & seditionū, & schismatum scandala inducerent, sed curadam huius morbi plagam commendarent prouidentia Dei, qui non derelinquet tandem absque remedio Sponsam suam. Nec enim potest negare seipsum.

*Secundum desideria sua ambulantes.* Horum desiderium est desiderium proprium patris eorum Diaboli. Hoc autem est christianam veritatem vel aperte, vel subdolè impugnare, seducere, mactare, & perdere animas. *Et os eorum loquitur superba*, quia seipso erigunt in cathedram pestilentem, & quasi mundi censores superba effantur. *Et mirantur personas quæstus gratia.* Nullum videas hominū genus eo usque maledicum, & nullum tam blandidicum & gnatonicum, quàm sunt isti miseri, qui apostatarūt à fide. Ipsi enim quæstus gratia admirantur personas, id est, simulatè, quasi admirantes commendat:

Vos autem, charissimi, memores estote verborum, quæ prædicta sunt ab Apostolis domini nostri Iesu Christi, qui dicebant vobis: quoniam in nouissimis temporibus venient illusores, secundum desideria sua ambulantes in impietatibus. Hi sunt qui segregant semetipso, animales, spiritum non habentes. Vos autem, charissimi, superædificantes vosmetipso sanctissimæ nostræ fidei, in Spiritu sancto orātes, vosmetipso in dilectione Dei seruare, expectantes misericordiam Domini nostri Iesu Christi in vitam æternā. Et hos quidem arguite indicatos: illos verò saluate, de igne rapientes. Aliis autem misere mini in timore, odientes & eam, quæ carnalis est, maculatam tunicā. Ei autem qui potens est vos conseruare sine peccato, & constituere ante conspectum gloriæ suæ immaculatos in exultatione in aduētū Domini nostri Iesu Christi: soli Deo Saluatori nostro per Iesum Christum Dominum nostrum gloria &



magnificentia, imperium, & potestas ante omne seculum, & nunc, & in omnia secula seculorum, Amen.

*Vos autem charissimi, &c.* Sensus est clarus. Ne enim turbentur, admonet ut sint memores prophetiz acceptæ ab Apostolis ab initio, qui prædicabatur venturos huiusmodi illusores. Et verè magna est consolatio & semotio scandalorum, cum videmus ea contingere in ecclesia, quæ nobis prædicta fuerunt de hominum horum impietatibus.

*Hi sunt qui segregant semetipsos.* Hæc est propriissima hæreticorum nota, quæ debet omnibus fidem facere certam, tales esse hæreticos: quoniam semet ipsos segregant à consortio ecclesiæ Dei. Erant enim paulò antè nobiscum, ac postmodo ipsimet se cedentes, proprios sibi fecere nidos & conuenticula. *Animales spiritum non habentes:* & ideo non agnoscunt quæ sunt Spiritus Dei.

*Vos autem charissimi, &c.* Nota bone lector, eximium præceptum, & his nostris temporibus opportunissimum. Primum id monet quod ab initio, videlicet ut superædificent semetipsos sanctissime fidei, id est, ut super fundamento Apostolorum & prophetarum permaneant, assidue crescendo in Spiritu per merita bonorum operum: & per orationem in Spiritu sancto, qui est spiritus puri amoris & veritatis, conferuent semetipsos in dilectione Dei. Quod si in omni tempore, profectò nunc magis oportet orare in tot discriminibus & persecutionibus, quibus Dei ecclesia omnifariam vallatur & premitur, & intus & foris: & hoc agendo expectet misericordiam Domini in vitam æternam: non hinc præmia, sed in cælis. O quot sunt viri bonæ quidè voluntatis, prædicantes & hortantes, colentes religionem, & in operibus bonis se exercètes: sed hoc habent quod non carent Nemese. Indignantur enim dum non hinc respici sua opera vident, sed potius despici, & alios alia parte operantes mala affici præmiis: & ferè hoc in loco cespitant & scandalum patiuntur. Domine Iesu libera nos ab hoc spiritu, in quo est proculdubio laqueus & fovea. Hinc enim multi occasionem arripuerunt ut fierent desertores & transfugæ relictis Dei viui castris. Quasi verò qui inseruit Deo in euangelio Filij eius, debeat oculum vlla cupiditate ad honores, vel lucra mundana intendere. Quantò fuerit parior ab ingratis hominibus gratitudo, tantò cumulatior expectanda est à munificentissimo Patrefa.

Domino Deo retributio. Contrà autè, quò maiore præmio quis in via afficitur, eò leuius inueniet Deum sibi obligatum. Sed nos veras radices fidelium ministrorum minimè egimus, ut rarus sit qui non querat quæ sua sunt, non quæ Iesu Christi. Nam etsi iuste debeat ex euangelico ministerio sumptuum necessitas: indigna tamen est spiritu apostolico sollicita, ne dicam importuna exactio.

*Et hos quidem arguite iudicatos, &c.* Secundò admonet ut eos illusores & seditiosos redarguant. Vocat, *iudicatos*, more scripturæ, quia iam iudicati sunt, & ut ait B. Paulus, proprio iudicio condemnati. Tertiò, monet ut alios qui possunt à seductoribus decipi, aut in deceptione sunt, saluos faciant adiuvantes, & eripientes illos de igne. Denique aliorum misereantur qui in hac miseriarum valle sunt, & peccant ut homines, eò quod & ipsi indigent misericordia: & debet ita aliis misereri, ut & de se timeant ne incurrant in eadem vitia, quæ in aliis damnant. Qui enim non miseretur aliis, proculdubio tentabitur, & succumbet, ut discat habere misericordiam. Quòd autem possit quivis, si superbiat, facile tentationi succumbere, ostenditur per hanc maculatam tunicam qua vestiti sumus. Hæc est caro nostra, in qua est peccati macula & vitium. Quapropter debemus aliis misereri in timore, & odio habere hæc tunicam maculatam, ut ipse spiritui repugnantem. Non me latet in græcis nunc aliter legi: sed nostra lectio magis placet, & minus habet obscuritatis: nec interpretes ita vertisset, si non legisset ita haberi in græcis.

*Ei autem qui potens est, &c.* Facilis litera: Solummodo audiant hæretici qui nolunt dari hominem sine peccato, imò neminè esse qui non assidue peccet in omni opere quantumvis bono. Hic Apostolus contrà docet manifestè talem nobis describens dominum Deum & Patrem nostrum, qui possit conservare illos sine peccato, & constituere ante conspectum gloriæ suæ immaculatos in adventu domini nostri Iesu Christi. Beati qui tales fuerint: Nihil enim illis deerit ad omnem

fiduciam. Clementissime Domine Iesu fac nos tales qui potes, ut tibi laudes & gratias agamus sempiternas.

Amen.

\*

BENEDICTVS DEVS.

F I N I S.















C 18466985















colorchecker classic



calibrite